









~~7-10-f-1~~

HISTOIRE D V CONCILE D E TRENT E

Traduite ,
DE L'ITALIEN DE
PIERRE SOAVE POLAN.

Par JEAN DIODATI.

Seconde Edition.



Exactement, & fidelement conferée à l'Original.



A TROYES,

Chez NICOLAS OVDOT, demeurant en
la rue N. Dame, au Chappon d'Or Couronné.

M. DC. LV.





AV LECTEUR.

LE mestier d'escrire Histoires a esté de tout temps iugé l'un des plus hauts & difficiles exercices de l'esprit humain. Et de fait, puis qu'il embrasse ces trois actions, de tesmoin de verité de faits, & accidens publics, viles, ou necessaires à sauoir en tous aages: de iuge de prudence, ou de iustice, des actions des plus grands du monde: & de maistre d'instruction de l'usage, que toutes personnes en doiuent tirer: il n'y a doute, que les parties de l'Escruiain y doiuent correspondre en si haut degré, que ce n'est merueille que les plus beaux esprits en ont apprehendé l'essay. Caren la qualité de tesmoin, il est obligé à vne ample, exacte, & tres-certaine connoissance des choses, desquelles il escrit: & à la bonne foy, à les rapporter, & représenter: dont il ne se peut iustifier d'ignorance sur aucuns pretextes, de la foy d'autrui, des voix communes, des rapports particuliers, & des rapports particuliers, & des creances populaires, ne d'aucun autre moyen de tromperie. Car nul ne l'oblige à escrire. que ce qu'il sçait: ains, s'il ne sçait la chose assurement, il est obligé de n'escrire point. Et cette science estant fort rarement oculaire, il faut de necessité recourir à tout ce qui est capable d'en supplier le defaut, & d'imprimer vne ferme persuasion de verité en l'esprit mesme de l'auteur: comme sont les documens authentiques, les memoires & iournaux de Princes, & autres grands, les instructions, negociations, relations d'Ambassadeurs, les lettres, misisues, rescripts de conseils, & autres semblables pieces: qui seules peuvent iustifier la diligence de l'escruiain: comme la bonne foy doit reluire en vne deduction esloignée de toute passion, interest, ou partialité. En celle de iuge, il faut qu'il soit doué d'un sens haut & fort, pour rapporter les effets à leurs vrayes causes, & de l'un & de l'autre tirer les consequences de prudence vraye: & tousiours accompagné de droiture, à donner son pris à la vraye vertu, sans espargner ny desguiser le vice, lors qu'il est en l'euidence manifeste: ayant tousiours cet esgard, que ses iugemens soient tirez de la verité de la narration, sans contrainte, ny entorce de son sens particulier. Et en cette partie le pas est si glissant, que plusieurs ont denié ce droit à l'Historiographe. Mais les exemples des premiers maistres anciens l'ont trop autorisé: & faut croire, qu'estant si utile & necessaire pour animer vne Histoire, & esclarier le Lecteur, plusieurs l'ont improuuée seulement, pource qu'ils n'y pouuoient attendre: & pour le vice de plusieurs Histoires, desnaturées en plaidoyers, ou inuectiues. En la troisieme qualité d'instructeur, & de maistre, les perfections du sens de la dextérité, du style, & en somme de presque toutes les sciences, y sont requises: comme aussi la discretion à cacher plusieurs choses inutiles, releuer les dignes, & exemplaires, appliquer les imitables, & exalter les singulieres. Cet assortiment d'un vray Historien estant tres-rare, a fait que plusieurs grands esprits se sont



Au Lecteur.

reduire ce travail : & la retenue de ceux-cy a porté la curiosité du monde, & l'ignorance de beaucoup d'hommes vulgaires à s'ingerer dans cette profession, & la profaner par nombre d'Histoires ineptes, superficielles, vaines & fausses. Au grand interest de la posterité, qui pour un temps se trouuera imprimée d'illusions : iusqu'à ce que le temps abolisse, comme il a tousiours fait, pieces de si faux metal. Il y a neantmoins dequoy s'esioüir que de temps en temps de grands hommes ont pris en main cet ouvrage, en diuers suiets, escartans, par leur lumieres ces choüettes, & s'acquerans à eux mesmes un los perpetuel. Nostre Auteur peut estre mis en ce nombre, avec fort peu d'autres de mesme estofe. Car outre sa bonne foy, en matiere fort affectée & partiale, il n'a esparné ny travail, ny diligence, à acquerir une pleine information de tout ce qui estoit caché en diuers lieux, seruant à son dessein : & sa sagacité a esté secondée d'un bon-heur tel, qu'il a veu les choses en leurs sources, & premieres matrices des conseils, & instructions les plus secretes : de sorte que ceux-mesmes, qui n'ont pû gouter le dessein de mettre au iour ces grands mysteres de leur estat, l'exemptent de toute note d'imposture, & ny querellent que le but qu'il a eu ; pour des causes qu'il n'eschet d'estaler en cet endroit. En tout le demeurant ilest si clair-voyant, si riche en remarques, & documens, si ferme & egal en iugemens, que ce liure peut estre nommé, un tresor de science politique, Ecclesiastique, & Theologique : agissant tousiours en tres-homme de bien, tres-docte, & tres-sage. Comme de vray ces trois vertus estoient en luy, en la plus haute perfection qui peut choir en homme viuant. La modestie de s'estre presque toute sa vie tenu caché, & mesme d'auoir denié son vray nom à cet enfant, quoy que tres-legitime, est un effet de sa prudence, plustost que d'aucune desfiance, ny crainte de soy-mesme, ou de son ouurage : ayant preferé l'utilité publique à sa gloire particuliere. Tant estoit coye cette profonde eau, iamais agitée d'aucun vent de passion. Ces choses bien reconnües, mirent, dès la premiere veüe de ce labeur, le pris d'iceluy en telle estime, que tous esprits bien faits l'ont appeté & deuoré, & reueré comme une piece digne des siecles antiques. Toutes nations l'ont traduit en leurs propres langues, le monde s'est trouué esclairey au trouble du ingement diuers qu'il faisoit d'un si grand æuure, comme est ce Concile : & la malvueillance a esté escornée en sa persecution & detraction. La premiere edition Françoisse fut faite à la haste, & avec quelque legere licence, laquelle pourtant ne fut point improuuée par l'auteur, ny par ceux qui auoient charge de luy. Mais, pour contenter les scrupuleux, on l'a deschargée de tout ce qui n'estoit de la veine de l'Auteur, & repurgée de tous les defauts qu'on y a remarqué. De quoy j'ay bien voulu aduertir le Lecteur, afin que plus confidemment il se donne le plaisir d'une lecture tres-curieuse, indiciieuse & vtile. Il y verra une grande machine, composée de pieces, & de mouuemens fort diuers : dont les uns concourent les autres contrebandent à la forme qu'on a voulu bailler à l'estat de l'Eglise. La nation Françoisse à tant cooperé à ce qu'elle a iugé pouuoir estre esperé de bien de ce Concile, & a tant contrepesé à ce qu'elle y a trouué de preiudiciable, que ie m'assure qu'elle y aura matiere de contentement en la gloire de ses ancestres, & par leurs illustres exemples apprendra à se maintenir en la possession de son ancienne liberté, & sain iugement, en plusieurs points, esquels les autres nations ont pris le ioug de la totale seruitude, par l'ignorance volontaire.



HISTOIRE DV CONCILE DE TRENTÉ.

LIVRE PREMIER.

SOMMAIRE.

La premiere occasion de penser à la celebration d'un Concile, suyuant les exemples anciens ; fut, que le Pape Leon X. espuisé d'argent, se prit à publier Indulgences, vendûes honteusement à prix d'argent. Ausquelles Martin Luther, Moine Augustinien, s'opposant, est combattu par quelques fameux de fenseurs de l'autorité Papale, employée pour soutien principal de dites Indulgences. Dont Luther est tiré à oppugner aussi ladite autorité : & pour cete cause est cité à Rome, & puis est remis au Cardinal, Caietan, Legat en Allemagne, lequel l'effarouche en sorte, que le differend s'enflame de plus fort : & en suite le Pape publie une Bulle pour maintenir les Indulgences, & Luther de son costé en appelle au Concile. Un semblable mouuement naist en Suisse, pour mesmes causes. Et de là Luther prend courage : & à l'opposite Leon fulmine contre luy avec une Bulle de condamnation, & d'excommunication : contre laquelle Luther se defend par un nouuel appel au Concile. Cependant il comparoit en une Diete d'Empire à Vvormes, là où, en la presence de l'Empereur Charles V. il maintient sa cause courageusement : & pourtant est mis au ban de l'Empire. Mais il se venforce contre ses aduersaires, entre lesquels le plus illustre est Henry VIII. Roy d'Angleterre. Zuingle suit les mesmes traces à Zurich, dont s'ensuit la reformation de ladite ville. Le Pape Leon, parmy ces difficultez decede, & a pour successeur Adrien sixiesme, lequel, agité de diuerses pensées sur le projet de quelque reformation de l'Eglise, enuoye à cete fin un Nonce en Allemagne, qui n'en rapporte que nouuelle matiere de mescontentement. Cependant Adrien meurt, laissant ces controuerses de Religion fort eschauffées. Clement septieme, son successeur, essaye de les composer, euitant toute proposition de Concile : mais en vain : car l'Empereur le desire : & toute l'Allemagne le requiert National. Clement, & l'Empereur, estans venus en rupture, l'Empereur appelle aussi au Concile : comme font les Colonois, molestés par le Pape,

1500. d'où suit la guerre, & en suite la prise, & le sac de Rome: & la nouvelle reformation s'estend en diuers endroits. Mais la paix ayant esté conclüe entre le Pape, & l'Empereur, on remet sus le propos du Concile, auquel plusieurs Princes, & Villes d'Empire, vnies sous le nom de Protestans, appellent en vne Diete Imperiale à Spire: quoy que diuisés entr'eux au point du Sacrement de la S. Cene. Clement resiste à la proposition du Concile, & induit l'Empereur à la voye de la force, & des armes: ce qui estant venu à notice aux Protestans, ils presentent leur Confession à l'Empereur à Augsbourg, en vne Diete Imperiale; sur quoy s'ensuit vne Conference, puis vn Edit, mais sans fruit. Parmy tant de diuersités d'auis, & difficultés, le Concile est desiré plus que iamais, mesmes par les Rois de France, & d'Angleterre. En Suisse s'esmeut guerre ciuile, esteinte par vne prompte paix. Cependant, d'autant que Clement continuoit à s'opposer à la tenuë du Concile, l'Empereur permet, iusques à icelle, liberté de Religion aux Protestans: ce qui force Clement à consentir au Concile, mais sous des conditions iniques, refusées par les Protestans: dont il s'aliene derechef de l'Empereur, & le Roy d'Angleterre de luy, pour raison du dinorce avec sa femme. Apres la mort de Clement, Paul troiesme fait semblant de desirer le Concile, & à cet effet enuoye des Nonces aux Princes, & Vercger en Allemagne: lequel n'ayant pû auancer chose aucune par ses persuasions enuers Luthers ny enuers les autres principaux Docteurs Protestans, se tourne à solliciter l'Empereur à la voye des armes. Le Pape cependant fait mine de conuoyer le Concile à Mantouë: mais iceluy est suspendu, pour la resistance des Protestans, & le refus du Duc de Mantouë. Dont, en lieu de Concile, le Pape fait proceder à vne espeece de reformation à Rome, laquelle reüssit vaine. Puis il instruit le Concile à Vincence, mais il est contredit par le Roy d'Angleterre: contre lequel il fulmine sentence d'excommunication, qui ne porte aucun coup contre ce Roy, qui secoüe le ioug du Pape, retenant toutes fois la Doctrine de l'Eglise Romaine. On essaye plusieurs moyens d'accordés Dietes Imperiales, pour appaiser les differens de la Religion. Mais en fin tous reconnoissent la necessité d'un Concile: lequel la nation Allemande requiert National, mais le Pape n'en veut point d'autre que General: & offre la ville de Trente, où il enuoye ses Legats, & l'Empereur ses Ambassadeurs. Mais cete Assemblée s'estant rompüe en ses premiers commencemens, le Pape se distrait de l'Empereur, & tout propos de Concile demeure interrompu.

Dessein
de l'Au-
theur.



'Ay entrepris d'escrire l'histoire du Concile de Trente. Car, quoy que plusieurs fameux historiens de nostre siecle en aient en leurs escrits touché quelques particularitez: & que Iean Sleidan, auteur tres-diligent, en ait recité bien exactement les motifs: neantmoins toutes ces choses, rapportées ensemble, ne sont suffisantes pour vne complete narration.

Quant est de moy, dès que i'euy quelque goust des affaires du monde, ie fut espris de grande curiosité d'en sçauoir le tout: & apres auoir diligemment lu ce que i'en trouuay escrit, & les documens publics, imprimés, ou escrits à la main & diuulguez; ie m'adonnay à rechercher es restes des escrits des Prelats, & autres qui entreuinrent au Concile, les memoires par eux laissées, & les aduis, ou opinions dites en public, conserués par les auteurs mesmes, ou par autres: & les missiues escrites de cete ville là: sans espargner ne peine ne diligence: dont i'ay eu credit de voir iusques à des registres entiers de notes,

& de lettres de personnes, qui eurent grand part au manieement de ces affaires. Dont ayant recueilly tant de choses, qu'elles me peueuent fournir suffisante matiere pour le narré de toute la suite, ie me suis resolu de les rediger par ordre.

Ie raconteray les motifs, & les menées d'une assemblée Ecclesiastique, par l'espace de vingt deux ans, pour diuers esgards, & par differentes voyes, pourchassée & sollicitée des vns, trauersée & dilayée des autres : & par autres dix-huit ans ores assemblée, ores séparée, tousiours celebrée à intentions fort diuerses : laquelle aussi a eu en fin & forme, & issue tout à fait contraire au dessein de qui l'auoit procurée, & à la crainte & apprehension de qui l'auoit destourbée. Clair document de remettre les penités en Dieu, & ne se point confier en la prudence humaine.

Car, ce Concile, grandement desiré & procuré des gens de bien, pour reünir l'Eglise qui commençoit à se diuiser, a tellement affermy le Schisme, & roidy les parties, qu'il a rendu les differens irreconciliables : & negocié par les Princes, pour reformer l'ordre Ecclesiastique, a causé la plus grande difformité qui ait iamais esté dès que le nom Chrestien est en estre : & esperé par les Euesques, pour l'acquérir l'autorité Episcopale, qui estoit en grande partie deuoluë au seul Pape de Rome, la leur a fait entierement perdre, les reduisant à plus grande seruitude. Al'opposite, redouté & refui de la Cour de Rome, comme puissant moyen à moderer l'excessiue puissance, laquelle de petits commencemens estoit par diuers degres montée à vne extremité sans borne ne limite, la luy a tellement affermie, & estangonnée sur la partie qui luy est demeurée suierte, qu'elle ne fut iamais ne si grande, ne si bien establie. Parquoy, iceluy peut à bon droit estre appellé, l'iliade de nostre siecle : en la deduction duquel ie suiuray droitement la verité, n'estant possédé, ne preuenu d'aucune passion, qui me puisse faire fouruoyer. Et si quelqu'un remarque qu'en quelques endroits ie suis copieux, en d'autres plus resserré, qu'il se souuienne que tout terroir n'est d'egale fertilité : aussi, que tout grain ne merite d'estre recueilly : & qu'encores de ceux dont le moissonneur fait estat, quelque espy eschapa la main, ou le trenchant de la faucille : telle estant la condition de toute moisson, de la laisser apres soy quelque glane.

Mais, auant toute autre chose, il faut que ie ramentoie, que ç'a esté vne *Vsage des Conciles anciens* tres-ancienne coustume en l'Eglise Chrestienne d'appaiser, par le moyen de la conuocation des Synodes, les differens en matiere de Religion : & de reformer la discipline tombée en abus, & de prauation. Ainsi, du viuant mesmes de plusieurs des saints Apostres, la premiere controuersé qui nasquit, à sçauoir, Si les Gentils conuertis a Christ estoient obligés à l'observation des loix Mosaiques, fut decidée par l'assemblée en Hierusalem de quatre Apostres, & de tous les fideles qui se trouuoient en cette Eglise-là. A l'imitation de laquelle, es occasions qui naissoient de iour à autre en chaque Prouince, par plus de deux cens ans apres, mesmes en l'ardeur des persecutions, s'assemblerent les Euesques, & les principaux des Eglises, pour composer & vuidier les controuerses : n'y ayant autre moyen de reünir les diuisions, & accorder les opinions contraires, que ce seul & vnique.

Mais, apres qu'il plut à Dieu de donner la paix à son Eglise, suscitant Constantin en faueur de la Religion, comme il fut plus aisé que beaucoup plus d'Eglises conféraissent & traitassent ensemble, aussi se rendirent les diuisions plus communes & frequentes. Et en lieu qu'auparauant icelles ne sortoient d'une ville, ou au plus d'une prouince, elles s'espandirent, par la liberté de la communication, par tout l'Empire : dont aussi il fut necessaire de ramasser, pour le remede vñité, les Conciles de lieux plus esloignés, & de plus grande estenduë. Dont ledit Constantin ayant en ces temps-là assemblé vn Concile de tout l'Empire, iceluy fut nommé Saint & Grand Synode : & quelque temps apres fut mesmes appellé Concile general, & Oecumenique : ores que de vray il ne fust point amassé de toute l'Eglise vniuerselle, de laquelle vne

1500.

grande partie s'estendoit hors l'Empire Romain : mais c'estoit, d'autant que l'usage de parler de ce siecle là estoit d'appeller l'Empereur, Seigneur vniuersel de toute la terre habitable, combien que son Empire n'en comprist la dixiesme partie. A l'exemple de celui-là, es occurrences de differents de Religion, semblables Conciles furent conuqués par les successeurs de Constantin. Et quoy que l'Empire fust plusieurs fois diuisé en Oriental & Occidental, si est-ce que, les affaires se manians sous vn nom commun, la conuocation des Synodes de tout l'Empire continua encores.

Mais, apres que l'Orient fut tout à fait diuisé de l'Occident, sans qu'il y demeurast plus aucune communion en la Principauté : & apres que l'Empire Oriental fut en grande partie enuahy & occupé par les Sarrazins, & l'Occidental partagé entre plusieurs Princes, le nom de Concile vniuersel, & Oecumenique, ne fut plus deriué del'vnité del'Empire Romain : mais, entre les Grecs, de l'assemblée des cinq Patriarches : & en nos païs de deçà, del'union, & communion des Royaumes & Estats, qui es choses Ecclesiastiques rendoient obeissance au Pape de Rome. Et la conuocation des Conciles s'est continuée en ceux-cy, non point principalement pour vider les differents de la Religion, comme iadis : ains, ou pour entreprendre la guerre de Terre sainte, ou pour assoupir les schismes & diuisions de l'Eglise Romaine : ou mesmes aussi pour des debats & contentions suruenus entre les Papes, & les Princes Chrestiens.

*Occasion
premiere
de celui
de Trente,*

Au commencement du seiziesme siecle dès la Natiuité de Nostre Seigneur, il n'apparoissoit point de cause vrgente de celebrer Concile, ne qu'il en deût naistre de long-temps. D'autant qu'il sembloit que les plaintes de plusieurs Eglises contre la grandeur de la Cour de Rome fussent tout à fait assoupies & estouffées : & tous les païs des Chrestiens Occidentaux estoient en la communion & obeissance de l'Eglise Romaine. Il y auoit seulement, en vn petit endroit, à sçauoir, en cette contrée de montaignes qui iignent les Alpes aux Pyrenées, quelques restes des anciens Vaudois, ou Albigeois : esquels toutesfoi s'estoit vne si grande simplicité, & ignorance des bonnes lettres, qu'ils n'estoient capables de communiquer leur doctrine à autres personnes. Joint qu'ils estoient en si sinistre conception d'impiété, & infametez enuers leurs voisins, qu'il n'y auoit point de danger que la contagion s'espandist à d'autres.

Il y auoit aussi en quelques anglets de Boheme quelque petit nombre de la mesme Doctrine, qui n'estoient que des restes de ceux-là mesmes : & estoient par les Bohemiens appellés Picards : desquels pour la mesme susdite raison on ne pouuoit redouter aucun accroissement.

Au mesme Royaume de Boheme estoient les sectateurs de Iean Hus, qui s'appelloient Calixtins, ou Subtraquistes : lesquels, horsmis ce chef, qu'au saint Sacrement ils administroient le Calice au peuple, n'estoient gueres differens de la doctrine de l'Eglise Romaine es autres choses. Mais ceux-cy aussi n'estoient considerables, tant pour leur petit nombre, que pource qu'ils defailloient de sçauoir, & erudition : & on ne remarquoit point, ne qu'eux desirassent de communiquer leur doctrine, ne qu'autres fussent curieux de l'entendre.

Il y eut bien quelque danger de Schisme : d'autant que Iules deuxiesme, plus addonné au mestier de la guerre, qu'au ministere Sacerdotal ; & exerçant le Papat avec vne excessiue autorité & empire sur les Princes, & les Cardinaux, contraignit aucuns d'iceux à se separer de luy, & assembler vn Concile. A quoy s'adioustoit, que Louis XII. Roy de France, excommunié par le mesme Pape, s'estoit departy de son obeissance, & s'estoit conioint aux Cardinaux separés : dont il y auoit apparence que ce commencement pourroit passer à quelque terme important.

*du temps
de Leon
X.*

Mais la mort de Iules entreuenue tout à point, Leon fut créé en sa place, lequel par sa dexterité eut en peu de temps reconcilié les Cardinaux, & le Royaume de France. Tellement, qu'avec grande promptitude & fa-

cillité fut esteint vn feu, qui sembloit deuoir embraser l'Eglise.

Leon X. comme estant ne & nourri noblement, apporça plusieurs bonnes parties au Papat : entre lesquelles estoit vn sçauoir excellent es bonnes lettres ; vne humanité, bonté, & merueilleuse douceur à conuerser & traicter, avec vne benignité, & grace plus qu'humaine : ensemble vne tres-grande liberalité, & inclination à fauoriser les gens de lettres, & vertueux : lesquelles qualitez ny au mesme degré, ny pres de là, ne s'estoient de long-temps veues en ce Siege. Et de vray il auroit esté vn Pontife accompli, si avec ces belles qualitez il eust conioint quelque cognoissance des choses de la Religion, & quelque plus grande inclination à la pieté : de l'vne & de l'autre desquelles il ne monstroït point d'auoir grand soucy. Et comme il estoit tres-liberal, & entendu au mestier de donner, ainsi en celuy d'acquiescer il n'estoit point suffisant de soy-mesme, ains se seruoit du moyen de Laurens Pucci, Cardinal de Santi-quattro, lequel en cete partie estoit fort habile.

Doncques Leon, se trouuant en ce paisible estat, ayant entierement esteint le Schisme, sans aduersaire, ou tant ce vaut, (veu que ce peu de Vau-doïs, & Calixtins, n'estoit nullement considerable) prodigue en despenses & dons, tant enuers parens, que courtisans, & hommes lettrés ; apres auoir espuisé les autres sources, dont la Cour de Rome a accoustumé de tirer à soy les richesses des autres pais, pensa de se preualoir de celle des Indulgences.

Cemoyen de tirer argent fut mis en vſage apres l'andee grace mil cent. D'autant que le Pape Vrbain deuxiesme, ayant octroyé Indulgence plene-^{Indul-}re, & pardon de tous pechez ; à qui iroit à la guerre de Terre sainte, ^{pour les}conquerir & deliurer le S. Sepulchre de la main des Mahumetans ; furent ce-^{gences}la imité par plusieurs certaines d'années de ses successeurs : dont aucuns, (selon que tousiours on adiouste nouuelles inuentions) eslargirent la mesme Indulgence à ceux, qui ne pouuans, ou ne voulans aller en propre personne à cete guerre, y entretenoient vn soldat : & depuis, passans plus outre, octroyerent les mesmes Indulgences & pardons, pour faire aussi la guerre à ceux d'entre les Chrestiens mesmes ; lesquels n'estoient obeissans à l'Eglise Romaine. Et le plus souuent, apres que sous ces pretextes, s'estoient faites immenses exactions de deniers, iceux estoient, ou entout, ou pour la plus grande partie, employés & conuertis à d'autres vsages :

Ensuuant ces exemples, Leon, par le conseil du Cardinal Santi-quattro, enuoya & publica vne Indulgence & Pardon des pechez, par tous les pay de Chrestienté, la concedant à quiconque contribueroit argent ; & l'estendant mesmes aux defunts : desquels il vouloit & entendoit qu'aussi tost que l'argent seroit desboursé, les ames fussent deliurées des peines de Purgatoire : y adioustant permission & pouuoir de manger œufs & laictages éiours de ieunes, de choisir Confesseur, & autres telles habilités.

Et quoy qu'en l'exécution de cete entreprise de Leon, il y eust quelque particularité peu pieuse & honneste, comme ie diray cy-apres, qui donna scandale & cause de nouueauté ; il n'est pas toutesfoies que plusieurs concessions semblables, faites par les Papes precedens, n'eussent eu causes moins honnestes, & n'eussent esté exercées avec plus d'auarice, & d'extorsion.

Mais il aduient souuent, que des occasions suffisantes à produire notables effects s'esuanouissent par defect d'hommes, qui s'en sçachent preualoir. Et, ce qui releue le plus, il est necessaire que, pour effectuer quelque chose, soit venu le temps, auquel il plaist à Dieu de corriger les fautes des hommes. Toutes ces choses se rencontrèrent au temps de Leon, dont nous parlons.

Car iceluy ayant en l'année mil cinq cens dix-sept publié l'octroy des Indulgences, il en distribua vne partie du reuenu, auant qu'il fust recueilly, & non pas mesmes bien semé : donnant à diuers la cueillette de diuerses prouin-ces, & reseruant à sa Chambre celle de quelques autres : Specialement il donna la traite des Indulgences du pais de Saxe, & de cete contrée de la Germanie qui depuis là court iusqu'à la mer, à Magdelaine sa sœur, femme de Francesquet Cibò, fils naturel du Pape Innocent VIII. en contemplation

1517.

duquel mariage Leon auoit esté créé Cardinal en l'age de quatorze ans : ce qui fut le commencement des grandeurs Ecclesiastiques en la maison de Medici. Et Leon vſa de cette liberalité, non tant par affection fraternelle, qu'en récompense des frais supportés par la maison de Cibo, au temps qu'il se tint retiré à Genes, ne pouuant demeurer à Rome, pendant qu'Alexandre VI. estoit allié avec les Florentins, ennemis de la maison de Medici, laquelle ils auoient dechassée de Florence. Mais la ſœur, pour retirer plus grand fruit du don du Pontife, donna la commission d'enuoyer prescher les Indulgences, & d'exiger les deniers, à l'Euesque Archambaut, lequel en l'assomption de la dignité & charge Episcopale, n'auoit deueſtu aucune des qualitez de parfait marchand Geneuois. Cetui-cy donna le pouuoir de les publier au plus offrant, sans esgard à la qualité des personnes : ains si sordidement, que nulle personne mediocre ne pût traiter avec luy, mais trouua seulement des Ministres semblables à luy, sans autre but que de tirer argent.

Au pais de Saxe la coustume portoit que, quand les Papes y enuoyoient Indulgences, les moines de l'ordre des Augustins Eremitains estoient employés à les publier. Les questeurs, ministres d'Archambaut, ne se voulurent point adresser à ceux-là, comme estans gens accoustumés à manier semblable marchandise, dont ils pouuoient auoir des moyens d'en tirer secrettement profit pour eux-mêmes : & d'ailleurs, n'en attendoient point de benefice extraordinaire, comme estans trop coustumiers à ce mestier : mais s'adresserent aux moines Iacopins : par lesquels, en publiant les Indulgences, furent auancées plusieurs nouueautés scandaleuses, pretendans rehausser & amplifier la valeur d'icelles au delà de la coustume & vſage commun. A quoy s'adionſta la meschante vie des questeurs, lesquels és tauernes, & autres lieux deshonnestes, despendoient en ieux, & autres choses à taire, ce que le peuple espargnoit de son viure necessaire, pour gagner les Pardons.

*Antiquel-
les Luther
s'oppos.*

De ces choses fut esmeu Martin Luther, moine de l'ordre des Eremitains, & se porta à parler contre ces questeurs : reprenant à l'entrée tant seulement les nouueaux excessifs abus : mais, puis apres, irrité par eux, il commença à estudier cette matiere : voulant voir les fondemens, & premieres racines des Indulgences : & en ayant fait l'examen, & passant des abus modernes aux anciens, & du bastiment aux fondemens, il proposa publiquement quatre-vingts quinze conclusions touchant cette matiere, pour estre disputées à Vvtemberg : mais, quoy qu'elles fussent veuës & luës, nul ne comparut contre luy, & ne furent oppugnées en conference verbale par aucun : bien en publiâ Frere Iean Terzel, Iacopin, des autres contraires, en la ville de Francfort de Brandenbourg.

*C'est cō-
redii.*

Ces deux pieces de Theses, ou conclusions, furent comme vne contestation de cuse : car Luther passa outre à escrire en defense des siennes : & Iean Eckius en reprit de les impugner : & de plus, ces Theses, & les autres escrits sur ce ſuiet, ayans esté portés à Rome, Frere Syluestre Prierias, Iacopin, escriuit contre Luther. Et ce debat d'escrits força l'une & l'autre partie à sortir hors de cette matiere, & à passer à d'autres de plus grande consequence.

Car de fait l'point des Indulgences n'ayant point esté bien examiné és siecles precedens, & n'ayant iamais par le passé cité bien consideré, comment on le pouuoit soutenir & deffendre, ou impugner : la nature, essence, & causes d'iceluy n'estoient point bien cognuës. Aucuns estimoient les Indulgences n'estre autre chose qu'une absolution, ou liberation faite par autorité du Prelat, des penitences, lesquelles és premiers temps du Christianisme, l'Eglise se par raison de discipline, imposoit aux penitens : (laquelle imposition és siecles enſuiuans les Euesques attirerent à eux, puis fut deleguée aux Prestres Penitenciers, & finalement fut remise à l'arbitrage des Confesseurs) mais qu'elles n'exemptoient point de payer & satisfaire à ce qui est deu à la iustice de Dieu. Autres, estimans que cela redondoit plus au preiudice, qu'au benefice du peuple Chrestien, (veu qu'iceluy, deliuré des peines Canoniques, se rendoit negligent à satisfaire par peines volontaires à la iustice de Dieu)

entrèrent en opinion qu'icelles fussent vne deliurance des vnes, & des autres. Et ceux-cy encores estoient ny-partis : car aucuns vouloient qu'elles fussent vne simple liberation de ces peines-là : sans qu'autre chose fust donnée en recompense & eschange d'icelles : les autres, detestans vn tel absolu bon plaisir, disoient que, moyennant la communion en charité des membres de l'Eglise, les penitences de l'un se pouuoient communiquer à l'autre, & par cette compensation le deliurer. Mais, d'autant qu'il sembloit que cela conuinist mieux aux hommes de sainte & austere vie, qu'à l'autorité des Prelats, naquit de là la troisieme opinion, qui les fit en partie absolution, pour laquelle est requise l'autorité ; & en partie compensation. Mais encores, pource que les Prelats menoient vne telle vie, qu'ils ne pouuoient conferer beaucoup de leurs merites à autrui, on fit en l'Eglise vn thesor, plein de merites de tous ceux qui en surabondent pour eux-mesmes : la dispensation duquel est commise au Pape de Rome : lequel donnant les Pardons, recompense la dette du pecheur, par l'assignation de l'equivalente valeur de ce thesor. Et encores icy ne se peurent terminer les difficultez : d'autant qu'on obiectoient que les merites des Saints estans finis, & limités, ce thesor pourroit faillir : & pourtant, pour le rendre perennel, on y adiousta les merites de Christ, qui sont infinis : mais de là s'ourdrit derechef cette difficulté. A quoy faire ces petites gouttes des merites des autres, puis qu'on auoit l'immense Ocean de ceux de Christ ? Ce qui donna occasion à aucuns de constituer ce thesor és seuls merites de Nostre Seigneur.

Ces choses pour lors ainsi incertaines, & qui n'auoient autre fondement que la Bulle de Clement sixiesme, faite pour le Iubilé de l'an mil trois cens cinquante, ne sembloient point suffisantes pour impugner la Doctrine de Luther, soudre ses raisons, & le conuaincre. Partant Tetsel, Eckius, & Prierias, ne se voyans point assez fortés lieux particuliers de cette matiere, se tournerent aux communs, & poserent pour fondement l'autorité Papale, & le consentement des Docteurs Scholastiques : concluans, que, puis que le Pape ne peut faillir és choses de la Foy, & qu'il a approuué la doctrine des Scholastiques, & que luy mesme publie les Indulgences à tous fideles il les faut receuoir & croire, comme article de foy. Cecy donna suiet à Luther de passer des Indulgences à l'autorité du Pape : laquelle preschée par les autres cōme supreme en l'Eglise, estoit par luy submise au Concile general legitiment celebré : lequel il disoit haut & clair estre requis en cete vrgente & instante necessité.

Et comme la dispute s'alloit de plus en plus eschauffant, de tant plus que la puissance Papale estoit par les autres exaltée, plus estoit elle par luy ravalée, quoy qu'il se continst és termes de parler modestement de la personne de Leon, & qu'il suspendist quelques fois son iugement. Et pour cette mesme raison fut mise sur le bureau la matiere de la Remission des pechez, & de la Penitence, & du Purgatoire : desquels lieux ceux de Rome se preualoient en la deffense des Indulgences.

Plus à propos que nul autre escriuit contre Luther vn certain Moine Iacopin, frere Jacques de Hochstraten, Inquisiteur, lequel, laissant toutes ces raisons à quartier, exhortoit le Pape de conuaincre Luther par fer, feu, & flames.

La controuersie s'alloit tousiours aigrissant d'auantage, & Luther, selon les occasions qui luy en estoient données, passoit tousiours à quelque nouvelle proposition. Au moyen dequoy l'an mil cinq cens dix-huict, au mois d'Aoust, le Pape Leon le fit citer à Rome par Hierosme Euesque d'Ascoli, Auditeur de la Chambre : & de mesme main escriuit vn Bref à Frederich, Duc de Saxe, l'exhortant à ne le point proteger. De plus escriuit à Thomas de Vio Cardinal Caetan, son Legat en la Diere d'Augsbourg, qu'il fust toute diligence de le faire saisir prisonnier, & de l'enuoyer à Rome. On moyenna par diuerses voyes enuers le Pape, qu'il fust content de faire examiner la cause d'iceluy en Allemagne : & en fin il consentit que son Legat en prist cognoissance : & luy fut baillée la commission de ce iugement, avec instruction, que, s'il descouuroit en Luther aucune esperance de resipiscence, il le receust à mercy, & ran.

de la Pau-
chorté du
Pape que-
rellée.

Luther
cité à Ro-
me.

puis remis
au Cardi-
nal Caie-
tan.

1518.

luy promist impunité des fautes passées, & mesmes honneurs & recompenses: le tout remis à sa prudence. Mais aussi, s'il le trouuoit incorrigible, qu'il fust tout deuoir enuers l'Empereur Maximilien, & les autres Princes de l'Allemagne, qu'il fust chastié.

Luther, sous le faul conduit de Maximilien, alla trouuer le Legat à Augsbourg: là où le Cardinal, apres vne honneste conference sur la matiere de cete controuersé, descouurit que Luther ne pouuoit estre conuaincu par termes de Theologie Scholastique, en la profession de laquelle le Cardinal estoit tres-excellent: d'autant que Luther se faisoit tousiours fort de l'Escripture sainte, laquelle est par les Scholastiques trespeu employée: dont il se declara de ne vouloir disputer avec luy, mais l'exhorta à se desdire, ou du moins à soumettre ses liures, & sa doctrine, au iugement du Pape: luy representant le danger auquel il se iettoit en persistant: & à l'opposite luy promettant de la part du Pape graces & faueurs. A ces choses Luther ne respondoit rien au contraire: dont le Cardinal crut qu'il n'estoit pas expedient, par trop presser, d'exprimer de luy vne precise negatiue: ains plustost qu'il faloit interposer du temps: afin que les menaces & les promesses peussent faire impression dās l'esprit d'iceluy: partant il le congedia pour lors. Il fit aussi conformemēt faire office enuers luy par frere Jean Staupits; Vicaire general del'Ordre des Eremitains.

qui s'effa-
ronche.

Mais Luther estant retourné vne autre fois vers luy, le Cardinal eut avec luy vn long pourparler sur les points de sa doctrine: plus l'escoutant que disputant: pour acquerir creance en l'ouerture de l'accommodement. Mais, quand il vint à icelle, exhortant Luther à ne laisser eschapper vne occasion tant vile & assuree, iceluy luy respondit avec sa vehemence accoustumée. Qu'on ne pouuoit faire aucune composition au preiudice de la verité: qu'il n'auoit offensé personne, & n'auoit besoin de la grace de qui que ce fust: qu'il ne s'espuouantoit d'aucunes menaces. & que quand on attenteroit contre luy chose aucune induit, il en appelleroit au Concile. Le Cardinal, (auquel estoit venu aux oreilles que Luther estoit assure de quelques Grands, pour tenir vn mors en bouche au Pape) soupconnant qu'il parlait ainsi à la persuation d'autrui, s'indigna, & vint à d'aigres censures, & à outrages: concluant que les Princes ont les mains longues: & le chassa de deuant soy.

Luther, sorty de deuant le Legat, & recors de Iean Hus, sans rien dire, se retira d'Augsbourg: & estant ia loin, & ayant mieux pensé à les affaires, escriuint vne lettre au Cardinal, aduouant d'auoir esté trop aspre, & s'excusant sur l'importunité des Questeurs, & des escriuains ses aduersaires, promettant pour l'aduenir d'vser de plus grande modestie, de satisfaire au Pape, & de ne plus parler des Indulgences: à condition toutesfois, que ses aduersaires fissent le mesme. Mais ny eux, ny luy, ne se pouuoient contenir: ains se proquoient les vns les autres, tellement que la controuersé s'en aigrissoit tousiours de plus fort.

Bulle du
Pape con-
traire Lu-
ther.

A raison dequoy à Rome les Courtisans parloient du Cardinal en fort mauuaise part, attribuant tout le mal à ce qu'il auoit traité Luther avec rigueur & outrages: & luy imputoient à faute, qu'il ne l'eust repu d'esperances de grandes richesses, d'vn Eueché, & mesme d'vn chapeau de Cardinal. Et Leon, apprehendant quelque grande nouueauté en Allemagne, non tant contre les Indulgences, que contre son autorité, fit vne Bulle, sous la date du neufiesme Nouembre, de l'an mil cinq cens dix-huit, par laquelle il autoriza les Indulgences, & en declara la validité: & que luy, comme Successeur de S. Pierre, & Vicaire de Christ, auoit puissance de les odyer pour les vifs & pour les morts: & que telle estoit la doctrine de l'Eglise Romaine, mere & maistresse de tous les Chrestiens, laquelle deuoit estre receuë de quiconque veut estre en la societé de l'Eglise. Il enuoya cete Bulle au Cardinal Caietan, lequel estoit à Lints, en l'Aultriche superieure, la publia, & en fit faire plusieurs copies authentiques, lesquelles il enuoya à tous les Eueques d'Allemagne, & leur enioignit de les faire publier, & de commander à tous tres-estroitement, & sous griesues peines, de n'auoir autre creance.

De

De cete Bulle Luther vid clairement, que de Rome, & du Pape, il ne pou-
uoit esperer autre chose que d'estre condamné : & en lieu que par le passé il
auoit le plus souuent reserué la personne, & le iugement du Pape; apres cete
Bulle il se resolut de le refuser. Et pour cete cause il interietta publicque-
ment vn Appel, auquel, apres auoir d'entrée protesté de ne vouloir s'opposer
à l'autorité du Pape, quand il enseignera la Verité, il adiousta qu'il ne le té-
noit nullement exempt de la commune condition des hommes de pouuoir
faillir, & errer : allegant l'exemple de S. Pierre, qui auoit grieuement esté
repris & censuré par S. Paul. Et d'ailleurs, que c'estoit chose fort aisée au
Pape, ayant tant de richesses, & d'adherens, de fouler & opprimer sans res-
pect d'aucun, tous ceux qui ne luy consentent : auxquels il ne demouroit au-
tre remede, ne refuge, qu'un Concile, par le benéice de l'Appel : attendu
que par toute raison le Concile doit estre preferé au Pape. Cet escrit d'appel
courut par l'Allemagne, & fut leu de plusieurs, & iugé raisonnable. Et ainsi la
Bulle de Leon n'esteignit nullement l'embrasement excité en Allemagne.

Mais à Rome, la Cour ayant pris courage, comme si le feu estoit tout à fait
estouffé par cete Bulle, frere Samson de Milan, Cordelier, fut enuoyé pre-
cher les mesmes Indulgencees aux suisses : lequel, apres les auoir publicques en
diuers lieux, & auoir d'icelles amassé iusques à la somme de six-vingt-mille
escus, finalement arriua à Zurich, où enseignoit Vrich Zuingle, Chanoine
en cete Eglise là. Et sur ce que ledit Zuingle s'opposoit à la doctrine du Moi-
ne questeur, nasquirent entr'eux grosses disputes, qui passerent aussi d'une
matiere à l'autre, de mesmes qu'il estoit auenu en Allemagne. Et de là auint
que Zuingle fut escouré de plusieurs, & acquit crédit & autorité, pour oser
parler, non tant contre les abus des Indulgencees, que contre les Indulgencees
mesmes, & de plus encores, contre l'autorité du Pape, qui les octroyoit.

Luther voyant qu'on prestoit l'oreille à sa doctrine, & qu'elle passoit en d'au-
tres païs, s'enhardit d'examiner & debatre d'autres articles : & en la matiere
de la Confession, & de la Communion, se departit du sentiment des Schola-
stiques, & de l'Eglise Romaine, approuuant la communion du Calice vstrée
entre les Bohemiens, & constituant le principal de la Penitence, non en l'ex-
acte confession du Prestre ; mais plustost au propos arresté d'amender sa vie
pouir auenir. Il passa plus outre, à parler des Vœux, & à taxer les abus de l'or-
dre Monastic. Ses escrits, courans le monde, paruinrent à Louuain, & à Cou-
logne. Là où ayans esté veus, & examinés par les Theologiens de ses Vniuer-
sités, ils furent censurés, & condamnés. Mais ny pour cela ne s'estonna point
Luther, ains prit occasion de pouffer plus auant, & de declarer & fortifier sa
doctrine au pris qu'elle estoit impugnée.

Ainsi se passa l'an mil cinq cens dixneuf, en ces contentions & estrifs plu-
stost que solides & meurs examens, & resolutions. Et les bruits des troubles
d'Allemagne, & de Suisse, multiplians à Rome ; encheris de beaucoup d'am-
plifications, & additions, comme c'est la coustume de la renommée, sur tout
quand elle est messagere de choses lointainés, Leon estoit taxé de negligence
& lascheté, de n'auoir mis la main à remedes plus forts. Les Moines notam-
ment le blamoient, de ce que tout adonné aux pompes, à la chaste, aux de-
lices, & à la Musique, doit il se delectoit singulierement, il laissoit à l'aban-
don les choses tres importantes. Ils disoient qu'es choses de la foy, il ne faut
negliger chose quelconque pour petite qu'elle soit, ne différer un seul mo-
ment les remedes nécessaires, lesquels, trais-aisés avant que le mal ait pris
racine, aussi dès qu'il est inuictéré se rendent inutiles, comme portés hors de
temps & de saison. Que Arrius ne fut qu'une petite flamme sèche, qui eust pû
estre facilement esteinte dès le commencement, & puis apres embrâsa tout
l'Vniuers. Que mesme auroient à l'heure effectué Iean Hus, & Ierosme de
Prague, si d'abord ils n'eussent esté opprimés & estouffés par le Concile de
Constance. A l'opposite, Leon se repentait de tout ce qu'il auoit fait en ce su-
jet : & sur tout du Bref des Indulgencees, qu'il auoit enuoyé en Allemagne :
car il luy sembloit qu'il eust mieux valu laisser disputer les Moines entr'eux,

1520.

& se conseruer neutral, & reueré des deux parties, que se declarer pour l'vne, & par moyen alierer l'autre de soy. Que cete dispute n'estoit pas si grand chose, vequ'il ne soloit point la mettre en reputation: que tant qu'on la tien droit pour legere; peu de gens y penseroient; & si iusques alors le nom du Pape n'y eust esté engagé, elle auroit fait son cours, & seroit ja esvanouie.

Condam-
nation de
Luther à
Rome.

Nonobstant toutes ces considerations, gagné par les grandes instances des Prelats d'Allemagne, & des Vniuersités, lesquelles interessées par la Censure & Condamnation contre Luther, recherchoient le soutien del'authorité Papale, mais plus, par les continuelles importunités des Moines de Rome, il se rendit à ceder à l'opinion commun. Et erigea vne Congregation de Cardinaux, Prelats, Theologiens, & Canonistes, à laquelle il remit tout l'affaire. Icele promptement conclut qu'il falloit fulminer contre vne si grande impieté. Mais toutesfois les Theologiens se trouuerent discordans d'avec les Canonistes, en ce point, que ceux-là vouloient que tout sur le champ on se portast à la fulmination: ceux-ci au contraire maintenoient, qu'il estoit necessaire qu'au preallable se fist la citation. Les Theologiens allegoient, que la doctrine se voyoit euidentement impie, & que les liures estoient diuulgués & les presches de Luther tous notoires. Les autres disoient que la notoriété n'oste point la defense, qui est de droit diuin, & naturel: recourans aux passages coustumiers, Adam, où es-tu? Où est Abel ton frere? le descendray, & verray: au fait des cinq abominables villes. A cela adiuoient-ils, que la citation faite par l'Auditeur en l'année precedente, en vertu de laquelle le iugement fut commis au Cardinar Caictan à Augsbourg & demeura sans effect, demonstroir, quand il n'y auroit autre raison, qu'encores alors elle estoit necessaire. Apres plusieurs debats, & disputes, esquelles les Theologiens attribuoient à eux seuls la decision de cete cause, comme s'agissant de choses de la foy: & les Iuriconsultes l'euoquoient à eux, en ce qui concerne les formes, & procedures du iugement: en fin fut proposé vn appointment, distinguant l'affaire en trois chefs, la Doctrine, les liures, & la personne. Pour la Doctrine, les Canonistes accorderent qu'elle fust condamnée sans citation. A l'esgard de la personne, ils persistoient à maintenir qu'icelle estoit necessaire: mais ne pouuans gagner les autres, qui insistoient avec plus grande vehemence, & se couuroient du manteau de Religion, ils trouuerent ce temperament, qu'on fist à Luther vne iussion avec vn terme competent, ce qui seroit equipollent à vne citation. Il y eut plus d'affaire à l'esgard des liures: car les Theologiens vouloient, qu'ils fussent mis au mesme rang que la personne, & compris dans le terme prescrit. Et ne pouuans conuenir en ce chef, l'vn & l'autre fut executé: ils furent tout presentement condamnés, & puis fut baillé terme à les brusler. Et suiuant cete resolution fut formée la Bule, en date du quinziesme Iuin, de l'an mil cinq cens vingt: laquelle ayant esté comme l'origine & le fondement du Concile de Trente, duquel nous deuons parler, il est necessaire d'en representer en cet endroit le sommaire.

En icelle doncques, le Pape, adressant d'entrée ses paroles à Christ, qui a laissé Pierre, & les successeurs d'iceluy, pour ses Vicaires en son Eglise, l'excite & implore à secourir icelle en son grand besoin. Puis, de Christ se retournant à S. Pierre, le prie par la charge qu'il a receuë du Sauueur, vouloir entendre aux necessités à l'Eglise Romaine, consacrée par son sang. En apres, passant à S. Paul, le requiert de la mesme assistance: adiustant, que, quoy qu'il ait iugé que les heresies sont necessaires pour esprouuer les bons, n'est-il conuenable de les extirper en leurs commencemens. En fin, se trouuant à tous les Saints du Ciel, & à l'Eglise vniuerselle, il les prie tous d'interceder enuers Dieu, & ce que l'Eglise soit repurgée d'vn si grande & dangereuse contagion. De là il entre à raconter, comment il luy est venu à notice, & à veu de ses propres yeux, que plusieurs erreurs, des Grecs, & des Bohemiens, & autres, iadis condamnés, faux, scandaleux, offensifs des pieuses oreilles, & seductifs des simples ames, ont esté renouelés, & semés en Allemagne, prouince grandement chérie de luy, & de ses predecesseurs: lesquels,

dés que l'Empire fut transferé des Grecs, ont tousiours pris des defen-
seurs de cette nation: & de ces bons & religieux Princes sont procedés
plusieurs edits contre les heretiques, conformés aussi par les Papes. Pour-
tant, ne voulant plus supporter tels erreurs, ains y remedié, il en
veut représenter quelques vns: & en cet endroit il denombre quarante-
deux articles, sur les points du Peché originel, & de la Penitence, & Re-
mission des pechez, de la Communion, des Indulgences, de l'Excommu-
nication, de la Puissance du Pape, de l'Autorité des Conciles, des Bon-
nes ceuures, du Franc-arbitre, du Purgatoire, & de la Mendicité: les-
quels il dit estre respectiuelement pestilentieux, pernicieux, scandaleux,
offensifs des pieuses oreilles, repugnans à la charité, à la reuerence due
à l'Eglise Romaine, & à l'obeissance, qui est le nerf de la discipline Ec-
clesiastique. Par lesquelles causes, voulant proceder à la condamnation
d'iceux, il en a premierement fait vn diligent examen avec les Cardinaux,
& Generaux des Ordres Reguliers; & avec autres Theologiens, & Do-
cteurs de droit Canon & Civil: & maintenant en suite les condanne, &
reproue respectiuelement, comme heretiques, scandaleux, faux offen-
sifs des pieuses oreilles, seductifs des bonnes ames, & contraires à la ve-
rité Catholique: fait inhibitions & defences, sous peine d'excommunica-
tion, & d'infinies autres peines, que nul n'ait à les tenir, defendre, pres-
cher ou fauoriser. Et d'autant que les mesmes assertions se trouuent es li-
ures de Luther, il condanne iceux liures, enioignant sous les mesmes pei-
nes, que nul n'ait à les lire, ou tenir: mais que tant ceux qui contiennent
les susdites propositions, que tous autres, soyent bruslés. Quant à la per-
sonne d'iceluy Luther, il dit, Que par plusieurs & diuerses fois il l'a ad-
monné, cité, & appelé, avec offre de sauconduit, & de le desfrayer au
voyage: & que s'il fust venu à Rome, il n'auroit point veu tant de defauts en
la Cour comme il disoit: & que luy mesme luy auroit bien monstré, que ia-
mais les Papes ses predécesseurs n'ont erré en leurs Constitutions. Mais,
d'autant qu'iceluy a soustenu les censures l'espace d'un an entier, & a esté si
ose & temeraire d'appeller au futur Concile (chose defendue par Pie & Iu-
les deuxiesmes sous les peines des heretiques) il pouuoit proceder à la con-
damnation d'iceluy sans autre figure de procès: toutes fois, oubliant les torts
& iniures, il admonnéte encor Luther, & ceux qui le portent, qu'ils ayent
à se departir de ces erreurs, cesser de les prescher: & dans le terme de
soixante iours, sous les mesmes peines, à reuoker les susdits erreurs, &
brusler les liures. A faute dequoy, il les declare notoirs & obstinés heré-
tiques. En suite il commande à tous, sous les mesmes peines, que nul n'ait à
auoir, ne tenir aucun liure du mesme Luther, ores qu'il ne contint sem-
blables erreurs. Puis ordonne que tous ayent à fuir tout commerce & com-
pagnie de Luther, & de ses fauteurs: au contraire commande à cha-
cun, qu'il ait à les apprehender, & représenter personnellement: ou du
moins, à les chasser de ses terres & estats: met tous les lieux, où ils se trans-
portent, à l'interdit: enioint qu'ils soient proclamés par tout: & que sa
Bulle soit veüe & luë en tous endroits, excommuniant quiconque en empes-
chera la publication: ordonne qu'on preste foi aux copies authentiques d'i-
celle, & enioint qu'elle soit publiée, & affichée à Rome, Brandebourg, Misne,
& Mansfeld.

Luther avant ouï la nouuelle de la condamnation de sa Doctrine, & de ses
liures, publia vn escrit, auquel il reitere l'apel interietté au Concile, <sup>contre la-
quelle</sup> pour les mesmes causes, lesquelles il repetoit: & en outre, pource que ^{Luther se}
le Pape auoit procedé contre vn non appelé, & moins conuinçu, sans ^{desend,}
auoir ouï la controuersé de la Doctrine, preferant ses propres opinions ^{appelant}
à la sainte Escriture, & ne donnant aucun lieu au Concile: ce qu'il s'of-
fre de verifier: & prie l'Empereur & tous Potentats & Magistrats, d'ad-
mettre & receuoir son Appel, pour la manutention du Concile: ne pou-
uant, quant à luy estimer que ce decret du Pape oblige aucune personne,

15 20.
 & les in-
 gements
 sont di-
 vers sur
 icelle.

iusques à ce que la cause ait esté legitimentement debatue dans le Concile. Mais les hommes bien sensés, ayant veu la Bulle de Leon, furent surpris de grand esbahissement, pour plusieurs raisons. Premièrement, quant à la forme, il sembloit estrange, que le Pape se fust porté à déterminer & declarer par clauses & formes du Palais, vne matiere, laquelle deuoit estre traitée & exposée par paroles de l'Escripture sainte: sur tout considerant qu'il auoit vü de clauses tant intriquées, & si longues & prolixes, qu'à grand peine en pouuoit-on tirer aucun sens, comme si on eust du conceuoir vne sentence en matiere feudale: & notamment estoit remarqué, qu'une seule clause, *In huius omnibus, ne prefatos errores asserere presumant*, estoit tellement estendue & allongée, avec tant d'amplications, & restrictions, qu'entre *inhibentes*, & *presumant*, il y auoit plus de quatre cent mots entredeux.

Autres passoient bien plus auant, & mettoient en consideration, que la Bulle representoit quarante deux propositions, lesquelles elle condannoit comme heretiques, scandaleuses, fausses, offensives des pieuses oreilles, & seductives des simples ames: sans designer quelles estoient les heretiques, quelles les scandaleuses, quelles les fausses: mais par ce terme (respectiuelement) assignant à chacune d'icelles vne qualité incertaine: dont les doutes & scrupules s'augmentoient plus que deuant, & la cause n'estoit nullement decidée, ains estoit rendu plus contentieuse: & par la paroisoit clairement qu'il y escheoit vne autre autorité, & procedure, pour la terminer.

Aucuns aussi estoient remplis d'estonnement, que la Bulle portast, qu'entre ces quarante deux propositions, il y eust des erreurs des Grecs, iadis condamnés. Et d'autres trouuoient estrange, qu'un si grand nombre de propositions, en matiere de foy, eussent esté decidées à Rome par le seul auis, & conseil des Courtisans, sans en faire part & conferer aux autres Euesques, Vniuersités, & personnes lettrées d'Europe.

Louuain
 & Coulogne
 br-
 sent en
 suite les
 liures de
 Luther,
 & la Bulle
 & les Decre-
 tales.
 le Concile
 s'en sou-
 baite.

Mais les Vniuersités de Louuain & de Coulogne, grandement resiouies de ce que l'arrest du Pape autorisoit leur iugement, firent publiquement bruler les liures de Luther. Ce qui fut cause, que luy aussi à Vvittenberg, ayant assemblé tout l'Vniuersité, par forme iudiciaire fit publiquement bruler, non seulement la Bulle de Leon, mais ensemble aussi les Decretales des Papes. Et puis apres publica vn long Manifeste, par lequel il rendoit conte de cete action au monde, taxant le Papat de tyrannie en l'Eglise de deprauation de la Doctrine Chrestienne, & d'vsurpation de la puissance des legitimes Magistrats.

Or, tant pour l'appel entreicte par Luther, que pour ces raisons, & autres chacun entra en opinion, qu'un Concile legitime estoit necessaire: afin que par le moyen d'iceluy non seulement fussent decidées ces controuerses: mais aussi qu'il fust pourueu aux abus des long-temps introduits en l'Eglise: & cete necessité paroisoit tousiours de tant plus, que ces contentions croissoient l'une part & l'autre escriuant sans cesse. Car Luther ne manquoit point de confesser sa doctrine par diuers escrits: & à mesure qu'il estudioit, il se descouuroit plus de lumiere, & cheminoit quelques pas en auant, & trouuoit des articles auxquels dès le commencement il n'auoit point pensé. Ce qu'il disoit faire par zele de la Maison de Dieu. Mais aussi y estoit-il porté de necessité: car les gens du Pape, ayans, en la ville de Coulogne, par le moyen de Ierome Aleandre, fait force instance à l'Eledeur de Saxe, de liurer Luher au Pape, ou de luy oster la vie par autres voyes, il se voyoit obligé de môstrer à ce Prince, & aux peuples de Saxe, & à tous autres, que le droit estoit de son costé, afin que son Prince, ou aucun autre Potentat, ne donnast lieu aux sollicitations Papales contre sa vie.

Luther
 esparoit a
 Vvormes
 en Diete
 deuant
 l'Empe-
 reur Char-
 les.

L'année mil cinq cens vingt s'estant passée en ces choses, en l'an mil cinq cés vingtvn, fut tenuë en Allemagne la Diete de Vvormes, à laquelle Luther fut appelé, avec faufconduit de Charles, élu deux ans auparauant Empereur, pour y rendre raison de sa doctrine. Il fut conseillé de n'y aller point: puis que ja par tout estoit publiée & affichée sa condamnation, faite par Leon: dont il pouuoit s'asseurer de n'en remporter autre chose que sa condamna-

tion de plus fort confirmée, si pis ne luy en auenoit. Nonobstant tout cela, 1521.
contre l'aduis de tous ses amis, il s'y achemina, disant, Que quand bien il se-
roit asseuré d'auoir autant de diables contre soy, qu'il y auoit de tuiles sur les
toits de cete ville-là, il estoit deliberé d'y aller. Ce qu'il fit.

Estant ariue, il comparut le dixseptiesme Auiil en la presence de l'Empe-
reur, & de toute l'assemblée des Princes: & premierement fut enquis, S'il
estoit autheur des liures, qui courroient sous son nom, dont aussi on luy recita
les titres, & monstra les exemplaires portés là sur le lieu: & de plus s'il vou-
loit maintenir toutes les choses qui y estoient comprises, ou en retracter au-
cune. Il respondit, Que quant aux liures, il les aduoüoit siens: mais que de se
resoudre à maintenir les choses y contenües, ou non, c'estoit vn cas de gran-
de consequence, & requeroit espace & loisir pour en deliberer. On luy accorda
ce iour là, pour rendre sa respon se le iour ensuiuant. Auquel Luther, intro-
duit en sa seance, fit vne longue harangue, excusant premierement sa rudesse
& simplicité, de ce qu'ayant esté naurri en vie priuée, & grossiere, il n'auoit
parlé selon la dignité de cete assemblée, ne donné à chacun les titres conue-
nables. Puis il conferma ce qu'il auoit ia dit, qu'il auoüoit les liures pour siens:
& quant à les defendre & maintenir, il dit que tous n'estoient pas d'vne mes-
me sorte, & nature: mais que les vns contenoient doctrine de foy, & de pieté:
les autres censuroient la doctrine des Papistes: & y en auoit encores vne troi-
siesme espee, qui estoient escrits contentieux contre les defenseurs de la do-
ctrine contraire à la sienne. Pour les premiers, il dit, Que s'il les retraoit, il
ne seroit nullement chose digne d'vn Chrestien, & d'vn homme de bien: de
tant plus, qu'en la Bulle mesme de Leon, quoy que tous fussent condamnés,
tous n'estoient pas pourtant iugés mauuais. Pour les seconds, Que c'estoit
vne chose meshuy trop plus qu'euidente, que toutes les provinces Chre-
stiennes, & sur tout l'Allemagne, estoient expilees, & gemissoient sous la
seruitude. Et pourtant retracter les choses dites sur ce luier, ne seroit au-
tre, que confermer cete tyrannie. Mais quant aux liures de la troisieme es-
pee, il aduoüa d'auoir esté trop aspre, & vehement outre le deuoir: s'ex-
cusant qu'il ne se vantoit point de sainteté, & ne vouloit iustifier ses oeures,
mais bien sa doctrine, dont il estoit tout prest & appareillé de rendre raison à
qui que ce fust, s'offrant à n'estre point obstiné: ains, que quand par l'E-
criture on luy monsteroit aucun sien erreur, luy mesme ietteroit les liures
au feu. Puis il se tourna à l'Empereur, & aux Princes, disant, Que c'estoit
vn singulier don de Dieu, quand la verité estoit manifestée, & qu'al'opposite
c'estoit attirer sur soy la cause d'extremes calamités que de la rejetter.

Cette harangue finie, il fut recherché de par l'Empereur de donner vne sim- l'Empe-
ple, & nette respon se, S'il vouloit defendre ses escrits, ou non. A quoy il res- reur le
pōdit, Qu'il ne pouuoit reuoker chose aucune qu'il eust ou escrite, ou ensei- profcité.
gnée, s'il n'estoit dûement conuaincu par l'Ecriture, ou par euidētes raisons.

Ces choses quies, l'Empereur se resolut de defendre l'Eglise Romaine, en-
suiuant les traces de ses ancestres, sans toutesfois vouloir violer sa foy: mais
apres que Luther seroit retourné à sauueté chez soy, selon la teneur du sauf-
conduit, il estoit deliberé de le prescrire, & mettre au ban de l'Empire. Il y
en auoit aucuns en l'assemblée, qui approuuans ce qui auoit esté pratiqué à
Constance, estoient d'avis qu'il ne faisoit point luy garder la foy. Mais Louïs,
Comte Palatin, Electeur s'y opposa virilement: comme à chose qui redonde-
roit à l'eternelle ignominie du nom Allemand: representant, avec beaucoup
d'indignation, que c'estoit chose intolerable, qu'en faueur des Prestres, l'Al-
lemagne se chargeast de l'infamie d'auoir faulxé la foy publique. Il y en auoit
aussi aucuns, qui disoient, qu'il ne faisoit point courir tant à la haste à la con-
damnation: d'autant que l'affaire estoit de grande importance, & pouuoit
tirer apres soy de dangereuses consequences.

Es iours ensuiuans l'affaire fut derechef traitée en la presence d'vne partie
des Princes, & specialement de l'Archeuesque de Treues, & de Ioachim, E-
lecteur de Brandebourg: là oir plusieurs choses furent dites par Luther en

1521.

après vn
autre es-
sai de le
reduire.

defense, d'icelle doctrine, & plusieurs aussi repliquées à l'encontre: le but estant d'induire Luther à soumettre le tout au iugement de l'Empereur, & de l'Assemblée, & Diete, sans reserve, ne condition. Mais Luther repliquant, Que le Prophete deffendoit de se confier es hommes, mesmes es Princes, au iugement desquels rien ne deuoit estre moins remis que la Parole de Dieu: en fin on luy proposa qu'il soumistr le tout au iugement du futur Concile: à quoy il consentit, mais à tel si, qu'au preallable fustent extraits de ses liures les articles qu'il entendoit y soumettre: & que sur iceux ne fust donnée aucune sentence, que conformément aux Escritures. Pour conclusion; on l'enquit luy mesmes, quels remedes luy sembloient les plus propres en cét affaire? A quoy il respondit, Qu'il n'en scauoit autres, que ceux-là seuls, lesquels Gamaliel proposa aux Iuifs: assauoir, que si l'entreprise & le mouuement estoit des hommes, il seroit dissipé, & mis à neant: mais aussi s'il venoit de Dieu, il estoit impossible de l'empescher. Et qu'à tant se deuoit contenter le Pape, puis que chacun, comme de sa part il l'estoit aussi, deuoit estre persuadé, qu'en cas que son dessein ne fust de Dieu, en bref il iroit en fumée. Et ne pouuant estre desmu de ses sentimens, & resolutions, esquelles il demouroit ferme, & immobile, de n'accepter aucun iugement sinon sous la reigle de la sainte Escriture, il fut congedié, & eut vingviours de terme pour se rendre chez soy, à condition que par voyage il ne prescheroit, ny n'escriroit. Dequoy ayant rendu graces, il se partit le vingtiesme Aueil.

par Edit
solennel.

Après cela l'Empereur Charles en la mesme Assemblée publia vn Edit, sous la date du huitiesme May, après auoir dés l'entrée exposé qu'à la charge de l'Empereur appartenoit d'agrandir la Religion, & esteindre les heresies naissantes, il palloit à declarer, que frere Martin Luther s'efforçoit d'infester l'Allemagne de cette peste: tellement que s'il n'y estoit obuié, toute cette nation estoit en danger de choir en vne detestable perdition. Que le Pape Leon l'auoit paternellement admonnesté: & puis, par l'aduis & conseil des Cardinaux, & autres personages excellens, auoit condamné ses escrits, & l'auoit déclaré heretique, si dans vn certain temps prefix il ne reuoquoit ses erreurs: de laquelle Bulle de condamnation le Pape auoit enuoyé copie à luy Empereur, comme au Protecteur de l'Eglise, par Ierome Alexandre, son Nonce, le requérant de la faire executer dans l'empire, & en ses autres royaumes & estats. Mais que pour tout cela, Luther ne s'estoit point conuert, ne corrigé, ains iournellement multiplioit liures, pleins non seulement de nouvelles heresies, mais aussi de vieilles, iadis condannées par les saints Conciles: & ce non seulement en langue Latine, mais aussi en Allemande. Et après auoir specifié plusieurs de ses erreurs, conclud qu'il n'y a aucun escrit d'iceluy, où il n'y ait quelque peste, ou aiguillon mortel. De sorte qu'on peut dire, que toutes ses paroles sont autant de poisons. Lesquelles choses estans considérées par luy Empereur, & par les Conseillers de toutes les nations de son obeissance, suivant l'exemple des Empereurs Romains ses predecesseurs, après auoir pris l'aduis des Electeurs & Estats de l'Empire, & par leur consentement (quoy que de vray il ne fust nullement conuenable d'escouter vn homme condamné du Pape, & obstiné en sa puersté, & noirement heretique) pour oster toute matiere de cauillation & reproche de plusieurs, qui disoient que de necessité il falloit ouïr partie, auant que venir à l'execution de l'arrest du Pape, il l'auoit mandé par vn de ses herauts, non pour conoistre, & iuger des choses de la foy, ce qui appartient au Pape, priuatiement à tous autres: mais pour tacher de le reduire au droit chemin par bonnes persuasions. De là il passe à reciter comment Luther auoit esté introduit en pleine Assemblée, & ce dont il auoit esté enquis, & ce qu'il auoit respondu, selon qu'il a esté raconté cy deuant: & comme en fin il auoit esté congedié, & s'estoit parti.

Puis il adiouste pour conclusion, Que pour ces causes, à la gloire & honneur de Dieu, pour la reuerence due au Pontife Romain, selon le deuoir, & la dignité Imperiale, par l'aduis & consentement des Princes Electeurs & Estats, en

execution de la sentence & condamnation du Pape , il declare & prononce Martin Luther pour notoire heretique, & ordonne que pour tel il soit tenu de tous : faisant inhibitions & defences à tous de le recevoir, ou proteger en façon quelconque : commandant aux Princes, & Estats, sous toutes les peines accoustumées, qu'ils ayent, passé le terme de vint iours, à le saisir, & emprisonner, & poursuivre tous les complices, adherans, & fauteurs, les despillant de tous biens, meubles & immeubles. Fait aussi commandement que nul n'ait à lire, ou tenir les liures d'icelui, nonobstant que dedans aucun d'eux il y eust quelque chose de bon : enioignant tant aux Princes, qu'à tous autres iudiciers, qu'ils ayent à les bruler & abolir. Et d'autant qu'en plusieurs endroits ont esté composez & imprimés liures, & extraits des œuvres d'icelui : & que maintes images, & pourtraits ont esté publiées au deshonneur de plusieurs, & mesme du souverain Pontife, il fait commandement que nul n'ait à les imprimer, pourtraire, ou tenir : mais que les Magistrats ayent à les rechercher, & les bruler : & qu'ils punissent les Imprimeurs, les acheteurs & les vendeurs d'icelles : adioustant vne loy & ordonnance generale, Que nul liure, traitant de matieres de foy, tant petite soit-elle, ne puisse estre imprimé, sans la permission & volonté de l'Ordinaire.

En ce mesme temps, l'Vniuersité de Paris, ayant extrait diuerfes conclusions des liures de Luther, les condamna aussi, partie comme renouvelées de la doctrine de VVicleff, & de Hus, partie aussi tout nouuellement inuentées & produites par luy-mesme contre la doctrine Catholique. Mais toutes ces oppositions ne cautoient autre effet, sinon que Luther respondant incessamment, les escrits multiplioient de part & d'autre, & les estrifs s'enaignissoient, & la curiosité s'esueilloit en plusieurs, lesquels se voulans informer de l'estat de la Controuerse, halenoient & descouuroient les abus taxés par Luther, & de là s'alienoient de la deuotion au Pape.

Entre les plus nobles contredisans à la doctrine de Luther, fut Henri huitieme, Roy d'Angleterre : lequel n'estant point l'aîné de la maison, le pere auoit destiné à estre Archeuesque de Canturberi, & à cet effet l'auoit fait des son enfance instruire es lettres. Mais, apres que son frere aîné fut mort, & apres luy le pere, il succeda à la Couronne : & reputant à grand honneur de s'entremettre en vne si illustre controuerse de lettres, il escriuit vn traité des sept Sacremens, defendant par mesme moyen le Papat Romain, & impugnant la doctrine de Luther. Ce que le Pape eut tellement pour agreable, qu'ayant receu le liure du Roy, il l'honora du titre accoustumé, de Defenseur de la foy. Mais Luther ne se laissa point effrayer de la splendeur royale : ains respondit à ce Roy avec autant de vehemence, aspreté, & peu de respect, qu'il auoit fait aux petits docteurs. Ce nom de roy, fourré dedans la dispute, la rendit plus curieuse : & comme es combats, les spectateurs s'affectionnent communement aux plus foibles, & louent plus hautement leurs actions, quoy que mediocres : ainsi en cete occasion, l'inclination vniuerselle se patcha de tant plus du costé de Luther.

Tost apres que par tout fut publié le ban de l'Empereur, au mesme mois, Huhues, Euesque de Constance, sous le Diocese de laquelle est assise la ville de Zurich, escriuit vne lettre au Chapitre des Chanoines de cete ville-là, du nombre desquels estoit Zuingle : & vne autre, au Senat de la mesme ville : & leur representa le grand preiudice, que les Eglises, & Republiques souffroient des nouveautés de doctrine, au grand interest du salut des ames, & perturbation du repos & de la tranquillité publique. Les exhorta à se garder de nouveaux docteurs, remonstrant qu'ils n'estoient poussez d'autre motif, que de leur propre ambition, & de l'instigation du diable.

Tout d'une main il leur enuoya l'Arrest de Leon, & le Ban de l'Empereur : les exhortant de donner lieu, & obeir à l'Arrest du Pape, & à imiter le Ban de l'Empereur : & designa notamment la personne & la doctrine de Zuingle, & de ses adherans : dont il obligea Zuingle à rendre raison de toute sa doctrine à ses Collegues, & en donner satisfaction au Senat. Et outre cela, il escriuit à

Paris cō-
damne
aussi Lu-
ther.

mesme
contre le
Roy d'An-
leterre
qui escri-
uit contre
luy.

le trouble
de Suisse
continué.

l'Euesque, insistant principalement sur ce point, Qui ne faisoit plus tolerer les Prestres concubinaires, d'où procedoit l'infamie de l'Ordre Ecclesiastique, le mauuais exemple aux peuples, & generalement la corruption de la vie en tous. Chose qui ne se pouuoit abolir, ne corriger, par autre voye, qu'en introduisant le mariage des Prestres, selon la doctrine Apostolique. Il escriuit aussi en sa defense à tous les Cantons de Suisse, faisant particulièrement mention d'un edit fait par leurs ancestres, Que chaque Prestre fust obligé d'auoir sa propre concubine, de peur qu'il n'attentast sur la pudicité des femmes honestes. Adioustant, que quoy que cét edit semblast absurde, & redicible, il auoit neantmoins esté fait par necessité, & ne deuoit estre changé, sinon entant que ce qui auoit esté ordonné en faueur du concubinage, deuoit estre à present conuertu au legitime mariage.

Le mouuement de cet Euesque induisit les Iacopins à prescher contre Zuingle; & sa doctrine; & luy à se defendre. A raison dequoy luy aussi dressa, & publia soixante sept conclusions qui contenoient sa doctrine, & touchoient les abus du Clergé, & des Prelats. Dont à cause des confusions, & dissensions tres-grandes qui en naissoient, le Senat de Zurich prit deliberation d'appaiser le trouble: & conuoqua tous les prescheurs, & decteurs du pais & terres de sa iurisdiction. Et tonua aussi l'Euesque de Constance à deputer quelque personnage de prudence, & de sauoir, pour assister à cete Conference, afin d'assoupir les troubles, & ordonner chose qui fust à la gloire de Dieu L'Euesque y enuoya Iaques Faber, son Vicaire, qui depuis fut Euesque de Vienne en Autriche. Et le iour de la conference venu, grande multitude de personnes s'y estant amassées, Zuingle produist d'erechef ses conclusions, s'offrit à les defendre, & à respondre à quiconque eust voulu les impugner. Faber apres auoir ouy ce que plusieurs Iacopins, & autres Docteurs auoient allegué contre Zuingle, & ce qu'iceluy auoit respondu, dit, Que le temps & le lieu, n'estoient point propres à traiter semblables matieres: que la connoissance de semblables propos appartenoit au Concile, qui se deuoit celebrer en bref: car ainsi disoit-il auoir esté conuenu entre le Pape, & les Princes, Potentats, & Prelats de Chrestienté. Cela donna tant plus de suiet à Zuingle de se fortifier, & roidir: disant, Que c'estoient paroles & promesses, pour nourrir le peuple de vaines esperances, & cependant, s'entretenir assoupi en l'ignorance: & qu'on pouuoit bien, attendant vne plus ample declaration du Concile touchant les choses douteuses, traiter alors de celles qui estoient toutes certaines, & claires en la sainte Escriture, & en l'usage de l'ancienne. Et comme il insistoit tousiours de plus fort, que Faber proposast ce qui pouuoit estre obiecté à ses conclusions, iceluy se reduisit à dire, Qu'il ne vouloit traiter avec luy de viue voix, mais qu'il respondroit à ses conclusions par escrit. En fin l'assemblée se departit, & le Senat arresta, Quel Euangile seroit presché selon le Vieil & Nouveau Testament, & non selon aucuns decretz & constitutions humaines.

Partant dès qu'on vit que ny les travaux des Docteurs & Prelats de l'Eglise Romaine, ny le Decret du Pape, ny le Ban si severe de l'Empereur, ne pouuoient esteindre cete nouvelle doctrine, mais au contraire qu'elle s'auançoit tous les iours plus, chacun entra en cete opinion, Que ces remedes estoient insuffisants pour cete maladie, & qu'au bout il falloit venir à cete sorte de medecine, laquelle, employée par le passé en semblables occasions, sembloit auoir appaisé tout trouble: qui estoit la tenuë d'un Concile. De là auint qu'iceluy commença à estre souhaité de toutes sortes de personnes, comme remede salutaire, & vniue.

On consideroit que les nouveautés n'auoient eu autre source, que des abus, introduits par le temps, & par la nonchalance des pasteurs: & pourtant, qu'il n'estoit possible de remedier aux confusions excitées, qu'en obuiant aux abus qui les auoient causées: & d'ailleurs, qu'il n'estoit possible d'y pouruoir vniuersement, & vniiformement, que par vne Assemblée vniuerselle. Et tels estoient les discours des gens de bien, & de saine intention. Mais il y auoit

assez d'autres sortes de personnes interessées, auxquels pour leurs desseins le Concile eust esté profitable & auantageux, pourueu qu'il eust esté reiglé en maniere; & restreint à telles conditions, qu'il n'eust pu estre que favorable à leurs interets. Premièrement, ceux qui auoient embrassé les opinions de Luther, vouloyent le Concile, à condition, qu'en icelui tout fust décidé, & reiglé par l'Escripture: toutes constitutions, & Decrets des Papes, & doctrines scholastiques, exclues: car par ce moyen ils se persuadoient non seulement de maintenir la leur, mais de faire en sorte qu'elle seule fust approuuée & autorisée. Mais ne vouloyent point de Concile, qui procedast en la maniere qu'auoyent fait ceux de huit cents ans auparauant: & se laissoient assez entendre qu'ils ne subiroient iamais vn tel iugement. Et Luther mesmes disoit communément, qu'il auoit esté trop pusillanime à Vvotmes, & qu'il estoit tant acertené de sa doctrine, qu'il ne la submettroit point au iugement mesme des Anges: ains que par icelle il iugeroit & les hommes & les Anges. Les Princes, & autres Seigneurs de païs, ne se soucioient pas beaucoup de ce que le Concile resoudroit pour la doctrine: mais le desiroient tel, que par icelui on pust ramener les Prestres, & les Moines, à leurs commencement: esperant que par ce moyen, les regales, & les iurisdiccions temporelles, qui si amplement & abondamment estoient passées en l'Ordre Ecclesiastique, retourneroient à eux. Et pourtant disoyent, Que ce seroit en vain de tenir vn Concile, auquel les seuls Euesques, & autres Prelats, eussent voix & suffrage deliberatif: d'autant qu'eux mesmes deuoient estre reformeds, dequoy il estoit necessaire que la charge fust commise à d'autres, lesquels ne fussent point preuenus & esblouis de leur propre interest, ne par iceluy obligés à reloudre chose quelconque contre le bien de la Chrestienté. Ceux du commun peuple aussi, qui auoyent quelque conoissance des affaires du monde, desiroient que l'authorité Ecclesiastique fust limitée & modérée, & que les pauvres peuples ne fussent point surchargés de tant d'exactions, sous les specieux noms de dismes, aumosnes, & Indulgences: ni foulés par les Officiaux des Euesques, sous couleur de corrections, & iugemens. La Cour de Rome, partie en ceci tres-principale, souhaitoit le Concile, entant qu'il eust pu reestabli l'obissance, qui auoit esté ostée au Pape: & approuoit vn Concile, selon les formes pratiquées es siecles prochainement passés. Mais ne pouoit agreer vn Concile, qui eust pouoir de reformer le Papat, & d'abolir les vs & coustume introduites par laps de temps, dont la Cour perceuoit de si grands emolumés, & par le moyen desquelles vne grande partie de l'or de Chrestienté couloit à Rome. Le Pape Leon, serré des deux costes, ne sauoit que desirer. Il voyoit que tous les iours l'obissance se diminueoit enuers lui, & que les peuples entiers se separoyent de lui, & en eust bien désiré le remede par vn Concile. Mais d'ailleurs, quand il consideroit qu'icelui seroit pire que le mal mesmes, entant qu'il tireroit en consequence necessaire la Reformation, il l'abhorroit. Il alloit songent aux voyes & moyens de tenir vn Concile à Rome, ou en autre lieu de l'Estat del'Eglise, comme son predecesseur & lui auoyent peu d'années auparauant tenu celui de Latran avec tres-heureux succés, & grand auantage: veu que par iceli ils auoyent esteint le Schisme, réduit le Royaume de France separé; &, ce qui releuoit le plus, aboli la Pragmatique sanction, doublement contraire à la Monarchie Romaine: tant, pource que c'estoit vn exemple de lui enleuer toutes les collations des Benefices, grand fondement de la grandeur Papale: qu'aussi, pource qu'icelle estoit vne conseruation, & entretien du Concile de Basle, & par consequent, de la suiecttion du Pape au Concile general. Mais aussi il ne pouoit voir comment vn Concile de telle nature pust remedier au mal, lequel n'estoit point es Princes, & grands Prelats, enuers lesquels les pratiques, & interets, sont de mise & valeur: mais estoit es peuples, avec lesquels il falloit vne realité, & vrai changement. En cet estat d'affaires, Leon deceda sur la fin de l'an mil cinq cents vintvn.

En au commencement de l'année suivante, le 9. Ianuier, fut élu Adrien: qui en este

1522.

*ambiguïté
meurt, &
lui succède
Adrien;*

*qui d'Es-
pagne, où
il estoit.*

*arrive en
Italie, sur
harassée &
troublée;*

*pense au
remède des
nouveau-
tés.*

*commençant
par une le-
gère refor-
mation.*

l'assomption duquel au Papat tourna à foi les yeux & les pensées de tous: d'autant que c'estoit vne personne, qui n'auoit iamaïs esté veüe à Rome, in-
conuë aux Cardinaux; & à la Cour, & qui pour lors se trouuoit en Espagne:
& au demeurant estoit en conception enuers le monde, de n'approuuer
point les façons de faire Romanesques, & la licentieuse vie des Courtisans:
tellement que les nouveautés Lutheriennes n'estoient plus en aucune confi-
deration. Aucuns redoutoyent qu'il ne fust que trop enclin à la reforma-
tion: autres, qu'il n'appellast à foi les Cardinaux, & ne transportast le Siege
hors de l'Italie, comme il estoit auenu autresfois. Mais ils furent bien tost
releués de cete apprehension. Car le nouveau Pape, le iour apres qu'il eut
receu la nouuelle de son election, qui fut le 22. du mesme mois, en la ville
de Victoria en Biscaye, sans attendre les Legats, que le College des Cardi-
naux lui auoit deputés pour le lui signifier, & auoir de lui son consentement:
assembla le peu de Prelats qu'il put, & en leur presence consentit à l'eslec-
tion, & prit les habits & paremens Pontificaux, & se declara & porta pour
Pape: & sans delai passa à Barcelonne, d'où il escriuit au College des Cardi-
naux la cause pour laquelle il auoit pris le nom, & la charge de Pape, & s'es-
toit mis en chemin, sans attendre la venue des Legats: leur donnant aussi
commission de notifier cela par toute l'Italie. Il fut contraint de sejourner
à Barcelonne, attendant le temps propre, pour passer le golfe de Lion, assez
perilleux: toutesfois il ne tarda rien plus qu'autant qu'il estoit necessaire
pour s'embarquer seurement vers l'Italie, là où il arriua sur la fin du mois
d'Aoust, en l'an mil cinq cents vintdeux.

Adrien trouua toute l'Italie en trouble & esmotion, pour la guerre entre
l'Empereur & le Roi de France: le Siege Apostolic engagé en vne guerre
particuliere avec le Duc de Ferrare, & celui d'Vbin: Rimini nouvellement
saisi par les Malatestes, les Cardinaux diuises, & en desiance entr'eux:
le siege mis par les Turcs deuant Rhodes: toutes les villes de l'Eglise espuî-
sées, & en extreme confusion, par huit mois d'Interregne, ou Anarchie.
Nonobstant cela, il appliqua principalement sa pensée à composer les dif-
ferens de la Religion en Allemagne: & ayant des son enfance esté nourri,
esleué, & habité es études de la Theologie Scholastique, il tenoit ces opi-
nions pour si claires, & euidentés, qu'il ne pouuoit croire, que le contraire
pust venir en la pensée d'aucun homme raisonnable. Et pourtant ne don-
noit autre nom à la doctrine de Luther, que de fade, folle, & brutale: & iu-
geoit, qu'il n'y auoit autres, que quelque petit nombre de simples & idiots,
qui lui pretassent foi: & que la suite qu'auoit Luther, estoit de personnes, qui,
quoi qu'elles tinssent pour indubitables les opinions & dogmes de Rome, fei-
gnoient le contraire, irritées par les oppessions. Et pourtant qu'il estoit tref-
aisé d'estouffer cete doctrine, laquelle n'estoit fondée que sur les interets:
dont il estimoit, qu'en donnant quelque satisfaction, aisément se gueriroit
ce corps, qui faisoit plus semblant d'estre malade, qu'il ne l'estoit de verité.
Et pource qu'il estoit natif d'Vtréch, ville de la basse Allemagne, il espe-
roit que toute la nation facilement presteroit l'oreille à ses ouuertes &
propositions, & mesme s'interesseroit à maintenir son autorité, comme d'un
homme Allemand, & pourtant feable & sincere, qui ne traitoit point avec ar-
tifices, & pour dessein cachés. Et tenant pour assuré qu'il importoit beau-
coup d'yser de hastiueré, il se delibera d'en faire la premiere ouuerture en
la Diète, qui se deuoit bien tost tenir à Noremberg: & afin qu'elle fust fau-
orablement receüe, & que les promesses fussent tenues pour reelles, & verita-
bles, auant qu'il commençast de traiter choses aucune avec les Allemans,
il estimoit necessaire de donner quelque bon auantgout, par quelque effai
de reformation, qui corrigeast les abus, qui auoient causés les dissensions.
Pour cet effet, il appella à Rome Jean Pierre Caraffe, Archeuesque de Chi-
ti, & Marce au Carol de Gaïete, personnage de reputation de probité, &
incursiure prehenibles, & fort entendus es choses concernantes la vraye
discipline Ecclesiastique: afin que par auidis & conseil d'eux, & des Cardi-

naux les plus confidens, il trouuoit quelque remede aux plus importants abus : entre lesquels se presentoit la profusion des Indulgences en chef, pour auoir ouuert la porte au credit, acquis par les nouueaux preicheurs en Allemagne.

Le Pape comme Theologien, qui auoit escrit de cete matiere, auant que iamais Luther songeast à la remuer, estoit d'avis d'establir par decret Apostolic, & en qualite de Pape, cete doctrine, laquelle, comme personne priuée, il auoit autre fois enseignée, & escrit : assauoir, Qu'apres que l'Indulgence a esté octroyée à vne personne qui fera telle & telle œuvre, il se peut faire, que cete œuvre la soit executée en tel degré de perfection, qu'icelle gaigne l'Indulgence, & le Pardon : que si en l'œuvre il y a quelque manquement de cete axacte perfection, l'operant n'obtient point l'Indulgence entiere, mais seulement vne part proportionnement respondante à l'œuvre imparfaite. Le Pape pensoit qu'en cete maniere non seulement estoit pourueu à tout scandale pour l'auenir, mais aussi que les precedens estoient suffisamment reparés : attendu que toute œuvre, quoi que tres-petite de soi, pouuoit estre si bien qualifiée en ses circonstances, qu'elle pouuoit meriter loyer & recompense, quelque grande qu'elle fust : par quoi estoit soluë l'objection de Luther, Comment il estoit possible, que par l'offrande d'un seul denier, on acquist un si grand thesor : & d'ailleurs, puis que celui, qui par le manquement de son œuvre ne gaignoit tout le pardon, en obtenoit neantmoins vne certaine & mesurée portion, les fideles ne se distrayoyent point de rechercher les Pardons.

Mais Frere Thomas de Gaïete, Cardinal de S. Sixte, Theologien consommé, le dissuadoit de cela : disant, Que c'estoit publier vne verité, laquelle, pour le salut des ames, il valoit beaucoup mieux tenir secrette entre les hommes sauans, & laquelle estoit plus disputable, que decidée. Par quoi aussi lui mesme, qui en sa conscience la croyoit viuement, neantmoins l'auoit tellement couchée en ses escrits, qu'il n'y auoit que les hommes tres-consommés en saoir qui la pussent recueillir de ses paroles. Adioustant, Que quand elle seroit diuulgée & autorisée, il y auoit danger, que mesmes les hommes lettrés, n'inferassent de là, Que l'otroi du Pape ne sert de rien : mais que le tout doit estre rapporté à la qualité de l'œuvre : chose, qui refroidiroit tout le zele de gagner les pardons, & raueroit l'autorité Papale. Le Cardinal dit d'abondant, qu'il auoit, par commandement de Leon, diligemment & exactement estudié cete matiere, la mesme année que ces disputes sourdirent en Allemagne, & en auoit escrit vn traité complet : mais que l'année d'apres, estant Legat à Augsbourg, il auoit eu occasion de la ventiler, & traiter plus diligemment, par les propos & conferances qu'il en auoit eu avec plusieurs ; & par la recherche des difficultés, & rememens qui troubloient ces prouinces : & qu'en deux pourparlers avec Luther en cete mesme ville-là, il auoit plainement debatü cete matiere, & apres l'auoir bien digerée ; il ne se faignoit point de dire resolutement, & sans danger de mesprendre, qu'il n'y auoit autre moyen de remedier aux scandales passés, presens, & à venir, qu'en ramenant les choses à leurs commencemens.

Qu'il estoit bien tout assuré, & notoire, que le Pape, par le moyen des pardons, peut deliurer les fideles de toutes sortes de peines : mais que pourtant, par la lecture des Decretales il apparoiſoit clairement, que l'Indulgence, ou Pardon, n'est autre chose qu'une absolution, ou deliurance des seules peines imposées en la confession. Et que pourtant il falloit ramener l'usage des Canons penitenciaux, mis en oubli, & chus en desaccoustumance : & que lors, quand, selonc eux seroyent imposées les competentes penitences, chacun verroit clairement la necessité, & l'utilité des pardons : & qu'ainsi seroit ramené le siecle d'or de l'Eglise primitive, auquel les Prelats gouvernoient absolument les fideles, non pour autre cause, que

1522.

lequel gon-
fle par A-
drien,est reuen-
par les de-
putez de la
reformati-
on.Adrien
perplexé.

pour ce qu'iceux estoient entretenus en perpetuelles occupations, & exercices, par les penitences: en lieu qu'és temps presens, estans deuenus oisieux; ils pretendoyent de s'affranchir de toute obeissance. Et que le peuple d'Allemagne, lequel tout noyé en l'oisuete, preitoit l'oreille à Luther, preschant la liberte Chrestienne, s'il estoit tenu en bride & arrest par les penitences, ne penseroit point à ces nouueautés: & que cependant le Siege Apostolique pourroit d'icelles faire grace, & largesse, à qui les reconnoistroit de lui. Or à d'uis agreoit fort au Pape, comme estant fondé sur l'autorité, & ne voyant point comment il pult estre combattu par aucune opposition. Il le fit proposer en la Penitencerie, pour auiser à la forme & moyen de le mettre en v'sage, premierement à Rome, puis apres par toute la Chrestienté. Pour tant se tinrent sur ce suiet plusieurs assemblées des deputés au fait de la Reformation, ensemble les Penitenciers, pour traiter du moyen de le mettre en pratique.

Mais tant de difficultés vinrent à la trauerser, qu'enfin Laurens Pucci, Florentin, Cardinal de Santi quattro, qui auoit esté Dataire sous le Pape Leon, & diligent & accort ministre à trouuer argent, & maintenant estoit grand Penitencier, raporta par auis commun au Pape, Que la proposition estoit iugée impossible, & que quand on viendrait à l'essai, en lieu de remedier aux maux presens, elle en susciteroit de beaucoup plus grands. Que les peines Canoniques estoient surannées, & tombées en desaccoustumance; d'autant que le zele ancien estant failli, le monde ne les pouuoit plus supporter: & pour tant si on les vouloit ramener, de necessite il faudroit aussi reestabli le mesme zele, & la charite ancienne, en l'Eglise. Que le present siecle n'estoit point semblable aux passes, esquels toutes les constitutions de l'Eglise estoient receuës indifferemment, sans examen, ne contredit: en lieu qu'à present chacun veult se faire iuge, & sonder les raisons. Que si cela se pratique es choses qui ne portent aucune charge, ou moleste, combien plus se feroit-il en vne qui seroit tresgrieue, & facheuse? Il est bien vrai; disoit-il que le remede est grandement sortable au mal: mais aussi il n'est nullement proportionné aux forces du corps malade, & au lieu de le guerir, le pourroit porter à la mort: & pensant racquerir l'Allemagne, premierement feroit perdre l'Italie mesme, & puis alieneroit l'Allemagne encor d'auantage. Le Cardinal adiousta, Il n'est auis d'ouir la voix de quelcun, qui die comme S. Pierre, A quoi faire tenter Dieu, imposant sur les espaules des disciples ce que ni nous, ni nos peres, n'auons iamaïs pu porter: Que Sa Saintete se ramenteust ce fameux passage de la Glose; employé par elle mesmes, en son quatrieme liure des Sentences, Que, quant à la valeur des Indulgences, la querelle en est ancienne, & encor douteuse. Qu'elle mist en consideration les quatre opinions, que la Glose rapporte, lesquelles, quoi qu'elles soyent toutes Catholiques, sont neantmoins si fort differentes entr'elles. Dont il arpet clairement, que cette matiere requiert en ce tēps plu'stost silence, qu'autre recerche ou examē.

Ces raisons penetrerent bien auant dans l'esprit d'Adrien, & le rendirent fort ambigu de ce qu'il deuoit faire: & le mirent en perplexité de tant plus grande, qu'il ne descouuroit moins de difficultés es autres choses, qu'il auoit delibéré de reformer. Au fait des dispenses matrimoniales, enclinant à casser plusieurs defences & inhibitions de contracter mariage entre certaines sortes de personnes, lesquelles lui sembloient superflues, & fort malaisées à obseruer: & dont le peuple auroit receu notable soulagement; il en estoit blâmé de plusieurs, comme relaschant par là le nerf: & la roideur de la discipline Ecclesiastique: à l'opposite aussi en les continuant, on donnoit suiet aux Lutheriens de crier, que c'estoit pour tirer argent. La restriction des dispenses à certaines qualités de personnes, à laquelle aussi il pensoit, seruoit à donner nouuelle matiere de plaintes à ceux qui pretendent & soutiennent, qu'és choses spirituelles, & en tout ce qui est du Ministère de Christ, il n'y a aucune difference ni inegalité de person-

nes. Casser aussi les despens & raux perçuniaux pour ces choses, ne se pou-
uoit faire sans le rachat des offices vendus par Leon, les acheteurs desquels
tiroient leurs emolumens, & le reuenu de leur argent de ceci. Ce qui em-
pêchoit aussi d'oster les regrès, accés, coadiutories, & autres moyens pra-
tiques en la collation des Benefices, lesquels auoyent apparence (si plustost
de vray on ne doit dire la pure & pleine essence, & realité) de Simonie. Ra-
cherter les offices, estoit choses impossible: attendus les grands frais, qu'il a-
uoit falu par le passé, & faisoit encor continuellement faire. Et ce qui plus
lui embaraßoit & confondoit l'esprit, estoit, que quand il auoit resolu d'o-
ster quelque abus, tout aussi tost se presentoit quelcun, qui entreprenoit de
maintenir, par quelque couleur & desguisement, que la chose estoit bonne,
ou necessaire: Parmi le flot de ces incertitudes, & hesitations, le Pape affli-
gea son ame iusques au mois de Novembre: desirant, quoi qu'il en auinst,
de faire quelque notable reglement, qui püst donner au monde quelque
goust & espreeue de son courage & affection: & resolu de porter remede à
tous les abus; auant que commancer à traiter les affaires d'Allemagne:

Enfin François Soderin, Cardinal Prenestin, dit de Volterrie, pour lors
son tresconfident (quoi que depuis il fut disgracié de lui, iniques à le fai-
re emprisonner) arresta son esprit, & lui fit ptendre vne finale resolution.
Ce Cardinal tresversé es negociations civiles, & qui y auoit esté employé
sous les Papes, Alexandre; Iules; & Leon, dont le regne auoit esté plein de
diuers & importants accidens, en tous ses deuis & propos avec le Pape Adrie-
n, alloit entretenant parlores, qui le pouoyent instruire; & bien infor-
mer: louoit sa bonté, & franchise, & son affection encline à la reformation
de l'Eglise, & à l'extirpation des heresies: adioutant toutes-fois pour cor-
rectif, qu'il ne pouoit acquerir pleine louange de la seule bonne intention,
insuffisante d'elle mesmes à l'effet du bien, si elle n'estoit accompagnée d'un
chois exact des moyens conuenables, & d'une execution maniee avec vne
singuliere prouuoiance & circonspection. Mais quand il le vid contrainst &
pressé par la briueuté du temps à se resoudre, ils lui dit tout ouuertement,
Qu'il n'y auoit nulle esperance de confondre & extirper les Lutheriens par
la correction des mœurs de la Cour de Rome: ains que cela seroit vn moyen
de leur accroistre le credit. Car quand le populaire, qui tousiours iuge des
choses par les euenemens, verra & sera acertené par la reformatiõ ensuiuie,
qu'avec raison le gouuernement Papal a esté sensuré en quelque partie, il se
persuadera sensiblement, que les autres nouueautés aussi ont des bons &
legitimes fondemens: & les hereliarques voyans d'auoir gaigné la partie en
vn chef, ne cesseront iamais d'en taxer & inuectiuer d'autres. Qu'en tou-
tes les choses il aduient, que la satisfaction & contentement receu en
quelques demandes; donne pretension & pretexte d'en faire d'autres; &
d'estimer qu'elles soyent dues. Que qui lira les histoires des temps passés,
dés qu'il s'est esleué des heresies contre l'autorité de l'Eglise Romaine,
trouuera que toutes ont pris couleur & pretexte des mœurs corrompues de
la Cour de Rome. Et neantmoins iamais aucun Pape ne iugea estre expedi-
ent de les reformer: mais bien, apres auoir employé les admonitions, & in-
structions, de requerir & induire les Princes à la Protection de l'Eglise. Que
ce qui par le passé est heureusement reüssi, doit estre gardé & suivi en tous
temps inuolablement. Que chose aucune ne fait plustost perir vn gouuer-
nement que le changement des manieres & formes de l'administrer. Que
ouuir voyes nouuelles, & inusitées, estoit s'exposer à grands perils: &
qu'il n'y auoit au contraire rien de plus asseuré, que suivre la piste & les
traces des saintes Pontifes, lesquels tousiours ont eu heureuse issue de leurs
entreprises. Que nul n'estaignit iamais les heresies avec les reformations,
mais bien en publiant Croisades, & excitant & Princes & Peuples à l'ex-
tirpation d'icelles. Qu'il se souuinst, qu'Innocent troisieme par tel moy-
en extermina heureusement les Albigeois en Languedoc: & les Papes en-
suiauns non par autre voyes esteignirent en autres lieux les Vaudois; Po-

*estre resolu
par le Car-
dinal Pre-
nestin.*

*par vn con-
seil de ve-
nir aux vo-
yes de ri-
gueur & de
force.*

1523.

ures de Lion, Arnaldistes, Speronistes, & Paterins, tellement qu'à present n'en est demeuré que le seul nom. Qu'en Allemagne ne manquent point Princes, lesquels auidentement en accepteroient la charge, en cas que le Saint Siegel leur ottroyast d'occuper les Estats des fauteurs des Lutheriens : & qu'à ceux-là on pourroit donner grande suite de peuple par l'ottroi des pardons, & des Indulgences à qui iroit à leur secours.

Ce Cardinal mit aussi en consideration au Pape, qu'il ne faisoit pas seulement auiser aux troubles d'Allemagne, comme si le Saint Siege n'auoit autre danger à apprehender : veu que ia pendoit deuant les yeux la guerre d'Italie, qui estoit chose de beaucoup plus grand danger, & à laquelle il estoit necessaire d'appliquer principalement son esprit : veu qu'en la suite & conduite d'icelle, si le Pape se trouuoit sans le nerf de la guerre, qui est l'argent, il pourroit receuoir quelque notable eschech & preiudice : & que d'ailleurs on ne pouuoit faire aucune reformation, qui n'accourcist notablement les reuenus Ecclesiastiques : lesquels ayans quatre sources, l'une temporelle, assauoir les reuenus de l'Etat Ecclesiastique : les autres spirituelles, assauoir, les Indulgences, les Dispences, & les Collations des Benefices, on n'en pouuoit estouper l'une, que les reuenus n'en denieussent comme mutilés & retranchés de la quatrieme partie.

donc le Pape
pe monstre
regret.

Le Pape, conferant ces discours avec Guillaume Encuourt, lequel puis apres il Crea Cardinal, & Theodoric Hez, ses familiers tresconfidens asseuroit que la condition des Papes est tresmiserable : attendu qu'il voyoit tout à descouuert, que quelque vouloir & desir qu'ils en eussent, & quelque peine qu'ils y missent, ils ne pouuoient bien faire : & conclut, qu'il estoit impossible de mettre en effet aucun point de reformation, auant le voyage, qu'il pretendoit faire en personne en Allemagne : & que cependant on se deuoit assurer sur ses promesses : lesquelles il estoit resolu de maintenir & effectuer, quand bien mesmes il eust du se reduire à estre sans domaine temporel, & à la façon de viure Apostolique. Et pourtant il donna trescestroit commandement à tous deux, dont l'un estoit Dataire, & l'autre Secretaire, qu'ils fussent fort retenus à ottroyer Indulgences, Dispences, Regres, Coadiutories : iusqu'à tant qu'on eust trouué moyen de reigler le tout par loi & ordonnance stable & perpetuelle. L'ai veu ces choses recitées fort au long en vn Iournal de l'Euesque de Fabriano, auquel icelui auoit tenu memoire des choses notables qu'il ouït, & vid de ce Pape & les ai ici voulu sommairement rapporter, d'autant qu'elles peuuent grandement seruir à l'intelligence des choses, qu'il escherra de dire ci-apres.

Et ainsi
l'Euesque
de Fabriano
m. en m.
Dieté de
Noremberg.

Au premier Consistoire du mois de Novembre, par l'auis des Cardinaux, il deputa François Chiericato, cet Euesque de Fabriano, dont nous auons parle tout maintenant, personnage lequel il auoit conu en Espagne, pour Nonce à la Dieté de Noremberg : laquelle se celebroit en l'absence de l'Empereur, d'autant qu'il auoit esté necessité de passer en Espagne, pour appaiser les tumultes & seditions, qui s'estoyent esmues en ces Royaumes-là. Le Nonce arriua à Noremberg sur la fin de l'année, & presenta les lettres du Pape, escrites en commun aux Electeurs, Princes & Ambassadeurs des Villes, sous la date du vintcinquieme Novembre, esquelles il se plaignoit, Que, quoi que Martin Luther eust esté condamné par sentence de Leon, & que la sentence eust esté mise en execution par vn Edit Imperial, donné en la ville de Vvormes, & publié par toute l'Allemagne : icelui neantmoins persistoit es mesmes erreurs, publiant continuellement liures pleins d'heresie : & qu'il estoit soutenu & fauorisé non seulement du bas & vil populaire, mais aussi des grands & nobles. Adioustant, que, quoi que l'Apostre eust predit que les heresies estoient necessaires, pour espreuue & exercice des gens de bien, cete necessité toutesfoies estoit tolerable seulement es temps oportuns : non certes en ceux, esquels la Chrestienté se trouuant oppressee des armes des Turcs, on deuoit mettre toute diligence à repurger le mal de dedans : veu que le preiudice

Et par luy
exhorté &
conseillé.

& le danger, qu'icelles portent quand & elles, empeschent de s'employer, comme il appartiendrait, contre vn si grand & redoutable ennemi. En suite, il exhorte les Princes, & les peuples, à ne plus sembler de conuiuer ou cōfentir à vne si grande impieté & meschanceté, par plus long support. Leur represente que c'est chose honteuse outre toute mesure, qu'ils se laissent bestier, & mener à trauers champs par vn chetif moine, hors le grand chemin de leurs deuanciers: comme si Luther seul estoit le sauant & l'estendu. Leur remonstre, que si les sectateurs de Luther ont aboli & secoué toute obeissance aux loix Ecclesiastiques, beaucoup plus vilipenderont-ils les Seculiers: & s'ils ont vsurpé & raiui les biens de l'Eglise, beaucoup moins s'abstiendront-ils des lais: & s'ils ont esté si temeraires que de mettre les mains sur les prestres de Dieu, il est bien à presumer que ils n'espargneront les maisons; femmes, enfans des Seculiers.

Les exhorte, que s'ils ne peuuent par la douceur reduire Luther, & ses adhe-
rens, à la droite voye, ils viennent aux remèdes rigoureux, & au fer, & au feu,
pour retrancher les membres estioménés & gangrenés du corps: comme iadis
le meisme fut exercé contre Datan, & Abirā: contre Ananie, & Sapphira: contre
Iouinien & Vigilance: & cōme encor plus freschement auoyent fait leurs
ancestres contre Iean Hus, & Ierome de Prague, au Concile de Constance:
l'exemple desquels, à défaut de pouuoir faire autrement, ils doiuent ensuiure.
En fin, il se rapporte, tant pour ce fait, que pour tous autres, à ce qui leur sera
dit de sa part par François Chicricato, son Nonce. Il escriuit aussi lettres à
quasi tous les Princes, de semblable teneur. Mais à l'Electeur de Saxe parti-
culierement il escriuit. Qu'il pesait & considerait bien, quelle tache ce seroit
à sa posterité, que lui eult taurifié vn phrenetique, qui troubloit tout le mô-
de par ses dānables, & folles inuentions: renuersant ce que dessus deslous la
doctrīne seellée par le sang des Martyrs, & confirmée par les veilles & la-
beurs des saints Docteurs, & par les armes de tant de tres-vaillans & gene-
reux Princes: qu'il chemīast par la piste & chemin batu de ses Aneestres,
ne se laissant point esblouir les yeux par la forcenerie d'vn chetif hommeau,
pour aller apres les erreurs condānnés par tant de Conciles.

Le Nonce presenta en la Diete, non seulement le bref du Pape, mais aussi
son instruction: en laquelle lui estoit commāde d'exhorter les Princes à s'op-
poser à la peste de Luther, par sept raisons. Premièrement, pour le deuoir
au seruice de Dieu, & pour la charité enuers le prochain. Secondement, pour
euite l'infamie de leur nation. Tiercement, pour leur honneur propre, pour
ne point paroistre enfans forlignans de la vertu de leurs deuanciers & pro-
geniteurs, qui entreuinrent en la condānnation de Iean Hus, en la ville de
Constance, & d'autres heretiques, dont eux-mesmes en auoyent conduit
aucuns de leurs propres mains au bucher: & d'ailleurs, pour ne point faillir
à leur propre parole & constance, ayant pour la pluspart approuuē l'Edie
Imperial donné contre Luther. En quatrieme lieu, pource qu'ils deuoyent
estre touchés & esmus par le tort & outrage, fait par Luther contre leurs
progeniteurs: publiant vne autre foi, que celle qu'iceux auoyent tenue: dont
il inferoit par infaillible consequence, que tous estoient en Enfer. En cin-
quiesme lieu, pource qu'ils deuoyent apprehender le motif & l'intention
secrete des Lutheriens, qui est d'eneruer & abbatre la puissance Seculiere,
apres qu'ils auront aneanti l'Ecclesiastique: sous ce faux masque, & pretexte,
qu'elle a esté vsurpée contre l'Euangile: quoique cautelement ils fa-
cent seimblant de sauuer la Seculiere, pour les tromper. En sixiesme lieu,
pource qu'ils deuoyent comiderer les dissensions, & troubles, lesquelles ce-
te secte, la exite en Allemagne. Et pour le dernier, pource qu'ils deuoyent
auiser, que Luther suit la piste de Mahumet, permettant aux hommes
d'assouuir les appetits & inclinations de la chair: ores qu'il le face avec plus
d'apparence de modestie, pour les abuser plus subtillement, & efficacieu-
sement. Que si quelqu'un allegue, Que Luther a esté condānné sans estre ouï,
& sans auoir eu lieu de se defendre: & pourtant qu'auant toutes choses il

*a la perse-
cution des
lutheriens
par aux re-
mes.*

*l'Ele-
cteur de
Saxe nom-
mant.*

*Nonce
apres son
rapport ex-
hibe son in-
struction,
rendant à
mesme fin.*

1522.

mais pro-
mit réfor-
mation.

est raisonnable de l'ouïr, il ordonne à son Nonce de répondre, Qu'il est iuste de l'ouïr, en ce qui concerne le fait, sauoir est, S'il a presché, & écrit, ou non: mais qu'il n'est nullement conuenable de l'ouïr sur les points de la foi, & la matiere des Sacremens: d'autant qu'il ne faut point reuocquer en doute, ne remettre à delibérer les choses, lesquelles vne fois ont esté approuuées par les Conciles generaux, & par toute l'Eglise. Puis le Pape lui baille charge d'aduouer ingenuement, que ces troubles sont suruenus pour les pechés des hommes, sur tout des Prestres, & des Prelats: confessant que des plusieurs années, maintes choses abominables ont esté perpetrées en ce St. Siege: maints abus commis és choses spirituelles, maints excès és commandemens: & qu'en fin tout auoit esté changé & alteré en pis: de sorte qu'on pouuoit dire avec verité, que la maladie estoit deriuée du Chef aux membres, & des souverains Pontifes aux Prelats inferieurs: de sorte qu'il n'y auoit nul qui fist bien, non pas vn seul. Et que lui, tant par sa propre inclination, que pour le deuoir de sa charge, estoit tout delibéré de s'employer de toute sa force & esprit, à la correction d'un si grand mal: & qu'il mettroit toute peine & diligence, à ce, qu'auant toutes choses, la Cour de Rome, dont, peut-estre, vn mal si extreme, & pernicieux, estoit tout procedé, fust reformée. Et de tant plus fera-il cela, qu'il voit que tout le monde passionnément le desire. Mais toutesfois qu'il ne faut point que aucun s'esbahisse, s'il ne voit si tost, comme il desireroit, l'amendement de tous les abus. Car le mal estant inueteré, & grandement multiplié, & compliqué, il failloit proceder pied à pied en la cure d'iceluy, & commencer par les choses les plus grieues & importantes, pour ne confondre & renuerser tout, voulant entreprendre toutes choses à la fois.

& obser-
uation de
accords &
promesses.

Il l'enchargea aussi de leur promettre en son nom, Qu'il leur tiendrait de bonne foi, & constamment, les Concordats: & qu'il s'informerait des proces euoqués par la Rote, pour les remettre *ad partes*, selon droit & raison. Et enfin lui bailla commission de solliciter en son nom les Princes & Estats, à répondre à ses lettres, & l'informer des moyens par lesquels plus commodément on pourroit obuier aux Lutheriens.

On en fait
plainte con-
tre les Re-
ligieux des
regles.

Outre le Bref du Pape, & son instruction, que ce Nonce exhiba, il representa aussi, Que quasi par toute l'Allemagne on voyoit les Religieux abandonner leurs Monasteres, & s'en retourner au siecle, & les Prestres se marier: au grand mespris & diffame de la Relion: & vne grande partie d'iceux commettre plusieurs autres excès & enormités: & pourtant estoit necessaire qu'on prist quelque bon expedient, pour separer ces mariages sacrileges, & punir les coupables, & remettre les Moines fuitifs, & Apoltats, entre les mains & en la puissance de leurs Superieurs.

La Diete re-
spond,

La Diete fit response au Nonce par escrit, disant, D'auoir lu, avec le due respect & reuerence, le Bref du Pape, & l'instruction qui lui auoit esté communiquée sur l'affaire de la faction Lutheriene: qu'elle rendoit grace à Dieu de l'assomption de Sa Sainteté au Papat, lui souhaitant de par Dieu toute prosperite. Et apres auoir exposée qui escheoit sur la concorde des Princes Chrestiens, & la guerre contre le Turc, à la demande, Que la sentence publiée contre Luther, & l'edit de Vvormes, fussent mis en execution, elle respondit, Qu'ils estoient tous prests à employer toutes leurs forces à extirper les erreurs: mais qu'ils auoient differé d'executer icelle sentence, & Edit, pour de tres-grandes & pressantes raisons. Car la plupart du peuple estoit persuadée par les liures de Luther, que la Cour de Rome auoit fait plusieurs griefs à la nation Allemande dont si on eust entrepris l'execution de la sentence, tout le peuple auroit pris soupçon, que cela se fist pour soutenir & garantir les abus, & impietés: & y auroit eu danger d'exciter seditions & emouuemens populaires, qui eussent pu se terminer en guerre ciuile. Et pourtant, qu'en semblables difficultés il failloit vser de remedes plus opportuns: sur tout, attendu que lui mesmes confessoit au nom du Pape, que ces maux provenoyent des pechés des hommes, & promettoit la réformation

tion de la Cour de Rome: de laquelle si les abus n'estoyent amèndés, & les griefs réparés, & quelques articles & chefs reformés, selon que les Princes bailleroient par escrit, il n'estoit possible de mettre paix entre les Ecclesiastiques, & les Seculiers, ne d'estouffer les presens troubles. Et, d'autant que l'Allemagne estoit condescendue au payement des Annates, à condition qu'elles fussent employée a la guerre contre les Turcs, & que dès tant d'années qu'elles auoyent esté payées, elles n'auoyent pourtant iamais esté conuerties à cet vsage, ils prioient le Pape, qu'à l'auenir la Cour de Rome n'eust plus la charge de les exiger, mais qu'elles fussent laissées au fise de l'Empire, pour les frais de ceté guerre. Et à ce, que Sa Sainteté requeroit aduis des moyens pour remedier à tant d'inconueniens; ils respondirent Que, veu qu'il falloit traiter, non de Luther seulement, mais tout ensemble d'extirper plusieurs erreurs, & vices enracinés par long vsage, & sostenus à diuers desseins, par malice des vus, & par ignorance des autres: ils ne iugeoient autre remede plus propre, puissant & opportun, que si Sa Sainteté, avec le consentement de Sa Maiesté Imperiale, conuoquoit au plutost vn Concile pieux, libre & Chrestien, & ce en quelque lieu conuenable en Allemagne, assauoir, ou à Strasboug, ou à Mayence, ou à Coulogne, ou mesmes à Mets, sans dilayer icelle conuocation plus haut d'un an: & qu'en ce Concile il fust permis à toutes personnes, tant Ecclesiastiques, que Seculiers, de proposer, parler, & donner son aduis à la gloire de Dieu, & au salut des ames, nonobstant serment & obligation quelconque. Et que cependant, tenans pour tout assuré que cela seroit receu & mis par Sa Sainteté en execution avec toute diligence & promptitude, ils ne vouloyent laisser de faire les meilleurs reglemens que faire se pourroit, par prouision, pour le temps present: & qu'ils feroient tout deuoir avec l'Electeur de Saxe, que les Lutheriens n'ecriussent, ni ne fissent imprimer autre chose: & que les prescheurs par toute l'Allemagne tinssent sous silence les choses qui pouuoient esmouuoir tumultes populaires, & preschassent sincerement & purement le saint Euangile, selon la doctrine approuuée par l'Eglise, sans mouuoir disputes, ains reseruant toutes les Controuerfes iusques à la determination du prochain Concile. Que les Euesques deputassent personnage pieux, & sauans, pour auoir surintendance sur les prescheurs, les adresser, & les corriger: en sorte toutesfois, qu'on ne pult prendre aucun soupçon, que ce fust pour empescher la verité Euangelique. Qu'à l'auenir on n'imprimast chose aucune nouvelle, qui n'eust au prealable esté veuë & aduouée par gens de probité & doctrine. Et que par ces moyens ils esperoyent d'obuier aux tumultes: & que les troubles seroyent apaisés, & la pluspart des hommes se remettroit en repos & tranquillité, si Sa Sainteté pouruoyoit durement à reparrer les griefs, & assignoit vn libre & Chrestien Concile. D'autant que les gens de bien attendroyent sans doute patiemment la determination d'un Concile, quand ils verroyent qu'iceul se tiendrait bien tost. Et quant aux Prestres qui se marient, & aux Religieux qui retournent au siecle, pource qu'es loix ciuiles il n'y a point de loi estable contr'eux, ils pensoient deuoir suffire qu'ils fussent punis par les Ordinaires, des peines Canoniques. Mais s'ils commettoient quelque crime, ou forsaient, ce seroit aux Prince, ou Magistrat, au territoire duquel ils auroient failli, de leur donner le condigne chastiment.

Le Nonce ne fut point content de cete responce, & resolu d'y repliquer. *mais en gré* Et premierement, quant à la raison qu'ils allegoyent, d'auoir suris l'exécution de la Sentence du Pape, & del'Edit del'Empereur contre Luther, *du Nonce,* qui repliquoit pour euitier les troubles & scandales: il ne la pouuoit prendre en payement: *que.* pource qu'il ne falloit point tolerer le mal, afin que bien en auinst: & qu'ils deuoyent faire plus d'estat du salu des ames, que du repos mondain. Et adiousta, qu'il ne falloit point excuser les adherans de Luther, par les scandales, & griefs de la Cour de Rome. Car, quand bien iceux seroient veritables, il ne falloit pas pourtant se departir de l'vnite Catholique, ains plustost suppor-

1522.

ter tout mal trespassiement. Partant les prioit & requeroit, Qu'auant que la Diece se terminast, la Sentence, & l'Edit fussent executés. Que si l'Allemagne estoit en quelque point greuée par la Cour de Rome, le Saint Siege seroit tres-prompt à la soulager. Que s'il y auoit quelque estrifs entre les Ecclesiastiques, & les Princes Seculiers, le Pape les composeroit, & estoüfferoit. Qand aux Annates, il n'en disoit rien pour l'heure: d'autant que le Pape, en temps opportun, en donneroit la responce. Et quand à la requeste d'un Concile, il repartit, Qu'il esperoit que Sa Sainteté ne l'auroit pour defagreable, pourueu que ils le demandassent en termes conuenables: & pourtant les prioit d'oster de leur demande toutes les paroles qui pourroyent donner ombrage à Sa Sainteté: comme estoient celle-ci, Que le Concile fust indit avec le consentement de Sa Maiesté Imperiale: & ces autres, Que le Concile se tint plus en vne ville qu'en vne autre. D'autant que si on ne les retrachoit, il sembleroit qu'ils voulussent lier les mains à Sa Sainteté: chose qui ne produiroit aucun bon effet. Quand aux Precheurs, il requit, Qu'on obseruast le decret du Pape, qu'à l'aduenir nul ne pust precher, si sa doctrine auparavant n'estoit examinée par l'Euesque. Quant aux Imprimeurs: & publieurs de liures, la responce ne lui agreoit aucunement: ains desiroit qu'ils executassent la Sentence du Pape, & de l'Empereur, qui portoit, Que les liures fussent bruslés, & que les publieurs d'iceux fussent punis au corps: instant, & remonstans qu'en ceci gisoit tout le fait. Et quant aux liures à imprimer: qu'on gardast le moderne Concile de Latran. Et quant aux Prestres mariés, la responce ne lui auoit pas autrement desplu, si elle n'auoit vn aiguillon à la queue, disant, Que s'ils commettent quelque crime, ou forfait, ils seront punis par les Princes, ou Magistrats. D'autant que cela seroit contreuenir à la liberté Ecclesiastique, & mettre la faucille dans la moisson d'autrui, & la main sur ceux qui sont referués à Christ. Car il ne faisoit point que les Princes se persuadassent, que par l'Apostasie iceux fussent deubus à leur iurisdiction, & pussent par consequent estre par eux punis des autres delits: d'autant qu'en eux demouroit le Caractere, & l'Ordre, à raison duquel il demouroient tousiours sous la puissance de l'Eglise: & les Princes, & Magistrats ne pouuoient faire autre chose de droit, que les deferer à leurs Euesques & Superieurs, afin que par eux ils fussent chasties. Concluant pour la fin, qu'il les requeroit qu'ils fissent sur les choses susdites deliberation plus meure, & lui en donnaissent vne responce meilleure, plus claire, saine, & mieux digerée.

*an mescon-
nement
de la Di-
ce, & sans
fruits*

La replique du Nonce ne fut point bien & agreablement receue par la Diete: & ces Princes disoient communement, Que le Nonce auoit vne mesure du bien & du mal, rapportée aux seuls aduantages & commodités de la Cour de Rome, & non aux necessités d'Allemagne. Que la conseruation de l'vnité Catholique deuoit plustost esmouoir à faire le bien, aise à excuter, qu'à supporter le mal, tres-difficile à tolerer. Et toutesfois Monsieur le Nonce requeroit, que l'Allemagne tolerast trespassiement les oppressions que lui faisoit la Cour de Rome, & elle cependant refusoit de se laisser flechir tant soit peu au bien, ou plustost à se deporter du mal, sinon qu'en paroles & promesses. Qu'icelle se demonstroït trop chatouilleuse & sensible, de s'offencer de la demande tant necessaire, & modeste d'un Concile. Pour ces raisons, apres longue deliberation & debat, par commun aduis, fut resolu de ne donner autre responce, mais d'attendre ce à quoi le Pape se delibereroit sur celle qu'on auoit ia donnée.

*les Princes
dressent
l'Escri des
cent Cries,
qu'ils en-
uoyent au
Pape.*

Après cela, les Princes seculiers à part, dresserent vne longue plainte de ce qu'ils pretendoient contre la Cour de Rome, & tout l'ordre Ecclesiastique, le reduisant à cent chefs, qu'ils appelloyent pour cete cause, *Centum Cryes*. Et d'autant que le Nonce, auquel il les confererent, partit auant qu'ils fussent couchés par escrit, eux mesmes les enuoyerent au Pape, avec protestation de ne plus vouloir ne pouuoir les endurer, & qu'à cause de la necessité, & de l'iniquité d'iceux, ils seroyent contrains d'en chercher

la reparation & foulagement de tout leur pouuoit, & par les plus commo-
des voyes, qu'il pourroyent.

Ce feroit chose trop longue & ennuyeuse, d'en rapporter ici tout le contenu : mais en somme, ils se plaignoyent du payement exige pour les Dispences, & Absolutions : des deniers, qu'on tiroit pour les Indulgences : des causes & procès, qui estoient euoqués à Rome : des Reserues des Benefices, & d'autres abus de Comandes, & d'Annates : de l'Exemption des Ecclesiastiques des crimes & delits : des Excommunications, & Interdits iniustes : des Causes seculieres, tirées, sous diuerses couleurs, à la Cour Ecclesiastique : des grands frais qu'il contenoit faire es Dedicaces des Eglises, & des Cemetieres : des Penitences pecuniaires : des despens qu'il falloit faire pour auoir les Sacremens, & la sepulture. Et reduisoient le tout à trois chefs & buts principaux : assauoir à asservir les peuples, les despoiller d'argent & s'approprier la iurisdiction du Magistrat seculier.

Le sixiesme Mars fut fait le Reces, avec les articles, & mandemens compris en la Responce baillée au Nonce. Et peu apres, toutes ces pieces, tant le Bref du Pape, que l'Instruction du Nonce, les responce, & replices, avec les Cent griefs, furent imprimées, & publiées par toute l'Allemagne : & de là passerent à d'autres lieux, & vinrent iusques à Rome, là ou cete naïfue confession du Pape, quela source de tout mal venoit de la Cour de Rome, & de l'ordre Ecclesiastique, ne fut nullement bien prise, & generalement offensa les Prelats : d'autant qu'il leur sembloit, qu'elle estoit trop ignominieuse pour eux, & qu'elle les rendroit encores plus odieux aux Se-
li dessus se departit & sont publiés ces Altes. les iugemens sans diuers touchant la procedure a'Adrien.
culiers, & contemtibles aux peuples : & feroit les Lutheriens plus audacieux & insolens. Sur tout les greuoit de voir vne porte ouuerte, par laquelle seroit introduite la tant abhorrée moderation & racourcissement de leurs commodités, ou conneicé leur incorrigible endureissement. Ceux qui plus excusoient le Pape, imputoient la faute à son peu de conoissance des moyens, & artifices, par lesquels se maintient la puissance Papale, & l'autorité de la Cour, qui ne sont fondées que sur la reputation. Ils haut-
louoient le iugement & grand sens de Leon, qui fut payer les mescontans d'Allemagne de ce trait. Que la mauuaise opinion qu'ils auoyent des mœurs & procedures de la Cour de Rome, ne prononçoit d'autre, que du peu d'experience & conoissance, qu'ils en auoyent. Et pourtant en la Bulle, qu'il publia contre Luther, il auoit dit, **Que** si iceluy estant cité, fust allé à Rome, il n'auroit point trouue en la Cour les abus, qu'il se figuroit.

Mais en Allemagne les mal-affectionnés à la Cour de Rome interpretoient cete naïuete en sens fort finistre : disans, **Que** c'estoit vn artifice fort coustumier aux Papes de conseiller le mal, & en promettre le remede, sans aucune volonté de l'effectuer, seulement pour endormir les simples, & iouir du benefice du temps : & cependant, par le moyen des pratiques, & negociations avec les Princes, se iustifier & garentir en telle façon, qu'ils puissent de plus fort assuiettir les peuples, & leur offer tout moyen de s'opposer à leurs volentés, & de parler de leurs vices & defauts. Et de ce que le Pape disoit, Qu'il ne falloit point essayer de remedier à toutes choses à la fois, pour le danger euidant qu'il y auoit de causer plus grand mal, mais qu'il falloit proceder pied à pied à pied, ils en faisoient des ruses : disant, que c'estoit bien de vrai pied, à pied, mais en telle sorte qu'entre vn pied & l'autre il y eust l'interualle de tout vn siecle. Neant-moins, attendu la bonne & sainte vie d'Adrien, auant son Papat, tant des qu'il fut prouu à la dignité d'Euesque, & puis de Cardinal, qu'au parauant : & la bonne & droite intention qui se descouuroit en toutes ses actions, les gens de bien pre-
lequel de cede ladesj fut, & de la Verriere Diete ne fut aucun fruit de paix & establisement.
noient le tout en tres-bon sens, & croient pour vrai qu'il confelloit les fautes par candeur, & ingenuité, & qu'aussi il estoit disposé à y porter le remede encores plus tost qu'il ne promettoit. Et aussi l'euesnement ne demeritoit point ce iugement : car, la Cour de Rome n'estant point digne d'un tel Pontife, Dieu voulut qu'il decedast tost apres qu'il eut receu la relation

de son Nonce, de Noremberg. Et finit ses iours le trezieſme de Septemb.
1523.

Or en Allemagne, quand l'Arrest du Reces de Noremberg eut esté publié, avec les reiglemens & ordonnances sur le fait des presches, & impressions, la pluspart n'en tint aucun conte: ains les interessés, tant les sectateurs de l'Eglise Romaine, que les Lutheriens, les entendirent à leur faueur. Car, estant par iceux porté, qu'on tint sous silence les choses qui pouuoient esmouuoir tumultes populaires, les Catholiques par là entendoient; qu'on deuoit taire les choses introduites par Luther en la doctrine: & les inuectiues & censures contre les abus de l'ordre Ecclesiastique. Au contraire, les Lutheriens disoient, l'intention de la Diete auoit esté, Que on dult se taire de defendre & soutenir les abus, pour lesquels le peuple s'esmouuoit contre les prescheurs, quand il leur entendoit proferer & proposer publiquement autant les choses mauuaisés, que les bonnes. Et quant à la cause de l'Arrest, qui commandoit de prescher l'Euangile selon la doctrine des auteurs approuués par l'Eglise, les Catholiques entendoient que ce fust selon la doctrine de Scholastiques, & des derniers apostilateurs & gloseurs de l'Escripture Sainte. Mais les Lutheriens disoient, que cela s'entendoit des saints Peres, Hilaire, Ambroise, Augustin, Ierome, & autres semblables: inferans encor qu'il leurs estoit loisible, en vertu de l'Arrest du Reces, de continuer à enseigner leur doctrine iusqu'au Concile: comme à l'opposite les Catholiques pretendoient que l'intention de la Diete auoit esté, qu'on dult continuer en la Doctrine de l'Eglise Romaine. Et partant il sembloit que l'Arrest, en lieu d'esteindre le feu des differens, l'enflammat d'auantage: & demouroit tousiours au cœur des gens de bien l'ardent desir d'un Concile libre, auquel il sembloit que les deux parties se remissent, en esperance que par icelui dult arriuer la deliuanee de tant de maux.

Clement 7. Apres la mort d'Adrien, fut crée Pape, Iules de Medicis, cousin du Pape
est le Pape. Leon. & fut nommé Clement septiesme. Icelui soudainement applica son esprit aux affaires d'Allemagne: &, comme il estoit personnage fort versé en la conoissance des affaires, il voyoit clairement, que le Pape Adrien, *prend vne* tout à contrepoil du style tousiours pratiqué par les sages Pontifes, auoit esté *autre voye* trop facile, tant à confesser les deffauts de la Cour, qu'à en promettre la reformation: & trop abiect à auoir demandé conseil à l'Allemagne, touchant les moyens de pouruoir aux contentions de ce pais-là: d'autant que par cete recherche, il s'estoit attiré la demande d'un Concile, qui estoit de grande importance, sur tout avec l'attache de la condition, qu'il se tint en Allemagne: & auoit trop releué le courage, & le menton aux Princes; dont ils auoyent bien pris la hardiesse, non seulement d'enuoyer à lui, mais mesmes de faire imprimer & publier les Cent griefs, escriptz ignominieusement à tout l'ordre Ecclesiastique d'Allemagne, & encor plus à la Cour de Rome. Mais tout bien pesé, il delibera qu'il faloit de necessité donner quelque contentement à l'Allemagne: avec telle reserue toutesfoiſ, que son autorité ne courust aucun risque, & que les aduantages & profits de la Cour de Rome, n'en fussent point amoindris. Il considera qu'ès Cent griefs quoi qu'aucuns regardassent la Cour de Rome, la pluspart neantmoins touchoient les Euesques, Officiaux, Curés, & autres Prestres d'Allemagne. Dont il conceut esperance, que si ceux-là estoient reformés, les Allemans se laisseroyent aisément fermer la bouche en ceux qui concernoyent Rome: & qu'avec cete reformation il romproit & esquiueroit le coup de la tenue du Concile. Pourtant il iugea à propos de despescher promptement vn Legat doué de prudence, & d'autorité, à la Diete, qui se deuoit tenir de là en trois mois à Noremberg: avec instructions & memoires de suiure les voyes dessusdites: & sur toutes choses, de dissimuler d'auoir notice des propositions & ouuertures faites par Adrien, & des reponses qui lui auoyent esté rendues: pour n'en receuoir aucun preiudice en la negociation: ains pouuoir proceder & agir comme en chose qui fust encores toute en son

entier.

Ce Legat fut Laurens Campeggio, Cardinal du titre de Sainte Anastasie, lequel estant arriué à la Diete, après auoir traité plusieurs choses avec quelques particuliers, pour acheminer sa negociation, parla aussi en public, & dit, Qu'il receuoit vn grand esbahissement, que tant de Princes, & si prudents, pussent souffrir; que fust esteinte & abolie la Religion, & les ceremonies, esquelles ils estoient nés & nourris, & leurs peres & ancestres estoient morts: sans prendre garde, que cete nouueauté butoit à la rebellion des peuples contre leurs Magistrats. Que le Pape, sans auoir esgard à aucun sien interest, mais par pure compassion paternelle enuers l'Allemagne, encouruë en grieues maladies spirituelles & temporelles; & sur le panchant de plus grands maux, l'auoit enuoyé pour auiser à la cure du mal. Que l'intention de Sa Sainteté n'estoit point de leur prescrire & ordonner chose quelconque: ne de permettre aussi qu'elle lui fust prescrite: mais bien de consulter coniointement des opportuns & conuenables remedes: concluant pour la fin, que si la diligence de Sa Sainteté estoit par eux refusée, il ne seroit pas raisonnable de reietter puis apres aucune partie de la faute sur elle.

Il eut pour response des Princes (car l'Empereur estoit absent en Espagne, comme il a esté touché ci-dessus) Qu'ils remercioient le Pape de sa bonne volonté: qu'ils reconnoissoient bien le danger pendant sur leurs testes, pour le changement de la doctrine en la Religion: & que pourtant, en la Diete de l'annee precedente, ils auoyent démontré au Nonce du Pape Adrien le moyen & la voye de composer les differens: & lui auoyent aussi baillé par escrit tout ce qu'ils desiroient & requeroient de Rome: & qu'ils croyoient que cet escrit eust esté receu par Adrien, veu que le Nonce leur auoit promis de le lui cōsigner en mains propres: & de mesme ils croyoient qu'à tous estoient notoyes les griefs que l'Allemagne receuoit de l'ordre Ecclesiastique, attendu qu'ils estoient publiés & imprimés: & que iusques alors ils auoyent esté en attente, comme ils l'estoyent encores, que leurs iustes souhaits fussent exaucés. Et pourtant, que si presentement il auoit quelque commission ou instruction du Pape, ils le prioient de l'exposer, afin qu'auec lui ils pussent prendre bon conseil à tout.

A cela respondit le Cardinal, suiuant sa Commission; Qu'il ne sauoit point, qu'au Pape, ni aux Cardinaux, eust esté portée ou présentée aucune information, ou memoires, des moyens de composer les differens de la Religion. Bien les asseuroit-il de la tres-bonne volonté du Pape, duquel il auoit plein pouuoir de faire tout ce qui pourroit seruir à tel effet: mais quel ouuerture des moyens en appartenoit à eux qui auoyent connoissance de la condition des personnes, & des façons de faire du pais. Qu'il estoit bien informé, que l'Empereur, en la Diete de Vvormes, auoit, de leur aduis, & consentement, publié vn Edit contre les Lutheriens, auquel aucuns auoyent obeï, autres non: de laquelle diuersité il ne sauoit pas la cause; mais bien estoit d'auis, qu'auant toute autre chose, on delibérast du moyen de le mettre en effet & execution. Et combien qu'il n'eust point encores entendu ne sceu, que les Cent griefs eussent esté publiées, pour les presenter au Pape, il sauoit bien neantmoins que trois exemplaires en auoyent esté portés à Rome à quelques particuliers: & qui lui mesme en auoit veu vn, & qu'aussi ils auoyent esté veus du Pape, & des Cardinaux, qui ne se pouoyent persuader qu'ils eussent esté compilés, & dressés, par commandement des Princes: mais estimoient qu'ils eussent esté mis en lumiere par quelque malvueillant, en haine de la Cour de Rome. Et quoi qu'il n'eust point de charge ne commission expresse du Pape sur se fait, il les prioit toutes-fois de croire, qu'il auoit tout pouuoir d'en traiter, selon qu'il escherroit. Bien leur vouloit-il dire, Qu'entre leurs demandes il y en auoit plusieurs, qui desrogeoient à la puissance du Pape, & s'entoyent l'heresie: que de celles-la il ne pouoit entrer en traité, mais

1523.

Car si
le Car-
dinal Cam-
peggio à une
autre Diete
à Nurem-
berg, pour
prouuoir
aux trou-
bles;

qui a pour
source,
et la Diete
se persiste
à conclure
des la
precedente.

à qui le
Cardinal
ganche,
par disti-
mulation,
et belles
promesses.

1523.

bien s'offroit de venir en connoissance & pour parler de celles, qui n'estoyent point contraires au Pape, & auoyent fondement en l'équité: que si apres il demouroit encores quelque chose à negocier avec le Pape, ils la pourroyent proposer, mais en termes plus moderés. Qu'il ne pouuoit se tenir de blâmer, que ces Grecs eussent esté imprimés, & publiés, ce qui passoit toutes les bornes de raison: mais toutesfois, que nonobstant tout cela il estoit très-certain, que pour l'amour de l'Allemagne, le Pape feroit tout, comme estant Pasteur vniuersel. Que si la voix du Pasteur n'estoit ouïe, le Pape, & lui, ne pourroyent faire autre chose, que prendre le tout en patience, & le remettre à Dieu.

à den-
par la Di-
te, qui la
cuse, et
ue l'oy-
muni-
lément.

La Diete ne peut croire que le Cardinal, & le Pape, n'eussent connoissance des choses traitées avec Adrien: & iugea qu'il y auoit és réponses du Legat de l'artifice, & de la dissimulation: neantmoins, desirant qu'on prist finalement quelque bonne deliberation pour la paix & repos de l'Allemagne, deputa quelques Princes pour traiter avec le Cardinal: mais ils ne purent obtenir de lui autre chose, sinon qu'il feroit vne bonne reformation pour le Clergé de l'Allemagne: mais pour les abus de la Cour de Rome, il ne fut iamais possible de le faire condescendre à chose quelconque: car, quand on en auancoit le propos, ou bien il disoit, que c'estoit heresie de les reprendre: ou, qu'il s'en remettoit au Pape, & que c'estoit avec lui qu'il en falloit traiter.

la f-
h-
la-
faire par
Cardinal,
ce-
par la Di-
te.

Le Cardinal fit la reformation de l'Allemagne, laquelle ne touchant que le menu Clergé, il fut iugé, que non seulement elle fomenteroit le mal, comme font coustumierement les remedes legers & palliatifs, mais qu'elle feroit à roidir & elleuer la domination de la Cour de Rome, & des plus grands Prelats, au preiudice des puissances seculieres: & qu'elle feroit ouuerture à plus grande extorsion de deniers: & pourtant ne fut point receu: n'estant estimée qu'une pure mommerie, pour eluder l'attente de l'Allemagne, & pour la reduire sous plus grande serditude & tyrannie: quoi que le Legat fût de tres-curieux & puillans deuoirs pour la faire accepter: Par tant lui aussi ne voulut consentir à aucune des propositions qui lui furent faites par les Deputés de la Diete. Laquelle, voyant qu'elle ne pouuoit conclurre chose aucune avec lui, publiâ le Recés, le dixhuitieme Aueil, avec Arrest, Que par le Pape, avec le consentement de l'Empereur, seroit au plus tost indict & intimé vn Concile libre en Allemagne, en lieu propre & conuenable: & que les Estats de l'Empire s'assembleroyent à Spire, le onzieme Nouembre, pour arrester entr'eux comment on se deuoit conduire attendant la tenue du Concile. Que chaque Prince, en ses estats, assembleroit personnaiges de pieté, & de sauior, pour recueillir les choses qu'il faisoit disputer au Concile. Que les Magistrats auoyent le soin de faire que l'Enangile fust presché, selon la doctrine des Auteurs, approuués par l'Eglise: & que tous liures, & pourtraits diffamatoires & contumelieux contre la Cour de Rome, seroyent interdits, & defendus.

le Legat
deman,

Le Legat respondit à tous les chefs de l'Arrest, montrant, Que ce n'estoit point de la charge des Seculiers, de deliberer chose aucune touchant la foi & doctrine, ou predication d'icelle: promit seulement, quant au fait du Concile, qu'il en feroit son rapport au Pape.

lequel à
par la
au-
tr-
trou-
qu-
Prieur,

Au depart des Princes de la Diete, le Legat moyenna avec ceux qui plus adheroyent à Rome, qu'ils s'assemblassent, pour faire publier la reformation, qui n'auoit esté receuë en la Diete. Et à Regensbourg se trouuerent auuelui, Ferdinand, frere de l'Empereur; le Cardinal, Archeuesque de Saltsbourg, deux Ducs de Bauiere, les Euesques de Trente & de Regensbourg, & les Agens de neuf Euesques: & là premierement firent cet Arrest, en date du sixiesme Iuillet, Que, ayant esté ordonné en l'Assemblée de Noremberg, que l'Edit de Vvormes contre Luther seroit executé entant que faire se pourroit: eux, pour ces causes, à l'instance du Cardinal Campege, Legat, commandoyent, Qu'icelui fust obserué en tous leurs Estats,

& seigneuries: què les innouateurs fussent punis, à forme de l'Edit: qu'on ne changeast ni innouast chose aucune en la celebration de la Messe, & des Sacremens: que les Religieux & Religieuses apostats, & les Prestres qui se marieroyent, & ceux qui receuroyent, l'Eucharistie sans se confesser, oï qui mangeroyent viande deffendues, fussent chasties: & que tous leurs suiets, qui estoient en l'Academie de Vvittemberg, s'en dussent retirer dans le terme de trois mois, retournant en leurs maisons ou se transportant ailleurs. Le iour ensuiuant, qui fut le septiesme, le Cardinal publica ses Constitutions touchant la reformation, lesquelles furent approuués & ratifiées par tous les Princes susnommés, & fut commandé, Que par tous leurs Estats & Seigneuries, elles fussent publiées, receuës, & obseruées.

En la preface d'icelles Constitutions, le Cardinal disoit, Que puis qu'il importoit grandement, pour l'extirpation de l'heresie Lutheriene, de reformer la vie & les mœurs du Clergé: lui, par l'aduis des Princes, & des Prelats assemblés avec lui, auoit statué & ordonné ces decrets, commandant qu'ils fussent receus en toute l'Allemagne, par les Archeuesques, Euesques, & autres Prelats, & Prestres, & Reguliers: & publiés en toutes les villes & Eglises. Iceux contenoient trente sept articles, des vestemens, & de la conuersation du Clergé: d'administrer les Sacremens, & autres fonctions Ecclesiastiques, gratuitement: des banquiers: des bastimens, & fabriques d'Eglise: de ceux qui deuoient estre promus aux saints Ordres: de la celebration des Festes: des iusnes: contre les Prestres qui se marioyent: contre ceux qui communioyent sans se confesser: contre les blasphemateurs, sortileges, deuins, & autres telles choses. En fin estoit enioint & commandé que chaque année fussent tenus & celebrés les Conciles Diocesains, pour l'observation de ces statuts: donnant aux Euesques permission & pouoir d'implorer le bras Seculier contre les transgresseurs, & contreneuans.

Après que l'Edit de reformation eut esté publié, les Princes & Euesques, qui en la Diete n'auoyent point consenti à la requeste du Cardinal, se tinrent offensés; tant de lui, que de tous ceux qui s'estoyent assemblés avec lui à Regenbourg: tenans à iniure du Legat, qu'avec l'interuention de quelcun petit nombre seulement il eust voulu faire vn reiglement & establissement general pour toute l'Allemagne; & sur tout après lui auoir esté démontré, qu'il n'en pouuoit arriuer aucun bien. Ils repouterent aussi auoir reçu vn tort de ce peu de Princes, & Euesques, de s'estre attribués & ingerés, d'obliger toute l'Allemagne; contre l'aduis des autres. Et de plus, on obiectoït à cete reformation, premierement, Que, laissant à quartier les choses les plus importantes, comme si en icelles il n'y auoit aucun desordre; on pouruoit aux choses friuoles & legeres: car l'Allemagne ne souffroit, pas de grands maux des abus du menu Clergé, mais bien grieux des vsurpations & empietemens des Euesques & Prelats, & tres-grieux & importables de ceux de la Cour de Rome. Et nonobstant cela, comme si ceux-là eussent esté mieux reiglés & disciplinés qu'en la primitiue Eglise; on n'en faisoit aucune mention. Et puis encores, en ce qui concernoit le menu Clergé, on ne touchoit point les abus principaux, mais seulement les plus legers: ce qui n'estoit en effet autre chose, qu'approuer les autres: & de plus, ceux qui estoient censurés, n'estoyent que notés sans y appliquer la medecine forte, & necessaire pour guerir le mal.

Mais le Legat, & les Princes susmentionnés, qui s'estoyent assemblés avec lui, se soucioient bien peu de ce qui estoit dit par l'Allemagne: & encor moins de ce qui pouuoit s'ensuiure de la publication de l'Edit: car leur but n'estoit autre que de contenter le Pape: & celui du Pape, que de monstrier d'auoir pourueu à tout, dont il n'estoit ia besoin de Concile. Car Clement, fort versé au maniement des affaires d'estat, mesme du viuant d'Adrien, auoit tousiours soustenu, qu'ès occurences de ces temps, le conseil de se seruir du moyen des Conciles estoit pernicieux: & dsoit ordinairement, que les Conciles estoient viles toutes les fois qu'on traiteroit tou-

1525.

te autre chose, que de l'autorité du Pape: mais, quand icellé venoit en debat, qu'il n'y auoit rien de plus pernicieux. Car comme es temps passez les armes des Papes estoient de recourir aux Conciles, ainsi au temps present la feureté du Papat consiste à les euitier & fuir: de tant plus, que Leon ayant ia condanné la doctrine de Luther, on ne pouuoit plus remettre sus cete mesme matiere en vn Concile, pour en deliberer, & l'examiner, sans mettre en compromis l'autorité du Saint Siege.

*L'Empereur
Charles 12.
et la Diete,*

L'Empereur, ayant reçu l'Arrest de Noremberg, s'esmut grandement, de ce qu'à son desceu on eust traité, & donné responce tant precise à vn Prince estranger, en chose de si grand poids: iugeant que la reputation de Sa Maiesté Imperiale y estoit grandement interessée. Aussi peu lui agreea la rigueur de l'Arrest, preuoyant bien que le Pape le prendroit à desplaisir, là ou il desiroit s'entretenir en ses bonnes graces, à cause de la guerre, que ses Capitaines faisoient alors contre les Francois. Et pourtant il rescriuit en Allemagne aux Princes, se plaignant de ce qu'après que lui Empereur auoit condanné tous les liures de Luther, la Diete s'estoit restreinte seulement aux diffamatoires & contumelieux. Mais encores plus grieuement les censuroit-il, qu'ils eussent fait vn Arrest de tenir le Concile en Allemagne, & eussent recherché le Legat d'en traiter en leur nom avec le Pape: comme si cela n'appartenoit pas beaucoup plus au Pape, & à lui, qu'à eux. Que s'ils croyoient que la conuocation d'un Concile fust tant vile à l'Allemagne, ils deuoient recourir à lui, quil'obtiendroient du Pape. Nonobstant tout cela, lui aussi, reconnoissant que le Concile seroit utile pour l'Allemagne, estoit resolu qu'il se tint: en lieu & temps toutes-foi, auquel il s'y pût trouuer en personne. Mais, quant à ce qu'ils auoient assigné vne autre iournée à Spire, pour y reigler les affaires de la Religion iusqu'au Concile, il dit, Qu'il ne le vouloit nullement permettre: ains leur commandoit, Qu'ils se disposassent à obeir à l'Edit de Vvormes, & ne traitassent d'aucun affaire de Religion, iusques à ce que de l'autorité du Pape, & siene, fust conuqué vn Concile. Ces lettres Imperiales, de plus haut & imperieux stile, que l'Allemagne n'auoit accoustumé de receuoir des deuanciers de Charles, esmurent des humeurs assez dangereuses es esprits de plusieurs Princes, lesquelles bouillonnant eussent pu réussir à quelque faucheuse issue.

*Les affaires
estant trou-
blées, le
proprié du
Concile est
sursis pour
vn an,*

Mais ce mouuement & flot fut bien tost appaisé, & toutel'année suiuiante mil cinq cens vintcinq, demeura sans aucune negotiation en cete matiere. Car en Allemagne s'esleua la rebellion des Paisans contre les Princes & Magistrats, & la guerre des Anabaptistes: ce qui tint chacun en alarme: & en Italie auint au commencement de l'année la bataille de Pauie, & la prise de François, Roi de France: laquelle enfla tellement le courage de l'Empereur, qu'il lui sembloit d'auoir tout le monde à son arbitrage: mais il fust bien tost empesché & occupé d'affaires, à cause des ligués de plusieurs Princes, qui se traiterent contre lui; & de la negotiation de la deliurance du Roi. Le Pape aussi, voyant l'Italie demeurée sans defence, à la discretion des Ministres Imperiaux, pensoit à soi mesme, & aux moyens de s'allier avec autres, qui le pussent defendre contre l'Empereur, duquel il s'estoit distrait, le voyant deuenu si puissant, que le Papat demerit absolument à sa disposition.

*puis remis
sur en la
Diete de
Spire:*

En l'année mil cinq cens vintsix, on retourna aux mesmes traités en Allemagne, & en Italie. En Allemagne, tous les Estats de l'Empire estans assemblés en Diete en la ville de Spire, sur la fin de Iuin, par ordre expres de l'Empereur, fut mis en deliberation, comment on pourroit conseruer la Religion Chretienne, & les anciens vs, coustumes, & ceremonies de l'Eglise, & chastier les violateurs. Mais les aduis estans si diuers, qu'il n'estoit possible de venir à aucune conclusion, les Representans & Deputés de l'Empereur firent lire les lettres Imperiales: esquelles Charles disoit, Qu'il auoit deliberé de passer en Italie, & à Rome, pour prendre la couronne,

ronne, & pour traiter avec le Pape, pour la tenue du Concile: pourtant, commandoit qu'en la Diete on n'ordonnast chose aucune contre les loix, ceremonies, & vsages anciens de l'Eglise, mais qu'on obseruast la forme de l'Edit de Vvormes, & qu'on portast patiemment ce peu d'attente, iusques à ce qu'auec le Pape il eust moyenné la tenue du Concile, ce qui seroit en bref. D'autant, que de traiter les affaires de la Religion en Diete, il en naissoit plustost du mal que du bien.

Les villes, pour la plus grand part respondirent, Que leur desir estoit de gratifier, & obeïr à l'Empereur: mais qu'elles ne voyoyent point le moyen de mettre en effet ce qu'il commandoit par ses lettres: d'autant que les differens estoient multipliés, & croissoient iournellement: sur tout au fait des ceremonies & obseruances: & que si par le passé on n'auoit pu obseruer l'Edit de Vvormes, de peur des seditions; les difficultés estoient au iourd'hui beaucoup plus grandes, comme on l'auoit fait voir au Legat du Pape. Tellement que si l'Empereur mesmes se trouuoit present, & estoit bien informé de l'estat des affaires, il n'en feroit point autre iugement. Et quant aux promesses de Sa Maïesté touchant la tenue du Concile, chacun disoit, Qu'au temps qu'il auoit escript les lettres, il eust pu l'effectuer, d'autant que lors il estoit de bon accord avec le Pape: mais que depuis, estant arriué des brouilleries & mesintelligences entr'eux, iusques là, que le Pape auoit armé contre lui; on ne pouuoit voir, comment en cet estat d'affaires il estoit possible d'assembler vn Concile. Pour ces causes aucuns mettoient en auant, que, pour remedier aux dangers eminens, il seroit bon de rechercher l'Empereur d'accorder vn Concile national en Allemagne. Que si aussi cela ne lui agroit point, du moins il fust content de differer l'exécution de l'Edit de Vvormes iusqu'au Concile general, pour obuier au danger des troubles & seditions. Mais les Euesques, qui ne visoyent à autre but, qu'à la conseruation de leurs autorités, & preeminences, disoyent, Qu'il ne faisoit point venir à aucun traité en fait de Religion, pendant les discordes entre l'Empereur & le Pape: mais que le tout fust differé à temps plus opportun.

Les aduis estoient si fort differens, & il s'esmut vne si grande dissension entre les Ecclesiastiques, & les affectionnés à la doctrine Lutherienne, que les choses furent en euident danger d'esclater en guerre ciuile: & ia plusieurs Princes se preparoyent au depart & retraite. Mais Ferdinand, & les autres Deputes de l'Empereur, voyans clairement le grand mal qui naissoit, si la Diete se departoit en si grande rupture, & desunion de courages, & si les Princes se separoyent sans aucun Arrest, (car chacun trauiilleroit selon ses propres desseins & interets, avec danger de diuiser irreconciliablement l'Allemagne) s'employèrent à appaiser les courages des principaux, tant de l'un que de l'autre parti: & finalement fut prise resolution de former vn Arrest: lequel, quoi que reellement il ne conclust pas selon l'intention de l'Empereur, monstroït neantmoins apparence de concordance entre les Estats, & obeïssance enuers l'Empereur. Le contenu d'icelui estoit, Qu'estant necessaire, pour donner bon ordre & forme aux affaires de la Religion, & pour la manutention de la liberté, de celebrer vn Concile legitime en Allemagne, ou bien vn general de toute la Chrestienté, lequel soit ouuert & commencé dans vn an prochainement venant, il faut enuoyer Ambassadeurs à l'Empereur, pour le prier de ietter les yeux sur le miserable & turbulent estat de l'Empire, & au plus tost retourner en Allemagne pour procurer icelui Concile. Que iusqu'à tant qu'on püst obtenir ou l'un ou l'autre des Conciles necessaires, tous Princes, & Estats, se gouuerneroient en leurs terres, & lieux de leur iurisdiction au fait de la Religion, & de l'Edit de Vvormes, en maniere qu'ils pussent rendre bon conte de leurs actions à la Maïesté diuine, & à l'Empereur.

Mais en Italie, Clement, qui auoit passé toute l'année precedente en

1526.
jalouſie co-
re Char-
les,

ſ'allie avec
le Roi Fran-
çois & au-
res ligés
contre l'Em-
pereur.

auquel il
eſcriut vne
longue in-
uectiue.

ſainte a-
ne autre
lettre plus
modérée.

perpetuelles perplexités & frayeurs, ſe figurant l'Empereur Charles ores armé à Rome, pour occuper l'Eſtat de l'Egliſe, & reconquerir la poſſeſſion de l'Empire Romain, ampiété & enuahi par les artiſces des Papes, ſes predeceſſeurs: ores, preſidant en vn Concile, pour reigler & moderer l'autorité Papale en l'Egliſe: ſans quoi il voyoit bien qu'il lui eſtoit impoſſible d'eſbrecher la temporelle: mais ſur tout, ayant conceu vn tres-ſiniſtre preſage, de ce que tous ſes Miniſtres, & Agens qu'il auoit enuoyés en France, pour traiter avec la Regente, mere du Roi, & avec le Conſeil d'Eſtat, eſtoyent tous morts & peris par chemin: finalement ſur la fin de Mars de cete année, eut quelque reſpit, entendant que le Roi auoit eſté deliuré, & eſtoit retourné en France. Là deſſus il enuoya en toute diligence ſe conioiur avec lui, & conclure alliance contre l'Empereur: laquelle eſtant arreſtée à Cognac, le vintdeuxieſme Mai, entre le Pape, le Roi, & les Princes d'Italie, ſous le nom de Treſſainte ligue: & le Pape ayant abſous le Roi du ſerment fait en Eſpagne pour l'oſſeruation des accords paſſés, il lui ſembla d'eſtre en pleine liberté, & d'eſtre releué de la peur, qui eſtoit la paſſion qui plus le dominoit. Et eſtant grandement irrité de ce que non ſeulement en Eſpagne, & à Naples, ſe publioient iournellement ordonnances au grand preiudice de la Cour de Rome: mais auſſi, ce qui le greuoit le plus, qu'en ces meſmes iours là, vn Notaire Eſpagnol auoit bien eu la hardieſſe de comparoir publiquement en Rote, & au nom de l'Empereur faire commandement à deux Napolitains, de ſe deporter de plaidier en icelle Cour: il ſe reſolut de deſcouvrir ſapenſée, pour donner courage aux Conſederés. Et eſcriuit à Charles, ſous la date du vinttroiſieſme Iuin, vn bref allez long, en forme de plaintif & d'inuectiue: auquel ramen- teuant ſes bienfaits enuers lui, & les grands partis & offres qu'il auoit reſuſes d'autres Princes pour ſe tenir à ſon amitié, voyant d'eſtre mal recompensé, & que l'Empereur ne lui correſpondoit point ni en bienveillance, ni en obſeruation des promeſſes: ains tout au contraire, lui don- noit grand ſuiet de ſouſçons, & lui faiſoit mille offenſes, allumant nou- uelles guerres en Italie, & ailleurs, leſquelles toutes il ſpecificoit, impu- tant à l'Empereur la cauſe de tous les maux, & monſtrant qu'en tout cela la dignité Papale eſtoit violée: & puis paſſant à vn autre genre d'offences, ayant publié en Eſpagne loix; & à Naples, pragmatiques ſanctions, contre la liberté de l'Egliſe, & la dignité du Saint Siege: en ſin conclut, non, ſelon la couſtume des Papes, par menaces de peines ſpirituelles, mais par proteſtation, Qu'es'il ne ſe veut ranger aux termes de la raiſon, & iuſtice, ſe deportant d'enuahir l'Italie, & de troubler les autres parties de la Chreſtienté: il ne defaudra point de ſa part à la iuſtice, & à la liberté de l'Ita- lie, en laquelle giſt la garde du Saint Siege, ains mouura contre lui ſes armes iuſtes & ſainctes, non pour l'offenſer, mais pour deſſendre & garen- tir le bien & ſalut commun, & ſa propre dignité.

Après que cete deſpeſche eut eſté expediee en Eſpagne, le iour enſui- uant il eſcriuit & deſpeſcha à l'Empereur vn deuxieſme Bref, ſans faire mention du premier. Et en cetui-ci il diſoit en ſubſtance, Qu'il auoit eſté obligé, pour maintenir la liberté de l'Italie, & preuenir les dangers du Saint Siege, de venir aux deliberations, qui ne ſe pouuoient omettre, ſans defaillir au deuoir de bon Pape, & de iuſte Prince: auſquelles ſi Sa Maieſté vouloit porter le remede, qui lui eſtoit aiſé, vtile, & glorieux, la Chreſtienté ſeroit deliurée de grands dangers: ainſi que ſon Nonce, reſi- dant auprès de lui, lui expoſeroit plus au long. Qu'il le prioit par la mi- ſericorde de Dieu, de l'eſcouter, & pouruoir au ſalut & bien public, & contenir les effrenées & violentes cupidités des ſiens dans les bornes du droit & de la iuſtice: afin que les autres püſſent eſtre en ſeurté de leurs biens, & de leurs propres vies. Sous ces dernieres paroles le Pape com- prenoit principalement les Colonois, Pompée Cardinal, Veſpaſien, & Aſcane, & autres de la meſme famille, partiſans de l'Empereur, & fo-

mentés & secourus par le Viceroy de Naples: desquels il receuoit tous les jours infinies trauerſes & oppositions à ses desseins. Et, ce qui faisoit plus forte impression en son esprit, il redouoit encore qu'ils ne lui querellassent le Papat. Car le susdit Cardinal, Pompée Colonne, homme hardi, & superbe, ne se retenoit nullement de dire tout haut de lui, Qu'il estoit monte au Papat par voyes induës: & haut louant les exploits de la maison des Colonnes contre autres Papes intrus, comme il disoit, il adiouſtoit que c'estoit chose fatale à ceux de leur famille d'estre haïs par les Pontifes tyrans: mais aussi de les reprimer & abbatre par leur vertu: & menaçoit d'un Concile, faisant grande instance avec les ministres & lieutenans Imperiaux, qu'ils disposassent l'Empercur à le conuoyer. Parquoy le Pape, non seulement irrité, mais encorés voulant preuenir, publia vn rigoureux Monitoire contre ce Cardinal, l'adiournant à Rome sous très-grieues peines & censures & taxant en icelui directement le Viceroy de Naples, & obliquement l'Empercur. Mais, d'autant que la prise des armes ne prosperoit point en Lombardie, & que l'armée de France ardoit à venir, & qu'en mesme temps estoit arriuée la desfaite de l'armée Chrestienne en Hongrie, avec la mort du Roi Louis, & que tous les iours plus se multiplioit le nombre des sectateurs de la Doctrine de Luther, & que tous requeroient instamment vn Concile, qui moyennast la paix vniuerselle entre les Chrestiens, & mist fin à tant de confusions: Pour ces causes, le Pape appointa l'affaire des Colonnnois, & annulla le Monitoire public contre le Cardinal, puis assembla le Consistoire, le treizeſme Septembre, auquel il exposa piteusement les miseres de la Chrestienté, deplorant la mort du Roi de Hongrie, & rapportant tous ces malheurs au courroux de Dieu, esmu par les pechés des hommes, & confessant que tous auoyent leur source de la deprauation de l'ordre Ecclesiastiq: & remonstra que, pour l'appaiser, il estoit necessaire de commencer par la maison de Dieu, (ainsi parla-il) & qu'à cela il vouloit donner bon exemple en ſa propre personne: il excusa & iustifia la prise des armes, & les procès contre les Colonnnois, exhorta les Cardinaux à amendement de vie, & dit, Qu'il estoit de volenté de se transporter en personne vers tous les Princes Chrestiens, pour traiter vne paix vniuerselle, estant resolu de quitter plustost la vie, que d'abandonner cete entrepriſe; tant qu'il l'eust conuite à chef: & ayant ferme esperance en la grace & secours de Dieu, d'en voir la conclusion: & que l'ayant obtenue, il estoit resolu de celebrer le Concile vniuersel, pour esteindre par mesme moyen la diuision en l'Eglise, & estoufer les heresies. Il exhorta tous les Cardinaux à auiser, & lui représenter tous les moyens, qu'ils estimeroient pouuoir seruir à ces deux intentions, d'establiſſer la paix, & deſraciner l'heresie.

Cete harangue du Pape fut publiée à Rome, & mesmes par toute l'Italie, & copies en furent faites & enuoyées es mains de plusieurs: mais, quoi que les siens la secondaſſent bien fort par leurs louanges, elle ne trouua pourtant gueres de creance de sincerité enuers la pluspart.

Mais quand en Espagne les deux lettres du Pape eurent esté par le Nonce Apostolic presentées à l'Empercur, l'une apres l'autre d'un iour: le Conseil de ce Prince en entra en de grands penſemens. Aucuns croyoient que Clement, repenti de l'aigreur de la premiere, eust escrite la seconde pour correctif, & lenitif: & pour ce conseilloyent de n'en faire aucun ressentiment. Et cete opinion estoit fomentée par vn bruit semé à dessein par le Nonce, que par la seconde il auoit eu commission, si la premiere n'auoit esté presentée, de ne la liurer point, ains presenter seulement la deuxieme, & renuoyer l'autre. Mais les plus sences voyoyent bien, que, veu qu'il n'y auoit d'intervalle en la date de l'une & de l'autre, que d'un iour, s'il eust eu quelque repentir au Pape, aisément il eust pu faire haſter le deuxième Courier, pour deuançer le premier: & puis, qu'il n'estoit nullement croyable, qu'un Prince prudent, comme Clement, se fust resolu d'escire avec tant d'apreté & aigreur, sans grande consultation. Et pourtant iugeoyent que ç'auoit esté vn artifice de protester, sans vouloir responſe. Dont il fut

1526.

*2 qui l'Em-
pereur re-
spond en
conformité:*

*avec grie-
sues plain-
tes & gran-
des char-
ges contre
le Pape:*

*duquel il
appelle à
vn Con-
cile.*

*conferme
les mesmes
choses par
lettres au
College des
Cardinaux*

conclud, qu'il seroit imité par l'Empereur, respondant pareillement à la premiere lettre, en termes ressentans la rigueur: & vniour apres à la seconde, en style correspondant à icelle.

Et ainsi fut fait: & fut escrit vne lettre d'Apologie par l'Empereur, en date du dixseptieme Septembre, laquelle en son Original contenoit vint-deux feuilles de papier de coron: laquelle le Chancelier Mercurin de Gatinaire presenta toute ouuerte au Nonce, & apres lui en auoir fait lecture, la seella en sa presence, & la lui remit entre mains; ainsi qu'il la fist tenir au Pape. Dès l'entree de la lettre, l'Empereur declaroit que la procedure du Pape estoit bien fort indigne & messeante à la charge de vrai Pasteur, & nullement correspondante à la filiale obseruance rendue par lui au S. Siege, & à Sa Sainteté: qui louant si fort ses propres actions, & chargeait celles de lui Empereur d'ambition, & d'auarice, le mettoit en necessité de faire apparoir de son innocence. Puis, entrant au narré de ce qui estoit arriué au temps de Leon, & en suite d'Adrien, & finalement de lui Clement, faisoit voir qu'en toutes ses actions il auoit eue tresbonne intention, & auoit esté forcé de proceder comme il auoit fait, reiectant toute la coulpe sur le Pape. Il fit aussi mention de beaucoup de biens faits conferés au Pape: & à l'opposite de plusieurs traités & menées de lui Pape contre soi, à diuerses occasions. Et finalement conclut, qu'il ne desiroit rien tant, que le repos public, & la paix vniuerselle, & la iuste & raisonnable liberté del'Italie. Que si ces choses estoient egale- ment desirées par Sa Sainteté, qu'elle mist bas les armes, & rengainast l'espee de S. Pierre: d'autant que, posé ce fondement, il estoit aisé de baltir la paix dessus, & de vaincre les erreurs des Luthériens, & autres heretiques: en quoi il le trouueroit fils tresobeissant. Mais si Sa Sainteté faisoit autrement, il protestoit deuant Dieu, & deuant des hommes, que nul des sinistres accidens, qui pourroyent arriuer à la Religion Chrestienne, ne lui pouuoit estre imputé. Promettant, que si Sa Sainteté admettoit ses iustifications, comme vrayes & legitimes, il ne se resouuiendroit plus des offenses receuës. Mais aussi, que, si elle continuoit à proceder contre lui par armes & force ouuerte, il ne seroit en cela office de Pere, mais de partie: non de Pasteur, mais d'agresseur: & ne seroit nullement conuenable qu'il fust iuge en ces causes. Et d'autant qu'il n'y a autre à qui recourir contre lui, il est resolu, pour si descharge & iustification, de remettre le tout à la connoissance & iugement d'un Concile general de toute la Chrestienté. Exhortant Sa Sainteté au nom du Seigneur, d'intimer icelui en lieu asseuré & propre, avec assignation de terme conuenable. Car, voyant que l'estat del'Eglise, & de la religion Chrestienne, se trouble tout, il recourt à icelui saint & vniuersel Concile, pour pouruoir au bien & salut de ses propres affaires, & de la Chrestienté, & à icelui appelle de toutes les menaces, & griefs futurs.

La response à la seconde lettre fut en date du dixhuitieme: & en icelle il disoit, Qu'il s'estoit relioué, voyant qu'es deuxiemes lettres Sa Sainteté traitoit avec lui plus benigne-ment, & de meilleure affection desiroit la paix: laquelle si lui Empereur auoit le pouuoir d'establi, autant que d'autres ont en main de mouoir la guerre, le Pape verroit bien tost quelle seroit sa pensee. Quoi que de vrai il tiene, que Sa Sainteté parle à l'instigation d'autrui, & non de son propre & libre mouuement: & espere en Dieu, qu'elle procurera plustost le bien public; que de seconder les passions d'autrui. Et pourtant la prie de iecter l'œil sur les calamités du peuple Chretien: car de sa part, il appelle Dieu à tesmoin, qu'il est tousiours prest à faire voir à chacun, qu'il n'a autre but que la gloire de Dieu, & le salut de son peuple. Comme plus amplement il a escrit es lettres precedentes.

L'Empereur escriuit au College des Cardinaux, en date du sixiesme Octobre leur declarant, Qu'il auoit senti beaucoup de desplaisir & regret, que le Pape, oubliant la dignité Papale, taschast de troubler le repos public: & que lors que lui Empereur cuidoit auoir mis tout le monde en paix, par l'accord fait avec le Roi de France, lui fussent suruenues lettres du Pape, telles, que jamais il n'auroit eue deuoir proceder d'un Pere commun, & Vi-

raire de Christ: lesquelles aussi il a cru n'auoir esté minutées & consultées sans leur aduis & conseil; iugeant bien que le Pape ne traite choses de si grande importance sans les leur communiquer. Et pourtant qu'il s'est grandement esbahi, que d'un Pape, & de Peres tant religieux, procedent guerres, menaces, & pernicioeux conseils; contre vn Empereur protecteur de l'Eglise, & si bien meritant: lequel, pour leur complaire, auoit bouché ses oreilles à Vvormes aux réquestes & prieres, qui lui estoient presentées par toute l'Allemagne, contre les oppressions, & griefs, qu'icelle souffre de la Cour de Rome: & n'auoit tenu conte des raisonnables demandes qui lui estoient faites de conuoyer vn Concile, pour obuier aux susdites oppressions: ce qui seroit tout d'une main remedier à l'heresie Lutherienne. Qu'en faueur du S. Siege, il a depuis interdit l'Assemblée, que les Estats d'Allemagne auoyent intimée en la ville de Spire, preuoyant bien que ç'auoit esté vn commencement de desmembrer l'Allemagne de l'obeissance de l'Eglise Romaine: & a diuerses fois pensées de ces Princes-là, par la promesse qu'il leur a faite d'un Concile. De quoi ayant escrit, & rendu conte au Pape, Sa Sainteté l'auoit remercé, qu'il eust rompu l'assemblée de Spire: le priant quant au Concile, de le différer à temps plus opportun. Et lui, pour gratifier le Pape, auoit fait plus d'estat de le contenter, que des tant vrgentes & necessaires prieres de l'Allemagne. Et nonobstant tout cela, encores lui escriuoit le Pape lettres pleines de plaintes, & imputations: & mesmes demandoit de lui choses, qu'il ne pouuoit accorder de iustice; & avec fa seurte. Desquelles lettres il leur enuoye la Copie, leur ayant voulu exposer le tout, afin qu'ils subuiennent à la Chrestienté tombante, & s'employent à destourner le Pape de conseils si pernicioeux: lesquels si tant est qu'il y aille inflexiblement persister, qu'ils l'exhortent à la conuocation d'un Concile, à quoi si icelui ne veut condescendre, il recherche & requiert leurs Reuerendissimes Paternités, & le Sacré College, que selon l'ordonnance & l'establissemēt de la Loi, en cas de refus, ou de dilatiō du Pape, eux-mesmes le conuoquent, obseruant tout l'ordre & la bien seance requise. Que s'il lui refusent cete tant iuste demande, ou la dilayent outre raison, il y pouruoirait par autorité Imperiale, y apportant remedes iustes & opportuns. Cete lettre fut presentée le douziesme Decembre dans le Consistoire: & au mesme lieu fut ensemblément deliurē vn double de la lettre, qui auoit esté consignee au Nonce en Grenade.

Toutes ces lettres furent incontinent imprimées en diuers lieux d'Allemagne, Espagne, & Italie, & plusieurs copies en coururent par les mains des hommes. Les personnes, qui prennent garde aux euenemens du monde, mais toutesfois ne sont de grande capacité: & vivent & se gouuernent par l'exemple d'autrui, & sur tout des grands: & qui auoyent eu opinion de l'Empereur Charles, par les demonstrations qu'il auoit faites contre les Lutheriens, tant à Vvormes, qu'en autres occasions, en faueur du Pape, que par religion & conscience, il fauorisoit le parti du Pape; voyans à present vn si grand changement en lui, furent pleins de scandale, sur tout pour ce qu'il disoit, qu'il auoit bouché les oreilles aux honnestes demandes de l'Allemagne, pour faire plaisir au Pape. Et les plus entendus estimerent que Charles n'auoit point esté bien conseillé, de diuulguer vn si grand secret d'estat, & faire croire au monde, que la reuerence demonstrée enuers le Pape, n'estoit autre chose qu'un artifice de regner, couuert du manteau de Religion. Et attendoyent sur ces lettres quel grand ressentiment du Pontife, attendu que l'Empereur auoit touché deux grands mysteres du Papar: l'un, appellant du Pape au Concile futur, contre les expressses constitutions de Pie, & Iules deuxiemes: l'autre, ayant conuie les Cardinaux à conuoyer le Concile, en cas de refus, ou delai du Pape: iugeans qu'il estoit incuitable que ce commencement ne tirast apres soi de grandes consequence.

Mais, comme les semences, quoi que tres-fertiles & bien nourries, ne fructifient point, si elles sont iettées en terre hors de saison: de mesmes les

reuerant
a demāde
l'vn Con-
uile.

anquel, 2
leur desau
il pouruoi-
ra d'office.

qui ne
ent poin
d'effet,

1526.
par l'innua-
tion des Co-
lonnois.

grands mouuemens & entreprises hors de leur point, & occasion, réussissent sans effet. Ainsi en aduint-il en cete occasion. Car, pendant que le Pape par ses armes, & celles de tant de Princes, s'apprestoient à se ressentir, pour employer en suite les remedes spirituels, apres auoir fait quelque bon fondement temporel, il auait que les Colonnaïs, soit par desiance des promesses du Pape, soit pour autre cause, armerent leur suiets, & partisans, & s'approcherent en armes vers Rome, du costé du Bourg S. Pierre, le vintiesme Septembre: ce qui mit tous les domestics du Pape en grand effroi: & le Pape se trouuant surpris à despourueu, tout confus, & irresolu, demanda ses habits Pontificaux, & parremens solennels, disant, Qu'à l'exemple & imitation de Boniface huitieme, il vouloit s'asseoir au Siege Pontifical, & attendre, pour voir s'ils auroient l'assurance de violer encores vne autre fois la dignité Apostolique, en la propre personne du Pontife. Mais les siens lui persuaderent tout au contraire, de sauuer sa personne par la Gallerie au chasteau Saint Ange, & ne point donner suiet d'estre noré d'imprudence.

qui entrent
en armes
dans Rome
contre le
Pape.

Le con-
traignent à
vne trefue.

nombrant
laquelle il
les excom-
munie,

Ceux ap-
pellent au
Concile,

avec grand
trouble &
frayeur du
Pape pour
ses inter-
ests parti-
culiers.

Les Colonnaïs entrerent dans Rome, & pillerent tous les meubles du palais du Pape, & l'Eglise de S. Pierre: & s'estendirent iusques aux premieres maisons du Bourg: mais, tant pour la resistance des habitants, que pour l'arriuée des Vrsins, faction contraire, ils furent forcés de se retirer au logement asséuré, qu'ils auoient pris près de Rome: auquel ils emporterent le pillage du Vatican, avec vn infini desplaisir & regret du Pape. Et là grossissans tous les iours par le secours qui leur arriuoit de Naples, le Pape commença à apprehender quelque plus grand escheec: & veincu par la necessité, appela au Chasteau Don Hugues de Moncade, Lieutenant Imperial, & avec lui conclut vne trefue pour quatre mois: à condition que les Colonnaïs, & Neapolitains, se retireroient de Rome: & le Pape rappelleroit ses gens de Lombardie. Ce qui fut executé par les deux parties: & Clement fit retourner ses gens à Rome, sous ombre d'observer le traité de la trefue. Mais quand il fut asséuré par icelles, il fulmina contre les Colonnaïs, les declarant heretiques, & schismatiques: & excommuniant quiconque leur presteroit faueur, aide & confort: ou bien leur donneroit entrée & retraite chez soi. Et en outre il priua & destitua le Cardinal de la dignité Cardinaleſque. Mais lui, estant à Naples, ne fit pas grand estat des Censures du Pape: & publia vn Appel au Concile, representant non seulement l'injustice & la nullité des monitoires, censures, & sentences, mais aussi la necessité de l'Eglise vniuerselle, laquelle reduite au point de manifeste ruine, ne pouoit estre releuée par autre voye, que par la conuocation d'un Concile legitime, qui la reformast au Chef, & es membres. Citant & adiournant le Pape Clement au Concile, que l'Empereur conuoceroit à Spire.

Les affiches, & placards de ce cet Appel, soit Citation, ou Manifeste, furent attachés de nuit à Rome par les partisans des Colonnaïs, sur les portes des Eglises principales, & autres diuers endroits, & puis semés par l'Italie. Ce qui causa grand trouble d'esprit à Clement, lequel abhorroit extremement le nom & la mention de Concile: non tant de crainte du reiglement & rabaissement de l'autorité Papale, & des auantages de la Cour de Rome, que pour ses propres esgards & interests. Car, quoy que Leon son cousin, le voulant creer Cardinal, eust fait faire enqueste & verifier, qu'en tre la mere d'icelui & son pere Iulien de Medicis, il y auoit eu promesses de mariage; toutesfois la fausseté des preuues estoit toute notoire. Et combien qu'il n'y ait point de loi, qui empesche aux bastards de monter au Pape, si est-ce que cete opinion est esprainée & enracinée en la pensée de tous communement, que la dignité Papale est incompatible avec cete qualité. Il apprehendoit bien fort que ce pretexte; quoy que vain, ne fust renforcé & animé par les ennemis, soutenus & portés par la puissance de l'Empereur. Mais plus, encor redoutoit-il, sachant bien en sa conscience par quels artifices il estoit monté au Papat, & comment le Cardinal Colonne auoit moyen de les verifier; qu'attendu la seuerle Bulle

de Iules deuxieme, qui annulle & casse toute election Simoniaque, & defend qu'elle ne puisse estre validee par consentement subsequant, il ne lui aduint le mesme qu'à Balthasar Cossa, nommé Iean vinttroisieme. Or ie n'ay auoir notice quel fut ce traité de Concile de Spire, n'en ayant trouué aucune mention, sauf audit Manifeste, & chez Paul Ioue, en la vie du susmentionné Cardinal. Ces brouilleries estans à leur comble, arriua la fin de l'année, avec attente, & crainte publique & commune, de quel costé cherroit l'orage.

Et partant en l'année suivante mil cinq cens vintsept, les traités pour le Concile furent mis sous silence, & suris, selon la coustume des choses humaines qu'en temps de guerre les prouisions & reiglement des lois n'ont point de lieu. Il aduint toutesfois plusieurs choses notables, lesquelles il est necessaire de rapporter ici, pour l'intelligence des choses qui suivirent apres, au suiet que nous traitons. Le Viceroy de Naples donques, pretendant que le Pape, par ses procedures contre les Colonnaïs, auoit violé la le treue, & estant poussé par le susdit Cardinal, & par autres de la mesme famille, enuoya derechef les gens vers Rome: & d'autre costé aussi, Charles de Bourbon, chef de l'armée Imperiale en Lombardie, n'ayant de quoi payer son armée, & craignant qu'elle ne se mutinast, ou dissipast, la voulant en toutesfortes tenir sur pied, l'enuoya sur l'Eglise: à quoi aussi il estoit puissamment sollicité par George Fronsberg, Colonel Allemand: lequel auoit mené en Italie vne troupe de treize à quatorze mille soldats d'Allemagne, quasi tous adherans aux opinions de Luther, sans autre paye que d'un escu par teste, de ses propres deniers, & de la promesse de les mener à Rome, leur monstrant la belle occasion de s'enrichir du butin d'une ville, en laquelle decoule l'or de toute l'Europe. A la fin de Ianuier Bourbon passa le Po, avec toute cete armée, & s'achemina vers la Romagne: de quoi Clement se troubla bien fort, considerant la qualité de ces gens, & les continuelles menaces de Fronsberg, qui apres l'enseigne colonnelles faisoit porter vn cordeau, duquel il disoit vouloir faire pendre le Pape, pour animer ses gens à se tenir vnus, & supporter la fatigue & le chemin, quoique non payes. Toutes ces choses induisirent le Pape à presser l'oreille à Cesar Fieramosca, Neapolitain, lequel venu nouuellement d'Espagne, lui auoit porté vne longue lettre de l'Empereur, pleine d'offres: & l'auoit acertené que l'Empereur auoit tresmal pris l'entrée des Colonnaïs dans Rome, & qu'il desiroit la paix: dont il le porta à entendre à vn traité de treues, qui se deuoyent negotier entre lui & le Viceroy de Naples. Et combien qu'au mois de Mars suruinst vn accident d'apoplexie au Colonel George Fronsberg, qui le porta quasi à la mort; toutesfois d'autant que l'armée estoit en entrée dans l'estat de l'Eglise, & tiroit tousiours chemin, le Pape à la fin du mesme mois se resolut de venir à l'accord, quoi qu'il vist bien qu'il se feroit avec grâde indignité & avec soupçon des confederés, & peut estre, alienation de protection & de défense. La surseance d'armes fut donques arrestée & conclue pour huit mois, à condition que le Pape payeroit soixante mil escus, & donneroit l'absolution des Censures aux Colonnaïs, & restitueroit au Cardinal sa dignité: auquel il condescendit avec extreme difficulté.

Mais quoi que la treue fust conclue avec le Viceroy, & que le desboursement de l'argent s'en fust ensuiui, & le reestablishement des Colonnaïs, elle ne fut point pourtant acceptée par le Duc de Bourbon: lequel faisant tousiours chemin, le cinquieme de Mai logea pres de Rome: & le iour ensuiuant donna l'assaut du costé du Vatican. Là fut rendu grand combat, & fait courageuse resistance par les gens de guerre du Pape, & par la jeunesse de Rome, sur tout de la faction Guelfe: & Bourbon y fut tué d'une arquebuzade: mais, nonobstant cela, à la fin l'armée Imperiale perça & entra dedans, donnant la chasse aux defenseurs, lesquels s'enfuirent à vau de route dedans le Bourg S. Pierre. Le Pape, comme il aduint en

1527.

cas soudains, plein d'effroi, se sauua avec quelques Cardinaux dedans le Chasteau S. Ange: & reietrant le bon conseil qui lui fut donné, de ne s'arrestier point en icelui, ains passer en la ville, & de là se sauuer en quelque lieu d'assurance, se resolut, peut estre par la disposition & ordonnance de quelque cause superieure, d'y tenir ferme. La ville de Rome, se trouuant sans chef, fut pleine de desarroi & confusion: de maniere que nul ne pensa de pratiquer le moyen & remede, lequel seul estoit propre en cetez temps, qui estoit de couper les ponts du Tibre qui ioignent le Bourg à la ville: ce qu'estant fait, les Romains auoyent du moins eu loisir de retirer les personnes de marque, & les choses de prix, en lieu de sauuer. Mais, cela estant negligé & omis; les soldats entrerent de furie dans la ville, pillerent non seulement les maisons priuées, mais aussi les Eglises, de tous leurs paremens, & ameublement: ietterent par terre, & foulerent aux pieds les reliques, & autres choses sacrées qui n'estoyent de valeur: prirent prisonniers les Cardinaux, & autres Prelats, & en firent des publiques risées, les menant par ville sur des asnes, & autres viles montures, en habits & paremens Pontificaux. Et est trescertain que les Cardinaux de Siene, de la Minerue, & Poncet furent tres-bien bastonnés, & menés en tres-grande ignominie en procession: & que les Cardinaux Espagnols & Allemands, qui auoyent pris assurance de leurs compatriotes, dont estoit composée l'armée, ne furent pas moins malmenés que les autres.

Le Pape
assiégé, &
prisonnier:

Le Pape
assiégé, &
prisonnier:

Charles V.
simule en
ses occu-
rences,

traite &
conclut ac-
cord avec
le Pape.

Le Pape fut assiégé au Chasteau S. Ange, ou il s'estoit retiré, & enfin forcé à capituler: quittant le Chasteau aux Capitaines Imperiaux, & se rendant prisonnier en leurs mains dedans icelui: là ou il fut par eux tenu bien à l'estroit. Mais, outre les autres afflictions qu'il s'entoit pour les choses arriues, il lui en suruint encores vne, qui l'outra d'auantage; & qu'il estima plus grieue & cuisante: c'est, que le Cardinal de Cortone, lequel estoit en son nom gouverneur de la ville de Florence, à l'instant qu'il eut ouï cete nouuelle, se retira de la ville, & la laissa en liberté. Lors la ville tout soudain dechassa les Medicis, & se remit en liberté, & mit nouuel ordre, & reiglement à son gouvernement: & la plupart des citadins demonstrenterent tant d'animosité contre le Pape, & sa maison, qu'ils bifferent & cancelerent toutes leurs enseignes & armoiries, mesmes es lieux particuliers: & desfigurèrent & mutilerent de plusieurs coups les statues de Leon & de Clement, qui estoient en l'Eglise de l'Annonciade.

Cependant l'Empereur, ayant receu les nouuelles du sac de Rome, & de la prison du Pape, donna beaucoup de signes de tresgrand regret, & marriement, & en fit des demonstrations, faisant tout à l'instant cesser toutes les festes & solemnités, qui se faisoient en Valadolid, pour la naissance de son fils, auenue le vintvnieme du mesme mois. Par lesquelles apparences il auroit de vrai fait croire au monde d'estre touché de pieté & Religion, si quant & quant il eust soudain commandé du moins que le Pape fust eslargi, & mis en liberté. Mais le monde, qui vid demeurer le Pape encores six mois en prison, s'apperceut bien qu'il y a grande difference entre la verité, & l'apparence.

On commença tout aussitost à traiter de l'accommodement, & de la deliurance du Pape. L'Empereur vouloit, qu'il fust conduit en Espagne, estimant, comme de vrai il eust esté, que ce lui seroit vne grande gloire, si en l'espace de deux ans, deux si grands Potentats, comme le Roi de France, & le Pape, lui eussent esté amenes prisonniers d'Italie en Espagne: Mais d'autant que toute l'Espagne, & sur tout les Prelats, detestoient de voir de leur yeux vne si grande ignominie, que celui qui representoit la personne de Christ, fust mené prisonnier, il se deporta de cete pensée: ayant mesmes aussi egard de n'exciter point trop d'enuie & de malalés cõtre soi, & de n'irriter le courage du Roi d'Angleterre, lequel il redoutoit grandement, en cas; que contraint par lui, il se fust conioint plus estroitement qu'il n'estoit desia par la paix traitée & conclue au mois d'Aoust, avec le Roi de France, lequel auoit

auoit desia enuoyé vne puissante armée en Italie, & gaigné diuerses victoires en Lombardie. Pour ces raisons, sur la fin de l'année, l'Empereur accorda que le Pape fust mis en liberté, sous ces conditions, Qu'il ne luy fust point contraire es affaires de Naples, & de Milan. & que pour assurance il mist en ses mains Oñte, Ciuitaueccchia, Ciuita Castellana, & la citadelle de Forli: & luy donnast pour ostages, Hippolyte, & Alexandre, ses neueux. Et en outre qu'il luy octroyast la Croisade en Espagne, & vne decime des reuenus Ecclesiastiques de tous les royaumes & Estats. Apres que la de liurance eut esté concludé, le Pape ayant receu pouuoir de se retirer du Chasteau S. Ange le neuſieme Decembre, ne se fia point d'attendre le temps ordonné: ains la nuit du huiſtiesme sortit desguisé en marchand, & se retira tout droit à Montefiascone, où ayant seiourné peu de temps, il passa de là à Oruiete.

Pendant que les Princes estoient tous occupés en la guerre, les affaires de la Religion s'alloient alterant en diuers endroits: es vns, par Arrests publics des Magistrats: es autres, par sedition populaire. La ville de Berne en Suisse, pendant apres auoir tenu vne solennelle assemblée, tant de ses propres Docteurs, que ces troubles, la d'estrangers, & ouy vne dispute & conference de plusieurs iours, en fin admit & receut la Doctrine de Zuingle, comme Zurich: & en celle de Basle, Religion s'auance par esmotion populaire, furent abbatués & bruslés les images, & le Magistrat demis, & autres esleus en sa place, & la nouuelle Religion establie. De en Suisse, et liens l'autre costé s'assemblerent huit Cantons, lesquels establirent & confermèrent la doctrine de l'Eglise Romaine en leurs terres & pais, & tout d'une main escriuirent vne longue remonstrance aux Bernois, les exhortant à ne faire aucun changement en la Religion, comme estant chose, qui de droit ne peut appartenir à aucun peuple, & pais, mais au seul Concile vniuersel de tout le Monde. Nonobstant tout cela, l'exemple de Berne fut ensuiuy par les villes de Geneue, de Constance, & autres circonuoisines: & à Strasbourg, apres vne dispute publique, par Arrest fut interdite la Messe, iusques à ce que les defenseurs d'icelle eussent pû demonſtrer que c'estoit vn seruice agreable a Dieu: nonobstant que la Chambre de Spire leur fist vne longue & ample remonstrance, qu'à vne ville, mais non pas mesmes a tous les Estats de l'Empire, en corps, il n'estoit point loisible de faire innouation es ceremonies & Doctrine: cela estant communicablement propre à vn Concile ou General, ou National.

En Italie mesmes de ce temps, auquel elle fut l'espace de deux ans sans Pape, & sans Cour de Rome, plusieurs, se persuadans que ces calamités presentes fussent vne execution d'une sentence diuine contre Rome, & son gouvernement, s'adioignirent à la reformation: & en plusieurs maisons priuées, sur tout à Faience, ville du Pape, on preschoit contre l'Eglise Romaine: & tous les iours croissoit le nombre de ceux qui par les autres estoient appellés Lutheriens, & par les leurs, Euangeliques.

L'année suiuant mil cinq cens vingt-huit, l'armée Françoisé fit des grands progrès au Royaume de Naples, & l'occupa quasi tout. Ce qui contraignit les Capitaines Imperiaux de mener hors de Rome leur armée, fort diminuée de nombre, tant à cause de ceux, qui chargés de butin, le voulurent conduire en lieu de feuiré: que de la peste, qui l'auoit rauagée. Les Alliés faisoient de Paris grande instance au Pape. que attendu que Rome estoit deliuré par necessité, & contrainte, & non point de la franche volonté de l'Empereur, & qu'il n'e, Rome est deliurée, mte l'imp, periale, ſtoit plus obligé à dissimuler, ou temporiser avec luy, il prit le point de cete bonne occasion pour se declarer conioint avec eux, & proceder contre luy par les armes spirituelles, & le priuer du Royaume de Naples, & de l'Empire. Mais le Pape, tant pource qu'il estoit tout las & recu de ses travaux, & aduersités, que principalement, pource que les Confederés, s'ils venoient à le Pape, auoir le dessus, maintiendroient la liberté de Florence, de laquelle il desiroit beaucoup plus passionnement racquerir la seigneurie, que de se venger des torts & outrages receus de l'Empereur; fit ferme resolution de ne luy estre sur tous point contraire, ains à la premiere ouuerture, de se conioindre estroite- Florence.

1528.

ment avec luy, pour reconuer Florence: laquelle, le Roy de France & les Venitiens, s'ils fussent demeurés victorieux & superieurs en Italie, eussent assurement voulu maintenir en sa liberté. Toutesfois, retenant encores pour lors ce dessein caché en sa poitrine, il s'excusa allegant que pour sa pourreté & impuissance, il seroit plustost à charge, qu'à soulagement aux Alliés: & d'ailleurs, que la deposition del'Empereur, seroit souleuer toute l'Allemagne, de ialousie que le Pape ne pretendist tirer à soy l'autorité de créer l'Empereur. Et apperceuant que les Alliés auoient descouuert & halené où cete responce tendoit, comme il estoit tres-habile & singulier à cacher ses desseins, il fit toute demonstration exterieure d'auoir quitté toutes les pen-tées des affaires seculieres: & fit par diuers moyens entendre aux Florentins, qu'il estoit tres-esloigné de l'intention de s'ingerer en leur gouuernement seulement: qu'il requeroit d'eux qu'ils le reconussent pour Pape, & non plus outre de ce que faisoient tous les autres Princes Chrestiens: qu'ils ne percutassent, & ne molestassent point les siens en leurs affaires particulieres: qu'ils fussent contents, que leurs armoiries fussent és bastimens de ses ancestres: ne parloit point d'autre, que de la Reformation del'Eglise, & de la reduction des Lutheriens: qu'il estoit delibéré d'aller en personne en Allemagne, & donner tel exemple, que tous se conuertiroient. Et tint ce beau langage toute cete année-là: de maniere que plusieurs se persuadoient, que les facheries que Dieu luy auoit enuoyées pour son amendement, auoient produit leur vray fruit. Mais les choses, qui auinent s'année sui-uantes, firent bien croire aux gens de bien, qu'icelles n'auoient esté qu'une semence iettée sur la pierre, ou sur le chemin battu: & aux plus accorts, que ses belles paroles n'estoient qu'une amorce pour endormir les Florentins.

entre en
traité a-
uecl'Em-
pereur.

lequel est
conclu.

intention
d'onte du
Concile.

L'année ensui-uante, mil cinq cens vingt neuf, pendant la negociation de paix entre l'Empereur & le Roy de France, l'ardeur de la guerre estant vn peu refroidie, on retourna à traiter du Concile. Car François Quirones, Cardinal de sainte croix, venu d'Espagne, ayant apporté de la part del'empereur au Pape, le relaschement des places d'Ostie, & Ciuitaueccia, & autres villes d'Eglise, qui auoient esté baillées en ostage aux Capitaines Imperiaux, pour assurance des promesses du Pape, avec tres-larges offres de la part de l'Empereur: le Pape Clement, attendu la negociation de paix de l'Empereur avec le Roy de France, qui estoit sur le bureau: considerant d'ailleurs, combien ses propres interets l'obligeoient à se joindre estroitement avec Charles, enuoya vers ledit Charles, Ierome, Euesque de Vason, son Maistre d'Hostel, à Barselone, pour traiter les articles de l'Accord: à la conclusion desquels on paruint facilement, le Pape de son costé promettant l'investiture du royaume de Naples, sous la seule cense d'une haquenée blanche, le droit de patronage de vingt quatre Eglises, le passage aux armées de l'Empereur, & la couronne Imperiale. Et l'Empereur du siens l'obligeant de promesse de restablir en Florence Alexandre neueu du Pape, & fils de Laurens de Medicis, & luy bailler en mariage Marguerite sa fille naturelle, & de prester ayde & secours au Pape au recourement de Ceruie, de Rauenne, de Modene, & de Rege, saisies sur luy par les Venitiens, & par le Duc de Ferrare. Ils conuinrent aussi entr'eux de se receuoir respectiuellement, au couronnement, avec les ceremonies & solennités accoustumées. Il n'y eut qu'un article, qui fut longuement debatü, c'est que les gens du Pape proposoient, Que l'Empereur Charles & son frere Ferdinand, s'obligeassent de contraindre par armes les Lutheriens à retourner sous l'obeissance de l'Eglise Romaine: & au contraire les Imperialistes requeroient, Que pour leur reduction le Pape conuocast le Concile general. Sur quoy, apres longue dispute, pour ne point rompre tant d'autres importants desseins, sur lesquels ils estoient tres-bien appointés, on conclut de demeurer pour cet article dedans les termes generaux, Que pour la reduction des Lutheriens à l'Eglise,

le Pape employeroit les moyens spirituels, & Charles & Ferdinand les temporels, & qu'ils en viendroient iusques aux armes, en cas qu'iceux se rendissent obstinés: & qu'alors le Pape seroit obligé de moyenner enuers les autres Princes Chrestiens, de prester aide & secours à l'Empereur.

En cete forme fut conclud la Confederation, à la grande ioye de Clement, & au grand esbahissement du monde, comment, apres auoir perdu l'Estat & la Reputacion, il auoit pu en si peu de temps retourner à sa precedente grandeur. Et l'Italie, ayant veu toute cete suite d'affaires pleine de tant de varietés, voire contrarietés, reüssit à cete fin, l'attribua generally à vn miracle diuin: & les amateurs de la Cour de Rome à vne euidente demonstration d'vne speciale faueur de Dieu enuers son Eglise.

Mais en Allemagne, vne iournée d'Empire ayant esté intimée à Spire pour ce qui est representé à la Diete de Spire, le quinziesme Mars, le Pape y deputa Iean Thomas de la Mirandole, pour exhorter à la guerre contre le Turc, promettant d'y contribuer de sa part, autant que ses forces, espuisées par les calamités passées, le pourroient permettre: & pour assseurer, qu'il s'employoit & employeroit de tout son sens, & pouuoir, à accorder les differens d'entre l'Empereur, & le Roy de France: afin que toutes choses calmées, & tous empeschemens ostés, on peüst au plustost vaquer à la conuocation & tenuë du Concile, pour reestabli la Religion en Allemagne.

En la Diete fut premierement traité le fait de la Religion: & les Catholiques penserent de pouuoir mettre dissension entre leurs Aduersaires, diuises en deux differentes opinions, les vns suiuaus la doctrine de Luther & les autres celle de Zuingle. Mais le Landgraue, personnage prudent & sage, alla au deuant du danger: monstrant que la difference n'estoit de consequence, & donnant esperance qu'on se pourroit facilement accorder, & representant l'inconuenient qui naistroit de la diuision, & l'auantage qu'en prendroient les aduersaires. Apres vn long debat en la Diete, pour trouuer quelque forme de composition, en fin l'Arrest se fit en ce sens, Que, veu que l'arrest de la precedente Diete de Spire auoit esté destors, par sinistres interpretations, à la defense & manutention de toutes sortes d'absurdités d'opinions, il estoit necessaire qu'à present il fust déclaré: & que pour tant, ils ordonnoient, que qui auoit gardé l'Edit de Vvormes, continuast en cete obseruation, y contraignant mesme le peuple iusqu'au Concile, de la prochaine conuocation & tenue duquel l'Empereur donnoit certaine esperance. Et aussi, que qui auoit changé la doctrine, & ne s'en pouuoit deporter sans peril de sedition, s'arrestast à ce qui estoit fait, sans innouer chose aucune de plus, iusqu'au Concile. Que la messe ne fust supprimée, ne son vsage empesché en lieu aucun, auquel eust esté introduite la nouuelle doctrine. Que l'Anabaptisme fust interdit sous peine de la vie, selon l'Edit publié par l'Empereur, lequel ils ratifioient: & que pour le fait des predications, & impressions, fussent obseruées les Arrests des deux dernieres Dietes de Noremberg: alla uoir, Que les prescheurs vsent de prudence & circonspection, pour se garder d'offenser aucun de paroles, & ne donner aucune occasion au peuple de se souleuer contre ses Magistrats: qu'ils ne proposent aucuns dogmes nouveaux, ou peu fondés en l'Escripture sainte: ains preschent l'Euangile, suiuant l'interpretation approuuée de l'Eglise, & sans toucher à d'autres choses qui sont en controuersie: attendant la determination du Concile, où le tout sera legitimement décidé.

A cet Arrest s'opposa l'Electeur de Saxe, avec cinq autres Princes: disant contredit. Qu'il n'estoit nullement conuenable de se departir de l'Arrest fait en la Diete precedente, en laquelle fut permis à chacun de viure en sa propre Religion, iusqu'au Concile: veu, que cet Arrest ayant esté fait du commun consentement de tous, ne se pouuoit changer que par le mesme commun consentement. Qu'en la Diete de Noremberg on auoit clairement veu la source & la cause des dissensions, & que le Pape l'auoit aduouée, auquel on enuoyä lors les demande, & exposa les Cent griefs: Mais que pour tout cela on n'a-

1529.

uoit veu aucun amendement. Qu'en toutes les deliberations on auoit tousiours conclu, qu'il n'y auoit voye plus propre à esteindre les differens, que le Concile. Que si pendant qu'on est en l'attente d'iceluy, on acceptoit l'Arrest fait par eux, ce seroit renier la parole de Dieu pure, & nette: accorder la Messe, & renoueller les abus & desordres. Que de vray ils loioient bien la clause, Quel'Euangile fust presché selon les interpretations approuuées par l'Eglise: mais que tousiours demouroit en doute & debat, Qu'elle estoit la vraye Eglise. Que former vn Arrest tant obscur & ambigu, n'estoit autre chose, qu'ouurir la porte à beaucoup de troubles & diuisions. Et que pourtant ils ne pouuoient, ny ne vouloient consentir à cét Arrest: & que de cete leur opinion, il rendroient bon conte a tous, & à l'empereur mesme. Qu'attendant l'ouuerture d'un Concile, ou General de toute la Chrestienté, ou National de l'Allemagne, ils n'entreprendront, ny ne feront chose quelconque, qui meritoirement puisse estre improuuée.

Auec plusieurs villes: & de la sont nommés Protestans.

A cete declaration se ioignirent quatorze villes principales d'Allemagne, & de cecy vint le nom de Protestans, duquel sont nommés ceux qui suiuent la Religion renouellée par Luther. Car ces Princes, & Villes, publicerent leur Protestation, & appel de cet Arrest à l'Empereur, & au futur Concile General, ou National d'Allemagne, & à tous iuges non suspects.

L'origine & la suite du différend entre Luther & Zuingle.

Et d'autant que mention a esté faite du differend d'opinion en la matiere de la sainte Eucharistie entre Luther & Zuingle, il est à propos d'en représenter icy l'estat. Le renouvellement de la Doctrine Chrestienne s'estant commencé en deux diuers lieux, & par deux personnes independantes l'une de l'autre; assauoir, par Luther en Saxe, & par Zuingle à Zurich: iceux s'accorderent en tous les points de doctrine, iusqu'à l'année mil cinq cens vint-cinq: lors en l'explication du mystere du S. Sacrement de l'Eucharistie, quoy qu'ils conuinssent ensemble, Que le Corps & le Sang de nostre Seigneur Iesus-Christ sont au Sacrement seulement en l'usage, & à l'esgard d'iceluy, & sont receus du cœur, & par la foy: toutes-fois Luther enseignoit que ces paroles de nostre Seigneur, Ceci est mon corps, doiuent estre prises & entendues en sens literal pur & simple: au contraire, Zuingle enseignoit, que que ce sont paroles figurées, qui se doiuent entendre spirituellement, & sacramentellement. L'estrif alla tousiours croissant, & s'enagristant, sur tout du costé de Luther, lequel manioit cete dispute avec beaucoup d'aspreté contre la partie aduersé. Et cela donna suiet aux Catholiques en la Diete de Spire, tenuë cete mesme année, de s'en seruir à mettre ces deux partis en mutuelles desiances, & mescontentemens. Mais le Landgraue de Hesse, ayant descouuert l'artifice des aduersaires, retint les siens en concorde, en esperance de concilier les opinions contraires; & tant pour maintenir les promesses qu'il en auoit faites, que pour obuier aux dangers à venir, il moyenna qu'on vint à vne conference, & sollicita les Suisses d'y enuoyer leurs Docteurs, & assigna le lieu d'icelle à Marburg, pour tout le mois d'Octobre de la mesme année mil cinq cens vingt-neuf. Là se trouverent, de Saxe, Luther avec deux de ses disciples: & de Suisse, Zuingle, & Ecolampade. Luther & Zuingle disputent seuls, & la dispute dura plusieurs iours: mais ne fut iamais pourtant possible, qu'ils s'accordassent: soit, pource que la Controuerse estant venue si auant, il sembloit qu'il s'agist de l'honneur des auteurs: soit pource que, comme il aduient en toutes les questions de mots & de termes, la tenuité du differend, est nourriture & entretien d'obstination: soit aussi, pour la cause que Luther escriuiit quelque temps apres à vn sien amy, c'est, que voyant ia vn si grand trouble esmu, il ne vouloit point, par les façons de parler Zuinglienes, extrêmement abhorrées des Romanistes, mettre ses Princes en bute de plus grande haine, & les exposer à plus grands dangers. Mais quelle qu'en fust la cause d'entre toutes celles-cy, il est certain qu'il y en eut vne plus vniuerselle; c'est que Dieu voulut se seruir de cete difference d'opinion, pour di-

uers effets qui suivirent apres. Il fut force de mettre fin à la Conference sans conclusion : sinon, que par l'entremise du Landgraue, ils convinrent ensemble en cecy, Qu'estans d'accord es autres chefs, pour l'aduenir ils s'abstiendroient de toutes aigreurs en ce point : priant Dieu qu'il fust voir quelque lumiere de parfait accord & consentement. Cete conclusion, arretee par prudence, & comme ils disoient, par charité, n'ayant pas esté obseruée par les successeurs, a porté vn grand destourbier au progres de la Doctrine renouuellée. D'autant qu'es affaires de Religion, toute subdiuision est vne puissante arme en la main du parti contraire.

Or la ligue & confederation d'entre le Pape, & l'Empereur, ayant esté concludé, & l'ordre pris & arreesté pour la solennité du couronnement, à cet effet fut destinée la ville de Bologne : d'autant qu'il sembloit messiant au Pape qu'iceluy se fust en la ville de Rome, avec l'intervention de ceux, qui l'auoient deux ans auparauant l'acagée. Et l'Empereur mesmes l'eut pour agreable : comme abregeant par ce moyen la ceremonie : ce qu'il desiroit grandement, pour pouoir passer au plüstoit en Allemagne. Pour cet effet le Pape y arriua le premier, comme le plus grand : & puis l'Empereur y entra le vingteinquième Nouembre, & y seiourna quatre mois entiers, aiant la demeure en vn mesme palais avec le Pape. Plusieurs choses furent traitées & negociées par ces deux Princes, en partie pour le repos vniuersel de la Chrestienté, en partie pour les interets del'vn & de l'autre. Les principales furent, la paix generale del'Italie, & l'extinction des Protestans en Allemagne. Pour la premiere, il n'eschet point d'en parler pour le suiet que nous auons entrepris. Mais, pource qui concerne les Protestans, il fut proposé par quelques Conseillers del'Empereur, qu'attendu le naturel des Allemans, grands amateurs & tenans de leur liberté, il valloit beaucoup mieux vser de moyens benigns, & douces persuasions & remonstrances, & dissimuler plusieurs choses. & cependant procurer par ce moyen de ramener les Princes à l'obeissance du Pape. Car cette protection estant ostée aux nouveaux Docteurs, on remedieroit aisement au demeurant. Et pour ce faire le vray & singulier remede estoit le Concile : tant pource qu'eux mesmes le requeroient, que pource que chacun payeroit sous ce nom auguste & venerable.

Mais le Pape qui ne redoutoit rien tant que le Concile, & principalement s'il estoit celebré de là les monts, libre, & avec l'intervention de ceux qui auoient ja ouuertement secoué le ioug de l'obeissance, voyoit tres-bien qu'il pourroit aisement aduenir que ceux-là persuadassent les autres. Il confideroit en outre, que combien que la cause fust commune avec tous les Euesques, lesquels les opinions renouuellées taschoient de pruer de la possession de leurs richesses : il y auoit toutesfois quelque matiere de simülés ; & mescontentemens entr'eux & la Cour de Rome : les Euesques pretendans qu'on auoit vsurpé sur eux la collation des benefices, par les reserues & preuencions : & aussi soustrait grande partie de leur iurisdiccions, par les euocations des causes à Rome, reserués de dispense, & absolutions, & autres tels pouuoirs, lesquels les Papes de Rome auoient affectés à eux seuls, quoy que iadis ils fussent communs à tous les Euesques. Et pourtant il se figuroit, que la renuë d'un Concile seroit vn total rabais & diminution de l'autorité Papale. Et pour cete raison tourna toutes ses pensées à persuader à l'Empereur, Que le Concile n'estoit point vtile à appaiser les troubles del'Allemagne, & qu'il estoit grandement preiudiciable à l'autorité Imperiale en ces prouinces-là. Il luy mettoit en consideration, qu'il y auoit deux sortes de gens infectés d'heresie : les peuples & les Grands, & Princes. qu'il estoit bien vray semblable que la multitude & les peuples estoient seduits & abusés : mais que de les contenter en la requisition d'un Concile, ce n'estoit point le moyen de les esclaireir, ains d'introduire la licence populaire. Que si on accorçoit au peuple de mettre en doute la Religion, & en rechercher plus grand esclaireissement, incontinent apres il s'ingeroit de donner loy au gouuernement de l'Etat, & de restreindre & brider l'autorité des Princes par Arrests & ordon-

l'accord & ligue du Pape & de l'Empereur concludé.

ils venant à Bologne.

la demande du concile est mise sus.

qui le dissuade pour plusieurs raisons.

*seigniant
de n'y a-
voir rien à
craindre,
ny à per-
dre.*

nances: & apres qu'il auroit obtenu d'examiner & debater l'autorité Ecclesiastique, il apprehendoit aussi à mettre des difficultés & oppositions à la temporelle. Il luy remonstra qu'il est beaucoup plus aisé de rembarer les premieres demandes du peuple, que de les borner, apres qu'on s'est porté à luy complaire. Quant aux Princes & grands, il pouuoit bien tenir pour chose toute assurée, qu'il n'auoient aucun but de pieté, mais seulement de s'emparer des biens ecclesiastiques, & deuenir absolus, sans plus du tout reconnoistre l'Empereur, ou certes bien peu. Que plusieurs d'entr'eux s'estoient conseruez purs de cete contagion, pource qu'ils n'auoient pas encores decouvert le secret: mais quand iceluy seroit esuenté & public, tous viseroient au mesme but. Qu'il n'y auoit point de doute, que le Pape, perdant l'Allemagne, ne perdist beaucoup: mais que toutes fois plus grande seroit la perte de l'Empereur & de la maison d'Autriche. Et que voulant pouruoir à cela, il n'auoit autre moyen que d'employer rigoureusement l'autorité, & l'empire, pendant que la plus grande partie estoit encores en son obeissance: en quoy la promptitude estoit grandement requise, pour preuenir que le nombre ne s'augmentast d'auantage, & que ne fust decouverte l'vtilité qu'il a à suivre ces opinions. Qu'à cete promptitude & diligence, il n'y auoit rien de plus contraire que de parler & traiter de Concile; car ores que tous generalement y enclinaissent, & que nul empeschement n'y fust donné; si est-ce qui ne pouuoit estre convoqué de plusieurs années: & les choses n'y pouuoient estre debatues & examinées, qu'avec longueur & prolixité: ce que seulemēt il vouloit mettre en consideration. Car se ne seroit iamais fait, de parler des autres empeschemens, qui sourdroyent des diuers interets des personnes qui s'opposoient sous diuers pretextes, ou entrecietteroient des delais, pour mettre le tout à neant. Qu'on auoit espars vn bruit, que les Papes refusent le Concile, par crainte que leur autorité ne soit restreinte: raison, qui en luy n'apoint de poids, & ne fait impression aucune: veu que son autorité est immediatement de Christ avec promesse que non pas mesmes les portes d'Enfer ne pourront preualoir contre icelle: & que l'experience des temps passés a assez montré que iamais par aucun Concile celebré n'a esté amoindri l'autorité Papale: ains que tousiours, selon les paroles du Seigneur, les Peres l'ont aduouée absoluë & illimitée, comme aussi elle l'est veritablement. Et quand les Papes, par humilité ou pour autre efgard, se sont abstenus d'en vser absolument, les Peres ont esté les promoteurs & auteurs de la leur faire mettre tout en vfrage. Et quiconque lira les histoires des choses passées, verra cela tout clairement: car les Papes se sont tousiours seruy de ce moyen contre les nouuelles opinions des heretiques, & en toute autre occasion de necessité, avec accroissement de leur autorité. Et quand mesme on voudroit laisser à quartier la promesse de Christ, qui est le vray & vnique fondement, & considerez les choses en termes purement humains, le Concile est composé d'Euesques, & aux Euesques la grandeur Papale est grandement vtile; d'autant que par icelle ils sont protégés & maintenus contre les Princes, & les peuples. Aussi les Rois, & autres souuerains qui ont entendu & entendront bien les reigles d'Etat, fauoriseront tousiours l'autorité Apostolique: veu qu'ils n'ont autre moyen de reprimer, & retenir en deuoir les Prelats, quand ils entreprennent d'outrepasser leur rang. Le Pape conclut, qu'il estoit en son esprit si certain de l'issue qu'il en oisoit parler comme Prophete, & asseurer, que tenant vn Concile, il en suiuroit de plus grands maux & troubles en Allemagne. Car ceux qui le demandent, cherchent par là vn pretexte de continuer iusques à ce temps-là en leurs attentats: & quand le Concile aura condamné leurs opinions, ce qui aduiendra infailliblement, ils pretendront lors vne autre couleur pour reprocher le Concile: & au bout l'autorité Imperiale en Allemagne sera anantie, & en autres lieux fort esbranlée: & la Papale, quoy que diminuée en ce pays-là, sera beaucoup plus autorisée & amplifiée au demeurant du monde. Et pourtant que l'empereur luy deuoit prester foy, de tant plus qu'il n'estoit poussé d'aucun

propre interest, mais du seul desir de voir l'Allemagne reunie à l'Eglise, & l'Empereur obey. Et que cela ne se pouuoit obtenir, sinon qu'au plus tost il se transportast en Allemagne, & promptement employast son autorite, intimant à tous, que sans réplique ne contredit soit executée la sentence de Leon, & l'Edit de Vvormes: sans ouir chose aucune, que les Protestans sachent dire au contraire, requerrans Concile, ou plus grande instruction & information: ou allegans leur protestation, ou appel, ou autre excuse quelle qu'elle soit: qui ne peuuent estre qu'autant de pretextes d'impieté. Et qu'au premier rencontre & heurt de desobeissance, il passast à la force: laquelle luy seroit aisée à employer contre vn petit nombre, ayant de son costé tous les Princes Ecclesiastiques, & la plus grande partie des seculiers, qui prendroient les armes pour & avec luy, à cet effet. Et que c'est là la seule voye, sans plus, conuenable & seante au deuoir de l'Empereur, Aduocat de l'Eglise, & au serment fait par luy au couronnement d'Aix, & à celuy qu'il fera encores, receuant la couronne de la main de luy Clement. Et finalement, que c'estoit chose toute euidente, que la tenuë du Concile, & toute autre negotiation & traité, qui fust mis sus en semblable occasion, de necessité aboutiroit à vne guerre ouuerte. Et pourtant, qu'il valoit beaucoup mieux d'essayer de composer ces troubles par la vigueur de l'Empire, & l'absolu commandement; chose qui est aisement reussible: & à defaut de ce venir plustost à la force & aux armes, que non pas de lascher la bride à la licence populaire, à l'ambition des grands, & à la peruersité des heresiarsques.

Ces raisons, qui eussent esté malseantes en la bouche de Frere Iules de Medicis, Cheualier de Malte, (car ainsi s'appelloit le Pape, auant qu'il fust créé Cardinal) non qu'en celle de Clement septiesme Pape, eurent poids & credit enuers l'Empereur Charles, secondées & fortifiées par les persuasions de Mercurin Gattinara, Chancelier Imperial, & Cardinal: auquel aussi le Pape fit de grandes promesses, & sur tout d'auoir esgard à ses parents & dependans, en la premiere promotion des Cardinaux qu'il pretendoit faire bien tost: mais plus que tout cela, par la propre inclination de l'Empereur qui desiroit d'acquiescer en Allemagne vn empire plus absolu, que celuy qui auoit esté permis à son ayeul, & bisayeul.

Tous les actes, & ceremonies accoustumées au commencement se firent à Bologne, & le tout fut paracheué au huitiesme Mars. Et cependant l'Empereur estant resolu de passer en Allemagne, pour mettre fin à ces troubles, intima vne Diete Imperiale à Augsbourg, pour le huitiesme Aueil, & en Mars se mit en chemin.

L'Empereur partit de Bologne avec cette ferme resolution, d'employer son autorité, & Empire, en la Diete, pour faire que les Princes separés retourassent à l'obeissance de l'Eglise Romaine, & interdire tous presches & liures de la doctrine renouellée. Le Pape le fit accompagner à cette Diete par le Cardinal Cæpegé, comme Legat. Et tout d'un train enuoya Pierre Paul Vergere pour Nonce au Roy Ferdinand, luy donnant commission & instruction de moyenner avec luy, qu'on ne disputast ne delibéast en la Diete d'aucun affaire de Religion: ny moins qu'on fist aucune resolution de tenir Concile en Allemagne pour cet effet. Et pour rendre ce Prince de tant plus fauorable, lequel, comme frere de l'Empereur, & qui auoit partant d'années demeuré en Allemagne, il croyoit auoir vn grand pouuoir, il luy accorda de leuer vne contribution du Clergé d'Allemagne, pour la guerre contre les Turcs: & de se pouuoir seruir de l'or & de l'argent destiné au parement des Eglises.

A la Diete arriuerent quasi tous les Princes avec l'Empereur: lequel y vint le treiziesme Iuin, veille de la Feste Dieu: & le iour ensuiuant il assista à la procession, n'ayant pu obtenir des Princes Protestans d'acquiescer à s'y trouver: chose qui fut de trefgrand regret au Legat, pour le prejudice, que cette cõtumace, cõme il l'appelloit, faisoit au Pape. Et pour vaincre ce point & heurt, & faire entreuenir les Protestans aux ceremonies de l'Eglise Romaine, il conseilla à l'Empereur, que l'assemblée se deuant ouuir huit iours apres, il ordonnast à

1530. L'Electeur de Saxe de porter deuant luy l'espée, selon son office & rang, quand l'Empereur va & est à la Messe. L'Electeur de Saxe se trouua perplez : d'un costé il luy estoit bien aduis, qu'il contreuenoit à sa profession, & conscience, s'il condescendoit : & l'autre, il craignoit de perdre sa dignité, s'il refusoit : ayant presenty, qu'à son refus, l'Empereur donneroit cet honneur à vn autre. Mais ses Theologiens, disciples de Luther luy baillerent par aduis, qu'il le pouuoit faire sans aucunement blesser sa conscience : entreuenant comme à vne ceremonie ciuile, & non comme à vne religieuse : allegans l'exemple du Prophete Elisee, qui ne trouua point d'inconuenient, que le Chef d'armée de Syrie, apres s'estre conuertý à la vraye religion, s'enclinast au temple de l'Idole, quand le Roy s'y enclineroit s'appuyant sur son bras. Ce conseil n'estoit nullement approuué par les autres : car d'iceluy on pouuoit inferer & conclure, qu'il est loisible à chacun d'entreuenir à toutes les ceremonies & actes de religion differente, comme à ceremonies ciuiles : veu que iamais ne manquent diuers colorés pretextes de necessité ou d'utilité, qui induisent à ce faire. Autres approuuoient ce conseil, & la resolution de l'Electeur : & concludoient, que si les nouueaux Docteurs en eussent vsé par le passé, ou en vsoient à l'aduenir, en cette façon, en plusieurs occasions on n'ouuriroit point la porte à diuers inconueniens : & que suiuant cet exemple, il estoit loisible à chacun, pour la conseruation de sa dignité, ou estat, ou de la bonne grace de son Seigneur, ou de quelque autre personne eminente ; d'assister à toute action, en qualité de ciuile, quoy qu'autres y entreussent en qualité de religieuse.

*Les cōseils
secrets du
Pape &
de l'Em-
pereur
descen-
dus par
vn sermō
d'vn
Nonc.*

En icelle Messe, auant l'offrande, fut faite vne Oraison, ou sermon, en Latin, par Vincent Pimpinelle, Archeuesque de Rosan, Nonce Apostolic : en laquelle il ne parla d'aucune matiere spirituelle, ou religieuse : mais seulement reprocha à l'Allemagne, d'auoir supporté tant de maux des Turcs, sans se venger ; & par plusieurs exemples des anciens Capitaines de la Republique de Rome, les exhorta à la guerre contr'eux. Et dit que le defauantage de l'Allemagne estoit, que les Turcs obeissoient à vn seul Prince : en lieu qu'en Allemagne plusieurs ne rendoient point d'obeissance : que les Turcs viuent en vne seule religion : & les Allemands tous les iours en forgent de nouuelles, & se moquent de la vieille, comme rance & surannee : & les censura de ce que, voulans changer de foy, ils n'en auoient du moins cherché vne plus sainte, & plus prudente. Qu'à l'imitation de Scipion Nafica, de Caton, du peuple Romain, & de leurs ancestres, ils se tinssent à la Religion Catholique. Finalement il les exhorta à delaisser ces nouueautés, & penser à la guerre.

En la premiere seance de la Diete, le Cardinal Campege presenta les lettres de la legation : & fit vne harangue en Latin en l'Assemblée, en presence del'Empereur, dont telle estoit la substance, Que de tant de sedes qui regnoient en ce temps, l'origine & la cause estoit l'extinction & amortissement de la charité & bienveillance mutuelle : que le changement des ceremonies, & de la doctrine, auoit non seulement deschiré l'Eglise, mais aussi miserablement ruiné toute police. Qu'à ce grand mal les Papes precedens auoient desiré & procuré de remedier, à cet effet auoient enuoyé diuerses legations aux Dietes, mais que ce bon deuoir ayant iusques alors esté sans fruit, Clement l'auoit enuoyé pour exhorter, conseiller, & operer tout ce qu'il pourroit pour reestabli la Religion. Et apres auoir loué l'Empereur il exhorta tous d'obeir à ce qu'il ordonneroit, & refoudroit au fait de la Religion, & des articles de la foy. Il incita à la guerre contre les Turcs, & promettant que le Pape n'espargneroit aucune despesne pour les secourir. Il les pria, & coniuira pour l'amour de Christ, par le salut de leur patrie, & par leur propre, de quitter les erreurs, & vaquer à la deliurance de l'Allemagne, & de toute la Chrestienté. Que s'ils en faisoient ainsi, le Pape, comme successeur de S. Pierre, leur donnoit sa benediction.

A cete harangue du Legat, par commandement del'Empereur, & de la Diete, l'Archeuesque de Mayence fit response, Que l'Empereur, par deuoir de supreme

*respōdu
par la*

de supreme Aduocat del'Eglise, essayeroit tous moyens pour composer les differens, employeroit toutes ses forces en la guerre contre les Turcs, & que tous les Princes se ioindroient à lui, se portans tous en sorte, que leurs actions seroyent approuuées de Dieu, & du Pape. Apres que d'autres deputations, & amballades, eurent esté ouïes, l'Electeur de Saxe, ensemble les autres Princes & Villes Protestantes, vnies avec lui, se leua, & presenta à l'Empereur la Confession de leur foi, couchée en Latin & en Allemand, faisant instance qu'elle fust luë. Et l'Empereur ne l'ayant voulu accorder pour la seance de ce iour-là, cela fut remis au lendemain: auquel le Legat, de peur de se preiudicier, ne voulut y entreuenir: mais les Princes estans assemblez en presence de l'Empereur, en vne sale capable de deux cens personnes, elle fut luë à haute voix. Et les villes, qui adheroient à la doctrine de Zuingle, presenterent aussi separément la leur, accordante en tout avec la susdite, sauf en l'Article del'Eucharistie.

La Confession des Princes, laquelle puis apres fut appellée d'Augsbourg, appelée des de cete journée, en laquelle elle auoit esté luë, contenoit deux parties. En la premiere, estoient exposés les articles de leur foi, en nombre de xiiii. De l'vnité de la diuine Essence: du Peché originel: de l'Incarnation: de la Iustification: du Ministère Euangelic: de l'Eglise: de l'Administration des Sacremens: du Baptisme: de l'Eucharistie: de l'Ordre Ecclesiastique des Ceremonies de l'Eglise: de la Republique, & police: du Iugement dernier: du Franc arbitre: de la Cause du peché: de la Foi: des Bonnes oeures: & du Service & Inuocation des Saints. En la seconde estoient exposés les dogmes differens de l'Eglise Romaine, & les abus que les Confessionnistes reiectoyent, couchés en sept articles au long: De la sainte Communion: du Mariage des Prestres: de la Messe: de la Confession: de la Distinction des viandes: des Vœux Monastiques, & de la Iurisdiction Ecclesiastique. Et s'offroyent enfin d'en presenter encores plus ample information, & explication. Or en la preface de cete Confession, ils declaroyent qu'ils auoyent redigé leur Confession de foi par escript, pour obeir au commandement de Sa Maiesté. Que tous lui presentassent leur opinion: & pourtant si, selon cela, les autres Princes bailloyent les leurs par escript, ils estoient tout prests de conferer à l'amiable, pour tascher de venir à vn accord. Et que si mesme on n'y pouuoit paruenir, attendu que Sa Maiesté auoit en toute les Dietes precedentes fait entendre de ne pouuoir determiner chose quelconque en matiere de Religion, pour diuers esgards, lors produits & allegués, mais bien qu'il feroit tout deuoir avec le Pape, pour conuoker vn Concile general: & qu'en la dernière Diete de Spire il auoit fait presenter, Qu'estant sur le point de composer ses differens avec le Pape, ou au Concile il ne falloit plus douter que le Pape ne consentist à vn Concile: ils s'offroyent de comparoir, rendre conte d'eux, & defendre leur cause, en vne telle Assemblée, generale, libre, & Chrestienne, de laquelle on a tousiours traitées Dietes tenues du temps de son Empire. Auquel Concile aussi, & ensemblement à Sa Maiesté, ils ont en duë forme de droit appelle: & qu'à cet Appel ils persistent encores, n'entendans aucunement renoncer à icelui par ce traité, ne par aucun autre, si tout premier les differens ne sont appointés en charité Chrestienne.

Et ce iour-là on ne passa à aucune autre action. Mais l'Empereur, auant faire aucune resolution, voulut auoir l'aduis du Legat: lequel, ayant lu & consideré, avec les Theologiens qu'il auoit amenez d'Italie, la susdite Confession, ne voulut consentir à leur iugement, de la refuter, & d'en imprimer sous son nom vne Censure: preuoyant qu'il donneroit occasion à plus grands troubles, & disant tout ouuertement, que, quant à la doctrine, le different lui sembloit, pour la plus grande partie, de paroles seulement: & qu'il importoit peu de dire en vne maniere plustost qu'en vne autre: & qu'il n'estoit point raisonnable, que le S. Siege s'engageast es disputes des Escholes: & pourtant ne permit point que son nom fust employé

1530.
Diette en
termes ge-
neraux.

les Protes-
tans pre-
senter leur
Confession
de foi.

lors, Cofes-
sion d'Aug-
bourg:

s'offrent à
vne dispute
ou confes-
rence,

ou au Concile
promis

conseil du
Legat sur
cete Confes-
sion

1550.

& meslés disputes. Et fit response à l'Empereur, Qu'il n'estoit nullement besoin d'entrer pour lors en exact examen de la doctrine: mais qu'il falloit auoir esgard à l'exemple, qu'on donneroit à tous esprits inquiets, & subtils, qui ne manqueraient iamais de nouveautés à proposer, non moins vraisemblables que celles-là, lesquelles seroyent auidement receuës, & ouïes; pour le chatouillement d'oreilles, lequel les nouveautés excitent au monde. Et quant aux abus, qui y estoient remarqués, la correction d'iceux causeroit inconueniens plus grands, que ne sont ceux, qu'on cuideroit remédier. Que son aduis estoit, que, puis que la doctrine des Lutheriens auoit esté lue publiquement, pour oster tout preiugé, fust de mesme lue vne refutation, laquelle toutesfoi ne fust point publicce par copies, pour ne donner ouuerture aux disputes: mais qu'on s'employast par negotiations & traités, à faire que les Protestans s'arrestassent à cela, sans passer plus auant: leur proposant faueurs & menaces.

Les divers iugemens des auantiers.

Mais la lecture de cete Confession produisit diuers sentimens és esprits des Catholiques, qui l'auoyent entendue: aucuns tinrent les Protestans pour plus impies & meschans qu'ils ne s'estoient figurés, auant qu'auoir esté particulièrement informés de leurs opinions: autres au contraire, rabattirent beaucoup de la mauuaise opinion qu'ils en auoyent, & ne tinrent point leurs opinions pour tant estranges & absurdes, comme ils auoyent pensé. Et quant aux abus, ils confessoient qu'ils estoient censures avec raison. Il ne faut cependant omettre le dire public du Cardinal Matthieu Lang, Archeuesque de Saltsbourg, Que de vray la reformation de la Messe estoit raisonnable, & la liberté és viandes conuenable, & la demande d'estre deschargés de tant de commandemens humains tres-juste: mais, qu'il n'estoit nullement tolerable, qu'un chetif Moine voulust reformer tout le monde. Corneille Scoper aussi, Secetaire de l'empereur, dit, Que si les prescheurs Protestans auoyent de l'argent, ils acheteroyent aisément des Italiens la Religion qui plus leur agreeroit: mais que sans or, ils ne pouuoient esperer que la leur reluisist iamais au monde.

L'Empereur suit le conseil du Legat, & fait refuter la Confession.

L'Empereur, conformément au Conseil du Legat, approuué par ses propres Conseillers, desirant de composer le tout par la pure & simple negatiue, tascha premierement de diuiser les Ambassadeurs des villes de l'vniou des Princes: ce qui n'ayant reüssi, il fit dresser vne refutation del'escrit des Protestans & separément vne autre, de celui qu'auoyent produit les villes. Et ayant assemblé toute la Diete, dit aux Protestans, Qu'il auoit pesé & considéré la Confession, qu'ils lui auoyent présentée, & auoit baillé charge à certains personnaiges de pieté & sauoir, d'en donner leur iugement. Et là dessus fit lire vne refutation d'icelle: en laquelle, apres auoir censuré plusieurs de leurs opinions, on auoit à la fin, qu'en l'Eglise Romaine il y auoit quelques choses qui meritoient amendement, ausquelles l'empereur promettoit de pouruoir: & que pourtant les Protestans se remissent à lui, & retournassent en la communion de l'Eglise: les certifiant, qu'en ce faisant, ils obtiendroyent toutes leurs iustes demandes: qu'autrement, il ne faudroit point de se monstrier protecteur & defendeur d'icelle.

Mais les Protestans tenans ferme,

Les Princes Protestans offrirent d'estre prompts à tout ce qui se pouuoit faire, la conscience sauue: & de corriger tout erreur de leur doctrine, dont on leur seroit apparoir par l'Ecriture Sainte: ou s'il escheoit plus grande declaration d'icelle, de la donner. Et pource que d'entre les Articles proposés par eux, aucuns en la refutation, estoient passés & aduoués, autres refutés, si on leur bailloit copie de la refutation, ils estoient tous prests de s'expliquer plus clairement.

L'Empereur consent à vne conference,

En fin, apres plusieurs traités, furent eslus sept d'entre les Catholiques, & sept d'entre les Protestans, pour conférer ensemble, & trouuer moyen de composition: mais, ne se pouuans accorder, le nombre fut réduit à trois de chaque parti: & combien que quelques articles de doctrine, legers, & en petit nombre, & quelques choses menues, concernant les ceremonies, fussent ac-

cordées on vit toutesfois à la fin que la conférence ne pouuoit en aucune maniere se terminer en total accord: d'autant que, nulle des parties ne s'enclinoit à ceder à l'autre es choses plus importantes. Apres que plusieurs iours se furent consumés en ce traité, lecture publique fut faite de la refutation de la Confession présentée par les villes: laquelle ouïe, les Ambassadeurs d'icelles respondirent, Que plusieurs articles de leur escript estoient rapportés diuersement de ce qui auoit esté escrit par eux, & que plusieurs autres choses par eux proposées, estoient destorquées en sens mauuais & sinistre, pour les rendre odieux. Et qu'ils repliqueroient à ces objections, si on leur bailloit copie de la refutation. Et que cependant ils prioient qu'on n'adiousta point foy à la calomnie, mais qu'on attendist leur defense & iustification. La copie leur fut deniée en disant, Que l'Empereur ne vouloit point permettre, que les matieres de la Religion fussent mises en dispute.

L'Empereur essaya de gagner les Princes par la voye des pratiques: alléguant pour principales raisons, Qu'ils estoient en petit nombre, que leur doctrine estoit nouuelle, qu'elle auoit esté suffisamment refutée en cete Diete; que leur hardiesse estoit grande, de vouloir condamner d'erreur, heresie & faulxe religion, la Maïeste Imperiale, tant des Princes & estats d'Allemagne, ausquels eux estans comparés, montoient bien peu: & qui pis est, tenir leurs propres peres, & ancestres pour heretiques: & de requerir vn Concile, & cependant passer tousiours auant en leurs erreurs. Mais ces remonstrances seruiroient de peu: d'autant qu'eux nioyent absolument, que leur doctrine fust nouuelle, & que les ceremonies & traditions de l'Eglise Romaine fussent anciennes. Dont l'Empereur mit en œuvre, & en ieu, les autres expedients proposés par le Legat Campege, faisant traiter separement avec chacun d'eux, & leur faisant ouuvertures de quelques accommodemens, & contentemens qu'on leur donneroit es choses de leur propre interrests, & fort desirées: & d'ailleurs leur mettant au deuant plusieurs oppositions, & trauerses, que luy mesme leur donneroit à leurs propres & particuliers affaires, s'ils persisteroient en la resolution de ne se réunir à l'Eglise. Mais l'Empereur ne pût point seulement obtenir d'eux, qu'ils voulussent accorder l'exercice de la Religion Romaine en leurs terres, iusqu'au Concile, lequel il promettoit de faire intimer dans six mois prochainement venant: d'autant que les Protestans halénerent que c'estoit vne inuention & ruse du Legat, lequel ne pouuant tout promptement obtenir son intention, estimoit de faire assez de reestabli la religion & doctrine Romaine en tous lieux, & par ce moyen ietter les desordres & la confusion parmy les peuples, ia alienés, dont aisement naistroient des occasions qui extirperoiēt la nouuelle. Car quant à la promesse de l'intimation du Concile dans le terme de six mois, il scauoit bien qu'on pourroit pretendre tous les iours beaucoup d'empeschemens, pour dilayer, & en fin pour eluder toute attente.

Les Protestans se departirent à la fin d'Octobre, sans auoir pû conclure chose quelconque: & l'Empereur fit vn Edit, pour l'establissement des anciennes ceremonies de la Religion Catholique Romaine: lequel contenoit en substance, Que rien ne fust changé, ny innoué en la Messe, au Sacrement de la Confirmation, & de l'extreme Onction: que les Images ne fussent ostées d'aucun lieu: & que celles, qui auoient esté ostées, fussent remises: qu'il ne fust loisible de nier le Franc Arbitre, ne sentir, que la seule foy iustifie: qu'on obseruast les Sacremens, les ceremonies & vsages anciens, & les obseques & seruice pour les morts, sans alteration: que les Benefices fussent conferés à personnes idoines & capables: que les prestres mariés, ou qui aissent leurs fêmes, ou fussent assuiettis au ban: que toutes ventes de biens Ecclesiastiques, & toutes autres vsurations, fussent cassées & annulées: qu'on n'eust à se departir de ce reiglement, en enseignant & preschant: ains qu'on exhortast le peuple à ouïr la Messe, à inuoyer la Vierge Marie & les autres Saints, & à obseruer les festes, & les ieunes: que les Monasteres, & autres edifices sacrés, fussent rebastis es endroits ou ils auoient esté ruinés: & que le Pape fust requis & recherché

On ne pou-
uant rien
gagner
par icelles
à la vi-
gner d'un
Edit con-
tre les Pro-
testans.

1530.

de tenir le Concile, & l'intimer dans le terme de six mois, en lieu conuenable, & apres l'ouurir, au plus tard dans vn an. Et que toutes ces choses fussent stables & fermes, sans admettre appel, ou exception quelconque au contraire. Et qu'à l'exécution de cet Edit & Arrest, chacun employast toutes ses forces, & moyens: & mesme la vie, & le sang s'il escheoit. Et que la Chambre procedast contre les contreuenans.

lequel ne
contente
nullement
le Pape,
quiconquoit
de grâdes
indigna-
tion &
soupçons.

Le Pape, ayant eu notice de ce qui s'estoit passé en la Diete, par l'aduis que luy en donna son Legat, cenceut vn grand regret & desplaisir en son cœur, voyant que Charles, quoy qu'il eust suivi son conseil, & vſé d'autorité, & souverain commandement, & menacé de force, n'auoit point pourtant agi en Aduocat de l'Eglise Romaine, auquel n'affiert point de prendre cognoissance de la Cause, ains d'estre pur & simple Executeur des Arrest du Pape: à quoy estoit tout à fait contraire d'auoir receu, & fait lire les Confessions, & ordonné vne Conference pour accorder les differens. Il se pleignoit outre mesure, que quelques points eussent esté accordés: & plus encores, que l'Empereur eust consenti à l'abolition de quelques ceremonies: iugeant que l'autorité Papale estoit violée, lors que choses de si grande consequence se traitoient sans luy: que cela auroit pû estre toleré, si du moins l'autorité de son Legat y fut entreuenue. Il consideroit en outre, que ce que les Prelats y auoient consenty, estoit à son grand preiudice: & sur toutes choses le greuoit la promesse du Concile, tant abhorré de luy: en laquelle, quoy qu'il semblaſt que mention y eust esté faite de son autorité fort honorablement: neantmoins, auoit prescript le terme de six mois à le conuoyer, & d'un an à l'ouurir, estoit mettre main en ce qui est propre au Pontife, & faire l'Empereur principal, & le Pape ministre & executeur seulement. Sur ces fondemens il conclut, qu'il ne pouuoit prendre que bien peu de bonne esperance des affaires de l'Allemagne, & qu'il falloit de bonne heure penser à vn preseruatif, afin que le mal ne gaignast sur les autres parties du corps de l'Eglise.

mais pour
sauuer sa
reputation
il seint de
vouloir le
Concile,
dont il de-
ne admis
par lettres
aux Pot-
rats de
chrestienté.

Et puis que ce qui estoit fait & passé, ne pouuoit plus estre non fait, il iugea que ce seroit acte de prudence, de ne monstrer qu'il eust esté fait contre son vouloir, ains de s'en faire auteur luy-mesmes, & par ce moyen gauchir, & rabatre le coup porté contre sa reputation.

Et pourtant il donna aduis de tout ce qui s'estoit passé, à tous les Rois & Princes, despeschans ses lettres sous la date du premier Decembre, toutes de cete mesme teneur, Qu'il auoit esperé que l'heresie Lutherienne se pouuoit esteindre par la presence de l'Empereur: & pour cete cause il s'estoit abouché avec luy à Bologne, pour luy en faire les instances necessaires, quoy qu'il l'y conust assez porté de luy-mesmes. Mais ayant eu aduis de l'Empereur, & de son Legat Campege, que les Protestans se rendoient de plus fort obstinés, il auoit communiqué tout l'affaire avec les Cardinaux, & avec ceux auoit clairement veu, qu'il n'y reste autre remede que celui, qui tousiours a esté pratiqué par les Anciens, d'un Concile general: & pourtant les exhorte & requiert tous, de fauoriser vne cause si sainte, par leur presence, ou par leurs Ambassadeurs, en vn Concile general, & libre, lequel il est deliberé d'intimer & conuoyer au plustost en quelque lieu commode en Italie. Les lettres du Pape vinrent à notice à tout le monde, par la diligence de ses ministres: non de vrai, pource que le Pape, ne la Cour, desirassent réellement le Concile, ou y appliquassent leur pensée: car ils estoient portez tout à fait au contraire, mais pour en retenir les hommes, afin qu'en l'attente, que bien tost seroient corrigés les abus, & desordres, ils demeurassent fermes en l'obeissance.

mais a fi-
mulation.

trouue peu
de creance.

les Prote-
stans à l'ap-
posie es-

Toutes-foiſ bien peu y furent trompés: d'autant qu'on voyoit tout à trauers, que l'instance faite aux Princes d'enuoyer Ambassadeurs à vn Concile, dont on n'auoit encore arresté le temps, ne le lieu, ne la forme, estoit vne pre-nention trop affectée.

Mais les Protestans aussi prirent occasion de ces lettres Papales d'escrire semblablement aux Rois, & aux Princes, & l'année d'apres, en Feurier, dresserent à chacun d'eux vne lettre au nom commun de tous, de cete teneur

Qu'à leurs Maiestés estoit notoire la vieille plainte des gens de bien contre les abus, & desordre du Clergé, marqués par Jean Gerlon, Nicolas de Clemangis, & autres, en France: & par Jean Collet, en Angleterre & par autres, ailleurs, Que le mesme estoit és années passées aduenu en Allemagne, à l'occasion du detestable & infame trafic des Indulgences, exercé par aucuns Moines. De là passans à exposer tout ce qui s'estoit passé iusques à la derniere Diete, ils disoient, que leurs aduersaires estoient apres à inciter l'Empereur, & autres Rois, contr'eux, employant diuerses calomnies, lesquelles ils font tout prests de refuter & purger deuant vn Concile general de tout le monde, comme ils les auoient ia rabatus en l'Allemagne: & qu'à vn tel Concile ils se remettront volontiers, pourueu qu'il soit tel, qu'en iceluy les passions & les preiugés n'ayent point de lieu. Qu'entre les calomnies, qu'on leur imposoit, cete-cy estoit la principale, qu'ils condannoient les Magistrats, & puissances superieures, & rabaissoient la dignité des loix. Ce qui non seulement est contre verité: mais, comme ils l'ont demonstré en la Diete d'Augsbourg, leur doctrine honore les Magistrats, autorise & defend la force des loix, plus qu'il n'a iamais esté fait és siecles passés: enseignant aux Magistrats, que leur estat, & cete sorte de vie, est tres-agreable à Dieu: & preschans aux peuples, qu'ils sont obligés à prester honneur & obeissance au Magistrat, & ce par le commandement de Dieu, qui ne laissera impunis les rebelles & desobeyssans: puis que le Magistrat a son autorité, & puissance, par ordonnance diuine. Qu'ils leur ont bien voulu escrire ces choses, comme à Rois & Princes de si grande autorité, pour se iustifier entr'eux: les prians de n'adiouster aucune creance à ces calomnies, ains conseruer leur iugement entier, iusques à ce que les accusés ayent moyen & lieu de se purger publiquement.

Et pourtant qu'il leur plaist prier l'Empereur, d'assembler au plustost vn Concile sain & libre, en Allemagne, pour le benefice de toute l'Eglise, & ne proceder point par la voye de la force, iusques à ce que la cause ait esté debatue, & legitimentement decidée.

Le Roy de France respondit par lettres fort courtoises & officieuses, remerciant en substance de la communication d'un affaire de si grande importance: & montrant d'auoir leurs iustificacions fort à gré, d'approuuer l'instance qu'ils faisoient, que les abus soient corrigés: en quoy la volonté seroit iointe à la leur: que la demande du Concile estoit iuste, & sainte, voire necessaire, non seulement pour les necessités de l'Allemagne, mais aussi pour toute l'Eglise: qu'il n'estoit nullement raisonnable de venir aux armes, quant on peut terminer les differends par voye de droit, & de traité. De semblable teneur furent les lettres du Roy d'Angleterre: le quel de plus en particulier se declara de desirer de sa part aussi grandement le Concile, & de se vouloir entremettre enuers l'Empereur, pour trouuer quelque voye d'acord.

Des que le decret imperial fut allé par toute l'Allemagne, incontinent commencerent en la Chambre de Spire les accusations contre ceux qui suiuoient la nouuelle Religion, intentées des vns par zeile, des autres par desir de vengeance, & inimitiés particulieres, & des autres par cupidité d'enuahir les biens des aduersaires. Plusieurs sentences furent rendues, plusieurs declarations données, & plusieurs confiscacions faites contre Princes, Villes, & particuliers: sans que toutes-fois aucune eust effect, sauf quelqu'un contre les particuliers, qui auoient leurs biens sous la iurisdiction & estats des Catholiques. Par les autres ces Arrests & sentences estoient mesprisées, au grand dechet de la reputation. non seulement de la Chambre, mais de l'Empereur mesmes: le quel s'aperceut bien tost apres, que la medecine n'estoit point appropriée au mal, qui se rengregeoit tous les iours. Car les Princes, & les Villes Protestantes, outre ce qu'ils faisoient peu d'estat des iugemens de la Chambre, s'estoient vnīs entr'eux, & preparés à la defense, & fortifiés d'intelligences estrangeres: tellement que, si les choses passioient outre, on voyoit naistre vne guerre ciuile, perilleuse pour l'un & pour l'autre party, & quel-

1531.

que issuë qu'elle pust auoir, en tout cas pernicieuse à l'Allemagne. Et pour- tant il acquiesça, que quelques Princes s'entremissent, & trouuassent quel- que voye d'accord. Et pour cet effet cete mesme année, mil cinq cens trente vn, plusieurs traités & negotiations se firent, pour les articles & conditions de cet accord: & pour le conclurre, fut ordonnée vne Diete à Regenspourg pour l'année suiuanté.

Cependant les affaires demeuroident pleins de soupçons, dont les mes-intel- ligences & desiances des deux partis croissoient plustost qu'autrement. Et en cete année aduint aussi vn notable accident en Suisse, qui fut cause d'ap- pointer leurs differens. Car, quoy que la controuersé de la Religion d'entre Zurich, Berne, & Basle d'une part, & les Cantons Papistiques de l'autre, eust esté maintes fois assoupie par l'entremise de plusieurs, les esprits ne laissoient pas d'en demeurer grandement aigris & vlcérés: & par les iournelles occa- sions, de mescontentemens, les estrifs se renouuelloient. En cete année ils

on vint aux
armes,

vinrent à leur comble, par les defenses des viures, que firent ceux de Zurich, & de Berne, aux cinq Cantons: & pour cete cause les vns & les autres pri- rent les armes. Et ceux de Zurich sortans à la guerre, Zuingle alla avec eux au camp: quoy que plusieurs de ses amis l'exhortassent à demeurer chez soy, & à laisser aller vn autre à ceste charge: à quoy il ne voulut iamais con- sentir, afin qu'il ne semblast qu'il ne fust bon qu'à animer le peuple, & cè- pendant qu'il luy voulust faillir au besoin en occasion dangereuse. Ils liure- rent bataille l'onzième Octobre, en laquelle ceux de Zurich eurent du pi- re, & Zuingle y fut tué: dequoy les Catholiques firent plus de ioye, que de la victoire mesme: & mesmes firent plusieurs insolences & ignominies à ce corps mort. Toutesfois cete mort fut cause principale, que derechef, par l'entremise de quelques vns, ils s'accorderent entr'eux: chacun des deux partis retenant sa propre Religion: & les Cinq Cantons Catholiques

& Zuingle
est tué en
bataille:
mais la
paix este-
stablée.

tenant pour tout assuré, que par le decés de celuy qu'ils estimoient auoir esté, par ses predications, auteur du changement de Religion au pais, tous retourneroient à l'ancienne: conformés en cete mesme opinion, par- ce qu'Ecolampade, Ministre de Basle, consentant en tout avec Zuingle, estoit mort peu de iours apres iceluy, d'affliction conceuë de la mort de son amy: dont: les Catholiques attribuoient ces deux morts consecutives à la prouidence de Dieu, lequel par compassion enuers la nation Helue- tique, auoit punis, & ostés du monde, les chefs & ministres de la dis- sention. Et de vray c'est bien vne pensée pieuse & religieuse d'attribuer la disposition de tous euenemens à la prouidence diuine: mais de terminer à quel but sont dirigés les euenemens par cete souveraine Sapience, c'est chose qui ne s'esloigne point de l'outrecuidance & presumption. Et les hom- mes espousent si passionnement leurs propres opinions, qu'ils croient que Dieu les porte & fauorise, autant qu'ils font eux mesmes. Mais les choses a- uenuës ces temps suiuaus, ont monstré, qu'apres la mort de ces deux, les Can- tons, appellés Euangeliques, ont fait plus grands progrès en la doctrine qu'ils auoient embrassée. Argument certain qu'icelle procedoit de cause plus haute, que de Zuingle.

En Al-
lemagne
toute voye
d'accord
est accom-
plie en vray
l'Empe-
reur se re-
diction spe-
ciale, & le
faire que-
rir du Pa-
pe Clem.

En Allemagne la concorde des Protestans avec les autres fut moyennée par les Eleeteurs de Mayence & Palatin: & plusieurs escrits furent faits, & sou- uent changés, parce qu'ils ne contentoient pas entierement ne l'une ne l'autre partie. Cela fit venir l'Empereur à cete resolution, que le Concile estoit extremement necessaire: & ayant communiqué avec le Roy de France, il en- uoya homme en poste à Rome, pour traiter avec le Pape, & le College des Cardinaux. L'Empereur ne faisoit point force sur le lieu, ne sur aucune con- dition speciale, pourueu que les Allemans receussent contentement, en sor- te qu'ils y entreussent, & s'y soumissent: & le Roy de son costé aussi iugeoit raisonnable de les contenter, & s'offroit de s'y employer. L'Ambassade fut exposée au Pape en ces termes, Que l'Empereur auoit essayé toutes voyes & moyens pour reuinir les Protestans à l'Eglise, y ayant employé & l'autorité,

& les menaces, & les persuasions, & en fin le bras de la iustice: mais que le tout auoit esté en vain: dont il ne restoit plus que, ou la guerre, ou le Concile. Qu'il ne pouuoit venir au premier, pour les grands appareils de guerre, que faisoit le Turc contre lui: & que pourtant il estoit forcé de venir à l'autre moyen: & prioit le Pape, qu'à l'exemple de ses predecesseurs, il se contentast d'otroyer vn Concile, auquel les Protestans ne fissent point de difficulté de se soumettre: selo qu'à plusieurs fois ils auoyent offert de se tenir à la determination d'un Concile libre, auquel fussent iuges personnes non interessées. Le Pape, qui pour tout ne vouloit point de Concile, ayant ouï cete requeste, & ne la pouuant rabattre par vn précis des secrets refusi, & negatiue, y consentit en telle façon, & à telle condition, qu'il fauoir bien ne pouuoit estre acceptée. Il mit en auant pour le lieu du Concile vne des villes de l'estat de l'Eglise, nommant Bologne, Parme, ou Plaisance: villes capables de receuoir vne grande multitude, opulentes & abondantes pour la nourrir, & de tres-bonne temperature d'air, avec vn beau & ample territoire à l'enuiron: en l'une desquelles les Protestans ne deuoyent point faire de difficulté de venir; veu qu'il leur donneroit plein & ample saufconduit, & mesmes se trouueroit là en personne, afin que le tout s'y maniaست en bonne paix Chrestienne, sans faire tort à aucun. Qu'il ne pouuoit cōdescendre à se laisser tenir en Allemagne: d'autant que l'Italie ne supporteroit point d'estre postposée à l'Allemagne: & l'Espagne, & la France, qui pour le respect & prerogatiue du Pontificat, desert à l'Italien choses Ecclesiastiques, ne voudroient point céder à l'Allemagne: & que l'autorité d'un Concile, ou il n'y eust qu'Allemands, ou bien peu d'autres nations, seroit de peu d'estime. Qu'on ne remettoit point la medecine au vouloir & choix du malade, mais du medecin. Et que l'Allemagne, corrompue par la multiplicité, & variété des nouuelles opinions, ne pouuoit donner bon & sain iugement en ces matières, comme l'Espagne, l'Italie, & la France, qui sont encorés entières, & perseverent en l'obeissance & suietion du S. Siege, & de l'Eglise Romaine, qui est la Mere & la Maistresse de tous Chrestiens. Et quant à la forme de definir les matières au Concile, il n'estoit point necessaire d'en parler, veu qu'il n'y escheoit point de difficulté, sinon qu'on voult introduire vne forme de Concile nouuelle, & sans exemple en l'Eglise. Qu'il estoit tout notoire, qu'il n'y a que les Euesques qui ayent voix & suffragés, par les Canons; & les Abbés, par la coustume; & quelques autres, par priuilege Papal. Tous les autres, qui pretendent y estre ouïs, sont tenus de se soumettre à la determination de ceux-là: & que tout decret se fait au nom du Synode, si le Pape est absent: mais s'il y est présent en personne, les decrets se passent sous son nom, avec la seule approbatiō des Peres du Synode. Les Cardinaux aussi parloyent en mesme sens, entreiectans neantmoins tousiours quelque raison, pour monstrier que le Concile n'estoit point necessaire, attendu la determination de Leon, laquelle estant mise en effect, on remedioit à tout: & qui refuse de se remettre à la determinatiō du Pape, sur tout faite par l'aduis & conseil des Cardinaux, beaucoup plus mesprisera tout decret du Concile. Qu'on voit à l'œil que les Protestans ne reclamēt le Concile, que pour entreiecter du temps à l'execution de l'Edit de Vvormes: d'autant qu'ils sauēt bien, que le Concile ne pourra faire autre chose, qu'approuuer simplement ce que Leon a déterminé, s'il ne veut deuenir Conciliabule, cōme ont esté tous ceux qui se sont esloignés de la doctrine, & obeissance Papale.

L'Ambassadeur de l'Empereur, pour trouuer quelque temperement, eut plusieurs deuis & conferences avec le Pape, & deux Cardinaux, députés par lui à cet affaire. Et mit en consideration, que ce n'estoit ne l'Italie, ne la France, ne l'Espagne, qui eussent besoin du Concile, ne qui le requissent; & pourtant qu'il n'estoit à propos de mettre en contre leurs esgards: qu'icelui estoit recherché pour guerir les maux de l'Allemagne, auxquels il deuoir estre approprié, & proportionné. Et pourtant, qu'il faloit choisir vn lieu, auquel toute cete nation pult entreuenir: car, des autres, il suffisoit qu'il y en eust

*qu'il met
des secrets
& obliques
empisches
mens*

*comme aus-
si les Car-
dinaux:*

*ausquels
par le prin-
cipallement
l'Ambassa-
deur de
l'Empereur*

1551.

quelques principaux personnages, ven qu'il ne s'agissoit point d'elles. Que les villes proposées estoient bien douées de tres-bonnes qualités, mais estoient trop éloignées de l'Allemagne. Et, quoi que la foi & paroles de Sa Sainteté dūst alleuerer chacun, que toutesfois les Protestans auoyent diuerses raisons d'ombrages, & soupçons, & vieilles, & nouuelles: entré lesquelles ils tenoyent pour la moindre, que le Pape Leon dixiesme, cousin de lui Clement, les auoit ia condamnés & déclarés heretiques. Et; ores que toutes ces raisons fussent & dussent resoudre par la seule érance qu'on doit prendre de la parole du Souuerain Pontife, Sa Sainteté neantmoins, tant prudente, & versée en affaires, pouuoit aisement reconnoître, qu'il faut de necessité descendre quelquesfois aux imperfections des autres, & par compassion s'accommoder à ce, qui, si non du de rigueur, du moins est conuenable selonc equité. Et quant aux voix & suffrages deliberatifs du Concile, il lui representa, qu'iceux ayans esté introduits par coustume, & en partie par priuilege, il se presentoit vn beau champ ouuert d'exercer sa benignité, donnant lieu & entrée à vne autre coustume plus propre au temps present: Car, si iadis les Abbés, par coustume, furent admis, pource qu'ils estoient les plus doctes & entendus en affaires de la Religion: la raison commande, qu'au temps present on face le mesme enuers personnes d'egal, ou plus grand sauior, quoi que sans titre Abbatial. Mais, que le priuilege d'onneur moyen de satisfaire à tous: car, accordant ce priuilege à toute personne, qui puisse faire le seruice de Dieu en cete Assemblée, on composera & fera vn Concile saint, & Chrestien, autement tel que le monde le desire. Il

mais le Pape demeurant roide, l'Empereur fait vn Accord, & donne liberté aux Protestans, iusqu'au Concile:

Le Pape, respondit à toutes ces raisons, sur les motifs & fondemens dessus dits: tellement que l'Empereur ne pouuant obtenir aurre du Pape, le traité demeura pour lors imparfait. Et l'Empereur s'employa à sollicitier l'accord encommencé, lequel estant ia fort auancé, & la guerre des Turcs estant à la porte, finalement fut publié l'Accord, le vinttroisieme Iuillet, en ce sens, Qu'il y ait bonne paix commune & publique entre la Maiesté Imperiale, & tous les Estats de l'Empire d'Allemagne, tant ecclesiastiques, que seculiers, iusqu'à vn general, libre, & Chrestien Concile: & que pendant nul n'ait pour cause de Religion, à faire guerre à l'autre, le saisir, despoiller ou assieger. Mais qu'etre tous il y ait, & soit gardée vne vraye amitié, & vnion Chrestienne. Qu'il plaise à l'Empereur procurer que dans six mois soit intimé le Concile, & dans vn an ouuert. Que si cela ne se peut effectuer, tous les Estats de l'Empire soyent appelés, & assemblés, pour deliberer ce qui sera à faire tant à l'égard du Concile, que de toutes autres choses necessaires. Que l'Empereur suspēde & surseé tous proces iuridiques en cause de Religion, intentés par son Procureur fiscal, ou par autres, contre l'Electeur de Saxe, & ses alliés, iusqu'à la tenue du futur Concile, ou iusqu'à la deliberation susdite des Estats. Que respectiuellement l'Electeur de Saxe, & les autres Princes, & villes, promettent de garder de bonne foi cete paix publique: & de rendre à l'Empereur l'obeissance due, & de lui prester conuenable secours contre le Turc. Cete paix fut ratifiée & confirmée par l'Empereur, par ses patentes du deuxieme Aoust, & tous proces surfis: avec promesses de faire tout deuoir que le Concile fust intimé dans six mois, & ouuert dans vn an prochainement venant. Il exposa aussi aux Princes Catholiques le succes de l'Ambassade qu'il auoit enuoyée à Rome, pour la tenue du Concile: adiuuant qu'on n'auoit pu encores iusques alors appoincter certaines difficultés bien grandes sur la forme & lieu dudit Concile: mais toutesfois qu'il continueroit à travailler à les resoudre, & faire venir le Pape à la conuocation: esperant qu'il ne voudroit faillir au besoin de la Chrestienté, & à son deuoir. Mais que, quand cela ne réussiroit point, lui-mesme intimerait vne Diète, pour y trouver remede.

sur quoi les iugemens font fort diuers:

Ce fut là la premiere liberté de Religion, laquelle les adherans à la confession de Luther, dite d'Augsbourg, obtinrent par Arrest public: sur lequel les iugemens & discours furent fort diuers par le monde. A Rome l'Empereur

peureur estoit blasmé d'auoir mis la faucille en la maison d'autrui: veu que tous Princes sont obligés, par liens trefestroits de Censures, à l'extirpation des condamnés par le Pape de Rome: en quoy ils sont tenus d'employer l'autorité, l'Estat, & la vie. Et les Empereurs de tant plus, qu'ils en font solennels sermens. Aufquels l'Empereur ayant contreueu d'une façon inouïe, il estoit à craindre qu'on n'en vist bien tost la vengeance celeste. Autres louoyent grandement la pieté, & la prudence de l'Empereur, d'auoir eu plus d'esgard au danger pendant du nom de Chrestien par les armes des Turcs, ennemis capitaux de la Religion Chrestienne, ausquels il n'eust pû résister, sans s'asseurer des Protestans, Chrestiens aussi, quoi que differens des autres en quelques ceremonies particulieres, qui est vne difference tolerable. Que la maxime, tant cornée à Rome, qu'il faut plustost poursuivre les heretiques, que les infideles, estoit bien auenante à la domination Papale, mais non au benefice de la Chrestienté. Aucuns autres, laissans à part la consideration du Turc, disoyent, Que les Royaumes & Estats, ne se doiuent point gouverner par les regles & maximes des Prestres, plus que tous autres interessés en leurs grandeurs, & commodités: mais selon l'exigence du bien public, lequel par fois requiert la tolerance de quelque defaut, Que le deuoir de tout Prince Chrestien est de procurer également que tous les suiets tiennent la vraie foi, comme aussi qu'ils obseruent tous les commandemens de Dieu, sans exception de l'un plus que de l'autre. Nonobstant cela, quand vn vice ne se peut extirper sans la ruine de l'Estat, Dieu auoit pour agreable qu'on le tolerast: & qu'il n'y auoit point plus grande obligation à punir les heretiques, que les paillards: lesquels si on souffre pour le repos public, il n'y a pas plus d'inconuenient à souffrir ceux qui n'adherent à toutes nos opinions. Et quoi qu'on ne puisse aisément alleguer exemple de Princes, qui ayent pratiqué cete equité & souffrance des huit cens ans en ça: toutesfois, qui regardera l'histoire des temps qui ont precedé ces huit siecles, trouuera que tous en ont ainsi vsé, & louablement, quand la necessité l'a requis. Que si l'Empereur Charles, apres auoir, par l'espace de douze ans, essayé par tous moyens de remedier aux diuisions de la Religion, n'en est pû venir à chef, qui l'oserait reprendre, si, voulant esprouuer aussi la voye du Concile, il a cependant establi la paix en Allemagne, pour ne la point voir aller en ruine? Que nul ne sçait que c'est de gouverner vn Estat, que le propre Prince, qui seul void & conoit toutes les necessités d'icelui. Que, quiconque gouvernera son Estat, regardant aux interets d'autrui, le ruinera: & qu'aussi peu pouuoit-il reussir de gouverner l'Allemagne en la maniere que desirerent ceux de Rome, que de regir Rome au gré des Allemens.

Nul homme, lisant cet acte, ne doit trouuer estrange, si tels discours, & maints autres semblables, tournoient lors par la pensée des hommes, veu que c'est chose, qui touche à tous sur le vif: car il s'agit en cela de sauoir, si chacune region de Chrestienté doit estre gouvernée, selon que requiert sa necessité, & vtilité: ou bien, si elles sont toutes esclaves d'une seule ville de Rome: & si pour maintenir les commodités d'icelle, toutes sont obligées à employer & y mettre leur tout, voire mesme se desoler. Les temps qui ont suivi, ont donné & donneront document à perpetuité, que la resolution de l'Empereur estoit conforme à toutes loix diuines & humaines. Le Pape, lequel plus que tous autres fut troublé de ceci, vid toutesfois bien, comme il estoit tres-entendu au fait du gouvernement d'Estat, qu'il n'auoit point de suiet de se plaindre: mais aussi il conclut, que ses propres interets ne pouoyent conuenir avec ceux de l'Empereur: & pourtant en son cœur il s'aliena totalement de lui.

L'empereur, apres auoir repoussé le Turc de l'Austriche, passa en Italie, & s'aboucha avec le Pape, & traiterent là ensemble de toutes les affaires communes. Et, quoi qu'ils renouellassent entr'eux leur confederation, le Pape n'estoit pas entierement content, tant pour la liberté de Religion otroyée en Allemagne, que pource qu'ils ne s'accordoyent point bien au fait

*l'Empereur
s'aboucha
derechef au
pape
à Bologne
sur le fait
du Concile*

1533.

du Concile. L'Empereur, conformément à la proposition faite par son Ambassadeur l'année precedente, persistoit à requérir vn Concile tel, qu'il püst remedier aux maux de l'Allemagne: ce qui ne pouuoit estre, sinon que les Protestans y eussent part. Le Pape insistoit aussi de son costé à la deliberation d'alors, De desirer qu'il ne se tint point de Concile pour tout: mais, quand on y eust esté porté de necessité, que ce fust en Italie, & que nul autre n'eust voix deliberatiue, que ceux, lesquels les loix & decretz des Papes ordonnent. L'Empereur se seroit facilement accommodé à la volonté du Pape, en cas qu'on eust pu trouuer moyen de contenter les Protestans: & pour en certifier le Pape, il mit en auant, Qu'il enuoyast vn Nonce en Allemagne, & lui coniointement vn Ambassadeur pour trouuer quelque expedient à ces difficultés: promettant que son Ambassadeur, se gouuernerait selon la volonté du Nonce. Le Pape accepta l'offre & ouuerture: mais pour tout cela n'estoit pas à plein satisfait del'Empereur: d'autant qu'il tenoit pour asseuré, qu'en cas que les instances de ces deux ministres & deputés n'eussent effect, l'Empereur tascheroit en quelque sorte que ce fust, de donner contentement à l'Allemagne. Et pourtant dès lors Clement se resolut de se ioindre plus estroitement avec le Roi de France, pour auoir tousiours le moyen de trauffer & empescher tout ce que l'Empereur proposeroit, ou entreprendroit.

enuoyent
conuie-
ment
Ambassadeur
en Alle-
gne sur ce
sujet.

En execution de l'ouuerture faite, & acceptée, apres Pasques de l'année mil cinq cens trentetrois, le Pape enuoya Hugues Rangon, Euesque de Reims, accompagné d'un Ambassadeur de l'Empereur: Isquels arriues vers Jean Frideric, Electeur de Saxe, chef des Protestans, lequel peu de mois auparavant auoit succédé à son pere decédé, ledit Rangon exposa sa commission, Que le Pape Clement, dès son auenement au Pontificat, auoit tousiours sur toutes choses desiré, que les differens de Religion, esmus en Allemagne, fussent terminés & composés: & à cet effect y auoit enuoyé plusieurs tres-sauans personnaiges: lesquels ayans trauaillé en vain, le Pape auoit eu esperance qu'à l'arriuee de l'Empereur, apres son couronnement, tout l'affaire se termineroit. Ce qui n'ayant eu le succès desiré, l'Empereur estant retourné en Italie, lui auoit montré, qu'il n'y auoit remede plus propre, que d'un Concile general, souhaité semblablement des Princes d'Allemagne. Ce que lui Pape auoit eu pour fort agreable, tant pour le bien public, que pour gratifier à l'Empereur: & pourtant auoit enuoyé sa personne pour conuenir de la forme, & du lieu, & du temps du Concile futur. Quant à la forme, & ordre, le Pape mettoit en auant certaines conditions necessaires: la premiere, Qu'il soit libre, & general, ainsi que les Peres iadis les ont tousiours celebrés. En apres, que ceux qui le requierent, promettent & donnent seurté de receuoir les decretz qui y seront faits, & s'y tenir. Car autrement, ce seroit peine perdue de faire des loix, lesquelles on ne vueille observer. D'auantage, que qui n'y pourra estre present, y enuoye Ambassadeurs, pour faire la promesse, & donner les seurtés requises. Et qu'outre tout cela, il est necessaire, qu'auant le Concile toutes choses demeurent en l'estat ou elles sont, sans innovation. Le Nonce adiousta, que quant au lieu de la tenue, le Pape y auoit fait vne grande, longue & frequente consideration. Car il falloit pouruoir qu'il fust fertile, pour fournir de viures & de comodités, à vn si celebre abord de gens: & ensemblement de bon air & sain, afin que le cours & progrès n'en fust interrompu par les maladies suruenantes. Et finalement il lui sembloit que l'une de ces villes, Bologne, Plaisance, ou Matouë, estoit fort propre, laissant au choix de l'Allemagne de prendre celle qui lui agreeroit le plus. Adioustant aussi d'ailleurs, qu'en cas que quelque Prince ne vienne, ou n'enuoye Ambassadeurs au Concile, il sera lors iuste & raisonnable, que tous les autres prenent en main la defense de l'Eglise. Et pour sa conclusion dit, Que, si l'Allemagne donne conuenable responce à ces propositions, le Pape sans delay traitera avec les autres Rois, & dans le terme de six mois intimera le Concile, pour l'ouuir d'as vn an: afin qu'on puisse faire prouision de viures: & que tous, nommément les plus esloignés, se tinsent preparer au voyage.

Le Nonce presenta aussi sa proposition par escrit: & l'Ambassadeur fit les mesmes instances avec l'Electeur: lequel ayant requis terme à respondre, le Nonce en receut yn singulier contentement, ne desirant autre que delai & remise: & prit cete responce pour presage que sa negotiation auroit heureuse issue. Et ne se put contenir de louer l'Electeur, qu'il voulust mettre du temps à deliberer d'vn affaire, qui certe le meritoit. Toutesfois, l'Electeur respondit peu de iours apres, Qu'il s'estoit grandement resiouy, qu'en fin l'Empereur, & le Pape, estoient venus à la resolution de tenir vn Concile: auquel, suiuant les promesses tant de fois faites à l'Allemagne, les controuerfes fussent legitimentement traitées, selon la reigle de la Parole de Dieu. Que pour son particulier, il desireroit pouuoir donner tout presentement responce aux choses proposées: mais, d'autant qu'il y a plusieurs Princes, & Villes, qui en la Diete d'Augsbourg ont embrassé la mesme Confession de foi que lui, il n'est conuenable, ni vtile pour la cause, qu'il responde separément sans eux. Mais, puis qu'une iournee a esté intimée pour le vintquatrième iuin, que le Nonce soit content d'accorder ce peu de delai, pour auoir vne conclusion plus commune, & resoluë. Tant plus grande encores fut la ioye, & l'esperance du Nonce, lequel eust desiré que le delai eust esté d'années plustost que de mois. Mais les Protestans, assemblés à Smalcad au terme dessusdits, rendirent leur responce, Remercians l'Empereur, d'auoir ^{qui sont} pour la gloire de Dieu, & le salut de l'Estat, pris la peine de faire celebrer vn Concile: laquelle peine toutesfois seroit vaine & inutile, en cas qu'icelui ^{reietées par les Pro} fussent tenu, sans les conditions necessaires pour guerir les maux de l'Allemagne, qui desire qu'en icelui les controuerfes soyent decidées par droit ordre, & legitime procedure: & espere totalement de l'obtenir tel: attendu les frequentes promesses qu'en a fait l'Empereur en diuerses Dietes Imperiales: & que, selon la meure deliberation & resolution des Princes & Estats, il seroit tenu en Allemagne. Et que, puis qu'à l'occasion des Indulgences prechées, plusieurs erreurs & abus auoyent esté descouuerts, & là dessus le Pape Leon auoit condanné la doctrine, & les Docteurs, qui auoyent reuelé les abus: & qu'au reciproque la sentence de condannation de Leon auoit esté impugnée par les témoignages des Prophetes & des Apostres, dont estoit née la Controuerse: icelle maintenant ne pouoit estre terminée qu'en vn Concile: mais tel, qu'en icelui la sentence du Pape, ne la puissance de qui que ce soit, ne püst preiudicier à la cause, & que le iugement fust rendu, non selon les decretés des Papes, ou les opinions scholastiques, mais selon la Sainte Escriture. A defaut de quoi, toute peine seroit prise en vain. Comme en font foi les exemples de quelques autres Conciles, tenus es temps precedens. Que maintenant les propositions du Pape sont contraires à ces fins, aux requestes des Dietes, & aux promesses de l'Empereur. Car, quoi qu'en paroles le Pape propose vn Concile libre, de fait toutesfois il le veut brider, tellement que les vices & abus n'y puissent estre censurés, & que lui y puisse maintenir sa puissance. Que c'est vne demande desraisonnable, qu'aucun s'oblige à garder les Arrests, auant qu'on sache quel ordre, procedure, & forme, on tiendra à les faire: si le Pape voudra que le souverain pouuoir soit par deuers lui, & les siens: s'il voudra que les controuerfes soient examinées à la reigle des Saintes Escritures, ou des loix & traditions humaines. Qu'ils tenoyent aussi cete clause pour captieuse, Que le Concile fust celebré selon les anciennes coustumes: car si par icelles on entendoit celles des premiers & plus anciens temps, quand on faisoit les decisions conformément aux Saintes Escritures, ils ne le refuseroyent nullement. Mais, que les Conciles des siecles prochainement precedens auoyent esté fort differens de ces anciens-là, & auoyent trop deferé aux decretés des hommes, & des Papes. Que la proposition estoit bien specieuse, mais estoit toute la liberté requise & necessaire à la cause. Qu'ils prioient l'Empereur de moyenner que le tout se passast legitiment. Que tous peuples estoient suspendus en l'attente du Concile, & le requeroient avec vœux & prieres: lesquelles se conuertiroient en en grande tristesse, & trauail d'esprit, en cas

1533.

que cete esperance fust frustrée, par l'ottroi d'un Concile, mais diuers de ce qui estoit desiré & auoit esté promis. Qu'il ne faisoit point douter que tous les Estats de l'Empire & les autres Rois & Princes, ne fussent aussi de mesmes aduis, de reietter ces liens & entraues, desquelles le Pape pretend les enfermer en vn nouueau Concile. Que s'il lui est permis de manier les choses à son arbitrage & bon plaisir, ils remettront le tout à Dieu, & penseront à ce qu'ils auront à faire. Et nonobstant tout cela, s'ils sont cités avec seuretes suffisantes & legitimes, & voyent de pouoir operer quelque chose pour le seruice de Dieu, ils ne faudront de comparoir: à condition, & avec proteste toutesfois, de ne consentir aux demandes du Pape, ni à Concile non conforme aux Arrests des Dietes Imperiales. Pour conclusion, ils prioyent l'Empereur de ne prendre leur resolution en mauuaise part: ains de procurer, que la puissance de ceux, qui des plusieurs années exercent leur cruauté contre les innocens, ne soit de plus fort confirmée, & autorisée.

qui pu-
blient leur
responces:

Les Protestans se delibererent non seulement d'enuoyer cete responce au Pape, & à l'Empereur, mais aussi de l'imprimer, avec la proposition du Nonce: laquelle par le Pape mesmes fut iugée imprudente, & trop descouuerte. Et pourtant, sous pretexte qu'il estoit vieil, & impuissant à soustenir cete charge, le Pape le rapella, & escriuit à Vergere, Nonce aupres du Roi Ferdinand, qu'il en prist la charge, avec les mesmes instructions: prenant bien garde de ne se departir iamais de sa volonté, & de ne prestre l'oreille à aucun expedient, quoi que le Roi le recherchast: pour n'estre par mesgarde iecté en quelque destroit, & en necessité de venir actuellement au Concile, qui n'estoit nullement utile pour l'Eglise, ne pour le S. Siege.

Et le Pape
malconient
de l'Em-
pereur pour
cete instan-
ce du Con-
cile, s'ali-
lie, avec le
Roi de
France,

Pendant qu'on traitoit ces affaires, le Pape preuoyant bien la responce qu'il auroit d'Allemagne: & ayant desia des Bologne pris peu de con fiance de l'Empereur, s'aliena à cete heure totalement de son amitié: d'autant qu'en la cause de Modene, & de Rege, ventillante entre Sa Sainteté & le Duc de Ferrare, le iugement de laquelle auoit esté, par le consentement des parties, remis à l'Empereur, il auoit prononcé en faueur du Duc. Pour toutes ces causes, le Pape negotia vne alliance avec le Roi de France: laquelle fut conclue, & mesme confirmée par le mariage de Henri, deuxième fils du Roi, avec Catherine de Medicis, arriereniece du Pape. Et pour mettre la derniere main à tout ce traité, le Pape se transporta en personne à Marseille, pour s'aboucher avec le Roi. Et entendant que ce voyage estoit generalement blasimé de tous, comme entrepris non à aucun but du bien public, mais de la seule grandeur de sa maison; il le iustificoit, disant, Qu'il l'entreprenoit afin de persuader le Roi à fauoriser le Concile, pour exterminer l'heresie Lutheriene. Et est bien vrai, qu'en ce lieu-là, outre ses autres negotiations, il fit office enuers le Roi Treschrestien, qu'il s'employast enuers les Protestans, & sur tout enuers le Landgraue de Hessen, qui le deuoit aller trouuer en France, à ce qu'ils se deportassent de demander vn Concile: leur proposant, qu'ils trouuassent quelque autre voye d'accommoder les differens, & promettant d'y contribuer en son temps, de bonne foi, tous puis sans moyens & deuoirs.

que pren-
sant faire
seruies au
Pape,

Le Roi fit l'office, & ne put pourtant gagner chose aucune: le Landgraue alleguant, qu'il n'auoit autre moy d'obuier à la totale desolation de l'Allemagne: & que de ne parler plus du Concile, estoit autant que se ietter volontairement en la guerre ciuile. Le Roi traita en apres avec lui que du moins ils fussent contens qu'icelui se tint en Italie. Mais, ni à ceci ne voulurent consentir les Allemans; disans, Que c'estoit vn parti pire que le premier, lequel seulement les mettoit en guerre: en lieu que ceui-ci les iettoit en vne irreparable seruitude corporelle & spirituelle: à laquelle on ne pouoit obuier autrement, que par le Concile, & icelui tenu en lieu libre. Et que, condescendans, en faueur de Sa Maiesté, à toutes choses possibles, ils desisteroient bien de l'instance qu'il se tint en Allemagne, pourueu qu'on assignast hors de l'Italie quelque lieu, quoi que proche, mais qui fust libre.

Le Roi, au commencement de l'année mil cinq cens trente quatre, donna aduis au Pape de ce qu'il auoit oppéré, & s'offrit de faire que les Protestans se contentassent du lieu de Geneue, Sur quoi le Pape douta que le Roi, quoi que son nouveau allié & confederé, n'eust à plaisir de le voir en peine, out bien qu'il eust en cet affaire manqué de son accoustumée prudence. Et conclut, qu'il n'estoit pas expedient de l'employer plus auant en cet affaire: & lui escriuit lettres de remerciement du bon deuoir rendu, sans toucher à la particularité de Geneue: & releua le courage à plusieurs de sa Cour, qui en auoyent pris l'alarme, les asseurant que pour chose du monde il ne consentiroit à vne telle folie.

Mais en cete année, en lieu de racquerir l'Allemagne, le Pape perdit l'obeissance de l'Angleterre, par auoir procedé en vne cause plus par courroux & passion, que par la prudence necessaire en grandes affaires. L'accident fut de grande importance, & de plus grande suite encores. Et pour le représenter par ordre, il en faut repréde de plus haut les causes premieres.

Henri huitieme, Roi d'Angleterre, auoit espousé Catherine Infante d'Espagne, tante par mere de l'Empereur Charles Quint. Icele auoit esté mariée en premieres nocés à Artus, Prince de Gales, frere aîné de Henri: apres la mort duquel, le pere, par dispense de l'Es. Romaine à l'occasion du diuorce de Henri, la donna à Henri huitieme, qui estoit demeuré successeur de la Couronne. Cete Roine diuerfes fois auoit esté enceinte: & tousiours estoit accouchée, ou hors de terme, ou d'enfans de courte vie, hormis d'une fille, nommée Marie. Le Roi Henri, soit par indignation conceüe contre l'Empereur, soit par desir d'enfans, soit pour autre cause, se laissa couler dans l'esprit vn scrupule, que son mariage n'estoit point legitime, ne valable: & apres en auoir conféré avec ses Eueques, de sa propre autorité se separa de la compagnie de sa femme. Les Eueques firent toutes instances avec la Roine, qu'elle consentist au diuorce, disans, Que la dispense du Pape n'auoit esté ne valable, ne veritable. La Roine ne voulut y prestre l'oreille, ains eut recours au Pape: auquel aussi le Roi enuoya demander le diuorce. Le Pape, qui lors se trouuoit encores à Oruiete, & esperoit auantager sa condition par la continuation des faueurs & assistances que luy faisoient la France & l'Angleterre, en molestant l'Empereur au royaume de Naples: enuoya en Angleterre le Cardinal Campege, delegant la cause à lui, coniointement avec le Cardinal d'York. Le Roi eut de ceux ci, & de Rome mesmes, esperance d'obtenir sentence à son gré & faueur. Et mesmes, pour faciliter la resolution de l'affaire, afin que les solennités du iugement ne le portassent en longueur, fut formé le Bref, auquel il estoit déclaré libre & deslié de ce mariage, avec des clauses les plus amples & expressees, qui ayent iamais esté couchées en Bulle de Pape, & icelui enuoyé en Angleterre au Cardinal, avec permission de le presenter, apres qu'on auoit verifié certaines petites preuues, dont on estoit tout asseuré: & ceci aduint l'année mil cinq cens vint huit. Mais, apres que Clement iugea plus à propos, pour effectuer ses desseins sur Florence, comme il a esté dit en son lieu, de se ioinde à l'Empereur, que de continuer en l'amitié de la France & de l'Angleterre, en l'année mil cinq cens vint neuf il despescha François Campana au Cardinal Campege, avec ordre expres de brusler le bref, & de proceder avec retenue en cete cause. Campege commença dès lors à porter l'affaire en longueur, & puis à mettre des difficultés en l'execution des promesses faites au Roi. Dont icelui, tenant pour tout asseurée la collusion du Iuge avec sa partie, enuoya faire consulter sa cause es Vniuersités d'Italie, d'Allemagne, & de France: & trouua vne partie des Theologiens fauorable à son intention, vne autre contraire. Le plus grand nombre de ceux de Paris fut pour le Roi, & le bruit courut qu'ils auoyent esté plustost gagnés par les presens du Roi, que persuadés par la raison.

Mais le Pape, soit pour gratifier à l'Empereur, soit qu'il craignist qu'en Angleterre, par le moyen du Cardinal d'York, nasquist quelque accident non bien accordant à son intention: & aussi, pour donner occasion au Cardinal

1534.
n'estoit
point agité

Angle-
terre d'ail-
leurs se
pare de
l'Eglise
Romaine à
l'occasion
du diuor-
ce de Hen-
ri 8.

1534

Câpege dese retirer, enuoya la cause à soi. Le Roi Henri, par impatience de la longueur, ou parce qu'il auoit descouuertes artifices & menées; ou pour quelque autre cause que ce fust, publia le diuorce d'auec sa femme, & se maria avec Anne Boulen: ce qui auint en l'année mil cinq cens trentetrois: mais pour tant la cause ne laissoit pas de continuer tousiours deuant le Pape: le quel estoit tout resolu d'y proceder lentement, pour donner contentement à l'Empereur, & n'irriter point le Roi. Et pourtant on traitoit plustost incidens, que le fonds de la cause: & le debat s'arresta sus bout en l'Article des attentats: auquel le Pape iugea contre le Roi, prononçant qu'il ne lui auoit esté loisible, de se separer de sa propre autorité, sans le iuge Ecclesiastic, de la cohabitation coniugale avec sa femme. Le Roi, ayant entendu cete prononciation, au commencement de cete année mil cinq cens trente quatre, osta l'obeissance au Pape: commandant à tous ses suiets de ne porter aucuns deniers à Rome, & de ne payer plus l'ordinaire denier de S. Pierre. Ceci troubla grandement la Cour de Rome, & tous les iours on consultoit quel remede on pourroit apporter à ce grand esclandre. Les vns parloyent de proceder contre lui par Censures, & par interdits, defendant à toutes nations le commerce avec l'Angleterre. Mais le conseil moderé fut iugé plus expedient, de temporiser avec ce Roi, & cependant de moyenner quelque composition par l'entremise du Roi de France. Le Roi François accepta la charge, & enuoya l'Euesque de Paris à Rome, pour negocier cete composition. Et cependant on ne laissoit point à Rome, de passer outre au proces, quoi que lentement, & avec resolution de ne venir aux censures, si l'Empereur, ou tout premier, ou ensemblement, ne venoit aux armes. On auoit à Rome partagel l'affaire en vinttrois articles: & lors on traitoit, Si le Prince Artus auoit eu cohabitation charnelle avec la Roine Catherine: & en cela se consuma le temps iusqu'à passé la mi-quaresme. Alors au dix-neufiesme Mars courut vne nouuelle, qu'en Angleterre auoit esté publié vn libelle diffamatoire contre le Pape, & toute la Cour de Rome: & que mesmes deuant le Roi, & toute sa Cour, auoit esté iouée vne Comedie, au tres-grand opprobre & diffame du Pape, & de tous les Cardinaux en particulier. Cela alluma la chaude chole en tous, & de là on courut à vau de route à la sentence finale, laquelle fut prononcée en Consistoire le vintquatrieme du mesme mois: & fut dit, Que le mariage entre Henri, & la Roine Catherine estoit valide, & qu'icelui estoit tenu de la tenir pour sa femme: qu'à defect de ce faire, il estoit excommunié.

Le Pape eut bien tost regret de ceste precipitation: car, six iours apres, arriuerent lettres du Roi de France, qui portoyent, que celui d'Angleterre estoit content de se tenir à la sentence donnée sur les attentats, & rendre l'obeissance: à tel si toutes fois, que les Cardinaux suspects se deportassent de ce iugement, & qu'on enuoyast à Câbrai personnages nō suspects pour informer. Et le Roi auoit ia enuoyé ses procureurs à Rome, pour entreuenir au proces. Pour cete cause, le Pape alloit imaginant quelque couleür & pre texte, sous lequel il put surseoir la sentēce precipitée, & remettre la cause en sō entier.

Mais Henri, dès aussi tost qu'il eut veu la sentence, dit, Qu'il lui enchaloit bien peu: que le Pape seroit Euesque de Rome, & lui seul maistre de son Royaume: qu'il en suiuiroit l'exemple ancien del'Eglise Orientale, & ne laisseroit pas d'estre bon Chrestien, sans donner entrée en son Royaume à l'heresie de Luther, ni d'autre. Et ainsi fit. Car il fit vn Edit, par lequel il se declara chef del'Eglise Anglicane: imposa peine capitale à qui diroit, que le Pape de Rome a aucun pouuoir & autorité en Angleterre: dechassa le Collecteur du denier de S. Pierre: & fit ratifier toutes ces choses au Parlement, auquel de plus fut arresté, Que tous les Eueschēs d'Angleterre seroyent à la collation del'Archeuesque de Cantorberi, sans auoir plus rien à traiter avec Rome: & que le Clergé payeroit au Roi cent cinquante mil liures sterling annuelles, pour la defense du Royaume contre qui que ce fust.

Cet acte du Roi fut diuersement interpreté. Aucuns iugeoyent que c'auoit esté vne grande prudence à lui, de s'estre affranchi de la suietion de Rome,

fans aucune innouation au fait de la Religion: & sans mettre ses peuples en danger de sedition, & sans se remettre au iugemēt d'un Concile, chose qu'on voyoit fort difficile à effectuer, & qui mesmes estoit perilleuse pour lui: veu que de raison il estoit bien à presumer, qu'un Concile, composé de personnes Ecclesiastiques, soustiendrait tousiours l'autorité & puissance Papale, comme estant l'appui de leur ordre, lequel avec icelle est superieur à tous Rois & Empereurs: en lieu que, sans elle, il faut qu'il demeure suiet, attendu qu'il n'y a autre Ecclesiastic quelconque qui ait principauté avec superiorité, que le Pape de Rome. Mais la Cour de Rome soustenoit, qu'on ne pouvoit dire, que Henri n'eust point changé la Religion: veu qu'il auoit changé le premier & principal chef de la doctrine & Religion Romaine, qui est la superiorité du Pape: & que pour cetui-là seul naistroient les mesmes seditions, que pour tous les autres ensemble. Et l'euuenient conferma cete opinion: car le Roi fut forcé, pour maintenir son Edit, de proceder à des executions bien seueres contre des officiers, & grands personnaiges de son Royaume, par lui auparavant cheries & honorés. Il ne se peut dire, combien de regret eut Rome, & tout l'ordre Ecclesiastic, de l'alienation & distraction d'un si grand Royaume de l'obeissance Papale: laquelle donna suiet de penser à la misere des choses humaines, esquelles le plus souuent on reçoit extremes dommages & pertes, de ce dont precedemment on auoit tiré souverains benefices. Car es temps passés, le Pape a fait de merueilleux progrès, par les dispenses matrimoniales, & par les sentences de divorce, ou otroyées, ou déniées: faisant ombre, par le nom de Vicaire de Christ, aux Princes, à la bienfiance desquels il estoit d'vnir à leurs Estats quelque principauté, ou esteindre les droits de diuers pretendans, par quelque mariage incestueux, ou par la dissolution de l'un, pour en contracter vn autre. Dont ils se tenoyent tres-joint aux Papes, & engageoyent leur puissance à la defense de cete autorité, sans laquelle leurs actions eussent esté condannées, & mesmes empeschées. Voire mesme par ce moyen ils y oblioyent & interresoyent toute leur posterité, pour soustenir la légitimité de leur naissance & extraction. Mais à cete fois on pourroit attribuer la cause du malheur à la precipitation de Clement, qui en ceci ne fut mesnager son autorité: que si Dieu eust voulu lui laisser en ce fait l'usage de son accoustumée prudence, il pouvoit faire vn grand acquest, en lieu qu'il souffrit tres-grande perte.

Mais, pour retourner à l'Allemagne, l'Empereur, apres qu'il eut eu aduis de ce que le Nonce Rangon auoit negocié en Allemagne, sur le fait du Concile, *l'Empereur se plaint au Pape de son oblique procedure.* le, escriuit à Rome, se cōplaignant de ce qu'ayant promis le Concile à l'Allemagne, & conuenu avec le Pape, de la procedure qu'il falloit tenir avec les Princes d'Allemagne en cet affaire, les Nonces de Sa Sainteté n'auoyent toutesfois negocié sur ce pied: ains auoyent traité en maniere, que les Protestans croyoyent auoir esté pipés. Et pour conclusion, prioit qu'on trouuast moyen de donner contentement à l'Allemagne. Ces lettres de l'Empereur furent luës en Consistoire le huitieme Iuin. Et d'autant que peu auparavant estoit arriuée la nouuelle que le Landgraue de Hessen auoit, à force d'armes, osté la Duché de Vvirtemberg au Roi Ferdinand, & l'auoit rendu à Vlrich son seigneur legitime, dont aussi Ferdinand auoit esté forcé de faire paix avec eux: pour cete cause plusieurs d'entre les Cardinaux disoyent, *à Rome on commence à consilire la necessité du Concile.* Que puis que les Lutheriens auoyent obtenu vne telle victoire, il falloit de necessité leur donner quelque contentement, & ne proceder plus par artifices & desfautes, mais venir à vne reellexe execution, & demonstration d'effets. Sur tout, veu qu'apres de si expresses & reiterées promesses de l'Empereur, on ne s'en pouvoit enfin desdire. Et que si le Pape trouuoit quel-
*à quoi le Pape ad-
bere aussi
par simula-
tion;* que expedient à cela, il estoit à craindre que l'Empereur ne fust contraint de descendre à quelque autre moyen de plus grand preiudice & desseruice à l'Eglise. Mais le Pape, & la plus grand part des Cardinaux, voyant qu'il n'estoit possible de faire acquiescer les Lutheriens à accepter le Concile, en la maniere que requeroient les interets de la Cour de Rome: & tres-rosolu

1534.

pendant de n'en vouloir aucun autre, se delibererent d'escrire à l'Empereur, qu'ils connoissoyent tresbien l'importance des temps, & quelle necessité il y auoit d'un Concile vniuersel : & que pourtant ils estoient prests à l'intimier, pourueu qu'il se pust tenir en sorte, qu'il pust produire les bons effects, que la necessité du temps requeroit. Mais que, voyans nouuelles querelles esmûes entre lui & le Roi de France, & diuerses dissensions entre autres Princes Chrestiens, de necessité il les faloit terminer, & reconcilier les esprits, auant que conuoquer le Concile. Car, pendant les dissensions, il ne pourroit produire aucun bon effect : & moins encores en ce temps, que les Lutheriens sont armés, & enorgueillis pour la victoire de Vvirtemberg.

la mort de
Clement
sur une la
dessus,

Or il falut mettre bas tous propos de Concile avec le Pape : car il tomba en vne longue & mortelle maladie, de laquelle aussi à la fin de Septembre il trespassa, au grand plaisir de la cour de Rome. Car, quoi qu'on admirast ses vertus, qui eltoient vne gravité naturelle & maiciteuse, vne frugalité & sobriété exemplaire, & vne profonde dissimulation : on haïsoit nean tmoins beaucoup plus son avarice, dureté, & cruauté, lesquelles s'éggerent, ou certes se manifestèrent plus qu'il ordinaire, des qu'il fut accablé de maladie.

Quant
élection
du successeur
son lui
droite v.
article à
durée, de
connoquer
le Concile.

En Siege vacoit, les Cardinaux ont accoustumé de dresler vne forme d' Articles, pour la reformation du gouuernement Papal, à l'obseruation desquels chacun d'eux s'oblige par serment, en cas qu'il paruienne au Papat: quoi que par tous les exemples des temps passez ont ait tousiours veu qu'ils font ce serment avec intention de n'en rien tenir, s'ils viennent à estre Papes: & incontinent apres qu'ils sont créez, protestent & disent, Qu'ils n'ont pu s'obliger, & que par l'acquisition du Papat ils en sont defobligez. Apres la mort de Clement, les Articles furent dressez selon la custome. et entr'autres

lequel s'
Paul trois
crie Pape,
esperant v
silité du
Concile.

L'vn fut, Que dans le terme d'vn an, sans plus, le Pape fust obligé de conuoquer le Concile. Mais ces articles ne purent estre arrestez, ne iurés: car le mesme iour, que le Conclau fut fermé, tout à despourueu fut créé Pape le Cardinal Farnese, & en sa premiere creation prit le nom de Honoré cinquieme, & puis au couronnement celui de Paul troisieme. Prelat doué de belles qualités, & qui entre toutes ses vertus, ne faisoit estat d'aucune plus, que de la dissimulation. Icelui, ayant esté Cardinal sous six Papes, & de grande experience, Doyen du College des Cardinaux, & fort versé es negotiations, ne monstroït point de redouter le Concile, comme Clement: ains estoit d'aui, qu'il estoit expedient pour les affaires du Papat de monstrier de le desirer, & le vouloir totalement: estant tout assuré, qu'il ne pouuoit estre forcé à le faire en lieu, & maniere, ou il n'eust ses aduantages: & que, en cas qu'il le falust empescher, la contradiction de la Cour de Rome, & de tout l'Ordre Ecclesiastic, seroit suffisante à ce faire. Il iugeoit que cela mesmes lui seruiroit pour tenir l'Italie en repos: ce qu'il estimoit lui estre necessaire, pour regner paisiblement.

vous gar-
der,

Il voyoit aussi tresbien, que ce pretexte de Concile lui pouuoit seruir à cacher plusieurs choses: & à s'excuser de faire celles qui ne seroyent de son gré, & vouloir. Et partant, incōuēment apres la creation, il se fit entendre, Que combien que les Articles n'eussent pas esté iurés, il estoit toutesfois resolu de garder celui de la conuocation du Concile, lequel il connoissoit estre necessaire pour la gloire de Dieu, & le bien de l'Eglise: & au dixhuitieme du mesme mois il tint vne Congregation generale des Cardinaux, laquelle ne s'appelle point Consistoire, le Pape n'estant pas encores couronné, & là proposa la cete matiere. Il montra par puissantes raisons, qu'il l'intimation du Concile ne se pouoit plus differer: car autrement il estoit impossible qu'il eust bonne amitié entre les Princes Chrestiens, & que les heresies fussent extirpées: & pourtant il requeroit tous les Cardinaux de penser meurement au moyen de le celebrer. Il deputa aussi trois Cardinaux, qui fissent les considerations necessaires sur le temps, & le lieu, & autres particularités: avec charge expresse, qu'au premier consistoire, apres le couronnement, ils vinssent avec leur aduis digeré. Et pour cōmencer à ietter les semences des contradictions

ditions, dont il se peust seruir es occasions, il adiousta, Qu'au Concile se feroit la Reformation de l'Ordre Ecclesiastic: & n'estoit conuenable qu'il fust lors besoïn de reformer les Cardinaux: & pourtant, qu'il estoit necessaire que promptement ils commençassent à se reformer eux mesmes, d'auant que resolutement il vouloit tirer du fruit de la tenue du Concile: & que les ordonnances d'icelui seroyent de petite valeur, si tout premier on n'en voyoit les effets es Cardinaux.

Selon la coustume, qu'es premiers iours, les Cardinaux, principalement grands, obtiennent aisement graces & fauours du Pape, le Cardinal de Lorraine, & autres François, mesmes au nom du Roy, lui demanderent qu'il octroyast au Due de Lorraine la nomination des Eueschés, & Abbayes de ses terres, & Estats: ce qu'on entendoit que demanderoit aussi la Republique de Venise pour les siens. Le Pape respondit, Qu'au Concile: lequel il esperoit tenir bien tost, il seroit necessaire d'oster ce droit & pouuoir de nomination aux Princes qui le possèdent: non sans note & flestrissure des Papes ses predecesseurs, qui le leur auoyent octroyé. Et pourtant, qu'il n'estoit raisonnable d'accroistre le nombre des abus: & octroyer lors vne chose laquelle dans peu de temps il sauoit bien deuoir estre reuouée, avec peu d'honneur.

Au premier Consistoire, qui fut le douzieme Nouembre, il remit sus le propos touchant le Concile, & dit, Qu'auant toutes choses, il estoit necessaire d'obtenir vne generale vnion de tous les Princes Chrestiens: ou, du moins, vne assurance, que pendant le Concile, on ne mouura point les armes. Et pourtant qu'il vouloit despescher des Nonces à tous les Princes, pour traiter de ce point, & d'autres qui seroyent representés par les Cardinaux. Il appella aussi Vergere d'Allemagne, pour bien entendre de lui l'estat de ces prouinces: & deputa trois Cardinaux, vn Euesque, vn Prestre, & vn Diacre, pour consulter les points de la Reformation. Iceux furent le Cardinal de Siene, de S. Seuerin, & Cesis. Et iamais ne tenoit Consistoire, qu'il n'entrast & ne s'estendist en cete maniere: & repleiquoit souuent, qu'à cet effet il estoit necessaire, que la Cour, & sur tout les Cardinaux, se reformassent au préalable: ce qu'aucuns croyoyent estre dit de bon zele, & de desir de l'effet: autres, afin que la Cour, & les Cardinaux, trouuassent moyen d'empescher le Concile, pour n'auoir à venir à la Reformation. Et prenoyent vn argument de cete opinion, de ce qu'en la deputation des trois Cardinaux, il n'auoit point choisi les plus zelés, expeditifs, & adifs: ains les plus pesans & mols de la Cour. Mais le mois de Decembre ensuiuant donna encores plus ample suiuet de discours. Car le Pape crea Cardinaux, Alexandre Farnase, son neueu par Pierre Loïs, son fils naturel; & Gui Ascagne Sforce, son neueu aussi par Constance sa fille: le premier de quatorze, le second de seize ans: respondant à ceux qui mettoyent en consideration leur ieune aage, qu'il y suppleroit par le sien de cete repite. L'opinion, qu'on auoit conceue de voir quelque reformation es Cardinaux, & la crainte qu'en auoyent prise aucuns d'eux, s'esuanouit tout aussi tost: attendu qu'il s'embloit bien qu'on nela pouuoit commencer d'ailleurs, que de l'aage & de la naissance de ceux qui deuoient estre promus à ce degré. Le Pape aussi se deporta d'en plus parler: ayant fait vn acte, qui l'empeschoit de plus masquer son intention. Toutesfois la proposition de tenir le Concile demouroit sur pied.

Et au Consistoire du seiziesme lanuier, en l'an mil cinq cent trentevingt, il fit vne longue, & tresefficacieuse harangue: exhortant les Cardinaux de prendre vne fois resolution ferme sur cete matiere: car, par tant de remises, & lentes procedures, on donnoit à conoistre au monde, que de vray on ne desiroit point de Concile, mais que le tout n'estoit que paroles, & amusement. Et parla avec sentences si graues, & fortes, qu'il les esmut tous. En ce Consistoire fut arresté qu'on enuoyeroit Nonces à l'Empereur, au Roy Treschrestien, & aux autres Potentats Chrestiens: avec charge d'exposer, Que le Pape, & le College des Cardinaux, auoyent absolument ar-

1534.

mais finalement effraye la Cour de Rome de l'edict de reformation.

refuse la collation des benefices au Prince Lorrain.

mais toutes fautes massées par l'inducte promotion de ses deux neueux au Cardinal.

il persiste neantmoins au Concile.

despesche Nonces à tous les Princes.

1555

reste de tenir vn Concile, pour le bien de la Chrestienté: & pour tant les vou-
loyent exhorter à le fauoriser; & à affermer la paix & le repos public; pen-
dant la tenue d'icelui: mais que quant au temps, & au lieu, Sa Sainteté n'en
estoit pas encoir resoluë. L'instruction plus secreete de ces Nonces portoit
en outre, qu'ils trouuassent moyen de descouurir la pensëe des Princes sur
le fait du lieu, pour pouoir, ayant reconu leur interests & desseins, les
faire choquer les vns contré les autres, pour les empescher, & mettre le
sien en effect. Il leur donna aussi charge de se plaindre des actions du Roi
d'Angleterre, & en cas qu'ils y vissent ouuerture, de les inciter contre lui;
& mesmes de leur offrir ce Royaume en proye. Entre ces Nonces fut Ver-
gere, renuoyé avec plus expresse commissions en Allemagne, pour halener
la pensëe des Protestans, sur la forme de traiter au Concile, afin qu'on y pust
parer conuenablement. Il l'enchargea aussi specialement de traiter avec
Luther, & avec les autres principaux prescheurs de la Doctrine renouuel-
lée, employant toute sorte de promesses, & de partis, pour les ramener à quel-
que composition. Le Pape à toutes occasions blasmoit la dureté du Cardinal
Cajetan, d'auoir refuse en la Diete d'Augsbourg, en l'an mil cinq cens dix-
huit, l'offre de Luther, Que pourueu que on imposast silences à ses Ad-
uersaires, lui aussi de son costé estoit content de se faire. Et condannoit
l'aspreté de ce Cardinal, lequel, voulant extorquer de Luther vne formel-
le retraction & desdite, l'auoit precipité au desespoir: lequel auoit cou-
sté, & couiteroit à l'Eglise Romaine, autant que la moitié de son autorité.
Qu'il n'ensuiuroit point l'exemple de Leon, qui crut que les Moines es-
toient instrumens propres à opprimer les prescheurs d'Allemagne. Ce
qui par la raison, & par l'euénement, estoit paru entierement vain, & faux.
Qu'il n'y auoit que deux voyes, celle de la force, & celles des pratiques:
qu'il vouloit employer celle-ci, & se porteroit promptement à tout accord,
qui mist à couuier & reseruast l'autorité Papale: & pour ces fins, disant
d'auoir besoin de personnaiges de valeur, & d'affaires, il crea le vint vième
Mai, six Cardinaux, & peu de iours apres vn septieme: tous personnaiges
de beaucoup d'estime & reputation à la Cour. Entre ceux-là fut Iean Fif-
cher, Eueque de Rochester, lequel alors estoit prisonnier en Angleterre,
pour auoir refusé d'adherer au decret du Roi, cassant l'autorité du Pape.
En l'election d'icelui, le Pape eut esgard, qu'il faisoit honneur à sa promo-
tion, mettant en icelle vn personnage sauant, & bien meritant pour la per-
secution qu'il souffroit: esperant aussi que le Roi d'Angleterre seroit par
cete nouuelle dignité induit à lui porter respect, & que le peuple l'auoit
en plus grand credit. Mais il aduint le contrepied: d'autant que le Cardi-
nal ne lui seruit à autre, qu'à hastier sa mort, qu'il souffrit quarantetrois
iours apres, la teste lui estant tranchée en public:

*se fortifie
de plus
grand nom-
bre de Car-
dinaux*

Mais, nonobstant que le Pape fist de si euidenttes demonstrations de desi-
rer le Concile, en sorte qu'il donnast contentement; & pust reduire l'Alle-
magne; la Cour toutesfois, & les plus intimes & confidens du Pape, avec
lesquels il conseroit de ces choses à fonds, disoient, Qu'il ne se pouuoit te-
nir ailleurs qu'en Italie: autrement ne pouuoit estre libre: & qu'en Italie
on ne pouuoit choisir autre lieu que Mantouë.

*Vergere
parle aux
Protestans,*

Vergere, retourné en Allemagne, fit son Ambassade, au nom du Pape, pre-
mierement à Ferdinand, & puis à tous les Protestans, qui alloient trouuer
ce Roi pour les affaires suruenantes: & en fin fit aussi vn voyage, pour tra-
iter avec les autres. D'aucun d'eux il n'eut autre response, sinon, Qu'ils con-
sulteroient de cela en l'Assemblée, qui seroit conuoquée sur la fin de l'an-
née, là ou pat communs aduis, ils delibereroient de la response à faire. La
proposition du Nonce estoit, Que c'estoit là le temps du Concile tant desi-
ré, puis que le Pape auoit traité avec l'Empereur, & tous les autres Rois,
pour l'assembler, de fait, & non de paroles & feint semblant, comme on a-
uoit fait autresfois. Et afin d'oster tout delai, il auoit resolu de choisir le lieu
de Mantouë, conformément à ce qui auoit esté arresté avec l'Empereur

*du bon des-
sein du Pape
et de ses
intentions
pour le lieu
du Concile:*

d'eux ans auparavant. Que cete ville-là, appartenant à vn Feudataire de l'Empire, & estant voisine des frontieres de l'Empereur, & des Venitiens ils la deuoient tenir pour seure: outre ce que & le Pape, & l'Empereur, donneroyent toute sorte de cautions, les plus authentiques & inuolables. Qu'il n'estoit besoin de parler, ne resoudre de la procedure & forme de traier au Concile: veu que cela se feroit beaucoup mieux au Concile mesmes, quand il seroit conuoqué. Qu'icelui ne se pouuoit tenir en Allemagne, qui abondoit en Anabaptiste, Sacramentaires, & autres Sectaires, pour la pluspart forcenés & furieux. Car il ne seroit point assuré aux autres nations d'aller en lieu, auquel cete multitude est puissante, & là condamner la doctrine d'icelle: qu'au Pape estoit indifferent de le tenir en quelque pais que ce fust: mais il ne vouloit point qu'on pensast qu'il eust esté forcé: ne que l'autorité, laquelle dès tant de siecles il possède, de prescrire le lieu des Conciles generaux, lui fust ostée.

En ce voyage Vergeré trouua Luther à Vvitemberg, & traita avec lui fort humainement, es termes qui lui auoyent esté prescrits, les dilatant & amplifiant bien fort. L'assurant en premier lieu, qu'il estoit en tres-grande reputation enuers le Pape, & tout le College des Cardinaux, qui portoyent grand regret de la perte d'un tel personnage, lequel, s'employant au seruice de Dieu, & du S. Siege, qui sont inseparablement conioints, pouuoit faire vn fruit inestimable: & qu'ils vouloyent faire le possible, pour le racquerir. Il lui remonstra que le Pape blasmoit la dureté du Cardinal Caïetan, laquelle aussi n'estoit pas moins condannée par les Cardinaux: qu'il pouuoit s'asseurer de toute faueur du S. Siege: que tous auoyent desplaisir de la rigueur dont vsa contre lui Pape Leon, plustost par instigation d'autrui, que de sa propre inclination. Puis lui adiouta, qu'il ne vouloit point disputer avec lui sur les poirts contentieux, ne faisant pas profession de Theologie: mais bien lui monstérer le grand bien qu'il y auroit à se réunir au Chef de l'Eglise. Car, considerant que n'y ayât encor que dixhuit ans, que sa Doctrine estoit venue en lumiere, sa publication auoit excité sectes innombrables, dont l'une deteste l'autre, & infinies seditions populaires, avec la mort & destruction de tant de milliers de personnes, on ne pouuoit iuger qu'elle vinst de Dieu: bien pouuoit-on tenir pour certain, qu'elle estoit pernicieuse au Monde, veu que d'icelle procedoit tant de mal. Vergeré disoit, Cest vn trop grand amour de soi mesmes, & trop grande estime de ses propres opinions, qu'un seul homme vueille troubler tout le monde, pour les semer. Si c'est par conscience, & pour vostre salut, disoit Vergeré, que vous auez innoué en la foi, en laquelle vous estiez né, & auez esté nourri par l'espace de trentecinq ans, vous pouviez tenir vostre sentiment en vous mesmes. Si la charité enuers le prochain vous mouuoit, à quoi faire troubler le monde pour chose non nécessaire, veu qu'auparavant, sans cela, on ne laissoit pas de viure & de seruir à Dieu paisiblement: La confusion, disoit-il, est passée si auant, qu'on ne peut plus différer le remede. Le Pape est resolu de l'apliquer par la Celebration d'un Concile, auquel estans assemblez tous les hommes sauans de l'Europe, la verité sera mise en euidence, & au iour, à la honte & confusion des esprits inquiets & turbulens: & a pour ces fins assigné la ville de Mantoue. Et quoi qu'il faille auoir sa principale esperance en la bonté de Dieu, si est-ce que mettant aussi en quelque conte les moyens humains, il estoit au pouuoir de Luther, de faire que le remede reüssist aisé & prompt, s'il se trouuoit en personne audit Concile, & là traitoit les matieres en charité: en quoi faisant il pouuoit obliger le Pape, Prince tres-liberal & qui reconoit fort largement les personnes de merite. Il lui ramentuel l'exemple d'Aneas Syluius, lequel, suiuant ses opinions particulieres, apres beaucoup de seruite, & de peines, ne se put pousser plus auant qu'à vne Chancellerie de Trente: mais, s'estant raiué en mieux, deuint Euesque, Cardinal, & en fin Pape Pie deuxieme. Il lui representa aussi Bessarion de Nicée, lequel de cheuf Caloyer de Trebisonde, deuint si grand & renommé Car-

1535.
mais l'heretique
barre puis
samment.

dinal, & peu éloigné de deuenir Pape.

Les reparties de Luther furent, conformément à son naturel, vehemens, & roides: disant, Qu'il ne faisoit aucun estat de l'estime, qu'on pouuoit faire de lui en la Cour de Rome, de laquelle il ne craignoit la haine, & mesprisoit la bien vüeillance: qu'il s'employoit de tout son pouuoir au seruice de Dieu, mais avec le succès de seruiteur inutile: qu'il ne voyoit point comment le seruice de Dieu fust conioint à celui du Pape, sinon comme la lumière aux tenebres: qu'en toute sa vie il n'auoit senti chose aucune plus utile pour soi, que la rigueur du Pape Leon, & la dureté du Cardinal Caietan: & qu'il ne la peut attribuer à eux, ains à la providence de Dieu. Car, en ces temps là, n'estant pas encores illuminé en toutes les verités de la foi Chrestienne, mais ayant seulement descouuert les abus au fait des Indulgences, il estoit tout prest de garder silence; si ses Aduersaires eussent voulu faire le mesme. Mais que les escriits du Maistre du sacré Palais, les supercheries de Caietan, & la rigueur de Leon, l'auoyent contrainct d'estudier, & descouurir maints autres abus, & erreurs de la Papauté, beaucoup moins tolerables: lesquels en bonne conscience il ne pouuoit dissimuler, & se retenir de les faire voir au monde. Que le Nonce auoit vſé d'ingenuité à confesser qu'il n'entendoit point la Theologie: ce qui de vrai aussi paroistroit assez par les raisons par lui alleguées: attendu que sa doctrine ne pouuoit estre appelée nouuelle, sinon par personne, qui crust que Christ, les Apostres, & les Saints Peres ayent vescu, comme font au temps present le Pape, les Cardinaux, & les Eueques. Et que des feditions suruenues en Allemagne ne se peut former argument contre sa doctrine, sinon par personne qui n'ait point lu les Saintes Escriures, & qui ne sache, que telle est la propriété de la parole de Dieu, & de l'Euangile, que là ou il est presché il excite tumultes & troubles, iusques à separer le pere d'avec le fils: Que c'est là sa vertu, qu'à qui le reçoit, il donne la vie: à qui le reiette, il est cause de plus grande condanna-tion. Il adiousta, que c'estoit là le plus vniuersel vice de ceux de Rome, de vouloir establir & affermir l'Eglise par maximes, & forme de gouuernement tirés de la raison humaine, comme si c'estoit vn Estat temporel. Que c'estoit là cete sapience, laquelle S. Paul dit estre folie deuant Dieu: comme à l'opposite, ne faire nul estat des raisons politiques, par lesquelles Rome se gouuerne, ains s'arrester & confier aux promesses de Dieu, & remettre à lui seul la cōduite des affaires de l'Eglise, estoit cete folie humaine qui est sapience diuine. Que de faire reussir le Concile au bien & profit de l'Eglise, n'estoit point au pouuoir de Luther, mais de celui qui lui pouuoit laisser sa liberté, afin que l'Esprit de Dieu y preside, & le conduise, & que la Ste. Escriure y soit la reigle de toutes deliberations, sans y apporter interests, vsurpations, & artifices humains: & que quand cela arriueroit, de soit costé aussi il y apporteroit toute sincerité & charité Chrestienne, non pour obliger à soi le Pape, ni autres ains pour le seruice de Christ, & pour la paix & liberté de l'Eglise. Mais qu'il ne peut esperer de voir vn si grand bien, pendant qu'on ne voit point l'ire de Dieu appaisée, par vne serieuse repentence, & conuersion de l'hypocrisie, qu'on ne pouuoit faire grand fondement sur l'assemblée compoſée d'hommes lettrés & sauans: attendu que, pēdant que l'ire de Dieu est allumée, il n'y a erreur si absurde & deſraisonnable, que Satan ne persuade, & plus encor à ces grands Sages, qui s'estiment tant sauoir, lesquels il plait à Dieu de confondre. Que de Rome il ne peut receuoir chose aucune compatible avec l'Euangile: & qu'il ne s'esmouuoit point par les exemples d'Aneas Syluius, ou de Bessarion: pource qu'il ne fait aucune estime de ces splendeurs tenebreuses: & quand ores il voudroit exalter soi-mesme, il pourroit avec verité alleguer le dire facetieux d'Erasme, Que Luther pour & cheuf, enrichit plusieurs: que lui Nonce sauoit tres-bien, pour n'aller guerres loin; qu'au mois de Mai prochainement passé lui Luther auoit eu grand part en la creation du Cardinal de Rochester, & auoit esté l'vniue cause de celle de Schomberg. Que si au premier la vie a esté tost a-

pres ostée, cela se doit imputer à la diuine prouidēce. Vergère ne put feschir Luther à relascher d'aucun point sa fermeté: lequel disoit d'estre autant & plus assuré de sa doctrine, que s'il la voyoit de ses propres yeux: & qu'auant qu'il l'abandonnast fa créance, le Nonce, voire mesme le Pape, l'embrasseroient.

Vergère, selon le mandement du Pape, eslaça aussi les autres prescheurs à Vvitemberg, & en autres lieux, en son voyage: mais n'y trouua aucune disposition conforme à ses desirs & desseins: ains roide & inflexible setmeté en tous ceux qui estoient de quelque consideration: & quant aux autres, qui se seroyent accommodés, il les trouua de si peu de mise, & si renchéris & pretendans si haut, qu'ils ne faisoient point pour lui.

Mais les protestans, ayans entendu la proposition de Vergère, assemblés à Smalcald, en nombre de quinze Princes, & de trente Villes, firent réponse, Que ia en plusieurs Dietes ils auoyent declaré leur volonté & intention sur le fait du Concile, & nommément, deux ans auparauant, au Nonce du Pape Clement, & à l'Ambassadeur de l'Empereur: en laquelle ils persistoyent encor: desirans vn Concile legitime, tel qu'ils sauoyent tresbien que, toutes gens de bien requeroient, auquel ils estoient tous prests d'aller, & de comparoir, ainsi qu'il auoit esté par plusieurs fois arresté en Dietes Imperiales. Et quant à ce que le Pape l'auoit assigné à Mantoue, ils esperoyent que l'Empereur ne se departiroit point des Arrests des Dietes, & des promesses qu'il leur auoit tant de fois reiterée, Que le Concile se tiendroient en Allemagne: en laquelle ils ne pouuoient voir qu'il y eust aucune apparence de danger: attendu que tous les Princes & Villes obeissent à l'Empereur, & sont si bien polices, que les estrangers n'y recoiuent que toute courtoisie, & bon traitement. Et qu'ils ne pouuoient comprendre quelle assurance le Pape pouuoit donner à ceux qui se transporteroyent à son Concile: sur tout iettant l'œil sur les choses aduenues au siecle passé. Que la Chrestienté a besoin d'un Concile saint, & libre, & qu'à vn tel ils ont appelé. Et quant à ce que le Pape propose, qu'on ne parle point auant main de la procedure, & forme à y tenir, cela ne signifie autre chose, sinon qu'il n'y ait point de liberté, ains que tout se rapporte au pouuoir du Pape: lequel ayant desia tant de fois condanné leur Religion, si au Concile il sied encorés comme iuge, icelui ne sera point libre. Que le Concile n'est point vn tribunal du Pape, ne des Prestres seuls, ains de tous les ordres de l'Eglise, & mesmes des seculiers. Que de vouloir preferer le pouuoir du Pape à l'autorité de toute l'Eglise, c'est vne opinion inique, & pleine de tyrannie: & veu que le Pape, qui n'est qu'une partie en ce proces, maintient les opinions des siens, mesmes par cruels Edits, la raison veut que ce soyent les Princes, qui ordonnent de la procedure & forme de l'action.

A cete mesme Assemblée de Smalcald enuoyèrent leurs Ambassadeurs les Rois de Franche & d'Angleterre. Celui de France fit proposer, Que François Sforce, Duc de Milan, estant decédé, il auoit dessein de faire la guerre en Italie. Et les requeroit de n'accepter lieu pour la celebration du Concile, sans le seu & conseil de lui, & du Roi d'Angleterre: promettant qu'eux aussi de leur part n'en accepteroient aucun sans eux. Le Roy d'Angleterre leur fit en outre entendre, qu'ils prissent biē garde qu'on ne fist vn Concile, auquel, en lieu de corriger les abus, on vinst de plus fort à establir la domination du Pape: & les requit qu'ils approuassent son discours. D'autre part eux proposerent, que le Roi receust la Confession d'Augsbourg. Mais ces choses, traitées en plusieurs Dietes & Assemblées, n'eurent aucune conclusion.

Or Vergère, au commencement de l'an mil cinq cens trente six, retourna au Pape, pour lui faire le rapport de sa legation: qui portoit en somme, Que les Protestans ne receuoyent aucun Concile, qu'une fust libre, en lieu opportun, & dans les confins de l'Empire: se fondans sur les promesses de l'Empereur: & que, quant à Luther, & à ses autres complices, il n'y auoit aucune esperance, & qu'on ne pouuoit penser à autre chose, qu'à les opprimer à force d'armes. Vergère fut récompensé de l'Euesché de Cap d'Istrie, sa patrie

1535.

le mesmes
pert - il fa
peine avec
les autres
prescheurs.

les Protec-
tans en
cups res-
pondent à
Vergère
persistans
en leurs
promesses
proposées
& reiterées
toutes celles
du Pape.

& sont se-
condés des
aduis con-
formes des
Rois de
France, &
d'Angle-
terre.

Vergère re-
tourne au
Pape, & lui
fait sa re-
lation, qu'il
n'y auoit
aucun ef-
fet d'attente.

1536. & fut par le Pape enuoyé à Naples, pour faire le mesme rapport à l'Empe-
 reur, lequel, apres sa victoire d'Afrique, estoit passé en ce royaume-là, pour
 mettre ordre aux affaires d'icelui. L'Empereur, ayant entendu la relation
 du Nonce, passa à Rome: & eut de tres-estroites conferences avec le Pape;
 sur les affaires d'Italie, & sur les moyens de pacifier l'Allemagne.

Le Pape lui remonstra qu'il n'y en auoit point d'autre que la guerre, sui-
 uant le conseil de Vergere. Mais l'Empereur, qui ne voyoit point le temps
 à point, pour tirer de la guerre le fruit qu'on lui persuadoit: d'ailleurs se
 voyoit engagé en Italie, dont il ne se pouuoit desmesler, sinon en quittant
 le Duché de Milan, lequel il auoit totalement arresté de s'approprier, bu-
 tant principalement à cela en toutes ses actions; allegoit pour desfaire &
 cause de dilation, Qu'il estoit en ce temps là plus necessaire de defendre
 à Milan des François. D'autre costé le Pape, qui auoit toutes ses pensées tour-
 nées à faire choir cet estat là és mains d'un Italien, & qui pour cet esgard
 propoisoit la guerre d'Allemagne, non tant pour l'oppression des Luthé-
 riens, comme il disoit en public, que pour diuertir l'Empereur de l'inuasion
 de Milan, ce qui estoit son intention principale, quoi que secreta; repli-
 quoit à l'Empereur, qu'avec les Venitiens il esperoit par armes & par nego-
 ciations plus aisément faire deporter le Roi de France de Milan, que si Sa
 Maiesté Imperiale s'en melloit.

Mais l'Empereur, ayant penetré l'intime pensée du Pape, par egale & re-
 ciproque dissimulation, fit semblant d'estre gaigné, & tout porté à la guer-
 re d'Allemagne: seulement remonstroit, que, pour n'esmouoir tout le mô-
 de contre soi, il en faisoit bien iustifier la cause, & par l'intimation du Con-
 cile demonstrier qu'il auoit essayé tout autre moyen, auant que venir aux
 armes. Le Pape n'auoit point autrement à desplaisir, que ne pouuant en fin
 eschapper d'intimer le Concile, cela se fist en vn temps que toute l'Italie s'en
 alloit embrasée de guerres, par l'enuahissement & occupation recente de
 la Sauoye & du Piemont par les François: dont le Pape auroit vn tres-speci-
 eux pretexte d'enuironner le Concile d'armes, sous couleur de garde, &
 protection. Et pourtant montra d'agréer ladite intimation; à tel li toutes-
 fois, que telles conditions fussent establies, qui ne derogeassent point à l'au-
 thorité, & à la reputation du S. Siege.

L'Empereur, à l'occasion de la victoire d'Afrique, auoit le courage gran-
 dement esleué, & plein de vastes desseins, & esperoit dans le terme de deux
 ans, pour le plus, venir à chef de la guerre de Lombardie, & enfermer le
 Roi de France delà les monts; & puis vaquer aux affaires d'Allemagne sans
 empeschement. Il vouloit se servir du Concile à deux fins: le premier à tenir
 en bride le Pape, pendant la guerre d'Italie: en cas que, selon la coustume
 des Papes, icelui eust pensé de se joindre au parti de France, s'il aduenoit
 qu'il fust veineu, pour faire contrepoids au victorienx: l'autre à reduire
 l'Allemagne à son obeissance, à quoi il butoit: car pour la Papale, ce luy e-
 stoit chose accessoire. Le lieu de Mantouë lui agreoit: au demeurant, ne
 se soucioit pas beaucoup quelles conditions le Pape y apposerait: d'autant
 que, quand le Concile seroit assemblé, il croyoit y pouuoir changer ce qui
 lui plairoit. Et pourtant conclut, d'estre content de toutes conditions,
 pourueu seulement que le Concile se tint: allegant qu'il esperoit de persua-
 der finalement à toute l'Allemagne, ou du moins à la plus grande partie,
 d'y consentir. Parquoi la deliberation en fut arrestée par le Pape, ensemble
 tout le College des Cardinaux.

L'Empereur entreuint au Consistoire public, tenu le vintuictieme Aueil,
 & remercia le Pape, & le College, de ce que promptement & facilement
 ils auoyent arresté la conuocation du Concile general: & les requit en suite,
 que la Bulle en fust expediee auant son depart de Rome, afin qu'il püst pour-
 uoir au demeurant.

Icelle ne püst estre couchée si tost: d'autant qu'il y escheoit grande consi-
 deration, pour y inserer paroles à propos, lesquelles donnaissent autant

qu'il se pouuoit de bonne esperance de liberté; & cependant ne portassent aucun preiudice à l'authorité Papale. A cela furent deputés six Cardinaux, & trois Euesques: & en fin fut expediee la Bulle, sous la date du douzieme Iuin, & fut publiée en Consistoire, & signée de tous les Cardinaux. La tenueur en estoit telle.

Que dès l'entrée de son Pontificat, il n'auoit rien tant desiré, que de repurger d'heresies, & erreurs, l'Eglise, que Dieu auoit recommandée à son soin, & vigilance: & de reſtablir la discipline en son ancien estat: & que, n'ayant à cet effet trouué voye plus commode, que celle du Concile general, tousiours vſitée en ſemblables occasions, il en auoit pluſieurs fois eſcrit à l'Empereur, & aux autres Rois: avec esperance, non ſeulement d'obtenir cete intention: mais auſſi, de faire, qu'apres que les querelles des Princes Chreſtiens ſeroient apaiſées, on entreprendroit la guerre contre les infideles, pour aſſranchir les Chreſtiens de cete miſerable ſeruitude, & meſme reduire à la foi les infideles. Et pourtant, par le plein pouuoir qu'il a de Dieu, avec l'approbation & conſentement de ſes freres les Cardinaux, il intime vñ Concile geieral de toute la Chreſtienté, pour le vintſeptieme Mai, de l'année prochainement venante, mil cinq cens trentſept, en la ville de Mantouë, lieu abondant, & propre pour la tenue d'un Concile. Et commande aux Euesques, & autres Prelats de quelque lieu qu'ils ſoyent, ſous l'obligation de leur ſerment, & ſous les peines ordonnées par les Saints Canons, & Decrets, qu'ils ayent à s'y rendre & trouuer au iour aſſigné. Prié l'Empereur, & le Roi de France & tous les autres Rois & Princes, pour l'amour de Ieſus Chriſt, & pour le bien & ſalut de toute la Chreſtienté, qu'il leur plaiſe y aſſiſter en perſonne: & en cas qu'ils ne puisſent, y deputer Ambaſſades honorables, avec ample pouuoir, ſelon que l'Empereur, & le Roi de France, & les autres Princes Chreſtiens, ont pluſieurs fois promis à Clément, & à lui. Et auſſi, qu'ils facent que les Prelats de leurs royaumes & eſtats y aillent, & y demeurent iuſques à la fin, pour y déterminer ce qui ſera conuenable pour la reformation de l'Eglise, extirpation des heresies, & entrepriſe de la guerre contre les infideles.

Le Pape publia auſſi vñe autre Bulle, pour purger, comme il diſoit, de tous vices & deſauts, la ville de Rome, Chef de toute la Chreſtienté, & Maſtreſſe de la doctrine, des mœurs, & de la discipline: afin, qu'ayant nettoyé ſa propre maiſon, plus aiſement il puſt nettoyer les autres. Et ne pouuant vaquer à cela ſuffiſamment, il deputa à cet effet les Cardinaux d'Oſtie, S. Seuerin, Ginuece, & Simonete: commandant à tous, ſous grieues peines, de leur rédre entiere obeiſſance. Ces Cardinaux, enſemble quelques autres Prelats, auſſi deputés par le Pape, ſe mirent tout à l'inſtant à traiter de la reformation de la Penitencerie, Daterie, & des mœurs des Courtiſans: mais pour tout cela, choſe aucune n'en fut miſe en effet. Or, quant à l'intimation du Concile, elle ſembloit à tous eſprits, quoique mediocres, faite hors de ſaiſon, en vñtemps, auquel, entre l'Empereur & le Roi de France, eſtoient allumées groſſes guerres en Picardie, en Prouence, & en Piedmont.

Les Proteſtans, ayanſ veu la Bulle, eſcriuirent à l'Empereur, Qu'ils ne voyoyent point encor quelle deuoit eſtre la forme & maniere de proceder au Concile, lequel ils auoyent tousiours requis ſaint, pieux, libre, & en Allemagne, & tel auſſi leur auoit tousiours eſté promis. Et pourtant qu'ils ſe ſoyent, que l'Empereur pouſſeroit que leurs demandes ſeroient exaucées, & ſa promeſſe accomplie.

Mais l'Empereur, au commencement de l'année enſuiuante, mil cinq cens trentſept, enuoya Mathias Held, ſon Vicechancelier, aux Proteſtans, pour les exorter à accepter le Concile, lequel par ſon ſi grand trauail auoit eſté conuqué, & auquel il faiſoit eſtat de ſe trouuer en perſonne, ſi non qu'il entreuinſt quelque grand empeſchement de guerre, qui l'obligeaſt à eſtre ailleurs: il leur ramentut qu'ils auoyent appelle au Concile: & pourtant qu'il n'eſtoit nullement conuenable de changer maintenant d'aduis: &

1557.

est publiée:

en laquelle
iceluy est
intime à
Mantoue:semble
une autre
de reformation de
la Cour de
Rome.Les Proteſtans ne ſe
contentent
point de la
Bulle du
pape.

1537.

mais en
vain, plu-
sieurs rai-
sons que il
alleguent
en leur re-
sponce à
l'Empe-
reur,

de refuser de s'assembler avec toutes les autres nations, qui en icelluy ont mis toute l'esperance de la Reformation de l'Eglise. Quant au Pape, l'Empereur leur fit dire, Qu'il ne doutoit nullement, qu'il ne se gouvernast comme il appartient au principal Chef de l'Ordre Ecclesiastique: que s'ils ont quelque plaintif à faire contre lui, ils le pourront poursuivre dans le Concile modestement. Quant à la procedure, & forme, qu'il n'estoit point raisonnable qu'eux seuls voulussent donner loi à toutes les autres nations: qu'il falloit penser que leurs Theologiens n'estoyent pas seuls inspirés de Dieu, & entendus es choses sacrées, mais qu'il y en auoit aussi ailleurs, qui ne manquoient point de sauoir, & de sainteté de vie. Quant au lieu, quoi qu'ils en ayent demandé vn en Allemagne, ils doiuent toutesfois considerer ce qui est commode aux autres nations. Que Mantoue est proche de l'Allemagne, abondante, & d'vne bonne & salubre temperature d'air, suietté à l'Empire, dont le Duc est feudataire: de sorte que le Pape n'y a aucun pouuoir: que si en outre ils desirent encores plus grandes seuretés, l'Empereur est tout prest de les leur bailler. Icelui parla aussi avec l'Electeur de Saxe à part, l'exhortant d'enuoyer ses Ambassadeurs au Concile, sans exceptions, ni excuses, lesquelles ne pouuoient produire autre chose qu'inconueniens. Les protestans firent leur responce, sur ce point du Concile, Que par la lecture des lettres du Pape, ils voyoyent bien que le Pape, & Sa Maiesté Imperiale, n'auoyent point vne mesme pensée. Et reprenans les choses traitées avec Adrien, Clement, & Paul, conclurent qu'on voyoit clairement que tous les Papes n'auoyent qu'vn mesme but. Passerent puis apres à declarer les causes, pour lesquelles il n'estoit nullement raisonnable que le Pape fust iuge au Concile: ni aussi peu, ceux qui sont à son serment. Et quant au lieu assigné, outre ce qu'il estoit contre les Dietes Imperiales, il n'y auoit aucune seureté qui les y pult faire aller sans danger. Car, d'autant que le Pape a ses adhérens par toute l'Italie, qui portent vne haine mortelle à la doctrine des Protestans, il y a eminent danger d'embûches; & de desseins secrets. Joint que, n'estant point conuenable de traiter choses de si grande importance par procureurs, il faudroit que plusieurs Docteurs & Ministres de la parole de Dieu s'y transportassent en personne: & allans hors de l'Allemagne, ce seroit laisser beaucoup d'Eglises desertes. Mais encores, comment est-il possible qu'ils se soumettent au iugement du Pape, qui ne bute à autre chose, qu'à extirper leur doctrine; laquelle il nomme Heresie, & ne se peut contenir de le dire en toute ses Bulles, mesmes en celle, par laquelle il intime le Concile: & encor plus expressément en celle qu'il a faite, faignant de vouloir reformer la Cour de Rome, disant, D'auoir conuocqué le Concile, pour extirper l'heresie Lutherienne? De quoi aussi il donne assez de documens par les effets, procedant cruellement par supplices & tormens contre les pures innocens, qui adherent par conscience à icelle religion. Et comment pourront-ils actionner le Pape, & ses adherans, si lui mesme veut estre le iuge? Qu'approuuer son Brief, n'estoit autre chose, que se soumettre à son iugement. Et pourtant qu'ils ont demandé vn Concile libre & Chrestien, non tant afin que tous y pussent parler en liberté, & que les Turcs & infideles en soyent exclus, que pour empescher que ceux qui sont ligués & obligés les vns aux autres par sermens, & pactions, n'y soyent iuges: ains que la parole de Dieu y preside, & decide toutes controuerfes. Qu'ils scauent tresbien qu'il y a des gens de bien & de sauoir es autres nations: mais aussi sont-ils certains, que si l'excessive puissance du Pape est refrenée, non seulement leurs Theologiens, mais aussi plusieurs autres, qui à present de crainte d'estre opprimés, se tiennent cachés, s'employeront courageusement à la reformation de l'Eglise. Qu'ils ne veulent point disputer de la situation & commodité de la ville Mantoue: mais bien dire, que la guerre estant en Italie, ils n'y pouuent estre sans ombrage. Quant au Duc d'icelle, suffit de dire, qu'il a vn frere Cardinal, des premiers de la Cour. Qu'en Allemagne il y a plusieurs villes, de non moindres commodités que Man-

que Mantouë, esuelles fleurit l'equité & la iustice: & en Allemagne sont inconnus & inouïs ces proditoires & scelerats moyens de raur la vie aux hommes, qui sont tant communs & coustumiers en autres lieux. Qu'ès Conciles anciens tousiours a esté principalement recherchée la seurte du lieu, laquelle toutesfois, ores que l'Empereur fust en personne au Concile, ne seroit suffisante: veu que tout le monde sait assez, que les Papes accordent bien aux Empereurs d'assister aux Consultations, mais reseruent cependant à eux seuls le pouuoir de determiner. Que chacun sait ce qui aduint au Concile de Constance à l'Empereur Sigismond, le sauſconduit duquel fut violé, & lui contraint de receuoir vn si grand affront. Et pourtant prioient l'Empereur de peser ces raisons.

En la mesme Diete s'estoit presenté l'Euesque d'Aix, enuoyé par le Pape, & à vn pour les conuiuer au Concile: mais il n'auança rien, & mesmes quelques vns des Princes refuserent totalement de l'escouter: & pour donner à conoistre leurs raisons à tout le monde, ils publierent & firent imprimer vn Manifeste, auquel principalement ils s'estudioient de respondre à cete objection, Qu'ils ne se vouloyent soumettre à aucun iuge, qu'il mesprisoyent les autres nations, qu'ils refusoient le souverain tribunal de l'Eglise, qu'ils renouueloyent les heresies iadis condannées, qu'ils aymoyent les dissensions ciuiles, & que les choses qu'ils reprenoyent en la Cour de Rome n'estoyent que legeres, & tolerables. Ils alleguoient les raisons, pour lesquelles il n'estoit conuenable que le Pape, ou seul, ou avec les siens, fust iuge: rapportoyent des exemples de plusieurs Conciles recueſsés par diuers des Saints Peres, & finalement employèrent tous les Princes à leur defense, s'offrans que si en aucun temps estoit assemblé vn Concile legitime, ils defendroyent en icelui leur cause, & rendroyent raison de leurs actions.

Ils enuoyerent aussi vn Ambassadeur expres au Roi de France, pour l'informer particulièrement des mesmes choses: lequel respondit, Que pour le fait du Concile, il estoit de mesme sentiment avec eux, de ne le point approuuer, sinon legitime, & en lieu de seurte: & les asseuroit aussi de la volonte conforme du Roi d'Eſcosse, son gendre.

Le Duc de Mantouë accorda sa ville pour y tenir le Concile, pour gratifier le Pape, sans considerer plus auant: iugeant conformément à l'opinion commune, qu'il seroit impossible de conduire ce dessein à chef, à cause de la guerre qui estoit lors entre l'Empereur & le Roi de France, & de la repugnance del'Allemagne, pour laquelle se tenoit le Concile. Mais, apres qu'il eut veu l'intimation, il commença à penser, comment il asseureroit sa ville. Et enuoya représenter au Pape, qu'attendu le grand nombre de personnes qui aborderoyent au Concile, il estoit necessaire de mettre dans la ville grosse garnison, laquelle il entendoit ne dependre d'autre que de lui, & de ses commandemens, & cependant n'auoit moyen de l'entretenir du sien: & pourtant qu'il taloit, que Sa Sainteté lui fournist argent pour payer les soldats, s'il vouloit que le Concile se tint en sa ville. Le Pape respondit, Que ce grand nombre ne seroit point de gens de guerre, ou faisans profession d'armes, mais d'Ecclesiastiques, & gens de lettres: lesquels aisément seroyent contenus en leur deuoir par vn seul Magistrat, que lui Pape deputeroit pour rendre iustice, avec petit nombre de sergens, & de gardes: qu'une garnison de soldats armés seroit de grand ombrage à tous, & peu seante au lieu d'un Concile, qui doit n'auoir autre apparence, ni effets, que de paix & tranquillité. Et que quand mesmes il y auroit besoin d'armes pour la garde, il n'estoit nullement raisonnable qu'elles fussent en autres mains, que du Concile mesme, assauoir, du Pape, qui en est Chef. Le Duc, considerant que la Iurisdiction tire tousiours apres soi la souveraineté, repliqua, Que pour tout il ne vouloit point que la iustice fust administrée en sa ville par autres, que par ses officiers. Le Pape, personnage tres-prudent, à qui rarement il aduenoit d'ouïr response non preueüe, demeura plein d'esbahissement: & respondit à l'homme du Duc, Qu'il n'auroit iamais cru, que son

lesquelles
le Pape n
voulant
admettre.

Le Concile
est suscit
par vne
Bulle Pa
pale, outre
laquelle le
Roi d'An
gleterre
publie vn
maniffeste.

Le Pape par
les repré
sentes qu'il
oit de ses
actions, ve
nient à la
reformation
de la Cour,
et auuient
l'affaire à
neuf Pre
lats.

Maistre, Prince Italien, duquel la maison auoit receu tant de bienfaits du S. Siege, & qui auoit vn frere Cardinal, lui eust du refuser, ce qui ne lui auoit iamais esté debatue par aucun, & que toute loi, diuine, & humaine, lui donne, & que les Lutheriens mesme ne lui sauent denier, assauoir, d'estre iuge supreme des gens d'Eglise: ce que mesme le Duc ne querelle point à son Euesque, qui iuge des causes des Prestres à Mantouë. Qu'au Concile n'entreuiendroyent que personnes Ecclesiastiques, exemptes de la Cour seculiere, tant pour elles, que pour leurs familles: ce qui est tant euident, que tous les Docteurs adouënt vnanimement, que mesmes les concubines des Prestres sont iusticiables de la Cour Ecclesiastique: & lui lui veut denier d'auoir vn Magistrat, qui pendant le Concile, rende iustice aux mesmes Ecclesiastiques? Nonobstant tout cela, le Duc demeura ferme, tant à refuser au Pape iurisdiction en Mantouë, qu'à demander argent pour payer soldats. Ces conditions semblerent dures au Pape, & comme il disoit, contraires aux anciennes coustumes, & indignes du S. Siege, & de la liberté Ecclesiastique: & pourtant il refusa d'y acquiescer, & delibera de ne plus vouloir Concile à Mantouë, se ressouenant fort bien de ce qui estoit aduenue à Iean vinttroisieme, tenant Concile en lieu, ou il n'estoit pas le plus fort: & se resolut à surseoir le Concile: & s'excusa par vne Bulle publice, en laquelle en somme il representoit, Que, quoi que ce fust à son grand regret, il estoit contraint d'assigner vn autre lieu pour la tenue du Concile: ce qu'il supportoit en patience, puis que cela aduenoit par la faute d'autrui, & non par la sienne: & que, ne pouuant ainsi à l'improuiste se resoudre d'vn autre lieu à propos, il surseoit & différoit la celebration du Concile, iusques au premier Nouembre de la mesme année.

Le Roi d'Angleterre publia en ce mesme temps vn Manifeste, en son nom, & de la noblesse de son Royaume, contre la conuocation faite par le Pape, comme par personne, qui n'en a le pouuoir: & en temps de guerre allumée en Italie, & en lieu mal asseuré: adioustant, qu'il desire bien vn Concile Chrestien, mais qu'à celui du Pape, il n'y ira nullement, & n'y enuoyera ambassade d'aucune, n'ayant que faire de l'Euesque de Rome, ne de tous ses edictes, non plus que de ceux de quelque autre Euesque du commun: que jadis les Conciles estoient conuqués par autorité des Rois: & que tant plus doit estre ramentee cete coustume à present, qu'on traite d'accuser les defauts & abus de la Cour du Pape: que c'estoit chose assez coustumiere aux Papes de manquer de foi: ce qui à lui estoit plus considerable & à apprehender, pour la haine capitale qu'il auoit excitée contre soi en abolissant en son royaume la domination du Pape, & la cense qui lui estoit payée. Que de jeter la coulpe sur le Duc de Mantouë, pource qu'il ne vouloit recevoir tant de gens en sa ville sans garnison, n'est autre que se mocquer du monde: comme aussi de différer le Concile iusqu'au mois de Nouembre, & cependant ne designer aucun lieu, auquel il soit célébré. Car, si le Pape en choisist aucun, sans doute il en prendra vn de ses Estats, ou de quelque autre Prince sien obligé. Et pourtant que, veu que nul homme de sens ne pouuoit esperer d'obtenir vn vrai Concile, le plus expedient estoit que chascun Prince corrigeast & reformast la Religion chez soi. Et pour conclusion dit, que, si aucun lui monstroit autre voye meilleure, il ne la reietteroit point.

En Italie aussi on estoit fort porté à interpreter finittement les actions du Pape: & disoit-on, librement, que, quoi qu'il reietast la faute sur le Duc de Mantouë, de lui seul toutesfois procedoit tout l'empeschement de la tenue du Concile: & que de ce estoit signe euident, qu'au mesme temps il auoit publie la Bulle de la Reformation de la Cour, & en auoit baillé la charge à quatre Cardinaux, à quoi n'y auoit point d'opposition du Duc, ne d'autres, ains que le tout estoit en son pouuoir, & cependant on n'en parloit plus; comme aussi le mesme affaire proposé par lui incontinent apres son assomption au Pontificat, estoit demeuré en silence & surseance trois ans durant. Pour obuier à ces blasmes, & diffames, le Pape delibera de repren-

dre en main cet affaire, reformat tous premier sei mesme, les Cardinaux, & la Cour; afin de se purger de tous reproches, & des mistres interpretati-
ons de ses actions. Et à cet effect esleut quatre Cardinaux, & cinq autres Pre-
lats; tant estimés de lui que d'iceux il en crea quatre Cardinaux, & années
suivantes: enjoignant à tous neuf de ramasser tous les abus qui meritoient
reformation; & tout d'une main adjoûter les remedes, par lesquels aisé-
ment & promptement on les pourroit corriger, pour ramener toutes choses
à vn bon reiglement. Ces Prelats firent ce recueil, selon le commandement
du Pape, & le redigerent par escrit.

D'entrée ils representoyent, que la source & l'origine de tous les abus *qui endref-
sent vn long
saict*
estoit la facilité des Papes à prestre l'oreille aux flatteurs; & à déroger aux
lois, avec contravention aux commandemens de Christ, de ne tirer profit
des choses spirituelles. Puis; descendans aux particularités, ils marquoy-
ent vintquatre abus en l'administration des choses Ecclesiastiques, & quatre
au gouvernement spécial de Rome: ils touchoyent l'admission du Clergé
aux saints ordres, la collation des Benefices, les pensions, les permutations;
les regrés, les reserves, la pluralité des Benefices, les commandes, la resi-
dence, les exemptions, la dep rauation des Religieux, l'ignorance des pres-
cheurs, & confesseurs, la licence d'imprimer liures d'annales, les lectures,
le support des Apostats, les questeurs: puis, passans aux dispenses; tou-
choyent, en premier lieu; celle de marier personnes qui auoyent les saintes
ordres, la facilité de dispenser mariages en degrés descendus, les dispenses
aux Simoniaques, la facilité d'otroyer absolutions penitentielles, & indul-
gences, la dispense des vœux, la liberté de tester des biens d'Eglise, le chan-
gement des dernières volontés, la tolerance des putains publiques, la non-
ehalance au gouvernement des hospitaux: & autres choses semblables;
espluchées par le menu: exposant la nature des abus, les causes & origines
d'iceux, les conséquences des maux qu'ils portent avec eux, & les moyens d'y
remedier, & conseruer pour l'auenir le corps de la Cour en l'integrité de
la vie Chrestienne. Oeuure digne d'estre lue, & qui meritoit d'estre ins-
crée tout au long, si la longueur & prolixité ne l'eust defendu.

Le Pape; ayant receu cete relation de ces Prelats, la fit examiner à plu-
sieurs Cardinaux, & puis proposa la matiere en Consistoire, pour en delibe-
rer. Frere Nicolas Schonberg, Iacopin, Cardinal de S. Sixte, autrement
nommé, de Capouë, par vn long discours monstra que le temps d'atôrs ne
portoit de faire aucun reformation. Il mit en premier lieu en consideration
la malice humaine, laquelle, quand vn mal lui est defendu, en trouue tou-
siours vn pire: & qu'il y a moins de mal de tolerer, yn desordre tout conu, &
lequel par son usage & fréquence ne cause aucun estonnement, que d'en
encourir vn autre, lequel par sa nouveauté sera plus signalé & apparent; &
par consequent donnera plus de sujet de reprehension. Ioint que, ce seroit
donner aux Lutheriens matieres de se glorifier, d'auoir contrainct le Pape à
faire cete Reformation. Mais sur tout il remonstroit, que cela seroit vn
commancement, non d'otter les abus seulement; mais aussi les bons vsages,
& de mettre en plus grand danger la Religion. D'autant que, par la Refor-
mation on viendroît, à confesser, que les choses, auxquelles on auoit reme-
dié, auoyent esté meritoirement reprises par les Lutheriens; ce qui ne seroit
autre chose, que fomentor toute leur Doctrine. A l'opposite Iean Pierre
Carraffe, Cardinal Theatin, monstra que la reformation estoit necessaire;
& que l'omettre estoit vne tres-grande offense de Dieu: & respondit que la
reigle des actions Chrestiennes portoit, Que, comme il ne faut faire aucun
mal, afin que bien en aduene: aussi, es choses qui sont du deuoir & de l'obli-
gation, on ne doit laisser de faire aucun bien, par crainte qu'il en aduene
du mal. Les opinions furent diuerses, & en fin, apres plusieurs aduis dits &
propofés, il fut conclu, Qu'on différeroit d'en parler iusques à vn autres
temps: & le Pape commanda, que la remonstration des Prelats fust tenue
secrete. Mais le Cardinal Schonberg en enuoya vne copie en Allemagne.

1538.

non sans le feu du Pape, comme on crut: afin qu'il parust qu'à Rome il y avoit quelque dessein, & mesmes effet de reformation. Cete copie enuoyée fut soudain imprimée; & publiée par toute l'Allemagne, & plusieurs aussi escriuierent à l'encontre en langue Allemande & Latine. Et cependant en Allemagne croissoit tousiours le nombre des Protestans, le Roi de Danemarck, & quelques Princes de la maison de Brandebourg, estans entrés en leur association.

le Pape intime le Concile à Vincence, par une nouvelle Bulle,
Le mois de Nôuembre s'approchant, le Pape publia vne Bulle de conuocation de Concile en la ville de Vincence: & allegâ qu'à cause de la proximité de l'hyuer il estoit necessaire de prolonger le terme, il l'intima au premier Mai de l'année ensuiuante; mil cinq cens trentehuit, & deputa pour Legats en ce lieu là, trois Cardinaux, Laurens Bamepe; Legat de Clement septieme en Allemagne, Iaqués Simonete, & Ierome Aleandre, creés Cardinaux par lui mesme.

contre laquelle de nouueau le Roi d'Angleterre s'écrit.
Apres que cete Bulle fut sortie en lumiere, le Roi d'Angleterre publia vne autre Manifeste contre cete nouuelle conuocation, adressée a l'Empereur, & aux Rois & peuples Chrestiens, sous la date du huitieme Autil de la mesme année mil cinq cens trentehuit, lequel portoit, Que, ayant fa fait voir au monde les grandes & numerens raisons qu'il auoit eues pour réceuer le Concile, lequel le Pape auoit feint vouloir celebrer à Mantouë, & lequel puis apres il auoit prolongé, sans assignation d'aucun certain lieu, il ne lui sembloit point conuenable, toutes les fois que le Pape songeroit quelque nouueau moyen, de prendre la peine de protester, ou de recuser le Concile qu'il feroit semblant de vouloir celebrer. Erpourtant, qu'il entendoit que son presedent Manifeste iustificast sa cause, & celle de son royaume, contre tous les attentats de Paul troisieme, & de tout autre Pape de Rome: & qu'encores il l'a voulu d'abondant consermer par ces presentes lettres, par lesquelles il desire d'estre excusé autant d'aller à Vincence, qu'à Mantouë: ores qu'il ne cede à aucun au desir d'vne publique & generale assemblee des Chrestiens: pourueu que ce soit vn Concile general, libre, & saint; tel qu'il l'a figuré en sa protestation contre le Concile de Mantouë. Et, comme il n'y a chose plus sainte, qu'vne generale assemblee de Chrestiens, aussi n'y a-t-il rien qui puisse apporter plus de preiudice & detrimant à la Religion, qu'un Concile corrompi par avarice, interets particuliers, & desseins de maintenir erreurs. Qu'on l'appelloit Concile general, poutre que tous Chrestiens y peuent dire leurs aduis: & qu'on ne pouuoit nullement nommer general le Concile, auquel nul autre n'estoit ouï, que ceux qui auoyent arresté de tenir tousiours en toutes choses le parti du Pape, & où les mesmes estoient, demandeurs, defendeurs, aduocats, & iuges. Qu'on pouuoit obiecter contre la Ville de Vincence les mesmes choses; qui auoyent en son autre Manifeste esté produites contre Mantouë. Et apres auoir briement repercé le contenu d'icelui, il dit, Si Friderich, Duc de Mantouë, n'a deseré à l'autorité du Pape, en lui accordant sa ville en la maniere qu'il vouloit, quelle raison auons-nous de la tant priser, que nous allons au lieu où il lui plaira? Si le Pape a le pouuoir de par Dieu d'appeller les Princes là où il lui plait, pourquoy ne l'a il aussi de choisir le lieu qui lui plait? & de se faire obeïr? Si le Duc de Mantouë peut a-t-elle raison refuser le lieu choisi par le Pape, pourquoy ne pourroit aussi les autres Rois & Princes, refuser d'aller en celui? Que si tous les Princes lui refusoient leurs villes, ou seroit son pouuoir? Que seroit-cé si tous se fussent mis en chemin, & estans arrivés à Mantouë, se fussent trouués forelos par le Duc? Ce qui est aduenu à l'égard de Mantouë, peut aussi aduenir à l'égard de Vincence; nous ne nous en souuiens point, mais nous en souuiens bien.

le Pape à Nice pour te l'Empereur & le Roi de France, de
Les Legats, au temps mesme, se transportoient à Vincence, & en mesme temps le Pape alla à Nice en Provence, pour entreuenir au pourparler de l'Empereur, & du Roi de France; lequel il auoit enuoyé, donnant la voix; que c'estoit seulement pour parler des deux grand Princes: combien que son dur principal fut de parler de l'Empereur de Milan & de sa maison. En ce lieu là

le Pape, entre autre choses, fit office avec tous ceux qu'ils enuoyassent leurs Ambassadeurs au Concile & qu'ils y fissent aller les Prelats, qu'ils auoyent lors presentement à leur suite, & ordonnassent à ceux qui estoient en leurs estats, de se mettre en chemin. Quant à ce dernier, l'un & l'autre s'en excusa, disant; Qu'il estoit necessaire de conférer tout premier avec les Prelats des necessités de leurs Eglises: & que d'enuoyer ceux qui estoient là presens, il y auroit de la difficulté à leur persuader d'y aller seuls, sans auoir communiqué & pris conseil avec les autres. Le Pape se laissa si aisément contenter de cete response, qu'il fit douter laquelle il desiroit le plus, l'affirmatiue, ou la negatiue. Partant tout ce deuoir du Pape estant reussi sans effet, comme aussi tous les autres qu'il fit en cete Assemblée, il se partit de là, & estant de retour à Genes; receut de Vincence leitrés des Legats, qui portoyent, Qu'ils se trouuoient encores là tous seuls, sans aucun Prelat. Dont il les repella, & par vne autre Bulle, en date du vintuictieme Iuillet, il prolongea le terme du Concile, iusques à Pasques prochain. En cete année le Pape rompit la prudente patience, ou dissimulation, dont il auoit vsé enuers l'Angleterre par quatre années consecutiuës: & fulmina vne terrible Bulle contre ce Roi-là, d'une maniere qui n'auoit iamais esté pratiquée par ses deuanciers, & depuis n'a esté ensuiuie par ses successeurs. Et d'autant que cete fulmination eut son origine des manifestes publiés par le Roi contre le Concile intimé à Mâtouë, & à Vicence, mon but requiert que l'en face mention, loint que pour l'intelligence de plusieurs accidens, qui seront recités ci apres, il est necessaire de raconter ses succès avec toutes ses particularités.

Après que le Roi d'Angleterre eut osté l'obeissance à l'Eglise Romaine, & se fut déclaré Chef de l'Eglise Anglicane; en l'année mil cinq cens trente quatre, comme il a esté dit en son lieu, le Pape Paul fut tout aussi tost sollicité à fulminer contre ce Roi: Par l'Empereur, pour ses propres interets: & par la Cour de Rome, pour l'esperance de racquerir par cemoien l'Angleterre, ou la mettre tout en feu. Ce que lui, comme fort entendu aux affaires, iugeoit estre peu à propos: considerant que si les fulminations de ses predecesseurs n'auoyent iamais eu bonne issue, au temps mesmes qu'on leur deferoit toute creance, & reuerence, il estoit beaucoup moins à esperer qu'ils la dussent auoir, apres la publicatiō & reception d'une doctrine qui les mesprisait. Et tenoit pour acte de prudēce de tenir dans le fourreau vne espée; qui n'a autre trenchant, qu'en l'opinion de ceux contre lesquels on combat. Mais, apres qu'en l'année mil cinq cens trentecinq fut aduenue la décapitation du Cardinal de Rochester, les autres Cardinaux s'adresserent au Pape; lui remonstrans la grande ignominie qu'en receuoit leur ordre; qui estoit réputé sacré & inuiolable, & le dāger qu'il encourroit, si on laissoit prendre pied à cet exemple. Attendu que les Cardinaux defendent le Papat enuers toutes Princes en toute hardiesse, par la seureté qu'ils ont de leur vie: que si icelle leur estoit rauie, & on monstroit aux seculiers que les Cardinaux mesmes peuuent estre executés à mort, ils seroyent contraincts de proceder avec trop de crainte. Toutesfois ni pour cela le Pape ne se departit point de sa resolution: mais trouua vn expedient mitoyen, qui iamais n'auoit esté vsé par aucun Pape, qui estoit de laisser la main avec le foudre, & de menacer de le lascher, le retenant toutesfois en la main: pensant par ce moyen contenter les Cardinaux, la Cour, & autres, & cependant ne mettre point en hazard la puissance Papale. Et pourtant il forma vn proces, & vne sentence tresrigoureuse contre ce Roi, sous la date du trentieme Aoust, de l'année mil cinq cens trentecinq, & tout ensemble en surseila publication à son bon plaisir: promettant toutesfois que la Copie robast en mains de personnes, laquelle il fauait bien la lui seroit tenir, & faisant courir bruit de la Bulle formée; & de la surseance d'icelle, avec quelque vent que bien tost, toute surseance leuée, il viendroit à la publication: quoi qu'avec intention de n'y venir iamais. Et combien qu'il ne fut point hors d'esperance; que le Roi, ou de erainte du foudre préparé, ou par l'inclination de son peuple, ou par la crainte

1539.

des supplices contre les desobeissans à son decret, cederait de soi-même, ou y seroit porté & induit par l'entremise de l'Empereur, ou du Roi de France, en cas que, selon les occurrences des affaires du monde, il fust contraint de s'vair avec l'un d'eux: toutes fois la principale cause qui le porta à cela, fut pour ne faire paroistre la foiblesse de ses armes, & par ce moyen affermir & roidir de plus fort ce Roi en la separation. Mais au bout de trois ans, il se porta à changer d'avis, pour les irritations, & indignités qu'il pretendoit recevoir sans cause de ce Roi, qui mettoit tousiours en lumiere quelques manifestes contre ses conuocations du Concile, & oppugnoit toutes les actions, quoi que non butées à aucune siene particuliere offense: & tout nouuellement auoit actionné, cité, & condanné comme rebelle du Royaume, avec confiscation de biens, S. Thomas de Canturberi, lequel le Pape Alexandre III. auoit iadis canonisé, pour auoir este mis à mort pour la defense de la liberte & de la puissance Ecclesiastique, dès l'année mil cent septentvn: dont encores on celebre la feste annuelle en l'Eglise Romaine. Et apres la condannation, auoit procédé à l'exécution, faisant desterrer ses os, qui furent bruslés par la main de l'executeur de la haute iustice, & les cendres iettées en la riuere: & mettant la main sur les tresors, ornemens, reuenus des Eglises qui lui estoient dediées. Ce qui estoit auoir touché vn secret du Pape; beaucoup plus importait que l'affaire du Concile. Aufquelles causes fut adiointe quelque esperance conceüe en l'entreueüe avec le Roi de France, que ce Roi là fourniroit secours & aide aux malcontents d'Angleterre, tout aussitost qu'il seroit à deliure des guerres qu'il auoit avec l'Empereur. Donques le dixseptieme Decembre il lença le foudre forgé d'estrois ans auparauant, ouurant la main qu'il auoit tenue si long temps en acte & posture de fulminer. Les causes alleguées furent en substance, Le diuorce, l'obeissance abolie, la mort du Cardinal de Rochester, & la sentence contre S. Thomas. Les peines furent, pour lui, de la priuation du Royaume: & pour ses adherans, de tout ce qu'ils possédoient: commandant aux suiets de ne lui plus obeir, & aux estrangers de n'auoir aucun commerce en ce royaume, & à tous de se leuer en armes contre lui, & ceux de son parti, & les persecuter à outrance: leur exposant en proye les estats & les biens d'eux tous, & en seruitude leurs personnes.

le lance
furieu-
ment,

mais sans
effet :

les trou-
bles d'Al-
lemagne
croissent,
on s'assem-
ble à Franc-
fort, & il
propose un
moyen de
traité d'a-
miable,

Mais les ligues, alliances, paix, traités, quel l'Empereur, le Roi de France, & autres Princes Catholiques, firent de puis avec le Roi Henri d'Angleterre, monstrent assez en quelle estime fut tenu le Bref du Pape, & combien peu furent obserués ses commandemens.

Au commencement de l'année mil cinq cens trentenueuf, nouuelles querelles s'ourdirent en Allemagne pour la cause de la religion, & peut estre par personnes mal affectionnées, qui se seruoient d'icelle pour pretexte: dont fut tenue vne iournée à Francfort, à laquelle l'Empereur enuoya vn Commissaire: & là, après vn long debat, par le consentement d'icelui il fut conclu le dixneuuieme Aueil, de faire vne conference à Noremberg le premier Aoust, pour traiter paisiblement & amiablement de la Religion: & qu'en icelle, outre les Docteurs, entreuiendroyent d'vne part & d'autre, personnes sages & prudentes, deputées de l'Empereur, du Roi Ferdinand; & des Princes, pour moderer la conference, & estre entremetteurs entre les parties; & que ce qui de commun consentement seroit arresté, seroit notifié à tous les Estats de l'Empire, & puis en la prochaine Diete ratifié par l'Empereur. Les Catholiques vouloyent, que le Pape fust recherché d'enuoyer aussi quelque personnage à cete Conference: mais les Protestans iugerent que cela estoit chose contraire à leur protestation, & pourtant ne fut point executé. La nouuelle de cete assemblée estant allé à Rome, le Pape en fut grandement offensé: tant pource qu'on entreprenoit de faire quelque traité de Religion en Allemagne, que pource que cela estoit au grand preiudice de la reputation du Concile, intimé par lui, quoi qu'il se souciait bien peu qu'il se tint: mais plus particulièrement, pource qu'ayant esté

proposé d'y admettre vn député du Pape, son autorité en auoit puis apres esté totalement forclosse. Et pour tant il expédia tout soudain l'Euesque de Montpulcien en Espagne, sur tout pour faire instance à l'Empereur de ne ratifier point les decrets d'icelle Diete, ains les casser, & annuller.

Ce Nonce eut vne longue & grande instruction, premierement de se plaindre griuement des deportemens du commissaire de l'Empereur, qui estoit Iean Vvesa, Archeuesque de London en Danemark : lequel ayant oublié le serment qu'il auoit au S. Siege, & infini bienfaits receus du Pape, & l'instruction qu'il auoit receuë de l'Empereur, auoit consenti aux demandes des Lutheriens, au preiudice du S. Siege, & au deshonneur de Sa Maiesté Imperiale. Qu'il auoit esté corrompu par presens & promesses, ayant receu de la ville d'Augsbourg vintcinq mil florins d'or, & du Roi de Danemark, promesse de quatre mil florins annuels, sur les reuenus de son Archeuesché de London, qui lui auoit esté saisi. Qu'il minutoit de se marier, & quitter l'Eglise; dont aussi iamais il n'auoit voulu recevoir les saints ordres. Le Nonce eut aussi charge de remonstrer à l'Empereur, que s'il ratifioit les choses ottroyées par son Commissaire, il feroit paroistre qu'il n'estoit point vrai fils du S. Siege: & que tous les Princes Catholiques d'Allemagne en feroient plainte, & esperoyent que Sa Maiesté ne les ratifieroit point. Il eut aussi commission de lui proposer autres siens propres interets touchant le Duché de Guelldres, & l'élection du Roi des Romains, pour l'emouoir d'auantage: & de lui ramenteuir, qu'en supportant les Lutheriens en leurs erreurs, il ne pourroit pas pour tant disposer de l'Allenagne, comme le Commissaire Vvesa; & autres, lui figuroient: car c'est vne chose meshui toute notoire, qu'on ne se peut assurer de conseruer les Estats, là ou la Religion se perd, ou là ou deux Religions sont tolerées. Que cela c'est veu es Empereurs Orientaux, lesquels ayans secoué l'obeissance enuers le Pape de Rome, Chef vniuersel de l'Eglise ont en fin perdu & forces & Estats. Que les fraudes des Lutheriens sont tout euidentes: qu'ils ont tousiours procedé malignement enuers Sa Maiesté, & que sous ombre de remettre la Religion en bon ordre, ils procurent autre chose que Religion. Que de cela rendoyent tesmoignage les Dietes de Spire de l'année mil cinq cens vint-six, celle de Noremberg de l'année mil cinq cens trentedix, & celle de Caldau en Boheme de l'année mil cinq cens trente quatre, quand le Duc de Vvitemberg reconquit son Duché: ce qui monstra bien lors, que les mouemens du Landgraue, & des Lutheriens, n'auoyent point esté pour cause de la Religion, mais pour enleuer cet estat là au Roi des Romains, Qu'il mist en consideration que, s'il s'accordoit avec les Lutheriens, les Princes Catholiques ne pourroyent souffrir vn tel desordre, que Sa Maiesté eust plus de pouoir sur eux, que sur les Protestans; & partant penseroient à de nouveaux remedes. Qu'il y a plusieurs autres voyes licites & honnestes, par lesquelles on peut ranger l'Allemagne, & que Sa Sainteté est toute prestée de l'assister de tout secours, selon la portée & qualité de ses forces. Et s'il plaist à Sa Maiesté y bien penser, elle trouuera que ces Articles ne peuuent estre approuués, que toute l'Allemagne ne se face Lutherienne; ce qui osteroit à elle mesme toute autorité: veu que leur secte renuerse toute superiorité, preschant sur toute chose la liberté, ains la licence. Qu'il representast à l'Empereur, qu'il seroit bon d'accroistre la Ligue Catholique, & d'oster les adherans aux Lutheriens, autant que faire se pourroit, enuoyant en Allemagne le plus d'argent qu'il seroit possible, pour en promettre, & mesmes distribuer par effect à ceux qui fuuroient la Ligue Catholique. Et que, sous ombre du Turc, on enuoyast en ces quartiers la bon nombre de gens Italiens & Espagnoles, les entretenant es terres du Roi des Romains. Et que le Pape de sa part estoit resolu d'euoyer quelque personnage aux Princes Catholiques, avec argent, pour en promettre, & gratifier ceux qui seront à propos pour ses desseins. Qu'il exortast l'Empereur de faire vn Edit semblable à celui que le Roi d'Angleterre auoit fait en son royaume,

*contre dit.
par le Pape
P, que de
cuse pri-
nement à
l'Empereur
son Com-
missaire,*

*et tout les
Lutheriens,
et l'anime
contre eux;*

1539.

*es plaines
de la Gau-
uennante
du Pays
bas.*

& mesmes fist dextrement semer le bruit, que Sa Maïesté traitoit avec le dit Roi, pour le ramener à l'obeïssance du Pape. Le Pape bailla aussi charge au dit Montpulcian, de se plaindre à l'Empereur, Que la Roine Marie, Gouvernante des Pais bas, sa sœur, prestoit faueur aux Lutheriens, & tenoit correspondance avec eux par enuoi de personnes expresses: que, quand on estoit apres à former la Ligue Catholique, elle auoit escrit à l'Electeur de Treues, qu'il n'y entraist point, & qu'ainsi ce saint œuure auoit esté rompu: qu'elle auoit empesché Monsieur de Lauaur, Ambassadeur du Roi de France, d'aller en Allemagne, pour consulter avec le Roi des Romains, & avec le Legat de Sa Sainteté, sur les affaires de la Religion. Que le Pape vouloit croire, que tout cela ne procedoit point de mauuaise volonté d'elle, mais du conseil de mauuais ministres.

*Le Roi Hé-
rin d'An-
gleterre
conferme la
doctrin de
l'Eglise
Romaine
en son ro-
yaume:*

Or, pource que j'ay fait mention d'un Edit du Roi d'Angleterre en matiere de Religion, il ne sera hors de propos, de représenter en cet endroit, comme au mesme temps de la Diete de Francfort, Henri huitieme, soit qu'il crust de faire seruice à Dieu, soit permettant aucune innouation de Religion en son royaume, soit pour demonstrier constance en ce qu'il auoit escrit contre Luther, soit pour desmantir le Pape, qui en sa Bulle le chargeoit d'auoir publié vne doctrine heretique en son royaume: fit vn Edit public, par lequel il commandoit, Que par toute l'Angleterre on tint & crust la réelle presence du vrai & naturel corps & sang de Nostre Seigneur, sous les especes du pain & du vin, sans que la substance de ces elemens demeure apres la consecration: que sous l'une & l'autre des especes Christ estoit contenu tout entier: que la communion du Calice n'estoit point nécessaire: qu'il n'estoit loisible aux Prestres de se marier: que les Religieux, apres la profession, & vœu de chasteté, estoient perpetuellement obligés à la garder, & viure au Conuent: que la Confession secreete & auriculaire, estoit non seulement vtile, mais aussi nécessaires: la que celebration des Messes, mesmes priuées, estoit chose sainte, & commandoit qu'on la continuast en son royaume. Il interdit à tous de faire ou enseigner contre aucun de ces Articles, sous toutes les peines establies par les lois contre les heretiques. Et c'est bien merueille, que le Pape, qui peu de iours auparauant auoit horriblement fulmine contre ce Roi, fust contraint de louer ses actions, & le proposer pour exemple à imiter à l'Empereur. Ainsi auient-il que les propres interets font par fois louer, par fois aussi blasmer vne mesme personne.

*Le Pape in-
terdit sur
le fait du
Concile, a
pres grande
delibera-
tion,*

Le Pape, apres auoir depesché Montpulcian, voyant que par la conuocation du Concile, & puis par la dilation du terme assigné, il ne faisoit qu'amuser & entretenir les personnes, & cependant perdoit beaucoup de sa reputation, iugea qu'il estoit nécessaire de quitter cete procedure ambiguë, laquelle à la longue pouuoit produire quelque mauuais effet: & resolut en soi mesme de se declarer vne fois, & sortir de ces perplexités & incertitudes. Parquoi il proposa en Consistoire, apres auoir fait vn narré de toute la suite de cet affaire, qu'il estoit nécessaire de faire vne stable & ferme resolution, ou en vne maniere, ou en vne autre. Et mit la matiere en consultation. Aucuns des Cardinaux, par desir de se deliurer de la crainte, qui tous les iours plus les alarmoit, n'approuoyent point le terme de suspension, ou surseance: mais eussent desiré qu'on eust fait vne expresse Declaration, Que le Concile ne se tiendrait point, d'autant qu'il y auoit des empeschemens qu'on ne pouuoit surmonter, que tout premier n'eust esté faite & establie vne bonne paix entre les Princes: qui estoit vn moyen absolument nécessaire, sans lequel on ne pouuoit esperer de le tenir. Mais les plus prudents balançoient entre cete crainte, & vne autre, qu'on ne vinst à des Conciles nationaux, ou à d'autres remedes plus nuisibles pour eux, que le Concile general: & pourtant la plus grande partie se rangea à ce mesme aduis, de le suspendre & surseoir iusqu'au bon plaisir du Pape: considerans, qu'en cas qu'il ne trouuassent vtile pour eux de venir à l'effet, ils pouuoient tousiours pretexter la dissension des Princes, ou quelque autre cause, pour continuer

continuer la suspension: que si aussi se presentoit à la trauerse quelque danger de Concile National, ou de Conférences, ou d'autre chose, on y pourroit remedier, n'ettant en auant le Concile general, & assignant lieu & temps pour icelui: pour suiure puis apres le conseil, que le temps, & l'occasion donneroyent pour le tenir, ou non. Cet aduis fut embrassé, & fut formée vne Bulle sous la date du trezieme Iuin, par laquelle le Concile ia intimé, estoit suspendu iusqu'au bon plaisir du Pape, & du S. Siege.

Le Nonce Montpulcian, estant arriué en Espagne, executa ses commissions enuers l'Empereur; lequel, pour les causes alleguées par le Nonce, ou pour autres esgards particuliers, ne se declara point s'il vouloit assentir, ou dissentir la Conference assignée au mois d'Aoust à Noremberg. Mais puis apres, estant aduenue la mort de sa femme, & en suite le souleuant de Gand, & d'une partie des Pais bas, il prit occasion de laisser la chose en suspens, pretendant affaires de plus grande importance. Et ainsi se passa tout l'année mil cinq cens tronteneuf.

Quand ieme suis mis à escrire cete hystoire, considerant les diuerfes Conférences, ou intimées, ou tenues; pour composer les differens de la Religion, j'ai esté souuent en doute, si ie les deuois toutes mentionner: & auoi de grandes raisons pour & contre: mais, en fin, considerant, que j'auoi entrepris de représenter toutes les causes & motifs du Concile de Trente, & que nulle conference, ou pour parler, n'auoit esté intimé, ou tenu, sinon pour empêcher, diuertir, retarder: ou mesmes pour sollicitier & hastier le Concile; j'ai resolu en moi mesme de faire mention de toutes, & sur tout à cause du fruit qu'on peut recueillir de la conoissance des particularités notables, qui sont auenues en chacune d'icelles: comme notamment en celle qui fut donnée en l'année suiuant, mil cinq cens quarante: dont l'origine fut telle.

L'Empereur; pour appaiser les seditions susmentionnées, passant par la France, alla au Pais bas; ou son frere Ferdinand l'alla trouuer. Et l'une des principales affaires dont ils confererent ensemble, fut de trouuer quelque expedient au fait de la Religion en Allemagne. Et apres que la chose eut esté exactement pesée & consultée au Conseil de l'Empereur, il sembloit que tous panchassent à tenir vne Conference sur cete matiere.

Ce qui estant paruenu aux oreilles du Legat Farnese, qui estoit là, & auoit accompagné l'Empereur en ce voyage, (Cardinal ieune au dessous de vingt ans, mais qui auoit aupres de soi plusieurs hommes d'estat & d'affaires, & entre autres Marceau Ceruin, Euesque de Nicaistre, lequel apres fut crée Pape, & appellé Marceau deuxieme) il s'opposa à cete deliberation, remonstrant à l'Empereur, & Ferdinand, & à tous ceux du Conseil, que ia par plusieurs fois on auoit traité d'accord avec les Protestans, commençant des la Diete d'Augsbourg, il y auoit dix ans passés: & que iamais on n'estoit pu venir à aucune conclusion: laquelle, quand mesmes elle auroit esté faite, & arrestée, seroit restée de nul effet: d'autant que les Protestans chagent tous les iours d'opinion, & ne se tiennent à aucune certaine & assurée doctrine, contreuens mesmes à leur propre Confession d'Ausbourg: qu'il sont glissans, & s'eschappent comme anguilles: du commencement ils monstroyent de desirer seulement que les vices & abus fussent ostés: maintenant ils ne veulent plus de Papat corrigé, mais esteint, & le S. Siege exterminé, & toute iurisdiction Ecclesiastique abolie. Que si iamais ils furent insolens, ils le seroyent à cete heure, que la paix avec la France n'estoit point bien affermie, & le Turc menaçoit de pres la Hongrie. Qu'il ne falloit point penser de les pouoir feschir & desmouoir de leurs opinions, attendu que les controuerses estoient sur innumerables dogmes. Que de s'accorder avec tous, il estoit impossible, d'autant qu'ils sont diuisés en plusieurs sectes. Ioint que la plus grande partie d'entr'eux n'a autre but que d'enuahir le bien d'autrui, & despoiller l'Empereur de toute autorité. Qu'il estoit bien vrai, que la guerre instante du Turc conseilloit à faire quelque accord en la Religion: mais que cela ne se deuoit faire en Dietes particulieres, ou assemblées Na-

1540.
quo pour la
rompre ier-
te à l'atra-
nerse la
tenue du
Concile ge-
neral,

Et exhorte
aux moyens
violents, &
aux artifi-
ces;

mais non
obstant
l'Empereur
se refuse
au traité
d'accord en
vne Diete,

assignée à
Haghenau,
là on apres
plusieurs
contelles,

tionnales: mais en vn Concile general, lequel promptement se pourroit intimier: d'autant qu'en fait de Religion, on ne doit faire aucun changement sans commun adueu & consentement de tous. Qu'il ne falloit pas auoir seulement esgard à l'Allemagne, mais aussi à la France, à l'Espagne, à l'Italie, & aux autres nations: sans l'aduis desquelles si l'Allemagne faisoit quelque changement, il en naistroit vne dangereuse separation de cete Prouince-là d'avec les autres. Que c'est vne tres-ancienne coustume, depuis les Apostres, de terminer les differens par la seule voye du Concile: que tous les Rois, Princes, & gens de bien le desirerent à present. Qu'à cet heure se peut aisément conclure la paix entre l'Empereur & le Roi de France, & puis tout promptement celebrer le Concile: & cependant tascher d'accroistre la Ligue Catholique d'Allemagne de nombre, & de puissance: ce qui fera, que les Protestans intimidés se soumettront au Concile, ou seront forcés par les Catholiques: & quand ce viendra au point de la necessité de resister au Turc, la Ligue Catholique estant puissante, on pourra mesmes contraindre les Protestans à y contribuer. Ce que quand mesmes il ne voudroient faire, il estoit toutesfois necessaire de choisir de deux maux le moindre: & qu'il y auoit plus de mal d'offenser Dieu, abandonnant là cause de la Religion, que de manquer du secours d'une partie d'une Prouince. Sur tout, qu'il ne se peut aisément definir, lesquels sont les plus contraires à Christi, les Protestans ou les Turcs: attendu que ceux-ci ne tendent qu'à asservir les corps, mais ceux-là & les corps & les ames tout ensemble. Tous les discours & propos du Cardinal, aboutissoient à cete conclusion, Qu'il falloit conuoyer le Concile, & l'ouurer cete mesme année, & ne point traiter des matieres de Religion: Dietes d'Allemagne, ains trauailler à accroistre la Ligue Catholique, & faire la paix avec le Roi de France.

L'Empereur, apres longue deliberation, conclut de vouloir essayer la voye de la concorde: & ordonna qu'une Diete se tiendroient en Allemagne, au lieu, que Ferdinand iugeroit le plus à propos: & conuia les Princes à s'y trouuer en personne, & promit seureté publique à tous. Le Cardinal Farnese, ayant ouï cete conclusion, faite à son dessein, se partit tout à l'instant, & passant par Paris, obtint du Roi de France vn rigoureux edit contre les heretiques, & Lutheriens, lequel fut publié en cete ville là, & puis fut exécuté par toute la France à toute rigueur:

En Allemagne la Diete fut assignée par Ferdinand à Haghenau, là ou se trouuerent plusieurs d'entre les prescheurs & Ministres Lutheriens, avec les Docteurs Catholiques. Et furent deputés moyennieurs & entremetteurs entre les parties, les Electeurs de Treues, & Palatin: ensemble le Duc Louis de Bavières, & Guillaume Euesque de Strasbourg. Les Protestans estans requis de presenter les chefs de la Doctrine controuersée, responderent, Qu'il y auoit ia dix ans, qu'ils auoient à Augsbourg presenté leur Confession de foi, & vne Apologie en defense d'icelle: qu'ils persueuoient en cete mesme Doctrinie, & estoient prests d'en rendre raison à tous: & ne sachans ce qui en icelle estoit repris par leurs Aduersaires, ils n'auoient autre à dire: mais attendoyent d'eux, ce qu'ils iugeoyent en icelle estre contraire à la verité: que procedant ainsi, on pouoit venir à vne conference, & qu'en tel cas ils ne faudroient de viser tousiours à la concorde. Les Catholiques les prirent à pied leué: & leur accordant ce qu'ils proposoyent, ils instoyent que les choses passées en icelle Diete d'Augsbourg fussent donc toutes approuuées & receuës, & que l'Arrest prononcé au Recès fust confirmé, & qu'on suiuist à auancer la forme de reconciliation: bauchée & commencée en icelle Diete. Les Protestans, reconnoissant leur desauantage s'ils venoyent à suivre cete forme, & le preiudice que cet Arrest leur porteroit, instoyent pour vne nouuelle forme, mettant à quarttiertous preiugés. D'autre costé les Catholiques demandoient, que, s'il falloit oster tous preiugés, les Protestans aussi de leur costé purgeassent les attentars, & que les biens occupés, & saisis fussent restitués aux Eglises. Les Protestans repliquerent, Que les biens n'auoyent point esté saisis, ains par le reestablishement & renouvel-

Jement de la bonne doctrine, appliqués de rechef aux legitimes & honnestes usages, auxquels ils auoient esté dédiés en leur premiere institution, de laquelle les Ecclesiastiques auoient forligné: & pourtant, qu'il estoit necessaire de decider les points de Doctrine, premier que parler des biens. Mais l'estreints eschauffant, Ferdinand conclud, qu'on dressast vne nouvelle forme, sanspreiudice d'aucun: & que les Docteurs des deux costés conferassent en nombre egal; & qu'il fust loisible au Pape d'y enuoyer ses Nonces, & que la Conference fust remise à commencer à Vvormes le vintuictieme d'Octobre prochain, sous le bon plaisir de l'Empereur. Les Protestans acceptèrent cet Arrest, declarans, qu'ils ne repugnoient point que les Nonces y entreussent: mais n'entendoyent pourtant qu'aucune primauté par là fust attribuée au Pape, ni autorité aux Nonces.

L'Empereur ratifia l'Arrest, & ordonna l'assemblée, & deputa, pour son Commissaire en cete Conference, Granuele, lesquels y transporta avec son fils Euesque d'Arras, & depuis Cardinal, & trois Theologiens Espagnols. Granuele fit l'entrée de l'action, par vn discours fort pieux, & propre à composer les differens. Peu de iours apres, arriva Thomas Campege, Euesque de Felre, & Nonce du Pape. D'autant que le Pape, quoi qu'il vist bien que tout traité de Religion en Allemagne estoit pernicieux pour ses affaires, & pourtant eust fait toute diligence de rompre ladite Conference, néantmoins estimoit qu'il y auoit moins de mal à l'auouer, qu'à la laisser tenir contre son vouloir. Le Nonce, suiuant l'instruction du Pape, pour son entrée fit ce discours. Que la tranquillité & le repos de l'Allemagne auoit tousiours esté assésionné & procuré par les Papes, & principalement par Paul troisieme: le quel à cét effet auoit intimé le Concile general à Vincence, quoi qu'il eust esté forcé de le différer en autre temps, pource que nul ne s'y estoit rendu: & à present auoit de rechef l'imprimer en lieu plus propre: & ain qu'en icelui les choses de la Religion fussent traitées avec fruit, il auoit ottroyé à l'Empereur, de tenir vne Conference en Allemagne, qui fust cōme vn preparatif & prelude à la resolution du Concile: à laquelle il auoit député lui Nonce, pour y entreuenir, & y contribuer. Et pourtāt les prioit tous d'acheminer toutes choses à la con corde, promettant que le Pape se disposeroit à toutes choses possible, la pieté saunc. Vergere, Euesque de Cap d'Istrie, susnommé, y arriva aussi, & entreuint en qualité de député de France, pour mieux faire le seruice du Pape, lequel de vray l'y auoit enuoyé en son propre nom, cōme personnage fort versé en la cognoissance des humeurs de l'Allemagne. Ice lui fit imprimer vne harangue, qui auoit pour suiet, La paix & l'ynité en l'Eglise: & pour but, de monstrier, que pour paruenir à icelle, le Concile National n'estoit point vn bon moyen. Il en distribua les copies à tous ceux qu'il pūt, en intention de rompre cete Conference, qui auoit la semblance d'un Concile National. On consuma beaucoup de temps à dōner forme à la Conference, tant à l'égard du secret & silence, que des Docteurs, qui deuoient estre les Interlocuteurs: & n'y auoit point faute de gēs, qui à dessein prolongeoyent le tēps, induits par les instances & sollicitations du Nonce Capege, & par les secretes menées de Vergere. Finalement il fut ordonné, que de la part des Catholiques parleroit Ica Eckius: & de celle des Protestans, Philippe Melanthon: & que le suiet seroit du Peché originel. Pendāt que ces affaires passoient outre à Vvormes, le Nonce Papal, residant auprès de l'Empereur, ne cessoit de remonstrier à Sa Maiesté, que cete Conference estoit pour enfanter quelque grand Schisme, & pour faire deuenir Lutheriene toute l'Allemagne, & pour non seulement otter l'obeissance au Pape, mais aussi affoiblir celle de l'Empereur mesmes. Remettoit sus les mesmes conceptions & raisons, que l'Euesque de Montpulcian auoit employées pour empescher la Conference ordonnée en la Diete de Francfort: & le Cardinal Farnese, pour rompre celle de Haghenau. En fin l'Empereur, ayant considéré ces raisons, & les aduis qu'il auoit d'Allemagne touchant les difficultés qui se presentoyent d'ailleurs, esperant de faire plus d'effet par sa presence, resolut que la Conference seroit arrestée sus bout. Et partant, apres que Eckius, & Melanthon, eurent conféré par trois diuers iours, le Colloque fut rompu

1541.
intime vne
Diete à
Regens-
bourg, où il
se trouue
en priuée.

par lettres del'Empereur, qui rappelloyent Granuele, & remettoyent le demeurant à la Diete à Regensbourg. Icele se commença au mois de Mars, en l'année mil cinq cens quarante vn, & l'Empereur s'y trouua en personne, avec grande esperance de terminer tous les differens, & vnir l'Allemagne en vne mesme Religion: ayant pour cet effet prié le Pape d'y enuoyer vn Legat, personnage de sauoir & discretion, avec tref-ample pouuoir: de maniere qu'il ne fust point necessaire de recourir à Rome pour chose aucune: ains qu'on püst determiner tout sur le champ ce que & la Diete, & le Legat, trouueroyent conuenable: disant, Que pour cela il auoit acquiescé aux grandes instances de son Nonce, de rompre la Conference de Vvormes.

Or le Pape
y enuoya
Contarin
pour Legat.

Le Pape enuoya pour Legat Gaspar Contarin Cardinal, personnage reputé d'excellente preud'homme & sauoir; & le fit encor accompagner par personnes bien instruites de tous les interets de la Cour, & par Notaires, qui dressassent à des authentiques de tout ce qui se diroit & traiteroit: & lui bail- la charge, qu'en cas qu'il presentist qu'on traitast de faire chose aucune en diminution de l'autorité Papale, il arrestast tout court le traité, proposant le Concile general, vnique & vrai remede: & que si l'Empereur estoit contraint de condescendre en faueur des Protestans à quelque chose preiudiciable, il l'interdist, & empeschast par autorité Apostolique: que si mesmes elle estoit ia faite & passée, il la condannast, & la declarast nulle, & frustratoire, & se partist du lieu de la Diete, mais non de la compagnie de l'empereur.

Dés que le Legat fut arriué à Regensbourg, la premiere chose qu'il eut à faire avec l'Empereur fut d'excuser le Pape, de ce qu'il ne lui auoit donné si ample & absolu pouuoir, comme Sa Maieité desiroit. Premièrement, d'autant qu'icelui est tellement attaché aux os du Pontificat, qu'il ne peut estre conféré à autre personne: en apres aussi, d'autant qu'on ne peut trouuer termes, ne clauses, par lesquelles le Pape puisse communiquer l'autorité de determiner les controuerses de la foi, attendu que le priuilege de ne pouuoir faillir est donné à la seule personne du Pape, en ces paroles, l'ai prié pour toi, Pierre. Mais bien lui auoit Sa Sainteté donné plein pouuoir de conférer avec les Protestans, pour uer qu'ils admissent les principes: qui sont, la Primauté du S. Siege, ordonnée par Christ: & les Sacremens, en la façon qu'ils sont enseignés en l'Eglise Romaine, & les autres articles déterminés en la Bulle de Leon: s'offrant és autres choses de donner tout contentement à l'Allemagne: mais aussi pria Sa Maieité de ne prester l'oreille à aucune ouuerture, laquelle ne püst estre accordée à l'inseu des autres nations: pour euite qu'il n'arriuaist quelque d'angereuse diuision en la Chretienité. Il est necessaire de specifier par le menu les choses qui se passerent en cete Diete. Car icelle fut la cause principale, qui induisit le Pape, non seulement à consentir, comme au parauant, mais aussi à faire tout effort que le Concile se tint: & les Protestans à s'asseurer, que ni en Concile, ni en lieu ou entreuinst aucun ministre du Pape, ils ne pouuoient esperer d'obtenir chose quelconque.

la Diete com-
mence, &
l'Empereur
propose la
voye d'ac-
cord en la
Religion
par vne co-
science.

La premiere action se comença le cinquieme Aueil, là ou au nom del'Empereur il fut proposé, Que, voyant le Turc entré dans les entrailles de l'Allemagne, par la diuision des Estats del'Empire, causée par les dissensions au fait de la Religion, il auoit tousiours cherché moyen de la pacifier: & qu'ayât iugé la voye d'vn Concile general tres-propre, il estoit tout expres allé en Italie, pour en traiter avec Clement. Et ne l'ayant pû lors conduire à effet, il estoit encor vne autre fois depuis allé à Rome pour en traiter avec Paul, lequel s'y estoit montré tres-prompt, & facile: mais la guerre ayant porté diuers empeschemens à l'execution, il auoit finalement assemblé cete Diete, & recherché le Pape d'y enuoyer vn Legat. Qu'à present il ne desire autre chose, sinon que quelque bon accord soit conclu & establi: & que d'vne part & d'autre soit élu vn petit nombre de personnages pieux, & sauans, lesquels conferent amiablement des choses controuerses, sans preiudice d'aucune desparties: & qu'apres cela ils proposent en la Diete les moyens d'accord, afin que le tout estant mis en deliberation avec le Legat, on puisse venir à la conclusion tant desirée. Il s'esleua incontinent vn debat entre les Catholiques & les Protestans, sur la forme d'eslire les acteurs de cete Conference.

Et pourtant l'Empereur, desirant qu'on fist quelque chose de bon, demanda & obtint des deux parties, qu'ils lui concedassent de nommer les personnes, & se fissent qu'il ne feroit rien qui ne fust au benefice commun. Il eslut pour les Catholiques Iean Eckius, Iules Pflug, & Iean Groper : & pour les Protestans, Philippe Melanthon, Martin Bucer, & Iean Pistorius : lesquels il appela à soi, & avec paroles tresgraves les admonesta de bannir toutes passions, & ne viser qu'à la gloire de Dieu. Il ordonna pour moderateurs de la Conference Friderich, Prince Palatin, & Granuele : & leur adioignit quelques autres, qui y deuoient entreuenir, afin que le tout passast avec plus de dignité & reuerence. Apres que le Colloque eut esté assemblé, Granuele produisit vn liure, lequel il disoit auoir esté, par quelques gens de bien & de saueur, présenté à l'Empereur, cōme propre pour l'accord qui se deuoit faire : & que l'Empereur vouloit qu'ils le lussent, & l'examinassent : & qu'il leur seruist cōme de suiet & de theme de ce qu'ils deuoient traiter : & que ce qui agreeroit à tous, fust confirmé & approuué : ce qui desagreeroit, fust corrigé : & là ou ils ne s'accorderoyent pas, qu'ils taschassent de venir à quelque appointement. Le liure cōtenoit vint deux articles : de la Creation del'homme, & de la Nature en sa premiere integrité, du Frāc arbitre, de la Cause du peché Originel, de la Iustificacion, de l'Eglise & de ses marques, de la Parole de Dieu, de la Penitence apres le peché, de l'Authorté de l'Eglise, de l'interpretation de l'Escripture, des Sacremēts, du Sacremēt de l'Ordre, du Baptesme, de la Confirmation, de la Penitence, du Mariage, de l'extreme Onction, de la Charité, de la Hierarchie Ecclesiastique, des Articles & doctrines determinées par l'Eglise, de l'usage, administration, & ceremonies des Sacremēts, de la Discipline Ecclesiastique, de la discipline du peuple. Iceuluy ayant esté lu, & examiné, quelques choses furēt approuuées, autres corrigées par aduis cōmun, en autres ils ne purent conuenir : assauoir, au neuuiesme article, de la puissance de l'Eglise : au quatorzieme, du Sacremēt de la penitence : au dixhuitieme, de la Hierarchie : au dixneufuiesme, des articles & doctrines determinées par l'Eglise : au vintuiesme, du Celibat. Es choses, esquelles il demeurēt appointés cōtraires, l'vne & l'autre des parties redigea sō aduis par escript.

Cela ayant esté fait, l'Empereur porta en la seance de tous les Princes les articles accordés, & les opinions differentes des collocuteurs : recherchant l'aduis de tous, & proposant la reformation de l'Estat, tant politic, qu'Ecclesiastic. Les Euesques refuserent absolument le liure de Concorde, & toute l'actiō du Colloque. Mais les autres Electeurs, & Princes Catholiques, amateurs de paix, ne consentirent point en cela avec les Euesques, il fut arresté, Quel'Empereur, en qualité d'Auocat de l'Eglise, ensemble le Legat Apostolic, examineroit les choses accordées : & s'il y auoit quelque chose obscure, la feroit expliquer : & puis, quant à celles, qui estoient demeurées en controuersie, il moyenneroit avec les protestans, qu'ils conuinsent à quelque forme de concorde Chrestienne. L'Empereur conféra le tout avec le Legat, & fit instance que l'Estat Ecclesiastic fust reformé. Le Legat, apres auoir meurement considéré toutes choses, donna vne respōce par escript, au sens claire & nette, que les oracles anciens des Payens, en cete forme, Qu'ayant veu le liure présenté à l'Empereur, & les choses escriptes par les deputés du Colloque, tant celles esquelles ils s'accordoyent ensemble, avec les apostilles de l'vne & de l'autre des deux parties, que les exceptions des Protestans, il lui sembloit, que, veu que les Protestans estoient different en aucuns articles du commun consentement de l'Eglise, esquels toutesfois il ne desespéroit point qu'avec l'aide de Dieu, ils ne dussent consentir, on ne deuoit passer plus outre à ordonner autre chose sur le demeurant : mais remettre le tout au Pape, ou au S. Siege : lequel, soit en Concile general, qui bientôt se tiendra, soit par autre voye, s'il escherra, les pourra determiner & decider selon la verité Catholique, avec l'esgard conuenable au temps, & à ce qui sera expedient pour la Chrestienté, & pour l'Allemagne particulièrement.

Mais, quant à la reformation de l'estat Ecclesiastic, il s'y monstra fort prompt, & assembla en sa maison tous les Euesques, & leur fit vnelongue ex-

1541.
perine il
entreprend
quelquere-
formation
du Clergé.

mais n'a-
grée, ni aux
vous, ni aux
autres.

L'Empereur
propose la
reception
des Arti-
cles conue-
nus, ins-
qu'au Con-
cile.

les Princes
seculiers
s'adren-
tent.

mais les E-
uesques la
reiettent,
& requie-
rent Concile,
ou Ge-
neral, ou
National.

hortation. Premièrement, pour la maniere de viure, qu'ils se gardassent de tout scandale, apparence de luxe, d'auarice, & d'ambition. Et que pour leurs domestiques, ils fussent, que d'iceux le peuple prend argument des mœurs de l'Euesque. Que pour bien prendre garde à leurs troupeaux, ils fissent leur demeure es lieux plus habitez du Diocese, & qu'es autres ils eussent des fidelles surueillans: qu'ils visitassent les Dioceses, cōferassent les Benefices à gēs de bien, & suffisans, dispensassent les reuenus Episcopaux es necessités des pources, fuyant non seulement le luxe, mais aussi la splendeur superflue: pourueussent de bons, sauans, & discrets prescheurs, non contentieux: procurassent que la ieunesse fust bien instruite, attendu qu'on voyoit que les Protestans par ce moyen tiroient apres eux toute la Noblesse. Il redigea cete harangue par escrit, & la bailla à l'Empereur, aux Euesques, & aux Princes: ce qui donna occasion aux Protestans de taxer tant la response du Legat donnée à l'Empereur, que l'exhortation faite par lui aux Prelats: allegant, pour motif de leur action, que cet escrit-là ayant esté public, s'ils s'en taisoyent, & le dissimuloient, il sembleroit qu'ils l'aduouassent. Aussi peu agrea aux Catholiques la response dudit Legat faite à l'Empereur, d'autant qu'il leur sembloit qu'il approuuast les choses appointées au Colloque.

L'Empereur exposa en Diete publique tout ce qui iusques alors auoit esté fait, & cōmuniqua les Escripts du Legat, & conclut, Que, apres auoir employé toutes les diligences possibles, il ne voyoit point qu'on püst faire autre chose de plus, sinon de deliberer, si, sauf le Recés de la Diete d'Augsbourg, on deuoit receuoir les Articles appointés en cete Conferēce, comme Chrestiens, sans les mettre plus en dispute, du moins iusqu'au Concile general, qui se deuoit tenir bien tost, comme tel sembloit aussi estre l'aduis du Legat: ou, si le Concile ne se tenoit point, iusqu'à vne Diete, en laquelle toutes les controuerfes de la Religion seroyent traitées & debatues à plein fonds.

Les Electeurs Catholiques respondirent, approuuant absolument pour bon & vile, que les Articles appointés en la Conferēce fussent receus de tous, iusqu'au Concile, auquel de nouveau on les pourroit examiner: ou, au defaut d'icelui, en vn Concile National, ou en vne Diete. Et que cependant cela seruiroit pour acheminer vne plus parfaite composition es autres articles non appointés. Mais aussi, qu'ils prioient Sa Maiesté de passer plus outre, & essayer s'il y auroit point d'esperance d'appointer autre chose de plus en icelle Diete: que si cela ne se pouuoit commodement, ils trouueroyent grandement bon, qu'on traitast avec le Pape, & moyennast, qu'au plustost en Allemagne fust assemblé vn Concile General, ou vn National, avec son aduet, pour establir parfaitement l'vnion. La mesme response firent aussi les Protestans, se declarans seulement, qu'ils desiroient bien de tout leur cœur vn libre & Chrestien Concile en Allemagne: mais ne pouuoient cōsentir à aucun, auquel le Pape & les siens eussent pouuoir de conioistre, & iuger les causes de la Religion. Mais les Euesques, ensemble quelque petit nombre d'autres Princes Catholiques, respondirent autrement, Adiouans en premier lieu, qu'en Allemagne, & autres nations, il y auoit plusieurs abus, sectes, & heresies, qui ne pouuoient estre extirpées sans vn Concile general: mais adioustant, qu'ils ne pouuoient consentir à aucun changement de religion, ceremonies, & obseruances, puis que le Legat offre le Concile dans peu de temps, & que Sa Maiesté en doit traiter avec Sa Sainteté: mais quand ores mesmes le Concile ne se pourroit tenir, ils prioient le Pape, & l'Empereur, de vouloir assigner vn Concile National en Allemagne: que si encor ceci ne leur agreoit point, qu'on assemblast derechef vne Diete, pour extirper les erreurs. Et que quant à eux, ils estoient tout resolu d'adhérer à l'ancienne religion, ainsi qu'elle est comprise en l'Escripture sainte, es Cōciles, en la Doctrīne des Peres, & aussi es Arrests Imperiaux, & sur tout en celui d'Augsbourg. Qu'ils ne consentiront iamais à ce, que les Articles appointés en la Conferēce soyent receus, d'autant que d'iceux aucun sont superflus, cōme les quatre premiers: & qu'en iceux il y a des façons de parler non conformes à l'usage de l'Eglise: & outre cela, aucuns dogmes en partie dannables, en partie aussi dignes de moderation: & pource aussi que les Articles appoin-

tés sont de moindre consequence, & les importants restent en debat: & en fin, pource que les Catholiques de la Conference auoyent trop cédé aux Protestans, à la grande lésion de la reputation du Souuerain Pontife, & des Estats Catholiques. Et pourtant concluoyent qu'il valoit beaucoup mieux laisser là les ades de la Conference, & différer tout ce qui appartenoit à la Religion iusqu'au Concile general, ou National, ou iusqu'à la Diete. A cete response des Catholiques donna occasion la proposition faite par l'Empereur, qui leurs sembloit fort auantageuse pour les Protestans; & la dissension qui s'estoit fourrée entre les Docteurs Catholiques de la Conference.

Mais le Legat, ayant entendu que l'Empereur l'auoit nommé pour consentir à l'establisement des Articles appointés, tant de crainte propre, que poussé par l'instance des Ecclesiastiques de la Diete, alla à l'Empereur, & se plaignit à lui, Que sa response auoit esté sinistrement prise, & qu'il estoit chargé d'auoir consenti que les Articles appointés fussent tolerés iusqu'au Concile. Que son intention auoit esté, que rien ne fust resolu, mais qu'on renuoyast le tout au Pape: lequel en foi de bon Pasteur, & de Pontife vniuersel, promettrait de faire que le tout fust determiné par vn Concile general; ou par autre voye equiuallente, sincerement; & sans passion: non precipitamment, mais meurement, ayant tousiours la visée au seruice de Dieu: selon qu'à ce mesme effet Sa Sainteté auoit dès le commencement de son Pontificat escrit lettres, & enuoyé Nonces aux Princes, pour celebrer le Concile, & puis l'auoit intimé, & auoit enuoyé ses Legats au lieu ordonné: que ce qu'il auoit supporté, que tant de fois en Allemagne on eust traité des affaires de la Religion, avec peu de respect à son autorité, à qui, sans plus, cela appartient, il l'auoit fait, d'autant que Sa Maiesté lui auoit donné intention, & promis, que cela se faisoit pour bonne fin: que c'estoit chose contre toute raison, que l'Allemagne voulust, au preiudice du S. Siege, s'attribuer ce qui appartient à toutes nations Chrestiennes. Et pour tant qu'il ne faloit plus abuser de la clemence du Pape, concluât en vne Diete Imperiale ce qui appartient au Pape, & à l'Eglise vniuerselle: ains enuoyer le liure, & tous les ades de la Conference, ensemble les aduis & les opinions des deux parties, à Rome; & attendre de Sa Sainteté la deliberation. Non content de cela, le Legat publia vn troisieme escrit, du quelle contenu estoit, quel'escrit; lequel il auoit baillé à Sa Maiesté Imperiale sur le traité de la Conference, auoit esté diuerfement interpreté: par aucuns, comme s'il eust consenti qu'on obseruast les Articles appointés iusqu'au Concile general: par autres, comme s'il eust remis au Pape, & iceux Articles, & tout le demeurant. Pourtant, afin qu'il ne demeurast aucun scrupule en cet affaire, il déclara, Que son intention n'a esté de decider chose quelconque par son escrit, né qu'aucun Article fust receu ou toleré iusqu'au Concile: & qu'encores moins à present le decidoit ou definissoit-il: mais qu'il a remis au Pape tout le traite, & toutes les Articles d'icelui, comme encôres il les lui remettrait. Et qu'ayant ia fait cete declaration de bouche à Sa Maiesté Imperiale, il la vouloit aussi faire à tout le monde par escrit.

Outre tout cela, considérant que les suffrages de tous les Princes Catholiques, mesmes des Ecclesiastiques, s'accordoient à requerrir vn Concile National: à quoi il auoit tres-expres commandement du Pape de s'opposer, quand mesmes ils parleroyent de le tenir par autorité Papale, & avec l'interuention des Legats Apostoliques: & de monstrier viuement combien cela seroit pernicieux au salut des ames, & iniurieux à l'autorité Papale, à laquelle par ce moyen seroit ostée la puissance, que Dieu lui a donnée, pour attribuer à vne nation: & de ramenteuoir à l'Empereur, cōbien lui mesme, estant à Boulogne, auoit detesté le Concile National; le reconnoissant grandement preiudiciable à l'autorité Imperiale: attendu que les suiets, voyans qu'on leur ottoyoit de pouuoir changer les choses concernâtes la Religion prendroyent hardiesse de penser aussi à changer l'Estat: dont Sa Maiesté dès l'année mil cinq cens trentedix n'auoit iamais voulu tenir Diete Imperiale en sa presence, pour ne donner occasion de demander Concile National:

1541.

selon ces instructions, di-je, le Cardinal fit de fort expres & instans offices avec l'Empereur, & chacun des Princes, pour rompre ce coup. Et en outre publia vn autre escrit, adressé aux Catholiques, auquel il disoit, Qu'il auoit diligemment considéré, combien il seroit preiudiciable que les controuerses de la foi fussent remises au Concile d'une seule nation : & auoit estimé estre de son deuoir de les admonester, que totalement ils rayassent cete clause : attendu que c'estoit vne chose toute euidente, qu'en vn Concile National ne peuuent estre déterminées les controuerses de la foi ; estant chose qui regardel'estat vniuersel de l'Eglise : & que tout ce qui en vn tel Concile seroit arresté, seroit nul, frustra toire, & vain. Que s'ils rayoyent cete clause, comme il vouloit croire qu'ils feroient, le Pape, chef de l'Eglise, & de toutes Conciles, l'auroit singulièrement à gré : sinon, le prendroit à souuerain desplaisir. D'autant que par ce moyen on ne pouuoit attendre que rengagement & accroissement de differens & troubles, au fait de la Religion, tant es autres nations, qu'en la noble prouince d'Allemagne. Qu'il n'auoit voulu omettre ce bon deuoir, pour obeir aux instructions de Sa Sainteté, & pour satisfaire à la charge de la Legation.

auquel re-
spondent
les Princes
Catholiques,

et les Pro-
cessus au-
si, souste-
nant l'au-
thorité des
Conciles
Nation-
aux, au
defaut
d'un Ge-
neral :

A cet escrit du Legat fut respondu par les Princes, Que lui mesmes auoit en main le pouuoir de remedier & obuier à tous inconueniens : moyennant enuers Sa Sainteté, que le Concile vniuersel fust intimé, & celebré sans plus de delai : qu'ainsi faisant, il leur osteroit toute occasion de Concile National : que c'est ce que requierent & desirent instamment tous les Estats de l'Empire. Mais aussi, en cas que le Concile vniuersel, tant de fois promis, & finalement par lui mesmes, ne vint point à effet, l'euidente necessité de l'Allemagne requeroit que les controuerses fussent decidées en vn Concile National, ou en vne Diete Imperiale, avec l'assistance d'un Legat Apostolic. Les Theologiens Protestans respondirent aussi par vn long escrit, disans, Qu'il n'y auoit point de danger de plus grands troubles, voire d'aucun trouble, quand les controuerses de la Religion seront decidées selon la parole de Dieu, & que les abus tous manifestes seront corrigés selon la doctrine de l'Escripture sainte, & les authentiques & indubitables Canons de l'Eglise. Qu'es temps passés iamais n'a esté interdit aux Conciles Nationaux de determiner de la foi, veu que Christ a promis son assistance, quand mesmes il n'y auroit que deux ou trois assembles en son Nom. Qu'il y a grand nombre de Conciles, non seulement Nationaux, mais mesmes de fort peu d'Euesques, lesquels ont decidé les Controuerses, & fait reiglemens sur les meurs de l'Eglise, en Surie, Grece, Afrique, Italie, France, & Espagne : contre les erreurs de Paul Samosatien, d'Arrius, des Donatistes, de Pelagius, & autres heretiques. Et que les decisions de ces Conciles ne se peuuent, sans impieté, appeler nulles, frustratoires, & vaines. Qu'il est vrai, qu'au Siege Romain autres fois auoit esté accordé, d'estre le premier : & à l'Euesque de Rome, d'auoir le premier rang, & quelque prerogative d'autorité entre les Patriarches : mais qu'il ne se trouuera en aucun Pere ancien, qu'il soit nommé Chef de l'Eglise, & des Conciles. Que Christ seul est le Chef de l'Eglise : Paul, Apolos, & Cefas, ne sont que ministres d'icelle. Que la pratique de Rome des plusieurs siecles, & la tergiuifcation à venir à vn Concile legitime, montrent assez que c'est qu'on en peut attendre.

et l'Empe-
reur fait le
Recès de la
Diete en
mesme ses-
sion, laissant
toutes che-
ses suspen-
dus : et en
leur estant
iniques au
Concile :

L'Empereur, apres long debat, & examen, fit le Recès de la Diete, le vint-huitieme Iuillet, remettant toutel'action de la Conference au Concile general, ou au Synode National de l'Allemagne, ou bien à vne Diete de l'Empire. Et promit d'aller en Italie, & de traiter avec le Pape touchant le Concile : & qu'en cas qu'il ne le püst obtenir ne General, ne National, il intimeroit dans le terme de dix huit mois vne Diete de l'Empire, pour composer les affaires de la Religion, & moyenneroit que le Pape y enuoyast vn Legat. Et commanda au Protestans de ne recevoir nouueaux dogmes, fors les appointés : & aux Euesques, de reformer leurs Eglises. Il fit aussi inhibitions de demolir les Monasteres, saisir les biens d'Eglise, & solliciter aucun à changer de Reli-

de Religion: Et pour donner plus de contentement aux Protestans, il adjoûta, Que, quant aux dogmes non encor convenus, il ne leur en prescriuoit: choie aucune: & quant aux Monasteres, qu'ils ne fussent point demolis, mais reduits à vne bonne & Chrestienne reformation: & que les biens d'Eglise ne fussent point saisis, mais laissez aux Ministres indifferement, sans esgard à la diuersité de Religion: qu'on n'eust à solliciter aucun à changer de Religion, mais bien qu'on pût recevoir & admettre ceux qui de leur plein gré la voudroient changer: Il suspendit aussi le Recès d'Augsbourg: en ce qui concerne la Religion; & ses dependances, iusques à ce qu'au Concile, ou en vne Diete, les differens eussent esté decidés:

La Diete finie, l'Empereur passa en Italie; & à Luques s'aboucha avec le Pape sur le fait du Concile, & de la guerre contre les Turcs: & demeurèrent en cete conclusion, Que Sa Sainteté enuoyeroit vn Nonce en Allemagne; pour prendre resolution en l'une & en l'autre affaire, en la Diete, qui se devoit tenir, à Spire: au commencement de l'année prochaine, & que le Concile se tiendrait à Vincence, comme ja il auoit esté concerté. Le Pape signiffia cete conclusion au Senat de Venise: le quel changea son precedent aduis; & pour diuers esgards ne trouua pas à propos, qu'une si grande multitude abordast à cete ville-là: & qu'en icelle on traitast de la guerre. contre les Turcs, comme pour certain il aduiendroit, soit en intention. d'en venir recellemment à l'exécution, soit pour en faire monstre seulement. Et pour tant respondit, Qu'à cause de l'accord qu'ils auoient nouvellement fait avec le Turc, ils auoient maintenant autres considerations, & ne pouuoient persister en leur premiere deliberation: d'autant que Soliman prendroit ombrage, qu'ils ne procuraient de faire coniuurer les Princes Chrestiens contre luy. Dont le Pape fut contraint de faire autre dessein. Mais le Cardinal Contarin souffrit de grandes calomnies en la Cour de Rome, où l'on auoit pris opinion qu'il eust quelque affection au party Lutherien: & ceux qui parloient le moins des fauorablement de luy, disoient, Qu'il ne s'estoit point opposé iusques où il falloit, & qu'il auoit mis en hazard l'autorité Papale: Le Pape aussi ne se tenoit point bien seruy de luy, quoy que le Cardinal Fregose le defendist à cor & à cry. Mais, quand il fut de retour au Pape, qui se trouuoit à Luques, attendant la venue de l'Empereur, & eut rendu conte de sa legation, il luy donna plein contentement.

En cét estat d'affaires s'acheua l'année mil cinq cens quarante vñ: & en l'année d'apres le Pape enuoya à la Diete de Spire, qui se tenoit en presence de Ferdinand: Iean Moron, Euesque de Modene: le quel, s'uyuant sa commission, exposa, Que quant au Concile, l'intention du Pape estoit la mesme, que par le passé: allauoir, qu'une fois en fin le Concile se tint: qu'il l'auoit surmis du contentement & adueu de l'Empereur, pour frayer au preallable quelque voye de concorde en Allemagne: mais que, voyant que tout l'essay en estoit reüssi vain, il retournoit à sa precedente deliberation, de ne plus differer la celebration. Mais, que de le tenir en Allemagne, il estoit impossible de leur complaire: d'autant qu'il s'y vouloit trouuer en personne, & son aage, & la longueur du voyage, & le changement d'air, tant different du siennaturel, l'empeschoient de se transporter en ce pays là, qui aussi de vray ne sembloit point commode pour les autres Nations: ioint qu'il y auoit grand sujet de craindre qu'en Allemagne les affaires ne se pourroient traiter sans troubles. Et pour tant il iugeoit plus à propos Ferrare, ou Boulogne, ou Plaifance, villes toutes grandes, & tres-commodes: & en cas que celles-là ne leur agreassent, il estoit bien content qu'il se tint à Trente, ville qui est es frontieres d'Allemagne. Qu'il eust bien desiré le commencer à la Penzecoste, mais pour la briuereté du temps, il auoit prolongé iusques au treziesme d'Aoust. Prioit tous de vouloir s'y trouuer, & despoüillant toutes haines & animosités: traiter la cause de Dieu en sincerité. Ferdinand, & les Princes Catholiques, remercièrent le Pape, disant: Que ne pouuans obtenir vn lieu propre en Allemagne, comme seroit Regensbourg, ou

1547

puis s'est
bouché avec
le Pape sur
ce sujet, &
conuenient
de tenir le
Concile à
Vincence:
qui est re-
sulté par
les Veni-
tiens:

& le Legat
Contarin
blasmé à
Rome;

en vne Diete
de Spire
le Pape confie le
Concile:

en la ville
de Trente:

auoir receus du Roy, il adiousta. Qu'en la dernière Diete de Spire il auoit trauaillé, par le moyen de ses Ambassadeurs, à nourrir & fomenter les discordes de la Religion, promettant à l'un & à l'autre party séparément faueur, & amitié: en fin, il remet à Sa Sainteté de penser, si les actions de ce Roy seruoient à remedier aux maux de la Chrestienté, & à donner commencement au Concile, lequel au contraire il auoit tousiours trauerse pour ses interets particuliers: & auoit contraint luy Empereur, qui s'en estoit aperçeu, de trouuer vne autre voye pour pacifier les affaires de la Religion. Et pourtant que Sa Sainteté imputast à ce Roy, non à luy, si le Concile ne se pourroit tenir. Et s'il vouloit ayder au bien public, qu'il se declarast ouuertement ennemy d'iceluy: ce qui estoit le vray & vniue moyen de venir à bout de tenir le Concile, establir les affaires de la Religion, & recouurer la paix.

Le Roy, deuiant bien qu'il seroit chargé d'auoir suscité vne guerre au détriment de la Religion, & empeschement du seruice de Dieu, qui se pouuoit attendre du Concile, auoit paré à cela par auance, publiant vn Edit contre les Lutheriens, & commandant l'exécution inuiolable d'iceluy aux Parlemens: avec inonctions tres-estroites, que tous ceux qui tiendroient liures contraires à l'Eglise Romaine, qui s'assembleroient en conuenticules secrets, qui contreuendroient aux commandemens de l'Eglise, & sur tout ceux qui n'obserueroient la doctrine des viandes, ou feroient oraison en autre langue que Latine, fussent deferés: commandant aux Sorbonistes de faire contre toutes telles gens tres-diligente perquisition. Puis, ayant descouuert les articles de l'Empereur, qui s'efforçoit d'inciter le Pape contre luy, il sollicitoit, pour remede à cela, que par executions on procedast contre les Lutheriens: & ordonna qu'à Paris on dressast vn formulaire pour les decouurir & accuser, avec grieues peines à qui ne les reueleroit, & recompenses à qui les defereroit. Et ayant en outre esté spécialement informé de tout ce que l'Empereur auoit escript au Pape, luy aussi de son costé luy escriuit vne longue lettre d'apologie pour foy, & d'innocence contre l'Empereur: luy reprochant en premier lieu la prise, & le sac de Rome, au dommage de laquelle il auoit d'abondant adiousté vne manifeste moquerie & derision, ayant fait faire processions en Espagne pour la deliurance du Pape, lequel luy mesmes detenoit prisonnier: & representant en suite toutes les causes d'offense entre foy & l'Empereur, & luy imputant tout le mal. Et conclut que l'empeschement, ou retardement du Concile ne luy pouuoit estre imputé, veu qu'iceluy ne luy pouuoit porter aucune vtilité particuliere, & estoit chose fort esloignée des exemples de ses ancestres: à l'exemple desquels il employoit tous ses esprits à conseruer la Religion: comme les Edits, & les executions nouuellement faites en France, le tesmoignoient assez. Et pourtant prioit Sa Sainteté de n'adiouster foy aux calomnies, ains s'asseurer de l'aitoir tousiours à sa deuotion, en tout ce qui attouchoit, ou luy, ou l'Eglise Romaine.

Le Pape, pour se maintenir en la possession du titre du Pere commun, dont ses predecesseurs auoient tousiours fait parade, enuoya des Legats à tous deux, pour moyenner quelque traité de pacification. Le Cardinal Contarin fut depeesché à l'Empereur, & le Cardinal Sadolet au Roy de France: pour les prier de donner leurs iniures & offenses particulieres au bien public, & à se pacifier entr'eux, afin que leurs dissensions n'empeschassent l'accord de la Religion. Mais le Cardinal Contarin estant mort en ces entrefaites, le Pape luy substitua le Cardinal Visce, au grand esbahissement de la Cour, d'autant qu'on sauoit qu'il n'estoit point en la grace de l'Empereur, à qui il estoit enuoyé. Et, quoy que la guerre fust embrasée en diuers endroits, le Pape, croyant que s'il ne pouloit outrel'affaire du Concile, sa reputation y demeureroit lesée, le vintiesme Aoust de cete année 1542. deputa pour ses Legats à Trête les Cardinaux Pierre Paul Paris, Jean Moron, & Renaud Polus: le premier, comme tres-sauant & expert Canoniste, le second, comme tres-entendu en affaires d'estat: le troisieme, pour monstrer, que combien que

le Roy d'Angleterre se fust distrait del'obeyssance de Rome, le Royaume neanmoins auoit grande part au Concile. Il leur despescha leurs lettres de Legation, & leur bailla charge de se transporter à Trente; & là d'entretenir les Prelats, & les Ambassadeurs qui s'y rendroient: sans toutes-fois faire aucune action publique, iusques à ce qu'ils eurent reçu leur instruction: laquelle il leur enuoyeroit en son temps.

*L'Empereur
pres
les
Ambassa-
deurs.*

L'Empereur, ayant entendu la deputation des Legats, non qu'il esperast qu'en l'estat courant des affaires il ne pust reussir aucun bien, mais seulement pour empescher que le Pape ne brassast quelque chose à son preiudice, y enuoya pour ambassadeurs D. Diego Mendozze, son Ambassadeur resident à Venise, & Nicolas Perrenot de Granuelle, ensemble Antoine son fils, Euesque d'Arras, & quelque peu d'Euesques du Royaume de Naples. Le Pape y enuoya aussi, outre les Legats, quelques Euesques de ses plus confidens, avec commandement toutes-fois de s'y acheminer lentement. Les deputés, tant Imperiaux, que du Pape, y arriuerent au temps assigné. Et les Imperiaux presenterent aux Legats le mandement Imperial: & insitoient que le Concile fust ouuert, & qu'on donnast commencement aux Actions. Les Legats y mirent delay, disans, Qu'il n'estoit point de la bien-seance de commencer vn Concile en si petit nombre, sur tout escheant d'y traiter Articles de si grande importance, comme estoient ceux qui estoient reuqués en doute par les Lutheriens. Les Imperiaux repliquoient, Que par entretiens pouuoit bien traiter la matiere de la reformation, plus nécessaire & suiette à moins de difficultés. Les autres allegoient, Que la reformation deuoit estre appliquée à l'usage de diuers pays, & pourtant estoit plus, qu'en aucune autre chose, nécessaire que tous y entreuinsent. En fin les Imperiaux vinrent iusques à des protestations, auxquelles les Legats ne donnoient aucune response, ains la remettoient au Pape: au moyen dequoy ne se faisoit aucune conclusion.

*pour se
preuoir
de cete om-
bre de Con-
cile en la
Diète de
Noremberg.*

La fin del'annee approchant: l'Empereur ordonna à Granuelle d'aller à la Diète, qui se deuoit tenir au commencement de l'annee suyuant à Noremberg: & bailla charge à Don Diego de Mendozze de demeurer à Trente, & procurer qu'on donnast commencement au Concile: ou du moins, que les assemblees ne se departissent point, pour se preualoir de cete ombre de Concile en la Diète. Granuelle, à Noremberg: proposa la guerre contre les Turcs, & de secourir l'Empereur contre le Roy de France. Les Protestans repliquerent, requerans, Que les differens de la Religion fussent tout premier composés, & qu'on ostast les oppressions, que faisoient les Iuges de la Chambre, sous autres pretextes, quoy qu'à la verité ce ne fust que pour la seule cause de la Religion. Mais Granuelle respondit, Que cela ne se pouuoit ne deuoit faire en ce temps, & lieu: veu que pour cela mesmes estoit ia conuoqué & assemblée le Concile de Trente. Mais cete excuse estoit en vain, d'autant que les Protestans n'approuuoient point le Concile de Trente, & disoient tout haut, qu'ils ne s'y trouueroient point. La Diète se termina sans conclusion: & D. Diego s'en retourna à son Ambassade à Venise: combien que les Legats fissent instance, à ce que, pour donner reputation à l'affaire, il s'enretint à Trente iusques à ce qu'ils eussent response du Pape.

*de quoy le
Protestans
ne se lais-
sent repai-
sire,*

*es l'assem-
blée de
Trente se
dissipe.*

*le Pape
s'abouche
de rechef
avec l'em-
pereur.*

L'Ambassadeur del'Empereur estant party, les Euesques Imperiaux le suyrent, & sous diuerses couleurs furent aussi congedies les autres: & finalement les Legats mesmes, apres auoir là sejourné sept mois de suite, sans effectuer chose quelconque, furent rappelés par le Pape. Et telle fut la fin de cete assemblee. Le Pape auoit dessein de s'aboucher avec l'Empereur, lequel deuoit en bref estre en Italie, estant party d'Espagne par mer, pour aller en Allemagne, & desiroit que ce fust à Boulogne: & enuoya Pierre Louis, son fils, à Genes, pour le conuier. Mais l'Empereur ne voulut point sortir de son chemin, ne perdre temps en voyage: dont le Pape luy enuoya le Cardinal Farnese au deuant, pour le prier de tenir le chemin de Parme, où le Pape le pourroit attendre. Mais y ayant de la difficulté, comment l'Empereur

entreroit en cette ville-là, ils se trouuerent tous deux ensemble le 21. Iuin. de l'an 1543. à Bussier, bourg des Paluoisins, assis sur le bord du Tar, entre Parme & Plaisance. Les intersts de l'un & de l'autre ne leur permirent pas de faire leur principal traité sur le fait du Concile, & de la Religio: ains l'Empereur auoit toutes ses penſees tournees contre le Roy de France, & procuroit d'inciter le Pape contre luy, & de tirer du Pape argent pour cette guerre. Et d'ailleurs le Pape, se ſeruant de l'occasion, estoit tout buté à obtenir la Duché de Milan pour ses neueux: en quoy il estoit ſecondé, & fauorisé, pour ses propres intersts, par Marguerite, fille naturelle de l'Empereur, mariée à Octaue Farnese, neueu du Pape, & pourtāt crée Duchesse de Camerin. Le Pape promettoit à l'Empereur de s'allier avec luy contre le Roy de France, & de créer plusieurs Cardinaux à sa nomination, luy payer cent cinquante mil escus annuels, par quelques annees, & luy laisser en main les Chasteaux de Milan, & de Cremona. Mais les Imperiaux demandoient vn million de Ducats tout contant, & vn autre dans certains termes assez brefs: dont l'affaire ne se put conclurre pour lors: & à cause que l'Empereur ne pouuoit s'arrester d'auantage, ce traité fut remis à estre continué par le moyen des Ministres du Pape, qui deuoient ſuivre l'Empereur: lequel se montra content, pour le fait du Concile, que par l'enuoy des Legats, & par l'allee de ce peu de Prelats, les Catholiques d'Allemagne euſſent au moins conu la prompte volonte. Et puis qu'on pouuoit imputer les empeschemens au Roy de France, il conclut, qu'il ne ſaloit penſer à y porter aucun remede, tant qu'on n'eust veu quelle route prendroit cette guerre. Ils se departirent avec grande demonstration de mutuel contentement: mais le Pape demeura en perplexité en ſoy-mesme, si l'Empereur enclinerait à luy complaire. Et pourtant des lors commença à tourner la voile de ses penſees vers le Roy de France.

Or, pendant qu'il estoit en ces ambiguïtés, fut publiee la ligue contre l'Empereur, & le Roy d'Angleterre: laquelle obligea le Pape à s'aliener tout à fait de l'Empereur: voyant combien par icelle estoit leſee ſon autorité, eſtant faite avec vn excommunie, anathematise par luy, & deuoué à damnation eternelle, schismatique, déchu & priué de toute domination & royaume, avec caſſation & diſſolution de toute alliance contractee avec qui que ce fuſt: contre lequel auſſi, par ſon commandement, tous les Princes Chreſtiens eſtoient obligés à prendre les armes: & ce qui importoit le plus, lequel ſe monſtroit tous les iours plus coutumax & rebelle, & meſprouoit par paroles ouuerte toute ſon autorité. Dont il paroifſoit à tous que l'Empereur ne luy portoit aucun reſpect, ne temporel, ne ſpirituel: ains donnoit exemple à tous autres de ne faire aucun eſtat de ſon autorité. Et l'affront luy en ſembloit de tant plus grand, que, pour faire plaisir à l'Empereur, & pour ſes ſeuls intersts, le Pape Clement, qui auoit aiséement pû temporiser en cete cauſe, auoit procedé à la rigueur contre ce Roy, autrement bien affectionné, & meritant du S. Siege. A ces offenſes oppoſoit le Pape, comme par contrepoids, ce que le Roy de France auoit fait pour le maintien de la Religion, & de l'autorité Papale, en tant d'Edits, & loix ſuſſammentonnees. Et d'abondant, que les Theologiens de Paris auoyent à ſon de trompe, & amas de peuple, publié les Chefs de ſa doctrine Chreſtienne, en nombre de vintcinq: propoſant leurs conclusions, ou determinations toutes nues, ſans raiſons, perſuaſions, ne ſondement, mais ſeulement preſcrivant, comme de puifſſance ſouueraine, ce qu'ils vouloyent eſtre tenu & cru: les quels Articles furent imprimés, & enuoyés par toute la France, confirmés par lettre du Roy, ſous peines tres-grueues à qui parleroit ou enſeignerait autrement: ioint vn autre nouveau mandement d'enquerir contre les Lutheriens. Toutes choſes, qui de tant plus plaiſoyent au Pape, qu'il ſauoit que le Roy ne les faiſoit point tant pour la cauſe ſuſſammentonnee, de ſe iuſtifier enuers le monde, que la guerre qu'il auoit entrepriſe contre l'Empereur n'eſtoit point pour fauorifer les Lutheriens, ne pour empescher leur extirpation: que principalement pour agreer au Pape, & demonſtrer reuerence au S. Siege.

son parti estoit ia fort affaibly en Allemagne, il se resolut neantmoins de commencer par paroles, pour prendre occasion de venir aux effets, selon que le cours des affaires le porteroit: estant certain qu'en se declarant ouvertement contre l'Empereur, il obliroit de tant plus estroitement le Roy de France à soutenir sa reputation.

En suite dequoy, il escriuit à l'Empereur vne longue lettre, en date du vint-cinquième Aoust: dont la teneur estoit telle, *Qui par vne lettre en fait d'ail-* Qu'ayant entendu qu'à *grosseffen-* Spire auoient esté faits certains arrests, il ne pouoit le passer de luy en dire *riens con-* son sentiment, par le deuoir de sa charge, & par charité paternelle: pour *tre l'Empe-* n'imiter l'exemple d'Heli, Sacrificateur, qui fut grieuement puni de Dieu *reur, inf-* pour son indulgente enuers ses enfans. *qu'à des* Que les Decrets faits à Spire estoient *menaces.* au danger de l'ame de luy Empereur, & au tresgrand trouble de l'Eglise: qu'il ne se deuoit départir des ordonnances Chréstiennes, qui portent, Que, quand il s'agit de la Religion, le tout remis à l'Eglise Romaine: & que, nonobstant cela, sans faire aucun estat du Pape, qui seul par toute loy, diuine & humaine, à autorité de conuocquer Conciles, & donner Arrests en choses saintes, luy Empereur s'estoit ingéré de tenir Concile General; ou National: & en outre, auoit permis à des laïcs & hérétiques de iuger de la Religion: auoit fait decret sur les biens sacrez, & reintegré en leurs honneurs les rebelles à l'Eglise, lesquels luy mesme auoit ia condamnés par ses propres Edits. Qu'il vouloit bien croire, que ces choses n'estoient point procedées de la pure & franche volonté & mouuement de luy Empereur, mais du pernicieux conseil des mal-affectionnés à l'Eglise Romaine: & qu'il se plaignoit de cela mesmes, qu'il leur eust tant deféré: que l'Ecriture Sainte estoit remplie d'exemples de l'ire de Dieu contre les vlturpateurs de l'office du Souuerain Sacrificateur, cōme Oza, Datan, Abiron, Coré, le Roy Ozias, & autres. Que l'excuse n'estoit point receuable, de dire, Que les Arrests ne sont qu'à temps, & prouisions, iusqu'au Concile tant seulement. Car, quand mesmes la chose en soy seroit bonne & sainte, elle se rend impie, & mauuaise, à l'egard de la personne qui l'a faite outre les termes de sa charge. Que Dieu auoit en tout temps exalté les Princes deuots au Siege Romain, Chef de toutes les Eglises, comme Constantin, les Theodoses, & Charles Magnes: & qu'à l'opposite il auoit puni ceux qui ne l'auoient eu en reuerence: dont faisoient foy les exemples d'Anastase, de Maurice, de Constans deuxiesme, de Philippe, de Leon, de Henri quatriesme, chastie pour ceste cause par son propre fils, & de Fridrich deuxiesme, persecuté de mesme par le sien. Et que non seulement les Princes, mais aussi les nations entieres auoyent esté chastiees pour cela mesmes. Les Iuifs, pour auoir occis Iesus, Fils de Dieu: les Grecs, pour auoir en maintes façons mespris le Vicaire d'iceluy: & que de tāt plus luy Empereur deuoit redouter ces choses, qu'il estoit extrait des Empereurs, qui ont plus receu d'honneur de l'Eglise Romaine, qu'il ne luy en ont baillé. Qu'il le louoit du desir qu'il auoit de la correction de l'Eglise: mais aussi l'admonnestoit, d'en laisser la charge à qui Dieu en auoit commis le soin: que l'Empereur estoit bien Ministre, mais non point Regent, ne Chef. Il adioustoit que luy aussi desiroit la reformation: & en auoit donné bonne preuue par l'intimation du Concile faite par plusieurs fois: & que jamais n'estoit paru estincelle d'esperance de le pouuoir conuocquer, qu'il n'y eut fait tout deuoir, tant pour le benefice general de Chrestienté, que pour le particulier de l'Allemagne, qui plus en a besoin. Que ia il estoit intime, quoy que differé à temps plus propre à cause des guerres. Et pourtant, qu'à luy Empereur appartenoit de froyer le chemin à la tenue d'iceluy, faisant la paix, ou differant la guerre, pendāt qu'on traitera les affaires de la Religion au Concile. Qu'il obeisse à ses commandemens paternels, exclue des Dietes imperiales toutes disputes de Religion, les remettre tout au Pape, ne face point d'ordonnance sur les biens Ecclesiastiques, reuoque & casse les choses octroyées aux rebelles au S. Siege Romain. Afaute dequoy, luy, pour ne faillir à son deuoir, sera contraint d'vser enuers luy de plus grande seuerité qu'il ne desireroit.



HISTOIRE DV CONCILE DE TRENTÉ,

LIVRE SECOND.

SOMMAIRE.

La paix entre l'Empereur, & le Roy de France, estant conclue, le propos du Concile est remis sus: & le Pape l'intime à Trente: & y depute ses Legats, & l'Empereur ses Ambassadeurs. Mais sur l'opposition des Protestans, le Cardinal Farnese, Legat, incite l'Empereur à la guerre contr'eux. L'Empereur procede contre l'Electeur de Cologne, qui pretendoit reformer son Diocese: mais le Pape enoque la cause à soy. Et, nonobstant le refus des Protestans, fait ouvrir le Concile, avec beaucoup d'avantage pour son autorité, & avec plusieurs deuotions, & ceremonies. Apres quoy est fait le Decret de la premiere Session sur l'ouverture d'iceluy. En cét endroit est discours par l'Auteur des diuerses sortes de Conciles, & des differentes manieres d'y traiter les affaires. Les congregations sont establies à Trente, auant les Sessions: & sur la dispute du titre du Concile, les Legats font en sorte, qu'il est donné selon leur desir. Puis est celebree la seconde Session, sur choses preparatoires. Et en la suyuante Congregation, les Legats prennent leurs ordres de Rome, & est conclu qu'on traitera des Dogmes: & de la Reformation, conjointement. Et ne pouuant passer plus auant, la troisieme Session est celebree: en laquelle n'est fait autre chose, que de lire le Symbole des Apostres. En Allemagne la nouuelle Doctrine, s'espand, & Luther meurt. Le Pape commande, qu'au Concile on entre en matiere: & pour premier Chef est proposé l'Article de la Parole de Dieu: et des Traditions, & apres vne longue dispute touchant le Canon: la Version Latine, l'Interpretation de l'Escripture: & les Traditions, se tient la quatrieme Session, avec le Decret sur ces matieres. Et en la suyuante Congregation, est proposé à traiter l'Article du Peché Originel: auant lequel sont ventiles quelques chefs de Reformation, concernans les Lectures & Predications des Moines, lesquels sont soustenus par le Pape contre les Euesques. Puis on entre en la susdite matiere, du Peché Originel, qui est debattu avec beaucoup de prolixité, sur tout par les Dominicains, contre les Francis-

Franciscains, qui sont en fin arrestés par autorité Papale. Et en suite est tenue la cinquième Session avec son Decret sur le sujet susdit. En cét entre-temps: arrive à Trente l'Ambassadeur de France, & le Pape, & l'Empereur se liguent ensemble contre les Protestans. A Trente est résolu en Congregation, de traiter de la Grace de Dieu, & d'autres points de Doctrine; appartenans à icelle: & pour Article de Reformation; de la Residence, des Euesques. Et pendant que l'un & l'autre chef est debatü à Trente, & celui de la Residence pressé avec grande vehemence par les Euesques; sur tout Espagnols, croyant par là racquerir leur autorité perdue; & contredit par les Courtisans de Rome: la guerre contre les Protestans s'allume en Allemagne. Et le Pape fait tenir la sixième Session sur les points susdits. Et puis, en la suivante Congregation, est proposée la matiere des Sacremens en general, & celle du Baptême: & de la Confirmation, en particulier: pour chef de Doctrine: & pour article de Reformation, quelques points appartenans à la Residence, omis en la precedente Session: & la pluralité des Benefices. Et, à l'occasion de plusieurs difficultés: suruenües au Concile, en des-faveur du Pape, il se resout de le transférer à Boulogne. Ce qui, apres la tenue de la septième Session: il fait publier & executer de fait par ses Legats, nonobstant les protestations des Imperiaux. Les Roys Henry huitième d'Angleterre: & François premier de France, meurent peu de temps l'un apres l'autre:



Aguerre entre l'Empereur, & le Roy de France, ne dura gueres: d'autant que l'Empereur reconut, qu'estant engagé en icelle, & son frere Ferdinand en celle contre les Turcs, l'Allemagne empietoit tellement la liberté, qu'il estoit à craindre, que dans peu de temps le nom Imperial n'y seroit pas mesmes reconnu: & que luy, faisant la guerre, ressembloit le chien d'Elope, lequel suyuant l'ombre, perdit & l'ombre & le corps. Et pourtant il presta l'oreille aux ouuertures de paix, faites par les François: avec dessein, non seulement de se deliurer de ce desfourbier, mais aussi de s'accommoder, par le moyen des François, avec les Turcs, pour pouuoir puis apres tout à deliure penser à l'Allemagne. La paix fut conclüe à Crespy, le vint-quatrième de Septembre, & entre autres articles, l'un & l'autre Princes capitulerent de defendre l'ancienne Religion, & de s'employer à l'union de l'Eglise, & à la reformation de la Cour de Rome, dont procedoient toutes les dissensions: & que pour cét effet, le Pape fust coniointement requis de conuoquer le Concile: & que le Roy de France enuoyast à la Diete d'Allemagne, pour solliciter les Protestans de l'accepter. Le Pape ne s'estonna point pour l'article du Concile, & de reformer la Cour: estant tout certain, que quand ils mettroient la main à semblable entreprise, ils ne pourroient long-temps demeurer d'accord, pour leurs diuers & contraires interests: & ne doutoit nullement, que s'il faloit mettre leurs desseins en execution par la voye du Concile, il ne pust tourner tout traité à l'amplification de son autorité: mais il iugea bien, que de conuoquer le Concile à leur requisition, seroit estimé vne force forcée, ce qui raualleroit sa reputation, & releueroit le courage à ceux qui desiroient le rabais de l'autorité Papale. Et pourtant, ne voulut attendre d'estre preuenü par aucun d'eux, & mesmes dissimula les soupçons & ombrages qu'il auoit contre l'Empereur, sur tout pour auoir fait sa paix sans son entremise, avec des articles preiudiciables à son autorité: & publia vne Bulle, en laquelle il conuoit toute l'Eglise à se resiouyr de la paix: par laquelle estoit osté l'unique empeschement de la tenue du Concile, lequel il assigna derechef à Trente, à commencer au quinzième du mois de Mars.

La paix
faite, entre
l'Empereur,
& le Roy
de France:

Une suite
de remettre
sus le pro-
pos du Con-
cile, qui est
basteu-
ment inti-
mé par le
Pape.

15 4 4. Il voyoit bien que le terme estoit trop court, pour le notifier par tout, & encor plus pour donner loisir aux Prelats de se mettre en ordre, & faire le voyage. Toutes-foisl estima qu'il y auoit grand auantage pour luy, si tant estoit qu'il le falust tenir, qu'il fust commencé par peu, & iceux Italiens, courtisans, & ses affidés, lesquels, sollicités par luy, s'y rendroient les premiers: d'autant qu'à l'entrée on traiteroit de la forme & procedure à tenir au Concile: ce qui estoit le principal, voire le tout, pour maintenir l'autorité Papale. Et qu'à la determination de ceux-là seroient obligés & contrainsts de se tenir ceux qui de iour à autre y arriueroient. Et qu'il n'estoit ny nouveau, ny estrange, qu'un Concile general commençast par peu de gens: veu qu'en celuy de Pise, & de Constance, il estoit bien arriué de mesmes, & cependant iceux ne laissoient pas d'auoir heureusement succédé. Et, ayant penetré dans la vraye & intime cause de la paix, il escriuiit à l'Empereur, que pour son seruice il auoit anticipé, & hasté l'imitation du Concile. D'autant que, sachant bien, que Sa Maiesté auoit esté contrainte, pour la guerre des François, de permettre & promettre beaucoup de choses aux Protestans, il luy auoit, par l'imitation du Concile, donné moyen de s'excuser en la Diete, qu'il se deuoit tenir au mois de Septembre prochain, si, le Concile instant, il ne permettoit l'effet de ce qu'il auoit promis iusqu'à la tenuë d'iceluy.

à qui la bustinet du Pape desplais. Mais la hastiueté du Pape n'agrea point à l'Empereur, lequel aussi ne se paya pas de la raison alleguée: ains auroit desiré d'estre principal autheur du Concile, tant pour sa reputation, que pour le faire tant plus asément accepter à l'Allemagne, & pour plusieurs autres esgards: & ne pouuant faire autre chose, il vlt de toutes les procedures qui pouuoient l'en faire paroistre autheur en chef, & le Pape seulement second. Il enuoya Ambassadeurs à tous les Princes, pour leur signifier l'intimatiõ, & les prier d'y enuoyer leurs Ambassadeurs, pour honorer l'Assemblée, & raufier les Arrests qui s'y feroient. Et cependant faisoit tous preparatifs necessaires, comme si de vray toute l'entreprise de cet œuvre eust esté sienne. Il donna diuerfes commissions aux Prelats d'Espagne, & des Pays bas, & en autres choses, ordonna que les Theologiens de Louvain s'assemblasent, pour considerer les dogmes, qui le deuoient proposer au Concile, lesquels ils reduisirent à trente-deux Chefs, sans toutes-fois y adiouster aucune preuue ou confirmation del'Escripture sainte, mais proposant magistralement la conclusion, ou asserfion toute nuë. Et ces Articles furent du depuis confirmés par Edit de l'Empereur, & publiés avec commandement, que tous les eussent à tenir, & fuyre. Et l'Empereur ne peut tellement celer le mescontentement qu'il auoit reçu contre le Pape, qu'il ne le fust euidemment paroir par les paroles qu'il tint au Nonce, tant à ce rencontre, qu'en autres audiences. Et en outre, le Pape ayant au mois de Decembre creë treize Cardinaux, & entre ceux-là trois Espagnols, l'Empereur leur defendit d'en accepter les enseignes, & d'en prendre le nom, & l'habit.

ce qu'aussi fai: le Roy de France, Le Roy de France aussi de son costé fit assembler les Theologiens de Paris à Melun, pour consulter des dogmes necessaires de la foy Chrestienne, qui se deuoient proposer au Concile, & là y eut grand debat: pource qu'aucuns vouloient qu'on y proposast la confirmation des choses arrestées à Constance & à Basle, & le reestablishement de la Pragmaticque Sanction, les autres conseilloyent de ne mettre point cete dispute sur le bureau, de peur d'offenser le Roy, par le renuersement du Concordat, fait par luy avec le Pape Leon. D'ailleurs, pource qu'en l'Vniuersité de Paris, les opinions sont fort diuerses, mesmes en la matiere des Sacrements, les vns leur attribuant vertu adieue ministerielle, les autres non, & chacun desirant de faire passer son sentiment pour article de foy, il ne se peut faire autre conclusion, que de demeurer es vingtne Articles, publiés deux ans auparauant.

le Pape-blandit l'Empereur, Or le Pape fit entendre au Roy de France le mal-talent de l'Empereur contre luy, & le pria qu'il enuoyast au plustost ses Ambassadeurs au Concile, pour soustenir la dignité du S. Siege, & bailla aussi charge à son Nonce aupres

de l'Empereur, qu'il eust toutes les occasions de mescontentement que les Proteſtans pourroient bailler à l'Empereur, & là deſſus luy offriſt, de la part du Pape, toute aſſiſtance à recouurer l'autorité Imperiale, par moyens ſpirituels & temporels. Le Nonce, n'en ayant que trop ſouuent occaſion, ſit tant que l'Empereur comprit, qu'il pourroit auoir beſoin du Pape en l'un & en l'autre, & pourtant relacha de ſa durezza, & en donna des ſignes, permettant aux nouueaux Cardinaux de prendre le nom, & les enſeignes du Cardinalat, & donnant audiences plus agreables au Nonce, & conferant avec luy des affaires d'Allemagne plus que d'ordinaire.

La haſte du Pape fut grande à conuoker le Concile: mais encores plus, à depeſcher ſes Legats, auxquels ils ne voulut permettre, comme aucuns conſeilloient, d'enuoyer deuant par bien ſeance quelque ſubſtitut à recevoir les premiers Prelats, qui arriueroyent; afin que puis apres eux fiſſent leur entree ſolennelle; avec receptions & ceremonies: ains ordonna qu'ils y fuſſent les premiers, & y arriuaſſent auant le terme. Il deputa pour ſes Legats Iean Marie de Monte, Eueſque; Cardinal Preneſtin: Marceau Ceruin, Preſtre, de S. Croix: & Regnaud Polus; Diacre, de S. Marie en Coſmedin. En ceſtuy-ci luy eut eſgard à la nobleſſe du ſang, & à l'opinion commune de ſa pieté, & à ce qu'il eſtoit de nation Anglois: pour monſtrer que toute l'Angleterre n'eſtoit point rebelle. En Ceruin il choiſit la conſtance ſans peur, & l'immobile fermeté, coniointe avec vne exacte connoiſſance des affaires. En Monte, la realité, & le cœur ouuert, mais toutes-fois atrempe de telle fidelité à ſes Maîtres; qu'il n'en poſtpoſoit iamais les intereſts à ſa propre conſcience. Il depeſcha ces trois, avec vn Bref de la Legation: mais ne leur bailla point la Bulle de pouuoir, comme c'eſt là couſtume de bailler aux Legats, ny aucune inſtruction par eſcrit: n'eſtant pas encores bien reſolu quelles commiſſions il leur bailleiroit: ains pretendant de ſe conduire ſelon que le ſuccés des affaires, & les procedures de l'Empereur conſeilleroient. Et ainſi les fit partir avec le ſeul Bref.

Mais le Pape, outre le ſoucy pour les choſes de Trente, en auoit vn autre de non moindre poids, touchant la Diete, qui ſe deuoit tenir à Vvormes: à laquelle la commune creance eſtoit, que l'Empereur n'entreuendroit point. Car le Pape craignoit; que l'Empereur irrité de la ſuſmentionnée lettre, ne fiſt ou ne permitt faire quelque Arreſt encor plus preiudiciable à ſes affaires que les precedens: & pourtant iugea, qu'il eſtoit neceſſaire d'auoir en ce lieu-là vn Miniſtre d'autorité & de reputation, avec titre de Legat. Mais il redoutoit grandement de n'y receuoir quelque affront, & aduenans, qu'en la Diete iceluy ne fuſt reçu avec l'honneur du & conuenable. En fin il prit pour expedient d'enuoyer le Cardinal Farnéſe, ſon neveu, à l'Empereur, & de le faire paſſer par Vvormes, & là donner aux Catholiques les inſtructions & commiſſions neceſſaires: & apres auoir fait tous les deuoirs opportuns, paſſer outre vers l'Empereur: & cependant il enuoya d'auance Fabio Mignahello, de Sienne, Eueſque de Groſſet, pour Nonce reſident auprès du Roy des Romains; avec charge de l'accompagner à la Diete.

Puis apres il tourna ſa penſée aux affaires de Trente, & ſe commencer à conſulter la teneur des pouuoirs, qu'il falloit bailler aux Legats. Ce qui ne fut ſans quelque difficulté; veu qu'il n'auoit aucun exemple à enſuyuire. Car au dernier Concile de Latran, le Pape y eſtoit entreuenu en perſonne: & auparavant; en celuy de Florence ſ'eſtoit pareillement trouué Eugene quatrième: celuy de Conſtance; qui eſteignit le Schiſme, auoit eu ſon commencement, preſent Iean vint-troifiéme, l'un des trois Papes depofés: & ſa fin, preſent Martin cinquième: auant cetuy-là, celuy de Piſe fut premièrement aſſemblé par les Cardinaux, & puis acheué par Alexandre cinquième. Et eſt temps encor plus eſloigné, Clement cinquième aſſiſta à celuy de Vienne: Innocent quatrième, & Gregoire dixième, aux deux de Lyon: & auant ceux-là, Innocent troifiéme, à celuy de Latran. Il n'y auoit que celuy de Baſſe, lequel, pendant qu'il demeura ſous l'obeyſſance d'Eugene quatrième;

1545.

fut celebré avec la seule presence des Legats. Mais il sembloit que ce seroit chose de mauvais augure d'ensuyure chose aucune pratiquée en iceluy. Et en fin resolution fut prise de concevoir la Bulle en ces termes, Qu'il les enuoioit, comme Anges de paix, au Concile in par cy-deuant intimé par luy en la ville de Trente: & leur bailloit plein & libre pouuoir, afin que, par defect d'iceluy, la celebration & continuation dudit Concile ne püst estre retardée, avec l'autorité d'y presider; & d'ordonner tous decrets & statuts, & de les publier es Sessions, selon la coustume: & de proposer, conclurre; & executer tout ce qui seroit necessaire pour condamner & extirper les erreurs de toutes prouinces, & royaumes: de conoistre; oüy; decider, & determiner en causes d'heresie, & en toute autre concernant la foy Catholique: & de reformer l'Estat de l'Eglise en tous ses membres, tant Ecclesiastiques, que Seculiers: de mettre la paix entre les Princes Chrestiens: & en somme de determiner toute autre chose, qui soit à l'honneur de Dieu, & à l'accroissement de la foy Chrestienne: avec pouuoir & autorité de reprimier, par censures & peines Ecclesiastiques, tous contre-disans, & rebelles, de quelque dignité, degré, & hautesse qu'ils pussent estre: voire mesmes Palestou Royale, & de faire & gerer toute autre chose necessaire & expediente, pour l'extirpation des heresies & erreurs; reduction des peuples alienés de l'obeyssance du S. Siege, conseruation & reintegration de la liberte Ecclesiastique. A la charge toutes-fois, de proceder en toutes choses par l'aui & consentement du Concile.

*en fait une autre secre-
te par pre-
sentation.* Mais le Pape pensoit d'abondant, non seulement à acheminer le Concile, mais aussi aux moyens de le pouuoir dissoudre, apres qu'il seroit ouuert, cas aduenant que le seruice de ses affaires le requist ainsi, afin de se premunir de bonne heure: suuant en cela l'exemple de Martin cinquième, lequel, redoutant les mesmes accidens, qui auinrent à lean vint-troisième a Constante, bailla aux Nonces, qu'il enuoioit au Concile de Paue, vn Bref secret, & particulier, avec pouuoir de prolonger ledit Concile, le dissoudre, & transférer là où il leur plairoit. Secret d'estat, pour trauffer toute deliberation contraire aux desseins de Rome. Selon cela, peu de iours apres, il fit vne autre Bulle, donnant pouuoir aux Legats de transferer le Concile. Cette Bulle fut expediee en date du vint-deuxième Feurier de la mesme année mil cinq cens quarante cinq. Et, d'autant qu'il nous en faudra parler cy-apres quand nous traiterons de la translation faite à Boulogne, nous remettrons tout ce qui s'en doit dire iusques alors.

*les deux
Legats ar-
riuent à
Trente.* En ladite année, mil cinq cens quarante cinq, le trezième iour de Mars arriuerent à Trente les Cardinaux de Monte, & Sainte Croix, & furent reçeus par le Cardinal de Trente, en la publique & solennelle entrée qu'ils firent ce mesme iour: & donnerent trois ans, & autant de quarantaines d'indulgences, à ceux qui se trouuerent là presens, quoy que de vray ils n'eussent cet autorité de par le Pape, mais esperoient que le Pape ratifieroit le tout. Ils ne trouuerent aucun Prelat arriué: combien que le Pape en eust fait partir quelques-vns de Rome, pour se trouuer à Trente au temps prefix.

*Et sont cor-
riger la
Bulle de
leur pou-
voir trop
imité.* La premiere chose, que firent les Legats, fut de considerer le contenu de la Bulle de leur pouuoir: & trouuerent expedient de la tenir cachée, & donnerent aduis à Rome, que la clause & condition, de proceder par l'aduis & consentement du Concile, les tenoit trop bridés, & les mettoit au pair de tout autre moindre Prelat: & que s'il faloit que toutes les particularités fussent communiquées à tous, la conduite de l'action en seroit beaucoup plus difficile. Joint que c'estoit donner trop de liberte, ains de licence, à la multitude. A Rome ces raisons furent reconuës bonnes & valables: & la Bulle fut corrigée selon cet aduis, donnant aux Legats vn plein pouuoir & autorité. Les Legats cependant, attendans la response, ordonnerent & desaignerent en l'Eglise Cathedrale, le lieu de la Session capable de quatre cens personnes.

*l'Ambassa-
deur de
l'Empereur
arriue au
Concile.* Dix iours apres les Legats, arriua à Trente D. Diego de Mendoza, Ambassadeur de l'Empereur vers la Seigneurie de Venise, pour assister au Concile.

auec vne trefamplé commission, despeschee de Brusseles, sous la date du 20. Feurier & fut receu par les Legats, assistés du Cardinal Madruce, & de trois Euesques: car autant, sans plus, estoient arriuez iusques alors: & d'autant qu'ils furent les premiers, il est à propos d'en coter les noms. Ces trois donques estoient Thomas Cæpege, Euesque de Feltre, neueu du Cardinal Campege: Thomas de S. Felix, Euesque de la Cane: & Frère Corneille Mus, Cordelier, Euesque de Bitonte, le plus eloquent prescheur de ce tẽps-là. Quatre iours apres, D. Diego fit sa proposition par escrit, laquelle contenoit la bonne volonte de Sa Maïesté Imperiale pour la tenue du Concile, & le commandement qu'il auoit fait aux Prelats d'Espagne de s'y trouuer, lesquels il croyoit estre meshuy en chemin. Il s'excusa sur ses indispositions, de ce qu'il n'estoit venu plus tost: requit qu'on donnast commencement aux Actions Synodales, & à la reformation des mœurs: comme deux ans auparavant le mesme auoit esté representé, & requis par Monseigneur de Granuele, & luy. Les Legats luy firent response par escrit l'ouïans les bonnes intentions de l'Empereur, admettans les excuses de sa personne, & demonstres grand desir de la venue des Prelats d'Espagne. Cete proposition, & responses, furent par la partie à qui il appartenoit, receuës entre les articles non preiudiciables aux droits de son Prince, respectiuelement. Caution, qui donne indice manifeste de qu'elle charité & confidence on traitoit en propositions, & responses: puis qu'elle fut apposée en ce fait, où il n'y auoit paroles, que de pur & simple compliment, sauf en la mention de la Réformation.

Les Legats, encores incertains qu'elle deuoit estre la façon & l'ordre de traiter, faisoient semblant de vouloir proceder conioinctement auec l'Ambassadeur, & les Prelats: & leur communiquer le fonds de tout: dont à l'arriuee des lettres de Rome, où d'Allemagne, ils les assembloyent tous pour les lire. Mais dès qu'ils se furent apperceus, que D. Diego s'egaloit à eux, & que les Euesques se presumoyent plus que ne portoit l'usage de Rome: & d'ailleurs, craignans que, quand le nombre seroit accru, il n'en nasquist quelque inconuenient, ils donnerent aduis à Rome, qu'en toutes les despêches leur fust escrete vne lettre ouuverte; qu'ils pussent faire voir: & vne autre à part, contenant les choses secretes, d'autant qu'il auoit falu qu'ils se seruissent des lettres receuës iusques alors auec beaucoup de circonspection. Ils demanderent aussi vn Chiffre, pour communiquer les affaires plus importantes. Je n'ay voulu omettre ces particularités, lesquelles, ensemble plusieurs autres, qui seront touchees cy-apres, l'ay tirees du registre des lettres du Cardinal de Monté, d'autant qu'elles peuuent seruir de beaucoup à penetrer dans l'intime de toutes ces menées.

Le mois de Mars estoit ià passé, & le terme prefix en la Bulle du Pape pour ouir le Concile; expiré de plusieurs iours, quand les Legats consulterent entr'eux s'ils le deuoient commencer: mais ils resolurent d'attendre aduis de Fabio Mignanello, Nonce pres de Ferdinand, touchant ce qu'on traitoit à Vvormes; & quant & quant ordre de Rome, apres que le Pape auroit entendu l'arriuee, & la proposition de D. Diego: sur tout, d'autant qu'il leur sembloit chose honteuse de faire vne telle entrée, auec trois Euesques seulement.

Le huitième Aueil arriuerent Ambassadeurs du Roy des Romains, & pour les recevoir fut faite solennelle Congregation: en laquelle D. Diego vouloit auoir la preface sur le Cardinal de Trente, & s'asseoir auprès des Legats, disant que, puis qu'il representoit l'Empereur, il estoit raisonnable qu'il fust assis au mesme rang, auquel Sa Maïesté s'eroit, si elle estoit presente. Mais pour ne donner destourbier aux Actions, on trouua vn certain moyen de les colloquer tous deux en sorte, qu'il n'apparoist point qui auoit la preface. Les Ambassadeurs du Roy presenterent seulement vne lettre de leur Prince, & de bouche exposerent le respect & la reuerence, que le Roy leur maistre portoit au S. Siege, & au Pape, & sa bonne volente à fauoriser le Concile, auec grands offres. Adioustans qu'il enuoyeroit

la creance en duë forme, & autres personages avec plus amples instructions.

*Ferdinand
à la Diete
de Worms
propose l'in-
stitution du
Concile.*

Après cela arriuerent à Trente, & à Rome, les tant attendues nouuelles de la proposition, faite le vingtquatrième Mars, en la Diete, par le Roy Ferdinand, le quel y presidoit au nom de l'Empereur: & de la deliberation qui auoit esté faite sur icelle. La proposition de Ferdinand fut, Que l'Empereur auoit la paix avec le Roy de France, pour pouitoir vâquer à composer les differens de la Religion, & pour suiure la guerre contre les Turcs: & que dudit Roy il auoit eu promesses de secours; & de l'approbation du Concile de Trente, avec ferme intention d'y entretenir, soit en personne, soit par ses Ambassadeurs. Et que pour ce mesme effet il auoit requis le Pape de l'intimer de rechef, & l'auoit aussi sollicité à contribuer aide & secours contre les Turcs, Que de Sa Sainteté il auoit obtenu l'intimation: & que ia en la ville de Trente estoient ses Ambassadeurs: & ceux du Pape: que chacun pouuoit sauoir, combien de peine l'Empereur auoit pris pour faire celebrer le Concile, premierement enuers le Pape Clement, à Bologne: puis enuers Paul, à Rome, Genes, Nice, Luques & Bussét: que selon l'Arrest de Spire, il auoit baillé charge à quelques personages de sauoir, & bonne conscience, de dresler vne maniere de reformatiõ, laquelle aussi auoit esté ordonnée en icelle Diete. Mais que la chose meritoit longue & meure deliberation, & que le temps estoit trop court, vñ que l'Empereur auoit ia sur les bras la guerre contre les Turcs: dont il auoit deliberé, qu'on differast de parler plus auant de cet affaire, attendant de voir tout premier quel progrès feroit le Concile, & quelle issue on en pouoit esperer: ce qui apparoiroit en bref, veu que bien tost on le commenceroit. Que s'il n'en paroisoit aucun bon fruit, on pourroit, auant la fin d'icelle Diete, en intimer vn autre pour traiter des affaires de la Religion à plein fonds: mais qu'à present il faloit vâquer à cé qui presloit le plus, qui estoit, la guerre contre les Turcs.

*les Prote-
stants s'om-
bragent.*

*reient le
Concile de
Trente.*

Les Protestans prirent suiet de grand ombrage de cete response: car la paix de la Religion n'estant arrestée que iusques au Concile, ils apprehendoient qu'après qu'ils auoyent esté espuisés & affoiblis d'argent par les contributions contre les Turcs, ils ne fussent assaillis, sous pretexte que l'Edit de la paix estoit terminé par l'ouuerture du Concile de Trente. Et pourtant requirent qu'on continuast le traité de Religion encommencé, allegans, qu'il y auoit de temps allez pour gens craignans Dieu: ou, du moins, qu'on establist de nouveau la paix, iusques à vn legitime Concile, tant de fois promis: tel que n'estoit nullement celuy de Trente, pour les raisons tant souuent produites. Et declarerent, qu'il ne pouoyent contribuer, s'ils n'auoyent seüreté de paix absolue, non astringée à aucun Concile Papale, tel que tousiours ils auoyent refusé. Les Ecclesiastiques consentoyent absolument que la cause de la Religion fut remise au Concile: toutesfoi il fut resolu d'attendre la response de l'Empereur, avec la conclusion.

*le Pape mal-
content de
la Diete.*

Trois points en cete action desplurent au Pape, & aux Legats, qui estoient à Trente: l'vn, que l'Empereur attribuaist à soy d'auoir induit le Pape à la celebration du Concile: ce qui sembloit marquer peu de soucy des affaires de la Religion au Pape: l'autre, d'auoir induit le Roy de France à y consentir: ce qui n'estoit point à l'honneur de Sa Sainteté, à qui cela appartenoit: le troisieme, que l'Empereur luy voulust encoir tenir le mors en bouches, d'vne Diete à venir, afin, que cas aduenant que le Concile n'allast auant, ils fussent tousiours en crainte, qu'en la Diete on ne traitast des affaires de la Religion. Le Pape estoit en continuelle fascherie d'esprit, non tant des ouurages, qu'il receuoit iournellement des Protestans, que des actions de l'Empereur, lesquelles il souloit dire, que plus elles auoyent d'apparence d'estre fauorables, plus estoient elles pernicieuses à la Religion, & à l'autorité du Pape: qui sont deux choses inseparables l'vn de l'autre, Ioint qu'il auoit vne perpetuelle apprehension que l'Empereur ne s'accordast avec les Protestans, à son préiudice: & pensant aux remedes, il n'en trouuoit aucun,

*de se
d'engager*

sinon de susciter vne guerre de Religion: attendu qu'egalement par icelle les Protestans seroyent reprimés, & l'Empereur embarasé en vne rude & difficile entreprise: & qu'ainsi pourroit auenir que tout propos de Concile & de reformation seroit supprimé & mis à neant. Il auoit grande esperance de pouuoir venir à bout d'exciter cette guerre par les aduis qu'il receuoit de son Nonce, que l'Empereur estoit tous les iours plus indigné contre les Protestans: & qu'il prestoit l'oreille aux ouuertes de les subjuguer par force. Pour cette cause, outre la susmentionnée d'empescher qu'en la Diete ne se fist chose preiudiciable contre luy, & releuer le courage, & redoubler la force aux siens, il enuoya le Cardinal Farnese, son neveu, pour Legat en Allemagne, avec les instructions nécessaires. Mais il y en auoit vne troisieme, encore plus vrgente, comme regardant les intereests particuliers: c'est, que le Pape auoit deliberé de faire tomber Parme & Plaisance es mains de son fils naturel Pierre Louis, & ne luy sembloit point de le pouuoir faire seurement, sans le consentement de l'Empereur, lequel pouuoit pretendre diuers pretextes de l'empescher: soit parce que ces villes-là anciennement estoient membres du Duché de Milan: soit que, comme Aduocat de l'Eglise, il ne pouuoit permettre qu'elle fust en dommage par cete alienation.

Mais les Legats, ayans eu commission du Pape, qu'en cas qu'ils entendissent qu'on traitast de la Religion en la Diete, ils ouurissent le Concile, sans attendre plus grand nombre de Prelats, ains avec ceux-là seulement, qui se trouueroyent presens: mais aussi, que si on en traitoit point, ils eussent à se conduire selon que les autres considerations conseilleyent: virent bien par la proposition de la Diete, qu'ils n'estoient point obliges de l'ouurir: mais bien, par le petit nombre de Prelats, qui iusques alors n'estoyent que quatre, induits, & persuadés à le differer; mais nonobstant cela estoient en doute, que le danger des armes du Turc ne contraignist Ferdinand à faire la Recés: & selon la promesse, à inciter vne autre Diete, en laquelle on traitast de la Religion, reietant la faute sur eux, sous ce pretexte. Qu'il leur auoit fait notifier la proposition, afin que, scachans ce qui auoit esté promis à bonne intention, ils ouurissent meshuy le Concile, & par ce moyen ostassent le suiet d'en venir à l'execution. Et pourtant enuoyerent en diligence au Pape, pour receuoir instruction de luy, sur ce qu'ils auoyent à faire en vn tel destroit de deliberation: se voyans d'vn coste necessités d'vne puissante consideration à haster: & de l'autre, contrainsts à surseoir, parce qu'ils se trouuoient quasi seuls à Trente. Ils representèrent au Pape, Qu'ils auoyent plusieurs coniectures, & grands indices, que l'Empereur ne se loucioit pas beaucoup de la celebration du Concile: que D. Diego, dès la premiere comparoissance, n'auoit iamais plus dit vn seul mot: & demonstroit quasi en son front d'auoir grâdemment à plaisir cete oisuereté, & perte de temps: se contentant d'auoir, par son acte de presentation, iustificié son maistre, si, apres auoir, & de soy mesmes, & par Ambassadeurs, cōtinuellemēt requis, & sollicité le Cōcile, & auoir conduit l'affaire à son point & terme, & toutesfois n'en voyant point de progrès conuenable, il intimoit vne autre Diete, & en icelle terminoit les affaires de la Religion, comme par raison deuolus à luy, attendu sa diligence, & la negligence du Pape. Ils luy propoſoyent vn expedient moityen, de chanter vne Messe du S. Esprit, auant que l'Empereur arriuaſt à la Diete: & que cete Messe fust vne ouuerture & commencement du Concile, & qu'ainsi on preuint tout ce que l'Empereur pourroit faire au Recés: & que cependant on ostast l'occasion de dire, qu'on auoit commencé à traiter les affaires du Concile, avec quatre personnes seulement. Demeurant en liberté de iouir du benefice du temps, & au pouuoir de proceder plus outre, ou surseoir, ou transferer, & fermer le Concile, selon que les accidens conseilleyeroient. Ils luy remonstrerent aussi, que si le Concile estoit ouuert, apres que le Cardinal Farnese auroit parlé à l'Empereur, on pourroit croire que le Cardinal auroit esté enuoyé, pour faire tant qu'il ne se tint point, ce que toutesfois il n'auroit pu obtenir. Loingt que le bruit des armes Turquesques croissant tous

l'Empereur
en vne guer
re de Reli-
gion.

les Legats
consulient
le Pape sur
l'ouuerture
du Concile,
pour plu-
sieurs consi-
derations.

Les Legats respondirent seulement en termes generaux, Qu'ils estoient tout appareilles de donner à chacun son lieu, attendans cependant d'auoir leur reiglement de Rome: ce que D. Diego agreeoit aussi: d'autant qu'il esperoit que là es Chartes publiques, on en trouueroit des decisions & exemples: se monstrant au reste disposé de ceder, hors du Concile, à tout petit Prestre: mais adioustant aussi, que dans le Concile, nul n'a, apres le Pape, plus grande autorité que son Maistre. Ce recit pourroit sembler superflu à aucun, comme estant de choses, & pretensions fort legeres: mais à l'opposite, i'ai estimé, escriuant cete histoire, necessaire de monstrier de quels petits ruisseaux est produit ce grand lac, qui occupe quasi toute l'Europe. Et quiconque pourroit voir es registres, combien de lettres allerent haut & bas sur ce suiet, auant qu'on vinst à la conclusion de l'ouuerture, s'estonneroit de l'estat qu'on en faisoit, & des ombrages qu'on en prenoit generalement.

En Italie, apres qu'on eut vëu le Concile acheminé, avec esperance qu'à cete fois meshui on le celebreroit, les Euesques commencerent à penser au voyage. Le Viceroy de Naples entra en opinion, que tous ceux de ce Royaume y iroyent: & pensoit qu'il suffiroit d'y en enuoyer quatre, nommés par lui, avec procuracion des autres, qui passent le nombre de cent. Et pour tant le grand Chapelain du Royaume fit vne assemblée de Prelats en sa maison, & leur signifiâ qu'ils eussent à faire la procuracion. Mais plusieurs s'y opposerent: disans, Qu'ils y vouloyent aller en personne, selon leur serment & obligation: & en cas qu'ils ne pussent, qu'il estoit de raison qu'un chacun constituast procureur, selon sa propre conscience, & non qu'un seul le fust pour tous. Le Viceroy s'esmut de cete opposition, & derechef commanda au Ggrand Chapelain du Royaume de les appeller, & leur enioindre qu'ils eussent à faire la procuracion: & despescha mesme commandement à tous officiers & Magistrats du Royaume. Cet acte donna beaucoup à penser au Pape, & aux Legats, ne sachans s'il procedoit de la particuliere fantaisie du Viceroy, pour faire del'entendu, ou de son peu de conoissance en semblables affaires: ou bien, que d'autres le lui fissent faire, & qu'il vinst de plus haute source.

Pour descouvrir ce motif, le Pape fit vne Bulle fort seueré, defendant absolument qu'aucun n'eust à comparoir par procureur: mais les Legats la tinrent cachée par deuers eux, comme trop dure, estant generale pour tous les Prelats de Chrestienté, mesmes tres-lointains, & aians iuste empeschement, ausquels il estoit impossible de l'observer: & trop rigoureuse aussi, ordonnant que ceux qui contreuiendroyent encourussent, *ipso facto*, & sans autre forme de proces, la peine de la suspension des choses sacrées, & de l'administration des Eglises: dont les Legats craignoient qu'elle ne causast plusieurs irregularités, nullités d'actes, & indues perceptions de fruits: & qu'à cete cause elle n'euesueillast quelque nation malcontente à entreietter quelque Appel, & commencer quelque proces de iurisdiction. Et pour tant escriuirent à Rome, qu'ils ne la publieroient point sans nouuelle commission: iugeans aussi que le seul bruit de la Bule faite suffisoit, sans venir à la publier, & faire voir au monde. En son lieu sera touché, quelle issue eut cete Bulle.

Il y auoit vn autre affaire sur le bureau, non moins fascheux, quoi que de moindre importance. C'est que les Legats auoyent eu iusques à ce iour-là d'assez petits subsides, pour fournir aux frais journaliers, & n'estoyent pas si riches qu'ils pussent continuer à suppleer du leur, comme il leur auoit ia falu faire à quelque occasions: & pourtant redoutoyent de ne pouoir se maintenir en cete sorte: dont ils en confererent premierement avec le Cardinal Farnese, puis escriuirent au Pape, Qu'il y alloit de sa reputation, de tenir vn Concile sans ornemens, & appareil necessaire, & vité, desnudé de la splendeur requise en telle assemblée: & qu'il estoit necessaire d'auoir là vne personne avec charge particuliere d'argentier du Concile, entre les mains

le Viceroy de Naples veut que quatre Euesques du Royaume aillent au Concile, avec procuracion des autres, ce qui cause estrif entre les Euesques, & souci au Pape.

qu'il fait vne Bulle, interdisant toute comparaisance par procureur au Concile.

mais les Legats la suprimant prudemment demandent au Pape subuention de deniers.

1545.

duquel fust remise vne somme d'argent, pour fournir aux necessités suruenantes, & pour subuenir à quelque Prelat necessiteux, & gratifier quelque homme de seruise. Chose fort necessaire, pour faire auoir heureuse issue au Concile.

*tenent vne
Congrega-
tio pour les
affaires pre-
paratoires:*

Le troiesme iour de Mai, dix Euesques estans arriues, les Legats tinrent vne Congregation, pour ordonner des choses preparatoires: & en icelle signifierent publiquement la commission du Pape, d'ouurer le Concile: adioustant, qu'ils attendoyent à en determiner le iour, apres qu'il en auroyent donné aduis à l'Empereur. La Congregation se passa pour la plus grand part en ceremonies: & fut ordonné, que tous les trois Legats, quoi que d'ordres differens; l'un estant Euesque, l'autre Prestre, & le troiesme Diacre, eussent paremens conformes, & egaleme[n]t portassent chapes, selon qu'ils auoyent charge & autorité egale en la Legation, & Presidence: que le lieu des Sessions fust tendu de tapisseries, afin qu'il ne semblast vne assemblée de mechaniques. Ils proposerent, Si on deuoit faire des sieges pour le Pape, & pour l'Empereur, lesquels tout parés demeurassent toutesfoi[s] vuides. On traita, s'il falloit donner à D. Diego lieu plus honorable, qu'aux autres Ambassadeurs: on mit en consideration, Que les Euesques d'Allemagne, qui sont aussi Princes d'Empire, pretendent la Preseance sur tous les autres Prelats, mesmes Archeuesques: & alleguent, Qu'és Dietes Imperiales, non seulement cela s'observe, mais mesmes que les Euesques non Princes se tiennent teste nue deuant eux: & que l'année precedente en la mesme ville de Trente la chose fut debatue par diuersité d'aduis, sur l'occasion que l'Euesque d'Eichstett s'estoit trouué en vne Messe avec les Archeuesques de Corfou, & d'Otrante: & quelques vns alleguerent de plus, Qu'en la chappelle du Pape, les Euesques, qui sont Ambassadeurs de Ducs, & autres Princes, precedent les Archeuesques: dont, à plus forte raison, les personnes mesmes des Princes les doiuent preceder. La conclusion fut, de ne refoudre chose quelconque, iusques à ce que le Concile fust plus nombreux, pour voir aussi comment les François, & les Espagnols l'entendroyent. Il fut ordonné de renouer le decret du Concile de Basle, & de Iules deuxiesme, en celuy de Latran, Qu'il ne preiudiciast à aucun de seoir hors de son lieu. On approuua la resolution d'attendre aduis du Cardinal Farnese, pour arrester le iour de l'ouuerture, au grand contentement de D. Diego.

*Polus, troi-
siesme Le-
gat arriué.
Persecu-
tions en
Prouence.*

Ce peu d'Euesques demonstra grande obeissance & deuotion au Pape, comme fit aussi l'Euesque de Versel, qui arriua le iour mesme que finit la Congregation, ensemble le Cardinal Polus, troiesme Legat.

Pendant qu'à Trente on tenoit assemblées, pour conuaincre l'heresie, par le moyen du Concile, le mesme se faisoit en France par la forces des armées, contre quelque partie des restes des Vaudois, qui demeuroid[ent] és Alpes de l'rouence, lesquels s'estoyent maintenus separes de l'obeissance du Siege Romain, suiua[n]s autre doctrine, & ceremonies: assez grossieres toutesfoi[s], & imparfaites: mais apres la renouation de la doctrine faite par Zuingle, ils auoyent par icelle fait quelque supplement aux défauts de la leur, & auoyent donné quelque forme à leurs ceremonies: ce qui auint lors que Geneue embrassa la reformation. Il y auoit ja quelques années que le Parlement d'Aix auoit donné vn Arrest contr'eux, lequel toutesfoi[s] n'auoit encores esté executé: mais en ce temps, le Roi commanda qu'il le fust: dont le President dudit Parlement, ayant amassé les soldats qu'il pût des lieux circonuoisins, & du Conté d'Auignon, Estat du Pape, alla en armes contre ces pourceus gens, lesquels estoyent sans armes, & ne pensoyent pas mesmes à se defendre sinon par la fuite. On ne parla point de les instruire, ne de les commander de quitter leur opinions & ceremonies: ains ce fut à remplir tout le pais de violens, & saccagemens, & à metre au fil de l'espee tous ceux qui ne purent fuir, & estoyent exposez à la merci des massacreurs, sans laisser en vie ne vieillards, ne petits enfans, de quelque qualité, & condition qu'ils fussent. Ils destruisirent aussi, & raserent les villes ou bourgs de

Cabrieres en Prouence, & de Merindol au Contat de Venessin, appartenant au Pape, ensemble tous les lieux de leur ressort & territoire. Et est chose tresfaiseurée qu'il y eut plus de quatre mil personnes mises à mort, lesquelles, sans faire aucune resistance, requeroient misericorde.

Oren Allemagne, le seizieme Mai, l'Empereur arriua à Vvormes, & le iour ensuiuant y arriua aussi le Cardinal Farnese, lequel traita avec lui, & avec le Roi des Romains separément. Il exposa particulièrement sa commission sur le fait du Concile, declarant, que le Pape auoit donné pouuoir aux Legats de l'ouurir. Ce qu'ils attendoyent de faire, apres qu'ils auoyent entendu de lui l'estat des affaires de la Diete. Il remonstra à l'Empereur, qu'il ne falloit auoir aucun esgard aux oppositions faites par les Protestans, attendu que l'empeschement qu'ils mettoient, n'estoit point nouveau, ains tresbien preueu dès le iour, qu'on commença à parler de Concile. Qu'on deuoit tenir pour tout asseuré, que, puis qu'ils auoyent secoué le ioug de l'obeissance, principal fondement de la Religion Chrestienne, & passé à des innovations si meschantes, & impies, contre la forme du seruice diuin obserué par tant de centaines d'années, & approuué par tant de celebres Conciles, ils regimberoyent aussi de mesme animosité contre le Concile, qu'on alloit tenir, quoi que legitime, general, & Chrestien : estans certains d'estre condamnés par icelui. Et pour tant qu'il n'y auoit plus autre moyen, sinon que Sa Maiesté les induisist par autorité, ou par force les contraindrist à obeir. Que si on ne le faisoit, ains, à leur contemplation, on se deportoit de proceder à leur condannation : ou mesmes, si apres estre condamnés, ils n'estoyent contraincts de quitter leurs erreurs, on feroit voir à tout le monde, que les heretiques commandent, & que le Pape & l'Empereur obeissent. Que Sa Sainteté louoit bien qu'on vlast premierement de la voye de douceur : mais aussi estimoit necessaire, de monstrer par les effects, qu apres icelle on viendroir à la force & aux armes. Et pour cet effect lui offrit la permission de se preualoir d'une partie des reuenus Ecclesiastiques d'Espagne, & de vendre des siefs de ces Eglises-là, & de lui subuenir de ses propres deniers, & d'enuoyer d'Italie à son secours douze mil hommes de pied, & cinq cens cheuaux payés : & demoyenner que les autres Princes d'Italie aussi lui enuoyast d'autre secours : & pendât qu'il feroit cete guerre, de proceder par armes spirituelles & temporelles, cõtre quiconque attenteroit de molester ses Estats. Il representa aussi à l'Empereur l'entreprise du Vice-roi de Naples, de vouloir enuoyer, au nom de tous les Euesques dudit Royaume, quatre, ayans procuration de tous les autres : lui remonstrant, que cela n'estoit ne raisonnable, ne legitime, & tourneroit à peu de reputation au Concile : que, si les Euesques, tant voisins, & en si grand nombre, se pouoyent excuser par l'enuoi de quatre, à plus forte raison le pourroyent faire la France, & l'Espagne : & ainsi se feroit vn Concile general avec vint Euesques. Et pria l'Empereur de ne permettre vne entreprise tant contraire à l'autorité du Pape, & à la dignité du Concile, dont il est protecteur, ains à y remedier comme il appartenoit. Le Cardinal traita aussi avec l'Empereur sur le fait de la promesse, qui auoit esté faite au nom de Sa Maiesté en la proposition enuoyée à la Diete. Qu'en cas que le Concile n'allast auant, on tiendroir vne autre Diete, pour terminer les differens de la Religion : & lui mit en consideration, que, puis qu'il ne tenoit ni à Sa Sainteté, ni à ses Legats, & Ministres, ni à la Cour de Rome, que le Concile ne se tint, & n'allast auant, il ne pouoit aucunement au Recés intimer vne autre Diete sous cete couleur. Et pressa grandement ce point : d'autant qu'il en auoit trefestrote commission de Rome : & pource aussi que le Cardinal de Monte, homme fort libre, lui en auoit fait grande instance de bouche, & puis en son nom & de ses Collegues, lui en auoit escrit apres qu'il fut parti de Trente, en termes tresexpres, Que ce point estoit de tresgrande importance, & qu'il y deuoit continuellement auoir la visée, & ne l'oublier iamais en sa negotiation : & qu'il se gardast bien d'admettre aucune couuer-

1545.

ture ou pretexte: car cela seul causeroit tout autre bon concert. Et que, quant à lui, il remonstreroit à Sa Sainteté d'abandonner plus tost le Siege, & remettre les clefs à S. Pierre, que de permettre que la puissance seculiere s'attribuast l'autorité de terminer les causes de la Religion, sous couleur & pretexte, que l'Ecclesiastique eust failli à son deuoir à tenir le Concile, ou en autre chose.

L'Empereur se desinvolto de l'extremement de la plainte du Viceroy, & tergiversa sur le fait du Concile, & de la Diete, mais adnouuèle dessein de la guerre contre les Protestans;

L'Empereur respondit sur le fait du Viceroy de Naples, que ce motif ne venoit que de lui mesme, & que s'il apparoissoit qu'il n'y eust vrgente raison, on l'enferoit desister. Sur l'ouuerture du Concile, il ne lui donna aucune response nette: mais parloit diuersement, ores disant, Qu'il auroit esté bon de le commencer en lieu plus propre: ores, qu'auant l'ouuerture il estoit neffaire de faire diuerses prouisions: dont le Cardinal voyoit clairement, que l'Empereur tendoit à tenir la chose en suspens, & à n'y faire autre chose pour se gouuerner selon les euenemens, ou à l'ouurir, ou à le dissoudre. Quant à n'intimer vne autre Diete pour traiter des affaires de la Religion, il n'y rendit qu'une generale, & irresoluë response, Qu'il seroit tousiours estat, autant qu'il lui seroit possible, de l'autorité Papale. Mais, quant à la guerre contre les Lutheriens, il respondit, Qu'il recognoissoit le conseil du Pape pour tresbon, & que c'estoit là l'vnique voye, laquelle aussi il estoit resolu de suivre: mais qu'il y falloit proceder avec les due's precautions: concludant tout premier la treue avec le Turc, laquelle il traitoit tresdiligemment & secretement, par l'entremise du Roi de France: & taschant de diuiser les Protestans entr'eux, ou de les surprendre à despourueu: car autrement leur nombre & leur puissance estant si grande, & inuincible, il y auoit danger que la guerre n'en fust bien hazardeuse, & douteuse. Qu'il faloit tenir ce dessein fort secret, iusques à ce que l'acasion parust à propos: & qu'alors il en enuoyeroit traiter avec le Pape: & cependant qu'il acceptoit les offres qui lui estoient faits.

le Cardinal traite aussi de l'insediatio de Parme & Plaisance aux Espagnes;

Outre ces affaires publiques, le Cardinal en eut vn particulier pour sa maison. C'est, qu'il sembloit au Pape d'auoir peu aduantagé sa maison, lui donnant le Duché de Camerin, & de Nepi, & pretendoit lui bailler Parme & Plaisance: mais d'autant qu'elles auoyent peu auparauant esté possédées par les Ducs de Milan, il desiroit que le consentement de l'Empereur y entreuinst, pour en autoriser & establir plus fermement la disposition. Le Cardinal traita de cela avec l'Empereur, lui remonstrant que cela tourneroit à l'aduantage & au seruice de Sa Maiesté, si ces villes, tant proches du Duché de Milan, estoient entre les mains d'une maison tant deuote & coniointe à Sa Maiesté, comme estoit la siene, plus tost qu'en la puissance de l'Eglise, en laquelle arriuant quelque Pape mal affectionné, il en pouuoit naistre diuers inconueniens. Que cela ne seroit point vne alienation du patrimoine de l'Eglise, attendu qu'elles n'estoyent paruenues à l'Eglise de plus haut, que dès le temps de Iules deuxieme: & mesmes la possession n'en auoit esté bien establie que sous Leon. Que l'Eglise y receuroit vn notable aduantage: veu qu'en eschange d'icelles le Pape donneroit à l'Eglise Camerin: & que distraits les frais qu'il falloit faire à la garde de ces deux places, & adioustant huit mil escus, que le nouveau Duc payeroit à l'Eglise, elle tireroit plus de reuenue de Camerin que de ces villes. Le Cardinal accompagna ces persuasions des lettres de la fille de l'Empereur, laquelle pour son propre interest l'en requeroit instamment. L'empereur n'auoit point la chose pour desagréable, tant pour l'amour de sa fille, & de ses neueux, que pource qu'il estoit & seroit plus aisé de les arracher à vn Duc, qu'à l'Eglise. Nonobstant cela, il ne refusa, ni ne consentit: seulement dit, Qu'il ne s'y opposeroit point.

à quoi l'Empereur ne respond qu'à demi.

les Protestans prennent ombre de la negociation

Le Legat traita avec les Catholiques, & sur tout avec les Ecclesiastiques: les exhortant à la defense de la vraye Religion, & leur promettant toute faueur du Pape. Les Protestans prirent ombre de la negociation de la guerre, quoi que traitée fort secretement: parce qu'un Cordelier, preschant en la preschance en la presence de Charles, & de Ferdinand, & du Legat, après vne

grande inuectiue contre les Lutheriens, se tourna deuers l'empereur, & dit, ^{1545: iouir du Legat} Que son deuoir estoit de defendre l'Eglise par armes: que iusques alors il auoit failli à faire, ce qu'il falloit desia auoir executé & accompli: que Dieu lui auoit fait tant de benefices, qu'ils meritoient bien vne recognoissance contre cete peste de gens, qui ne deuoient plus viure: & qu'il ne deuoit plus différer, d'autant que par ces delais se perdoit tous les iours grand nombre d'ames, desquelles Dieu lui redemanderait conte, s'il n'y remedioit bien tost. Ce sermon engendra non seulement soupçons, mais aussi discours, qu'il auoit esté fait par le commandement du Legat: & des exhortations faites en public, on concludoit quelles deuoient estre les priuées & secretes. Le Cardinal, pour remedier à ces bruits, partit secretement de nuit, & s'en retourna en haste en Italie. Mais le soupçon des Protestans s'augmenta, par les nouuelles, qui vinrent de Rome, que le Pape, congediant quelques Capitaines, leur auoit baillé esperance de les employer l'année suivante.

Le 18. Mai arriua à Trente l'Euesque de Sidonia, avec vn Moine Theolo- ^{les procu- reurs de l'Elector de Mayence} gien, & vn Docteur seculier, comme procureurs de l'electeur Cardinal Archeuesque de Mayence. L'Euesque fit vn demi sermon de l'obseruance & deuotion de l'electeur enuers le Pape, & le S. Siege, loüant grandement la celebration du Concile, comme remede vnique & necessaire pour les agitations & troubles de la foi & Religion Catholique. Les Legats respondirent: haut loüant la pieté & la deuotion de ce Prince; mais, quant à la reception de sa commission, ils dirent, Qu'il la falloit premierelement voir: d'autant ^{une indi- gnité, par le regle- ment du Pape, sur le fait des comparais- sans par} que Sa Sainteté auoit tout nouuellement fait vn reglement, que nul ne püst donner son suffrage par procureur, & qu'ils estoient en doute si icelui com- prenoit vn Cardinal & Prince: qu'ils sauoyent tres-bien la prerogatiue que meritoit Sa Seigneurie Illustrissime, à laquelle ils estoient tout prests de rendre tous honneurs, & porter tout respect. Ces trois personnaiges furent ^{comparais- sans par} confus, voyant qu'on faisoit difficulté de les recevoir, & minuyoient à leur depart. Mais les Legats se repentirent bien tost de la respõse qu'ils auoyent ^{procureurs} donnée, reconnoissans la consequence qu'il y auroit, si le premier Prince & Prelat d'Allemagne, en dignité, & en richesses, s'alienoit de ce Concile: & moyennerent par offices dextrement faits par le Cardinal de Trente, par les Ambassadeurs, & par autres, qu'ils s'arrestassent: disants, que la Bulle parloit seulement des Euesques Italiens: & que les Legats auoyent pris fau- te. Ainsi burent les Legats cete honte, pour obuier à vn si grand desordre. Mais cependant escriuirent à Rome, donnant aduis de ce qui estoit arriué, ^{lequel les Legats de- firent estre moderé.} & demandans s'ils les deuoient admettre, attendu la Bulle: & adioustoient, Qu'il leur sembloit chose bien dure d'esconduire les procureurs & charge- ayans d'un si grand personnage, lequel se demonstroit si seruent & fauora- ble au parti des Catholiques: lequel aussi pour cete cause pourroit s'attiedir. Et requeroient instamment response: d'autant que la deliberation, qu'on feroit en cete cause là, seruiroit d'exemple: car il pourroit auenir que les autres grands Euesques d'Allemagne enuoyeroient aussi leurs procu- reurs: veu mesmes qu'il ne seroit pas à propos qu'ils allassent à Trente en personne: pource qu'estans accoustumés d'aller à grand train de cheuaux, & suites, la ville de Trente ne les pourroit tous recevoir. Et escriuirent, que sur toutes choses, il ne falloit point indigner les Allemans, naturelle- ment soupconneux, & brusques à prendre des resolutions: tant plus, s'agis- sans de personnes affectionnées, & bien meritanes: tel qu'estoit Coeleus, qui desia estoit en voyage, au nom de l'Euesque d'Eichstett, & lequel auoit tant escrit contre les heretiques, qu'ils auroient honte de dire, qu'il ne püst auoir voix & suffrage au Concile. Le Pape ne trouua pas bon de res- ^{ce que le Pape ne pou- uoit faire promptement.} pondre precieusement sur ce fait, attendu les difficultés de Naples: car le Vi- ceroi continuoit en sa resolution, & fut fait le mandement aux quatre des- susdits, afin qu'ils entreuinssent au nom de tous. Ceux-là s'estans mis en chemin, passerent par Rome, celans d'estre ostus procureurs des autres, &

1545.

disans d'aller en leur nom propre, & que les autres suyuroient après. Mais il escriuit aux Legats, qu'ils entretinssent les procureurs, leur donnant bonnes paroles, iusques à ce qu'ils donnaist autre resolution. Les Neapolitains, à leur arriuée à Trente, tinrent aussi le mesme langage: le Pape, & les Legats, gardant cete dissimulation, iusques à ce que le temps d'ouurir le Concile eust esté resolu.

*enui des
Prelats à
Trente,*

A la fin du mois de Mai estoient arriués à Trente vint Euesques, cinq Generaux d'Ordre, & vn Auditeur de Rote: & estoient iabien recrues de l'attente, & loüoyent les autres, qui ne s'estoyent point souciés d'estre si hastifs, & qui attendoyent de voir occasion plus raisonnable & apparente de partir de leurs maisons: lesquels à l'opposite les appelloient par brocard, Messieurs les eschaufés. Et pourtant demandoient aux Legats permission d'aller pour quinze iours ou trois semaines à Venise, ou à Milan, ou ailleurs: pour fuir les incommodités de Trente, sous pretexte d'indisposition, ou de necessité de se fournir d'habits, ou pour autre esgards. Mais les Legats, reconoissans combien cela importeroit à la reputation du Concile, les entretenoyent, en partie disant, qu'ils n'auoyent point de pouuoir de donner telles permissions, en partie aussi leur donnant esperance, que dans peu de iours on commenceroit. L'Ambassadeur de l'Empereur retourna à son Ambassade de Venise, sous pretexte d'indisposition: laissant les Legats en doute, s'il le faisoit par commandement del'Empereur avec quelque artifice caché: ou par lassitude & enui, de demeurer avec incommodité sans rien faire: promit de retourner en bref, & adiousta, que cependant les Ambassadeurs du Roi des Romains demeureroient là, pour prester aide & secours au seruice de Dieu, & qu'il desiroit qu'on attendist son retour, auant qu'ouurir le Concile.

*qui passe
iusques à
vue espee
de mutinerie, par desir de se retirer,*

Mais à la fin du mois ensuiuant, la plupart des Euesques, pousés, les vns de pourreté, les autres d'incommodité, firent des grandes plaintes, & ayans excité vne maniere de mutinerie entr'eux, menaçoient de partir: & pour ce recouroient à François Castel-Alto, gouuerneur de Trente, lequel Ferdinand auoit deputé pour tenir sa place, avec Antoine de la Queta. Cetui-là representa aussi aux Legats, & leur fit instance, au nom de son Roi, que meshui on commençast, veu qu'on voyoit le grand bien qui arriueroit de la tenue du Concile, & le grand mal à l'opposite que causoit le temporisement & dilation. Les Legats s'en tinrent offensés, estimans que c'estoit vouloir faire paroistre au monde tout le contraire de la verité, & attribuer à eux la demeure & attente, qui procedoit de l'Empereur. Et combien qu'ils eussent resolu entr'eux de dissimuler, & de respondre en termes generaux, le Cardinal de Monte ne peut refrener sa liberté, qu'en sa response il ne dist pour conclusion: Qu'ils l'exhortoyent d'attendre D. Diego, lequel auoit commissions plus particulieres que lui. Il y auoit grande difficulté à entretenir & consoler les Prelats, qui supportoient mallement ce long & oïseux sejour, & sur tout les pones, qui auoyent besoin d'argent, & non de paroles.

*reprimée
par la dilige-
nce & libe-
ralité
des Legats,*

Les Legats là dessus se resolurent de donner, aux despés du Pape, aux Euesques d'Aich, de Bretinore, & de Chioge, qui se plaignoyent plus que les autres, quarante ducats par teste: mais, craignant que cete liberalité ne passast à vn droit acquis pour l'aduenir, ils declarerent, que cela se faisoit par subuention, non par pension. Et escriuirent au Pape, lui rendant conte de ce qu'ils auoyent fait, & lui declarant la necessité qu'ils auoyent d'estre secourus de quelque plus grande somme d'argent: mais aussi lui remonstrant qu'il n'estoit point expedient de donner chose aucune, sous nom de pension établie, afin que les Prelats ne semblassent stipendiaires du Pape, ce qui fomenteroit l'excuse & desfaite des Protestans, de ne se vouloir soumettre au Concile, d'autant qu'il estoit composé de seuls dependans du Pape, & obligés à lui.

*l'Empereur
adiourne
l'Archeue-
sque de*

En ce mesme temps l'Empereur, à Vvormes, adiourna l'Archeuesque de Cologne, qu'il eust à comparoir deuant lui dans trente brieifs iours, ou enuoyer procureur, pour respondre aux charges & imputations qu'on lui don-

noit : lui commandant aussi de n'innoier chose aucune au fait de la Religio:
 & des ceremonies, en cet entretemps, ains remettre les choses innouées en
 leur premier estat. Dès l'année mil cinq cens trentefix, Herman Archeues-
 que de Cologne, voulant reformer son Eglise, fit vn Concile des Euesques
 ses suffragans, auquel furent faits plusieurs décrets, dont fut imprimée vn
 liure composé par Iean Groper, Canoniste, lequel, pour ses seruices rendus
 à l'Eglise Romaine, fut du depuis crée Cardinal par le Pape Paul IV. Mais
 ledit Archeuesque, soit que lui ; ou ledit Groper, ne fussent point contens
 de ladite reformation : soit qu'il eust changé d'avis, en l'année mil cinq cens
 quarentetrois assembla le Clergé, & la Noblesse, & les principaux de ses
 estats, & establit vne autre forme de reformation, laquelle fut bien approu-
 uée de plusieurs, mais toutesfois n'agrea point à tout le Clergé, ains la plus
 grande partie s'y opposa, de laquelle se fit chef ledit Groper, qui aupara-
 uant l'auoit conseillé & auancée. Ils insisterent enuers l'Archeuesque qu'il
 desistast, & attendist le Concile general, ou du moins la Diète Imperiale :
 ce que ne pouuans obtenir, en l'année mil cinq cens quarante quatre ils ap-
 pellerent au Pape, & à l'Empereur, comme supreme Aduocat & Protecteur
 de l'Eglise de Dieu. L'Archeuesque respondit, par vn sien escrit publié,
 Que l'Appel estoit friuole, & de neant, & qu'il ne pouuoit desister de ce qui
 appartient à la gloire de Dieu, & à la corection de l'Eglise. Qu'il n'auoit
 que faire avec les Lutheriens, ni avec autres : mais qu'il gardoit la doctrine
 conforme aux saintes Escriptures. L'Archeuesque passant outre en sa refor-
 mation, & le Clergé de Cologne instant au contraire, l'Empereur receut le
 Clergé en sa protection, & adiourna l'Archeuesque, comme il a esté dit.

La nouuelle en estant portée à Trente, dont il suiet de s'entretenir en ce
 grand loisir, au moins en discours. Les Legats s'en esmurent fort : & les mi-
 eux sensés d'entre les Prelats blasmoient l'Empereur, qu'il se fist iuge en
 matiere de foi, & de reformation : & la plus douce parole, qu'ils dissent, estoit,
 Que la procedure del'Empereur estoit fort scandaleuse : & commencerent
 à comprendre qu'on ne faisoit aucun estat d'eux, & que de demeurer la as-
 semblés sans rien faire les mettoit en opprobe & mespris à tout le monde.
 Et pourtant discourroyent qu'ils estoient contrainis de declarer qu'ils es-
 toient Concile legitimentement assemblé, & de donner commencement à
 l'œuvre de Dieu, procedans, pour premieres actions, contre l'Archeues-
 que susdit, contre l'Electeur de Saxe, le Landgraue de Hesse, & mesme con-
 tre Roi d'Angleterre. Ils auoyent si fort releué leurs courages, & conceu des
 pensées si grandes, qu'ils ne sembloient plus ces pourés gens, qui, peu de
 iours auparauint, se reputoyent confinés, ou prisonniers en la ville de Tren-
 te. Les deputés de l'Archeuesque de Mayence rabbatoyent ces ardeurs,
 leur representant la grandeur & les adherances de ces Princes, & le dan-
 ger de les faire vnir avec le Roi d'Angleterre, & par ce moyen allumer
 vn feu plus grand en Allemagne. Le Cardinal de Trente parloit en mesme
 sens. Mais les Euesques Italiens, croyans d'acquérir grande autorité, &
 reputation, s'ils entreprenoyent personnes de haute eminence, disoyent,
 Qu'il estoit bien vrai, que tout le monde auoit les yeux fichés sur tels pro-
 ces : mais que le tout estoit de les commencer, & de les bien fonder : & s'in-
 citoient les vns les autres, disans, Qu'il falloit reparer la tardieté passée,
 par la presente celerité. Qu'il falloit demander au Pape quelque homme, qui
 prist ses conclusions contre les coupables, comme fit Melchior Baldaſsin,
 contre la Pragmaticque Sanction, au Concile de Latran : se persuadans que
 pour prier les Princes de leurs estats, il n'y a autre difficulté, que de bien
 garder les formes, & les procedures. Les Legats reconnoissent bien toutes-
 fois, que tant pour cet effet, que pour tout autre, il estoit necessaire d'auoir
 vn tel Docteur, & escriuirent à Rome, afin qu'il en fust pourueu d'vn.

Le Pape, ayant entendu l'action de l'Empereur, en fut estonné, & en
 perplexité s'il deuoit s'en plaindre, ou se taire. Il iugeoit bien, que se plain-
 dre, sans qu'il en dуст suiure aucun effet, estoit non seulement chose vaine, *et plus à Rome par le Pape,*

1545.

mais mesme vne publication de son peu de pouuoir : & cete consideration le mouuoit grandement. Mais aussi d'ailleurs, ayant bien pesé de quelle consequence estoit de passer vn si grand affaire sous silence, il delibera de n'y ser point de paroles, comme on faisoit à Trente, mais de venir aux effets, pour respondre puis apres à l'Empereur, s'il vouloit parler. Et pour-
qui vouloit tant, le xviii. Iuillet il fit vne autre citation contre le mesme Archeuesque,
par vne au- que dans soixante iours il eust à comparoir personnellement deuant lui. Il
tre citation cita aussi le Doyen de Cologne, & cinq autres Chanoines des principaux
dudit Ar- laissant en dispute, comment il estoit possible que l' Archeuesque comparust
cheuesque deuant deux, qui le citoient pour vne mesme cause, en diuers lieux, en vn
deuant soi. mesme temps ; & comment vn debat de competence de iurisdiction pouuoit
 appartenir à l'honneur de Christ. Mais en son lieu se dira quel succès eut
 cet affaire, & comment cete cause fut terminée.

l'Empereur Retournant à ce qui concerne de plus pres le Concile, l'Empereur en la
en la Diete. Diete essaya tous moyens de faire condescendre les Protestans à contribuer
rascher l'i- contre les Turcs, sans faire mention des choses de la Religion : mais eux
duis les persistoyent à respondre, qu'ils ne pouuoient faire aucune resolution, sinon
Prinellau que tout deuant seureté leur fust baillée que la paix seroit obseruée, & que
à obyr a par l'assemblée faite en la ville de Trente, sous nom de Concile, ne teroit
Concil: d- point entendu le cas de la paix finie, selon l'Arrest de la Diete precedente :
eux le re- mais qu'il seroit déclaré, que la paix ne seroit point rompue, ni eux forcés
font ab- par aucuns Arrests qui se pourroyent faire à Trente : d'autant qu'ils ne se
solument pouuoient soumettre à vn tel Concile, là ou le Pape, qui desia les auoit
 condamnés, auoit tout pouuoir, & pleine disposition. L'Empereur disoit qu'il
 ne leur pouuoit accorder aucune paix, qui les exemptast du Concile, à l'au-
 thorité duquel tous sont assuietés : qu'il n'auroit moye n'aucun de s'excuser
 & iustifier enuers les autres Rois & Princes, si à la seule Allemagne il estoit
 permis de n'obeir au Concile, assemblée principalement pour elle. Que s'ils
 pretendoyent cause, comme ils disoyent, de ne s'y assuiettir, qu'ils alla-
 sent au Concile, & là dissent leurs raisons, pour lesquelles ils le tenoyent
 pour suspect : qu'ils seroyent ouïs, & que si puis apres il leur sembloit d'estre
 gressés, ils pourroyent recuser : & qu'il n'estoit point raisonnable d'antici-
 per, & prendre ombrage de ce qui n'apparoissoit point encor, & pretendre
 grief de choses à venir faisant iugement de ce qui ne se traitoit encor. Mais
 eux repliquoyent, Qu'ils ne parloyent point de choses à venir, mais des
 passées, attendu que leur Religion auoit ia esté condamnée, & persecutée
 par le Pape, & tous ses adherans. Dont ils n'auoyent que faire d'attendre vn
 iugement à venir, ayant ia le passé. Et pourtant qu'il estoit raisonnable &
 iuste, qu'au Concile, le Pape avec ses adherans d'Allemagne, & de tous
 autres païs, constituast l'vne des parties, & eux l'autre : & que des difficul-
 tés sur l'ordre & forme de proceder, fussent iuges l'Empereur, les Rois, &
 les Princes : mais du merite & fonds de la cause, la seule parole de Dieu.
 Et ne purent iamais estre desmus de cete resolution, encores que l'Ambas-
 sadeur de France, qui estoit là present, fist de tres-grandes instances qu'ils
 acceptassent le Concile ; en termes qui sentoyent la menace, prescripts à
 cet Ambassadeur, quand il partit de France, par les ministres de ce Roi,
 fauteurs du Pape. Les agens de l'empereur mirent en auant de transferer
 le Concile en Allemagne, avec promesse que l'Empereur seroit tout son
 possible, pour y faire condescendre le Pape. Cete proposition estoit bien
 acceptée des autres, mais sous condition, que la paix fust establie, iusques
 à tant que le Concile fust assemblé en Allemagne. Mais l'Empereur, qui
 fauoit bien que iamais le Pape n'y consentiroit, vid que c'estoit leur ac-
 corder vne paix perpetuelle : & pourtant qu'il valoit mieux laisser les cho-
 ses en suspens, ottroyant la paix seulement iusques à vne autre Diete ; &
 de fait il s'y voyoit contrainct : d'autant qu'il n'auoit point encor conclu la
 treue avec le Turc, & apprehendoit plus cete guerre-là que les affaires
 des Protestans, pensant bien que par le moyen de quelque Conferenee, il
 seroit

tout des-
meure en
suspens.
qu'en à vne
autre Diete,
& Con-
ferenc.

seroit à l'auenir quelque raisonnable ouuerture; pour les contraindre de rechef à accepter le Concile de Trente: & en cas de refus, les tenir pour rebelles, & leur déclarer la guerre. Pour ces causes finalement le quatrième Aoust il mit fin à la Diete, & quant & quant en assigna vne autre pour le mois de Ianuier prochain en la ville de Regensbourg; en laquelle les Princes deuoyent entreuenir en personne: & ordonna vne Conference sur les matieres de la Religion, de quatre Docteurs, & deux iuges de chaque parti, laquelle deuoit se commencer au mois de Decembre; afin qu'auant la Diete les matieres fussent digerées. Il conferma aussi & renouuella les precedents edits de paix, & mit reglement au payement des contributions pour la guerre. Or quel fut le succes de cete conference, il sera dit en son lieu.

Les Protestans, estans partis de Vvormes, publierent vn liurè, auquel en les Protestans reprochent le Concile de Trente, somme ils disoyent, qu'ils ne reputoyent point l'assemblée de Trente pour Concile, veu qu'il ne se tenoit point en Allemagne suiuant les promesses d'Adrien, & de l'Empereur: & que ce qu'on auoit fait semblant d'y satisfaire par le choix de la ville de Trente, n'estoit qu'une pure moquerie, attendu que Trente ne se pouuoit dire d'Allemagne, sinon entant que son Euesque est Prince d'Empire: mais quant à la seureté, elle est autant en Italie, & au pouuoir & disposition du Pape, comme Rome mesmes. Et que de plus fort ils ne pouuoient tenir cete Assemblée pour legitime, pource que le Pape Paul y vouloit presider, & proposer par ses Legats: & pource que les Iuges lui estoient obligés par sermēt: & que, veu que le proces estoit intēt cōtre le Pape, il n'estoit pas raisonnable qu'il en fust lui mesme le iuge: qu'auant main il faisoit traiter de la forme & maniere de proceder au Concile, & des autorités, sur lesquelles on deuoit prendre fondement. Mais egaleement, à Rome, & à Trente, des plus extremement la resolution de l'Empereur: tant pource qu'un Prince seculier s'entremettoit en affaires de Religion, que pource qu'il leur sembloit qu'il auoit rualé & dégradé le Concile, ordonnant de traiter les affaires de la Religion ailleurs qu'en icelui, qui estoit pendant, & proche à ouuir. Les Prelats, qui estoient à Trente, blasmoient quasi d'une voix ledit Arrest, disans, qu'il estoit pire que celui de Spire: & s'estonnoient comment le Pape, qui s'estoit monitré si vis & sensible contre cet autre-là, auoit toléré, & toleroit encor cetui-ci apres le Concile indit & conuqué: ils tiroient de là vne consequence, que leur demeure à Trente estoit chose vaine & deshonorable. Les Legats s'efforçoient de tout leur pouuoir de les consoler, & de leur persuader, que le tout auoit esté permis par Sa Sainteté à bonne fin. Mais eux repliquoyent, qu'à quelque fin qu'il eust esté permis, & quoi qu'il en arriuaist, jamais ne pourroit estre effacé la fusture, faite non seulement au Pape, & au S. Siege, mais aussi au Concile, & à toute l'Eglise. Et les Legats ne pouuoient plus résister à leurs Plaintes, lesquelles aboutissent toutes à demander congé de partir, les vns allegans affaires particulieres necessaires & importantes: les autres, desirans de se retirer en quelcune des villes voisines pour cause d'infirmité, ou d'indisposition. Les Legats ne donnoient congé à aucun: mais quelques vns de iour à autre le prenoient de propre mouuement & autorité, tellement qu'auant la fin du mois de Septembre ils demurerent là en tres-petit nombre. Mais à Rome, quoique par la negociation du Cardinal Farnese on eust bien preueu, qu'il en arriueroit ainsi, neantmoins apres que la chose fut auenue, on commença à y penser plus à fonds: on consideroit les intentions de l'Empereur grandement differentes de celles du Pape: d'autant que l'Empereur, tenant ainsi les affaires en suspens, faisoit tresbien ses affaires en Allemagne entretenant les Protestans d'esperance, que s'ils lui complaisoyent, il empescheroit l'ouuerture du Concile: & les intimidant, que s'ils ne le vouloyent faire il le seroit ouuir, & permettroit qu'en icelui on procedast cont'eux. Et pourtant faisoit tous les iours naistre nouueaux cas, pour tenir les affaires en branle, poussant doucement le temps sous diuers pretextes, & mesmes quelque fois proposant qu'il seroit meilleur de trāsferer ailleurs le Concile;

1548.

Le Pape
sur ces per-
plexités se
rejoute à la
translation
du Concile.

& donnaient esperance d'agréer qu'il fust transféré en Italie, voire mesme à Rome, afin que le Pape, & les Prelats Italiens pretassent tant plus aisément l'oreille à ses ouuertes & propositions, & tirassent le Concile en longueur.

Le Pape estoit en grande perplexité, & d'estroit: quelquesfois se relui-
loit en lui l'ancien desir de les predecesseurs, que le Concile ne se tint point
& se condannoit soi-mesmes d'auoir à cete fois fait vne demarche si auant:
mais d'ailleurs il voyoit bien, qu'il ne pouuoit, sans grand scandale & dan-
ger, monstrier tout à descouuert de ne vouloir point, en rompant ce peu
d'assemblée qui estoit à Trente. Il voyoit clairement que le Concile n'estoit
point remede propre à esteindre les heresies. Car pour l'esgard de l'Italie,
il valoit beaucoup mieux y pouruoir par la force, & par l'inquisition: & tou-
tesfois cet vniue remede estoit empesché par l'attente du Concile. Et
pour l'esgard de l'Allemagne, il paroissoit ouuertement, que le Concile
apportoit plus de difficulte, que de facilité, à ces affaires. Au demeurant,
quand mesmes il eust valu de necessité le celebrer, il demouroit fort endou-
te s'il deuoit accorder à l'Empereur la moitié des fruits, & des Vassellages
des Monasteres d'Espagne: car s'il ne le faisoit, Sa Maiesté s'en indigneroit:
& s'il le faisoit, il redoutoit que les Prelats Espagnols ne monstrent dans
le Concile quelque mal talent contre lui, & le S. Siege, comme entrepre-
nant de donner ce qui appartenoit à eux. Il preuoyoit aussi vn grand mes-
contentement es Prelats du Royaume de Naples, qui eussent trouué intol-
erable de payer les decimes, & ensemblement estre à grands frais au Con-
cile: & iugeoit que ceux de France s'adiondroient à eux, non par charité,
mais pour trauffer les affaires de l'Empereur. Pour ces causes, il commen-
ça à tourner ses pensées à la translation, pourueu seulement qu'on ne par-
last point de le transporter plus au dedans de l'Allemagne, comme il en au-
oit esté traité à Vormes, à quoi absolument il ne vouloit consentir: quand
mesmes, disoit-il, on eust eu cent ostages, & cens feurtés: sur tout d'autant
qu'il croyoit, que, le transferant plus au dedans de l'Italie, il euiroit l'in-
conuenient de continuer en cet estat, & de tenir le Concile arresté sus bout,
& le prolonger de saison en saison, qui estoit la pire deliberation qui se pust
faire, pour les infinis & perpetuels preiudices qui en pouuoient naistre.
Ioint que, par le laps du temps, que porteroit la translation, on remedioit
au mal present, qui estoit de tenir le Concile concurremment avec vne Con-
ference, & vne Diete assignée pour cause de Religion, sans sauoir quelle
issue pourroit auoir nel'vne ne l'autre: ce qui cependant estoit deshonora-
ble, & dangereux, & de tresmauuais exemple: outre ce que par la transla-
tion on donnoit grand contentement aux Prelats par leur depart de Trête.

Cete deliberation prise, afin de pouruoir à la mettre opportunement en
execution, il enuoya aux Legats la Bulle du pouuoir, pour le transférer,
sous la date du vingtedeuxieme Feurier, de laquelle il a esté parlé ci dessus.
Ces pensées ne possedoyent pas pourtant tout l'esprit du Pape, ne la prin-
cipale partie d'icelui, en sorte qu'il ne pensast beaucoup plus à l'infeda-
tion de Parme & de Plaifance en la personne de son fils, laquelle il auoit ia
communiquée à l'Empereur. Partant, à la fin du mois d'Aoust, il la mit en
effect, sans auoir esgard au general murmure, que pendant qu'il s'agissoit de
reformer le Clergé, le Chef d'icelui donast des Principautés & estats à vn sien
fils conceu de dannable conionction: & nonobstant que tout le College des
Cardinaux l'improudast grandement: (quoi que de vrai le seul Cardinal de
Trani, Iean Dominique de Cupis, s'y opposast formellement, secondé de
quelque petit nombre) & que Iean Vega, Ambassadeur de l'Empereur re-
cusast d'y assister: & que Marguerite, femme de son neveu Octaue, qui eust
desiré que l'ineffesture en eust esté faite à son mari, s'en monstroit malcon-
tente, d'autant qu'elle perdoit le titre de Ducesse de Camerin, & n'en acque-
roit point d'autre. Depuis il se tourna tout à se desmeller des difficultés, &
perils, que portoit le Concile en l'estat ambigu ou il estoit, ni ouuert, ni clos,
en termes seulement de pouuoir seruir à l'Empereur contre lui: & delibera

d'enuoyer l'Euesque de Caserte, pour traiter avec Sa Maïesté, & proposer d'ouurer le Concile, ou bien d'en faire vne suspension pour quelque temps : & en cas que cela n'agreal, de le transférer en Italie, pour donner hastiue-
 ment passade & essor à ce qui pourroit estre traité en la Conference, ou en la Diete: ou, en somme, trouuer & pratiquer quelque autre expedient, qui ne fust de si grande infamie & danger pour l'Eglise, comme estoit de tenir le Concile pendant, & les Legats & Prelats oisifs sans rien faire.

Cete negociation se mit en train avec beaucoup de difficulté: car l'Empe-
 reur estoit bien resolu de ne consentir ni à suspension, ni à translation: & de toutesfoi-
 ses ne trouuoit pas l'ouerture à propos pour ses desseins: partant il ne reiettoit point absolument aucune des propositions, mais ne sachant que faire d'autre, entretenoit des difficultés sur toutes trois. Finalement, au
 mois d'Octobre, il trouua vn expedient, que le Concile fust ouuert, mais qu'on n'y traitast que de la Reformation: surfant de traiter des heresies, & des dogmes, pour n'irriter les Protestans. Le Pape, aduerti de cela par son Nonce, en fut touché au vif: car il voyoit bien que c'estoit donner cause gagnée aux Lutheriens, & le despoiller de toute autorité, le faisant dependre de Conferences, & Dietes Imperiales, auxquelles on remettoit les traités des affaires de Religion, pendant qu'on en interdisoit la conoissance au Concile: & l'affoiblir, en alienant de lui ses affidés par la Reformation: & fortifier au contraire les Lutheriens, en supportant leurs heresies, ou ne les condannant pas. Par ainsi estant tout acertené, que ses interets ne se pouuoient allier ni vnir avec ceux de l'Empereur, pour leur grande contrariété, il delibera de tenir ses desseins cachés, & ne laisser pas cependant d'agir, comme il verroit que requerroit le bien de ses affaires. Pourtant, sans mon-
 strer aucun desplaisir de la responce, qui lui auoit esté rendue, il rescriuit promptement à l'Euesque de Caserte, Que pour complaire à Sa Maïesté, il estoit resolu d'ouurer le Concile, sans aucun delai, commandant qu'on donnast commencement aux Actes Conciliaires, & que tous y procedassent avec pleine liberté, & avec l'ordre & la maniere due & conuenable. Ce que le Pape signifia ainsi en termes generaux, pour ne s'expliquer point ouuertement, qu'elles choses deuoient estre proposées, ou traitées, deuant ou apres, ou entierement omises: estant bien resolu que les points de la Religion, & des Dogmes, fussent principalement traités: sans se vti-
 liser à rendre autre raison, sinon, que de traiter de la Reformation tant seulement, estoit chose qui n'auoit iamais esté pratiquée, & estoit contraire à sa reputation, & à celle du Concile. Et pourtant, le dernier iour d'Octobre, apres auoir conferé tout l'affaire avec les Cardinaux, de leur aduis, & conseil, il arresta, & escriuit à Trente, Que le Concile fust ouuert le prochain Dimanche Gaudete del'Aduent, qui eſcheoit au treizieme Decembre.

Cete nouuelle estant arriuée à Trente, les Prelats en monstrerent tres-
 grande ioye, se voyans deliurés du danger qui les menaçoit de demeurer longuement à Trente, sans rien faire. Mais peu de temps apres, autres perplexités se releuerent: car il arriua des lettres du Roi de France à ses Prelats, qui estoient trois, qu'il eussent à se retirer. Cela sembla aux Legats chose de tres-grande importance: car c'estoit comme vne declaration toute manifeste que Roi, & la France, n'approuuoient point le Concile. Ils es-
 fayerent toutes sortes de persuasions, & inductions, pour empescher ce depart: & remonstroyent aux trois Prelats, que ce commandement auoit esté baillé par le Roi en autre estat d'affaires, & qu'il en falloit attendre vn autre nouueau de Sa Maïesté, apres qu'il auroit entendu l'estat present: leur representant le scandale qui autrement en arriueroit, & l'offense qu'en prendroient les autres nations. Le Cardinal de Trente aussi, & les Prelats Espagnols & Italiens, protestoyent qu'on ne les laissast point partir. Dont finalement fut pris pour expedient que Monsieur de Renes seul partist, pour rendre conte au Roi, & que les deux autres demeurassent. Ce qui aussi fut approuué par le Roi, quand il le fut.

1545.
les Legats
pouvoient
à faire l'ou-
verture
adnan-
gence à
l'au-
bit
du Pape,
et sont les
preparatifs
de la pre-
miere Ses-
sion.

Le dernier iour de Novembre, le terme assigné à l'ouuerture du Concile approchant, les Legats escriuient à Rome, que, pour conseruer l'autorité du S. Siege, il estoit necessaire, en l'ouurant, de lire, & enregister vne Bulle, qui le comandast: & pourtant despescherent en toute diligence, afin qu'elle püst venir à temps. La response, ensemble la Bulle arriua l'onzieme Decembre: & le iour ensuiuant les Legats commanderent vn iusne, & vne procession pour ce iour là, & firent vne Congregation de tous les Prelats, en laquelle premierement fut luë la susdite Bulle, & puis traité de tout ce qu'il falloit faire le iour suiuant en la Session. L'Euesque d'Astorge en Espagne proposa d'vne fort douce façon, qu'il estoit necessaire de lire en la Congregation le Bref de la Legation, & Presidence, afin que ce fust commé vne procession & protestation de l'obeissance & suietion d'eux tous enuers le S. Siege. Cete demande fut approuuée quasi par toute la Congregation, chacun y adioutant quelque instance particuliere. Mais le Legat S. Croix, considerant à quoi cete demande pouuoit reüssir, & qu'en cete publication de l'autorité de la Presidence il y pourroit auoir du danger qu'elle fust limitée: iugea qu'il valoit mieux la tenir secreta & cachée, pour s'en seruir comme les accidens & les affaires le porteroient: & pourtant, respondit sur le champ, Qu'au Concile ils estoient tous vn mesme corps: & que de mesmes il seroit donc necessaire de lire les Bulles de chaque Euesque, pour monstrier qu'il estoit tel, & establi par le Saint Siege: ce qui seroit vne chose longue, & qui entretiendroit toutes les Congregations, pour ceux qui de iour à autre arriueroyent. Par cete subtile desfaite il rabatit cete instance, & maintint la dignité de la Legation, qui consistoit en ce qu'elle fust illimitée.

pardon-
nés, & de
uoirs ce-
lebrier à
Rome & à
Trente:

Le treizieme iour de Decembre venu, le Pape publica à Rome vne Bulle de Iubilé, en laquelle il exposoit, Comment il auoit intimé le Concile, pour guerir les playes, que les meschans heretiques auoyent causées en l'Eglise. Et pourtant exhortoit tous d'aider les Peres assemblés en icelui, par leurs prieres à Dieu: & que pour ce faire de tant plus efficacieusement, & vilement, tous eussent à se confesser, & à iusner par trois iours, esquels aussi ils eussent à assister es processions, & puis à se communier, & prendre le S. Sacrement, ottroyant pardon de tous pechés à qui le seroit ainsi. Et le mesme iour à Trente, les Legats, avec tous les Prelats, en nombre de vint cinq en habits Pontificaux, accompagnés des Theologiens, du Clergé, & du peuple, tant estrangier que de la ville, firent vne solennelle procession depuis l'Eglise de la Trinité iusques à la Cathedrale: là ou estans arriués, le premier Legat de Monte chanta la Messe du S. Esprit: en laquelle l'Euesque de Bionte fit vn long & eloquent sermon. Lequel fini, les Legats firent lire vne fort longue & proluxe exhortation, couchée par escript, dont le sommaire estoit, Que, puis que leur charge portoit d'admonester les Prelats selon les occasions, en tout le cours du Concile, il estoit raisonnable d'en faire le commencement en cete premiere Session: entendant de faire tant cét aduertissement-là, que tous les autres, aussi à eux mesmes, comme estans de la mesme condition que les autres Prelats. Que le Concile estoit conuqué pour trois causes: pour l'extirpation de l'heresie, pour le reestablisement de la Discipline Ecclesiastique, & pour le recouurement de la paix. Ausquelles fins pour paruenir, il falloit tout premier auoir vn vrai & intime sentimēt d'auoir esté cause de toutes ces trois calamités: des heresies, non certes, pour les auoir suscités, mais bien pour n'auoir fait bon deuoir à semer bonne doctrine, & de fenger l'yraie: des mauuaises mœurs, & corrompues, en tant qu'il estoit notoire, que le seul Clergé, & les Pasteurs, auoyent esté & les corrompus, & les corrupteurs. Pour lesquelles causes aussi Dieu auoit enuoyé le troisieme fléau, de la guerre, tant estrangere des Turcs, qu'intérieure & ciuile entre les Chrestiens. Que sans cete vraye & interieure reconnaissance, c'estoit en vain qu'ils entroyent dans le Concile, & en vain inuocoyent-ils le S. Esprit. Que le iugement de Dieu estoit iuste, lequel les exhortoit en cete sorte, quoy que de chastiment plus benin & plus doux, que

serieuse
exhortation
des Legats
auant la
Session,

h'estoit le demerite de la faute. Et pourtant, qu'ils exhortoyent chacun à reconnoistre ses fautes, & à appaiser l'ire de Dieu: repliquant, que le S. Esprit, inuoké par eux, ne viendrait point s'ils refusoient d'ouïr le reproche de leurs pechès, & de les confesser, à l'imitation d'Eldras, de Nehemie, & de Daniel: & adioustoient, que c'estoit vn grand benefice de Dieu, d'auoir occasion de commencer le Concile, pour reſtablir toutes choses. Qu'ils ſa- uoyent bien qu'il ne faudroit point à y auoir pluſieurs contre diſans, & ad- uerſaires: mais que leur deuoir eſtoit de ſe porter conſtamment: & de ſe garder comme bons iuges, de toutes paſſiōs, & regarder ſeulement à la gloire de Dieu: ſeans, & rendans ce deuoir, en la preſence de Dieu, des Anges, & de toute l'Egliſe. Finalement, ils admonēterēt les Eueſques, enuoyés par les Princes, de faire le ſeruite de leurs Seigneurs en toute loyauté, & diligēce: en ſorte toutesſois, qu'ils preferaſſent toujours le reſpect & la reuerence due à Dieu à tout autre eſgard. Apres cela fut luë la Bulle de l'intimation du Concile de l'année mil cinq cens quarante deux, enſemble vn Brief de la ſimple deputation des Legats, avec la Bulle de l'ouverture du Concile, la- quelle auoit eſté luë en la Congregation. Immediatement apres cela, ſe pre- ſenta Alphonſe Zorilla Secetaire de D. Diego de Mendozze, & produiſit derecheſle mandement Imperial, qui ſa auoit eſté preſenté aux Legats, au- quel il adiouſta vne lettre de D. Diego, par laquelle il excuſoit ſon abſence ſur ſon indiſpoſitiō. Les Legats reſpondirent, que quāt à l'excuse, elle eſtoit valable par toute raiſon, & admiſſible: mais, quant au mandement & crean- ce, quoy qu'ils duſſent perſiſter en la reſponſe qu'ils auoyent faite au temps ſuſdit, neantmoins ils agreoyent, pour teſmoigner plus grand reſpect, de le recevoir de nouveau, & l'examiner: apres quoy, ils rendroyent reſponſe.

Ces choses eſtans faites, ſelon les couſtumes & obſeruances du Ceremoniel Romain, tous ſ'agenouillerent, pour faire l'oraſion à voix baſſe, viſitée en toutes les Sessions, & puis la publique, *Ad ſumus Domine, ſancte Spiritus &c.* la- quelle le Preſident recita à haute voix, au nom de tous: & apres que les Letra- nies eurent eſté châtées, le Diacre lut l'Euaſgile, *Si peccaueris in te ſerua te tuus, &c.* & finalement, apres qu'on eut chanté le Hymne, *Veni Creator Spiritus &c.* & que tous ſe furent aſſis en leurs places, le Cardinal de Monte prononça de ſa propre bouche le Decret, par paroles interrogatoires: S'il plaiſoit aux Pe- res, à la louange de Dieu, extirpation des heresies, reformation du Clergé, & du peuple, depreſſion & abaſſement des ennemis du nom Chreſtien, determiner & declarer que le ſaint & general Concile de Trente commen- çast, & fuſt commencé. A quoy tous reſpondirent: premierement les Legats, puis les Eueſques, & les autres Peres, par le mot, *Placet.* Il adiouſta en ſuite, S'il ne leur plaiſoit pas, attendu les empeſchemens des feſtes de la fin & du commencement de l'année, que la ſuiuante Session ſe tint le ſeptieme de Ianuier. Et tous reſpondirent ſemblablement, Qu'il leur plaiſoit. Cela fait, Hercules Seuerole, Promoteur du Concile, fit inſtance aux notaires, que de tous ils priſſent acte, & dreſſaſſent inſtrument. Apres on chanta le Hymne, *Te Deum laudamus.* Et les Peres, ayans deſpouillé les habits Pontificaux, & re- ueſtu les communs, la Croix allant deuant, accompagnèrent les Legats. Ces ceremonies ſont representées ici vne fois pour toutes: car elles furent puis apres pratiquées de meſmes en toutes les ſuiuantes Sessions.

L'Allemagne, & l'Italie, viuoyent en grande curioſité d'entendre les pre- mieres actions de cete aſſemblee, commencées avec tant de difficultés: & les Prelats, & leurs domeſtiques, qui eſtoient à Trente, eſtoient chargés par leurs amis de leur en donner aduis. Et pourtant, incontinent apres la Session fu- rent enuoyés par tout copies de la remonſtrance des Legats, & du Sermon de l'Eueſque de Bitonte: leſquelles auſſi furent bien toſt imprimées. Et pour representer les diuers iugemens, qui ſ'en faiſoyent, il eſt neceſſaire de rap- porter premierement le ſommaire du contenu dudit Sermon. Il commença par monſtrer la neceſſité du Concile: d'autant qu'il ſ'eſtoit ia paſſé cent ans depuis la tenue du Concile de Florence, & les choses hautes & difficiles de l'Eueſ-

lecture des
Bulles &
Briefs du
Pape

prieres &
ceremonies: &

pronuncia-
tion du De-
cret de la
premiere
ſeſſion, por-
tant l'ou-
verture du
Concile: &
aſſignation
de la ſe-
condes

ſommaire
du ſermon
de l'Eueſ-

1545.
que au Bi-
tote à l'ou-
verture du
Concil :

concernantes l'Eglise, ne se peuvent bien & solidement traiter ailleurs qu'en icelui. Pour ce qu'es Conciles, les Symboles ont esté faits, les heresies ont esté condannées, les mœurs ont esté reformés, les peuples Chrestiens ont esté reünies, les armées ont esté enuoyées à la conquête de terre sainte, Rois & Empereurs ont esté deposez, & les Schismes ont esté supprimés & esteints. Et que pourtāt les Poëtes introduisent les Conciles des Dieux. Et Moysse escriit que le Decret de Dieu touchāt la création de l'homme, & la confusion des langues des Geans, fut fait par forme de voix Conciliaires. Que la Religion a trois chefs, Doctrine, Sacremens, & Charité. Que tous trois reclament Concile. Il representa les corruptions qui s'estoyent glissées en tous ces trois chefs: & que pour les restablir, le Pape, avec la faueur de l'Empereur, des Rois de France, des Romains, & de Portugal, & de tous les Princes Chrestiens, auoit conuqué le Concile, & y auoit enuoyé ses Legats. Il fit vne treslongue digression sur les louanges du Pape: & vne autre vn peu plus breue sur celles de l'Empereur: en apres il louā les trois Legats, tirant les eloges du nom & surnom de chacun d'eux: & adiousta, que le Concile estant conuqué, tous s'y deuoyent reduire, comme dans le Cheual de Troye. Il inuita les forests de Trente à resonner par tout le monde, que tous se soumettent à ce Concile: que s'ils ne le font, on pourra dire avec raison, Que la lumiere du Pape est venue au monde, & que les hommes ont mieux aimé les tenebres que la lumiere. Il se doult, que l'Empereur n'estoit present, ou du moins, D. Diego, son Ambassadeur. Il congratula le Cardinal Madruce de ce que le Pape auoit assemblé en sa ville les Peres dispersés, & errans. Puis il se tourna aux Prelats, & dit, Qu'ouurir les Portes du Concile estoit ouurir celles de Paradis, dont doit descendre l'eau viue, pour remplir la terre de la science du Seigneur. Il exhorta les Peres à s'amender, & à ouurir leurs cœurs, comme terre seiche, pour la receuoir. Adioustāt, que s'ils ne le font, le Saint Esprit ne laissera pas de leur ouurir la bouche, mais comme à Balaam, & à Caïphe, afin que le Concile faillant & errant, toute l'Eglise ne viene à faillir & à errer: quoi que cependant leurs pensées demeurent pleines d'esprit mauuais. Il les exhorta à despouiller toutes passions, pour pouuoir dire dignement & avec verité, Il a semble au Saint Esprit, & à nous. Il inuita aux noces la Grece, la France, l'Espagne, & l'Italie, & toutes les nations Chrestiennes. Et en fin se tourna à Christ, le priant par l'intercession de S. Vigile: protecteur & patron de la Vallée de Trente, de vouloir assister à ce Concile.

iugemens
sur la re-
monstrance
des Legats,
& sur le
Sermon de
l'Euesque,

La Remonstrance des Legats fut estimée pieuse, Chrestienne, & modeste, & en somme digne des Cardinaux. Mais le Sermon de l'Euesque de Bironne fut jugé bien different: la vanité, & l'ostentation de l'eloquence estoit marquée de tous: mais les personnes entendues faisoient comparaison de ces franchises & veritables paroles des Legats, Que sans vne vraye reconnoissance interieure, en vain seroit inuocé le S. Esprit: avec celles de l'Euesque tout à l'opposite, que mesmes sans icelle l'Esprit de Dieu leur ouuriroit la bouche, quoi que le cœur demeurast rempli d'esprit mauuais: les confrontant comme vne sentence sainte à vne impie & meschante. On reputoit à arrogance, d'affirmer qu'en cas que ce peu de Prelats errast; toute l'Eglise viendrait à faillir: comme si d'autres Conciles, de sept cens Euesques, n'auoyent point erré, l'Eglise cependant refusant de receuoir leur doctrine. Autres adioustoient, Que cela n'estoit point conforme à la doctrine Papale, qui n'attribue l'infailibilité à autre qu'au Pape: & au Concile, en vertu & bien fait de la confirmation Papale. La comparaison du Concile au Cheual de Troyes, qui fut vne machine de surprise, trahison, & embusches, estoit taxée d'imprudence, & censurée d'irreuerence. On iugeoit blasphemé, que ces paroles de l'Ecriture, Que Christ, & sa Doctrine, qui est la Lumiere du Pere, est venu au monde, & que les hommes ont mieux aimé les tenebres que la Lumiere, eussent esté destorses au Concile, comme si le Concile, ou sa Doctrine, estoit la Lumiere du Pape, qui ait resplandi au monde, laquelle si on ne reçoit, on puisse dire, Que les hommes ont mieux aimé les tenebres que

la Lumierte. Du moins eust-on desiré qu'il n'eust point emprunté les paroles formelles de l'Escripture Ste. pour monstrier si ouuertement de la villipender.

Mais à Trente, apres l'ouuerture faite, ni les Prelats, ni les Legats mesmes ne fauoient ce qu'il falloit traiter, ne quelle procedure & ordre il falloit suivre. Et pourtant les Legats, pour rendre raison de ce qui auoit esté fait auparavant; & en cete premiere Session, escriuirent vne lettre à Rome, qui merite d'estre ici rapportée en toutes ses parties. Premièrement ils disoient, Qu'ils auoient assigné la suiuite Session au iour d'apres la Feste des Rois: comme à vn terme qui ne pouuoit estre taxé ni d'excessive prolongation, ni de trop de briueté: pour pouuoir cependant estre instruits comment ils auroient à se gouverner es autres Sessions: sur quoi ils desirerent estre esclarcis: & pource qu'il pourroit auenir qu'ils seroient d'heure en heure interpellés de diuers affaires, desquels ils n'auroient loisir de donner aduis, & d'attendre la response, ils requeroient qu'on leur enuoyast vne instruction la plus particuliere qu'il seroit possible: & surtout desiroient d'estre informés de la maniere & forme de proceder, de proposer, & de resoudre: & quant aux matieres à traiter, ils demanderent specialement, si les causes d'heresie deuoient estre les premieres: & si falloit les traiter en general, ou en particulier, condannant la faulxe doctrine, ou les personnes des principaux & plus fameux heretiques, ou tous deux coniointement: si, en cas que par les Prelats fust proposé quelque article de Reformation; à laquelle il sebloit que tous visassent, icelui se deuoit traiter coniointement avec l'article du dogme, ou apres, ou deuant: si le Concile deuoit signifier aux peuples & nations son ouuerture & commencement, conuiant les Prelats, & les Princes, & exhortant les fideles à prier Dieu pour l'heureux progrès d'icelui, ou bien si S. Saint e- t- le voudroit faire elle mesme: quelle forme on deuoit garder, & de quel cachet vsen, en escriuant lettres missiues & responsiues: quelle forme il faudroit tenir à coucher les Decrets: s'ils deuoient monstrier de fauoir la Conference & la Diete d'Allemagne, ou le dissimuler: s'ils deuoient proceder lentement ou hastiement, tant à determiner les Sessions: qu'à proposer les matieres. Ils donnerent aduis, que l'opinion de quelques Prelats estoit qu'on procedast, & receueillist les suffrages par Nation: mais qu'ils trouuoient cete facon feditieuse, & qui pourroit faire mutiner ceux de chacune entr'eux: & d'auantage que par cemoien le grand nombre d'Italiens, les plus affidés au S. Siege, ne seruiroit de rien, en cas que le suffrage d'eux tous ensemble n'eust point plus de poids & de valeur, que celui de peu de François, ou Espagnols, ou Allemands. Ils aduertirent aussi qu'on desconuroit qu'il y en auoit qui en auoient le dessein de disputer de la puissance du Concile, & du Pape: point dangereux & capables d'exciter vn chisme entre les Catholiques mesmes: & qu'en la Congregation du douzieme Decembre, il estoit paru que tous les Prelats insistoient à vouloir voir le Mandement du pouuoir des Legats: ce qu'il leur auoit falu euitier avec beaucoup d'artifice, ne sachant encores comment leur Presidence se deuoit entendre, & iusques ou Sa Sainteté pretendoit la faire valoir. Ils requierent aussi qu'on establist les postes par tout le chemin, afin que tous les iours & à toute heure ils pussent, selon les occurrences, donner & receuoir auis. Ils demanderent aussi quelque reiglement sur le fait de la presecance des Ambassadeurs des Princes: & nouuelle prouision de deniers, attendu que les denx mil escus, qui leur auoient esté enuoyés quelque temps auparavant, estoient ia dedens en l'entretien des Eueques indigens.

Les Prelats sollicitoyent qu'on donnast commencement à la besogne: & les Legats, pour les contenter, & monstrier de ne chomer point, firent le dix-huitieme du mois vne Congregation, en laquelle ne fut proposé autre chose, que la maniere de viure & conuerser, & tenir les domestiques en deuoir: & plusieurs choses furent dites contre l'vsage introduit, principalement, à Rome, de porter l'habit de Prelat, seulement es ceremonies, & actions publiques, & au demeurant se vestir en Seculier: egalelement furent repris & censurés les veste neus somptueux, comme les vils & sordides: il fut aussi beau-

1545.

coup parlé de l'age des seruiteurs domestiques; mais enfin le tout fut remis à vne autre Congregation, laquelle se tint le vintdeuxieme du mesme mois, & se consuma toute en discours & deuis de semblables ceremonies, avec cete cōclusion, Qu'auant toutes choses estoit necessaire vne bonne reformation en l'ame: car, quand chacun voudra regarder à la bienſeance du degre, & à l'edificatiō du peuple, il trouuera assez que reformer en soi, & en sa famille.

*L. Papere-
spo. d'ant
Legats: in
beaucoup
de particu-
lars.*

Le Pape, ayant receu les nouuelles de l'ouuerture du Concile, deputa vne assemblée de Cardinaux, & gēs de Cour, pour consulter, & auoir la surintendance sur les affaires de Trente: & par leur aduis & conseil resolut, que les choses n'estoyent pas encores en estat, qu'on pūst clairement voir & iuger qu'elles matieres il falloit traiter, & par quel ordre. Il fit respondre aux Legats, Qu'il n'estoit nullement à propos de conuier au Concile ne Prince, ne Prelats: & moins encores, d'exhorter aucun à leur aider par prieres: d'autant que cela auoit esté suffisamment fait par lui par la Bulle du iubilē, & par les lettres de la conuocation. Qu'aussi il ne falloit point penser que le Concile eſcriuiſt à aucun: & qu'à cela pouuoient ſuppleer les lettres eſcrites par les Legats meſmes en nom commun. Et quant à la maniere de coucher les Decrets, qu'ils leur baillaſſent ce titre, & inſcription, Le Saint, Oecumenique, & General Concile de Trente, & preſidans les Legats Apostoliques. Quant à la maniere de donner les voix & ſuffrages, que leurs raiſons eſtoyent tresbonnes, de n'introduire que cela ſe fiſt par nations: de tant plus, que cete façon ne fut iamais pratiquē par l'ancieneté, mais fut premierement inroduite en celui de Conſtance, & puis enſuiuie par celui de Baſle, leſquels il ne faut imiter. Que la maniere obſeruē au dernier de Latran eſtoit tres-bonne & bienſeante, & pourtant qu'ils s'y tinſſent, & que par cet exemple recent, & qui auoit bien reūſſi, ils fermaſſent la bouche à quiconque en propoſeroit vn autre. Quant à ce qui conſerne la condamnation des heretiques, & les matieres à traiter, & les autres chefs de leurs lettres, qu'il y ſeroit pourueu en ſon temps. Cependant, ſelon la couſtume des autres Conciles, qu'ils ſ'entrecinſſent en choſe preparatoires & en preambules: que leur Preſidēce fuſt conſeruē au rang & grauitē cōuenable aux Legats du S. Siege, mais qu'enſemblement ils procurafſſent de donner matiere de contentement à tous: mais que ſur toutes choses ils miſſent toute diligence à faire que les Prelats ne fortiſſent point hors des termes d'vne honneſte liberte, & reuerence enuers le S. Siege. L'affaire le plus vrgent eſtoit de ſubuenir les Prelats, à ce qu'ils pūſſent porter les frais, à cet eſſet il enuoya vn Bref, par lequel il exemptoit des decimes tous les Prelats du Concile, & leur permettoit la perception de tous les fruits & emolumēs en leur abſēce, de meſme que ſ'ils euſſent eſté preſens: il enuoya auſſi deux mil eſcus, pour ſecourir les Prelats indigēs, avec charge que la diſtributiō en fuſt faite ſans la circōſpection de la tenir ſecrete: car, ores que la choſe fuſt venue en euidence, elle ne pouuoit eſtre interpretē en autre ſēs, que d'vn deuoir de charitē du chef du Cōcile.

*dit. ſans
des diuer.
ſes entre
de Conciles
& matie-
res de trai-
ter en i-
ceux & en-
ciens, &
mūltes.*

Cet endroit requiert, que, pour ce qui a eſté dit, & ſera dit ci apres, touchant la maniere de dire les auis au Concile, ie repreſente comment cela ſe faiſoit anciennement, & comment on en eſt venu à la maniere tenue en ces temps. L'assemblée de toute vne Eglise, pour traiter, au nom de Dieu, les choses appartenantes à la Doctrine, & à la Discipline, eſt choſe de ſingularite, pratiquē par les ſaints Apoſtres en l'election de Matthias, & des ſept Diacres: & à cela ſont aſſez ſemblables les Conſiles Diocēſains: mais de la Conuocation de Chreſtiens de pluſieurs lieux, & eſloignēs, pour cōſerer enſemble, il y en a le celebre exemple es actes des Apoſtres, quand Paul & Barnabas, avec autres de Syrie, ſe reduiſirent en Ieruſalem avec les Apoſtres, & autres diſciples qui eſtoyent là, ſur la queſtion de l'obſeruation de la loi Moſaique: & quoy qu'on pūſt dire, que ce fuſt vn recours des Eglises des Gētils nouuelles, à vne ancienne Eglise matrice, de laquelle à eux eſtoit derriue la foi, comme cela fut obſeruē pour vn long temps es premiers ſiecles, & ſouuent en Irenēe & Tertulien en eſt faite mention: & que les lettres ſoyēt eſcrites au nom des ſeuls Apoſtres, Anciens & freres Ieruſolimitains:

ncant.

neantmoins, d'autant qu'eux ne parlerent pas tous seuls en cete Assemblée, mais aussi Paul & Barnabas, on la peut raisonnablement appeller Concile. A cet exemple les Euesques qui vinrent apres, tenans que toutes les Eglises Chrestiennes ne sont qu'une mesme Eglise, & que tous les Eueschès ne sont qu'un seul, composé en sorte, que chacun en tient vne partie, non comme propre, mais en maniere que tous doiuent gouverner & regir le tout, à tel si toutes-fois, que chacun se doit plus employer & occuper en la partie, qui luy est specialement recommandee, & comise: ainsi que Saint Cyprien le demontre saintement en son excellent petit Traité de l'Vnité de l'Eglise: quand il escheoit quelque necessité de quelque Eglise particuliere, au temps mesmes de l'ardeur des persecutions, ceux qui pouuoient s'assembler, pour ordonner en commun le remede & la prouision necessaire. En ces assemblées Iesus-Christ, & le Saint Esprit presidans, & les passions humaines n'y auans point d'entrée ny de lieu, ainsi la seule charité: sans ceremonies, & sans formes prescrites, on consultoit & resoluoit ce qui estoit expedient. Mais, par succès de temps, les passions humaines s'estans meslées avec la charité, il fut necessaire de les regier par quelque ordre, dont entre ceux qui s'estoient assembles en Concile, le principal, soit à l'esgard de la Doctrine, soit pour la grandeur de la ville, ou Eglise, d'où il estoit, soit pour quelque autre raison d'eminence, prenoit la charge de proposer, & de moderer l'action, & de recueillir les suffrages. Apres qu'il eut plu à Dieu de donner paix aux fideles, & que les Princes Romains eurent receu la foy Chrestienne, il aduint que les troubles & les difficultés en la Doctrine, & en la discipline, se rendirent plus frequents: dont aussi la paix publique estoit grandement troublée par l'ambition, & autres mauuaises affections de ceux qui auoient de la suite & du credit: & pour cete cause fut introduite vne autre sorte d'assemblées Episcopales, conuocées par les Princes, ou leurs Lieutenans & Gouverneurs, pour remedier aux troubles. En icelles, l'action estoit conduite par les Princes, ou Magistrats, qui les assembloient, les quels aussi entreenuoient es Actions, propoisoient, & moderent le traité, & donnoient arrests interlocutoires sur les differends suruenans, laissant au commun aduis de l'Assemblée la decision de la cause & question principale, pour laquelle icelle estoit conuocée. Cete forme de proceder paroit manifestement es Conciles, dont les actes sont demeurés en estre. On peut alleguer pour exemple la Conference des Catholiques & Donatistes en presence de Marcellin: & plusieurs autres. Mais, pour parler seulement des Conciles generaux, cela se voit au Concile d'Ephese, en presence du Conte Candidien: que l'Empereur y auoit enuoyé pour presider: & encor plus clairement au Concile general de Calcedoine, en la presence de Martian, & des Iuges par luy deputés: & en celuy de Constantinople *in Trullo*, en la presence de Constantin le Barbu: auquel le Prince & Magistrat presidant, & commande ce qu'il faut traiter, quel ordre il faut tenir, qui doit parler, & qui se taire: & naissant quelque differend en ces choses, le vuide, accommode. Quant aux autres Conciles Generaux, dont on n'a plus les Actes, les historiens de ces temps-là tesmoignent, que Constantin & Theodose en vserent de mesme. Mais encorés en ces temps-là mesmes, ne fut point intermise cete autre maniere de Conciles, dont nous auons parlé: esquels les Euesques s'assembloient d'eux mesmes, & l'un d'eux conduisoit l'action, & la resolution se prenoit selon le commun aduis, & la pluralité des voix. La matiere dont il s'agissoit, estoit par fois bien promptement resolué, en sorte que tout s'acheuoit en vne seule seance: par fois aussi: pour les difficultés, ou pour la multiplicité, il escheoit de reiterer: d'où sont venues les diuerses Sessions en un mesme Concile. Quoy que d'en soit, nulle seance n'estoit de pure & simple ceremonie, ny seulement pour prononcer choses digerées ailleurs, mais pour ouïr l'aduis d'un chacun: les Actes du Concile s'appelloient les Conferences, Examens, Disputes, & tout ce qui se faisoit, ou disoit. C'est vne nouuelle opinion, & qui peu de fois a esté pratiquée, quoy que le Concile

de Trente l'ait establie, que les seuls Decrets soyent les Actes du Concile, & que ceux-là seuls doivent estre mis en lumiere: car és anciens toutes choses se communiquoyent à tous. Il y auoit des Notaires ordonnés pour recueillir les voix & suffrages, & quand vn Euesque donnoit le sien, sans qu'aucun y contredist, on n'auoit pas de coustume d'escrire son nom propre, ains seulement on escriuoit, Le Saint Concile dit. Et quand plusieurs disoient la mesme chose, on escriuoit les Euesques s'escrierent d'une voix, ou, Les Euesques affermerent: & les choses, dites en cete sorte, estoient prises pour arrests & decisions. Si les Euesques parloyent en sens contraires: les opinions contraires estoient marquées, ensemble les noms des Autheurs: & les Iuges, ou Presideurs, decidoient. Il n'y a point de doute, qu'il n'arriuaist quelquefois quelque impertinence, ou absurdité, par le défaut & imperfection de quelcun: mais la charité, qui excuse les défauts des freres, la recouuroit. Il y entreuenoit plus grand nombre de la Prouince, où le Concile se tenoit, & des voisines, mais sans emulation, & concurrence: chacun desirant plus tost d'obeyr, que de prescrire loy à autrui. Depuis que l'Empire Occidental eut esté separé de l'Oriental, il demeura encores en Occident quelques traces de ces Conciles, à la maniere ancienne, & primitive: & on en voit plusieurs sous la race de Charles Magne en France: & en Allemagne & sous les Roys Gots, en Espagne. En fin les Princes furent tout à fait exclus de l'interuention és choses Ecclesiastiques, & par mesme moyen se perdit l'usage de cete sorte de Conciles, & n'en demeura plus autre, que celle qui est conuoeue par les mesmes Ecclesiastiques: laquelle mesmes le Pape de Rome attira quasi toute à soy, enuoyant ses Legats par tout, où il entendoit qu'on parloist de tenir Concile, & quelque temps apres il s'attribua aussi le pouuoir, que les Empereurs Romains exerceoient anciennement, de conuoeuer le Concile de tout l'Empire, & d'y presider, s'il s'y trouuoit en personne: ou d'y enuoyer qui en son nom y presidast, & moderast l'action. Or, apres que les Prelats, assemblés en Concile, eurent perdu la crainte du Prince seculier, qu'ils reuenoient deuoir, & que par ce moyen les esgards & interets mondains: cause de tous les inconueniens, se furent accrus sans fin, ce qui multiplioit les irreuerences, & les desordres, on commença à digerer, & preparer les matieres en priuè, & en secret, pour pouuoir garder la bien-seante honnesteté, en la seance publique, cela passa puis apres en reiglement, & de là furent instituées és Conciles, outre les Sessions, les Congregations de quelques deputés, pour ventiler les matieres, lesquelles au commencement; quand elles estoient de plusieurs chefs, estoient partagées, & à chacun chef estoit assignée sa propre Congregation. Et, d'autant qu'encor cecy ne suffisoit point, pour oster tout desordre, & irreuerence: pource que les autres qui n'estoient point entreuenus en la Congregation, ayant leurs interets differents, mouuoient des difficultés en public, outre la Congregation particuliere on en introduisit vne Generale auant la Session, à laquelle tous pouuoient & deuoient assister: icelle est vrayement l'Action Conciliaire, & Synodale, si on regarde à l'usage ancien: car la Session venant apres que tout est fait, n'est qu'une pure ceremonie. Il n'y a gueres plus d'un siecle, que les interets firent naistre quelque competence entre les Euesques de diuerles nations, & de là aduint que les lointaines, qui estoient en petit nombre, ne voulans supporter d'estre surmontées par les voisines plus nombreuses, afin deses egalier, il fut de necessité ordonner qu'elles s'assembleroient chacune à part soy, en faisant chacune sa deliberation par pluralité de voix, & puis que le general Arrest se feroit par suffrages non contés par testes, mais par nations entieres. Ainsi fut pratiqué és Conciles de Constance, & de Basle. Mais cet usage, conuenable là où les affaires sont gouuernées en liberté, comme elles estoient au temps de ces deux Conciles, auquel le monde estoit sans Pape, n'estoit nullement à propos à Trente, où estoit requis vn Concile suiet au Pape. Et ce fut là la raison, pour laquelle les Legats à Trente, & la Cour à Rome: faisoient si grand estat de la forme & maniere de proceder, & de la qualité

& authorité de la presidence.

La response susdite estant arriuee de Rome, les Legats conuoquerent la Congregation, le cinquième Ianuier, mil cinq cens quarante six: & en icelle apres que le Cardinal Legat de Monte, les eut tous salués, & beñits de la part du Pape, il fit lire le susdit Bref de l'exemption des Décimes. Les Legats haranguerent toustours consécutiuiement en louange du Pape, montrant la bonne volonté enuers les personnes des Peres. Mais quelques Epi-
l'exemption des decimes destruyte par le Pape aux Synodaux.
 gnois dirent, Que cete grace du Pape tournoit plus à priuilege qu'à bene-
excité de l'esprit & des concurrences
 fice: d'autant que par l'acceptatiō d'icelle, on aduouoit que le Pape peut im-
 poser charges aux autres Eglises, & que le Concile n'a point d'autorité de
 l'empescher, ne d'exempter ceux qui iustement ne peüient estre compris
 en l'imposition. Cela desplut aux Legats, & fut rabatu par quelques paroles
 piquantes. Autres Prelats demanderēt que cete grace & priuilege fust esté-
 du à tous leurs domestics, & à toutes les personnes qui se trouuoient au Co-
 cile. Les Generaux des Ordres demanderent aussi la mesme exemption, al-
 legans les frais, qu'il faloit que leurs Couuēts portassent, pour l'entretien
 des Moines, qu'ils auoyent amenés avec eux au Concile. Catalan Triuilece,
 Euesque de Plaisance, atriue deux iours auparavant, exposa publicquement,
 que passant non gueres loin de la Mirandole, il auoit esté desualisé, & requit
 que le Concile fust vne ordonnance contre ceux qui donnoient faulcherie,
 ou destourbiert aux Prelats, & autres personnes qui iroyēt au Concile. Mais
 les Legats, conioignant cete proposition avec la pretenſion d'exemption dite
 cy-dessus, combien il pouuoit importer, si le Concile s'ingeroit en sembla-
 bles matieres, faisant ordonnances & loix pour sa propre exaltation: & que
 cela estoit attenter sur les Secrets de la Hierarchie Ecclesiastique: & pour-
 tant gauchirent dextrement, allegans, que cela sembleroit au monde vne
 nouueauté, & trop de ressentiment: mais offrirent de mouuener que le Pape
 pourueust à la seureté des personnes, & eust esgard aux domestics des Pre-
 lats, & aux Moines. Et ainsi tous s'appaiserent.

Puis le mesme Cardinal Legat de Monte, passant aux actions Synodales,
 exposa la maniere qui auoit esté suiuite au dernier Concile de Latran auquel
 il estoit entreuenu, comme Archeuesque de Siponte. Et dit, qu'en iceluy se
 traitant de la Pragmaticque Sanction de France, du Schisme suscitē contre
 Iules deuxieme, & de la Guerre contre les Princes Chrestiens, on auoit fait
 trois diuerses deputations de Prelats sur ces matieres, afin que chaque Con-
 gregation, vacant à vne seule d'icelles, la pust mieux digerer, & qu'apres
 que les Decrets auoyent esté formés, on faisoit vne Congregation generale,
 en laquelle chacun donnoit sa voix, & suffrage, selonc lesquels les resolutiōs
 estoient encores plus exactement reformees: en sorte que puis apres es Ses-
 sions les choses passoyent avec beaucoup d'vniō, & de bienſeance. Que ce
 qu'ils auoyent à traiter presentement estoit bien plus diuers, & compliqué:
 veu que les Lutheriens auoyent remuē toute pierre, pour renuerser le
 bastiment de la foy: & pourtant estoit necessaire de partager les matie-
 res, & de deputer Congregations particulieres à chacune, pour la bien
 desmesler & disputer: & d'establir des deputés pour former les Decrets, qui
 deuroient estre proposés en la Congregation generale, en laquelle chacun
 diroit son aduis: & afin qu'iceluy fust entierement libre, aux Legats a-
 uoyent deliberē, de ne faire autre que proposer, sans dire leurs aduis es
 Congregations, mais seulement es Sessions. Que tous aduissassent aux choses
 necessaires à traiter, pour faire quelque commencement, apres la prochain-
 e Session.

Quant à eux, pour lors ils proposoyent, s'il leur plaisoit qu'en la Session fust
 publié vn Decret formé sur la maniere de viure Chrestienement en la ville
 de Trente, pendant le Concile. Le Decret estant lu, avec ce Titre, *Le sacreſaint
 Concile* &c. comme il auoit esté enuoyé de Rome, les François firent instan-
 ce qu'on y adioustast, *representant l'Eglise vniuerselle*, laquelle opinion fut suiuite
 de la plus grande partie des Euesques, avec vn aduſſement vniuersel:

Qij

*le Concile de
 Latran est
 proposé à
 imiter à
 Trente, &
 les Congre-
 gations esta-
 blies auant
 la Session.*

*debat sur le
 titre du Con-
 cile, au lieu
 de la
 session.*

Mais les Legats, considerans que ce titre n'auoit esté employé que par les Conciles de Constance, & de Basle, & qu'en les imitant, on rafraichissoit leur memoire; & leur donnoit-on credit, & autorité: & ouuroit-on la porte aux difficultés, que l'Eglise Romaine souffrit en ces temps-là: & d'ailleurs, ce qui importoit le plus, aduisant qu'apres qu'on auroit dit, *representant l'Eglise Vniuerselle*, il pourroit venir en fantaisie à quelqueun d'adiouster ces paroles, ou autres semblables, laquelle a son pouuoir immediatement de Christ, & a laquelle chacun, mesmes de dignité Papale, est tenu d'obeyr. s'opposèrent viuement, & comme eux mesmes eschriuerent à Rome en termes formels; se porterent pour appointés contraires, sans toutesfois declarer les vrayes causes de leur opposition aux Peres, mais disans seulement, que c'estoient paroles ampoulées, & odieuses: & que les heretiques leur donneroient vn sens sinistré; & malin, & s'employeroient tous, sans toutesfois descouurir le secret, à rabaire ce coup premierement par artifices, & souplesses, & puis protestant tout ouuertement de ne iamais l'endurer: si bien qu'ils appaisèrent cete generale esmotion, quoy que les François, & quelque petit nombre d'autres, demeurassent fermes en leur proposition.

Iean de Salazar, Euesque de Lanciano, Espagnol de nation, presta grand secours & renfort aux Legats, car il haut-loüa avec beaucoup de paroles les premiers Conciles de l'Eglise, pour leur Antiquité, & pour la Sainteté des entreuenans & membres d'iceux: & trouuoit bon qu'on les imitast au titre dont ils vsoient, qui estoit fort simple, sans expression de representation, ne de l'autorité qu'auoit le Synode. Mais ce qu'il adiousta en suite n'agrea point, Qu'à limitation d'iceux, on omist aussi la nomination des Presidens, laquelle on ne void iamais vstée en aucun ancien Concile, mais auoit premierement esté introduite par celuy de Constance, lequel; à cause du Schisme, changea souuent de Presidens: adioustant, que si l'exemple de ce Concile-là deuoit estre imité, il faudroit aussi nommer l'Ambassadeur de l'Empereur, veu qu'à Constance auoit esté nommé le Roy des Romains; & les autres Princes, qui estoient avec luy. Mais que ce fast & parade estoient contraires à l'humilité & modestie Chrestienne, & fit vne brieue recapitulation du discours fait par le Cardinal Legat de S. Croix le douzième de Decembre, auquel adherant & resistant, il concludoit qu'il falloit mesmes omettre toute mention des Presidens: Cete proposition donna encor plus à penser aux Legats que la precedente: mais toutes-fois le Cardinal de Monte repartit tout sur le champ: Que les Conciles auoient diuersement parlé, selon les occurrences des temps: qu'es temps passés, le Pape auoit tousiours esté reconu Chef en l'Eglise, & que iamais aucun n'auoit demandé Concile independant du Pape: comme les Allemans le demandoient à present outreuidamment: & qu'il falloit en toutes actions repugner à cete temerité heretique; se monstrant conioints avec le Chef, qui est le Pape de Rome; faisant mention de ses Legats. Il tint vn long propos sur ce sujet, lequel sachant bien estre plus aysé à maintenir par diuersion, qu'à persuader par raison; il procura qu'on passast à autre chose. Le contenu du Decret fut approuué de tous: mais d'autant qu'il y auoit vne clause, en laquelle chacun estoit exhorté à prier Dieu pour le Pape, l'Empereur, & les Roys: les Prelats François firent instance que nommément fust faite mention du Roy de France: ce que le Cardinal Legat de S. Croix trouuoit bien bon, mais adioustoit qu'il faudroit doncques nommer tous les autres en leur rang & ordre, qui seroit chose longue, & pleine de danger, pour les presences. Les François repliquerent, Que le Pape, en la Bulle de la Conuocation, auoit bien fait mention de l'Empereur, & du Roy de France seulement, & pourtant, qu'il falloit, à cet exemple, ou le nommer, ou les omettre tous deux. Les Legats se remirent à y penser, donnant intention que chacun demeureroit content.

les François requi-
rent que
mention
fust faite du
Roy:

Ainsi doncques, le septième de Ianuier, tous les Prelats, en leurs habits communs, s'assemblerent en la maison du premier Legat, de laquelle partans, la Croix deuant, ils s'acheminèrent vers l'Eglise Cathedrale. On assembla

du territoire de Trente en la ville quelques gens de cheual, & trois cens soldats, armes partie de piques, partie de harquebuses, lesquels semirent en haye des deux costés de la rue, des la susdite maison jusqu'à l'Eglise. Et apres que les Legats, & les Prelats furent entrés en l'Eglise, toute cete gendarmerie se rendit sur la place de l'Eglise, & fit vn salue d'harquebuzerie, & puis le tint sur la place à faire la garde à cete Session. Outre les Legats, & le Cardinal de Trente, se trouuerent là quatre Archeuesques, vint-huit Euesques, trois Abbes de la Congregation du mont Cassin, & quatre Generaux d'Ordre, lesquels estoient assis au lieu de la Session. Ces quarante-trois personnes constituoient le Concile general. Des Archeuesques les deux estoient portatifs, & titulaires seulement, qui iamais n'auoient veu les Eglises, dont ils portoient le titre, qui leur auoit esté conseré par le Pape, seulement pour cause d'honneur: l'un estoit Olaus Magnus, nommé Archeuesque d'Upsale en Gothie: & l'autre Robert Vuaucop Escossois, Archeuesque d'Armacan en Irlande, homme de tres-courte veue, mais renommé pour le meilleur coureur de poste du monde. Ces deux auoient esté entretenus à Rome quelques années par le Pape, par maniere d'aumosne, & furent enuoyés à Trente, pour accroistre le nombre: & dependre des Legats. Il y auoit enuiron vint Theologiens tout debout, l'Ambassadeur du Roy des Romains: & le Procureur du Cardinal d'Ausbourg, y assisterent, & furent assis au banc des Ambassadeurs: & apres d'eux au mesme banc estoient assis dix Gentilshommes des en conuoiusins, choisis par le Cardinal de Trente. La Messe fut chantée par Iean Fonseca, Euesque de Castelmare, & en la Messe Coriolan Martiran, Euesques de Saint Marc, fit le Sermon.

La Messe finie, les Prelats se vestirent de leurs habits Pontificaux, & furent faites les Letanies, & Oraisons, comme en la premiere Session lesquelles acheuées, & tous estant assis, l'Euesque celebrant monta en chaire: & lut la Bulle susmentionnée, que les Procureurs des absens ne fussent admis à donner leur suffrage, & ne se fit aucune mention d'une autre, en laquelle estoient exceptés ceux d'Allemagne. Apres il lut le Decret, auquel le Concile exhortoit tous les infideles, assemblés à Trente, de viure en la crainte de Dieu, & faire tous les iours oraisons pour la paix entre les Prinées, & pour l'vnité de l'Eglise: & les personnes du Concile à dire Messe, au moins le dimanche, & prier Dieu pour le Pape, l'Empereur, les Roys, & les Princes, & tous à iulner, & faire aumosne, & viure sobrement, & instruire leurs domestiques. Il exhortoit aussi tous, mais principalement les gens de lettres, à penser exactement aux voyes & moyens de chasser les heresies, & à vser de modestie es assemblées à parler & proposer leurs aduis. Il ordonna en outre, qu'en cas qu'aucun ne fust assis, ou ne donnast son suffrage, ou n'entreuint es Assemblées, en son lieu & rang, nul n'en receust preiudice, & nul aussi n'en acquist nouveau droit. Le Decret ayant esté lu, les Peres interrogués, responderent, *plac.* Mais les François adiousterent, qu'ils n'approuuoient point le titre ainsi imparfait, & y requeroient l'addition, *Vniuersam Ecclesiam representans.* En fin fut assignée la Session suivante, au quatrieme Feurier, & les Peres congédiés, lesquels, ayans laissé leurs habits Pontificaux, en leurs communs habits accompagnerent les Legats à leur maison, avec le mesme ordre, qu'ils estoient venus en l'Eglise: lequel fut obserué en toutes les suivantes Sessions.

Apres la Session, on ne tint aucune Congregation iusques au treizieme de Ianuier: d'autant que Pierre Pacieco, Euesque de Iahen, nouuellement creé Cardinal, ne pouuoit selon la loy de la ceremonie se trouver en lieu public auant qu'il eust reçu le bonnet de Rome: & cependant il desiroit extremement d'entreuenir en la premiere Congregation, d'autant qu'en icelle on deuot mettre ordre, qu'en la Session n'auinsent plus aucuns inconueniens. Quand la Congregation fut assemblée, les Legats se doulurent de ceux, qui auoient fait opposition au titre du Decret, le jour de la Session, & monstrerent, qu'il n'estoit point seant de faire apparoir diuersité d'aduis en

Or le Des
cret d'ice
celle.

en la s^{uy}
uante Con-
gregation
est traitée
l'opposition
faite au ti-
tre du Con-
cile.

1546.

ce lieu public, que les Congregations se faisoient, afin que chacun püst dire son aduis en lieu retiré, pour estre puis apres tous vniformes en ce qu'il se deuoit publier: qu'il n'y auoit rien, qui tant düst estonner les heretiques, & amener les Catholiques, que la renommée de l'union. Ils vinrent puis apres à la matiere du titre du Concile: & mirent en consideration, qu'il n'y en auoit point de plus conuenable que ce luy, que luy donnoit le Pape en la conuocation, & autant d'autres Bulles, où il estoit nommé ce eumenique & Vniuersel, à quoy seroit chose superflue d'adiouster aucune representation: veu que tous les liures sont pleins de ce qu'est ou représenté vn tel Concile, legitimement indit, & commencé: & que faisant autrement, on monstroient de douter de son autorité, & de le vouloir comparer à quelque autre Concile, qui si estoit donné ce titre, de Representant l'Eglise vniuerselle, pour ce qu'il reconnoissoit de manquer d'autorité legitime, dont il auoit voulu y suppléer par paroles: designant les Conciles de Basle, & de Constance: & pourtant, afin d'en faire vne ferme resolution, que chacun en dist son aduis.

Le Cardinal Pacieco dit, Que le Concile estoit orné de beaucoup de titres, & en si grand nombre, que s'il faisoit les employer tous à toutes occasions, le special denombrement d'iceux seroit tousiours plus gros que le corps du Decret, mais que, comme vn grand Empereur, possesseur de plusieurs royaumes & Estats, d'ordinaire en les Edits n'employe que le titre, dont l'Edit peut redouir force & vigueur: & mesmes souuentefois, sans titre, met seulement en auant son nom propre: ainsi ce Concile, selon les matieres qui se traiteront, pourra employer diuers titres: pour declarer son autorité, mais qu'à present, qu'on n'est encors qu'à des preparatoires, il n'est point necessaire d'en employer aucun. L'Euesque de Feltré considera, Que les Protestans auoient requis vn Concile, auquel ils pussent aussi entreuenir avec voix decisive: que si on donnoit ce titre au Concile, qu'il represente l'Eglise vniuerselle, ils s'ireroient de là vn argument, Que donques y doiuent entreuenir gens de tous Ordres de l'Eglise vniuerselle: lesquels estans deux, Clerical, & Laical, icele ne peut estre parfaitement représentée, si le Laical en est forcé. Mais au demeurant, ceux là mesmes, qui en la Session auoient consenty au titre simple, estoient d'auis que cete representation fust supplée. L'Euesque de Saint Marc dit, Que les Laics ne peuuent estre appellés Eglise, sinon très-improprement: d'autant que, comme les Canons determinent, ils n'ont aucune autorité de commander, mais seulement necessité d'obeyr: & que c'estoit là vne des choses, que ce Concile deuoit arrester, Que les Seculiers receuissent en humilité la doctrine de la foy, qui leur est donnée par l'Eglise, sans en disputer, ny mesmes y penser plus auant. Et pour ce que pour cela mesme il faut user de ce titre, Que le Concile represente l'Eglise vniuerselle, pour faire entendre aux seculiers, qu'ils ne sont point l'Eglise, mais qu'ils sont obligés à escouter l'Eglise, & à luy obeyr. Plusieurs choses

mais en fin
on s'arreste
à celui de
la Session.

là dessus furent dites: & on passa outre, sans autre plus ferme conclusion, arrestant seulement qu'en la Session suyuante on se seruiroit du titre simple, comme en la precedente.

et l'ait-on
seul auoit de
recevoir des
matieres

Ces choses faites, d'autant que certains Prelats auoient fait instance, qu'on vinst mesme aux choses essentielles, les Legats, pour les contenter, proposerent qu'on aduisast aux trois chefs contenus en la Bulle du Pape, assauoir, à l'extirpation des heresies, à la reformation de la discipline, & à l'establisement de la paix: & comment on deuoit entrer à entraîner, quelle voye il faisoit suyure, & quelle procedure garder, & qu'ils priaissent Dieu qu'il les illuminast tous, & que chacun vinst préparé pour en dire son aduis en la premiere Congregation. A la fin furent presentées quelques commissions & procurations d'Euesques absens, & furent deputés l'Archeuesque d'Aix, l'Euesque de Feltré, & celui d'Astorga, pour voir le point & fondement de l'excuse, & en rapporter à la Congregation.

Le iour ensuyuant, les Legats escriuirent à Rome, qu'ils voyoient cete

amplification du titre du Concile, par l'addition de, *Représentant l'Eglise Vniuerselle*, estre chose tant plausible, & agreable à tous, qu'ayément elle pourroit estre remise sur le tapis: & pourtant desiroient sauoir la volonté de Sa Sainteté, s'ils deuoient persister à la denier, ou bien s'il les en falloit contenter, sur tout escheant occasion qu'on eust à faire quelque Decret important, comme en la condennation des heresies, & en choses semblables. Ils donnerent aussi aduis, comme ils auoient fait la proposition pour la Congregation suyuante, ainsi en termes generaux, pour seconder le desir des Prelats, qui estoit d'entrer es matieres essentielles: & toutes-fois interposer du temps, iusques à ce qu'ils eussent receu de Sa Sainteté l'instruction requise. Ils adiouterent, que le Cardinal Pacieco auoit nouuelles que l'Empereur auoit donné charge à diuers Euesques Espagnols, personages exemplaires, & de grand sauiroir d'aller au Concile, dont iugeoient necessaire que Sa Sainteté enuoyast dix ou douze Prelats, bien affidés, mais qui aussi eussent des qualitez releuees, pour paroistre afin que le nombre des Ultramontains, sur tout de personages rares en doctrine, & exemplaires en vie, & mœurs, venant à croistre, il y eust moyen de leur mettre quelques Italiens en teste, qui en quelque partie les contrepesassent, car d'entre ceux, qui iusques alors se trouuoient à Trente, les bien affectionnés estoient de peu de literature, & de moindre prudence encor: les autres de quelque sauiroir, se descomroient geus de cabale, & mal-ayés à manier.

En la suyuante Congregation, assemblée le dix-huitième du mesme mois, pour ouïr les aduis de tous sur les propositions de la precedente, les opinions furent diuisées en quatre. Les Imperialistes dirent, *Que la matiere des dogmes ne se pouuoit traiter: avec esperance de fruit, que tout premier on n'eust par vne bonne reformation osté les transgressions, desquelles sont procedées & nées les heresies, & s'estendirent bien fort en ce grand chap ouuert, concluant, que iusques à ce que n'est purgé le scandale, que le monde prend de la deprauation de l'ordre Ecclesiastique, iamais on n'adioustera foy ne creance à chose aucune qu'iceluy preschera, ou affermera, au fait de la Doctrine: attendu que tous sont persuadés, qu'il faut regarder aux œuures, & non aux paroles. Disant en outre, qu'il ne falloit point parler de l'exemple des anciens Conciles: d'autant qu'en iceux, ou il n'y auoit point de corruption de mœurs, ou icelle n'estoit point cause de l'heresie, & qu'en fin: dilayer de traiter de la reformation n'estoit autre choqe se monstrer incorrigibles.*

Quelques autres, en petit nombre, iugeoient qu'il falloit commencer par les dogmes, & puis consecutiuement passer à la reformation: allegans, que la foy est le fondement & la base de la vie Chrestienne, qu'on ne commence iamais à bastir par le toit, mais par le fondement, qu'il y auoit plus grand peché à faillir en la foy, qu'es autres actions humaines: & que les Bulles Papales mettoient en chef l'extirpation des heresies. Il y eut vne troisième opinion, qui portoit, que mal-ayément se pouuoient separer les deux chefs, de la Reformation, & de la Foy, veu qu'il n'y auoit aucun dogme, qui n'eust son abus, ny aucun abus qui ne tirast apres soy la peruerse interpretation, & le mauuais sens de quelque dogme, dont il estoit necessaire de les traiter en vn mesme temps: ioint que, tout le monde ayant les yeux tournés à ce Concile, & attendant d'iceluy le remede tant es choses de la foy, qu'en celles des mœurs, on donneroit plus de contentement, les traitant conioinctement, que l'vne apres l'autre, de tant plus que, selon la proposition du Cardinal Legat de Monte, on deuoit faire plusieurs deputations, dont l'vne traiteroit l'vne des matieres, & l'autre l'autre. Et qu'il falloit diligenter à ce faire, considerant que le temps present, auquel la Chrestienté est en paix, est precieus, & ne se doit perdre, puis qu'on ne sauoit quels empeschemens pouuoit apporter le temps à venir: & qu'on deuoit s'estudier à abbreger le Concile le plus qu'il seroit possible, afin que les Eglises demeurassent tant moins destituées de leurs Pasteurs, & pour plusieurs autres esgards, designant les euenemens qui pourroient naistre à la longue, au mescontentement du Pape & de la Cour de Rome.

1545.
mais de tout
est consulter
Rome pre-
mierement.

En la Con-
gregatio les
Imperialis-
tes pressant
la reformati-
on.

autres an-
contraire les
dogmes.

autres con-
joignant les
deux.

1546.

*Les Legats
jusques.*

Quelques autres aussi, entr'autres les François, requeroient, qu'on mist en chef le point de la paix, & qu'on escriuist à l'Empereur, au Roy Treschrestien, & aux autres Princes, pour les remercier de la conuocation du Concile, & les prier que pour la continuation d'iceluy ils establistent la paix entre eux, & contribuassent à cét œuvre, par l'enuoy de leurs Ambassadeurs, & Prelats: qu'on escriuist aussi amiablement aux Luthériens, pour les conuier en charité à venir au Concile, & à sejoindre au demeurant de la Chrestienté. Les Legats, ayans ouï les aduis de tous, & ayant loué leur prudence, dirent, Qu'attendu qu'il estoit ià tard, & que la deliberation estoit de tres-grand poids, & les opinions diuerses, ils penseroient meurement à tout ce qui auoit esté remonstré par chacun, & en la premiere Congregation proposeroient les points, desquels il faudroit determiner.

On fit vn reiglement, que les Congregations se tinssent deux fois la semaine, allauior le Lundy, & le Vendredy, sans autrement les intimer. Et à la fin l'Archeuesque d'Aix, ayant reçu lettres du Roy. Tres-chrestien, salua le Concile au nom d'iceluy, & promit, que Sa Majesté enuoyeroit bientoist vn Ambassadeur, & grand nombre de Prelats de son Royaume. Et icy finit la Congregation.

*Les Legats
aduis à
me.*

Les Legats donnerent aduis de tout à Rome, signifiant, qu'ils auoient prolongé la resolution des choses traitées, sous les pretextes susdits, mais qu'en verité ce n'auoit esté que pour gagner temps, attendans qu'ils pussent recevoir les instructions, & reiglemens, comme ils auoient à se gouverner: suppliant derechef Sa Sainteté de leur faire entendre sa volonte, pesant sur toute autre consideration, qu'il n'estoit nullement expedient pour le S. Siege d'allonger le Concile, & le tenir ouuert, le pouuant abreger. Adioustant, qu'ils auoient esté contrains d'establir deux Congregations par semaine: pour tenir les Prelats en haleine, & leur oster les occasions d'en faire d'eux mesmes. Mais aussi, que cela feroit meuir les affaires, & les conduira à leur point, & pourtant qu'il sera du tout necessaire qu'on prene à Rome quelque expedient de resoudre promptement leurs propositions, sans tant tarder à leur respondre, comme on auoit fait iusques alors: & qu'on les tiene aduertis & instruits de tout ce qu'ils auront à faire de main en main, preuoyant les eueneemens, autant que faire se pourra. Que ià par plusieurs lettres ils auoient mandé, qu'il y auoit plusieurs Euesques differens, lesquels s'estoient transportés au Concile, sous les esperances & promesses, que leur auoit donné Sa Sainteté, & le Cardinal Farnese: & qu'ils le reïteroient encor: adioustant, qu'il ne falloit point penser de les tenir à si petit ordinaire à Trente: comme à Rome, où n'ayans aucune autorité, ils se contienent en humilité & suietion: car, quand ils sont au Concile, il leur semble bien qu'ils doiuent tous estre estimés, & entretenus. Et que si on n'y vouloit auoir esgard, il vaudroit beaucoup mieux de ne les point auoir en cel lieu-là, que de les y auoir desgoustés & mal-contens: concluans que cete entreprise ne se pouuoit conduire heureusement à fin, sans diligence, & sans despenfe.

*laquelle le
Pape diffé-
ra ad. fin.*

On pourroit s'esmerueilleir, comment le Pape, personne tres-prudente: & versée es affaires par si long espace de temps, n'auoit, apres tant d'instances, & encores donné resolution à ses Ministres, sur deux points tant importants & necessaires. Mais il faut sauoir que Sa Sainteté se fendoit fort peu sur le Concile: ains auoit toutes les pensées tournées à la guerre, laquelle le Cardinal Farnese auoit notifiée avec l'Empereur l'année precedente, & ne se pouoit contenir d'en faire des demonstrations. L'Empereur aussi de son côté ne sollicitoit pas beaucoup le progrès & auancement du Concile, car pour les desseins il luy suffisoit qu'il demeurast ouuert.

*le parti de
la religion
catholique
sont.*

Mais les Prelats, qui vouloient qu'on commençast par la Reformation, & qu'on laissast les Dogmes en arriere, estans secondés & fauorisés des Ministres Imperiaux, trauallerent à attirer les autres à leur party. Chose qui leur fut auisée, d'autant que la reformation estoit vniuersellement desirée, quoy qu'on y eust peu de creance, & encor moins d'espoir d'y paruenir, le

nom-

nombre en grosist tellement, que les Legats s'en trouuerent confus: dont & d'eux mesmes, & par le moyen de leurs adherens, il firent en priuè plusieurs offices, & employerent diuerses pratiques à l'encontre: & finalement en la Congregation du vintdeuxieme, tous trois, l'un apres l'autre, entreprirent de renuerser les fondemens qu'on allegoit en faueur de la Reformation. Vne raison porta coup, tiree de la proposition de l'Empeur en la Diete de Vormes, au mois de May passé; en laquelle il disoit, Qu'on verroit quel progres feroit le Concile en la decision des Dogmes, & en la Reformation: que s'il n'auancoit rien, il intimeroit vne autre Diete, en laquelle on pourroit accommoder les differens de la Religion, & corriger les abus: Inferant de là, que, si on ne traitoit des Dogmes; on authoriseroit la Conference, & la Diete à venir, & ne pourroit-on bonnement empescher qu'on ne traitast de la Religion en Allemagne; veu qu'on refusoit d'en traiter au Concile.

Il y eut en cet Congregation vn grand riche Prelat; lequel, par vne harangue premeditee, s'efforça de monstrer qu'il ne falloit viser qu'à la Reformation: exagerant grandement la deprauation generale de toutes les parries du Clergé: & inculquant, que iusques à ce que leurs vaisseaux ne fussent nettoyez, le Saint Esprit n'y pouuoit habiter: & par consequent; qu'on ne pouuoit attendre d'eux aucun droit iugement és choses de la Foy.

Mais le Cardinal Legat de S. Croix, prenant suiet de là, dit, Qu'il estoit vrayment raisonnable, de differer aucunement la reformation de ceux-là mesmes, qui deuoient manier les affaires & les deliberations du Concile: mais qu'icelle estoit bien aisée, & prompte expedition: & se pouuoit aussi mettre tout soudain en execution, sans retarder la matiere des Dogmes, de foy-mesmes fort enuelppee, & de longue digestion. Il loia grandement ce Prelat, d'auoir ramentu chose si sainte, & de si bon exemple: attendu que, commençant par eux mesmes; on pouuoit; avec beaucoup de facilité, reformer tout le demeurant du monde: & exhorta tous en termes graues & forts; d'en venir à la pratique reelle. Cet aduis fut bien loué de tous; mais ne fut point suivi: d'autant que plusieurs disoyent; Qu'il falloit que la Reformation fust vniuerselle, & qu'on ne deuoit point perdre le temps apres cete particuliere. Et pourtant fut conclu, par l'aduis de tous, sauf que deux, que les Articles de la Foy, & de la Reformation, seroyent traités de pair à pair, comme aussi l'un & l'autre est également desiré du monde, & également est iugé necessaire, & coniointement couché és Bulles de Sa Sainteté. Les Legats demeurerent contens de cete resolution, ores qu'ils eussent bien desiré de traiter plustost des choses de la Foy tant seulement, & laisser la Reformation: mais ils auoyent si grand peur d'estre contrains de traiter de la seule & simple Reformation, qu'ils tenoyent pour victoire entiere de les faire marcher coniointement: avec ce qu'à la fin ils s'apperceurent bien que leurs aduis; d'omettre la Reformation, estoit dangereux, voulant par iceluy resister à tous les Prelats, & à tous les Estats de Chrestienté, qui la requeroient: ce qu'ils ne pouuoient faire sans grand scandale, & infamie. Et aduiserent, que quand bien ce party qu'ils prenoient par puré necessité, n'agréeroit point à ceux de Rome, iceux ne se pourroyent de raison plaindre que d'eux mesmes qui tant de fois auoyent esté sollicités à respondre aux lettres, & à leur enuoyer les instructions necessaires. On delibera puis apres d'escrire au Pape, le remerciant de la conuocation & ouuerture du Concile, & le suppliant de le maintenir & fauoriser: & des'entremettre entre les Princes Chrestiens; pour l'entretien de la paix entr'eux, & de les inciter à enuoyer leurs Ambassadeurs au Concile. Ils ordonnerent aussi d'escrire à l'Empeur, aux Rois de France, des Romains, de Portugal, & autres Rois Catholiques, pour la conseruation de la paix, pour l'enuoy des Ambassadeurs; pour l'assurances des chemins, & pour inciter leurs Prelats à se trouuer en personne au Concile. La charge d'escrire ces lettres fut baillée à l'Euesque de S. Marc, pour estre luës, & approuuees en la suiuante Congregation.

R

*Or est fin
fut conclu,
qu'on trai-
teroit con-
iointement
des Dogmes
Or de la
Reformation.*

*Or ordonné
d'escrire
lettres au
Pape, Or
Rois, Or
Princes.*

1546.

Les Legats proposerent deux points, sur lesquels les Peres deuoyent faire consideration, & donner leurs aduis: le premier, Si en la premiere Session on deuoit prononcer le Decret, Que tousiours fussent conioinctement traités les Articles de la Foy, & les correspondans de la Reformation: le deuxieme, Comment il falloit proceder à choisir ces deux Chefs, les traiter, & les examiner. Les Legats crurent de l'estre, par ces propositions, deschargés des importunes demandes d'aucuns, Qu'on eust à chaque Congregation à arrester quelque point essentiel, & quant & quaut d'auoir monitré de faire quelque estime des Prelats.

sur quoy on dispute du cachet,
La suiuaute Congregation fut toute occupee à lire le grand nombre des milliues formées, & à disputer du cachet pour les clorre. Aucuns proposoyent qu'elles fussent sceellées de plomb, avec vne marque propre & particuliere du Synode, en laquelle les vns vouloyent que d'un costé fust empreinte l'image du S. Esprit, en forme de colombe, & de l'autre costé le nom du Concile: autres proposoyent autres formes, qui toutes estoient assez specieuses. Mais les Legats, qui auoyent autre ordre de Rome, apres auoir laissé disputer les Peres là dessus, esquiuerent cete proposition, disans, Que cela tenoit du fastueux, & ne feroit que prolonger le temps: d'autant qu'il faudroit enuoyer grauer le cachet à Venise, veu qu'à Trente il n'y auoit aucun maistre capable de tel ourage: & qu'on y penseroit mieux de là en apres: qu'il estoit necessaire de despescher lors promptement les lettres, ce qui se pouuoit faire avec le sing, & le cachet du premier Legat. Le demeurant fut remis à la suiuaute Congregation.

de l'ordre des dogmes & des doctes,
En icelle on parla des deux points proposés. Sur le premier il y eut deux opinions: l'une, que le Decret fust formé & publié: l'autre, qu'il n'estoit point expedient de l'obliger par Decret: ains qu'il valoit mieux se conseruer en liberté, pour pouoir deliberer, selon que les occasions se presenteroient. Là dessus on prit la voye du milieu, disant seulement, Que le Concile estoit principalement assemblé pour ces deux causes: sans passer plus outre. Mais, quant au second point, la pluspart estoit d'aduis, que puis qu'ils estoient assemblés pour condamner l'heresie Lutherienne, il falloit suiure l'ordre de leur Confession: mais d'autres y contredirent, allegans, Que ce seroit ensuiure les Cōferéces tenues en Allemagne: ce qui iureroit la dignité du Concile. Outre ce que les deux premiers chefs de la Confession d'Augsbourg estoient, l'un de la Trinité, l'autre de l'Incarnatiō: esquels ils y auoit accord en la substance avec les Lutheriens, sauf qu'ils les exprimoyent & representoyent par façons de parler nouuelles, & inusitées es Escholes: dont, si on venoit à les approuuer, on leur donneroit credit & reputation, & se feroit-on prejudice à la condamnation des suiuaus. Que si aussi, sans les approuuer, ne condamner, on vouloit en parler, non es termes de la Confession d'Augsbourg, mais des Scholastics, ou autres, il y auoit danger d'exciter nouuelles disputes, & nouueaux Schismes. Les Legats, qui n'auoyent autre but, que de faire filer le temps, n'auoyent point pour desagreable d'entendre ces difficultés & à dessein les nourrissoient, fomentant dextremet or l'un or l'autre aduis.

le tout par artifice es Legats, attendans instruction de Rome, auant le Decret, laquelle n'arrivant,
Le temps, assigné pour la Session, approchant, les Legats se trouuerent en grande perplexité, n'ayans receu aucune instruction de Rome. Il leur sembloit que de passer icelle Session en ceremonies, comme la precedente, estoit perdre toute la reputation: d'ailleurs aussi, que c'estoit chose dangereuse d'entreprendre aucune matiere, n'ayant encores aucun but arresté ou viser. Ce qui sembloit estre de moins de hazard, estoit de former vn Decret de la resolution prise en la Congregation, De traiter ensemblement les matieres de la Foy, & celles de la Reformation. Mais à cela on objectoit, Que c'estoit s'obliger, & mesmes determiner vne chose, laquelle le Pape auoit laissée indecisée en la Cōuocatiō. En ces ambiguités on proposa qu'on l'eschapast avec vn Decret de delay, & remise, sous pretexte, que plusieurs Prelats estoient en voyage, & estoient attendus en bref. Le Cardinal Legat Pol^l mit en consideration, Qu'attendu qu'en les Cōciles anciens tousiours auoit esté publié

vn Symbole de foy, on fist le meſme en cettere Seſſion, publiant celuy de l'Egliſe Romaine. En fin on arreſta de former le Decret, avec ſimple titre: & en iceluy faire mention, qu'on traiteroit de la Foy, & de la Reformation: mais en termes tant genereux; qu'on le puſt ployer à toute occurrenſe: & de reciter le Symbole, & ainſi s'eſchaper: faiſant vn autre Decret, par lequel on remettoit l'examen & traité des matieres à l'autre Seſſion, allegant pour raiſon, que pluſieurs Prelats eſtoient ſur leur depart. & quelques vns en voyage. Et pourn'estre plus reduits à tel deſtroit; on reſolut de prolonger le terme de la ſuiuante Seſſion le plus qu'on pourroit, non toutesfois au delà de Paſques.

Après que ce Decret fut formé, il fut communiqué aux Prelats les plus affidés: entre leſquels l'Eueſque de Bitonte conſidera; que de faire vne Seſſion, pour reciter le Symbole eſtabli deſia dès douze cens ans, & tousiours crû & receu ſans contredit, voire meſmes au temps preſent: pourroit eſtre pris par les maluueillans en deriſion, & par les autres, en ſens ſiniſtre. Qu'on ne pouuoit dire d'enſuiure en cela l'exemple des Peres: d'autant qu'eux auoyent compoſé des Symboles contre les heresies qu'ils condannoient; ou bien auoyent reſité les precedens Symboles dreſſés contre les heresies ia condamnées, ſoit pour leur donner plus de poids & d'autorité, y adiouſtant quelque choſe pour declaration, ſoit pour en rafraichiſſir la memoire, & les garentir de l'oubliance. Mais qu'au temps preſent on ne parloit point de dreſſer nouveau Symbole, ne d'y adiouſter aucune declaration: que de luy donner plus grande autorité, n'eſtoit point choſe qui conuiſt à eux; ou à ce ſiecle: & que de le ſimplement rememorer, eſtoit choſe ſuperflue, & affectée, attéſdu que du moins toutes les ſemaines on le recitoit en toutes les Eglises, & tout homme en auoit la memoire toute recente. Que de dire, que les heretiques eſtoient conuincus par le Symbole, cela eſtoit vray à l'eſgard de ceux, qui erroient contre iceluy: mais n'auoit nul lieu contre les Lutheriens, qui le croyent comme les Catholiques. Que ſi meſhui, après tant d'appareil, on employe le Symbole à cet eſſet, on interpretera toute cettere action comme compoſée pour amuſer & entretenir ſeulement; ſans auoir hardieſſe de toucher aux Dogmes, ne volenté de venir à la Reformation. Et pourtant conſeilloit, qu'il valoit mieus interpoſer vn delay, veu l'attente des Peres; & avec iceluy paſſer la Seſſion.

L'Eueſque de Chioe adiouſta, que les raiſons, employées au Decret, pouroyent eſtre tirées par les heretiques à leur aduantage: d'autant que ſi le Symbole peut ſeruir à conuerſer les infideles, conuincere les heretiques; & conſermer les fideles, donques on ne doit contraindre aucun à croire autre choſe hors d'iceluy. Ces raiſons ne furent pas iugees par les Legats de ſi grand poids & forcée, comme la contraire, Que de ne faire point de Decret portoit perte de reputation: & pourtant ils ſe reſolurent à le faire, & à rhabiller vn peu mieus quelques paroles & termes ſelon les aduis donnés par les Prelats: puis le propoſerent en la Congregation du premier Feurier. Pluſieurs choſes furent dites & diſcourués ſur iceluy; & quoy qu'il fuſt aprouué par la plus grande partie, quelques Prelats neantmoins au ſortir de la Congregation en monſtrèrent peu de contentement, & alloient diſans l'vn à l'autre; Voila, on dira, que par les pourſuites, & les negociations de vint ans, on ſ'eſt aſſemblé pour ouïr reciter le Credo.

Quand donc fut venu le quatrième Feurier, deſtiné à la Seſſion, on alla à l'Egliſe avec la meſme ceremonie, & compagnie, qu'en la precedente. Pierre Tailleuoye, Archeueſque de Palerme, chanta la Meſſe: & frere Ambroïſe Catarin, Sienois, Iacopin, ſit le Sermoi: & l'Archeueſque de Torre lût le Decret: qui portoit en ſubſtance, Que le Concile; conſiderant l'importance des deux chefs qu'il deuoit traiter, ſauoir, de l'extirpation des heresies, & de la reformation des mœurs, exhortoit tous à mettre toute la confiance en Dieu, & ſe veſtir des armes ſpirituelles: & afin que ſi diligéce ait ſon commencement & progres de la grace de Dieu, il ordonne de comécer par la Cōfeſſion de

1546.
les trouue
vne gentille
inuerſion
d'allonger
encores, en
ſaiſant pro
mouvoir le
Symbole
pour acte de
Seſſion,

ſur quoy on
diſputé;

mais neant
moins les
Legats y
enclinent;

et ſelon cœ
aut ſe tiēt
la Seſſion
publique;

1546.

foys, suivant en cela l'exemple des Peres, lesquels es principaux Conciles, tout à l'entree des Actions fut mis ce boucher au deuant des heresies: & quelques foys avec iceluy seul, auquel conuient tous ceux qui font profession du nom Chrestien, ont conuertis les infideles, & vaincu les heretiques. Et là dessus le Symbole fut recité de mot à mot sans autre conclusion. L'Archeuesque demanda aux Peres, Si le Decret leur plaisoit: & tous responderent, qu'ouy. Mais aucuns y mirent quelques conditions, exceptions, & additions, de peu de consequence, avec desplaisir du Cardinal Legat de Monte, qui ne pouuoit trouuer bon qu'es Sessions on vint à des particularités, craignant que quand on viendrait à traiter matieres importantes, il n'en naquist quelque inconuenient. Apres cela fut lu l'autre Decret, par lequel la Session estoit intimée au huitieme Aueil, & ce delay estoit cause, parce que plusieurs Prelats estoient sur leur depart, & autre en chemin: & que les deliberations du Concile auroient plus de poids, quand elles seroient renforcees de l'aduis & assistance de plus grands nombre de Peres. Mais que pour cela ne seroit point permis l'examen & la recherche des matieres, que le Concile ordonneroit.

ridicule
mesmes à
Rome.

La Cour de Rome, qui auoit esté toute en effroy au seul nom de Reformation, eut beaucoup de contentement d'entendre que le Concile s'entretint en ces petits preludes, & coups d'essay, esperant que le temps porteroit remede à tout. Et les Courtisans licentieux eurent beau ieu à faire leurs raileries & pasquils, du Concile, les vns louans les Prelats assembles à Trente d'auoir fait vn noble Decret & digne d'vn Concile general: les autres les exhortans à reconnoistre leur grande preud'homie & sauoir.

les Legats
aduenissés
le Pape de
nouveau.

Les Legats, donnans aduis au Pape de la Session tenue, l'aduertirent qu'il seroit bien difficile à l'auenir de s'opposer à ceux qui vouloyent suppleer le Titre du Concile, par ces mots, *representant l'Eglise vniuerselle*, que toutes fois ils seroient contraincts de franchir toutes les difficultés. Mais qu'il n'estoit pas possible d'entretenir les Prelats sans effectuer quelque chose d'importance, & venir aux points essentiels: & que pourtant ils attendoyent l'ordre, & l'instruction tant de fois requise. Qu'à leur auis il seroit à propos de traiter de la sainte Escripture, & des choses qui en cete matiere sont en debat avec les Lutheriens, & des abus qui ont esté sur ce point introduits en l'Eglise: qu'avec cela on pouuoit donner beaucoup de contentement au monde, sans offence d'aucun: qu'ils en attendoyent la responce, veu qu'il y auoit du temps assez pour examiner ces matieres, & beaucoup d'occasions de tirer le temps en longueur, iusques au commencement du Quaresme.

nouvelles
reformatiōs
en Allemagne.

Or en ce temps, quoy que le Concile fust ouuert, & tousiours se tint, l'estat des affaires en Allemagne ne changea point de face. Au commencement de l'année l'Electeur Palatin introduisit la communion du Calice, la langue vulgaire & prieres publiques, le mariage des Prestres, & autres choses à reformees ailleurs. Et ceux aussi, quel'Empereur auoit deputés pour se trouver en la Conference, ordonnee pour trouuer quelque voye d'accord & diffensus de la Religion, s'assemblerent à Regensburg, au Coloque: auquel l'Empereur deputa pour President l'Euesque de Eichstet, & le Comte de Furstemberg. Mais d'iceluy ne reüssit aucun bon fruit, à cause des ombres & desiances, que les parties prirent l'vn de l'autre, lesquelles les Catholiques captoient toute occasion de donner aux autres, & feignoient aussi de les prendre de leur costé, dont finalement cete assemblée fut rompue.

ce mot de
Luthe
ses de g
cōuenien
à Rome
à Trente.

Le dixhuitieme de Feurier mourut aussi Martin Luther. Toutes ces nouvelles portees à Trente, & à Rome, on ne conceut point tant de desplaisir du changement de la Religion au Palatinat, que de ioye que la Conference ne succedoit point, & tendoit à se rompre, & de ce que Luther estoit mort. La Conference sembloit vn autre Concile, & donnoit grande ialousie: car, si on eust appointé quelque chose, on ne voyoit point comment la pouuoit rejeter: & si on l'eust acceptee, il eust semblé que le Concile receust loy d'ailleurs. Et en tout cas cete Conference, avec l'interuention des deputés de

l'Empereur, estoit avec peu de reputation du Concile & du Pape. Les Peres Trentins, & la Cour de Rome, conceurent grande esperance de la mort d'un instrument puissant à impugner la doctrine, & les ceremonies de l'Eglise Romaine, & qui auoit esté cause principale, & quasi totale des diuisions; & des nouueautés introduites: & prirent icelle pour presage d'heureux succès du Concile: sur tout, parce que cete mort fut diuulgée par l'Italie, comme auenué avec plusieurs prodigieuses & fabuleuses circonstances, lesquelles on attribuoit à miracle, & à vengeance diuine: combien que de vray il n'y eust autre accident, que les ordinaires & costumiers estrespas de ceux qui meurent en l'age de soixante trois ans, qui fut celuy iustement auquel mourut Luther. Mais les choses suruenues apres iusques à nostre age, ont fait clairement voir, que Luther ne fut qu'un instrument, mais que les causes estoient bien autres, plus puissantes, & secretes.

L'Empereur estant arriué à Regensbourg, se plaignit grieuement, que la Conference eust esté rompue, & en escriuit lettres par toutes l'Allemagne. Mais on ne fit que s'en rire, d'autant qu'il estoit noriro à tous, que la separation estoit procedée des Espagnols, & des Moines, & del'Euesque de Eichster, enuoyé par l'Empereur mesmes. Et n'est point mal-aisé, quand on fait qui sont les ouuriers, de descouurir promptement d'où procedé la source du mouuement, & action. Mais le prudent Empereur se vouloit seruir d'une mesme chose pour contenter le Pape, & le Concile, & pour chercher occasion contre les Protestans. Ce que l'euenement confirma: d'autant, qu'ayant reiteré les mesmes plaintes en la Diete, & ayant recherché de ceux qui y estoient assemblés, nouueaux moyens d'accord, les ministres des Euesques de Mayence, & de Treues, se departirent d'avec ceux des autres Eueux, & s'adjoignirent aux autres Euesques, & approuuerent le Concile, & firent instance à l'Empereur, qu'il le protegeast, & moyennast que les Protestans y entreussent, & s'y soumissent. Mais les Protestans s'y opposoient, & remonstroient au contraire, que ce Concile n'estoit point composé avec les qualités, & conditions qu'on leur auoit tant de fois promises, & pressoyent que la paix fust gardée, & que les affaires de la Religion fussent appointées en vn Concile legitime d'Allemagne, ou bien en vne Assemblée Imperiale. Mais tout masque fut en fin leué, quád les preparatifs de la guerre se firent plustienir cachés: dont il sera parlé en son lieu.

Le Pape fit grande consideration sur la lettre écrite de Trente: pesant d'un costé les inconueniens, qui arriueroyent, en tenant, comme il disoit, le Concile à l'autre, & sus bout, au grand mescontentement des Euesques qui y estoient: & del'autre, le mal qui pouuoit naistre, si on mettoit main à la Reformation. Mais, à la fin, voyant qu'il falloit de nécessité hazarder quelque chose, & que la prudence ne pouuoit donner autre conseil que d'écouter vn mal plus grand, il se resolut de rescrire à Trente, Que selon l'avis qu'ils auoyent donné, ils missent l'action en train, prenant garde de ne mettre sur le tablier nouuelle difficultés en matiere de Foy, & ne determiner aucune des choses controuersées entre les Catholiques, & de proceder l'entement en la Reformation. Les Legats, lesquels iusques alors s'estoyent es Congrégations entretenus en choses generales, apres qu'ils eurent receu le pouuoir de se mettre entrain, proposerent en la Congrégation du vingtdeuxieme Feurier, que puis qu'on auoit posé le premier fondement de la Foy, l'ordre requeroit qu'on entraitast vit autre plus ample, qui est l'Escripture Sainte: matiere en laquelle il y a des points concernans les Dogmes en controuersés avec les Lutheriens, & d'autres appartenans à la Reformation des abus, voir des principaux, & plus necessaires à corriger, & en si grand nombre, que, peut estre, il n'y auroit de temps assez iusques à la Session, pour trouuer remede à tous. On parla des choses controuersées avec les Lutheriens sur ce suiet, & des abus aussi: & diuers Prelats en firent de grands discours.

Iusques alors les Theologiens, qui estoient en nombre de trente, & la plupart Moines, n'auoyent seruy au Concile à autre chose, qu'à faire quel-

*trayés en
les de la
rupture de
la susdite
Conference;
et des dis-
simulation
de l'Empe-
reur;*

*le Pape
commence à
peser se-
rieusement
au Concile.*

*resort aux
Legats,
approuués
qu'on eut
en matiere.*

*et eux en
Congrega-
tion pro-
posent de tra-
iter de l'Es-
criture.*

1346. ques Sermons es iours de feste, en exaltation du Concile, ou du Pape, ou pour fleuréter & s'escarmoucher contre les Lutheriens. Mais maintenant, qu'il s'agissoit de decider vn dogme contentieux, & de remedier aux plusost des gens de lettres, que d'autres, cōmença à paroistre à quoy ils pouuoient seruir: & fut ordonne, qu'ès matieres à traiter, pour decider points de Doctrine, les Articles contraires à la Foy Orthodoxe fussent extraits des Liures des Lutheriens, & qu'iceux fussent remis à estudier, & à censurer aux Theologiens: afin que chacun d'eux endist son aduis, & qu'ainsi la matiere fust preparee pour former les Décrets: lesquels puis apres fussent representés en Congregation, & examinés par les Peres: & qu'apres qu'on en auroit ouy l'opinion de chacun, fust estably ce qu'on deuroit prononcer en la Sessio. Et qu'en ce qui concernoit les abus, chacun mist en auant ce qui luy sembloit digne de correction, avec le remede sortable, & approprié.

*de quel Ar-
ticles font
extraits
des liures
des Peres
Hans.*

Les Articles formés pour la partie concernant la doctrine; extraits des liures de Luther, furent ceux-cy:

Premierement, Que la Doctrine necessaire à la Foy est contenue toute entiere es Saintes Escritures, & que c'est vne faulxe inuention des hommes; d'adiouster à icelle des Traditions non escrites, comme laissez par Christ, & par les Apostres, à l'Eglise, & deriuees iusques à nous par le moyen de la cōtinuelle Succession des Euesques: & que c'est vn Sacrilege de les tenir pour egales en authorité avec les Escritures du Vieil, & du Nouveau Testament.

Secondement, Qu'entre les liures du Vieil Testament ne se doivent conter autres, que ceux qui sont receus par les Hebreux: & de ceux du Nouveau, doiuent estre excluses les six epistres, asauoir, celle qui porte le nom de S. Paul aux Hebreux, celle de S. Iacques, la seconde de S. Pierre, la deuxieme & troisieme de S. Iean, & l'Apocalipse.

Tiercement, Que, pour auoir la vraye intelligence de l'Escriture Sainte; ou pour en alleguer les propres mots, & termes, il est necessaire de recourir aux textés des langues originaires, esquelles icelle est escrite, & qu'il faut reprouuer la Traduction Latine, comme pleine d'erreurs & fautes.

Enquatrieme lieu, Que l'Escriture Sainte est tresaisée & tresclairée: & que pour l'entendre, on n'a besoin ne de glose, ne de commentaires: mais qu'il faut seulement auoir l'Esprit de brebis de Christ.

Pour le dernier fut couché en Article, Si contre tous ces chefs on deuroit former Canons, avec Anathemes.

*sur lesquels
eons s'ac-
dons à au-
toriser les
traditions
non ecrites*

Sur les deux premiers Articles furent faits de grāds discours par les Theologiens en quatre Congregations, & quant au premier, tous vnanimement conuinrent, Que la Foy Chrestienne est contenue en partie en l'Escriture Sainte, en partie es Traditions: & fut employé beaucoup de temps à alleguer sur cela passages de Tertullien, qui en parle souuent, & en denombre plusieurs, d'Irenee, de Cyprien, de Basile, d'Augustin, & d'autres: Quelques vns mesmes dirent que toute la Doctrine Catholique n'a autre fondement que la Tradition: attendu qu'on adiouste foy à la Sainte Escriture; sinon d'autant qu'on la tient par Tradition. Mais il y eut quelque differend, comment il estoit expedient de traiter cete matiere.

*mais l'auel
Concile
requiere
que on trai-
te d'E-
glise.*

Frere Vincent Lantel, Cordelier, fut d'aduís, que, puis qu'il falloit establiſſer la Sainte Escriture, & les Traditions, pour fondement de la Foy, on traitast au prealable de l'Eglise, qui est vn fondement encor plus principal: d'autāt que l'Escriture recoit d'icelle son authorité, selon le dire fameux de S. Augustin, *Je ne croy point a l'Euangile, si l'autorité de l'Eglise ne m'y mouuoit*: & pource aussi, qu'on ne peut auoir aucun vſage des Traditions, sinon qu'on le fonde sur la mesme authorité de l'Eglise: car, cas auenant qu'on debate si quelque chose est par tradition, il faudra decider le fait, ou par tesmoignage, ou par la sentence de l'Eglise. Mais posé se fondement, que tout Chretien est obligé de croire l'Eglise, on pourra bastir sur iceluy en toute asseurance. Il adiouſtoit, qu'il falloit prendre exemple de tous ceux, qui iusques alors auoyent solidement escrit contre les Lutheriens, comme Syluestre de

Prierio, & Echius, qui ont plus fait bouclier & force de l'autorité de l'Eglise, que d'aucun autre argument: & qu'on ne pouuoit iamais conuaincre les Lutheriens par autre voye. Que c'estoit vne chose contraire au but entrepris de poser tous les fondemens de la doctrine Chrestienne, d'en omettre le principal, peu estre l'vnique: mais de vray celuy, sans lequel les autres ne subsistent point.

Cete opinion ne fut pas suiuite. Aucuns obiectoyent à l'encontre, Qu'elle estoit suiuite aux mesmes difficultés qu'elle opposoit aux autres: d'autant qu'aussi les Synagogues des heretiques s'attribuoyent ce titre & droit de vraye Eglise, à qui on donne tant d'autorité. Autres, tenans pour chose toute notoire & indubitable, que par l'Eglise il faut entendre l'Ordre Clerical, & encor plus proprement le Concile, & le Pape, comme Chef, disoyent, Que l'autorité d'icelle doit estre tenue pour piece decidee: & que d'en traiter à present seroit paroïr que la chose est en different & en doute, ou ceteras du moins tout nouuellement definié, & non tresancienne, & tousiours cruë & receuë, des qu'il va en l'Eglise Chrestienne.

Mais Frere Antoine Marinier, Carme, estoit d'adiuis qu'on s'abstint de parler des Traditions: & disoit, qu'en cete matiere, pour decision du premier Article, il falloit tout premier arrester, Si la question estoit de Droit, ou de Fait: assauoir, Si la Doctrine Chrestienne a deux parties, l'une, qui ait esté escrete par le vouloir & ordonnance de Dieu: l'autre que Dieu ait par son mesme vouloir interdit d'escrire, mais ait seulement voulu qu'elle ait esté enseignée de bouche: ou bien, si de tout le corps d'icelle Doctrine il est accidentellement arriué, qu'ayant esté toute enseignée; vne partie n'en ait point esté mise par escrit. Il adiousta; que c'est chose euidente, que le Seigneur, ordonnant la Loy du Vieil Testament, auoit enioint pour chose necessaire qu'elle fust escrete: & pourtant auoit escrete le Decalogue de son propre doit sur les tables de pierre, lesquelles il auoit commandé de mettre dans le coffre, qui pour cete cause fut appellé l'Arche de l'alliance. Qu'à plusieurs fois il auoit commandé à Moÿse d'escrire les commandemens en vn liure, & qu'un exéplaire en fust mis aupres de l'Arche, & que le Roy en eust vn pour y lire continuellement. Que le mesme n'auoit point esté fait en la Loy Evangelique, laquelle le Fils de Dieu auoit escrete dans les cœurs, & pour laquelle il ne faut auoir ne tables, ne coffre, ne liure. Ains que l'Eglise auoit esté tref-accomplie, auant que iamais aucun des Apostres eust escrete: & quand ores rien n'eust esté escrete, l'Eglise n'auoit pourtant esté defaillante d'aucune perfection. Mais, comme Iesus Christ auoit fondé la Doctrine du nouueau Testament es cœurs, aussi n'auoit-il point defendu qu'elle ne fust escrete, comme auoyent fait quelques faulces religions. esquelles les mysteres estoient tenus cachés, & n'estoyent loisible de les rediger par escrit; ains seulement de les enseigner de bouche. Et que pourtant il estoit hors de doute, que ce que les Apostres ont escrete, & ce qu'ils ont enseigné de bouche, est d'egale autorité, ayant escrete & parlé par l'instinct du S. Esprit: lequel toutesfois comme par son assistance il les auoit adressés & guidés à escrire & prescher la verité, aussi ne peut-on point dire, qu'il leur eust defendu d'escrire chose aucune, pour la tenir en mystere & secret: & que pourtant on ne pouuoit constituer deux especes d'instincts d'articles de foy, les vns publiés par esécriture, les autres ordonnés à estre communiqués seulement de bouche. Il dit en outre, que si aucun vouloit soutenir le contraire, il auroit deux grandes difficultés à franchir: l'une, à montrer en quoy gist la difference entre ces deux especes: l'autre, comment les successeurs des Apostres ont pû mettre par escrit ce que Dieu auroit defendu: adioustant que l'alternatiue susdite estoit bien auant dure, & malaisément soutenable, assauoir, qu'accidentellement il estoit aduenü que quelques particularités n'ont esté escrites; attendu que cela dérogeoit grandement à la prouidence de Dieu à adresser les Saints Apostres en la composition des Escritures du Nouueau Testament. Et pourtant concludoit, que d'entrer en ce traité estoit nauiger entre deux

*le Carme
Marinier
est d'adiuis
qu'il n'est
point d'au-
ticles ex-
pressés des Traditions.*

1546.

esueils, & qu'il valoit mieux imiter les Peres, qui tousiours ont obserué de se preualoir des Traditions seulement es necessités, sans iamais en former Article de competéncé où concurrence avec l'Escripture Sainte: & qu'il n'estoit point nécessaire de passer pour lors à faire aucune nouuelle determination sur cét Article; quis que les Lutheriens n'en auoyent point formé d'expresse controuerse, quoy qu'ils ayent dit de ne vouloir estre conueincus que par la seule Escripture, & qu'il valoit mieux s'arrester aux seules Controuerses, qu'ils ont suscitees, que d'en mettre sur le bureau de nouuelles, en danger de faire plus grande diuision en Chrestienté.

mais est resté.

L'opinion de ce Moine agreea à peu de gens: & au contraire le Cardinal Polus le reprit, disant, Que cét aduis estoit plustost digne d'une Conference d'Allemagne, que conuenable à vn Concile vniuersel de l'Eglise. Qu'en vn Concile il faut vser à la pure & simple Verité: non, comme en ces Conferences, où il ne s'agit que de s'accorder, mesmes au preiudice de la Verité: que, pour garentir l'Eglise, il est nécessaire; ou que les Lutheriens reçoioient toute la Doctrine Romaine; ou qu'on descouure le plus qu'on pourra rencôtrer de leurs erreurs, pour monstrer tant plus au monde, qu'on ne peut s'accorder avec eux: & pourtant, si eux n'ont formé la controuerse sur les Traditions, il faut la fermer, & condamner leurs opinions, & monstrer que leur Doctrine n'est pas seulement differente de la vraye, en ce en quoy elle luy contredit formellement, mais aussi en toutes les autres parties: qu'il faut trauailler à condamner le plus d'absurdités qu'on pourra extraire de leurs escrits, que c'est vne vanité de craindre d'eschouer à l'un des deux esueils opposites, pour cete captieuse raison alleguée par le Moine; à laquelle qui voudra auoir esgard, par mesme moyen conclurra qu'il n'y a aucune tradition.

d'autres opinions sur le role de l'ivre Canoniques.

Au second Article les opinions furent conformes en cecy, Que, selon les anciens exemples, on dressast vn Catalogue, ou Registre des liures Canoniques, dans lequel fussent anroollés tous ceux qui se lisent en l'Eglise Romaine, voire mesme ceux du Vieil Testament, que les Hebreux n'admettent point. Et pour preuve de ce, par tous fut allegué le Concile de Laodicee, le Pape Innocent I. le troisieme Concile de Carthage; & le Pape Gelaise. Mais il y auoit quatre autres opinions diuerses: aucuns vouloyent, qu'on en fist deux rangs, & qu'au premier ne fussent mis que ceux, qui sont sans contredit on tousiours esté acceptés de tous: & au second; ceux, lesquels autres fois ont esté reietés, ou desquels on a douté. Et disoit-on; que; combien que cela ne se voye point auoir esté pratiqué au temps passé par aucun Concile, ou Pape, il auoit neantmoins tousiours esté ainsi entendu: d'autant que S. Augustin en fait vne telle distinction: & l'autorité d'iceluy a esté canonisée au Can. *In Canonico*, & S. Gregoire, qui fut mesmes apres Gelaise, sur le liure de Iob, dit touchant les liures des Maccabees, qu'ils ont esté escrits pour edification, quoy qu'ils ne soyent Canoniques.

Frere Louis de Catance, Latopin, disoit que cete distinction a esté faite par S. Ierome, qui est tenu pour reigle de l'Eglise en la constitution du Canon, ou Registre des Escriptures: & allegoit le Cardinal Caietan, lequel aussi les auoit ainsi distingués, ensuiuant S. Ierome, comme reigle infailible que l'Eglise a baillée: & en escriuit ainsi au Pape Clement septieme; lors qu'il luy dedia & presenta ses Commentaires sur les liures historiques du Vieil Testament. Autres estoient d'auis, qu'on en fist trois rangs: le premier, de ceux qui tousiours ont esté tenus pour diuins: le deuxiesme, de ceux dont autres fois on a douté, mais qui ont receu autorité Canonique par l'usage: & de ce nombre sont les six Epistres desusdites, & l'Apocalipse du Nouveau Testament, & quelques parcelles des Euāgiles: le troisieme, de ceux dont iamais on a eu entiere certitude, comme sont les sept du Vieil Testament, & quelques Chapitres de Daniel, & d'Esther. Autres estimoyent, qu'il valoit mieux ne faire aucune distinction, mais imiter le Concile de Carthage, & autres, dressant le role au Catalogue, sans dire autre chose. Il y eut encor

vn auis,

vn auis, qui porta, qu'on les declarast tous, en toutes leurs parties, ainsi qu'ils sont en la Bible Latine, estre de diuine & egale autorité. Le liure de Baruc donna plus de fâcherie, pour ce qu'il n'est contré avec les autres; ne par le Concile de Laodicee, ne par celuy de Cartage, ne par les Papes de Rome: & on se feroit aisement porté à l'omettre, tant pour cete cause, que pour ce qu'on ne pouuoit trouuer le commencement de ce liure: mais l'obstacle à cela estoit: que l'Eglise en fait lecture: & qui fut vne raison iugee si puissante, qu'elle fit resoudre la Congregation à dire, Que les anciens l'auoyent tenu pour partie de Ieremie, & l'auoyent compris en iceluy.

En la Congregation du Vendredy cinquieme Mars, vinrent nouuelles, que les Pensionnaires de l'Euesque de Bitonte demandoyent à Rome le payement de leurs pensions assignees sur son Euesché; & que pour cete cause ils l'auoyent fait adiourner deuant l'Auditeur de Rote: faisant instance que par excommunications, & autres Censures, selonc le style de la Cour, il fust contraint de satisfaire. Il se plaignoit, disant que ses pensionnaires auoyent bien raison, mais que luy aussi estoit sans tort: d'autant que, demeurant à Trente, il ne pouuoit despandre moins de six cens escus par an, & que deduisant les pensions, il ne luy en restoit que quatre cens: dont il faloit de necessité, ou qu'il fust deschargé d'icelles, ou subuenir des autres deux cens escus. Les Prelats paurres s'employoient pour luy, comme en vne cause commune, & aucuns d'eux passerent à quelques hautes paroles, disans, Que c'estoit vne grande infamie au Concile, qu'un officier de la Cour de Rome entreprist d'vser de Censures cōtre vn Prelat assistant au Concile: que c'estoit vne chose monstrueuse, & qui feroit dire au monde, Que le Concile n'estoit point libre: que, pour l'honneur de l'Assemblée il estoit requis, que l'Auditeur fust cité à Trente, ou qu'on v'st contre luy de quelque ressentiment, & demonstration, qui garentist la dignité du Concile. Autres passoyent iusques à condamner les impositions des pensions, disans, Que c'estoit bien chose iuste, & obseruee par l'Antiquité, que les Eglises riches subuinssent aux paurres, mais non par contrainte, ains de pure & liberalite charité, & sans se priner elles-mêmes de leurs necessités: qu'ainsi auoit enseigné S. Paul. Mais que les Prelats paurres fussent par Censures contrains de fonder aux riches, c'estoit vne chose intolérable: que c'estoit là vn point de reformation qu'il falloit traiter au Concile, reduisant la chose à l'usage ancien, & vraiment Chrestien. Mais les Legats, considerans combien les plaintes estoient iustes; & iusques où elles se pouuoient porter, appaiserent le tout, promettans d'en escrire à Rothe, & de faire que totalement on se deporteroit de ce proces, & qu'on pouruoiroit à l'Euesque, en sorte qu'il se pust entretenir au Concile.

Après que les Theologiens eurent tous acheué de parler le huitieme Mars, la Congregation fut intimée pour le iour ensuiuant, quoy que ce ne fust point le iour ordinaire, non tant pour venir à bout d'arrester vn Decret sur les Articles disputés, que pour l'honneur & la bienseance du Concile, qu'en vn iour, de la feste profane du Carneua, les Peres s'occupassent en choses Synodales. Et enicelle fut approuuée de tous, que les Traditions fussent receues, comme d'egale autorité avec l'Escripture Sainte: mais ils ne s'accordoyent pas tous en la forme de dresser le Catalogue des liures sacrés: & estoient diuisés en trois opinions; dont l'vne estoit, de ne venir à specifier les liures: l'autre, de distinguer ce Catalogue en trois parties: la troisieme, d'en faire vn seul, establisant tous les liures d'egale authorité, Et d'autant que tous n'estoyent pas bien resolus, trois minutes furent faites, avec charge, qu'on y pensast exactement, afin que chacun vinst préparé pour dire à laquelle il se vouloit tenir, en la prochaine Congregation, laquelle ne se tint point le douzieme, à cause de l'arriuee de D. François de Tholède, enuoyé par l'Empereur, pour assister en qualité d'Ambassadeur au Concile, comme Colége de D. Diego, auquel la plus part des Euesques, & les domestics des Cardinaux, allerent au deuant.

En ce temps arriua à Trente Vergère, nommé plusieurs fois cy-deuant, Vergère

*accident sur
les pensions
assignees
sur les E-
ueschés.*

*Congrega-
tion extraor-
dinaire, en
laquelle les
Traditions
sont égales
à l'Escripture
sainte.*

*François
Tholède
Ambassa-
deur de
l'Empereur
arriua.*

1546.
aussi pour
se insinuer.

ce que ne
pouvant
faire à Tre-
te; il se
retire avec
les Prélats

tous les li-
vres de l'E-
criture sont
egalement
approuvés

diversités
d'advis sur
l'authenticité
Latine, les-
quels ne lui
donnant
autorité
divine, et
infaillible.

lequel y estoit allé, non de volonté d'entretenir au Concile, mais pour fuir le courroux de son peuple esmu cōtre luy, comme cause de la sterilité de la terre, par les propos & menées de Frere Annibal Grison, Inquisiteur: & ne sauoit où demeurer honorablement, & auoir plus de moyē de se iustifier des accusations du Moine, qui le qualifioit publiquement Lutherien, non seulement en Istrie, mais aussi enuers le Nonce de Venise, & le Pape. Mais les Legats du Concile, estans aduertis de ces choses, l'exclurent des actions publiques, où il auoit droit d'entretenir, comme Prelat, iusques à ce qu'il se fust purgé enuers le Pape, auquel ils l'exortèrent viuement d'aller: & s'ils neussent craint de donner suiet de parler contre la liberté du Concile, ils auroient bien passé à d'autres effets que d'exortations. Mais luy, voyāt que sa demeure à Trente estoit avec plus grande indignité pour luy, se partit peu de iours apres, en intention de retourner en son Euesché, croyant que l'émotion populaire y seroit appaisée: mais estant arriué à Venise, le Nonce luy defendit d'y aller, ayant eu charge de Rome de luy faire son proces: de quoy indigne, ou intimidé, ou pour autre cause, peu de mois apres il sortit d'Italie.

Le quinziesme Mars les trois minutes furent proposees, & quoy que toutes eussent leurs defenseurs, la troisieme fut toutesfois approuuée par le plus grand nombre. Es suivantes Congregations les Theologiens discoururent sur les autres Articles, & y eut grand different au troisieme, sur la Translation Latine de l'Ecriture, entre quelque peu, qui auoyent bonne connoissance du Latin, & quelque goust du Grec, & les autres entierement despourueus de la connoissance des langues. Frere Louïs de Catanee dit, Que pour resolution de cet Article, on ne pouoit auancer choses plus à propos, & conuenable au temps present, que le iugement du Cardinal Caietan, personnage tresuersé en la Theologie, en laquelle ayant estudié dès son enfance, il estoit, par la felicité de son esprit, & sa laborieuse diligence, reussi le premier hōme de ce siecle, & de plusieurs autres: auquel aussi il n'y auoit Prelat, ny autre personnage au Concile, qui ne voulust ceder en doctrine, & ne iugeast d'estre en estat d'apprendre de luy. Ce Cardinal, estant allé en Allemagne en qualité de Legat en l'année mil cinq cens vingt trois, rechercha diligemment tous les moyens de ramener les desuoyés à l'Eglise, & de conuaincre les heresiarches, & trouua que l'vnique & vray remede estoit l'intelligence literale du texte de la Sainte Escriture, en sa langue originelle, en laquelle il a esté escrit, & s'adonna tout le reste de sa vie, qui fut d'onze ans apres, au seul estude de l'Ecriture, expliquant non la Tradition Latine, mais les sources Hebraïque au Vieil, & Grecque au Nouveau Testament: & d'autant qu'il n'auoit aucune connoissance de ces langues, il se seruit de personnes entendues, lesquelles luy construisoyent le texte mos pour mot comme ses escrits sur les liures sacrés en font foy. Et ce bon Cardinal auoit accoustumé de dire, qu'entendre le texte Latin, n'estoit point entendre la parole de Dieu infaillible, mais celle du translateur, suiet à errer: que Saint Ierome auoit tresbien dit, Que prophetiser, & escrire liures sacrés, procedoit de l'Esprit de Dieu: mais qui les translater en autre langue, estoit vn œuvre de l'industrie humaine: & pourtant le mesme Cardinal en se plaignant, disoit, Pleust à Dieu, que les Docteurs des siecles passés en eussent ainsi fait: les heresies Lutheriennes n'eussent trouué aucun lieu. Le Moine adiousta, qu'on ne pouoit authentifier aucune translation, sans reiecter le Canon, *Vi. can. d. 9.* lequel commande qu'on examine la verité des liures du Vieil Testament sur le texte Hebrieu, & ceux du Nouveau sur le Grec. Que de donner autorité infaillible à vne interpretation, estoit condamner Saint Ierome, & tous ceux qui ont traduit: que s'il y en a quelcune qui soit authentique, à quoy peuuent seruir les noms authentiques. Que ce seroit vne grande vanité de produire des copies incertaines, quand on en a vne en forme authentique. Qu'il falloit tenir, avec S. Ierome, & le Cardinal Caietan, que tout Interprete peut faillir quelque diligence qu'il ait employée pour ne s'eloigner de l'Original. Mais aussi qu'il connoissoit

pour chose indubitable, que, si ce Concile examinait & corrigeoit vne interpretation au texte original, le S. Esprit qui assiste aux Synodes es choses de la Foy, presideroit en iceluy en sorte qu'il n'erroit point, & lors vne telle traduction, ainsi examinee, & approuuee pouroit estre diree Authentique. Mais que de dire que, sans vn tel examen, on en puisse approuuer aucune, & se promettre que l'Esprit de Dieu assiste à la resolution, il ne l'osoit faire, si non que tout premier le Concile en eust determine: voyant qu'au Concile des Apostres il y eut vne grande enqueste & examen qui preceda. Mais que cela estant vne œuvre de dixaines d'annees, & qui ne se pouoit entreprendre, il sembloit qu'il valoit mieux laisser les choses en l'estat qu'elles auoyent esté par l'espace de quinze cens ans, permettant que les translations Latines fussent verifiees par les textes originaux.

Al'opposite la plus grande partie des Theologiens disoit, qu'il falloit de necessite tenir en tout & par tout pour diuine & authentique la traduction, laquelle es temps passez a esté publiquement lue es Eglises, & yste es escholes: autrement, que ce seroit donner cause gaignee aux Lutheriens, & ouvrir vne porte à infinies heresies à l'auenir, & à continuel troubles du repos de Chrestienre. Que la Doctrine de l'Eglise Romaine, Mere & Maistresse de toutes les autres, estoit en grande partie fondée par les Papes de Rome, & par les Scholastiques, sur quelque passage de l'Escripture: que si on donne liberte à chacun d'examiner si elle est bien traduite, ou non, recourant à d'autres traductions, ou recherchant ce que porte le Grec ou l'Hebreu; ces nouueaux Grammairiens confondront tout, & se feront iuges & arbitres de la foy: & en lieu de Theologiens & Canonistes, il faudra en l'assomptio aux Eueques & Cardinalats, faire la principale estime des maistres d'eschole, & des pedats. Que les Inquisiteurs ne pourroient plus proceder contre les Lutheriens, s'ils ne sont sauans en Hebreu, & en Grec: d'autant qu'il leur sera tousiours respondu par les coupables, & criminels, que le texte original ne porte pas cela: & que la traduction n'est point fidele: & que toute nouueauté, & phantasia, qui viendra en teste à quelque petit Grammairien, soit par malice, soit par peu de connoissance des choses Theologiques, trouuera pied & fondement, pouruen qu'il le puisse confermer par quelque pointille de Grammaire: de maniere qu'on ne pourra iamais venir à aucune finale resolution. Qu'à present on void, dès que Luther a commence à faire vne traduction de l'Escripture, combien il en est sorti en lumiere, & mesmes differentes & contraires entr'elles, qui meriteroyent d'estre enseuelies en perpetuelles tenebres, combien de fois Luther luy mesmes a changé celle qu'il auoit traduite d'une façon, & comment iamais elle n'auoit esté imprimé sans quelque notable changement, non d'un passage, ou de deux, mais de centaines à la fois. Que si on donnoit cete liberte à tous, la Chrestienre seroit bien tost reduite à ne sauoir que croire.

A ces raisons, ouïs avec applaudissement de la plus part, d'autres adioustoient aussi, que, si la prouidence diuine a baillé vne Escripture authentique à la Synagogue, & vn authentique Nouveau Testament aux Grecs, on ne pouoit dire, sans luy faire tort, que l'Eglise Romaine, beaucoup plus chérie de luy, ait esté laissée d'estimee d'un si grand benefice: & que pourtant il falloit celer, que le mesme S. Esprit, qui auoit dicté les liures sacrés, auoit aussi inspiré la Translation qui deuoit estre receue par l'Eglise Romaine.

Mais d'autres estimoient chose bien dure, de faire quelcun Prophete, ou Apostre, seulement pour traduire vn liure: & pourtant moderoyent l'assertion, disant, Qu'il n'auoit eu Esprit Prophetique, ny Apostolique; mais bien vn proche à ceux-là. Que si quelcun faisoit difficulté d'accorder l'assistance de l'Esprit de Dieu à l'interprete, il ne la pouoit certes desdire au Concile, Et que, quand l'Edition vulgaire seroit approuuee, & que l'anatheme seroit fulminee contre ceux qui ne la receuroient, icelle sera sans erreurs; non par l'Esprit de celuy qui l'a faite, mais du Concile qui l'a approuuee.

Dont Isidore Claire, Bresson, Abbé de S. Benoist, personnage fort versé, à laquelle

1546.
*Il faut elui
 re requies
 d'abondant
 examen &
 correction
 par le Con
 cile.*

en cete sorte d'estude, tascha par vn narré historice, de rabatre cete opinion, disant en substance, Qu'en la primitiue Eglise il y auoit eu plusieurs Translations Grecques; lesquelles Origene ramassa en vn volume, les disposant de front en six colonnes: dont la principale s'appelloit des Septante: de laquelle, comme aussi du Nouveau Testament Grec, furent tirees plusieurs Latines; dont la plus commune & suiuiue en l'Eglise, s'appelloit l'Italique, laquelle S. Augustin auoit tenuë pour la meilleure de toutes les autres, à tel si toutesfois; que sans contredit les textes Grecs luy fussent preferes. Mais que S. Ierome, entendu comme chacun fait, en la connoissance des langues, voyant la Translation du Vieil Testament se desuoyer de la verité Hebraïque; partie par le défaut del'Interprete Grec, partie aussi par celuy du Latin, en auoit tiré vne de l'Hebreu immédiatement, & auoit corrigé celle du Nouveau Testament sur la verité du texte Grec. Que pour le credit, qu'auoit S. Ierome, sa Traduction fut receuë de plusieurs, mais aussi reiettee d'autres, plus fixés à suiure les erreurs de l'Antiquité, & abhorrans les nouveautés: soit aussi, comme luy mesme s'en plaign, qu'ils le fissent par emulation. Mais, quelques années apres, l'envie estant ceele, celle de S. Ierome fut receuë de tous les Latins, & toutes deux furent en vsage, l'vne sous le nom de Vieille, l'autre, soit celuy de Nouvelle. S. Gregoire escriuant à Leode sur Job, tesmoigne que l'Eglise Romaine se seruoit de tous les deux; & qu'en l'exposition de ce liure il choissoit de suiure la nouvelle, comme conforme à l'Hebreu; mais que toutesfois es allegations il se seruiroit or de l'vne; or de l'autre; selon qu'il luy viendroit plus à propos. Que les temps suiuians en ont de ces deux compose vne, prenant partie de la Nouvelle, & partie de la Vieille, selon que les occasions ont porté: & qu'à celle-là ainsi composee & rappiee, auoit esté mis le nom d'Edition Vulgaire. Que les Pseaumes estoient tous de la Vieille: d'autant, qu'à cause de leur continual vsage au chant quotidien de l'Eglise, on ne les auoit pu changer. Que les petits Prophetes estoient tous de la Nouvelle, les grands mesles de tous deux, Qu'il est bien vray que tout cela est arriué par la prouidence diuine, sans laquelle rien n'auient: mais toutesfois on ne peut auer raison dire qu'il y soit entreuenue autre intelligence qu'humaine. Que S. Ierome affirme ouuertement; que nul interprete n'a parlé par le S. Esprit. Que l'edition que nous auons est de luy pour la plus part, & que ce seroit chose bien estrange d'attribuer la conduite insaisissable de l'Esprit de Dieu, à celuy qui a reconu & affirmé de ne l'auoir point, Dont iamais aucune Traduction ne pourra estre egalee au texte sacré de la langue originelle. Et pource qu'il estoit d'avis, que l'Edition vulgaire fust bien preferée à toutes, & approuuee, mais qu'au prealable elle fust corrigee sur le texte originel, & qu'il fust interdit à chacun d'en faire aucune autre, mais qu'on corrigéast seulement cete-là, & qu'on supprimast toutes les autres: & qu'ainsi cesseroient tous les inconueniens causes par les nouuelles interpretations, lesquels fort prudemment auoyent esté marquée & censurés es Congregations.

*l'egame
 d'istie cete
 autorité à
 ne comenir
 euiden en
 leur.*

Frere André de Vega, Cordelier; tenant la voye du milieu entre ces opinions, approuua bon l'aduis de S. Ierome, que les qualités d'un interprete ne sont point Esprits Prophetique, ou autre special diuin Esprit, qu'il le rende infailible: & de mesmes l'autre sentence du mesme S. Ierome, & de S. Augustin, de corriger les traductions sur les textes de la langue originelle: adionstant toutesfois, qu'à cela ne repugnoit point de dire aussi, Que l'Eglise Latine tient l'Edition vulgaire pour authentique, d'autant que cela se doit entendre en cete sorte, qu'en icelle il n'y a aucun erreur en ce qui cōcerne la foy, & les mœurs: mais non de vray en tout pointille, & expression propre de mots: veu qu'il est impossible que tous les mots d'une langue soient transferés en vn autre, sans qu'il y eschec quelque restriction ou amplification de signification, ou metaphore, ou autre figure. Que la Vulgaire a desia esté examinée par toute l'Eglise par l'espace de plus de mil ans, & a esté reconnu qu'il n'y a aucun erreur en la foy, ny es mœurs: & qu'à cete qualité elle a esté

en usage, & tenue par les Conciles anciens: pourtant aussi il la fait tenir & approuuer pour telle, & peut-on déclarer l'Edition vulgaire authentique, en ce sens, c'est, qu'elle peut estre lue sans danger: sans empescher toutes-foiſ les plus diligens de recourir aux sources Hebraïques & Grecques: mais bien interdisant vn si grand nombre de translations entieres, qui engendrent confusion.

Sur l'Article du sens de l'Eſcritures Sainte, la Doctrine de feu le Cardinal Caietan donna ſujet d'en parler diuerſement: car iceluy auoit enſeigné, & pratiqué ſemblablement, de ne reietter les ſens nouueaux, quand ils ſe rapportent bien au texte, & ne ſont diſcordans d'autres paſſages de l'Eſcriture, & de la Doctrine de la Foy: apres que le torent des Docteurs couruſt à vn autre: attendu que Noſtre Seigneur n'a point lié & attaché le ſens de l'Eſcriture aux Docteurs anciens: autrement; on n'auroit, ny au temps preſent, ny à l'auenir, autre pouuoir & liberté, que de tranſcrire & copier des liures. Cet aduis fut approuué par aucuns des Theologiens, & des Peres, & par les autres impugné.

Les premiers iugeoient, que c'eſtoit vne eſpèce de tyrannie ſpirituelle, d'empescher que les fideles ne puſſent, ſelon le don de la grace de Dieu, exercer leur eſprit: & que cela n'eſtoit autre choſe; qu'interdire le trafic ſpirituel des talens receus de Dieu: qu'il falloit à l'opposite conuier les hommes par toutes fortes d'attraits à la lecture des ſaintes lettres; deſquels ſi on oſte le rationnable plaſiſr & contentement, que porte la nouueauté, tous les abhoreront, & telle rigueur fera que les gens de lettres s'apliqueront à d'autres eſtudes, & abandonneront les ſacres; & par conſequent toute eſtude & ſoin de pieté. Que cete variété de dons ſpirituels conuient à la perfection de l'Egliſe, & s'apperçoit en la lecture des Anciens Peres, eſ eſcrits deſquels il y a grande diuerſité, & meſmes ſouuent contrariété, iointe neantmoins & vnſ par treſeſtroite charité. Et qu'elle raiſon pourroit-on alleguer d'interdire à ce preſent ſiecle la liberté, dont les autres ont ioüy avec fruit, & vtilité ſpirituelle. Que les Scholaſtiques, quoy qu'ils n'ayent pas entr'eux des diſputes ſur l'intelligence des ſaintes Eſcritures, ont bien pourtant des differens non moins eſſentiels de la Religion, leſquels ne ſont pas moins dangereux: qu'il valoit mieux imiter l'Antiquité, qui n'a point reſtreint l'expoſition de la Sainte Eſcriture, mais l'a laiſſée en liberté.

Le contraire aduiſoit: Que la licence populaire eſtoit vn deſordre plus grand que la tyrannie: qu'au temps preſent il falloit brider les eſprits effrenés: autrement, qu'on ne pouuoit eſperer de voir iamais la fin des preſentes contentions: qu'es temps iadis il auoit eſté permis d'eſcrire ſur la Sainte Eſcriture; d'autant que cela eſtoit neceſſaire, pour le peu d'expoſitions qu'il y auoit: que d'ailleurs les hommes de ce temps-là, eſtoient de ſainte vie: & de ſens & eſprit bien compoſé & ſaſſis, de ſorte qu'on ne pouuoit craindre de leurs part aucunes confuſions, comme au temps preſent. Et pourtant que les Scholaſtiques auoyent bien veu, qu'il n'y auoit plus beſoin en l'Egliſe d'autres expoſitions, & que l'Eſcriture Sainte eſtoit non ſeulement ſuffiſamment, mais auſſi treſabondamment eſclaircie: dont ils auoyent pris vne autre maniere de traiter les choſes ſacrees: & voyans les hommes enclins aux diſputes, auoyent iugé qu'il valoit mieux les amuſer en examen de raiſons, & de ſentence d'Ariſtote: & ce pendant conſeruer la Sainte Eſcriture; en reuerence, laquelle eſt grandement raualee, quand elle eſt communément manie; & eſt maniere d'eſtudes, & d'exercice de curieux. Cet aduis fut porté ſi auant, que Frere Richard du Mans, Cordelier, dit, Que les Dogmes de la foy eſtoient tant eſclaircis à preſent par les Scholaſtiques, qu'il ne les falloit plus apprendre de la Sainte Eſcriture: laquelle de vray anciennement eſtoit lue en l'Egliſe pour l'inſtruction des peuples, & pour la meſme raiſon eſtoit eſtudiee, & meditée: mais qu'à preſent on ne la lit en l'Egliſe, que pour dire oraïſon: & qu'à cela auſſi deuroit elle ſeruir à tous, & non pour eſtudier, & que ce ſeroit là la reuerence & veneration due de tous à la

on paſſe à
traiter des
ſens & in-
terpretations
de l'Eſcri-
ture.

les voyez
lent que li-
berté ſoit
permise;

les autres
qu'elle ſoit
reſtreinte
aux ſens
anciens.

15 46.

*autres, que
la diversité
soit permise
mais non la
contrariété*

parole de Dieu. Qu'en tout cas au moins deuroit-il estre defendu de la lire par maniere d'estude; à quiconque n'est premierement bien fondé en la Theologie Scholastique: & que les Lutheriens n'auançoient avec aucuns autres, qu'avec ceux qui estudiant en l'Ecriture Ste. Cet aduis ne fut sans adherans.

Mais entre ces deux opinions; il y en eut deux moyennes. L'une qu'il n'estoit pas expedient de restreindre l'intelligence de l'Ecriture aux seuls Peres: attendu que le plus souvent leurs sens sont allegoriques, & rarement literaux: & que ceux qui se tiennent à la lettre, sont appropriés à leur temps: de sorte que leur exposition ne peut s'accommoder à propos à nostre aage. Que le Cardinal Cusan, personnage excellent en preud'homme, & favoir, auoit tresdoctement dit, Que le sens des Escriptures doit estre accommodé au temps, & qu'il la faisoit exposer selon la maniere courante, & ne s'estonner point, si la pratique de l'Eglise en vn temps interprete en vne maniere, & autrement en vne autre. Que le dernier Concile de Latran l'auoit ainsi entendu, quand il ordonna, que l'Ecriture fust exposée selon les Docteurs de l'Eglise, ou en la maniere que le long vsage a approuvé: Cet aduis concludoit, qu'on n'interdisoit point les nouuelles expositions, sinon lors qu'elles sont discordantes du sens courant.

*Et Soto opi-
ne que cha-
cun abonde
en son sen-
s sans ma-
tières desir
es des
mauri.*

Mais Frere Dominique de Soto, Iacopin Espagnol, distingua la matiere de foy, & des mœurs, d'avec les autres: disant, que seulement en la premiere il estoit iuste de contenir tous esprits es bornes & limites poses, mais qu'es autres il n'y auoit nul inconuenient de permettre que, la pieté & la charité sauue, chacun abonde en son propre sens. Quel'intention des Peres n'auoit iamais esté, qu'ils fussent suivis comme par necessité, sauf es choses necessaires à croire, & à ceurer. Que les Papes mesmes, quand en leurs Decretales ils ont exposé quelque passage de l'Ecriture en vn sens, n'ont point entendu de le Canoniser, en sorte qu'il ne fust loisible de l'entendre autrement, pourueu que ce fust avec raison. Que c'estoit ainsi, que l'Apostre S. Paul l'auoit entendu, quand il auoit dit, Qu'il falloit pratiquer la prophetie, c'est à dire la rapportant aux articles d'icelle. Que si on n'obseruoit cete distinction, on s'enfermeroit en des notables inconueniens, à cause des contrariétés qui se rencontrent en diuerses expositions des anciens Peres, lesquels repugnent les vns aux autres. Les difficultés mises en auant ne furent de si grand poids, qu'en la Congregation des Peres ne fust, par vn presques vniuersel consentement, approuuée l'Edition Vulgaire: & ce discours, que les maistres de Grammaire entreprendroyent de faire la leçon aux Eueques & Theologiens, porta grand coup es esprits des Prelats. Quelques vns en petit nombre s'opposerent bien, qu'il estoit expedient, pour les raisons representées par les Theologiens, omettre pour lors cet Article: mais, apres qu'on en eut resolu

*à condition
qu'elle soit
corrigée,*

*à quoy sont
depuis
quelques
ans,*

*tous les sens
de l'Ecri-
ture se
trouuent
Anciens &
à l'opinion
commune
l'Eglise.*

autrement, ils mirent en consideration, Que si on approuuoit cete Edition, il falloit aussi ordonner qu'elle fust imprimée bien corrigée: & à cet effet, qu'il estoit necessaire de former l'exemplaire, sur lequel on tirast l'impression. Pourtant du commun consentement de tous furent deputés fix, qui vaquassent avec exacte diligence à cete correction, afin qu'on la pust publier auant la fin du Concile: se reseruant la liberte d'accroistre le nombre des deputés, quand, entre ceux qui arriueroyent de nouueau, se rencontreroit personnage capable pour cet œuvre. Mais, quand on vint à opiner sur le quatrieme Article, le Cardinal Pacieco dit, Que la sainte Escripture auoit esté exposée par tant de personages, & si excellens en preud'homme, & fauoir, qu'il n'estoit point à esperer qu'on y pust adiouster d'abondant chose aucune bonne: & que les modernes heresies estoient toutes procedées des nouueaux sens donnés à l'Ecriture: & que pourtant il estoit necessaire de brider l'outrecuidance des esprits de ce siecle, & la reduire à la patience de se laisser gouverner par les Anciens, & par l'Eglise: & que celui, qui auroit quelque esprit particulier, fust contraint de le tenir dedans soy, sans confondre le monde en le publiant. Presque tous suivirent cet aduis.

La Congregation du vintneufiesme du mois fut toute employée au

cinquieme Article: d'autant que les Theologiens ayans parlé auec beaucoup d'irresolution, & remis le tout au vouloir & bon plaisir du Concile, auquel il appartient de faire les Decrets, les Peres de leur costé se trouuerent aussi grandement perplex. Laisser tout à fait l'anatheme, estoit ne faire point vn Decret de foy, & d'abord rompre l'ordre qu'on auoit pris de traiter les deux Chefs, de Foy & de Reformation, coniointement. D'ailleurs il se nbloit que ce fust chose bien crüe & rude, de condamner pour heretique tout homme, qui n'accepteroit point l'Edition Vulgaire en quelque passage particulier, & peut estre de peu d'importance: & qui semblablement publieroit par legereté d'esprit aucune siene inuention sur l'Escripture Sainte. Apres que la chose eut esté longuement debatue, on trouua cet expedient, de former le premier Decret, comprenant seulement ce qui concerne le Catalogue des liures sacrés, & les Traditions, & de le conclurre par l'Anatheme. Et que puis apres, au second, qui regarde à la Reformation, & où l'Anatheme n'a point de lieu, on y comprist ce qui touche la traduction, & le sens de l'Escripture: comme si le Decret estoit vn remede contre l'abus de tant d'interpretations, & expositions impertinentes.

1546.
difficulte,
expedient
de coucher
le decret
touchant le
Cann de
l'Escripture

Il restoit à parler des autres abus, dont chacun auoit recueilli vn grand roolle, innombrables en leurs especes & manieres, selon que la foiblesse, ou la superstition humaine se sert des choses sacrees, non seulement outre, mais aussi contre leur vraye & premiere institution. Il fut beaucoup parlé des enchantemens pour descouurir thresors, & venir à bout de desleins lascifs & impudiques, & executer autres actes illicites: & beaucoup de remedes furent proposés pour extirper tout cela. Quelques vns rapportèrent au nombre des charmes, de porter sur soy des parcelles de l'Euangile, & des noms de Dieu, pour se garantir, & guerir de maladies, & pour estre preserue de malheurs, & mesaduentures: ou pour auoir de l'heur en ses affaires: comme aussi de les lire pour les mesmes effets, & de les escrire avec certaines observations & distinctions de temps. En ce mesme rang furent couchees les Messes, qui se disent en quelques pais sur le fer tout rouge, sur les eaux bouillantes ou froides, ou sur autres matieres pour les iustificacions vulgaires: & aussi les Euangiles recités sur les armes, afin qu'elles ayent vertu contre les ennemis. Au mesme roolle estoient aussi mises les coniuurations des chiens, & des serpens, afin qu'ils ne mordent ni n'offensent, des bestes nuisibles de la campagne, des tempestes & orages, & d'autres causes de la sterilité de la terre: & requeroit-on que toutes ces superstitions & obseruances fussent comandées, interdites & punies comme abus. Mais en quelques particularités on vint à des contradictions & altercats: les vns soustenans pour choses deuotes, & religieuses, ou du moins, licites & non dannables, beaucoup de celles qui par les autres estoient condannées comme impies, & superstitieuses: ce qui auint aussi lors qu'il fut parlé de la parole de Dieu, employee à sortileges, ou deuinemens, en tirant des billets avec des versets de l'Escripture: ou prenant garde à ceux qui à l'ouuerture du liure se rencontroyent par hazard. Bien fut condannee de tous la coustume de se seruir de la parole de Dieu en libelles diffamatoires, & autres detractions, & mesdisances: & fut beaucoup discouru du moyen d'abolir les Pasquinades de Rome: à quoy le Cardinal de Medice se monstra passionnément desirieux de quelque remede, d'autant que les Courtisans le prenoient souuent pour sujet de leur raillerie à cause de sa façon de vie licentieuse, iouiale & gaillarde. Tous s'accordoyent bien, que la parole de Dieu ne peut iamais estre tenue en assez de reuerence, & que de s'en seruir mesmes à la louange des hommes, quoy que Princes & Prelats, n'estoit nullement seant & conuenable: ains qu'en generallement tout vsage d'icelle en chose vaine estoit peché: mais pourtant, que le Concile ne se deuoit point beaucoup empescher de cela, veu qu'il n'est point assemblé pour pouruoir à tous defauts: & qu'il n'estoit point raisonnable de defendre absolument de tirer les paroles de l'Escripture Sainte aux choses humaines: attendu que S. Antonin, Archeuesque de Florence, n'auoit point condanné

liuers abus
reformer
sur le fait
de l'Escri-
ture.

1546.

et l'expé-
dient pris
là dessus.

d'uns de
Prélats sur
les lectures
& predica-
tions des
Moines,

remet à voi-
der à voi-
antre Ses-
sion

remue de l'
quatrième
Session, &
on Decret

en son histoire les Ambassadeurs de Sicile, lesquels, requerans pardon à Martin quatrieme en Consistoire public, exposerent leur Ambassade en ces termes, disans trois fois, *Agneau de Dieu, qui ostes les pechès du Monde, ayez pitié de nous*: ni aussi la responce du Pape, qui pareillement leur dit par trois fois, *Bien te soit, Roy des Juifs, & luy donnoyent des buffes*. Et pourtant que çauoit esté vne malignité des Lutheriens de censurer l'Euesque de Bitonte, de ce qu'au Sermon qu'il fit en la premiere Session, il auoit dit, *Que si on ne receuoit le Concile, on pourroit lors bien dire, La Lumiere du Pape est venue au monde: mais les hommes ont mieux aimé les Tenebres que la Lumiere*. Tant de Congrégations furent consumées en cecy, & le nombre des maux representés croissoit si fort & tant paroissoit la foiblesse des remedes proposez, que le commun aduis enclina à la fin à ne faire aucune particuliere mention d'aucun d'iceux, & à ne venir à aucuns remedes singuliers, & propres, ni à peines particulieres: mais seulement à les defendre tous en termes généraux, & en remettre les peines à la discretion des Euesques. On parla aussi des abus des Imprimeries: & n'y eut pas grand affaire: attendu que tous conuinrent facilement, qu'on bridast la licence des Imprimeurs, & qu'il leur fust defendu d'imprimer chose aucune sacree, qui n'eust esté auparavant examinée, & approuuée. Mais qu'à cela suffisoit ce qui auoit esté ordonné par le dernier Concile de Latran.

Mais il s'esmut des grands débats, lors qu'on vint à traiter des Lectures publiques, & des Predications: les Moines reguliers, lesquels, tât par priuileges des Papes, que par l'exercice de trois cens ans, estoient seuls en possession de ces fonctions, trauailloyent à toute force, pour conseruer à eux ce droit: mais les Prélats, pretendans qu'elles leur appartenoyent en propriété, & auoyent esté vlrpées sur eux, en sollicitoyent la restitution: & d'autant qu'en ceci on ne debatoit point d'opinions, mais d'emolument, & vtilités, chacune des parties, outre les raisons, y employoit les passions: & ces altercations eussent pû causer, qu'au temps de la Session, on n'eust fait aucun Arrest decisiu: qui fut la cause qui fit resoudre les Legats, à differer ces deux points iusques à vne autre Session. Les deux Decrets furent formés selon les resolutions qu'on auoit prises, & furent lus en la dernière Congrégation, & approuués, avec quelques exceptions sur le fait de l'Edition Vulgaire: Et à la fin de l'assemblée, le Cardinal de Monte, apres auoir loué la doctrine & la prudence de tous, leur remonstra la bienfiance qu'il falloit garder en la Session publique, monstrant un mesme cœur, & vne mesme ame, puis qu'és Congrégations les matieres auoyent esté suffisamment examinées. Et le Cardinal Legat de S. Croix, apres la Congrégation, assembla ceux, qui auoyent fait opposition sur le fait de l'Edition Vulgaire, & leur monstra qu'ils n'auoyent de quoi se plaindre: pouree qu'il n'estoit point defédu, ains demeurait en liberté de la pouoir corriger, & de pouoir recourir aux textes originaux: mais seulement estoit interdit de dire, Qu'il y eust erreurs en la foi, pour lesquels dast estre reiettee.

Le huitieme Auiil, iour destiné pour la Session, arriué, Saluator Alepi, Archeuesque de Torre en Sardaigne, celebra la Messe du S. Esprit: & Frere Augustin Aretin, General de l'ordre des Serfs de S. Marie, fit le Sermon. Et apres qu'on eut pris les paremens Pontificaux, & fait les Letanies, & oraisons accoustumées, les Decrets furent lus par l'Archeuesque officiant.

Le premier contenoit en substance, Que le Concile, regardant à conseruer la pureté de l'Euangile, promis par les Prophetes, publié par Christ, & presché par les Apostres, comme source de toute verité, & discipline des mœurs, lesquelles deux choses il reconoit estre contenues tant és liures qu'és traditions non écrites, lesquelles les Apostres ont receués de la bouche de Christ, & qui leur ont esté dictées par le S. Esprit, & d'eux sont paruenues de main en main iusques à nous: à l'exemple des Peres, reçoit avec egale reuerence tous les liures du Vieil, & du Nouueau Testament: & les traditions concernans la foy & les mœurs, comme procedées de la bouche de Christ, ou inspirées

ou inspirees par le S. Esprit, & conseruee en l'Eglise Catholique. Et, apres auoir rapporté le catalogue des liures, il conclut, *Que si aucun ne les re- çoit pour sacrez, & Canoniques, tous entiers, avec toutes leurs parties, ainsi qu'ils sont en l'Eglise Catholique, & sont contenus en l'Edition Vulgaire: ou bien, sciennement, & de propos delibéré mesprise les Traditions, qu'ice- luy soit Anatheme.* Afin que chacun sache quels fondemens le Concile est delibéré de prendre en la confirmation des dogmes, & au retablissement des mœurs de l'Eglise. Le second portoit, *Que l'Edition Vulgaire soit tenue pour authentique es publiques leçons, disputes, predications, & expositions, & que nul n'ait à la reietter.* *Que l'Ecriture Sainte ne soit exposee contre le sens suiuy par Sainte Mere Eglise, ne contre l'uniforme consentement des Peres: quoy qu'avec intention de tenir telles expositions secretes: & que les controuuenans soyent punis par les Ordinaires.* *Que l'Edition Vulgaire soit imprimée & trescorrecte.* *Qu'on n'ait à imprimer, vendre, auoir, ou tenir li- ures de choses sacrees sans nom de l'auteur, & qui premier n'ayent esté approuués, dont on face apparoiître au frontispice du liure, sous peine d'ex- communication, & amende pecuniaire, selon qu'il a esté ordonné par le der- nier Concile de Latran.* *Que nul n'ait à se seruir des paroles de la Sainte Es- criture en raileries, fables, vanités, flateries, mesdisances, superstitions, charmes, deuinemens, fors, & libelles diffamatoires: & que les forfaiteurs soyent punis à l'arbitrage des Euesques.* De plus fut ordonné, que la suiuan- te Session se tiendroît le dixhuitieme iuin.

Après cela fut lu par le Secretaire du Concile le mandement des Amba- sadeurs de l'Empereur, Diego de Mendozze, & François de Toledo, celui- là absent, & celui-cy present, lequel apres auoir en peu de paroles salué les Peres au nom de l'Empereur, dit en substance, *Qu'il estoit notoire à tout le monde, que l'Empereur n'estimoit chose aucune plus digne d'un Empereur, que de defendre le troupeau de Christ des ennemis, & de le deliurer des troubles, & seditiōs. Et que pourtant il auoit veu avec indicible ioye le iour auquel le Concile indiēt par le Pape auoit esté ouuert: & que voulant fau- oriser, de sa puissance & autorité, vne occasion si belle & desirée, il y auoit tout soudain despesché Mendozze, auquel, presentement indisposé, il auoit adioint la personne de luy Toledo. Et qu'il ne restoit, que de prier Dieu v- nanimement, qu'il luy plust fauoriser & benir l'entreprise du Concile: & ce qui est le principal, maintenir le Pape & l'Empereur en bonne concorde, pour pouuoir affermir la verité Euangelique, reſtablir l'Eglise en sa pureté, & extirper l'uyraye du champ du Seigneur. On luy respondit au nom du Con- cile, *Que la venue de Sa Seigneurie estoit tresagréable au Cōcile, tant pour son respect enuers l'Empereur, que pour la faueur qu'il se promettoit de Sa Majesté: & qu'il prenoit aussi grande esperance de la vertu, & religion de Sa Seigneurie: & pourtant la recueilloit & embrassoit de toute son affection, & receuoit, autant qu'il estoit tenu de deuoir & de raison, les mandemens de l'Empereur, que le Concile auoit desplaisir & regret de l'indisposition de son Colleague, & rendoit graces à Dieu de la bonne concorde qui estoit entre le Pape, & l'Empereur: & qu'il le prioit de vouloir fauoriser & benir les saints desirs de tous deux, pour l'accroissement de la Religion Chrestienne, & la paix de l'Eglise: Ces choses faites, avec les ceremonies accoustumées, fut finie la Session, les Decrets de laquelle furent par les Legats enuoyées à Ro- me, & imprimées peu de temps apres.**

Mais des qu'on les eut veus, sur tout en Allemagne on en prit grande ma- tiere de discours. Aucuns iugeoyent choses bien hardie & aduantageuse, que cinq Cardinaux, & quarente huit Euesques, eussent si promptement de- finy des articles tant principaux, & importants de la Religio, indecis iusques alors: donnant autorité Canonique à des liures tenus pour incertains, & apocryphes: & authentiquant vne translation discordante du texte original: & prescriuant & limitant la maniere d'entendre la parole de Dieu. Ven, sur tout, qu'epre tous ces Prelats il ne s'en trouuoit aucun signalé en doctrine:

1546.

qu'aucuns estoient Iuriconsultes, sauans, peut estre, en cete profession là, mais non entendus es choses de la Religio: que il y en auoit fort peu de Theologiens, & encores de suffisance au dessus de l'ordinaire: & que la pluspart estoient Gentilshommes, & courtisans: & qu'à la dignité, qu'il y en auoit des titulaires & portatifs, & le demeurant, pour le plus, estoit d'Euesques de villes si petite, que, chacun d'eux representant son Eglise, on ne pouuoit dire qu'ils representassent la milieme partie de Chrestienté, Mais particulièrement, qu'il n'y auoit pas vn seul Euesque ne Theologien d'Allemagne: Et sembloit estrange de dire que d'un si grand nombre on n'en eust pu enuoyer vn seul: & que l'Empereur n'y en eust fait aller aucun de ceux, qui auoient assisté es Conferences, & estoient informés des differens: & qu'entre tous les Prelats d'Allemagne le seul Cardinal d'Ausbourg y eust enuoyé Procureur, & celuy-là encores Sauoisien: car les Procureurs de l'Electeur & Cardinal de Mayence, ayans entendu la mort de leur maistre, estoient partis deux moys auparauant.

Autres disoient, Que les choses définies n'estoient point de si grande consequence, comme il sembloit, car pour le chef des Traditions, qui sembloit le plus important, il ne releuoit de rien: premierement, d'autant que ce n'estoit rien d'ordonner qu'on receust les Traditions, sans spécifier quelles elles sont, & sans donner moyen & adresse de les discerner: sur tout veu que le Decret ne portoit point commandement expres de les recevoir, mais seulement de ne les mespriser sciemment & de fait d'aduis: dont il n'y auoit point de contrauention à qui les reietteroit toute, avec paroles reuerentes, sur tout à l'exemple de tous les adherans à la Cour de Rome, qui ne reçoient l'institution des Diaconesses, & n'accordent l'election des Pasteurs au peuple, qui toutesfois certes est institution Apostolique, continuee par plus de huit siecles: & ce qui importe le plus, la communion du Calice ordonné par Christ mesmes, presché par les Apostres, & obserué par toute l'Eglise en tous les siecles passés, sauf depuis deux cens ans en ça, & encores à present par toutes les Nations Chrestiennes, horsmis la Latine. Que si cela n'est Tradition, il n'y a moyen de monstrier qu'aucune autre le soit. Et que quand à l'Edition Vulgaire, qui auoit esté declarée authentique, il n'y auoit rien de fait, veu qu'à cause de la diuersité des exemplaires, on ne pouuoit sauoir laquelle c'estoit. Mais cete dernière opposition naissoit de ce qu'on ne sauoit pas encor qu'au Concile auoit esté faite la deputacion de ceux qui deuoient establir vn exemplaire corrigé, pour tirer sur iceluy la vraye Edition Vulgaire, ce qui toutesfois ne fut effectué, & la cause en sera touchée en son lieu.

le Pape sur
iceux prend
à cœur le
Concile.

& aduerti
ses Legats
de plusieurs
pièces ac-
cuses
pour luy.

Quand on eut veu à Rome les Decrets de la Session, & considéré l'importance des choses traitées, le Pape iugea qu'il falloit auoir les affaires du Concile en plus grande consideration, qu'on auoit fait iusques alors, & augmenta le nombre de la Congregation des Cardinaux & Prelats, auxquels il auoit baillé charge de considérer les choses suruenantes qui pourroyent concerner le Concile, & les rapporter. Par le Conseil de ceux-là, dès la premiere fois qu'ils furent assemblés, il aduertit les Legats de trois choses. L'vne de ne plus prononcer aucun Decret en Session, qu'il ne he leussent premierement communiqué à Rome: & d'euiter de vray l'excessive tardieté à proceder: mais aussi de se garder d'auantage de la hastinerie, laquelle les pourroit porter à resoudre quelque matiere non bien digeree, & leur offer le temps de pouuoir recevoir de Rome les commissions de ce qu'ils auoyent à proposer, deliberer, & conclurre. La deuxieme, de ne consumer point le temps en matieres, qui ne sont pas en dispute: comme il sembloit qu'ils auoyent fait es matieres traitées en la prochaine Session, esquels tous sont d'accord, & sont principes indubitables. La troisieme, de garder, que pour cause quelconque on ne vinst iamais à debatre de l'autorité du Pape.

lequel lui
respondoit

Les Legats respondirent tout promptement, Qu'ils obéiroient au commandement de Sa Sainteté: mais que toutesfois il leur sembloit qu'es choses

definies il y auoit vn differend non petit entre les Catholiques & les Heretiques : & qu'aucunes Escriptures du Vieil & du Nouueau Testament, receues par le troisieme Concile de Carthage, par Innocent premier, & par Gelaise, & par le sixieme Synode de Constantinople *la Trullo*, & par le Concile de Florence, estoient reuocques en doute par les heretiques : & mesmes, qui pis est, par aucuns Catholiques, & Cardinaux : & de plus, que les Traditions non escriptes estoient impugnees par les Lutheriens, lesquels sur toutes choses visoyent à les ancantir, donnant à entendre, Que toutes les choses necessaires à salut sont redigees par escript. Et pourtant, combien que ces deux chefs soyent principes, que neantmoins c'estoyent aussi des conclusions les plus contentieuses, & importantes, qu'on eust à decider au Concile. Que quant à l'autorité du Pape, & du Concile, il ne s'estoit encor presenté aucune occasion d'en parler, sauf quand on auoit traité du titre du Concile; aucuns requerans, qu'on y adioustast la clause de la representation de l'Eglise Vniuerselle: ce qui encores est à present desiré de plusieurs, & toutes-fois ils gauchiront tant qu'il sera possible. Que si tant est qu'ils soyent contraincts d'y venir, ils feront instance, & elperent qu'on ne le leur pourra denier, que la maniere, en laquelle iceluy la represente, soit expresse, assauoir, moyennant son Chef, & non point sans iceluy, dont il y aura plus à gagner pour Sa Sainteté, qu'à perdre. Qu'au demeurant il leur estoit aduis de voir des signes euidens, que la plus part estoit disposée à porter toute reuerence à Sa Sainteté, pendant qu'icelle se trouuera vnie comme Chef avec le corps du Concile : ce qui ne sera jamais autrement, tant qu'on fera d'accord ensemble au point de la Reformation; dont il pouuoit viure l'esprit en repos, que son autorité ne luy sera iamais querellée.

Après cela le Pape enuoya pour Nonce en Suisse Ierome Franco, luy baillant lettres adressantes aux Euesques de Svon en Vallay, & de Coire es Grisons, & à l'Abbé de S. Gal, & aux autres Abbés de ces nations, qui portoyent, Qu'il auoit appelé tous les Prelats de Chrestienté au Concile general à Trente : & qu'il estoit conuenable, qu'eux aussi, qui representent l'Eglise Heluetique, y entreussent pour leur nation, grandement cherie de luy, comme fils singuliers du S. Siege, & defenseurs de la liberte Ecclesiastique. Que ia estoient arriuez à Trente, Prelats d'Italie, de France, & d'Espagne, & que le nombre en grossissoit tous les iours : & pourtant qu'il n'estoit point sçeu, qu'eux voisins fussent preuenus des plus lointains : que leur pais estoit en grande partie infecté des heresies, & que tant plus auoit-il besoin du Concile. En fin leur commande en vertu de l'obeissance, & par le lien du serment, & sous les peines ordonnees par les loix, qu'ils ayent à s'y transporter au plustost : & pour le demeurant, se remet à ce que son Nonce leur dira de bouche.

En ce mesmes temps, le Pape, pour les grandes & fortes instances du Clergé, & de l'Academie de Cologne, secondez par les Euesques du Liege, & d'Vtrechte, & mesmes par l'Academie de Louvain, contre l'Archeuesque Electeur de Cologne, vint à la sentence definitive contre iceluy, le declarant excommunié, & le priuant de son Archeuesché, & de tous les autres benefices, & priuileges Ecclesiastiques, absolvant ses peuples du serment de fidelité, & leur commandant de ne luy obeir plus : & ce, d'autant qu'il estoit encouru es censures portees par la Bulle de Leon dixieme, publiee contre Luther, & ses adherans : ayant tenu, defendu, & publié icelle Doctrine contre les regles Ecclesiastiques, les Traditions des Apostres, & les vs & coutumes de la Religion Chrestienne. Cete sentence fut du depuis imprimée à Rome : & le Pape fit en suite vne autre Bulle, ordonnant qu'on obeist à Adolph, Comte du SchaVembourg, lequel l'Archeuesque auoitia pris pour son Coadiuteur : & fit forte instance enuers l'Empereur que cete sentence fust mise en execution : mais l'Empereur ne iugea point que ces nouueautés fussent à propos pour ses affaires, d'autant que par ce moyen il eust poussé l'Archeuesque, lequel iusques alors se tenoit entierement sous son obeissance, à s'vnir

1546.

& premier-
ment toute
christi-
fidelité.

& l'assen-
rent de la
bonne dis-
position du
Concile en-
uers luy.

le Pape co-
munié les Suis-
ses au Con-
cile.

excommunié
et démis
l'Archeues-
que de Colo-
gne.

mais l'Em-
pereur ne
scendoit point
en cela luy.

1546
intention
du Pape

la sentence
duquel pro-
duit gran-
de plainte
et de fa-
ces et Pro-
testans.

avec les autres confederés. Et pourtant le tint encores pour Archeueſque, & du depuis traita avec luy, & luy eſcriuit en cete meſme qualite, ſans auoir eſgard à la ſentence Papale. Cela ouſtroit le Pape iuſqu'au viſ: mais n'y voyant point de remède, & iugeant que c'eſtoit imprudence de ſe plaindre vainement, il mit cete offenſe avec les autres, leſquelles il eſtimoit receuoir de l'Empereur. Cete ſentence cauſa vn autre mauvais effet, c'eſt, que les Pro-
teſtans prirent occaſion de ſe conſormer en leur opinion, que le Concile n'eſtoit intimé à autre fin que pour leſpiper. Car, ſi la Doctrine de la foy qui eſt en debat, deuoit eſtre examinee au Concile, comment pouuoit le Pape, auant la definition d'iceſluy, paſſer à ſentence, & par icelle condamner l'Archeueſque d'heretique. Que de là il apparoiſſoit bien, que ce ſeroit en vain d'aller au Concile, où domine le Pape, lequel ne peut ſe commander iuſques là, de diſſimuler de les auoir ia condamnés. Mais auſſi, que d'ailleurs on voyoit aſſez que le Pape meſme ne faiſoit nul eſtat de ce Concile, attendu que, iceſluy eſtant deſia commencé & ouuert, il mettoit ſouuerainement la main en ce qui appartenoit au Concile, ſans meſmes luy en faire aucune part. Le Duc de Saxe fit entendre ces choſes à l'Empereur par Ambaſſadeurs expres, & luy fit dire, Que, puis qu'on voyoit clairement l'intention du Pape, il ſeroit meſhui temps de pouruoir à l'Allemagne par vn Concile National: ou bien traitant tout à fonds les affaires de la Religion en vne Diete.

en la Cègre
gation ſur-
uention diſ-
pute de la
matiere
pouu la Sef-
ſion.

Mais, pour retourner aux affaires Synodaux, il eſtoit, comme il a eſté dit, demeuré de reſte des choſes traitées auant la dernière Seſſion, à pour-
uoir aux leçons de la Sainte Eſcriture, & à la predication de la Parole de Dieu. Et pourtant en la premiere Congregation on traita de cete matiere: & pour donner commencement aux points de la foy, fut auſſi propoſé de traiter enſemblément du Peché Originel: à quoy s'oppoſerent les Prelats Eſpagnols, diſant, Qu'il y auoit aſſez de matiere de reſte pour vne Seſſion, à bien pouruoir aux abus, qui eſtoient en la predication, & es leçons: le-
quel aduis fut auſſi ſuiu des Prelats Italiens Imperiaux: & il ſembla aux Legats de deſcouurir, que c'eſtoit vne pratique des Agens de l'Empereur, leſquels atoyent en ce meſme temps-là traité fort à l'eſtroit avec ces Prelats. Et pourtant ils en donnerent aduis à Rome, d'où ils eurent pour reſponſe, Qu'ils procedaſſent avec retenue, iuſques à ce qu'on leur puſt donner reſolution. Ce qui fut cauſe qu'ils vſerent de tous artiſices, & diligences, s'entretenans au fait des abus, ſans venir à aucune con-
cluſion ſur iceux, & ſans monſtrer s'ils vouloyent entrer en la matiere du Peché Originel, ou non. Et ainſi continuat-on iuſques à Paſques.

le la Pape
ordonne que
traite du
Peché Ori-
ginel, cõtre
le grẽ des
impõrials-
ſes.

Mais, après Paſques, le Pape commanda qu'on paſſaſt outre, & que cete matiere fuſt propoſée. La lettre du Pape, arriuee à Trente le deuxieme May, vint à notice à Don François de Toledè, lequel, eſtant allé viſiter les Legats, vſa de beaucoup d'artiſices, ores faiſant ſemblant de conſeiller, ores de propoſer aduis ſur le fait de pourſuivre la Reformation, le tout à fin de fonder quelle eſtoit leur penſee, & obliquement les induire à ce qu'il auoit proietté. Mais, voyant de ne rien profiter, il paſſa outre, diſant aſſez ouuertement, qu'il auoit lettres de l'Empereur, par leſquelles il le chargeoit de procurer que pour lors on n'emraſt point es dogmes, mais qu'on traitaſt ſeulement de la Reformation. Les Legats luy reſpondirent au contraire par beaucoup de raiſons: & entre autres, Qu'ils ne le pouuoient faire, ſans contreuenir aux Bulles du Pape, qui propoſoyent ces deux matieres enſemblément: & à ce qui auoit eſté eſtabli au Concile, de les acheuiner coniointement, dont auſſi ils auoyent ia eſcrit à Sa Sainteté; que huit iours après Paſques ils com-
menceroient. Il y eût pluſieurs diſcours, & repliques des deux coſtés: & en fin les Legats dirent d'auoir de ce commandement expres du Pape, & qu'ils ne pouuoient faillir à leur deuoir. Mais D. François leur dit, Que le deuoir de bons miniſtres eſt d'enreſtenir l'amitié, &

bonne intelligence entre les Princes: ce que les Legats ne voyent point, mais respondirent, Qu'il n'estoit point raisonnable de requerr d'eux plus qu'ils ne pouuoient faire, leur honneur sauſ. Ils aduertirent le Pape de tout cela, & que de plus le Cardinal de Treſe leur auoit dit, Que si on propoſoit l'Article du peché Originel, l'Empereur en receuroit du deſplaiſir: & que pour tant, deſirans d'un coſté eſtre moyenneur de paix & concorde: & de l'autre, obeſſans aux comãdemens de Sa Sainteté, ils auoyent auſé de luy faire cete deſpeche en toute diligence, le priant de ne les point laiſſer failir adrouſtans, qués s'il ne leur venoit autre auiſ de ſa part, il ſuſciroyent ſes deniers comãdemens, & s'eſſorceroyent de perſuader à D. François, & au Cardinal de Treſe, que l'Article du Peché Originel n'eſt plus en controuerſe en Allemagne: ains paroſt appointé par la derniere Conferente de Rengensbourg, en laquelle l'Empereur a fait prendre pour premier Article à appointer celui de la juſtification: mais que pour interpoſer le plus de tẽps qu'il ſeroit poſſible, ils s'en retiendroyent auant de iours qu'il leur ſeroit honneſtẽment permis, en l'expedition du reſidu de la Seſſion precedente.

On tint vne Congrégation pour ce ſeul ſuſet, de mettre meilleur ordre pour proceder plus reſglement qu'on auoit fait par le paſſé, tant à traiter de la Doctrine de la Foy, que la matiere de la Reformation. Et furent ordonnees deux eſpecẽs diſtinctes de Congrégations: l'une deſquelles ſeroit compoſee de Theologiens, pour diſcourir ſur la matiere de la Foy, qui ſe deuroit propoſer, les auiſ deſquels ſeroient recueillis par eſcrit par vn des Notaires du Concile: & quand on traiteroit de la Reformation, outre les Theologiens, les Canonistes y ſeroient admis: & que ces Congrégations ſe tiendroyent en la preſence des Legats, avec liberte à tous ceux d'entre les Peres, qui voudroyent, d'y pouuoir aſſiſter. L'autre deuoit eſtre de Prelats, pour former les Articles, ſoit de Doctrine, ſoit de Reformation: leſquels apres auoir eſté examinẽs, & arreſtẽs par la pluralité des voix, deuoient eſtre propoſẽs en la Congrégation generale, pour ouïr ſur iceux l'opinion d'un chacun, & par le plus grand auiſ arreſter les Decrets qui deuoient eſtre publiẽs en la Seſſion.

Suſuant cet ordre, il fut parlẽ de leçons, & predications, & pluſieurs miniſtres de Decrets en furent faites & refaites: & iamaſ pour tant ne fut poſſible d'en trouuer vne qui pluſt à tous: d'autant que les Prelats auoyent grand intereſt à vouloir que le tout dependiſt de l'autorité Epiſcopale, & qu'il n'y euſt exẽception aucune: & les Legats d'ailleurs vouloyent maintenir les priuileges donnez par le Pape, ſur tout aux Mendians, & aux Vniuerſitez. Et apres pluſieurs diſputes, & que la matiere euſt eſté ſuffiſamment debatue, ils crurent qu'en la Congrégation du dixieme May tous ſeroient d'accord. Mais il aduint le contraire: car, apres qu'elle eut duré juſqu'à la nuit, on ne put faire aucune conſuſion ſur les Articles, eſ vnſ, pour la diuerſité des aduſ entre les Prelats meſmẽs: eſ autres, pource que les Legats ne vouloyent condeſcendre à l'opinion generale, d'abatre, ou du moins moderer les priuileges. Ils obiectoient aux Eueſques, qu'ils ſe portoyent à ecey plus par intereſt, que par raiſon: qu'ils ne faiſoyent aucun eſtat du preiudice des reguliers: que trop hardiment ils entreprenoyent de corriger les Conciles paſſẽs, & de maittre la main eſ Priuileges octroyez par le Pape. Et ne purent s'accorder, non tant pour la diuerſité des opinions, l'interẽt des Eueſques, que pource que les Agens Imperiaux tenoyent la main à cela, pour pouſſer le tẽps, afin qu'on ne viñt à la propoſition des Dogmes. Les Legats auſſi de leur coſté n'auoyent point pour deſagreable qu'on temporĩſat: eſtans tout reſoluſ, cas aduenant qu'il ne leur fuſt deſſendu, en la reſponſe qu'ils atẽndoyent de Rome, de paſſer aux Dogmes, & de s'eſlaiſſir vne fois, comme diſoyent leurs conſideurs de ce qui en pourroit arriuer.

Or, pour mettre quelque fin aux choſes traitees, ils firent lire vn Sommaire des opinions des Theologiens & des Canonistes, dites en diuerſes

vne autre
Congrega-
tion eſtẽne
pour pour-
uoir à l'or-
dre de pro-
ceder,

la queſtion
des predica-
tions, & des
leſures, eſt
remiſe ſuſ,
(ſuſſuſ)

(ſurquoy l'E-
ueſque de

1514. 6.
Ej. par
le libren
et est gien
nement
confusé.

Congregations precedentes: disant que, pource que les aduis estoient assez longs & prolifères ils en auoyent trié ce qui sembloit estre de plus de substance, afin qu'il fust examiné, & que là dessus chacun en dist son aduis. Mais Bracc Martel, Euesque de Fiefole, ayant ouy lire l'extrait, s'y opposa, hauguant au contraire, & disant: Qu'il estoit necessaire que la Congregation generale entendist les suffrages, & les raisons de tous: & qu'il n'estoit pas convenable qu'on leur lüst des abregés & recueils: & s'estendit si auant en l'amplification del'authorité du Concile, & en la necessité de le bien informer, & à monstrier le peu de raison qu'il y auoit, que quelques vns fustent seuls arbitres de deliberations, ou que les resolutions vinssent toutes faictes d'aillours, puis les Legats en furent grandement offensés, & firent vne censure à cet Euesque, avec vne affectée modestie en apparence, mais bien poignante en effet. Et là dessus la Congregation fut congédiée.

et donnée
est donné
Rome.

Le jour ensuiuant les Legats enuoyerent demander à l'Euesque la copie de la harangue, laquelle ils enuoyeroient à Rome, la taxant comme irreuerente, & sedicieuse: adioustant, qu'ils luy auoyent fait vne modestie, mais toutesfois seuerement reprimende: & seroyent passés plus outre, comme bien meritoit l'Euesque, si eust esté l'apprehension d'acrocher quelque dispute chascunilleuse, qui püst engendrer diuision: mais qu'il ne falloit nullement le laisser impuny, pour ne luy accroistre le courage de faire en chaque congregation le mesme, ou encor pis: & remonstroient à Sa Sainteté, que totalement il estoit à propos de le faire departir de Trente, par vn moyen, ou par vn autre: & de faire en sorte quel Euesque de Chioge, peu dissemblable à luy, quoy que d'un autre air, ny retournast plus. Cet Euesque de Chioge estoit party soudain apres la Session, sous pretexte d'indisposition: mais d'effet pour des paroles qui estoient passées entre luy & le Cardinal Legat Polus, en la Congregation sur le fait des Traditions: l'Euesque ayant voulu soustenir l'aduis du Frere Antoine Marinier, & ayant pour ce estriué avec le Cardinal: ce qui luy auoit donné occasion de se plaindre, qu'il n'y auoit point de liberté au Concile: dont il se voyoit tombé en la malgrace des Legats, & faire à quelque danger. Les Legats ne se contenterent point de ce qu'ils auoyent fait: mais pour mettre encor d'auantage cet Euesque de Fiefole, & maintenir la chose en son entier iusques à l'aduis de Rome, pour la pouoir ou pousser auant, ou dissimuler, selon qu'il leur seroit ordonné, le Cardinal Legat de Monte luy fit en la suiuante Congregation encor vne recharge, concluant: Que pour lors on ne parleroit pas plus auant de son affaire, si auant qu'on estoit pressé de vaquer à chose de plus grande importace.

1514. 7.
Ej. par
le libren
et est gien
nement
confusé.

La response de Rome vint, qui parloit, que quant au deux Euesques, on y remedieroit en temps & lieu: mais que quant aux choses qui se deuoient traicter, si on auoit esgard au desir des Princes, le Concile se rendroit plus tumultueux, & confus: les resolutions plus longues, & difficile: veu que chacun d'eux tascheroit de traueser la partie qui ne luy plairoit point, ou en mettant de la difficulté en vne chose, en entretenir vne autre. Et que, pour tant, sans aultre esgard, ils missent la main à la matiere du Peché Originel, mais qu'ils se gardassent bien de se seruir aucunement de cete excuse, dont ils pretendoyent user. Euers Di François de Toledo: asianoir, Que l'Article du Peché Originel n'est pas en controuerse en Allemagne: que plustost ils vlassent de termes generaux, de toute sorte de respect enuers l'Empereur.

1514. 8.
Ej. par
le libren
et est gien
nement
confusé.

Leur commanda audi fort expressement, qu'on ne passast point plus outre au fait de la correction de l'Edition Vulgaire tant que la Congregation des deputés sur des affaires du Concile à Rome, n'eust delibéré du moyé qu'il y falloit suiuir. En execution de ces commissions, les Legats se resolurent de passer outre à la proposition du Peché Originel: & tinrent Congregation deux iours consecutifs, pour resoudre les deux chefs, des leçons & des predications, auant que publier de vouloir traicter autre matiere de Foy, afin que ces deux chefs demeurassent indécis, les Imperiaux n'eussent occasion

de diuertir le Concile de traiter de la Doctrine. Et se firent apporter par les deputés sur le fait de l'Edition Vulgaire, tout ce qu'ils auoyent remarqué, & compile sur cete maniere, leur enoignant de n'y toucher plus iusques à nouvelle commission. Telle estoit la liberte du Concile, dependant du Pape, à laisser les choses commencees, & à entreprendre de nouuelles.

Au fait des Leçons, & des Predications, il y auoit vne plainte generale des Euesques, sur tout Espagnols, que, puis que le commandement de Christ ^{altercati} porte, que sa doctrine soit enseignée, ce qui se fait par les Predications en ^{des Eues-} l'Eglise, & par les Leçons aux plus capables, afin qu'iceux se rendent suffi- ^{ques avec} sans pour enseigner le peuple, la charge de la surintendance sur tous ceux ^{les Moines} qui exercent ces ministères, doit appartenir à l'Euesque: qu'ainsi en ont ordonné les Apostres, & qu'ainsi a esté pratiqué par les Saints Peres. Mais qu'à ^{sur le fait} present toute cete charge est absolument ostée aux Euesques par les priuile- ^{des lectures} ges, & qu'il ne leur en demeure plus aucun reste: que c'estoit là la cause des ^{& predica-} desordres qui sont aduenus: d'autant que l'establissemēt fait par IesusChrist ^{tions.} ayant esté renuersé, les Vniuersités se sont soustraies de la connoissance des Euesques, en vertu de leurs exemptions: dont l'Euesque ne peut sauoir ce qu'elles enseignent: & les predications ont par priuilege esté remises aux Moines, qui ne reconnoissent en rien les Euesques, & ne leur permettent de s'en mesler aucunement: de maniere que l'office de Pasteur est tout à fait raiuy aux Euesques. Et tout au contraire, que ceux qui anciennement n'estoyent ordonnez que pour pleurer les pechès, & auxquels l'enseigner & le prescher estoit expressement & seuerement interdit, s'en sont emparés, ou l'ont receu d'autrui pour charge propre: dont les troupeaux sont sans vrais pasteurs, & n'ont que des mercenaires: d'autant que ces predicateurs ambulatoires, qui auourd'huy sont en vne ville, demain en vn autre, ne sauent ny le besoin ny la capacite du peuple, ny les occasions de l'instruire & edifier, comme le Pasteur propre, qui vit tousiours avec le troupeau, & conoist les necessités & infirmités d'iceluy. Ioint que le but de ces Predicateurs n'est nullement l'edification, mais la queste des aumosnes, soit pour eux en particulier, soit pour leurs Couuens: & que pour les cueillir plus grasses, & abondantes, ils ne visent nullement au bien des ames, mais à delecter, & flater, & seconder les appetits: & de là aduient que le peuple Chrestien, en lieu de la doctrine de Christ, y apprend que des nouueautés, ou bien des vanités. Que Luther auoit esté vn de ceux-là: & que s'il fust demeure en sa cellule à pleurer, l'Eglise ne se trouueiroit pas en l'estat où elle estoit. Et qu'encor plus euident estoit l'abus des Questeurs, qui vont preschans les Indulgences: desquels les scandales donnez es annees passees ne se peuuent reciter sans larmes: mais qu'il estoit bien tout notoire qu'ils n'exortent à autre chose qu'à contribuer argent. Que l'vnique remede à tous ces maux, estoit d'abolir toutes les priuileges, & restituer aux Euesques leur charge d'enseigner, & prescher: & de choisir pour aides ceux qu'ils conoistront dignes de ce ministère, & disposer à l'exercer par deuoir de charité.

Al'opposite, les Generaux des Reguliers, & les autres disoyent, Que les Euesques, & autres ayans cure d'ames, ayant tout à fait abandonné la charge de pasteurs, en sorte que par plusieurs centaines d'annees le peuple auoit esté sans Predications en l'Eglise, & sans Doctrine de Theologie es Escholes, Dieu auoit suscité les Ordres des Mendians, pour suppléer à ces ministères necessaires: & que pourtant ils ne s'y estoient point ingerés deux mesmes, mais par orroy du Souuerain Pasteur, auquel principalement il appartient de pailtre tout le troupeau de Christ: dont ne se peut dire avec raison, que les deputés par luy pour suppléer aux defauts de ceux qui estoient obligés au soin du troupeau, & qui l'auoyent abandonné, ayant empieté la charge d'autrui: ains faut confesser, que s'ils n'eussent vsé de cete charité, il n'y auroit à present aucune trace de Chrestienté. Que maintenant, apres auoir par l'espace de trois cens ans & plus, vaqué à ce saint ceuvre, avec le fruit qui en paroist, & avec le titre legitime qu'ils auoyent du Pape, Souuerain

1546,

Pasteur, ces ministeres leur estoient prescripts, & en auoyent acquis vraye & reelle possession, sans que les Euesques y ayent plus aucun droit, ne cause d'alleguer l'usage ancien, pour repeter l'office, duquel ils se sont deportés deuant de certains d'années. Que la cupidité qu'on leur imposoit d'acquiescer pour eux, ou pour leurs Ministeres, estoit vne pure calomnie: attendu qu'ils ne tirent des aumosnes que leur nourriture & vesture necessaire: que tout le demeurant est dependu au seruice de Dieu, en Messes, baptêmes & paremens d'Eglises: ce qui tourne au benefice & edification du peuple, & non à leur propre vtilité, Que le seruice rendu par leurs Ordres à Sainte Mere Eglise, & à la doctrine de la Theologie, laquelle ne se trouue plus hors des cloistres, meritent bien que cete charge leur soit continuee, de laquelle aussi nuls autres ne sont capables au prix d'eux.

dont les Legats pri-
plex e cr
nt allome
oules Mol-
ne font que
stenu.

Les Legats, importunés des deux parties, par le conseil de leurs plus intimes & affidés: se resolurent de donner auis du fait à Rome, & d'attendre la response. Le Pape remit l'affaire à la Congregation des deputés, lesquels incessamment s'appereurent où butoit la pretention des Euesques, assauoir, à se faire Papes chacun en son Diocese: d'autant que, quand les priuileges & exemptions Papales seroyent ostees, & tous despendroyent d'eux, & nul du Pape, tout à l'instant cesseroit toute cause d'aller à Rome. Ils metoyent en consideration, que dès fort long temps les auoyent tenu pour principal mystere d'estat, pour maintenir la primauté que Christ leur auoit donnée, d'exempter les Euesques de leurs Archeuesques, les Abbés des Euesques, & ainsi auoit des personnes interessees & obligees à la conseruation d'icelle primauté. Qu'il estoit notoire, que dès l'année fix cens le primat du Saint Siege auoit esté soustenu par les Moines de Saint Benoist priuilegiés: & du depuis par les Ordres de Cluny, & de Cisteaux, & autres: iusques à ce que Dieu suscita les ordres des quatre Mendiâs, par lesquels iceluy auoit esté soustenu iusques au temps present: que doneques leur oster leurs priuileges estoit directement impugner le Papat, & non iceux Ordres: & que reuoker les exemptions estoit vn manifeste rabais de la Cour de Rome, attendu qu'à ce conte elle n'auoit plus de moyen de tenir es termes du deuoir vn Euesque qui s'esleueroit outre mesure: & que pourtant le Pape, & la Cour, estoient de toute necessité obligés à soustenir la cause des Moines. Mais, pour faire les choses doucement, ils considererent aussi qu'il falloit tenir cete raison secreete: & delibererent en fin qu'il falloit escrire aux Legats qu'en toutes forces ils maintinsissent les Religieux en leur estat, & raschassent de faire desister les Euesques, leur representant le nombre excessif des Moines, & le credit que ils ont enuers le populaire: & les conseillant d'accepter quelque temperament, & ne causer point vn Schisme par leurs demesurees volontés. Qu'il estoit bien raisonnable qu'ils receussent quelque contentement, mais qu'au reciproque aussi ils se deuoient accorder à le donner aux autres. Et que quand on viendrait à boucler l'affaire, ils accordassent toutes choses aux Euesques à l'esgard des questeurs, mais que pour les Moines rien ne fust conclu, sans en faire part aux Generaux. Et en somme qu'on donnast vn tel contentement aux Euesques, qui reellement n'ostast point les priuileges. Qu'ils fissent le mesme à l'esgard des Vniuersités: car il estoit necessaire d'auoir & celles-cy, & ceux-là, dependans du Pape, & non des Euesques.

Et à Trier,
selon cela
on trouua
expedient
au fait des
lettres.

Dès que ces lettres furent arriuees à Trente, on commença à proceder dans le Concile à trois diuerfes fins: car les autres particularités proposees sur ces deux matieres, par ceux qui n'estoyent interessés ny pour ny cōtre les exemptions, estoient de fort petite consideration. Aucuns des contraires aux exemptions proposerent, pour les leçons, de retablir l'usage ancien, lors que les Monasteres, & les Eglises Collegiales, n'estoyent autre chose que Colleges & Escholes, de quoy restent encores des traces & reliques en plusieurs Cathedrales: esquelles il y a la dignité de l'Escholaître, chef des Lecteurs, avec prebende: mais, que ceux là à present n'exercent plus ces charges, & aussi

& aussi elles sont conseruées à personnes qui en sont du tout incapables, & inhabiles. Tous iugerent bien qu'il estoit honneste & vtile de remettre sus la lecture des choses sacrées, tant es Eglises Cathedrales, qu'es Monasteres. Et estimoit on chose aisee de pouruoir aux Cathedrales, donnant la charge de l'execution aux Euesques, mais malaisee aux Monasteres. Les Legats s'opposoiert, qu'en ceci mesme on ne donnast la surintendance aux Euesques, quoi qu'il ne fust question que des simples Moines, & non des Mendians: de peur d'ouurir la porte à entreprendre sur les priuileges otroyés par le Pape. Mais Sebastien Pighin, Auditeur de Rote, y trouua vn bon expedient, disant, *Que* la surintendance en fust donnée aux Euesques, mais en qualite de delegues du S. Siege. L'inuention fut trouuée bonne: car on faisoit vn mesme effet en faueur des Euesques, sans deroger toutesfoi au priuilege Papal: attendu que l'Euesque, non en qualite d'Euesque, mais de depute du Pape, seroit surintendant. Cete gentille souplesse donna exemple d'accommoder deux autres difficultes: dont l'vne estoit, de bailler aux Metropolitains autorité sur les paroisses vnies aux Monasteres, non suiets à aucun diocese: l'autre, de donner puissance aux Euesques sur les Predicateurs priuilegiés, qui viennent à forfaire. Et seruit aussi grandement es Decrets des suiuentes Sessions.

Les Canonistes proposoyent aussi, qu'es temps presens estoit peu conuenable la subtilité scholastique, de mettre toutes choses en dispute, & de s'arrester à questions naturelles & philosophiques, plus qu'à autre chose. Qu'il falloit ordonner que ces nouuelles leçons fussent introduites, pour traiter des Sacrements, & de l'autorité & puissance de l'Eglise: ainsi qu'auoyent tres-vtilement fait Turrecremata, Augustin Triomphe, & apres eux Saint Antonin, & autres. Mais, à cause de la contradiction des Moines, qui repliquoyent, qu'autant estoit necessaire l'vne que l'autre doctrine, on trouua ce temperament & voye d'accord, *Que* les leçons fussent pour exposer l'Escripture Sainte: & que selon l'exigence du texte, dont on feroit lecture, & de la capacité des auditeurs, on y appliquast la matiere.

Pour les Predications, apres plusieurs discours faits en diuerfes Congregations, on vint en fin à arrester le Decret: & les Legats, pour surmonter les difficultes par pratiques, firent traiter par les Prelats leurs affidés avec les Euesques Italiens, leur representant, combien ils estoient obligés, pour l'honneur de la Nation, de soustenir la dignité du Pape, de l'autorité duquel il s'agissoit, quand on entreprenoit sur ses priuileges. Qu'ils considerassent combien ils pouuoient esperer du Pape, & des Legats, en s'accommodant à vne chose, qui aussi de soi-mesme est iuste & raisonnable, sans entreprendre de vouloir spolier les Moines d'vne chose qu'ils ont possedée par vn si long espace de temps. Qu'il estoit bien dangereux de rebuter tant de sauans personages en ces temps, esquels les heresies tourmentent l'Eglise. *Que* c'estoit bien accroistre l'autorité des euesques, de leur accorder d'approuuer & reietter les prescheurs, lors qu'ils preschent hors des Eglises de leur Ordre: & mesmes, quand c'est en celles-ci, de leur faire reconoistre le Prelat, lui demandant au prealable sa benediction: & que les Euesques puissent punir les prescheurs pour cause d'heresie, & leur interdire la predication pour cause de scandale. Qu'ils se conténtassent de cela, & que de iour à autre on leur adiousteroit autres choses de plus. Par ces offices ils en gagnerent vn si grand nombre, qu'ils furent assurez de passer le Decret à ces conditions. Mais il y auoit encores vne autre difficulté, c'est, que les Generaux, & les Moines, ne se contentoient point, & si ne sembloit-il pas leur de les desgouter, & le Pape aussi l'auoit expressement defendu. Les Legats se mirent en peine de leur monstrier, que ce qui estoit accordé aux Euesques estoit iuste & necessaire: qu'eux mesmes en auoyent donné l'occasion estendant par trop leur priuileges, & passant les bornes de la raison. Mais en fin, par vne clause monitoire aux euesques, de proceder en maniere que les Moines n'eussent lieu de se plaindre, les Generaux aussi s'appaisierēt.

1546.

Les legats
voulus pro-
poser l'Ar-
ticle du pe-
ché Orig-
inel,

sont contre-
dits par le
Cardinal
Pacileo E-
spagnol, &
tous les Im-
periaux,

mais ne
laissent pas
de passer
outre,

Et propo-
sent les
Articles à
condanner
en la Ses-
sion,

Mais, quand les Legats vinrent à descouvrir la resolution de condanner en la mesme Session les opinions Lutheriennes sur le point du Peché originel, ils alleguerent, Que pour garder l'ordre, de proceder ensemblement es deux matieres, il falloit de necessité traiter quelque point de Doctrine, & de Foi, & qu'on ne pouvoit prendre le commencement d'ailleurs que du dit Article. Et là dessus proposerent les Articles, extraits de la Doctrine des Protestans sur cete matiere, afin que les Theologiens & Congrégations les examinaissent, & debatisissent s'ils deuoient estre condannés pour heretiques. Le Cardinal Pacileo dit, Que le Concile n'auoit à traiter les Articles de Foi à autre but, que pour ramener l'Allemagne: & que qui entreprendroit cela hors de temps & de saison, non seulement n'atteinidroient point anbut désiré, mais seroit empirer les affaires. Qu'on ne pouvoit sauoir à Trente le temps & l'occasion propre à ce faire, mais qu'il s'en falloit rapporter à celui, ou à ceux qui seent au timon des affaires d'Allemagne, lesquels voyant deuant leurs yeux toutes les particularités, faisoient aussi tresbien le point du temps propre à lui presenter cete medecine. Et pourtant conseilloit, que par lettres on recherchast l'aduis des principaux Prelats de cete Nation, auant que passer outre, ou bien que le Nonce Apostolique en parlast avec l'Empereur. Les Prelats Imperiaux, gagnés par l'Ambassadeur de l'Empereur, s'adjoignirent à cet aduis. Mais les Legats, apres auoir loué leur prudence, & promi: d'escrire au Nonce, adiouterent, Que nonobstant tout cela, les Articles pouuoient estre disputés par les Theologiens, pour gagner temps: à quoi le susdit Cardinal Pacileo, & les autres de son aduis, acquiescerent, esperans que plusieurs difficultés se pourroient presenter à la trauerser. L'Ambassadeur Toledo s'en contenta aussi, ne demandant autre chose, sinon que l'esté se passast sans venir à sentence definitive.

Les Articles proposés furent ceux-ci,

Premierement, Qu'Adam, par la transgression du commandement, a perdu la iustice, & est encouru en l'ire de Dieu, & en la mort: & est grandement empiré & en l'ame & au corps: mais que toutesfois, de lui n'est transmis aucun peché en sa lignée, ains seulement les peines corporelles.

Secondement, Que le peché d'Adam est appelé Originel, pource que de lui il deriue en la posterité, non par transfusion, ou prouignement, mais par imitation.

Tiercement, Que le peché Originel est l'ignorance, & le mespris de Dieu: ou bien, l'estre sans crainte de Dieu, & sans fiance & amour de Dieu: & anee la conuoitise, & mauuais desirs: & generallyment vne deprauation de tout l'homme en sa volonté, en son ame & en son corps.

En quatrieme lieu, Qu'és petis enfans il y a vne inclination au mal, procedante de leur nature corumpue, qui fait qu'iceux, venans en aage de discretion, abhorrent les choses diuines, & se plongent es mondaines, & que cela est le peché Originel.

En cinquieme lieu, Que les petis enfans, du moins ceux qui sont nés de peres & meres fideles, quoi qu'ils soyent baptizés en remission des pechés, n'attirent, par leur extraction d'Adam, aucun peché.

En sixieme lieu, Que le peché Originel n'est point effacé au Baptisme, mais seulement n'est point imputé, ou bien est simplement effacé, & raturé en sorte, que dès cete vie il commence à estre amoindri, mais est tout à fait deracine en la vie eternelle.

En septieme lieu, Que ce peché, restant au baptizé, le retarde & empesche de l'entrée du royaume des Cieux.

En huitieme lieu, Que la conuoitise, qu'on nomme aussi amorce de peché, & qui reste encor apres le Baptisme, est vrai peché.

En neuuiesme lieu, Que la peine principale du Peché Originel, est le feu d'enfer, outre la mort corporelle, & les autres defauts & imperfections, ausquelles l'homme est suiet en cete vie.

Les Theologiens, en la Congregation, conuinrent tous en cet aduis, Qu'il

Qu'il ne falloit pas proceder par cet ordre en l'examen des Articles, mais traiter à fonds, & methodiquement toute cete matiere: & voir, quel auoit esté le peché d'Adam: qu'elle chose de lui deriue eu toute la posterité, qui s'appelle le peché Originel: par quelle maniere il est transmis: & comment il est remis & pardonné.

Aupremier point ils s'accorderent semblablement, Qu'Adam ayant perdu la iustice originelle, les affectiōs s'estoyent en lui rendues rebelles à la raison: ce que la Sainte Escriure exprime par ces termes, Que la chair se rebelle contre l'Esprit: lequel défaut, ou vice en l'homme, elle nomme aussi d'un seul nom, Conuoitise: qu'il estoit encouru en l'ire de Dieu, & en la mort corporelle, dont Dieu l'auoit menacé, ensemble la spirituelle de l'ame: que toutesfois aucun de ces défauts ne se pouuoit nommer peché, veu que c'estoyent peines consecutives à icelui: mais que le peché formellement estoit la transgression du commandement, de Dieu: & en cet endroit plusieurs se donnerent carrière à rechercher l'espece de la faute d'Adam: les vns maintenoient, que ce fut peché d'orgueil, les autres de gourmandise, les autres d'infidelité: & les autres, plus solidement encor, disoient qu'on la pouuoit bien rapporter à toutes ces especes, mais, que si on vouloit s'arrester au dire de S. Paul, on ne la pouuoit mettre que sous l'espece & rang de pure desobeissance. Mais, quand on vint à rechercher, quelle chose deriuee d'Adam en nous est peché, les opinions furent bien plus différentes. Car S. Augustin, qui le premier de tous s'est adonné à rechercher l'essence d'icelui, dit, Que c'est la conuoitise: & S. Anselme, plusieurs cétaines d'années, apres lui, soutenant que le peché est effacé en ceux qui sont baptizés, esquels toutesfois demeure la conuoitise, a esté porté à tenir, que ce peché est la priuation & défaut de la iustice originelle, laquelle au Baptisme est rendue en son équivalent, qui est la Grace. Mais S. Thomas, & S. Bonaventure, voulans accoupler & accorder ces deux opinions, ont considéré, Qu'en nostre nature corrompue il y a deux rebellions, l'une, de la raison & pensée contre Dieu: l'autre, du sens contre la raison & la pensée: que cete dernière est la concupiscence, & la premiere l'iniustice: & que toutes deux cōiointement sont le peché. Et S. Bonaventure, donne le premier lieu à la cōuoitise, disant, Qu'icelle est le positif, & la priuation de la iustice le negatif & priuatif. Et S. Thomas à l'opposite constitue la concupiscence pour partie materielle, & la priuation de la iustice pour la formelle: dont il dit, que ce peché en nous est la conuoitise destituée de la iustice originelle. L'opinio de S. Augustin a esté suiue par le Maître des Sentences, & par les Scholastiques anciens, & au Concile fut soutenu par deux Moines Eremitains. Mais, d'autant que Iean l'Escot auoit soutenu l'opinion d'Anselme son compatrioit, les Cordeliers la defendirent au Concile, cōme fit la plus grande partie des Iacopins celle de S. Thomas. Ainsi fut déclaré quel est le peché d'Adam, & quel est l'originel entous hommes. Mais, pour la façon & maniere, par laquelle il est transmis de lui en ses descendants, & de main en main de pere en fils, il y eut plus de difficulté à l'expliquer. Car S. Augustin, qui a ouuert le chemin aux autres, pressé par les objections de Iulien Pelagien, qui lui demandoit la façon, par laquelle il estoit possible que le peché originel fust transmis lors de la conception de l'homme, attendu que le mariage, & son usage, est saint, & qu'il n'y a point de peché, ni en Dieu souveraine cause, ni en ceux qui engendrent, ni en celui qui est engendré, par quelle sente donc entre le peché? n'a respondu autre chose, sinon qu'il ne falloit point chercher de sentes, là ou on voit vne treslarge ouverture & portel: l'Apostre disant, que par Adam le peché est entré au monde; Et en plusieurs autres endroits, esquels il escheoit de parler de cela, S. Augustin s'est toujours montré fort perplex & ambigu: ne sachant si, de mesmes que le corps du fils est extrait du corps du pere, aussi l'ame deriue de l'ame d'icelui: de sorte que la source est si infecte, le ruisseau aussi en demeure corrompue. La modestie de ce S. Pere ne fut point ensuiue par les Scholastiques, lesquels ayans posé pour certain & indubitable, que chaque ame

1546.

est crée immédiatement de Dieu, ont dit, que l'infection estoit principalement en la chair, & qu'icelle fut attirée par nos premiers peres au Paradis terrestre, soit de la veneneuse qualité du fruit, soit de l'haleine empoisonnante du serpent: & qu'elle passe en la chair de la lignée, laquelle est partie de celles des geniteurs, & puis est attirée par l'ame lors qu'elle est infuse dans le corps, comme vne liqueur reçoit la mauuaise qualité du vaisseau infect: & que cete infection est caufée en la chair par la luxure paternelle & maternelle en l'acte de la generation. Mais cete diuerfité d'opinions n'engendroient point de difficulté d'estrif en la censure des Articles: car chacun insistant à la sienne, monstroient que par icelle le premier Article estoit déclaré heretique, comme aussi il auoit comme tel esté condamné au Concile de Palestine, & en plusieurs Conciles d'Afrique tenus contre Pelagius. Et fut remis sur le bureau à Trente, non comme trouué escript de Luther, ou de ses sectateurs, qui enseignent directement le contrepied, mais comme affirmé par Zuingle: lequel toutesfois quelques Theologiens, qui esclairerent de plus près ses paroles, iugerent auoir eu ce sentiment, Qu'en la posterité d'Adam il n'y auoit pas de peché, qui se dult ou pult rapporter au genre ou espece d'action, mais à celui de corruption, & de transformation de toute la nature, lequel il appelloit peché en l'espece de la substance.

*condannent
le deuxième
Article
proposé,*

L'Article second fut par tous vnanimement iuré heretique: ayant esté premierement inuenté par Pelagius mesme, lequel, pour n'estre condamné au Concile de Palestine, de ce qu'il auoit dit, Qu'Adam n'auoit point nui à sa posterité, se desdit, confessant le contraire: mais du depuis entre les siens il se déclara, Qu'Adam auoit nui à sa posterité, non pas en transmettant en elle aucun peché, mais en donnant vn mauuais exemple, qui nuit à celui qui l'imité. Et Erasme estoit taxé d'auoir renouvelé la mesme assertion, interpretant ce passage de S. Paul, Que le Peché est par Adam entré au monde, & est passé en tous, comme s'il deuoit estre entendu, entant que les autres ont imité, & imitent la transgression d'icelui.

*censure la
premiere
partie du
troisième
absolument:*

Le troisieme Article, pour ce qui concerne la premiere partie, fut censuré à Trente, comme il l'auoit aussi esté en Allemagne, en plusieurs Conferences: d'autant que les actions, qui sont portées par icelui, ne peuuent estre le peché originel, attendu qu'elles ne sont point és petits enfans, ni mesmes és personnes d'age en tous temps. Dont de vouloir dire, qu'il n'y ait autre peché que celui-là, est tout autant que de le nier tout à fait: & que l'excuse par eux alleguée en Allemagne n'est point suffisante, assauoir, que sous le nom des actions ils entendent vne inclination de la nature aux mauuaises, & vne inhabilité aux bonnes: car, s'ils l'entendent ainsi, il le faloit dire, & non point parler mal, & vouloir qu'autres entendent bien. Et quel que S. Augustin ait parlé de mesme, disant, Que la iustice originelle est, obeir à Dieu, & n'auoir point de conuioitise: si toutesfois il viuoit en ce temps, il ne parleroit pas ainsi: d'autant qu'il est bien loisible de nommer par fois la cause par l'effet, & l'effet par la cause, mais c'est quand ils sont propres & d'egale estandue l'un comme l'autre. Mais, qu'en ce cas il n'en est pas ainsi: d'autant que le peché originel n'est point cause de ces mauuaises actions,

*la deuxième
me avec
quelque re-
serue,*

sinon y entreuenant la mauuaise volonté, comme la principale. Au reste, quant à la seconde partie de l'Article, ils disoyent, que, si les Protestans entendoient vne corruption priuative, leur opinion pouuoit estre tolerée: mais qu'ils entendent vne substance corrompue, de forte que la nature humaine mesme soit transmuée en vne autre forme que celle, en laquelle elle fut créée: & reprenant les Catholiques, quand ils nomment le peché, priuation de la iustice, comme vne source sans eau: en lieu qu'eux disent que c'est vne source, de laquelle s'écoulent & iaillissent eaux corrompues, qui sont les actions d'incrédulité, desiance, haine, rebellion, & amour desordonné de soi mesmes, & des choses mondaines: & pourtant, qu'il faloit condamner absolument l'Article. Pour cete mesme raison ils censurent aussi le quatrième Article, disant, Que cete inclination, marquée en icelui, estoit peine de

*le qua-
rème ab-
solutement,*

peché, & non formellement péché: dont, ne posant pour péché originel autre chose qu'icelle, on le noie totalement.

1546.

Il ne faut point omettre de raconter, qu'en cete consideration & examen, les Cordeliers ne se pouoyent contenir d'exempter de cete loi generale la Sainte Vierge, Mere de Dieu, par priuilege special, taschant par tous moies d'enfoncer cete question, & la prouuer: & les Iacopins à l'opposite de la comprendre nommément sous la loi commune: combien que le Cardinal Legat de Monte à toutes occasions remonstraist, qu'on se deportast de cete Controuerse: qu'ils estoient assemblés pour condamner les heresies, & non les opinions des Catholiques.

Il n'y auoit nul, qui s'opposast à la condamnation des Articles: mais Frere Ambroise Catarin taxa toutes les raisons alleguées pour insuffisantes, d'autant qu'elles ne declaroyent pas à plein la vraye nature de ce péché: & le monstra par vn long discours, la substance duquel fut, Qu'il falloit distinguer le péché d'avec la peine d'icelui: que la conuioitise, & la priuation de la iustice originelle estoient peine de péché, & pourtant que de necessité il falloit que le péché fust autre chose. Il adiousta, qu'il estoit impossible, que ce qui n'auoit esté péché en Adam, le fust en nous: or, ne l'vne ne l'autre ne fut péché en Adam, attendu que ni la priuation de la iustice, ni la conuioitise n'estoient point actions en Adam, & par consequent ne le sont point aussi en nous: & si en lui elles furent effets du péché, il faut bien aussi dire qu'elles le sont és autres. Et pour cete raison on ne pouoit dire, que le Peché originel soit l'inimitié de Dieu contre le pecheur, ne celle du pecheur contre Dieu: attendu que ce sont choses consecutives du péché, & arriuées apres lui. Il impugna aussi la susmentionnée transfusion du péché, par le moyen de la semence, & de la generation: disant, Que, comme si Adam n'eust point péché, la iustice auroit esté transmise, non par la vertu de la generation, mais par la seule volonté de Dieu: de mesmes falloit il trouver autre moyen de la transfusion & communication du péché. Et expliqua son opinion en cete sorte, Que, comme Dieu eublit son alliance avec Abraham, & toute sa posterité, qu'il le constitua Pere des croyans; ainsi aussi, quand il conféra la iustice originelle à Adam, & à toute la race humaine, il stipula de lui, au nom de tous, vne obligation de conseruer icelle pour soi, & pour eux, par l'observation de son commandement: lequel Adam ayant transgressé, il auoit perdu cete iustice pour soi, & pour les autres, pour lesquels aussi il auoit encouru les peines: & que comme icelles sont deriuées en chacun, aussi la transgression d'Adam estoit celle de chacun: de lui comme de cause: & des autres, en vertu du contract, & de la stipulation: de sorte que l'acte d'Adam qui est péché actuel en lui, estant imputé aux autres, est le péché originel: d'autant que lui pechant tout le genre humain auoit péché. Catarin se fondeoit principalement en ce qu'il n'y a que l'acte volontaire, qui puisse estre vrai & propre péché: & que nulle autre chose ne peut en ceci estre volontaire, que la transgression d'Adam, imputée à tous: & que quand S. Paul dit, que tous ont péché en Adam, on ne peut entendre autre chose, sinon, que tous ont cōmis le mesme péché avec lui. Et porta pour exemple, que S. Paul aux Hebreux afferme, que Leui auoit payé la disme à Melchisedec, quand Abraham, son bisayeul, la paya: qu'à mesme raison on doit dire, que les descendants d'Adam violerent le commandement de Dieu, lors qu'Adam le transgressa: & qu'ils furent rendus pecheurs en lui, comme en lui ils auoyent receu la iustice: & qu'ainsi il n'estoit à besoin de recourir à la luxure, cōme si icelle infectant la chair l'ame en humast quelque infectiō: qui estoit chose qui ne se pouoit comprendre, comment vn esprit puisse recevoir impression & passion corporelle: que si le péché est vne macule spirituelle en l'ame, il ne pouoit estre premierement en la chair: que si aussi c'est vne tache corporelle en la chair, il ne peut imprimer aucun effet en l'esprit. Que de dire puis apres, qu'une ame, se conioignant à vn corps infect, en recoiue infection spirituelle, c'est vne Metaphysique imperceptible. Il prouoit ce pact de Dieu avec Adam par vn passage du Prophete Osée, par vn autre de l'Ecclesiastique, & par diuers de

1546.

Saint Augustin. Que le seul acte de la transgression d'Adam est le Peché Originel d'un chacun, il le prouuoit par Saint Paul, quand il dit, Que par la desobéissance d'un homme plusieurs ont esté rendus pecheurs : & parce qu'on n'a iamais entendu en l'Eglise, que le peché soit autre chose que l'action volontaire contre la Loi : or il n'y a autre action volontaire en ceci, que celle d'Adam : & par ce aussi, que Saint Paul dit, que par le peché originel la mort est entrée au monde, laquelle certes n'est entrée que par l'actuelle transgression : & pour souveraine preuue il porta cete raison, que, combien qu'Eue eust mangé du fruit auant qu'Adam, elle ne se reconeut point pourtant nuë, ni encouruë en la peine, sinon apres qu'Adam eut peché. Dont il concluait qu'en la mesme maniere, que le peché d'Adam fut, non seulement sien, mais aussi d'Eue, il estoit semblablement de toute sa posterité.

conuictie
par Soto,

Mais Frere Dominic de Soto, en defense de l'opinion de S. Thomas, & des autres Theologiens, contre les obiections de Catarin, mit en auant vne nouuelle declaration, disant, Qu'Adam auoit actuellement peché, en mangeant du fruit deffendu : mais qu'apres il demeura pecheur par vne qualité habituelle & inherente, causée par icelle action : ainsi que par toute action mauuaise est produite en l'ame du delinquant vne telle disposition par laquelle, mesmes apres que l'acte est passé, il est, & est appelle pecheur : que l'action d'Adam auoit esté passagere, & n'auoit eu aucun estre, sinon pendant qu'il la commettoit : mais que la qualité habituelle, demeurante en lui, est passée en toute sa lignée, & est transmise en particulier en vn chacun que l'action d'Adam n'est point le peché Originel, mais bien l'est cete habituelle qualité subsequente, laquelle les Theologiens nomment, priuation de la iustice Originelle. Ce qui se peut esclarcir, considerant que l'homme est appelle pecheur, non seulement pendant qu'actuellement il transgresse, mais encores apres, iusques à tant que le peché soit effacé : & ce, non à l'esgard des peines, ou d'autres consequences du peché, mais à l'esgard de la transgression mesme precedée, comme estant ce qui fait l'homme courbe, tant qu'il n'eust redressé : dont aussi il porte le nom de courbe & tortu, non pour l'action, mais pour cet effet qui reste apres l'action passée : par ainsi, comparant le peché originel à vne courbure, comme de vrai c'est vne obliquité spirituelle, puis que tout le genre humain estoit en Adam, quand il se courba par la transgression du commandement, il s'ensuit que toute la nature humaine, & par consequent chaque personne en particulier, demeurera courbée, non de la courbure d'icelui, mais d'une propre & particuliere à vn chacun, pour laquelle il est veritablement courbe, & pecheur, tant qu'il n'est redressé par la grace de Dieu. Ces deux opinions furent asprement disputées, chacun pretendait que la siene d'ust estre receuë par le Synode.

le 4 chef
des Theolo-
giens con-
currens au
cicle fixie-
me Article,
est esclarcir
c' l'Arti-
cle condam-
né,

Mais en la consideration de la maniere, en laquelle le peché originel est remis, tous furent d'accord à dire qu'icelui est effacé par le Baptesme, & que l'ame est rendue aussi nette qu'elle estoit en l'estat de l'innocence : quoi que les peines, qui suivent le peché, ne soyent point ostées, afin qu'icelles seruent d'exercice à l'homme : & tous declaroyent ceci, en disant, que la perfection d'Adam consistoit en vne qualité infuse, qui rendoit l'ame ornée, parfaite & agreable à Dieu : & le corps exempt de mortalité : & que pareillement par le merite de Christ Dieu donne à ceux qui sont regenerés par le Baptesme vne autre qualité, nommée Grace iustificante : laquelle effaçant toute tache en l'ame, la rend aussi pure que celle d'Adam : voire mesmes en aucuns produit effets plus grands & excellens que la iustice originelle, sauf seulement qu'elle ne redonne point au corps, dont aduient que la mortalité, & les autres defauts naturels, ne sont point amendés. Là dessus furent produits plusieurs passages de S. Paul, & des autres Apostres, esquels ils disent, Que le Baptesme laue, purifie, illumine l'ame, & qu'il n'y demeure aucune condanation, tache, ni ride. On traita bien exactement, comment il aduient, que, si les Baptizés sont sans peché, le peché puisse passer es enfans : à quoi S. Augustin n'a respondu que par exemples, comme d'un pere circoncis naist

vn fils incircconcis, d'un pere aueugle naist vn fils clair-voyant, & du grain tout nud naist le grain reuestu de sa bourre. Catarin respondoit, Que le pact fut fait seulement avec Adam, & que chacun a le peché par imputation de la transgression d'Adam avec laquelle les geniteurs d'entredeux n'ont rien de commun : & que si le fruit defendu eust esté mangé non par Adam, mais par aucun de ses descendans, la posterité d'icelui n'en auroit point attiré de peché : & si aussi Adam eust peché, apres auoir engendré lignée, le peché d'Adam auroit esté imputé à icelle, quoi que née auant icelui. Mais Soto disputa à l'encontre, disant, Que si Adam eust peché apres auoir engendré des enfans, iceux n'auroient point esté entachés, mais bien leurs enfans.

L'aduis commun porta que le sixieme Article est heretique, d'autant qu'il pose qu'il demeure es baptizés quelque chose digne de condamnation : & le septieme aussi, pource qu'il laisse des restes de peché en l'homme baptizé : & encor plus expressément le huitieme, establisant que la conuioitise es personnes baptisées est peché. Il n'y eut que F. Antoine Marinier, Carme, ^{comme aussi le septieme & le huitieme} lequel, sans se departir de l'opinion commune, que le peché est effacé par le Baptisme, & qu'auant icelui la conuioitise est peché : considera neantmoins, sur le fait de condamner la contraire opinion d'heresie, que Saint Augustin, ia aagé, escriuant de cete matiere à Boniface, auoit, clairement, dit, Que la conuioitise n'est point peché, mais cause & effet de peché : mais que contre Iulien Pelagien il auoit dit en termes non moins expres & formels, Que la conuioitise est peché, cause de peché, & effet de peché, & que toutesfois en ses Retractations il n'auoit fait mention ne de l'une ne de l'autre de ces propositions contraires : ce qui arguoit, qu'il estimoit cela n'appartenir point à la foi, & qu'on en pouoit parler en toutes deux les façons, & que la difference estoit plus tolt en paroles qu'autrement. Car autre chose est de rechercher si vne chose en soi est peché, & si elle est peché en vne personne excusée : comme si quelqueun allant à la chasse, pour la necessité de la nourriture, & cuidant tuer vne beste, inciemment & par mesgarde insurmontable & nullement affectée, tnoit vn homme, les Iuriconsultes disent que l'action est bien homicide, & delit : mais que le chasseur est excusé : tellement qu'à lui ce n'est point crime ne peché, à cause de la circonstance de l'ignorance : que semblablement la conuioitise estant la mesme auant & apres le Baptisme, est de soi peché : & S. Paul dit, que mesmes es regenerés elle repugne à la Loi de Dieu : or, tout ce qui s'oppose à la Loi de Dieu est peché : mais la personne baptizée est excusée & deschargée, pource qu'elle est reuestue de Christ : de forte que l'Article est vrai en vn sens, & faux en vn autre : & n'est point raisonnable de condamner vne proposition, qui peut auoir vn bon sens, que tout premier on ne l'ait d'istinguée. Mais tous reietterent cet aduis : disant, que S. Augustin auoit posé deux especes de conuioitise : l'une, auant le Baptisme, qui est vne repugnance de la volonté de l'homme à la Loi de Dieu, & laquelle il tenoit estre peché, & estre effacée au Baptisme : l'autre, qui demeure apres le Baptisme, & est vne repugnance du sens à la raison, laquelle S. Augustin a bien dit estre effet & cause de peché, mais iamaïs peché : & quand il semble qu'il die le contraire, il faut tenir pour asseuré, que son intention est de dire, Que la conuioitise est bien peché de soi, mais que par le Baptisme elle cesse de l'estre, & deuiet exercice de vertu, & de bonnes œuvres. Ce Moine à cete occasion fut soupçonné de n'estre guerres estoigné de la Doctrine des Protestans : joint qu'es sermons qu'il auoit faits à la Messe du quatrieme Dimanche de l'Aduent precedent, & à celle de Quarresme, plusieurs autres choses furent remarquées, comme d'auoir exhorté à mettre sa totale assurance en Dieu, & d'auoir condamné toute confiance es œuvres, & d'auoir affirmé que tous les actes heroïques des Anciens, tant loüés & exaltés des hommes, auoient esté vrais pechés : d'auoir parlé de la difference de la Loi & de l'Euangile, non comme de deux temps, mais voulant dire que tousiours y a eu Euangile, & tousiours aussi y aura Loi : & touché quelque chose de la certitude de la grace, cōbien qu'en termes & clausfes

qui il font
prouvé de
L'urb. ra-
nism,

1546.

ambigues, & artificieuses, en sorte qu'il ne pouvoit estre censuré, qu'il n'eût des desfaïtes & retraïtes pour gauchir, se defendre.

*Sur le neuf-
vieme il y a
différend
en la Cen-
sure,*

Quand on vint à l'Article de la peine du Peché originel, quoi que Saint Augustin, se fondant sur Saint Paul, ait formellement tenu, que la peine du feu d'enfer lui conuenoit, voire mesmes enfans, & pul des Peres nō lui ait contredit : & que Gregoire de Rimini, fameux & celebre Scholastic se soit departi de la commune opinion du Pere des Sentences, & des autres Scholastiques, lesquels, suiuaus plus les raisons philosophiques qu'autres, auoyent establi deux especes de peines eternelles, l'une, en la seule privation de la beatitude celeste : & l'autre, au sentiment du torment, & du supplice : dont icelui Gregoire auoit acquis le surnom de Geenne des enfans : toutesfois ne Saint Augustin, ne ledit Gregoire, ne furent soustenus par les Theologiens & Congregations. Bien est vrai qu'entr'eux il y eut vn autre differend : d'autant que les Iacopins maintenoient, que les enfans morts sans Baptesme auant l'usage de la raison, demeurent es limbes, & tenebres, en lieu sousterrain, mais sans feu : & les Cordeliers au contraire, sur terre, & en la lumiere : autres aussi affermoient, que ces petis enfans philosopheront, & s'occuperont en la connoissance des choses naturelles, goustans ce grand plaisir & contentement d'esprit, qu'il y a à rassasier la curiosité par l'inuention de choses belles : & Catarin renuioit encor sur cela, disant, qu'ils seront visités & consolés par les Anges, & par les Saints bienheureux : & tant de recherches vanités furent dites sur ce sujet, qu'elles pouuoient bien prestre grands matieres de long entretien. Mais, pour respect d'Augustin, & afin que Gregoire de Rimini ne fust condanné, les Augustins firent grande instance, que l'Article neuuiesme ne fust condanné pour heretique, quoi qu'ils le tinssent bien pour faux : mais Catarin fit tous ses efforts pour en faire vne expresse declaration, pour reprimer, comme il disoit, l'audace, & l'ignorance de quelques prescheurs, qui preschent cete doctrine-là au grand scandale du peuple : & asseuroit que Saint Augustin auoit ainsi parlé par la chaleur de la dispute contre les Pelagiens, & non qu'il tint cete opinion pour certaine & asseurée. Et pourtant, veu que la verité auoit esté certifiée au contraire par les Escholes, & que les Lutheriens ont releué le mesme erreur, & que les Catholiques mesmes y encourent, il estoit necessaire que le Concile en fust vne declaration.

*mais Cata-
rin le fait
declaier
heretique,*

*Les Peres
abandonnent à
suïuer le
Decret.*

Après que la Censure des Theologiens fut acheuée, les matieres furent traitées entre les Peres, pour resoudre de la forme du Decret : & là les Eueques, entre lesquels il y en auoit fort peu qui eussent la connoissance de la Theologie, mais estoient ou Iuriscosultes, ou gens de lettres de Cour, se trouuerent fort confus, pour la maniere scholastique de traiter les matieres, toutes herissées & espineuses : & en cete diuersité d'opinions ne pouuoient former iugement sur le fait de l'essence du Peché originel. Celle de Catarin estoit la mieux goustée, d'autant qu'il l'a representoit par cete conception politique, d'un pacté & accord stipulé par quelcun en son nom, & de sa posterité : lequel estât violé, il n'y a point de difficulté qu'icelle toute n'en demeure obligée : & plusieurs des Peres la fauorisoient : mais toutefois, voyans la contradiction des autres Theologiens, n'oserent pas l'admettre. Quant à la remission du peché, ils tenoient seulement ceci pour asseuré & indubitable, qu'auant le Baptesme tous ont le Peché originel, & que par le Baptesme chacun en est parfaitement nettoyé : & pourtant concluoyent, qu'il suffisoit d'establir cela pour Article de foi, & condamner le contraire pour heresie, ensemble toutes les opinions qui nient en quelque maniere que ce soit le Peché originel : mais qu'au demeurant, attendu les grandes diuersités d'auis qu'il y auoit entre les Theologiens, il n'estoit possible de definir ce qu'est le Peché originel, avec tant de circonspection, qu'on donnaist contentement, à tous, & qu'on ne condannast l'opinion de quelcun, avec danger de causer quelque chisme.

Mais à cete generale inclination contrarioient Marc Viguier, Euesque de Sini-

de Sinigaille, & F. Ierome Scipande, General des Augustins, & F. André Vega, Cordelier Theologien. Ceu-ci, par dessus tous les autres, monstroient qu'il n'estoit nullement conuenable, & n'auoit iamais esté pratiqué par aucun Concile, de condamner vne opinion pour heretique, sans auoir premierement arresté quelle est la Catholique: qu'aucune proposition negative yraye n'a en soi-mesme la cause de la verité, mais est telle par la verité d'une affirmative, & que iamais aucune n'est faulxe, sinon pource qu'une autre est vraye, & qu'on ne peut sauoir la faulxeté de l'une sans sauoir la verité de l'autre: & que pourtant on ne peut condamner l'opinion de Lutheriens pour heresie, si premierement on ne pose celle de l'Eglise. Que qui prendra garde à la procedure de tous les Conciles, qui ont traité matieres de foi, verra qu'ils ont premierement posé le fondement orthodoxe, & par ice-lui ont condanné les heresies: & que de mesmes en faut il faire à present, d'autant que quand on lira que le Concile Tridentin a condanné l'assertion Lutherienne, qui porte que le Peché originel est l'ignorance, le mepris, la desfiace, & la haine des choses de Dieu, & vne corruption de tout l'homme en sa volonté, en son ame, & en son corps, qui sera celui qui ne recherche continement, Et qu'est-ce donc? & qu'elle est donc l'opinion Catholique, si cete-ci est heretique? Et quand on verra condannée l'opinion de Zuingle, que les petits enfans des fideles sont baptizés en remission des pechés, mais que pourtant rien n'est transmis d'Adam en eux, saufs les peines, & la deprauation de la nature: quine s'enquerra tout soudain, Et quelle autre chose donc est transmise? En somme il concludoit, Que le Concile estoit principalement assemblé, pour enseigner la verité Catholique, & non seulement pour condamner les heresies. Et l'Euesque Viguiier disoit, Qu'attendu qu'on auoit tant de fois disputé de ces Articles és Dietes d'Allemagne, chacun attendroit du Concille vne doctrine claire, & nette, & resolutiue de toutes difficultés. Le General des Augustins adiouloit de son costé, Que la doctrine vraye & Catholique touchant le peché originel est contenue es escripts de S. Augustin: & que Gilles Romain en auoit escript vn liure expres, & que quand les Peres voudroyent prendre vn bien peu de peine & de patience, ils comprendroyent aisément la verité, & en pourroyent donner iugement: qu'on ne deuoit point laisser courir le bruit, qu'on ait à Trente, en l'espace de quatre iours, resolu ce qui a esté si longuement debatü en Allemagne, sans rien conclure. Mais ce General estoit soupçonné de parler à la suscitation de l'Ambassadeur de Toledé.

Toutes ces remonstrances n'estoyent point escontées: d'autant que les Prelats n'auoyent pas esperance de se pouuoir informer à fonds des espineuses questions & subtilités Scholastiques, & n'auoyent pas mesmes courage d'en faire l'essai: & d'ailleurs les Legats auoyent receu precis commandement de Rome d'arrester definitiuement de cete matiere en la prochaine Session, dont ils estoyent contraints d'esquiuier les difficultés: mais par sus tout, d'autant que le Cardinal Legat de Monte estoit totallement resolu de franchir ce pas: & pourtant, ayant appelé à soi les Generaux des Ordres, & les Theologiens Catharin, & Vega, qui parloyent plus que les autres, il leur enioignit qu'ils passassent par dessus les difficultés, & aidassent à l'expedition.

Les Prelats deputés à former le Decret, avec l'assistance des Theologiens diuiserent la matiere en cinq anathematismes: dont le premier estoit, Du peché personnel d'Adam: le deuxieme, De la transfusion à la lignée: le troisieme, Du remede par le moyen du Baptisme: le quatrieme, Du Baptisme des petits enfans: le cinquiesme, De la Conuoitise qui reste apres le Baptisme. Apres cela, furent condannées les opinions des Zuingliens és quatre premiers Articles, & celle de Luther au cinquieme. On conféra le Decret avec tous, & y fut osté & adiousté selon les remonstrances, avec beaucoup d'unanime consentement: sauf que les Euesques & les Moines de l'Ordre de S. François ne pouuoyent approuuer qu'on dist ainsi vniuerselle-

1546.
Caractiers
des Iacopins,
pour la Cō
ception de
la Vierge.

ment, Que le peché d'Adam estoit passé en tout le genre humain: d'autant que la Bien-heureuse Vierge, Mere de Noistre Seigneur, y estoit comprise, si on ne l'en exemptoit spécialement & expressement: & faisoient instance pour l'exception. Les Iacopins à l'opposite disoient, Que la proposition ainsi vniuerselle, & sans exception, estoit de S. Paul, & de tous les saints Docteurs: & partant qu'il ne falloit point l'alleterer par aucune exception. Dont la contentions s'eschauffant, ils rechurent en la question, laquelle les Legats auoyent à diuerses fois destournée. Les Iacopins disoient, Que, combien que l'Eglise ait toleré l'opinion de la Conception immaculée de la Vierge, toutesfois, à bien examiner & sonder cete matiere, on trouueroit que la Bien-heureuse Vierge mesmes n'auoit point esté exempte de la commune infection. Mais les Cordeliers oppoſoyent à cela, Que ce seroit condamner l'Eglise, qui celebre la feste de la Conception, comme immaculée: & encourir vne lasche ingratitude, dérogeant à l'honneur du à celle, par le moyen de laquelle toutes les graces de Christ decoulent à nous. Les disputes passerent iusques à vne espece d'extref, si auant, que l'Ambassadeur Imperial prit esperance de pouoir venir à bout de son dessein, qui estoit, que la matiere ne pust proposer en la Session suiuaute.

dont l'opi
gine & le
progrès est
recité.

Or, d'autant que plusieurs choses furent proposées à cete occasion, & firent en fin venir au Decret, que nous dirons, lequel donna suiet de parler, il est necessaire, pour l'entiere intelligence de tout cet affaire, de rapporter l'origine de cete Controuerse dès son commencement. Dès que l'impie doctrine de Nestorius diuisa Christ en deux, faisant deux Fils, & niant que celui, qui auoit esté engendré par la Vierge, fust Dieu, l'Eglise pour inculquer en la pensée des fideles la verité Catholique, introduisit de la reiterer tres-souuent & frequemment es Eglises tant d'Orient, que d'Occident, par cete breue forme de parler, Marie *Dei* c'est à dire, Mere de Dieu. Ce qui ayant d'entrée esté ordonné seulement à l'honneur de Christ, fut puis apres peu à peu communiqué aussi à la Mere, & à la fin rapporté à elle seule: & pour la mesme cause, quand les Images furent faites communes en l'Eglise, on peignit Christ enfant entre les bras de la Vierge, pour ramenteuoir la veneration qui lui estoit due dès cet aage-là: toutesfois, par laps de temps cela passa à la veneration de la Mere seule, sans le Fils, qui demeueroit en la peinture, comme vn pur accessoire. Les Escriptuains, & les Prescheurs, sur tout les contemplatifs, emportés du torrent du populaire, qui à grand pouuoir en ces matieres, commencerent à omettre de parler de Christ, & à enuuiuerent nouvelles louanges, epithetes, titres, & seruites religieux, (iufques là, qu'environ l'année mil cinquante, fut mesme ordonné vn seruice quotidien distingué par sept heures Canoniques) à la Sainte Vierge, en la mesme forme, que d'ancienneté on auoit accoustumé de faire à l'honneur de Dieu mesmes: & es cent années ensuiuautes, la veneration s'accrut iufques au comble, voire mesmes iufques à attribuer à la Vierge ce que la Sainte Escripture dit de l'eternelle Sapience de Dieu: & entre les nouveautés, qui furent inuentées à ce suiet, fut la totale exemption du peché originel: laquelle toutesfois estoit retenue dans les opinions de quelques particuliers en petit nombre, sans auoir aucun lieu es ceremonies Ecclesiastiques, ni par deuers les hommes doctes. Enuiron l'année mil cent trente six les Chanoines de Lion entreprirent de l'introduire dans le seruice de l'Eglise: mais S. Bernard, qui viuoit en ce temps-là, en estimadu plus sauant & saint homme dece siècle là, quoi que tres-frequentes louanges de la Bien-heureuse Vierge, iufques à lui donner titre de col & de gorge de l'Eglise, par laquelle du chef passe toute grace & influence; inuectiua neantmoins feuerement contre ces Chanoines, & leur escriuit, les censurant d'auoir introduit vne nouveauté dangereuse, sans raison, & sans exemple de l'ancienneté: qu'il ya assez d'autres argumens & suiets de louer la Vierge à laquelle ne peut agreer vne nouveauté presumptueuse, mere de la temerité, seur de de la superstition, & fille de la legereté. Le siecle d'apres eut les

docteurs Scholastiques des deux Ordres de S. François, & de S. Dominic, lesquels coniointement refuterent cete opinion inopereuement l'année mil trois cens, que Jean l'Escot Cordelier, ayant mis cete matiere en dispute, & ayant examiné les raisons de part & d'autre, se coucha là dessus à la puissance de Dieu, disant, *Que Dieu auoit pu faire quelle ne fust iamais en peché, ou qu'elle n'y fust que pour vn moment de temps, ou qu'elle n'y fust assuetie que pour vn certain espace & setras de temps, que Dieu seul fait quel de ces trois auoit esté mais qu'il estoit probable d'attribuer le premier à la Vierge, pourueu toutesfoi que cela ne repugnast point à l'autorité de l'Eglise, & del'Eseriture.* La doctrine de ce Theologien fameux en son temps fut communément suivie par les Cordeliers: mais en cete particularité de la Conception de la Vierge ils renuierent par dessus l'autheur, qui n'auoit fait que sonder le gué, & frayer le chemin, & posterent absolument pour vray ce que lui n'auoit auancé que pour possible & probable, sous vne condition de doute, assauoir, en cas que cela ne repugnast point à la foi orthodoxe. Les Iacopins y contredifoyent constamment, pour adherer à S. Thomas, qui estoit de leur ordre, fameux tant pour son sauior, que pour l'approbation du Pape Jean vint deuxième, lequel, pour deprimer les Cordeliers, qui pour la pluspart suiuoyent le parti de Louis de Bavières Empereur, excommunié par lui, exaltoit, & canonisoit ce Docteur, & sa doctrine. L'apparence de pieté & de deuotion, fit que l'opinion des Cordeliers fut plus agreable au general, & fut obstinément embrassée par l'Vniuersité de Paris, qui estoit en haut credit de sauior, & puis approuuée par le Concile de Basle, apres long examen & dispute, avec inhibitions & defences de prescher ou enseigner le contraire: ce qui fut obscuré par les pais & prouinces, qui receurent ce Concile. Finalement, le Pape Sixte quatrième, Cordelier, fit sur cete matiere deux Bulles, l'vne en l'année mil quatre cens septantefix, approuuant & confirmant vn nouueau seruice composé par Leonard Nogaro le Pretre notaire, avec indulgences & pardons à qui le celebrait, & y adhiboit l'autre, en l'année mil quatre cens octantetrois, condannant pour faulce & erronée l'assertion de ceux qui disent, que c'est heresie de tenir l'opinion de la conception sans peché, ou que c'est peché de la celebrier: & excommuniât les precheurs, & tous autres qui taxeroient cete opinion, ou la contraire, d'heresie, attendant que cete question n'estoit point eucore decidée par l'Eglise Romaine, & par le S. Siege. Mais cela n'assoy point les contentions, lesquelles s'enagrayoyent tousiours de plus en plus entre ces deux ordres: & se renouelloyent tous les ans au mois de Decembre: tant que le Pape Leon dixieme, aduisa d'y remedier, en prononçant definitiuement de la controuerse, & pource en fit escrire à plusieurs. Mais il lui suruint des affaires & pensées plus importantes pour les nouueautés d'Allemagne, qui produisirent aussi en ces contentions l'effet qui se voit ordinairement es estats, que quant vne ville est assiegée, les factions y cessent, & tous s'vnissent contre l'ennemi commun. Les Iacopins se fondoyent sur l'Eseriture Sainte, & sur la Doctrine des Peres, & des Scholastiques plus anciens, mais les autres n'auoyent aucune autre chose en leur faueur, que quelques miracles qu'ils alleguoient, & le consentement des peuples. Frere Jean de Vdine, Iacopin, disoit, *Où vous voulez que S. Paul, & les Peres, ayant eü cete exemption de la Virginité hors de la condition commune des hommes, laquelle vous tenez, où que non: s'ils l'ont eue, & n'ont pas cependant laissé de parler vniuersellement, sans iamais faire mention de cete exception, imitez les vous aussi à present que s'ils ont eü le contraire, vostre opinion est vne pure nouueauté.* Frere Ierosme Lombardel, Cordelier, disoit, *Que l'autorité de l'Eglise presente n'est moindre que de la primitive: que si le sentiment de la primitive la porta en son temps à parler sans exception, le consentement de la presente, lequel se voit en ce que partout on celebre la Feste de la conception, doit induire à ne point omettre cete exception.*

Les Legats escriuirent à Rome, comme il y auoit vn admirable accord les Legats

1546.
donnaient a-
vis du tout
au Pape
par mède-
ment du
quel

les estrifs
des moi-
nes sont ap-
païsés :

en l'assem-
blée de Re-
genbourg
on traite
sans fruit
de pacifier
les affaires
de la Reli-
gion,

de tous costez la Doctrine Lutherienne, & comme la deliberation auoit esté prise de la condamner, & enuoyeroient copies des Anathemes formés, donnant aussi aduis de l'estrif esmis à cause du point de la Conception de la Vierge. On leur respondit de Rome, Que pour chose que ce fust, ils ne missent la main on ceste matiere, qui pouuoit causer vn Schisme entre les Catholiques, mais qu'ils eschassent de mettre paix entre les Parties, & de les contenter toutes deux, & sur toutes choses de cōseruer en la force & vigueur le Bref de Sixte quartiesme. Les Loys, ayant receu ceste commission, tanc par eux mesmes, que par l'entremise des Prelats plus prudents, s'efforcèrent de persuader aux deux parties de quitter leurs estrifs, & s'employer coniointement contre les Lutheriens : & firent tant que chacun d'icelles se contenta de mettre le tout sous silence, pour au seulement qu'aucun preiudice ne fust fait à son opinion. Mais encor disoient les Cordeliers, que le Canon estoit contre eux ; si la Vierge n'estoit exceptée : & les Iacopins repliquoyent, que celle estoit exceptée ; ils estoient condamnés : dont on se vid force de trouuer quelque moyen ; par lequel on la declarast non comprise, ni aussi expressement exceptée : ce qui se fit, en disant, Qu'on n'auoit eu intention de la comprendre, ni aussi de l'excepter. Puis après encores, à la grande instance des Cordeliers, les Iacopins condescendirent à accorder, qu'il fust seulement dit, Qu'on n'auoit eu intention de la comprendre : & pour obeir au Pape, fur adiousté, qu'on eust à obseruer les constitutions de Sixte quartiesme. Pendant que ces choses se traitoyent à Trente, la Diete estant assemblée à Regensbourg, l'Empereur monstra d'auoir grand desplaisir & regret, que la Conference se fust separée sans fruit : & requit que chacun proposast ce qu'il estimeroit estre à faire pour appaiser l'Allemagne. Les Protestans firent instance que les differēs de la Religion fussent appointés par vn Concile National, suivant le Recés de Spire : disant qu'un tel Concile estoit plus à propos, que l'vniuersel : attendu, qu'à cause de la grande difference d'opinions entre l'Allemagne, & les autres nations, il estoit impossible qu'en vn Concile general il ne s'ourdist de plus grandes contentions, & de débats : & qui voudroit contraindre l'Allemagne à changer d'avis par force, il faudroit massacrer infinitz milliers d'hommes, ce qui seroit à la grande perte de l'Empereur, & au grand plaisir du Turc. Les ministres de l'Empereur respondoient, Qu'il n'auoit point tenu à Sa Maïesté que l'Arrest de Spire ne fust executé : & que chacun sauoit assez, que l'Empereur, pour auoir la paix tant necessaire avec le Roi de France, auoit esté contrainct à condescendre au vouloir du Pape es choses concernant la Religion : que l'Arrest de Spire auoit esté accommodé aux necessités du temps d'alors, lesquelles estans changées, il estoit aussi necessaire changer d'avis : qu'es Conciles Nationaux auoit bien quelques fois esté faite quelque reformation & correction des mœurs : mais qu'on n'y auoit iamais traité de la foi, & de la Religion : que, quand on en vient aux Conferencēs, on a à faire avec Theologiens, lesquels le plus souuent se rendent difficiles & obstinés, dont on ne peut avec eux venir à aucun moderé concert, & accommodement, comme il seroit de bey soïn : que nul n'aimoit la Religion plus que l'Empereur, & que pour faire plaisir au Pape, il ne se departiroit iamais de ce qui seroit iuste & honneste : mais qu'il sauoit bien aussi qu'en vn Concile National on ne pourroit accorder les parties, ne trouuer qui on pust faire iuge. Les Ambassadeurs des Euesques de Mayence, & de Trēves, se separerent des autres quatre Electeurs, & s'vinrent avec tous les Catholiques, à approuuer le Concile de Trente, & supplierent l'Empereur de le fauoriser, & protéger, & de persuader aux Protestans d'y aller, & de s'y soumettre. Mais eux repliquoyent à l'encontre, que le Concile à Trente n'estoit point libre, comme il auoit esté requis & promis. Dietes de l'Empire, & firent nouuelles instances que l'Empereur maintint la paix, & qu'il ordonnast, que les choses de la Religion fussent establies en vn Concile legitime d'Allemagne, ou en vne Diete de l'Empire, ou bien en vne Conference de personages sçauans d'un & d'autre parti.

1546.
*Enfin es-
 date ledi-
 cain caché
 de l'Empe-
 reur, de
 faire la
 guerre aux
 Protestans*

L'Empereur auoit en cœ. entretiens fait des secretes provisions pour la guerre, lesquelles ne pouuans plus estre cachées, vinrent à notice aux Protestans en la Diete: & d'autant que la paix estoit faite avec le Roi de France, & la treue avec le Turc pour cete année-là, chacun voyoit aisement ou elles tendoient: sur tout, qu'il couroit vn bruit, que le Pape, & le Roi Ferdinand armoient aussi: dont toute la Diete se mit en desroute. Et l'Empereur, voyant d'estre descouuert, despescha le neuuiesme Iuin, le Cardinal de Trente en poste à Rome, pour demander au Pape le secours qu'il lui auoit promist: & enuoya aussi en Italie, & au pais bas des Capitaines, avec argent, pour faire leuee de gens: & sollicita les Princes, & les Capitaines Allemans Protestans, non alliés avec ceux de Smalesald, de suiure les enseignes, assurant & promettant de ne vouloir faire la guerre pour cause de religion, mais pour reprimer la rebellion de quelques vns, lesquels, sous ce pretexte, ne veulent reconnoistre les loix, ni la Maiesté de l'Empereur. Par cete mesme promesse il fit aussi tenir coyés plusieurs des Villes, qui auoyent receu la reformation es ceremonies de l'Eglise, offraunt toute bien-veillance aux obeissans, & leur donnant assurance pour la Religion.

Or au Concile, n'y ayant plus aucun different entre les Peres sur les choses disputées, & les Decrets de la foi & de la Reformation estans ia formés, si que l'Ambassadeur Imperial ne pouuoit plus resister à la resolution des Legats, le dixseptieme Iuin, iour assigné à la Session, venu, la Messe fut chantée par Alexandre Piccolomini, Euesque de Pienza, & le Sermon fait par Frere Marc Lauree, Calabrois, Iacopin. Et apres les ceremonies accoustumées, fut lu le Decret de Foi, avec les cinq Anathemes, Premierement, Contre quiconque ne confesse qu'Adam, par sa transgression, a perdu la sainteté, & la iustice; & est encouru en l'ire de Dieu, en la mort, & en la captiuité du Diable, & a esté changé en pis, à l'esgard du corps, & de l'ame.

Secondement, Contre quiconque afferme, qu'Adam en pechant a nui à foi tant seulement, ou bien à transmis à sa posterité la seule mort du corps, & non le peché, mort de l'ame. Troiesiesme, Contre quiconque maintient, que le peché, qui en son origine & source n'est qu'un, mais qui estant transmis par generation, & non par imitation, est propre & particulier à vn chacun, peut estre effacé par autre remede, que par le merite de Christ: ou quiconque nie que le merite de Christ soit appliqué tant aux petits enfans, qu'aux aagés, par le Sacrement du Baptisme, dûement administré en la forme vûite en l'Eglise. En quatriesme lieu, Contre quiconque nie que les enfans naissans doiuent estre baptisés, quoi qu'ils soyent enfans de Chrestiens baptizés: ou qui dit, qu'ils sont baptizés en remission des pechés, & non pour ce qu'ils ayent tiré d'Adam aucun peché originel. En cinqiesme lieu, Contre quiconque nie, que par la grace du Baptisme soit remise la coulpe du Peché originel, & osté tout ce qui a vraye & propre qualité de Peché originel, & osté tout ce qui a vraye & propre qualité de peché: mais dit qu'il n'est que raturé, & non imputé: aduuant bien cependant qu'en ceux qui ont esté baptizés demeure la conuictiſe, mais seulement pour exercice, sans qu'elle puisse nuire à celui qui n'y consent point: & quoy quel Apôstre nomme icelle peché, toutesfois le Concile declare qu'elle n'est point vrayement & proprement peché, mais est ainsi appelée, d'autant qu'elle procede du peché, & encline à icelui. Et que le Concile n'a intention de comprendre en ce Decret la Bienheureuse Vierge; mais ordonne que soyent obseruées les Constitutions de Sixte quatrieme sur Se suiet, lesquelles pourtant il renouuele.

Le Decret de la Reformation contenoit deux clefs: l'vn, des Leçons: l'autre, des Predications. Pour les Leçons il fut ordonné, qu'es Eglises, esquelles il y a prebende, ou gages assignés pour lire en Theologie, l'Euesque face en sorte que le stipendie mesmes, estant idoine & capable, face leçons en la Sainte Esriture: & en cas qu'il ne le soit, que cete charge soit exercée par vn Substitut deputé par l'Euesque mesme: mais qu'à l'auenir, le benefice ne soit conféré qu'à personne suffisante à cete charge. Qu'es Eglises Cathedrales

Et à Trente on tient la cinquieme Session, dont le premier decret estoit du Peché originel.

le second, de la Reformation au fait des leçons de Theologie, & des Predications.

1546.

de villes populeuses, & es Collegiales de bourgades signalées, ou il n'y a aucuns gages assignés pour cet effect, la premiere prebende vacante y soit employée, ou bien quelque simple benefice: ou qu'une contribution se face de tous les benefices, pour establir cete lecture. Qu'és Eglises pauvres, il y ait du moins vn regent, ou maistre d'eschole, qui enseigne la Grammaire, & qu'il lui iouisse de quelque simple benefice, ou que quelque recompense lui soit assignée de la table du Chapitre, ou de l'Euesque: ou bien que l'Euesque y pouruoyent par autre moyen, en sorte que la chose soit effectuée. Qu'és Monasteres des Moines, ou on pourra, il y ait leçons en la sainte Esriture: & que si les Abbés y sont nonchalans, ils y puissent estre contraincts par l'Euesque, comme delegué du Pape. Qu'és Conuents des autres Reguliers, ou il n'y a point de leçons establies, il y ait des regens & maistres suffisans pour cet effect. Qu'és Escholes & Academies publiques, esquelles il n'y a point de leçons en l'esriture establies, elles y soyent instituées par la pieté, & charité des Princes & des Republiques: qu'és endroits ou elles ont esté instituées, & ou toutesfois elles sont negligees, elles y soyent restablies. Que nul n'ait à exercer cete charge de Lecteur, en public, ou en priué, qu'il n'ait tout premier esté approuué par l'Euesque, comme suffisant & idoine, à l'esgard de la vie, des mœurs, & du sauoir: sauf ceux qui lient es Cloistres des Moines. Qu'aux Lecteurs publics de l'Esriture sainte, & aux Escholiers aussi, soyent maintenus les priuileges, que le droit commun leur donne de pouuoir iouir de leurs benefices en absences.

Pour les Predications, le Decret contenoit, Que les Euesques & Prelats, lors qu'ils n'ont legitime empeschement, soyent tenus de prescher l'Euan-gile de leur propre bouche: & lors qu'ils sont empeschés, soyent obligés d'y substituer personnes idoines & capables. Que les Curés inferieurs ayent à enseigner les choses necessaires à salut, ou par eux mesmes, ou par autres: au moins les Dimanches, & les festes solennelles: & qu'ils y puissent estre contraincts par les Euesques, nonobstant exemption quelconque. Et que les Curés des Eglises parochiales, qui sont suiuettes à Monasteres, & ne sont en aucun diocese, soyent contraincts à cela mesmes par les Metropolitains, comme delegués du Pape: & ce, en cas que le Prelat Regulier soit negligent à le faire. Que les Reguliers n'ayent à prescher sans estre approuués en leur vie, mœurs & sauoir, par leurs superieurs: & qu'és Eglises mesmes de leur Ordre, auant que commencer la predication, ils ayent en personne à demander la benediction à l'Euesque: mais qu'és autres Eglises ils n'ayent à prescher sans la permission de l'Euesque, laquelle leur sera accordée gratuitement. Que si le Prescheur seme erreurs, ou scandales, l'Euesque lui interdise la predication: que s'il preschoi heresies, qu'il procede contre lui selon la disposition du droit, ou la coustume du lieu: que si le Prescheur est priuilegié, que l'Euesque ne laisse point pourtant d'agir contre lui comme delegué du S. Siege: mais que les Euesques aussi ayent soin que les Prescheurs ne soyent molestés de calomnies, & faulces charges, & n'ayent occasion de se douloir iustement d'eux. Qu'ils ne permettent, sous pretexte de priuilege, à aucun Regulier, vivant hors de son Conuent, ni à aucun Prestre Seculier, qu'il ait esté reconu & approuué par eux, de prescher, tant qu'ils n'en ayent consulté sa Sainteté. Que les Questeurs n'ayent à prescher, ni à faire prescher: & que faisant au contraire, ils soyent nonobstant les priuileges, contraincts par l'Euesque à obeir. En fin, le iour de la suivante Session fut assigné au vinti-neuiesme Iuillet.

Lettres du
Roi de Fr.
or, & la
rangue de
son Am-
bassadeur:

Apres que les Decrets eurent esté lus, & prononcés par l'Euesque officiant le Secretaire du Concile lut les lettres du Roi de France, par lesquelles il deputoit pour Ambassadeur au Concile Pierre Danés, lequel fit vne longue & eloquente harangue aux Peres, qui portoit en substance, Que des Clouis, premier Roi Treschretien, le royaume de France auoit tousiours conserué la religion Chrestienne en sa naifue pureté. Que Saint Gregoire auoit donné le titre de Catholique à Childebert, en tesmoignage de la sincerité &

puteré de la religion. Que les Roys de France n'ont iamais permis aucune secte en aucune partie de la France, ni souffert autres que Catholiques : ains ont procuré la conuersion des estrangers & des idolastres, & des heretiques, iusques à les contraindre par leurs saintes armes à faire profession de la vraye & saine religion. Qu'ainsi Childeberr contrainnit les Visigots Ariens à s'enir à l'Eglise Catholique : & Charles Magne fit trente ans de guerre aux Saxons, pour les reduire à la Religion Chrestienne. De là il passa à représenter les faueurs faites à l'Eglise Romaine : & recita les entreprises de Pepin, & de Charles Magne contre les Lombards : & comme à Charles Magne fut outroyé par Adrien, au Synode des Euesques, de créer le Pape, & de confermer & approuuer les Euesques de ses Estats, & de les installer apres auoir receu d'eux le serment de fidelité : adioustant, que, quoi que Louis le Debonnaire, son fils, eust cédé de cete autorité de créer le Pape, il s'estoit neantmoins reserué qu'on luy enuoyeroit des Legats, pour entretenir l'amitié, laquelle tousiours a esté continuée & cultiuee par deuoirs reciproques : & que pour cete grande confiance, les Papes de Rome, es temps difficiles, estans dechassés de leur Siege, ou craignans quelque sedition, le font retirés en ce royaume : qu'il n'estoit pas à dire combien de dangers les François ont couru, & quelles excessiues profusions d'argent & de sang ils ont fait, pour amplifier & estendre les bornes del'Empire Chrestien, ou pour recouurer les choses enuahies par les Barbares, ou pour reestabliir les Papes, ou pour les deliurer de dangers. Il dit en suite, que le Roi François tirant de ces Rois Treschrestiens son origine & extraction, mu de la mesme pieté, au commencement de son regne, apres la victoire de Lombardie, estoit allé trouver le Pape Leon dixieme à Bologne, pour appointer avec lui bonne intelligence & concorde, laquelle a continué avec Adrien, Clement, & Paul : & depuis ces vingtsix ans derniers, esquels les choses de la foi ont esté reduites en grands perils en diuers païs, il a procuré & effectué par vne tresexacte diligence, que rien ne fust innoué en l'usage commun de l'Eglise, mais que le tout fust reserué aux iugemens publics d'icelle : & quoi qu'il soit d'un naturel clement, benin, & abhorrant le sang & cruauté, il a neantmoins usé de grande seuerité, & fait diuers rigoureux Edits : & tant fait par sa diligence, & par la vigilance de ses Iuges, qu'en vne si grande & horrible tourmente, qui a reuerfé plusieurs villes, & nations toutes entieres, ce noble royaume a esté conserué paisible à l'Eglise : & que l'ancienne doctrine, serues, ceremonies, & usages, y sont demeurés en leur entier. Et que pourtant le Concile pouuoit ordonner ce qu'il iugeroit vray, & vtile à la Chrestienté. Il dit aussi, que le Roi conoissoit tresbien, combien il est profitable à la Chrestienté d'auoir l'Euesque de Rome pour Chef : dont, quoi qu'il eust esté tenté & conuie par offres tres-avantageux d'ensuiure l'exemple de quelque autre Roi, il n'a voulu se departir de sa resolution, & a mieux aimé perdre l'amitié de ses voisins, avec quelque perte & dommage. Que tout aussi tost, qu'il auoit entendu la conuocation du Concile, il auoit enuoyé aucuns de ses Euesques : & apres qu'il auoit veu qu'on y procedoit à bon escient, & que par plusieurs Sessions l'autorité d'icelui estoit establie, il auoit voulu enuoyer sa personne pour Ambassadeur resident, pour y assister, & procurer & reccher d'eux qu'ils establistent vne bonne fois, & proposent publiquement la doctrine, que tous Chrestiens doiuent tenir & professer en tous lieux : & dressent la discipline de l'Eglise selon la reigle des Saints Canons : promettant, au nom de son Roi, qu'il fera obseruer le tout en son royaume, & prendra en main la deffense & garenties des Decrets du Concile. Il adiousta en apres, qu'attendu que les merites des Rois de France estoient si grands, il requeroit le Concile, que les priuileges & prerogatiues, qui leur ont esté accordées par les Peres anciens, & par les Papes, & desquels ont esté en possession Louis le Debonnaire, & tous les autres Rois de France, ensuiuans, lui soyent conserués & maintenues : & qu'aux Eglises de France, desquelles le

1546.

response du
Concile à
l'Ambassa-
de de Fran-
ces

ingement
diuers sur
les Decrets
de la cin-
quieme
Session

Roi est tuteur, soyent confirmés leurs droits, priuileges & immunités. Que si le Concile le fait, tous les François lui en rendront graces, & les Peres ne s'en repentiront iamais.

La réponse lui fut faite au nom du Concile, par Hercules Seuerol, Procureur du Concile, en peu de paroles, Remerciant le Roi, & monstrant d'auoir la presence de son Ambassadeur pour tres-agreable, & promettant de s'employer de tout leur pouuoir à l'establissement de la foi, & à la reformation des mœurs: offrant au surplus toute faueur au Royaume, & à l'Eglise Gallicane.

Or apres que les Decrets de la Session eurent esté imprimés, & publiés, & portés en Allemagne, ils donnerent beaucoup de suiet de parler: les vns disoyent, Que superflueuement & sans necessité on auoit traité de l'erreur des Pelagiens, qui des plus de mille ans auoit esté condanné par tant de Conciles, & par le commun consentement de l'Eglise: mais qu'encores on pourroit supporter cela, si l'ancienne doctrine estoit confirmée: qu'on auoit bien, conformément à icelle, proposé la vraye doctrine en termes vniuersels, disant, Que le peché d'Adam est passé en toute la posterité: mais que puis apres on auoit renuersé cete proposition vniuerselle par l'exception. Et qu'il ne seruoit de rien de dire, que l'exception n'est pas obsoluë, & affirmatiue, mais ambiguë: d'autant que, comme vne proposition particuliere rend faulx l'vniuerselle contradictoire, de mesme la particuliere ambiguë rend l'vniuerselle incertaine. Et qui ne void, que par le moyen de cete exception, quoi qu'ambiguë & douteuse, chacun peut conclurre, qu'il n'est pas donc assuré que le peché soit passé en toute la posterité, attendu qu'il n'est pas certain qu'il soit passé en la Vierge: sur tout, veu que la raison, par laquelle on persuade cete exception, peut persuader plusieurs autres. Que S. Bernard auoit tiré vne bonne conclusion & consequence, que la mesme raison, pour laquelle on s'est porté à celebrer la Conception de la Vierge, fera qu'on celebrera aussi celle de ses pere & mere, & de ses ayeuls & bisayeuls, voire de tout son lignage: & par ainsi menera iusques à l'infini. Quoi que de vrai on se pourroit par chemin arrester à Abraham, & avec grande raison l'exempter tout seul du Peché originel: attendu, que c'est lui, à qui ont esté faites les promesses du Redempteur: Christ est tousiours appelé, Semence d'Abraham, & lui Pere de Christ, & de toutes les croyans, & par ron des fideles. Toutes dignités plus excellentes, que d'auoir porté Christ en son ventre, selon que respondit le Seigneur, Que la Vierge auoit esté plus heureuse, pour auoir ouï la parole de Dieu, que pour l'auoir enfanté & allaité. Et tout homme, qui ne se voudra laisser persuader d'excepter Abraham par prerogatiue, & se tiendra ferme à la raison ancienne, que Christ est sans peché, pource qu'il est né du S. Esprit, sans œuvre d'homme, dira tout franchement, qu'il valoit beaucoup mieux ensuiure le conseil du Sage, en se contenant dedans les bornes posées par les Peres. Autres disoyent, Que le monde estoit fort obligé au Concile, de ce qu'il s'estoit contenté de dire qu'il confesse & tient que la conuictiōe reste en ceux qui ont esté baptizés: que sans cela, les hommes auroient esté contraincts de nier de sentir en eux ce qu'ils sentent. Au Decret de la Reformation on attendoit qu'il fust pourueu aux Scholastiques, & aux Canonistes. A ceux-ci, qui attribuent les propriétés de Dieu au Pape, iusques à l'appeller Dieu, & lui donnent infailibilité, & font vn mesme tribunal de tous deux: & disent de plus, Que le Pape est plus clement que Christ. A ceux-là, qui ont fait de la philosophie d'Aristote le fondement de la doctrine Chrestienne, en laissant l'Ecriture, & reuoquant toutes choses en doute, iusques à mettre en question, s'il y a vn Dieu, & à le disputer pour & contre. Il sembloit bien estrange qu'on eust attendu iusques à ce temps-là, assauoir que la charge des Euesques estoit de prescher, & qu'on n'eust parlé d'oster l'abus de prescher vanités, & tout autre chose fors que Christ, & qu'on n'eust remedié à l'ouuerte marchandise des prescheurs sous le nom d'aumosne. Or dès qu'en la Cour de l'Empereur on eut entendu ces Dec-

crets,

crets, on prit en tres-mauuaisé part qu'à l'esgard de la reformation; on n'eust traité que de choses legeres, & non requises de l'Allemagne: & que pour la doctrine, on n'en eust que refuseillé les differens. Car la controuersé touchant le Peché originel, ayant desia esté presques appointée es Conferencés, le Concile, duquel on attendoit la finale composition, auoit fait vn Decret directement contraire aux choses accordees. Et pourtant l'Empereur fit escrire aux siens à Trente, qu'ils fissent toute diligence à ce qu'on vauquast à la reformation, & que les controuerses de Foy & Doctrine fussent differées iusques à l'arriuee des Protestans, l'esquels l'Empereur se faisoit fort d'in- duire à y aller: ou certes du moins, iusques à la venue des Prelats d'Alle- magne, lesquels s'y achemineroient apres la Diete. Mais il y eut bien tost autre chose de quoy parler, à cause des accidens qui s'ensuiuyrent, lesquels tournerent à soy les yeux & les pensees de chacun.

Car le Cardinal de Trente, le vintsixieme Iuin, conclut à Rome la ligue entre le Pape & l'Empereur, contre les Protestans d'Allemagne, laquelle auoit esté esbauchée l'annee precedente à Vvormes par le Cardinal Farne- se, comme il a esté dit en son lieu, & depuis auoit esté negotiée par autres Ministres. Les motifs & les conditions de cete ligue furent, *Que*, pource que des plusieurs anneés l'Allemagne persiste obstinément en l'heresie, & que les Protestans recusent de se soumettre au Concile, lequel a esté con- uoqué pour y pouruoir, & ia est commencé: le Pape & l'Empereur, à la gloi- re de Dieu, & pour le salut de l'Allemagne, conuiennent & accordent entr'eux, *Que* l'Empereur arme contre ceux qui recusent ledit Concile, & les reduise à l'obissance du S. Siege: & que pour cet effect le Pape consigne dedas Venise cent mil escus, outre les cent mil qui y sont desia consignés, & qu'i- ceux ne soyent despendus ny employés à autres vsages: & qu'en outre il en- uoye à cete guerre douze mil hommes de pied Italiens, & cinq cens cheuaux legers, à ses propres frais & despens, pour le terme de six mois: qu'il octroye à l'Empereur pour la presente annee la moitié des reuechus des Eglises d'Es- pagne, & qu'il puisse aliener des rentes des Monasteres de ces Royaumes-là; iusques à la valeur & concurrence de cinq cens mil escus: que, pendant six mois, l'Empereur ne puisse faire aucun accord avec les Protestans, sans le consentement & adueu du Pape: & que de tous & chacun acquests, le Pape en ait vne certaine part & portion, & qu'apres ce terme de six mois, en cas que la guerre tire en longueur, on traite de nouveau des conditions & con- uentions, qui sembleront à toutes deux les parties plus à propos: reseruant lieu & place à d'autres à pouuoir entrer en cete ligue, en participant aux frais & aux acquests. Il y eut de plus vn article secret à part, qui touchoit le Roy de France, *Que* si, pendant cete guerre, aucun Prince Chrestien pre- noit les armes contre l'Empereur, le Pape seroit tenu de le poursuivre par armes spirituelles & temporelles.

Peu de iours apres, le Pape escriuit aux Suisses, les conuiant à le secourir: & d'entree il declaroit en termes & paroles fort ample sa bonne volonté en- uers eux, & le regret qu'il auoit de ce qu'aucuns d'entr'eux s'estoyent alte- rés de son obeyssance: & remercioit Dieu de ceux qui perseueroyent, & les louoit tous, de ce que, nonobstant cete difference de religions, ils viuoient en pais tous ensemble, en lieu qu'ailleurs, pour cete cause, il y auoit diuers troubles & tumultes: & adioustoit, que pour y remedier il auoit ordonné le Concile de Trente, sous esperance que nul ne refuseroit de s'y soumettre: dont il se tenoit pour tout asseuré, que ceux d'entr'eux qui iusques alors auoyent perseueré en l'obeyssance du S. Siege, obeïroyent au Concile, & que les autres ne le mespriseroient point. Les conuiant à y venir, se plaignit que plusieurs, qui en Allemagne se disent Princes, mesprisoyent & diffamoyent le Concile, dont toutesfois l'autorité est plus diuine qu'humaine: ce qui l'auoit mis en necessité de penser à la force & aux armes: & puis que l'Empereur ainsi auoit fait la mesme resolution, il auoit esté obligé de né- cessité de s'allier avec luy, & le secourir de son pouuoir, & des forces de

*conclusion
de la ligue
du Pape
del'Empe-
reur contre
les Protestans*

*dans le Pape
advertis les
Suisses, les
conuiant
ensemble
au Concile*

2546.

l'Eglise Romaine, pour reſtabliſſer la Religion par les armes. Et qu'il leur auoit bien voulu faire part de ce ſien conſeil & penſée, afin qu'ils ſe conſoiſſent à luy par leurs bonnes prieres, & rendiſſent à l'Eglise Romaine ſon ancien honneur & reuerence, & luy preſtaſſent aide & ſecours en vne cauſe tant ſainte & pieuſe.

*Charles V
diſſimule
la vraye
cauſe de la
guerre.*

Mais l'Empereur monſtroit d'entreprendre cete guerre, non pour cauſe de Religion, mais pour raiſon d'eſtat, & pource que quelques vns luy denioient obeïſſance, complotoyent contre luy avec eſtrangeres, & recusans d'obeïr aux loix, s'emparoyent des biens d'autrui, ſur tout Eccleſiaſtiques, & procuroyent de ſe rendre hereditaires Eueſchés, & Abbayes: & que luy Empereur auant eſſayé toutes les voyes de douceur, pour les ramener audeuoir, ils s'en eſtoient touſiours rendus plus felons & inſolens.

*laquelle les
Proteſtans
deſcendent.*

Les Proteſtans d'autre coſté talchoyent de faire conoiſſre à tout le monde que le tout procedoit des inſtigations du Pape, & du Concile de Trente, rameneuoyent à l'Empereur les Articles iurés par luy à Francfort, quand il fut creé Empereur; & proteſtoyent du tort. Mais pluſieurs des meſmes Proteſtans tenoyent le party de l'empereur, ne ſe pouuans perſuader, qu'il y euſt autres raiſons, que d'Eſtat. Et entre ceux-là eſtoit l'Archeueſque de Cologne, mentionné cy-deſſus, lequel, quoy que iugé, & depoſé par le Pape, continuoit neantmoins en ſon adminiſtration, & eſtoit obeï de ſes peuples, & ſuiuoit le party de l'Empereur, lequel auſſi le reconoiſſoit pour Electeur, & Archeueſque: & le requit par lettres, qu'il ne permiſt qu'aucun de ſes ſuiets portatſt les armes contre luy: à quoy auſſi ledit Archeueſque s'employa ſincèrement. L'Electeur de Saxe, le Landgraue de Heſſe, voyans cela, publierent auſſi vn Maniſeſte, en date du quinzieme Iuillet, monſtrans que cete guerre eſtoit entrepriſe pour cauſe de Religion, & que l'Empereur couuroit ſa penſée ſous le pretexte de venger la rebellion de quelques vns, pour diuiſer les Allies, & les opprimer tous l'un apres l'autre. Ils alleguoyent que le Roy Ferdinand, & Granucle, & autres miniſtres de l'Empereur, auoyent aſſigné la cauſe de cete guerre au meſpris du Concile: ils rememoroyent la ſentence donnee par le Pape contre l'Electeur de Cologne, & adiouſtoyent, qu'il n'y auoit nul apparence que les Prelats d'Eſpagne contribuafſent de ſi grandes ſommes de deniers de leurs propres reuenus pour autre cauſe: & monſtroyent que pour tout le demeurant l'Empereur ne pouuoit pretendre choſe aucune contre eux.

*Congrega-
tion tenue
apres la
ſeſſion, en
laquelle eſt
propoſée
l'Article de
la Grace
de Dieu à
examiner,*

Mais ce pendant que le Pape & l'Empereur preparoyent autre qu'Anathemes contre les Lutheriens, le dixhuitieme Iuin, iour d'apres la ſeſſion, fut tenue Congregation, en laquelle, apres les oraïſons accouſtumees, & l'innocation du S. Eſprit, le Secretaire lut, au nom des Legats, vn Eſcrit, dreſſé par l'aduiſ des principaux Theologiens: qui portoit, Que, ayans par inſpiration diuine condanné les hereſies cōcernantes le peche Originel, l'ordre des matieres requeroit, qu'on paſſaſt à examiner la Doctrine des modernes ſur le point de la Grace de Dieu, qui eſt la medecine du peché: & que de tant plus il eſtoit conuenable de ſuiure cet ordre, que le meſme a eſté tenu par la Confeſſion d'Ausbourg: laquelle le Concile auoit pour but de condamner toute entiere. Et eſtoyent les Peres & Theologiens auertis de recourir par prieres à l'aſſiſtance & ſecours de Dieu, & eſtre diligens, aſſidus, & exacts en eſtude: d'autant qu'en ce chef & Article ſe reſoluoyent tous les erreurs de Luther: car iceluy, ayant deſle commencement pris à impugner les Indulgences, auoit bien veu de ne pouuoir venir à bout de ſon deſſein, ſans réuerſer les œuvres de penitence, au deſaut deſquelles ſont ſubſtituées les Indulgences; & pour ce faire, s'eſtoit aduiſé, comme d'un moyen fort propre, de cete ſienne inouïe iuſtification par la ſeule foy: de laquelle puis apres il a tiré non ſeulement que les bonnes œuvres ne ſont point neceſſaires, mais auſſi en conſequence, vne licencieuſe liberté de l'obſeruation de la Loy de Dieu, & de l'Eglise: à nié l'efficace des Sacrements, & l'autorité des Pretres, & le Purgatoire, & le Sacrifice de la Meſſe, & en ſomme tous les

autres remedes pour la remission des pechés. Dont aussi par retour; voulant établir le corps de la Doctrine Catholique, il falloit premierelement renuerser cete heresie de la iustificacion par la seule foy, & condamner les blasphemmes de cet ennemy des bonnes ceutres.

Après que cet Escrit eut esté lu, les Prelats Imperiaux dirent, Que plus estoit principal & importoit l'Article proposé, plus il denoit estre traite meurement, & à propos: que l'enuoy du Cardinal Madruce au Pape, signiñoit qu'il y auoit quelque grand affaire sur le tablier, lequel il falloit aduiser de ne point troubler, ne trauerser: mais en cet entretemps traiter quelque chose de la Reformation. Les Papaux d'autre part inculquoyent, Qu'il y alloit de la dignité du Concile d'interrompre l'ordre encoinnencé de traiter conjointement en chaque Session; des points de Dogme, & de Reformation: & qu'après le Peché originel, on ne pouoit traiter autre matiere, que celle qui auoit esté proposée. Les Legats, après auoir ouï les aduis de tous; conclurent, qu'examiner les matieres, & les digerer, n'estoit point les décider definitiuelement: mais aussi que, sans vne preallable preparation, on nen pouoit venir à determination: qu'il n'estoit que bon de gagner temps, & se preparer, pour executer en son temps ce qui seroit resolu à Rome entre le Pape, & le Cardinal de Trenté au nom de l'Empereur: que l'examen de cete matiere n'empeschoit aucunement de traiter de la Reformation: attendu qu'à icelle vacqueroient les Theologiens, & à la Reformation les Peres, & les Canonistes. Suiuant cete resolution il fut conclu, que des liures de Luther, des Colloques, des Apologies, & d'autres escrits des Lutheriens, & d'autres, seroyent tirés & triés les Articlés qui seroyent mis à l'examen & censure: & furent deputés trois Peres, & trois Theologiens, pour ramasser tout ce qui seroit suggeré, & pour dresser les Articlés.

La Congregation suiuante fut tenue, pour mettre ordre aux choses de la Reformation: & en icelle le Cardinal Legat de Monte dit, Que des plusieurs années le monde se plaint de l'absence des Prelats, & Pasteurs, & iournellement roquiere leur residence: que de tous les maux de l'Eglise la cause estoit en l'absence des Prelats, & autres ayans charge d'ames, hors de leurs Eglises: que l'Eglise pouoit estre comparee à vn nauire, la perte duquel est attribué au patron absent, ven que, s'il estoit present, prelompuement il le gouuernerait & le sauuerait de naufrage. Il remonstra que les heresies, l'ignorance, & la dissolution regnent parmi le peuple: & les mauuaises mœurs & vices parmi le Clergé, d'autant que les Pasteurs estans absens & esloignés de leurs troupeaux, nul n'est soucié d'instruire le peuple, & de corriger le Clergé. Que de l'absence des Prelats est procedé, que personnes ignorantes & indignes, ont esté promues au saint Ministère, & que finalement là a esté introduit l'abus d'auancer à la charge Episcopale gens propres à toute autre chose: d'autant que ne la deuant point administrer en propre personne, en vain requerroit on qu'ils y fussent propres & idoines. Dont il concluait, qu'ordonner la residence estoit vn remède vniuersel pour tous les maux de l'Eglise, & qui autres fois auoit aussi esté employé par les Conciles, & par les Papes. Bien est vray, disoit il, qu'à cause qu'en ces temps-là les fortains n'estoyent pas en si grand nombre comme auourd'hui, ou pour quelque autre cause que ce soit, ce remède n'auoit pas esté appliqué avec des ligatures & barreaux si forts & estroits, comme à present, que le mal est venu à son comble, il est necessaire de faire, sous peines plus grieues, & plus redoutables, & par des moyens de plus aisée execution.

Cela fut approuué par les premiers aduis des Prelats: mais, quand ce vint à Iques Coutrots, Eueque de Vaïson, Romain, à dire le sien, il loua bien ce que les autres auoient dit: mais adiousta, Qu'il croyoit de vray qu'anciennement la presence des Prelats & Curés auoit esté la cause de maintenir la pureté de la foy parmi le peuple, & la discipline parmi le Clergé: mais aussi qu'il se faisoit fort de monstrer clairement, que leur absence es siècles prochainement passés n'estoit nullement la cause du renuersement contraire:

1546.

es les Prelats Importunités de nouueaux y opposent requerré qu'il traite de la seule Reformation, mais les Papaux le gagnent.

autre Congregation nommée Reformation, en laquelle est remis sus le point de la residence

mets l'aueu que de Vaïson démontre que les exipiens & privilèges donnés par le Pape

1546.

*elle inutile
& d'inu-
grable l'ar-
bitraire,*

& que la coustume de ne point résider auoit esté introduite, d'autant que la résidence estoit tout à fait inutile. Qu'ès prochains derniers temps les Euesques n'ont pu operer chose quelconque pour la conseruation de la sainte doctrine parmy le peuple, dès que les Moynes, & Queteurs ont eu autorité de prescher contre leur vouloir. Que chacun fait que les nouveautés d'Allemagne sont nees des predications de Frere Iean Teizel, & de Frere Martin Luther. Qu'en Suisse le mal auoit eu son origine des sermons de Frere Samson de Milan: & qu'un Euesque resident n'auroit pu, contre ces gens-là, armés de priuileges, que combattre & perdre. Que l'Euesque ne peut procurer honnêteté de vie parmi le Clergé, attendu que, outre l'exemption generale de tous les Reguliers, chaque Chapitre à la sienne particuliere: & mesmes iusques aux simples Prestres il y en a fort peu, qui n'ayent ce bouclier & armure. Qu'il n'est pas au pouuoir de l'Euesque de faire que perfonnes capables soyent promues au saint Ministère, à cause des licences & permissiōs de *promouendo*: & des pouuoirs qu'ont les Euesques titulaires, & ambulatories qu'y n'ont pas mesmes laissé aux Euesques diocesains le ministère de leurs Eglises Episcopales: & en un mot, on peut dire, Que les Euesques ne résident pas, d'autant qu'ils n'ont rien à faire: & de plus encor, pour ne donner occasion à de plus grands inconueniens, comme sans doute ils naitroient de la concurrence & esclat avec les priuilegies. Dont il conclut, que comme on iugeoit necessaire le rétablissement de la résidence, on traitoit aussi pareillement de remettre sus l'autorité Episcopale: Les autres Euesques qui parlerent apres ce Prelat, suiuirent le mesme aduis, Qu'il estoit bien necessaire d'ordonner la résidence, mais qu'il falloit oster & retrancher les exemptions qui l'empeschoyent. Et les Legats furent contrains d'accorder qu'on traitast de l'un & de l'autre, que chacun mist en consideration & exposast ce qui luy en sembloit, & qu'on deputast des Peres, qui formassent le Decret pour estre examiné.

*dint s'il
d'aduis. Su-
la forme de
Articles de
la Grace, &
examiner
ce c'est, me*

Les deputés à recueillir les Articles de la iustification, apres auoir receut les extraits des propositions remarquées pour estre censurées, ne se trouuerent pas bien d'accord. Vne partie d'entr'eux vouloit, qu'on traitast quatre ou six Articles fondamentaux de la nouuelle doctrine, & que ceux-là fussent condamnés, comme on auoit fait en l'Article du Peché original: allegans, qu'il falloit suiure le style encommencé, & l'exemple des anciens Conciles, lesquels se contentoient de declarer l'Article principal, & de condamner l'heresie, sans descendre aux propositions particulieres: lesquelles toutes ils comprenoient en la condamnation des liures heretiques; & de toute leur pernicieuse doctrine. Et qu'ainli requeroit la bienseance du Concile. Mais l'autre partie visoit à soumettre à la censure toutes les propositions, qui pouuoient receuoir sens sinistre, avec intention de condamner celles qui le meritoient: disant, Que le deuoir du Pasteur estoit de discerner fort exactement les bonnes herbes d'avec les nuisibles, & interdire totalement celles-cy à son troupeau: veit que la moindre d'icelles, negligée, & prise pour bonne & saine, pouuoit infecter par sa qualité veneneuse tout le troupeau. Et, si on vouloit imiter l'exemple des anciens Conciles, il falloit ensuiure celui d'Ephese: lequel sur la doctrine de Nestorius fit ces fameux Anathemes en si grand nombre, lesquels comprennent tout ce qui fut dit par cet heretique: & ceux d'Afrique contre les Pelagiens, lesquels descendent aux particulieres condamnations de toutes les propositions d'icelle Secte.

Il est certain que le premier aduis proposoit vn moyen plus aisé, & auroit grandement agréé à tous ceux qui desiroient bien tost la fin du Concile: & mesme laissoit quelque petite ouuerture à l'appointement, que le temps eust pu porter. Toutesfois le dernier fut embrassé, & fut dit, Qu'il estoit bon d'examiner toutes les propositions de la doctrine Lutheriene, pour censurer & condamner puis apres ce, qui, apres meure deliberation, sembleroit necessaire, & conuenable: dont furent dressés vintcinq Articles. Le premier estoit, Que la foy seule, toutes les autres ceuures exclues, est suffisante à salut,

*en fin vint
cing Arti-*

& iustifie toute seule. Le deuxieme, Que la foy qui iustifie, est la confiance, & certaine assurance, par laquelle l'homme croit & est persuadé que ses pechés luy sont remis pour l'amour de Christ: & que les iustifiés sont tenus de croire assurement, que les pechés leur sont remis & pardonnés. Le troisieme, Que par la foy seule nous pouons comparoître deuant Dieu; lequel ne se soucie, & n'a besoin d'œuvres: que la seule foy rend l'homme pur & net de peché, & digne de receuoir le Sacrement de l'Eucharistie, ayant certaine foy qu'en iceluy il receura la grace. Le quatrieme, Que les hommes, qui font actions honnestes; & vertueuses sans le Saint Esprit, pechent: d'autant qu'ils les font avec vn cœur mauuais: & qu'observer les commandemens de Dieu sans foy, est peché. Le cinquieme, Que la bonne penitence est la vie nouuelle, & que la penitence de la vie passée n'est point necessaire, & que la penitence des pechés actuels ne dispose point à receuoir la grace. Le sixieme, Qu'aucune disposition n'est necessaire à la iustification: & que la foy ne iustifie point pource qu'elle d'ispose l'homme, mais pource qu'elle est vn moyen & instrument, par laquelle on apprehend & embrasse la promesse, & la grace de Dieu. Le septieme, Que la crainte de l'Enfer, & des peines éternelles, ne profite en rien pour acquerir la iustice: ains nuit, & est peché, & rend les pecheurs plus meschans. Le huitieme, Que la condition, qui naît de la recherche, examen, ressouvenance, & detestation des pechés, lors que l'homme pese la griueté, multitude & laidure d'iceux; ou la perte de la beatiude éternelle, & l'acquisition de la perpetuelle damnation, ne fait que le rendre hypocrite, & plus grand pecheur. Le neuuieme, Que les frayeurs, dont les pecheurs sont espouuantes ou interieurement par Dieu mesmes, ou exterieurement par les precheurs & sermonneurs, ne sont autre chose que peché, iusques à tant qu'ils ne sont surmontés par la foy. Le dixieme, Que la doctrine des dispositions & preparations; en l'homme, destruit celle de la foy, & rait la consolation aux consciences. L'onzieme, Que la seule foy est necessaire: & que les autres choses ne sont ne commandees, ne defendues: & qu'il n'y a autre peché, que l'incrédulité. Le douzieme, Que qui a la foy, est affranchy des commandemens de la Loy, & n'a besoin d'œuvres, pour estre sauué: d'autant que la foy fournit abondamment toutes choses, & seule accomplit les commandemens, & nulle œuvre du fidelle n'est si meschante, qu'elle le puisse acuser, ou condamner. Le treizieme, Que l'homme baptizé ne peut perdre son salut, pour peché quelconque: sauf s'il ne veut croire: & nul peché ne separe de la grace de Dieu, sinon l'infidelité. Le quatorzieme, Que la foy, & les œuvres, sont contraires entr'elles, & ne peut-on enseigner la doctrine des œuvres, sans perte & interest de la foy. Le quinzieme, Que les œuvres exterieures de la seconde table sont hypocrisie. Le seizieme, Que les hommes iustifiés sont exempts & affranchis de toute coulpe, & peine: & nulle satisfaction n'est necessaire, ny en cete vie ny apres la mort: & pourtant qu'il n'y a point de Purgatoire, ny aucune satisfaction qui soit partie de la penitence. Le dixseptieme, Que les iustifiés, encor qu'ils ayent la grace de Dieu, ne peuuent accomplir la loy, ny euitier les pechés, non pas mesmes seulement les mortels. Le dixhuitieme, Que l'obeissance à la loy des iustifiés est bien miche & petite, & d'elle-mesmes, est impure, & n'est agréee, sinon à l'esgard & en contemplation de la foy de la personne reconciliée, qui croit que les restes du peché luy sont pardonnés. Le dixneuuieme, Qu'en toute bonne œuvre le iuste peche, & ne fait aucune œuvre, qui ne soit peché veniel. Le vingtieme, Que toutes les œuvres des hommes, voir tressainés, sont pechés: que les bonnes œuvres du iuste sont pechés veniels, par la misericorde de Dieu; mais que selon la rigueur du iugement de Dieu, ils seroyent mortels. Le vintiunieme, Que, combien que le iuste doive estre en doute, que ses œuvres ne soyent autant de pechés, il doit toutesfois estre quant & quant assuré qu'iceux ne luy sont point imputés. Le vintdeuxieme, Que la grace, & la iustice, ne sont autre chose, que la volonté de Dieu: & que les iustifiés n'ont auene iustice.

*difficulté à
les bien-
entendre, &
veuiller.*

inherent en eux, & que les pechés ne sont point effacés ni exterminés en eux, mais seulement remis, & non imputés. Le vinttroisieme. Que nostre iustice n'est autre chose, quel'impunition de la iustice de Christ: & que les iustes ont besoin d'une continuelle iustification, & imputation de la iustice d'iceluy. Le vintquatrieme; Que tous les iustifics sont reçus à egale grace, & gloire: & que tous les Chrétiens sont en iustice egaux & pareils à la Mere de Dieu, & Saints au pair d'elle. Le vintcinquieme, Que les œuvres du iustifics ne sont meritoire de la beatitude, & qu'en icelles ne peut estre colloquee aucune confiance, mais seulement en la misericorde de Dieu.

Dés que ces Articles eurent esté produits, on eut plus de peine à trouver quelque bon moyen d'en traiter és Congregations, qu'on auoit eu en disputant du Peché originel: d'autant qu'en cettuy-cy ils auoyent trouué les matieres toutes traitées, & digerées par les Docteurs Scholastics: mais l'opinion de Luther touchant la foy iustificante, qui porte que c'est vne certaine asseurance & persuation fondée en la promesse de Dieu, avec toutes les autres propositions qui en suivent, de la distinction & difference de la Loy & de l'Euangile, & de la qualité des œuvres, qui dependent ou de l'un, ou de l'autre, n'auoit iamais esté non pas mesmes imaginée par aucun autheur Scholastic, & partant aussi ne réfutée, ne disputée. Dont les Theologiens ahaïoyent bien fort, premierelement à bien entendre le sens des propositions Lutheriennes, & leur difference d'avec celles qui auoyent esté déterminées és Escholes: puis apres aussi à conceuoir les moyens de les distinguer. Il est bien certain, qu'au commencement aucuns d'entr'eux, & la plus part des Peres, croyoyent que les Protestans niant le franc Arbitre, tinssent que l'homme, és actions externes, est comme vne pierre, ou foudre, & qu'attribuans la iustice à la seule foy, sans cooperation d'œuvres, ils reputassent iuste l'homme; lequel seulement croit à l'histoire, & narration de l'Euangile, viuant au reste meschamment tant qu'il voudra: & autres tels absurdités, d'autant plus difficiles à réfuter, qu'elles sont estranges & esloignées du sens commun: selon qu'il aduiet ordinairement à toutes les opinions contraires à la manifeste apparence, & à la persuation receuë du commun.

Entre les Theologiens, qui iusques alors estoient crus iusqu'au nombre de quarante cinq, la plus part estoit fort oblinément ahurtée aux opinions generalement reçues és Escholes, & impatiente d'ouïr parler au contraire du consentement des Scholastics: & là où les sectes Scholastiques ne s'accordent, chacun d'eux se formalisoit & passionoit grandement pour la siene, & sur tout les Iacopins, accoustumés à se vanter, que par l'espace de trois cens ans l'Eglise n'auoit surmonté les heresies, que par leur moyen. Il y en auoit toutesfois quelques vns bien sensés, & d'esprit bien fait, qui se rendoyent capable de surseoir leur iugement, iusques à ce que les raisons fussent pesées. De ce nombre estoit Frere Ambroise Catarin, Siennois, Iacopin, qui depuis fut crée Euesque de Minori, & vn Cordelier Espagnol, nommé Andre de Vega: & vn Carme, nommé Anthoine Marinier. Les Augustins Eremitains, & sur tout leur General, Ierome Scipande, affectoyent de ce monstrier plus que tous les autres contraire à Luther, pource qu'ils estoient de l'ordre, dont iceluy estoit sorty.

*recherche de
la qualité
& nature
de la foy
iustificante*

En l'examen des Articles, les principaux d'entre les Theologiens, pour faciliter & applanir l'intelligence des trois premiers, se mirent à rechercher qu'elle est cete foy qui iustifie, & quelles œuvres elle exclud, les distinguant en trois especes, les vnes qui precedent la grace de Dieu, desquelles parlent les sept Articles suiuians, iusques au dixieme: les autres qui concourent au mesme instant avec l'infusion de la grace: & les troisiemes, qui suivent apres la grace receuë, dont parlent les autres onze Articles. Que la foy iustifie, il le fist bien passer sans contredit pour indubitable, attendu que S. Paul le dit, & résister tant de fois. Mais, pour résoudre qu'elle est cete foy, & comment elle rend l'homme iuste, les opinions furent de l'entree différentes. d'autant que la Sainte Escriure attribue plusieurs & diuerses vertus à la foy,

lesquelles quelques vns ne sauoient comment appliquer & rapporter à vne seule foy : dont ils iugerent qu'il y auoit de l'ambiguité, & amphibolie en ce terme de foy, & le distinguèrent en plusieurs significations : disans que quelques fois il se prend pour l'obligation à tenir les promesses, auquel sens S. Paul dit, Que l'incrudulité des Juifs n'a point aneanty la foy de Dieu. Quelques fois auu, pour la vertu de faire miracles, comme quand le mesme S. Paul dit, Si l'auoist la foy en tel degré que ie püsse transporter les montagnes, &c. Quelques fois, pour la conscience, auquel sens le mesme S. Paul dit, Que l'œuvre, qui n'est de foy, est peché. Quelques fois de rechief, pour vne assurance & fiance en Dieu, qu'il tiendra les promesses : & en ce sens S. Iacques veut que la priere soit faite en foy sans douter. Finalement pour vne persuasion, & ferme assentiment, quoy que non bien demiesse, clair & euident, aux choses que Dieu a reuelees. Autres adioustoient encores autres significations, les vns iusques au nombre de neuf, les autres iusques à quinze.

Mais Frere Dominique de Soto s'opposoit à eux tous, disant, Que c'estoit dechirer la foy, & donner l'ausee gaignee aux Lutheriens : & que le mot de foy ne pouuoit estre pris qu'en deux significations : la premiere pour la verité, & loyauté de celuy qui affirme où promet quelque chose : l'autre, pour l'assentiment de celuy qui escoute. Que la premiere est en Dieu ; la seconde seulement en nous : & que de celle-cy se doiuent entendre tous les passages del'Escripture, qui parle de nostre foy : & que de prendre le mot de foy, pour vne confiance & assurance, c'estoit vne maniere non seulement impropre, mais faulse, & abusive, & jamais vsee par S. Paul. Que la confiance n'estoit en rien du tout ; où certes en bien peu, differante de l'esperance : & pourtant, qu'il falloit tenir pour erreur indubitable, voire heresie, l'opinion de Luther, Que la foy iustificante est vne assurance & certaine persuasion en la pensée & au cœur du Chrestien, que ses pechés luy sont pardonnés pour l'amour de Christ. Soto adioustoit, & en cela estoit suiuy de la plus part, Qu'une telle assurance ne peut iustifier, d'autant que c'est vne temerité, & peché : veu que l'homme ne peut acertener d'estre en grace, sans presumption, ains doit tousiours estre en doute & incertitude.

Catarin, au contraire, tenoit, & auoit aussi de son costé assez grande suite, Que de vray la iustification ne prouenoit point de cete assurance mais que toutesfois le iuste, pouuoit & deuoit estre persuadé par foy d'estre en grace. André Vega mit en champ vne troisieme opinion, Que, sans peché, on pouuoit auoir vne persuasion coniecturale, laquelle n'estoit vne temerité, ny moins aussi foy absolue, & certaine. Cete controuerse ne pouuoit estre oisive ; d'autant que sur ce point est vne fondée toute la Censure à faire sur le second Article : & pourtant, apres auoir esté d'abord legerement ventillée, les partiés s'eschaufferent du depuis, iusques-là, que pour vn long temps le Concile en fut diuisé, & longuement en dispute, pour les causes & raisons, qui seront deduites cy après. Mais, estans tous d'accord, que la foy iustificante est l'assentiment à toutes les choses que Dieu a reuelees, ou que l'Eglise a déterminées pour estre cruës, & icelle estant ores avec la charité, ores sans icelle, ils la distinguèrent en deux especes : l'une qui est es pecheurs, laquelle les Escholes nomment foy informe, solitaire, oisive, ou morte : l'autre qui est seulement es bons & vrais fideles, & opere par charité, & pourtant est appelee Formee, efficaceuse, & viue. Et icy naquist vne autre controuerse, les vns voulans que la foy, à laquelle la S. Escripture attribue le salut, la iustice, & la sanctification, soit la seule foy viue, comme aussi il auoit esté tenu par les Catholics en Allemagne, es Colloques, & Conferences ; & qu'elle comprenne en foy la connoissance des choses reuelees, les preparacions de la volonté, & la charité, en laquelle est enclost tout l'accomplissement de la Loy : & qu'en ce sens on ne peut dire, Que la seule foy iustifie ; attendu que l'une n'est pas seule, estant formee par la charité. Entré ceux cy le Carme Marinier n'approuuoit point cete façon de parler, Que la foy

laquelle Soto
reduit à
deux sens.

ex. Luant
entièrement
la confiance
& assen-
tance.

si c'est de
par Catarin
& malisè

par Vega...
différents &
diuifités
d'auoir tou-
chant la foy

1546.

est formée par la charité, d'autant que S. Paul n'en use point, mais seulement, Que la foy opere par la charité.

Autres entendoient que la foy iustificante est la foy en general, sans descendre aux particularités, de viue, ou de morte: d'autant que l'une & l'autre iustifie en diuerses façons: ou par faitement; comme fait la viue: ou bien par forme de commencement, ou fondement, comme fait la foy historique: & que de celle-cy parle tousiours S. Paul, quand il luy attribue la iustice: non autrement que quand on dit, qu'en l'Alphabet est toute la philosophie: sauoir est, comme en vne base, qui n'est comme rien, au prix du beaucoup qui reste à faire, qui est la statue & figure à mettre dessus. Cete seconde opinion estoit soutenue par les Cordeliers & Iacopins coniointement, & la premiere par le Carme Marinier, suivi aussi de ses adherans. Toutesfois le point où gist le nœud, & où tourne le puiot & la difficulté, ne fut point touché, assauoir, si l'homme premierement est iuste, & puis œuvre choses iustes ou bien, si en les œuvrant il deuiet iuste. Bien s'accordoyent-ils tous en cet aduis,

et accord

dier la iust

fication pa

la seule foy

Que de dire, que la seule foy iustifie, est vne proposition, qui peut receuoir plusieurs sens, mais tous absurdes: d'autant que Dieu iustifie, & les Sacremens aussi: mais dans le genre des causes, conuenable à l'un, & à l'autre: dont la

proposition souffre cete exception, & autres semblables: que de mesmes la preparation de l'ame à receuoir la grace est cause en son genre, & par consequent la foy ne peut exclurre cete sorte d'œuvres. Pourtant, quant aux Articles, qui parlent des œuvres qui precedent la grace, lesquelles Luther auoit toutes accusees de peché, les Theologiens, plus par forme d'ineffectiue qu'autrement, les censurerent tous: condannans de mesmes, comme heretique, cete sentence prise generalement, Que toutes les œuvres humaines,

différentes

su

les œuvres

precedentes

la grace.

sans la foy, sont peché: tenans pour chose toute euidente, qu'il y a plusieurs actions humaines purement indifferentes, & plusieurs autres aussi, lesquelles, quoy qu'elles ne soyent point agreables à Dieu, sont toutesfois moralement bonnes: & que telles sont les œuvres vertueuses des infideles, & des Chrestiens pecheurs: lesquelles on ne peut, sans manifeste contradiction, appeler tous ensemble actions vertueuses, & pechés: sur tout, ven qu'en ce nombre sont comprises les œuvres heroïques, tant celebrees par l'Antiquité. Mais

Catharin soutint, que, sans l'ayde & assistance speciale de Dieu, il est impossible à l'homme de faire œuvres aucune, qui puisse estre appellee veritablement bonne, mesmes moralement: & qui ne soit purement & simplement peché. Et pourtant, que toutes les œuvres des infideles, les quels Dieu ne meut & n'excite point pour venir à la foy: comme aussi toutes celles des fideles pecheurs, auant que Dieu les meue à la conuersion, sont vrayes pechés, quoy qu'aux hommes elles semblent honnestes & vertueuses, voire mesmes heroïques: & qui les louë, ne les considere qu'en leur genre, & en l'apparence extérieure: mais qui les examinera en toutes & chacune leurs circonstances, y trouuera du vice, & de la peruersité: & pourtant que Luther n'estoit point à condannier en cela: mais bien deuroient estre censurés les Articles, entant qu'ils parlent des œuvres, qui suivent la grace preuenante, & sont preparations à la iustification, telle qu'est la derestation du peché, la crainte de l'enfer, & les autres terreurs de la conscience. Pour confirmation de son aduis, il produisoit la doctrine de S. Thomas d'Aquin, Que pour faire vne œuvre bonne, le concours de toutes les circonstances y est nécessaire: & qu'au contraire, pour la faire mauuaise, suffit qu'une seule y manque: dont, quoy qu'aucunes œuvres, à les considerer en leur genre, soyent indifferentes, toutesfois à les prendre en la singularité, & indiuidu, il n'y a nul milieu, entre auoir toutes les circonstances nécessaires, ou en defaillir de quelque: & pourtant, que chaque particuliere action est ou bonne ou mauuaise, & ne s'en trouue point d'indifferente: &, veu qu'entre les circonstances, le but & l'intention en est l'une, toutes les œuvres rapportées à mauuaise fin, sont infectées & corrompues: or les infideles rapportent tout ce qu'ils font au but de leur secte, qui est mauuais: dont leurs actions, quoy qu'elles semblent heroïques

ques à qui ne void, ny ne considère l'intention, sont neantmoins peches, & n'y a point de difference, si le rapport à but mauuais est actuel ou habituel attendu que le iuste, quoy qu'il ne rapporte pas actuellement son œuvre à Dieu, mais seulement habituellement, ne laisse pas de meriter. Il disoit de plus, s'appuyant sur l'autorité de Saint Augustin, que c'est peché non seulement de rapporter son action à mauuaise fin, mais aussi de ne la point rapporter à la bonne, à laquelle on est tenu de la rapporter. Et d'autant qu'il maintenoit que, sans speciale ordre prouenant de Dieu, l'homme ne peut rapporter à Dieu chose aucune, il concluoit qu'auant icelle il n'y pouuoit auoir aucune bonne œuvre morale. A cct effet il allegoit plusieurs passages de Saint Augustin, lequel se monstroït à l'œil auoir esté de mesme sentiment. Il alleguoit aussi des passages de S. Ambroise, de Prosper d'Aquitaine, d'Anselme & d'autres Peres.

Il produisoit aussi Gregoire de Rimini, & le Cardinal de Rochester, lequel en son liure contre Luther auoit tout ouuertement sency le mesmes: & disoit, Qu'il valoit mieux suivre les Peres, que les Scholastiques qui se contrarient l'un à l'autre: & qu'il falloit s'en tenir au fondement des Escriptions, dont on puise la vraye Theologie, & non des arguées & subtilités de Philosophie, laquelle les Escholes n'ont que par trop suivie. Que luy-mesmes auoit esté de cete opinion, mais que ayant estudié les Escriptions, & les Peres, il auoit trouué la verité: & faisoit grand force sur le passage de l'Euangile, Que l'arbre mauuais ne peut faire bons fruits: avec l'amplification que nostre Seigneur y auoit adioustee, Faites l'arbre bon, & les fruits seront bons: & l'arbre mauuais, & les fruits seront mauuais. Et sur tous argumens il employoit avec beaucoup d'efficace le passage de S. Paul, Qu'aux infideles chose aucune n'est pure: d'autant que leur pensée & leur conscience est impure, & maculee.

Cete opinion estoit combatue par de Soto avec grande animosité, iusques à l'eschafauder: comme heretique, d'autant que par icelle Cararin inferoit, Que l'homme n'est point en liberté de bien faire, & qu'il ne peut obtenir son but naturel: ce qui n'est autre chose, que nier le franc Arbitre, avec les Latheriens. Et luy au contraire soustenoit, que l'homme, par les seules forces de nature, peut observer toutes les commandemens de la Loy, quant à la substance de l'œuvre, quoy que non quant au but, & à la fin: & que cela suffisoit pour euitier le peché: & disoit, Qu'il y a trois sortes d'œuvres humaines: l'une, la transgression de la Loy, qui est le peché: l'autre, l'observation d'icelle pour fin de charité, & que cete-cy estoit meritoire, & agreable à Dieu: & la troisieme moitoyenne, quand on obeit à la Loy, seulement à l'esgard de la substance du commandement: & qu'une telle œuvre est bonne moralement, & est parfaite en son genre: & que qui accomplit ainsi la Loy, & fait toute œuvre moralement bonne, euitie tout peché. B'en est vray, qu'il moderait cete si grande perfection de nostre nature, adioustant pour correctif, qu'autre chose est se garder de quelque peché que ce soit, & se garder de tous pechés ensemble: disant, que l'homme se peut bien garder de chaque peché, mais non de tous: donnant pour exemple, & similitude, vn homme, qui auroit vn vaisseau percé en trois diuers endroits: dont, n'ayant que deux mains, il ne peut boucher tous les trois pertuis à la fois, mais bien l'un, ou les deux qu'il voudra, l'un demeurant toujours ouuert de necessité. Cete doctrine ne contentoit point quelques vns des Peres: d'autant que, quoy qu'elle demonstroit clairement que toutes œuvres ne sont pas peché, elle ne sauoit pas pourtant entièrement le franc Arbitre: attendu que d'icelle suluoit cete consequence necessaire, Que le franc Arbitre ne fera pas tout à fait libre pour euitier tous pechés. D'ailleurs, Sot, qualifiant cps semblables œuvres pour bonnes, se trouuoit bien empesché & gehenné à determiner, si elles estoient preparatoires à la justification. Pour luy, il eust bien iugé qu'elles l'estoient, attendu leur pretendue bonté: mais, considerant la doctrine de saint Augustin, approuuée par saint Thomas,

1546. & par tous les bons Theologiens, qui porte, Que le premier commencement du salut est de la vocation de Dieu, il estoit porté à sentiment contraire. En fin, il se demessa de ce destroit, par vne distinction, Qu'elles sont preparatoires de tres-loin, & non de pres: comme si, donnant aux forces de la nature vne preparation de loin, on ne rauissoit point le premier principe à la grace de Dieu.

Les Cordeliers vouloyent que les œuvres de cete sorte non seulement fussent bonnes, & preparassent à la iustification vrayment, & proprement: mais aussi, qu'elles fussent en certaine façon meritoires enuers Dieu: d'autant que l'Escot, fondateur de leur doctrine, inuenta vne sorte de merite, lequel il attribue aux œuvres faites par les forces & vertu de la seule nature: disant, Qu'elles meritent la grace par congruité: c'est à dire, par vne certaine loy & conuenance bien-seante à la nature de Dieu, & infailliblement: & que l'homme, par vertu simplement & purement naturelle, peut auoir vne telle douleur du peché, qui soit vne disposition & vn merite de congruité pour l'effacer: autorisant vn dire commun de son temps, Que Dieu ne defaut iamais à celuy qui fait tout ce que portent & permettent les forces. Aucuns de ce mesme ordre des Cordeliers passoyent bien plus outre, disans, Que si Dieu ne donnoit la grace à celuy qui fait ce qu'il peut selon les forces, il seroit iniuste, inique, partial, & accepteur de personnes. Et desclaquoyent avec beaucoup d'indignation & de passion, Que ce seroit vne grande absurdité, si Dieu ne faisoit point de difference entre vn qui vescuist naturellement selon vertu & honnesteté, & vn autre qui fust plongé en tout vice: & qu'autrement il n'y auroit aucune raison, pour laquelle il donnaist la grace plus à l'un qu'à l'autre. Ils allegoyent que saint Thomas aussi auoit esté de cete opinion: & que disant autrement, on mettoit l'homme en desespoir, & le rendoit-on negligent à faire bonnes œuvres, & donnoit-on moyen aux mechans d'excuser leurs meschantes œuvres, & de les attribuer au defect de l'aide de Dieu.

Mais les Iacopins aduoüoyent bien, que S. Thomas en sa ieunesse auoit tenu cete opinion, mais qu'en sa vieillesse il l'auoit retractée: & eux la censuroyent, d'autant qu'au Concile d'Oranges il auoit esté déterminé, Qu'aucune sorte de merite ne precede la grace de Dieu, & qu'à Dieu doit estre attribué le commencement de tout. Que pour ce merite de congruité les Lutheriens auoyent fait de si grands vacarmes contre l'Eglise, qu'il le falloit totalement abolir, comme aussi iamais on n'en auoit ouï parler es temps anciens de l'Eglise, en tant de disputes contre les Pelagiens: que la sainte Escriure attribue nostre conuersion à Dieu, & qu'il ne falloit se departir de la façon de parler d'icelle.

Quant aux preparations, il n'y eut point de differend en la substance de la Doctrine: tous tenoyent, qu'apres l'excitation & premier mouuement inspiré de Dieu, naissoit la crainte, & les autres considerations & apprehensions de la malignité qui est au peché: & censurerent pour heretique, l'opinion, qu'icelles fussent chose mauuaise: attendu que Dieu exhorte le pecheur, ains le meurt & incite à ces apprehensions: or ne peut on point dire, que Dieu meue à peché. Et en outre, le deuoir du prescheur n'est autre, que d'effrayer l'esprit du pecheur par ces moyens: & veu que tous, par cete voye, passent del'estat de peché à l'estat de grace, il sembloit fort estrange de dire qu'on ne peust passer du peché à la iustice, sinon que par l'entredoux d'un autre peché: mais pour tout cela ils ne pouuoient se desmesler de la difficulté à l'opposite, qui estoit, que toutes les bonnes œuvres peuent estre ensemble avec la grace: mais cete crainte, & les autres preparations, n'y peuuent estre, doncques elles sont mauuaises. Frere Antoine Marinier estoit d'aduís, que le differend n'estoit qu'es termes & paroles: & disoit, que, comme passant d'un grand froid au chaud, on passe par vn degré inferieur & moindre de froid, qui n'est ne chaud, ne nouveau froid, mais le mesme froid amoindri, & rabatu: ainsi du peché à la iustice on passe par les erreurs &

aduis
uer: tombé
les prepa-
rations,

froissures de cœur, qui ne sont ne bonnes œuvres, ne pechés nottueux, mais les mesmes vieux peché, extenués : & appetissés. Mais, d'autant que tous les autres Theologiens luy estoient contraires en cecy, il fut contraint de se reracter. Quant aux œuvres faites en l'estat de grace, il n'y eut entre eux aucune difficulté, attendu que tous unanimement affermyerent qu'elles sont parfaites, & meritoires de la vie éternelle : & que l'opinion de Luther, qu'elles sont toutes peché, est meschante & d'annable : & que c'est blasphème de dire, que la Bien-heureuse Vierge ait commis le moindre peché veniel : & donques comment pourroyent les oreilles ouïr patiemment qu'elle eut peché en toutes & chacunes ses actions : La terre, & l'enfer, ne deuroyent-ils point ouvrir leur gueule contre si grands blasphèmes.

Au point de l'essence & nature de la grace de Dieu, pour la censure des articles vintdeuxieme, & vinttroisieme, tous considerent en commun, que le mot de Grace, en la premiere signification, se prend pour vne bien-vuillance, ou bonne volonté : laquelle, quand elle se trouve en quelcun qui en ait le pouvoir, engendre de necessité vn bon effet, qui est le don, ou le benefice, lequel est aussi appelé Grace. Que les Protestans auoyent pensé, que Dieu fait part aux hommes seulement de sa bonne volonté, comme s'il n'estoit en son pouvoir de faire d'auantage : en lieu que la Tout-puissance de Dieu requiert, que sa bonne volonté soit suivie d'un benefice en effet. Et d'autant qu'on auroit pu dire, que la seule volonté de Dieu, qui est Dieu mesmes ne peut auoir chose aucune de plus, & au dessus de soy, & que mesmes c'est vn benefice souverain de nous auoir donné son Fils : & que S. Iean, voulant monstrier le grand amour de Dieu enuers le monde, n'auoit allegué autre chose, sinon, Qu'il auoit donné son Fils vnique : ils adioussuyent, que ce sont benefices communs à tous, & qu'il estoit conuenable qu'il fût vn don propre à vn chacun. Et que pour cete cause les Theologiens ont adiousté à cete grace de bien-veillance, vne autre grace habituelle, donnée à chacun homme iuste à part, laquelle est vne qualité spirituelle, créée de Dieu, & infusée dans l'ame, par laquelle elle est rendue plaisante & agreable à Dieu : & quoy que les Peres n'en ayent fait aucune expresse mention, & moins encor la Sec. Escriture, toutesfois on la recueille clairement du mot iustifier : car iceluy estant effectif, de necessité signifie autant que, Faire iuste, par impression de reele justice : & cete realité ne pouuant estre vne substance, n'est donques autre chose, qu'une qualité, & habitude.

A cete occasion on dit & traite beaucoup de choses contre les Lutheriens, *touchant la Grace.* qui n'admettent pas que le mot iustifier soit effectif, mais veulent qu'il soit *touchant le mot de luy,* iudiciel, & declaratif, se fondans sur le mot Hebreu, *hesadec*, & sur le *lister.* Grec *hagis*, qui signifient, prononcer & declarer iuste : ce qu'ils preuuent par plusieurs passages de l'Escripture du Vieil & du Nouveau Testament : comme aussi ce mot est pris en ce sens mesme en la Version Latine, de laquelle on produisoit iusques à quinze passage. Mais de Soto excluait de ce rang tous ceux de S. Paul, qui parlent de nostre Iustification, & disoit, Qu'en ceux-là ceterme ne se peut prendre en autre sens, qu'effectif : dont naquit vn grand estrif entre luy & le Carme Marinier, auquel ne pouuoit agreer, qu'on prist vn fondement si leger, & friuole. Mais bien disoit, que l'article de la grace habituelle ne pouuoit estre reuocqué en doute, ayant esté décidé au Concile de Vienne, & estant passé en opinion commune de tous les Theologiens : & que c'estoyent là les bons & solides fondemens, qu'il falloit poser, lesquels ne peuvent estre renuersés : & non point de vouloir maintenir, que, quand S. Paul aux Romains dit, que Dieu iustifie, il n'entend pas cela en sens declaratif : ce qui est manifestement contre le texte, qui met vne forme de proces iudiciel, disant, Que nul ne peut accuser ne condamner les Elus de Dieu, d'autant que c'est Dieu qui les iustifie : là où, les verbes iudiciels, d'accuser & de condamner, monstrent que celui de Iustifier est aussi pareillement vn terme de plaidoyerie.

Mais les Cordeliers prouuoient la grace habituelle, parce que la charité

1546.

*touchant
l'imputation
de la justice
de Christ.*

*toutes ma-
tières de ba-
tisme par ca-
lale d'estes-
plus que
celle de vi-
vié.*

*le Pape pu-
blie à Rome
un Jubilé
pour la
guerre contre
les Protest-
ants de guerre
de religion.*

est vne qualité & habitude : & en cet endroit y eut vne aspre & forte dispute entr'eux, & les Iacopins, si la qualité de la grace est la mesme que celle de la charité, comme veut l'Escot : ou, si s'en est vne autre distincte, comme veut S. Thomas d'Aquin : & l'une des parties ne voulant ceder à l'autre, on passa iusques à rechercher, si, outre cete grace, ou iustice inherente, la iustice de Christ n'est point aussi imputee à l'homme iustificié, de mesme comme si elle estoit sienne propre : & ce, à cause de l'opinion d'Albert Pighius, lequel, aduouant la iustice inherente, auoit neantmoins adionsté, qu'il ne fa-
loit se fier en icelle, ains en la iustice de Christ, qui nous estoit imputee, comme si elle estoit nostre. Nul ne mettoit en doute, que Christ n'eust mé-
rité pour nous : mais aucuns blasmoient ce terme, d'Imputer, & vouloyent qu'il fust aboly, & supprimé : attendu qu'il ne se trouuoit point es escripts des Peres, qui se sont contentés des noms de communication, participation, diffusion, deriuation, application, conionction. Autres disoyent que, puis qu'il constoit de la chose, il ne faisoit point faire force sur vne pa-
role, laquelle chacun void signifier iustement le mesme que les autres, & laquelle, quoy que non communément par tous, ne frequemment vñee, l'auoit toutesfois esté quelquefois par quelques vns : & là dessus estoit produit Saint Bernard, en son Epistre centneufuiesme : & Vega soustenoit que de vray ce mot, quoy qu'il ne se trouue en l'Escripture, est tres-propre, & que cete phrase est tres-Latine, de dire : Que la iustice de Christ est im-
putee au genre humain, en satisfaction, acquit, & merite : que continuelle-
ment aussi elle est imputee à tous ceux qui sont iustificiés, & qui satisfont pour leur propres pechés : seulement ne vouloit-il pas qu'on dist : Qu'elle est im-
putee, comme si elle estoit nostre. Mais à cela estant opposé, que Thomas d'Aquin est tout coustumier de dire, Qu'à celuy, qui est baptizé, la passio-
n de Christ est communicuee à remission, comme si luy mesme l'auoit soufferte, & fut mort : il y eut long & grand debat sur les paroles d'iceluy. Le Ge-
neral des Augustins tenoit qu'au Sacrement du Baptesme elle est imputee, pour estre communicuee en tout & par tout : mais non au Sacrement de la
penitence, en laquelle sont aussi requises nos satisfactions. Mais De Soto dit, Que le terme d'Imputation estoit trespopulaire, & fort plausible : d'autant
que de prime face il ne semble porter autre chose, sinon que le tout doit estre reconu de Christ : mais que quant à luy, il auoit tousiours eu pour sus-
pect, attendu les mauuaises consequences, qu'en tirent les Lutheriens : assa-
uoir, qu'icelle seule suffit, & n'y a nul besoin de iustice inherente, & que les Sacremens ne conferent point la grace, & qu'ensemblermet avec la coul-
pe toute peine aussi est effacee, & remise, & qu'il n'y a plus de lieu à aucune
satisfaction, & que tous sont egaux en grace, iustice, & gloire : d'où aussi ils
deduisent cet abominable blasphème, Que chaque personne iuste est egale
à la bienheureuse Vierge. Cete remontrance imprima tant de soupçon
es esprits des auditeurs, qu'on vid vne manifeste inclination à condamner ce
mot, comme heretique : quoy qu'à l'opposite on repliquast plusieurs fortes
raisons au contraire. Les contentions des Theologiens naissoient bien de
vray de l'excessiue passion de chacun enuers sa propre secte : mais elles estoient
aussi fomentees d'ailleurs à diuerfes fins, & intentions : par les Imperiaux,
pour contraindre à quitter le traité de la Iustification : par les Courtisans de
Rome, pour trouuer moyen de rompre le Concile, & eiter la Reformation
instante : & par autres, pour se deliurer des incommodités, lesquelles ils
redoutoyent tous les iours plus grandes, à cause de la cherté, & de la guerre,

Or, pendant qu'à Trente on fait ces disputes, le Pape publia à Rome vn
Jubilé, le quinzieme Iuillet, par lequel il releua les Princes d'Allemagne de
la peine de rechercher, ou de persuader à autres la vraye cause de la guerre.
Car, apres auoir en cete Bulle-là amplement exposé son affection, & sollici-
tude pastorale pour le salut des hommes, & representé la perte des ames, qui
arriuoit continuellement par l'accroissement des heresies, pour l'extirpation

desquels le Concile estoit ia commencé, il se plaignoit outre mesure de l'opinalité des heretiques, qui m'esprisoyent iceluy, & refusoient de luy prestier obeissance, & de se soumettre à sa sentence; Et que, pour remediér à ce mal, il auoit fait & conclu ligue avec l'Empereur, pour ramener par force d'armes les heretiques à l'obeissance de l'Eglise: & pourtant, que tousseussent à recourir à Dieu par prieres, iustes, confessions, & communions: afin que sa Diuine Maiesté donnast bonne & heureuse issue à cete guerre, entreprise à sa gloire, à l'exaltation del'Eglise, & à l'extirpation des heresies.

L'Empereur, suyuant la deliberation qu'il auoit prise, de tenir cachee la cause de la Religion, publia, sous la date du vintieme du mesme mois, vn Ban contre l'Electeur de Saxe, & le Landegraue, les chargeant d'auoir tousiours empesché & trauerse les desseins, de ne luy auoir iamais presté obeissance, d'auoir fait des coniuurations & monopoles contre luy, d'auoir fait guerre contre autres princes del'Empire, de s'estre emparées & saisis d'Vneueschès, & d'autres Prelatures, & d'auoir expolié plusieurs de leurs facultés: & d'auoir couuert & desguisé tous ces attentats du specieux & doux nom de Religion, de Paix, & de Liberté: quoy qu'en verité ils eussent des fins tout autres. Et pourtant, comme perfides, rebelles, seditieux, criminels de lese Majesté, & perturbateur du repos public, il les prescriit: & commande, que nul n'ait à leur prestier aide, confort, ou secours, ni se conioindre à eux: absout du serment de fidelité la noblesse, & le peuple de leurs terres, seigneuries, & estats: comprenant dans le mesme ban, tous ceux qui continueroient en leur obeissance.

Le Pape eut fort à desplaisir le motif de la guerre, que l'Empereur alloit, comme aussi l'Empereur celuy du Pape: d'autant que l'vn empeschoit par ce moyen les dessus del'autre. Car, combien que le Pape pretendit d'auoir fait cē Manifeste, afin que tout le peuple Chrestien fust induit à implorer le secours de Dieu en faueur des armes de l'Empereur, si est-ce que l'Empereur mesmes, & tout homme de iugement, s'apperceut fort bien que cela auoit esté fait, pour notifier à tout le monde, & à l'Allemagne, que c'estoit vne guerre de Religion: ce qui peu de temps apres fut reconu mesmes par les moins accorts: d'autant que la lettre, qu'il auoit escripte aux Suisses, dont nous auōs parlé cy-dessus, fut imprimée & publiée, & mesmes copie fut enuoyee par tout des Articles du traité fait avec le Cardinal Madruce. Le but du Pape, en publiant le contraire de ce que l'Empereur publioit de son costé, disant, que desirant bien l'abaisement des Protestans, mais non l'accroissement & exaltation des affaires de l'Empereur, pour les engager en querelle bien balancee, il pensoit porter tous les sectateurs de la nouuelle Religion à la necessité de s'vnir contre l'Empereur. Et est certain, que l'actiō du Pape fut de quelque empeschement aux desseins de l'Empereur: car iceluy auant recherché les Suisses de continuer l'alliance qu'ils auoient avec la maison d'Autriche, & de Bourgoigne, & de ne prestier aucun secours à ses rebelles, les Euangeliques respondirent, qu'ils desiroient d'estre tout premier acertenés que la guerre n'estoit pour cause de Religion. Ainsi il aduint qu'auant mesmes que la guerre fust entamée, il y auoit desia des semences de discord iettees entre ces Princes nouuellement alliés.

Les Protestans d'Italie furent fort estonnés de cete ligue: & requeroient au Pape son accoustumée prudence, de tenir la guerre loin de l'Italie, & les Princes delà les montes en equilibre de forces: en lieu que tout d'vn coup il auoit fait chose contraire à ces deux fins. Car, s'il aduenoit que l'Empereur subiuagist l'Allemagne, l'Italie demeureroit à sa discretion, & la France ne seroit pas suffisante à faire le contrepoids à vne si grāde puissance: si aussi l'Empereur succomboit, chacun sauroit le furieux & ardent desir des Allemans de passer en Italie. Et peut estre que ces raisons, tournant par la teste du Pape, firent, qu'apres qu'il eut conclu la ligue, il se voulut asseurer, dōnant quelque contrepoids à l'Allemagne contre l'Empereur.

Mais l'Empereur, outre le mescontentement receu par le Iubilé, prit aussi

1546.

*cependant
veut que le
Concile subsiste.*

soupçon, que le Pape, apres qu'il auroit obtenu son but de faire la guerre aux Protestans, ne procurast la rupture & dissolution du Concile, sous pre-
texte de les differer iusques à la fin de la guerre: & sous couleur de danger, à cause de la guerre, que les Protestans preparoyent en Suabe. Il sauoit bien que c'estoit la visée de toute la Cour de Rome, sur laquelle on auoit negocié avec luy par l'espace de vintcinq années, & plus: il n'ignoroit pas aussi que la volonté des Eueques assemblés à Trente, mesme des siens, panchoit à cela mesmes, à cause des incommodités & ennuis qu'ils souffroyent: il craignoit, qu'auenant la separation du Concile, les Lutheriens ne s'en preualussent, disant, Qu'il n'auoit esté conuocé à autre fin, que pour trouuer vn pretexte de leur faire la guerre, & que les Catholiques d'Allemagne ne pensassent, que, laissant en arriere les interrests de la Religion & de la Reformation, il ne visast simplement, qu'à subiuguer l'Allemagne. Il doutoit aussi, que, si on continuoit à traiter les matieres controuersées, comme on auoit ia fait du Peché originel, & comme il auoit aduis qu'on pretendoit faire de la iustification, ne luy fust coupé le chemin de quelque composition qu'il auroit pu faire, entretenant les villes de quelque esperance, qu'il orroit leurs raisons, pour les desmembrer d'avec les Princes de la Ligue. Il voyoit clairement, qu'il estoit necessaire que le Concile demeurast ouuert, & qu'il vaquast seulement à la Reformation: mais aussi qu'il estoit bien mal-aisé de l'obtenir, sinon qu'il eust le Pape vny & consentant à mesme dessein. Et pourtant il despescha en diligence pour l'asseurer qu'il mettoit tous ses sens & forces, principalement à asseurer la ville de Trente: & qu'il n'entraist en aucune deshéce pour les bruits qui pourroyent courir des armées des Protestans en Suabe: qu'il estoit du tout necessaire de maintenir sur pied le Concile, pour obuier aux calomnies & detractions, dont ils seroyent chargées tous deux, en cas qu'iceluy se rompist: & le prioit instamment de faire qu'il demeurast ouuert & qu'on n'y traitast point les matieres controuersées: d'autant, qu'ayant ferme intention de contraindre les Protestans siens adherans par autorité, & les ennemis par force d'armes, à y assister, & s'y soumettre, il ne faisoit point cependant mettre aucun empeschement à ce bon dessein, leur fermant la porte par Decrets contraires, faits en leur absence. *Qu'* cet affaire ne pou-
uoit tirer en longueur, & qu'il esperoit en voir la fin dans cet esté mesmes: & pourtant le prioit d'agreer qu'on ne traitast d'autre chose que de la Reformation pour lors: ou bien, si on traitoit de la Religion, qu'on ne touchast qu'aux choses de petite consequence, l'arrest & decision desquelles ne causast aucune offence aux Protestans. Il ordonna aussi à son Ambassadeur à Trente de faire le mesme office avec les Legats: & d'autant qu'il estoit informé, que le Legat S. Croix panchoit à la dissolution du Concile en quelque sorte que ce fust, il commit à son Ambassadeur de luy dire par vne maniere de brauade en passant, que s'il faisoit en cet affaire chose aucune contre le gré de Sa Maiesté, il le feroit ietter dans la riuere d'Adice: ce qui mesmes fut publié par tout, & escrit par les historiens de ce temps-là.

*er que le Pa
pe ne pou-
uait im-
pêcher. il n'
doute qu'il
faut que le
Concile subsiste.*

Le Pape eust bien voulu se voir desfait du Concile, comme aussi la Cour de Rome le desiroit passionnément: toutesfois il iugea qu'il estoit necessaire d'agreer à l'Empereur, en le tenant ouuert, sans traiter les controuersées: mais aussi de vaquer à la seule Reformation ne pouuoit plaire ny à luy, ny à ses Courtisans. Et pourtant il escriuit aux Legats, qu'ils ne laissent pas dissoudre l'assemblée: mais qu'ils ne tinsent point de Session, iusques à ce qu'il l'ordonnast: ains entretenissent les Prelats, & les Theologiens, par tenues de Congregations, & par tous les exercices & occupations, qu'ils trouueroyent plus à propos. Et selon cela, le Publié ayant esté solennellement publié le vintcinquiesme du mesme mois de Iuillet, en presence des Legats, & de tout le Concile, la Session fut differée, iusques à ce qu'elle fust intimée, & les Congregations intermises pour quinze iours, pour auoir loisir de vaquer aux iusnes, & autres œures de penitence.

En ce mesme temps, l'armée des Protestans s'approcha du Conté de Tirol, pour saisir les passages, & couper le chemin aux gens de guerre qui venoyent d'Italie au secours de l'Empereur : & Sebastien Schertelin prit l'Escluse, dont tout ce Conté se mit en armes, pour l'empescher d'avancer : & François Castell-alto, lequel estoit à la garde du Concile à Trente, se transporta à Inspruc, & apres auoir pourueu à la seurte de la ville, pour preuenir le faillissement des passages, il se logea avec ses gens sept lieues au dessus : ce qui fit apprehender que le siege de la guerre ne se reduisist en ce pais là, & que le Concile n'en fust totalement destourbé. Les Prelats, qui desiroient quelque pretexte pour se retirer de là, exaggeroyent les dangers, & les incommodités, & les Legats du commencement n'y contredisoient pas beaucoup : ce qui donna soupçon, quel l'intention du Pape estoit esloignée de la continuation du Concile. Quelques vns des Prelats plustimides, & qui maluolontiers demeuroient à Trente, se retirerent : & en fust parti vn beaucoup plus grand nombre, n'eust esté que le Cardinal de Trente, retourné tout freschement de Rome, tesmoigna que le Pape le prendroit à d'esplaisir : & avec l'Ambassadeur del'Empereur rassura les plustimides, par le grand nombre de gens de guerre qui venoit d'Italie, lequel forceroit les Protestans à desemperer. Le Pape escriuit aussi aux Legats : & les lettres arriuees en ces entrefaites, firent qu'eux aussi conioignirent l'autorité du Pape, & la leur, aux diligences des autres.

1546.
bus de
guerre font
d'insolence
Concile

qui est dit
traité par le
passage des
soldats.

Or, combien quel l'effort des Protestans de ce costé là fust rompu, & que le Conté de Tirol demeurast à couuert, tellement qu'il n'y auoit rien à craindre de là, la ville de Trente neantmoins fut toute ce que dessus dessous, par le grand nombre de gens de guerre, qui continuellement passoyent d'Italie en Allemagne, lequel, selon les conuentions de la Ligue, estoit entout de douze mille hommes de pied, & de cinq cens cheuaux : outre deux cens du Duc de Toscane, & cent du Duc de Ferrare : commandés par tous les plus fameux Capitaines d'Italie, sous les deux freres Octaue, & Alexandre Farneses, tous deux neueus du Pape, par son fils bastard Pierre Louis : dont Octaue estoit General, & Alexandre Legat en l'armee : & six mil Espagnols de l'Empereur, tirés de Naples, & de Lombardie. Pendant que dura ce passage de soldats, qui fut iusques au mois d'Aoust, les actions Synodales furent moins frequentes & nombreuses, quoy que non tout à fait interromises. Et pour donner quelque entretien aux Euesques, & Theologiens, le Cardinal Legat S. Croix tenoit en sa maison des assemblees de gens de lettres, esquelles on traitoit des mesmes choses qu'es Congregations, mais d'une maniere familiere, & sans ceremonies.

les protestans
publierent
vn Memoire
contre
le Pape,

En ce mesme temps les Protestans ligués contre l'Empereur, publierent vn escrit, adressé à leurs suiuis, plein de mesdisances contre le Pape de Rome, lequel ils appeloient Antechrist, & organe de Satan : le chargeant d'auoir es temps passés enuoyé des boute-feux par le pais de Saxe, pour mettre le feu en diuers endroits, & qu'à present il estoit autheur & instigateur de la guerre : qu'il auoit enuoyé en Allemagne gens apostés pour empoisonner les puits & eaux dormantes : & pour tant aduertissoient vn chacun de se prendre garde, & tascher d'apprehender ces empoisonneurs, afin qu'ils fussent punis : Ce que toutesfois peu de gens iugerent vraisemblable, & fut tenu pour calomnie.

L'Empereur
reçoit Grant
Gree le se-
cours enuoyé
par le Pape

Quand les gens du Pape furent arriues au camp, qui se trouuoit à Lands-hut, ce qui aduint le quinziesme Aoust, l'Empereur bailla le collier de la Toison à Octaue son gendre, lequel il luy auoit ia destiné en la celebration du Chapitre dudit Ordre, tenu le iour de S. André : & vid la reueüe des gens du Pape, qui l'agrea fort, trescontent d'auoir la fleur & l'eslite des gens de guerre d'Italie : mais nonobstant tout cela, les diuerses intentions & desseins du Pape, & de l'Empereur, produisoient plusieurs occasions de mescontentemens. Le Cardinal Farnese vouloit, suiuant le commandement qu'il en auoit du Pape, porter la croix deuant l'armee, e come Legat d'icelle &

1546. publier Indulgences & pardons, en la maniere pratiquée es temps passés es Croisades: & par ce moyen declarer que c'estoit vne guerre de Religion: mais il n'en put rien obtenir de l'Empereur, duquel le but estoit de monstrier tout le contraire, pour entretenir à sa deuotion les Princes Lutheriens, qui estoient avec luy, & pour faire que les Villes ne s'opiniastraissent contre luy pour cete cause. Le Cardinal, voyant qu'il ne pouoit estre en autre qualifié au camp, avec honneur & dignité du Pape, & siene, s'arresta à Regensburg, contrefaisant le malade, mais en effet, pour attendre la responce de son Pere grand, auquel il auoit donné auis de tout.

*les deux ar-
mees pro-
ches sans
bataille.*

Les deux armées furent rangées en bataille, prestes à combattre: mais, quoy qu'elles fussent puissantes, & se presentast souuent le combat, selon que chacune voyoit son aduantage, & qu'il s'offrist à l'une & à l'autre de belles occasions de gagner quelque notable victoire, les Protestans neantmoins ne les empoignerent point, d'autant que leur armée estoit commandée par l'Electeur de Saxe, & le Landgraue de Hesse, par egale autorité & pouuoir: qui est vne forme de commandement tousiours mal-encontreuse & ruineuse es armées. Et l'Empereur d'ailleurs, reconnoissant cela, pretendoit vaincre sans coup ferir: & pour ne donner occasion à ses ennemis de mieux dresser leurs affaires, attendoit que le temps luy mist entre les mains vne victoire assurée, en lieu de celle qu'il eust pu esperer avec beaucoup de risque, s'exposant au hazard d'une bataille. De là aduint qu'il ne fit aucun fait d'armes de consequence.

*à Trente on
vise à faire
couler le
temps, sans
disputes,*

Les Legats à Trente, deliurés des gens de guerre, reiglerent l'ordre & la tenue des Congregations, selon le style de deuant, & les remirent à leurs iours ordinaires: & pensans en eux aux moyens de faire couler le temps, selon l'intention du Pape, il n'en trouuerent aucun meilleur, que de monstrier que l'importance de la matiere requeroit vn examen bien exact: & d'allonger les disputes, & par ce moyen donner entree à nouuelles matieres, & les accumuler: dont l'occasion ne pouuoit faillir, attendu que par connexité, ou par faute de moderation d'esprit, les docteurs passent tousiours aisément d'un sujet à vn autre. Ils prirent aussi conseil de fomentier les differens, & diuersités d'opinions: ce qu'ils espéroient leur deuoir reussir fort aisément, tant pour la naturelle inclination de l'homme à vaincre es disputes, que pour la coustume & particuliere opiniastrerie des Escholes, & sur tout des Moynes, à maintenir les opinions de leur secte. Le Cardinal Legat de Monte, comme de naturel franc & ouuert, tenoit l'affaire pour difficile, & ne se promettoit point de pouuoir estre constant en vne si longue dissimulation, dût toutesfois il voioit le besoin. Mais le cardinal Legat S. Croix de naturel melancholic & creux, s'offrit d'entreprendre la conduite de cet affaire.

*font appre-
es par bon-
net,*

*sur tout au
sujet de la
certitude
de la Grace
de Dieu,*

Ainsi doncques, le vintieme Aoust fut tenue Congregation: & pource qu'il sembloit qu'on auoit suffisamment debatü & ventilé les vinteq susdits Articles, pour former les Anathemes, on proposa de deputer des Peres pour les composer: & furent nommés trois Euesques, & trois Generaux d'Ordre: & sur tous, le Cardinal Legat Sainte Croix. Iceux firent vn projet & plan de Canons, lequel ils presenterent à examiner es Congregations suivantes. Lors furent remises sur les mesmes disputes, de la Certitude de la Grace, des Oeuures morales des infideles, & pecheurs, du Merite de Congruité, de l'imputation, de la distinction & difference entre la grace & la charité. Et les interressés & engagés es opinions parlerent avec plus de vehemence, & roideur, qu' auparauant: & le Cardinal fomentoit & aiguisoit leurs passions, monstrent que les matieres estoient importantes, & qu'il estoit necessaire de les bien & diligemment examiner: & que, sans la resolution d'icelles, il estoit impossible de faire aucune bonne deliberation. La seule controuersie de la certitude de la grace tint les disputans en haleine par plusieurs iours: & fit opiniastrer & diuiser en deux partis, non seulement les Theologiens, mais aussi les Prelats mesmes. Mais pour tout cela, la question n'en fut nullement esclaircie, ains beaucoup plus obscurcie.

Au com-

Au commencement, comme nous auons dit en son lieu, vne partie disoit, que la fertitude d'auoir la grace est vne presomption: l'autre, qu'on la peut auir par voix de merite. Les fondemens des premiers estoient, que S. Thomas, S. Bonauenture, & le commun des Scholasticks, l'ont ainsi tenu: qui estoit la cause, que la pluspart des Iacopins estoient de cete mesme opinion. Outre l'autorité des Docteurs, ils adioustoient pour raisons, que Dieu n'auoit pas voulu, que l'homme fust certain de la grace, afin qu'il ne s'elueast en orgueil, & opinion de soy-mesmes: & afin qu'il ne se preferast aux autres: comme sans faute feroit vn qui se reconoistroit iuste, par dessus les manifestes pecheurs. Ioint que cela rendoit l'homme lasche & paresseux aux bonnes ceures, que l'incertitude estoit vtile, voire mesmes meritoire: d'autant que c'est vne passion & souffrance de l'ame, qui l'afflige, laquelle estant supportee comme il appartient, tourne à merite. Ils produisoient aussi des passages de l'Escripture, de Salomon en son Ecclesiaste, Que l'homme ne se fise s'il est digne de haine, ou d'amour: du liure de l'Ecclesiastic, Qui commande, Que l'homme ne soit sans crainte du peché pardonné: de S. Pierre, Qu'on l'employe à son salut, avec crainte & tremblement: & de S. Paul, qui dit de soy-mesme, Combien que ma conscience ne m'accuse point, ie ne me tien pas pourtant pour iustificié. Ces raisons & témoignages, ensemble plusieurs passages des Peres, estoient produits & exagérés, sur tout par le General Scipande, par Vega, & de Soto.

Mais Catarin, avec le Carme Marinier, auoyent en main d'autres passages des mesmes Peres au contraire: ce qui monstroient bien, qu'en ce point lesdits Peres auoyent parlé par rencontre, selon que l'occasion de leur suiet le portoit, ores pour releuer & soulager les craintifs & scrupuleux, ores pour reprimer & humilier les temeraires & audacieux. Et pourtant Catarin, & le Carme, se rangeoyent à la seule autorité de l'Escripture. Ils disoient, qu'à tous ceux, auxquels nostre Seigneur a remis les pechés en l'Euangile, il auoit dit, Confie-toy, que tes pechés te sont pardonnés. Et ce seroit vne grande absurdité de dire, que Christ eust voulu donner occasion de temerité, & orgueil: & que, si la doute & anxieté estoit vtile ou meritoire, il en eust voulu prier tous ceux-là. Que la sainte Escripture nous oblige à rendre graces à Dieu de nostre iustification, ce qui ne se peut faire, si nous ne sommes persuadés de l'auoir obtenue: & l'homme, qui remerciroit d'une chose, qu'il ne sauroit si elle luy auroit esté donnée ou non, seroit tres-inepte, & ses paroles seroient prises pour impertinentes. Que S. Paul pose manifestement la certitude, quand il exhorte les Corinthiens de discerner si Christ est en eux, sinon qu'ils soyent reprouvés: & quand il dit, Que nous auons receu l'Esprit de Dieu, pour conoistre & sauoir ce qui nous a esté donné de Dieu: & encor plus clairement, Que le S. Esprit rend tesmoignage à nostre esprit, que nous sommes enfans de Dieu. Et est chose bien estrange de vouloir accuser de temerité ceux qui croient au S. Esprit qui parle: veu que S. Ambroise dit, Que le S. Esprit ne nous parle jamais, que quant & quant il ne nous face aussi sauoir, que c'est luy qui parle. Ioint ce que Iesus Christ dit en S. Iean, Que le monde ne peut receuoir le S. Esprit, d'autant qu'il ne le void, ny ne le conoit point: mais que les disciples le receuiron, d'autant qu'il habitera & sera en eux. Catarin se fortifioit puissamment par cete raison, Que c'estoit vn songe & resuerie de dire, que la grace soit receüe volontairement, & cependant que l'homme ne sache point de l'auoir: comme si: pour receuoir vne chose volontairement, il n'estoit necessaire, que le receueur volontaire sache qu'elle luy est donnée, & que reellement il la reçoit, & qu'apres l'auoir receüe, il la possède.

La force de ces raisons fit premierement vn peu relascher ceux qui censuroient la certitude, l'accusans de temerité: & puis peu à peu les fit descendre à accorder, que l'homme pouuoit auoir quelque coniecture, mais non pleine certitude: pour l'ordinaire: deferans icelle seulement aux Martyrs: aux Nouuellement baptizés: & à certains autres: par speciale reuelation.

De coniecture ils se laisserent amener à l'appeler Foy morale : & Vega, qui au commencement n'admettoit qu'une simple probabilité ; & vray-semblance, fut vaincu par les raisons ; & se rangea à favoriser la certitude : mais pour ne sembler se conformer à l'opinion Lutherienne, il disoit, Qu'il y auoit tant de fertitude, qu'elle excluait tout doute ; & ne pouuoit tromper : mais que pourtant cela n'estoit point foy Chrestienne, mais humaine, & experimentale : & comme qui a chaud, est certain d'auoir chaud, & seroit destiné de sentiment quand il en douteroit : ainsi aussi, qui a la grace en foy, la sent, & n'en peut douter, mais par le sentiment de l'ame, & non par reuelation diuine. Mais les autres deffenseurs de la certitude, estans pressés de leurs aduersaires à parler clairement, s'ils tenoyent que l'homme la püst auoir ; & s'il y estoit obligé, & si c'estoit foy diuine, ou humaine, se rangerent à dire ; qu'estant vne foy qu'on adiouste au tesmoignage du Saint Esprit, on ne pouuoit dire, que ce fust vne chose qui fust en la liberté & choix de l'homme, veu que chacun est obligé de croire aux reuelations diuines ; & ne se peut nommer autrement que Foy diuine. Mais, estans serrés de l'objection, que si cete foy n'est egale à la Catholique, elle n'exclut point tout doute : que, si elle est egale, donques le iuste doit croire d'estre iustificié, aussi asseurement que les Articles de foy, Catarin respondoit, Que c'estoit bien vne foy diuine ; d'egale certitude avec la Catholique, & de mesmes elle excluant tout doute : mais n'estoit point la Catholique pourtant. Il affirmoit que la foy, que chacun adiouste aux reuelations de Dieu, adresses à luy-mesmes en particulier, est foy diuine, & qui exclut tout doute : mais que quand ces reuelations sont receues par l'Eglise, lors icelle deuiant foy Catholique : c'est à dire, vniuerselle : & que celle-cy seulement regarde les Articles de foy : mais que, quant à la certitude, & à la forclusion du doute : elle n'est point par dessus la foy priuee & particuliere, & ne l'outrepasse qu'en l'vniuersalité : qu'ainsi tous les Prophetes auoyent premierement eu foy priuee des choses que Dieu leur reueloit : & puis de celles-là mesmes, apres qu'elles auoyent esté receuë par l'Eglise, ils auoyent eu vne foy Catholique. Cete opinion sembla d'abord fort dure : & les adherans mesmes de Catarin, (comme estoient tous les Carmes, d'autant que Jean Bacon, docteur de leur Ordre, auoit esté de la mesme opinion que Catarin) & les Eueques de Sinigaille, de Worcester, & de Salpi, passoyent au commencement mal-volontiers si auant : mais, apres auoir bien pesé : & pesé la raison, c'est merueille comme elle fut receuë d'une notable partie des Prelats : quoy que Soto criaist qu'elle estoit trop à la faueur des Lutheriens. Mais les autres repliquoyent : Que Luther ne seroit point à censurer : s'il auoit dit : Qu'apres la iustification suit icelle foy : mais estoit à condamner pour auoir dit, que c'est cete foy-là qui iustifie. Et respondoient aux raisons de l'autre partie, Qu'il ne faut point prester l'oreille aux Scholasticks, lesquels ont parlé sur les fondemens de la raison philosophique, qui ne peut donner iugement des mouuemens de Dieu. Que le passage de Salomon ne faisoit point à ce propos : d'autant qu'il dit, Que nul ne peut sauoir s'il est digne d'amour, ou de haine : ce qui, appliqué à ce suiet, infereroit que le pecheur, pour meschant & perseuerant au mal qu'il fait, ne sait s'il est en la disgrâce ou haine de Dieu. Et que de mesmes le dire de l'Ecclesiastique n'y pouuoit estre rapporté : & que la traduction Latine trompoit, d'autant que le terme Grec *καταρα*, ne signifie pas peché : pardonné, comme icelle a traduit : mais expiation, propitiation, ou pardon : & que les paroles du Sage ne sont qu'une admonition au pecheur de n'adiouster point peché sur le peché, par trop de confiance du pardon à venir & non du passé : qu'il ne faisoit pas sur vn erreur de l'interprete fonder vn Article de foy. Ainsi parloyent lors de cete Version Latine, les mesmes qui l'auoyent canonisée pour authentique : ce que chacun peut aussi remarquer es liures imprimés par partie de ceux qui entreuinrent au Decret de l'approbation. Ils disoyent d'auantage : que s'employer avec crainte : & tremblement :

est vne phrase Hebraïque, qui ne denote pas ambiguïté, ou perplexité, mais reuerence: attendu que les seruiteurs procedent bien en crainte & reuerence envers leurs maistres, lors mesmes qu'ils sont par eux loués, & qu'ils sauent d'estre en leurs bonnes graces, Que l'autre passage de Saint Paul faisoit pour eux, s'il parloit de la Iustification. Car, disant, Je ne me sen coulpatible de rien, mais pour cela ie ne suis pas iustifié: il inferoit donques. Mais ie suis iustifié pour autre cause: & ainsi prouueroit la certitude. Mais que le vray & naïf sens estoit, que Saint Paul parle là du defaut en la charge de prescher l'Euangile: & dit, Ma conscience ne me reproche point d'auoir forfait en chose aucune: & toutesfois ie n'ose point dire d'auoir entierement satisfait à ma charge, mais reuenis le tout au iugement de Dieu.

Quin'auroit veu les me noires de ceux qui eurent part à ces disputes, & ce qu'ils en firent imprimer, ne croiroit pas aisément combien & de quelle ardeur disputèrent sur cet Article, non seulement les Theologiens: mais aussi les Eueques, chacun ayant opinion d'entendre tres-bien la chose, & d'auoir la verité de son costé: tellement que le Cardinal Legat Sainte Croix se trouua auoir plus de besoin de bride, que d'esperons, & desiroit y mettre vne fin, procurant souuent de passer à autre chose, & de destourner cete controuersie. Par deux fois il fut proposé en la Congregation des Prelats de laisser cete question, comme ambiguë, longue & fâcheuse: & n'obstant cela, ils y retomboyent tousiours, emportés par la passion. Mais en fin le Cardinal leur monstra qu'on en auoit assez parlé, & qu'il falloit mediter & ruminer vn peu les choses dites, pour s'en resoudre plus meurement: & obtint qu'on entrast à parler des œures preparatoires, & de l'observation de la Loy: & à cete occasion fut par plusieurs introduite la matiere du franc Arbitre, ce qui ne fut point negligé par le Cardinal: mais proposa, s'il se sembloit à propos de traiter aussi coniointement cet article, lequel on voyoit si estroitement connexe & ioint, qu'on ne sauoit comment le traiter separément. On deputa donques des Prelats, & des Theologiens, pour recueillir les Articles tirés des escrits des Lutheriens sur ce sujet, pour les soumettre à la Censure.

Ces Articles furent, premierement, Que Dieu est la totale cause de nos œures & actions, tant bonnes que mauuaises: & qu'autant est œuvre propre de Dieu la vocation de Saint Paul, que l'adultere de Dauid, la cruauté de Manlius, & la trahison de Iudas. Secondement, Que nul n'a pouuoir de penser mal ne bien, ains que le tout auient de necessité absolue, sans qu'en nous il y ait aucun franc Arbitre, lequel n'est qu'une fiction & faulxe imagination. En troisieme lieu, Que le franc Arbitre, apres le peché d'Adam, a esté perdu, & n'est plus qu'un nom & titre sans verité, suiet, ou substance: & que pendant qu'iceluy opere ce qui est de son pouuoir, il peche mortellement. En quatrieme lieu, Qu'il y a franc Arbitre seulement à mal faire, mais nullement à faire le bien. En cinquieme lieu, Que le franc Arbitre, mu & poulsé de Dieu, ne coopere nullement, ains suit le mouuement de Dieu, comme vn instrument inanimé, ou comme vn animal sans raison. En sixieme lieu, que Dieu conuertit ceux-là seuls qu'il luy plaist, ors qu'ils ne vueillent point, & regimbent.

Sur les deux premiers Articles fut dit, plus en forme tragique que Theologique, Que la doctrine de Luther estoit vne sapience phrénétique. Qu'à leur dire, la volonté humaine seroit vn vray monstre. Que ces termes, chose de nom & de titre sans suiet, sont prodigieux. Que l'opinion en soy est impie, & blasphematoire contre Dieu. Que l'Eglise l'a condamnée és Manicheens, Priscillianistes, & apres tous les autres, en Abailard, & Vvichef. Que c'estoit vne pure forcererie, contraire au sens commun: veu que tout homme sent & esprouue en soy-mesme d'auoir sa liberté. Qu'elle ne merite aucune refutation, mais, comme dit Aristote, ou punition, ou preuue expérimentale. Que les disciples mesmes de Luther s'estoyent apperçeus de la folie d'icelle,

1546.

er par le
autres ex-
s, par di-
stinction.

& en auoyent moderé & corrigé l'absurdité, disant, Que l'homme auoit bien liberté en ce qui concerne les actions exterieures politiques, & économiques, & toute la iustice ciuile, lesquelles qui ne reconoit proceder de conseil & deliberation, & libre choix, est fol & insensé: & pource qu'il se restreignoyent à nier la liberté de l'homme à l'égard seulement de la iustice de Dieu.

Le Carme Marinier disoit, que, Comme c'est vne chose forte & absurde de dire, que nulle action n'est en nostre pouuoir, aussi est-ce chose non moins folle d'affirmer que toutes y sont: veu que chacun experimente en soy mesme qu'il n'a pas toutes ses affections & passions en son propre pouuoir: & que cela mesmes est le sentiment des Escholes, qui ont dit, Que nous n'auons pas liberté des premiers mouuemens: & les seuls saints bien-heureux ayans cete liberté de commander mesmes aux premiers mouuemens, il est certain qu'ils ont quelque liberté, que nous n'auons pas en cete vie. Vega, apres auoir parlé avec tant d'ambiguité, que luy mesmes ne s'entendoit point, conclut, Qu'entre l'opinion des Theologiens, & des Protestans, il n'y auoit plus aucune difference: car les Protestans, en fin de discours, posant en l'homme vne liberté, à l'égard de la iustice philosophique, & non de la furnaturelle: & à l'égard des œuvres externes de la Loy, & non des internes & spirituelles: venoyent iustement à dire avec l'Eglise, qu'on ne peut executer les œuvres spirituelles, concernant la Religion, sans le secours & assistance de Dieu. Et combien qu'il remonstroit qu'il faut faire tout deuoir pour la paix & concorde, il n'estoit point fauorablement ouï: d'autant qu'il sembloit que ce fust vne espèce de preiudice, de dire, ou penser, qu'on pult appoier aucun des differens: & les gens du Concile souloyent dire, que c'estoit le fait des Colloques, terme abominé, comme si par iceux les Lais eussent usurpé ce qui proprement appartient aux Conciles.

le troisieme
me peut estre
refuté
euidemment

Il nasquit vne grande dispute entre eux, assauoir, S'il est en la liberté de l'homme de croire, ou de ne croire pas. Les Cordeliers tenoyent la negatiue, selon la doctrine de l'Escot: lequel veut, que, comme des demonstrations necessairement naist la science, aussi des persuasions de necessité naist la foy: & qu'icelle est en l'intellect, qui est vn agent naturel, & qui naturellement est mu par son obiect. Ils allegoyent l'experience, qui monstre, que nul ne peut croire ce qu'il veut, mais seulement ce qui luy semble veritable: adioustant, que nul ne sentiroit iamais aucun desplaisir, s'il pouuoit croire de ne l'auoir point. Les Iacopins disoyent, Qu'il n'y a rien, qui soit plus au pouuoir de l'homme, que de croire: & que l'homme, par la seule determination, & resolution de sa volonté, peut croire, s'il luy plaist, que le nombre des estoiles est pair & non impair.

Sur le troisieme Article, qui porte, Que par le peché, l'homme a perdu le franc Arbitre, plusieurs autorités & passages de saint Augustin furent alleguees, qui expressement le disent: desquelles ne se pouuant desinester, de Soto inuenta vn subtil moyen pour ce faire: disoit, Que la vray liberté est vn terme equivoque & ambigu: veu qu'il peut estre deriué, ou du nom libre, ou du verbe liberer: qu'au premier sens, il est opposé à la necessité, & au deuxième, à la seruitude. Et que, quand S. Augustin auoit dit, que le franc Arbitre est perdu, il n'auoit voulu inferer autre chose, sinon qu'il est réduit en esclau du peché, & du Diable. Mais cete distinction ne fut point goustée: d'autant que pour cela iustement n'est le serf libre, pource qu'il ne peut pas faire sa volonté, ains est forcé de suivre celle du maistre: & selon cet aduis de Soto, il ne faudroit point blâmer Luther d'auoir intitulé son liure, *De seruo arbitrio*.

le quatrieme
me est in-
quies,

Le quatrieme article fut jugé sot, & inepte, par plusieurs: lesquels disoyent, Que par le mot de liberté est entendue vne faculté contournable à tous deux les opposites, & contraires: & pource, qu'on ne pouuoit dire, Que la liberté soit au mal, si elle n'est aussi au bien. Mais on fit rauiser ceux là, leur remontrant, que les Saints bienheureux au ciel, & les Anges de lumiere sont bien libres à l'égard seulement du bien: & que pourtât il n'y auoit point d'inconuenient de dire, qu'on peut estre libre au seul égard de faire mal.

le cinquieme
me & sixieme
me grande
men de bas
tous

En l'examen du cinquieme & sixieme Articles, touchant le consentement, que le franc Arbitre preste à l'inspiration de Dieu, ou Grace preuenante, les Cordeliers & les Iacopins, se trouuerent fort discordans d'auis : car les Cordeliers maintenyent, qu'attendu que la volonté de soy-mesmes se peut preparer & disposer, beaucoup plus est-il en sa liberté & choix d'accepter ou refuser la preuention de Dieu, quand il luy preste secours & aide, auant mesme qu'elle employe ses forces naturelles. Mais les Iacopins estoient que les œuvres, qui precedent la vocation, soyent veritablement preparatoires : & pourtant donnoient tousiours le premier lieu de l'action à Dieu. Et y eut aussi de l'estrif entre les Iacopins mesmes : car De Soto soustenoit, *Que*, quoy que l'homme ne puisse acquerir la grace sans le secours special de Dieu, le preuenant : toutesfois la volonté de l'homme peut tousiours en quelque façon resister à iceluy, & le refuser : & quand il le reçoit, c'est d'autant qu'il y preste son assentiment, & le veut ainsi : & que si nostre assentiment n'y estoit requis, il n'y auroit aucune raison, pour laquelle tous ne fussent conuertis d'autant que, selon l'Apocalypse, Dieu se tient tousiours à la porte, & frappe : & c'est vn dire des Peres, qui s'est rendu tout vulgaire & commun, *Que* Dieu donne la grace à quiconque la veut : & aussi la sainte Escripture requiert tousiours de nous cet assentiment : autrement ce seroit abolir la liberté de la volonté, & dire que Dieu vse de violence. Mais Frere Louis Carance, aussi Iacopin, disoit au contraire, *Que*, selon la doctrine de S. Thomas d'Aquin, Dieu operoit deux sortes de grace preuenante en l'ame, l'une suffisante, l'autre efficaceuse. Qu'à la premiere la volonté peut consentir & repugner, mais non à la seconde : d'autant que ce seroit s'impliquer en contradiction, de dire, qu'elle soit efficaceuse, & cependant, qu'on y puisse resister. Et allegoit pour preuue de son dire des passages de S. Iean, & de S. Paul, & des expositions fort claires de S. Augustin : & respondoit que c'est proprement de cecy, qu'il aduient que tous ne sont pas conuertis, d'autant que tous ne sont pas preuenus efficaceusement : que la crainte de blefser le franc Arbitre a esté ostee par S. Thomas, quand il a dit, que les choses sont muës violemment, lors qu'elles le sont par causes contraires, & non par les leurs propres : & puis que Dieu est la cause de la volonté, autant est il, qu'elle soit muë de Dieu, que d'elles mesmes. Et condamnait, voire avec derision & moquerie, la maniere de parler des Lutheriens, *Que* la volonté suit, comme vne chose inanimée, ou irrationnelle : d'autant qu'estant raisonnable de nature, quand elle est muë de sa cause, qui est Dieu, elle est muë comme raisonnable, & comme raisonnable elle suit. Semblablement en ce qu'ils disent, *Que* Dieu conuertit les hommes, qu'oy qu'iceux ne vueillent point, & regimber : d'autant que c'est contradiction de dire, qu'un effet regimbe contre la propre cause. Qu'il peut bien auenir, que Dieu conuertisse efficaceusement quelcun, qui autresfois, auant la preuention suffisante, ayt regimbé & resisté : mais non qu'il resiste au point & moment de sa conuersion : attendu que l'efficace du mouuement de Dieu produit de consequence naturelle, en la volonté muë de l'homme, vn doux ply, & agreable assentiment.

De Soto disoit, *Que* toute diuine inspiration, de soy mesme toute seale, n'est rien plus que suffisante : mais que celle, à laquelle le franc Arbitre consent, acquiert efficace de ce consentement : que si le franc Arbitre n'y preste ce consentement, elle demeure sans efficace, non par son defect mais par defect de l'homme. Mais il defendoit cete siene opinion avec beaucoup de doute & timidité : d'autant que l'autre luy obiectoit, *Qu'en* cete sorte la difference des eussus avec les reprouués viendroit du costé de l'homme, contre le perpetuel sentiment & opinion Catholique, *Que* c'est par grace, que les vaisseaux de misericorde sont distingués des vaisseaux d'ire. Qu'aussi il s'ensuiuroit, que l'Election de Dieu seroit fondée sur les œuvres preueuës, & non sur le seul bon plaisir de Dieu. Adioustant, que la Doctrine des Peres, & des cōciles d'Afrique, & des Gaules, cōtre les Pelagiés, à tousiours tenu & enseigné,

1546.

donnent sur
ies de trait-
ter de la
predestina-
tion,

de laquell-
les Article-
sont extraits
de livres
des Zuing-
liens,

de/que/s l'e-
premier est
disputé
pour & con-
tre.

Que Dieu nous fait vouloir : ce qui veut dire autant, que Dieu nous fait consentir. Et pourtant qu'il falloit attribuer à l'efficace de l'operation diuine le consentement qu'on posoit en nous. & que, si Dieu traitoit tous hommes également, tant ceux qui sont donnés, que ceux qui sont saués, ceux-cy ne seroyent point plus obligés à Dieu que ceux-là. Nonobstant toutes ces raisons, la contraire opinion emporta l'applaudissement vniuersel, combien que plusieurs aduoüassent que les raisons de Catanee ne leur sembloient point folles : & improuassent que De Soto ne parloit point librement, & nettement : mais disoit seulement, que la volonté de soy-mesmes consent en quelque sorte : & qu'en quelque sorte aussi elle peut résister à l'inspiration de Dieu : comme si entre l'affirmative & la negative, il y pouuoit auoir quelque maniere ou moyen entre-deux. Et d'ailleurs ils estoient estonnés & confus de la franchise à parler de Catanee, & des autres Iacopins, qui confessoient de ne sauoir comment distinguer cete opinion, qui attribue la iustification au consentement, d'auec celle des Pelagiens : & remonstroient qu'on se gardast de ne sauter au delà de la barriere, par trop de desir de condamner les Luthériens : mais sur tout estoit pesé cet argument & raison, Que par l'aduis contraire, l'election ou predestination seroit fondée sur ceuvres preueuës, ce qu'aucun Theologien ne vouloit admettre : dont aussi on fut tiré à parler de la Predestination : & fut arresté, pour la connexité, de recueillir aussi des Articles de la Doctrine des Protestans sur cete matiere. Et es ceuvres de Luther, en la Confession d'Augsbourg, & es Apologies, & conferences, ne fut trouuée chose aucune à censurer : mais bien plusieurs es écrits des Zuingliens, desquels furent tirés ces Articles suiuaus. Le premier, En la predestination, & reprobation, il n'y entreuient rien du costé de l'homme, ains la seule & simple volonté de Dieu. Le second, les predestinés ne peuuent estre donnés, ne les reprouués saués. Le troisieme, Il n'y a que les seuls élus & predestinés, qui vrayement puissent estre iustificiés. Le quatrieme, Ceux qui sont iustificiés sont obligés de croire par foy d'estre du nombre des predestinés. Le cinquieme, Ceux qui sont iustificiés ne peuuent perdre la Grace de Dieu. Le sixieme, Ceux qui sont appelés, & ne sont du nombre des élus, ne reçoüeront iamais la grace. Le septieme, Celuy qui est iustificié est obligé de croire par foy, qu'il perseruera en la iustice iusques à la fin. Le huitieme, L'homme iustificié est tenu de croire fermement, que, decheât de la Grace, il la recuerra derechef. Quand ce vint à l'examen de ces Articles, les opinions se trouuerēt fort différentes sur le premier : les Theologiens plus estimés tenoient que l'Article estoit Catholique, ains que le contraire estoit heretique : d'autant que les bons auteurs Scholastiques, Thomas d'Aquin, l'Escot, & l'opinion courante & communede Docteurs, tiennent, Que Dieu, auant la creation du monde, a, de sa seule & pure misericorde, élu, de toute la masse du genre humain, vn certain nombre tant seulement, à la gloire eternelle, & qu'à ceux-là il a efficacement préparé les moyens pour l'obtenir : ce qui s'appelle predestiner. Que le nombre de ceux-là est certain, & arresté, & nul n'y peut estre adiousté. Que les autres, qu'il n'a point predestinés, n'ont de quoy se plaindre : attendu qu'à ceux aussi Dieu a préparé vne ayde suffisante pour le salut, combien qu'en effect il n'y ait que les élus qui paruiennent au but & effect d'iceluy. Ils allegoyent pour raison principale & souveraine, que S. Paul aux Romains, proposant Iacob pour patron des predestinés, & Esau des reprouués, en produisit l'Arrest de Dieu, prononcé auant qu'ils nasquissent, & fondé non sur les ceuvres, mais sur le pur bon plaisir. A cela ils adioustoyent l'exemple du mesme Apostre, que, comme le Potier d'une mesme masse d'argile fait vn vaisseau à vŕage honorable, & vn autre à vŕage infame : ainsi Dieu, d'une mesme masse des hommes eslit ceux qu'il luy plaist, & laisse les autres : & que S. Paul, pour preuue de cecy, auoit allegué le passage, auquel Dieu dit, I'vŕeray de misericorde enuers qui i'vŕeray de misericorde, & feray mercy à qui ie feray mercy. Et que pourtant le mesme Apostre auoit conclu ; que ce n'est point ne du voulant, ne du courant, mais de Dieu

qui fait misericorde: adioustant puis apres, Que Dieu fait misericorde à qui il luy plaist, & endureit qui il luy plaist. Ils disoyent en outre, que pour cet esgard le conseil de la diuine predestination, & reprobation, est appelé par le mesme Apostre, hauteſſe, & profondeur de sapience impenetrable, & incomprehensible. Ils allegoyent d'abondant des passages des autres Epistres du mesme Apostre, là où il dit, Que nous n'auons rien, que nous n'ayons receu de Dieu: que de nous mesmes nous ne sommes suffisans, non pas seulement à penser le bien: & qu'en l'endroit, où il rend raison pourquoy aucuns se reuolent de la foy, & les autres demeurent fermes, il dit, Que c'est, d'autant que le fondement de Dieu demeure ferme, lequel a ce ſeau, Dieu conoit les ſiens. Ils adioustoyent pour renfort diuers passages de l'Euangile selon S. Iean, & innumbrables authorités de S. Augustin, lequel en sa vieilleſſe n'ecriuit qu'en faueur de ceté Doctrine.

Mais quelques autres, quoy que de moindre estime & reputation, s'opposoyent à ceté opinion, la qualifiant dure, cruelle, inhumaine, horrible, & impie: presuppofant que Dieu seroit partial & accepteur de personnes, si ainſi eſtoit, que, sans aucune cause mouuante, il en elust l'un & reiectast l'autre: & inuſte, si de vray il auoit destiné les hommes à damnation, de ſa pure & ſimple volonté; & non pour leurs fautes & forfaits: & eust créé vne si grande multitude pour la danner. Ils diſoyent que cete opinion renuerſe le franc Arbitre, puis que ſelon icelle en fin les elus ne peuuent mal faire, ne les reprouués bien faire: qu'elle precipite les hommes au gouffre du deſespoir, par le doute & ſcrupule, qu'ils peuuent eſtre du nombre des reprouués: qu'elle donne occasion & amorce aux meſchans de tousiours mal faire, ſans ſe ſoucier de repentance, penſant que, s'ils ſont des elus, ils ne periront iamais: ſi auſſi des reprouués, en vain feroient-ils aucun bien, veu que cela ne leur pourroit ſeruir de rien. Bien aduouoyent-ils, que non ſeulement les cœurs ne ſont point la cause de l'election diuine, veu qu'icelle, comme eternelle, eſt auant elles: mais que non pas meſmes les œuvres preuées ne peuuent eſmouuoir Dieu à predeſtiner: mais qu'iceluy, par ſon infinie misericorde, veut que tous ſoyent ſauués, & prepare à tous ſuffisans moyens pour ce faire, lesquels chacun homme, ayant ſon franc Arbitre, reçoit; ou refuse; & reiectee; ſelon qu'il veut. Et que Dieu, en ſon eternité, preuoit ceux qui receuront les aides & moyens qu'il leur preſte, & s'en preuaunderont en bien; & ceux auſſi qui les refuſeront: & reprouue ceux-cy, & eſlit & predeſtine ceux-là. Adioustant, qu'autrement on ne peut deſcouvrir la cause, pourquoy Dieu en l'Eſcriture ſe plaint des pecheurs, ne pourquoy il exhorte tous à repentance & conuerſion, ſ'il ne leur donne les moyens efficaceux & puiſſans pour l'acquérir & que cete aide ſuffiſante, laquelle par les autres a eſté inuentee, eſt inſuffiſante; veu que, ſelon eux, elle n'a iamais eu, ny n'aura aucun effet.

Comme la premiere opinion tient du myſtere; & eſt propre à contenir l'eſprit de l'homme en humilité, & tout remis & arreſté en Dieu, ſans aucune confiance en ſoy-mesmes, par la reconoiſſance de la hideur & deformité du peché: & à l'opposite, de l'excellence de la Grace de Dieu: auſſi eſt la ſeconde plauſible, & populaire, propre à fomenſer & nourrir la proſomption humaine, ſpecieuſe & accommodée aux apparences: dont auſſi elle agreoit aux Moynes: qui ſont profeſſion de l'art de preſcher & declamer es chaires, plus que de la ſolide & vraye ſcience de Theologie: & aux Courtiſans; comme accordante aux raiſons humaines & politiques: & eſtoit ſouſtenue par l'Eueſque de Bitonte, & fort paſſionnement par celuy de Salpi. Les deſenſeurs d'icelle, quand ils eſtoient au champ des raiſons humaines, triumphoyent, & l'emportoient par deſſus les autres: mais au reciproque, quand on les ramenoit à l'Eſcriture Sainte, ils ſuccomboient tout manifeſtement, & le perdoient tout quite.

Catarin; tenant cete meſme ſeconde opinion, inuenta vn aduis moitoyen; pour foudre les passages de l'Eſcriture, qui les tenoyent tous en haleine;

disant, Que Dieu, par sa bonté, en a eleu aucuns en tres-petit nombre, hors du rang des autres, lesquels totalement il veut sauuer, ausquels: aussi il a preparé des moyens tres-puissans, efficaces, & infallibles: & que, quand aux autres, luy de sa part veut bien que tous soyent sauués; & pour ce faire a preparé à tous des moyens suffisans, lesquels il est en leur liberté d'accepter, & par ce moyen se sauuer: ou de refuser, & ainsi se damner: & que de ce nombre il y en a aucuns qui les reçoient, & se sauuent, quoy qu'ils ne soyent des elus, & que de tels la multitude est assez grande: les autres, qui refusent de cooperer à Dieu, lequel les veut sauuer, sont damnés. Que la cause & motif de la predestination des premiers, est la seule pure & simple volonté de Dieu: mais que de la predestination des autres le fondement est l'acceptation, bon usage, & cooperation à l'aide de Dieu, preuené de Dieu. Et que la cause de la reprobation des derniers est la preuision de leur peruerse volonté à refuser cete aide de Dieu, ou à en abuser. Que les passages de S. Iean, & de S. Paul, & de toute l'Escripture, allegués par l'autre partie, esquels le tout est attribué à Dieu, & qui portent infallibilité, se doiuent entendre seulement des premiers, & singulierement priuilegiés. Et qu'es autres, ausquels est frayee seulement la voye commune, sont verifiés les admonitions, les exhortations, & les aides generales & communes: lesquelles quiconque veut ouïr & suivre, est sauué: & qui ne le veut faire, perit par sa propre faute. Que de ce peu de priuilegiés par dessus le commun, le nombre est certain & arresté par deuers Dieu: mais que des autres, qui sont sauués par la voye commune, laquelle depend de l'indifferent libté de la volonté de l'homme, il n'y en a point de nombre défini, sinon moyennant la preuision des œuures d'un chacun. Catarin disoit, Qu'il s'esbahissoit grandement de la grossiere stupidité de ceux, qui disent, que le nombre des elus est certain & arresté: & cependant adioustent, que les autres peuuent aussi estre sauués: ce qui est autant que dire, que le nombre en est bien arresté, mais toutesfois il peut estre accru: comme aussi semblablement de ceux qui disent, Que les reprouués ont vne aide suffisante à salut, mais que neantmoins à qui doit estre sauué il en faut de necessité vne autre plus grande & forte: ce qui est autant que dire, Qu'ils ont vne aide aussi sante bien fort insuffisante. Et adioustoit, Que l'opinion de S. Augustin auoit esté inconue & inouïe auant luy: que luy-mesme aduoué, qu'elle ne se trouue es œuures d'aucun qui ait escrit auant luy, & qu'il ne l'auoit pas tousiours tenue pour vray, ains auoit attribué la cause de la volonté de Dieu aux merites des hommes: disant, Il est bien vray que Dieu fait misericorde à qui il luy plaist, & endureit qu'il luy plaist: mais si faut-il accorder que cete volonté ne peut estre iniuste, d'autant qu'elle procede des merites tres-occultes: & qu'il y a grande diuersité entre les pecheurs: veu qu'il y en a entr'eux, lesquels, quoy que non iustificés, sont dignes de la iustification. Mais que du depuis, emporté par la chaleur de la dispute contre les Pelagiens, il auoit senti, & parlé au contraire: en sorte toutesfois, qu'en ces mesmes temps là, dés qu'on eut ouï son aduis, tous les Catholiques en furent scandalizés, comme Prosper d'Aquitaine escrivit à luy-mesme. Et Gennadius de Marseille, cinquante ans apres, au iugement qu'il fait des auteurs illustres, dit, Qu'il estoit aduenü à Augustin, selon le dire de Salomon, Qu'à trop parler on ne peut euitier peché: & que par sa faute, grandement exagerée par ses ennemis, n'estoit encor nee aucune question, qui engendralt heresie. Comme si ce bon Pere Gennadius eust voulu signifier la crainte qu'il auoit, de ce qui se voit auentü apresent, assauoir, que pour cete opinion ne s'ourdüst quelque secte, & diuision.

La Censure du dixieme Article fut diuerse, & conuenable aux trois opinions susmentionnees. Catarin tenoit la premiere partie de l'Article pour vray, attendu l'efficace de la volonté de Dieu enuers les fauorisés de priuilege special & singulier: mais la seconde pour faulxe, attendu la suffisance de l'aide de Dieu enuers tous, & la libté de l'homme à y cooperer. Les autres: qui rap-

*C'est de uice
me sebla-
blement.*

qui rapportoyent la cause de la Predestination en tous, au consentement humain, condannoyent l'Article tout entier: en toutes ses deux parties. Mais ceux qui adheroient à la doctrine de saint Augustin, & à la courante des Theologiens, le distingoyent, disant, Qu'en sens composé il estoit vray, & en sens diuisé dannable. Subtilité, qui embrouilloit l'esprit des Prelats: & n'estoit par mesme bien entendue par ceux qui la proposoyent: car l'exemple qu'ils allegoyent, Celuy, qui se bouge & remue, ne peut estre ferme, est vne proposition veritable en sens composé: d'autant qu'on s'entend, qu'il ne peut estre ferme, pendant qu'il se remue, ou bouge: mais en sens diuisé, elle est faulxe, d'autant qu'en vn autre temps, auquel il ne se bougera plus, il pourra estre ferme: n'accordoit pas bien au propos dont il s'agissoit: veu qu'on ne peu dire, Que l'homme predestiné puisse estre danné en vn temps, auquel il ne soit point predestiné, attendu que tousiours il est tel: & generalement le sens diuisé n'a point de lieu, l'à où l'accident est inseparable du sujet. Et pourtant autres croyoyent de mieux declarer la chose, disant, Que Dieu gouuerne & meut chacune chose selon la propre nature dicelle, laquelle es choses contingentes est libre, & telle, qu'ensemble l'acte par lequel on se porte en l'un des deux opposites, demeure la puissance & faculté pour se tourner à l'autre: dont, avec l'acte de la predestination, subsiste conioinctement la faculté & puissance à la reprobation, & dannation. Mais ce cy estoit encor moins entendu & compris que le precedent.

Les autres Articles furent censurés d'un consentement admirable. Sur le troisieme, & sixieme, fut posé, Que l'Eglise auoit tousiours tenu, Que plusieurs receiuent & gardent la Grace de Dieu pour quelque temps, lesquels puis apres la perdent & se dannent finalement. Là dessus estoient allegues les exemples de Saul, de Salomon, & de Iudas, l'un des douze: duquel la chute estoit la plus euidente de toutes, pour les paroles du Seigneur Iesus à son Pere, l'ay gardé en ton Nom ceux que tu m'as donnés: & n'en n'est pery aucun, sauf le fils de perdition. A ceux-là ils adioustoient, Nicolas, l'un des sept Diacres; & autres, recommandés premierement en l'Escripture, & & puis blasfémés: & pour comble de toute raison, ils produisoient la cheute de Luther. Contre le sixiesme, ils mettoient particulièrement en consideration, que cette vocation seroit vne dannable mocquerie, si ceux qui sont appelés, & ne defaillent en rien de leur costé, n'estoyent admis, ni receus: & qu'en eux les Sacramens n'auroient aucun efficace. Toutes choses pleines d'absurdités, Et pour la censure du cinquieme estoit produit le passage du Prophete, auquel en termes formels Dieu dit le contraire de l'Article, Si le iuste delaisse sa iustice, & commet iniquité, ie ne me resouuiendray point de ses bonnes ceuures. A cela estoient adioustés les exemples de Dauid, qui commit adultere, & homicide: de Magdelaine, & de Saint Pierre, qui renia Christ. Et se mocquoit-on des inepties des Zuingliens, qui disent Que l'homme iustificié ne peut perdre la grace de Dieu, & que neantmoins il peche en toute siene ceuure. Les deux derniers furent vniuermellement condannés & censurés de temerité: avec l'expection toutesfois, de ceux à qui Dieu, a fait speciale reuelation, comme Moysé, & les disciples, ausquels il auoit esté reuelé, qu'ils estoient escripts au liure de vie au ciel.

Après que l'examen des Theologiens sur le point du Franc-Arbitre, & de la Predestination, fut acheué, & que les anathemes eurent esté formés sur les matieres, ils furent inserés & adiouxts à ceux de la iustification, en certains endroits à propos: & furent controulés par les vns & par les autres, selon que chacun y pesoit trouuer quelque parole, ou terme, qui prejudiciait à son opinion particuliere. Mais Jacques Cauque, Archeuesque de Coriou, remontra que les Articles estans censurés par les Theologiens, avec beaucoup de limitations, & ampliations, il estoit necessaire d'inserer icelles es Anathemes: afin qu'on ne condannast absolument aucune proposition, laquelle püst recevoir vn bon sens: sur tout, attendu que le deuoir d'humanité requiert de deceuoir tousiours la plus benigne interpretation: & celuy

*les autres
censurés vni-
uermellement,
sur sont ce-
luy de la
Perseuerance
des élus,*

*disors fit
d'avis en la
construction
de ces Ar-
ticles,*

1546.

*sur quoy
puis certain
propre ex-
pédient,*

de la charité; de ne point penser mal. Mais il fut contredit par plusieurs, qui luy oppoisoient l'usage des anciens Conciles, qui ont condanné les propositions hérétiques: toutes nuë, sans limitation, en la forme qu'elles sont posées par les heretiques: d'ailleurs aussi, d'autant qu'en matiere de foy, pour condamner vn article, il suffit qu'il ait vn sens faux, qui puisse induire les simples & inconsiderés en erreur. Ces opinions auoient toutes deux grande apparence de raison. La premiere, pource qu'il estoit bien raisonnable, qu'on fust quel sens de la proposition estoit condanné. L'autre, pource qu'il sembloit qu'il y allast de la dignité du Concile à limiter les propositions des heretiques. Aquoy on adioustoit, que tous les Canons estoient ia dressés, & exposés en cete forme: Que premierement estoit representée l'opinion dannable: & puis, pour fondement de la condannation, estoient adioustés les passages de l'Ecriture, où la doctrine de l'Eglise, ausquels icelle opinion contraire, à l'imitation des Canons sur la matiere du peché originel, faits en la Session precedente: dont le modelle estoit pris du Concile d'Oranges. Mais, d'autant que la lecture de ces Canons se trouua longue & ennuyeuse pour la plupart: & que ce meslange de verité avec fausseté, & des choses reiettees avec les approuuees, caufoit obscurité & difficulté en l'intelligence, l'Euesque de Sinigaille fort à propos s'auisa d'vn expedient pour tous deux ces inconueniens: assauoir, de separer la doctrine Catholique d'avec la contraire, & faire des Decrets: & l'vn desquels, tóut d'vn trait & halaine fust declaré, & confirmé le sens de l'Eglise, & en l'autre condanné & anathematisé le contraire. Cet aduis fut approuué de tous, & ainsi fut deliberé: & premierement furent formé & dressés les Anathemes separément: & puis on vaua à former l'autre Decret, lequel fut appellé, Decret de la doctrine, & l'autre, les Canons. Et ce style fut du depuis aussi ensuiui en la deuxiesme & troisieme reprise du Concile.

*Et pour
mes si lar-
ges, am-
gues, & dou-
teux, qu'ils
ne se sent-
ent qu'à con-
ner les Lu-
theriens.*

Le Cardinal Legat S. Croix prit vne peine incroyable à former des Decrets, euitât autant qu'il lui fut possible, d'y inserer chose aucune de celles qui sont en controuersie entre les Scolastiques: & quant à celles, qu'il ne put tout à fait omettre, les touchant en sorte, que chacun demeurast content. Et en chaque Congregation, qui se tenoit, il prenoit garde à tout ce qui n'estoit approuué de quelcun, & l'ostoit, ou le rhabilloit selon l'aduis qui en estoit donné: & en discouroit non seulement es Congregations, mais en deuis, priués & familiers, oyoit les doutes & difficultés de tous, & recherchoit les auis d'vn chacun. En fin, apres auoir tourné & arrangé cete matiere en diuerses façes & ordres, & changé or vne partie, or l'autre, il les reduisit en la forme & estat, auquel on les voit à present, & qui fut agréé & approuué de tous. Il est certain, que sur ces matieres furent tenues iusques à cent Congregations: en partie des Theologiens, en partie des Prelats: & que, dès le commencement de Septembre; iusques à la fin de Novembre, il ne passa iour aucun, auquel le Cardinal ne remist la main en ce qui estoit ia redigé par escrit, & n'y fist quelque changement, prenant garde iusques à des choses fort legeres, & menues. Il demeure encor des memoires de ces changemens, & i'en représenteray deux, pour vn eschantillon du grand nombre, quil seroit ennuyeux de specifier. Au premier chapitre de la Doctrine auoit esté de commun consentement escrit, que ny les Gentils par les forces de la nature, ny les Iuifs par la Loy de Moÿse, ne se pouuoient affranchir & deliurer de peché: mais, d'autant que plusieurs tenoyent, par la Circoncision les pechés estoient remis & pardonnés, ils prirent ombrage, que ces paroles pourroyent preiudicier à leur opinion: combien que ce soyent les propres & formels termes de Sainct Paul en diuers endroits. Le Cardinal, pour les contenter, en lieu qu'il y auoit, *per ipsam etiam legem Moysi*, &c. changea des mots, & mit: *per ipsam etiam litteram Legis Moysi*, &c. où tout honnêtement entendu en Theologie peut de foy-mesme iuger comment cete parole, *litteram*, vient à point en ce lieu-là. Aussi au commencement du neuuesme chapitre, ceux qui posoyent & maintenoient la certitude

de la Grace, n'estoyent point contens qu'on dist: Que les pechés ne sont point remis à l'homme pour la certitude de la remission, & pource qu'il se fit en icelle. Dont le Cardinal leur satisfit, excluuant la certitude réelle. & en sa place substituant la iactance, & la con fiance, & repos en icelle seule. Et à la fin du mesme chapitre, chacun peut clairement voir que la cause de l'assertion precedente deuoit estre conceüe en ces termes; D'autant que nul ne peut sauoir asseürément d'auoir acquis la Grace de Dieu: mais, pour complaire à l'une des parties, il falut adiouter. Que nul ne le peut sauoir de certitude de Foy: & pource que cela encores ne iustifioit pas aux Iacopins, ils firent instance qu'on adioustast ce mot de Catholique, disant, Que nul ne le peut sauoir de certitude de foy Catholique. Mais les adherans de Catarin ne l'agreerēt point; dont en lieu de vñ Catholique, on mit foy qui ne peut admettre aucune fausseté. Et cete façon de parler cōtenta les deux parties également: car les vñs en inferoyent, Dōques, la certitude de foy, qu'on peut auoir en ce cy, peut estre faulse, & pourtant incertaine: les autres en recueilloient, Que telle certitude ne peut auoir aucun doute de fausseté pour le temps, pendant lequel on possède & tient la Grace de Dieu. Mais que telle certitude peut, par le changement qui peut auenir, passant de l'estat de grace à celui de peché, deuenir faulse: selon que toutes les verités du temps present, mais contingentes, c'est à dire, qui n'ont point vñ fondement inuuable, absolu, & nécessaire, quoy que d'ailleurs tres-certaines & indubitables, deuiennent faulses par le changement de leur suiet: en lieu que la foy Catholique, non seulement est certaine, mais aussi est inuariable: d'autant que son suiet est de choses nécessaires, ou passées, qui ne reçoient plus changement, ou alteration.

Et de vray; considerant ces particularités, il est conuenable de rendre à ce Cardinal le los meritē, d'auoir seu donner contentement mesmes à ceux qui opiniastroyent opinions directement opposites & contraires: & ceux qui s'en voudront acertener d'auantage, doiuent sauoir, qu'à l'instant apres la Session, Frere Dominic de Soto, principal entre les Iacopins, se mit à escrire trois liures, lesquels il intitula, *De natura & gratia*, pour commentaire de cete doctrine du Concile, dans laquelle par ses expositions il trouue toutes ses opinions. Et quand cet œuvre fut fort en lumiere, Frere Andre Vega; le plus estimé entre les Cordeliers, publia aussi de sa part qu'ınze grands liures, pour commentaires sur les seize chapitres de ce Decret; lequel il exposa tout en faueur de sa propre opinion: & toutesfois ces deux opinions de Soto, & de Vega, non seulement sont diuerses quasi en tous les Articles, mais en plusieurs sont expressément & euidentement contraires. Ces deux œuvres se virent imprimees l'an mil cinq cens quarante huit. Et qui les lit, voyant que fort souuent ils doiuent aux paroles du Concile des sens alternatifs, & douteux, aura occasion de s'esbair: comment ces deux personnages, qui estoient les premiers en sauoir & réputation, & qui plus de tous les autres eurent part audit Concile, n'estoyent informés & acerténés de l'vñique sens & vraye intention du Concile. Et, veu que ce peu d'interessés & engagés en ces qu'estions dans le Concile mesmes, lesquels ont depuis escrit, en ont parlé avec tant de diuersité, ie n'ay iamais pu descouurir, si cete Assemblée s'accordoit veritablement en vñ mesme sentiment; ou s'il y auoit seulement vniformité de paroles. Mais pour retourner au Cardinal, apres que le Decret eut esté approuué de tous à Trente, il l'en-uoia au Pape, qui le bailla à consulter aux Moines, & autres personnages sauans de Rome: & fut par tous approuué & accepté, pour cete mesme raison, Que chacun le peut entendre selon son propre sentiment.

I'ay recité coniointement, & tout d'vne suite, ce qui fut traité en matiere de Foy, & doctrine, pour ne diuiser & desmembrer les choses coniointes. Ce pendant, il fut aussi par quelques iours parlé de la Reformation: & es Congregations, qui se firent pour icelle: fut proposé de faire vñ establissement des qualitez requises en la promotion des Prelats de plus haut degre, & des

on vient à
la Reformation, dont
le premier
Article fut
inutilement
proposé.

S. 46.

autres Ministres de l'Eglise. Et là dessus furent proposees des sentences tres-graue, & discours releués, avec beaucoup d'apparat & de pompe: mais il ne fut iamais possible de trouuer le moyen d'en introduire l'obseruation, & execution. Car és endroits, où les Roys ont la presentation, on ne voyoit point par quels liens & arreſts on les puſt brider: là où l'election a encores quelque lieu, les Chapitres ſont composés de perſonnes grâdes & puisſantes: & pour le demeurant des prelatures, elle ſont de collation Papale, & plus de deux tiers des autres benefices ſont reſerués au Siege Apoſtolic, auquel il n'eſt ſeant de donner loy. Pourtant, apres pluſieurs & long diſcours, on conclut, qu'il valoit mieux omettre tout à fait cete deliberation.

Corpo e-
luy de la
reſpect
auant en-
gender de
grands d-
bais.

Les diſcours, tenus ſur le fait de la reſidence des Eueſques, & autres Curés en leurs Eglises, ne furent ne plus courts, ny en moindre nombre. Et quoy qu'ils aboutiſſent tous à cete reſolution, Qu'icelle eſtoit neceſſaire, & ſouhaittee de pluſieurs, ne paſſerent neantmoins en ce temps ſans conſuſion, & preparerent matieres à d'autres vacarmes, pour l'auenir. Or, pour l'intelligence de cete matiere, il eſt neceſſaire de la reprendre des ſon cōmencement.

dont les pre-
miers ſon-
d men- ce
origines ſont
exposés.

Les degres Eccleſiaſtiques, en leur origine, ne furent point eſtablis comme dignités, preeminences, recompensés, ou honneurs, comme ils ont eſté des pluſieurs centaines d'annees en ça, & comme nous les voyons encores aujour-d'huy: mais, comme miniſteres, charges, & comme S. Paul les appelle, œu- res, ſelon qu'auiſi Noſtre Seigneur en l'Euangile, nomme ſes miniſtres, Ou- rriers: & pourtant en ces premiers temps-là, il ne pouuoit venir en la penſee d'aucun de s'abſenter de leur exercice en propre perſonne: que ſi quel- quesfois (ce qui aduenoit rarement) quelcun ſe departoit ou retiroit de l'œu- re, il n'y auoit point de raiſon, qu'aucun titre, & emolument luy en demeurast. Et combien que les miniſteres fuſſent de deux ſortes, d'ont l'une s'appelloit, De la Parole, & à preſent eſt nommee Cure d'ames: l'autre; des choſes temporelles, comme eſt de la nourriture, ſoin & ſeruices des pauvres & des malades, tels qu'eſtoient les Diaconats, & autres œu- res ſubalter- nes: chacun ſe tenoit egale- ment obligé à rendre ſon ſeruice en propre perſonne: & nul n'auoit iamais penſe de ſeruir par ſubſtitut & procureur, ſauf que pour tres-petite eſpace, & ce pour grands & vrgens empeſchemens: moins auroit-il pris vn autre charge, qui euſt eſté d'amepechement à la ſiene. Dès que l'Eglise fut accrue, es endroits eſquels le peuple Chreſtien eſtoit nombreux, & libre des perſecutions, fut ordonnee vne autre ſorte de Miniſtres pour ſeruir és aſſembles Eccleſiaſtiques, tant à lire les Sainctes Eſcritures, qu'à faire aures fondions, propres à exciter la deuotion. On eſtablit auſſi des Colleges de Miniſtres, qui en commun vauaſſent à quel- que charge: & d'autres, comme ſeminaire, deſquels on puſt tirer des Mi- niſtres tout façonnés. Ces Miniſtres de Colleges, n'ay- ant point de charge particulière & perſonnelle, attendu que l'aſſe- mblee faiſoit le ſeruice autant avec vn de moins qu'avec vn de plus, ſouuentes fois s'abſentoient de leur Eglise, les vns pour vn petit, les autres pour vn long eſpace de temps, pour cauſe d'eſtude, ou de plus grande inſtruction, ou autre: ſans toutes- fois tenir titre, ny office quelconque, ny auſſi percevoir aucun emolument. En cete ſorte Saint Ierome, Preſtre d'Antioche, mais ſans charge particu- liere, & de meſmes Ruſſin d'Aquilee, & Saint Paulin ordonné Preſtre de Barcellona, reſiderent peu en leurs Eglises. Es temps ſuiuans, le nombre de tels Miniſtres Collegiaux eſtant augmenté, il degenera en abus, & furent nommés: Les Clercs vagabonds, d'autant que par cete façon de viure, ils eſtoient deuenus odieux: & de tels eſt fait ſouuent mention és loys, & és nou- uelles de Juſtinien: mais toutes- fois iamais on ne penſa de tenir & garder le titre d'vn office, & d'en iouyr des emolumens ſans ſeruir, ſinon des l'an- nce ſept cens, en l'Eglise Occidentale, lors que les Miniſteres Eccleſiaſtiques changerent de nature & qualité, & deuinrent degres de dignités & honneurs & meſmes recompensés de ſeruices rendus: & en lieu qu'ancienement, és promotions Eccleſiaſtiques, ſelon le beſoin & la neceſſité de l'Eglise,

on pouruoit de personne capable & idoine pour le ministère d'icelle: du
 depuis, on a introduit le contrepied: c'est, que selon la qualité de la person-
 ne, on la pouruoit de degré, dignité, & emolument sortable: & de là est né
 l'usage d'exercer l'œuvre, & le ministère, par substitut. Cet abus ayant pris
 pied, en a tiré vn autre quant & soy: c'est, que les ministres ont estimé
 d'estre desobligés non seulement de faire le seruice, mais d'estre presens, &
 assister à celuy qui le fait en leur place: & de vray aussi, la où n'est point
 fait chois de l'industrie & capacité de la personne pour l'œuvre: mais,
 où tant seulement on pouruoit de degré & place à la personne, il n'y a point
 de raison qu'icelle soit astreinte à faire le seruice par soy-mesme, ou a assi-
 ster à celuy qui le fait. Le desordre estoit passé si auant, qu'il auroit des-
 truit & renuersé tout l'Ordre Clerical, si les Papes de Rome n'y eussent ob-
 tenué en partie, commandant que les Prelats, & autres Curés, quoy qu'e-
 xercans leurs charges par substituts, fussent toutesfois obligés à demeurer
 sur les lieux, ce qu'ils nommerent Residencé: à quoy aussi ils voulurent
 obliger les Chanoines: mais n'y atteignirent point les autres Clercs benefi-
 ciés, & ne parlerent point d'eux: ains les laisserent en possession de l'usage,
 ou plustost de l'abus introduit: & de ce silence aduint qu'iceux se tinrent des-
 obligés: & les Papes ne desagreerent pas trop cete volontaire tromperie;
 voyant bien qu'elle reüssiroit à la grandeur de leur Cour. Et de cecy vint
 la pernicieuse & detestable distinction des benefices de residence, & de
 non residence: laquelle on a embrassée, tant en la doctrine, qu'en l'œu-
 re, sans aucune honte de l'absurdité, qu'elle emporte quant & soy, qu'un
 titre, & salaire, soit baillé sans obligation. Et les Canonistes, pour pallier
 cecy, ou, pour mieux dire, pour le faire paroître tant plus honteux & infame,
 ont exposé en cete sorte leur maxime, qui en descouuroit l'absurdité, assa-
 uoir, *Que tout benefice est donné pour l'office*: disant, *Que par office il*
faut entendre les heures & oraisons du Breuiare, tellement qu'un reueu-
 de mille, voire de deux mil & plus d'escus, aura esté donné à ce seul effect,
 qu'un homme prenne en main un breuiare, & y lise tout bas, le plus cou-
 ramment que la langue peut permettre, sans penser à autre chose, qu'à la
 seule prononciation des mots. La distinction des Docteurs, & les dispen-
 ses des Papes, augmentèrent l'abus en peu de temps: car, sans icelles, quel-
 cun, au moins des simples beneficiés, auroit fait conscience de s'absenter
 de son Eglise: en lieu, qu'avec icelles, chacun a iustificié l'abus comme chose
 licite. Et pour les Curés, la dispense du Pape, qui n'est iamais refusée à
 qui la recherche par la voye & moyen, qui fait obtenir toutes choses à Ro-
 me, auoit causé, qu'il n'y auoit plus que les Curés pauvres, & ceux qui ti-
 roient profit & auantage de demeurer sur les lieux, qui residassent en leurs
 Eglises: & l'abus, que les Papes auoient auparavant corrigé en quelque pe-
 tite partie par leurs loix, monta à son comble par les dispenses, & s'espandit
 par tout, infectant toute la terre. Les troubles & mouuemens d'Allema-
 gne, au fait de la Religion, estans arriués, donnerent occasion de parler, &
 de requérir reformation en ce fait: d'autant que tous iurtoyent le mal à la
 negligence, & au peu de soyn des Prelats, lesquels on desiroit voir au gou-
 uernement & conduite de leurs Eglises: & de cesteuoy on les dispenses; qui
 causoyent leur absence: & sur ce sujet furent mis en auant plusieurs discours
 & propos touchant leur obligation à resider. Et quelques personnaiges de
 pieté, & entr'iceux Frere Thomas de Vio, Cardinal Caietan, posèrent;
Que l'obligation à la residence estoit de droit diuin: & aduint en cecy, comme
 en toutes autres choses, que la passion & irritation precedente persuada
 l'opinion la plus rigoureuse, & l'obligation la plus estroite, & plus difficile à
 relascher, en luy donnant force & vigueur de loy diuine. Les Prelats voyoyent
 bien le mal, mais eussent desiré de le faire paroître excusable, & de legere
 offense: & pourtant espoulerent l'opinion, qu'ils estoient obligés à cela non
 de par Dieu, mais de par le Pape: dont la dispense, ou la comminence d'ice-
 luy, les exemptoit de faute. Cete maniere, dont on auoit ainsi disposé la do-

35 4 6.

drine au preallable; fut proposee au Concile, comme a esté dit: & d'icelle nalsquit au commencement vne controuersie assez legere, qui s'engregea puis apres; & en fin és années mil cinq cens soixante deux, & soixante trois, vint aux extremes: & pourtant i'ay iugé à propos d'en faire icy cete brieue recapitulation, & par cy-aprés d'en apporter quelques particularités qui aduinrent.

On proposa donques premierement des Articles: lesquels ne tendoyent à autre chose, qu'à serrer de plus fort les commandemens & les ordonnances sur le fait de la residence, & à y apposer peines, & à en oster les empeschemens, & en faciliter l'exécution: à quoy tous s'accordoyent, allegans plusieurs raisons tirees de l'Escripture sainte du Vieil & du Nouveau Testament, & des Canons des Conciles, & de la doctrine des Peres, & aussi des inconveniens qui estoient prouenus du non resider. Mais la plupart des Theologiens, & sur tout des Iacopins, passerent iusques à determiner, Que l'obligation estoit de droit diuin. Et de cet auis estoient principaux auteurs Frere Barthelemy Caranza, & Frere Dominic de Soto, Espagnols: & leurs plus preignantes raisons estoient, Que l'Episcopat auoit esté institué par Iesus Christ, comme vn ceuvre, & ministere: & que pourtant il requeroit vne action personnelle, laquelle vn absent ne peut accomplir. Que Christ, deservant les qualités d'un bon Pasteur, dit, Que il met sa vie pour les brebis: les connoit nom par nom; & chemine deuant elles. Mais de l'autre costé, les Canonistes, & les Prelats Italiens, debatoyent que l'obligation de la residence n'estoit que par loy de l'Eglise: allegans, que iamais aucun non residant n'auoit esté repris, comme transgresseur de la loy diuine, mais seulement comme infracteur des Canons. Que Timothee, Euesque d'Ephese, auoit bien esté long temps en voyage, par commandement de S. Paul. Que nostre Seigneur auoit dit à saint Pierre, Pais mes brebis: ce qui s'entend de toutes generalement: & cependant iceluy ne pouuoit estre present par tout: & que de mesmes l'Euesque peut accomplir le commandement de paistre son troupeau, sans resider auprès d'iceluy. Ils respondoient aussi aux raisons contraires, disant, Que les qualités & conditions du Pasteur, proposees par Nostre Seigneur, ne conuenoyent à autre qu'à luy seul.

Frere Ambroise Catarin, quoy que Iacopin, estoit contraire aux autres de son ordre, & disoit, Que l'Episcopat, qui est d'ordonnance de Christ, n'est qu'un seul, & que c'est celuy qu'a le Pape: & que l'institution des autres est du Pape, lequel comme il departit à vn chacun la quantité & le nombre des brebis qu'il doit paistre, aussi luy en peut-il prescrire le moyen & la qualité. Et pourtant, qu'il appartient au Pape d'ordonner à chaque Euesque qu'il vaille à son troupeau, ou en propre personne, ou par substitut: tout de mesme, comme il luy peut assigner petit ou grand troupeau, & mesmes aussi les destituer du pouuoir de paistre. Thomas Campege, Euesque de Felitre, respondoit d'une autre façon, Que l'Euesque, comme tesmoigne S. Ierome, est bien d'ordonnance de Christ: mais que le departement des Euesques a esté du depuis fait par l'Eglise: que Christ donna bien la charge de paistre à tous les Apostres, mais ne lesastreignit pas à vn certain lieu: & que des actions des Apostres, & de leurs disciples, paroissoit assez, que c'est vne ordonnance purement Ecclesiastique, d'auoir assigné vne portion du troupeau à l'un, & l'autre à l'autre, pour mieux gouverner.

Ces choses furent debatues avec beaucoup de passion entre les Euesques Espagnols non seulement adheroyent aux Theologiens, qui soustenoyent la residence estre de droit diuin, mais mesmes les fomentoyent, & incitoient: ayant vn secret, qu'ils ne communiquoyent qu'entr'eux seuls, d'agrandir l'autorité des Euesques: car, s'il eust esté vne fois décidé, que c'est de Christ, qu'ils ont la charge de gouverner leurs Eglises, par mesme de moyen seroit arresté, que de luy-mesme aussi ils ont l'autorité ecclesiastique à cet effect, & que le Pape, ne la peut limiter ny restreindre. Ces desseins estoient halenés par les adherans de la Cour de Rome, qui en

*sort paist
nes, sur tout
à cause des
Espagnols
qui desir
restablir
l'autorité
Episcopale*

voyoyent la consequence tres-grande, & pourtant accourageoyent aussi de leur costé les defenseurs de l'opinion contraire.

1546.

Les Legats aimerent mieux gauchir, & parer à ce coup, sans faire semblant de descourir le dessein: & à cet effet ils dirent pour lors, Que la matiere estoit malaicee, & auoit besoin de plus grand examen: d'autant qu'es choses, qui sont en differend entre les Catholiques mesmes, il n'est pas expedient de venir à decision, qui condanne l'une des parties: de peur de chisme, & de ietter semences de diuisions & contentions: & afin qu'on puisse unanimement vaquer à condanner les Lutheriens. Et pourtant, qu'il valoit mieux différer à vne autre Sessiô la declaratiô de quelque droit la residêce est dûe.

Quelques vns iugeoient, qu'il suffisoit de renouveler les anciens Canons, & decretales, sur ce suiet, disant, Qu'ils sont assez seueres, portant peine de priuation de benefice: mais aussi equitables, admettant les excuses legitimes. Et qu'il n'y restoit autre à faire, que trouuer moyen d'empescher l'octroy des dispenses: & que cela, sans plus, suffisoit. Autres estimoyent qu'il les faloit aiguïser, & renforcer par peines nouuelles: & ce qui plus importoit, trauailler à ôter les empeschemens de la residence: d'autant, qu'iceux ôstés, la residence s'ensuiuroit de soy-mesmes: & qu'il importoit bien peu d'où vinst l'obligation, pourueu seulement qu'elle fust executee, & mise en effect. Que cela fait, on pourroit tout à loisir examiner plus à fonds la matiere. Mais le plus grand auis porta, qu'on fist l'un & l'autre: à quoy les Legats aussi acquiescerent, à tel si toutesfoi, qu'on ne parlast point des dispenses: mais qu'on ôstast les empeschemens, desquels prouienent les exemptions, afin d'ôter quant & quant l'occasion de rechercher les dispenses. En quoy il se trouua non moins à dire, & à debatre, entre ceux qui tenoyent toutes exemptions pour abus, & ceux qui les iugeoyent necessaires en l'Eglise, & n'en condannoient que l'excès.

à laquelle
on recon-
nit les dis-
penses
de Rome es-
tre directe-
ment con-
traire, &
discours sur
ce suiet du
gouverne-
ment ancien
de l'Eglise,
& de l'in-
troduction
des dispen-
ses d'absol-
ter.

S. Ierome tesmoigne, qu'es premiers commencemens du Christianisme, les Eglises estoient de forme Aristocratique, gouvernées par le commun conseil & aduis du Presbytere, ou compagnie des Anciens: & que, pour obuier aux diuisions, qui se glissoient dans l'Eglise, fut institué le gouvernement Monarchie, donnant toute la surintendance à l'Euesque; auquel tous les Ordres de l'Eglise obeïssoyent, sans qu'aucun pensast plus de se soustraire de ce gouuement. Les Euesques voisins, les Eglises desquels auoyent commerce & communication ensemble, pour ce qu'elles estoient sous mesme prouince, se gouuernoient aussi en commun par Synodes: & pour faciliter d'auantage le gouuement, ils attribuoient & deseroient beaucoup à l'Euesque de la Ville capitale, comme au chef de ce corps: & à cause de la plus grande communication, que toutes les prouinces d'un Gouuernement auoyent ensemble, l'Euesque de la Ville, en laquelle residoit le Gouverneur, acquit, par vsage & coustume, vne certaine superiorité sur les autres. Ces Gouuernemens, ou Prefectures estoient, la ville Imperiale de Rome; avec ses villes nommées suburbicaires, la Prefecture d'Alexandrie, qui commandoit à l'Egypte, à la Lybie, & à Pentapolis: celle d'Antioche, qui commandoit à la Syrie, & aux autres prouinces d'Orient. Et le mesme estoit obserué en d'autres moindres gouuernemens, ou prefectures, appelees en Grec Eparchies. Cete forme de gouuernement introduite, & autorizée par la seule coustume; à cause de son vtilité, fut du depuis établie par le premier Concile de Nicée sous Constantin, & fut par Canon expres ordonné qu'elle seroit gardée & continuee. Et lors chacun estoit tant esloigné de s'exempter de l'ordre posé, que, quoy que l'Euesque de Ierusalem eust beaucoup d'honorables preeminences, (peut-estre, d'autant que c'estoit le lieu, où Nostre Seigneur Iesus Christ auoit conuersé en chair, & auquel la Resurrection auoit eu ses commencemens) le Concile de Nicée ordonna, que ces prerogatives honorables eussent lieu, en sorte & maniere toutesfoi, que rien ne fust rabattu, ne diminué de sa superiorité & des droits du Metropolitain, qui estoit l'Euesque de Cesarée. Cete forme de gouuer-

neiment a tousiours esté gardee és Eglises Orientales : mais en l'Eglise Latine elle a esté alteree à cete occasion : c'est que plusieurs grands Monasteres ayant esté bastis, & construits, & iceux estans gouuernés par Abbés de grande reputation & suffisance, & qui par l'esclat de leurs vertus donnoient dans les yeux, & faisoient ombre aux Euesques, il nasquit desialousies entre les lvs, & les autres : & les Abbés, pour se deliurer de ces ennus : soit qu'ils fussent veritables, & reels, soit qu'ils fussent affectés & controuués à intention de colorer leur ambition de se soustraire de la due suiettion, obtinrent des Papes de Rome, d'estre receus sous la protection de S. Pierre, & immediatement sous la suiettion Papale : ce qui tournoit au grand auantage de la Cour de Rome : d'autant que qui obtient priuileges, est obligé, pour les conseruer, de maintenir l'autorité de celuy qui les luy a ottoyés : & de la aduint, que bienost tous les Monasteres furent exemptés des Euesques. En suite, les Chapitres des Eglises Cathedrales, composés pour la plus part de Reguliers, obtinrent exemption sous mesmes pretextes. Finalement les Congregations de Cluny, & de Cisteaux, s'exempterent toutes entieres, au grand accroissement de l'autorité Papale, laquelle par ce moyen venoit à auoir des suiets propres en tous lieux, defendus & protegés par le Papat, lequel aussi reciproquement ils defendoyent & protegeoient. S. Bernard, qui fut de ce temps là, & de l'ordre mesme de Cisteaux, n'en approuua point l'innocence : ains remonstra au Pape Eugene III. que c'estoyent tous abus, & qu'il ne deuoit point trouuer bon qu'un Abbe recufast de s'assuiettir à son Euesque, & l'Euesque à son Metropolitan. Que l'Eglise militante doit prendre exemple de la triomphante, en laquelle iamais aucun Ange ne dit, Je ne veux point estre sous l'Archange. Mais il auroit bien dit autres choses, s'il eust veu ou temps d'apres. Car du depuis, les ordres des Mendians passerent bien plus outre, ayans obtenu non seulement totale exemption de l'autorité Episcopale, generalement en quel que lieu qu'ils fussent : mais aussi, pouuoir & permission de construire Eglises en tous lieux, & mesmes d'administrer en icelles les saints Sacremens. Mais encores en ces derniers siecles auoit-on franchi la barriere plus auant : d'autant que tout petit Prestre particulier, à fort petits frais, achetoit vne exemption de l'autorité de son Euesque, non seulement és causes de correction : mais aussi pour pouuoir estre promu, & consacré par qui il luy plairoit : & en somme, de ne reconoitre en rien son Euesque.

Les exemptions ne pouuoient estre abasues sans moderation en quel que petite partie.

C'estoit là l'estat des affaires, auquel les Euesques requeroient remede, & aucuns d'entreux, plus violens, ramenoyent les choses dites és Congregations precedentes la derniere Session contre l'exemption des Moines : mais es plus prudens & moderés, qui tenoyent que c'estoit vne entreprise impossible, attendu, le grand nombre, & pouuoir des ordres reguliers, & la faueur de la Cour de Rome, se contenterent de faire abolir les exemptions des Chapitres, & des personnes particulieres, & requirrent que toutes fussent reuocques. Mais les Legats firent beaucoup d'offices à part avec vn chacun, & leur remonstrerent, que la Reformation ne se pouuoit toute reigler en cete Session : & qu'il falloit bien commencer, mais aussi laisser quelque partie pour les temps suiuaus : si bien qu'ils les firent descendre à se contenter qu'on ostast seulement l'exemption és choses criminelles aux Protestans particuliers, & aux Moyens demeurans hors de leurs Conueus, & aux Chapitres : comme celles, dont arriuent plus grands inconueniens. Et qu'on reuokaist aussi les pouuoirs de conferer les Ordres Clericauz à ceux qui ne resident en leur propre Diocese : avec promesses, qu'on continueroit à pouruoir aux autres abus en la Session suiuiante.

Le Pape de goust cõire l'empereur rappela son neveu Alexandre, le 15.

Pendant, que ces choses se manioient à Trente, le Pape, ayant receu l'aduis du Cardinal Farnese, & considerant avec combien peu de reputation pour soy vn Legat Apostolic demeurait à Regensbourg, pendant que ses gens de guerre estoient au camp, il le rappela : & avec luy partit vn bon nombre des gentils hommes Italiens des troupes du Pape. A la mi Octobre les deux

les deux armées se trouuerent à Sontheim si proches l'une de l'autre, qu'il n'y auoit entre deux qu'une petite riuere: & demeurans en cet estat, Otaue Farnese, enuoyé par l'Empereur, avec les troupes Italiennes, & autres Allemandes qui luy furent baillees de renfort, prit la ville de Dona vert, quasi à la veüe de l'armée ennemie, laquelle n'auoit fait aucun effet, tout le temps qu'elle s'estoit entretenue en Suabe, sinon de tenir l'Empereur en alte, mais au mois de Nouembre, elle fut contrainte d'abandonner ce pais là, par vne grande diuersion, que les Bohemiens & autres de la faction Imperiale firent contre le pais de Saxe, & de Hesse, estats des deux Chefs Protestans: lesquels pour cete cause se retirerent à la defense de leurs propres maisons & terres, & laissans l'Allemagne superieure à la discretion & mercy del'Empereur: qui fut la cause, qu'aucuns Princes, & plusieurs villes allies se ployerent à composer avec luy, avec vne honneste assurance de l'exercice & liberté de leur Religion. Mais il ne voulut point permettre qu'aucune chose en fust redigee par escrit, afin qu'il ne semblaist point que la guerre eust esté entreprise & faite pour cause de Religion: ce qui auroit pu offenser ceux de la mesme religion, qui le suiuyent, & empescher la reddition des autres: & d'ailleurs aussi donner soupçon & ombre aux Ecclesiastiques d'Allemagne, qui esperoyent de voir les ceremonies & le seruice Romain reestabli en tous lieux. Toutesfois ses ministres & agents donnoyent parole à tous, qu'ils ne seroyent point molestés en l'exercice de leur religion: & excusoyent leur Maistre, de ce qu'il ne pouuoit leur donner ce contentement d'en faire traité expresse: & luy mesmes procedoit en maniere, que sa deliberation, de les contenter par conuenance, paroissoit clairement à tous. L'Empereur par ces compositions acquit vne tres-grande quantité d'artillerie, & tira par voye d'amende immenses sommes de deniers, à la concurrence de plusieurs centaines de milliers: & ce qui importoit le plus, il demeura maistre absolu de la haute Allemagne.

et l'empereur
faisoit vne
cruelle di
uersion sur
les Princes
Protestans,
qui le rend
maistre de
la haute
Allemagne
conuainc au
sais de la
Religion,

le Pape, of
fensé de plus
fort, rapela
son ancre
neueue, c'est
ses troupes,

dont l'Em
pereur se
plaint,

et le Pape
se iustifie.

Ce grand heur & succès donna beaucoup de ialousie au Pape, & luy fit penser à ses propres affaires, auant que toute l'Allemagne fust rangee sous le ioug & obeissance. Ses gens de guerre, conduits par Otaue Farnese, son neueu, estoient fort amoindries de nombre, à cause du depart de ceux qui s'estoyent retirés avec le Cardinal Farnese, & d'autres qui s'estoyent desrobés & desbandés pour les incommodités. Et lors que le camp Imperial estoit logé pres du village de Sontheim, à la mi Decembre, tout le reste part aussi, par commandement expres du Pape, lequel manda à son neueu Otaue de s'en retourner en Italie, & de dire à l'Empereur son beaupere, Que le terme conuenu de six mois estant expiré, le Pape ne pouuoit plus porter vne si grande despense: que le temps de l'obligation estoit acheué, & que le but de la Ligue estoit effectué, l'Allemagne estant reduite à obeissance. L'Empereur fit de grandes plaintes, d'estre ainsi abandonné, iustement au point de bien faire, & lors que le secours luy estoit plus necessaire: d'autant qu'il n'y auoit rien de fait, iusques à ce que les Chefs ne fussent abbatuz: & qu'on ne pouuoit dire qu'ils fussent veincus; pour s'estre retirés à la defense de leurs propres Estats: & que quand ils seroyent à deliurer en leurs maisons, il estoit à craindre qu'ils retourneroyent avec plus grandes forces, & meilleur ordre que deuant. Mais le Pape se iustifioit de ce qu'il ne vouloit plus continuer en la Ligue, & de ce qu'il auoit rappelé ses gens; disant, Que l'Empereur ne luy auoit point fait par des accords & conuentions qu'il auoit fait avec les Villes & les Princes, lesquels ne pouuoient estre conelus & arrestés sans luy: sur tout, attendu qu'ils estoient au grand prejudice de la foy Catholique, tolerans l'heresie, laquelle pouuoit estre exterminée. Qu'il n'auoit point participé, comme toutesfois portoyent les Articles de la Confederation aux profits de la guerre, ny aux deniers tirés des villes qui auoyent composé. Que l'Empereur se plaignoit de luy, en lieu que luy estoit l'offensé, & le mesprisé, avec perte & dommage de la Religion.

Et non content de cela, il denia aussi à l'Empereur de pouuoir continuer

Cc

1546.

aise prenoient des deniers des Eglises d'Espagne, au delà du terme de six mois. Et, combien que les Agens de l'Empereur hussent de grands reiters, & puissans offices enuers luy, remonstrant, qu'attendu que la cause, pour laquelle iceux auoyent esté accordés, du roit encores, il falloit aussi en continuer l'ortroy & la concession, & qu'autrement l'œuvre encommencé demeureroit vain & sans fruits, en cas qu'on ne menast à fin ceste guerre, ils ne purent iamais pourtant le demouoir de la resolution qu'il auoit prise.

Ce leu-
sieur
sieur
sieur.

Il arriua aussi vne autre occasion d'accroistre les plaintes & doleances de l'Empereur. C'est qu'il se brassa à Genes vne grosse & dangereuse conspiration de la famille des Fiesques, contre celle des Dories, tenans le parti de l'Empereur, laquelle faillit de fort peu à estre executée, & mise à chef: & l'Empereur tint pour tout assuré, que le Duc de Plaisance, fils du Pape, en estoit l'auteur, & qu'elle venoit de la boutique du Pape: & ne put s'abstenir

le Pape ob-
nie au, es-
pluier que
suy pour il
prouer
l'empereur
pas le Co-
cile:
e fait par
bis les De-
crets for-
més

de s'en declarer, & d'adiouster cete plainte aux autres. Le Pape d'ailleurs croyoit fermement que l'Empereur seroit occupé en Allemagne pour vn long temps, sans qu'il le pust offencer à force ouuerte: mais redoutoit qu'il ne luy suscitast quelque fascherie, faisant aller les Protestans au Concile. Le remede à cela pouuoit estre, de separer & dissoudre le Concile: mais cela luy sembloit trop violent & scandaleux: sur tout le Concile ayant esté sept mois à traiter des matieres, sans en publier chose aucune. Et pourtant il s'ad- uisa de faire publier les choses ia debatues & digerees: car par icelle declaration, les Protestans, ou refuseroyent d'y aller, ou y allans seroyent contraincts d'accepter la determination qui en seroit publiee: ce qu'arriuant il remportoit pleine victoire, attendu que cete matiere est le centre, fondement & piout de toutes les controuerses. Et quand mesmes il n'y eust eu autre raison, cete-cy le conseilloit de ce faire, Que c'estoit le contrepied des intentions de l'Empereur, lequel desiroit qu'on s'abstinst de decider les controuerses: & pourtant cela suffisoit pour induire le Pape à l'entreprendre, veu que ceux qui ont fins & intentions contraires, doiuent aussi auoir contraires conseils. Ils voyoit bien que l'Empereur le prendroit à grieue offense, mais les mescontentemens entr'eux estoient ia si fort parcrus, qu'à peine y pouuoit on n'en adiouster d'auantage. Et le Pape, quand es deliberations il serouroit enfermé entre les raisons qui l'induisoyent, & le dissuadoient, auoit de coustume de se seruir du terme Florétin, *es la facta capo ha*: Chose faité à vn bout: (c'est à dire les choses faites demeurent faites, & en fin il faut s'en apaiser) & tout ensemble mettre la main à la partie plus pressante & necessaire. Et pourtant es festes de Noel il escriuit aux Legats, qu'ils tinssent la Session, & publiassent les Decrets ia formés.

de la Ses-
sion fixime
est intimée,
nonobstant
l'oppression
des Imper-
iaux,

Ce commandement receu, les Legats tinrent Congregation le troisieme de lantier l'annee mil cinq cens quarante sept: en laquelle premierement on delibera d'intimer la Session, pour le treizieme du mesme mois, au grand & general plaisir & contentement de tous, qui s'ennuyoyent grandement de demeurer si long temps sans resoudre chose aucune: puis les Legats proposerent de publier les Decrets formés. Quant à ceux de la Foy & doctrine, les Prelats Imperiaux s'y opposerent, disans, Qu'il n'estoit pas encore temps, & qu'il suffisoit de publier ceux qui concernoyent la Reformation. Mais les Papaux faisoient instance au contraire: allegans, Qu'il estoit notoire à tout le monde que ia par sept mois continuels on auoit ventilé la matiere de la Grace & de la Iustification, dont aussi le Decret estoit ia arresté. Que ce seroit au detrimet de la foy, si le monde voyoit que le Concile craignist de publier la verité, qui estoit ia decidee. Ceux-cy l'emporterent, estans en nombre beaucoup plus grand que les autres, & leur opinion estant fortifiée de l'autorité des Legats. Les deux suivantes Congregations furent toutes employées à relire les Decrets, tant de la Doctrine & Foy, que de la Reformation: lesquels furent agreés de tous, apres qu'on y eut rhabillé quelques petites choses, selon les aduertissemens de ceux qui ne s'y estoient trouués auparauant. Le treizieme Iannier, iour destiné pour la

est tenue,

seance publique, les Legats, avec les Prelats, se transporterent en l'Eglise, avec les ceremonies accoustumées, & la Session se tint. Et la Messe fut chantée par André Cornare, Archeuesque de Spalate en Dalmatie, & le Sermon fut fait par Thomas Stella, Euesque de Salpi: & furent lus les Decrets de la doctrine, & de la Reformation.

Le premier contenoit seize chapitre avec leurs proëmes, & trentetrois anathemes. Et en substance, apres auoir defendu de croire, prescher, ou enseigner autrement qu'il n'estoit arresté, & expliqué en ce Decret, le Concile declaroit: Premièrement, Que, ny les Gentils, par moyens naturels, ny les Iuifs, par la lettre de Moÿse, n'ont pu estre deliurés de peché. En second lieu, Que pour cete cause, Dieu a enuoyé son Fils, pour racheter les vns & les autres. Entroisieme lieu, Qu'iceluy est bien mort pour tous: mais que toutesfois ceux-là seuls iouissent de ce benefice, à qui le merite d'iceluy est communiqué. En quatriesme lieu, Que la Iustification de meschant n'est autre chose, qu'un transport & translation de l'estat du fils d'Adam en celuy de fils adoptif de Dieu par Iesus Christ: lequel transport, apres la publication de l'Euangile, ne se fait point sans le Baptisme, ou sans le vœu, & ferme propos & intention de le recevoir. En cinquieme lieu, Que le commencement de la Iustification, en ceux qui sont en aage, vient de la Grace preuenante, laquelle les conuie à se disposer, en consentant franchement, ou en y cooperant: ce que l'homme fait du libre & spontanee mouuement de sa volonte, au pouuoir de laquelle il est de refuser icelle Grace. En sixiesme lieu, Que la maniere de cete disposition, ou preparation, est de croire premierement aux reuelations, & aux promesses de Dieu: & puis, en se reconnoissant pecheur, se tourner de la crainte de la iustice de Dieu à sa misericorde, avec esperance de son pardon, dont l'homme commence à l'aimer, & à haïr le peché: & finalement de se proposer & arrester en foy mesme de recevoir le Baptisme, & de commencer à mener vne vie nouuelle, & à garder les commandemens de Dieu. En septiesme lieu, Qu'apres cete preparation suit la Iustification, qui n'est pas seulement, remission des pechés, mais aussi sanctificatiō: & à cinq causes, la finale qui est la gloire de Dieu: & la vie eternelle, l'efficiente, qui est Dieu: la meritoire, qui est Christ: l'instrumentale, qui est le Sacrement, & la formelle qui est la iustice donnée de Dieu, receüe selon le bon plaisir du Saint Esprit, & proportionnément à la disposition du receuant, qui ensemblement avec la remission des pechés reçoit la foy, l'esperance, & la charité. En huitiesme lieu, Que quand Saint Paul dit, que l'homme est iustifié par la foy, & gratuitement, cela se doit entendre, d'autant que la foy est le commencement de la Iustification: & les choses qui precedent la Iustification ne sont nullement meritoires de la Grace. En neuuiesme lieu, Que les pechés ne sont pardonnés à qui se vante, & se repose en la seule cōscience & certitude de la remission: & ne faut point dire, que c'est la seule foy qui iustifie: ains, comme vn chacun doit bien estre indubitablement assure de la misericorde de Dieu, des merites de Christ, & del'efficacé de Sacrement: aussi, regardant sa propre indisposition, il peut douter, ne pouuant sauoir de certitude de foy infailible, s'il a obtenu la Grace. En dixiesme lieu, Que les iustes, par l'observation des commandemens de Dieu, & de l'Eglise sont de plus en plus iustificés. En onzieme lieu, Qu'on ne peut dire, que les commandemens de Dieu soyent impossible au iuste: lequel, quoy qu'il tombe en peches veniels, ne laisse pas pourtant d'estre iuste: que nul ne se dit arrester & fonder en la seule foy: & ne se doit dire, que l'homme iuste commette peché en tout œuure: ne qu'il peche: s'il œuure pour fin de loyer & recompense. En douzieme lieu, Que nul ne doit presumer d'estre predestiné, en croyant que l'homme iustifié ne peut plus pecher, ou s'il peche, qu'il se doit promettre de venir à resipiscence. En treiziesme lieu, Que nul ne se peut assurer d'absoluë certitude, de preseruer iusques à la fin mais doit mettre son esperance en l'aide de Dieu, lequel continuera à la luy prester, pourueu seulement que l'homme n'y defaille point de son costé:

Cc ij

Decrets du
concile en
matiere de
la Iustifi-
cation, &
de ses ap-
portemens.

En quatorzième lieu, Que ceux qui tombe en peché, pourront racquerir & rauoir la Grace, en procurant de la recouurer par le moyen de la penitence: laquelle est differente de celle du Baptême: d'autant qu'elle ne contient pas seulement la contrition, comme celle la: mais aussi la confession sacramentelle: & l'absolution sacerdotale, du moins en vœu, & propos arresté: & en outre, la satisfaction par la peine temporelle, laquelle n'est pas tousiours remise tout à la fois, comme au Baptême. En quinzième lieu, Que la Grace de Dieu se perd: non seulement par l'infidelité, & incredulité: mais aussi par tout autre peché mortel: ors que par iceluy la foy ne soit point perdue. En seizième lieu, le Decret propose aussi aux iustifiés l'exercice des bonnes œuvres, par lequel ils acquerent la vie éternelle, comme vne grace promise par la misericorde de Dieu, & cōme vne recompence due aux bones œuvres, en vertu de la promesse de Dieu. Et cōclut, Que cete Doctrīne n'establit point vne iustice qui soit nostre propre, reiectāt la iustice de Dieu: mais que la meisme iustice est appelee nostre, d'autant qu'elle est en nous & de Dieu, d'autant qu'elle est par luy infuse en nous, par le merite de Christ. Et que pour faire sauoir à tous, non seulement la doctrine qu'ils doivent suivre, mais aussi celle qu'ils doivent fuir, il adionte les suiuians Canons, Contre qui dit, premierement, Que l'homme peut estre iustifié sans la Grace, par les forces de la nature humaine, & par la doctrine de la Loy. En second lieu, que la Grace est baillée pour bien viure, & meriter la vie éternelle, avec plus de facilité: ce que le franc Arbitre peut bien semblablement faire, mais avec plus de difficulté. En troisième lieu, Que l'homme peut croire, aimer, esperer, ou se repentir, comme il appartient, sans estre preueni & ayde par le Saint Eprit. En quatrième lieu, Que le franc Arbitre, excité & mu de Dieu, ne coope point pour se dispenser à la Grace: & quand même il voudroit, ne peut dissimuler. En cinquième lieu, Qu'après le peché d'Adam, le franc Arbitre a esté perdu. En sixième lieu, Qu'il n'est pas au pur & simple vouloir de l'homme de faire mal: mais que, tant les mauuaises œuvres, que les bonnes, aduiennent non seulement par la permission de Dieu, mais par sa propre operation. En septième lieu, Que toutes les œuvres, faites auant la Iustification, sont pechés: & que plus l'homme s'efforce à se disposer à la Grace, plus il peche. En huitième lieu, Que la crainte de l'enfer, qui fait que l'homme s'abstient de peché, & recourt à la misericorde de Dieu, est peché. En neuvième lieu, Que le meschant est iustifié par la seule foy, sans preparation procedante du mouuement de sa propre volonte, En dixième lieu, Que l'homme est iustifié sans la iustice meritee de Christ: ou qu'il est iuste par icelle formellement. En onzième lieu, Qu'il est iustifié par la seule imputation de la Iustice de Christ, ou par la seule remission des pechés, sans la Grace, & la charité inherante: ou, que la Grace de la Iustification n'est autre chose que la faueur de Dieu, En douzième lieu, Que la foy iustificante n'est autre chose, que la confiance en la misericorde de Dieu, qui pardonne les pechés pour l'amour de Christ. En treizième lieu, Que, pour obtenir pardon de ses pechés, il est necessaire de croire qu'ils sont pardonnés, sans aucunement douter, de sa propre indisposition. En quatorzième lieu, Que l'homme est absous & iustifié, d'autant qu'il le croit ainsi fermement. En quinzième lieu, Que l'homme est tenu par foy de croire d'estre assurement du nombre des predestinés. En seizième lieu, Contre qui dira d'estre assure d'auoir le don de sa perseuerance, sans speciale reuelatiō. En dixseptième lieu, Contre qui dira que les seuls predestinés obtiennent la Grace. En dixhuitième lieu, Contre qui dira que les commandemens de Dieu sont impossibles à l'homme iustifié. En dixneuvième lieu, Contre qui dira qu'il n'y a autre commandement Euangelic, que de la foy. En vingtième lieu, Contre qui dira que l'homme iuste & parfait n'est point obligé à l'observation des commandemens de Dieu & de l'Eglise: ou bien, que l'Euangile n'est autre chose qu'une promesse, sans aucune condition de l'observation des commande-

mens. En vintunieme lieu, Contre qui dira, que Christ a esté baillé pour Redempteur, & non par Legislateur. En vintdeuxieme lieu, Contre qui dira, que l'hom ne iustificié peut perseuerer sans l'assistance speciale de Dieu: ou, qu'auec icelle il ne peut. En vinttroisieme lieu, Contre qui dira, que l'homme iuste ne peut pecher, ou peut euitier tous pechés veniels: si ce n'est par priuilege special, comme l'Eglise le croit de la bienheureuse Vierge. En vintquatrieme lieu, Contre qui dira, que la iustice ne se conserue & ne s'augmente point par les bonnes œuures: mais qu'icelles ne sont autre chose que fruits, ou signes. En vintcinquieme lieu, Contre qui dira, que l'homme iuste en toute bonne œuure peche mortellement, ou venielement. En vintsixieme lieu, Contre qui dira, que le iuste ne doit esperer recompense pour ses bonnes œuures. En vintseptieme lieu, Contre qui dira, qu'il n'y a autre peché mortel, que l'infidelité, ou incredulité. En vinthuitieme lieu, Contre qui dira, que perdant la Grace, on perd la foy: ou bien, que la foy, qui demeure apres, n'est point vray foy, ny digne d'un Christien. En vintneufieme lieu, Contre qui dira, que l'homme pechant apres le baptesme, ne se peut releuer avec la Grace de Dieu: ou bien la peut recouurer par la seule foy, sans le Sacrement de la penitence. En trentieme lieu, Contre qui dira, qu'à tout homme qui se repent est remise la coulpe & la peine tout entierement: sans qu'il reste aucune peine temporelle à payer en cete vie, ou en Purgatoire. En trentvnieme lieu, Contre qui dira, que le iuste peche s'il fait bonnes œuures, regardant à la recompense eternele. En trentedeuxieme lieu, Contre qui dira, que les bonnes œuures du iuste sont seulement dons de Dieu, & non ensemblement merites du iustificié. En trentetroisieme lieu, Contre qui dira, que par cete doctrine on deroge à la gloire de Dieu, aux merites de Christ: & non plustost, que leur gloire en est illustree.

Des que l'on tist ce abrégé du Decret, il me vint en pensee que c'estoit chose superflue: veu que les Decrets de ce Concile se trouuent tous imprimés ensemble en vn volume; & sont entre les mains d'un chacun: dont ie pourroye & en cet Acte, & es autres suiuaus, me rapporter à ce mesme liure: partant ie fu sur le point de canceler ce feuillet. Mais du depuis ie consideray, que quelcun pourroit prendre plus de plaisir à voir tout le fil du narré en vn seul liure: & que qui auroit à gré de voir l'original, pourroit passer ce mien abrégé, & pourtant ie me suis resolu de n'y rien changer, & mesmes de garder le mesme style es matieres suiuautes. De tant plus, que ie considere le desplaisir que ie sens, quant en Xenophon, ou en Tacite, ie voy ou omise la narration d'aucunes choses tresconuës en leur temps: lesquelles à present ie n'ay moyen de sauoir, & pourtant me demeurent inconuës. Ce qui me persuade de tenir pour maxime, Que i'amaïs vn liure ne se devoit rapporter à vn autre. Je vien doncques au sommaire du Decret de la Reformation. Qui contenoit en substance, Premierement, Que le Concile, voulant corriger les meurs deprauees du Clergé, & du peuple, iuge qu'il faut commencer par ceux qui ont la charge & le gouuernement des grandes Eglises. Et pourtant, sur la fiance qu'il a en Dieu, & en son Vicaire en terre, que ces charges ne seront conferees qu'à personnes dignes, & dès leur enfance exercees en la discipline Ecclesiastique: il les admoneste de faire leur charge: laquelle ne peut estre executée, sinon qu'on vaille & surueille à la garde du troupeau. Que toutesfois on voit plusieurs, lesquels, delaisant la bergerie, & lesoin des brebis, rodent par les Cours des grands, & s'occupent en affaires seculieres. Pour cete cause, le Concile renouuelle tous les anciens Canons contre les non residés: & outreplus ordonne, que quiconque, ayant charge d'Eglise Cathedrale, sous quelque nom que ce soit, & quelque preeminance qu'il ait, sans iuste & legitime cause, absente son diocèse par l'espace de six mois consecutifs, perde la quarte part des fruits: & s'il continue à demeurer absent autres six mois, qu'il en perde vn autre quarte part: que s'il persiste, & se roidit en sa rebellion & opiniastreté, que le Metropolitan, sous peine d'interdit de l'entree de l'Eglise pour trois mois;

C c iij

decrets de
la residence

1546.

*Ex modes a
tion des c-
tempo:*

ait à le deférer au Pape de Rome, lequel, par la supreme autorité & pou-
voir, pourra imposer peines plus grieues, ou pouruoir à l'Eglise de pasteur
plus vile. Que si le Metropolitain mesmes encourt en faute semblable, que
le plus ancien de ses suffragans soit tenu & obligé de le denoncer. En se-
cond lieu, Que les autres, qui sont suiets aux Euesques, & sont obligés, soit
par la loy, soit par coustume, de resider, soyent contraincts à ce faire par les
Euesques: le Concile cassant & annullant tout priuilege, qui exempt à per-
petuité de la residence: & laissant en leur vigueur seulement les dispenses ot-
troiees à temps, pour cause raisonnable, & veritable, bien auersee deuant
l'Ordinaire. Et qu'en tout cas, l'Euesque, comme delegué du S. Siege, ait
la charge, que la cure des ames soit soignée & exercee par Vicaires idoines
& capables, avec conuenable portion des fruits, nonobstant priuilege, ou
exemption quelconque. En troisieme lieu, Que nul Clerc, sous pretexte de
priuilege personnel, ne Regulier demeurant hors de son Conuent, sous om-
bre de priuilege de son Ordre: puisse estre exempt d'estre, en cas de faute
& forfaiture, visité, puny & corrigé par l'Ordinaire du lieu, qui toutesfois
agira en cela en qualité de delegué du S. Siege Apostolique. En quatrieme
lieu, Que semblablement les Chapitres des Eglises Cathedrales, & autres
Collegiales, ne puissent, en vertu d'aucunes exemptions, ou coustumes, ou
sermens, ou concordats & pacts, se soustraire de la visite de leurs Euesques,
ou autres grands Prelats, toutes les fois & quantes que le besoin le requerra.
Et enfin le Concile ordonne, Que nul Euesque, sous couleur de priuilege,
n'ait à exercer actions & fondions Episcopales au diocèse d'un autre, si ce
n'est par l'expresse permission & aduen d'iceluy, & encores sur les suiets d'i-
celuy seulement. Puis fut assigné iour, pour la Session suivante, au troi-
sieme Mars.

*Augens sur
ces Decrets,
à Rome se
grands lou-
conten,**les peus
courtisans
engranden*

A Rome, le Decret de la Foy & doctrine ne donna aucun suiuet de discours,
veu qu'il n'estoit pas nouveau: d'autant qu'il auoit ja este veu, & examiné
publiquement, comme il a esté dit, & approuué de tous, qui sauoient bien
par auance qu'il falloit condamner toutes les opinions des Allemans. Mais les
Euesques, qui demouroient en la Cour de Rome, & auoyent long temps esté
en alarme pour l'Article de la Residence, qui estoit sur le bureau, se tinrent
bien contents du Decret du Concile: presuppôsant bien pour tout asseuré,
que ce Decret ne pourroit porter plus grand coup, que ce qu'auoyent au-
parauant fait les Decretales des Papes. Mais bien fut fort mal contenté la
menue tourbe des Courtisans, voyant qu'il estoit remis au pouuoir de l'E-
uesque, de les contraindre. Et se plaignoyent de leur misere & chetiueté,
ique, pour gagner à viure, il leur falust estre toute leur vie en seruitude: &
aprestant de peine & de trauail, receuoir pour toute recompense d'estre
confinés en quelque village, ou en vne chetue Chanoinerie, alluiettis à vne
autre plus dure & vile seruitude des Euesques: lesquels, non seulement
les tiendroyent comme attachés au billot, mais, par les visites: & sous pre-
texte de corrections, les rangeroyent à vn miserable seruage, ou les tien-
droient en perpetuelles molestes, & despens.

*en Allema-
ne les The-
ologues les
ouissent.*

Mais ailleurs, sur tout en Allemagne, des que ces Decrets furent veus,
celuy de la Foy & Doctrine donna beaucoup plus à parler: veu qu'il falloit
de necessité le lire & relire fort attentiuellement, & mesmes y faire des grandes
speculations, pour l'entendre: ce qui ne se pouuoit faire, sans vne profonde
& parfaite connoissance des mouuemens intérieurs de nostre ame, & sans sa-
uoir conoistre en quoy icelle est agillante, & en quoy patiente: points tres-
subtils, & pour leur diuerse apparence & apprehension, tousiours tenus pour
disputables. Veü que toute la Doctrine du Concile tournoit sur ce puiot, as-
sauer, Si le premier obiet de la volonté opere sur elle, ou elle sur luy: ou
bien, si tous deux sont ensemble & reciproquement adifs & passifs. Quelques
esprits facetieux dirent, que, si les Astrologues, ignorans les vrayes causes
des mouuemens celestes, auoyent payé d'Eccentriques, & d'Epicyles, seu-
lement pour sauuer & maintenir les apparées, il ne falloit point s'esbahir, si,

pour sauuer les aparçees des mouuemens sur celestes, on s'esgayoit, & se fantasioit des eccentricités d'opinions. Les Grammairiens admiroyent, & quāt & quant baffoioyent cete clause & proposition, qui est au cinquēme chapitre, *Neque homo ipse nihil omnino agat*: laquelle ils disoyent n'estre intelligible, & estre sans exemple. Car si le Concile vouloit signifier, *Etiā homo ipse aliquid agat*, il le pouuoit exprimer plus clairement, ainsi qu'il est conuenable en matiere de foy, où la meilleure expreſſion est la plus simple. Que si aussi il vouloit employer quelque elegance, il pouuoit dire, *Etiā homo ipse non nihil agat*. Mais, que entreictant ce mot, *omnino*, cete sentence estoit incongrue, & sans aucun sens: comme sont toutes les propositions de deux negatiues, qui ne se peuent refoudre en vne affirmatiue: d'autant que la voulant refoudre il faudroit dire, *Etiā homo ipse aliquid omnino agat*: qui est vn parler incongru, veu qu'il est impossible d'entendre que peut signifier ce, *aliquid omnino* en ce lieu: d'autant que par ce moyen on viendroit à dire, que l'homme agit en vne certaine maniere, mais qu'en autres sens & manieres cela n'est point action.

Autres defendoyent les Pertes du Concile, disant, Qu'il ne faisoit point esplucher ainsi à la rigueur la forme des paroles, ce qui n'est autre chose, que caillier & pointiller. Mais on repliquoit à cela, qu'on doit bien benigne interpretation aux formes de parler vſitees: mais aussi, qu'il importe pour le bien du public, que l'artifice & la cautele de ceux, qui, laissans les façons de parler claires, & vſitees, en inuentent des incongrues, & qui enuolopent contradiction, pour pouuoir bricoler, & esquiuier par la double entente, soit descouuerte, & estalee au iour.

Les entendus en l'heologie disoyent, Que la doctrine qui porte, Que l'homme peut tousiours refuser les diuines inspirations, est fort contraire à la publique & ancien oraison de l'Eglise, qui dit, *Et ad te nostras etiā rebelles compelle propitiū voluntates*: laquelle priere toutesfois on ne peut raisonnablement dire estre vn desir vain & frustratoire: ains estre faite de foy: comme dit S. Iaques, en laquelle Dieu exauce les eſlus. Ils adiuſtoyent, qu'on ne pouuoit doncques plus dire avec S. Paul, que ce qui separe les vaisſeaux de l'ire d'avec les vaisſeaux de la misericorde de Dieu, ne vient point de l'homme: attendu que ce qui les separe est cete action humaine, comprise en ces termes, *nonnihil omnino agat*. Plusieurs considererent l'endroit du septieme chapitre, ou il est dit, Que la iustice est donnee à certaine mesure, selon le bon plaisir de Dieu, & la disposition du receuant: & que ces deux choses ensemble ne se pouuoient verifier: car, s'il plaisoit à Dieu en donner plus au moins disposé, cela ne se feroit point à la mesure & proportion de la disposition: que si aussi Dieu la donne selon la mesure d'icelle, il y aura doncques tousiours vn motif, pour lequel Dieu opere, & par ainsi iamais n'vſe de pur bon plaisir. Ils s'estbahissoyent, que le Concile eust comdāné ceux qui disent Qu'il est impossible de garder les commandemens de Dieu: attendu que lo meſme Concile, en la seconde Session, auoit bien exhorté les fideles assemblez en la ville de Trente, d'observer, apres auoir fait penitence, & s'estre confessez & communiés, les commandemens de Dieu, *quantum quisque poterit*, autant qu'il sera au pouuoir de chacun. Laquelle modification seroit dānable, si l'homme iustifié pouuoit les observer parfaitement, & absolument: & remarquoyent qu'en tous ces deux endroits, il y auoit le meſme terme, *precepta*, pour esmouſſer toute caillation.

Les hommes versés en l'histoire Ecclesiastique disoyent, Qu'en tous les Conciles, qui auoyent esté tenus depuis le temps des Apostres iusques alors, quand ils seroyent tous mis & amassez ensemble: iamais n'auoyent esté decidēz tant d'articles, comme en cete seule Session, en laquelle Aristote auoit grande part, ayant exactement distingué tous les genres des causes: à quoy s'il n'eust trauaillé, nous euſſions manqué de plusieurs Articles de foy.

Les politiques aussi, quoy que ce ne soit point à eux d'examiner les choses de la Religion, ains soyent obligés simplement & absolument à les ſuivre, &

et les politiques aussi.

75 76.

embrasser comme on les leur presente, trouuerent à redire en se Decret. Car, voyant qu'au dixieme chapitre estoit establie l'obligation d'obeyer aux commandemens de Dieu, & de l'Eglise: & que cela mesme estoit reiteré au Canon vintieme, se sentoient scandalizés de ce qu'on n'y auoit point aussi fait mention de l'obligation aux commandemens des Princes, & Magistrats: que l'obeissance due à ceux-cy est beaucoup plus clairement contenue en la Ste. Escriture, que celle qui est due à l'Eglise: que de celle-là le Vieil Testament en est tout plein: & qu'au Nouveau c'est vne doctrine toute claire, exprimée & traitée au long par Iesus Christ mesmes, par S. Pierre, & par S. Paul. Que quant à l'Eglise, il y a bien commandement de l'escouter, mais que de luy obeyr il n'est pas clair de mesmes. Qu'on obeit à qui commande de sa propre autorité, mais qu'on oit qui rapporte & publie les commandemens d'autrui. Et cete sorte de gens ne se payoit pas d'une excuse, qu'on allegoit, assauoir, Que les commandemens des Princes sont compris en ceux de Dieu & qu'on leur doit obeissance, pour ce que Dieu a commandé qu'ils soyent obeis: car ils repliquoyent, Que donques à plus forte raison faisoit il omettre l'Eglise: & toutesfois on l'auoit bien exprimée, & laissé les Princes sous silence: & ce, pour l'ancien dessein des Ecclesiastiques, d'inferer cete pernicieuse opinion parmy le peuple. Qu'à eux seuls est due l'obeissance par deuoir de conscience: mais qu'aux Princes, & Magistrats elle n'est due, que pour euitier les peines temporelles: & que hors cela, on peut, sans autre esgard, transgresser leurs commandemens: pour rendre par ce moyen tout gouuernement politic odieux, comme tyrannique, & le renuerser de fonds en comble: & au contraire, ne despeignant la suietion aux Prestres comme vnique & principale voye d'acquiescer le Ciel, tirer à eulx premierement toute la iurisdiction, & en suite finalement tout l'Empire, & la domination.

Quant au Decret de la Reformation, on disoit, que ce n'estoit qu'une pure illusion. Car des'asleurer en Dieu, & au Pape, qu'au gouuernement des Eglises sera pourueu de personnes dignes, sont termes propres plus tost à qui fait oraison, qu'à qui agit de Reformation. Aussi renouveler les anciens Canons par vn seul mot, & tant general, ne sert qu'à en confermer de plus fort la desaccoustumance introduite. Qui si à bon escient on les vouloit reestabli il faisoit offer les causes, qui les ont fait mettre en oubly: & leur donner nouvelle vigueur & force, par peines, & deputation d'executeurs d'icelles, & autres manieres conuenables à poser, & à conseruer les loix. Qu'en fin pour tout on auoit estably, qu'en perdant la moitié de son reuenu on pust absenter son Eglise vne annee entiere: voire mesmes enseigné vne ruse, de l'absenter par l'espace donze mois, & plus, sans aucune imposition de peine, entreietant les trente iours ou moins, au milieu de l'autre temps de l'annee, sans laisser arriuer l'absence à six mois consecutifs du tout complets: mais de plus, renouéfé tout à fait le Decret mesmes, par l'exception des iustes & raisonnables causes: car, qui sera si simple & idiot, qui n'en sache faire naistre, deuant auoir pour iuges des personnes, qui ont interest que la Residence ne soit mise en vsage?

remarque
marque du
prou de re-
solation,
e. rtitude,
et accord
qu'il y auoit
es points de
foy au Con-
cile.

Cet endroit requiert, que ie face mention d'un particulier accident, qui commença en ce temps, & quoy qu'il ne fust acheué & mené à fin que quatre mois apres, se rapporte toutesfois entierement à la Session presente: & sert à descouvrir ce que vrayement estoit lors le Concile de Trente, & qu'elle opinion en auoyent ceux-là mesmes, qui y entreuenoyent. Il faut donc sauoir, comme ia ie l'ay touché ailleurs, que Frere Dominic de Soto, nommé fort souuent cy-dessus, & lequel eut grande part en la confectio des Decrets touchant le peché originel, & la Iustification; ayant remarqué tous les auis, & les raisons, qui furent alleguees & employees en ces disputes & examens, se resolut de les donner au public, en tirant les paroles du Decret à son propre sens, par vn liure qui contenoit entierement le tout, lequel il fit imprimer: sous ce titre, *De natura & gratia*: & le dedia au Synode, parce, comme il dit en l'Epistre dedicatoire, que c'estoit vn Commentaire aux deux

Decrets

Decrets dessus dits. Et en icelui, venant à l'article de la Certitude de la Grace, expose par vn long discours que le Concile a déclaré, que l'homme ne peut sauoir d'auoir la Grace; avec telle certitude qu'est celle de la Foi; en sorte que toute doute soit forclosse, Catarin, qui tout fraichement auoit esté créé Euesque de Minori, & auoit soustenu le contraire, & tousiours persistoit en son opinion, fit aussi imprimer vn petit liure, avec vne Epistre dedicatoire au mesme Concile, par laquelle il disoit, & maintenoit que l'intention du Concile n'auoit point esté de condamner l'opinion de ceux qui affermoient que l'homme iuste peut croire d'auoir la Grace, aussi asseurement comme il tient & croit pour certains les Articles de foi. Ains, que le Concile auoit décidé, qu'il est tenu à le croire ainsi, ayant condamné au Canon vint sixieme ceux qui disent, Que le iuste ne doit esperer, ni attendre la recompense: veu que, de necessite, qui doit esperer, en qualité de iuste, doit sauoir qu'il est tel. En cete contrariété d'opinions, non seulement chacun d'eux escriuant au Concile mesmes, dit, Que son opinion estoit celle du Concile: mais mesmes du depuis ils escriuirent, & publierent apologies, & contrapologies, chacun d'eux se plaignant de l'autre au Concile, qu'il imposast au Concile ce qu'il n'auoit point dit: produisant, pour tesmoins de sa propre opinion, diuers d'entre les Peres, lesquels aussi tesmoignoient les vns pour l'un, & les autres pour l'autre: tellement que les Peres estoient mipartis, sauf quelques bons prelatz, qui, comme neutraux, disoient, qu'ils n'auoyent point bien entendu la difference, mais auoyent presté leur consentement en la forme qui auoit esté publiée, d'autant qu'a icelle auoyent conueni les deux parties. Le Cardinal Legat Sainte Croix tesmoignoioit pour Catarin. Le Legat de Monte disoit, qu'il auoit esté du troisieme parti. Cet accident semble oster à tous l'esperance de sauoir iamais au vrai la pensée & intention du Concile: puis qu'en ce temps-là les mesmes, qui y estoient entreuenus, iusques aux principaux, ne s'accordoient point. Aussi y a-il difficulté à sauoir, quel estoit ce Concile, qui auoit adressé l'Article, & auquel escriuirent, & appellerent Soto & Catarin, chacun deux l'estimant fauorable pour soi: dont de necessite ou l'un, ou l'autre, ou tous deux, se trompoient à le reconoistre. Et que sera-il des autres, si cela aduint à ces personages? On pourroit dire, que ce fut l'assemblée de tous coniointement, à laquelle le Saint Esprit, par son assistance, fit determiner la Verité, quoi que ceux qui la determinoient ne l'entendissent pas: comme Caïphe prophetiza, d'autant qu'il estoit souuerain Sacrificateur, sans routes-fois entendre la Prophetie: ainsi que l'Euesque de Bitonte auoit dit en son Sermon. Mais à cela on peut obiecter deux choses: premiere, Que ce sont les infideles & reproués, que Dieu fait prophetizer sans intelligence: en lieu qu'es fideles il le fait en leur illuminant l'entendement. En second lieu, Que les Theologiens vnaniment tiennent, que les Conciles ne deliberent point des matieres de foi par inspiration diuine, mais par recherche & enqueste humaine, à laquelle le Saint Esprit assiste, pour les contrerregarder d'erreurs, tellement qu'ils ne peuuent faire aucune determination, sans entendre la matiere. Peut estre que celui-là toucheroit au point, qui diroit, que, pendant qu'on debattoit les opinions contraires en formant le Decret, chaque parti reieta les parolles qui estoient de sens contraire à son opinion: & tous conuinrent & s'arrestèrent en celles, que chacun cuidoit se pouoir ployer & accommoder à son sens: & que de là aduint que l'expression se trouua susceptible d'expositions & sens contraires. Mais encor ceci ne peut resoudre le doute proposé, ne descouurir quel estoit le Concile: d'autant que cela seroit lui bailler vniformité de parolles, & contrariété de sens, & de pensées. Mais, ce qui a esté raconté en ce fait particulier, & qui aduint peut estre en plusieurs matieres, n'estheoit point, quand il s'agissoit de condamner les opinions des Lutheriens, à quoy tous s'accordoient d'une parfaite & exquise vniformité.

Je ne puis à ce propos omettre vne remarque que du mesme Catarin, en

D d

3546.

l'Epistre de son liure au Concile, pour ne frauder l'auteur du merite de son inuention. Il considera, que c'estoit chose contradictoire de dire, Que l'homme recoit la Grace par mouuement de volonte, & qu'il n'est pasasseur de l'auoir. D'autant que nul ne peut receuoir par mouuement de volonte chose aucune, laquelle quant & quant il ne sache qu'elle lui est donnee; & que lui la recoit.

Congregation generale pour ordonner de la matiere de la suivante Session;

Or, pour retourner aux affaires du Concile, le iour d'apres la Session, fut tenue la Congregation generale, pour deliberer & ordonner la matiere, qu'il falloit digerer pour la prochaine Session. Et d'autant qu'on auoit desia arreste de suiure l'ordre de la Confession d'Augsbourg en ce qui concerne la Foi & doctrine: le premier chef, qui suiuanment se presentoit, estoit celui du Ministere de l'Eglise, lequel les Lutheriens disent estre, L'autorite d'annoncer l'Euangile, & d'administrer les Sacremens. Dont aucuns, à l'esgard de la premiere partie, proposoyent, qu'on traitast de la puissance de l'Eglise, en declarant toutes les fondions spirituelles & temporelles, que Dieu lui a commises sur les fideles, & lesquelles les Lutheriens nient. Cela plaisoit generally aux Prelats: d'autant que c'estoit vne matiere de facile intelligence, sans espines Scholastiques, & en laquelle ils pouuoient auoir leur part. Mais les Theologiens ne la pouuoient gouter: d'autant que ces matieres-là n'ayans point esté traitées par les Scholastiques, eux n'y auoyent rien a disputer, & s'en faudroit, pour le plus, tenir au dire des Canonistes. Et disoyent là dessus, que ceux d'Augsbourg ne parlent point de toute l'autorité Ecclesiastique: mais seulement de celle de prescher, de laquelle on auoit en la precedente Session arresté ce qui suffisoit. Mais que, quant à la seconde partie, c'estoit bien vne matiere connexe, & subsequente de la Iustification, que de traiter des Sacremens, qui sont les moyens pour estre iustifiés. Et qu'il estoit plus conuenable d'en faire le sujet de la suivante Session.

on arreste de la matiere des Sacremens en general pour entrer le traitté de l'autorité de l'Eglise;

A cet aduis adheroyent les Legats, & leurs dependans, en apparence pour les mesmes raisons, mais en effet pour vne autre bien plus puissante, laquelle ils tenoyent secrette entr'eux: assauoir, d'autant que le prenant de l'autre façon, on viendroit à parler de l'autorité des Conciles, & du Pape, & à auancer beaucoup de matieres scabreuses, lesquelles il valloit mieux ne remuer point.

Ceux des suruenus en l'administration d'eux,

Dés qu'il eut esté resolu qu'on traiteroit la matiere des Sacremens, on considera qu'elle estoit ample, & diuerse: & ne pouoit estre comprise en vne seule Session: & qu'aussi il y auoit de la difficulté à determiner en combien de parties elle pouuoit & deuoit estre diuisée. Que ceux d'Augsbourg l'auoyent bien fort abregée, en retranchant toute d'un coup quatre Sacremens: desquels il falloit tant plus exactement traiter, afin de les restablir. Et pourtant, qu'il seroit bon de commencer par l'examen des Sacremens en general: & charge fut baillée de dresser les Articles extraits de la doctrine Lutherienne, venant mesmes à chaque Sacrement en particulier, autant qu'on iugeroit en pouoir examiner pour vne Session. Et afin que la Reformation alast de pas egal avec la determination & decision des Dogmes, & de la Foi, fut ordonné que consequemment on recueillist les abus escheans sur le ministere des Sacremens: à quoi fut establie vne Congregation de Prelats & autres Canonistes, lesquels deuoient discourir des remedes, & en former Decrets: avec ordre, que les deux Congregations se rencontrent en mesme iour, le Cardinal de S. Croix presidoit aux Theologiens, & celui de Monte aux Canonistes: & tous deux conioinctement, es Congregations generales. Outre tout cela: fut encores arresté, qu'attendu la promesse de continuer la matiere de la Residence, on ne laissast d'en traiter quelque Article des plus principaux. Mais il ne fut pas si aisé de s'accorder en ceci, d'autant que les Legats, avec leurs adherens, auoyent des fins & intentions bien contraires: aux autres euesques: lesquels estoient entrés en esperance, & auoyent pris pour visée, & sur tout les Espagnols, de racquerir

et à quelques points de la Residence,

l'autorité Episcopale, laquelle anciennement chacun Euesque exerçoit en son propre diocèse, au temps qu'on ne sauoit que c'estoit de reserues de ^{chose gran-} benefices, de cas, d'absolutions, de dispenses, & autres telles pratiques: & ^{sement af-} souloyent dire en leurs deuis priués, & entre peu d'oreilles, Que la cupidité de dominer, & l'auarice, auoyent attribué ces choses en propriété à la Cour de Rome, sous vn feint pretexte de les manier plus conuenablement, & plus à l'aduantage du seruice public de Dieu, & de l'Eglise, par toute la Chrestienté, que les Euesques en leurs propres villes, à cause de leur ignorance & defauts. Raison, laquelle ils maintenoient n'estre fondée en verité, veu qu'il nes'estoit fourré dissolution, ni ignorance en l'Ordre Episcopal, sinon désque les Euesques furent contraints d'aller à Rome comme vrais seruiteurs. Mais, quand bien ainsi seroit, qu'on auroit en ce temps là este contraint d'oster aux Euesques leur autorité, d'autant qu'on voyoit en eux vn mauuais gouvernement, la mesme raison obligeoit au temps present beaucoup plus estroitement d'oster à la Cour de Rome cete administration, qui ne lui appartient point, attendu les grands & intolerables abus, qu'elle y commet. Ces Prelats estimoyent, que le Decret, ^{qui venlent} Que la Residence est de droit diuin, estoit vn très-bon remede pour le mal passé, & ^{que la Residence soit} preferatif pour l'auenir. Car, si Dieu a commandé aux Euesques de résider perpetuellement à la conduite du troupeau, par necessaire consequence il faut aussi dire qu'il leur en a prescrite la charge, & leur a donné le pou- ^{Arche de droit diuin,} uoir pour la bien & dûement exercer: & que pourtant le Pape ne les peut appeler ni employer à autre chose, ni les dispenser, ni restreindre l'autorité que Dieu leur a donnée. Dont ils faisoient instance, qu'on vint à cete determination, & disoient que cet Article auoit esté suffisamment ventilé & examiné & qu'il en faloit venir à vne resolution. Le Cardinal Legat de Monte, qui estoit venu tout préparé sur cet affaire, laissa d'entrée parler les plus ardens pour leur faire euaporer partie de leur chaleur: puis s'op- ^{mais font d'extremes desuies,} posa dextrement, disant, Qu'il aduoüoit que la chose estoit necessaire, puisque tout le monde en estoit en attente: mais aussi, qu'il la faloit faire en temps conuenable & opportun, que la difficulté auoit esté maniée avec trop de ferueur, & qu'en plusieurs elle auoit plus esmu les passions, qu'es- uellé la raison: & pourtāt qu'il estoit necessaire de laisser rasseoir ces bouillons, & interposer vn peu de temps, iusques à ce, qu'ayant assopi les estri- firs, & rallumé la charité, on donnast lieu au S. Esprit, sans lequel on ne peut decider la verité. Que Sa Sainteté, qui avec beaucoup de desplaisir auoit entendu les contentions passées, requeroit le mesme, pour pouuoir aussi de son costé faire digerer la matiere à Rome, & aider le Concile de son bon aduis & conseil.

Et en fin fit sa conclusion, en termes bien plus precis, & absolus, qu'on n'eust pu attēdre d'un tant modeste commencement. Qu'on n'en parlât plus ^{en fin formellément} auant la Session: que telle estoit la volonté resoluë du Pape: mais bien qu'on ^{empeschés par le Car- dinal de Monte} traouillast à la reformation des inconueniens, qui ont causé l'abus de non résider. Ce meslinge de remonstrances & de precis commandement, fut cause qu'aucuns des Peres, lesquels du depuis publierent par escrit des traités sur cete matiere, dirent, & escriuirent, Que les Legats auoyent defendu de parler de cete question. Ce que d'autres nioyent, inuectiuant contre les premiers, & disans, Qu'ils derogeoyent à la liberté du Concile. Pour conclusion de la Congregation, il fut resolu de reprendre les choses intermises en la precedente Session, & de traiter d'oster les empeschemens, qui contrain- gnent à ne résider. Et entr'iceux se presenta, pour le plus signalé & notable, celui de la pluralité de benefices: attendu qu'il est impossible de résider en plusieurs endroits. Et pourtant on delibera d'en traiter.

Mais, pour ne pessellessier les matieres, ie reciterai tout d'un tenant ce qui concerne les Sacremens, (où il n'y eut autre consideration, pour le plus, que speculatiue, & doctrinale) pour n'interrompre le fil du narré de la matiere beneficiale suiuant, sur laquelle arriuerent choses, qui ouurirent la porte

1546.
ordre posé
pour traiter
des Sacre-
mens,

à des accidens importans, & dangereux. En la matière des Sacremens furent formés Articles par les Deputés, & fut enjointe aux Theologiens la maniere qu'ils auoyent à tenir à en parler, par vn papier communiqué à tous : avec ordre qu'ils eussent à dire, si tous ces Articles estoient heretiques, ou erronees : & s'ils deuoient estre condamnés par le Concile : & en cas qu'ils iugeassent que quelcun d'iceux ne meritaist d'estre condamné, qu'ils en produissent les raisons, & les autorités. Qu'en apres, ils exposassent quel a esté l'aduis des Conciles, & des saints Peres, sur chacun d'iceux : & qu'ils Articles par le passé ont ia esté reprobés, & quels restent encores à condamner. Et que, si quelcun se ressouuenoit de quelque autre Article digne de censure en cete matiere, qu'il le representast : & qu'en tout ceci ils eussent les questions impertinentes, desquelles on peut disputer pour & contre, sans prejudice de la foi : & toute autre superfluité, & prolixité de paroles.

Articles
extraits des
liures des
Protestans
touchés les
Sacremens
en general,

Les Articles touchant les Sacremens en general furent en nombre de quatorze. Le premier, Que les Sacremens de l'Eglise ne sont en nombre de sept : mais que ceux, qui vrayement peuuent estre nommés Sacremens, sont en moindre nombre. Le deuxieme, Que les Sacremens ne sont necessaires, & que sans iceux les hommes peuuent acquerir la Grace de Dieu, par le moyen de la seule foi. Le troisieme, Que nul Sacrement n'est plus digne ni excellent que l'autre. Le quatrieme, Que les Sacremens de la Loi nouuelle ne conferent point la Grace à ceux qui n'y mettent empeschement. Le cinquieme, Que les Sacremens n'ont iamais conféré la Grace, ou la remission des pechés, mais que c'a esté la seule foi du Sacrement. Le sixieme, Que tout soudain apres le peché d'Adam les Sacremens furent ordonnés de Dieu, & que par leur moyen la Grace fut donnée. Le septieme, Que par les Sacremens eist conférée la Grace seulement à ceux qui croyent que les peches leur sont pardonnés. Le huitieme, Que la Grace n'est pas tousiours conférée es Sacremens, ni à tous à l'égard du Sacrement : ains seulement quant & ou il plaist à Dieu. Le neuuiesme, Qu'en nul Sacrement n'y a impression de Caractere. Le dixieme, Que le mauuais Ministre ne confere point le Sacrement. L'onzieme, Que tous les Chrestiens, de quelque sexe qu'ils soyent, ont egal pouuoir au ministere de la Parole, & en l'administration des Sacremens. Le douzieme, Que chaque Pasteur a pouuoir d'allonger, abbreger, & changer à son bon plaisir les formes des Sacremens. Le treizieme, Que l'intention des Ministres n'est necessaire, & n'est d'aucune vertu es Sacremens. Le quatorzieme, Que les Sacremens n'ont esté institués pour autre, que pour nourrir & entretenir la foi.

Et le Ba-
ptisme en
particulier

Toutant le Baptisme, il y eut dixsept Articles. Le premier, Qu'en l'Eglise Romaine, & Catholique, il n'y a point de vrai Baptisme. Le deuxieme, Que le Baptisme est en la liberté de l'homme, & n'est necessaire à salut. Le troisieme, Que le Baptisme, administré par les heretiques, n'est pas le vrai Baptisme. Le quatrieme, Que le Baptisme est penitence. Le cinquieme, Que le Baptisme n'est qu'un signe exterieur, comme la croye rouge es brebis : & n'a aucune part en la iustification. Le sixieme, Que le Baptisme doit estre reiteré, & renouvelé. Le septieme, Que le vrai Baptisme est la foi, qui croit que les pechés sont pardonnés aux repentans. Le huitieme, Qu'au Baptisme n'est point exterminé le peché, mais seulement non imputé. Le neuuiesme, Que le Baptisme de Christ, & celui de S. Iean, sont de mesme vertu. Le dixieme, Que le Baptisme de Christ n'a point ancanti celui de S. Iean, mais y a adiousté la promesse. L'onzieme, Qu'au Baptisme le seul plongement & immersion est necessaire : mais que les autres ceremonies, dont on vse, sont libres, & peuuent estre omises sans peché. Le douzieme, Qu'il vaut mieux laisser de baptiser les petits enfans, que de les baptiser pendant le temps qu'ils ne croyent point. Le treizieme, Que les petits enfans ne doiuent estre baptizés, d'autant qu'ils n'ont point de foi propre. Le quatorzieme, Que ceux, qui ont esté baptizés en enfance, doiuent estre rebaptizés, d'autant qu'ils n'ont pas cru, quand ils l'ont esté la premiere fois. Le

quinzieme, Que, quand ceux qui ont esté baptizés en enfance sont venus en aage, on les doit enquerir, s'ils veulent ratifier ce Baptisme: que s'ils disent que non, ils doiuent estre laissés en liberté. Le seizieme, Que les pechés cōmis apres le Baptisme sont remis & pardonnés par la seule memoire, & foi d'auoir esté baptizé. Le dixseptieme, Que la promesse & vœu du Baptisme n'a autre condition, que de la foi: voire mesme annulle tous autres vœux.

Touchant la Confirmation, il y eut quatre Articles. Le premier, Que la Confirmation n'est pas Sacrement. Le deuxiesme, Qu'elle a esté instituce par les Peres, & n'a aucune promesse de la Grace de Dieu. Le troisieme, Qu'à present c'est vne ceremonie oiseuse: & qu'ancieinement c'estoit vne espeece de catechization, lors que les enfans rendoyent raison de leur foi deuant l'Eglise. Le quatrieme, Que le ministre de la Confirmation n'est pas seulement l'Euesque, mais tout autre Prestre.

Es Congregations tous les Theologiens conuintrent ensemble de poser le nombre septenaire des Sacremens, & de condanner d'heresie l'opinion contraire, attendul'vniuersel consentement des Escholes, depuis le Maître des Sentences, qui premier en parla definitiuement, iusques à ce temps, Aquoi ils adioustoient le Dēcret du Concile de Florence pour l'esgard des Armeniens, lequel determine ce nombre. Et pour plus grande confirmation ils allegoyent l'usage de l'Eglise Romaine. Et de tout cela concludoyent qu'il faloit tenir ce nombre pour tradition Apostolique, & Article de foi. Mais, pour la seconde partie du premier Article, ils n'estoyent pas tous d'accord: les vns disans, Qu'il suffisoit d'ensuiure le Concile de Florence, lequel ne passa point plus auant. Car de vouloir decider, Que les Sacremens, proprement ainsi appelés, ne sont ne plus ne moins de sept, presuppōse vne decision, quelle est la vraye & propre essence & definition du Sacrement: qui est chose pleine de difficultés, à cause des diuerses definitions du Sacrement, lesquelles les Scholastics, & les Peres mesmes lui ont données. Dont il aduiendroit, qu'en prenant l'une d'icelles, on donnera le nom de vrai & propre Sacrement à ce qui selon l'autre ne le sera pas. Que mesmes on disputoit entre les Scholastics, si le Sacrement se peut definir: s'il a vnitē, si c'est chose reele, ou intentionele. Et qu'il n'estoit pas raisonnable d'arrester des conclusions par termes si expres, & liens si forts, n'ayans que si ambigus & douteux principes. Quelques vns ramenturent, que S. Bernard, & S. Cyprien, auoyent tenu pour Sacrement le laument des pieds: & que S. Augustin fait Sacrement toutes les ceremonies, par lesquelles on honore Dieu: & qu'ailleurs à l'opposite il restreint le sens du mot, plus que ne requiert la propriété & nature d'icelui, faisant Sacremens ceux-là seulement, dont il est expressement parlé en l'écriture du Nouveau Testament: & en ce sens n'a posé autre Sacrement que le Baptisme, & l'Eucharistie, combien qu'en vn autre endroit il ait mis en doute, s'il y en auoit point d'autre.

Mais de l'autre costé on disoit, qu'il estoit necessaire d'establir par Article expres que les Sacremens, proprement ainsi nommés, ne sont ne plus ne moins de sept: pour refrener l'audace, tant des Lutheriens, qui en font or deux, or trois, or quatre; que d'autres, qui excèdent le nombre de sept. Que, si es écrits des Peres on en trouue vn nombre par fois plus grand, par fois aussi plus petit, cela estoit aduenue, d'autant qu'alors, auant la determination de l'Eglise, il estoit loisible de prendre le mot ores en vne signification plus ample, ores en vne plus estroite. Et en cet endroit, pour establir ce propre, rond, & absolu nombre de sept, ce que les Scholastics appellent la suffisance, qui ne reçoit ne plus ne moins, beaucoup de raisons furent employées avec vne ennuyeuse longueur, tirées des sept choses naturelles, par lesquelles on acquiert & conserue la vie: des sept vertus, & des sept vices capitaux: des sept defauts arriués par le peché Originel: des six iours de la Creation du monde, & du septieme du repos: des sept playes d'Egypte, des sept Planetes: & de la fameuse dignité & excellence du nombre septenaire: & d'autres rapports & conuenances, fournies par les principaux Scholastics, pour

1547.

preuve de la Conclusion : outre plusieurs raisons, pour prouuer, que, la consecration des Eglises, des Vaisseaux, des Eueques, des Abbés, Abbeïsses, & Nonnains, ne l'eau benite, ne le laeuement des pieds de S. Bernard, ne le Martyre, ne la Creation des Cardinaux, ni le couronnement du Pape, ne sont point Sacremens.

Il fut remonstré par quelques vns, que pour reprimer les heretiques, il ne ne fust point de condamner l'Article, si de mesme main on ne nommoit aussi signamment vn chacun des Sacremens : afin que quelque esprit malicieux n'en vint à forclorre quelcun des vrais, & en supposer quelque faux. Apres fut aussi aisé vn autre point essentiel à l'Article, assauoir, de déterminer que Christ est l'auteur de tous les Sacremens : & ce, pour condamner l'heresie Lutheriene, qui attribue à Christ seulement l'institution du Baptême, & del'Eucharistie. Et pour preuve que Christ en doit estre tenu par foi l'instituteur, estoit allegué saint Ambroise, & saint Augustin, & sur tout la tradition Apostolique. Et à cela nul ne dissentoit. Mais bien disoyent quelques autres, Qu'il n'estoit point expedient de passer si auant, & fustoit le tenir dans les bornes du Concile de Florence, sur tout, attendu que le Maistre des Sentences auoit tenu, que l'Extreme onction auoit esté instituée par saint Iaques : & saint Bonauenture, avec Alexandre d'Ales, que la Confirmation auoit eu son commencement apres le temps des Apostres : & le mesme Bonauenture, avec autres Theologiens, sont les Apostres auteurs du Sacrement de la Penitence. Et aussi touchant le Mariage, trouuera-on que plusieurs tienent, qu'il fut ordonné par Dieu mesme au Paradis : & quand Iesus Christ en parle, qui est le vrai endroit pour en specifier l'auteur, il en rapporte l'institution au Pere, & non à foi. Pour toutes ces raisons, ils conseilloyent, qu'on n'adiousta point cete clause, afin qu'on ne vint à condamner quelque opinion tenue par les Catholiques mesmes. Mais les Iacopins au contraire affermoient, mesmes avec quelque aigreur de paroles, que tous ces Docteurs peuuent estre expliqués, & sauues par plusieurs distinctions : d'autant que, s'ils viuoyent, ils s'en rapporteroient tousiours au iugement de l'Eglise : mais qu'il ne falloit point se passer de condamner l'audace des Lutheriens, lesquels on introduit ces faussetés au mespris de l'Eglise : & qu'il n'estoit pas raisonnable de tolerer es Lutheriens temeraires ce qu'on suppose es saints Peres.

*sur le second
article de
la necessité
des Sacre-
mens, il y a
diuersité
d'avis.*

Pour le deuxieme Article, touchant la necessité des Sacremens, quelques vns vouloyent, qu'il ne fust point condamné ainsi absolument : mais qu'il fust distingué ; attendu que c'est chose hors de doute, que tous ne sont pas absolument nécessaires. Vn autre auis portoit, qu'on condannast seulement ceux qui diroyent, Que les Sacremens ne sont pas nécessaires en l'Eglise : veu qu'il est notoire, que tous ne sont nécessaires à chaque personne : voire mesmes qu'il y en a qui sont incompatibles l'un avec l'autre, comme celui de l'Ordre avec le Mariage. Nonobstant cela, la plus commune opinion fut, que l'Article fust condamné tout ainsi absolument : & ce, pour deux raisons : l'une, d'autant que la necessité de l'un des Sacremens fust, pour faire que l'Article, en la forme qu'il est conceu, soit faux : l'autre, pour ce que tous sont en quelque façon nécessaires, les vns absolument, les autres conditionnellement & par hypothese : les vns par conuenance, les autres pour plus grande utilité : au grand esbahissement de ceux qui ne pouuoient approuuer qu'on format Articles de foi, auant tant d'equiuocation : lesquels on tascha de contenter, lors que les Canons furent composés, adioustant, qu'on condamnoit ceux qui tienent les Sacremens pour non nécessaires, ains pour superflus : amplifiant par ce dernier terme la signification du premier.

Quant à l'autre partie de ce deuxieme Article, plusieurs estoient d'aduis qu'elle fust omise : attendu que, pour ce qui concerne la foi, il auoit ia esté arresté en la presedente Session, que la foi seule ne fust point. Et le Carme Mariner disoit, Que quant à la distinction, dont on vsoit en cet affaire, du Sacrement en effet, & du Sacrement en vœu & ferme propos, & intention,

elle estoit bien veritable, mais auoit esté inuentée & employée seulement par les Scholastiés, estoit inconnue à l'Ancieneté, & estoit pleine de difficultés: d'autant qu'és Actes des Apostres, en l'instruction du Centénier Corneille, l'Ange lui dit, Que ses oraisons auoyent esté agréables à Dieu; auant qu'il fust rien du Sacrement du Baptême, & d'autres particularités de la foi. Et toute la famille d'icelui, oyant le Sermon de S. Pierre, receut le S. Esprit, auant qu'estre instruite en la Doctrine des Sacremens: & après auoir receu le S. Esprit, elle fut instruite par S. Pierre touchant le Baptême: dont, n'ayant eu auparavant aucune connoissance, il estoit impossible, qu'elle l'eust receu par vœu, & ferme intention. Que semblablement le bon brigand, prest à mourir sur la Croix, tout sur l'heure mesmes illuminé par la vertu de Christ, ne sauoit rien des Sacremens, pour en faire le vœu. Que le mesme pouuoit on dire de plusieurs Saints Martyrs, lesquels en l'ardeur des persecutions, auoyent esté conuerts en voyant la constance des autres, & tout sur le champ entraînés au suplice: desquels, ce seroit deuiner que de dire, qu'ils eussent connoissance des Sacremens, pour en faire vn vœu. Et pourtant qu'il valoit mieux laisser cete distinction aux Escoles, sans l'insérer dans les Articles de foi. Mais à cela repugnoit la commune opinion, qui portoit, que, combien que les termes, & paroles de la distinction fussent nouuelles, & scholastiques, il falloit toutesfois croire, que le sens & la signification en auoit esté enseignée par Iesus Christ, & qu'elle estoit deriuée à nous par tradition Apostolique. Et, quant aux exemples de Corneille, du brigand, & des Martyrs, estoit à sauoir, qu'il y a deux sortes de vœux du Sacrement: l'un expresse, & l'autre confus & implicite: & qu'au moins cetui-ci est nécessaire. C'est à dire, Qu'actuellement ils n'auoyent pas ce vœu & ferme propos: mais l'auoyent eu, s'ils eussent eu la connoissance. Ces choses estoient bien accordées par les autres, comme veritables, mais non comme obligatoires, en qualité d'Article de foi. Mais, en ces difficultés, là où ils ne pouuoient conuenir ensemble, les vns & les autres s'en r'apportoyent au Concile, c'est à dire, à la Congregation generale.

Et de mesmes aduint-il au troisieme Article, car tous le tenoyent bien pour faux: d'autant qu'ils estoient tous d'accord, qu'à l'esgard de l'utilité, & de la necessité, le Baptême precede les autres: mais qu'à l'esgard de la signification, le Mariage est le plus excellent: & à l'esgard du ministre, la Confirmation: mais que quant à la veneration, l'Eucharistie a l'aduantage par dessus les autres. Dont, puis qu'on ne pouuoit simplement & absolument establir lequel estoit le plus digne, sans y apposer distinction, il valoit mieux omettre tout à fait cet Article, lequel ne peut estre entendu sans subtilité. Vne autre opinion couroit, qu'il falloit expliquer tous les diuers esgards de dignité. Et vne autre encor, qui portoit, qu'on adioustast à l'Article cete clause, selon diuers esgards. Et celle-ci estoit la plus suivie: mais au des plaisir de ceux, qui ne pouuoient agreer que le Concile s'abbaissast à ces ineptes Scholastiqueries, ainsi les appelloient-ils: & voulust croire que Iesus-Christ fust auteur de ces minces subtilités d'opinions en la doctrine de sa foi.

Au quatrieme, tous furent d'aduis que l'Article fust condanné: voire mesmes adiouterent, qu'il estoit nécessaire de l'amplifier, condannant spécialement la doctrine Zuingliene, qui veut que les Sacremens ne soyent autre que signes, par lesquels les fideles sont discernés d'auec les infideles: ou bien actes, & exercices de profession de la foi Chrestienne, & qu'ils n'ont autre rapport à la Grace, sinon d'estre signes de l'auoir receuë. Ils remonstrerent encor de plus, qu'il falloit condamner, tant ceux qui nient que les Sacremens conferent la Grace à qui n'y met point d'empeschement, que ceux qui n'auoient point que la Grace est contenue és Sacremens, & est conférée, non en vertu de la foi de celui qui les reçoit, mais *ex opere operato*, c'est à dire, en vertu de l'œuvre mesmes en foi. Et passant de là à l'explication de la maniere de cete cōtenance & causalité, tous s'accordoient bien à dire, que, par toutes les actions qui excitent la deuotion, on acquiert la Grace, mais

r. 47.

que cela ne prouient point de la vertu de l'œuvre mesmes, ains de la vertu de la deuotion, qui est en celui qui œuvre, & de telles œuvres disent les Escholes, qu'elles sont cause de la Grace, *ex opere operantis*: c'est à dire, en vertu de la qualité de celui qui les fait. Mais qu'il y a d'autres actions, qui sont causes de la Grace, non pour la deuotion de celui qui fait ou reçoit l'œuvre, mais en vertu de l'œuvre mesme. Et tels sont les Sacremens Chrestiens, par lesquels la Grace est receüe, pour ceu seulement qu'en celui qui les reçoit il n'y ait point d'empeschement de peché mortel, qui exclue icelle Grace, ores qu'il n'y ait en lui aucune deuotion: & qu'ainsi par l'œuvre mesme du Baptisme, par soi, est conferée la Grace à l'enfant, qui n'a aucun mouuement de cœur & d'ame, ouers icelui: & semblablement à vn homme né destitué de sens: ce qui auient d'autant qu'il n'y a point d'empeschement de peché. Que le mesme effet est produit par le Sacrement du S. Crefme, & par celui de l'Extreme onction, lors mesme que le malade a perdu la connoissance. Mais, que si quelcun est en peché mortel, auquel actuellement, ou habitudelement il perseuere, icelui ne receura point la Grace, à cause de la contrariété: non que le Sacrement n'ait la vertu de la conferer *ex opere operantis*; mais, d'autant que le recipient n'est pas capable, estant tout occu-
pé, & possédé d'une qualité contraire.

mais avec
grand effort
des Iacopi-
pins & de
Cordeliers.

Mais, quoi qu'ils conussent tous en ceci, ils estoient toutesfois discordans en ce, que les Iacopins affermoient, que, quoi que la Grace soit vne qualité spirituelle, créée immédiatement de Dieu, néanmoins il y a des Sacremens vne certaine vertu instrumentale, & effectiue, laquelle produit en l'ame vne disposition à la recevoir: & que c'est ce, pourquoy on dit, Que les Sacremens contiennent la Grace: non qu'elle y soit contenue, comme dedans vn vaisseau, mais qu'elle y est comme l'effet en la cause, de quoi ils donnoient vn subtil exemple, du ciseau qui est actif, non seulement à esbaucher & ciseler la pierre, mais aussi à donner forme à la statue. Les Cordeliers disoient, Qu'il estoit impossible de comprendre, comment Dieu, qui est vne cause spirituelle, employe pour vn effet spirituel, qui est la Grace, vn instrument corporel: & nioient absolument toute vertu actiue, & dispositiue des Sacremens: disans, Que leur efficace ne procede d'ailleurs, sinon de ce, que Dieu a promis, que toutes les fois & quantes que le Sacrement sera administré, il donnera la Grace: & que pour ceste cause il est dit que le Sacrement la contient, assauoir, comme en signe effectiue, & non par vertu qui soit en lui: ains par la force de la promesse de Dieu, de prester infailible assistance à ce ministère: lequel à cet esgard est cause, d'autant qu'icelui posé l'effet s'ensuit, non par vertu qui soit en lui, mais par la promesse de Dieu de donner sa grace en mesme temps: de mesme que le merite est appelé cause du loyer & recompense, non par aucune actiuité & vertu efficace. Ce qu'ils prouuoient, non seulement par l'autorité de l'Escor.: & de S. Bonauenture, leurs Theologiens, mais aussi par celle de S. Bernard, qui dit, Que la grace est receüe par les Sacremens, de mesme que le Chanoine reçoit son inuestiture par le liure, & l'Euesque par l'anneau. La prolixité à exposer les raisons estoit grande de part & d'autre, & l'animosité n'estoit pas moindre. Ils se censuroient les vns les autres. Les Iacopins disoient, Que l'autre aduis estoit proche à celui des Luthériens: & les autres reployoient, Que celui des Iacopins, estant impossible, donnoit lieu aux heretiques de calomnier l'Eglise. Il ne fut iamais possible à quelques bons Prelats de les accorder: disans, Que puis qu'ils conuenoyent en la Conclusion, que les Sacremens contiennent la grace, & sont cause d'icelle, il importoit bien peu de le dire plus tost en vne manière, qu'en vne autre: ains, qu'il valoit mieux de se tenir à la generalité, sans arrester à aucune d'icelles manieres en particulier. Car les Moines reparoient, Qu'il ne s'agissoit point de paroles: mais d'establir, ou aneantir les Sacremens. Et iamais ne fust-on venu à vne fin, n'eust esté que le Legat Ste. Croix commanda qu'on passast au demeurant, & qu'à la fin on retourneroit à ce mes-

à ce mesme point, & qu'on examineroit s'il estoit necessaire de le decider, ou de l'omettre.

Les Legats appelerent les Generaux des Ordres, & les prierent de moyenner enuers les leurs, qu'ils traitassent en modestie & charité, & non avec tant de passion pour leur propre secte: leur remonstrant, qu'ils n'estoyent appelés que pour agir contre les heresies, à quoi estoit grandement contraire d'en faire naistre d'autres par leurs disputes. En outre, ils donnerent auis à Rome, combien estoit dangereuse la liberteé que les Moines s'attribuoient, & à quoi elle pouuoit aboutir; remonstrans au Pape, qu'une correction & moderation leur estoit necessaire: d'autant que si le bruit de ces dissensions; & des censures que l'une partie prononçoit contre l'autre, venoit à s'espandre, il n'en pouuoit naistre que du scandale, & peu de reputation du Concile.

Pour le cinquieme Article, il fut jugé qu'on le deuoit omettre, comme le cinquieme decider en la precedente Session. Mais Frere Barthelemi Mirande remonstra, Que Luther de son paradoxe, Que les Sacremens ne conferent la Grace, sinon entant qu'ils excitent la foi; auoit aussi tiré cete conclusion, Que ceux de la vieille loi, & ceux de la loi Euangelique, sont d'egale vertu: laquelle opinion il falloit condamner, comme contraire à la doctrine des Peres, & de l'Eglise: tous ayans dit & soustenu, Que les Sacremens anciens n'estoyent que signes de la Grace, mais que ceux de l'Euaigile la contiennent, & la causent. Nul ne contredit à la conclusion: mais les Cordeliers remonstroient, qu'il ne falloit pas dire de la vieille loi, ains de la Mosaïque: attendu, que la Circconcision caufoit bien aussi la Grace, mais n'estoit point Sacrement Mosaïque: selon que Christ mesme auoit dit, Qu'elle n'estoit point de Moÿse, mais des Peres: & en outre, d'autant qu'autres Sacremens auant Abraham caufoient & conferoyent la Grace. Mais les Iacopins repliquoyent, Que le dire de saint Paul estoit tout clair & euident, Qu'Abraham auoit receu la Circconcision seulement pour signe: & qu'estant le premier, à qui elle fut baillée, c'estoit autant que dire, qu'elle estoit instituée pour signe. Dont, sur le suiet de la maniere de causer, & de contenir la Grace, les questions & disputes retournoient sur les rangs. Frere Gregoire de Padouë dit à ce propos, Que les Logiciens enseignent pour chose toute claire, que les choses d'un mesme genre ont quelque chose de mesme entr'elles, & quelque chose de different. Que si les Sacremens anciens, & les nostres, n'auoyent autre chose entr'eux que difference, ils ne seroyent pas tous Sacremens, sinon par equiuoque de nom. Que si aussi, par le contraire, ils n'auoyent que conuenance, ils seroyent en tout & par tout vne mesme chose. Et pourtant qu'il falloit prendre garde de ne mettre, pour quelque diuersité de paroles, difficulté en choses claires. Que S. Augustin auoit dit, Que les vns & les autres estoient pareils & egaux en la chose signifiée, quoi que differens au signe. Et en vn autre endroit, Qu'ils estoient differens & diuers en l'espece, ou apparence visible, mais les mesmes en la signification intellectuelle: & qu'ailleurs il en auoit donné la difference, disant, Que ceux-là auoyent esté promissifs, & ceux-ci indicatifs: ce qu'en vn autre endroit il exprime par autres termes, disant, Que ceux-là auoyent esté prononciatifs, & ceux-ci contestatifs. Que de là il appert clairement, qu'il y a plusieurs conuenances, & plusieurs differences aussi, lesquelles nul homme de sens ne peut nier. Et que pourtant en la premiere confession de ces Articles on auoit prudemment passé sous silence cetui-ci: & qu'il n'estoit nullement à propos de le toucher au Decret present. Vn autre auis fut auancé, qui portoit, Que, sans venir à ces particularités, on condannaît l'opinion des Lutheriens, & Zuingliens: Qui disent, Qu'il n'y a autre difference entre les Sacremens anciens, & les nouueaux, qu'en signes & ceremonies externes. Ce qui est faux, veu qu'il a esté démontré qu'il y en a encord'autres. Que doncques il suffisoit de les condamner pour cela seul, qu'ils n'y mettoient autre difference, sans pourtant particulariser, en quoy gist l'autre qu'on propose y estre.

1547.

le sixieme
de mesme,
à cause des
debats quil
engendroit,

Le sixiesme Article estoit censuré par les Iacopins, qui disoyent, Que le propre des Sacremens Euangeliques est de conferer la Grace : laquelle les Anciens n'auoyent receuë qu'en vertu de la deuotion d'un chacun : telle estant l'opinion de S. Thomas. Ils allegoyent, pour principal argument, la decision du Concile de Florence, qui porte, Que les Sacremens de la vieille Loi ne causoyent point la grace, mais seulement figuroyent qu'elle deuoit estre conferée par la passion de Iesus Christ. Mais, d'autant que S. Bonauenture, & l'Escot, auoyent maintenu, que la Circoncision conferoit la Grace, *ex opere operato* : voire mesmel l'Escot auoit dit de plus, que subit apres le peché d'Adam fut institué vn Sacrement, auquel estoit donnée vne Grace aux petits enfans par la propre vertu & force d'icelui, qui est tout autant que dire, *ex opere perato* : voila pourquoy les Cordeliers disoyent, que l'Article contenoit verité, & ne pouuoit de raison estre censuré. Et faisoient grande force sur ceci : d'est, que si le dire de S. Thomas, que les petits enfans, auant la venue de Christ, ont esté sauués par la foi de leurs peres, & non par la vertu des Sacremens, auoit lieu, il s'ensuiuroit que la condition des Chrestiens est pire que celle des Anciens : attendu qu'à present la foi des peres ne sert de rien aux petits enfans, sans le Baptesme : iusques là que S. Augustin escriit, qu'un petit enfant auoit esté donné, estant mort pendant que son pere le portoit baptiser. En ces difficultés, plusieurs furent d'aduiz, que l'Article fust omis, comme probable, & disputable en tous les deux sens.

comme au-
sile septie-
me & le
huitiesme :
le neuuieme,
sou-
chant le
Caractere,
re, engen-
dre beau-
coup de di-
cours, mai-
est condan-
né :

Ils s'accorderent tous de passer le septieme & le huitieme Articles. Mais sur le neuuieme, touchant le Caractere, Frere Dominic de Soto proposoit, Qu'il seroit bon de declarer, qu'il a fondement en l'Escripture sainte, & que tousiours il a esté tenu en l'Eglise pour tradition Apostolique. Et que, quoi que tous les peres n'ayent vû du mort, la chose toutesfois est tres-ancienne. Mais d'autres lui desdisoyent vne si grande estendue, & generalité : d'autant qu'on ne voit point que ni Gratien, ni le Maistre des Sentences, en ayent fait mention : ains l'Escot a dit, que, par les paroles de l'Escripture sainte, ou des Peres, il n'y a point de necessité de l'establiir : ains seulement par l'autorité de l'Eglise : qui est vne façon assez coustumiere à ce Docteur, de nier courtoisement les choses. C'est chose qui merite d'estre entendue, que les diuers sentimens qu'ils auoyent touchant ledit Caractere, ce qu'il est, & ou il reside : selon que les Scholastiques en ont parlé diuerfement : les vns en faisant vne qualité, entre lesquels encor il y a quatre opinions differentes, selon les quatre especes de qualité : les vns disent, que c'est vn pouuoir spirituel : autres, vne habitude & disposition : autres, vne figure spirituelle : quelques autres aussi, vne qualité sensible metaphorique : opinion, qui auoit ses adherans & approbateurs. Autres voulans que ce soit vne relation reele : autres vne imagination, & fiction de la pensée, à qui il demouroit encores à declarer, de combien icelle est esloignée d'un pur neant. Quant au suiet aussi, ou icelui reside, la mesme varieté n'estoit moins ennuyeuse : les vns disans, que c'est l'essence de l'ame : les autres, l'intellect : les autres, la volonté : quelques vns mesmes lui donnerent lieu & place es mains, & en la langue. Frere Ierome Portugais, Iacopin, estoit d'opinion qu'on establist que tous les Sacremens impriment vne qualité spirituelle, auant que la Grace suruiene : & que ceste qualité est de deux especes, l'une ineffaçable, l'autre qui se peut perdre, & puis racquerir : que la premiere est nommée Caractere : la deuxieme n'est qu'un certain ornement, ou embellissement. Que les Sacremens, qui conferent cete premiere qualité, ne se reiterent point : d'autant que leur effet dure à tousiours : mais que ceux qui apposent cet ornement susdit se reiterent, lors que leur effet est perdu. Chose specieuse, & gaye, mais approuuée de peu de gens, pour ce qu'il ne se trouue autheur aucun de cet ornement, fors Thomas d'Aquin, lequell'ayant enfanté, ne l'a pas iugé digne de le nourrir & esleuer. Or, quoi que tous conuinsissent en cete generalité, que trois Sacremens ont le Caractere ; quelques vns toutesfois, par modestie, disoyent, que cela de-

uoit estre tenu pour chose probable, & vraisemblable, mais non nécessaire: 347.
autres au contraire, que c'estoit vn article de foi, d'autant qu'Innocent troi-
siesme en auoit fait mention, & que le Concile de Florécel l'auoit ainsi arresté.

Quant à l'Article dixieme, Que le meschant ministre ne confere point le Sacrement, la chose auoit esté tant & tant ventilée & esclaircie par saint Augustin en tant de traités contre les Donatistes, soustenant que la prudence d'homme du Ministre n'y est point nécessaire, que les Theologiens eurent suiet de parler vnanimement: & outre cela, fut produit pour fondement principal, que cet Article auoit esté condamné par le Concile de Constance; entre les erreurs de Jean Vviclef. *le dixieme condamné*

L'onzieme fut condamné par les suffrages de tous, comme contraire à l'Ecriture, à la Tradition, & à l'usage de l'Eglise vniuerselle. *le onzieme de mesme*

Le douzieme, concernant les diuerles formes des Sacrements, fut distingué, parce qu'il peut receuoir deux sens & interpretations: entant que par le mot de forme on peut entendre les paroles essentielles du Sacrement, suivant lequel on dit, Que tout Sacrement a sa matiere, qui est l'element sensible: & la forme, qui est la Parole: ou tout le formulaire, & ceremonie de l'administration d'icelui, qui enclot beaucoup de choses non nécessaires, mais toutesfois conuenables, & bien seantes. Et pourtant on conseilloit d'en faire deux Canons: par le premier desquels fust condamné d'heresie qui diroit, Que la forme du Sacrement, instituée par Christ, peut estre changée: & par le deuxieme fust dit, à l'esgard du second sens, Que, quoi que les choses accidentelles puissent receuoir changement, toutes fois, quand vne ceremonie a esté introduite par autorité publique, & a esté receuë, & autorisée par l'usage commun, il n'est, ni ne doit estre au pouuoir de chaque particulier de la changer: ains, que quand il le faudroit faire pour quelque nouuel esgard, cela appartient au Pape de Rome, comme chef de toute l'Eglise. *le douzieme me confusé par distinctions*

Sur le trezieme Article, touchant l'intention du Ministre, ils ne pouuoient diffentir du Concile de Florence, qui la iuge nécessaire: mais il estoit difficile à expliquer qu'elle intention y est requise, à cause de la diuersité des sentimens des hommes sur la valeur & efficace des Sacrements: dont il aduient qu'il est impossible que deux, qui ont diuerses opinions, ayent vne mesme intention. La commune response & resolution estoit, qu'il fust auoir l'intention de faire ce que fait l'Eglise. Mais cete explication remettoit sus les mesmes difficultés: d'autant que par icelle il aduendroit que, selon la diuerse opinion des hommes qu'elle est l'Eglise, leur intention aussi, en administrant le Sacrement, seroit diuerse. Il sembloit que on pust dire, Qu'il n'y auroit aucune difference, ou diuersité, quand on diroit, Que tous ont vn mesme but de faire ce qui a esté institué par Iesus Christ, & que l'Eglise obserue: quoi qu'aucun püst prendre vne fausse Eglise pour vraye: moyennant que la ceremonie de l'une & de l'autre soit la mesme. *le trezieme de l'intention du prestre; condamné aussi, mais avec grace de ain rsi; et d'auis*

En cet endroit Catarin Euesque de Minori, proposa vne chose digne de memoire, laquelle tous iugerent meriter consideration, & estre de poids. C'est qu'il dit, Qu'aux Lutheriens, qui n'assignent autre vertu aux Sacrements que d'exciter la foi, laquelle pourtant peut bien estre recusillée par autres manieres, il importe bien peu de receuoir le vrai Sacrement. dont aussi ils disent, Qu'il n'est point nécessaire: & toutesfois encor tiennent pour chose absurde, que la malice du meschant Ministre, qui n'ait intention de conférer le vrai Sacrement, puisse nuire: attendu qu'il faut regarder ce que le fidele reçoit, non ce que le Ministre lui baille. Mais, quant aux Catholiques, qui selon la verité, donnent au Sacrement efficace de conférer la Grace à qui n'y met empeschement, il importe grandement d'estre certains, s'ils reçoient le vrai & efficace Sacrement: veu qu'il aduient tresrarement qu'on obriene la Grace par autre moyen: & certes les petits enfans, & les personnes despourueues de sens, ne la reçoient point par autre: & les hommes communs ont si petite & foible disposition pour l'or-

Ee ij

1547.

dinaire, que sans le Sacrement iamaïs elle ne suffiroit à recevoir la Grace: & encor ce petit nombre de personnes, qui sont aussi rares que des Phœnix, lesquels ont vne disposition parfaite, reçoivent pourtant grace plus grande par le Sacrement. S'il arriuoit qu'un Prestre, qui eust la charge de quatre ou cinq milames, fust un incredule, mais quant & quant signalé hypocrite, & en l'Absolution des penitens, au Baptisme des petits enfans, & en la Consecration de l'Eucharistie, eust secreete intention de ne faire point ce que fait l'Eglise, il faudroit dire que les petis enfans seroyent donnés, les penitens non absous, & tous priués du fruit de la sainte communion. Et ne sert de rien de dire, que la foi supplée, d'autant que cela ne peut estre vrai es enfans: & es autres, elle ne peut, selon la Doctrine Catholique, faire l'effet du Sacrement: & si elle le peut faire au cas de la malice du Ministre, veu qu'icelle peut estre ordinaire, & perpetuelle, pourquoy ne le fera-elle pas tousiours? Outre ce, qu'à assigner tant de force à la foi, est oster la vertu aux Sacremens, & tomber en l'opinion des Lutheriens.

Il mettoit en consideration, quelle seroit l'affliction d'un tendre pere envers son enfant qui fust aux traits de la mort, s'il venoit à douter de l'intention du Prestre qui l'a baptizé: & semblablement en qu'elle anxiété seroit un nouice, qui ne sentist en soi qu'une bien petite disposition & fort imparfaite, & toutesfois se presentast pour recevoir le Baptisme, s'il entroit à douter que le Prestre peut estre un faux Chrestien, & peut se moquer, & n'auoir intention de le baptizer, ains seulement de le tremper ou lauer par ieu & plaisanterie. Que le mesme pouuoit estre considéré en la Confession, & en la perception de l'Eucharistie. Que si, disoit en outre Catarin, on dit, que ces cas sont rares, plust à Dieu qu'ainsi fust, & qu'en ce siecle corrompu on n'eust suier de redouter qu'ils ne soyent que trop frequens: mais, ores qu'ils fussent tres-rares, & qu'il n'y en eust qu'un seul, qu'en est-il pourtant? Ne pourroit-il pas aduenir, qu'un Prestre meschant se feignist, & sans intention administrast le vrai Baptisme à un petit enfant, lequel puis apres, deuenu homme, fust creé Eueque d'une grande ville, & vescu en ce degré & charge plusieurs années, & ordonnast une grande partie des Prestres: dont icelui n'ayant point esté baptizé, ne seroit point aussi ordonné, & aussi peu le seroyent ceux qui auroyent esté promus par lui: si bien qu'en cete ville-là il n'y auroit point de Sacrement d'Eucharistie, ni de Confession, lesquels ne peuuent estre sans le vrai Sacrement des saints Ordres, ne cetui-ci sans un vrai Eueque, ne vrai Eueque, dûment ordonné, sans Baptisme. Voila comment par la meschanceté d'un Ministre il se rencontrera en un seul Acte un million de nullités de Sacremens. Et qui voudra dire, qu'en une si grande frequency & multitude de nullités Dieu supplée par sa Tout-puissance, & qu'il pouruoir aux choses quotidiennes par des remedes extraordinaires, persuadera beaucoup plus tost, que Dieu ait ia pourueu par sa providence que semblables accidens ne puissent aduenir. Et pourtant disoit cet Eueque, Dieu a pourueu à tout inconuenient, ayant ordonné, que cela soit vrai Sacrement, qui est administré avec la ceremonie ordonnée par lui, quoi qu'il puisse aduenir que le Ministre ait autre intention. Mais adiousta que cela ne repugne point pourtant à la doctrine commune des Theologiens, ni à la determination du Concile de Florence, qui porte, Que l'intention du Ministre est requise au Sacrement: d'autant que cela se doit entendre non de l'interieure, mais de celle qui se manifeste par l'œuvre exterieure, ores qu'interieurement il y en eust une contraire. Et qu'ainsi sont vuidés tous les inconueniens, qui autrement seroyent innombrables. Il allega plusieurs autres raisons pour preuue de son dire, & enfin produisit un exemple enregistré par Sozomene en son histoire Ecclesiastique, Qu'un iour, les petits enfans d'Alexandrie, s'estans amassés pres de la mer pour iouer, prirent à imiter, par maniere de passer-temps, les actions qu'on a accoustumé de faire en l'Eglise: &, ayans creé Athanase Eueque de leur ieu, icelui baptiza quelques enfans d'entr'eux, non encor baptizés: ce qui a-

yant esté entendu par Alexandre, Euesque d'Alexandrie, de fameuse memoire, il en fut troublé, & ayant appelé les petis enfans, il s'enquit d'eux, ce que leur feint Euesque leur auoit fait, & dit: & apprit de leur response, Que toute la forme & ceremonies de l'Eglise auoit esté obseruée: dont, de l'aduis & conseil d'autres Prestres, il approuua & ratifia ce Baptisme: Sur quoi l'Euesque Catinin disoit, Que cete approbation ne seroit point soustenable, si au Sacrement estoit requise vne intention telle que les autres disoient: mais bien en la maniere, laquelle il auoit conceuë, & exprimée.

Cete doctrine ne put estre goustée par les autres Theologiens, qui toutes-fois furent tous estourdis, & confus de la raison qu'icelui alleguoit, laquelle ils ne voyent point comment pouuoir foudre. Et cependant persisterent en la doctrine qu'ils auoyent imbuë, Que la vraye intention du Ministre est necessaire, soit qu'elle soit actuele, soit virtuelle, ou potentielle: & qu'à s'il a vne interieure intention contraire, le Sacrement n'est point valide, nonobstant toute exterieure demonstration. Je ne laisserai pas de dire, quoy que cela puisse sembler vne anticipation en l'ordre du temps, qu'encores que du depuis le Concile determinast absolument, que l'intention du Ministre est necessaire, comme chacun peut voir és Decrets publiés, ce Prelat neantmoins demeura ferme en son opinion: voire mesmes, vn an apres, escriuit vn petit traité sur cete matiere, auquel il asseure que le Concile de Trente auoit esté de son aduis, & que la determination d'icelui se deuoit entendre selon son sens.

Pour le dernier Article il n'y eut point de difficulté, attendu les choses le denier est condan

La matiere du Baptisme en particulier fut de plus facile & prompte expedition. Au troisieme Article, touchant le Baptisme administré par les heretiques, tous se fonderent sur la doctrine des Escholes, receuë par le Concile de Florence, Que le Sacrement requiert matiere, forme, & intention: & que l'eau est la matiere: l'expression de l'acte, fait au nom du Pere, du Fils, & du S. Esprit, la forme: & penser à faire ce que l'Eglise fait, l'intention. Et partant passerent la conclusion pour indubitable, Que les heretiques, qui conuenaient avec les Catholiques en ces trois choses, ont vn vrai Baptisme: & affermyent que cete doctrine deriuoit de tradition Apostolique, & auoit ia anciennement esté arrestée par Estienne I. Pape de Rome, au commencement du troisieme siecle, & puis approuuée par l'Eglise du temps suiuant. Mais ceux qui sont versés en l'Antiquité, sauent bien, que cene fut pas là l'aduis d'Estienne: & en ces temps-là estoit inconnu que c'est de forme, matiere, & intention: & le sentiment de ce Pape ne fut autre, sinon qu'absolument il ne falloit point rebaptizer ceux qui se conuertissoient de l'heresie, quelle qu'elle fust, sans en excepter aucune. Voire mesmes, qu'en ces temps-là, les heretiques, hormis quelque peu de Montanistes, estoient Gnostiques, qui vsoient d'estranges façons de Baptisme, pour les horribles & prodigieuses opinions qu'ils tenoyent de la Diuinité, & de la personne de Christ. Et est certain que leur Baptismes n'auoyent point la forme, qui est auourd'hui en vsage: & toutesfois l'Eglise Romaine receuoit alors à penitence indifferemment toutes sortes d'heretiques, sans les baptizer. A l'opposite, les Euesques d'Afriques, ensemble ceux de Capadoce, maintenoient qu'il falloit rebaptizer indifferemment tous les heretiques. Le Concile de Nicée tint la voye du milieu, ordonnant que les Cathares ne fussent point rebaptizés, mais bien les Paulianistes, & les Montanistes. Le Concile de Constantinople specifia plusieurs heretiques, qui deuoient estre rebaptizés, & d'autres qu'on pouoit receuoir avec leur Baptisme: lesquels toutesfois il seroit fort malaisé de verifier auoir vscé de nostre forme de Baptisme. Mais, ce qui importe le plus est, que S. Basile atteste, qu'à Rome les Nouatiens, Enkratites, & Saccophores, n'estoyent point rebaptizés, lesquels toutesfois lui Basile rebaptisoit: ne tenant point pour absurde cete diuersité: mais seulement disant, qu'il seroit bon d'assembler bon

1547.

nombre d'Eueſques, pour reſoudre de proceder vniſormément. Mais ces choſes n'eſtoient non plus peſées & conſiderées au Concile, que fables ſurannees; & ſe tint-on à la Doctrīne courante, Que l'heretique baptiſe veritablement, s'il uſe des meſmes paroles, & a la meſme intētion que l'Egliſe.

le quatrieme
meſmes,

Le quatrieme Article touchant le Baptēſme, qui porte, Qu'icelui eſt Penitence, ne fut point tenu pour faux par aucuns, attendu le ſens & vertu des termes qu'il eſt conceu. Ils allegoyent que l'Euangeliſte dit, Que St. Iean auoit preſché le Baptēſme de repentance. Et que S. Paul aux ſixieme des Hebreux auoit appellé le Baptēſme du nom de repentance. Et que pluſieurs Peres auoyent auſſi parlé en la meſme ſorte. Dont l'Article ne pouuoit eſtre condanné, ſi non qu'il portait en termes formels, Que le Baptēſme eſt le Sacrement de la Penitence. Mais, d'autant qu'en ce ſens il ſembloit eſtre le meſme que le ſeizieme, la pluſpart opina qu'il le faloit omettre.

l'ancienſi-
me, & di-
xieme tou-
chant le
Baptēſme
de S. Iean,
ou dansée.

Quant au neuſieme & dixieme, concernant le Baptēſme de S. Iean Baptiſte, pluſieurs eſtoient d'avis qu'on les omiſt: d'autant que ne ſe parlant point des Sacramens de l'ancienne Loi, encor moins conuenoit-il parler de celui qui auoit eſté entredeux: attendu que le but du Concile n'eſtoit que de traiter des Sacramens de la nouuelle Loi. Mais d'autre part il fut repliqué, Que l'intention des heretiques, n'eſt pas de releuer le Baptēſme de Iean au pair de celui de Chriſt: ains, de rualer celui de Chriſt au pied & meſure de celui de Iean: inferant que, comme celui de Iean ne conſeroit point la Grace, mais eſtoit ſimplement & purement ſignificatif d'icelle, ains auſſi celui de Chriſt n'eſt autre choſe: ce qui eſt vne herēſie formelle.

l'onzieme
censuré a-
uec diſſin-
tation,

En l'onzieme Article, touchant la ceremonie du Baptēſme il y en auoit qui vouloyent qu'on diſtinguaſt les eſſentieles d'avec les acceſſoires: diſant, que celles-là ſeules ne peuuent eſtre omiſes ſans peché. Autres vloyent ſeulement exclure le cas de la neceſſité, hors laquelle il ne fuſt loiſible d'omettre non pas meſmes les acceſſoires: d'autant que l'Egliſe, qui eſt regie par le S. eſprit, les ayant inſtituées elles ont raiſon & cauſe de neceſſité, ſi non pour la ſubſtance du Sacrement, certes par la vertu du commandement. Ils alleguyent pluſieurs chapitres de Papes, & de Conciles, qui parlent d'aucunes d'icelles ceremonies: leſquels ſeroient tous vains & frustratoires, s'il eſtoit permis a vn chacun de faire changement. La premiere partie de l'Article, qui parle du plongement du baptisé dedans l'eau, quoi qu'icelui ſoit vne plus expreſſe figure de la mort, ſepulture, & reſurrection de Ieſus Chriſt, eſtoit toutesſois condannée de tous, & eſtoient produits pluſieurs paſſages des Prophetes, ou il eſt parlé d'aspersion, ou effuſion d'eau, leſquels ils diſoient deuoir tous eſtre entendus literalement du Baptēſme.

les trois
ſuivant ces
dānnés ab-
ſolument
comme auſ-
ſi le quin-
zieme,

Tous opinerent conformément contre les trois Articles, qui parlent du Baptēſme des petits enfans: alleguans contre iceux la Doctrīne des Peres anciens, & des Scholaſtiques. Et pluſieurs inuectiues furent faites contre Eraſme, à qui eſtoit attribué l'inuention du quinzieme Article, laquelle on qualiſoit meſchante & pernicioſe, & propre à ouurir la porte au total aneantiſſement de la Religion Chreſtienne. Joint que, ſi anciennement les enfans des Hebreux, eſtans circonciſ, quand ils venoyent en aage, eſtoient obligés à garder toute la Loi, & eſtoient punis pour leurs tranſgreſſions, beaucoup plus eſtoit-il raiſonnable de contraindre les enfans des fideles à garder la Loi Chreſtienne. Et partant que ſ'auoit eſté meritoirement, que l'Vniuerſité de Paris auoit condanné cet Article, & que le Concile en conformitē le deuoit condamner auſſi. Sur le ſeizieme, la Concluſion fut, Qu'il eſtoit compris és Articles precedens: attendu que, ſi cet Article tenoit, il aneantiroit la penitence, qui eſt vn des ſept Sacramens. Et quant au dernier, tous dirent, Qu'il eſtoit contraire à l'adminiſtration meſme du Baptēſme: au beau commencement de laquelle le Catechumene eſt aduertī, que, s'il veut entrer en la vie eternelle, il lui faut de neceſſité obſeruer tous les commandemens de la Loi de Dieu.

et les deux
derniers.

les trois pre

Sur les Articles touchant la Confirmation, il n'y eut aucun differend,

d'autant qu'icelle a fondement au Concile de Florence, qui pour cete cause estoit allegué par tous. Et quant à ce, qui estoit dit au troisieme Article, Qu'ancienement les ieunes gens rendoyent raison de leur foi en presence de l'Eglise, cela estoit hué & moqué generalement par tous: disant, Que puis que cela ne se pratiquoit plus en ces temps, il estoit à croire, que iamais par le passé il n'auoit esté pratiqué: d'autant que l'Eglise n'auoit point intermis cete ceremonie. Plusieurs passages des Conciles, & des Auteurs anciens furent produits, qui font mention de Cresme, & d'Onction; lesquels ne peuent se rapporter à instruction, ni à examen, ou Cathéchization. Et pourtant ils conclurent, que c'estoit vne grande vanité & ignorance de ceux, qui veulent au temps present, contre le commun sentiment de tout tel'Eglise; changer vn Sacrement tant principal, en vne ceremonie, laquelle peut estre fut iadis obseruée en quelque endroit particulier, pour vne fois, mais ne fut iamais vniuerselle, comme l'Onction du Cresme.

Sur le dernier Article il y eut beaucoup de difficulté: à cause du fait de S. le dernier Gregoire Pape, qui auoit permis cete administration aux simples Prestres, *est de ce* Mais les Cordeliers, suiuaus la doctrine de S. Bonauenture, le quel, comme aussi l'Elcot, & tout l'ordre de S. François apres lui, attribue cete administration au seul Euesque, tenans pour nulle celle qu'entreprend vn simple Prestre, qui fut aussi l'opinion d'Adrien sixieme Pape, respondoient, Que le fait de S. Gregoire n'auoit esté que simple permission, & pour vne fois tant seulement, & malgré le Pape, qui l'accorda pour euiter le scandale de ces peuples: ou bien, que cete Oction, permise par S. Gregoire, n'auoit pas esté Sacrement de Confirmation. Mais cete responce n'auoit point agreee à S. Thomas d'Aquin, d'autant qu'elle n'exempte point totalement le Pape de faute: & pourtant il trouua vne autre desfaite, c'est, que de vrai l'Euesque est bien le Ministre propre & ordinaire de la Confirmation, mais que le Prestre aussi le peut estre par permission du Pape. Les autres opposoyent à cela, Que la doctrine de l'Eglise Romaine est absolue, & sans reserve, que Christ a institué les Ministres des Sacremens, ausquels le Pape a bien le pouuoir de commander, quant à l'exercice de leur ministere, mais ne peut pas faire que le Sacrement administré par vn autre soit valide: ni aussi peu, que celui qui est conféré par le Ministre ordonné par Iesus Christ, quoi que contre le vouloir du Pape, soit nul. Et pourtant, que si Iesus Christ a ordonné l'Euesque pour Ministre de la Confirmation, le Pape ne peut otroyer ce ministere au Prestre: si aussi Iesus Christ l'a otroyé au Prestre, le Pape nel'en peut empescher. Et sembloit strange qu'és autres Sacremens, qui sont tous de plus grande necessité, Christ eust prescrit le Ministre qui les doit administrer, sans laisser aucune liberte aux hommes sur ce fait: & qu'en cetui-ci, qui se peut differer tout autant qu'il semble à propos pour plus grande oportunité, il eust v'sé de cete singularité, de laquelle nul n'eust parlé par l'espace de six cens ans, c'est à dire, iusqu'à Gregoire: & qu'il faust, sur quatre paroles, dites par occasion, fabriquer vn Article de foi. Que si cete epistre de saint Gregoire se fust perdue, iamais nul n'auoit inuenté cete distinction inouïe en semblable matiere, & qui n'est applicable à autre qu'à ce passage de S. Gregoire.

Pendant que les susdits Articles estoient ventelés & examinés par les Theologiens, la Congregation des Canonistes, erigée pour recueillir les abus concernans les matieres des Sacremens en general, & du Baptesme, & de la Confirmation en particulier, & y trouuer remedes conuenables, forma vn Decret, contenant six chapitres, qui portoit en substance, Que le Concile voulant otter les abus, que les hommes, ou les temps ont introduit au fait des Sacremens, & instruire les Ministres des Eglises, & autres fideles, comment ils se doiuent gouverner à les garder, administrer, & receuoir, ordonne, Premièrement, Que les Sacremens de l'Eglise soyent gratuitement conférés: & que pour les administrer on n'ait à exiger ni demander chose aucune, sous quelque pretexte que ce soit: ni mettre dehors en vouë

*La Congr: 2
gation d. 2
Canonistes
compte le
Decret de
la Reformation des
abus sur les
Sacramens
à l'effect de
la gratuite
administration,*

1547.

du lieu.

des person-
nes des mi-
nistres.

des parrains.

Et d'autres
menues ob-
servances :doutes &
difficultés
sur le De-
cret, pour
la gratuitérapportés
et débatus
en Congre-
gation gé-
nérale :

coffret, ne vaisseau, ne drap, ni autre chose, par laquelle tacitement il paroisse qu'on demande. Et qu'aussi on n'ait à définir, ni à différer le Sacrement, sous couleur d'aucune longue & immémoriale coutume, de ne l'accorder point, sans auoir premierement receu certaine recompense, ou bien mesmes payement de quelque chose autrement bien dû : attendu que ni le pretex de coutume, ni la longueur du temps, n'amoin drit point, ains aggrave le peché. Et que les contreueneans soyent soumis aux peines portées par les loix contre les Simoniaques. Secondement, Que le Sacrement du Baptisme ne soit conféré en lieux profanes, mais seulement és Eglises, sauf pour vrgentes necessités, & exceptés aussi les enfans des Rois & Princes, selon la Constitution de Clement cinquieme : laquelle toutesfois soit entendue n'auoir lieu en tous seigneurs d'estat, mais seulement és grâds Princes. Et que les Euesques n'ayent à bailler le Cresme, qu'en habits & paremens conuenables, & és Eglises, lieux sacrés, ou maisons Episcopales. Tiercement, Que le Sacrement du Baptisme soit administré par prestres suffisans, & capables : & ce, és Eglises matrices tant seulement, esquelles les sons Baptismaux sont : sauf au bon plaisir & iugement des Euesques, à cause des grandes difficultés de se transporter en icelles, de le permettre aussi en autre Eglise : ou, qu'il y eust esté permis de temps immémorial : & qu'en ces Eglises soit gardée l'eau benite en vn vaisseau pur & honneste, dès qu'elle aura esté prise de l'Eglise matrice. En quatrieme lieu, Qu'on n'admette au Baptisme, ni au Cresme, plus d'un parrain, lequel ne soit infame, ni excommunié, ni interdit, ni au dessous de l'age de quatorze ans, ni Moine, ni autre qui ne puisse effectuer ce qu'il promet : & qu'au Cresme ne soit receu pour parrain celui qui nel'a point receu lui-mesme. en cinquieme lieu, Que pour oster l'abus introduit en beaucoup d'endroits, de porter l'eau du Baptisme par ville : & quand les enfans ont receu le saint Cresme, de les mener par ci par là le front bandé, pour faire plusieurs comperes, par le lauement des mains, & desbandement du front : attendu que par ces moyens nul comperages n'est contracté : les Prestres n'ayant à permettre, que l'eau du Baptisme soit portée hors de l'Eglise, mais qu'incontinent elle soit iettée au fa-craire, & les sons Baptismaux soyent clos : & que les Euesques fassent tenir deux Clercs à la porte de l'Eglise, lesquels desbandent & lauent le front à ceux qui aurôit receu le saint Cresme, & ne laissent sortir hors l'Eglise aucun ayant le front bandé. Que les Euesques aussi prennent diligemment garde de ne confermer au aucun excommunié, ni interdit, ni qui soit en peché mortel.

Or, combien que les Canonistes se fussent beaucoup plus aisément acor-dés à ces Decrets, que les Theologiens en leurs examens, il n'eût pas toutes-fois qu'il n'eust aussi entr'eux quelques differens, en la resolution desquels ne pouuans conuenir, apres les auoir longuement debatus, ils en couche- rent & formerent les doutes, remettans la decision d'iceux à la Congrega- tion generale. Le premier doute estoit, Si aux paroles du Decret, que rien ne soit exigé ne demandé, il falloit adiouster, ne receu. Le second, S'il falloit point aussi adiouster, mesmes sous pretexte de quelque coutume qu'il y ait. Le troisieme, S'il estoit point bon d'insérer quelques paroles, pour signifier que le Concile ne defend point les offrandes volontaires : ou bien, qu'il les defend tant seulement, quand elles sont données pour le regard du Sacre- clement, & non pour autres respects de pieté : ou bien, s'il vaut mieux lais- ser le Decret en sa generalité.

Mais en la Congregation generale il y eut les mesmes difficultés, les- quelles il ne fut iamais possible d'appointer. Ceux, qui vouloyent ces ad- ditions, pour defendre aussi de recevoir, & pour casser le pretexte de la coutume, allegoyent l'Euangile, Donnez gratuitement ce que vous auez gratuitement receu : & plusieurs Canons, armés d'anathemes, contre qui- conque donne, ou reçoit chose temporelle pour la spirituelle : & disoyent, Que la coutume au contraire de la loi de Dieu, & de nature, est vne pure deprauation, & abus, & n'est soutenable. Qu'au titre de la Simonie est censurée,

tenfuree, & condannée la coustume de donner ou de recevoir chose quelconque pour la possession des benefices, pour les benedictions des noces, pour les sepultures, pour la benediction du Cresme, ou sainte huile, & mesme pour la terre de la sepulture. Ce qui de tant plus se doit appliquer aux Sacremens, que, si on n'interdit la coustume, on n'aura rien auance: attendu quel'abus est introduit par tout, & chacun s'excufera sur la coustume. Et que, comme au Decret a esté condannée la coustume de recevoir chose aucune auant, pour la mesme raison doit estre condannée l'usage de recevoir apres: car autrement, si on condannoit seulement cete-la, cetui-ci viendrait à estre approuué. Et quant aux offrandes volontaires, ils vouloyent, que generalement fust interdit de donner ou recevoir chose quelconque peu deuant & peu apres, pour quelque esgard que ce soit: car, pour raison du temps, ce qui est donne en cete façon, peut estre presumé donné pour le Sacrement: & à cet effet estoit alleguée la Glose, qui dit, *Que, quoi que de mettre argent au tronc soit œuvre de pieté, quand toutesfois cela se fait au temps qu'on a receu le Sacrement, il donne soupçon de Simonie*: qu'il falloit auoir esgard au temps, auquel la chose, qui autrement seroit reputée bonne, a apparence & face de mauuaise: que le commandement de Dieu porte, qu'on oste toute occasion de scandale, & que on s'abstiene de toute apparence de mal: & pourtant qu'il falloit defendre absolument les offrandes volontaires es temps que les Sacremens sont administrés, & ce pour faire que les Sacremens soyent administrés en pureté: quant au reste, exhorte les fideles à icelles offrandes en autres temps & occasions.

Pour l'autre opinion, on disoit, Qu'un Canon du quatrième Concile de Carthage otroye, qu'on puisse recevoir ce qui est offert par celui qui fait baptiser les enfans: que les Theologiens, apres auoir determiné, qu'on ne peut recevoir chose aucune temporelle pour les Sacremens, consentent neantmoins aussi, qu'on puisse recevoir quelque chose, pour la peine de les administrer. Et de tant plus, quand cela n'est point donné ni receu à l'esgard du Sacrement, mais pour raison d'aufmonie: qu'autrement ce seroit oster aux lais l'occasion d'exercer les œuvres de pieté: & qu'ostât les offrandes volontaires, les pources Curés n'auroient de quoi se pouoir subtanter. Là dessus estoit alleguée l'autorité de S. Paul, Qu'il ne faut point emmuler l'animal qui foule le grain en l'aire: & que qui sera à l'Autel, doit viure de l'Autel. Qu'il ne faut pour tout point aduouër, qu'il y ait aucune coustume introduite de donner ou de recevoir chose quelcōque pour l'administration des Sacremens: car ce seroit à dire qu'un pernicieux abus auroit esté toleré, voire mesme approuué en l'Eglise vniuerselle: attendu qu'à c'est vne coustume generale par tout: & pourtant, qu'il n'est nullement besoin de parler d'abolir vne coustume, laquelle n'est point introduite: & en pensant remedier à ce qui n'est point mal de soi mesmes, ains l'est seulement en opinion, à cause de la foiblesse de la conscience d'aucuns, faire vne playe mortelle en l'Eglise. Pour raison tres-principale estoit alleguée, qu'Innocent III. au Concile general de Latran, rapporté au chap. 41. *Ad Apostolicam de simonia*, non seulement declare que la coustume en cete maniere d'offrandes en l'administration des Sacremens est loüable, & ordonne qu'elle soit gardée: mais aussi, que l'Euesque ait à punir qui conque entreprendra de la changer. Et que pourtant de vouloir à present determiner au contraire, seroit, avec un tres-grand scandale, condamner un Pape, & un Concile general, comme approbateurs & defenseur d'un erreur pernicieux.

Del'autre part on repliquoit, Que l'ordonnance du Concile de Carthage condanne seuerement l'exaction, mais tolere l'offrande volontaire. Et qu'encores cela il est corrigé par le Concile Eliberitain, lequel condanne l'usage introduit, que celui qui estoit baptizé, mettoit quelque argent au vaisseau. Que l'inuention des Theologiens, qui distinguent entre l'administration du Sacrement, & la peine de l'administrer: entre recevoir à l'esgard du Sacrement, & autre esgard: entre intention principale, & acces-

1547.

soire: estoit vne vraye chimere, & illusion: d'autant que les paroles de l'E-uangile sont exprimées en termes absolus, non suies à cauillatiōis, ni à gloses, qui renuersent le texte. Que Dieu, quand par Moysé, & S. Paul, il defend d'emmuser la beste qui soule le grain, entend que l'aliment nécessaire ne soit denié à la beste affamée, non qu'il soit permis à celle qui est faoule de se remplir superflument. Qu'on ne peut pretendre la poareté de l'ordre Clerical, qui a non seulement suffisans, mais mesme surabondans reuenus: mais que l'abus est en ce, que ceux qui ont la charge des Eglises ne resident point pres de leurs benefices, & toutesfois veulent pour eux tousles fruits, & encores baillent à ferme les incertains aux pources Prestres, qui sont contraincts de vendre tout pour pouuoir viure. Qu'il falloit plus tost pouruoir, que tous resident en leurs benefices, car ainsi faillant tous auront dequoi viure, voire mesmes abonder, & n'oseront plus vendre les Sacremens del'Eglise. Et à cete occasion, ils retournoyent derechef à s'estendre sur le point de la Residence, & des grands biens qui arriue-royent, si on la declaroit estre de droit diuin. Et au demeurant adioustoyent, que si quelque cure est cheriue, il falloit y pouruoir par l'vnion d'autres simples benefices: & quand il n'y auroit aucun autre moyen, procurer que le peuple baille de quoi viure à son Curé. Qu'il valoit mieux, & estoit plus agreable à Dieu, de confesser la faute passée, & y remedier, que de la vouloir soustenir & y perseuerer.

Le Cardinal Legat de Monte, qui au demeurant sembloit à touspeu enclin à la Reformation, en ce fait neantmoins portoit viuement ce dernier parti: & respondoit à ceux qui allegoyent l'autorité d'Innocent troisieme, & au Cōcile General de Latran, Qu'ils faisoient grand tort à ce Pape, & aux Peres de ce Concile-là, de leur attribuer vn si grand & manifeste abus: & qu'en cela ils descouuroyent leur ignorance: car s'ils vouloyent lire les trois chapitres du mesme Concile, prochainement precedans le susdit *Ad Apostolicam*, ils veroyent clairement quelle est leur intention, & comment ces bons Peres defendirent toute exaction, condannant aussi la coustume au contraire. Et en ce chapitre quarantedeuxieme *Ad Apostolicam* les coustumes de donner quelque chose pour l'administation des Sacremens, ne sont nullement approuuées: mais bien les autres licites & honnestes, introduites en faueur des Eglises, comme sont les distmes, les premisses, les offrandes qui se font à l'autel, les portions Canoniques, & autres telles loüables coustumes, disant, Que ce chapitre-là estoit ainsi entendu & exposé par Barthole, & par Romain, Docteurs fameux.

en passe à
former les
anathema-
tismes sur
le fait des
Sacremens,

& serrou-
ne grande
difficulté
sur les
chap. de
Doctrina.

Les Peres aussi, qui auoyent esté deputés pour la confection des Decrets en matiere de foi, apres auoir consideré les opinions & aduis des Theologiens, & les conclusions esquelles ils estoient conuenus, & auoir selon leurs remonstrances, omis & distingués, & mesmes arrangés les Articles en meilleur ordre, formerent en fin quatorze anathemes sur la doctrine des Sacremens en general, dix sur celle du Baptisme, & trois sur celle du S. Crefme: lesquels estoient couchés en telle sorte, qu'aucune des opinions Catholiques n'y estoit censurée, & se tenant es termes generaux donnoyent matiere de contentement à chacune des parties. Mais il ne fut iamais possible de dresser les Chapitres pour exposer la Doctrina, comme on auoit fait au point de la Iustificatiō: en sorte, que se seruant des termes de l'vne des opinions, l'autre n'en semblast repprouuée & condannée: ce qui ne pouuoit agreer, ni aux Docteurs, pour leur affection enuers leur propre Secte, ni aux Legats & neutraux, pour ne ietter les semences de nouueaux schismes. Dont, ne pouuant expliquer la Doctrina si delicatement, qu'ils ne panchassent plus à vne des parties qu'à l'autre, ils remirent à la Congregation generale de determiner la maniere en laquelle les Sacremens contiennent & causent la Grace.

La perplexité ne fut pas moindre en la Congregation: qui fut la cause, qu'une grande partie des Peres panchoit plustost à omettre tout à fait les chapitres de la Doctrina, & se passer avec les seuls anathemes, comme il

auoit ia esté fait en la matiere du Peché originel. Mais l'autre partie vouloit totalement les chapitres de la doctrine, alleguant les mesmes raisons, qui furent employées, quand on delibera de traiter en cete sorte l'Article de la Iustificacion: & qu'il falloit de necessité ensuiure l'exemple introduit dès lors: & cependant le faire avec toute la circonspection, & diligence possible, pour tâcher de donner contentement à toutes les parties. Mais qu'encor au bout il estoit nécessaire de le faire, & n'y auoit nul danger de diuision; parce que, comme les Theologiens qui sont presens au Concile, quoi qu'ils defendent asprement chacun la propre opinion, se remettent neantmoins en fin au Concile: de mesmes faut il croire pour tout asseuré que seront aussi les absens: & pourtant ne faut point laisser de faire vne chose parfaite, pour conuaincre les heretiques. Cet aduis l'eust emporté, sans la viue opposition qu'y fit Iean Baptiste Cigale, Euesque d'Albenga, & Auditeur de la Chambre: lequel dit, Que par la lecture des hystoires il parroissoit, que iamais aucun, sinon que contraint, n'auoit quitte son opinion, pour auoir icelle esté condamnée. Et que, combien que tous Catholiques disent de se remettre au iugement de l'Eglise Romaine, si toutesfoi leur opinion estoit reprouuée, ils ne l'y remettroyent point, ains la desferoyent encor plus opiniastrement, se fortifiant de plus fort par l'opposition: ce qui fait que desfectes naissent puis apres des heresies. Et que pour les empescher, le vray moyen estoit de tolerer toutes les opinions, & faire en sorte que nulle ne condanne l'autre, mais qu'on viue en paix: & qu'il n'y en a iamais aucune tant repugnante a l'autre, qu'avec cete moderation on n'eute tous inconueniens: en lieu que, sans icelle, vn petit differend de paroles, ou cheritif pointille, est suffisant à diuiser tout le monde. Que beaucoup d'opinions des modernes innouateurs eussent pu estre tolerées, s'ils les eussent affermes avec modestie, & sans condanner l'Eglise Romaine, & la doctrine des Escholes. Que ç'auoit esté la cause, qui auoit contraint le Pape Leon a relancer contre Luther les traits, que lui mesmes auparauant auoit tirés contre le S. Siege Apostolic. En somme ce sage Prelat disoit, & repliquoit, Que les ordinaires protestations des Docteurs, de se vouloir remettre au iugement de l'Eglise, estoient termes de ciuilité, & reuerence: & qu'il falloit y correspondre avec egalité de mutuel respect, en se conseruant neutral & indifferend entre les contrariétés des opinions. Que les termes & la maniere de viure requierent, que celui qui veut estre respecté, respecte aussi reciproquement: sans se faire iamais aceroire, que celui qui dit de se rapporter & soumettre, ait volonté de le faire, si l'occasion s'en presentoit: comme la preuue en estoit manifestement paruë en Luther, lequel, pendant qu'il n'eut à faire qu'avec les seuls Moines questeurs en Allemagne, sur le fait des Indulgences, & aussi avec les Docteurs de Rome, auoit tousiours dit, Qu'il s'en remettait au Pape: mais, des aussi tost que Leon eut pris à pied leuë ce qu'il ne disoit que par belle apparence, non seulement Luther ne tint point sa promesse, mais esclata plus furieusement contre le Pape, qu'il n'auoit fait contre les questeurs d'Allemagne.

Les Legats enuoyerent à Rome copie de tout ce qui auoit esté delibéré, & des difficultés qui restoyent encor à resoudre, tant en la matiere de la Foi & de la doctrine, comme en la Reformation des abus, requerans instruction de ce, à quoi ils deuoient se ranger. Et cependant prirent à traiter vn peu plus à certes la matiere de la pluralité des benefices, qui auoit ia esté proposée, comme il a esté dit, & fut en partie ventillée en ce mesme temps: laquelle ie n'ai voulu desmembrer en parcelles selon les diuers temps, & pourtant en ai remis le total narré à ce lieu.

En la Congregation du quinzieme Ianuier, apres que les Articles des Sacremens eurent esté publiés parmi le Concile, pour continuer la matiere, qui auoit esté entamée le iour précédent, à la pluralité des benefices, dont on auoit ia parlé sur le sujet de la Residence, fut adiousté de traiter des qualités & conditions des Euesques, attendu que plusieurs ne resident

donc les Legats
causent Rome;

en la Congregation
de la Reformation
on met en

1547.
quatre
requis
Euesques
sur le
de la Res-
dence,

Or de l'abus
qui y estoit,
Rome est
chargée
par les uns,
d'chargée
passionné-
m. et par
les autres.

comme au-
si de la plu-
ralité des
benefices:

digressi-
on sur l'origi-
ne, pro-
grès, & di-
vers pre-
textes de
cet abus:

point en leurs Eglises, d'autant qu'ils ne sont capables d'exercer leur charge. Plusieurs choses furent dites là dessus, prenant pied sur ce que S. Paul requiert és Euesques & Diares, & faisant grand force sur les paroles, Irreprehensible, hospitalier, non auaricieux, non nouice, & de bonne estime mesmes enuers ceux de dehors. Apres quoi furent rapportées autres conditions requises par plusieurs Canons, & en tout cela n'y escheut aucun estrif: attendu que tous declamoyent vnanimement contre les vices & defauts des Prelats, & de l'Ordre Ecclesiastic. Ce qui ne desplaisoit point trop aux Legats, qui prenoyent plaisir à voir comment les Prelats s'elgayoyent en cete image de liberte. Or en l'ardeur du discours Iean Salazar, Euesque de Lanciano, attribua l'origine du mal à la Cour de Rome, laquelle, en la dispensation des Eueschès, regardoit non à la suffisance des personnes, mais aux seruices rendus. Mais à cela replica bien sensément l'Euesque de Bionte, lequel parla peu apres lui: disant; Qu'à tort la Cour de Rome estoit chargée de ce qui arriuoit par la faute d'autrui: attendu qu'en Allemagne les Eueschès sont conserés par election: & en France, Espagne, & Hongrie, par nomination royale: & en Italie il y en a plusieurs qui sont de droit de patronage: & encor en ceux, qui sont de libre collation, les Princes veulent estre contentés, & par leurs recommandations, qui sont prieres armées, & ne souffrent desdite, ostent la liberte de l'election au Pape. Et qui voudra iuger sainement, sans courir à yeux clos apres l'opinion, & sans se laisser emporter par la passion, verra que les Euesques creés librement à Rome sont peut-estre les meilleurs de toute l'Europe. Que la pluralité des benefices, mal inconnu à la premiere Antiquité, n'a point esté introduit par la Cour de Rome, mais par les Euesques & les Princes, auant mesmes que les Papes eussent pris la charge de reigler les matieres beneficeles en toute la Chrestienté: sans les bons reiglemens & prouisions desquels, tels qu'on les voit au Corps Canon, le desordre seroit venu au comble, & plus haut faiste. Cet estrif fut ouï avec plaisir des vns, & desplaisir des autres, selon les passions d'un chacun: bien descouuroit-on generally que cete matiere ne se pouuoit manier sans danger: comme il parut par les traités & discours des suiuant Congregations.

Mais, d'autant que cet affaire merite d'estre bien entendu, il sera à propos de rapporter l'origine de l'abus, & comment il est venu à cete extremite. Je laisse de parler de ces temps heureux, & siecle doré, quand le nom d'Eglise estoit commun à tout tel l'Assemblée des fideles, à laquelle aussi appartenoit l'usage & la maistrise des biens, qu'on nomme Ecclesiastiques: lors que d'un mesme fonds & masse on prenoit de quoi nourrir & vestir les pources, & les Pasteurs: voire mesmes pouruoit-on plus particulièrement aux necessités de ceux-là, que de ceux-ci. Mais, sans autrement particulariser le temps, ie di qu'il aduint qu'on descendit d'une marche, & d'une mesme masse on fit quatre parts, mettant celle des pources au dernier rang, laquelle, selon l'usage ancien, deuoit estre au premier. Or, ie ne veux remonter plus haut, qu'au temps que le peuple de Christ fut exclus du nom d'Eglise, & qu'icelui fut approprié au seul Clergé, afin que par mesme moyen lui fust baillée la propriété de l'usage, & de la maistrise des biens: dont à petit nombre fut appliqué ce qui auparauant appartenoit à tous, & aux opulens ce qui auparavant seruoit aux indigens. Au commencement de ces temps-là, apres que les Ecclesiastiques eurent partagé entr'eux tous les reuenus de l'Eglise, les charges, qui auparavant estoient appelées Ministeres, & offices de cure spirituelle, prirent pour leur occupation principale le temporel: & furent nommées benefices. Et, d'autant qu'encor subsistoyent les anciens Canons, qu'un homme ne fust ordonné à deux titres, nul ne pouuoit tenir plus d'un benefice. Mais puis apres, par les guerres, ou inondations, les reuenus de plusieurs ministeres s'estans fort amoindris, tellement qu'ils n'estoyent suffisants pour l'entretienement du Ministre, un tel benefice ainsi diminué estoit conseré à un qui en tenoit ia un autre: mais toutesfoi à tel,

qui püst vaquer à tous les deux. Ce qui fut mis en vſage en faueur, non du benefice, mais de l'Egliſe, afin que ne pouuant auoir vn Miniſtre propre, elle euſt au moins quelque autre ſeruice, qui lui püſt eſtre preſté. Puis apres, ſous couleur qu'un benefice n'eſtoit pas ſuffiſant pour l'entretien du Miniſtre, & qu'il ne ſe trouuoit aucun qui en vouluſt prendre la charge, on s'eſlargit à en donner pluſieurs à vne meſme perſonne, quoi qu'il n'y paruſt aucune neceſſité pour le ſeruice des Eglifeſ: & puis apres peu à peu on leua le maſque, & n'eut-on point de honte de faire le meſme en faueur du benefice. Mais, d'autant que le monde en prenoit ſcandale, il en ſalut moderer & colorer l'introduction. Et, puis qu'on voyoit ia receuë la diſtinction des obligés à la Reſidence, & des non obligés, on y en adioignit encor vne autre, des benefices compatibles, & des incompatibles: appellant incompatibles entr'eux ceux qui obligoyent à Reſidence, & les autres compatibles, tant avec ceux-là, qu'entr'eux meſmes. Or eſtoit encor touſiours tenue en premier rang de conſideration la couleur de l'honneſteté, par la Gloſe des Canoniſtes, Que pluſieurs benefices ne ſoyent conſerés à vn meſme, ſinon lors qu'un ſeul ne ſuffiſt pour viure. Mais on vint puis apres à tailler cete ſuffiſance à bien large meſure, la proportionnant, non à la perſonne, mais auſſi à la qualité d'icelle: ne iugeant point vn benefice baſtant pour vn Preſtre de douzaine, s'il ne ſuffiroit pour lui, pour la famille de ſes pere & mere, pour trois ſeruiteurs, & vn cheual: mais, s'il eſtoit gentilhomme: ou homme de lettres, il lui ſaloit encor d'auantage. Et pour les Eueſques, c'eſt merueille, combien on a eſlargi la courroye, pour le rang qu'il faut qu'ils tiennent. Quant aux Cardinaux, ſuffiſt de conſiderer ce que porte le dire commun de la Cour de Rome, Qu'ils ſont egaux aux Rois: dont on cōclut qu'il n'y a nul reuenue exceſſif pour eux, s'il n'outrepäſſe la condition des Rois. Dès que la couſtume eut eſté introduite, ſans que le monde, ne la raiſon, y puſſent reſiſter, les Papes de Rome ſe reſeruerent à eux ſeuls le pouuoir de diſpenſer des incompatibles, & de pouuoir poſſeder plus de deux des autres compatibles. Mais, pour trouver quelque moyen praticable, qui euſt de la couleur, & de l'apparēce, on mit la main aux Cōmendes, choſe, qui auoit eſté anciennement bien inſtituée, mais qui puis apres a eſté employée à cete ſeule fin, & vſage. La diſ, qu'à pour quelque raiſon de guerre, peſte, ou autres ſemblables, on ne pouuoit ſi toſt proceder à l'election ou prouiſion pour vne Egliſe, le ſuperieur recommandoit l'Egliſe vacante à quelque perſonnage de prud'homme & ſuffiſance, afin qu'outre la conduite de la ſiene, il gouuernäſt auſſi la vacante, juſques à ce qu'on l'eüſt pourueu de Paſteur propre, & qui portäſt le titre. Vn tel n'auoit alors aucun pouuoir ſur les reueus, ſinon de les gouverner, & de les conſigner à qui il appartenoit. Par laps de temps il aduint, que ces Commandataires ſ'accommoderent des fruits, ſous diuers pretextes de neceſſité, & de honneſteté: & pour en iouir plus longuement, ils traueſoyent les prouiſions, & elections des paſteurs propres: dont, pour remedier à ce mal, fut mis vn ordre, que la Commende ne pourroit durer plus de ſix mois. Mais les Papes, nonobſtant cela, par leur plein pouuoir, paſſerent à bailler ces Commendes pour plus long temps, & finalement en firent aueunes viageres, avec permiſſion aux Commandataires, de ſe ſeruir des fruits, outre les deſpens neceſſaires. Cete bonne inuention, degenerée en cete ſorte, fut employée es temps corrompus, pour pallier la pluralité des benefices, en recommandant à celui qui en poſſedoit deſia vn, encor vn, ou pluſieurs autres, par deſſus. Et ainſi eſtoit obſeruée la loere de la Loi, de n'en bailler qu'un à vne perſonne, mais fraudé le ſens: puis que le Commandataire à vie, reſchement & de fait n'eſt point different de celui qui porte le titre. Pluſieurs exees ſe commettoyent au nombre des benefices de Commende: iuſqu'à là, qu'en ce meſme ſiecle, voütr meſmes apres les mouuemens excités par Luther, & lors que tout le monde a hañnoit apres vne Reformation, le Pape Clement V. n'eut point de reſpect, ni de honte, de bail-

1547.

ler à Commende, en l'année mil cinq cens trentequatre, à Hippolite Cardinal de Medicis, son neveu, tous les Benefices de tout le monde, Seculiers, & Reguliers; de dignité, & personels; simples, & ayans cure d'ames, vacans, pour le temps & terme de six mois, à conter dès le iour qu'il en prendroit la possession: avec pouuoir de disposer de tous les fruits, & de les conuertir à son propre vſage. Ce qui de vray fut vne exorbitance, montée iusqu'au plus haut point de toute extremité. Mais es temps passés la Cour de Rome n'auoit pas osé se seruir de ce moyen, pour donner à vne mesme personne grand nombre de Benefices à Commende: mais en inuenta vn autre, dont l'vſage anciennement auoit esté trouué à bonne fin, qui est l'Vnion des benefices: laquelle iadis estoit vſitée, lors qu'une Eglise estoit destruite, ou que ses reuenus estoient occupés & saisis: en transferant ce peu de residu de reuenus au Ministre voisin, ensemble la charge, & n'en faisant qu'un seul benefice. Mais la souplesse des Courtisans de Rome fit si bien, que mesmes hors de ces esgards, on vint à vnir plusieurs Benefices à vne seule personne: tellement que, par le droit de cete vnion pretendue, la pluralité des Benefices estoit couverte d'un specieux manteau, quoi que, en faueur de quelque Cardinal, ou grand personnage, quelques fois fussent mis ensemble trente ou quarante Benefices, assis en diuers lieux de Chrestienté. Mais encor en paſſoit-il un inconuenient notable: c'est, que par ce moyen le nombre des benefices se diminueoit: & la grace, qui premierement auoit esté faite à vn seul, estoit tout ensemble, & comme d'une main faite à plusieurs qui lui succedoyent, sans qu'ils la meritaſſent, ni impetraſſent: ce qui tournoit au grand dommage de la Cour de Rome, & de la Chancellerie: à quoi on remedia par vne subtile & fine inuention, d'unir en vne masse autant de Benefices qu'il plaisoit au Pape, mais pour la vie seulement de celui à qui la colation en estoit faite, par la mort duquel cete vnion s'entendoit *in facto* dissoute, & les benefices remis en leur premier estat. Par cete maniere on ouurit la grand porte aux gétiles pratiques, & artifices, attédū qu'on pouuoit conferer un benefice, qui en apparence n'estoit qu'un seul, mais en effet en tiroit plusieurs apres: & pouuoit-on dire, de faire cōme celui lequel se confessoit d'auoir desrobé vne bride de cheual, ſās dire qu'il y auoit un cheual avec, qui en estoit bridé.

consultez
l'vſage de ces
trois pretextes:
ce qui estoit
tres-bien re-
conu par les
prudens
Prelats: tel-
lemēt qu'à la
premiere pro-
position, & ou-
erture, qui en
fut faite, tous
furent d'un
aduis vniforme,
que la pluralité
fust interdite:
& que nul,
de quelque
qualité & con-
dition qu'il
fust, ne pust
tenir Benefices
en plus grand
nombre que de
trois, à quoi
aucuns adiou-
ſtoient ces cas,
assauoir, quand
deux d'iceux
ne monteroyent
à la somme de
quatre cens
ducs d'or de
reuenu: voulans
que toute per-
sonne, quoi que
releuée, & graduée,
fust submise à
la loi de n'en
tenir qu'un
seul, quand il
arriue à cete
somme: ou deux,
si tant est qu'ils
y atteignent:
mais, soit qu'ils
y atteignent,
soit que non,
que nul n'ait
en fin à passer
ce nombre: sur
quoi il y eut
beaucoup à
contester. Mais
encor plus, quand
Louis Lippomano,
Euesque de Verone,
adiouſta, Que ce
Decret fust en-
tendu à ceux qui
lors presentement
en tenoient plus
grand nombre:
tellement que
tous, sans excep-
tion de qualité,
degré, & emi-
nence, fussent
contraints d'en
retenir seulement
trois, & de
renoncer les
autres: ceux qui
estoyent en
Italie dans six
mois, & ceux
qui estoient
hors d'Italie
dans neuf
mois: & en cas
qu'ils ne le
fissent, que
sans autre
declaration
ils s'entendissent
dechūs & priués:
& ce, nonob-
stant que les
benefices fus-
ſſent vnīs, ou
baillés à com-
mende, ou pos-
ſedés sous quel-
que autre titre
que ce fust. L'E-
uesque de Fel-
tre adhiera à la
mesme opinion,
laquelle il moder-
a par cete dis-
tinction, des
dispenses, com-
mendes, & vn-
ions faites pour
le bien & vtilité
des Eglises, &
d'autres faites
en seule faueur
du beneficié:
voulant que les
premieres demeu-
raſſent fermes
& valables, sans
restriction ne
referue de nom-
bre de benefices,
mais que les
autres fusſent
reiglées & moder-
ées.

L'Euesque de Lanciano n'admit point cete distinction : disant, *Que si on* vouloit faire vne loi de durée, il ne la faloit point fourrer d'une exception ; attendu que la malice humaine est tousiours fort prompte à trouuer des captés & artificieux pretextes, pour se mettre dans le cas de l'exception, & ainsi se desrober de la reigle. L'Euesque d'Albenga, par vne longue harangue, demonstra que les bonnes loix donnent bonne forme & reiglement aux affaires à venir tant seulement, & ne regardent point les passés : & que ceux, qui, hors desterrines de la raison, pretendent corriger aussi le passé, esmeuent tousiours des troubles, & confusions, & en lieu de reformer, difforment d'auantage : que c'estoit vne chose bien dure, de depousser ceux qui sont en possession des plusieurs années, & cependant s'imaginer qu'on les pourra persuader à s'en tenir pour contens. Et adiousta, qu'il preuoioit, cas aduenant qu'on fust ce Decret, qu'il ne seroit point receu, & si mesmes il l'estoit, il en naistroit des resignations simulées, & Simoniaques : & plusieurs autres maux, encor plus grands, que de tenir plusieurs benefices. Et que mesmes pour l'auenir le remede lui sembloit superflu : attendu que nul ne peut tenir plusieurs benefices, sans dispense du Pape, dont il suffisoit, qu'iceluy se resolut à n'accorder icelle à aucun.

En cete Congregation, parmy beaucoup d'autres deplorations, & exclamations tragiques qui en furent faites, Bernard Diaz, Euesque de Calahorra, dit, *Que l'Eglise de Vincence estoit tombée en grands desordres, comme chacun pouuoit sauoir : dont elle auroit besoin d'un Apôstre pour Euesque.* En quoy il taxoit le Cardinal Ridolfi, lequel, outre tant d'autres benefices, iouissoit de cet Euesché, sans en auoir aucun soin, ne le voir iamais, & mesmes sans auoir l'ordre Episcopale : ne sachant, ni ne se souciant d'autre chose que de la rente de la ferme : dont chacun prenoit matiere de brocarder cete grande absurdité, que des Eglises tres-notables ne vissent iamais leur Euesque, pource qu'il estoit occupé ou en d'autres Eueschés, ou en dignités plus lucratiues. Plusieurs disoyent, *Que le Pape seul pouuoit pour- uoir à cela : & quelques vns commençoient à souscrire à l'opinion de l'Euesque d'Albenga, Que le Pape fust cete Reformation tout seul de par soi mesmes.* Qui estoit chose, qui agreoit fort aux Legats, tant pour la dignité du Pape, que pour se desfaire du grand ennui de cete matiere, laquelle ils iugeoyent de difficile vuidage, pour la diuersité des opinions & interests. *Esperant aussi, que si on faisoit cete desmarche, de laisser cete Reformation au Pape, on obtiendroient aisément de lui remettre semblablement le point de la Residence, plus indigestible encor, pource qu'il estoit plausible, & ti- roit apres soi le recouurement de l'autorité & iurisdiction Episcopale.* Doncques les Legats, ayans conceu esperance que cela se pourroit obtenir, sur tout s'il estoit proposé comme chose faite, & non comme à faire, en donnerent incontinent auis au Pape, à qui la nouuelle fut fort agreable : d'autant que meshui toute la Cour, & lui mesmes, estoit en souci à quoy pourroient aboutir les essais & desseins des Prelats. Et, iugeant qu'il ne faloit point dilayer de battre le fer pendant qu'il estoit chaud, il franchit le pas, mesmes au delà de ce que lui auoyent marqué les Legats : & despescha vne Bulle, par laquelle il euoquoit à soi toute la matiere de la Reformation. Or, pendant qu'à Trente on attendoit la responce de Rome, on n'intermit point le traité en entamé : & fut faite vne minute de Decret, *Que nul ne pust tenir plus d'un Euesché : & que qui en auoit plusieurs, n'en retint qu'un seul, & se desist des autres : qu'à l'aduenir qui obtiendra plusieurs benefices inferieurs incompatibles, s'entende dechu & priué d'iceux sans autre declaration, & que qui desia en possède plus d'un, ait à monstrier ses dispenses à l'Ordinaire, lequel deura proceder selon le Decret d'Innocent quatrieme, Ordinaire.* En opinant sur ces points, plusieurs interrent qu'on y adioustast, qu'à l'auenir nulles dispenses ne fussent ottroyées. Et y en eut peu qui trouuassent bon, d'exhiber les ia ottroyées, & de proceder selon le Decret d'Innocent : disant, que le seroit les faire approuuer toutes, & rendre

1547.

le mal encor plus grand, & pernicieux: attendu les conditions apposées par Innocent, quand il dit, Que si les dispenses sont trouuées bonnes & valables, qu'elles soyent admises, & s'il eschet quelque difficulté, qu'on recoure à Rome: dont il ne faisoit point douter que tout tel affaire ne se resolust du moins en matiere douteuse, laquelle seroit tousiours declarée à Rome conformément à l'otroi. Que, pendant que les choses demeuroyent es termes presens, les personnes auoyent encor quelque apprehension du remede & reiglement: mais, en cas que les dispenses fussent examinées, & approuuées, comme il estoit hors de doute que toutes le seroyent, l'abus en seroit confirmé. Plusieurs estoient d'aduis, que les dispenses fussent tout à fait interdites: mais il y en auoit d'autres qui s'y opposoyent par cete raison, Quel v'sage de dispenses à tousiours eût en l'Eglise, & qu'elles sont necessaires: mais que le tout gist à en bien vser.

Marc Viguiet Euesque de Sinigaille, auança vn aduis, lequel, si on l'eust receu, & cru, auroit aisement reforme tout l'ordre Clerical. Il disoit, Que le Concile pouuoit remedier à tous inconueniens, en faisant vne Declaration, que pour la dispense est necessairement requise vne cause legitime: & que qui ottroye sans icelle la dispense, peche, & ne peut estre absous, sinon en la reuocquant: & qui l'obtient sans cause legitime, n'est iamais asséuré en sa conscience, quoi qu'il ait la dispense, & gist tousiours en peché, tant qu'il ne se demet des benefices recoens en cete sorte. Cet aduis eut diuers contredisans: car aucuns s'esleuerent, disans, Qu'il estoit bien vray, que qui ottroye permission de pluralité de benefices, sans cause legitime, peche: mais que toutesfois la dispense est valable, & qui l'obtient peut estre asséuré en sa conscience, quoi qu'il soit consens de l'illegitimite de la cause. Et y eut là dessus vn debat de plusieurs iours les vns disans, Que c'estoit otter toute l'autorité au Pape: & les autres, Que l'autorité l'apale ne s'estend point iusques là, qu'elle puisse faire que le mal ne soit mal. De cela on entra en vn autre doute, auaoir, Si la pluralité des benefices estoit defendue de droit diuin, ou de droit humain. Ceux, qui soustenoyent la Residence estre de droit diuin, disoyent que la pluralité des benefices estoit defendue aussi de droit diuin, & pourtant que le Pape n'en pouuoit dispenser: les autres disoyent, Qu'elle estoit seulement par loi Canonique, & de l'Eglise, & cete contradiction fut malaisément assopie par les Legats, lesquels la tenoyent pour perilleuse, tant pource qu'elle remettoit le point de la Residence sur le tablier, que pource qu'elle touchoit l'autorité du Pape, quoi que sans le nommer: & plus encor, pource que cete subtile recherche de la valeur des dispenses, les mettoit toutes en doute & compromis. La confusion estant grande, Diego d'Alain, Euesque d'Astorge, dit, que, puis qu'on ne se pouuoit accorder sur les dispenses, qu'on defendist les Commandes, & les vnions des Benefices, qui sont les pretextes pour pallier l'abus: & fit de grands discours contre l'un, & l'autre. Il dit que les vnions, & les Commandes viageres, sont pleines d'absurdités: car par icelles on aduoit ouuertement de n'auoir pas esgard au benefice de l'Eglise, mais à la personne: ce qui estoit de grand scandale au monde: que elles auoyent esté inuentées des n'agueres, pour assouir l'auarice & l'ambition: que c'estoit vne grande indignité de vouloir maintenir vn abus tant notoire, & tant pernicieux. Mais les Euesques Italiens, qui, pour la plupart, estoient interessés en l'une de ces deux choses, n'oyoyent point volontiers des propositions si absolues: & approuuoyent bien qu'on y fist quelque reiglement, mais non tel qu'il les abolist tout à fait.

le Pape re-
spond, &
par vne
Bulle enu-
que à soi
roule la
Reforma-

A l'entrée de Feurier arriua de Rome la response, & la Bulle du Pape, laquelle fut iugée par les Legats trop ample: mais toutesfois, pour essayer de s'en seruir, ils proposerent de nouveau la matiere, faisant repliquer par leurs adherans & affidés, qu'attendu les difficultés, & les diuers sentimens, il seroit bon de se demettre de cet affaire, & remettre le tout au Pape. Mais les Imperiaux, ceux-là mesmes, qui par le passé ne s'estoyent monstrés trop

esloignés

elloignés de cet aduis, repartirent viuement, Que cela ne se pouuoit faire avec honneur du Concile: & à cet aduis s'adjoignit la plus grande partie, remuant les mesmes choses ia dites, & confondant tousiours plus les affaires: en sorte que les Legats virerent bien, que l'occasion ne portoît pas de se seruir de la Bulle enuoyée de Rome: & rescriuirent au Pape, Qu'il n'estoit pas à esperer, que toute la Reformation pult estre remise à Sa Sainteté: mais qu'ils esperoyent bien que ce seroit chose faisable de la diuiser, en sorte que le Pape entreprist la partie, qui plus proprement appartenoit à lui, comme seroit la moderation & reiglement des dispenses, & des Priuileges, y adioustant encor la reformation des Cardinaux. Et que quand il plairoit à Sa Sainteté de s'y resoudre, il seroit bon de preuenir, publiant non au Concile, ce qui n'estoit necessaire, mais à Rome, vne Bulle; sous le nom & titre de Reformation de la Cour. D'autant, qu'en tel cas, nul ne pourroit dire que le Pape ne pult reformer sa Cour, & ce qui le concerne particulièrement. Et puis, pour le demeurant, qui ne regarde point la Cour de Rome, on en pourroit traiter en sorte, qu'on donnât tout contentement au Concile. Aduisant routes fois aussi Sa Sainteté, que le Concile ne s'appaisera iamais par le seul reiglement du passé, mais requerra tousiours, qu'il soit pourueu aux ottois scandaleux, mesmes presens.

Cete Congregation finie, les Prelats Espagnols, avec autres qui les suiuoyent, dont le Cardinal Pacieco s'estoit fait chef, s'estans assembles en nombre de vint, apres auoir conferé ensemble, conclurent, Qu'en la maniere pratiquée es Congregations, il seroit impossible de venir iamais à resolution aucune qui valust: car tout ce qui estoit propose de bon, estoit dissimulé par ceux qui moderoyent les actions, ou bien obscurci & enuolopé par les contentions. Et pourtant qu'il falloit changer de methode, & bailler les demandes par escrit, & qu'ainsi on pourroit venir à quelque conclusion. Et là dessus, firent vne Censure sur les Articles propofés, laquelle ayans redigée par escrit, ils la presenterent aux Legats, en la Congregation, qui se tint le troisieme Feurier.

Cete Censure contenoit onze articles: Premièrement, Qu'entre les qualitez requises es Euesques, & Curés, soyent mises toutes les conditions ordonnées au dernier Concile de Latran: d'autant, disoyent-ils, qu'il semble qu'en la maniere qui a esté tenue iusqu'à present, on ouure par trop la porte aux dispenses, lesquelles il est mesme necessaire d'abolir tout à fait, à cause des heresies qu'elles causent, & des scandales qu'elles portent: & faire vne reformation plus estroite. En second lieu, Qu'expressément il soit dit & spécifié, que les Cardinaux sont tenus & obligés de resider en leurs Eueschés, au moins six mois de l'année: de mesme qu'il a esté enioint aux autres Euesques en la Session precedente. En troisieme lieu, Qu'auant toutes choses, il soit dit & déclaré, que la Residence des Prelats en leurs Eglises est de droit diuin. En quatrieme lieu, Qu'il soit déclaré, que la pluralité des Eglises Cathedrales est vn abus intolerable: & que chacun soit admonesté, voire mesmes nommement les Cardinaux, de se contenter d'une seule, & de se demettre des autres dans vn certain brief terme, & auant la closture du Concile. En cinquieme lieu, Que la pluralité des Eglises plus petites soit ostée, avec inhibitions & defenses, non seulement pour l'aduenir, mais aussi pour le passé, reuoquant toutes les dispenses ottroyées, sans excepter Cardinaux, & autres: sinon qu'il y eust causes iustes, & valables, qui pource deuroient estre produites & prouuées deuant l'Ordinaire. En sixieme lieu, Que les vnions viagères de Benefices, voire mesmes les ia faites & passées, soyent toutes reuoquées: comme celles qui portent à la pluralité. En septieme lieu, Que quiconque tient vn benefice ayant cure d'ames, ou autres qui requierent residence, & ne reside pas, encoure en la priuation d'iceux: & qu'aucune dispense ne lui puisse fauoriser, sauf es cas permis par la Loi. En huitieme lieu, Que quiconque tient benefice ayant cure d'ames, puisse estre examiné par l'Euesque: & cas aduenant qu'il soit trouué ignorant,

1547.

illiteré, vicieux, ou inhabile pour quelque autre cause que ce soit, qu'il soit privé du benefice, & icelui conféré à vn autre, qui, par vn rigoureux examen, en soit reconu digne; & non à la volonté des Ordinaires. En neuviemeliieu, Qu'à l'aduenir les benefices ayans cure d'ames, ne soyent conférés, sans vn preallable examen, & enqueste. En dixieme lieu, Que nul n'ait à estre promu à aucune Eglise Cathedrale, sans vn proces verbal, qui se face *in paribus*, c. au lieu mesme, au moins sur sa naissance, vie & mœurs. En onzieme lieu, Que nul Euesque n'ait à conferer les Saints ordres à aucun au diocese d'un autre, sans permission & adueu de l'Ordinaire, & ce seulement à personnes du mesme diocese.

dont les Legats se formalisent, & en escriuent à Rome, avec des auis auisibles,

Les Legats furent troublés, non tant parce qu'ils voyoyent grand nombre d'Articles mis sur le bureau, tous vilans à la restriction de l'autorité Papale, & à l'agrandissement de l'Episcopale, que pour l'importance de l'introduction de bailler les demandes par escrit, & des vnir en nombre à vne mesme demande. Mais, sans descourir leur pensée ou intention, alleguans seulement l'importance de la proposition, ils prirent temps à y penser: disant qu'en cet entretemps on ne demeureroit point enoisiueté, veu qu'il y auoit d'autres points de Reformation à arrester. Et cependant donnerent aduis par le menu au Pape de tout ce qui s'estoit passé: adioustant, que les Prelats prenoient tous les iours plus de liberté, qu'ils ne se retenoyent point de parler des Cardinaux sans respect, & de dire, Qu'il falloit de necessité les reigler: & que mesmes ils faisoient à parler de Sa Sainteté avec peu de reuerence, disans, Qu'il ne donnoit que des paroles, & qu'il se seruoit du Concile pour amuser le monde d'esperances, & non point en intention de faire vne vraye reformation. Qu'à l'aduenir il seroit mal-aisé de les tenir en deuoir, & que souuent ils faisoient des assemblées & conuenicules entr'eux. Ils remonstrerent, qu'il seroit expedient de faire quelque reformation reelle à Rome, & de la publier auant la Session. Ils enuoyerent aussi à Rome les Censures des Espagnols, pesant combien importoit leur entreprise, & iusques ou elle pourroit porter à l'aduenir: n'estant nullement vraisemblable, qu'ils fussent tant osés, sans l'appui, fomentation, & peut-estre instigation de quelque grand Prince. Et inuitoient que on leur enuoyast commission & mandement, comment ils auroient à se gouuerner: & disoyent, que leur aduis seroit de persister, & de ne se flechir ou ceder en forte aucune, tant pour l'importance des choses, que pour n'ouuir cete barriere, que les Prelats, par sedition & force, pussent obtenir ce que volontairement ne leur est accordé: veu que ce seroit dependre de leur merci, & courir le hazard de quelque sinistre accident. Que pour ce qui se passera és disputes, ils ne se laisseroyent point vaincre: mais enfin, apres les disputes, si les contraires ne voudront ceder, il sera forcé de se tenir à la pluralité des suffrages, & des voix, lesquelles en la conclusion ne se pesent point, mais se content. Et que pourtant, pour ne se mettre à aucun hazard, mais estre certain de l'emporter au iour de la Session, il seroit necessaire de commander tres-estroitement aux Prelats, qui se sont retirés à Venise, sous couleur de faire le Quaresme en leurs Eglises, mais peut estre, avec intention de ne retourner plus, qu'ils ayent à retourner promptement, & sans reплика: d'autant, qu'en ce qui se traitera en la suiuite Session, consistera quasi tout le nœud & le fonds de la Reformation: sur tout és pretensions d'entre le Pape & les Euesques: & selon qu'alors il réussira aux mutinés, ou ils prendront courage és autres occasions, ou ils se rendront souples, paisibles, & obeissans.

*autres abus propo-
sés &
vrai-és au
Concile,*

Apres cete despesche, les Legats proposerent és suiuites Congregations de reformer diuers abus. Le premier fut, de ceux, qui ayans receu vn benefice, & vn titre, ne prenent les saints Ordres, ou la consecration correspondante à icelui. Tous detesterent l'abus, & approuuerent qu'on y remediast. Mais le Cardinal Pacieco dit, Que tout remede seroit eludé, sinon qu'on ostast les Commendes, & les Vnions: veu qu'il est tout clair & euident, qu'une Eglise Cathedrale peut estre baillée à Commende à vn

Diacre : & celui qui en voudra vne Parochiale, sans estre tenu de prendre les saints Ordres, la fera vnir à vn benefice simple, qui ne requiert point l'Ordre : & ainsi la tiendra en conséquence & dependance de ce benefice simple, sans estre confacré. Les autres reformations furent sur diuerfes exemptions de visites des Euesques de leurs examens, de la conoissance des causes ciuiles, & de la reuision du gouuernement des Hopitaux. En quoy les Legats s'accordoient à eslargir l'autorité des Euesques, pour gagner leurs bonnes graces. Mais, comme il adient, que qui a pretention sur le tout, s'offense qu'on ne lui en restitue que la moitié, ainsi sembloit-il aux Euesques, sur tout aux Espagnols, qu'on leur faisoit de tant plus grand tort, qu'on accorderoit de remedier à aucunes de leurs plaintes. Mais les Espagnols, dès qu'ils virent que le nombre des Euesques Italiens, qui adheroient aux Legats, s'augmentoient, commencerent à parler avec plus de retenue, de tant plus, qu'ils attendoient la response de Rome sur leurs propositions, lesquelles ils auoient descouuert y auoir esté renuoyées.

Le Pape, ayant receu l'aduis de ses Legats, escriuit promptement à Venise le Pape & nife à son Nonce lettres pressantes, mais aussi fort amiables, à ce qu'il cust force son à faire retourner au Concile les Prelats partis de Trente, lesquels estoient parti au Concil par quasi tous à Venise. Et le Nonce executa la commission en sorte, que tous l'envoy des prirent à faueur de faire le Voyage, veu qu'il's agissoit d'un si grand seruice Euesques du Pape. Il mit en consultation, entre les Deputes de Rome, la Censure des Italiens, des Espagnols: mais le demeurant, qui importoit le plus, il le referua à la propre delibération, le ramassant ensemble avec les autres choses, dont il auoit suler la receu aduis auparavant. Censures

La Congregation des Deputés de Rome, apres auoir pensé & repensé à l'estat des affaires, considera que le parti que proposoyent les Legats, de persister, sans ceder en rien, estoit bien la plus honorable, & en cas qu'il succedast, le plus vtile. Mais aussi, que, cas aduenant qu'il ne réussist point, c'estoit le plus pernicieux: & qu'en choses de si grande consequence ce n'estoit pas prudence de courir de si grand risques. Qu'il estoit autant dangereux de refuser tout, comme de tout ceder. Et concludoyent, que, si les Legats n'employent plus que certains de veindre, ils pouuoient accorder ou toutes les modifications suiuiantes, ou partie, selon que les affaires mesmes conseilleroient sur le lieu. Et ces modifications estoient couchées en forme de response, article par article de la censure des Espagnols. Au premier, De rafraichir le Concile de Latran és deux chefs: il semble, disoyent ils, qu'on puisse en cela contenter les Prelats, pourueu que les Canons, qui se feront, soyent au demeurant raisonnables. Au deuxieme, D'obliger les Cardinaux à la residence la demande n'est conuenable à l'égard de ceux, qui demeurent à Rome, & qui actuellement seruent à l'Eglise vniuerselle: à l'égard des autres, Sa Sainteté y pouruoirà, selon qu'il est porté par la lettre. Au troisieme, D'arrester, que la residence est de droit diuin: premierement, le Decret, peut estre, ne se trouueroit fondé en verité, estant rapporté aux Eglises particulieres: mais aussi, quant à l'effect, il ne peut seruir qu'à augmenter le desordre: & sur tout y ayant manifeste repugnance, à faire ce Decret, & ensemblement à en permettre, au moins tacitement, le contraire pour la moitié de l'année. Au quatrieme, De declarer pour abus la pluralité des Eglises: on y peut dire le mesme, que sur le troisieme: & quant aux Cardinaux, Sa Sainteté y pouruoirà d'elle mesme, comme il a esté dit ci dessus. Au cinquieme, De la pluralité des petites Eglises: il semble que le reiglement & prouision, proposée par les Legats, deuroit suffire: & toutesfois encor, quand il seroit rugé expedient de le faire plus seuerement, à l'égard du Passé, Sa Sainteté s'en rapporte au Concile: remontrant seulement, que trop de rigueur en cet endroit peut causer effect contraire à l'intention, à cause de la resistance, qu'il eût à presumer que feront ceux qui possèdent: & mettant aussi en consideration, que de remettre ainsi simplement le iugement des dispenses aux Ordinaires, peut porter danger d'en mal vser, & de ne produire autre effect,

1547. que de leur accroistre l'autorité.

Au sixieme, De reuoyer les vnions viageres: combien que Sa Sainteté soit toute portée à y faire quelque bon reiglement, si toutesfois on les veut du tout annuler, & casser, on le peut permettre, pourueu seulement qu'on donne terme raisonnable à ceux qui possèdent les benefices, d'en pouuoir disposer.

Au septieme, Que les non residens es benefices ayans cure d'ames, precisément en soyent priués, sans qu'il soit loisible d'en dispenser aucun, si ce n'est es cas permis par la Loi: la rigueur est excessiue, & telle, que quand ores on l'auroit ainsi déterminé, malaisément se pourroit-il observer.

Au huitieme, Que qui tient benefice ayant cure d'ames, & se trouue ignorant, illiteré, ou vicieux, puisse estre priué de son benefice par l'Ordinaire: cete punition se peut permettre, bien entendu toutesfois que l'inhabilité soit telle, qu'elle le merite de droit: autrement la demande n'est pas honneste: car par ce moyen on ne feroit autre chose que laisser & remettre le tout à l'arbitrage des Ordinaires.

Au neuuiesme, Que les benefices ayans cure d'ames ne soyent conférés sans vn prealable diligent examen: attendu qu'il faut enfin remettre la maniere & la qualité de l'examen à la conscience de celui qui doit conférer les benefices, il semble que de faire de nouveau autre Decret sur ceci, est chose superflue, & inutile.

Au dixieme, De faire le proces verbal *in partibus*, sur ceux qui doiuent estre promûs aux Eglises Cathedrales: on ne peut voir ne le moyen, ne le fruit de cete diligence: attendu qu'il est aussi aisé de trouver des gens qui deposent le faux *in partibus*, comme à Rome: & que c'est chose superflue de chercher autre notice, & preuue, lors qu'on la peut auoir suffisante, comme presque tousiours on peut.

A l'onzieme, Que nul ne soit ordonné par autre que par son Euesque: il semble que le remede de la Bulle peut suffire: & de tant plus, que par icelle est pourueu par plus d'un moyen aux inconueniens, qu'on pretend sur ce fait.

Et enuoye
cete consul-
tation aux
Legats, avec
instructi-
ons neces-
saires:

Le Pape despescha subitement cete response à Trente, remettant à la prudence des Legats à se resoudre, avec le conseil des bien affectionnés, à ce qui seroit iuge le plus expedient sur le lieu, & sur le fait mesmes, en accordant ou le tout, ou partie des choses requises, mais toutesfois sans sortir des limites consultées à Rome: & semblablement leur baillant pouuoir de refuser tout, en cas qu'ils se vissent en estat de le pouuoir faire.

Il les aduertit aussi de l'office qu'il auoit fait enuers les Euesques qui estoient à Venise: & leur enioignit, qu'ils tinssent la Session au temps ordonné: & qu'ils laissassent tout à fait les Chapitres de doctrine touchant les Sacremens, & ne publiassent que les seuls Anathematismes, esquels tous se sont accordés: attendu que cete Doctrine ne se peut expliquer sans quelque d'anger: qu'ils laissassent aussi tout à fait le Decret des abus sur les Sacremens du Baptisme & de la Confirmation: veu qu'il n'estoit possible de teucher cete matiere, sans grandement offenser tous les pures Prestres, & Moines: & donner trop de prise aux heretiques, aduoyant d'auoir, es temps passés, approuué de notables absurdités. En fin il adiousta, qu'ils fissent en fort pour le demeurant, que la Session passast le plus paisiblement que faire se pourroit: mais toutesfois avec la dignité du Saint Siege.

mais red-
onnant le
Concile,

Le Pape, ruminant du depuis les aduis receus de Trente, & de son Nonce en Allemagne, en soi mesme, & entre ses plus intimes, entra en de grands soupçons & ombrages, que le Concile n'enfantast quelque grande monstruosité, au preiudice de lui, & de l'autorité Papale.

Il consideroit les factions entre les Theologiens, sur tout Iacopins & Cordeliers, anciens concurrents, & contraires en doctrine: qui auoyent bien en

plein Concile pris la hardiesse de passer toutes borne en leurs contentions, & débats, lesquels les plus prudens auoyent eu beaucoup de peine de composer: & qu'entr'eux il y auoit des differends, qui n'estoyent nullement moindres que ceux qu'on a avec les Lutheriens: & que pour eux, ils n'estoyent que trop auantageux, & outre cuidés à se taxer les vns les autres: dont il y auoit danger, si on n'estoit tousiours apres à les accorder, qu'il n'en arriuaist quelque grand inconuenient. Il prenoit fort à cœur la dispute de la Residence, assauoir, si elle est de droit diuin: & l'audace de Frere Barthelemi Carrauz, lequel, suscitè & fomenté par plusieurs, estoit passé iusques là que d'appeler diabolique la doctrine contraire. Il voyoit combien il estoit aisé qu'il nasquist vn autre mal, semblable à celui de Luther, & qu'on fist de la Residence vn Article de foi: ce qu'auenant, le Papat estoit reduit à neant. Il consideroit, que toutes les reformatiōs butoyent à restreindre l'autorité du Pape, & à amplifier celles des Euesques. Il prenoit garde au peu d'estime qu'on faisoit de son autorité: veu que le Concile, ayant donné esperance de lui remettre la reformation, dont aussi il en auoit dressé la Bulle, euoquant icelle entierement à soi, estoit puis apres retourné à en traiter plus asprement, sans aucun respect à sa personne. Il ^{les Prelats} prenoit grand ombrage du courage, & de la pointe des Espagnols, nation ^{Espagnols} accorte, & qui ne procede iamais à l'aduenture, & qui monstre en apparence plus de respect qu'elle ne porte en effet, qui se tient vnue entr'elle ^{en icelui} mesme, & ne fait iamais vn pas, qu'elle ne regarde à plus de cent au deuant de soi: & lui sembloit vn grand cas, qu'ils eussent pris la hardiesse de s'assembler, & d'auoir formé vne Censure en nom commun: & tenoit pour vraisemblable que cela eust esté ourdi à la suscitation de l'Empereur, qui auoit là vn sien Ambassadeur, qui traitoit tous les iours avec eux.

D'ailleurs il auoit l'Empereur aussi pour suspect pour autres causes: ^{l'Em-} considerant le cours de ses prosperités, lesquelles coustumierement portent ^{perent} les hommes à ne sauoir mettre aucune borne à leurs desseins: & faisoit reflection sur ce qu'icelui faisoit, en permettant aux Protestans leur Religion, par maniere de conuenance, ce qu'il interpretoit tendre au but d'acquiescer leurs bonnes graces. Il remaschoit les plaintes de l'Empereur, & de ses ministres, au depart des gens de guerre Italiens, comment il s'estoit doulx, d'estre delaisié au plus fort du besoin. Il prenoit doute de lui, sachant qu'il attribuoit au Duc de Plaifance, fils du Pape, la sedition de Genes. Et sur tout pesoit les paroles dites à son Nonce, Qu'il n'auoit plus grand ennemi que le Pape.

Il craignoit, que s'il venoit à bout d'establi en Allemagne vne autorité absolue, il ne lui prist enuie d'en faire de mesme en Italie, employant le Concile, pour abatre le Papat.

Il voyoit qu'il demouroit comme arbitre de la Chrestienté, attendu l'incurable indisposition du Roi de France, & la mort qu'on en preuoyoit prochaine. Et ne sauoit que se pouoir promettre du Dauphin, comme d'un ieune Prince sans experience, & non esprouué.

Il tenoit pour asseuré, que les Prelats, qui iusques alors auoyent adheré à la Cour de Rome, se declareroient pour l'Empereur, dès aussi tost qu'il procederoit à ieu descouuert, soit par crainte de sapuissance, soit par l'emulation generale de tous contre la grandeur Papale, laquelle ils descouueroient, lors qu'ils verroyent la porte ouuerte à la reprimer & moderer, sans danger.

Tous ces esgards le firent resoudre à s'asseurer du Concile en quelque sorte que ce fust. De le clorre, ne lui sembloit point chose faisable, attendu ^{il prend res-} la multiplicité des choses, qui restoyent encores à traiter. De le suspendre, ^{solution de} il ne voyoit point comment, veu que cela requeroit quelque grande & ^{transférer} puissante cause: & encores n'estoit-ce qu'une bien legere prouision: d'au- ^{le Concile à} tant qu'il preuoyoit bien que tout aussi-tost il seroit recherché d'oster la ^{Bologne,}

1547.

*Et en fait
la deff-
che aux Le-
gats :*

surfeance. De le transferer en lieu, ou il eust plein pouuoir, lui sembloit bien le conseil le plus salutaire. Et puis que c'estoit vn faire le faut de tenir le Concile, il iugeoit qu'il le faloit tenir en sorte, qu'on obuiaist à tous les dangers : ce qui ne pouuoit estre, sinon qu'on le celebrast en ces propres terres & estats. Et, pensant à quelque ville des siennes, il iugea bien qu'il n'estoit pas à propos de traiter de Rome, pour ne donner suiet de parler à l'Allemagne. Bologne lui sembla tres-propre, comme la plus proche à ceux qui viennent de delà les monts, & fertile, capable. Quant à la maniere d'y proceder, il se resolut de se tenir caché en ceci, & de faire iouer le personnage aux Legats, & quiceux l'entreprissent comme deux mesmes, par l'autorité qu'il leur auoit baillée, par la Bulle dattée du vintdeuxieme Feurier, & enuoyée en Aoust, l'année mil cinq cens quarante cinq. Que ainsi faisant, en cas qu'il nasquist quelque opposition sur la translation, elle seroit endossée aux Legats : & lui, comme non interessé, auoit plus de facilité à les maintenir. Et s'il escheoit de charger aduis pour quelque accident nouveau, il le pourroit faire sa dignité sauue. Estant doncques resolu à cela, il despescha vn Gentilhomme priué, domestique du Cardinal Legat de Monte, avec lettres de creance, auquel il commanda de n'arriuer à Trente avant le temps de la Session, & que lors il fust cete Ambassade aux deux Legats, leur enioignant de sa part qu'ils transferassent le Concile à Bologne, faisant naistre quelque specieuse occasion pour ce faire, ou bien se preualant d'aucune qui fust recellement en estre : mais diligement l'execution en sorte, que desle premier mouuement de l'action on ne cessast, qu'on ne l'eust conduite à fin, auant que d'ailleurs pust estre entreietté aucun empeschement.

*L'Arche-
uesque de
Cologne de-
buit par
l'Empe-
reur,*

Oren Allemagne, plusieurs villes d'aupres du Rhin, s'estans accommo- dées avec l'Empereur, & l'Electeur Palatin ayant aussi fait deporter ses Ministres par lui introduits de passer plus outre, l'Empereur prit occasion de debouter l'Archeuesque de Cologne, & pour cet effet enuoya deux Commissaires, pour assembler tous les Estats d'icelui, & faire qu'ils le quittassent, & receussent, pour Prince & Euesque, Adolph son Coadiuteur, auquel ils fissent le serment de fidelité, & lui pretaissent obeissance. Les Ecclesiastiques furent prompts à le faire, pour les raisons autresfois dites. Mais la Noblesse, & les deputés des Villes, le refuserent, disant, Qu'ils ne pou- uoyent abandonner leur Prince, à qui ils auoyent presté serment. Le Duc de Cleues, qui auoit ses estats proches, s'entremist, & enuoya à l'Archeuesque, & fit tant que les principaux d'entre la Noblesse y allerent aussi, pour prier ledit Archeuesque, de trouuer quelque moyen à ce que tout l'estat ne fust ruiné, avec l'extreme perte & dommage de tous les peuples circonuoisins. L'Archeuesque fut esmu à compassion : & pour n'allumer guerre en ce pais- là, & garder que le peuple innocent ne souffrist, renonça genereusement à l'Estat, & affrahit ses suiets de leur serment : & ainsi fut receu pour son successeur Adolph, lequel il adoit tousiours aimé & cheri comme frere, au- quel aussi il auoit fait part de tout ce qu'il faisoit pour la reformation de l'Eglise : mais icelui à present se trouuoit de different auis, soit que de vrai il fust changé, soit pour autre cause.

*Et d'An-
gleterre
menés*

A la mi Feurier arriua à Trente la nouuelle de la mort du Roi d'Angle- terre, aduenue le mois precedent : & les Peres Trentins en rendirent gra- ces à Dieu, & quasi tous allerent visiter l'Euesque de Vvorchestre, pour se conioiurer avec lui, Que le royaume, & lui-mesme, fussent, comme ils di- soient, deliurés de la tyranie d'un rude persecuteur : attribuant aussi à mi- racle, qu'il fust decédé laissant apres soi vn fils de l'age de neuf ans, afin qu'il ne pusten suivre les traces du pere. Et de vrai aussi il ne les ensuiuit pas du tout. Car Henri, quoi qu'il se fust totalement soustrait de l'obeissan- ce du Pape, ensemble tout son royaume, & eust imposé peines capitales à ceux qui lui adheroient, auoit neantmoins tousiours fermement retenu la doctrine de l'Eglise Romaine quant au demeurant. Mais son fils Edo- uard, gouverné par le Duc de Sommerfet, son oncle maternel, enclin à la

doctrine des Protestans, changea la Religion, comme il fera diten son lieu.

Quand les lettres du Pape furent arriüées à Trente, le Cardinal Legat ^{d'insisté} de S. Croix estoit d'aduis, qu'on amollist & feschist le courage des Prelats ^{1547.} vnis, en leur accordant quelques vnes des demandes, qui estoient permises de Rome, esperant que par cete determination aisémet ils s'appaieroyent. Mais le Cardinal Legat de Monte disoit au contraire, *Que* de condescendre à l'inférieur, & sur tout à la multitude, n'estoit autre chose, que de leur donner prise à pretendre plus grande satisfaction: que, quant à lui, il estoit resolu de sonder premierement les volontés des bien affectionnés, & que s'il se trouuoit fortifié du plus grand nombre, il ne lascheroit le pied d'un seul pas: que si aussi il trouuoit autrement, il vseroit lors de prudence. Apres plusieurs discours, comme il aduiant entre Collegues, S. Croix ceda à Monte, qui y procedoit avec plus d'affection, & vehemence. Ils eurent aduis, que les Prelats basens se rendroyent à Trente auant la fin de Feurier. Et, ayans fondés les volontés & intentions de plusieurs, ils conserment par esperances ceux qu'ils trouuerent adherans aux affaires du Pape, & par la mesme amorce en attirerent d'autres, promettans que le Pape reconoi-
les Legats,
stroit les merites d'un chacun. Et là dessus firent former le Decret, contenant quinze chapitres, & le proposerent en Congregation.

Mais il s'y rencontra des difficultés encor plus grandes que deuant: & *de grandes* mesmes dès l'entrée en la preface, qui portoit ces termes, *sans tousiours en* toutes choses l'autorité du S. Siege. Ce que tout homme, quoi que hebeté, pouoit *difficultés* reconoistre ou il visoit: assaüoir, à vne obstinée perseuerence és abus, main-
au Concile
tenant les causes d'iceux, lors mesmes qu'on traitoit d'y remedier. Mais *sur la Re-* toutesfois nul n'osa s'y opposer, sinon l'Euesque de Badaïos, Espagnol, le-
formation
quel dit, *Que* cete clause auoit besoin d'esclaircissement: d'autant que le *pour les dis-* Concile ne pouuoit ni ne deuoit esbrecher l'autorité d'aucun, & beaucoup *penes Pa-* moins celle du S. Siege, reconu par tous les Catholiques pour leur Chef. Mais que les paroles assises en cet endroit-là, sembloient signifier, qu'on procederoit à Rome en ces matieres à la forme accoustumée, sans que le reiglement eust aucune vigueur & force sur les dispenses & autres moyens, par lesquels tousiours a esté eneruée l'autorité des anciens Canons. Autres, en defense de l'exception & reserue, disoyent, *Que* les loix des Con-
salets,
ciles ne sont point comme les naturelles, esquelles la rigueur & l'equité font vne mesme chose: que celles des Conciles sont suiütes au defaut commun de toutes les loix, lesquelles, à cause de leur generalité, il faut moderer par l'equité, és cas non preueus, & ou il y auroit de l'iniustice en l'execution. Et que n'y ayant pas tousiours Concile ouuert, auquel on puisse recourir en tel cas: & quand mesmes il l'est, icelui n'ayant moyen de vaquer à cela, l'autorité Papale estoit necessaïre. Mais on repartoit à cela, que, quoi que toutes les loix ayent le defaut de l'vniuersalité, toutes sont neantmoins publiées sans y inserer reserues, ni exceptions: & que de mesme encor faut-il faire à present: car del'y mettre, vaut autant à dire, que pour vn ordinaire, & non point seulement és cas tres-rares, & non preueus, le Pape a pouuoir de dispenser au contraire.

Cet aduis ne fut pas suiui de parole par tous ceux qui en leur conscience le tenoyent. Dont le Cardinal Legat de Monte, se voyant fortifié, disoit, *Que* c'estoit vne subtilité, pour ne deferer au S. Siege, autant qu'ils estoient obligés. Et ainsi les fit tous taire. L'Euesque de Badaïos requit, Qu'en cete Preface fust expressement déclaré, que l'article de la Residence n'estoit point laissé, mais seulement différé. A quoi les Legats respondirent, *pour la Res-* *idence.* *Qu'* c'estoit de desfier de leurs promesses, voire mesmes de celles du Pape, & vainement s'obliger à vne chose qui estoit tousiours au pouuoir du Concile. Mais toutesfois, que pour satisfaire à vn si ardent desir, on adioute-
la Residence.
roit à la preface, que le tout estoit decreté, en suite de l'affaire entamé de la Residence: par ou il paroistroit, qu'icelui n'auoit point esté terminé en l'autre Session, & qu'il en demeueroit partie à traiter.

1547.
pour les
qualités
des Eues-
ques,

Sur les articles de la qualité des Euesques, & autres ayans cure d'ame, l'Archeuesque de Torre dit, Qu'iceux non seulement ne portoyent aucun remede aux abus & deprauiations introduites, ainseneruoyent les remedes anciens: car, par ces termes ainsi generaux d'age, mœurs, science, habilité, & suffisance, chacun pouuoit estre canonizé pour habile. Et que d'alleguer les Decrets du Pape Alexandre, n'estoit autre chose, qu'annuller tous les autres Canons, qui prescriuent bien d'autres conditions: d'autant que faire tousiours mention d'un seul, taisant les autres à dessein, fait sembler qu'on y ait derogé. Qu'il seroit necessaire d'exprimer vne bonne fois quelle est cete grauité de mœurs, & cete science es lettres: que si cela estoit fait pour l'une & pour l'autre qualité, toutes gens de Cour seroyent vne fois pour toutes exclus. Que les mœurs requises estoient suffisamment de nombrées par S. Paul, & toutesfoisen n'y a nul esgard. Que la science, & suffisance de docteur, que S. Paul requiert, est la conoissance de la doctrine Chrestienne, & des saintes lettres: & qu'il ne faut point imiter le fait du Pape Honore troisieme, lequel demit vn Euesque en la basse Saxe, d'autant qu'il n'auoit point appris de Grammaire, ne iamais lu son Donat: pource, dit la Glose, qu'il ne pouuoit enseigner la Grammaire au peuple: comme si la matiere & le suiet des predications deuoyent estre les reigles de Grammaire, & non l'Euangile. L'Euesque de Huesca adiousta, Qu'il ne pouuoit trouuer bon qu'on se rapportait à Decretales, ou Constitutions: ne qu'on les allegast: pource que cela se faisoit, ou pour leur donner plus d'autorité, ou pour la receuoir d'icelles: ou bien mesmes, pour faire vn amas qui renforce le Synode: mais, qu'en quelque sorte que ce fust, c'estoit chose peu conuenable, & qui diminueoit l'autorité de l'un & de l'autre. Qu'il estoit bien raisonnable de le faire, lors que la prolixité & longueur d'une Constitution ne permet de la rapporter: mais, lors qu'elle ne contient que la mesme chose, qu'il n'y auoit point de raison de le faire, pour ne donner suiet de procès inextricables, & de disputes, pour sauoir, si ces Constitutions doiuent estre receues simplement comme sonne la lettre, ou bien avec les limitations & amplifications qu'y donnent les Docteurs, & avec les sens & interpretations diuerses: qui n'est autre chose, que confondre & embarrasser le monde. Qu'on a besoin de Decrets qui portent paix, charité, & serieuse reformation en l'Eglise, & non qui causent litigues, & nouueaux inconueniens. A quoi peut seruir au temps present de commettre aux Ordinaires les peines du Canon *Grane nimis*, l'exécution desquelles est en icelui assignée aux Conciles prouinciaux, qui sont maintenant hors d'usage, si tout premier on ne trouue moyen de le remettre en pratique ordinaire? Et puis, le nombre des benefices, conferés par les Ordinaires, n'arriuant pas à la dixieme partie, à cause des diuerses réserves, à quoi sert-il de pouruoir à cete petite parcelle, & cependant laisser courre l'abus és autres neuf parts, que la Cour de Rome confere? Semblablement, si on pretend remedier à la pluralité des benefices, il n'est nullement à propos d'approuver la Constitution, *de multa*: d'autant que cela n'est autre chose, qu'establir de nouueau & de plus fort la pluralité: attendu qu'en icelle Constitution les dispenses sont permises.

pour la re-
formation
des Cardinaux,

Il y eut vne longue dispute sur les Articles, les Espagnols instans que les Cardinaux y fussent spécifiés. Mais de l'autre part on repliquoit, Qu'il n'estoit nullement conuenable, à cause de la grandeur de cet Ordre, premier en l'Eglise, & plein d'hommes de singulier merite, de monstrier si ouuertement, qu'en icelui il y eust des corruptions & deprauiations, qui meritaissent correction, & qu'eux mesmes ne se fussent corriger sans autrui. Mais qu'il suffisoit de faire la mesme chose par paroles generales, qui les comprinsent aussi: commandant à toutes personnes, de quelque dignité, degré, & preeminence qu'ils puissent estre. Les autres oppofoient à cela, que les Canonistes ont desia déclaré, que les Cardinaux ne sont compris sous aucun terme general, sinon qu'ils soyent nommément exprimés & designés:

designés : & pourtant qu'il n'y restoit autre moyen de pouruoir au mauuais exemple, que le monde en receût, sinon en les reformat au menu Clergé; qui est tiré de necessite à suiure les plus grands, & encor duquel les corruptions sont legeres : qu'en la cure d'un corps malade il faut penser aux grands maux, & aux parties principales, lesquelles estans gueries, les autres se guerissent d'elles mesmes, ou bien par legers remedes. Sur l'abus des vnions perpetuelles de benefices, ils disoyent, Qu'il pourroit bien sembler qu'il y fust pourueu suffisamment, en remettant aux Euesques de examiner les ia faites : & tenant pour subreptices celles qui ne se trouueroient fondées en bonnes & valables raisons : mais que tout estoit reuerlé par la suiuite modification, Si autrement n'est iugé par le S. Siege : ce qui estoit les a fermir & establir, voire mesmes mettre l'Euesque en procès & despens. On requist aussi de nouveau, que les vnions viagères fussent interdites, & les ia faites annullées.

Mais le plus grand nombre approuua les Decrets, en la forme qu'ils auoyent esté proposés, partie par propre inclination aux choses de Rome, partie parce qu'ils auoyent esté pratiqués, & gagnés. Quelques gens de bien y adherant aussi pour vne promesse qui leur estoit faite, que le Pape par vne siene Bulle corrigeroit ce desordre, & plusieurs autres : mais que, pour la reputation de ce S. Siege, il estoit raisonnable qu'il le fist lui mesme, & non qu'ils'emblaist que le Concile l'eust, contre son gré & vouloir, contraint de prendre loi de lui. Ceux-ci, mis ensemble, faisoient les trois quarts de tout le Concile. Le temps de la Session instant, les Anathematismes ayans esté relus, quelcun requit, Qu'on y adioustast la Doctrine : autres demanderent, Pourquoi on ne resoluoit le Decret des abus? On arresta ceux-ci, disant, Qu'il n'estoit pas encor bien examiné : & qu'il seroit plus à propos de le remettre apres tous les Sacremens, remediant coniointement aux abus, qui escheent sur l'administration d'un chacun Sacrement, & à ceux qui sont generaux & vniuersels en tous. La raison la plus pregnante de l'omission de la doctrine fut, Qu'on en auoit ia fait de mesme en la Session du Peché Originel : & que la declaration par voye de Doctrine est necessaire, lors que sans icelle les Anathematismes ne peuvent estre entendus : & pourtant qu'au Decret de la Iustification, la Doctrine auoit bien esté necessaire : mais qu'en cetui-ci des Sacremens, les Anathematismes sont si clairs & euident, qu'ils seruent aussi poir doctrine. Le temps presant, & le consentement du plus grand nombre, fit que la resolution fut prise en ce sens, & que ceux, qui requeroient la doctrine, & la reformation des abus susdits, furent contraints de se taire.

Après que les Decrets eurent esté appointés, nonobstant toutes ces difficultes, le troisieme Mars venu, les Prelats s'assemblerent en l'Eglise en l'ordre accoustumé, pour tenir la publique seance. La Messe fut chantée par Iagues Cauque, Archeuesque de Corfou. Coriolan Martyran, Euesque de S. Marc, deuoit faire le Sermon : mais, ayant receu des melcontentemens en la Congregation, & croyant qu'il y alloit de son honneur à assister en la Session, & ne persister point en la mesme opinion : & aussi, qu'il ne faisoit pas seur de contredire en la seance publique, il prit parti de contrefaire l'indisposé, & ainsi d'absenter la Session : dont pour ce matin-là on fut sans Sermon : comme si entre soixante Euesques, & trente Moines Theologiens, exercés à la predication, il n'y en eust pas vn capable de dire quatre paroles d'exhortation, avec la premeditation de quatre heüres. Et es Actes fut marqué, & depuis mesmes imprimé, qu'il n'y eut point de Sermon en cete Session, pource que l'Euesque de S. Marc, qui en auoit eu la charge, s'estoit trouué enroué. Ce qui de vrai doit bien estre attribué à la simplicité du Secrétaire, qui recueillit les Actes : mais aussi demonstre asseurement, qu'alors on ne croyoit point que iamais vint le temps, auquel on estimast que toutes les actions de cete Assemblée de Trente fussent pareilles à celles

1547.

des Apostres, lors qu'ils estoient assemblés attendans la venue du S. Esprit, comme il a esté cru & tenu du depuis.

La Messe, & les autres ceremonies acheuées, les deux Decrets furent lus. Le premier concernant la Foi, contenoit en substance, Que pour le parachèvement de la doctrine arrestée en la precedente Session, il falloit traiter des Sacremens : & à fin d'extirper les heresies suscitées, le Concile pour le temps present auoit aduisé d'ordonner les Canons ensuiuans, attendant d'y adiouster les autres en son temps.

*les Canons
sur les Sa-
cremens en
general,*

Les Canons, ou Anathematismes sur les Sacremens en comun, estoient en nombre de treize. Le premier, Contre qui dit, que les Sacremens de la Loi nouuelle, n'ont tous esté institués par Iesus Christ, ou qu'ils sont plus ou moins de sept : ou qu'aucun d'eux n'est point veritablement & proprement Sacrement. Le deuxieme, Contre qui dit, qu'ils ne sont differens de ceux de la Loi ancienne, qu'és ceremonies exterieures. Le troisieme, Contre qui dit, que nul d'iceux pour aucun esgard n'est plus digne & excellent que l'autre. Le quatrieme, Contre qui dit, qu'ils ne sont pas necessaires à salut, & que la Grace de Dieu se peut acquerir par la seule foi, sans iceux, ou sans le ferme propos & intention de les recevoir. Le cinquieme, Contre qui dit, qu'ils sont ordonnés seulement pour nourrir la foi. Le sixieme, Contre qui dit, qu'ils ne contiennent point en eux la Grace signifiée, ou ne la conferent pas à qui n'y met point d'opposition & de resistance : mais que seulement ils sont signes externes de la iustice, & marques & liurées de la profession Chrestienne, pour discerner les fideles d'avec les infideles. Le septieme, Contre qui dit, que la Grace n'est point, de la part de Dieu, donnée à tous, ne tousiours, par les Sacremens, combien qu'ils soyent legitimement receus. Le huitieme, Contre qui dit, que par les Sacremens la Grace n'est point conférée, en vertu de l'administration d'iceux, ce qu'on appelle és Esgles, *ex opere operato* : mais que la seule foi aux promesses de Dieu suffit. Le neuuieme, Contre qui dit qu'és Sacremens du Baptisme, de la Confirmation, & de l'Ordre, n'est empraint en l'ame vn caractere spirituel, lequel ne peut estre effacé : dont aussi il aduient qu'iceux ne peuvent estre receus qu'une seule fois. Le dixieme, Contre qui dit, que tous les Chrestiens ont pouuoir d'administrer la parole, & tous les Sacremens. L'onzieme, Contre qui dit qu'en l'administration des Sacremens n'est point requise au Ministre l'intention, au moins de faire ce que fait l'Eglise. Le douzieme, Contre qui dit, que le Ministre estant en peché mortel, ne donne point le vrai Sacrement, quoi qu'il obferue toutes les choses necessaires. Le treizieme, Contre qui dit, que les ceremonies approuuées par l'Eglise, & accoustumées, peuvent estre mesprisées ou omises, par chaque Pasteur, ou bien changées en autres.

*et sur le
Baptisme
en particu-
lier,*

Sur le Baptisme il y auoit quatorze anathematismes. Le premier, Contre qui dit, que le Baptisme de Iean auoit la mesme vertu que celui de Christ. Le deuxieme, Contre qui dit, que la vraye eau & naturelle n'est point necessaire au Baptisme. Le troisieme, Contre qui dit, qu'en l'Eglise Romaine, mere & maistresse de toutes les Eglises, la vraye doctrine du Baptisme n'est point. Le quatrieme, Contre qui dit, que le Baptisme conféré par les heretiques, au Nom du Pere, du Fils, & du S. Esprit, en intention de faire ce que l'Eglise fait, n'est pas vrai Baptisme. Le cinquieme, Contre qui dit, que le Baptisme est chose libre & volontaire, & non necessaire à salut. Le sixieme, Contre qui dit, que le baptizé ne peut perdre la Grace, quoi qu'il peche, pourueu qu'il ne refuse point de croire. Le septieme, Contre qui dit, que les baptizés sont obligés seulement de croire, & non de garder toute la Loi de Christ. Le huitieme, Contre qui dit, que ils ne sont point tenus à garder les commandemens de l'Eglise. Le neuuieme, Contre qui dit, que, par la rememoracion du Baptisme, tous les vœux faits apres sont nuls, comme desrogeans à la foi, & à la profession du Baptisme. Le dixieme, Contre qui dit, que les pechés commis apres le Baptisme, sont remis, ou rendus veniels, par la foi, & rememoracion d'icelui. L'onzieme, Contre

qui dit, qu'il faut reïterer & renouveler le Baptisme en celui qui a renie la foi. Le douzieme, Contre qui dit, que nul ne doit estre baptizé sinon en l'aage auquel Christ le fut, ou à l'heure de la mort. Le treizieme, Contre qui dit, que les petits enfans baptizés ne sont point du nombre des fideles: ou, qu'il faut les rebaptizer en aage de discretion: ou, qu'il vaut mieux laisser de les baptizer. Le quatorzieme, Contre qui dit, que ceux qui ont esté baptizés en leur enfance, quand ils viennent en aage, doiuent estre recherchés & sollicités de ratifier la promesse, qui a esté faite en leur nom: & en cas qu'ils ne le vueillent faire, qu'il les faut laisser en leur liberté, & arbitrage, sans les contraindre à la vie Chrestienne, si ce n'est par l'interdiction & defense des autres Sacremens.

Sur la Confirmation, il y auoit trois Canons. Le premier, contre qui dit, que c'est vne ceremonie inuite, & non proprement Sacrement: ou bien que iadis elle fut instituée, afin que les enfans rendissent en public raison de leur foi. Le deuxieme, Contre qui dit, que d'attribuer vertu au Chresme, est faire tort à l'Esprit de Dieu. Le troisieme, Contre qui dit, que tout simple Prestre est ministre ordinaire de la Confirmation, & non le seul Euesque.

Après fut lu le Decret de la reformation, auquel les actes donnent ce titre, *Or sur la Confirmation*
Canon sur sa Residence. Et contenoit en substance, Premièrement, *le Decret de la Reformation*
Que nul ne soit créé Euesque, s'il n'est né de legitime mariage, s'il n'est d'aage muer, & de saoir és lettres, & de mœurs graues. En second lieu, Que nul n'ait à recevoir, ou retenir plusieurs Eueschés, soit en titre, soit en Commende, ou en quelque autre nom que ce soit. Et qui à present en a plus d'un, qu'il en retienne vn seul à son choix, & quitte les autres dans le terme de six mois, s'ils sont de la libre collation du Pape: & autrement, dans vn an. Et en cas qu'il ne le face, qu'ils s'entendent tous vacans, sauf le dernier. En troisieme lieu, Que les autres benefices, & sur tout ceux qui ont charge d'ames, soyent conférés à personnes dignes & capables, qui puissent exercer & administrer la cure des ames: & à defaut de ce, que le Collateur ordinaire soit puni. En quatrieme lieu, Que quiconque pour l'auenir receura plusieurs benefices incompatibles, & ce par voye d'union viagere, Commende perpetuelle, ou autrement, ou retiendra ceux qu'il a receus contre les saints Canons, en soit priué de tous. En cinquieme lieu, Que l'on ait à monstrier & exhiber aux Ordinaires les dispenses de ceux qui ont plusieurs benefices ayans cure d'ames, & incompatibles: & qu'il soit pourueu à la charge des ames, & aux autres devoirs. En sixieme lieu, Que les unions perpetuelles, faites des quarante ans en ça, puissent estre reueuës & contrerollées par les Ordinaires, en qualité de delegués du S. Siege: & que les induës soyent annullées: & que celles qui n'ont encores sorti leur effet, ou qui se feront à l'auenir, soyent tenues pour subreptices, en cas qu'elles ne soyent faites pour causes & motifs raisonnables & valables, & avec l'appel des interessés: & soient de nulle vertu & effet, si autrement n'en est dit & iugé par le Saint Siege. En septieme lieu, Que les Benefices ayans cure d'ames vnis, soyent tous les ans visités par les Ordinaires, lesquels leur assignent des Vicaires perpetuels, ou à temps, avec la portion des fruits qu'ils iugeront conuenable, sans auoir esgard à appel, ou exemption quelconque. En huitieme lieu, que les Ordinaires ayent tous les ans à visiter par autorité Apostolique les Eglises exemptes, pouruoiant à la cure des ames, & aux autres devoirs & seruices, sans deferer à appel, priuilege, ou prescription & coustume quelconque. En dixieme lieu, Qu'il ne soit permis aux Chaitres des Eglises, l'Euesché vacant, de donner lettres dimissoires, ou pouuoir de conférer les saints Ordres, si ce n'est à personnes astreintes à raison de quelque benefice receu, ou à recevoir. En onzieme lieu, Que les licences de pouuoir estre promu par quelque Euesque que ce soit, ne s'entendent valables, si la cause legitime n'est exprimée, pour laquelle on ne peut estre promu par son propre Euesque: & qu'en tel cas on ne soit ordonné que par vn Euesque résident en son diocese. En douzieme lieu, Que

1547.

les permissions, & potuoirs, de ne receuoir les Ordres necessaires, ne seruent que pour vn an: saufs cas portés expressément par le droit. En troisieme lieu, Que ceux qui sont presentés, ou nommés aux Benefices, par quelque personne Ecclesiastique que ce soit, ne soyent intlicués, ne confirmés, si tout premier ils ne sont examinés par les Ordinaires. Sauf toutesfois ceux, qui seront presentés & nommés par les Vniuersités, ou Colleges des grandes Escholes. En quatorzieme lieu, Que es causes des exempts, on ait à garder vne certaine forme, & procedure: & que quand il s'agit de salaires, & gages, & de personnes miserables, les exempts mesmes, qui ont leur iuge deputé, puissent estre adiournés & contenus deuant l'Ordinaire: mais, que ceux, qui n'ont point de iuge deputé, le puissent estre en toutes causes. En quinzieme lieu, Que les Euesques ayent la charge des Hospitaux, pour voir s'ils sont bien gouuernés par leurs recteurs & administrateurs, quoiqu'exempts, y gardant vn certain reiglement & forme.

Les Prelats, qui s'estoyent opposés es Congregations, firent encor le mesme en la Session: mais en termes plus modeltes, requerans que les degres des personnes comprises au Decret fusent exprimés, & spécifiés: & qu'outre les prouisions aux maux à venir, on y adioustast les remedes aux maux presens, qui sont de plus grand preiudice & danger. Mais les Legats, escoutans ces paroles, comme voix de personnes, qui n'auoyent plus qu'une derniere soufflée d'esprit, pour rendre l'ame, mirent fin à la Session, assignant la suiuiante au vintunieme Aueil.

commandement du Pape, de transférer le Concile à Bologne signifié aux Legats,

lesquels à cete fin prennent vne artificieuse occasion du danger de la contagion,

Le mesme iour le messager susdit du Pape, qui iusques alors s'estoit tenu caché de tous, & mesmes des Legats, se presenta, & exposa sa creance: & sans s'arrester à Trente, passa tout promptement à Inspruk. Le Cardinal Legat de S. Croix fut estonné & tout confus de ce mandement. Mais de Monte tout resolu dit, Qu'il auoit tousiours reconu le Pape pour Prince grandement sage, mais qu'alors il voyoit en lui le comble de prudence: qu'il falloit faire en cete sorte, si on vouloit sauuer l'autorité du S. Siege: & pourtant qu'il falloit penser à seruir Sa Sainteté en toute fidelité, secret, & diligence. Il aduint là dessus tout à point, que plusieurs des domestiques des Prelats tombèrent malades, soit pour les excès & dissolutions du Carnueal, soit pour cause del'humidité de l'air, qui auoit duré plusieurs iours. Le Cardinal Legat de Monte attira quelques vns des siens, qui, comme d'eux mesmes, demandassent aux medecins, s'il y auoit apparence, ou danger, que ces malades fussent ou deuinssent contagieuses. Les Medecins, (lesquels au pronostic ont tousiours actoustumé de dire le pis qu'ils sachent: d'autant que, s'il en arriue ainsi, ils sont reputés sauans, de l'auoir preueu: si autrement, encor plus acquierent-ils de reputation, d'auoir seu ou remedier, ou preuenir le mal) lascherent là dessus quelque parole ambiguë, laquelle fut bien tost semée, & receuë par les esprits legers, & cruë encor par les mediocres: & par ceux qui, pour le desir qu'ils auoyent de partir, eussent bien souhaité que la chose eust esté vraye. Et tout à point arriua, qu'apres la Session mourut vn Euesque, les funerailles duquel furent accompagnées du conuoi de tout le Concile: ce qui rendit la chose fort solennelle, & apparente. Et de là aduint, que toute la ville de Trente se remplit de bruit, qu'il y auoit du mal contagieux: & ce bruit alla iusques aux lieux circonuoiins. Cependant les Legats tinrent Congregation generale le iour d'apres la Session, pour ordonner de ce qu'il falloit examiner sur la matiere du Sacrement de l'Eucharistie, & la semaine ensuiuiante ils commencerent à tenir les Congregations des Theologiens, monstrant de n'auoir aucune part es bruits courans: lesquels croissans tous les iours, quand il sembla que le temps estoit meshui propre, le Cardinal Legat de Monte ordonna à Hercules Seuerol, Procureur du Concile, de faire vn verbal sur cete maladie pestilentielle. On examina les Medecins, & entre autres Ierome Fracastore, qui portoit le titre de Medecin du Concile: & autres personnes. On print Acte d'un rapport, que les lieux circonuoiins se preparoyent pour defendre le

commerce avec la ville de Trente. Ce mouuement fut cause, que plusieurs d'entre les Prelats demandarent congé de s'en aller, soit de crainte, soit de desir de sortir de là en quelque sorte que ce fust. Le Legat de Monte le donna à quelques vns, afin qu'entre les causes de la translation du Concile, il pult alleguer le depart des Peres: mais il en exhorta d'autres, qui lui estoient plus estroitement associés, d'attendre: en secret & en effect, pour ne se priver de personnes affidées & adherantes, en la proposition qu'il feroit de transférer le Concile, mais apparemment, pour ne montrer qu'il le laissast dissoudre. Et pourtant il leur dit, qu'és Congregations il protestassent, qu'on prist quelque expedient au mal qui menaçoit. On demeura à former le Verbal iuiques au huitieme Mars: & lors vint nouuelle, ou vraye ou feinte, que Verone alloit defendre le commerce: ce qui les mit tous en esmoi: car c'eust esté les tenir tous en prison.

Pourtant le neuuiesme du mesme mois fut tenue Congregation generale sur ce fait. En icelle on fit lecture du Verbal, & fut proposé, Quel remede on pourroit trouuer, pour n'estre renfermés en ce lieu-là, avec le mal au dedans, & sans secours de viures, & d'autres choses nécessaires, du dehors. Plusieurs protesterent, Qu'ils vouloyent partir, & qu'on ne les pouuoit retenir. En fin, apres plusieurs choses dites, de Monte proposa de transférer le Concile: disant, Qu'il auoit pouuoir & autorité Apostolique pour ce faire: & là dessus fit lire la Bulle du Pape, adressée aux trois Legats, de Monte, S. Croix, & Polus. En laquelle le Pape disoit, d'auoir assigné le Concile à Trente, & de les y auoir enuoyés comme Legats & Anges de paix: & qu'à fin qu'vn si saint œuure ne fust empesché, ou retardé, par incommodité du lieu il donnoit autorité à d'eux d'entr'eux, en l'absence du troisieme de transférer icelui Concile en vne autre ville, plus commode, opportune, & seure: & de commander aux Prelats, sous censures & peines, de n'auoir plus à proceder en la ville de Trente, mais de continuer le Concile en la ville en laquelle ils le transféreront, & d'appeler en icelle les Prelats, & autres personnes de Trente, sous la peine de periure, & autre, portées par les lettres de conuocation: promettant d'auoir pour agreable & de ratifier tout ce qu'ils feront, non obstant chose quelconque au contraire. Les Prelats Imperiaux respondirēt sur le champ, Que le mal & les dangers n'estoyent point si grands, comme le bruit en estoit: qu'on pouuoit bien congédier les plus timides, iusques à ce que cete opinion fust passée, comme ils esperoyent, qu'à l'aide de Dieu, elle s'esuanouiroit bien tost. Et que, quand mesmes il faudroit differer la Session, il n'importoit pas beaucoup: veu que cela auoit ia bien esté pratiqué l'année precedente, en laquelle plusieurs se retirerēt pour les bruits & soupçons de guerre: la Sessio fut differée l'espace de six mois & plus: qu'on en pouuoit bien autant faire à present, s'il escheoit: outre plusieurs autres raisons. On debatit long temps sur cela. Et les Imperiaux, estās sortis de la Congregation, & ayans conferé entr'eux, se mirent à rechercher fort curieusement ce qu' auparauant ils ne s'estoyent pas souciés de sauoir: & halenerent qu'il n'y auoit point de mal, mais que ce n'estoit qu'vn pretexte.

Le lendemain on tint encores Congregation sur ce mesme fait: & fut trouué, qu'onze Prelats estoient desia partis: & vint ou à parler du lieu, auquel on se transporteroit. Tous generalement abhorroyent d'aller plus auant dans l'Allemagne: & on ne pouuoit aller es Estats d'aucun Prince, n'ayant point par auance traité de cela avec lui. Il ne restoit que l'Estat del'Eglise. Les Legats proposerent Bologne, qui fut approuuée par tous ceux qui vouloyent la Translation. Les Imperiaux contredirent encor en cete Congregation, & quelques vns d'entr'eux passerent à des especes de protestations. Mais toutes fois le plus grand nombre des autres consentit à la Translation. Mais tous faisoient scrupule, que le Pape ne la prist en mauuaise part, estāt faite à son infeu. Mais le Legat de Monte leur en respondit, disant, Que les accidens subits, & non preueus, & les dangers de la vie exemptoyent de ces respects: & qu'il se chargeoit de faire que le Pape agreast le tout.

1547. On fit aussi consideration de l'Empereur, & des autres Princes: & fut conclu de faire mention d'eux au Decret, pour satisfaire par ce moyen à l'honneur qui leur estoit du: & aussi de donner intention de retourner, pour contenter en partie ceux qui improuoyent la Translation. Le Decret fut dressé, conceu en forme de deliberation, Vous plaist-il de declarer, que pour les causes sus alleguées, & autres, il conste si notoirement de cete maladie, que les Prelats ne peuuent, sans danger de leur vie, s'arrester d'auantage en cete Ville: & qu'ils n'y peuuent estre retenus contre leur gré, & volonté? Vous plaist-il aussi attendu le depart de plusieurs, & les protestations des autres, par la retraite desquels le Concile viendrait à se dissoudre, & pour autres causes, alleguées par les Peres, notoirement vrayes & legitimes; de declarer, que pour la seurté de la vie des Prelats, & pour continuer le Concile, & icelui soit transferé, & se transfere des à present en la ville de Bologne: & que là soit celebrée la Session intimée au vint vnième Auiil, & qu'on suiué à y proceder tant qu'il plaist au Pape, & au Concile mesme, de le rassembler en ce lieu, ou en autre, par l'aduis & conseil de l'Empereur, du Roi Treschrestien, & des autres Rois, & Princes Chrestiens?

*Et prom-
premier
ecrite, a
uec contra-
diction de
peu de
Prelats,*

Le iour ensuiuant on tint Session, & fut lu le Decret, auquel trentecinq, Euesques, & trois Generaux d'Ordre consentirent: mais le Cardinal Pacieco, avec autres dixsept Euesques, opina au contraire. Entre les consentans, n'y eut aucun des luictes de l'Empereur, sauf Michel Sarrazin, Neapolitain, Archeuesque de Matera. Et à l'opposite, entre les dissentans il y eut Claude de la Guiche, Euesque de Mirepoix; & Bracc Martel, Euesque de Fiesole; & Marc Viguier, Euesque de Sinigaille: duquel il y a memoire, que, le Cardinal de Monte lui faisant reproche d'ingratitude, qu'ayant son Oncle esté tiré de tresbas estat à la hautesse du Cardinalat, dont estoit venue la grandeur de sa maison, & lui mesme paruenü à estre Euesque, il rendist vn tel contrefchange au Saint Siege, il respondit en Latin, par les paroles de S. Paul, *Deus non irridetur*, on ne se peut moquer de Dieu. Les Legats participerent de Trente, la croix esleuée marchant deuant, accompagnés des Euesques de leur parti, avec letanies, oraisons, & ceremonies.

*dont les
Imperiaux
demeurent
à Trente:*

Les Imperiaux eurent commandement de l'Ambassadeur de l'Empereur de ne bouger, iusques à ce que Sa Maiesté eust esté aduisée du fait, & en eust déclaré sa volonté. A Rome toute la Cour fut fort contente d'estre deliurée de ses soupçons & craintes: d'autant qu'il y auoit ia beaucoup de confusion, à cause de la marchandise, & courtretage que faisoient les possesseurs de pluralité de benefices, qui traitoyent de se descharger, mais en sorte qu'ils n'y souffrissent aucune perte. Le Pape disoit, Que, puis qu'il auoit donné pouuoir à ces Legats de transferer le Concile, & auoit promis de ratifier & faire executer ce qu'ils en delibereroient: & qu'eux auoyent iugé la cause de l'infection de l'air legitime, de tant plus que la pluspart des Prelats y auoit consenti: il ne pouuoit qu'approuuer leur deliberation.

*L'artifice
du Pape à
faire trans-
ferer le
Concil. d'f-
couuerts.*

Nul n'estoit toutesfois si simple, qui ne crüst que le tout auoit esté fait par son commandement: d'autant qu'on sauoit pour tout asseuré, que chose aucune, voire iusques au plus petites, ne se traitoit au Concile, sans l'ordre expres de Rome, & pour cet effect toutes les semaines couroyent lettres, & fort souuent se faisoient doubles despêches: dont il estoit malaisé de croire, que les Legats eussent de leur teste deliberé vn fait de si grande importance. Ioint que tous voyoyent bien que iamais les Legats n'auoyent entrepris de mettre tant seulement vn si grand nombre de personnes en vne ville jalouse, comme Bologne, sans le feu du Prince dominant. Plusieurs mesmes croyoyent, que la Bulle n'eust point sa vraye date, mais que sous vne vieille date elle eust esté faite de nouveau, & ce avec le nom du Cardinal Polus, pour lui donner plus de credit: autrement la clause, par laquelle le pouuoir de transferer le Concile est donné à deux d'entr'eux, le tiers absent, sembloit vne espee de prophetie, que Polus düst partir vn an apres. Aussi sembloit trop ample, & peu vraisemblable la liborté, don-

née aux Legats par la Bulle, de transferer le Concile en quelque ville qu'il leur plust: atrendu la ialousie tousiours ancrée en l'esprit des Papes, & descouuerte par le Pape Paul, plus que par tout autre, quand il le conuoqua, que Concile aucun ne se tiene en ville mal affidée: dont on ne pouuoit se persuader, qu'il se fust ainsi exposé à la discretion d'autrui, sans necessité, en affaire de si grande consequence. Pour moi, selon les indices que i'enai par les memoires que i'ai veuës, & dont i'ai parlé en son lieu, ie tien pour tout asseuré, que cete Bulle fut bastie deux ans, & enuoyée dixhuit mois, auant ce tēps. Mais ce qui ne ce pouuoit cacher en aucune façon, & qui scandalizoit chacun, estoit, que par cete Bulle on voyoit clairement la seruitude du Concile. Car qu'on ne die, qu'elle liberte il y pouuoit auoir si deux Legats auoyent le pouuoir de commander à tous les Prelats ensemble de partir de Trente, & les contraindre à ce faire par peines & censures? L'Empereur en ayant receu la nouuelle, en eut beaucoup de desplaisir, tant pource qu'il lui sembloit d'estre mesprisé, que pource qu'il se voyoit osté de la main vn moyen, qui bien menagé à propos, pouuoit pacifier l'Allemagne au fait de la Religion, & par là la ranger sous son obeissance. Quant au Roi de France, il n'en eut point la nouuelle, d'autant que le vintviesme du mesme mois il deceda.





HISTOIRE DV CONCILE DE TRENTE.

LIVRE TROISIEME.

SOMMAIRE.

Les Prelats Imperiaux, demeurés à Trente, s'affermirent, par le commandement de l'Empereur, en leur propos, de n'approuver, ni suivre la translation du Concile à Bologne. Là où se tient une Session, avec Decret de dilation. En cet entretemps, l'empereur obtient victoire des Protestans, & apaise la sedition esmue à Naples, pour le fait de l'Inquisition, qui y avoit esté introduite : dont le Pape, par jalousie, s'unis avec le Roi de France, lequel promet de favoriser le Concile de Bologne. On y celebre la seconde Session, sans autre sujet que de nouvelle dilation : à laquelle donne de plus fort occasion la mort de Pierre Louis, Duc de Plaisance, fils naturel du Pape. L'Empereur, en une Diete, fait tous efforts, pour faire que l'Allemagne se soumette au Concile : & à Rome, qu'icelui soit remis à Trente. A quoi le Pape resistant, l'empereur fait protester contre l'assemblée de Bologne, premierement, à Bologne, puis à Rome. Et par le refus du mesme Empereur, de retirer Plaisance, occupée par ses gens, l'estrif s'enagrit entr'eux : & vient à l'extremité, par la publication du livre de l'Interim, que l'Empereur avoit fait former, en matiere de foi : duquel toutesfois le Pape relance le coup contre l'empereur mesme, & est reprouvé tant par les Catholiques que par les protestans. Comme aussi par une certaine Reformation de l'Eglise, en l'execution de laquelle il y a grande variété. Cependant Paul III. meurt, & est élu en sa place Jules III. lequel est instamment recherché par l'Empereur, de remettre le Concile à Trente, à quoi il a beaucoup de peine à se résoudre : mais enfin le fait avec des precautions auantagen-

se, qui

ses, qui sont rabattues par l'Empereur en une Diète. Les Presidens de la nouuelle conuocation à Trente estans élus, & leur Mandement formé, naissent brocheries entre le Pape l'Empereur, & le Roi de France: & des lignes nouuelles contre l'Empereur en Allemagne, qui sont l'origine de nouueau d'estrobiez au dit Concile.

Ene suis point ignorant des loix del'histoire, ne de la difference qu'il y a d'elle aux Annales, & lournaux. Je sçai tresbien aussi que le recit de choses & accidens vniformes engendre desgouttement en celui qui escrit, & ennui au lecteur: & que de raconter des trop menues particularites merite le nom de sorte curiosité, & affectée suffisance. Mais toutes fois encores remarque-je en Homere des redites frequentes, & des recits de choses bien menues: & Xenophon, au liure de l'expedition de Cyrus le ieune, rauit d'auantage l'esprit, & enseigne plus, recitant les deuis ferieux ou plaisans des soldats, que les actions & les conseils des Princes. Et me range à cet aduis, qu'à chaque matiere conuient la propre & speciale maniere d'escire. Je me persuade de bien que ce mien labeur sera lû par peu de gens, & dans petit espace acheuera de viure, non tant par defect de la forme, que pour la nature & qualite de la matiere. Mais, sans regarder ni a perpetuite, ni a longueur de durée, il me suffit qu'il puisse seruir à quelcun, auquel ie le ferai voir, si ie conoi qu'il soit pour en tirer profit & vtilité: estant tout certain qu'au temps à venir il lui arriuera ce que les occurences porteront.

Les Prelats, demeurés à Trente, estoient bien fort en suspens, tant que ne vinrent lettres de l'Empereur, lequel aduoüa ce qu'ils auoyent fait, tant à contredire la translation du Concile, qu'à demeurer à Trente: & leur enjoignit expressément de s'y arrester, sans en partir. Ils consulterent entr'eux s'ils deuoient faire aucun acte Synodal: & fut par l'aduis de tous vnanimement conclu, Que cela causeroit vn Schisme, & n'estoit chose qu'il falust attenter, mais seulement vaquer à bien estudier les matieres, attendant ce que l'occasion porteroit. Il passoit quelques escrits entre les Theologiens de Trente, & ceux de Bologne, ceux-ci par affectation appellans le Concile, Le Synode de Bologne: & ceux-là, Le Saint Synode, en quelque lieu qu'il soit: & en demeure encores de reste diuers imprimés à Bologne. Les Legats, & autres Cardinaux de Rome, firent diuerses diligences & offices à part, avec aucuns de ceux qui estoient demeurés à Trente, pour les faire aller à Bologne, ou du moins les faire partir de là: mais ils ne purent venir à bout d'en gagner autre, que Galeas Florimant, Euesque d'Aquila. Ils firent aussi tout deuoir, pour faire que les leurs, qui estoient partis de Trente, sur la frayeur de la maladie, se trouuassent à Bologne à la Session, & qu'il y en vinst encores d'autres. Ce qui estoit fort aisé, pour la grande commodité, qu'il y a de faire voyage de Rome à Bologne. On tint diuerses Congregations, esquelles ne fut traité autre chose, sinon de trouuer moyen de maintenir la translation comme legitime, & des raisons pour monstrer que ceux de Trente estoient obligés de s'vnir avec eux.

Le vintvieme Aueil, iour ia des Trente destiné à la Session, les Legats, avec vn celebre concours de tout le peuple de Bologne, & beaucoup de solennités, se rendirent à la publique seance, accompagnés de trente quatre Euesques. Et pour cete fois ne firent autre chose, que faire lire vn Decret, qui portoit, Que deliberation auoit esté prise à Trente de transférer le Concile à Bologne, & de celebrer la Session à ce iour-là, pour publier les canons sur la matiere des Sacremens, & de la Reformation: neantmoins, que considerant l'absence de plusieurs Prelats qui se souloyent trouuer au Concile, lesquels auoyent esté detenus en leurs Eglises pour les festes de Pasques, & qu'on estoit deuoir venir bientost, afin de faire les choses avec dignité & grauité, la Session estoit différée iusques au deuxieme Iuin, se re-

1547.

seruant toutesfois le pouuoir de racourcir le terme s'il escheoit. Il fut aussi arreté d'escire lettres, au nom du Saint & General Concile, aux Peres demeurez à Trente, pour les exhorter d'aller à Bologne, & de s'vnir avec leur corps, duquel estans separés, ils ne se pouuoient appeller Assemblée Ecclesiastique, ains donnoient grand scandale au peuple Chrestien. Ces lettres, receus à Trente, furent iugées peu allaisonnées de prudence, comme celles qui estoient plustost pour irriter & enaigrir les courages, que pour les adoucir & flescibir. Et pourtant conseil fut pris de n'y faire aucune responce, pour n'esmouuoir vn estrif: ains de laisser cheoir & amortir cete saillie, qui estoit attribucée à l'excessiue liberté de proceder du Cardinal Legat de Monte, & non à la moderation du general.

*L'Empereur
desait le
Saxon, &
le Land-
graue je
vande.*

Quant à l'Empereur, il auoit quitte toutes les pensées du Concile, & estoit tout occupé aux affaires de la guerre, estant avec toute son armée, qui estoit fort grande, en Saxe, teste à teste de celle de l'Electeur. Et le vintiquatrieme du mesme mois, ayant rangé son armée en champ de bataille sur la riuiera Albis, il vint au combat, auquel l'Electeur fut blessé, & pris, & son armée desfaite. Dont les forces des Protestans estans affoiblies, le Landgraue de Hessen fut contraint des'accommoder: & peu de iours apres, par l'interposition de Maurice son gendre, & de l'Electeur de Brandebourg, se presenta volontairement deuant l'Empereur. Le Duc de Saxe fut premierement condanné à mort comme rebelle, puis eut grace de la vie, sous diuerses conditions tresdures, lesquelles il accepta toutes, sauf que de se soumettre au Concile au fait de la Religion. Et l'Empereur se contenta de lui relacher celle-ci, moyennant qu'il s'obligeast aux autres. Autres conditions furent aussi imposées au Landgraue, entre lesquelles fut celle-ci, d'obeïr aux Decrets du Concile de Trente: mais il n'y voulut consentir, & souffriroit seulement, Qu'il se remmettroit à vn saint & libre Concile, auquel fussent reformés le Chef & les membres, comme feroit le Duc Maurice de Saxe & l'Electeur de Brandebourg. Et furent arrestés tous deux en prison, le Saxon à perpetuité, & le Landgraue iusques au bon plaisir de l'Empereur. Par cete victoire, l'Empereur se rendit maistre de l'Allemagne, & s'empara de grande quantité d'artillerie, & tira des Villes, & des Princes, sommes immenses de deniers: & pour donner quelque reiglement & forme paisible aux choses acquises par les armes, il assigna vne Diete à Augsbourg.

*dont le Pa-
pe entre en
ialousie &
desiance,*

Ces choses outrent l'esprit du Pape, lequel consideroit que l'Italie estoit sans secours, & demeueroit abandonnée à la discretion de l'Empereur. Il auoit toutesfois ce peu de reconfort, que l'Empereur seroit contraint de maintenir par vne force, ce qu'il auoit gaigné par force: dont il ne pourroit s'oster de là si tost: & qu'en cet entretemps il auroit loisir de traiter & conuenir avec le nouveau Roi de France, & avec les Princes & Estats Italiens, & ainsi se mettre en seurté. Parmi tant d'ennuis il sentoient vne grande ioye d'estre deliuré de la crainte du Concile: & louoit grandement le courage resolu du Cardinal de Monte, duquel il reconnoissoit ce bon effet. Il delibera d'enuoyer en France Ierome Bouchefer, Romain, Cardinal de S. George, en apparence pour se condouloir avec le Roi de la mort de son pere, & se conioiur de son aduenement à la Couronne: mais en secret, avec commission de traiter intelligences & alliances. Le Pape bailla à ce sien Legat tout pouuoir d'accorder au Roi tout ce qu'il lui pourroit demander en matiere de Benefices, sans aucun esgard aux Decrets du Concile de Trente. Et pour estre prest à toutes occasions, qui pourroyent naistre en Allemagne, d'engager l'Empereur en difficultés: & afin aussi qu'en la Diete ne fust prise aucune deliberation à son preiudice, il y enuoya François Sfondrate Cardinal, pour Legat, avec instruction de traiter avec les Ecclesiastiques, & les tenir en deuotion, & de faire diuerses ouuertures à l'Empereur, pour arrester le Concile à Bologne: lequel s'il eust esté tenu en autre lieu que de son obeïssance, il redoutoit plus que les armes, que l'empereur eust pu mouuoir en Italie.

seditions

En ce temps il y eut vne grosse sedition à Naples, à l'occasion de ce que

D. Pierre de Toledo, Viceroy de Naples, auoit tasché d'establiir en ce royaume-là l'Inquisition à la façon d'Espagne; à quoi les Neapolitains s'opposèrent, premièrement par cris tumultueux par la ville de Naples, Viue pour l'Inquisition, l'Empereur, & meure l'Inquisition: puis par amas de peuple, & election d'un Magistrat qui les defendist. Et disoyent, qu'ils s'estoyent rendus au Roi Catholique, avec conuentions expresse, que les causes d'heresie fussent iugées par les Iuges ordinaires Ecclesiastiques, & ne fust introduit aucun office special d'Inquisition. Pour cete cause les Espagnols & les Italiens vinrent tumultuairement aux armes, & y en eut plusieurs de tués, avec danger mesme de totale reuolte. Les Neapolitains par apres mirent ordre à leur affaires: & cinquante mil hommes ayant pris les armes à son de tocfain, les Espagnols furent contrains de se retirer es Chasteaux de Naples, & le peuple se fortifia à l'encontre, ayant planté l'artillerie en diuers endroits: dont y eut quasi vne guerre toute formée entre la Ville & les Chasteaux. Ce tumulte dura dès la fin de Mai iusques à la mi Iuillet, avec la mort de plus de trois cens personnes d'une part & d'autre. En cet entretemps la ville despescha aussi Ambassadeurs à l'Empereur, & au Pape, auquel ils offroyent de se rendre, en cas qu'il eust voulu les recevoir. Mais il lui suffisoit de nourrir & fomenter la sedition, comme il faisoit fort dextrement: ne iugeant pas d'auoir forces capables pour soustenir le faix de l'entreprise: nonobstant que le Cardinal Caraffe, autrement Theatin, Archeuesque de Naples, l'exhortast viuement à ne laisser passer vne si auantageuse occasion pour le bien & seruice de l'Eglise, par l'acquisition d'un si beau royaume. lui promettant la faueur & assistance de tous ses parens, qui estoient en grand nombre & puissans: & quant & quant son propre seruice, s'offrant d'y aller en personne. Les Espagnols, ayans ramassé secours de toutes parts, se rendirent les plus forts: & arriuerent aussi lettres de l'Empereur, par lesquelles il declaroit, Qu'il estoit content que l'Inquisition ne fust establie, & pardonna à la Ville, dixneuf exceptés, lesquels il nommoit; & vn, lequel il descouvriroit quand il en seroit temps: à la charge que la ville payast cent mil escus d'amende. Ces conditions furent acceptées par pure necessité: &, apres qu'on eut fait mourir par iustice quelque petit nombre d'entre les dixneuf, qu'on put apprehender, le tumulte demeura appaisé.

A Bologne les Legats ne fauoyent pas encor bien ce qu'ils auoyent à faire: & le Pape leur auoit commandé de ne proceder à aucune Action, qui pust estre impugnée, & qui engendrast quelque diuision: mais qu'ils s'entermissent dilaçant les Sessions, & tenant tousiours quelque Congregations, pour monstrier de n'estre pas tout à fait oisifs. Mais il n'estoit pas aisé de prendre vne bonne forme à les tenir, pour examiner la matiere de l'Eucharistie, à cause de l'absence des principaux Theologiens, qui auoyent accoustumé de traiter les matieres de Foi à Trente. On ne laissa pas d'en tenir quelques vnes, esquelles diuers Theologiens parlerent, mais pourtant ne fut formé aucun Decret. Quant à la Reformation, il n'eschet d'en rien dire, d'autant que pour l'heure elle fut mise en profond silence.

Le deuxieme Iuin venu, on celebra la Session avec les ceremonies accoustumées, & en icelle ne fut fait autre chose, que de la prolonger par vn Decret semblable à celui de la precedente: exposant que le Concile l'auoit differé iusques à ce iour-là, pour l'absence des peres, qu'on attendoit: & que voulant user encores de plus grande benignité enuers eux, il adioustoit vne autre prolongation iusques au quinzieme Septembre: sans entendre toutesfoi, d'intermettre l'examen des Dogmes, & de la Reformation: se reservant d'abbreger, ou allonger le terme, mesmes en Congregation priuée.

En France le Legat n'eut pas beaucoup de peine d'obtenir du Roi tout ce que le Pape pouoit desirer: veu que le Roi n'auoit pas moins de ialousie des succès de l'Empereur, que le Pape. Et fut traitée bonne intelligence d'eux par des propositions & ouuerures fort secretes. Mais entre les publiques fut, Que le Roi enuoyast au plustost au Concile de Bologne le plus

1547.

grand nombre de Prelats qu'il lui seroit possible. Et qu'il baillast en mariage à Horace Farnese, neveu du Pape, Diane fille naturelle, aagée lors de neuf ans. Le Roi enuoya sept Cardinaux François, pour demeurer d'ordinaire à la Cour de Rome, afin d'adiouster reputation au Pape, & entretenir la bonne amitié entre eux deux. Et le Pape, à l'instance du Roi, le vint-sixieme Iuillet, crea Cardinaux, Charles de Guise, Archeuesque de Rheims, & Charles de Vandomme, de sang royal.

*Diete de
Augsbourg
ou l'Empe-
reur dispo-
se l'Alle-
magne à fu-
bir le Con-
cile;*

A la fin d'Aoust l'Empereur se transporta à Augsbourg, pour y tenir la Diete; ayant tout à l'entour de la ville toute l'armée des Espagnols & Italiens: & dedans la ville mesmes quelques enseignes d'infanterie. Elle fut commencée le premier Septembre: & en icelle l'Empereur, tout porté à pacifier l'Allemagne, expola tout ce qu'il auoit fait par le passé en diuerfes Dietes, pour establir la paix: & comment il auoit, pour cet effet, moyenné que le Concile fust conuoké & ouuert en la ville de Trente: mais, que n'ayant pu gagner chose aucune par tous ses grands trauaux, il auoit esté contraint de prendre vn autre expedient: auquel, puis qu'il auoit plu à Dieu de donner heureuse issue, en sorte que l'Allemagne estoit reduite en termes, qu'on pouuoit prendre certaine esperance de la reformer, il auoit conuoké les Princes à cete mesme fin. Mais, d'autant que les differens en la Religion estoient cause de tous les troubles, il falloit de necessité commencer par iceux. Les opinions des Princes furent diuerfes: car, entre les Electeurs, les Ecclesiastiques desiroient & instoyent que le Concile de Trente fust tenu, sans rechercher en cela condition aucune. Les Seculiers, adherans à la doctrine de Luther en estoient bien contens: moyennant que le Concile fust libre & saint: & que le Pape, ni en propre personne, ni par personnes interposées, n'y presidast point: & qu'il affranchist les Euesques du serment qu'ils ont à lui: & puis apres, que les Theologiens Protestans eussent voix deliberatiue & decisiue: & que les Decrets ia faits fussent repris à examiner. Les autres Catholiques requeroient, Que le Concile fust continué, & que les Protestans eussent assurance publique d'y pouuoir aller, & librement proposer leurs sentimens, mais que puis apres ils fussent forcés à acquiescer aux Decrees qui s'y feroient.

*Pierre
Louis ba-
lard du
Pape, meur-
tri;*

Pendant que le Pape estoit en perpetuelle inquietude d'esprit, attendant le succès de la Diete d'Augsbourg, il aduint le dixieme Septembre, que Pierre Louis, Duc de Plaisance, son fils, fut, par la conspiration de quelques Gentilshommes, meurtre en son propre palais, & son corps ignominieusement traité, & mis en spectacle. En peu d'heures apres arriuerent des troupes de Milan, despeschées par Ferrand Gonzague, Gouverneur de Milan, lesquelles se saisirent de la Ville. Cet accident affligea outreamment le Pape: non tant pour la mort violente de son fils, ni pour l'ignominie qu'il y receuoit, que pour la perte de cete bonne ville, & pour ce qu'il voyoit à l'œil que le tout auoit esté fait au seu de l'Empereur, & par intelligence avec lui.

*ce qui cau-
se totale
interruption
des actions
Synodales
de Bologne;*

Or à Bologne, les Legats aduiserent qu'il n'estoit pas temps, en si grande affliction, & yrgentes affaires du Pape, de lui donner encor d'abondant la peine de lire deux fois la semaine deux despeschées de lettres sur ce qui se passoit au Concile: & pourtant qu'il estoit à propos de prolonger la Session pour vn long temps, & cependant intermettre toutes les action Synodales. Encorés qu'il s'estimast que cela se pust faire avec plus de dignité, en celebrant la Session intimée au quinziesme du mois, pour en icelle differer la suivante: neantmoins, puis que le deuil, qu'il estoit raisonnable qu'on portast pour la mort du Duc Pierre Louis, ne permettoit de faire aucune solennité, il valloit mieux anticiper la Session, & differer la suivante en vne simple Congregation. Sussant quoi, le quatorzieme du mois, tous les Prelats ayant esté appelés en la maison de l'habitation du Cardinal de Monte, il leur parla en ces sens, Que le lendemain estoit bien de vrai le iour assigné pour la Session: mais que chacun voyoit assez le destroit, auquel se trouuoit le Concile: que plusieurs des Peres qui estoient en voyage, & sur tout les François, n'é-

estoyent pas encor venus: & que ceux, qui freschement estoient arriuez, n'estoyent pas encor bien informés: & que ceux-là mesmes, qui auoyent tout le long de l'esté assisté aux disputes de ces menüs & foibles Theologiens, n'estoyent encor bien prests. Que l'atrocité du meurtre du Duc tenoit chacun en suspens, & eux en occupation de surueiller à la seurte de cette ville d'Eglise. Qu'ils se resioissoient de s'estre aduisés de se reseruer le pouuoir de prolonger la Session, pour se redimer de la peine d'aller en l'Eglise pour la celebrer. Que son aduis, ains la pure necessité, estoit, qu'on se seruist de cete reserue, prolongeant à present la Session, sans autrement la tenir le lendemain. Tous les Peres trouuerent bon qu'elle fust prolongée. Le Cardinal adiousta, qu'apres auoir longuement pensé, ils n'auoyent pu apposter vn certain iour, auquel ils pussent s'arrester. Que, quand ils estoient à Trente, en lieu qu'ils pensoient despescher le Decret de la Iustification en quinze iours, ils furent cōtrains d'y suer & ahanner sept mois entiers, voire mesmes en tenant souuentefois deux Congregacions par iour. Que là ou ils agit de la foi, & de confondre les heretiques, il faut marcher à pied de plomb, & souuent mesmes s'arrester longuement à l'examen d'un petit mot. Que, pour lui, il ne pouuoit sauoir au vrai, s'il y aura necessité de celebrer la Session dedans peu de iours, ou s'il la faudra differer mesmes plusieurs mois: & pourtant qu'il estoit d'auis qu'elle fust prolongée au bon plaisir du Concile. Que, sans difficulté, c'estoit là le plus expédient. Que si là dessus on repliquoit, que, sachant le temps prefix, on donneroit meilleur ordre à ses affaires particulieres, tous deuoyent entendre, & s'asseurer, que dedans peu de iours on pourroit voir quel cours & progrès deuoit auoir le Concile. Tous generalement trouuerent bon, que la Session fust prolongée au bon plaisir du Concile mesmes: & là dessus ils furent cōgédiés.

A ceniemesme iour, les Prelats d'Allemagne, assemblés en Diete, du vouloir & commandement de l'Empereur, escriuirēt au Pape, requérans que le Concile fust remis à Trente. La lettre estoit meslée de priete & de menaces: elle representoit le poure estat, & le danger d'Allemagne, auquel on eust pu pouruoir, si le remede du Concile eust esté porté à temps, & en Allemagne, comme on l'auoit requis. Que, pource qu'ils ont des grandes & amples iurisdiccions, à raison dequoi ils ne peüent longuement estre absens, & esloignés, nul d'entr'eux n'auoit peu se redre ni à Mantouë, n'à Viennce, & encor bien peu à Trente, ville qui, sur tout en temps de guerre, appartient plustost à l'Italie, qu'à l'Allemagne. Maintenant, que les affaires estā calmes, ils auoyent la concēu esperance que le nauire fust au port, ils auoyent esté bien estonnés d'entendre que le Concile, auquel estoit toute leur confiance, eust esté, contre l'attente de tous, transferé ailleurs, ou plustost diuisé. Et que pourtant, destitués de ce moyen, ils ne pouuoient faire autre chose, que de recourir à l'Eglise Apostolique, priant Sa Sainteté, par le salut del'Allemagne, de remettre le Concile à Trente: & qu'en ce faisant il n'y aobeissance, & submission, qu'il ne se doie promettre d'eux: autrement, qu'ils ne sauent plus où recourir à l'aide, contre les maux & les dangers, qui les menacent. Et pourtant le prient qu'il face benigne consideration sur leur demande, & qu'il croye que s'il n'y pourroit, il se pourra tres-bien faire, qu'on aduise à d'autres Conseils & moyens pour terminer les difficultés. Finalement prient Sa Sainteté de receüoir leur lettre en bonne part, ayans esté cōtrains & par leur propre deuoir, & par la qualité des temps, à lui escrire en cete sorte.

L'Empereur fit en outre tres-grands deuoirs, que tous se soumissent au Concile, sollicitant, priant, requerant, qu'ils se reposassent sur sa foi & parole. Enuers le Prince Palatin, les prieres portoient coup de menaces, à cause des offenses passées, tout fraichement pardonnées. Enuers Maurice, Duc de Saxe, elles auoyent obligation de necessité, tant pour les grands bienfaits, qu'il eulx auoit tout nouuellement receus de l'Empereur, que pour le desir qu'il auoit de deliurer le Landgraue son beau pere. Parquoi,

*l'Empereur
fait escrire
lettres au
Pape par
les Prelats
d'Allema-
gne, requé-
rans la res-
titution
du Concile
à Trente.*

*Et lui en la
Diete tra-
uailla pour
le faire souf-
mettre les
Protestans
qui s'avan-
cent ains
reserues.*

1547.

apres que l'Empereur leur eut beaucoup promis qu'il s'employeroit pour faire qu'ils eussent tout legitime contentement au Concile, & les eut grandement pressés qu'ils s'en hâssent en lui, finalement ils acquiescerent, & furent suivis par les Ambassadeurs de l'Electeur de Brandebourg, & par tous les Princes. Les Villes refuserent de se soumettre indifferement à tous les Decrets du Concile, comme chose trop perilleuse. Granuele negotia beaucoup, & longuement avec leurs Ambassadeurs, pour les y disposer, iusques à leur reprocher leur obstination, de vouloir refuser ce que les Princes auoyent approuué: entremellant en outre quelques traits de menaces, de les condamner encores à plus grandes sommes que celles que ils auoyent payées: tant que finalement elles furent contraintes de condescendre à la volonté de l'Empereur, reseruant toutesfois caution & seureté, pour l'observation des choses promises. Par ainsi les Ambassadeurs des Villes, estans appelés à la presence de l'Empereur, & enquis s'il ne se vouloyent pas conformer à la deliberation prise par les Princes, responderent, Que ce seroit trop de hardiesse à eux, de vouloir corriger la response des Princes: & tout ensemble baillerent vn escrit, qui contenoit les conditions, sous lesquelles ils receuroient le Concile. Cet escrit fut bien receu, mais non point lu: & le Chancelier de l'Empereur les loua au nom de son maistre, de ce, qu'à l'imitation des autres, ils auoyent remis le tout à l'Empereur, & s'estoyent fies en lui. L'Empereur mesmes fit des demonstrations de l'auoir pour fort agreable. Ainsi l'vne & l'autre partie prenoit plaisir à estre trompée.

le Pape
pressé l'Em-
pereur a
greer la
translation
sur des
vaines es-
perances
d'estre

Le Cardinal Sfondrate n'auoit nullement manqué à son deuoir de proposer plusieurs auantageux partis à l'Empereur, en cas qu'il condescendist à consentir la tenue du Concile à Bologne. Il lui representa les confusions ou estoit l'Angleterre, sous vn Roi enfât, les Gouverneurs en discord, & les peuples en desiance pour cause de Religion. Il lui descouurit les intelligences que le Pape auoit en ce Royaume, lesquelles seroyent toutes en sa faueur: il lui proposa, que le Pape lui presteroit secours de bon nombre de gens, & de vaisseaux, pour cete entreprise: & qu'il lui permettroit de se seruir des reuenus Ecclesiastiques de tous les Estats de lui Empereur. L'Empereur descouvroit bien la meche, & que le Pape butoit à l'embarasser en vne nouuelle entreprise, pour lui troubler & mettre en hazard celle qu'il auoit defia quasi conduite à chef. Parquoi il respondit, qu'en la Religion il vouloit bien estre conioint & vni avec le Pape: mais, que là ou ils s'agiroyt de la guerre, il estoit tout resolu de faire ses affaires à part, & n'estre point capitaine de personnes, qui l'abandonnassent au bon, comme il estoit aduenu en la guerre d'Allemagne. Apres cela, il proposa aussi de son costé diuers auantages au Pape, en cas qu'il consentist au retour du Concile en la ville de Trête. Mais le Legat, ayant certifié qu'il n'en auoit aucune commission, l'Empereur despescha en diligence le Cardinal de Trente au Pape, pour negotier le retablissement du Concile à Trente, & pour autres particularités, qui seront rapportés en temps & lieu. Le Pape, apres l'auoir par plusieurs fois, ouï sans descouvrir sa pensée, finalement, pour response, lui dit, Qu'il en parlaست en Consistoire.

Or l'Empe-
reur au con-
traire le
solicite
pour le re-
mettre à
Trente,

par le Car-
dinal Ma-
druce,

Le Cardinal donc se presenta le neuuesieme Decembre en la presence de tout le College des Cardinaux, & exposa les grands trauaux, & dangers, que l'Empereur auoit portés, à cete seule fin de maintenir la dignité du Concile: & comment à la fin il auoit, par sa diligence & autorité, induit tous les Princes & Estats d'Allemagne à s'y ranger, & se soumettre: puis pria Sa Sainteté, au nom de l'Empereur, du Roi Ferdinand, & de tout l'Empire, que, pour l'amour de Dieu, il fist retourner à Trente les Euesques, qui estoient à Bologne, pour parfaire l'œuvre tant necessaire en commencée: & qu'il fust content d'enuoyer vn ou deux Legats en Allemagne, avec plein pouuoir Papal, sans aucune reserve, afin, que, par leur aduis & conseil, on ordonnast & reiglast vne maniere de viure iusques au Concile, & qu'on reformast l'Ordre Ecclesiastique: & qu'en outre il fist consideration, & determinast, si, en cas que le Saint Siege viost à vacquer pendant la tenue du

Concile, l'élection du Pape appartiendroit aux Peres d'icelui ou bien aux Cardinaux: afin que le fait survenant, il n'en nasquist quelque nouveau trouble. Ce troisieme point fut adiouté, pour aduertir le Pape de sa vieillesse, & mort prochaine, & pour l'induire tant plus aisement à condescendre à la demande qui lui estoit faite, pour ne laisser sa posterite & lignée heritiere du desplaisir que l'Empereur prenoit de sa resistance & dureté. Le Pape respondit à ces propositions, louant la bonne volonté de l'Empereur, & les œuvres & actions faites au bien commun de l'Eglise: & pour conclusion ne disant autre chose, sinon, Qu'il auoit bien entendu & compris les propositions qui lui estoient faites, auxquelles il auroit tel esgard qu'il appartiendroit, & se resoudroit sur icelles, selon que Dieu l'inspireroit. Le Cardinal de Trente, apres auoir essayé en diuerses audiences priuées, de tirer quelque bonne resolution du Pape, & voyant qu'il n'en pouoit auoir autre chose, laissa son instruction à D. Diego de Mendozze, lequel l'Empereur auoit à cete fin fait aller de Siene, ou il se trouuoit lors pour composer les differens de cete Republique, à Rome: & se partit & s'en retourna à Ausbourg. D. Diego se présenta deuant le Pape, en Consistoire public, assemblé pour donner le Chapeau au Cardinal de Guise, ou il est permis à toutes sortes de gens d'assister: & là lui exposa les mesmes choses, que le Cardinal auoit desdites, adioutant qu'il auoit commission, en cas que S. Sainteté interposast délai ou excuse, de protester que le Concile de Bologne n'estoit point legitime.

Le Pape respondit, qu'il vouloit tout premier entendre l'aduis, & les raisons des Peres du Concile de Bologne, & communiquer la proposition aux Rois & Princes Chrestiens, pour faire vne bonne & meure resolution, pour le seruise de Dieu, & pour contentement general de tous.

Le Cardinal de Guise, au mesme Consistoire, fit vne harangue publique au nom du Roi de France: & dit en substance, Que le feu Roi François n'auoit jamais espargné ni despençe ni dangers, pour maintenir la liberte mesmes des autres Princes: & qu'à son imitation, le Roi Henri, ne voulant forligner de la bonté de son pere, auoit tout aussi tost, passé le premier dueil de la mort d'icelui, voulu declarer sa subuersion & reuerence enuers le S. Siege. Que les merites des Rois de France enuers les Papes estoient illustres & fameux, & surpassoient ceux de toutes les autres nations. Mais qu'il iugeoit que celui d'à present, de promettre & offrir toutes ses forces, pour le maintien de la dignité Papale, en vn temps, auquel elle estoit si honteusement vilipendée, venoit si à point, qu'il deuançoit tous les autres. Il adiousta, qu'il prioit le Pape, de recevoir le Roi pour fils, & de se promettre toute aide & secours de lui. Qu'au demeurant, il visast seulement à ce, que l'Eglise ne receust aucun dommage, perte, ou deshonneur: veu qu'il est noroie, que des petis commencemens souuent sont nées de grandes factions, qui ont ietté les Papes en de grands maux & calamités. Il passa en suite aux exemples de plusieurs Papes affligés & molestés, qui auoyent esté soulagés & protégés par la France. Concluant, que le Roi present, ne vouldroit estre de rien inferieur à ses Aneestres en la conseruation de la dignité du S. Siege.

Plusieurs crurent, que le Pape eust esté auteur de faire parler le Cardinal de Guise en cete sorte, pour animer les Cardinaux ses dependans, & pour matter les courages effleués des Imperiaux, & leur faire voir qu'il ne faisoit point qu'ils pensassent de le forcer à chose aucune. Et, pour accomplir ce qu'il auoit dit à D. Diego, il escriuit à Bologne au Cardinal de Montec la proposition qui lui auoit esté faite, & la deliberation qu'il auoit prise, là dessus: lui ordonnant, qu'au plustost, apres auoir inuouqué le S. Esprit, il exposast le tout aux Peres: & ayant entendu leur aduis, lui escriust quel estoit le sentiment du Concile. Le Cardinal assembla les Peres, & leur exposa la commission, & fut le premier à opiner, & fut suivi en son opinion par les autres Prelats: car l'esprit, qui auoit accoustumé de mouuoir les Legats conformément à l'intention du Pape, & les Euesques à celle des Legats, opera en cet endroit, comme il auoit autresfois fait. Parquoy, apres auoir

1547.
nient la
translocation

uoir recueilli les voix & suffrages, le Cardinal respondit par l'avis & au nom commun de tous, Que puis que le Concile auoit, lorsque fuz fait le legitime Decret de le transférer de Trente à Bologne, aduertit vn chacun de se mettre en chemin: & apres estre arriues à Bologne, entendant qu'aucuns estoient demeurez à Trente, les auoit amiablement requis & exortés de partir de là, & de se ioindre au Corps du Concile, de quoi toutesfoiſ eux n'auoyent tenu conte, & estoient demeurez à Trente, au grand mespris du Concile, & scandale de plusieurs, comme s'ils pretendoient d'estre le Concile legitime, ou, de n'estre point obligés d'obeir à celi-ci: les Peres ne pouoyent voir, comment, saul la dignité & reputation du Concile, on pouoit traiter de retourner à Trente, que tout premier ceux qui y estoient demeurez, ne vinsſent à Bologne, s'vnir avec les autres, & reconnoistre l'autorité du Concile. Que, quand ils l'auoyent fait, on pourroit, en faueur de l'Allemagne, traiter de retourner à Trente, pourueu que la nation Allemande donnast suffisante seurté de se soumettre aux Decrets tant faits, qu'à faire. Qu'il couroit vn certain bruit, que, si le Concile retournoit à Trente, on y introduiroit vne procedure populaire, & licentieuse: dont les Peres requeroient vne autre suffisante seurté que l'ordre, gardé en la celebration des Conciles dès le temps des Apostres iusques au temps present, fust suiui: & encor vne autre, d'estre en assurance, & de pouoir partir, & mesmes transférer le Concile, quand par la pluralité des voix il seroit iugé expedient & necessaire: & de le terminer & clore, quand on iugeroit auoir satisfait aux causes, pour lesquelles il auoit esté conuocqué. Et en fin supplioient Sa Sainteté de ne les contraindre à cela, qui seroit contre l'honneur de Dieu, & la liberté de l'Eglise.

Or le Pape
signifie à
Mandoyz
leur adu
lequel il
raisse

Le Pape, ayant receu cete response, apres la Messe du Iour de S. Iean Euangeliste, s'estant retiré en la Chambre des parrements, avec les Cardinaux, la leur communiqua: & icelle estant approuuée par la plus grande partie d'iceux, il fit appeller D. Diego de Mendozze, & lui representa l'aduſ du Concile, approuuée aussi par les Cardinaux: & adiouſta, qu'il n'y auoit rien qu'il ne fust pour l'Allemagne, de quoi il ne vouloit autre tesmoin, que l'Empereur mesmes. Qu'il estoit aussi tout asſeuré, que la demande, que lui auoit faite lui Ambassadeur, au nom de l'Empereur, de Ferdinand, & de tout l'Empire, estoit sous cete condition, que cela se pust faire au gré & auec la commodité des autres nations, & avec la liberté del'Eglise. Et puis qu'elle, assemblée en Concile general, auoit iugé autrement, & que le College des Cardinaux estoit aussi de mesmes aduis, il ne pouoit, ni ne deuoit tenir cete condition, que pour tres-bien fondée & raisonnable, & l'approuuer, comme aussi il faisoit. Que pour l'amour paternelle, qu'il portoit à l'Empereur, & au Roi, il eust bien desiré de leur pouoir rendre vne response plus agreable. Mais aussi, qu'on ne deuoit attendre d'vn Pape; Chef de l'Eglise, autre resolution, que celle, à laquelle la raison du bon gouuernement public oblige. Qu'il connoissoit la prudence de l'Empereur, & son amour filiale: & pourtant s'asſeuroit, qu'il accepteroit ce qui estoit iugé necessaire par vn si grand nombre de Peres, & qu'il commenderoit au Prelats Espagnols, qui estoient à Trente, de se rendre promptement à Bologne: & s'employeroit à faire que l'Allemagne receut les conditions proposées par le Concile, & enuoyait au plustost en icelui les Prelats Allemands, & donnaſt due assurance au Concile d'observer les conditions proposées. Mendozze, ayant eu cete response & voyant la resolution du Pape, vouloit tout promptement protester, que l'Assemblée de Bologne n'estoit point Concile legitime: & qu'en cas que Sa Sainteté ne remist icelui en la ville de Trente, elle seroit cause de tous les maux & malheurs qui en arriueroyent à la Chrestienté: & qu'à son defaut, l'Empereur, comme protecteur de l'Eglise, y pouruoiroit. Mais, à l'interposition du Cardinal de Trani, Doyen du College, & de quelques autres Cardinaux, il se contenta de signifier cete response à l'Empereur, & d'attendre de lui nouuelle commission.

Le Pape,

Le Pape, considerant l'action de Mendozze, iugea que cet affaire pour-
roit causer quelque grand differend entre lui & l'Empereur : auquel cas il
n'estimoit à propos d'auoir les Prelats d'Allemagne contraires & mal affec-
tionnés. A la reception de leur lettre, dōt a esté parlé, il s'offensa de la der-
niere clause, de penser à d'autres remedes, & expedien: tenant que c'estoit
vne menace toute descouuerte : & delibera de ne leur faire aucune respon-
se, & demeura en cet aduis trois mois. Du depuis, redoutant qu'ils ne se tins-
sent mesprisés, & qu'ils ne vinsent à quelque resolution precipitée, laquel-
le l'Empereur laissa courir, pour l'engager en plus grandes difficultés, il se
resolut de preuenir le mal, en les honorant de response, laquelle il minuta
modeste & artificiele, quoi que non sans quelque pointe de ressentiment
conuenable à sa dignité. Il commença sa lettre par les louanges de leur pie-
té, qui paroissoit au souci qu'ils auoyent de remedier aux heresies, & sedi-
tions : les asseurant que le mesme le tenoit non moins au cœur, pour son of-
fice pastoral: de sorte que iamais il n'auoit esté, ni n'estoit sans penser à quel-
que remede : & que des son aduenement au Papat, il auoit recouru à celui,
dont eux-mesmes font mention, assauoir, au Concile : & en cet endroit ex-
posoit les choses aduenues en la conuocation, & les empeschemens, qui au-
oyent arresté qu'on n'estoit pu venir tout aussi tost à l'execution : adiou-
stoit, que le Concile ayant esté assemblé, plusieurs Decrets auoyent esté ar-
restés, tant pour la condannation de grande partie des heresies, que pour
la Reformation de l'Eglise: que le depart du Concile de la ville de Trente
auoit esté fait à son insu: mais, puis que le Concile auoit pouuoir de ce faire,
il presupposoit & vouloit croire, qu'il en auoit eu cause legitime, iusques à
ce qu'il lui apparust du contraire. Et, quoi que quelque petit nombre n'eust
consenti à la translation, il ne se pouuoit toutesfois dire, que le Concile fust
dinié. Mais encor, qu'il estoit transferé en vne ville non gueres lointaine,
ni mal asseurée : & que ce qu'elle est suiuite à l'Eglise, la rendoit de tant
plus asseurée pour l'Allemagne, laquelle a receu d'elle la Religion Chrestie-
ne, & plusieurs autres bienfaits: que, pour lui, il lui importoit peu que le
Concile se tint là ou ailleurs: & qu'il n'empeschoit point, que les Peres ne
choisissent autre lieu, pourueu qu'ils le fissent de leur plein gré, sans y estre
violentés : mais qu'eux mesmes pourroyent voir par les lettres de Bologne,
desquelles il leur enuoyoit copie, ce qui les retenoit de retourner à Tren-
te. Que ce qu'il auoit dilayé de leur respondre, auoit esté, à cause que le
Cardinal de Trente, & puis D. Diego de Mendozze, estans venus à lui de la
part de l'Empereur, il auoit voulu, comme de raison, respondre premie-
rement à l'Empereur. Que par la copie des lettres des Peres de Bologne ils
verroyent ce qu'il faut faire, auant que deliberer du retour. Et pourtant,
qu'il les prioit de venir, ou d'enuoyer procureurs à Bologne, & de continuer
le Concile. En fin il adioustoit, qu'il ne s'estoit point esmu, pour la clause de
leurs lettres, qui portoit, qu'on prendroit nouueaux moyens & expé-
diens: ayant ce tesmoignage en sa conscience, de n'auoir omis ni negligé
aucune partie de son deuoir, & d'auoir embrassé l'Allemagne en toute cha-
rité, & dilection. Qu'il se promettoit d'eux, & de l'Empereur, qu'ils ne fe-
royent rien que bien meurement: que si toutesfois quelque chose estoit at-
tentée contre l'autorité du S. Siege, il ne la pourroit pas de vray empes-
cher, Christ l'ayant predit quand il le fonda: mais aussi, qu'il ne redoutoit
nullement que ces attentats eussent à reüssir heureusement pour les entré-
prenans, veu qu'icelui est fondé sur vne tres-ferme roche. Que d'autres au-
oyent par plusieurs fois machiné le mesmes: mais que Dieu auoit tousiours
renuersé leurs entreprises, & en ceux là donné vn exemple de ce que doi-
uent attendre ceux d'apresent de se deporter, il estoit toutesfois bien asseu-
ré qu'eux demeureront constans en la pieté & en la foi, qu'ils ont tousiours
demonstrée; & qu'en leurs assemblées ils ne donneront aucun lieu à con-
seils contraires à la dignité de l'Eglise.

L'Empereur, ayant receu par son Ambassadeur l'avis des conditions pro-
posées par le Pape, l'Empereur

K K

1548.
*sur les ter-
 giner/sai-
 ons du Pa-
 pe & de
 Bolognois,
 fait prote-
 ster contre
 la transla-
 tion, pre-
 mierement
 à Bologne,*

posées par ceux de Bologne, & de la resoluë resolution du Pape, combien qu'il reconust clairement, que Sa Sainteté s'estoit couverte du man-teau du Concile, & des Peres de Bologne, lesquels il estoit tresnotoire de-pendre en tout & par tout de lui, & recevoir de lui tout nouuement: tou-tesfois, afin d'acertener de tant plus le monde, qu'il n'auoit laissé en arriere aucun moyen pour remettre le Concile sur pied, enuoya à Bologne François Vargas, & Martin Velasco, lesquels le seizieme Ianuier de l'an mil cinq cens quarante huit, ayans eu audience de l'Assemblée, en laquelle, avec les Car-dinaux de Monte, & St. Croix, Legats, estoient les Peres en mesme nombre, & non plus grand qu'en la derniere Session, presenterent les lettres de l'Em-pereur, qui estoient adressées, *Conuentui Patrum Bononia*, A l'assemblée des Peres à Bologne. Et, apres qu'elles eurent esté lues, Vargas commença à par-ler. Mais le Legat de Monte l'interrompit, disant, Que, quoi que ce Saint Concile ne fust point obligé de l'escouter attendu que ces lettres n'estoyent adressées à lui, qui n'estoit point vne telle quelle Assemblée, mais vrai Con-cile: toutesfois ils ne refusoient point de l'ouir, avec protestation, que ce fust sans leur preiudice, & sans auantage d'autrui: & qu'il demeurast en la liberté des Peres, de continuer le Concile, & de passer outre, & de proceder contre les contumax & rebelles par les peines establies par les loix. Vargas requit, Qu'il fust pris acte & fait instrument de la protestation faite, auant qu'auoir ouï la proposition. Puis, pria les Peres, au nom de toute la Chrestien-ete, de proceder en equité: d'autant que, persistans obstinément en leur ad-uis, enbrassé avec moins de prudence, & maturité, qu'il n'estoit requis, il n'en pouuoit arriuer que de tres-grandes calamités publiques: en lieu que, condescendant à la volonté de l'Empereur, toutes choses reüssiroient heu-reusement. Il commençoit à leur demonstrier combien seroit pernicioeu-se la faute de ne changer la delibération, & comme l'Empereur n'auoit que tres-bonne volonté enuers le seruice de Dieu, & le bien public de l'E-glise. Mais il fut derechef interrompu par le Legat de Monte, qui dit, Je suis ici President de ce saint & sacré Concile, & Legat du Pape Paul troisieme, Successeur de S. Pierre, & Vicair de Christ en terre, ensemble avec ces tres-saints Peres, pour continuer, à la gloire de Dieu, le Concile transferé legitiment de Trente: & prions l'Empereur de changer d'aduis, & de nous prester aide & confort à cet effet, & de reprimer les perturbateurs du Concile. Sa Maiesté sachant tres-bien elle mesme, que qui met empeche-ment aux saints Conciles, de quelque degré qu'il soit, par les loix encourt pei-nes tres-grieues: & sommes resolu, quelque euenement qui puisse aduenir, de n'auoir nul esgard à aucunes menaces, & de ne faillir aucunement à la conseruation de la liberté, & de l'honneur de l'Eglise, du Concile, & nostre.

Alors Velasco lut la protestation, qu'il auoit par escript en la main, de la-quelle le sommaire estoit, Que la Religion estant esbranlée, les mœurs cor-rompues, & l'Allemagne separée de l'Eglise, l'Empereur auoit requis le Cô-cile aux Papes Leon, Adrien, Clement, & enfin à Paul troisieme. Puis, apres auoir exposé les empeschemens, & difficultés, qu'il y auoit eu à le conuoyer, il touchoit les choses qui auoyent esté traitées au Concile: adioustant, que cependant l'Empeur auoit fait la guerre, principalement pour la cause de la Religion, & auoit calmé l'Allemagne par sa vertu & vaillance, avec tres-grande esperance de faire aller au Concile ceux qui l'auoyent iusques alors refusé. Mais, qu'en ces entrefaites, eux Reuerendissimes Legats, contre l'at-tente de tous, & à l'insu mesmes du Pape, ayans attiré, & fait naistre vne cause tresleger, auoyent proposé aux Peres la translation du Concile, sans leur bailler seulement loisir d'y pouuoir aduiser: & que la dessus quelque nombre de saints Euesques s'estans opposés, & ayans protesté de vouloir s'ar-rêter à Trente, eux, seulement par l'auis & du consentement de petit nom-bre d'Italiens, auoyent decreté la Translation, & de fait estoient partis le iour d'apres, & s'estoyent transportés à Bologne. Que l'Empereur, apres auoir obtenu la victoire, auoit par plusieurs voyes sollicité le Pape, de les

faire retourner à Trente, lui remontrant les scandales & dangers, qu'il y auoit, en cas que le Concile ne s'achouast en icelle ville : & cependant auoit moyené en la Diete d'Augsbourg, que tous les Allemans se soumissent au Concile. Et qu'enfin il auoit enuoyé le Cardinal de Trente à Sa Sainteté, pour lui représenter le mesmes, & pour le prier de remettre le Concile à Trente. Et qu'encor pour le mesme effet il auoit fait aller Mendozze à Rome. Mais que le Pape auoit interposé du temps pour traiter avec eux assemblés : & qu'eux auoyent rendu vne response vaine, captieuse, pleine de tromperies, & digne d'estre publiquement condamnée par le Pape, lequel toutes fois l'a approuuée & suiue, nommant la Congregation Bolognoise du nom de Concile General : & lui doñnant tant d'autorité, que lui mesme n'en eust su tant entreprendre. Qu'il estoit certain que le Concile, assemblé à Trente, ne pouuoit estre transferé, sinon pour vrgente necessité, apres diligente & exacte recherche, & examen, & consentement de tous. Et que, nonobstant tout cela, eux pretendus Legats, & les autres, auoyent precipité leur depart de Trente, & simulé certaines fleurs chaudes, & corruption d'air, & attections captées & affectées de Medecins : lesquelles l'euénement a demonstté n'auoir esté causes suffisantes, non pas mesmes d'une terreur vaine & Panique. Que quand ores il y eust eu necessité de le faire, il en falloit au preallable traiter avec le Pape, & l'Empereur, à qui appartient la protection & tutelle des Conciles. Mais que leur hastiueté auoit esté si extreme, qu'ils n'en auoyent pas seulement consulté entr'eux mesmes. Que le deuoir portoit d'écouter, & d'examiner les contradictions & les aduis des Peres, qui parloyent par conscience : lesquels, quoi que moindres en nombre, deuoyent, comme plus sages, estre preferés aux autres. Que quand bien il eust falu partir, il ne falloit point sortir de ce pais-là, mais, suiuant les Decrets des saints Cōciles, choisir vn autre lieu en Allemagne. Qu'on ne pouuoit en aucune maniere soustenir ce fait, d'auoir choisi Bologne, lieu suiet à l'Eglise, auquel il estoit certain que les Allemans n'iroient iamais, & lequel aussi de vray chacun pouuoit recuser pour diuerses causes. Ce qui en effet n'estoit autre chose, que rompre le Concile tout à l'improuiste. Et pourtant que l'Empereur, auquel il appartient de defendre l'Eglise, & proteger les Conciles generaux, voulant composer les differends d'Allemagne, & aussi recouurer l'Espagne, & ses autres royaumes & estats, à la vraye vie Chrestienne, & voyant que le depart de Trēte, fait ainsi sans raison, desarraye tout son bon dessein, recherche & sollicite eux pretendus Legats, ensemble les autres Euesques, qui sont partis de Trente, d'y retourner. Qu'ils ne le peuuent desdire, veu qu'ils ont promis de le faire, dès aussi tost que les soupçons de peste seroyent cessés : & que s'ils le font, ils feront choses tresagrecable à toute la Chrestienté. Mais, en cas de refus, eux Procureurs, par mandement special de l'Empereur, protestent, Que la translation, ou retraite est illegitime, & nulle, ensemble tout ce qui s'en est ensuiui, & s'ensuiura par ci apres : & que l'autorité d'eux pretendus Legats, & des Euesques là presens, comme dependans en tout & par tout du bon plaisir du Pape, n'est point telle, qu'elle puisse donner loi à toute la Chrestienté, en cause de Religion, & de Reformation : & sur tout aux Prouinces, les mœurs, coustumes & ordonnances desquelles leur sont entierement inconuēs. Protestent aussi semblablement, Que la response de Sa Sainteté, & la leur, n'est point conuenable, ains illegitime, pleine de fraudes & surprises, & illusoire : & que tous les maux, tumultes, ruines, desolations & destructions de peuples, qui de là sont nées, naissent ou peuuent naistre, ne doiuent ni ne peuuent estre imputés à l'Empereur, ains à cete Assemblée, laquelle eux appellent Concile : attendu qu'il est au pouuoir d'elle d'y remedier tresaisement & Canoniquement. Protestent au li, qu'au defaut, faute, & negligence, d'eux, & du Pape, l'Empereur y pouruira de toutes ses forces, & ne delaissera la protection & la manutention de l'Eglise, laquelle lui appartient comme à Empereur & Roy, conformément aux loix, & au consentement des saints Peres, & de tout le monde.

Kk ij

1548.

Enfin ils demanderent vn Acte public des choses par eux gerées : & que le mandement de l'Empereur, & leur protestation fussent inferés es Actes d'icelle pretendue Assemblée.

*à quoy de
Monte Le-
gat respond
baument.*

Après la Protestation, faite de bouche, Velasco presenta l'escriit mesme, qu'il auoit en main, & reitèra l'instance, qu'il fust enregistré. Le Cardinal de Monte, du consentement & aduis du Concile, protesta aussi reciproquement en termes tresforts & graues, Qu'ils estoient tous prests de mourir plus tost que de permettre l'introduction d'vn tel exemple en l'Eglise, que la puissance seculiere s'attribue le pouuoir d'assembler Concile. Que l'Empereur est fils de l'Eglise, & non seigneur, ou maistre. Quelui de Monte, & son Colleague, sont Legats du S. Siege, & qu'ils sont prests & appareillés de rendre conte de leur Legation à Dieu, & au Pape : & que dans peu de iours ils respondroyent à la protestation, qui leurs auoit esté luë.

*puis à Ro-
me au Pre-
s.*

A Rome Mendozze, ayant receu la responce de l'Empereur, qu'il passast outre, & fist sa protestation au Pape, en presence des Cardinaux, & des Ambassadeurs des Princes : ayant aussi receu l'aduis de l'action faite à Bologne, par Vargas, & par Velasco, comparut en plein Consistoire, & s'estant mis de genoux deuant le Pape, lut la Protestation, la tenant escriete en sa main. Il comença par la vigilance, & diligence de l'Empereur à réunir la Republique Chrestienne, diuisée en diuerses opinions en la Religion. Il exposa en suite les offices qu'il auoit faits avec Adrien, Clement, & Paul mesme, pour les induire à conuoyer le Concile : & que les rebelles d'Allemagne a-yans refuse de s'y soumettre, poussé de la mesme pieté, il les auoit par armes contraints à obeir. En quoy, combien que le Pape eust contribué quelque petit secours de gens, pour ne monstrier de vouloir faillir à la cause publique, il se pouuoit dire toutesfoi avec verité, que l'Empereur auoit mis à chef vne si grosse & dangereuse guerre par ses seules forces. Or, pendant qu'il estoit occupé en icelle, voila qu'inopinément la bonne œuvre, commencée à Trente, auoit esté interrompue par vne pernicieuse resolution de transferer le Concile, sous des pretextes ni vrais, ni vraisemblables : seulement, à fin d'empescher le bon effet de la paix & repos public : nonobstant que la plus pieuse & sage partie des Prelats s'y opposast, & demeurast au mesme lieu de Trente. Qu'à ceux-cy deuroit estre donné le nom de Concile, & non à ceux qui se sont retirés à Bologne, lesquels Sa Sainteté honore de ce nom, pourée qu'ils lui adherent, & la volonté desquels il prefere aux prieres de l'Empereur, de Ferdinand, & des Princes de l'Empire, sans se foucier du salut de l'Allemagne, & de la conuersion des desuoyés pour la reduction desquels, puis qu'ils se sont cōtentés de se soumettre au Concile de Trente, il ne restoit autre moyen que de remettre le Concile en icelle ville. De quoi lui Pape estant requis par luy mesme Ambassadeur, au nom des dessusdits, auoit rendu vne responce pleine d'artifices, & sans aucun fondement de raison. Dont, voyant que les requisitions Euangeliques, faites par luy mesmes, en qualité d'Ambassadeur Imperial, à Sa Sainteté, lo quatorzieme & vintseptieme Decembre : & à Bologne, le seizieme Ianuier, par autres agens & procureurs de la mesme Maiesté de l'Empereur, n'estoit tenues en aucun conte, ni en l'vn de ces lieux, ni en l'autre ; à present il protestoyent que la departie de Trente, & la translation du Concile à Bologne, estoient nulles, & illegitimes, & qu'elles ne pouuoient apporter à l'Eglise autre chose que contentions : & mettre la foy Catholique, & la Religion en danger : ioint que des lors mesmes elles donnoient scandale à l'Eglise, & difformoyent l'estat d'icelle. Que toutes les ruines, dissensions, & scandales, qui en naistront, deuront estre imputés à Sa Sainteté : laquelle, quoy qu'obligée d'y pouruoir iusques au sang, ne laissoit de fomentier & fauoriser les auteurs de ce desordre. Que l'Empereur, au default, & par la faute de Sa Sainteté, y pouruoiroit de toutes les forces, selon son deuoir d'Empereur & de Roy, suiuant la forme & reiglement, establi par les Saints Peres, & obserué du consentement du monde. Puis apres, s'estant tourné deuers les

Cardinaux, il dit, Que, puis que le Pape refusoit de pesser à la Paix de la Religion, Vnion de l'Allemagne, & Reformation des mœurs, si eux aussi estoient negligens à cela, il protestoit le mesmes à eux, qu'il auoit fait au Pape. Puis il laissa là l'Escript, qu'il auoit en main : & ne lui estant rendue aucune response, il se partit.

354 8.
aux Car.
du an.

Le Pape, ayant considéré la protestation de Mendozze, & meurement le Pape aduisé à tout cet affaire, reconut bien qu'il estoit reduit à vn grand destroit, & que c'estoit chose grandement contraire à sa dignité, d'estre pris à partie, & que le debat se tournast contre lui : & qu'il n'y auoit autre remede, que de ce rendre neutre, & iuge, entre ceux qui approuuoient la translation, & ceux qui l'impugnoient. Et que pour ce faire, il falloit de necessité esquiuier & gauchir à la protestation, en forte qu'il parust quelle n'estoit point faite contre luy, mais contre les Peres de Bologne deuant lui. Ce qui ne se pouuant faire par aucune dissimulation, il se resolut d'imputer à l'Ambassadeur Imperial qu'il auoit outrepassé le mandement de son Maistre : croyant que l'Empereur, sur ce qu'il verroit sa dexterité & souplesse, à charger l'Ambassadeur pour euit de rompre avec lui, l'imiteroit, & suiueroit sa pointe, comme si la protestation eust esté faite contre ceux de Bologne, par deuant le Pape, lequel il reconnoistroit pour iuge. Et pourtant le Mercader, premier de Feurier, ayant fait appeller Mendozze au Consistoire, il lui rendit la response fort ample & prolixie, disant en substance, Que, c'estoit chose de mauuais exemple de venir aux protestations, & qui n'estoit pratiquée que par ceux qui ont secoué l'obeissance, ou qui branlent pour la secouer. Que lui, & le College des Cardinaux estoient bien desplaisans de cete action non attendue, tant à cause de l'amour paternelle, qu'ils auoient tousiours portée à l'Empereur, que d'autant qu'elle se rencontroit faite en vn temps, au quel on esperoit toute autre chose de l'Empereur, qui auoit fait la guerre, & emporté la victoire contre les ennemis de l'Eglise & siens, au moyen & à la faueur des grands secours enuoyés par le Pape, tout à point au besoin, & maintenus par lui à frais immenses : lesquels de vrai ne meritoient point vn tel fruit apres la victoire, que la fin de la guerre fust vn commencement de protester contre lui. Que sa douleur estoit bien en partie allegée, & addoucie, parce que l'Ambassadeur auoit excédé les termes du mandement de l'Empereur, lequel auoit commandé à ses Procureurs à Bologne de protester aux Legats : & à lui Ambassadeur Mendozze, de protester, en presence du Pape, & des Cardinaux, contre le Concile de Bologne, & non contre le Pape. Quel'Empereur auoit fait le deuoir d'un Prince modeste, reconnoissant le Pape, pour vnique & legitime iuge en la cause de la translation du Concile, de laquelle certes, cas aduenant qu'il ne voulust conoistre, la protestation auroit lieu contre lui. Et pourtant, qu'il estoit beaucoup plus conuenable, que les Peres, demeurés à Trente, s'ils auoient quelque plaintif & grief contre ceux de Bologne, en intentassent action deuant lui. Mais, quel'Ambassadeur auoit peruersti l'ordre, omettant la demande qu'il deuoit faire, & recherchant vn indu preiugé contre le Concile. Dont, veu que l'action de la protestation tomboit à terre d'elle mesme, il ne seroit ia besoin d'y faire aucune response. Que toutesfois, pour se iustifier enuers tous, & esclaireir vn chacun, il vouloit bien encores adiouter ceci : Premièrement, en ce qu'il le taxe de negligence, & hautloué la diligence de l'Empereur, sa volonté n'est point de raualer les bonnes intentions & actions de l'Empereur : mais aussi qu'il ne vouloit pas laisser de dire, qu'il l'outrepassoit autant en la diligence, qu'en l'age. Qu'il auoit tousiours désiré le Concile, & l'auoit assez monstré par effets : & la dessus exposoit toutes les actions faites à cete fin, & les empeschemens entreiectés par autres, & quelquesfois mesmes par l'Empereur par diuerses guerres. Il adioustoit, qu'il se reseruoit de iuger si les causes de la translation estoient legitimes, ou non : mais que pour le present il disoit bien, que de louer ceux qui estoient demeurés à Trente, c'estoit louer des personnes qui s'e-

par vnere
sponse ar-
tificieuse :
se voulant
rendre luy-
se entre les
deux As-
semblées
qu'il eno-
que à soy

1548.

estoyent alienées & distraites du corps de l'Eglise: qu'il ne recusoit point, comme aussi il n'auoit iamais fait, qu'on ne retournaist à Trente, pourueu seulement que cela se fust legitiment, & sans offense des autres nations. Que de vouloir estimer qu'il n'y eust autre lieu que Trente propre à tenir le Concile, estoit faire tort au S. Esprit, qui peut estre adoré en tous lieux, & en tous lieux est present. Et ne faisoit point alleguer en cela, que l'Allemagne auoit besoin de cete medecine: d'autant que pour la mesme raison il faudroit aussi celebrer vn Concile general en Angleterre, & ailleurs. Que on ne doit point prendre la commodité de ceux, pour qui on fait les loix: mais de ceux qui les doiuent faire, qui sont les Eueques. Que souuentefois ont esté tenus Conciles hors des Prouinces, ou estoient les heresies. Qu'il descouuroit bien ce qui desplaisoit à l'Empereur en la response qui lui auoit esté baillée. C'est, que les Decrets, faits & à faire, fussent receus: & que la procedure, tenue depuis le tēps des Apostres, fust gardée. Que, pour lui, il se garderoit de toute negligence en la conduite de l'Eglise: & que si l'Empereur vouloit aussi s'employer de sa part, pourueu qu'il demeurast dans les bornes prescrites par les loix, & par les Peres, & qui lui cōuiennent, les fonctions de l'un & de l'autre, estans ainsi bien distinguées, pourroyent estre salutaires à l'Eglise. Et, quant à ce qui concernoit la conoissance de la translation, pour sauoir, si elle estoit legitime, ou non, il en euoquoit la cause à foi, & deputoit ces quatre Cardinaux, Paris, Burgos, Polus, & Crescence, pour en connoistre, & en rapporter. Commandant à tous, que, pendant ladite conoissance, ils n'eussent à attenter aucune nouveauté: & donnant vn mois de terme aux Peres de Bologne, & à ceux de Trente, pour produire leur raisons. Et fit rediger cet Arrest par escrit, par le Secretaire Consistorial, en la forme iudicielle, vstée à la Cour, avec inhibitions & defences aux Prelats de Bologne, & de Trente, d'inouer choses quelconque pendant le proces.

*mais cete
ruse est bas
souée par
les Imperi-
aux,*

Les Imperiaux se mocquerent bien fort de la distinction, de protester deuant le Pape: & non contre le Pape. Mais Mandozze, non content de cela, reiterra vne nouuelle protestation, disant, Qu'il auoit eu de l'Empereur special mandement de protester en la forme qu'il auoit fait. A Bologne, apres qu'on eut receu les defences du Pape, ne se tinrent plus aucunes Assemblies d'Eueques, ne Congregatiōs de Theologiens: dont peu à peu tous se partirent, horsmis les stipendiaires & entretenus du Pape, qui ne le pouuoient faire avec leur honneur. Ceux de Trente ne se bougerent point, l'Empereur le voulant ainsi, pour y maintenir l'Eseigne du Concile, & entretenir en esperance les Catholiques d'Allemagne, & retenir les Protestans en deuoir: & afin que la promesse, faite par eux de se soumettre au Concile, ne demeurast cassée & annullée, par cete raison, Qu'elle n'estoit plus en estre.

*Et ne for-
mā aucun
escri, dont
il escriit
aux Pre-
lats de
Trente,
leur offran-
t de les oyr
en leurs
griefs.*

Le Pape fit sauoir aux Prelats, qui estoient demeurés à Trente, la response baillée à Mendozze, & attendit quinze iours, pour voir si par lui, ou par eux, seroit faite quelque ouverture, qui le fustige, comme il en auoit fait le dessein. Mais voyant, qu'il ne lui en reüssissoit rien, il escriuint vn Bref au Cardinal Pacieco, & aux Archeuesques & Eueques demeurés à Trente, en forme de citation, auquel, apres auoir exposé les raisons, qui l'auoyent induit à intimer le Concile, & les empeschemens & dilations escheuës à l'assembler, & la ioye qu'il auoit eue lors qu'il le vid ouuert, lesquelles estoit grandement accrus par l'heureux progrès & suite d'ice-lui, qui lui auoit donné esperance qu'en bref il seroit pourueu à tous les maux de l'Eglise: il adioustoit, que la tristesse, qu'il receuoit des euene- mens contraires, n'estoit en rien moindre: & que quand il entendit le depart de Trente de ses Legats, & de la plus grande partie des Eueques, & qu'eux estoient demeurés au mesme lieu, il en auoit receu vn grand desplaisir, comme de chose, qui pouuoit arrester le Cours du Concile, & donner scandale à l'Eglise. Et que, puis que ces choses leur estoient autant conuēs comme à lui mesmes, il s'esbahissoit, pourquoy, si la translation du Concile leur auoit semblé iuste, ils n'estoyent allés avec les au-

tres de compagnie : si iniuste , pourquoy ils ne s'en estoient plaints à lui. Qu'il estoit euident, & qu'eux mesmes ne pouuoient ignorer, qu'ils estoient obligés à l'un ou à l'autre de ces deux : dont si l'un ou l'autre eust esté em brassé, toute occasion de scandale auroit esté ostée. Qu'il ne pouuoit se passer de leur escrire, non sans regret, qu'ils auoyent failli ou en l'un, ou en l'autre : & que de leurs plaintifs neust esté plustost aduerti par l'Empereur que par aucun deux, par voye de lettres, ou de messagers. Qu'il auoit encor plus de suiet de se plaindre du Cardinal Pacieco, pour cet office omis, que plus il y estoit obligé, à cause de la dignité du Cardinalat. Mais, puis que ce qu'il attendoit deuoit estre fait par eux, auoit esté preuenu & deuancé par l'Empereur, qui s'estoit plaint par son Ambassadeur, que la translation du Concile estoit nulle & illegitime, il leur offroit franchement, ce qu'il ne leur auroit point refusé, s'ils eussent fait leurs plaintes à lui mesmes : assauoir, de les ouïren leurs griefs, & de conoistre de la cause. Et quoy qu'il düst presupposer, que la translation estoit legitime, toutesfois, pour rendre le deuoir de iuste iuge, il s'offroit promptement de les ouïr, & de peser les raisons, qu'ils allegueroient au contraire. Qu'en cela mesmes il auoit voulu monstrier de faire estât de la nation Espagnole, & de leurs personnes, ne voulant donner lieu, & deferrer aux grands preiugés & presomptions, qu'on pouuoit iustement auoir contr'eux. Pourtant, que, de l'aduís & conseil des Cardinaux, il auoit euoqué à soi la cause de la translation du Concile, & donné commission à quelques vns d'entr'iceux Cardinaux d'en conoistre & rapporter au Consistoire, & appelé tous ceux qui y pretendent interest, & interdit aux Prelats de Bologne & de Trente de n'attenter chose aucune pendant le proces : comme cela estoit contenu en l'Escript, dont il leur enuoyoit copie : desirant de terminer cete cause au plus tost : & leur commen doit, qu'en cas qu'ils pretendissent la translation estre inualide, au moins trois d'entr'eux eussent à assister au iugement, & alleguer leurs raisons & moyens : & ce le plustost que faire se pourroit. Entendant que la presenta tion de ce bref fait au Cardinal, ou à deux ou trois d'entr'eux, avec l'affiché aux portes de l'Eglise de Trente, les obligeast tous, non autrement que s'il estoit personnellement intimé à vn chacun. Le Pape enuoya aussi intimer le mesme Arrest à ceux qui estoient assemblés à Bologne, lesquels promptement despecherent à Rome.

Mais le Cardinal Pacieco, & les autres Espagnols, demeurés à Trente, qui se trouuerent ensemble en nombre de treize, apres auoir enuoyé sauoir l'intention & volonté de l'Empereur, *respondent* aux lettres du Pape en date du vinttroisième Mars, disans en substance, *s'excusent* Qu'ils se confioient en la benignité & prudence de Sa Sainteté, qu'aisément elle reconnoistroit, qu'en ce qu'ils auoyent contredit à la translation, & s'estoyent tus, & estoient demeurés à Trente, ils n'auoyent à rien moins pensé, qu'à offenser Sa Sainteté ; ains, que la principale cause, qui les auoit mus à dissentin des autres, auoit esté, d'autant qu'ils voyent qu'il s'agissoit de chose tres-importante, au dessus de Sa Sainteté : qu'ils auoyent bien clairement veu, que cete translation ne pouuoit estre bien prise, ni aisément approuuée par Sa Sainteté : laquelle ils supplioient ne croire point, que l'Empereur eust preuenu leurs griefs, lesquels Sa Sainteté attendoit sur l'illegitime translation du Concile, comme s'ils s'en estoient plaints à lui : ains, que ce que l'Empereur en auoit fait, estoit de son propre mouuement, croyant qu'à lui appartenoit la protection & defense de l'Eglise. *sent* Que pour eux, iamais ne leur seroit venu en pensée, que Sa Sainteté eust pu desirer d'eux ce deuoir, d'estre aduertie par eux, ce qu'ils croyoient auoir plainement esté fait par ses Legats : attendu qu'ils auoyent parlé en public, les notaires presens & escriuans : dont ils auoyent cru, qu'il suffisoit d'auoir dit leurs aduis, & qu'au demeurant ils deuoient se taire. Et pourtant ne pouuoient croire que leur presence fust necessaire en autre chose. Que s'il y auoit du defect, la candeur de leur intention estoit toutesfois toute claire & euidente. Qu'ils auoyent cru, qu'il leur

1548.

Et le pape
de remettre
le Concile à
Trente:

ce reſpon-
ſe eſt con-
ſulée à
Rome,

ſuffiſoit de diſſentir de la tranſlation propoſée, ſ'abſtenât par modeſtie & humilité d'interpeller Sa Sainteté, laquelle ils eſperoyent ne deuoit manquer à ce qu'elle iugeroit vtile pour l'Egliſe. Qu'ils ne pouuoient voir quelle cauſe il y pouuoit auoir de partir avec les Legats, leſquels auoyent, & en la Congregation generale, & en la Seſſion publique, promis de retourner à Trente, dès auſſi toſt que le ſoupçon de la maladie auoit ceſſé: & principalement ſ'il auenoit que l'Allemagne ſe ſouſmiſt au Concile. Que quant à eux, ils ſ'eſtoient arreſtez à Trente, croyans ſeulement qu'il retourneroyent: ſur tout dès qu'ils entendirent, que, par la Grace de Dieu, & la Valeur de l'Empereur, l'Allemagne atoit eſte reduite à vouloir obeir au Concile. Quant à ce que diſoit Sa Sainteté, qu'aucuns auoyent receu ſcandale de ce qu'ils eſtoient demeurés, ils n'y ſauoyent que faire: que ce leur eſtoit aſſez, qu'ils n'en auoyent point baillé de ſuiet: & que de l'autre part on pouuoit bien auſſi dire, que le depart des autres en auoit trouble plusieurs. Que leur nation auoit touſiours reueré le Successeur de S. Pierre, en quoi ils ſe perſuadoient auſſi de n'auoir point failli. Qu'ils prioient Sa Sainteté, que ce qu'ils auoyent fait à bonne fin & intention, ne fuſt point tourné à contrefens à l'encontre d'eux, & qu'ils n'en fuſſent mis en procès: que la cauſe, dont il s'agiſſoit, eſtoit la cauſe de Dieu, & non la leur: que ſi elle l'eſtoit, il ſouffriroyent aiſément tout le tort, qu'on leur pourroit faire: mais eſtant celle de Dieu, & de Chriſt, comme elle eſtoit, elle ne pouuoit appartenir à aucun autre plus, qu'au Vicaire d'icelui. En fin, ils ſupplioient Sa Sainteté de remettre ſus pied le Concile interrompu, & de renuoyer à Trente les Legats, & les Peres, & que le tout ſe fiſt par la plus courte voye, & ſommairement, ſans entrer à debatre la Tranſlation. Qu'ils le prioient de prendre en bonne part leurs paroles, non dites pour monſtrer à Sa Sainteté, quel eſtoit ſon deuoir, mais pour lui ſignifier ce qu'ils eſperoyent d'elle.

Le Pape ayant receu la reſponſe des Eſpagnols, l'enuoya aux Cardinaux commis ſur cete cauſe, leſquels la communiquerēt aux Procureurs de ceux de Bologne, afin qu'ils pourſuiuiſſent en droit. Iceux reſpondirent, Qu'ils auoyent grand plaifir de ce que les Eſpagnols reconoiſſoyent le iugement & le Iuge, & ne vouloyent ſe conſtituer parties. Que, nonobſtant cela, il eſtoit neceſſaire de rabatre & refuter quelques vnes des choſes portées par leur reſponſe, pour mettre la verité tant plus en euidence. Pource qu'ils diſoyent, qu'auant que transferer le Concile, il en falloit premierement donner aduis à Sa Sainteté: ils reſpondoient, que cela eſtoit ſuperflu, attendu qu'il y en auoit vne Bulle ſpeciale du Pape, qui lors fut lue. Que l'Empereur en cela eult eſté meſpriſé, il ne ſe pouuoit dire: veu qu'on auoit tenu auant de conte de Sa Maieſté, que du Pape: pource que l'affaire ne permettoit point de delai: d'autant qu'il falloit de neceſſité ou diſſoudre, ou transferer le Concile, pour le progrès que la contagion faiſoit dedans la ville, & és lieux circonuoiſins: & pour le depart de plusieurs Peres ia auenu, & de nombre d'autres qui le minutoient auſſi: & pour le rapport iuré des Medecins, ſpecialement de Fracaſtore, Medecin public & gagé, & pour la crainte qu'on auoit, que les villes voiſines ne deſendirent le commerce: leſquelles choſes conſtoient toutes par les Actes, portés à Rome par commandement du Pape. Qu'apres le Decret, les Legats les auoyent exhortés d'aller à Bologne, & encor depuis, eſtans arriués à Bologne, les auoyent admonéſtés par lettres. Et que pour toutes ces cauſes, ils ne pouuoient dire avec raiſon, de n'auoir du ſuivre les Legats, d'autant qu'ils n'auoyent point eſté d'aduis que le Concile fuſt transferé. Car, veu que les voix & ſuffrages de tous au Concile eſtoient libres, il leur auoit eſté loiſible de diſſentir des autres ſelon leur conſcience: mais, apres que le Decret auoit eſté fait par la pluralité des voix, il falloit que la moindre partie rangeaſt à icelui ſa conſcience: car autrement iamaïs ne ſe pourroit terminer choſe aucune. Quant à ce qu'ils alleguoient, que promeſſe auoit eſté baillée du retour, le Decret monſtroit en quelle forme cela auoit eſté fait. Mais encor, ſ'ils eſtoient demeurés à

Trente,

Trente, croyant que les autres y retourneroyent, pourquoy ne respon-
doient-ils aux lettres des Legats qui les admonestoyent d'aller à Bologne?
Or, quand ils disent, le prétendu soupçon de la peste, il est croyable que cete
parole *prétendu*, leur soit eschapée à l'aventure: autrement, n'ayans rien à al-
leger à l'encontre de la translation, & cependant n'allans point au lieu ou
le Concile estoit transféré, ils seroyent encourus es censures selon le Decret
de Sa Sainteté. Et quant à leur distinction, Si la cause est la leur propre, ou
celle de Dieu, elle n'est d'aucune valeur: car, entant qu'elle les concerne,
il n'y a aucun qui ait seulement pensé à leur faire aucun tort: & entant qu'elle
touche à Nostre Seigneur, c'est vne question de fait, & faut de nécessité
esclaircir ce dont il ne conte pas bien en effet. Que l'Empereur auoit ap-
pellé les Legats, prétendus Legats; & les Peres qui sont à Bologne, non Con-
cile, mais Assemblée priuée, & entassé plusieurs opprobres contre la trans-
lation: dont il auoit esté raisonnable, que Sa Sainteté euoquast à foi la cause,
non pour nourrir les procès, mais pour les esteindre & assopir. Que pour
voir, si les scandales sont nés à cause de la translation, ou à l'opposite à cause
qu'eux sont demeurés à Trente, ceci seulement suffit, que leur demeure
est cause qu'on n'y peut plus retourner. Et, quant à ce qu'ils prient Sa Sainteté
de remettre sus le Concile interrompu, s'ils entendent cela des Congre-
gations ordinaires & accoustumées, icelles n'ont iamais esté intermises:
si de la publication des Decrets, icelle a esté différée pour leur respect: & ia-
tant de choses ont esté examinées & debatues à Bologne, tant en matiere
de Foi, que de Reformation, qu'il y a de quoi faire vne longue Session. Et
pourtant prient Sa Sainteté de donner la sentence, considerant qu'aucun
Concile, hors de temps de schisme, n'a tant duré que cetui-ci: & que les E-
uesques sont desirés par leurs Eglises, auxquelles il est raisonnable qu'ils
soyent rendus. Cet escrit fut présenté à la fin d'Auril.

Après icelui, on ne proceda point plus outre en la Cause: d'autant que les *mais sans*
Cardinaux deputed ne fauoyent trouuer le moyen de venir à aucune *conclusion*,
De prononcer la translation legitime, en absence de ceux qui y contredi-
soyent, & cependant n'auoir aucun moyen de les contraindre à accepter la
sentence, estoit faire vn Schisme: encor moins voyoit-on comment les for-
cer à assister au iugement. Le Pape en estoit en grand deltoit, & ne voyoit
aucune voye de composer ces difficultés sans forme de iugement.

Pendant que ces choses se traitoyent apres la mort du Duc Pierre Louïs, le Pape
le Pape ne cessa de requerir & solliciter la restitution de Plaisance, & d'au-
tres lieux du Parmesan, saisis & occupés par l'Empereur: enquoi il se seruoit
des interets de la fille de l'Empereur, femme du Duc Otaue, fils du defunt
Pierre Louïs. Mais l'Empereur, qui auoit fait dessein d'annexer cete ville-là
au Duché de Milan: & de donner ailleurs recompense à son gendre, tiroit
le temps en longueur par diuerses responses, & ouuertures: esperant que le
Pape desia octuagenaire, & outré de la mort de son fils, & de plusieurs au-
tres fâcheries, par sa prochaine mort mettroit fin à tous ces differens. Mais
le Pape, se voyant befflé par ces delais, & molesté par les instances de re-
mettre le Concile à Trente, & offensé de la demeure continuée des Prelats
Espagnols en icelle ville, se resolut de faire au moins vne espee de diuer-
sion, & fit entendre à l'Empereur, Que ceux qui occupoyent Plaisance, vil-
le du domaine du S. Siege, estoient encourus es Censures, à la publication
desquelles il estoit resolu de venir, & mesmes d'en fulminer de nouuelles,
si cete ville ne lui estoit restituée dans vn certain temps prefix. L'Empereur
lui rescriuit vne lettre bien aigre & poignante, aduertissant le Pape, de ne
fomentier les bannis de Naples, & declarant que toutes les menées lui e-
stoient venues à notice: qu'il auoit bien entendu les calomnies qui auoyent
esté leuées contre lui, comme s'il procuroit vn Schisme, lors que pour vnir
la Chrestienté il demandoit le Concile à Trente: quant à Plaisance, qu'icel-
le estoit vn membre du Duché de Milan, induement saisi des peu d'années
par les Papes: que si l'Eglise y auoit quelque droit, qu'elle en fust apparoir,

1548.
le Pape p^r.
se à lui m^e
tre en res^te
vne ligue,
mais en
vain;

Et l'Empe-
reur voy-
ant l'ob-
stination
du Pape
fait dresser
l'Escr^{it} de
l'Interim

& lors lui Empereur ne faudroit point d'y faire ce qui seroit de raison. Le Pape, voyant que les armes spirituelles, sans les temporeles, ne seroyent d'aucun effet, se tourna à nouër vne ligue contre l'Empereur: en quoi il rencontra de grandes difficultés, & achopemens: d'autant que les Venitiens ne pouuoient estre induits à y entrer: & les François, attendu la decrepitude du Pape, requeroient l'adueu & assentiment du Consistoire, & consignations de deniers, desquels le Pape ne vouloit se desgarnir, à cause des grands despens qu'il lui falloit faire, & de la crainte de les auoir à faire, tousiours plus grands: ce qui l'auoit porté à charger ses suiets à outrance, & à vendre & engager tout ce qu'il auoit pu: & ordonner, que toutes sortes de dispenses & graces fussent expediees, à quiconque se composoit à argent pour les necessités du S. Siege. Pour le Concile, il estoit tres-resolu de ne le tenir point hors des terres de son obeissance: à quoi, outre les autres raisons qu'il auoit, il estoit poussé par celle de sa reputation, & de celle du S. Siege, qui auroit esté grandement interessée, en cas qu'il eust esté au pouuoir de l'Empereur de le forcer à faire sa volonté. Mais d'ailleurs il ne pouuoit voir en qu'elle façon il pourroit induire l'Empereur, & l'Allemagne à y consentir. De laisser aller le Concile à néant, ores lui sembloit bon, ores mauuais: & en tint souuent des propos avec les Cardinaux, tant en Consistoire, qu'en deuis priués. Mais en fin il se resolut de remettre à l'aduenture cete deliberation, à laquelle il se reconnoissoit insuffisant, non seulement pour les causes dessus dites, mais aussi pour autres grandes considerations des choses, qui se passoyent en Allemagne. Car l'Empereur, ayant, par le retour du Cardinal de Trente à Augsbourg, entendu l'intention du Pape, & la response qu'icelui auoit rendue à Mendozze à la fin de Decembre, sur laquelle il auoit donné charge de faire la Protestation, comme il a esté dit: & iugeant, que le Pape se fust mis à la poursuite de la restitution de Plaisance, pour diuertir de parler de Concile: demeura tout acertené en soi mesme, que du viuant de ce Pape, ou il ne se tiendroient point de Concile, ou qu'en tout cas la resolution tireroit en longueur: & pourtant iugea qu'il estoit necessaire, auant que desarmer, de trouuer quelque voye de composer les differens de la Religion en Allemagne. La proposition en fut faite en Diete, & fut ordonné qu'on choisiroit des personnaiges propres à ce bon ceuvre: mais, ne se pouuans accorder en ce chois entr'eux en la Diete, le tout fut finalement remis à l'Empereur, lequel en choisit trois, Iules Flüg, Michel Sidone, & Jean Illebe. Ces trois, apres longue consultation, dresserent vn formulaire de Religion, lequel par plusieurs fois fut examiné, reueu, & changé: premierement par eux mesmes, & puis par diuers personnaiges de saueur, auxquels l'Empereur le fit voir: & puis furent appelez quelques vns d'entre les Principaux ministres des Protestans, pour le leur faire approuuer. Mais icelui fut tant de fois changé, & alteré, & tant d'additions & retrachemens y furent faits, qu'on voyoit clairement que c'est vn ouurage rapiécé de plusieurs esprits, qui visoyent à buts contraires. En fin il fut reduit à la forme qui se voit, & le Legat en enuoya vne Copie à Rome, par volonté de l'Empereur, pour en auoir l'aduis du Pape: à quoi aussi la pluspart des Prelats concouroit: d'autant que, voyant les differens qu'auoyent entr'eux le Pape & l'Empereur, ils redoutoyent quelque diuision; & quel'Empereur ne lui ostast l'obeissance: chose par eux extremement abhorrée, pour l'ancrée & inueterée opinion des Prelats Allemands, de soutenir la dignité du Papat, laquelle seule peut contrecarrer l'autorité des Emperreurs, auxquels, sans l'appui des Papes, les Prelats ne peuuent resister, toutes fois & quantes que, conformément à la pratique des anciens Princes Chrestiens, ils les veulent ranger à leur deuoir, & oster les abus de la tant corcée liberté Ecclesiastique.

Cet escr^{it} contenoit trentecinq chapitres. De l'Estat de l'homme en l'integrité de la nature. De l'Estat d'icelui apres le Perché. De la Redemption faite par Iesus Christ. De la Iustification. Des fruits d'icelle. De la maniere de la receuoir. De la Charité, & des bonnes ceuures. De l'assurance de

le contenu
d'icelui,

la remission des pechés. De l'Eglise. Des marques de la vraye Eglise. De l'Autorité d'icelle. Des Ministres de l'Eglise. Du Pape, & des Euesques. Des Sacremens. Du Baptisme. De la Confirmation. De la Penitence. De l'Eucharistie. Del'extreme Onction. Des Saints Ordres. Du Mariage. Du Sacrifice de la Messse. De la memoire, intercession, & inuocation des Saints. De la memoire des trespassés. De la Communion des ceremonies, & de l'usage des Sacremens. Ce seroit chose trop prolix, & ennuyeuse, & mesmes inutile, d'en rapporter ici la substance & le contenu: veu que les succès occasionnés par celiure furent de fort peu de durée. Il fut appelé *Interim*, d'autant qu'il prescriuoit le moyen qu'il falloit tenir és choses de la Religion, par vne prouision & entretemps, iusques à ce que le Concile general en eult arresté.

Dès que la copie de cet escrit fut venue à Rome, chacun fut tout estour-
di: premierement en general, qu'un Prince temporel, en vne Assemblée se-
culiere, eust mis la main és choses de la Religion, & ce non seulement en vn
article, mais en toutes les matieres. Les gens de lettres se ressouuenoyent
du *Hymicon* de Zenon, de l'*Ethys* de Heraclius, & du *Typus* de Constant, Em-
pereurs: & des diuisions, qui auoyent esté en l'Eglise, causées par les Consti-
tutions Imperiales au fait de la Religion: & disoyent, que iusques à ce temps-
là, il y auoit eu en l'Eglise troism noms malencontreux, & infames, pour les di-
uisions qu'ils auoyent produites sous couleur d'vnion. Et qu'à ces trois anciens
pouuoit estre adiousté pour quatrieme l'*Interim* de Charles cinquieme. Ils
apprehendoyent que cet acte de l'empereur ne fust vn commencement,
qui aboutist en fin à ce à quoi estoit venu Henri huitieme d'Angleterre, assa-
uoir, de se declarer Chef de l'Eglise, avec vne estendue tant plus grande,
qu'il ne s'agissoit point d'une Isle seulement, comme estoit l'Angleterre,
mais de l'Espagne, de l'Italie, de l'Allemagne, & d'autres pais adiacens. Que
cet Escrit en apparence monstroient de contenir vne Doctrine Catholique,
mais qu'en effect icelle en estoit tres-esloignée. Et de la passant aux particu-
larités, ils reprenoyent qu'és matieres du Peché originel, de la Iustification,
des Sacremens, du Baptisme, & de la Confirmation, ne fust rapportée la mes-
me doctrine, qui auoit ia esté arrestée & déterminée par le Concile: & puis
que ce recueil estoit fait pour estre tenu iusques au Concile, & que le Con-
cile estoit ia tenu sur ces Articles, qu'estoit-il besoin de faire autre chose,
sinon de commander que les Arrests d'icelui fussent precisément gardés?
Mais que d'auoir publié vne autre doctrine, estoit aneantir le Concile, &
qu'il falloit plus que jamais auoir pour suspect le subtil artifice de l'Empe-
reur; lequel tout d'une main & coniointement faisoit si fortes instances que
le Concile fust remis à Trente, & ostoit toute autorité aux choses desia ar-
restées par icelui. Ils condannoient tout le corps de la Doctrine de l'*Interim*,
comme contenant façons de parler ambiguës, lesquelles en leur surface
pouuoient receuoir vn bon sens, mais estoient toutes veneneuses au de-
dans: & se tenant, en plusieurs parties, par vne affectée cautele, dans les seu-
les generalités, afin que les Lutheriens eussent moyen de l'interpreter à leur
auantage. Mais que de la Conuoitise il parloit totalement à la Lutheriene,
comme aussi au fait de la Iustification, laquelle il remettoit toute en la con-
fiance sur les promesses de Dieu, & attribuoit trop, voire le tout, à la foi.
Qu'au point des œuvres, il n'estoit rien dit du merite de *condigno* de dignité
& iustice, qui toutesfoies est le puiot de toute cete matiere. Qu'au point de
l'Eglise, l'vnité n'en estoit point tirée du Chef visible, ce qui est de l'essence:
& qui, puis est, auoit esté establie vne Eglise inuisible, constituée & vnée par
charité, laquelle puis apres estoit faite visible: que c'estoit là vne artificiele
& couuerte façon de destruire la Hierarchie, & d'establir l'opinion Luthé-
riene. Que d'auoir assigné, pour marques de l'Eglise, la saine Doctrine &
le legitime usage des Sacremens, estoit donner le moyen à toutes les sectes
de s'opiniastres à se tenir pour Eglise: la vraye marque, qui est l'obeissance
au Pape de Rome, n'estant point mentionnée en chef. Qu'il n'estoit nulle-

1548. ment supportable d'auoir posé le Souuerain Pontife seulement pour remede contre le Schisme, mais que les Euesques sont de droit diuin. Qu'on auoit entierement Lutheranisé le Sacrement de la Penitence, en ce qu'il estoit dit, que, l'homme croyât de receuoir par ce Sacrement ce que Christ a promis, il lui aduient comme il croit. Que du Sacrifice aussi estoit tû le principal, assauoir, Qu'il est expiator & propitiatoire pour les viuans, & pour les morts. Quant à ce que puis apres ils disoyent, sur ce qu'on auoit accordé aux Prestres de se marier, & le Calice en la Communion des Lais, chacun le peut aisément figurer, assauoir, Que par ces deux abus toute la foi Catholique est ruinée de fonds en comble. Toute la Cour de Rome croit tout d'une voix, qu'il s'agissoit de *summa verum*, que les fondemens de l'Eglise estoient esbranlés, qu'il y falloit mettre le tout pour le tout, esmouuoir tous les Princes, enuoyer à tous les Euesques de toutes nations, & dresser toutes fortes de forte baterie contre ce premier commencement, duquel indubitablement s'ensuiuroit, non certes la destruction de l'Eglise Romaine, ce qui estoit impossible, mais bien vne deformation & degastement plus grand que iamais.

mais le Pape s'auise de s'enfermer contre l'Empereur mesmes, Mais le Pape, viellard tres-sensé, & qui par l'outrésin de son iugement voyoit plus que tous les autres, penetra subitement iusqu'au fonds de l'affaire, & iugea que l'entreprise estoit salutaire pour soi, & pernicieuse pour l'Empereur. Et s'esmeruilla grandement de la prudence d'un si grand Prince, & de son conseil, que par vne victoire il cuidast estre deuenu arbitre du genre humain, & presupoist de pouuoir seul faire teste aux deux parties. Qu'il estoit bien possible qu'un Prince, adherant à l'une, opprimast l'autre: mais de vouloir combattre avec toutes deux, estoit chose outreuee, & vaine. Il preuoyoit, que cette doctrine desplairoit generalement aux Catholiques, plus qu'à la Cour de Rome, & encor plus aux Protestans, & qu'elle seroit impugnée de tous, & ne seroit defendue de personne: qu'il n'estoit ia besoin qu'il se mist en peine: que ses propres ennemis opereroyent en cela plus que lui mesmes: qu'il valoit mieux pour lui, de la laisser publier que de l'empescher: & plus encor en l'estat ou elle estoit, que reformée en mieux, afin que tant plus aisément elle tresbuchast en ruine. Que seulement il estoit besoin de trois choses: la premiere, que ce sentiment fust caché à l'Empereur: la deuxieme, qu'au plustost on donnast le mouvement & l'emprainte à l'affaire: le troisieme, que le premier coup portast contre les Protestans. Que pour effectuer la premiere, il falloit faire quelques oppositions, mais legerement, & sans beaucoup insister: pour la deuxieme, exciter & recueillir les interets des Prelats Allemands: pour la troisieme, moyener dextrement que cete Doctrine semblast ramassée, non pour vnr les deux parties, mais seulement pour mettre vn mors en bouche aux Protestans: par ou on gagneroit ce grand point, de monstrier que le Prince donnoit loi en matiere de foi, non aux fideles, mais aux deuoyés.

Donques, en suite de cela, le Pape enuoya instruction au Cardinal Sfondrate, de faire quelques oppositions: & pour ne se trouuer present, quand la Doctrine seroit publiée, de prendre son congé, & de partir. Le Cardinal, en execution de sa commission, exposa à l'Empereur, Que la permission de continuer à receuoir le Calice en la sainte Communion, voire mesmes sous condition, de ne reprendre qui ne le reçoit, veu que la coustume de receuoir le Sacrement sous les deux especes estoit pieçà surannée & abolie, estoit chose reseruée au Pape, priuatiuement à tous autres: comme aussi d'otroyer le mariage aux Prestres: tant plus, que cela n'a iamais esté pratiqué en l'Eglise: & que les Grecs, & autres Orientaux, qui n'obligent point au Celibat, accordent bien que les mariés reçoient les saints Ordres, & retiens leurs femmes exercent le ministere: mais ne permettent point, n'ont iamais permis, que les ordonnés se puissent marier. Et adiousta, que sans doute, si Sa Maiesté permettoit telles choses comme licites, elle offenserait Dieu griuement: mais, si elles les tenoit pour illicites & illegiti-

mes, c'estoit aux desuoyés auxquels il les faloit permettre, pour cuitier vn plus grand mal. Que c'est chose tolerable, voire mesmes appartenante à la prudence du Prince, lors qu'il ne peut empescher tous les maux, d'en permettre le moindre, pour en extirper le plus grand. Que Sa Sainteté, ayant veu le liure, auoit entëdu que ce n'estoit qu'une permission à ceux de la secte Lutheriene, afin qu'ils ne passassent d'un erreur en l'autre, à l'infini; mais, qu'au demeurant, aux Catholiques ne seroit permis de viure, ne de faire, sinon ce qui est prescrit par le Saint Siege, lequel seul est maistre & docteur des fideles, & seul peut faire Decrets en fait de Religion. Et d'autant que le Pape tenoit cela pour tout assureé, il remonstroit à l'Empereur, qu'il seroit necessaïre d'en faire vne declaration expresse, & de serrer encor la bride vn peu d'auantage, & sur tout au pouuoir de changer les ceremonies; veu que le dernier chapitre sembloit leur donner trop de liberté, en permettant que les ceremonies, qui pouoient bailler occasion de superstition, fussent ostées & abolies: Le Legat adiousta, Que les Lutheriens se feroient forts, qu'il leur estoit loisible de retenir les biens Ecclesiastiques qu'ils auoient vsurpés, & la iurisdiction dont ils s'estoient emparés, sinon que la restitution leur en fust expressement commandée: & que pour ce faire il ne faloit attendre aucun Concile, mais venir tout de plain saut à l'exécution: & que, veu que notoïrement il constoit de la spoliation, il ne faloit point garder beaucoup de procedures, & formalités de droit, mais tout promptement, *de plano*, & de main souveraine, faire exploiter.

Cete Censure fut par l'Empereur communiquée aux Electeurs Ecclesiastiques, lesquels l'approuuerent, & particulierement au point de la restitution des biens Ecclesiastiques: voire mesmes assuerent qu'elle estoit necessaïre, & qu'autrement il estoit impossible de reſtablir le seruice de Dieu, ne de conferuer la Religion, ne de bien assuer la paix. Et d'autant qu'il conſtoit de la spoliation, la raison requeroit qu'on procedast en cela sommaïrement. Tous les Eueſques adhererent à cet aduis. Les Princes Secliers, de peur d'offenser l'Empereur, se turent: & à leur exemple les Ambassadeurs des Villes parlerent peu, & encor de ce peu ne fut fait aucun estat. Sur la remonſtrance du Legat, l'Empereur ordonna vne preface au ſuſdit liure, de cete substance, Que, viſant à la tranquillité de l'Allemagne, il auoit reconu, qu'il estoit impossible del'establir, ſans compoſer premierement les differends de la Religion, d'ou ſont procedées les guerres, & les haines: & voyāt que pour ce faire, l'vnique remede estoit vn Concile general en Allemagne, il auoit moyené qu'icelui fuſt ouuert à Trente, & auoit induit tous les Etats de l'empire à s'y ranger, & ſouſmettre: mais, pendant qu'il pensoit à ne laiſſer les choses en ſuſpens & conſuſion, iuſques à la tenue du Concile, quelques Grands & zelés lui auoient preſenté vn formulaire, lequel ayant fait examiner par perſonnages Catholiques & de ſauoir, ils l'auoient trouué non trop eſloigné ne deſtourné de la Religion Catholique, pourueu qu'il fuſt pris en droit ſens: ſauf és deux Articles, de la Communion du Calice, & du Mariage des Prestres. Pourtant, qu'il requeroit des eſtats, qui iuſques alors auoyēt gardé les ſtatuts, & ordonnances de l'Egliſe Vniuerſelle, qu'ils euſſent à perſeuerer en iceux, ſans y alterer choſe quelconque, ſelon qu'ils auoient promis: & de ceux qui auoient innoué, qu'ils euſſent à retourner à la forme ancienne, ou à ſe conformer à la Confeſſion portée par ce formulaire, & à ſe reſcſer dans les bornes d'icelui, là ou ils auoient excédé, & à ſ'en contenter, ſans l'impugner, ni enſeigner, ni eſcrire, ni preſcher au contraire, ains à attendre la declaration du Concile. Et d'autant, qu'au dernier chapitre du formulaire il estoit permis d'oter les ceremonies ſuperſticieuſes, il ſe reſeruoit la declaration de cet Article, & de toutes les autres difficultés, qui pourroyent naiſtre. Le quinzeïeme Mai ce liure fut lu en la ſeance publique: & ne furent point demandés ne recueillis les ſuffrages & voix de tous, ſelon la couſtume: mais le ſeul Archeueſque de Mayence, premier Electeur, ſe leua, & au nom commun de tous, ſans en auoir charge, remer-

1548. cia l'Empereur, lequel prit ce remerciement pour vne approbation, & assentiment de tous. Nul ne parla en public : mais du depuis à part plusieurs des Princes, qui suiuoient desia auparauant la Confession d'Augsbourg, dirent, Qu'ils ne pouuoient aucunement accepter ce formulaire, & quelques vnes des Villes aussi dirent quelques paroles, qui designoyent le mesmes, quoi que par crainte de l'Empereur ils ne parlassent point ouuertement. Le liure, par mandement de l'Empereur, fut imprimé en Latin, en Allemand, & du depuis aussi traduit & imprimé en Italien, & en François.

*l'Empereur
fait de plus
publier v
ne Refor-
mation.*

Outre cela, l'Empereur publia le quatorzieme Iuin vne Reformation de l'Ordre Ecclesiastic, laquelle auoit esté par les Prelats, & autres personnes de fauoir, & religieuses, meurement digérée & recueillie. Icele contenoit vint deux chapitres. De l'election des Pasteurs, & de leurs promotions aux saints Ordres. Du deuoir des Ordres Ecclesiastiques. Du deuoir des Doyens, & Chanoines. Des heures Canoniques. Des Monasteres. Des escholes, & Vniuersités. Des Hospitaux. Du deuoir des Prescheurs. De l'administration des Sacremens. De l'administration du Baptisme. De l'administration de la Confirmation. Des ceremonies de la Messe. De l'administration de la Penitence. De l'administration de l'Extreme Onction. De l'administration du Mariage. Des ceremonies Ecclesiastiques. De la discipline du Clergé, & du peuple. De la pluralité des Benefices. De la discipline du peuple. Des Visites. Des Conciles. De l'Excommunication. En ces chapitres il y a enuiron cent trente ordonnances, si iustes, & pleine d'equité, qu'on peut dire, sans danger d'estre redargué, que iamais, auant ce temps la ne sortit en lumiere formulaire aucun de Reformation plus exact, & exempt d'interests, & sans cauillations, captions, & surprises : & si les seuls Prelats eussent ordonné, il n'auroit point trop desagrée à Rome, sauf en deux endroits, esquels il autorize le Concile de Basse : & en quelques autres, ou il met la main es dispenses, & exemptions Papales, & en autres choses reserues au Pape. Mais, d'autant qu'il fut establi par autorité Imperiale, il sembla encor plus intolérable, que le fait de l'Interim : la Cour de Rome tenant cete maxime fondamentale, Que les Seculiers, de quelque dignité & prudence d'homme qu'ils puissent estre, n'ont le pouuoir de donner aucune loi au Clergé, ores qu'à bonne fin. Toutesfois, n'y pouuant faire autre chose, ils supporterent cete tyrannie, (ainsi la nommoient-ils) à laquelle pour lors ils ne pouuoient résister.

*condam-
née aussi
griement
à Rome :*

*Et en outre
ordonne les
Synodes
diocésains
Et prouin-
ciaux :*

Peu de iours apres, l'Empereur ordonna aussi que les Synodes diocésains fussent tenus à la S. Martin, & les Prouinciaux auant Quaresme. Et pource que les Prelats desiroient que le Pape condescendist à consentir au moins aux Articles, qui n'estoient au dechet, & detrimement de l'autorité Papale, l'Empereur s'offrit, par escript en date du dix huitieme Iuillet, de faire toute diligence enuers Sa Sainteté, afin qu'elle se contentast de ne point de faillir à son deuoir. Cete reformation fut imprimée en plusieurs endroits Catholiques d'Allemagne, & la mesme année encor à Milan, par Innocent Ciconiaria. Le dernier Iuin finit la Diete d'Augsbourg, & le Recés fut publié, auquel l'Empereur promit de faire que le Concile seroit continué à Trente, & que bien tost il seroit remis en train. Ce qu'aduenant, il commandoit à tous les Ecclesiastiques d'y entreuenir, & à ceux de la Confession d'Augsbourg d'y aller sous son faufconduit : & que là tout seroit traité selon l'Escripture sainte, & la Doctrine des Peres, & eux seroyent ouïs.

*les Prelats
Allemands
requierent
l'excommu-
nication de ces
ordonnances
l'assistance
des mini-
stres du
Pape,*

Le Cardinal d'Augsbourg, & autres Prelats, jaloux de l'autorité du Pape, & redoutans que par ces commencemens de Confessions & de Reformations, faites, & publiées es Dietes, icelles ne fust forclosse de l'Allemagne, prièrent l'Empereur de conuier le Pape d'y enuoyer Legat expres, qui aidast à l'execution des choses arrestées : allegant, que ce seroit vn moyen, qui faciliteroit grandement la chose : d'autant que plusieurs, esquels estoit encor vif le respect du Pape, s'y employeroient bien plus promptement, quand ils verroyent que son autorité y entretiendroit aussi.

L'Empereur, s'estant figuré en son esprit, que moyennant que les troubles de la Religion fussent apaisés, toute l'Allemagne lui seroit captiuée & asservie, embrassoit toute ouuerture de facilité, s'assurant qu'il rameneroit bien puis apres les choses au point qu'il voudroit. Il fit communiquer au Pape toutes les choses, qu'il auoit faites pour la Reformation, & le conuia à enuoyer en Allemagne vn ou plusieurs Legats. Le Pape tout promptement lui despescha l'Euesque de Fano, Prelat agreable à l'Empereur, pour Nonce : sous pretexte de mieux entendre la volonté de Sa Maiesté sur sa requisi-^{1548.} tion : mais aussi pour faire ouuerture de la restitution de Plaisance, & de faire partir les Espagnols de Trente. Mais, dès qu'il eut receu la premiere responce del'Euesque de Fano, & qu'il eut mis l'affaire en consultation au College des Cardinaux, il se resolut bien tost qu'il n'estoit nullement conuenable à sa dignité d'enuoyer vn ministre, qui ne fust autre qu'executeur des Arrests Imperiaux. Mais, pour la raison, qui auoit mu le Cardinal d'Augsbourg, il prit vne voye du milieu, d'enuoyer des Nonces, non pour l'effet que l'Empereur designoit, ains pour ottroyer graces & absolutions, s'imaginant que cela seroit des effets admirables, pour soustenir son autorité, sans encourir le preiudice de consentir qu'autres vsurpassent le pou-^{l'Empereur y consent,} uoir, lequel il pretendoit ne deuoir appartenir qu'à lui seul.

Donques, sur ce proiet, il despescha, apres l'Euesque de Fano, les Euesques de Verone, & de Ferentin, pour ses Nôces en Allemagne, auxquels il enuoya par aduis & communication avec les Cardinaux, vne Bulle, en date du dernier Aoust, leur baillant commission de declarer à ceux, qui voudroyent retourner à la verité Catholique, qu'il estoit tout prest & appareillé de les embrasser, sans se rendre difficile à leur pardonner, pourueu seulement qu'ils se disposassent, non à donner les loix, mais à les recevoir: remettant à la conscience des Nonces de relascher quelque chose de l'ancienne discipline, là où ils verroyent que cela se pult faire sans scandale public: & pour cet effet leur donnoit pouuoir d'absoudre à pur & à plein, en l'vne & en l'autre Cour, tant Ecclesiastique que Secliere, toutes sortes de personnes seclieres, voire mesmes Rois, & Princes, Ecclesiastiques, & Reguliers; Colleges, & communautés, de toutes excommunications, & autres Censures: & aussi des peines temporelles, encouruës pour cause d'heresie, ores qu'ils fussent relaps: & de dispenser des irregularités, esquelles ils pourroyent estre tombés pour raison quelconque, voire mesme pour bigamie: & de les reintegrer en leur honneur, bonne fame, & dignités: mesme avec pouuoir de moderer, ou remettre totalement toute abiuration, & penitence due, & de deliurer les communautés, & les personnes particulieres de toutes pactions & conuencions illicites, contractées avec les desuoyés, les absolvant des sermens & hominages prestés, & des pariures, lesquels iusques alors ils pourroyent auoir encouru pour aucunes inobseruances passées: & mesmes d'absoudre les Reguliers del'apostasie, leur donnant permission de porter l'habit regulier couuert sous celui de Prestre seclier, & d'ottroyer licence à toutes personnes, voire mesmes Ecclesiastiques, de pouuoir manger chair, & viandes defendues, es iours de Quaresme, & de iusne, par l'aduis & conseil du Medecin spirituel, & corporel, ou bien du spirituel tant seulement, voire mesmes sans icelui, s'ils le trouuoient à faire ainsi: & de moderer & restreindre le nombre des festes: à ceux; qui auoyent receu la Communion du Calice, en cas qu'ils la demandassent humblement, & confessassent que l'Eglise n'erre point en la refusant aux Lais, de la leur accorder à vie, ou pour le temps qui leur plairoit: pourueu que cete Communion se fust & celebrast en temps & lieu differrent de celle, qui se fait suiuant le Decret de l'Eglise. Il leur ottroya aussi pouuoir d'vnir les Benefices Ecclesiastiques aux Escholes, & Vniuersités, où mesmes Hospitaux: & d'absoudre les vsurpateurs des Benefices Ecclesiastiques, apres la restitution d'iceux, & de tranfiger pour les fruits saisis & pereus, & pour les meubles consumés: avec autorité de communiquer ces mesmes pouuoirs à d'autres signalées personnes.

1548.
grande-
ment In-
dignée :

Cete Bulle courut par tout, ayant esté imprimée pour la raison, qui sera dite ci apres, & donna suiet de parler. Et premierement pour la preface, en laquelle le Pape disoit, Qu'és troubles del'Eglise, il s'estoit consolé sur le remede, que Christ auoit laissé, que le grain de l'Eglise, criblé par Satan, seroit cōserué par la foi de Pierre: & sur tout, dès qu'il y auoit employé le Concile general. Comme si l'Eglise n'auoit surquoi se fonder, que sur lui, & sur soixante personnes assemblées à Trente. On attribuoit aussi à grande presumption d'entreprendre de restablir & reintegrer en leurs honneurs, fame, & dignités, les Rois, & les Princes. On remarquoit en outre la contradiction, d'absoudre des sermens illicites: car, les illicites n'ont nul besoin d'absolution, & les vrais & legitimes sermens ne peuuent estre absous par aucun. Semblablement tenoit-on pour contradiction, d'octroyer le Calice, tant seulement a ceux, qui croient quel'Eglise n'erre point defendant le Calice aux Lais. Car, comment est-il possible d'auoir vne telle creance, & cependant rechercher den'estre compris en la defense & prohibition? Mais, à peine se pouuoit-on tenir de rire, lisant la condition appossée à l'absolution des Moines sortis du Cloistre, de porter l'habit couuert: comme si le Royaume de Dieu consistoit en quelque couleur, ou façon de vestement, laquelle si l'on ne porte en monstre au dehors, il soit toutesfois necessaire de l'auoir au dedans, & en secret. Mais, nonobstant que lad eputation des Nonces eust esté faite en diligence, l'expedition toutesfois en fut différée iusques à l'année suiuiante: d'autant que l'Empereur ne se contenta point de la forme de cete Bulle, en laquelle n'estoit faite nulle mention d'assister, ni d'autoriser les prouisions & reiglemens faits par lui: & d'ailleurs aussi le Pape ne voulut jamais condescendre, qu'à cela entreuint aucun Ministre en son nom.

et peu
errée par
l'Empereur

lequel tra-
uailla à son-
ner son In-
terim par
tout, & y
trouua gra-
des oppo-
sitions.

L'Empereur, estant parti d'Augsbourg, fit toute diligence, à ce quel *Interim* fust receu par les Villes Protestantes, & trouua par tout des resistances, & des difficultés: & n'y eut aucun lieu, ou il n'y rencontra de la fâcherie: d'autant que les Protestans detestoyent cet *Interim*, encor plus que les Catholiques mesmes. Ils disoyent, que c'estoit vn total establisement de la Papauté: ils blasmoient sur tout la doctrine de la Iustification, comme elle y est conceuë, & que la Communion du Calice, & le Mariage des Prestres, fussent reuocqués en doute. Le Duc Iean Friderich de Saxe, quoi que prisonnier, dit librement, Que Dieu, & sa conscience, auxquels il estoit obligé sur toutes choses, ne lui permettoient point de l'accepter. Es lieux, esquels il fut receu, aduinrent infinis accidens, varietés, troubles, & alterations: si qu'en chaque lieu il fut receu diuersement, & avec tât de limitations, & de conditions, qu'on peut dire qu'il fut plustost reiecté de tous, qu'accepté d'aucun. Et mesmes les Catholiques ne se soucioient point d'en aider l'introduction & establisement, comme ceux qui ne l'approuuoient point aussi. L'Empereur fut aucunement arresté par la modeste liberté d'vne petite, & foible ville, laquelle le supplia, que, estant maistre des biens & de la vie de tous, il leur permist que la conscience fust à Dieu. Que si la doctrine, qui leur estoit presentée, estoit receuë par lui mesmes, & tenue pour veritable, ils auroient vn grand exemple à ensuiure: mais que Sa Maiesté vueille les forcer à recevoir & croire choses, qu'elles mesmes ne tiennent point pour veritables, & ne fuit point, leur sembloit chose qui ne pouuoit se construire, ne bien accorder. Au mois de Septembre l'Empereur alla au pais bas, ou il eut des difficultés encor plus grandes. Car les Villes de Saxe vsèrent de beaucoup de desfaictes & excuses, pour ne point recevoir l'*Interim*: & la ville de Magdebourg s'y opposa formellement, mesmes avec quelque sorte de mepris: dont elle fut mise au ban de l'Empire, & soustint vne longue guerre, laquelle entre tint le feu allumé en Allemagne, lequel trois ans apres brusta & reduisit en cendres les trophées de Charles V. comme il sera dit en son lieu. Pour ces confusions, & pour donner ordre de faire prestre aux Flamens le serment de fidelité à Philippe son fils, l'Empereur en fin laissa l'Allemagne, & passa à ses Estats du Pais bas. Et combien qu'il eust seuerement defendu, qu'aucun n'eust

et sur tout
à Magde-
bourg, qui
en est pro-
scrite.
L'Empe-
reur se re-
tourne an
Pays bas.

n'eust à impugner la doctrine de l'*interim*, ni à escrire, enseigner, ou prescher à l'encontre, plusieurs d'entre les Protestans ne laisserent point pourtant de la combattre par escrits publiés. Le Pape aussi, iugeant que le bien de ses affaires le requeroit ainsi, bailla charge à François Romeo, General de l'Ordre de S. Dominic, d'assembler les plus sauans de son Ordre, & par leur aduis, & communtraual, dresser vne forte & solide refutation du mesme *Interim*. Plusieurs aussi en France escriuirent à l'encontre: & en peu de temps, il y eut vn gros essai d'escrits des Catholics, & des Protestans, & fut tout des villes Hansiaticques, contre iceluy: & arriua, ce qui coustumierement aduient, lors qu'on entreprend d'appointer des opinions contraires: c'est qu'on rend les deux parties bien accordantes à oppugner la moistoyne, mais plus fixes & opiniastres chacune en la sienne propre. Il fut bien aussi cause de quelque diuision entre les mesmes Protestans: car ceux, qui par force auoyent en partie cédé à l'Empereur, & auoyent reestabli les ceremonies anciennes s'excusoient, disant, Que ces choses estoient indifferentes, & qu'il n'importoit point plus au salut de les reietter, que de les accepter: & qu'il estoit loisible, voire necessaire, de supporter quelque seruitude, quand il n'y a point d'impieté coniointe: & que pourtant en ces choses on estoit tenu d'obeir à l'Empereur. Mais les autres, qui n'auoyent pas esté forcés par la necessité, disoient, Qu'il est bien vrai, que les choses indifferentes n'importent point au salut: mais aussi, que par le moyen des indifferentes on en fait couler des pernicieuses: & passans plus outre, formerent cette generale conclusion, Que les ceremonies, & obseruances exterieures, quoi que de leur nature indifferentes, deuient mauuaises, lors que celui qui les pratique a opinion qu'elles soyent bonnes, ou necessaires. Et de là nasquirent deux sectes, qui passerent du depuis à d'autres differends entr'eux, & ne furent iamais bien reconciliées.

Les affaires de la Religion ne se passoyent point auec moins de troubles & troubles en Angleterre: Car Eduard, Comte de Hertford, oncle maternel du ieune Roi Eduard, ayant acquis grande creance & autorité aupres de son neveu, & des grands du Royaume, prit, ensemble avec Thomas Cramer, Archeuesque de Canturberi, à fauoriser les Protestans, & introduisit aucuns de leurs Docteurs: & apres auoir ietté quelque fondemens de la Doctrine, sur tout par mila noblesse, il conuoqua, par decret du Roi, les Estats du Royaume, qu'ils appellent Parlemens, par lequel fut interdite la Messe par tout le Royaume. Mais, peu de temps apres s'esmut, vne grosse sedition du peuple, qui demandoit le reestablisement des edits de Henri huitieme, en faueur de la Religion ancienne: dont nasquit grande confusion & dissension au Royaume.

Le temps prescrit de la Saint Martin venu, quoi que les troubles & confusions fussent tresgrandes en Allemagne, on ne laissa pas de tenir des Conciles diocesains en plusieurs villes, esquels la nouuelle reformation de l'Empereur fut receuë, changeant seulement la forme, selon qu'il sembloit plus conuenable à la propre maniere & façon de decreter de chaque diocese, sans toutes fois faire aucune prouision ou establisement pour l'execution: si bien qu'on voyoit à l'œil que toutes ces reformations n'estoyent ordonnées que pour vn pur entretien & apparence. Auant Quaresme ne fut tenu aucun Concile Provincial, selon le decret de l'Empereur. Mais au commencement du Quaresme, l'Electeur de Cologne commença le sien: duquel voici l'extrait & abbrege. Apres auoir exposé la necessité qu'il y auoit de reformer & corriger le Clergé, estoit adiousté, Que toute l'esperance auoit esté remise au Concile de Trente, qui auoit esté ouuert avec quelque heureux succès: mais que toute cete esperance ayant esté senée par l'inopinee dilation, causée par la discorde des Peres au fait de la translation d'icelui, l'empereur, pour ne faillir à son deuoir, apres auoir subiugué les rebelles par armes, auoit reestabli la doctrine & les ceremonies Catholiques, remettant au Concile seulement la determination de deux Articles, & auoit aussi

1549.

donné ordre à la Reformation du Clergé: en execution dequoy le Synode de Cologne, apres plusieurs traités, le Dimanche de la Passion, auoit establi vne forme conuenable à sa Metropolitaine. Puis suiuoyent les Decrets, esquels n'estoit traitée aucune matiere de foi, mais seulement les moyens de reformer la discipline, en nombre de six, de la restauration des Escholes, de l'examen de ceux qui doiuent estre promus aux saints ordres, de l'office de chacun ordre, de la visite, des Synodes, du reſtaſſement de la iurisdiction Ecclesiastique: avec beaucoup de decrets à chaque chapitre: sur chacun desquels estoit fait vn long discours, avec beaucoup d'ordonnances: chose belle, pour vn traité speculatif. Et finalement estoient adiouctés trente huit chapitres, pour le reſtaſſement des anciennes ceremonies, & vsages de l'Eglise. Les Pais bas, hereditaires de l'Empereur, sont suiers à la Metropolitaine de Cologne: & pourtant, l'Empereur, ayant receu ce Concile, & l'ayant fait examiner par ses Conseillers & Theologiens, l'approuua par ses lettres en date du quatrieme Iuillet, & commanda qu'il fust receu & obserué par toutes ses terres, enioignant aux Magistrats, qu'à la premiere requeste ils prestassent aide & confort à l'execution.

Sebastien, Eleſteur de Mayence, ne garda pas le meſme ſtyle: car, ayant aſſemblé le Concile de ſa prouince, trois ſemaines apres Paſques, il y fit quarantehuit decrets de doctrine de foi, & cinquanteſix en matiere de reformation. Es chefs de foi, il a decidés par le Concile de Trente, il ſuiuit la meſme doctrine: & autres, la plus commune opinion des Scholaſtics, s'abitenant des points controuers entr'eux. Entre ceux-là ſont notables les chapitres quarantvn, & quarante deuxieme, ou il enſeigne, & replique, Que les images ne ſont point propoſées pour les adorer, ou leur rendre aucun ſeruice, mais ſeulement, pour rememorer ce qu'il faut adorer. Et, que ſi en aucun lieu il y a concours de peuple à quelque Image, & qu'on voye que les hommes lui attribuent en quelque façon aucune opinion de diuinite, qu'on l'oſte, ou bien qu'on y en mette, en ſa place, quelque autre differente en grandeur: afin que le peuple ne ſe perſuade, ou imagine, que Dieu, & les Saints, ſoient induits à faire ce dont ils ſont priés, par le moyen de cet image, & non autrement. Le quarantecinquieme auſſi n'eſt pas moins digne de conſideration, là ou il poſe, Que les Saints doiuent eſtre honorés, mais d'un ſeruice de ſocieté, & dilection, de meſmes qu'on peut auſſi legitiment honorer les ſaints hommes en cette vie: ſauf qu'à honorer les Saints bien-heureux, & glorifiés, il y faut apporter plus de deuotion, comme ceux qui ſont en eſtat plus aſſeuré que les autres. Lesquelles explications, bien conſiderées, monſtrent, combien en ces temps-là eſtoient differentes les opinions des Prelats d'Allemagne Catholiques, de celles de la Cour de Rome, & de la pratique introduite apres le Concile de Trente. Et chacun peut, par l'exemple de ce Concile, qui a decreté tant d'articles de religion, ſ'eſclaircir du peu de verité qu'il y a, en ce que les Papes ont tant de fois fait dire & preſcher en Allemagne, Que les affaires de la Religion ne peuuent eſtre traitées en vn Concile National. Et combien qu'on puiſſe faire plus de fondement ſur diuers Conciles prouinciaux, celebres en Afrique, Egypte, & Syrie, & autres lieux d'Orient; cetui-ci toutesſois, comme moderne, quoi que non tant important, attirera peut-eſtre d'auantage la conſideration du lecteur. L'Eleſteur de Treues celebra auſſi ſon Synode: comme ſemblablement firent les autres Metropolitains, qui ne ſ'eſtoient point diſtraits de la communion du Pape de Rome, tous publians les edits Imperiaux d'Augsbourg, tant pour l'Interreligion, que pour la reformation Ecclesiastique.

depart des Nonces du Pape vers l'Empereur Les Nonces, qui auoyent dès l'année precedente eſté deſpurés, mais l'en-
Nonces du uoi desquelſ auoit eſté differé pour les cauſes ſuſdites, ſe mirent cete an-
Pape vers née mil cinq cens quaranteneuf en voyage pour Allemagne: & par tout ou
l'Empereur ils paſſoyent, ils eſtoient meſprisés par les Catholiques meſmes: tant s'eſtoit,
pour les differens avec l'Empereur, & pour les procedures tenues, rendu
odieux le nom du Pape, & l'habit & les enſeignes de chaque ſien miniſtre.

En fin, à l'issuë de Mai ils allerēt à l'Empereur au Païs bas: & là fut beaucoup disputé du moyen d'exécuter les commissions du Pape: & se trouuant des difficultés en tout ce qui estoit proposé, par l'vne ou par l'autre des parties, finalement l'Empereur resolut, Que; puis que le Pape leur auoit baillé pouuoir de substituer, qu'ils substituassent les Euesques, chacun en son diocèse, & autres principaux Prelats en autres iurisdiccions, remettant le tout à la conscience d'eux. Ce parti ne fut gueres promptement accepté par les Nonces: mais toutesfois en fin ils y condescendirent, & fut imprime vn Indult, sous le nom des trois Nonces, laissant en blanc le nom du Prelat, auquel chaque copie deuoit estre adressée. En icelui premierement estoit insérée toute la teneur de la Bulle Papale: puis apres alleguant pour cause de la substitution, qu'ils ne pouuoient estre en tous lieux, ils communiquoyent leur pouuoir & autorité au Prelat, mais avec esgard & circonspection de ne point accorder la Cômunion du Calice, & l'vsage de la chair, sinon avec grande & meure consideration, & avec euidente vtilité, defendant de prendre aucun payement pour ces graces. L'Empereur se chargea d'en enuoyer les copies à qui, & où il appartenoit: & par tout où il les adressoit, il faisoit entendre qu'on y procedoit avec douceur, & dextérité. L'vsage de ces pouuoirs se reduisit à fort peu de chose: car, ceux qui perseueroient en l'obeissance du Pape, n'en auoyent point de besoin: & ceux, qui s'en estoient alienés, non seulement ne se soucioient point de cete grace, mais mesmes la refusoient. Peu de iours apres l'Euesque de Ferentin se partit: mais ceux de Fano, & de Verone demourerent aupres de l'Empereur, tant que l'Archeuesque de Siponte y fut enuoyé par le Pape lules troisieme, comme il sera dit en son lieu.

Le Roi de France, en cemesme temps, fit sa premiere entrée à Paris, le quatrieme Iuillet: & fit faire vne solennele procession, publiant quant & quant vn Edit, par lequel il declaroit la cause de cete procession au peuple, assauoir, afin que tous fussent aduertis, qu'il prenoit en main la protection de la Religion Catholique, & du S. Siege, & la defense de l'Ordre Ecclesiastique: & qu'il abhorroit les nouveautés de la Religion: tesmoignant à tous, que sa volonté estoit de persister en la doctrine de l'Eglise Romaine, & d'exterminer de tout son Royaume les nouueaux heretiques. Et fit imprimer cet Edit en langue Françoisse, & l'enuoya par tout son Royaume. Il donna aussi permission à ses Prelats de faire vne assemblée nationale, pour reformer les Eglises: ce qui estant venu à notice à Rome, fut tenu de mauuais exemple, comme si c'estoit vn commencement de faire l'Eglise Gallicane independante de celle de Rome. Le Roi fit aussi exécuter à mort plusieurs Lutheriens à Paris, voulut lui mesme en personne estre present à ce spectacle: & au commencement de l'annee suiuant il reïtera le mesme Edit contr'eux, imposant grieues peines aux Iuges, qui n'vseroient de toute diligence à les descouurir & punir.

Or, le Concile ayant esté comme endormi deux ans durant à Bologne, il Le Pape aduint le septieme de Novembre, que le Pape, à la veuë d'une lettre du Duc Paul III. Otaue Farnese, son neveu, qui lui escriuoit, qu'il se vouloit accorder avec Ferdinand Gonzague, Gouverneur de Milan, pour entrer en Parme, laquelle ville le Pape faisoit tenir au nom du Saint Siege, fut assailli d'un si grand trouble, & esmotion d'esprit, & de tant de couroux, qu'il en tomba en defaillance & pamsion, de laquelle s'estant reuenu de là à quelques heures, il se trouua saisi de fièvre, dont il mourut dedans trois iours. Cela fit partir le Cardinal de Monte de Bologne, afin de se trouuer à l'election du nouueau Pape, & à son exemple toutes autres Prelats se retirerent en leurs maisons. La coustume porte, que par l'espace de neuf iours les Cardinaux font les obseques au Pape defunt, & au dixieme ils entrent dans le Conclau. Mais lors, à cause de l'absence de plusieurs, l'entrée fut différée iusques au vint-huitieme du mois. Le Cardinal Pacieco ne partit point de Trente, tant que l'Empereur, apres auoir receu les nouuelles de la mort du Pape, ne lui eust

1549.
Conclane
pour l'ele-
ction du
Pape,

ordonné d'aller à Rome, là où il arriva plusieurs iours apres que le Conclane fut clos. Or, les Cardinaux estans assembles en icelui, pour la creation du Pape, furent, selon la coustume, dressés les Articles, lesquels chacun iura de garder, cas aduenant qu'il soit élu Pape: & entre les premiers fut celui de faire continuer le Concile. Chacun croyoit que le nouveau Pape seroit élu au 1^{er} Noël: d'autant qu'à la veille d'icelle feste deuoit estre ouuerte la Porte dorée, pour le Jubilé de l'année mil cinq cens cinquante: à quoi necessairement estoit requise la presence du Pape: & d'autant qu'en cete année-là il y auoit vn grand concours de peuple à cete deuotion, chascun croyoit que les Cardinaux seroyent mus de cete raison, pour acclereler l'election.

diuise en
factions, &
pour tant
long tems
ouuert.

Les Cardinaux estoient diuises en trois partis, Imperiaux, François, & dependans du Pape defunt, & par consequent de ses neueus. Les Imperiaux portoyent le Cardinal Polus, & les François le Cardinal Saluati.

Mais nul de ces partis n'estoit suffisant pour emporter l'election: & mesmes ne pouuoient conuenir entr'eux, à cause des diuers desseins & interests de leurs Princes. Le parti des Farneses estoit pour l'emporter, toutesfois & quantes qu'il se fust adioint à l'un des autres, & agreoit assez le Cardinal Polus, pour la bonté & prud'homie de son naturel, & pour sa continuele obsequance, respect & submission au Pape Paul, & au Cardinal Farnese. Mais, d'autant que le Cardinal Theatin, ou Caraffe, le chargeoit d'estre entaché des opinions Lutherienes, plusieurs se retirerent de lui. Farnese n'enclinoit nullement à Saluati, & estoit resolu de ne consentir à l'election d'aucun qui ne fust creature de son ayeul. Les interests des partis estoient si grands & puissans, que le respect de l'année sainte, & l'arrete d'un si grand peuple, qui mesmes ce iour-là demeura amassé iusques au iour close, ne purent preualoir.

en fin se re-
sout à l'e-
lection de
Paul III.

En fin le parti des Farneses, fortifié par les François, l'emporta, & fut crée Pape Iean Marie de Monte, lequel auoit esté Legat au Concile à Trente, & à Bologne: & Farnese y entendit, comme à vn fidele seruiteur de son ayeul, & sien: & les François, comme à lui qui estoit en estime d'estre affectionné aux affaires de leur Roi, & aliéné de l'Empereur, pour raison de la translation du Concile. Les Imperiaux aussi n'y furent pas beaucoup contraires, pource que Cosme, Duc de Florence, auoit respondu pour lui qu'il n'estoit François, sinon en tant qu'il s'y sentoit obligé par la reconnoissance due au Pape, aux interests duquel il auoit cru estre tenu d'adherer: si bien que, cete cause ostée, il se porteroit à la raison. Plusieurs aussi aimoyent en lui la liberré du naturel, estoigné d'hypocrisie & dissimulation, & ouuert à tous. Soudain apres l'election, selon qu'il auoit esté capitulé, il iura de continuer le Concile. Il fut élu le huitieme Feurier, & couronné le vinttroisieme, & le vintquatrieme il ouurit la porte dorée. L'Empereur, voyant que les affaires de la Religion en Allemagne n'alloient pas à son gré, & esperant que par sa presence il pourroit surmôter les difficultés, intima vne Diete à Augsbourg, pour cete année-là: & enuoya Louis d'Auila au Pape, pour se conioiur avec lui de son assumption, & pour le requerir de remettre sus le Concile. Le Pape lui voulut correspondre par egale courtoisie, & lui fit de grands offres de sa bienveillance: mais sur le fait du Concile ne respondit que par paroles generales, n'en ayant encor arresté chose aucune en soi-mesme: & en parla avec la mesme resolution au Cardinal de Guise, qui estoit sur son depart, pour retourner en France: lequel toutesfois il assura qu'il ne viendrait iamais à le faire, qu'il n'en eust premierement communiqué avec le Roi de France.

L'Empereur
remet sus
le negoci-
ations de re-
mettre le
Concile à
Trente a
uec le Pape
Paul,

Et au Cardinal Pacico, qui lui en tint souuent propos, & aux autres Imperiaux, il disoit, Qu'aïsement il en conuiendrait avec l'Empereur, toutesfois & quantes qu'on y procederoit sincerement: & que le Concile se tiendrait pour confondre les heretiques, & pour fauoriser les affaires de l'Empereur, mais non des fauoriser celles du S. Siege. Sur quoi il auoit diuerses grandes considerations, lesquelles en temps & lieu il seroit entendre à Sa Maïesté. Mais il donna bien tost indice quel seroit son gouuernement, en passant le temps des iours entiers en des iardins & vergers, & faisant des-

duquel le
concile est
deserté.

seins de bastimens de plaissance, & se montrant plus enclin aux voluptés qu'aux affaires, sur tout aucunement difficiles. D. Diego de Mendozze, Ambassadeur del'Empereur, ayant diligemment considéré ces choses, escriuit à l'Empereur, qu'il esperoit que toute negotiation, qu'il plairoit à Sa Maieité entamer avec le Pape, réussiroit aisément: d'autant, qu'en lui faisant peur, ou lui feroit faire tout ce qu'on voudroit, comme à vn homme porté aux plaisirs. L'opinion, que le Pape feroit plus adonné à ses affections particulieres, qu'aux affaires publiques, fut grandement confirmée par la promotion qu'il fit le trentevnième de Mai d'un Cardinal, auquel selon la coustume ordinaire, il remit son chapeau, duquel l'histoire est telle.

Pendant que Iean Marie de Monte, encor Euesque de Siponte, estoit au gouvernement de la ville de Bologne, il receut en sa maison, & au nombre de ses serviteurs domestiques, vn ieune enfant Plaissant, duquel la naissance & extraction est demeuree inconnue au monde: & le prit en aussi grand amour, comme s'il eust esté son propre fils. Il est memoire, qu'icelui estant tombé malade à Trente d'une griue & longue maladie, dont les Medecins le iugeoyent à la mort, le Cardinal de Monte, par conseil des mesmes Medecins, l'enuoya à Verone, pour changer d'air: là ou il reconualut, & retournant à Trente, le Legat sortit hors de la ville le mesme jour de son arrivée, comme par maniere de pourmenade, accompagné de grand nombre de Prelats, & le rencontra pres de la ville, avec grand feste & signes de de ioye: ce qui donna beaucoup à parler, soit que ce rencontre eust esté à l'aventure, soit que le Cardinal à dessein, sous autre couleur, lui fust allé au deuant. Il souloit dire, qu'il l'aimoit, & le fauorisoit, comme ouvrier de sa fortune: attendu que les Astrologues auoyent predicé à ce ieune homme grandes richesses, & dignités, auxquelles il ne pouoit paruenir, sinon que lui paruinist au Papat. Incontinent apres sa creation, il voulut qu'Innocent (tel estoit le nom de ce ieune homme) fust adopté par Baudouin de Monte, son frere, & par le moyen de cete adoption il aquit le nom d'Innocent de Monte: & apres lui auoir conféré beaucoup de Benefices, le iour susdit il le crea Cardinal, donnant beau-champ aux discours & pasquinades des Courtisans de Rome, qui à l'enui professoient de dire la vraye cause d'une tant estrange, par coniectures de diuers accidens apassés.

L'Empereur Charles, auant que partir du Pais bas, fit publier l'establissement del'Inquisition en ces estats-là, dont il eut de grandes esmotions & alterations entre les marchands Allemands & Anglois, qui se trouuoient en ces pais-là en tres grand nombre, lesquels recoururent à la Roine Marie gouvernante, & aux Magistrats, requerans moderation de l'Edit: & au defaut de ce, protestoient de vouloir partir. Dont ceux, qui auoyent charge d'exercer cet Edit, & d'establir l'Inquisition, trouuans de l'empeschement quasi partout, la Roine Marie fut contrainte d'aller trouver l'Empereur à Augsbourg, ou il estoit pour tenir la Diete, afin de preuenir que ce pais tant frequenté ne se desertast, & qu'il n'en sourdist quelque notable sedition. L'Empereur s'y laissa persuader avec beaucoup de resistance & difficulté: toutesfois à la fin il se contenta d'oster le nom d'Inquisition, qui estoit odieux, & de reuoker tout ce qui concernoit les estrangers en l'Edit, mais voulut que ce qui regardoit les naturels du lieu, demeurast ferme. L'Empereur fit tout deuoir enuers le Pape, par lettres & par son Ambassadeur, qu'il remit sus le Concile de Trente, requerant de lui vne response nette & precise, non en termes generaux, comme celle qu'il auoit donnée à d'Auila; ni ambigus, comme celle qu'en auoit remporté le Cardinal Pacico: mais qu'il se fust entendre des conditions qu'il desiroit, afin que lui Empereur se pust resoudre, s'il deuoit traiter de remedier aux maux del'Allemagne par cete voye-là, ou bien penser à d'autres remedes: attendu qu'il estoit impossible de durer plus en cet estat.

Le Pape, s'estant retiré en conseil estoit avec ses plus affidés, & considerant que c'estoit là la plus importante deliberation, qui pust eschoir en son Pontificat, balança les raisons, qui pouoyent le persuader, ou dissuader.

1550.
venant à ses
plaisirs,

& posséd
d'aff. Etims
estrangers:

L'Empereur
institute
l'Inquisition
au
Pays bas,

Laquelle il
est con-
trainct de
moderer:

le Pape con-
sultel r.
tour du

1550.
Concile de
Trente.

& pour
plusieurs
grandes
causes s'y
resont :

Il consideroit en premier lieu, Que remettant le Concile à Trente, il con-
dannoit la translation d'icelui à Bologne, faite principalement par son en-
tremise : & par mesme moyen venoit à auouer d'auoir mal fait, soit de sa
propre volonté, soit du mouuement d'autrui. Et encor, s'il n'y eust eu que la
seule translation, ce ne seroit pas chose de si grande consequence : mais, de
s'estre rendu partie pour la soutenir, voire mesmes avec vehemence & a-
nimosité, ne pouuoit estre excuse de malice, en cas qu'il se retradaist avec-
tant de facilité. Et, ce qui importoit le plus, il venoit à mettre soi, & le S.
Siege, en tous les dangers, de lesquels Paul troisieme, Prince tres-prudent,
auoit iugé se deuoit vne fois pour toutes mettre à couuert, ayant persisté
en cet aduis iusques à la mort, que ce seroit vne faute trop lourde d'y ren-
trer. Et, quoi que peut-estre les courages de plusieurs ne fussent point autre-
ment mal disposés contre lui, comme nouveau Pape, que toutesfois c'est
chose ailleure, que la plupart pretendent grief non du Pape, mais du Papat :
& mesmes que, pour le particulier de sa personne, il n'y auoit nulle asseu-
rance, qu'avec le temps ne pust arriuer chose, qui lui causast plus grande
haine, mesmes sans aucune siene faute. Ioint que tous les hommes ne s'es-
meuent pas par la haine : mais ceux, qui sont les plus dangereux & nuisibles,
le sont pour s'auancer par la depression & abaislement des autres. Et pour-
tant qu'on pouuoit conclurre, que les mesmes raisons, qui auoyent cōtraint
le Pape Paul, necessitoient aussi le Pape Iules à la mesme resolution. Mais
aussi d'ailleurs il consideroit les grands ennuis & molestes, que le Pape Paul
auoit soutenues par l'espace de vint-six mois pour cete cause, & les indi-
gnités qu'il lui auoit falu deuorer, & le dechet de l'autorité Papale qui en
estoit arriué, non seulement en Allemagne, mais aussi en Italie : & que si ce
refus auoit causé grand rabais à Paul, fondé & establi au Papat par l'espace
de tant d'années, & monté à si haut point de reputation, combien plus le fe-
roit-il enuers lui, nouveau Pape, qui n'auoit encor nouë les intelligences, &
les habitudes necessaires, pour entreprendre vne telle resistance ? Que s'il
arriuoit qu'on lui portast en face vne protestation, ou quelque Arreist sem-
blable à l'*interim*, son autorité seroit foulée aux pieds, & generally vilipendée.
Qu'il ne falloit point mettre en compte le deuoir qu'il auoit ren-
du à transferer le Concile, & sa fermeté à maintenir la translation : car, par le
changement de sa condition & fortune, il auoit aussi changé tout ce qui en
dependoit : & les actions du Cardinal Iean Marie de Monte n'appartenoyent
point au Pape Iules : & que les choses qui donnoient reputation à celui-là,
n'estoyent point pour la donner à cetui ci : qu'alors il auoit falu faire come
me il auoit fait, pour se monstrier fidele seruiteur de son maistre : mais, qu'à
present, qu'il estoit sans maistre, cessoit tout à fait l'esgard de demonstrier
constance à bien seruir : & en lieu d'icelui en venoit vn autre, qui requeroit
prudence à s'accōmoder. Il consideroit combien estoit specieus le deman-
de de l'Empereur, puis qu'il s'agissoit de la reduitiō de l'Allemagne, & com-
bien grand seroit le scandale de ne l'auoir voulu exaucer. Que les causes,
qui induisoient au Concile, estoyent patentes, & notoires à tous : que cel-
les qui le dissuadoient, estoyent secretes, & couuē, de peu de gens. Et fina-
lement que le serment fait & reiteré deuoit estre tenu en reuerence & esti-
me : & quoy qu'icelui obligeast à suiure le Concile, sans aucune prescription
de lieu, que toutesfois il estoit impossible de faire Concile general contre
le vouloir de l'Empereur, qui ensemble estoit Roi d'Espagne, & de Naples,
& Prince des Païs bas, avec autres adherances en Italie & ailleurs : si bien
que de refuser de remettre le Concile à Trente estoit vne mesme chose, que
de ne le vouloir point poursuivre pour tout. Il enclinoit plus à cet aduis,
comme plus conforme à son naturel, plus desirieux d'euitier les incommo-
dités presentes, que de preuenir les dangers à venir : & croyoit que, chois-
sant ce parti, il se deliuroit de la fâcherie que lui donneroit l'Empereur : &
quant aux dangers que le Concile pourroit apporter, il commença à en faire
moins d'estat : & pensoit que la fortune de l'Empereur n'estoit pas la mesme
lors, que deux ans auparauant : qu'alors il estoit fort estimé pour l'attente de

la Victoire, laquelle de vrai il auoit obtenuë; mais qu'à present icelle lui estoit plustost de charge & difficulté, qu'autrement. Qu'il tenoit deux Principes prisonniers, comme le loup par les oreilles: que les villes d'Allemagne manifestement respiroyent rebelion: que les Ecclesiastiques estoient las & recrues de cete domination: qu'outre tout cela, il auoit des hargnes domestiques à cause de ses fils, frere, & neuueu, qui tous aboyoyent apres l'Empire: affaire, qui peut-estre lui pourroit donner plus de peine qu'il ne pourroit porter. En fin, il conclut conformément à son naturel, Sortons des entraves des difficultés presentes, avec espoir que nostre bonne fortune ne nous abandonnera point.

Mais toutes-fois il retint cete resolution cachée par deuers soi, & deputa vne congregation de Cardinaux, & autres Prelats, pour la pluspart Impériaux, afin de faire tomber la delibération à la conclusion qu'il auoit prise, y entretenant quelque peu de ses confidents, pour tenir l'affaire reiglé & balancé selon son intention. A cete Congregation il proposa la demande de l'Empereur, enioignant à tous de dire, sans aucun elgard, tout ce qu'ils iugeroyent estre pour le seruice de Dieu, & le bien du S. Siege: & cas auenant qu'ils trouuaissent bon d'y condescendre, qu'ils pensassent tout ensemble au moyen de le faire avec dignité, seurte, & vtilité. La congregation, apres diuerses consultations, fit le rapport de son resultat au Pape, Qu'elle iugeoit necessaire de poursuivre le Concile: d'autant que ainsi l'auoit iuré Sa Sainteté; tant au Conclau, qu'apres son assumption: & aussi, pour oster au monde l'occasion du scandale, qui sans doute seroit tres-grand, faisant autrement. Qu'il y auoit deux voyes de le poursuivre: l'une, le continuant à Bologne: l'autre, le remettant à Trente. Que de le continuer à Bologne ne se pouuoit, attendu que Paul auoit euoqué à soi la conoissance de la traslation, & auoit deféu de passer plus outre. Que si Sa Sainteté tout premier ne prononçoit que la traslation eust esté valable, on ne pouuoit passer outre en icelle ville: que si aussi il venoit à cete prononciation, il donnoit iuste suiet d'estre tenu pour suspect, veu qu'il estoit tout notoire que cete traslation auoit esté ceuue de sa main, comme de premier Legat, & Presidēt. Et pourtant qu'il ne restoit que l'autre voye, de le remettre à Trente, par laquelle aussi on ostoit à l'Allemagne toute occasion de regimber, & donnoit-on contentement à l'Empereur: ce qui estoit vn point assez essentiel. Ce Conseil fut porté au Pape, lequel l'approuua: dont on passa en suite au demeurant.

Et premierement fut arresté, Qu'il estoit necessaire d'auoir le consentement & assistance du Roi de France, & la presence des Prelats de son Royaume: sans quoi la reputation du Concile seroit fort foible & chetive: & y auoit danger de perdre la France, qu'on tenoit encor, pour regagner l'Allemagne ia perduë: & selon l'apologue, laisser choir le corps en l'eau, pour courir apres l'osier. Il sembloit toutesfois assez mal-aisé d'y pouuoir induire ce Roi, & de lui oster tous les ombrages, le Concile se deuant celebrer en lieu suiet à l'Empereur, & proche de ses armes. Mais, examinant quels pourroyent estre en fin ces ombrages, on ne trouuoit autre chose, sinon, que le Concile ne delibérast quelque chose de preiudiciable au gouvernement de la France, ou contraire aux priuileges de cete couronne, ou aux immunités de l'Eglise Gallicane: de quoi, quand le Roi auroit suffisantes seurtes & cautions, on ne pouuoit douter, que, par obligation & deuoir hereditaire, il ne prestast toute faueur & confort au Concile, & n'y enuoyast ses Prelats. La deuxieme difficulté estoit; Que les Prelats Italiés, qui sont pures pour la pluspart, abominoyent ce lieu-là, d'autant qu'ils ne pouuoient fournir aux frais qu'il y falloit faire: & la Chambre Apostolique, estant grandement espuisée, mal-aisément leur pouuoit subuenir autāt qu'il eust esté de besoin, outre tāt d'autres dépenses à entretenir les Legats, & les Officiers du Concile, & autres extraordinaires. Mais, apres y auoir bien pensé, ils ne furent iamais trouuer moyen de tenir Concile sans dépense: & se resolurent qu'il falloit boire ce calice: mais aussi qu'on pouuoit bien retrācher les superfluités: desquelz chāt promptemēt.

1550.

Le Concile, & n'y sejournant qu'autant qu'il seroit necessaire. La troisieme difficulté estoit, de sauoir si les Protestans reuoueroient point en doute, & debatiroient les choses ia determinées. Mais en cela toute la Congregation resolut promptement, qu'il falloit se declarer tout presentement, qu'on les deuoit tenir pour stables & indubitables, & nullement permettre qu'elles fussent mises en dispute: & qu'il ne falloit pas attendre de faire cete declaration lors du Concile. La quatrieme, & la plus importante difficulté estoit sur l'autorité du S. Siege, tant au Concile, que hors icelui, & sur icelui: d'autant qu'il estoit certain, que non seulement les Protestans l'impugnoient, mais qu'aussi plusieurs Princes desireroient de la restreindre, & raccourcir: & qu'entre les Euesques mesmes il y en auoit bon nombre, qui minutoient de la limiter. Que cela auoit esté la cause principale, qui auoit fait roidir les Papes precedens à ne se laisser induire au Concile: & que le Pape Paul, qui s'y estoit rangé, s'estoit enfin apperceu de la faute, & y auoit remedié par la translation. Ce danger estoit bien recognu de tous, mais nul ne pouoit trouuer comment en eschapper, sinon disant, Que Dieu, qui a fondé l'Eglise Romaine, & qui l'a constituée sur toutes les autres, dissiperoit tous ces conseils: ce qui fut bien crû de quelques vns par simplicité, des autres par interest, par les autres fut auance seulement pour ne sauoir que dire autre chose: mais generalement fut estimé ne suffire pas.

Mais le Cardinal Crescence, ayant premierement fait grand force & fondement sur cete confiance, adiousta, Qu'il n'y auoit aucun affaire humain, auquel il ne faille courir quelque risque: ce qui paroît en la guerre, qui est comme le faîte des actions humaines, laquelle n'est iamais entreprise avec tant de seureté de la victoire, qu'il n'y ait tousiours quelque danger d'une perte & desconfiture totale: & qu'aucun affaire n'est iamais acheminé avec tant d'assurance de bonne & heureuse issue, que, par causes occultes, ou estimées legeres, il ne puisse trebucher en grands inconueniens. Mais, que qui est necessité, pour euitier d'autres maux, à condescendre à quelque deliberation, ne doit point auoir esgard à tout cela. Qu'à present les choses sont en vn estar, que si le Concile ne se tient, il y a plus grand danger, que le monde, & les Princes ne se scandalisent, & ne s'alienent du Pape, & ne facent plus de fait, qu'au Concile par disputes & decret. Qu'en tout cas il faut courir le danger, & qu'il vaut mieux prendre le parti le plus honorable, & le moins perilleux. Mais aussi, qu'il y a plusieurs moyens & expedients de le destourner: comme, par occuper les Peres au Concile, autant qu'il sera possible, en autres matieres, & les tenir en haleine & exercice, en sorte qu'ils n'ayent le loisir de penser à celle-ci: par entretenir en bonne deuotion nombre de Prelats, & sur tout les Italiens, par le moyen des offices, des esperances, & des autres artifices autres fois heureusement pratiqués. Qu'il estoit aussi expedient de tenir les Princes en balance & contrepoids, fomentant tousiours quelque differend d'interests entr'eux, afin qu'ils ne pussent iamais aisément entendre vnanimement à vn tel dessein, & que si l'un l'entreprend, l'autre ait interest à lui resister. Et qu'ainsi d'autres remedes semblables se presentent à l'homme prudent, sur le fait mesmes, par lesquels il s'eschappe des affaires, où les fait aller à neant. Cet aduis fut approuué de tous, & fut resolu qu'il ne falloit donner aucun indice d'auoir cete crainte: & seulement donner quelque sentiment à l'Empereur, qu'on preuoyoit bien la chose, mais aussi lui monstrier, qu'on ne la redoutoit point, ains qu'on y auoit ia le remede tout prest.

ce qu'il no-
riste au Roi
de France.

Après que cete consultation eust esté meurement conclue, & qu'il fut resolu de remettre le Concile à Trente, le Pape le communiqua au Cardinal de Ferrare, & à l'Ambassadeur de France: & mesmes despescha vn courrier expres au Roi de France, pour lui faire entendre ses intentions: adioustant qu'il lui enuoyeroit vn Nonce, pour lui rendre plus particuliere raison des causes qui l'auoient mu à ce faire. Et à la fin de l'un il despescha tout en vn mesme temps deux Nonces, Sebastien Pibin, Archeuesque de Siponte,

Siponte, à l'Empereur : & Triulce, Euefque de Tolon, au Roi de France. Au premier il donna instructions de parler conformément aux deliberations prises en la Congregation : mais il ordonna au second, d'aller en poste, pour pouoir donner promptement aduis de l'intention du Roi, laquelle il vouloit attendre de fauoir, auant que de passer plus auant. Il lui bailla charge, de declarer particulièrement les causes, pour lesquelles il deliberoit de remettre le Concile à Trente : assauoir, d'autant que l'Allemagne s'y estoit soumise, & que l'Empereur en faisoit instance : & qu'il ne pouoit estre continué à Bologne pour la raison susmentionnée : & ainssi aussi, que les affaires des Protestans ne s'accommodassent en quelque façon preiudiciable, dont on verseroit la faute sur le Pape. Mais que toutesfois le Pape faisoit son premier & principal fondement sur l'assistance de Sa Maiesté Treschrestienne, & sur l'intervention des Prelats de son Royaume : ce qu'il esperoit d'obtenir, attendu que Sa Maiesté estoit protecteur de la foi, & imitateur de ses Aneftres, qui ne se sont iamais esloignés des bons auis & conseils des Papes. Qu'au Concile on trouueroit à la declaration & purification des dogmes, & à la reformation des mœurs : & qu'on n'y traiteroit nullement des choses appartenantes aux Estats, & Seigneuries, ni aux priuileges particuliers de la couronne de France. Que le Pape, à la demande de l'Empereur, requérant de fauoir, s'il vouloit entendre à poursuiure le Concile de Trente, ou non, auoit respondu, qu'oui, avec les referes & conditions examinées en la Congregation, lesquelles il ordonnoit à son Nonce de communiquer toutes à S. Maiesté : de laquelle il desiroit entendre au plus tost l'intention, esperant de la trouuer conforme à la pieté de Sa Maiesté, & à l'amour qu'elle porte au Pape, & à la confiance que lui Pape a au Roi. Il bailla aussi charge au Nonce de communiquer toute son instruction au Cardinal de Guise, afin que coniointement avec lui, ou autrement, comme il lui sembleroit plus à propos, il l'exposast au Roi, & à tous autres qu'il appartiendrait.

Il donna semblable instruction à l'autre Nonce, & en particulier de dire à l'Empereur, Que le Pape monstroir par les effets l'obseruation de tout ce qu'il auoit promis à Don Pierre de Toléde, assauoir, de vouloir proceder avec Sa Maiesté, purement, ouuertement, & sans artifice : & de lui représenter la promptitude de sa volonté à poursuiure le Concile, à la gloire de Dieu, à l'acquit de sa conscience, & au bien qui en pouoit resulter à Sa Maiesté, & à tout l'Empire. Et, pour respondre à l'ouerture faite par l'Empereur, que le Pape se fist entendre des conditions & capitulations qu'il recherchoit, qu'il lui dist, Qu'il n'auoit iamais songé à faire pactions, ni capitulations, pour poursuiure le Concile, mais bien à proposer quelques considerations necessaires, lesquelles aussi il auoit commandé à son Nonce d'exposer à Sa Maiesté : qui estoient, La premiere, Que la faueur & assistance du Roi Treschrestien y estoit neffaire, ensemble l'intervention des Prelats de son Royaume : sans quoi le Concile auroit peu de reputation, & y auroit danger de faire naistre vn Concile National, ou de perdre la France : qu'il ne falloit point s'abuser, que comme le lieu de Trente estoit fort assés à Sa Maiesté Imperiale, aussi estoit-il fort ombrageux & suspect au Roi Treschrestien : & pourtant qu'il falloit trouuer moyen de donner diuers assurances & cautions audit Roi. Que là dessus lui Nonce communiquast à l'Empereur le moyen qu'on y auoit trouué : & que si celui-là n'estoit suffisant, il seroit necessaire que Sa Maiesté Imperiale de son costé y adioustast encor quelque chose. La deuxieme consideration estoit sur les frais, qu'il faudroit que la Chambre Apostolique, toute espuisée, & chargée de dettes portast, pour l'entrecienement des Legats, & pour autres extraordinaires que porte avec soie le Concile : & semblablement, sur la despenfe, que les Prelats Italiens poures ne pouoyent supporter en ce lieu-là : si bien qu'il faudroit mesurer exactement le temps, tant à commencer, qu'à poursuiure, pour ne perdre vne seule heure de temps en vain : autrement le S. Siege ue

N n

1550.

pourroit fournir aux frais, & ne pourroit-on eüiter que les Prelats Italiens ne se laissassent gagner à l'impatience, comme l'experience l'auoit montré par le passé. Outre ce qu'il y alloit de l'honneur du S. Siege de tenir ses Legats oisifs, & comme sus bout, sans rien faire. Et pourtant qu'il estoit necessaire, qu'auant qu'on vint à l'exécution, Sa Maïesté fust bien assurée de l'intention, & de l'obeissance tant des Catholiques d'Allemagne, que des Protestans, establisant derechef les affaires en la Diete, & faisant expedier les mandemens & adueus authentiques des Villes & des Princes, & s'obligeant soi mesme, ensemble toute la Diete, à l'exécution des Decrets du Concile: afin que la peine, la despenſe, & la diligence ne fussent vaines, frustratoires, & suietes à derision: & aussi pour retrancher par ce moyen toute esperance à quiconque pretendroit y apporter quelque destourbier. La troisieme consideration, à représenter à S. Maïesté, estoit, Qu'il falloit de necessité faire vne declaration, que les Decrets, ia faits & passés à Trente sur les matieres de foi, & ceux des autres Conciles passés, ne pussent estre en aucune maniere debatus, ou reuqués en doute: & que les Protestans ne pussent sur iceux demander d'estre ouïs. La dernière estoit, Qu'il remonstroit à l'Empereur, que le Pape se fioit & tenoit tout assuré de la bonne volonté reciproque de Sa Maïesté: & que, comme lui Pape promptement enclinoit à fauoriser les affaires de Sa Maïesté, & de son Empire, mettant le Concile en lieu tant à propos pour lui, aussi il desiroit, que sa sincerité & realité n'eussent à lui apporter charge, & dommage. Que si quelcun entreprenoit au contraire, par cauillations, ou par calomnies, Sa Maïesté ne deuroit point s'esmeruëiller, s'il vloit des moyens, & remedes, qui lui viendroyent en main, à la defense de l'autorité que Dieu immediatement a donnée à lui, & au S. Siege, tant dedans que dehors le Concile.

le Pape permit que cete resolution fust suivie.

Le Pape iugea expedient pour ses affaires, que cete resolution ainsi prise fust entierement sue & entendue en Italie, & en Allemagne: & pour ce, fit, que Iules Canane, son Secretaire, sous pretexte de vouloir fauoriser aucuns Courtisans, ses amis, leur communiqua les instructions susdites, sous la promesse & le seau du secret. Et par ce moyen elles furent espandues par tout. Le Pape eut par son nouueau Nonce prompte response de France: car, le Roi, sachant les causes, que le Pape auoit de se peu fier de l'Empereur pour les choses passées, & estimant que son inclination au parti François estoit grande, fit grandes demonstrations d'auoir le Nonce, & le deuoir fait par le Pape, pour fort agreables, & offrit au Pape toute aide & assistance, & promit confort & faueur au Concile, & l'enuoi des Prelats de son Royaume, & toute protection pour la manutention de l'autorité Papale.

l'Empereur respondit, résolu à tous les doutes & dissensions du Pape.

L'Empereur, ayant ouï la proposition de l'Archeuesque de Siponte, & pris meure deliberation sur icelle, rendit response, par laquelle il louoit la candeur & la prudence du Pape, en ce que, conoissant bien la publique necessité de tenir le Concile à Trente, il auoit trouué vn bon & conuenable moyen de l'y remettre, sans poursuiure le proces de la translation, matiere chatoüillense, & ialouse, de grande difficulté, & de nulle vtilité. Que, quant aux quatre considerations, elles estoient toutes importantes, & proposées avec beaucoup de raison par Sa Sainteté. Et pour les affaires de France, non seulement il louoit & approuuoit ce que Sa Sainteté en auoit deliberé, mais mesmes s'offroit d'y contribuer, & de donner toutes seuretés possibles à ce Roi là: qu'il estoit fort raisonnable de fuir les despens superflus, & de ne tenir le Concile ouuert sans rien faire: que dès l'année passée l'Arrest auoit esté fait à Angsbourg, Que toute l'Allemagne, & mesmes les Protestans, s'y soumissent: qu'il en bailleroit copie au Nonce, & le feroit ratifier en la Diete presente: qu'il ne trouuoit pas qu'il fust encores temps de traiter que les choses ia decidées à Trente ne pussent estre mises en doute & debat: d'autant que cela se pourroit plus opportunément faire à Trente mesmes, lors que le Concile seroit assemblé. Et pour ce qui concerne l'autorité de Sa Sainteté, & du S. Siege, qu'il en auoit tousiours par le passé esté

le protecteur, & le vouloit encor de plus fort estre à l'aduenir, & estoit resolu de le maintenir de toutes ses forces, & moyens, iusques à y employer sa propre vie, si le besoin le requeroit. Qu'il ne pouuoit pas de vrai respondre à Sa Sainteté, que quelque chose ne fust dite ou traitée au Concile par quelque esprit turbulent & brouillon: mais qu'il lui donnoit bien parole, que cela aduenant, il s'y opposeroit en sorte, qu'il auroit suiet de se louer de son bon deuoir.

1550.

*En la Diete
l'Augu-
bourg fait
à Bance
qu'on se
soustente
au Concile,
à quoi les
Protestans
n'quierent
des condi-
tions.*

L'Empereur estoit lors à Augsbourg, comme il a esté dit ci dessus, pour ce-
lebrer la Diete, laquelle de vrai n'estoit point enuironnée de tant de gens
de guerre que les precedentes, mais toutesfois estoit armée. L'Empereur
proposa de poursuiure le Concile de Trente, & de garder l'Interim, establi en
la Diete precedente, & de trouuer quelque moyen a la restitution des biens
Ecclesiastiques, & à la reintegration & reestablisement de la Iurisdiction. Les
Princes Catholiques agreerent qu'on poursuiuist le Concile, mais les Amba-
sadeurs de quelques Princes Protestans n'y voulurent consentir, sinon sous
ces conditions, Que les choses ia par ci deuant determinées à Trente fus-
sent derechef examinées: que les Theologiens de la Confession d'Augs-
bourg non seulement fussent ouïs, mais aussi eussent voix deliberative, &
decisive: que le Pape n'y presidast point, mais que lui mesmes se soumst au
Concile, & quitast aux Euesques le serment qu'ils lui ont, afin qu'ils pussent
parler en liberté. L'Empereur se plaignit aux Protestans, Qu'ils n'obeis-
senty point à son Edit de l'Interreligion: & aux Catholiques, Que la refor-
mation de l'Estat Ecclesiastique n'estoit mise par eux en execution. Ceux ci
s'excuserent, les vns disans, Qu'il falloit y proceder pied à pied, pour euir-
ter les dissensions: les autres allegans, Que les exemptés refusoient d'obeir,
pretendans priuileges & immunités. Les Protestans se deschargoyent sur le
peuple, lequel se mutinoit, s'agissant de la conscience, & ne pouuoit estre
forcé. L'Empereur fit part de toutes ces particularités au Nonce, lui de-
clarant non seulement l'assentiment des Catholiques, & du plus grand nombre
des Protestans, mais aussi la limitation apposee par ceux-là, afin que si par
autre voye le Nonce en auoit quelque vent, cela ne produisist quelque mau-
uais effect. Adiustant toutesfois, qu'il n'auoit permis que cete limitation
fust inserée es Actes, d'autant qu'il auoit eu parole de ces Princes, qu'ils ne
s'esloigneroient point de sa volonté: & que pourtant il pouuoit asseurer Sa
Sainteté que toute l'Allemagne se cōtentoit du Concile. L'Empereur trai-
ta puis apres plus à l'estroit avec les principaux Ecclesiastiques, proposant
qu'on donnast commencement au Concile auant Pasques, & qu'iceux y al-
lassent en personne: de quoi ayant tiré promesse des Electeurs Ecclesiastiques,
il sollicita le Pape de venir à l'actuelle conuocation à Pasques, ou du moins
immédiatement apres, veu qu'il tenoit le consentement de toute l'Allema-
gne pour tout arresté: & pour l'affermir encor de plus fort, il prioit le Pape
qu'apres qu'il auroit formé la Bulle de la conuocation, auant que la publier,
il lui en enuoyast la minute: afin que par le moyen de cete occasion, l'ayant
fait voir à tous au Recés, il pust ordonner le Decret, & moyenner qu'elle
fust receuë de tous.

Mais il sembloit au Pape, qu'il n'y auoit rien de conclu, pendant qu'il n'e-
stait point arresté que les Decrets ia faits à Trente seroyent recçus. Et ne
voulait qu'à l'entrée du Concile ce point fust querelé, & achopé: car il estoit
aisé à voir que par ce moyen on consumeroit beaucoup de temps sans rien
faire, & qu'en fin icelui se dissoudroit sans conclusion, & que la dispute ge-
nerale de tous ces Decrets ensemble, en tiroit apres soi vne particuliere
de chacun: & qu'il n'y pourroit interposer son autorité, & iugement, com-
me estant vraisemblablement suspect, pour auoir esté President, & auteur
principal lors qu'ils furent faits. Et cependât d'insulter plus fort enuers l'Em-
pereur, à ce que ce point fust vuide, c'estoit le desgouter grandement, & le
mettre en des difficultés insurmontables. Il fut donc cōseillé, que, sans faire
semblât de rien, il tint ce point pour décidé, & qu'en sa Bulle il presupposast
N n ij

*le Pape
n'est pas
content des
responses
de l'Empe-
reur,
c'este-
ment
enuey à la
Diete la
Bulle de*

1550. que les Decrets ia faits seroyent acceptés de tous: car la Bulle estant portée à la Diete, conceuë en cette teneur, ou les Allemans s'en contenteroyent, & ainsi il auroit obtenu son but: ou ils ne l'accepteroyent point, & en tel cas la dispute commenceroit en en la Diete, & lui seroit hors de souci. Ce conseil lui sembla bon, & suiuant icelui il forma la Bulle: & pour complaire à l'Empereur en partie, il l'enuoya, non en sa minute, ce qu'il iugeoit estre contre sa dignité: mais toute formée, datée, & sceellée, non toutesfois publiée: le iour de la date fut le quinziesme Nouembre. En icelle il disoit, Que veu que, pour oster les discordes de la Religion en Allemagne, il estoit expedient, & à propos, selon que mesme l'Empereur lui auoit signifié, de remettre à Trente le Concile general, ia par ci deuant conuocé par le Pape Paul troisieme, commencé, adressé, acheminé & poursuui par lui mesmes, lors Cardinal, & President: auquel aussi auoyent esté arrestés & publiés plusieurs Decrets touchant la foi, & les mœurs: pour ces causes, lui, auquel il appartient d'assembler & regir les Conciles generaux, à l'accroissement de la foi Orthodoxe, & pour remettre en repos & tranquillité l'Allemagne, laquelle es réps passés n'a cédé à aucune autre prouince en l'obeissance & reuerence enuers les Papes, Vicaires de Christ: esperât aussi faueur & assistance des Rois, & des Princes: exhorte, & admoneste les Patriarches, Archeuesques, Euesques, Abés, & autres, lesquels par loi, coustume, ou priuilege, sont obligés d'entreuenir aux Conciles, qu'ils ayent à se trouuer en la ville de Trente le premier iour de Mai, de l'an de grace mil cinq cens cinquante-vn: auquel iour il a ordonné, par autorité Apostolique, & du consentement des Cardinaux, que le Concile soit remis sus, au mesme estat auquel il estoit lors qu'il fut interrompu: & qu'il soit poursuui & continué: & qu'il y enuoyera les Legats, par lesquels il presidera au Concile, cas aduenant qu'il ne s'y puisse trouuer en personne: nonobstant translation, ou suspension quelconque, ou autre chose qui fust au contraire: & spécialement celles, que le Pape Paul troisieme, en la Bulle de la conuocation, & autres concernantes le Concile, auoit ordonné ne deuoir obster: lesquelles Bulles il veut & entend demeurer en force & vigueur, auec toutes leurs clauses, & ordonnances: les confirmant, & les renouuelant autant que de besoin.

Laquelle ne Les Ministres de l'Empereur, & autres bons Catholiques zelés, ausquels contenue l'Empereur communiqua cete Bulle, iugeoyent qu'elle effaroucheroit les Protestans, & leur donneroit occasion de n'accepter le Concile, auquel le Pape non seulement declaroit de vouloir presider, mais aussi de le vouloir regir & conduire: ioint que de parler de le remettre sus, & de le poursuire, estoit les mettre en trop de soupçons & desiances: & tant magnifier son autorité, les irriter. Ils conseilloyent donc l'Empereur de moyener enuers le Pape, qu'il reformaist sa Bulle, enforte qu'elle ne donnaist aucun suiet aux Protestans de s'aliener encor d'auantage.

qui rasche de la faire resumer: L'Empereur en traita avec le Nonce, escriuit à son Ambassadeur qu'il en parlaist au Pape, priant affectueusement & instamment Sa Sainteté, que, par la charité Chrestienne, il adoucist les termes & paroles, qui pouoyent diuertir l'Allemagne d'accepter le Concile. L'Ambassadeur traita à Rome avec la dexterité & souplesse Espagnole, & proposa, Que comme il faut bellement tirer au passage les bestes sauuages, qu'on veut prendre au laqs, faisant semblant des'enfuir de deuant elles, sans leur faire voir le feu, ni les armes, de peur de les effaroucher, & de les mettre en furie & desespoir, qui leur accroist les forces. de mesmes falloit-il proceder enuers les Protestans, lesquels il falloit attirer au Concile par douces & attrayantes manieres, les informant & les escoutant: & quant ils seront reduits au Concile, alors il sera temps de leur monstrier la verité en face. Que de lancer sentence contre eux, auant que les auoir ouïs, estoit les enaigrir & enuenermer d'auantage. Mais le Pape, avec son accoustumée liberte, respondit, Qu'il ne vouloit point qu'on lui monstroat à combattre avec le chat enfermé: qu'il aimoit mieux qu'il fust en liberte, & qu'il s'en pust fuir. Que tout de mesmes

de reduire les Protestans par belles paroles au Concile, & là ne correspondre point par les effets, les seroit de vrai entrer en desespoir, & prendre quelque precipitée resolution. Qu'il desiroit qu'on lui dist tout à descouvert, ce qui estoit à faire. L'Ambassadeur, secondant ce propos, disoit, Qu'il n'auoit que contredire, pour ce qui concernoit les choses necessaires, & opportunes à dire: mais qu'on ne pouuoit voir comment il fust à point de dire à present, qu'à lui appartient de regir & conduire les Conciles: que cela est bien tresvrai: mais que la verité n'a pas le privilege d'estre dite en tout temps, & en tous lieux: qu'il estoit bon d'en taire quelcune, lors qu'il pouuoit naistre quelque mauuais effet de la dire: qu'il se souuinst, que l'interpreté en paroles de Léon dixieme, du Cardinal Caietan, son Legat, auoyent allumé le feu, qu'il voyoit ardre, & lequel se pouuoit lors esteindre avec vne seule douce parole. Que les Papes suiuians, & sur tout Clement, & Paul, Princes sages, s'en estoient souuent doulus. Que si à present on pouuoit par doux & benins moyens racquerir l'Allemagne, pourquoy la separer encor plus par les aigreurs?

1550.
l'opiniastre
de du Pape

Le Pape, presques indigné, disoit, Qu'il faut tousiours prescher ouuertement, & inculquer ce que Christ a enseigné. Que Nostre Seigneur l'a fait son Vicaire, Chef de l'Eglise, & principale lampe, & porteflambeau du monde. Que cete Verité estoit de celles qu'il falloit dire, & auoir tousiours en bouche, en tous temps, & en tous lieux: & cōme dit S. Paul, opportunément: & importunément: que de faire autrement seroit contreuenir au commandement de Christ, & mettre sous le boisseau la lampe, laquelle se point mettre au haut du chandelier: que c'estoit chose indigne du S. Siege de proceder par artifices, & dissimulations: ains qu'il falloit parler à cœur ouuert. L'Ambassadeur tout doucement fit couler dans son deuis, que tout au contraire il lui sembloit, que de cacher la verge, & se monstrier benin & debonnaire, & condescendre à tous, estoit le vray deuoir Apostolic: qu'il auoit ouï lire dans S. Paul, que, quoi qu'il fust libre, il s'estoit fait serf de tous, pour en gagner quelques vns: Iuif aux Iuifs, Gentil aux Gentils, foible aux foibles, pour gagner aussi ceux-là: que c'estoit là le vray moyen de planter l'Euangile. En fin le Pape, pour n'entrer en altercats, se restreignit à dire, Que la Bulle estoit formée selon le style de la Chancellerie, qui ne se peut changer: qu'il estoit ennemi des nouueautés, qu'il falloit ensuiure les traces des Predecesseurs: que, suiuiant la forme accoustumée, nul ne pourroit attribuer à lui chose aucune qui en püst arriuer: mais, que s'il la changeoit, tout le mal lui seroit imputé. L'Ambassadeur, pour lui donner loisir d'y micux aduiser, conclut, Qu'il ne vouloit receuoir cete response pour vne absoluë negatiue: mais qu'il se fioit, que Sa Sainteté par affection paternelle compareroit à l'Angleterre. Ayant dessein de laisser passer les festes de Noel, d'autant que c'estoit lors la mi Decembre, & puis lui en donner encor vne rechargé.

Mais le Pape resolu de n'y changer vn seul point, disant souuent, Je veu preuenir, & non estre preuenu: pour se releuer de toute moleste de deuis & arraisonnemens, le iour de S. Iean Euangeliste fit vn Bref, auquel, apres auoir sommairement representé le contenu de sa Bulle susdite, & pris pre-
 (texte, que, pour n'estre icelle publiée, quelcun en pourroit pretendre cause d'ignorance, il ordonnoit que tant le Bref, que la Bulle, fussent lus, publiés, & affichés es Eglises de S. Pierre, & de S. Iean de Latran, avec intention d'en enuoyer copies imprimées aux Archeuesques, afin qu'ils les intimassent aux Euesques, & autres Prelats. L'Ambassadeur donc se voyant retranché tout moyen d'en parler plus avec le Pape, despescha tout soudain vn courrier expres à l'Empereur, pour lui faire entendre le tout. L'Empereur, voyant la resolution arrestée du Pape, & ayant aduisé au remede, fit en pleine seance publique lire la Bulle, laquelle produisit droitement l'effet qu'il auoit preueu: assauoir, que les Protestans se desdiroyent de la parole donnée de se remettre au Concile: & les Catholiques se retraieroyent de la

qui trans-
che toutes
oppositions,
& recher-
che: par un
Bref.

l'Empereur
pare en la
Diette aux
incomue-
niens de la
Bulle.

1550.

*dit est fait
le Recès de
la Diette,
portant,
qu'on acce-
pteroit le
Concile,*

promesse qu'ils auoyent faite d'y aller. Les Catholiques l'improuuerent pour la dure & intraitable maniere de proceder: & les Protestans, pour les choses susdites: assauoir, Qu'à lui appartenoit, non seulement d'assembler, mais aussi de regir & conduire les Conciles: qu'il auoit deliberé de continuer & pourfuiure les choses encommencées, ce qui fermoit la porte à tout nouuel examen des ia traitées: que hors de lieu, & sans occasion, il auoit dit, Que l'Allemagne auoit reconu les Papes pour Vicaires de Christ: qu'il s'estoit déclaré President du Concile: & qu'il n'y appelloit qu'Ecclesiastiques, tous asseruis à son obeissance: qu'avec tant de paroles ampoulées, il confessoit tout à dessein la Bulle de Paul troisieme. Les Protestans disoyent, Que ce seroit en vain de faire vn Concile sur ces fondemens: que de les accepter estoit faire contre Dieu, & leur propre conscience. Les Catholiques disoyent, Que puis qu'il n'y auoit nulle esperance de reduire les Protestans, pour neant entroit-on en tant de trauaux, & despens. L'Empereur attrempa l'esmotion des deux parties, disant, Que le Concile estoit general de toutes les nations Chrestiennes: & que toutes les autres obeissant au Pape, il auoit formé la conuocation, ainsi qu'il conuenoit à icelles. Que pour ce qui concernoit l'Allemagne, ils en remisent tout le soin à lui, qu'il sauoit bien comment cet affaire se deuoit manier: qu'ils laissassent assembler les autres nations: & puis que lui mesme iroit en personne, si non au lieu mesme du Concile, du moins en quelque lieu prochain, & là opereroit non de paroles, mais d'effets, à ce que les choses passassent conuenablement: qu'ils n'eussent pas esgard à ce que disoit le Pape, mais à ce que lui Empereur promettoit sur la foi & parole Imperiale & Royale. En cete maniere l'Empereur appaisa les esprits, & le treizieme Feurier fut fait le Recés, publiant l'Arrest de la Diette, dont la teneur estoit, Qu'ayant esté proposé en la Diette precedente, qu'il n'y auoit autre moyen de composer les differends de l'Allemagne, au fait de la Religion, que par vn saint & libre Concile general, tous les estats de l'Empire auoyent confirmé cete proposition, & deliberé de l'accepter, & approuuer, & de s'y soumettre. Mais cela n'ayant encor esté executé, le mesme auoit esté en la presente Diette proposé & deliberé. Et pour cela l'Empereur auoit moyené, & en fin obtenu du Pape, qu'il remist le Concile à Trente, pour le premier de Mai, de l'année suiuaute. Ce que le Pape ayant fait, & la Bulle de conuocation ayant esté lue, & proposée en la Diette, il estoit iuste & raisonnable de persister en la mesme resolution d'attendre le Concile avec la due obeissance, & d'entreuenir en icelui. auquel tous les Princes de Chrestienté auoyent deliberé d'assister. Et l'Empereur, comme Aduocat de l'Eglise, & Defenseur des Conciles, feroit de sa part tout deuoir, conuenable à la dignité & office d'Empereur, ainsi qu'il auoit promis.

*sous des cō-
ditions &
promesses
equitables.*

Et pourtant, il notifioit à tous, que sa volonté estoit, de plein pouoir & autorité Imperiale, que chacun qui iroit au Concile, fust assuré de pouoir librement aller, demeurer, & retourner, & proposer tout ce qu'en conscience il iugeroit necessaire. Et que pour cet effect, lui Empereur se tiendrait es frontieres de l'Empire, & en lieu le plus proche qu'il seroit possible. Et admonnestoit les Electeurs, Princes, & Estats de l'Empire, sur tout les Ecclesiastiques, & ceux qui auoyent innoué en la Religion, qu'ils eussent à se preparer, pour se trouuer là avec bonnes & suffisantes instructions, afin qu'ils ne pretendent à l'aduenir aucune excuse. Et que lui Empereur se chargeroit du soin de faire que tout se passast legitiment, & par bon ordre: & d'operer qu'on y traitast & decidast toutes choses saintement & Chrestienement, selon la Sainte escripture, & la Doctrine des Peres. Et pour ce qui concernoit la transgression des Arrests de l'Interreligion, & de la Reformation, ayant esté bien informé, qu'il estoit impossible de surmonter les difficultés qui s'y mettoient, & que plus on y mettoit la main, plus les affaires empiroyent: pour preuenir plus grandes confusions, il euoquoit à soi toute la conoissance des contrauentions passées: enchargeant toutesfoies les

Princes, & les Estats del'Empire, de les obseruer à l'auenir.

Cet Arrest, dès qu'il fut veu par le monde, fut estimé, comme aussi il estoit de vray, vne contrebaterie, & contrepoincte à la Bulle du Pape. Le Pape pretend de regir & conduire les Conciles : & l'Empereur veut auoir la charge que tout se face par bon ordre & iuridiquement. Le Pape veut presider, & l'Empereur entend que les decisions se fassent selon l'Escripture, & les Peres. Le Pape veut que le Concile soit continué en la mesme forme & estat qu'au parauant : & l'Empereur à l'opposite, que chacun y puisse proposer selon sa conscience. En somme la Cour de Rome ne pouuoit digerer cet affront : & se doloit, que c'estoit là vne autre conuocation du Concile. Et le Pape par sa plaisterie accoustumée disoit, L'Empereur m'a bien rendu le change de la publication de la Bulle, faire sans lui.

L'année mil cinq cens cinquante vn courrant, le Pape, qui auoit appliqué son esprit & pensée au Concile intimé, eut deux principales visées : l'une, d'y enuoyer personnes affidées pour y presider : & l'autre, d'y faire le moins de frais que faire se pourroit. Le but de fuir la despense conseilloit bien de n'enuoyer qu'un seul Legat : mais d'autre costé, cela sembloit estre de trop de charge à la personne d'icelui : premierement, pour n'auoir aupres de soi autre personne, avec les mesmes interets, de laquelle il pust prendre pleine confiance, & confiance : en apres, pour deuoir estre estimé auteur vniue de tout ce qui se feroit. Pour tous ces esgards estoit necessaire de partager la charge entre plusieurs personnes. Le Pape trouua vne voye du milieu, enuoyant vn Legat, & deux Nonces, avec egale autorité : cuidant bien aussi que par ce moyen il en feroit mieux serui : d'autant que les esperances esguilloncent à traualier avec plus de dilligence. Par ainsi, ayant iecté les yeux sur tous les Cardinaux vn à vn, il n'en trouua aucun lus suffisant, ni affidé, que Marceau Greffence, Cardinal de S. Marceau : & à icelui il adjoignit, pour Nonces, Sebastien Pighin, Archeuesque de Siponte, & Louis Lipomani, Euesque de Verone : au choix desquels il eut esgard à vne estreinte confiance, que le premier auoit eue avec lui auant son Pontificat : & à la renommée de pieté, prud'homme, & grande sincerité du second. Et, apres auoir tenu des conseils fort secrets avec tous trois, & leur auoir ouuert le fonds de son cœur, & les auoir pleinement instruits & informés, il leur donna vne ample commission & mandement d'assister en son nom au Concile : dont le contenu estoit.

Que c'est chose du deuoir du Pere de famille, d'employer tout soin & diligence à faire faire, par autres idoines & capables, ce qu'il ne peut commodément faire de soi-mesme. Et pour tant, qu'ayant remis en la ville de Trente le Concile general, intimé par ci deuant par le Pape Paul, auquel il esperoit que les Rois, & Princes, presteroient leur faueur & assistance, il y auoit comié & appellé les Prelats, qui peuuent & doiuent y entreuenir pour le premier iour de Mai, pour reprendre, & remettre sus le Concile, en l'estat auquel il se trouuoit au parauant : mais, que pour son grand aage, & pour autres empeschemens ne s'y pouuant trouver present en personne, selon que bien il eust désiré, & ne voulant pas toutesfois que son absence y portast aucun destourbier, il y auoit député, & deputoit le Cardinal Marceau, personnage zelé, prudent, & de grand sauoir & vantage es affaires, pour Legat : & les Archeuesque de Siponte, & Euesque de Verone, personnages pareillement excellens en pieté, sauoir & experience, pour Nonces : avec special mandement muni de toutes les clauses requises. Lesquels il enuoyoit, comme Ange de paix, leur donnant plein pouuoir & autorité, de reprendre, continuer, diriger & poursuivre ledit Concile : & faire & régler toutes les autres choses necessaires & conuenables selon la teneur des lettres de conuocation, tant de lui, que de son predecesseur.

L'Empereur semblablement, lequel l'affaire du Concile pressoit bien d'auantage, le croyant l'unique moyen de se rendre maistre absolu de l'Allemagne, enuoya à tous les Estats Protestans de l'Empire le sauft conduit en

1551.
ingemens
sur cet Ar-
est de la
Diette.

choix des
Presidens
du Concile
par le Pape

la forme de
leur mandement.

15. I.

naissance
de br. nil.
teries en
le Pape
l'Empereur
et le Roy
de France,
pour les
faire de
Pam,

forme tresample, tant pour eux, que pour leurs Ambassadeurs & les Theologiens, qu'ils y enuoyeroient.

Mais pendant qu'à Rome, & à Augsbourg, on iettoit les fondemens, pour y bastir dessus le Concile de Trente, on ourdissoit ailleurs autres toiles, lesquelles tissues du depuis, firent grande ombre à la dignité & autorité de ce Concile: & furent fabriquées des machines qui l'esroulerent, & en fin la bouluerferent. Le Pape, incontinent apres son assomption, pour observer sa promesse faite en Conclau, restitua Parme à Octaue Farnese, laquelle le Pape Paul auoit retirée sous sa main au nom de l'Eglise, & mesmes lui assigna deux mil escus par mois, pour la garder. Octaue, redoutant l'inimitié de Ferrand Gonzague, Gouverneur de Milan, & d'ailleurs ayant plusieurs indices & coniectures, que l'Empereur prôiettoit de s'emparer de Parme, comme il auoit ia fait de Plaisance, & craignant de ne la pouuoir garder & defendre de ses propres forces, attendu que le Pape lui auoit osté la pension des deux mil escus, traita avec le Pape, par le moyen du Cardinal son frere, qu'il lui aidast, ou bien lui permist de se pouruoir de la protection de quelqu autre Prince, suffisant à le maintenir contre l'Empereur. Le Pape, sans autre consideration, lui respondit: Qu'il fist ses affaires le mieux qu'il pourroit. Dont Octaue par l'entremise d'Horace son frere, qui auoit espousé la fille bastarde du Roy de France, se mit sous la protection d'icelui, & reçut garnison François en la ville, ce qui desplut grandement à l'Empereur son beau pere, lequel persuada au Pape, que cela estoit contre la dignité de lui mesmes, qui estoit Prince souuerain & de cete ville, & de ce Prince-là. A raison de quoi le Pape publia vn rigoureux edit contre le Duc Octaue, le citant à Rome, & à faute de comparoir, le declarant rebelle & implorant aide & secours de l'Empereur contre lui. L'Empereur se declara d'approuuer la cause du Pape, & de la vouloir defendre par armes: ce qui donna suiet à guerre ouuerte entre l'Empereur & le Roi de France, & donna occasion & entrée à de grands mescontentemens & mesintelligences entre le mesme Roi, & le Pape. En Saxe aussi, sur la riuier d'Albis, fut cheminé vn pour parler entre les Electeurs de Saxe & de Brandebourg, d'une ligue contre l'Empereur, pour l'empescher de subiuguer totalement l'Allemagne, comme il sera dit en son lieu. Nonobstant ces semences de guerre & autres, qui au commencement d'Auril se voyoyent ia bourjonner en Italie, le Pape voulut que le Legat, & les Nonces allassent à Trente, & leur bailla charge que le premier de Mai, iour assigné, ils ouurissent le Concile, avec le nombre de Prelats, qui y seroit, voire mesmes sans nombre aucun: à l'imitation des Nonces de Martin cinquieme, qui ouurirent le Concile de Paue tous seuls, sans interuention d'aucun Prelat.

et de nou-
uelle ligue
en Aléma-
gne contre
l'Empereur

HISTOI-





HISTOIRE DV CONCILE DE TRENTE,

LIVRE QUATRIEME.

SOMMAIRE.

Le Concile estant derechef reduit à Trente, on y tient la premiere Session, qui n'a autre suiet, que l'ouverture d'iceluy. Le Pape y conuie les Suisses, lesquels en sont dissuadés par le Roy de France, qui auoit pris querelle avec le Pape, pour la protection de Parme, que le Roy auoit embrassée. L'Empereur depute trois Ambassadeurs au Concile, auquel on celebre la seconde Session, pour le dilayer. En icelle se presente Amiot, pour le Roy de France, avec protestation contre le Pape, suivie d'un Manifeste du mesme Roy, & d'un Edit de ne porter aucuns deniers hors de ses estats à Rome. A Trente, nonobstant toutes les instances des Imperiaux, pour temporiser en faueur des Protestans, on entre au Traité de l'Eucharistie. Et, pour matiere de Reformation en celle de la Iurisdiction Episcopale: de l'origine, & des abus de laquelle est fait un ample discours. Mais à Trente on y applique des remedes legers, comme semblablement au fait des Appelations au Pape, & des Degradations. Apres que la troisieme Session eut esté celebre sur ces matieres, les Ambassadeurs de Brandebourg se presentent au Concile, & y sont recens, avec des affectés auantages: & y a longues disputes sur le Sauſconduit à donner aux Protestans. On entre en suite en l'examen de la Penitence, & de l'Extreme Onction. Et pour Article de Reformation, à certains chefs concernans la Iurisdiction Episcopale. Et en mesme temps arriuent les Ambassadeurs de Vvirtemberg, la reception desquels est fort debatue: & l'Empereur vient à Inspruch. On celebre la quatrieme Session sur les points susdits. Et de là on entre au Traité de la Messe, & du Calice. Et les Ambassadeurs de Strasbourg, & d'autres villes Protestantes, arriuent à Trente: & apres les autres, aussi ceux de l'Electeur Maurice de Saxe, auxquels on donne quelque contentement, sur tout au fait du Sauſconduit. Et puis on traite du Sacrement de l'Ordre. Et de tous ces chefs on tient la cinquieme Session. Cependant il naist plusieurs desfiances, & debats, entre l'Empereur, & le

Pape, pour diuerſes raiſons, & particulièrement pour le meurtre du Cardinal Martinuſe, duquel pourtant la cauſe fut bien toſt apres toute ſupprimée. Quelques Theologiens Proteſtans arriuent à Trente, comme auſſi l'Ambaſſadeur de Portugal. Maurice de Saxe leue tout à deſpourueu les armes contre l'Empereur, dont le Concile eſt rompu, & la ſuſpention eſt publiée en la dernière Seſſion. Et l'Empereur eſt forcé par ledit Maurice de faire en Allemagne la paix de la Religion, par laquelle l'Interim eſt aboli, la liberté de la Religion eſt reſtablie, & Iean Friderich de Saxe, & le Landgraue de Heſſen, ſont eſlargis de leur priſon.

1551.
premiere
Seſſion de
la ſeconde
conuocation
de Trente,



Es Legats, & les Nonces, eſtans arriués à Trente, où auſſi ſe trouuerent quelques Prelats, dont les vns les auoyent ſuiuſ de Rome, les autres, ſollicités & preſſés par le Pape, eſtoyent venus peu de temps apres, ſe rendirent au iour ſuſdit en l'Egliſe Cathedrale, au clos & parquet accouſtumé, lequel demouroit encor en ſon entier: & là, avec les ceremonies viſtees, fut chantée la Meſſe par l'Archeueſque de Torre, & la Bulle de conuocation lue par le Secretaire, enſemble le mandement du Pape aux Preſidens. L'Archeueſque officiant lut le Decret, en forme interrogatiue, Peres, vous plaist-il, que, ſuiuant la teneur des lettres du Pape, le Concile de Trente ſoit repris, & pourſuiui? A quoy tous ayant donné leur voix & ſuffrage, par le mot, *Placet*: il leur demanda derechef, Vous plaist-il que la ſuiuante Seſſion ſe tiene le premier de Septembre prochain; A quoy tous auſſi ſemblablement conſentirent. Et là deſſus le Cardinal, premier Preſident, conclut, du conſentement & au nom de tout le Concile, Que donc le Concile eſt commencé & ſera pourſuiui. Autre choſe ne fut faite en ce iour-là, ni eſt ſuiuans. Et quoy, que les Prelats ſ'aſſemblaſſent ſouuent en la maiſon du Legat, les Congregations n'auoyent pourtant aucune forme, n'y ayât aucuns Theologiens. On y liſoit ſeulement les choſes diſputées à Bologne, pour digerer la deliberation de ce qu'on auroit à traiter, & ſur tout en matiere de reformation, qui eſtoit intímee la parti la plus importante.

le Pape ca-
pre les ſuiſ-
ſes, & les
conuie au
Concile,

A la fin du mois, le Pape enuoya en Suiſſe Ierome Franc, qui autres fois auoit eſté Nonce du Pape Paul troiſieme à icelle nation: & ce principalement, pour empeſcher que le Roy de France n'eût d'eux des gens de guerre: & pour obtenir leuee de Soldats pour les affaires de Parme. Et à cete occasion il leur eſcriuit en date du vintſeptieme May, Que, comme il auoit pris le nom du Pape Iules deuxieme, qui leur auoit eſté tant affectionné, auſſi vouloit-il ſuiure l'exemple d'iceluy à les aymer, & à ſe ſeruir de leur aide & ſecours: à quoy il auoit donné commencement, prenant de leur nation vne garde pour ſa propre perſonne, & vne autre pour la ville de Bologne. Et qu'à preſent, que le Concile eſtoit intímé, & cōmença à Trente, il les prioit de faire en ſorte, que leurs prelates ſ'y trouuaſſent pour le premier de Septembre, iour aſſigné pour la ſeconde Seſſion.

le Roy trai-
te avec le
Pape pour
le ſaiſ de
Parme,

Le Roy de France s'eſſorça de perſuader au Pape, par de Termes ſon Ambaſſadeur, Qu'il auoit pris la deſenſe & protection de Parme pour treſbonnes raiſons: & le prioit de ſ'en contenter: qu'autrement, s'il preſeroit la guerre à la paix, non ſeulement l'Italie y auroit grand dommage & intereſt, mais auſſi le Concile en ſeroit empeſché en ſa poursuite, ou bien meſmes diſſout. Et, quand meſmes rien de cela n'arriueroit, toutesſois n'y pouuant aller aucun Eueſque François, il ne ſeroit pas raiſonnable de l'appeler Concile general. Le Pape offroit de faire pour le Roy toutes choſes, ſauf celle là, qu'il deſiroit de luy. Dont l'Ambaſſadeur eut diuers propos avec luy, & luy remonſtra que le Roy ne pouuoit plus ſe retirer: & que quand il ne plairoit à Sa Sainteté de demeurer neutral, ains voudroit eſtre

ministre des volontés de l'Empereur, par lequel le Roy son maistre estoit bienaffecté qu'il se laissoit gouverner, Sa Maïesté seroit contrainte d'yser des voyes de droit & de fait, dont ses ancestres s'estoyent seruis contre les Papes, qui s'estoyent rendus partiaux. Làdessus le Pape entra en cholere; ou certe feignit d'y estre entré, & respondit, Que si le Roy luy ostoit Parme, il luy osteroit la France: & s'il luy ostoit l'obeïllance de la France, il luy osteroit le commerce de toute la Chrestienté: que s'il pretendoit d'y employer force, & armes, il seroit de son costé le pis qu'il pourroit: si edits, defences, & autres choses semblables, il vouloit bien qu'il fust, que sa plume, son encre, & son papier ne luy cederoyent en rien. Mais, quoy que le Pape parlait si haut, il ne laissoit pas d'auoir part de la peur: Dont, pour inciter l'Empereur, il luy fit, par l'Euesque d'Imole, lequel il luy auoit enuoyé pour Nonce en lieu de l'Archeuesque de Siponte, représenter tous les propos qu'il auoit eus avec l'Ambassadeur de France, & qu'à Rome on viuoit en apprehension d'un autre sac, à cause des bruits des Turcs & des François, & qu'on auoit aussi doute de quelques Conciles Nationaux. Et pourtant, qu'il estoit necessaire de faire de bons preparatifs d'armes, pour preuenir les entreprises & fe pouuoit defendre en cas d'urgent besoin.

Le Roy, voyant qu'il n'estoit possible de flechir le Pape, despescha vne patente à tous les Euesques de son Royaume, tant à ceux qui estoient en France qu'ailleurs, que dans six mois ils eussent à se rendre à leurs Eglises, & là se preparer pour vn Concile National. Cete patente fut aussi presentee à ceux qui estoient à Rome, sans que le Pape osast les empescher d'obeir à la volonté du Roy, doutant de leur faire tort, & de lezer encor d'auantage sa reputation. Mais il prit pour expedient d'enuoyer en France Alcane de la Corne, son neveu, avec instruction de faire tout deuoir pour desmouoir le Roy de la protection de Parme: & de luy faire comprendre, qu'Octaue Farneze, estant son Vassal & feudataire, il ne pouuoit en aucune façon supporter d'estre mesprisé de luy: ce qui luy tourneroit à vne eternelle infamie, & donneroit exemple à d'autres de ne le reconoistre pour Pape. Que pour luy, il estoit grandement enclin à la France, & à Sa Maïesté, & tres-esloigné de fauoriser ses aduersaires, comme cela estoit notoire à tout le monde. Que toutesfois le susdit esgard estoit si puissant, qu'en cas que Sa Maïesté n'y mist ordre, il seroit suffisant de le faire jeter à corps perdu entre les bras de ceux que moins il desireroit. L'instruction portoit aussi, Que si le Roy ne se laissoit induire à cela, qu'il le priast de considerer, combien d'inconueniens tireroit apres soy vn Concile National, & comment ce seroit vn commencement de donner vne licence à ses suiets, telle qu'il s'en repentiroit le premier: & des à present causeroit ce mauvais effet, d'empescher le Concile, & que ce seroit la plus grande offense qu'on püst faire à Dieu, & le plus grand dommage, qu'on püst apporter à la foy, & à l'Eglise. Qu'il le requist d'enuoyer vn Ambassadeur à Trente, l'alleurant que des Presidens, & de tous les Prelats affectionnés à Sa Sainteté, il receuroit tout honneur & reuerence. Que s'il n'y condescendoit, ains persistoit à vouloir que l'Edit demeurast ferme, il luy proposast ce temperament pour oster tout scandale, de faire au moins vne declaration, Que par cet Edit il n'auoit nullement entendu empescher le Concile general.

Le Roy, ayant ouï cete Ambassade, monstra aussi de son costé, que son honneur l'obligeoit à persister en la protection du Duc Octaue, & à maintenir son Edit: ce que toutesfois il fit en termes, qui marquoyent du desplaisir de ces mescontentemens, & du desir d'y remedier. Et pour correspondre au Pape, il luy enuoya le Sieur de Monluc, élu Archeuesque de Bordeaux, non sans esperance de pouuoir adoucir l'esprit du Pape. Mais pour toutes instances que le Roy fust faire, il demeura ferme en sa dureté, & réuoya le mesme Monluc, avec cômmission de se plaindre au Roy, de ce que iusques à Rome il auoit enuoyé son Edit touchât le Concile National, & ses parolles à des Prelats suiets du Pape mesme au tēporel, designant l'Euesque

le Pape s'incite, & menace,

l'Roy rapelle de Rome les Prelats de son Royaume, pour tenir vn Concile national: ce que le Pape apprehende & se mode le Roy.

le Roy ne veut quitter Parme:

enuoyé Monluc au Pape,

mais en vain,

1551.

*ingratitude
commise en
faveur du
Roi,*

*& de cou-
verture de
malice des-
sein du Pa-
pe,*

*des allemas
Protestans
se preparer
d'aller au
Concile,*

*requierent
sauf conduit
du Concile
mesmes:*

d'Aignon: ce que tout le monde interpretoit n'estre fait à autre fin, que pour empescher le Concile general. Et pour conclusion, prioit le Roy, & le Roy qu'ils estoient resolu tous deux, luy de corriger le Duc Octaue, & le Roy de le proteger, leurs differens ne passassent point plus outre que Parme, comme du costé de Sa Maïesté ils estoient ia passés, rappelant les Cardinaux & les Prelats de Rome, lesquels luy Pape n'auoit voulu empescher de partir, esperant qu'apres que Sa Maïesté auroit euapare les premiers bouillons de sa cholere, Dieu l'illumineroit à changer de procedure. Tous ces deuoirs reciproques, & le respect du Concile, ne purent effectuer enuers aucun de ces Princes, qu'ils rabatissent rien de leur roideur. Generalement tous iugeoyent en faueur du Roy: d'autant quel'Empereur ayant faisi Plaifance, de luy laisser aussi Parme, estoit le rendre arbitre & maistre del'Italie: & sembloit chose indigne, que la posterité de Paul, qui auoit tant ahanné pour la liberte de l'Italie, fust abandonnee de tous. Que si le Pape ne se douloit point que Plaifance fust faisie, & ne faisoit aucune instance pour la faire restituer, quel grief luy estoit ce, que le Duc Octaue s'asseurast de Parme; Cete raison estoit de si grand poids enuers quelques vns, qu'ils tenoyent pour certain, que le Pape lules l'entendoit bien ainsi, mais qu'il desiroit la guerre entre l'Empereur & le Roy, pour faire naistre quelque empeschement au Concile, qui ne procedast point de luy, & püst estre imputé à autres. Du moins, c'est chose asseuree, que les instances du Pape enuers l'Empereur estoient bien plus frequentes & plus puissantes, pour luy faire prendre les armes contre Parme, ou la Mirandole, que les offices qu'il faisoit avec le Roy, pour appointer l'affaire. Le Roy, apres auoir en vain essayé tous moyens pour appaier le courage du Pape, vint en fin à l'extreme, qui fut de protester par de Termes son Ambassadeur, & principalement contre le Concile, qui s'assembloit esperant que cete consideration feroit desmouoir le Pape de sa resolution. Or, d'autant que cete protestation fut reiterée au Concile, nous en rapporterons le contenu, lors que nous reciterons ce qui en fut fait au Concile.

Mais en Allemagne on parloit plus que iamais du Concile. Car Maurice, Duc de Saxe, voyant la resolution de l'Empereur, pour luy donner tant plus asseure indice de vouloir obtemperer à sa volonte d'enuoyer à Trente, commanda à Philippe Melanchton, & aucuns autres siens Theologiens, de ramasser les Articles de doctrine, qui deuoient estre proposés au Concile, & d'assembler à Leipfig tous les Docteurs, & les Ministres de son Estat, pour les examiner. Semblablement Christofle, Duc de Vvirtemberg, succedé des n'aguères à son pere, fit dresser vn autre Escrit à ses Theologiens, lequel en substance estoit vne mesme chose que l'autre: & les vns approuuerent l'Escrit des autres, ayans choisi cete voye de ne proceder coniointement, pour oster tout soupçon & ombrage à l'Empereur. Puis le Duc Maurice escriuit à l'Empereur, luy donnant aduis de cet Escrit qu'il auoit preparé, & comment il estoit tout prest avec ses Theologiens: mais que son saufconduit à son iugement n'estoit point suffisant: d'autant qu'au Concile de Constance auoit esté arresté, que, nonobstant le saufconduit de l'Empereur, on ne laisseroit de proceder contre ceux qui estoient allés au Concile: & de fait cet Arrest fut executé en la personne de Iean Hus, qui y estoit allé sous la foy publique de l'Empereur Sigismond. Partant, qu'il ne pouuoit enuoyer aucun des siens à Trente, s'il n'auoit saufconduit du Concile mesme: comme il auoit esté pratiqué au Concile de Basle, auquel les Bohemiens, deuenus sages par l'exemple de Constance, ne voulurent se transporter que sous la foy publique de tout le Concile. Que donques il prioit l'Empereur de moyener, que les Ecclesiastiques de Trente leur baillassent vn saufconduit, en la mesme forme qu'il auoit esté baillé aux Bohemiens à Basle: attendu que la condition des siens estoit à present la mesme, que celle des Bohemiens alors. L'Empereur promit de le faire, & donna charge à ses Ambassadeurs de le procurer, lesquels en ce mesme temps il despescha au Concile.

Cete Ambassade estoit de trois personages, tant pour honorer le Concile, que pour y auoir nombre de Ministres, qui fissent œuvre. Et ce nombre estoit coloré disant, Que l'un estoit pour l'Empire, l'autre pour l'Espagne & le troisieme pour les autres Estats: & toutesfois chacun par indiuisi pour tous. Leur commission fut signee sous la date du sixieme de Iuillet, & portoit, Que le Pape Iules, pour appaiser les differends de la Religion en Allemagne ayant de rechef conuocqué à Trente pour le premier de May passé, le Concile, pieça intimé, commencé, & puis intermis par le Pape Paul, luy Empereur, enpesché, pour cause d'indisposition, de s'y trouuer en personne, n'auoit pourtant voulu defaillir à son deuoir, ainsy enuoyer ses Procureurs, & representans. Pour ces causes, estant bien asseuré de la loyauté, prudence, expérience & zele de Hugues, Conte de Montfort, de Don François Toledé, Prieur du Monastere de Roncevaux, & de Guillaume de Poitiers, Archidiaque de Champagne, il les constituoit & creoit ses Ambassadeurs & Mandataires, à l'esgard de l'Empire, & des Royaumes, & Estats qui luy sont hereditaires: leur donnant & à chacun d'eux, pouuoir de comparoir au Concile, tenir sa place, consulter, traiter, conseiller donner voix & suffrage, & interposer decret en son nom: & en somme, de faire toute autre chose, que luy mesmes pourroit faire s'il y estoit present. Les mettant en son propre lieu & place, & promettant d'auoir pour agreable & ferme ce qui auroit esté fait & geré par tous trois, ou par deux, ou mesmes par un d'entr'eux.

1551
trois Ambassadeurs
de l'Empereur
au Concile, & leur
mandement

Le Pape, combien qu'il eust pris fort à cœur l'ouerture du Concile, néanmoins, dès qu'il fut commencé, ne se donna pas beaucoup de soucy d'y faire aller les Prelats: soit qu'il fut tout porté & bandé à la guerre allumée à la Mirandole: soit aussi qu'autrement il ne s'en souciait pas beaucoup. Tout le grand deuoir fut fait par l'Empereur, qui poussa premierement les Electeurs de Mayence, & de Treues, & puis aussi celui de Cologne, ensemble cinq autres Euesques principaux, & les Procureurs de plusieurs qui estoient empeschés d'y aller en personne. Il fit aussi venir d'Espagne quelque nombre de Prelats, outre ceux qui s'estoient iusques alors entretenus à Trente, & par l'Italie: & de ceux de ses Estats d'Italie: hors lesquels il en vint peu d'autres: de sorte, qu'en tout l'espace de huit mois, que dura le Concile, ils ne passerent jamais le nombre de soixante quatre, y compris les Presidens & les Princes.

diligence
du mesme
pendant la
séance du
Pape.

Le premier Septembre, iour assigné à la Session, venu, on alla à l'Eglise avec la ceremonie accoustumée. L'ordre du pas fut tel: premierement marchoit le Cardinal Legat, apres le Cardinal Madruce, puis suiuoyent les deux Nonces, & apres eux les deux Electeurs, d'autant que celui de Cologne n'estoit point arriué: puis les deux Ambassadeurs Imperiaux, l'Archidiaque de Champagne n'estant pas encor venu: puis suiuoit l'Ambassadeur du Roy des Romains, & apres en ordre venoyent les Archeuesques. Apres la Messe dite par l'Archeuesque de Torre, & les ceremonies Ecclesiastiques finies, le Secretaire du Concile lut vne exhortation au nom des Presidens aux Peres du Concile, en ces sens, Que de la presence des deux Princes Electeurs ils prenoient grande esperance que plusieurs Euesques de la mesme nation Allemande, & d'autre aussi viendroyent au Concile: & que ce pendant, pour le rang qu'ils tenoyent, il leur sembloit necessaire de faire vn petit aduertissement à eux mesmes, & aux autres: quoy qu'ils vissent tous portés à faire deuoir de bons Pasteurs: attendu que ce, dont il s'agissoit, estoit de tres-grand poids, assauoir, d'extirper les heresies, reformer la discipline Ecclesiastique, la deprauiation de laquelle auoit causé les heresies, & finalement d'appaiser les discordes des Princes. Qu'il falloit prendre le commencement de l'exhortation de la conoissance de son insuffisance, & du secours & refuge à l'aide & secours de Dieu, qui ne leur defaudoit point, selon qu'on voyoit desia plusieurs signes, & sur tout en la venue de ces deux Princes. Quel'authorité des Conciles Généraux auoit en tout temps esté

Session deuxième.

en laquelle
est lue vne
longue exhortation.

tres-grande: d'autant qu'en iceux preside le S. Esprit: dont leurs Decrets ne sont point estimes humains, mais diuins. Que les Apostres, & les Saints Peres apres eux, en auoyent laissé de beaux exemples: attendu que par les Conciles tous les heretiques auoyent esté condamnés, & la vie & les mœurs du Clergé, & du peuple, reformés: & l'Eglise, trauaillée de dissensions, remise en repos & tranquillité. Et partant, qu'estans encor à present assemblés pour les mesmes fins, il falloit s'elueiller tous pour reconuer les brebis esgarées hors de la bergerie de Christ, & garder celles qui n'estoyent pas encor desuoyées. En quoy il ne s'agissoit pas seulement du salut d'icelles, mais aussi de celuy de chacun d'eux qui estoyent tenus en rendre conte à Dieu: duquel, en faisant le deuoir de leur charge, ils deuoyent attendre retribution & loyer, outre la louange, quaequeroit le Concile enuers toute la posterité: quoy que de vray ce soit là le moindre esgard qu'il faille auoir: ains viser seulement à l'asquit de sa conscience, & au deuoir de charité enuers l'Eglise, laquelle affligée, desmembree, & priuée de tant de chers enfans, leuoit les mains à Dieu, & à eux pour les recouurer. Et pourtant, qu'il leur plust traiter les choses Synodales en toute douceur, & bienfaisance conuenable à vne si notable Assemblée, sans contention, ains en parfaite charité, & vnanimité, se resouenant tousiours d'auoir Dieu pour spectateur, & luge.

*Et puis le
Decret qui
ne contien
que dilatis
la nati
re de la
juin ne
Session.*

*procuration
de l'Empe
reur lue, la
harangue
de ces Am
bassadeurs
ouïe.*

*en au
selle du Roi
Ferdinand*

*la quel A
miot se pre
sente au
en Roy de
France.*

L'exortation finie, le Decret fut lu par l'Euesque officiant: & la substance en estoit telle, Le Saint Concile, en la Session precedente ayant arresté de passer outre en celle de ce iourd'huy, ce qu'il a differé de faire iusques à present, à cause de l'absence de la nation Allemagne, & du petit nombre des Peres: maintenant qu'il voit deux Princes Electeurs arriués, avec esperance que plusieurs autres de la mesme nation, & des autres, à leur exemple, hasteront leur venue, differe & remet la Session de quarente iours, assauoir, iusques à l'onzieme Octobre, & en poursuiuant le Concile, en l'estat auquel il se trouue, ordonne, que, puis qu'on a desia traité des Sacrements en general, & du Baptisme, & de la Confirmation, en particulier, on entre au traité de l'Eucharistie. Et, pour ce qui concerne la Reformation es choses qui peuuent faciliter la Residence. Apres cela le Secretaire lut la procuration de l'Empereur, & le Conte de Montfort haranga, exposant: Que l'Empereur, apres auoir obtenu le retablissement du Concile en la ville de Trente, auoit incessamment sollicité les Prelats de ses Estats de s'y transporter: comme la presence des Electeurs, & le grand nombre des Peres, en fait foy. Mais que pour plus grand tesmoignage de son affection, il auoit enuoyé D. François de Toledé, pour ses Royaumes d'Espagne, & vn autre pour ses autres Estats patrimoniaux, & pour l'Allemagne luy qui parle, quoy qu'indigne, pour Orateurs & Deputés, prians d'estre receus & admis pour tels. Iean Baptiste Castel, Promoteur respondit au nom du Concile, Que le Concile auoit receu vn singulier contentement du mandement de l'Empereur: conceuant tant d'iceluy, que de la qualité de ses Procureurs, combien il se pouuoit promettre de luy: & que pourtant il esperoit aide & assistance d'eux, & admettoit, autant que de droit il pouuoit, le mandement Imperial. Apres fut lue la procuration du Roy des Romains en la personne de Paul Gregoriani, Euesque de Zagabria en Esclaunie; & de Friderich Nausee, Euesque de Vienne, lequel aussi haranga, & luy fut respondu de mesme style qu'aux deputés de l'Empereur.

Apres cela, se presenta Jacques Amiot, Abbé de Bellosane, au nom du Roy de France, avec lettres du Roy, lesquelles il presenta au Legat, requerant qu'elles fussent lues, & que sa creance fust ouïe. Le Legat, les ayant receues, les bailla à lire au Secretaire. L'inscription estoit, *Sancius fmiss in Christo Patribus conuentus Tridentinus*. Laquelle estant lue, l'Euesque d'Orense en Espagne, & apres luy les autres Espagnols, dirent à haute voix, Que ces lettres là n'estoyent point adressées à eux, qui estoyent Concile general, & legitime, & non vne telle quelle assemblee: & pourtant requeroient qu'elles ne fussent point lues, ny ouuerte en la Session publique: mais que si le porteur

à s. s. l.

Et mesme protestoit de vouloir passer aux remedes pratiqués par ses ancestres en semblables occurrences: non pour annuler le respect de la submission due au Saint Siege: ains seulement, pour la reseruer à des temps plus propres, quand les armes, prises contre luy avec peu de raison, seroyent mises bas. Requerant à Sa Sainteté, que cete protestation fust enregistree, & copie luy en fust baillée pour s'en pouoir seruir au besoin. Et qu'il vouloit, que ces mesmes choses desia protestées à Rome, le fussent aussi à Trente, avec la mesme instance, & qu'elles fussent enregistrees es Actes de cete Assemblée, & qu'il en fust dressé vn instrument public, pour s'en pouoir seruir en temps & lieu.

resp. e du
Concile.

Après que la protestation eut esté luë, le Promoteur, ayant premiere-ment parlé avec le President, respondit en substance, Que le Concile auoit pour fort agreable la modestie du Roy en sa lettre: qu'au demeurant il n'ac-ceptoit l'Abbé, sinon entant qu'il estoit de raison: mais luy intimoit de se trouuer au mesme lieu, l'onzieme Octobre, pour receuoir la response, que le Concile feroit aux lettres du Roy. Faisant cependant defense aux Notaires de faire aucun instrument de la presente action, sauf que coniointement avec le Secretaire du Concile. Ainsi, n'y ayant plus rien à faire, fut finie la Session. L'Abbé demanda acte de ce qui s'estoit passé, mais ne le pût obtenir.

Augment sur
cete prote-
station,

Quand à Rome de Termes fit sa protestation, quoy que cela vint à la notice de peu de gens, on se persuada que le Pape differeroit le Concile, lequel estant celebré avec la repugnance d'une nation tant prinicipale, ne pouoit engendrer que nouvelles diuisions. Mais le Pape trompa en cela les opinions du monde, non par desir qu'il eust de tenir Concile, mais ne voulant point coucher du lien en la dissolution d'iceluy: en resolution, que s'il se separoit sans luy, de respondre à bouche ouuerte à qui conque le demanderoit de nouueau, Que, de sa part, il y auoit fait tout le possible, & qu'il n'en vouloit plus entendre parler. Mais la protestation, faite à Trente, en lieu si eminent, au veu de tous, fut incontinent publiee par tout, avec toutes ses particularités, & presta grand sujet de discours. Les Imperialistes l'estimoyent vne pure vanité, disant, Que tousiours l'acte du plus grand nombre de la generalité est réputé legitime, quand la moindre partie, estant appelée, n'a voulu ou pu entreuenir. Que tous ont esté appelés au Concile, & que les François aussi y eussent pû aller, sans passer par les terres du Pape. Au defaut de quoy mesmes, leur absence ne derogeoit en rien au Concile, attendu qu'ils n'ont point esté negligés, ains conués. Au contraire, d'autres disoyent, Que ce n'estoit point conuier, d'appeler de paroles, & exclure d'effets. Et quant aux terres du Pape, que de vray on pouoit bien de France passer à Trente, sans passer par icelles, mais non point sans passer par celles de l'Empereur. Et que la plus grande partie pouoit bien peut estre auoir l'entiere autorité, quand la moindre ne pouuant comparaistre, se taisoit: car en tel cas on presuppse qu'elle est consentante: ou bien quand elle ne veut comparaistre: car lors on la jugé contumace, mais, quand elle proteste, son lieu luy doit estre gardé, sur tout quand l'empeschement procede de celuy qui l'appelle: de sorte que l'action ne peut estre valable en son absence.

Les Conseillers du Parlement de Paris encherissoient encor par dessus, disant, Qu'il est bien vray, que l'autorité de toute la generalité est transferee à la plus grande partie, quand la cause n'est que commune de tous, & les particuliers, chacun pour soy, n'y ont point d'interest. Mais, que quand le total est bien de tous, en sorte toutesfois que chacun a sa part, lors l'assentiment de chacun y est nécessaire, & *prohibentis conditio potior*: & sans leur suffrage & adueu, les absens ne peuuent estre obligés. Que de cete nature sont les assemblees Ecclesiastiques: & que pour grand & nombreux que soit vn Concile, les Eglises qui n'y sont entreuenues, ne sont point obligées par iceluy, si ce n'est de leur bon gré, & franche volonté. Que tousiours

L'Antiquité

l'Antiquité auoit obserué, qu'apres que les Conciles estoient acheués, on en enuoyoit les Decrets aux Eglises, qui ne s'y estoient trouuées, pour estre confirmés: autrement ils n'auoyent en icelles aucune force & vigueur. Ce que chacun peut voir, en lisant S. Hilaire; Athanasé, Theodoret; & Victorin: qui traitent particulièrement de ce point. Et aduenoit quelquesfois qu'en quelque Eglise vne partie des Canons estoit receüe, & l'autre laissée, selon que chaque Eglise iugeoit conuenable à ses necessités, coustumes & vsages. En conformité de quoy S. Gregoire tesmoigne que l'Eglise Romaine ne voulut receuoir les Canons du second Concile de Constantinople, ny ceux du premier d'Epheze.

Les hommes prudents, qui ne s'arrestoyent point à ces subtilités; disoyent, Que le Roy auoit fait vne playe incurable à ce Concile: d'autant qu'iceluy n'ayant autre fondement que la charité Chrestienne; & l'assistance du S. Esprit, on ne pourroit iamais croire, que le S. Esprit fust entreueu en vne Assemblée, contre laquelle vn Roy Treschrestien, & persecuteur de toutes les sectes, suui d'vn Royaume nullement contaminé au fait de la Religion, eust protesté en cete façon. Et pour preuue allegoyent l'experience mesmes, en ce que les Presidens s'estoyent retirés à consulter avec les Ambassadeurs de l'Empereur: ce qu'ils disoyent demonstrier clairement qu'il estoit celuy qui conduisoit le Concile. De tant plus, qu'apres la consultation faite entre eux cinq tant seulement, sans la communauté à autres, le Promoteur auoit dit, Le saint Concile reçoit & admet les lettres. Quel estoit donc ce Concile; Et semblablement, qu'apres la lecture de la proposition verbale d'iceluy Abbé, la réponse auoit esté baillee au mesme nom du Concile, sans estre deliberée par autres que par les Presidens. Et que la difficulté n'estoit point solüe, pour dire, que c'estoit chose de petite consequence: premierement, pource qu'il seroit malaisé de maintenir, que la matiere ne soit tresimportante, quand il s'agit de danger de diuision en l'Eglise: secondement, que quoy qu'il en soit, nul ne peut s'attribuer le pouuoir de declarer les choses qui importent, & celles qui n'importent point, fors le superieur: que c'estoit là vne preuue de ce qui estoit porté par la Bulle du Pape, & par le Sermon des Legats, qui auoit esté lu. Qu'ils estoient là pour regir le Concile, & que de vray aussi ils le regissoient.

Ces mesmes propos furent derechef remis sur les rangs, à l'occasion de la nouuelle, que le Roy auoit congedié le Nonce du Pape, & public vn Manifeste; qui fut en ce mesme temps imprimé & diuulgué par tout, auquel le Roy exposoit tout au long les causes; qui l'auoyent mu à prendre la protection de Parme: & donnoit au Pape toute la faute de la guerre entreprise, ce qu'il attribuoit à vn artifice de luy mesme, pour empescher la tenue du Concile. Et pour conclusion, disoit, qu'il n'estoit pas raisonnable, que de son Royaume fussent fournis les deniers pour luy faire la guerre: comme ordinairement il en sortoit des sommes immenses, pour vacances, bulles, graces, dispenses, & expéditions. Et que pour tant; de l'aduis & conseil de ses Princes, il defendoit de despescher courriers à Rome & d'y faire tenir deniers par lettres de change, ou or & argent non monnoyé; pour matieres beneficieles, ou autres graces & dispenses, sous peine de confiscation, tant aux Ecclesiastiques, qu'aux Seculiers, & à ceux-cy en outre de punition corporelle. Appliquant le tiers de la confiscation aux delateurs; & denonçans, Ce Manifeste fut verifié en Parlement, à la requisition du Procureur general du Roy, qui remōstra, Que ce n'estoit point chose nouuelle, ains pratiquée par Charles sixieme, Louis onzieme, & Louis douzieme, & conforme au droit commun, d'empescher que deniers ne soyent transportés aux ennemis: & que ce seroit chose par trop inique de faire la guerre au Roy des propres deniers de son Royaume: & qu'il valloit beaucoup mieux, pour les suiets du Roy, conseruer leur argent; sans se soucier de dispenses, lesquelles ainsi qu'ainsi ne sont point suffisantes pour asseurer ny pacifier les consciences: & à vray dire, ne sont autre chose qu'une faulx feuille & le Roy publie en France vn Manifeste contre le Pape, & defend tout transport d'argent à Rome.

1551. couleur aux yeux des hommes, par laquelle la verité ne peut estre cachée à ceux de Dieu.

A Rome, & à Trente, on ne pouvoit digerer, que le Roy fist des Protestations contre le Pape, & mesmes se disposoit à luy faire guerre: & cependant dist, Qu'il gardoit tousiours la mesme reuerence enuers le S. Siege, attendu que le S. Siege n'est autre chose que le Pape. Mais les François respondoient à cela, Que l'ancieneté en auoit bien iugé autrement, & que mesmes Victor troisieme, qui toutesfois fut des plus aduantageux, & entreprenans, auoit dit, Que le S. Siege estoit son seigneur & maistre. Ce qui auant luy auoit aussi esté aduoué par Estienne quatrieme, & des paroles de Vitalian, & de Constantin, Papes encor plus anciens qu'eux, il appert clairement, que par le Siege Apostolic, est entendu l'Eglise Romaine, & non le Pape, car autrement, si c'estoit vne mesme chose que le Pape, les fautes & manquemens d'iceluy seroyent aussi du Siege Apostolic.

Le Roy de France, redoutant que, par sa dissension avec le Pape, les desireux de changement de Religion ne fissent quelque remuement, qui causast sedition, ou, qu'il ne fust mis en mauuaise conception enuers le peuple, comme ayant le courage aliené de la Religion Catholique: soit aussi qu'il se voulust laisser ouuerre vne poterne de reconciliation avec Rome; fit vn tres-rigoureux Edit contre les Lutheriens, confirmant de plus fort tous les autres publics par luy mesmes auparauant, & y apposant plus grieues peines, & adioignant plus de façons de descouurir les coupables, & de recompenses aux delateurs.

L'Empereur d'ailleurs, considerant que le Roy de France luy estoit egal en pouuoir dans le College des Cardinaux, à cause du grand nombre des Cardinaux François, & autres despendans d'icelle Couronne: & que le parti des Farneses s'adjoignant à eux, il le surpassoit de beaucoup, ores que luy Empereur eust le Pape de son costé: enuoya à Rome D. Iean Mauriquez, pour persuader le Pape de creer de nouueaux Cardinaux, afin de surmonter, ou certes d'egaler le nombre des François. Le Pape y enclinoit bien, mais voyoit la difficulté qui y pouuoit eschoir, en vn Papat nouueau, & espuisé, & en temps de troubles, auquel il eût malaisé d'auoir le consentement de tous les Cardinaux: & d'ailleurs, que de les creer sans le consentement il estoit fort dangereux. Il estoit en doute, lequel valoit le mieux, d'en faire plusieurs tout à vne fois: & comme d'une volée, ou bien peu à peu. Il croyoit que plus aisément il obtiendroît le consentement des Cardinaux en cette seconde façon: & que cependant les confidens viuroient en esperance: en lieu qu'à vne numeroise promotion les Cardinaux s'opposeroient bien plus violemment, & les forclos seroyent desesperés. Aussi estoit-il en doute, s'il en deuoit creer aucun du nombre des Prelats du Concile. Il estoit bien porté à le faire, parce qu'il y en auoit bon nombre qui auoyent tres-bien mérité, & qu'il falloit faire estat des trois Electeurs. & sur tout de celuy de Mayence, qui y aspiroit. Mais d'autre costé il luy sembloit, que d'en uoyer des chapeaux rouges au Concile, estoit chose odieuse, & capable d'engendrer enuies & ialousies. Partant il se resolut en soy-mesme de n'attendre pas Noel, lors que tous s'auancent avec leurs pretensions, & brigues, & que les banques sont pleines de gageures: mais, de venir vn iour à despourueu à l'exécution: mais il ne trouua iamais temps & occasion propre de les creer, sinon à Noel.

Or, pour retourner à Trente, le deuxieme Septembre, iour d'apres la Session, fut tenue la Congregation generale, en laquelle furent deputés les peres, qui deuoient dresser les Articles de l'Eucharistie, pour les baille à examiner aux Theologiens, & pour ramasser les abus introduits en cete matiere. Apres un discours de la Reformation, laquelle tendant à oster aux Euesques les causes de non resider en leurs Eglises, il en fut remarqué grand nombre, partie proposees ia au parauant à Trente, & à Bologne, partie aussi auancees lors de nouueau. En fin ils s'arrestèrent sur le point de la Iurisdiction,

mais ce p^e
d'au ne s'a
sa de p. f.
enter à un
tran. les
Resumé:

L'Empereur
sach. de l
consecrer
par egal
nombre de
Cardinaux
en qu'il
Pape fait
de son pa
les.

Congrega
tion gene
rale.

disant, Que les Euesquess'en trouuoient tout à fait priués & spoliés, partie, par les euocations des causes, partie, par les appellations, partie aussi, par les exemptions: & que plus souuent & frequemment leurs propres suiues & iusticiables exerçoient iurisdiction sur & contr'eux, soit par speciales commissions de Rome, soit en vertu de lettres de Conseruation, ou de Delegation, que non pas eux sur leurs suiues. Et sur cete matiere aussi furent ellus des Peres, pour en former les Articles. Le Legat & les autres Presidés, ayans tousiours l'œil, selon leurs instructions, à eiter les dāgereux escueils des debats entre les Theologiens; & leurs disputes inextricables, par lesquelles ils s'agissoient, & aussi les confusions à parler; publicrent les Articles formés, pour commencer à entraiter le Mardy, huitieme Septembre, apres midy: & à iceux adioignirent vn reglement for limité & restreint, de la maniere & ordre à obseruer és Congregations, par lequel tous estoient bridés à parler sobrement.

Ces Articles furent en nombre de dix, extraits de la doctrine des Zuin- *en laquelle*
gliens, & des Lutheriens. Premierement, Qu'en l'Eucharistie n'est point *ont peu*
veritablement le corps & le sang, ne la deité de Christ: mais seulement en *posés les Ar*
signe, & figure. Secondement, Que Christ n'est point presenté ne baillé à *ticles de*
estre mangé sacramentellement, mais seulement spirituellement, & par foy. *l'Eucharis-*
Tiercemēt, Qu'en l'Eucharistie il y a bien le sang & le corps de Christ; mais *tie.*
auec la substance du pain & du vin: tellement que ce n'est point Transubstā-
tiation, mais vne union hypostatique de l'humanité, & des substances du pain
& du vin: dont cete façon de parler est veritable, Ce pain est le corps de Christ
& ce vin est le sang de Christ. En quatrieme lieu, Que l'Eucharistie est or-
donnee pour la seule remission des pechēs. En cinquieme lieu, Que Christ
ne doit estre adoré en l'Eucharistie, ny icelle honoree de festes, ne portee
en processions, & à malades, & que tels adorateurs sont vrais idolatres. En
sixieme lieu, Qu'il ne faut rien reseruer de l'Eucharistie, ains qu'il faut
consommer ce qui en reste, ou le distribuer tout sur le champ: & que qui fait
autrement, abuse de ce Sacrement: & qu'il n'est loisible à aucun de se com-
munier foy mesme. En septieme lieu, Qu'és parcelles du pain de l'Eucha-
ristie, qui reste apres la Communion, ne demeure point le corps du Seigneur
mais qu'il y est seulement pendant qu'iceluy est receu, non deuant, ny apres.
En huitieme lieu, Qu'il est de droit diuin, de communier le peuple, voire
mesmes les petits enfans, auec l'une & l'autre espee: & que ceux-là pes-
chent, qui contraignent le peuple à n'en vser que d'une seule. En neuuieme
lieu, Qu'il est faux, qu'autant soit contenu sous l'une espee, que sous
toutes les deux: & que celuy qui ne communique qu'auec vne, ne reçoit point
autant que celuy qui communique auec toutes les deux. En dixieme lieu, Que
la seule foy est suffisante preparation, pour recevoir l'Eucharistie: & que
la Confession n'y est point necessaire, specialement és sauans & entendus: &
que les hommes ne sont point tenus de se communier à Pasquēs.

Apres ces Articles, estoit couché le susdit reglement en cete forme, Que *Q' vn rei-*
les Theologiens ayent à prouuer & confermer leurs aduis par la Sainte Ec- *glement*
criture, par les traditions Apostoliques, par les Saints & approuués Conciles; *pour les*
& par les Constitutions & autorités des Saints Peres. Apres, qu'ils ayent à *duement*
vser de brierueté, & à fuir les questions superflues & inutiles: & les conten- *examiner;*
tions opinastres, & immodestes. Et que cete ordre soit gardé entr'eux au
parler: que premierement parlent ceux qui sont enuoyés par le Pape, puis
ceux de l'Empereur, entroieme rang les Theologiens seculiers; selō l'or-
dre de leurs promotions, & en fin les reguliers, selon les presences de leurs
Ordres. Et le Legat, & les Presidens, d'autorité Apostolique, donnent aux
Theologiens: qui auront à parler, permission & autorité d'auoir & lire tous
liures interdits, & ce afin de trouuer la verité, & de refuter & impugner les
opinions faulces. Ce reglement ne fut point veu de bon œil par les Theo-
logiens Italiens, car ils disoyent que c'estoit vne nouueauté, & condam- *lequel des-*
ner la Theologie Scholastique, laquelle en toutes les difficultés se seruoit *agie aux*
Italiens.

1555

de la raison : & pourquoy ne seroit-il permis de traiter en la mesme façon qu'auoyent fait Saint Thomas, Saint Bonauenture, & autres auteurs fameux ? Que l'autre doctrine, qu'on appelle positive, & gist à recueillir passages & sentences de l'Ecriture, & des Peres, n'est qu'une faculté de memoire, ou vn travail descrire, & est ancienne, mais aussi reconuë par les docteurs, qui ont des trois cens cinquante ans en ça, defendu l'Eglise pour insuffisante, & peu vtile. Que c'estoit rendre les armes, & donner cause gaignee aux Lutheriens : car, toutes les fois, qu'il s'agit de diuerses Leçons, & de memoire, il auront tousiours le dessus, à cause de la conoissance des langues, & de la diuerse lecture d'auteurs : à quoy il est impossible de vaquer à qui veut deuenir bon Theologien, qui est obligé de necessité d'exercer son esprit, & apprendre à peser les choses, & non à les conter. Ils se plaignoyent aussi, que cela estoit se deshonorer eux mesmes enuer les Theologiens Allemands : car iceux, estans accoustumés à disputer avec les Lutheriens, s'estoyent exercés en cete sorte de littérature, laquelle n'estoit point en vusage en Italie : en lieu, que s'il falloit parler & traiter en termes de vraye & solide Theologie, on verroit bien lors leur ignorance : mais que les Presidents auoyent voulu faire cete honte à la nation Italiene, pour complaire aux Allemands. Qu'elques vns d'entr'eux en firent des doléances : mais cela seruit de fort peu : car le general des Peres agreoit beaucoup plus d'ouir parler en vne façon, qu'il leur fust intelligible, qu'en termes abstrus, & espineux, comme il auoit esté fait en la matiere de la Iustification, & es autres ia auparauant traitées. Quoy qu'il en soit, il est bien certain, que le reiglement seruit à faciliter l'expedition.

conferes sur
les Articles

Les auidis furent dits & exposés en diuerses Congregations : & furent tous conformes sur le premier Article, de le condamner pour heretique, comme on auoit ia fait autresfois. Sur le second, il y eut trois opinions : aucuns dirēt qu'il deuoit estre omis, attendu que nul heretique ne nie la communion sacramentelle : autres le tenoyent seulement pour suspect, & aucuns autres encor auroyent desiré qu'il fust conceu en termes plus clairs. Pour le troisieme, la commune opinion porta bien qu'il estoit heretique : mais, qu'il n'estoit point à propos de le condamner, ne d'en parler : attendu que cete refuterie, d'vñion hypostatique de l'humanité du Seigneur avec la substance du pain & du vin, auoit esté forgee par *Rupertus Tuitiensis*, il y auoit ia quatre cens ans & plus, mais n'auoit esté suivie d'aucun : dont d'en parler à present ne seroit qu'esmouuoir le mal, qu'il est bon de tenir assopi. Joint que le Concile estoit assemblé contre les heresies modernes, & ne se deuoit travailler des anciennes. Les auidis furent diuers sur le quatrieme Article : aucuns disoyent, qu'en ostant cet adiectif *seule*, cete sentence estoit Catholique, que l'Eucharistie est en remission des pechés : & que ce mot n'estoit adiousté par aucun des heretiques, dont ils iugeoyent qu'il le falloit omettre. Mais d'autres à l'opposite disoyent, que l'article, estoit heretique, quoy qu'on en ostast ce mot de *seule* : d'autant que le Sacrement de l'Eucharistie n'est point institué pour la remission des pechés. Au cinquieme, ils conuinrent tous en mesme auidis, voire plusieurs amplifications furent employées, pour persuader la veneration, & furent proposés diuers moyens pour l'augmenter, selon que la deuotion de chacun auoit excogité. Ils s'accorderent pareillement tous au sixieme, sauf en la derniere clause d'iceluy, qui porte, qu'il n'est loysible à aucun de se communier soy mesme. Aucuns disoyent, que l'entendant des Lais, elle estoit Catholique : & que parant il falloit exprimer qu'on le condamnoit seulement à l'esgard des Prestres. Autre disoyent, que non pas mesmes en ce sens elle ne deuoit estre tenuë pour heretique, attendu qu'au sixieme Concile general, au chapitre centvnieme, elle n'auoit point esté condamnée. Autres vouloyent, qu'à l'esgard mesmes des Lais, fust exclus le cas de necessité. Au septieme, tous s'efforcerent en inuectiues contre les modernes Protestans, comme inuenteurs d'une opinion impie, & inouïe en l'Eglise. Sur le huitieme, les discours de tous furent treslongs & prolixes : mais vniformes à

le condanner: dont les raisons principales estoient, Pource qu'en S. Luc, chap. 24. le Seigneur benit le seul pain aux deux Disciples: pource qu'en l'Oraison Dominicale on demande seulement le pain quotidien: & pource qu'ès Actes des Apostres, chap. 2. & 20. il n'est parlé que du pain: & au 27. S. Paul au Nauire ne benit que le seul pain. On rapportoit bien aussi quelques autorités des anciens docteurs, & quelques exemples des Peres: mais le principal fondement estoit sur le Concile de Constance, & sur la coustume de l'Eglise. Ils se fondoient aussi sur diuerfes figures du Viel Testament, & tiroient mesmes plusieurs propheties à ce sens. Et quant aux petits enfans, tous accordoyent bien que cela auoit esté pratiqué par quelques particuliers, en quelques temps, mais que tous les autres l'auoyent reconu & tenu pour erreur. En l'Article neuuesieme, la premiere partie, qui porte, qu'autant n'est point contenu sous l'une des especes que sous toutes deux, estoit iugée heretique par les Theologiens Allemans: mais les Italiens disoient, qu'il falloit la distinguer auant que la condanner: Car, si on l'entendoit à l'esgard de la vertu de la Consecration, c'est chose euidente que sous l'espece du pain il y a seulement le corps, & sous l'espece du vin seulement le sang, mais par consequence, que les Theologiens nomment Concomitance, sous l'espece du pain il y a aussi le sang, l'ame, & la Deité du Seigneur: & sous celle du vin le corps, & les autres choses: & pourtant qu'il ne la falloit point condanner en termes ainsi generaux. Mais, quant à la seconde partie assauoir, qu'autant reçoit-on avec une, qu'avec toutes deux les especes, il y eut diuersité d'aduis: car plusieurs tenoyent, qu'ores qu'on ne receust point d'auantage du Sacrement, on receuoit pourtant plus de grâce: dont il y escheoit de la declaration. Sur le deuxieme aussi, à l'esgard de la premiere partie touchant la foy, quelques vns vouloyent qu'on exprimast que la proposition est faulce, si on l'entend de la foy morte: car autrement, pour la viue, si n'y a point de doute qu'elle ne soit suffisante. Pour la necessité de la confession, les Lacopins mirent en consideration, que plusieurs Catholiques mesmes tressauans & tressaints, ont tenu cete mesme opinion portée par l'Article: & que, si on la condannoit, se seroit les condanner tous. Autres proposoyent par voye de temperament, qu'on ne la condannast point comme heretique, mais comme pernicieuse. Aucuns vouloyent aussi, qu'on adioustast cete condition, Que la confession est necessaire, s'il y a commodité de Confesseur. Pour la derniere partie, touchant la communion de Pasques, n'estant point commandee par loy diuine, mais seulement par ordonnance de l'Eglise, la commune opinion estoit, qu'elle ne fust point condannée pour heretique, pour n'approuer quelque particulier commandement humain. Plusieurs Theologiens proposerent aussi vn autre Article, tiré des Escrits de Luther, lequel il estoit necessaire de condanner. C'est, que quoy qu'il soit necessaire de prononcer les paroles de Christ, icelles toutesfois ne sont cause de la presence de Christ au Sacrement, ains la cause est la foy de celui qui le reçoit.

Après que tous les Theologiens eurent parlé, les Peres recueillirent de leurs aduis sept Anathematismes: lesquels ayans esté proposés en la Congregation generale, auant tout autre chose, fut mis en auant, qu'il n'estoit pas bon de passer cete matiere avec des anathematismes seulement: que cela n'estoit pas enseigner, mais seulement refuter: que les anciens Conciles n'en auoyent pas ainsi vsé, ains auoyent tousiours déclaré l'opinion Catholique, & puis auoyent condanné la contraire: que le mesme auoit heureusement reüssi en ce mesme Concile en la matiere de la Iustificacion: & combien qu'on eust esté forcé de changer de deliberation en la Session des Sacremens pour des vrgentes considerations, il estoit toutesfois plus raisonnable d'imiter maintenant. ce qui alors auoit esté fait par raison, que non pas ce qui depuis auoit esté changé par necessité. Cet aduis estoit fomenté par les Theologiens Italiens, lesquels voyoyent que c'estoit là vn moyen de recouurer la reputation qu'ils auoyent perdue: car, comme les Allemans, & les Flamens estoient habiles à prouuer les conclusions par autorités, aussi, pour

donc on recueille les Anathematismes, auxquels est le resolu d'adiouster les Chapitres de la doctrine

les déclarer, & pour en trouuer les causes propres, il y auoit besoin de la Theologie Scholastique, en laquelle les Italiens excelloyent. Cete opinion l'emporta, & charge fut baillée de dresser & composer les chapitres de doctrine, & furent deputés quelques Peres pour ce faire. Ces Chapitres furent reduits au nombre de huit, de la Presence réelle, de l'Institution du Sacrement de l'Eucharistie, de l'Excellence d'iceluy par dessus les autres Sacrements, de la Transubstantiation, de l'Adoration & veneration due à ce Sacrement, de la Preparation pour le receuoir, de l'Vlage du Calice en la communion des Laïcs, & de la Communion des petits enfans. Il fut aussi proposé de faire vn recueil des abus qui s'y rencontroyent, & d'y adiouster les remedes. Puis apres les Peres passerent, en cete Congregation, & en quelques fuiuan-tes, à dire leur auis sur les sept anathematismes: sur quoy ne fut dit chose aucune de relief, sauf que plusieurs desiroient, qu'en la condemnation de ceux qui ne confessent la reale presence du corps du Seigneur, le Canon fust plus gras, c'estoit leur ter me, & rendu mieux estoffé, & plus preignant, en declarant qu'en l'Eucharistie est le corps de Iesus Christ, iceluy-là mesmes qui est né de la Vierge, qui a souffert en la croix, qui a esté enseuey, resuscité, monté aux cieus, & qui est assis à la dextre de Dieu, & viendra en iugement. Et la pluspart d'iceux ramenteuoyent aussi, qu'un point fort important y defaillloit, assauoir, d'expliquer qu'il n'y a autre Ministre de ce Sacrement, que le Prestre legitiment ordonné. Et ce, d'autant que Luther, & ses adherans, disent souuent, que tout Chrestien le peut estre, voire mesmes vne femme.

*les Amba-
sadeurs de
l'Empereur,
s'interposés
entre les
Presidens,*

Mais le Comte de Montfort, Ambassadeur de l'Empereur, voyant qu'il s'agissoit d'une matiere tant contentieuse, & sur tout de la Communion du Calice; qui estoit la plus palpable, & populaire, & entendue de tous; iugea que si celle-là estoit determinee, il seroit impossible d'induire les Protestans à venir au Concile, & qu'ainsi on auroit perdu toutes les peines, & pourtant, apres en auoir conféré avec ses Collègues, & avec les Ambassadeurs de Ferdinand, ils allerent tous ensemble aux Presidens, auxquels ils exposerent d'entre les grands traux supportés par l'Empereur, tant à la guerre, qu'es negociations, pour faire que les Protestans se soumissent au Concile: ce qui ne pouoit estre effectué, sinon qu'ils y entreuinsent & monstrerent en suite que c'estoit cela, à quoy principalement il falloit viser: & que pour cela aussi l'Empereur leur auoit baillé saufconduit. Mais que les Protestans ne s'en contentoyent point, allegans que le Concile de Constance auoit arresté, & mesmes pratiqué de fait, que le Concile n'est obligé par saufconduit baillé par qui que ce soit: dont ils en requeroient vn du mesme Concile, lequel l'Empereur leur auoit promis, & auoit baillé charge à eux Ambassadeurs de l'obtenir du Concile. Le Legat respondit par beaucoup de paroles de compliment, & d'honneur: mais au demeurât pour le fait se remit à la Session, qui se deuoit tenir: & ce pour auoir loisir d'en donner aduis à Rome. Le Conte là dessus adiousta, Que pour la mesme raison il ne pouoit iuger qu'il fust à propos de traiter, auant leur arriuee, les matieres controuerles touchant l'Eucharistie: qu'il y auoit assez de besogne au fait de la Reformation, & en autres choses, esquelles il n'y auoit point de different. Mais le Legat respondit, Que la deliberation estoit ia toute prise, & passée, de traiter de l'Eucharistie, & qu'il estoit meshuy impossible de faire autrement, attendu qu'on auoit arresté qu'en toutes Sessions marchassent de pair à pair les Decrets de la Foy, & de la Reformation: & qu'apres la matiere de la Confirmation, qui auoit esté traitée la derniere auant qu'aller à Bologne, suiuiot necessairement celle de l'Eucharistie, laquelle toutesfoiis estoit plus en controuerles avec les Suisses Zuingliens, qu'avec les Protestans, qui n'estoyent point Sacramentaires, comme ceux-là. Le Conte s'aua au propos de la Communion du Calice & remontra que, si ce point-là, que tout le peuple entend & comprend assez, & recherche plus instamment, estoit décidé cont'eux, il estoit impossible de les plus reduire. Quel l'Empereur mesmes, au Decret de l'In-

*et pour sui-
re, suruoit le
traité des
dogmes in-
ques à leur
venir,
li. Presidens
d'induire le
d'induire.*

*relaschent
quelque cho-
se pour la
communion
du Calice,*

ter religion, auoit esté contraint de s'accommoder en cecy : & pourtant qu'il plust aussi à eux de le différer iusques à la venue des Protestans. Le Legat ne repugna pas beaucoup, mais passa la chose avec des termes generaux, & qui ne concluoient rien, pour entendre tout premier la volonté du Pape, auquel il donna aduis de toutes les choses traictées par les Thebogiens, & des anathematismes formés, & aussi de celui qui auoit esté minuté en matiere de Reformation : dont il sera parlé cy apres : & finalement des deux requestes des Ambassadeurs Imperiaux, requerant response sur tout cela.

1551.

*seruorm de
out à Rome*

Le Pape mit ces choses en consultation : & quant au saufconduit il y trouua diuersité d'opinions. Aucuns vouloyent qu'on en baillast point, allegant que iamais cela n'auoit esté pratiqué, sauf par le Concile de Basle, lequel il n'estoit pas bon d'imiter en chose quelconque : & que c'estoit vn grand prejudice de s'obliger aux rebelles : mais encor, s'il y auoit quelque esperance de les gagner, tout se pourroit supporter : mais qu'il n'y en auoit aucune : ains, que tout au contraire, on pouuoit craindre avec raison, que par leur venue quelcun ne fust subuerbi, comme il estoit aduenü à Vergere, & si non en tout, du moins en quelque partie. Et qu'il y auoit bien eu iusques à des principaux Prelats, & des plus obligés au S. Siege, qui auoyent esté atteints de cete contagion. D'autre part on disoit, Qu'il leur faisoit donner tout contentement, non pour esperance de les conuerir, laquelle estoit tout à fait perdue, mais pour leur oiter tout excuse : & principalement, pource qu'il estoit aisé à preuoir, que l'Empereur en feroit plus grande & forte instance pour ses propres interets, & elgards, & ne pourroit-on euitier de luy complaire en ce temps, auquel, attendu l'alienation du Roy de France, il faisoit totalement dépendre de luy, & qu'il valoit beaucoup mieus faire de gré à gré, ce qu'on preuoyoit bien deuoir en fin faire par force. Et que, quant au preiugés qu'on apprehendoit, on pourroit former le sauf conduit en sorte, qu'il seroit de nulle, ou de fort legere obligation : premierement, ne venant point à exprimer nommément Protestans : mais en general Ecclesiastiques, & Seculiers, de la nation Allemande, de quelque condition qu'ils soyent : car ainsi, sous cestes termes generaux, on pourra dire, qu'ils sont compris, & aussi à l'opposite maintenir que cestes termes se doiuent entendre des seuls Catholiques, & non des Protestans, alleguant, que pour eux vne expresse & spécifique mention aüroit esté nécessaire. En apres, le concile donnera sauf conduit, seulement tant qu'en luy est, que de droit il peut, reseruant l'autorité du Pape : & puis, pour connoistre des excès & des fautes commises, pourront estre deputés des Iuges, desquels on pourra laisser le choix aux Protestans, pour ne les point ombrager & effaroucher. Et ainsi on gardera la vigueur de la discipline, & l'autorité de punir ; & ne monstrera-on point de céder, ou de relascher chose aucune. Cet aduis l'emporta enuers le Pape, lequel, selon iceluy, fit former la minute du saufconduit, & fit response au Legat : louant sa prudence es responses qu'il auoit données, & accordant que le saufconduit fust donné en la forme & teneur qu'il luy enuoyoit, & ordonnant que la maniere de la Communion du Calice fust differée : afin d'attendre les Protestans, mais non plus outre que le terme de trois mois, ou enuiron : & dependant qu'ils ne demeurassent pas oisifs, ains tissent vne Session entredeux, en laquelle ilstraitassent de la Penitence, & que cete Session ne fust differée au delà de six semaines, ou enuiron. Il l'aduertit aussi que les Canons de l'Eucharistie estoient trop pleins, & qu'il vaudroit mieus les partager.

*ou les des
mardes : on
consulte.*

*or le Pape
respon
au c
commissions
imitée.*

Pendant qu'on consultoit à Rome, on passa outre à Trente à traiter les chapitres de Doctrine : en quoy y eut la mesme facilité, qu'auparauant en l'examen des Articles. Mais, quand on vint à exprimer la maniere de l'existence, c'est à dire, comment Christ est au Sacrement : & la Transubstantiation, c'est à dire, comment du pain se fait le corps de Christ, & du vin le sang d'iceluy, il fut impossible d'euitier le heurt, & l'estrif, entre les deux sectes,

*à Trente
naît vne
estienne
question de
la maniere
de la pres
ence de*

2551

Christ au
Sacrement :
entre les Co-
deliers &
Iacopins,

des Cordeliers, & des Iacopins : lequel ennuya grandement les Peres pour sa subtilité, sans fruit, eux mesmes ne sachans exprimer leurs propres sentimens. Les Iacopins vouloyent en somme qu'on dist, *Que* Christ n'est pas en l'Eucharistie, pource qu'il y soit venu d'un autre lieu, auquel il fust auparavant ; mais que, d'autant que la substance du pain est convertie en son corps est au mesme lieu auquel estoit le pain, sans toutesfois y estre allé : & que, pource que toute la substance du pain est transmuee en toute la substance du corps, assavoir, la matiere du pain en la matiere du corps, & la forme du pain en la forme du corps, cecy estoit proprement appelé Transsubstantiation. Et pourtant qu'il falloit tenir & croire deux manieres d'estre de Christ, toutes deux reelles, vrayes, & substantielles : l'une, comme il est au ciel, d'autant qu'il y est monté, partant de la terre, en laquelle il conuer- soit auparavant : l'autre, comme il est au Sacrement, auquel il est, d'autant qu'il est là, où les substances du pain & du vin, conuerties en luy, estoient auparavant. Que la premiere façon s'appelle naturelle, pource qu'elle con- vient à tous corps : l'autre singuliere, & qui ne se peut exprimer par aucun nom convenable à autres manieres, & ne peut estre appelée Sacramentele, attendu que cela infereroit qu'il n'y est point reellement, mais comme en un signe : veu que le Sacrement n'est autre chose qu'un signe sacré : sinon, que par le mot de Sacramentele, on vueille entendre une maniere & façon reelle, propre à ce seul Sacrement, & non aux autres. Les Cordeliers desiroient qu'on dist, *Qu'un* corps, par la divine Toutpuissance, peut vraiment & substantiellement estre en plusieurs lieux : & que quand de nouveau il ac- quiert un lieu, il est en iceluy pource qu'il y va, non toutesfois par change- ment successif, cōme quand il laisse le premier pour acquerir le second, mais par changement momentaire, par lequel il acquiert le second, sans perdre le premier : & que Dieu a ainsi ordonné, que là où est le corps de Christ, il n'y demeure la substance d'aucune autre chose, ains qu'icelle cesse d'estre, sans toutesfois estre reduite à neant, attendu qu'en son lieu & place succede & entre celle de Christ : & que pourtant cecy est vraiment appelé Transsub- stantiation : non, pource que de telle-là soit faite celle-cy, comme disent les Iacopins, mais pource qu'à celle-là succede celle-cy. Que la maniere, en laquelle Christ est au ciel, n'est point differente en substance de celle, en laquelle il est au Sacrement, mais seulement à l'égard de la quantité. Qu'il est au ciel, en sorte que la grandeur de son corps occupe un espace conue- nable à icelle, mais qu'au Sacrement la grandeur y est bien substantiellement, mais sans occuper aucune espace. Que toutesfois ces deux manieres sont vrayes, reelles, & substantielles, voire mesmes naturelles à l'égard de la sub- stance : mais, qu'à l'égard de la quantité, l'estre au Ciel est naturel, l'estre au Sacrement est miraculeux, & que ces deux estres different en cecy seule- ment, qu'au ciel la quantité se trouue avec effet & propriété de quantité, mais qu'au Sacrement elle a la valeur & condition de substance. Les deux parties espousoient leurs opinions avec tant de passion, que chacune asseu- roit la sienne estre plainne, claire, & intelligible à tous, & obiectoit à la con- traire une infinité d'absurdités, qui en pouuoient suivre. L'Electeur de Co- logne, lequel, ensemble avec Jean Gropper, avoit esté assiduel à ces dispu- tes, pour bien entendre cete matiere, donnoit la raison à toutes deux les parties en ce qu'elles obiectoient l'une à l'autre d'absurdités, & imperti- nences : mais en ce que chacune d'elles posoit pour vray, il eust desiré, ainsi parloit-il, quelque apparence probable qu'ils en parlassent par certaine sci- ence & intelligence de la matiere, & non par rolet, & routine d'Eschole, comme ils monstroient de faire. Diverses minutes furent formées par les deux parties, pour exprimer ces mysteres : & d'autres en furent composées empruntant quelques choses de toutes deux. Mais il n'y en eut aucune qui agreast, sur tout au Nonce Euesque de Verone, qui estoit le principal sur- intendant en cete matiere. En la Congregation generale il fut resolu d'yfer du moins de paroles qu'il seroit possible, & de faire une Declaration tant generale,

en fin est
conclue la

generale, qu'elle pût servir à toutes les deux parties, & estre accommodée aux sentimens de toutes deux : & la charge en fut baillée à quelques Peres & Theologiens, avec la surintendance du Nonce susdit.

Ala fin de cete Congregation, fut proposee de recueillir les abus sur cete matiere, avec les remedes pour les extirper: & es suiuentes Congregations en furent representes plusieurs: Qu'en quelques Eglises particulieres le Saint Sacrement n'est point garde, & en d'autres est tenu avec beaucoup d'irreuerence, & messeance. Que, quand iceluy est porté par les rues, plusieurs ne s'agenouillent point, voire mesmes il y en a qui ne daignent pas mesmes se descouvrir. Qu'en quelques Eglises il est garde par vn si long espace de temps, qu'il y naist de la pourriture, moysissure, ou auctre corruption. Qu'en l'administration de la Sainte Communion plusieurs Prestres y portent fort peu de respect & bienséance, n'ayans pas seulement vn linges, que le communiant tiene en sa main. Et, ce qui importe le plus, que les communians ne sauent ce qu'ils recoiuent, & n'ont aucune instruction de la dignité, ne du fruit de ce Sacrement. Qu'à la Communion sont admis concubinaires, concubines & autres enorables pecheurs: plusieurs aussi qui ne fauent pas mesmes la priere Dominicale, ne l'Aue Maria. Qu'à la Communion on demande argent, sous nom d'aumosne: & qu'à Rome, pis qu'en tous autres lieux il y a vne coustume, que qui veut se communier, tient en main vn Cierge allumé; avec quelque piece d'argent fichee dedans, lequel enseuble le Cierge apres la Communion n, demeure au Prestre: & que nul n'est receu à la Communion qui ne porte ce Cierge. Pour remedier à vne partie de ces abus, & de plusieurs autres, furent formés cinq Canons, avec vne tresbelle preface. Et en iceux estoit ordonné, que lors qu'on monstre le Sacrement de l'Autel, ou qu'on le porte par les rues, chacun ait à s'agenouiller, & à se descouvrir. Qu'en chaque Eglise parochiale on ait à garder le Saint Sacrement, & le renouveler de quinze en quinze iours, & de tenir deuant luy vne lampe ardente iour & nuict. Qu'il soit porté aux malades par le Prestre, en habit honorable, & tousiours avec de la lumiere. Que les Curés instruisent leurs peuples touchant la grace qu'on recoit en ce Sacrement, & mettent contr'eux en execution les peines portees par le chapitre, *Omnis viri, &que sexus* Que les Ordinaires ayent la charge de l'execution de ces Canons, chassant les transgresseurs de peines arbitraires, outre les estables par Innocent troisieme, au chapitre *Sacramenti* & par Honoré troisieme, au chapitre *Sane*.

Au mesme temps qu'on disputoit de la foy, fut aussi traité de la Reformation, mais par autres Congrégations, lesquelles n'entreuenoyent que Canonistes: & pour n'interrompre le fil du narré, ie rapporteray icy, tout d'une haleine; ce qui en fut dit, & fait. Et, pour ce qui s'agissoit lors de reformer la Jurisdiction Episcopale, pour plus claire intelligence des choses qui seront dites à cete occasion, & à plusieurs autres suivantes, il sera à propos de toucher en ce lieu quelle a esté l'origine de cete iurisdiction, & comme elle est paruenue à si haut point de puissance, qu'elle s'est rendue suspecte aux Princes, & redoutable aux peuples. Quand Christ bailla aux Apostres la charge de la predication de l'Euangile & de l'administration des Sacramens, il leur laissa aussi, & en leur personne, à tous fideles, ce commandement principal de s'entr'aimer les uns les autres, & de se pardonner mutuellement les torts, & iniures: & enioignit à chacun de s'entr'entretenir des dissensions, & de les acorder: dont aussi il bailla la charge au corps de l'Eglise, pour souverain remede, avec promesses que ce qu'elle auroit lié ou deslié en terre, seroit lié ou deslié au ciel: & que son Pere otroieroit ce que d'eux d'entr'eux demanderoient de commun consentement, L'Eglise primitive s'employa tousiours en ce charitable deuoit de procurer satisfaction à l'offensé, & pardon à l'offenseur. Selon cela Saint Paul ordonne, que les freres, ayans procès & causes ciuiles entre'eux, n'allent point aux Cours des infideles, mais qu'il y ait entr'eux des personnes sages & entendues,

655 r.

establies pour iuger des differens: ce qui auoit quelque forme & semblance de iugement civil, ainsi que le premier auoit plus de rapport avec le criminel: mais nonobstant cela estoient & l'un & l'autre extremement differens des iugemens mondains: attendu qu'en ceux-cy la frippe & l'exécution depend du pouuoir du Iuge, qui contrainct à ployer, & obeir: mais en ceux-là, elle depend seulement du consentement de la partie à les recevoir, lequel quand elle refuse de prester, le Iuge Ecclesiastique demeure sans execution, & son iugement n'a autre force, sinon que c'est vn préiugé de celuy de Dieu, lequel ou en cete vie, ou en l'autre, suivra selon son tourpuissant bon plaisir.

Et de vray le iugement Ecclesiastique meritoit bien le nom de charité, Puis qu'icelle seule induisoit la partie à le subir, & l'Eglise à le prononcer, avec tant de sincerité du Iuge, & d'obeissance du delinquant, qu'il n'y auoit nul lieu, ny de sinistre affection au Iuge, ny de doléance à la partie: & mesmes l'excès de la charité à chastier faisoit que le corrigeant portoit plus de peine que le corrigé: tellement qu'on ne venoit jamais à l'imposition de la peine, sans vn grand pleur de la multitude, & encor plus grand des principaux: ce qui fut cause, que chastier alors s'appella Pleurer. Ainsi Saint Paul, reprenant les Corinthiens de n'auoir chassie l'incestueux, dit, Vous n'auiez pas pleuré pour separer de vous vntel forfateur. Et en la deuxième Epître, Je crain, que retournant à vous, ie ne vous trouue point en l'estat que ie desire: mais en debas ou en troubles: & qu'estant arriue ie ne pleure plusieurs d'entre vous, qui là par cy-deuant ont peché. Or falsoit-il, que le iugement de l'Eglise: comme il est necessaire en toute multitude, fust conduit par vn, qui presidait & moderast l'action, proposast les matieres à traiter, recueillist les suffrages pour deliberer. Charge laquelle estant due à la personne plus eminente, & suffisante, appartient tousiours sans contredit à l'Euesque, & là où les Eglises estoient fort nombreuses, les propositions & deliberations se faisoient premierelement par l'Euesque au College des Anciens & Diacres, qui estoit appellé Presbiterie, & là estoient digerées, pour recevoir la dernière main & forme en la generale Assemblée de l'Eglise. Cete procedure estoit encor vstee en l'année de Nostre Seigneur deux cens cinquante, & se void clairement par les Epistres de Saint Cyprien, lequel, sur le suiet de ceux qui estoient appellez *haripicantes, sacri canes, & Libertici*, qui estoient ceux, qui de crainte des persecutions auoyent sacrifié ou encensé aux idoles, ou auoyent présenté les liures sacrés à estre brulés, pour signes d'abjuration: escript au Presbiterie, Qu'il ne pensoit nullement à faire chose aucune sans leurs aduis & conseil, & le consentement du peuple. Et au peuple il escript, Qu'à son retour il examineroit les causes, & les merités en leur presence, & sous leur iugement. Et aux Prestres, qui de leur propre phrasie & mouuement, en auoyent reconcilié, & remis en la paix de l'Eglise quelques vns, il escript, Qu'ils rendroyent conte de leur fait au peuple.

La prud'homme, & charité des Euesques faisoit, que leur aduis estoit presque tousiours suivy: ce qui peu à peu fut cause, que l'Eglise, dès que la charité vint à se refroidir, se souciant bien peu de la charge que Christ luy auoit imposée, laissa le soin de tout cela à l'Euesque: & l'ambition, passion subtile, & qui se glisse sous le masque de vertu, fit que les Euesques l'embrasèrent promptement. Mais le comble de ce changement aduint dès que les persecutions furent cessées: car lors les Euesques erigerent vn tribunal, & Cour, qui deuint tresfrequente: car avec les commodités temporeles crurent aussi les causes des procès. Mais encor, en ces bons temps là, les iugemens, quoy que changés quant à la forme de deliberer de toutes choses par l'aduis de l'Eglise, demeuroyent en leur mesme sincerité ancienne. Dont Constantin, voyant de combien grand usage ils estoient, pour terminer les procès: & que les actions capricieuses, & les surprises de chicanerie, non descouuertes par les Iuges seculiers estoient esclairees & escartées par la reuerence, & autorité de la Religion, fit vne loy, Que les sentences des Euesques fussent sans appel, & fussent exécutées par les Iuges: & que si, le proces pen-

dant deuant le Iuge feculier, en quelque estat qu'il se trouuaſt, l'une des parties, meſmes enuis & maugré l'autre, requeroit le iugement Episcopale, la cauſe luy fuſt promptement renuoyee.

Icy commença le iugement Episcopale à deuenir vn iugement de Cour, & de Palais, auant ſon execution par les mains du Magiſtrat: & à acquerir le nom de Iuriſdiction Episcopale, d'Audience Episcopale, & autres ſemblables. L'Empereur Valence amplifia encor d'auantage cete iuriſdiction, en l'annee trois cens ſoixantecinq, luy commettant le taux de toutes les denrees. Cete occupation de iudicature ciuile ne plaifoit aux bons Eueſques. Surquoy Poſſidonius recite, que S. Auguſtin, quoy qu'il y vauaſt quelques fois iuſques à midy, quelques fois auſſi iuſques au ſoir; la ſouloit neantmoins appeller Courree, qui le diſtrayoit des affaires propres à ſa charge. Et luy meſmes eſcrit, que c'eſtoit laiſſer les choſes vtilles, & vaquer aux tumultueuſes, & embaraſſees. Que S. Paul n'en auoit iamais pris ſur ſoy la charge, comme non conſuerable aux Preſcheurs; mais auoit voulu qu'elle fuſt baillee à d'autres. Il aduint puis apres, que quelques Eueſques, auans commence d'abuſer de l'autorité que la Loy de Conſtantin leur auoit baillee, cete loy-là fut reuocquée par Arcadius & Honorius; & fut ordonné que les Eueſques ne iugeroyent que les cauſes de Religion: & les ciuiles, là où en reuiendroit le conſentement & compromis de toutes deux les parties, & non autrement & fut déclaré qu'il fuſt bien entendu, qu'ils n'auoyent point de Cour. Mais cete loy eſtant peu obſeruee à Rome, pour le grand pouuoir del' Eueſque, l'Empereur Valentinian en l'annee quatre cens cinquante deux, la renouuela, & la fit mettre en execution. Mais, peu de temps apres les Empereurs ſuiuans reſtituerent aux Eueſques vne partie de la puiffancé qui leur auoit eſté oſtee, tellement que Iuſtinian leur eſtablit Cour & Audience; & leur assigna les cauſes de la Religion, les delits Eccleſiaſtiques du Clergé, & diuerſes iuriſdictions volontaires, meſmes ſur les Laïs, Par ces degrés la correction charitable, inſtituée par Noſtre Seigneur Ieſus Chriſt; degenera en vne domination, & fut cauſe de faire perdre aux Chreſtiens l'ancienne reuerence, & obeiſſance. On deſaduoué bien de paroles que la Iuriſdiction Eccleſiaſtique ſoit vne domination; comme la ſeculiere: mais on ne ſait qu'elle difference reale mettre entr'elles. S. Paul y eſtablit bien la difference, eſcriuant à Timothee, & rechargeant à Tite., Que l'Eueſque ne ſoit aide du gain, ny bateur: maintenant au contraire on fait payer les fraix du procès, & emprisonner les perſonnes, tout de meſme qu'en la Cour ſeculiere.

Or, apres que les Prouinces Occidentales ſe furent ſeparees de l'Empire; & que de l'Italie, de la France, & de l'Allemagne, euſt eſté fait vn Empire à part, & de l'Eſpagne vn Royaume, les Eueſques en ces quatre Prouinces pour la plus part eſtoient pris pour Conſeillers des Princes: ce qui accrut infiniment l'autorité de la Cour Episcopale, par le meſſinge des charges ſpirituelles, & des offices & eſtats temporels. Et ne paſſerent pas deux cens ans qu'ils pretendirent abſolument tout iugement criminel & ciuil ſur le Clergé, & meſmes auſſi ſur les Laïs en diuerſes matieres; ſous pretexte que la cauſe eſtoit Eccleſiaſtique. Outre cete eſpece de Iuriſdiction, ils en inuenterent vne autre, appellee de Cour mixte, voulant que tant l'Eueſque, que le Magiſtrat ſeculier, puiſſe proceder contre le Lai, ſelon que l'un aura deuanee & anticipé ſur l'autre par ſa diligence à en tirer la cauſe à ſoy: ce qu'ils appellerent preuention, en laquelle vſant d'une exacte vigilance; & ſollicituda; ils ont rendu toutes fortes de perſonnes, leurs iuſticiables, ſans laiſſer aucun lieu au Iuge ſeculier. Et encor apres tout cela, ils ont eſtably vne reigle generale; comme vn fondement de ſoy, qui comprend & enferme en ſin tous ceux, qui eſtoient encor exceptés d'un ſi grand nombre, aſſauoir, Que là où le Magiſtrat ne voudra rendre iuſtice, ou y ſera negligent, toutes cauſes ſoyent deuolues à la Cour Eccleſiaſtique. Mais encor, ſi les prétentions du Clergé ſe fuſſent arreſtees dans ces bornes, l'eſtat des Republiques Chreſtiennes ſeroit tolerable: car les peuples & les Princes, lorsqu'ils verroyent de l'exces

pourroyent par loix & ordonnances ramener ces iugemens à quel que forme & estat moderé & supportable, comme iadis auoit esté fait au beioin. Mais ceux qui ont mis la Chrestienté sous le ioug, luy ont aussi finalement osté le moyene de le secouer. Car, dés l'année mil cinquante, apres que toutes les causes du Clergé, & infinies autres, sous titre & pretexte de spiritualité, eurent esté affectées en propriété à la Cour Episcopale; & que de toutes les autres les Euesques eurent pris leur part sous le nom de Cour mixte & qu'ils se furent mis au dessus de tous Magistrats seculiers, sous pretexte de iustice deenée: on passa iusques à dire, Que les Euesques n'auoyent point cete puissance de iuger, estendue à tant de causes, par otroy ou conuenance de Princes, ne par volonté de peuples, ne par coustume introduite: mais, qu'elle estoit essentielle à la dignité Episcopale, & qu'elle a esté donnée par Christ mesme aux Euesques.

Et nonobstant, que iusques à present demeurent les loix des Empereurs au Code de Theodose, & de Iustinien: & es Capitulaires de Charles Magne, & de Louis le Debonnaire, & autres ordonnances des Princes posterieurs, Orientaux & Occidentaux, lesquelles monstrent toutes euidentement comment, quand, & par qui telle puissance a esté donnée: & que toutes hitoires, tant Ecclesiastiques, que mondaines, s'accordent au narré des mesmes otroys, & coustumes introduites, & de leurs causes & motifs: si est-ce qu'une verité si notoire n'a eu tant de pouuoir, que la seule affirmation contraire, sans preuve aucune, n'ait gagné; & que les Docteurs Canonistes ne l'ayent soustenue, iusques à eschafauder publiquement pour heretiques ceux, qui ne veulent supporter d'estre manies & conduits comme aucugles. Mais encor ne se sont-ils point arrestés dedans ces limites: ains ont adionté, Que ny le Magistrat, ny le Prince mesmes, ne peut s'entremettre en aucune de ces causes, que le Clergé a appropriées à l'oy: d'autant qu'elles sont spirituelles, & que les Laïcs sont incapables des choses spirituelles. La lumiere de la verité n'a pastoutesfois esté tant estouffée, qu'en ces premiers temps-là des personnages de sauoir, & de pieté n'eussent opposés à cete doctrine, monstrant combien estoient fausses les deux propositions fondamentales de ce discours: car la premiere, Que les Laïcs sont incapables de choses spirituelles, est impie & absurde: attendu qu'ils sont pris en adoption par le Pere celeste, sont appellés enfans de Dieu, frere de Christ, heritiers du Royaume des Cieux, faits dignes de la grace de Dieu, du Baptesme, & de la Cōmunion du Corps & du Sang du Seigneur. Qu'elles autres choses spirituelles y a-il, ie vous prie, hors celles-cy? & quand mesmes il y en auroit, comment peut-il estre, que ceux, qui participent à celle-cy, qui sont les plus hautes & excellentes, soyent avec raison, absolument & en termes generaux, appellés incapables des choses spirituelles? Et quant à l'autre proposition, Que les causes, appropriées aux iugemens des Euesques sont spirituelles, elle est tout à fait fausse: attendu que ces causes là sont toutes en matiere de delits, ou de contrats: lesquels, si on considere les qualitez, que l'Escripture Sainte assigne aux choses spirituelles, sont plus loin d'estre telles que n'est la terre du Ciel. Mais les oppositions & resistance de la meilleure partie, n'a pu empescher que la plus grande ne l'emportast: & ainsi est aduenü, que sur le pied & fondement de la puissance spirituelle de hier & de deslier, baillée par le Seigneur Iesus Christ à l'Eglise, & sur celuy de l'ordonnance de S. Paul, de composer les differens entre les Chrestiens, sans aller aux Cours & tribunaux des infideles, par long espace de temps, & par diuers degres, à esté basty & erigé vn tribunal temporel, le plus considerable & releué qui ait iamais esté au monde, & au milieu de chaque estat, a esté establi vn autre estat independant du public: qui a esté vne forme d'estat, laquelle iamais aucun escruiain des gouuernemens politiques n'eust seu imaginer pouuoir subsister. Or, apres que, par tant de trauail on eust obtenu le but d'eriger vne Cour independante de l'Estat public, tout à despourueu on gaigna vn autre point, de former vn souuerain Empire & Monarchie,

par vne nouuelle opinion, beaucoup plus haute, hardie, & vaste, nec des n'aguères, & aussi tost enracinée & parcrue par admirables degrés, laquelle donne d'vn tour de main au seul Pape de Rome, tout ce que les Eueques, par voyes tant estranges, & merueilleuses, auoyent acquis en l'espace de treize cens ans: substituant pour fondement de la iurisdiction, en lieu de lier & deslier, l'office & effet de Paistre: & établissant par ce moyen, que toute la iurisdiction a esté par Christ baillée au seul Pape en la personne de Pierre, quand il luy dit, Pay mes brebis. Mais ie laisse de parler de cecy pour le present: car l'occasion s'en presentera plus à propos en la troisieme reprise du Concile, lors que pour cete opinion s'elincurent de grands troubles & tumultes, desquels ie feray mention en son lieu. Suffit que pour le present chacun peut reconnoître quels remedes estoient necessaires, pour donner quelque forme & reiglement tolerable à vne matiere degenerée en tant d'abus & corruptions, pour en faire comparaison avec ceux qui pour lors furent proposés.

A Trente on reconut deux defauts en ce fait: premiere ment, que du costé des supérieurs la charité auoit esté conuertie en domination: & puis, que du costé des inferieurs l'obeissance estoit tournée en querelles, doléances, & subterfuges. Et premierement fut aduisté de pouruoir en partie à ces deux maux. Mais quand ce vint au fait & au prendre, pour le premier, qui est la source & fondement de l'autre, on se contenta pour tout remede d'vn exhortation aux Prelats, d'oster la domination, & de restituer la charité: pour le second, qui touche les suiets, mention ayant esté faite de plusieurs subterfuges pratiqués pour frustrer & frauder la iustice, on en choisit & prit seulement trois chefs: les appellations, les graces absolutoires, & les plaintes contre les iuges. Quant aux appellations, Iean Groper, qui en ce Concile entreuenoit en qualite de Theologien & de Iurisconsulte, en parla fort dignement, disant Que, pendant quel ardeur & le zele de la foy auoit duré es courages des Chrestiens, les appellations estoient inouïes: mais, qu'apres que la charité se fut refroidie es iuges; & qu'on eut donné lieu aux passions, elles se fourrerent en l'Eglise, sous les mesmes couleurs, qui les auoyent introduites es Cours seculieres, assauoir, pour le soulagement des opprimés. Et comme au commencement les iugemens n'appartenoyent point au seul Eueque, mais à l'Eueque en compagnie du Censeil & College de ses Anciens, ou Prestres: de mesmes aussi les appellations ressortissoient non à vn tant seulement, ains à vne autre Assemblee. Mais les Eueques, ayans supprimé les Synodes, auoyent institué les Cours & Officialités, à l'exemple des seculiers. Et le mal ne s'estoit pas arresté là, ains estoit passé à d'autres plus grands abus encor qu'es Cours seculieres: d'autant qu'en celles-cy il n'est loisible d'interietter appellation à autre qu'au Supérieur immediatement prochain, & non de prinsaut venir au Souuerain: & mesmes aussi n'est permis, es faits & articles de la cause, d'appeler des arrests interlocutoires du Iuge, ains faut attendre la fin: en lieu qu'es iugemens Ecclesiastiques on appelle de tout fait singulier, ce qui rend les causes infinies: & immediatement au Souuerain, ce qui porte les causes dehors en pais estranges, avec despens immenses, & autres maux intolerables. Et disoit d'auoir voulu faire ce narré pour conclure, Que, si on vouloit penser à reformer cete partie, qui de vray est toute corrompue, & non seulement empesche la residence, comme il a esté bien consideré es Congregations partant de suffisans Docteurs & Peres, mais de plus aussi de prauue toute la discipline, & est de charge & geyuante aux peuples, de despense, & de scandale: il falloit la reduire à ses commencemens, ou le plus pres que faire se pourroit; se proposant deuant les yeux vne parfaite idee, pour viser à icelle, & s'en approcher autant que la corruption de la matiere le pourroit permettre. Que les Religions Monachales, bien ordonnees, ont defendu toute apellation, & c'est là le vray remede. Ceux, qui n'ont pu atteindre à vnsi haut point, les ont modérées, les accordant seulement au dedans de leur Ordre, interdisant celles de dehors: ce,

A Trente on
reconoit
quelques de
fautes, mais
on y appli-
que de che-
uifs remedes

Groper veut
resumer le
fait des ap-
pellations
au Pape, &
les Officiali-
tés.

qui auoit eu vne tresbonne issue, comme chacun voit, pour tenir leurs gouuernemens en bonne reigle & citat, & le mesme effect s'enfuiroit aussi es gouuernemens publics de l'Eglise, si les appellations demeuroyent en la mesme prouince: ce qu'on pourroit aisement effectuer & obtenir, & tout ensemble refrener la malice des plaideurs, quand on reduiroit les appellations à la forme du droit commun, defendant de recourir de prinfaut au Souuerain, sans passer par les voyes subalternes: & d'interietter appellations sur les faits & articles, ou arrests interlocutoires: par lesquels reiglemens il aduiendroit, que les causes n'iroyent pas loin, & ne tireroient point en longueur, & ne porteroient despense excessiue, & autres griefs sans nombre. Et afin que les iugemens fussent sains & incorruptibles, il faudroit supprimer les officialités, tant scandaleuses à tout le monde, & insupportable à l'Allemagne, & remettre sus les iugemens Synodaux, moins susceptibles de si grandes corruptions.

*Et remettre
sus les iuge-
mens Syno-
daux,*

*en quoy il
est contredi-
par le
Promoteur
qui main-
tient l'abus
present.*

Cet aduis ne fut point agreablement ouï, sauf que des Espagnols & des Allemands; Mais le Cardinal Legat, & le Nonce Archeuesque de Siponte, eurent grand desplaisir qu'on passast si auant: car c'estoit oster tout à fait à la Cour de Rome, non seulement ses profits & emolumens, mais aussi sa splendeur & dignité: attendu qu'entel cas nulle cause n'iroit à Rome, & peu à peu seroit mise en oubli la superiorité du Pape: veu que c'est vne chose coutumiere aux homes de ne faire nul estat du superieur, duquel on ne craint l'autorité, & dont on n'espere aucun benefice. Et pourtant ils firent que Iean Baptiste Castel, Bolognois, Promoteur du Concile, parlast en la suiuaute Congregation sur le mesme suiet, en sorte, que sans directement contredire à Gropier, l'apparence & esclat de ses raisons fust esnoullé & rabbatu. Iceuluy doncques fit son entree par les loüanges de l'ancieneté de l'Eglise, à laquelle toutesfoiſ il ne laissa de donner dextrement & accortement cete atteinte, qu'icelle auoit bien aussi ses imperfections, voire mesmes en quelque partie plus grandes, que ne sont celles d'à present. Dieu soit loué, disoit-il, que l'Eglise n'est point opprimée, comme quand les Arriens à peine luy permettoient de se monstrer au iour: il ne faut point tant haut-louer l'ancieneté, qu'on ne croye qu'es siecles posterieurs quelque chose a esté amendee. Ceux, qui louent les iugemens Synodaux, n'en ont pas veu les defauts, l'infinité des procedures, la longueur des expeditions, les traufferſes & enquerſes, les difficultés à informer tant de personnes, les tumultes pour les partis & faction. Il est bien à croire qu'ils ayent esté intermis pour le mal qui en arriuoit, & que les Cours & Officialités furent introduites pour remedier à ces desordres. On ne peut nier qu'icelles n'en portent aussi, qui meritent prouision, & correction: que c'est cela doncques à quoy il faut trauailler, sans se tourmenter à remettre sus ce qui a esté aboly, pource qu'il estoit reconnu intolerable. Il est vray qu'ancienement es appellations on auoit accoustumé de passer par les voyes d'entredeux, sans aller de prinfaut au Souuerain: mais cela a esté aboly, pour ce que les Chefs des pais, & prouinces, s'estoyent rendus tyrans des Eglises, à quoy il a falu remedier, en portant toutes les affaires à Rome. Cela a bien aussi ses maux & incommodités, la lointaineté, & la despense: mais plus tolerables que l'oppression. Que si on reſtabliſſoit le reiglement ancien, on trouueroit que pour vn mal, auquel on auroit remedie, on en auroit causé plusieurs, desquels chacun seroit plus grand que celuy-là. Que sur toutes choses il faloit considerer, qu'vnu mesme gouuernement ne conuient point à vn estat en tous temps: ains que, comme l'estat fait des changemens, aussi il faut de temps en temps changer de gouuernement: L'ancienne façon de gouverner ne pourra estre avec vtilité, si tout ensemble l'estat de l'Eglise n'est ramené à la forme ancienne: celuy qui voyant que les petits enfans, par manger & boire à toutes heures, indifferement de toutes choses, se rendent sains & gaillards, voudroit gouverner de mesmes vn vieillard, s'y trouueroit bien trompé. Les Eglises en ce temps là estoyent petites, environnées de Payens, vnies entr'elles, comme

estans voisines à l'ennemy. Maintenant elles sont grandes, & sans contraire qui les tiene en deuoir: dont il aduient, que les choses communes sont negligees, & est necessaire qu'un seul en prene le soin. Si les causes demeuroient en chaque Prouince, il en arriueroit dans peu d'annees tant de diuersité & de bigarrure, qu'en finelles se trouueroient contraires les vnes aux autres, en sorte qu'il ne paroistroit plus qu'elles fussent d'une mesme foy, & religion. Les Papes de Rome es temps anciens se sont deportés de plusieurs parties du gouuernement, quand ils ont veu qu'il alloit bien: puis les ont reprises & referuees à eux, quand les autres y ont commis abus. Plusieurs Papes, de sainte vie, & de tresbonne intention, sont venus apres ces premiers temps, qui auroient bien sans doute restably les choses en leur ancien estat, s'ils n'eussent veu qu'elles ne pouuoient auoir aucun bon vsage en vn suiet si depraué, & corrompu. Pour conclusion, il dit, Que pour garder l'vnité de l'Eglise, il estoit necessaire de laisser les choses en l'estat auquel elles estoient.

Ce discours aussi ne plût point beaucoup aux Prelats Italiens, lesquels vouloyent bien, que l'autorité du Pape fust conseruee, mais aussi ne pouuoient digerer de n'estre plus contés que pour des zero, sans auoir aucune part à la iurisdiction: sur tout, en cas que la Residence tinist. Cela fut la cause qu'on vint aux expediens, & accommodemens. Presque tous reietterent le restablissement des iugemens Synodaux, comme trop populaires, & dérogeans à l'autorité Episcopale. Le plus grand nombre des voix improuua aussi d'aller par degrés es appellations, quoy que non sans contradiction de plusieurs, qui soustenyent l'affirmative. On modera & accommoda les appellations des sentences definitiues, les restreignans aux seules causes criminelles, laissant les iugemens ciuils au mesme estat qu'ils estoient, combien que peut estre ceux-là eussent plus de besoin de reformation. Pour ce qui concerne les iugemens contre les personnes des Euesques, d'autant que nul ne desiroit de faciliter les iugemens contre soy-mesmes, on ne parla point de les restituer aux Synodes prouinciaux, auxquels anciennement ils appartenoyent, mais seulement de pouruoir, que demeurans entre les mains du Pape, ils passassent & fussent exercés avec plus de dignité & de respect à l'ordre Episcopal: & que pour ce faire fussent moderées les commissions, qui estyent donnees de Rome, par lesquelles ils estyent contraincts de comparoir d'auant personnes de degré inferieur, & de subir leur iugement. Ce qui fut si ardemment desiré & pourchassé de tous, que le Legat fut contrainct d'y condescendre: quoy qu'il ne pust agreer aucune exaltation des Euesques, croyant, selon la maxime qui regna tousiours, pendant le Concile, que tout autant qu'on leur en donnoit, on l'ostoit au Pape.

Les Prelats Allemans proposerent, Que les loix des degradations fussent moderées, comme celles qui estoient deuenues intolerables, & donnoient grand suiet de plaintes à l'Allemagne; attendu que ce n'estoit qu'une pure ceremonie, qui empesche la iustice: que l'Allemagne en auoit requis la moderation dès l'annee mil cinq cens vint deux, au trentvieme Grief, d'entre les Cent, qu'elle auoit dressés & presentés: que, voyant que cet abus dure encor, les vns en prenent matiere de scandale, & les autres de detraction & mesdisance. C'estoit vne ancienne coustume de l'Eglise, que, quand vne personne Ecclesiastique deuoit retourner à l'estat & vie seculiere, afin qu'il ne semblast que ceux qui estoient appelés au Mynistère de l'Eglise, vaquaissent à choses mondaines, les Euesques luy ostoyent le degré Ecclesiastique: & ce, à l'exemple de l'ancienne milice, pour l'honneur de laquelle n'estoit permis qu'un soldat retournast aux charges ciuiles, ne qu'il fust suiet au Iuge ciuil, que tout premier il ne fust despouruë du degré militaire: ce qui, pour cette cause, fut appellé degradation: laquelle se faisoit en luy ostant le baudrier & les armes, tout ainsi qu'avec icelles il auoit esté créé soldat. Ainsi donc, quand quelcun du Clergé, de son bon gré, ou par contrainte des loix, deuoit retourner aux charges & fonctions seculieres, ou mesmes subir le iugement de la Cour seculiere pour ses mesfaits: les Euesques

en fin on
fait vn ac-
commodement
sur le
fait des ap-
pellations,

Sur celui
du iugement
contre les
Euesques:

les Alle-
mans requie-
rent reform-
ation des
legadations:

discours de
l'ancien vs-
age crsu-
me d'icelles

luy oſtoÿt le degré & pour le deſueſtir avec les meſmes ceremonies, par leſquelles il auoit eſté inueſty, les deſpouilloÿent des habits Clericaux; & luy oſtoÿent d'entre les mains les instruments, par la conſignation deſquels il auoit eſté deputé & conſacré au Miniſtere: Et y procedoyent par cet ordre. Premièrement ils l'habilloÿent tour à point comme s'il euſt eſté en action & poſture de faire le ſeruiſe de ſa charge: & puis le deſpouilloÿent, commençans par ce qui auoit eſté le dernier en l'ordination, & vſans de termes & paroles au contrepied de celes de la promotion. Cecy eſtoit choſe toute conſumiere & frequentee trois cens ans apres Conſtantin. Mais, enuiron l'an ſix cens fut introduit de ne permettre plus aux Eccleſiaſtics, des ſacrés & grands Ordres, de pouuoir retourner au ſiecle: & à ceux de petits Ordres fut permis d'y pouuoir retourner à leur plaſir & volonté: dont il auint que la degradation des petits Ordres fut tout à fait ſupprimee, & celle des grands reſtreinte à ce ſeul cas, quand ils deuoyent ſubir iugement criminel. Iuſtinien, reiglant les iugemens du Clergé, apres auoir ordonné qu'és delits Eccleſiaſtics ils ſoyent chaſtiés par l'Eueſque: & és ſeculiers, qu'il homme ciuils, qu'ils ſoyent punis par le Iuge public, adiouſta, Que toutesſois on ne viſt à l'exécution de la peine, que tout premier le criminel n'eût eſté deſpouillé de ſa Preſtriſe par l'Eueſque. Or apres que les iugemens Criminels ſur le Clergé eurent eſté remis & concedés aux Eueſques, la degradation ne demeura plus qu'en vn cas, aſſauoir, lors que la peine deuoit eſtre capitale, laquelle les Eccleſiaſtics, pour l'honneur de leur ordre, euſſent bien deſiré n'eſtre iamais impoſée. Mais, és cas d'exorbitantes enormités, ils voyoyent bien qu'ils ne pourroyent deſdire les punitions ſans trop de ſcandale: & pourtant trouuer moyen d'effectuer indirectement ce qu'ils ne pouuoient tout à deſcouuert, diſans, Qu'il eſtoit bien raiſonnable de punir de mort les mechancetés du Clergé: mais que la degradation y eſtoit neceſſaire au préalable: & lors ils la rendirent ſi difficile par tant de circonſtances de ſolemnités, que fort peu ſouuent elle pouoit eſtre pratiquée: dont ils obtenoyent leur but principal, de ſauuer les Eccleſiaſtics des peines & ſupplices, & quant à quant de maintenir leur Ordre en tresgrande veneration: attendu que la iuſtice ne pouuoit mettre la main au ſang d'iceluy, ſans tant de ſolemnités & formalités precedentes. Pour cete cauſe il ne fut permis aux Eueſques d'y proceder, ſi non en public, en habits & paremens ſacrés, & ce qui importe le plus, avec l'intervention de douze Eueſques à la degradation d'un Eueſque, de ſix à celle d'un Preſtre, & de trois à celle d'un Diacre, leſquels tous y deuoyent aſſiſter en leurs veſtemens Pontificaux. Et pour ce qu'il auroit pu ſembler eſtrange que l'Eueſque, qui ſeul, ſans compagnie, à pu conferer le degré, n'eût auſſi le pouuoir tout ſeul de faire cete mommerie de l'oſter: le Pape Innocent troiſieme en oſta toute la merueille, par vne maxime auſſi peu probable; diſant, Que les baſtimens temporels & materiels ſont conſtruits avec difficulté: & deſtruits avec facilité: mais qu'au contraire les ſpirituels ſont conſtruits avec facilité, & deſtruits avec difficulté. Le vulgaire tenoit la degradation pour choſe neceſſaire, & quand il aſcheoit d'en faire quelcune, il y accouroit indicible frequence. Les ſauans voyant bien le fonds de tout cecy: car puis qu'on a eſtably, qu'en la collation de l'ordre eſt empraint vn ſigne en l'ame, qui eſt appelle Caractere, & iceluy eſt ineffaçable, il s'enſuit qu'il ne peut eſtre oſté par la degradation, & qu'icelle n'eſt autre choſe qu'une pure & ſimple ceremonie pratiquée par termes de reputatiō, & parade. En Allemagne, où les Eueſques ſont rares, elle ne pouoit eſtre faite ſans vne immense deſpenſe à aſſembler tant de perſonnes en vn lieu. Et les Prelats Allemans, qui eſtoient au Concile, pour la plus part Princes, conoiſſans, plus que tous autres, la neceſſité qu'il y auoit de punir à mort les mechancetés des Preſtres, faiſoyent inſtance qu'il y fuſt pourueu. Cete affaire fut longuement debatue, mais en fin il fut reſolu de ne changer aucunement la ceremonie, mais de trouuer quelque expedient, que les difficultés, & la deſpenſe fuſſent modérées,

Le Legat,

en Congre-
gation ac-
resse de dō-
ner saufcon-
duit aux
Protestans,
de diffen-
der à leur
veue quel-
ques chefs
del'Eucha-
ristie,

Le Legat, combien qu'il eust semaine par semaine donné auid à Rome de tout ce qui se passoit, voulut encor de plus arrester en Congregation les minutes des Decrets, pour en pouoir enuoyer copie, & en recevoir response avant la Session. Et pourtant, ayant assemblée la Congregation generale, sans faire mention de ce qui luy auoit esté eserit de Rome, representa seulement ce qui luy auoit dit le Conte de Montfort, adioustant, que la demande du saufconduit pour les Protestans luy sembloit raisonnable, comme aussi le delay de ce qui honnestement pouuoit estre différé. Car, puis qu'il auoit esté arresté en la Session du premier de Septembre, qu'en la prochaine on traiteroit de l'Eucharistie, il estoit impossible de s'en desdire: mais bien pouuoit-on accorder de laisser en arriere quelque point plus important, & plus contentieux. Et quand on vint à recueillir les voix, tous furent bien d'aduis que le saufconduit fust baillé: mais, quant à la dilation de la matiere, quelques vns iugeoyent qu'il y alloit de l'honneur du Concile à se faire, sinon que les Protestans donnaissent suffisantes cautions, & assurances, qu'ils vien troient à la traiter, à se soumettre à la determination du Concile. A tres dirent que l'honneur du Concile se fauait assez, la chose se faisant à leur requeste, & instance. Et ce fut là la plus commune opinion. Alors le Legat adiousta, *Qui* donques on pouoit reseruer la matiere de la Communion du Calice aux Laïcs. Et pour monstrer qu'on ne viendroit point à vne nouvelle Session pour vn Article seul, on y pourroit adiouster la Communion des petits enfans. Ainsi fut prise resolution de former le Decret sur ce fait: lequel estant lu, il sembla à quelques vns, que c'estoit trop peu de reseruer deux Articles, & qu'il valoit mieux diuiser le premier en trois, & par ce moyen en reseruer quatre, & y adiouster d'abondant le Sacrifice de la Messe, sur lequel il y a de grandes controuerses: & que par ce moyen il apparostroit qu'il y a plusieurs choses referues, voire mesmes les principales: & tous s'accorderent à cet aduis. Mais, quand on vint à dire, que les Protestans faisoient instance d'estre ouïs sur ces Articles, vn Prelat d'Allemagne se leua, & demanda, *Qui* faisoit cete instance, & à qui il la faisoit: car il importoit beaucoup que cela apparust: autrement, cas aduenant que les Protestans la defaouassent, l'honneur du Concile y estoit grandement engagé. Mais, ne se trouuant autre chose, que ce que le Conte de Montfort auoit dit, comme de foy mesme sans charge, & encor non restreint à ces quatre articles ou chefs, ny mesmes à la matiere de l'Eucharistie, mais seulement en general de toutes les Controuerses, ils se trouuerent bien empeschés à quoy se résoudre. Car, s'ils eussent voulu dire qu'ils referuoient de leur propre mouuement ce qui leur plaisoit, outre l'indignité qu'il y auoit, ils ne pouuoient euitier d'estre chargés d'une obiection, *Qu'ils* deuoyent donques reseruer tout. Si bien qu'on trouua ce gentil temperament, de dire, non que les Protestans fissent instance, ou requissent, mais seulement, qu'ils desiroient d'estre ouïs: ce qui ne pouuoit estre mesuré de verité, attendu qu'à plusieurs occasions eux mesmes l'auoyent dit: & quoy qu'ils l'entendissent de toutes les Controuerses, il n'y auoit toutesfois aucune fausseté d'affirmer d'une partie ce qui est du nombre entier, sans forclorre les autres. Plusieurs iugeoyent que c'estoit se cacher à l'ombre d'un filet: mais neantmoins, ne pouuant trouuer rien de mieux, cela passa. Il falloit donques oster, des Chapitres de la doctrine, & des Anathematismes, les matieres qui estoient referuees à vne autre Session: & mesmes les Anathematismes, qui demeurerent, furent, pour plus grande clarté, diuisés, & reduits au nombre d'onze. Mais puis apres, quand ce vint à arrester les Decrets contre les abus, il y eut de la difficulté, à sauoir où on les deuroit colloquer. Ils ne pouuoient entrer parmy ceux de la Foy, ardeus qu'ils estoient de ceremonies & vsages: aussi parmy ceux de la Reformation ne sembloient ils pas venir à propos, à cause de la diuersité des matieres: d'ailleurs, de les mettre à part, comme vn troisieme genre, estoit vne nouveauté, qui alteroit l'ordre estable. Apres vn long debat, il fut conclu de les omettre, pour

les joindre puis apres aux Decrets de la Messe. Les Articles de la Reformation furent acceptés sans difficulté, car ils auoyent desia esté arrestés par les mesmes. Il ne restoit que la forme du faufconduit, laquelle fut renuë à la discretion des Presidens, pour la composer par l'aduis des experts en semblables formulaires: ce qui aida grandement au Legat à faire passer celle qu'il auoit receu de Rome.

*Sessio tri
sieme.*

*Renue du
Decret de
Doctrine.*

L'onzieme Octobre venu, on alla à l'Eglise en la maniere accoustumee, & l'Euesque de Maiorque chanta la Messe, & l'Archeuesque de Torre fit le Sermon, tout à la louange & exaltation du Sacrement de l'Eucharistie. Puis apres, les autres ceremonies estans paracheuees, l'Euesque officiant lut le Decret de la Doctrine dont la substance estoit, Que le Concile, assemblé pour declarer l'ancienne foy, & remedier aux inconueniens causés par les sedes, auoit dès son commencement tousiours desiré d'extirper l'yrayee semence en la matiere de l'Eucharistie. Et pour ce estoit-il, que se tenant à la doctrine Catholique, laquelle tousiours a esté crüe en l'Eglise, il defend pour l'aduenir à tous fideles de croire, enseigner, ou prescher autrement de ce qu'à present est declaré. Premièrement, il enseigne, qu'apres la Consecration, Iesus Christ, vray Dieu, & vray homme, est vraiment, reellement & substantielement contenu en l'Eucharistie, sous les apparences des choses sensibiles: ces choses n'estans point repugnantes, qu'il soit au Ciel en la maniere d'estre naturelle, & neantmoins qu'il soit aussi present en plusieurs autres lieux en sa propre substance, mais sacramentelement, & d'une maniere malaisée à estre expliquée par paroles, mais laquelle on doit croire par foy. Car tous les anciens ont professé, que Christ a ordonné ce Sacrement au dernier souper qu'il fit avec ses Apostres, lors, qu'apres la benediction du pain & du vin il dit, qu'il leur donnoit son corps & son sang, en termes & paroles si claires, & manifestes, que c'est vne grande impiete, de les destordre à des figures de parler imaginaires, par lesquelles est niee la verité de la chair & du sang de Christ. En apres il enseigne, que Christ a institué ce Sacrement en memoire de foy, ayant ordonné qu'il fust receu pour viande spirituelle de l'ame, & pour medecines des fautes ordinaires, & preseruatif des pechés mortels, & gage de la gloire à venir, & enseigne du corps dont il est le Chef. Et quoy que ce Sacrement ait cela de commun avec les autres, d'estre signe de chose sacree, il a toutesfois cela de propre, que là où les autres ont la vertu de sanctifier seulement lors qu'on en vse, celuy-cy contient l'auteur de la sainteté, mesmes auant l'usage. Car les Apostres n'auoyent encore receu l'Eucharistie de la main du Seigneur, lors qu'il dit, qu'elle estoit son corps. Et l'Eglise a tousiours cru, que le corps de Christ est sous l'espece, c'est à dire, apparence, du pain: & le sang, sous celle du vin, par la vertu de la Consecration: en sorte toutesfois, que par concomitance l'un & l'autre est sous chacune des especes, voire mesmes sous chacune de leurs parties, autant que sous toutes les deux: declarant, que, par la Consecration du pain & du vin, il se fait vne conuersion de toute leur substance en la substance du corps & du sang de Christ, laquelle Conuersion l'Eglise Catholique a nommée Transubstantiation, terme conuenable & propre: au moyen dequoy les fideles rendent à ce Sacrement l'honneur de Latrie, dû à Dieu: & en outre deuotement & religieusement à esté instituée vne feste d'iceluy Sacrement vne fois l'annee, en laquelle il est publiquement porté en procession. Semblablement, la coustume de le garder en lieu sacre est fort ancienne, dès le temps du Concile de Nicee; comme aussi de le porter aux malades: ce qui outre la raison qu'il y a, est approuué par plusieurs Conciles. Que s'il n'est conuenable de manier aucune chose sainte sans sainteté, tant plus est-on obligé de n'aller à ce Sacrement qu'avec vne grande reuerence, & apres s'estre esprouué foy-mesmes: laquelle esprouue giste en ce que nul, estant en peche mortel quoy que contrit, ne le prene sans la Confession Sacramentelle: ce que le Prestre mesmes, qui doit celebrer est tenu d'observer, s'il a commodité de Confesseur: au defaut de

quoy, il le doit faire tout promptement apres. D'auantage il enseigne qu'il y a trois moyens de recevoir l'Eucharistie: l'un, sacramentellement tant seulement, comme font les pecheurs: l'autre, spirituellement, comme font ceux, qui le reçoient par foy vive, & par desir, le troisieme, sacramentellement & spirituellement tout ensemble, comme font ceux, qui s'estans éprouvés eux mesmes en la maniere dessus dite, vont à la Sainte Table. Et que par tradition Apostolique on tient, & ainsi se doit garder, que les Laïcs reçoivent la Communion des Prestres: & que les Prestres se communient eux mesmes. Enfin le Concile prie & exhorte tous Chrestiens, qu'ils ayent à conuenir & à s'accorder en cete doctrine.

Après la lecture du Decret, furent semblablement lus les onze Anathematismes. Premierement, Contre qui nie, qu'en l'Eucharistie soit vraiment reelement, & substantielement contenu le corps & le sang, ensemble l'ame, & la Deité de Iesus Christ: c'est à dire, Christ tout entier: ains dit, qu'il y est tant seulement comme en signe, ou figure, ou vertu. Secondement, Contre qui dit qu'en l'Eucharistie demeure la substance du pain & du vin ensemble avec le corps & le sang de Christ, ou nie cete admirable conuersion & changement de toute la substance du pain au corps, & de celle du vin au sang, sans qu'il y demeure autre chose que les especes, c'est à dire apparences du pain & du vin: laquelle conuersion l'Eglise tresproprement appelle Transubstantiation. Tiercement, Contre qui dit: qu'au Sacrement de l'Eucharistie, sous chacune des especes, voire sous chacune partie d'icelles, après la separation faite, n'est contenu Christ tout entier. En quatrieme lieu, Contre qui dit, qu'après la Consécration, le corps & le sang de Christ ne sont en l'Eucharistie qu'en l'usage, quand on le prend, non deuant, ny après: & semblablement qu'ès parcelles, qui restent après la Communion, ne demeure le vray corps du Seigneur. En cinquieme lieu, Contre qui dit, que le principal fruit de l'Eucharistie & la remission des pechés: ou bien, que d'icelle ne prouient autre effet. En sixieme lieu, Contre qui dit, que Christ en l'Eucharistie ne doit estre adoré du seruice de Latrerie, ny honoré d'une feste particuliere, ny porte en procession, ny exposé en lieu public pour estre adoré: & que ceux qui l'adorent ainsi, sont idolatres. En septieme lieu, Contre qui dit, qu'il n'est loisible de le garder en lieu sacre, mais qu'il le faut tout distribuer aux assistans: ou bien, qu'il n'est loisible de porter honorablement aux malades. En huitieme lieu, Contre qui dit, qu'en l'Eucharistie on mange Iesus Christ spirituellement tant seulement: & non sacramentellement & reelement. En neuuiesme lieu, Contre qui dit, que les fideles, venus en aage de discretion, ne sont tenus de se communier tous les ans, au moins à Pâques. En dixieme lieu, Contre qui dit, qu'il n'est loisible au Prestre celebrant de se communier soy mesmes. En onzieme lieu, Contre qui dit, que la foy seule est suffisante preparation pour recevoir ce Sacrement. Declarant en fin que cete preparation se doit faire par le moyen de la Confession Sacramentelle. Et prononçant excommunié qui conque enseignera, preschera, ou affermera obstinément le contraire, ou mesmes entreprendra de le maintenir en dispute publique.

*anathema-
tizmes sur
l'Eucharis-
tie.*

*decret de
reformation,
contenant
la iurisdic-
tion des E-
uesques.*

Quant au decret de la Reformation, il contenoit premierement vne longue admonition aux Euesques, d'vsr de la Iurisdiction moderément, & en charité. Puis determinoit, qu'ès causes de visite, de correction, & d'inhabilité, &ès crimineles, nul ne puisse appeler del'Euesque, ou de son Vicaire general, de quelque sentence interlocutoire, ou grief quelconques, auant la sentence definitive. Et lors qu'il y aura lieu d'appel, & que la commission en deura estre donnee par autorité Apostolique *in partibus*, c'est à dire, ès propres lieux, hors la ville de Rome, que ce ne soit à autre que au Metropolitan, & à son Vicaire general. Que si iceluy estoit suspect, ou trop esloigné: ou que l'appellation eust esté faite de luy mesmes, que la commission de ladite appellation ne soit baillée à autre qu'à vn Euesque voisin, ou à vn Vicaire. Que le defendeur en cause criminele, appellât del'Euesque, ou de son

Vicaire, soit tenu de produire les actes de la premiere instance, lesquels luy seront gratuitement baillés & deliures, dans le terme de trente iours, par celuy de quil aura appellé. Que l'Euesque, & son Vicaire general, puisse proceder contre tout Clerc, mesmes avans les saints Ordres, iusques à la condannation, & deposition verbale: & mesmes le degrader solennellement, avec l'intervention d'autant d'Abbés de Mitre, & Croisse, que les Canons ordonnent d'Euesques. Que l'Euesque, en qualité de delegué du S. Siege, puisse sommairement conoistre de subreption, ou obreption de grace, obtenue par faux donner à entendre, & frauduleuses prieres, pour l'absolution de quelque crime ou delit public, dont luy mesmes auroit commencé à informer: ou pour la remission de la peine, en laquelle le criminel auroit par luy condanné: & puisse casser & annuler cete grace, s'il verifie qu'elle a esté extorquee par vn faux narré, ou par vne suppression & desguisement de la verité. Quel Euesque ne puisse estre cité à comparoistre personnellement, si ce n'est pour cause, pour laquelle il meritait deposition, ou priuation, en quelque forme de iugement qu'on y procede. Qu'aucuns tesmoins ne soyent receus en cause criminele contre l'Euesque, s'ils ne sont contesmoins, & de bonne vie, & renommée: & s'ils deposent par haine, ou autre passion, qu'ils soyent griuement punis. Que les causes crimineles des Euesques, & crimes la qualité desquels merite comparoissance personele, soyent rapportees deuant le Pape, & par luy seul puissent estre terminees.

*autre decret prote-
xant la di-
lacion des
chefs remis
sur desir &
venue des
Protestans.*

Après cela, fut public vn autre Decret, qui portoit, Que le Concile, desirant extirper toutes les erreurs, auoit exactement examiné quatre articles: Premierement, S'il est necessaire à salut, & du commandement expres de Dieu, que tous les fideles recoyuent le Sacremens sous les deux especes. Secondement, Sy celuy, qui communie sous vne espee seulement, recoit moins que celuy, qui communie sous toutes les deux. Tiercement si l'Eglise a failly, en communiant les Lais, & les Prestres non celebrans, avec la seule espee du pain. En quatrieme lieu, S'il faut aussi communier les petits enfans. Mais, d'autant que les Protestans d'Allemagne desirerent d'estre ouys sur ces Articles, auant leur decision: & pour cet effet on demande vn saufconduit, pour pouoir, aller, venir, demeurer, librement parler & proposer, s'en aller: le Concile, esperant les ramener à concorde de foy, esperance, & charité, condescendit à leur demande; & leur a baillé & baille, entant qu'en luy est, & que de droit il peut, la foy & seurte publique, qu'on appelle saufconduit, de la teneur que dessous: & a différé à decider & definir ces Articles, iusques au vintcinquieme Ianuier de l'annee suiuiantes ordonnant quant & quant qu'en icelle Session soit traité du Sacrifice de la Messe, comme de matiere inseparablement coniointe & connexe: & que cependant, en la prochaine Session, assignee au vintcinquieme Nouembre, on traitera des Sacremens de la Penitence, & de l'extreme Onction.

*ausquels est
donné sauf-
conduit.*

La teneur du saufconduit estoit, Que le Saint Concile baille & ottroye foy publique, & pleine assurance, qu'on appelle saufconduit, avec toutes ses clauses necessaires, & conuenables, quoy qu'elles requissent speciale expression, entant qu'à luy appartient, à toutes personnes, tant Ecclesiastiques que Seculieres d'Allemagne, de quelque degré, estat, & qualité qu'elles soyent, lesquelles voudront venir à ce general Concile: à ce qu'elles puissent en toute liberté communiquer, proposer, & traiter, venir, demeurer, presenter Articles, par escrit ou de viue voix, conferer avec les Peres deputés par le Concile, & disputer sans iniures, & conuices: & partir, & se retirer, quand bon leur semblera. En outre le Concile consent & agree, que, si, pour leur plus grande liberté & seurte; ils desirerent qu'on leur depute des luges, pour les delits qu'ils ont commis, ou commettront, quoy qu'enormes, & ressentans l'heresie, ils nomment ceux qu'ils estimeront leur estre bien affectionnés. Après cela fut lu le mandement de Ioachim Electeur de Brandebourg, es personnes de Christofle Straffen Iuriconsulte, & de Jean Hoffman, enuoyés par luy Ambassadeurs au Concile. Le premier

fit vne longue harenque, montrant la bonne volonté, & le respect de son Prince enuers les Peres sans se declarer plus auant, à l'esgard de son sentimēt au fait de la Religion. Le Concile respondit, par la bouche de son Promoteur, *Que* le Concile auoit ouï avec beaucoup de contentement le discours des Ambassadeurs de l'Ambassadeur, & sur tout en la partie, en laquelle le Prince se soumettoit au Concile, & promettoit d'observer ses Decrets: esperant que les effects ne seroyent point diuers des paroles. La proposition de ses agents de Brandenbourg fut remarquee par plusieurs perionnes: d'autant que cet Electeur estoit de la Confession d'Augsbourg, & sauoit-on tres-bien, que les seuls interets le portoyent à proceder avec ces belles mines, afin que Rome, & les Catholics d'Allemagne, se deportassent des trauerfes & empeschemens, qu'ils donnoient à son Fils Friderich, élu Archeuesque de Magdebourg par le Chapitre: qui est vn benefice qui a vne principauté bien grande & bien riche, annexee. La response du Concile ne fut pas moins admiree, à cause de l'agencille & aduantageuse façon de contracter, stipulant dix, & en vertu de la promesse pretendait dix mil: car de vray il n'y a pas moins de proportion de ce nombre-là à cetuy-cy, que de la reuerence promise par l'Electeur à la submission receuë par le Concile. Bien disoit-on, en defense du fait, que le Concile n'auoit par regardé aux choses dites, mais à celles qui se deuoient dire: & que c'estoit là vn ordinaire & pieux attrait de l'Eglise Romaine, laquelle s'accomodant & demettant à la foiblesse de ses enfans, monstre d'auoir entendu qu'il sont bien satisfaits à leur deuoir. *Qui* ainsi iadis, les Peres du Concile de Carthage auans escrit au Pape Innocent premier, pour luy donner aduis de la condánation par eux faite de Celestin & de Pelagius, & le requerir qu'il se conformast à leur declaration; il leur respondit, les louant, d'auoir, comme bien recors de l'ancienne tradition, & de la discipline Ecclesiastique, renouyé & rapporté le tout à son iugement, duquel tous doiuent apprendre qu'il doit estre absous, & qui doit estre condanné. Et de vray c'est là vne gracieuse façon de faire dire aux hommes par silence, ce qu'ils ne veulent proferer de paroles.

Après cela, suiuant l'intimation faite à l'Abbé de Bellozane, de luy donner en ce temps là response aux lettres, & à la protestation du Roy de France, les huiusiers proclamerēt à la porte de l'Eglise, S'il y auoit là aucun pour le Roy Treschrestien. Mais nul ne se presenta, d'autant que le Conseil du Roy auoit iugé qu'il n'estoit pas expedient qu'aucun comparust, pour n'entrer en contestation de cause: sur tout ne pouuant attendre aucune response qui ne fust forgee à Rome, par le Pape, & les Espagnols. Au moyen de quoy le Promoteur fit instance, que la response decretee fust lue publiquement: ce que les Presidens ayans assenti; il fut fait & executé tout sur le champ. La substance de cette response estoit, *Que* les Peres, apres auoir conceu grande esperance des faueurs du Roy, auoyent esté fort marris des propos de son député, par lesquelles il la leur auoit grandement rabatee: mais que toutesfois ils ne l'auoyent point perdue tout à fait, sachant en leur conscience de ne luy auoir baillé aucun suiet d'offense. Et que, quant à ce qu'il auoit dit, *Que* le Concile estoit assemblé pour l'vtilité & aduantage de quelque petit nombre de gens, & pour interets & esgards particuliers: cela n'auoit point de lieu en eux, lesquels non seulement par le Pape moderne, mais aussi par Paul troisieme, auoyent esté conuocqués, pour extirper les heresies, & reformer la discipline, qui sont causes, dont il n'y en peut auoir de plus communes, ne de plus pieuses. Et prioient le Roy de laisser aller ses Euesques à aider à vn si saint œuvre: qu'il y auoyent toute liberté: & que si son député, quoy que non reconnu en autre qualité que de personne priuee, & qui portoit chose desagreables, auoit esté ouï avec beaucoup de patience, & d'attention, combien plus seroyent bien veus personages de telle dignité? Adioustant toutesfois, que mesmes encor sans eux, le Concile ne laisseroit pas d'auoir sa dignité, & autorité entiere, ayant esté legitimement conuocqué, & puis remis sus pour iustes & suffisantes causes. Et quant à ce, que Sa Majesté

1551.

auoit protesté de vouloir vser des reme les pratiqués par les ancestres, le Concile auoit bonne esperance, qu'il ne remettrait point sus les choses iadis abolies, & supprimées, au grand benefice de son Royaume: ains que, regardant à ces ancestres, au nom du Roy Treschretien, & à son Pere le Roy François, qui auoit honoré ce Concile, à son exemple il ne voudroit estre ingrat à Dieu, & à Sainte Mere Eglise: ains que plustost il remettrait ses offenses particulieres au bien public de la cause generale.

*Jugemens
sur les de-
crets de la
troisième
Session.*

Les Decrets de la Session furent tout incontinent imprimés: & ayans esté veus avec beaucoup de curiosité en Allemagne, & ailleurs, donnerent sujet de beaucoup de discours. Premièrement, pource que sur la matiere de l'Eucharistie, en traitant de la maniere de l'existence du corps de Christ au Sacrement, le Decret dit, *Qu'à peine peut-elle estre exprimée par paroles*: & cependant apres il afferme, que cete conuersion est proprement appelee Transubstantiation: & en vn autre endroit, que c'est vn terme tresconuenable: ce qu'estant, il ne faut point auoir de doute qu'on ne le puisse proprement exprimer. On disoit de plus, que le Concile, ayant déclaré, que Iesus Christ, apres la benediction du pain & du vin, auoit dit, que ce qu'il bailloit estoit son vray corps & son sang, venoit à determiner contre tous les Theologiens, & contre le sentiment de toute l'Eglise Romaine, que les paroles de la Consecration n'estoyent point telles-cy, asauoir, *Cecy est mon corps*: attendu que le Concile assuroit, qu'elles auoyent esté dites apres la Consecration, qui n'est autre chose que la Benediction. Aussi de vouloir prouuer, que le corps du Seigneur est en l'Eucharistie auant l'usage, pource que Christ l'appela son corps en le presentant, auant que les disciples l'eussent receuë, sembloit chose fort impertinente: car, par ce moyen on monstroient de presupposer, que la presentation n'appartient pas à l'usage, ce qui manifestement est faux. On remarquoit aussi, comme fort impropre, cete façon de parler, employée au cinquieme chapitre de la doctrine, qu'à ce Sacrement est du le seruice & adoration diuine: attendu qu'il est certain que par le mot de Sacrement n'est entendue la chose signifiee, ou contenue: mais la signifiante, ou contenant. Et que pourtant il auoit esté mieux, & plus correctement dit au sixieme, qu'on doit adorer le Fils de Dieu au Sacrement. On remarquoit aussi cete parole du troisieme Anathematisme, que Christ tout entier est en chacune partie du Sacrement, apres que la diuision en a esté faite: car de là il semble qu'on recueille de necessaire consequence, qu'il n'est pas donc tout entier en chacune des parties auant la diuision.

Puis apres, pour ce qui concerne la Reformation, les Prestres se plaignoyent que l'autorité des Euesques estoit par trop aggrandie, & le Clergé reduit à trop de seruitude. Mais les Protestans, ayans veu l'article, auquel il est dit qu'ils requeroient d'estre ouïs sur quatre chefs tant seulement, furent remplis d'estonnement, par qui pouuoit auoir esté faite vne telle instance en leur nom: attendu que tant de fois, es Dietes, & par escripts publics, ils auoyent dit & reiteré, qu'ils requeroient l'examen de toutes les matieres controuersee, & ne vouloyent receuoir aucune des choses ia determinées à Trente, mais que le tout fust de nouveau remis sur le bureau. Aussi iugerent-ils que la forme du saufconduit estoit fort captieuse: attendu que tant au Decret de la concession, qu'en la teneur d'iceluy saufconduit, il y auoit la clause de reserve: Entant qu'il appartient au Concile: & toutesfoi's nul ne demande à aucun, sinon ce qu'il luy appartient de conceder: mais que cete affectée diligence de l'exprimer, & le reiterer, monstroient assez, qu'on auoit desia excogité vn moyen de l'eluder, & enfreindre, reiettant la faute sur autrui, & ne doutoyent nullement que l'intention du Concile n'eust esté, de laisser vne porte de derriere ouuerte au Pape, pour faire son honneur & celuy du Concile sauf, ce qui seroit pour le bien des affaires de l'vn & de l'autre. Outre ce que parler de deputer Iuges, pour fautes d'heresie commises, leur sembloit vne certaine maniere de nesc, pour enlacer quelque inconsideré: & n'y auoit pas iusqu'aux pedants, qui ne s'en

*le saufcon-
duit du Con-
cile ne com-
mente les
Protestans*

moquaſſent, conſiderant l'aſſiete du verbe principal, *Contedit*, diſtante du commencement de plus de cent cinquante mots. Les Proteſtans prirent entre eux vn concert par vn paſſe parole & de main en main, qu'ils ne s'en vouloyent point contenter, ne s'y fier: mais qu'ils en vouloyent vn autre, qui fuſt iuſtement de la teneur de celuy que le concile de Baſle donna aux Bohemiens: car l'obtenant tel, ils gaignoyent vn grand point, aſſauoir, de faire ſpecifier, que les Centroueries ſeroient decidees par la Sainte Eſcriture: que ſi auſſi il leur eſtoit reſuſe, ils auroyent de quoy s'excuser enuers l'Empereur.

Le iour d'apres la Seſſion, il y eut Congregation generale, pour diſpoſer de traiter de la Penitence, & de l'Extreme onction, & pour continuer la Reformation. En icelle il fut mis en conſideration, que les Theologiens auoyent excede le reiglement de traiter les matieres, qui leur auoit eſte preſcrit, dont eſtoyent nees des contentions, qui ne pouoyent ſeruir a les rendre tous vnis contre les Lutheriens: & pourtant qu'il falloit renoueler le Decret, ſans permettre d'yfer de raiſons & argumens d'eſcholes, mais les alſtraignant a parler poſitiuement, & a garder l'ordre, lequel il eſtoit bon d'eſtablir de nouveau: d'autant que l'inobſeruation d'iceluy auoit engendree de la conſuſion: & pour ce auſſi que les Flamands, comme auſſi les Theologiens, qui eſtoyent avec les Prelats Allemands, ſe plaignoyent qu'on ne faiſoit point d'eſtat de leurs perſonnes ſelon leur merite. Il auoit ia eſte arreſte qu'on traiteroit de la Penitence, & de l'Extreme onction. Et lors il fut dit quelque choſe touchant la Reformation, & furent deputes ceux qui, en compagnie de l'Eueſque de Verone Nonce, deuoient dreſſer les Articles de la foy, & avec l'Archeueſque de Siponte, auſſi Nonce, ceux de la Reformation. En matiere de Foy, furent formes douze Articles ſur le Sacrement de la Penitence, extraits mot pour mot des liures de Luther, & autres ſiens diſciples, pour eſtre diſputes par les Theologiens, pour ſauoir ſ'ils deuoient eſtre tenus pour heretiques, & condannez pour tels. Mais c'eſt choſe ſuperflue de les reciter tout au long en ce lieu: car ils furent tellement changes, & alteres: quand on vint a former les Anathematifmes, apres auoir ouy les aduis des Theologiens, qu'il n'y en demurera aucune trace. A ces Articles eſtoyent joints quatre autres touchant l'Extreme onction, de tout en tout correſpondans aux quatre Anathematifmes tous arreſtes & conſus. Au meſme fuicillel, auquel les Articles eſtoyent eſcrits, il y auoit auſſi trois Decrets adioutez: qui portoyent, Que les Theologiens euſſent a dire leurs aduis, le puisant de la Sainte Eſcriture, des Traditions Apoſtoliſques, des ſaints Conciles, des Conſtitutions & authorites des ſouuerains Pontifes, & des ſaints Peres, & du conſentement de l'Egliſe Catholique: & ce ſommairement, & briueement, euitant les queſtions inutiles, & les contentions opiniatres. Qu'a parler on gardaſt cet ordre: que les enuoyes par le Pape parlaſſent les premiers; ceux de l'Empereur les ſeconds; ceux de Louvain, enuoyes par la Royne de Hongrie, les troiſiemes; les Theologiens, venus avec les Eledeurs, les quatriemes; les Cleres ſeculiers, ſelon l'ordre de leurs promotions, les cinquiemes; les Reguliers, ſelon les preſeances de leurs Ordres, les ſixiemes. Que les Congregations fuſſent tenues deux fois le iour: le matin des les huit heures iuſques a onze: & l'apres midy, des les deux heures iuſques a cinq. On forma quinze Articles de Reformation, leſquels ſe rapportoyent aux chapitres qui en furent arreſtes du deuis: ſauf le quinzieme, auquel eſtoit propoſe d'ordonner, qu'on ne puſt bailler aucun benefice a commander, ſi non a perſonne qui fuſt du meſme aage, que la loy requiert en celuy qui le doit tenir entitre: car lors qu'on vint a parler de cet Article, il fut bien toſt mis ſous ſilence, comme empeſchant pluſieurs Prelats de renoncer leurs benefices a leurs neueux.

Le Pape, lequel, comme il a eſte dit, auoit eſcrit lettres aux Suiſſes Catholiques, pour les conuier au Concile, continua a en faire la meſme inſtance par le moyen de Ierome Franc, ſon Ambaſſadeur: en quoy auſſi il eſtoit ſe-

le Pape fait
nouuelle in-
ſtance aux
Suiſſes, que

forme des
Articles de
la penitence.

de l'Ex-
treme On-
ction,

regle de
rechſſa-
maniere de
le traier.
& diſputer

& dreſſe
qu'ly a
Articles de
la reformacion.

1551.

*Les Suisses, qui
ils viennent
au Concile
mais en
vain.*

condé par l'Empereur. Mais le Roy de France traualloit tout au contraire par le moyen de Morlay Muse, son Ambassadeur, aidé par Vergere, le quel comme bien instruit des secrets & desleins de Rome, & demeurant lors au pais des Grisons, luy bailla l'adresse de persuader cete Nation: & mesmes escriuit vn liure sur ce suiet: tellement qu'en la Diete de Bade, qui se tint alors non seulement les Suisses Euangeliques, mais aussi les Catholiques resolurent de n'enuoyer aucun au Concile. Et les Grisons mesmes entrés en des fiance par les aduertissemens de Vergere, que le Pape machinast quelque chose à leur preiudice, rappelerent Thomas Plante, Euesque de Coire, lequel estoit ia au Concile.

*Les Articles
sont ébauchés
en Congrega-
tion d'une
ne façon
nouuelle.*

A Trente les Congregations des Theologiens furent sollicitées: & en icelle fut parlé des douze Articles de Foy proposés, selon l'ordre estably, lequel ne put empescher que toute la matiere de la penitence ne fust traitée non seulement à la façon des Scholastiques, mais aussi des Canonistes, en suivant Gratien, lequel en auoit fait vne Question, laquelle pour sa longueur fut diuisée puis apres en six distinctions: & quant au reiglement prescrit par les Presidens, que les matieres fussent deduites, & les conclusions prouées par les cinq fondemens & lieux dessusdits, cela ne fit point eiter la prolixité & superfluité, & les inutiles & vaines questions: ains donna suiet de plus grand abus: car au moins, lors qu'on parloit Scholastiquement, on demeurait dans la matiere, & les discours estoient tous serieux, & seueres. Mais en cete nouuelle maniere, laquelle ils appeloient positive, terme Italien, tiré des habits sumptueux, & sans superfluité d'ornemens, on tomboit en despuerilités & inepties. Car, es allegations de la Sainte Esriture, furent employés tous les passages des Prophetes & des Psalmes, esquels se rencontre le Verbe, *Confessor*, & son Verbal, *Confession*: qui toutesfois en Hebreu signifie louange, ou religieuse profession: & tirés par le poil au Sacrement de la Confession: laquelle aussi on taschoit à tors & à trauers de monstrer par des figures tirées du viel Testament, entierement à contresens, auoir esté iadis presignée: & celui, qui en couchoit & seruoit le plus, s'estimoit le plus sauant. Toutes les ceremonies, qui marquent humilité, douleur, & repentir, pratiquées par ceux qui confessent leurs pechés, estoient hardiment nommées Traditions Apostoliques. Recit fut fait d'innombrables miracles, anciens, & modernes, en bien aux deuots de la Confession, & en mal aux contempneurs & negligeurs d'icelle. Par plusieurs & diuerses fois furent rapportées toutes les autorités alleguées par Gratien, auxquelles toutesfois on donnoit des sens bien differens & diuers, selon qu'il venoit à propos: & en furent encor adioustées autres de surcroist. Qui auroit ouï discourir ces Docteurs, n'eust pu recueillir autre chose, sinon que les Apostres, & les anciens Euesques, ne faisoient iamais autre chose qu'estre perpetuellement à genoux pour se confesser, ou assis pour confesser les autres. Mais au fort, ce, à quoy tous aboutissoient, & qui aussi de vray releuoit le plus, estoit le Concile de Florence, lequel auoit ia déterminé de cete matiere. Les memoires, qui sont encor en estre, ne contiennent en cet endroit chose aucune qui merite d'estre spécifiée: & tout ce qu'il y a, sera rapporté avec la substance de la doctrine. Mais les choses susdites m'ont semblé ne deuoir estre tuées: car ces diuerses gerbes estans portées en l'aire, & battues toutes peslemesse, il ne faut point s'esbahir, si le grain qui en sortit fut du metal bien meslé: c'est à dire, que les Chapitres de Foy & Doctrine, qui en furent extraits, furent bien bigarrés, & ne purent par leur bigarrure plaire qu'à bien peu de gens, & ne fut obserué en cete matiere ce qui auoit esté suiuy es autres, de ne condamner aucune opinion des Catholiques, ains d'attremper en forte la declaration & expression de la Doctrine, que toutes les parties, lors qu'il y auoit diuersité d'aduis entre les Theologiens, fussent contentes. Cete nouueauté m'oblige à laisser vn peu l'ordre entrepris, pour exposer premierement la substance du Decret, ainsi qu'il fut arrêté pour estre lu en la Session, & puis adiouter ce que les personnes mesmes du Concile n'approuuoient pas.

Le Decret

Le Decret donc portoit, *Que*, combien qu'en traitant de la Iustification, plusieurs choses eussent esté dites du Sacrement de la Penitence, toutesfois pour extirper diuerses erreurs de ce siecle, il estoit expedient d'elclaircir la verité Catholique: laquelle à present le S. Concile proposoit à garder perpetuellement à tous Chrestiens. De là, il passoit à dire, que tousiours en tous siecles la penitence auoit esté nécessaire: & apres la venue de Christ, à ceux là mesmes, qui doiuent receuoir le saint Baptisme: que cete-là toutesfois n'est point Sacrement: mais qu'il y en a vn autre, qui fut institué par Nostre Seigneur, lors que, soufflant sur les disciples, il leur donna le S. Esprit, pour remettre & pour retenir les pechés: c'est à dire pour reconcilier les fideles tombés en peché apres le Baptisme: qui a esté le sens, auquel l'Eglise à de tout temps entendu ces paroles du Seigneur, & lequel aussi le Concile approuue & ratifie, condannant ceux qui les entendent du pouuoir de prescher l'Euangile. *Que* ce Sacrement est different du Baptisme: entant que (outre la matiere & la forme de l'un & del'autre, qui sont bien diuerses) le ministère du Baptisme n'y entreuient point en qualité de Iuge: en lieu, qu'apres le Baptisme, le pecheur se presente deuant le tribunal du Prestre, en estat de criminel, pour estre absous & deliuré par la sentence d'iceluy. Ioint que, par le Baptisme, on recoit vne entiere & parfaite remission des pechés: en lieu que, par la Penitence, on ne la reçoit sans beaucoup de pleurs & de travaux. Et ce Sacrement est autant nécessaire aux pecheurs apres le Baptisme, que le Baptisme mesme à ceux qui n'en ont encores receu. *Que* la forme d'iceluy est es paroles du Prestre, le t'absous: ausquelles sont iouablenent adioutees autres prieres & oraisons: quoy que non nécessaires: que la quasi matiere d'iceluy sont la contrition, confession, & satisfaction du penitent, lesquelles pour cete cause sont appelees parties de la Penitence: la chose signifiée, & l'effet du Sacrement, est la reconciliation avec Dieu, de laquelle quelquesfois naist la paix, & le calme de la conscience. Et pourtant le Concile condanne ceux, qui constituent, pour parties de la Penitence; les espouuantemens de la conscience, & la foy, *Que* la Contrition est vne douleur du cœur, à cause du peché commis, avec propos & arrest de ne pecher plus: & qu'icelle a esté en tous temps nécessaire: mais qu'au pecheur apres le Baptisme, c'est vne preparation à la remission des pechés, si elle est coniointe avec la confiance, & assurance en la misericorde de Dieu, & avec le ferme propos & deliberation de faire toutes les autres choses qui sont requises pour legitiment receuoir ce saint Sacrement. *Que* la Contrition n'est pas seulement cesser de pecher, n'y vn ferme propos, ou commencement de vie nouuelle; mais ensemble aussi vne haine de la passée. Et combien que par fois la Contrition soit accomplie par charité, & reconcilié l'homme à Dieu; voire mesmes auant qu'auoir receu le Sacrement: toutesfois on ne luy peut attribuer cete force & vertu, sans le ferme propos & deliberation de le receuoir.

Que ce qu'on appelle Attrition, qui est vne Contrition imparfaite, laquelle naist ou de la laideur du peché, ou de la crainte de la punition; pourueu qu'elle exclue la volonté de retourner au peché, & retienne l'esperance du pardon, n'est point hypocrisie, ains vn don de Dieu, par lequel le penitent, estant aidé, se fraye le chemin à la iustice. Et combien que cete imparfaite Contrition ne puisse conduire le pecheur à la Iustification, sans le Sacrement de Penitence, si est-ce quelle le dispose à impetrer la grace de Dieu en iceluy Sacrement. Et que de cete institution du Sacrement de la Penitence; l'Eglise a tousiours entendu, que Christ a ordonné la confession entiere & totale des pechés, comme chose nécessaire, de droit diuin; à ceux qui apres le Baptisme sont chus en peché: d'autant qu'ayant establi les Prestres ses Vicaires, pour Iuge de tous les pechés mortels, il est certain qu'iceux ne peuuent exercer cete iudicature, sans connoissance de cause, ne garder l'equite en l'imposition des peines, si les pechés ne legi-

sont releués par le menu, & particulièrement, & non en general tant seulement. Et que pour cete cause le penitent en la confession doit denombrez tous les peches mortels, voire mesmes tres-occultes & cachés: car, pour les veniels, on les peut bien vilement dire, & sans presomption, mais aussi les peut on celer sans offence. Que de cecy s'ensuit, qu'il faut de necessité exposer en la Confession les circonstances des pechés, lesquelles alterent & changent l'espece & nature du peché, au defaut de quoy il est impossible de iuger de la griuete des exces, & d'imposer peines sortables & proportionnees. Dont c'est vne impieté de dire, que cete sorte de Confession soit impossible, ou que ce soit vne bourrelerie & geenne des consciences: attendu qu'on n'y recherche autre chose, sinon que le pecheur, apres s'estre diligemment examiné soy mesmes, confesse ce, dont il se souuiert: car, pour les pechés oubliés, ils s'entendent compris & enclos en la mesme confession. Et, quoique Christ n'ait point defendu la Confession publique, il ne l'a pas pourtant commandee: & de vray aussi il ne seroit pas expedient de commander, que les pechés, sur tous les secrets & cachés, fussent decouverts par Confession publique. Et pourtant, puis que les Peres ont tousiours loué & recommandé la confession Sacramentele secreta, la vaine calomnie de ceux, qui l'appellent Inuention humaine, controuuee par le Concile de Latran, est manifestement refutée: attendu qu'iceluy n'ordonne pas la confession, mais bien qu'elle soit pratiquée au moins vne fois l'annee. Quant au Ministre de ce Sacrement, le Concile declare faulx les doctrines, qui estendent à tous les fideles le ministere des Clefs, & l'autorité baillée par Iesus Christ de lier & deslier, remettre & retenir les pechés publics par la correction, & les secrets par la confession volontaire: & enseigne que les Prestres, quoy que pecheurs, ont autorité de remettre les pechés: laquelle n'est pas vn simple & nud ministere de declarer & annoncer que les pechés sont remis, ains est vn acte iudiciel: & que pourtant nul ne se doit fonder sur sa foy, presuppôsant que, sans contrition, & sans le Prestre qui ayt intention de l'absoudre, il puisse obtenir la remission de ses pechés. Or, pource que la sentence, prononcée contre personne non suiuite ne iustificable, est nulle, aussi est nulle l'absolution du Prestre, qui n'a pouuoir ou ordinaire, ou delegué, sur les penitens: & mesmes les plus grands Prestres avec raison reseruent à eux quelques delits plus grieux & enormes: & le Pape à tres-bon droit le fait aussi de sa part. Et n'y a aucun doute, que tout ce qui est de Dieu, est avec ordre & bonne disposition, les Eueques ne puissent faire le mesme chacun en son diocese. Et cete reserue n'est point seulement pour vne police exterieure, mais a aussi force & vigueur deuant Dieu. Que toutes-fois il a tousiours esté obserué en l'Eglise, qu'à l'article de la mort tous Prestres puissent absoudre tout penitent, de quelque cas & peché que ce soit.

Quant à la Satisfaction, le Concile declare, Que la coulpe estant pardonnée, toute la peine n'en est pourtant remise, ny relaschée: attendu, qu'il n'est pas conuenable, que celui qui sciemment & volontairement a peché apres le baptisme, soit receu en grace avec autant de facilité, que celui qui auant le Baptisme a peché par ignorance, & que le pecheur soit laissé sans bride, qu'il retire des autres pechés: ioint que par ce moyen il est rendu conforme à Iesus Christ, lequel a satis fait pour nous en souffrant, & duquel aussi ans satisfactions prenent & tirent toute leur force & vigueur, comme estant par luy offertes au Pere, receues & acceptées en vertu de son intercession. Pourtant, que les Prestres doiuent imposer les satisfactions conuenables, ayant esgard, non seulement, à contregarder le penitent de nouueaux pechés, mais aussi à le chastier des passés. Enseignant en outre, que l'homme ne satisfait pas seulement par peines volontairement prises sur soy, ou bien imposées par le Prestre: mais aussi en supportant en patience les fieux enuoyés de Dieu.

Anathemat. En conformité de cette Doctrine, furent aussi dressés quinze Anathematif.

mes. Le premier, Contre qui dira, que la Penitence n'est pas vrayement & proprement Sacrement, institue de Christ, pour reconcilier les pecheurs apres le Baptisme. Le deuxieme, Contre qui dira, que le Baptisme est le vray Sacrement de la Penitence: ou bien, que la Penitence n'est pas le second ays, pour se sauuer apres le debris du naufrage du peche. Le troisieme, Contre qui dira, que les paroles du Seigneur, *Quoniam confiteris peccata*, ne s'entendent point du Sacrement de la Penitence, mais de l'autorité de prescher l'Evangile. Le quatrieme, Contre qui dira, que la contrition, confession, & satisfaction, ne sont requises, pour quasi matiere, ou comme parties de la Penitence: ou bien dira, que les frayeurs de la conscience, & la foy, en sont les vrayes parties. Le cinquieme, Contre qui dira, que la contrition n'est point vile, ains rend l'homme hypocrite, & est vne douleur forcee, & non libre. Le sixieme, Contre qui dira, que la confession Sacramentele n'est instituee, & n'est necessaire de droit diuin: ou que la façon de se confesser secrettement au Prestre vne inuention humaine. Le septieme, Contre qui dira, qu'il n'est point necessaire de confesser tous les pechés mortels, voire mesmes les caches & secrets, avec leurs circonstances, qui alterent l'espece, ou la qualité du peché. Le huitieme, Contre qui dira, qu'une telle Confession est impossible, ou bien, que tous ne sont pas obligés à icelle vne fois l'annee, selonc l'ordonnance du Concile de Latran. Le neuuieme, Contre qui dira, que l'Absolution sacramentele n'est point vn acte iudiciel: mais seulement vn ministere de declarer la remission des pechés à celui qui croit, ou bien, qu'une absolution, baillie par ieu & plaisterie, est vile & profitable: ou bien, que la Confession du penitent n'y est point requise. Le dixieme, Contre qui dira que les Prestres, estés en peché mortel, n'ont aucun pouuoir de lier & deslier ou bien, que tous les fideles indifferemment ont ce mesme pouuoir. L'onzieme, Contre qui dira, que les Euesques n'ont aucune autorité de reseruer des cas, sinon par police exterieure. Le douzieme, Contre qui dira, que toute la peine est remise ensemble avec la coulpe: & que nulle autre satisfaction n'est requise, sinon la foy, qui croye que Christ a satisfait. Le treizieme, Contre qui dira, que l'homme ne satisfait point, supportant les afflictions que Dieu luy enuoye, les peines imposees par le Prestre, & celles que volontairement il prend sur soy: & que la meilleure penitence est la nouuelle vie. Le quatorzieme, Contre qui dira, que les satisfactions ne sont point seruices de Dieu, ains traditions humaines. Le quinzieme, Contre qui dira, que la puissance des Clefs de l'Eglise est seulement pour deslier & relascher, & non pour fermer & lier.

ijme. sur la matiere de la Remission.

Les Theologiens de Louvain firent vne opposition sur la reseruation des cas, disans, Que ce n'estoit point chose qui fust si claire, comme il sembloit qu'on la fist: d'autant qu'on ne sauroit trouuer qu'aucun Père en eust iamais parlé: & Durant qui auoit esté Penitencier luy mesmes, & Gerson; & Caetan afferment tous, que non les pechés, mais les censures sont reseruees au Pape: & pourtant, que c'estoit chose trop rigoureuse de tenir pour heretique celui qui sentiroit autrement. Les Theologiens de Cologne se ioignirent à ceux de Louvain en ce fait: & disoyent tout haut, Que on ne sauroit trouuer aucun ancisé, qui parlât de reserue, sinon des peches publics: & qu'il n'estoit pas seant de vouloir ainsi condanner Gerson Chancelier de l'Vniuersité de Paris, personnage tant pieux & Catholique. Que les heretiques souloyent dire, que ces reserues n'estoyent que pour attraper argent: comme le Cardinal Campege, aussi auoit dit en sa reformation: contre laquelle on leur donnoit matiere d'escrire: à quoy les Theologiens ne respondroyent point, ny ne pourroyent respondre. Pourtant requeroient, qu'on moderast la Doctrine, & le Canon, en maniere qu'il ne donnast scandale, & n'offensast aucun Catholique. Les Theologiens de Cologne disoyent Que j, quant au sens des paroles, *Quicumque ligaueritis*, &c: lequel est condanné au dixieme Canon, Theophylacte l'auoit expressement & formellement entendu de mesmes, & que les aduersaires prendroyent

oppositions contre les anathemes par les Theologiens de Louvain, & ceux de Cologne.

§ 551.

plaisir de le voir condanné. Et quant à ce qui est porté par le dernier Canon, que la puissance des Clefs s'entend de l'imposition des penitences, ils remontrèrent, Que les Peres anciens ne l'ont iamais ainsi entendu, ains ont pris le mot de lier, pour faire abstenir des Sacrements, iusques à vne complete satisfaction Canonique & Ecclesiastique. Ils requeroient aussi, qu'on fust quelquel mention de la penitence publique, tant recommandee & louee par les Peres, & sur tout par S. Cyprien, & par S. Gregoire Pape, lequel en plusieurs Epistres declare quelle est necessaire de droit diuin. Et que si elle n'estoit remise en vsage à l'égard des heretiques, & des pecheurs publics & notoires, il estoit impossible de iamais deliurer l'Allemagne. Et que toutesfois le Decret, tant es Chapitres de Doctrine, qu'es Canons, n'en disoit vn seul mot en faueur, ains plüstoit l'eneruoit, & en mesdisoit. Ils desiroient aussi, qu'on declarast quelque certain signe exterieur, qui fust la matiere du Sacrement attendu qu'autrement on ne pourroit iamais respondre aux obiections des aduersaires.

les Cordeliers,

Les Theologiens de l'Ordre des Cordeliers improuuoient grandement deux choses: l'une, qu'on eust posé pour matiere du Sacrement la Contrition, la Confession, & la Satisfaction, non point, qu'ils ne les tinssent pour conditions necessaires & requises à la Penitence, mais non pour parties essentielles d'icelle: & disoient, qu'il est tout euident & hors de doute, que la matiere du Sacrement doit estre quelque chose materiele & elementaire, appliquée par le Ministre au receuant, & non vne action du receuant mesme: que cela apparoit en tous les Sacrements: & pourtant, que c'estoit vne grande absurdité de mettre les actions du penitent pour partie du Sacrement. Qu'il n'y a point de doute, qu'autant est requise la Contrition au Sacrement du Baptisme, qu'à celuy de la Penitence: & que toutesfois on ne la met point pour partie du Baptisme. Que les Anciens requeroient la Confession des pechés auant le Baptisme, à l'exemple de S. Iean Baptiste enuers ceux qu'il baptizoit: & mesmes tenoient les Catechumenes en penitences: & que toutesfois nul n'auoit iamais dit, qu'icelles fussent ou partie, ou matiere du Baptisme: & que pourtant de vouloir condamner cete opinion, tenne par les anciens Theologiens de l'Ordre des Cordeliers, & encor à present par toute l'Vniuersité de Paris, leur sembloit passer mesure. Ils se plaignoient aussi, qu'on eust déclaré heresie de dire, que l'absolution Sacramentelle est declaratiue: attendu que manifestement c'auoit esté le sens de saint Ierome: & que le Maistre des Sentences, & Saint Bonauenture, & quasi tous les Theologiens Scholastiques, ont clairement dit, que l'absolution au Sacrement de la Penitence n'est autre chose, que declarer l'homme absous. A cecy on respondoit bien, Qu'on ne condannoit pas absolument pour heretiques ceux qui disent, que l'absolution est vne declaration que les pechés sont pardonnés: mais qu'ils sont remis à ceux qui croient certainement qu'ils le sont: & que pourtant le Canon comprend seulement l'opinion de Luther. Mais ny pour cela ils ne se contentoient point: affermant, que là où il s'agit d'heresie, il faut parler clairement, & que par tout ne se trouuoit pas personnellement prestre, pour donner cete declaration: & requeroient que, tant au Chapitre de la Doctrine, qu'en l'Anathematisme, cete particularité fust bien specifiee, & eschaircie. Frere Ambroise Pelargue, Theologien de l'Electeur de Treues, mit en consideration, que les paroles du Seigneur, *Quorum remiseritis*, &c. n'auoyent peut estre iamais esté par aucun Pere interpretees pour vne institution du Sacrement de la Penitence: & que quelques vns les entendoient du Baptisme: les autres, de toutes les manieres & façons, par lesquelles on reçoit le pardon des pechés: & pourtant, que de les vouloir restreindre à la seule institution du Sacrement de la Penitence, & prononcer heretiques ceux qui les exposent autrement, seroit donner vne grande prise aux aduersaires, pour dire qu'au Concile on a condanné l'ancienne doctrine de l'Eglise: & pour ce les exhortoit, qu'auant que faire vne si grande desmarche, on vist & considerast toutes les explications des Peres, afin que les

or Pelargue.

ayant toutes examinées vne à vne, on deliberaست puis apres ce qu'il faudroit dire. Plusieurs d'entre les Peres, lesquels en simplicité ne pensoient qu'à satisfaire au deuoir, trouuoient ces remontrances assez considerables, & eussent desiré que les deputes eussent fait nouuelle consultation, & que, selon qu'on auoit fait és occasions passees, on ostant les choses qui pouuoient offenser quelcun, & qu'on formast le Decret en maniere, qu'il fust approuué de tous.

Mais le Cardinal Crescence s'opposa à cela par vn discours suiuy, monstrant qu'il y alloit de l'honneur & dignité du Concile, d'eneruer les Decrets & leur oster par maniere de dire, l'ame, pour contenter les humeurs des particuliers: qu'ils auoient meurement arrestés, & qu'il les faisoit garder ainsi: que toutesfois, si son aduis n'agreoit à tous, auant toute autre chose on traitast en vne Congregation de cete generalité, assauoir s'il estoit bon de faire changement, ou non: & puis de là, selon la deliberation qu'on prendroit, on pourroit venir aux particularités. Mais toutesfois en cecy il ne decouurit point entierement quel estoit son but, lequel il declara puis apres à ses Collegues, & cōsidens: c'est, qu'il ne faisoit point introduire la coustume d'estriuer, & parler ainsi librement, laquelle estoit fort dangereuse, en cas de la venue des Protestans: car eux aussi voudroyent qu'il leur fust permis de mesme qu'aux nostres, en faueur de leurs opinions particulieres: qu'à vne honneste & raisonnable liberté du Concile doit suffire, que chacun puisse dire son aduis, pendant qu'on dispute la matiere, mais, qu'apres qu'on a ouï les aduis de tous, & que les Decrets là dessus sont formés par les deputés, & approuués par les Presidens, & que mesmes aussi ils ont esté veux, examinés & approuués à Rome, c'estoit chose trop licencieuse de les vouloir reuoyer en doute, & y requerir changement pour des esgards & interests particuliers. En fin le Legat l'emporta, ayant persuadé à la plus grande partie des Peres, que la Doctrine arrestee estoit celle des mieux sensés Theologiens, & plus opposee aux nouueautés Lutheriennes.

Or, puis que quasi toute la matiere de Foy de cete Session a esté representee d'un fil, il n'est que bon de suiure à ce peu qui reste à dire du Sacrement de l'Extreme Onction. Les Theologiens en parlerent avec leur prolixité accoustumee, mais sans differend entr'eux. Et sur leurs aduis furent formés trois Chapitres de Doctrine, & quatre Anathematismes. La Doctrine contenoit en substance, Quel Onction des malades est vrayement & proprement Sacrement, insinué par Nostre Seigneur en Saint Marc, & puis publié par Saint Iacques Apostre: des paroles duquel l'Eglise a pris par tradition Apostolique, que la matiere de ce Sacrement est l'huile beniste par l'Euesque: & que la forme d'iceluy gist és paroles dont le Ministre vse: & que la chose contenue, & l'effet du Sacrement, est la Grace du Saint Esprit, qui nettoie les restes du peché, & soulage l'ame du malade, & quelquesfois donne mesmes la santé du corps, quand il est vtile pour l'ame. Que les Ministres de ce Sacrement sont les Prestres de l'Eglise: & qu'en Saint Iacques le mot de *Prestiteri* ne doit s'entendre des anciens d'age, ou des principaux parmi le peuple, mais des Prestres, & que cete Onction se doit appliquer aux malades, & principalement à ceux qui sont à l'article de la mort, lesquels toutesfois retournans à conualescence, pourront le recevoir de rechef, quand ils seront vne autre fois en mesme estat. Et pourtant est prononcé anatheme: Premièrement, Contre qui dira, que l'Extreme Onction n'est pas vrayement & proprement Sacrement, institué par Christ mesmes. Secondement, Contre qui dira, qu'iceluy ne confere point la Grace, ny ne remet les pechés, ny ne soulage les malades: ains, que cete Onction ancienne est cessée, comme ayant anciennement appartenu au don miraculeux des guerisons. Tiercement, Contre qui dira, que la maniere & vsage, que garde l'Eglise Romaine, est contraire au dire de S. Iacques, & peut estre mesprisée & negligée sans peché. En quatriemeliu, Contre qui dira, que le seul Prestre n'en est le propre ministre: & que Saint Iacques entend des vieillards & anciens d'a-

toute ab-
baues par
deuence,
Legat.

pour brider
la liberté
du Concile.

traité de
l'Extreme
Onction, &
les Chapi-
tres, & A-
nathematismes
sur la
celle:

1551.

remarque
considérable
sur ce Decret.

age, en quelque communauté que ce soit. Que si quelqu'un s'est abîté, pourquoy c'est qu'au premier chapitre de la Doctrine de ce Sacrement, il est dit, Qu'il a esté insinué par Nostre Seigneur en S. Marc, & public par S. Jacques: la ou les paroles antecedentes, & les subsequentes porteroient qu'on eust dit, Institué, & non insinué, il doit sauoir, qu'il auoit bien esté ainsi conché au commencement: mais puis apres vn Theologien aduertit, que les Apostres, desquels S. Marc dit qu'ils oignoient les malades, n'estoyent pas encor en ce temps-là ordonnés Prestres: attendu que l'Eglise Romaine tient que la Prestreise ne leur fut conferee qu'au dernier souper du Seigneur: dont il sembloit qu'il y eust quelque espeece de contradiction à dire que l'Onction, qu'ils bailloyent estoit Sacrement, & ce pendât que les seuls Prestres en font les ministres. Il est bien vray, que quelques vns, qui tenoyent l'Onction des Apostres pour vray Sacrement, & qui vouloyent que Christ l'eust des lors instituee, respondoient, Que Christ leur ayant commandé d'administrer icelle Onction, les auoit creés Prestres à l'egard de cet acte seulement tout de mesmes que, si le Pape commendoit à vn simple Prestre de conférer le Sacrement du Chresme, il le feroit Euesque pour cet acte. Mais, il sembloit trop hazardeux d'affirmer cela ainsi absolument. Et pourtât, en lieu du mot *institutum*, on substitua l'autre, *insinatum*: lequel tout homme qui en entend la signification, & qui la voudra appliquer à ce que les Apostres firent alors, le conférant avec ce qui fut commandé par S. Jacques, & avec la determination de ce Concile, pourra iuger ce qu'il peut designer en telle matiere.

articles &
decrets de
Reformati-
on sur le fait
de la iuris-
diction epis-
copale.

contre les
licences &
restituti-
ons de Ju-
me.

contre les
Euesques
titulaires.

Oren matiere de Reformation, furent proposes quatre Articles, comme il a esté dit, tous appartenans à la iurisdiction Episcopale, lesquels furent agités & traités es Congregations, & sur iceux ouys les aduis des Canonistes: & puis le tout lu en la Congregation générale, on vint à la minute du Decret auquel la visée des Euesques n'estoit que d'accroistre leur autorité, recourant ce, que la Cour de Rome leur auoit emblé: & à l'opposite le but des Presidens estoit de leur accorder le moins qu'il seroit possible: Mais, l'une & l'autre partie procedoit avec beaucoup de d'exterité & de souplesse montrât d'auoir tous vn mesme but du seruice de Dieu, & du reestablishement de l'ancienne discipline Ecclesiastique. Les Euesques croyoyent d'estre empeschés d'exercer leurs charges, d'autant que, quand pour causes vrgentes bien conuës à eux, ils suspendoyent quelcun de l'exercice des Saints ordres, de grés, ou dignités Ecclesiastiques, ou bien pour quelque semblables efgards refusoient de luy permettre de passer à plus hauts degres, le tout estoit reuequé par vne licence, ou vne dispense venue de Rome: ce qui tournoit au grand dechet de la reputation Episcopale, à la dannation des ames, & au total detrimement de la discipline. Sur cela il fut formé le premier Canon, Que tels congés, licences, & restitutions ne fussent d'aucune valeur. Mais les Presidens ne voulurent permettre, pour l'honneur du S. Siege, qu'en ce Canon fust nommé le Pape, ne le grand Penitencier, ny aucun autre Ministre de la Cour, desquels on souloit impetrer semblables licences. Aussi estoient de grand empeschement, les Euesques titulaires, lesquels, se voyans, par le Decret de la sixieme Session de la premiere conuocation à Trente, priés du pouuoir d'exercer les offices Pontificaux aux Dioceses, sans la permission des Euesques des lieux, se retiroient en lieux exemptés, non suiets à aucun Euesque, & là admettoient aux Saints Ordres ceux, qui auoyent esté reiectés par leurs Euesques, comme inhabiles: & ce en vertu d'un priuilege, de pouuoir ordonner tous ceux qui se presenteroyent à eux. Ceeuy fut defendu au second Canon de cette Session, avec reserue toutesfoies, Que pour le respect du S. Siege, ne fust faite aucune mention de celuy qui a donné ce priuilege. En consequence de cela, fut baillé pouuoir aux Euesques de suspendre, pour le temps qui leur plairoit, tout Clerc ordonné, sans leur examen & licence, par pouuoir donné par qui que ce soit. Les Euesques accorts voyoyent bien que ces choses estoient de legere subsistance, veu que, selon la declaration des Canonistes, les licences, priuileges, & pouuoirs, ottroyés

par le Pape, ne sont iamais compris sous les nōs generaux, sinon qu'il en soit fait speciale mention. Mais ne pouuans rien obtenir de plus, ils se contentent de cela, esperant que le temps ouueroit quelque porte pour faire quelques pas plus auant.

En la mesme sixiesme Sessio susdite il auoit esté decreté, qu'aucun Clerc ^{contre les} seculier, en vertu de priuilege personnel, ne Regulier, demeurant hors de ^{champions} son Monastere, en vigueur du priuilege de son Ordre, ne fust exempt de la ^{de la correction} correction de l'Euesque, comme delegué du S. Siege. Mais cela par aucuns ^{Episcopale.} estoit entendu ne comprendre les Chanoines des Eglises Cathedrales, ny les autres dignités des Collegiales, lesquelles, non par priuileges, mais par coutume immemorale, ou bien par sentences passees en chose iugee, ou par Concordats, & transactions establies, & iurees avec les Euesques, estoient en possession de n'estre suiets au iugement Episcopale: autres aussi reistregnoyēt les termes du susdit Decret aux seules occasions de visite. Dont au quatrieme Canon il fut ordonné, que, à l'esgard des Clercs seculiers, ladictē correctiō Episcopale s'estendroīt à tous temps, à toutes sortes d'exces, nonobstant toutes les choses dessusdites.

Il y auoit vn autre desordre, qui n'estoit pas moindre: c'est que le Pape ^{contre les} otroyoit à quiconque le requeroit par les voyes visitées à la Cour de Rome, ^{Conseru} iuge au choix du suppliant, avec authorité de le proteger, defendre & main- ^{teurs, &} tenir en la possession de ses droits, & faire cesser toutes facheries & molestes, ^{graces con-} qui luy seroyent donnees: estandant aussi la mesme grace aux domestics: & ^{seruatoires,} les Iuges de cete sorte estoient appellés Conseruateurs, lesquels employoēt leur authorité, non à defendre les supplians des molestes d'autrui, ains à les soultraire tout à fait des iustes corrections, & mesmes à molester autrui à leur instance, & à donner de la peine par censures aux Euesques, & autres superieurs Ecclesiastiques ordinaires. Le cinquieme Canō pourueut à ce desordre, ordonnant que les graces Conseruatoires ne pussent seruir à aucun, pour l'exempter d'estre enquis, accusé & conuenu deuant l'ordinaire, es causes criminelles, & mixtes. Et quant aux ciuiles, esquelles celuy, qui a impetré telles lettres, est demandeur, qu'elle ne puissent estre tirees deuant le Conseruateur: & qu'es autres, esquelles il est deffendeur, en cas que le demandeur ait le Conseruateur pour suspect, ou qu'il naisse quelque difficulté entre luy & l'ordinaire sur la competence de la iurisdiction, soyent elus arbitres à forme du droit: & que les lettres conseruatoires: qui comprennent aussi les domestics, ne puissent s'estendre à plus grand nombre que de deux tant seulement, lesquels encor viuient aux propre despens d'iceluy: & que telles graces n'ayent à durer pour plus de cinq ans: & que les Conseruateurs ne puissent auoir siege erigé. Sans comprendre toutesfois en ce Decret les Vniuersités, les Colleges des Docteurs, ou Escholiers, les lieux des Reguliers, & les Hospitalaux. Mais, sur cete exception, & reserue, il y eut très grand debat, lors que ce point fut traité: d'autant qu'il sembloit aux Euesques, que, contre toute raison l'exceptiō estoit plus ample que la reigle: veu que le nombre des Docteurs, Escholiers, Reguliers, & Hospitaliers, est bien plus grand, que celuy des autres qui ont lettres conseruatoires: & qu'il est bien aisé de pouruoir à vn particulier: mais que les desordres, qui naissent des Colleges, & vniuersités, sont tres importantes. Le Legat en donna aduis à Rome, là où l'affaire se trouua tout décidé, par ce qui auoit esté consulté sous le Pape Paul troisieme: assauoir, Qu'il faloit, pour la manutention de l'autorité Apostolique, que les Moines & les Vniuersités despendissent totalement de Rome: & pourtant il n'y eut nul besoin de nouuelle deliberatiō; mais tout sur le champ fut respondu, Que les Conseruatoires de tels ne fussent entamees ny touchees en maniere quelconque. Les Peres du Concile, qui adheroyent à Rome, s'estans rangés à cet aduis, les autres se trouuerent en nombre inferieur: & encor enuers ceux-là fit-on tant par persuasions, offices & esperances, qu'ils s'appaiserent, & ainsi furent contraincts de passer l'exception:

celles d'un autre, sous pretexte quelconque.

Les Reguliers faisoient grande instance de conseruer leurs Benefices, & mesmes de racquerir ceux qu'ils auoyent perdus par l'inuention des commandes perpetuelles: & plusieurs Eueques pour diuers esgards auoyent volonte de les fauoriser: & pour cet effect eussent volontiers propose, que les commandes perpetuelles fussent tout à fait ostees: mais, à cause qu'ils y preuoient de la resistance & contradiction, ils se rangeoyent à les moderer tant seulement. Mais del'autre costé, les Presidents, voyans le danger qu'il y auoit, que cete matiere preiudiciable à la Cour de Rome fust mise sur le bureau, proposerent vn leger remede, pour empescher qu'on ne traitast du fonds de l'affaire: qui fut, que les Benefices reguliers, qu'on auoit accoustumé de donner aux Religieux en titre, venans à vaquer, ne soyent conferés à autres qu'aux profés du mesme Ordre; ou bien à personnes obligées à prendre l'habit, & à faire la profession. Ce qui fut le contenu du dixieme Canon: & estoit chose, qui pouuoit releuer de peu à la Cour de Rome: attendu que desia estoient baillés à commander tous les Benefices qui pouuoient estre baillés: & les Prelats n'estoyent pas beaucoup eschauffés à obtenir d'auantage, quoy qu'il tournast à l'honneur de leurs Eglises d'auoir des Abbés Reguliers residens. Mais, à cete faueur, qu'on fit aux Moines, de n'vsurper pas d'auantage sur eux, on mit vn contrepois au suiuant Canon, ordonnant qu'ils ne pussent tenir Benefices seculiers, mesmes ayans charge d'ames. Et quoy que ce Canon semble parler seulement de ceux, qui sont transferés d'un Ordre à l'autre, ordonnant que nul ne soit receu à l'habit ou profession, sinon sous condition de demeurer perpetuellement au cloistre: si est-ce que, pource que la raison, alleguee au commencement du Canon, est egale pour tous, ainsi & encores plus fort la generalité, le Canon a esté entendu indifferemment pour tous. Et, d'autant qu'à la Cour de Rome on conferoit par grace & priuilege les Eglises en droit de patronage, & pour amplifier encor d'auantage le priuilege, à la requeste del'impetrant, il luy estoit permis de depater personne Ecclesiastique, avec pouuoir d'instituer le presenté, le douzieme Canon remedia à ce desordre, ordonnant que le droit de patronage ne puisse competere à autre, qu'à celuy qui aura de nouueau fondé l'Eglise, ou en aura de ses biens patrimoniaux suffisamment dotée & rentee vne desia fondee: & pour remede du second desordre, il fut defendu au treizieme Canon, au Patron mesmes agissant en cet affaire en vertu de priuilege, de faire la presentation à autre personne quelconque qu'à l'Eueque.

Pendant que ces matieres se traitoyent, arriuerent à Trente Iean Thierri Plenninger, & Iean Heclin, lesquels le Duc de Vuirtemberg enuoyoit au Concile pour Ambassadeurs, avec charge de presenter publiquement la Confession de sa doctrine, dont il a esté parlé cy dessus: & tout ensemble de dire, qu'il y iroit des Theologiens, pour l'expliquer plus amplement, & pour la defendre, pourueu qu'il leur fust baillé seurté & sauueconduit, à la forme de celuy du Concile de Basle. Iceux se presenterent au Conte de Montfort, Ambassadeur Imperial, & luy monstrerent leur commission, & dirent, Qu'ils auoyent charge de proposer quel ques choses au Concile. Le Conte ayant rapporté cela au Legat, il luy respondit, Que tous les autres Ambassadeurs, auant toute autre chose; se presentoyent aux Presidents, & leur declaroyent le sommaire de leur Ambassade: & que de mesmes deuoyent faire ceux de Vuirtemberg: que pourtant ils vinssent, que quant à luy, il les receuroit avec toute humanité. Le Conte leur fit ce rapport, duquel ils ne se contenterent nullement, disant, Que c'estoit là proprement vn des Articles requis par l'Allemagne, que le Pape ne presidast au Concile: à quoy ils ne vouloyent contreuenir, sans ordre expres de leur Prince, auquel ils en escriroyent, & attendroyent response. Le Conte essaya de tirer finement d'eux toute leur commission, pour en donner aduis au Legat, mais ils se tinrent sur les generalités, sans speciñer chose aucune. Le Legat escriuiut promptement à Rome, requerant le moyen de se gouverner: sur tout parce qu'on entendoit

T

contre les
commandes
des benefices
reguliers.

contre la
possession
de benefice
seculier, se-
nus par re-
guliers.

contre quel-
ques abus
du droit de
patronage.

Ambassa-
deurs de
Vuirtemberg
au Concile;
& difficulté
à leur
reception.

1551.

qu'il en venoit encor d'autres.

*l'empereur
vient à l'au-
sprinc.**ce qui om-
brage avec
nement le
Pape.**qui se pre-
munit &
vassent.**Q' donne in-
struction à
son Legat
pour main-
tenir l'au-
thorité Pa-
pale au Co-
cile.**tenue de la
quatrième
Session.*

Or, au commencement de Novembre, l'Empereur, pour estre plus proche du Concile, & de la guerre de Parme, se transporta à Inspruc, distant de Trente seulement trois iournees, & encor de chemin assez aisé, en sorte qu'au besoin il pouuoit en vn iour receuoir aduis de ses Ambassadeurs. Le Pape eut tout à coup les nouuelles del'approche de l'Empereur, & de l'arriuee des Ambassadeurs de Vvirtemberg. Il se fioit bien espromesses que l'Empereur luy auoit faites auant la conuocation du Concile, & lesquelles il luy auoit repliquees tant & tant de fois: dont aussi il voyoit des effets, en ce que les Ambassadeurs Imperiaux refrenoyent les Prelats Espagnols, lors qu'ils monstroyét trop de hardiesse à soustenir l'autorité Episcopale: outre ce que les interrests communs contre le Roy de France luy persuadoient qu'il y persisteroit: toutesfois il eut quelque vent de quelque traité fait en Allemagne, & viuoit en ialousie qu'il ne changeast d'auis, soit par necessité, soit pour quelque signalee opportunité d'affaires. Mais il se ralleua contre ces ombrages, considerant que, si l'Allemagne entroit en guerre, on ne tiendrait aucun conte du Concile: que si aussi la paix duroit, il auroit tousiours les Ecclesiastiques Allemands de son costé au Concile, avec les Prelats Italiens, desquels il pourroit aisément accroistre le nombre, y poullant tous ceux qui estoient à la Cour: outre le Legat, homme resolu, & qui plein d'esperances du Pape, travailleroit tousiours, comme pour soy-mesmes: & le Nonce Sipontin, tresaffectionné à sa personne: & au fort, il auoit tousiours la porte ouuerte pour se reconcilier au Roy de France, ce qu'il fauoit tresbien que le Roy desiroit: dont, par le moyen d'iceluy, & des Prelats de son royaume, il pourroit aisément obuier à tout attentat contre son autorité.

Il respondi au Legat, Qu'il ne luy pouuoit gueres donner d'instruction de plus, veu que luy mesmes auoit esté, non seulement participant & consens, mais aussi principal auteur de la Bulle de conuocation en la forme qu'elle auoit esté dreslee: qu'il se souuinst qu'auisément en icelle auoyent esté approuuees & ratifiees toutes les choses decretees sous le Pape Paul troisieme: & qu'il auoit esté expressement dit, Qu'il appartient au Pape, non seulement de conuoker, mais aussi de regir le Concile, & d'y presider par ses Ministres: qu'il ne laissast faire aucune breche preiudiciable à aucune de ces choses: qu'au demeurant il fust la guerre à l'œil, & l'aduertir, qu'il se gardast, comme de la peste, des conseils moitoyens, & des accommodemens & temperamens, lors qu'il s'agiroid de son autorité: ains, que tout promptement, s'il arriuoit quelque difficulté sur ce point, il rompiст la buche, & ne donnast aucun iour aux aduersaires pour percer. Que pour l'heure il ne luy vouloit bailler l'endosse de translation, ou de dissolution du Concile: mais toutesfois, s'il en voyoit la necessité, qu'il en aduertist en diligence. Qu'au reste, il mist tousiours sur le bureau le plus de matiere qu'il pourroit, concernant les dogmes: dont naistroyent diuers bonseffets: premierement, de desesperer les Lutheriens de pouoir iamais trouuer aucun moyen de concorde, sinon en cas qu'ils se soumissent absolument au Concile, en second lieu, d'interesser & engager de plus fort les Prelats contr'eux: & en troisieme lieu, de faire que les Prelats, estans tousiours en haleine, & affaires, n'eussent loisir de penser à la matiere de la Reformation. Et finalement d'abreger l'expedition du Concile: article tres-important, attendu qu'il y a tousiours danger de quelque inconuenient, pendant qu'il est ouuert. Et, cas aduenant qu'il se vist forcé de leur donner quelque contentement en l'amplification de l'autorité Episcopale, qu'il y condescendist, apres auoir contrebandé autant qu'il seroit possible: d'autant, qu'encores qu'on accordast quelque chose preiudiciable à la Cour, pourueu seulement, que l'autorité Papale demeurast en son entier sans estre esbrefchee, il y auroit tousiours moyen de remettre aisément les choses en l'estat de deuant.

Les affaires estans en ces termes, le vintcinquieme Novembre, iour assigné pour la Session, les Peres s'assemblerent, & s'acheminèrent à l'Eglise

en l'ordre acoustumé. Et là après les ceremonies ordinaires, furent lus par l'Euesque officiant la doctrine de la Foy, les Anathematismes, & le Decret de la Reformation: dont ayant desia recité la teneur, il n'eschet d'en dire autre chose. Finalement fut lu le dernier Decret, pour pouruoir à la Session suivante: qui portoit, Qu'icelle estant arrestée pour le vingtcinquieme Ianuier de l'année suivante mil cinq cens cinquante deux, on y traiteroit du Sacrement de l'Ordre, ensemble la matiere du Sacrifice de la Messe. Le Legat voulut qu'il fust ainsi prononcé, suiuant l'aduis du Pape, qu'il estoit bon de mettre beaucoup de matiere des dogmes sur le tapis. Apres la Session, le Legat fit toute diligence, que les Decrets d'icelle ne fussent imprimés, & ce sien commandement fut obserué à Ripa, où estoit l'imprimerie, & où les autres auoient accoustumé d'estre imprimés: mais il ne fut iamais possible d'empescher que plusieurs copies n'en sortissent de Trente, dont ils furent imprimés en Allemagne: & la difficulté & le delay qu'on y auoit apporté, ne firent qu'aiguiser d'auantage la curiosité, & la diligence des Critiques, à plus exadement rechercher la cause de ce secret tant affecté.

On prit grand suiet de discours, de ce qui estoit déterminé au premier chapitre de la Doctrine, & au sixieme Canon assauoir, *Que Christ auoit institué le Sacrement de la Penitence, lors qu'il souffla sur ses disciples, & leur donna le Saint Esprit, disant, qu'à ceux, à qui ils remettroyent les pechés, ils seroyent remis, & qu'à ceux, à qui ils les retiendroyent, ils seroyent entretenus.* On mettoit en consideration vne remarque sur la ceremonie des deux Sacremens, du Baptesme, & de la Sainte Cene: c'est, que, pour le Baptesme, il auoit esté premierement en vſage entre les Iuifs pour vne purification legale, & ceremonie: & puis auoit esté employé par S. Iean Baptiste, pour vne preparation pour conduire au Messias à venir: & que finalement il auoit esté institué par Christ, en termes clairs & expres. Sacrement de remission des pechés, & d'entree en l'Eglise, ordonnant qu'il fust administré au Nom du Pere, du Fils, & du S. Esprit. Et pour la Sainte Cene, que c'auoit esté vne maniere de second souper, institué par les Hebreux en la captiuité de Babylone, avec pain & vin, pour remerciement & commemoration de la sortie d'Egypte: lors, qu'estans hors de la terre de promesse, ils ne pouuoient manger l'Agneau de Pasques, & qu'à l'imitation de cete ceremonie, Nostre Seigneur auoit institué vne Eucharistie, pour rendre graces à Dieu de l'vniuerselle deliurance du genre humain, & pour faire memoire de luy, qui en a esté l'auteur par l'effusion de son sang. Et nonobstant que les ceremonies de ces Sacremens fussent ia en vſage, quoy qu'à autres fins, comme il a esté dit, si est-ce que la Sainte Escriture auoit bien spécifié toutes leurs particularités. Or maintenant, que Christ eust voulu introduire vne ceremonie, de confesser à vn homme tous ses pechés vn à vn, avec vne si exacte obseruance dont il n'y auoit auparauant aucun vſage semblable, & en cela eust voulu vſer de telles paroles, & termes, desquels son intention ne pouuoit estre recueillie, que par vne consequence fort mal lice, voire mesmes non sans plusieurs consequences tresſeignées, comme faisoit le Concile; cela sembloit bien estrange. Et de tant plus, que Christ, en cete pretendue institution, ayant employé le verbe de Remettre, on auoit pluſtoſt voulu vſer de celuy d'Absoudre, pour terme formel. Autres adiuſtoient, que si, par ses paroles est institué vn Sacrement d'absolution pour celuy qui est absous, sous cete forme, *Absoluo te*: il faut aussi de necessité dire, que celuy là mesmes, ou vn autre a esté ordonné pour celuy qui est lié, sous cete forme *Ligo te*: veu qu'on ne peut comprendre, pourquoy l'autorité d'absoudre, & de lier, qui n'est qu'une mesme, fondée sur les paroles de Christ, en tout & par tout semblables, de necessité requiert en la partie de l'absolution la prononciation de ces paroles, *Absoluo te*, pour execution de ce que Christ a dit *Quorum remisistis*; & *quocumque solueritis, &c.* & en celle du liement elle ne requiert la prononciation de celles-cy, *Ligo te*, pour execution de cete autre parole de Christ, *quocumque ligaueritis, &c.*

Semblablement estoit contre rollee la doctrine, qui est inserée au cinquieme Chapitre de Doctrine, là où il est dit, que par les mesmes paroles Nostre Seigneur auoit constitué les Prestres iuges de pechès: & que pourtant il est necessaire de les confesser tous entierement, specialement & singulierement, avec toutes leurs circonstances, qui changent & varient l'espece & la nature d'iceux: attendu que, des paroles de Nostre Seigneur il appert clairement, qu'il n'a point fait deux especes distinctes de pechès, les uns remissibles, & les autres non: dont il faille sauoir de laquelle des deux le pecheur est coupable: ains vne seule, qui les comprend tous: & pourtant ne dit, sinon les peches en general: mais bien en a-il fait deux des pecheurs, disant *De ceux. & De ceux* l'une des repentans, auxquels la remission est ottroyee: & l'autre des impenitens & endurcis, auxquels elle est deniee: si bien, que les Prestres doiuent plustost trauailler à conoistre l'estat du pecheur, que la nature & le nombre des pechès. Quāt à ce, puis apres, qu'il est adiousté des circonstances, qui changent & varient l'espece du peché, on disoit que tout homme de bien pourroit bien iurer en tres-bonne conscience, que les Saints Apostres, & leurs disciples, tres-sauans es choses celestes, mais qui nes'estoyent point souciez des subtilités humaines, n'auoyent onques seu que c'estoit de circonstances changeans l'espece: & que peut-estre, si Aristote n'eust enseigné cete belle speculation, le monde en seroit ignorant iusques à present: & toutesfois on en a fait vn Article de foy, necessaire à salut. Or, comme on aduoüoit bien, que le mot *absoluo* est vn verbe iudiciel, & que la consequence est bonne, de dire, que, si les Prestres absoluent, doncques ils sont iuges: aussi sembloit-il, qu'on se dementoit foy mesmes en condannāt ceux, qui disent que leur charge en cecy n'est qu'un simple & nud ministère de prononcer ce qui est absous: attendu qu'il est euidēt que l'office du Iuge n'est autre sinon de prononcer innocent celuy qui est tel, & coupable le transgresseur: & la similitude prise du Iuge ne porte point ce qui est attribué aux Prestres de faire vn homme de delinquant & pecheur, iuste. Que c'est au Prince à faire grace de la peine aux delinquans, & à les reestabli en honneur & fame: & qu'à l'acte du Prince est plus semblable & rapportant de faire l'homme de meschant iuste, que non à celuy de Iuge, lequel transgresse son office, toutesfois & quantes qu'il prononce autre chose que ce que premierement il a trouué veritable. Mais on s'estbahissoit par dessus tout, de ce qui est couché au chapitre cinquieme, auquel est prouuee la speciale & singuliere confession des pechès avec leurs circonstances, parce que aucun iugement ne peut estre rendu sans cognoissance de cause, ne l'equité à imposer les peines gardée, lors qu'on ne fait les fautes qu'en general: & plus bas, que Christ a commandé cete confession, afin que les Prestres pussent imposer peines conignes & sortables.

Et disoit-on, que c'estoit bien se rire ouuertement du monde, & tenir tous les autres pour sots & idiots, & se persuader d'estre cru en toute absurdité sans s'enquerir plus outre. Car, qui est celuy, qui ne sache, & ne voye tous les iours, que les Confesseurs donnent les penitences, non seulement sans peser le merite des fautes, mais mesmes sans y faire tant soit peu de consideration? Il sembleroit, à voir les termes du Concile, que les Confesseurs eussent perpetuellement vne balance & trebuchet, dedans lequel fussent par le menu pesés iusqu'aux atomes: & toutesfois il arriuera fort souuent, que, pour penitences de plusieurs meurtres, adulteres & larcins, ne sera imposé que de reciter cinq *Pater*: & les plus sauans, voire mesmes le commun d'entre les Confesseurs en donnant la penitence disent à tous, Qu'ils n'imposent que partie de la penitence. Doncques il n'est point necessaire d'imposer cete exacte penitence, que les peches meritent: & partant aussi peu est necessaire le special denombrement des pechès, & de leurs circonstances. Mais, à quoy faire aller si loin, si le Concile mesmes au neuuieme chapitre de la Doctrine, & au treizieme Anathematisme establit, qu'on satisfait aussi par les peines volontaires, & par la souffrance des aduersités?

Parrant il n'y a nulle necessité, ains n'est chose iuste d'imposer en confession la peine proportionnée & forttable: ny doncques aussi de faire ce pretendu special denombrement, lequel on dit auoir esté ordonnée pour cete cause. A quoy on adiouloit, que, laissant mesmes toutes ces raisons à quartier, il estoit impossible, qu'un Confesseur, quoy que tressauant, tresprudent, & tressattentif, avant ouï la confession d'une année d'une personne mediocre, non que de plusieurs années d'un grand pecheur, püst rendre iugement de la peine; ores qu'il eust des Canons des peines dues à toutes sortes de peches, sans danger de faillir de la moitié, à peu dire. Attendu que, quand mesmes vn tel Confesseur auroit vne telle confession par escript deuant soy, & la considereroit par plusieurs iours, il ne pourroit faire vn bilan qui bastist iustement: & combien moins, ne faisant qu'escouter, & se resoluant tout sur le champ, comme l'on fait. Il seroit meshy raisonnable disoit-on, que nous ne fussions plus mesprisés iusques là, que d'estre tenus si insenses de deuoir croire tant d'absurdités. Pour le fait des cas referués, ce que les Theologiens de Louuain & de Cologne, auoyent dit auparauant n'estoit que trop dit: & le tout estoit attribué à appetit de dominer, & à auarice.

Le iour ensuiuant fut tenue Congregation generale, pour mettre ordre à l'examen de la matiere touchant le Sacrifice de la Messe, & la Communion du Calice, & des petits enfans. Et, quoy que les Decrets eussent desia esté tous formés pour la Session de l'onzieme Octobre, & n'eussent esté que différés: toutesfois, comme si on n'en eust encores rien traité, il en fut discours de nouveau, & furent élus des Peres pour recueillir les Articles à disputer: & puis choisis les Prelats pour composer le Decret: & d'autant qu'on y apportoit de la haste, & sollicitation, les Articles furent tout promptement formés, en nombre de sept: sur lesquels fut disputé deux fois le iour. Et pour faire paroïr, que toute cete doctrine venoit d'Allemagne, & non de Rome, au nombre des susdits Peres fut mis l'Euesque de Zagabria, Ambassadeur du Roy Ferdinand: & Iules Pflug, Euesque de Naumbourg: & pour plus grand honneur, l'Electeur & Archeuesque de Cologne. Les anathematismes furent formés en nombre de treize, condannant pour heretiques ceux, qui tiennent la Messe pour vray & propre sacrifice: ou qui afferment qu'elle n'est point profitable aux vius & aux morts, ou qui ne reçoient le Canon de la Messe, ou qui condannent les Messes priuées; ou les ceremonies vſtees par l'Eglise Romaine. Apres cela furent composés quatre Chapitres de Doctrine, qui portoyent, Qu'en la Messe est offert vn vray & propre sacrifice; institué par Christ mesmes: que le Sacrifice de la Messe est necessaire: qu'il y a conuenance & rapport d'iceluy à celuy de la Croix. Puis estoit parlé du fruit de ce sacrifice, & de l'application d'iceluy & des ceremonies & obseruances de la Messe. Toutes ces choses furent bien arrestées pour les festes de Noel, mais ne furent pas publiees en la suiuite Session, dont aussi ie n'ay entrepris d'en faire vn special narré.

Or, pendant que les Peres s'entretienent es actions Synodales, les Ambassadeurs du Duc de Wirtemberg receurent responce de leur Prince, qu'ils ne laissassent pas de passer outre, & de presenter leur doctrine en la meilleure maniere qu'ils pourroyent. Parquoy, le Conte de Montfort estant absent, ils firent office avec le Cardinal de Trente, qu'il moyennast enuers les Presidens, que leurs lettres fussent receues, & puis qu'on assemblast les Peres pour les ouïr. Le Cardinal promit d'y faire tout bon deuoir: mais leur dit, Qu'autant toutes choses, il estoit necessaire de rapporter au Legat ce qu'ils auoyent à traiter: qu'il en auoit esté ainsi arresté par les Peres, mais par les bruits, qui estoient nés à l'occasion de l'Abbé de Bellozane. Ils luy communiquerent leur instruction, disant, Qu'ils estoient enuoyés pour obtenir vn saufconduit pour les Theologiens, de la mesme teneur & forme; qu'auoit esté celuy qui fut baillé aux Bohemiens au Concile de Basle: qu'en outre ils auoyent commission de presenter leur Doctrine, afin que les Peres l'examinassent en cet entretemps; afin d'estre prest à en conferer avec

T i iij

articles de la Messe & de la Communion du Calice de bas.

anathematismes & doctrine sur cete matiere

nouvelles difficultés sur la reception & proposition des Ambassadeurs de Wirtemberg.

attendoit les Ambassadeurs de Saxe en bref: que ce pendant les autres fussent entretenus iusques à leur arriuee: les assurant qu'alors ils seroyent ouïs, & qu'on conférerait avec eux charitablement.

Le treizieme Decembre passa par Trente Maximilien, fils de Ferdinand, avec sa femme, & ses enfans: auquel le Legat, & les Prelats Italiens & Espagnols, & quelques Allemans, allerent au deuant: non les Electeurs, qui ne firent que le visiter en son logis. Les Protestans luy firent aussi leurs doléances, qu'aprestant de si solennelles promesses de l'Empereur, ils ne pouuoient seulement auoir audience, & le prierent d'auoir pitié de l'Allemagne: attendu que ces Prestres, comme estrangers, pour des chetifs intereits propres n'auoyent point de soucy de la voir ardre & bruler, voires meismes, par leur precipitation à determiner, & à foudroyer anathemes, rendoyent les controuerstes tous les iours plus acharnees & intraitables. Maximilien les exorta à parier, & leur promit de faire office avec l'Empereur, son oncle, que les actions passassent au Concile, selon les promesses qu'il en auoit donnees en la Diete.

*Maximilien
passe par
Trente, voit
les plaines
des Prestres
Italiens*

A Noel, le Pape crea quatorze Cardinaux Italiens, il en publia lors treize, & en referua vn en sa poitrine, pour le publier en son temps. Et, pour donner quelque honneste couleur à vne si numeroſe creation au commencement de son Pontificat, sur tout veu que lors il y auoit au College quarante huit Cardinaux, nombre estimé bien grand en ce temps-là, il en prit l'occasion des actions du Roy de France, duquel il se plaignoit, tant pour la guerre qu'il faisoit contre le S. Siege, que pour les Edits publiés: à quoy estoit adioustee vne nouuelle tout freschement venue de Lion, & de Genes, qu'encor il menaçoit de faire creer vn Patriarche en France: que si cet aduis estoit verifié, il faudroit de necessité proceder contre luy par voye iudiciaire, en quoy il se preparoit à rencontrer le heurt de grandes difficultés, pour le grand nombre des Cardinaux François, auxquels il falloit mettre vn contrepois, par la creation d'autres nouueaux, personages de capacité & valeur, de squeis le S. Siege se püst seruir au besoin d'occasions importantes. Le College seconda son desir, & les raisons & receut les Cardinaux. Apres cela il despescha en diligence l'Euesque de Montefiascon à Trente, avec lettres de creance au Cardinal Crescence, & aux trois Electeurs. A ceux-cy, pour ce conioiur de leur venir, & les remercier de leur zele & reuerence enuers le S. Siege, & pour les exorter à si perseverer: & aussi, pour les informer de la creation des Cardinaux nouueaux, faite par luy, pour auoir des ministres dependans absolument de soy, attendu que les vieux estoient tous attachés à quelque Prince: & en fin, pour l'exculser de la guerre de Parme, en laquelle il n'est siel agresseur, ains l'agressé, & contre son vouloir forcé à se defendre. A ceuy-là, pour luy donner a luis des Cardinaux creés, & luy promettre qu'il leur feroit à tous entendre son intention, comment ils deuoient se comporter enuers luy son si grand amy, auquel il auoit tant d'obligations. Il fit aussidire au Nonce Sipontin en grand secret, qu'il auoit disposé de luy, selon que l'amitié la requeroit: qu'il ne se fouciaſt point de sauoir en quoy, mais pensast seulement à bien seruir, comme il auoit accoustumé de faire par le passé.

*le Pape crea
plusieurs
Cardinaux*

*dont il don-
ne aduis à
Trente,*

*captiuant
les Presbiteres*

Après les festes de Noel, fut tenue Congregation generale, pour mettre forme & reiglement au traité du Sacrement de l'Ordre: & fut discourt des abus qui se sont glissés en iceluy: & le Nonce Euesque de Verone dit, Que de vray en toutes matieres il y auoit quelque abus digne de correction, mais qu'en celle-cy estoit la grand' mer des abus. Et, apres que plusieurs eurent fait des exclamations assez tragiques, fut aduisé qu'il estoit expedient de proposer tout premier, selon la coustume, les Articles tirés de la Doctrine Lutherienne, & examiner qu'els deuoient estre condannés pour heretiques, & suiuamment former les anathematismes, & les Chapitres de Doctrine, & finalement parler des abus. On bailla douze Articles aux Theologiens, sur lesquels on discouroit soir & matin fort diligemment. Des aduis d'iceux les

*congregation
generale
pour traiter
du Sacrement
de l'Ordre*

*dressé auant
théologie*

Evêques du serment qu'ils ont à luy, afin que les suffrages soient libres. Les Ambassadeurs adiouterent, qu'en la Congregation des Peres ils exposeroient ces choses plus au long : & qu'ils desiroient qu'icelle fuit conuquée au plus tost, d'autant que les Theologiens estoient à quarante lieues de là, & n'attendoient que d'estre appelés. Les Ambassadeurs de l'Empereur leur donnerent de bonnes paroles : pource que l'Empereur, pour entretenir le Duc Maurice, auoit commandé qu'on les traitait fauorablement. Ces Ambassadeurs firent les mesmes offices avec les Princes Electeurs, & le Cardinal de Trente : mais refuserent de traiter avec le Cardinal Crescence, & avec ses Collegues, pour ne monstrier de les reconnoistre. Ils faisoient instance d'estre admis en publique audience, pour presenter leurs patentes, & estre receus de mesme ceux de l'Electeur de Brandebourg : dequoy les ministres de l'Empereur leur bailloient de bones esperances, voire mesme promesses, pour les entretenir. Mais d'autre costé le Legat & les Nonces refusoient precisement de changer la forme du Saufconduit : disant, que c'estoit trop d'indignité pour le Concile, qui represente toute l'Eglise Catholique, qu'une petite poignée de Sectaires fissent difficulté de se fier en elle : aussi peu accorderoient-ils d'arrester le cours des Decrets desia composés avec beaucoup de maturité. Et quelle esperance, disoient-ils, y peut-il auoir de la conuersion d'Allemagne, s'ils viennent avec ces demandes ? Quant à les ouyr en public, il est bien raisonnable, attendu la promesse qu'on leur en a faite : mais aussi, puis qu'ils sont enuoyés à ce Concile, duquel à leur veu & seu le Legat & les Nonces Apostoliques sont Presidens, il faut de necessité qu'ils les reconnoissent pour tels : & sans cela ils ne peuvent les admettre, comme aussi ils en auoient speciale commission du Pape, laquelle leur fut baillée lors de l'entrée de ceux de Vvirtemberg. Que pour l'affranchissement des sermens, & autres telles impietés & blasphemies contre le Siege Apostolic, ils ne vouloient entrer en beaucoup de paroles : seulement disoient ils, qu'ils y mettroient la vie, auant que de les supporter : qu'ils se retireroient & romproient le Concile, & commanderoient aux Prelats de n'entreuenir à aucun acte. L'Empereur, qui auoit l'affaire fort à cœur, estant aduertey de cecy, s'offensa de l'opiniastreté des Papaux, de vouloir mettre vn affaire de si grande importance tout en desroute pour vn pointille : & faire naistre vne guerre, laquelle pourroit en fin aussi estre leur ruine. Et despécha à les Ambassadeurs, & au Cardinal Madruce, qu'ils fissent leur possible pour ramener leur Legat, & employassent son autorité Imperiale, premierement par prieres, puis aussi par paroles hautes & fortes, s'ils ne trouuoient quelque temperament qui contentast les deux parties : & qu'en fin ils contrainussent, par honnestes & ciuils moyens, le Legat & les Nonces à condescendre à ce qui estoit de la raison.

Les Ambassadeurs de l'Empereur, & le Cardinal Madruce, ayans consulté entr'eux, resolurent de ne proposer l'affaire tout entier aux gens du Pape, ains de se contenter de traiter pour vne entrée tant seulement de recevoir les Ambassadeurs, employant à cela de grandes persuasions, qui tendoient à monstrier, que quand les Saxons seroient admis en la séance publique, en laquelle eux estoient presidens, leur presidence estoit par cela mesmes assez reconuë, quoy que les compliments d'honneur n'eussent esté obserués enuers eux en particulier. Des persuasions, ils vinrent aux prieres au nom de l'Empereur, meslées de quelques paroles, qui donnoient assez à entendre qu'il ne falloit point abuser de sa clemence, ne le contraindre à prendre autres expedients : que la necessité est vn puissant esguillon à qui a la force en main. En fin le Legat Crescence se laissa induire à les recevoir, non toutes fois en Session, mais en publique & Generale Congregation tenue en son logis : croyant que par là il estoit reconu pour Chef. Apres qu'on eut gagné ce point, ils vindrent à la surseance des matieres. L'Ambassadeur Toledé disoit Qu'il auoit souuent ouy prescher, que le salut d'une seule ame estoit

Vu

1552.

tellement cher à Iesus-Christ, qu'il descendroit de nouueau du ciel en terre pour estre crucifié, pour l'acquérir : & maintenant on refusoit vne petite dilation pour sauuer toute l'Allemagne : où est donc l'imitation de Christ ? Le Legat s'excusoit sur les commandemens absolus du Pape, auxquels il ne pouuoit contreuenir. Mais l'Ambassadeur luy repartoit, Qu'on baille bien l'instruction par escrit au maistre qu'on remet la discretion d'en vsér à sa prudence. La dessus le Legat dit, qu'il voyoit bien que c'estoit là vne marche, pour passer à demander la reuision des choses ja decidees. Mais l'Ambassadeur leur donna parole, qu'il n'en traiteroit iamais : ains qu'ils seroient puissans offices avec les Saxons, pour les faire deporter de cete instance. Enfin le Legat persuadé par le Nonce Euesque de Verone, lequel s'estoit laissé fieschir pour ne donner l'endosse, car comme il disoit, au Pape, & au Concile, d'auoir ruiné vn si grand affaire par le refus d'vn petit delay, condescendit à dire, Qu'il estoit content, pourueu que les Prelats en la Congregation generale l'agreassent, & qu'a eux aussi il se rapportoit au fait du saufconduit requis.

*consultées
en Congre-
gation, &
en fin est
resolu de
les conten-
ter en par-
tie.*

La Congregation fut tenuë pour consulter sur ces affaires : & quant à la dilation elle fut aisée à refoudre, pour les offices faits par les gens de l'Empereur : mais il y eut bien plus de difficulté au Saufconduit : non seulement pour la raison alleguée par le Legat, mais aussi, pource que le nom du Concile de Basle estoit generalement abhorré, & estoit detesté tout rapport à iceluy. Et ce qui importoit encor le plus, on iugeoit qu'il y auoit des choses qui pouuoient conuenir à ces temps-la, qui ne le pouuoient point à ceux-cy : d'autant que les Bohemiens auoient vne doctrine beaucoup moins contrariante à l'Eglise Romaine que les Lutheriens modernes. Mais nonobstant toutes ces oppositions, l'autorité des trois Electeurs, & du Cardinal Madruce, & les offices des Ambassadeurs Imperiaux, preualurent.

Or Pierre Tailleuoye Archeuesque de Palerme, remonstra de plus, qu'on oublioit de consulter d'vn point grandement principal, assauoir, comment on procederoit avec les Ambassadeurs à leur donner places de seance, & de quels termes l'honneur on vseroit enuers eux, & leurs Princes : car de n'en rien faire, c'estoit gaster tout l'affaire, & aussi en le faisant, on faisoit vn grand preiugé d'honorer les notoires heretiques, ou de les tenir en autre estat, que de rees & criminels. Qu'il falloit faire la mesme, voire plus grande consideration sur la procedure qu'on auroit à tenir avec les Theologiens qui deuoient arriuer : lesquels pretendent d'auoir voix & souffrage, & pour asseuré voudront auoir part és disputes, & consultations, & ne permettront d'estre tenus au rang, que les doit tenir l'Eglise, comme de vray aussi elle ne peut autrement, assauoir, d'heretiques, excommuniés, & condamnés, avec lesquels il n'est loisible de traiter, sinon pour les instruire, & encor en cas qu'ils le requierent humblement, & leur pardonner de pure grace. Sur cete proposition furent dites beaucoup de choses de la diuersité des temps, auxquels il faut que toute loy s'accommode : que les mesmes Papes, qui auoient fait ces Decretales, qui portent ces defenses si expressees, ne les auroient point faites en ces occasions : qu'il n'y a chose plus aisée à rompre que les plus dures. Ces raisons esmouuoient bien vne grande partie, mais pourtant il ne fauoient que refoudre. Il sembloit, que c'estoit vne determination qui requeroit grande & meure consultation, qu'elle est la rigueur des loix qu'il faut retenir, & qu'elle est celle qu'il faut relascher : qu'on n'en deuoit ny ne pouuoit rien refoudre sans le Pape, & le College des Cardinaux, mais que la brieueté du temps ne permettoit point d'y recourir. Ces raisons les tenoient tous en ambiguité & irresolution, quand l'Euesque de Naumbourg tout à propos representa qu'il falloit prendre pied sur ce fondement, Que la necessité excusoit toute transgression de cete sorte de commandemens : & que en Allemagne, és Colloques, & Dietes, ces considerations auoient esté meurement digerees, & en auoit esté decidé en faueur. Mais encor, que pour mieux asseurer le tout, il estoit bon de faire au

preallable vne protestation, que le tout se faisoit par charité & pitié, qui sont par dessus toutes loix, & ce pour ramener les desuoyez: & que cela s'entendist tousiours fait sans preiudice, avec les clauies, que les Iuriconsultes sauroient inuenter les plus seures & propres. Cet aduis fut promptement embrassé par les premiers opinans, par les Prelats Allemands, & puis par les Espagnols, & en fin par les Italiens, quoy que froidement. Mais le Legat demeura ioursiours fixe en son premier aduis: & monstroit clairement qu'il ne se rendoit qu'à la seule force de la necessité. Cela estant ainsi resolu, il fut deliberé que le vingtquatriesme du mois fust tenuë Congregation generale en laquelle les Ambassadeurs de Saxe fussent receus & ouïs; & que le vingtcinquieme, iour destiné pour la Session, elle se tint, & qu'en icelle fust publiée la prolongation iusques à la venue des Theologiens protestans: que tout promptement fussent elus des Peres, lesquels en compagnie du Nonce Siptontin, formaissent le Decret, la Protestation, & le Sauſconduit. Les Ambassadeurs de l'Empereur requirent d'auoir la minute du Sauſconduit, auant qu'on le publiast, pour le faire voir aux Protestans, afin que cas aduenant qu'il ne leur agreast, on le pust r'habiller en force, qu'ils n'eussent suiet de le refuser, comme ils auoient fait le precedent.

Es iours ensuiuans on vaua à ces choses susdites, lesquelles paracheuées, *et qui leur les Ambassadeurs Imperiaux appellerent à eux les Protestans: & apres que est puenif* l'Ambassadeur Poitiers leur eut fait vne eloquente harangue, en louange de la grand bonté & charité des Peres, & eut exhorté les Protestans à donner de leur costé quelque partie de reciproque contentement au Concile, comme le Concile en donnoit à eux: il leur dit, qu'il auoit esté arresté de recevoir leurs mandemens, & leurs personnes, & d'ouir leurs propositions en public, & de differer la conclusion des matières, quoy que ja examinées, & digerées, pour attendre leurs Theologiens, & les ouyr tout premier: qu'ils auroient vn sauſconduit en forme tres-ample, tel qu'ils le requeroient, & que la minute en estoit desia faite. Et s'estendit grandement à monſtrer que c'estoit graces & faueurs memorables: & cependant passa aussi à dire qu'il estoit necessaire de donner quelque chose au temps, & ne vouloir pas tout obtenir en vn moment. Que quand on seroit entré en traité, l'occasion leur seroit impetrer beaucoup de choses, qui auparauant sembloient fort mal-aisées: que les Peres desiroient la venue des Theologiens: & qu'eux mesmes Ambassadeurs de l'Empereur auoient des choses de grande consequence à proposer, & n'attendoient sinon que les Protestans fussent la pointe, & donnaissent le brâle, pour sortir puis apres en champ. Et pour cete raison, ils les prioient qu'en la demande, que le Pape se souſmist au Concile, ils y procedassent tout bellement: d'autant que les Peres mesmes reconnoissoient bien qu'il y auoit quelque chose à corriger en la grandeur Papale: mais qu'il y faloit proceder avec beaucoup de subtile dexterité: & qu'eux mesmes experimentoient tous les iours le grand artifice & souplesse, dont il faloit vſer en traitant avec les ministres du Pape. Pareillement, que de reprendre à examiner les choses ia conclues, n'estoit pas chose qu'il falut requerir ainsi d'abord: car la chose seroit avec trop grande infamie & deshonneur du Concile. Et pourtant que leurs Theologiens vinsſent seulement, qu'ils seroient en toutes choses ouys conuenablement: & en cas qu'ils se sentissent greués en quelque chose le libre depart ne leur seroit iamais contredit ny empesché. Les Protestans se retirerent à conſulter entr'eux: & ayans veu la minute du Sauſconduit, n'en furent point contents, d'autant qu'il n'estoit point conforme à *mais eux ne se contentent du* celuy de Basse, auquel quatre choses furent octroyées aux Bohemiens: La Sauſconduit premiere, Qu'eux aussi eussent voix decisive. La deuxiesme, Qu'au Concile fust iugé la Sainte Eſcriture, l'vſage de l'Eglise ancienne, les Conciles, & les *leur estoit present.* Interpretes conformes à l'Eſcriture. La troisieme, Qu'eux Ambassadeurs, pendant le Concile, peussent auoir l'exercice de leur Religion. La quatrieme, Que chose aucune ne fust faite en mespris ou opprobre de leur doctrine. Que de ces quatre chefs, le deuxiesme estoit bien different de la

1552.

formule qui leur auoit esté baillée, & que les autres trois estoient entièrement omis. Ils prirent aussi soupçon, de ce que le Concile ne promettoit feureté au nom du Pere, & du College des Cardinaux, comme auoit fait celui de Basle: toutesfois ils se résolurent de ne faire aucune mention de cela, mais bien de rechercher, que les autres quatre chefs y fussent inserés. Et estans retournés aux Ambassadeurs Imperiaux, ils se declarerent tout ouuertement, Qu'ils ne pouuoient receuoir le Sausconduit en cete forme, & qu'ils en auoient commission expresse en leurs instructions. L'Ambassadeur Toledemonstra de l'indignation, qu'ils ne se contentassent pas de ce, que que luy & ses Collegues, auoient obtenu avec beaucoup de peine: que toute l'importance gisoit es feuretés d'aller; & de partir: que tout le demeurant appartenoit à la maniere de traiter & proceder, laquelle se pourroit mieux concerter & arrester en la presence, & avec l'intervention de leurs Theologiens. Que c'estoit vne chose trop dure, & de trop haute entreprise, & de ne se vouloir rendre en aucune partie, & de vouloir eux seuls donner loy à toute l'Eglise. Mais ils ne purent iamais, pour toutes leurs raisons, les demouuoir de leur resolution: & pourant leur dirent pour conclusion, qu'ils le rapporteroient aux Peres: & eux leur rendirent la minute du Sausconduit, avec les additions que ils requeroient.

Or les Pres-
sidents.

Le Legat, & les Presidens, ayans ouy la requeste, & la fermeté des Protestans, monstrerent aux Ambassadeurs Imperiaux, combien leurs demandes estoient desraisonnables, & indecentes. Car en la formule du Sausconduit de Basle on ne trouuera iamais, qu'il fust permis aux Bohemiens d'auoir voix decisiue au Concile: mais bien est-il dit, que l'Escripture sainte; l'usage & pratique del'Eglise, les Conciles & les Docteurs qui se fondent en l'Ecriture, y soyent les iuges: quoy que cela y soit couché en termes aucunement differens: d'autant que l'usage del'Eglise est exprimé par le nom de Tradition Apostolique: & que quand on nomme les saints Peres, c'est assez dire, qu'ils se fondent en l'Ecriture: attendu que tels ne peuuent prendre autres fondemens. Quant au troisieme point, de faire exercice de leur Religion en leurs maisons, cela se doit entendre, à condition que cela se face en cachete, & sans scandale. Que, pour la defense, que chose aucune ne soit faite en leur opprobre, cela estoit assez exprimé, quand on leur promet, qu'ils ne seront offensés en aucune façon. Si bien, qu'on voyoit clairement, que, pour chercher querelle, & matiere de cauillation, ils se plaignoient sans cause: & que, puis qu'il n'y auoit aucune esperance de les pouuoir contenter, il ne restoit autre chose à faire, sinon de leur donner le Sausconduit en la forme & teneur de la minute dressée, & laisser puis apres à leur choix de s'en seruir, ou non. Le Conte de Montfort repliqua, Qu'on ne pourroit faire chose aucune plus au benefice & profit de la cause publique, que de leur oster les pretextes, & tout suiet de cauillations, & les rendre inexcusables enuers tout le monde: & pourant que, puis qu'il n'y auoit point de difference entre la minute & la forme du Sausconduit de Basle en la substance des choses, on leur pouuoit fermer la bouche, faisant copier celui de Basle mot pour mot, en changeant seulement les noms des personnes, des lieux, & des temps. Les Presidens, enferrés par vne si deliée & streignante response, se prirent à regarder l'un l'autre: mais le Legat prit tout soudain parti de respondre, Que cela seroit communiqué aux Peres en la Congregation, & que suivant leur deliberation la resolution en seroit faite. Apres cela, les Legats commanderent chacun à ses amis & familiers, la cause de Dieu, & de l'Eglise: aux Italiens & Espagnols ils disoient, Que c'estoit vne grande iniure, d'estre obligé à suiure vn tas de Schismatiques, tels qu'estoient ceux du Concile de Basle, qui auoient inconsiderement parlé, & obligé à suiure la seule Escripture, au Contraire de la Doctrine Chrestienne. Mais à tous en general ils disoient, Que ce seroit vne grande indignité au Concile de parler en sorte, qu'il en nasquist tout soudain vne inextricable dispute: car on ne s'accorderoit iamais à declarer, quels sons les Docteurs, qui se fondent en

Or la Con-
gregation
se voidif-
se à ry-
rien chan-
ger.

l'Eſcriture: qu'il appartenoit à la dignité du Concile, de parler clairement; & que l'exprefſion, faite par le Concile; eſtoit la vraye declaration de celui de Baſſe. Ils employèrent beaucoup d'autres telles perſuaſions, en forte que preſque tous ſe réſolurent à cete reſolution, de ne changer la minute avec eſperance, que les Proteſtans, quoy qu'ils cerchaſſent quelque avantage, ſe contenteroient quand la choſe ſeroit faite.

Les ſchex eſtans toutes ordonnées, la Congregation generale fut tenue le 24. de Januier, en la maiſon du Legat, en laquelle ſe trouuerent enſemble les Eſecteurs; tous les Peres, & les Ambaſſadeurs de l'Empereur, & de Ferdinand, leſquels n'auoient point accouſtumé d'asſiſter en telle ſorte de Congregations. Le Legat fit l'entrée avec peu de paroles, diſant. Qu'ils eſtoient aſſemblés pour donner commencement à vne action la plus perilleuſe, qui dès pluſieurs ſiecles ſe fuſt preſentée à l'Egliſe: & pourtant auſſi, que de plus grande affection que d'ordinaire il ſaloit prier Dieu pour le bon ſuccès d'icelle. Là deſſus fut inuoké le Nom du Saint Eſprit, en la façon accouſtumée es Congregations: & apres cela, par le Secretaire fut lue la Proteſtation, à laquelle tous les Peres ayans donné le Place, le Promoteur fit inſtance qu'elle fuſt enregiſtrée es Actes, & que meſmes en fuſt fait vn inſtrument public. La teneur d'icelle en ſubſtance eſtoit, Qu'à fin, qu'à raiſon des diſputes qui pourroient ſourdre à l'eſgard des perſonnes comparoiſſantes, & des mandemens & eſcritures à preſenter, & des lieux, rangs & ſeances à assigner, l'heureux progrès du Concile ne fuſt retardé, le Concile declaroit, que cas aduenant qu'en propre perſonne ou par ſubſtitut, fuſt admis aucun, lequel par la diſpoſition du droit, ou par l'vſage des Conciles, ne duſt eſtre receu: on euſt ſeance en lieu qui ne luy appartenoit point: ou bien, qu'aucuns mandemens, inſtrumens, proteſtations, ou autres eſcritures fuſſent admises, leſquelles offenſaſſent, ou peuſſent offenſer l'honneur, l'autorité, ou la puiſſance du Concile: pour tout cela ne ſeroit entendu eſtre fait aucun preiudice au preſent Concile, ny aux autres generaux à venir, à perpetuité: attendu que toute l'intention du preſent Concile tendoit à ce, que la paix & concorde fuſt reſtablie en l'Egliſe, en quelque ſorté & maniere que ce fuſt, pourueu que licite & conuenable.

Apres cela furent introduits les Ambaſſadeurs de Saxe, leſquels eſtans entres, & ayans fait la reuerence à la ſeance, Badehorn parla, leur donnant les titres de Reuerendiſſimes & Ampliſſimes Peres, & Seigneurs: & la ſubſtance de la harangue fut, Que Maurice, Eleſteur de Saxe, apres leur auoir ſouhaité & prié l'aſſiſtance du S. Eſprit, & ſalutaire iſſue de l'action, leur faiſoit entendre, que dès long temps il auoit deliberé, ſi iamais il arriuoit que fuſt celebré vn Concile general, libre, & Chreſtien, auquel les controuuerſes de la Religion fuſſent iugées par l'Eſcriture ſaincte, & où tous puſſent parler en ſeureté, & où fuſt inſtituée vne bonne reformation, tant au chef qu'à ſes membres, d'y enuoyer ſes Theologiens. Et qu'à preſent, eſtant perſuadé qu'ils eſtoient aſſemblés pour cet eſſet, il auoit conuoké ſes Theologiens, & leur auoit commandé de faire choix de quelques vns d'entr'eux, qui portaiſſent & preſentaſſent leur Confeſſion à cete Aſſemblée: ce qui iuſques à preſent n'auoit eſté effectué, à raiſon de certaine conſtitution du Concile de Conſtance, qui porte, Qu'aux heretiques & ſuſpects d'heréſie ne doit eſtre gardée la foy, ou Sauſconduit del'Empereur, des Rois, ou autres: & meſmes auſſi pour l'exemple des Bohemiens, leſquels ne voulurent aller à Baſſe, ſans eſtre munis d'un Sauſconduit & ſeureté de la part du Concile. Et pōrtant, que l'Eleſteur auoit requis que vn tel Sauſconduit fuſt baillé à ſes Theologiens, & Conſeillers, pour eux, & leurs domeſtiques: mais que, peu de iours auparavant, leur auoit eſté preſentée vne certaine forme de ſauſconduit fort differente de celui de Baſſe: dont il auoit eſté iugé dangereux de venir ſous l'auſſurance d'iceluy à ce Concile: ſur tout qu'il paroifſoit aſſez quel iugement on y faiſoit d'eux, par certains Decrets Tridentins; ja imprimés, eſquels ils eſtoient traités en heretiques, & ſchiſmatiques, ſans

que toutesfois ils eussent esté ny appelés ny ouïs. Et pourtant, que le Prince, leur Maistre, requeroit que les gens fussent tenus pour excusés, & que le Sauſconduit leur fust baillé en la forme d'iceluy de Basle. Dauantage que le Prince, ayant entendu qu'ils vouloient proceder à la conclusion des articles contentieux, auoit iugé cela estre chose preiudiciable, & contraire à toute loy diuine & humaine: attendu que ses Theologiens auoient vn legitime empeschement par faute de Sauſconduit. Et pourtant qu'il les prioit que le tout fust différé iusques à ce qu'iceux fussent ouïs, lesquels n'estoient esloignés que de soixante lieuës Allemandes, En outre, qu'ayant entendu, qu'on ne vouloit ouyr les Protestans sur les Articles contentieux decidés les années passées, en la plus grande partie de la décision desquels sont contenus grands & grieſ erreurs, il les prioit qu'iceux Articles fussent remis sur le bureau pour estre derechef examinés, & que les Theologiens fussent ouïs sur iceux, & qu'il en fust fait determination conforme à la Parole de Dieu, & à la creance de toutes les nations de Chrestienté. Car les choses decidées auoient esté traitées par vn fort petit nombre d'entre ceux qui ont droit d'entreuenir en vn Concile vniuersel, comme cela apparoiſoit par le roole des signatures, qui auoit esté imprimé. Et toutes-fois, c'est vne chose essentielle à vn Concile general, que toutes les nations soient admises, & ouyes en liberté. Le Prince aussi leur remonſtroit, que plusieurs articles controuers regarderent le Pape: & que les Conciles de Conſtance & de Basle auoient decreté, qu'és causes de foy, & en celles qui concernent le Pape mesmes, iceluy soit submis au Concile: dont il estoit conuenable de pratiquer le mesme en ce lieu: & auant toute autre chose, faire ce qui auoit esté arresté en la troisieme Session de celux de Basle, que toutes les personnes du Concile fussent affranchies des sermens d'obligation qu'ils ont au Pape, en ce qui concerne les causes du Concile: & mesmes le prince estoit en cette opinion, que, sans autre declaration, seulement en vertu des Constitutions de ces Conciles, tous deuroient estre francs & quites de ces liens. Et pourtant qu'il prioit l'Assemblée de vouloir, auant toute autre chose; remettre sus approuuer & ratifier l'Article de la superiorité du Concile par dessus le Pape: sur tout veu le grand besoin de reformation qu'auoit tout l'ordre Ecclesiastique, laquelle a tousiours esté empeschée par les Papes: dont il estoit impossible de corriger les abus; si les personnes du Concile estoient dependantes des volontés du Pape: & estoient, en vertu de leur serment, obligées à maintenir l'honneur, estat & puissance d'iceluy. Que si on pouuoit obtenir du Pape, que luy mesmes spontanément relaschast le serment, ce seroit chose digne de grand louange, & qui acquerroit grande ferueur, creance, & autorité du Concile, & à ses Decrets, comme procedans d'hommes libres, ausquels il seroit loisible de traiter & iuger selon la parole de Christ. Que pour la fin, le Prince leur maistre prioit, que ses demandes fussent receuës de bonne part, ayant esté pouſsé à les représenter par le zele à son propre salut, par l'amour à sa patrie, & pour le repos & tranquillité de tout le peuple Chrestien. Apres auoir ainsi parlé, il presenta sa harangue qu'il auoit par écrit, laquelle le secretaire receut, & le Promoteur respondit au nom commun du Concile. Que le Synode feroit consideration, & en temps & lieu luy rendroit response.

Apres ceux-ci furent aussi ouïs ceux de Vvirtemberg, lesquels presenterent le mandement de leur Ambassade. Et apres qu'iceluy eut esté leu, ils dirent en peu de paroles, Qu'ils estoient là pour présenter la Confession de leur doctrine, & que les Theologiens viendroient apres, lesquels la defendroient, & traiteroient plus à fonds les mesmes choses: à condition toutes-fois, que le commun accord fussent élus iuges d'une & d'autre part, pour connoître des controuerses. Car, veu que leur doctrine estoit repugnante à celle du Pape de Rome, & des Euesques ses adherans, c'estoit chose iniuste que le Demandeur ou le Defendeur fust Iuge. Et pourtant faisoient instance, que les choses faites & passées les années precedentes au Concile, n'eussent

force de loy: mais qu'on recommençast de nouveau l'examen de toutes les choses traitées: attendu qu'il n'est pas de raison, lors que deux plaident ensemble, que ce qui est fait par vn seul d'entr'eux, l'autre estant legitime-
 1552.
 ment absent, soit ferme & valable. Et de tant plus, qu'on peut clairement demonstrier, que tant es prochaines Actions, qu'en celles des années pas- sées, ont esté publiées Decrets contraires à la sainte Escriture. Apres cela ils presenterent leur Doctrine, & leur harangue par escrit: qui furent re- ceuës par le Secretaire, mais la Doctrine ne fut point lue. Le Promoteur respondit, au nom des Peres, Qu'en son temps iceux rendroient responce.

Ces choses faites, les Electeurs & les Ambassadeurs se retirerent: & ne demeura avec les Presidens que les Prelats, pour donner ordre à la Session. Et premierement fut arresté le Decret, & puis proposé le Sausconduit, ad-
 ioustant les causes, pour lesquelles les Protestans ne s'en contenoient pas. Et fut mis en deliberation s'il falloit à cete minute adiouster ce qu'ils reque-
 roient: mais tous vnanimement & sans contredit, conclurent, qu'il n'y fa-
 loit adiouster autre chose, pour euitier les dangers d'entrer en disputes in-
 extricables, & en preiudices ineuitables.

Le vingtcinquieme Ianuier qui estoit le lendemain, iour destiné à la Ses-
 sion, on alla à l'Eglise avec l'appareil & conuoy accoustumé: voire mesmes
 avec plus grand nombre de soldats, lesquels les Presidens auoient fait venir,
 pour ostentation de la grandeur du Concile: & avec plus grande multitude
 & affluence d'estrangers, accourus par l'opinion qu'ils auoient, que les Pro-
 testans seroient receus publiquement, & avec notables ceremonies. L'Euef-
 que de Catance chanta la Messe, & Iean Baptiste Campege, Euefque da Ma-
 iorque, fit le Sermon: & suiuant les obseruances accoustumées, l'Euefque
 celebrant leur Decret, duquel la substance estoit, Que le Concile, ayant en
 execution des choses ia auparavant decretées, traite fort exactement de ce
 qui appartient au Sacrifice de la Messe, & au Sacrement de l'Ordre, pour
 publier en icelle Session les Decrets sur iceux points: & sur les quatre arti-
 cles du Sacrement de l'Eucharistie, qui auoient esté differés: croyant que
 dans ce temps seroient arriués les Protestans, auxquels il auoit donné sauf-
 conduit: toutes-fois iceux n'estans point venus, ains ayans fait supplier que
 le tout fust differé à vne autre Session, & donnans esperance d'arriuer auant
 icelle de beaucoup, après qu'ils auroient receu vn saufconduit en forme plus
 ample, le mesme Concile, desireux de paix & de repos, sur l'esperance qu'il
 auoit qu'iceux viendroient non pour contredire à la foy Catholique, mais
 pour connoistre la verité, & qu'ils acquiesceroient aux Decrets de Sainte
 Mere Eglise, auoit differé & différoit la suiuaute Session iusqu'au dix-
 neuuieme Mars, pour mettre lors en lumiere & publier les choses susdites:
 & pour leur oster toute occasion de plus long retardement, leur octroyoit
 le Sausconduit en la forme & teneur, qui seroit recitée: arrestant qu'en cét
 entretemps seroit traité du Sacrement de Mariage, & qu'on pourluiueroit
 la Reformation: afin que les Decrets sur ces matieres peussent aussi estre pu-
 bliés tout d'vne main avec ceux des matieres susdites. Le Sausconduit por-
 toit en substance, Que le Concile, persistant au Sausconduit ja octroyé, &
 & pour amplification d'iceluy, faisoit foy, qu'il permettoit à tous Prestres,
 Princes, Nobles, & autres personnes de condition & qualité queleconque
 de la nation Allemande, lesquels viendroient, ou estoient ia venus au Concile,
 seurété & saufconduit de venir, demeurer, proposer & parler au Concile,
 traiter & examiner ce qui leur sembleroit, donner articles, & les confer-
 mer & defendre, respondre aux obiections du Concile, & disputer avec
 ceux qui seroient par iceluy choisis & deputés: declarant que les controuer-
 ses en ce Concile seroient traitées par l'Escriture sainte, & suiuant les tra-
 ditions des Apostres, les Conciles approuués, le consentement de l'Eglise
 Catholique, & l'autorité des saints Peres. Adioustant aussi, que sous pre-
 texte de Religion, ou de delits par eux commis par le passé, ou qu'ils pour-
 roient commettre à l'auenir contre icelle, ils ne seroient punis, ne recor-

qu'ils leur
sont preci-
sément re-
fusés.

cinquieme
Session.

decret d'icelle,
celle, por-
tant delay
pour les
Protestans

Et la ten-
neur du
sautcon-
duit
est icy.

1552.

chés: en sorte toutesfois, que pour leur presence, tant par chemin, qu'en quelconque autre lieu, & en la ville mesmes de Trente, on n'eust à cesser ny faire aucune intermission du seruice diuin: & que lors & quand bon leur sembleroit, ils pussent s'en retourner sans aucun empeschement, personnes, honneur, & biens saufs: au seu toutesfois des deputés du Concile, afin qu'il fust pourueu à leur seureté. Entendant aussi qu'en ce Saufconduit fussent comprises toutes les clauses, qui pourroient estre necessaires pour vne pleine, valable, & suffisante seureté. Et s'il aduenoit (ce qu'a Dieu ne plaise) qu'aucun d'eux, soit au venir, soit à Trente, soit au retour, commist aucun excès enorme, lequel pust annuler & casser le benefice de cete seureté publique, en tel cas ils seroient chasties par les leurs mesmes au contentement du Concile. Que si aussi au reciproque quelqu'un du Concile, soit à leur venir, soit à leur demeure à Trente, soit à leur retour, commettoit chose qui violast ce present saufconduit, iceluy seroit puny & chastié par le Concile, en sorte que les Seigneurs Allemans de la Confession d'Ausbourg, qui seroient presens à Trente, en seroient contens & satisfaits: demeurant tousiours en son entier la forme de cete seureté, avec toutes ses conditions, & clauses. Outreplus accordoit ausdits Ambassadeurs de pouoir sortir de Trente pour prendre air, & y retourner, enuoyer & recevoir aduis & messages, toutes les fois & quantes que bon leur sembloit, accompagnés toutesfois par les deputés du Concile, pour leur plus grande seureté. Et que ce saufconduit s'estendist durer tout le temps, qu'ils seroient sous la sauuegarde du Concile, venant à Trente, & y demeurant, & vingt iours apres qu'ils auroient demandé congé de partir, ou qu'il leur seroit enioint de se retirer: auquel cas le Concile promettoit & se chargeoit de les rendre en lieu assésuré à leur choix. Et que toutes ces choses ledit Concile en donnoit parole & promesse de bonne foy, au nom de tous le fideles de Christ, & de tous Princes Ecclesiastiques & Seculiers, & de toutes autres personnes Ecclesiastiques & Seculieres, indifferemment, de quelque estat & condition qu'elles fussent. Et en outre promettoit aussi de bonne foy, qu'il ne rechercheroit occasion queleconque, ne public ne secreta, pour faire que chose aucune fust entreprise au preiudice de ce present Saufconduit: & ne se preuaudroit, ny ne permettroit qu'aucun se preualust d'aucune autorité, pouoir, droit, statut, priuilege de loix, de Canons, de Conciles, & specialement de celui de Constance, & de Siene, ausquels en cet endroit, & pour cete fois il derogeroit. Que si le saint Concile, aucun d'iceluy, ou des leurs venoit à violer ce present Saufconduit, en aucun point ou clause, sans que le chastiment s'en ensuiuiust promptement, & à leur contentement, qu'ils tinssent & iugeassent iceluy Concile, encouru en toutes les peines, esquelles peuuent choir les violateurs de semblables saufconduits, par loy diuine & humaine, ou par coustume, sans excuse ne contredit.

*les Presi-
dens dis-
posent les
affaires à
vne cour
close
du Concile.*

Ces choses ayans esté lûes, la Session fut acheuée. Il est certain que les Presidens, estans en doute à quoy les choses pourroient aboutir, vouloient se trouuer prests & appareillés, en cas qu'ils eussent le vent à souhait, pour pouoir decider toute la matiere des Sacremens en vne mesme Session. Et pourtant, ayans desia toutes prestes les matieres concernantes la Communion, & la Messe, & le Sacrement de l'Ordre, ils vouloient aussi auoir celles du Mariage toutes digerées, & ordonnées, pour n'en faire qu'un seul faisseau: pour pouoir puis apres, en vne autre Session, traiter sommairement & succinctement du Purgatoire, des Indulgences, des Images, des Reliques, & autres telles minuties, comme eux mesmes les appeloient: & ainsi mettre fin au Concile. Et en cas que quelque chose se fust opposée à ce dessein pouoir faire paroistre qu'il n'auoit point tenu à eux.

*le Pape,
apres auoir
pourueu à
sa seureté
au Concile.*

L'apercey desia, que plusieurs, lisans ces euenemens, s'esbahiront de ny voir aucune mention du Pape, duquel en choses beaucoup moindres, on auoit accoustumé de prendre le modele & la loy de toutes les deliberations. Mais cet esbahissement cessera, quand on sçaura que le Pape auoit esté à l'accoustumée

coustumée aduertir de point en point de tous les euenemens & desseins : & dès la premiere arriuée des Ambassadeurs de Vvitemberg, & puis à la nouuelle qu'on en attendoit encor d'autres, auoit respondu aux lettres de son Legat & Nonces, qu'on eust à traiter les Protestans avec toute l'humanité qui seroit possible : qu'il fauoit bien qu'en semblables cas il falloit de necessite supporter quelque indignité pour s'accommoder : & pourtant qu'en ceci ils vlassent de prudence, ployant à la necessité : car enfin de compte il tourne à honneur d'auoir souffert quelque chose. Mais, qu'ils s'abstinissent de toute conference publique, tant de viue voix que par escrit, en matiere de Religion. Qu'ils procuassent par voye d'offices, & d'esperances, de gagner quelqueun des Docteurs Protestans : & n'y espargnassent quelque despenſe. Le Pape fut aduertir de tout ce qu'on alloit faisant pas à pas : mais il ne lui sembla point qu'il se presentast encor chose, qui lui dult faire changer de propos. Et, apres cete Session, il ne pensoit pas beaucoup aux choses du Concile : d'autant qu'il auoit l'esprit tourné à ouïr les ouuertures de quelques François, ayant pris quelques ombrages de l'Empereur. Mais, dès qu'il entendit que les Ambassadeurs Imperiaux auoyent donné intention aux Protestans de reigler & moderer la puissance Papale, & auoyent dit, qu'ils attendoient de voir la porte ouuerte par leur negotiation, pour les seconder puis apres, & mettre sur les rangs les choses qu'ils auoyent proiecté : & que la plus part des Peres iugeoyent qu'il estoit nécessaire de restreindre l'autorité Papale, à quoi aussi il auoit d'autres concurrens aduis, que tous les Espagnols visoyent, & que l'Empereur auoit fait dessein de releuer plus haut la puissance Imperiale par la depression de la Papale, & entendoit de fomenſer les Protestans à cet effet, pour monstrer que cela ne venoit point de lui, mais d'eux : le Pape, di-ie, ayant esté informé de ces choses, s'aliena de l'Empereur, pour se tourner au Roi de France, & pour cet effet preſtoit l'oreille au traité que manioit le Cardinal de Tournon, au nom du Roi : de l'execution & accomplissement duquel s'ensuiuiuoit la dissolution & rupture du Concile, sans qu'il s'en meslast, ni monſtrast de la desirer.

La Session finie, les Protestans, quoi qu'ils eussent bien descouuert que le Sauſconduit n'auoit point esté amplifié, comme ils l'auoyent requis, diffimulerent toutesfoiſ de le ſauoir, & le demanderent : & les Ambassadeurs Imperiaux, asſemblés pour cet effet, en liurerent vne copie authentique à chaque Ambassade. Mais eux, s'estans retirés à part, & ayans lu la teneur d'icelui, retournerent derechef, & se plainquirent qu'on leur auoit manqué de parole : & requirent de plus la responce du Concile, à ce qu'ils auoyent exposé, & aux instances qu'ils auoyent faites sur la maniere de proceder qui se deuoit garder au Concile. Les gens de l'Empereur les exhorterent de proceder dextremet, se ſervant des meſmes termes & raisons qu'auparauant : leur monſtrant qu'avec le temps ils obtiendroyent tout ce qu'ils demandoient : en lieu que, recherchant choses non encor meures, & hors de ſaiſon, ils rendoyent le tout beaucoup plus difficile. Qu'il n'estoit point neceſſaire qu'au ſauſconduit fuſt exprimé, qu'ils puſſent auoir l'exercice de leur Religion en leurs maiſons : attendu que, puis que cela n'estoit point deſendu, il s'entendoit permis. Et quant à ce que rien ne fuſt fait à leur opprobre, cela y estoit couché aſſez clairement, lors qu'on leur promettoit tout bon & fauorable traitement : & que d'abondant on feroit des deſenſes & cries publiques sur cela meſmes, qui auoyent encor plus de force que le Sauſconduit. Et quant aux fondemens & raisons, à alleguer & employer au Concile, la meſme chose estoit dite au Sauſconduit en ſubſtance, que la Sainte Eſcriture fuſt le fondement : mais aussi, qu'il estoit bien neceſſaire, que, ſuruenant quelque debat ou controuerſe ſur l'intelligence de l'Eſcriture, le Concile en fuſt le Iuge. Quel'Eſcriture eſt muete & ſans ame : & que, de meſmes les loix ciuiles, elle a beſoin de Iuge, qui l'anime : & qu'en matiere de Religion ce Iuge eſt le Concile, ſelon la pratique & l'vſage obſerué dès le temps des Apoſtres iuſques à preſent. Les Protestans receurent le Sauſconduit,

1552.

mais avec reserve & declaration, qu'ils ne le prenoient que pour l'en-
uoyer a leurs Princes.

*Congrega-
tion pour
traiter d
Mariage:*

*griefs des
Protestans
sur la pre-
cipitativ
du Concile,*

*lequelle
l'Empereur
arresta.*

*au grand
desplaisir
du Pape -
duquel le
finalité a-
vec l'Em-
pereur
s'augmen-
tent pour
l'assignat
de Marti-
nuse Car-
dinal.*

Mais les Presidens, pour effectuer ce, qui auoit esté arresté; d'examiner la matiere du Mariage, tinrent Congregation generale: & aptes auoir élu des deputés à extraire & dresser les Articles, ils en proposerent trentetrois sur cete matiere, pour estre examinés par les Theologiens: ordonnans aussi que les deputés fornassent les Canons de main en main, selon que les Articles estoient ventilés & resolus. On tint là dessus quelques Congregations & furent formés iusques à six Canons. Mais les Protestans firent de grandes plaintes aux Ambassadeurs Imperiaux, disant, Que de paroles ils leur donnoient bien esperance d'obtenir reuision des choses decidées, mais qu'en effet on la leur retranchoit toute: attendu qu'on ne laissoit point pourtant de passer outre à nouuelles decisions, pendant que leurs Theologiens estoient attendus. Les Ambassadeurs Imperiaux ne purent obtenir des Presidens, que les Actions fussent sursises, lesquelles au contraire iceux sollicitoyent & hastoyent en toute diligence: afin que, ou les Protestans se deportassent d'aller à Trente, ou bien, qu'y allans, ils trouuassent toutes choses decidées. Car, quant à la demande de reprendre à examiner les choses arrestées, le Pape, & toute la Cour, & tous les Prelats, estoient desia tous resolus de la refuser absolument. Ils pensoient aussi qu'il y auoit plus d'apparence de denier la reuision de beaucoup de choses que de pen. Mais l'Empereur, pour les interets duquel il importoit beaucoup de faire aller les Protestans à Trente, & qui ne se soucioit pas grandement si la reuision se faisoit ou non, eûtant aduertie par ses Ambassadeurs des plaintes des Protestans, & de l'empelchement qu'on donoit à leur venue au Concile, enuoya homme expres à Trente, avec charge & commission de passer iusques à Rome, pour faire instance que toute action fust sursise pour peu de iours, monstrant que cete haste precipitoit les matieres, remplissoit les Protestans d'ombrages & soupçons, & rendoit leur reduction plus difficile: & ordonna de commander à ses Prelats d'arrester sus bout tous traités: & enuers les Papeux, en cas que les raisons & persuations ne fissent effet, de passer aux protestations. Cete resolution de l'Empereur, signifiée à Trente, fit qu'il fut tenu vne Congregation generale, en laquelle cete consideration eûtant mise sur le bureau, il fut deliberé de surseoir toutes actions synodales, iusques au bon plaisir toutesfoi du Concile.

Mais le Pape prit à desplaisir ce qui auoit esté fait: & eûtant d'ailleurs indigné contre l'Empereur pour autres eüards, il escriuit à Trente, Que pour l'honneur du Concile ils continuaissent encor cete surseance pour quelques iours, le moins qu'ils pourroyent: & que puis apres ils reprissent hardiment les actions sans aucun respect. Il y auoit vne autre cause, laquelle, outre la precedente, auoit irrité le Pape, & les Cardinaux: c'est, que Ferdinand, desirant de s'emparer de la Transylvanie, (laquelle d'autre costé estoit assaillie par les Turcs) sous couleur de la vouloir conseruer pour le ieune fils de Iean Vainode: George Martinus, Euesque de Varadin, personnage doué d'excellente prudence, & de tresgrand credit en ces pais-là, desiroit la maintenir en liberté: & pour obuier à plusgrands dangers, n'estant assez fort pour resister aux Turcs, & à la maison d'Austrie tout ensemble, se resolut de s'allier avec celle-ci, dont faisant contrepoids aux Turcs, il tenoit les choses en grand equilibre. L'Empereur & Ferdinand conuinsiens bien, qu'en gagnant ce Prelat, ils obtenoyent entierement leur but, outre les autres choses qu'ils firent pour l'obliger plus estroitement à leurs interets, Ferdinand lui promit vne pension de huit mille eücus: & l'Empereur à grand requeste obtint du Pape, qu'il le creast Cardinal, & mesme lui enuoyast le chapeau, chose vüe fort rarement, & lui permist de porter l'habit rouge; ce qu'autrement ne lui estoit loisible, pource qu'il étoit Moine de l'ordre de S. Basile. Tout cela fut fait & executé à Rome, à l'vni Oüobre. Mais toutes ces apparences d'honneur ne furent point pri-

sées par cet Euesque, qui ne voulut preferer les interets de la maison d'Austriche à ceux de la patrie: & pour cete cause il fut proditoirement & cruellement assassiné par les ministres de Ferdinand, le dixhuitieme Decembre, sous pretexte, qu'il auoit intelligence avec les Tures. Cet accident altera grandement tous les Cardinaux, lesquels se reputent sacrés & inuiolables. Ils mettoient en consideration de quelle consequence estoit l'exemple, qu'un Cardinal pust estre nieurtri pour des calomnies controuuées, ou bien mesmes pour des soupçons. Et de plus aiguillonnerent encor le Pape, auquel de soi mesme le fait desplaisoit grandement, lui representans que ce Cardinal auoit vn grand thesor, qui montoit à vn million d'or, lequel deuoit eschoir à la Chambre, comme estant de Cardinal mort sans testament. Pour toutes ces raisons le Pape deputa certain nombre de Cardinaux pour prendre conoissance de l'excès: & fut iugé, que Ferdinand, & tous ses ministres de Transylvanie, estoient encourus es Censures: & furent enuoyés commissaires à Vienne à faire enquestes. Mais, pour enfler tout ce narré d'une suite, il faut fauoir que la ferueur de la pour suite se rallentit, & qu'on proceda en cet affaire avec beaucoup de conuenance, tant pour ce que ce qui estoit fait ne se pouoit desfaire, qu'aussi pour ne donner suiet à plus grâds remuemens: mais, quoi que le proces fust fait & instruit à l'auantage de Ferdinand, si est-ce qu'il ne fut rien verifié des choses mises à sus au defunct: & aussi le dessein de tirer l'heritage à la chambre, fut bien tost amorti, quand on trouua si peu, beaucoup au dessous des imaginations prises: d'autant que Martinuse, qui estoit homme liberal & splendide, auoit tousiours pendu tout ce qu'il auoit pour le bien public: & encor ce peu qui se trouua à sa mort, auoit esté partagé entre les soldats. Le Pape donc declara Ferdinand, & tous les autres, qui n'auoyent en personne assisté au meurtre, absous: toutesfois avec cete reserue & condition, si les choses deduites au proces estoient veritables. Mais les ministres de l'Empereur se plaignans de cete queuë, qui sembloit mettre en doute la prud'homme de Ferdinand, le Pape fit la sentence toute simple & absolue: & ceux-là seuls, qui auoyent esté les auteurs del'assassinat, allerent à Rome pour auoir leur absolution, mais en telle sorte, comme s'ils eussent esté auteurs d'un oeuvre louable. Mais nonobstant tout cela, & en Hongrie, & à Rome mesmes, fut tenu pour asseuré que ce meurtre estoit procedé du mandement de ceux qui y auoyent interest: selon le dire fameux, que de tout conseil caché celui en doit estre presumé l'auteur, qui en tire profit & auantage. Mais cet excès ne porta aucun benefice aux affaires de Ferdinand, lequel, tant pour cete cause, que pour autres, fut bien tost apres tout à fait depossédé de la Transylvanie. Or, d'autant que cela n'appartient point autrement à mon propos, ie retourne à ce qui se passoit au Concile.

Le septiesme Feurier, le Dimanche auant la Septuagesime, auquel on lit l'Euangile de la Zizanie, Ambroise Cigogne, autrement dit Pelargus, la-copin, Theologien del'Archeuesque de Treues, fit le Sermon: lequel, appliquant le nom de Zizanie aux heretiques, dit qu'il les faloit tolerer, lors que sans danger de plus grand mal, on ne les pouoit extirper. Cela fut rapporté aux Protestans, comme s'il eust dit, Qu'on leur pouoit rompre la foi donnée: & pourtant il en nasquit vn grand bruit & tumulte. Il se defendoit, en disant, qu'il auoit parlé des heretiques en general, & n'auoit rien dit plus outre, que ce que porte l'Euangile: mais, que quand ores il auroit dit, qu'il les faloit exterminer par feu, fer & cordeau, & par toute autre voye, il n'auroit fait que ce que le Concile auoit commandé en la Session deuxieme. Qu'il auoit tresmodestement parlé, & qu'on ne pouoit faire sermon sur cet Euangile-là, qu'on ne dist tout autant qu'il auoit dit. Le bruit fut appaisé par le moyen du Cardinal de Trente, & de l'Ambassadeur de l'Empereur, quoi qu'avec beaucoup de difficulté: encor qu'il cōstast que le Moine n'auoit point parlé de ne garder la foi, ne dit chose quelconque, qui touchast les Protestans en particulier, mais seulement les heretiques en general. Cela

1552.

toutesfois donna pretexte de se retirer à l'Electeur de Treues, qui desia y estoit resolu, pour quelque secreete intelligence qu'il tenoit avec le Roi de France: à quoi adioustant le besoin de recouurer sa santé, il partit à la mi-Feurier, laissant vn bruit & opinion, que c'estoit du gré de l'Empereur, & promettant d'y retourner bien tost. Neantmoins il ne passa point par Inspruck, ni ne s'aboucha avec l'Empereur.

*Stations à
Trente:*

Le premier iour de Quaresme furent par affiches publiques indiées les Stations à Trente, en la même maniere qu'à Rome, par octroi du Pape, en faueur de quiconque visiteroit les Eglises: ce qui fut vn peu d'entretien aux Peres & Theologiens, lesquels, par l'intermission des Congregations, estoient demeurés sans occupation, & quasi tous oisifs. Bien est vrai, qu'au parauant ils s'estoyent aussi entretenus par des Congregations priuées, discou- rans diuerfement ou de la dissolution ou de la continuation du Concile, se- lon les nouuelles qui arriuoient. Au commencement de Mars vinrent let- tres de l'Electeur de Saxe à ses Ambassadeurs, par lesquelles il leur com- mandoit de poursuire les instances enuers le Concile: & leur donnoit ad- uis qu'il s'arrestoit pour aller en personne trouuer l'Empereur, ce qui cal- ma l'esprit de tous. Mais, peu de iours apres, il s'espandit par tout vn bruit,

*bruit de
guerre com-
mencent à
dissiper le
Concile,*

qu'il y auoit vne ligue faite entre le Roi de France, & les Princes Protestans, pour faire la guerre à l'Empereur. Surquoi les Electeurs de Mayence & de Cologne partirent: & passans par Inspruck traiterent fort à l'estroit avec l'Empereur. Les Ambassadeurs aussi de Maurice, craignans pour leurs propres personnes, sortirent secretement de Trente, & par diuers chemins se rendirent chez eux. Nonobstant cela, encor apres ces choses arriuerent quatre Theologiens de Vvirtemberg, & deux de Strasbourg: & les Amba- sadeurs du Duc de Vvirtemberg firent avec les Theologiens promptement instance enuers les Ambassadeurs Imperiaux, que le Synode rendist respon- se à la proposition ia par ci deuant faire, & qu'on donnast commencement à la conference, ou traité. Mais le Legat respondit, que le dixneufuiesme Mars, iour destiné à la Session, estant si prochain, il faisoit de necessité met- tre ordre à icelle, & traiter beaucoup d'autres choses, dont l'une seroit de trouuer & arrester vne certaine forme de traiter. Et pourtant ce iour-là mesmes fut tenue Congregation en la maison du Legat, & fut delibéré de prolonger la Session iusques au premier iour de Mai. En cete Congregation fut receu l'Ambassadeur de Portugal, lequel presenta son mandement, & fit vne harangue: à laquelle il fut respondu à la forme accoustumée, avec louanges & remerciemens au Roy, & termes de compliment enuers l'Ambassadeur. Mais ceux de Vvirtemberg, voyans qu'on ne rendoit aucune res- ponsé à leurs propositions, & que mesmes le Legat supprimoit la Confes- sion par eux presentée, quoi que plusieurs desirassent la voir, en distribue- rent à diuers des copies imprimées qu'il auoyent portées avec eux: dont il y eut grand bruit, & vacarme au Concile, & quelques vns disoyent, qu'ils meritoient chastiment, attendu que ceux, à qui fauconduit est otroyé, sont obligés d'euitier toute offense de celui qui le leur otroye. Or ceci estoit

*auquel ar-
riuerent quel-
ques Theo-
logies Pro-
testans,*

*Et l'Amba-
sadeur
Portugal,*

reputé vn offense publique. Le tout fut neantmoins en fin appaisé. Les Pro- testans firent par plusieurs fois instance enuers les Ambassadeurs de l'Em- pereur, qu'on donnast commencement à l'Action: mais on différoit touf- iours, ores sur le pretexte de l'indisposition du Legat, ores sur autres. Les Ambassadeurs Imperiaux ne manquoient point de presser l'affaire: & mo- yenerent que les Protestans se contentassent de se deporter de l'instance qu'ils auoyent faite, qu'on respondist aux demandes par eux presentées: & puis encor, qu'ils ne pressassent point que la doctrine qu'ils auoyent presen- tée fust examinée. Mais, à mesure qu'on appointoit quelque difficulté auan- cée par les Protestans, il en naissoit subit d'autres, excitées de la part des Presidens. ores sur la maniere de traiter, ores sur la matiere par ou il faisoit commencer. Et en fin les Protestans, à ce persuadés par l'Ambassadeur Poi- tiers, se contenterent qu'on commençast par ou les autres vouloyent. Mais,

*instances
des Prote-
stans & of-
fices des
Ambassa-
deurs Impe-
riaux,*

*transmis
par les Pro-
testans,*

ni pour cela ne vint on à ioindre. Le Legat de vrai estoit grieuement malade, pour des horribles angouisses & passions d'esprit : & toutesfois on ne pouuoit se persuader que ce ne fust vne feinte, pour auoir pretexte de n'entrer en lice. Les Nonces estoient irresolus & perplex, & les Euesques n'estoyent point d'accord entr'eux. Car ceux, qui dependoyent de l'Empereur, Espagnols & autres, incités par les Ambassadeurs Imperiaux, vouloyent qu'on passast outre. Mais, les dependans du Pape, ombragés que le but des Imperiaux fust de faire bien tost choir le traité à la Reformation de la cour de Rome, embrasloyent toute occasion d'empeschement. Et, d'autant que les Euesques Allemans estoient ia partis, à cause des remuemens de guerre, eux aussi attendoient la mesme occasion : sur tout, d'autant que tousiours continuoit la nouuelle des armes du Roi de France & des Confederés d'Allemagne contre l'Empereur, desquels estoient ia sortis en lumiere Manifestes & protestations, qui portoyent pour cause, la defense de la Religion, & la liberté d'Allemagne. Le premier iour d'Auril l'Electeur de Saxe mit le siege deuzi Augsbourg, qui se rendit trois iours apres : & la nouuelle en arriua à Trente le sixieme du mesme mois : à quoi adioustoit on que tout le Comté de Tirol se mettoit en armes, pour se rendre à Inspruck, sur l'opinion qu'on auoit, que l'armée des Confederés auoit dessein de se saisir des passages des Alpes, pour couper l'entrée en Allemagne aux gens de guerre estrangers. Et partant vne grande partie des Euesques Italiens s'embarqua sur la riuiera d'Adice, pour baissier iusqu'à Verone, & les Protestans aussi delibererent de partir.

Il demeura fort peu d'Euesques à Trente : & le Legat grieuement malade refusoit fouuent, & ne pouuoit auoir aucune stable resolution. Dont les Nonces, craignans, si on attendoit iusqu'au premier de Mai, comme il auoit esté concerté, de se trouuer seuls à Trente, sans Prelats, despescherent à Rome, pour estre instruits comment ils se deuoient gouverner en vn si grand destroit. Le Pape, qui auoit desia conclu son traité avec le Roi de France, & ne soucioit plus de tout ce que l'Empereur pouuoit faire, quand mesmes il se feroit desmeslé des difficultés qui l'enuiroionnoyent ; tint Congregation des Cardinaux, & leur proposa l'aduis de ces Nonces, pour le consulter : & n'y eut point de difficulté que la pluspart ne concourust à la suspension du Concile. La Bulle en fut formée, & fut enuoyée à Trente : & le Pape quât & quant escriuit aux Nonces, Qu'il leur enuoyoit le pouuoir de la suspension : & que, s'ils voyoyent vrgente necessité, ils cedassent à icelle, & ne missent en danger la dignité du Concile, lequel en autre temps plus calme pourroit estre remis sus : & partât leur bailloit charge, non de le dissoudre tout à fait, afin d'auoir tousiours en main vn bout de cete corde pour s'en preualoir es occasions, mais seulement de le suspendre pour quelque temps. Les Nonces, ayans eu cete responce, la tinrent secreete : & consulterent cependant avec les Ambassadeurs, & les Principaux Prelats, ce qui estoit à faire : mais iceux proposoyent qu'il faloit attendre ordre de l'Empereur, & extenuoyent le danger tant qu'ils pouuoient. Mais, nonobstant cela, les Prelats, quoi que pour la pluspart Espagnols, craignans pour leurs propres personnes, à cause de la haine des Protestans, & desesperans que l'Empereur en vne si grande presserust auoir temps pour penser au Concile, consentirent à vne suspension. Et pourtant les Nonces intimèrent la publique Session pour le vintuictieme Auril : tant estoit pressante la peur, qu'elle ne leur permit d'attendre le premier de Mai, iour destiné à icelle par le Concile.

A cete Session tumultuaire se trouua ce petit nombre, qui estoit demeuré de reste. Et apres les ceremonies Ecclesiastiques, (car, quant aux pompes, elles furent omises pour cete fois) le Nonce Sipontin fit lire vn Decret par le Secrétaire, qui portoit en substance ; Que le Concile, y presidans les deux Nonces en leur nom, & en celui du Cardinal Crescence, Legat, detenu de griue maladie, ne doutoit point que toute la Chrestienté ne fust comment le Concile de Trente auoit esté premierement conuouqué

*en fin
com est ra-
pu par la
dissolution
un concile
à cause des
armes de
Maurice
de Saxe :*

*qui portent
le pape à
vne sus-
pension,*

*publiee en
la dernière
Session :*

1552.

par le Pape Paul d'heureuse memoire : & puis, remis sus par Nostre Tres-saint Pere Louis troisieme, à l'instance & requeste de l'Empereur Charles, pour le reſtabliſſement de la Religion, ſur tout en Allemagne, & pour la correction & reformation des mœurs : & comment en icelui eſtans de diuers pais conuenus pluſieurs Peres, ſans auoir eſgard à trauaux ne dangers, l'affaire eſtoit heurieuſement acheuiné, avec eſperance que les Allemans, qui auoyent excité les nouueautés, iroyent au Concile, diſpoſés d'acquieſcer aux raiſons de l'Egliſe. Mais, il eſtoit aduenu par la ruſe de l'ennemi du genre humain, que tout ſoudain s'eſtoient eleués des tumultes, qui auoyent contraint d'interrompre le cours encommencé, & coupé toute eſperance de progres, avec crainte meſmes, que le Concile ſeruiroit plus toſt à irriter les courages de pluſieurs, qu'à les adoucir & appaiſer. Partant le Saint Concile, voyant tous lieux, & ſur tout l'Allemagne, embrasés de guerres & diſcordes, & que les Eueſques Allemans, & ſpeciallement les Electeurs, eſtoient ià partis, pour pouruoir à leurs Eglises, auoit delibéré de ne s'opposer à la neceſſité, mais garder ſilence iuſques à temps plus opportun : & à cet effet de ſuſpendre le cours du Concile pour le terme & eſpace de deux ans : à condition que, ſi les affaires pouoyent eſtre paciſiées auant ce terme, le Concile s'entendit remis ſus pied en ſa vigueur & fermeté : que ſi auſſi les empeſchemens n'eſtoient oſtés au bout des deux ans, la ſuſpenſion s'entendit *ſoſeſſe* leuée, des auſſi toſt que les empeſchemens ſeroient ceſſés, ſans autre nouuele conuocation. Entreuenant à ce Decret le conſentement & l'autorité de Sa Sainteté & du Saint Siege Apoſtolic. Et cependant le Concile exhortoit tous les Princes Chreſtiens, & tous les Prelats, vn chacun endroit ſoi, de faire obſeruer, en leurs Eſtats & Eglises, tout ce qui iuſques alors auoit eſté arreſté par le Concile. Ce Decret ayant eſté lu, le Italiens l'approuuerent. Mais les Eſpagnols, qui eſtoient au nombre de douze, dirent, Que les dangers n'eſtoient point ſi grands, comme on les faiſoit : que cinq ans auparavant les Proteſtans auoyent bien pris l'Eſcluſe, ſans que toutesſois le Concile en fuſt rompu, ores qu'il n'y euſt à la garde du Tirol autre que le Sieur de Caſtelalto : qu'à preſent l'Empereur meſme eſtoit en perſonne à Inſpruck, lequel, par ſa valeur, diſſiperoit bien toſt tous ces mouuemens : qu'on congediaſt les timides, comme on auoit fait alors, & que les volontaires demeuraffeſſent, iuſques à ce que l'Empereur fuſt aduertí, lequel, n'eſtant qu'à trois iournées de là, pouuoit bien toſt rendre reſponſe. Mais, les autres ſ'y oppoſans tumultuairement, les Eſpagnols proteſterent contre la ſuſpenſion ainſi abſoluë. Nonobſtant cete proteſtation, le Nonce Sipontin, apres auoir benit les Peres, les licentia pour s'en aller chacun ſon chemin. Les Nonces eſtans partis, enſemble les Prelats Italiens, finalement les Eſpagnols partirent auſſi, & pareillement les Ambaſſadeurs de l'Empereur. Et le Cardinal Creſcence, lequel fut porté à Verone, là ou il mourut.

de laquelle
le decret
eſt conſulté
à Rome,

A Rome les deux Nonces furent grandement chargés, de ce qu'en la derniere partie de ce Decret le Concile auoit ordonné l'execution des choſes eſtablies, ſans en auoir premierement requis la Confirmation & ratification du Saint Siege : ce qui ayant eſté exactement gardé par tous les Conciles paſſés, il ſembloit que faire à preſent autrement, eſtoit, vne grande vſurpation, & leſion de l'autorité Papale. Aucuns auſſi prenoyent ſcrupule, non ſans grande apparence, que tous ceux qui auoyent aſſiſté au Decret ne fuſſent encourus en la cenſure du Canon, *Omnes diſtinct. 22.* par le preiudice qu'ils auoyent fait à vn priuilege du Siege Apoſtolic, pretendans que les Decrets Conciliaires euſſent aucune force ou valeur, auant la Confirmation d'icelui. On les excuſoit bien en quelque façon, diſant, Qu'il n'auoyent pas commandé, mais exhorté de les garder. Mais cete reſponſe ne ſatisfaifoit pas : car, garder comme loi, preſuppoſe obligation : & au Decret auſſi l'exhortation eſt adreſſée ſeulement aux Princes & Prelats, qui ſont exhortés de les faire garder : mais quant à ceux qui les doiuent obſeruer, l'obligation prealable eſtoit toute preſuppoſée : &

aussi, en matiere de foi, cete response ne pouuoit auoir aucun lieu, ce disoient ils: attendu que l'exhortation de l'Eglise, en tel cas, porte poids de commandement. L'excuse eust esté meilleure de dire que le tout auoit esté fait par le Pape, & approuué, auant mesmes qu'il eust esté publié en la Session. Mais encor ceci ne suffisoit pas: d'autant que, quoi qu'il fust bien vrai, il n'en apparoissoit point. On prit aussi suiet d'esbahissement; sur quoi donc estoit fondé le grand estrif qu'il y auoit eu entre le Concile & les Protestans, pour les choses là arrestées, lesquelles les Protestans vouloyent qu'on examinast derechef: & le Concile, que elles fussent tenues pour toutes conclues: attendu que, si elles n'auoyent leur vrai accomplissement & establissement auant la ratification du Pape, elles pouuoient bien estre reueuës: Et pour en discourir à fonds, ou le Pape, à qui il appartenoit de les confermer, le deuoit faire avec conuissance de cause, ou sans icelle. Si sans icelle, la Confirmation donques n'est qu'une vanité, & chose semblable à ce que porte le proverbe, que l'un prend la medecine & l'autre se purge. Si avec icelle, donques & le Pape lui mesmes le deuoit examiner de nouveau, & chacun aussi le pouoit faire endroit soi, pour s'en rapporter puis apres au iugement d'icelui. En somme, si la force des Decrets du Concile depend de la ratification du Pape, il s'en suit qu'auant icelle ils sont en suspens, & peuuent estre reuocqués en doute, & remis à estre plus meurement examinés: au contraire de ce qui auoit tousiours esté denié aux Protestans. La conclusion d'aucuns estoit que le Decret estoit une belle & nette declaration qu'il n'y auoit nul besoin de ratification. Les Protestans ne penserent point à ces raisons, lesquelles, autant qu'elles sont valables & fortes en la Doctrine de l'Eglise Romaine, seroient, à les employer, preiudiciables à leurs maximes & intentions. Mais, d'autant qu'en l'année mil cinq cens soixante quatre, lors que le Concile fut acheué, il fut plus amplement traité de la validité de ce Decret, ie remettrai à parler du demeurant iusques à ce temps-là.

Or, quoi que les Protestans eussent l'auantage au fait de la guerre, Maurice ce ne laissoit pas pourtant de traiter à l'amiable avec le Roi Ferdinand, & mesmes l'alla trouuer en ses propres estats pour cet effet: ne requerant autre chose, que l'eslargissement du Landgrau son beaupere, la liberté de l'Allemagne, & la paix de la Religion. Mais l'Empereur, ores qu'il ne se trouua en estat de pouoir resister, & que les armes des Protestans eussent continuellement de plus grands progrès, pensoit neantmoins tenir encor l'Allemagne sous le ioug, & ne pouuoit s'accommoder à lascher le pied de la domination qu'il auoit enuahié: à quoi toutesfois son Frere Ferdinand, apres plusieurs negociations & traités avec Maurice, s'estant transporté à Inspruck, taschoit de le persuader. Mais l'Empereur differant la resolution, les armes ennemies s'approcherent d'Inspruck, dont l'Empereur fut contraint de fuir de nuit avec toute sa Cour: & apres auoir cheminé quelque temps par les montagnes de Trente, il tourna face, & se rendit à Villach, ville de la Carinthie, assise à la frontiere des Venitiens, auant tant d'effroi, que mesmes il prit l'espouuante de ce que le Senat de Venise, pour la garde de sa frontiere, auoit fait auancer quelques troupes vers cete mesme ville: quoi que l'Ambassadeur de Venise l'assura bien à certes que ces armes estoient pour son seruice en cas de besoin. Auant son depart d'Inspruck il ellargit de prison, & mit en liberté Iean Frederick, Duc de Saxe, pour oster à Maurice l'honneur de l'auoir deliuré: ce qui aussi agreea fort à ce Prince, lequel auoit interest à tenir cete grace plustost de l'ennemi superieur, que de l'egal & concurrent. Peu d'heures apres son depart d'Inspruck, Maurice y arriua en la mesme nuit, & ne toucha à chose aucune des meubles & bagage de Ferdinand, ne des bourgeoïs, mais seulement pillá celui de l'Empereur, & de sa Cour. Les Protestans, voyans leur auantage par cete fuite, publierent vn autre Manifeste, declarans en substance, qu'ils auoyent pris les armes pour la Religión, & pour la liberté de l'Allemagne, comme les ennemis de la Verité n'auoyent eu autre visée que

Maurice traite avec l'Empereur, pour la liberté de la Religion, & de l'Allemagne, & se voyant frustré pour s'en aller par armes l'Empereur.

qui est couronné, trainé d'effroi, Iean Frederick Duc de Saxe.

1552.

Or de venir
à accorder
les deman-
des de
Maurice
Or abolir
l'Interim,
Or établir
la paix de
Religion
en Allema-
gne,

par laquel-
le aussi le
Landgraue
ne est re-
lâché,

de restablir les erreurs de la Papauté, & faire que la ieunesse en fust imbue, & y fust esleuée & nourrie, moyennant l'oppression des bons & fideles Docteurs, dont ils en auoyent emprisonné les vns, & dechasse les autres sous serment de ne plus retourner. Et quoi que ledit serment de soi-mesme fust nul, comme estant impie & contre Dieu, si est-ce que pour leur plus grande descharge, eux d'autorité les en quittoient, & les rappelloient tous, & leur commendoient de reprendre leurs charges & fonctions d'enseigner selon la Confession de Augsbourg. Cependant on poursuuiuoit tousiours au traité de paix, laquelle finalement fut conclue à Passau, au commencement d'Aoust, & tous les differens vuidés: & au fait de la Religion fut arresté, que dans six mois prochainement venans seroit assemblée vne Diete, en laquelle on traiteroit quel seroit le plus aisé & commode moyen de composer les differends de la Religion, ou vn Concile general, ou vn National, ou vne Conference, ou bien vne Diete generale de l'Empire. Qu'en icelle Diete on feroit choix d'un certain nombre de personages pieux, paisibles, & prudents, de l'une & de l'autre Religion, auxquels charge seroit baillée de consulter & proposer les moyens conuenables & expedients pour paruenir au but désiré. Que cependant nil'Empereur, ni autre, ne pourroit forcer aucun contre sa propre conscience, ou volonté, par voye de fait, ou de droit, pour cause de Religion: ne faire chose aucune au grief ou infamie d'aucun pour ladite cause: mais laisseroit viure chacun en paix & repos. Et que semblablement les Princes de la Confession d'Augsbourg ne molesteroient point les Ecclesiastiques, ne les Seculiers de la vielle Religion, ains les laisseroient iouir de leurs biens, estats, seigneuries, superiorités, iurisdiccions, & ceremonies. Qu'en la chambre iustice seroit administrée à tous esgallement, sans faire distinction de Religions, & sans exclure ceux de la Confession d'Augsbourg d'auoir leur afferante part au nombre des Assesseurs: & que la forme du serment, Par Dieu & les Saints: ou, Par Dieu & les Euangiles, seroit laissée en la liberté des Assesseurs: & des parties. Et quand mesmes on ne pourroit trouuer moyen de composition en la Religion, cete paix & accord neantmoins tiendrait & seroit stable à perpetuité. Ainsi fut annullé l'Interim, lequel aussi de fait en peu de lieux auoit esté mis en execution. Apres que toutes choses furent appointées, Philippe, Landegraue de Hessen, fut eslargi en vertu de cete composition, dont toutes les difficultés avec l'Empereur furent desmeslées, mais pourtant ne laissa pas d'y auoir guerre entre diuers Princes & Villes de l'Empire, en diuers endroits, par l'espace d'un an entier. Ainsi les Villes rappelerent les Prescheurs, & les Docteurs de la Confession d'Augsbourg, & restablirent les Eglises, les Escholes, & l'exercice de la Religion. Et quoi qu'on eust pu penser que les bans, proscriptions, & persecutions passées les eussent tous exterminés, & qu'il n'en fust demeuré que bien peu cachés sous la protection des Princes: il en repullula neantmoins tant, qu'il y en eut assez pour fournir toutes les places. La guerre empescha la conuocation de la Diete proictee, & la fit differer d'un an entier, iusques au mois de Feurier de l'année mil cens cinquante cinq, de laquelle il sera parlé en son lieu.

HISTOIRE





HISTOIRE DV CONCILE DE TRENTE.

LIVRE CINQUIEME.

SOMMAIRE.

Les raisons d'estat, qui auoyent mu Charles quint à procurer le Concile, estans cessées, iceluy demeure suspendu pour dix ans. Et pendant ce temps, Edoüart, Roi d'Angleterre, meurt, & sa sœur Marie lui succede, laquelle reduit le Royaume à l'obéissance du Pape. Une Diete est tenue à Augsbourg, pour composer les differens de la Religion. Surquoi le Pape: Jules III. meurt, & a pour successeur Marceau II. le quel remet sus le propos du Concile, mais par la soudaine mort d'iceluy, le tout est mis sous silence. Et Paul quatrieme, d'humeur haute & grande, ayant esté creé Pape, re-soit la susmission des Anglois, & érige l'Irlande en royaume. En Allemagne est fait vn Arrest de paix, & de liberté de Religion, avec grâde indignation du Pape: lequel, mal affectonné aux Espagnols, fait vne ligue avec le Roi de France, pour la conqueste de Naples. Et de plus fait vn essai de Reformation à Rome: & puis se resout au Concile, mais veut qu'il soit tenu à Rome. La treue entre l'Empereur, & le Roi de France, trouble ses desseins: & il la fait rompre par le moyen de son neveu. Et apres diuers estrifs entre le Pape, & les Espagnols, ils en viennent à guerre ouuerte, en laquelle le Pape a du pire. Charles cinquieme quitte le gouuernement, & se reduit en vn Monastere. Le Duc de Guise passe en Italie, en faueur du Pape, mais avec malheureux succès. Et pour la perte de la bataille de S. Quintin, il est contrainct de retourner en France, & le Pape forcé de s'accorder avec les Espagnols. Apres quoi, il demet ses meschans neucus de leurs cbarges, & conteste à Ferdinand la succession de l'Empire. Par la mort de Marie, Roine d'Angleterre, Elizabeth vient à la Couronne, & restablit la Reformation commencée par Edoüart. En Frâce, le Roi Henri II. meurt, & peu de temps apres le Pape Paul, en la place duquel est crée Pie quatrieme, lequel appointe le differend avec Ferdinand, & resoit de lui l'ambassade d'obéissance. Et, d'autant que les François, pour les troubles de la Religion en leur roy-

Y y

aume, propose vn Concile National, il remet sus les propos du General: la tenue duquel est de rechef arrestée à Trente, nonobstant que l'Empereur, & les François, s'opposent au lieu, & à la cōtinuation du precedent, en voulant vn tout nouveau. Le Pape publie la Bulle, & l'enuoye aux Princes. En France, le Roi François meurt, & les Reformés s'accroissent, & les supplices contr'eux sont relaschés. Es Estrais d'Orleans est demandée liberte de conscience. Apres plusieurs contestes sur la susdite Bulle, le Pape depute & enuoye des Legats à Trente: & l'affaire du Concile se reschauffe par la tenue du Colloque de Poissi, lequel toutesfois ne produit autre effet, sinon que les Prelats de France requierent au Pape la Communion du Calice: mais, par l'aduis des Cardinaux, il l'a refuse, & remet le tout au Concile, auquel il depute encor deux autres Legats: & ne veut accorder aux Polonois d'y auoir voix & suffrage, par Procureurs. En France, Tanquerel & sa doctrine, touchant le pouuoir du Pape à depousser Rois, & Princes, est condamnée. Et le Pape a signé iour à l'ouverture du Concile.

1552.
Le Pape,
pour pre-
uenir tout
nouveau pro-
pos de Con-
cile, entre-
prend vne
Reforma-
tion à
Rome:



Le Pape, se voyant, par la rupture du Concile, desgagé de grands soucis, iugea que ce seroit bien fait de preuenir les dangers d'y rechoir: & pourtant proposa en Consistoire la necessité qu'il y auoit de reformer l'Eglise: que pour cete fin il auoit conuqué le Concile à Trente: mais, qu'icelui n'ayant produit l'effet qu'il auoit désiré, à cause des accidens de la guerre, premierement d'Italie, & puis aussi d'Allemagne, la raison vouloit qu'on fist à Rome ce qui n'estoit pu faire à Trente. Et en suite ordonna vne nombreuse Congregation de Cardinaux, & Prelats, qui vaquassent à cet œuvre. Et sur le grand nombre par lui eslu, il disoit que c'estoit afin que les resolutions fussent plus meurement digerées, & eussent plus de reputation. Mais toutesfois la commune opinion fut, qu'il l'auoit fait, afin que la multitude fist naistre tant plus de traueses & d'empeschemens, & que le tout allast à neant. L'euénement verifia ces opinions: car la Reformation fut du commencement maniée avec beaucoup d'ardeur, puis proceda froidement par plusieurs mois à cause des oppositions, & en fin fut mise tout à fait sous silence. Et les années de remise du Concile, en lieu de deux, arriuerent iusques à dix, selon le dire des Philosophes, que la ou les causes cessent, cessent aussi les effets. La premiere fois le Concile auoit eue pour causes les grandes instâces de l'Allemagne, & les esperâces du monde, que par icelui seroyent gueries toutes les maladies de Chrestienté. Mais les effets, qu'on en vid sous Pape Paul troisieme, esteignirent les esperances des homes, & monstrerēt à l'Allemagne qu'il estoit impossible d'obtenir vn Concile tel, qu'elle le desiroit. La deuxieme conuocation eut vne autre cause: assauoir, l'extreme desir de l'Empereur Charles de mettre toute l'Allemagne sous le ioug par le moyen de la Religion, & rendre l'Empire hereditaire à sa maison, faisant que son fils Philippe lui succedast: & ainsi establir en Chrestienté vne Monarchie la plus grande de toutes les autres, apres la Romaine: voire mesmes plus que celles de Charles Magne. A cela ne suffisoit pas la victoire qu'il auoit gaignée, & ne pouuoit aussi peu se promettre d'en venir iamais à chef par le moyen de nouueles armes: mais bien auoit-il conceu des vaines esperances d'immortaliser son nom, en s'assuiettissant les peuples par la Religion, & les Princes par les pratiques, Ce fut là la vraye & essentielle cause de la grande instance qu'il fit enuers le Pape Iules pour la deuxieme conuocation: & des grandes sollicitations & persuasions efficaieuses, pour ne dire forcées, aux trois Electeurs Ecclesiastiques d'y aller en personne: & aux Protestans, enuers lesquels il auoit plus de pouuoir, d'y

cependant
le Concile
est sus-
sisté
par l'espa-
ce de dix
ans.

à cause que
la raison
d'estat de
Charles V.
à le desir
estoit cessée

enuoyer leurs Theologiens. Mais, pendant la tenue d'icelui, Charles, ayant par dessein mis en ialousie tous les Princes Chrestiens, rencontra les premieres trauerses & achoppemens en sa propre maison. L'affaire en alla ainsi. Ferdinand, son frere, auoit autrefois semblé acquiescer à ce que l'Empire fust commun entr'eux deux, comme il auoit iadis esté entre Marc & Lucie Antonius, avec egale autorité: le quel exemple Diocletien, & plusieurs autres du depuis ensuiuirent: pour moyener puis apres que Philippe fust élu Roi des Romains, pour succeder à tous deux: en quoi Marie, leur sœur, Roine de Hongrie, s'estoit puissamment employée enuers Ferdinand, sous couleur de la grandeur de leur maison, mais en effet en faueur de Charles. Mais du depuis icelui, mieux conseillé par Maximilien son fils, auoit commencé à changer d'aduis: en sorte que, la negotiation estant ia nouuée, & Philippe appelle par son pere pour estre reconu des Electeurs en la Diete d'Augsbourg de l'année mil cinq cens cinquantevn, Ferdinand se retira tout à fait du traité: sur quoi la Roine Marie se transporta à la Diete pour reioindre les deux freres en bonne concorde. Mais Maximilien, craignant que son pere ne se laissât gaigner par sa trop grande bonté, laissa le gouvernement des Royaumes d'Espagne, auquel l'Empereur l'auoit establi, entre les mains de sa femme, fille de l'Empereur, & s'en retourna hastiement en Allemagne: & fit tant par ses remonstrances & offices, que Ferdinand demeura ferme au desui, & Charles n'eut des Electeurs que bonnes paroles. Cete opposition rallentit l'Empereur, lequel n'esperant de pouuoir iamais obtenir l'assentiment de Maximilien, renuoya son fils en Espagne. Mais la guerre susdite estant suruenue, & lui ayant esté contraint d'accepter la composition, il quitta l'esperance de la luccession de son fils, & ensemblement mit bas la pensee de reestabli l'ancienne Religion en Allemagne: & en suite ne pensa plus au Concile, quoi qu'il demeurast encor plusieurs années apres au gouvernement. La Cour de Rome ne pensoit non plus à remettre sus le Concile, veu que nul ne lui en faisoit instance: mais bien aduintrent en ce temps des accidens, lesquels auoyent quelque apparence de rendre la suspension perpetuele, & toutesfois au secret de la prouidence diuine preparoyent les causes à la troisieme conuocation, lesquelles le fil de l'histoire requiert n'estre tenues sous silence: attendu que la conoissance d'icelle sert de beaucoup à bien fonder le fonds des effets, qui succederent apres que le Concile fut remis sus pied.

En l'année mil cinq cens cinquante trois, le Pape, voyant que, par l'alienation de l'Allemagne, la reputation de son Siege estoit fort rauallée enuers les peuples de son obeissance, pensa d'ensuiure l'exemple d'Eugene quatrieme, qui soustint sa dignité, esbranlée & abbatue par le Concile de Basse, par vne parade de Grecs, & vaine mommerie d'Armeniens, venus pour lui faire submission: & celui de Paul troisieme, de fresche date, lequel, au plus fort des contentions entre lui & l'Empereur pour la Translation du Concile, à raisō desquelles il estoit fort blasme & taxé des peuples, auoit receu avec beaucoup de ceremonies & solennités vn certain Estiene, portant nom de Patriarche en l'Armenie maieur, ensemble vn Archeuesque, & deux Euesques, venus pour le reconoistre Vicaire de Christ, & Maistre vniuersel de l'Eglise: & pour lui rendre obeissance. Iules, à l'imitation d'iceux, receut, avec beaucoup de pompe & solennités publiques, vn certain Simon Sultacai, élu Patriarche de tous les peuples, qui sont entre l'Euphrates, & l'Inde, & enuoyé par ces Eglises-là, pour estre confirmé par le Pape, Successeur de Pierre, & Vicaire de Christ. Il le fit ordonner Euesque, & de ses propres mains lui bailla en Consistoire le Manteau Patriarchal: puis le renuoya chez lui, afin que l'Eglise ne souffrist preiudice par son absence, & le fit accompagner par quelques Religieux, entendus en la langue Syriaque. Dont il aduint que, non seulement à Rome, mais aussy par tourel'Italie, on ne parloit que du nombre infini de Chrestiens, qui sont en ces quartiers-là, & du grand acquest & accroissement qu'auoit le Siege Apostolic. On fai-

1553

soit particulièrement beaucoup de discours d'un grand nombre d'Eglises en la ville de Muzal, laquelle on disoit estre l'ancienne Assur sur le fleuve Tigris, au delà duquel, non gueres loin, on mettoit l'ancienne Ninive, fameuse pour la predication de Ionas. Sous la iurisdiction de ce Patriarche on mettoit Babylone, Tauris, & Arbela, celebre pour la bataille entre Darius & Alexandre, avec plusieurs provinces & pais de l'Assyrie, & de la Perse. On y trouuoit les anciennes villes, nommées en l'Ecriture, & Ecbatane; dite Seleucie par les auteurs, & Nisibis. On contoit que ce Patriarche élu auoit esté enuoyé par tous les Euesques au Pape, pour auoir de lui la confirmation, accompagné de septante d'entr'eux iusques en Ierusalem, & de là en auant de trois, l'un desquels estoit mort, & l'autre estoit demeuré malade en chemin: & le troisieme, nommé Calixte, estoit avec lui arriué à Rome. Toutes ces choses furent imprimées, & lues avec beaucoup de curiosité. Le Pape recut aussi vn autre certain Mardere Assyrien, lacobite, enuoyé par le Patriarche d'Antioche pour recognostre le Siege Apostolic, & lui rendre obeissance, & faire la profession de la foi Romaine. Mais le monde, estant ia tout saoul du premier, se soucia bien peu de sauoir ce que c'estoit de ce deuxieme.

Or par vn
lacobite :

le Roi E-
douard
meurt en
Angleter-
re, & con-
stitue son
freres,

Mais, apres ces ombres & faux fantomes d'obeissance, que le Siege Romain acquit, il en arriua vne reale, & grandement importante, laquelle recompensa largement tout ce qui auoit esté perdu en Allemagne. Car en l'an mil cinq cens cinquante trois, le sixieme de Iuillet, mourut Edoüard, Roi d'Angleterre, age de seize ans: ayant quinze iours auparauant, avec l'approbation de son conseil, fait testament: auquel il declaroit, qu'à lui appartenoit de nommer son legitime successeur, selon les loix du royaume: & pourtant en debouoit & excluoit Marie, & Elizabeth, ses sœurs, comme nées de douteux mariage: semblablement tous les descendants de Marguerite, sœur aisnée de son pere, comme estrangers, non nés dans le Royaume: & nomma pour Roine celle qui suiuoit en rang, assauoir, Ieanne de Suffolc, niece par fille de Marie, espousée en premieres noces par Louis douzieme Roi de France, & sœur puisnée de Henri huitieme, pere d'icelui Edoüard, nonobstant que Henri lui eust substitué en son testament Marie & Elizabeth: laquelle substitution Edoüard disoit auoir esté pupillaire, & ne l'obliger point dès qu'il estoit deuenu majeur. En suite Ieanne fut proclamée Roine à Londres. Mais Marie, s'estant retirée à Nortfolc, pour la commodité de pouoir passer en France, si la necessité l'eust requis, ne l'aisa pas de se qualifier Roine, & fut finalement receuë de tout le royaume, alleguant en sa faueur le testament de Henri, & se seruant de cete raison, qu'en vn mariage contracté de bonne foi, ores qu'il fust nul, la lignée qui en est procréée est legitime. Ieanne, & ses partisans furent emprisonnés, & Marie entra dans Londres, ou elle fut receuë avec l'applaudissement vniuersel de tous, & fut proclamée Roine d'Angleterre, & de France, avec l'adlondction mesme du titre de la primauté ecclesiastique. Elle eslargit à l'instant les prisonniers, qui estoient en la Tour de Londres, par commandement de son pere, partie pour Religion, partie pour autres causes. Peu de temps apres son entrée, il s'eleua vne sedition à Londres pour vn prelateur, qui prit la hardiesse de prescher à la Catholique Romaine, & pour vn autre qui celebra la Messe. La Roine Marie, pour appaiser cet tumulte; qui estoit assez considerable, fit publier vn edit, par lequel elle declaroit; que, pour elle, elle vouloit viure en la Religion de ses Ancestres: mais pourtant ne vouloit permettre qu'on preschast au peuple autrement; qu'à l'accoustumée. Elle fut puis apres sacrée le premier Octobre, avec les ceremonies ordinaires, & visitées. Ces choses vinrent à notice au Pape: lequel, considerant que cete Roine auoit esté nourrie en la Religion Catholique, & estoit engagée és interets de sa mere, & estoit cousine germaine de l'Empereur, conceut esperance de pouoir auoir quelque entrée dans le royaume: & promptement crea le Cardinal Polus Legat, sous esperance, qu'icelui

et le Pape
lui depen-

1553.
pour Legat
Polus,

estant du sang Royal, & de mœurs exemplaires, seroit vn singulier instru-
ment pour acheminer la reduction du royaume à l'Eglise Romaine. Mais le
Cardinal, qui estoit par Arrest public banni du Royaume, & degradé de sa
noblesse, ne iugea pas qu'il fust conuenable de mettre main à la besogne,
que tout premier il ne le fust plainement informé de l'estat des affaires es-
tant bien asseuré, que la plus grande partie estoit encor affectionnée à la
memoire de Henri. Et pour tant fit secretement passer Iean François Com-
mendon en Angleterre, pour s'instruire tout à plein, & par lui mesmes es-
criuit vne lettre à la Roine, en laquelle loüant sa perseuerance en la reli-
gion es temps de trouble & d'aduersité, il l'exhortoit à continuer de mesme
au temps de prosperité, & lui recommandoit le salut des ames de ses peuples,
& le reſtaſſement du vrai seruice de Dieu: Commendon reconut toutes
choſes fort particulièrement, & mesmes trouua moyen de parler à la Roine,
quoi qu'environnée de toutes parts, & gardée: & trouua son esprit n'auoir
iamais esté aliené de la foi Romaine, & tira d'icelle promesse de faire tout
effort pour la reſtaſſer en tout le Royaume. Le Cardinal, apres auoir en-
tendu la pensée de la Roine, se mit en voyage.

Or en Angleterre, apres le couronnement, fut tenu Parlement: auquel
le divorce d'auec Catherine d'Arragon, mere de la Roine, fut declaré illi-
cite: & au contraire dit & prononcé, que le mariage, & la lignée qui en es-
toit sortie, estoit legitime: ce qui obliquement estoit reſtaſſer la primauté
du Pape, attendu que ledit mariage ne pouoit estre valable, sans la validité,
que lui donnoit la dispense de Iules deuxieme, & consequemment sans
la superiorité du Siege Romain. Il fut aussi arrêté, que toutes les ordon-
nances, faites par Edouard en matière de Religion, fuſſent caſſées & annul-
lées, & qu'on ſuiuiſt la Religion, qui estoit en vſage au temps du decés de
Henri. En ce mesme Parlement fut aussi parlé de marier la Roine, quoi
ſait de la qu'aagée de plus de quarante ans: & pour le mariage estoient nommés
trois, le Cardinal Polus, le Sieur de Courtenai, & Philippe Prince d'Es-
pagne. Polus, quoi que Cardinal, n'auoit pourtant aucun Ordre ſacré: & es-
toit du sang royal, cousin germain de Henri huitieme, du coſté de la Roſe
blanche, & neveu d'Edouard quatrieme par ſa fille. Courtenai estoit aussi
de la race royale, cousin germain de Henri huitieme, du coſté de la Roſe
rouge, neveu de Henri ſeptiesme par ſa ſœur. Tous deux ſont agreables à
la Noblesse Angloiſe, Polus pour ſa prudence, & ſaineté de vie: Courte-
nai, pour ſa gracieuſeté & douceur de mœurs. Mais la Roine leur preferoit
Philippe, tant à cauſe des pratiques de l'Empereur Charles ſon Couſin, & Philippe
que ſes inclinations estoient portées plus au ſang maternel qu'au paternel:
que pour ce que par ce mariage elle eſperoit d'aſſermir d'auantage le repos
de ſon Eſtat, & le ſien propre. L'Empereur, qui deſiroit extremement d'ac-
complir ce mariage, craignant que Polus par ſa preſence en Angleterre ne
le traueraſt, dès qu'il eut entendu qu'il y estoit député Legat, moyena par
l'entremiſe du Cardinal Dandin, Miniſtre du Pape apres de ſa perſonne,
qu'icelui ne partiſt ſi toſt d'Italie: diſant, Qu'il n'estoit encor temps, qu'un
Legat Apoſtolique ſe puſt tranſporter auec honneur & dignité en Angleterre.
Mais la Lettre de Dandin ne fit aucun effet: car le Cardinal Polus ſemit en
chenin, & arriua iuſqu'au Palatinat, là ou l'Empereur lui enuoya Diego
de Mendozze au deuant, pour le faire arreſter d'autorité. Cela ſembloit
fort eſtrange & grief au Cardinal, lequel fit de grandes plaintes, que la Le-
gation Papale fuſt ainſi entreteneue & retardée, au preiudice de la Chreſtien-
té, & du Royaume d'Angleterre: & à la ioye & plaiſir de l'Allemagne.
L'Empereur, mu de ſes plaintes, pour oſter en partie le ſuiet de tant parler
au monde, le fit aller à Bruſſelles, & l'entretint en Brabant, tant que le ma-
riage fut accompli, & toutes choſes furent accomodées à ſon gré: & pour
conſeul, l'engagea en la negociation de la paix entre ſoi, & le Roi de France.
Au commencement de l'année mil cinq cens cinquante quatre, l'Em-
pereur enuoya des Ambaſſadeurs en Angleterre, pour conſoluer le traité.

Marie re-
ſtaſſa la
Doſtrine,

1552.
*sermo, ut
 iisdem
 Primauté
 de Rome,*

& la Roine, passant tousiours plus outre en faueur de la Religion ancienne, le quatrieme de Mars publica autres loix, remettant l'vsage de la langue Latine: es Eglises, & defendant que personnes mariées n'exerçassent les fonctions sacrees, & enjoignant aux Euesques de n'exiger plus de ceux, qui estoient receus au Clergé, le serment, de reconoistre le Roi pour souverain Chef de l'Eglise Anglicane, sans que le Pape eust aucune superiorité sur icelle, n'estant autre qu'Euesque de la Ville de Rome tant seulement: selon que Henri l'auoit ordonné. Elle commanda aussi, que le formulaire de prieres, institué par Henri, auquel, entre autres choses, Dieu estoit prié de vouloir deliurer le Royaume, de la sedition, conspiration, & tyrannie de l'Euesque de Rome, fust rayé & cæcé de tous les Ceremoniaux, & qu'aucune impression n'en fust plus faite. Au mois d'Auril fut tenu vn autre Parlement; auquel fut donné l'assentiment au contract du mariage susdit. Et la Roine, en ce mesme Parlement, proposa de restituer la primauté au Pape de Rome: mais il y eut tant de résistance de la part de la Noblesse que la Roine ne le put obtenir pour lors: quoi que de vrai cete bonne Noblesse, ne s'apperceut pas qu'en vain elle denioit cete demande, puis qu'en effet tacitement elle l'accordoit par l'assentiment presté au mariage. Philippe, Prince d'Espagne, arriua en Angleterre, le dixhuitieme Iuillet, & le iour de S. Iaqués furent celebrées les noces, esquelles il prit le titre de Roi de Naples, & consumma le mariage. Au mois de Nouembre ensuiuant, le Parlement fut derechef assemblé, & en icelui le Cardinal Polus fut réintégré en toutes droits & degrés de la Noblesse; & du païs: & furent enuoyés deux person-

*Polus arriva,
 ne, & sa
 une longue
 harangue
 au Parle-
 ment ex-
 hortant à
 seruenir
 Rome,*

nages pour le conuier de venir en Angleterre, & pour l'acconduire. Il passa en leur compagnie en l'Isle, & arriua le vinttroisieme Nouembre à Londres, portant deuant soi la croix d'argent. La premiere fois, qu'il fut introduit au Parlement, en la présence du Roi, de la Roine, & tous les Estats du Royaume, il fit vne harangue en langue Angloise, par laquelle il remercia, par beaucoup d'affectueuses paroles, d'auoir esté rétabli en sa patrie: adoustant, qu'en eschange de ce bienfait il estoit venu pour les réintégrer en la Patrie & cour celeste, de laquelle ils s'estoyent forbanis en se separant de l'Eglise. Et les exhorta à reconoistre leur faute, & accepter le benefice, que Dieu leur auoyoit par le moyen de son Vicaire. A la fin de cete harangue fort longue, & pleine d'artifice, il conclut, qu'il auoit les clefs pour les introduire en l'Eglise, laquelle ils auoyent fermée à eux mesmes, par les Loix & Edits faits contre le Siege Apostolic: lesquels estans reuouqués, il leur ouuriroit les portes. La personne du Cardinal fut agréée, & apparemment fut consenti à sa proposition: quoi qu'il y eust secret la plus part abominant la qualité de ministre du Pape, & regrettaist de retourner derechef sous le ioug. Mais ils s'estoyent laissés mener trop auant, pour penser d'en retirer le pied.

*ce qui est
 fait solen-
 nellement,*

Le iour ensuiuant fut prise en Parlement deliberation de la réunion avec l'Eglise Romaine: & la maniere, en fut, par arrest public, ordonnée en cete sorte. Qu'au nom du Parlement seroit dressée vne requeste, en laquelle seroit déclaré, qu'ils estoient grandement repentans d'auoir denié obeissance au S. Siege Apostolic, & d'auoir consenti aux Arrests faits contre icelui: promettans de moyener pour l'auenir que toutes ces loix & edits fussent abolis: & supplians le Roi, & la Roine, d'interceder pour eux, à ce qu'ils fussent absous des delits, & censures, & remis au giron de l'Eglise, comme enfans repentans, pour seruir à Dieu, en l'obeissance du Pape & du Siege Romain. Le dernier Nouembre, iour de S. André, le Roi & la Roine, le Cardinal, & tout le Parlement, estans assemblés, le Chancelier demanda à tout le corps du Parlement, S'il lui plaisoit qu'on requist pardon au Legat, & qu'on retournast à l'vniom de l'Eglise, & à l'obeissance du Pape, supreme Chef d'icelle. Aucuns crierent qu'Oui: autres se turent: mais nonobstant cela, la requeste fut au nom de tout le Parlement présentée à leurs Maiestés, qui la firent publiquement lire, & apres se leuerent de leurs sieges pour en aller prier le Legat: lequel aussi se leua de son costé pour leur aller au

deuant, & se monstra fort prompt à leur complaire: &, apres auoir fait lire le pouuoir qu'il auoit du Pape, il discourut combien estoit agreable à Dieu la repentance, & quelle estoit la ioye, qu'auoyent alors les Anges pour la conuerſion du Royaume. Là deſſus ils se mirent tous de genoux: & lui, ayant imploré la misericorde de Dieu, leur donna l'absolution. Cela fait, il alla avec toute la multitude, en l'Eglise, rendre graces à Dieu. Le iour ensuiuant fut deputée Ambassade au Pape, pour lui preſter obeiſſance: & à icelle furent nommés & elus Antoine Brouan, Viſconte de Montaigu; & Thomas Turlbei, Eueſque d'Éli; & Edouïard Cerne, lequel autresfois auoit eſté Ambassadeur à Rome pour Henri huitieme: auquel aussi fut baillé charge de s'arreſter à Rome, pour Reſident & Ambassadeur ordinaire. La nouuelle de tout ceci alla promptement à Rome: & en furent faites plusieurs proceſſions, non ſeulement en cete ville-là, mais aussi par toutel'Italie, pour rendre action de graces à Dieu.

Le Pape approuua & ratifia tout ce qu'auoit fait & geré son Legat, & le dont le Pape vintquatrieme Decembre enuoya par tout vn Iubilé, en la bulle duquel il pe ^{publie vn Iubilé,} allegoit pour cause d'icelui, Que, comme à Pere de famille, il lui estoit conuenable, au recouurement du ſils prodigue, non ſeulement de faire vne ioye domestique, mais aussi de conuier tous vniuerſellement à la meſme iubilation. Louant & magnifiant en outre les actions du Roi & de la Roine, & de tout le peuple Anglois. Le Parlement conuier en Angleterre iuſques à la mi Ianuier de l'année mil cinq cens cinquanteſein: & en icelui furent renouelés tous les anciens Edits des Rois touchant la punition des heretiques, & la Iuriſdiction des Eueſques, & fut le Primat, avec toutes ſes preeminences, reſtitué au Pape de Rome, & rous les Arreſts contraires faits vint ans auparavant, tant par Henri, que par Edouïard, caſſés & abolis: & faites ^{en Anz} nouueaux Arreſts portans peine de mort contre les heritiques: & plusieurs, ^{glorie ſie} sur tout entre les Eueſques, qui se monſtrerent conſtans au renouellement reuoké, executés en ſuite par ſupplice de feu: tant qu'il eſt certain ^{exercé, plus} qu'en cete année-là furent brulés, pour cause de Religion, cent ſeptant-ſeulx perſonnes de qualité, outre vn tresgrand nombre du bas populaire: ^{ſieurs ſup-} ce qui offensa grieuement ces peuples, qui s'indignerent aussi de voir com- ^{pliques con-} ment Martin Bucer, & Paul Fagius, decedés quatre ans auparavant, furent, ^{tre les Re-} comme s'ils estoient encor enuie, cités, & condannés: & puis leurs corps deterrés, & brulés. Action, qui par aucuns fut louée, comme faite en eſchange & vengeance de ce que Henri huitieme auoit fait contre S. Thomas de Canturberi: mais par les autres comparée à l'execution faite par Eſtience ſixieme, & Sergius troiſieme, Papes, contre le corps de Formoſus.

En ces meſmes temps plusieurs furent aussi brulés en France pour cause ^{commu} de Religion: non ſans deſpit & indignation des gens de bien, qui ſauoyent, ^{auſſi en France} que les pourſuites, qu'on faiſoit contre ces pources gens, n'estoyent point cauſées de zeſe de religion, ou de pieté, mais de l'inſatiable cupidité de Diane de Poitiers, Duchefſe de Valentinois, concubine du Roi, lequel lui auoit donné pour vne fois toutes les conſifcations des biens, faites en son royaume pour cause d'heresie. Mais d'ailleurs on fut bien eſbahî, que ceux de la nouuelle reformation, mirent aussi la main aux ſupplices pour cause de Religion. Car Michel Seruet, de Tarraſcon en Eſpagne, de Medecin deuenu ^{Seruet} Theologien, ayant renouelé l'ancienne opinion de Paul Samofatenien, ^{brulé à Geneue,} & de Merceau Ancyran, que le Verbe diuin n'eſt pas vne ſubſiſtance, & que Chriſt eſt purement & ſimplement homme: fut pour cete cause executé à mort en la ville de Geneue, de l'aduiſ & conſeil des Miniſtres de Zurich, de Berne, & de Schaffuſe. Et Iean Caluin, lequel de ce fait estoit chargé par plusieurs, eſcriuit vn liure, par lequel il ſouſtenoit que le Magiſtrat peut punir les heretiques à mort. Mais, ſelon que le nom d'heretique eſt plus ou reſtreint, ou eſlargi, ou meſmes diuerſement pris, cete doctrine aussi peut eſtre tirée à diuers ſens, & peut en vn temps nuire à tel, auquel en vn autre elle auroit porté du benefice.

1555.
le Roi Fer-
dinand fait
vn Edit
contre la
Religion
Protestante
en festes-
res,

fait pu-
blier vn Ca-
techisme,

ce qui est
improuué à
Rome,

là où on
trouue bon
de laisser
aspirer &
mourir tou-
te mercurion
de Concile:

Diete à
Augsbou-
rg pour compo-
ser la Re-
ligion,

Au mesme temps Ferdinand, Roi des Romains, publia vn Edit à tous les peuples de son obeissance, qu'és choses de la Religion, & és ceremonies, ils n'eussent à faire aucune innovation: mais eussent à suiure les anciennes coutumes: & particulièrement en la sainte communion eussent à se contenter de receuoir le seul Sacrement du pain. Et, quoi que les Seigneurs, & la Noblesse, & plusieurs des Villes, le suppliasse de leur permettre au moins l'vsage du Calice, disant, Que Iesus Christ l'auoit ainsi ordonné, & qu'il n'estoit loisible aux hommes de changer son ordonnance: & que l'vsage de l'Eglise ancienne auoit esté tel, selon que le Concile de Constance mesmes l'auoit confessé: & de ne point greuer leur conscience, ains de conformer son commandement aux ordonnances des Apostres, & de l'Eglise ancienne: lui promettans au demeurant toute submission, & obeissance: Ferdinand toutesfois demeura fixe & roide en sa resolution: & leur respondit, Que son commandement n'estoit point nouueau, mais vn ordre ancien, pratiqué par ses Ancestres, Empereurs, Rois, & Ducs d'Austriche: mais, que c'estoit bien chose nouuele que l'vsage du Calice, introduit seulement par curiosité, ou par orgueil, contre la loi de l'Eglise, & l'autorité de son Prince. Il ne laissa pas pourtant de moder la rigueur de cete response, leur accordant que, puis qu'il s'agissoit des choses appartenantes au salut, il y penseroit encor plus meurement, pour leur rendre response en temps & lieu: mais que cependant il attendoit d'eux obeissance, & obseruation de son Edit. Il fit aussi publier le quatorzieme Aoust vn Cathechisme, composé de son autorité & commandement, par quelques Theologiens de sauoir & pieté: commandant à tous les Magistrats de ses païs de ne permettre aux maîtres d'eschole, ni en public, ni en priué, de lire autre Cathechisme que cetui-là: attendu que par plusieurs tels petits escrits, qui courroyent, la religion auoit esté grandement depraüée en ces païs-là. Cete ordonnance fut fort mal prise à la Cour de Rome, parce qu'elle n'auoit point esté enuoyée à Rome, pour y estre approuuée: ou, du moins, n'estoit point sortie en lumiere sous le nom des Euesques du païs: ains le Prince seculier auoit en pieté l'office de faire composer, & d'autorizer liures en matiere de Religion, & sur tout sous le nom de Cathechisme: ce qui ne marquoit autre chose, sinon qu'il appartient à la puissance seculiere de deliberer & arrester quelle Religion le peuple doit tenir, & quelle reietter.

Passés les deux ans de la suspension du Concile, il fut traité au Consistoire de ce qui estoit à faire: car, combien que le Decret de la suspension portast la condition, que le Concile fust remis sus, cas aduenant que les empeschemens fussent oistés; lesquels pour lors duroient encores par les guerres de Siene, de Piemont, & autres, entre l'Empereur, & le Roi de France: si est-ce qu'il sembloit que tout esprit remuât auoit encor de quoi repliquer, que ce n'estoyent pas empeschemens suffisans, pour faire que le Concile ne s'entendist remis sus pied, & que pourtant il seroit bon d'en faire vne nouuelle declaration, & se desineler de tous ces dangers. Mais autres, plus prudens, conseillerent qu'on ne remuast point le mal dormant: & que, pendant que le monde se taisoit, & que nul Prince ni peuple ne demandoit Concile, il n'estoit point expedient d'en sonner: mor, ne de monstrer de le craindre, ce qui ne feroit qu'inciter queleun à le requerir. Ce conseil l'emporta, & fit resoudre le Pape à n'en parler iamais plus.

Oren l'année mil cinq cens cinquantecein fut tenue vne Diete à Augsbou-
bourg, intimée par l'Empereur, principalement pour composer les differends de la Religion, comme estant là la source de tous les troubles, & calamités d'Allemagne, avec, perte non seulement de la vie de plusieurs milliers d'hommes, mais aussi des ames. Ferdinand fit l'entrée de la Diete, au nom de l'Empereur, le cinquieme Feurier: & en icelle representa par vn long discours le lamentable spectacle de l'Allemagne: en laquelle hommes d'vn mesme Baptisme, d'vne mesme langue, d'vn mesme Empire, estoient distraits en tant & tant de diuerses professions de foi, & de sectes qui naissoient

naïssioient & pululoient tous les iours : ce qui non seulement tournoit au grand deshonneur de Dieu, & confusion des esprits des hommes : mais cau-
soit aussi vne telle incertitude de creance au peuple, & mesmes en plusieurs
des principaux d'entre la Noblesse, & des autres estats, qu'ils habitoient
leurs esprits à estre sans foi, dont ils ne faisoient plus aucun conte d'hon-
nesteré, ne de conscience, en leurs actions, ce qui abolissoit tout commerce
& societé : en sorte qu'au temps present l'Allemagne en se pouuoit vanter
d'estre meilleure que les Turcs, & autres peuples Barbares dont aussi Dieu
l'auoit affligée de tant de calamités. Et pourtant, qu'il estoit nécessaire de
prendre à cœur, & en main l'affaire de la Religion. Qu'au temps passé il a-
uoit semblé que l'vnique remede estoit le Concile general, libre & saint : at-
tendu que, puis que la cause de la Religion est commune à tous les peuples
Chrestiens, il est raisonnable qu'elle soit traitée par tous generalement :
l'Empereur s'estoit employé à cela de toutes ses forces, & auoit moyené
plus d'vne fois qu'icelui fust conuocé : mais le temps & le lieu ne portoyent
pas de dire, pour quelle cause de ce remede n'estoit sorti aucun fruit, & bon
effet : que chacun le pouuoit assez sauoir de ceux qui y auoyent assisté : que
si toutesfois il leur plaisoit d'essayer encor vne fois ce remede, il faudroit
commencer d'en traiter, ostant les empeschemens, qui par le passé auoyent
fait destriquer du but désiré. Que si aussi, pour les accidens qui se presen-
toient, ils estimoyent de le deuoir différer à vn autre temps, on pourroit
aduiser à d'autres moyens. Quant au Concile National, attendu qu'en ce
temps ni le nom, ni la maniere, ni la forme, n'en sont plus en vſage, on ne
s'auoit comment s'en seruir. Que la voye des Conferences, tant de fois es-
sayée, n'auoit produit aucun bon fruit : pource que les deux parties auoyent
plustost regardé à leurs commodités & interets particuliers, qu'à la pieté &
au bien public. Que toutesfois encor ne la faisoit-il pas mespriser en ce
temps, pourueu seulement qu'on voulust despouiller l'obſtination des pas-
sions particulieres, & priuées : & que pour lui il conseilloit d'en faire encor
vn essai, si tant estoit que la Diete n'en proposast quelque autre meilleure.

Cette proposition, ensemble les autres, concernans la paix, & la guerre
contre les Turcs, faite par Ferdinand, fut imprimée, afin qu'elle courust
par l'Allemagne, & seruiſt pour vne semonce à la Diete, à laquelle peu
estoyent allés. Mais elle fut finistrement interpretée, à cause de l'Edit, pu-
blié par lui mesmes en ses propres Estats, bien contraire à cete proposition :
& encor plus pour l'execution, qu'il en auoit faite, par laquelle il auoit de-
chassé plus de deux cens Ministres de Boheme. Elle fut portée aussi à Rome,
là ou le Pape, maudissant, à son accoustumée, les Conferences, & les in-
uenteurs d'icelles, se plaignoit de ne pouuoir trouuer aucune issue à ces
difficultés, & d'estre obligé à auoir tousiours quelque Concile, ou Colloque,
ou Diete sur le dos. Il maudioit ses temps pleins de tant d'angoisses, & haut
louoit les siecles passés esquels les Papes pouuoient viure en repos d'esprit,
sans estre tousiours en doute de leur autorité. Toutesfois encor receuoit, il
quelque consolation par les nouueles d'Angleterre, touchant l'entiere su-
iſſion de ce Royaume là à son obeissance, & les Arrests faits en sa faueur : &
par les lettres de remerciement qu'il auoit receuës, portans promesse que
bien tost vne solennelle Ambassade iroit pour le remercier en personne de
sa paternelle clemence, & benignité, & pour lui preſter & promettre obe-
issance : de quoi tout ioyeux, il ne pouoit se cōtenir de gaudir, diſſant, Que
quoy qu'il y eust, il iouïſſoit encor d'vne partie de cete facilité ancienne, te-
noyât remercié par ceux qui beaucoup plus le deuoient estre par lui mesme.

Mais, pour les affaires d'Allemagne, combien qu'il en eust bien peu d'es-
perance, toutesfois, afin qu'il ne semblast de les negliger tout à fait, & aussi
pour auoir tousiours l'œil au guet à toutes les ouuertures qui se pourroyent
faire pour trouuer moyen de reduire les deſuoyés à l'Eglise, il enuoya à la
Diete Imperiale le Cardinal Moron pour Legat : avec inſtruction de mettre
tousiours au deuant l'exemple d'Angleterre, & par icelui exhorter l'Alle-

*en icelle
est proposée
l'ardeur de
ne Confe-
rence,*

*deſſſé par
le Pape,*

*qui se con-
ſule, &
quant &
quant se
raille des
Anglois,*

*en uoye
Moron en
Allensme,*

1555.
 & puis
 meurt :

En sa
 place est élu
 Marceau
 deuxième
 de naturel
 ferme, &
 seur,

qui reme-
 sus le pro-
 pos du Con-
 cile, & d'
 ne R. for-
 mation de
 la Cour, &
 quelle il
 sage mil-
 l'enceffas-
 re,

dont les in-
 gémens font
 d'iners :

magne à reconnoître sa faute, & à recevoir la mesme medecine, & sur tout, de diuertir toute conference & traité de Religion. Le Cardinal ne fut pas plustost arriué à Augsbourg, que le Pape Iules mourut : dont il eut aduis huit iours apres son arriuée. Et pourtant le huitieme Mars il partit, avec le Cardinal d'Augsbourg, pour se trouuer à l'election du nouveau Pape.

Mais, auant leur arriuée à Rome, le neufuisme Aueil, fut crée Pape Marceau Ceruin, Cardinal de S. Croix, personnage d'un naturel graue, & seuer, & d'un ferme courage : duquel il voulut donner essai en la premiere action de son Pontificat, retenant son propre nom ancien pour signifier par là au monde, que, par la dignité acquise de nouveau il n'estoit point changé : qui estoit droitement le contrepied, de ce que ses predecesseurs auoyent des long temps pratiqué. Car, dès qu'on eut commencé à changer les noms aux Papes, à cause des Allemands promus au Papat, lesquels portoyent noms estranges & rudes, inconnus aux oreilles Romaines, les Papes suiuaus, quoi que d'autres nations, garderent tousiours la mesme coustume de changer leurs noms, pour marquer par là d'auoir changé leurs affectiōns priuées en pensées publiques, & diuines : en lieu que ce Pape, pour monstrier que mesmes en sa condition priuée il auoit tousiours eu & nourri pensées & esprits dignes du Papat, voulut retēir le mesme nom, & par là protester au monde qu'il estoit immuable. Il fit encor vne autre action de mesme nature : c'est, que les Articles dressés au Conclau lui estans presentées, pour les iurer, il respondit, Qu'il estoit le mesme, qui les auoit iurés peu de iours auparauant, & les vouloit garder par effets, & non par promesses. La semaine sainte, qui se celebroit lors, & les prochaines festes de Pasques, firent que le Pape, par son assiduité aux ceremonies Ecclesiastiques, fut saisi d'une grosse maladie : & ne laissa pas pourtant d'auoir tousiours ses pensées arrestées aux choses, lesquelles il auoit concertées avec plusieurs Cardinaux auant son Pontificat, auquel il auoit tousiours preface de deuoir monter. Il conféra particulièrement à celui de Mantouë son dessein de composer les differens de la Religion par un Concile : ce qu'il disoit iamais n'auoir en bonne issue, à cause qu'on y auoit tenu vne voye mal propre. Qu'il estoit nécessaire de faire au preallable vne entiere Reformation, par laquelle les differends réels seroyent appointés. Ce qu'estant fait, les controuerses de paroles en partie cesseroyent d'elles mesmes, en partie seroyent aisement accordées par le Concile. Que ses predecesseurs, par cinq successions consecutives, auoyent abhorre mesmes le nom de Reformation, non à mauuaise fin ; mais par vne persuasion, qu'icelle estoit mise en champ à intention de raualer l'autorité Papale. Mais que, pour lui, il estoit d'une opinion bien contraire : c'est, qu'il n'y a chose plus propre à la conseruer que la Reformation, voire mesmes que c'est le vrai moyen de l'accroistre : ce qui se verifioit par l'exemple des histoires passées, esquelles chacun peut voir que les seuls Papes, qui se sont appliqués à la Reformation, ont surhaussé & accru l'autorité Papale. Que la Reformation n'estoit que de choses apparentes, & vaines, qui non seulement n'estoyent d'aucun relief, mais estoient mesmes de despenſe & de charge : comme sont le luxe, les pompes, les grands traints & suites des Prelats, les despenſes excessiues, superflues, & inutiles : lesquelles choses, bien loint qu'elles acquerirent maiesté & veneration, au Papat, qu'au cōtraire elles le rendent contemptible. Et que ces vanités estans retranchées, la vraye puissance, la reputation, & creance enuers le monde, l'argent & les autres nerfs & moyens du gouuernement, s'en accroistroyent : mais, par sur tout, la protection diuine, de laquelle chacun, qui procede conformément à son deuoir, se doit tenir pour assuré.

Ces desseins furent publiés par la Cour de Rome, & estoient, par les affectiōnnés du Pape, releués & parés de titres glorieux de pieté, d'amour, de paix, & d'affection à la Religion. Mais il ne laissoit pas d'y en auoir d'autres, qui leur donnoient des sens bien sinistres, disant, Que le Pape n'y auoit aucun bon but : qu'il se fondoit sur predictions Astrologiques, ausquelles il e-

estoit tout adonné, suiuant en cela les traces de son pere, lequel pour cete
 profession auoit esté aggrandi: qu'icelles quelques fois de vrai reüssissent,
 soit par aduenture, soit pour autre cause: mais aussi le plus souuent sont
 occasion de precipice & de ruine à plusieurs. Entre les choses, que le Pape
 auoit proiettées, celle-ci en estoit l'une, d'eriger vne Religion de cent, en
 forme d'ordre de Cheualerie, dont il vouloit estre le Chef, & en faire le
 choix, en les triant de toutes religions, & estats: & que chacun d'iceux eust
 cinq cens escus par an de la Chambre Apostolique, & qu'ils fissent vn so-
 lennel & fort estroit serment de fidelité au Pape: & qu'ils ne pussent estre
 promus à autres degrés, ni mesmes acrus de plus grands reuenus: seule-
 ment pussent, pour leurs merites, estre creés Cardinaux, sans toutesfoi-
 sortir hors de la Compagnie. De ceux-ci il en pretendoit faire ses Nonces,
 les Ministres de ses negociations, les Gouverneurs de ses places, ses Legats:
 & en somme les employer à tous les seruices du S. Siege. Et plusieurs hom-
 mes de saouir, demeurans à Rome, & de sa conoissance, estoient ia nom-
 més, & d'autres aussi s'auançoient pour auoir cet honneur. La Cour de
 Rome estoit toute plaine de plusieurs nouveautés qu'on attendoit de ce
 Pape, quand le fil en fut soudainement tranché par la mort d'icelui: car, e-
 stant fort affoibli de trauail du corps, à cause des longues & penibles cere-
 monies, comme il a esté dit, il fut accueilli d'un accident d'apoplexie, qui
 l'emporta, avec tous ses desseins, & mourut le dernier du mois, sans auoir
 pu verifier les autres predicions de son pere & siennes, lesquelles s'esten-
 dirent derechef en Conclau: & là le Cardinal d'Augsbourg, seconde par
 le Cardinal Moron, fit grande instance, qu'entre les Articles, qu'on a ac-
 coutumé de dresser, & de faire iurer aux Cardinaux, fust couché, Que le
 Pape futur conuoqueroit dans le terme de deux ans prochainement venans
 vn autre Concile, pour paracheuer la Reformation encommencée, pour
 decider le demeurant des controuerses de la Religion, & pour trouuer
 moyen de faire receuoir à l'Allemagne le Concile celebré à Trente. D'a-
 uantage fut aussi capitulé, que le College des Cardinaux estant ia fort nu-
 mereux, le futur Pape n'en pourroit de deux ans creer plus de quatre nou-
 ueaux. Apres cela fut creé le vingttroisieme du mois ensuiuant, Iean Pier-
 re Carraffe, lequel prit le nom de Paul quatrieme. Les Prelats Imperiaux
 s'opposerent de tout leur pouuoir à son election: d'autant qu'il estoit en es-
 ttime de n'estre pas ami de l'Empereur, pour des anciens mescontente-
 mens qu'autrefois, du viuant de Ferdinand Roi Catholique, receus en la
 Cour d'Espagne, ou il auoit serui huit ans en la charge de grand chapelain
 du Roi: & pour le refus qui peu d'années auparauint lui auoit esté fait de
 la possession de l'Archeuesché de Naples, à cause de la commune inclina-
 tion des Barons Neapolitains enuers sa personne. Ils pretextoient des rai-
 sons de la seuerité, & tetricité de ses mœurs & naturel, laquelle de fait es-
 toit telle, que toute la Cour de Rome fut contristée de son election, & en
 prit plus de frayeur de reformation qu'elle n'auoit iamais fait par le passé,
 par tous les traités du Concile. Mais, il changea bien tost de style: car à l'in-
 stant qu'il fut creé, il quitta cete seuerité de vie à l'esgard de sa personne,
 & de sa maison: tellement que son Maistre d'hostel lui demandât, comment
 il lui plaisoit d'estre serui, il respondit, Comme il conuient à vn grand
 Prince. Et voulut estre couronné avec plus de pompe qu'à l'acoustumée,
 de sorte qu'il n'en est point de memoire de semblable: & en toutes ses actions
 il affectoit de tenir magnifiquement son rang, & de paroître pompeux, &
 sonptueux: & enuers les neueux & parens il se montra autant indulgent
 que aucun Pape precedant. Enuers les estrangers il se contraignoit bien à
 cacher son humeur feure & rebourse, & monstroît au commencement
 beaucoup d'humanité & de douceur: mais en peu de temps il reprit les pre-
 mieres erres de son naturel.

Il prit à grand gloire, que le premier iour de son Pontificat arriuerent à

1555. Rome les trois Ambassadeurs Anglois, qui auoyent esté despeschés sous le
bas Pape Iules, comme il a esté dit ci-deuant. Le premier Consistoire, apres le
Anglois couronnement, fut public : & en icelui furent introduits ces Ambassadeurs,
qui lui fait lesquels, proternés à ses pieds, au nom du royaume, confesserent & con-
route sub- dannerent leurs fautes passées, les denomb rant vne à vne, (car ainsi le vou-
mission luit le Pape) adouüans de s'estre rendus indignes des bienfaits infinis, qu'ils
erice l'ir- auoyent receus del'Eglise, dont humblement ils demandoient pardon. Le
lande en Pape le leur ottroya, & les leua de terre, & les embrassa, & en honneur du
Royaume Roi & de la Roine, donna titre de Couronne royale à l'Irlande : disant de
 leur conferer cete dignité par l'autorité, que le Pape a de Dieu, d'estre
 au dessus de tous les royaumes, pour defraciner & arracher les rebelles, &
 en fonder & planter des nouueaux. Les hommes de iugement, qui pour
 lors ne fauoyent point la vraye cause de cete action, iugerent que c'estoit
 vne pure vanité : d'autant qu'il n'y a aucun acquest de puissance, ne d'hon-
 neur à vn Roi, d'auoir plusieurs titres au païs qu'il possede : comme le Roi
 Tres-chrestien est plus honoré par le seul titre de Roi de France, que si son
 estat estoit diuisé ou distingué par autant de titres royaux, qu'il a de pro-
 uinces. Aussi peu sembloit en cest temps-la opportun de dire, Que le Pape
 a autorité de par Dieu d'arracher & de planter des royaumes. Mais ceux,
 qui fauoyent la vraye cause, ne tinrent point le fait pour simple vanité, ains
 pour vn secret d'estat, vité des long temps. Henri huitieme, apres s'estre
 par vnere-
ble a'e- separé du Pape, erigea l'Irlande en Royaume, & se nomma Roi d'Angle-
stai pour terre, de France, & d'Irlande. Ce titre fut continué par Edoüard, & puis
maintenir pris par Marie & Philippe son mari. Le Pape, incontinent apres sa creation,
son auto- resolut qu'en toutes sortes ce titre de Roi d'Irlande fust quitté par le Roi,
rité. & par la Roine : affermant fort absolument & à certes, qu'il n'appartenoit
 qu'à lui de donner titre Royal. Mais il sembloit bien mal-aise d'induire
 l'Angleterre à quitter vn titre, lequel deux Rois auoyent desia porté, & le-
 quel la Roine, sans y penser plus auant, auoit continué de prendre. Le Pa-
 pe donc y trouua ce temperament, de dissimuler de fauoir ce que Henri
 auoit fait, & cependant d'eriger lui mesmes l'Irlande en Royaume : car
 ainsi faisant, le monde pourroit croire, que le titre estoit porté par la Ro-
 ine, comme par don du Pape, & non par ordonnance & arrest de son pere.
 Ainsi souuent les Papes ont donné ce qu'ils ne pouuoient offer aux posses-
 seurs, lesquels aussi de leur costé, pour euer les debats & contentions,
 partie ont receu leurs propres biens en don, partie aussi ont dissimulé de fa-
 uoir le don & les pretentions du donneur. Or és deuis priés qu'il eut auec
 enioint aux
Ambassa- les Ambassadeurs, il blasma que tous les biens de l'Eglise n'eussent esté en-
que les biens tierement restitüés : disant, Que cela n'estoit aucunement tolerable, &
Ecclesiasti- qu'en toutes sortes il estoit necessaire de les recouurer tous, iusques à la
stici seyeu valeur d'vn quadrin : d'autant que les choses de Dieu ne peuuent iamaïs re-
tous ren- tourner à vsages humains : & qui retenoit la moindre parcelle de ces biens
du, estoit en perpetuel estat de damnation. Que s'il estoit en son pouoir d'en dis-
 poser, il leur donneroit trespromptement, par affection paternelle, & pour
 l'experience qu'il auoit faite de leur fidele obeissance : mais que son autho-
 rite ne s'estendoit pas à pouoir profaner les choses consacrees à Dieu : &
 quel Angleterre deuoit estre persuadée, que cela seroit vn Anatheme &
 vne gangrene, qui la rongeroit continuellement, & la rendroit tousiours
 miserable, par la vengeance diuine. Il en chargea les Ambassadeurs d'en
 escrire tout promptement : & non content d'en auoir parlé vne fois, à tou-
 tes occasions repliquoit le mesmes. Il leur dit aussi tout rondement, qu'au
 plus tost on mist ordre à remettre en vsage l'exaction du denier de S. Pierre,
 & qu'à cete fin il enuoyoit vn exacteur, selon l'ancienne coustume. Que lui
 mesmes auoit autres fois esté enuoyé en Angleterre à cet effect, ou il auoit
 exercé cete charge d'exacteur par l'espace de trois ans, avec beaucoup d'e-
 dification, voyant la promptitude & franchise du peuple, & sur tout des
 gens du vulgaire : il leur inculquoit, qu'ils ne pouuoient esperer que Saint

comme ains-
 si le denier
 de Sai. i. p.
 PENTE,

Pierre leur ouurist le Ciel, pendant qu'eux lui vsurpoyent ce qui lui appartenoit en terre. Le rapport en estant fait à la Roine, ensemble plusieurs autres offices & instances continuées sans relasche, firent qu'elle s'employa à ce que la cela de tous les sens. Mais d'autant que plusieurs de la Noblesse, & sur tout des plus grands, auoyent incorporé & approprié plusieurs reuenus Ecclesiastiques à leurs maisons, la chose ne put estre effectuée. Mais, bien restituée de sa part tous les dismes, & tous & chacuns les biens Ecclesiastiques, qui qui auoyent esté appliqués au fisc par ses pere, & frere. Les Ambassadeurs partirent de Rome, chargés des louanges & faueurs du Pape, pour l'humilité & submission, qu'ils auoyent rendue, qui estoit le vrai moyen d'acquiescer aisément ses bonnes graces.

Incontinent apres la creation du nouveau Pape, les Imperiaux & les François le cheualerent à l'enui, pour le tirer chacun à son parti. Mais le Cardinal de Lorraine qui auoit pénétré iusques au fonds de son humeur, le raffermie en l'affection de la France: lui disant en plein Consistoire, outre divers offices, faits en particulier, Que le Roi reconnoissoit que l'Eglise Gallicane auoit besoin de Reformation: & qu'il estoit tout prest de prester toute aide & faueur à Sa Sainteté, soit par l'enuoi de ses Preslats au Concile, si elle le iugeoit ainsi, soit par quelque autre voye, qui lui sembleroit la plus propre.

Cependant fut poursuiue la Diete en Allemagne, non sans debats & Contestes, lesquelles encor auroyent bien esté plus grandes, si le Cardinal Moron fust demeuré là present: tant à cause des offices qu'il auroit faits, que pour les ombrages & desiances, que les Protestans auoyent desia conceus en leurs esprits, qu'il n'estoit enuoyé à autre fin que pour s'opposer à leurs aduantages. Et ia publioit-on par tout, que Rome estoit toute pleine d'esperance de mettre bien tost l'Allemagne sous le ioug, comme elle auoit fait l'Angleterre. Apres que le Legat fut parti, la premiere difficulté, qui se presenta, fut, Si auant toutes autres choses, il falloit traiter des affaires de la Religion. Les Ecclesiastiques du commencement s'y opposoyent: mais en fin il fut resolu par le consentement cōmun, qu'on cōmenceroit par là: & y eut deux propositions & aduis contraires: l'un qu'on traitast des moyens de la reformer: l'autre, qu'on la laissast en la liberté de chacun. Sur quoi il y eut grand debat. Mais finalement il sembla que tous enclinassent au second aduis, ne sachant trouuer aucune medecine, qui fust suffisante pour destraciner tout à fait le mal encor esmu, & irrité: mais bien esperant que, les humeurs estans calmées, & les desiances, eltrifs, & soupçons escartés, se pourroyent decouurer plusieurs voyes aisées & commodés: que pour cete cause il estoit necessaire d'establiir auant main vne bonne & ferme paix, ordonnant que pour cause de Religion ne fust plus faite aucune guerre, & qu'il fust loisible à chacun d'entre les Princes, & autres Estats de l'Empire, de suiure & faire obseruer en ses terres & seigneuries, ce qui mieux leur agréeroit au fait de la Religion. Mais, quand on fut sur le point de boucler cete resolution, les debats s'esleuerent encor plus grands. Car ceux de la Confession d'Augsbourg pretendoyent, qu'il fust indifféremment loisible à tous d'accepter leur doctrine, sans perdre les honneurs, degrés & estats qu'ils possedoyent. A l'opposite, les Catholiques ne vouloyent point qu'il fust permis aux Ecclesiastiques de changer de Religion, retenant le degré: mais que si vn Euesque, ou vn Abbé embrassoit l'autre Religion, qu'il perdist sa dignité. Ne vouloyent point aussi qu'il fust permis aux Villes, qui ia des sept années auoyent receu l'interim, de retourner à la Confession d'Augsbourg.

Il se passa plusieurs escrits d'une part & d'autre, sur ce suiet: mais en fin l'une & l'autre partie relascherent de la rigueur. Les Ecclesiastiques se contentent que les Villes fissent à leur bon plaisir, & les Protestans cederent au fait des Ecclesiastiques: & le vintcinquieme Septembre fut fait le Recès, dont la teneur estoit, Que pour terminer legitimement les affaires de la Religion vn Concile General ou National estoit necessaire: mais icelui ne se pouuant conuoquer pour plusieurs difficultés, que, iusques à ce qu'il

1555.

s'ouurist quelque porte d'une amiable composition de Religion pour toute l'Allemagne, cependant ne l'Empereur, ne le Roi Ferdinand, ne les Princes & Estats Catholiques, ne pussent forcer les Princes, & Estats de la Confession d'Augsbourg à quitter leur Religion, & les ceremonies ia establies, ou à establiir en leurs estats & seigneuries: ni faire ou entreprendre chose quelconque à leur infamie, & mespris: ne les empescher au libre vſage & exercice d'icelle. Qu'au reciproque ceux de la Confession d'Augsbourg eussent à se porter de meſme enuers l'Empereur, le Roi Ferdinand, & les autres Princes & Estats de l'anciēne religion; tant Ecclesiastiques, que Seculiers, & qu'il fust loisible à chacun d'establiir en son Estat la Religion qui lui plairoit, & defendre l'autre. Que si aucun Ecclesiastic quittoit la vielle, qu'il n'en encourust point de note d'infamie, biens s'entendist tout à l'instāt dechu des benefices: & que ceux, à quil appartient, y pourueussent d'un autre: mais, quant aux Benefices, ia par-ci deuant appliques par les Protestans aux Eſcheues, ou aux Ministres de l'Eglise, qu'iceux demeurassent au meſme estat. Que la Iurisdiction Ecclesiastique ne fust plus exercee contre ceux de la Confession d'Augsbourg, mais qu'au demeurant elle fusiust à la façon anciēne. Apres, que le Recés fut formé il nasquit vne autre difficulté, laquelle Ferdinand vuida, y employant le ſouuerain & absolu pouuoir Imperial de son frere, declarant, du consentement des Ecclesiastiques, Que les Seigneurs de titre, & les Villes & Communautés, ſuietes à Princes Ecclesiastiques, lesquels des long temps auoyent adhere à la Confession d'Augsbourg, & receu les ceremonies & obseruances d'icelle, & en estoient encor en possession, ne pussent, par leurs Princes Ecclesiastiques, estre contrains à les changer, ains pussent continuer en icelles, iusques au general Accord de Religion, qui se concludroit quelque iour.

donc le Pape
peſſind
guiré, &
menace:

Le Pape Paul, ayant entendu le Recés d'Augsbourg, s'en altera grieuement, & en fit de grandes plaintes à l'Ambassadeur de l'Empereur, & au Cardinal d'Augsbourg: blasmant qu'au deſſus du Siege Apostolic, Ferdinand eust mis ſus vn traité en matiere de Religion: & menaçant qu'en son temps il feroit ſentir & à l'Empereur, & à Ferdinand, à leur grand regret & marissement, l'offense qu'ils auoyent fait au Siege Apostolic: & exhortoit à preuenir, par la reuocation & caſſation des choses accordées, pour lui oſter l'occasion de proceder, comme il ne faudroit de faire, non ſeulement contre les Lutheriens, mais auſſi contr'eux, comme leurs fauteurs: s'offrant auſſi, en cas qu'ils ſe diſpoſaſſent à ce qu'il requeroit, de leur preſter tout ſecours & aide, par l'autorité, & par les armes: & de commander à tous les Princes Chreſtiens, ſous peines & cenſures, de leur aſſiſter de toutes leurs forces. Il ne s'appaiſa point pour la reſponſe de l'Ambassadeur, qui allegoit les forces des Protestans, la guerre contre l'Empereur, en laquelle peu s'en eſtoit ſalu qu'il n'eust eſté priſonnier à Inſpruck, & les ſermens qu'il leur auoit fait. Car, pour les ſermens, il reſpondoit, Qu'il les en affranchiſſoit, & abſoluoit: voire meſmes d'autorité leur cōmandoit de ne les point garder. Pour le demeurant il diſoit qu'és cauſes de Dieu il ne faut point proceder par eſgards humains. Que l'Empereur auoit eſté en danger par la permission de Dieu, pource qu'il n'auoit point fait tout ce qu'il pouuoit & deuoit, pour reduire l'Allemagne à l'obeiſſance du Siege Apostolic. Que pour cete cauſe il lui auoit enuoyé vn ſigne de ſon ire, duquel s'il ne prenoit inſtruction, & ne ſe chaſtioit pour l'aduēir, il deuoit attendre de la main de Dieu punitions plus grandes: en lieu, que ſe portant en franc ſoldat, & vrai champion de Chriſt, courageuſement, ſans peur, & ſans eſgards mondains, il obtiendrait touſiours victoire, comme les exemples des temps paſſés lui en pouuoient faire foi, & donner aſſurance. Le bruit eſtoit, que le Pape traitoit en cete ſorte, non ſeulement de ſon propre mouuement, & inſtinct, mais auſſi à la ſuſcitation du Cardinal d'Augsbourg, lequel ne pouuoit gouſter la liberté ottroyée aux Confeſſionniſtes. Il eſt bien certain, que Paul, qui auoit vn grand courage, & des vaſtes penſées, tenoit pour tout aſſeuré

ſelon ſon
naturel ſu-
perbe & in-
pudens:

de pouuoir remedier à tous desordres, par sa seule autorité Papale, & n'estimoit d'auoir en cela besoin d'aucun Prince: coustumier de ne parler iamais avec Ambassadeurs, autrement qu'en leur entonnant es oreilles, Qu'il estoit par dessus tous les Princes, qu'il ne vouloit qu'aucun d'eux fust du pair & compagnon avec lui, qu'il pouuoit changer les Royaumes, qu'il estoit successeur de celui qui a mit bas Rois & Empereurs: & rameneuoit souuent, comme pour vn coup d'essai, & commencement de l'autorité exercée par lui, qu'il auoit erige vn royaume aux Irlandois: & passoit si auant, qu'en Consistoire, & mesme à table en public, en presence de grand nombre de personnes, il disoit, Qu'il ne vouloit aucun Prince pour compagnon, mais tout pour suiets sous ce pied, (disoit-il, en frappant la terre) comme il est conuenable, & comme il a pleu à celui qui a edifié cete Eglise, & nous à constitués en ce degré. Et adioustoit par fois, Plustost que de faire vne lascheté, nous aimerions mieux mourir, bouleuerfer tout, & mettre le feu es quatre coins du monde.

Ainsi le naturel de Paul estoit de grand courage, & haute entreprise: & se consoit beaucoup en son sens & suffisance, & au bon heur, qui l'auoit accompagné en toutes ses entreprises: auquel estant iointe la puissance & la fortune du Papat, il estimoit toutes choses aisées. Mais en lui flottoient à tout deux diuerfes humeurs: l'vne, propre & habitude en lui, par son accoustumance continuelle de se preualoir en toutes actions de la Religion, l'induisoit à employer la seule autorité spirituelle: l'autre, excitée en lui par Charles Caraffe son neveu, lequel, de vaillant & expérimenté soldat, deuenu Cardinal, gardoit tousiours les mesmes esprits Martiaux, le persuadoit à se seruir de la temporele, parce que celle-là sans celle-ci est mesprisée: en lieu, qu'estans iointes ensemble, elles peuuent estre instrumens de grandes choses. Mais l'accord vieillard fauoit aussi tresbien, que, montrant d'auoir besoin de la temporele, on affoiblissoit d'autant la spirituelle. Toutesfoies estant tousiours fixe & arresté au dessein & desir d'acquiescer vn grand nom, il estoit balancé ores à prester l'oreille à son neveu, ores à se croire plustost soi mesmes. En fin, il prit vne resolution, de traiter le temporel en secret, & le spirituel en public, pour pouuoir à la suite de ce dernier y adiouster les entreprises temporeles toutes ourdies, ou bien les omettre, selon que les eueneemens conseilleroyent. Et pourtant, avec son neveu, il traita tres secretement vne ligue avec le Roi de France, par l'entremise du Cardinal de Lorraine: & comme icelle s'en alloit presques toutes digerée & concertée, pour oster toute matiere de soupçon, le Cardinal de Lorraine partit de Rome, & celui de Tournon y vint en sa place, avec lequel elle fut conclue sous le mesme secret. Le chef principal d'icelle estoit, La conqueste du Royaume de Naples pour vn fils puiné du Roi, mais avec de grandes amplifications de l'estat Ecclesiastic, auquel le Roi accordoit pour confins Saint Germain, & la riuere du Garillan: & au delà de l'Appennin, la riuere de Pescaire: outre la Ville & Duché de Beneuent, & ce qui de plus encor fut accordé au benefice particulier du Pape, & de sa maison.

Le Pape iugea aussi necessaire, pour se fortifier tant en l'vn qu'en l'autre de ses desseins, de faire vne promotion de Cardinaux tous dependans de lui, & de personnes de courage, qui ne se seignissent point de prendre la route de ses desseins, & de s'engager en toute haute entreprise. On commença à parler de cete promotion quelques iours auant qu'elle fust mise en effet: dont les Cardinaux se sentirent greués, par ce qu'on proposoit de contreuenir à l'Article iuré: & les Imperiaux par dessus tous, consideré la qualité des personnes qui estoient mises sur les rangs, se delibererent d'y former opposition. Le vingtieme Decembre, le Pape estant entré au Consistoire, des aulsi tost qu'il fut assis dit, Que pour ce matin-là il ne vouloit donner audience à aucun, ayant à proposer choses de plus grande consequence. Chacun entendit assez que ce pouuoit estre, assauoir, de creér Cardinaux nouveaux: des

1555. le Cardinal de S. Iaques se leua, & alla au Siege du Pape pour lui parler, mais le Pape le refusa, & ce Cardinal ne desistait point pourtant, le Pape le repoussa d'aupres de soi, le frappant de la main sur la poitrine. Apres que tous furent assis, le Pape commença à se plaindre de ceux, qui alloient semant qu'il n'estoit en son pouuoir de créer plus de quatre Cardinaux, pour les choses iurées par lui dans le Conclau, & disoit, Que c'estoit vouloir brider & lier l'autorité Papale, qui est absolue: que c'est vn article de foi, que le Pape ne peut estre obligé, ni ne se peut obliger soi-mesmes: & dire autrement est vne manifeste heresie, du delict de laquelle il absoluoit ceux qui y estoient encourus, voulant croire qu'ils n'auoyent point parlé opiniativement: mais aussi, cas aduenant qu'à l'auenir aucun dilt telles ou semblables choses contre l'autorité que Dieu lui a donnée, il ordonneroit que l'Inquisition procedast à ce qui est de sa charge. Il adiouta qu'il vouloit faire des Cardinaux, & n'y vouloit point estre contredit: d'autant qu'il auoit necessité de personnes de seruice, tels qu'eux ne pouuoient estre, ayans tous leurs factions: qu'il falloit promouoir personnes de fauoir, & de vie exemplaire, afin de les employer à la Reformation de l'Eglise, & sur tout au Concile, duquel il estoit meshuit temps de traiter à certes, & duquel lui mesmes à la premiere occasion feroit la proposition. Mais que pour l'heure, la chose ne pouuant souffrir delai, il leur proposeroit les personages à promouoir, afin que eux, ayans voix consultatiue, lui pussent remontrer & mettre en consideration ce qui seroit pour le bien de l'Eglise, en quoi il les orroit: mais qu'au demeurant, ils ne se fissent à croire d'auoir la decisue, qui n'appartient qu'à lui seul. Il en nomma sept, entre lesquels il n'y en auoit qu'un qui fut son parent, vn autre estoit de la Congregation Theatine: les autres tous estoient personnes de grande estime & reputation, les vns en fauoir & literature, les autres au maniement des affaires de la Cour. De ce nombre fut aussi Iean Groper, de Cologne, duquel il a esté à diuerses fois parlé ci dessus: mais icelui se reconnoissant ia caduc, & estimant de plus honorer sa memoire par le refus d'une dignité vniuersellement briguée de tous, mesmes des grands Princes, que par l'acceptation & iouissance de peu de iours, qui bailleroit beaucoup de suiet de parler à ses aduersaires, enuoya remercier bien humblement le Pape, & quant & quant s'excuser, & refusa les enseignes du Cardinalat, & n'en voulut ne le nom, ne le titre. Les Cardinaux furent créés, apres que le Dimanche precedent, qui estoit quinzieme du mois, la ligue eust esté conclue, passée & stipulée avec la France.

Groper refuse le Cardinalat:

le Cardinal Polus se fait Prestre & devient Archeuesque de Canturberi: En ce mesme temps, le Cardinal Polus, lequel pour plusieurs esgards de succession, & pour ne se monstrier si estroitement vni & engagé au Papat, n'auoit iusques à lors voulu prendre les saints Ordres de l'Eglise, ces causes estans cessées, sortit du nombre des Cardinaux Diacres, & se fit ordonner Prestre: & quatre mois apres, Thomas Crammer, Archeuesque de Canturberi, ayant esté solennellement degradé, & puis brûlé, ledit Polus fut installé & mis en sa place.

les peuples d'Austrie, en faueur des Villes, & des Nobles, suiets des Princes Ecclesiastiques, entrèrent en quelque esperance de pouoir aussi obtenir liberté de Religion. Et en vne Diete, que Ferdinand auoit conuocquée de ses suiets à Vienne, pour auoir contributions & subides contre les Turcs, qui lui mouuoient la guerre, ils le requirent que par prouision, iusques a vn general & libre Concile, il leur fust permis de viure en la pureté de la Religion, & de iouir du benefice octroyé à ceux de la Confession d'Augsbourg. Remonstrans au Roi, que les fleaux des Turcs estoient visitations de Dieu, pour appeler à amendement de vie: qu'en vain prenoit on les armes contre l'ennemi, si tout premier n'estoit appaisé le courroux de Dieu, lequel veut estre honoré & serui,

& seruy, non selon les phantasies des hommes, mais selon son ordonnance. Ils le supplioyent qu'il ne les mist point en condition pire que les autres Allemans: & que il agreast que les Ministres de l'Eglise enseignassent, & administrassent les Sacremens selon la Doctrine Euangelique & Apostolique: & que les Maistres d'Eschole ne fussent point chassés & bannis, sans que la cause en fust conuë en iustice. Au moyén dequoy ils luy offroyent de faire tout ce qui luy plairoit, ensemble vie, & biens.

Ferdinand respondit, Qu'il n'estoit point en son pouuoir de leur ottroyer ce qu'ils demandoient: non qu'il n'eust bien le desir & le vouloir de les gratifier: mais d'autant qu'il estoit obligé d'obeir à l'Eglise. Quel l'Empereur, & luy, auoyent tousiours detesté les differents en la Religion: & que pour y remedier, ils auoyent fait tenir plusieurs Conferences & Colloques, & en fin mesmes procuré la tenue du Concile de Trente: duquel si l'issue auoit esté moins heureuse: la faute ne leur en deuoit estre imputée: veu qu'il estoit notoire à tous, par quels conseils & artifices iceluy auoit esté empesché par d'autres. Que de vray du depuis auoit esté fait l'Edit, en faueur de la Confession d'Ambourg: mais qu'eux mesmes pouuoient tresbien estre informés qu'iceluy portoit, Que tout Prince non Ecclesiastique püst choisir laquelle des deux Religions luy plairoit: & que le peuple fust tenu de suivre la Religion de son Prince, de laquelle s'il y auoit quelcun qui ne se contentast, il estoit en la liberté de vendre ses biens, & se retirer là où il luy plairoit. Et pourtant, que leur deuoir estoit bien, sans plus, de demeurer en la Religion ancienne, laquelle luy, leur Prince, professoit. Mais que toutesfois, pour condescendre à leurs desirs, autant que faire se pouuoit, il estoit content de suspendre la partie de son Edit, touchant la Communion du Calice: à tel fi, & bien entendu, qu'ils ne changeassent autre chose es ordonnances & ceremonies de l'Eglise, iusques à l'Arrest de la Diete prochaine. Que doncques, sans requérir rien de plus, ils fussent contents de concourir promptement aux contributions contre l'ennemy.

— Ceux de Baviere aussi rechercherent leur Duc de liberté de Religion, requérans la libre predication de l'Euangile, le mariage des Prestres, la Communion sous les deux especes, ou signes, & permission de manger chair indifferemment tous les iours: protestans qu'à defaut de ce, ils ne payeroyent aucuns subsides ny contributions contre les Turcs. Le Duc, voyant que son beaupeur Ferdinand auoit ottroyé aux siens la Communion du Calice, de mesmes, pour tirer d'eux subuention d'argent, la leur permit aussi, & ensemble de pouuoir, en cas de necessité, manger chair & iours deffendus, iusques à ce que les affaires de la Religion fussent accordées par autorité publique: ses Edits faits en matiere de Religion, demeurans au reste en leur pleine force & vigueur, avec grandes & amples protestations, que quant à luy, il ne vouloit se departir de l'Eglise, ne de la Religion de ces ancestres, & n'entendoit de changer chose aucune es ceremonies, sans la volonté du Pape, & de l'Empereur. Promettant aussi de faire tout denoir, à ce que le Metropolitain, & les Euesques de ses Etats & païs, approuuassent & rarisassent cete concession, & ne donnassent fâcherie à aucun pour ces choses. Mais tout le Palatinat embrassa la Confession d'Ambourg, d'autant que par la mort del'Electeur, son neveu luy succede, lequel des plusieurs années s'estoit déclaré d'icelle Confession, à raison de laquelle aussi il auoit souffert beaucoup de persecutions: & tout soudain, apres son aduenement à la Principauté, il interdit les Messes, & les ceremonies Romaines, par toutes ses terres.

Or le Pape, ayant ietté les fondemens dessusdits, se tourna aux choses spirituels, & iugea qu'il estoit necessaire d'acquérir creance enuers le monde: ce qui ne pouoit faire, si tout premier on ne voyoit la Cour de Rome reformée en effet, & non seulement de paroles. Et pourtant, tout bandé à cela, à la fin du mois de Ianuier de l'année mil cinq cens cinquante six, il érigea vne Congregation, composée de vingt quatre Cardinaux, de

1556.

mais Ferdinand
nand la
leur dente.permettent
par promi-
fi n la Com-
munion du
Calice.comme fait
aussy le Duc
de Baviere
aux siens.le Palatinat
si reformé.le Pape pour
acquiescer
crediti, érige
vne grande
Congrega-
tion pour
reformar
l'Eglise.

1556.

à laquell
il propos
le cas de
Simonie.

quarente cinq Prelats, & d'autres personnes, les plus lettrees & sauantes de la Cour, iusques au nombre de cent cinquante: & les diuisa en trois Chambres, en chacune desquelles il y auoit trois Cardinaux, quinze Prelats, & autres iusques au nombre de cinquante. A ceux-ci il bailla à examiner tous les doutes en matiere de Simonie, lesquels il fit imprimer, & en enuoya copie à tous les Princes, disant de les auoir publics en cete sorte, afin qu'ils vissent à la notice de toutes les Vniuersités, & Escholes generales, & de tous hommes lettrés, à ce que tous eussent occasion de faire entendre leur aduis, lequel il n'auoit voulu ouuertement requerir, d'autant qu'il eust semblé que la dignité du S. Siege, maistre & docteur de tous, eust esté l'esce en mendiant les aduis d'autrui. Et outre il disoit, Que pour luy, il n'auoit besoin d'instruction d'aucun: car il sauoit assez ce que portoit le commandement de Christ: mais qu'il auoit erigé cete Congregation, afin qu'en vne chose, en laquelle tous auoyent interest, on ne dist point qu'il voulust rien faire de sa teste. Et adioutoit, qu'apres qu'il auroit repurgé soi, & sa Cour, tellement qu'on ne lui pourroit plus dire, Medecin guerri toy toy mesmes; il monstreeroit bien aux Princes, qu'il y a encor plus de Simonie en leurs Cours, laquelle il vouloit oster & retrancher: estant superieur autant des Princes, que des Prelats.

surquoy il a
diuers ad
uis.

En la premiere assemblee de la premiere Chambre, laquelle fut tenue le vintxieme Mars, deuant le Cardinal du Bellay, Doyen du College, douze parlerent: & y eut trois opinions l'une de l'Euesque de Feltre, lequel soustint, Que, pour l'usage de la puissance spirituelle, il n'estoit point mesfaisant de prendre argent: pourueu que ce ne fust point en qualite de prix, & de payement: mais pour autres efgards. L'autre de l'Euesque de Sessa. Que cela n'estoit loisible en sorte ni maniere quelconque, ne sous aucune condition & reserve: & qu'absolument c'est detestable Simonie autant de donner, que de recevoir: & que nul pretexte de quelque sorte qu'il soit ne la peut excuser. La troisieme, de l'Euesque de Sinigaille, laquelle estoit moytene entre ces deux: qu'il estoit loisible, mais seulement en certain temps, & sous certaines conditions.

rapport au
Pape qui n
est en per
plexité in
tricable.

Après qu'esiours suiuaus ceux de cete premiere Chambre eurent acheué de dire leurs aduis, le tout fut porté au Pape, apres les festes de Pasques: lequel voyans la diuersité des opinions, fut sur le point de publier vne Belle selon son sens, Qu'il n'estoit loisible de recevoir, ne prix, ne present ny aumosne, non seulement demandee, mais non pas mesmes volontairement offerte, pour aucune grace spirituelle: & que, quant aux dispenses matrimoniales, il n'en vouloit plus donner: & mesmes estoit en intention de remedier aux donnees par le passé, autant qu'il se pourroit faire sans scandale. Mais les delais, & les trauerfes entreietrees par diuers, furent telles & en si grand nombre, qu'il ne fut jamais trancher vne finale resolution. Aucuns luy proposoyent, Qu'il estoit necessaïre de traiter vne telle question en Concile general. Mais il ne pouuoit ouir cela sans extreme esmotion de cholere, & disoit, Qu'il n'auoit aucun besoin de Concile, estant par dessus tous. Mais le Cardinal du Bellay le reblandit, disant, Que de vray le Concile n'estoit point necessaïre, pour adioster autorité au Pape: que toutesfoi il estoit requis, pour trouuer les moyens de l'execution, laquelle ne peut estre egale & vniforme en tous endroïts. Et le Pape là dessus conclut, Que, sitant estoit qu'il ne le falust, il tiendroït vn Concile à Rome, & qu'il n'estoit point necessaïre d'aller ailleurs: & que pourtant aussi iamais il n'auoit voulu donner sa voix, que le Concile se tint à Trente, comme cela estoit tour notoire: ce qu'il n'estoit autre chose, que le tenir au milieu des Lutheriens. Car, veu que le Concile doit estre composé d'Euesques seulement

ce ne ven
qu'on luy
parle de
Concile,

finqu'il se
tienne à Ro
me.

& que les autres personnes, qui y peuuent estre admises, ne seruent que de conseil, & doiuent estre Catholiques, autrement il y faudroit aussi recevoir le Turc, s'auoit esté vne grande vanité d'enuoyer dans les môtagnes soixante Euesques des moins habiles, & quarente Docteurs des moins suffisans, cōme

on auoit iafait par deux fois, sous opinion que par iceux le monde püst estre mieux reiglé, que par le Vicair de Christ, coniointement avec le College de tous les Cardinaux, qui font les colonnes de toute la Chrestienté, choisis pour les plus excellens d'entre toutes les nations Chreitiennes, & avec l'aduis & conseil des Prelats & Docteurs qui sont à Rome, les plus lettrés & sauans du monde, & en nombre beaucoup plus grand, qu'avec toute la diligence possible on ne pourroit iamaïs reduire à Trente.

Mais, quand à Rome arriva la nouuelle que le Duc de Bauiere auoit otroyé la Communion du Calice à ses suiets, il s'en estomacha hors de mesure contre luy. Mais toutes fois il remit cete affaire avec les autres, aufquelles il deliberoit depouruoir tout ensemblément: estant plain d'esperance, que tout luy seroit facile, s'il auoit vne fois réformé sa Cour & ne s'estonnant point de voir croistre le nombre des choses à pouruoir. Car, peu de iours apres, l'Ambassadeur de Pologne, allé expres pour se coniuoir avec Sa Sainteté de font assumption au Papat, luy fit, au nom du Roy, & du Royaume, cinq demandes, De celebrer la messe en langue Polonoise: D'administrer la Communion sous les deux especes: Du mariage des Prestres: D'oster le payement des Annates: De pouuoir faire vn Concile National, pour reformer les particuliers abus du Royaume, & appointer la diuersité des opinions. Il escouta ces demandes avec vne indicible impatience, & semit à les dester vne à vne bien aigrement, & d'vne excessiue vehemence. Et, pour toute conclusion, respondit, Qu'en vn Concile General à Rome il feroit conoistre les heresies & les mauuaises dannables opinions de plusieurs: designans les choses faites en Allemagne en Autriche, & en Bauiere. Et estant pour ces raisons presques resolu en soimesme, ou certes feignant de l'estre, qu'il estoit necessaire de tenir le Concile, il dit à tous les Ambassadeurs qu'ils escriuissent à leurs Princes la deliberation qu'il prenoit de celebrer vn Concile de Latran, semblable à l'autre tant fameux. Et deputa Nonces à l'Empereur, & au Roy de France, pour les exorter à la paix entr'eux: quoy qu'en France il eust vne negotiation bien plus secreete. Il leur bailla charge de traiter du Concile: & au Consistoire, par vne longue harangue, comme il estoit fort copieux, il proposa, Qu'il estoit necessaire d'en accelerer la celebration: d'autant qu'outre la Boheme, la Prusse, & l'Allemagne, qui estoient grandement infectés, (telles estoient ses formelles paroles) la Pologne aussi periroit, & la France mesmes & l'Espagne, n'estoyent point en trop bon estat, pour le mauuais traitement qu'y receuoit le Clerge. Pour la France, ce qu'il y reprenoit le plus, estoit l'exaction des decimes, que le Roy exigeroit ordinairement du Clergé. Mais il estoit bien plus irrité contre l'Espagne: d'autant que l'Empereur Charles, nonobstant que luy Paul, mal content du Recés d'Ausbourg, eut reuoké les trois baillés par Paul & Jules troisiemes, de leuer la moitié, & le quart des fruits des biens Ecclesiastiques d'Espagne, pour subuenir aux guerres d'Allemagne, ne faissant pas de continuer à les exiger, mesmes par faisches de biens & emprisonnemens de personnes. Et ne s'abstenoit pas mesmes de dire, que l'Empereur estoit vn heretique, & qu'au commencement il auoit leué le menton aux innouateurs d'Allemagne, pour abbaisser le S. Siege, pour se rendre maistre de Rome, & de toute l'Italie: qu'il auoit tenu le Pape Paul troisieme en perpetuels travaux, & fascheries, mais qu'il l'empescheroit biend'en vser de mesmes enuers luy. Et adioustoit, que, quoy qu'il eust autorité de remedier à tous ces inconueniens, il ne le vouloit pas toutes fois faire sans vn Concile, pour ne prendre tant de charge sur soy tout seul: qu'il le conuoqueroit à Rome, & le nommeroit de Latran: & qu'il auoit baillé charge de le signifier à l'Empereur & au Roy de France, seulement par termes de courtoisie, & non pour auoir d'eux ny aduén, ny conseil: car sa volonté estoit, que simplement & absolument ils obeissent. Qu'il estoit bien certain, que cete proposition n'agreeroit à aucune des deux Princes, pource qu'elle ne leur venoit pas bien à point, en viuant comme

à quoy point
les attendis
de Ferdin-
and & du
Duc de Ba-
uier.

et les demā-
de: des Po-
lonois.

il se resou-

et pource
enuye. Non
ces pour
traiter paix
entre l'Em-
pereur & la
France de-
clare les
causes de
son dessein
au Consi-
stoir.

1556.

*L'expose aux
Ambassadeurs
des*

ils faisoient, & qu'ils diroient beaucoup de choses au contraire pour la destourber: mais que, maugre eux, il ne laisseroit pas de le conuoyer: & qu'il leur feroit connoître ce que peut ce Siege, quand il est tenue par vn Pape courageux. Le vintxieme du mois de May, iour de son couronnement, ayant appellé à son dîner tous les Cardinaux, & Ambassadeurs, selon la coutume, il entra apres le dîner, en discours du Concile: & dit, Que sa deliberation estoit en toutes sortes de le celebrer à Rome: & que ce qu'il le faisoit saoir aux Princes, n'estoit que par courtoisie, & pour faire que les chemins fussent assurez pour les Prelats. Mais que, quand ores les autres Prelats n'y viendroyent point, il le tiendrait avec les seuls, qui se trouuoient à sa Cour: car il sauoit bien, disoit-il, quelle autorité il auoit.

*des treues
de l'Empereur
avec la France
troubles ses
desseins
chets.*

Pendant que le Pape trauailloit à sa Reformation, il vint nouelès à Rome; que, par l'entremise du Cardinal Polus, au nom de la Royne d'Angleterre, treues auoyent esté traitees & conclues, entre l'Empereur & le Roy de France, pour cinq ans, à commencer dès le cinquieme Feurier de l'annee courante mil cinq cens cinquante six: ce qui estonna grandement le Pape, & en cor plus le Cardinal Caraffe, pour auoir icelles esté traitees & conclues sans eux. Le Pape les eut à desplaisir, principalement pour le dechet de sa reputation, & pour le danger qu'il y auoit pour luy, en cas que ces Princes se fussent conioints ensemble, d'estre reduit à leur discretion. Le Cardinal, impatient de repos, estimoit que ces cinq ans, en la decrepitude de son oncle, luy ostroyent toute occasion de s'employer à dechasser les Espagnols, qu'il haïssoit tant, du Royaume de Naples. Le Pape toutesfois ne se monstra point failli de courage: & fit semblant d'estre ioyeux de la treue, mais non totalement satisfait: d'autant, qu'en lieu d'icelle, vne bonne & ferme paix estoit necessaire pour le Concile, dont il auoit fait le dessein: & qu'il estoit tout resoulu de la traiter, & à cete fin enuoyer Legats à l'un, & à l'autre Prince: estant tout assure de la conclurre: car il y vouloit user de son autorité: disant, Qu'il ne vouloit point estre empesché par leurs guerres au gouuernement de l'Eglise, qui luy auoit esté commis par Iesus Christ. Il deputa pour Legat à l'Empereur, Scipion Rebiba, Cardinal de Pise: & au Roy de France, le Cardinal Caraffe, son neveu. Cerui-cy alla en diligence: mais l'autre eut charge de cheminer lentement. Il donna instruction à Rebiba d'exhorter l'Empereur à corriger l'Allemagne, ce qui n'auoit pu iusques alors estre effectué, pour ce que nul n'auoit cheminé de bon pied en cet affaire. Il reconnoissoit les defauts de ses predecesseurs, lesquels pour achopper la Reformation de la Cour de Rome, auoyent empesché tout bon progrès du Concile. Que tout à l'opposite luy mesmes deliberoit d'estre le promoteur de la Reformation, & pour cet effect de celebrer vn Concile en sa propre presence, auquel il vouloit commencer par ce point: estant assure, que, quand les Protestans verroyent retranchés les abus, pour lesquels ils se sont separés de l'Eglise, & demeurent encor iusques à present obtinés & endurcis; ils concourroyent volontairement à recevoir les Decrets, & Ordonnances, que seroit vn tel Concile, auquel, non de paroles, mais en effect, seroyent reformés le Chef, & les membres: l'ordre Ecclesiastic, & le Laical, les Princes, & les particuliers. Mais, que pour l'exécution d'un si bon œuvre vne treue de cinq ans ne suffisoit pas: attendu qu'es treues les soupçons & desiances ne sont pas moindres qu'en la guerre, & on est tousiours à se preparer, pour quand elles expireront: qu'une paix perpetuelle estoit necessaire laquelle desracinast toutes les rancunes & soupçons, afin que tous coniointement, sans esgards & fins mondains, pussent rendre & s'employer aux choses appartenantes à l'union & à la reformation de l'Eglise. De la mesme tenneur fut l'instruction, laquelle il bailla à Caraffe, & agreea qu'icelles fussent publiques, & qu'il en courust des copies:

*auquel son
but caché
est de re-*

La Cour croyoit generally, que le Pape fist vne si frequente & instante mention du Concile, afin que d'autres ne le luy proposassent: & pour menacer les Princes, & tout le monde, pour faire qu'eux mesmes

l'eussent en horreur. Mais on conut bien du depuis, que par vne autre voye il faisoit dessein de se deliurer de la falcherie, qui auoit esté donnée à ses predecesseurs. Car, lorsqu'on proposoit seulement la reformation du Pape, & de la Cour, des exempts & des priuilegiés dependans du Papat; tout le ieu se faisoit sur son tablier, & à ses depens: & tous, tant Princes, que peuples & particuliers, pouffoyent à la rouë pour auoir vn Concile: attendu qu'il n'y auoit rien à perdre pour eux. Mais, par là proposition de la Reformation, que ce Pape faisoit, de tout l'ordre Ecclesiastic, & semblablement aussi du Laïcal, & sur tout des Princes, il mettoit les choses au pair: tellement qu'on n'y traiteroit point deluy seul, mais aussi, & plus principalement des autres. Et c'estoit là le grand secret, par lequel il proposoit de tenir tous en alarme, & soy en reputation de prud'homme, & de valeur: & quant au Concile, s'y gouverner selon le temps: retenant neantmoins tousiours ferme ce point, de ne le celebrer ailleurs qu'à Rome.

Mais, pour retourner aux Légats, il donna vne libre instruction & commission à son neueu, de sonder l'intention du Roy: & en cas, qu'il le vist resolu à obseruer la treue, deluy entonner la mesme chanson du Concile: & au Legat Rebiba il ordonna de se gouverner à faire plus ou moins de chemin, selon les aduis qu'il receuroit de son neueu. Le Legat Caraffe porta au Roy l'espee, & le chapeau benits par le Pape, la nuit de Noël, selon la coutume: & ne fit nulle mention de la paix: mais seulement representa au Roy que, quoy que la liguë ne fust point violée par cete treue de cinq ans, elle estoit neantmoins rendue vaine & sans'effet, au grand danger de son Oncle, & de toute sa maison, comme ils en auoient senti quelque chose par les actions & procédures des Espagnols. Il luy recommanda fort affectueusement la Religion, & le Papat, (duquel ses ancestres auoyent tousiours eu singuliere protection) & le Pape mesmes, & toute sa maison, tant deuouée à Sa Maiesté. Tout cela n'estoit point trop à contrepoil de la pensee du Roy, lequel n'auoit qu'une ambiguité, de la decrepitude du Pape, redoutant qu'il ne vinst à faillir iustement au plus fort du besoin. Le Cardinal ayant halené cela, y trouua promptement vn expedient, qui fut, de promettre que le Pape creeroit vn tel nombre de Cardinaux partiaux de France, & ennemis des Espagnols, que le Roy seroit tousiours alleuré d'auoir vn Pape de son parti. Les persuasions du Cardinal, avec la promesse de cete promotion, & l'absolution, laquelle, au nom du Pape, il luy bailla du serment des treues, coniointes avec les instances du Cardinal de Lorraine, & de son frere le Duc de Guise, firent resoudre le Roy à mououir la guerre à l'Empereur: nonobstant que les Princes de son sang, & tous les grands de sa Cour, eussent en horreur l'infamie de rompre la treue iurée, & de receuoir l'absolution du serment. La conclusion faite, le Cardinal Caraffe rapella le Legat enuoyé à l'Empereur, lequel estoit à arriué à Mastrich, & le fit destourner d'aller à l'Empereur, duquel il n'estoit esloigné que de deux iournees, & tourner face en France. Ce qui donna vn manifeste indice à l'Empereur, & au Roy son fils, qu'en France auoit esté negocié & conclu quelque chose contr'eux.

Les mescontentemens du Pape contre l'Empereur, & le Roy son fils, croissoient, & s'engregeoient tous les iours. Le Pape auoit formé vn rigoureux proces contre Ascan Colonne, & Marc Antoine, son fils, pour plusieurs offenses faites au Siege Apostolic par Ascan, mesmes des le temps que Clement septieme fut assiégué, & du depuis à Paul; & Iules troisieme: & par Marc Antoine, à sa personne, & à l'Estat del'Eglise. Et, apres auoir exposé au Consistoire tous les torts & iniures, faites es tempsiadis par les Colonnos au Siege Apostolic, il auoit excommunié Ascan, & destitué Marc Antoine de toutes ses dignités, honneurs & fiefs, avec censures contre qui luy presteroit aide & confort: & confisqué toutes leurs terres assises en l'Estat del'Eglise; lesquelles il auoit données au Conte de Montorio, son neueu, en titre de Duc de Palliano. Marc Antoine se retira au Royaume

1556.
lancer sur
les Princes
la Reforma
tion minu
ter contre lui

le Legat
Caraffe
pratique la
rupture de
la treue.

à quoy le
Roy Henry
c'adescend,
à l'obligat
ion de ceux
de Guise,

nouvelles
matieres de
mescontent
emens en
tre le Pape
et l'Empereur
pour
les persécu
tions des
Colonnels.

de Naples, où il fut receu: & de là par fois il faisoit des courtes avec quel-
que nombre de gens, & terres & lieux qui autresfois auoyent esté à luy, ce
qu'il irritoit outramment l'esprit du Pape: le quel estimant que chaque sien
clin d'œil deuoit auoir poids & lieu de commandement absolu enuers tous,
& de pouuoir donner frayeur à vn chacun: ne pouuoit supporter d'estre en
sipeu d'estime à Naples, sa propre Patrie, là où il eust voulu estre tenu
Tourpuissant. Du commencement, il croyoit intimider l'Empereur, & le
Roy son fils, & les faire deporter de prester faueur aux Colonnaïs, en par-
lant mal d'eux à tors & trauers, & passant souuent iusques à des termes & pa-
roles d'opprobre, & de honnissement, en presence de toutes sortes de per-
sonnes, ce qu'il faisoit de tant plus volontiers, quand il s'y trouuoit quelque
Cardinal Espagnol present, auquel encores apres auoir deschargé sa passion
par paroles, il commandoit qu'il le leur escriuist.

*Et puis par
action in-
tense con-
tre le Roy
Philippe,
pour le pri-
ner de Na-
ple.*

Mais toutes ces choses ne faïsans encor aucun effect, il passa plus ou-
tre, & le vinttroisieme iuillet, il fit comparoir en Consistoire le Procureur
fiscal, & Syluestre Aldobrandin, Aduocat Consistorial: lesquels
exposerent, Comment Sa Sainteté, ayant pour delits & forfaitures ex-
communié & priué de ses estats & honneurs Marc Antoine Colonne: &
defendu, sous les mesmes censures, à toute sorte & qualité de per-
sonnes de luy prester aucune ayde, faueur, ou confort: il estoit neant-
moins notoire, que l'Empereur, & le Roy Philippe, son fils, l'auoyent
assisté de cheuaux, & de gens & d'argent, dont ils estoient encoursus en
la peine de la sentence, & estoient dechus de leurs fiefs, & auoyent for-
faites leurs terres mouuantes de l'Eglise. Et pourtant requeroient, &
insistoyent, que Sa Sainteté vint à la sentence declaratoire, & donnast
ordre à l'exécution. Le Pape respondit, Qu'il y aduiseroit avec le con-
seil des Cardinaux. Et les ayant congediés, il proposa en Consistoire ce
qui estoit à faire en vn cas de telle importance. Les Cardinaux François
parlerent avec beaucoup d'honneur & de respect de l'Empereur, & du
Roy Philippe: mais toutesfois en sorte, qu'ils animoyent & incitoient
grandement le Pape contr'eux. Les Imperiaux vserent de termes ambi-
gus, & balancés, propres à pousser le temps, & porter les choses en lon-
gueur. Les Theatins, propres Cardinaux du Pape, parlerent fort ma-
gnifiquement de l'autorité du Pape, & de la suffisance & prudence de
Sa Sainteté, seule capable de trouuer remede à ce mal: louant tous ce

*sur quoy le
Pape se pre-
pare à la
guerre,*

qui auoit esté fait, & pour le demeurant s'en remettant entierement à
luy. Le Consistoire ayant esté licencié, sans aucune resolution prise, le
Pape reconut bien, qu'il falloit où lascher le pied, ou venir aux armes,
lesquelles il n'abhorroit point, pour son naturel haut & entreprenant, &
tout bouffi d'esperances. Sur quoy tout à point luy vinrent nouuelles de
son neuue des choses conclues en France: ce qui arresta tous les discours
& beaux desseins de reformation, & de Concile, lesquels se conuertirent
en deuïs & parlemens de deniers, de soldats, & d'intelligences. Mais,
à cause que ces choses sont hors mon suiet, ie n'en diray que ce qui peut
monstrer quel estoit l'esprit du Pape, & comment enclin à la vray reformation
de l'Eglise, ou certes du moins à la simulee & pretextée. Le Pape à Rome
arma les bourgeois & habitans, & les destribua sous les chefs des quartiers
de Ville, nommés à Rome, Rions, & en fit vne reueüe iusques au nombre
de cinq mil, pour la plus part artisans, & estrangers: & fit fortifier plusieurs
de ses places, & y mit bonne garnison de soldats, & sollicita la venue de trois
mil Gascons, lesquels le Roy de France enuoyoit par mer, pendant que l'ar-
mee Royale s'appreſtoit pour passer en Italie, afin qu'en cet entretemps le
Pape se pust maintenir.

*s'assure des
personnes
suspectes &
sais diuers*

Pendant ces maniemens & appareils de guerre, le Pape eut diuers ombrages
& soupçons, pour lesquels il enſerra dans le Chateau au S. Ange plu-
sieurs Cardinaux, & Barons, & autres personnaſges. Il emprisonna aussi Gar-
cilace de Vega, Ambassadeur du Roy Philippe d'Angleterre, & Iean Antoine

Taxis, maître des postes de l'Empereur. Et au Duc d'Alue, qui auoit enuoyé se plaindre à luy, de ce qu'il tenoit à Rome les bannis de Naples, & qu'il auoit mis la main sur les personnes publiques, lesquelles sans raison il detenoit prisonniers, & qu'il auoit ouuert les pacquets du Roy, & luy auoit fait plusieurs autres iniures & outrages: protestant, qu'en cas que Sa Sainteté continuast en actions si fort offensiues & iniurieuses, le Roy, son Maître, ne pourroit de moins, pour la conseruation de son honneur & reputation, & pour la maintenance du droit des gens, que de repousser l'iniure: il renuoya pour responce, Qu'il estoit Prince libre, & superieur à tous les autres, non obligé à rendre conte à aucun, ains ayant pouuoir de se le faire rendre à tout Prince. Qu'il auoit pû arrester, & voir les lettres de qui que ce fust, ayant indices qu'elles portoyent choses preiudiciables à l'Eglise. Que si Garcilace se fust contenu dans les bornes du deuoir d'Ambassadeur, il n'auroit receu aucun desplaisir: mais, qu'ayant tenu la main à traités & menées, esmu seditions, & pratiq.ue machinations contre le Prince à qui il estoit enuoyé, il auoit forfait en qualité d'homme priué, & comme tel il le vouloit punir. Que quant à luy, pour danger quelconque, il ne manqueroit iamais au soutien de la dignité de l'Eglise, & à la defense du S. Siege, remettant l'euénement à Dieu, lequel l'auoit constitué gardien du troupeau de Christ. Le Pape continuant tousiours aux prouisions & appareils de guerre, le Duc d'Alue estant resolu qu'il valoit mieux assaillir qu'estre assailliy, enuoya de rechef luy protester, Que le Roy, son Maître ayant receu tant d'iniures & de torts; & reconnoissant bien que Sa Sainteté tendoit à luy vouloir rair le Royaume de Naples, & tenant pour tout asseuré qu'à cete fin il auoit fait ligue avec ses ennemis, il ne pouoit plus continuer à viure en cete sorte avec luy. Que pourtant, si Sa Sainteté vouloit la guerre, il la luy denongoit, & bien tost la luy mouueroit: protestant de tous les maux & dominages qui en arriueroyent dont il reiettoit la coulpe sur le Pape. Que si aussi il vouloit entendre à vne bonne paix, il la luy offroit avec toute promptitude. Le Pape monstrois bien de vouloir la paix, mais pourtant ne respondoit que paroles generales, & alloit tousiours interposant temps & delay: dont le quatrieme Septembre le Duc d'Alue ouurit la guerre, en laquelle cete mesme année mil cinq cens cinquante six, il prit quasi tout le pais de la Champagne de Rome, le tenant au nom du futur Pape: & s'approcha si pres de Rome, qu'il n'en en alarme & effroy toute la Ville: dont tous se mirent à la fortifier, & munir. Et le Pape, pour enseigner aux gouuernements des places ce qu'il leur faut faire en tels cas, contraignit tous les Religieux, de quelque estat & qualité qu'ils fussent à porter la terre là hôte sur le dos, pour faire les bastions & rempars. Entre les autres endroits, qui auoyent besoin de terre plein, il y en auoit vn pres de la porte du Peuple: où aboutit la grand rue, appelée, *l'is Flaminia*, où estoit vne Eglise de Nostre Dame, de grande deuotion, laquelle le Pape vouloit esplaner & raser. Mais le Duc d'Alue enuoya prier le Pape qu'il la laissast sur pied, donnant parole & serment, que iamais, pour aucun esgard, il ne se prenaudroit de l'opportunité de ce lieu-là. Mais, la grandeur de la Ville, & autres esgards, & dangers, conseillerent le Duc de n'attenter point sur Rome, mais de penser à d'autres entreprises moindres.

Il y eut cete mesme année vn ample & grand suiet de discours, par la resolution que fit l'Empereur Charles de se retirer de Flandres en Espagne, & se reduire à vie priuée en vn lieu solitaire. On faisoit le parallele, & la contrepointe d'un Prince, dès son enfance versé & nourri és plus grands affaires & entreprises du monde, lequel, en l'aage d'un peu plus de cinquante ans, s'estoit resolu de quitter le siecle, & de vaquer seulement au seruice de Dieu, changeant l'estat d'un trespuissant Prince en celuy d'un humble Religieux: avec vn autre, lequel autrefois auoit quitté la charge Episcopale, pour se retirer en vn Monastere: & maintenant en l'aage de quatre vints ans, estant deuenu Pape, s'estoit tout abandonné aux pompes, & à l'orgueil, & auoit entrepris d'embraser toute l'Europe de guerres:

*l'Empereur Charles
quitte le
gouuernement, & se
retire en vn
Monastere.*

1557.
le Duc de
Guise passé
en Italie en
faveur du
Pape.

Au commencement de l'année mil cinq cens cinquante sept, le Duc de Guise passa en armes en Italie, en faveur du Pape: lequel, pour garder la promesse, donnée par son neveu au Roy de France, fit vne promotion de dix Cardinaux: mais icelle ne respondoit point, ni pour le nombre, ni pour la qualité des personnes, à l'intention donnée, ni au but concerté. Le Pape en fit ses excuses, disant, Qu'il estoit si estroitement joint & lié avec Sa Majesté, que ses propres dependans ne cedoyent en rien aux naturels François au service du Roy: & que le Roy deuoit estre tout asseuré qu'ils estoient tous pour luy. Et quant au nombre, allegant, que pour lors il n'en pouoit promouvoir d'auantage, attendu le nombre excessif de Cardinaux qu'il y auoit desia, montant iusques à septante: mais que bien tost ce nombre seroit racourcy de quelques rebelles, & pourroit lors estre suppléé de gens de bien. Ce qu'il disoit à l'égard de ceux, qui estoient détenus au Chasteau S. Ange, & d'autres, contre lesquels il auoit délibéré de proceder, tant pour affaires d'Estat: que pour causes de Religion. Car il n'estoit point tellement bandé à la guerre, qu'il quittast l'affaire de l'inquisition, laquelle il disoit estre le principal arcbutant, & le plus fort nerf, & secret du Papat. Il eut quelques indices contre le Cardinal Moron, qu'il eust quelques intelligences en Allemagne, & pourrant le constitua prisonnier dans le Chasteau S. Ange, & deputa quatre Cardinaux pour l'examiner à toute rigueur: & fit aussi apprehender Gilles Foscarare, Euesque de Modene, comme complice.

qui empi-
Jonne Car-
dinaux,

dines Po-
lu. & le-
tes,

Il priua aussi le Cardinal Polus de la Legation d'Angleterre, & le cita à comparoître à Rome à l'Inquisition, es prisons de laquelle il auoit ia fait enfermer Iean Thomas de Saint Felix, Euesque de Caue, intime amy dudit Cardinal, comme sien complice. Et, afin que le Cardinal ne prist pretexte de sa Legation, & du besoin de ces Eglises-là, pour demeurer en Angleterre, il crea Cardinal au ten ps de la Pentecoste, Guillaume Peyt, Euesque de Salzberg, & l'establit Legat en lieu de Polus. Et, quoy que la Royne, & le Roy, tesmoignassent du grand seruice que ledit Cardinal rendoit à la foy Catholique, & siflent grandes poursuites & offices pour luy, le Pape ne voulut iamais relascher vn seul point de sa rigueur. Le Cardinal obeit, se deportant de l'administration, & quittant les enseignes de Legat: & enuoya à Rome Ormanet, pour rendre compte de sa Legation, mais ne partit point d'Angleterre, alleguant le commandement de la Royne: car tant elle, que le Roy, croyans pour tout asseuré, que le Pape estoit porté de passion en cet affaire, ne voulurent point consentir à son depart. On prit grand scandale en Angleterre de ce fait, & maints Catholiques s'en alienèrent: & mesmes à Rome plusieurs tenoyent que c'estoit vne pure calomnie mise à sus à ce Cardinal, pour se venger de la treue, qu'il auoit traitée entre les deux Roys, estant Cardinal & Legat, sans participation & adueu du Pape: de mesmes qu'on reputoit calomnieuse l'opposition que le mesme Pape, estant encores Cardinal, luy auoit faite pour l'enpescher de paruenir au Papat. Le nouveau Legat, personnage de singuliere preud'homme, eut bien les mesmes pensees: & quoy qu'il prist le nom de Legat, pour n'irriter le Pape, il n'en exerça pourtant iamais la charge, es neuf mois qu'il vescu apres auoir receu la croix de la Legation: ains rendit tousiours à Polus le mesme deuoir de respect & honneur, que au parauant.

les Armes
des François
inutilles en
Italie,

Le Duc de Guise, estant passé en Italie, mit la guerre en Piemont, & auoit intention de faire le siege de la guerre en Lombardie, & par ce moyen diuertir les armes prises contre le Pape. Mais, la grande ardeur du Pape à vouloir que le Royaume de Naples fust assailli, ne le luy permit point. Les François connoissoient bien les difficultés qu'il y auoit: & le Duc de Guise, avec les principaux Capitaines, alla en poste à Rome, pour faire entendre au Pape ce que les bonnes raisons de guerre portoyent. Là, en presence du Pape, l'affaire fut mise en consultation: mais la resolution du Pape ne laissa point de place ny d'ouuerture à autre deliberation, & fut force de le contenter, & ne fut fait autre exploit, sinon d'assaillir Cuitella, place située tout à l'entree

l'entree de la prouince d'Abruzze, & là l'armee fut repoussée, avec grandes plaintes & doleances du Duc de Guise contre les Caraffes, parce qu'ils auoyent manqué aux prouisions necessaires qu'ils auoyent promises. Et en somme les armes Ecclesiastiques, tant propres qu'auxiliaires, furent fort peu benites & fauorisees de Dieu. Mais à la my Aoust, l'armee du Duc d'Alme approchant tousiours plus pres de Rome, sans crainte des François, qui estoient engagés en l'Abruzze, le Pape, qui auoit ia entendu la prise & sac de Signe, avec la mort de grand nombre de gens, & le danger où estoit la ville de Palliano, rapporta le tout au Consistoire avec beaucoup de larmes: adioustant qu'il attendoit courageusement & de pied ferme le martyr: au grand esbahissement des Cardinaux, bien informés de la verité, de voir avec combien d'assurance il leur figuroit cete cause comme de Christ, & non profane & ambitieuse, & disoit, que c'estoit vn des grands fondeurs & secrets de tout le Papat.

Au mesmes point, que les affaires du Pape estoient au plus grand despit, aduint en France, la bataille, & la desfaite des François à S. Quintin, laquelle fut si grande, que le Roy fut contraint, pour sauuer son propre royaume, de rappeler le Duc de Guise d'Italie, avec les gens qu'il y auoit, faisant sauoir au Pape son inuitable necessité, & le mettant en liberté de prendre le conseil qu'il trouueroit meilleur pour ses affaires, & lui renuoyant ses ostages. Le Pape denia au Duc de Guise son congé. Sur quoi estant né vn gros estrif entr'eux, le Pape, ne le pouuant retenir, lui dit, Qu'il s'en alast donc, puis qu'il auoit rendu peu de seruice au Roy, moins à l'Eglise, & point du tout à son propre honneur. A ladin mesmes mois, le Duc d'Alme s'aprocha de Rome, & l'auroit aisément prise, s'il eust eu plus de courage: au défaut duquel sa retraite fut attribuee. Pour lui, en public il disoit, Qu'il auoit crainct que son armee ne se dissipast par le sac de Rome, & qu'ainsi le Roiaume de Naples ne demeurast sans forces, & sans defence: mais en secret, Qu'il s'en estoit abstenu, ne sachant si le Roy, son Maistre, par trop de deuotion & de reuerence, le trouueroit bon. Finalement fust traité & conclu l'accord entre le Duc d'Alme & les Caraffes, le quatorzieme Septembre apres vn an entier de guerre. Le Pape ne voulut iamais consentir qu'cs Articles & conuentions fussent compris ny Colonne, ny aucun de ses suiets: ny mesmes qu'il y eust aucune paroles, ou terme, par lequel il parust qu'il aduoüast d'auoir excédé en l'emprisonnement des Ministres Imperiaux: voire mesmes demeura ferme & immobile en cete volonté; que le Duc d'Alme vinst en personne à Rome luy demander pardon, & recevoir l'absolution: disant ouuertement, Qu'il verroit plustost bouleuerfer tout le monde, que de se départir d'vn cheueu de ce deuoir ainsi l'appeloit-il. Qu'il ne s'agissoit point de son honneur: mais de celuy de Christ, auquel il ne pouuoit faire preiudice, ne le quitter. A ces conditions & avec la restitution des places prises, la querelle fut terminée. On tint à prodige, que le mesme iour de la paix, le Tibre se desborda tellement, qu'il inonda tout le plain de Rome, & ruina vne grande partie des fortifications faites au Chasteau S. Ange. Le Duc d'Alme alla en personne à Rome, pour rendre la submission au Pape, & recevoir l'absolution au nom de son Roy, & au sien. Et aduint que le victorieux fut obligé à porter l'indignité, & le vaincu triompha beaucoup plus, que s'il eust esté luy mesme le victorieux. Et encor fut-ce vne grace non petite, que le Pape le voulust accueillir humainement, quoy que sans rien rabatre de sa fastueuse grandeur.

La guerre ne fut pas si tost finie, qu'il suruint au Pape des nouvelles facheries. Car il eut aduis de France, que le cinquieme Septembre pres de deux cens personnes s'estoyent assembles de nuit à Paris, en vne maison particuliere pour faire la Cene: ce qui ayant esté descouvert par le populace; la maison auoit esté assaillie, & quelque nombre s'estant saué, les femmes & les plus foibles auoyent esté apprehendés, dont sept auoyent esté brulles: & le demeurant, qui estoit en plus grand nombre, reserué

1557.
au contraire
celles du
Duc d'Alme
ne alaiment
le Pape.

lequel par
la desfaite
de S. Quintin

est contrainct
de cogedier
le Duc de
Guise,

dont suis
l'accord en
tre le Pape,
& le Duc
d'Alme,

à l'auantage
de l'honneur
du Pape,

renuement
de Religion
en France,

1557.

*Et que que
Ordonnan
ces du Roy*

*Alienent le
Pape de la
France, l.
quelle il
menace
d'un sien
Concile.*

*conference
institute en
Allemagne.*

pour le mesme supplice, apres qu'on auroit bien descouvert tous les compli-
ces. Mais les Suisses auoyent enuoyé au Roy, pour interceder pour les autres.
Et le Roy, lequel, pour la guerre qu'il auoit avec le Roy d'Espagne, car
ainsi se nomma Philippe, apres la renonciation faite par son pere, auoit be-
soin d'eux, auoit ordonné qu'on y procedast avec moderation & douceur.
Le Pape s'en altera bien fort, & en fit plainte en plein Consistoire, disant,
Que ce n'estoit pas merueille, si les affaires de ce Roy succedoyent mal, at-
tendu qu'il faisoit plus estime du secours des heretiques, que de la faueur de
Dieu. Le Pape auoit desia mis en oubly; comment, pendant la guerre, il auoit
ranse les Cardinaux de l'Inquisition, qui se plaignoyent des grands mespris
& indignités, dont vsoyent les Grisons Protestans, lesquels il auoit pris à sa
solde, enuers les Eglises, & images: disant, Que c'estoyent des Anges en-
uoyés de Dieu, pour la garde d'icelle ville, & tiene: & qu'il auoit ferme es-
perance que Dieu les conforteroit. Telle est la diuersité des iugemens hu-
mains, lors qu'il s'agit des interests propres, ou du fait d'autrui. Le Pape prit
aussy occasion de cecy de rememorer deux Ordonnances, faites par le Roy
de France, en la mesme année, disant, Qu'elles estoient contraires à la li-
berté Ecclesiastique, & pourtant vouloit totalement qu'elles fussent annu-
lées. L'une auoit esté publiee le premier de Mars, portant declaration, Que
les mariages contractés par les fils de famille, auant l'age de trente ans
accomplis; & par les filles, auant l'age de vingt-cinq ans, sans l'adieu &
consentement des peres, ou d'autres sous le pouuoir desquels ils sont, fussent
tenus pour nuls & invalides: avec impositions de grieues peines tant contre
les enfans, que contre les moyeneurs, & entremetteurs de tels mariages.
L'autre, datée du premier May, portant commandement exprés à tous
Euesques & Curez, de resider en leurs Eglises, sous peine de la per-
te de leurs reuenus. Ioint vne imposition d'une subside & contribution
extraordinaire, outre les decimes ordinaires, pour le payement & entreten-
nement de cinq mil hommes de pied. Le Pape, quand il en eut premiere-
ment la nouuelle, n'y pensa point: d'autant qu'alors il estoit au fort de la
guerre, en laquelle il auoit besoin du secours du Roy. Mais cette necessité
estant cessée, il se plaignoit que le Roy mist la main iusques aux Sacremens,
& greuaist ainsi insupportablement le Clergé. Et pourtant disoit que de ne-
cessité il falloit remedier à tant de desordres, qui estoient abus beaucoup
plus grands, que tous ceux qu'on pouuoit objecter à l'ordre Ecclesiastic:
que c'estoit de là, qu'il falloit commencer la Reformation: par, pendant
que les Prelats François demouroient en France, ils n'osoyent parler: mais,
quand ils seroyent en vn Concile en Italie, à deliure de la crainte, on orroit
bien lors leurs plaintes & doléances. Parmy ces mescontentemens, le Pape
eut quelque joye de la rupture & dissipation d'un Colloque ou Conference,
entrepris en Allemagne pour composer les differends de la Religion, lequel
donnoit beaucoup de fascherie à luy, & à la Cour, comme tousiours sembla-
bles Colloques auoyent fait. Or, pour l'intelligence des choses qui suivront cy
apres, j'ay iugé necessaire de faire recit de l'origine, progrès, & issué d'iceluy.
Ferdinand, ayant, en la Diete de Regensburg, confirmé la paix de la Re-
ligion, iusques à vn total accord: pour trouuer cependant moyen de parue-
nir à iceluy, fut arresté par le Recés du treiziesme Mars, qu'on tiendroir
à Vvormes vne Conference entre douze Docteurs de l'Ancienne Religion, &
douze d'entre les Protestans: en laquelle les differens seroient discutés &
ventilés, pour reduire, s'il estoit possible, les parties à vn bon accord. Ferdi-
nand deputa pour president à ce Colloque le tant de fois nommé Euesque de
Naumbourg, l'ulles Pfug. Les parties assemblées, au lieu assigné, le quator-
ziesme du mois d'Aoust, les douze Protestans ne se trouuerent pas bien d'ac-
cord. Car aucuns d'entr'eux, desirans vne parfaite reünion de l'Eglise vou-
loyent moyener de concilier aussi quant & quant la doctrine des Suisses, diffe-
rente de la leur en la matiere de l'Eucharistie: sur laquelle pour cet effect
les Ministres de Geneue auoyent dressé vne forme de confession, laquelle

ne desluta point à Melächton, & autres six d'entre ceux de la Cōfession d'Ausbourg, mais ne contenta point les autres cinq. Cela ayant esté descouuert par l'Euesque, homme cauteleux & facieux, qui ne vifoit à autre chose qu'à rompre la Conference, sans qu'elle portast aucun fruit il conseilla aux Catholiques de proposer auantmain, Que puis que la Cēfrence auoit esté instituée seulement entr'eux, & ceux de la Cōfession d'Ausbourg, il estoit necessaire de condamner tout premier unanimement toutes les sedes des Zuingliens, & autres: d'autant, qu'apres que les erreurs auroient d'un commun consentement esté condamnées, la verité viendroit fort aisement au iour. Les cinq dessusdits, sans y penser plus auant, acquiescerent qu'ainsi fut fait. Mais Melanchton, lequel s'appereut bien de l'artifice tendant à semer de la diuision entr'eux, & à les mettre en butte, & aux prises avec les Suisses, ceux de Prusse, & autres, disoit, Qu'il falloit premierement conuenir de la verité, & puis selonc cette reigle-là, condamner les erreurs. L'Euesque monstrent aux cinq qu'ils estoient mesprisés par les autres sept, les induisit à se departir de la Conference: & puis escriuit à Ferdinand ce qui s'estoit passé, concluant qu'on ne pouuoit proceder plus auant, tant pour le depart de ceux là, que pour le refus que faisoient les autres de condamner premierement les sedes. Ferdinand respondit, Qu'il desiroit qu'on continuast, & que ceux de la Cōfession d'Ausbourg rappelaissent les cinq departis, & que cependant les Catholiques entamassent la discussion & examen des articles contentieux. L'Euesque, voyant d'auoir failly à son coup, conseilla aux Collocuteurs Catholiques de rescrire au Roy, Qu'il n'y auoit point de raison de commencer vn traité, si tout premier les Protestans n'estoyent tous vns entr'eux: d'autant qu'il faudroit puis apres tout de nouveau traiter avec les absens ce qui auroit esté conclu avec les presens, & prendre double peine. Et sans attendre autre nouuelle response, ils se retirerent tous: & chacune des parties, sur les causes dessusdites, donna la coulpe de la separation de la Conference à l'autre.

Le Pape se voyant, par la guerre passée, déchu du credit, par lequel il faisoit estat d'espouenter tout le monde, pensa de le racquerir par vn acte heroïque & tout au despouuëu, le vintxieme de Ianuier de l'année mil cinq cens cinquante huit, en plain Consistoire, il demit le Cardinal Caraffe de la Legation de Bologne, & de tout le gouuernement des affaires, & le confina à Cinità Lauinia: & osta à Iean Caraffe, frere d'icelui, la charge de Capitaine general de l'armee Ecclesiastique, & le relega à Galesi. Il osta aussi le gouuernement du Bourg S. Pierre à son autre neveu, & le relega à Monte bello. Commandant en outres à leurs femmes & enfans de vider la ville de Rome, & qu'eux ne s'elloignassent point des lieux où ils estoient relegués, sous peine de rebellion. Il pria aussi de leurs offices tous ceux, à qui il en auoit baillé à leur contēplation. Et employa plus de six heures à se plaindre, & à inuectiuer contre les meschans actes de ses neueux, avec tant d'esmotion, qu'il se courrouçoit mesmes aux Cardinaux, qui entreiectoyent quelque bonne paroles, pour l'adoucir. Et au Cardinal Alexandre Farnese, dit S. Ange, lequel, apres auoir loué sa iustice, luy ramentut vn dire vité frequemment par Paul troisieme, son ayeul, Que le Pape ne doit iamais oster tout à fait à aucun l'esperance de grace, il respondit brusquement, Que son ayeul auroit beaucoup mieux fait, s'il eust procedé comme cela enuers Pierre. Louïs pere de luy Cardinal, & l'eust chastié de ses enormités. Il establi vn nouveau gouuernement à Rome, & entout l'Estat de l'Eglise, donnant la charge de l'expedition de tous affaires à Camille Vrsin, auquel il adioignit les Cardinaux de Trany, & de Spolte, affectant en ces actions le renom de iustice, & reiettant la coulpe des griefs & foule des peuples sur ses neueux.

S'estant ainsi deschargé du gouuernement, il appliqua toute sa pensee à l'office de l'Inquisition, disant, Que c'estoit là le vrai belier contre l'heresie & le rempar du Siege Apostolic. Et, sans auoir esgard à ce que portoit

à un am
par la ma
se des uns
simpleste
en amies.

Le Pape de
met se mes
chans ne
neux.

Crowne sa
p nje aux
rigneurs de
l'Inquisitiō

1558.

contre les
Princes
mesmes.qu'il eut à
Ferdinand
sa succession
à l'Empire.

le temps, il publia vne nouvelle ordonnance, en date du quinzieme Feurier, laquelle il fit signer à tous les Cardinaux : en laquelle il renouuela toutes les Censures, & les peines prononcees par ses predecesseurs : & tous les statuts des Canons, des Conciles, & des Peres, publiés contre les heretiques en quelques temps que ce fust, ordonnant que ceux qui estoient surannés, & tombés en desaccoustumence, fussent remis en viage. Et declara, Que tous les Prelats, & les Princes, voire mesmes Rois & Empereurs, tombans en heresie, fussent & s'entendissent dechus & priués des Benefices, Estats, Royaumes, & Empires, sans autre declaration : & qu'ils fussent inhabiles à estre iamais reestablis en iceux, voir mesmes par le Siege Apostolic : & que leurs biens, Royaumes, & Empires, s'entendissent proscriés, & appartinsent aux Catholics qui les occuperoient. Chose, qui donna beaucoup à parler, & n'eust esté que le monde la laissa choir, sans en faire estat, eust esté capable d'embraser toute la Chrestienté.

Il aduint vn autre accident, qui fit apparoir au monde, qu'il n'auoit nullement maudéré la hautaineré de son courage, L'Empereur Charles, dès l'annee mil cinq cens cinquante six, auoit, par ses lettres escrites aux Electeurs, & Princes, remis absolument à son frere Ferdinand toute l'administration de l'Empire, sans luy faire autre part ny appénage, cōmandant à tous de luy prestre obeissance. Apres cela, il deputa pour Ambassadeur en Allemagne à la Diete, Guillaume, Prince d'Oranges, avec deux autres Collegues pour trāsferer à Ferdinand le nom, le titre, la dignité, & la couronne, tout de mesmes que si luy Charles eut esté mort. Mais, les Electeurs ne iugerent pas qu'il eust encore temps de proceder à cela : dont ils le differerēt iusques à cete annee mil cinq cens cinquante huit : en laquelle, le vingtquatrieme Feurier, iour de S. Mathias, iour de la naissance, couronnement, & autres felicités de Charles, apres que les Ambassadeurs d'iceluy eurent fait toutes les ceremonies de la resignatio à Francfort en presence des Princes Electeurs Ferdinand fut sacré avec toutes les formes accoustumees. Le Pape, ayant eu la nouuelle de cet acte, monta en vne furie horrible : pretendant, que comme la confirmation Papale est celle qui fait l'Empereur, aussi la renonciation ne pouuoit estre faite qu'entre ses mains : & qu'en tel cas il appartenoit à luy de faire Empereur celuy qui luy plairoit : allegant que les Electeurs ont bien pouuoir, par ottroy & grace du Pape, d'elire vn Empereur en lieu & place du defunt : mais que iamais ne leur auoit esté baillée la puissance de l'elire en cas de resignation : ains que cela deuoit estre remis au bon plaisir & arbitrage du S. Siege : comme toutes les dignités, qui dependent d'iceluy, sont à sa pure disposition. Au moyen dequoy la resignation de Charles estoit nulle, & la totale authorité de pouruoir d'Empereur estoit deuoluë à luy. Partant il conclut & resolut de ne conoistre le Roy des Romains pour Empereur.

Mais Ferdinand, quoy qu'il fust bien aduertit du fait, ne laissa pas pourtant de deputer vers luy pour Ambassadeur, Martin Guzman, pour luy donner aduis de la renonciation de son frere, & de son assumption, & pour luy témoigner reuencence, & promettre obeissance, luy signifiant aussi, qu'il enuoyeroit vne solennelle Ambassade pour traiter du couronnement. Le Pape luy refusa audience, & remit aux Cardinaux l'examen de cete matiere. Et iceux, conformément à la volonté & disposition du Pape, rapporterent que l'Embassadeur ne pouuoit estre admis, que tout premier il ne constast, que la resignation de Charles estoit legitime, & que Ferdinand auoit iuridiquement succédé. Car, ores qu'il eust esté eslu Roy des Romains, & que son election eust esté confirmée par Clement, pour pouuoir succeder, aduenant la mort de l'Empereur, il estoit toutesfois necessaire que l'Empire demeurast vaquant par mort. En outre que tous les actes de Francfort estoient nuls & inualides, comme ayans esté faits & gerés par heretiques, dechus & priués de toute authorité & pouuoir : si bien que Ferdinand estoit obligé d'enuoyer quelcun, avec bonne & due procuracion, & de renoncer

par luy à toutes les choses faites en icelle Diere, & de supplier le Pape de valider la renonciation de Charles, & de recevoir Ferdinand à l'Empire: en vertu de son plein pouuoir, duquel il pouuoit attendre benigne grace paternelle. Suiuant ce conseil, le Pape prit sa deliberation: laquelle il fit entendre à Guzman, luy donnant trois mois de terme pour l'execution: passé lesquels, il n'en vouloit puis ouïr parler, mais creeroit luy mesme vn Empereur. Et ne fut iamais possible de le demouoir: quelque priere & requeste que luy en fist le Roy Philippe, en faueur de son Oncle, par François Vargas, & apres luy, par Iean Figueroa, qu'il luy enuoya tout exprés. Ferdinand ayant eu aduis de ces choses, ordonna à Guzman, que, s'ilans trois iours dès la reception de ces lettres, il n'estoit admis par le Pape, il se departist, apres auoir protesté que Ferdinand, avec les Electeurs, resoudroit ce qui seroit à faire pour la dignité de l'Empire. Guzman requit de nouveau audience, laquelle le Pape luy accorda seulement comme à personne priuée, & non comme à Ambassadeur Impérial. Et apres luy auoir ouy exposer son instruction, & ce que l'Empereur luy escriuoit, respondit, Que les choses considérées par les Cardinaux, estoient de grande importance, & qu'il ne se pouoit sur icelles resoudre: si tost qu'il enuoyeroit vn Nonce à l'Empereur Charles quint: & cependant que s'il auoit commission de son Maistre de partir, qu'il partist, & protestast tout ce qui luy plairoit. Par ainsi l'Ambassadeur, apres auoir fait sa protestation, se partit. Et, quoy qu'en la mesme année, au mois de Septembre, Charles vinst à mourir, il ne fut iamais possible de destourner le Pape de sa deliberation.

En ces temps-là le nombre de ceux, qui s'appelloient Reformés, estant multiplié en France, le courage & l'assurance leur crut aussi. Et arriua, que comme c'est la coustume qu'en temps d'esté le peuple à Paris sort à grandes troupes du faubourg S. Germain au pré aux Clercs, pour prendre le frais, & se recreer par diuerfes sortes de passer temps; ceux de la nouuelle Religion se mirent vn soir à chanter les psalmes de Dauid en rime François, en lieu d'autres esbats: de quoi la multitude au commencement ne fit que rire comme de chose nouuelle, mais puis apres, ayant quitte ses ieux & passer temps, s'attrouppa avec ceux qui chantoient. Et cela continua quelques iours, tant qu'à la fin le nombre commença à grossir plus qu'à l'accoustumée. Le Nonce du Pape en eut la nouuelle, & la rapporta incontinent aux oreilles du Roy, comme chose périlleuse & pernicieuse: veu que par là les mysteres de la Religion, qui auoyent accoustumé d'estre celebrez en l'Eglise en langue Latine par les seuls Religieux estoient mis en la bouche du populace, en langue vulgaire, ce qui estoit vne inuention des Lutheriens. Et remonstroit que, si on ne remedioit à ces premiers coups d'essay, & entreprises, tout Paris se trouueroit en fin Lutherien. Le Roy ordonna qu'il fust procédé contre les principaux auteurs: mais on ne passa gueres auant, d'autant qu'Antoine de Bourbon Roy de Nauarre, & Ieanne sa femme, se trouuerent du nombre. Mais bien fut defenduë la chose pour l'aduenir sous peines capitales.

Il arriua aussi en cetté mesme année vn grand changement en la Religion en Angleterre. Car le dix-septiesme Nouembre ensuiuant, mourut la Roine Marie, & le mesme iour deceda aussi le Cardinal Polus. Ce qui esmeut les esprits de ceux, qui n'estoyent pas contens du gouuernement passé, à penser à remettre sus la Reformation d'Edouard, & de se separer totalement des Espagnols. Et ce, d'autant que Philippe, pour tenir tousiours vn pied en l'estrier dans ce Royaume, auoit traité de bailler Elizabeth, sœur de Marie & heritiere du Royaume, à Charles son fils, en mariage. Mais la nouuelle Roine, prudente, comme elle le monstra bien du depuis en tout le cours de son gouuernement, assura premierement le Royaume, par le serment qu'elle fit, de ne se marier avec aucun estranger, & se fit couronner par l'Euesque de Carlil, qui estoit adherant à l'Eglise Romaine, sans toutesfois qu'elle fist ouuerte declaration, quelle Religion elle vouloit suiure: ayant fait

Bbb iij

*la Roine
Marie
d'Angles
terre meurt;
et luy suc-
cede Elizabeth.*

3558.

indigne-
ment, & par le Papedont e'le se
sepa & de
luy.Gremet la
Reforma-
tion son
Royaumepaix de Re-
ligion con-
firmée en
Allemagne

dessein, tout aussi tost qu'elle seroit installée, d'en faire la resolution arrestée par le conseil de son Parlement, & de reformer stablement l'estat de la Religion par l'aduis des personnages de sçavoir & pieté. Et pourtant aussi elle exhorta les principaux d'entre la Noblesse, lesquels desiroient changement, de proceder discrettement, & sans tumulte, assurant qu'elle ne violenteroit aucun en sa conscience & religion. Et fit tout promptement donner aduis au Pape de son auenement à la couronne, enuoyant pour cet effet lettres de creance à Edoüart Cerne, lequel se trouuoit encores à Rome, comme Ambassadeur de sa sœur. Mais le Pape, procedant avec son accoustumée rigueur, respondit, Que ce Royaume-là estoit hief du Siege Apostolic, & qu'elle estoit incapable de succeder, comme illegitime. Qu'il ne pouuoit contreuenir aux declarations de Clement septiesme, & de Paul troiesime. Que ç'auoit esté vne grande audace à elle d'auoir pris le nom & le gouuernement sans luy. Que pour cela elle meritoit bien qu'il ne luy pretast aucune Audience. Mais toutesfois, voulant proceder paternellement enuers elle en cas qu'elle renonçast à toutes ses prentions, & se remist totalement & librement à son arbitrage, qu'il seroit tout ce qui seroit possible, l'honneur & la dignité du S. Siege tousiours saufs: Plusieurs crurent, qu'outrel'inclination & humeur hautaine du Pape, le Roy de France eust fait de grand officieux en cecy: de crainte que par dispense Papale, ne fust traité quelque mariage d'elle avec le Roy d'Espagne, dont il iugea qu'il estoit bon de s'en asseoirer, coupant queuë à toutes negociations & pratiques avec le Pape dès l'entrée. La nouvelle Roine, ayant entendu la response du Pape, toute rauie du precipité naturel du personnage, iugea qu'il n'estoit nullement à propos ny pour elle, ny pour son Royaume, de traiter plus avec luy. Et partant la cause, pour laquelle elle auoit premierement delibéré de donner tout contentement positif à Rome, étant cessée, elle permit à la Noblesse de mettre en deliberation ce qui seroit pour le seruice de Dieu, & pour le repos du Royaume, dont il s'ensuiuit, que le Parlement étant assemblée pour cet effet, fut fait vne dispute à Vvestmonster, qui dura dès le dernier de Mars de l'année mil cinq cens cinquante-neuf iusques au troiesime Auriel, entre les deputés de l'une & de l'autre des parties. Apres laquelle tous les Edits en fait de Religion, faits par Marië, furent cassés & annollés, ceux de son frere Edouard reestablis, l'obeyssance ostée au Pape, & le tiltre de Chef de l'Eglise Anglicane donné à la Roine, & les reuenus des Monasteres confisqués, & assignés en partie à la Noblesse, & en partie à la Couronne, & les images abbatuës & ostées des temples par le peuple, & la Religion Romaine bannie & dechassée du Royaume. Il auint encore vn autre accident bien facheux au Pape: c'est qu'en la Diete d'Ausbourg, dès qu'on eut veu les Actes du Colloque, lequel auoit esté l'année precedente rompu sans fruit, & que toute esperance estoit perduë de faire iamais aucune chose de bon par cette voye, Ferdinand proposa de procurer le reestablissement du Concile general, exhortant vn chacun à se soumettre aux Decrets d'iceluy, comme étant l'vnique remede pour assoupir tous differends. Mais les Protestans respondirent, Qu'ils consentiroient à vn Concile, non conuqué par le Pape, mais par l'Empereur, en Allemagne, auquel le Pape ne presidoit point, ains fust soumis au iugement: relaschant aux Euesques, & aux Theologiens, le serment qu'ils luy ont: & auquel les Protestans eussent aussi voix & suffrage deliberatif & decisiu, le tout étant examiné selon l'Escripture sainte: & les choses traitées à Trente examinées & debatues du nouveau. Que si on ne pouuoit obtenir ces conditions du Pape, ils requeroient que la paix de la Religion fust confirmée, suiuant les conuentions de Passau: attendu qu'ils auoyent suffisante experience, qu'on ne pouuoit esperer ne tirer bien quelconque d'aucun Concile Papal. L'Empereur reconnoissant la difficulté d'obtenir du Pape les choses proposées: & voyant que tout moyen luy estoit osté de negocier avec luy, à cause du debat sur la renonciation de Charles, & sa succession, conferma l'Acord de Passau, & les Recés des Dietes faits suiuant cept.

à quoy le
Pape n'ye
contredire.
Iout miste
par la paix
de Cambray,
par laquelle
le Concile
deuist estre
procuree &
reuef.

pour les in-
terests des
deux Roys
qui vou-
loyent exister
par les Pro-
testans de
leurs Pays.

à quoy ne
pouuoient
suffire les
suppliques.

Le Pape, sçachant que luy mesme auoit coupé toute voye de traiter avec Ferdinand & l'Allemagne, ne sçeut que repliquer à ce cy : & toutesfoiſ en-
core eut-il plus de desſeſſin du propos entreieté touchant le Concile, que
de la liberte accordée par le Rees estant bien résolu de ne vouloir souffrir
aucun Concile hors de Rome, pour cause aucune que ce fust. Et pour cet
esgard vn troisieme accident ne luy fut moins griet, à sçauoir, la paix faite
à Cambray, le troisieme Auriſ, entre les Rois de France & d'Espagne, bien
boulée & affermie par mariages d'Elizabeth fille du Roy Henry avec le
Roy d'Espagne, & de sa seur Marguerite avec le Duc de Sauoye : en la-
quelle paix il auoit esté conuenu, que les deux Roys se donneroyent parole
de s'employer vnanimement, à ce que le Concile fust celebré, & que l'Eglise
fust reformée, & les differends en la Religion fussent compoſés : sur quoy le
Pape, auquel toute voye de douceur & liberte estoit autant griue, que
plaisante, la rigueur del'Inquisition, faisoit diuerſes conſiderations : com-
bien ce nom de Reformation & de Concile estoit specieux & plausible : com-
ment l'Angleterre & toute l'Allemagne, estoit perduë, partie par les Pro-
testans, partie aussi par la discorde avec Ferdinand : que ces deux Rois
estoyent vnſ, & estoient tous deux griueusement offencez de luy : celuy d'Es-
pagne de fait & de paroles, celuy de France au moins de paroles : qu'il ne
luy reſtoit aucun, à qui pouuoit recourir : que tous les Cardinaux estoient
las de son gouuernement, & les peuples peu affectionnez, tant pour les in-
commodites souffertes en la guerre paſſee, que pour les ſoules & charges
ordinaires. Ces ſoucis affligerent l'eſprit de ce vieux Pape, en ſorte qu'il
deuint mal propre à plus exercer ſa charge : & ne pouuoit plus tenir les Con-
ſiſtoires frequemment à l'accouſtumeë : & meſmes encor, quand il les tenoit,
il conſumoit la plus part du temps à parler del'Inquisition, & à exhorter à la
fauoriſer, comme l'unique moyen d'esteindre les heresies.

Mais de vray les deux Rois n'estoyent pas conuenus enſemble en cet Ac-
cord, de pourchasser le Concile, pour aucune mauuaſe volonte, ou pour
interet d'aucun d'eux contre le Pape, né contre le Papat, mais ſeulement
pour trouver remede aux nouuelles doctrines, qui faiſoyent de grands pro-
grès en leurs Eſtats, & estoient auident ouies & recuës par les gens de
conſcience. Ioint que, ce qui importe le plus aux Rois, les malcontents, & les
amateurs de nouueautés prenoient ce party, & ſous couleur de Religion,
entreprenoient tous les iours quelque attentat, tant es Païs bas qu'en
France, là où les peuples ſont fort amateurs de la liberte, ayans par la pro-
ximité grand commerce avec l'Allemagne. Ce qui fut la cause, que, dès le
commencement des remuemens il en paſſa de là quelque ſemence en Fran-
ce, & es Pays bas, laquelle l'Empereur Charles, & le Roy de France, raf-
cherent par pluſieurs rigoureux Edits, & ſanglantes executions, d'empê-
cher de prendre racine, comme il a esté dit enſon lieu. Mais, dès que le
nombre des Proteſtans fut accru en Allemagne, & que les Euangeliques fu-
rent multipliés en Suisse, & que la ſeparation eut pris pied en Angleterre, il
aduint, par les frequentes guerres d'entre l'Empereur & le Roy, que l'vne
& l'autre des parties fut ſouuent contrainte de ſoudoyer des ſoldats Alle-
mands, Suiſſes, & Anglois, leſquels preſchans en leurs quartiers, & faiſans
publique profeſſion de la Religion renouuelee, furent par leur exemple, &
autres moyens, cause qu'elle prit pied entre pluſieurs d'entre le peuple.
Quoy qu'il en ſoit, c'eſt choſe certaine, que l'Empereur Charles fut con-
traint par cela d'eſſayer d'introduire l'Inquisition Eſpagnole, voyant que les
autres remedes ne profitoyent de rien, de laquelle toutesfoiſ il fut enpar-
tie forcé de deſiſter, pour les cauſes recitées cy-deuant. Et le Roy de Fran-
ce Henry, pour cette meſme raiſon, donna aussi aux Eueſques le pouuoir
de punir les heretiques, choſe qui n'auoit iamais esté viſitée en ce Royau-
me. Mais, quoy que les executés à mort es Païs bas, partie pendus, partie
decollés, partie enterrés tout viſs, partie brulés, dès le premier Edit de
Charles iuſques à ce temps de la paix, montraſſent à cinquante mil, & qu'en

1558.

France semblablement on eust fait mourir vn nombre notable : les affaires neantmoins estoient en ce temps enpires termes que iamais : si bien que ces Roys se portèrent vnanimement à y remedier, instant principalement à cela, du costé des François, le Cardinal de Lorraine, & de la part des Espagnols, Granuele, Euesque d'Arras : lesquels, ayans este à Cambray pour le traité de paix, dès le mois d'Octobre iusques au mois d'Auril ensuiuant, avec les autres députés des Rois, negotierent particulièrement entr'eux des moyens d'extirper cette Doctrine : & du depuis aussi furent grands organes de tout ce qui fut executé en l'un & en l'autre estat. En quoy ils se couuroient du manteau du zeile de la Religion, & du seruice de leurs Princes, & pretenoient la promesse & foy mutuellement donnée de s'enr'aider à cet œuvre : mais la créance commune estoit, que la vraye & intime cause à l'un & à l'autre estoit l'ambition, & le dessein des'enrichir des despoüilles des condamnés.

ne les Euesques nous neaux du pays,

Le Roy d'Espagne, apres la paix faite & concludue, pour commencer à mettre en train l'execution des conseils concertés entr'eux, & ne pouuant ouuertement introduire l'Inquisition, s'aduisa de la faire obliquement, par le moyen des Euesques. Mais à cause que tous les Pays bas n'auoyent que deux Euesques, celuy de Cambray, & celuy d'Vtrecht : & que tout le demeurant du Clergé estoit sujet aux Euesques d'Allemagne, & de France : & que mesmes ces deux Euesques desludits estoient suiets à Archeuesques estrangers, ausquels on ne pouuoit oster le droit d'appeller : dont il estoit impossible que par le moyend'iceux il pust effectuer son intention : il iugea expedient de soustraire tous les siens de la suietion des Euesques estrangers, & d'establi en ces pays là trois Archeueschez, de Malines, de Cambray, & d'Vtrecht : & d'eriger en Euesché Anvers, Bolduc, Gand, Burges, Ipre, S. Omer, Namur, Harlem, Middelbourg, Levwarden, Groninge, Ruremonde, & Deuenter : appliquant à iceux les reuenus de quelques riches Abbayes. Et fist ratifier & approuuer tout cela par vne Bulle du Pape, sous la date du dix-neufiesme May, de l'annee mil cinq cens cinquante-neuf. Quand cela vint à notice, quoy que pretexté par ce qu'es temps passés l'infrequenté des habitans en ce pays-là ne requeroit plus grand nombre d'Euesques : mais à present la multitude des hommes, & la splendeur des villes portoit qu'icelles fussent decorées de tiltres Ecclesiastiques : la Noblesse & le peuple s'aperceut incontinent que c'estoit vne ruse pour introduire sous main l'Inquisition : & se consermerent en leur opinion voyant la Bulle du Pape. Car iceluy, suiuant le style des Papes, de tirer de tous actes aduantage de puissance, ou d'utilité, assignoit pour cause de ce nouuel establissement, que ces pays-là estoient tous entourés & assiegés de Schismatiques, rebelles à luy Chef de l'Eglise : dont il y auoit vn grand danger pour la foy, à cause des fraudes & embusches des heretiques, en cas qu'il n'y fust pourueu de nouueaux & bons gardiens. Cette occasion fit resserer & joindre les Nobles entr'eux, pour auiser à obuier auant que la force eust pris pied. Et sur cela delibererent de ne point payer le tribut, que les soldats Espagnols ne fussent congédiés du pais, & commencerent à encliner ouuertement à la nouuelle opinion, & à la fauoriser : ce qui du depuis fut cause des autres troubles si longs & si sanglans, dont il sera parlé.

ne les emprisonnement de la Mercuriale de France.

Mais le Roy de France, desirant que la secte Lutherienne ne s'ancrast & ne gaignast plus auant en son Royaume : & ayant entendu qu'entre les Conseillers de son Parlement, il y en auoit quelques vns qui en estoient atteints, pensa de les chastier & reprimer. Et pourtant, scachant que le quinzieme de Iuin se tenoit à Paris vne Mercuriale (ainsi nomment-ils le Iugement ordonné pour examiner, & corriger les actions des Conseillers du Parlement, & des Iuges Royaux) en laquelle il se deuoit traiter de la Religion, ainsi quel'action estoit ja commencée, le Roy entra, & dit, Qu'il auoit establi la paix du monde par les mariages de sa seur, & de sa fille, afin de pouruoir aux inconueniens nés en son Royaume au fait de la Religion, laquelle doit

doit estre le premier & principal soin des Princes. Et pourtant, ayant entendu qu'ils deuoyent traiter de cette matiere, il les exhortoit à manier la cause de Dieu en franchise, & sincerité. Et ayant commandé qu'ils poursuivissent ce qui estoit ia entamé, Claude Viole, l'un d'eux, dit beaucoup de choses contre les mœurs & façons de faire de la Cour de Rome, & contre les mauuaises coustumes qui estoient degenees en erreurs pernicieuses, qui auoyent donné suiet & cause aux sectes naissantes. Dont il estoit necessaire de relascher les supplices, & demoderer la rigueur, iusques à ce que, par l'autorité d'un Concile general, les differends en la Religion fussent ostés, & la discipline Ecclesiastique fust reformee, qui estoit l'unique remede à tous ces maux: selon que les Conciles de Constance, & de Basle, en auoyent iugé, en commandant pour cet effet que le Concile general fust tenu & celebré de dix en dix ans. L'aduis de ceuy-cy fut suivi par Louis le Feure, & par aucuns autres. Mais Anne du Bourg y adiousta de surcroist, Qu'il y auoit tant de meschancetés, & enormités condamnées par les loix, pour la punition desquelles ne les cordeaux, ne les feux ne pouuoient suffire: que les blasphemés contre la Maïesté & le Saint Nom de Dieu, les parjures, les adulteres, estoient tresfrequents: non seulement dissimulés, mais mesmes portés & fomentés par vne honteuse licence & conuenance: (monstrant assez par son langage, qu'il entendoit parler non seulement des Grands, de la Cour, mais du Roy mesmes) & cependant qu'en cete generale dissolution de vie, & indulgence des peines, on exerceoit toutes sortes de rigueurs & de supplices contre gens, qui n'estoyent atteints ne coupables d'autre crime, que d'auoir descouuert au monde les vices & les deprauiations de la Cour de Rome, & d'en auoir requis & pourchassé la correction. Mais Giles le Maistre, premier President, harenga tout au contraire contre les nouuelles sectes, & conclut, Qu'il n'y auoit autre remede que celui, qui autrefois auoit esté employé contre les Albigeois, desquels Philippe Auguste auoit fait mourir six cens en vn iour: & contre les Vaudois, qui auoyent esté estouffés es grotes & balmes, où ils s'estoyent sauués. Apres que tous eurent opiné, le Roy adiousta, Qu'il auoit ouy de ses propres oreilles ce que desia luy estoit venu à noti ce: assauoir, que le mal du Royaume procedoit de ce qu'au Parlement mesmes il y en auoit qui mesprisoyent l'autorité du Pape, & la sienne: qu'il sauoit bien qu'ils estoient en petit nombre, mais ne laisseroient pas de causer de grands maux. Et pourtant qu'il exhortoit les bons à perseuerer à bien faire leur deuoir. Et tout sur le champ commanda que le Feure, & du Bourg, fussent menés en prison, & du depuis en fit encor saisir quatre autres en leurs maisons. Ce qui donna grand frayeur à ceux qui embrasloyent la nouuelle Doctrine. D'autant que les Conseillers de Parlement estants en France sacresaints & inuiolables, ceux qui les voyoyent lors traîner es prisons, pour auoir dit leur aduis en pleine assemblee, pouoyent aisément conclure, Que doncques le Roy ne pardonneroit à personne.

*nonobstant
lesquels les
Reformés
mettent or-
dre à leur
gouverne-
ment Eccle-
siastice:*

Il auint aussi vne chose, qui leur releua le courage: c'est, que la renommée de la rigueur qu'on exerceoit es supplices en France, eust porté en Allemagne, les trois Electeurs, & autres Princes Protestans d'Allemagne, enuoyerent

*et sont si
moult d'au-
ant interres-*

1558.
fin d'ail-
leurs,

Ambassadeurs au Roy, pour le prier de commander qu'on procedast en pieté & charité Chrestienne, enuers ceux qui faisoient profession de la mesme religion qu'eux, non coupables d'autre chose, que d'accuser les mœurs corrompues, & la discipline pervertie de la Cour de Rome: chose pratiquée plus de cent ans auparavant par autres Docteurs François, personnages de pieté: attendu que, la France estant en paix & repos: on y pouuoit aisément appoin-ter les differends & dissensions nees pour cete cause, par disputes d'hommes suffisans, & amateurs de paix, qui pourroyent examiner la Confession d'i-ceux, à la reigle de l'Escripture sainte, & des Peres anciens. Que cependant il plust au Roy sursoir la rigueur des iugemens: ce qu'eux Princes rece-voient à singuliere faueur, & en demeureroient grandement obligés au Roy. Le Roy leur donna benigne responce en termes generaux, & promit de leur donner contentement, comme il leur feroit entendre par homme ex-pres, qu'il leur enuoyeroit. Mais pour tout cela il ne relascha rien de la ri-gueur: ains, apres le depart des Ambassadeurs, il deputa, pour Iuges & Com-missaires en la cause des prisonniers, quatre du corps du Parlement, ense-mble l'Eueque de Paris, & Anthoine Demochares Inquisiteur: leur enjoignant de trauailler incessamment à faire & parfaire leur procès, & de proceder à brieve & prompt expedition.

le Pape, en
lien de Cō-
cile, sollici-
te le vint-
de de l'in-
quisition,

Toutes ces choses estoient sues par le Pape, lequel sentoit extreme re-gret de l'accroissement & progres de la nouuelle doctrine es Estats de l'vn & de l'autre Roy: mais aussi prenoit il grand plaisir que ces Princes y pen-sassent, & les en sollicitoit continuellement par ses Nonces, & par offices qu'il faisoit avec leurs Ambassadeurs residens aupres de luy: mais n'y pou-uoit agreer autre remede que celuy de l'Inquisition, lequel il iugeoit estre le seul & vniue, ne preschant iamais autre chose en tous ses propos: & di-sait qu'il ne croioit point que celui du Concile pult iamais produire autre fruit que d'epirer les affaires, cōme il auoit fait es annees prochainement passees.

le Roy de
France
meurt, au
grand des-
plaisir du
Pape:

Pendant qu'il estoit en ces pensees, & se trouuant d'ailleurs fort indisposé de sa santé, voila arriuer la nouuelle de la mort du Roy de France, auenu le deuxieme Iuillet, par vne grieue ble.sure receuë en l'œil d'vn esclat de lance, ioustant à la barriere. Le Pape en fit des demonstrations de grand dueil: & de fait il en eut beaucoup de regret, & douleur, & non sans raison: car quoy qu'il eust eu suiet de des fiance & soupçon pour l'intelligence des deux Roys, il n'auoit pas toutes fois encor perdu l'esperance de les desunir: mais, apres la mort de Henry, il se voyoit reduit à la mercy & discretion de l'autre tout seul, lequel il redoutoit le plus, tant pource qu'il estoit le plus offensé, que pour son naturel couuert, & impenetrable. Il apprehendoit aussi, que l'porte ne fust ouuerte encor plus large aux sectes, & qu'eiles ne s'engrassent, auant que le nouveau Roy eust acquis la prudence & l'autorité necessaire pour s'opposer à tant de difficultés. Parmy ces angoisses, il vescu peu de iours tout affligé, & ruiné de ses esperances, qu'il auoyent soustenu iusques alors, & mourut le dix huitieme Aoust, & en mourant ne recommanda autre chose aux Cardinaux, quel office de l'Inquisition, moyen vniue, comme il disoit, de conseruer l'Eglise: les exhortant tous, à employer & bander tous leurs esprits à le bien fonder & establiir en Italie, & par tout où on pourroit.

qui de cede
au si peu
apres

ce à sa mort
s'esteue vne
grande ef-
meute à Ro-
me en haine
de luy,

Le Pape mort, voire mesme respirant encor: s'esleua vne horrible ef-meute en la ville de Rome, pour la haine, que le peuple, & sur tout le bas vulgaire, auoit conceu cōtre luy, & cōtre sa maison: si bien que les Cardinaux eurent beaucoup plus à penser à ce danger tout prochain & pressant, qu'aux communs & generaux de la Chrestienté. La ville alla toute en cōbustion, & vacarme, & le peuple abbatit la teste à la statue du Pape, & la traîna par la vil-le: puis brisa les prisons publiques, & deliura plus de quatre cens prisonniers, qui y estoient detenus: & de là se transporta au lieu de l'inquisition, qui estoit à Ripetta, & en tira hors les prisonniers, & mit le feu à la maison, & brusta tous les proces, & escriptures, qui y estoient gardees: & peu s'en salut, que le Couuent de la Minerue, où habitoient les Moynes commis sur

L'Inquisition, ne fust embrasé. Desja pendant la vie du Pape, le College des Cardinaux auoit rappellé le Cardinal Caraffe, & apres la mort d'iceluy, en la premiere assemblée que tinrent les Cardinaux, le Cardinal Moron prisonnier fut deliuré du Chateau S. Ange, ayant esté bien pres d'estre condamné à mort pour heretique. Il y eut de la conteste, s'il pouuoit auoir suffrage en l'Election du nouveau Pape. Ceux, qui le tenoyent pour contraire, s'y oppoſoyent: mais en fin il fut declare qu'il y pouuoit entreuenir. Les Cardinaux furent contraincts de permettre que par toute la ville de Rome, de toutes les enseignes, & armoiries des Caraffes, les mobiles fussent lacérées & cancelées, & les immobiles demolies.

Puis apres s'estans reduits dans le Conclau le cinquiesme Septembre, huit iours apres le temps preserit & legitime, d'autant qu'ils auoyent esté retardés par ces inconueniens, ils dresserent les Articles, lesquels, selon la coutume, sont iures par tous, pour donner ordre au gouuernement tout desrange, à cause des violentes procedures du Pape Paul. Il y en eut deux, concernant nostre sujet: l'un que le differend avec l'Empereur, comme dange-reux de faire perdre le demeurant d'Allemagne, fut assopi, & qu'iceluy fut reconneu pour Empereur: l'autre, pour les necessités de la France, & du Pais bas, le Concile fust remis sus, comme estant l'unique remede contre les heresies. Le Siege vaqua plus longue espace que les necessités du temps ne requeroient: & la cause en fust plustost du costé des Princes, qui s'y interposerent pour leurs interets plus, qu'à l'acoustumee, que pour partialité, & discordes des Cardinaux. Pendant que le Conclau fut clos le Roy Philippe fit voile des Pais bas en Espagne, & en ce voyage souffrit vne grande tourmente, & naufrage: auquel il perdit quasi toute sa flote, avec des meubles d'vne immense valeur qu'il portoit avec soy. Et estant eschapé avec beaucoup de peine de ce danger, il se resolut à ne bouger plus d'Espagne: & disoit d'auoir esté deliuré par vne prouidence de Dieu singuliere, afin qu'il s'employast à extirper le Lutheranisme, à quoy il mit la main tout aussitost. Car; dès lors arriuee à Seuille, qui fut le vingt-quatriesme Septembre, pour donner vn notable exemple tout à l'entrée de son gouuernement, & retrancher toute esperance de mercy à qui que ce fust, il fist bruster pour Lutherien Jean Ponce de Leon, fils du Conte de Bailen, ensemble vn Predicateur & plusieurs autres du College de S. Isidore, auquel la nouuelle Religion estoit entree, & quelques femmes nobles, iusques au nombre de treize, & en fin la statue de Constantin Ponce, lequel auoit esté Confesseur de Charles cinquiesme, l'auoit seruy en cette charge, pendant sa solitude & retraite, iusques à la fin que l'Empereur rendit l'esprit entre ses bras. Iceluy estoit, peu de iours auparauant, mort és prisons de l'Inquisition, où il auoit esté mis pour crime d'heresie, incontinent apres la mort de l'Empereur. Cette execution, quoy que contre vne statue insensible, porta plus de frayeur que tout le demeurant: car d'icelle chacun concludoit, qu'il n'y auoit ne conuenance, ne mercy à esperer de celuy, qui ne portoit aucun respect à la memoire d'vn tel personnage; dont l'infamie redondoit à plus grand deshonneur encor de son propre pere. De là le Roy passa à Valadolid, où aussi il fit bruster en sa presence vingt-huit des principaux gentils-hommes du pais, & retenir prisonnier Frere Barthelemy Carranza, dont il a esté souuent fait mention en la premiere conuocation du Concile; & lequel depuis auoit esté fait Archeuesque de Tolède: luy ostant tous ses reuenus. Et de vray à iuger par les seules maximes d'estat; on ne peut nier que ces executions, outre diuerſes autres qui suivirent, quoy que non tant exemplaires, ne fussent cause de conseruer le repos en ces Royaumes-là, pendant que tout estoit en trouble ailleurs. Car; combien que plusieurs, sur tout entre la Noblesse, eussent receu les semences des nouuelles opinions, si est-ce qu'icelles demurerent cachées & enseuelies dedans les esprits, par le caut naturel des Espagnols, à fuir les dangers, & à ne s'exposer à entreprises hardies, ains à viser en toutes ses actions seulement à la seureté.

le Conclau
assemble
dresse ses
Articles.

auquel s'épa
le Roy Phi-
lippe va en
Espagne av
ec grand
danger, & y
aid d'horri-
bles execu-
tions contre
les Prote-
stans.

1558.

*Concile aussi
ou fait en
France sur
Anne du
Bourg & sur
autres en
grand nom-
bre.*

En France, la mort du Roy Henry releua le courage aux Reformés: car ils l'attribuoient à miracle. Si est-ce qu'à Paris ils n'osoient se descouvrir publiquement: car le nouveau Roy François, fils de Henry, apres son sacre celebré à Rheims le vingtiesme Septembre, commença qu'on poursuist au procès contre les Conseillers Lutheriens: & commit le President S. André, & Anthoine Demochares, Inquisiteur, pour descouvrir les Lutheriens. Cesiuges gagnerent quelques petites gens, qui toutesfois auoyent fait profession de la Religion reformée, & d'eux apprirent les lieux, esquels ils tenoyent leurs assemblées secretes. Dont il auint qu'il y en eut beaucoup d'emprisonnés, hommes & femmes: plusieurs aussi s'enfuirent, desquels les biens estoient confisqués apres trois adiournemens, à cry public & son de trompe. L'exemple de Paris fut suiuy en Poirou, Thoulouse, & Aix en Pro-uence, là où George, Cardinal d'Armagnac, fit de grandes diligences, pour descouvrir & faire saisir les suspects de la Religion: tant que pour ne quitter la besongne, il ne se soucia point d'aller à Rome, pour l'election du Pape. Ceux de la Religion reformée, irrités de ces choses, & ayans pris hardiesse du grand nombre qui s'en descouuroit, semoyent plusieurs libelles contre le Roy, la Roine, & ceux de la maison de Lorraine, à l'apetit desquels le Roy se gouuernoit, & qui estoient les auteurs de la persecution: y entremellant tousiours quelques traits de la Religion. Ces petits escrits estoient generalement leus avec audité, comme choses composées en faueur de la liberté publique, & par ce moyen la nouvelle Religion s'insinuoit es esprits de plusieurs.

La fin du iugement institué contre les Conseillers, apres longues contestes, fut, que tous furent absous, sauf Anne du Bourg, lequel le dix-huitiesme iour Decembre fut pendu & estranglé, & puis bruslé: non tant par inclination des Iuges, que de l'absoluë volonté de la Roine mere, irritée de ce que les Lutheriens semoyent & publioient par diuers petits escrits & libelles, que le Roy Henry auoit esté frappé en l'œil, par la prouidence de Dieu, pour les punir des paroles qu'il auoit dites, Qu'il le vouloit voir brusler. Mais la mort, & la constance d'un homme tant signalé, esueillà en plusieurs la curiosité de sçauoir quelle estoit cette doctrine, pour laquelle ce personnage auoit si courageusement souffert le supplice: & fut cause, avec plusieurs autres choses, d'en faire grandement accroistre le nombre. Dont ceux, qui auoyent interest à leur ruine, ou par affection à la Religion ancienne, ou comme Ecclesiastiques, ou pour auoir esté auteurs des persecutions passées, iugerent necessaire de les aller descouurant & exterminant, auant que le nombre en fust deuenu si grand, qu'il ne pust plus estre opprimé: Et à cette fin inuenterent vne ruse: c'est, que quasi par toute la France, & sur tout à Paris, ils firent mettre à chaque coin de rue des images de la Vierge Marie, & des Saints, deuant lesquelles ils allumoyent des chandeles, & faisoient chanter aux crocheteurs & porte-faix, & autres basses personnes, les chansons ordinaires de l'Eglise: & y tenoyent mesmes des hommes avec des coffrets, demandans l'aumosne aux passans pour acheter des chandeles: & ceux qui en passant ne rendoyent honneur à ces images, ou ne s'arrestoyent à y faire quelque deuotion, ou ne bailloyent aumosne, estoient incontinent pris pour suspects, & le moindre mal qui leur pust aduenir, estoit d'estre malmenés du populace à coups de pied & de poing: mais la plus part estoient emprisonnés, & procès leur estoit fait. Cela irrita les Reformés, & fut vne des principales causes de la conspiration de Geoffroy de la Renaudie, duquel il sera parlé cy apres.

*Pie quatrième
est le
Pape.*

A Rome, apres beaucoup de debats, & de pratiques pour creer Pape l'un de ces Cardinaux, Mantouë, Ferrare, Carpy, & du Puits: finalement la nuit suiuant le vingt-quatriesme Decembre, fut creé Pape, Iean Ange de Mediceis, lequel prit le nom de Pie quatriesme. Iceuy apres auoir apaisé les tumultes de la ville, & assuré les esprits de tous par un general pardon des choses commises pendant la sedition, tourna soudain sa pensée aux deux chefs

jurés au Conclaué, concernans les affaires plus generales. Et le trentieme n.e fine mois ayant assemblée les Cardinaux, & consulté avec eux sur le rebut de l'Ambassade de Ferdinand, & la deliberation de Paul de ne le reconnoistre pour Empereur: l'aduis commun fut, Que tort luy auoit esté fait. Mais on fut bien plus long-temps à deliberer sur les moyens de remedier à cét inconuenient: & apres auoir proposé & debatü plusieurs choses, ils ne purent trouuer moyen de nouër aucune negotiation, sans danger de plus grands achopemés, cas aduenant, comme il estoit inenitable, que les Electeurs eussent esté de la partie: dont, du consentement & aduis commun, il fut dit, qu'on cuiteroit toute negotiation, comme ne pouuant terminer qu'à quelque desauantage & indigne du Pape: & qu'il valoit mieux n'attendre point que l'Empereur fît aucune recherche. Cét aduis fut approuué par le Pape, qui iugeoit que c'estoit acte de prudence de donner ce qu'il ne pouuoit vendre ne retenir: & tout sur le champ manda François de Torre, agent de l'Empereur, qui estoit à Rome: & luy dit, Qu'il approuuoit la renonciation de Charles, & la suspension de Ferdinand à l'Empire: & qu'il luy escriroit avec les tiltres accoustumés: dont il luy bailloit charge de donner aduis.

*s'appointe
avec l'Empe-
reur.*

Après cela le Pape appliqua sa pensée au Concile, estant bien asseuré qu'il en seroit sollicité de diuerses parts. Maintes difficultés luy tournoyent par l'esprit, comme luy-mesme disoit, conferant avec le Cardinal Moron, auquel il auoit grande confiance pour sa prudence, & pour l'amitié qui estoit entr'eux, à sauoir, Quel estoit le plus expedient pour le Siege Apostolic, de tenir le Concile, ou non: & si non, quel estoit le meilleur, le refuser absolument, & s'opposer ouuertement à ceux qui le demanderoient: ou bien faire demonstration de le vouloir, mais cependant y mettre des empeschemens nouueaux, outre ceux que l'affaire feroit esclorre de soy-mesme. Que si aussi il estoit vtile de le celebrer, lequel valoit mieux attendre d'estre requis, ou bien preuenir & requérir. Il se representoit les causes, pour lesquelles Paul troisieme, sous couleur de translation, l'auoit rompu: & rememo-roit les dangets que Iules auoit couru, si le bon-heur ne l'eust aidé. Que maintenant de vray il n'y auoit plus vn Empereur Charles dnquel on eust tant à craindre: mais que si les Princes estoient foibles, les Euesques estoient de tant plus forts, & reuesches, & qu'il falloit auoir l'œil plus exactement sur eux, attendu qu'ils ne se peuent hausser sinon sur les ruines du Papat. Que des s'opposer directent à ceux qui demanderoient le Concile, nom tant specieux, estoit chose scandaleuse, pour l'opinion, quoy que vaine, qu'auoit le monde, qu'il en deuoit sortir quelque grand fruit: & d'autant aussi que tous estoient persuadés qu'il n'estoit refusé, sinon pour crainte de la Reformation: que si puis après enfin on venoit à l'accorder par necessité, la reputation en seroit entièrement perdue, & outre le monde en seroit incité à pourchasser la depression de celuy qui s'y seroit opposé. Parmy ces ambiguités, le Pape tenoit bien pour tout euident, Que le Concile ne porteroit aucun fruit pour l'Eglise: ne pour les Royaumes separés, & ne pouuoit estre sans mettre en hazard l'autorité Papale. Mais, que le monde n'estoit pas capable de cette verité: dont aussi il estoit impossible d'y faire opposition directement, & à descouuert. Mais il demettoit en incertitude, si, en cas que les Roys, ou les Royaumes, recherchassent le Concile, les coniointures des affaires à venir pourroyent estre telles, que les empeschemens occultes portassent coup. Et ayant tout bien pensé, il conclut, Qu'il estoit à propos en tout cas de semontrer prompt & appareillé, voire mesme desireux du Concile, & de preuenir les desirs des autres pour se tenir tant mieux caché à les tra- verser & pour auoir plus de creance à représenter les difficultés contraires: remettant au demeurant aux causes superieures la deliberation, à laquelle le sens humain ne pouuoit atteindre.

*pense au
Concile.*

*auquel il
est si me-
sme d'estre
tout enclin:*

Le Pape ayant esté couronné à la feste des Roys, il tint l'vnziesme du mesme mois de Ianuier, vne frequente Congregation de Cardinaux: en laquelle il declara par vn long discours, que son intention estoit de reformer la

*ce qu'il de-
clare en vne
Congrega-*

1559.

Cour, & d'assembler vn Concile general, enjoignant à tous de penser aux choses dignes de reformation: & au lieu, au temps, & aux autres choses preparatoires à la conuocation d'un Concile, qui portait autre fruit, que n'auoyent fait les deux precedentes. Apres cela, mesmes en deuis priés avec les Cardinaux, & avec les Ambassadeurs, à toutes occasions, il parloit de ce sien dessein, sans toutesfois en effect faire chose aucune qui en demonstroit plus expressement la verité.

L'Empereur estant à Vienne, eut la nouuelle de ce que le Pape auoit signifié à son ministre: sur quoy tout promptement il luy deputa vn Ambassadeur, auant le depart duquel il escriuit au Pape, se conioinsant avec luy de son assumption, & le remerciant de ce, que paternellement & sagement il auoit terminé la querelle, qui luy auoit esté suscitée par Paul IV. contre tout droit & raison: l'aduertissant aussi de l'Ambassadeur, qu'il auoit deputer vers luy: qui estoit Scipion, Côte d'Arco lequel le 12. de Février arriua à Rome: là où d'en-

trer il récontra vne grande difficulté, sur ce qu'il auoit commission de l'Empereur de redre seulement reuerence au Pape, & le Pape tout resolu ment vouloit qu'il luy rendist obeissance: monstrant que les autres Ambassadeurs Imperiaux en auoyent tousiours ainsi vsé enuers ses predecesseurs: & protestant resoluement qu'il ne l'admettroit point autrement. L'Ambassadeur d'Espagne, & le Cardinal Pacieco conseilloyent le Conte, de n'outrepasser point ses commissions: mais à l'opposite les Cardinaux Moron, & Madruce le persuadoyent d'acquiescer au vouloir du Pape. Lequel aduis fut suivi par le Conte, d'autant

quel l'Empereur luy auoit commandé de proceder en toute sa negotiation par le conseil de ces deux. La ceremonie estant passée en Consistoire au gré du Pape, en la premiere audience priuée qu'eut l'Ambassadeur de luy, en laquelle il deuoit requerir le Pape, au nom del'Empereur, de conuoyer le Concile, pour cōposer les diferends d'Alemagne: le Pape le preuint au grand contentement de l'Ambassadeur, lequel croyant d'auoir à traiter avec le Pape de chose desagreable, s'estoit appresté de la luy représenter avec beaucoup de douceur, pour la faire couler plus aisément. Le Pape luy dit, Qu'en Conclau il auoit esté traité entre les Cardinaux, de remettre le Concile, en laquelle deliberation il auoit eu principale part: & qu'apres auoir esté créé Pape, il s'estoit de plus fort conformé en la mesme resolution: mais que toutesfois il ne vouloit proceder en cela à yeux enclos, ains en sorte, qu'il ne s'y trouuast les mesmes difficultés qu'autrefois: & pourtant vouloit qu'auant main toutes les choses necessaires furent disposées, afin qu'il en pust reussir quelque bon fruit. Il traita du depuis de la mesme chose, avec les Ambassadeurs de France & d'Espagne: & escriuit à ses Nonces de représenter le mesme aux Roys, près desquels ils estoient. Il en parla aussi avec les Ambassadeurs de Portugal, & des Princes Italiens, qui estoient lors à Rome.

Et puis au
autres Am-
bassadeurs.

le Duc de
Sauoye de-
mande per-
mission
d'une con-
ference avec
ceux des
Vallées.

Apres tous ces deuoirs, le Duc de Sauoye enuoya homme exprès pour requerir le Pape qu'il pust, avec son adieu & bon consentement, faire tenir vne conference en matiere de Religion, pour instruire les peuples de ses vallées, lesquels estoient tous generally alienés de la Religion ancienne, ia dés enuiron quatre cens ans: à l'occasion, qu'une partie des Vaudois, qui, ayans dès lors fait total diuorce avec l'Eglise Romaine, s'estoyent escartés, à cause des persecutions: en Pologne, Allemagne, Pouille, & Prouence, se retira es Vallées du Mont-cenis, de Luferne, d'Angrogne, de Perouse, & de S. Martin, & se maintinrent tousiours séparés, sous certains ministres qu'ils auoyent, nommés Barbes, iusques à ce que la doctrine de Zuingle fut plantée en la ville de Geneue: & lors ils s'adioignirent tout promptement à ceux d'icelle confession, comme conformes avec eux es dogmes & ceremonies principales: & pendant que le Piedmond fut sous les François, quoy qu'il leur fut interdit par le Senat de Turin, sous peines capitales d'exercer la Religion Heluetique, ils ne laisserent pas de l'introduire pied à pied quasi tout publiquement, tellement, que quand le pays fut restitué au Duc, l'exercice en estoit comme libre. Le Duc se resolut de leur faire recevoir

la Religion Catholique, dont plusieurs furent brusl  s, & mis    mort par autres supplices, & plus grand nombre encor fut condamn   aux galeres,    la poursuite principalement de Frere Thomas Iacomel, Iacopin, Inquisiteur. Ce qui fut cause de leur faire mettre en dispute, s'il estoit loisible de se defendre par armes: en quoy les ministres n'etoient pas d'accord. Aucuns disoyent qu'il n'estoit loisible de s'opposer par armes    son Prince, non pas mesmes pour la defense de sa propre vie: mais qu'ils pouuoient en porter leurs biens, & se sauuer   s montagnes voisines. Les autres soustenoyent, qu'en telle extremite, & desespoir de tous autres moyens, il estoit licite de se seruir de la force, sur tout, que ce n'estoit pas proprement contre le Prince, ains contre le Pape, qui abusoit de l'autorite d'iceluy. Vne grande partie d'iceux suiuit le premier aduis, & les autres se mirent en defense: dont le Duc, reconnoissant que de vray, ils n'estoyent mas d'aucun dessein de rebellion, & croyant qu'il seroit ais   de les gainer par la voye de l'instruction, receut le conseil qui luy estoit donn  , de tenir    cette fin vne Conference. Mais, ne voulants estranger du Pape, il iugea qu'il estoit necessaire de ne faire rien sans luy: dont il enuoya luy faire part de tout, & endemanda son adueu. Le Pape prit cette demande fort    desplaisir, croyant qu'elle n'inferoit autre chose, sinon, qu'en Italie, & deuant ses propres yeux, son autorite luy estoit querelee, & mise en compromis. Partant il respondit, Qu'il n'y consentiroit iamais: mais, que, si ces peuples auoyent besoin d'instruction, il enuoyeroit vn Legat avec pouuoir d'absoudre ceux, qui voudroient le conuertir, & le seroit accompagner de Theologiens, qui leur enseignassent la verite. Adioustant neantmoins, qu'il auoit fort peu d'esperance de leur conuersion: d'autant que les heretiques sont obstin  s: & tout ce qu'on fait pour les exhorter    repentance, est par eux interprete    defaut de force de les contraindre. Qu'il n'estoit aucune memoire que iamais cette moderation eust de rien profite, mais bien l'experience auoit monstr  , que le plustost, qu'on vient contr'eux au remede de la iustice, & des executions d'icelle, & l   o   elle ne suffit,    la force des armes, mieux il en prend. Que, quand le Duc se refoudroit    cela, il luy presteroit toute aide & secours. Que si aussi cela neluy sembloit    propos pour le temps, on le pourroit diff  rer iusques au Concile general, lequel il conuoqueroit bien tost. Le moyene de la Legation ne plut point au Duc, voyant bien que celane seroit autre chose qu'en aigrir les affaires, & les mettre en necessite de proceder selon les interests d'autruy, & non selon les siens propres. Et agreea d'auantage la voye des armes, laquelle aussi le Pape approuuoit, & s'offroit d'y contribuer. Cela fut la cause d'une guerre, qui fut faite en ces vall  es toute cette annee-l  , & partie de la suiuiante, dont il sera parl   au temps qu'icelle fut terminee.

1559.

*ce qui est
mal
pri-
er
refus   par
le Pape.*

*le quel l'ex-
bute aux
roudes
violents.*

*donc le Duc
accepte cer-
les des ar-
mes.*

En France, en plusieurs endroits du Royaume, fut bastie vne grande con-
iuration, en laquelle plusieurs entrerent, & la pluspart pour cause de Re-
ligion: indign  s de voir tous les iours, & de toutes parts bourreler & brusler
des pauures personnes, non coupables d'autre chose, que du zele enuers
l'honneur de Dieu & le salut de leurs ames. A ceux-l   s'adioignirent d'au-
tres, lesquels, croyans que les Guyfars estoient la cause de tous les desordres
du Royaume tenoyent pour ceuvre heroique de le deliurer del'oppression,
en ostant    la maison de Guise l'administration des affaires. Il y auoit
bien aussi des ambitieux, & amateurs de nouueaut  s, lesquels ne pouuoient
faire leurs affaires, sinon au milieu des troubles & confusions. Mais, tant
les vns que les autres, pour auoir de la suite, se couuroient du manteau de
la Religion: & pour certiorer & refoudre les esprits, ils consulterent les
principaux Iuriconsultes de France, & d'Allemagne, & les plus fameux
Theologiens Protestans, dont aussi ils firent rediger les aduis par escrit,
portant, Que la conscience sauue, & sans violer la Maiest   du Roy, & la
dignit   du Souuerain Magistrat, il estoit loisible de prendre les armes, pour
s'opposer    la violente domination de ceux de Guise enn  mis & violateurs

*conuention
de Religion
& d'estat
en France.*

1559.

de la vraye Religion, & de la Iustice, lesquels tenoyent le Roy comme prisonnier. Les coniuers attirerent vne grande multitude de gens, qui deuyoient se presenter deuant le Roy, pour le supplier que la rigueur des iugemens fut moderee, & que liberte de conscience fut octroyee avec dessein que les Gentils-hommes suiussent apres, lesquels presentassent requeste contre le gouvernement des Guisars.

deconuerte
& despiée

La coniuuration desconuerte, la Cour du Roy se retira, pour plus de seureté, de Blois, lieu ouuert, & propre à l'execution, à Amboise, forteresse close: & par ce moyen, les desseins furent pour lors rompus. Et cependant que les coniuers consultoyent de nouueaux moyens à suivre, plusieurs d'entre eux, estans trouues en armes, furent combatus, & tués: autres aussi furent pris & executés à mort. Et pour appaiser le tumulte, le Roy fit vn Edit, en date du dixhuitiesme Mars; par lequel il pardonnoit à tous ceux, qui par simplicité, mus du zele à la Religion, estoient entrés en cette coniuuration, moyennant que dans l'espace de vingt-quatre heures, ils missent bas les armes. Le Roy fit du depuis vn autre Edit de pardon & abolition à tous les Reformés, pourueu qu'ils retournassent à l'obeyssance de l'Eglise, defendit toutes assemblées de Religion, & renuit la connoissance des causes d'heresie

mais le Re-
formés ne
laissant pa-
de s'accroi-
stre & se
fortifier.

le Conseil
prise à vr
Concile na-
tional.

aux Euesques, ce qui n'agreoit point au Chancelier, qui n'y consentit, que de crainte, que fust introduite l'inquisition à l'Espagnole, selon le desir des Guisars. Mais pour tous ces supplices des coniuers, & pour les pardons publiés, les humeurs esmeues ne furent point assopies, ny terrassées les esperances d'obtenir liberte de Religion. Tout au contraire, il s'esleua encore de plus grands tumultes populaires en Prouence, Languedoc, & Poitou: esquelles prouinces furent appelés, & accoururent aussi d'eux mesmes, des Prescheurs de Geneue, par les Predications desquels s'augmentoient le nombre des sectateurs de la nouuelle reformation. Cet accord, tant general & foudain des peuples, fit conclurre à ceux qui gouuernoient l'Estat, qu'il y auoit besoin d'un remede Ecclesiastic, & promptement: & tout le Conseil proposoit vn

Concile national. Mais le Cardinal d'Armagnac disoit, Qu'il ne falloit rien entreprendre sans le Pape: que luy seul estoit suffisant pour y pouruoir: qu'il falloit escrire à Rome, & en attendre responce. Et à cét aduis adheroit quelque petit nombre des Prelats. Mais Monluc, Euesque de Valence, disoit à l'opposite, Qu'on ne pouuoit attendre du Pape aucun remede, ne prompt, pour la distance: ne propre, pour l'ignorance des particulieres necessités du Royaume: ne charitable, pour la passionnee occupation, en laquelle estoit le Pape d'aggrandir ses neueux, Que Dieu auoit donné à tous les Royaumes les moyens, & remedes necessaires, pour gouuerner leur Estat: que la France auoit ses Prelats, pour reigler les choses de la Religion, lesquels connoissoient mieux qu'aucuns autres les necessités du Royaume. Que ce feroit vne grande niaiserie, voyant brusler Paris, & ayant la Seine & Marne pleines d'eau, de croire qu'il fallust attendre tant qu'on y eust conduit le Tibre, pour esteindre l'embrasement. Le conseil prit pour conclusion, Que puis qu'il y auoit necessité d'un prompt & puissant remede, il se fist vne Assemblée des Prelats du Royaume, pour trouuer le moyen d'arrester le

signifié au
Pape.

cours à tant de maux. Et icelle fut assignée au dixieme de Septembre prochain. Et, afin que le Pape ne s'en offensast, on luy despescha vn Courrier, pour luy faire part de cette deliberation, & luy signifier le besoin qu'il y auoit de ce remede, & le prier de l'agreer. Et l'Ambassadeur representa de bouche les maux & les dangers, qu'il y auoit: avec l'esperance que le Roy auoit de quelque bon remede, par le moyen d'une generale conuocation de Prelats, hors laquelle on ne pouuoit voir aucun expedient profitable. Ce qu'il auoit contrainct, sans différer d'auantage, ny attendre remedes de lieux lointains, & pour temps incertains, & de necessité longs & tardifs, de se preualoir de celui qu'il auoit en main, prochain de lieu, & de temps: adioustant, que toutesfois nul resultat de cete Assemblée ne seroit executé, ny estimé valable, sinon que tout au preallable Sa Sainteté l'eust approuué.

Le Pape au reciproque se doulut grieuement, que le Roy eust publié vn pardon des fautes commises contre la religion, mesmes à ceux qui ne le requeroient point: chose, qui n'est au pouuoir d'aucun, sauf du Pape de Rome. Et qui este le Roy, disoit-il, qui pense de pouuoir pardonner les delits commis contre Dieu? Qu'il ne falloit point s'esbahir qu'il y eust tant de tumultes en ce Royaume: que cela auenoit par le iuste courroux de Dieu, à cause du mespris des saints Canons, & de l'usurpation de l'autorité Papale. De là il passa à dire, que cette Assemblée de Prelats ne feroit aucun bon effect: mais causeroit de plus grandes diuisions: qu'il auoit ia proposé le Concile general qui estoit l'unique remede: que la faute de ce qu'il n'estoit encor conuocqué, se le genre estoit en eux, qui ne le vouloient point. Mais, que nonobstant tout cela, il estoit resolu de le celebrer, quand bien il n'en seroit requis d'aucun. Mais: qu'il ne vouloit consentir à Assemblée de Prelats, ny en France, ny ailleurs: que iamais en aucun temps cela n'auoit esté supporté par le Siege Apostolique: que si chaque Prince celebreroit Conciles à part soy, il s'en ensuiuroit vne confusion & diuision de l'Eglise. Il se plaignoit puis apres extremement, que, par vne dannable preposterité, on eust requis son adueu & consentement apres auoir ia intimé l'Assemblée: ce qu'il ne pouuoit interpreter en autre sens, que de peu de respect au Chef de l'Eglise, auquel il faut rapporter toutes affaires Ecclesiastiques, non pour luy rendre conte de chose faite, mais pour prendre de luy l'autorité de les faire. Que les Edits publiés introduisoient vne manifeste Apostasie du Siege Apostolique au Royaume de France: à laquelle de sa part il vouloit obuier: & pour cet effect par vn Nonce expres feroit entendre sa volonté au Roy.

Pourtant il deputa en France l'Euesque de Viterbe, avec instruction de monstrer au Roy, Que le Concile national du Royaume de France seroit vne espee de Schisme de l'Eglise Vniuerselle: qu'il donneroit mauuais exemple aux autres nations; feroit enorgueillir les Prelats du Royaume, pour s'attribuer plus grande autorité, au dechet de la Royale. Que chacun sçauoit, combien ardemment estoit par eux desiré le reſtablishement de la Pragmatique Sanction, laquelle dès le beau commencement ils taseheroient d'introduire: dont il aduiendroit que le Roy perdrait la collation de tous Benefices Royaux, & la presentation des Eueschés & Abbayes: & que les Prelats, ne tenans plus aucune partie de leur grandeur du Roy, luy seroient refractaires. Et encor, avec tous ces maux, ne seroit point pourueu à ceux qui pressioient. D'autant que desia les heretiques faisoient profession de ne faire aucun estat des Prelats: dont, quand bien il n'y auroit autre cause, tout ce qu'ils sçauoient faire, seroit impugné par eux pour cette seule: que le vray remede estoit de faire, que les Prelats, & autres Curés, allassent à leurs residences, sans tant roder par les Cours des Rois, & que là ils gardassent leurs troupeaux, s'opposant à la rage des loups: & que la Iustice procedast contre ceux qui seroient par les Iuges de la foy declarés heretiques: & là où la multitude ne permettoit de suiure cette voye, qu'il falloit venir à la force ouuerte, & aux armes, pour ramener vn chacun à son deuoir, auant que le mal se fust fait plus grand. Que, moyennant qu'on fist toutes ces choses à present, il y auoit esperance de parfaire tout le demeurant en la celebration du Concile general, lequel il intimeroit tout aussitost. Que si le Roy se resoluoit à reduire les rebelles à obeïssance, auant qu'ils fussent accrus d'auantage de nombre & de forces, il s'offroit de l'assister de tout son pouuoir, & de moyenner que le Roy d'Espagne, & les Princes d'Italie, luy prestassent de puissans secours. Que si le Roy ne vouloit condescendre à contraindre ses suiuis par armes, qu'il luy proposast, que de Geneue fortoit le mal qui troubloit la France, & tout le poison qui infectoit ce Royaume, & tous les lieux circonuoisins. Que ce seroit oster vn grand aliment au mal, que d'extirper cette racine. Ioint que, faisant vne guerre hors du Royaume il le deschargerait de ces humeurs corrompues & peccantes, qui le troubloient. Et partant qu'il exhortast le Roy à concourir avec luy à ce saint œuure,

1559.
dequoy il
fait aussi
parler au
Roy d'Es-
pagne, &
au Duc de
Sauoye,
qui agréé
l'entre-
prise.

luy promettant d'y induire aussi le Roy d'Espagne, & le Duc de Sauoye. Le Pape bailla aussi commission à l'Euesque, de traiter en son passage du mesme affaire avec le Duc de Sauoye. Et escriuit au Roy d'Espagne, & luy fit faire instance par son Nonce resident, qu'il moyennast de diuertir son beau frere du Concile National, lequel ne seroit pas seulement dommageable à la France, mais aussi redonderoit à mauuais exemple à l'Espagnol; & encor à plus mauuais aux Pais bas. Le Duc de Sauoye ouurit l'oreille à l'ouverture de la guerre de Geneue, & s'offrit à s'y employer tout entier, pourueu que l'un & l'autre Roy se contentast de le secourir; & que la guerre se fist par luy, & pour luy: attendu qu'icelle ville estant de son ancien domaine, il n'estoit pas raisonnable, que, venant à estre conquis, elle fust retenue par aucun d'eux. Et pourtant, que si Sa Sainteté vouloit venir à l'exécution, il falloit faire vne ligue, qui portast cela par expresse & claire capitulation: afin que de ce bien proposé, n'en nasquist quelque grand mal, cas estant que les Rois ne fussent d'accord, ou que luy demeurast abandonné, apres auoir excité contre soy les Suisses, lesquels sans doute se declareroient de fenseurs d'icelle ville.

mais non
l'Es-
pa-
gnol,

lequel dis-
sua de le
Concile
national.

Le Roy d'Espagne, sur le fait de Geneue, considera que les François ne permettroient iamais que Geneue tombast en autres mains que les leurs: ce qui ne venoit point à propos pour l'Espagne, à cause du voisinage de la Franche Conté. Et pourtant respondit, Que le temps ne luy sembloit point propre pour vne semblable entreprise. Mais, quant au Concile national, il iugea fort bien, de combien dangereux exemple cela seroit pour ses propres estats voisins. A raison dequoy il despescha tout promptement au Roy de France Antoine de Toledé, Prieur de Leon, pour luy faire entendre, qu'il trouuoit la celebration de ce Concile fort preiudiciable, pour la diuision, qui en pourroit naistre, le Royaume estant infecté. Et pourtant le prioit, qu'il en empeschast l'exécution: protestant n'estre mu d'aucune autre cause, que de vraye amour enuers luy, & de bon & droit zele à la gloire de Dieu. Il luy mettoit en consideration, outre les contentions qui en pouuoient arriuer en son Royaume, le pernicious exemple qu'en prendroient les autres provinces, & le preiudice qu'en receuroit le Concile general, de la tenue duquel on traitoit, & lequel estoit l'unique remede aux maux, & aux diuisions de Chrestienté. Que ce Concile national seroit paroistre qu'il n'y auoit point entre l'Empereur, & les deux Rois, la bonne intelligence, qu'il estoit necessaire de monstrier: & feroit enorgueillir les Protestans, au preiudice de la cause commune. Il adiousta, Que, quoy qu'il fust tres-bien qu'il auoit forces suffisantes, pour reprimer l'insolence de ses suiets, toutesfois, s'il vouloit se seruir de ses forces, il les employeroit bien volontiers à cette occasion, & s'y porteroit mesmes en personne, si besoin estoit, afin que ses suiets ne se pussent vanter de l'auoir fait ioindre à quelque indignité: à quoy il deuoit auoir esgard en ce commencement de regne. Il enchargea aussi l'Ambassadeur, qu'en cas qu'il ne pust obtenir cela, par les mesmes raisons, & autres, il procurast de faire surfoir l'affaire pour plus long-temps: luy commandant aussi de traiter avec le Cardinal de Lorraine, lequel on entendoit tenir la main à ce Concile, & de luy remonstrier que luy, comme vn des principaux piliers de l'Eglise, & qui auoit tant de part au gouvernement de l'Etat, estoit obligé de considerer le dommage, qui de cette entreprise pourroit resulter à tout le Royaume, & à toute la Chrestienté. Il fit aussi faire les mesmes offices avec le Duc de Guise, & avec la Roine Mere, & avec le Connestable, & avec le Marechal de Saint André. Et en outre luy bailla charge de tenir la Duchesse de Parme, gouuernante du Pais bas; & Vargas, son Ambassadeur à Rome, aduisés de tout. Et de plus aduertit le Pape du puissant deuoir, qu'il enuoyoit faire en France par homme expres, & du besoin, qu'il iugeoit que ce Roy auroit de secours. A quoy il adioustoit la necessité, en laquelle luy mesme se trouuoit, ayant l'année precedente perdu vingt galeres, & vingt-cinq nauires,

tombées es mains des Turcs, oultre la forteresse des Zerbes, prise par iceux à force. Accidens, qu'il obligeoient à renforcer son armée de mer. Et pour tant requeroit Sa Sainteté de luy accorder vn puissant subside, à leuer sur les Eglises & Benefices de ses Royaumes.

En France, l'ouuerture d'assaillir Geneue ne fut pas bien prise : & sembla que ce seroit par trop ombrager les Huguenots, (ainsi appelloit-on les Reformez, & les prouoquer à s'vnir entr'eux. Ioint, qu'à cette guerre n'iroient que les seuls Catholiques, dont le Royaume seroit laissé exposé aux aduersaires. Aussi n'estoit-il point iugé seur de prouoquer les Suisses, qui ne faudroient de prendre la defense d'icelle ville : & qui estoient d'ailleurs grandement considerables à la France, pour tous accidens qui pouuoient arriuer à la Couronne. Mais toutes fois la responce, qu'ils firent au Nonce, ne fut fondée sur autres considerations, sinon que, pendant que tant de confusions affligoient interieurement le Royaume, il n'estoit possible de penser aux cholest de dehors. Mais, sur le fait du Concile national, on rendit vne mesme responce au Nonce, & à l'Ambassadeur Toledo : Que le Roy estoit tout resolu de conseruer soy, & son Royaume, en l'vniou de l'Eglise Catholique : qu'il ne se dispoisoit point à faire vn Concile national pour le separer, ains pour reünir les desuoyés à l'Eglise : que de vray vn Concile general luy agreeroit beaucoup plus ; & qu'il en espereroit bien plus de fruit, si tant estoit que ses vrgentes necessites luy permissent d'attendre vn temps, lequel de necessité seroit fort long. Que le Concile national, lequel il pretendoit tenir, de son vouloir seroit dependant du S. Siege, & du Pape : & si pendant iceluy, le General se tenoit, il seroit cesser le sien, & l'incorporeroit avec le General. Et pour correspondre aux paroles par les effets, il requit le Pape d'enuoyer vn Legat en France, avec pouuoir d'assembler les Euesques du Royaume, pour trouuer moyen à mettre bon ordre & reglement aux affaires de la Religion.

La France n'approuue la guerre de Geneue,

On persiste au Concile national, mais avec la conseruation de l'autorité Papale :

Le Pape est contraint de penser au Concile general,

On p. le lieu s'arreste à Trente,

Le Pape auoit entreietté cette proposition de faire guerre à Geneue, non tant de haine contre icelle ville, comme seminaire & pepiniere d'où sortoient les prescheurs Zuingliens par la France : ne de crainte de quelque nouueauté en Italie, que principalement aussi pour prolonger le traité touchant le Concile general. D'autant qu'il esperoit, que si cette guerre s'allumoit, elle dureroit quelques années, pendant lequel terme le Concile seroit mis sous silence ; ou bien certes seroit trouué quelque bonne forme à le celebrer. Mais, voyant que la proposition n'auoit point esté receüe, & que les François continuoient tousiours en la deliberation d'un Concile National ; il pensa qu'il estoit necessaire de ne differer plus la resolution du General ; & d'arrester les François par iceluy, & par quelque concession des choses qu'ils requeroient. Il en conféra avec les Cardinaux ses plus intimes, & confidens : & particulièrement à l'esgard du lieu : chose qui sembloit importante par dessus toute autre : car, quand tout est dit, le Concile produit effets conformément à l'intention de celuy qui est le maistre & le plus fort au lieu où il se celebre. Il auoit volontiers offert Bologne, ou quelque autre de ses villes ; avec offre d'y aller en personne. Mais il ne s'arresta pas long temps en cette pensée : voyant bien que le monde l'interpreteroit en vn sens trop sinistre. Il estoit bien resolu de n'accepter aucune ville de delà les monts, ny mesmes d'en ouïr parler. Le Cardinal Pacioe luy nomma Milan, & il y condescendit, à tel si, que le Chasteau luy fust remis entre les mains, pendant la tenuë du Concile : ce qui estoit apposer vne condition impossible. Il tourna aussi sa pensée à quelq'vne des villes de la seigneurie de Venise. Mais la Republique s'en excusoit, sur l'esgard de l'ombrager les Turcs, des forces desquels on n'estoit point hors de crainte. Tout pensé, il ne trouua encores lieu plus à propos que Trente : d'autant que le Concile y ayant desia esté tenu par deux diuerses fois, chacun auoit pu remarquer ce qu'il y auoit de bon & de mauuais : & pour tant estoit plus aisé, que tous l'accordassent à ce lieu qu'à aucun autre. Et y auoit en outre, appareçq de raison :

1559.

d'autant que celuy, qui auoit esté tenu sous Iules, n'estoit point paracheué, mais demouroit suspendu. Il prit aussi conseil de satisfaire aux François, enuoyant en France le Cardinal de Tournon, non en qualité de Legat, mais seulement avec pouuoir, qu'estant present, & voyant le besoin, il pust assembler quelques Prelats du Royaume, ceux qu'il plairoit au Roy, & à luy: mais non tous, afin qu'il n'y eust point apparence de Concile: & qu'avec ceux-là il traitast, sans venir toutesfois à aucune conclusion.

à quoy il
est poussé
de plus
fort par
les chan-
gements en
Eglise.

Il suruint deux autres accidens, de non moindre consideration, lesquels poufferent le Pape à parler plus clairement du Concile: l'un esloigné de vray, mais qui emportoit la perte de tout vn Royaume: l'autre concernant vne seule personne, mais de tresgrand relief & consequence. La Noblesse en Escosse auoit longuement fait la guerre, pour chasser les François du Royaume, & oster le gouuernement à la Roine Regente: & auoit souuent eu de grandes difficultés à surmonter pour les puissans secours, que le Roy de France, son gendre, luy fournissoit, pour conseruer le Royaume à sa femme. Mais à la fin, pour se deliurer vne fois tout à fait, cete Noblesse se resolut de se ioindre aux Anglois, & d'inciter le peuple contre la Regente. Et pour cet effet, elle ouurit la porte à la liberté de la Religion, à laquelle aussi le peuple estoit assez enclin: & par ce moyen les François furent reduits grandement à l'estroit, & la Religion ancienne demeura en fort peu d'estime. La cause de cela estoit attribüée au Pape, lequel on iugeoit auoir pu arrester tous mouuemens populaires par la poursuite du Concile encommen-

Et par l'inclination de Maximilien à la Religion reformée

cé. L'autre accident estoit, que Maximilien, fils de Ferdinand, Roy de Bohême, dès long temps auoit intelligence & habitude avec les Electeurs & autres Princes Protestans d'Allemagne, & en auoit esté soupçonné par Paul quatrieme, qui n'auoit pu se tenir d'imputer à l'Empereur, es deuis priés qu'il eut avec Martin Guzman, Ambassadeur, que son fils estoit fauteur de l'heresie. Le mesme soupçon continua à la Cour, mesmes apres la mort de Paul: dont le Pape Pie luy fit dire par le Conte d'Arco, Que s'il ne viuoit en Catholique, il ne le confermeroit point Roy des Romains, ains le deposeeroit de toute seigneurie, & estat. Mais, nonobstant tout cela vint à Rome vn aduis certain, qu'il entretenoit vn prescheur, qu'il oyoit souuent, lequel auoit introduit la Communion du Calice, en diuers endroits, non toutesfois es villes: & le Roy mesmes se faisoit entendre qu'il ne pouoit recevoir la Communion autrement. Et quoy qu'il ne fust venu iusques à l'execution & effect, neantmoins ces paroles-là donnoient grand soupçon au Pape: sur tout, pource que presches en tous les endroits d'Allemagne tous ceux qui vouloient vsoient de la Communion du Calice, & n'y auoit aucun, qui donnaist aucun empeschement aux Prestres en l'administration d'icelle. Toutes ces raisons susdites porterent en fin le Pape à la resolution de faire cete des-

Et déclarer sa resolution aux Ambassadeurs des Princes.

marche. Et pourtant le troisieme Iuin il appella les Ambassadeurs de l'Empereur, d'Espagne, de Portugal, de Pologne, de Venise, & de Florence: lesquels estans tous assemblés en la presence de sa Sainteté, sauf celuy de Pologne, qui pour son indisposition ne s'y pût trouuer, le Pape se doult d'entree de n'auoir pu y appeller aussi celuy de France: de crainte qu'en sa presence ne s'esleussent estrifs & querelles de presence, par laquelle estempesché le bien public de consulter ensemble des communes affaires de Chrestienté. Mais que, puis que ces deux Rois estoient alliés & parens, il falloit bien qu'ils se resolussent à accommoder vne fois ce differend, & viure en bonne paix, pour le bien de la Chrestienté en general, & de leurs Royaumes en particulier. Il passa puis apres à leur exposer la cause, pour laquelle il les auoit assemblés, qui estoit pour la conuocation du Concile: laquelle tout assurement il vouloit mettre en effet, ostant toutes les difficultés, que les Princes pourroient mettre en auant pour leurs interests. Qu'il le vouloit à Trente, lieu, lequel ayant agréé deux fois, ne pourroit à present estre refusé d'aucun, attendu qu'il n'estoit pas nouueau, & que le Concile, celebré en icelle ville par Paul, & Iule, n'estoit point acheué, mais seulement sus-

pendu. Et pourtant, que la suspension ostée, le Concile demeureroit ouuert, comme il estoit auparavant. Sur tout d'autant, qu'avant esté faites en ce lieu-là plusieurs bonnes determinations, ce seroit mal fait de les mettre en debat, par l'apparence de faire vn nouveau Concile. Il adiousta, Qu'il falloit se haster: d'autant que tous les iours on alloit de mal en pis, comme cela se voyoit en France, ou on traitoit de faire vn Concile national: ce qu'il ne vouloit ny ne pouuoit souffrir: car l'Allemagne, & toute autre Prouince, voudroit faire de mesmes. Qu'il bailleroit charge à ses Nonces, pres del'Empereur, des Rois de France, & d'Espagne, de traiter de cet affaire avec eux. Mais qu'il auoit iugé expedient d'en faire la mesme intimation à eux tous, afin qu'ils en escriussent chacun à son Prince. Car, ores qu'il puit venir à cete resolution, & execution de foy-mesmes, il auoit neantmoins estimé conuenable de le faire au seu des Princes, afin qu'ils pussent ramenteuoir & remontrer quelque chose appartenante au bien commun, & à la Reformation del'Eglise, & enuoyer Ambassadeurs au Concile, & fauoriser iceluy de bons offices enuers les Protestans. Et adiousta qu'il croyoit, qu'il y iroit en personne des Princes d'Allemagne, & que du Marquis de Brandebourg il en estoit tout asseuré.

L'Ambassadeur Vargas fit vne longue & prolixie responſe, en laquelle il fit vn narré des choses faites és Conciles passés & discourut du moyen de celebrer les Conciles: puis vint au lieu, & parla des choses faites à Trente, là où ils s'estoit trouué: & distinga les Conciles generaux d'avec les nationaux, condannant grandement le national intime en France. Celuy de Portugal loüa bien fort le deſſein du Pape, & luy offrit l'obeiſſance de son Roy. Celuy de Venise dit, Qu'ès temps passés n'auoit iamais esté trouué meilleur remede pour les heresies, que celuy des Conciles: qu'il remercioit Dieu, d'auoir inspiré Sa Sainteté à vn œuure si pie & saint, qui estoit pour la conseruation de la vraye Religion; & pour le bien & vtilité des Princes, lesquels ne peuuent iour paisiblement de leurs Estats, la Religion estant changée, ou inuouée. Celuy de Florence parla conformément, offrant les estats & les forces du Duc son Maître. Le Pape escriuit à ses Nonces en Allemagne, France, & Espagne, en conformité de ce qu'il auoit dit aux Ambassadeurs. Mais toutesfois, il ne parloit iamais de Concile, que d'une mesme main il n'entreiectast quelque semence d'herbe contraire, qui püst ou empêcher la naissance d'iceluy, ou l'estouffer apres qu'il seroit né: estant bien asseuré, que, quand les temps porteroient que la subsistance du Concile fust à son aduantage, il seroit tousiours en son pouuoir d'extirper la zizanie qu'il auoit semé par dessus, pour faire auorter la semaille d'iceluy. Et en deuis priués il se fit entendre aux mesmes Ambassadeurs, avec les vns plus ouuertement, avec les autres par maniere de plaifanterie, que, voulant tenir le Concile avec fruit, il falloit plus penser à la fin qu'au commencement: & à l'execution, qu'à la conuocation, ou poursuite. Que la conuocation appartenoit à luy seul: la poursuite, à luy & aux Prelats: mais quel'execution appartenoit aux Princes: & que pourtât il estoit raisonnable, auant toute autre chose, qu'iceux s'obligeassent à cela, & fissent vne Ligue, avec designation d'un Capitaine general, qui alast cōtre les rebelles & desobeissans, pour mettre en execution les deliberations du Concile: attēdu que, sans cela, iceluy seroit de nul fruit, & mesmes avec interest de la reuerēce & honneur du S. Siege, & de tous les Princes qui y aueroient enuoyé Ambassadeurs, & y aueroient presté faueur & assistance.

Le Pape eut de ses Nonces des responſes assez diuerſes. Le Roy d'Espagne trouuoit bon le Concile, & approuoit aussi la Ville de Trente, & promettoit d'y enuoyer ses Prelats, & faire tout autre deuoir pour le fauoriser. Adioustant neantmoins, qu'il ne falloit rien faire sans la volōté & le consentement del'Empereur, & du Roy de France: lequel respondit, Qu'il agreoit bien la celebration du Concile, mais n'approuoit point le lieu de Trente, allegant pour raison, que ses Prelats n'y pourroient aller: & proposoit pour lieux plus commodes, Constance, Treues, Spire, Vvormes, ou Haghenau. Il signifioit

1559.

aussi, qu'il ne falloit point continuer les choses ia commencées à Trente, mais les quitter tout à fait, & faire vn Concile tout nouveau. Ce qui donnoit beaucoup d'ennuy au Pape, qui iugeoit cette responce ne proceder point du propre mouuement du Roy, mais des Huguenots.

*L'Empe-
reur re-
quiert des
condi-
tions,*

Quant à l'Empereur, il enuoya à Romé vn long escrit, par lequel il disoit, Qu'il ne se pouuoit rien promettre de la volonté des Princes d'Allemagne, que tout premier il n'eust ouï leurs aduis, ce qui ne se pouuoit faire sans vne Diète : laquelle voulant assembler, il falloit de necessité laisser à quartier de nommer seulement le Concile : d'autant que les Princes n'iroient point à icelle : mais qu'il falloit la conuoker sous autre pretexte, & qu'aupres on pourroit parler du Concile à quelque occasion, dès qu'icelle seroit assemblée. Et adiousta, que, quant à ses Estats patrimoniaux, il n'esperoit point de les pouuoir induire au Concile, si le Pape ne leur oüroyoit la Communion du Calice, & le Mariage des Prestres : & si on ne faisoit vne bonne & exacte Reformation : mais sur tout, qu'il ne falloit point parler pour tout de continuer les choses commencées à Trente : car les Lutheriens n'y consentiroient iamais : voire mesmes le seul nom de Trente les feroit regimber & restiuer : qui estoit la cause qu'il proposoit Constance, ou Regensburg. Le Pape voyoit clairement que la proposition de la Diète portoit vn an, ou peut estre deux de terme : dont il estoit plustost ioyeux qu'autrement, n'eust esté que les affaires de France requeroient acceleration. Il disoit à tous, pour faire monstre de sa promptitude, Qu'il ne luy chaloit d'vn lieu plus que d'un autre : qu'il accepteroit Spire, ou Cologne, & toute autre ville que voudroit l'Empereur, pourueu seulement que les Euesques pussent y aller & en retourner en seureté : veu qu'il n'estoit pas raisonnable de donner assurances à ceux qui n'ont voïx au Concile, & cependant laisser sans seureté ceux dont iceluy est composé. Mais, que de reuoker ce qui auoit esté fait & conclu à Trente, il n'en falloit point parler : qu'il y mettroit le sang, & les esprits pour le maintenir, attendu que c'estoit matiere de foy : que pour les choses, qui estoient d'ordonnance humaine, comme la Communion du Calice, & le Mariage des Prestres, ordonnées à bonne fin, & approuuées par les Conciles, il n'en vouloit abolir l'ordonnance de foy mesmes, quoy qu'il fust en son pouuoir : mais aussi n'empescheroit point le Concile de le faire, ains luy en remettoit tout l'arbitrage : encores qu'il vist bien, que, nonobstant l'oütroi de toutes les choses que les peuples de l'Empereur demandoient, ils ne se départiroient iamais de leurs opinions. Et se plaignoit de la foiblesse de l'Empereur, qui redoutoit son propre fils, autant que les autres Princes : & cependant requeroit que les Prelats allassent en Allemagne, où il se declaroit luy mesmes n'auoir pouuoir de leur donner suffisante seureté. Que, pour luy, il iroit mesmes à Constantinople, pourueu qu'il y eust seureté, laquelle ne se pouuoit attendre de l'Empereur. Que les Allemans estoient presque tous heretiques, & que le Roy de Boheme estoit plus puissant que son propre pere. Qu'il ne luy importoit point que ce fust en vn lieu plus qu'en vn autre, pourueu seulement que ce fust en Italie, laquelle seule estoit assurée pour les Catholiques.

*le Pape
respond à
tous les
Princes :*

Pourtant il respondit au Roy de France, & à l'Empereur, en termes généraux, Qu'il se contenteroit de tout lieu, moyennant qu'il fust assuré : pesant combien la seureté des Conciles auoit en tout temps esté reputée necessaire, & lors plus que iamais : sans venir à aucune opposition particuliere aux lieux par eux nommés. Mais il respondit au Roy d'Espagne, en louant sa bonne intention, & le confirmant en son bon propos : mais, quant au subside requis, il y interposoit diuerfes difficultés, tant pour soutenir les commodités du Clergé, autant qu'il pouuoit, que de peur de l'offenser, & l'auoir pour contraire, quand on viendrait à tenir le Concile.

*la Reli-
gion re-
suscite*

Les affaires des Catholiques alloient s'embarassant en plus grandes difficultés : d'autant qu'en France le party Huguenot s'auançoit tousiours, & en Escosse, par arrest public, fut permise la liberté de conscience : & au Pais bas

les humeurs estoient toutes prestes à esclater à la premiere occasion, laquelle le Roy prolongeoit par sa patience & lenteur, accordant, mesmes avec ^{1559.} *s'auance* domage & indignité pour luy, à ces peuples ce qu'ils requeroient, plustost *en plu-* que de venir à rien rompre. Ils auoient tousiours opiniastrément refusé tou- *siens en-* tes contributions au Roy, que premierement il n'eust fait sortir les soldats *droits,* Espagnols du païs: ce qu'en fin il fut contraint de faire: mais ny pour cela, ne vouloient-ils point contribuer, ains seulement payer, pour la garde des places, quelques gens du païs qui ne dependissent aucunement des Officiers Royaux, mais seulement des Estats du païs. Le Roy patientoit à tout, estant bien asseuré, qu'au moindre ressentiment, ils empoigneroient le preterre de la Religion: & pour luy, il auoit fait dessein d'vser de support, attendant que tout premier cette ardeur fust refroidie: sur tout, d'autant qu'en ces mesmes temps il se descouurit, que les semences des opinions nouuelles n'estoient pas du tout mortes & esteintes en Espagne, mais qu'elles n'estoient que couuertes sous la cendre de pure crainte: & qu'en Sauoye semblablement paroissoient d'autres heretiques, outre les anciens Vaudois.

Mais, par dessus toutes autres choses, la Cour de Rome receuoit grand *le Roy* déplaisir, de ce, que le Pape ayant fait parler à Maximilien, Roy de Boheme, *de Boheme* par Marc d'Altems son neveu, lequel du depuis fut Cardinal, pour l'exhorter, *Maximilien s'en* & persuader au nom de Sa Sainteté à estre bon Catholique, avec grandes promesses d'honneurs & aduantages, luy designant la succession à l'Empire, laquelle luy seroit broüillée, cas estant qu'il fust autrement: ce Roy *declare* auoit respondu, Qu'il remercioit le Pape: mais qu'il auoit plus cher le salut *quasi en-* de son ame, que toutes les choses du monde: laquelle response ils disoient à *ueriemt* Rome estre vne façon de parler Lutherienne & estoit prise pour vne vraye alienation de l'obeïssance du S. Siege: & faisoient des discours sur ce qui arriueroit, l'Empereur venant à mourir. Pendant que ces accidens travail- *reueilde des* loient l'Esprit du Pape; il luy suruint vne nouuelle, que les Huguenots, *peuples du* fuies és terres du Conté d'Auignon, s'estoient assemblés, & auoient mis en *Contat en* consultation & dispute s'ils pouuoient prendre les armes contre le Pape, leur *saueur de* seigneur au temporel: & auoient conclu qu'ils le pouuoient faire, d'autant *la Reli-* qu'il n'estoit point seigneur legitime, tant pource que ce Conté n'auoit point esté legitiment osté à Raimond, Conte de Toulouze, que pource que, par le commandement exprés de Christ, toute domination temporelle est interdite aux Ecclesiastiques. Et apres la resolution prise de se rebeller, ils s'estoient, par l'entremise d'Alexandre Guillotin, Iuriconsulte, mis sous la protection de Charles de Mombrun, lequel auoit pris les armes pour la Religion, & auoit grand suite dans le Dauphiné. Iceluy entra dans le Conté avec trois mil hommes de pied, & se saisit de tout le païs, au grand contentement des habitans. Jacques Marie, Euesque de Viuiers, Vicelegat d'Auignon, s'opposa à leurs efforts, & eut beaucoup de peine à conseruer la ville. Le Pape en estoit extrêmement affligé, tant pour la perte des places, que pour la cause, qui tirée en consequence & exemple, touchoit le fonds & la racine du Papat. Il vouloit que le Cardinal Farneze, Legat d'Auignon, allast en personne, pour pouruoir à ces desordres, & à la defense de la ville. Mais *arrestée* le mal fut arrêté par les bons offices du Cardinal de Tournon, qui, par cas d'aduenture allant à la Cour, se trouua proche de ces quartiers-là. Car le fustidit de Mombrun, ayant en mariage vne niece dudit Cardinal, se laissa persuader par luy de se deporter de cette entrepryse, sous promesse que le Cardinal luy feroit restituer ses biens, qui luy auoient esté confisqués pour cause de rebellion, & le remettroit en la grâce du Roy, pourueu qu'il sortist pour vn peu de temps de France, & se retirast à Geneue, d'où il luy donnoit esperance de le faire rappeler tost, mesmes avec liberté de conscience. Tellement que les terres du Pape, priuées de cette protection, demeurent en suïction, mais pleines de soupçons & desfiances, & promptes à toute autre nouueauté.

En France, le nombre des Reformés croissoit tous les iours, & semblable-

1559.
Assemblée en
France
sur les
affaires
de la Re-
ligion,

en laquel-
le l'Euef-
que Mon-
luc eſtut
à la tenue
d'un Con-
cile na-
tional,

& à la
ceſſation
des ſup-
plices,

& eſt ſui-
uy par l'E-
ueſque de
Vienne
Marillac,

ment s'augmentoient les diſſenſions, & les jalouſies & ſouppçons entre les Grands, dont le Roy fut contraint de conuoquer pour le vingtième Aouſt de l'année mil cinq cens ſoixante, vne nombreuſe aſſemblée des notables de ſon Royaume, à Fontaine-bleau. A l'entrée de laquelle, apres qu'il eut en peu de paroles exhorté les conuocqués à dire & expoſer ce qu'ils eſtimoient eſtre pour le bien public, le Chancelier harangua, repreſentant les neceſſités du Royaume, lequel il accomparoit à vn malade, duquel la maladie eſt incon-
gneüe. Et apres quelques choſes dites ſur ce propos, Gaſpar de Colligni, s'ap-
prochant du Roy, luy preſenta quelques requeſtes, lesquelles il diſoit luy auoir eſté baillées par nombre de perſonnes, lors qu'il eſtoit en Noſmandie, auſquelles il n'auoit pû reſuſer cette faueur de les preſenter à Sa Maieſté. Iceſles furent luës, & leur ſubſtance eſtoit, Que les fideles Chreſtiens, diſ-
perſés par tout le Royaume, ſupplioient Sa Maieſté de les regarder d'un oeil fauorable, & benin : qu'ils ne requeroient autre choſe, ſi non moderation & relaxation des cruels ſupplices, iuſques à tant que leur cauſe euſt eſté eonueüe. Qu'ils demandoient humblement permiſſion de faire publique profeſſion de leur Religion, afin de ne donner aucuns ſouppçons par les aſſemblées priuées & ſecretes. Sur cela, Iean de Monluc, Eueſque de Valence, apres auoir re-
preſenté les maladies du Royaume, & loué l'exemple du chaſtiment des ſe-
ditieux, adiouſta, que nonobſtant cela, la cauſe & ſource du mal demouroit encores, voire melmes tous les iours s'enmalicoit d'auantage, pendant que la Religion pouuoit eſtre priſe pour vn pretexte : que c'eſtoit cela, à quoy il falloit pouruoir : & que par le paſſé la choſe auoit eſté mal achominée : d'au-
tant que les Papes n'auoient eu autre fin, que d'entretenir les Princes en guerres, & les Princes n'auoient penſé qu'à reſprimer le mal par ſupplices : dont auſſi il eſtoit aduenü qu'il n'en eſtoit fortü aucun bon effet. Que les Magiſtrats par equité, ne les Eueſques par l'exercice de leur charge & de-
uoir, n'y n'auoient rien contribué. Que le principal remede eſtoit de recou-
rir à Dieu, & aſſembler de tout le Royaume gens de bien, & de pieté, pour trouuer quelque bon moyen d'extirper les vices du Clergé, interdire les chantons infames & impudiques, & en lieu d'iceſles introduire les Pſalmes, & hymnes ſacrés en langue vulgaire : que ſi la traduction qui courroit n'eſtoit iugée pure, qu'on en oſtaſt les erreurs, & qu'on laiſſaſt courir les parties ſain-
mes, & entières par les mains de tous. Qu'il y auoit bien vn autre remede : ſçauoir le Concile general, touſiours pratiqué pour compoſer ſemblables diſſerends : & qu'il ne pouuoit voir comment la conſcience du Pape pou-
uoit eſtre en repos pour vn ſeul moment, voyant tous les iours perir tant d'a-
mes, par le retardement de ce grand remede qui eſtoit en ſa main. Que ſi toutesſois on ne pouuoit obtenir le Concile general, qu'il falloit enſuiure les exemples de Charles Magne, & de Louis le Debonnaire, par la conuoca-
tion d'un National. Que la faute de ceux, qui troubloient le repos public ſous pretexte de Religion, eſtoit tres-grande, & auoit touſiours eſté abhor-
rée par l'Antiquité : mais que celle de ceux, qui condamnoient à mort, & à cruels ſupplices, les adherans à la nouuelle doctrine, pour ſeule opinion de pieté, n'eſtoit en rien moindre : car iceux, allans franchement & magnani-
mement à la mort, & meſpriſans la perte de leurs biens, eſcuidoient les eſ-
prits du peuple, & faiſoient venir enui de ſçauoir quelle eſtoit cettere foy, pour laquelle on ſouffroit tant de maux.

En ce meſme ſens parla auſſi apres luy Charles de Marillac, Eueſque de Vienne, louant le remede du Concile general mais adiouſtant, qu'on le pou-
uoit pluſtoſt deſirer qu'eſpérer veu qu'on auoit veu les difficultés ordinaires naiſſantes ſur cet affaire, & combien de travaux & peines l'Empeur Charles cinquième auoit priſes pour iceluy, & comment il auoit touſiours eſté elu-
dé par les Papes. Ioint que la maladie de la Frâce eſtoit tant aigné, qu'elle ne donnoit point de temps de pouuoir appeller vn medecin de loin. Et pour tant qu'il falloit recourir à vn Concile national, pratiqué autresfois conſumiere-
ment au Royaume : attendu que c'eſt choſe notoire que des Clouis iuſques à Charles

à Charles Magne, & du depuis encor iusques à Charles septième, tousiours ont esté celebrés Conciles en France, ores de tout le Royaume, ores d'une partie d'iceluy: si bien que le mal pressant, on ne devoit attédré d'avantage, ne faire aucun estat des empeschemens que le Pape y pourroit entreietter: que cependant il falloit contraindre les Prelats à aller à leurs residences, & ne permettre que les Italiens, qui possèdent le tiers des Benefices, iouissent des fruits en absence: & d'avantage extirper toute Simonie, & marchandise spirituelle: & ordonner, conformément au Concile Ancyran, qu'au temps de l'administration des Sacremens on ne face aucune aumone. Que les Cardinaux & Prelats, deputez par Paul troisieme, avoient donné le mesme conseil. Que Paul quatrieme l'avoit iugé necessaire, mais que du depuis il s'estoit tourné aux mondânités, & à la guerre. Que si on ne le faisoit, il y avoit danger de voir l'accomplissement de la prophetie de S. Bernard, Que Christ descendroit du ciel, pour dechasser du Temple les Prestres, comme iadis il en avoit chassé les marchands. De là il passa à parler des remedes aux autres maladies du Royaume. L'Admiral de Colligni, quand ce vint à son tour de parler, dit, Qu'il luy avoit recherché ceux, qui luy avoient liuré les requestes, de se signer: & qu'il luy avoit esté respondu, que cinquante mil hommes se signeroient s'il estoit de besoin. Mais François Duc de Guise dit à son tour, Que quant aux points de la Religion, il s'en remettoit au iugement des hommes sçavans: mais toutesfois protestoit, Que iamais aucun Concile ne seroit de tel poids enuers luy, qu'il le fit decliner d'un seul point de la religion ancienne. Le Cardinal de Lorraine, apres avoir parlé d'autres affaires, tomba en fin au fait de la Religion, & dit, Que les requestes presentées estoient fort orgueilleuses & outrecuidées: que si on accordoit aux supplians libre exercice, on approuveroit par mesme moyen leur Doctrine: qu'il estoit tout notoire que la plus part prenoit la religion pour pretexte: & pourtant qu'il estoit d'aduis que contre iceux on procedast encor avec plus de rigueur, que par le passé: mais qu'on moderast les punitions contre ceux qui s'assembloient sans armes, pour seule cause de religion, & qu'enuers ceux-là on travaillast à les instruire, & admonester: & qu'à cet effet on enuoyast les Prelats à leurs Residences: & que par ces moyens il y avoit esperance, que sans Concile, ne General, ne National, on pourroit pourvoir à tout. Les aduis ne se trouvant pas conformes, le vingt-septieme du mesme mois d'Aoust fut fait l'arrest, Qu'au dixieme Decembre prochain se tiendroient les Estats du Royaume à Meaux: & si le Pape n'estoient la parole donnée de conuoyer bien tost le Concile general, que les Euesques se deussent assembler pour le treizieme Janvier del'année ensuiuante, pour traiter d'en celebrer un national. Que cependant tous supplices pour cause de Religion fussent sursis: fors que contre ceux qui esmonuoient troubles par prise d'armes.

Le Pape, ayant eu nouvelles de la resolution de l'Assemblée de Fontainebleau, escriuit au Cardinal de Tournon, qu'il fist tout deuoir pour empeschier la conuocation des Euesques: & que s'il n'en pouvoit venir à bout, qu'il s'en retournast à Rome. Et le vingt-troisieme Septembre il appella à soy les Ambassadeurs, ausquels il exposa premierement la necessité qu'il y avoit de celebrer bien tost le Concile general, attendu la deliberation des François d'en faire un national: lequel il avoit bien baillé charge au Cardinal de Tournon d'empeschier, mais n'esperoit pas pourtant qu'il en pust venir à chef. Mais bien se voyoit-il réduit à la necessité de celebrer le General, afin qu'on ne pust dire, qu'on tenoit les Nationaux, pource que luy avoit refusé de tenir le General. Et pourtant qu'il estoit force d'ouvrir ce Concile de Trente, & d'oster la suspension Que le lieu estoit tres-commode, estant limitrophe entre l'Allemagne & l'Italie: quoy qu'autres prefferassent Spire, ou Treues, & autres lieux, sur lesquels il ne seroit point de difficulté, s'ils estoient seurs: estant tout prest & appareillé d'aller mesmes à Constantinople, pourveu seulement qu'il le pust faire avec seureté. Et qu'elle soy pouvoit-on avoir en gens qui n'en ont point? Qu'aucun Catholique ne seroit

Ecc

qui adieu-
ste la re-
formation
du clergé.

L'Admi-
ral remon-
stre le grand
nombre
de Refor-
mez, le
Duc de
Guise, &
son frere
le cardina-
l reiet-
tent le co-
cile nation-
al &
veulent
les suppli-
ci,

et les in-
structions.

les Estats
son a s'as-
suer à
Meaux &
les suppli-
ces sursis,

le Pape re-
doutant ce
concile na-
tional pro-
pose aux
ambassad-
d'ouvrir le
general de
Trente.

1560.

asseuré en ces lieux-là, non pas mesmes l'Empereur. Que s'ils refusoient Trente, il y auoit assez d'autres lieux au Duché de Milan, au Royaume de Naples, en l'Estat de Venise, & des terres du Duc de Sauoye, & de Florence. Mais que, quant au point de reuoyer les choses à determinées à Trente, il n'en falloit point parler: que pour luy, il ne vouloit ne les reuoyer, ny aussi les confermer, mais qu'il remettrait le tout au Concile, lequel avec l'assistance du S. Esprit determineroit ce qui seroit du bon plaisir de Dieu. Il pesa aussi grandement le fait du Concile national de France: adioustant, que ce seroit chose de mauuais exemple, & qui seroit venir enuie à l'Allemagne d'en faire autant: & que mesmes en Italie il en pourroit naistre quelque remuement, s'il n'y estoit pourueu de bonne heure. Qu'ils pretendoient assu-jettir à ce Concile & le Papat, & tout ce qui en depend. Mais pour luy, *Tro fide & religione volumus mori*, disoit-il. Là dessus il conuia les Ambassadeurs à dire leurs aduis. Et celuy de l'Empereur dit, Qu'il valoit mieux dilayer, attendu que l'estat des affaires d'Allemagne ne permettoit que l'Empereur y pust consentir. Le Pape s'en estant esmeu, l'Ambassadeur adiousta, Qu'il estoit vtile de gagner tout premier les esprits des Princes d'Allemagne. Mais le Pape s'en altera encor de plus fort, & dit, Qu'il n'y auoit pas du temps pour ce faire. Et l'Ambassadeur repliqua, Qu'il doutoit que ce mouuement n'incitast les heretiques contre l'Italie. Mais le Pape haussa la voix, & dit, Que Dieu n'abandonneroit point sa cause, & qu'il appelleroit à son secours les Princes Catholiques, desquels il auroit gens & argent assez pour se defendre. Celuy d'Espagne loua l'intention de sa Sainteté, & dit, Que le Roy, son Maistre, ne manqueroit point à la fauoriser, comme desia il auoit à cet effect enuoyé Anthoine de Toléde en France. Les Ambassadeurs de Portugal, de Venise, & autres, offrirent aussi la faueur & l'assistance de leurs Princes. Finalement le Pape leur ordonna d'escrire son intention à leurs maistres, & les congedia.

*Et icy
luy rendit
différen-
tes res-
ponces.*

*Le Roy
d'Espagne
semble
n'impru-
uer le na-
tional;*

*dout, no-
nobstant
que l'in-
uention se-
crete du
Pape bue
au bien de
sa maison.*

*il est con-
traint de
joindre à la
conuocation,
Et en faire
la proposi-
tion aux
Cardi-
naux, les-
quels l'a-
pprouuent*

Il receut du depuis responce du Cardinal de Tournon, Que, pour diligence qu'il eust faite, il n'auoit pû demouuer le Roy, ny aucun de son Conseil: & mesmes n'esperoit point de rencontrer à l'aduenir meilleure coniointure: ains qu'il voyoit clairement empirer l'estat des affaires. Le Roy d'Espagne aussi enuoya au Pape la responce finale donnée à son Ambassadeur Toléde, & luy escriuit ensemblement, Que le Roy de France s'excusoit, sur ce qu'il ne pouuoit remedier aux desordres de son Royaume, comme il y estoit obligé, par autre voye que d'un Concile national: & que le Pape ne deuoit point s'esbahir, disoit le Roy d'Espagne, si les Rois estoient contraints, pour obuier aux inconueniens, de faire tous seuls ce qui de vray deuoit estre fait en compagnie du Pape. Cette lettre trauailla fort l'esprit du Pape, entendât qu'il vouloit inferer d'en vouloir faire de mesmes au pais bas. On descouurit du depuis, que l'intention du Pape estoit, en cas qu'il ne pust tout à fait euitier le Concile, de le différer au moins, tant qu'il eust accommodé les affaires de sa maison, & enrichy ses parens. Or, tenant le Concile, il estoit nécessaire de donner bon exemple de foy en cet entretemps: outre ce qu'il faloit porter des despenses excessiues à l'entretenement des pauvres Prelats, & des officiers; & pour autres necessitez du Concile: ce qui engloutiroit tous les reuenus. Et d'ailleurs l'affaire de foy mesmes estoit si ardu, & vaste, qu'il occuperoit son esprit tout entierement: tellement qu'il ne pourroit penser à sa maison. Pour tant, ce fut bien à regret qu'il se resout à le différer plus la conuocation. Doncques le vingtième Octobre, il tint vne Congregation de Cardinaux, en laquelle il exposa la responce renduë par le Roy de France à D. Antoine de Toléde, & ce que le Roy mesme luy en escriuiot, & ce qu'auoit negocié le Cardinal de Tournon. Adioustant un autre aduis, qu'il auoit de France, Que quand mesmes le Concile general seroit ouuert les François n'y iroient point, si les Protestans ne s'accordoient aussi à le receuoir. Ces choses causerent grande confusion es Cardinaux: car tous apprehendoient, que nonobstant que le Concile general fust ouuert, la France,

ne laisseroit pas de faire le national: dont s'ensuiuroit l'alienation de ce Royaume du S. Siege, lequel exemple les autres nations Chrestiennes prendroient aussi pour s'en aliener, bon gré maugré leurs Princes.

Plusieurs aussi faisoient grande consideration sur ce qui auoit esté protesté au Cardinal de Trente, qu'il ne s'elargist point tant à offrir la ville: mais qu'il le fouloit quel l'Empereur en estoit maître, & que sans la volonté d'iceluy il ne pouuoit ny ne deuoit disposer d'icelle en tel affaire: & que l'Empereur s'estoit ia déclaré de vouloir totalement tenir la Diète au preallable. On estoit aussi bien en soucy de ce que D. Antoine de Tolde escriuoit, qu'en France tous les Grands, & les Eueques mesmes fomentoient les opinions nouuelles, pour accomoder & aduantagez leurs affaires. Nonobstant toutes ces choses, l'opinion de tous les Cardinaux, sauf de celuy de Ferrare, fut que le Concile fust ouuert, & que la suspension fust ostée: ce que le Pape dit de vouloir faire à la S. Martin. Puis considerant plus meurement les dangers presens, & les esperances qu'il y auoit de les surmonter, il se resolut en soy mesmes, & consola aussi les Cardinaux, & autres siens dependans, par cette raison, Que le mal seroit bien grand pour la France, mais petit pour le Siege Apostolique: lequel en fin de conte perdroit peu, attendu que des expositions de ce Royaume on ne tiroit point plus de vingt-cinq mil escus par an: pour laquelle somme le Roy perdroit la grande autorité qu'il a à commander & distribuer les benefices, par ordres & concessions des Papes: d'autant que l'autorité Papale ostée, succederoit la Pragmatique Sanction, par laquelle les Eueques, seroient elus par les Chanoines, & les Abbés par les Monasteres: & par consequent le Roy priué d'une si grande distribution. Et partant que luy Pape ne regrettoit que la perte des ames: mais aussi, si Dieu les vouloit chaitier de leurs forfaits, & de leur infidelité, il n'y pouuoit faire autre chose.

Au commencement de Nouembre arriuerent à Rome autres lettres de l'Empereur & le Roy de France, lesquelles l'Empereur disoit, quoy qu'en termes generaux, Que pour sa personne, il desiroit bien de faire ce qui plairoit au Pape: mais toutes fois remonstroit, que de tenir le Concile hors d'Allemagne, ou bien, de continuer celuy de Trente, en ostant la suspension, ne porteroit aucun fruit, ains exciteroit és Protestans des haines & des animositez plus grandes: avec danger mesmes qu'ils taschassent de l'empescher par armes, dont il auoit ia eu le vent qu'il y auoit sur le bureau diuers traitez: qu'au contraire, faisant vn Concile tout nouveau, il y auoit esperance d'induire plusieurs d'entr'eux à y aller. Cela causa diuersité d'aduis és Cardinaux: d'autant qu'on voyoit tout clairement, que cas estant que le Concile de Trente ne fust continué, toutes les choses ia determinées pourroient estre qualifiées vaines, & inualides, comme n'ayans esté approuuées par aucun Pape. Le Pape proposa l'affaire en Congregation, en laquelle il fut consulté, & dit beaucoup des choses, sans toutes fois venir aux opinions & suffrages: ce qui fut remis, pour plus de maturité, à vn autre Congregation, en laquelle les aduis furent recueillis. Et le Cardinal Carpi monstra par vn long discours, que totalement il falloit continuer le Concile, ne faisant autre chose, qu'oster la suspension; ce qui fut confirmé par les Cardinaux Celis, & Pisan. Mais celuy de Trente, qui parla apres, dit, Qu'en vn affaire, auquel il s'agissoit de *summa verum*, il valoit mieux se donner le loisir d'y penser plus à fonds. Et cette opinion fut suiue par tous les autres Cardinaux. Et tout à point arriua le soir ensuiuant vn courrier de France, enuoyé en toute diligence, pour protester, Que si on ne tenoit le Concile General, le Roy ne pouuoit plus empescher le National. Mais pourtant qu'il ne falloit nullement penser à Trente, ny à autre lieu d'Italie: attendu que le Concile ayant desia des tant d'années esté recherché pour les necessitez d'Allemagne, auxquelles maintenant de surcroist estoit adiousté le danger de la France, il falloit de necessité le tenir en lieu commode aux deux nations: autrement le tout seroit en vain, en cas que les Allemands, & les François n'y allassent point.

1560.

le Pape
tranche la
résolution
de la tenuë

& medite
la forme
de la Bul-
le.

fait vne
solemnel-
le proces-
sion pour
cet affaire.

& puis pu-
blie sa
Bulle de
conuoca-
tion, attré-
pée & ter-
mes pour
conuocier
chacun,

La France proposoit les villes de Constance, ou de Bezançon: adioustant, Que si on choisiroit quelque lieu en France, le Roy donnoit parole qu'il seroit tres-assuré. En fin le Pape iugea qu'il ne faisoit plus differer la tenuë, & le quinzième Nouembre, en Consistoire, il delibera de faire le Dimanche ensuiuant vne procession en sac & cendre, publiant vn Iubilé, & chantant vne Messe du S. Esprit, pour la deliberation prise de celebrer le Concile à Trente: avec résolution, que si, apres qu'iceluy seroit assemblé, il estoit iugé plus à propos de le transferer ailleurs, il le transfereroit, & y iroit mesmes en personne, pourueu seulement que le lieu fust assuré. Et adiousta, qu'il trouueroit bien des armes pour s'opposer à tous ceux qui voudroient enfreindre les choses ia determinées. Apres cela, il se mit à penser à la teneur de la Bulle. Pour cette raison tous les iours se tenoit Congregation, pour arrester, si on deuoit ouuertement declarer la continuation, ostant la suspension, comme le Pape desiroit: afin que les choses determinées, ne fussent mises derechef en debas, ou examen. Les Imperiaux, & les François, traualloient enuers le Pape, & les Deputez, pour faire qu'il fust appelé nouveau Concile: d'autant qu'en cette sorte les Allemans & les François y iroient: & que puis sur le lieu mesmes, on pourroit refondre que les choses determinées ne fussent ventilees de nouveau. Qu'autremēt en vain parloit-on de Concile, pour reduire les Protestans, pendant que des l'entree on leur mettoit vne pierre d'achoppement au deuant; & leur donnoit-on sujet de dire, qu'ils ne pouuoient se soumettre à ceux qui les auoient ia condamnez sans les auoir ouys. Mais à l'opposite les Espagnols, & ensemblement le Duc de Florence, qui se trouuoit pour lors à Rome, insistoient qu'on ne fit autre chose qu'oster la suspension, & que le Concile ne fust nommé que continuation du ia encommencé. Le Pape, & les Deputez, prirent vn party moyten, esperant qu'il contenteroit les deux parties. Le Pape publia vn Iubilé, & l'enuoya par tout: & le vingt-quatrième du mesme mois de Nouembre il alla à pied, accompagné du College des Cardinaux, & de toute la Cour en solempnelle procession de S. Pierre à la Minerue: ce qui ne se passa point sans quelque desordre: d'autant que les Ambassadeurs, costumiers de cheminer deuant la Croix, voyans qu'apres icelle suiuoient les Euesques, & apres eux le Duc de Florence, au milieu de deux Cardinaux des moindres, voulurent aussi tenir le mesme lieu: dont il nasquit du desordre: pour lequel composer, apres quelque estrif, le Pape leur donna place entre soy, & les Cardinaux, qui alloient deuant luy.

Le vingt-neufième du mois la conuocation du Concile fut publiée en Consistoire, & la Bulle d'icelle portoit le titre, d'Indiction du Concile de Trente: Et fut imprimée en diuers endroits en cette forme, quoy que depuis, quand le corps du Concile fut imprimé tout entier, cette parole d'Indiction fut changée en celle de celebration. La teneur de la Bulle estoit,

Que le Pape, dès le commencement de son assomption, auoit appliqué son esprit à l'extirpation des heresies, à l'assoupissement des diuisions, & à la reformation des mœurs: & que pour remede à ces maux, il auoit deliberé de celebrer vn Concile general: lequel Paul, & Iules troisièmes, auoient par cy-deuant conuocqué, mais ne l'auoient peu paracheuer. Puis, apres auoir exposé la suite des choses auenües sous ces Papes, il en attribuoit l'euenement à diuers empeschemens suscitez par l'ennemy du genre humain, pour differer au moins vn si grand bien & auantage pour l'Eglise, lequel il ne pouuoit empeschier tout à fait. Que cependant les heresies, & les diuisions estoient grandement multipliees. Mais que dès qu'il auoit pleu à la bonté de Dieu de donner la concorde entre les Rois & Princes Chrestiens, il auoit pris grande esperance de mettre vne bonne fin à tant de maux de l'Eglise, par le moyen du Concile, lequel il n'auoit voulu differer d'auantage, pour oster le Schisme & les heresies, reformer les mœurs, & maintenir la paix entre les Chrestiens. Et pourtant que par le conseil des Cardinaux, & de l'avis de Ferdinand, esleu Empereur & d'autres Rois, & Princes, lesquels il auoit

trouvez disposez à prester faueur & aide à la célébration d'iceluy : de l'autorité de Dieu, & des saints Apostres, Pierre & Paul, il intimoit vn Concile general en la ville de Trente, pour le iour prochain de Pasques del'année mil cinq cens soixant-vn, toute suspension ostée. Exhortant & commandant, sous les peines Canoniques, à tous Patriarches, Archeuesques, Euesques, Abbés, & autres, qui par Loy, Priuilege, ou ancienne coustume, ont voix deliberatiue en Conciles, en cas qu'ils n'eussent legitime empeschement, de s'y trouver auant ce iour-là : & admonestant semblablement tous ceux qui y auoient, ou pouuoient auoir interest, de s'y rendre. Et priant l'Empereur, les Rois, & les autres Princes, que s'ils ne pouuoient entreuenir en personne, ils y enuoyassent leurs Procureurs & charge ayans, & moyennassent que les Prelats de leurs Estats, sans excuse, ne delay, y rendissent leur deuoir : & que pour cét effet ils eussent libre & seur voyage pour eux, & leur suite : comme luy mesmes aussi de sa part estoit prest de faire de tout son pouuoir : n'ayant, quant à luy, autre but en la célébration du Concille, que l'honneur de Dieu, la reduction des brebis dispersees, & la perpetuelle tranquillité de la Chrestienté. Ordonnant que cette Bulle fust publiee à Rome : & que par icelle publication elle obligest dans le terme de deux mois tous ceux qui y estoient compris, comme si elle leur estoit intimée en propre personne.

Le Pape reputa d'auoir satisfait tant à soy-mesmes, qu'à ceux qui vouloient intimation de nouveau Concile, & à ceux qui requeroient continuation du vigil. Mais il en aduint, comme il a accoustumé de faire és conseils moitoyens, assauoir, qu'ils desagreent à toutes les deux parties : car le Pape ne satisfit à aucun, comme il sera dit cy-apres. Incontinent apres la publication de la Bulle, le Pape despescha en France Niquet, pour l'y porter, avec commission, que si la forme n'en agreoit, il dist, qu'on ne regardast point au mot de Continuer : d'autant qu'iceluy n'empeschoit point qu'on ne parlast de nouveau des choses ia proposees. Il l'enuoya aussi à l'Empereur & en Espagne. Et de plus deputa Zacharie Dauphin, Euesque de Lesine en Esclauonie, pour Nonce aux Princes de la haute Allemagne : & Iean François Com-mendon, Euesque de Zante, à ceux de la basse : avec lettres à tous, & avec charge de prendre premierement instruction de l'Empereur, comment ils auroient à traiter avec eux : apres quoy ils fissent leur Ambassade. Il deputa aussi l'Abbé Martinengue à la Reyne d'Angleterre, pour conuier elle, & les Euesques de son Royaume au Concile : persuadé à cela par Edoüard Cerne, nommé cy-dessus, lequel luy promit que le Nonce seroit receu de la moitié du Royaume, mesmes du consentement & vouloir de la Reyne. Et aucuns luy metrans en consideration, que d'enuoyer Nonces en Angleterre & ailleurs, à Princes qui faisoient profession ouuerte de s'estre totalement separez du Siege de Rome, ne pouuoit estre qu'au grand interest de sa reputation, il respondoit, Qu'il vouloit bien mesmes s'humilier à l'heresie, veu que tout ce qui se faisoit pour acquerir les ames à Christ, estoit seant & conuenable au S. Siege. Pour cette mesme raison aussi il enuoya le Nonce Canobio en Pologne, avec dessein de le faire passer iusqu'en Moscovie, pour conuier au Concile ce Prince & cette nation, quoy qu'elle n'ait iamais reconnu le Pape de Rome.

Depuis il retourna à parler au Consistoire touchant le Concile, requerant d'estre informé des personnages scauans, de bonne vie, & de reputation, de diuerses Prouinces, propres à disputer & à persuader la verité. assurant d'auoir intention d'en mander plusieurs : & promettant, qu'apres qu'il auroit employé toute diligence possible, pour faire venir au Concile tous les Chrestiens, & pour les vnr en la Religion, si quelques-vns, voire plusieurs d'entr'eux, restiuoient à y venir, il ne differeroit pas de le celebrer. Il ne laissoit pas pourtant d'estre en grand soucy de ce qu'il preuoyoit que les Protestans d'Allemagne, ausquels vne grande partie de la France estoit iointe, refuseroient d'y entreuenir, & mesmes redoutoit qu'ils n'entrepris-

ce qu'il ne
peut obte-
nir.

enuoye
icelle en
France,

à l'Empe-
reur & en
Espagne :
& depute
des Non-
ces aux
Princes
Allemands
à la Reyne
d'Angle-
terre.

au Roy de
Pologne.

& recher-
che des
hommes
sauans
pour le
Concile.

1561.

sent de le destourber par armes. Et ne se fioit pas de pouoir auoir de l'Empereur tel secours, qu'il les pust reprimer, attendu le peu de forces d'iceluy. Et confessoit qu'il les dangers estoient grands, & les remedes bien foibles: dont il estoit en grand perplexité, & travail d'esprit. La Bulle, estant portee en Allemagne, tomba entre les mains des Protestans, assembles pour les nopces du Duc de Lauenbourg, lesquels intimierent vne Diete à Naumbourg en Turinge, pour le vingtième lanuier, de l'an mil cinq cens soixante-vn.

*Vergere
escriu
ire la Bul
le.*

Contre icelle Bulle Vergere escriuist vn liuret, auquel, apres auoir fort inuectiué contre les pompes, le luxe, & l'ambition de la Cour de Rome, il adoustoit, Que le Concile estoit conuoqué par le Pape, non pour établir la doctrine de Christ, ains le seruage & l'oppression des pauures ames. Qu'iceluy n'estoit ainsi appelez, sinon personnes obligées au Pape par serment, & par consequent en estoient forclos, non seulement ceux qui s'estoient separés de l'Eglise Romaine, mais aussi les plus entendus & capables, qui estoient en icelle: & que toute liberté estoit ostée, en laquelle seule toutesfoiz gisoit tout l'esperance de la concorde.

*confusions
à la Cour
de France.*

En ce mesme temps vint à Rome la nouuelle de l'emprisonnement du Prince de Condé, par commandement du Roy: & des Arrests donnez sous seurs gardes à Antoine de Bourbon, Roy de Navarre, frere d'iceluy. Ce qui agrea grandement au Pape, comme chose, qu'il estimoit pouoir tout à fait rompre le dessein du Concile national, & le deliurer de cette fâcherie dont il s'assura encor de plus fort par l'aduis suruenu tost apres de la griete maladie du Roy, avec danger de la vie: ce qui fut cause, que les Estats ne furent point tenus à Meaux. Mais les affaires aboutirent à vn point, qui porta beaucoup d'alteration. Car François deuxieme Roy de France, deceda le cinquième du mois de Decembre, & luy succeda Charles neuuiesme son frere, agé de dix ans. Dont la regence par fut la minorité du Roy, tomba par les loix du Royaume, entre les mains du Roy de Navarre, comme premier Prince du sang: & la Reyne mere s'adjoignit à luy, pour soutenir & continuer l'autorité de gouverner, qu'elle auoit prise pendant la vie de son autre fils: & le Roy de Navarre fut bien content de luy faire part du gouvernement des affaires, pour maintenir tant plus aisément sa propre auto-

*Et puis le
mort du
Roy François
seu second.*

*qui releue
les affai-
res des
Reformés.*

rité. Le Roy de Navarre fauorisoit presques ouuertement la nouuelle religion, & se gouernoit en tout & par tout par le conseil de Gaspard de Coligni Admiral, lequel en faisoit profession ouuerte: dont les Reformez prirent tant plus d'esperances de pouoir obtenir la liberté de Religion, qu'ils requeroient. Et prirent à s'assembler quasi publiquement, & sans aucune retenue, au grand despit du populace, & avec danger de grandes nouueautés & tumultes. Pour cetté raison, la Reyne mere, & les principaux de son Conseil, se resolurent de tenir les Estats à Orleans, dont l'ouuerture se fit le treizième Decembre.

*dont se
viennent
les Estats
d'Orleans
barrenne
du Chan-
celier pro-
mettant
remede
public au
sain de la
Religion.*

En iceux, entre autres choses proposées pour le benefice du Royaume, le Chancelier remonstra, Que la Religion est vne chose trespuissante, qui surmonte toutes affections, & devoirs naturels: & lie plus estroitement qu'aucun autre lieu de la societé humaine. Que les Royaumes se contiennent plus par la Religion, que par les confins & frontieres, ains se diuisent plus par icelle que par les confins mesmes: & que qui est mieu par cause de Religion, vient à ne tenir aucun conte de femme, d'enfans & de parentage. Que si en vne mesme maison il y a difference de Religion, le pere ne se peut accorder avec les enfans, ne l'un des freres avec l'autre, ne le mary avec la femme. Que, pour remedier à ces desordres, il y auoit besoin d'un Concile, dont aussi le Pape donnoit esperance. Mais, qu'en cet entretemps, il n'estoit pas raisonnable de permettre, que chacun forgeast la religion qu'il vouloit, ny introduisist nouuelles ceremonies à son bon plaisir, avec perturbation de repos public. Que si le remede du Concile du Pape venoit à faillir, le Roy y pourueroit par autre voye. Mais qu'il estoit necessaire que cha-

*Et cepen-
dant ex-
hortant
aux par-
ticuliers:*

cun premierement se corrigeast & guerist de les maladies, d'autant que la bonne vie est vne efficaceuse harangue pour persuader : qu'il falloit abolir les noms de Lutheriens, de Huguenots & de Papistes, qui ne sont point moins factieux, que ceux des Guelfes & Gibelins : & employer les armes contre ceux qui couuroient leur ambition, auarice & desir de nouveautez, du nom & manteau de Religion. Iean Ange, Aduocat au Parlement de Bordeaux, parla pour le tiers estat : & dit beaucoup de choses contre les mœurs corrompues, & la discipline abastardie du Clergé. & marqua en iceluy l'ignorance, l'auarice, & le luxe, comme causes de tous les maux : & sur tout cela fit de longs discours. Et pour conclusion requit, qu'on remediast à tout par vne prompte celebration du Concile. Iacques, Conte de Rochefort, parla pour la Noblesse, & entr'autres choses dit, que tous les maux estoient procedez des dons immenses, que les Roys, & autres Grands auoient fait aux Eglises : sur tout leur ayant mesmes attribué iurisdiccions. Chose desraisonnable & mesleante, que ceux qui doiuent vaquer à predications, & à oraisons, exercent iudicature & puissance sur la vie, & sur les biens des sujets du Roy. Qu'il estoit necessaire de remedier à ces inconueniens. En fin il presenta vne Requête, demandant au nom de la Noblesse, de pouuoir auoir Eglises publiques, pour l'exercice de la Religion reformée. Pour le Clergé harangua Iean Quintin, Bourguignon, & dit, que les Estats estoient assemblés pour pouruoir aux necessitez du Royaume, & non pour corriger l'Eglise : laquelle ne peut faillir, & est sans tache ne ride, & eternellement demeurera entiere & incontaminée : quoy qu'on ne pust desdire que la discipline, en quelque petite parcelle, auoit besoin de reformation. Et pourtant qu'il ne falloit point prester l'oreille à ceux ; lesquels, renouelant les sectes anciennes, & ia enfeulies, demandoient Eglises separées des Catholiques : ains qu'ils deuoient estre chastiez comme heretiques : & que c'estoit chose digne de la iustice du Roy, de ne les escouter nullement, ains de contraindre tous ses suiets à croire, & à viure selô la forme prescrite par l'Eglise. Qu'il ne fust permis de retourner dans le Royaume à ceux qui en estoient sortis pour cause de Religion : & qu'on procedast par peines capitales contre ceux qui seroient infectés d'heresie. Que la discipline Ecclesiastique seroit bien tost & aisément reformée, si les dîmes estoient rendus au Clergé, & les Elections aux Chapitres : veu qu'il auoit esté remarqué, qu'en la mesme année mil cinq cens dix-sept, que par le Concordat du Pape Leon la nomination aux Prelateurs fut donnée au Roy, commencerent aussi les heresies de Luther, lequel fut depuis fuiuy par Zuingle, & autres. En fin il requit que toutes les immunitez & priuileges fussent confermez au Clergé, & que toutes les charges luy fussent ostées.

Le Roy ordonna, que les Prelats se preparassent pour aller au Concile, qui estoit intimé à Trente : & commanda que tous les prisonniers pour cause de Religio fussent eslargis, & que toutes les procedures faites contr'eux fussent supprimées & abolies & pardonnées toutes forfaitures iufques alors commises, & que leurs biens leur fussent rendus. Et establi peines capitales contre tous ceux qui s'offenseroient de fait, ou de paroles, pour cause de Religion. Et admonnesta vn chacun, de suiure les ceremonies, & obseruances vsitées en l'Eglise, sans introduire aucune nouveauté. Le demeurant des Estats fut remis au mois de May prochain, auquel aussi on deuoit traiter de la Requête présentée par le Comte de Rochefort.

Le Pape, ayant entendu la mort du Roy François, ensemble l'aduis du Cardinal de Tournon, comment la Reyne s'estoit iointe avec le Roy de Nauarre, en fut grandement trauaillé en son esprit, redoutant qu'ils ne laschassent encor d'auantage la bride aux Reformez. Et pourtant il enuoya de son costé Laurens Lentic, Euesque de Ferme, & moyena que le Roy d'Espagne y enuoyast du sien Iean Manriquez, pour consoler la Reyne sur la mort de son fils, & pour faire bons offices enuers elle, & luy recommander la religion, en laquelle elle estoit née & nourrie. & luy remonstrer qu'elle se souuinst des

1561.

grands & souverains bienfaits, qu'elle auoit receus du S. Siege, par le moyen du Pape Clement: & qu'elle ne permist tant de licence, qu'en fin elle causast vn Schisme: & aux maux presens & pressans ne cherchast remede ailleurs qu'en l'Eglise Romaine. Que le Concile estoit ia intimé pour cela: mais que cependant elle pourueust que le Royaume nes'esloignast de la pieté, & que nul prejudice ne fust fait au Concile legitimement conuocé.

Telle estoit la face des affaires à l'issüe de l'année mil cinq cens soixante, qui laissoient vne queue, & des dispositions à d'autres beaucoup plus grâdes. L'année ensuiuante mil cinq cens soixante-vn, Manriquez estant arriué en France, & ayant exposé sa creance eue de la Reyne mere fauorable & pieuse responle sur le fait de la Religion, & du Concile. Mais en ses deuis ordinaires, qu'il auoit avec elle sur ce mesme suiet, selon que l'occasion s'en presentoit, il l'exhortoit tousiours à proceder contre les Huguenots par voye de supplices, & punitions corporelles: entremessant par fois aussi des menaces à ses exhortations.

A cela s'opposoit le Roy de Nauarre, contraire à toutes les intentions des Espagnols, à cause des desseins qu'il auoit de reconquerir son Royaume de Nauarre. Dont Manriquez fit partie avec la maison de Guise, & autres, qui auoient mesmes desseins de rendre ce Roy fauorable aux Catholiques, au Pape, & au Concile, de luy proposer qu'il prist la protection de la Religion Catholique en France, & qu'il repudiaist Ieanne d'Albret, Reyne hereditaire de Nauarre, comme heretique: retenant, par autorité Papale, les droits & pretensions sur ce Royaume. dont elle seroit par le Pape declarée decheüe & priuée pour cause d'herésie: & qu'il prist à femme Marie, Reyne d'Escoce: au moyen duquel mariage il auroit aussi le Royaume d'Angleterre, apres que la Reyne Elizabeth en auoit esté destituée par sentence Papale. A quoy les Guisars luy promettoient l'autorité du Pape, & les forces du Roy d'Espagne: lequel en oultre, en eschange du Royaume de Nauarre, luy donneroit celuy de Sardaigne. Et continuerent encor depuis à figurer & presenter les mesmes choses à diueres faces, à ce Prince, avec tant d'artifice, qu'ils le tinrent tousiours depuis en haleine, & le menerent en lesse iusques à sa mort.

En Allemagne, les Princes de la Confession d'Ausbourg, assembles à Naumbourg, principalement pour la cause du Concile, mirent premierement en consideration, Que c'estoit vne grande honte à eux, que leur Religion, à cause de la diuersité des doctrines & sentimens, fust estimée vne vraye cohüe, & confusion. Et pourtant proposerent, auant toute autre chose, qu'il estoit expedient de s'accorder tous en vne mesme doctrine: & puis qu'ils delibereroient, s'ils deuoient refuser, ou accepter le Concile. Sur le premier chef, plusieurs disoient, Qu'il n'y auoit point de differend essentiel entr'eux: & que les sectes des Papistes estoient beaucoup plus differentes, & sur des points plus substantiels, concernans les fondemens de la Religion. Et pourtant qu'il falloit auoir, pour fondement de la doctrine commune à tous, la Confession d'Ausbourg: que si hors icelle il y auoit quelque differend, il importeroit fort peu. Mais il fut remonstré, que de cette mesme Confession il y auoit diuers exemplaires les suiuans ayans tousiours adiouste quelque chose, voire diuerses en diuerses editions: dont les vns suiuoient l'vne, & les autres l'autre: & pourtant estoit jugé par aucuns, qu'on deuoit prendre la mesme, qui auoit esté presentée à l'Empereur Charles, l'année mil cinq cens trente. Mais ceux du Palatinat ne s'y accordoient point, sinon qu'on y mist au deuant vne preface, qui declarast que l'autre edition n'estoit pas discordante de celle-là. A quoy le Duc de Saxe repliquoit, Qu'il estoit impossible de clorre les yeux, & de boucher les oreilles du monde, pour faire qu'il ne vist & entendist les differends qu'ils auoient entr'eux, & les diuersitez qu'il y auoit entre ces editions. Et que de vouloir monstrer vnion là où reelement il y a differend, n'estoit autre chose, que de s'exposer à estre conuaincu de vanité & de mensonge. Apres plusieurs contestes, on en demeura comme on estoit, sans autrement conuenir en ce point. Quant au Concile, les vns propo-

soient de le recuser absolument: autres estoient d'adujs qu'on enuoyst Ambassadeurs,

les Princes Protestans rassurent de s'accorder à Naumbourg, mais en vain.

prenent conclusion sur le fait du concile.

Ambassadeurs, pour faire offres d'aller à vn Concile libre & Chrestien; & pour proposer recufation de Iuges; & exceptions de l'incommodité du lieu, & autres, la par plusieurs & diuerfes fois représentées: afin que cela seruist à monstrier, qu'ils ne refusoient point vn Concile legitiue, & que ce n'estoient point eux, ains l'ambition de la Cour de Rome, qui empeschoit l'vniõ de l'Eglise. Que cela leur atterroit plus de faueur enuers les Catholiques Allemaens. Et la conclusion fut prise de supplier l'Empereur en cõte forme:

Les deux Nonces arriuerent ensemble en Autriche, & trouverent l'Empereur à Vienne, par lequel ils furent conßeillés d'aller tous deux promptement à Naumbourg, en Saxe, là où les Protestans estoient assembles à la Diete, & de traiter avec eux avec le plus de douceur & de modération qu'il leur seroit possible, se gardans bien de les effaroucher, ny offenser. Avec conseil estoit fondé sur ce, que s'ils alloient vers vn chacun en ses propres estats, ils seroient renuoyés de l'vn à l'autre, sans pouuoir iamais auoir aucune asseurée responce, ne resolution. Mais, qu'apres que tous deux conioinrement auroient fait cet office, ils pourroient se departir l'vn d'avec l'autre, & chacun aller particulierement vers ceux, auxquels ils estoient enuoyés: Il leur rememora les conditions, sous lesquelles les Protestans autrefois auoient condescendu à consentir au Concile: afin que, si d'auanture ils en faisoient mention, eux Nonces eussent la repliche toute premeditée à leur faire, au nom du Pape. L'Empereur enuoya en leur compagnie trois siens Ambassadeurs à la mesme assemblée: & le Roy de Boheme les recommanda au Duc de Saxe, pour la seureté du voyage. Les Ambassadeurs Imperiaux, arriués à la Diete, eurent audience: & là exhorterent les Princes à entreuenir au Concile, pour terminer vne fois les calamités d'Allemagne. Les Prin-

ces, apres deliberation prise; responderent, Qu'ils remercioient Sa Majesté Imperiale. Et quant au Concile, dirent, qu'ils ne le refuseroient point, en cas que la parole de Dieu y fust Iuge; & que les Euesques fussent quittes du serment qu'ils ont au Pape, & au Siege de Rome; & que les Theologiens Protestans y eussent aussi avec eux voix & suffrage. Mais, que voyant que le Pape n'admettoit à son Concile autres que les Euesques qui sont à son serment, contre quoy ils auoient tousiours protesté, ils tenoient pour chose fort difficile, qu'on pust iamais venir à aucun accord. Qu'ils auoient bien voulu représenter cecy à l'Empereur en toute reuerence par voye de prouision, differant à luy rendre responce plus pleine, apres qu'ils auroient aussi communiqué le fait avec les Princes absens. Puis furent introduits les Nonces du Pape: lesquels apres haut-loué la pieté & les religieuses intentions du Pape, à auoir prise la deliberation de renouveler le Concile; pour l'extirpation des Sectes, attendu qu'il y auoit quasi autant de Religions & d'Euangiles que de Docteurs; adiouterent, Qu'il les auoit enuoyés, pour les conuier à favoriser & contribuer à vn si saint œuure: avec promesses que tout seroit traité au Concile en charité Chrestienne, & que les aduis y seroient libres. Puis leur presenterent les Brefs du Pape, escripts à chacun d'eux. Le lendemain tous les brefs du Pape leur furent renuoyés tous clos: comme ils estoient: & furent rappelés, pour receuoir la responce, laquelle fut de telle teneur, Qu'ils ne recognoissoient aucune Iurisdiction du Pape de Rome: qu'ils n'auoient que faire de s'ouuir enuers luy quelle estoit leur intention, ou volonté sur le fait du Concile: qu'ils auoient assez déclaré leur intention & aduis à l'Empereur leur seigneur. Qu'à eux Nonces, Gentilshommes d'une Republique grandement amie, & douées de dignes qualités, ils offroient tout bon office, & seroient encor d'auantage, s'ils ne venoient de la part du Pape. Avec cela fut terminée l'assemblée, apres en auoir intimé vne autre pour le mois d'Auril, pour donner accomplissement au traité de s'assembler entr'eux.

Le Nonce Dauphin, en son retour, exposa sa commission en diuerfes villes. Le Senat de Noremberg luy rendit responce, Qu'il n'entendoit point se departir de la cõfession d'Ausbourg: ny d'accepter le Concile, cõme n'ayant

1561.

par les
villes Pro-
testantes,Or par le
Roy de
Daume-
marc,mais bien
receu par
les Catho-
liques :la Roine
d'Angle-
terre ne
seroit
celuy qui
luy estoit
deputé,celuy de
Pologne
opere en-
uers le
Roy, mais
non enuers
le Duc de
Prusse :
celuy des
Suiſſes ne
peut rien
gagner
auec les
Cantons
Protestans ;
toutes ces
negotia-
tions sont
mal prises
à Rome :
l'Empe-
reur res-
pond au
Pape d'un
consentir,le Roy de
France re-
quiert re-
formation
en la Bul-
le,

les conditions recherchées par les Protestans. Le Senat de Strasbourg, & celui de Francfort, respondirent de mesmes. Celuy d'Augsbourg, & celui d'Ulme dirent, qu'ils ne se pouuoient departir des autres, qui tenoient la mesme Confession qu'eux. Le Nonce Commendon, à son depart de la Diete alla à Lubec, d'où il enuoya demander saufconduit à Friderich Roy de Danemarck, pour luy faire son Ambassade, au nom du Pape, & pour le conuier à fauoriser le Concile. Mais iceluy respondit, que ne son Pere, ne luy, n'auoient iamais eu à traiter chose aucune avec le Pape : & pourtant, qu'il ne se soucioit point de receuoir de luy aucune Ambassade. Mais des Prelats, Princes, & Villes Catholiques ; tous deux ces Nonces remporterent responses fauorables, avec offres de deuotion au Pape : mais quant au Concile, qu'il en falloit traiter avec l'Empereur, d'autant que de necessité il en falloit consulter ensemble, pour crainte des Lutheriens. Quant à Ierosme Marcinengue, que le Pape auoit enuoyé pour la mesme cause à la Roine d'Angleterre, il receut commandement d'elle, estant encor en Flandres, de ne passer la mer. Et combien que le Roy d'Espagne, & le Duc d'Alue, fissent puiffans offices, à ce qu'il fust admis & ouï, recommandant grandement à la Roine la cause de cette Legation, qui estoit l'vnion de toute l'Eglise Chrestienne en vn Concile general, la Roine toutesfois persista en sa premiere deliberation : & respondit, qu'elle ne pouuoit traiter chose quelconque avec l'Euesque de Rome, l'autorité duquel, par le consentement du Parlement, estoit excluse d'Angleterre.

Le Nonce Canobio fit son Ambassade au Roy de Pologne, là où il fut bien receu : mais ne peut percer en Moscouie, selon le commandement du Pape, à cause de la guerre entre le Polonois & le Moscouite : mais il alla en Prusse, là où il eut pour respõse du Duc, que pour luy, il estoit de la cõfession d'Augsbourg, & ne consentiroit iamais à aucun Concile Papal. Les Suiſſes assembles en Diete à Bade, ouïrent le Nonce du Pape : & vn des Bourgmaitres de Zurich, ayant receu le Bref du Pape, le baïsa : dont le Pape ayant eu la nouuelle, ne se pût tenir d'en faire part, avec beaucoup de ioye, à tous les Ambassadeurs residens aupres de l'oy. Mais apres que l'affaire touchant le Concile eust esté consultée, les Catholiques respondirent, que pour eux, ils y enuoyeroient : & les Euangeliques à l'opposite, qu'ils ne l'accepteroient point.

Dès que la negotiation des Nonces à Naumbourg fut suë à Rome, on gro-mela fort contre le Pape, qu'il eust enuoyé des Nonces à la Diete des Protestans ; mais, il s'excusoit, disant, qu'ils n'y estoient point allés par son commandement, mais qu'il les auoit tant seulement enchargés de faire ce que l'Empereur trouueroit expedient, & qu'iceluy l'auoit ainsi trouué bon : de quoy aussi il ne le blasmoit point, ne se souciant pas de pointilles de reputation, mais ayant sa pensée seulement au bien. & utilité. L'Empereur fit voir à ses Theologiens, & consulter la Bulle du Concile : & escriuit au Pape, que, comme Ferdinand, il vouloit & entendoit d'adherer totalement au vouloir de Sa Sainteté, & se contentoit de toute forme de Bulle, & feroit tout deuoir pour y faire accommoder toute l'Allemagne : mais que, comme Empereur, il ne pouuoit rien dire, tant qu'il n'eust eu response de ce qu'auroient traité & negocié les Nonces Apostoliques & ses Ambassadeurs, qui estoient allés à la Diete, assemblée par les Protestans à Naumbourg. Bien tenoit-il presque pour tout assuré, que si le Pape declaroit que la conuocation du Concile n'estoit point continuation, ains nouuelle indiction : ou bien, que les matieres ia decidées pussent estre reneuës, & examinées de nouueau, la Bulle seroit acceptée. Le Roy de France escriuit à son Ambassadeur à Rome, en date du dernier Ianuier, qu'en la Bulle il y auoit quelques choses à reformer, auant qu'il la pût receuoir. Car, ores qu'elle portast le titre d'Indiction : toutesfois, au corps & contenu d'icelles, il y auoit certaines paroles, & termes inferés, qui marquoient qu'elle estoit faite pour ôter les suspensions du Concile ia encommencé : & que sans doute ces termes estans suspects aux Allemans, ils en recherchoient la declaration,

ce qui prolongeroit grandement la tenue du Concile. Et en cas que le Pape n'acquiesçast à donner contentement à l'Empereur, & à eux, il en naistroit tant de diuisions & de difficultés en Chrestienté, que le Concile ne seroit qu'en apparence, & parade, sans fruit, ny vtilité. Que pour luy, il se contenteroit assez du lieu de Trente, & ne faisoit aussi point de scrupule si c'estoit nouvelle indiction, ou continuation, attendu que Niquet luy auoit fait entendre la volonté du Pape estre de consentir que les determinations ia faites pussent estre de nouveau disputées, & examinées. Mais, comme l'exécution de cela seroit pour rendre chacun satisfait, aussi estoit-il nécessaire d'en faire vne preallable declaration, pour oster tous ombrages & pour asseurer tous : & de procurer qu'en toutes sortes l'Empereur fust contenté : à de fault dequoy, on ne pouuoit esperer bon & heureux succès du Concile : lequel venant à luy manquer, il recourroit au remede proposé par le Roy François, son frere, d'un Concile National, lequel seul estoit capable de pouruoir aux necessités de son Royaume. Il bailla aussi charge à son Ambassadeur, de se plaindre à Sa Sainteté, de ce que le Roy François, son frere, ayant avec tant d'instance procuré l'ouuerture du Concile, la Bulle toutesfois ne faisoit aucune honorable mention de luy. Ce que chacun pouuoit voir auoir esté fait, pour ne nommer le Roy de France immédiatement apres l'Empereur. Le Roy ne laissa point pour tous ces esgards, afin d'auancer les affaires de la Religion, d'escrire en mesme temps lettres aux Prelats de son Royaume, qu'ils se preparassent pour s'acheminer au Concile, & s'y trouver au temps de la conuocation. Et de ces lettres il enuoya copie à Rome.

Le Pape eut aduis par son Nonce, *ce que le* Que les difficultés que faisoit le Roy contre la Bulle, procedoient des offices du Cardinal de Lorraine, lequel *Pape veu* luy faisoit voir que le Concile ne seroit autre qu'une continuation. Partant *luy* apres auoir oui la proposition de l'Ambassadeur, il respondit, qu'il s'esbahissoit bien, comment le Roy, lequel tenant de ne reconoistre aucun supérieur, s'assuiettissoit ainsi aux volontés ; & discretion d'un autre Prince, à qui il n'appartenoit point de se mesler de semblables affaires. mais qui deuoit le rapporter de tout au Vicaire de Christ, à qui il touche de conduire & moderer tout ce qui concerne la Religion. *Que la Bulle, faite par luy, estoit approuuée par tous les autres, & n'auoit aucun besoin de reformation : & aussi il estoit resolu de la laisser en la forme qu'elle estoit. Que, quant à nommer le Roy de France en la Bulle, il n'y auoit point pensé : & les Cardinaux, auxquels il auoit baillé charge de la minuter, auoient cru qu'il suffisoit de nommer l'Empereur ; & tous les Rois en general : autrement, en nommant l'un, il les eust falu nommer tous. Que, pour luy, il n'auoit eu soin que de la substance de la Bulle, & auoit laissé le demeurant aux Cardinaux. Cette response ne satisfaisoit point aux François, auxquels il sembloit que leur preeminence ne deuoit point estre ainsi passée sous des termes genereux, tant pour la grandeur de leur Royaume & Estat, que pour leurs merites enuers le S. Siege. Mais le Pape les contenta, disant ; qu'il est impossible d'auoir tousiours l'œil par tout : mais qu'à l'aduenir il feroit toute diligence, à ce qu'aucune faute ne fust plus commise. Quoy qu'en effect il fist peu d'estat de ce Royaume, voyant que, sans aucun respect à son autorité, on y mettoit la main es choses propres au Pape, comme à pardonner aux heretiques, & à faire reiglemens es choses Ecclesiastiques, mesmes reseruees au Pape. Car, es Estats assemblez, comme nous auons dit, à Orléans, *ayant peu d'esperance en la France,* au mois de Ianuier, il auoit esté ordonné, que les Euesques fussent eleus par le Clergé, avec l'Interuention des Iuges royaux, & par douze Nobles, & douze du peuple : & que nuls deniers ne fussent plus enuoyés à Rome, pour raison des Annates. *pour les ordonnances faites par les Estats en matieres Ecclesiastiques ;* Que tous les Euesques, & Curés, eussent à resider personnellement, sous peine de perdre le fruit de leurs Benefices. Qu'en chaque Eglise Cathedrale, il y eust vne prebende reseruee pour vn lecteur en Theologie, & vne autre pour vn maistre d'eschole pour les petis enfans. Que tous les Abbés, & Abbessees, Prieurs, & Prieures, fussent suieres aux Euesques,*

561.

nonobstant exemption quelconque. Qu'on n'eust à exiger chose aucune pour l'administration des Sacrements, des sepultures, ou d'autres fonctions spirituelles. Que les Prelats n'eussent à employer Censures, sauf pour delits & scandales publics. Que les Religieux ne pussent faire profession, les masses auant l'aage de vingt-cinq ans, les femmes auant celuy de vingt : & qu'auant ce temps, ils pussent disposer de leurs biens, en faueur de qu'il leur plairoit, sauf du Monastere. Que les Ecclesiastiques ne pussent receuoir testaments ou dispositions de derniere volonté, là où quelque chose leur estoit leguée, ou donnée. Il y eut encor d'autres choses, ordonnées pour plus grande reformation des Eglises, & des personnes Ecclesiastiques. Le Nonce enuoya ces ordonnances au Pape, quoy qu'elles ne fussent pas publiées pour lors : d'autant que ceux qui gouernoient en France se contenterent d'auoir donné ce contentement apparent au general, qui requeroit reformation : sans qu'aucun se souciast beaucoup d'en voir l'execution pratiquée.

le Roy
d'Es-
pagne sur-
foye de
receuoir
la Bulle,

En Espagne, tout au contraire, les Theologiens du Roy n'agreoient point la Bulle, d'autant qu'elle ne portoit point ouuertement, que ce fust vne continuation du Concile ia commencé : & combien que l'ambiguité affectée y parust tout clairement, il leur sembloit, selon qu'il aduenit à ceux qui censurent les dits d'autrui, que les termes panchoient plus au sens de la nouvelle intimation. Et mesmes quelques vns d'entr'eux tenoient, qu'on en pouuoit tirer consequence euidente, que les choses, ia déterminées à Trente, deuoient estre derechef examinées : chose, laquelle ils disoient estre toute pleine de danger, & qui donneroit de l'audace aux Protestans, voire mesme pourroit causer quelque nouvelle diuision entre les Catholiques. Le Roy d'Espagne fursit de receuoir, & de faire publier la Bulle, sous couleor que l'ambiguité des paroles & termes ne luy agreoit point, & qu'il iugeoit necessaire que, sans desguisement, il fust exprimé, que c'estoit vne continuation du Concile, & que les choses déterminées ne deuoient point estre reuouées en doute, & remises en dispute. Mais en effect, c'estoit d'autant qu'il auoit esté grandement offensé, que le Pape eust receu en la sale des Rois, & comme Ambassadeur du Roy de Nauarre, l'Euesque de Cominges, que ledit Roy luy auoit enuoyé, pour luy offrir obeissance : reputant cet acte à vn grand preiudice à sa possession en ce Royaume-là, sur lequel il n'a autre titre, ne fondement de droit, que l'excommunication de Iules II. Et pour ce aussi qu'il prestoit l'oreille à Monsieur de Cars, enuoyé par le mesme Roy, pour induire le Pape à s'employer à ce que la Nauarre luy fust restituée, ou qu'equiuallante recompense luy fust donnée, & que le Pape promist d'y faire puissions deuoirs enuers le Roy d'Espagne. Le Pape là dessus enuoya tout expres l'Euesque de Terracine en Espagne, pour iustifier & excuser ce qu'il auoit fait en faueur du Roy de Nauarre : & aussi pour rendre, comme par occasion, raison de sa Bulle. A ceux, qui de ces contrariétés d'opinions de si

de quoy le
Pape se
insistie.

disposition
du Pape
sur ces di-
uersités.

grands Princes, conceuoient des craintes & apprehensions, il respondit, Que, par affection paternelle il auoit conuié tous : mais que quant aux Protestans, il les tenoit pour irreparablement perdus : & pour les Catholiques d'Allemagne, il scauoit bien qu'ils ne pouuoient adherer au Concile, sans se separer des autres, & faire naistre vne guerre. Mais, que quand mesmes encor quelque autre Prince Catholique n'y voudroit adherer, il ne laisseroit pas de proceder de son autorité absoluë, comme auoit fait le Pape Iules, sans le Roy de France. Mais toutesfois avec ses plus intimes & confidens, il se descouuroit qu'il ne pouoit encores asseurer où toutes ces agitations & incertitudes pourroient aboutir, & pourtant les tenoit pour indifferentes, y ayant autant à craindre de mauuaise issue, qu'à esperer de bonne. Cependant de cette incertitude de Concile il tiroit ce benefice, qu'il en tenoit en arrest les Princes, & les Prelats, pour n'attenter choses nouvelles : & d'ailleurs il s'en seruoit pour vn specieux pretexte de refuser raisonnablement les demandes qui n'estoient pas de son goust, s'excusant, que, puis que le Concile estoit ouuert, il falloit de necessité proceder avec beaucoup de re-

serue & de circonspection, sans prodiguer les graces & les concessions. Aussi, quand il suruenoit quelque difficulté malaisée ou impossible à desmesler, il s'en sauuoit, la remettant au Concile. Il n'auoit qu'une crainte, que les mau-^{redoutant} uaises affectiōs des Protestans enuers l'Eglise Romaine ne caussent quel-^{seulement} ques incurusiōs & inondations en Italie, dont tout le mal-heur seroit versé^{les Alle-} sur luy. Et voyant ia vne ouuerture faite, par vne querelle de preface en-^{mā, mes-}tre le Duc de Florence & celuy de Ferrare, laquelle ne se tenoit plus dans^{me à l'oc-} les bornes de cause ciuile. Cosme, Duc de Florence, pretendoit la prece-^{casion du} nence sur l'autre, comme representant, & tenant le lieu & place de la Re-^{debat de} publique Florentine, laquelle de tout temps auoit esté preferée aux Ducs^{presence} de Ferrare. Alphonse, Duc de Ferrare, à l'opposite, la pretendoit, parce^{entre les} que la dignité Ducale auoit, des plusieurs generatiōs, esté en sa maison. En lieu que Cosme estoit le premier Duc de Florence de sa race: auquel aussi^{Ducs de} les droits de la republique ne pouuoient fauoriser, ne prester auantage, at-^{Florence} tendu qu'icelle ne subsistoit plus. Le Duc de Ferrare estoit porté par la^{& de Fer-} France, comme cousin du Roy Henry II. & beau-frere de ceux de Guise.

L'autre se fendoit sur vne sentence de Charles-quinz rendu en sa faueur. Mais Alphonse faisoit instance en Allemagne, à ce que l'Empereur, avec les Electeurs, en iugeast en pleine Diete: ce qui sembloit au Pape chose fort dangereuse: attendu que, si les Dietes d'Allemagne venoient à rendre sen-^{ten-} tences es causes de l'Italie, cela tireroit apres soy execution de sentence, & en suite crainte d'armes. Pour remedier à cela, le Pape escriuit vn Bref à chacun de ces deux Ducs, leur remonstrant que c'estoit chose propre du S. Siege, & du Vicaire de Christ, de rendre sentences en semblables causes: & commandoit à tous deux d'exposer à luy, comme seul legitime iuge, leurs droits & raisons, & en attendre la sentence.

Et pour estre préparé à tout euement, il delibera de fortifier le Chasteau^{& se pre-} S. Ange, & la ville Leonine, appellée vulgairement le Bourg S. Pierre, & pare^{pour} pour les autres bonnes places de ses Estats: & imposa pour lors vn subside de trois^{les acci-} Iules par Ruble deblé, en tout l'Estat Ecclesiastique. Et, pour ne donner^{dens de la} point de ialousie aux Princes, il appella à soy les Ambassadeurs d'Espagne,^{guerre,} de Portugal, & de Venise, ausquels il fit part de sa deliberation, & des raisons qu'il mouuoient: & leur enioignit d'en donner aduis à leurs Princes.

Et entr'autres choses, leur dit, Que cet impost greueroit fort peu ses suiets, estant de beaucoup moindre que la charge imposée par Paul quatrieme: qui auoit ordonné la celebration de la feste de la Chaire de S. Pierre: veu que, par son imposition le pauvre ne payeroit que trois Iules en toute l'année, en lieu que la feste de Paul luy en faisoit perdre cinq, chommant vn iour entier.

Le temps assigné au commencement du Concile approchant, le Pape, pour ne faillir à ce qui estoit requis de son costé, deputa pour Legats à y presider, ^{& depute} Hercules Gonzague, Cardinal de Mantone, personnage fort signalé pour la^{Legats} grandeur de sa maison, & pour la renommée de Ferrand, son frere, & mes-^{pour le} mes pour sa propre vertu: & employa l'entremise de l'Empereur pour le persuader d'accepter cette charge, ayant grande confiance en sa suffisance, & dextérité. Il luy adioignit aussi Jacques du Puits, de Nice, Cardinal, excellent Iuriconsulte, versé par vn long espace de temps en la Rote, dont il estoit Doyen: & puis es Signatures de Iustice, & de Grace. Et disoit qu'il auoit intention de faire encore trois autres Legats, & que s'il n'en trouuoit^{Concile,} des propres au College, il creeroit pour cet effet de nouueaux Cardinaux, gens de bien, Theologiens, ou Iuriconsultes. En outre, il fit vne Congregation de Cardinaux, & de Prelats, pour mettre ordre à toutes les choses necessaires, pour donner commencement au Concile à Trente, au temps determiné. Et tout à point luy vindrent lettres du Roy de France, en date du^{La France} troisieme Mars, par lesquelles il luy disoit, comme cela luy fut aussi exposé^{après le} par Monsieur d'Angouleme, Ambassadeur ordinaire dudit Roy, Qu'il se^{Concile,} contentoit du Concile, en quelque façon que ce fust: & qu'il desiroit en fin

1561.

d'en voir l'effet, & le fruit désiré par toute la Chrestienté. Ce qu'il luy enuoya aussi signifier encor plus expressément par Monsieur de Rambouillet, Ambassadeur extraordinaire : qui eut charge de représenter au Pape les nécessités de la France, & les instances, qui luy auoient esté faites d'un Concile és Estats tenus à Orléans : & luy declarer, Qu'en cas, que ce remede fust retardé d'auantage, il seroit forcé de prendre le remede au mal de chez soy mesme par vne Assemblée de ses propres Prelats : attendu qu'on n'en pouuoit voir aucun autre pour regler les affaires de la Religion ; qu'un Concile General libre, ou, au défaut d'iceluy, vn National. Le Pape respondit à cette Ambassade, Que nul ne desiroit le Concile plus que luy : que ce n'estoit point de luy que venoient les longueurs, & les delais, ains des diuersités d'aduis des Princes, pour lesquels contenter tous egalemt, il auoit baillé à la Bulle de conuocation la forme, qui luy sembloit la plus propre pour ce faire. La cause de ce changement d'opinion des François fut, Que, voyant leur Royaume en tres-mauuais estat, ils estimèrent que tout changement fait ailleurs, ne pourroit qu'amender leur condition.

Et l'Espagne aussi D'Espagne aussi l'Eueque de Terracine escriuit au Pape, Que ses propositions auoient esté bien receuës & agréées par le Roy : & que quant au fait du Concile, apres quelque consultation, il s'estoit en fin resolu, par conseil de ses Prelats, d'accepter la Bulle, sans en faire aucune difficulté : & d'envoyer ses Eueques au Concile, à la premiere saison propre à voyager : & quant & quant de deputer vne honorable Ambassade pour y assister. Et en outre luy donna aduis, Que les Prelats de Portugal estoient partis de leurs maisons, & que ce Roy-là auoit ia deputé vn Ambassadeur au Concile : mais qu'il auoit descouuert qu'aucuns de ces Prelats auoient intention d'y faire desfinir la superiorité du Concile par dessus le Pape, & qu'ils se preparent, & faisoient estudier plusieurs Theologiens sur cette matiere. Le Pape fit estat de cet aduis : & pesoit grandement ce qu'il pouuoit attendre, lors que les Eueques seroient assemblés en Concile, & confèreroient tous ensemble : veu que, auant mesmes que partir, ils conceuoient de si hautes pensées. Et auoit quelque ombrage, que le Roy, & son conseil y pouuoient auoir part. Mais neantmoins, comme prudent, il le dissimula, iugeant bien, que si le Concile se tenoit, il pourroit bien aduenir que & cette nouueauté-là, & plusieurs autres, y seroient proposées, & entreprises à son desauantage, & à celuy d'autres. Mais aussi, que chaque droit à son enuers, & que des choses entreprises, & pensées, il n'en reussit iamais la millieme partie.

qui redoute encor plus les François Il estoit bien plus à l'erte aux mouuemens des François, tant pour estre tous prests à esclater, que pour le naturel de la nation, prompt à trancher des resolutions, sans tant de lenteur & de circonspection, comme les Espagnols. Et pourtant à tous les aduis qu'il receuoit, il prenoit occasion d'en faire part à l'Ambassadeur de France, pour luy remonstrer qu'il ne falloit pas qu'ils pensassent en France à Conciles nationaux, Assemblées, ou Colloques, en matiere de Religion : car il les tiendrait tous pour Schismatiques : & qu'il prioit le Roy de ne se point seruir de ces moyens, lesquels indubitablement reduiroient la France, non seulement en pire, mais en tres-mauuais estat : que, dès aussi tost que les difficultés d'Espagne seroient ostées, le Concile se tiendrait sans faute : car, pour celles qui continuoient en Allemagne, il n'y falloit auoir aucun esgard : car les Princes & les Eueques Catholiques consentiroient sans doute au Concile, & peut estre aussi le Duc de Saxe, comme il en auoit donné quelque demonstration, s'estant séparé des autres assemblés à Naumbourg. Qu'il esperoit que l'Empereur y assisteroit en personne, si la necessité le requeroit : comme luy Pape aussi promettoit de sa part, en cas que luy mesme le iugeast necessaire : ne voulant en cecy subir autre iugement que le sien propre.

et despesche ses Lettres Le temps de Pasques, destiné pour le commencement du Concile, approchant, le Cardinal du Puits se trouua grandement indisposé : dont le Pape, en sa place, deputa au Concile Frere Ierosime Scripande, Cardinal, Theo-

logien fameux, lequel il fit tout à l'instant partir, avec charge de passer par Mantoue, d'emmener avec soy l'autre Legat, pour se trouver tous deux au terme assigné à Trente. Mais cela ne fut point executé avec toute la diligence qui leur auoit esté ordonnée, tellement qu'ils n'arriuerent à Trente, qu'à la troisieme feste de la Resurrection, & trouuerent neuf Euesques, qui estoient ia arriuez auant eux. Le Pape fit toutes diligences, pour faire pres- *Or fait di- ligence pour y faire aller les Euesques d'Italie;* parer les Euesques d'Italie au voyage. Et pour cet effet escriuiit lettres pressantes au Viceroy de Naples, & à son Nonce en ce Royaume-là. Il rechercha aussi la Republique de Venise, d'y faire acheminer ses Euesques d'Italie: & de faire commandement à ceux de Dalmatie, de Candie, & de Cypre, s'y rendre aussi: & en outre, de creer Ambassadeurs, qui y entreussent au nom de la Republique. Toutesfois les Prelats Italiens se bougeoient avec difficulté, scachans pour certain qu'on ne pouuoit commencer la besogne auant quel assentiment del' Empereur fust venu, lequel alloit tousiours prolongeant sur l'attente des Espagnols, & des François: & tenoient pour superflu d'aller à Trente, auant que ceux-là fussent arriuez en Italie. Mais encor vne grande partie d'entr'eux, & sur tout les Courtisans, ne pouuoient croire que les actions du Pape ne fussent feintes & simulations. En quoy ils se trompoient: car la verité estoit que le Pape, voyant bien de ne pouuoir s'eschaper du Concile, desiroit de l'expedier au plustost: & disoit, Que le mal, qu'il souffroit par la prolongation, estoit certain: mais que celui, qui luy pouoit arriuer de là celebration, estoit incertain. *Que les ennemis du S. Siege, & siens, luy nuisoient plus par l'attente, qu'ils ne pourroient faire par la celebration.* Et, comme il estoit d'un naturel determiné & resolu, il auoit accoustumé d'vsar du proverbe Latin, qu'il vaut mieux essayer vne fois le mal, que le craindre tousiours:

Pendant ces delais & remises, il se traitoit vn accord & pacification entre *traité du Duc de Sauoye avec les Vandois;* le Duc de Sauoye, & les Vandois des Vallées du Piedmont. Le Duc auoit par l'espace de plus d'un an, essayé de les reduire par la voye des punitions: & apres qu'ils se furent mis en defense, comme il a esté dit, il auoit entrete- nu des gens en armes contr'eux, & le Pape luy auoit à diuerses fois presté se- cours d'argent. L'aspreté du pais auoit fait que la guerre auoit esté menée seulement par escarmouches, & rencontres: mais en fin on vint à vne espee- de bataille rangée, en laquelle les gens du Duc, en nombre de sept mil, furent desfaits, avec la mort de quatorze seulement d'entre les Vandois. Apres quoy, le Duc releua bien son armée, mais eut tousiours du depuis du pire, & fut souuent batu. Dont, voyant, qu'il ne faisoit autre chose, qu'aguerrir ses rebelles, & consumer son pais, & despandre ses deniers, il se resolut de les recevoir en grace. L'accord fut fait & conclu le cinquieme Iuin, & par iceluy le Duc pardonnoit les choses commises, octroyoit liberte de conscience, & leur assignoit certains lieux, esquels seuls il leur estoit permis de tenir leurs assemblées: és autres ne leur estoit loisible de prescher, mais seulement consoler malades, & faire autres deuoirs de religion: & en outre permettoit aux absentes de pouoir retourner au pais, & aux exilés de recouurer leurs biens. Mais se reseruoit de pouoir chasser les Pasteurs qu'il luy plairoit, leur permettant de s'en pouuoir d'autres: & qu'en tous lieux la Religion Ro- maine pust estre exercée sans empeschement, mais aussi sans qu'aucun y pust estre forcé. Le Pape eut vn extrenie desplaisir, qu'un Prince Italien, auquel *desplais- au Pape,* il auoit presté secours, & qui n'estoit point si puissant qu'il n'en pust encor pour l'auenir auoir tousiours besoin, eust permis à des heretiques de viure en liberte en ses Estats: mais sur tout il se sentoit greué del'exemple, lequel luy pourroit tousiours estre obiecté par les Princes plus grands, qui vou- droient permettre autre Religion. Il en fit plainte bien aigre dans le Consi- stoire: faisant comparaison de l'acte des ministres du Roy Catholique au Royaume de Naples, avec celui du Duc de Sauoye: car ceux-là en ce me- me temps, ayans decouuert vn amas de Lutheriens, lesquels, en nombre de trois mil, estoient sortis de Cosence, & s'estoient retirés és montagnes, pour

1561.

Le Duc
s'en insin-
ue :

en France
aussi on
met sus
vne As-
semblée
de Prelats
pour pou-
voir aux
desordres
de la Re-
ligion,

à laquelle
le Pape
deputa le
Cardinal
de Ferrare
pour Le-
gat :

sur quoy se
descouure
vne prai-
que du
Clergé de
France au-
ant le Roy
d'Espan-
gne,

pouvoir viure selon leur doctrine, & religion, les auoient desfaits en ayant pendus les vns, bruslés les autres, & condanné les autres aux galeres. Et exhorta les Cardinaux à consulter des remedes. Mais il y auoit grande difference entre opprimer vn petit nombre de armé, & esloigné de tous secours, & combattre avec vne grande multitude armée, en assiète & lieux de sauantageux, & avec puissans secours à dos. Le Duc enuoya au Pape, pour iustifier sa cause. Et le Pape, ayant ouï ses raisons, & n'y pouuant conuenablement repliquer, acquiesça.

En France aussi, quoy que la Roine, & les Prelats, desirassent de contenter le Pape, en remettant les causes de la Religion au Concile, on ne laissoit pas pourtant de preparer vne Assemblée de Prelats : en laquelle l'Ambassadeur de France aßeuroit bien le Pape qu'on ne parleroit ny de doctrine, ny d'autre chose preiudiciable à l'autorité Papale : ains seulement des moyens d'acquiescer les debtes du Roy, & des prouisions à quelques abus, & de la consultation des choses qu'il faudroit traiter au Concile General. Mais le Pape n'en prenoit point aßeurée creance : ains tenoit, que ces prouisions aux abus se rapportoient à empescher les emolumens de la Cour de Rome : & interpretoit ces consultations pour le Concile, pour vne intelligence avec les Espagnols, en matiere de la supreme puissance du Concile, mesmes sur le Pape, dont il auoit eu quelque halenée. Ioint que, par les dissensions, qui estoient entre les Grands en la Cour de France, & qui estoient aussi respandus par les Prouinces, chacun procurant d'accroistre le nombre de son party & adherans, il y auoit par toute la France vne grande liberté de parler : & ceux qui faisoient profession de la nouvelle Religion se descouuroient tout ouuertement, & estoient portés & soustenus par les principaux aupres du Roy, à la grande indignation & despit des Catholiques. Et par tout le Royaume n'y auoit que debats & discordes, & par outragel vn party contre l'autre vsoit des noms de Papistes & de Huguenots : & les prescheurs incitoient le peuple à troubles & seditions : & tous auoient en leurs mouuemens fins & intentions diuerfes. Le Pape voyoit clairement, que si le party Catholique n'estoit tout adressé par quelqu'vn à vn mesme but, il en pourroit naistre quelque monstruosité. Et pourtant, pour cuiten icelle, & pour obuier ou trauerser ces desseins, il iugea qu'il y auoit besoin d'vn ministre Apostolique, de grande autorité, mais non François : qui toutes fois fust plus intercessé au Royaume, qu'au seruice du Siege Apostolique. Et, ayant tourné les yeux sur tous les Cardinaux pour en choisir vn Legat, il s'arresta à celuy de Ferrare, auquel concouroient toutes les qualités requises, prudence singuliere & admirable dextérité à negotier, noblesse de sang alliée à la maison de France, estant beaufre de Madame Renée, grand tante du Roy, & fille de Louïs douzième : & parentage estroit avec la maison de Guise, dont le Duc auoit vne niece d'iceluy Cardinal en mariage, ce qui obligeroit cette maison, tant puissante lors en France, à le fauoriser. Le Pape donc, l'ayant choisi & deputé, luy bailla quatre particulieres commissions : de fauoriser le party Catholique, & d'oppugner les Reformés : de diuercir tout Synode National, & toute Assemblée de Prelats : de solliciter l'allée des Prelats au Concile : & de faire reuoker les ordonnances faites en matieres Ecclesiastiques.

Mais, sur le depart du Legat, il aduint vn accident, qui porta de la crainte aux plus intimes du Roy, non moins d'entre les Catholiques, que d'entre les autres, qui descouurirēt des tres-dânable dessein, par la prise d'vn certain Artus Desire, lequel fut arresté à Orleans, saisi d'vne Requeste, au nom du Clergé de France avec laquelle ils'acheminoint en Espagne, pour demander secours à ce Roy-là contre les Protestans, lesquels ne pouuoient estre reprimés assez puissamment par vn enfant, & vne femme : avec autres instructions plus secretes en chiffre, pour traiter avec le Roy. Iceluy estât apprehendé, & enquis des complices, en decela quelques vns, lesquels il estoit dangereux de publier : dont deliberatiō fut prise de ne passer plus auant quant à ce point des complices :

complices: & fut ledit condamné à faire amende honorable, & à deschirer publiquement la Requête, & à tenir prison perpetuelle au Couuent des Chartreux. Le Conseildu Roy, ayant verifié beaucoup d'indices donnez par le prisonnier, iugea que de necessite il falloit bailler quelque contentement à l'autre partie. Et pourtant le Roy fit vn Edit, portant inhibitions & defences de plus vñer de ces noms factieux de Huguenots: & de Papistes: & semblablement, que nul n'eust sous couleur de descourir les assemblées defendues pour cause de Religion, à entrer en maison d'autrui, ny en grand, ny en petit nombre. Et ordonna, que tous prisonniers, pour cause de Religion, fussent eslargis: & que les Reformés, exiliez, dès le temps de François premier, pussent retourner en leurs maisons & biens, en cas qu'ils voulussent viure Catholiquement: sinon qu'ils pussent vendre leurs biens, & aller demeurer ailleurs. Le Parlement de Paris s'y opposa. Que cecy Edit sembloit permettre vne liberté de Religion, chose inouye en France. Que le retour des exiliez causeroit beaucoup de troubles, & que la permission de vendre les biens, & d'aller demeurer ailleurs, estoit contraire aux ordonnances du Royaume, qui ne permettent aucune extraction de somme de deniers.

Mais, nonobstant toutes ces oppositions, l'Edit fut executé, & les prisons furent vuidées, & les bannis furent réintegrez: dont le nombre des Reformés s'accrut, & se firent plus d'assemblées, & plus numerieuses que de coustume. Pour à quoy remédier, par meur aduis de personnes d'estat & de iustice, le Roy, accompagné de la Reyne, & des Princes, alla en Parlement: là où le Chancelier proposa, qu'on ne venoit point là pour parler de la Religion, mais seulement des remedes, pour obuier aux tumultes & troubles continuels pour cause d'icelle: afin d'empescher, que les peuples, deuenans licentieux, par l'accoustumance aux tumultes, ne s'emancipassent enfin du respect & obeysance due au Roy. Il y eut trois opinions. La premiere, qu'on suspendist toutes les peines contre les Protestans, iusques à la decision du Concile. La seconde, que on procedast contr'eux par peines capitales. La troisième, qu'on les remist à punir à la Cour Ecclesiastique, defendant cependant toutes assemblées, publiques ou secretes, & la liberte de prescher, & administrer les Sacremens, sauf qu'à la Romaine. Mais en fin resolution fut prise de garder vn certain temperament, & là dessus fut formé l'Edit de Iuillet, qui portoit, que tous eussent à s'abitenir des offenses, & des iniures, & eussent à viure en paix. Que les prescheurs n'eussent à esmouvoir tumultes; sur peine de la vie. Qu'on n'eust à prescher, ny à administrer les Sacremens autrement, qu'à la forme Romaine. Que la connoissance de l'heresie appartinst au Iuge Ecclesiastique: mais, lors que le coupable seroit liuré au bras seculier, qu'il ne pust estre puny plus griuement que de bannissement: & iusques à ce que, par vn Concile General, ou National, autrement en eust esté arresté. Que grace fut faite à tous ceux, qui auoient par le passé excité tumultes pour cause de Religion: pourueu qu'à l'aduenir ils vescuissent paisiblement, & Catholiquement. Puis apres on vint à traiter de la composition des controuerses, & fut ordonné que les Euesques s'assembleroient à Poissi au dixieme Aoust: & fut aussi baillé saufconduit aux Ministres des Reformez pour s'y trouuer. Plusieurs Catholicks s'y opposerent viuement, tenans pour chose estrange, indigne, & dangereuse, de mettre en compromis la doctrine crüe & receüe iusques alors, & en hazard la Religion de leurs ancestres. Mais en fin ils cederent, pource que le Cardinal de Lorraine promettoit fort aduantageusement de confondre les heretiques, & en prenoit toute la charge sur soy. En quoy il estoit secondu par la Reyne, laquelle, connoissant le desir qu'auoit le Cardinal de faire ostentation de son grand esprit, auoit agréé de le contenter.

Le Pape, auant en la nouuelle de ces deux Edits tout à la fois, y trouua de quoy loier, & de quoy blâmer. Il loiait le Parlement, en ce qu'il auoit souffert la cause de la Religion. Mais il blâmoit la punition du simple bannissement, au contraire des Decretales des Papes. Et pour toute conclusion disoit, que, quand les maux surmontent la force des remedes il n'y a plus autre chose à faire que de les allegger par la patience. Que cette Assemblée de Prelats, sur

1561.

lequel me-
nace les
Prelats de
France,

tout avec les Reformez, estoit bien chose intolerable. Que pour luy, il vouloit faire tout son possible, pur y obuiuer : que si puis apres son trauail ne seruoit de rien, il seroit net de coulpe. Partant il traita viuement avec l'Ambassadeur, & fit conformement par son Nonce faire instances au Roy, à ce que, puis que l'Assemblée des Euesques ne se pouoit plus omettre, du moins fust attendu l'arriuee du Cardinal de Ferrare : & que lors, par la presence d'un Legat Apostolic, muni de plein pouuoir, l'Assemblée seroit legitime. Il escriuit aussi aux Prelats de France, que leur pouuoir ne s'estendoit point à faire Decrets en matiere de Religion, ny de discipline appartenante à toute l'Eglise : & que s'ils outrepassoient leurs limites, non seulement il annulleroit tout ce qu'ils auroient fait, mais mesmes procederoit contr'eux à toute rigueur. Mais tous ces deuoirs & instances du Nonce, & del'Ambassadeur, ne firent aucun effet, par les oppositions non seulement des aduersaires du Pape, mais du Cardinal de Lorraine mesmes, avec ses adherans. Dont il fut dit au Nonce, au nom du Roy, que le Pape pouoit estre en repos del'Assemblée : attendu que rien n'y seroit resolu, que par l'aduís & conseil des Cardinaux.

mais les
affaires
continuent
à y passer
au desad-
uantage
du Pape.

Ainsi les affaires del'Eglise alloient à vau de route en France : & à Rome fut estimée grande breche, qu'es Estats, continuez à Pontoise, en vne querelle de preface entre les Cardinaux, & les Princes du sang, le Conseil auoit iugé en faueur des Princes contre les Cardinaux : à quoy les Cardinaux de Chastillon, & d'Armagnac, auoient cédé : nonobstant que celuy de Tournon, celuy de Lorraine, & celuy de Guise, se fussent retirez, avec desdain & murmure contre leurs Collegues. A cet accident s'en adioignirent encor d'autres, qui donnerent bien à penser à Rome. Car le Deputé du tiers Estat fut ouy avec beaucoup d'applaudissement, harangant contre l'Ordre Ecclesiastic, auquel il obiectoit ignorance & luxe : & requerant que toute Iurisdiction & reuenus luy fussent ostez, & qu'il fust tenu vn Concile national, auquel le Roy, & les Princes du sang presidassent : & qu'en cet entretemps il fut permis à ceux, qui ne retenoient les ceremonies Romaines, de s'assembler, & de prescher : y faisant assiter quelque public ministre du Roy, afin qu'il apparust clairement, si chose aucune y estoit traitée contre le Roy. Il fut aussi traité là mesmes d'appliquer au public partie des reuenus Ecclesiasticks. Outre plusieurs autres choses, qui toutes butoient à la depression du Clergé. Et tous les iours le nombre des fauteurs des Reformez se rendoit plus grand. Le Clergé, pour se deliurer, fut contraint de promettre au Roy quatre decimes par an, pour le temps & terme de six ans, & ainsi appaisa en partie le bruit. Mais pour comble de ruine, la Roine escriuit vne longue lettre au Pape, en date du quatrieme Aoust, par laquelle elle luy exposoit les eminens dangers où estoit la France pour les differens de la Religion, & l'exhortoit de penser aux remedes. Et disoit que le nombre de ceux, qui s'estoient separez del'Eglise Romaine, estoit si grand, qu'il n'estoit plus possible de les reduire par loix, ny par force : qu'il y auoit entr'eux plusieurs des principaux du Royaume, lesquels en tiroient d'autres apres eux. Que plusieurs conseilloient, attendu que nul d'entr'eux nenioit les

qui s'offe-
surtout
d'une let-
tre de la
Reyne ma-
re, propo-
sant quel-
ques reme-
des aux
maux de
la Reli-
gion,

Articles de la foy, ne les six Conciles generaux, de les recevoir à communion. Mais, que si cela n'estoit trouué bon, & qu'il semblast plus expedient d'attendre le Concile general, il falloit cependant de necessité, pour l'urgent danger qui ne portoit delay, venir à quelque particulier remede, par la tenue de quelques Colloques de l'un & de l'autre party : & admonester de se garder des iniures & cōtentions & des offenses de paroles d'un & d'autre costé : & oster tous scrupules à ceux qui n'estoient encor alienez, ostant du lieu de l'adoration les images defenduës de Dieu, & condannées par S. Gregoire ; & du Baptesme, le crachat & les exorcismes & les autres additions, non ordonnées par la parole de Dieu, & remettre sus l'usage de la Cōmunion du calice, & les prieres en langue vulgaire : & ordonner que chaque premier Dimanche du mois, ou mesmes encor plus souuent, les curez assem-

blaissent ceux qui voudroient communier, & que là on chantast les Psalmes en langue vulgaire, & fit prieres pour le Prince, pour les Magistrats, pour la salubre température del'air, & pour les fruits de la terre: & puis qu'on expliquait les passages des Euangelistes, & de S. Paul, touchant l'Eucharistie: apres quoy on vint à la Communion: qu'on ostast la feste Dieu, laquelle n'a eût inltiuce que pour vne pompe, & parade: & que si on vouloit garder l'usage de la langue Latine es prieres publiques, on y adioustast la vulgaire, pour l'vtilité de tous. Tout cecy neantmoins bien entendu, sans deroger en rien à l'autorité Papale, ny à la doctrine de l'Eglise Romaine: veu qu'il n'est pas raisonnable, si les Ministres ont failly, d'oster pourtant le ministere. Toutes ces choses furent escriptes selon l'opinion commune, à la suscitation & persuation de Jean de Monluc, Euesque de Valence, avec trop de liberté François. Le Pape en fut grandement esmeu, attendu le temps, tout plein d'ombrages & soupçons, pendant qu'on parloit du Concile national, & que desia le Colloque de Pouisi estoit intimé. Mais toutesfois, apres meure deliberation, il se resolut d'y proceder avec dissimulation, & ne rendre autre response: sinon, que le Concile estant tout prest à tenir, on y pourroit proposer tout ce qui seroit iugé necessaire: avec certaine esperance, qu'en ice-luy ne seroit faite aucune resolution, qui ne fust pour le seruice de Dieu, & pour le repos de l'Eglise.

Ces accidens confermerent le Pape en l'opinion qu'il auoit conceuë, que le Concile estoit vtile pour luy, & pour la Cour de Rome: & qu'il estoit necessaire de le celebrer pour sa defense contre les appareils, qu'il voyoit faire, & qu'il soupçonnoit encor plus grands: de laquelle aussi il donna de grands signes par la ioye qu'il monstra le vingt-quatrième Aoust, ayant receu lettres de l'Empereur, par lesquelles il disoit, qu'en tout & par tout il consentoit au Concile: & que le delay, qu'il auoit mis iusques alors à se declarer, n'auoit esté que pour y attirer les Princes d'Allemagne: mais qu'à present, qu'il voyoit ne pouuoir rien auancer, il le prioit de continuer ses bons deuoirs & diligences, pour en acclereler la celebration. Le Pape monstra cette lettre à tous les Ambassadeurs des Princes, & à la plus part des Cardinaux, lesquels il auoit tous assemblez oomme en vne forme de Confistoire: disant, qu'elle meritoit d'estre escripte en lettres d'or: & adioustant que le Concile seroit de tres-grande vtilité, & qu'il ne le falloit point differer: qu'il seroit si vniuersel, que la ville de Trente ne le pourroit contenir, & qu'on seroit contraint de penser à le transférer ailleurs, en lieu plus commode pour grandeur de ville, & fertilité de pais. Tous les assistans confermerent les propos du Pape: seulement sembla-il à quelques vns qu'il estoit dangereux de parler de translation dés l'entrée, lors que tout petit soupçon pouuoit apporter beaucoup de destourbier, ou du moins, de delay: ce que mesmes aucuns crovoient ne deuoit estre desagreable au Pape, lequel ils pensoient auoir lasché ce mot pour faire vne feinte, par laquelle les difficultez & oppositions pussent se fourrer.

On tenoit ia pour tout resolu, & estoit notoire à tous, que d'entre les Prelats Allemands il n'en viendrait aucun au Concile: & douroit-on aussi bien fort, attendu le Colloque assigné, que les François seroient leur cas à part: dont le Concile ne seroit composé d'autres, que d'Espagnols, & Italiens: & venant veu qu'il estoit aisé à presumer, que le nombre des Espagnols ne seroit gueres grand, les Italiens entrerent en opinion qu'un petit nombre d'entr'eux suffiroit aussi: & pourtant plusieurs pourchassient par offices, & par faueurs, d'estre du nombre des exemptez. Mais le Pape au contraire disoit haut & clair, qu'il estoit tout assurez, que tous les Vltromontains venoient avec ce dessein d'assuiettir le Pape au Concile: que c'estoit là vn interest commun de l'Italie, laquelle auoit l'aduantage du Pontificat chez soy, par dessus tous autres pays: & que partant tous estoient obligez d'aller au Concile pour la defense d'ice-luy. Qu'il ne vouloit en exempter aucun, de quoy tous se deuoient certifier, en voyant sa diligence à y enuoyer des Legats: car, outre les

1561. Cardinaux de Mahtouë, & Seripande, il y auoit aussi fait aller Stanislaus Hosius, Cardinal de Vvarmie, Polonois. Le iour d'apres que la lettre de l'Empereur eust esté publiée, quoy que ce fust iour de Dimanche, il tint Congregation generale de tous les Cardinaux, en laquelle il traita de beaucoup de particularitez, concernant le commencement, & le progrez du Concile: & spécialement promit de subuenir aux Prelats pauures: mais dit qu'il vouloit qu'ils y allassent, & pour tout terme ne leur donnoit que huit iours. Et monstra combien estoit necessaire le Concile, puis que tous les iours la Religion estoit dechassée, ou esbranlée en quelque lieu: en quoy il disoit bien le vray: car desia en Escosse, en l'Assemblée de toute la Noblesse du Royaume, il auoit esté ordonné, qu'il n'y auroit plus aucun exercice de la Religion Catholique Romaine.

*colloquede
Poisi, &
sa forme,* Au mois d'Aoust, les Prelats de France furent conuqués à Poissi, & traitèrent de la reformation de la vie & mœurs du Clergé: mais le tout demeura là sans conclusion. Puis furent assemblez les Ministres des Reformez, lesquels auoient esté appellez sous bonnes seuretez, en nombre de quatorze: entre lesquels les principaux estoient Pierre Martyr Vermile, Florentin, & Theodore de Beze: celui-là enuoyé de Zurich, & cestuy-cy de Geneue. Iceux presenterent vne Requête au Roy, contenant quatre chefs: Que les Eueques en cette action ne fussent luges: Que le Roy, avec ses Conseillers y presidast: Que les Cōtrouerses fussent decidées par la parole de Dieu: Que ce, qui seroit appointé & arresté, fust recueilly, & mis par escript par Notaires, choisis des deux parties. La Reyne voulut qu'un des quatre Secretaires d'Etat fust l'office de Scribe, & accorda que le Roy presidast, mais non que cela fust couché par escript: allegant que cela n'estoit ny expedient pour eux, ny utile pour les affaires du Roy, attendu le temps courant. Le Cardinal de Lorraine desiroit que le Roy assistast en personne à la Conference publique, afin qu'estant plus numeroise, & illustre, il y pust étaler sa suffisance, se promettant un triomphe tout asseuré. Mais à l'opposite plusieurs Theologiens conseilloyent la Reyne de ne permettre que le Roy entreuint au Colloque: de peur, disoient-ils, que ces tendres oreilles ne soient empoisonnées de pestilente doctrine. Auant que les parties fussent appelées à la Conference, les Prelats firent vne procession, & se communierent tous, excepté le Cardinal de Chastillō, & cinq Eueques. Les autres firent vne protestation mutuelle les vns aux autres, qu'il n'entendoient point traiter des dogmes, ne disputer des matieres de foy.

*commencé
par vne
remonstrā
ce du Roy,* Le deuxieme Septembre on donna commencement à l'Action: en laquelle estoit present le Roy, la Reyne mere, les Princes du sang, & les Conseillers d'estat: & y entreuinrent six Cardinaux, & quarante Eueques. Le Roy, selon l'instruction qui luy auoit esté donnée, fit vne brieue exhortation, que puis qu'ils estoient assemblez pour trouuer moyen de remedier aux desordres & troubles du Royaume: & pour corriger les choses qui meritoient reformation; il desiroit qu'ils ne se departissent point, que tous differends ne fussent appointez. Le Chancelier parla, au nom du Roy, plus au long sur ce mesme sujet, & en mesme sens: & dit particulièrement, que le mal, estant vrgent & pressant, requeroit un prompt & prochain remede: que celui, qu'on pouoit attendre du Concile general, outre la tardiuité, viendrait de gens estrangers, & partant ignorans des necessitez de la France: lesquels de plus estoient obligez à suiure & seconder les volontez du Pape: que les Prelats presens, comme bien connoissans les necessitez du Royaume, & cōioints de sang & de deuoir naturel à iceluy, estoient beaucoup plus propres à exploiter ce bon œuvre. Et quand mesmes le Concile intimé par le Pape se tiendrait, il estoit bien auenu autres fois, & n'estoit sans exemple, & auoit esté pratiqué sous Charles Magne, que plusieurs Conciles auoient esté celebrés en mesme temps: & que maintes fois l'erreur d'un Concile general auoit esté corrigé par un national: qu'il y en auoit un exemple notable en ce que l'Arrianisme ayant esté estably par le Concile de Rimini, il fut cōdamné

en France par le Synode assemblée par S. Hilaire. Il les exhorta tous à auoir vn mesme but, & les plus sauans à ne mespriser les inferieurs, & ceux-cy à n'enuier point ceux-là: à quitter les disputes curieuses, & à n'auoir point l'esprit tant aliené & distrait des Protestans & Reformez: attendu qu'ils sont freres, regenerez en vn mesme Baptisme, & adorans vn mesme Christ. Il exhorta les Euesques de traiter avec eux en douceur, & de bonnaireté, taschant de les ramener, mais sans rigueur: considerant combien on deseroit à eux Euesques de permettre qu'ils fussent iuges en leur propre cause: ce qu'ils obligeroit tant plus estroitement à traiter en toute sincerité. Qu'ainsi faisant, ils fermeroient la bouche aux aduersaires: mais aussi, s'ils venoient à transgresser le deuoir des iustes iuges, le tout seroit frustratoire, & nul. Le Cardinal de Tournon se leua, cette harenque acheuée: & apres auoir remercié le Roy, la Reyne, & les Princes, de l'assistance qu'ils prestoient à certe assemblée; dit, Que les choses proposées par le Chancelier estoient fort importantes, desquelles on ne pouuoit traiter, ny mesmes y rendre response à despourueu: & pourtant qu'il requeroit qu'elles fussent redigées par escrit, pour en deliberer. Le Chancelier le refusa: quoy que le Cardinal de Lorraine fust aussi instance de sa part, qu'elles fussent mises par escrit.

La Reyne apperceuant que cela se faisoit, pour tirer l'affaire en longueur, comanda à de Beze qu'il parlast. Et lors iceluy, s'estant mis de genoux, fit vne priere: apres laquelle il recita la confession de leur foy, & se plaignit qu'ils fussent eltimes leditieux, & perturbateurs du repos publicien lieu qu'ils n'auoient autre but que la gloire de Dieu, ne recherchoient liberte de s'assembler pour autre cause, que pour seruir à Dieu en repos de conscience, & obeir aux Magistrats establis de Dieu. De là il passa à exposer en quoy ils couenoient avec l'Eglise Romaine, & en quoy ils disentoient: il parla de la foy, des bones ceures, de l'autorité des Conciles, des pechez, de la discipline Ecclesiastique, de l'obeissance due aux Magistrats & des Sacremens: & estant entré en la matiere de l'Eucharistie, il parla avec tant de chaleur, qu'il en desagreamesmes aux siens propres, dõt il fut contrainct de s'arrester. Puis apres il presenta la Confession de leurs Eglises, requerant que les chefs d'icelle fussent examinez, & là dessus finit. Le Card. de Tournon, se leuant plein de courroux se tourna deuers le Roy, & dit, que les Euesques auoient forcé leurs consciences en consentant d'ouir ces nouueaux Euangelistes: preuoyant bien qu'ils diroient beaucoup de choses iniurieuses contre Dieu: & que s'ils n'eussent porté respect à la Maiesté, ils se seroient leuez, & auroient rompu l'assemblée. Mais pourtāt, qu'il prioit le Roy de n'adiouster foy aux choses dites par eux d'autant que les Prelats luy monstroient tout le contraire, tellement qu'il verroit la difference de la verité au mensonge: & requit vn iour de terme à respondre: repliquant tousiours que ce seroit tresbien fait de s'oster tous de lā, pour n'ouir semblables blasphemies. La Reyne crut d'estre taxée par ces paroles: dont elle respondit, Qu'il ne s'estoit rien fait, que par deliberation des Princes, du Conseil du Roy, & du Parlement de Paris: non pour changer ou innouer chose quelconque en la Religion, mais pour composer les differends, & ramener au droit chemin les deluoyez: ce que le deuoir & la prudence des Euesques leur commandoit de pourchasser par toutes bonnes voyes.

L'Assemblée auant esté congediee, on traita avec les Euesques, & les Theologiens, de ce qui estoit à faire. Aucuns d'entr'eux vouloient, qu'on dressast vn formulaire de foy, lequel si les Reformez refusoient de signer, ils fussent, sans autre dispute, condamnez pour heretiques. Mais cet aduis fut iugé trop dur, & violent: & apres plusieurs contestes, on prit pour conclusion de respondre seulement à deux chefs proposez par de Beze: assauoir, de l'Eglise, & de l'Eucharistie. Doncques le sixieme mois l'assemblée fut derechef couuquée, en la presence du Roy, le la Reyne, & des Princes: & le Cardinal de Lorraine fit vne longue harenque, en laquelle il dit, Que le Roy estoit membre, & non chef de l'Eglise: que sa charge estoit bien de la defendre: mais qu'en ce qui touchoit la Doctrīne, il estoit suiet aux

dont les
ca'dinaux
de Tournon
& de Lorraine
des mandent
copie,

harenque
de Beze

irrite le
cardinal
de Tournon,

qui est red-
primé par
la Reyne;

deliberez
de
respon-
dre
à deux ar-
ticles des
Reformez;

ce que le
cardinal
de Lorraine
ne entre-
prend par
vne ba-
rrique.

ministres de l'Eglise. De là il adiousta, que l'Eglise n'estoit pas composée seulement d'élus, mais que, nonobstant cela, elle ne pouuoit errer : & que quand quelque Eglise particuliere estoit en erreur, il falloit recourir à l'Eglise Romaine, aux Decrets des Conciles generaux, & au consentement des Peres anciens, & sur tout, à la Sainte Esriture, exposée au sens de l'Eglise. Que pour auoir faillly à cela, tous les heretiques estoient encourus en erreurs inextricables, comme auoient fait les modernes au point de l'Eucharistie, lesquels par vne incurable demangeaison de questions curieuses, auoient employé ce Sacrement, institué par Iesus-Christ pour lien d'vnion, à deschirer irreconciliablement l'Eglise. De là il passa à traiter de cette matiere, concludant, que si les Reformez ne vouloient changer d'aduis en ce point, il n'y auoit aucune voye d'accord.

Cette harangue finie, tous les Euesques se leuerent, & dirent, qu'ils vouloient viure & mourir en cette foy là : & prioient le Roy de perleuerer en icelle : adioustant, que si les Reformez vouloient signer cet Article, ils ne refusoient point de disputer des autres. Mais en cas que non, qu'il ne leur falloit prester aucune autre audience, ains les dechasser du Royaume. De Beze requit, qu'il luy fust permis de respondre sur le champ : mais il ne sembla pas raisonnable de permettre à vn Ministre priué de traiter pair à pair avec vn si grand Prince Cardinal : & pourtant l'assemblée fut congediée. Les Prelats eussent desiré qu'à tât le Colloque eust esté terminé, Mais l'Euesque de Valence remonstra, qu'il n'y auoit point d'honneur. Et pourtant le Colloque fut derechef assemblé le vingt-quatrième du mois en presence de la Reyne, & des Princes. Et là de Beze parla de l'Eglise, & des qualitez, conditions, & autorité d'icelle, & des Conciles, monstrant qu'ils peuuent errer, & de la dignité de la Ste. Esriture. Claude Despense, docteur de Sorbone, luy respondit, disant, que pour luy il auoit tousiours desiré qu'on tinst quelques conférences en matiere de Religion, & au contraire adhorré les supplices, qu'on faisoit porter à des pauvres miserables pour cette cause : mais aussi qu'il s'estoit bien esbahi, de qu'elle autorité & par qui appelez, les Reformez estoient ingerez au ministere de l'Eglise : & qui c'estoit qu'il leur auoit imposé les mains, pour estre faits ministres ordinaires : que s'ils pretendoient vocation extraordinaire, où estoient les miracles, qui sont necessairement requis pour la demonstrier ? De là il passa à parler des Traditions : & monstra, que là où il eschet controuerse du sens de l'Esriture, il faut recourir aux Peres : & que plusieurs choses se croient par seule Tradition : comme la consubstantialité du Fils avec le Père, le Baptisme des petits enfans, & la Virginité de la Mere de Dieu apres l'enfantement. Il adiousta, qu'aucun Concile general en ce qui appartient à la Doctrine, n'auoit esté corrigé par vn autre. Plusieurs repliques & disputes se passerent entre les Theologiens de l'vn & de l'autre party, qui estoient là presens : & la chose venant à contention, le Cardinal de Lorraine, ayant fait faire silence, proposa la matiere de l'Eucharistie : disant, que les Euesques auoient resolu de ne passer point plus outre, que tout premier cet Article ne fust accordé. Et lors demanda aux Ministres, s'ils estoient prests de signer la Confession d'Ausbourg en cet Article. De Beze luy respondit, S'il demandoit cela au nom commun de tous : & si luy, & les autres Prelats, vouloient signer tous les autres Articles d'icelle Confession. Le pour parler demeura accroché : d'autant que ny l'vne ny l'autre partie ne vouloit donner response. Et finalement de Beze dit, qu'on luy baillast par escrit ce qu'on vouloit qu'il signast, pour en deliberer. Et la Conference fut remise au iour ensuiuant. Auquel de Beze, estant entré en discours, offensa griement les Euesques : car, voulant iustificier sa vocation au Ministere, il entra à parler des vocations, & ordinatiōs des Euesques : & ayant exposé la marchandise qui s'y fait, demanda comment on les pouuoit tenir pour legitimes. Puis passant au point de l'Eucharistie, & à l'Article de la Confession d'Ausbourg, qui luy auoit esté proposé, il dit, Que ceux, qui le mettoient en auant, le signassent les premiers. Sur quoy ne le

à laquel
de Beze
respond
Despense
replique,

surprise du
cardinal
de Lor-
ne desmis-
lee par de
Beze,

qui respōd
de sa voca-
tion contre
Despense,

pouuans accorder, se leua vn Iesuite Espagnol, qui estoit à la suite du Cardinal de Ferrare, arriué en ce mesme temps, que le Colloque se tenoit, & dit ^{I 560.} force iniures aux Reformez, & reprit la Reyne de ce qu'elle s'ingeroit en choses qui ne luy appartenoient point, ains seulement au Pape, aux Cardinaux, & aux Euesques. Cette outrecuidance fut impatiemment portée par la Reyne: mais pour le respect du Pape, & du Legat, elle la dissimula. Enfin, voyant qu'on ne pouuoit conclurre chose aucune par cette voye de traiter, il fut ordonné que deux Euesques, & trois Theologiens des plus moderez, avec cinq Ministres se trouuassent ensemble, pour voir s'il pouuoit trouuer quelque moyen d'appointement. Iceux essayèrent de former vn Article de l'Eucharistie en termes generaux, tirez des Peres, lesquels pussent cōtenter l'vne & l'autre partie: mais ne se pouuans acorder, le Colloque fut terminé.

Le Colloque donna grand suiet de discours. Les vns disoient, que c'estoit chose de pernicieux exemple de mettre en traité les erreurs vne fois condamnées: qu'il ne faut nullement escouter les personnes, qui nient les fondemens de la Religion, conformee par la duree d'vn si long temps: sur tout, en la presence de personnes idiotes: que quoy que rien n'eust esté resolu contre la vraye Religion au Colloque, iceluy toutesfois auoit enhardy les heretiques, & contristé les gens de bien. Autres à l'opposite disoient, qu'il seroit expedient pour le bien public de traiter souuent en cette sorte les controuersies: d'autant que par ce moyen les parties s'appriuoiseroient ensemble, & les haines, rancunes, & autres mauuaises affectiōs seroient rabatuës: & plusieurs bonnes occasions seroient ouuertes à concordance entiere: & qu'il n'y auoit aucun autre moyen de remedier au malia enraciné & par-cru. Et que la Cour estant diuisée, & la Religion employee à pretextes, il faloit de necessité rallentir les obstinations, & se supporter les vns les autres: & par ce moyen oster d'entre les mains des turbulens le manteau, dont ils couurent leurs meschantes actions, & desseins.

Le Pape ayant eu aduis que le Colloque estoit rompu sans effect, en eut beaucoup de contentement, & loua le Cardinal de Lorraine, & encor plus celuy de Tournon. Il agreea aussi grandement le zele du Iesuite, disant, qu'on le pouuoit accompagner aux Saints de iadis: attendu que sans aucun respect au Roy & Princes, il auoit soustenu la cause de Dieu, & tanfé la Reyne en face. Au contraire il reprenoit la harangue du Chancelier, comme heretique en plusieurs parties. & endroit, le menaçant mesmes de le faire adiourner à en respondre à l'Inquisition. La Cour de Rome aussi parmy laquelle cette harange auoit esté diuulgée, parloit de ce personnage en tresmauuaise part: & en tiroit coniecture, que tout le gouuernement de ce Royaume auoit la mesme disposition enuers Rome. Et l'Ambassadeur de France auoit beaucoup à faire à parer.

Or il ne faut point oublier de dire ce qui aduint au Cardinal de Ferrare, Legat, comme estant chose fort connexe à la matiere, dont i'escry. Ce Prelat en ses premiers rencontres fut accueilly par le Roy, & par la Reyne, avec beaucoup d'honneur: & apres auoir presenté ses lettres de creance de la part du Pape, il fut reconnu par le Roy, par les Prelats & par le Clergé, pour Legat du S. Siege. Mais le Parlement presentit, qu'entre les commissions qu'il auoit du Pape, il y en auoit vne, de faire instance, que les Articles concernans la distribution des benefices, qui auoient esté accordez & cōuenus es Estats d'Orleans, au mois de Ianuier passé, fussent ou reuocqués, ou du moins moderez: & sur tout celuy qui portoit inhibitions & defenses de payer les Annates à Rome & d'envoyer deniers hors du Royaume, pour impetrer Benefices, ou autres graces à Rome. Qui fut la cause, que le Parlement, pour empescher les desseins du Cardinal, verifia & publia les susdites Ordonnances le treizieme Septembre. ce qu'il n'auoit encor fait iusques alors: & de plus encor resolu, de ne permettre au Legat d'exercer les pouuoirs qu'il auoit du Pape. Car la coustume du Royaume de France est, qu'un Legat ne peut exercer sa charge, que tout premier ses pouuoirs ne

outrecuidance d'un Iesuite Espagnol:

conference plus estroite à Poissy, sur l'Eucharistie, inutile:

ingemens sur ce Colloque.

Et le senariment du Pape sur iceluy,

Et sur la personne, & harangue du Chancelier:

fort trauessee.

1561. soient presentes & examinez en Parlement, & par Arrest d'iceluy reiglez, & moderez, & puis en certe mesme forme confermez par vn Breuet du Roy. Quand donques la Bulle du pouuoir de cette Legation fut presentee, pour estre verifiee, le Chancelier & le Parlement refuserent tout absolument au Legat la permission de s'en seruir: allegans, qu'il auoit ia esté arresté de ne plus admettre les dispenses contre les reigles des Peres, ny les collations des Benefices contre les Canons. Ce Cardinal souffrit encor vn autre affront: c'est que plusieurs Pasquils sur les amours enormes d'Alexandre sixième Pape, avec Lucrece Borgia, sa fille, & mere de ce Cardinal de Ferrare, furent composez, affichez publiquement, & semez par toute la Cour, & par la ville de Paris: ramenat à la connoissance & memoire du monde les monstrueuses obscenitez diuulgnees par toute l'Italie es temps du susdit Papat: Ce qui mit ce Cardinal en mespris & derisio enuers le cōmunpeuple.

La premiere negociation, que le Cardinal entreprit, fut d'empescher les Presches des Reformez, qui s'estoient enhardis, apres le Colloque de Poissi, de prescher plus librement: & à cet effet se seruit d'offices, de persuations, & mesmes de secretes promesses enuers leurs Ministres. Mais voyant qu'il n'auoit point de credit enuers eux, pour estre parent de ceux de Guise, dont, aussi il estoit fort suspect à tout le party contraire à icelle maison, il tascha de se rendre confident aux Huguenots, & conuersoit avec la Noblesse d'entr'eux, & se trouuoit à leurs festins & banquets: & mesmes entreuint quelquesfois, en habit de gentilhomme priué à leurs predications: ce qui toutesfois ne fit que nuire d'auantage: car la pluspart crut que, comme Legat, il faisoit cela du vouloir du Pape. La Cour de Rome aussi prit fort finistrement ses actions.

La Reyne mere entendant que le Roy d'Espagne auoit mal pris le Colloque, enuoya tout exprez lacques de Momberon à ce Roy-là, lequel par vn discours excusa le fait, disant, que ce n'auoit esté que de pure necessité, & non d'aucune intention de fauoriser les Reformez. Et que le Roy & la Reyne, sans plus parler du Concile national, auoient resolu d'enuoyer au plus tost leurs Euesques à Trente. Le Roy neluy respondit que paroles generales & le remit au Duc d'Alue: lequel ayant entendu l'Ambassade, respondit, que le Roy son maistre, estoit fort desplaisant, qu'en vn Royaume si proche, & conioint avec luy d'un si estroit parentage, la Religion fust ainsi malmenée. Qu'il y falloit vser de la seuerité de Henry à la Mercuriale, & des executions de fait de François à Amboise. Qu'il prioit la Reyne d'y pouruoir: d'autant que le danger de France le touchoit aussi: dont par consultation de son cōseil, il auoit delibéré d'y employer toutes ses forces, & la vie mesmes, pour esteindre la cōmune peste: à quoy aussi il estoit sollicité par les Grands, & par les peuples de France. La ruse Espagnole auoit fait dessein de guerir, par la medecine de France, les maladies du païs bas, lesquelles n'estoient de rien moindres, sauf qu'elles estoient moins apparentes & tumultueuses. Le Roy d'Espagne n'auoit iamais encor pû venir à bout d'assembler les Estats du pays, pour obtenir d'eux vne contribution, ou don gratuit. En ces mesmes temps se faisoient assemblees de Religion tout à descouuert à Cambray & à Valencienes: ce que le Magistrat ayant defendu à Tournay, & voulant proceder à l'execution par l'emprisonnement d'aucuns, il y trouua de l'opposition à main armée, avec grand danger de rebellion: & sembloit que le Prince d'Orange & le Comte d'Egmond se portassent ouuertement pour fauteurs des Reformez, & sur tout apres que le Prince eut pris à femme Anne, fille du feu Duc Maurice de Saxe, au grand mescontentement du Roy lequel voyoit bien où tendoit, & où pouuoit aboutir le mariage d'un sien suier avec vne Protestante de si grande maison & adherances. Mais toutesfois les Espagnols parloient en sorte, comme si le païs bas eust esté fort sain, & comme s'ils redoutoient seulement que la contagion vinst de la France, laquelle ils vouloient purger par la guerre. Outre cette responce, qu'ils rendirent à la Reyne mere, ils dirent encor à l'Ambassadeur, qui auoit eu

charge

quoy que
captieuse
& artificieles,

la Reyne
mere en-
uoye Mō-
beron au
Roy d'Es-
pagne pour
s'excuser
du collo-
que lequel
l'exhorite
aux sup-
plices &
rigneurs,

pour ses
interests
du pays
bas.

où la Reli-
gion fai-
soit des
grands
progr. &c.

charge de traiter du fait du Roy de Nauarre, pour la restitution, où recompense de son Royaume, Qu'iceluy ne le meritoit pas, veu le peu de soin qu'il auoit de la Religion : mais s'il vouloit estre fauorisé en sa demande, qu'il fust tout premier la guerre aux Huguenots en France.

La Roine fit aussi excuser le mesme Colloque enuers le Pape, par le moyen de l'Ambassadeur du Roy à Rome : luy mettant en consideration, que le Roy auoit esté contraint d'accorder audience publique aux Huguenots, en présence des Princes, & des Officiers du Royaume, pour leur clorre la bouche, afin qu'ils ne pussent plus dire, qu'ils estoient perlecütés sans auoir esté ouïs, & pour retarder leurs remuemens: avec deliberation, que, s'ils ne pouuoient estre conuaincus par raison, on pust après auoir en vn peu de loisir pour faire les appareils, les vaincre & donter par force. Elle fit en outre traicter avec le Cardinal Farnese, Legat d'Auignon, qu'il fust content de ceder icelle Legation au Cardinal de Bourbon, avec promesse de recompense. Farnese y ayant consenty, l'Ambassadeur de France en parla au Pape, au nom dudit Cardinal de Bourbon, & du Roy de Nauarre, son frere : luy remonstrant que cela deschargerait Sa Sainteté de la despesne qu'il y falloit faire, & assueurerait cette ville-là contre les Huguenots, qui n'oseroient attenter chose aucune à l'encontre, lors qu'elle seroit sous la protection d'un Prince du sang. Toute personne de moyen iugement, non que versée au manienement des affaires, auoit aisément apperceu, que c'estoit là vne ouuerture, pour oster tout coyement cette ville-là à Rome, & pour l'vnir à la France. Et pourtant le Pape refusa absolument d'y consentir, & rapporta cette proposition en Consistoire, comme y ayant quelcun pernicieux dessein cache la dessous : Et fit de grandes plaintes contre la Roine mere, & contre le Roy de Nauarre, de ce que luy ayans tant de fois promis, qu'en France ne se feroit rien au preiudice de l'autorité Papale ; ils fauorisoiert neantmoins l'heresie, & estoient auteurs d'assemblies de Prelats, & de Colloques; & au tres telles choses fort preiudiciables : que fa debonnaireté estoit mal contrechangée : mais, que dès aussi tost que le Concile seroit commencé, il vouloit par le moyen d'iceluy faire cognoistre aux Princes seculiers la reuerence, qu'ils doiuent porter à l'Eglise. Il fit les mesmes plaintes, & menaces à l'Ambassadeur : lequel, apres auoir exposé que la demande de la Legation d'Auignon auoit esté faite à tres-bonne intention, & que toutes les actions de la Roine estoient bien meurement digerées, & gouuérnées par beaucoup de iustice & d'equité ; adiousta, que le Concile estoit encor plus souhaité du Roy son Maistre, que de Sa Sainteté mesmes : & qu'il esperoit qu'il procederoit enuers tous les Princes indifferemment avec vne mesme equité, & respect. Ce qui fut dit par l'Ambassadeur pour donner vne atteinte au Pape, lequel peu auparauant auoit accordé au Roy d'Espagne vn tres-grand subside à prendre sur le Clergé ; & cependant n'auoit voulu, qu'à beaucoup de peine, octroyer les simples Annates au Roy de France. Mais le Pape, ayant pris ombrage de la demande d'Auignon, & considerant que tous les vassaux de cette ville-là estoient Reformés, & craignant que le Roy de Nauarre ne s'emparast de la ville, despescha tout promptement Fabrice Sorbellon, avec deux mil hommes de pied, & quelcun cavalerie, pour garde de la Ville, de laquelle il bailla le gouuernement à Laurens Lency, Euesque de Fermé, en qualité de Vice-legat.

Le Colloque acheué, les Reformés furent congédiés : mais les Prelats furent encor arrestés pour traiter des subides qu'il falloit bailler au Roy. Et la Roine, croyant bien que le Pape prendroit quelcun soupçon de leur demeure, attendu les grandes plaintes qu'il faisoit, asscura à Rome, qu'ils n'estoient arrestés que pour traiter des debtes de la Couronne, & qu'aussi-tost que l'Assemblée seroit terminée, elle ordonneroit aux Euesques, que sans delai ils eussent à se mettre en ordre pour aller au Concile. On ne laissa pas pour tout cela de traiter encor de la Communion du Calice & fut proposé par l'Euesque de Valence, avec participation du Cardinal de Lorraine, que par l'octroy d'icelle, on romproit le cours au grand progrès des Reformes : attendu que

Hhh

1561.

ceux qui leur adheroient commençoient à leur adjuſter ſoy par ce bout : & que quand ils obtiendroient de l'Egliſe la Communion entiere , ils ne leur preſteroient point l'oreille. Les entendus au maniemment d'affaires d'Eſtat conſideroient auſſi, que par cette meſme voye on pourroit faire gliffer quelque diſſenſion parmy ceux de la Religion Reformée. Quelque petit nombre d'entre les Eueſques eſtoit d'aduiſ ; que cela fuſt eſtably par Edit du Roy , & qu'il fuſt tout promptement mis en exécution : attendu que la Communion entiere n'auoit iamais eſté oſtée par aucun Decret del'Egliſe, mais par ſeule couſtume : & qu'auſſi il n'y a aucun Decret de l'Egliſe qui deſende de remettre ſus l'ancien vſage. Mais, la plus grande partie n'y voulut iamais conſentir, ſinon qu'on le fiſt par permiſſion, ou, du moins, du gré du Pape. Quelque peu d'entr'eux ne pouuoient agréer qu'on innoiaſt choſe aucune : mais force leur fut de ceder à la plus grande & puisſante partie. Le Cardinal de Lorraine fit de grands deuoirs en tout cet affaire : Et, pour obtenir plus aiſément l'aſſentiment du Pape, à quoy il iugeoit la faueur du Cardinal de Ferrare luy eſtre neceſſaire, & meſmes pour gagner ledit Cardinal à cette meſme opinion, il conſeilla à la Roine de preſter l'oreille aux propoſitions d'iceluy, afin, qu'en luy accordant quelque choſe, elle l'acquieſcant pour cette occaſion preſente, que pour autres. Le Cardinal de Ferrare auoit procédé enuers tous, meſme de religion contraire, avec tant de douceur & de courtoiſie, qu'il en auoit acquis la bien-veillance de pluſieurs, les quels du commencement luy faiſoient oppoſition. Et partant, apres meure deliberation, de l'auis des plus intimes du Conſeil, il obtint par Breuet du Roy, que les Articles d'Orleans concernant les matieres beneficielles, fuſſent ſuſpendus, & qu'il puſt exercer ſon pouuoir de Legat : duquel toutesfois il donna une conſecration, & une promeſſe, ſignée de ſa main, de ne ſe ſeruir point : que le Pape pouuoit à tous les abus, & deſordres, qui ſe commettent en la collation des Benefices, & en l'expédition des Bullés à Rome. Nonobſtant tout cela, le Chancelier refuſa de ſigner, & ſceller le Breuet, ſelon le ſtyle du Royaume : & n'eſt-ce par le Chancelier : ſtant poſſible de le deſmouvoir de ſa reſolution, il fallut qu'iceluy fuſt ſigné de la main de la Roine, du Roy de Nauarre, & des principaux Officiers de la Couronne, pour ſupplément au deſaut du Chancelier : de quoy le Legat fut fort content, comme eſtant plus rendu à la conſeruacion de ſon honneur, qu'au vray ſeruiſſe de celuy qui l'auoit enuoyé : & pour cette faueur, il ſe laiſſa induire à trouuer bon le conſeil de la Communion du Calice, & à en eſcrire à Rome : ce que toutesfois il fit avec tant de circonſpection, & de temperament, que ne le Pape, ne la Cour de Rome n'en pouuoit prendre aucun meſcontentement. L'issue del'Assemblée de Poissy fut, que les Prelats accorderent au Roy de pouuoir ſe ſeruir des fonds des Eglises, par la vente d'iceux à la concurrence de cent mil eſcus de reuenu, pourueu que le conſentement du Pape y entreuiſt.

dant la demande en eſt faite au Pape,

Le Roy commanda à ſon Ambaſſadeur au Pape de faire inſtance de la Communion du Calice, luy en remonſtrant la neceſſité, & l'utilité. Ce que l'Ambaſſadeur executa iuſtement le iour d'apres que le Pape eut receu lettres du Cardinal de Ferrare, par leſquelles il l'aduertiſſoit d'auoir ſurmonté les difficultés, ayant obtenu la ſuſpenſion des Articles d'Orleans contre la liberté Eccleſiaſtique, & la permiſſion d'exercer le pouuoir de Legat. Choſes tant plus difficiles à obtenir, que le Cardinal meſmes de Lorraine, duquel il auroit attendu toute faueur, luy auoit du commencement fait oppoſition. Puis donnoit pleine relation de l'eſtat de la Religion en France, & du danger qu'il y auoit qu'elle n'y fuſt tout à fait eſteinte : & des remedes, pour la preſeruer, qui ſe reduiſoient à deux tant ſeulement. L'un, de donner contentement au Roy de Nauarre, & l'intereſſer en la deſenſe d'icelle. L'autre, d'accorder communément à tout le peuple la Communion ſous les deux eſpeces. Aſſeurât fort à certes, que par ce moyē on gagneroit plus de deux cēs mil ames. L'Ambaſſadeur donc fit ſa propoſition, priant le Pape, au nom du Roy, del'Egliſe Gallicane, & des Prelats, qu'ils fuſſent diſpés de pouuoir ad-

ministrer au peuple le Sacrement de l'Eucharistie sous les deux especes, comme pour vne vtile & necessaire preparation au peuple François, pour le disposer à promptement recevoir les Arrests du Concile: sans laquelle preparation il estoit à craindre, que le remede ne trouuast les humeurs trop cruës, & ne vinst à causer quelque mal plus grand. Le Pape, tout à despour-^{lequel de} uen, & sans en auoir pris ne conseil ne deliberation, mais suiuant sa seule pro-^{son sens} pre inclination, respondit, qu'il auoit tousiours cru que la Communion sous les deux especes, & le Mariage des Prestres, estoient de droit positif: & qu'en semblables choses l'autorité du Pape n'est pas moindre que celle de l'Eglise Vniuerselle pour en disposer. Et qu'au dernier Conclaué pour cette^{l'approu-} meisme cause il auoit esté tenu pour Lutherien. Que l'Empereur luy auoit ia fait la meisme demande pour le Roy de Boheme, son fils, qui estoit porté à cette opinion par le mouuement de sa propre conscience: & puis l'auoit redoublée pour les peuples de ses Estats patrimoniaux: mais que les Cardinaux n'auoient iamais voulu s'y accommoder: & pourtant qu'il n'en vouloit res-^{mais en}oudre chose aucune: sans le proposer en Consistoire: & promit d'en traiter^{remet la} au premier qu'il tiendrait, lequel il intima pour le dixieme Decembre: Et lors l'Ambassadeur, selon la coustume de ceux, à l'instance desquels les af-^{aux Car-} faires se traitent, se transporta là le matin, pendant que les Cardinaux estoient assemblés attendant le Pape, pour solliciter l'affaire enuers eux. Les^{lesquels} plus discrets d'entr'eux respondirent, Que la demande estoit digne de grande^{en parti-} deliberation, & qu'ils n'y osoient respondre, sans y auoir premierement^{culier y} bien pensé. Les autres s'en troublerent, comme d'une nouuelle inouïe. Le^{font de} Cardinal de la Cueva; Espagnol, dit, Qu'il ne baillerait iamais sa voix en fa-^{graudes}ueur d'une telle demande: & quand mesmes la resolution en seroit prise par^{difficul-} l'autorité de Sa Sainteté, & par le consentement des autres Cardinaux, il iroit sur les degres de S. Pierre, pour là tout hautement crier, misericorde: ne se tenant point de dire & repliquer souuent, que les Prelats de France estoient infectés d'heresie. Le Cardinal Farnese; dit de S. Ange, respondit, Qu'il ne presenteroit iamais vn calice plein de si grand poison, au peuple de France, en lieu de medecine: & qu'il valloit mieux le laisser mourir, que de venir à tels remedes. L'Ambassadeur leur repliqua, Que les Prelats de France auoient eu de tres-bons fondemens, & raisons Theologiques; qui ne meritoient pas vne Censure tant ignominieuse: comme d'ailleurs, c'estoit vne grande indignité d'appeller poison le sang de Christ, & taxer les Saints Apostres, & tous les Peres de l'Eglise primitive, & des siecles suiuians par plusieurs centaines d'années, lesquels tous auoient administré le Calice de ce sang à tous les peuples avec beaucoup d'utilité spirituelle, d'auoir esté des empoisonneurs.

Le Pape, estant entré en Consistoire par les deuis qu'il eut avec quelque Cardinal; & y ayant mieux pensé luy mesmes; eust bien voulu pouuoir reuoker la parole donnée. Neantmoins il ne laissa pas de proposer l'affaire, & exposa l'instance qu'en faisoit l'Ambassadeur, & fit lire la lettre de son Logar en France, & demanda les aduis. Les Cardinaux François alloient tour-^{en}noyant, louant la bonne intention du Roy: mais, quant à la demande, ils s'en^{en}remirent enfin à Sa Sainteté. Les Espagnols furent tous contraires, & mes-^{en}mes vserent de paroles & termes fort auantageux, chargeant les Prelats de France, les vns d'estre heretiques, les autres schismatiques, les autres igno-^{public confi-}rans: sans toutesfois alleguer autre raison, sinon que Christ tout entier estoit en^{sa} chacune des especes. Le Cardinal Pacieco considéra, Que toute diuinité es-^{posent} ceremonies de la Religion, sur tout es principales, aboutit en fin à Schisme, & mesmes à inimitié. A present, disoit-il, les Espagnols en France vont aux^{en} Eglises Françaises, & les François en Espagne aux Espagnoles, &^{mais} quant ils communieront ainsi diuersement, les vns ne receuoiront plus la communion des autres, & seroient contraints à faire Eglises separées: & voila la diuision toute faite, & formée. Frere Michel Guisler, Cardinal Alex-^{en}andrin, dit, Que cela ne pouuoit en aucune façon estre ordroyé par le Pape,

Hhh ij

1561.

de plenitudine potestatis, non par default d'autorité en luy, sur tout ce qui est de droit positif, auquel rang estoit l'affaire dont il s'agissoit: mais par incapacité de qui demandoit la grace: d'autant que le Pape ne peut bailler le pouuoir ou la permission de faire mal: or c'est vn mal d'herésie de receuoir le Calice, avec cette opinion qu'il est nécessaire: & pourtant le Pape ne le peut permettre à telles personnes. Or ne pouuoit-on douter que ceux qui le demandoient, ne le iugeassent nécessaire: car des ceremonies indifferentes on n'a pas accoustumé de faire si grand estat. Ces gens, disoit-il, ou tiennent le Calice pour nécessaire, ou non: s'ils ne le tiennent pour tel, pourquoy veulent-ils bailler scandale aux autres par cette difference? s'ils le tiennent, ils sont d'oc heretiques, & incapables de grace. Le Cardinal Rodolphe Pie de Carpi, lequel fut des derniers à parler, d'autant qu'on auoit commencé par les posterieurs, se conformant en la conclusion aux autres, dit, que le salut, non seulement de deux cens mil ames, mais d'une seule estoit cause suffisante, pour faire dispenser les loix positives avec prudence, & maturité: mais qu'en cette proposition il falloit bien prendre garde, qu'en pensant acquerir deux cens mil ames, on n'en perdît deux cens millions. Qu'il estoit tout euidet, que les demandes des François en matiere de Religion ne s'arresteroient pas là, mais qu'ils en feroient vn eschelon, pour passer plus outre: qu'ils demanderoient apres cela, le Mariage des Prestres: & encor apres, l'usage de la langue vulgaire en l'administration des Sacremens: tousiours sur le mesme fondement, que ce sont choses de droit positif, & qu'ils les faut accorder pour le salut de plusieurs. Et que du Mariage des Prestres, il aduiendroit, qu'iceux, ayans famille, femme & enfans, ne dependroient plus du Pape, mais de leur Prince naturel: & les affections enuers leur lignée les feroient condescendre à toutes choses preiudiciables à l'Eglise. Qu'ils tascheroient de rendre les Benefices hereditaires, & en peu de temps le saint Siege se restreindroit en la seule ville de Rome. Qu'auant que le Celibat eust esté ordonné, le Siege Romain ne tiroit chose aucune des autres villes, & pais: mais par iceluy estoit deuenu Maistre de si grand nombre de Benefices, dont par le Mariage des Prestres il seroit priué en peu de temps. Que de l'usage de la langue vulgaire il en suiuroit, que tous s'estimeroient Theologiens, que l'autorité des Prelats seroit vilipendée, & que l'herésie se glisseroit en tous. Et en fin, s'il estoit possible d'accorder la communion du Calice, sans que la foy en souffrist aucun preiudice, il importeroit de bien peu: mais que cela ne pouuoit estre: d'autant que par cette demande estoit ouuerte vne porte à requérir que toutes ordonnances, qui sont de droit positif, soient cassées: & toutesfois ce sont celles-là, par lesquelles seules est conseruée la prerogatiue donnée par Christ à l'Eglise Romaine: & que de celles de droit diuin n'en procuiuent autre vtilité que spirituelle. Pour ces raisons il iugeoit estre sage conseil de s'opposer à la premiere demande, pour ne s'enlancer en l'obligation d'otroyer la deuxième, & puis de en main toutes les autres.

dont le Pape le refuse tout à plat: Le Pape fut esmu par toutes ces raisons à se resoudre à la negatiue: & pour la faire couler plus doucement, il fit faire office avec l'Ambassadeur, que de luy mesme il se deportast de l'instance. Mais iceluy n'y voulant consentir, il le fit rechercher qu'au moins il y procedast lentement: d'autant qu'il estoit impossible de l'accorder, de peur d'aliener de foy tous les Catholiques. L'Ambassadeur ne laissa pas pourtant de suiure sa pointe: & le Pape luy respondit, premierement par delais, & en fin par vne declaration, que, quand mesmes il le pourroit, il ne le deuoit pas pourtant faire: attendu que le Concile estoit prochain, auquel il remettoit la demande du Roy de France, comme il luy auoit remise celle de l'Empereur: quelà, pour donner contentement au Roy, on pourroit traiter cet Article tout à l'entrée, & qu'ainsi il n'y iroit guerres plus de temps, de ce qu'il luy en faudroit, pour otroyer cette grace avec meureté. Ny pour cela, l'Ambassadeur ne desista point de repliquer en toutes audiences: dont en fin le Pape luy dit, qu'il scauoit tres-bien que ce n'estoient pas tous les Prelats, qui faisoient vne telle demande: as-

et s'en
desist la
remettant
au Conci-
le:

tendu que la plupart auoient resolu en leur Assemblée de n'en dire mot : mais, que sous le nom des Prelats de France, on luy portoit des mouuemens particuliers de quelques-vns en petit nombre, & iceux encor incités par d'autres : designant la Roine, enuers laquelle il gardoit en son interieur vne indignation, à cause de la lettre du quatrième Aoust, qu'elle luy auoit écrite.

Au mesme temps que cette demande des Prelats François fut publiée par la ville de Rome, vindrent nouuelles d'Allemagne, que les mesmes auoient enuoyé aux Protestans, pour les inciter à perséuerer en leur doctrine, promettant de la fauoriser au Concile, & d'attirer aussi à icelle d'autres Prelats. Cet aduis se diuulga aussi à Trente, & mit les François en mauuaise conception de la Cour de Rome, & des Italiens, qui se trouuoient à Trente : & en l'un & l'autre lieu, on parloit d'eux, comme de personnes inquietes, & turbulentes, & addonnées à nouueautés. Et disoit-on de plus, selon que les soupçons sont tousiours adiouter quelque chose aux bruits courans, qu'attendu les differends & disputes, qu'icelle nation auoit en tout temps eue avec la Cour de Rome, en des points assez principaux & importants ; & les accidens presens, on ne pouuoit presumer qu'ils allassent au Concile, sinon pour brouiller, & innoier plusieurs choses. L'Ambassadeur de France, ne voulant permettre que ce bruit populaire fust impression & prist pied dans l'esprit du Pape contre sa nation, s'ingera de le vouloir asscuer à l'encontre. Mais le Pape, par derision, l'exhorta de ne s'en mettre en peine : d'autant qu'il n'estoit pas vray semblable, & luy aussi ne pouuoit croire, qu'un si petit nombre, comme sont les François, eust l'assurance de penser à si hautes entreprises, ausquelles quand mesmes ils viseroient, ils trouueroient grand nombre d'Italiens, qui s'opposeroient à eux. Mais, que de vray il auoit grand desplaisir de ce que, le Concile estant conuocé pour les seules necessités de France, eux-mesmes le retardoient : & qui monstroient le peu de volenté qu'ils auoient de voir corrigé & remedié le mal, duquel ils se lamentoient tant : mais que pour luy, il estoit tout résolu, vinsent-ils au Concile ou non, d'ouurir le Concile, & de le continuer, & expedier. Qu'il y auoit ia tant de mois, que ses Legats estoient à Trente ; avec grand nombre d'Euesques, qui y demouroient à grands frais & incommodités, en attente, oisivement, sans rien exploiter, pendant que les Prelats de France faisoient leurs prouisions tout à leur aise tant delicatement.

Conformément à cela, en un Consistoire qu'il tint, il recapitula les instances & les causes, pour lesquelles il y auoit un an iustement que, de leur aduis & conseil, il auoit intimé le Concile, & recita quelles difficultés il auoit rencontré & surmonté à vouloir reduire les Princes, contraires d'opinions entr'eux, à accepter la Bulle de Conuocation : & la diligence dont il auoit usé à enuoyer promptement les Legats, & les Prelats, lesquels il auoit pu contraindre par exhortations, & par commandemens : qu'il y auoit ia plus de sept mois, que de son costé tout estoit appareillé & continué à tres-grands frais, tellement que tant en gages d'officiers, qu'en subuention des Prelats indigens, le Siege Apostolique despendoit plus de trois mil escus par mois : Et que l'experience faisoit voir que la dilation n'estoit que dommageable. Que les Allemans faisoient tous les iours quelque nouueau traité entr'eux, pour brasser opposition à cet œuvre tant saint & nécessaire. Que les heresies en France faisoient progrès : & qu'on auoit ia veu vne espeece de rebellion en quelques Euesques François, par les absurdes demandes du Calice en la Communion, avec tant de violence, que le plus grand nombre, qui estoit des bons Catholiques, auoit esté forcé de succomber. Que de tous les Princes auoient député leurs Ambassadeurs. Que le nombre des Prelats qui se trouuoit à Trente, non seulement estoit suffisant pour commencer le Concile, mais mesmes, es deux fois qu'il auoit esté tenu, le nombre n'estoit iamais arriué à celuy d'alors. Et pourtant qu'il ne restoit autre chose, sinon de donner commencement à l'Action, sans plus attendre. Tous les Cardinaux consentirent à cette deliberation, voire mesmes la louèrent grandement. Dont le

1561.

Iluy
enueye
cor un
Legat
pour
ce faire :

Pape, outre les trois Legats qui estoient desia à Trente, en deputa encor deux autres ; à sçauoir, Louis Simonete, grand Canonite, qui auoit passé par les degres des offices de la Cour de Rome : & Marc Sittic d'Altens, son neuueu par sa sœur. Il donna commandement au premier de partir tout promptement, sans s'arrester en chemin, & que dès qu'il seroit arriué, on fust les ceremonies accoustumées, & chantast la Messe du S. Esprit, pour ouuerture du Concile. Le Pape dit aussi au Consistoire, qu'il ne falloir pas que le Concile demeurast perpetuellement sur pied, ne qu'il se terminast en suspensions, ou translations, comme on auoit fait par le passé, avec des preiudices & dangers notables : mais qu'il y falloit vne fois mettre fin : que peu de mois suffisoient pour ce faire, veu que les choses plus importantes estoient desia resolues, & le demeurant estoit tout digeré & preparé par les disputes & examens faits à la fin sous Iules, lors que tout estoit appointé, & ne restoit que de venir a la publication. Et partant, qu'y ayant peu de choses de reste, le tout pouuoit estre expédié en peu de mois.

Le Cardinal Simonette se mit en chemin, & le neufuiesme Decembre arriva à Trente : & à son entrée fut veu vn grand feu, qui s'esleua de terre, & passa sur la ville, à la façon de la vapeur ou meteore ignée, qu'on nomme Esttoile volante ou tombante, mais differente en grandeur : ce qui donna suiet aux curieux, qui estoient en grand nombre, de faire diuers prognostics, les vns en bien, les autres en mal : lesquels ce seroit chose vaine de représenter. Ce Cardinal trouua à Trente lettres du Pape, escrites apres son depart, qui portoient qu'on attendist nouuelle commission pour ouurir le Concile. Quelque nombre d'Euesques, lesquels se trouuerent à Rome au temps du depart de ce Cardinal, contraints par le Pape à suivre le Legat. l'accompagnerent en ce voyage : tellement qu'il se trouua lors quatre-vingts & douze Euesques à Trente, outre les Cardinaux.

lequel sur
ste par co-
mande-
ment nou-
ueau :
le Pape
presse les
Francois
d'envoyer
au Concile,

Au commencement de Decembre le Nonce résident en France fut de retour à Rome. Iceuluy ayant représenté au Pape l'estat des affaires de ce Royaume-là, le Pape escriuit à son Legat, qu'il remonstrast au Conseil du Roy, qu'il n'y auoit aucune cause de celebrer le Concile, sauf les necessités de la France : attendu que nel' Italie, nel' Espagne, n'en auoient point de besoin, & quel' Allemagne le recusait : & pourtant que ce seroit à eux de le solliciter : mais, qu'à leur defaut, le Pape, mû de pitie & affection paternelle, auoit fait luy mesmes : dont les Legats estans ia à Trente, ensemble grand nombre de Prelats Italiens, & les Espagnols estans ia arriuez pour la plus part, & les autres estans en voyage, il estoit raisonnable que tout promptement la France aussi y despeschast Ambassadeur, & y fust aller les Prelats. Il commanda en outre au Legat de faire toute diligence, pour faire empescher & interdire toutes predications & assemblées de Reformés : & d'accourager les Theologiens, en leur communiquant Indulgences, & graces spirituelles, & mesmes leur promettant aides & secours temporels, & qu'il ne se trouuast point du tout aux preches des Reformés, & que mesmes il euitast tous festins, lesquels entrecuiendroient aucun d'eux.

auquel ar-
riuerent
deux Pri-
lats Polo-
nois,

En ce mesme temps arriuerent à Trente deux Prelats Polonois, lesquels, ayant visité les Legats, & démontré la deuotion de leur Eglise enuers le Siege Apostolique, exposerent les grands efforts, que faisoient les Lutheriens pour introduire leur doctrine en ce Royaume-là, & le pied qu'ils y auoient ia pris en partie. Et que pour obuier à leurs machinations, les Euesques estoient obligés d'estre perpetuellement à l'erte : dont ils ne pouuoient assister tous au Concile, comme ils eussent bien desiré pour contribuer quelque chose à la cause commune. Et partant desiroient, qu'attendu cet esgard tant importât & necessaire, ils pussent y assister par procureurs, qui eussent voix & suffrage, de mesme les Prelats presens. Et requierent qu'eux deux pussent auoir autât de suffrages, qu'ils auoient de commissions & procurations d'Euesques, lesquels pour causes legitimes ne pouuoient absenter le Royaume. Les Legats leur respondirent en termes generaux, remettant à faire la resolution apres

qui requie-
rēt de pou-
uoir repré-
senter le
nombre des

meure deliberation. Et cependant donnerent aduis de cette demande au Pape, laquelle iceluy rapporta en Consiſtoire: là où tous ſans difficulté ſe rangerent à la negatiue, attendu la deliberation priſe & pratiquée auparauant, ^{1561a ſuffrages de leurs Prelats} Que les reſolutions ſe fiſſent par teſtes à la pluralité des voix, & non par Nations. Ce qu'on iugeoit de tant plus neceſſaire, que le bruit commun eſtoit, ^{ce qui eſt eſcrite} que les François, quoy que Catholiques, venoient à Trente, avec leurs penſées Sorboniques, & Parlementaires, tous portés à ne vouloir reconoiſtre le Pape qu'autant qu'il leur plairoit. Et auſſi on auoit eu quelque vent, que les Eſpagnols tendoient à vouloir aſſuiettir le Pape au Concile: & les Legats de Trente auoient ſouuent aduertis, qu'on deſcouuroit au Concile des malignes humeurs d'ambition d'amplifier l'autorité Epiſcopale: & particulièrement ^{ſuffrages eſcrites à Rome pour des intereſts d'eſtat,} que les Eſpagnols, avec beaucoup d'artifice propoſoient qu'il eſtoit neceſſaire de reſtreindre la puiſſance du Pape, au moins iuſques-là, qu'iceluy ne puſt déroger aux Decrets de ce Concile: qu'autrement en vain ſeroit toute la peine & la deſpenſe de celebrer vn Concile, auquel le Pape puſt déroger avec la facilité, de laquelle on voyoit que les Catholiques tous vnis enſemble. Et que ce remede demeturoit inutile, en cas qu'on admiſt les ſuffrages des abſens. Que les Eſpagnols ſe feroient enuoyer procurations de tous leurs Eueſques & de meſmes les François: ce qui vaudroit autant que donner les ſuffrages par nations, & non par teſtes.

Suiuant cela, on reſpondit à Trente, de ſ'eſlargir en bonnes & fauorables paroles enuers les Polonois, autant qu'on voudroit: mais qu'on reuinſt en fin à cette conſeſſion, que ce Concile n'eſtoit qu'une continuation, & vn meſme que celui qui auoit eſté commencé ſous Paul troiſième. Et pourtant, qu'il falloit garder les reglemens, & ordre, qui alors auoient eſté pratiqués, & du depuis auoient eſté obſerués avec bon fruit, comme il ſ'eſtoit veu. Qu'entre ces reglemens, celui-cy en auoit eſté l'un, que les ſuffrages des abſens ne fuſſent contés: & qu'il eſtoit impoſſible de les en diſpenſer, ſans que toutes les autres nations prétendiſſent le meſme, ce qui cauſeroit beaucoup de conſuſion, qu'on eſtoit tout preſt d'accorder à la Pologne, à cauſe des merites de cete noble nation, tout ce qu'elle ſçauoit réquerir de tellemēt propre à ſoy, qu'il ne dōnaſt aux autres païs ſuiet de remuement. Les Polonois monſtrèrent ^{ſur quey les Polonois ſe reſolurent} de ſe contenter de cete reſponſe: mais neantmoins, peu de iours apres, ſous pretextes d'auoir des affaires à Veniſe, ils ſe partirēt. & ne retournerēt plus.

A Rome on receut beaucoup de ioye d'une lettre, eſcrite de la propre main du Roy d'Eſpagne au Pape, luy donnant aduis de la negociation de Monſieur de France, qui luy auoit eſté enuoyé de la part de la Roine de France, & de la reſponſe qu'il luy auoit redueportant enſemblement offres à Sa Sainteté de tout ſecours & aſſiſtance des forces de ſes royaumes & eſtats, pour repurger la Chreſtienté d'heréſie: & promettant de meſmes puiſſant & prompt ſecours à tout Prince, qui auoit voloncé de nettoier ſes propres Eſtats de cete contagion.

Mais en ce meſme temps vint vne nouuelle de Paris, qui redoubla la mauuiſe conception, en laquelle on auoit les François à la Cour de Rome. C'eſt, que le Parlement de Paris auoit, avec beaucoup de ſolennités, cōdamné vn certain Iean Tanquerel, Bachelier en Theologie, à ſe deſdire & retracter de certaines Theſes, & Concluſions, leſquelles, avec intelligence de quelques Theologiens, il auoit publicquement propoſées à diſputer: portans, que le Pape, Vicair de Chriſt & Monarque de l'Egliſe, peut priuer de leurs royaumes, eſtats, & dignités, les Rois & les Princes de ſobeſſans à ſes commandemens. Ayant ſouteſnu ces Theſes, il fut actionné & adiourné, & confeſſa le fait. Mais craignant de quelque grand chaſtiment, il ſ'enſuit: dont les Iuges ordonnerent que pour luy comparoiſtroit le Bedeau de l'Vniuerſité, repreſentant, comme en vne Comedie, la perſonne d'iceluy, & feroit amende honorable &

1561. publique retractation pour luy : & firent inhibitions & defences aux Theologiens de ne plus disputer semblables questions : & en outre, les firent aller demander pardon au Roy d'auoir pernis qu'une matiere de telle consequence fust mise en dispute : & les firent iurer & promettre de s'opposer tousiours à cette doctrine. Au moyen dequoy on parloit à Rome des François, comme d'heretiques perdus, qui nioient l'autorité baillée par Nostre Seigneur à S. Pierre, de paistre tout son troupeau, & de deslier & lier toutes choses : ce qui principalement consiste au pouuoir de punir les delits scandaleux & prejudiciables à l'Eglise en commun, sans distinction ne difference de Prince, ou de particulier. On rapportoit les exemples des Empereurs Henry quatrième & cinquième, de Friderich premier & second, & de Louis de Baviere : & des Rois de France, Philippe Auguste, & Philippe le Bel. On allegoit les diets fameux des Canonistes sur ce suiet : & disoit-on, que le Pape deuoit adiourner tout ce Parlement à Rome : & qu'on deuoit enuoyer la position de ce Bachelier à Trente, pour la faire examiner auant toute autre chose, & approuuer, condannant le contraire. Mais le Pape se contenta de se douloir en ce fait moderément, & iugea qu'il valoit mieux dissimuler : attendu que, comme il disoit, le mal plus grand estoit tout le sentiment de certti-cy.

dont on
tient les
François
pour per-
dus pour
Rome,

le Pape
voulant
preuenir
les reme-
des du Co-
cile, ex-
horte &
pratique
quelque
reforma-
tion :

La Cour de Rome tenoit ia pour tout assuré qu'il ne se trouueroit au Concile ny Ambassadeur, ny Eueques François : & discourtoit à perte de veüe ce qu'il seroit conuenable à la dignité du Pape de faire, pour leur faire subir les determinations du Concile, lequel le Pape vouloit totalement estre ouuert au commencement du nouuel an. Et communiqua cete sienē resolution aux Cardinaux, les exhortant de considerer combien il estoit indigne & au S. Siege, & à leur College, de permettre qu'autres leur baillassent reglemens & reformations : que la qualité des temps, esquels tous crient apres la reformation, sans sçauoir que c'est, requeroit, qu'attendu que c'est vn nom si specieux, elle ne fust tout à fait refusée : & que, parmy tant de contrarietés d'opinions, le meilleur temperament & expedient estoit de preuenir, & de se reformer soy mesmes : ce qui, outre le bien qu'il y auoit en foy, seruiroit pour acquerir loüange : en donnant exemple aux autres. Que pour l'heure il vouloit reformer la Penitenciere, & Daterie, principaux membres de la Cour : & puis apres qu'il vaqueroit aux choses plus menues.

En fin
presce-
lions à l'ou-
uerture du
Concile :

Et pourtant il deputa Cardinaux à l'une & à l'autre charge. Il exposa aussi les raisons, qui obligoient à ne plus differer l'ouuerture du Concile : à sçauoir, qu'on descouuroit tous les iours plus de mauuaises intentions & dessein des Vltramontains, de deprimer au Concile l'absoluē autorité que Dieu a baillée au Pape de Rome : & que plus de temps & de loisir on leur donoit, plus s'accroissoient & fortifioient leurs machinations : qu'il y auoit danger, qu'entre les Italiē mesmes, avec le temps, quelques vns ne fussent gagnés : & pourtant, que tout le salut gisoit en la celerité : jointe quelx despenſe qu'il portoit à les y entretenir, estoit immense, & intolerable au Siege Apostolique, si on n'y mettoit bien tost fin. Il donna puis apres la Croix de la Legation au Cardinal d'Altems, avec commandement qu'il se mist en ordre, & partist pour estre à Trente à l'ouuerture du Concile, s'il estoit possible. La cause, qui luy fit reluoquer la commission baillée au Cardinal Simonete, d'ouurir le Concile à son arriuée, fut l'instance que luy fit l'Ambassadeur de l'Empeur, qu'à cete Action-là fussent attendus les Ambassadeurs de son Maistre. Et luy mesmes ayant du depuis aduertiy le Pape qu'iceux se trouueroient à Trente auant la my-Januiier, le Pape fit tout deuoir enuers le Marquis de Pescaire, député par le Roy d'Espagne pour Ambassadeur au Concile, qu'il se trouuast à Trēte au mesme temps à l'ouuerture du Concile, afin d'y assister : & sollicita aussi les Venitiens d'y enuoyer leur Ambassade : faisant grand estat que cete ceremonie d'entrée se fust avec reputation. Toutesfois il escriuit aux Legats, qu'ils eussent à ouurir le Concile tout soudain apres l'arriuée des Ambassadeurs des Princes susnommés : mais que, si à la my-Januiier ils n'estoient arriués, ils ne differassent plus. Et cet estat d'affaire finit l'année 1561.

HISTOIRE



HISTOIRE DV CONCILE DE TRENTE,

LIVRE SIXIÈME.

SOMMAIRE.

*A Trente on commence les aëtions Synodales : & est pouruen aux pre-
seances , au mescontentement de l'Archeuesque de Brague, Portugais. La
premiere Session est tenue , au decret de laquelle est dextrement inseré , qu'au-
tres que les Legats n'ayent pouuoir de proposer : & nonobstant toutes les
oppositions , qui y sont faites , cét article passe , par l'absolu vouloir
du Pape. En France est fait l'Edit de Iuillet fauorable aux Reformés.
Au Concile , on tient Congregation sur la matiere des liures interdits,
& condamnés : & d'un pardon, & Sausconduit general , en quoy il
y a grande diuersité d'avis. Le Legat Altems , & les Ambassadeurs de
l'Empereur , & de Portugal , arriuent. Et ensuite est celebree la seconde
Session sur les susdits points. Les Ambassadeurs Imperiaux pressent la
reformation , de laquelle les Legats proposent des Articles. Les Ambas-
sadeurs d'Espagne , de Fleurance, de Suisse & du Clergé de Hongrie
vient au Concile. En Congregation on traite de la Residence, avec grande
passion, & diuersité de sentimens : comme aussi de la Promotion à til-
tre de patrimoine : de la Simonie en la collation des Benefices : des Pre-
bendes , & des Distributions. Pour la Residence , il est resolu par la
pluralité des suffrages , qu'elle est de droit diuin : mais les adherans au
Pape empeschent la conclusion & la declaration de ce point. Cependant
les Ambassadeurs de Venise arriuent aussi. Et puis on entre à traiter
de la diuision & union des Eglises , des Curés ignorans , ou vicieux,
des Commendes , & des Questeurs. Toutes ces choses engendrent ombra-
ges & offenses à Rome , mesme contre les Legats. La troisieme Session
est celebree sur les matieres susdites. Sur cela arriuent les Ambassadeurs
de France , à la vine harenque desquels est respondu en la quatrieme
Session employée à cela seulement. Puis apres en Congregation est auan-
cée la matiere du Calice & de la Residence , avec beaucoup de tumulte.*

Et les Imperiaux proposent des Articles de Reformation. Le Pape s'ombrage & arme, & projette vne Ligue generale, qui va bien tost en fumée. Puis enuoye l'Euesque de Ventimile au Concile, pour surueiller les actions de tous, mesmes des Legats. L'Ambassadeur de Baviere fait vne grande harenque au Concile, auquel, apres plusieurs discours sur diuers chefs de Reformation, on tient la cinquiesme Session. Et pour la suiuite, est estably vn certain reiglement en la maniere de traiter, lequel est violé par deux Iesuites : & la matiere d'icelle est choisie, Du Sacrifice de la Messe. Sur le fondement duquel il y a grande diuersité d'avis. La question de la Residence remise sur le Bureau, produite de nouveaux estrifs, & pourtant le Pape en éuoque, à soy la connoissance. L'affaire du Calice est enfin remis au Pape, au grand desplaisir de l'Empereur, & de ses peuples. Et de là on traite des abus en la Messe. Et puis la sixiesme Session est celebrée sur ces matieres susdites.

1562.

Congregation
à Trente,
se préparant
à la con-
uention du
Concile.



sur quoy
naist vne
difficulté
pour la se-
ance.

à pacifier
par vne de-
claration.

puis, vne au-
tre, sur la
continuation.

Es Legats, conformément à ce que le Pape auoit commandé par ses dernieres, tinrent le quinziesme lanuier, mil cinq cens soixante deux, vne generale Congregation: en laquelle le Cardinal de Mantouë, comme premier Legat, fit vne belle harenque, touchant la necessité, & opportunité d'ouurer le Concile: & exhorta tous les Prelats à aider vn saint & bon œuvre par ieunes, aumosnes, & frequentes celebrations de Messes. Apres fut lue la Bulle de la Legation, en date du dixieme du mois de Mars precedent, laquelle estoit conceue en termes generaux, avec les clauses accoustumées, Que le Pape les enuoyoit, comme Anges de paix, pour presider au Concile conuqué, & lequel deuoit estre ouuert à Pasques. A icelle fut adioutée la lecture de trois autres Brefs. Le premier du cinquiesme Mars, portant pouuoir aux Legats de bailler permission aux Prelats & Theologiens, de pouuoir lire liures defendus pendant le Concile. Le deuxiesme, du vinttroiesme May, donnant pouuoir aux Legats d'absoudre ceux, qui en secret feroient abiuration d'heresie. Le troisieme, du dernier Decembre, par lequel le Pape pour retrancher toute occasion d'estrifné, ou à naistre entre les Prelats assemblés au Concile, sur la presence, commandoit, que les Patriarches allassent deuant, puis les Archeuesques, & en troisiemes lieux les Euesques: sans esgard à dignité de Siege, ains selon le temps des promotions, toutes dignités Primatiales, ou vrayes, ou pretendues, negligées. A la lecture de ce Bref, Frere Barthelemy des Martyrs, Archeuesque de Brague, en Portugal, repliqua avec beaucoup de vehemence, Qu'il n'estoit pas raisonnable de donner commencement au Concile par des preiugés contre les Eglises principales de Chrestienté: ne que son Eglise, qui auoit la primace des Espagnes, par Sentence fust soumise, non seulement aux autres Archiepiscopales, ses suiuetes, mais aussi à vn Archeuesq. de Rosan qui estoit sans suffragat, & à ceux de Nicia, petite Isle en l'Arcipelago, & d'anciari en Esc lauonie, lesquels sont sans residées, & presques sans peuple Chrestien. Que l'equité ne vouloit pas qu'on fist vne loy pour soy, & vne pour les autres, ne qu'on pretendist de conferuer son autorité propre, en priuant les autres de la leur legitime. Il parla avec tant d'ardeur & de force, que les Legats se virent bien fort empeschés, & eurent beaucoup de peine à l'appaiser par vne Declaration, qu'ils luy baillerent par escript, qui portoit, Que l'intention du Pape, ne la leur, n'estoit point, que par le Decret, qui auoit esté leu, aucun droit nouveau fust acquis, ne qu'il fut fait preiudice à aucun, ne que les droits d'aucun fussent lesés, ny en la propriété, ny en la possession: ains que tout Primat, ou vray ou pretendu qu'il fust, apres le Concile, demeurast en l'estat qu'il estoit auparauant. Apres qu'à grãde difficulté il eut acquiescé, les autres Espagnols firent instance, que l'ouuerture du Concile se fist, cōme vne continuation de celuy qui auoit esté

commencé sous le Pape Paul troisieme, & qui auoit esté pour suiuy sous Iules troisieme, & que de ce fust faite expresse declaration, afin que nul ne püst caillier que c'estoit vn Concile nouveau. L'Euesque de Zante qui auoit esté Nonce en Allemagne, & sauoit combien vne telle action seroit calomniée, & combien de desplaisir en prendroit l'Empereur, repliqua à cela, disant, Qu'il falloit bien mettre hors de doute les choses ià decidées, & les tenir pour toutes determinées: mais aussi, qu'il n'y auoit point de necessité d'en faire aucune declaration, ains que cela retrancheroit toute l'esperance, qu'auoyent l'Empereur & le Roy de France, de faire venir les affaires à tel point, que les Protestans se soumissent au Concile, & que quelques-vns d'entr'eux y interuinissent. Les Legats, sur tout celuy de Mantouë & de Vvarmie, seconderent, par beaucoup de discours, l'aduis de cét Euesque: & y eut maintes choses dites d'une part & d'autre, mesmes avec beaucoup d'aigreur, les Espagnols menaçans de vouloir protester, & s'en retourner en Espagne. Mais enfin, apres plusieurs contestations ils s'accorderent de se départir de leur instance, pour s'opposer à l'Empereur, & au Roy de France, & aux Allemans, & François: & pour ne fomenter les plaintes des Protestans: à condition toutesfois, que les termes fussent couchés en sorte, qu'ils ne designassent point nouveau Concile, ny ne portassent préiudice à la continuation, avec promesse des Cardinaux, au nom du Pape, que Sa Sainteté confermeroit tout ce qui auoit esté fait à Trente és deux precedens Conciles: voire mesmes, en cas que le present se rompist, & ne püst estre finy: & de cela ils se contenterent: & apres plusieurs discours il fut conclu, qu'on vseroit de paroles qui signifiasent, Qu'on commençoit le Concile, toute suspension ostée, lesquels estoient ambigus, & pouuoient estre tirez à sens contraires: mais toutesfois, d'autant qu'elles suffisoient pour appointer le differend present, elles furent acceptées, & fut résolu d'ouurer le Concile le Dimanche suuant, qui estoit le dixhuitiesme Ianuier. A la fin le Cardinal de Mantouë proposa, Qu'apres que le Concile seroit ouuert, il seroit bien seant de frequenter tous les iours de feste les Chapelles publiques, avec l'interuention des Prelats à la Messe, & avec le Sermon en Latin; lequel escheant à estre par fois fait, par personnes non assez platement instruites de ce qui estoit conuenable au temps & au lieu, & à la bienfiance de l'Auditoire, il seroit bon de deputer vn Prelat, lequel de mesme le Maître du Sacré Palais à Rome, reuist ce qui deuoit estre dit en public, & que la recitation s'en fust selon la censure. Cette proposition fut approuuée de tous; & fut député Giles Foscarare, Euesque de Modene, avec charge de voir tout sermon, predication, ou autre chose, qui deuroit estre prononcée en public.

valutue par
respect &
promesses:

reiglement
sur les Mes-
ses & Ser-
mons du
Concile:

en la conse-
tion du De-
cret pour la
respon

on fait con-
ler que les
seuls Presb-
yteres propo-
sent:

La Congregation congediée, les Legats, avec leurs affidés, semirent à dresser le Decret, lequel ils conceurent en la forme qui auoit esté concertée. Et ayant esgard à tant de traités, qui auoyent esté faits par les Prelats, par vn si long espace de temps, qu'ils auoyent esté oisifs à Trente; de proposer les vns vne prouision & reiglement, les autres vn autre, tous tendans à l'amplification de l'autorité Episcopale, & à la destruction de la Papale, ils aduiserent, qu'auant que le mal prist son mouuement, il y falloit remedier dès l'entrée, par vn arrest, Que nul autre que les Legats ne püst proposer aucune matiere pour estre mise en deliberation. Mais ils voyoyent bien la difficulté de la proposition, & y preuooyent de la contradiction: & que pourtant il falloit vser de grand artifice, pour la faire couler doucement, & insensiblement: l'absoluë negatiue, que nul n'eust à proposer, sembloit trop aspre & crue: partant on trouua bon d'yser plustost del'affirmatiue, Que les Legats proposassent, sans y adiouster aucune exclusion euidente des autres, ains seulement en consequence tacite, & s'en équivalent: recourant le tout du pretexte de garder l'ordre, & de laisser la deliberation libre au Concile. Le Decret fut formé avec tant d'artifice, que mesmes à present il faut estre fort attentif, pour en descouurir le sens, bien loin de le pouuoir entendre à la premiere lecture.

1562.
la premiere
Session ser-
tieus.

Minime

le Decret
estant lu.

il y a de la
contradicti-
on au
point des
Presidens
proposans

deut on ex-
escrie au
Pape.

qu'importe
precisement
cela siene.

projetés des
Reformés
en France,

Suiuant la deliberation prise, le xviii. Ianuier fut venu, se fit la proces-
sion de tout le Clergé de la ville: des Theologiens, & des Prelats: lesquels,
outre les Cardinaux, estoient en nombre de cent & douze mirrés, accompa-
gnés de leurs domestiques, & gardés d'une multitude de gens du païs en armes,
cheminant de l'Eglise de S. Pierre à la Cathedrale: là où le Cardinal de
Mantouë chanta la messe du S. Esprit; & Gaspard de la Fosse, Archeuesque
de Rege, fit le Sermon: ayant pris pour theme de parler de l'autorité
del'Eglise, de la Primauté du Pape, & de la puissance des Conciles; & dit
que l'autorité del'Eglise, n'est pas moindre que celle de la parole de Dieu:
que l'Eglise a changé le Sabbat, iadis ordonné de Dieu, au Dimanche, &
qu'elle a aboly la Circoncision, iadis estroitement commandé de Dieu, que
ces commandemens auoyent esté changés, non par la Predication de
Christ, mais par l'autorité del'Eglise. Puis ils se tourna aux Peres, & les
exhorta à s'employer constamment contre les Proteftans avec assurance,
que, comme le S. Esprit ne peut errer, eux aussi ne se pouuoient tromper.
Après fut chanté l'Hymne, *Veni Creator Spiritus*. Et le Secretaire Ange Mas-
sarel, deuenu Euesque de Tulesi, lut la Bulle de la conuocation susmen-
tionnée: & l'Archeuesque la Fosse susdit proposa le Decret de l'ouuerture
du Concile, Par cette demande, Peres, vous plaist-il que dès le iour d'au-
jourd'huy on celebre le Concile general de Trente, toute suspension ostée,
pour traiter, par bon & du ordre, les Legats & Presidens proposans, ce qui
semblera à propos au Concile, pour oster les differends de la Religion, cor-
riger les mœurs, & concilier vne bonne & Chrestienne paix en l'Eglise; il
fut respondu, *Placet*. Mais quatre Prelats Espagnols, assauoir Pierre Guer-
rier Archeuesque de Grenade, François Blanc, Euesque d'Orense, André
de la Coste, Euesque de Leon, & Antoine Colormier, Euesque d'Almerie,
contredirent à cette partie, *Proponentibus Legatis*: laquelle ie représente ainsi
en Latin, d'autant que en ce furent les termes formels, qui engendroient
tant de disputes & controuerses puis apres, & dont il faudra parler souuent
d'ores en là. Iceux dirent, qu'ils n'y pouuoient consentir: pource que
c'estoyent termes nouueaux, inusités és autres Conciles, & qui bridoyent la
liberté de proposer: & requirent que leurs suffrages fussent enregistrez és
Actes du Concile. On les laissa sans response, & la Session fut intimée pour le
vintixiesime Feurier. Le Promoteur du Concile requit tous les Notaires &
Protonotaires, de faire des choses dessusdites vn & plusieurs instrumens:
& ainsi s'acheua la Session.

Les Legats donnerent aduis au Pape de ce qui estoit arriué en la Congrega-
tion, & en la Session, & luy en fit part au Consistoire. Plusieurs eurent opin-
ion, sur les difficultés de ce commencement, que le Concile ne feroit gueres bon
progrès, attendu l'obstinée contradiction, qu'on auoit veu és Euesques
Espagnols, peu propres à composer differens de Religion: quoy que de
l'autre costé les Legats, & les Euesques Italiens se fussent montrés fort
adextres, & vnis à gauchir, & à les surmonter. Le Pape loua la prudence des
Legats, d'auoir preueni, c'estoyent ses termes, la temerité des innouateurs
& n'eut pas grand desplaisir que quatre se fussent opposés, d'autant qu'il
croyoit d'auoir bien plus grand nombre de contraires. Là dessus il exhorta
les Cardinaux à se reformer, attendu qu'ils voyoyent d'estre forcés à trai-
ter avec personnes irreuenues: & donna ordre de faire solliciter les autres
Euesques Italiens à partir: & escriuit à Trente, qu'ils tinssent le Decret fer-
me, & qu'ils l'exécutassent, sans en relascher vn seul point.

Or en France, la Roine de Nauarre, le Prince de Conde, Madame Renée
Duchesse de Ferrare, & l'Amiral, firent de grandes instances par plusieurs
mois, qu'on otroyast à ceux de la nouuelle Religion des lieux pour s'assem-
bler à leurs presches, & ceremonies: dont il aduint, que tous ceux-cy &
& encor d'autre, d'entre les Grands, faisans profession, en la Cour mesmes,
d'icelle doctrine, les autres Reformés de plus basse qualité s'enhardirent de
faire des assemblées separees: ce que le peuple Catholique ne pouuant supporter il

en foudroyant de dâgereux tumultes & esmeutes populaires, en diuers endroits du Royaume, avec meurtres & massacres, fomentés par les Grands Catholiques, lesquels, par interests d'ambition, ne pouuoient supporter, que les Princes & les Chefs Huguenots, acquiescent fuite de peuple, & prissent aduantage sur eux: & pourtant prestoyent l'espaule aux seditions: dont il y en eut deux notables entre les autres, causees par les presches: l'une à Dijon, l'autre à Paris: signalees non seulement pour le meurtre de plusieurs, mais aussi pour la rebellion contre les Magistrats & la Iustice: ce qui fit resoudre le Conseil du Roy à y mettre quelque remede. Et ain qu'il pult estre approprié à tout le Royaume, de tous les Parle.nens furent appeles les Presidens, & vn nombre de Conseillers, choisis pour meurement deliberer ce qui estoit à faire. Cete Assemblée fut assignee à Saint Germain en Laye, le dixseptieme Ianuier: & enicelle le Chancelier exposa, au nom du Roy, Qu'ils estoient appelés pour consulter des remedes aux mouuemens & troubles excités dans le royaume: & fit vne Recapitulation de toutes les choses auenues: adioustant, que la conoissance des choses concernantes la Religion deuoit bien de vray estre laissée aux Prelats: mais, que là où il s'agissoit du repos de l'Estat, & de tenir les suiets en l'obeissance du Roy, cela ne pouoit appartenir aux Ecclesiastiques, mais au Conseillers du Roy. Que pour luy, il auoit tousiours esté del' aduis de Ciceron, lequel blasmoit Caton, de ce que, viuant en vn siecle tres-corrompu & depraué, il estoit en ses deliberations aussi feueure & roide, comme s'il eust rendu ses suffrages, disoit-il, non en la ville de Romulus, mais en la Republique imaginaire de Platon. Qu'il falloit rasher d'accommoder & approprier les lois aux temps, & aux personnes, comme la chausure au pied. Que pour l'heure on mettoit en deliberation ce point, Si le seruice du Roy requeroit qu'on permist, ou qu'on defendist les assemblees aux pretendus Reformés. En quoy il n'escheoit point de disputer quelle Religion estoit la meilleure, attendu qu'il ne s'agissoit point de former vne Religion, ains de reigler l'Estat: qu'il n'estoit point incompatible, que plusieurs fussent bons François & mauuais Chrestiens: & qu'il se pouoit bien faire, qu'on vescuist ensemble en paix, sans auoir vne Religion cômune.

donc est com-
meque vne
Assemblée à
S. Germain

Quand ce vint aux opinions, les aduis furent diuers: mais celuy-là gagna, lequel portoit, Qu'il falloit relascher l'Edit de Iuillet en partie, & permettre aux Reformes liberté de prescher. Et là dessus fut formé l'Edit, sur-nommé de Ianuier, auquel entreuinrent les Cardinaux de Bourbon, de Tournon, & de Chastillon: & les Euesques d'Orleans, & de Valence: contenant plusieurs chefs, Que les pretendus Reformés eussent à restituer les Eglises, les possessions, & autres biens Ecclesiastiques par eux occupés & saisis. Qu'ils eussent à s'abstenir d'abbatre croix, images, & Eglises, sous peine de la vie. Qu'ils n'eussent à s'assembler pour presches, prieres, administration de Sacremens, en priuén en public, ny de iour ny de nuit, es villes. Que les defenses & punitions, portees par l'Edit de Iuillet, & toutes autres precedemment establies, fussent surisises. Qu'en leurs presches, au dehors des villes, ils ne pussent estre molestés, ne mesmes inquiétés ny empeschés par les Magistrats: lesquels au contraire les dussent defendre & garentir de tout outrage, chastiant les seditieux, tant de l'une que de l'autre Religion. Que nul n'eust à prouoquer ou harceler aucun autre pour cause de Religion, ny à vser de noms contumelieux de faction. Que les Magistrats & Officiers pussent estre presens aux presches, & Assemblees. Qu'ils ne pussent tenir Synodes, Colloques, ou Consistoires, sinon par congé, & le Magistrat present. Qu'ils eussent à obseruer les loix ciuiles des festes & feries, & des degres de mariage defendus. Que les Ministres fussent obligés de iurer entre les mains des Officiers publics, de ne contreuenir à ce present Edit, & de ne prescher doctrine contraire au Concile de Nicee, ny aux liures du Vieil & du Nouueau Testament. Le Parlement de Paris fit des grandes resistances à accepter cet Edit. Dont il salut que le Roy de nouueau commandast qu'il fust verifié & publié.

qui forme
l'Edit de
ianuier, a-
uantageux
aux Refor-
més,

2562.
versifié
Parlement

y apposant toutesfois vne condition, que cela s'entendoit fait & ordonne par maniere de prouision, attendant les determinations du Concile general, ou bien, iusques à ce que par le Roy en fust autrement ordonné: n'entendant point d'approuuer ne d'autorizer deux Religions en son Royaume, ains la seule de sainte Mere Eglise, en laquelle luy, & ses Predecesseurs auoyent tousiours vescu. Le Parlement ne fut pas encor bien d'accord là dessus. Mais le Roy, de plein pouuoir commanda, que toutes remises, longueurs, & difficultés cessantes, l'Edit fust publié. Ce qui fut executé le sixieme Mars, avec cete clause, Que le Parlement verifioit les Lettres Royaux, pour obeir au Roy, & en consideration de l'estat des temps, sans toutesfois approuuer la nouuelle Religion, & ce par maniere de prouision tant seulement, iusques à ce que autrement fust ordonné par le Roy.

Congregation
à Trente sur
trois Arri-
cles, dont le
premier est
des liures à
defendre,

Or pour retourner à Trente, le vintseptieme Ianuier fut tenue Congregation, en laquelle les Legats firent trois propositions. La premiere, d'examiner les liures escripts par diuers autheurs, apres la naissance des heresies: ensemble les Censures des Catholiques contre iceux: afin de determiner ce que le Synode auoit à decreter sur iceux. La deuxieme, Que tous les interessés en cete matiere fussent cités par arrest du Concile afin qu'ils n'eussent de quoy se plaindre de n'auoir esté ouïs. La troisieme, S'il estoit expedient d'appeler ceux qui estoient tombés en heresie, & les conuier à repentance, avec Saufconduit, & amplex concessions, & promesses de grande & singuliere clemence: pourueu qu'ils voulussent se repentir, & reconoitre la puissance de l'Eglise Catholique. Avec ordre, que les Peres, apres auoir meurement consideré ces propositions, vinsent à la Congregation suivante preparez, pour en dire leurs aduis, tant sur la matiere de se desmeller facilement de l'examen des liures & des Censures, que sur tout le demeurant. On deputa aussi des Prelats, pour receuoir & examiner les mandemens & les excuses de ceux qui pretendoient empeschement pour ne point aller au Concile.

discours de
l'origine &
progrès de
la defense
des liures.

Cet endroit requiert, que ie die quelque chose de l'origine de la prohibition des liures, & comment la chose estoit arriuee à l'estat, où elle se trouuoit lors de la tenue du Concile, & quel reiglement il y fut lors mis. En l'Eglise ancienne des Martyrs, cecy n'estoit pas chose d'interdiction Ecclesiastique. Bien est vray, que les personnes pieuses & religieuses faisoient conscience de lire liures d'annables, pour ne contreuenir à ces trois ordonnances de droit diuin, de fuir la contagion du mal: de ne s'exposer aux dangers & tentations sans necessité, & vilité: & de ne consumer le temps en chose vaine: qui sont loix naturelles, & demeurent tousiours en vigueur: & quand mesmes il n'y auroit aucune loy Ecclesiastique, seroyent suffisantes de nous obliger à nous garder de lire liures mauuais. Mais, lors que ces esgards n'auoyent point de lieu, il en estoit iugé autrement: & il en arriua vn exemple en Denis, Euesque d'Alexandrie, docteur fameux, lequel enuiron l'annee du Seigneur deux cens quarante fut pour cete cause repris par ses Prestres: & en estant en quelque scrupule de conscience, pour les raisons sus allegues, il eut vne vision, qu'il lust franchement toutes sortes de liures, d'autant qu'il estoit capable de les discerner. Mais toutesfois les Anciens estimoyent qu'il y auoit plus de danger à lire les liures des Payens, lesquels ils abhorroyent aussi plus, & en blasmoient plus la lecture que de ceux des heretiques: d'autant que plusieurs Docteurs Chrestiens, par vanité d'apprendre l'eloquence, y estoient aussi plus adonnés. Et pour cete cause aussi S. Ierome fut batu, par le Diable ou en vision, ou en songe que ce fust. Dont aussi en ces mesmes temps, enuiron l'an quatre cens, vn Concile de Carthage defedit aux Euesques de lire les liures des Gentils, mais leur permit de lire ceux des heretiques: & ce Decret est inseré entre les Canons recueillis par Gratien. Et c'est là la premiere prohibition, en forme de Canon: car, par maniere de conseil, y en a d'autres es Peres, lesquels doiuent estre reiglees selon la loy diuine rapportee ci dessus. Les liures des heretiques, contenant doctrine condannée par les Conciles, estoient souuent defendus par les

Empereurs par raison de police: comme Constantin defendit les liures d'Arrius: Arcade, ceux des Eunomiens, & Manicheens. Theodose, ceux de Nestorius: & Martiam, ceux des Eutichiens: & en Espagne le Roy Ricaredo, ceux des Arriens. Mais, quant aux Euefques, il leur fuffisoit de monſtrer, quels liures eſtoient de doctrine condannee, ou apocryphe, comme fit le Pape Gelase en l'annee quatre cens nonantequatre: ſans paſſer plus outre, laiſſant à la conſcience d'un chacun, de les ſuir, ou de les lire à fin de bien. Depuis l'an huit cens, les Papes de Rome, ayans pris à eux vne grande partie du gouuernement politic, firent auſſi bruſſer, & defendirent de lire les liures, dont ils condannoient les auteurs. Et nonobſtant encor, ſe trouuera il iuſques à ce ſiecle bien peu de liures defendus en cete ſorte. Et n'eſtoient point viſitees les deſenſes vniuerſeles, ſous peine d'excommunication, & ſans autre ſentence, contre qui liroit liures contenant doctrine d'heretiques, ou ſonſonnés d'heresie. Le Pape Martin cinquieme, en ſa Bulle, excommunie bien toutes ſectes d'heretiques, & ſur tout Vicleſites, & Huſſites, ſans toutesſois faire mention de ceux qui liroient leurs liures, quoy que pluſieurs en couruſſent. Leon dixie.me, en condannant Luther, interdit enſemblement, & ſous peine d'excommunication, tous les liures d'iceluy. Les autres Papes ſuiuans, en la Bulle appelee *In cœna Domini*, apres auoir condannes, & excommuniés tous les heretiques, ont auſſi excommunié ceux qui liroient leurs liures. Et en d'autres Bulles contre les heretiques en general, ils ont fulminé les meſmes cenſures contre ceux qui liroient leurs eſcrits. Ce qui n'a engendré que de la conſuſion: car les heretiques, n'eſtans pas nominement condannés, il ſaloit conoiſtre les liures pluſtoſt par la qualite de la doctrine, par le nom des auteurs: & à cauſe de la diuerſité des aduis, il naiſſoit de là innombrables ſcrupules de conſcience. Les Inquiſiteurs les plus diligens, ſe dreſſoient eux meſmes des catalogues de tels liures qui venoient à leur conoiſſance. Mais ces catalogues ne s'accordans point entr'eux, cela ne ſuffiſoit point pour oſter la difficulté. Le Roy Philippe d'Espagne fut le premier à y mettre vn meilleur reiglement, faiſant en l'annee mil cinq cens cinquante huit vne loy, que le Catalogue des liures defendus par l'Inquiſition d'Espagne fuſt imprime. A cet exemple le Pape Paul quatrieme commanda auſſi à Rome, que l'Inquiſition dreſſaſt & fiſt imprimer vn Indice des liures condannés: ce qui fut executé en l'annee mil cinq cens cinquante neuf: & en iceluy on fit pluſieurs pas plus auant que par le paſſé, & furent poſés les fondemens, pour maintenir & aggrandir beaucoup d'auantage l'autorité de la Cour de Rome, en priuant les hommes de la conoiſſance qui leur eſt neceſſaire pour ſe defendre contre les viſſarpations: en lieu que, iuſqu'à ce temps-là, on s'arreſtoit dans les bornes des liures heretiques, & n'y auoit aucun liure defendu, ſinon d'auteur condinné. Cet Indice de Paul fut diuiſé en trois parties: dont la premiere contenoit les noms de ceux, dont toutes les ceuures, de quelque matiere & ſuiet qu'elles fuſſent, voire meſmes commun & profane, eſtoient defendus: & en ce nombre eſtoient mis, non ſeulement ceux, qui auoyent fait profeſſion de doctrine contraire à celle de Rome, mais auſſi pluſieurs autres, qui auoyent touſiours yeſcu, & qui eſtoient morts en la communion d'icelle: la ſeconde eſtoit des liures nominement ſpeciſiés & condannés, ſans deſenſe les autres des meſmes auteurs: la troiſieme eſtoit de certains eſcrits ſans nom: outre vne reigle generale, qui deſendoit tous ceux, qui ne portent nom d'auteur, eſcrits dès l'annee mil cinq cens dix neuf. Pareillement eſtoient condannés pluſieurs auteurs & liures, leſquels par l'eſpace de cent, deux cens, & trois censans, auoyent eſté entre les mains de toutes les gens de lettres de l'Egliſe Romaine, au veu & au ſeu des Papes de Rome, ſans que en vn ſi long temps ils y euſſent iamais contredit: auſſi en eſtoit-il defendu des modernes, leſquels auoyent eſté imprimés en Italie, voire meſmes à Rome, avec approbation de l'Inquiſition, & meſmes du Pape par les Breſſ, comme eſtoient les Annotations d'Eraſme ſur le nouueau Teſta-

ment, lesquelles le Pape Leon dixiesme, apres auoir luës, auoit approuuées par vn sien Bref, donné à Rome, le dixiesme de Septembre de l'année mil cinq cens dix huit. Mais, ce qui est considerable, par dessus tout, sous couleur de foy & de Religion, estoient, avec la mesme feuerité defendus, les liures, & condamnés les auteurs, qui auoyent maintenu l'autorité & le droit des Princes & Magistrats temporels contre les vsurpations des Ecclesiastiques : & qui auoyent defendu l'autorité des Conciles & des Euesques contre les inuasions de la Cour de Rome : & qui auoyent descouuert les hypocrisies & les tyrannies, par lesquelles le peuple, sous couleur de Religion, est miserablement trompé & violenté. En somme, iamais ne fut trouué plus beau secret pour employer la Religion à rendre les hommes insensés. Mais cette Inquisition passa encor plus outre, iusques là qu'elle fit vn Catalogue de soixante deux Imprimeurs, & defendit tous les liures par eux imprimés, de quelque auteur, art, ou langue qu'ils fussent, avec vne addition encor plus grieue, comprenant tous liures imprimés par autres semblables Imprimeurs, qui eussent imprimé liures d'heretiques. De sorte, qu'il ne restoit plus de liures à lire. Et pour comble de rigueur, la defense de chaque liure, compris en ce Catalogue, estoit avec peine d'excommunication *late sententie*, reservée au Pape, & avec priuation & inhabilité à offices & benefices & infamie perpetuelle, & autres peines arbitraires. Plaintes furent faites au Pape Pie quatriesme qui vint apres, de cette extremité de rigueur : lequel remit l'Indice, & toute cette matiere au Concile, comme il a esté dit.

*dine. fit
d'auis sur
ce suiet au
Concile*

Il y eut diuersité d'auis sur les Articles proposés. Louïs Beccatelli, Archeuesque de Raguse, & Frere Augustin Sauuage, Archeuesque de Genes, furent d'opinion, qu'il ne pouuoit naistre aucun bon effet de traiter au Concile matiere de liures : ains que plustost cela pouuoit porter empeschement à la conclusion de ce, pour quoi le Concile estoit principalement assemblé. D'autant que le Pape Paul quatrieme ayant, de l'aduis & conseil de tous les Inquisiteurs, & de plusieurs principaux personnages, de toutes parts, fait vn Catalogue tres-complet, on n'y pouuoit rien adiouster de plus, sauf quelques liures sortis en lumiere les deux ans ensuiuans, qui n'estoyent pas chose, qui meritaist la main du Concile. Que si on vouloit penser à permettre quelques vns des liures defendus en ce recueil, ce seroit de clarer qu'à Rome on auoit imprudemment procedé, & oster la reputation, tant à l'Indice ia publié, qu'au Decret nouueau qu'on seroit attendu que c'estoit vne Maxime toute commune, Que les nouuelles loix ostent plus la reputation à elles mesmes qu'aux vieilles. Ioint que, disoit Beccatelli, il n'y a nul besoin de liures, le monde n'en a que trop, sur tout dés l'inuention de l'Imprimerie, & qu'il valoit mieux que mille liures fussent defendus sans demerite, que non pas qu'un seul, meritant interdiction fust permis. Et ne seroit pas aussi vtile, que le Concile prist la peine de rendre raison des prohibitions, en faisant des censures, ou approuuant les ia faites par les Catholiques en diuers endroits. Ce qui ne seroit autre chose, que conuier autrui à contredire : car c'est bien chose seante à vn Docteur de rendre raison de son dire, mais, quand le Legislatteur le fait, il en diminue son autorité : d'autant que le suiet se prend à la raison alleguée, & quand il croit de l'auoir refutée, il cuide aussi d'auoir osté toute vertu au commandement. Et que, pour les mesmes causes, il n'estoit pas à propos de corriger & purger aucun liure, pour induire les personnes à dire, qu'on ait obmis quelque chose qui meritaist correction, ou changé celles qui ne la meritaissent point. Et qu'en outre le Concile exciteroit contre soi le malalent de tous ceux qui seroyent affectionnés aux liures qui seroyent interdits : ce qui les porteroit à refuser les autres Decrets necessaires, qu'on seroit. Pour tant il conclut, Que l'Indice de Paul suffisoit, & qu'il ne pouuoit approuuer de s'occuper vnanimement à faire chose ia faite ou à desfaire chose bien faite. Plusieurs autres raisons furent employées & alleguées, en confirmation de cet aduis, par plusieurs Euesques creatures de Paul quatriesme, & admirateurs de sa prudence au manie-
ment

ment de la discipline Ecclesiastique: lesquels tenoyent qu'il estoit necessai-
re de maintenir, voire mesmes roidir la rigueur par luy establie, si on vou-
loit conseruer la pureté de la Religion.

Iean Thomas de S. Felix, Eueſque de la Gaue, fut d'opinion toute contrai-
re, Qu'il falloit traiter des liures tout à neuf, comme s'il n'y auoit aucune
precedente prohibition: d'autant que celle-là, comme faite par l'Inquisi-
tion de Rome, estoit odieuse par son seul nom aux Vltromontains: & au de-
meurant estoit aussi tant rigoureuse, qu'il estoit impossible de l'observer: &
qu'il n'y a rien qui abolissent plustost vne loy, quel'impossibilité, ou la gran-
de difficulté à l'observer, & l'extreme rigueur à punir les transgressions.
Qu'il estoit bien necessaire de conseruer la reputation de l'Inquisition: mais,
que cela se pouuoit faire assez conuenablement, taisant toute mention d'i-
celle: & au demeurant faisant les seuls reiglemens & prouisions necessai-
res, & avec peines moderees. Et que pourtant son aduis estoit, que le tout
gisoit au moyen à tenir: sur quoy il dit qu'il iugeoit pour le plus expedient,
que les liures iusques alors non censurés fussent departis entre les Peres, &
les Theologiens presens au Concile, & mesmes aussi absens: afin, qu'apres
vn bon examen, ils en fissent la censure, & que le Concile deputast vne Con-
gregation d'vn nombre mediocre, qui fust comme iuge entre la censure &
le liure: & que cela mesmes fust pratiqué sur les liures ia censurés. Apres
quoy le fait fut proposé en Congregation generale, pour en arrester gene-
ralement ce qui sembleroit estre pour le bien public. Et quant à citer les in-
teressés, il remontra qu'il y auoit deux sortes d'auteurs, les vns separés de
l'Eglise, les autres incorporés en icelle. *Que des premiers, il ne falloit fai-
re aucun estat: attendu que, par leur seul alienation de l'Eglise, ils s'e-
stoient, comme dit Saint Paul condamnés eux mesmes, & leurs œuvres: tel-
lement qu'il n'estoit ia besoin d'en ouir autre chose, Quant aux autres, de-
meurés en l'vniou de l'Eglise, il y en auoit des viuans, & des morts. Que pour
les viuans, il estoit necessaire de les citer, & escouter: & attendu qu'il s'a-
gissoit de leur honneur & bonne fame, qu'on ne pouuoit proceder contre
leurs œuvres, sans auoir tout premier ouï leurs raisons. Que pour les morts,
il n'y auoit point d'interest particulier, & pourtant qu'on en pouuoit faire ce
que requeroit le bien public, sans danger d'offenser aucun. A cete opinion
fut adiousté par vn autre Eueſque, qu'on eust à garder la mesme forme &
procedure de iustice enuers les auteurs Catholiques defunts: veu qu'ils
auoyent encores leurs parents, & leurs disciples, & lesquels, comme leurs
descendans, participoyent à l'honneur ou à l'infamie des defunts, & pour-
tant y estoient interessés. Et quand mesmes il n'y auroit ne parents ne disci-
ples, la seule memoire du defunt ne pouuoit estre iugee sans estre defendue.*

Il y en eut mesmes aucuns, qui opinèrent, Qu'il n'estoit pas raisonnable
de condamner les œuvres des Protestans, sans les ouir. D'autant que, quoy
que les personnes fussent condamnées d'elles mesmes, les loix pourrât ne per-
mettent de passer à sentence definitive, sans citation & adiournement, mes-
mes en castout notoire: ce qui donques aussi peu peut estre fait contre le li-
ure, quoy que notoirement il contienne heresie. Frere Gregoire, General
des Augustins, dit, Qu'il ne luy sembloit point necessaire d'observer tant de
auertissemens: que la defense des liures estoit tout iustement comme la defense
medicinale d'vne viande, qui n'est pas vne sentence contre icelle, ne contre
qui l'a appareillée, dont il faille l'escouter: ains vn commandement à celuy
qui en doit vser, fait par celuy qui a charge de gouverner la santé d'iceluy.
Et pourtant qu'il ne s'agissoit point d'aucun interest ou preiudice du viuandier,
mais seulement du benefice du malade: & qu'à tresbonne raison vne
viande, quoy que bonne, estoit defendue, pource qu'il n'estoit vtile au ma-
lade d'en vser. Qu'en cete mesme façon, le Concile, qui est le Medecin:
deuoit regarder seulement à ce qui est vtile ou dommageable aux fideles de
lire, & defendre le pernicieux, & dangereux: au moyen de quoy ne seroit
fait tort à aucun, quand mesmes le liure en soy-mesme seroit bon, mais ne

Kk4

*comme aussi
sur le deu-
xieme d'ap-
peler les
interessés &
dus liures*

1562.

Et sur le
troisième
d'un par-
d'ou
general,
d'un sauf-
conduit.

conuindroit pas à la foiblesse des esprits de ce siècle. Il y eut beaucoup d'autres considérations, lesquelles se resoluoyent toutes en fin en l'une de celle cy.

Mais, sur le troisieme Articles, de conuier les delinquans à repentance, avec promesse de clemence, & ottroy de saufconduit, les opinions furent diuerses, mesmes entre les Legats, celui de Mantouë estoit d'auis d'un pardon general : disant, Que par iceluy on gaigneroit grand nombre de personnes : & que c'estoit vn remede vité par tous les Princes es seditions, ou rebellions, qu'ils n'ont pouuoir d'estoufer, d'ottroyer pardon à qui met bas les armes : & qu'ainsi les moins coupables se retirent, & les autres endeuurent plus foibles. Que quant mesmes il n'y auroit esperence d'en gagner que bien peu, il le faudroit faire pour vn tout seul : voire quand on n'engagneroit pas vn, encores y auoit-il tousiours grand acquest d'auoir montré & vité de clemence. Mais pour l'opinion contraire le Legat Simonete disoit, Que c'estoit se mettre en danger d'en ruiner d'autres : d'autant que plusieurs se laissent emporter à faillir, là où ils voyent la facilité du pardon : & qu'à l'opposite la rigueur, quoi que dure à qui la sent, en tient infinis en deuior. Que pour montrer la clemence, il suffisoit d'en vser enuers ceux qui la requeroient : mais que de la jeter après ceux qui ne la demandoient point, & mesmes la refusoient, n'estoit autre chose, que relacher la garde que chacun doit faire de soi-mesmes : que cela feroit qu'on tiendrait l'heresie pour vn leger delit, voyant d'en obtenir pardon si aisément. Les Prelats estoient mi-partis entre ces deux opinions : & ceux qui n'approuuoient point le Saufeconduit, disoient, Qu'au premier Concile il n'en fut baillé à aucun : ce qui toutes fois n'auroit esté omis, s'il eust esté necessaire, ou conuenable : attendu que le Concile auoit esté regi par vn Pape tres-prudent, & par des Legats, les principaux du College. Qu'au deuxieme, il auoit esté baillé, pour ce que Maurice, Duc de Saxe, & autres Protestans, l'auoyent requis, & l'empereur l'auoit demandé pour eux : qui estoient fortes raisons, qui à present cessoyent, attendu que nul ne le demandoit : ains l'Allemagne crioit & protestoit, qu'elle ne reconnoissoit point le Concile pour legitime : à quoi faire donc leur bailler Saufeconduit, sinon pour leur donner matiere de quelque sinistre interpretation ; Les Prelats Espagnols ne consentoyent aucunement à vn Saufeconduit general, pour le preiudice qui auroit esté fait à l'Inquisition d'Espagne : attendu que, moyennant icelui, chacun se pourroit declarer Protestant, & se mettre en ordre pour le voyage, sans pouuoir estre arresté par l'Inquisition. Ce que les Legats consideroyent aussi pouuoir aduenir à l'Inquisition de Rome, & d'Italie. Le tout consideré, il sembla que pour l'Indice, il suffisoit pour lors de nommer les Deputés, & par quelque parole du Decret faire entendre aux interelés, qu'ils seroyent ouïs : & cependant, de conuier tous au Concile. Et quant au saufconduit, attendu les difficultés, qui se presentoyent à la trauesie, qu'on remist à y mieux aduifer.

le Legat An-
toine arriue
à Trente.

Et l'Ambas-
sadeur
de l'Empe-
reur,

Pendant qu'on traitoit ces choses, le cinquieme Feurier, arriva à Trente le Cardinal Altems, neveu du Pape, cinquieme Legat : & tout ensemble la nouuele de l'Edit de France susmentionné, qui troubla grandement vn chacun, voyant que, pendant que le Concile estoit sur pied pour condamner les nouueautés, icelles mesmes estoient permises par les Princes, par Arrest public. Le iour ensuiuant fut receu en Congregation generale Antoine Migliti Archeuesque de Prague, Ambassadeur de l'Empereur, & fut lu le mandement de Sa Maiesté Imperiale, L'Archeuesque fit vne brue harenque, & reserua le demeurant au Sieur Sigismond Thunn, deuxieme Ambassadeur de Sa Maiesté lequel n'estoit encores arriué. Le Concile respondit, Qu'avec vn singulier contentement, & ioye, il voyoit les Ambassadeurs de l'Empereur, & qu'il admettoit le mandement Imperial. Le dit Ambassadeur essaya de preceder le Cardinal Madruce, Euesque de Trente, allegant les mesmes raisons & pretensions, qui auoyent esté employez par D. Diego de Mendozze au premier Concile de

de ce qui auoit esté fait, & non des faisois qui auoyent esté produites, il acquiesça, & s'agit au dessous.

1562.

Gallie de
Feringe.

Le neuuiesme du mesme mois, fut receu Ferdinand Martinez Mascarenno, Ambassadeur de Portugal, & fut lue la lettre de créance dudit Roy, ensemble son mandement. Après quoy, vn certain Docteur, qu'il auoit avec luy, fit vne harangue assez longue: en laquelle il exposa le fruit que l'Eglise recueille des Conciles, la nécessité de celui d'apresent, & des traictez qu'il auoit soustenus par le passé, lesquelles la prudence du Pape Pie auoit toutes surmontées en ce temps. Et dit, que l'autorité des Conciles estoit telle, que leurs Decrets estoient receus pour oracles diuins. Que le Roy, son Maistre, auoit esperance que ce Concile decideroit les differens de la Religion, & regleroit les mœurs des Prestres & gens d'Eglise, selon la pureté de l'Evangile. Et que pour ceste cause il luy promettoit toute obeyssance: de quoy faisoient foy les Euesques de ses Estats arrivés, & ceux qui bien tost arriueroyent encor. Il représenta la grand piété, religion, & hautes entrefrises des anciens & tresreligieux Rois de Portugal: & leurs grands traictz pour soumettre tant de prouinces d'Orient au S. Siege Apostolique, & que les Peres du Concile deuoient attendre l'imitation de cette heroïque piété du Roy moderne Sebastien. Il loüa en peu de paroles la noblesse du sang, & la vertu de l'Ambassadeur: & pour fin pria les Peres de l'escouter, pour & en faueur des Eglises de son Royaume, quand le besoyn le requerrait. Le Promoteur respondit en peu de paroles, Que le Concile auoit receu vn grand contentement de la lecture du mandement du Roy, & de la harangue prononcée, avec le récit de la piété & religion d'iceluy: ce qui toutesfois n'estoit point chose nouuele, ains notoire à tous, par l'eminent gloire, que luy & ses ancêtres auoient merité, pour auoir conserué en ces temps turbulents la Religion Catholique en son Royaume, & l'auoir mesme portée en lieux lointains: de quoy le Concile rendoit graces à Dieu, & receuoit le mandement du Roy, comme il deuoit.

En la Congregation du onzieme du mois, se presenta l'autre Ambassadeur de l'Empereur, lequel fut receu à peu de ceremonie, d'autant que le mandement auoit ja esté lu, dont il y eut de temps assez pour traicter des affaires Synodales. Et, apres qu'on eut dit quelques choses sur les mesmes matieres qu'en la precedente, liberté fut baillée aux Legats de faire choix de certains Preses pour former vne Congregation sur l'Indice des liures, & d'autres, pour dresser le Decret pour la Session prochaine. Par les Legats furent nommés pour trauailler à l'affaire des liures, des censures, & de l'In-
dice, George Drasceuit, Euesque des Cinq Eglises, Ambassadeur pour le Royaume de Hongrie, Iean Trentan, Patriarche de Venise, quatre Archeuesques, neuf Euesques, vn Abbé, & deux Generaux d'Ordre.

deuils des
Ambass. de
l'Empereur.

Le treizieme du mois, les Ambassadeurs de l'Empereur se presenterent aux Legats, ausquels ils firent vne proposition, contenant cinq demandes, laquelle ils laisserent aussi par ecrire, afin qu'ils en pussent deliberer. Ces demandes estoient, Qu'on cuist le nom de continuation de Concile: d'autant que de là les Protestans prenoient occasion de le recuser. Qu'on différast la Session prochaine, ou du moins qu'on s'arrestast à traicter choses legeres. Qu'on n'effarouchast ceux de la Confession d'Ausbourg, en ce commencement de Concile, par la condamnation de leurs liures. Qu'on baillast vn tres-ample Sauueconduit aux Protestans. Que ce qui estoit traité es Congregations fust tenu secret: d'autant que le tout estoit diuulgé & esmenté iusques parmy le vulgaire. Puis apres, ils offriront, au nom de l'Empereur, toute faueur & assistance au Concile: & adiousterent, qu'ils auoyent charge de Sa Maïesté, toutes fois & quantes qu'ils seroyent appellés par leurs
Kaiserlichissimes Seigneuries, d'aider de leur conseil les affaires du Concile, & employer mesmes l'autorité Imperiale pour les fauoriser.

Le sixiesme du mois, les Legats leur rendirent response, Qu'il estoit necessaire de donner contentement à tous: qu'à leur instance on ne nom-

respondre
par les Leg.

quatre cens mil escus par an, des reuenus Ecclesiasticks, pour dix ans consecutifs: & en outre de pouuoir vendre & alierer à trente mil escus de reuenus des vassellages des Eglises d'Espagne: ce qui sembloit vne diminution fort notable de l'Eglise en ce pays-là.

Louis de S. Gelais, Sieur de Lansac, arriva à Rome sur ces entrefaites, enuoyé par le Roy de France pour déclarer au Pape l'estat du Royaume. Iceluy dit d'entrée, Que le Roy voyant le grand loin du Pape au fait du Concile, auoit depute à iceluy Monsieur de Candale, & auoit ia fait partir vingt quatre Euesques pour y aller, desquels il luy bailla le roolle. Puis exposa tout ce qui s'estoit passé en France dès la mort de François deuxiesme, & la necessité qu'il y auoit de proceder moderément, tant à cause du défaut de forces suffisantes pour exercer la rigueur: que pour ce: que quand mesmes elles auroient esté telles, il eust salu mettre la main au sang des plus nobles, & principaux: ce qui auroit aliéné tout le Royaume, & empiqué grandement les affaires. Que le Roy n'auoit esperance ailleurs qu'au Concile, en cas que toutes les nations, & sur tout les Allemans, y entreussent. Que les Protestans François ne se pourroient separer des Allemans. Et pourtant qu'il supplioit Sa Sainteté, que si pour les contenter, il n'estoit question d'autre chose, que du lieu, des asseurances, & de la forme de proceder, il luy pleust de condescendre à leur desir, pour le grand bien, qu'en suiueroit. Le Pape respondit, premierement quant au Concile, Que dès le commencement de son Pontificat, il s'estoit resolu de le conuoker: que les difficultés auoyent esté entreiectées par l'Empereur, & le Roy d'Espagne: que n'eantmoins à present l'un & l'autre y auoit les Ambassadeurs, & Prelats: qu'il n'y manquoit plus que les François, lesquels, plus que tous les autres, auoyent besoin du Concile. Qu'il n'auoit obmis chose aucune pour conuier les Allemans Protestans, voire mesmes avec quelque indignité du S. Siege: & qu'il estoit deliberé de continuer encores: & que pour les seuretés, elles ne leur manqueroient nullement, telles & si grandes qu'ils feroient iamais demander. Mais, qu'il ne luy sembloit point honneste de soumettre le Concile à la discretion des Protestans: que s'ils refusoient d'y venir, il ne faloit pas pourtant laisser de passer outre, sur tout les affaires estant desia fort acheminées, & auancées. Et quant aux choses faites en France, qu'il ne les pouoit trouuer bonnes en aucune façon: & qu'il prioit Dieu de pardonner à ceux qui estoient cause de tant d'inconueniens.

Le Pape auroit bien passé ces termes, s'il eust sen ce qui se faisoit en France, au mesme temps que Lansac luy representoit les choses ia faites. Car le quatorziesme Feurier, la Roine mere fit venir à S. Germain les Euesques de Valence, & de Seez, & les Theologiens Boutillier, Despense, & Piche-~~rel~~, & leur bailla charge de consulter ensemble ce qu'on pourroit faire pour esbaucher & acheminer les affaires à quelque appointement & concorde. Iceux proposerent ces Articles suiuaus: Qu'il fut en tout & par tout interdit & defendu de faire aucune effigie, ou figure de la sainte Trinité, ne d'aucune personne non nommée és Martyrologes approuués par l'Eglise. Qu'on n'eust à mettre aucunes couronnes, ne vestemens, aux images ny à leur faire vœux ny oblations: & qu'elles ne dussent estre portées en procession, sauf le signe de la Sainte Croix. Il sembloit que les Protestans se contentassent de cela, pour le fait des Images, quoy qu'ils fissent quelque resistance sur le signe de la Croix: disant, Que Constantin auoit esté le premier, qui l'auoit proposé à adorer, contre l'usage de l'Eglise ancienne. Mais Nicolas Maillard, Doyen de la Sorbonne, & autres Theologiens, s'opposerent à ces Articles: maintenant l'adoration des images, quoy qu'il aduoüst bien qu'il y auoit plusieurs abus. Ce mesme mois le Roy de Nauarre escriuit à l'Electeur Palatin, au Duc de Wirtemberg, & au Landgraue Philippe de Hesse, leur donnant aduis, que, combien qu'on n'eust pu s'accorder au Colloque de Poissy, ny mesmes en ce dernier de S. Germain sur le fait des Images;

*La sac Am-
bassad. de
France ex-
pose les a-
ctes du Roy,
et presse le
Concile.*

*à qui le Pa-
pe respond
mettant la
sainte sur les
Francois
en sent.*

*lesque's ste.
nem meau-
re conser-
ce sur le
fait des
images.*

1562

ne laisseroit pas pourtant de s'employer tousiours à la Reformation de la Religion, mais en l'introduisant peu à peu, pour ne troubler le repos de l'Estat.

En ce mesme temps, le Duc de Guise, & le Cardinal de Lorraine, allèrent à Saucerre, petite ville de l'Euesque de Strasbourg: là où se trouua Chr. Mosse, Duc de Wirtemberg, avec ses Ministres de la Confession d'Augsbourg. Ils furent trois iours ensemble, & exposerent au Duc la faueur qu'il auoit eue faite à la Confession d'Augsbourg, au Colloque de Poissi, & la assistance qu'auoyent fait ceux de la Religio reformee en France de l'accepter: & requierent que l'Allemagne s'vnist à eux, à empescher la doctrine de Zuingle, non pour s'opposer à la Reformation de la Religion, laquelle ils desiroient; mais seulement pour garder qu'un poison pestilenciel ne s'enracinast non seulement en France, mais mesmes aussi en Allemagne. Cette pratique fut faite par eux, afin que si on venoit aux armes, come on estoit menacé, ils passent en tirer secours; ou, du moins, faire qu'il fust refusé au party contraire. Cet abouchement cependant engendra de tres-grands soupçons, à Rome, à Trente, & mesmes en France. Le Cardinal, & ses adherans, se iustifioient, qu'ee qu'ils en auoyent fait, estoit pour le bien de Chrestienté, afin de tirer des Protestans mesmes d'Allemagne secours & faueur contre les Huguenots de France. Il fut de vray quelque bruit que le Cardinal desiroit tout à bon quelque vnion en la Religion avec l'Allemagne: & qu'autant qu'il abhorroit la confession de Geneue & de Suisse, il enclinoit à celle d'Augsbourg, & desiroit de la voir plantée en France. Bien est-il certain qu'apres le Concile de Trente finy, il disoit, qu'autres fois il auoit senty avec icelle Confession: mais, qu'apres la determination du Concile, il y auoit acquiescé, selon le deuoir de tout bon Chrestien. Quant aux presches, qui se faisoient publiquement en France, nonobstant qu'il s'eussent diuerses seditions, & tumultes, qui empeschoient l'aceroissement des Reformés, il se trouua qu'en ce temps ils auoyent deux mil cent cinquante Assemblées, lesquels ils nommoient Eglises.

Le vintiesme de Fevrier venu, les Peres s'assemblerent en l'Eglise, & furent tenuë la Session. En laquelle Antoine Helis, Patriarche de Ierusalem, chanta la Messe: & Antoine Cauque, Archeueque de Corfou, fit le Sermon. Apres la Messe il naquit une difficulté: c'est que, selon le stile & coutume, les mandemens des Princes, qui auoyent deia esté lus en Congregation, deuoient aussi estre lus en la Session: dont il y eut del'estrif entre les Ambassadeurs de Hongrie, & de Portugal, chacun d'eux pretendant que le sien fust lu le premier, comme de plus eminent. Lapresence de ces personnes ne pouoit causer difficulté, attendu que celui de Portugal, comme seculier, au costé droit du Temple: & celui de Hongrie, comme Ecclesiastic, au gauche. Les Legats, ayant consulté l'affaire, prononcerent que les mandemens seroyent lus selon l'ordre qu'ils auoyent esté presentés, & non selon la dignité des Princes. Il fut aussi lu vn Bref du Pape, qui remettoit la matiere de l'Indice au Concile. Ce Bref auoit esté concerté à Rome: d'autant que Paul quatrieme ayant desia, comme il a esté dit, establi vn Indice, il auroit pu sembler que le Concile entrepriist quelque superiorité sur le Pape, s'il eult mis la main à icelui. Et pourtant il fut iugé necessaire, que le Pape en donnast spontanément le preuoir, pour preuenir ce preiugé. Le Patriarche celebrant lut le Docteur, qui portoit en substance, que le Concile, pensant à reestabli la Doctrine Catholique en la pureté, & reformer les moeurs en mieux: & voyant que le nombre des liures pernicieux & suspects estoit grandement accru, sans que le remede de plusieurs censures, faites en diuerses prouinces, & à Rome mesmes, y eust de rien serui, auoir deliberé & arresté que quelques Prelats y aduisassent, & en son temps rapportassent au Concile ce qui seroit de besoin de faire de plus, afin de separer & d'extirper l'vraye d'entre la bonne doctrine, & oster les scrupules des pensees, & rebrancher les canes de plaintes à plusieurs. Ordonnant que cela fut publié.

Le vintiesme de Fevrier venu, les Peres s'assemblerent en l'Eglise, & furent tenuë la Session. En laquelle Antoine Helis, Patriarche de Ierusalem, chanta la Messe: & Antoine Cauque, Archeueque de Corfou, fit le Sermon. Apres la Messe il naquit une difficulté: c'est que, selon le stile & coutume, les mandemens des Princes, qui auoyent deia esté lus en Congregation, deuoient aussi estre lus en la Session: dont il y eut del'estrif entre les Ambassadeurs de Hongrie, & de Portugal, chacun d'eux pretendant que le sien fust lu le premier, comme de plus eminent. Lapresence de ces personnes ne pouoit causer difficulté, attendu que celui de Portugal, comme seculier, au costé droit du Temple: & celui de Hongrie, comme Ecclesiastic, au gauche. Les Legats, ayant consulté l'affaire, prononcerent que les mandemens seroyent lus selon l'ordre qu'ils auoyent esté presentés, & non selon la dignité des Princes. Il fut aussi lu vn Bref du Pape, qui remettoit la matiere de l'Indice au Concile. Ce Bref auoit esté concerté à Rome: d'autant que Paul quatrieme ayant desia, comme il a esté dit, establi vn Indice, il auroit pu sembler que le Concile entrepriist quelque superiorité sur le Pape, s'il eult mis la main à icelui. Et pourtant il fut iugé necessaire, que le Pape en donnast spontanément le preuoir, pour preuenir ce preiugé. Le Patriarche celebrant lut le Docteur, qui portoit en substance, que le Concile, pensant à reestabli la Doctrine Catholique en la pureté, & reformer les moeurs en mieux: & voyant que le nombre des liures pernicieux & suspects estoit grandement accru, sans que le remede de plusieurs censures, faites en diuerses prouinces, & à Rome mesmes, y eust de rien serui, auoir deliberé & arresté que quelques Prelats y aduisassent, & en son temps rapportassent au Concile ce qui seroit de besoin de faire de plus, afin de separer & d'extirper l'vraye d'entre la bonne doctrine, & oster les scrupules des pensees, & rebrancher les canes de plaintes à plusieurs. Ordonnant que cela fut publié.

Le vintiesme de Fevrier venu, les Peres s'assemblerent en l'Eglise, & furent tenuë la Session. En laquelle Antoine Helis, Patriarche de Ierusalem, chanta la Messe: & Antoine Cauque, Archeueque de Corfou, fit le Sermon. Apres la Messe il naquit une difficulté: c'est que, selon le stile & coutume, les mandemens des Princes, qui auoyent deia esté lus en Congregation, deuoient aussi estre lus en la Session: dont il y eut del'estrif entre les Ambassadeurs de Hongrie, & de Portugal, chacun d'eux pretendant que le sien fust lu le premier, comme de plus eminent. Lapresence de ces personnes ne pouoit causer difficulté, attendu que celui de Portugal, comme seculier, au costé droit du Temple: & celui de Hongrie, comme Ecclesiastic, au gauche. Les Legats, ayant consulté l'affaire, prononcerent que les mandemens seroyent lus selon l'ordre qu'ils auoyent esté presentés, & non selon la dignité des Princes. Il fut aussi lu vn Bref du Pape, qui remettoit la matiere de l'Indice au Concile. Ce Bref auoit esté concerté à Rome: d'autant que Paul quatrieme ayant desia, comme il a esté dit, establi vn Indice, il auroit pu sembler que le Concile entrepriist quelque superiorité sur le Pape, s'il eult mis la main à icelui. Et pourtant il fut iugé necessaire, que le Pape en donnast spontanément le preuoir, pour preuenir ce preiugé. Le Patriarche celebrant lut le Docteur, qui portoit en substance, que le Concile, pensant à reestabli la Doctrine Catholique en la pureté, & reformer les moeurs en mieux: & voyant que le nombre des liures pernicieux & suspects estoit grandement accru, sans que le remede de plusieurs censures, faites en diuerses prouinces, & à Rome mesmes, y eust de rien serui, auoir deliberé & arresté que quelques Prelats y aduisassent, & en son temps rapportassent au Concile ce qui seroit de besoin de faire de plus, afin de separer & d'extirper l'vraye d'entre la bonne doctrine, & oster les scrupules des pensees, & rebrancher les canes de plaintes à plusieurs. Ordonnant que cela fut publié.

& notifié à tous par le present Decret: afin que, si aucun pensoit d'auoir incertitude, soit au fait des liures & censures, soit en aucune autre chose, qui se traiteroit au Concile, il fut assuré qu'il seroit benigne ment ouï. Et d'autant que le Concile desiroit de cœur la paix de l'Eglise, & que tous recongneussent la mere commune, il conuioit tous ceux qui ne communiquoyent point avec elle, à reconciliation & con corde, & à venir au Concile, duquel ils seroyent embrassés en toute charité. Et en outre decretoit qu'en la Congregation generale püst estre octroyé sau fconduit de mesme vigueur & force, que s'il estoit baillé en publicque Session. Apres la lecture du Decret, qui portoit pour titre, Le saint Oecumenique & general Concile, legitime ment assemblée au S. Esprit: l'Archeuesque de Grenade requit, qu'on y adioustast, *Représentant l'Eglise vniuerselle*, selon qu'il auoit esté pratique és Conciles prochainement passés. Apres luy, requit le mesmes Antoine Parrages, Archeuesque de Cagliari, en Sardaigne, & ceux-cy furent suivis de presque tous les Prelats Espagnols: lesquels firent instance que leur demande fust enregistree és Actes du Concile. A quoy ils n'eurent ne contradiction, ne response. Mais, pour fin la suivante Session fut assignee au quatorzieme de Mars.

*influence des
Espagnols
sur le titre
d'iceluy,*

Ce Decret fut imprimé, tant à cause de la coustume, que pource qu'il estoit fait: afin qu'il vinst à la notice de tous: & fut aussi censure generale ment par toutes sortes de personnes. On demandoit, comment c'est, que le Concile appelloit les intercessés és choses, qui se deuoient traiter en iceluy, puis qu'elles estoient ignorees: & que par le passé toutes choses auoyent esté traitées hors l'attente de tous. Et qui pouuoit deuiner ce que les Legats proposeroient, veit qu'eux mesmes ne le sauoyent pas, & attendoient leurs commissions de Rome? Et semblablement les intercessés en la defense de quelque liure, comment pouoyent-ils sauoir qu'on traitast quelque chose contre iceluy? Il falloit doncques, par ceté generalité de citation, & incertitude de cause, que tous allassent à Trente, n'y ayant aucun qui, de bon ou de volce, n'eust, ou ne püst auoir quelque interest en quelque affaire particuliere, dont il estoit fort bien possible qu'on traitast. Generale ment tous cōsueoyent, que c'estoit appeler en apparence, & ex clure en effet. Toutes fois encor, parmi ces choses blas mables, on trouuoit à louer la franche confession du Concile, aduouant que les prohibitions passées auoyent engendré des scrupules és esprits, & baillé matière de plaintes. En Allemagne ont pris aussi à matière de soupçon ceté clause, en laquelle le Concile donnoit à soy mesmes, en Congregation generale, autorité de bailler sau fconduit: & ne pouuoit-on cōprendre la difference qu'il y auoit entre ces deux Assemblies, compo sées de mesmes personnes: sauf, qu'és Sessions elles estoient avec leurs mitres, & és Congregations avec des simples bonnets. Et pourquoy, si le fait du sau fconduit ne se pouuoit expedier alors, ne tenir vne Session expressement pour cela: En somme, ils presu moyent, qu'il y eust là dessous: quelque grand mystere caché: quoy que de vray les plus sensés iugeoyent pour tout certain, que le Concile estoit bien assuré, que nul Protestant, pour sau fconduit qu'on baillast, n'iroit à Trente, sinon par force: comme il estoit aduenü en l'année mil cinq cens cinquante deux, par l'absolu vouloir de l'Empereur Charles. Chose, qui pour lors estoit hors de saison.

*ingement
diuers sur
le mesme:*

*response du
Pape aux
demandes
des Legats:*

Le Pape respondit aux aduis donnés par les Legats, Que les heretiques ne fussent point conuies à repentance, avec assurance de pardon. Que cela auoit ia vne fois esté fait par Iules, & vn autre par Paul quatrieme, & n'en estoit sorty aucun bon fruit. Que des heretiques, qui estoient en lieu de liberte, nul n'accepteroit ce pardon: & ceux, qui estoient és lieux où regnoit l'Inquisition, de peur d'estre des couuerts, l'accepteroient seintement, pour s'asseurer du passé, avec intention de faire pis, mais plus cauteleusement à l'auenir: Quant au sau fconduit, il trouuoit bon, qu'on le baillast à tous ceux, qui n'estoyent sous l'Inquisition: mais toutes fois que ceté exception ne fust point exprimée: attendu que, quand le Pape Iules donna son pardon, sau fconduit à l'Inquisition d'Espagne, & de Portugal, il y auoit eu beau-

1562. beaucoup à dire: & la chose s'estoit passée avec peu de réputation, comme si le Pape n'auoit pas le mesme pouuoir sur ces Inquisitions là que sur les autres: mais, quant à la manière de l'exprimer, il la remettoit au bon plaisir du Concile. Quant à la forme du Sausconduit, il approuuoit celle, qu'auoit fait le Concile en l'année mil cinq cens cinquante deux à l'Allemagne, d'autant qu'icelle auoit ia esté veüe, & sous cette seurété tant de Protestans estoient cete année-là allés à Trente. Pour le fait de l'Indice des liures, il ordōna que les Deputés passassent outre, traueillât tousiours, iusqu'à ce qu'ils se presentast occasion d'en faire Decret public, sans oppositiō d'aucun Prince.

*sur laquelle
vn tiens Co-
gregation,
pour les sen-
ter, & sans
conduits.*

Après que cete respōse fut venue de Rome, le deuxieme Mars, & le iour ensuiuant, fut tenue Congregation, pour resoudre, si on deuoit publier le pardon general, & donner le Sausconduit, & fut aussi disputé de la forme de l'vn & de l'autre: & au bout de quatre iours, apres plusieurs disputes la conclusion furprise, les Legats ayans fait tomber la deliberation au point des intentions du Pape, sans toutesfois y engager son autorité. On omit tout à fait la lemonce à repentance, pour les raisons allegues à Rome. On debatit loquement, si on deuoit bailler sausconduit, nommement aux François, aux Anglois, & aux Escossois: & y eut mesmes quelques vns qui proposerent les Grecs, & autres nations Orientales. Mais il fut bien tost reconu, que ces pauures gens, gemissans sous leur dure seruitude, ne pouuoient, sans danger, & sans estre secourus d'argent, & d'autres moyens, penser à aucun Concile. Et mesmes il y en auoit qui disoient, Que la diuision des Protestans estant nee, il estoit bon de laisser dormir cete autre-là, sans la nommer: allegant le danger qu'il y auoit d'esueiler en vn corps malhabitué les malignes humeurs qui sont assopies. Que de bailler vn Sausconduit aux Anglois, veu que ny eux, ny autres pour eux, ne le demandoient, estoit chose indigne. On le trouuoit bien bon à l'esgard des Escossois, d'autant que leur Roine le demandoit, mais il fallloit tout premier faire venir la demande. Pour l'esgard de la France, on mettoit en doute si le Conseil du Roy le prendroit en bonne part, ou non: d'autant qu'il sembloit que ce fust vne declaration que le Roy auoit des rebelles. Pour l'Allemagne, la chose sembloit bien estre hors de doute, veu qu'il leur auoit esté accordé autresfois: mais aussi, si on le bailloit à cete seule nation, il sembloit qu'on tinst toutes les autres pour abandonnées. Vne grande partie estoit d'auis qu'on le donnast à toutes les nations: mais les Espagnols s'y opposoient, & estoient portés par les Legats, & par autres, bien informés de la volonté du Pape, à la grande indignation des autres, auxquels il sembloit qu'on inferait de là, que le Concile n'estoit pas superieur à l'Inquisition d'Espagne. En fin, toutes les difficultés furent desmeslees, & fut le Decret formé, contenant trois parties. En la premiere estoit baillé Sausconduit à la nation Allemande, de la mesme teneur, mot pour mot, qu'il auoit est baillé l'an mil cinq cens cinquante deux. En la seconde, estoit porté, que le Concile bailloit sausconduit, en la mesme forme, & termes, qu'il auoit esté baillé aux Allemans, à chacun de ceux, qui n'auoient communion de foy avec luy, de quelque nation, prouince, ville, & lieu qu'ils fussent, là où on enseignast, preschast & crust contre le sentiment de l'Eglise Romaine. En la troisieme estoit dit & déclaré, que, quoy qu'il pust sembler que toutes nations ne fussent comprises en cete extension, ce qui s'estoit fait pour bons esgards, toutesfois n'en deuoient estre exclus ceux qui, de nation quelconque, voudroient s'amender, & retourner au giron de l'Eglise. Ce que le Concile desiroit est notifié à tous. Mais d'autant qu'il y escheoit plus ample deliberation en quelle forme leur deuroit estre baillé le sausconduit, il auoit semblé bon au Concile de differer cela à vn autre temps, pour y aduiser plus meurement: iugeant que pour l'heure pouuoit suffire, qu'il fust pourueu à la seurété de ceux, qui publiquement auoient abandonné la doctrine de l'Eglise. Ce Decret fut tout promptement imprimé, comme il estoit conuenable en chose, faite pour estre portée à la connoissance de tous. Mais le Concile ne garda point sa promesse de traiter, ou de penser à quelque forme de Sausconduit pour ceux du troisieme rang,

ains en

*En fin le
Decret en
est formé.*

ains en l'impression de tout le corps du Concile cete troisieme partie fut tout à fait omise, laissant à speculer au monde, à quoy faire promettre de pourvoir aussi à ceux-là, & le leur notifier par declaration imprimee, & desirer qu'il vinst à la conoissance de tous : & cependant puis apres n'en rien faire, voire mesme procurer de cacher ce dessein, lequel alors ils affectoient de manifester à tous.

Les Ambassadeurs de l'Empereur sollicitèrent les Legats à traiter de la Reformation, & à escrire aux Protestans pour les exhorter de venir au Concile, comme il auoit esté fait au temps deceluy de Basle enuers les Bohemiens. Les Legats respondirent, Qu'il y auoit ia quarante ans, que tous les Princes & peuples continuellement auoient demandé Reformation : & cependant iamais nes'estoit traité d'aucun chef d'icelle, qu'eux mesmes n'y eussent extreictté des trauerses, & mis des empeschemens, qui auoient contrainct d'abandonner la besogne. Qu'à present on trauailleroit à la reformation, pour ce qui concernoit le general des nations Chrestiennes : mais, que, pour la reformation du Clergé d'Allemagne, lequel, plus que tous autres en auoit besoin, & laquelle estoit aussi principalement attendu de l'Empereur, ils ne voyoient point comment la pouuoient entreprendre, veu que les Prelats Allemands n'estoient point venus au Concile. Et que, quant à escrire aux Protestans, puis qu'ils auoient respondu aux Nonces du Pape avec vne si exorbitante irreuerence, on ne pouuoit attendre, sinon qu'ils respondissent encor plus impertinemment aux lettres du Concile.

L'onzieme Mars, les Legats proposerent en Congregation generale douze Articles, pour estre medités, & examinés es suiuanes Congregations.

Le premier, Quel reiglement on pourroit faire, à ce que les Euesques & autres Curés residassent en leurs Eglises, & ne s'en absëntassent point, sauf que pour causes iustes, honnestes, necessaires, & vtils à l'Eglise Catholique.

Le deuxieme, S'il estoit expedient, que nul ne fust ordonné, sinon à certain titre de quelque benefice : attendu qu'on descouuroit plusieurs abus, & fraudes, qui naissoient d'ordonner à titre de patrimoine.

Le troisieme, que pour la promotion, ou consecration aux ordres, ne fust receuë chose quelconque, ne par les promoteurs, ne par leurs ministres, ne par les Notaires.

Le quatrieme, Si on deuoit permettre aux Prelats, qu'es Eglises, ou il n'y auoit point de distributions cotidiennes, ou bien, où elles estoient si petites qu'elles estoient de nulle estime, ils pussent conuertir en distributions quelcune des prebendes.

Le cinquieme, si les paroisses grandes, qui ont besoin de plusieurs Prestres, deuoient aussi auoir plusieurs titres.

Le sixieme, si les petits Benefices, ayans cure d'ames, qui ne sont point suffisamment rentés pour l'entretien du Prestre, pouuoient estre reformés, de plusieurs Benefices n'en faisant qu'un seul.

Le septieme, Quel reglement il falloit faire touchant les Curés ignorans, ou vicieux : s'il estoit expedient de leur bailler coadiuteurs, ou vicaires idoines & suffisans, avec assignation d'une partie des reuenus du Benefice.

Le huitieme, Si on deuoit permettre aux Ordinaires de transferer aux Eglises matricelles les chappelles ruinées, lesquelles par pourteté ils ne pouuoient restablir.

Le neuuieme, S'il falloit permettre aux Ordinaires de visiter les Benefices passées en commendé, quoy que Reguliers.

Le dixieme, s'il falloit casser les mariages clandestins, qui à l'auenir seroient contractés.

L'onzieme, Qu'elles conditions il falloit poser, à ce que les mariages ne fussent clandestins, ains contractés en face d'Eglise.

Le douzieme, Quel reglement il falloit faire sur les grands abus, causés par les Questeurs.

1562.

Outre ces Articles, il en fut encor baillé vn autre aux Theologiens à estudier, pour l'examiner en vne Congregation expresse: qui estoit, Si, selon que le Pape Euariste, & le Concile de Latran, auoient declaré que les mariages faits en cachete ne deuoient estre reputés valables en la Cour contentieule, ny quant à l'Eglise, le Concile, en conformité, pouuoit declarer qu'absolument ils sont nuls: de sorte que l'occultation & le secret fussent mis entre les autres empeschemens qui annullent le mariage. Sur ces entrefaites il se decouurit en Allemagne que les Protestans traitoyent vne Ligue, & qu'on faisoit leuée de soldats, & prouision de guerre: d'où l'Empereur escriuit à Trente, & aussi au Pape, que le Concile fust sursis, iusques à ce qu'on vist plus clairement à quoy aboutiroit ce mouuement. Ce qui fut la cause, outre les bonnes festes de Pasques, que tout le demeurât du mois fut passé en ceremonies.

Reception
de l'ambas-
sadeur
l'Espagne

Le seizieme Mars fut receu en Congregation generale François Ferdinand d'Aualos Marquis de Pescaire, Ambassadeur du Roy Catholique, & apres que son mandement eut esté lû, fut faite vne harangue en son nom, dont la substance estoit, que le Concile estant l'vnique remede des maux de l'Eglise, a tres-bonne raison le Pape Pie quatrieme l'auoit iugé necessaire, en ces tēps. Que Philippe, Roy d'Espagne, s'y seroit volontiers trouué en personne, pour donner exemple aux autres Princes, s'il eust pû: mais à son defaut, il y auoit député & enuoyé le Marquis, pour leur assister, & pour fauoriser le Concile en tout ce qui seroit du pouuoir du Roy: sachant bien, que quoy que l'Eglise soit protégée de Dieu, elle a neantmoins quelques fois besoin de quelque secours humain. Que l'Ambassadeur n'estimoit pas necessaire d'entrer en grandes exhortations enuers le Concile, reconnoissant bien l'incroyable, & presque diuine sapience d'iceluy. Qu'il voyoit desia de beaux fondemens iettés, & que les choses, traitées à present, estoient maniees avec dextérité qui adoucissoit, & n'enagrissoit rien: dont esperant que les actions à l'auenir correspondoient à cela mesmes, ils ne pouuoit faire autre chose, que leur offrir & promettre tout bon deuoir, & office, & la grace du Roy. Le Promoteur respondit au nom du Concile, que la venue de l'Ambassadeur d'un si grand Roy, adioustoit beaucoup de courage, & d'esperance au Concile, que les remedes aux maux de Chrestienté seroient salutaires, & que pourtant il embrassoit Sa Maiesté de toute son affection, & luy rendoit graces, & s'offroit à correspondre à ses merites, & à faire & pourchasser tout ce qui seroit à son honneur: & receuoir, selon qu'il deuoit, le mandement. En la Congregation du dixhuitieme Mars fut receu l'Ambassadeur de Cosme, Duc de Florence, & de Siene: le quel, apres la lecture de son mandement, fit vne harangue, en laquelle il se dilata bien fort à monstrier la conionction du Duc, son Maistre, avec le Pape: & exhorta les Peres à repurger l'Eglise, & a desployer & mettre en euidence la lumiere de verité enseignée par les Apostres. Leur offrant tout secours & assistance du Duc son maistre, comme luy mesme l'auoit offert au Pape pour la conseruation de la Maiesté du Siege Romain. Le Promoteur respondit au nom du Concile, avec action de graces, faisant honorable mention de Leon dixieme, & de Clement septieme, Papes, de la mesme maison des Medecis: adioustant, que le Concile n'estoit assemblé à autre fin, & ne trauiilloit à autre chose, sinon à oster toutes dissensions, en dechassant les tenebres de l'ignorance, & en manifestant la verité.

de ceux
des Suisses

En la Congregation du vingtieme Mars, furent receus Melchior Lusi, Ambassadeur des Suisses Catholiques: & Ioachin Preuost, Abbé, depute par les Abbés, & autres Ecclesiastiques d'icelle nation. Au nom desquels fut faite vne harangue de telle substance, que les Aduocers, & Bourg-Maistres des sept Cantons catholiques, auoient par deuoir filial enuers l'Eglise, voulu enuoyer Ambassadeurs, pour assister au Concile, & promettre obeysance, & faire notoire à tous, qu'ils ne cedoient à aucun au desir d'aider au siege de Rome, comme ils auoient fait par le passé au temps de Iules deuxieme, & de Leon dixieme: & aussi lors qu'ils combattirent avec les Cantons voisins, pour la defense de la Religion, là où ils tuerent cét execrable ennemy de

l'Eglise d'Angle, duquel aussi il rechercherent le corps entre les morts, & le brûlerent, pour tesmoigner de vouloir auoir guerre irreconciliable avec les autres Cantons, tant & si longuement qu'ils seroient hors de l'Eglise: attendu qu'ils sont situés es frontieres de l'Italie; comme vn rempar, pour empêcher que le mal du Septentrion ne pénétre au dedans des entrailles d'icelle. Le Concile respondit par la bouche du Promoteur, que de vray les œuvres loüables de la nation Heluetique, & sa pieté enuers le Siege Apostolic, estoient grandes & notables: mais qu'ils n'auoient iamais rendu obeissance, ne fait deuoir plus à propos, que l'enuoy de la présente Ambassade, & leurs offres au Concile: lequel aussi se resioüissoit de la venue des Ambassadeurs: ayant, outre la protection de l'Empereur, des Rois; & des Princes, grande esperance en cete tresloüable nation.

En la Congregation du sixieme Aueil furent receus. André Dudice, Euefque de Tinie: & Jean Colosuarin Euefque de Candie, Ambassadeurs pour les Prelats & le Clergé de Hongrie. Le premier fit la harengue, & dit, que l'Archuefque de Strigonie, les Euefques & le Clergé de Hongrie, auoient receut trois grandes ioyes: de l'assomption de Pie quatrieme au Papat: de la conuocation du Concile à Trente: & de la deputation des Legats Apostoliques à iceluy. Il exposa l'obeyssance & submission des Prelats de Hongrie enuers l'Eglise Catholique de quoy il appella à tesmoin le Cardinal Legat de Vvarmie, qui les conoissoit, & auoit conuersé avec eux. Il representa aussi la deuotion de la nation Hongroise, & le seruice qu'elle rendoit à la Chrestienté, en soudenant la guerre contre les Turcs: & la particuliere diligence des Euefques à s'opposer aux machinations des heretiques. Il recita aussi le désir commun qu'ils auoient tous de se trouuer en personne à ce Concile, si la necessité de leur presence au royaume ne les en eust retenus: estans arresté à garder leurs places de frontieres contre les Turcs, & à veiller contre les heretiques. Dont estans contrains de faire ce bon deuoir par le moyen d'eux, leurs deputés & Ambassadeurs, ils se recommandoient à la protection du Concile; s'offrans de receuoir & garder ce qui y seroit decreté. Le Secretaire respondit au non du Concile, que le Concile ne doutoit nullement de la ioye, qu'il auoit conceu l'Eglise de Hongrie pour la tenuë du Concile general. Qu'il ne restoit qu'à prier Dieu pour l'heureuse issue d'iceluy. Qu'il auroit bien désiré d'y voir les Prelats en personne: mais attendu, les empeschemens iustes & valables, par eux allegués, & veriifiés par le tesmoignage du Cardinal de Vvarmie, il receuoit leurs excuses: esperant que la religion Chrestienne receuroit de l'utilité de leur presence & demeure en leurs propres Eglises. De tant plus qu'ils auoient commis, & commandé leurs affaires à eux Ambassadeurs, Peres de singuliere prudence & pieté. Et pourtant qu'il receuoit & embrassoit & leurs personnes, & les mandemens par eux presentés.

Es Congregations, qui sans intermission furent tenus des le septieme iusqu'au dixhuitieme du mois d'Aueil, les Peres discoururent sur les quatre premiers Articles, & sur tout fort prolixement sur le premier de la Residence. Des Euefques qui entreuinrent à la premiere conuocation du Concile à Trente, lors qu'on traita vne autre fois de cete mesme matiere, avec quelque diuersité, voire mesmes controtetse, il ne s'en trouua que cinq en celle-cy: & trois fois, de la premiere proposition de ceste matiere, les Euefques se diuiserent tout sur le chap'en parits, cōme si l'estrif en eust esté ancien entr'eux: ce qui n'aduint en aucune autre question, ny lors, ny sous Iules, ny sous Paul. Ce qui par aucuns, est attribué à cete cause: que les autres traités estoient pour la plus-part Theologies, dont ils estoient peu cōpris, & n'estoient manières que speculatiuement par les entendus, sans qu'il y eust eüinist passion, que de haine contre les Protestans, lesquels causoient travail & fascherie, par la proposition de semblables matieres. Mais cetui-cy touchoit les propres personnes des Prelats: & entre ceux, qui rendoient leur suffrage, les Courtisans de Rome se laissoient commander par l'ambition, ou par l'obligation

*de ceux du
clergé de
Hongrie.*

*on vient à
traiter des
Articles,
Espremierement de
la Residence,
matiere
fort passionnée.*

1562.

à suivre les opinions qui accommodoient leurs seigneurs, & patrons: les autres estoient mus d'enuie: & voyans de n'auoir moyen de se hausser au pair du degré où les autres arriuoient, ou aspiroient, taschoient de les tirer en bas, au rez de leur estat, pour faire que tous fussent egaux. Chacun y traualloit selon sa passion, & tous faisoient grand estat de leurs aduis rendus es Congregations, & de ceux des autres qui auoient quelque notable condition, ou consideration. D'un si grand nombre d'aduis il m'en est tombé entre les mains trente quatre formels, ainsi qu'ils furent prononcés: des autres ie n'ay pû sçauoir que la conclusion. Mais il n'est ia besoin de rapporter icy, si non ce qui est de remarquable.

*Et agitée
par grande
dissensie
d'auis.*

Le patriarche de Ierusalem remonstra, que cét Article auoit esté traitté & ventilé en la premiere conuocation du Concile: & auoit esté conclu, qu'il y auoit deux moyens & prouisions pour establir la Residence: la premiere, d'ordonner peines contre les non residens: l'autre, d'oster les empeschemens de la residence. Que pour le premier, il en auoit esté suffisamment & pleinement ordonné en la sixieme Session: attendu que la priuation dela moitié des reuenus estoit peine tres-grieue, pour vne ainende pecuniaire: & ne se pouuoit quasi imposer plus grande, sinon qu'on voulust reduire les Euesques à mendicité. Et que, encas que l'excessiue rebellion le meritaist, on ne pouuoit inuenter peine plus grande que la priuation: laquelle de necessité requerrait vn executeur, & iceluy ne pouuant estre autre que le Pape, selonc que, par l'ancienne coustume de l'Eglise; la connoissance des causes des Euesques est referuée à ce Siege, cette mesme Session auoit ia remis à Sa Saincteté d'y trouuer remede, soit par le moyen d'une nouuelle prouision, soit par autre: & obligé le Metropolitan à luy donner aduis de l'absence. Quant à la seconde prouision, on y auoit ia donné commencement alors, ayant, & en cete mesme Session-là, & en autres, osté plusieurs exemptions d'empeschement aux Euesques à exercer leur charge. Qu'il ne restoit doncques pour l'heure presente autre chose à faire que de continuer, & d'oster le demeurant de ses empeschemens: choisissant, comme il fut fait alors, vn certain nombre de Peres, qui en fissent vn recueil, afin qu'en Congregation ils pussent estre proposés, & qu'il y fust pourueu.

L'Archeuesque de Grenade adiousta, qu'en cete mesme premiere conuocation du Concile auoit esté proposé vn autre remede bien plus puissant & efficaceux: assauoir, de declarer, que l'obligation de resider est de droit diuin. Ce qui fut traité & examine par dix mois consecutifs. Et si ce Concile là n'eust esté interrompu, il auroit esté décidé en cete sorte, comme Article necessaire, voire principal de la doctrine de l'Eglise: & qu'alors il auoit esté suffisamment ventilé: & mesmes les raisons, employées par diuers, auoient esté publiées & imprimées: si que la matiere estoit toute preste & digerée, & ne restoit autre chose à faire, qu'à y mettre la dernière main. Et quand il auroit esté déterminé que la Residence est de droit diuin, lors cesseroient d'eux mesmes tous empeschemens: & les Euesques ayans reconnu leur deuoir, penseroient à leur conscience, & ne se reputeroient point eux mesmes mercenaires, mais pasteurs: & bien instruits & acertenés que les troupeaux leur sont commis de Dieu, & que c'est à luy à qui ils en doiuent rendre conte, sans qu'ils se puissent excuser sur autres, ne que les dispenses les puissent aider, ou sauuer, vaqueroient au deuoir de leur charge. Et prouua par plusieurs autorités du Vieil & du nouueau Testament, & par plusieurs expositions des Peres, que c'estoit là vne verité Catholique. Cete opinion fut aprouuée par la plus grande partie de la Congregation, les defenses d'icelle renuiant de raisons & d'autorités les vns sur les autres.

Il y en eut d'autres, qui l'improutoient, disans, qu'elle estoit nouuelle, & & inouye, non seulement en l'Antiquité, mais mesmes en ce siecle, auant le Cardinal Cajetan, lequel auoit mis en champ la question, & auoit soutenu la partie affirmatiue: laquelle toutesfois du depuis il auoit quittée: car en sa vieillesse il receut vn Euesché, & n'alla pourtant iamais à la Residence.

Qu'en tout temps l'Eglise auoit tenu que le Pape en pouuoit dispenser: & que les non residents en tous siecles auoient esté ou punis ou repris, non comme transgresseurs de loy diuine, ains seulement des Canons. Qu'en la premiere conuocation de vray la question auoit esté debatue: mais aussi, les Legats, personnages tres-prudens, l'auoient dextrement mise sous silence. Que cet acte-là deuoit estre pris pour exemple: & que les liures, lesquels du depuis en auoient esté escripts, auoient donné beaucoup de scandale au monde, & fait voir que la dispute ne prouenoit que de pure partialité. Car, quant aux autorités de l'écriture, & des Peres, ce ne sont qu'exhortations à la perfection, & n'y a pour tout aucune solide raison, que les Canons, qui sont loix Ecclesiastiques.

Aucuns estoient d'aduis, que ne le temps ne le lieu, ne l'opportunité ne portoit de traier cete question: & qu'il ne prouindroit aucun bien de la determiner: ains qu'on en encourroit le danger de plusieurs maux. Que ce Concile estoit assemblé pour extirper les heresies, & non pour mettre Schisme entre les Catholiques: comme il ne pouuoit faillir d'auenir, condannant vne opinion, qui auoit suite, sinon de la pluspart: certes de la moitié. Que les autheurs de cet aduis ne l'auoient point inuenté pour vne verité absolue, mais pour vn plus grand aiguillon à la residence; quoy que certes avec bien peu de fondement de raison: attendu qu'on ne void point que les hommes soient plus diligens à se garder de transgresser la loy de Dieu, que celle de l'Eglise: que le commandement du quaresme est moins enfreint que ceux du Decalogue. Que si c'estoit vn commandement de Dieu de se confesser, & de se communier à Pasques, il n'y auroit pas pourtant plus de communians qu'à present. Que de chanter Messe avec les habits Pontificaux, est bien ordonnance Ecclesiastique, & que nul pourtant ne la viole. Que celuy qui n'obeyt aux commandemens des Canons qui portent peine, beaucoup plus se laissera emporter à la transgression, quand il ne craindra aucunes peines temporelles, mais seulement la iustice diuine. Que nul Euesque ne se bougeroit pour cete determination: laquelle ne feroit autre chose que donner matiere de machiner rebellions contre le Siege Apostolic, & de restreindre l'aushorité Papale; comme ja on en entredoit quelques murmures, & de deprimer la Cour de Rome: laquelle toutesfois estoit l'ornement de l'Ordre Clerical; qui estoit respecté en autres endroits pour l'esgard d'icelle: quasi elle estoit deprimer. l'Eglise en seroit en moindre estime partout. Et pourtant, qu'il n'estoit point raisonnable d'agiter vne telle matiere, sans en auoir premierement communiqué avec Sa Sainteté, & avec le College des Cardinaux, auxquels la chose appartenoit principalement.

Icy n'est à omettre l'aduis de Paul Ioue, Euesque de Nocere, lequel dit en substance, que le Concile estoit conuocé pour penser vne playe certes bien grande, qui estoit la deprauiation de l'Eglise: laquelle tous estoient persuadés estre causee par l'absence des Prelats hors de leurs Eglises: ce qui de vray estoit bien affermé par tous, mais peut-estre de nul suffisamment considéré. Mais que ce n'estoit point fait en sage Medecin, de traiter d'oster la cause du mal, sans s'estre au preallable acertené, & auoir bien aduisé, si en l'ostant, il n'en naistroit point de plus grands maux. Si disoit-il, l'absence des Prelats estoit cause des corruptions, on verroit moins de deprauiation des Eglises, esquelz les propres Prelats ont fait Residence de nostre temps. Mais l'exemple de Rome mesmes monstre ce qui en est: car, quoy que des plusieurs certaines d'années les Papes n'ayent bougé de Rome, & ayent employé toute diligence à ce que le peuple fust instruit, & on ne voyoit point pourtant cete ville-là mieux réglée. Les grands Villes, Chefs des Royaumes, sont les plus deprauiées: & cependant les Prelats n'ont point failly à y resider. Et au contraire, certaines chetiues villes, qui dés plus de cent ans en çà n'ont veules Euesques, sont les moins corrompues. Et entre les Prelats presens, de grand aage, & qui auoient tousiours fait residence en leurs Eglises, comme il y en auoit encor quelques vns, nul ne pourroit monstre son

1552. diocese mieux réglé que ses voisins, qui auoient esté sans Euesque. Que ceux qui disoient que c'estoient troupeaux sans pasteur, deuoient considerer, que ce ne sont pas les Euesques seuls, qui ont la cure des ames, mais qu'il y a aussi les Curés: qu'on ne parloit que des Euesques, & sembloit à voir qu'il n'y puisse auoir fideles Chrestiens là où il n'y a point d'Euesque: & toutesfois il y a des montagnes, qui n'ont iamais veu Euesques, lesquelles peuvent mesmes seruir d'exemple aux villes Episcopales. Qu'on deuoit louer & imiter le zele, & bon deuoir des Peres de la premiere conuocation à Trente, qui auoient par peines incité les prelats à demeurer en leurs Eglises, & auoient mis la main à oster les empeschemens qui les esloignoient. Mais qu'il ne falloit pas pourtant se repaître de ceté faulx esperance, que cete Residence fust la reformation de l'Eglise: ains qu'il y auoit sujet de craindre, que comme à present on cerchoit des remedes pour la Residence; ainsi la posterité, ayant veu d'autres inconueniens qui naissoient d'icelle, cerchoit des moyens & remedes pour l'absence. Qu'il ne falloit iamais chercher des liens si forts, qu'au besoin on ne les pust deslier, & lacher, comme seroit ce Droit diuin, lequel au bout de quatorze cens ans on vouloit premierement introduire. Que là où il y auoit vn Euesque pernicieux, comme n'agueres on en auoit veu l'exemple en celuy de Cologne, iceluy se vouldroit targer de cete Doctrine, pour ne point obeyr au Pape, en cas qu'il le citast à rendre conte de ses actions, ou le vouldust tenir esloigné, afin qu'il ne fomentast le mal. Il adiousta, qu'il voyoit bien que les Prelats, qui auoient ce sentiment, auoient tres-bon zele: mais aussi qu'il croyoit, qu'il y en pourroit auoir aucuns qui s'en voudroient seruir pour se soustraire de l'obeissance du Pape: laquelle plus elle est estroitte, plus aussi tient l'Eglise vnée. Mais, qu'il leur vouloit bien ramenteuoir, que tout ce qu'ils faisoient à ceté fin, reüssiroit aussi en faueur des Curés, pour s'emanciper de la suietion des Euesques. Car si cete declaration, qu'on requiert, estoit faite, eux aussi s'en voudroient preualoir, pour dire, que les Euesques ne les peuvent oster de leurs Eglises, ny restreindre leur autorité par reserves: & en fin pretendroient, que les troupeaux appartiennent plus à eux, comme à immediats pasteurs, qu'aux Euesques: à quoy certes n'y auroit que repliquer. Et par ce moyen la hierarchie, par laquelle le gouuernement de l'Eglise s'est conserué, se tourneroit en popularité, & anarchie, qui le destruiroit totalement.

Iean Baptiste Bernard, Euesque d'Addiace, qui estoit de ceux qui tenoient la Residence estre de droit diuin, & toutes-fois iugeoient qu'il n'estoit pas bon de parler de cete question; s'auança avec vn aduis particulier, & dit, que puis que le but principal n'estoit pas d'establir plus l'une que l'autre opinion, mais seulement d'obliger à la residence, si que reellement elle fust mise en effet; en vain se travailloit-on à declarer d'où venoit l'obligation: & non moins vaine estoit toute autre chose, sauf que d'oster la cause de l'absence, laquelle n'estoit autre, sinon que les Euesques s'occupēt es Cours des Princes, & es affaires des gouuernemens mondains: sont Iuges, Chanceliers, Secretaires, Conseillers, Financiers: & y a bien peu de charges & offices d'Estat, esquels quelque Euesque ne soit fourré. Et cependant ces offices leur sont interdits par S. Paul, qui auoit iugé necessaire au soldat de l'Eglise, des'abstenir des affaires seculiers. Qu'on obserue, disoit-il, cecy, qui est de commandement diuin, & qu'on defende qu'ils ne puissent auoir ne charge ny office, ne degré ordinaire, ny extraordinaire, es affaires du siecle. Car quand cela leur sera interdit, & leur sera enioint qu'ils n'ayent à se mesler des affaires seculiers, il n'auroit plus de cause de demeurer es Cours, & iront à leur residence d'eux mesmes, sans commandemens, & sans peines, & n'auront aucun suiet d'en partir. Et pour toute conclusion infera, que le Concile fist vne declaration, qu'il n'est loisible à Euesques, ny à autres ayans cure d'ames, d'exercer aucun office, ou charge seculiere.

A cela s'opposa George Drakeuits, Euesque des Cinq Eglises, Ambassa-

deur de l'Empereur, disant, que si les paroles de S. Paul auoient le sens qu'on leur donnoit, il falloit tout d'une main condamner toutel'Eglise, & tous les Princes, dès l'année huit cens iusqu'à present, d'une chose, dont toutes-fois ils sont loués par dessus tous autres: ceux-cy d'auoir donné, & ceux-là d'auoir accepté Iurisdicions temporeles, lesquelles ont esté exercées mesmes par les Papes de Rome, & par des Euesques, mis au nombre des Saints. Que les meilleurs Empereurs, & Roys de France, d'Espagne, d'Angleterre, & de Hongrie, auoient tousiours eu leur conseil plein de Prelats, lesquels il faudroit tous tenir pour dânnés, si ainsi estoit, que le commandement de Dieu leur defendist de seruir en ces charges là. Que ceux-là se trompoient, qui croyoient que le commandement de S. Paul ne regarde que les personnes Ecclesiastiques. Qu'iceluy est adressé à tous les fideles Chrestiens, qui sont soldats de Christ: dont saint Paul inferre, que comme le soldat du monde ne s'occupe point és arts & mestiers, par lesquels on subsente la vie, comme estans repugnans à la charge militaire: de mesmes le soldat de Christ, c'est à dire, tout Chrestien doit s'abstenir des exercices, qui repugnent à la profession Chrestienne, qui sont les seuls pechez: mais que tout ce, qui peut estre exercé sans peché, est loisible à chacun: & qu'on ne peut reprendre les Prelats de seruir en ces exercices-là, sans dire qu'iceux sont peché. Que la grandeur de l'Eglise, & l'estime que du monde en fait, vient, plus que d'aucune autre chose, de ce qu'on void les dignités Ecclesiastiques pourueës de personnes nobles, & de haut lignage: & les Prelats employés es grandes & importantes charges, lesquelles s'il falloit tenir pour incompatibles avec les Ecclesiastiques, nul noble n'entreroit en cet ordre-là, nul Prelat ne seroit en estime, & l'Eglise seroit abiecte & gisante en mespris parmi les roturiers, & gens viuans fordidement. Mais tout au contraire, les bons Docteurs ont tousiours maintenu, que les statuts, qui des publiques admirations politiques excluent les Ecclesiastiques, ausquels elles conuiennent par le droit de leur naissance: & semblablement les inhibitions & défenses, qui portent, que les charges publiques ne soient conferees aux Prestres, sont contraires à la liberté Ecclesiastique. Ce discours fut ouy avec beaucoup d'applaudissement de tous les Prelats, mesmes de ceux, qui tenoient la Residence estre de droit diuin: tant sont les passions puissantes és esprits des hommes, qu'elles leur esblouissent le iugement, pour ne point discerner les contradictions.

Sur les autres Articles l'examen fut leger, & toutesfois ne se passa point sans quelque dit notable. Pour ce qui concerne l'Article deuxiesme de defendre les promotions aux saints ordres à titre du patrimoine; il est certain, qu'après que l'Eglise eut esté ordonnée & establie, & que les ministres nécessaires eurent esté deputés en chacune Eglise, és bons temps nul n'estoit ordonné, qu'il ne fust affecté & deputé à quelque ministère propre, & particulier. Mais ce saint vsage fut bien tost tourné en abus. Car plusieurs, pour iouyr des exemptions Ecclesiastiques, & pour autres esgards mondains, recherchoient d'estre ordonnés: à quoy ils trouuoient grâde facilité és Euesques, qui ne regardoient là autre chose, qu'à auoir vn grand nombre de Clergé. Et pourtant on fut contraint au Concile Chalcedoine de desfendre cete sorte d'ordination, laquelle alors estoit appelée absoluë ou libre, ce qui est signifié proprement par le terme Grec: commandant que nul ne fust ordonné, sinon à quelque charge particuliere: & que les ordinations libres fussent nulles & cassées: ce qui du depuis fut confirmé par plusieurs Canons posterieurs: dont cete Reigle demeura cōme toute arrestee en l'Eglise, que nul ne peut estre ordonné sans titre: par lequel mot, és bons & anciens reimp, estoit entendu vne charge & ministère à exercer. Mais, dès que les corruptions se furent glissées en l'Eglise, on commença par ce mot de titre à entendre vn reuenu, duquel on tire sa nourriture: & ce qui auoit esté estably, afin qu'entre le Clergé nul ne fust oyseux, se transforma à ce que nul ne fust indigent, & ne fust par là contraint de gagner sa vie par le trauail de son corps. Et après que le vray sens

Examen
du second
Article
touchant
les promo-
tions à ti-
tre de pa-
trimoine.

des Canons eut esté couuert & obscurcy par cete interpretation, Alexandre troisiéme l'establit par ordonnance, en son Concile de Latran, disant, Que nul ne fust ordonné sans titre, duquel il tiraist prouision necessaire pour s'en seruir: & à cete reigle il adiousta vne exception. En cas qu'il n'eust du sien, ou de son patrimoine: laquelle exception & referue seroit fort raisonnable, si le titre n'estoit requis que pour auoir dequoy viure. Pour cete cause plusieurs, faisaient apparoir par fausses preuues & allegations, qu'ils auoient du patrimoine, estoient ordonnés sans titre, autres aussi, apres auoir esté ordonnés sur leur propre patrimoine, l'alienoient: autres, ayans trouué quelcun qui les accommodoit de tant de fonds, qu'ils s'en pouuoient suffisamment sustenter, se faisoient ordonner, & apres cela rendoient iceluy à son vray maistre: dont se trouuant vn grand nombre de Prestres indigens, il en naissoit de grands inconueniens, qui meritoient prouision.

Cet article fut proposé au Concile: & les opinions sur iceluy furent diuerfes. Aucuns disoient, que si la residée estoit vne fois establie de droit diuin, & si vn chacun exerçoit sa charge, les Eglises seroient parfaitement seruies, & n'y auroit aucun besoin de Clercs non beneficiés, ne d'ordinations à titre de patrimoine, ny autre, & qu'ainsi seroit remedié à tous les inconueniens: & n'y auroit plus parmy le Clergé aucune personne oiseuse, d'ou arriuent maux, & mauuais exemples sans nombre: aussi n'y auroit plus aucun médiant, ne qui fust contraint par necessité d'exercer oeures viles & solides. Qu'il est tout certain, qu'il n'y a bõne reformation, que celle qui ramene les choses à leurs principes, & commencemens: que l'Eglise ancienne auoit vescu en pureté & integrité par beaucoup de siecles, & qu'à icelle on pouuoit ramener celles de ce tēps cy par ce seul point. Il y auoit vn autre aduis, qui portoit, que l'ectrée aux Saints Ordres ne fust, pour cause de pourreté, interdite à aucune per sonne, qui en fust digne pour sa prud'homie, ou suffisance: alleguant qu'en l'Eglise primitiue les pources n'en estoient point exclus: l'Eglise aussi n'abhorroit point, que les Clercs & les Prestres gagnassent leur vie par le travail de leurs mains: suiuant en cela l'exēple de S. Paul Apolstre, & d'Apollon Euangeliste, qui s'entretenoient du mestier de faire tentes & paillons de peaux à l'antique. Et mesmes, apres que les Princes furent deuenus Chrestiens, Constance, fils de Constantin, en son sixieme Consulat, donna vn priuilege au Clergé, de ne payer aucune gabelle de ce qu'ils trafiquoient es boutiques, & ouuoirs: attendu qu'ils le communicuoient aux pources. Ainsi estoit en ce tēps-là obserué l'enseignement de S. Paul donné aux fideles, qu'ils s'ēploient à quelque honneste travail, pour auoir dequoy subuenir aux pources. Que la vie mechante & vitieuse, de laquelle le peuple receoit scandale, estoit ce qu'il falloit tenir pour meslée à l'ordre Clerical: mais que travailler de ses mains, & viure de son labeur, estoit chose honneste, & d'edification. Que si mesmes quelcun d'entre iceluy, par aucune infirmité suruenante, qu'il empeschast de travailler, estoit contraint de mendier, cela n'estoit chose honteuse: attendu que les Moines ne le prenent pas à honte, ains tiennent mesmes à gloire d'estre appelés Mendians. Que ce n'estoit point vne proposition de Chrestien, que de travailler, de viure du labeur de ses mains, ou de mendier: en cas d'impuissance, soit chose indecente aux Ministres de Christ: ou bien qu'aucune autre chose leur meslée, fors le vice. Que si quelqu'un estoit d'opinion, que l'indigence fust cause de faire commettre les larcins, vols, rapines, ou autres desirs; qu'il y pensast bien, & il trouueroit, que semblables maux sont commis plus par les riches, que par les pources: & que l'auarice est plus aspre, effrenée, & indomptable, que la pourreté, laquelle estant tousiours affairée, oste assez les occasions de mal faire. Que ces deux choses, homme de bien, & pource, sont bien compatibles ensemble: mais homme de bien & oisif ne le peuuent estre. Qu'escris, & sermons retentissent du grand benefice que l'Eglise militante en terre, & celle qui est en Purgatoire, reçoit par le moyē des Messes, lesquelles ne sont point celebrees par les Prestres riches, ains par les pources, lesquels ostés, les fideles viuans,

vivants, & les âmes des morts, seroient destituées de grands suffrages. Qu'il valoit beaucoup mieux, faire des tres-estroites ordonnances, que les personnes de prud'homme & de suffisance fussent ordonnées sans aucun titre: attendu qu'à present celloit la cause de la defense, qui en fut faite par l'Antiquité: qui estoit, qu'alors ceux, qui auoient titre s'employoient es fonctions Ecclesiastiques, & estoient en edification: & ces autres-là, comme oïseux, estoient en scandale. En lieu, que tout au contre-pied à present, ceux qui ont titre, pour la pluspart ne se daignent d'exercer les ministres Ecclesiastiques & vivent en delices: les pauvres font les charges, & sont en edification.

Cet aduis n'eut pas grand suite. Mais bien fut receuë avec beaucoup d'applaudissement, vne opinion moitoyene, qui portoit, que la coustume fust gardée, de n'ordonner aucun sans titre, ou de Benefice Ecclesiastique, ou de patrimoine suffisant pour l'entretienement de la vie: afin qu'on ne vist point médiser les Prestres, au grand des-honneur del'Ordre, & que, pour obuier aux fraudes, il fust ordonné, quel'Euesque fist toute diligence, à ce que le patrimoine, auquel le Clerc seroit ordonné, ne püst estre aliéné. Mais à cela s'opposa Gabriel le Veneur, Euesque d'Eureux, disant, que le patrimoine des Clercs est chose seculiere, & que sur semblables l'Ecclesiastique ne peut faire aucune loy, & que maintes occasions pouuoient naistre, pour lesquelles ou la Loy, ou le Magistrat, pouuoient legitimement commander qu'iceluy fust aliéné: & generalement c'est chose toute notoire, que les biens patrimoniaux des Clercs, à l'égard des prescriptions, & de toutes autres especes de contrats, sont suiets aux loix ciuiles. Et pourrât que c'estoit chose qui meritoit d'estre bien pesée; auant que des'attribuer l'autorité de casser vn contract ciuil.

L'occasion de proposer le troisieme Article, fut, par ce que le commandement de Christ, Que toutes les graces & benefices spirituels soient données gratuitement, & liberalement, de mesme qu'on les reçoit de luy: estoit enuiesné & transgressé en la collation des Benefices. Et n'estoit ce payement abus recent & nouveau: ains auoit esté encor beaucoup plus grand es temps passés. Car au commencement du Christianisme, lors que la charité estoit feruente, le peuple, receuant des Ministres de Christ les choses spirituelles, respondoit par le deuoir mutuel, non seulement en la fourniture des choses necessaires à la vie, selon le commandement diuin rapporté par Saint Paul, mais mesmes en largesses surabondantes, afin qu'il y eust quelque chose de reste, pour subster les pauvres: sans esgard ny intention aucune, que le temporel fust prist du spirituel. Mais, dès que le temporel, qui auparavant estoit tenu & iouï en commun, vint à estre partagé, & qu'à chascun titre fust appliqué son reuenu, appellé Benefice: l'ordination n'estant pas alors distinguée de la collation du titre, & par conséquent du Benefice annexé à iceluy: ains l'un & l'autre estans donnés & receus tout ensemble: il commença à sembler à ceux qui ordonnoient, qu'à cause des emolumens que le titre portoit avec soy, ils neiferoient pas seulement vne chose spirituelle, mais aussi vne temporelle, pour laquelle il estoit loisible de recevoir quelque autre chose mondaine en recompense. Et ainsi, qui desiroit l'obtenir, estoit contraint de s'accommoder à la volonté de celuy qui le pouuoit donner. Dont finalement il s'en fit vne marchandise publique, laquelle en l'Eglise Orientale n'a iamais pu estre corrigée par tous les Canons & Censures, qu'elle ait fait à l'encontre: mais bien a elle grandement esté reprimée par le chastiment de la main du Tout-puissant, lequel par le fleau des Sarrazins, & des Turcs, leur a enleué vne grande partie de leurs commodités temporelles. En Occident, le mesme mal, quoy que tousiours repris des gens de bien, n'auoit pas laissé de regner, plus en vn lieu moins en l'autre, iusques à l'année mil de grace: & lors l'ordination fut distinguée de la collation du Benefice: qui fut la cause que celle-là commença à passer gratuitement: mais de celle-cy le pris en estoit exigé de tant plus ouuertement. Et cet abus est tousiours allé croissant, quoy que sous diuerses couleurs de nos, d'Ananates, de menus seruices, d'escriture, de seau, & autres telles couuertures,

1561.

sous lesquelles l'Eglise procede encor à present: avec fort peu d'esperance qu'on le puisse retrancher & extirper tout à fait, iusques à ce que Christ mesme en personne vienne vne autre fois chasser avec son fouët banquiers & changeurs, hors de son Temple, & renuerſer leurs tables. Mais encor, l'ordination, laquelle, estant separée de la collation du Benefice, auoit eu ce bon-heur d'estre gratuitement administrée, enioiut peu de temps. Car les Euesques, tenans icelle pour chose sans profit, & abiecté, & attentifs tant seulement à l'autre, qui estoit lucrative; peu à peu quiterent l'administration des ordinations: dont furent institues les Euesques Portatifs, qui seruoient aux ministres Pontificaux Ecclesiastiques, pendant que les vrais Euesques estoient occupés au seul temporel. Ces Euesques portatifs, estans sans rentes; estoient contrains de tirer de quoy viure des fonctions qu'ils administroient: dont ceux, qui receuoient d'eux les ordres, estoient tenus de finer, premierement sous titre d'aumosne, ou d'offrande: & puis, pour faire la chose plus honorable, de don gratuit, ou de present: mais finalement, afin que, comme chose due, elle ne fust omise, on passa plus auant à luy donner le nom de recompense, non de l'ordonnant, mais de ses seruiteurs, ou du Notaire, ou d'autre, qui luy seruoit en l'ordination. Ce fut donc là le fuit de l'Article: car, pour ce qui concernoit l'autre partie, à ſauoir la collation du Benefice, on n'en pouoit rien dire, comme d'infirmité incurable par autre moyen que par la mort.

Les diuersités des opinions sur cet Article ne vindrent point des differents sentimens, ou passions: mais les Prelats se diuiserent par la qualité des personnes. Les Euesques riches condannoient de recevoir chose aucune, ne pour soy, ne pour Officiers, ne pour Notaires, comme acte simoniaque, & sacrilege: allegans l'exemple de Giezi, seruiteur du Prophete Elizee; & celuy de Simon le Magicien: & le precis commandement du Seigneur, Donnés gratuitement comme vous l'auiez receu gratuitement, outre plusieurs inuediues & exagerations des Peres anciens contre ce peché. Et disoient, que les specieux noms de don gratuit, & d'aumosne, sont vaines couleurs & desguilemens, desmentis par le fait mesmes: attendu qu'on les donne pour auoir les ordres, & que sans cela on ne les donneroit point: si c'est aumosne, disoient-ils, pourquoy ne la fait-on sinon pour cette occasion? qu'on la face en autre temps: & qu'on confere les ordres, sans qu'il y en treuigne chose quelconque: car celuy, qui sera de bonne volonté de faire l'aumosne, la fera bien en autre temps. Mais le mal est, que si quelqu'un disoit à l'ordonnant, de luy donner cela par aumosne, il le prendroit à outrage, & en autre temps ne le receuroit pas. Et pourtant, qu'il ne falloit point presumer de pouoir ainsi tromper Dieu, & les hommes. Ceux-cy donques concludoient, qu'il falloit faire vn Decret tout absolu, qui tranchast sur le vif, qu'il ne soit loisible de donner chose aucune, quoy que spontanément, & sous noms d'aumosne: ny semblablement de recevoir non seulement par l'ordonnant, mais aussi par aucun des siens, & par le Notaire, sous pretexte d'escriture, ou de seau, ou de peine, ou autre couleur quelconque.

Mais les Euesques pauvres, & les titulaires, disoient à l'opposite, que de vray c'est vn meschant & d'annable sacrilege de donner les ordres pour prix: mais aussi au reciproque, que d'oster les aumosnes tant recommandées de Christ, estoit ruiner la charité, & diffomer tout à fait l'Eglise. Que la mesme raison en tout & par tout qu'on employoit es ordinations, deuoit valoir es Confessions, Communions, Messes, Sepultures, & autres fonctions Ecclesiastiques: & qu'il n'y auoit nulle cause d'interdire de donner spontanément, & de recevoir, en celles-là plustost qu'en toutes celles-cy. Et ce qu'on alleguoit, que si c'est aumosne, elle soit faite en autre temps, portoit le mesme coup en toutes les autres fonctions susdites. Quel l'Eglise de temps immemorial auoit accoustumé de recevoir offrandes, & aumosnes à ces occasions: lesquelles si on ostoit, il s'esuiuroit que les pauvres Religieux, qui viuent d'icelles, seroient contrains de vaquer à autre chose, au moyen de quoy, les

riches ne voulans faire le seruice, comme il est apparu des cinq cens ans en çà, & appert encor à present, l'exercice de la Religion se perdroit, & le peuple demeureroit sans icelle: dont de necessité aduindroit qu'il tomberoit en vne totale impiété, ou en diuerfes pernicieuses superstitions. Et pour ne sortir du suiet des ordinations, si le Siege Apostolique reçoit bien, sans en encourir blâme ou censure, les milliers d'escus pour les Manteaux, qu'il baille aux Metropolitains; comment peut à droit & raison estre reprise vne petite reconnoissance, quel'Euesque reçoit des ordres inferieùrs? Quelle raison y a-il, disoient-ils, que les choses de mesme nature & genre soient réglées par loix diuerfes, voire contraires? On ne peut appeller abus, ce qui a esté ordonné dès le commencement. Le Pontifical porte encores, qu'es ordinations l'ordonné presente à l'offertoire à l'Euesque ordonnant les Cierges: lesquels toutesfois sont choses temporelles, & pourroient estre faies si grands, & tellement enrichis, qu'ils seroient de grand pris. Que la chose donques n'estoit point tant meschante, comme on la figuroit: & ne meritoit pas qu'on recherchast en icelle l'infamie des pauvres Euesques; pour acquerir los de Reformateurs: suiuant l'exemple des Pharisiens, à prendre garde aux festus, & à couler les moucherons.

Aucuns dirent de plus, Que cet Article ne pouuoit estre ordonné comme contraire au Decret d'Innocent troisième, au Concile general de Latran: auquel non seulement fut approuué l'vsage de doñner & de recevoir chose temporelle au ministration des Sacremens: mais aussi fut enioint aux Euesques de contraindre le peuple, par Censures, & peines Ecclesiastiques, à obseruer la coustume: donnant titre de louables, aux choses, lesquelles à present on parloit de condamner comme actes de sacrilege.

Mais Denis, Grec, l'ancien Euesque de Melipotame en Candie, fit vne longue digression, pour monstrier de combien grande edification seroit aux fideles, si les Ecclesiastiques administroient les Sacremens par pure charité, sans attendre recompense d'autre que de Dieu. Il aduouoit que vrayement la nourriture, & plus grande subuention encore, leur estoit due: mais qu'à cela auoit desia esté pleinement & de surabondant satisfait, par l'assignation des dismes: attendu que le Clergé n'estoit pas la dixième partie du peuple, & toutesfois receuoit vne si grande portion des fruits de la terre, outre tant d'autres biens qu'il possede, qui montoit bien encor au double. Et pourtant qu'il n'estoit pas raisonnable de pretendre à present de notueu, ce qu'on a desia receu au centuple. Que s'il y a des Euesques pauvres, ce n'est pas que l'Eglise soit pauvre: mais les richesses sont mal partagées: & par vne legitime distribution tous seroient accommodés, & pourueus: & pourroit-on lors donner, sans aucun contreschange, ce dont on a receu à si large mesure beaucoup plus que le loyer. Et adioust, que, veu qu'il estoit impossible d'oster tout à coup les diuers abus, il trouueroit fort bon de commencer par celuy des ordinations, non point pour la restreindre à la seule action de consacrer le Sacrement, mais l'estendant aussi aux actions qui precedent celles-là. D'autant que ce seroit grande absurdité de permettre de payer aux Chanceleries des Eueschés bien cherement les lettres dimissoriales, par lesquelles le Clerc a licence d'aller se pouruoir d'Ordinateur: & à Rome, la permission de se faire ordonner hors des temps establis: & cependant imposer la Reformation sur les seuls Euesques ordonnans. Cet aduis, pour ce qui concernoit les dimissoriales des Euesques, fut approuué par plusieurs: mais, pour ce qui touchoit la permission de Rome, le Cardinal Simonete dit, que le Pape y pouruoiroit, & que ce n'estoit pas chose qui dult estre traitée en Concile.

Il fut aussi dit quelque chose des recompenses des Notaires, d'autant qu'aucuns, tenans que c'estoit vn office purement humain, n'estimoient point qu'on en dult empescher le payement, mais d'autres le tenoient pour office Ecclesiastique. Anthoine Augustin, Euesque de Leride, grãd Antiquaire, remonstra, qu'en l'ancienne Eglise les Ministres estoient ordonnés en la presence

de tout le peuple: dont il n'y auoit lors aucun besoin de patente, ou de lettres testimoniales: & des qu'ils estoient vne fois assignés & affectés à vn titre, ils ne changeoient point de diocese: & si, pour quelque bon esgard, il leur escheoit de faire voyage, ils prenoient vne lettre de l'Eueque; laquelle lors s'appelloit *Formata*. Que l'usage des lettres testimoniales estoit né apres que le peuple eut cessé d'entreuenir es ordinations, & que les Clercs furent deuenus vagabonds. Et comme c'estoit vne chose introduite pour supplement de la presence du peuple, aussi deuoit bien l'office des Notaires, qui les expedioient, estre estimé temporel plustost qu'autrement: mais toutesfois, comme appliqué à matiere spirituelle, deuoit estre exercé avec moderation. Et pourrant, que son aduis estoit, qu'on leur permist quelque recompense, mais limitée & moderée.

Et du quatriesme, touchant les prebendes ou distributions es Eglises Collegiales:

Ce qui fut proposé au quatriesme Article, n'appartenoit qu'aux Eglises Collegiales, lesquelles des leur premiere institution, eurent, entre autres fonctions, aussi cette charge de s'assembler en l'Eglise, pour louer Dieu es heures assignées par les Canons, & pour cette cause appellées Canoniques: ausquelles Eglises aussi on appliqua des rentes & reuenus pour la nourriture des Chanoines, laquelle leur estoit assignée en vne de ces quatre manieres: c'est, qu'ou bien ils vuoient en commun, à vne mesme table, & despenfe, comme les Reguliers: ou les reuenus leur estoient departis à chacun sa portion, laquelle pour cette cause estoit appellée Prebende: ou, apres le seruice fait, iceux leur estoient distribués iour par iour, & ce en deux façons, ou en denrées, ou en deniers. Ceux, qui vuoient en commun, continuerent peu de temps en cette discipline: car eux aussi vindrent au departement, ou en Prebendes, ou en distributions aux Prebendés: excusans du seruice ceux, qui par infirmité, ou pour quelque spirituelle occupation, ne s'y pouuoient trouuer presens. Ces pretextes vne fois accordés, estoient souuent & fort aisément pretendus, & de là fut introduite la coustume, d'absenter le plus souuent l'Eglise, & cependant ne laisser de iour de là Prebende. En lieu que, là où la portion estoit distribuée apres l'œuvre celuy qui la receuoit ne se pouuoit excuser: ce qui fit que la discipline, & la frequence au seruice diuin, dura d'auantage en ce second genre, qu'au premier: dont aussi les fideles faisans quelque dons, ou legs de nouueau aux Eglises, ordonnoient qu'il fust mis en distributions: & de là fut prise experience que plus estoient grandes les distributions, mieux aussi estoient deservies les Eglises. Et pourtant il sembloit, qu'on pouuoit aisément remedier à la negligēce de ceux qui absentoient le seruice, prenant vne partie des Prebendes, & en faisant distribution pour les entreuenans, ce qui auroit incité les autres à s'y trouuer. Cet aduis estoit grandement approuué par bon nombre de Prelats, comme deuant indubitablement augmenter bien fort le seruice de Dieu: & sur iceluy ne sembloit escheoir aucun doute, d'autant que l'experience en faisoit desia voir l'effet. Ce qui, sans plus, estoit le fondement qu'on alleguoit de cette opinion.

Mais Lucas Bisance, Eueque de Cataro en Esclaunie, homme de bien, mais pauvre Prelat, opina au contraire: Qu'il falloit plustost contraindre les Prebendés par censure, & par priuation de partie des fruits, voire de tous, & des prebendes mesmes: mais sans alterer la forme ancienne: d'autant que presques toutes les fondations estans faites par testamens des fideles, on ne les peut, ny ne doit changer, non seulement sous vn pretendu pretexte de mieux, mais non pas mesmes quand de vray on amenderoit reellement en mieux: veu que la iustice ne permet pas de mettre la main au bien d'autrui, sous ombre qu'iceluy ne le gouuerne pas assez bien. Et en outre il mettoit en consideration vne autre chose, qui sembloit estre encor plus importante: à sçauoir, que, puis qu'il est certain que toute fonction spirituelle, exercée pour pris, est Simonie, si on venoit à suivre le moyen proposé, voulant remedier à vn mal, on ouueroit la porte à vn pire, faisant les hommes de negligens Simoniaques. Mais, on respondoit à ces raisons: premierement, Que

pour les institutions testamentaires & dernières volontés, il estoit au pou-
 uoir du Concile de les changer : & en second lieu, quant à assister au seruice
 diuin pour vn gain & profit special, il falloit distinguer, que le profit n'estoit
 pas cause principale, mais seconde & accessoire : & que pourtant n'y eschoit
 point de peché : d'autant que les Chanoines se trouuoient aux offices, prin-
 cipalement pour seruir Dieu, & secondement pour les distributions. Mais
 les autres repliquoient, *Qu'ils ne pouuoient voir, que le Concile eust plus*
de pouuoir sur le bien des morts, que sur celuy des viuans, sur lequel nul
n'est si impertinent qu'il pretende le luy attribuer. Et après, que ce n'estoit
 pas vne doctrine tant seure comme on affermoit, que de seruir à Dieu secon-
 dairement pour gain & salafre, fust chose licite. Et quand mesmes elle le se-
 roit, encor faudroit-il considerer, qu'on ne peut avec bon droit appeller se-
 condaire, ains principale la cause, laquelle meut à ouïr, & sans laquelle
 on n'œurerait point. Cet aduis ne fut pas beaucoup agreable, ne bien re-
 ceu : & excita grand murmurer en la Congregation : d'autant que chacun se
 sentant conuaincu en soy mesme d'auoir receu le titre & la charge pour les
 reuenus, sans lesquels il ne l'auroit iamais acceptée, croioit d'estre condan-
 né par iceluy. Et pour tant l'Article quatrième, de conuertir les prebendes
 en distributions, pour inciter au seruice de Dieu en la meilleure maniere
 que faire se peut, fut receu avec grand applaudissement.

Après qu'on eut acheué de discourir sur ces Articles, furent deputés des
 Peres, pour former les Decrets : & fut proposé, *Qu'ès suiuiantes Congrega-*
tions on parleroit des six autres, laissant celuy du mariage clandestin pour
vn autre Session. Mais le lendemain les Legats se trouuerent ensemble avec
les Deputés, pour tirer la substance des opinions des Peres. Et sur le premier
Article de la Residence ils se trouuerent discordans. Le Legat Simonete
portoit l'opinion, qu'icelle n'est que de droit positif : & pourtant disoit, que
l'aduis de la plus grande partie, mesme de ceux, qui la tenoient estre de droit
diuin, auoit esté que cette occasion fust obmise. Le Legat de Mantouë, sans
declarer autrement son sentiment, maintenant, que la plus grande partie
auoit demandé la declaration qu'elle est de droit diuin. Des autres Legats,
Altemps adheroit à Simonete : & les autres deux, quoy qu'avec quelque re-
serue & restriction, à celuy de Mantouë. Et ce differend ne passa point en-
tre eux sans quelque aigreur, quoy qu'en paroles ils ne fortissent point des
termes de modestie. Cela fut cause, que les Legats tindrent le vingtième du
mesme mois d'Auril Congregation generale. En laquelle fut luë la suiuiante
demande couchée par escrit, Pourcé que plusieurs d'entre les Peres ont dit,
qu'il faut declarer la Residence estre de droit diuin, & d'autres n'en ont dit
mot : & aucuns aussi ont esté d'opinion qu'vne telle declaration ne se face
point : afin que les Deputés à former les Decrets puissent les former prom-
ptement, aisément, & seurement, il plaira à Vos Seigneuries de dire par le
seul mot Placet, si elles veulent, ou non, que soit faite declaration que la Re-
sidence est de droit diuin : car, suiuant le plus grand nombre des voix & des
aduis, le Decret sera couché : ainsi que la coustume a tousiours esté de faire
en ce Saint Concile : attendu que, à cause de la diuersité des aduis, on ne peut
tirer le vray nombre des voix. Il plaira aussi à Vos Seigneuries de parler clai-
rement, & distinctement, & l'un apres l'autre, en sorte que l'opinion d'un
chacun puisse estre marquée.

Les suffrages estans receuillis, il s'en trouua soixante-huit, qui dirent ab-
 solument, *Placet* : trente-trois, qui respondirent precisement, *Non placet* : en laquel-
 treize qui porterent *Placet*, *consulto prius Sanctissimo Domino nostro* : & dix-sept *le plus*
 qui opinerent, *Non placet* : *nisi prius consulto Sanctissimo Domino nostro*. Les treize *grand nom-*
 estoient differens des dix-sept : car ceux-là vouloient absolument la decla-
 ration, tous prests neantmoins à s'en deporter, cas aduenant que le Pape fust
 d'autre aduis : ceux-cy absolument ne la vouloient point, mais s'en fussent
 contentés, si le Pape l'eust vouluë. Difference bien subtile, mais par laquelle
 chacun pretendoit faire mieux le seruice de son maistre. Le Cardinal Ma-
 duiuin :

1561.

brunille-
rie là des-
sus,

drice ne voulut respondre précisément à la demande, ains dit, Qu'il se rapportoit à ce qu'il auoit dit en son aduis en la Congregation, lequel estoit en faueur du droit diuin. Et l'Euesque de Buda en Esclaouie dit, Qu'il tenoit l'affirmatiue de la declaration toute passée, & qu'il estoit seulement d'auis, qu'elle fust publiée. Apres que les voix eurent esté recueillies, & diuisees, & qu'on eust veu que plus de la moitié vouloit la declaration suldire, & qu'il n'y en adoit qu'une quarte partie qui ne la vouloit point : & que les autres, quoy que sous quelque condition, s'accordoient avec les premiers : il nasquit paroles de quelque aigreur, & tout le demeurant de cette Congregation se passa en discours sur cette matiere, non sans beaucoup de confusion. Ce que le Cardinal de Mantouë voyant, fit faire silence, & apres auoir exhorté les Peres à modestie, les congédia.

dont les
Legats se
resolurent
de consul-
ter le Pa-
pe,avec grand
murmure
des Espa-
gnols,

Puis apres les Legats consulterent entre eux ce qui estoit à faire. Tous unanimement conclurent ; qu'il falloit donner aduis bien particulier & par menu au Pape de tout ce qui s'estoit passé, & en attendre response : & cependant pour suivre les Congregations sur le demeurant des Articles. Le Legat de Mantouë vouloit à cet effet despescher en poste Camille Oliue son Secrétaire ; avec lettres de creance : mais Simonete vouloit que le tout fust couché par escrit. La conclusion fut prise de ramasser tous les adais, & d'en faire vne longue relation, & de remettre le surplus au Secrétaire : lequel le mesme iour de soir, partit de Trente. Cette despesche, quoy que faite tres-secretement, vint incontinent aux oreilles des Espagnols, lesquels firent de grandes plaintes, disant, Qu'on voyoit desia le commencement d'une insupportable oppression, en ce qu'il falloit que tout traité fust non seulement signifié, mais aussi consulté, & mesmes resolu à Rome. Que ia par deux fois le Concile conuocé en la mesme ville n'auoit point eu d'effet pour cette mesme cause, & auoit esté rompu sans fruit, voire avec scandale : d'autant que rien n'estoit resolu par les Peres, mais tout à Rome : si bien que ce blasphématoire prouerbe estoit passé communément en la bouche de tous. Que le Concile de Trente estoit guidé par le S. Esprit, qui luy estoit de fois à autre entoyé de Rome dedans la valise du Courier. Que les Papes, qui auoient absolument refusé la tenuë du Concile, auoient donné moins de scandale, que ceux, qui, l'ayans conuocé, l'auoient tenu, & le tenoient encor en seruitude. Qu'alors le monde auoit encor vne esperance de reste, que, si tant estoit qu'une fois on püst obtenir le Concile, on verroit vn remède à tous maux : mais à present, prenant garde aux choses arriuées sous deux Papes, & qui encor se mettent en train, toute esperance de bien se voir esteinte, & ne doit-on plus attendre aucun bien du Concile, s'il faut qu'il soit ministre des interrests de la Cour, & se meue ou s'arreste à l'arbitrage d'icelle.

dont l'es-
prit s'en-
flamme en
Congrega-
tion,lequel
l'Arche-
uesque de
Prague
tasche en
vain de
pacifier :mais enfin
le Legat
de Vvar-
mie l'ob-
tient :

Cela occasionna, qu'en la suiuite Congregation, apres qu'en peu de paroles on eut entamé le traité des Articles proposés, on entra incontinent au fait de la Residence. Mais le Cardinal Legat de Vvarmie coupa le propos : disant, Qu'on auoit assez parlé de cette matiere, qu'on formeroit le Decree pour la reloudre, & qu'apres qu'iceluy auroit esté proposé, chacun pourroit dire ce qu'il auroit encor à remonstrer. Mais ny pour cela les humeurs ne s'appaiserent point. Dont l'Archeuesque de Prague Ambassadeur de l'Empereur, prit à exhorter les Peres, par vne forme de harenue suiuite, de parler paisiblement, & avec moins de passion : les admonestant d'auoir regard à la bien-séance de leurs personnes & du lieu. Mais l'Archeuesque de Cahore, petite Isle suiuite aux Venitiens, au Friol, respondit avec alteration, Qu'il n'y auoit rien de plus indecent au Concile, que de permettre que l'oy fust baillée aux Prelats, sur tout par ceux qui representent la puissance seculiere, & passa iusques à quelque parole piquante, & sembloit que la Congregation se düst diuiser en partis. Mais le Legat de Vvarmie, qui presidoit en icelle, tascha de moderer les courages, & destourna le propos de ces Articles pour ce iour-là, & proposa qu'on procurast l'elargissement des Euesques Catholiques prisonniers en Angleterre, afin qu'ils püs-

sent venir au Concile, & que cette noble nation eust quelque part en iceluy, & qu'il ne semblast point que ce Royaume fust tout à fait aliéné de l'Eglise. La proposition agreea bien à tous: mais aussi la generale opinion fut, que c'estoit chose plustost à desirer, qu'à esperer. La conclusion fut, que puis, que cete Roine-là auoit refusé de receuoir vn Nonce expres du Pape, on ne pouuoit esperer qu'elle prestast oreille au Concile: & pourtant, que tout ce qu'on y pouuoit faire, estoit de moyener que les Princes Catholiques fissent ce bon deuoir. Le vingt-cinquième du mesme mois d'Auril, iour de Saint Marc, en Congregation generale furent receus les Ambassadeurs de Venise. Le mandement, en date de l'onzième du mois, fut lu, & Nicolas de Ponte, l'un des Ambassadeurs, fit la harangue: à laquelle il fut respondu en forme.

En ce peu de iours, les plus prudens entre les Prelats considererent quel dechet de reputation seroit au Concile, & à chacun d'eux, si les esmotions excitées n'estoient appaisées: & pourtant ils taschoient de calmer les esprits alterés, leur remontrant le scandale qu'on donneroit; & la honte qu'on receuroit, si les Actions Synodales ne passoient paisiblement, & sans tumulte: & que de là s'ensuiuroit aussi de necessité la rupture du Concile sans fruit. Ces bons offices firent œuvre: tellement qu'ès Congregations on traita sans bruit les autres six Articles, sur lesquels il n'y eut pas beaucoup à dire. Sur le cinquième, il fut iugé qu'il y escheoit reglement: mais il y eut quelque difficulté sur le moyen. Car iadis au commencement la diuision des Paroisses fut instituée par les peuples, lorsqu'un certain nombre d'habitans en vn mesme lieu, apres auoir receu la vraye foy, bastissoient vn Temple, pour auoir exercice de la Religion, & prenoient à gages vn Prestre, & ainsi constituoient vne Eglise, laquelle s'appelloit Paroisse, à cause de l'assemblée, & amas des voisins: & lors que le nombre croissoit, si l'Eglise, & le Curé, ne suffisoient pas à cause de la distance des habitations, les plus lointains se retiroient à part eux, & bastissant vn autre Temple, s'accommodoient mieux. Et pour raison de meilleur ordre, & pour garder la concorde, par succès de temps fut introduite la coustume d'y adiouter le consentement Episcopal. Mais, dès que la Cour de Rome; par les referues, s'attribua le pouuoir de conferer les Benefices: ceux qui de Rome estoient pourueus des Eglises Parochiales, lors qu'ils agissoient de leur diminuer le nombre des ames suiettes à eux, & par conséquent le gain & le profit, s'y opposoient sous la faueur du Pape: dont vint la coustume, que sans Rome vne nouvelle Paroisse pouuoit estre erigée par la diuision d'une grande, & quand il escheoit de la faire, sur tout delà les monts, l'affaire se rendoit infiniment coustageuse, par les empeschemens des appellations, & d'autres litiges. Pour pouruoir à ces inconueniens au Concile, les Prelats estoient d'aduis, que, quand vne Eglise suffisoit à vn peuple, mais vn seul Recteur n'y suffisoit point, on ne multipliait point les titres: d'autant que là, où il y a plusieurs Curés en vne Eglise, il y a aussi tousiours des estrifs, & differens: mais que l'Euesque pust contraindre le Curé à prendre d'autres Prestres à son aide, autant qu'il en auroit de besoin. Mais que là où l'estenduë des habitations requerroit vne nouvelle Paroichiale, l'Euesque eust le pouuoir de l'eriger, partageant le peuple, & les reuenus: ou bien mesmes contrainquant le peuple à contribuer pour fonder vne rente suffisante. Sur cette derniere partie seulement remontra Eustache du Bellai, Euesque de Paris, arriué peu de iours auparauant, que ce Decret ne seroit point receu en France, où n'est permis de commander par autorité Ecclesiastique en matiere temporelle; & n'estoit conuenable à la dignité, & reputation d'un Concile general, de faire Decrets, qui fussent rejettés en quelque Prouince. A cela repliqua Thomas Castelle, Euesque de la Caue, que les François ne scauoient donc point, que ce pouuoir auoit esté baillé au Concile par Iesus-Christ, & par S. Paul, lesquels ont commandé, que le peuple fournisse l'entretienement à ceux qui se seruent és choses spirituelles: & que, si les François vouloient estre Chrestiens, il falloit qu'ils obeissent. L'Euesque de Paris reparti, qu'il auoit iusques alors entendu

1561. que ce que Iesus-Christ, & S. Paul, donnent aux Ministres de l'Euangile, estoit vn droit de receuoir son entretenement de ceux qui le leur donnent spontanément: mais non point de les contraindre à le donner: que la France ne seroit iamais autre Chrestienne, mais qu'il ne vouloit entrer plus auant en cette matiere.

Et du sixième & huitième Article de l'union des Eglises, Les six & huitième Articles n'auroient point eü besoin de Decrets, si l'autorité des Euesques leur fust demeurée voire mesmes si elle eust esté laissée aux Curés, & au peuple, auxquels iadis elle appartenoit, comme il a esté dit, & auxquels aussi il seroit raisonnable que semblables prouisions appartenissent tousiours. Mais la necessité de traiter ces matieres naissoit de ce qu'elles estoient toutes reserüées à Rome. Les Prelats estoient bien tous d'un mesme aduis que de necessité il y falloit pouruoir: mais toutesfois aucuns ne consentoient point qu'on le fist, pour ne mettre la main à l'autorité Papale, en traitant des choses reserüées à ce Siege-là, & sur tout en si grand nombre. Leonard Martin, Archeuesque de Lancian, représenta comme vn terme de iustice, que, puis que tous les offices de Chancellerie Apostolique estoient vendus, il n'estoit pas raisonnable de leur diminuer les expeditions, qui se faisoient en icelle: que ce seroit oster vne partie des emolumens des acheteurs, sans leur adieu & consentement. Et pourtant qu'on laissast faire ces prouisions à Rome, là où on seroit consideration sur l'interest d'un chacun. Cet Archeuesque eust poussé son discours plus auant, pour les interests, que luy & autres siens amis auoient en ces offices, sinon qu'il luy fut remonstré par Gaspar de Certantes de Gaeta, Espagnol, Archeuesque de Messine, qui estoit aupres de luy, qu'on ne resoudroit rien, sans en auoir l'aduis & le consentement de Rome. Quelqu'un rememora ce qui auoit esté pratiqué en la premiere conuocation du Concile, d'adiouster es endroits, où estoit baillée l'autorité aux Euesques sur les choses reserüées à Rome, qu'ils y agissent en qualité de delegués du S. Siege. Et ce conseil, alors donné, fut suivy en tous les Decrets, qui furent formés en semblables matieres.

Et du septième Article, Sur le septième Article, chacun iugeoit bien raisonnable, que le peuple fust deuëment seruy par personnes de suffisance, pour le ministère & de bonnes mœurs, pour l'edification: mais qu'il suffisoit d'abondant de pouruoir à cela pour l'aduenir: d'autant que les loix qui regardent en derriere, & disposent des affaires passées, sont tousiours odieuses, & transcendantes: & pourtant qu'il suffisoit que pour l'auenir on y pourueust de personnes idoines & capables; mais que celles qui estoient en possession fussent tolerées. Mais l'Archeuesque de Grenade dit que la vocation d'un homme inepte & inhabile au ministère de Christ, n'estoit point ratifiée, ny autorisée de Dieu, & pourtant estoit de soy-mesme nulle: & que l'appellé n'y auoit aucun droit legitime: & que par deuoir il falloit de mettre celui qui estoit insuffisant, pour pouruoir d'un suffisant. Mais cet aduis ne fut point suivy, comme trop rigoureux, & lequel, en l'exécution, se seroit descouvert impossible: attendu qu'il n'y a point de iuste mesure de la suffisance necessaire. Et pourtant la voye du milieu fut embrassée, de ne passer les termes de la proposition de l'Article: & de mettre difference entre les ignorans & les scandaleux, & de proceder enuers ceux-là avec moins de rigueur, comme moins coupables. Et d'autant que la prouision de tout droit deuoit appartenir à l'Euesque, n'estoit que les collations estoient procedées du Pape, il fut dit, qu'il seroit permis à l'Euesque d'y apporter le remede necessaire, mesme contre ceux qui estoient pourueus par le Pape, mais tousiours agissant en qualité de delegué du Siege Apostolique.

Et du neuvième Article, Sur le neuvième Article, de la visite des Benefices passés en commende, il faut sçauoir que l'occasion d'en traiter nasquist d'un tres-bon usage degeneré en vn tres-grand & pernicieux abus. Au temps des incursions, & inondations des Barbares, qui aduindrent en l'Empire Occidental, il arriuait souuent que les Eglises estoient priuées de leur Pasteurs, en temps, esquels ceux, à qui canoniquement il appartenoit de pouruoir de successeurs, estoient empêchés par

par incurfions, fieges, ou emprifonnemens, de fe trouver enfemble pour ce faire. Dont, afin que le peuple ne demeurast longuement fans conduite & regime fpirituel, les principaux Prelats de la Prouince, ou bien mefmes quelqu'un des voisins, recommandoit l'Eglife deftituée à quelque perfonnage d'entre le Clergé, de pieté, & de notable prud'homme, & capable de cette adminiftration, iufques à ce que les empelchemens fuflent ceflés, & que lors le Pafteur pult eflre canoniquement élu. Les Euefques, ou les Curés voisins, faifoient le mefme, quand quelque femblable vacance des Eglifes parochiales arriuoit és villages. Et lors le Recommandant ayant toujours foïn d'employer quelque perfonne excellente; & le commendataire au reciproque de correspondre à l'attente qu'on auoit de luy, la chofe reüffiffoit avec beaucoup de fruit, & de contentement. Mais, felon que la corruption fe gliffie toujours és chofes bonnes, il aduint que quelque Commendataire commença non feulement à penfer au bien de l'Eglife recommandée, mais auffi à en tirer quelque profit & emolument pour soy: & les Prelats femblablement introduifirent de recommander les Eglifes fans neceffité. Et l'abus s'augmentant toujours de plus en plus, il falut faire vne loy, qu'une commende ne peult durer plus haut de fix mois, & que le commendataire ne pult iouir des fruits de la commende. Mais nonobftant cela, les Papes de Rome, pretendans fuperiorité fur cette loy, non feulement recommandoient pour plus long-temps, & donnoient vne honnefte portion au commendataire: mais pafferent bien auffi iufques à recommander à vie, & à permettre au commendataire la perception & iouiffance de tous les fruits, de mefmes qu'au titulaire. Voire mefme la Cour changea le ftyle de ces Bulles: car, en lieu qu'anciennement icelles portoient pour caufe, Nous te recommandons vne telle Eglife, afin qu'en cet entre-temps elle foit tant mieux gouuernée: on vint à dire; Afin que tu puiffes fouftenir plus digne ment ton eflat, nous te recommandons la telle Eglife. Et outre plus les Papes de Rome ordonnerent, que le commendataire venant à mourir, le benefice demeurast affecté à leur difpofition: tellement que ceux, à qui autrement appartiendroit la collation, n'euffent à s'en mefler. Et de là aduenoit, que les Commendataires eflans inftitués par le Pape, les Euefques ne pouuoient s'entremettre en la furintendance du regime de telle Eglife, lesquelles par le Pape estoient recommandées à d'autres: & à la Cour de Rome chacun impetroit plus volontiers les benefices en commende, qu'en titre: d'autant que par cete voye ils s'exemptoient de la fuiuiection des Prelats fuperieurs: ce qui faisoit que l'Euefque estoit priué d'autorité fur la plus grande partie des Eglifes du Diocèfe, & les Commendataires, n'eflans fuiets à aucune furintendance, laiffoient choir en ruine les baftimens: & retranchoient, ou mefmes aboliffoient tout à fait les autres despenfes neceffaires: n'ayans autre but, que de fouftenir leur eflat, felon le proëme de la Bulle: & ainfi mettoient tout en defolation. Il n'y auoit rien, qui oftast de remedier à ce defordre, finon qu'il fembloit meffiant, que l'Euefque mift la main en ce qui par le Pape auoit eflé recommandé à vn autre: mais on aduifa qu'on y pouruoiroit honorablement, permettant aux Euefques de vifiter telles Eglifes, & en auoir la furintendance, mais en qualité de delegués du Pape.

Le motif de la propofition du douzieme Article, de remedier aux abus des Quefteurs, fut femblablement, pour le renuerfement & la deprauation de l'ancienne ordonnance, qui estoit, que lors qu'en quelque lieu par neceffité estoit inftitué quelque œuvre pieufe d'hofpitalité, de maladerie, d'education d'orphelins, & autres telles, fans autre fonds que de la liberalité des fideles, il y auoit quelques gens de bien, qui prenoient la charge d'aller par les maifons recueillir les aumofnes: & pour auoir entrée, & creance, ils fe muniffoient d'attestations de l'Euefque. Autres, afin qu'ils ne puffent eflre empelchés par l'Euefque, obtenoient pouuoir du Pape, par lettres recommandatoires, lesquelles estoient données pour quelque partie de l'emolument,

N n n

1561.

laquelle, en l'expedition de la Bulle, estoit stipulée pour la Cour. Cete institution se tourna tout aussi tost en excès d'abus: d'autant que de ces aumosnes recueillies, la moindre partie estoit celle qui se despendoit en l'œuvre pieuse. En outre, ceux qui auoient obtenu le pouuoir de quester, substituoient à cela des personnes viles & infames, avec lesquelles ils partageoient le proüenu des aumosnes, ou bien mesmes leur attentoient la queste: laquelle les questeurs voulans rendre fructueuse & reuenante au possible, vioient de mille artifices estranges & d'annables, portans certaines formes d'habits estranges, feu, eau, cloches, & autres instrumens à faire bruit, pour porter effroy, & imprimer superstition au vulgaire: racontant faux miracles, prechant Indulgences supposées, & demandant les aumosnes avec imprecations & menaces de maux, & de malheurs contre quiconque ne les donnoit: & en somme, vlsant de tant d'autres impietés, que le monde en estoit plein de scandales, ausquels on ne pouuoit pouruoir, attendu les concessions Apostoliques impetrées. Les Prelats s'estendirent beaucoup sur cete matiere, exposant les abus, & specifiant les dessusdites impietés, & autres innombrables: & remonstrant qu'autresfois auoient esté essayés d'autres remedes sans fruit, comme aussi seroient tous ceux qui y seroient employés, fors vn seul, qui estoit d'abolir le nom & l'usage des questeurs. Et à cet aduis s'accorderent presque tous. En ce temps arriuerent Ambassadeurs du Duc de Baviere, lesquels refuserent de se presenter en la Congregation, s'ils n'auoient la preceance par dessus ceux de Venise: à quoy ceux-cy contredifans, les Legats interposerent delay, pour en attendre responce de Rome.

arriuee
des Am-
bass. de
Baviere:

le Pape
s'alarme
des insu-
ces des Es-
pagnols au
Concile,

Le Pape, quand il eut aduis des suffrages rendus es Congregations sur le fait de la Residence, prenant garde que les Espagnols estoient tous conformes, fit vn mauuais prognostic, halenant bien qu'vne telle vnion ne pouuoit estre sans participation du Roy: & disoit, qu'il estoit des long-temps, & par plusieurs & grandes experiences tout acertencé, que les Prelats Vltromontains sont ennemis de la grandeur de l'Italie, & du Siege Apostolique: & estoit tout plein de melcontentemens contre le Roy d'Espagne à cause de ces soupçons, comme s'il luy eust manqué de parole, en la promesse qu'il luy auoit faite de maintenir son authorité, mais à la fin de tous ses discours, il concluait, Que si les Princes l'abandonnoient, il recourroit au Ciel; qu'il auoit vn million d'or, & scauoit le lieu où en trouver vn autre tout prest: & qu'au bout, Dieu pourueroit à son Eglise. Toute la Cour de Rome aussi apprehendoit, avec beaucoup de passion, le peril de tout son estat: car on voyoit bien que ces nouueautés butoient à faire autant de Papes, ou qu'il n'y eust nul Pape, & à retrancher tous les emolumens aux offices de la Chancellerie.

& s'en-
se enuers
le Roy
d'Espa-
gne,

Il vint aussi aduis du Nonce, qui estoit en Espagne, que ce Roy-là auoit mal pris la cause de *proponentibus Legatis*, arrestée en la premiere Session: lequel decret agreoit de tant plus au Pape, que, par le desplaisir qu'autres en receuoient, il apparoissoit qu'ils auoient dessein de proposer chose qui fust à son preiudice. Il en fit neantmoins faire ses excuses enuers le Roy, disant, Que cela auoit esté fait à son insen: mais toutesfois qu'il paroissioit necessaire, pour reprimer l'insolence des esprits inquiets & turbulens: que le Concile seroit vne vraye tour de Babel, si toute personne ambitieuse y auoit effrenement pouuoir de remuer les humeurs, & esmouuoit les esprits, que les Legats estoient personnages discrets, fort respectueux enuers Sa Maiesté; & proposeroient tousiours tout ce qu'ils scauroient luy agreer, & donneroient toute sorte de contentement à toute personne pieuse & sage.

& se plain-
t d'Am-
bass. res-
dent,

Mais avec l'Ambassadeur Espagnol resident aupres de soy, lequel luy en parla, il traita avec vn peu plus de rudesse, premierement se plaignant, Qu'il eust fait en cela de mauuais offices, & puis representant la maniere de proceder presques seditieuse des Prelats Espagnols au Concile. Et demonstra que le Decret estoit saint & necessaire & qu'il n'estoit fait preiudice à aucun par dire, que les Legats proposeroient. Mais l'Ambassadeur Vargas repliqua, Que, s'il n'estoit dit autre chose, sinon, que les Legats proposeroient, nul ne

s'en plaindroit: mais que cet ablatif, *proponenibus Legatis*, estoit tout droit de proposer aux Euesques: & pourtant qu'il le faloit changer en autre façon de parler. Mais le Pape desdaigneusement luy respondit qu'il auoit autre chose à faire qu'à penser à *cuius generis, & cuius casus*. Les soupçons du Pape contre Vargas n'estoient point sans fondement, ayant descouuert qu'il auoit fait plusieurs despèches en poste en Espagne, & à Trente, incitant les Prelats Espagnols à maintenir la liberté, & montrant au Roy, que le Concile estoit tenu en seruage.

Mais à la Cour de Rome tout estoit plein de tumulte, ou plustost d'effroy, *trouble & à cause des lettres qu'on y auoit receuës de Trente, selon que chacun escri- Rome pour uoit diuerfement à ses amis, suiuant son affection, ou passion, particulière: les traités de Trente,* & sembloit desia de voir Rome toute vuide & deserte de Prelats, & priuée de toute prerogative, & préeminence: on voyoit desia à l'œil que les Cardinaux habitans à Rome seroient exclus de tenir Eueschés: que sans doute la pluralité des Benefices seroit interdite: que nul Euesque, ne Curé, ne pourroit auoir aucune charge à Rome: que le Pape ne pourroit dispenser en aucune de ces choses, qui sont les principales de sa puissance. On rememoroit le dire de Tite Liue, Que la Maïesté du Prince malaisément est abaissée du sommet au milieu; mais qu'aisément elle est precipitée du milieu iusqu'au fonds. On discouroit de la grande faueur & credit, que le Decret porteroit à l'accroissement de la puissance des Euesques; lesquels tireroient à eux la collation des Benefices, par le renuersement de l'autorité Papale es reserves. Et disoit-on, que les Euesques Ultramontains, & mesmes aussi quelques Italiens, auoient tousiours monstré du mal talent enuers la Cour, d'enuie, & de despit de n'y auoir si facile accès comme ils desireroient. Qu'il falloit se garder de ceux, qui feignoient de se tenir esloignés de Rome par conscience, qu'ils seroient pis que les autres s'il leur venoit à point: que ces marmiteux ont vne ambition plus grande que les autres, quoy que cachée: & se veulent hausser par là depression & ruine d'autrui: comme cela estoit paru par effet au Pape Paul quatrième, iadis moine Theatin, tout mortifié & bigot, & depuis si violent & aduantageux Pape. Et d'autant, que les Prelats Espagnols estoient vnus en cela, & qu'il estoit bien auéré, que l'Ambassadeur Vargas les incitoit à persister, plusieurs grommeloient, que tout le motif venoit du Roy, par vn dessein d'estat: d'autant qu'il voyoit que, pour auoir des subsides du Clergé, il auoit tousiours deux grandes difficultés à combattre, & à surmonter: l'vne, à obtenir le consentement & adueu du Pape, l'autre, à se desfaire de la resistance des Chapitres & Colleges, lesquels, tant pour les premiers rangs de noblesse qu'ils tiennent, que pource qu'ils sont exempts des Euesques, & ont, pour la pluspart, receu leurs Benefices par collation Papale, n'estoient retenus d'aucun respect à s'opposer aux demandes du Roy, & que pourtant le Roy auoit dessein de rehausser les Euesques, dependans totalement de luy, & tenans leurs Eueschés de sa presentation, en leur soumettant les Chapitres, & les Colleges, & les emancipant de la suietion du Pape: pour s'acquérir par ce moyen vn plein & absolu pouuoir & commandement sur le Clergé.

La Cour de Rome se plaignoit de tous les Legats en general, d'auoir proposé, ou permis de proposer l'Article. Que ia auparauant il auoit esté ordonné, avec beaucoup de souplesse & d'artifice, qu'eux seuls pussent proposer: & ce, non à autre fin, que d'obuiuer aux attentats des mal affectionnés à Rome: & qu'ils estoient sans excuse, puis qu'ils auoient desia l'exemple de la confusion & du desordre, que cette dispute auoit causé au premier Concile. Mais, par sur tous, ils faisoient de grandes doléances des Legats de Mantouë, & Seripande, & encor plus du premier: lequel, disoient-ils, eust pu remedier à tout inconuenient par son credit & reputation: & pour remede disoient, Qu'il falloit y enuoyer d'autres Legats, personnes plus enclines au bien public, & non Princes, ne Moines, ains personnes qui eussent passé par les degrés de la Cour, & par voix commune y estoit designé Iean Baptiste

1561. Cigale, Cardinal de S. Clement, pour chef, pour s'estre monstré tres-ardent defenseur de l'autorité Papale, és charges de Referendaire, & d'Auditeur de Rote, avec beaucoup de louange, & d'accroissement des affaires de Rome: qu'iceluy, comme superieur, en qualité d'Euefque, à celuy de Mantouë qui n'estoit que Diacre, tiendroit le premier rang, & que celuy de Mantouë par cela seroit induit à se retirer volontairement.

sur quoy le
Pape fait
consulter
à Rome,

Le Pape fit tenir plusieurs Congregations des Cardinaux deputés à la consultation du Concile; & par eux furent proposés diuers remedes pour obuier au cours du mal; & des lors le Pape commença à parler de l'affaire beaucoup plus paisiblement, & correctement qu'auparauant. Il ne condannoit point l'opinion de ceux; qui maintenoient la Residence estre de droit diuin, ains les loioit d'auoir parlé selon leur conscience: & mesmes adiuſtoit quelques fois, que peut-estre cette opinion-là estoit la meilleure: mais il se plaignoit de ceux, qui s'estoient remis à luy: veu que le Concile estoit assemblé, afin que chacun dist son aduis, & non pour endosser les choses difficiles à autrui; afin d'euitier la haine, & l'enuie. Qu'il auoit desplaisir des differens suruenus entre ses Legats, lesquels ne deuoient iamais permettre qu'ils fussent esuentés avec scandale, ains les deuoient tenir secrets, ou les composer entr'eux; ou les rapporter à luy: qu'il trouuoit bien bon que chacun dist son aduis en liberté, mais aussi qu'il ne pouoit qu'il ne blasmasſt les pratiques, & brigues: & mesmes les surprises & violences, dont quelques vns auoient vsé pour subuertir les autres: & se sentoient greüé de ce qu'on alloit semant contre la liberté du Concile, & que de consulter les choses à Rome estoit la violer: que c'estoit chose bien estrange, qu'il falust que luy, qui estoit le Chef du Concile; & les Cardinaux; qui en estoient les membres principaux, & autres Prelats qui sont à Rome, qui sans contredit ont voix au Concile, fussent tenus pour estrangers, en sorte qu'ils ne pussent estre confens de ce qu'on y traitoit, pour en dire leurs aduis: & que ceux-là, qui n'y auoient point de part legitime, se donnassent la liberté de s'y ingérer par mauuais moyens: qu'on voyoit clairement, que tous les Prelats estoient allés à Trente avec commissions de leurs Princes, & que selon icelles ils se gouernoient: que les Ambassadeurs les contraignoient, par lettres, & par offices, à suiure les interets de leurs Princes: & que toutesfois nul ne devoit pour cela, comme on porteroit bien de raison, que le Concile n'estoit pas libre: & amplifioit & exaggeroit l'affaire avec beaucoup de vehemence en tous ses propos: adiuſtant, que de dire, que le Concile n'estoit pas libre, estoit vn pretexte de ceux, qui ne desiroient point d'en voir heureuse issue, afin de le dissoudre, ou luy oster tout credit & reputation: & qu'il tenoit toutes telles gens pour occultes fauteurs del'heresie.

se re-
font,

de respon-
dre à Tre-
nte,

En fin, apres auoir conféré de cet affaire avec tous les Ambassadeurs residents aupres de soy, & en auoir maintesfois consulté, le neuſiëme May il assembla tous les Cardinaux, & fit lire les aduis qu'il auoit eus de Trente, & exposa le sommaire des consultations tenuës, & la necessité qu'il y auoit de proceder en ce fait avec dextérité, & fermeté: & signifiant qu'il y en auoit beaucoup de coniurés contre le Siege Apostolique. Puis il fit lire la response, qu'il deliberoit enuoyer à Trente, laquelle en substance contenoit deux points. Le premier, Que de son costé le Concile auoit tousiours esté laissé en liberté, & le seroit encor pour l'aduenir. Le second, Qu'il estoit raisonnable que le Concile le reconust pour Chef, & qu'il portast la due reuerence au S. Siege. Là dessus il requit l'aduis des Cardinaux, lesquels ynanimement louèrent cette response. Aucuns remonstrèrent, qu'attendu les diuersités d'aduis entre les Legats, il seroit bon d'en enuoyer d'autres, voire mesmes extraordinaires. Autres aussi adiuſterent, que l'importance de l'affaire meritoit bien, que Sa Sainteté, avec tout le College, se transportast à Bologne, pour estre plus pres de Trente, & pouuoir plus aisément subuenir au besoin. Le Pape respondit, Qu'il estoit tout prest d'aller, non seulement à Bologne, mais mesmes à Trente, si besoin estoit: & tous les Cardinaux s'offrirent à le suiure.

On consulta sur le fait de l'enuoy d'autres Legats, & fut resolu de différer d'en traiter: sur l'opinion que Mantouë pourroit demander son congé: ce qui porteroit grande perte de reputation au Concile, pour l'opinion, que l'Empereur, & le Roy d'Espagne, & quasi tous les Princes, auoient de la grand' prud'homme: & pour le credit, auquel il estoit enuers la plus grande partie des Prelats de Trente.

Ayant fait ceste despêché, il fit office avec les Ambassadeurs de Venise, *se murit de la jalousie de Venise & de Florence*, à ce que ces Princes-là recommandassent les affaires du Pa-
par à leurs Ambassadeurs à Trente, & leur ordonnassent de faire que les Pre-
lats de leurs Estats n'entreussent en aucuns traités contre le Siege Aposto-
lique, & ne fussent tant ardens au fait de la Residence. Puis apres il appella
à soy tous les Euesques, qui se trouuoient encorés à sa Cour, & leur remon-
stra le besoin, & le seruice que leur presencé pouuoit rendre à Trente. Il les
chargea de promesses, & donna subuention aux pàuures, & les despêcha
tous au Concile. Et fit cela, tant pour fortifier le nombre, lors qu'on parle-
roit de la Residence; que pource qu'on en attendoit quarante François, des-
quels il ne prognostiquoit rien de bon: Et, afin de n'auoir pour contraire le
Royaueme de France, les Ambassadeurs duquel deuoient bien tost arriuer à
Trente, il se resolut d'aider le Roy de cent mil escus en don, & d'autres cent
mil en prest, sous pretexte que ce fussent deniers de marchands, auxquels le
Roy deuoit donner suffisantes cautions du principal & des interests: & ce, à
condition qu'on procedast en France tout à bon & sans simulation: que les
Edits fussent reuocqués: que la guerre fust faite pour la Religion: que de cet
argent on fist leuées de Suisses & d'Allemands, qui fussent sous le commande-
ment de son Legat, avec les enseignes de l'Eglise: qu'on ne pardonnast à au-
cun Huguenot sans son consentement: qu'on emprisonnast le Chancelier,
l'Euesque de Valence, & autres qu'il nommeroit: qu'on n'eust à traiter au
Concile chose quelconque contre son autorité: & que les Ambassadeurs
de France ne fissent aucune mention des Annates: sur lesquelles toutesfois il
s'offroit de conuenir avec le Roy, & de les reformer au contentement de Sa
Maiesté.

Le Pape puis apres consulta la matière de la Residence, pour en pouuoir
parler correctement, & bien à point au besoin: en sorte qu'il ne se fust prei-
dice, & aussi ne donnast scandale. Et toutes les raisons bien debatues, il s'ar-
resta à cet aduis, d'approuuer, & faire mettre en execution la residence, en
quelque loy, ou Canonique, ou Euangelique, qu'elle soit fondée. Il respondit
en cete forme à l'Ambassadeur François qui luy en parla: adioutant, Que de
tous les commandemens Euangeliques luy seul estoit ordonné executeur:
que Christ, disant à S. Pierre, Pai mes brebis, auoit entendu & voulu; que tou-
tes les ordonnances, baillées par Sa Maiesté diuine, fussent executees par le
moyen de Pierre tant seulement: & que luy vouloit faire vne Bulle de la Resi-
dence, portât peine de la priuation des Eueschés: laquelle seroit plus redou-
tée, que toute la declaration que le Concile scauroit faire qu'icelle est de
droit diuin. Et, sur ce que l'Ambassadeur insistoit sur la liberté du Concile, le
Pape respondit, Que si toute liberté luy estoit permise, il l'estendrait à reforme-
ment non seulement le Pape, mais aussi les Princes seculiers. Et ce style agreoit
grandement au Pape, lequel disoit coustumièrement, Qu'il n'y auoit rien de
pire, que d'estre tousiours sur sa pure defensiue: que si autres le menaçoient
du Concile, il les faisoit menacer des mesmes armes au reciproque.

En ce mesme temps, le Pape voulut commencer à executer ce qu'il auoit
requis & promis, de reformer luy mesme sa Cour, sans que le Concile s'en en-
tremist: & commença par vne partie tres-principale, publiant vne Bulle de
reformation de la Penitencerie, & donnant la voix qu'en bref il reformeroit
aussi la Chancellerie, & la Chambre. Sur quoy chacun attendoit de voir regler
en icelle Penitencerie les choses appartenantes au salut des ames, qui sont
grandement maniées en cet office-là. Mais il ne fut fait en cete Bulle aucune
mention de penitence, ne de conscience, ne d'autre chose spirituelle, & le

1561.

Pape ne fit autre chose, qu'oster à la Penitencerie les pouuoirs, qu'elle exerceoit en diuerses causes beneficielles, & en celles qui regardoient la discipline exterieure des Moines Reguliers : sans toutesfois exprimer, s'il faisoit cette pouuoir & reglement, pour donner à d'autres officiers les mesmes pouuoirs, qu'il ostoit à la Penitencerie : ou bien, pource qu'il les tenoit pour insupportables abus, lesquels il vouloit abolir de Rome. Mais l'euement esclaireit bien tost l'ambiguité & le doute : d'autant que les mesmes choses s'obtenoient puis apres en la Daterie, & par autres voyes seulement à plus grands frais : & cela fut tout le fruit de cete Reformation.

*les Decrets
formés
sont pro-
posés en
Congre-
gation à
Trente, &
renuouel-
lés, les in-
stances sur
la resi-
dence,*

*vabatuës
par pure
violence :*

Or, pour retourner à Trente, apres que les Peres eurent dit leurs aduis, & que les Deputés eurent formé neuf Decrets, obmettant les Articles du Mariage, comme il auoit desia esté arresté : & de la Residence, comme les Legats auoient conuenu entr'eux ; ayant mesmes fait office avec aucuns qu'ils s'en contentassent : ces Decrets furent proposés en la Congregation, pour les arrester, & puis les lire en la Session, au temps assigné. Mais cete omission excita les demandes des fauteurs de la Residence, ausquels les Legats respondirent, Que cet Article n'estoit pas encor suffisamment examiné, & n'estoit à propos de le proposer en cete Session : que cela se feroit en son temps. Mais cete response ne fit que faire redoubler les instances, qu'on le proposast lors, allegant que iamais l'occasion n'en seroit meilleure, & murmurant mesmes, que c'estoit vn artifice pour faire eclipser tout l'affaire sans conclusion. Toutesfois ils furent contraintes de rallentir leurs poursuites, quand ils virent que les Legats estoient tous resolu de n'en traiter point pour lors, & que le party contraire, fomenté de Rome, faisoit instance à l'opposite beaucoup plus puissamment. Partant on vint aux autres Articles, & à peu d'alteration furent formés dix-neuf chapitres.

*difficulté
sur la de-
claration
de la con-
firmation
du Concile :*

Le Marquis de Pescaire, au nom du Roy d'Espagne, sollicita grandement, qu'en icelle Session declaration fust faite que ce Concile-là estoit vne continuation de celui, qui auoit esté commencé sous Paul troisieme, & pouruiuy sous Iules : & cete demande estoit secondée par les Prelats Espagnols, & autres leur adherans : & fortifiée de cete raison, Qu'il estoit necessaire de le faire par necessité de foy : qu'autrement seroient reuouquées en doute les determinations ia faites, avec notable impieté. Mais les Ambassadeurs Imperiaux faisoient puissans offices au contraire, disans, Que, si on en venoit là, ils partiroient tout sur le champ, & protesteroient, d'autant que l'Empereur ayant engagé sa parole à l'Allemagne, que cete conuocation seroit vn nouveau Concile, il ne pouuoit souffrir vn si grand affront. Que ce n'estoit pas, qu'ils voulussent mettre en doute & debat les choses ia decidées : mais prioient les Peres, que, pendant qu'il y auoit esperance de reduire l'Allemagne, ils ne la tranchassent point tout à net, avec vn si grand grief contre la Maiesté Imperiale. Le Cardinal Seripande n'auoit autre but, que de faire determiner que c'estoit continuation : à quoy desia, en la Bulle de conuocation, il auoit puissamment trauaillé, & à present fauorisoit encor viuement la demande des Espagnols. Mais le Cardinal de Mantouë y resista fermement, pour ne faire vn si grand tort à l'Empereur, sans necessité : & trouua vn temperament d'appaiser les Espagnols, en disant, Que, puis qu'on auoit ia tenu deux Sessions, sans faire aucune mention de cete proposition, il n'y auoit aucun preiudice de la differer encores iusques à vn autre. La resolution, que firent les Ambassadeurs Imperiaux de partir, & les offices du Cardinal Legat de Mantouë, firent que le Marquis de Pescaire rallentit sa procedure : & tout à point arriuerent lettres de Louïs de S. Gelais, Sieur de Lansac, chef de l'Ambassade, que le Roy de France enuoyoit au Concile, lequel estant en voyage, non guerres loin, escriuit aux Legats, & aux Peres, les priant de prolonger la Session iusques à l'arriuée de ses Collegues, & siene. Le Cardinal de Mantouë se seruit de cete occasion pour mettre la prolongation en deliberation : & à icelle consentirent les vns pour l'vn, les autres pour diuers de ces esgards : quelques vns aussi, pource qu'ils voyoient que les humeurs de la re-

fidence n'estoient pas encor bien calmes : & fut resolu, pour garder la dignité du Concile, non de prolonger la Session, mais de la celebrer, sans y proposer aucune matiere. 1561.

Le quatorzième May, iour destiné à la Session, les Peres se rendirent à l'Eglise en la Session publique, avec les ceremonies accoustumées : & là, apres que la Messe eut esté chantée, & faites les autres prieres vſitées, le Secrétaire lut les mandemens des Princes, selon l'ordre & rang, & les Ambassadeurs s'estoient présentés en Congregation du Roy d'Espagne, du Duc de Florence, des Suisses, du Clergé de Hongrie, & des Venetiens. Et le Promoteur en peu de paroles remercia tous ces Princes, d'auoir offert leurs forces, pour la seureté & liberté du Concile. Puis apres l'Euesque officiant prononça le Decret, dont la substance estoit, *troisième session :* Que le Concile, pour bonnes & iustes causes, auoit deliberé de prolonger la publication des Decrets, qui deuoient estre faits & établis en cette Session, iusques au quatrième Iuin, auquel iour il intimoit la suiuite Session. Et en cette assemblée ne fut fait autre chose.

Apres que la Session eut esté celebrée, le Marquis de Pescaire se partit de Trente, disant, Qu'il estoit nécessité de retourner promptement à son gouuernement, pour quelques remuemens des Huguenots en Dauphiné. Mais, par ce qu'on ſçauoit bien, que ces forces-là n'estoient point suffisantes pour sortir hors du païs : & mesmes, qu'entre le Dauphiné & le Duché de Milan, il y a le païs du Duc de Sauoye entre deux ; plusieurs eurent opinion, qu'il en eust commission de son Roy, lequel, desirant que le Concile alast auant, auoit resolu d'oster toute occasion de l'achoper par la querelle de la presence, qui de nécessité seroit ensuiuie, en cas qu'à l'arriuee des Ambassadeurs François, son Ambassadeur s'y fust trouue aussi present. Deux iours apres le depart d'iceluy, arriua Louïs de S. Gelais, Sieur de Lansac, chef de l'Ambassade de François, auquel grand nombre de Prelats, & particulièrement des Espagnols, alla au deuant. Le iour suiuant arriuerent Arnaud Ferrier, President de Paris ; & Gui Faure, Sieur de Pibrac, gens de robe longue, Collegues de l'Ambassade. *depart de l'Ambass. d'Espagne pour saussément pretexté, ceux de France :*

En ce mesme temps vindrent nouuelles au Concile, de ce que le Pape, les Cardinaux, & la Cour de Rome, disoient en desfaueur des Peres à cause de la Residence. Et plusieurs aussi d'entr'eux receurent lettres des Cardinaux leur patrons, & d'autres amis, pleines de plaintes, de reprehensions, & d'exhortations, lesquelles ils alloient aussi monstrant tout publiquement. D'autre part vindrent à Rome nouuelles de ce qui estoit arriué du depuis. Le Pape renouuela & redoubla son indignation contre le Cardinal de Mantoué, par ce qu'il auoit laissé eschapper l'occasion de declarer la continuation du Concile, dont l'Ambassadeur & les Prelats Espagnols luy auoient fait instance. Il se plaignoit de voir le Cardinal conioint avec les Espagnols au fait de la Residence, & separé d'eux au fait de la continuation : ce qui ne vouloit dire autre, sinon qu'il luy estoit contraire en tout : car autrement, nul homme, quoy que de sens hebeté, n'auroit failly de passer à cette declaration : d'autant que, succedant bien, on auroit franchy vn grand pas en faueur de l'Eglise Catholique : & aussi, ne succedant pas, le Concile en eust esté rompu : ce qui n'estoit pas de moindre benefice. Et remit sus la consultation d'y enuoyer d'autres Legats, & particulièrement le Cardinal de S. Clement : faisant dessein, de bailler à luy la principale charge, & l'instruction : & pour n'oster le premier rang d'honneur à celuy de Mantoué, & par là luy donner occasion de partir, il aduisa de l'ordonner Euesque : estant, peu de iours auparavant venuë la nouuelle de la mort de François de Tournon, Doyen des Cardinaux, par laquelle vn des six Eueschés du corps des Cardinaux demeureroit vacant.

Mais l'Empereur, ayant eu aduis de la proposition faite, de declarer la continuation du Concile, s'en esmut, & fit dire au Pape que si cela se faisoit, il rappelleroit ses Ambassadeurs de Trente, auxquels aussi il commanda, que si la

1561.

deliberation en estoit ia prise, ils partirent tout sur le champ, sans attendre la publication. De là le Pape conceut esperance, que par ce moyen le Concile pourroit estre terminé: & de tant plus accrut-il son indignation contre le Cardinal de Mantouë, à l'occasion duquel la plus belle occasion estoit eschapée; & se mit à songer en quelle façon il la pourroit releuer. La Cour de Rome, tant à l'exemple de son Prince le Pape, que pour ce qu'il s'agissoit de ses interets, continuoit ses plaintes, & murmures contre les Prelats du Concile, & sur tout contre le mesme Cardinal, & contre Seripande, & contre celuy de Vvarme. A l'opposite aussi les Prelats à Trente, & sur tout les Espagnols, en leurs deuis priués entr'eux, se plaignoient du Pape, & de la Cour de Rome: du Pape, comme de celuy qui tenoit en seruage & captiuité le Concile, auquel il deuroit laisser l'entiere & libre disposition & pouuoir de traiter & determiner toutes choses; sans s'en ingerer: & neantmoins, non seulement ne pouuoit estre proposé chose quelconque, sinon autant qu'il plaisoit aux Legats, lesquels ne faisoient que ce qui leur estoit commandé de Rome: mais encores, lors que quelque proposition estoit faite, & qu'il se trouuoit vn nombre de septante Euesques conforme en aduis, ils estoient empeschés mesmes de parler: que le Concile deuroit estre libre, & exempt de toute pretention, concurrence, & interuention de toute autre puissance: en lieu qu'il receuoit la loy de ce qu'il deuoit traiter: & les choses qu'il auoit traitées & decidées, estoient limitées & corrigées: ce qu'estant, on ne pouuoit voir comment on le pouuoit vrayement appeller Concile: qu'il y auoit en iceluy plus de quarante pensionnaires du Pape, les vns à gages de trente escus, les autres de soixante par mois: que les autres estoient intimidés par lettres de Cardinaux, & d'autres gens de Cour. De la Cour, ils se plaignoient que ne pouuant supporter la reformation, elle se donnoit la licence de calomnier, reprendre & contreroler ce qui estoit fait & geré pour le seruice de Dieu: que, puis qu'on auoit ia veu, comment on auoit procedé contre vne Reformation necessaire & legere, on ne pouuoit attendre sinon grands troubles & contradictions, lors qu'on viendroît à trancher plus sur le vif. Qu'il seroit du deuoir du Pape, de reprimer au moins les paroles des passionnés, & monstrer en apparence, puis qu'en effet il ne vouloit estre lié, que le Concile procedoit en sincerité, & liberté.

Il aduint aussi que Paul Emile Veralle, premierement Archeuesque de Rosan, & en ce temps Euesque de Capoché, vint à paroles avec l'Euesque de Paris, en vne assemblée de plusieurs Euesques. L'occasion fut, sur ce que celuy de Paris auoit blasmé la maniere de deliberer par pluralité de voix: surquoy l'autre respondit, Que tous les Euesques sont egaux. Et celuy de Paris luy demanda, Combien d'ames il auoit en sa charge: & l'autre luy respondit, cinq cens. Celuy de Paris luy repliqua, que s'agissant de personne à personne, il luy cederait tres-volontiers: mais, qu'à l'esgard de ceux que l'un & l'autre representoient, celuy qui ne parloit que pour cinq cens ne se deuoit egaler à vn qui parloit pour cinq cens mil.

les Ambassadeurs de France se presentent en Congregation,

où Filtrac fait vne harangue grande & viue,

Les choses estans en cet estat, il ne se tint point d'autre Congregation, iusques au vingt-sixième du mois: & lors, les Ambassadeurs François, qui auoient premierement communiqué leur instruction avec les Imperiaux, & s'estoient fort bien entendus ensemble, suiuant le commandement de leurs maistres, se presenterent en la Congregation generale: en laquelle ils exhiberent le mandement de leur Ambassade, lequel fut lu: & puis apres Gui Fature fit vne longue harangue, en laquelle il exposa d'entrée le desir, que dès long-temps le Roy auoit eu, que le Concile fust conuoqué en lieu commode, & non suspect: & les bons offices, qu'il auoit à cette fin faits enuers le Pape, & tous les Princes Chrestiens. Puis de là il passa à declarer le fruit, qu'on pouuoit attendre de l'ouerture d'iceluy: & dit, que ceux-là de vray faillent griueusement qui veulent innoier toutes les ceremonies de l'Eglise: mais aussi, que ceux-là ne sont moins reprehensibles, qui les veulēt toutes opiniastrement soustenir, sans faire aucun estat de ce que la condition des temps presens,

presens, & le bien public, requierent. Il exposa fort particulièrement les tentations que le Diable liueroit aux Peres, pour les distraquer du droit chemin : & menaça, que s'ils luy prestoiert l'oreille, ils feroient perdre tout credit & autorité aux Conciles : & adiouta, que plusieurs autres Conciles auoient esté tenus en Allemagne, & en Italic, avec bien peu ou point du tout de fruit : desquels aussi on auoit dit, qu'ils n'auoient esté ne libres, ne legitimes, pource qu'ils auoient parlé selon le vouloir d'autrui. Qu'ils regardassent d'employer en bien la puissance & la liberté qu'ils auoient receuë de Dieu. Que si es causes des particuliers. c'estoit chose digne de grieue punition, de gratifier quelqu'un contre iustice : les iuges es choses de Dieu meritoient beaucoup plus grand supplice, s'ils s'abandonnoient à suiure la faueur du monde, & le vent populaire, ou à estre comme esclaués de robe longue des Princes, auxquels ils sont obligez. Que chacun examinast sa conscience, & qu'elle passion ou affection le poutloit. Et d'autant que les défauts de quelques Conciles passez faisoient preiudice à celui-cy, il falloit monstrer que ces temps-là estoient passez, & que chacun peut disputer en liberté : qu'on ne disputoit plus par le feu, & ne rompoit plus la foy donnée, & que le Saint Esprit ne s'imploreroit plus d'ailleurs que du ciel : & que ce Concile present n'estoit point celui, qui auoit esté commencé par Paul, & poursuivy par Iules troisieme, en temps de troubles, & parmy le bruit des armes : lequel aussi fut rompu, sans auoir effectué aucune chose de bon : ains vn nouveau, libre, paisible & legitime : conuqué selon l'usage ancien, auquel tous les Roys, Princes. & Republiques, prestoiert consentement : auquel aussi l'Allemagne concourroit, amenant avec soy les auteurs des modernes disputes & controuerses, les plus graues & eloquens hommes qu'elle eust. Et pour conclusion, dit qu'eux Ambassadeurs promettoient à cet effect le secours & l'assistance du Roy, leur Maistre. Il sembla que plusieurs des Peres, & aucuns mesmes des Legats ne prissent pas bien ces paroles : auxquelles aussi, pource qu'elles passoient les termes generaux, & de compliment, le Promoteur ne sut que respondre : & partant icy ne fut obseruée la coutume de respondre en forme, ains la Congregation fut terminée par cette harangue.

Le iour suiuant, les mesmes Ambassadeurs, se presenterent aux Legats, puis exposèrent assemblez expressement, & là excuserent les Prelats François, de ce qu'il n'estoient venus au Concile, à cause des troubles, promettant que dès aussi tost qu'ils seroient appaisez, ce qu'ils espereroient deuoit estre en bref, ils viendroient en diligence. Ils exposerent aussi les ombrages & soupçons, que les Huguenots prenoient de la continuation du Concile, commencé par Paul, & qu'il en requeroient vn nouveau. Que le Roy en auoit traité avec l'Empereur, qui s'accorderoit à rechercher le mesme, à l'instance de ceux de la Confession d'Augsbourg : & qu'il en auoit fait autresfois parler au Pape, lequel auoit respondu, que ce differend estoit entre leur Roy, & celui d'Espagne : que cela n'importoit de rien à luy, mais qu'il le remettoit entierement au Concile, & pourtant requeroient, qu'en termes expres il fust dit & déclaré, que l'Indiction du Concile estoit nouuelle : & qu'on ostant ces paroles, *indiciendo continuamus & continuando indicimus* : qui contenoient vne ambiguité non conuenable à hommes Chrestiens, & tout ensemble vne manifeste contradiction. Que les Decrets faits par le Concile passé, n'estoient point receus par l'Eglise Gallicane, & non pas mesmes par le Pape, & le Roy Henry deuxieme auoit fait protester à l'encontre. Qu'ils s'adressoient à eux Legats sur cet Article, d'autant que la Sainteté auoit plusieurs fois dit, que ce debat d'Indiction, ou de Continuation, n'appartenoit point à luy, & qu'il le remettoit au Concile. Et apres auoir fait leur demande de bouche, ils la leur laisserent par escript. Les Legats, apres auoir consulté, responderent aussi par escript, qu'ils admettoient, entant qu'en eux estoit, l'excuse des Euesques absens : mais qu'ils ne pouuoient differer iusques à leur venue de traiter ce qui escheoit au Concile : d'autant que ce seroit vne trop grande

1562.

incommodité aux Peres, qui se trouuoient desia presens dès longtemps: qu'ils n'auoient pas pouuoir de declarer, quel l'Indiction du Concile fust nouvelle: mais seulement d'y presider, selon la teneur de la Bulle du Pape, & la volonté du Concile. Les François pour lors acquiescerent à cette réponse: d'autant qu'ils auoient consulté avec les Imperiaux, qu'il n'estoit pas expedient de passer plus outre, pourueu qu'és Actes ne fust faite mention de continuation: veu que les Espagnols ayans fait instance, que la continuation fust declarée à la premiere Session, si on pressoit grandement au contraire, il estoit à craindre, qu'il n'en aduinst la rupture du Concile. Mais la réponse des Legats, qui fut publiée par les François, donna grand suiuet de parler aux Espagnols, sur la clause & endroit où ils disoient, que leur autorité estoit de presider, selon la volonté du Concile: car, par ces mots ils se soumettoient au Concile, & toutesfois le maistrisoient en effect. Sur quoy l'Archeuesque de Grenade disoit, que c'estoit bien là vne absolue maistrise & domination, de se seruir du valet, en toutes les qualitez qu'il pouuoit auoir mesmes de maistre.

le propos de
la residence
cest rele-
ué.

et la re-
formation
inflammez
requises.

mais celle
cy est dex-
trement
rabainé.

et l'autre
omise par
necessité.

Quand on vid que les Legats ne propoient rien pour la Session suivante, les fauteurs de la Residence murent le propos de cette matiere, & induisirent les Ambassadeurs de l'Empereur, de France, de Portugal, & tous les autres à faire instance aux Legats, qu'elle fust decidée en la suivante Session, allegans qu'apres auoir esté proposée & disputée, ce seroit vn grand scandale de la laisser indecise: & feroit-on voir, que c'estoit pour quelque interest particulier, puis que les principaux Prelats du Concile, & le plus grand nombre, en desiroient la determination. Les François en outre firent instance, coniointement avec les Imperiaux, qu'on ne traitast les matieres des dogmes en l'absence des Protestans, qui les impugnoient, auant que leur contumace fust bien verifiée: veu que c'est chose superflue de disputer des choses, qui n'ont point de contredisant: & sur tout, qu'il y auoit bien à traiter d'autre chose, à la demande de laquelle tout le monde s'accordoit, qui estoit vne bonne reformation de mœurs. Quel Ambassadeur d'Angleterre en France auoit donné intention que la Reyne sa Maistresse, enuoyeroit au Concile: dont il aduiendroit, que les autres Protestans feroient le semblable, & de là suiuroit vne reünion generale de l'Eglise: toutes choses, qu'on pouuoit tenir pour toutes asseurées, moyennant qu'une bonne reformation fust faite auparauant. Le Cardinal Legat Simonete respondit à cette deuxième proposition, que l'affaire sembloit bien aisé de prime face, mais estoit le plus difficile de tous: attendu que le tout gisoit en la disposition des Benefices, en quoy les abus procedoient des Roys, & des Princes. Cela donna beaucoup à penser à tous les Ambassadeurs, à cause des nominations, & autres dispositions, que les Princes exercent & par sur tous, le Roy de France. Mais la demande touchant la Residence donnoit bien plus de fascherie aux Legats: car les Peres n'acquiescoient point à l'excuse employee autres fois, que la matiere n'estoit pas assez digerée, & que le temps assigné à la Session ne suffisoit pas pour l'esclaircir tout à fait, & autres considerations. Et les humeurs s'eschaufferent iusques-là, que plusieurs Prelats Ultramontains conuinrent ensemble, & se preparerent à protester, & partir. Mais cela fut cause de faire cesser le trouble: car les Ambassadeurs craignerent que le Concile n'en fust interrompu, sçachans bien que le Pape en prendroit au poil, & en fomenteroit toute occasion: & partant se deporrerent de leurs instances, & firent office avec les Euesques, qu'ils se contentassent d'attendre: & pour la mesme raison semblablement moyenerent enuers les Ministres & Agens d'Espagne, qu'ils n'insistassent plus à faire declarer la continuation: à quoy non seulement ils acquiescerent, mais mesmes protefterent aux Legats qu'ils ne requeroient point cette declaration pour lors: disans, que si d'autres taschoient de desfaire le Concile, il n'estoit pas raisonnable qu'en ce mauuais dessein ils se couurissent du manteau du Roy d'Espagne. Cette protestation fut agreable aux Legats, qui s'estoient

engagez de parole enuers le Marquis de Pescaire pour cette declaration, & ne scauoient comment s'en desmesler. La resolution aussi, de differer la matiere de la Residence, ne leur fut de rien moins agreable: & afin que nul ne pust se desdire, ils formerent vn Escript, lequel ils lurent en la Congregation pour estre approuué, portant, que la suiuiante Session se passeroit, en differant, pour bons esgards, les matieres à vne autre Session. Et ainsi ils crurent d'estre deschargez de deux grands fardeaux. Le temps de la Session approchant, plusieurs, qui se sentoient piquez par la harenque de l'Ambassadeur de France, rechercherent les Legats, d'y faire vne forte & solide response, lors que le mandement seroit leu en la Session: & le Cardinal d'Altems conseilla que totalement cela se fist: disant, qu'il falloit reprimer l'insolence de ce hableur de Palais, qui n'auoit accoustumé de traiter qu'avec des gens viles & mechaniques. La commission en fut baillée à Iean Baptiste Castel, Promoteur du Concile, avec charge de defendre seulement l'honneur & la dignité du Concile, sans toucher ou taxer aucun.

Le Pape, apres y auoir bien pensé, se resolut de faire declarer la continuation du Concile, & que l'Empereur fist puis apres ce qui luy plairoit: car il n'en pouoit arriuer que du bien. Et, suiuiant cela, il despescha vn Courrier à Trénte avec cette commission, laquelle arriua le deuxième Iuin, & troubla grandement les Legats, à cause de la confusion qu'ils preuoyoiēt qu'il en naistroit & dedans & dehors le Concile, & se resolurent tous vnanimement de mieux informer le Pape, en luy signifiant toutes les choses traitées, & le Decret ia publié: & luy monstrant que l'execution de sa commission estoit impossible. Ce que le Cardinal d'Altems, lequel auoit desla congé d'aller à Rome pour autres causes, entreprit de faire en personne: & pour cet effet se resolut de prendre la poste le iour ensuiuant, Mais la mesme nuit arriua vn autre Courrier, portant lettres, par lesquelles le Pape remettroit le tout à la prudence & iugement des Legats.

Le quatrième iour de Iuin venu, la Session fut celebrée avec les ceremonies accoustumées: & furent lus les mandemens de l'Archeuesque de Saltsbourg, & du Roy de France: apres la lecture duquel, le Promoteur y fit la response, disant, qu'il y auoit bonne esperance de pouruoir à tous les maux & desordres de Chrestienté, par le remede que le Pape auoit iugé nécessaire: qui estoit le Concile, commencé par l'œuvre du S. Esprit, & du consentement des Princes: entre lesquels estoit le Roy de France, qui y auoit enuoyé personages de conscience & religion, pour offrir non seulement ayde & faueur, mais mesmes obeysance à ce Concile, lequel aussi de vray ne la meritoit pas moins que les autres Synodes, ausquels les mal affectionnées auoient faulxement imposé qu'ils n'estoient point legitimes, ne vrais. Que toutesfois toutes gens de bien auoient en tout temps fait grand estat des Conciles, conuoez par celuy qui en a le pouuoir: sans auoir esgard aux calomnies esleuées à l'encontre par d'autres, comme s'ils n'eussent esté libres. Et que contr'iceux n'auoient iamais preualu, comme aussi ne preuandroient contre celuy-cy, les embusches de Satan, quoy que grandes, amplement & fort particulierement denombrees par eux Ambassadeurs. Que le Concile ne vouloit interpreter en sens sinistre leur diligence & libre admonition, de ne point regarder aux faueurs, ny au vent populaire, & de ne se point captiuer aux volonteés des Princes: mais que comme il la tenoit pour, peut estre, non nécessaire, voire inutile, aussi vouloit-il croire qu'elle procedoit de bonne & saine intention: afin de n'estre contraint de respondre chose aucune contre son benin & pieux propos, & au contraire de sa coustume, Que toutesfois, pour releuer eux Ambassadeurs de la vaine apprehension, qu'ils auoient demonstté d'auoir, & pour les certifier des intentions arreistées du Concile, & de la verité, il leur predisoit que les effets feroient voir, que le Concile postposeroit tousiours la cupidité, la volonteé, & la puissance de qui que ce fust, à sa propre dignité & auctorité. Qu'il prometloit au Roy Charles tout ce qui estoit de son pouuoir, la foy &

Ooo ij

la pureté de la Religion sauue, par la conseruation de sa dignité, de son Royaume, & de son Estat. Les François furent malcontents de cette réponse, mais reconnurent bien qu'ils l'auoient bien meritée. Apres cela, fut leu le Decret par l'Euesque officiant, dont la substance estoit, que le Concile, pour diuerses difficultez suruenus, & aussi pour definir tout ensemblement les Dogmes, & la Reformation, assignoit la suiuaute Session au seiésieme Iuillet, pour traiter ce qui luy sembleroit conuenable, tant sur l'une que sur l'autre matiere: se reseruant toutesfois la liberré d'abreger ou prolonger ce terme, mesme en Congregation generale. Il y eut trente-cinq voix, qui portèrent, qu'ils desiroient qu'on declarast qu'en icelle seroit traitée la matiere de la Residence. Il y en eut d'autres, qui proposerent qu'on declarast la continuation: ce qui fut pris commé fait à dessein, pour esmouuoir quelque trouble ou tumulte, qui causast la rupture du Concile: car ceux-là estoient des plus obligés aux affaires de Rome, & pourtant se repentirent d'auoir sans y penser, dit trop librement leur aduis au fait de la Residence, abhorrée par la Cour de Rome, Mais tous les autres se taisans, la Session fut finie.

Le sixième Iuin fut tenuë la Congregation generale, pour donner ordre au traité pour la suiuaute Session: & furent proposez ces Articles concernant la Communion. Si tous les fideles, par necessité & par commandement diuin, sont tenus & obligez de receuoir les deux especes du Sacrement. Si l'Eglise a esté mue de iustes causes à introduire la communion des Lais avec la seule espece du pain: ou bien, si en cela elle a erré. Si les raisons, qui autresfois ont meu l'Eglise à bailler aux Lais la seule communion del'espece du pain, doiuent encor maintenant induire à n'accorder le Calice à aucun. Si en cas, que, pour bonnes causes il soit iugé qu'on le puisse accorder à quelques-uns, sous quelles conditions cela se peut faire. Si la communion est necessaire aux enfans, auant l'affaire de la raison. Les Peres furent requis de dire, s'il leur plaisoit qu'on traitast de cette matiere, & s'il y auoit quelque chose à adiouster à ces Articles. Quoy que les Ambassadeurs François, & grand nombre de Prelats, fussent d'aduis, que on ne traitast point des Dogmes, iusques, iusques à ce qu'on ne fust asseuré si les Protestans viendroient au Concile: attendu que, s'ils demeueroient opiniâtres, le traité seroit tout en vain, comme don necessaire pour les Catholiques, & rebuté par les Protestans: nul toutesfois ne fit opposition, estans tous retenus par les puissans offices faits par les Imperiaux, qui auoient conceu esperance de pouuoir obtenir la Communion du Calice, & par icelle commencer à donner quelque contentement à l'Allemagne. Apres qu'il fust arresté qu'on parleroit de ces six Articles, il fut aussi dit que premierement les Theologiens diroient leurs aduis: & subseqeuement les Prelats. Mais il fut reconnu, que suiuaute cette voye, tout le temps, iusques à la Session, seroit employé à cela seul, attendu qu'il falloit ouyr quatre vingts-huict Theologiens, & faire opiner vn si grand nombre de Prelats. Partant l'aduis d'aucuns porta, qu'il n'y escheoit pas grande consideration à faire: que de toute cette matiere auoit esté pleinement parlé & discoureu en la precedente cōuocation sous Iules, si bien qu'elle estoit ia toute discutée & digerée: qu'il ne falloit que prendre en main les choses ia dès lors traitees & resoluës: & apres vn solide & brief examen, venir dans peu de iours à vne determination, & puis on vaqueroit à la Reformation, qu'il y auoit le point de la Residence, ia proposé & en partie examiné: qu'il estoit raisonnable d'y mettre vne fois la dernière main. Cet aduis fut suiuy par trente Peres, qui s'en declarerent tout ouuertement, & estoit aisé à voir qu'un beaucoup plus grand nombre encor l'approuuoit totalement, & qu'on estoit sur le point d'en venir à vne conclusion. Mais le Cardinal Legat Simonete essaya d'entreietter vn delay, disant, Qu'il y alloit de l'honneur du Concile, de traiter de cette matiere, tant que les courages, esmus & aigris par les differens passez, ne fussent rassés, & rappaisez, lesquels autrement ne pouuoient bien discerner la verité. Cela donna suiet à Jean

avec offense des François, puis est leu le Decret de prolongation,

en congregation sont proposez six articles de la communion du calice; à examiner.

mais la question de la Residence estant remise sus,

Baptiste Castagne, Archeuesque de Rosan: & à Pompee Zambeccarre, Euesque de Sulmone, de s'eschauffer & de lascher quelques paroles mordantes contre les premiers: dont s'esleua vn si grand bruit & vacarme, qu'on en fut en doute de quelque inconuenient: à quoy pour remedier, le Cardinal Legat de Mantouë pria ceux de la Residence des'appaier, promettant qu'en vne autre Session, ou bien quand on viendroir au Sacrement de l'Ordre, on traiteroit tout ensemble de la Residence. Par ce moyen fut appaisé le tumulte & parut que de resumer les choses traitées sous Iules portoit plus de longueur & de difficulté, que de les examiner tout de nouueau: & qu'il en arriueroit ce qui a accoustumé d'auenir, quand le Iuge forme la sentence sur le procez fait par vn autre. Et fut prise deliberation, qu'auant que venir à aucune determination, les Theologiens dissent premierement leur aduis: & pour ce etter les Congregations se tinrent deux fois le iour, & qu'en icelles entreuinssent tousiours deux des Legats, pour abreger l'affaire, par ce partage de charges, & d'entre les Prelats ceux qui voudroient: & que les Theologiens eussent deux iours de terme pour se preparer & qu'au troisieme on donnast commencement à la besongne. La Congregation se termina par cette conclusion. Mais le Cardinal Simonete demeura offensé, & en manifeste discorde avec le Cardinal de Mantouë, à cause de la promesse qu'il auoit faite, sans consultation & communication avec ses Collegues: comme aussi pour la mesme raison il estoit calomnié par les adherans de la Cour de Rome, de porter mauuaise volonté aux affaires: mais aussi à l'opposite il estoit, par les personnes entieres, & non preuenues de passion, loué de prudence, d'auoir en vne perilleuse necessité, pris party d'obuiuer aux protestations, & diuisions, qui se preparoient: & blasmoient Simonete, de ce qu'il s'offensoit, que le Cardinal de Mantouë, si fort eminent par dessus luy, & se confiant sur le consentement des autres deux Legats, Seripande, & de Vvarmie, de l'intencion desquels il estoit bien informé, eust pris cette resolution par necessité, croyant que luy aussi ne feroit nullé difficulté de la ratifier.

Le lendemain, les Ambassadeurs Imperiaux, dès qu'ils virent d'auoir selon leur desir obtenu, la proposition du Calice, pour laquelle iusques alors ils auoient procedé avec circonspection & retenué, se presenterent aux Legats: & suiuant l'instruction de l'Empereur leur Maistre, ils leur presenterent vingt Articles de Reformation. Premierement, Que le Pape fust content d'admettre vne iuste & raisonnable reformation de luy mesmes, & de la Cour de Rome. En second lieu, que le nombre des Cardinaux, s'il ne pouuoit estre restreint à douze, fust réduit au double, avec deux supernumeraires: tellement qu'il n'excédast point le nombre de vingt-six. Tiercement, Qu'à l'auenir ne fussent plus données aucunes dispenses scandaleuses. En quatrième lieu, que toutes les exemptionis contre le droit commun fussent reuocquées, & que tous les Monasteres fussent soumis aux Euesques. En cinquieme lieu, que la pluralité des Benefices fust ostée, & qu'on erigeast des Escholes es Eglises Cathedrales, & Collegiales: & que les offices & charges Ecclesiastiques ne pussent estre baillées à ferme. En sixieme lieu, que les Euesques fussent contraincts à la Residence, & ne pussent exercer leurs charges par Vicaires: que s'ils n'estoient suffisans, la charge ne fust pas pourtant commise à vn Vicaire, ains à plusieurs personnes: & que les visites, & les Synodes diocessains se tinssent tous les ans vne fois. En septieme lieu, que tout ministere Ecclesiastique fust gratuitement exercé: & qu'aux Cures de petit reuenu fussent annexez & incorporez autres Benefices sans Cure, opulens. En huitieme lieu, que les Canons contre la Simonie fussent remis en pratique. En neuuisme lieu, que les Cōstitutions Ecclesiastiques fussent restreintes, & que toutes superfluites en fussent retranchées, & qu'elles ne fussent point egalées aux deuoirs & obligations de la Loy de Dieu. En dixieme lieu, que l'excommunication ne fust employee, sauf que pour peché mortel, & pour notoire irregularité. En onzieme lieu, que le seruice diuin fust cele-

1562.

bré en forte, qu'il fust entendu par ceux qui le font, & par ceux qui l'oyent. En douzième lieu, que les Breviaires, & les Messels, fussent corrigées; & que ce qui ne se trouue point en l'Escripture en fust retranché, & que les prolixitez en fussent ostées. En treizième lieu, Que parmy le seueu diuin, celebré en Latin, on entremessast des prières en langue vulgaire. En quatorzième lieu, que le Clergé, & l'Ordre Monastique fussent reformez selon l'ancienne institution: & que les grandes richesses ne fussent point si mal administrées comme elles sont. En quinziesme lieu, qu'il fust aduisé, s'il n'estoit point expedient de relascher tant d'obligations de droit positif: & de rabatre quelque chose de la rigueur en la difference des viandes, & des ieunes: & de permettre le mariage aux Prestres de quelques nations. En seiziesme lieu, que pour oster les differends; fussent ostées & abolies les diuerfes Apostilles sur les Euangiles, & qu'il en fust faite vne seule par autorité publique, & semblablement vn nouveau Ceremonial, qui fust suivi de tous. En dix-septiesme lieu, qu'on trouuast quelque bon moyen & expedient, non de chasser les mauuais Curez, en quoy n'y auit pas grande difficulté, mais d'en substituer des meilleurs. En dix-huictiesme lieu, qu'es grandes Prouinces fussent erigez plusieurs Eueschez, conuertissant à cét vsage les Monasteres riches. En dix-neufiesme lieu, que pour les biens Ecclesiastiques desia saisis & occupez il valoit; peult estre, mieux de n'en dire mot, & le dissimuler; en ce temps. Finalement, pour dire aussi quelque chose agreable au Pape, & afin de l'appaiser, si d'auenture, voyant ces propositions, il s'en alteroit, ils adiouterent en vingtiesme lieu, que les Legats fussent en forte, qu'on s'abstinst de proposer questions inutiles, qui ne pouuoient qu'engendrer scandale: comme estoit celle, Si la Residence est de droit diuin, ou non: & autres semblables: ou du moins, qu'ils ne permissent aux Peres de traicter en cholere, & par là se rendre la fable des aduersaires. Sur le dix-septiesme article, ils baillèrent aussi quelques aduertiemens particuliers: comme, de reduire moins obstinez d'entre les Sectaires, en les enuoyant à quelque Academie pour les instruire sommairement: en ordonnant aux Euesques, qui n'ont point d'Academie, de dresser vn College en la plus proche, pour la ieu nesse de leur diocese: & quant & quant establisant vn certain Catalogue de Docteurs, qui fussent lus es Escholes, sans qu'il fust loisible d'en lire d'autres.

*r mis par
les Legats
à la pro-
chaine
Session,*

*dont les
Ambassa-
deurs des-
presbiter
à l'empereur,*

*et les le-
gat au Pa-
pe pour se
insinuer,*

Après que ces propositions eurent esté luës, les Legats demurerent, & se retirerent pour consulter ensemble: & puis retournerent & rendirent response, que pour la suiuite Session il estoit impossible de proposer autre chose: attendu qu'à leur instance, ils auoient entre les mains la matiere du Calice, tant difficile, & importante. Que les choses proposées estoient en grand nombre, & de diuerfes matieres, lesquelles ne pouuoient estre digerées tous ensemble. Et pourtant qu'ils attendroient, & espieroient les occasions de communiquer aux Prelats ce qui concerneroit les autres reformations. Les Ambassadeurs concurent bien, que les Legats parloient ainsi, pour ne publier leur escrit en Congregation, & pour fruster l'attente de l'Empereur, par delais & remises. Toutesfois ils ne dirent autre chose pour lors. Mais depuis s'estans trouuez ensemble, & ayans consulté, ils iugerent necessaire de bien informer l'Empereur, tant sur cette particularité, que generalement sur la maniere & procedure qu'on tenoit au Concile. Et pour cet effect, l'Archeuesque de Prague prit la poste le iour ensuiuant, pour pouuoir estre de retour au temps de la Session. Les Legats, voyans les affaires du Concile en mauvais estat, pour diuers esgards, mais sur tout pour les mescontentemens & ombrages du Pape, iugerent qu'ils estoit necessaire de l'informer tout à plein des choses passées, & de celles qui prenoient à faire. A cela fut choisi frere Leonard Marin, Archeuesque de Lancian, pour ce qu'il estoit homme d'esprit, & agreable au Pape, auancé & fort fauorisé par luy, & mesmes aussi amy du Legat Seripande: & luy fut baillée instruction d'informer bien à plein le Pape, & d'excuser les Legats, & d'appaiser

Sa Sainteté. Il porta lettres communes des Legats pour sa creance: lesquelles le Legat Simonete fit beaucoup de difficulté de signer: & ne l'auroit fait, n'eust esté qu'ils conuinrent entr'eux, que ledit Marin pourroit aussi prendre des lettres particulieres de chacun d'eux. Simonete eferiuit, qu'il auoit pensé d'enuoyer l'Archeuesque de Rolan, en son propre & priué nom, pour plus ample & pleine information: mais que depuis, y ayant mieux pensé, il s'en estoit deporté, iusques à ce qu'il eust veu quel effect produiroit celuy de Lancian.

Les mutuels mescontentemens & detractions de ceux de Rome contre ceux de Trente, & de ceux-cy contre ceux-là, s'engregeoient à chaque arriuée de courrier. A Trente les fauteurs de la Residence deploroient les miseres de l'Eglise, le seruage du Concile, & le manifeste desespoir de voir iamais l'Eglise reformée à Rome. Les contraires se plaignoient qu'au Concile on braillast vn Schisme, voire Apostasie du Siege Apostolic: & disoient, que les Vltramontains, par haine & par enuie contre les Italiens, visioient non seulement à la depression, mais aussi à l'abolition du Papat: dont, iceluy estant le fondement de l'Eglise, comme Christ l'a posé pour estre tel, il falloit de necessité qu'ils s'en ensuiuiust la totale destruction de l'edifice. Le Pape aussi auoit continuellement des aduis nouueaux, & tousiours pires, selon que tous les iours il arriuoit quelque nouueauté à Trente: outre les accidens contraires à ses affaires, qui naissoient en Allemagne, & en France: ce qui l'affligeoit de plus fort. L'opinion de la Residence en la pluspart ne luy donnoit pas tant d'ennuy, que les pratiques qui estoient faites pour icelle, & surtout par les Ambassadeurs: esclairant bien que par là dedans estoit mellé l'interest des Princes contre son autorité. Il voyoit l'Empereur tout porté à faire creer son fils Roy des Romains, & appareillé à donner tout contentement à l'Allemagne: que, pour cette raison, il auoit fait presenter les Articles de Reformation aux Legats, & auoit appelé l'Archeuesque de Prague, son Ambassadeur, pour trouuer moyen de les proposer au Concile, & les establir. Que le Roy de France estoit espuisé, enuironné d'infinites difficultez, & en danger d'estre forcé à s'accorder avec les Huguenots. ce qu'auenant, tous les Prelats François courroient au Concile, & se ioindroient aux Espagnols, & se feroient chefs & auteurs d'autres propositions contre l'autorité Papale. Il aduusa de parler à la tempeste, qu'il voyoit s'esleuer contre luy, de fait & de parole: & fit leuée de quatre mille Suisses, & de trois mille cheuaux Allemans: & enuoya en Auignon Nicolas Gambara, avec cinq cens hommes de pied, & cent cheuaux legers: & bailla argent au Duc de Sauoye, pour se tenir armé, & s'oppoler aux Huguenots, en cas qu'ils s'efforçassent de passer en Italie: & pour engager tous les Princes, il delibera de traiter vne Ligue defensiue de tous les Catholiques contre les entreprises & machinations des Protestans en tous endroits, & tenoit pour chose aisée de les y faire condescendre tous, si non pour autre cause, au moins pour se deliurer des soupçons & desiances les vns des autres. Il ne voyoit point de difficulté d'y induire tous ceux d'Italie: le Duc de Florence estoit tout à luy: celuy de Sauoye estoit interessé avec luy pour le secours qu'il luy auoit presté à son besoin, & pour son propre danger: les Venitiens ne desiroient autre chose, que de tenir les Vltramontains hors d'Italie: le Roy d'Espagne, estoit en mesme necessité pour ses Estats de Naples, & de Milan: & celuy de France, pour les extremitiez, esquelles actuellement il se trouuoit. Et pour tant il en fit la proposition à Rome aux Ambassadeurs de l'Empereur, de Venise: & enuoya l'Abbé de S. Salut pour le mesme effect en France; & Monsieur Odescalque au Roy d'Espagne, auquel aussi il donna charge de se plaindre au Roy, que les Euesques Espagnols estoient vnis & liguez contre son autorité: & de luy remonstrer que les propositions de l'Empereur estoient propres à causer vn Schisme. Il estoit bien aysé à tout homme qui fust, quoy que superficiallement, les desseins & les intentions des Princes, de preuoir qu'elle issue auroit cette

*Les mesmes
religieuses
de Rome
& de
Trente,*

*Or les des-
siances du
Pape,*

*l'induisent
à l'aimer,*

*Or à propo-
ser vne Li-
gue contre
les Prote-
stans,*

1562. proposition de Ligue faite par le Pape. Car quant à l'Empereur, on scauoit bien que pour chose du monde il ne condescendroît à donner ombrage aux Protestans. Pour le Roy de France, bien loin d'empescher l'entrée des Huguenots en Italie, qu'il eust volontiers veu vne totale voidange hors de son Royaume. Pour celuy d'Espagne, possédant de si grands estats en Italie, il craignoit & abhorroit d'auantage l'vniõ des Princes Italiens, qu'il ne desiroit l'opposition aux heretiques. Quant aux Venitiens, & au Duc de Florence, ils ne pouuoient s'accorder à chose aucune, qui pust alterer & troubler le repos d'Italie. Et ainsi aduint-il: car nul Prince ne presta l'oreille à cette proposition de Ligue, & chacun en allegua quelque cause & motif particulier: mais tous se seruirent de cette commune, que ce seroit empescher le progrez du Concile: ce que toutesfois plusieurs croyoient ne deuoir estre desagreable au Pape, quand il arriueroit: & luy mesmes donnoit suiet de cette créance, parce qu'il proposa de nouveau en Consistoire de faire declarer la continuation du Concile: point tant debatue entre les Espagnols, & les Allemands, & François: & de decider luy mesmes le point de la Residence. Ce que toutesfois il n'excuta pas, deferant à l'aduis du Cardinal de Carpi, suivi par la plus grande partie des autres, qui estoit, Que le bien de ses affaires. & du S. Siege, ne portoit point qu'il se fist autheur des choses odieuses, qui pouuoient aliener de luy les affections de l'un des partis: mais qu'il valoit mieux pour lors laisser l'affaire en la liberté du Concile.

se plaint des ambassadeurs des Princes, Il ne laissoit pas pour tant de se plaindre aussi en Consistoire de tous les Ambassadeurs. Pour ceux de France, il disoit, que Lansac luy sembloit vn vray Ambassadeur de Huguenots en ses propositions: requerant que la Reyne d'Angleterre, les Suisses Protestans, les Ducs de Saxe & de Vvirtemberg, fussent attendus au Concile: lesquels estoient declarez ennemis, & rebelles: & n'auoient autre but, que de corrompre le Concile, & le rendre Huguenon mais que luy le conserueroit Catholique, & auoit assez de forces pour ce faire. Que Lansac, & ses Collegues, soustenoient aucuns, qui disputoient de l'autorité du Concile par dessus le Pape: opinion heretique, comme sont heretiques les fauteurs d'icelle, lesquels il menaçoit de vouloir pourfuiure, & chastier. Il passa aussi à dire, qu'ils viuoyent en Huguenots: qu'ils ne portoient point de reuerence au saint Sacrement: que Lansac auoit dit à table, en presence de plusieurs Prelats que il auoit conuiez, qu'il viendroît tant d'Eueques de France & d'Allemagne, qu'ils chasseroient l'Idole de Rome. Il se plaignoit aussi d'un des Ambassadeurs Venitiens, contre lequel il forma plaintif deuant la Seigneurie. Il disoit des Cardinaux de Mantouë, Seripande, & de Vvarmie, qu'ils estoient indignes du Chapeau: & parloit de tous les Prelats selon qu'il se rencontroit: & mesmes faisoit deuoir que les amis d'un chacun luy escriussent ce qu'il en disoit. Ce qu'il faisoit, & disoit, non qu'il le crust ainsi de vray, ne qu'il ne fust bien commander à sa langue: mais tout à dessein, pour contraindre chacun, les vns par crainte, les autres par honneur, les autres par ciuitié, de venir se iustifier, & luy faire ses excuses, lesquelles aussi il acceptoit fort facilement, & croyoit fort promptement: & est incroyable combien il auança ses affaires par cette voye car il engagna les vns à soy, & fit que les autres prirent à proceder plus cautelement, & lentement: dont en luy se refueilla son naturel, qui portoit d'esperer tousiours beaucoup: & disoit, Que tous estoient vnis contre luy, mais qu'à la fin il les reüniroit tous en sa faueur: pource que tous auoient besoin de luy, & le requeroient, les vns d'aide & secours, les autres de graces & bienfaits.

O de ses Legats au concile. Entre les Prelats en grand nombre, que le Pape enuoya les deniers de Rome, auxquels il me au Concile, comme il a esté dit cy dessus, estoit Charles Visconte, Eueque de Ventimile, lequel auoit esté Senateur de Milan, & employé en diuerses Ambassades: personnage de grande capacité au manienement des affaires, & de iugement raffiné. Il se chargea de promesses, lesquelles aussi il luy tint, le creant Cardinal en la premiere promotion qu'il fit apres le Concile, & le voulut auoir pour sien ministre secret à Trente, outre les Legats, luy donna commission

commission de dire de bouche à diuers ce que le papier ne pouuoit porter : & de prendre soigneusement garde aux differends des Legats entr'eux, & de l'informer particulièrement des causes : d'espier curieusement les humeurs des Euesques, les opinions, & les pratiques : & de luy escrire, par le menu toutes les choses de substance. Il luy enioignit d'honorer, par dessus tous les autres Legats, le Cardinal de Mantouë, mais de tenir vne tres-estroite intelligence avec le Cardinal Simonete, lequel estoit bien informé de ses intentions : & de procurer par toutes voyes, que la question de la Residence, & sa decisiõ, fust tout à fait assoupie : & que si cela ne se pouuoit obtenir, qu'on la pouffast au loin, le plus qu'il seroit possible, y employant tous les moyens, qu'il connoistroit estre expedients. Il luy bailla aussi vn roõle des noms de ceux, qui auoient tenu le party de Rome en cette matiere, avec charge de les remercier, & de les exhorter à poursuiure, sous promesse de reconnoissance : remettant au reste à sa prudence, d'vser, en traitant vne des contraires, de quelque forte de menaces, sans aigreur de paroles, mais fortes en substance : & aussi de promettre à ceux qui se deporteroient, oubliance & absolution des choses passees : & d'auertir fort particulièrement le Cardinal Borrome, de tout ce qui eschierroit. Cette commission fut executee fort fidelement par ledit Visconte : & le registre de ses lettres escriptes avec beaucoup de sel & de iugement, est encor auourd'huy en estre, lequel de bon heur l'ay eu moyen de voir, & duquel l'ay tiré vne grande partie des choses, que ie diray cy-apres.

Le Pape, ayant eu en fin l'aduis de la promesse faite par le Legat de Mantouë, quel l'Article de la Residence seroit traité en vne autre Session, vid bien la difficulté qu'il y auoit à diuertir le traité de cét Article : & de la dissension entre les Legats, il entra en doute de quelque chaine & trainée de plus grans maux : & tint ce point pour tres-principal, tant pour la chose & realité, que pour la reputation. Car comment, disoit-il, peut-on esperer de reprimer les attentats des ministres des autres Princes, si nous ne pouuons pouruoir aux nostres propres ? Et pour tant il reconnut bien, qu'à vne maladie, qui auoit atteint les parties vitales, il y falloit de tres-puissans remedes : & se resolut de ne tenir plus caché, ains manifestement declarer le mescontentement qu'il auoit du Legat de Mantouë : pour en tirer ce fruit, ou qu'iceluy changeast de procedure, ou qu'il demandast son congé, ou que par quelque autre voye il se retirast de Trente : & quand mesmes la rupture du Concile eust deu s'en ensuiure, tant mieux eust-ce esté pour luy. Il ordonna que les despeschés, qu'on adressoit au Cardinal de Mantouë, comme à premier Legat, fussent adressées au Cardinal Simonete : & osta de la Congregation des Cardinaux, commis sur les consultations de Trente, le Cardinal Gonzague, neveu de celuy de Mantouë : & luy fit dire par Friderich Borrome, que son oncle le Cardinal pensoit à la ruine du Siege Apostolic : mais qu'il ne luy en reüssiroit autre chose, que de ruynier soy mesme, & sa maison. Le Pape aussi exposa tout ce qui estoit arriué au Cardinal S. Ange, singulier amy de celuy de Mantouë, se montrant fort alteré contre luy, & non moins contre Camille Oliue, secretaire dudit Cardinal, comme n'ayant fait deuoir, selon qu'il luy auoit promis, lors qu'il fut enuoyé à Rome : ce qui aussi cousta bien cher à ce pauvre homme. Car quoy que du depuis le Pape se reconciliast au Cardinal, si est-ce qu'apres que ledit Cardinal fut mort, & que le dit Oliue fut retourné à Mantouë, conuoyant le corps d'iceluy, il fut sous diuers pretextes, serré es prisons de l'Inquisition, là où il souffrit de grands & longs trauaux. Et apres que ses persecutions furent cessées ie l'ay connu personnage de singuliere vertu, & nullement digne de telles miseres.

Pendant que le Pape estoit en cette disposition de courage, l'Archeuesque de Lancian arriua à Rome, lequel entre autres choses, luy presenta vne lettre signée de plus de trente Euesques, d'entre ceux, qui tenoient la Residence estre de droit diuin : en laquelle ils se plaignoient du mescontente-

1562.

ment de sa Sainteté, & protestoient de n'auoir nulle intention, que leur opinion fust contre l'autorité Papale, laquelle ils declaroient vouloir defendre enuers & contre tous, & la maintenir inuiolable en tout & par tout. Cette lettre fit vne admirable operation en l'esprit du Pape, pour le preparer à recevoir amiablement celles des Legats de Mantouë, Seripand & de Vvarmie, & à escouter la relation dudit Archeuesque, lequel luy rendit raison fort par le menu de tout ce qui s'estoit passé, & luy arracha grande partie du soupçon. Puis il vint à excuser les Cardinaux, & à monstrier au Pape, que n'ayans peu preuoir qu'il en dult naistre aucun inconuenient, ils auoient descouuert l'opinion, laquelle ils tenoient en leur conscience: & qu'apres que, sans leur faute, ny coulpe, les debats s'estoient esleuës, leur adherance à cét aduis estoit reüssie à l'honneur de sa Sainteté, & de la Cour de Rome: car par ce moyen, on ne pouuoit point dire, que ne le Pape, ne tout sa Cour, fussent contraires à vne opinion iugee par le monde pieuse, & necessaire: ce qui auoit eu tresbon succez: d'autant que par là, ils auoient acquis credit & autorité enuers les Prelats, & auoient pu moderer la violence impetuositée d'aucuns, laquelle autrement auroit produit quelque grande diuision, avec notable preiudice de l'Eglise. Il luy recita les frequents & puissans deuoirs faits par eux pour appaiser les Prelats, & comment ils auoient mesmes receu des affronts par ceux qui leur respondoient, Qu'ils ne pouuoient se faire contre leur conscience. Il luy raconta les dangers, & les necessitez qui auoient forcé celuy de Mantouë à faire la susdite promesse, Et adiousta, que, pour oster tout soupçon de l'esprit du Pape, la plupart des Prelats s'offroit de le declarer en la prochaine Session, Chef de l'Eglise: & luy auoient baillé charge de luy en faire le rapport de bouche: attendu que, pour diuers esgards, ils ne iugeoient point expedient de le mettre par escrit: & en nomma tant au Pape, qu'il le rendit esbahi, & luy fit confesser, que mauuaises langues, & encor pires plumes luy auoient figuré ces Prelats de toutes autres qualitez que ce qu'il en voyoit. Il luy monstra puis apres l'vniõ & la fermeté des Ministres des Princes à maintenir le Concile, & la disposition des Prelats à supporter tout pour le continuer, de sorte qu'il ne pouuoit naistre occasion de le rompre & dissoudre: que le traité de la Residence estoit tant auancé, & les Peres tant interessez pour la conscience, & pour l'honneur, & les Ambassadeurs pour la reputation, qu'il ne falloit point parler de leur refuser d'en venir à la definition. Il luy donna aussi aduis, & copie des Requestes des Ambassadeurs Imperiaux: & luy monstra que toutes visoient à soumettre le Pape au Concile: & luy raconta avec combien de prudence & dextérité le Cardinal de Mantouë auoit decliné de les proposer en Congregation. Et pour conclusion dit, que, pour les choses passees, il n'y auoit point de moyen de faire qu'elles ne fussent: mais que sa Sainteté pouuoit attribuer & rapporter beaucoup à l'aduenture, & cas fortuit & que si quelque accident estoit aduenü sans malice, mais seulement de peu de pouruoyance de quelqu'un, sa benignité le deuoit induire à pardonner le passé, & à pouruoir à l'aduenir: tous estans prests & appareillez à ne proposer: ne traiter chose quelconque, qui n'eust tout premier esté consultée & deliberee par sa Sainteté.

par lequel
il escriit à
Trente si-
gnifiant
ses inten-
tions sur
les affaires
du Con-
cile,

Le Pape, ayant meurement pensé & aduisé à cette Remonstrance, despescha mesme Archeuesque en toute diligence, le chargeant de lettres aux Legats, & à aucuns autres des soussignées en celles, qu'il luy auoit portees: & luy donna charge de dire de sa part à tous, qu'il vouloit que le Concile fust libre, & que chacun parlast selon sa conscience, & que les Decrets fussent faits selon la verité. Qu'il ne s'estoit point alteré ny n'auoit pris desplaisir, pource que les suffrages auoient esté rendus en vne maniere plus qu'en vne autre: mais pour les brigues, & pratiques à induire, & mesmes violenter autrui: & pour les contentions & aigreurs qui estoient neës entr'eux: choses indignes d'un Concile general. Et pourtant qu'il ne s'opposoit point à la determination de la Residence, mais conseilloit bien qu'ils

quittassent la faueur qui les y portoit: & que quand les courages & esprits seroient adoucis, & calmes, & visseroient au seul seruice de Dieu, & benefice de l'Eglise, alors pourroit-on traiter de cette matiere avec fruit: Il condescendit aussi à dire au Cardinal de Mantouë, qu'il auoit à son grand contentement, reconnu son innocence, & affection: & qu'il luy en monsteroit de bons signes, & preuues: & le prioit de s'employer à ce que le Concile se terminast bien tost: attendu que, par les deuils qu'il auoit eus avec l'Archeuesque de Lancian, il auoit compris que on y pouuoit mettre fin au mois de Septembre. En conformité de quoy, il escriuit en commun à tous les Legats, que, suivant les errës du Concile tenu sous lules, & prenant les matieres ja digerées par iceluy, ils eussent à les determiner tout promptement & à y. mettre fin.

En ce temps on vaua à Trente es Congregations à ouyr les opinions des Theologiens sur les six Articles, proposez pour la suiuite Session: & ayans commencè le neuuiesme du mois de Iuin, ils finirent le vingt-troiesme du mesme mois. En ces Congregations plus de soixante Theologiens parlerent mais ne fut dit chose aucune digne de remarque: d'autant que la dispute estoit nouuelle, non auancée par les Scholasticks: & auoit esté de prinsaut desfinie par le Concile de Constance, & soutenuë par les Bohemiens plus tost par armes & force, que par raisons & disputes: dont en ce Concile ils n'auoient autre chose à estudier, que ce que quelques vns en petit nombre, excitèz par les propositions de Luther, en auoient escrit es quarante ans prochainement passez. Toutesfois, ils furent tous d'accord, qu'il n'y auoit nulle necessité, ne commandement, d'vsr du Calice: & pour preuue de leur conclusion, alleguoient des passages du nouueau Testament, esquels le seul pain est nommé: comme en S. Iean, qui mange de ce pain, viura eternellement. Ils disoient que dès le temps des Apostres la seule espee du pain estoit en vsage, comme on le pouuoit remarquer en S. Luc, quand il dit, que les disciples en Emmaus reconurent Iesus-Christ en la fraction du pain, sans qu'il soit fait aucune mention du vin. Que S. Paul, au danger du naufrage en mer, benit le pain, & n'est rien dit du vin. Qu'en plusieurs Canons anciens estoit fait mention de Communion des Lais, differente de celle du Clergé, laquelle difference ne pouuoit estre en autre chose qu'en l'vsage du Calice. A ces raisons ils adioutoient les figures du vieil Testament: que la Manne, figuratiue del'Eucharistie, n'auoit point de breuuage. Que Ionathas, fils de Saul, qui goustâ du miel, ne but point. Et autres telles conferentes & rapports. Et y auoit à bien exercer sa patience à voir repliquer & repeter à tous les mesmes choses à ceut saoul. En cet endroit n'est à omettre vne particularité: c'est, que Iaqués Païua d'Andrade, Theologien Portugais, prononça tout à certes, que Christ, par son commandement, & exemple, auoit declaré que l'espee du pain estoit due à tous, & le calice seulement aux Prestres: d'autant, qu'ayant consacré le pain, il l'auoit presenté aux Apostres, lesquels estoient encor Lais, & representoient tout le peuple, commandant que tous en mangeassent: apres cela, il auoit ordonné les Apostres Prestres, par ces paroles, Faites cecy en memoire de moy: & qu'en fin il auoit cōsacré le calice, & le leur auoit présenté, apres qu'ils eurent esté consacré Prestres. Mais les plus sensèz passoient legèrment cette sorte d'arguments, & le restraignoient à deux. L'vn, que l'Eglise a pouuoir, de par Iesus-Christ, de changer les choses accidentelles es Sacremens: & qu'en l'Eucharistie, comme sacrifice, est bien necessaire l'vne & l'autre espee: mais comme Sacrement, vne seule y suffit: ce qu'ils consermoient, parce que l'Eglise, quasi tout au commencement auoit vne fois changè l'innocuation de la Trinité, qui est la forme du Baptême, en l'innocuation de Christ tant seulement, & du depuis estoit retournée à l'institution diuine. L'autre estoit, que l'Eglise ne peut errer: or a-elle haïsse introduire l'vsage de la seule espee du pain, & finalement l'a approuuë au Concile de Constance: dont il faut conclure, qu'il n'y aue commandement diuin, ny au-

1562. *tre* nécessité ou obligation au contraire. Mais Frere Anthoine Mandolphe, Theologien del' Archeuesque de Prague, apres auoir affirmé d'auoir en cecy le mesme sentiment que les autres, assauoir, qu'il n'y auoit point de commandement diuin d'vsr du calice, remonstra qu'autant estoit contraire à la doctrine Catholique, de donner le calice aux Lais par commandement diuin, comme de le leur refuser semblablement par commandement. Et pourtant, qu'il falloit mettre à quartier toutes les raisons, qui concludoient à cela: comme aussi celles des disciples en Emmaus, & de S. Paul au nauire: attendu que par icelles on pourroit inferer, qu'il n'y auoit point de sacrilege à consacrer vne espee sans l'autre: ce qui est contre tous les docteurs, & le sentiment del'Eglise: & destruit la distinction qu'on apporte, del'Eucharistie comme Sacrifice, & comme Sacrement. Que, pour cette autre distinction de la Communion Laicale, & Clericale, il estoit tous notoire par le Ceremonial Romain, que cette diuersité n'estoit qu'à l'esgard des lieux & places en l'Eglise, & non du Sacrement qui estoit receu: ioint que par cette raison on pourroit inferer, que non les seuls Prestres celebrians, mais tout le Clergé deuroit vsr du calice. Que de vray on ne pouuoit douter del'autorité del'Eglise à changer les choses accidentelles des Sacremens: mais qu'il n'estoit point temps de mettre sur le bureau cette question, Si le calice est accidentel, ou substantiel, au Sacrement. Et pour conclusion dit, qu'on pouuoit omettre cet Article, comme ia décidé par le Concile de Constance: & traiter bien exactement le quatrième & le cinquième, touchant l'octroy qu'on en pouuoit bailler: d'autant qu'accordant le calice à tant de nations, qu'il requeroient, toutes les autres disputes n'estoient que superflues, voire mesmes dommageables. En ce mesme sens parla aussi Frere Iean Paul, Theologien del'Euesque des cinq Eglises en Hongrie. Mais leurs propos furent mal pris de tous: car on tenoit qu'ils parloient contre leur propre conscience: ce dernier à l'instance de son maistre; & le premier, par commission receuë du sien avant son depart.

*come aussi
au second
des bonnes
raisons de
l'auoir
retranché*

Sur le deuxième Article, Si l'Eglise auoit eu iustes raisons d'oster le Calice au peuple, ils furent tous semblablement vniformes en l'affirmatiue: & toutes leurs raisons se reduisoient à trois chefs: dont le premier estoit, la conuenance avec l'ancien Testament, auquel le peuple participoit aux viandes offerrees & sacrifices, mais non iamais aux effusions: le deuxième, d'oster au peuple l'occasion de croire, qu'autre chose soit contenuë d'une espee du pain, que sous celle du vin: le troisième, le danger de l'irreuerence. & en cet endroit furent alleguez tous les dangers marquez par Gerson: que le sang pourroit estre espendu, ou en l'Eglise, ou en le portant, sur tout par lieux montueux en temps d'hyuer: qu'il se pourroit attacher aux longues barbes des Lais: qu'estant gardé, il pourroit aigrir: qu'on ne trouueroit pas des vaisseaux de suffisante capacité pour dix ou vingt mil personnes: qu'en quelques endroits la despenſe seroit trop grande, à cause de la cherté du vin. que les vaisseaux seroient tenus sales: qu'autrement vn Lay seroit de mesme dignité qu'un Prestre. Que ces raisons de nécessité deuoient estre tenuës pour iustes & legitimes: autrement, tous les Prelats, & les Docteurs, par tant de siecles auroient enseigné faulſeté: & l'Eglise Romaine, & le Concile de Constance auroient failly. Ceux-là mesmes, qui employent ces raisons, sauf la dernière, s'en mocquoient entr'eux: d'autant qu'on pouuoit tousiours dire, que, si on auoit bien trouuë des moyens d'obuier à ces dangers, par douze siecles, esquels l'Eglise estoit plus pauvre, on pouuoit beaucoup plus aisément faire le mesme en nostre temps. Et quant à la dernière, tous voyoient bien qu'elle n'estoit d'aucune valeur à demonſtrer que ce changement eust esté fait avec raison, mais bien à le maintenir apres qu'il auoit esté fait. Les deux Theologiens susnommez conseillerent aussi d'omettre cet Article.

Sur le troisième Article fut pris pour argument, Que Christ tout entier

est receu sous vne seule espee: par la doctrine des Theologiens de la Concomitance: d'autant que la consecration ayant transmué le pain au corps, en prononçant les paroles de Christ, toutes puissantes & effectiues, Cecy est mon corps: & le corps de Christ estant viuant, il y estoit donc avec son sang, & son ame, & sa deité coniointe. Dont il n'y auoit plus de doute que, sous l'espece du pain, Christ tout entier ne fust receu. Mais de cecy aucuns inferoient, Donques ensemblement sont receuës toutes les graces: puis que, à celuy qui a Christ tout entier, rien ne peut defaillir, & Christ luy suffit tres-abondamment. Autres au contraire disoient. Que cette conclusion n'estoit ny necessaire, ny probable, qu'en receuant Iesus-Christ, on reçoit toute grace: d'autant qu'aussi les baptisés, selon S. Paul, sont tous remplis & reuestus de Christ, & cependant on ne laisse pas de leur conferer les autres Sacremens. Et pource qu'aucuns gauchissoient au coup de cette raison, disant, que les autres Sacremens sont necessaires pour les pechés commis apres le Baptisme: les autres repliquoyent, que l'ancienne Eglise communioit les baptisez tout incontinent apres leur Baptisme. Dont, tout ainsi comme on ne pouuoit inferer de ce qu'on est rempli de Christ par le Baptisme, que donques l'Eucharistie ne confere autres graces: aussi pour auoir receu Christ tout entier sous l'espece du pain, on ne pouuoit pas recueillir qu'on ne receust aucune autre grace, moyennant le Calice: ny aussi peu dire, sans extreme absurdité, que le Prestre, en la Messe, ayant receu le corps du Seigneur, & par conséquent luy tout entier, ne reçoit aucune grace en beuuant le calice: car autrement, boire le Calice, seroit vne action indifferante & vaine. Ioint que la commune doctrine des Escholes, & de l'Eglise, auoit ia decidé, que par chaque action Sacramentele, est conféré, en vertu de l'œuvre mesmes, ce qu'ils appellent, *ex opere operato*, vn degré de grace. Or ne peut-on niér, que de boire le sang de Christ, ne soit vne action Sacramentele: donques on ne luy pouuoit aussi desdire la grace speciale. En cette controuersie, le plus grand nombre des Theologiens tint, que, veu qu'on ne parloit point de la quantité de la grace, correspondante à la disposition du receuant, mais de celle, que les Scholasticks appellent Sacramentele, icelle estoit égale en celuy qui reçoit vne seule espee, & en celuy qui les reçoit toutes deux. L'autre opinion, quoy qu'elle eust moins de nombre de sectateurs, estoit toutesfois plus puissamment defendue. Sur cecy Article, ie ne scay à quelle intention, passa fort auant Frere Amant, del'Ordre des Serfs de S. Marie, Bressan, Theologien de l'Euesque de Sebenic en Esclaunonie, l'un des fauteurs de cette seconde opinion. Iceluy, rapportant la doctrine de Thomas, Cardinal Caietan, que le sang n'est pas partie de la nature humaine, mais seulement premier aliment: & aduouant qu'on ne pouuoit point dire, que de nécessité vn corps tire son aliment en concomitance; infera, que ce qui estoit contenu sous chacune des deux especes, n'estoit point du tout la mesme chose. Et de plus encor, que le sang de l'Eucharistie, selon les paroles du Seigneur, estoit sang espandu, & par conséquent hors des veines, dans lesquelles demeurant, il ne pouuoit estre breuuage: dont il ne pouuoit des veines estre tiré en concomitance: & que l'Eucharistie auoit esté instituée en rememoration de la mort de Christ, laquelle aduint par separation & effusion de sang. A cette consideration s'esleua vn grand bruit & huée des Theologiens, qui estoient là presens, avec frapement de bancs. Qui fut la cause, qu'iceluy apres que le bruit fut appaisé, se retracts, disant, que la chaleur de la dispute l'auoit emporté à alleguer les raisons des aduersaires, comme siennes propres: lesquelles toutesfois il auoit intention de refuter à la fin: comme aussi de vray il employa tout le reste de son discours à la refutation d'icelles: & à la fin demanda pardon du scandale qu'il auoit baillé, pour n'auoir parlé avec tant de circonspection, qu'il eust ouuertement fait paroître que ces raisons-là estoient captieuses, & contraires à son aduis. Et fit fin, sans parler des autres trois Articles.

sur le troisième
sime qu'il
n'y a point
de perle à
l'auoir esté
plusieurs
raisons
sont em-
ployées

au quatrième
sime, de
contraryer
presens, les
Espagnols
se rendirent
à l'encontre

1562. Sur le quatrième Article, c'est merueille, combien estoient vnies les Theologiens Espagnols, & tous les autres dependans de l'Espagne, à conseiller, qu'en aucune façon l'usage du Calice ne fust permis aux Allemans, ny à autres. La substance des choses dites par eux, fut Que, veu que nulle des causes, qui auoient és temps passés meul l'Eglise à oster le calice au peuple, n'estoit cessée: ains qu'icelles estoient deuenus plus vrgêtes & pressantes qu' auparauant: & qu'il en estoit né de surcroist d'autres plus fortes & essentielles: il falloit persister en la deliberation prise par le Concile de Constance, & par l'Eglise, & auant & apres iceluy. Et, venant à discourir des dangers d'irreuerence, qui estoit le premier rang des causes il les falloit, disoient-ils, plus apprehender à present qu'autrefois: d'autant qu'alors il n'y auoit aucun, qui ne crust fermement la réelle & naturelle presence de Christ au Sacrement, apres la consecration, pour autant de temps que les especes duroient: & nonobstant tout cela, le Calice auoit esté osté, d'autant que les hommes ne portoient pas la reuerence due au sang de Christ: & quel respect ou reuerence pouuoit-on esperer en ce temps, auquel les vns nient la réelle presence, autres la veulent seulement en l'usage? Qu'en outre la deuotion estoit beaucoup amoindrie és bons Catholiques: & autant que la diligence és choses humaines estoit augmentée, la negligence estoit accrue és choses diuines: dont il estoit bien à craindre qu'une plus grande negligence ne produisist encor plus grande irreuerence. Qu'à present, plus que iamais, il estoit nécessaire de mettre difference entre les Prestres & les autres: attendu que les Protestans les auoient mis en haine enuers le peuple, & auoient semé une doctrine, par laquelle ils estoient priuez des exemptions, & assuiettis aux Magistrats seculiers, & despoüillez du pouuoir d'absoudre des pechez: & soumis à estre appelez au Ministère par le peuple, & deposez par le mesme: ce qui obligeoit l'Eglise à maintenir tous les usages & obseruances, qui leur pouuent donner de la reputation. Que le danger, que le peuple ne soit imbu de fausse creance, & persuasion, qu'il y a autre chose au Calice, que sous l'espece du pain, est à present plus vrgent à cause des nouvelles opinions. Plusieurs dirent, Que l'Eglise auoit defendu le calice, pour s'opposer à l'herreur de Nestorius, lequel ne croyoit point que Christ tout entier fust sous l'une des especes: ce qu'aucuns des mesmes heretiques disant encorres auourd'huy, il falloit tenir ferme l'interdiction. Je ne scaurois ne plus clairement, ne mieux exprimer ce qu'ils vouloient dire: n'ayant iamais leu que Nestorius eust parlé de cette matiere, ne que les modernes en traitent en ces termes. Mais pour le troisième danger, Que l'autorité de l'Eglise soit vilipendee, & qu'on argumente qu'elle a donc commis erreur à oster le calice, c'est abus, disoient ils, de l'appeller danger: il le faut appeller certain infallible euement: & les Protestans n'en font si instante requeste pour autre raison, que pour conclurre, que le Concile, ayant reconnu l'erreur passée, l'a corrigé par la concession: dont tout soudain ils corneront la victoire, & de ceuy passeront à demander changement és autres statuts & ordonnances de l'Eglise. Ceux-là se trompent, qui croyent que les Allemans se doiuent arrester à ceuy, & se disposer à se soumettre aux Decrets du Concile: ains ils voudront abolir les ieunes, & les differences & distinctions des viandes, & demanderont le mariage des Prestres, & la suppression de la Jurisdiction Ecclesiastique en l'exterieur: qui est le but, auquel tous visent. Et n'est nullement croyable, que tous ceux, qui demandent le calice, soient bons Catholiques: car tous les Catholiques croyent que l'Eglise ne peut errer, & que nulle deuotion n'est agreable à Dieu, si elle n'est approuuée par icelle: & quel obeyssance à l'Eglise est le comble & plus haut faiste de la perfection Chrestienne. Et faut tenir pour assuré, que qui demande le Calice, le tient pour nécessaire, & celuy qui le tient pour tel, ne peut estre Catholique. Ioint que nul ne le demande, croyant de n'en pouuoir legitimelement vser sans la permission du Concile: mais afin que les Princes n'y mettent point d'empeschement: car si les Princes laissoient faire les peuples, ils

l'vsurperoit bien sans autre permission, & que chacun pouuoit s'acertener de cela, prenant garde que cene sont pas les peuples, mais les Princes ^{1562.} qui supplient, lesquels ne peuvent agréer aucune nouveauté sans legitime ordonnance: non pas certes, que les peuples ne l'introduisissent beaucoup plus volontiers d'eux mesmes, que d'en faire la demande au Concile. On fit si grand force sur cette raison, que Frere François Forier, Iacobin Portugais, s'emancipa à proferer vne parole, laquelle par les auditeurs fut iugée non seulement hardie, mais mesmes outreuidée, & insolente, disant; Ces Princes se veulent faire Lutheriens avec permission du Concile. Les Espagnols exhortoient à considerer, que si on accorderoit ce point à l'Allemagne, l'Italie & l'Espagne demanderoient le mesmes, & ne scauroit-on comment leur refuser: dont aduiendroit, que ces nations aussi apprendroient à ne point obeyr, & à requerir changement es autres loix Ecclesiastiques: & que pour rendre Lutherien vn pais tres Catholique, il n'y auoit moyen plus propre, que de luy bailler l'vsage du Calice. François de Torres, Iesuite Espagnol, mit en consideration le dire susmentionné du Cardinal S. Ange, grand Penitencier, Que Sathan auoit accoustumé de se transformer en Ange celeste & ses ministres à se transmuier en ministres de lumiere, pour tromper les fideles: & que semblablement à present, sous couleur du calice avec le sang de Christ, il pouloit à presenter au peuple vne coupe de poison.

Aucuns adiuoient, que la prouidence de Dieu, laquelle preside au gouvernement de l'Eglise, auoit inspiré le Concile de Constance au siecle passé à decreter le retranchement du Calice, non seulement pour les raisons qui pressoient pour lors: mais aussi, d'autant que, si à present iceluy estoit en vsage, il n'y auroit aucun signe exterieur pour distinguer les Catholiques des heretiques: & cette distinction ostée, les Protestans se mesleroiient en vne mesme Eglise avec les Catholique, dont s'ensuiuroit ce que dit Saint Paul, Qu'un peu de leuain fait bien tost leuer beaucoup de paste: tellement que d'oïroyer le calice ne feroit autre chose, que prester plus grande commodité aux heretiques de nuire à l'Eglise. Aucuns aussi, ne scachans pas, que cette demande auoit desia esté faite au Pape, & que luy, pour se descharger, & la porter à longs iours, l'auoit remise au Concile, interpretoient en sens sinistre, qu'en ce temps-là vne telle requeste eust esté faite au Concile, & non au Pape: soupçonnant que cela tendoit à eslargir, & amplifier, par interpretations estranges, tout l'oïroy qu'on en pourroit faire, dont nasquist autre nouuelle necessité du Concile.

Mais ceux, qui iugeoient qu'on pouuoit condescendre aux prieres de l'Empereur, & de tant d'autres Princes, & peuples; conseilloyent de proceder avec moins de rigueur, & de ne point donner de si sinistres interpretations aux pieuses requestes des freres inñmes: ains d'ensuiure le commandement de S. Paul, & de reuestir les defauts & foiblesses des imparfaits, <sup>d'autres en conseil-
lent l'oc-
treuy, par
devoir de
charité:</sup> pour les gagner: & de n'auoir point de visées mondaines de reputation: ains de se gouverner par les reigles de la charité, laquelle foulant aux pieds toutes les autres, voire mesmes celles de la prudence & sapience humaine, compatit, & cede à chacun. Ils disoient qu'en tout ce qui auoit esté dit par ceux de contraire aduis, ils ne voyoient aucune raison mettable, sauf celle-cy, que les Lutheriens diroient d'auoir emporté ce point de haute lute, que l'Eglise a failly, & qu'ils passeroient à des demandes plus releuées. Mais, que ceux-là se trompoient grandement, qui croyoient les faire taire par le refus: que desia ils auoient dit haut & clair, qu'on auoit failly: que puis apres ils diroient qu'on adiuoste l'obstination de succroist à la faute: & que là où il nes'agit que d'ordonnances humaines, il n'est ny nouveau, ny indecent à l'Eglise de faire quelque changement. Et qui ne scait, disoient ils, qu'une mesme chose ne peut conuenir à tous temps: il y a vn nombre inñni de ceremonies Ecclesiastiques, lesquelles ont esté en vn temps introduites, & puis ont esté abolies: & n'est nullement contre l'honneur & la bienséance d'un Concile, d'auoir cru vne ceremonie ou obseruance deuoir

ment, qu'il ne peut estre administré à ceux qui n'ont point l'usage de la raison. Et que si en l'Antiquité on trouue qu'il en eust esté usé au contraire, cela auoit esté fait es lieux & es temps, esquels la verité n'estoit pas si bien esclairee, comme elle est à present : & que pourtant le Concile deuoit determiner que l'usage present fust gardé. Aucuns remonstrentent bien, qu'il estoit conuenable de parler plus reueremment de l'antiquité, & ne point dire qu'elle eust esté defaillante de conoissance de la verité. Frere Desire de saint Martin, de Palerme, Carme, tout seul fut d'aduis que cet Article fust laissé : disant, que puis que les Protestans de nostre temps n'en faisoient point de querelle, il n'estoit point expedient de mettre en chanp quelque nouveauté en traitant de cette matiere, laquelle pouuoit auoir quelque probabilité d'une part & d'autre : & quand il viendroit à notice, qu'on en auroit traité au Concile, la curiosité de plusieurs s'esmouueroit à y songer, ce qui donneroit suiet d'achopement : d'autant que tel pourroit se persuader, que l'Eucharistie est Sacrement de necessité, autant que le Baptême : veu qu'il semble que la necessité du Baptême n'est fondée que sur les paroles de Christ, Qui ne sera regeneré d'eau & d'Esprit, n'entrera point au Royaume des cieus : dont il y a bien les equiuallentes en l'Eucharistie, quand lui mesme dit, Si vous ne mangez ma chair, & ne beueuez mon sang, vous n'aurez point la vie. Et, l'exception des petits enfans ne peut pas estre fondée hors de tout contredit sur le commandement de St. Paul de s'examiner soi-mesme, ce que ne peut faire l'enfant : d'autant que la Sainte Escriiture commande bien aussi qu'auant le Baptême precede l'instruction de la doctrine de la foi : que si au Baptême ce commandement doit estre restreint aux seuls aagés, sans que de là on puisse inferer que les petits enfans doiuent estre exclus du Baptême, qu'elle raison y a-il de le prendre autrement en l'Eucharistie ? Partant il concluoit, qu'il approuuoit bien l'usage de ne les point communier, mais ne pouuoit trouuer bon que le Concile traitast d'une chose, que nul n'impugnoit.

Après que les Congregations des Theologiens furent finies, les Legats ^{debut entre} enclinerent à ottroyer le Calice à l'Allemagne, aux conditions apposées ^{ies Prelats} par Paul troisieme, & quelques autres de plus : & s'estas assemblés avec leurs ^{sur la con-} confidens, ils formerent le Decret sur le premier, quatrieme & cinquieme ^{séssion du} Articles : remettant les autres iusques à ce qu'ils eussent aduisé comment on euieroit les difficultés auancées par les Theologiens sur iceux. Puis après, ayant conuoqué une Congregation de Prelats, ils proposerent, s'il leur plaísoit, que les trois Decrets formés fussent produits, pour en dire leurs aduis en la prochaine Congregation. L'Archeuesque de Grenade, qui auoit halené l'intention des Legats, & estoit fort contraire à l'ottroi du Calice, y contredit, disant, Qu'il falloit suiure l'ordre des Articles, lequel estoit essentiel : veu qu'il estoit impossible de venir à la decision du quatrieme, & du cinquieme, sans auoir voidé le deuxieme, & le troisieme. Thomas Stella, Euesque du Cap d'Istrie, lui obiecta, qu'il n'estoit point conuenable de proceder au Concile par methode de Logique, & par ce moyen artificieusement empescher les bonnes deliberations. A quoi l'Archeuesque de Grenade repliqua, que son desir estoit seulement, que les choses fussent proposées au Concile par bon ordre, afin que procedant confusément il ne vint à faire quelque faux pas : & en cela fut suivi de Muce Callin, Archeuesque de Zara : comme au contraire, Iean Thomas de S. Pelix, Euesque de la Caue, le vieil, se ioinit à celui du Cap d'Istrie : & tous deux passerent à des termes & mots de derision : ce qui causa un peu de mescontentement es Espagnols : & s'en esleua entre les Prelats un murmure, qui ocasiona les Legats à congédier la Congregation : & le Cardinal de Mantouë dit aux Archeuesques, Qu'ils lussent & considerassent meurement les minutes formées : & qu'en une autre Congregation on resoudroit de l'ordre qu'il falloit garder à traiter.

Or, d'autant que souuent il aduint que les Congregations furent termi-

1561
sommées à
dessein

nées pour quelque mescontentement receu par quelque principal Prelat, il est à propos d'en rapporter en cet endroit la cause. Il a esté dit ci dessus, qu'il y auoit au Concile bon nombre d'Euesques, pensionnaires du Pape. Ceux-là recognoissoient tous le Legat Simonete, & dependoyent de lui, comme estant celui, lequel, plus particulièrement que les autres, auoit sa commission des interets du Pape, & les plus secretes instructions. Iceuluy estant homme accort, & de iugement vif & aigu, se seruoit d'eux selon la capacité de chacun : & parmi ce nombre il y en auoit quelques vns meslés de hardiesse & de plaifanterie, lesquels il employoit és Congregations à s'opposer à ceux, qui entroient en matieres contraires à ses intentions. Ceux-là estoient tous faits à l'artifice de dire le mot discrettement, pour piquer les autres, & les mettre en risée, sans toutesfois se descontenter eux mesmes, ains gardât tousiours leur grauité, & bienfiance. Le bon seruice, qu'ils rendirent au Pape, & au Cardinal Simonete, merite bien que mention particulière en soit faite. Ceux-là furent les deux susnommés Euesques de la Caue, & du Cap d'Istrie : Pompée Zambeccare Bolognois, Euesque de Sulmone ; & Barthlemi Sirigo, Candiot, Euesque de Castelanete : chacun desquels auoit adiousté aux qualités communes de sa patrie, les perfections qui s'acquierent à la Cour de Rome. Ce furent ceux-là mesmes, qui enuenerent les simutés & desgoustemens qui estoient nés entre les Legats de Mantouë & Simonete, dont il a esté touché ci dessus : mesdisans & detraçans de celui de Mantouë, à Trente de paroles, & à Rome par lettres : ce que tous attribuoient à Simonete, duquel on voyoit qu'ils estoient caressés. Et Simonete, s'en voulant purger enuers le Secrétaire du Cardinal de Mantouë, & enuers l'Euesque de Nole, dit, Que, pour le peu de respect, qu'ils auoyent porté à vn tel Cardinal, il les auroit volontiers éloignés de son amitié, n'eust esté le besoin qu'il auoit d'eux, pour les opposer, és Congregations, aux impertinences, qui estoient dites par les Prelats.

Augustin Paumgartner, Ambassadeur du Duc de Bauiere, apres auoir demeuré d'eux mois à Trente comme personne priuée pour la pretension de preface sur les Venitiens, finalement eut commandement de son Prince de comparoir en public : & fut receu en la Congregation du ving-septiesme Iuin, en laquelle il s'assist au dessous des Ambassadeurs Venitiens : & d'entrée fit vne protestation, disant, Que les raisons & les droits de son Maistre estoient tres-bien fondés : & que lui aussi estoit tout prest & appareillé de les defendre & maintenir en tout autre lieu : mais qu'au Concile, ou il s'agit de Religion, il ne vouloit point s'arrester à ces pointilles : ains estoit content de ceder : bien entendu toutes-fois que ce fust sans preiudice de lui, & d'autres Princes Allemans, du sang Electoral de l'Empire.

Les Ambassadeurs de Venise respondirent à cete protestation, disant, Que leur Seigneurie auoit la preface à tres bon droit : & que comme le Duc de Bauiere leur cedoit alors, aussi deuoit-il faire en tout lieu. L'Ambassadeur puis apres poursuiuit sa harangue, laquelle fut fort longue & libre : & exposa l'estat de la Religion en Bauiere disant, Que ce pais-là estoit tout enuironné d'heretiques, lesquels mesmes auoient desia percé dedans. Qu'il y auoit plusieurs Zuingliens, Lutheriens, Flaciens, Anabaptistes, & d'autres sectes : sans que les Prelats eussent pu desfenger cete yuraye : d'autant que, non seulement au bas populaire, mais aussi en la Noblesse estoit cete contagion, causée par la mauuaise vie du Clergé, duquel il ne pouoit desferir les horribles meschancetés, sans offencer les chastes oreilles de l'auditoire : qu'il se contentoit de dire, que le Prince, son Maistre, leur remonstroie que toute la correction de la doctrine seroit vaine & infructueuse, si tout premier on ne corrigeoit les mœurs. Et adiousta, que le Clergé estoit diffamé à cause de sa luxure & paillardise : que le Magistrat politic ne supportoit aucun lai concubinaire : & cependant parmi le Clergé le Concubinage estoit si frequent, que de cent Prestres on n'en auoit que trois ou quatre, qui ne fussent concubinaires, ou mariés secrettement, ou publi-

quement : & qu'en Allemagne, par les Catholiques mesmes, vn chaste mariage estoit preferé à vn concubinage coſtaminé: que plusieurs auoyent abandonné l'Eglise à cause de l'interdiction du Calice: disans, Qu'ils sont obligés d'en user par la parole de Dieu, & par la coustume de l'Eglise primitiue, laquelle iusques à present est gardée és Eglises Orientales, & fut iadis pratiquée par l'Eglise Romaine mesmes. Que Paul troisieme l'auoit ottroyé à l'Allemagne: & les Bauarois se plaignoyent de leur Prince, qu'il enuioit icellui à ses iuiets. Et protestoit, que si le Concile n'y pouruoyoit, Son Altesse ne pourroit estre maistresse de ses peuples, ains seroit contrainte de laisser courir ce qu'il ne pourroit empêcher. Il proposa, pour remede aux scandales du Clergé, vne bonne Reformation, & qu'es Eueſchés on establist de bonnes Escholes & Academies, pour esleuer & façonner de bons ministres. Il requit aussi le mariage des Prestres, comme chose, sans laquelle il estoit impossible, en cet aage, de reformer le Clergé, allegant que le Celibat n'estoit pas de droit diuin. Il demanda aussi la Communion sous les deux especes, disant, Que si elle eust esté permise, beaucoup de Prouinces d'Allemagne seroyent demeurées en l'obeissance du Siege Apostolic: en lieu, que celles qui y estoient demeurées iusques à present s'en departoyent, ensemble les autres nations, à grand flor. Que le Duc, son Maistre, ne recherchoit pas cestrois remedes susdits, pour esperance aucune qu'il eust de reduire à l'Eglise les desuoyés, & Sectaires: mais pour retenir ceux, qui ne s'estoyent encor separés. Et repliqua, Qu'il estoit necessaire de commencer par la Reformation, qu'autrement, tout le trauail du Concile seroit en vain: mais qu'apres que le Clergé auroit esté reformé, le Prince, son Maistre, estant requis de son opinion sur la matiere des dogmes, en temps & lieu pourroit dire chose digne de consideration, laquelle le temps ne porteroit pas de proposer pour lors: n'estant conuenable d'entreprendre guerres contre l'ennemi, sans auoir premierement bien ordonné & affermi ses propres forces chez soi. Il entreietta souuent, parmi le fil de son discours, que tout cela estoit dit par le Prince, son Maistre, non pour donner loi au Concile, mais pour le lui insinuer reuereniment: & par ces mesmes termes aussi il acheua la harangue. Le Concile respondit par la bouche du Promoteur, Qu'il auoit esté long temps en attente de quelque Prince, ou Ambassade d'Allemagne: mais sur tout du Duc de Baviere, vrai rempar du Siege Apostolic en ce pais-là: & qu'il auoit grand ioye & contentement de voir son Ambassadeur la present, & le receuoit: & trauailleroit, comme aussi il auoit fait par le passé, à reigler & ordonner tout ce qu'il iugeroit estre pour le seruice de Dieu, & pour le salut des fideles. Les François, oyans cete harangue, s'esliouirent grandement de n'estre seuls à admonester librement les Prelats, de ce qui estoit necessaire à leur remonstrier. Mais, quand il seurent ouï la responce, ils en prirent vne extreme ialousie, pource que celle-ci estoit douce & gratieuse, & celle, qui leur auoit esté faite, auoit esté toute piquante, & pleine de fiel. Mais, certes leur plainte estoit sans raison: car, quoi que le Bauarois mordist plus viuement le Clergé en general, il parla des Peres du Concile avec beaucoup de reuerence: en lieu, que la harangue des François sembla toute butée à la censure de ceux qui l'oyoyent: ioint que la responce, qui leur fut faite, fut premeditée, & consultée: & celle-ci fut rendue tout sur le champ à despourueu. Mais, l'vne & l'autre harangue eut bien vn mesme traitement au principal, en ce qu'elles ne furent escoutées que des oreilles, sans faire aucune impression és esprits, pour les persuader à effectuer les choses proposées, & requises.

Les Ambassadeurs Imperiaux, considerans que les iours precedens, és Congregations des Theologiens, les Espagnols, & la plupart des Italiens, auoyent parlé contre l'ottroi du Calice fort auantageusement, iusques là, que plusieurs d'entr'eux auoyent dit, Ceux-là estres heretiques, qui demandoient le Calice: pour respondre à cete obiection, & autres, qu'ils faisoient: & pour seconder la proposition du Bauarois, & afin aussi de prouener que les Prelats ne se laissent emporter és mesmes importinences, que

respondit
modestement,

auccialou
se des François,

escriit des
Imperiaux
pour l'ottroi du Calice,

1562.

les Theologiens, dressèrent vn Escrit sur cete matiere, lequel, apres la harangue del' Ambassadeur de Bauiere, ils presenterent en la mesme Congregation. La substance en estoit telle, *Que* pour le du de leur charge, ils auoyent iugé deuoir aduertir les Peres de quelques points, auant que dire leurs aduis. *Que* les Theologiens, és iours passés, auoyent parle conuenablement à l'égard de leurs propres païs: mais non certes guerres à propos pour les autres prouinces & Royaumes. Et prioyent les Peres d'atremper leurs opinions en sorte, qu'elles portassent medecine, non aux parties saines, quin'en auoyent point de besoin, mais aux membres indisposés. Ce qu'ils pourroyent bien proprement faire, s'ils prenoyent exacte connoissance qu'elles estoient les parties malades, & quel secours elles requeroient. Et, commençant par le Royaume de Boheme, disoyent, *Qu'il n'estoit ia besoin de reprendre la chose de guerres haut, ni faire mention des choses traitées à Constance: mais qu'il suffisoit d'aduiser seulement, qu'en ce Royaume-la, apres ledit Concile, nulle pratique, ne force ou guerre, n'auoit pu oster le Calice. Que l'Eglise le leur auoit benignement accordé sous certaines conditions, lesquelles n'estans point obseruées, Pie deuxième auoit reuouqué l'ottroi: mais Paul, & Jules troisiemes, pour tacher de racquerir ce Royaume, auoyent enuoyé des Noncés, pour le leur permettre derechef: quoi que, pour certains empeschemens, on ne pust pour lors mettre la dernière main à l'affaire. Mais, qu'en ce temps, l'Empereur ayant à ses despens établi l'Archeuesché de Prague, & obtenu és Eitats de Boheme, que les Prestres Calixtins ne fussent ordonnés par autres que par icelui, & qu'ils le reconussent pour Prelat legitime, Sa Maiesté auoit requis le Pape, qu'on ne laissast eschaper vne si belle occasion de les racquerir: & Sa Sainteté auoit remis le tout au iugement du Concile: dont en la main & pouuoir d'iceluy estoit de conseruer ce Royaume, lui permettant l'vsage du Calice. Que ces peuples-là estoient en peu de choses differents de l'Eglise Romaine: qu'ils n'auoyent iamais voulu Prestres mariés, ni ordonnés par Euesques separés de la communion du Siege Apostolic: qu'en leurs prieres, ils faisoient mention du Pape, des Cardinaux, & des Euesques: & que s'ils auoyent quelque petite difference en la doctrine, cela pouuoit estre aisément amendé, pourueu seulement qu'on leur ottroyast le Calice. *Que* ce n'estoit point merueille qu'une grosse & rude multitude eust conceu une sensible opinion, puis que des hommes Catholiques mesmes de grand sauoir & pieté, maintiennent bien, qu'on obtient plus de grace en la communion des deux eueques, qu'en celle d'une seule. Ils admonestoyent les Peres de prendre garde, que leur trop grande seuerité ne les poussast au desespoir, & les fist ietter entre les bras des Protestans. Ils adiousterent aussi, qu'en Hongrie, Autriche, Morauie, Silesie, Carinthie, Carniole, Stirie, Bauiere, Suabe, & autres endroits d'Allemagne, il y auoit plusieurs Catholiques, qui d'un grand zele desiroient le Calice. Ce qui auoit esté tresbien conu par Paul troisieme: dont il auoit permis aux Euesques de les communier avec icelui: ce qui ne fut toutesfois effectué, à cause de certains empeschemens. Et qu'il y auoit grand danger, que ceux-là ne se tournassent aux Lutheriens, si le Calice leur estoit osté. *Que* les Theologiens auoyent mis vn doute en auant, *Que* ceux, qui demandoient le Calice, estoient heretiques: mais que de vray Sa Maiesté Imperiale ne le pourchassoit que pour les Catholiques. *Qu'il* y auoit bien esperance de reduire maints Protestans par le moyen de cet ottroi: comme desia plusieurs d'entr'eux protestoyent de se ranger, estans las & recrus des nouueautés: & assurement se convertiroient: en lieu que, faisant autrement, il estoit à craindre du contraire. Et, pour respondre à celui, lequel les iours passés auoit demandé, *Qui* estoient ceux, qui requeroient cete permission: ils disoyent, *Que* c'estoit l'Empereur mesmes, lequel requeroit aussi que l'Archeuesque de Prague pust ordonner Prestres Calixtins: & que les deputés du Clergé de Boheme recherchoient le mesmes pour ce Royaume-là. Et n'eust esté l'esperance de le pouoir obtenir, il n'y auroit plus aucun residu de Catholiques. *Qu'en* Hongrie les peuples con-*

traignoient les Prestres, par la faisie de leurs biens, & par menaces contre leur propre vie, à leur bailler le Calice : & l'Archeuesque de Strigonie ayant pour cete cause châtié quelques Prestres, le peuple estoit demeuré sans Prestres Catholiques, & par conséquent sans Baptême, & en vne profonde ignorance de la doctrine Chrestienne, en danger de choir aisément au Paganisme. Pour conclusion, ils prièrent les Peres d'auoir compassion de ces pources peuples, & de trouuer quelque bon moyen de les conseruer en la foi, & mesmes de racquerir les desuoyés.

Al'issue de la Congregation, les Legats donnerent les minutes formées sur les trois premiers Articles, pour ne heurter à la mesme opposition qu'en la precedente Congregation. Et es iours ensuiuans les Peres traiterent de ces Articles, & s'estandirent grandement sur le troisieme, se ietans en grâds discours de la grace, Sacramentele, si on en receoit d'auantage, communiant sous les deux especes, que communiant sous vne : & les vns maintenaient l'un des parties, & les autres l'autre. Le Cardinal Seripande disoit, Que la mesme difficulté ayant esté ventilée au Concile tenu sous Iules, il auoit esté delibéré qu'on n'en parleroit point. Nonobstant cela, quelques Prelats insisterent qu'on en fust declaration. Mais cet aduis ne fut receu, tant à cause de la contrariété des opinions, que pource que le plus grand nombre tenoit, que l'une & l'autre opinion estoit probable : mais, pour fuir toutes difficultés, il fut dit, Qu'on receoit Christ tout entier source de toutes les graces.

Quelques Euesques, d'entre ceux qui auoyent parlé avec beaucoup d'ardeur & d'affection touchant la Residence, dont ils se voyoyent hais, s'apprestoyent à partir de Trente, redoutans quelque facheux rencontre, en cas qu'ils continuassent à demeurer au Concile. De ce nombre estoient, Gilles Foscare, Euesque de Modene, mentionné ci-dessus, personnage de singuliere erudition, & de grande sincerité de conscience : celui de Viuiers, & Iules Pauesi, Archeuesque de Surrente; & Pierre Faune Costacciar, Euesque d'Aqui, & autres : lesquels auoyent obtenu leur congé des Legats : de celui de Mantouë, afin de les voir, comme amis qu'ils lui estoient, deliurés de danger ; & des autres, pour oster les occasions d'estrifs & similités. Mais l'Ambassadeur de Portugal remonstra aux Legats, Que cela tourneroit au grand prejudice de la reputation du Concile, veu que la cause de leur depart estoit notoire à tous : dont on diroit, Qu'il n'y auoit point de liberté au Concile, ce qui redonderoit au blasme mesme du Pape. Et pour tant ils prirent resolution de les faire arrester : sur tout, entendant, qu'après le depart de ceux-là, autres s'apprestoyent à demander aussi leur congé.

Les Legats, preuoyans les difficultés, differoyent de proposer les autres Articles : mais le troisieme Iuliet, les Ambassadeurs de l'Empereur, & de Bauiere, firent instance, qu'on vinst aux opinions sur iceux. Et à cet effet le iour ensuiuant ils tinrent Congregation, en laquelle les Ambassadeurs François presenterent vn escrit, par lequel ils exhortoyent les Peres à accorder la communion du Calice, fondans leur demande sur ce, que es choses de droit positif, comme est celle-ci, il faut condescendre, & ne roidir par si fort : ains considerer la necessité du temps : & ne point donner scandale au monde, en se monstrant si tenans à garder les commandemens des hommes, & negligens à obseruer ceux de Dieu, en refusant toute reformation. Et finalement ils requierent, que quelque determination qu'ils fissent, elle fust tellement attempée, qu'elle ne prejudiciait à l'usage des Rois de France, lesquels, en leur sacre, recoiuent le Calice : ni à la coustume d'aucuns Monasteres du Royaume, lesquels, en certains temps, l'administrent. Mais toutesfois, autre chose ne fut faite en la Congregation, sinon, que tous les six Chapitres de la Doctrine, sur les six Articles susdits, y furent proposés, pour en traiter es suiuanes Congregations.

Les Legats furent bien esbahis de cete proposition des François, recueillans par icelle, qu'ils estoient vnis avec les Imperiaux : & que pour-

1562.
les Legats,
lesquels
artificielle-
ment élan-
dent les
uns & les
autres :

tant il leur faisoit de nécessité proceder avec tant plus de circonspection. Et, pesant le motif des François, de relâcher les commandemens positifs, ils aduiserent que l'octroi du Calice, outre les difficultés ia proposées & remarquées, en tiroit apres soi plusieurs autres en diuerses matieres. Ils se ramenteuoient la demande du mariage des Prestres, faite par le Duc de Baviere: & comment, deux iours auparauant, en vn festin, en presence de plusieurs Prelats, qui y estoient conuiés, Lansac, en les exhortant de complaire à l'Empereur en la demande du Calice, s'estoit laissé entendre, que la France desiroit les prieres, le seruice & les messes, en langue vulgaire: & que les images des Saints fussent ostées, & qu'il fust permis aux Prestres de se marier. Dont, cognoissans bien que plus aisément on met obstacle aux commencemens qu'aux progrès: & qu'il y a moins de difficulté d'empescher l'entrée de la maison à quelcun, que de l'en chasser quand il y est entré, ils prirent resolution qu'il n'estoit point temps de parler du Calice. Il moyenerent enuers Pagnane, Agent du Marquis de Pescaire, Ambassadeur d'Espagne, qu'il fit instance, qu'aucune détermination n'en fust faite, que tout premier le Roi, son Maistre, n'en eust eu aduis. Et intermirent les Congregations du sixieme & du septieme Iuillet, pour traiter en ces iours-là avec les Imperiaux, qu'ils fussent contents de differer cete matiere, allegans plusieurs raisons: dont la plus forte estoit, que le temps estoit trop bref, pour persuader les Peres, que la Cœssion du Calice estoit necessaire. Finalement, apres vn long pourparler, les Ambassadeurs condescendirent à se contenter, que toute la partie des dogmes, fust differée. Mais cela n'agrea point aux Legats: dont en fin les Ambassadeurs Imperiaux consentirent, que ce seul point fust differé: mais à tel si, qu'on feroit mention de cete dilation au Decret, avec promesse d'en determiner vne autrefois. Il restoit encores à traiter avec les François, esquels il trouuerent plus de facilité, qu'ils n'eussent cru: d'autant qu'iceux dirent, Que ce n'estoit pas chose, qui eust esté ne proposée ne recerchée par eux: & que ils n'auoyent que presté assistance aux Imperiaux, qui la requeroient. Cete difficulté voidée, ils se mirerent à former les Decrets: & afin que cela se pust executer avec plus de promptitude, ils firent sauoir, que si quelcun auoit à remonstrer quelque chose, il le mist par escrit, afin que la confession des Decrets n'en fust retardée.

remou-
ces en fa-
ueur des
François
negligés :

En la Congregation du huitieme Iuillet, Daniel Barbare, Patriarche d'Aquilée, dit à son tour d'opiner, Qu'y ayant nouueles de la paix & accord fait en France, dont il estoit à croire que plusieurs Prelats de ce Royaume là viendroyent au Concile, il seroit bon d'attendre à traiter des dogmes iusques à leur venue. Mais, d'autant que nulle instance n'en estoit faite par d'autres, & non pas mesmes par les Ambassadeurs de France, la proposition tomba de soi-mesmes. En la suiuite Congregation, Anthoine Augustin, Euesque de Leride en Espagne, remonstra, qu'il seroit bon de faire mention des coustumes de France, suiuant l'instance qu'en auoyent fait les Ambassadeurs: inferant dedans le Decret des termes & paroles, qui reseruaissent les priuileges de ce Royaume-là: allegant, que mesmes apres la determination du Concile de Constance, il n'a point esté interdit aux Grecs de communier avec le Calice, ains qu'ils en auoyent vn priuilege expres, lequel il auoit veu. Mais, cet aduis n'estant secôdé d'aucun, sauf que de Bernard Delbene, Florentin, Euesque de Nismes, cete remonstrance aussi fut mise à quartier. Apres la Congregation, l'Ambassadeur de France Ferrier enquit l'Euesque Augustin avec curiosité, de la teneur, del' auteur, & du temps de ce priuilege: & voyant qu'il le rapportoit au Pape Damase, ils'en prit à rire: estant chose bien certaine, que cent ans apres Damase en l'Eglise Romaine estoit estimé sacrilège de s'abstenir du Calice: & que le Ceremonial Romain descript tousiours la communion des Laïcs avec le Calice: & que iusques à l'an de grace mil deux cens, Innocent III. fait mention, que les femmes receuoient le sang de Christ en la Communion.

d'ours de

Le dixieme du mois, Leonard Haller, Euesque titulaire de Philadel-

phie, lequel estoit arriué la semaine precedente, disant son aduis sur les Decrets, fit vne digression, en forme d'oraison toute formée, requerant les Legats & le Concile d'attendre les Prelats d'Allemagne: & à cet effet employa diuerses raisons: & entr'autres trois, qui furent mal prises en la Congregation: assauoir, Que ce Concile ne pourroit estre appellé general, y manquant vne nation principale de Chrestienté toute entiere: Que de passer outre, sans l'attendre, seroit precipiter les affaires: Que le Pape leur deuoit escrire, & les appeler nommément. Ce bon Pere n'estoit pas informé des offices, que le Pape auoit fait en Allemagne par ses Nonces Dauphin; & Commandon, deux ans auparauant, & des responses que lui auoyent rendu les Protestans, & les Catholiques: ceux-là refusans de vouloir, ceux-ci s'excusans de ne se pouoir trouuer au Concile. Plusieurs crurent, qu'il eust esté induit à ce faire par les Ambassadeurs Imperiaux, lesquels puis qu'on différoit de resoudre de la proposition du Calice, eussent bien desiré que tout le demeurant eust aussi esté prolongé.

En la suiuiante Congregation furent lus neuf chapitres de la Reformation, ia tous arrestés & resolus: & sur le premier de faire les ordinations gratuites, Albert Duime, des Gliriques, Euesque de Veglia, Isle en l'Esclauonie, lequel n'y ayant qu'une semaine qu'il estoit arriué, ne s'estoit trouué à traiter de cete matiere, dit, Qu'il tenoit ce Chapitre pour fort imparfait, si tout ensemble on n'ordonnoit, que de mesmes à Rome on se deportast d'exiger payement pour les dispenses de receuoir les Ordres hors des tēps, auant l'aage, sans licence & examen des ordinaires: & sur les irregularités, & autres empeschemens Canoniques. D'autant que c'estoit là ou on faisoit les grands despens: en lieu qu'aux pources Euesques, lesquels le plus souuent n'ont de quoi viure, on ne donnoit qu'une petite aumosne: laquelle toutesfois il estoit bien certes d'auoir qu'on ostast, mais sans pourtant donner au monde le scandale de dismer la rue, & voler l'or & l'argent. Et à cete occasion il s'estendit à taxer les payemens, qui se desboursoient à Rome pour toutes sortes de dispenses. Et adiousta, que, quand on lui presentoit dispenses, pour ordinations, ou pour autres choses, il auoit accoustumé de s'enquerir si pour icelles on auoit payé chose aucune: que s'il trouuoit qu'on l'eust fait, il n'en auoit iamais voulu executer ni admettre aucune: & qu'il ne se feignoit point de le dire publiquement à tous, d'autant que tel estoit le deuoir de tout Euesque. Mais lui estant respondu, qu'on auoit ia parlé de cela en Congregation, & qu'on auoit resolu de renuoyer cete deliberation au Pape, lequel peut plus honorablement reformer les offices de Rome: l'Euesque repliqua, Que le Quaresme passé il en auoit plusieurs fois parlé à Rome à ceux, qui y pouuoient pouruoir: mais particulièrement vne fois en la maison du Cardinal de Perouse, en presence de plusieurs Cardinaux, & Prelats de la Cour, auxquels il auoit dit les mesmes choses. Et que ceux-la lui auoyent respondu, Que c'estoyent choses qui deuoient estre proposées au Concile: & maintenant, voyant le contraire, il n'en parleroit plus, puis qu'il voyoit que le reiglement & la prouision en estoit laissée à Dieu.

L'Euesque des Cinq Eglises, sur le deuxieme Article des ordinations à titre, dit, Que, selon les anciennes ordonnances, il estoit plus nécessaire de pouruoir, que nul ne fust ordonné sans titre & office, que sans reuenu: estant chose excessiuelement scandaleuse, de voir plusieurs se faire Prestres, non pour seruir à Dieu, & aux Eglises; mais pour iouir d'une oisuieté, coniointe avec beaucoup de luxe, & vn bon & grās reuenu. Que le Concile deuoit bander ses esprits à cela & trouuer moyen qu'il n'y eust aucune personne Ecclesiastique, qui ne fust dediée à quelque ministration: & qu'il auoit remarqué encor tout freschement qu'à Rome auoyent esté conferés des Euechēs à aucuns, seulement pour les promouvoir, lesquels en trespen de temps les auoyent resignés, demourans Euesques titulaires seulement, pour l'ambition de la dignité, & du degré. Inuention meschante, laquelle aussi l'Antiquité auoit detestée, comme pestilentielle. Sur le quatrieme & sur la

1562.
l'Euesque
de Phla-
delphie,
pour auen-
ir les Al-
lemans

& de celui
de Veglia
sur les or-
dinations
gratuites;
contre les
abus de
Rome:

& de celui
des cinq E-
glises sur
les ordina-
tions à ti-
tre.

1562.
d'insinuer
paroisses :

Chapitre, de partager les grandes & nombreuses paroisses, il en loua bien le Decret : mais adiousta, qu'il seroit plus necessaire de partager les grands Eueschés, afin qu'ils pussent estre bien gouvernés : allegant qu'en Hongrie il y en auoit de deux cens lieues d'estendue : lesquels ne pouuoient estre ne visités ne bien regis par vn seul. Mais ces propos ne furent point bien pris par les adherants à la Cour de Rome ; ausquels il sembloit qu'ils butassent à renoueler le traité de la Residence.

✓ Mais l'Euesque de Sidonia, de la mesme nation Hongroise, desagea encor bien d'auantage, proposant la reformation du Pape mesme, sous des figures de langage, & metaphores : & disant, Qu'il estoit impossible d'oster les tenebres des estoilles, qu'on ne les ostant tout premierement du soleil : & de penser le corps malade, laissant les indispositions en la teste, qui les espendent en tous les membres. Et sur le dernier Chapitre des Questeurs, il dit, Qu'il n'estoit point honorable au Concile, ni utile pour l'Eglise, de commencer la Reformation par les choses moindres : qu'il falloit tout premier parler des choses d'importance, & reformer les ordres superieurs, & puis suiure aux inferieurs. A ces aduis sembloient adherer plusieurs Prelats Espagnols, & quelques Italiens aussi. Mais il leur fut reparti, Que les Decrets estoient ia tous formés : & en outre, que le temps iusques à la Session, qui n'estoit que de trois iours, ne portoit point qu'on pust diger de nouueles matieres : dont, partie par les oppositions qu'on pouuoit faire aux choses alleguées par ces Euesques ; partie aussi, par les grâdes asseurances qu'on donna que le Pape feroit vne trefestroite reformation en sa Cour : les remedes aux abus de laquelle se pouuoient beaucoup mieux discerner & appliquer à Rome, la ou le mal estoit mieux conu, qu'au Concile ; partie, par autre telles raisons, furent eludés les reiglemés & provisions representées par ces Prelats, & par autres, lesquels on fit contenter des neuf Articles pour lors.

proposition
de reigler
les discours
au Concile :

✓ Apres la Congregation, les Legats, & les autres gens du Pape, demurerent ensemble : &, attendu les choses qu'ils auoyent ouies, ils discoururent, qu'on voyoit tous les iours plus croistre la hardiesse des Prelats à proposer choses nouuelles & seditieuses, sans respect : ce qui ne pouuoit estre appellé liberté, ains licence excessiue : & qu'aussi les Theologiens, par la longueur de leurs discours, remplissoient tout le temps, debatant souuent entr'eux de choses de neant, & passant mesmes iusques aux impertinences : & que si on suiuoit à proceder en cete sorte, on ne verroit iamais la fin du Concile : & qu'en outre, il y auoit danger que le desordre ne s'accrût, & ne produisist en fin quelque sinistre effet. Iean Baptiste Castel, Promoteur du Concile, lequel auoit exercé la mesme charge en la precedente conuocation sous Iules ramentut, que le Cardinal Crescence auoit accoutumé, lors que les Prelats extrauagoyent hors des matieres proposées, de les interrompre sans respect, & mesmes couper tout court le fil du propos, & commander aux trop prolixes d'abreger, & quelques fois encor leur imposer silence : que si on en faisoit vne ou deux fois de mesmes en ce Concile, on abbregeroit grandement les affaires, & trancheroit-on les occasions des discours impertinens. Mais le Cardinal de Vvarmie n'agrea point cete remonstrance : & dit, Que si Crescence se gouuernoit en cete sorte, ce n'estoit pas merueille, si Dieu n'auoit point donné d'heureux succès à ce Concile-là. Qu'il n'y auoit rien de plus necessaire à vn Concile Chrestien, que la liberté. Et que quand on lit les Conciles des meilleurs siecles, on y void au commencement des contentions & discordes, voire mesmes en la presence des Empereurs trespaisans de ces temps-là : lesquelles toutesfois, par la vertu & operation du Saint Esprit, se reduisoient en fin à vne admirable concorde : qui estoit le grand miracle, qui faisoit ranger & acquiescer le monde. Que les debats au Concile de Nicee auoyent esté excessifs, & en celui d'Ephese exorbitans : & ne faloit point s'esbahir si en celui ci il y auoit quelque differends, manies par voyes ciuiles : & que qui voudroit y obuier par moyens humains & violens, feroit

feroit que le monde, estimant le Concile non libre, luy osteroit tout credit & autorité. Qu'il valoit mieux de se remettre à Dieu, lequel veut luy mesmes regir les Conciles, & moderer les esprits de ceux qui sont assembles en son Nom. Le Cardinal de Mantouë approuua l'aduis de celuy de Vvarmie; & blasma la procedure de Crescence: mais adiouta, Qu'il n'estoit pas pourrant contre la liberte du Concile de corriger les abus par decrets, preferuant l'ordre & le temps de parler, & distribuant à chacun la part. Ce qui aussi fut trouué bon par le Cardinal de Vvarmie; & demurerent d'accord, que; la Session finie, on donneroit ordre à cela.

Or, apres que les Imperiaux furent hors d'esperance d'obtenir le Calice; leurs interets estans par ce moyen cessés; les François, avec quelque nombre de Prelats, se mirent en toute diligence à entreietter des empeschemens à ce qu'en la Session, qui se deuoit tenir le seizieme Iuillet, ne fust fait autre chose que differer iusques à la suiuaute, comme on auoit ia fait par deux fois. Mais à l'opposite les Legats, pour euitter cete honte, bandoient tous leurs esprits, pour arrester les choses; en sorte qu'on publiast en icelle les quatre Chapitres de la Communion, & les quatre de la Reformation. Les vns taschoient d'oster, & les autres d'interposer toutes sortes de difficultés. Et ayans ces fins differentes, & la Session pendant à tenir dedans deux iours, sur tenuë en Congregation le matin du quatorzieme, en laquelle l'Archeuesque de Grenade fit inistance aux Legats, Qu'attendu l'importance de la matiere qui se deuoit traiter, ils prolongeassent la Session, & fit vne espee de harenque, pour monstrier combien de difficultés il demouroit encor sur pied, lesquelles necessairement il falloit decider. Les Legats; resolu au contraire, n'admirent aucune raison, & donnerent commencement à l'examen de la Doctrine. & en lisant le premier Chapitre, lors qu'on vint à l'endroit, où il est dit, Qu'on ne peut inferer la Communion du sang par les paroles de Nostre Seigneur en S. Iean, Si vous ne mangez la chair du Fils de l'homme, & ne beueuez son sang, &c. Grenade s'interposa, disant, Que ce passage ne parloit point du Sacrement, mais de la foy, sous la figure & metaphore de nourriture: allegant la suite du texte; & rapportant l'exposition de plusieurs Peres, & notamment de S. Augustin. Le Cardinal Seripande se mit à exposer ce passage, comme s'il eust fait vne leçon en chaire, & sembloit que tous fussent contents; Mais Grenade retourna à repartir avec plus de vehemence, & à la fin requit, Qu'on y adioustast vne clause ampliatue, en cete sorte, Que par ces paroles du Seigneur, on ne pouuoit inferer la Communion du Calice, en quelquel sens qu'on les pust prendre; selon les diuerses expositions des Peres. Cete addition n'agreoit point à quelques vns des Peres, autrés l'auoient pour indifferente: mais bien sembloit-il estrange, qu'apres, que les choses auoient esté concludës, vn seul vint à troubler ce qui auoit esté arresté par des additions non necessaires: & y en eut cinquante-sept qui dirent, *Non placet*. Mais, pour venir à vne fin, les Legats furent contents que cete clause y fut adioustée, laquelle de vray paroist bien enchaissée à force: & au texte Latin commence, *Ut cumque iuxta varias*.

Au second Chapitre, qui traite de l'autorité de l'Eglise sur les Sacrements, quand on vint à ce passage, qu'elle auoit pû changer l'vsage du Calice, à l'exemple du changement de la forme du Baptisme, Iacques Gibert de Nogueras, Euesque d'Aliphe, Espagnol, se leua, & dit; Que cela estoit vn blaspheme: que la forme du Baptisme estoit immuable; & n'auoit iamais esté changée: & qu'il n'y auoit aucune autorité sur ce qui estoit essentiel au Sacrement, qui estoit la matiere & la forme: sur quoy plusieurs paroles auans esté dites pour & contre; en fin la conclusion fut prise d'oster cete clause. Ce seroit chose trop longue de reciter toutes les choses dites, par les vns pour trauffer, par les autres pour ne se faire oyàs parler les autres. C'est vne chose naturelle, lors qu'une multitude est esmuë, que chacun s'escarmouche à l'enuy; & iamais ne peut estre assemblé college de notables si bien trié, qu'il ne se diuise entre personnages de marque, & vulgaire. La patience

1562.

& la resolution des Legats surmonta les difficultés : tellement qu'en la Congregation du soir furent arrestés les chapitres de doctrine & les Anathematismes : nonobstant que le Cardinal de Vvarmie, par bon zele, entreiettaist aussi vne difficulté à l'instance de quelques Theologiens, qui l'aduertirent, qu'au troisieme chapitre de la doctrine, en disant, Que les fideles ne sont frustrés d'aucune grace necessaire à salut, ne receuant qu'une seule espece, on donnoit grande occasion de disputes : d'autant que l'Eucharistie n'estant point vn Sacrement necessaire, par la mesme raison on pourroit inferer, que l'Eglise la pouuoit retrancher toute entiere. Plusieurs Prelats adhererent à cette remonstrance, & requirent que cela fust reformé : d'autant que la raison alleguée à l'encontre estoit tres-euidente, & irrefutable : & le Cardinal Simonete eut beaucoup de peine à arrester ce mouuement, disant, Qu'en la prochaine Session on portast vne minute par escrit, comment on le deuoit reformer.

En cette mesme Congregation, l'Euesque des cinq Eglises donna matiere de nouueaux mescontentemens : car, ayant, hors de la Congregation, receu vne remonstrance, pour les paroles qu'il auoit dites, qu'à Rome les Eueschés n'estoient donnés que pour promouoir les personnes, il retourna encores au mesme propos, faisant vn long discours pour déclarer son intention, comme par vne maniere d'excuse, mais en effet en confirmation des choses dites par luy : concluant, par vn exhortation aux Peres de dire leurs aduis librement sans respect. Le Cardinal Simonete fut fort alteré des choses passées en cette Congregation : laquelle finie, il monstra au Cardinal de Vvarmie le desseruice que receuoit le Saint Siege des impertinences des Theologiens, qu'on estoit contraint d'ouïr : que c'estoient gens vsités seulement en liures speculatifs, & le plus souuent en vaines subtilités, desquelles ils font grand estat, quoy que ce ne soient autre chose que chimeres : ce qui appert clairement, par ce qu'ils ne s'accordent point entr'eux : que desia vn si grand nombre d'entr'eux auoit approuué ce chapitre sans contredit, & maintenant quelques vns s'auançoient avec nouuelles propositions, lesquelles, quand on viendroit à ioindre, seroient contredites par d'autres. Qu'il estoit tout euident que, quelque parole qu'on l'eust dire, les bien affectiōnés la maintiendroient, & les aduersaires l'impugneroient, qu'il importoit bien peu que les paroles fussent vn peu plus ou vn peu moins seures : mais que, apres auoir intimé deux Sessions, & n'auoir rien exploité, on fist encor le mesme en cete troisieme, estoit ce, qui irreparablement feroit perdre le credit au Concile : qu'à cete Session il falloit trauailler à faire quelque chose. Le Cardinal de Vvarmie fut conuaincu, & respondit, que le tout auoit esté fait par luy à fin de bien, ces Theologiens, qui luy auoient donné l'auis, luy ayans esté adressés par les Ambassadeurs Imperiaux : dont Simonete s'aperceut que la bonté de ce Prelat estoit deceuë par la finesse d'autrui : & communiqua aussi aux autres Legats vn doute qu'il auoit, que les gens de l'Empereur ne luy tiraissent quelque secret de la bouche, & concerta avec eux de l'en aduertir à quelque bonne occasion.

Le dernier iour auant la Session ne fut pas aussi sans quelque hure : car l'Euesque de Nismes, à la suscitation des Ambassadeurs de France, fit instance, qu'au premier chapitre de la Reformation, là où il est permis au Notaire de prendre payement pour les patentes des Ordres, ne fust preiudicié aux coustumes de France, par lesquelles rien n'est payé au Notaire. Il fut suiuy par quelques Espagnols, & furent contentés par l'addition faite au Decret, que la coustume des lieux fust reseruée. Autres changemens de peu de consequence furent requis, & tous accordés : & tout sembloit bien appointé pour tenir la Session le lendemain, quand les Legats s'estans ialeus pour partir, Arias Gallego, Euesque de Giron, Espagnol, se presenta, & les arresta, & dit, qu'ils s'assissent, & l'ouissent. Ils se regarderent l'un l'autre : mais le grand desir qu'ils auoient de tenir la Session, leur enseigna la patience. Parquoy ils s'assirent, au grād despit de plusieurs Prelats, sur tout des courtisans.

Et lors l'Euesque fit lire le chapitre des distributions, & dit, Qu'il luy sem-
bloit chose bien dure de permettre à l'Euesque de prendre le tiers des Pre-
bendes, & de ne conuertir en distributions : qu'anciennement le tout estoit
distributions, & les prebendes auoient esté introduites par pur abus : mais
que l'Euesque auoit autorité de par Dieu de changer les abus es bons vsa-
ges anciens : & n'estoit pas raisonnable que le Concile, donnât à l'Euesque
le tiers de l'autorité qu'il a desia, luy en ostât les autres deux tiers. Pour-
tant il requeroit qu'il fust dit & déclaré, Que les Euesques ont ample pou-
voir de conuertir en distributions tout autant qu'ils iugent conuenable.
L'Archeuesque de Prague approuua cet aduis, & le conferma mesmes par
autres raisons : & sembloit, à voir les visages des autres Espagnols, qu'ils y
consentoient aussi. Mais le Cardinal de Mantouë, apres auoir grandement
loué la pieté de ces Euesques, & asseuré que c'estoit la vn point digne d'estre
bien consulté par le Concile, promit au nom des autres Legats, desquels il
auoit eul l'assentiment, qu'il en seroit parle en la suiuite Session.

Le seizième du mois de Iuillet venu, les Legats, Ambassadeurs, & Prelats *tenue de*
allerent, avec les ceremonies accoustumées, à l'Eglise. Et n'est à taire, qu'à *la cin-*
la Messe le Sermon fut fait par l'Euesque de Teane, lequel, nonobstant *quième*
qu'il eust esté resolu de ne parler point pour lors d'octroyer le Calice, ne se *Session:*
retint point de prendre pour theme cette matiere seule, & de discourir, l'Eusque *Sermon de*
Que, pendant quel ardeur de la charité auoit duré, l'vsage du Calice auoit de Teane
esté commun : mais icelle estant rallentie, & arriuant des inconueniens *sur l'estroi*
par la negligence d'aucuns; l'vsage d'iceluy de vray n'auoit pas esté inter- *du Calic :*
dit, mais seulement auoit esté enseigné, qu'il y auoit moins de mal de s'en
abstenir à ceux qui malaisément pouuoient euite l'irreuerence : & à l'ex-
emple de ceux-là, par laps de temps, d'autres aussi s'en estoient abstenus
pour n'estre obligés à cete exacte diligence, qui y estoit requise. Sur quoy
il loia es premiers l'exemple memorable de pieté, & blasma l'impieté des
modernes innouateurs, qui auoient allumé vn si grand embrasement pour
obtenir le Calice. Et exhorta les Peres à pitié, & compassion; & à esteindre
le feu, & à ne permettre que par leur faute tout le monde fust embrasé :
& à condescendre à l'imbecillité des enfans de l'Eglise, qui ne reclamant
autre chose que le sang de Christ. Il les admonnesta aussi à ne tenir pour le-
ger la perte de tant de prouinces, & royaumes : & puis qu'à present ce be-
noist sang estoit requis d'un si ardent desir, ils n'auoient point suiet de crain-
dre qu'on y vst de la mesme negligence ancienne, pour laquelle on en
auoit mis l'vsage : ains le deuoient octroyer, pour ce que Iesus-Christ n'a-
greeroit point qu'ils fussent tellement arrestés à leurs propres opinions,
qu'ils entretinssent entre les Chrestiens vne discorde tant pernicieuse pour
ce sang, lequel il a espandu pour les vnir tous en charité très-estroite. Delà
il passa dextrement à vne exhortation à la Residence : & puis finit, ayant par-
lé peu au gré des Legats, & d'autres qui desiroient mettre ces matieres sous
silence.

Les ceremonies acheuées, l'Euesque officiant lut la Doctrine, contenue *Decret*
en quatre chapitres, dont la substance estoit telle, Que d'autant que beau-
coup d'erreurs couroient sur le suiet du Sacrement de l'Eucharistie, le Con-
cile auoit deliberé d'exposer ce qui concernoit la communion sous les deux *la Com-*
especes, & celle des enfans : defendant à tous fideles de croire, enseigner, ou *munion*
prescher autrement. Et pourtant, suiuant le iugement & l'vsage de l'Eglise, *du Calice,*
il declaroit, Que les Lais, & les Clercs non celebrans, ne sont obligés par au-
cun commandement diuin. à communier sous les deux especes : & que nul, *& des pe-*
la foy sauue, ne doit douter que la Communion d'une seule especce ne suf-
fise. Car, combien que Nostre Seigneur Iesus-Christ ait institué, & baillé
le Sacrement sous deux especes, de là pourtant ne peut ny ne doit estre in-
feré, que tous soient obligés à le receuoir en cete sorte : & aussi peu le peut-
on recueillir du propos de Nostre Seigneur, recité au sixième chapitre de S.
Iean : auquel, quoy qu'il y ait des paroles qui nomment les deux especes, il y

1562.

en a toutesfois aussi qu'il n'exprime que celle du pain. Et en outre, le Concile declare, Qu'en l'Eglise il y a tousiours eu le pouuoir de faire changement en la dispensation des Sacremens, la substance d'iceux lauee. Ce qui generally se peut deduire des paroles de S. Paul, Que les Ministres de Christ sont dispensateurs des mysteres de Dieu : & spécialement de ce que le mesme dit, sur le fait de l'Eucharistie, qu'il se reseruoit d'en ordonner de bouche. Quel'Eglise, conoissant cette siene autorité, la coustume de l'usage des deux especes, lequel au commencement del'Eglise estoit fort frequent, ayant esté changée, auoit autoriséel'autre, de communier sous vne tant seulement : laquelle coustume nul ne peut changer ny alterer, sans l'autorité de la mesme Eglise. Et en outre, le mesme Concile declare, que sous chacune des especes on reçoit Christ tout entier, & le vray Sacrement : & que celui, qui n'en reçoit qu'une, n'est pour ce qui concerne le fruit frustré ne defraudé d'aucune grace necessaire à salut. Finalement, il enseigne, que les petits enfans, auant l'usage de la raison, ne sont obligés à la Communion Sacramentelle: attendu qu'en cet aage là ils ne peuuent perdre la grace receuë au Baptême. Sans toutesfois condamner la coustume gardée en quelques lieux au contraire par l'Antiquité, laquelle il faut indubitablement croire n'auoir fait cela par necessité de salut, mais pour quelque autre cause probable. En suite & conformité de cette Doctrine, furent lus quatre Anathematismes. Le premier, Contre qui dira, que tous les fideles, ou par necessité de salut, ou par commandement de Dieu, sont obligés à recevoir toutes les deux especes de l'Eucharistie. Le deuxieme, Contre qui dira, que l'Eglise Catholique n'a eu iustes causes de communier les Laïcs, & les Clercs non celebrians, sous la seule espece du pain, ou qu'en cela elle a erré. Le troisieme, Contre qui niera, que sous la seule espece du pain est receu Iesus-Christ tout entier, & auteur de toutes graces. Le quatrieme, Contre qui dira, que la communion de l'Eucharistie est necessaire aux petits enfans, auant l'usage de la raison. Apres cela, fut lu encores vn autre Decret, qui portoit, Que le Concile se reseruoit d'examiner à la premiere occasion. & de definir deux autres Articles, non encores digerés, à sçauoir, Si les raisons, pour lesquelles l'Eglise a communiqué sous vne espece seulement, doiuent estre encor à present retenues, & le Calice ne doit estre accordé à aucun. Puis, En cas qu'il soit iugé expedient de l'octroyer pour bonnes causes, sous quelles conditions cela se doit faire.

Or les
Anathema-
mes:

Decret de
la reserve
de deux
autres
points:

deux le-
suiues pro-
posent une
difficulté
en la Ses-
sion

Pendant qu'on chantoit la Messe, Alphonse Salmeron, & François de la Tour, Iesuites, deuisans l'un avec le Legat de Vvarmie, & l'autre avec le Cardinal Madruce, derriere les sieges desquels ils estoient, leur remonstre-
rent qu'au premier chapitre de la Doctrine il estoit obscurément parlé de l'institution du Sacrement en la dernière Cene sous les deux especes: & qu'il falloit parler clairement, en disant, Que Christ l'auoit ainsi institué pour les Apostres, & pour les sacrisians tant seulement, & non pour tous les fideles. Qu'il estoit necessaire d'y inserer cette clause, pour oster toute doute & scrupule aux Catholiques, & toute prise de contredire, & de calomnier, aux heretiques, Qu'eux comme Theologiens enuoyés par le Pape, ne pouuoient se passer de donner aduis en chose de si grande consequence. Et firent, sur tout Salmeron, qui traitoit avec le Cardinal de Vvarmie, si forte instance, qu'apres la lecture du Decret, ce Cardinal premierement, puis aussi Madruce, en firent la proposition: laquelle agreea à plusieurs, mais fut reiettee par le plus grand nombre, non pour la chose en soy, mais pour la maniere de la proposer ainsi à despourueu, sans donner loisir d'y aduiser: qui fut aussi la cause, que les autres Legats ne la trouuerent point bonne: mais toutesfois pour la reuerence du lieu, ils dirent, sans s'esmouuoir autrement, qu'on la reserueroit à la suiuite Session, lors que on traiteroit des deux Articles qui restoient.

Decret de
reforma-
tion,

Apres cela, furent lus les neuf Chapitres de Reformation, dont la teneur estoit, que, pour la Collation des Ordres, pour dimissioires, testimoniales, seu, ou autre chose, l'Eueque, ou ses Ministres, ne puissent recevoir chose

aucune, quoy que presentée spontanément. Que les Notaires, és lieux où h'est la loüable coustume de ne rien receuoir, & là où ils n'ont aucun salaire estably, puissent pour les susdites lettres receuoir la dixième partie d'un escu. Que nul Clerc seculier, quoy que suffisant & capable, ne puisse estre promu aux saints Ordres, sinon qu'il ait Benefice, patrimoine, ou pension suffisante pour viure : & que le Benefice ne puisse estre resigné, ne la pension amortie, ne le patrimoine aliéné, sans congé & permission de l'Euesque. Qu'és Eglises Cathedrales, ou Collegiales, où il n'y a point de distributions, ou bien, où elles sont petites & maigres, l'Euesque puisse conuertir en icelles le tiers des fruits des prebendes. Qu'és paroisses grandes & populeuses, les Euesques contraignent les Recteurs d'icelles à se faire aider par d'autres Prestres : & que celles, qui sont de grande estendue, soient partagées, & soient pourueus de nouveaux Recteurs, si le besoin le requiert : contraignant mesmes le peuple à contribuer. Que les Euesques puissent venir à perpetuer les Benefices avec cure, & sans cure d'ames, pour cause de pauvreté, ou autres legitimes. Que les Euesques donnent des coadiuteurs aux Prestres ignorans, & chastient les scandaleux. Que les Euesques puissent reduire & annexer les Benefices des vieilles Eglises, ou ruineuses, à d'autres : & faire restaurer les parochiales, contraignant mesmes le peuple au bastiment. Qu'ils puissent visiter tous les Benefices, qui sont en commendé. Qu'en tous lieux soit osté & aboly, le nom, l'office & l'usage des Questeurs. Pour la fin, la suivante Session fut assignée au dix-septième du mois de Septembre, avec déclaration, qu'il fust au pouuoir du Concile, d'abreger ou allonger en Congregation generale, à son bon plaisir, ce terme, & tout autre qui seroit constituéés suivantes Sessions.

Le monde n'auoit pas esté en si grande attente des actions de ce Concile *ingemens* és temps passés, comme à present, que tous les Princes estoient conuenus *à sur cette* le demander, & y auoient enuoyé Ambassades, & que de tous pais s'y estoit *Session,* assemblé grand nombre de Prelats, au quadruple de ce qui auoit esté auparavant : & ce qui plus est, y ayant, lors de cette Session, six mois qu'il estoit commencé, & tout ce temps ayant esté employé à continuels & quotidiens traités, avec despesches de plusieurs courriers & Prelats, haut & bas, de Rome à Trente, & de Trente à Rome. Mais, quand cette Session sortit en lumiere, tous d'une voix y rapportèrent le proverbe Latin de l'enfantement des montagnes, d'où n'estoit sorty qu'une ridicule souris. Nommément on y remarquoit la dilation des deux Articles : d'autant qu'il sembloit estrange, que le Concile, ayant, par quatre Anathématismes, fait quatre Articles de foy, n'eust pû declarer celuy de l'oüroy du Calice estre de droit Ecclesiastic. Plusieurs aussi iugeoient, que celuy-là deuoit estre traité tout le premier : d'autant que, si le Calice eust esté oüroyé, toutes les disputes cessoient. On fit aussi grande consideration sur le troisième Chapitre de la Doctrine, en sa conclusion, qui porte, Que le fidele, en receuant tant seulement le corps de Christ, n'est defraudé d'aucune grace necessaire. Car il sembloit que par ces termes on aduoüast, qu'il perd doncques quelque grace non necessaire : & là dessus estoit mis en doute, s'il y a aucune autorité humaine, qui puisse empescher la grace de Dieu surabondante, & non necessaire : & quand mesmes elles le pourroit, si la charité permettoit de mettre ces empeschemens au bien. Il y eut deux choses, par dessus toutes les autres, qui donnerent beaucoup à parler : l'une, l'obligation imposée de croire, que l'Antiquité ne tenoit point pour necessaire la Communion des petits enfans : d'autant que là où il s'agit de verité d'histoire, c'est une question de fait, & du temps passé, là où l'autorité n'est d'aucune vertu, veu qu'elle ne peut alterer les choses faites, & aduenues. Or est-il notoire à tout homme qui a lu S. Augustin, qu'en neuf diuers endroits, non en une parole, comme en passant, mais par long discours, de propos deliberé, ce Pere a maintenu la necessité del'Eucharistie aux petits enfans : voire mesmes en deux de ces passages il l'a egalée à la necessité du Baptisme : & d'abondant dit

en plus d'un endroit, que l'Eglise Romaine mesmes l'a ainsi tenu, & a desiny
 1562. l'Eucharistie estre necessaire au salut des enfans : & à cete fin allegue le Pape
 Innocent, l'Epistre duquel est encores en estre, en laquelle iceluy parle clai-
 rement. Et s'esbahissoit-on fort, comment le Concile, hors de necessité, s'e-
 stoit embarassé en cete question sans fin, avec danger de faire dire, que l'un
 des deux, ou le Pape Innocent, ou le Concile auoit erré. L'autre estoit le deu-
 xième Anathematisme, prononçant heretique celuy qui dit, Que l'Eglise n'a
 esté mue de iustes causes à communier sans le Calice. Ce qui n'est autre chose
 que fonder un Article de foy sur un fait humain. Et tenoit-on pour chose
 bien extrauagante, d'aduouer que l'homme n'est tenu d'observer le De-
 cret, que par droit humain : & cependant que de droit diuin il est obligé à
 croire qu'iceluy est iuste : & de poser, pour Articles de foy, choses, lesquelles
 se changent tous les iours. Autres aussi adoustoient, que s'il y auoit ces cau-
 ses tant iustes d'oster le Calice, il les faloit declarer, pour persuader les hom-
 mes par icelles, & non point les contraindre à croire par terreur : qui estoit
 iustement maistriser la foy, chose tant detestée par saint Paul. Sur les Cha-
 pitres de la Reformation, on disoit generalement qu'on ne pouuoit toucher
 particularités ne plus legeres, ne plus legerement : & qu'on auoit fait com-
 me le Medecin, lequel en un corps tout ethique ne trauailloit qu'à guerir de
 la demangeaison. Et sembloit aussi bien nouveau que le Concile mist ainsi la
 main par force en la bourse du peuple, pour entretenir Prestres, ou pour re-
 bastir Eglises : ce qui, tant en la substance, qu'en la maniere, estoit hors de
 raison. Car, quant à la substance, le Clergé estoit suffisamment, voire super-
 flument riche pour cela : & debiteur plustost aux Laïcs, à diuers euidentis-
 tres, que les Laïcs à luy. Et, quant à la maniere, d'autant que Iesus-Christ,
 ne les Apostres, n'auoient pretendu de contraindre à contributions : mais
 bien auoient baillé pouuoir de recevoir les volontaires : & quil lit S. Paul aux
 Corinthiens, & aux Galates, void bien le traitement que le maistre doit au
 bœuf qui soule le grain en l'aire, & le deuoir du Catechizé enuers le Cate-
 chizant : sans toutesfoies que ces ouuriers-là ayent aucune action, ou droit
 d'exiger, & qu'il y ait au monde aucune cour, ou magistrat ciuil, auquel ils
 puissent recourir.

Après la Session, les Legats se mirent à donner ordre aux choses qui de-
 uoient estre examinées pour la suiuite, avec dessein d'abreger le temps,
 s'il estoit possible. Sur ces entrefaites, vindrent à Trente lettres d'Alexandre
 Simonete à son frere le Cardinal : & du Cardinal Gonzague à celuy de Man-
 touë, son oncle : contenant vives exhortations, au nom du Pape, de compo-
 ser leurs differens, & de s'entendre bien ensemble à l'auenir. Au moyen de
 quoy, le Dimanche d'après la Session Simonete demeura à dîner avec le
 Cardinal de Mantouë, & fut faite entiere reconciliation entr'eux : & Simo-
 nete entra à parler des Prelats, qui hantoient sa maison, & estoient suspects
 à celuy de Mantouë, pour des offices faits contre luy. Mais celuy de Man-
 touë l'arresta modestement, disant, Qu'ils ne parleroient pas ainsi à l'auenir.
 Ils traiterent bien à l'estroit du moyen de donner plein contentement au Pa-
 pe, & à la Cour de Rome, au fait de la Residence : & quels Prelats seroient
 propres à y estre employés, pour persuader les autres : & iugerent que ceux-
 là n'y estoient pas idoines, qui s'estoient descouverts ioints & attachés aux
 interets du Pape, ou de la Cour, quoy qu'habiles au demeurant. Ils en
 proposerent deux autres, fort estimes pour leur prud'homme, & de gran-
 de dexterité à negocier, à scauoir, les Euefques de Modene, & de Bresse.
 Le mesme iour, l'Archeuefque de Lancian assembla les Euefques, qui
 auoient par luy escript au Pape, & leur presenta le Bref de la response, plein
 d'affection, d'humanité, & d'offres : ce qui les adoucit tous, & porta grand
 poids à leur faire rabattre l'ardeur de la poursuite de la Residence. Ce mes-
 me iour arriua encor un autre accident, fort fauorable au Pape : c'est, que
 le Marquis de Pescara enuoya à son Secretaire copie d'une lettre, que le
 Roy d'Espagne luy auoit escripte, par laquelle il luy disoit, Qu'ayant entendu

reconc-
 liation d.
 Legats,
 & Simonete
 p. m. l'a-
 uenir :

lettre du
 Roy d'Es-
 pagne sur
 la conti-
 nuacion,
 & sur la
 Residence,

quel Empereur, & le Roy de France, desagreoyent la declaration de la continuation du Concile; & conoissant bien, que si elle se faisoit, elle pourroit causer la rupture du Concile: il luy ordonnoit de n'en faire plus aucune instance: pourueu seulement qu'on ne fist aucune declaration de nouvelle indication, & que le Concile suivist comme il auoit commence. Il luy bailla aussi charge de faire sçauoir à ses Prelats, qu'il auoit entendu la controuerse & la dispute sur le fait de la Residence, & l'instance qu'ils auoient faite, qu'il fust dit & declare qu'elle est de droit diuin. En quoy il louoit bien leur zele; & bonne intention: mais toutesfois qu'il luy sembloit qu'une telle declaration n'estoit point à propos pour lors: & pourtant, qu'ils eussent à se depotter de n'en faire plus grande instance. Le Secretaire monstra cete lettre aux Prelats Espagnols. Mais l'Archeuesque de Grenade, l'ayant attentiuement consideré, dit, que le fait alloit bien, puis que le Pape ne vouloit pas cete declaration. Que le Roy ne sçauoit pas ce qu'elle importoit: qu'il estoit conseilé par l'Archeuesque de Seuille, qui n'auoit iamais fait residence en son Eglise: & par l'Euesque de Conque, qui ne bougeoit de la Cour. Qu'il sçauoit tres-bien à quelle fin tendoit ce commandement du Roy, & qu'il luy obeiroit pour ne point procester: mais ne laisseroit pas pour cela de demander cete declaration toutesfois & quantes que l'occasion s'en presenteroit, sçachant bien que le Roy n'en receuroit aucune offense. L'Article de la continuation fut aussi montré aux Ambassadeurs de l'Empereur, & de France: mais ils respondirent, Que de vray il n'y auroit nul besoin de faire telle declaration expressément en paroles, puis qu'on l'executoit par effect.

La Congregation d'après la Session fut le vingtième du mesme mois de l'aillet, en laquelle fut proposé, qu'on traiteroit du Sacrifice de la Messe, & des abus qui y commetrent. Le Cardinal de Mantouë fit vne remonstrance aux Prelats, qu'ils eussent à dire leurs aduis es Congregations paisiblement, briuevement, & sans bruit: & leur communiqua les reglemens, qu'ils auoient dressés, pour ranger les Congregations des Theologiens: afin d'offer les debats, la confusion, & la prolixite: lesquels ayans esté lus, furent approuués par la Congregation. Apres cela le Cardinal Seripande discourt du moyen & procedure d'examiner es Congregations, les Chapitres de la Doëtrine, & les Anathematismes: & remonstra, qu'ils auoient desia autres fois esté examinés & ventulés, & mesmes arrestés au mesme Concile, quoy que non publiés: dont les Peres pouuoient de beaucoup abbreger leurs considerations: attendu qu'il n'y auoit rien de si necessaire que la prompte expedition. L'Archeuesque de Grenade adiousta, que, puis qu'une autre fois on auoit ia traité de la Messe, & qu'il y restoit encor beaucoup de temps iusqu'à la Session, on pouuoit bien aussi tout ensemblement traiter la matiere du Sacrement de l'Ordre: ce qui fut confirmé aussi par l'Euesque des Cinq Eglises: & par aucuns fut entendu comme dit par ironie; par autres comme tendant à remettre sus le traité de la Residence, suivant la promesse faite par le Cardinal de Mantouë. Pour fin furent proposés les Articles, qui deuoient estre traités es Congregations des Theologiens. La substance des reglemens dessusdits fut comprise en sept chefs. Le premier, Que sur chaque matiere proposée, des Theologiens, enuoyés par le Pape, quatre tant seulement, elus par les Legats, deux seculiers, & deux reguliers, pussent parler. Le deuxième, Que par les Ambassadeurs des Princes fussent elus trois Theologiens seculiers, d'entre ceux qui estoient enuoyés par iceux. Le troisième, Que chacun d'entre les Legats eust vn des Theologiens seculiers, leurs domestics. Le quatrième, Que de tous les autres Theologiens seculiers, domestics des Prelats, fussent elus quatre par chaque matiere, pour parler: commençant par ceux de plus ancienne promotion au Doctorat. Le cinquième, Que du nombre des reguliers, chaque General en eust trois de son ordre. Le sixième, Que nul d'entre les Theologiens n'outrepassât l'espace d'une demie heure: & que qui seroit plus long, eust à estre interrompu par le Maître des ceremonies: & plus aucun seroit bref, plus seroit-il loué,

1562.

Le septième, Que chaque Theologien, auquel n'escherroit place de parler sur quelque matiere, pourroit porter aux deputés par escrit ce qu'il iugeoit necessaire sur les matieres proposées. Selon ces regles on fit estat, que pour lors trente-quatre Theologiens parleroient, & pourroient tous estre ouïs en dix Congregations au plus. Il y eut quelque difficulté en l'establissement de cet ordre, sur le titre & inscription, qu'il luy falloit bailler, pour le publier. Car il sembloit à aucuns, que si on le nommoit, Formé ou maniere à garder par les Theologiens: on encouroit l'inconuenient obiecté par le Spartiate aux Atheniens, Qu'en Athenes les sages consultoient, & les ignorans deliberoient. Et pourtant, pour tuer cela, l'inscription fut conceuë en cete sorte; Maniere qui à l'auenir deura estre gardée es matieres, qui seront examinées par les Theologiens mineurs. Inferant delà, que les Prelats estoient les Theologiens maiuers.

Il y eut treize Articles proposés. Le premier, Si la Messe est seulement commemoration du Sacrifice de la Croix, & non vray Sacrifice. Le deuxième, Si le Sacrifice de la Messe deroge à celuy de la Croix. Le troisième, Si Christ par ces paroles, Faites cecy en memoire de moy, a ordonné que les Apostres offrisent son corps & son sang en la Messe. Le quatrième, Si le Sacrifice de la Messe profite seulement à celuy qui le reçoit, & ne peut estre offert pour autres, tant vifs que morts: ne pour leurs pechés, satisfactions, & autres necessités. Le cinquième, Si les Messes priuées, esquelles le seul Prestre reçoit la Communion, sans autres comunians, sont illicites, & doiuent estre abolies. Le sixième, S'il est contraire à l'institution du Seigneur de mesler en la Messe l'eau avec le vin. Le septième, Si le Canon de la Messe contient erreurs, & doit estre annullé. Le huitième, Si l'observance de l'Eglise Romaine, de prononcer secretement & à voix basse les paroles de la Consecration, est condamnable. Le neuuième, Si la Messe doit estre celebrée seulement en langue vulgaire, qui soit entenduë de tous. Le dixième, Si c'est abus d'attribuer des Messes particulieres à des Saints particuliers. L'onzième, S'il faut oster les ceremonies, vestemens, & autres signes externes, dont vſel'Eglise en la celebration de la Messe. Le douzième, Si de dire que Nostre Seigneur est mystiquement sacrifié pour nous, est la mesme chose; que de dire, qu'il nous est baillé à manger. Le treizième, Si la Messe est seulement Sacrifice de louange, & d'action de graces: ou bien, si elle est aussi Sacrifice propitiatoire, pour les viuans, & pour les morts. A ces Articles estoit adioucté que les Theologiens eussent à prononcer, s'ils estoient erronnés, ou faux, ou heretiques: & s'ils meritoient d'estre condamnés par le Concile: & leur fut enioint, qu'ils les partageassent entr'eux: tellement que les dix-sept premiers parlassent sur les sept premiers: & les autres, sur les six suiuians.

*deconsse-
ment des
François,*

Il auoit bien tousiours semblé aux Ambassadeurs François de demeurer au Concile avec peu de reputation, au pris des autres. Mais apres que le Decret de ces reglemens dessusdits eut esté publié, ils en prirent beaucoup plus de ialousie: attendu qu'il eust falu specifier quels Theologiens estoient de tel & de tel Roy: ce que les Prelats ne faisoient point: & pour la France nul n'y pouuoit entreuenir. Ils appréhendoient aussi, que par ce moyen ne fust fait quelque preiudice aux prerogatiues du Royaume. Et pourtant alors tout promptement, & depuis encor, à autres occasions, ils donnerent aduis en France que cete dispute se passeroit entre les seuls Italiens, Espagnols, & Portugais: & que la France n'y auroit aucune part, si Sa Maiesté ne faisoit haster quelque Prelat, ou Docteur, sur tout escheant de traiter des matieres tant importantes, comme estoient les Articles proposés. Ce qui aussi pourroit seruir, pour pouuoir plus aisément pourchasser d'obtenir, ou empescher, les choses, selon le desir de Sa Maiesté, suiuant le contenu de leurs instructions. Que iusques alors ils n'auoient proposé aucun des Articles de Reformation: d'autant que, n'ayans pas des voix pour les soustenir, on n'auroit fait aucune estime de leurs remonstrances. Que le Concile ne vouloit escouter chose aucune qui preiudiciaist à l'utilité, ou à l'autorité de la Cour
de

de Rome, le Pape estant maître des propositions, par ce qui auoit esté dès le commencement estably, & depuis continuellement obserué, que nulle chose ne püst estre proposée, que par les Legats: & tout de mesmes des deliberations, par le grand nombre de Prelats pensionnaires, & autres estans à sa deuotion: & estant aussi tout resolu de ne permettre que le Concile se meslast de reformer la Cour de Rome; mais de reseruer tout cet affaire à soy-mesmes. Et d'ailleurs, que les Espagnols, lesquels du commencement demonstroient grand zele à la Reformation, estoient refroidis, & tout estourdis, pour la correction qu'ils auoient receuë de leur Roy. Dont il n'y auoit esperance aucune, les choses estans en ces termes, d'obtenir autre chose, que ce qui plairoit à sa Sainteté: attendu, que, pour instance que tous les Ambassadeurs des Princes, qui estoient à Trente, eussent faite, on n'auoit peu obtenir qu'on traitast d'une bonne & serieuse reformation de la discipline Ecclesiastique: de laquelle les Articles auoient esté presentés aux Legats, conformes non seulement à l'usage de l'Eglise primitive, mais aussi aux Decrets des Papes mesmes. Et en lieu d'icelle, ils mettoient en auant points de Doctrine, contentieux à present: nonobstant qu'on leur eust remontré que cela estoit superflu en l'absence des Protestans. Et, si encor ils proposoient quelque chose concernant les mœurs, cela estoit de tres-petite importance, & de nul fruit.

Le Pape, lequel, pour les aduis qu'il receuoit tous les iours des choses qui se passoient à Trente avec tant de variété, auoit esté en perplexité, si au iour assigné pourroit estre publié aucun Decret en la Session: quand il eut la nouvelle de l'heureuse issue d'icelle, en receut grand contentement, lequel s'accrut encor d'auantage, quand il entendit la reconciliation des Legats, & eut aduis de la lettre escripte par le Roy d'Espagne, & ne peut se contenir qu'il ne demonstrest sa ioye, faisant part de ces nouuelles au Consistoire, & passa iusques à remercier le Cardinal d'Arragon, frere du Marquis de Peseaire, duquel Marquis il reconnoissoit ce bon office. Puis apres il se tourna tout entier à la prompte expedition du Concile: & ne desceurant point qu'aucune autre chose le püst porter en longueur, sau le fait de la Residence ou de la Communion du Calice, il escriuit aux Legats, Qu'il estoit tout tendu à la Reformation de la Cour de Rome, & qu'ils en assuraissent les Ambassadeurs & les Prelats, qu'ils en parleroient, & qu'ils trouuassent de leur costé à despescher les matieres, ce qu'ils pourroient faire en trois Sessions au plus. Il approuua qu'ils eussent reserué de pouuoir abreger le temps prefix, & les exhorta de se preualoir de ce pouuoir. Et adiousta, Qu'il voyoit bien qu'il estoit malaisé de faire une bonne resolution au Concile sur le fait de la Residence: attendu que plusieurs Prelats y estoient interessés en l'honneur, ayant dit leur aduis à bonne intention: & pourtant, qu'ils proeuassent que cete decision fust remise à luy, & que semblablement ils se desmessassent des instances, que les Princes faisoient pour la Communion du Calice, les renuoyant aussi à luy. Que si en d'autres matieres qu'on traiteroit, il se rencontroit quelque difficulté malaisée à refoudre, ils proposassent qu'elle luy fust remise: d'autant qu'avec plus de facilité il pourroit decider toutes choses au Consistoire, y appellant mesmes, si besoin estoit quelque nombre de Theologiens qu'il ne se pouuoit faire à Trente, là où les diuers interets rendoient les resolutions impossibles, ou tres-longues.

La première Congregation des Theologiens fut tenuë le iour ensuiuant l'ordre apres Midy: & en icelle fut si bien gardé le reglement de ne passer plus haut de demie heure, que le Iesuite Salmeron consuma tout seul tout le temps d'icelle, avec beaucoup de petulance, disant, Qu'il estoit enuoyé par le Pape, & qu'ayant à parler de choses importantes & necessaires, nul terme ne luy deuoit estre prescript: & discourut sur les sept Articles, sans toutesfois apporter autres choses que communes, lesquelles ne meritent point de memoire particuliere. Le matin ensuiuant il fut imité par le Iesuite Torres, son cōpagnon, qui voulut aussi pour soy tout le temps de cete Congregation: & ne

fit que repliquer les choses dites le iour de deuant, sans y adiouster rien de nouveau. Mais encor fit-il bien pis : car estant pour la fin entre au passage de S. Iean, Si vous ne mangez ma chair, &c. il dit, Qu'iceluy ne pouuoit estre entendu que de la Communion Sacramentelle : & adiousta, qu'au premier Chapitre de la Doctrine, publié en la precedente Session, il sembloit que cela fust laissé en doute. Et pourtant qu'il estoit necessaire de declarer en la suiuaute, qu'en ce passage-là ne s'agit d'autre chose que du Sacrement. Que si quelqu'un vouloit dire autrement, il en appelloit au Concile. Les Legats furent grieuement offensés des choses dites par luy : tant, pource qu'elles estoient contre la determination du Concile : que, pource qu'elles inferoient necessité de la Communion du Calice : mais principalement pource que ces Iesuites, quoy qu'ils fussent les premiers à parler, auoient voulu estre tous deux exemptés des reglemens generaux, avec tant de petulance. Les Legats se ramenturent le trouble qu'ils auoient excité en la Session, par leurs importunes instances faites aux Cardinaux de Vvarmie, & de Trente : & ce Torres estoit aussi particulierement sur les papiers de Simonete, pour auoir escrit contre Catarin, en faueur de la Residence de droit diuin : en termes, disoit Simonete, insolens. Et pourtant, la Congregation acheuée, il dit à ses Collegues, qu'il falloit reprimer cete audace : & fut prise resolution de le faire à la premiere occasion.

*ingés au-
dacieux
& insolés
par les
Legats :*

*en l'exa-
men des
Articles
est prouué
que la
Messe est
sacrifice,
mais avec
grande
differéce
d'opinions,*

Es examens des Theologiens, ils furent tous conformes à condamner d'heresie les opinions des Protestans es Articles propolés : & se despeschoient briuement des autres. Les discours de chacun furent extremement longs à prouuer que la Messe est Sacrifice, auquel, sous les especes & signes Sacramentels Christ est offert. Les raisons principales, alleguées par eux, estoient, Que Christ est Sacrificateur selon l'ordre de Melchisedec : or Melchisedec offrit pain & vin : doncques il faut que la Sacrificature de Christ soit avec Sacrifice de pain & vin. En outre, que l'Agneau Paschal estoit figure de l'Eucharistie, & estoit vray Sacrifice : dont il faut aussi que l'Eucharistie soit vray Sacrifice. En apres, Que Dieu en Malachie le Prophete, en reprouuant les sacrifices des Hebreux, auoit dit, Que son Nom seroit grand parmy les nations : & qu'en tous lieux luy seroit offerte oblation pure : ce qui ne pouuoit estre entendu que de l'Eucharistie : veu qu'il n'y a point d'autre Sacrifice offert à Dieu en tous lieux, & par toutes nations. Plusieurs autres conuenances & figures du Vieil Testament furent alleguées ; les vns prenans fondement sur l'vne, les autres sur l'autre. Du Nouveau Testament on allegoit le passage de S. Iean, auquel Iesus-Christ auoit enseigné à la Samaritaine, que l'heure estoit venue, que le Pere seroit adoré en esprit, & verité. Or le mot d'Adorer en l'Escripture sainte signifie Sacrifier, comme cela appert en diuers endroits : & la Samaritaine aussi auoit enquis le Seigneur touchant les Sacrifices, lesquels ne pouuoient estre offerts par les Iuifs en autres lieux qu'en Ierusalem, & auoient esté offerts par les Samaritains en Garizim, là où le Seigneur pour lors estoit. Et partant ils disoient, que de necessité il falloit entendre ce lieu-là d'une adoration exterieure & solennelle, qu'il n'estoit autre, Que l'Eucharistie. Le mesme estoit prouué par les paroles de Christ, Cecy est mon corps, qui est liuré pour vous, qui est rompu pour vous : Cecy est mon sang, qui est espendu pour vous. Doncques en l'Eucharistie il y a rupture de corps, & effusion de sang, qui sont actions de Sacrifice. Par dessus tout, estoit fait grand fondement sur les paroles de Saint Paul, qui met l'Eucharistie au mesme rang & genre des sacrifices des Hebreux, & des Gentils ; disant, que par icelle on participe au corps & au sang de Christ, de mesmes qu'entre les Hebreux ceux qui mangent les hosties sont participants de l'Autel. Et qu'on ne peut boire le Calice du Seigneur, ny participer à sa Table, & quant & quant boire le Calice des diables, & participer à leur Table. Or, que les Apostres eussent esté ordonnés Sacrificateurs par Iesus-Christ, ils le prouuoient clairement par les paroles, que Nostre Seigneur leur auoit dites, Faites cecy en memoire de moy. Et pour plus grâde prouue

estoyent alleguées plusieurs autorités des Peres, lesquels tous nomment l'Eucharistie Sacrifice: ou bien, en termes plus generaux attestent qu'en l'Eglise est offert Sacrifice. Vne autre partie adouloit aussi, que la Messe est Sacrifice, pource que Christ en la Cene s'offrit soy-mesme: & ceux-là appor-^{1562.} toient cete raison pour principale: & prouuoient leur fondement premiere- ment, par ce que l'Escripture disant clairement, que Melchisedec auoit offert pain & vin, Iesus-Christ n'auroit esté Sacrificateur selon l'ordre d'iceluy, s'il n'eust offert semblablement les mesmes choses. En apres, parce que Christ auoit dit que son sang en l'Eucharistie estoit confirmatif du Nouueau Testa- ment: or, le sang confirmatif du Vieil Testament auoit bien esté veritable- ment offert en son institution: partant par consequence necessaire, il s'en sui- uoit que Iesus-Christ auoit aussi offert le sien. Ils argumentoyent aussi, que Christ ayant dit, Faites cecy en memoire de moy, s'il n'auoit offert, nous aussi ne pourrions offrir. Et disoient, que les Lutheriens n'ont autre argument pour prouuer que la Messe n'est point Sacrifice, sinon d'autant que Christ n'a point offert en l'Eucharistie. Et pourtant, que cete autre opinion estoit dan- gereuse, comme faulxice de la doctrine heretique. Mais plus puissamment encor prouuoient ils cela, par ce, que l'Eglise chante au seruice du Corps du Seigneur, disant, Christ eternal Sacrificateur selon l'ordre de Melchisedec, a offert pain & vin. Et au Canon du Messel Ambrosien, il est dit, Que Iesus-Christ, instituant vne forme de perpetuel Sacrifice, s'est offert tout premier soy-mesmes, & a le premier enseigné de l'offrir. Diuerfes autorités des Pe- res estoient alleguées en suite pour confirmation de la mesme chose.

Mais, de l'autre costé on affermoit, avec non moins d'asseueration, que Ie- sus-Christ en la Cene auoit bien commandé l'oblation, qui se deuoit perpe- tuellement faire en l'Eglise, apres la mort: mais que luy mesmes n'auoit pas offert: d'autant que la nature de ce Sacrifice ne le permettoit pas: & pour preue de cela, disoient, Qu'à ce conte l'oblation de la Croix auroit esté su- perflue: puis que, par celle de la Cene qui auoit precedé, le genre humain auroit esté racheté. Que le Sacrifice del'Autel auoit esté institué par Iesus-Christ, pour rememoracion de celuy qu'il offrit sur la Croix: or ne peut-on rememorier autre qu'une chose passée: partant, l'Eucharistie n'auoit pu estre Sacrifice auant l'oblation de Christ en la Croix. Ils allegoient aussi, que ne l'Escripture, ne le Canon de la Messe, ny aucun Concile, n'auoit iamais dit, Que Christ se fust offert soy-mesmes en la Cene: & monstroient que les pas- sages des Peres, que les autres allegoient, deuoient estre entendus del'ob- lation faite en la Croix. Ils concludoient, qu'ayant à determiner que la Messe est Sacrifice, comme de vray elle l'est, on le pouuoit suffisamment faire par les puissantes preuues de l'Escripture, & des Peres, sans vouloir ren- uier par dessus par preuues non subsistances. Ce differend ne fut point entre plusieurs & peu: mais diuisa, tant les Theologiens que les Peres, en partis presque egaux: & fut occasion de quelque estrif. Les premiers vindrent iusques-là, de dire que l'autre opinion estoit erronée, & requeroient vn Anathematisme, qui leur imposast silence, condannant d'heresie quiconque diroit, Que Christ ne s'est offert soy-mesmes en la Cene, sous les especes Sacramentelles. Les autres à l'opposite disoient, Qu'il n'estoit pas temps de se fonder sur les choses incertaines, & sur opinions nouuelles, innouées, & inconnues à l'Antiquité: mais, qu'il falloit s'arrester sur ce qui estoit euidant & certain par l'Escripture, & les Peres; à sçauoir, que Iesus-Christ a comman- dé d'estre offert.

Tout le mois de Iuillet fut consumé par les dix-sept qui parlerent sur les premiers Articles. Mais les derniers furent bien tost despeschés, plustost par iniures contre les Protestans, que par raisons. Il n'est pas expedient d'en rapporter toutes les particularités, mais seulement quelque peu des plus notables.

En la Congregation du soir du vingt-quatrième Iuillet, George d'Ataide de, Theologien du Roy de Portugal, se mit à renuerfer tous les fondemens *de Ataide* *vent qu'il*

1562.
soit fondé
sur la sen-
le tradi-
tion:

posés par les autres Theologiens pour prouuer le Sacrifice de la Messe par l'Eseriture Sainte. Et premierement dit, Qu'il est bien hors de doute, que la Messe est Sacrifice : d'autant que tous les Peres l'ont ainsi dit, & repliqué à toutes occasions : & commençant par les Peres Latins, & Grecs de l'Eglise ancienne des Martyrs, & passant de temps en temps, iusques à nostre siecle, il afferma qu'il n'y auoit aucun auteur Chrestien, qui n'eust appelé l'Eucharistie Sacrifice : & pourtant, qu'il falloit conclure pour tout asseuré, qu'il a esté ainsi enseigné par tradition des Apostres : la force de laquelle est abondamment suffisante, & puissante pour faire Articles de foy : ainsi que ce mesme Concile, auoit enseigné dès le commencement. Mais, que ce vray & solide fondement estoit affoibly par ceux, qui en establissoient d'autres en l'air, voulans trouuer en l'Eseriture ce qui n'y estoit point, & donnant par là occasion aux Aduersaires de calomnier la Verité, laquelle ils voyent ainsi fondée sur vn sable mouuant. Apres quoy, il vint à examiner vn par vn les passages du Vieil & du Nouveau Testament, allegués par les Theologiens, monstrant que d'aucun d'iceux on ne pouuoit recueillir sens expres de Sacrifice. Au fait de Melchisedec, il respondit, Que Christ estoit Sacrificateur selon cet Ordre-là, entant qu'il estoit vnique & Eternel Sacrificateur, sans predecesseur, sans Pere, sans Mere, sans Genealogie : de quoy l'Epistre aux Hebreux faisoit trop clairement foy, pour en douter : attendu que S. Paul, parlant fort au long de ce passage de Melchisedec, ne traite que de l'eternité, & de la singularité de cete Sacrificature : & ne fait aucune mention de pain ne de vin. Il ramentur là dessus la doctrine de S. Augustin, Que, quand au propre endroit de dire quelque chose, il n'en est rien dit, on entretient vn argument d'autorité negatif. Pour l'Agneau Paschal, il dit, Qu'il ne falloit presupposer pour chose tant euidente, que ce fust vn Sacrifice : & que si quelqu'un entreprenoit de prouuer la negatiue, peut estre qu'il luy faudroit quitter la victoire. Mais encor, sans cela, estoit ce vn trop dur rapport, de le faire figure de l'Eucharistie, & non plustost de la Croix. Il loua ces Theologiens, lesquels, ayans allegué le passage de Malachie, luy auoient adioint celuy de S. Iean, d'adorer en Esprit & verité : d'autant que de vray l'un & l'autre parloient formellement d'une mesme chose, & se declaroient & expoisoient mutuellement l'un l'autre. Qu'il ne falloit point faire force sur la parole, Adorer : veu qu'il est bien certain, qu'elle comprend aussi le Sacrifice : & la Samaritaine le prit en sa generale signification. Mais aussi, quand Christ adiousta que Dieu est Esprit, & qu'il le faut adorer en Esprit, sinon qu'on vueille tourner toutes choses en sens improprie, on ne pourra iamais dire qu'un Sacrement, consistant d'une chose visible & d'une autre inuisible, soit purement spirituel : mais bien composé du spirituel, & du signe elementaire. Et pourtant, que si quelqu'un vouloit interpreter ces deux passages-là de l'adoration interieure, il ne pourroit estre conuaincu, ains auroit la vraysemblance de son costé : attendu que l'application est toute pleine & vnie, que cete adoration interne est offerte en tous lieux, & par toutes nations : & qu'elle est purement spirituelle, comme Dieu est Esprit. Et dit aussi en suite, que ces paroles, Ceci est mon corps, lequel est liuré pour vous : & ceci est mon sang, lequel est espandu pour vous : ont vn sens bien plus liquide, si on les rapporte au corps & au sang en l'estre naturel, que si on les entend de l'estre Sacramental. Comme, quand il est dit, Que Christ est la vraye vigne, laquelle produit le vin, on n'entend pas, que la vigne significatiue soit celle qui produise le vin, mais la reale. De mesmes, quand il est dit, Ceci est mon sang, qui est espandu ; le sens n'est pas, que le sang Sacramental, & signifiant ; mais que le naturel & le signifié est espandu. Et quant à ce, que Saint Paul dit de la participation au Sacrifice des Hebreux, & de la Table des diables, il auoit entendu parler des ceremonies ordonnées de Dieu par Moyses, & de celles des Payens, es Sacrifices des vns & des autres : mais que de cela ne pouuoit estre verifié que l'Eucharistie soit Sacrifice. Qu'il apparoissoit euidentement en Moyses, qu'es Sacrifices de veau la victime estoit toute pre-

sentée à Dieu, & vne partie d'icelle bruslée : & cela estoit le Sacrifice : du demeurant vne partie estoit pour le Sacrificateur . & l'autre pour l'offrant : & l'un & l'autre le mangeoient avec qui il leur plaisoit : & cela ne s'appelloit point sacrifier, mais participer à la chose sacrifiée. Les Gentils suiuoient le mesme exemple : voire mesme la partie, qui n'estoit point consumée sur l'Autel, estoit par aucuns enuoyée au marché à vendre : & c'est-là la Table, qui est autre chose qu'Autel. Et disoit, que le pur & simple sens de S. Paul est, Que, comme les Hebreux, mangeans la part appartenante à l'offrant, qui estoit vn residu du Sacrifice, participoient à l'Autel : & semblablement les Payens : de mesme nous, mangeans l'Eucharistie, participons au Sacrifice de la Croix : & que c'est là iustement ce que Christ auoit dit, Faites cecy en memoire de moy : & ce que S. Paul auoit adiouste, Toutesfois & quantes, que vous mangerez de ce pain, & burez de ce Calice, vous annoncerez la mort du Seigneur, iusques à ce qu'il vienne. Et quant à ce qu'on allegoit, que les Apostres auoient esté ordonnés Sacrificateurs pour offrir Sacrifices, par les paroles du Seigneur : il falloit considerer, que puis qu'il dit, Faites cecy : il falloit sans doute entendre ce qu'ils auoient veu faire à luy mesmes. Et pourtant il faudroit premierement qu'ils ontast, qu'il auoit offert : ce qui estant incertain, & les opinions des Theologiens estans sur ce diuerses, & chacun confessant que des deux opinions, tant celle qui l'affirme, que celle qui le nie, est Catholique ; ceux qui nioient que Christ eust offert, ne pouuoient conclurre que par ces paroles-là il eust commandé d'offrir. Il appor-
ta puis apres les argumens des Protestans, par lesquels ils preuuent que l'Eucharistie n'a point esté instituée pour Sacrifice, mais pour Sacrement : & conclut, Qu'on ne pouuoit dire, que la Messe fust Sacrifice, sauf que sur le fonde-
ment de la Tradition : & exhorta de s'arrester à icelle sans rendre la verité incertaine & douteuse, par trop de diligence à rechercher & alleguer trop de preuues. Il vint de là à la refutation des argumens des Protestans, en quoy il mescontenta tous les auditeurs, ayant proposé les argumens avec force & apparence, & y donnant les responses & solutions avec foiblesse & desauantage, tellement qu'icelles les fortifioient plustost qu'autrement : ce qui par aucuns fut attribué à la briuereté du temps, la nuit suruenant : par autres, au defect de se sçauoir bien exprimer : mais par les plus sensés, à ce que luy mesme n'estoit pas bien edifié & pleinement satisfait de ces solu-
tions. Il y eut en grand murmure entre les Peres, ce qui fut cause, que Iacques Paia d'Andrade, vn autre Theologien Portugais, en vne autre Congregation resuma tous les argumens faits par son Compagnon d'Ataide, & les
solut au contentement des auditeurs, & excusa son collegue, assurant que com-
p-
ç'auoit bien esté sa mesme pensée : Ce qui, ensemble les bons offices, que les g-
Ambassadeurs & Prelats Portugais firent les iours suiuians en sa faueur, pour rendre tesmoignage de la prud'homme & saine doctrine de ce Theologien, purifia les pensées des Legats enuers luy. Neantmoins, peu de iours apres, il
partit de Trente, & ne se trouue point enregistreés catalogues & rooles des
Theologiens, sauf en ceux, qui furent imprimés à Bresse & à Riue, auant le
temps de ce traité.

Le vingt-huitième Iuillet, Iean Cauillon, Iesuite, Theologien du Duc de le Iesuite
Bauiere, parla avec beaucoup de perspicuité sur les Articles, representant
le tout comme sans difficulté, non par maniere d'examen, ou de recherche, mais
par voye de declamation, propre à esmouoir les affections de pieté. Il
raconta plusieurs miracles aduenus en diuers temps, il asseura que, dès le
temps des Apostres iusques à Luther, nul n'auoit douté de cette doctrine, il
allegua les Liturgies de Saint Iaques, de Saint Marc, de Saint Basile, & de
Chrysostome. Et quant aux obiections des Protestans, il dit, Qu'elles auoient
esté suffisamment refutées : mais mesmes que sans cela il suffisoit, pour les
tenir pour faulx, & trompeuses, qu'elles venoient de personnes aliénées de
l'Eglise. Et pour fin, exhorta les Legats de ne point permettre, en quelque
matiere que ce fust, que les argumens des heretiques fussent proposés, sans y
genferment

1562.
les Proce-
dans,

taxée de
Sophistérie
par l'Amba-
sador de
Bavière :
admis du
Iacopin de
Valtelline
sur l'uni-
formité
des cere-
monies en
la Messe,

soutenu
par l'E-
uesque de
Cinq Eglis-
ses :

adiouster vne tres-euidente refutation, & qui ne sçauoit la donner, eust à s'abstenir de les représenter: attendu, que la vraye pieté requiert que les raisons contraires à la doctrine de l'Eglise, ne soient rapportées, sans que premierement on ait préparé les esprits des auditeurs par le recit de la puerilité & ignorance des inuenteurs d'icelles: & par vne douce preoccupation, qu'il n'y a que les gens de peu de sens qui leur prestent l'oreille. Et qu'encor, apres tout cela, il faut les trousser le plus sommairement qu'il est possible, & les proposer toutes nues sans preuve: y adioustant au demeurant vne claire, forte, & bien amplifiée response, à laquelle encores, quand on void qu'il manque quelque chose, il faut faire subtilement glisser la dispute en quelque autre maniere, le tout de peur d'engendrer quelque scrupule es esprits des auditeurs: sur tout, estans Prelats, & Pasteurs de l'Eglise. Ce discours du Iesuite agreea grandement à la plupart des Prelats, & fut loué pour pieux & Catholique, & qui meritoit vn Decret du Synode, par lequel il fust commandé d'en vser en cete sorte, à tous Prescheurs, Lecteurs, & Escriptuains. Mais, il ne contenta point beaucoup l'Ambassadeur de son Prince, lequel, apres la Congregation, en presence des Ambassadeurs de l'Empereur, qui congratuloient le Iesuite de sa belle harangue, dit, Que veritablement il auoit bien merité louange d'auoir enseigné, mesmes en la simplicité de la doctrine Bavière: Chrestienne, de se sçauoir seruir de la Sophistérie.

Des derniers Theologiens qui parlerent, fut Frere Antoine de Grossot, autrement dit, de Valtelline, Iacopin, lequel, sur les six derniers Articles touchant les ceremonies de la Messe, dit, Que par les histoires il appert, qu'anciennement chaque Eglise auoit son Ceremonial particulier de la Messe, introduit plus par coustume & de temps en temps, qu'auec deliberation, & par decret. Que les petites Eglises s'estoient accommodées aux Metropolitaines, ou aux grandes voisines. Que les ceremonies Romaines auoient esté admises en plusieurs Provinces pour gratifier aux Papes: mais que neantmoins il y auoit plusieurs Eglises, qui auoient leurs ceremonies particulieres, grandement differentes des Romaines. Et là dessus vint à parler du Mozarabe, auquel entretiennent cheuaux, & escrimes à la Morisque: lesquelles choses ont toutes de grands mysteres & significations. Et iceluy est bien si different du seruice Romain, que si on le voyoit en Italie, on ne le tiendroit point pour Messe. Qu'en Italie demuroit encores l'ordre du seruice de Milan, differēt de celuy de Rome en parties tres-principales. Ioint que celuy de Rome mesmes a esté grandement changé, comme cela se peut voir par le liure qui est encor en estre, avec cete inscription, *Ordo Romanus*: & assura que ces changemens auoient esté faits non seulement es temps iadis, mais aussi es siecles prochainement passés: tellement que le vray Rituel Romain, de trois cens ans y a, n'est pas celuy, qui à present est suiuy par les Prestres en la ville de Rome, mais celuy qui tient l'ordre de S. Dominique. Et quant aux vestemens vassaux, & autres paremens, tant des Ministres que des Autels, il paroissoit, non seulement par la lecture des liures & auteurs, mais aussi par les sculptures & peintures, que les modernes estoient tellement transformés, que, si les Anciens retournoient au monde, ils ne les reconnoistroient point. Partant il concludoit, que de s'astreindre à garder & approuuer les ceremonies vstées par l'Eglise Romaine, pourroit estre repris comme vne condamnation de l'Antiquité, & de l'usage des autres Eglises: & pourroit aussi recevoir plusieurs sinistres interpretations. Et conseilla qu'on s'arrestast à trauailler à ce qui estoit essentiel en la Messe, sans faire aucune mention de ces autres minuties. Et derechef retourna à montrer la difference notable du Rituel moderne, obserué à Rome, d'auec celuy qui est descrit au liure *Ordo Romanus*: & entr'autres particularités, il insista grandement sur ce, qu'en celuy-cy la Communion des Lais estoit avec les deux especes: & s'auança mesmes à exhorter qu'on l'oüroyast aussi au temps present. Le discours de ce Moine desagrea à l'assistance. Mais l'Euesque des Cinq Eglises prit sa defense, disant, Que le Moine n'auoit rien dit de faux: & que on ne luy pouuoit imputer d'a-

uoir donné scandale, attendu qu'il n'auoit parlé ny au peuple, ny à idiots: ains en vne assemblée de personnaiges sçauans, entre lesquels nulle chose vraye ne peut donner mauuaise edification: & quiconque voudroit condamner le Moine pour scandaleux, ou temeraire, condamneroit tout premiere-ment soy-mesmes d'incapable de la verité.

La difference, qui auoit esté entre les Theologiens, se trouua aussi entre les Prelats deutes pour composer les Chapitres de doctrine, & les Anathe-
 mathismes à proposer en Congregation: d'autant qu'en la Doctrine escheant
 d'adiouster les preuues, & explications: pourquoy la Messe est Sacrifice, les
 vns en vouloient ou reprouoient l'une, les autres l'autre, selon leurs pro-
 pres affections. Martin Perez, Euesque de Segouie, lequel auoit assisté aux
 traités, qui furent faits sur cete matiere au Concile, à la fin de l'année mil
 cinq cents cinquante-vn, estoit d'aduis qu'on prist la mesme Doctrine & Ca-
 nons; qui auoient esté formés pour les publier au mois de Ianuier de l'année
 mil cinq cents cinquante-deux, & qu'iceux fussent receus. Mais le Cardinal
 Seripande n'approuuoit point cela: disant, Qu'en iceux paroisoit bien de
 vray vne pieté & zele Chrestien incomparable: mais aussi, qu'ils estoient fort
 buis d'instruire les Catholiques, comme il sembloit que ces Peres eussent eu:
 mais de confondre les heretiques. Et pourtant qu'il falloit par tout parler
 avec plus de retenue: & n'estoit chose raisonnable de mettre la main, en
 guise de correcteurs, es choses ordonnées en ce temps-là: qu'il valoit mieux
 faire tout à neuf, sans donner occasion de dire, Qu'on eust recueilly & mois-
 sonné ce qu'autres auoient semé. L'Archeuesque de Grenade disenoit de
 tous, & ne vouloit point qu'on dist, Que Christ eust offert en la Cene, ne qu'il
 eust institué le sacrifice par ces paroles, Faites cecy en memoire de moy. Le
 Legat Seripande, quant au premier, disoit, Qu'il ne le tenoit point pour ne-
 cessaire, & qu'il se pouuoit obmettre: attendu qu'il suffit que Christ ait or-
 donné d'offrir: mais qu'il estoit necessaire de monstrier par quelles paroles il
 l'a commandé: or n'y en a-il point d'autres, que les susdites. Mais Iean An-
 thoine Pantufe, Euesque de Lettre, Italien, avec beaucoup de passion requie-
 roit que dans le Decret fussent inserées les raisons de Melchisedec, & de Ma-
 lachie, & l'adoration de la Samaritaine, & les tables de S. Paul, & l'oblation
 de Christ en la Cene, & toutes les autres raisons, qui auoient esté alleguées.
 En fin, apres vne dispute de plusieurs iours, ils conuinrent ensemble d'y met-
 tre tout: d'autant que les Prelats es Congregations en diroient leurs aduis,
 & lors seroit osté ce qui n'agreeroit au plus grand nombre. Ils firent aussi vn
 recueil des abus, qui se rencontrent tous les iours en la celebration des Mes-
 ses: mais ils n'en touchèrent qu'un petit nombre, au pris de ceux, qui furent
 remarqués en l'année mil cinq cents cinquante-vn.

Le troisieme Aoust fut tenuë Congregation generale, pour receuoir les
 Procureurs des Euesques de Regensbourg, & de Basse: afin d'honorer ce
 deuxieme, à la honte & despit de la ville de Basse, laquelle mesme luy que-
 reloit son titre, voulant qu'il s'appellast Euesque, non de Basse, mais de Po-
 rentru. Apres que la minute eut esté présentée, l'Archeuesque de Lancia
 fut d'aduis, qu'on publiast seulement les Anathematismes, & qu'on laissast to-
 talement les Chapitres de la Doctrine: & allegoit l'exemple des autres Con-
 ciles, esquels on voit rarement que la Doctrine soit inserée: & que ce mesme
 Concile de Trente l'auoit obmise en la matiere du peché Originel, & en cel-
 le des Sacremens, & du Baptesme. Il disoit aussi, que c'estoit à faire des
 Docteurs de rendre conte de leurs aduis par raison: mais qu'aux Iuges, le
 meilleur conseil est de faire leurs sentences absolues: & que les Euesques en
 Concile sont Iuges. Si la sentence, disoit-il, contient la raison, & le motif,
 elle peut estre impugnée, non seulement pour le Decret, mais aussi pour le
 motif: en lieu, que n'en allegant aucun, chacun croira, que le Concile en ait
 eu de tres-puissans, par lesquels il ait esté mu: voire les plus fortes & prei-
 gnantes raisons, que chacun se sçaura imaginer, seront celles, qu'il croira

1562.

les mes-
mes dis-
pens se
trouuent
entre les
Prelats
depuis

Or la con-
clusion
d'iceux,

la con-
clusion
sur la mi-
nute du
Decret:

1562. auoir induit le Concile. Et quand mesmes on auroit raisons au delà de toute evidence & clairté, il n'est pas leur de les employer : d'autant que les heretiques se prendront aux raisons, desquelles ils feront peu d'estat : & plus on en dira, plus de matiere donnera-on de contre-dire. Il adiousta aussi, Que la qualité des temps requeroit vne prompte expedition du Concile : & signifia par des termes, qui furent bien entendus par les Legats, & par les affectionnés partisans du Pape, que par ce moyen on feroit chose agreable à Sa Sainteté. Mais Oſtâſien Precone, Archeuesque de Palerme, qui le ſuioit en rang, harengua au contraire, Que l'usage des Conciles auoit tousiours esté de faire leur propre Symbole, auquel correspond la Doctrine : & puis, d'y adiouster les Anathematismes. Que cela ayant esté obserué par le Concile sous Iules, & mesmes par le present, en la Session precedente ; si on venoit maintenant à rompre cet ordre, yndroit, que ce qu'on ne continuoit point du mesme style, estoit par defaut de raisons : & adiousta, que c'estoit vne espece de lâcheté de fuir la dispute des heretiques : & qu'au contraire leur contradiction feroit de tant plus reluire & eclater la Doctrine du Concile, lequel il ne falloit auoir soin d'acheuer tost, mais bien. Ces deux Prelats furent si longs ; que le soir suruenant mit fin à la Congregation : & fut dit par raillerie, Que ce n'estoit pas de merueille qu'un Iacopin Geneuois, tel qu'estoit l'Archeuesque de Lancian, fust contraire à un Cordelier Sicilien, tel qu'estoit celuy de Palerme.

Les iours ensuiuans furent tous employés en pratiques sur cela mesmes : esquelles les interressés se seruoient des mesmes raisons, & d'autres encor, les vns pour finir, les autres pour allonger le Concile. Mais la chose ayant esté vne autre fois proposée en Congregation, la plus grand voix emporta, que l'ordre commencé fust ſuiuy. Ces pratiques firent remettre sus le point de la Residence : attendu que les mesmes, qui desiroient que le Concile fust tost acheué, vouloient aussi qu'on ne parlât point de la Residence. Cete ouuerture donna occasion aux Cardinaux de Mantouë, & Seripande, de faire œuvre en faueur du Pape, & de luy monſtrer par effets qu'ils s'accommodoient à ses volontés, ſuiuant l'instruction que l'Archeuesque de Lancian leur auoit porté de bouche : & employerent à faire dextrement les offices, l'Archeuesque d'Otrante, les Euesques de Modene, de Nole, & de Bresse : lesquels n'estoient point partisans du Pape tout ouuertement, mais auoient esté ſecretement gagnés. Ceux-là ſeſchirent plusieurs Italiens, les induisant, non à changer d'opinion, & à ſe deſdire, mais ſeulement à ſe departir d'auancer plus cete matiere. Ils tirerent promesse de plusieurs, qu'en cas, que les Espagnols ſe departiſſent de l'instance, ils ne diroient mot. Et les quatre Prelats deſſuſdits firent enſemble un roole des perſuadés, & trouuerent d'auoir deſia beaucoup avancé : mais il ne fut iamais poſſible de rien profiter avec les Espagnols : ains cecy fut cause de les faire tant plus venir & reſtreindre entr'eux. Et eſcriuirent vne lettre en commun au Roy d'Eſpagne, en reſponſe de celle de Sa Maieſté au Marquis de Peſcaire, en laquelle d'entrée ils ſe plaignoient du Pape, de ce qu'il ne vouloit permettre que le point de la Residence fuſt déterminé : auquel toutesfois deuoit eſtre fondée toute la Reformation de l'Egliſe : & par un beau & reſpectueux circuit de paroles, ils concludoient, que il n'y auoit point de liberté au Concile, & que les Italiens emportoient tout par la pluralité de leurs ſuffrages, eſtans tous attachés aux volontés de Sa Sainteté, les vns par penſions, les autres par promeſſes & eſperances, & les moins corrompus par crainte. Ils ſe doubloient aussi des Legats, que s'ils euſſent, comme il eſtoit raſſonnable, laiſſé conclure la matiere, lors qu'il en eſtoit temps, auant que de Rome en euſt pu eſtre eſcrit, le tout auroit eſté arreſté avec beaucoup de con corde, à l'honneur & ſer uice de Dieu. Que les deux tiers des Prelats deſiroient la definition de la queſtion. Que tous les Ambaſſadeurs leur faiſoient instance, qu'ils ſe portaffent franchement au ſoutien de la verité, procedant toutes fois avec modeſtie & charité : ce qu'aussi ils auoient fait, ſans iamais auoir

dont le
propos de
la Reſi-
dence eſt
remis ſus :

mais ne
peuuent
vaincre
les Eſpa-
gnols, qui
en eſcri-
uent à
leur Roy :

auoir eu pensee de protester. Et supplioient Sa Maiesté de faire consulter cet Article par gens de bien: estans alleures, qu'apres meure deliberation, elle fauoriseroit l'opinion Catholique, & pieuse, & tant necessaire pour la bonne reformation del'Eglise.

Cet accident certiffa les Legats, & leurs adherans, qu'il estoit impossible d'aspirer la pratique: d'autant que, puis que les Espagnols ne s'eltoyent point appaisez ne par la lettre du Roy, ne par les offices faits enuers eux: ains auoyent fait nouuelle declaration de leur intention par la lettre escrite en Espagne, il les faloit tenir pour insurmontable. Et sur cela les partisans du Pape tinrent entr'eux vne consultation: & fut deliberé d'enuoyer en France au Cardinal de Ferrare, Legat, la copie de la lettre escrite par le Roy Catholic au Marquis de Pescaire, pour procurer d'en obtenir vn semblable du Roy de France à ses Ambassadeurs: tant, afin d'empescher qu'ils ne fissent plus contraires offices avec les Prelats, comme ils faisoient: qu'afin aussi, que les Euesques François venans, ils nes'vnissent avec les Espagnols, comme ceux-cy en auoyent grande esperance, & en estoient en attente. Et de plus, pour oster le credit aux Espagnols enuers leur Roy, ils delibererent de faire entendre en Espagne que l'Archeuesque de Grenade, & l'Euesque de Segouie, leurs chefs, lesquels faisoient tant des scrupuleux, auoyent promis leurs suffrages à l'Euesque des Cinq Eglises en la matiere de la Communion du Calice, sans auoir aucun esgard à Sa Maiesté, qui tant l'abhorroit.

Mais le Pape, en ce temps, considerans les dangers qui luy pendoyent sur la teste à l'esgard de son autorité, pour les difficultés & consultations de Trente, & pour les troubles & mouuemens de France, & pour la Diete qui se preparoit en Allemagne, en laquelle il preuoyoit que l'Empereur, pour ses interrests, seroit contrainct de condescendre beaucoup aux volontés des Protestans, aduisa d'alleuer les affaires en tout euement: & ayans des le mois precedent baillé argent & commission à dix Capitaines, pour faire leuee de soldats, lesquels se reduisoient en la Romagne, & en la marque d'Ancone; il commença à conferer fort à l'estroit avec les Agens, & les Cardinaux confidents des Princes Italiens: à raison dequoy, il engendra quelque soupçon des Espagnols & François. L'Ambassadeur de France l'exorta à desister de cet amas de gens de Guerre, de peur que cela ne troublast le Concile. Mais le Pape luy respondit, Qu'attédu, que l'Angleterre, & les Protestans d'Allemagne s'estoyent declarés de vouloir recourir les Huguenots de Frâce, il ne falloit point estre despourueus. Que le monde estoit plein d'heretiques, & pourtant il estoit necessaire de se pouruoir, pour proteger le Concile, non seulement par l'autorité, mais aussi par la force. L'Ambassadeur d'Espagne prit vn autre chemin: & conferma le Pape en cete opinion, qu'il falloit de vray tenir pour suspectes les allees & les venues des Protestans: mais il luy promist tout aide & assistance au nom du Roy, son Maistre. Et ce, pour empescher qu'il ne procurast vne Ligue en Italie, laquelle iamais ne plairoit à l'Espagne. Le Pape agreea & accepta l'offre du Roy: &, ayant entendu l'union de ses Legats au Concile, & l'ardente affection qu'ils monstroient au bien de ses affaires, & le grand deuoir qu'ils y faisoient, il s'en consola, & leur respondit, Qu'ils traouaillassent de tout leur pouuoir à aspirer la propos de la Residence: & en cas qu'ils ne pussent, qu'ils se preualussent du party qu'il leur auoit proposé, de remettre l'affaire au Pape: mais que sur toutes choses, il tendissent à vne prompte expedition: afin que le Concile fust finy auant la venue des François, & la tenue de la Diete d'Allemagne: à ce que l'Empereur, par l'ardent desir qu'il auoit de faire elire son fils Roy des Romains, ne se laissast persuader aux Protestans de proposer au Concile quelques choses plus préiudiciables encor, que celles qu'il auoit proposees iusques alors.

Les Ambassadeurs de France, apres auoir à plusieurs & diuerses fois fait modeste instance, que leurs Prelats fussent attendus, finalement le dixieme Aoust en presenterent la demande par escri: la teneur de laquelle estoit,

T t t

dom les Legats, & les partisans de Rome imputent l'ai de de Frâce,

Et chargent les chefs des Espagnols enuers leur Roy,

le Pape voyant du danger, armer en vendrai son aux Protestans,

Et scriuant Legats, enquant à se le suite de la Residence,

Et leur en enjoignant prompt expedition du Concile,

les Ambassadeurs de France requierrent dilation.

1562.

Que le Roy Treschrestien, estant delibéré d'observer & réuerer les Decrets des Conciles, qui representēt l'Eglise vniuerselle; desiroit que les ordonnances de ce Concile-cy pussent estre de bon cœur receues par les aduersaires de l'Eglise Romaine: d'autant, que ceux, qui ne se sont point departis de l'Eglise n'ont pas besoin de definitions Synodales: & croyoit que les Decrets à faire seroyent beaucoup plus agreables, si le iour de la Session estoit prolongé: tant, qu'à la numeroeuse multitude des Prelats Italiens, & Espagnols, s'adijoignissent les voix & les suffrages des Euesques François, desquels, & anciens Conciles de l'Eglise, auoit tousiours esté fait grand eitar. Et que la cause de leur absence, ia conue & iugée necessaire par les Legats mesmes, cesseroit en bref, comme il y auoit esperance: & quand bien elle ne cesseroit point, ils arriueroyent totalement auant la fin de Septembre, selon le commandement expres, qu'ils en auoyent du Roy. Et que de là il aduiendroit aussi, que les Protestans, pour raison desquels le Concile estoit intimé, & qui tous les iours publioient d'y vouloir entreuenir, anroyent moins de suiue de plainte, & de requerir plus de maturité en affaire de si grande consequence, & accuser le trop de precipitation. Et adiousterent, qu'afin nul ne pensast que le Roy, par ce moyen, pretendist que le Concile chomast, on se rompist, ils requeroient que, pendant qu'on attendoit les Euesques François: on traitast seulement ce qui concerne les mœurs, & la discipline: & mesmes aussi les deux chefs qui restoyent encor au fait de la Communion du Calice. Ce dernier point fut adioucté, pour ne mescontenter les Imperiaux, qui auoyent esperance d'en obtenir la declaration en cette Session là. Mais les Legats, apres auoir consulté l'affaire, rendirent response par escrit, Que les Prelats François, auant l'ouuerture du Concile, auoyent esté attendus par l'espace presque de six mois: & que, dès qu'iceluy auoit esté ouuert à l'occasion principalement des François, on auoit differé six autres mois à traiter les matieres plus importantes: esquelles dès qu'on auoit commencé à mettre la main, il ne leur sembloit nullement raisonnable de s'arrester en chemin: attendu que cela ne se pourroit faire sans intercrest de l'honneur du Concile; & sans diuerfes & grandes incommodités de tant de Peres. Et que quant à prolonger le iour de la Session, il n'estoit point au pouuoir d'eux Legats de l'accorder sans le consentement des Peres: partant qu'eux Ambassadeurs ne pouuoient attendre d'eux aucune plus resoluë response.

mais font
conduits des
Legats,

et eux font
des grand
plaintifs.

Sur cela les François repliquerent, Qu'il leur fust donc permis d'en faire la proposition en la Congregation. Mais les Legats respondirent, Que ia autres fois auoit esté dit à eux, & aux autres Ambassadeurs, qu'ils ne pouuoient traiter avec autres, qu'avec les Legats: & que desia auoit esté delibéré & arresté au mesme Concile, qu'à l'auenir les Ambassadeurs ne pourroyent parler publiquement en Congregation, sauf le iour qu'ils estoient receus, & que leur mandement estoit lu. Cecy donna occasion aux François de faire de grandes & grieues doléances avec les Euesques, & sur tout avec les Espagnols: disant, Que c'estoit vne estrange absurdité que les Ambassadeurs fussent enuoyés au Concile, & qu'à iceluy fussent presentés leurs mandemens: & que cependant ils ne pussent traiter avec luy, ains seulement avec les Legats, comme s'ils estoient enuoyés à eux, lesquels, à tout prendre, n'estoyent qu'Ambassadeurs eux mesmes, entant que le Pape, qui les auoit enuoyés, est Prince: & entant qu'il est Euesque, & le premier Euesque, ils n'estoyent autre chose que procureurs d'un absent & pour tels auoyent esté tenus & receus par les Conciles anciens. Ils allegoient l'exemple des Conciles de Nicee, d'Ephefe, de Chalcedoine, & de Constantinople in Trullo, & du second de Nicee: & que la rupture entre le Concile de Basse, & le Pape, n'estoit venue d'autre chose, sinon que les Legats de Rome auoyent pretendu rompre cet ancien & louable establissement. Que cela outre le reste, estoit aussi vne espeece de grieue seruitude au Concile, qu'il ne pust pas mesmes ouïr ce qu'on auoit à luy représenter, & en grand outrage aux Princes, que le Concile ne pust traiter avec ceux qui auoyent charge de manier

les affaires d'iceux Princes, & de leurs estats. Que ce pretendu Arrest, que les Legats asseuroyent auoit esté fait, ne paroilloit point, & qu'il le faisoit voir, & sçavoir de qui il estoit emané. Car si les Legats, ia des lors, l'auoyent fait de leur propre autorité, ils auoyent exorbitamment estendu leur pouuoir: si aussi c'auoit esté le Concile, il faisoit de necessité examiner comment & quand il auoit esté fait: d'autant qu'intolérable desraison estoit aussi ce, qui auoit esté fait au beau commencement de cete dernière conuocation, lors que les Legats, avec ce peu de Prelats Italiens, qui estoient venus de Rome, tous seuls, auoyent fait vn Decret, lequel ils auoyent du depuis rigoureusement pratiqué, que chose aucune ne pust estre proposee, sinon par la bouche des Legats: tellement que tous les Princes, & les Prelats auoyent la bouche fermee, pour ne proposer la bonne Reformation, de laquelle l'honneur & le seruice de Dieu requeroit qu'on traitast: en lieu de laquelle, pour entretenir inutilement le monde, on auoit traité & traitoit de la Doctrine en controuerse avec les Protestans, en leur absence, sans aucun benefice des Catholiques, lesquels n'en doutent nullement; & à la plus grande alienation des Protestans, lesquels on condannoit en leur absence. Ces plaintes des François se renouelerent, ayant eu aduis de Monsieur de l'Isle, Ambassadeur du Roy à Rome, que par commandement de Sa Majesté il auoit fait la mesme demande au Pape, qu'on attendist les Euesques François, pour tout le mois de Septembre: à quoy le Pape auoit respondu, Qu'il remettrait cela aux Legats. Sur quoy Lanfac disoit, Que c'estoit bien là vne chose digne d'eternelle memoire: le Pape, disoit-il, ramer l'affaire aux Legats, les Legats n'y peuent rien sans le Concile: & au Concile est interdit d'enouir la proposition. N'est-ce point se moquer tout ouueriement du Roy, & du monde?

L'onzième Aoust, les Euesques commencerent à donner leurs suffrages sur les Decrets touchant le Sacrifice: & quasi tous passerent le tout legèrement, & unanimement: sauf que quelques vns n'estoyent point d'avis, qu'on y mist, que nostre Seigneur eust offert en la Cene: autres au contraire trouuoient bon que cela y fust: & par plusieurs iours le nombre de l'vn & de l'autre party fut quasi egal. Icy ne doy-je omettre: comme chose digne de memoire, que le quatorzième Aoust arriva Jaques Lainez, General des Iesuites: sur le rang & place duquel, d'autant que cete Societé n'estoit iamais entreuenue en aucun Concile, il y eut beaucoup à traiter & débattre: ledit Lainez ne se contentant point du dernier lieu entre les Generaux d'Ordre: & les trois susmentionnées de la mesme Societé, Salmeron, Torres, & Cauiillon, faisans tous efforts pour le mettre deuant les autres. Qui fut la cause qu'és Catalogues de ceux qui assisterent au Concile; il ne s'y trouue point marqué.

Les Prelats Espagnols presenterent aux Legats vne requeste signee par eux tous, par laquelle ils exposoyent les grands inconueniens, qui estoient nés des exorbitantes graces & priuileges, ottroyés aux Conclauistes: & en requeroient reuocation, ou du moins, moderation. Le fait est; que les Cardinaux, entrans au Conclau, là où ils doiuent estre enfermés pour l'election du Pape futur, ont acoustumé d'auoir à leur seruice deux hommes chacun: l'vn, comme Chapelain: & l'autre, comme Chanibrier: lesquels sont choisis par eux, plus pour seruir aux negociations & menées, qu'aux personnes de leurs maistres: & d'ordinaire ce sont les meilleurs & plus raffinés Courtisans de Rome. Ceux-cy ont bien souuent autant de part es brigues & pratiques, que les maistres mesmes: dont il y a vne coustume inueterée, qu'à l'issue du Conclau, le Pape les reçoit tous entrés des domestiques: & leur baille priuileges conuenables au degré d'vn chacun, selon qu'ils sont ou Prestres, ou Seculiers. Entre les priuileges, qu'alors on auoit acoustumé de bailler aux Prestres, estoient aussi ceux-cy, Qu'ils pussent resigner, entre les mains de telle personne Ecclesiastique qu'il leur plairoit, les Benefices qu'ils tien droient, & les faire conferer à qui ils nommeroyent. Qu'ils pussent changer leurs Benefices avec tout autre beneficié, & qu'eux mesmes fissent le choix

T t ij

aduis des
Prelats sur
le fait du
Sacrifice.

a. ruer du
General des
Iesuites, &
abroquer
pour la pro-
teance.

requeste des
Prelats Es-
pagnols.
C'est l'abus
des Conclau-
nistes.

1562.

qui s'est
corrigé en par-
tie par le
Pape.

depart de
Pibrac,

d'insister
d'auant
le sacrifice
de Christ en
la Cene.

d'une personne: qui en fist la collation à l'un & à l'autre. De ces exorbitans pouvoirs naissoit vne diuerſe marchandise: & les Eueſques estoient contrains, là où il y auoit quelque Conclauiste, de voir, avec beaucoup de ſcandale, changer leurs Chanoineries, Cures, & autres Benefices, au plaisir desdits Conclauistes. Les Espagnols en formèrent plaintif, d'autant que tout fraiſchement il en estoit arriué de grands inconueniens, en Carcelogne. Mais les Legats leur remonſtrèrent, que la correction de ſemblables abus n'appartenoit à autre qu'au Pape: attendu qu'il s'agiſſoit de ſes domeſtiques: que ſi par pluſieurs fois il auoit eſté cōclū de remettre au Pape la reformatiō de la Cour de Rome, à beaucoup plus forte raiſon luy falloit-il remettre celle de ſes propres domeſtiques: & promirent d'en eſcrire à Sa Sainteté, & de faire inſtance qu'il y fuſt pourueu: ce qu'aussi il firent. Sur quoy le Pape, conſiderant que les Conclauistes de marque demeurent à Rome, & pres des Cardinaux, & partant que le reſglement ne pouuoit toucher que quelque petit nombre, & de peu de conſideration, leiſquels s'eſtoient retirés en leurs maiſons: & d'ailleurs, que le bien de ſes affaires requeroit qu'il donnast quelque contentement aux Prelats du Concile, & ſur tout aux Espagnols, ſe delibera de leur complaire, & au mois enſuiuant il fit la reuocation de pluſieurs priuileges donnez à cete ſorte de gens: laquelle toutesſoys ne fut point gardee par ſon ſuccelleur.

Pibrac, troiſieme Ambaſſadeur de France, partit en ſe temps de Trente, & donna ſujet de ſouſpon aux partiſans du Pape, qu'il n'allast pour expoſer l'eſtat du Concile, & ſolliciter la venue des Eueſques François: & tenoit-on pour tout aſſeuré qu'il feroit de mauuais & ſuiſtres offices, attendu que par quelques ſienes lettres au Chancelier interceptes, on auoit ia deſcouuert ſon inclination, à cauſe du meſcontentement, que luy, & ſes Collegues auoyent receu, d'auoir eſté reſuſés en leur demande de la prolongation de la Session. Ces choſes furent rapportees à Lanſac par aucunes creatures du Cardinal Simonete, pour hallener la verité: mais il ne reſpondit autre choſe. Que Pibrac eſtoit allé pour ſes affaires particulieres; que toutesſoys ce n'eſtoit pas de merueille, ſi voyant les manifeſtes deſauts qu'il y auoit au Concile, on le donnoit l'alarme qu'ils ſeroient rapportés.

Or, ſur le fait du Sacrifice de la Meſſe, tous les aduiſés Congregatiōs tenues iuſques au dixhuitieme Aouſt, ſe reſoluoient ſeulement à débater ſi Chriſt auoit offert en la Cene. Le Pere Salmeron Jeſuite s'eſtoit fait auteur Principal de la ſignatiue: & alloit de maiſon en maiſon trouuer ceux qui ſentoient autrement, & ſur tout ceux qui n'auoyent encores opiné: leur perſuadant au moins à ſe taire, ou à parler de la retenue: & y employoit le nom & authorité du Cardinal de Vvarmie principalement, y adiouſtant par fois celle de Seripande, & deſignant auſſi les autres Legats, ſans les nommer. Et ſic cete brigue avec tant d'importunité, qu'en la Congregation du dixhuitieme Aouſt les Eueſques de Chioge, & de Vegle, s'en plainquirent: & ce dernier parla pour la negatiue avec grande force de raiſons: remonſtrant, qu'on conſideraſt bien, qu'apres vn Sacrifice propitiatoire a eſté vne fois offert, ſ'il eſt ſuffiſant pour expier les pechés, on n'en offre point vn autre: ſi ce n'eſt, peut eſtre, pour action de graces: & ceux, qui ſouſtiennent, diſoit-il, qu'il y a eu en la Cene vn Sacrifice propitiatoire, ſont contrains à vne force de confeſſer que par iceluy nous ſommes rachetés, & non par la mort. Ce qui eſt contre l'Eſcriture Sainte, & la doctrine Chreſtienne, laquelle attribue la redemption à la mort. Que ſi quelcun auſſi vouloit dire, que ce n'eſt qu'un meſme Sacrifice, commencé en la Cene, & paracheué en la Croix, il tombera en vn autre egal inconuenient: attendu qu'il y a contradiction, à dire, que le commencement du Sacrifice eſt Sacrifice: car, ſi apres auoir commencé, le ſacrifiant ceſſoit, & ne paſſoit plus outre, nul ne diroit qu'il euſt ſacrifié: & nul auſſi n'oſeroit dire, que ſi Chriſt n'eũſt eſté obeïſſant au Pere iuſques à la mort de la croix, ains euſt ſeulement fait oblation en la Cene, nous fuſſions rachetés. Partant

qu'on ne pouuoit dire qu'une telle oblation doit estre appelee Sacrifice, d'autant qu'elle en est vn commencement. L'Euesque adiouta, qu'il ne vouloit pas opiniastrer, que ces raisons-là fussent insolubles : mais qu'il disoit bien, que le Concile ne deuoit pas lier les esprits de ceux qui sont imbus & persuadés d'une opinion, avec tant de raison. Il passa de là aussi à dire, que pour luy, il ne faisoit point de difficulté de nommer la Messe, Sacrifice propitiatoire : mais qu'il ne pouuoit trouuer bon que Christ eust offert en la Cene : attendu qu'il lussit loy de dire que Christ auoit commandé d'offrir. Car, disoit-il, si le Concile establit que Christ a offert en icelle, ce Sacrifice est ou propitiatoire, ou non : si propitiatoire, on encourt es difficultés dessusdites ; si non, on ne peut doncques par iceluy inferer que la Messe soit propitiatoire : ains, à l'opposite, on dira, que si l'oblation de Christ en la Cene n'a point esté propitiatoire, beaucoup moins le doit estre celle du Prestre en la Messe. Et, pour conclusion, dit, que le plus seur estoit de dire seulement, que Christ a commandé aux Apôtres d'offrir Sacrifice propitiatoire en la Messe. Apres cela, il donna obliquement vne atteinte au Iesuite Salmeron, disant, Qu'es choses de la Reformation on peut tolerer quelques brigues d'autant qu'icelle a pour faict choses humaines : mais de vouloir, quand il s'agit de foy, proceder par brigues & factions, est vne mauuaise & pernicieuse introduction. Le propos de cet Euesque esmut vn grand nombre des auditeurs, que l'opinion prescrite commune porta, qu'on ne parlait aucunement de Sacrifice propitiatoire offert par Nostre Seigneur en la Cene. Pour le demeurant, son opinion ne fut embrassée que par vne partie, comme au parauant.

*à quoy se
pense oppo-
ser l'Am-
bass. de
l'Empereur
mais en
vain :*

Ce mesme iour, l'Archeuesque de Prague, lequel, peu de iours auparauant, estoit retourné de deuers l'Empereur, presenta lettres de l'Empereur aux Legats : & en mesme temps arriuerent aussi lettres du Noncé Daulphin, résident auprès de la mesme Maïesté : laquelle par ses lettres, & plus particulièrement encor, par l'entremise du Noncé, requeroit qu'on ne traitast du Sacrifice de la Messe auant la Diete : & qu'en la prochaine Session fust expédié l'Article de la Communion du Calice. L'Archeuesque presenta aussi, au nom de l'Empereur, vn formulaire de Reformation. Mais le commandement du Pape, qu'on vint à vne prompte expedition, estoit trop pressant, pour pouuoir contenter l'Empereur en sa premiere demande : mais bien contraignoit-il de le contenter en partie à expedier la matiere du Calice : comme aussi le Pape en auoit escrit en ce sens à Trente, sur les mesmes instances, que l'Empereur luy en auoit faites. Partant, le Cardinal de Mantouë, en la suiuant Congregation, proposa, qu'apres la conclusion du Sacrifice, on parleroit de la Communion du Calice. Et en la suite des opinions des Prelats, il fut remontré, que la difficulté, si Christ auoit offert foy-mesme en la Cene, n'auoit point esté proposée aux Theologiens, pour en disputer, & qu'ils n'en auoyent parlé qu'accidentellement : partant, qu'il seroit bon de leur proposer, & la faire disputer à fonds : ou bien, l'omettre totalement.

*conclussent
sur lesdits
points :*

*harangue
de l'Am-
bass. de
l'Empereur
pour le Ca-
lice,*

Le General des Iesuites fut le dernier à parler sur cete matiere & s'estendit sur ce seul sujet de l'oblation de Christ en la Cene, & consuma luy seul vne Congregation entiere : en lieu, qu'es autres, il y auoit de sept à dix Prelats qui parloient. Apres que tous eurent opiné, non obstant qu'il y eust peu de difference du nombre des adherans à vne opinion à celuy des declarteurs de la contraire, les Legats, à la grande instance du Cardinal de VVar-mie, se resolurent de poser, que Christ s'estoit offert en la Cene, sans toutesfois vser du mot de Sacrifice propitiatoire. A la fin de la Congregation, l'Euesque des Cinq Eglises, en suite de la proposition du Legat de Mantouë fit vne harangue, en laquelle, apres auoir representé les bons devoirs, & les trauaux de l'Empereur, pour le bien de la Chrestienté, & pour establi la pureté Catholique non seulement des son aduenement à l'Empire, mais mesmes du viuand de Charles son frere : adiouta, que Sa Maïesté par experience auoit reconnu, que les plus grands debats & plaintes des peuples naissoient de

1562.

la defense de l'usage du Calice : & partant qu'il auoit desiré qu'il en fust traité au Concile. Dont, apres tant d'autres instances, qu'ils en auoyent ia fait, luy & les autres Ambassadeurs, ses Collegues, remonstroient aux Peres, par commandement de Sa Maiesté, qu'il leur plust considérer, que la charité Chrestienne commandoit, que, pour entretenir avec trop de rigueur vne ceremonie, on ne laissast pas de preuenir plusieurs sacrileges, & meurtres, en de tres-nobles prouinces : & de ramener au giron de l'Eglise Catholique maintes & maintes ames : qu'infiny estoit le nombre de ceux, qui, sans auoir pourtant abandonné la foy orthodoxe, estoient infirmes de conscience : auquel on ne pouuoit porter aucun secours, ou renfort, que par cete concession. Que Sa Maiesté Imperiale estoit obligee à entretenir & faire continuellement la guerre contre les Turcs, laquelle ne pouuoit estre soutenue qu'à frais communs de l'Allemagne : & en icelle, dès auisiouroit qu'on parle de contribuer, on entre, au fait de la Religion, & principalement à demander l'usage du Calice. Que si on persiste à le refuser, les differens de la Religion ne seront jamais ostés, & ne peut-on attendre, sinon que, non seulement la Hongrie, mais aussi l'Allemagne soyent occupees & saisies par les Barbares, avec danger mesmes des autres prouinces voisines. Que l'Eglise auoit tousiours acoustumé d'embrasser les ceremonies, & obseruances, qui estoient contraires aux nouuelles heresies. Partant, qu'il estoit expedient de prendre cete resolution ; laquelle demonstroit la foy de la verité de la sainte Eucharistie contre les Sacramentaires. Qu'il n'estoit ia besoin, comme aucuns requeroient, d'un procureur expres, au nom de ceux qui faisoient la demande, comme cela fut pratiqué au Concile de Basle. Car lors c'estoit le corps tout entier d'un seul Royaume, qui requeroit cete grace, & partant pouuoit enuoyer un procureur : mais maintenant, ce n'est point un seul peuple, ou nation : ains un nombre infiny, dispersé, par diuerses nations. Et qu'il ne falloit point s'estahir que la demande eust esté premierement presentee au Pape, & qu'il l'eust esconduite : d'autant que le Pape prudemment auoit remis le tout au Concile, pour elorre la bouche aux heretiques, lesquels refusent de receuoir aucunes grâces de ce Siege-là : & aussi, pour ne sembler derogé à l'autorité du Concile de Constance : attendu qu'il estoit conuenable, que l'usage du Calice ayant esté osté par un Concile general, fust aussi permis par la decision d'un autre : & mesmes pour donner reputation au Concile, auquel la bienfiance requeroit que fust remise cete deliberation, propre à esteindre les discordes de l'Eglise. Que touresfois il auoit lettres de Rome, que le Pape tenoit cete demande pour raisonnable, & necessaire : & prenoit en bonne part, qu'instance en fust faite au Concile. Puis apres, il presenta l'Article sur le fait du Calice, en la forme qu'il desiroit qu'on en traitast : lequel contenoit en substance, Que l'usage du Calice fust ottroyé aux Estats de l'Empereur, entant qu'ils comprenoient toute l'Allemagne, & la Hongrie. Iceluy estant lu en la Congregation, il s'esleua un grand bruit des Prelats, & fut remarqué que plusieurs donnoient des signes euidens d'y vouloir contredire. Mais pour l'heure ils furent apaisés, leur estant monstré qu'ils pourroyent dire leurs aduis, lors que les opinions courroyent.

*les François
requerent
de nouueau
dilatation,*

Les Ambassadeurs de France firent le troisieme Septembre nouuelle instance aux Legats, que, pour donner plus d'autorité au Concile, & afin que les determinations d'iceluy fussent tant plus aisément receuës en leur Royaume, il leur plust de prolonger la Session pour un mois, ou cinq semaines : traitant en cet entretiens autres matieres : pour publier puis apres en la suivante Session, tant ce qui auoit ia esté digeré, & arresté, que ce qui, pendant ce temps, seroit traité, & déterminé. Qu'ainsi faisant, on ne perdroit point de temps, & le Concile n'en seroit point prolongé, & le Roy, & tout le Royaume, en recevroit grand contentement. Ioint que l'on attendoit en brefs des Prelats de Pologne : dont ce seroit chose de grande edification au general de Chrestienté, de montrer de faire estat de deux Royaumes tant considerables. Cete instance fut faite iustement un iour auant que les Le-

gats eussent receu lettres du Cardinal de Ferrare, qui portoyent, *Que le*
 Cardinal de Lorraine, & les Prelats François, viendroyent asseurement, &
 menneroient avec eux vint Docteurs de Paris. Lequel aduis fut aussi con- *qui leur est*
 firmé par d'autres lettres escrites à divers Prelats par leurs amis, lesquelles on *refusées pour*
 faisoit voir à dessein, y adjoûtant, *Que le but des Prelats & Docteurs Fran-*
 çois estoit, de traiter le point de la superi orité du Concile par dessus le Pape. *causis lissis*
mulis,
 Ce qui fit, que de tant plus on iugea qu'il falloit expedier les matieres a dige-
 rees, afin qu'on n'y iettast à la trauerse de nouuelles difficultés: & qu'aux ma-
 lignes humeurs, qui estoient desia à Trente, ne s'en adioignissent à tas de pi-
 res encor, & de plus hardies, dont nasquissent tant d'affaires, que, ou le
 Concile fust porté à l'infiny, ou quelque chose preiudiciable y fust resoluë.
 Mais les Legats retirèrent ces raisons en leur estomach, & respondirent aux
 François en termes honorables, en la mesme maniere qu'ils auoyent autres-
 fois gardee enuers eux, *Que le Concile auoit esté principalement conuoqué*
pour les François: que leurs Prelats auoyent esté conuies dés si long-temps:
que d'entretenir tant de Prelats en la mesme attente plus longuement, seroit
chose fort indigne au Concile: & que si on ne publoit les choses examinees,
le monde pourroit croire que cela se fît pour quelque dissension, qui fust en-
tre eux: ou bien, pource que les raisons des Protestans fussent de quelque
poids, & valeur. Mais Lansac n'ac ruielçoit à aucune response, & pressoit
 toujours de plus fort la dilation: & se plaignoit, que le Concile, à ce qu'on
 disoit, fust ouuert pour les François, & que cependant ils ne fussent point
 attendus: qu'il n'auoit iamais pu obtenir aucune siene demande des Legats:
 que ses remonstrances estoient mesprisées, & qu'en lieu de gratifier son
 Roy, on vsoit de plus grande precipitation: qu'il n'attribuoit pas pourtant
 cela aux Legats, sachant bien qu'ils ne faisoient rien, qui ne leur fust com-
 mandé de Rome: qu'ils se trouuoient bien fort, de prendre soupçon de la
 venue des Prelats François. *Qu'apres tant d'essais pour obtenir ce qui estoit*
raisonnable, & qui luy deuoit estre accordé sans le demander, il falloit pen-
ser à d'autres remedes. Et parloit en sorte, qu'il faisoit douter qu'il ne fût
quelque acte extraordinaire. Cela fit courir le bruit que le Concile seroit
rompu: dont la plupart se resouilloit: les vns, pour se deliurer des incom-
modités qu'ils souffroyent, les autres, pource qu'ils voyoient d'y demeurer
avec bien peu ou point du tout d'auancement du seruice de Dieu: & les
partisans du Pape, de crainte de quelque attente contre leurs interrests. On
 discouroit publiquement, que le Cardinal de Lorraine en toutes occasions
 auoit montré inclination à diminuer l'autorité du Siege Apostolic, qu'il
 desiroit donner quelque curee du Papat à la France, & partant n'agreoit point
 qu'iceluy fust en la disposition du College des Cardinaux, Italiens pour la
 plupart: que la France auoit toujours pretendu limiter la puissance Papale,
 & l'assuettir aux Canons, & Conciles: que cete opinion seroit secondee &
 fomentee par les Espagnols, lesquels, quoy que grandement retenus en paro-
 les, s'estoyent desia montrés desireux de la mesme chose: & mesmes suiuiue
 d'une partie des Italiens, lesquels ne pouuans, ou ne sachans se preualoir des
 aduantages de la Cour de Rome, enuioient ceux qui en iouissoient: outre
 les amateurs de nouveautés, sans sauoir pourquoy: le nombre desquels, par
 plusieurs indices, on voyoit estre considerable.

A Trente fut publié vn discours, qui courut par les mains d'un chacun, &
 fut mesmes enuoyé à Rome par les Legats, auquel estoit montré qu'il estoit
 impossible d'acheuer le Concile en peu de temps: attendu qu'on voyoit tous
 les Princes butés à l'allonger. *Que des François, & Imperiaux, on n'en*
pouuoit douter, attendu les fortes instances qu'ils faisoient de la dilation.
Que le Roy d'Espagne faisoit bien paroître aussi le mesme, ayant député pour
Ambassadeur au Concile, le Conte de Lune, dès que la Diete de Francfort
seroit acheuee, à laquelle il l'auoit premierement enuoyé. Que les Prelats
aussi, par leur prolixité à opiner, porteroient les affaires en longueur. Là
dessus on discouroit, qu'il estoit impossible de proceder ainsi long-temps, at-

discours fait
à Trente sur
la durée du
Concile:

1562

tendu qu'il n'y auoit prouision de bleds que pour le mois de Septembre , au bout duquel on ne fauoit d'où en auoir , à cause de la cherté generale: & que la tardiueté del'Empereur, & du Duc de Bauiere à rendre responce à la demande des viures qu'on leur auoit faite, monstroient qu'ils ne pouuoient y subuenir. Et de plus, que les Protestans espieroient tousiours le moyen de faire ioindre les Peres à quelque honteuse resolution, & susciteroyent des nouueautés pour contraindre les Princes à auancer choses preiudiciables. Qu'on voyoit les Euesques aspirer à la liberté: & qu'avec le tēps ils ne se tiendroyent point dans de si courtes bornes, & le Concile deuiendroit non seulement libre: mais licentieux. Et, par vne gentile comparaisō, le progres du Concile, estoit figuré par le corps de l'homme, lequel, avec du plaisir & volupté, prend la verole, appelee par les Italiens, le mal François, petite au commencement, & peu estimee, laquelle puis apres se dilate, & occupe tout le sang, & toute la vertu vitale. Ce discours exhortoit le Pape à y aduifer, non pour venir à translation, ou suspension, pour ne s'achoper à vne contradiction de tous les Princes, mais pour se seruir à propos des remedes, que Dieu luy presentoit.

*differeus sur
l'otroy du
Calice:*

Parmy ces mouuemens, les Legats se hastoyent de conclure les Decrets pour la Session. Celuy du Sacrifice estoit ia bien auancé. Partant on vint à parler del'otroy du Calice: enquoy il y eut trois opinions: l'une extreme & negative, qu'en sorte quelconque il ne fust otroyé: l'autre affirmative, qu'on l'otroyast dans le Concile, avec les reserues & conditions, que le mesme Concile trouueroit bonnes: & cete opinion estoit soustenue par cinquante des plus sages: & entré ceux-là il y en auoit qui vouloyent, que on enuoyast es pais, qui en faisoient instance, pour prendre information s'il estoit conuenable de donner cete promission, & sous quelles conditions se pouuoit & deuoit faire: la troisieme estoit mitoyene, que l'affaire fust remis au Pape: mais celle-cy estoit diuisee en plusieurs branches: aucuns vouloyent que cela fust remis absolument au Pape, sans faire aucune declaration s'il le deuoit faire, ou non: autres avec cete declaration, qu'il l'accordast selon sa prudence: aucuns aussi vouloyent restreindre la permission à certains pais particuliers, autres luy laisser toute liberté. Tous les Espagnols estoient absolument pour la negative: l'Ambassadeur Vargas leur ayant escript; qu'il estoit expedient ainsi, pour le bien de la Religion, & pour le seruice du Roy, pour le danger eminent du pais bas, & mesmes aussi de l'Estat de Milan: lesquels, en cas qu'ils visent leurs proches voisins iouir de ce priuilege, le demanderoient aussi pour eux: & soit qu'on le leur accordast, soit qu'on le refusast, on ouuriroit vne grande porte à l'heresie. Les Prelats Venitiens, à l'induction de leurs Ambassadeurs, suiuyent aussi le mesme aduis, pour la mesme cause.

De ces opinions tant diuerses, ie me contenteray d'en representer les auteurs principaux, & les choses plus singulieres dites par eux. Le Cardinal Madruce, qui parla le premier, opina, que sans aucune exception le Calice fust otroyé. Tous les trois Patriarches, qu'absolument il fust refusé. Les cinq Archeuesques, qui parlerent apres, remirent l'affaire au Pape. Mais celuy de Grenade, pource qu'il auoit promis aux Imperiaux de les fauoriser, pour les auoir de son party au fait de la Residence, qui le tenoit bien fort au cœur, dit, Qu'il n'affermoir, ny ne nioit: mais que la chose ne se pouuoit conclure en cete Session, & qu'il estoit necessaire de la differer à vne autre: & ne voulut s'en rapporter au Pape, disant, Que c'estoit vne matiere de grande deliberation; attendu qu'on ne la pouuoit reigler ne par Escripture, ne par Traditions: estant vn cas de prudence, là où il est necessaire de proceder avec beaucoup de circonspection, de peur de se tromper es circonstances du fait, desquelles nulle speculation, ne discours ne peut donner certaine science. Que pour luy, il ne faisoit pas difficulté, comme plusieurs autres, sur le danger d'espanchement: d'autant qu'à present il n'auoient pas que le vin soit versé, lors qu'on fait le lauement du Calice. Que si cet otroy pouoit

pouuoit apporter vnion à l'Eglise, il ne le faudroit point tant abhorrer: veu qu'il ne s'agissoit que d'une ceremonie, laquelle peut estre changee, selon l'vtilité des fideles. Mais qu'il estoit en suspens, d'une doute qu'il auoit, qu'après cet otroy on ne demandast autres choses extrauagantes: & pourtant que, de peur de mesprendre, il seroit bon de recourir tout premier à Dieu, par prieres, processions, messes, aumosnes, & iusnes: & puis, pour ne faillir aux diligences humaines, attendu que les Prelats d'Allemagne n'estoyent point au Concile, de leur escrire que leurs Metropolitains s'assemblassent, & examinassent diligemment la matiere; & en escriussent selon leur conscience au Concile. Et, pour conclusion, dit, Que veu que tant de choses ne se pouuoient faire en peu de temps, il iugeoit necessaire de surseoir, & de différer la deliberation à vn autre temps. Jean Baptiste Castagne, Archeuesque de Rosan, dissuada absolument la concession: & passa de là à discourir contre ceux qui la requeroient, & contre ceux qui fauorisoient la requeste, les taxant tous de n'estre bons Catholiques: d'autant que, s'ils estoyent tels, ils ne recherchoient point vne chose induë avec scandale des autres: & dit tout ouuertement, que cete requeste butoit à introduire l'heresie: & vfa de tels termes, que chacun vid bien, qu'il donnoit dans la visiere à Maximilien, Roy de Boheme.

L'Archeuesque de Brague, ou Bragance, en Portugal, dit, Qu'il estoit inforiné qu'en Allentagne il y auoit quatre sortes d'hommes: les vns, francs Catholiques: les autres, obstinés & profes heretiques: les autres heretiques couuerts: & les autres, infirmes en la foy. Que les premiers ne requeroient point cet otroy, ains y repugnoient, & les deuxiemes ne s'en foucioient point: mais que les troisiemes le desiroient, pour pouuoir demeurer à couuert en leur heresie: d'autant qu'en toutes les autres choses ils pouuoient se desguiser & feindre, mais celle-cy seule les descouuroit: & que pourtant il ne la leur faisoit point bailler, pour ne fonder leurs erreurs. Quant aux foibles en la foy, ils n'estoyent tels, sinon pour mauuaise impression qu'ils auoyent de la puissance Ecclesiastique, & sur tout du Pape: & ne demandoient point le Calice par deuotion, laquelle ne se trouue qu'en personnes de sainte vie: en lieu qu'eux estoyent tous plongés es vanités & voluptés du monde: & maluiolentiers mesmes se confessoient & communioient vne seule fois l'année: qui ne marquoit point tant de ferueur de deuotion, que par icelle ils recharchassent de communier avec les deux especes. Et pour conclusion, dit, qu'il faloit imiter la diligence des Peres du Concile de Basle, & elire quatre ou six Prelats du Corps du Concile, lesquels, comme Legats d'iceluy, accompagnés de Theologiens propres à prescher, visitaient les provinces nommées par la Maïeste Imperiale: & là où ils trouueroient personnes penitentes, qui desiraient le Calice par deuotion, ou par estre habitudees à cet vfrage, & au demeurant voulassent retourner à la communion de l'Eglise, qu'ils les receussent à la paix d'icelle, & le leur otroyassent.

L'Euesque titulaire de Philadelphie, quoy qu'Allemand, dit, Qu'il estoit dangereux de refuser cete grace aux demandes de l'Empereur: mais qu'il estoit pernicieux & dommageable de l'accorder. Et que pour luy, il se resoluoit plustost à desplaire aux hommes, qu'à parler contre sa propre conscience. Qu'il estoit impossible de mettre en pratique l'vfrage du Calice, pour le danger de l'espanchement, lors qu'on viendroit à le porter çà & là en lieux lointains, & malaisés: & bien souuent de nuit, en temps de neige, de pluye, & de glace. Que les heretiques s'en glorifieroyent, & battoient les oreilles au peuple, qu'à la fin les Papistes commençoient à conoistre la verité. Que c'estoit vne chose hors de doute, que ceux qui faisoient cete instance, crovoient, qu'on ne pouuoit en autre façon obseruer l'ordonnance de Christ, sinon en prenant l'Eucharistie sous les deux especes: & là dessus prit

1562

en main vn Catechisme, eſcrit en langue Allemande, lequel il lut, & en donna quant & quant l'interpretation, & declara qu'elle eſtoit leur opinion. Et adiouſta que les bons Catholiques s'en contriſteroyent : & qu'en lieu d'en gagner vn bien petit nombre, on en perdrait vn tres-grand, lequel entreroit en doute de quel coſté eſt la vraye foy, voyant encliner les Catholiques aux vſages & obſeruances des Proteſtans. Que l'ottroy qu'on feroit à l'Allemagne, eſmouueroit les autres prouinces, & ſur tout la France. Que les heretiques vouloyent faire vn eſſai de percer, par le moyen de cete permiſſion, la fermeté qu'ils ont trouuee és dogmes de l'Egliſe Catholique. Et pour conſeſſion, dit, qu'au moins l'affaire deuroit eſtre differé iuſques à l'iſſuë de la Diete, afin que les Prelats Allemans puſſent enuoyer au Concile: approuuant l'aduis de l'Archeueſque de Grenade, à vouloir differer: & celui de Bragance, à aſſeurer que tous ceux, qui monſtroient de deſirer le Calice, auoyent vn germe d'heresie. Et adiouſta, que puis que les Ambaſſadeurs Imperiaux auoyent fait des inſtances tant paſſionnees, & des brigues ſi fortes, & eſtoyent tant intereſſés en cecy, il n'eſtoit pas raſſonnable qu'ils fuſſent preſens en Congregation: afin que chacun euſt liberté de parler. Frere Thomas Caſſelle, Eueſque de la Caue, apres auoir repreſenté que l'Eueſque des Cinq Eglises, Ambaſſadeur de l'Empereur, en auoit gagné pluſieurs, leur perſuadant qu'en cas qu'on n'accordaſt le Calice, il en arriueroit tant de maux, qu'il vaudroit mieux n'auoir iamais tenu Concile: ſ'eſtendit à monſtrer qu'il ne le falloit point accorder, ores qu'il en duſt arriuer la perdition de pluſieurs ames: car en l'accordant, il en periroit beaucoup grand nombre.

L'Eueſque de Capſemberg, en Stirie, fit la meſme inſtance, que les Ambaſſadeurs Imperiaux ſe retiraſſent, & inuectiua grandement contre les paroles de l'Eueſque des Cinq Eglises, repreſentees par l'Eueſque de la Caue. Pluſieurs Prelats Eſpagnols requierent de meſme aux Legats, que les Ambaſſadeurs de l'Empereur n'entreuiſſent aux traités des Peres, pendant cete conſultation: & qu'il ſuffiſoit qu'à la fin ils entendirent la reſolution du Concile. Mais quelques autres y contredirent, diſant, Qu'eux, à qui l'affaire touchoit, beaucoup plus que les autres, y deuoient aſſiſter: & que d'exclurre ceux, du fait deſquels ſ'il agit, eſt choſe contraire à l'vſage des Conciles. Partant les Legats, conſiderans qu'ils auoyent deſia commencé à y entreuenir, & qu'on ne le pouuoit exclurre, ſans danger de bruit, reſolurent de ne rien innouer.

L'Eueſque de Conimbre, en Portugal, opina, Que l'affaire fuſt remis au Pape, pour ottroyer cete grace ſous cinq conditions: la premiere, Que ceux, à qui elle ſeroit faite, abiuraſſent toutes les heresies, & particulierement, iuraſſent de croire, qu'autant eſt contenu ſous l'vne des eſpeces, que ſous toutes les deux: & que ſemblablement autant de grace eſt receuë ſous l'vne, que ſous les deux: la deuxieme, Qu'ils euſſent à chaffer les preſcheurs heretiques, & en leur place en receuoir des Catholiques: la troiſieme, Qu'ils n'eſſent à garder le Calice, ny à le porter aux malades: la quatrieme, Que Sa Sainteté ne commiſt la diſpenſation de cete grace aux Ordinaires, ains enuoyast des Legats ſur les lieux: la cinquieme, Que la reſolution n'en fuſt point priſe au Concile: d'autant que ſi cete grace eſtoit publicque, elle ſeroit enorgueillir les heretiques, & donneroit ſcandale à infinis Catholiques: & pourant, ſi tant eſtoit, que cete diſpenſation ſe duſt faire, il ne falloit point l'expoſer à la veüe de tout le monde. L'Eueſque de Modene maintint, Qu'on ne pouuoit reſuſer le Calice: d'autant que l'Egliſe ſ'eſtoit touſiours, apres le Concile de Conſtance, reſerué le pouuoir d'en diſpenſer: & par là auoit monſtré, qu'il eſtoit quelquesfois conuenable de le faire. Que Paul troiſieme auoit ia autresfois enuoyé des Nonces, pour reſaſcher la deſenſe: d'autant qu'il auoit apperceu qu'elle n'auoit produit aucun effet en tant d'annees, eſquelles il auoit eſté impoſſible de iamais reduire les Bohemiens. Ioint que l'vſage du Calice eſtoit conforme à l'inſtitution de Chriſt, & auoit eſté pratiqué par l'Egliſe en autres temps.

Frere Gaspar de Casal, Euesque de Liria, en Espagne, personnage exemplaire, & de singuliere erudition, soustint la mesme opinion, & dist en subitance, Qu'il ne s'esbahissoit point de la diuersité des aduis : d'autant que ceux, qui refusoient la Communion du Calice, auoyent tous les modernes à ensuyure : de mesmes qu'à l'opposite ceux qui l'accordoient, estoient mis par l'exemple de l'Antiquité, du Concile de Basle, & de Pape Paul troisieme. Qu'encete diuersité, il adheroit à l'affirmatiue : d'autant, que la chose de soi mesme estoit bonne : & sous les conditions, qui auoyent esté proposees, estoit mesmes vtile, & expediente : &, veu qu'elle estoit proposée, & acheminee, comme vn moyen necessaire pour reduire les ames, ceux qui desiroient de paruenir à ce buttant bon & saint, deuoient se reconoistre obligés, à en embrasser le moyen : or la necessité de ce moyen ne pouuoit estre reuocquee en doute, attendu que l'Empereur en alleuroit le pere, qui pouuoit croire que Dieu permist de s'abuser en chose tant importante : sur tout, veu que l'Empereur Charles auoit fait le mesme iugement : ce qui estoit de plus fort confirmé par la demande du Duc de Bauiere, & par les instances qu'en faisoient les François, Que si au cun estoit encor en doute que les Princes seculiers ne fussent à plein informés de cete cause, comme estant Ecclesiastique, il ne deuoit faillir d'adiouster foi entiere à l'Euesque des Cinq Eglises, & aux autres deux Euesques de Hongrie, qui estoient au Concile. Et d'autant que quelcun auoit dit, qu'il falloit bien imiter le pere, qui receut l'enfant prodigue ; mais toutesfois, attendant premierement qu'ice-luy vint à repentance, il dit, que plustost il falloit imiter le Pasteur de l'Euangile, lequel alla cherchant la brebis esgaree, par lieux deserts & aspres, avec beaucoup de sollicitude, & la chargea sur ses espauls, & la rapporta en la bergerie. Le parler de ce Prelat, pour la renommee de sa grand prudence, excellent fauoir ; & plus encor, pource qu'il estoit Portugais de nation, ce qui auroit fait croire à tous, qu'il eust du estre tresrigoureux à maintenir l'vsage des ceremonies, vltices ; non seulement conferma ceux qui estoient du mesme aduis, mais mesmes esbranla grandement plusieurs de ceux qui iusques alors auoyent esté contraires.

L'Euesque d'Osme, en la Marque d'Ancone, lequel par après luy dit, seulement, ie doute grandement, qu'il nous faudra bon gré maugré boire ce Calice : mais Dieu vueille, que ce soit avec heureuse issue. Iean Baptiste Osio, Euesque de Riete, au Duché de Spolet, maintint, Qu'il ne falloit point permettre l'vsage du Calice : d'autant que l'Eglise n'a iamais accoustumé de conceder chose aucune selon les positions, ou assertions des heretiques : ains tousiours d'establir le contraire. Et monstra, par ce qui estoit adueni es Bohemiens, lesquels s'estoient tousiours plus en felonnie en leur rebellion, qu'il ne se falloit rien promettre des heretiques ; ains tenir par tout assuré, qu'on seroit trompé par eux. Qu'il falloit faire comprendre à l'Empereur, que cete demande n'estoit point vtile pour ses Estats. Il fit aussi instance aux Legats, de ne faire point de mise de ceux, qui du commencement auoyent opiné de remettre l'affaire au Pape, attendu qu'ils auoyent parlé confusément : ains requit qu'ils fissent partage des suffrages, comme il auoit esté pratiqué en autres occasions, faisant respondre à vn chacun par oui ; & non, & quitter les voyes obliques & artificieuses dont quelques vns vsoient par contrainte, pour complaire. Cet aduis fut suivi par Frere Iean Munnatones, Euesque de Segorbie, en Espagne, lequel dit, Que de vrai il auoit auparauant esté d'opinion, qu'on ne refust point cete grace : mais, ayant ouï l'Euesque de Riete, il estoit obligé par deuoir de conscience de changer d'aduis, & des'adioudre à la partie negatiue : que le Concile en cete cause estoit luge, & deuoit prendre diligement garde, qu'en condescendant inconsiderement à l'Empereur, il ne fist prejudice aux autres Princes. Frere Marc Laure, Euesque de Champaigne, au royaume de Naples, dit, que l'Empereur ne demandoit point cete concession de cœur : mais qu'il lui suffisoit de faire cete monstre pour acquerir l'affection de ses peuples ; & pourtant, qu'il seroit bon

de luy rendre raison des difficultés qu'on y trouuoit, afin qu'il pust sciuftifier enuers eux.

Pierre Danés, Euesques de Laueur, ne determina point s'il falloit ou ne falloit pas otroyer le Calice: ains consuma tout son propos à refuter l'opinion de remettre l'affaire au Pape. Et en substance dit, *Que peut estre le Pape en prendroit offense: d'autant que cete requeste luy ayant premierement esté faite, & ne sachant, ou ne pouuant, ou ne voulant se refoudre sur icelle, il l'auoit renuoyee au Concile: ce qui donnoit vn manifeste indice qu'il n'auoit pas à gré d'estre remis és mesmes ambiguités: & que le Concile, qui estoit vne grande multitude de personnes, pouoit plus aisement soustenir le fais des importunités de ceux qui se plaindroient de n'auoir esté contentés, & en requeroient remede; que non pas le Pape seul, lequel est obligé d'auoir plusieurs esgards, pour la conseruation de sa propre dignité. Et puis, disoit-il, on donnera prise aux calomniateurs, qui diront que tout cecy n'est qu'un ieu ioué, & que le Pape remet l'affaire au Concile, & le Concile au Pape, pour beffier le monde. Mais en fin, il vint au nœud de la matiere, disant, Ceux qui veulent remettre l'affaire au Pape, le veulent faire, ou comme à superieur, ou comme à inferieur: ou bien, c'est d'autant que le Concile n'ayant pas le courage de se refoudre pour les difficultés qu'il y a, il s'en remet à vne puissance superieure: ou, pour se releuer & deliurer d'ennuy, à vne inferieure. Mais ny en l'une ny en l'autre façon, il n'est raisonnable de le faire, que tout premier ne soit voidée cete question. Qu'elle puissance est superieure. D'autant que de ce fait chacun voudra tirer argument à l'auantage de son opinion, & on donnera occasion aux disputes, & diuisions. Et dit fort à certes, que nul Prelat sage ne deuoit assentir à remettre l'affaire au Pape s'il n'estoit premierement bien acertené en laquelle des deux façons cela se deuoit faire: ains, qu'il n'estoit possible de le faire en aucune façon, tellement que les paroles ne marquaissent en l'une, ou l'autre. Ce Prelat fut ouï par les partisans du Pape avec beaucoup d'impatience.*

Mais tout à point l'Euesque des Cinq Eglises voulut, en qualité de Prelat, parler en son rang en cete Congregation, & és autres: & suiuant immédiatement apres ledit Danés, il tint d'autres nouueaux discours, qui firent oublier ceux d'iceluy: & par vn long circuit de paroles, il tascha de persuader, qu'il falloit otroyer le Calice. Puis respondit à propos de point en point à tout ce qui auoit esté dit au contraire. Et dit d'auantage, qu'il n'estoit ia besoin de respondre à ceux, qui le vouloyent exclurre des Congregations: attendu que, si leurs raisons estoient valables contre luy, elles le seroyent aussi contre l'Empereur, s'il se fust trouué là present: ce qu'il ne pouoit croire qu'ils voulussent dire, & soustenir. *Qu'il vouloit aussi s'abstenir de respondre aux dangers de l'espanchement: d'autant que, s'ils estoient irremediabls, il n'escheoit point que le Concile de Constance se reseruast le pouuoir de dispenser. Que les raisons de ceux qui dissuadoient l'otroy, luy auoyent semblé graues, & fortes, & capables de le tirer luy mesme à ce sentiment: n'estoit qu'il auoit l'experience & l'usage de cet affaire, auquel l'experience est plus requisite que la science, ou les raisons speculatiues. A ceux, qui disoyent qu'on n'auoit veu par le passé aucun bon fruit de semblable otroy, il respondit, Que tout le contraire estoit: car, apres le traité de Basle, plusieurs s'estoyent maintenus Catholiques, en Boheme: qu'on auoit tousiours vescu en bonne paix avec les Calixtins, lesquels tout freschement auoyent receu le nouueau Archeuesque de Prague, par lequel ils faisoient ordonner leurs Prestres. A ceux, qui craignoient d'exiter nouuelles pensees és autres nations, il respondit, Qu'icelles ne s'esnouuoyent point pour vn tel exemple: d'autant, qu'estans sans meslinge d'heretiques, & desiruses de conseruer la pureté de la Religion, elles refuseroyent le Calice, quand mesmes on le leur presenteroit. Que les Allemands tant plus ardemment le desiroient, qu'on le leur refusoit: mais que, si on le leur accordoit, avec le temps ils se deporteroient de cet usage. Que la crain-*

re, qu'apres auoir obtenu cete grace, ils ne passassent à d'autres demandes, estoit trop soupconneuse: & quand ores ils y passeroient, on seroit tousiours à temps de les leur refuser. Qu'on ne pouuoit bailler nom de nouueauté à cete demande: attendu qu'elle auoit esté accordée par le Concile de Basle, & par le Pape Paul troisieme: duquel si les ministres eussent eu plus de courage, & ne se fussent retirés de cete dispensation pour deslegeres apprehensions, procedentes des paroles de quelques Moines impertinens, qui preschoient à l'encontre, ils auroient profité d'auantage. Que, pour luy, il auoit esté grandement offensé en la raison alleguée par quelcun, que, comme on ne pourroit receuoir vne personne, sous condition de luy permettre de paillarder; aussi ne deuoient estre receus ces peuples, qui vouloyent se reconcilier à l'Eglise, avec pacte de l'usage du Calice: attendu la grande difference qu'il y auoit entre ces conditions, dont la premiere estoit mauuaise de sa nature, l'autre ne l'estoit, sinon en tant qu'elle estoit defendue. A l'Euesque de Segorbie, il respondit, que l'Empereur ne debatoit en cela avec aucun Prince, & ne procuroit le preiudice d'autrui, & demandoit le Calice pour ses peuples par grace, & non par rigueur de droit. Quant à ceux, qui disoient, qu'il ne falloit point bailler la commission de cela aux Ordinaires, ains enuoyer Legats du Siege Apostolic, il les picqua vn peu aigrement, disant, Si de vray ils iugeoyent qu'on ne pust confier vne chose indifferente à ceux, ausquels on auoit bien confié la cure des ames, & tout le gouuernement spirituel: ou bien, s'ils croyoient que cela fust vne chose, qui outrepassast le gouuernement Episcopal: que de renuoyer l'affaire au Pape; n'estoit autre que luy adiouster nouueles & continueles fascheries. A l'Euesque de Philadelphie il repartit, que non seulement les Catholics n'en seroyent point troublés, ains en seroyent consolés, lors qu'ils verroyent de pouuoir viure vnis & en paix avec ceux, desquels à present ils supportent plusieurs trauaux. A ceux, qui requeroient procureurs expres pour demander cete concession, il dit, Qu'il ne falloit point s'esbahir, si nul ne venoit demander cete grace, attendu que l'Empereur s'estoit chargé de la demander pour eux: & qu'iceluy en pourroit faire venir innombrables, si les Peres le vouloyent ainsi. Mais que, comme le Concile auoit eu esgard de ne faire le Sauusconduit trop ample, afin qu'il n'y vinst vn si grand nombre de Protestans, qu'il luy fist peur: aussi deuoient-ils auoir le mesme, voire plus grand esgard, à requerir qu'ils vissent à telle fin: attendu qu'il en viendrait beaucoup d'auantage pour obtenir cet ottroy. Et, pour conclusion, dit, Qu'il prioit que on eust compassion de leurs Eglises, & qu'on fist estat de la demande d'un si grand Prince: le quel, pour le desir de l'union de l'Eglise, ne parloit iamais de cet affaire sans larmes. Pour la fin, il se plaignoit de la passion de plusieurs Prelats, lesquels pour vne vaine crainte de voir quelque changement en leurs pais, vouloyent bien voir la perdition des autres & particulièrement se doult de l'Euesque de Rieti, qu'il reputast l'Empereur Prince tant ignorant du gouuernement d'estat, qu'il ne fust ce qui estoit vtile pour ses peuples, s'il n'en prenoit leçon & instruction de Sa Seigneurie Reuerendissime, versée toute sa vie à seruir à la table des Cardinaux à Rome. Et finalement dit, Qu'il auroit encor beaucoup à respondre à tant de choses, qui auoyent esté auancees quasi pour le prouoquer à vn duel: mais qu'il aymeroit mieux les supporter: & les passer patiemment. Il repliqua ce, qu'autres fois il auoit dit, Que, si on n'accordoit l'usage du Calice, il eust mieux valu n'auoir tenu le Concile: lesquelles paroles il declara, adioustant que plusieurs peuples estoient demeurés en l'obeissance du Pape, sous l'esperance que cete grace leur seroit ottroyée: & que, se voyans dechus d'icelle, ils s'en alieneroient tout à fait.

André de la Coste, Euesque de Leon en Espagne, dit, Qu'il ne falloit nullement douter de bonnes intentions de l'Empereur, & du Duc de Baviere: ne disputer s'il estoit au pouuoir de l'Eglise, de donner vne telle permission: mais qu'il falloit seulement considerer ce qui estoit expedient. Que son aduis

là dessus estoit; qu'on imitast les Peres anciens, & l'usage perpetuel de l'Eglise, de ne condescendre aux demandes des heretiques. Qu'au Concile de Nicee on auoit veu, que quoy que tout le monde se bouleuerast, les Peres d'iceluy n'auoyent cédé vn seul iota aux heretiques: & les Docteurs de l'Eglise se sont tousiours abstenus d'vser des termes vsités par iceux, quoy qu'ils eussent vn bon sens. Que les Protestans ne se contenteroyent point de cete concession: que les Catholics la prendroyent mal: que pour vne esperance incertaine de ramener quelque peu d'heretiques, on perdrait grand nombre de Catholiques. Qu'on pouuoit prendre vn grand argument, que ce n'estoit point par deuotion, que cete demande estoit faite, attendu que ce n'estoyent point les Euesques d'Allemagne, qui le faisoient, ains gens qui ne donnoient aucun signe de spiritualité. Que, pour luy, il ne pouuoit comprendre comment ils estoient penitens, & vouloyent retourner à l'Eglise, & croire qu'elle fust conduite par le Saint Esprit, demeurans ainsi obstinés à n'y vouloir retourner sans cete grace: que cete obstination demonstroient bien, qu'ils n'auoyent le vray fondement, ou cause formelle de la foy. Que ce que le Concile de Basse auoit autresfois accordé cela aux Bohemiens, auoit esté à cause qu'iceux s'estoyent absolument remis à l'Eglise, laquelle par apres le leur auoit concédé par benignité. Qu'il ne faut appeler vray remede celuy, lequel n'est point necessaire, pour la nature & propriété de la chose, mais seulement pour la malice des hommes: laquelle le Concile ne doit nourrir ne fomentier, que c'est assez imiter l'exemple de Christ à rechercher les brebis esgarées, quand on les appelle, conuie, & prie. Qu'il valoit mieux en tout euement, si tant estoit qu'il falust de necessité accorder cete grace, que ce fust le Pape, lequel aussi la pourroit reuoker, en cas que les conditions apposees ne fussent accomplies: & que si le Concile l'accordoit, & que puis le pape la voulust annuler, les heretiques, lesquels procedent tousiours par faussetés & tromperies, pretendroyent, qu'il ne le peut faire, & que son autorité n'est point par dessus le Concile.

Antoine Gorrioner, Euesque d'Almerie en Espagne, dit, Qu'il se fortoit en la negatiue par les mesmes raisons, qu'auoyent employées les defen-seurs de l'affirmatiue. Que, quoy que Dieu donnast beaucoup d'aides aux impenitens, comme predications, miracles & bonnes inspirations: il ne leur dispensoit iamais pourtant les Sacremens: ains aux seul penitens. Que si on vouloit se laisser mouuoir par la charité, il estoit raisonnable d'aduiser à l'exercer premierement à la conseruation des Catholiques, plustost qu'à la reduction des heretiques. Qu'il falloit ensuiure le Concile de Constance, lequel, pour maintenir les bons enfans de l'Eglise, auoit interdit la Communion du Calice, enuiegnée par Iean Hus: & que de mesmes en falloit-il faire à present, enuers les Lutheriens. Que cete concession ouuriroit la bonde à maux infinis: qu'il demanderoyent en suite le mariage des Prestres, l'abolition des images, des iufnes, & autres saintes institutions: proposant tousiours leurs demandes, comme moyens vniques & necessaires pour se réunir à l'Eglise. Que tout changement de loi, quoy que trespetit, cause grand dommage, sur tout estant en faueur des heretiques. Qu'aussi peu pouuoit-il conseiller que le Pape le fist: quoy que de vrai il y auroit moins de mal, si c'estoit lui qui le faisoit: & les peuples s'en offenseroyent moins, que si la concession en estoit faite par le Concile, lequel, en l'opinion des peuples, semble auoir plus d'autorité en ses definitions: quoy qu'il faille aduouer que le souuerain pouuoir est au Pape. Et que quand icelui l'accorderoit, il n'en faudroit point commettre la dispensation aux Euesques, quoy que recom-mus pour gens de bien pour quelque temps: d'autant qu'ils peuuent deuenir mauuais, & perueris en la foi, estans mus & emportés par leurs propres & particuliers interests.

François del Gado, Euesque de Lugo, en Espagne, fit vne longue exhortation aux Peres, que pour fuir difficultés, ou pour donner contentement aux Princes, ils ne derogassent point à l'autorité & à la dignité des Conciles

generaux, laquelle ayant en tout temps esté en singuliere estime en Eglise, selon que chacun fait, au moyen dequoy la foi auoit esté conseruee & maintenue: il ne falloit point venir à present à la laisser vilipender par esgards & interests. Là dessus il allegua plusieurs passages de S. Augustin, touchant l'autorité des Conciles generaux, & recita les choses faites par les Conciles du temps passé: & exalta souverainement l'autorité Synodale. Et, quoi qu'il ne condescendist jamais à en faire comparaison avec la Papale, chacun ne laissa pas de bien comprendre, qu'il mettoit la Synodale au dessus. Ierome Guerin, Euesque d'Imole en Romagne, vsant de conceptions & de paroles peu dissemblables, releua grandement l'autorité des Conciles, mesmes prouinciaux, pour confirmer son opinion, de ne point ottroyer le Calice: disant, Qu'il falloit tenir leur autorité pour obligatoire, iusques à tant qu'un Concile general eust determiné au contraire: allegant sur cela S. Augustin: & en l'ardeur du discours il lascha ces paroles, Que le Concile general n'a aucun superieur. Mais puis apres s'apperceuant que les autres partisans du Pape, (car lui mesmes estoit de ce nombre-là) s'en estoient offensés, il tacha de se corriger, repliquant les mesmes choses, mais y adioustant l'exception de l'autorité Papale. Mais par cete procedure il ne satisfist ny à l'un ny à l'autre party. Il ne laissa pas toutesfois d'estre excusé de la plupart des siens, lesquels attribuerent ce qu'il en auoit fait, à inconsideration: d'autant qu'à diuerses occasions, es Congregations precedentes, il auoit redargué ceux, qui alleguoient le Concile de Basle, auquel la superiorité du Concile sur le Pape auoit esté establie. Le Cardinal Simonete, quoi qu'il se seruist de luy à faire semblables oppositions, dont nous auons parlé cy dessus, ne laissa pas pourtant d'interpreter sinistrement le fait, & de luy imputer, qu'il s'estoit laissé emporter à sa passion, pour ce que les Bulles de son Eueché ne luy auoyent esté gratuitement expediees comme il pretendoit.

La dernière Congregation sur cete matiere fut tenue le cinquième Septembre & d'entre ceux: qui parlerent in icelle, fut Richard de Vercel, Abbé de Prenal à Genes, Chanoine Regulier, lequel, soustenant la negatiue, dit, Qu'au Concile de Basle cete matiere auoit esté disputee par plusieurs iours: & que toute cete dispute estoit encor en estre, ayant esté recueillie par Frere Iean de Ragouze, procureur des Iacopins: & finalement fut desmy & arresté, de refuser absolument le Calice aux Bohemiens: & que pourtant on ne pouuoit auicurd'huy venir à autre deliberation, sans faire paroïr au monde que l'Eglise eust alors erré en vn Concile General. L'Euesque d'Imole, voulant amender son propre excès, le reprit de ce que il donnoit autorité à ce Concile Schismatique: & le taxa de trop de hardiesse & temerité, en ce, qu'apres que ceux, qui simplement allegoyent le Concile de Basle, auoyent esté tant de fois censurés, luy non seulement le produisit lors, mais mesmes luy donna l'autorité de Concile general. L'Abbé repartit, Qu'il s'estoit tousiours esbahy, & lors encor plus que iamais, de ceux qui parloyent ainsi de ce Concile-là: attendu qu'en la Session prochainement precedente, les quatre Chapitres, decretés sur la matiere du Calice, estoient tirés & copiés de ce Concile-là: & que pour luy, il ne pouuoit voir comment on pouoit mieux approuuer vn Decret, qu'en le renouellant non seulement au sens, mais mesmes es paroles. Et là dessus s'eschauffant, il s'emancipa à dire, Qu'attendu le Decret de ce Concile, la demande du Calice sentoït l'heresie, & le peché mortel, Dont il s'esleua du murmure: & comme iceluy vouloit encor fuire plus outre, le Cardinal de Mantouë luy imposa silence: dont il s'arresta, & demanda pardon & apres auoir dit encor quelque peu de paroles, il finit.

Afin de n'auoir plus à retourner à parler de cet Abbé, i'adiousteray en cet endroit, qu'il estoit marqué, & sur les memoires des Legats: d'autant qu'on auoit descouuert, que le seizième Aoust il auoit de bon matin esté chez les Ambassadeurs de France, pour demander, si leurs Euesques ne viendroyent pas: & pour les exhorter de les solliciter à venir bien tost, & es Congregations qui se tinrent sur le point du Sacrifice, il reuoqua en doute, si

1562.

L'autorité du Pape estoit par dessus celle du Concile : adioustant , que , quand on viendroit à parler de cela , il en diroit son aduis librement. Dont toutes ces choses ramassées , & meurement pesces par les Legats, il fut iugé, qu'il n'estoit pas expedient qu'une telle humeur se trouuast à l'arriuee des François : & partant aduiserent de moyener que son General l'appelast, comme pour affaires de sa Congregation , pour l'oster de Trente , sous cet honneste pretexte. Mais, il n'en fut ia besoin : car ce pauvre Pere, de regret & affliction d'esprit, tomba malade, & le vintxieme Nouembre il trespassa. En cetemesme Congregation, Frere Iean Baptiste d'Ast General des Serfs de Sainte Marie, s'ostenant aussi la negatiue, abbatit les fondemens des aduersaires, & s'estendit sur le Concile de Constance, lequel auoit le premier fait Decret sur cete matiere; & en louant l'autorité d'iceluy, il l'exalta par dessus les autres Conciles generaux, disant, Qu'il auoit depose trois Papes. Chose, qui n'agrea nullement, mais fut passee sous silence, pour ne faire choquer tant de choses tout ensemble.

Les Legats
se resolurent
de remettre
l'affaire au
Pape:

Apres que tous les suffrages eurent esté dits, les Legats, desirans de donner contentement à l'Empereur, & ne sachans comment cela se pourroit faire au Concile, se resolurent de faire tout deuoir, que l'affaire fust remis au Pape: esperans d'amener par offices & brigues, ceux de la negatiue à condescendre à cet aduis, comme moitoyen. Et donnerent charge à Iaques Lomellin, Euesque de Mazare, en Sicile, & à l'Euesque de Ventimile, d'y travailler avec dextérité, & circonspection: & les Legats mesmes parlerent aux trois Patriarches pour l'opinion de remettre au Pape, & les persuaderent, & par leur moyen aussi furent gagnés tous ceux de la Seigncurie de Venise, qui estoit vn nombre grandement considerable. Apres s'estre asseurés du nombre, qui leur sembla suffisant, ils crurent d'auoir surmonté toutes difficultés, & reduisirent l'affaire à ce point, d'escrire vne lettre au Pape en la forme accoustumee, luy enuoyant vne note de tous les suffrages: Mais, pendant qu'ils aduisoyent à la forme de la lettre, l'Euesque des Cinq Eglises, en ayant esté aduertey, declara qu'il ne se contentoit point, s'il n'en paroïssoit quelquel Decret en la Session: attendu, qu'ayant esté reserué en la precedée Session de traiter ces deux Articles, lesquels à present estoient digerés, & resolus, il estoit necessaire d'en faire apparoir la resolution es Actes de la Session.

Le Cardinal de Vvarmie luy remonstra, combien il estoit malaisé & dangereux, de proposer aucun Decret: & que, pour paruenir à son but, il luy conseilloit de se contenter de la lettre au Pape. Mais il n'y aquiesça point: dont en fin ils se resolurent de faire vn Decret, qui seroit lu en la Session. Eniceluy, il voulut qu'il fust dit, que le Concile, ayant reconu qu'il estoit expedient d'accorder l'usage du Calice, remettoit au Souuerain Pontife le iugement à qui, & sous quelles condition il deuoit estre accordé. Mais les Legats luy remonstrerent, que plusieurs qui auoient opiné que l'affaire fust remis au Pape, suiuoyent cet aduis, d'autant qu'ils n'estoyent pas asseurés s'il estoit expedient : & que tous ceux là seroyent contraires au Decret: & qu'il estoit impossible de franchir ce pas, de faire declarer que l'ottroy estoit expedient: & qu'encores qu'on le pust faire, il estoit bon de laisser refroidir vne si grande ardeur par l'interposition d'une semaine. L'Euesque des Cinq Eglises acquiesça, & apres qu'on eust arresté de differer le point du Calice, on proposa de vaquer à establir le Decret du Sacrifice: pour, par iceluy, frayer le chemin à la proposition de la Communion. Le Legat de Vvarmie, à la sollicitation des leuites Lainez, & Torres, trauersa cete affaire: & proposa vne autre forme du Decret du Sacrifice, à l'esgard de l'oblation de Christ en la Cene, & y eut beaucoup à faire à le faire deporter. Finalement, apres que ils eurent quasi esté hors d'esperance de pouoir estre prests pour tenir la Session au temps assigné, en la Congregation du septiesme Septembre, le Decret du Sacrifice fut arresté, ayant esté receu par le plus grand nombre: nonobstant que l'Archeuesque de Grenade fist tout deuoir pour y entreiecter empeschemens, & dilations.

Decret du
Sacrifice ar
resté:

Apres

Après cela furent proposés dix Articles, pour reformation des abus elcheans en la Messe: & onze autres, sur diuerses matieres de reformation, lesquels tout à dessein furent choisis de choses aisées, & non suiettes à contradiction, & fauorables à l'autorité Episcopale: afin qu'il n'entreuinst quelque retardement par l'opposition d'aucun. Ce que les Ambassadeurs, & les Prelats, sauoient tresbien, & s'en plaignoient aussi. On commença à discourir sur ces Articles le neuuiesme Septembre, & les Prelats s'en desmeslerent en peu de paroles, parlans iusques au nombre de quarante par Congregation: & n'y eut aucune opposition particuliere: sauf que l'Euesque de Philadelphie dit, que l'Allemagne estoit en attente, qu'on traiteroit de choses graues & importantes au Concile, desquelles il en specifica diuerses: & entr'autres, la creation des Cardinaux, & la pluralité des Benefices. Jean Suarez, Euesque de Conimbe, en Portugal, dit, Qu'il ne trouuoit pas bon de negliger les choses petites: mais qu'il luy sembloit bien, que la dignité du Concile requeroit, qu'on suiuit quelque ordre special, & qu'on vist pour qu'elle cause estoient plustost proposez ces points qu'autres: que la reformation deuroit commencer par le Chef, & de là passer aux Cardinaux, & puis aux Euesques, & consequemment aux autres degrés inferieurs qu'en faisant autrement & traitant la reformation en la matiere encomencée, il craignoit qu'on ne feroit que prouoquer le desdain des Catholiques, & les risées des Protestans. L'Euesque de Paris dit, qu'il y auoit cent cinquante ans, que le monde requeroit reformation au Chef, & es membres, & auoit esté frustré iusques à present. Qu'il seroit meshy temps de luy faire paroir, qu'on y trauaillloit tout à bon, & non feintement: qu'il desiroit qu'on ouyist aussi les François sur les necessitez de leur Royaume, auquel on auoit fait vne reformation beaucoup plus vtile, que celle qui estoit lors proposee au Concile. L'Euesque de Segouie dit, qu'on faisoit comme le medecin ignorant, lequel es maladies mortelles donne seulement vn lenitif, ou oint d'huiles. L'Euesque d'Oreate, Espagnol, dit, que sa Sainteté ne deuoit permettre tant de pouuoir à la Croisade, & à la fabrique de S. Pierre: en vertu desquelles chacun en Espagne vouloit auoir des Messes en sa maison: que si icelles n'estoient moderées, les reiglemens du Concile seroient vains & frustratoires. Qu'il estoit necessaire de faire vne declaration, que les Decrets du Concile general obligent aussi le Chef. Mais, s'estant là defus esleué du murmure, il fit signe qu'on fust silence, & adiousta, qu'il entendoit, quant à la vertu directiue, & non quant à la coactiue. Et suiuit à dire, qu'il estoit necessaire de trouuer aussi quelque moyen, qu'il n'y eust point de procez, ou du moins, non en si grand nombre, ny si longs, pour causes beneficieles: que cela causeroit infinie depense, defaut au seruice de Dieu, & scandale au peuple. L'Euesque des Cinq Eglises parla sur le point de la collation des Eueschez, exposant les paroles qu'il auoit autresfois dites, que on promouoit personnes viles & indigne: & declara que l'abus venoit des Princes, lesquels les recommandoient au Pape, avec beaucoup d'instance & mesmes importunité: & que ces Eueschez seroient mieux colloqués es personnes des palefreniers de sa Sainteté. Et se plaignoit que ses paroles auoient esté sinistrement interpretées.

L'Agent d'Espagne forma vn grief, au nom du Roy, son Maistre, de ce qu'au Chapitre huictiesme on donnoit tant d'autorité aux Euesques, sur les Hospitaux, monts & rentes constituées de pitié, lieux pieux, & autres, particulièrement, à l'esgard du Royaume de Sicile, pour priuilege, que ce Royaume a d'ancienneté, qui est nommé, la Monarchie. Pour le contenter, les Legats adiousterent cette clause au Chapitre, Reseruant les lieux, qui sont immediatement sous la protection des Roys. Ces choses acheuees, les Legats se trouuerent bien à l'estroit, n'y ayant plus que trois iours iusques à la Session, & cependant y ayant encor tant de choses indecises, & sur tout icelle, qui importoit le plus, & en laquelle chacun portoit plus de vehemence & de passion, assçauoir, la matiere du Calice, & aduint vn accident, qui fit

Xxx

Articles
d'abus en
la Messe;
& de Re-
formation
proposez en
congrega-
tion à exa-
miner avec
plaintes &
instances
d'autres
plus sen-
sés

grief de
l'Agent
d'Espagne
contre vn
de ces ar-
ticles, ac-
commodé,
difficulté
nouuelle
sur la re-
ue de la
Session.

quasi resoudre d'allonger le temps de la Session. C'est, que l'Ambassadeur de France fit forte instance au Pape au nom de son Roy, de faire différer la Session iusques à l'arriuee des Prelats François : à quoy le Pape, quoy qu'il n'ouïst rien tant à contrecœur, que de parler de prolongation du Concile, tant par son inclination propre, que par celle des Cardinaux, & de toute la Cour, qui esperoït & desiroit passionnément de le voir terminer, & separe pour tout le mois de Decembre: respondit, pour ne descourir les craintes, que cela ne luy importoit de rien : mais que le tout deuoit dependre de la liberte des Peres, lesquels il ne falloit s'esbahir s'ils abhorroient la dilation: attendu leur longue & incommode demeure à Trente: & qu'il estoit raisonnable d'auoir esgard à leurs trauaux: & que, pour luy, il ne pouuoit, ny ne deuoit les contraindre, ny leur imposer loy, contre la coustume. Mais bien qu'il escriroit aux Legats, de l'instance qui luy estoit faite, & declareroit, que pour luy il estoit content de la dilation. Que c'estoit tout ce qu'on pouuoit requerir de luy, & que de cela le Roy se deuoit contenter. Il escriuit en ce sens, mais adiousta, qu'ils vsassent de cette permission, selon que les Peres verroient à faire. Cette lettre, avec ce qui fut escrit par l'Eueque d'Aulphin, Nonce par deuers l'Empereur; & l'instance des Imperiaux, qu'on ne publiast encor les Decrets de la Messe, outre ce qu'ils estoient encor mal prests, firent encliner partie des Legats à la dilation. Mais Simonete, qui auoit bien compris l'intention du Pape, plus comme il l'auoit en sa teste, que comme elle estoit exprimée en sa Lettre, tint si ferme & roide, qu'il fut resolu au contraire. Et donna aduis à Rome, combien il estoit dangereux de mettre en doute les commissions absolues baillées auparauant, de venir à l'expedition, par des autres conditionnées, pour bailler contentement de paroles: fomentant par ce moyen les mal intentionez à trauerser les bonnes resolutions; & delchargeant sur eux Legats le fardeau: ce qui les rendoit odieux, & leur faisoit perdre la reputation, & les rendoit inhabiles à faire le seruice des affaires de sa Sainteté. Simonete fut fauorisé par l'euuenemens: d'autant que, n'y ayant nulle opposition de consequence, le Chapitre des abus de la Messe fut estably, avec les onze de la Reformation: au Decret de la Cōmunion y eut moins de difficulté qu'on ne croyoit. Ce Decret ne passa point à la premiere proposition: d'autant qu'il portoit, que le Pape, mesmes par l'aduis & consentement du Concile, fit ce qu'il trouueroit à faire: ce qui fut impugné, tant par ceux qui tenoient la negatiue, que par ceux qui renuoyoient l'affaire au Pape. Ce qui induisit les Legats à se resoudre, de laisser tout à fait cette matiere: & l'ayant ainsi delibéré, ils en firent excuse aux Imperiaux, attendu que la faute ne venoit ne du Pape, ne d'eux. Les Ambassadeurs requirent, que le Decret fust proposé, en ostant la clause, de l'aduis & approbation du Concile. Mais les Legats, tenans pour asseuré, que cette proposition pourroit causer dilation à la Session, se rendirent difficiles pour cette seule cause. Et les Ambassadeurs protesterent, que voyans qu'on faisoit si peu d'Etat de l'Empereur, ils n'entretiendroient plus ny en Congregation, ny en Session, iusques à ce que sa Majesté, apres auoir esté aduisee de tout, y eust donné l'ordre conuenable à la dignité Imperiale. Dont les Legats, non seulement se contenterent de proposer le Decret en ostant la susdite clause, mais aussi promirent d'y rendre bon deuoir, & d'y employer mesmes des autres. Le iour d'apres, lequel precedoit immédiatement la session, la proposition, ainsi corrigée, passa par la plus grand voix, quoy que contredite par tous ceux du party de la negatiue, à la grand ioye des Legats, & des partisans du Pape: tant, pource que la Session n'estoit point prolongée, ce qu'ils redoutoient grandement: qu'aussi, pource qu'il leur sembloit, qu'il y auoit de l'auantage pour la dignité du Pape: que la grace à faire à ceux qui demandoient le Calice, dependist totalement de l'autorité d'iceluy. Mais les Imperiaux quoy qu'ils fussent assez contens quant à cette particularité: voyant que la Session seroit prestee, & qu'il estoit impossible de plus empes-

*surmonTEE
par le Legat
Simonete,

Decret de
la remise
du fait du
Calice au
Pape est
en finesse
blie,*

cher la publication de ce qui concernoit le Sacrifice de la Messe, selon l'instance qu'ils en auoient auparauant faite au nom de l'Empereur; s'estans au preallable vnis avec les François, malcontents de ce que l'office fait à Rome au nom de leur Roy, n'auoit point porté d'effet: le mesme iour après midy 1562. mais les Ambas de de diners Princes mesconts tiennent une assemblee pour former des plaintes & une sorte de vraye reformation, assemblèrent tous les Ambassadeurs chez eux disant, de vouloir consulter quelque affaire important à tous les Princes. Ceux de Venise, & celuy de Florence, s'excuserent, allegans den'y pouoir entreuenir sans commission expresse de leurs Seigneurs. En cette Assemblée, l'Euesque des Cinq Eglises, représenta par vn long discours, que iusques alors n'auoit esté traitée chose d'aucune vtilité: qu'on y auoit disputé vainement des dogmes, sans aucun profit contre les heretiques, lesquels sont obstinés à ne changer d'opinion: ne pour les Catholics, qui n'en ont point de besoin: & pour la Reformation, n'auoient esté proposées choses que très legeres, & de nulle consequence: des Notaires, des Questeurs, & autres semblables, Qu'on pouoit clairement voir. que les Legats tendoient à faire aussi la Session prochaine suivant le mesme style, & apres icelle pour suiure de mesmes, faisant filer le temps par disputés, doctrines & Canons, de l'Ordre du Mariage, ou de quelque autre chose legere: pour fuyr à leur accoustumée, les choses substantielles de la Reformation. Par ces raisons, & autres lesquelles il amplifia grandement, il persuada les Ambassadeurs de s'vnir ensemble, & d'aller aux Legats, & de faire instance, que pour cette Session-là on intermist de parler des Sacremens, & de faire Articles de doctrine ou Canons: d'autant qu'il estoit meshuy temps de trauailler à vne bonne reformation, d'oster tant d'abus & de corriger les mauuaises mœurs, & faire en sorte que le Concile ne fust infructueux. Le Secretaire Agent d'Espagne n'y voulut consentir: d'autant que le Roy, son Maistre, pretendait qu'au moins à la fin du Concile fust faite declaration de la cōtinuation, craignoit de se faire preiudice, si la maniere de proceder, obseruée iusques alors; de traiter ensemble la Doctrine & la Reformation, estoit changée: attendu que par ce changement on pourroit arguer que la nouuelle maniere de proceder demonstroit que c'estoit vn nouueau Concile. L'Ambassadeur de Portugal, monstrant par vn long circuit de paroles flotantes, qui ne concludoyent rien, qu'il desiroit bien la reformation, mais qu'il desiroit de l'obtenir par voyes plus douces, se retira de la compagnie. Celuy de Suisse aussi, à l'exemple de ces deux, & considerant que celuy de Venise n'estoit point entreueu en cette Assemblée, craignant de faillir, dit, qu'il vaudroit mieux consulter la chose plus meurement tout de nouueau, auant que faire aucune resolution. Tous les autres resolurent d'aller aux Legats.

Lansac selon qu'il auoit esté conuenu entr'eux, porta la parole pour tous: & dit, qu'ils estoient enuoyez par leurs Princes pour assister & fauoriser le Concile, & pour procurer qu'on y procedast duement, non par disputes de la Doctrine, de laquelle, attendu qu'ils estoient tous Catholics, nul n'estoit en doute, & lesquelles aussi estoient superflues en l'absence de ceux, qui l'impugnoient: ains, pour solliciter vn bonne, sainte, & entiere reformation des mœurs. Mais puis que, nonobstant toutes leurs remonstrances, tant de fois reytérées, ils voyoient qu'on auoit voulu determiner les principaux points contentieux de la Doctrine, sans toucher, que bien legerement, la reformation; ils prioient que la suiuite Session fust employée seulement en icelle: & qu'on en proposast des articles plus importants & necessaires, que n'estoient ceux, dont on auoit parlé iusques alors. Les Legats respondirent en mesme forme qu'autres fois, Que le desir du Pape, & d'eux, estoit bien de faire ce qui seroit pour le seruice de Dieu, & le bien de l'Eglise; & de contenter & gratifier tous les Princes mais, qu'il n'estoit pas ce qui est doucement rabattre par les Legats, conuenable de rompre l'ordre tousiours obserué au Concile, de traiter conjointement la Doctrine & la Reformation. Que les choses, qui auoient iusques alors esté faites, n'estoient qu'un eschantillon, & commencement: qu'ils auoient bonne intention de faire tousiours mieux: qu'ils receuroient

ger pour la defense d'iceluy. Et dit, que le principal default de l'heretique, selon Sainct Paul, estoit, qu'il ne retenoit point le Chef, duquel depend l'as-
 semblage de tout le corps. Et en quatre paroles il effleura, que Christ estoit le Chef inuisible de l'Eglise, mais fit vn long discours que le Pape en estoit le Chef iuisible. Il exalta l'exacte diligencé de sa Saincteté à pouruoir au Concile, & rarement à chacun son deuoir de conseruer la dignité de son Chef. Et enfin il loia la pieté, & la modestie des Peres: pria Dieu, de vouloir donner bon progres, & glorieuse issue à ce Concile, tel qu'auoit esté le commencement.

— Apres la Messe, furent luës lettres du Cardinal Amule, lequel, comme ^{lettres;} protecteur des nations Orientales Chrestiennes, donna aduis au Concile, ^{aduis, con-} comment Abdissi, Patriarche de Muzal, en l'Assyrie de delà l'Euphrates, ^{señsions de} estoit allé à Rome. & y auoit visité les Eglises, & auoit rendu obeissance au ^{foi du Pa-} Pape, & auoit receu de sa Saincteté la Confirmation, & le Manteau. Et re- ^{triarche} presentoit que les peuples suiets à iceluy auoient receu la foy par le moyen ^{d'Assirie;} des saints Apostres Thomas & Thadee, & d'un leur discipule, appelé Marc, ^{luës en la} conforme en tout à celle de Rome, avec les mesmes Sacremens, & ceremonies, dont ils auoient des liures escripts dès le temps des Apostres. Et adiou-
 stoit pour la fin, le grandeur du pays suiuet au gouuernement de ce Prelat, le-
 quel s'estend iusques à l'Inde interieure, avec peuples innombrables, en
 partie suiets au Turc, en partie au Sophy de Perse, en partie au Roy de Por-
 tugal. Apres la lecture de cette lettre, l'Ambassadeur de Portugal fit vne
 protestation, que les Euesques Orientaux, suiets de son Roy, ne reconnois-
 soient aucun Patriarche pour superieur: & que par l'admission de ce Patriar-
 che ne fust fait aucun preiudice ny à eux, ny à leur Roy. Apres fut luë la cõ-
 fession de foy, faite par ledit Patriarche à Rome le septieme Mars, en laquel-
 le il iuroit de tenir la foy de sainte Eglise Romaine, & promettoit d'approu-
 uer & de condamner ce quelle approuuoit & condamnoit, & d'enseigner le
 mesme aux Metropolitains, & Euesques diocesains, ses suiets. Puis furent
 luës les propres lettres adressees au Concile, par lesquelles il s'excusoit de ne
 pouuoir aller au Concile, à cause de la longueur du chemin: & prioit, qu'a-
 pres qu'il seroit acheué, les Decrets luy en fussent enuoyez, promettant de
 les faire obseruer entierement. Ces mesmes choses auoient desia esté luës
 en la Congregation, mais on n'y fit point de consideration. Mais la protesta-
 tion de l'Ambassadeur Portugais esueilla les esprits à considerer diuerſes
 absurditez qu'il y auoit en ce narré; & s'en esleua quelque murmure, & les
 Portugais se mettoient ia en action pour parler. Mais le Promoteur, par
 commandement des Legats, dit, qu'en Congregation on parleroit de cet
 affaire.

De l'on suiuit aux Actions Synodales: & l'Euesque officiant lut la doctri- ^{Decret de}
 ne du Sacrifice de la Messe, diuisee en neuf Chapitres: laquelle contenoit ^{la doctrine}
 en substance, Premièrement, que pour l'imperfection de la Sacrificature ^{de la messe}
 Leuitique, il y auoit eu besoin d'un autre Sacrificateur selon l'ordre
 de Melchisedec: que celuy-là auoit esté Nostre Seigneur Iesus-Christ le-
 quel, quoy qu'il deust s'offrir vne seule fois sur l'Autel de la Croix, pour
 acquerir la redemption eternele: auoit neantmoins voulu laisser à son Eglise
 vn sacrifice visible, representatif de celuy de la Croix, & applicatif de la ver-
 tu du mesme: & se declarant Sacrificateur selon l'ordre de Melchisedec,
 auoit offert à Dieu, son Pere, son corps & son sang, sous les especes du pain
 & du vin, sous lesquelles aussi il auoit baillé l'un & l'autre à ses Apostres, pour
 le receuoir: & auoit commandé à eux & à leurs successeurs, de les offrir: &
 que c'estoit-là l'oblation, pure, predite par le Prophete Malachie, laquelle
 S. Paul appelle, Table du Seigneur, laquelle aussi auoit esté figurée par di-
 uers sacrifices du temps de la Nature, & de la Loy. Secondement, D'autant
 que le mesme Christ, qui fut offert sur la Croix avec sang, est sacrifié en la
 Messe sans sang, le Concile enseigne que ce Sacrifice de la Messe est vraye-
 ment propitiatoire, & que Dieu, appaisé par iceluy, donne le don de la re-

1562.

penitance, & rémet tous les pechez : attendu que c'est éne mesme hostie, & vn mesme offrand, par le ministre des Prestre, que celuy qui s'offrit iadis soy-mesmes sur la Croix : la différence n'estant qu'en la maniere. Et que par ce Sacrifice de la Messe n'est fait aucun prejudice, ne derogé à celuy de la Croix, ains par celuy de la Messe on perçoit les fruits de l'autre. Et pourtant, que légitimement, selon la tradition des Apostres, il est offert, non seulement pour les pechez, peines, satisfactions, & autres necessitez des vians : mais aussi pour ceux qui sont tres-passez en Christ, & ne sont encor parfaitement purgez. En troisieme lieu, Quoy que quelques Messes soient celebrées en l'honneur & memoire des Saints trespassez, le Sacrifice n'est pas pourtant offert à eux, ains à Dieu. En quatrième lieu, d'autant qu'il faut offrir iceluy avec reuerence, l'Eglise, des plusieurs siecles, a ordonné le Canon de la Messe, net de tout erreur, compose des paroles du Seigneur, de la tradition des Apostres, & des constitutions des Papes. En cinquieme lieu Sainte mere Eglise, pour l'edification des fideles a ordonné certaines obseruances, de prononcer en la Messe quelques choses à voix basse, & quelques autres à haute : & y a adiousté quelques ceremonies, comme benedictions, luminaires, encensemens, vestemens, par tradition Apostolique. En sixieme lieu, Le Concile ne condamne point, comme priuées & illicites ains approuuées les Messes, esquelles le seul Prestre communie : attendu qu'elle ne laissent pas d'estre communes, veu que le peuple y communie spirituellement : pource qu'elles sont celebrées par vn Ministre, & pour tous fideles. En septieme lieu, L'Eglise a commandé de tremper d'eau le vin au Calice : d'autant que Christ l'a fait ainsi, & du costé d'iceluy sortit sang & eau : & par ce meslange aussi est représenté l'vniou du peuple, (selon qu'en l'Apocalypse les eaux sont les peuples) avec Iesus-Christ, son Chef. En huitieme lieu, combien qu'en la Messe soit contenuë vne grande instruction pour le peuple ; les Peres n'ont pas toutesfois iugé expedient qu'elle soit celebrée en langue vulgaire. Et partant, ordonnent que l'vsage de l'Eglise Romaine ; Mere & Maistresse de toutes les autres, soit gardé : mais aussi enjoint à tous Pasteurs, & autres ayant cure d'ames, que frequemment ils exposent, ou par eux mesmes, ou par autres, en la celebration de la Messe, quelque chose de ce qui se lit en icelle : & sur tout les iours de Dimanche, & de festes. En neuvieme lieu, Pour condamner les erreurs, semez contre cette doctrine, le Concile, apres de longs, & serieux traitez sur cette maniere, constitue les suiuns Canons & Anathemes :

Anathe-
matismes
sur la mes-
me maniere

Le premier, Contre qui dira, qu'en la Messe n'est point offert vn vray & propre Sacrifice à Dieu, Le deuxieme, Contre qui dira, que par ces paroles de Christ, Faites cecy en memoire de moy, il n'a point ordonné des Sacrificateurs, & ne leur a point commandé d'offrir. Le troisieme, Contre qui dira, que la Messe n'est qu'un Sacrifice d'action de grace, ou de louange, ou vne nuë commemoration du Sacrifice de la Croix, & non vn vray Sacrifice propitiatoire : ou bien, qu'il ne sert qu'à ceux qui le recoient, & ne doit estre offert pour les vians, ne pour les morts ; ne pour les pechez, peines, satisfactions, & autres necessitez. Le quatrième, contre qui dira, que par le Sacrifice de la Messe est derogé à celuy de la Croix. Le cinquieme, Contre qui dira, que c'est vne imposture de celebrer Messe en l'honneur des Saints. Le sixieme, Contre qui dira, qu'il y a des erreurs au Canon de la Messe & que pourtant il le faut abolir. Le septieme, Contre qui dira que les ceremonies, vestemens & autres signes extérieurs vsitez en la Messe, sont plustost inductions à impieté, qu'offices de pieté. Le huitieme, Contre qui dira, que les Messes esquelles le seul Prestre communie, sont illicites. Le neuvieme, contre qui condamnera l'vsage de l'Eglise Romaine de prononcer à voix basse vne partie du Canon, & les paroles de Consécration : ou dira, que la Messe doit estre celebrée en langue vulgaire, ou qu'on ne doit mesler l'eau avec le vin.

contradi-
ctions de
quelques
uns,

Les Peres consentirent au Decret prononcé, sauf qu'en cette particula-

rité, que Christ s'estoit offert soy-mesmes en la Cene: à quoy vingt trois Euesques contredirent: & quelques autres dirent, qu'ils tenoient bien cela pour vray: mais ne iugeoient pas, que le temps, ne le lieu portassent d'en faire Decret: & les suffrages furent rendus avec quelque confusion, pour le grand nombre, qui parloit tout à la fois. Le premier a dissenter, fut l'Archueuesque de Grenade, lequel, n'ayant presté son assentiment en ce point es Congregations, auoit deliberé de ne se trouuer à la Session, afin de n'auoir occasion d'en faire de mesmes enicelle. Mais les Legats, ne le voyant point à la Messe, l'enuoyerent appeller par plusieurs fois, & en fin le contraignirent d'y aller: & par ce moyen exciterent en luy encor plus de volonté de contredire. Tout soudain apres, par le mesme Euesque officiant, fut leu vn autre Decret, pour instruction aux Euesques sur les abus à corriger en la celebration des Messes. Iceluy contenoit en substance, Que les Euesques ayent à interdire toutes les choses introduites par auarice, par irreuerence, ou superstition. Et particulièrement designoit, pour defect d'auarice, les padions & conuentions de pris & payement, tout ce qui est donné pour les Messes qui se celebrent pour les personnes particulieres, & les importunes exactions d'aumosnes. Pour irreuerence estoit marqué, d'admettre à dire Messes, les Prestres vagabonds, & inconnus; & les publics & notoires forfaiturs de celebrer Messes en maisons priuées, & en autre lieu quelconque hors d'Eglise, & d'Oratoire: d'assister à la Messe en habit indecent, & mal honneste: d'vser es Eglises de Musique meslee de chants ou sons lascifs: de faire en icelles aucun acte seculier; comme de deuiser de choses vaines & profanes, & se pourmener, de faire bruit, ou clameur. Pour superstition estoit noté, de celebrer Messe hors des heures deuë, & avec autres ceremonies & prieres, que celles qui sont approuuées par l'Eglise, & receuës par l'usage: d'auoir vn certain determiné nombre de Messes, & de chandees. Il ordonna aussi que le peuple fust admonesté de se rendre chacun à sa paroisse, au moins es iours de Dimanche & es grandes festes: declarant que ces choses estoient proposées aux Prelats, afin que de l'autorité, que leur donne le Concile, & aussi comme deleguez du Siege Apostolic, ils interdissent & corrigassent, non seulement ces choses, mais aussi toutes autres semblables.

*Decret sur
les abus de
la Messe.*

Le Decret de la Reformation contenoit onze Chapitres. Le premier, Que tous les Decrets des Papes, & des Conciles, concernant la vie & l'honneste, & la doctrine des Clercs, soient à l'aduenir obsernez, sous les mesmes, voire encor plus grieues peines, à l'arbitrage & volonté de l'Ordinaire: & que ceux qui sont surannez & abolis, soient remis en usage. Le deuxième, Qu'o n'ait à auancer aux Eueschez personne, laquelle outre les qualitez requies par les Saincts Canons, n'ait eu les Saincts Ordres six mois auparavant: & que si de toutes ces qualitez n'y a suffisante notice à la Cour, qu'information en soit prise des Nonces, de l'Ordinaire, ou des Ordinaires voisins. Que celuy qui doit estre promu Euesque, soit Maistre, ou Docteur, ou Licencié en Theologie, ou Droit Canon: ou bien qu'il soit capable d'enseigner, par tesmoignage public d'une Academie: & que les Reguliers ayent de semblables attestations des superieurs de leur Religion: & que les attestations; & les verbaux, soient faits & donnez gratuitement. Le troisiéme, Que les Euesques puissent conuertir le tiers des reuenus de routes dignités, personats, & offices es Eglises Cathedrales, ou Collegiales en distributions quotidiennes: à condition, que ceux qui les receurent, soient tenus de faire en personnes le seruice qui leur sera prescrit par l'Euesque: à fau- re de quoy ils en soient priuez sauf, si quelqu'une de ses susdites dignitez n'a point de iurisdiction, de seruice, ou d'office esdites Eglises Cathedrales ou Collegiales, ains la personne, qui les porte, reside en quelque Eglise parochiale du mesme Diocese, qui soit hors la ville, & là rend actuellement le seruice: qu'en tel cas, vn tel soit réputé comme present, & faisant le seruice en l'Eglise Cathedrale, ou Collegiale. Le quatrième, Que nul

*Decret de
Reforma-
tion.*

1562.

n'ait voix en Chapitre, s'il n'est, du moins, ordonné Soufidiacre : & pour l'aduenir quiconque obtiendra vn Benefice, auquel soit annexée quelque charge, soit obligé, dans le terme d'un an, de recevoir les ordres, pour la pouuoir exercer. Le cinquième, Que les commissions des Dispenses hors de la Cour de Rome soient adressées aux Ordinaires : & que les Dispenses données de graces n'ayent aucun effet, iusques à ce qu'il en soit sommairement & hors de iugement connu par les Euesques, comme delegués du Siege : qu'il n'y a eu ny subreption, ny obreption, à les obtenir. Le sixième, que les commutations & changemens des Testamens ne soyent faits, que tout premier les Euesques, comme deleguez du Saint Siege, n'ayent semblablement connu qu'elles ont esté impetrées sans faux donner à entendre. Le septième, Que les Iuges superieurs obseruent, en l'admission des appellations, & es concessions d'inhibitions, la constitution d'Innocent quatrième au chapitre *romana*. Le huitième, que les Euesques, en qualité & de deleguez du S. Siege, soient executeurs des dispositions pieuses, tant testamentaires, qu'entre vifs : qu'ils puissent visiter les Hospitaux, Colleges, & Confrairies des Lays, & celles la mesmement, qu'on appelle Escholes, ou de quelque autre nom que ce soit : excepté celles qui sont immediatement sous la protection des Rois. Que semblablement ils puissent visiter les Monts, ou rentes constituées de pitié, & tous les lieux pieux, quoy qu'estans sous la charge des Lais : & qu'en somme, ils aient la connoissance & l'execution de tout ce, qui appartient au seruice de Dieu, au salut des ames, & substation des paurres. Le neuvième, que les administrateurs de la fabrique de quelque Eglise que ce soit, Hospital, Confratre, Aumosne de Mont de pitié, & de tout autre lieu pitoyable, soyent tenus de rendre tous les ans conte à l'Euesque : & s'ils sont obligez de rendre conte à d'autres, que l'Euesque soit aussi adioint à ceux-là : à defaut dequoy, toutes quitances soyent inuálides. Le dixième, Que les Euesques puissent examiner les Notaires, & leur interdire l'exercice de leur office es affaires & causes spirituelles. L'onzième, Que quiconque vsurpera, ou saisira biens, droits, ou emolumens des Eglises, Benefices, Monts de pitié, & autres lieux pitoyables, Clerc ou Lay qu'il soit, voire mesmes Roy, ou Empereur : soit excommunié, & anathematizé, iusques à tant qu'il ait entierement restitué le tout & qu'il ait obtenu absolution du Pape : & s'il est Patron, que mesmes il soit priué du droit de Patronage : & que le Clerc, qui y consentira, soit suiuet à la mesme peine, & priué de tout Benefice, & declara inhabile à en tenir aucun.

Decret de l'oüroy du Calice remettant l'affaire au Pape. Apres cela, fut leu le Decret del'oüroy du Calice, de cette teneur, que le Concile, ayant en la precedente Session reserué l'examen & la decision des deux Articles touchant la Communion du Calice, à present a determiné de renuoyer & remettre tout l'affaire au Pape, pour en faire, selon sa singuliere prudence, ce qu'il iugera vtilé pour la Chrestienté, & salutaire à ceux qui le requierent. Ce Decret es Congregations n'auoit esté approuvé par le plus grand nombre : & de mesmes aussi le fut-il en la Session, en laquelle les vns y contredirent absolument, estans d'aduis, que le Calice ne fust oüroyé pour cause quelconque : mais il y eut aussi vn certain nombre, qui requit que la matiere fust differée, & derechef examinée. A quoy le Promoteur, au nom des Legats respondit, qu'on y auroit efgard. Et finalement fut intimée la suiuaute Session pour le douzième Nouembre, pour terminer ce qui escherroit sur les Sacremens del'Ordre & du Mariage. Et le Concile fut licentié à la maniere accoustumée, y ayant tousiours de grands discours entre les Peres sur cette matiere du Calice : sur laquelle quelqu'un peut-estre se trouuera curieux de sçauoir, pourquoy c'est, que le Decret, qui en fut prononcé n'a esté mis au corps du Concile, apres celuy de la Messe, comme il sembloit que la matiere requist : ains en vn endroit, auquel il n'a aucune connexité, ny correspondance avec les Articles precedens. Vntel doit sçauoir, qu'il y auoit vne Maxime, generalement tenue au Concile, que pour establir vn Decret de reformation, la plus grande voix

suffisoit

mis avec
la matiere de
Reformation
parquoy

suffisoit: mais que, pour vn Decret de foy, il ne pouuoit estre estably, pendant qu'une partie notable y contredisoit. Et pourtant les Legats, tous asseürés que celui du Calice à peine auroit plus de la moitié des suffrages, delibere-¹⁵⁶² rent de le mettre pour chapitre de Reformation, & mesme tout le dernier, afin de mieux declarer qu'ils le tenoient en ce nombre-là. Il y eut aussi, & lors & quelques iours après, des discours tenus sur le poin de decider, Que Christ auoit offert soy-mesmes en la Cene. les vns dilans, qu'à raison des vingt-trois qui y auoient contredit, iceluy n'auoit point esté legitiment decider: les autres respondans, qu'une huitième partie ne pouuoit estre appellée partie notable. D'autres aussi soustenoient, que la Maxime susdite n'auoit lieu qu'es Anathematismes, & en la substance de la Doctrine: & non en chaque clause particuliere, apposée pour plus grande expression, comme estoit celle cy, de laquelle il n'estoit point parle es Canons.

Les Ambassadeurs Imperiaux furent fort ioyeux du Decret du Calice, te-^{iceluy co-} nans pour feur quel l'Empereur l'obtiendrait du Pape avec plus de facilité ^{rente les} & sous conditions plus fauorables, qu'il n'eust fait au Concile: là où, pour la ^{Ambassa-} variété des opinions, & interets, il est difficile de reduire tant de personnes ^{deurs Im-} à vn mesme sentiment, quoy que bon & necessaire: & où le plus grand aduis ^{periaux,} l'emporte sur le meilleur, & le plus sain: & celui, qui fait opposition a tousiours plus d'auantage, que celui qui fait la proposition. Et leurs esperances s'accroissoient de tant plus, que le Pape auoit fait bons offices en faueur de leur demande. Mais l'Empereur n'eut pas le mesme sentiment, n'ayant ^{mais non} pas pour but d'obtenir simplement la Communion du Calice, mais d'appai- ^{l'Empereur,} ser les peuples de ses estats, & de l'Allemagne: lesquels estans mal affectionnés enuers l'autorité Papale à cause des choses passées, estoient preoccupés à ne prendre en bien chose quelconque, qui vint de là: en lieu que s'ils eussent pu auoir la concession du Calice par le moyen du Concile, il esperoit, par le contentement qu'ils receuroient en cela, & par les esperances d'im-^{petrer d'autres demandes, par eux estimées iustes & raisonnables, de les cal-} mer, & de leur faire congедier les Ministres infects, & par ce moyen les rete-^{ner en la communion Catholique.} Il auoit desia veu, par experience, que la concession de Paul troisième n'auoit point esté bien prise, & auoit produit plus de preiudice, que de benefice. Partant, il ne poursuivit point sa demande plus auant enuers le Pape: & s'en declara: car, quand il eut receu la nouuelle du Decret du Concile, il se tourna deuers quelques Prelats, qui estoient là pre-^{sens,} & leur dit, J'ay fait tout ce que ie pouuois pour sauuer mes peuples: pensez-y maintenant vous à qu'il touche plus qu'à moy.

Mais les peuples, qui desiroient & attendoient cete grace: ou plustost, com-^{me s'esperent} me ils disoient, la restitution de ce qui leur estoit du, furent tous bien degou-^{ples:} tés, & desdaignés, qu'apres auoir, par l'espace de six mois, traité sur vne re-^{queste raisonnable & iuste, présentée avec l'intermission de tant & de si grâds} Princes: laquelle du depuis encor, pour l'examiner plus à fonds, auoit esté differée deux autres mois, esquels de nouveau le tout auoit esté disputé & ventilé, avec tant de contention & vehemence, la chose fust en fin remise au Pape, ce qui se pouuoit faire dès l'entrée, sans perdre tant de temps, d'offi-^{ces, pour suites & peines.} Que la condition des Chrestiens estoit, selon qu'auoit prophetisé l'Isaie, Enuoye, renuoye: atten, ratten: veu que le Pape, auquel premierement on s'estoit adressé, auoit remis l'affaire au Concile, lequel à present le remettoit à luy-mesme, se moquant ainsi & l'un & l'autre des Princes, & des peuples. Aucuns plus solidement discouroient, que le Concile auoit reserué deux Articles à vider, l'un, Si les causes, pour lesquelles on auoit autresfois esté mu à oster le Calice estoient telles, qu'il falust persister en cete interdiction: l'autre, Si elles ne l'estoient pas, sous quelles conditions il le faloit accorder. Que le premier estant question, non de fait, mais indubitablement de foy, le Concile remettant la conces-^{sion au Pape} estoit contraint de confesser, par consequence necessaire, d'auoir reconu ces causes pour insuffisantes, mais de n'en auoir voulu faire la

1562.

declaration pour esgards mondains. Car, s'il les iugeoit suffisantes, il falloit persister en l'interdiction: s'il y auoit encor du doute, il falloit continuer en l'examen: qu'il n'y auoit encor que vn seul cas auquel il pouuoit diuement remettre l'affaire au Pape, à sçauoir apres auoir reconu l'insuffisance d'icelles. Qu'il auroit eu quelque excuse, s'il eust fait la declaration negative: à sçauoir, que les causes n'estoient point telles qu'il falust persister en l'interdiction: & là dessus eust remis au Pape ce qui estoit à faire de fait, en prenant des informations necessaires. Et qu'on ne pouuoit aussi dire qu'en remettant l'affaire au Pape, la declaration fust assez presuppосée: attendu que le Concile, ayant au Decret d'icelle Session, repeté les deux Articles, auoit resolu que tout l'affaire fust remis au Pape: doncques il n'y auoit point de telle presupposition.

*iugement
sur le De-
cret de
deUrie,*

*sur tout à
l'esgard
de la lan-
gue vul-
gaire en
la Messe,*

Il ne trouue pas es memoires, que le Decret de la Messe prestast grand suiet de discours. Peut-estre, la cause en fut, d'autant que la lecture des paroles n'en represente pas ainsi aisément, & clairement le sens: car la teneur en est pleine de plusieurs & entassés hyperbates, & traiections, lesquels, s'ils ne sont despris des propres parties de l'oraison, pour en faire quelque suite & enfileure, distraient tellement l'vn apres l'autre la pensée du lecteur à diuerses considerations, que quand il est au bout, il ne sçait ce qu'il a lu. Seulement fut dit quelque chose par les Protestans, sur la prohibition de la langue vulgaire en la Messe. Car il leur sembloit qu'il y eust contradiction manifeste, à dire d'un costé, que la Messe contient beaucoup d'instruction pour le peuple fidele: & de l'autre à approuuer qu'une partie en soit prononcée à voix basse, & à defendre en tout la langue vulgaire, & cependant commander aux Pasteurs d'en declarer quelque chose au peuple. A quoy d'autres respondoient, Qu'en la Messe il y a certaines choses secretes, & mysterieuses, qui doiuent en tout temps estre cachées au peuple incapable, à l'esgard duquel aussi elles sont dites basement, & retenues en termes de la langue des lettrés, autres sont de bonne edification & instruction, lesquelles il est commandé de declarer au peuple. Mais cecy estoit combatu de deux obiections, l'une, que doncques il estoit conuenable de transferer cete seconde sorte de choses en langue vulgaire, l'autre, qu'il falloit distinguer quelles estoient celles-cy, & quelles celles là, d'autant que baillant charge aux Pasteurs, que frequemment ils ayent à declarer quelque chose de ce qui se lit, & ne leur ayant point distinctement specifié quoy, il y a danger que, par ignorance, le Pasteur ne declare ce qui doit estre tenu en secret, & obmette ce qui merite declaration. Les studieux de l'Antiquité se mocquoient de tels discours, attendu, que c'est chose tres-notoire, que toute la langue d'eschole, reduite à present en art, a esté vulgaire en son temps, en son propre pais. Et que la langue Latine, lors qu'à Rome, en toute l'Italie, & es colonies Romaines, elle fut introduite en l'Eglise, & plusieurs centaines d'années apres, estoit en ces lieux là la langue du populaire. Et au Pontifical Romain reste encores la forme d'ordonner les lecteurs en l'Eglise, en laquelle il leur est commandé qu'ils s'estudient à lire distinctement & clairement, afin que le peuple puisse entendre & comprendre ce qui est lu. Mais, que pour sçauoir en laquelle langue doiuent estre traitées les choses sacrées en l'Eglise, il n'y escheoit pas grands discours: qu'il suffisoit de lire seulement le quatorzième Chapitre de Saint Paul, en la premiere aux Corinthiens: car, par iceluy, toute personne, nonobstant preoccupation de iugement quelconque au contraire, fera tout à plein informée de la verité. Joint que, qui voudra sçauoir quel en auoit iadis esté le sentiment de l'Eglise Romaine; & quand, & pourquoy elle changea d'aduis, pourra remarquer, que le Pape Iean huitième, apres auoir auparauant fait vne seuerе censure aux Morauiens, de ce qu'ils celebrent la Messe en langue Esclauone, & leur auoit commandé de s'en abstenir: neantmoins du depuis, apres auoir esté mieux informé, en l'année huit cens quatre-vingts euecriuit vne longue lettre à Sento le Bel, leur Prince, ou Comte, en laquelle, non par maniere de

concession, mais par declaration, il afferme, *Que* ce n'est point chose contraire à la foy, & saine doctrine, de dire la Messe, & les Heures, en langue Esclaoune: d'autant que, qui a fait la langue Hebraïque, Grecque, Latine, a fait aussi les autres, à sa gloire. Sur quoy il allegue plusieurs passages de l'Escripture, & particulièrement l'aduertissement de Saint Paul aux Corinthiens. Seulement commanda ce Pape, que, pour plus de bien-seance en toute l'Eglise, on lise l'Euangile en Latin premierement, & puis en Esclaoune, selon que cela auoit desia esté introduit en quelques Eglises: ôstoyant toutesfois au Comte, & à ses Iuges, d'ouïr la Messe en Latin, si celle leur agreoit mieux. A ces choses bien considerées, on doit adiouter & conferer ce que du depuis, iustement deux cens ans en apres, escriuit Gregoire septième à Bredisslaus, Roy de Boheme, Qu'il ne luy pouuoit permettre la celebration du seruice diuin en langue Esclaoune: & que ce n'estoit pas bien fait d'alleguer, que par le passé cela n'auoit point esté defendu: d'autant que l'Eglise primitive a dissimulé plusieurs choses, lesquelles, ores que tolerées pour vn long-temps, apres que la Chrestienté a esté mieux affermie, ont esté corrigées par vn examen fort exact: & commanda à ce Prince que de toutes ses forces il s'opposast à la volonté du peuple. Qui prendra attentiuement garde à ces choses, pourra clairement voir quelles estoient les anciennes institutions en leur premiere pureté & integrité: & comment, pendant qu'elles estoient encor en estre, l'entrée a esté ouuerté aux abus & corruptions, pour esgards mondains: & par quels interests semblablement, le bon v'sage ayant du depuis grandement esté affoibly, l'abus s'est ancré & fortifié, & tout ordre a esté renuersé, & le ciel a esté mis sous terre: & les bonnes & saintes ordonnances ont esté descriées comme corruptions, que l'Antiquité n'auoit que tolerées: & les abus, introduits du depuis, canonisés pour reformatiōs & amendemens parfaits.

Or, pour retourner aux Decrets du Concile, celui de la Reformation causa du desdain à plusieurs: lesquels consideroient, qu'es temps passés la mai- *Or sur ce-
luy de Re-
formatiō,*
strise & domination de tous les biens Ecclesiastiques appartenoit à toute l'Eglise, c'est à dire à tous les Chrestiens, vnīs en vne mesme assemblée: & l'administration d'iceux estoit commise aux Diaeres, Sousdiaeres, & autres Oeconomes; avec la surintendance des Euesques, & Prestres: pour les distribuer à l'entretenement des ministres de l'Eglise, des vesues, des malades, & d'autres pauvres; à l'education des ieunes enfans, & filles; à l'entretien des hospitaux; au rachat des prisonniers, & à autres œuvres pieuses: & que du depuis le Clergé auoit commencé, quoy qu'indignement, mais encor tolerablement, à vouloir separer & reconoistre sa part, & en disposer à sa volonté. Mais que, par apres, on estoit venu au comble de l'abus. le peuple ayant non seulement esté forclos en tout & par tout du gouuernement de ces biens: & le Clergé, d'administrateur s'estant déclaré maître absolu d'iceux: mais ayant iceluy mesme conuertey, à son propre v'sage tout ce qui estoit destiné aux pauvres, aux hospitaux, aux escholes, & autres œuvres pies: dequoy le monde, par plusieurs siecles, s'estoit continuëlement plaint, & en auoit requis le remede. Lequel ne pouuant obtenir; les Lais auoient, en plusieurs endroits, fondé autres hospitaux; & autres escholes, & autres rentes constituées; pour fournir aux œuvres pitoyables, sous la charge d'administrateurs Lais. Et à present, que le monde, encor plus instantment qu'autrefois, auoit demandé pour remede, que les hospitaux, & escholes anciennes, v'surpées par les Prestres, & appropriées à eux, fussent restituées; le Concile, en lieu d'exaucer vne si iuste demande, auoit par le huitième & neuuiesme Chapitres de cete belle reformation ouuert la porte à embler encor les Colleges, les Escholes, les Hospitaux, & autres lieux pitoyables, institués du depuis, y introduisant la surintendance des Euesques: laquelle leur ayant seruy de planche & d'entrée pour s'emparer des biens dediés aux mesmes œuvres, & les desnaturer de leurs pieux v'sages; nul ne pouuoit douter, que, dans peu de temps, elle ne produisist le mesme effect en ceux qui auoient esté consacrés

de plus fresche date. Mais, entr'autres, les Parlemens de France ouurirent les yeux à cecy : & disoient ouuertement, que le Concile auoit outrepassé les bornes de son autorité ; mettant la main es biens des seculiers : attendu qu'il est tout notoire, que le titre d'œuvre pieuse ne confere aucun droit au Prestre : & que tout Chrestien peut à sa volonté appliquer son bien à telle œuvre pieuse, qu'il luy plaist, sans que l'Ecclesiastique luy puisse imposer aucune loy : autrement, ce seroit bien vne extreme seruitude aux pauvres Lais, de ne pouuoir faire autre bien, que celuy qui plairoit aux Prestres. Aucuns aussi improuuoient le Chapitre, auquel obliquement est attribué au Clergé la commutation des dernières volontés, luy preseruant quand & comment on les peut changer : & disoient, que c'estoit vn abus intolérable : attendu qu'il estoit euident, que les testamens ont leur vigueur du droit civil, & que par iceluy seul ils peuuent estre changés : & que si aucun dit, qu'ils prennent leur force de la loy naturelle, tant moins peuuent les Prestres y auoir aucune autorité : d'autant que, où il eschet dispense de la loy naturelle, nul n'en peut estre l'administrateur, que le souverain, ou ses ministres. Mais, que les ministres de Christ se devoient souuenir, que S. Paul ne leur a donné autre administration, que des mysteres de Dieu. Et que, si quelque estat ou Republique à baillé la charge des testamens à ses Prelats, en cela ils ne sont plus iuges spirituels, mais temporels : & doiuent prendre la loy, comment ils doiuent se gouverner en cela, non des Conciles, mais du Souuerain : veu qu'ils n'agissent point en cecy, en qualité de ministres de Christ ; ains comme estans membres, ou bras de la Republique politique, selon qu'ils sont appellés de diuers noms, & sous iceux ont part au gouvernement des estats. Le cinquième chapitre, concernant les dispenses, estoit pas moins contreroolé : car il est certain, qu'anciennement toute dispense estoit administrée par les Pasteurs en leurs propres Eglises : du depuis il aduint, par laps de temps, que les Papes s'en reseruerent quelques cas plus importants, avec bon fondement, pourroit-on dire, afin que les choses de consequence ne fussent maniées par quelque personne incapable & inepte : quoy que de vray la raison alleguée cy-dessus au contraire par l'Eueque des Cinq Eglises, soit grandement forte. A present doncques, puis que le Concile ordonne, que les dispenses soient commises aux Ordinaires, ausquels, sans les reserues, elles appartiendroient, pourquoy limiter & restreindre le pouuoir à quelqu'un, pour le remettre à luy mesmes puis apres ? Et disoit-on, qu'il n'estoit que trop clair, qu'à Rome, par les reserues des dispenses, on ne requeroit autre chose, sinon qu'on prist les Bulles, en les bien payant : puis que, cela fait, le Concile auoit iugé qu'il valoit mieux que cete action fust executée par celuy, qui en auroit le pouuoir de soy-mesmes, s'il ne luy estoit interdit, que par autres. Plusieurs autres choses estoient obiectées par ceux, qui iugent volontiers les actions d'autrui : & de tant plus proprement, quand elles viennent de personnes plus eminentes. Mais tout cela n'estant de consequence, ne merite pas d'estre enregistré en l'histoire.

*Le Pape
ioint
de la
tenue
de la
Ses-
sion,*

*pour
aux
diffi-
cultés
qu'il
ap-
pre-
hende
pour
l'a-
uenir
au
Concile,*

Le Pape, ayant eu aduis de la tenue de la Session, & de ce qui s'y estoit passé s'en esioiuit, se trouuant releué d'un grand ennuy, & soucy, qu'au debat touchant le Calice son autorité ne fust querelée. Et puis qu'on auoit ouuert la porte d'appaiser les differends, en remettant à luy les points contentieux, il conceut esperance, que le mesme se pourroit faire au point de la Residence, & en tous autres, esquels ils escherroient controuerse : & que par ce moyen on pourroit bien tost mettre fin au Concile. Mais il preuoit deux choses, qui pouuoient trauerser son dessein. L'une, la venue du Cardinal de Lorraine, avec les Prelats François, laquelle il tenoit fort au cœur, sur tout à cause des vastes, & ambitieux desseins de ce Cardinal, fort contraires aux affaires du Papat, & lesquels il auoit si fort ancrés en son esprit, qu'il ne les pouuoit celer : & à cela il ne voyoit autre remede, sinon que les Prelats Italiens au Concile surmontassent de nombre les Ultramontains si legement, qu'ils les fissent, à conter les voix, passer pour vn nombre non considerable.

Et pour cet effet, il ne cessoit de solliciter tous les Euesques; quoy que titulaires, ou qui auoient renoncé, d'aller à Trénte, leur fournissant les frais, & les chargeant d'esperances. Il aduisa aussi d'y enuoyer nombre d'Abbés, comme il auoit autresfois esté pratiqué en quelque Concile. Mais, apres auoir plus meurement consulté, il iugea qu'il valoit mieux ne moustrer point tant d'affection, de peur de prouoquer les autres à faire le mesme. L'autre trauerser, qu'il apprehendoit, estoit du dessein, qu'il descouuroit qu'auoient tous les Princes, de tenir Concile ouuert, sans rien faire: l'Empereur, pour gratifier les Allemans, & les auoir fauorables à l'elecion de son fils pour Roy des Romains: & le Roy de France, pour faire ses affaires avec les mesmes Allemans, & avec ses Huguenots. Il pesoit aussi grandement l'introduction de faire assemblée d'Ambassadeurs, qui luy sembloit vn Concile de seculiers, au milieu de celuy d'Euesques. Il consideroit, que les Congregations des Prelats mesmes seroient dangereuses; si la presencé, & presidence des Legats ne les tenoit en deuoir: que les Ambassadeurs, s'assembloient entr'eux; pouuoient traiter choses fort preiudiciables: & qu'il y auoit danger, que, passant auant, ils n'y introduisissent quelque Prelat: sur tout, attendu que d'entr'eux il y en auoit des Ecclesiastiques, & que, sous nom de liberté, ne fust introduite vne vraye licence. Mais, parmy ces perplexités, il se soustenoit de bonne esperance, voyant que la pluspart des Ambassadeurs auoit esté contraire aux desseins proposés par les autres: & qu'ils n'estoient point vnis, sauf ceux de l'Empereur, & de France: lesquels, n'ayant point les Prelats de leurs nations, ne pouuoient rien exploiter. Nonobstant tout cela, il iugeoit qu'il estoit necessaire de solliciter la fin du Concile, & de fomentier la mauuaise intelligence qu'on auoit veu entre les Ambassadeurs. Et pourtant il escriuit tout promptement, qu'on travaillast à solliciter les Congregations, & à diger & preparer les matieres. Et, considerant que le remerciement oblige à perseuerer, il donna charge qu'en son nom fussent remerciés les Ambassadeurs de Portugal, & de Suisse, & le Secretaire du Marquis de Pescaire: pour auoir refusé de consentir avec les autres à l'impertinente proposition. Il fit aussi rendre graces à ceux de Venise, & de Florence, de la bonne intention & affection, qu'ils auoient demonstré, refusant d'entreuenir en icelle Congregation. Et les fit prier, qu'à l'aduenir, quand ils seroient requis de semblable chose, ils ne refusassent point: attendu qu'il se pouuoit tenir pour asseuré, que leur presence seruiroit tousiours au bien des affaires du S. Siege, & empescheroit les mauuais desseins d'autrui. Le Pape ne se trompa nullement en sa pensée sur ce deuoir: car il tira de tous parole, que ce qu'ils en auoient fait, auoit esté, d'autant qu'ils conoissoient qu'en ce temps le seruice de Dieu requeroit, que l'autorité Papale fust defendue & soustenuë, & qu'ils continueroient en la mesme resolution. Et tesmoignerent qu'ils s'y sentoient de plus fort tenus, pour les courtois remerciemens de Sa Sainteté, pour vne chose qu'ils auoient faite par deuoir, & obligation.

*Or capitaine
les Am-
bass. qui
luy auoit
fauioré.*



HISTOIRE DV CONCILE DE TRENTÉ;

LIVRE SEPTIESME.

SOMMAIRE.

Les Imperiaux, & les François, requierent la Reformation au Concile. Ce que leur estant refusé par les Legats, il en naist de grandes plaintes: avec ombrage des Papaux pour la venue du Cardinal de Lorraine. La matiere du Sacrement de l'Ordre ayant esté proposée pour la Session suivante, les Espagnols avec cete occasion s'efforcent de racquerir, & reestablit la puissance Episcopale, que Rome leur a ravie. Et pourtant proposent, qu'il soit dit & déclaré, Que l'institution des Euesques est de droit divin. Ce qui est asprement debatü à diuerses reprises, avec perpetuelle contradiction de Rome, & des Papaux à Trente. Là où les Legats sont sostenir la cause de Rome par le Iesuite Lainez: de quoy naissent encor plus grands bruits. L'Ambassadeur de Pologne arrive au Concile: puis apres aussi, le Cardinal de Lorraine, lequel, par son proceder, & discours, donne beaucoup de ialousie au Pape, & aux Legats. L'Ambassadeur du Ferrier les pique vivement par sa libre harangue. En France, le Roy de Navarre est tué: & en Allemagne Maximilien est couronné Roy des Romains: & les Protestans refusent de se soumettre au Concile. La question de la Residence est remise sus le tablier: le Pape la veut decider, ensemble celle de l'institution des Euesques. Mais les Legats trouuent par conseil, que ses commissions sont impossibles à executer. En France est donnée la bataille de Dreux, dont on conçoit des vaines ioyes à Trente. Les François proposent certains Articles de reformation, grièvement censurés & reietés par le Pape: duquel les Canons sont aussi refusés à Trente, par les François, & par les Espagnols. Tout le Concile en est en rumeur, & desordre, sans plus tenir de Congregations, lesquelles neantmoins à la fin on reprend à la venue de l'Ambassadeur de Sauoye. Le Cardinal de Lorraine va trouver l'Empereur, qui forme & produit plusieurs beaux & grands

articles de reformation, pour lesquels le Pape s'offense outre mesure. On traite du Mariage, pour la Session suivante, sur quoy on dispute les Dispenſes Papales. Le Cardinal de Lorraine retourne de deuers l'Empereur, & les desſiances, & les meſcontentemens s'accroissent. Cependant meurt le Cardinal Legat de Mantouë, & le Pape tout soudain cree deux autres Legats. En France le Duc de Lorraine, frere du Cardinal, est tué : dour le Cardinal se relasche, & change notablement. Le Legat Seripande meurt aussi à Trente. Les Imperiaux, les François, & les Espagnols, requierent tous d'un consentement, qu'on vaille serieusement à la reformation : mais ils sont eludés par le Pape. Au Concile il y a diuerſes difficultés. Et à Rome, le Pape fait que l'Inquisition procede contre certain nombre de Prelats François. Le nouueau Legat Moron, & le Conte de Lude, Ambassadeur d'Espagne, arriuent. Ledit Moron s'en va trouuer l'Empereur, pour le flechir à laisser clorre le Concile, selon la volonté du Pape. Le Cardinal de Lorraine s'en va à Venise, & puis retourne au Concile, avec les nouuelles de la paix d'Orleans, blasmée par le Pape, & les Espagnols : & iustificée par le Roy de France. Les François se lassent du Concile, d'où leurs Docteurs se retirent. Et l'Empereur aussi s'y refroidit grandement.



Eux, qui escriuent hystoires, ont accoustumé de proposer d'entree le modele qu'ils veulent suivre en la construction de leur œuvre. Mais, pour moy, i'ay estimé qu'il valoit mieux le differer iusques à cet endroit, auquel i'exposéray le dessein, que i'ay eu és choses recitées par cy-deuant, & représenteray le plan de celles que ie descriray en suite. Ayant deliberé de donner vne forme aux memoires, que i'auois recueillies du Concile de Trente, laquelle n'excedast mes forces, & fust la plus proportionnée & conuenable à la matiere ; ie consideray, qu'entre tous les affaires aduenus en ce siecle entre les Chrestiens ; & peut-estre aussi, qui aduiendront és temps suiuaus, ce Concile tient le premier rang : & qu'és chose de grande estime la plupart des hommes reçoit vtilité, & plaisir d'en entendre les menües particularités : & pourtant ie iugeay que la forme de Iournal luy estoit fort sortable. Mais, deux difficultes le presenterent contre ce mien aduis. La premiere, qu'il n'estoit conuenable de raconter en cete maniere-là les choses aduenües en l'espace de vingt-neuf ans, qui s'escoulerent és preparatifs de la naissance de ce Concile : ny aussi peu, celles qui arriuerent és autres quatorze années, qu'iceluy fut en surseance, sans qu'on püst sçauoir s'il estoit viuant, ou mort. La deuxieme estoit, que ie n'auoye, ny ne pouuoye auoir toute la matiere, que requiert vn Iournal suiuy. Et pourtant ie me resolu d'accommoder la forme à la matiere, à l'imitation de la Nature : & non, la matiere à la forme, selon la loy des Escholes : & ne cuiday point faire chose absurde, de descrire en maniere d'Annales les temps des preparatifs, & de l'interruption du Concile : & en ceux de la tenuë d'iceluy, deduire iour par iour, tant seulement ce qui m'est venu à notice : esperant que des choses obmises, dont ie n'ay pü auoir conoissance, ie seray non seulement excusé, mais mesmes defendu de toute calomnie & imputation, par mes lecteurs : attendu que, si és choses, dont ceux qui y ont interest, font tout deuoir de conseruer la memoire, il en eschappe & s'en perd bien tost partie notable : beaucoup plus doit-on croire qu'il en soit aduenü de mesme à celle-cy, en laquelle grand nombre de clairuoyans ont fait leur possible, pour en supprimer & estouffer le tout. Il est bien vray, que les choses grandes meritent d'estre tenuës en quelque mysterieux secret ; mais c'est lors que le public le requiert ainsi : mais, quand l'ignorance du total porte dommage notable à l'vnes parties, & aduantage à l'autre, ce

1562.
discours
de l'Au-
teur sur
son des-
sein &
methode.

1562.

n'est merueilles, si, en intentions & buts repugnâts, on procede aussi par voyes opposites & contraires. Et icy a de vray lieu la cōmune & fameuse sentence, qu' avec plus de raison l'on tâche d' euitier perte, que d' acquerir profit. Par tant, ie sçay bien que ce mien labeur est, pour les causes susdites, en danger d'estre taxé de quelque inegalité de narration, & de fil d' histoire, en quoy ie me pourray bien targer de l' exemple de quelque fameux autheur: mais i' ayme mieus me mettre à couuert sous cete seule repartie: à tout ce qu' on m' en sçauroit reprocher, Que qui n' a entrepris d' escrire l' histoire du Concile de Trente, ou autre semblable, a pu eschaper cete bigarrure, & inegalité.

les Ambassadeurs de France requierent la Reformation: & l' attainment de leurs Prelats,

Pour retourner au Concile, comme les Ambassadeurs de France fortoient de la Session, ils eurent vn despesche de leur Roy, par lequel il leur donnoit charge, de faire instance que la Session fust dilayée. Et, quoy qu' il ne fust plus à temps, ils ne laisserent pas de se présenter aux Legats, ausquels ils exposerent la commission toute fresche, qu' ils auoient eue du Roy, de procurer instamment qu' on vauast à la Reformation, & qu' on attendist les Prelats. Adioustans, que, si on faisoit disputer par les Theologiens, & traiter par les Prelats, les matieres proposées de l' Ordre, & tout d' vn tenant du Mariage, il ne resteroit plus rien de la Doctrine, & ainsi les François viendroient en vain. Et pourtant qu' ils fussent contents de les differer iusqu' à la fin d' Octobre, traueillant cependant à la Reformation: ou bien, qu' alternatiuement on parlât, vn iour de la Doctrine, & vn autre de la Reformation: sans differer, comme on auoit fait par le passé, toute la Reformation iusques es derniers iours precedens la Session: tellement qu' il n' y auoit point de temps, non pas pour considerer les Articles, mais seulement pour les voir. Les Legats leur respondirent, Que leurs propositions meritoient consideration, & qu' on y auoit tout l' esgard possible, pour leur donner contentement: & demanderent copie de l' instruction enuoyée par le Roy, pour en pouoir mieux deliberer. Les Ambassadeurs là dessus leur presenterent vn escrit, dont la teneur estoit, Que le Roy, ayant veu les Decrets du seizième Iuillet, touchant la Communion sous les deux especes; & de differer deux Articles de la mesme matiere; & aussi ceux, qui estoient proposés es Congregations sur le Sacrifice de la Messe: loüoit & approuuoit bien tout ce qui auoit esté fait: mais, estimoit de ne denoir dissimuler, ne taire, ce qui estoit en la bouche de tous, à sçauoir, qu' on laissoit, ou bien traitoit fort legerement, ce qui concerne les mœurs & la discipline, & qu' on precipitoit la determination des dogmes contentieux de la Religion, esquels tous les Peres estoient d' accord. Et combien qu' il crust bien que ce fussent faux bruits, il requeroit neantmoins que les propositions de ses Ambassadeurs fussent tenues pour necessaires, pour pouuoir à la Chrestienté, & aux calamités de son Royaume. Et ayant expérimenté, que ne la feuerité, ne la moderation des peines, n' auoit de rien seruy, pour ramener ceux qui s' estoient separés de l' Eglise; il auoit iugé expedient de recourir au Concile general, en l' impetrant de Sa Sainteté: & qu' il estoit desplaisant, de n' auoir pu, à cause des troubles de France, y enuoyer plustost ses Prelats: mais qu' il voyoit bien, que la fermeté & rigueur, à garder le style commencé par les Legats & Euesques, n' estoit point à propos pour venir au but desiré de la paix & vnion de l' Eglise. Et pourtant, qu' il desiroit, que, dès l' entrée du Concile ne fust faite chose aucune, qui alienast d' auantage les courages des Aduersaires: ains qu' iceux fussent conuies; & en cas qu' ils vinsent, receus & traités comme enfans: avec esperance, que suiuant cete procedure, ils se laisseroient instruire, & reduire au giron de l' Eglise. Et, d' autant que tous ceux, qui estoient assemblés à Trente, faisoient profession d' vne mesme Religion, & ne vouloient, ny ne pouuoient douter d' aucune partie d' icelle; Sa Maiesté estimoit que cete dispute, & censure des points de la Religion, non seulement estoit superflue, mais aussi impertinente, à l' esgard des Catholiques; & causoit plus grande alienation es aduersaires. Et que qui se persuadoit qu' ils dussent recevoir les Decrets du Concile, auquel ils n' estoient pas

dont ils presentent vn grand escrit aux Legats:

pas

pas entreuenus, ne les connoissoit pas bien: & que ceux-là se trompoient, qui estoient que, par cette maniere de faire, on apprestast autre matiere que d'escrire liures. Partant, que le Roy iugeoit, qu'il valoit mieux d'obtenir cette dispute de Religion, iusques à tant que tout ce qui appartenoit à la correction & amendement de la discipline, eust esté estably. Que ce deuoit estre là le but de tous: afin que le Concile, qui estoit nombreux, & le seroit encor d'auantage par l'arriuee des François, pust porter fruit. Le Roy en apres requeroit, qu'à cause de l'absence de ses Euesques, la prochaine Session fust prolongée iusques à la fin d'Octobre, ou que la publication des Decrets fust différée; ou qu'on attendist nouuelle commission du Pape, auquel le Roy en auoit escrit: & qu'en cet entretiens on vauast à la Reformation. Et, d'autant qu'on oyoit, qu'il auoit esté changé quelque chose de l'ancienne liberté des Conciles, esquels il auoit tousiours esté loisible aux Roys, & aux Princes, & à leurs Ambassadeurs, d'exposer les necessitez de leurs Royaumes; Sa Majesté requeroit, que cette autorité des Rois, & des Princes, fust conseruée en son entier, & que ce qui auoit esté fait au contraire fust reuocqué.

Le mesme iour, les Ambassadeurs de l'Empereur se presenterent aux Legats, requerans que les Articles, enuoyez par l'Empereur, lesquels ils auoient auparauant presentez, fussent proposez; & firent instance, qu'on différast de traiter des dogmes, iusques à la venue des François: & afin que le traité de la Reformation reüssist au bien, non seulement general de toute l'Eglise, mais aussi particulier de chaque Royaume; on deputast deux de chaque nation, lesquels remonstrent tout ce qui meritoit d'estre proposé, & examiné au Concile. Les Legats firent & à eux, & à ceux de France, vne response commune, Que le Concile ne pouuoit, sans notable preiudice, alterer l'ordre estably de traiter ensemblement les Dogmes, & la Reformation. Et quand ores il le voudroit faire, autres Princes s'y opposeroient. Mais qu'en leur faueur ils ordonneroient que les Theologiens & les Prelats examinaissent seulement la matiere de l'Ordre: & qu'apres icelle, on traitast quelques points de Reformation: gardant l'Ordre accoustumé, que chacun, de quelque condition qu'il fust, pust ramenteuoir & remonstrier à eux Legats, ce qu'il iugeroit necessaire, utile, ou conuenable: ce qui seroit de plus grande liberté, que de deputer deux par nation. Et que puis apres on trauiilleroit au fait du Mariage. Mais les Ambassadeurs ne se tinrent point pour contens de tout cela. Dont les Legats enuoyerent toutes les iusdices demandes au Pape.

Les François malcontens, se plaignoient à tous de la dureté dont on vloit en leur endroit: & aussi de ce que le Pape tout freschement auoit commandé à d'autres Prelats Italiens d'aller au Concile. Ce qu'on voyoit clairement estre fait, pour vaincre de nombre de voix: ce que les partisans mesmes du Pape n'agreoient point qu'on fust tant à descouuert, en ce temps, auquel couroit la nouuelle de la venue des François: quoy qu'ils approuuassent bien que la chose se fust, mais y eussent desiré telle dexterité, qu'on n'eust pû dire, qu'elle se fust pour cette cause. Mais ce n'estoit point inconsideration, qui portast le Pape à proceder en cette sorte; ains il le faisoit tout à dessein, afin que le Cardinal de Lorraine connust, que ses entreprises ne reüssiroient point, & que de là il prist resolution de ne venir point au Concile; ou les François occasion de le faire rompre. Et le Pape n'estoit pas seul de cet aduis, ains aussi toute la Cour, redoutant quelque preiudice, pour les desseins que portoit ce Cardinal: lesquels ores qu'ils ne reüssissent point, chose assez malaisée à esperer, la venue d'iceluy toutesfois seroit de grand empeschement, prolongation, & destourbiet au Concile. Il est bien certain, que le Cardinal de Ferrare fit office avec le Cardinal de Lorraine, comme parent: disant, Que son allee au Concile ne seroit d'aucun effet, & seroit avec peu de reputation pour luy, attendu qu'il arriueroit apres que toutes les determinations seroient acheuées. Et Blanquet, inuine du Cardinal d'Armagnac, &

Les Impériaux requierent la mesme

mais les uns & les autres sont escanduis

dont les François se plaignent ceste aussi du nombre d'Italiens conuoyés au Concile.

pour s'opposer au Cardinal de Lorraine

Et que, comme toute la vie de Christ auoit esté adreſſée à ce dernier acte du Sacrifice, auſſi eſtoit-il euident, que tous les ordres ne ſeruent que d'eſche-
lons, pour paruenir au haut faiſte de la Sacrificature. 156.

— Mais Frere Ierome Braue auſſi Iacopin, apres auoir d'entree proteſté de tenir & croire fermement qu'il y auoit ſept ordres, & que chacun d'iceux eſtoit vrâ Sacrement, & qu'on eſtoit obligé à garder l'vſage de l'Egliſe, lequel par les plus bas ordres paſſé aux plus hauts, & en fin à la Preſtriſe; adiouſta, Qu'il n'eſtoit pas pourtant d'auis q u'on deſcendiſt à vne ſi particuliere & menüë declaration: attendu la varieté, qu'il y a entre les Theologiens, entre leſquels à peine en trouuera on deux, qui s'accordent en cecy: ce qui auoit porté le Cardinal Caietan, en ſa vieilleſſe, à eſcrire, Que, qui ramafferait les choſes, enſeignées par les Docteurs, & eſcrites és Pontificaux anciens, & modernes, trouueroit cette matiere fort conſuſe en tous les ordres, ſauf en la Preſtriſe. Que le Maïſtre des Sentences auoit tenu, que les ordres mineurs, & le Souſdiaconat, ont eſté inſtituez par l'Egliſe; & que le Diaconat, inſtitué en l'Eſcriture, ſembloit n'auoir eſté qu'un ſeruice des tables, & non de l'Autel, comme le noſtre. Que la varieté ſur les ordres mineurs, qui ſe trouue és vieux Pontificaux, & quels ce qui eſt en l'un, eſt tout autre choſe que ce qui eſt en l'autre, monſtre bien que ce ſont ſeulement choſes Sacramenteles, & non Sacremens: & la raiſon y eſt auſſi: attendu que les actions, que fait celuy qui a ces petits ordres, peuuent auſſi eſtre faites par vn autre qui ne les a point, & ne laiſſent pas d'êſtre egalement valides, & ont le meſme effet & perfection. Que Sainct Bonauenture meſmes, quoy qu'il ſente que tous les ſept ordres ſont autant de Sacremens, auoit neantmoins tenu pour probables deux autres opinions. L'une, Que la ſeule Preſtriſe eſt Sacrement: mais que les plus petits ordres, & les autres deux auſſi, aſſauoir, le Diaconat, & le Souſdiaconat, attendu qu'ils ſont occupez en choſes corporeles, comme à ouuoir portes, faites lectures, allumer chandelles; ne conforment nullement l'homme à Dieu: & pourtant ſont tant ſeulement preparations & diſpoſitions à la Preſtriſe. L'autre, Que les trois ſaceres ſont Sacremens. Et quant au dire commun, Que les inferieurs ſont degrez & marches aux ſuperieurs, Sainct Thomas d'Aquin afferme, qu'en l'Egliſe primitive pluſieurs eſtoient ordonnez Preſtres immediatement, ſans paſſer par les Ordres inferieurs: & que l'Egliſe auoit du depuis ordonné ce paſſage à la Preſtriſe par tous ces degrez, afin d'humilier les perſonnes. Et eſt tout euident és Actes des Apoſtres, que Sainct Matthias fut ordonné immediatement Apoſtre, & les ſept Diacres ſemblablement ne paſſerent point par les petis Ordres, ne par le Souſdiaconat. Et Sainct Paulin recite de ſoy meſme, que ayant deſſein de s'appliquer au ſeruice de Dieu au Clergé, il vouloit par humilité, paſſer par tous les degrez Eccleſiaſtiques, commençant par celuy d'Orſiaire, ou Portier; mais pendant qu'il conſultoit quand il commenceroit, eſtant encor Lay, le iour de Noel, à Barcelone, il fut tout au deſpourueu enleué par le peuple: & porté deuant l'Eueſque, & ordonné Preſtre d'abord: ce qui n'auroit eſté fait, ſi l'vſage de ce temps-là ne l'eut porté. Et pour ces raiſons Braue conclut, Qu'il n'eſtoit pas bon, que le Concile paſſaſt plus outre en cet affaire, que iuſques où tous les Catholiques eſtoient d'accord, Et adiouſta, qu'il valoit mieux commencer cette matiere du Sacrement de l'ordre, par la Preſtriſe: ce qui auſſi ſeruiroit pour ioindre cette Seſſion avec la precedente du Sacrifice: & puis, de la Preſtriſe, paſſer à la matiere de l'Ordre en general, ſans venir à plus grandes particularitez.

— Apres la Congregation, tous les Prelats, qui ſ'y eſtoient trouuez, s'eſtans retirez, l'Eueſque des Cinq Eglifes demeura encor avec ſes Hongrois, & quelq. i. Polonois, & Eſpagnols, auxquels il fit vn discours, diſant, Que, puis que l'Empereur eſtoit hors de tout ſouſpon de guerre, à cauſe de la treue faite avec le Turc, il n'auoit rien plus à cœur, que la Reformatiō de l'Egliſe; de laquelle on viendrait aſſez à choſ, ſi quelque partie des Prelats au

dience, il s'attant, & tant persuada, qu'on ne passa point plus auant, mais qu'on interposa quelque delay: lequel toutesfois ne fut pas long: car le iour d'après, les Archeuesques de Grenade, de Bragance, & de Melline; & l'Euesque de Segouie, demanderent audience aux Legats, & leur firent instance, qu'on traitast les Articles autresfois proposez par le Cardinal Crescence en ce mesme Concile: & ce qui auoit desia esté conclu, quoy que non encores public, assauoir, Que les Euesques sont instituez par Christ, & de droit diuin sont superieurs aux Prestres. Les Legats; apres auoir conferé entr'eux, responderent, Que, puis que les Lutheriens auoient affermé que l'Euesque & le Prestre sont en mesme chose, il estoit bien raisonnable de declarer que l'Euesque est superieur: mais qu'il n'estoit la besoin de specifier par quel droit il l'est: ne par qui il a esté institué: attendu qu'il n'y auoit point de controuersé là dessus. L'Archeuesque de Grenade repliqua, Que tout au contraire, la controuersé gisoit en cela, & que si on faisoit disputer les Theologiens, on connoistroit la necessité de decider ce point. Mais les Legats n'y voulurent nullement consentir: & apres quelques termes pi-
sur rone de l'Epif- copas de droit di- uin, au- quel les Legats s'opposent.
dont les Espagnols se font propo- ser la ques- tion par les Theo- logiens.

Or, pour retourner à la Congregation, quand le tour de parler vint à la seconde chambrée, meslée de Theologiens & de Canonistes, Thomas Das-
examen du troisieme Article touchant la Hierarchie de l'Eglise.
 sio, Chanoine de Valence en Espagne, dit, Que de reuoyer en doute la Hie-
 rarchie Ecclesiastique, procedoit d'vne grossiere ignorance de l'Antiquité: attendu qu'il est tout notoire, qu'en l'Eglise, le peuple a tousiours esté gou-
 uerné par le Clergé; & au Clergé, les inferieurs par les superieurs: iuques à ce que tous les degrez viennent à aboutir à vn seul Recteur vniuersel, qui est le Pape de Rome. Et apres auoir demonstré sa proposition par vn long narré, il adiousta, Qu'il n'y escheoit, sinon que de mettre cette verité en euidence, ostant les erreurs contraires: lesquelles il estimoit auoir esté in-
 troduits par les Scholastiques, (lesquels par trop subtilizer, obscurcissent sou-
 uentesfois les choses claires) en s'opposant aux Canonistes, qui mettent en-
 tre les Ordres, la premiere Tonsure, & l'Episcopat. Et qu'il luy sembloit fort estrange, qu'iceux aduouérent que la Confirmation, l'Ordination, & tant
 (d'autres consecrations, sont propres audit Episcopat, en sorte que si aucun
 autre s'ingeroit de les administrer, toute son action seroit frustratoire: &
 cependant nient que l'Episcopat soit vn Ordre, ce que ils veulent bien que
 soit la charge d'Ostiaire, qui ne sert qu'à fermer les portes, lesquelles se-
 roient aussi bien fermées par vn Lay. Et quant à la premiere Tonsure, il dit,
 Qu'il auoit tousiours ouy dire aux Theologiens, que Sacrement est vn signe
 extérieur, lequel signifie vne grace spirituelle: or en la premiere Tonsure
 il y a le signe, & la chose signifiée, qui est la destination & depuration au ser-
 uice de Dieu: partant, qu'il ne pouuoit assez s'esbahir, pourquoy ils veu-
 lent nier qu'il soit Sacrement: ioint que c'est là la porte pour entrer au Cler-
 gé, & que par icelle on participe aux exemptions Ecclesiastiques: & que si
 elle n'auoit esté institué de Christ, on ne pourroit dire, que les tonsurez
 par icelle fussent ne Clercs, ny exempts de droit diuin. Qu'il est euident,
 que la Hierarchie consiste és Ordres Ecclesiastiques, & le terme mesme de
 Hierarchie ne veut dire autre chose que, Ordre sacré des superieurs, & in-
 ferieurs, lequel ne pourra iamais estre bien estably, si on ne met, à l'imita-
 tion des Canonistes, entre les Ordres, le plus bas, qui est la Tonsure, & le
 plus haut, qui est l'Episcopat. Comme au contraire, les y mettant, la Hierar-
 chie estoit toute establie: attendu que, p^osé le premier & le dernier Ordre,
 & ceux du milieu suivent de necessité: en lieu que, ceux-cy n'estans bien arre-
 stez, les autres demeurent sans substance, & fondement.

1562.

Or l'inter-
vention des
seculiers
es elections
des Eues-
ques.

Mais sur l'autre partie de l'Article, il dit, Qu'il estoit tout euident par les Canons, qu'en l'election des Euesques, & en la vocation des Prestres & Diacres, le peuple, & mesmes le vulgaire, y assistoit anciennement, & y donnoit sa voix, ou y prestoit son assentiment: ce qui toutesfois doit estre estime auoir esté fait par concession du Pape, ou expresse, ou raisable: attendu que nul Lay ne peut auoir aut horité aucune es choses Ecclesiastiques, sauf que par priuilege Papal: le quel alors auoit esté oütroý, d'autant que le peuple, & les Grands, estoient encor deuots: & par le moyen d'iceluy ils estoient entretenus en l'affection aux choses spirituelles, & aussi pour cette mesme raison rendoient plus d'obeyssance, & portoient plus de reuerence au Clergé, & en estoient plus prompts à l'enrichir & amplifier d'offrandes, & de donations: dont aussi on void l'Eglise estre paruenüe au point de la grandeur, où elle se trouue à present. Mais apres que la deuotion a esté amortie, les seculiers n'ont eu aucun autre but, que de s'emparer des biens de l'Eglise, & de moyenner, que dans le Clergé soient fourrées personnes adherantes à leurs volontez: à raison dequoy, il auoit esté plus que raisonnable de leur oster le priuilege qui leur auoit esté oütroý, & de les forclorre tout à fait des elections, & ordinations. Et que les modernes heretiques auoient trouué vne diabolique inuention, disant, Que ce, qui auoit esté oütroý de grace, estoit chose due: laquelle opinion eit, disoit-il, vne des plus pestilentielle heresies, qui ait iamais esté inuentée: attendu qu'icelle destruit l'Eglise, sans laquelle la foy ne peut subsister. Sur quoy, il allegua plusieurs raisons, & conuenances, par lesquelles il prouuoit, que l'ordination doit estre au pouuoir de l'Ordonnant tout seul: & les Conferma par Decretales des Papes: & pour conclusion dit, Que non seulement il iugeoit que l'Article fust condamné pour heretique: mais aussi, que, puis que pour raisons iustes & necessaires, le suffrage & le consentement du peuple es ordinations auoit esté oste, le Pontifical fust aussi corrige, & que les passages, lesquels en font mention, fussent retranchez: d'autant que, si iceux y demeurent, les heretiques s'en preuaudront tousiours, pour prouuer, que l'intervention du peuple y est necessaire. Ces passages, disoit-il, sont en grand nombre: mais i'en rapporteray vn bien formel: c'est, qu'en l'ordination des Prestres, l'Euesque ordonnant dit, Que non sans raison, il auoit esté ordonné par les Peres, qu'en l'ordination des Ministres de l'Autel entreuienne le suffrage du peuple, afin qu'il soit obeyssant à celuy qui sera ordonné, puis que luy meisme aura preité son consentement à l'ordonner. Si cette obseruance, & autres telles demeurent en estre, les heretiques detraicteront tousiours de l'Eglise, disant, Que les ordinations au temps present ne sont que mommeries, & vaines parades, ainsi que meschamment auoit dit Luther.

Frere François Forier, Iacopin Portugais, dit, Qu'on ne pouuoit reuouer en doute la Hierarchie de l'Eglise Catholique, attendu qu'on l'auoit par tradition Apostolique, & par le tesmoignage de toute l'Antiquité, & par l'usage de l'Eglise en tout temps. Et que combien que le mot n'en soit vñté par tous, la chose pourrant auoir tousiours esté en usage. Que Denis l'Areopagite en auoit fait vn traité expres: & le Concile de Nicee l'auoit authorisé, en la nommant, Ancienne coustume: or de ce qui par les Peres, au commencement du quatrieme siecle, a esté nommé ancien, nul ne peut nier que l'origine n'en vienne dès le temps des Apostres. Mais seulement il luy sembloit, que le propre endroit d'en traiter n'estoit pas avec le Sacrement de l'Orde: quoy que plusieurs Scholastiques en traitent en cet endroit, constituant la Hierarchie es Ordres & degrez superieurs, & inferieurs: chose qui ne peut subsister: attendu qu'il est certain, que le Pape est le souuerain Hierarque, ou Chef de la Hierarchie: & apres luy sont les Cardinaux, les Patriarches, les Primas, les Archeuesques, les Euesques: & apres encor, les Archiprestres, les Archidiares, & les autres Prelats subalternes, tous sous vn chef, qui est le Pape. Or laissant à quartier la question, Si l'Episcopat eit vn Orde, du moins est il bien certain que l'Archiepiscopat, le Patriarchat,

& le Papat, ne le sont pas : & n'inferent, par dessus l'Episcopat, autre chose, que superiorité, & iurisdiction. Dont il falloit conclure, qu'en la iurisdiction 1562. consiste la Hierarchie, en laquelle aussi le Concile de Nicee la constitua : lors qu'il parle des Patriarches de Rome, d'Alexandrie, & d'Antioche. Partant, qu'il n'estoit point à propos de traiter de la Hierarchie, lors qu'il s'agissoit del'Ordre, pour ne donner suiet à la calomnie.

Il y eut grande diuersité en l'examen de ces Articles : & ceux de la seconde chambre retournent de fois à autre aux Articles antérieurs, & mesmes quelques vns disputoient, que l'Episcopat est vn Ordre : & autres, qu'iceluy n'adiouste, par dessus la Prestrie, autre chose que iurisdiction. Quelquesques vns aussi allegoient Thomas d'Aquin, & Bonauenture, & autres, pour fonder vne opinion moitoyene, que l'Episcopat n'est autre chose qu'une dignité eminente, ou vne charge en l'Ordre. En confirmation dequoy, fut aussi produit le lieu fameux de Saint Ierome, & l'autorité de Saint Augustin, lesquels afferment bien que l'Episcopat est tres-ancien, mais toutesfoi d'institution Ecclesiastique. Mais Frere Michel de Medina, Theologien enuoyé par le Roy d'Espagne, leur obiectoient, Que l'Eglise Catholique, comme tesmoigne Epiphane, auoit condamné pour heretique Aërius, pource qu'il disoit & maintenoit que l'Episcopat n'est point plus que la Prestrie : & qu'il ne falloit point s'esmeruëiller, si S. Ierome & S. Augustin, & quelque autre d'entre les Peres, estoit encouru en la mesme heresie : veu que la chose n'estoit encor bien esclaircie par tout. Cette audace de dire que S. Ierome & S. Augustin fessissent l'heresie, fut ouye avec beaucoup de scandale. Mais ce Moine insistoit tousiours avec plus de vehemence, soustenant son opinion : si bien que les Docteurs se diuiserent en deux opinions, presques egales en nombre, au fait de la Hierarchie : laquelle quelques vns constituoient es seuls Ordres, allegans Denis l'Areopagite, lequel, au roole des Hierarques ne fait mention que des Diaeres, des Prestres, & des Euesques : autres en la iurisdiction, suiuant l'adus du Portugais Forier. Mais vne tierce opinion moitoyene vint en auant, que icelle consistoit au meslange de l'un & de l'autre, assçauoir, de l'Ordre & de la iurisdiction : laquelle depuis fut vniuersellement approuuée. D'autant, qu'en la constituant en l'Ordre, on ne pouuoit voir qu'elle place y pouuoient auoir Archeuesques, Patriarches, & ce qui importoit le plus, le Pape mesme : attendu que tous sont d'accord, que ces degrez ne sont point Ordres par dessus l'Episcopat : quoy qu'aucuns allegassent au contraire la sentence commune, que l'Ordre Episcopal est partagé en quatre, en Euesques, Archeuesques, Patriarches & Pape. D'ailleurs aussi, mettant icelle en la iurisdiction, ils ensuiuoient qu'aucun des saints Ordres n'y entroient.

Il y eut grande dispute entre eux, qu'elle est la forme de la Hierarchie : car quelques vns disoient, que c'est la charité : autres la foy informe : autres l'vnité, suiuant l'opinion du Cardinal Turrecrémata. Mais à ce dernier aduis on obiectoient, que l'vnité est vne passion generique en tout ce qui est vn : & est effet de la forme, qui la produit. Ceux qui disoient que c'est la charité, produisoient innombrables passages des Peres, qui attribuent l'vnité del'Eglise à la charité. Mais les autres opposoient à cela, que c'estoit l'heresie de Vvicleff : car, si ainsi estoit, le Prelat perdant la charité, seroit hors de la Hierarchie, & perdrait l'autorité. Les difficultez estoient aussi peu vuidées par l'opinion qui portoit, que c'est la foy informe : attendu qu'il y pourroit auoir tel Prelat, infidele en l'interieur & en secret, lequel en seroit semblant exterieur : & que si vn tel n'appartenoit à la Hierarchie, le peuple Chrestien ne scauroit à qui obeyr, pouuant douter de tous, & ayant bien souuent iuste cause de le faire d'aucuns. Et comme les Theologiens, sur tout les Moines, ont accoustumé d'estre fort libres à alleguer ou forger exemples, ils mettoient mesmes sur les rangs le Pape de Rome : disans, que cas aduenant que le Pape fust incredule, toute la Hierarchie periroit, par le defect d'iceluy, si on posoit, pour forme de la Hierarchie la foy, ou la charité.

1562.

Partant, ils mettoient pour forme d'icelle, le Baptême: Mais les mesmes difficultez en naissoient, à cause de l'incertitude d'iceluy, auquel, selon la determination du Concile mesmes, est requise l'intention du Ministre: chose encor plus secrete & cachée, que ne la foy, ne la charité: dont il est impossible d'affermir d'aucun, que vrayement il soit baptizé.

quelques
articles
traitez
sommaire-
ment par
inuesti-
gations
Lutheri-
es:
aduis de
quelques
Moines
sur iceux,

Les Articles, S'il y a vne Sacrificature visible, Si tous les Chrestiens sont Sacrificateurs, Si le Prestre peut devenir Lay, & Si l'office d'iceluy est la predication de l'Evangile, ne furent point traitez par examen, mais par inuesti- gatives & declamations contre les Lutheriens, comme priuans l'Eglise de toute communication avec Dieu, & du moyen de l'appaiser: ce qui la rend vne confusion sans regimine, & la despoüille de toute sa beauté & splendeur. Frere Adamant Florentin, Augustin, Theologien du Cardinal Madruce, lequel estoit de cette mesme chambree, remonstra, Qu'il n'auoit ouy presque d'aucun de ceux, qui auoient parlé auant luy, autres raisons que vray semblables & certaines conuenances & probabilitéz, lesquelles, en semblables occasions, où il s'agit d'Articles de foy, non seulement ne forcent point les Aduersaires, mais mesmes les font roidir d'auantage en leurs opinions: pour preuue dequoy, il produisit vn passage fort exprez de S. Augustin. Et adiousta, qu'en vn Concile il faudroit vser de façons de parler & de traiter differentes de celles des Escholes, esquelles, plus on menuise, & espluche curieusement les matieres, mieux fait-on. Mais en Concile, il n'est pas seant d'examiner autre chose, que ce qu'on peut esclaireir, & mettre en pleine euidence: en lieu, qu'ordinairement on ventiloit tant de questions, desquelles on ne pouuoit venir en connoissance en cette vie, en laquelle Dieu ne veut pas qu'on sçache tout. Qu'à l'egard de cet Article, il suffisoit de dire, que l'Eglise en vne Hierarchie, & que la Hierarchie est composée de Prelats, & Ministres; & qu'iceux sont ordonnés par les Euesques, & quel Ordre est vn Sacrement, & que les Seculiers n'y ont aucune part. Frere Pierre Ramirij, Cordelier, suiuant la doctrine de l'Escot, remonstra qu'il ne falloit point dire, que l'Ordre est Sacrement: d'autant qu'iceluy est vne chose inuisible, & permanente: en lieu que la nature des Sacrements requiert, qu'ils soient tous visibles: & tous aussi, sauf l'Eucharistie, consistent en action. Partant, que pour euitier toutes difficultez, il falloit dire, non que l'Ordre, mais que l'ordination, est Sacrement. Cet aduis eut vne grande contradiction: d'autant que tous les Theologiens; & qui plus est, le Concile de Florence, disent quel Ordre est Sacrement. Or ce seroit vne trop grande audace & outrecuidance de taxer d'impropriété de langage tous les Docteurs, vn Concile general, & toute l'Eglise en somme qui parle ainsi.

examen du
cinquieme
article,

La troisieme chambree n'eut pas moins de variété sur le cinquieme Article. Et combien que tous conuinsent en ce point, que le Saint Esprit estoit donné & receu en l'ordination: quelques vns toutesfois disoient, qu'il estoit donné en propre personne: autres, qu'il estoit conféré au don de la grace. Et sur cela fut beaucoup disputé, sur tout par ceux qui maintenoient qu'il y estoit donné en la grace. Car ils debattoient entr'eux, assauior. Si en l'ordination estoit donnée la grace de la Iustification, ou bien, vn don pour pouuoir exercer la charge. Ceux qui affermoient le premier, se fondeoient sur ce, que tous les Sacrements conferent la grace de la Iustification: ceux qui maintenoient le dernier, se fortifioient de cette raison, qu'un impenitent ne peut recevoir icelle grace, & cependant reçoit bien l'Ordre. Quant au Character, tous furent bien d'accord, qu'iceluy est empraint en la Prestre-
e touchée
le Chara-
ctere.

ture: mais au demeurant furent grandement diuers en opinions: les vns disans, qu'il n'est empraint qu'es Ordres sacrez: les autres qu'il est en tous les sept: lesquelles opinions sont toutes tenuës pour probables par S. Bonauenture. Aucuns agroient la distinction de Durand, que si par Character est entendu vn pouuoir de faire quelque action spirituelle, il n'y a que la Prestre-
e touchée
le Chara-
ctere.

ture qui l'ait: d'autant que cette-là tant seulement peut faire action & œuvre spirituelle,

spirituelle, de consacrer, & de remettre les pechés : mais les autres Ordres ne l'ont pas : attendu que leurs actions sont corporeles, & sont aussi bien faites par les Laïcs, que par les ordonnés, voire mesmes sans aucun moindre peché veniel. Que si aussi, par Caractere, est entendue vne deputation à vne charge speciale, tous les Ordres en ce sens ont leur propre caractere. Mais à cete dernière opinion, on obiectoït, que c'estoit la mesme que celles des Lutheriens, contenue au premier Article : & pourtant, qu'il estoit necessaire d'establiir en tous les Ordres vn caractere propre & ineffaçable. Et y eut mesmes quelcun, qui le vouloit trouuer aussi en la premiere Tonsure, sur cet argument, qu'icelle ny les autres ordres inferieurs ne sont point reiterés en celuy qui est dégradé, ainsi qu'il faudroit reiterer les Ordres, qui ne laissent point de Caractere empraint : joint que par icelle l'homme est enroolé au Clergé, & rendu participant des exemptions & immunités Ecclesiastiques : or ne pourroit-on soustenir que le Clergé & l'immunité soyent de droit diuin, sinon qu'on die que la premiere Tonsure est vne institution diuine. La controuersie fut bien plus grande del'Episcopat : & fut remise sous la question, Si l'Episcopat est vn des Ordres : attendu, qu'ayant deux propres actions tant signalees, de Confermer, & d'Ordonner, la puissance spirituelle, qui est le Caractere, y est necessairement requise : yeu que, sans icelle, la Confirmation & l'Ordination n'auroyent point leur effet, & vertu. Les Prelats, qui estoient là à ouïr ces scabreuses difficultés, en estoient tout pleins d'ennuy, & prestoyent fauorablement l'oreille à ceux, qui disoyēt qu'il falloit couper queuē à tant de subtilités ; & parler en termes generaux : dequoy les Moines ne se pouuoient tenir de murmurer, voyans es Prelats l'autorité de definir Articles, & prononcer Anathemes, sans toutesfois entendre les matieres, ains abhorrans ceux qui les leur expliquoyent.

Au sixieme Article, tous vnanimement condannerent les Lutheriens, d'auoir detracé des onctions ; & autres ceremonies pratiquees en la collation des saints Ordres. Aucuns vouloyent qu'on distingast les necessaires, lesquel- *du sixi-
me des on-
ctions, &c.* les appartiennent à la substance du Sacrement, d'avec les non necessaires : ainsi qu'il auoit esté fait au Concile de Florence : & qu'on declarast heretique quiconque maintenoit que sans celles-là pouuoit estre conféré ou receu l'Ordre. Et que, quant aux non necessaires, on condannast en termes generaux quiconque les nommeroit pernicieuses. Sur cela, naquit vn grand debat, quellés estoient les necessaires ; & quelles les accessiores, adioustees pour plus de bien sçance, ou de deuotion. Melchior Cornelle, Docteur en Droit Canon, Theologien Portugais, parla sur cete matiere fort à propos, considerant, Qu'il est tres certain, que les Apostres, en ordonnant, vsoyent de l'imposition des mains : tellement, qu'en la Sainte Escriture iamais on ne lit aucune ordination auoir esté faite, sans cete ceremonie : laquelle aussi es temps suiuaus fut repütée si essentielle ; que toute l'ordination mesmes en prenoit son nom : & toutesfois Gregoire neuuieme dit, Que c'est vne ceremonie, qui a esté introduite par les Apostoliques : & plusieurs Theologiens ne la tiennent point pour necessaire : quoy qu'autres soyent de contraire aduis. De mesmes voit-on par la Decretale d'Innocent troisieme sur cete matiere, que l'onction n'estoit pas vstée en toutes les Eglises. Et les fameux Canonistes, Hostiensis, Jean André, l'Abbé, & autres, afferment ; que le Pape peut ordonner vn Prestre, par la seule parole, disant, Sois Prestre. Et qui plus est, Innocent, Pere de tous les Canonistes, dit en general : que sans les formalités, qui ont esté inuentees, il suffiroit quel'Ordonnant dist, Sois Prestre : ou autres paroles equiuales : d'autant que les formalités, qu'on garde aujour d'huy, ont esté ordonnées par l'Eglise es temps posterieurs. Et pour ces raisons ce Docteur conseilloit qu'on ne parlast point de ceremonies necessaires, ou non necessaires : mais que tantseulement on condannast ceux, qui les tiennent pour superflues, ou pernicieuses.

Combien que les Congregations des Theologiens occupassent quasi *desir de Reu.*

1562.
formation
des Prelats,

tout le temps; les Prelats ne laissoient pas d'auoir beaucoup plus à cœur que les matieres traitees par les Theologiens, le fait de la Reformation, de laquelle ils parloient entr'eux, les vns pour l'auancer, & la fauoriser; les autres pour la decliner, & diuertir. Et les frequents & publics deuis, qu'on en oyot par toute la ville de Trente, fomentés par les Ambassadeurs Imperiaux, & François, porterent les Legats à iuger qu'il estoit necessaire de ne s'en monstrer point esloignés: veu sur tout, qu'ils s'estoyent engages de parole enuers les Ambassadeurs, qu'ils en feroient la proposition, apres qu'on auroit traité de l'Ordre. Et d'ailleurs aussi ils entendoient, qu'avec grand applaudissement auoit esté receu vn certain discours du sieur de Lansac, tenu en vne assemblée de plusieurs Ambassadeurs, & Prelats; auquel il auoit conclu, que, si on redoutoit & abhorroit tant la Reformation proposee & requise par l'Empereur; au moins deuoit-on trouuer moyen, sans faire autres nouueles ordonnances, de remettre en vſage les choses establies par les anciens Conciles, ostant les empeschemens, qui fomentoyent les abus. Les Legats firent vn Recueil des propositions des Imperiaux, & de toutes les instances, qui leur auoyent esté faites en matiere de Reformation iusques à ce jour-là; & les responses qu'ils auoyent rendues: ensemble vn extrait des choses ordonnees en l'Assemblée de Poissy en France, & des demandes des Prelats Espagnols. Et enuoyerent tout cela au Pape, luy signifiant, Qu'il leur sembloit impossible d'entretenir plus longuement le monde de paroles: mais qu'il falloit, par quelque effet, monstrer d'auoir intention de traiter cete matiere: & lors qu'on viendrait à quelque resolution, contenter en partie les Ambassadeurs des Princes, & sur tout, en ce qu'ils recherchoient pour les interets de leurs propres pais. Ayant toutesfois consideration à la nature & qualité des choses, en sorte qu'elles ne portassent aucun preiudice à la puissance Papale, ny aux prerogatiues de l'Eglise Romaine.

induit les
Legats à en
escrire au
Pape.

lequel refu-
se aux Fran-
çois la dilata-
tion de la
Session,

Le Pape, ayant veu l'instruction du Roy de France enuoyee à ses Ambassadeurs, s'en esmut: ne pouuant ouïr chose plus desagréable, que d'allonger le Concile, auquel il auoit conceu esperance, qu'en la suiuite Session du douzieme Nouembre, on pourroit definir & vider tout ce qui restoit à traiter: & que, s'il y auoit encores quelque chose de reste, le Concile seroit infailliblement ou finy, ou suspendu, ou rompu, à la fin de cete annee, pour le plus long terme. Et respondit à l'Ambassadeur de France, résident auprès de luy, lequel luy faisoit instance de differer le traite des Dogmes iusques à la venue des Prelats François, & en cet entretemps traiter de la Reformation, Que quant à attendre les Prelats François, il auoit aduis que le Cardinal de Lorraine auoit resolu d'attendre la prise de Bourgues, & puis de là accompagner le Roy à Orleans: ce qui demonstroït bien que son depart de France seroit fort tard, & peut estre encor ne s'effectueroit iamais: & n'estoit raisonnable d'entretenir, sur des desseins tant esloignés, si grand nombre de Prelats à Trente. Que ces requettes de dilation n'estoyent que paroles, pour entretenir, & les Prelats, en frais: non, de volonté, disoit-il, que les prelats François ayent d'aller au Concile: & protestoit, qu'en cas, que par leurs delais ils contraignissent à continuer de depensdre ainsi son argent, il ne pourroit plus suiure à prester secours au Roy. Et fit grand force sur ce qu'il disoit, que les François auoyent esté attendus à Trente par l'espace de dix huit mois, l'entretenant par diuerses & friuoles excuses. Il se plaignoit aussi de sa condition, disant, Que si le Concile vsoit de quelque respect enuers luy, ce que toutesfois il ne faisoit qu'en bien peu de choses, les Ambassadeurs, qui estoient là, incontinent crioyent que le Concile n'estoit pas libre: & cependant eux mesmes le requeroient de commander vne dilation, chose plus iniuste, & abhorree des Peres, que nulle autre. Et pour conclusion, dit, Que s'il y auoit assurance, ou mesmes vray semblance, que les Prelats François y allassent: il seroit tout deuoir pour les faire attendre. Et adiouta, qu'il auoit baillé charge d'estre aduerty, par courrier expres, du temps du depart du Cardinal: & que quand il le sauroit

pour asseuré, alors il moyeneroit qu'il fust attendu: mais qu'il ne luy sembloit point raisonnable d'entretenir cependant les Peres oisifs, sans rien faire. Et qu'il estoit plus nécessaire de l'attendre pour le fait de la Reformation, que pour les matieres des dogmes, lesquelles ne le concernent point, luy, qui est bon Catholique: & duquel il s'asseuroit qu'il ne seroit iamais dissentant des autres: mais, qu'il estoit bien raisonnable de l'ouïr au fait de la Reformation, laquelle le concernoit, comme estant vn second Pape, possédant plusieurs Benefices, & trois cens mil escus de reuenü des biens d'Eglise: en lieu que luy Pape n'en tenoit qu'un seul, duquel il se contenoit. Et n'auoit pas pourtant laissé de reformer soy-mesmes, & toutes les parties de sa Cour, avec dommage & perte de plusieurs officiers d'icelle: & seroit encor plus, sinon qu'il voyoit clairement, qu'en amoindrissant ses reuenus, il faisoit l'aduantage des Aduersaires, affoiblissant ses forces, & les nerfs de son Estat: lequel, par ce moyen, il exposoit, ensemble tous les Catholiques, qui estoient en sa protection, aux iniures de ses ennemis. Et que, quant à ce qui concernoit les pais non suiets à luy au temporel, le renuersement de la discipline prouenoit d'eux mesmes, & des Roys, & Princes, lesquels, par inuides & importunes instances, le contraignoient à des extraordinaires provisions, & dispenfes. Que sa condition estoit bien miserable. Et que, s'il refusoit les desraisonnables requestes qu'on luy faisoit, tous se plaignoyent de luy, & s'entenoyent offensés, & outragés: si aussi il les accordoit, tout le mal, qui en suiuoit à cause d'eux, luy estoit imputé: & cependant en termes generaux, & confus, on ne parloit que de Reformation, comme auoyent fait les Ambassadeurs du Roy à Trente, sans qu'on pust bien comprendre ce qu'ils desiroient. Qu'ils viennent, disoit-il, vne fois à l'indiuidu, & aux specialitez: & declarent ce qu'ils desirent estre reformé en leur Royaume: & dedans quatre iours on les contentera. Et dit, que les Prelats à Poissy auoyent fait plusieurs reiglemens, lesquels il estoit tout prest de ratifier, s'il en estoit requis. Mais que demeurer tousiours sur les generalitez, & reprendre tout ce que on fait, sans venir à proposer aucune chose particuliere, demonstroit peu de bonne volonté.

Il restoit encor la quatrième chambree des Theologiens, laquelle deuoit *(sur le septieme Article de la superiorité des Euesques)* traiter de la superiorité des Euesques sur les Prestres. Les premiers, suiuirent la doctrine de S. Thomas d'Aquin, & de Bonauenture, lesquels disent, que le Prestre a deux puissances: l'une, de consacrer le Corps & le Sang de Christ: l'autre, de remettre les pechés: qu'en la premiere, le Prestre est superieur, & en icelle l'Euesque n'a point plus d'autorité, que le simple Prestre: mais, qu'à l'égard de la seconde, en laquelle est requise non seulement la puissance de l'Ordre, mais aussi de la iurisdiction, l'Euesque est superieur. Autres adiouterent apres, que l'action de bailler autorité de consacrer, est plus excellente, que celle de consacrer: & que pourtant aussi en icelle l'Euesque est superieur, lequel non seulement peut consacrer, mais mesmes ordonner les Prestres, & leur conferer l'autorité de faire le mesme. Mais, apres qu'on eut assez disputé de cecy, & qu'à cete occasion on fut retourné à traiter les Articles de la Hierarchie, comme estant vne mesme chose que la superiorité, & qu'on eut aussi disputé si icelle consiste en l'Ordre, ou en la iurisdiction, ou en tous les deux, Frere Antoine de Montcalcin, Cordelier, dit, Que l'Article ne deuoit estre entendu d'une superiorité imaginaire, & consistante en preeminence, ou perfection d'action: ains, d'une superiorité de regime & gouuernement, laquelle ait le pouuoir de faire loix, & status, & de iuger causes, tant en la Cour de conscience, qu'en l'exterieure & contentieuse. Que c'estoit cete superiorité, que les Lutheriens nient, & que c'estoit aussi celle là, de laquelle il escheoit de traiter. Il dit, qu'il falloit qu'en l'Eglise vniuerselle il y eust vne telle autorité pour la gouuerner, & qu'autrement elle ne se pourroit conseruer en vnité: ce qu'il prouua par l'exemple des abeilles, & des grues. Et dit que semblablement en chaque Eglise particuliere est nécessaire vne autorité speciale,

1562.

pour la gouverner : & qu'icelle est és Euesques, lesquels ont part du soin & de la cure, la totalité de laquelle est au Pape, Chef de l'Eglise : qu'icelle estant vne puissance de iuger, & de faire procès & ordonnances, est puissance de iurisdiction. Que quant à l'Ordre, l'Euesque est bien de plus haut degré que le Prestre, ayant toute la puissance d'iceluy, & deux autres encore de plus : mais qu'à cet esgard, il n'est point appelé supérieur : de mesme, que le Soufdiacre, est bien de quatre degrés au dessus de l'Ostiaire, & cependant n'est pas supérieur. Il prouua ce sien aduis, par l'usage vniuersel de toute l'Eglise, & de toutes les nations Chrestiennes, & apporta diuerses autorités des Peres, pour le confirmer : & finalement il se rangea à l'Ecriture Sainte, monstrant que cete sorte d'autorité est en icelle appelee Pastorale, sur quoy il allega plusieurs passages des Prophetes : disant, que l'vniuerselle auoit esté baillée à S. Pierre, lors que Iesus Christ luy dit, Pay mes brebis : & que la particuliere auoit esté conferee par Pierre aux Euesques, lors qu'il leur dit, Paissez le troupeau, que vous auez en garde. Cete opinion fut suivie d'un grand applaudissement.

Or les Espagnols s'en voulent servir pour remettre sur l'autorité des Euesques.

Or, auant que ceux de la quatrième chambree eussent acheué de parler, les Prelats Espagnols, qui estoient tous resolu de mettre sur le bureau la matiere de l'Institution des Euesques par Christ mesmes, apres auoir consulté entr'eux, conclurent, Qu'il valoit mieux que le premier mouuement en fust fait és Congregations des Theologiens, afin qu'en celles des Peres la matiere fust toute digeree, & preparee : & qu'avec plus d'apparence de raison, ils pussent en discourir, comme reprenant les choses a dictes, & par ce moyen obliger les autres à en parler. Et pour tant, en la Congregation du premier Octobre, Michel Oromcuse, Theologien de l'Euesque de Pampelune, sur le septième Article, dit, Que s'agissant de qualifier, ou condamner en proposition, qui peut receuoir plusieurs sens, il est necessaire de les distinguer, & puis apres de les considerer vn par vn. Et que de cete nature & qualité luy sembloit estre la proposition de cet Article, à sauoir, Si les Euesques sont superieurs aux Prestres : d'autant qu'il faut distinguer, s'ils sont superieurs de fait, ou de droit : que pour le fait, n'y escheoit aucun doute, attendu qu'au temps present on voit, & és histoires de plusieurs siecles on lit, que les Euesques ont tousiours exercé superiorité, & les Prestres rendu obissance : & pour tant, qu'en ce sens l'Article ne pouuoit estre mis en controuersé : donques, il ne falloit disputer que du droit : en quoy escheoit vne autre ambiguité, à sauoir de quel droit on parloit : attendu que ce pouuoit estre ou droit Papal, ou droit diuin : que si on l'entendoit du Papal, il est tres-euidant que les Euesques sont superieurs aux Prestres ven qu'on trouue tant de Decretales, qui le porte expressement : mais ores que cela soit tres-vray & certain, il ne faudroit pas pour cela condamner les Lutheriens pour heretiques, attendu qu'on ne peut tenir pour article de foy, ce qui n'a fondement qu'en loy humaine : mais qu'ils meriteroyent bien d'estre condamnés pour tels, enniant la superiorité des Euesques par dessus les Prestres, si icelle de vray est de droit diuin : comme pour luy, il tenoit pour chose toute claire, & le pouuoit euidemment prouuer, & refuter toute opposition au contraire : mais qu'il ne deuoit passer plus outre : attendu qu'il estoit interdit d'en parler. Et en cet endroit il passa à demonstrier, que le ministere de la Confirmation, & de l'Ordination, est propre des Euesques. Puis, ayant parlé sur le huitième Chapitre, en conformité des autres, il acheua son discours.

Apres luy vint à parler Iean Fonseca, Theologien de l'Archeuesque de Grenade, lequel entra puissamment en matiere : & dit, Qu'il n'estoit, & ne pouuoit estre defendu d'en parler : & veu, que l'Article auoit esté proposé à examiner, pour sauoir s'il estoit heretique, il estoit bien necessaire de traiter, si iceluy est contre la foy : or est-il impossible de comprendre que chose aucune soit contre icelle, laquelle quant & quant ne repugne au droit diuin. Qu'il ne sauoit d'où venoit ce bruit courant, qu'il estoit defendu d'en parler :

attendu que, tout au contraire, par la proposition de l'Article, il estoit commande de l'examiner. Et en cet endroit il passa à parler non seulement de la superiorité, mais aussi de l'Institution, maintenant que les Euesques sont institués par Christ, & que par sa diuine ordonnance ils sont superieurs aux Prestres: allegant pour preuue, que, si le Pape est ordonné par Christ, pource qu'iceluy dit à Pierre, Je te bailleray les clefs du Royaume des cieus: &, j'aimés brebis: les Euesques, à mesme raison, sont aussi institués par luy, d'autant qu'il dit à tous les Apostres, Ce que vous lierez en terre, sera lié au ciel: & les pechez de ceux, à qui vous les aurez remis, leur seront remis. Et sen outre, Allez par tout le monde vniuersel, & preschez l'Euangile: &, ce qui importe encor plus, il leur dit, Comme mon Pere m'a enuoyé, ainsi ie vous enuoye. Que si le Pape, disoit-il, est successeur de S. Pierre, les Euesques sont successeurs des Apostres: sur quoy il produisit vn grand nombre d'autorités des Peres, qui disent cela nommément: & particulièrement rappporta vn long discours de S. Bernard sur ce mesme suiet, au second liure de ses Considerations au Pape Eugene: & allega le passage des Actes des Apostres, auquel S. Paul dit aux Pasteurs d'Ephese, que le Saint Esprit les auoit constitués Euesques pour paistrel l'Eglise de Dieu. Et adioult, que ce que les Euesques sont confirmés, ou melmes créés par le Pape, n'inferoit point qu'ils ne fussent pourtant institués par Christ, & qu'ils n'eussent de luy leur autorité, tout ainsi, que le Pape est bien créé par les Cardinaux, & cependant a son autorité de Christ: & les Prestres sont créés par l'Euesque ordonnant, mais recoiuent de Dieu l'autorité: ainsi aussi les Euesques recoiuent du Pape le diocese, mais de Christ l'autorité. Il prouua la superiorité des Euesques par dessus les Prestres estre de droit diuin, par l'autorité de plusieurs Peres, lesquels disent, Que les Euesques succedent aux Apostres, & les Prestres au septante deux disciples. Puis, sur les autres parties de l'Article, il dit les mesmes choses, qu'auoyent ia dit les autres. Le Legat Simone ne ouit ce discours avec de l'impatience, & se tournant souuent vers ses Collegues, & fut sur le point de rompre le propos de ce Theologien: mais d'autant avec tant de raison, & ouï avec tant d'attention des prelatz presens, qu'il le voyoit enfilés ens qui refoudre.

Après cetui-là, suiuit Frere Anthoine de Grossot, Iacopin: lequel, apres auoir dit quelque chose briueuement sur les autres Articles, s'arresta sur cetuy-cy: & insista fort sur les paroles dites par Saint Paul aux Pasteurs d'Ephese à Milet, en les exhortant d'auoir soin du troupeau, pource qu'ils estoient par le Saint Esprit commis à le paistre & gouverner: & sur cela fit plusieurs exhortations. Et premierement, qu'il estoit fort necessaire de declarer, que les Euesques n'ont la commission de leur office de par les hommes: car, si cela estoit, ils seroyent des mercenaires; auxquels les brebis n'appartiennent point: & pourueu qu'ils contentassent l'homme, qui leur en auoit baillé la charge, ils n'auoyent à se soucier d'autre chose. Mais, que Saint Paul auoit démontré, que l'obligation de conduire & paistre le peuple Chrestien, estoit diuine, & imposée par le Saint Esprit: pour conclure de là, qu'ils ne se pouuoient excuser sur aucune dispense humaine: & allega là dessus le fameux passage de Cyprien, Que tout Euesque est obligé à rendre conte à Christ tout seul. Et dit en suite, que les Euesques d'Ephese n'estoyent pas de ceux, qui auoyent esté institués par Nostre Seigneur Iesus Christ, pendant qu'il estoit en chair mortelle: ains par S. Paul, ou par quelque autre Apostre, ou Disciple: & cependant en cet endroit là, n'est faite aucune menti du Ministre ordonnant, mais le tout est attribué à l'Esprit de Dieu, lequel, non seulement leur auoit baillé l'autorité de regir, mais aussi leur auoit departy la part du troupeau, qui leur auoit esté commise à paistre. Et là dessus il inuectiua contre ceux, qui les iours auparauant auoyent dit, que le Pape departit le troupeau: inculquant, que c'estoit mal parlé: & que c'estoit ramener en usage ce que Saint Paul auoit tant detesté, assauoir, Je suis de Paul; & moy d'Apollon. Que le Pape est le Chef Ministeriel de l'E-

*dequoy les
Legats s'ap
perçoivent.
Et prepa
rent opposi
tion, par
d'autres
Theologien.*

glise, par lequel Iesus-Christ, qui est le Chef principal, opere, & auquel aussi l'œuvre doit estre attribuee: disant, conformément à ce que dit Saint Paul; que le Saint Esprit baille le troupeau à paistre & regir. Que iamaïs l'œuvre n'est attribuee à l'instrument, ou au ministre, mais tousiours à l'agent principal: que l'Ancieneté auoit tousiours vsé de cete façon de parler, Que Dieu, & Christ, pouruoient de recteurs & de pasteurs aux Eglises: & qu'icelle est prise de S. Paul, lequel escrit aux mesmes Ephesiens, que Christ, estant monté au ciel, a donné à son Eglise, Apostres, Euangelistes, Pasteurs, Docteurs: par où il monstre clairement, que, mesmes apres estre monté au ciel, il pouruoit de Pasteurs: & l'institution des Pasteurs, & des docteurs, entre lesquels sont les Euesques, suiuant ce dire de S. Paul, doit estre attribuee à Christ tout seul, non autrement, que celles des Apostres, & des Euangelistes. Ce Theologien s'aperceut, qu'il n'estoit fauorablement ouï des Legats, & d'autres: partant, doutant quelque heurt, comme il estoit aduenü en d'autres occasions, il adiousta, qu'il auoit esté emporté à ce discours non premedité par le fil des paroles, & par l'ardeur du discours, ne se souuenant pas qu'il estoit defendu de parler de ce point. Puis, estant rentré à examiner les offices des Euesques, & ayant refuté les Lutheriens, qui les estimant superflus, & ayant montré que de temps immemorial ils sont en vusage en l'Eglise, & qu'ils viennent de tradition Apostolique, il fit fin. Les Legats halenerent que ç'auoit esté vne souplesse & artifice de l'Archeuefque de Grenade, & d'autres Espagnols, pour donner carrière aux Prelats à s'entendre en cete matiere: & pourtant ils moyenerent que la contraire opinion fust defendue & soutenue par quelcun des quatre, qui seuls, d'entre tout le nombre arresté, restoyent à parler pour le jour ensuiuant: & de mesmes fit on preparer les Prelats partisans du Pape, qu'on souloit employer, à la maniere susmentionnee, à s'opposer aux autres, afin qu'ils fussent tous preits pour contredire aux Euesques Espagnols, en cas qu'ils eussent introduit la matiere es Congregations.

Le iour ensuiuant, qui fut le deuxiéme Octobre, deux Theologiens se mirent à prouuer, Que, comme la superiorité des Euesques, estoit certaine, aussi de rechercher de quel droit elle estoit, estoit chose fort malaisée à decider: & quand ores elle seroit decidee, de nul fruit: & pourtant, qu'il falloit omettre cete question. Deux autres soustinrent, qu'elle est de droit Papal. Et Frere Simon Florentin, Theologien du Cardinal Seripande, discourut sur cete matiere conformément à l'opinion de Caietan, & de Catarin: en cete forme, Que l'Episcopat a este institué de droit diuin par Iesus-Christ, pour regir & gouverner l'Eglise: & que luy mesmes ordonna tous les Apostres Euesques, quand il leur dit, Je vous enuoye, comme i'ay esté enuoyé par mon Pere: mais, que cete institution auoit esté personele, & deuoit finir avec la vie de chacun d'eux: mais, qu'il en auoit establi vn, qui deuoit durer à perpetuité en l'Eglise, assauoir, Pierre, lors qu'il dit non à luy seulement, mais à tous ses successeurs. Pai mes brebis. Et qu'ainsi l'auoit entendu S. Augustin, disant, que Pierre representoit tout l'Eglise; ce qui n'auoit iamaïs esté dit d'aucuns Apostres: ains S. Cyprien dit, que S. Pierre n'est pas seulement figure & pourtrait de l'vnité, mais que l'vnité commence & deriue. En cete puissance, donnée à Saint Pierre, & à ses successeurs tant seulement, est contenue la charge de gouverner tout l'Eglise, & d'ordonner autres Recteurs, & Pasteurs, non toutesfois comme delegués, mais comme ordinaires, leur departant particulieres prouinces, villes Eglises. Et pourtant, quand on demande, si quelcun est Euesque de droit diuin, il faut respondre, Qu'il y en a vn seul tel: assauoir, le successeur de S. Pierre: au demeurant, l'Episcopat est bien de droit diuin, entant que le Pape mesmes ne peut faire, qu'il n'y ait Euesques en l'Eglise: mais chacun d'iceux Euesques est de droit Papal: dont il aduiant, que le Pape les peut creer, transférer, restreindre & amplifier leurs dioceses, leur donner plus ou moins d'autorité; & mesmes les suspendre, & les demettre: ce qu'il ne peut es choses,

qui sont de droit diuin: attendu qu'il ne peut ôter au Prestre la puissance de consacrer, d'autant qu'iceluy la tient de Christ: mais il peut bien ôter à l'Euesque toute iurisdiction, d'autant qu'iceluy la tient de luy. Et, que c'estoit là le sens du fameux dire de S. Cyprien, Qu'il n'y a qu'un seul Episcopat, duquel chaque Euesque tient vne partie par indiuis. Que, disant autrement, on ne pourroit maintenir, que la forme du gouuernement de l'Eglise soit la plus parfaite de toutes, assauoir Monarchique: ains on tomberoit en la forme Oligarchique, qui est la plus imparfaite de toutes, & condamnée par tous ceux qui escriuirent des gouuernemens d'estat. Et, pour conclusion, dit, Que par le mesme droit, que les Euesques estoient ordonnés, ils estoient aussi superieurs aux Prestres: & en cas qu'il falust en venir à la declaration, il la faisoit faire en cete sorte. Et allega Thomas d'Aquin, lequel, en plusieurs endroits, dit, Que toute puissance spirituelle depend de celle du Pape, & que tout Euesque doit dire, l'ay receu partie de cete plenitude: & qu'il ne faisoit point regarder aux autres Scholastiques anciens: d'autant qu'aucun d'eux n'auoit traité à fonds cete matiere: ains aux modernes, lesquels, apres la naissance de l'heresie des Vaudois auoyent estudié l'Escripture, & les Peres, & auoyent establi cete verité. Le dernier Theologien prit peine à refuter ce que cet autre auoit dit, que Christ auoit ordonné les Apôtres Euesques, disant, Que, quand il enuoya les Apôtres, comme le Pere l'auoit enuoyé, il les enuoya pour prescher & pour baptizer, qui n'est pas œuvre d'Euesque, mais de Prestre: & que Pierre seul auoit esté ordonné Euesque, lequel, apres l'ascension du Seigneur, auoit ordonné les autres Apôtres Euesques: sur quoy il allegua Turrecremata, & autres. Sur les autres parties de cet Article-là, & du suiuant, ils furent tous d'accord, qu'elles fussent condamnées. Et ainsi fut mise fin aux Congregations des Theologiens.

Après icelles, les Legats se trouuerent bien empeschés: d'un costé: se trouuans obligés de proposer la matiere de la Reformation; les disputes estans acheuées: & d'ailleurs, ne sachans bonnement quels point proposer, lesquels ne fussent preiudiciables, & cependant donnassent quelque contentement: car tout ce, qui pouuoit estre agreable aux Ambassadeurs, estoit ou dommageable à la Cour de Rome, ou desplaisant aux Euesques: & on ne pouuoit mettre la main à chose quelconque agreable aux Euesques, qu'elle ne fust ensembles preiudiciable à Rome, ou aux Princes. En ces perplexités, ils prirent conseil de despescher vn Courrier au Pape, & d'attendre sa response, & cependant faire filer le temps, faisant parler les Prelats sur la matiere de l'Ordre. Ils donnerent particulièrement aduis au Pape, du debat, qu'ils prenoyent sur l'Article de la superiorité des Euesques, attendu l'instance faite par les Prelats Espagnols, & l'entree faite par leurs Theologiens. Et, combien qu'ils ne pussent preuoir où ils vouloyent aboutir, toutesfoi, prenant garde à la vehemence des instances, & sachant combien les Espagnols prenent leurs vices de loin, ils ne pouuoient que soupçonner. Ils luy ramenturent, que c'estoit le temps, qu'on auoit promis de parler de la Residence, & que desia on en auoit entendu quelque bruit sourd: & l'Archeuesque de Messine auoit recherché celuy de Nicosie au Royaume de Chypre, & celuy de Zara, pour descouurir quelle seroit leur intention, lors que la proposition en seroit faite: ioint plusieurs autres pratiques; dont on auoit le vent, sans qu'on en eust encor penetrer le fonds: que, pour eux, ils auoient desia ordonné à l'Archeuesque d'Otrante, & à l'Euesque de Venetie, de descouurir dextrement quel seroit le sentiment des Prelats; si on proposoit de remettre l'affaire à Sa Sainteté, & qu'ayans diligemment sondé, ils auoyent trouué, qu'il y en auoit soixante roidement contraires, avec peu d'esperance d'en pouoir demouoir aucun par offices & pratiques. Qu'à l'instance deux Legats le Secretaire du Marquis de Pescara auoit fait de puissans offices enuers les Espagnols, mais n'en auoit rapporté autre chose, sinon qu'ils ne s'y oppoheroient point avec animosité, ains diroyent leurs

1562.

le dernier
Article n'a
aucune dif-ficulté:
le Legats
perplexéescriuient
sur le fait
au Papeaprès auoir
fait leurs
pratiques
au Conseil.

aduis doucement, & sans bruit, qu'ils sauoyent, que la plus grande partie, comme dependante de Rome, estoit de contraire opinion: mais qu'ils estoient obligés de mesmes de descharger leur conscience: sachans bien, que leur sentiment n'estoit point contraire au Pape, de la tresbonne & tres sainte intention duquel ils estoient persuadés; mais bien aux Euesques, residents aupres de luy. Ils adiousterent aussi, que les mesmes Espagnols, ayans presenté qu'on traitoit de remettre l'affaire à Sa Sainteté, disoyent, Que le mesme aduis estoit fait de l'usage du Calice: & qu'en vain faisoit-on Concile pour traiter ce qui n'importoit de rien, & pour remettre au Pape ce qui meritoit reiglement & prouision. Ils luy donnerent aussi aduis de la promesse faite aux Ambassadeurs, de proposer le fait de la Reformation, & l'impossibilité qu'il y auoit de plus temporiser. Et, sur les aduis qu'ils auoyent de la venue du Cardinal de Lorraine, & des François, qui venoyent avec des desseins, & conceptions de grandes nouueautés; ils concludoyent, qu'on pouuoit tenir pour tout asseuré, qu'ils s'vniroyent avec les malcontents qu'ils trouueroient à Trente. Et partant, qu'en vne si grande ambiguité de conseils, ne sachans à quoy se resoudre, ils auoyent deliberé d'attendre les commandemens de Sa Sainteté.

En ce mesme temps, le Pape, ayant d'ailleurs esté aduertý & certifié des desseins du Cardinal de Lorraine, & particulièrement qu'il vouloit pourchasser la reformation de l'élection du Pape, afin que les Ultramontains eussent aussi leur part du Papat, en fut touché au vif. Et, tout resolu de n'attendre point le coup, ains de preuenir, en donna aduis à tous les Princes Italiens, leur monstrant le grand dechet qu'en souffriroit la nation, si cela aduenoit; qu'il n'en parloit point pour son esgard, veu que cela ne le pouuoit toucher, mais pour le bien public, & pour l'amour de la commune patrie.

Et, sachant bien, que le Roy d'Espagne ne pourroit iamais agreer vn l'ape Espagnol, à cause des pensées naturelles, qu'à le Clergé d'icelle nation de se deliurer des exactions du Roy: & moins encor vn François, pour l'inimitié desnations: mais qu'en Italie il auoit la pluspart de ses confidens; il escriuit à son Nonce en Espagne, qu'il luy communiquast le dessein des François, tout porté à vouloir vn Pape de leur nation, pour pouuoir, par ce moyen, s'emparer de Naples, & de Milan, sur lesquels ils ont leur anciennes pretentions.

Et, pour ne defaillir de son costé, & afin de sapper vne partie des fondemens, sur lesquels le Cardinal pouuoit bastir son dessein, qui estoient les abus, commis en l'élection du Pape, estemps prochainement passés; il fit vne Bulle sur cete matiere, & quoy qu'en effet elle ne continst autre chose, que les reiglemens & prouisions autresfois faites par diuers Papes, ja surannée & abolies: on pouuoit toutesfois tousiours repliquer, Qu'il n'y auoit besoin d'autre reformation en cet endroit, puis que la Bulle remedioit à tous les inconueniens aduenus: ou certes, du moins, leur ostoit la force: tellement qu'on ne pouuoit pretendre qu'ils fussent plus en vigueur. Et, si quelcun vouloit pronostiquer, qu'elle seroit mal obseruee, comme les precedentes, on pouuoit repartir, Que qui fait mal, pense mal: & que le deuoir de la charité Chrestienne est, d'esperer le bien de tous. Cete Bulle fut publiee sous la date du neu-

uiesme Octobre de l'année mil cinq cens soixante deux. Apres cela, le Pape eut aduis, qu'en Espagne auoyent esté tenues plusieurs Congregations sur le suiet de la Reformation generale, pour en donner commission à l'Ambassadeur qu'on enuoyeroit à Trente, afin que les Prelats Espagnols fussent vnis, & trauaillassent tous vnaniment à vn mesme but. Cete nouuele ne fut point agreable au Pape; & aussi peu plut-il aux Legats à Trente, que le Roy d'Espagne parlast d'y enuoyer vn autre Ambassadeur: car le Marquis de Pescaire lecondoit fort bien, en toutes ses actions, les intentions du Pape: & les agents & ministres, qu'il employoit à Trente, estoient Milanois, affectionnés à la personne de Sa Sainteté, & de ses propres parens; & intimes du Cardinal Simone-

te, lequel s'estoit tousiours seruy d'eux à toutes occasions, pour le bien des affaires de Sa Sainteté. En lieu que le Conte de Lune, lequel on y destinoit en sa place,

la place, ayant esté avec l'Empereur, & le Roy des Romains, & fort chery par eux, estoit tout imprimé des conceptions de ces Princes-là : tant plus, que le bruit estoit, que, pour euitier le differend de preface avec la France, il y viendrait sous le nom d'Ambassadeur de l'Empereur, quoy qu'en effect il le fust du Roy d'Espagne. Ce qui de vray auoit bien esté deliberé mais ne sur pas effectué. Aussi estoit la conijonction de ces Princes suspecte au Pape pour plusieurs esgards : mais sur tout, à cause du Roy de Boheme : lequel, en plusieurs choses, s'estoit montré esloigné d'affection de luy. Il prenoit aussi ombrage de la deputation du Conte de Lune pour vn autre esgard : c'est, qu'iceluy ne se pouuoit trouuer au Concile, qu'apres la fin de la Diete de Francfort, laquelle ne pouuoit durer moins, que iusques à la fin de l'annee : dont il prenoit coniecture, que le Roy d'Espagne auoit intention de porter le Concile à grandes longueurs. Mais, dès qu'il eut receu le dernier aduis de ses Legats, il fut encor en plus grande perplexité, voyant que les Prelats mesmes, voire les siens propres, nonobstant que leurs interests requissent prompte expedition, estoient comme ligués & coniuérés à le prolonger, par leurs importuns offices. Il proposa les lettres des Legats en la Congregation des Cardinaux, ordonnant qu'on aduist plustost au moyens d'obtenir à vne infinité de difficultés pendantes, qu'à se deliurer de l'ennuy pre-
*de l'abbé de Mante enuoyé au Pape par le Roy de France pour l'ad-
 uertir de l'allee du Cardinal de Lorraine.*

sent : attendu que, plus le Concile alloit auant, plus se rendoit-il malaisé à manier : & ne pouuoit-on donner de Rome aucun ordre, lequel, à cause de la distance, n'arriuoit à tard, & ne fust hors de saison : ce qui à la longue, ne pouuoit faillir de causer quelque grand mal. Il se doult aussi que les Vltra-montains estoient vnis entr'eux à le prolonger pour leurs propres interests : l'Empereur pour gratifier les Allemans, afin de faire elire son fils Roy des Romains : la France, pour s'en pouoir preualoir, en cas d'accord avec les Huguenots : & l'Espagne : pour ses esgards d'entretenir les Pais bas en esperance. Il exposa toutes les difficultés, qui procedoyent de diuers interests des Prelats au Concile, & les desseins qu'on descouuroit es Espagnols, & ce qu'on apprenoit des intentions des François qu'on attendoit.

En ces mesmes iours, le Roy de France enuoya l'Abbé de Mante tout expres à Rome, pour communiquer au Pape la resolution qu'il auoit faite d'accepter les Decrets du Concile, & luy donner aduis de l'allee du Cardinal de Lorraine eniceluy, accompagné de nombre d'Euesques, pour y proposer les moyens de réunir la Religion en son Royaume : le Roy, & son Conseil ayans iugé, qu'il n'y auoit aucun plus capable de cete charge, tant à l'esgard de la doctrine, que pour l'experience. Le Pape monstra, par grands & amples discours, d'auoir à gré la resolution du Roy, tant à enuoyer le Cardinal, qu'à donner entiere execution aux Decrets du Concile : & promit, que les Legats, & les Peres receuroient les Prelats François avec tout honneur & faueur, attendant d'eux secours & aide es choses de la Religion, en laquelle ils auoyent tant d'interests, & sur tout le Cardinal, qui estoit la seconde personne Ecclesiastique, peu moindre qu'un Pape. Et dit en outre, que les Euesques de France auoyent traité de la reformation à Poissy, avec beaucoup de prudence, s'offrant d'en faire approuuer & ratifier la pluspart par le Concile. Et adiousta, qu'il estoit contraint d'en accelerer la fin au plus tost, pour la grande despenſe qu'il portoit, laquelle continuant, il ne pourroit plus longuement fournir le secours qu'il prestoit au Roy pour la guerre : & pourtant, qu'il vouloit esperer que le Roy ayderoit à le clorre. Et pour la fin de son propos, il dit, qu'au Concile il n'auoit autre autorité, sinon d'en approuuer ou reprouuer les determinations, sans quoy elles ne feroient d'aucune valeur : & qu'il deliberoit, le Concile finy, se trouuer à Bologne, & y essembler tous les Peres du Concile, pour les conoistre, & remercier, & pour faire l'approbation. Ce mesme député, venu de France, presenta aussi au Pape lettres du Cardinal de Lorraine, avec offres & promesse de tout bon deuoir & office, pour la conseruation de l'autorité du S. Siege.

1562.

resultat des
la Congre-
gation des
Cardinaux,
sur les diffi-
cultés de
Trente:

Le Pape s'enquit particulièrement que c'est que le Cardinal auoit dessein de proposer. Mais l'Abbé luy respondit generallyment, que c'estoyent les remedes necessaires au Royaume de France. Et le Pape, pour donner vn aduertissement au Cardinal, repartit, Que le tout seroit meurement digéré attendu qu'au Concile toutes choses estoient decidees par pluralité de voix.

En la Congregation des Cardinaux, il fut delibéré de respondre aux Legats, qu'ils fissent toute diligence, pour resoudre l'Article de la Residence auant l'arriuee des François, faisant en sorte qu'il fust remis au Pape, sans aucun Decret, s'il estoit possible: ou, du moins, avec Decret, Et que si on ne le pouuoit obtenir, la declaration s'en fust, portant seulement peines, & prix, sans toucher le point, si elle est de droit diuin, ou non. Que l'Article de l'Institution des Euesques sembloit bien haut, & ardu, & de grande consequence: & pourtant qu'ils procurassent qu'il fust aussi remis à luy: & en cas qu'il ne se pust, qu'ils gardassent inuiolablement, de ne permettre qu'il fust determine qu'elle est de droit diuin. Et quant à la Reformation, pour ce qui concernoit le Papat, & la Cour de Rome, Sa Sainteté estoit resoluë de ne vouloir qu'autres s'en entremissent: & qu'il auoit desia fait tant de reformations, comme il estoit notoire à tout le monde, qu'il reigloit tous desordres: & que, s'il y auoit encor quelque chose de reste à reformer, il l'ajusteroit aussi. Que pour le demeurant, ils dissent à tous, que Sa Sainteté remettoit librement la Reformation au Concile: & qu'eux Legats proposassent ce qu'ils trouueroient plus expedient, d'entre les choses representees par les Imperiaux, & decretees par les François à Poissy: sans toutes-foiis venir à aucune resolution, auant qu'en auoir donné aduis à Rome.

Mais la proposition, de terminer le Concile, fust bien estimée de plus grande importance par la Congregation des Cardinaux: non qu'ils ne vissent bien euidentement la necessité qu'il y auoit de le faire: mais d'autant qu'ils n'en desceuuroient point le moyen: attendu, qu'y ayant encor tant de matieres à traiter, & les Prelats ne pouuans estre induits à briueuté en discours, & à concorde à traiter, (choses necessaires pour vne promptre expedition) il estoit impossible de penser de le clorre, sinon avec longueur de temps. De le suspendre, sans le consentement des Princes, sembloit chose perilleuse, & scandaleuse: sur tout attendu l'aduis receu quelques iours auparauant des Legats, quel Ambassadeur du Ferrier, l'Eueque des Cinq Eglises, auoyent dit, Que si le Concile estoit suspendu, ils ne partiroient pas de Trente pour tant, ny ne laisseroient partir les Prelats leurs adherans, sans en auoir premierement commission de leurs Princes. Et la recherche de cet aduen des Princes, emportoit beaucoup de temps: car indubitablement chacun d'eux, auant que respondre vouldroit sauoir l'intention de l'autre. Et pourtant, sur ce point, ils ne furent resoudre autre chose, sinon de solliciter les Legats à l'expedition des matieres. La venue du Cardinal de Lorraine donnoit encor plus à penser, attendu les aduis qu'on auoit de diuers endroits, qu'outre l'affaire de l'election du Pape, il venoit avec dessein de proposer beaucoup de nouueautés sur la collation des Eueschès, & sur la pluralité des Benefices, & ce qui n'importoit pas moins, sur la Communion du Calice, sur le Mariage des Prestres, & sur la Messe en langue vulgaire. Et, d'autant qu'on presupposoit qu'il ne partiroit point de France, auant qu'auoir response de l'Abbé de Mante, enuoyé par le Roy, ils conseillerent de rappeler le Cardinal de Ferrare, & d'offrir à celuy de Lorraine la Legation de ce royaume-là: ce qu'on pouuoit esperer le deuoir arrester, attendu son ardent desir de commander au Clergé iusques là, qués temps passés il ne s'estoit peu contenir de brasser de se faire Patriarche en France. Que si, nonobstant tout cela, il venoit, il faudroit, en ce cas, enuoyer encor d'autres Prelats à Trente, & quelques Cardinaux, pour le contrebuter: & furent mesmes nommés les Cardinaux, La Bourdaisiere, François, & Nauagier, Venitié. Mais la resolution en fut differee, de peur que cela ne donnast suiet de despit au Card. & que le portait à faire pis,

& aussi, d'autant qu'on n'estoit pas bien acertené que la valeur de ces Cardinaux fust suffisante pour vne si grande & puissante opposition: & en outre encor, pour auoir tout premier aduis de ceux, qui estoient à Trente, afin qu'ils n'en receussent du desplaisir. On eut aussi en cela esgard à la surcharge de la despense, de laquelle il falloit s'espargner, sinon qu'il en parust grande vtilité, & aduantage. Mais bien fut arresté d'escire aux Legats, qu'en sorte ne maniere quelconque ils ne permissent qu'on auançast aucun moindre propos del' election du Pape: & cas estant, qu'ils n'y pussent obuier, qu'auant que le souffrir, ils s'en retournaissent à Rome, pour ne preiudicier au College des Cardinaux, & à l'Italie.

Or à Trente, les deputés à former les Anathematismes, & la Doctrine, ayans consideré les aduis des Theologiens, firent vne minute, en laquelle ils infererent, Que les Euesques sont superieurs aux Prestres de droit diuin. Et ce, d'autant que l'Archeuesque de Zara, & l'Euesque de Conimbre, principaux entre les deputés, furent de cet aduis. Mais les Legats ne le permirent point: disant, Qu'il n'estoit pas raisonnable d'y inferer aucune conception non contenue dedans les Articles: que si, puis apres, les Peres le requeroient, on y aduiseroit. Et pourtant, les Espagnols se resolurent tout promptement de le requerir. Mais les Legats, en ayant eu le vent, & pris conseil, delibererent d'aduertir leurs Prelats, coustumiers de contredire, que si cete maniere estoit proposee; ils ne dissent mot, & ne la missent point en dispute, pour ne donner aux Espagnols occasion de repliques, par lesquelles les Congregations fussent tirees en longueur, & sourdissent les mesmes inconueniens, qui estoient nés pour le fait de la Residence. Mais ordonnerent, que, si l'Archeuesque de Grenade, ou quelque autre, en faisoit instance, le Cardinal de Vvarmiel interrompist, respondant, Que ce n'estoit pas vn point à traiter au Concile, attendu qu'il n'estoit en controuuerse avec les Protestans.

La premiere Congregation de Prelats qu'on tint, apres celles des Theologiens, fut le treizieme Octobre, del'annee mil cinq cens soixante deux, en laquelle les Patriarches, & aucuns Archeuesques, lesquels parlerent les premiers approuerent, en peu de paroles, les Anathematismes, ainsi qu'ils estoient couchés. Mais, quand ce vint à l'Archeuesque de Grenade, apres que luy aussi eust dit briuement son aduis sur les six premiers Canons, sur le septieme il fit instance, qu'il fust dit & déclaré, Que les Euesques, estans institués par Christ, sont superieurs aux Prestres. Et dit, qu'à tresbon droit il pouuoit & deuoit requerir cecy, attendu que cete mesme proposition auoit esté faite en cete forme au Concile sous Iules troisieme, par le Cardinal Crescence, & auoit esté approuué par le Concile. Et allega pour tesmoins de son dire, l'Euesque de Segouie, qui auoit assisté en ce Concile-là en qualité de Prelat, & Frere Otauien Precone, de Messine, Archeuesque à present de Palerme, lequel y estoit entreuenu en qualité de Theologien. Puis adiousta, qu'on ne pouuoit faillir de declarer l'un & l'autre des deux points, assauoir, Que les Euesques sont institués de droit diuin: & Que de droit diuin aussi ils sont superieurs aux Prestres: attendu que cela estoit nié par les heretiques: & s'estendit à prouuer son aduis par plusieurs argumens, raisons, & authorities. Il allegua Denis l'Arcopagite, lequel dit, Que l'Ordre des Diacres se rapporte à celuy des Prestres; celuy des Prestres, à celuy des Euesques; & celuy des Euesques, à Christ, Euesque des Euesques. Il adioint à celal'authorité d'Eleuthere, Pape de Rome, lequel, en vne siene Epistre aux Euesques de France, escrit, que Christ leur auoit commis la charge de l'Eglise vniuerselle. Et en suite celle d'Ambroise, lequel sur l'Epistre aux Corinthiens, dit, que l'Euesque represente la personne de Christ, & est Vicair du Seigneur. Et de plus, celle de Cyprien, en son Epistre à Rogatian, en laquelle il repete par plusieurs fois, que, comme les Diacres sont créés par les Euesques, ainsi les Euesques sont faits par Dieu. Et adiouta ce fameux dire du mesme Saint, Qu'il n'y a qu'un seul Episcopat, duquel chaque Euesque insolidairement tient vne partie. Puis dit, Que

le Pape estoit Euesque, comme les autres: luy, & eux, estans tous freres, fils d'un mesme Pere, qui est Dieu; & d'une mesme Mere, qui est l'Eglise. A raison dequoy aussi le Pape les appelle Freres. Et par consequent, si le Pape estoit institué par Christ, il falloit conclurre, que semblablement par le mesme estoient institué les Euesques. Et ne se pouoit dire, que le Pape les appelast Freres, simplement par termes de ciuilité, ou d'humilité, attendu que les Euesques, mesmes es siecles plus sains & entiers, l'auoyent appelé luy mesme, Frere. Qu'on auoit les Epistres de S. Cyprien à Fabien, à Cornille, à Lucius, & à Estienne, tous Euesques de Rome, esuelles il leur donne le titre de Frere. Que de mesmes il y auoit des Epistres en S. Augustin, esuelles, & en son propre nom, & au nom d'autres Euesques d'Afrique, il donne pareillement le nom de Frere à Innocent & Boniface, Papes de Rome. Mais, ce qui est au dessus de toute euidence, non seulement es Epistres de ces deux Saints, mais aussi de plusieurs autres, le Pape est appelé College. Or est-ce bien chose contraire à la nature d'un College, qu'il soit composé de personnes de diuers genre. Et, s'il y auoit tant de difference entr'eux, que le Pape fust institué par Christ, & les Euesques par le Pape, ils ne pourroyent estre ensemble en un mesme College. La nature d'un College porte bien, disoit-il, qu'il y ait en iceluy vn Chef: & ainsi aduient-il du College Episcopat, duquel le Pape est Chef: mais toutesfois seulement à edification, & non à destruction; & comme on dit en Latin, *in beneficam causam*: en la maniere, que S. Gregoire declare en son Epistre à Iean Euesque de Syracuse, assauoir: que quand vn Euesque est preuenu de forfait, il est suiet au Siege Apostolic: mais, au demeurant, lors qu'il n'y auoit point de forfait, tous, pour raison d'humilité, sont egaux. Et cete est l'humilité Chrestienne, qui iamais n'est separée de la verité. Il allega aussi Saint Ierome à Euagrius, lequel dit, Que par tout où il y a Euesque, soit à Rome, soit en Agobbio, soit à Constantinople, soit à Rege; tous sont d'un mesme merite, & de la mesme Prestise; & tous successeurs des Apostres. Il inuectiua contre les Theologiens, qui auoyent precedemment dit, Que S. Pierre auoit ordonné les autres Apostres Euesques: & les exhorta à mieux lire l'Escripture sainte, & à prendre garde, qu'à tous également fut baillé le pouoir d'enseigner par tout le monde, d'administrer les Sacremens, de remettre les pechés, delier & de deslier; & de gouverner & regir: & en somme, qu'ils auoyent tous également esté enuoyés au monde, ainsi que le Pere auoit enuoyé le Fils. Et pourtant, que, comme les Apostres auoyent eu leur autorité, non de Pierre, mais de Christ; ainsi aussi leurs successeurs ont la leur de Christ mesmes, & non du successeur de Pierre. Et à ce proposil produisit l'exemple de l'arbre, auquel il y a plusieurs branches, & vn seul tronc. Et se moqua de ces autres Theologiens, qui auoyent dit, Que tous les Apostres auoyent bien esté institué de Christ, & auoyent esté egaux en autorité: mais qu'icelle en eux n'estoit que personele, & ne deuoit passer à aucuns successeurs, sauf celle de Saint Pierre: les interrogant, comme s'ils eussent esté presens, sur quel fondement autorité, ou raison, ils se porteroient à vne si hardie affirmation, inuentée dès cinquante ans tant seulement, & formellement contraire à l'Escripture: attendu que Christ auoit dit à tous les Apostres en commun, Qu'il seroit avec eux jusques à la fin du monde: ce qui ne se pouant entendre de leurs propres personnes, il falloit bien de necessité l'interpreter des successeurs de tous. Qu'en ce sens l'auoyent pris tous les Peres, & tous les Scholastics, auxquels cete nouuelle opinion repugnoit diametralement. Il argumenta aussi, que, si les Sacremens sont institué par Christ, il faut par consequence necessaire, aduouer que les Ministres des Sacrement sont institué par luy mesmes. Et, si on dit, que la Hierarchie de l'Eglise est de droit diuin, & que le souverain Hierarque est institué de Dieu, il faut bien donc aussi confesser que les autres Hierarques sont de la mesme institution. Que c'est vne doctrine perpetuelle de l'Eglise Catholique, Que les Ordres sont bien conserés par la main des Ministres, mais que c'est Dieu qui donne la puissance, & l'autorité. Et, pour

conclusion; dit, *Que*, puis que toutes ces choses estoient veritables & certaines; & niees par les heretiques en diuers lieux, desquels l'Euesque de Segoaie auoit fait vn recueil; il estoit totalement necessaire de les declarer, & definir au Concile, & de condamner les erreurs contraires.

De cela le Cardinal de Vvarmie prit occasion de l'interrompre; car il n'auoit pas encores acheué de parler: & dit, comme il auoit esté concerté entre les Legats, *Qu'il n'y auoit point de controuerse avec les heretiques sur ce point: ains que la Confession d'Augsbourg tenoit le mesme: & que pourtant il estoit superflu & inutile, de le reuouer en doute: & les Peres ne deuoient entrer en dispute de chose, en laquelle les Catholiques, & les heretiques conuienent ensemble.* Sur cela, l'Archeuesque de Grenade se leua debout, & repliqua, *Que la Confession d'Augsbourg ne confermoit point cete Doctrine, ains y tondredifoit, & ne mettoit aucune difference entre l'Euesque & le Prestre, sinon, par ordonnance humaine: affirmant que la superiorité des Euesques auoit esté premierement introduite par coutume, & puis auoit esté establie par constitution Ecclesiastique.* Et derechef instâ que la chose fust definie au Concile: ou bien, qu'on respondit aux raisons & authorités par luy alleguees. Le Cardinal de Vvarmie tourna à repartir, *Que les heretiques ne nioient point les choses dites: mais seulement entassoient iniures, mesdisances & inuectiues contre les mœurs & façons de faire du temps present.* En fin, apres autres altercats entr'eux, l'Archeuesque de Grenade, tout indigné, & enflammé, dit, qu'il s'en remettoit aux Nations.

Apres cela, quelque tumulte, qui s'estoit esleué, ayant esté appaisé, d'autres parlerent, receuant les choses, en la forme qu'elles estoient proposées, sans cete addition: les vns, se fondans sur le dire du Cardinal de Vvarmie: les autres, tenans que le Pape seul est institué de droit diuin: iusques à ce que le tour de parler vint à l'Archeuesque de Zaza, lequel dit, *Qu'il estoit necessaire d'adiouster ces paroles, De droit diuin: pour condamner ce; que les heretiques dient au contraire en la Confession d'Augsbourg: Et là dessus, le Cardinal de Vvarmie dit derechef, Qu'en ladite Confession il n'y auoit rien; par où il parust que les heretiques dissentent des Catholiques en cecy: Mais l'Archeuesque de Zaza allega le passage, & les termes formels: dont l'estrif s'allongea tellement, que par iceluy la Congregation de ce iour-là fut terminée.*

En celles des iours ensuiuans, les opinions furent aussi bien diuerfes: & y eut cela de singulier, que l'Archeuesque de Bragançe fit instance de la mesme addition: disant, *Qu'on ne la pouuoit omettre: & s'estendit bien fort à prouuer l'institution des Euesques de droit diuin; allegant raisons, & arguments, peu differens de ceux del'Archeuesque de Grenade & passa iusques à dire, que le Pape ne peut oster aux Euesques l'autorité, qui leur est baillée en leur consecration: laquelle contient en soy; non seulement la puissance de l'Ordre, mais aussi de la Iurisdiction: attendu qu'en icelle leur est assigné le peuple qu'ils doiuent paistré, & regir: & sans icelle l'Ordination n'est point valable: dequoy est vn euident indice, qu'aux Euesques titulaires, & portatifs, on ne laisse pas d'assigner vne ville: ce qui ne seroit nullement necessaire, si l'Ordre Episcopal pouuoit estre sans Iurisdiction: Et en outre, quand on leur met en main la Crosse, on vse de ce formulaire; Que c'est vn signe de la puissance, qui leur est conferee, de corriger les vices. Et qui plus est, quand on leur baille l'anneau, on leur dit, qu'avec iceluy ils espousent l'Eglise: & lors qu'on leur baille le liure des Euangiles, par lequel l'acte le Caractere Episcopal leur est imprimé, on leur dit, Qu'ils aillent prescher au peuple, qui leur est commis: & à la fin de la Consecration, on dit cete oraison, Deus omnium fidelium Pastor; & rector: (laquelle du depuis es Messels a esté appropriée au seul Pape, & est prononcée en se tournant deuers Dieu, & disent, Qu'il a voulu que cet Euesque-là presidast à l'Eglise.) Joint qu'Innocent troisieme dit, Que le mariage spirituel, de l'Euesque*

auec son Eglise, est vn lien institué de Dieu, & insoluble à toute puissance humaine : & que le Pape de Rome ne peut transférer vn Euesque, sinon pource qu'il a vne speciale autorité de Dieu de ce faire. Toutes lesquelles choses seroyent absurdes & impertinentes, si l'institution des Euesques n'estoit de droit diuin. L'Archeuesque de Nicosie, au Royaume de Chipre, dit, Qu'il falloit declarer, que les Euesques sont superieurs aux Prestres de droit diuin, reseruant toutesfois l'autorité au Pape. Mais l'Euesque de Segoure, adherant en tout & par tout aux conclusions & raisons de l'Archeuesque de Grenade, fit vn long recit des passages des escrits des heretiques, esquels iceux nient la superiorité des Euesques, & que leur institution soit de droit diuin. Et dit, que, comme le Pape est successeur de S. Pierre, ainsi les Euesques sont successeurs des autres Apostres, & qu'il paroistroit clairement, par l'histoire Ecclesiastique, & par les Epistres des Peres, que tous les Euesques anciennement se donnoient aduis les vns aux autres, des choses qui arriuoient en leurs Eglises, & en receuoient approbation les vns des autres : & que le Pape faisoit le semblable de ce, qui auenoit à Rome.

Et d'auantage, que les principaux Patriarches, lors qu'ils estoient creés, enuoient aux autres vne Epistre, appelee Eucyclique, ou Circulaire, ou Catholique ; par laquelle ils donnoient aduis de leur ordination, & rendoyent raison de leur foy : ce qui se voit egaleement obserué tant par les Papes de Rome enuers les autres Patriarches ; que par les autres enuers les Papes. Et remonstra, qu'en affoiblissant la puissance des Euesques, on eneroit par mesme moyen celle du Pape. Que la puissance de l'Ordre, & de la Iurisdiction, est baillie par Dieu aux Euesques, & que du Pape ne leur vient autre chose, que le partage des dioceses, & l'application de la personne à iceux. Et dit en somme, Que l'Episcopat n'est point Episcopat sans Iurisdiction. Et allega vne autorité du Pape Anaclét, qui porte, que l'autorité Episcopale est conseruee en l'Ordination par l'onction du Saint Chresme. Que l'Episcopat est aussi bien Ordre, institué par Christ, comme la Prestre : & que tous les Papes iusques à Syluestre, de propos delibéré, ou par incident, on dit, Que l'Episcopat est vn Ordre, lequel vient de Dieu immédiatement. Que les paroles, dites aux Apostres, Ce que vous lierez sur terre : &c. donnent puissance de iurisdiction, laquelle de necessité est conseruee à leurs successeurs. Que Christ auoit institué les Apostres avec iurisdiction, & que des les Apostres en ça, l'Eglise les auoit tousiours institués avec icelle. Donques, auoit-on cela par tradition. Et, puis qu'on auoit desnyé, qu'on a les dogmes de la foy par l'Ecriture, & par les Traditions, on ne peut nier, que cetuy-cy, de l'institution Episcopale, ne soit dogme de foy : de tant plus, que S. Epiphane, & S. Augustin mettent Aërius entre les heretiques pour auoir dit, Que les Prestres sont egaux aux Euesques : ce qui ne pourroit estre, s'ils n'estoyent de droit diuin.

Et par grand nombre de Prelats :

Cinquanteneuf Peres furent de cete opinion : & le nombre en eust, peut estre, esté bien plus grand, n'eust esté, que plusieurs se trouuerent en ce temps-là indisposés d'une influence & mal commun de catharres, duquel mesmes quelques vns se feignoient atteints, pour ne se trouuer en cete meslee, & n'offenser aucun en vne matiere demenee avec tant de passion : & principalement ceux, lesquels, ayant franchement exposé leur sentiment au fait de la Residence, se trouuoient encourus en la disgrâce de leurs Patrons : outre les grands offices & prauies, que fit le Cardinal Simonete, lors qu'il luy sembla que les choses passoyent trop auant, employant Iean Anthoine Facchinetti, Euesque de Nicastro, en Calabre, & Sebastien Vanty, Euesque d'Oruete, à persuader dextrement ; que cet effort des Espagnols estoit, afin de se soustraire de l'obeyssance du Pape, ce qui seroit vne Apostasie du Siege Apostolic, à la grande honte, & dommage de l'Italie, qui n'a, entre les nations Vltromontaines, autre honneur, que celuy, qu'elle reçoit du Pape. L'Euesque des Cinq Eglises dit, Qu'il estoit raisonnable, que de tous les Ordres, & de degrés de l'Eglise, il fust dit & déclaré de quel droit est leur insti-

nombre de la brigade d. Les uns Si monete,

Et par les Euesques des Cinq Eglises :

tution : & de qui ils recoiuent leur autorité. A cet aduis adhererent quelques autres; & particulièrement Pompee Piccolomini, Euesque de Tropee, en Calabre; lequel, faisant la mesme instance, dit, Que quand on viendroït a traiter de tous les degres de l'Eglise, du plus grand au plus petit, & qu'on declareroït de quel droit ils sont, il diroït son aduis aussi au fait de l'Episcopat, pourueu seulement que les Legats le permissent. De ce mesme nombre furent aucuns, lesquels en peu de paroles suiuirent l'aduis de quelques vns de ceux, qui auoyent precedemment parlé: & autres s'estendirent en amplifications, & en contournemens des mesmes raisons en diuerſes formes & faces: & seroit chose trop longue & ennuyeuse de faire recit de tous les suffrages, qui me sont tombé entre les mains.

— Mais celuy de Frere George Zischouid, Hongrois, Cordelier, Euesque de Seigne, merite bien qu'il en soit fait mention particuliere. Ice luy, adherant à l'aduis de l'Archeueſque de Grenade, dit, Qu'il n'auroit iamais cru d'ouïr reuoyer en doute, si les Euesques sont instituez, & ont leur autorité de Christ: car, s'ils ne l'ont de luy, aussi peu l'a de luy le Concile, qui n'est qu'un corps composé d'Euesques. Qu'il faut de necessité, qu'une assemblée, pour nombreuse qu'elle soit, ains son autorité du mesme, que l'ont les singulieres personnes qui la constituent: & si les Euesques ne sont instituez de Christ, ains des hommes; l'autorité de tous ensemble n'est autre que humaine; & quiconque entend dire, que les Euesques ne sont instituez de Christ, ne peut penser autre chose, sinon que le Concile est une Assemblée d'hommes profanes, en laquelle Christ ne preside point: ains seulement une puissance preciaire, empruntée des hommes: & tant de Peres seroyent bien en vain à Trente, à si grands frais & incommodités, si ainsi estoit, que celuy, qu'on pretend auoir baillé la puissance aux Euesques, & au Concile, pouuoit traiter les mesmes choses, voire avec plus d'autorité: & ç'auroit bien esté une generale illusion de toute la Chrestienté, de le proposer, comme moyen, non seulement meilleur, mais unique & necessaire, pour decider les controuerses d'aujourd'huy. Et adiousta, qu'il auoit esté cinq mois entiers à Trente, avec cete persuasion, que iamais nul ne mettroit en question, Si le Concile a son autorité de Dieu, & s'il peut dire ce, que dit le premier Concile de Ierusalem, Il a semble bon au S. Esprit, & à nous. Que, pour luy, il ne seroit iamais venu au Concile, s'il n'eust cru pour asseure, que Christ eust esté au milieu d'iceluy: & que nul ne pouuoit dire, que là où Christ a esté, l'autorité ne soit point de luy: que si aucun Euesque croyoit au contraire, & reputoit son autorité estre humaine, ç'auroit esté une si grande hardiesse à luy, de prononcer Anatheme: en lieu que plustost il deuoit renouer le tout au Pape, qui a plus grande autorité. Que si l'autorité du Concile n'estoit bien certaine, la raison vouloit, que cete matiere eust esté ventilée toute la premiere fois en l'année mil cinq cens quarantecinq, & qu'il eust esté decide; Quelle est l'autorité du Concile: selon qu'il se pratique és plaids & Cours, que la premiere chose qu'on debat & vuide, apres que la cause a esté introduite, est, Si le Juge est competent, ou non, à ce qu'à la fin on ne puisse obiecter nullité à sa sentence, par defect de pouuoir. Que les Protestans, qui espient toute occasion pour detracter, & pour honnir ce saint Concile, n'en pourroyent iamais auoir la plus plausible, que de dire, Qu'iceluy mesme n'est point asseuré de sa propre autorité. Et, pour conclusion, dit, que les Peres regardassent bien ce qu'ils refoudroyent en un point, lequel, determiné selon la verité, establiſſoit toutes les actions du Concile: & decide au contraire, renuerſoit tout.

Tous les Peres acheuerent de parler sur cete matiere le dix neuſieme Octobre, hormis le Pere Lainez, General des Iesuites: auquel escheant de parler le dernier, il fut ordonné à dessein, qu'en ce jour-là il ne se trouuast en Congregation, pour luy donner commodité d'en occuper une toute entiere luy seul. Et, pour en entendre la cause, il faut reprendre la chose d'un peu plus haut: & sauoir, que quand la question fut premierement mise en champ,

mais les
gats leur op
posent Lai-
nez General
des Iesuites,

1562. les Legats euidèrent qu'on ne visast qu'à aggrandir l'autorité des Euesques, leur donnant plus de credit, & de reputation. Mais la deuxième Congregationne fut pas acheuée, que, par les opinions proferees, & par les raisons employees, ils s'apperceurent, quoy que tard, de quelle importance & consequence elle estoit : attendu que, par icelle, on inferoit : que les Clefs n'estoyent pas baillees seulement à S. Pierre ; & que le Concile estoit par dessus le Pape, & que les Euesques estoient egaux au Pape, au quel on ne laissoit que quelque preeminence sur les autres : & que la dignité des Cardinaux par dessus les Euesques estoit tout à fait abolie, & iceux reduits à n'estre que purs & simples Prestres, & Diacres ; & que de cete determination, on passoit de necessité à la Residence, & de là à l'aneantissement de la Cour : & cassoit & annulloit-on les preuentions, & les reserves : & les Euesques estoient à eux la collation des Benefices. On auoit remarqué, que, peu de iours auparauant, l'Euesque de Segouie auoit refusé de recevoir, à vn Benefice de son diocese, vn, qui auoit eu ses prouisions de Rome : & ces choses se descouuroyent tousiours plus euidemment, à mesure que de iour en iour on adioustoit nouueaux suffrages, & nouueles raisons. Et pour ces causes, les Legats employèrent les offices, & les brigues dessusdites, afin que plus grand nombre d'Italiens ne s'adioignist aux Espagnols : & , quoy qu'on gagnast beaucoup, si ne put-on tant faire, que presque la moitié n'espousast cete opinion : de quoy les Legats estoient blasmes par les autres partisans du Pape, qui les chargeoyent de ne premediter point les choses qui pouuoient suruenir, non sur le point qu'on descouuroit les grands & notables preiudices : qu'ils procedoyent à la volée, & ne receuoient les conseils & aduertissemens des prudens, lesquels du commencement, dès qu'ils eurent ouï l'opinion de l'Archeuesque de Grenade, auoyent aduertey qu'on mist puissamment la main aux offices : ce qu'il auoit depuis salu faire, mais hors de faison : & que par leur inaduerterance, si ia en aucuns ce n'estoit malice, estoient mises sur le bureau les plus importantes matieres, qui pussent escheoir en Concile. Atout cela estoit adiouste de surcroist, que l'Ambassadeur Lansac, par plusieurs negotiations & menées, faites avec diuers Prelats, s'estoit descouvert fauteur, ou plustost, promoteur de cete opinion : laquelle on consideroit deuoit recevoir vn grand accroissement & renfort, par la venue des François, qu'on attendoit.

Toutes ces choses estoient dites en sorte, qu'il en venoit quelque vent aux oreilles des Legats mesmes. Et eux, voyans le danger non preueu, prirent conseil, outre les deuoirs ia faits, qu'il ne falloit plus penser d'esquiuier cete question : attendu, que la chose estoit ia passée si auant, & veu le grand nombre de fauteurs qui s'estoit descouvert : mais qu'il escheoit de trouver quelque expedient, ou temperament, pour contenter les Espagnols. Et, apres auoir beaucoup consulté, ils aduiserent de former le Canon en cest termes ; assauoir, Que les Euesques ont de Dieu la puissance del'Ordre, & qu'à l'esgard d'icelle, ils sont superieurs aux Prestres : sans autrement nommer la Iurisdiction, pour ne donner aucun ombrage : d'autant que par vne telle forme de paroles, on inferoit que la Iurisdiction demeure toute au Pape, sans toutesfois le dire expressement.

Or n'ayant rien pu gagner par là, les Legats prirent conseil.

Ayans conceu cete minute de Canon, ils enuoyerent le Pere Soto, pour traiter d'icelle avec les Prelats Espagnols, non tant par esperance d'en demouoir aucun, que pour flatter, à quoy on les pouuoit ranger. De l'Archeuesque de Grenade il n'eut qu'audience, sans response. Il trouuailla aussi enuers les autres, mais n'acquiesça autre chose, sinon la conception & l'estime d'estre bon Courtisan de Rome, en lieu de celle, en laquelle il estoit auparavant, d'estre bon religieux. Les partisans du Pape penserent à vn autre moyé, pour gagner quelques vns de ceux qui chanceloyent encor, & de ceux qui s'estoyent inconsiderement laissez emporter en cete opinion, mais d'ailleurs gardoyent bonne deuotion au Pape : c'est, de moyener par offices & pratiques, qu'ayans reconnu la difficulté de la question, ils dissent d'en remettre la

decision

decision au Pape: ou du moins, de parler avec plus de retenue: & à cet effet, outre les deux susnommés Euesques de Nicaitre, & d'Oruicte, ils employèrent encoir plus l'Archeuesque de Rosan, & l'Euesque de Ventimile: & afin que ceux qui se rauiseroient, eussent quelque couleur, pour se retirer honorablement, ils ordonnerent que Lainez fust vne leçon tout à fonds de cette matiere: & pour faire qu'elle fust ouïe avec attention, & qu'elle pust faire impression, ils voulurent, comme il a esté dit, qu'estant le dernier, il ne parlât point apres les autres, & a des oreilles ou lasses, ou preoccupées, à la fin de la Congregation: mais, qu'il en eust vne toute entiere pour luy seul: & son opinion fut concertée & consultée par tous les quatre Iesuïtes, entre lesquels Caillon y fite plus de deuoir. Et cependant aduiserent aussi, pour n'obmettre vn bon remede de diuersion, d'occuper les Prelats en autre matiere. Or donc, pour retourner aux choses aduenues, en cette Congregation, apres que le General des Serfs de S. Marie eut opiné le dernier, le conformant aux Espagnols, le Cardinal de Mantouë fit vne admonition aux Peres deputés pour la confedion de l'Indice des liures defendus, leur remontrant combien important estoit l'affaire qu'ils auoient entre mains: attendu que toutes les subuersions naissent, & les hereses sont semées & esparées par le moyen des liures: les exhorta à vser de diligence, & à faire bien tost voir au Concile la fin del'œuure: qu'il estoit bien asseuré, que c'estoit vn ouurage de grand travail, & de longue haleine: mais qu'il consideroit aussi, que tous les Peres contribueroient leurs peines & trauaux, pour le soulagement & l'aide des deputés: qu'on consumoit les Congregations à traiter questions de nulle vtilité, & cependant on y soit de delais, & remises en vn œuure tant necessaire. Et, pour la fin, il exhorta à faire en sorte que cet affaire de l'Indice pust estre vuidée en la suiuite Session.

Le matin venu, Lainez parla plus de deux heures, fort artificiellement, avec beaucoup de vehemence & magistralité. Le suiet de son discours auoit deux parties: l'vne de prouuer que toute la puissance de la Iurisdiction est entierement baillée au Pape de Rome; & que nul n'en a aucun brin, sinon de luy: l'autre de refuter tous les argumens, & raisons alleguées es precedentes Congregations au contraire. La substance fut, qu'il y a grande difference, voire mesmes contrariété, entre l'Eglise de Christ, & les communautés ciuiles: comme ainsi soit, que celles-cy ont premierement leur estre, & puis forment-elles mesmes leur gouvernement: & partant sont libres, & en elles est originellement, & radicalement toute iurisdiction, laquelle elles communiquent aux Magistrats, sans toutesfois s'en dessaisir. Mais l'Eglise ne s'est point faite elle-mesme, & n'a point formé son gouvernement: ains Iesus-Christ, son Prince, & Monarque, establit premierement les loix, selon lesquelles elle deuoit estre regie; & puis l'assembla; & comme dit la Sainte Escriture, l'edifia: dont elle nasquit serue, sans aucune sorte de liberté, puissance, ou iurisdiction; ains en tout & par tout suiette. Pour prouuer de ce, il allegua des passages de l'Ecriture Sainte, esquels l'assemblage del'Eglise est comparé à vne semaille, à vn iet de filé, à vn edifice: outre d'autres, esquels il est dit, que Christ est venu au monde, pour assembler ses fidelles, pour ramasser ses brebis, & pour les instruire par doctrine, & par exemple. Puis adiousta, que le premier & principal fondement, sur lequel Christ auoit basti son Eglise, estoit Pierre, & ses successeurs; suiuant la parole, qu'il luy dit, Tu es Pierre, & sur cete Pierre i'edifieray mon Eglise. Et, quoy qu'aucuns des Peres ayent entendu, par cete Pierre, Christ mesmes, & d'autres, la foy en luy, ou la confession de la foy: toutesfois, plus Catholique est l'opinion, qui entend par icelle Pierre mesmes, lequel en langue Syriaque est appelé Ciphà, c'est à dire, Pierre. Puis, suiuant son discours, il dit, que, pendant que Christ auoit vescu en chair mortelle, il auoit gouverné l'Eglise d'vne forme de gouvernement absolu & Monarchique: & qu'estant prest à partir de ce siecle, il y auoit laissé la mesme forme: constituant pour son Vicaire S. Pierre, & ses successeurs pour l'administrer en la mesme façon

Cccc

1562.

que luy mesmes auoit fait : luy donnant, pour cete fin, pleine & totale Iurisdiction ; & luy assuiettissant l'Eglise, en la mesme maniere, qu'elle est suiuette à luy mesmes. Et prouua cela, à l'esgard de S. Pierre, parce qu'à luy seul furent baillées les Clefs du Royaume des cieux : & par consequent, puissance d'introduire, & d'exclurre : ce qui est la Iurisdiction, Et à luy seul aussi fut dit, *Pai* : c'est à dire, *regi* & *gouuernemes brebis* : animal qui n'a ne part, ne disposition aucune en sa propre conduite. Et, veu que ces deux choses, à sçauoir d'estre *Clauandier*, & *Pasteur*, sont offices perpetuels, il faut qu'ils soient conferés à personne perpetuelle : c'est à dire, non seulement au premier, mais à toute sa succession. Et pourtant le Pape de Rome, en commençant par S. Pierre iusques à la fin du siecle, est vray & absolu Monarque, avec plein & total pouuoir, & iurisdiction : & l'Eglise est suiuette à luy, ainsi qu'elle l'a esté à Christ. Et, comme quand Nostre Seigneur mesmes la regissoit en propre personne, on ne pouuoit dire, qu'aucun des fideles y eust aucune moindre puissance, ne iurisdiction : ains qu'il estoit en pure, simple, & totale suiuetion : le mesme se doit dire & croire de toute la continuation du temps : & ainsi doit estre entendu ce qui est dit, *Que l'Eglise est vne Bergerie*, & *vn Royaume*, & ce, que dit S. Cyprien, *Que l'Episcopat n'est que vn mesme*, & chaque *Euesque* en tient vne partie ; ne veut dire autre chose, sinon, *Qu'en vn seul Pasteur gist toute la puissance par indiuis*, & qu'iceluy la communique & depart aux comministres selon l'exigence. Et S. Cyprien, regardant à cela mesmes, comparoit le Siege Apostolic à la racine, au chef, à la source, au Soleil : montrant, par ces similitudes, qu'en iceluy seul est essentiellement la iurisdiction, mais qu'es autres elle y est par deriuation, ou participation. Et c'est là le sens des paroles vsitées par l'Antiquité, *Que Saint Pierre, & le Pape, ont la plenitude du pouuoir*, mais les autres n'ont que part à la cure, & au soin. Or, que Saint Pierre, avec sa succession, soit le seul & vnique Pasteur, il se verifie clairement par les paroles de Christ, quand il dit, *Qu'il a d'autres brebis*, lesquelles il ramassera, & y aura vne seule Bergerie, & vn seul Pasteur. Ce Pasteur, dont est parlé en cet endroit-là, ne peut estre Christ : d'autant qu'il ne diroit pas, au temps futur, *Qu'il y aura vn seul Pasteur*, attendu qu'il estoit desia Pasteur, lors mesmes qu'il parloit : dont il faut entendre ces paroles d'un autre Pasteur vnique, lequel deuoit estre constitué apres luy, & ne peut estre autre, que Saint Pierre, avec sa succession. Et en cet endroit il remarqua, que le commandement de paistre, ne se trouue que deux fois en l'Escripture : l'une, en singulier, quand Iesus-Christ le donna à Saint Pierre, disant, *Pai mes brebis* : l'autre en pluriel, quand Saint Pierre le donna aux autres disant, *Païssez le troupeau qui vous est commis*. Que si, dit-il, les Euesques receuoient de Christ quelque iurisdiction, icelle seroit egale en tous : & par ainsi seroit abolie la difference des Patriarches, Archeuesques, Euesques : & le Pape ne pourroit mettre la main à cete autorité, pour la diminuer, ou annuler tout à fait : ainsi qu'il ne peut la mettre en la puissance del'Ordre, laquelle est de Dieu. Et pourtant il exhorta les Peres à prendre garde, qu'en voulant faire l'institution des Euesques de droit diuin, ils n'abolissent la Hierarchie, & n'introduisissent vne Oligarchie, ou plustost Anarchie. Il adiousta aussi, qu'à fin que Saint Pierre gouuernast bien l'Eglise, en sorte que les portes d'enfer ne preualussent contre icelle, Iesus-Christ, proche de la mort, auoit efficacieusement prié pour la foy d'iceluy, qu'elle ne defaillist point : & luy auoit enioint de confermer ses freres : c'est à dire, luy auoit donné le priuilege d'estre infailible au iugement de la foy, des mœurs, & de toute la Religion ; obligeant toute l'Eglise à l'escouter, & à demeurer ferme en ce qui seroit déterminé par luy. Et conclut, *Que c'estoit le fondement de la doctrine Chrestienne*, & la Pierre, sur laquelle l'Eglise estoit bastie. Et de là il passa à censurer ceux qui tenoient, que les Euesques ayent aucune puissance, receue de Christ, d'autant que oela seroit oster à l'Eglise Romaine son priuilege, qui est, que le Pape soit le Chef de l'Eglise, & Vicaire de Christ. Or sçait-on tres-bien ce qui est establi par l'ancié

Canon, *Omnes sine Patriarcha*, que, qui oste aux autres Eglises leurs droits, com-
met iniustice : mais, qui oste à l'Eglise Romaine ses priuileges, est heretique. 1562.
Et adiousta, que c'estoit vne pure contradiction, de dire, Que le Pape soit
Chef del'Eglise, & que le gouuernement d'icelle soit Monarchic, & cepen-
dant maintenir qu'il y ait aucune puissance, ou iurisdiction, non deriuee de
luy, & receuë d'autre que de luy.

Or, en la refutation des raisons & argumens produits au contraire, il dis-
courut, Que, selon l'ordre institué par Iesus-Christ, les Apostres deuoient
estre ordonnés Euesques, non par Christ, mais par Pierre, receuant de luy
seul la iurisdiction : ce que plusieurs Docteurs Catholiques aussi tiennent
auoir esté fait : & de vray, dit-il, cete opinion est fort probable : quoy qu'il
y en ait d'autres, qui dient, que les Apostres furent ordonnés Euesques par
Christ mesmes : mais adioustant aussi, que Nostre Seigneur, en ce faisant,
preuint l'office de Saint Pierre, faisant luy mesmes, pour cete seule fois, ce
qui appartenoit à Pierre, donnant aux Apostres la puissance, qu'ils deuoient
receuoir de Pierre : tout ainsi, comme quand Dieu prit de l'Esprit de Moyse,
& le departit aux septante Iuges. Et partant cela fut autant, que s'ils eussent
esté ordonnés par Pierre mesmes, & eussent de luy receu toute l'autorité :
dont aussi ils demeurèrent suiets à Pierre, à l'esgard des lieux, & des moyens
de l'exercer. Que s'il ne se trouue point, que Pierre les corrigeast, cela
n'estoit point aduenü par defect de pouuoir en luy, mais d'autant qu'ils
exercent droitement leur charge. Et quiconque lit le tant celebre, &
fameux Canon, *Ita Dominus*, se peut acertener qu'ainsi doit croire & tenir
tout bon Catholique. Aussi pareillement les Euesques, qui sont successeurs des
Apostres, recoiuent la mesme autorité toute entiere du successeur de
Pierre. Il remonstra aussi, que les Euesques ne sont appellés successeurs des
Apostres pour autre raison, sinon, pource qu'ils sont en leur place, en la mes-
me maniere, qu'un Euesque succede à ses predecesseurs, non qu'ils ayent esté
ordonnés par iceux Apostres. Puis apres, à ceux, qui auoient dit, Que donc-
ques le Pape pourroit ne faire point d'Euesques, & vouloir estre tout seul : il
respondit, Que c'est vne ordonnance de Dieu, qu'en l'Eglise il y ait multitu-
de d'Euesques, coadinteurs du Pape : & que pourtant le Pape estoit obligé à
les conseruer : mais qu'il y auoit grande difference entre dire, qu'une chose
est de droit diuin, & qu'elle est ordonnée de Dieu. Les choses instituées de
droit diuin sont perpetuelles, & dependent de luy seul, & en general, & en
particulier, en tout temps. Ainsi est de droit diuin le Baptisme, & tous les
autres Sacremens, esquels Dieu opere singulierement en chaque personne
particuliere. Ainsi est de Dieu le Pape de Rome : d'autant que, quand vn Pa-
pe meurt, les Clefs ne demeurent point à l'Eglise : car aussi elles ne luy sont
point baillées : & subit que le nouueau Pape est créé, Dieu les luy donne im-
mediatement. Mais il en aduient bien autrement es choses d'ordonnance
diuine, esquelles de Dieu vient seulement le general, & les particularités
sont executées par les hommes. Ainsi dit Saint Paul, Que les Princes, & les
puissances temporelles sont ordonnées de Dieu : c'est à dire, que de luy pro-
cede le commandement general, qu'il y ait des Princes : mais toutesfois,
en particulier chacun d'eux est créé par loix ciuiles. En cete mesme façon
les Euesques sont bien d'ordonnance diuine : & Saint Paul, à cet esgard, dit,
Qu'ils sont constitués par le Saint Esprit au gouuernement del'Eglise : non
toutesfois de droit diuin. Et pourtant, le Pape ne peut pas abolir l'ordre
vniuersel de faire des Euesques en l'Eglise, d'autant qu'iceluy est de Dieu :
bien peut-il, d'autorité Papale, oste & demettre chaque particulier Eues-
que, comme n'estant que de droit Ecclesiastic & Canonique. Et sur ce qui
auoit esté obiecté, qu'à ce conte les Euesques ne seroient que delegués,
& non ordinaires ; il respondit, Qu'il falloit distinguer la iurisdiction, en
fondamentale, & en deriuee, & la deriuee, en deleguée, & ordinaire : qu'es
estats ciuils, la fondamentale est au Prince ; & la deriuee, en tous les Magi-
strats : & les ordinaires ne different pas des delegués, pource que les vns & les

1562.

autres recoiueht l'autorité de diuers: veu que tous deriuent egalelement de la mesme souueraineté: mais la différence gist en ce, que les ordinaires sont par loy perpetuelle, & avec succession, en lieu que les delegués ont vne autorité singuliere, ou à l'esgard de la personne, ou à l'esgard du cas. Et les Euesques, pour cete cause sont ordinaires, d'autant que, par la loy Papale, ils sont institués comme vne dignité de perpetuelle succession en l'Eglise. Il dit en suite, que les passages esquels il semble que Christ baille autorité à l'Eglise, comme quand il est dit, *Qu'elle est colonne, & base de la verité: & ailleurs, que, Celuy, qui n'escouterà l'Eglise, soit tenu pour Payen, & peager: doiuent estre entendus à l'esgard du Chef d'icelle, qui est le Pape: & que c'est là la raison, pour laquelle l'Eglise ne peut errer, d'autant que son chef ne peut errer: au moyen de quoy aussi tout homme, separé du Pape, comme du Chef, est aussi separé de l'Eglise. Et sur ce, qui auoit esté dit, que, si nul Euesque n'auoit autorité de Christ, le Concile mesme ne l'auroit pas, il respon- dit, Qu'il n'y auoit aucun inconuenient en cela, ains que la consequence en estoit bien claire, & necessaire: voire mesmes, dit-il, si chaque Euesque en Concile peut errer, on ne peut nier, que tous ensemble aussi ne puissent er- rer: & si l'autorité du Concile venoit de l'autorité des Euesques, iamais on ne pourroit appeller general aucun Concile, auquel le nombre des pres- ens est sans comparaison moindre, que des absens. Il rememora aussi, qu'en ce mesme Concile, sous Paul troisième, auoient esté definis & determinés Articles tres-principaux, des Liures Canoniques, de l'Autorité des inter- pretations, de l'Egalité des traditions & de l'Escripture; en vne assemblée de cinquante, & encor moins: que s'il falloit prendre l'autorité de la multi- tude, tout cela cherroit. Mais que, comme vn nombre de Prelats, tant petit soit-il, conuqué par le Pape pour tenir vn Concile general, ne prend le nom, & la vertu d'estre general, sinon du Pape, qui la luy donne; ainsi aussi il n'a d'ailleurs son autorité, que du Pape. Et pour tant, si iceluy fait des Decrets, ou des Anathemes, les Decrets n'ont aucune force d'agir, ny les Anathemes d'obliger, sinon en vertu de la future confirmation du Pape. Et, quand le Co- cile dit, *Qu'il est assemblé au S. Esprit*, il ne veut dire autre chose, sinon Que les Peres sont assemblés, selon l'intimation du Pape, pour traiter ce, qui, estant puis apres approuué & ratifié par luy, sera vrayement arresté par le S. Esprit. Autrement, comment pourroit-on dire, qu'un Decret fust fait par le S. Esprit, & neantmoins pult puis apres estre inualidé par autorité Papale, ou eust besoin de plus grande confirmation? A raison de quoy aussi es Conciles, quoy que tres-nombreux, lors que le Pape est present en person- ne, luy seul decrete, sans que le Concile y mette du sien autre chose, sinon qu'il approuue, c'est à dire, reçoit ce que le Pape a decreté: & en tous temps n'a esté dit autre chose, sinon, *sacro approbante Concilio*: voire mesmes es deter- minations de souuerain poids & consequence, telle que fut la deposition de l'Empereur Friderich deuxième, au Concile general de Lion, Innocent quatrième, Pape tres-sage, refusa l'approbation du Concile, afin qu'il ne semblast à aucun qu'elle fust necessaire, & se contenta de dire, *sacro presente Concilio*. Ce qui n'infer pas pourtant, que le Concile soit superflu: attendu qu'il est conuqué pour plus exacte enqueste, & pour plus aisée persuasion: & mesmes aussi pour donner quelque contentement aux personnes: & quand iceluy iuge, il le fait en vertu de l'autorité Papale, deriuee de la diuine, la- quelle le Pape luy preste; & confere. Et pour cete raison, les bons docteurs ont soumis l'autorité du Concile à celle du Pape, comme toute dependan- te de celle-cy, sans laquelle iceluy n'a ny assistance du S. Esprit, ny infaillibi- lité, ny puissance d'obliger l'Eglise, sinon, entant qu'elle luy est baillée par celuy seul, à qui Christ a dit *Pai mes brebis*.*

ingens
diuers sur
ce dis-
cours,

Il n'y eut, en tout ce Concile, aucun discours ne plus loué, ne plus blasimé, selon les diuerses affections & inclinations des escouteurs. Les partisans du Pape l'exaltoient comme le plus sçauant, resolu, & fondé de tous autres. Les autres au contraire le taxoient d'adulation, & quelques vns mesmes

d'heresie. Et plusieurs se faisoient entendre d'auoir esté offensés de ses aspres & piquantes censures, & de vouloir, à toutes occasions, le redarguer & luy repartir és suiuautes Congregations, & estaler aux yeux de tous son ignorance & temerité. L'Euesque de Paris, lequel se trouua indisposé en la maison, au temps que le tour luy venoit d'opiner, disoit communément à tous, que la premiere Congregation qui se tiendrait, il vouloit, sans respect d'aucun, dire son aduis contre cete doctrine, laquelle inconnüe és siecles passés, auoit dès cinquante ans seulement esté forgée & inuentée par Thomas de Vio, Caietan, pour gagner vn Chapeau. Que dès lors elle auoit esté censurée, par la Sorbonne. Qu'en lieu du Royaume Celeste, comme est nommée l'Eglise, icelle fait, non vn Royaume, ains vne vraye tyrannie temporelle, laquelle despoille l'Eglise du glorieux titre, d'Espouse de Christ; & la fait serue, prostituée à vn homme. Qu'icelle pose, qu'il n'y a qu'un seul Euesque estably par Christ, & que les autres Euesques n'ont aucune puissance, sinon dependante de celuy-là: ce qui vaut autant, que dire, que luy seul est Euesque, & que les autres ne sont que ses Vicaires, demettables à son bon plaisir. Que, pour luy, il vouloit esmouuoir tout le Concile à aduiser aux moyens de retenir en vie l'autorité Episcopale, ia tant raualee, afin qu'elle ne fust tout à fait aneantie: attendu que toute nouvelle Compagnie de Reguliers, qui vient à naistre, luy donne quelque notable choc, & y fait tousiours quelque plus grande breche. Que les Euesques auoient possédé leur autorité entiere iusqu'à l'an de grace mil cinquante: & qu'alors, par le moyen des Congregations de Cluny, & de Cisteaux, & autres nées en mesme temps, icelle auoit receu vn grand coup, plusieurs fonctions, propres & essentielles aux Euesques, ayans, par le moyen d'icelles Congregations, esté tirées à Rome. Mais, que des l'année de grace mil deux cens, apres la naissance des Mendians, presque tout l'exercice de l'autorité Episcopale auoit esté supprimé, & conféré aux Mendians par priuilege. Maintenant, disoit-il, cete nouvelle Compagnie, née des auant-hier, qui n'est bonnement ne seculiere ne reguliere (comme il auoit esté tres-bien remonstré par l'Vniuersité de Paris, huit ans auparauant), ayant reconuë dangereuse pour la foy, perturbatrice de la paix de l'Eglise, & destructrice du Monachar) pour surmonter ses predecesseurs en ce mesme dessein, s'efforce d'abolir tout à fait la Iurisdiction Episcopale, niant qu'elle ait esté baillée de Dieu, & voulant qu'elle soit reconuë à titre de bien-fait, & de precaire des hommes. Ces choses, inculquées & repliquées par cet Eueque à diuers, esmurent plusieurs à y penser, lesquels auparauant n'y prenoient pas garde. Parmi ceux, qui auoient quelque connoissance & goust de l'histoire, on ne parloit pas moins de la belle obseruation, *Sacro presente Concilio*: laquelle, quoy qu'elle parust en tous les exemplaires authentics, estoit nouvelle à tous, d'autant qu'on ne l'auoit pas considerée. Les vns approuuoient l'interpretation du Iesuite: mais autres tournoient ces paroles du Concile de Lion en sens contraire à luy: c'est, que le Concile n'auoit voulu approuuer cete sentence de deposition du Pape Innocent. Autres, procedans par voyes diuerfes, discouroient, qu'alors il s'agissoit de chose temporelle, & de contentions mondaines: dont il pouuoit bien estre aduenue, que l'affaire se passast en vne façon, ou en vne autre. Mais, qu'il n'en falloit pas tirer consequence, qu'il en fallust faire de mesmes, lors qu'il s'agissoit de matiere de foy, ou de ceremonies Ecclesiastiques: sur tout attendu qu'au premier Concile des Apostres, lequel deuroit estre la regle & le patron de tous autres, le Decret ne fut point fait par Pierre en presence du Concile, ne par le Concile avec approbation de Pierre: mais l'Epistre Synodale fut intitulée du nom des trois degres de personnes, qui entreuinrent en icelle Congregation, Apostres, Anciens, & Freres: Pierre estant compris au premier, sans prerogatiue. Lequel exemple est capable, tant pour son ancienneté, que pour son autorité diuine, d'oster & casser tout credit à tous ceux, qui peuuent estre tirés des temps ensuiuans, ores qu'ils fussent tous ramassés ensemble. En somme, ce discours du Iesuite Lainez, tant pour ces

1562.

Les Legats des-
plaisans
du mau-
vais effet
qu'il auoit
produit,
luy defen-
dant de le
publier :

points, que pour d'autres, fut le suiet de maints propos par plusieurs iours : & ne se parloit quasi d'autre chose en tous endroits.

conseils &
pratiques
des parti-
sans du
Pape :

Les Legats furent bien desplaisans, de voir, que le remede qu'ils auoient pensé employer pour medecine, portast effect contraire : voyans bien, qu'iceluy seroit cause de prolonger les suffrages es Congregations, ce que ils ne scauoient comment empêcher honnestement : attendu, qu'ayans permis audit Lainez de parler deux heures & plus, ils ne voyoient point, comment pouuoir interrompre & clorre la bouche à qui luy voudroit contredire, & sur tout en defense de sa propre cause. Et, ayans entendu qu'il couchoir son discours par escrit, pour le publier, ils l'appellerent, & luy defendirent de ne le communiquer à aucun, pour ne donner occasion à d'autres d'escire à l'encontre : ayans deuant les yeux le mal, qui estoit arriué par la publication, qu'auoit autresfois fait Ambroise Catarin de son opinion touchant la Residence : dont estoit procedé tout le mal, lequel on voyoit s'engreger tous les iours plus. Mais, nonobstant cela, il ne put se contenir d'en donner des copies à quelques-vns, tant pour honorer par ce moyen les partisans du Pape, & les obliger à fauoriser sa Societé, qui ne faisoit que naistre ; que, pour adoucir quelques traits dits trop petulamment de viue voix. Plusieurs entreprirent de luy respondre, & ce mouuement dura, iusques à ce que la venuë des François fit mettre en oubly ce differend, en mettant d'autres plus considerables & importants sur les rangs. Les partisans du Pape continuoient cependant tousiours à tenir frequents conseils contre les Espagnols, & n'estoient point intermises les brigues & pratiques enuers les Prelats, lesquels ils croyoient de pouuoir gagner : & tout à point se presenta aux Legats vn certain Docteur Espagnol, surnommé Zanel, lequel leur proposa les moyens de mettre les Prelats d'icelle nation sur leur defensive, & leur bailler autre chose à penser. Et leur mit en main treize Articles de Reformation, qui touchoient lesdits Espagnols fort sur le vif : mais on n'en put tirer le fruit qu'on esperoit : car ces reformations presentées en reclamoient semblablement d'autres, qui touchoient la Cour de Rome, lesquelles firent qu'on se deporta de passer plus auant, pour ne faire selon le Prouerbe, de perdre les deux yeux, pour en creuer vn à son ennemy. Les brigues se firent tant à descouuert, qu'en vn festin de plusieurs Prelats, en la maison des Ambassadeurs de France, ayant esté auancé vn propos touchant l'vsage des anciens Conciles, qui portoit, Que les Presidens du Concile, & les Ambassadeurs des Princes, y donnoient leurs suffrages, & opinoient, ce qui n'estoit pas obserué en cetui-cy ; Lansac respondit tout hautement, que les Legats disoient *voia auricularia*, leurs voix & aduis à l'oreille : ce que tous entendirent tres-bien auoir esté dit à l'égard de leurs brigues, & pratiques.

lettres de
l'Empe-
reur aux
Legats,

En ces mesmes iours, qu'on tenoit les Congregations, l'Euesque des Cinq Eglises presenta lettres de l'Empereur aux Legats, par lesquelles il leur cteriuoit, que puis qu'ils s'estoient donné le contentement de publier les Canons sur le Sacrifice de la Messe, ils differassent de passer outre es Sacrements de l'Ordre, & du Mariage ; & qu'en cet entre-temps ils traitassent de la Reformation : remettant au demeurant à leur prudence de traiter d'entre les choses, proposées en son nom. la partie qui leur agreeroit le plus. En conformance de cete lettre, parla aussi l'Euesque des Cinq Eglises, faisant la mesme instance, que, puis que la matiere de l'Ordre estoit tant auancée, on surüst au moins celle du Mariage, afin que l'Empereur cependant pust disposer les Allemans à aller au Concile, & s'y soumettre. Car, cas aduenant que les Allemans, & les François, persistassent en leur resolution de n'y vouloir aller, ny le reconoitre, c'estoit bien en vain qu'on y entretenoit les Peres, à tant de frais & incommodités. Et que si Sa Maieité voyoit de ne les pouuoir persuader, il proeueroit que le Concile fust suspendu : iugeant qu'il valloit mieux, pour le seruice de Dieu, & pour le bien de l'Eglise, de laisser les choses indecises, en l'estat qu'elles estoient, attendant vn temps plus propre

Et auan-
ce de son
Ambassa-
deur, re-
querant
qu'il rai-
taît de la
reforma-
tion seule-
ment,

pour la conseruation de ceux qui se sont alienés; que non pas de precipiter la decision des controuerſes, comme on auoit fait iusques alors, en absence de ceux qui les auoient mises en dispute, & sans aucun benefice des Catholiques; & par ce moyen rendre les Protestans irreconciliables: qu'on pouuoit cependant traiter de la Reformation: comme, Que les biens Ecclesiastiques soient distribués à personnes de merite & que tous en ayent leur part, & que les reuenus soient bien & fidellement dispensés, & que la part des pauures ne soit vsurpée par aucun: & autres telles choses. Et pour la fin, il requeroit de ſçauoir, si, en cas que le Comte de Lune allast au Concile, avec titre d'Ambassadeur de l'Empereur, le different de preſeance, entre l'Eſpagne & la France, cesserait. Les Legats respondirent à ce dernier point, ^{escondiſt} qu'ainsi faisant, ils ne croioient pas que les François dussent plus auoir aucun ^{par les} pretexte de debatre. Mais quant aux autres, ils dirent, Qu'on ne pouuoit ^{Legats:} laisser de traiter des dogmes, mais, qu'on traiteroit tout ensemble puiffamment de la Reformation, ſuiuant l'ordre & l'establissement du Concile. Ils louerent l'intention de l'Empereur, à rechercher que les Protestans se soumissent au Concile, mais adiouſterent aussi, que, sous cete esperance, il n'estoit pas raisonnable de tirer le Concile en longueur: car l'Empereur Charles auoit bien aussi procuré le mesmes, sous le Pape Iules troisieme, & l'auoit obtenu: mais les Allemans y auoient procedé ſimulément, avec intereſt notable de l'Eglise, & de l'Empereur mesme. Et pourtant, qu'il n'estoit pas raisonnable, que le Concile changeast de demarthe, que tout premier l'Empereur ne fust bien acertené de la volonte & intention des Princes, & des peuples, tant Catholiques, que Protestans: & de la qualité de l'obeiſſance, qu'ils estoient disposés à preſter aux Decrets ia faits & à faire en ce Concile, & es precedens: en recherchant des Villes, & des Princes, parole d'obseruer le Concile par bons & authentiques mandemens; & tirant d'eux obligation de l'execution des Decrets d'iceluy: afin que les frais & les peines ne fussent vaines & en derision. En mesme ſens respondirent-ils aussi à l'Empereur.

Le vingt-cinquième Octobre fut tenuë Congregation, pour receuoir Va-^{reception} lentin Herbut, Eueſque de Premisse, Ambassadeur de Pologne: lequel fit de l'Am-^{la} vne courtte harangue de la deuotion du Roy, des troubles du Royaume ^{bassadeur} pour cause de Religion, du beſoin qu'il y auoit d'une bonne Reformation, ^{de Polo-} & d'vſer de quelque relaschement & facilité, à condescendre aux requere-^{ment} ſes des peuples; es choses qui sont de droit poſitif. Le promoteur luy respondit au nom du Concile, Remerciant le Roy, & l'Ambassadeur, & s'of-^{frant} frant à tous ſeruices au Royaume. Et les Legats ne permirent qu'en cete Congregation fust traité d'autre chose, pour vne raiſon, qui ſera touchée cy-apres.

La Cour à Rome, & les partisans du Pape à Trente, n'estoient pas en plus ^{perplexité} de peine pour la faſcherie qu'ils receuoient des Eſpagnols, & de leurs ad-^{des Romai-} herans au Concile, que pour l'attente de la venue du Cardinal de Lorrain-^{nistes pour} ne, & des François: de laquelle ils auoient tousiours eu esperance que quel-^{la venue} que accident l'achoperoit: mais quand ils eurent la nouuelle certaine, qu'i-^{du Card.} celuy auoit fait la feste de la Touſſaints avec le Duc de Sauoye, ils s'en alar-^{nal de} merent grandement. Ce Cardinal, soit par la vanité ordinaire de son hu-^{Lorrain} meur, soit à deſſein, s'estoit laiſſé entendre à pluſieurs, tant à la Cour de France, auant que partir, que par le voyage, de vouloir traiter & remuer beaucoup de choses, au deſ-avantage & dechet de l'autorité Papale, & des profits de la Cour de Rome. Ces choses estoient par diuerſes voyes rappor-^{tées} tées à Rome, & à Trente, & donnerent en l'un & en l'autre lieu, imprefſion, qu'en general l'intention des François estoit de porter le Concile en lon-^{gueur} gueur, & d'eſpier les occasions pour deſcouvrir & eſſayer leurs particuliers deſſeins. Et auoit-on deſia des coniectures, que cela ne ſe faiſoit point ſans intelligence de l'Empereur, & d'autres Princes, & Seigneurs d'Allemagne. Et, combien, qu'on tint pour aſſuré que le Roy Catholique ſ'en entendoit pas

1562. *auquel ils preparent une contre- batterie,* bien tout à fait avec ceux-cy, il y auoit neantmoins de puissans indices pour croire, que luy aussi auoit dessein d'allonger le Concile, ou du moins, de ne le laisser clorre. Et auoit-on aduisé, pour faire vne contrebaterie aux François, de leur mettre au deuant les abus de leur Royaume, & de faire couler es oreilles de leurs Ambassadeurs, qu'on auoit deliberé à Rome, & à Trente, d'y pouruoir. D'autant que tous les Princes, qui font instance de reformer l'Eglise, ne desirent pourtant iamais qu'on parle de toucher à leurs abus: au moyen dequoy on esperoit, quelors qu'on mettroit la main à choses importantes, qui leur pourroient porter preiudice, ils se deporteroient, & feroient desister leurs Prelats des choses preiudiciables au Saint Siege. Il passa quelques despèches de Trente à Rome, & de Rome à Trente, sur cette inuention, laquelle estoit estimée vn remede fort propre: & fut fait vn recueil des abus qu'on pretendoit estre en France principalement, & aussi en partie es autres estats. Et d'icy eut son commencement la Reformation des Princes, dont il y aura beaucoup de choses à dire, & à deduire au suiuant narré.

Et fait-on d'autres provisions pour brider le Concile, Mais à Rome, on iugea qu'il falloit vser encor d'un autre remede, à sçauoir, que les Legats reprinassent le trop de hardiesse des Prelats, vsant de leur superiorité & authorité, plus qu'ils n'auoient fait par le passé. A quoy à Trente on adiuustoit encor, qu'il falloit tenir les Prelats bien affectionnés vnis entr'eux, bien edifiés, & contens: car, par ce moyen, quoy que les voix & suffrages du party contraire multipliasent, ils ne laisseroient pas de les vaincre tousiours de nombre, & ainsi seroient maistres des resolutions: & en outre, que, sans aucun respect il falloit s'auancer à vne expedition, pour terminer le Concile, ou pour le suspendre, ou pour le transferer. Les Legats escriuirent aussi, & firent escrire par plusieurs Prelats, participants du Pape, à leurs amis, & patrons, à Rome, qu'on ne pouuoit faire meilleure resolution, ne provision, que de faire naistre quelque occasion, selon qu'il estoit aisé, que la suspension fust recherchée par quelque Prince: & que la premiere qui naistroit, on la deuoit empoigner. Et pour cet effet requeroient diuers Brefs de tranflation, de suspension, & d'autres moyens, pour s'en seruir selon l'occasion. Ils conseillearent aussi au Pape de se transporter en personne à Bologne: car, outre la commodité de receuoir plus frequents & frez auis, & de pouuoir tout soudain pouruoir aux affaires suruenans, il auroit aussi vn specieux pretexte, à la moindre occasion, de transferer le Concile en cete ville-là, ou bien de le suspendre: aduertissant toutesfois, que, comme eux à Trente ne communiquoient rien de ce au Cardinal Madruce, aussi falloit-il pouruoir qu'à Rome le Cardinal de Trente, son oncle, n'en eust le vent: d'autant qu'on pouuoit presumer, pour chose assurée, que l'un & l'autre, pour plusieurs esgards, & interests particuliers, feroient tout effort, que le Concile ne fust oité de Trente.

Et pensant apaiser l'esmotion ils excitent plus grande, Et pour calmer le bouillon & l'esmotion excitée en la controuersie de l'institution des Euesques, & pour empescher qu'elle ne se renforçast d'auantage, à cause de tant de Prelats, qui s'estoient preparés à contredire au Iesuïte Lainez, ils surfirent les Congregations par plusieurs iours. Mais il en aduint tout le contraire: d'autant que le loisir fomentoit les opinions, & on n'oyoit parler d'autre chose à chacun coin de rue: & les Espagnols s'en trouuoient souuent ensemble avec leurs adherants: & presque tous les iours trois ou quatre d'entr'eux alloient trouuer quelque vn des Legats, pour en renouveler l'instance. Sur quoy il aduint vn iour, que l'Euesque de Guadix, Espagnol, accompagné d'autres quatre, apres auoir fait la proposition, adioust, Qu'ils aduouoient bien que la iurisdiction appartenoit au Pape, & estoient contens que cela fust adiousté au Canon: dont les Legats crurent que les Espagnols se fussent ravisés, & voulussent confesser que toute la iurisdiction residé au Pape, & qu'elle deriue de luy. Mais les Legats voulans exprimer de luy vne plus nette declaration, cet Euesque dit, Que, comme le Prince establit en vne ville le Iuge de premiere instance, & le Iuge d'appel, lequel,

lequel, quoy que superieur, ne peut pourtant oster l'autorité à l'autre de premiere instance, ne luy enleuer les cas à luy appartenans; ainsi aussi Iesus Christ a institué en l'Eglise tous les Euesques, & le Pape de Rome pour superieur de vray résidé la supreme iurisdiction Ecclesiastique; mais non en sorte, que les autres aussi n'ayent la leur propre, dependante de Iesus Christ tout seul. L'Euesque des Cinq Eglises se plaignoit à tous qu'on perdoit tant de temps sans tenir Congregation, lequel on eust pu utilement employer, si les Legats, de vray résidé, selon leur coustume, ne le laissoient escouler, pour remettre à presenter les Articles de Reformation au dornier iour, à ce qu'on n'eust aucun loisir de les considerer, ne mesmes d'en discourir, & traiter. Mais les Legats n'estoient point oysifs quant à eux, estans tousiours apres à concerter quelque forme de ce Canon, qui pust estre receuë, & changeant souuent plus d'une fois le iour leurs minutes, lesquelles puis apres courans par les mains des hommes, & montrans l'ambiguité des Legats, donnoient occasion aux Espagnols, non seulement de se roidir en leur opinion, mais mesmes de parler avec plus de liberté: iustques-là, que l'Euesque de Segouie, en vn rencontre de grand nombre de Prelats, ne se feignit point de dire, Qu'un mot seroit cause de la ruine de l'Eglise.

Il estoit ia passé sept iours sans aucune Congregation, quand le trentième Octobre, les Legats estans, comme les autres iours precedens, en conseil, tous les Espagnols, avec quelques autres, demanderent audience, & firent de nouveau instance que l'Institution, & la superiorité des Euesques fust definie & declaree estre de droit diuin: adjoustans, Que, si on ne le faisoit, on manqueroit à ce qui est de la raison, & de la nécessité de ces temps, pour l'esclaircissement de la Verité Catholique, & protesterent qu'en ce cas, ils n'entreuiendroient plus ny en Congregation, ny en Session. Cela fait plusieurs Prelats Italiens, ayans concerté entr'eux au logis du Cardinal Simonete, en la chambre de Iules Simonete, Euesque de Pesero, se presenterent le matin ensuiuant aux Legats, estans en tout trois Patriarches, six Archeuesques, & onze Euesques, requerans que dans le Canon ne fust inferé, que la superiorité des Euesques est de droit diuin: attendu que c'estoit une clause ambitieuse, & qu'il estoit meschant, qu'eux mesmes fissent sentence en leur propre cause: & d'autant aussi, que le plus grand nombre ne vouloit pas, que ny la superiorité, ny l'Institution des Euesques fust declarée estre de droit diuin, pour ne donner occasion de parler de la puissance du Pape, laquelle ils vouloient & estoient tenus de confermer & estancher. Cela estant publié par la ville de Trente, donna beaucoup à parler & sujet de dire, que les Legats mesmes auoient procuré cette instance: ce qui fit que le soir mesmes vn plus grand nombre encor se reduisit au Reuestiaire, en faueur de l'opinion Espagnole, & d'autres au logis de l'Euesque de Modene pour la mesme: & chez l'Archeuesque d'Otrante, & chez ceux de Tarante, & de Rosan, & chez l'Euesque de Parme se tinrent quatre autres Assemblies de partisans du Pape: & le tumulte fut si grand, & vint à tel point que les Legats eurent peur de quelque scandale & inconuenient: & iugerent qu'il estoit nécessaire de surseoir la deliberation de tenir la Session au temps assigné: mais, qu'auant que venir à la resolution de cét Article, qui estoit cause de tant d'alteration, il falloit faire opiner sur les Chappitres de la Doctrine, & proposer quelque point de reformation. Et Simonete se plaignoit souuent, qu'il estoit mal secondé par les Legats de Mantouë & Seripande: lesquels quoy qu'ils fissent quelque deuoir, ne pouuoient pourtant cacher leur intime pensee, laquelle inclinoit aux Aduersaires.

Là dessus arriuerent lettres de creance du Marquis de Pescara aux principaux Prelats Espagnols, avec charge à son Secretaire de faire puissans offices enuers eux, qu'ils n'eussent à toucher les choses preiudiciables au S. Siege, les assurant que le Roy en prendroit grand desplaisir, & qu'il en arriueroit aussi de grands dommages à ses Royaumes, & Estats: & qu'on ne

*et se sent
diverses
assemblees
toutes con-
traires.*

*le Marquis
de Pescara
rui assebe
en vain
d'intimi-
der les Es-
pagnols.*

1562.

pouuoit attendre de leur prudence, qu'ils dussent venir à la resolution d'aucun point, qu'ils n'en eussent premierement seu la volonté de sa Majesté: & donna aussi commission au mesme Secrétaire de l'aduertir s'il y auoit aucun des Prelats, qui fist peu d'estat de sa remonstrance, ou se monstroit reuefche à l'executer: l'intention du Roy estant, qu'ils fussent tous vnies en la deuotion enuers sa Sainteté: & qu'en cas de besoin, il luy en despeschaft courriers expres. L'Archeuesque de Grenade, l'un de ceux-là, respondit, Qu'il n'auoit iamais pensé, ny eu intention de dire ne proposer chose quelconque contre le Pape: ains qu'il auoit iugé, que tout ce, qu'il disoit pour l'autorité des Euesques, estoit au beneice de sa Sainteté: tenant pour assuré, que si leur autorité estoit diminuée, l'obeyssance au S. Siege en seroit aussi amoindrie: quoy que, à cause de sa vieillesse, il fust tres-bien qu'il ne verroit point ce temps-là: que son opinion estoit Catholique, & que pour icelle il souffriroit la mort: que voyant tant de contrariété, il demeurait à contrecœur à Trente, attendant peu de fruit du Concile; & que pourtant aussi il auoit demandé son congé à sa Sainteté, & à sa Majesté, ayant grand desir de s'en retourner. Qu'à son depart d'Espagne, il n'auoit receu autre commandement du Roy, ne de ses Ministres, sinon de viser au seruice de Dieu, & au repos, & à la reformation de l'Eglise: ce qu'aussi il auoit tousiours fait. Qu'il croyoit de n'auoir contreuenue à la volonté du Roy, combien qu'il ne fist profession d'en sçauoir le fonds: mais qu'il sçauoit bien vne chose, que les Princes, quand ils sont recherchez, sur tout par Ministres, s'accommodent aisément à complaire en paroles, & donner contentement par termes genereux.

L'Euesque de Segouie aussi respondit, Que son intention n'auoit iamais esté de dire chose aucune au desseruice du Pape: mais qu'il ne pouuoit se desdire, croyant d'auoir dit verité Catholique: & ne pouuoit rien dire de plus que ce qu'il auoit dit, n'ayant du depuis ne veu, ny estudié autre chose sur cette matiere. Puis apres, ils se trouuerent tous ensemble, & despescherent à la Cour vn Docteur, domestique de l'Euesque de Segouie, avec instruction d'informer sa Majesté, que ny eux, ny autres Prelats, ne pouuoient estre repris, s'ils ne pouuoient seconder les pensées de Rome: attendu qu'il n'estoit en leur pouuoir de proposer chose quelconque, mais seulement de dire leur aduis sur les choses proposées par les Legats: comme sa Majesté mesme sçauoit tresbien. Que ce seroit chose bien cruë, de leur vouloir demander leur aduis, & quant & quant les obliger à respondre contre le sentiment de leur conscience: qu'ils estoient persuadez, qu'ils offensoient Dieu, & sa Majesté s'ils faisoient autrement, que ce qu'ils auoient fait: & qu'ils ne pouuoient estre taxez de parler hors de saison, & importunément, veu qu'ils ne propoisoient pas, mais ne faisoient que respondre. Que s'ils auoient faillie en quelque chose, ils estoient tout prests & appareillez à amender la faute, selon le commandement de sa Majesté: mais qu'ils auoient parlé, suiuant la Doctrine Catholique, en termes si clairs & euidens, qu'ils estoient certains d'estre aduoués par sa Majesté, laquelle ils supplioient les ouyr, auant que faire aucun sinistre iugement d'eux.

Ces Prelats ne se trompoient point en l'opinion qu'ils auoient, que le mescontentement venoit plustost des ministres, que du Roy. Car le Cardinal Simonete en ce mesme temps negotia avec vn autre Espagnol, Secrétaire du Conte de Luine, le persuadant, que cas aduenant que ledit Conte entreuint au Concile, il estoit necessaire qu'il y allast préparé & resolu de tenir les Prelats Espagnols en deuoir: qu'autrement, il en arriueroit de grands preiudices, non seulement à l'Eglise de Dieu, mais aussi aux Royaumes de sa Majesté: attendu que leur principale intention estoit de prendre à eux toute autorité, & auoir libre administration en leurs Eglises. Il persuada aussi au Secrétaire du Marquis de Pescaire d'aller au deuant du Conte de Luine, & l'informer des desseins, & de la hardiesse des mesmes Prelats, & & luy faire comprendre, que le bien du seruice du Roy portoit, qu'on les reprimaist. Le Cardinal de Varmie escriuit aussi vne longue lettre au Pape

Canise à la Cour del'Empereur en mesmes sens, afin qu'il fust mesmes offices enuers ledit Conte.

Après que la Doctrine, tirée des aduis dits és Congregations precedentes, eust esté produite, on commença derechef à opiner sur icelle le troisieme Nouembre. Mais le Cardinal Simonete aduer tit preallablement les siens de parler avec retenuë; & ne le laisser emporter en paroles piquantes, & irritantes: attendu que le temps requeroit plustost d'adoucir les esprits. Mais apres qu'on eut, par l'espace de trois iours, parlé d'icelle, & que de fois à autre on fust retourné à la controuerse precedente, à cause de la connexité des matieres; les Legats aduiserent, qu'il estoit necessaire de proposer aussi quelque point de reformation: sur tout, à cause de la prochaine arriuée des François, à l'occasion de laquelle l'Euesque de Paris alloit disant tout publiquement, Qu'il seroit mëshuy temps de luy donner quelque commencement, & contenter la nation Françoisë; & les autres, deputant quelques Prelats de chacune, qui considerassent les necessités de leurs païs, lesquelles les Italiens, ny à Rome, ny à Trente, ne pouuoient scauoir. Que iusques alors on n'auoit fait aucune reformation; & que tout ce qui auoit esté arresté estoit autant que rien. Mais les Legats, se trouuans necessitez de proposer quelque point de reformation, iugerent qu'il estoit necessaire, pour précéder plusieurs inconueniens, de commencer par le fait de la Residence.

Il a desia esté representé, ce que le Pape auoit escript & répondu sur ce sujet: apres quoy les Legats, & leurs adhérens; auoient esté en perpetuel soucy de former vn Decret, qui pust satisfaire au Pape: auans aussi esgard à la promesse faite aux Prelats par le Cardinal de Mantoue: à laquelle il sembloit que contreuint de proposer d'entrée de remettre l'affaire au Pape: & d'ailleurs il y auoit grand difficulté à proposer vn Decret, en telle sorte, que, s'il y auoit opposition, on pust faire tourner la deliberation à remettre l'affaire au Pape. Ils sonderent ceux qui pourroient estre tirez à cette opinion de le remettre au Pape; & ceux qui y estoient totalement contraires: & trouuerent le Concile diuisé en trois partis, quasi egaux: assauoir, és deux desusdits, & en vn troisieme, qui vouloit que la decision s'en fust au Concile, sans offense toutesfois de sa Sainteté: & de ce troisieme party, il y auoit esperance d'engager la pluspart, & de surmonter par ce moyen les Aduersaires. Ils firent les departemens, & firent les brigues & pratiques si fortës, qu'outre les autres: ils gagnerens sept Espagnols, entre lesquels furent les Euesques d'Astorge, de Salamanque, de Tortose, de Pati en Sicile, & d'Elne: en quoy l'Euesque de Mazare en Sicile, fit de grands deuoirs.

Quatre expediens furent proposez pour venir à l'execution: l'vn, de faire vn Decret, portant seulement peines, & prix: le deuxième, que plusieurs Prelats fissent instance aux Legats, que l'affaire fust remis au Pape, & que cette requeste fust luë en Congregation: esperant que, par le moyen des brigues, on y feroit ioindre vn si grand nombre; qu'il passeroit la moitié: le troisieme, que les Legats proposassent eux-mesmes en Congregation, que l'affaire fust remis au Pape: le quatrieme, que sans dire autre chose, le Pape fust sur le fait de la Residence vne forte prouision & reglement, lequel fust promptement imprimé; & publié par tout auant la Session; car, par ce moyen les contraires seroient contrains de se contenter. Contre le premier on obiectoit, que tous ceux, qui auoient demandé la déclaration de droit diuin y seroient contraires: & qu'ils estimeroient, que les prix & les peines ne pourroient faire si puissant effet, que la declaration: sur tout, y ayant desia tant de Decrets de Conciles, & de Papes, dont on n'auoit iamais fait aucun estat. Joint qu'ils se rencontreroit beaucoup de differens à establir les peines, & les prix: que les Prelats feroient des demandes impertinentes, & voudroient auoir à eux la collation des Benefices, du moins, de ceux qui ont cure d'ames: qu'il requerroient l'abolition des priuileges des Regulars; & autres choses exorbitantes: & qu'apres la proposition, ou seroit tousiours en danger de changement, iusques à ce qu'icelle fust passée en Session.

Dddd ij

*l'occasion
& la ne-
cessité por-
tent les
Legats à
remettre
en delibe-
ration le
fait de la
Residence*

*ils sont en
peine, pour
en former
le Decret*

*sont des
fortes bri-
gues,*

*& débats
l'affaire.*

1562.

*se résolut
à une for-
me de De-
cret,*

*proposée
dextre-
ment en
Congrega-
tion,*

*offense de
Lansac &
d'autres
Ambassa-
deurs sur
iceux,*

principalement les François venans, lesquels pourroient demander qu'elle fust retractée. Côtre le deuxième on opposoit, qu'on ne le pouvoit exécuter sans bruit, voulant assembler & joindre les Prelats pour faire ladite instance: car ceux qui ne seroient point appelez, se despiteroient, & se tourneroient au party opposité: & les contraires seroient aussi de leur part des assemblées, & du vacarme, & se plaindroient des brigues. Au troisième, on faisoit cette difficulté, que les Aduersaires diroient tousiours de n'y auoir consenty volontairement: mais seulement, pour ne se monstrier desians de sa Sainteté, & pource qu'il n'y auoit point de liberté de parler: & en cas aussi, qu'on n'y consentist point, on n'auroit fait autre chose, que d'auoir mis en doute l'autorité Papale: joint, qu'aussi on diroit, que ce renuoy auroit esté appeté & pourchassé par sa Sainteté. Mais le quatrième estoit combattu par cette raison, que si la Bulle du Pape n'estoit lue au Concile, on donnoit occasion aux Peres de continuer à demander la definition: que si aussi elle y estoit leue on pouuoit craindre que quelques vns requissent plus forte prouision: ce qui d'une & d'autre part ne pouuoit estre qu'avec indignité. Les Legats, voyans tant de difficulté, portoient l'affaire en longueur au mescontentement de tous: veu qu'il auoit desia esté publié qu'on en deuoit parler. Finalement se voyans contrainsts, ils se résolurent d'embrasser le premier party, de proposer vn Decret, portant prix & peines: & le sixième Nouembre, apres que quelques Prelats eurent parlé sur la matiere courante le Cardinal de Mantouë le proposa fort souplement, & dextrement: disant en substance, Que la chose estoit necessaire, & requise par tous les Princes: que l'Empereur en auoit fort souuent fait instance, & s'estoit à diuerses fois plaint que ce point ne fust promptement expédié: & que, par vn vain entretien en questions frivoles & inutiles, qui n'importoient point au fait, on eust différé la conclusion principale. Que cette matiere n'estoit point de celles, qui ont besoin de dispute: mais seulement de trouuer moyen d'exécuter ce, que chacun iuge necessaire. Que les Roys Catholique, & Tres-Chrestien, auoient fait la mesme instance, & que tout le peuple Chrestien, desiroit d'y voir vn bon reiglement. Qu'au temps de Paul troisième fut parlé sur cette matiere, & qu'aucuns auoient extragué en questions superflues, lesquelles prudemment furent alors mises sous silence: & que pour les mesmes raisons on voyoit qu'il n'estoit besoin à present de traiter d'autre chose, que de ce qui estoit proposé au Decret. Et entre autres choses, il dit, Qu'ils s'estoient conformez à l'aduis de l'Ambassadeur de Lansac, lequel, par bonnes & solides raisons, auoit souuent demonstté qu'il ne falloit rechercher autre chose, sinon que la Residence fust obseruée, sans se soucier d'où vient l'obligation. Au Decret il y auoit, entre autres paroles, que les Euesques residens ne seroient tenus à payer decimes. subides, ou autres charges imposées par autorité quelconque, voire mesmes à l'instance de Rois & de Princes. Cette clause esmut grandement tous les Ambassadeurs. Mais Lansac, dissimulant cela se plaignit au Cardinal de Mantouë, qu'il l'eust nommé, sans luy en auoir dit aucun mot auparauant: aduoiant bien d'auoir parlé avec luy en ce sens, mais comme amy particulier, & non comme Ambassadeur. Et pour aggrauer sa plainte, il adiousta, Qu'il se plaignoit aussi qu'il eust nommé le Roy Catholique auant le Tres-Chrestien. Et ne dit autre chose des decimes: esperant que le ressentiment qu'il auoit fait, & les oppositions que feroient ceux qui maintenoient la Residence estre de droit diuin, pourroit faire reformer le Decret. L'Euesque des Cinq Eglises aussi ne passa point plus outre: sinon qu'il dit, Qu'il ne croyoit point que le sentiment de l'Empereur fust tel, que le Cardinal l'auoit proposé. Mais le Secrétaire du Marquis de Pescaire requit tout ouuertement que les paroles fussent accommodées en sorte, qu'elles ne prejudicassent point à la grace faite par le Pape à Sa Majesté Catholique, pour le subside des galeres. Les Legats auoient cru d'auoir par la clause dessusdite, gagné l'affection des Prelats: mais iceux, ayans entendu l'exception pour l'Espagne, commencerent à dire, Qu'on parloit de leur faire

une grace, qu'on ne leur pouuoit maintenir : d'autant qu'en Espagne, & en France, & soustout autre Prince, ils seroient contrains de payer : & que mesmes sous l'Estat del'Eglise, par vn beau. *Non obstantibus, &c.* le priuilege leur seroit rendu inutile & vain. 1562.

Le lendemain, de la Residence on passa à la matiere del'Ordre Episcopal. Et l'Euesque de Segouie reплика, Que la question de l'Institut on des Euesques de droit diuin auoit esté traitée, & resoluë au mesme Concile, du temps de Iules III. avec approbation de tous : & qu'alors luy-mesme en auoit dit son opinion : & specialement iour & l'heure que cela auoit esté fait. Le Cardinal de Mantouë fit prendre les Actes de ce Concile-là, & fit lire par le Secrétaire ce qui alors auoit esté arresté, pour le publier : à quoy il donnoit tel sens & explication, qu'il en concludoit, Qu'il n'auoit esté ne décidé, ny examiné, ne proposé en la maniere, que l'Euesque de Segouie disoit. Mais l'Euesque luy repliquant, quoy qu'en termes fort respectueux en apparence, il n'auoit de part & d'autre tant d'altercats, qu'il falut finir la Congregation. Et pour ce que quelqu'un pourroit estre curieux d'entendre, lequel des deux parloit avec fondement, il sera à propos de rapporter, ce qui en ce Concile-là auoit esté décidé es Congregations, quoy qu'il ne fust publié en Session, à cause de la soudaine rupture du Concile, recitée en son lieu Il faut doncques scauoir, qu'en ce temps-là furent composez trois Chapitres de Doctrinne : le troisieme desquels estoit intitulé ; De la Hierarchie, & de la difference des Euesques, & des Prestres : & en iceluy, apres beaucoup de paroles de la Hierarchie, estoit dit ainsi, suivant le texte Latin mot pour mot, *En outre, le saint Concile enseigne que ceux la ne doiuent estre ouys, lesquels disent les Euesques n'auoir esté instituez de droit diuin : attendu qu'il appert euidentement par l'Euangile, que Christ nostre Seigneur a luy mesmes appellé les Apostres, & les a promus au degré de l'Apostolat : en la place desquels ont esté subrogez les Euesques : & ne doit venir en pensée à aucun, que ce degré, tant nécessaire & eminent, ait esté introduit en l'Eglise par institution humaine ; d'autant que cela seroit déroger à la providence diuine, & la mettre en mespris ; comme si elle defaillait es choses principales.* Voila les paroles formelès du Chapitre de la Doctrinne. On auoit aussi lors minuté huit Canons, desquels le huitieme portoit, *Qui diras, que les Euesques ne sont instituez de droit diuin : ou, qu'ils ne sont superieurs aux Prestres : ou qu'ils n'ont pouuoir d'ordonner, ou qu'iceluy appartient aussi aux Prestres, soit Anatheme.* Il est bien vray, que quiconque est preoccupé d'une opinion, la trouue en tout ce qu'il lit. Et n'est de merueilles, si chacun de ces deux Prelats trouuoit la sienne es mesmes paroles : lesquelles les partisans du Pape entendoient, comme dites de la seule puissance de l'Ordre : en lieu, que les Espagnols les interpretoient de toute la puissance, laquelle comprend l'Ordre, & la Iurisdiction. Combien que quelques uns des partisans du Pape se persuadassent que le Cardinal de Mantouë feignist de sentir avec les autres, & qu'il fist lire cette vieille deliberation, non pour conformer le sentiment qu'il portoit à descouuert, ains celuy des Espagnols, lequel il tenoit en secret.

Le Cardinal de Lorraine, estant party de France, entra dans l'Italie : & le Cardinal de Lorraine. lors le Pape ne put plus desdire aux François de le faire attendre au Concile : & pourtant il escriuit à Trente que la Session fust prolongee, non toutesfois ains au delà du mois de Novembre. Et les Legats ayans eu aduis que ledit Cardinal se trouuoit sur le Lac de Garde, celuy de Mantouë proposa, en la Congregation du neuuiesme Nouembre, de différer la Session iusques au vingt-sixiesme du mesme mois : Le Cardinal de Lorraine, ne sachant point cela, enuoya deuant Charles Grassi, Euesque de Montfalcon, & par luy escriuit aux Legats, qu'es'il leur plaisoit de l'attendre ; il esperoit estre dans peu de iours à Trente. Surquoy ils se résolurent de ne tenir plus aucune Congregation iusques à sa venue, pour luy donner tant plus de contentement. Le Cardinal Euesque rapporta, que ce Cardinal, en tous ses propos, monstroït d'aller à bonne intention à Trente, & que mesmes il vouloit enuoyer au Pape ses aduis & suffrages, afin qu'il les pust voir. Que les Prelats qui estoient en la

1561.

compagnie, alloient pour le service de Dieu, & avec bonnes intentions enuers le Saint Siege : & qu'il esperoit que la venue des François porteroit laconcorde au Concile, & feroit qu'avec fruit on pourroit vaquer à la Reformation, sans qu'ils eussent aucun esgard à leurs propres interets : & plusieurs autres telles choses, lesquelles, quoy qu'arrestées par l'Euesque Grassi, & confirmées par l'Ambassadeur du Ferrier, estoient cruës par les partisans du Pape, par termes de simple compliment, non pour laisser d'employer les remedes projettez à Trente, & à Rome.

3 arrive en fin. Le Cardinal de Lorraine entra à Trente, le Cardinal Madruce luy estant allé au deuant, avec plusieurs Prelats, par l'espace d'un mil : & à la porte de la ville, il fut rencontré par tous les Legats, & par eux conuoyé iusques à son logis. Il cheuaucha au milieu des Cardinaux de Mantouë, & Seripante, lesquels crurent estre obligez de luy faire cet honneur, parce que les Cardinaux de Monte, & Sainte Croix, estans Legats au Concile qui se tenoit à Bologne, luy auoient fait le mesme, lors qu'il passa par cette ville là, allant à Rome pour prendre le Chapeau de Cardinal. Le soir mesmes il alla visiter le Cardinal de Mantouë, & le iour suiuant il fut à l'audience des Legats, *traite avec les Legats,* ensemble les Ambassadeurs de Lansac, & du Ferrier. Il leur representa les lettres du Roy, adressées au Concile, lesquelles il accompagna d'un long discours, se montrant enclin au service du S. Siege, & promettant de communiquer tous ses desseins avec le Pape, & les Legats : & de ne requerir chose quelconque, qui ne fut au gré & contentement du Pape : & monstra de ne vouloir estre curieux en questions inutiles : adioustant, que les deux controuuerses, de l'Institution des Euesques, & de la Residence, auoient beaucoup rualé l'autorité du Concile, & rabatu de la bonne opinion qu'en auoit le monde : que pour luy, il enclinoit plus à l'aduis qui faisoit l'une & l'autre de droit diuin : mais, quand ores cela seroit tres-certain, il ne voyoit point de nécessité, ne que le temps fust propre, d'en venir à la declaration : que le but du Concile deuoit estre de réunir à l'Eglise ceux qui s'en estoient desmembrez : qu'il auoit eu des pourparlers avec les Protestans, & ne les auoit point trouue tant differents ne contraires, qu'ils ne se pussent accommoder, moyennant qu'on ostast les abus : & qu'il n'y auoit iamais eu temps plus opportun pour les requerir : attendu qu'ils n'auoient iamais esté si estroitement vnis avec l'Empereur, comme alors. Que plusieurs d'entr'eux, & nommement le Duc de Wirtemberg, estoient en volonté d'entreuenir au Concile : mais, qu'il estoit necessaire de leur donner contentement par un commencement de Reformation : en quoy le service de Dieu requeroit que leurs Reuerendissimes Seigneuries s'occupassent. Il exposa en suite le desir du Roy, qu'il fust pourueu aux necessitez de ses peuples par remedes opportuns : car, pour le present, on n'auoit guerre qu'avec les Huguenots : mais, si on n'ostoit les abus, on auroit bien plus à faire avec les Catholiques, desquels on perdroit l'obeyssance. Que c'estoient là les causes, pour lesquelles sa Majesté l'auoit enuoyé au Concile. Il se plaignoit, que de tout l'argent, que le Pape auoit promis en prest au Roy, il ne s'en estoit peu preualoir, que de vingt-cinq mil escus, desboursez par le Cardinal de Ferrare : à cause des rigoureuses conditions apposées es mandemens, qu'on ne pult en exiger les payemés, sinon à la charge d'oster les Pragmatiques de tous les Parlemens du Royaume : chose de tant de difficulté, qu'elle estoit toute l'esperance de s'en pouoir preualoir d'un seul dernier. Pour la fin, il dit, qu'il auoit porté nouvelles instructions aux Ambassadeurs : & pourtant qu'il desiroit de parler, au nom du Roy, au Concile, en la premiere Congregation : apres quoy, il ne penseroit plus qu'à dire ses aduis en liberté, comme Archeuesque, sans se vouloir meller des affaires du Royaume, desquels il laisseroit toute la charge aux Ambassadeurs.

lesquels luy respondent en termes generaux.

La response fut faite par les Legats, sans autrement consulter entr'eux, selon qu'il plut à chacun, Louant la pieté du Cardinal, & sa deuotion en-

uers le S. Siege, & s'offrant reciproquement de communiquer avec luy toutes les affaires. Ils luy representèrent l'infinie patience, dont ils auoient vsé à supporter la liberté, voire licence de parler des Prelats, qui auoient couru à trauers champs, remuant des questions nouuelles. Mais, qu'à present,

que fa Seigneurie Illustissime seroit vnue avec eux, ils ne doutoient point de ne pouuoir refrener cette grande licence, & mesme de composer, avec son ayde, & moyen, les differends excitez: & à l'auenir, de proceder avec tant de bienfiance, que le monde en receust autant d'edification, qu'il auoit conceu peu de bonne opinion. Que la mauuaise volonté des Protestans estoit

par trop notoire: & quand ils se monstrent peu esloignez de la concorde, c'est iustement alors, qu'il faut douter qu'ils machinent nouuelles occasions de plus grand discord. Qu'il estoit tout asseuré, qu'ils auoient demandé vn Concile, pensans qu'il leur ieroit denié: & au mesme temps, qu'ils le demandoient, ils taschoient d'y entrejetter tous les empeschemens possibles: comme aussi à present, disoient-ils, sont ceux, qui sont assemblez à Francfort, faisans tout effort enuers l'Empereur, que le Concile soit interrompu, ou trauersé. Qu'il ne hayssent pas moins le nom du Concile, que celuy du Pape: & que par le passé ils ne s'en sont seruis, sinon pour couurir & pretexter leur Apostasie du Saint Siege. Et pourtant, qu'il ne falloit auoir aucune bonne esperance de leur conuersion, mais vaquer seulement à conseruer & maintenir les bons Catholiques en la foy. Ils louèrent aussi la pieté, & la bonne intention du Roy, & exposerent le desir qu'auoit le Pape de la correction de l'Eglise: & combien il auoit fait pour la reformation de la propre Cour, sans auoir esgard à la diminution des ses reuenus: & que tousiours il auoit escript au Concile, pressant & sollicitant la reformation: à laquelle eux Legats mesmes estoient aussi tres-enclins, & disposez: mais estoient empeschez par les contentions des Prelats. esuelles le temps estoit quasi tout consumé. Que si en France il y auoit du danger de perdre l'obeyssance des Catholiques, cela estoit matiere de laquelle il falloit traiter avec sa Sainteté. Et quant au prest des deniers, ils dirent, Que la paternelle charité du Pape enuers le Roy, & le Royaume, estoit si grande, qu'il falloit tenir pour asseuré, que les conditions, par luy apposées au prest, y auoient esté mises par pure necessité. Enfin, apres plusieurs termes de complimens, ils conclurent entr'eux, Que le Lundy suiuant il yroit en Congregation generale, pour exposer aux Peres la cause de sa venuë, & pour lire à eux aussi les lettres du Roy.

Les Legats prirent de l'Ombrage des paroles dites par le Cardinal, qu'au Concile il ne se vouloit mesler des affaires du Royaume, ains en laisser la charge aux Ambassadeurs: ne les trouuant conformes au semblant, qu'auoient fait Lanfac, & du Ferrier, peu de iours auparauant, de se resiouyr de la venuë du Cardinal, comme si, par icelle, ils eussent du estre deschargés de tout fardeau, & soucy, lequel ils remettoient entierement sur fa Seigneurie Illustissime: & pourtant conclurent, qu'il falloit auoir l'œil ouuert à ces dissimulations: ioint vn aduis certain, qu'auoit eu de Milan le Cardinal Simonete, que les Abbez François, logés à S. Ambroise, auoient dit, qu'ils s'vniroient avec les Espagnols, Allemans, & autres Vltromontains: & qu'ils alloient au Concile, pour y traiter choses, qui n'agréeroient point à la Cour de Rome. Outre ce, qu'en tous les propos des François on oyoit resonner, qu'il ne falloit pas perdre en questions le temps, lequel il falloit employer & dispenser à parler de la Reformation: qu'il falloit commencer par le point d'oster la pluralité des Benefices, & que le Cardinal vouloit estre le premier à s'en deslaiser: qu'il falloit ordonner que les dispenses fussent baillees gratuitement: qu'il falloit abolir les Annates & les Preuencions: & les petites Dates: & ordonner qu'on ne fust qu'une seule prouision pour chaque Benefice. Exagérant qu'il se presentoit au Pape vne tres-belle occasion d'acquiescer vn los eternel, en faisant les susdits reiglemens, par lesquels, en contenant les peuples Chrestiens, il les vniroit & pacifieroit, & pouruoiroit aux abus, & inconueniens: en eschange de quoy ils estoient contents

de payer à sa Sainteté demie decime. Qu'ils estoient venus à Trente, en resolution de ne s'en partir point, qu'ils n'eussent premierement essayé de faire ordonner toutes ces provisions, quand bien cela les obligeroit à y demeurer longuement: & que s'ils voyoient des indices, qu'on ne voulust pourvoir aux choses par eux remontrées, ils ne feroient pourtant point de vacarme, mais tout coyement s'en retourneroient en France, & feroient leurs reiglemens chez eux. Les Legats estoient aussi bien acertenes d'une estreinte intelligence du Cardinal avec l'Empereur: & ce que plus ils estimoient, avec Maximilien, Roy de Boheme, tout euidemment portez l'un & l'autre à donner contentement aux Princes d'Allemagne, lesquels tout noiroirement haïssoient le Concile, & auoient pour agreable qu'il ne passast plus auant, ains se rompist: eu quelque maniere toutesfois; qui fust aduantageuse pour eux, & deshonorale au S. Siege, & au Concile. Ils prirent aussi quelque soupçon du Roy Catholique, pour un aduis, qu'auoit receu le Seceretaire du Conte du Lune, qui portoit, Que l'instruction dudit Conte estant ia faite, on auoit depuis resolu, pour diuers aduis suruenus, d'enuoyer Martin Gazdellon, iadis Seceretaire de Charles V. pour luy porter instruction de bouche, laquelle on n'auoit voulu confier aux lettres. Ce qui estant confronté avec certain aduis receu de France, que le Cardinal de Lorraine, auoit son depart, auoit communiqué avec le Roy d'Espagne les demandes, qu'il pretendoit traiter au Concile: & d'ailleurs, ayans seu pour certain que le mesme Roy auoit esté recherché d'Allemagne de faire instance pour la reformation: ils doutoient, que la venue du Cardinal n'enfançast quelque grand nouveauté. Ioint, qu'ils ne goustoient point le mot, qu'il auoit dit en l'audience, de la venue des Allemans au Concile; sur tout considerant le pourparler qu'il auoit autresfois eu avec le Duc de Vvirtemberg. Et en somme, ne pouans le persuader, qu'un personnage de si grande autorité, & prudence, fust allé au Concile sans fondement asseure, pour y bastir les desseins ils aduiferent de faire promptement vne despesche au Pape, avec toutes ces considerations. Et d'autant qu'ils auoient remarqué, que toutes les fois qu'il parloit, ou qu'il arriuoit quelque courrier extraordinaire, les Prelats en prenoient suiet de parler, d'en rechercher la cause, & de murmurer, & mesmes d'exciter du bruit, & de faire des menées: ce qui, apres la venue du Cardinal de Lorraine, auoit pû produire effets plus dangereux qu'auparuant, ils firent leur despesche secretement, & escriuirent à Rome, qu'on donnast ordre aux courriers, qu'à la derniere poste pres de Trente, il laissassent le guide, & tout autre attirail, & entraissent tout coyement en la ville, avec la seule despesche.

*Congregation de
seances &
ceremonies,* Le Cardinal de Lorraine n'alla point en Congregation, selon qu'il auoit esté concerté: car un peu de sieure, qui luy suruint le lendemain, le fit differer. Toutesfois, il monstra desir qu'on procedast lentement, afin qu'il y pust aussi entreuenir, auant la resolution. Les Legats resolerent de le contenter, faisant assembler la Congregation beaucoup plus tard qu'à l'ordinaire. En icelle estans entreuenus les Euesques, & les Abbez François, on fit tout premier vne generale reueuë, assignant à chacun sa place: & en icelle fut trouuë, que le nombre des Prelats montoit à deux cens dix-huit. Et le iour suivant, estant suruenue quelque difficulté de presence, la reueuë fut faite de nouveau, faisant entrer les Prelats l'un apres l'autre en Congregation, & menant chacun en sa propre place. En ces Congregations nul des François ne parla: soit qu'ils voulussent attendre, que le Cardinal fust present: soit aussi, qu'ils desirassent de bien remarquer premierement le stile que tenoient les autres.

*Le festin
de brigue
contre les
Francois,* L'Archeueque d'Otrante prepara un festin à plusieurs Prelats pour le dix-neufiesme Nouembre; & celuy qui eut charge de les conuier, leur dit à tous que, pour le seruice du S. Siege, ils n'y faillissent point: dont, par toute la ville de Trente fut tout soudain diuulgué un bruit, que les partisans du Pape s'assembloient, pour faire vne ligue contre les François. Ce qui les offensa

offensa grandement: sur tout, d'autant, qu'apres le festin, ils furent certains qu'en iceluy auoient esté tenus propos de telle nature: &, qu'apres leur venue, on voyoit quasi tous les iours arriuer quelque Prelat de nouveau: ce qui leur faisoit croire d'estre tenus pour suspects, & contraires. Mais les Legats, pour monstrer toute confiance, & respect d'honneur envers le Cardinal, desististes que chacun d'eux fit, pendant son indisposition, le persuaderent d'empoigner vne si belle occasion, & d'assoupir par son autorité les contentions nées sur le suiet des questions introduites: ce qui à luy seroit forraisé, & de grande reputation, pour n'auoir pu estre effectué par autres. Le Cardinal s'y disposa assez bien, & s'offrit de s'y employer.

Le Pape, qui, en ces iours-là, auoit esté en quelque danger de sa vie, pour vn grief & inopiné accident, apres estre reconualu, eut aduis des Legats, & de plusieurs endroits, par où les François auoient passé, les quels fe reporter plus souvent tous, à luy représenter leurs desseins. Et y auoit encor de plus, que Monsieur del'Isle, Ambassadeur du Roy de France à Rome, auoit, pendant la maladie du Pape, fait des pratiques, que la mort du Pape arriuant, le Pape fust fait à Trente par nations, & que le Siege demeurast vaquant iusques à ce que la Reformation fust faite. Car, par ce moyen le Concile seroit libre: & le Pape, qui seroit créé puis apres, ne se sentiroit point greué d'accepter la reformation, qui auroit esté établie auparauant. Cela esmut le Pape, plus que toute autre chose: tant, pour le desplaisir que tous hommes, & sur tout, les Princes ont, de voir qu'on face desseins sur leur mort, & apres leur vie, que, pource, que cela le rendoit tres-assuré de la resoluë intention des François à la Reformation de la Cour de Rome, & du Papat. A tout cela adioustant les differends, qui estoient à Trente sur le fait de l'Institution des Euesques, & de la Residence, il fit tenir tous les iours des Congregations, & ne se retenoit point de dire à toutes sortes de personnes, qu'il n'auoit aucun affaire plus important, & plus dange reux pour soy, que le Concile: &, exposant vn iour les estrifs, qu'il y auoit pour l'Institution des Euesques, & pour la nouvelle proposition de la Residence il s'escria, Que tous les Euesques beneficiés de luy, luy estoient contraires, & qu'il nourrissoit à Trente vne armée d'ennemis. Et mesmes on auoit quelque opinion, qu'en son interieur il prist plaisir, que les Huguenots fissent quelque progrès en France: & que les Protestans eussent quelque aduantage en la Diete d'Allemagne, afin que le Concile se pust rompre sans luy. Il ne laissa pas toutesfois d'estre tousiours ententif aux remedes: & ordonna que les Euesques, qui n'estoient encor leués partis de Rome, partissent sans delay: & voulut mesmes, que Marc Antoine Boba, Euesque d'Oste, Ambassadeur du Duc de Sauoye à Rome, y allast. D'ailleurs il defendit à l'Archeuesque de Torre, Espagnol, & à l'Euesque de Cefene, d'y aller: à celuy-là, pource qu'au Concile tenu sous Paul troisieme, il auoit, avec plus de fermeté, que ne portoit le temps, soustenu au fait de la Residence, qu'elle est de droit diuin: à cettui-cy, d'autant qu'il estoit intime du Cardinal de Naples, duquel le Pape doutoit grandement, pour la mort par main de bourreau de ses deux Oncles les Caraffes, par commandement du Pape, & pour les executions faites contre sa propre personne. Et mesmes auoit quelque crainte de ce qu'on disoit, que le Conte de Montebel, pere dudit Cardinal, auoit entre mains vne cedule de la propre main du Pape, lors qu'il estoit encor Cardinal en Conclau, par laquelle il promettoit audit Cardinal de Naples vne somme d'argent pour auoir sa faueur en l'election. Mais sa principale des fiance estoit des François, laquelle toutesfois il iugea, qu'il valloit mieux dissimuler. Il enuoya en France quarante mil escus, pour reste des cent mil qu'il auoit promis au Roy: & despescha à Trente Sebastien Gualter, Euesque de Viterbe, accompagné de Louïs Antinore, lesquels, ayans esté en France, auoient quelque familiarité avec quelques vns de ces Prelats, & quelque dependance avec le Cardinal: & ce, sous couleur de l'honorer: & escriuit à luy, & à Lanfac, lettres pleines de complimens, & de cōfiance. Ce qui toutesfois fut pris par eux

1562.

à contre-sens, comme s'ils estoient enuoyés pour esclaire les intentions du Cardinal, & espier ses allées & ses venuës: sur tout, d'autant qu'ils auoient eu de bons aduis de Rome, que ledit Euesque de Viterbe auoit exhorté le Pape de n'apprehender pas tant: attendu que le Cardinal de Lorraine trouueroit plus de difficultés, & d'empeschemens, qu'il ne croioit: & s'estoit offert soy-mesme à en susciter d'auantage.

le Cardinal de Lorraine concerte sa presentation, en congregation, où il y a de la difficulté, Le vingt-deuxième Nouenbre, le Cardinal se resolut d'entrer le iour suivant en Congregation: & fut concerté qu'on y liroit les lettres du Roy, & queluy seroit vne harangue. Le Cardinal proposa de plus, qu'une autre en seroit aussi faite par l'Ambassadeur du Ferrier. Les Legats ne vouloient consentir à cecy: & la clause veritable estoit, *Que, si cela estoit vne fois permis, les Ambassadeurs de France, & tous les autres, voudroient parler & proposer, en danger de causer encor plus de confusion.* Mais ils dissimulerent cela, & dirent seulement, *Qu'en ce Concile-là, ny lors, ny sous Paul, ny sous Iules, n'auoit iamais esté permis aux Ambassadeurs de parler en Congregation, sauf le iour de leur reception.* Et partant, que, sans le consentement de Sa Sainteté, ils ne pouuoient admettre telle nouveauté. Mais le Cardinal respondit, *Que, puis qu'il y auoit nouuelles lettres du Roy, & nouuelles instructions, on la pouuoit qualifier nouuelle Ambassade: & que ce seroit comme vne premiere entrée.* Apres plusieurs responses, & repliques, le Cardinal leur donna parole, qu'après cete fois, ils ne rechercheroient plus de parler. Dont les Legats, pour luy donner contentement, & afin qu'il ne prist occasion de monstrier vne manifeste offense, acquiescerent.

il y entre, & sont lûes les lettres du Roy,

Ainsi, le iour suivant, fut assemblée la Congregation, où fut luë la lettre du Roy, portant pour inscription, Aux tres-Saints & tres-Reuerends Peres, assembles à Trente pour celebrer le Saint Concile. Et en icelle le Roy disoit, *Que, dès qu'il auoit plu à Dieu de l'appeller au Royaume, il luy auoit aussi plu d'affliger iceluy de diuerses guerres: mais que Dieu luy auoit ouuert les yeux, en sorte que, quoy que ieune d'ans, il auoit reconu que la principale cause des maux estoit la diuersité des sentimens au fait de la Religion.* Et que, par cete illumination de Dieu, il auoit, dès son aduenement à la Couronne, fait instance pour la celebration du Concile, auquel ils estoient presentement assembles: sçachant que les anciens Peres ont tousiours trouués Conciles les plus propres & conuenables remedes à semblables maladies. Et qu'il auoit esté bien desplaisant, que, comme il auoit esté le premier à pourchasser vn si bon œuure, il n'eust pu y enuoyer ses Prelats des premiers. Mais que, puis que les causes estoient notoires, il estimoit d'en estre suffisamment excusé par eux, sur tout lors qu'ils verroient seldits Prelats arriués, accompagnés du Cardinal de Lorraine: lequel il auoit enuoyé pour deux causes principales: dont la premiere estoit, la grande & frequente instance que luy mesmes auoit fait d'auoir congé d'y aller, pour satisfaire au deuior du rang, qu'il tenoit en l'Eglise: l'autre, d'autant qu'iceluy estant de son Conseil priuë, & nourry dès son enfance és plus importans affaires d'estat du Royaume, il en sçauoit aussi les necessités, mieux que nul autre: & d'où en estoient nées les occasions: dont aussi il en pourroit faire fidele & ample rapport, conformément à la charge qu'il en auoit: & en requerir, au nom du Roy, les remedes qu'il se promettoit de leur prudence, & affection paternelle, tant pour le repos du Royaume, que pour le salut vniuersel de toute la Chrestienté. Qu'il les prioit doncques de mettre la main à cela, avec leur accoustumée sincerité, afin qu'on vinst à vne sainte reformation, & qu'on vist resplendir l'ancien lustre de l'Eglise Catholique, avec vnion de toute la Chrestienté, en vne seule & mesme religion. Oeuure digne d'eux, souhaitée de tout le monde, dont ils receuroient retribution de Dieu, & loüange de tous les Princes. Et, pour conclusion, dit, qu'il se remettoit, pour les particularités, à la prudence & suffisance du Cardinal, auquel il les prioit d'adiouster foy, en ce qu'il leur proposoit de sa part.

Après cete lecture, le Cardinal parla. Et d'entrée il exposa les misères du Royaume, & deplora les guerres, les demolitions d'Eglises, les meurtres des Religieux, le foulement des Sacrements, l'embrasement des Bibliothèques, l'abbatement des images, & des reliques des Saints, le degast des sepultures des Rois, des Princes, & des Euesques, & le dechallement des vrais Pasteurs. De là, passant aux choses ciuiles, il representa le mespris de la Maiesté Royale, l'vlsurpation des reuenus du Roy, l'infraction des loix, & les seditions excitées parmy le peuple. De tous ces maux, il en attribua la cause à la corruption des mœurs, au renuersement de la discipline Ecclesiastique, à la negligence à reprimer l'heresie, & à vsur des remedes ordonnés de Dieu. Et puis, se tournant deuers les Ambassadeurs des Princes, leur remonstra, que ce, qu'à present ils voyoient; comme spectateurs oiseux, au Royaume de France, ils le pourroient, avec vn repentir trop tardif, sentir & experimenter chez eux-mesmes; en cas que la France, tombant sous son faix, vint à entraîner les autres lieux circonuoisins. Il dit neantmoins, qu'il y auoit encor des remedes, la vertu, & l'excellent naturel du Roy, les conseils de la Roine mere, & du Roy de Nauarre, & des autres Princes, qui n'y espargnoient ny vieny moyens. Mais que le principal remede estoit attendu du Concile, duquel deuoit venir la paix de Dieu, qui surpassé toute intelligence. Et que le Roy Tres-Christien en estant tres-certain, pour la reuerence qu'il portoit au Concile, & pour l'ennuy qu'il auoit des differends de Religion, requeroit deux choses d'eux. La premiere, qu'on fust les nouuelles discordes, & les inutiles & nouuelles questions: & qu'on procurast surseance d'armes entre tous les Princes, & Estats: & qu'on ne donnât scandale aux Protestans, leur baillant suiet de croire que le Concile trauidallast plustost à inciter les Princes aux armes, & à traiter ligues & alliances, qu'à garder l'vnité de la paix: laquelle le Roy Henry auoit premièrement establie, & puis auoit esté continuée par le Roy François II. & tousiours desirée par le Roy present pupille, & par sa mere. Ce qui estoit de vray reüssi avec peu de bon-heur: mais que toutesfois les euenemens de la guerre deuoient estre redoutés, comme beaucoup plus mal-heureux & périlleux, attendu qu'en iceux tous les estats du Royaume estans en danger de naufrage, l'vn ne pouuoit secourir l'autre. Et pourtant, que le Roy desiroit qu'on fist quelque estat des desuoyés de l'Eglise, & que on leur condanast tout ce qu'on pourroit sans offenser Dieu, & qu'on les tint pour freres autant qu'il seroit possible, & iusques aux Aurels. La deuxième chose que le Roy requeroit, coniointement avec l'Empereur, & les autres Rois, & Princes; estoit, qu'on traitast de la reformation des mœurs, & de la discipline Ecclesiastique; & qu'ils y missent la main à bon escient: dequoy le Roy les admonnestoit, & coniueroit par Nostre Seigneur Iesus-Christ, lequel doit venir en iugement: & que, voulans remettre en son entier l'autorité de l'Eglise, & retenir le Royaume de France en deuoir, ils ne mesurassent point les incommodités des François par les leurs. Qu'il s'essouuist que toute l'Italie estoit en paix, & que l'Espagne en tenoit à pleine main le gouuernail: en lieu que la France estoit renuercée; & à grand peine le tenoit plus du bout du doigt. Et adiousta, que s'ils luy demandoient, à qui il falloit attribuer la cause de la tourmente, & orage qui s'estoit esleué, il ne pouuoit respondre autre chose, sinon, Ce sommes nous, pour lesquels cete tempeste s'est esleuée, iettez nous en la mer, comme dit Ionas. Par rant, qu'il y auoit besoin de courage, & de hardiesse, & de penser à soy-mesmes, & au troupeau. Et, pour conclusion; dit, Qu'il auoit, avec ce propos acheué son Ambassade, & que les Ambassadeurs diroient le demeurant. Mais que luy, & les Prelats, qui estoient venus avec luy, protestoient deuouloir, après Dieu, estre suiets au Tres-saint Pape Pie, reconnoissant son primat en terre par dessus toutes les Eglises: & qu'ils ne refuseroient iamais de se soumettre à ses commandemens. Qu'ils auoient en veneration les Decrets de l'Eglise Catholique, & du Concile general: qu'ils honoroient & reueroient les Legats, & offroient concorde & vnion aux Euesques: & se resioüissoient d'auoir

1562.

*Respon-
se du Legat
de Man-
rouë au
Cardinal
de Lor-
rain:*

les Ambassadeurs du Roy, & des autres Princes pour tesmoins de leurs aduis, qui ne buteroient à autre chose qu'à l'honneur de Dieu.

Après qu'il eut acheué de parler, le Cardinal de Mantouë, en peu de paroles, le loua de la peine & travail qu'il auoit pris pour le seruice de Dieu: & tesmoigna que tout le Concile se resioüissoit de la venue: & fit aussi mention de ses freres, lesquels il loua, de ce, qu'en leur profession des affaires & des armes, ils monstroient mesme zele & promptitude au seruice de Dieu, & au bien du Royaume: & pour le demeurant, il se rapporta à la responce, que luy rendroit, au nom du Concile, l'Archeuesque de Zara, député à cela. Lequel dit, Que le Concile auoit en tout temps ouï avec beaucoup de desplaisir les troubles & seditions de Religion en France, de laquelle il auoit tousiours eu grandement à cœur le repos & tranquillité: & de tant plus en auoit-il alors du desplaisir, que par le narré de Sa Seigneurie Illustrissime ils luy estoient figurés, & mis deuant les yeux. Qu'il esperoit toutesfois, que le Roy, ensuiuant la vertu de ses Aneestres, les pourroit en bref reprimer. Que le Concile s'employeroit de toutes ses forces, & courage, pour mettre en euidence le vray seruice de Dieu, & pour corriger les mœurs, & pour rendre son vray repos & tranquillité à l'Eglise: à quoy il esperoit de pouuoir plus aisément paruenir par l'aide & secours de Sa Seigneurie Illustrissime, & des Prelats qu'elle auoit menés avec elle. Et, après s'estre grandement estendu és louanges du Cardinal; il conclut, Que le Concile remercioit Dieu de sa venue, & s'en conioüissoit avec luy, & s'offroit d'ouir ce qui, en son temps & lieu, seroit dit par les Ambassadeurs, ne doutant nullement, qu'il ne dût estre à la gloire de Dieu, à l'vtilité & bien de l'Eglise, & au grand & singulier honneur du S. Siege.

*harangue
libre &
piquante
de l'Ambas-
sadeur
du Fer-
rier:*

Après cela, parla l'Ambassadeur du Ferrier, & commença par les louanges de l'esprit du Roy, son Maistre, enclin à la Religion: lequel paroïssoit encor plus clairement par la venue & la harangue du Cardinal, laquelle donnoit assez à cognoistre à tous, combien la France procure le bien de l'Eglise Catholique: veu que chacun pouuoit bien presumer, que le Roy auoit esté mû par causes tres-puissantes à enuoyer iceluy Cardinal, du conseil duquel il s'estoit tousiours seruy és grandes affaires de son Royaume. Que le Roy pourroit dans trois iours pacifier tous troubles & seditions, & retenir en la naturelle obeïssance les courages de tous ses suiets, s'il n'auoit autre but que le bien de ses affaires propres, & ne regardoit à l'Eglise Catholique, & à conseruer la dignité & l'autorité du Pape en France, pour laquelle seule il exposoit en danger son Royaume, la vie, & les biens de tous les Grands, & Nobles. Puis, descendant aux demandes, qu'ils auoient à faire, il dit, Qu'ils ne seroient point importuns, fascheux, & difficiles en icelles: qu'ils ne requeroient autre chose, que ce que toute la Chrestienté demandoit. Que le Roy Tres-Chrestien requeroit le mesme, qu'auoit requis le Grand Constantin des Peres du Concile de Nicée: & que toutes ses demandes estoient comprises en la sainte Escripture, és vieux Conciles de l'Eglise Catholique, & anciennes Constitutions, Decrets, & Canons des Papes, & des Peres. Que le Roy Tres-Chrestien demandoit que l'Eglise fust remise en son entier, par eux Peres, constitués comme iuges delegués par Christ mesmes, non par vne commission de clause generale, ains selon la forme des expresse paroles de cet Edit perpetuel & diuin; contre lequel ne peut auoir lieu vsurpation ne prescription quelconque. En sorte, dit-il, que finalement, comme de captiuité, puissent retourner en la sainte Cité de Dieu, & à la lumiere des hommes ces bons & saints reglemens que le diable auoit desrobés, & cachés par vn long espace de temps. Et là dessus allegua l'exemple de Darius, qui appaisa les troubles & tumultes de Iudée, non par les armes, mais par l'exécution de l'ancien Edit de Cyrus: & celui de Iosias, lequel reforma la Religion, en faisant lire & obseruer le liure de la Loy, caché par la malice des hommes. De là, il lascha vn trait bien piquant, disant, Que si les Peres demandoient, pourquoy la France n'estoit en paix, on ne pouuoit respondre

autre chose, que ce que Iehu auoit dit à Ioram, Comment y peut-il auoir paix, pendant que durent? Il coupa là le propos, mais adiousta, Vous sçauiez le reste. Il dit ensuite, que s'ils ne trouueroient à cete Reformation, les secours & aide du Roy d'Espagne, du Pape, & des autres Princes, seroient tous en vain: & que le sang de ceux qui periroient, quoy que meritoirement pour leurs propres pechés, seroit redemandé de leurs mains. Et, pour conclusion, dit qu'auant que venir aux particulieres demandes, qu'ils auoient à faire, ils requeroient les Peres de terminer bien tost les choses, qu'ils auoient commencé à traiter, afin qu'au plustost ils pussent venir aux autres, beaucoup plus importantes & necessaires en ce temps. La poignante liberté de cet Ambassadeur ne desplut pas moins, que celle dont auoit vſé l'ibrac, son Colleague, à leur arriuée à Trente. Mais la crainte, qu'on auoit des François, fit mettre sous silence les offenses de paroles.

Le iour d'apres furent continuées les Congregations, & la premiere fut toute occupée par F. Gaspar de Casal, Portugais, Euesque de Liria, lequel, pour informer le Cardinal de Lorraine de toutes les raisons & motifs des Espagnols, recapitula, avec grand apparat de paroles, les choses dites par les autres sur la presente matiere del' Institution des Euesques. Et dit de plus, qu'il n'y auoit rien, qui fust plus en faueur des Lutheriens, que de faire l'institution des Euesques de droit humain: attendu que, par ce moyen estoit autorisée & approuuée l'innouation faite par eux, d'establir des prescheurs ou ministres, au gouuernement de l'Eglise, en lieu des Euesques, ordonnés par Christ. Il adiousta à cela, que, des Epistres de S. Gregoire à Iean Patriarche de Constantinople, & à autres contre le mesme, il paroissoit clairement, qu'on ne peut dire, que l'institution du Pape de Rome vienne de Christ, que semblablement on ne die, que du mesme vient celle des Euesques.

Le Cardinal de Lorraine tint chez soy Congregation des Prelats & Theologiens François, qui estoient venus avec luy, pour ouïr leurs opinions sur le fait de la iurisdiction des Euesques: & fut vnanimement conclu entre eux, qu'ils la reçoient de Dieu, & qu'elle est de droit diuin. Et cete singularité de Congregation fut pratiquée du depuis par le mesme Cardinal en toutes les autres matieres suruenantes, au grand desplaisir des partisans du Pape, auxquels il sembloit qu'il voulust faire vn Concile à part, & craignoient que les Espagnols, à son exemple, n'en introduisissent vn autre: & qu'en fin ces Congregations ne causassent quelque schisme manifeste, comme il estoit aduenu au premier Concile d'Ephese, par les Congregations separées qu'y firent les Egyptiens, & les Syriens. Il est bien vray que les partisans du Pape auoient entre les Espagnols Barthelemy Sebastien, Euesque de Pary en Sicile; lequel, quoy qu'Espagnol de nation, auoit grandes intelligences à Rome, à cause de son Eueché qui estoit en Sicile, & decouuroit à Rome toutes les pratiques & conseils des Espagnols. Entre les François, dès le temps, que le Cardinal s'apprestoit pour le voyage, le Nonce de France auoit gaigné Frere Jacques Hugonis, Cordelier, Theologien de Sorbone, élu par le Cardinal de Lorraine, pour estre en sa compagnie. Ledit Nonce eut quelque accès à luy, d'autant qu'il estoit constitué Procureur au Concile par Iean des Vrsins, Euesque de Landriquet: & en donna aduis à Rome: & par lettres dudit Nonce, luy fut baillée adresse à Trente pour la correspondance, à Lactance Rouerella, Euesque d'Ascoli. Mais le Cardinal Simonete ne trouua pas bon de tant se confier audit Euesque, & ne voulut pas qu'il sceust l'intelligence, qu'on deuoit auoir avec ce Theologien. Et pourtant, lors que le Cardinal fut près de Trente, il fit que l'Euesque de Ventimile, enuoya audit Hugonis vn autre Moine Cordelier, nommé Pergola: pour luy dire de sa part, qu'il auoit aduis du Nonce de France, touchant la lettre qu'il portoit à l'Euesque d'Ascoli: & que le mesme Nonce escriuoit à l'Euesque de Ventimile, que luy Hugonis se dussent aboucher avec luy, auant que la deliurer. Le Cordelier Pergola fit dextremēt l'office, si bien que Hugonis donna intention d'en faire ainsi. Et conformément à ce cōcoire,

1562. peu de iours apres qu'il fut à Trente, il alla trouuer l'Euesque de Ventimile: & apres s'estre reconus, & s'estre donné les entrefeignes pour traiter ensemble, le Cordelier luy fit relation del'estat des affaires de la France: & entre autres choses, luy dit, Que la plus grande partie de la ruine du Royaume procedoit de la Roine mere, laquelle fauorisoit les heretiques: ce que luy mesmes auoit clairement reconu és disputes, qu'il luy estoit aduenü d'auoir plusieurs fois avec eux en la presence d'icelle. Et quant aux Ambassadeurs, qui estoient à Trente, il luy dit, qu'eux aussi estoient corrompus. Qu'il tenoit bien le Cardinal pour bon Catholic, mais qu'il estoit enclin aux impertinentes reformations des ceremonies Ecclesiastiques, comme de remettre sus l'usage du Calice, d'oster les Images, d'introduire la langue vulgaire & autres telles choses, auxquelles il estoit porté par le Duc de Guise, son frere, & par autres siens parens: & que la Roine, à son depart, luy en auoit fait de grandes exhortations, & luy auoit donné vingt mil escus. Il dit de plus, qu'entre les Euesques, il y en auoit trois de la mesme faction: mais que sur tous celuy de Valence s'entendoit avec la Roine, & estoit enuoyé par elle, comme principal, auquel le Cardinal deuoit se rapporter, & deferrer. Pour conclusion, ils contreuinrent entr'eux du moyen de se trouuer & de traiter ensemble. L'Euesque de Ventimile luy bailla cinquante escus d'or par commillion des Legats, lesquels du commencement il fit difficulté d'accepter: mais l'Euesque par ses persuasions l'y fit acquiescer: en forte toutesfois, que luy mesmes ne les prit pas, ains appella vn sien seruiteur qui estoit avec luy, auquel il commanda de les prendre au nom de la religion.

Il m'est aduenü bien souuent, & aduiënt encor, de raconter de fois à autre quelques particularités, lesquelles ie suis certain ne deuoir estre par plusieurs estimées dignes de memoire, comme moy-mesme confesse ne les auoir tenuës pour telles. Mais, d'autant que ie les ay trouuées conseruées, & remarquées és memoires de ceux, qui se trouuerent presens és actions, i'ay cru qu'il y pouloit auoir quelque esgard; à moy inconnu, pour lequel ils les eussent estimées dignes d'estre enregistrees: dont ie me suis resolu de suivre plustost leur iugement, que le mien, à les rapporter. Quelque esprit plus aigu & curieux, y pourra peut-estre, decouurir quelque chose digne de remarque, que ie n'ay pü y entreuoir: & ceux aussi, qui n'en feront estat, ne se pourront pas plaindre d'auoir perdu beaucoup de temps à les lire.

*Ses-
sion
différée,*

Le vingt-sixième Nouembre, iour destiné pour la Session, le Cardinal Seripande proposa en Congregation, qu'icelle fust différée: attendu, que les Decrets, qui s'y deuoient publier, n'estoient encor arrestés: & fit vne admonition aux Peres, sur leur longueur & prolixité à parler, dont il arriuoit, qu'on ne pouuoit determiner aucun iour asseuré pour la tenuë de la Session: & partant qu'on estoit en necessité de la différer au bon plaisir. Et adiousta, que plusieurs d'entreux se donnoient carriere à parler des abus, sans prendre garde que, de continuer par tant de temps vainement en disputes sans fruit, estoit vn tres-grand abus, lequel de necessité il falloit retrancher, si on vouloit voir la fin du Concile avec edification. Le Cardinal de Lorraine conferma le mesmes, & exhorta les Peres à laisser les questions, qui ne venoient point à propos en ce temps-là, & à estre courts, & diligens à expedier les choses ia proposées, pour venir aux plus importantes, & necessaires. Vn bon nombre de Prelats ne consentirent point, que la Session fust différée au bon plaisir, & requirent qu'on assignast vn temps arresté. Mais, sur la repliche qui fut faite, qu'il estoit impossible de presfiger vn certain iour, d'autant qu'on ne pouuoit sçauoir le temps, qui seroit necessaire pour sortir de la matiere tant debatue entr'eux, la conclusion fut prise, qu'au bout & terme de huit iours, le iour de la Session seroit arresté.

*pratiques
enuers les
Espagnols*

Le mesme iour arriua le Senateur de Molines, enuoyé par le Marquis de Pescaire, pour renoueller, & renforcer enuers les Prelats Espagnols les offices ia faits en faueur du Pape par le Secretaire resident, mais qui n'a-

uoient produit effet. Iceluy porta nouuelles lettres de creance du Marquis à eux tous, & luy mesme y trauailla avec beaucoup de sollicitude. Mais cete diligence fit effet contraire : car les Prelats la prirent comme vne pratique du Cardinal d'Arragon, frere du Marquis, sans commission expresse de la Cour. Les Ambassadeurs de France, voyans que plus on alloit auant, plus il naissoit de difficultez, pour ce point de l'Institution des Euesques, sollicitoient qu'on trouuast quelque expedient de se desmeler de ces superfluités, pour venir à l'affaire plus important de la Reformation, desirans de s'esclaircir vne fois de ce qu'ils pouuoient obtenir du Concile. Et l'Euesque de Nismes, en disant son aduis, se laissa entendre, que, si les Peres auoient tant à cœur de decider vne curiosité, qui en fin n'estoit que de paroles il leur plust d'auoir quelque esgard aux autres, pour ne les entretenir avec perte de temps : & differer icelle à vne autre fois, & presentement mettre la main aux choses necessaires. Mais Diego Couarruuias, Espagnol, Euesque de la Cité de Ro- drigue, qui parloit apres iceluy, dit, pour excuser les Peres de ce qu'ils s'entretenoient en cete question, Que, puis qu'elle auoit esté proposée par Mes- sieurs les Legats, les Prelats ne pouuoient faire de moins, que d'en dire leur eult esté faite par eux. Et Seripande renua par dessus, & dit, Qu'ils auoient pris trop de licence : qu'ils ne se contentoient pas de parler de la superiorité des Euesques, qui estoit ce, qui auoit esté proposé, mais auoient aussi mis sur les rangs l'autre question, de l'Institution des Euesques, & à toutes deux auoient adiousté la clause, du droit diuin. Et, encor de surcroist, apres la tolerance & patience, dont on auoit vsé à leur laisser dire tout ce qu'ils vouloient, ils imputoient la faute aux Legats. Il reprit aigrement le trop de liberté à entrer en ces questions, & la hardiesse à traiter de la puissance du Pape, le tout en vain, & superflument, avec redires & repetitions des mesmes choses, dites ia plus de dix fois : & mesmes par aucuns, avec des raisons & motifs friuoles, & façons ineptes, indignes de telle Assemblée. Mais en la suite de son propos, s'estant aduisé d'auoir esté trop aigre, il passa à bailler vn formulaire, comment il falloit qu'un Prelat dist son aduis au Concile. Et luy mesmes discourut sur les questions proposées, monstrant que les opinions opposites estoient toutes deux probables, & quand mesmes celle du droit diuin auoit plus de probabilité, si n'estoit ce pas matiere à decider en Concile. Il ne put pas pourtant appaiser les esprits esmus de plusieurs, & mesme sa procedure ne plut point au Cardinal de Lorraine, lequel ne manquoit de faire toute demonstration necessaire pour acquerir la bonne opinion de tous. Et alloit taschant de conoistre les personnes & leurs humeurs, & de s'asseurer de ce qui estoit possible à faire, pour n'entreprendre rien qu'il ne reconust pouuoir estre mené à chef : & mesmes affectoit d'estre le compositeur des differens, & l'arbitre de cete question. Il fut proposé, pour expedition de cete matiere, de deputer quelques Prelats par chaque nation, quasi comme compromettant la resolution en eux. Mais cela ne peut estre effectué : par ce que les François, & les Espagnols, vouloient nombre egal de chaque nation : mais les Italiens, comme estans en plus grand nombre que les autres, vouloient aussi plus grand nombre de deputes. Le Cardinal Simonete fut le principal à s'opposer à cete proposition, pour n'introduire la coustume du Concile de Basle.

En ce mesme temps se preparoit nouuelle matiere de debats. Car le Con- te de Lune fit entendre aux Legats, qu'il iroit à Trente, comme Ambassa- deur du Roy d'Espagne, & non del'Empereur : mais, auant qu'y aller, il vou- loit sçauoir quelle place il tiendrait. Les Legats là dessus appellerent les Am- bassadeurs de France, & leur communiquerent le fait : leur declarant la peine où ils estoient pour les disputes de preface : & les priant de trouuer quelque bon moyen de les appointer. Mais les Ambassadeurs respondirent, Qu'ils n'estoient point enuoyés là, pour composer differends, mais pour re- nir la place qui estoit due, & tousiours auoit esté accordée à leur Roy : qu'ils

1562.

n'entendoient pas de preiudicier en chose quelconque aux droits du Roy d'Espagne, ains luy rendre tout honneur, & seruice, conuenablement à l'alliance & à l'amitié qui estoit entre le Roy, leur Maistre, & luy : & qu'ils auoient charge, en cas que ladite place leur fust deniée, de protester de la nullité des Actes du Concile & de partir, emmenant tous les Prelats François quant & eux. Le Cardinal de Mantouë proposa de faire seoir l'Ambassadeur d'Espagne separément d'avec les autres, vis à vis des Legats, ou bien, au dessous des Ambassadeurs Ecclesiastiques, ou mesmes au dessous de tous les Ambassadeurs seculiers. Mais les François ne se contenterent point d'aucun de ces partis, voulans en toutes fortes, qu'il eüst sa place au dessous & apres eux, & non ailleurs.

*nommel
estris avec
les Espa
gnols en
Congre
gation :*

Or en la Congregation du premier Decembre, il aduint, que Melchior Ausosmediàno, Euesque de Guadix, Espagnol, parlant sur cete partie du dernier Canon, par laquelle il estoit dit & déclaré, Que les Euesques, appelés par le Pape, sont vrais & legitimes, dit, Que cete maniere de parler & d'exprimer la chose, ne luy agreoit point : attendu qu'il y auoit bien aussi des Euesques, qui n'auoient ny appel ny confirmation du Pape, qui ne laissoient pas pourtant d'estre vrais & legitimes. Et, pour exemple, il allegua quatre Suffragans, élus & ordonnés par l'Archeuesque de Saltsbourg, lesquels ne prennent aucune confirmation du Pape. Le Cardinal Simonete ne luy permit point de passer plus outre : disant, que ce qu'en tel cas faisoient l'Archeuesque de Saltsbourg, & les autres Primats, estoit tout par autorité du Pape. Là dessus Frere Thomas Caselle, Euesque de la Caue au Royaume de Naples ; & le Patriarche de Venise, se leuerent tout à coup, disans, Qu'il le falloir mettre hors, comme Schismatique. Et Gilles Falfette, Euesque de Caorle, petite ville & Isle es costes du Friol, s'escria, Hors le Schismatique. Et là dessus il fit vn grand bruit entre les Prelats, tant de murmures & huées, que de battement de pieds ; partie en offense de l'Euesque opinant, partie à sa defense : ce qui mescontenta grandement les Prelats Ultramontains. Le Cardinal de Lorraine en prit bien du desplaisir, mais n'en fit pourtant aucun semblant pour l'heure. Mais, apres que les Legats eurent avec beaucoup de difficulté appaisé le bruit, faisant suivre aux autres, qui deuoient parler en cete Congregation, le Cardinal à l'issuë, en presence de plusieurs Prelats partisans du Pape, dit, Que l'insolence auoit esté grande, & que l'Euesque de Guadix n'auoit point mal parlé : & que s'il eust esté François, luy mesmes en eust appelé à vn Concile plus libre : & que si on ne pouuoit à faire, que tous pussent parler librement, on ne retiendroit iamais les François, qu'ils ne partissent, pour aller tenir vn Concile national en France. Et de vray il fut reconu, que l'Euesque n'auoit pas mal parlé, & le Canon fut corrigé : & en lieu de ces termes, les Euesques appellés par le Pape ; il fut dit, les Euesques, promus par autorité du Pape de Rome.

*assigna
tion de la
suiuante
Session :*

Le iour suiuant, le temps estant venu d'assigner le iour de la Session, le Cardinal de Mantouë proposa, qu'elle fust differée iusques au dix-septieme du mois : & que, si dans ces temps-là, les Decrets de la Reformation, sur la matiere dont il s'agissoit, ne pouuoient estre prests ; ce point fust differé iusques à la suiuate Session. Le Cardinal de Lorraine adhera à ce mesme aduis, pour le iour : mais à condition, qu'on ne laissast de traiter tout ce qui appartenoit à la matiere. & que rien n'en fust remis à la suiuate Session, en laquelle il estoit necessaire d'entamer la reformation vniuerselle. L'Archeuesque de Prague, l'Euesque des Cinq Eglises, & celui de Premisse, Ambassadeur de Pologne, s'accorderent au mesme aduis. Et apres grand debat entre aucuns, qui vouloient, selon l'opinion de l'Euesque de Nismes, qu'on remist les questions à vn autre temps ; & autres qui vouloient qu'on les decidast : en fin fut arresté, d'assigner la Session au iour dessusdit : & que, pour expedier toute la matiere, on tiendrait deux Congregations le iour : & que si, audit iour, elle n'estoit encor decidée, on publieroit les Decrets, qui alors se trouueroient arrestés, remettant les choses indecises à vn autre temps : & qu'en

qu'en la suiuaute Session on traiteroit de la Reformation auant qu'entrer es points de la Doctrine. Le Cardinal de Mantoue reprit aussi le bruit des pieds, & des voix du iour precedent: & pour sa conclusion, dit, *Que si à l'a-* uenir ils ne parloient avec respect, & avec la reuerence conuenable à leur propre dignité, & à la presence d'eux Legats, qui representoient la Sainte-*te,* & des Cardinaux, & des Ambassadeurs, qui representoient les Princes, ils sortiroient de Congregation, pour ne supporter tant de desordre en leur presence. Le Cardinal de Lorraine loua cette admonition: & adiousta, *Qu'il n'estoit pas conuenable que les Legats se retirassent de la Congrega-* tion pour cause quelconque: mais bien, qu'il estoit tres-raisonnable de chas-*tier les perturbateurs.* L'Euesque de la Caue ne voulut point s'excuser de ce qu'il auoit dit, ne receuoir en silence l'admonition, quoy que generale: mais dit, *Qu'on ostant les causes du desordre, & que les effets cesseront:* que si les paroles de l'Euesque de Guadix eussent offensé sa personne en son propre & priué nom, il les auroit supportees par charité Chrestienne: mais qu'e comme icelle requiert bien patience es iniures propres, aussi veut elle vn vis ressentiment es iniures faites à Christ: la diuine Majesté duquel est l'esee, lors & quand est touchée l'autorité de son Vicaire: & pour luy, qu'il n'auoit que bien, voire tres-bien parlé: & conferma de plus fort ce qu'il auoit dit, par autres paroles de mesme sens, lesquelles generalement furent estimées petulantes.

Iacques Gilbert de Nogueras, Euesque d'Aliphe, Espagnol, dit à son tour, *reprise de* d'opiner, Qu'on ne pouuoit parler de l'Institution des Euesques avec meil-*la question* leur fondement, qu'en considerant & bien entendant les paroles de S. Paul de l'Insti-*lution des* aux Ephesiens. Car, dit-il, il est tres-vray, que Christ, viuant en chair mor-*Euesques* tele, a gouverné l'Eglise d'une façon de gouvernement souverain & absolu, comme autres auoient iudicieusement dit en Congregation: mais aussi estoit ce vne grande faulxeté ce, qui par eux auoit esté adiousté, que Christ mon-*tant au Ciel,* auoit abandonné & quitté cette forme de gouvernement: ains ill'exerce plus que iamais: & c'est ce, qu'à son depart du monde, il dit aux Apostres, Je suis avec vous iusques à la fin du monde: ioint à cela l'opera-*tion du Saint Esprit:* tellement qu'à present, de Christ, comme de Chef, découle non seulement l'influence interieure des graces, mais mesmes aussi vne exterieure assistance, quoy qu'inuisible à nous, toutesfois reele & veritable, laquelle presente les occasions pour le salut des fideles, & repousse au loin les tentations du monde: mais outre tout cela, il a aussi ordonné quelques vns des membres de l'Eglise pour Apostres, Pasteurs &c. afin de defendre les fideles des erreurs & les adresser à l'vnité de la foy, & connoissance de Dieu: & à ceux-là il a donné le don necessaire pour l'exercice de cette sainte charge, qui est la puissance appelée de Iurisdiction, laquelle n'est point egale en tous: mais tout autant que chacun en a, ille reçoit immediatement de Christ. Et qu'il n'y a rien de plus contraire à S. Paul, que de dire, qu'elle a esté baillée à vn seul, lequel la communique comme il luy plaist. Il est bien vray, dit-il, qu'elle n'est point egale en tous, mais que chacun l'a selon la mesure, que Dieu luy departit, lequel afin que l'vnité de l'Eglise fust conseruee, ainsi que dit S. Cyprien, a ordonné que la supreme puissance fust en S. Pierre, & en ses successeurs: non qu'elle soit absolue, & selon le proverbe, ayant la volonté pour raison: ains en la sorte, que dit S. Paul, en edification seulement de l'Eglise, & non à destruction: & pourtant elle ne s'estand point à abolir ou casser les loix, & les Canons, ordonnés par l'Eglise pour fondement de son gouvernement. Et là dessus il commençoit à produire les Canons allegues par Gratien, esquels les anciens Papes de Rome se confessent suiets aux Decrets des Peres, & aux constitutions des predecesseurs,

Mais le Cardinal de Vvarmie ne le laissa pas passer plus auant: ains l'inter-*interrom-* rompit, disant, Qu'il escheoit de parler de la superiorité des Euesques, à *que* quoy ton discours n'estoit point à propos. Mais il respondit, Que s'agissant de l'autorité des Euesques, il falloit bien de necessité traicter de celle du

Ffff

1562.

Pape, Et l'Archeuesque de Grenade se leua, & dit, *Que* les autres en auoient bien parlé, voire superflument, pour ne dire pernicieusement : & pourtant, quel'Euesque d'Aliphe en pouuoit bien aussi parler : designant les choses dites par Lainez. L'Euesque de la Caue surnommé se leua, & dit, *Que* les autres en auoient bien de vray parlé, mais non en cette sorte : surquoy commençoient à naistre des murmures entre les Prelats, quand Simonete fit signe à l'Euesque de la Caue qu'il se tust : & aduertissant celuy d'Aliphe, de parler à propos sur le suiet, il fit appaiser le bruit. Iceluy poursuiuant en l'allegation encommencée des Canons, le Cardinal de Vvarmie derechef l'interrompit, sans toutesfois adresser son propos à luy, mais faisant vn discours formé aux Peres sur cette matiere : disant, que les heretiques pretendent de prouuer, que les Euesques, eslus du Pape, ne sont vrais & legitimes Euesques : & que c'est-là l'opinion, laquelle il faut condamner : mais que sur la question, Si les Euesques sont instituez de droit diuin, ou non, il n'y a aucun differend entre les heretiques & Catholiques : & pourtant, que cette question n'appartient point au Concile, lequel est conuqué seulement pour condamner les heresies. Il remonstra aux Peres, qu'ils eussent à s'abstenir de dire choses, qui pussent donner occasion de scandale, & les exhorta de laisser ces questions. L'Euesque d'Aliphe vouloit repliquer aux paroles du Cardinal : mais Simonete, à l'aide de quelques autres Prelats, l'appaisa, quoy que non sans difficulté. Apres luy parla Anthoine Marie Saluati Euesque de Saint Paul, en France, lequel fit vn discours, *Que* tous estoient assemblez pour le seruice de Dieu, & procedoient en bonne intention : quoy que les vns d'un biais, & les autres de l'autre : & disant & proposant diuerses choses, qui seruoient en partie pour accorder les opinions, mais principalement pour concilier les esprits, il fut cause que la Congregation se termina paisiblement, & qu'entre le Cardinal de Vvarmie, & l'Euesque d'Aliphe, passerent paroles & termes d'humanité, & de respect.

*soutenu
par le Car-
dinal de
Lorraine
maintien-
nement.*

Le quatrième iour de Decembre, le Cardinal de Lorraine dit son aduis sur cette matiere : & fit vn long discours, que la iurisdiction a esté baillée de Dieu immediatement à l'Eglise : & allega les passages de S. Angustin, que les Clefs ont esté baillées à Pierre, non comme à vne personne singuliere, mais comme à l'vnité : & que quand Christ promit les Clefs à Pierre, iceluy representoit toute l'Eglise : que s'il n'eust esté Sacrement de l'vnité de l'Eglise, c'est à dire, representant icelle, Christ ne luy auroit point baillé les Clefs. Et monstra grande force de memoire, à citer ces passages formelement. De là il passa à dire, *Que* pour la partie de la Iurisdiction, qui est connexe avec l'Ordre Episcopal, les Euesques la reçoient de Dieu immediatement : & declarant en quoy elle consiste, il specifica entre autres choses, le pouuoir d'excommunier : s'estendant bien fort sur l'exposition du passage de S. Mathieu, auquel Christ prescrit la forme de la correction fraternele, & iudiciale de l'Eglise, avec autorité de retrancher de son corps les rebelles & desobeyssans. Puis il se mit à argumenter à l'opposite contre cette mesme opinion, par diuerses raisons, tirées des paroles de Iesus Christ, dites à Pierre ; & du sens, que le Pape Leon leur donne en plusieurs endroits. Il produisit diuers exemples d'Euesques, qui auoient reconu toute leur Iurisdiction du S. Siege. Et parla avec tant d'eloquence, & en telle façon, qu'on ne pouuoit faire aucun iugement arresté de sa pensée. Il dit en suite, que les Conciles auoient leur autorité immediatement de Dieu : & pour preuue, allega les paroles de Christ, qui dit, Là où deux, ou trois, seront assemblez en mon Nom, ie seray au milieu d'eux. Et le Concile des Apostres, qui attribua la resolution, prise par luy, au S. Esprit. Il allega aussi le stile des Conciles, qui disent, Assemblez au S. Esprit : & de celuy de Constance, qui auoit expressement dit, *Qu'il* auoit son autorité immediatement de Christ. Il adiouta toutesfois, qu'en parlant des Conciles, il entendoit que le Chef y fust conjoint : & qu'il n'y auoit chose aucune de plus grã de vtilité pour l'vnité de l'Eglise, que de bien affermir l'autorité Papale : & que pour luy, il ne souffrirait

iamais à determiner chose quelconque, qui la püst diminuer: que de ce meisme aduis estoient tous les Prelats, & le Clerge de France. Puis retournant encor à l'institution des Euesques, il en parla tousiours avec la mesme ambiguité: & pour conclusion, dit, que c'estoit vne question qui ne se pouuoit aisément determiner, & qu'elle nel'auoit iamais encor esté. Et exhorta la Congregation à la quitter; & luy mesmes presenta vne forme du Canon, en laquelle estoient mises ces paroles, *de droit diuin*: mais en lieu d'icelles, il estoit dit, *instituez par Christ*.

Les Prelats François qui parlerent apres le Cardinal de Lorraine, le mesme iour, & les suiuaus, ne traiterent point avec la mesme ambiguité, avec tant de respect à l'autorité Papale, ains maintinrent tout ouuertement, que l'autorité des Euesques est de droit diuin, rapportant les mesmes raisons, qu'auoit employé le Cardinal, & les expliquant plus au long. Et quoy que, pendant qu'ils parloient, ils s'appuyast sur la main, montrant quelque desplaisir de ce qu'ils disoient; le tout pourtant ne laissa pas d'estre attribué à ambition, comme si à dessein il eust procuré que son aduis fut commenté. Mais, ores que les François maintinssent tout ouuertement l'opinion des Espagnols, ceux-cy ne furent pas pourtant contents; tant pource que le Cardinal auoit parlé avec de l'ambiguité, & par ambages, que pource que luy, & les Prelats s'estoient declarez de ne tenir point necessaire, qu'au Concile fust déterminé quel l'Institution & la Superiorité des Euesques est de droit diuin: ains qu'il falloit se deporter d'en traiter. Et encor plus, pour le formulaire proposé par le Cardinal, auquel ces paroles estoient omises; combien que, pour leur donner contentement, plustost que pour aucun autre esgard, ces paroles y fussent apposées que les Euesques sont instituez de Christ.

Les François & les Espagnols, auoient bien vn mesme but, de remedier à l'ambition, & à l'auarice de la Cour de Rome, laquelle commandoit absolument à son bon plaisir par ordonnances inutiles, & de nul fruit, & tiroit grandes sommes de deniers des pays de Chrestienté, par les collations des Benefices, & par les dispenses. Mais les Espagnols iugeoient, que si cela se faisoit directement, & tout à descouuert, il en naistroit du scandale, & ne se pourroit effectuer; à cause de la deuotion que leurs peuples ont enuers l'autorité Papale; & d'autant que le Roy & son conseil, abhorroient fort les nouveautez. Ioint que le Pape y auoit aisément pù entreietter tant de difficultez aupres des Princes, qu'on ne pourroit pas seulement venir à en faire la declaration, & partant qu'il falloit, selon la coustume de cette nation, prendre ses visées de loins; & par la declaration que la Iurisdiction des Euesques, & la Residence, est de par Christ, & de droit diuin, mettre cet ordre là en reputation & credit enuers le peuple, & empescher les violences, que la Cour de Rome pourroit exercer sur leurs personnes: & par ce moyen leur donner commodité de pouuoir, par traict de temps, reformer les Eglises, au seruice de Dieu, & repos des peuples, reestablisant la liberté enuahie par ceux de Rome.

Mais les François, desquels le naturel les porte à proceder à descouuert, & avec imperuosite, tenoient ces artifices pour vains & inutiles: & disoient, que Rome auroit tousiours assez d'expediens, pour les rabatre: & que pour paruenir à leur but, ils auoient besoin d'un si long espace de temps, qu'on n'en pouuoit prendre aucune bonne esperance. Mais que le vray moyen estoit d'oster le masque, & de donner droit dans la visiere aux abus, par trop euidens, & notoires: & qu'il n'y auoit pas plus de difficulté à vaincre ceuy, qui est le principal, qu'à gagner le pretexte, lequel, obtenu estoit autant que rien. Leurs conseils estoient aussi differents en vn autre point. Ils s'accordoient bien tous qu'il estoit necessaire que l'execution des Decrets Synodaux fust si ferme & stable, qu'elle ne püst estre alterée: mais il y auoit quelque diuersité au moyen, pour faire que les Decrets de ce Concile ne pussent estre derogés, ny alterés par le Pape, sous couleur de dispenses, de nonobstacles

1562. & autres telles clauses de Rome. Pour cet effet, les François auoient dessein de faire definir la superiorité du Concile par dessus le Pape: où bien qu'il fust ordonné, que les Decrets du Concile ne peuuent estre dispensés ny derogés par le Pape: ce qui de vray auroit bien esté vn entier & total remede. Mais les Espagnols tenoient ce point pour grandement difficile à emporter: qu'il ne le falloit point essayer: d'autant que le Pape auroit tousiours eu la faueur des Princes, toutesfois & quantes qu'il se plaindroit qu'on taschoit d'esbrecher ou amoindrir sa puissance: & seroit aussi fauorisé de la pluspart des Prelats Italiens; tant pour l'honneur de leur pays, que pour plusieurs propres interets: & leur sembloit, qu'il suffisoit, que le Concile fît les Decrets, delibérant d'en obtenir puis apres la pragmatique du Roy en Espagne: au moyen de quoy iceux fussent establis en sorte, que les dispenses du Pape au contraire n'eussent point d'entree en leur pays.

les Legats enuoyent la minute du Cardinal de Lorraine à Rome, dequoy ledit Cardinal se plaint ensemble d'autres indignitez

Les Legats despescherent vn courier exprez à Rome, avec la copie de la forme du Canon proposée par le Cardinal de Lorraine, & avec les considerations de quelques Canonistes sur icelle, demonstans que l'autorité du Pape y estoit lesee: & requeroient ordre & instruction, comment ils auroient à se gouverner. Le Cardinal de Lorraine le prit à grand desplaisir, quand il le fut: & se plaignit à eux, que leur ayant baillé la copie de sa proposition, auant qu'il la fît en Congregation, & eux ayans monitré de l'agréer, ils eussent puis apres procedé avec tant de mesiance. Et dit, qu'il trouuoit bien estrange, que de tout ce que luy, ou les Prelats, disoient & faisoient, ou bien tant d'ombrage: & se doult, que sa nation fust iniuriée par les Italiens, assésurant d'auoir de ses propres oreilles ouy proferer à des Prelats par gaudissiere ce prouerbe bouffonesque, qui couroit par toute la ville de Trente, *De la gale & farcin Espagnol, nous sommes tombés au mal François: c'est à dire, à la verole.* Dequoy à toutes occasions se plaignoient tous les autres François, & les Espagnols semblablement. Mais leurs plaintes, selon la coustume, ne faisoient qu'aiguiser & inciter d'auantage les curieux, & entre les nations s'engregeoient les soupçons, & les defiances, avec grand & eminent danger: sans que les Legats, & les Prelats plus prudens, lesquels s'y opposoient par l'autorité, & par les bons offices, fussent suffisans d'arrester l'esmotion.

sur quoy les François irrités parlent en Congregation avec une extrême liberté.

Les François irrités, se resolurent là dessus de faire vn coup de sally de leur liberté: & conuinrent ensemble, qu'en la Congregation du septième Decembre le Cardinal de Lorraine n'y entreuinst point: mais que leurs Prelats, à qui le tour venoit de parler, dissent leurs aduis franchement & sans respect: & que s'ils estoient repris, ou censurez, les Ambassadeurs de France protestassent. Et Lanfac pour le faire sauoir, afin que les partisans du Pape s'en gardassent, dit en presence de plusieurs d'entr'eux, à Antoine le Cirier, Eueque d'Auranches, vn de ceux, à qui il escheoit de parler, *Qu'il dist son aduis librement, & sans crainte, que la protection du Roy estoit suffisante pour le soutenir.* Cela estant rapporté aux Legats, fut cause qu'ils furent ouys avec beaucoup de patience: combien qu'ils ne dissent pas seulement, que l'Institution des Euesques, & la Iurisdiction, est de droit diuin, comme celle du Pape: mais aussi, qu'il n'y a difference du Pape aux Euesques, sinon du degré de superiorité; & que l'autorité du Pape est restreinte dans les limites des Canons; representant & louant le style des Parlemens de France, lesquels, quand quelque Bulle Papale leur est présentée, qui contient chose contraire aux Canons, la declarent abusive, & en defendent l'execution. Cetteliberte des François fut cause, que les partisans du Pape parlerent de là en auant avec plus de retenue & de respect: quoy que la gentillesse de ce bon mot fusdit portoit de fois à autre les Prelats plus gais & iouiaux à en vser.

Or le pretexte, que prit le Cardinal de Lorraine, pour demeurer en la maison, fut la nouuelle de la mort du Roy de Nauarre, laquelle arriva ce mesme iour. Ce Prince auoit esté blessé au siege de Roien, d'une harquebuzade en l'espaule dés le mois de Septembre: mais pour n'auoir esté bien

pensé il se reduist en fin en estat de mort : & lors à l'induction de son medecin Vincent Laure, Italien, il se confessa & communia à la Catholique : mais, puis apres il chancela, panchant à la doctrine des Protestans : & finalement il deceda le dixieme Novembre. Cet accident porta grande alteration aussi aux affaires du Concile : car, sur cet aduis, le Cardinal de Lorraine changea toutes ses pensées & desseins. Le Roy de Navarre s'aduisit au principal part es commissions & instructions, qui auoient esté baillées au Cardinal, lors de son depart : dont il estoit incertain, si apres la mort d'iceluy, la Reyne & les autres persisteroient en la mesme ardeur. Ioint, qu'il voyoit vn manifeste changement en tout le gouuernement de l'estat : & eust bien desiré d'estre en France, pour en prendre sa part : car, voyant le Prince de Condé en peu de confiance, voire en ouuerte dissension avec la Reine, & ceux qui auoient du pouuoir aupres d'elle ; & le Cardinal de Bourbon peu capable, & le Duc de Montpensier en peu de credit, & le Conestable vieux, & choqué de puissans concurrens ; il auoit grande esperance, que ceux-là exclus, son frere le Duc de Guise, pourroit auoir le commandement absolu des armes, & luy la direction du Conseil. Et ruminoit ces choses en son esprit, sans penser beaucoup au Concile, ny à Trente, où il se trouuoit. Les autres François disoient ouuertement, qu'il y auoit occasion de rendre graces à Dieu de la mort de ce Roy, d'autant qu'il commençoit à chanceler, & à joindre estreitement ses interests à ceux du Prince de Condé son frere, & des autres Huguenots.

Le iour suiuant qui fut le huictiesme Decembre, fut tout consumé en ceremonies, pour l'election faite de la personne de Maximilien pour Roy des Romains. Pour cela l'Archeuesque de Prague celebra la Messe du Saint Esprit, avec l'assistance de tout le Concile ; & André Dudice, Euesque de Tinnie, Hongrois, fit le Sermon, en louange & recommandation de ce Prince. Apres quoy l'Archeuesque de Prague inuita les Cardinaux, & les Ambassadeurs, au festin.

Dès le commencement de la Diete de Francfort, le Prince de Condé auoit enuoyé rechercher secours des Princes Protestans, & tout ensemble traiter quelque vnion des Huguenots avec ceux de la Confession d'Augsbourg, & particulierement requerir vn Concile libre, & nouveau, auquel toutes les choses resolues à Trente fussent derechef examinées, donnant mesmes esperance, que les François de la religion ancienne Catholique y conuiendroient : selon qu'autresfois on l'auoit promis à Monsieur de la Bourdaisiere, Ambassadeur de France, depuis Cardinal. Mais les Protestans Allemans estoient tres-esloignés de tout Concile, moyennant qu'ils fussent püssent, sans iceluy, auoir la paix en Allemagne. Et pourtant, en ce mesme temps fut imprimé à Francfort vn liure, plein d'excuses, & de raisons, pour lesquelles ils n'estoient par le passé entreenus, & à l'auenir ne vouloient entreuenir à Trente : avec protestation de nullité, contre tout ce qui y estoit & seroit geré.

Le Roy Maximilien fut premierement sacré & couronné Roy de Boheme à Prague, en presence de l'Empereur, son pere, par l'Archeuesque d'icelle ville, lequel de Trente estoit allé en Boheme pour cette ceremonie : & ce, afin que le Roy eust voix en la Diete Imperiale. Apres cela, ils allerent à Francfort, là où il falut attendre, que les Chanoines de Cologne eussent eslu vn Archeuesque, d'autant que ce Siege-là estoit vacant. Dont les Princes assemblez eurent beau loisir de traiter de diuerses matieres, estans tousiours demeurez assemblez à Francfort, pour attendre d'estre le nombre complet de sept, par le couronnement du Roy de Boheme & par l'election de l'Archeuesque de Cologne. Ces choses donnerent beaucoup à penser à Rome, & craignoit-on, que cette Diete n'enuoyast protester à Trente, & qu'en ce couronnement la vieille forme ne fust abolie, & n'en fust introduite quelque nouvelle, qui monstroit inclination de se departir des anciennes ceremonies : ou que le nouveau Roy ne fist quelque promesse preiudiciable à la

puissance Papale. Toutesfois l'Empereur & le Roy, son fils, firent tout devoir à diuertir, qu'il ne fust traicté aucun affaire de Religion en pleine Diete, auant l'election du Roy des Romains; laquelle fe fit le vingt-quatrième Nouembre, apres quoy, luyuit le couronnement le dernier du mesme mois: auquel les Electeurs, & autres Princes Protestans assisterent à la Messe, iusques à ce que fut dit l'Euangile, & puis sortirent. Il n'y eut que cela de nouveau: car, au demeurant la place & le rang fut donné au Nonce du Pape au dessus des Electeurs, & les autres Ambassadeurs furent placez au dessous d'eux. Apres le couronnement, l'Empereur commença à pratiquer avec quelques vns des Protestans, pour faire qu'ils adherassent au Concile de Trente. Mais eux, afin de n'estre preueus, s'assemblerent entr'eux, & presenterent à l'Empereur la responce, promise des vingt mois, à l'Ambassade de Sa Maiesté à l'Assemblée de Naumbourg, laquelle ils auoient differee iusques alors. Et en icelle, apres auoir exposé les causes, pour lesquelles ils auoient en plusieurs Dietes Imperiales passées appelé & de nouveau encor appelloient à vn Concile libre, ils adiouterent les conditions, lesquelles ils estoient necessaires, & sous lesquelles, ils s'offroient d'entreuenir à vn futur Concile general: & icelles estoient en nombre de dix: la premiere, Qu'iceluy fust tenu en Allemagne: la deuxième, Qu'il ne fust intimé par le Pape: la troisième, Que le Pape n'y presidast point, mais fust simplement partie au Concile, & suiet aux determinations d'iceluy; la quatrième, Que les Euesque, & autres Prelats, fussent quités & affranchis du serment qu'ils ont au Pape, pour pouuoir dire leurs aduis librement, & sans empeschement: la cinquième, Que la Saincte Escriture fust Iuge au Concile, & que toute authorité humaine en fust excluse: la sixième, Que les Theologiens des Estats de la Confession d'Augsbourg, qui seroient destinées au Concile, eussent, non seulement voix consultatiue, mais mesmes aussi deliberatiue: & que bon & ample Saufconduit leur fust baillé, non seulement pour les personnes, mais aussi pour l'exercice de leur Religion; la septieme, Que les decisions du Concile ne fussent faites, comme es causes seculieres, par pluralité de voix; mais que les meilleurs aduis, asauoir, les conformes à la parole de Dieu, y fussent preferez: la huitième, Que les Actes du Concile de Trente fussent cassez & tenus pour nuls; attendu qu'iceluy auoit esté partial, & celebré par l'une des parties tant seulement, & non réglé ainsi qu'il auoit esté promis: la neuuiesme, Que cas aduenant qu'on ne se pust accorder en la Religion ou Concile, les conuentions de Passau ne laissassent de demeurer stables & inuiolables, ensemble la paix de la Religion, faite à Augsbourg en l'annee mil cinq cens cinquante-cinq, laquelle demeurast aussi valide & ferme: & que tous fussent tenus de la garder: la dixième, Que sur tous les susdits Articles leur fust baillée bonne & suffisante caution.

esquelles
l'empereur
leur prom-
mes sa-
mour.

au concile
est publié
le chapitre
de la Res-
dence pour
en traier
en la con-
gregation
de Prelats
& le card.
de lorraine
opine sur
iceluy am-
biguement.

L'Empereur, ayant receu cét escrit, promit de travailler pour la paix & encorde, & de moyener, que le Concile fust celebré, en lieu auquel ils n'eussent aucune raison de refuser d'entreuenir: moyennant aussi, que de leur costé ils quittassent les haines, & les animosités contraires à la paix Chrestienne: & s'offrit mesme d'aller à cet effet à Trente, si besoin estoit: mais en tout cas, assura, qu'il estoit resolu de se transporter à Inspruck, apres la Diete: & quelà, n'estant esloigné du Concile, que de quatre petites iournées: en peu de temps il pourroit effectuer ce qui seroit de besoin.

Or au Concile, apres qu'on eut acheué d'opiner la matiere de l'Institution, qui tant auoit esté ventilee, on n'en fit aucune conclusion: d'autant que les Legats attendoient la resolution de Rome. Bien publierent-ils le Chapitre, de la Residence, apres l'auoir premierement communiqué au Cardinal de Lorraine; sans qu'en iceluy il fust dit & déclaré, si icelle est de droit diuin ou non: mais simplement, commandant la Residence, sous pain & peines. Le Cardinal de Lorraine opinant sur iceluy le premier, adiouta, Qu'il estoit necessaire d'ostrayer aux Euesques la faculté d'absoudre des cas resezuez *in Cana Domini*, ce qu'il protesta toutesfois de ne point dire,

pour diminuer l'autorité de sa Sainteté : mais d'autant qu'il auoit veu en France, que nul transgresseur d'icelle ne se soucioit d'aller, ne d'enuoyer à Rome pour auoir l'abolution : & qu'il sembloit beaucoup plus preiudiciable, tant pour les ames des peuples, que pour la dignité & honneur du S. Siege, de les laisser en ces censures. Il dit de plus Qu'il ne trouuoit pas bon d'astreindre les Euesques à la Residence ; en sorte qu'ils ne pussent absenter leurs Eglises pour iustes choses, la connoissance desquelles deuoit estre remise au iugement de sa Sainteté. Il dit aussi, Qu'il faisoit excepter ceux, qui estoient occupez és affaires publiques des Royaumes, & des Republiques, attendu qu'iceux ne deuoient estre reputez estrangers de la charge Episcopale ; sur tout, és Royaumes, esquels l'Ordre Ecclesiastic est vn des membres de l'Estat, ainsi qu'il est en France, & és Royaumes d'Espagne. Il fut fort prolix en son discours : & combien qu'il repliquast souuent, que la Residence est necessaire, il entreiettoit neantmoins tant d'exceptiōs, & d'excuses, qu'en fin il n'y eut aucun qui pust iuger, s'il approuuoit, ou improuoit, qu'aucun Decret en fust fait.

Les Legats selon leur promesse, communiquerent aussi aux Ambassadeurs les Articles de la Reformation, pour la prochaine Session, auant que les proposer en Congregation. Iceux se rapportoient tous à remedier aux abus, concernans le Sacrement de l'Ordre. Et pour cet effect, les Ambassadeurs & Euesques François s'assemblerent chez le Cardinal de Lorraine, pour parler sur iceux Articles, & deputerent quatre Euesques d'entr'eux, pour les considerer, & aduiser si il y auoit chose aucune preiudiciable aux priuileges de l'Eglise Gallicane, & si on y pouuoit rien adiouster pour le bien de leur pays. Et tout d'vne main baillerent charge à l'Ambassadeur du Ferrier, qu'en la Congregation des mesmes Euesques fussent recueillies toutes les reformations, faites à Trente, sous Paul & Iules, & en la presente conuocation : cōme aussi celles, qui auoient esté faites en l'Assemblée de Poissy, pour en faire vn extrait & qu'y adioustant ce qui estoit contenu és instructions du Roy, & ce qu'ils iugeroient y deuoit estre inseré de plus ; ils en dressasent des Articles pour toute la Chrestienté, & principalement pour la France.

Mais les Ambassadeurs de l'Empereur, voyans qu'on ne propoisoit aucune des reformations, portées par les memoires qu'ils auoient presentés assemblerent tous les Ambassadeurs. L'Archeuesque de Prague porta la parole, & leurs remonstra le long temps, qu'on auoit consumé au Concile à ne rien faire, & les promesses tant de fois faites & reiterées par les Legats, qu'on traiteroit de la Reformation : nonobstant quoy, ils estoient entretenus de speculations, ou de reiglemens de petis & legers abus. Qu'il estoit meshuy temps de faire forte instance, qu'on vauast aux choses importantes & urgentes. ce qu'il y auoit apparence de pouuoir obtenir, si tous ensemble se presentoiēt à requérir vnaniment l'execution de tant de promesses, faites par le Pape, & par les Legats. Tous s'y accorderent ; mais quand on vint aux particularitez, ils se trouuerent si fort differents, qu'ils ne purent conuenir, qu'en la generalité de requérir reformation. Dont la resolution fut prise, quel l'Archeuesque de Prague, à son tour d'opiner, la requist pour & au nom de tous. Ce qu'il fit.

Mais sur le fait de la Residence, il dit en peu de paroles, Qu'il suffisoit d'oster aux Prelats les entretenemens, dont ils iouyssoient à la Cour de Rome, & en celle des autres Princes : au moyen dequoy, tout Decret seroit suffisant, pour les faire resider. L'aduis de l'Archeuesque d'Otrante fut, Que le Decret du mesme Concile, fait sous Paul III. suffisoit, y adioustant seulement la Bulle du Pape, dattée du quatrième Septembre, de l'année mil cinq cens soixante. Autres requeroient encor outre ladite Bulle, que les causes del'absence, iugées legitimes par le Synode, fussent particulièrement exprimées : attendu que c'estoit là le point, sur lequel pouuoit escheoir plus de difficulté. La substance de la Bulle, mentionnée par l'Archeuesque d'Otrante, contenoit vne ordonnance de la Residence person-

Articles
de Reforma-
tion
proposés

par le pape
à ne des Imper-
iaux

diuers ad-
vis sur la
Residence

1562.

nele, sous les mesmes peines declarées par le Concile, & avec quatre graces aux residens: la premiere, Qu'ils ne pussent estre citez à la Cour de Rome, sinon par commission signée par le Pape: la deuxieme, Qu'ils fussent exempts de toute imposition ordinaire & extraordinaire, voire mesmes faite à la requisition des Princes: la troisieme, Qu'ils pussent exercer iurisdiction contre tout Clerc seculier exempt, & Regular, demeurant hors du Cloistre: la quatrieme, Qu'il n'y eust point d'appel de leurs sentences, sauf de la definitiue. Autres se contentoient du Decret propose par les Legats, mais avec quelques changemens, tous accommodez à leurs interets, qui estoient en mesme nombre, que les personnes. Autres aussi firent instance, que la Residence fust declarée estre de droit diuin: & y eut encor vne quatrieme opinion, qui portoit, que quoy qu'elle fust de droit diuin, il n'estoit pas pourtant expedient d'en faire aucune declaration.

laquelle
les François
maintiennent
de droit
diuin,

Le Cardinal de Lorraine assembla les Theologiens François, pour disputer ce point: & tous vnanimement conclurent, Qu'elle est de droit diuin: l'Euesque d'Angiers ayant esté le premier à opiner en ce sens, & étant suivi de tous les autres. Mais es Congregations generales du Concile, les Peres vserent d'une indicible longueur: dont le Cardinal de Lorraine se plaignoit aux Legats, montrant de desirer que ces matieres fussent expedies, pour venir à la reformation: & repliquant les mesmes termes, dont il auoit vltant de fois, Que si on ne leur donnoit contentement à Trente, ils feroient la reformation chez eux.

côme aussi
l'Euesque
de Vegla.

Frere Albert Duime, Euesque de Vegla, Isle en l'Esclauonie, apres auoir dit, Que la matiere de la Residence auoit esté examinée au Concile sous Paul troisieme, & que la decision en auoit esté remise à vn autre temps: adiousta, que pourtant il seroit necessaire de voir les raisons & fondemens, alors alleguez par les Prelats. Qu'à present, ceux qui auoient opiné, auoient simplement dit leurs aduis, sans produire raisons: mais que, pour luy, il ne pretendoit faire le mesme, pour ne sembler vouloir veindre par autorité, & nombre de suffrages & non par raison. Delà il se mit à deduire toutes les raisons, qui preuent que la Residence est de droit diuin; & à refuter & soudre les contraires. Et fit grand force sur le dire de Christ, Que le bon Pasteur va deuant son troupeau, & appelle chaque brebis par son nom, & court par le desert pour en chercher vne esgarée, & met la vie pour icelles. Et monstra, que cela s'entend de tous ceux, que Christ a instituez Pasteurs, qui sont tous ceux, qui ont charge d'ames, & sur tout, les Euesques, comme S. Paul dit de bouche, & escrit aux Ephesiens, Que quiconque ne se tenoit obligé, par ordonnance de Christ, à ces devoirs, ou estoit plus propre aux affaires des Royaumes, & des Estats, deuoit laisser la charge de Pasteur, & vaquer seulement à ces affaires-là: que c'est beaucoup de bien faire vne seule charge, mais qu'il est impossible d'en faire deux contraires. Il n'agrea pas aux Cardinaux, tant pour la longueur, que pource qu'il fut le premier à disputer cette matiere par raison, ce qui le porta à parler d'une vehemence Esclauone, en termes & manieres fort semblables à celles de Saint Ierome, voire mesme copices de luy. Le Cardinal Simonere l'auoit volontiers interrompu: mais il s'en deporta, pour ce qui estoit arriué à l'occasion de l'Euesque de Guadix susmentionné. Mais il l'appella en particulier, en presence de plusieurs Prelats, & le reprit aigrement, le taxant d'auoir parlé contre le Pape. L'Euesque se purgea, & defendit humblement, & par raisons. Mais, peu de iours apres, sous pretexte d'indisposition, il demanda son congé, & l'eut, & partit le vingt-vnieme du mois.

qui en est
censuré &
se depart
du Concile

disimula-
tions par-
tiales sur
la question
de la Re-
sidence,

La controuersie de la Residence, dès ce temps, changea de face: & ceux qui abhorroient qu'elle fust declarée estre de droit diuin, ne se peinoient plus à demonstrier, par raisons, ou par autoritez, comme iusques alors il auoit esté fait, qu'elle est de droit humain: mais se mirent à intimer ceux del'opinion contraire, disant, que de l'attribuer à droit diuin estoit diminuer l'autorité du Pape: d'autr qu'il s'ensuiuroit, qu'iceluy ne peut ny accroistre, ny diminuer;

diminuer; ny diuifer, ny vnir; ny changer, ny transferer les Sieges Episcopaux ny les laisser vacans, ny les donner en administration, ou en commandement: & qu'il ne peut, ny restreindre, ny oster l'autorité d'absoudre. Et que par cete determination d'un seul reuers estoient condamnées toutes les dispenses octroyées par les Papes au temps passé, & tout pouuoir osté au Pape d'en accorder à l'auenir. L'autre party voyoit bien, que ces consequences s'en ensuiuoient necessairement, mais n'y trouuoit point d'inconuenient: ains que c'estoit-là la verité mesme, & l'usage legitime de l'Eglise ancienne: mesmes, que cete declaration n'estoit proposee, sinon pour retrancher ces abus: parquoy eux aussi se deporterent de plus employer raisons & autorités, pour prouuer qu'icelle est de droit diuin, mais se retournerent à monstre, que si la Residence est bien restablie par cete declaration, la puissance Papale en receuroit del'accroissement, & la reuerence enuers le Clergé en seroit plus grande, & beaucoup plus encor enuers le Pape, lequel, en tant de prouinces a perdu son autorité, d'autant que les Euesques ne residans point, & gournans leurs Eglises par Vicaires ineptes, ont laissé la porte ouuerte, & la bresche faite aux nouuelles doctrines, lesquelles s'y sont fourrées, & instalées, avec tant de dechet del'autorité Papale. Que si les Euesques se reduisoient à resider en leurs Eglises, l'autorité du Pape seroit preschée par tout, & seroit affermie es lieux ou elle est encor reconuë, & seroit restablie en ceux ou elle a esté esbranlée. Toutesfois l'une & l'autre partie ne pouuoient parler en ces termes, que la contraire nes'apperceust bien de la dissimulation, & que le secret caché ne parust par trop. Ils auoient tous le masque, & ne laissoient pas tous de se conoistre fort bien. Le seizieme Decembre, estans assemblés, & la moitié des Prelats n'ayant encor opiné, le Cardinal Seripande propota de differer la Session: & ne pouuant deuiner quand ils pourroient auoir fait, la deliberation fut prise, qu'on presigeroit le temps de la Session dans la quinzaine: & le mesme Cardinal fit vne remonstration aux Peres de leur superflue longueur à opiner, laquelle ne vifist qu'à ostentation, ostoit la reputation au Concile, & le prolongeoit à la grande incommodité de tous.

Le Pape auoit esté griuement affligé de la mort, de Frederich Borromeo, son neveu, auenuë à la fin du mois precedent. Car il faisoit dessein de luy transporter toute la grandeur de sa maison, l'ayant marié à vne fille du Duc d'Vrbain, & fait Gouverneur general de l'Estat de l'Eglise, & traitant encor de luy donner le Duché de Camerin. Et la tristesse l'auoit tellement accablé, qu'il en estoit tombé en vne indisposition, bien dangereuse à son aage: mais enuiron ce temps, estant vn peu repris & allegé, il appliqua l'esprit aux affaires du Concile: & tint diuerses Congregations pour trouuer quelque accommodement sur les deux Canons de l'institution des Euesques, & de la residence; réputés par toute la Cour de Rome fort dangereux pour l'autorité Papale: & quant & quant aussi, pour trouuer quelque moyen de pouuoir à la prolixité des Prelats à opiner, laquelle portoit le Concile en longueur, laissant tousiours vne porte ouuerte à tous ceux, qui voudroient s'ingerer à attenter contre sa dignité. Mais par sur toutes choses, les desseins des François luy donnoient beaucoup d'ennuy: ne receuant iamais lettres de Trente, qu'elles ne portassent, que, ou le Cardinal de Lorraine, ou quelqu'un des Ambassadeurs, faisoient instance de reformation: protestant, que s'ils n'obtenoient les prouisions qu'ils requeroient, ils les feroient chez eux: & que bien souuent il faisoient mention de vouloir prouision & reiglement sur les Annates, & preuétions, & autres choses particulieres, concernant le Pape de Rome. Et pourtant il resolut de s'esclaircir vne fois des desseins des François: & dit à ceux, qui estoient à Rome, qu'ayant tant de fois offert de traiter avec le Roy touchant ce qui cœcernoit ses droits, & d'en venir à vne amiable composition: & voyant neantmoins, que ses Ministres au Concile faisoient tousiours mention d'en vouloir traiter là mesmes; il estoit resolu de voir, si le Roy vouloit entierement rompre la bouche avec luy: &

Gggg

le Pape assigé de la mort de son neveu.

perplex pour le Concile.

ombrage des François.

1562.

desinit les
questions
de l'insti-
tution
de la resi-
dence.

par courrier expres bailla charge à son Nonce en France d'en parler : & escriuit au Cardinal de Lorraine, que ces matieres là ne pouuoient estre proposees au Concile sans contreuenir aux promesses expressees du Roy, qui luy auoient esté faites par Monsieur d'Auxerre. Il se pleignit en Consistoire de l'impertinence des Euesques à Trente, à allonger les matieres par vanité : & exhorta les Cardinaux d'en escrire à leurs amis : & luy mesme escriuit aux Legats qu'ils y employassent les menaces, & l'autorité puis que les persuasions ne seruoient de rien. Sur les articles de l'Institution des Euesques, il escriuit, que de dire absolument, que l'institution des Euesques est de droit diuin, estoit vne opinion fausse, & erronée : veu que la seule puissance de l'Ordre est de Christ, mais la puissance de la Iurisdiction est du Pape de Rome : & ne se peut dire qu'elle soit de Christ, sinon en tant que l'autorité Papale est de Christ mesmes : & tout ce que le Pape fait, Christ le fait par le moyen d'iceluy. Et pour conclusion escriuit, ou que les paroles, *de droit diuin*, fussent tout à fait omises : ou bien, que le Decret fust proposé en la forme qu'il leur enuoyoit, laquelle portoit, Que Christ auoit institué les Euesques, pour estre créés par le Pape de Rome, avec distribution de telle, & de tant d'autorité qu'il plairoit à luy Pape de leur donner, pour le benefice de l'Eglise ; & avec absolu pouuoir de restreindre & d'amplifier l'autorité conférée, comme il iugeroit expedient. Et sur le fait de la Residence, il escriuit, Que, puis que c'est chose toute euidente, que le Pape a pouuoir de dispenser, il entendoit que pour tous bons esgards son autorité fust referuée au Decret, auquel on ne pouoit increr ces mots, *de droit diuin*, comme Catarin l'auoit bien prouué, & maintenu : de l'aduis duquel, comme Catholic, il ne deuoit se departir. Et quant à la tenuë de la Session, il escriuit confusement, qu'elle ne fust différée au dela de quinze iours, & qu'elle ne fust celebrée sans auoir les matieres prestes, afin que les malins n'eussent occasion de contrerooler.

trouble au
Concile
pour le Ca-
lice, &
pour la sus-
pension.

arrest du
Pape im-
possible à
executer.

Il passa par Trente vne solemnelle Ambassade du Duc de Bauiere, enuoyée à Rome, pour obtenir du Pape la Communion du Calice. Icelle eut audience des Legats, & conféra en secret avec le Cardinal de Lorraine : & fut cause de faire renouveler la controuersie là assoupie touchant cete matiere : d'autant que les Espagnols, & plusieurs d'entre les Italiens : quoy que l'affaire eust esté remis au Pape par la pluralité des voix, estoient d'avis, que c'estoit faire vn grand preiudice au Concile, si pendant iceluy, cet vsage estoit introduit. Tous les Prelats aussi s'esmurent, pour des lettres venues de Rome, que le Concile seroit suspendu : lequel bruit fut aussi confirmé par D. Ican Manriquez, lequel allant d'Allemagne à Rome, passa par Trente. Mais les Legats ayans receu les lettres du Pape, iugerent qu'il estoit impossible d'executer les commissions venues de Rome, & qu'il falloit donner au Pape information plus particuliere des affaires, qu'on ne pouoit faire par lettres ; & faire comprendre à Sa Sainteté, qu'on ne pouoit gouverner le Concile, comme on eust pu penser à Rome : & auoir de sa Sainteté instruction plus claire de ce qu'ils auoient à faire. Et y ayant besoin, pour cet effet, d'une personne de iugement, bien informée, & de creance enuers le Pape ; ils ne trouuerent aucun plus propre que l'Euesque de Ventimile, lequel aussi ils delibererent de despescher en diligence. Les festes de Noel prochaines furent vne bonne occasion, pour faire premierement cheminer lentement, & puis intermettre les Congregations, & penser tout à loisir à ladite expedition, qui fut faite le vingtsixieme du mois de Decembre.

nouuelle
de la ba-
taille de
Dreux, &
les occa-
sions d'in-
celle.

Le vingthuitieme du mesme mois arriua de France la nouuelle de la bataille de Dreux, aduenue le dixseptieme du mois en laquelle le Prince de Condé fut fait prisonnier. Toute cete année auoit esté grandement turbulente en ce royaume là, pour les differens de la Religion, lesquels porterent les affaires à vne guerre premierement lente, & puis eschauffée, & acharnée. Il estoit aduenue au commencement de l'année, que le nombre des Huguenots estoit fort accru à Paris, au mescontentement du peuple Catholic, qui est innom-

brable encete grand ville, & lesdits Huguenots faisans grand suite au Prince de Condé; le Conneftable, avec les enfans; & toute la maison de Guise, ensemble quelques autres, pour empêcher la grandeur, à laquelle on voyoit marcher ce Prince, firent vne ligue entr'eux, avec dessein de se rendre chefs du peuple de Paris, pour, à l'ayde & faueur d'iceluy, dechasser le Prince & ses adherans, de Paris, & de la Cour. Tous ces ligüés partirent de leurs maisons, pour se rendre à Paris à iour nommé, & par chemin tuerent, & escarterent les Huguenots, lesquels ils trouuerent assemblés en diuers lieux: & estans entrés dans Paris, ils tirerent de leur costé le Roy de Nauarre, & firent armer le peuple de Paris à leur faueur, & la Reine fut forcée de s'accorder avec eux, & le Prince de Condé contraint de sortir de Paris, & de se retirer à Orleans, avec ceux de son parti: & d'une part & d'autre il y eut plusieurs manifestes, & escrits publiés, chacun protestant d'auoir pour but de ses actions la liberté, & le seruice du Roy. Mais le parti du Conneftable, & du Duc de Guise grossissant tous les iours; le Prince au mois d'Auril escriuit à toutes les Eglises reformées de France, demandant soldats, & deniers, & denonçant la guerre aux defenseurs du party Catholique, les qualifiant perturbateurs du repos public, & violateurs de l'Edit du Roy, fait en faueur des Reformés. Les lettres du Prince furent accompagnées d'autres des Ministres d'Orleans, & de diuerses autres villes, lesquelles firent prendre les armes aux Reformés: & aduint vn accident, qui les incita encor d'auantage: c'est, qu'au mesme temps fut de nouveau publié à Paris l'Edit de Ianuier, mentionné cy dessus; avec vne addition, que ny dedans les faubourgs d'icelle ville, ny à vne lieüe pres, pust estre faite aucune Assemblée de Religion, ny estre administrés les Sacremens, sinon à la forme ancienne. Et à la fin du mois de May, le Roy de Nauarre fit fortir de Paris tous ceux de ladite religion, y procedant neant-moins avec de la moderation, & ne permettant qu'aucun fust offensé.

La guerre fut rompuë quasi par toutes les Prouinces de France entre l'un & l'autre parti: & en ce mesme esté il y eut tout en vn mesme temps, en diuers endroits du Royaume, iusques à quatorze armées formées: les enfans combattoient contre les peres, les freres contre les freres: & y eut iusques à des femmes de l'un & de l'autre party, qui prirent les armes pour la defense de la Religion. Il n'y eut quasi aucun endroit des prouinces du Dauphiné, du Languedoc, & de la Gascogne, qui n'eust plusieurs secouffes de ce fleau, la victoire penchant quelques-fois du costé des Catholiques, quelques fois aussi de Celuy des Reformés: avec tant de variété d'euénemens, qu'ils seroient trop longs à raconter: & de vray aussi nostre dessein ne porte pas de reciter les choses, qui sont hors le Concile, sinon qu'elles ayent quelque connexité avec iceluy, côme sont les suivantes: c'est, que là, où les Huguenots estoient victorieux, les Images estoient abbatuës, les autels demolis, les Eglises pillées, & les ornemens & ioyaux d'or & d'argent fondus pour en battre la monnoye, à payer les soldats: & au reciproque, là où les Catholiques estoient victorieux, ils brusloient les Bibles en langue vulgaire, rebaptoient les enfans, contraignoient à faire rebenir les mariages faits selon l'usage des Eglises reformées: & plus que de tous autres, estoit miserable la condition de ceux du Clergé, & des Ministres reformés, lesquels, tombans entre les mains des ennemis, estoient cruellement massacrés & bourrelés: & par voye de iustice aussi estoient faites de terribles executions, & sur tout par le parti Catholique. Au mois de Iuillet, le Parlement de Paris fit vn Arrest, qu'il estoit loisible de tuer tous les Huguenots: & fut ordonné que cet Arrest seroit tous les Dimanches lu au profne, en chaque paroisse. Le mesme Parlement fit encor vn autre Arrest, declarant rebelles, ennemis de l'Estat, infames avec toute leur posterité, avec confiscation de corps & de biens, tous ceux qui auoient pris les armes à Orleans, excepté le Prince de Condé, sous pretexte, qu'il estoit detenu d'eux par force. Et nonobstant beaucoup de negotiation de paix, traitées d'une part & d'autre, & mesme que la Roine

1562.

Mere, & le Prince de Condé, se fussent abouchés; l'ambition des Grands toutesfois empecha toute composition; si bien qu'il ne fut iamais possible de trouver moyen d'appaîser les troubles.

Or, le Roy de Nauarre estant mort, lequel peut-estre, eust empeché de venir à guerre ouuerte, la Roine voulant faire vn effort de recouurer l'obeissance par les armes, demanda secours à tous les Princes: & entre autres, au Roy d'Espagne, lequel les luy offrit trespuissans de nombre de gens, & capables de ranger tout le Royaume à son obeissance: ce qu'il faisoit, pensant qu'en dontant les François souleués contre leur Roy, il pourroit remedier à la rebellion naissante de ses peuples du Pais bas, parmy lesquels de iour à autre decheoit son autorité, sans que les Gouverneurs y pussent parer: & d'ailleurs le Roy ne voulant se disposer à suivre l'aduis du Cardinal de Granuele, l'un des principaux au gouvernement de ces pays là, lequel conseilloit de s'y transporter, pour opposer la presence de la Maîesté Royale à la mauuaise disposition des peuples, & aux desseins des grands. Mais ce sage Roy considéra combien le danger estoit plus grand, d'estre mesprisé en sa propre presence: & eut soupçon de n'acquérir point pourtant le Pais bas, ains de le roidir de plus fort en sa desobeissance, & de perdre cepédant l'Espagne. Mais la Roine refusoit secours de gens, & demandoit argent: reconnoissant bien, qu'en prenant des gens, elle s'enfermoit en la necessité de gouverner la France, non selon ses interets, mais selon ceux du Roy d'Espagne. En fin elle prit vn party moityen, de receuoir six mil hommes payés par le Roy d'Espagne: avec lesquels, ioints à ses propres troupes, conduites par le Connestable, & par le Duc de Guise, le dixseptieme Decembre mesprisé fut donnée la bataille, en laquelle il mourut trois mil hommes des Huguenots, & cinq mil des Catholics: & les deux Chefs Generaux des deux partis, le Prince de Condé, & le Connestable, y furent pris prisonniers: sans toutesfois que nel'vne ne l'autre armée fust mise en desroute: & ce par la vertu des Lieutenans, qui estoient le Duc de Guise pour les Catholics, & l'Admiral de Colloni pour les Huguenots. Apres la bataille, la Roine tout sur le champ donna la charge de General au Duc de Guise, auquel aussi appartenoit tout l'honneur du gain qui y auoit esté fait. L'Admiral ne laissa pas pourtant de maintenir son armée sur pied, & de conseruer les villes qu'il tenoit, & de faire mesmes quelque progrès.

graces à
Dieu à
Trente pour
icelle: es
Sermon de
l'Euesque
de Metz.

De cette victoire, car telle fut elle figurée, quoy qu'elle n'en meritaît le nom, sinon pource que le champ de bataille estoit demeuré aux Catholics; graces furent rendues à Dieu à Trente, par tous les Prelats assemblés: & en fut faite vne procession, & chantée vne Messe, en laquelle François de Beaucaire, Euesque de Metz, fit le Sermôn, faisant vn narré de toutes les cõfusions de France depuis la mort de François deuxième, & representât tous les euenemens de la dernière guerre: du bon succès de laquelle il donna toute la louange au seul Duc de Guise. Et de là dit, que la cause de tous ces troubles auoit esté Martin Luther, lequel n'estant en apparence qu'une petite estincelle, auoit allumé ce grand feu, qui auoit enuahy, premierement l'Allemagne, & puis les autres Princes de Chrestienté fors que l'Espagne, & l'Italie. Il coniura & somma les Peres, de subuenir à la Chrestienté, atendu qu'eux seuls pouuoient esteindre cet embrasement. Et dit qu'il y auoit vingt six ans, que Paul troisieme auoit commencé à appliquer le remede à ce mal, intimât le Concile à Trente, lequel fut differé, & puis negligé: & finalement, apres plusieurs debats aduenus par diuerses factions, fut transferé à Bologne, là où estoient suruenus diuerses dilations, plus grandes contentions, & plus violentes factions. De là fut remis à Trente, & puis rompu par les guerres. Qu'on estoit à present venu à joindre, & à l'induidu: & n'y auoit plus aucun lieu de tergiversations, & feintes, que ce Concile, ou reconcilieroit tout le monde, ou le precipiteroit en vne asseurée ruine. Partant, qu'il ne falloit pas que les Peres regardassent à leurs propres interets, ne qu'ils portassent leurs desseins, ne que ils parlassent à complaisance, s'agissant de la cause de la Re-

ligion. Que s'ils auoient leurs visees ailleurs, c'estoit fait de la Religion. Il adoucist ces choses, dites avec beaucoup de liberte, par des termes de flatterie, premierement enuers les Prelats, & puis enuers le Pape, l'Empereur & le Roy des Romains, & celuy de Pologne. De là il entra es loüanges de la Reine Mere, & du Roy de Portugal: & pour la fin, il exhorta à la reformation de discipline Ecclesiastique.

Le Cardinal de Lorraine, ayant eu nouuelle de la prise du Prince de Condé, en fut fort ioyeux, & sur tout pour l'honneur de son frere le Duc de Guise: mais aussi il en redoubla son desir d'estre en France, pour pouuoir fauoriser les affaires d'iceluy, estant à la Cour, & au Conseil du Roy, & pour s'auancer soy-mesme à quelque plus haut degre, le Roy de Nauarre, & le Connestable, n'y estans plus, auxquels force luy estoit de ceder.

En ce mesme temps le Pape estoit plein d'ombrages & soupçons, pour-ce que l'Empereur auoit publié de vouloir se transporter à Inspruck, iugeant bien, qu'il ne se mouuoit sans grands desseins, & sans asseurance de les effectuer. Dont il crut qu'il auoit quelque intelligence secreete avec la France, & l'Espagne: & n'en descourant pas bien le fonds, il ne pouuoit faire autre coniecture, sinon qu'il y auoit du complot contre luy: & pourtant il minutoit de se transporter aussi de son costé à Bologne, & d'enuoyer huit ou dix Cardinaux à Trente, & de se ioinde & lier plus estroitement avec les Princes Italiens, & de bien asseurer à sa faueur les Prelats affectionnés à son party au Concile, iusques à tant qu'il trouuaist quelque occasion de le rompre, ou suspendre. Et pour empescher qu'on ne traitast à Trente de reformer la Cour, il y trouua luy mesmes puissamment en ce temps. Et premierement il reforma la Rote, publiant vn Bref, en date du vingtesiesme du mois de Decembre, qui portoit, Que nul Auditeur ne püst passer à sentence definitive, quoy qu'en fait tout euidet & clair, sans auoir tout premier proposé l'affaire à tout le Clergé: sauf entreuenant le consentement des parties. Que les sentences, prononcées *in iuscedula*, fussent produites dans le terme de quinze iours. Que les causes des auditeurs, ou de leurs parens iusques au deuxieme degre, ou de leurs domestics, ne pussent estre conües ne iugées à la Rote. Qu'iceux ne pussent contraindre les parties à recevoir l'Aduocat qui leur seroit baillé. Qu'aucune decision ne peust estre faite contre les ja imprimées, & passées en choses iugées, sauf que par les deux tiers des voix. Que les Auditeurs fussent tenus, & obligés de renuoyer toute chose, en laquelle parust quelque soupçon de delit. En la mesme Bulle, il fit vne taxe, pour la moderation des emolumens, & epices. Il reforma aussi, par autres Bules, publiees le premier Ianvier ensuiuant, la signature de Iustice, les tribunaux de Rome, l'office de l'Aduocat fiscal, limitant à chacun ses emolumens. Mais bien loin que les ordinaires extorsions fussent retranchées par ces reglemens, qu'au contraire, pour l'infraction de ces nouuelles ordonnances, on apprit à violer aussi les anciennes, qui estoient encor en quelque vsage.

Les Courtisans de Rome, s'imaginans que les Catholics en France eussent eu vne victoire totale, & que ceux de la Religion reformée eussent esté tous desfaits, & reduits à neant, se resiouissoient, croyans qu'il n'y auoit plus de besoin de Concile pour la France, laquelle auoit obtenu par les armes, ce qu'elle recherchoit par la voye d'iceluy: & que, quant à l'Allemagne, il n'y faulloit point auoir d'égard, attendu qu'elle auoit desia ouuertement protesté contre le Concile: & qu'ainsi toutes causes de tenir Concile cessantes, on le pouuoit suspendre, ou differer: & deliurer la Cour de Rome de la fascherie & anxieré, lesquelles s'augmentoient de semaine en semaine, à mesure qu'elle receuoit nouueaux aduis des nouueautés qui se brassaient à Trente. Mais le Pape n'en fit pas grand estat car il estoit bien aduertý que les forces des Catholics n'estoient point accrües, ne celles des Huguenots diminuées: & que cete bataille donneroit occasion à tous les deux partis, de faire vn traité de paix, laquelle ne pouuoit estre qu'à son preiudice, & ne faudroit point d'exciter à Trente de plus grandes nouueautés encor: dont il conceuoit

1563.

plus d' apprehension, & de fascherie, qu' auparavant. Telle estoit la face des affaires à l'issuë de l'année mil cinq cens soixante deux, laquelle finit par vne Congregation tenuë à Trente le treintieme du mois de Decembre, en laquelle il fut arresté de prolonger le iour de la Session de quinze iours.

*les François
présentent
au concile
leurs Ar-
ticles de
reforma-
tion.* L'année mil cinq cens soixante trois commença au Concile par la présentation que firent les Ambassadeurs François des Articles de reformation: lesquelles furent iugés par les Legats, & par tous les partisans du Pape, fort durs, & hardis: & sur tout es particularites, concernant l'alteration des ceremonies de l'Eglise Romaine, & les emolumens profits, que le Siege Apostolic reçoit des autres Eglises. Les Ambassadeurs adioustèrent à la présentation leur refrain ordinaire, pour ne dire protestation, Que si ces propositions n'estoient embrassées, ils pourroyoient à leurs necessités en France. Les

*lesquelles
Legats en-
uoyent au
Pape.* Legats estoient bien asseurés que le Pape ne pourroit voir ces Articles sans alteration, attendu la promesse, qui luy auoit esté faite, qu'on ne traiteroit au Concile ne des Annates, ne d'autres droits pecuniaires: mais qu'on en composeroit amiablement avec luy. Et iugerent qu'il estoit necessaire d'en uoyer vn Prelat, pour le porter au Pape, & pour l'informer: à quoy ils crurent quel'Euesque de Viterbe seroit fort propre, comme bien instruit des affaires de France, où il auoit demeuré plusieurs années en qualité de Nonce; & aussi des desseins du Cardinal de Lorraine, & des Prelats François du Concile, lesquels il auoit priuément hantés des leur arriuee. Le Cardinal de Lorraine, ayant appris leur resolution, les y exhorta de plus fort, & luy mesmes bailla instructions audit Euesque pour parler au Pape. Cet Euesque fut si souple & adroit, que nonobstant que le Cardinal le tint pour vn vray espion, il fut si bien semant, qu'il acquit la creance du Cardinal, & des Ambassadeurs, sans amoindrir aucunement celle, que le Pape, & les Legats auoient en luy. Iceuluy dont partit, avec instruction de représenter au Pape toutes les difficultés, ou les Legats se trouuoient, & d'en rapporter la resolution, & commission, comment ils se deuoient conduire en chaque particularité. Du Cardinal de Lorraine il eut instruction, de supplier le Pape, de vouloir prendre en bonne part, que le Roy, & eux, suyuant les commandemens d'iceuluy, requissent ce qui estoit necessaire pour son Royaume: & d'offrir à sa Sainteté l'entremise dudit Cardinal pour l'appointement des differends sur l'Institution des Euesques, & sur la residence, lesquels deux points tenoient le Concile empesché en choses legeres.

*et les Im-
periaux
s'estimen-
ent, pour
demander
aussi la
proposition
des leurs.*

Les Imperiaux, ayans veu la reformation des François, & en ayans considéré la preface, crurent d'estre taxés d'auoir peu d'autorité. Et se plainquirent au Legats; Que les Articles des Reformations présentés par l'Empereur, & par eux, n'auoient point esté proposés, quoy qu'ils en eussent fait courir plusieurs copies, lesquelles auoient esté enuoyées à Rome, & semées par Trente: & requeroient que leurs Articles fussent ioints à ceux des François. Les Legats s'excuserent sur le pouuoir & permission, que l'Empereur par lettres, & eux Ambassadeurs de bouche, leur auoient baillé, de proposer & d'omettre ce qui leur sembleroit: & qu'ils attendoient vn temps plus opportun, lesquelles François auoient mal choisis, pendant que ventiloit encor le differend sur les deux Canons, lequel donoit beaucoup d'ennuy à sa Sainteté. Les Ambassadeurs Imperiaux ne se contenterent point de cete response, reqliquans aux Legats, qu'il y auoit grande difference entre omettre le tout, & en laisser vne partie: & entre differer, tenant tousiours neantmoins les affaires en conuenable honneur & respect, & les diuulguer & esuenter, pour les mettre en derision. Mais Simonete repartit, qu'il estoit bien aisé de voir les Articles qu'il falloit omettre: mais bien difficile de discerner ceux qu'il falloit proposer. En fin les Imperiaux se contenterent, qu'on attendist ce que le Pape diroit sur les propositions des François, & que puis apres les leurs fussent produites. Les Prelats François auoient acquiescé en termes generaux aux Articles concernant les ceremonies, & à quelques autres preiudiciables aux Euesques, lesquels en leur interieur ils n'ap-

*les Eues-
ques Fran-
çois tra-
uersement
Article.*

prouuoient point: esperans, qu'en l'examen d'iceux, les Espagnols, & bon nombre d'Italiens, y seroient contraires. Mais, dès qu'ils virent qu'on les enuoyoit à Rome, ils apprehenderent, que le Pape, s'opposant seulement à ceux qui touchoient ses reuenus, ne condescendist aux autres, s'accommodant en ceux qui estoient à leur preiudice, pour eüiter ceux qui choquoient ses interets. Et pour cete cause ils se mirent à faire quelques pratiques & menées secretes avec autres Prelats, ausquels ils persuadoient la moderation desdits Articles. Mais procedans en cela à la François, c'est à dire, avec peu de circonspection, & de secret, les Ambassadeurs en eurent notice: d'où Lanfac les assembla tous, & les censura bien aigrement; qu'ils fussent si osés que de vouloir s'opposer à la volonté du Roy, de la Roine, & de tout le Conseil, voire de tout le Royaume. Et les exhorta à auancer & faciliter, & non à trauerser l'intention du Roy: ce qui fut dit par luy avec demonstration de rigueur.

Or auant que ie represente la negociation de Rome il faut exposer la substance de la proposition des François, laquelle tout soudain fut imprimée à Ripa, & à Padoue: & portoit, Que les Ambassadeurs du Roy Tres-chrestien auoient des long-temps deliberé, suiuant le commandement du Roy, de proposer au Concile les choses contenues en cet escrit: mais que ayas seu que l'Empereur auoit fait proposer de sa part quasi les mesmes choses, ils n'auoient voulu importuner les Peres, ains auoient attendu de voir leur resolution sur les propositions de sa Maiestté Imperiale. Mais qu'ayans receu nouveau commandement du Roy, & voyas les instances de l'Empereur portées à longs iours, plus qu'on n'eust pensé, ils auoient deliberé de ne plus differer: sur tout, veu qu'ils ne requeroient rien de singulier, quine fust aussi pour tout le reste de la Chrestienté: & que le Roy, quoy qu'il desirast bien qu'on fist quelque estat des choses par luy proposées, remettoit neantmoins le tout au iugement & à la connoissance des Peres. Ces Articles estoient en nombre de trentequatre. Le premier, qu'aucuns ne soient ordonnés Prestres, sinon aagés, & ayans bon tesmoignage du peuple, & esprouués par leur bonne vie passée: & que les charnalités; & autres forfaitures des Prestres, soient punis selon les Cantons. Le deuxieme, que les Saints Ordres ne soient conferés tout en vn mesme temps, ou iour, ains que ceux qui doient estre promus aux grands Ordres, soient esprouués es petis. Le troisieme, Qu'aucun ne soit ordonné Prestre, sans assignation de Benefice, ou de ministere, selon le Concile de Calcedoine, auquel temps estoit inconnu le titre de Prestre sans office. Le quatrieme, Que l'exercice & la fonction legitime des Diacres, & autres ordres sacrés, leur soit restituée: afin qu'ils ne semblent des noms & titres vains, & de ceremonie tant seulement. Le cinquieme, que les Prestres, & autres Ministres Ecclesiastiques, vaquent à leur vocation, & ne s'ingerent en autres charges, que du seruice de Dieu. Le sixieme, Que nul ne soit créé Euesque, qui ne soit d'aage conuenable, de bonnes meurs, & de sauoir, afin qu'il puisse enseigner, & donner bon exemple aux peuples. Le septieme, Que nul ne soit fait Curé qui ne soit de prud'homme bien esprouué, & qui ne soit capable d'instruire le peuple, celebrer conuenablement le Sacrifice, & administrer les Sacremens, & enseigner l'vsage & l'effet d'iceux à ceux qui les recoiuent. Le huitieme, que nul ne soit créé Abbé, ou Prieur Conuentuel, qui n'ait enseigné les Sainctes lettres en quelque fameuse Vniuersité, & qui n'ait acquis le degré de Maistre es Arts, ou autre semblable. Le neuueme, Que chaque Euesque, par soi-mesmes, ou par le moyen d'autres prescheurs, en nombre suffisant, selon la grandeur du diocèse, ait à prescher tous les iours de Dimanche, & de feste, & les iours de ieunes en Quaresme, & l'Aduent: & en somme en tout temps opportun. Le dixieme, Que le mesme soit fait par les Curés, quand il y aura des auditeurs. L'onzieme, Que les Abbés, & les Prieurs Conuentuels, fassent leçons de la sainte Escriture, & dressent hospital: tellement que les anciennes Escholes, & hospitalité, soient restituées aux Monasteres. Le douzieme, Que

tenem d'iceux Articles.

En font censurés par Lanfac.

les Euesques, Curés, Abbés, & autres Ecclesiastiques, incapables & intussums à faire leur charge, prennent des coadiuteurs & aides pour icelle, ou renoncent aux Benefices. Le treizieme, Qu'à l'égard du Catechisme, & de la sommaire instruction de la doctrine Chrestienne, soit ordonné & estably, ce que la Maiesté Imperiale a proposé au Concile. Le quatorzieme, Qu'à nul soit conféré plus d'un Benefice: & que toute difference de la qualite des personnes, & des Benefices compatibles, & incompatibles (comme nouueles, & inouïes à l'antiquité, & cause de grands troubles en l'Eglise Catholique) soit ostée: & que les Benefices Reguliars soient baillés aux Reguliars, & les Seculiers aux Seculiers. Le quinzieme, que qui au temps present tient deux Benefices, ait à en retenir seulement vn à son choix, & dans peu de tēps se declarer, & quitter les autres: & à défaut dequoy, il encoure les peines portees par les anciens Canons. Le seizieme, Que pour oster toute tache d'auarice del'ordre Sacerdotal; sous quelque pretexte que ce soit, ne soit demandée ny exigée chose quelconque pour l'administration des choses sacrees: mais qu'il soit pourueu, que chaque Curé ait dequoy viure, avec deux ou trois Clercs, & puisse mesme exercer hospitalité: à quoy les Euesques soient tenus de pouuoir par vnions de Benefices, ou assignation de dismes: & où cela ne se pourra faire, par subvention de Princes, & par imposition de collectes sur les Paroisses. Le dixseptieme, Qu'ès Messes parochiales soit clairement exposé l'Euangile, selon la portée & capacité du peuple: & que les prieres, que le Prestre fait coniointement avec le peuple, se face en langue vulgaire: & qu'en mesme temps, & à autres heures aussi puissent estre chantées en la mesme langue, Cantiques Spirituels, ou Psalmes de David, approuués par l'Euesque. Le dixhuietieme, Que l'ancien Decret de Leon, & de Gelase, touchant la Communion sous les deux especes, soit renouvelé. Le dixneuuesime, Qu'auant l'administration de chaque Sacrement, soit faite vne exposition en langue vulgaire: tellement que les idiots puissent entendre l'usage, & la vertu du Sacrement. Le vingtieme, Que suiuant les anciens Canons, les Benefices ne soient conférés par les Vicaires, mais par les Euesques mesmes dans le terme de six mois: à défaut dequoy, la collation soit deuolue au prochain superieur, & de main en main au Pape. Le vingtunieme, Que les mandemens de pouruoir, les régrés, les résignations induciaires, & les commendes, soient cassées, & chassées hors de l'Eglise, comme contraires aux Saints Decrets. Le vingtdeuxieme, Que les résignations en faueur soient tout à fait bannies de la Cour de Rome: attendu que c'est chose defendue par les Canons, d'élire, ou de demander son successeur. Le vingttroisieme, Que les simples Prieurés, ausquels, contre leur fondation, la charge des ames a esté ostée & transférée à vn Vicaire perpetuel, avec quelque portion de disme, ou d'autre reuenue, soient, à la premiere vacance qui arriuera, remis en leur ancien estat. Le vingtquatrieme, Qu'aux Benefices, ausquels n'est annexé aucun office de prescher, d'administrer Sacramens, ou autre charge Ecclesiastique, soit par l'Euesque, de l'aduis & conseil du Chapitre, imposée quelque charge spirituelle: à défaut dequoy, ces Benefices soient vnis aux paroisses voisines: nul Benefice ne pouuant, ny ne deuant estre sans office. Le vingtcinquieme, Que nulles pensions ne soient imposées sur les Benefices, & que celles, qui sont desia imposées, soient abolies: afin que les reuenus Ecclesiastiques soient employés à l'entretenement des Pasteurs, & des pauvres, & autres œuvres pies. Le vingtixieme, Qu'aux Euesques soit entierement restituée la iurisdiction Ecclesiastique en tout le diocèse, & que toutes exemptions soient ostées, exceptés au Chefs d'Ordre, & aux Monasteres, qui leur sont suiets: & à ceux qui tiennent leurs Chapitres generaux, ausquels les exemptions sont données à titre legitime: pouruoyant toutesfois, qu'ils ne soient exempts de la correction del'Euesque. Le vingtseptieme, Que l'Euesque n'exerce la iurisdiction, & ne traite affaires d'importance, sinon par l'aduis & conseil du Chapitre: & que les Chanoines resident continuellement en l'Eglise Cathedral: & soyent de bonnes

bonnes mœurs, & sauoir, & aagés du moins de vintcinq ans : attendu que, puis qu'auant cet aage-là, ils ne peuuent, par les loix, auoir la libre disposition de leurs biens, ils peuuent aussi peu estre baillés pour conseillers aux Euesques. Le vinthuitième, Que les degrés de consanguinité, d'affinité, & de parentage spirituel, soyent gardés, ou bien qu'ils soyent reformés de nouueau, sans qu'il soit loisible d'en dispenser, sauf entre les Roys, & Princes, pour le bien public. Le 29. Qu'attendu que tant de troubles & desordres sont nés à cause des Images, le Concile pouruoie que le peuple soit dûement instruit touchant ce qu'il doit croire d'icelles : & que tous les abus, & superstitions, qui pourroient auoir esté introduites au seruice d'icelles, soyent ostées, & retranchées. Et que le mesme se face aussi des Indulgences, des Pelerinages, des Reliques des Saints, & des compagnies, ou Confrairies, Le trentième, Qu'en l'Eglise Catholique soit remis sus l'usage ancien de la penitence publique, pour les griefs & notoires pechés. Et qu'aussi, pour appaier l'ire de Dieu, soit ramenè l'usage des Iulnes, & d'autres exercices de deuotion, & des prieres publiques. Le trentenime, Quel'excommunication ne soit decetee pour toute sorte de delit, ou rebellion : mais seulement, pour les enormes forfaitures, esquelles le coupable perseuere apres les admonitions. Le trentedeuxième, Que pour abreger, ou bien du tout retrancher les proces pour causes beneficieles, dont tout l'Ordre Ecclesiastic est contamine, soit ostee la distinction de petitoire, & de possessoire, nouuelement inuentee en ces causes. Que les nominations des Vniuersités soyent abolies. Qu'il soit ordonné & enuoyé aux Euesques de conferer les Benefices, non à ceux qui les recherchent, & briguent, ains à ceux qui les fuyent, & les meritent : & que le merite soit reconnu, si apres auoir pris leur degré en l'Vniuersité, ils se sont employés ès predications, par le consentement de l'Euesque, & avec l'approbation du peuple. Le trentetroisième, Qu'aucun quel que proces en cause beneficiele, soit creé vn Econome, & que les parties choisissent des Arbitres : & qu'à leur défaut, l'Euesque mesme leur en baille, & qu'iceux dans l'espace de six mois terminent les proces sans appel. Le trentequatrième, Que les Synodes Episcopaux se tiennent du moins vne fois l'année : & les Prouinciaux, de trois en trois ans : & les Generaux, s'il n'y eschet empeschement, de dix en dix.

Le premier lanuier arriua à Rome l'Euesque fustit de Ventimile, ayant fait le voyage en sept iours. Il presenta les lettres, & exposa sa creance au Pape, auquel aussi il donna information des diuerses intentions, & desseins, qui estoient au Concile : & des estranges humeurs de plusieurs, & du moyen que les Legats, & les autres bons seruiteurs de Sa Sainteté iugeoyent deuoir suivre, pour manier ces difficultés. Là dessus le Pape tint Congregation des Cardinaux troisiours apres, à laquelle il fit part de la relation de l'Euesque de Ventimile : & montra d'estre satisfait & content de la diligence, & des prudentes procédures des Legats : & loua la bonne volonté du Cardinal de Lorraine : & donna charge, que tout promptement fut consulté le point de l'Institution des Euesques, lequel alors pressoit le plus de tous. Le sixième du mois, qui estoit l'anniuersaire de son couronnement, il tint vne autre Congregation, en laquelle il proclama Cardinaux, Ferdinand de Medecis, & Frederich de Gonzague : celui-là, pour consoler le pere de la pitoyable mort de Iean, son autre fils, aussi Cardinal ; cetuy-cy, pour gratifier le Cardinal de Mantoué, Legat ; & les autres de la mesme maison, estreitement conjoins avec luy, par le mariage d'un neveu du Legat, avec vne sœur du Cardinal Borromee, neveu du Pape : lequel cependant n'intermettoit point d'entretenir aux consultations des affaires du Concile, esquelles, apres long debat, il fut resolu d'escrire aux Legats, que le Canon de l'Institution des Euesques fust ordonné & couché en ces termes, Que les Euesques tiennent en l'Eglise vn rang & lieu principal, dependant du Pape de Rome, par lequel ils sont admis & receus *in partem sollicitudinis*. Et qu'au Canon minué touchant la puissance du Pape, il fust dit, Qu'il a l'autorité *ex* *canon* *le* *E*.

H h h h

visoyent à rendre aux Euesques la licence, laquelle les predecesseurs trespasserent auoyent procuré de ranger sous des liens & reiglemens plus estroits, Que, quant à l'authorité Papale, il estoit impossible de luy oster celle, que Christ mesmes luy auoit baillee, lequel auoit establi Saint Pierre, & ses succeffeurs, Pasteurs del'Eglise vniuerselle, & administrateurs de tous les biens Ecclesiastiques. Qu'en ostant les pensions, on luy ostoit quant & quant le pouuoir de faire aumosnes, qui est vne des charges principales, que le Pape à partous le monde. Que de grace auoit esté communiqué aux Euesques, en qualité d'ordinaires, quelque pouuoir de conferer quelques Benefices: mais qu'il n'estoit pas raisonnable d'estendre cela si fort, qu'aucun preiudice en fust fait au pouuoir ordinaire vniuersel, lequel le Pape a par tout: Que comme les dismes sont dues à l'Eglise de droit diuin; aussi la dime de la dime est par toutes les Eglises due au Souuerain Sacrificateur: & que, pour plus de commodité, icelle auoit esté eschangepée en Annates: mais que, si icelles greuoient par trop de Roy de France, il estoit content d'y trouuer tempe rament, pour ne seulement que les droits du S. Siege luy fussent conseruez en quelque bonne façon. Mais que, comme ia par plusieurs fois, il luy auoit fait entendre, cela ne se pouuoit traiter avec autre qu'avec luy, & que le Concile n'y pouuoit mettre la main. Et, pour conclusion, il donna charge au Cardinal, qu'auant mis toutes ces choses en consideration au Roy, il l'exortast de bailler des nouvelles commissions à ses Ambassadeurs.

Le Pape enuoya aussi à Trente les obseruations & censures de diuers Cardinaux, Prelats, Theologiens, & Canonistes de Rome, sur ces Articles, ordonnant de differer de traiter de cete matiere, le plus qu'on pourroit. Que l'Article de la Residence, & les abus concernans le Sacrement de l'Ordre, forniroyent de l'entretié par plusieurs iours. Et, s'ils ne pouuoient euir de proposer lesdits Articles, qu'ils commençassent par les moins preiudiciables, assauoir, par ceux qui regardent les mœurs & la Doctrine, dilayant de parler des ceremonies, & des matieres beneficeles: & au fort, s'ils estoient contraincts de parler aussi de ceux-cy, qu'ils communiquassent ce qu'on y pouuoit obiecter avec les Prelats bien affectionnés, & qu'ainsi ils les missent en examen & dispute: & qu'en cet entretiens il leur ordonneroit ce qu'il auroit delibéré plus auant. Ce fut le sommaire de ce qu'il escriuit aux Legats.

Puis apres, à la fin du mois, il exposa en Consistoire, que les plus grands Princes de Chrestienté requeroient conformation, laquelle il estoit impossible de denier, ne par raisons, ne par pretextes. Partant, qu'il estoit resolu tant par le deuoir de sa charge, que pour donner bonne exemple, de commencer par soy-mesme, pour auoyant aux abus de la Daterie, ostant les coadiutories, les regrés, & les renonciations à faueur. Et exorta les Cardinaux non seulement d'y contribuer leurs voix & suffrages, mais mesmes de le faire notoire à tous. Plusieurs louèrent absolument la bonne intention de Sa Sainteté. Autres considererent, que ces vsages-là auoyent esté introduits pour obuier à d'autres plusgrans abus de manifestes Simonies, & pactions illicite: qu'il falloit tout premier prendre diligemment garde, qu'en ostant ces abus, qui estoient tolerables, & enfin n'estoyent que contre des loix humaines, on n'ouurist la porte au retour de ceux, qui sont contre les loix diuines. Le Cardinal de Trente remonstra particulièrement, que ce seroit chose grandement preiudiciable d'oster les Coadiutories en Allemagne: d'autant que les Eueschés y estans iointes & annexés aux Principautés, en cas que les Euesques ne pussent auoir Coadiuteurs pour l'vni & pour l'autre, ils introduiroient la coustume d'en faire pour le temporel tant seulement, dont s'ensuiuroit la diuision du temporel d'avec le spirituel, à la totale ruine de l'Eglise. Le Cardinal Nauagier contredit à cela, disant, Qu'il n'estoit raisonnable de faire l'Allemagne differente des autres païs: & que, veu que les Allemans auoyent esté les premiers à demander reformation, ils y deuoyent estre compris. Le Pape exposa en suite, combien de choses estoient proposees au Concile, pour essayer d'esbrecher

H h h h ij

es enuoyez
des censures
d'iceux à
Trente :

en Con-
sistie pro-
posela neces-
sité de la re-
formation.

ce qui est
dimer semé
p. 116

duire le Siege Apostolic à neant: lequel a vne puissance absoluë & illimitée, pour donner reigle en tous cas, selon que les temps le requierent, voire mesmes au contraire de ce qui a esté fait & pratiqué par tous ses prédécesseurs, & par Saint Pierre mesmes. Cet eltrist alloit eschaufant, si les Legats ne luy eussent donné de l'esuent, pour auoir temps d'enuoyer au Pape, comme ils firent, les corrections des Vlttramontains, & auoir de luy commission comment ils auroient à se gouverner. Et cependant, pour diuertir la pensée de cete maniere scabreuse, ils aduiserent d'en mettre sur les rangs vne autre, & pour cet effet ils retournerent à la Residence: de laquelle les Cardinaux de Lorraine, & Madruce, compoferent vne minute, laquelle le iour auparavant ils presenterent aux Legats, qui l'approuuerent sans y penser plus auant. Mais, l'ayans depuis consultée avec des Canonistes, iceux trouuerent à redire vne clause, qui portoit, Que les Euesques sont obligés par commandement diuin d'entendre à leur troupeau, & de veiller sur iceluy personnellement. Et les Legats doutans que cela pourroit estre de mesme mal pris à Rome, changerent ces termes, & presenterent la minute ainsi reformée en Congregation. Les Cardinaux de Lorraine & Madruce, furent grieteusement offensés de ce changement, & leur sembloit d'estre mesprisés: dont celuy de Lorraine dit, Qu'à l'auenir il ne se vouloit plus donner de soucy, & ne vouloit plus traiter avec les Prelats, mais qu'il pensoit seulement à dire son adieu en modestie, rendant de bonne affection serueice aux Legats, en tout ce qu'il pourroit honnestement. Mais le Cardinal Madruce ne se tenoit pas de dire, Qu'il y auoit dans le Concile vn autre Concile secret, lequel s'attribuoit plus grande autorité.

Les Legats, voyans que tous rémedes tournoient en pis, laisserent de tenir les Congregations: mais cela ne profita pas beaucoup, car les Prelats en faisoient de priuée entr'eux, & les Legats estoient en continuelles consultations. Et l'Archeuesque d'Otrante, & autres, qui aspiroient au Cardinalat, auquel ilstenoyent pour asseuré d'arriuier, si le Concile se rompoit, estoient ligués à s'opposer à tout, pour faire naistre du trouble: & alloient passionnément de maison en maison, mesme de nuit, faisans des brigues, & portans signer des billêts: ce que les Legats agreoyent bien, quant au general de l'effet, mais la plupart d'entr'eux n'en approuuoit pas la maniere, comme estant de mauuais exemple, & capable de produire quelque grand scandale. Parmy le party contraire il y en auoit bien aussi qui desiroient la rupture du Concile: mais chacun attendoit l'occasion propre, pour pouuoir reietter la faute sur l'autre. Au moyen dequoy les soupçons & les desiances de l'un & del'autre party se rengregeoient.

Le Cardinal de Lorraine se plaignoit à tous, qu'on taschoit de rompre & dissoudre le Concile, & particulièrement en fit plaintif à tous les Ambassadeurs des Princes, les priant d'en escrire à leurs Maistres, & de faire qu'ils moyennassent enuers le Pape, que le Concile suiuiſt, & que les brigues fussent reprimées, & les Peres laissés en liberté: qu'autrement en France on feroit vn Concordat que chacun vescuſt comme il luy plairoit, iusques à vn Concile libre, tel que n'estoit nullement celuy de Trente: attendu qu'on ne pouoit y traiter, ne résoudre, sinon ce qui plaisoit aux Legats, lesquels ne faisoient que ce que le Pape vouloit. Que, pour luy, il patienteroit iusques à la prochaine Session, mais que, s'il ne voyoit les choses aller mieux, il feroit ses protestations, & avec les Ambassadeurs & Prelats François s'en retourneroit en France, pour celebrer vn Concile national, auquel, peut estre, l'Allemagne concourroit. Ce qui à luy feroit de grand desplaisir, pour le danger qu'il y auoit que le S. Siege ne perdist puis apres toute son autorité. En ces iours plusieurs Courriers furent despeschés de Trente à Rome, & de Rome à Trente: les Legats de leur costé donnans aduis des contradictions qui fourdoyent dru de toutes parts: & le Pape du sien pressant & sollicitant la proposition des Canons qu'il auoit enuoyés. Les François à Rome firent le mesme plaintif au Pape, que faisoit le Cardinal de Lorraine à Trente: y adiouſtans

nerent leur aduis presques conformes à celuy des François : mais firent encore plus grande instance d'un adioient au Secrétaire. Les autres Ambassadeurs se tinrent dans les termes generaux, conseillans la continuation du Concile, & l'union des courages.

Les affaires estans en ces termes, le vintneufuiesme du mois de Ianuier arriva à Trente l'Euesque de Ventimile, despesche derechef par le Pape : lequel fit le rapport de la creance aux Legats. Et puis, de leur aduis & conseil, il se mit à oster deux opinions semées parmy le Concile : l'une, que le Pape estoit en estât de ne pouuoir plus gueres viure : l'autre, que Sa Sainteté desiroit la rupture du Concile. Au contraire il tesmoigna, que le Pape ne souhaitoit rien tant, sinon, que quittant toutes contentions, ils trouuassent pour le seruice de Dieu, & à mettre bien tost fin au Concile. Il porta aussi des Bulles d'offices, & de benefices conferés par le Pape, aux parents de quelques Prelats, & d'une charge de Referendaire au Secrétaire de l'Ambassadeur de Portugal : & d'une assez grosse pension au fils du Secrétaire de l'Ambassadeur d'Espagne : & diuerses promesses à d'autres selon leurs pretensions. Il fit aussi, au nom du Pape, des grands complimens avec le Cardinal de Lorraine, monstrant, qu'en luy seul Sa Sainteté auoit la confiance d'une brieue & bonne fin du Concile.

Il se presenta vne occasion de reprendre les Congregations intermises, par la venue de l'Euesque d'Ast, Ambassadeur du Duc de Sauoye. Lequel les Legats firent dessein de recevoir en Congregation à l'ordinaire, & tout d'une main remettre sus là mesme, la proposition des Canons susdits. Et pour cet effet enuoyerent l'Euesque de Sinigaille au Cardinal de Lorraine, pour le prier de trouuer quelque expédient, par lequel les François pussent estre contentés. Cet Euesque remonstra au Cardinal, que ces termes, de regir l'Eglise vniuerselle, estoient vités par plusieurs Conciles : & que ces autres, que les Euesques sont admis & receus par le Pape en partie de la sollicitude, estoient les formels de S. Bernard, auteur tant loué par Sa Seigneurie Illustrissime. Le Cardinal, respondit, Que tout le monde estoit spectateur des actions du Concile : qu'on sauoit par tout les opinions & les suffrages d'un chacun : qu'il falloit bien aduier à ce qu'on disoit : que de France auoyent esté enuoyés des escripts contre les opinions qui sont tenues à Trente, sur les questions traitées : que plusieurs s'estoyent plaints de luy, de ce qu'il procedoit avec trop de respect, & specialement en cete matiere-là, & en celle de la Residence : & n'auoit point fait l'instance qu'il deuoit, afin qu'il fust dit & déclaré, qu'elle soit de droit diuin. Qu'il ne faut point conclurre, qu'en vsant de quelque terme employé par quelque auteur, par mesme moyen on retienne le sens d'iceluy : veu qu'il importe grandement en quel endroit ce terme est inferé, & quelle coherence & teneur il a avec les paroles antecedentes, & les suivantes, desquelles il peut aduenir qu'il en naisse des sens tout contraires. Que, pour luy, il ne se formalloit point des termes, mais des sens qu'on pretendoit canoniser. Que les François ne pouuoient en façon quelconque admettre cete façon de parler, Que le Pape a autorité de regir l'Eglise vniuerselle : & que si à l'auenir elle estoit plus proposée, les Ambassadeurs ne faudroyent point de protester au nom du Roy, & de six vints Prelats, desquels ils auoyent tousiours l'adieu signé : & que c'estoit preiudicier à l'opinion communément tenue par tous en France, Que le Concile est par dessus le Pape. Ce rapport, fait aux Legats par l'Euesque de Sinigaille, en presence de plusieurs Prelats, assemblés pour consulter cete mesme matiere, les fit entrer en doute, qu'il estoit impossible de gagner les François.

Il aduint aussi au mesme temps vne chose, qui rehaussa grandement le courage aux Espagnols : ce fut, que Martin Gazdellon, duquel il a esté parlé cy dessus, estant arriué, après auoir quelques iours considéré les procedures du Concile, se fit entendre, Qu'il voyoit clairement que le Concile n'estoit point libre. Et loioit grandement l'Archeueque de Grenade, & disoit, Que le Roy l'auoit en tresbonne conception : & que si l'Archeuesché de

retour de
Romede l'E
uesque de
Ventimile,

par laquelle
Pape capit-
tine le Con-
cile :

la venue de
l'Ambassa-
deur de Sau-
oye faire re-
mettre sus
les Congre-
gations, & le
Cardinal de
Lorraine est
respondant
mement,

les Es-
pagnols aussi se
renforcent :

1563.
l'Ambassadeur de Sa-
uoye estoit
cien.

Toledo veroit à vaquer, il l'en gratifieroit. Ces choses ayans esté ainsi negociées, vint le Dimanche, dernier iour de Ianuier, auquel estoit intimée la Congregation generale, pour receuoir l'Ambassadeur de Sauoye fusnommé: lequel fit vn bref discours, representans les dangers esquels estoit l'Estat de son Prince, pour le voisinage des heretiques: & les grands frais qu'il portoit. Et exhorta à mettre bien tost fin au Concile, & à aduiser aux moyens d'en faire receuoir les Decrets aux rebelles, & obstinés: offrant toutes les forces du Duc, son Maistre. La response luy fut faite, en louant la pieté & prudence du Duc, & en s'esioüissant de la venue de luy Ambassadeur.

suite d'al-
tercats, cau-
se de delay

Les Congregations continuans les dissensions croïssoient: & plusieurs requeroient que le Decret de la Residence, formé par les deux Cardinaux, fust proposé. Et les Legats, voyans tant de diuersités d'avis apres longues consultations entr'eux, & avec les Prelats bien affectionnés au seruice du Pape, conclurent, Que le temps n'apportoit pas de faire aucune decision: mais qu'il estoit necessaire d'interposer tant de delay, que les bouillons des humeurs se rassissent d'eux-mesmes, ou, qu'on trouuast quelque expedient pour accorder les differends, en prolongeant le temps de la Session. Et pour le faire de bon accord, ils allerent tous chez le Cardinal de Lorraine, pour luy communiquer leur dessein, & luy demander conseil, & aide. Il se plaignoit des monopoles & conuenticules: & que par des moyens tant illicites on pretendist de bailler au Pape ce qui ne luy appartient point, & d'oster aux Eueques ce que Christ leur auoit donné. Il tesmoigna qu'il ne pouuoit goustier vne si grande dilation de la Session: mais que toutesfois, pour leur complaire, il s'en contentoit. Bien les pria-il, puis que tout cela se faisoit pour calmer les esprits, qu'ils moyennassent puissamment, que les turbulens & ambitieux fussent reprimés.

agréé par
le Cardinal
de Lorraine
avec plain-
tes,

publié en
Congrega-
tion, &
contredit,

En la Congregation du troisieme Feurier, le Cardinal de Mantouë proposa, qu'attendu le commencement du Quaresme estoit prochain, apres quoy suiuoyent les bonnes festes de Pasques, la Session fust differée iusques apres Pasques: & qu'en cet entretemps on traitast es Congregations la Reformation, appartenante aux Saints Ordres, & la matiere du Sacrement du Mariage. Cete proposition eut de grandes contradictions. Les François & les Espagnols, quasi tous, firent instance, qu'un bref delay fust ordonné, & que la matiere de l'Ordre, ensemble sa reformation, fust definie, auant que traiter du Mariage: à cete opinion adheroient aussi quelques Italiens. Quelques-vns adiouterent aussi, que la Session fut tenuë avec les choses ia decidées; & que particulièrement le Decret de la Residence, comme il auoit esté formé par les Cardinaux, fust arresté: & quelques-vns mesmes toucherent vn mot, que c'estoit vne grande indignité au Concile, d'auoir ia tant de fois prolongé de terme en terme: & qu'on monstroie de vouloir laisser les Peres; pour les amener à force à consentir aux opinions contraires au sentiment de leur propre conscience. Et pourtant, qu'il falloit tenir la Session, & resoudre les matieres par la pluralité des voix. Quelques-vns aussi ne dissimulerent pas, que cete distinction de Session, & de Congregation generale; n'estoit point réelle, & veu qu'en l'une & en l'autre entreuenoyent les mesmes personnes, & le mesme nombre entier & complet, il falloit tenir pour decidé ce qui auroit esté deliberé en la Congregation generale. Apres grand estrif, il fut conclu par la plus grand voix de dilayer iusques au vindeuxiesme Aueil, quoy que le party contraire ne se deportast point de sa contradiction. Le Cardinal de Lorraine monstra de consentir à la dilation, simplement pour complaire aux autres: mais de vray son propre interest la luy fit agréer pour quatre causes: pource que cependant il verroit ce qui aduiendroit de la santé & vie du Pape: & auroit commodité de traiter avec l'Empereur: & pourroit entendre l'intention du Roy Catholique: & verroit le succès des affaires de France, & de là pourroit prendre ses deliberations avec plus de fondement.

mais en fin
conclu,

Le iour

Le iour ſuiuant les Ambaſſadeurs de France firent vne longue & forte inſtance aux Legats, qu'on traitaſt de la Reformation, & que leurs demandes fuſſent propoſees, auant qu'entamer la matiere du Mariage. Les Legats reſpondirent, Qu'il n'eſtoit pas raiſonnable de donner loy au Concile: que ſi les Princes propoſoyent choſes conuenables, la raiſon vouloit bien, qu'on y fiſt conſideration en temps & lieu, à la diſcretion & iugement des Preſidens; que ſi es demandes d'eux Ambaſſadeurs il y auoit quelques appartenances à la matiere des Saints Ordres, eux Legats propoſeroient cela tout enſemble, & de main en main les autres choſes en ſon temps. Cete reſponſe ne contenta point les Ambaſſadeurs, dont ils reitererent l'inſtance: adiouſtans, que ſi eux Legats ne vouloyent faire la propoſition, ils permiſſent qu'eux Ambaſſadeurs la fiſſent, ou bien qu'ils leur trançaſſent vn abſolu reſus: &, par forme de proteſtation, dirent, Que ſi on continuoit ainſi à leur donner reſponſes ambiguës, ils les prendroyent comme equiuales à vn reſus de moquerie. Les Legats prirent terme de trois iours à rendre reſponſe plus preſiſte, & en cet entretemps moyenerent que le Cardinal de Lorraine les appaiſaſt, & fiſt qu'ils fuſſent contents d'attendre, iuſques à ce que de Roine viñt la reſponſe ſur les Articles enuoyés par eux.

1563.
les François
preſſent la
reformation,
& ſont re-
butés;

Le lendemain furent produits & communiqués les Articles du Mariage, pour eſtre diſputés par les Theologiens: en quoy tout auſſi toſt naquit diſpute de preſeance entre les François, & les Eſpagnols: à laquelle on ne put trouuer autre moyen pour donner contentement aux deux parties: que de changer l'ordre eſtably; & obſerué iuſques alors, & de donner les rangs ſelon l'ordre de la promotion au Doctorat. Mais à cela s'opposoyent les Theologiens du Pape, diſans, Que, ſi la difficulté naiſſoit à l'eſgard des François & des Eſpagnols, on y fiſt vn reiglement pour eux tant ſeulement, ſans faire aucune alteration au rang & lieu des Theologiens du Pape, qui eſtoit le premier ſans contredit. Les Legats leur donnoyent raiſon, & concluoyent, Que la premiere chambree, en laquelle eſtoyent les Theologiens du Pape, parlaſt la premiere, à l'ordinaire: mais, que les autres trois ſuiuiſſent l'ordre de leurs promotions. Les François n'eſtoyent point contents, ſinon qu'en la premiere chambree il y euſt vn des leurs. Et le Secretaire Agent d'Eſpagne fit inſtance, Qu'il fuſt fait & dreſſé Acte public du Decret, afin que tousiours il ſe puſt voir, que, ſi quelque François parloit auant les Eſpagnols, cela ne ſe faiſoit point par raiſon de preſeance du Royaume & d'Eſtat. En fin, pour donner contentement à tous, cet Acte fut dreſſé, & fut accordé aux François, qu'après Salmeron, le premier d'entre les Theologiens du Pape, parleroit Nicolas Maillard, Doyen de la faculté de Paris: & puis, que les autres de la premiere chambree ſuiuiroyent, & tout le demeurant de main en main, ſelon l'ordre de la promotion d'un chacun.

Articles du
Mariage
mis en diſpu-
te: en laquel
le naſſit &
eſt compoſé
vn eſcriſ de
preſeances.

Les Articles, ſur leſquels on deuoit diſputer, ſ'il eſtoyent heretiques, & ſ'il les faloit condamner, eſtoyent en nombre de huit. Le premier, Que le Mariage n'eſt pas vn Sacrement inſtitué de Dieu; mais vne ordonnance humaine en l'Egliſe, & qu'il n'a aucune promeſſe de grace. Le deuxieme, Que les peres & meres peuuent caſſer & annuler les mariages clandestins, & qu'iceux ne ſont point vrayſ mariages: voire meſmes qu'il eſt expedient qu'à l'auenir ils ſoyent caſſés en l'Egliſe. Le troiſieme, Qu'il eſt loiſible, la femme ayant eſté repudiee pour cauſe de paillardie, d'en eſpouſer vne autre, du viuant meſmes de la premiere: & que c'eſt erreur de faire diuorce pour autre cauſe de fornication. Le quatrieme, Qu'il eſt loiſible aux Chreſtiens d'auoir pluſieurs femmes: & que les defences des nopces en, certain temps de l'annee eſt vne ſuperſtition tyrannique, tiree des Payens. Le cinquieme, Que le Mariage ne doit eſtre poſtpoſé, ains preferé à la Chaſteté, & Celibat: & que Dieu donne plus de grace, aux mariés qu'aux autres. Le ſixieme: Que les Preſtres Occidentaux peuuent licitement contracter mariage, nonobſtant le vœu, ou la loy Eccleſiaſtique: & que de dire au contraire, n'eſt autre choſe, que condamner le Mariage: & que tous ceux, qui n'ont le

contenu d'au-
cun:

donde continence, peuuent se marier. Le septième, Qu'il faut garder les degres de consanguinité, & d'affinité, exprimes au dixhuitième du Levitique, sans en adiouster, ne diminuer aucun. Le huitième, Quel'impuissance & inhabilité à la conionction charnelle, & l'ignorance entreuenue en contractant, sont les seules causes de dissoudre le mariage contracté: & que les causes matrimoniales appartiennent aux Princes seculiers. Ces Articles, pour plus de briuereté, furent diuisés entre les quatre chambres, deux par chacune.

L'Euesque de Renes arrive à Trente, pour enuoyer le Cardinal de Lorraine à l'Empereur, et qui cause de grands ombrages,

Enuiron ce temps arriua à Trente l'Euesque de Renes, Ambassadeur de France à l'Empereur: & ayant traité avec le Cardinal de Lorraine, iceluy alla aux Legats, & leur exposa, que des son depart de France, il auoit receu commission du Roy d'aller trouuer l'Empereur, ce qu'aussi il deliberoit de faire dans peu de iours, que l'Empereur seroit à Inspruck, & que Monsieur de Renes estoit venu pour l'y accompagner. Il donna aussi aduis de ce voyage au Pape par lettres, esquelles il luy toucha les procedures des Italiens au Concile, lasechant vn mot, que, si on continuoit en cete sorte, il prioit Dieu qu'il l'inspirast à faire chose qui fust à sa gloire & seruice. On auoit ia parlé de cete allée quelques mois auparauant, de sorte, que quand on la publica, les desiances & ombrages ne furent point si grands, que si elle eust esté soudaine, & à despourueu. Tous tenoyent pour certain, que c'estoit pour concenter des affaires du Concile: & particulierement pour traiter du moyen d'introduire l'vsage du Calice: & d'autant que le Cardinal à diuerses occasions, & en presence de diuers Prelats, auoit dit, Que l'Empereur, & les Roys des Romains, & de France ne cesseroient de presenter tousiours nouuelles demandes de Reformation, iusques à ce qu'ils eussent obtenu l'vsage du Calice, quand ores il faudroit demeurer deux ans au Concile. Mais que si on leur ottroyoit cete grace, ils acquiesceroient aisément au demeurant. Et que contenter ces Princes, estoit vn tresbon moyen pour retenir ces Royaumes-là en obeissance. Qu'il estoit impossible d'obtenir cete grace du Pape, à cause de la resistance qu'y feroient les Cardinaux, qui abhorroyent cete concession. Que on ne l'auoit autresfois obtenu du Concile, d'autant que l'affaire auoit esté mal manié: mais, qu'il y auoit esperance, qu'y procedant par voyes dures, on l'obtiendrait. Mais ceux, qui prenoient plus attentivement garde aux procedures du Cardinal, y remarquoient grande varieté de paroles: car, tantost il disoit, que si on ne venoit à quelque resolution des affaires, il partiroit à Pasques, ou à Pentecoste: tantost, qu'il demoureroit à Trente deux ans, ores, proposant des moyens de finir bien tost le Concile, ores faisant des ouuertures pour le rendre eternal. Indices manifestes, qu'il n'auoit point encor descouuert son intention. Et prenoient soupçon de fautive façon de proceder, laquelle arguoit dessein de vouloir artificieusement iustifier ses raisons, & colorer sa cause. Partant, considerant qu'à Inspruck deuoient aussi entreuenir le Roy des Romains, le Duc de Baviere, l'Archeuesque Saltzbourg, & l'Archiduc Ferdinand; on tenoit pour certain que cet abouchement ne pouuoit enfanter que de la nouueauté: attendu le peu de contentement que l'Empereur auoit iusques alors monstté du Concile, & l'vnion qui s'estoit en toutes choses descouuerte entre luy & la France: ce qui donnoit à penser, que le Roy d'Espagne adheroit aussi à ce mesme party, pour la conionction de sang & d'alliance qu'il y auoit entr'eux: sur tout, ayant esté diuulgué, que, par ses lettres du huitième Ianuier, au Conte de Lune, il luy auoit donné charge de s'entendre avec l'Empereur, & la France, en ce qui concernoit la Reformation, & la liberté du Concile. En ces mesmes iours, Frere Felician Ninguarde, de Morbeigne, Iacopin, procureur de l'Archeuesque de Saltzbourg, presenta lettres de ce Prince-là, & fit instance, que les procureurs des Euesques d'Allemagne pussent bailler leurs voix, & dire leurs suffrages es Congregations: asseurant, que si cela se faisoit, d'autres Euesques d'Allemagne enuoyeroient leurs Procureurs au Concile: mais,

Le procureur de Saltzbourg demande d'auoir voix

qu'à défaut de cela, & luy & les autres se retireroient, pour n'estre là oisifs. Il luy fut respondu. Que on y aduiseroit, & en delibereroit selon droit & raison. Et en fut escrit à Rome, pour ne resoudre mesme cete particularité sans ordre de là. Mais l'occupation en plus grandes choses, en l'vn & en l'autre lieu, fit qu'on n'en parla plus.

Le neufuiesme du mois de Feurier, fut tenue la premiere Congregation des Theologiens sur le fait du Mariage. Et le suite Salmeron parla en icelle avec beaucoup d'apparat, & de piaffe, ne disant toutesfois rien sur le premier Article, que les choses ordinaires & communes des Scholastiques: & sur le deuxieme, il allega la determination du Concile de Florence, Que le mariage receoit sa perfection du seul consentement des contractans: & que ne le pere, ny autres, n'y ont aucune autorité. Et soustint qu'il falloit condamner pour heretiques ceux, qui donnent pouuoir aux peres de les annuller. Mais il adiousta, Que l'autorité del'Eglise estoit tres-grande sur la matiere des Sacremens: & qu'elle pouoit alterer tout ce qui n'appartient à l'essence: & que la condition de public, & de secret, n'estant qu'accidentelle, l'Eglise a pouuoir sur icelle. Il representa les grands inconueniens, qui naissent des mariages secrets, & les innombrables adulteres qui en suiuient. Et conclut, qu'il estoit expedient d'y mettre remede, en les cassant, & declarant nuls. Et insista beaucoup sur ce cas inextricable. Si vn homme apres auoir contracté & consommé vn mariage en secret, contracte puis apres en public avec vne autre, de laquelle il veuille par apres se departir, pour retourner à la premiere & legitime, doit estre contraints par censures de persister au premier contract: auquel cas le miserable est ferré & envelopé des deux costes, ou en adultere perpetuel, ou bien en censures, avec scandale du prochain.

Le iour d'apres, suivit à parler le Doyen de la faculté de Paris, & parla copieusement du mariage, & de la grace qui est recue en iceluy, & qu'il falloit condamner ceux qui afferment que c'est vne inuention humaine: & tout son propos fut en termes de doctrine Scholastique. Mais, sur le fait des mariages clandestins, apres auoir disputé qu'ils estoient vrais mariages, & Sacremens, il fit quelque difficulté, si l'Eglise auoit pouuoir de les casser & annuller. Et contredit à l'opinion de Salmeron, Que l'Eglise a autorité sur les Sacremens: & discourut, que l'Eglise ne peut faire qu'aucun Sacrement legitime au temps present, soit inualide au temps à venir. Et porta l'exemple de la Consecration en l'Eucharistie, & passa par tous les Sacremens: & dit, Que la puissance Ecclesiastique n'estoit point telle, que aucun püst presupposer de pouuoir empescher tous les pechés. Que l'Eglise Chrestienne, par l'espace de quinze cens ans, auoit esté suiue à ce que figuroit à present pour intolerable: & ce qui ne doit estre moins estimé, des le commencement du monde, les mariages secrets auoyent esté valides, & nul n'auoit iamais pensé de les vouloir annuller: quoy que fort souuent soit aduenu le cas d'vn contract public apres vn mariage secret: ce qui semble estre vne difficulté insoluble, qui porte inconuenient de toutes parts. Que le premier mariage entre Adam & Eue, qui fut le patron & exemplaire de tous les autres, n'auoit point eu de telmoins. L'aduis de ce Docteur fut prisé. Mais les Prelats Italiens agreerent grandement, que luy estant aduenu d'auoir vne fois nommé le Pape, il auoit adiousté cet Epithete, Recteur & Moderateur de l'Eglise Romaine, c'est à dire, vniuerselle, ce qui donna beaucoup à parler: d'autant que les partisans du Pape s'en preualoyent, pour conclure, Que donques au Canon de l'Institution des Euesques on pouoit bien aussi semblablement dire, que le Pape a puissance de regir l'Eglise vniuerselle. Mais les François respondoyent, Qu'il y a grand difference, entre dire absolument, l'Eglise, qui est l'vniuersité des fideles: & dire, l'Eglise Romaine, c'est à dire, vniuerselle: là où ce mot de Romaine, declare l'autre, d'vniuerselle: inferant qu'il est bien Chef de l'vniuerselle: & que tous les lieux, lesquels auant esté baillies au Pape sur toute l'Eglise, doivent estre entendus disionctiuelement, non conionctiuelement c'est à dire sur chaque

1563:
l'affaire rem-
is au Pa-
pe, & puis
supprimé:

Congrega-
tion des Theo-
logiens exa-
minent les
Articles du
Mariage.
Salmeron
veut que les
clandestins
soient casés
par l'Eglise:

Mail-
lard
soutient le
contraire:

1563.

leur: un
Roy de
France, exor-
tant à re-
formation:

seconde
d'une ba-
raque du
Ferrier sur
le mesme
lucet:

partie del'Eglise, &, non sur toutes ensemble.

L'onzième Feurier, en Congregation, les François presenterent vne lettre de leur Roy en date du dixhuitième Ianuier, par laquelle il disoit, *Que*, quoy qu'il fust bien asseuré, que le Cardinal de Lorraine auoit fait part au Concile de l'heureuse victoire obtenuë contre les ennemis de la Religion, & l'audace desquels il s'estoit tousiours opposé, & s'opposoit encor iournelement, sans auoir esgard à difficultés & dangers, y exposant sa propre vie, selon le deuoir de fils premier-né de l'Eglise, & Roy Tres-Christien il ne vouloit pas pourtant laisser de leur en donner luy mesmes aussi l'aduis, pour s'en conioiur avec eux. Et que, sachant, que les remedes salutaires aux maux qui affligent la Chrestienté, ont tousiours esté recherchés des Conciles; il les prioit, pour l'amour de Christ; de trauailler à vn amendement & reformation, conuenable à l'attente que le monde auoit conceuë d'eux. Et que, comme luy-mesmes, & tant de personnes signalees avec luy, auoyent consacré leur vie & leur sang à Dieu en ces guerres, eux aussi, selon le deuoir de leur charge, voulessent, en droiture & sincerité de conscience, vaquer à l'affaire, pour lequel ils estoient assemblés. Apres la lecture de ces lettres, l'Ambassadeur du Ferrier parla aux Peres en ce sens, *Que*, puis que, par les lettres du Roy, & ia auparauant par les harangues du Cardinal de Lorraine, & del'Euesque de Mets, ils auoyent entendu la desolation de la France, & quelques victoires du Roy, il ne vouloit pas repeter les mesmes choses: mais seulement leur disoit, que la derniere victoire auoit esté miraculeuse, attendu les forces del'ennemy: & que la preuue en paroissoit, parce que l'ennemy, quoy que vaincu, viuoit encores, & couroit la France, faisant de grands maux & rauages dans le cœur & entrailles d'icelle. Mais, qu'il vouloit tourner son propos à eux, qui estoient l'vnique refuge des miseres, sans lesquels la France ne pouuoit sauuer le debris de son naufrage. Il allega l'exemple de l'armee du peuple d'Israel, qui n'estoit suffisante pour vaincre Amalec, si les mains de Moÿse, esleuees à Dieu, & soutenues par Aaron, & par Vr, n'eussent aidé les combatans. *Que* le Roy de France ne manquoit pas de forces, ne d'un braue Capitaine, qui estoit le Duc de Guise: & auoit la Royne, sa mere, pour la conduite de la paix, & de la guerre: mais qu'il n'y auoit aucun autre Aaron, & Vr, qu'eux Peres, pour soutenir les mains du Roy, par les Decrets Synodaux: sans lesquels, les ennemis ne se reconcilieroient iamais; & les Catholiques ne se conserueroient point en la foy: qu'à present la disposition des Chrestiens n'estoit point telle, qu'elle estoit cinquante ans auparavant: qu'à present tous les Catholiques estoient comme les Samaritains, lesquels n'adiousterent foy aux choses, que la femme rapporta de Christ, sinon apres qu'eux mesmes s'en furent enquis, & les eurent reconuës: qu'une bonne partie de Chrestienté estudioit meshuy les Escritures. Et que le Roy Treschrestien, regardant à cela mesmes, n'auoit baillé à ses Ambassadeurs autres instructions, sinon conformes à icelles Escritures, & qu'ils les auoyent presentes aux Legats, lesquels bien tost, selon leur promesse, les proposeroient aux Peres, ausquels aussi le Roy les adressoit principalement attendant leur iugement sur icelles. *Que* la France ne demandoit chose aucune particuliere pour foy, mais toutes choses communes à l'Eglise. Catholique. *Que* si aucun s'esbahissoit, qu'en leurs propositions eussent esté obmises les choses les plus necessaires; il deuoit s'asseurer, qu'on auoit commencé par les plus legeres, pour proposer les plus importantes en son temps: & donner moyen de facile & prompte execution aux legeres, laquelle si eux Peres ne commençoient auant le depart au Concile, les Catholiques crieroyent, & les aduersaires s'en riroient: & diroient, *Que* les Peres de Trente n'ont point eu faute de sauoir, mais de volonté de venir à la pratique: qu'ils ont fait de bonnes loix, mais qu'ils ne les ont voulu toucher du bout du doigt, ains en laisser l'obseruation à la posterité. *Que* si aucuns iugeoyent, qu'ès demandes par eux presentées, il y eust chose consentante aux escrits & liures des Aduersaires, il tenoit telles gens pour indignes de response. Et à ceux,

qu'il les qualifioyent excessiues, il ne vouloit respondre que par le dire de Ciceron, Que c'est vne absurdité de requérir mediocrité en chose tresbonne, laquelle plus elle est grande, meilleure elle est, & que le Fils de Dieu a dit aux tiedes temporiseurs, qu'il les vomiroit hors de son corps. Que les Peres considerassent le beau profit qu'auoit receu l'Eglise par la reformation & amendement tant moderé & lasche du Concile de Constance, & du suiuant, lequel il ne vouloit nommer, pour n'offenser les oreilles d'aucun : & semblablement par les Conciles de Ferrare, de Florence, de Latran, & par le premier de Trente : & combien de sortes d'hommes, combien de Prouinces, de Royaumes, & de Nations apres iceux s'estoyent separés de l'Eglise. Il tourna puis apres sa parole aux Prelats Italiens & Espagnols : disant Qu'ils auoyent plus d'interest à vne serieuse reformation de la discipline que l'Euesque de Rome, souverain Pontife, grand Vicaire de Christ, successeur de Saint Pierre, lequel a supreme puissance en l'Eglise de Dieu. Qu'il s'agissoit à present de leur vie & honneur. Et partant, qu'il ne s'y vouloit estendre plus auant.

Il fut respondu au contenu des lettres du Roy, & à la harangue l'Ambassadeur, avec louange de Sa Maisté pour les choses par luy pieusement & genereusement exploitées : & avec vne exhortation adresee à luy mesme, comme s'il eust esté present, d'imiter ses ancestres, & de tourner toutes ses pensees à la defence du S. Siege, & à la conseruation de la foy ancienne : & de presser l'oreille à ceux qui preschent la fermeté du Royaume de Dieu : & non à ceux qui luy representent l'utilité presente, & vne imaginaire tranquillité & repos, qui ne sera iamais vraye Paix. Adioustant, qu'ils esperoyent qu'ainsi feroit le Roy, avec l'ayde de Dieu, suiuant son bon naturel, & par les conseils de la Roynne sa mere : & de la Noblesse François. Que le Concile feroit toute diligence pour arrester & definir les choses necessaires à l'amendement & reformation de l'Eglise vniuerselle : & mesmes aussi celles, qui regardent les commodités, aduantages & interests particuliers du royaume de France. A la fin de la Congregation, le Cardinal de Mantoue proposa, Que, pour plus prompt expedition, les Congregations des Theologiens se tinrent deux fois le iour : & qu'on deputast des Prelats, pour proposer la correction des abus en la matiere des saints Ordres. Et ainsi fut arresté.

Les paroles de l'Ambassadeur penetrerent dans l'esprit des partisans du Pape, comme bien poignantes : mais particulierement en ce qu'il auoit dit, Que les Articles estoient adresses principalement au Concile : ce qui sembloit contraire au Decret, que les seuls Legats pussent proposer : ce qu'ils estimoyent le principal secret pour conseruer l'autorité Papale. Mais ils s'esmurent encor d'auantage, pour ce qu'il auoit dit qu'ils auoient différé la proposition des choses plus importantes à autre temps : car de là ils tiroient de grandes consequences : & sur tout ce, qu'ils auoyent tousiours apprehendé, que les François n'auoyent encor descouuert leurs desseins : & qu'ils machinoyent quelque grande entrepryse. Aussi sembloit-il, que d'auoir adresse son propos aux Prelats Italiens, & Espagnols, comme ayans interests diuers de ceux du Pape, estoit vne maniere de proceder seditionneuse. L'Ambassadeur du Ferrier publia copie de la harangue par luy faite. En laquelle, en lieu de ces paroles, Que le Pape a la supreme puissance en l'Eglise de Dieu, quelques Prelats, partisans du Pape, auoyent remarqué qu'il auoit dit, Qu'il a pleine puissance en l'Eglise vniuerselle : tirant en faueur de leur opinion ces paroles, & disant, qu'autant estoit de dire, qu'il a pleine puissance en l'Eglise vniuerselle, que de dire, qu'à luy appartient de regir l'Eglise vniuerselle : ce que les François abhorroyent tant au Decret de l'Institution des Euesques. Mais luy, & les François, affermyoyent qu'il auoit prononcé comme il estoit contenu en l'escriit.

Le iour suiuant, le Cardinal de Lorraine partit pour aller à Inspruk, visiter l'Empereur, & le Roy des Romains : & fut accompagné de neuf Prelats, & de quatre Theologiens, qui estoient tenus les plus sauans. Auant que

la response
estendue
modelee à
ces lettres &
harangues

mais les in-
terests sen-
timents sont
pleins d'au-
gure &
d'ombrage

le Cardinal
de Lorraine
va trouuer
l'Empereur

x s 6 3.

celuy
d'Alcems
Pape, pour
faire une
leuee de
gens.

partir, il eut promesse des Legats, que, pendant son absence, on ne traiteroit point du mariage des Prestres: ce qu'il requist instantement, afin qu'il ne fust delibere, ne preiuge chose aucune, contraire à la commission qu'il auoit du Roy, d'obtenir du Concile dispense au Cardinal de Bourbon de se pouuoir marier. Le Cardinal d'Alcems partit aussi pour aller à Rome, rappelé par le Pape, pour se seruir de luy à nogotier vne leuee de soldats, qu'il deliberoit faire pour sa seureté. Car, ayant ouï qu'en Allemagne les Ducs de Saxe & de Vitemberg, & le Landegraue de Hessen, faisoient leuee de gens, combien que l'opinion generale fust, que c'estoit pour secourir les Huguenots de France: considerant neantmoins, ce que le Conte de Lune auoit eferit, du grand desir qu'auoyent les Allemans d'enuagir Rome, & de la bonne souuenance qu'ils gardoyent du sac adueni il y auoit ia trente six ans passés, il iugeoit que ce seroit imprudence à luy de se laisser surprendre à despourueu. Et pour cete mesme cause il fit renouueler, avec tous les Princes Italiens, la negotiation d'une ligue commune pour la defense de la Religion.

examen &
condanna
tion du pre
mier Arti
cle du ma
riage,
diuersité
d'avis sur
le second.

La Congregation continuant, tous les Theologiens de la premiere chaire furent d'accord à condamner le premier Article, avec toutes ses parties, comme heretique, & semblablement le deuxieme, sur lequel fut dit, Que les mariages secrets sont vrais mariages. Il y eut toutesfois la difference susmentionnee, qui auoit esté entre Salméron, & le Doyen de la faculté de Paris: assauoir, Syl'Eglise a pouuoir de les casser & annuler. Ceux, qui nioient ce pouuoir, se seruoient de ce fondement, Qu'en tout Sacrement ces choses-cy sont essentielles, la matiere, la forme, le ministre, & le receuant: sur lesquelles, comme choses ordonnees de Dieu, il n'y a aucune puissance Ecclesiastique. Et disoyent, que, puis que le Concile de Florence auoit déclaré, que le seul consentement des contractans est necessaire au mariage, qui viendrait maintenant à adiouster, que d'estre public est vne condition necessaire, infereroit que le seul consentement ne suffit pas, & que le Concile de Florence auoit defailli d'une declaration necessaire. Que Christ generallyment dit touchant le mariage, Que l'homme ne peut separer ce que Dieu a conioint: ce qui se doit entendre de toute conioction tant secreta que publique. Qu'es Sacrements il ne faut poser ny affermer, chose quelconque, sans autorité de l'Ecriture, & de la Tradition: or, ne par l'un ne par l'autre apprend-on que l'Eglise ait cete autorité: ains la Tradition enseigne, que l'Eglise ne l'a pas: attendu que les Eglises, en toutes nations, & par tout le monde, ont esté vniformes à n'y pretendre aucun pouuoir. Al'opposite, on disoit, Que c'est chose toute euidente, que l'Eglise a autorité d'inhabiler les personnes à contracter mariage, attendu que plusieurs degres de consanguinité & affinité, qui empeschent le mariage, n'ont fondement que sur loy Ecclesiastique. Semblablement aussi l'empeschement de vœu solennel a esté introduit par loy Papal: donques aussi la qualité de secret & clandestin peut, par la mesme autorité, estre adiouste à ces autres empeschemens. De l'autre part on respondoit, que la defence pour cause de parentage, est de droit diuin, selon que S. Gregoire, & plusieurs Papes apres luy, ont déterminé, que mariage ne peut estre contracté entre deux, pendant qu'ils se reconnoissent conioints de parentage, en quel que degre que ce soit. Que si les autres Papes du depuis ont limité cete generalité au septieme degre, & depuis encor au quatrieme: c'a esté vne dispense generale, tout ainsi que le diorce estoit anciennement vne dispense generale au peuple Hebrieu. Et que l'empeschement du vœu solennel estoit de droit diuin, & non d'autorité Papale.

Mais Frere Camille Campege, Iacopin, s'accordant en cela avec les autres, que nulle puissance humaine ne s'estend aux Sacrements, adiousta neantmoins, que, quiconque peut destruire l'estre de la matiere, peut aussi faire qu'icelle soit incapable du Sacrement. Que nul ne peut faire que toute eau ne soit matiere du Baptisme, & tout pain de froment, de l'Eucharistie: mais si aucun destruisoit l'eau, la conuertissant en air, ou, brusloit le pain,

le reduisant en cendres; iceluy seroit que ces matieres ne seroyent plus capables de la forme de ces Sacremens. Ainsi au mariage, le contract nuptial civil est la matiere du Sacrement matrimoniel, par ordonnance diuine. Et si vn contract nuptial est destruit, & rendu inualide, il ne peut plus estre matiere du Sacrement. Et pourtant, il ne faut point dire, Que l'Eglise puisse annuler le mariage secret: ce qui seroit luy donner authorité sur les Sacremens: mais bien, quel'Eglise peut annuler vn contract nuptial secret: lequel en ce cas, comme nul, ne pourra plus recevoir la forme du Sacrement. Cete doctrine agrea grandement aux Peres en general: comme aisee, plainne, & resoluant toutes les difficultes. Mais Antoine Solise, Docteur Espagnol, qui parla apres luy, y contredit: disant, Que cete speculation estoit bien veritable, mais qu'elle ne pouuoit estre adaptee a ce propos: attendu que ce qui auoit esté allegué du Baptisme, & de l'Eucharistie, que quiconque peut destruire l'eau, & le pain, peut faire que cete matiere soit incapable de la forme du Baptisme, & de l'Eucharistie: n'argue point vne puissance Ecclesiastique, mais vne nature: tellement que, comme quiconque a pouuoir de destruire l'eau, a, par ce mesme moyen pouuoir d'empescher le Sacrement: aussi, quiconque peut annuler vn contract nuptial civil, peut par consequent empescher le mariage: mais que la cassation de semblables contracts appartient aux loix, & aux Magistrats seculiers. Et partant qu'il se faisoit bien garder, qu'en pensant bailler à l'Eglise l'autorité d'annuler les mariages secrets, on ne la baillast beaucoup plustost à la puissance seculiere.

*entree de
l'autorité
du Pape, &
de l'Eglise
que :*

Or, entre ceux, qui maintiennent cete puissance de l'Eglise, estoit debatus s'il estoit expedient d'en vsér en ce temps: & y auoit deux opinions. L'une, d'annuler tous les mariages secrets: & ceux-cy n'allegoyent autre chose, que les inconueniens qui en arriuent. L'autre, de casser mesmes les mariages publics, faits par les fils de famille, sans le consentement de pere & mere. Et icelle estoit fortifiée de deux puissantes raisons: dont vne estoit, que de ces mariages s'ensuiuoient des inconueniens non moins des que des autres; à cause des ruines, qui aduiennent aux familles par les mariages imprudemment contractés par les ieunes gens: l'autre, que la loy de Dieu commandant d'obeir à ses pere & mere, comprend aussi bien ce cas, comme principal de leur obeir en se mariant. Que la loy diuine donne cete autorité particuliere au pere, de marier sa fille: comme cela se void clairement en S. Paul, en la premiere aux Corinthiens, chap. septieme: & au liure de l'Exode, chap. vintdeuxieme. Qu'il y a les exemples des Saints Patriarches du Vieil Testament, tous mariés par leurs peres: que les loix ciuiles ont tenu pour nuls les mariages contractés sans l'adueu du pere. Que, comme en ce temps on iugeoit expedient d'annuler les mariages secrets; voyant que la defense Papale ne fust point, sinon qu'on y adiouste encor de plus la nullité: il y a bien plus forte raison, puis que la malice humaine refuse d'obeir à la Loy de Dieu, qui defend de se marier sans l'adueu de ses pere & mere, que le Concile y adiouste encore de plus la nullité: non que les peres aient autorité d'annuler les mariages des enfans: car ce seroit heresie de le dire: mais d'autant que l'Eglise a pouuoir d'annuler ces contracts, & tous autres, defendus par les loix diuines & humaines. Cet aduis, comme honnestes, pieux, & aussi bien fondé que l'autre, agrea à vne grande partie des Peres: & en fut mesmes formé vn Decret, lequel toutesfoins ne fut point publié; pour les raisons qui seront recitees en leur lieu.

On ne laissoit pas cependant de traiter entre les Prelats des controuersés de l'autorité du Pape, & de l'Institution des Euesques: Et les François persistans en leur resolution de n'admettre le terme d'Eglise vniuerselle, pour ne preiudicier à l'opinion commune tenue en France de la superiorité du Concile par dessus le Pape, & declarans, que si on le proposoit, il protesteroient de nullité, & se retireroient du Concile: le Pape escriuit aux Legats, qu'ils le proposassent, & qu'il en aduint ce qu'il pourroit. Mais eux, redoutans que tout mouuement, quel qu'il fust, ne vint fort mal à propos avec le

voisinage de l'Empereur, respondirent, Qu'il estoit bon de differer iusques à ce que la matiere du mariage fust acheuë.

ex. men du
troisième
Article tou
chant les
diuorces,

En la seconde chambre, le dixseptième Feurier, le premier qui parla fut le Pere Soto, Espagnol, lequel, sur l'Article du diuorce, distingua premierement la conionction matrimoniale en trois: à l'esgard du lien, de l'habitation ensemble, & de l'accouplement charnel: inferant qu'il y auoit semblablement trois separations: Il s'estendoit à démonstrer, que les Prelats Ecclesiastiques ont autorité de separer les mariés, ou de leur permettre le diuorce, quant à habiter ensemble, & à l'esgar de l'accouplement charnel, pour toutes les causes par eux iugees conuenables & raisonnables: demeurant tousiours neantmoins ferme le lien matrimonial, en sorte, que ne l'y ne ne l'autre des parties n'a permission de conuoler à autres nocces. Et dit, que c'estoit cela, qui auoit esté lié de Dieu, & ne pouuoit estre deslié par les hommes, Il se péina longement sur ses paroles de S. Paul, lequel permet au marié fidele, en cas que la femme infidele ne vueille habiter avec luy, de demeurer separé. Et ne se contenta pas de l'exposition commune, Que le mariage entre les infideles n'est pas insoluble, prouuant que l'insolubilité prouient de la loy de nature, par les paroles d'Adam, exposees par nostre Seigneur Iesus Christ, & par l'usage mesme de l'Eglise, en laquelle les mariés infideles, venans à receuoir Baptême, ne se marient pas de nouveau, & cependant leur mariage, fait pendant leur infidelité, n'est en rien different de celuy des autres fideles. Et se rangea à dire, que le sens de Caietan estoit meilleur assaüoir, que cete separation de S. Paul du fidele d'avec l'infidele, ne s'entend point à l'esgard du lien matrimonial: & que c'estoit vne chose, quideuoit estre bien considerée par le Concile.

Quant à la fornication, il dit, Qu'icelle semblablement ne deuoit point estre cause de la separation du lien, mais seulement de l'accouplement, & de l'habitation commune. Il se trouua toutesfois bien empesché, pource qu'il auoit auparauant dit, que le diuorce pouuoit estre permis à diuers esgards, pour plusieurs causes: car, puis que l'Euangile n'admet autre cause d'iceluy, que la seule fornication, il faut de necessité conclurre qu'il parle en autre sens, & d'une autre sorte de diuorce: & que ce diuorce de l'Euangile doit estre entendu à l'esgard du lien, veu que quant aux deux autres esgards, il y a plusieurs causes de diuorces. Il donna diuerses expositions à ce passage de l'Euangile: & sans en approuuer ne reprouer aucune, il conclut qu'il faisoit condamner l'Article: attendu qu'on tenoit le contraire, comme de foy, par tradition Apostolique, quoy que, regardant seulement aux paroles de l'Euangile, elles ne soyent si claires, qu'elles puissent suffire pour conuaincre les Lutheriens.

Sur le quatrième Article, touchant la polygamie, il dit, Qu'icelle est contre la loy de nature, & qu'elle ne peut estre permise, non pas mesmes aux infideles, suiets des Chrestiens. Et dit, que les Peres anciens auoyent eü plusieurs femmes par dispense: & que les autres, qui n'auoyent esté dispensés de Dieu, auoyent vescu en continuel peché. Quant à l'interdiction des nocces en certain temps, il allega en peu de paroles l'autorité de l'Eglise, & le peur de rapport qu'il y a des festes des nocces avec certain temps. Et à cete occasion il dit, Que nul ne s'en doit tenir greué: attedu que l'Eueque en peut dispenser: & retourna au suiet des causes des diuorces: & conclut, que le monde ne se plaindroit d'aucunes de ces choses, si les Prelats vsoient de leur autorité en prudence, & charité: mais que l'occasion de tous les maux estoit qu'ils ne residoyent point en leurs Eglises, & bailloyent le gouuernement d'icelles à des Vicaires, & bien souuent sans aucun conuenable reiglement: dont frequemment il arriuoit que la iustice estoit mal administrée, & les grâces mal distribuees. Et en cet esparoil il s'estendit à parler de la Residence, allegant que, si on ne la declaroit estre de droit diuin, il estoit impossible d'oster ces abus, & autres semblables: & de fermer la bouche aux heretiques, lesquels ne considerans pas, que le mal vient de l'execution

l'exécution abusive, l'attribuent aux Constitutions Papales. Et partant, que l'autorité Papale ne seroit iamais bien maintenuë, que tout premier la Re-fidence ne fust bien arrestée & établie: ce qui ne seroit iamais, sans la declaration qu'elle est de droit diuin. Que ceux-là se trompoient grandement, qui nommoient preiudiciable à l'autorité du Pape, ce, qui est l'vnique fondement pour la conferuer, & soustenir. Et, pour conclusion, dit, que le Concile estoit obligé de determiner cete verité: & parla avec beaucoup de vehemence, & fut fauorablement ouï par les Vltromontains: mais fort desdaigneusement par les Partisans du Pape: ausquels le temps sembloit fort improprie, pour toucher cete corde. Et de vray ce discours donna occasion de renououeller d'une part & d'autre les brigues & les pratiques.

Frere Iean Ramirez, Cordelier, en la Congregation du vingtième Feurier, parla sur les mesmes Articles: &, apres auoir discoursu, selon la commune opinion des Theologiens, touchant l'indissolubilité du mariage, dit, Que les mesmes raisons, qui sont entre le mary & la femme, sont aussi entre l'Euesque, & son Eglise: que nel'Eglise ne peut repudier l'Euesque, ne l'Euesque l'Eglise: & que, comme le mary ne doit se departir de la femme, aussi l'Euesque ne se doit departir del'Eglise: & que ce lien spirituel n'est pas de moindre force & vertu, que cet autre corporel. Là dessus il allegua Innocent troisieme, lequel a fait vn Decret, que l'Euesque ne puisse estre transféré, si ce n'est par autorité diuine: attendu que (dit ce Pape) le lien matrimonial, qui est bien moindre, ne peut estre dissout par aucune autorité humaine. Et s'estendit bien au long à demonstrier que l'autorité du Pape n'estoit pas amoindrie par ce moyen, ains accruë: veu que, comme Vicaire vniuersel, il se pouoit seruir des Euesques en autres endroits, lesquels le besoin seroit plus grand: ne plus ne moins que le Prince se peut seruir des mariés & necessités publiques, & les enuoyer en autres lieux, hors de leurs maisons, & loin de leurs femmes, sans toutesfois rompre le lien du mariage. Puis il se mit à refuter les raisons contraires; avec beaucoup de prolixité.

En la Congregation du soir du mesme iour, le Docteur Cornille, Portugais, dit, Que les deux Articles troisieme & quatrieme, estoient heretiques: d'autant qu'ils estoient condamnés en plusieurs Decretales des Papes. Et là dessus exalta, par beaucoup de paroles, l'autorité Papale: disant, que tous les anciens Conciles, & es determinations de la foy, suiuoient perpetuellement l'autorité & la volonté du Pape: Il produisit pour exemple le Concile de Constantinople *in Trullo*; lequel suiuit l'instruction enuoyée par le Pape Agathe: & le Concile de Calcedoine, lequel non seulement adhera, mais rendit veneration & adoration à l'aduis de S. Leon Pape, l'appellant Occumenique, & Pasteur de l'Eglise vniuerselle. Et, apres auoir allegué diuerses autorités & raisons, pour monstrier que les paroles de Christ, dites à Pierre, *Pai mes brebis*, signifient autant, que s'il auoit dit, *Regi & gouerne mon Eglise vniuerselle*; il s'estendit grandement à amplifier l'autorité Papale & es dispenses, & en autres choses. Et rapporta plusieurs autorités des Canonistes, que le Pape peut dispenser contre les Canons, contre les Apostres, & en tout le droit diuin, sauf es Articles de la foy. En fin il allegua le Chap. *si Papa, distinct. 40.* qui porte, Que chacun doit reconnoistre, que son salut, apres Dieu, depend de la sante & bon portement du Pape. Lesquelles paroles il exagera grandement, comme estans procedées d'un Saint & Martyr, à sçauoir, de Boniface, Archeuesque de Mayence, lequel nul ne peut dire n'auoir parlé en verité.

En ce mesme temps l'Euesque Cominendon retourna de deuers l'Empereur, n'ayant, en la negotiation, effectué ce que les Legats desiroient. Car *de retourne de deuers l'Empereur* n'ayant expres. L'Euesque en auoit promptement donné aduis, adioustant qu'il n'auoit trouué l'Empereur tout contristé, & mal edifié des actions du Concile. *Ent,*

K K K

1563.

Mais alors, estant de retour, il adioust de plus, que, par les paroles de l'Empereur, & par ce qu'il auoit entendu de ses Conseillers, & remarqué de leurs deportemens, il luy auoit semblé de reconnoistre, que Sa Maiesté estoit si fixe & arrestée en cete sinistre impression, qu'il redoutoit grandement qu'il n'en aduint quelque desordre. Qu'autant qu'il pouuoit comprendre, les pensées de l'Empereur butoient à obtenir qu'on fît vne grande reformation, avec tels & si forts reglemens, qu'elle fust obseruée : & dit qu'il pouuoit affermer pour chose seure, que l'Empereur ne prendroit point à gré que le Concile fust terminé. Et qu'il auoit entendu, qu'estant eschappé au Nonce Dauphin, résident aupres de l'Empereur, de nommer suspension, ou translation, l'Empereur en auoit monstre du desplaisir. Il rapporta aussi, que l'opinion commune de la Cour de l'Empereur estoit, que le Catholique s'entendoit avec luy en ce qui concernoit le Concile. Ce qu'il croyoit estre vray : d'autant qu'il estoit bien acertené, que les Prelats Espagnols auoient escrit à l'Empereur, se plaignans des procedures des Italiens, & luy communiquans plusieurs Articles de Reformation. Et n'estoit vray semblable qu'ils eussent eu la hardiesse de traiter avec l'Empereur, s'ils n'eussent esté bien assurés de l'intention de leur Roy. Il dit aussi, que le Conte de Lune, quand les gens du Pape luy auoient parlé du trop de licence que prenoient les Prelats Espagnols à parler librement, auoit respondu en demandant, Qu'y pourroit-on faire, si ces Prelats disoient de sentir ainsi en leur conscience ? L'Euesque Commendon dit de plus, qu'en l'abouchement que l'Empereur auoit avec le Cardinal de Lorraine, il croioit qu'ils concludroient entr'eux de faire proposer leurs demandes par les Ambassadeurs : & que l'Empereur faisoit consulter les siennes, & autres choses appartenantes au Concile, par les Theologiens : mais que, pour diligence, que luy, & le Nonce Dauphin, y eussent apporté, ils n'auoient pu penetrer les particularités.

les des-
seins de
l'Empe-
reur pour
le Concile
sont des-
couuerts,

Mais il ne passa gueres de temps, que tout cela vint à notice. Car le Iesuiste Canise escriuit au General Lainez, que l'Empereur estoit mal animé enuers les affaires du Concile, & qu'il falloit consulter beaucoup de points, pour estre resolu, comment il auroit à proceder, en cas que le Pape persistast à ne vouloir permettre qu'aucune reformation fust proposée : ou bien, à donner seulement des paroles, contraires aux effets. Qu'entre ces choses estoit ce point, Quelle est l'autorité Imperiale au Concile. Et que le principal & chef de la Consultation estoit Friderich Staphylus, Confesseur de la Roine de Boheme. Sur quoy Canise requit que quelqu'un de la Societé luy fust enuoyé, & qu'il l'introduiroit dans ladite Consultation : & que par ce moyen on descouueroit tout le traité. Lainez en discourut avec le Cardinal Simonete, & resolurent entr'eux d'y enuoyer le Pere Natal, lequel descouurit le fonds de tout. Ces Articles, mis en consultation, estoient

et sa con-
sultatiõ de
certains
grands
Articles
esuenés,

en nombre de dix-sept. Le premier, Si le Concile general legitiment conuocé, avec la faueur des Princes, peut, en son progrès, changer l'ordre, que le Pape a commandé d'observer au traité des matieres : & s'il en peut introduire vn autre. Le deuxième, s'il est vtile pour l'Eglise, que le Concile traite & determine les choses, selon que le Pape, ou la Cour de Rome, ordonne, & regle : en sorte, qu'il ne puisse faire autrement. Le troisième, Si la mort du Pape arriuant, pendant que le Concile est ouuert, l'election appartient aux Peres du Concile. Le quatrième, Quel est le pouuoir de l'Empereur, le Siege de Rome vacant, & le Concile estant ouuert. Le cinquième, Si, lors qu'il s'agit des affaires, qui concernent la paix & le repos de Chrestienté, les Ambassadeurs doiuent auoir voix decisiue, combien qu'ils ne l'ayent point lors qu'il s'agit des dogmes de la foy. Le sixième, Si les Princes peuuent rappeler leurs Ambassadeurs, & Prelats, du Concile, sans le communiquer aux Legats. Le septième, Si le Pape peut dissoudre ou suspendre le Concile, sans l'aduis & consentement des Princes Chrestiens, & sur tout de l'Empereur. Le huitième, S'il est à propos que les Princes s'entremettent, pour moyenner, qu'au Concile soient traitées les choses

plus nécessaires, & expedientes. Le neuvième, Si les Ambassadeurs des Princes peuvent proposer aux Peres eux-mêmes, sans personne interposée, les choses, dont ils sont chargés par leurs Princes. Le dixième, S'il se peut trouver quelque moyen, que les Peres enuoyés, soit par les Princes, soit par le Pape, ayent liberté de dire leurs aduis au Concile. L'onzième, Que c'est qu'on pourroit faire, afin qu'en y le Pape, ny la Cour de Rome, ne s'ingèrent d'ordonner ce, qui doit estre traité au Concile : afin que la liberté des Peres ne soit empeschée, ny bridée. Le douzième, S'il se peut trouver quelque moyen, qu'aucune fraude, violence, ny extorsion ne soit faite, en la prononciation des aduis des Peres. Le treizième, Si aucun dogme, ou point appartenant à la Reformation de l'Eglise, peut estre traité, sans auoir esté premierement examiné par les entendus. Le quatorzième, Quel remede on pourroit apporter, en cas que les Prelats Italiens au Concile continuent en leur obstination de ne laisser resoudre les matieres. Le quinzième, Quel expedient il faudroit prendre, afin que les Prelats Italiens ne fassent point de monopole entr'eux, lors qu'il s'agit de parler de l'autorité du Pape. Le seizième, Comment on pourroit retrancher les pratiques ; & les brigues pour venir vne fois à la declaration de l'Article de la Residence. Le dix-septième. Sic'est chose scante, que la Maiesté Imperiale entreuiehne en personne au Concile.

A Rome fut longuement & serieusement consulté, s'il falloit permettre, de Rome que les demandes des François fussent proposées : en quoy on n'auoit pas tant ^{on ordonne} d'esgard à ce qu'elles importoit en elles mesmes, qu'aux consequences, ^{ne que les} Car on recueilloit de ce, qu'auoit dit du Ferrier en sa harangue, à sçauoir, ^{Articles} que les demandes par eux presentées estoient les plus legeres, & qu'ils ^{des François} auoient eueor à requerir choses beaucoup plus importantes, que don- ^{cois ne} ^{soient pro-} ques les François n'auoient pas fait celles-là, pour grand desir qu'ils eussent ^{posés au} ^{Concile,} de les obtenir : mais qu'ils visioient à ce but, d'entrer, par cete planche, en possession de proposer les autres, qu'ils auoient en la pensée : & doutoit-on, que l'ouuerture leur ayant esté faite par celles qu'ils appelloient legeres, on ne leur pult puis après denier chose aucune qu'ils entreprissent. Pour ces raisons, & autres, il fut resolu d'escrire aux Legats, que du tout ces demandes ne fussent point proposées : mais aussi que le refus n'en fust tranché tout net & absolu : ains, qu'ils interposassent delay à les proposer, dont aussi les moyens leur furent prescrits. Et en ce mesme temps, sortit de Rome vn Escrit, sans nom d'auteur, pour responce à ces propositions, lequel fut tout soudain semé à Trente ; & à la Cour de l'Empereur. Et crut-on à Ro- ^{offense du} ^{Pape sur} ^{les procé-} ^{dures de} ^{l'Empe-} ^{reurs,} me d'auoir bien paré aux instances des François par ces prouisions. Mais le Pape faisoit bien plus grand estat de la nouueauté introduite en la Cour de l'Empereur, de consulter choses tant preiudiciables pour luy : sçachant bien, que la dignité Papale se conserue par la reuerence, & par la certaine persuasion, qu'ont les Chrestiens, qu'elle ne peut estre mise en doute : en liq, que si le monde entreprenoit d'examiner les affaires, on trouueroit toujours assez de raisons apparentes, pour troubler les bons ordres & establissemens. Il remarquoit, qu'en semblables occasions ses predecesseurs auoient employé des puissans remedes : & qu'entelles occurrences, là où il s'agit du fondement de la foy, a lieu ce precepte, qu'il faut s'opposer puissamment aux commencemens : & que comme es debordemens des riuieres, si on ne remede aux premieres petites breches des leuées, & digues, il est impossible de retenir puis apres, que l'eau ne perce, & n'entre à flot : de mesmes, aussi-tost que la souueraine puissance est esbrechée, elle s'en va à vau de route en extreme precipice. Il estoit conueillé d'escrire à l'Empereur vn Bref vis & piquant, comme auoit fait Paul troisième à l'Empereur Charles-quin, à l'occasion des Colloques de Spire : & de le redarguer qu'il entreprist par ces Articles de mettre en doute les choses tres-euidentes : & de reprendre par vn autre Bref les Conseillers, qu'il auoient persuadé à cela, & d'admonester les Theologiens, qui y estoient entreuenus,

Kkkk ij

1563.

de se faire absoudre des Censures. Mais, apres y auoir bien pensé, il considéra, que l'estat des affaires estoit bien différent, d'auec celuy du temps de Pape Paul: premierement, d'autant qu'alors la dispute auoit esté publique: en lieu que maintenant elle estoit secreete, & traitée en cachete, auec beaucoup de soin & de precaution qu'il n'en fust rien esuenté: ce qui luy donnoit suiet d'en dissimuler la conoissance: là où s'il la publioit, & cependant elle ne laissoit pas de continuer apres sa censure & reprehension, il se mettoit en plus grand danger: & puis, qu'au temps de Charles, il falloit qu'iceluy se tint vny auec le Pape, pour n'estre contraint de se sousmettre aux Princes Allemans: mais, que l'Empereur moderne estoit quasi suiet. Et en fin, qu'il pouuoit differer les extremes remedes, lesquels il seroit tousiours à temps d'employer: que cependant il pouuoit dissimuler, & aduiser à empêcher obliquement la resolution des consultations qui se faisoient, par l'enuoy du Cardinal de Mantouë à l'Empereur.

François
& Legats
desgoustés
des proce-
dures de
Rome,

Les François se sentirent offensés de l'Esetit, qui courut contre leurs demandes, & le tinrent pour vn affront qui leur fust fait: & l'Empereur mesmes en fut fort desplaisant. Les Legats aussi, ayans receu la commission de Rome sur icelles demandes, en eurent peu de contentement: car il leur sembloit, que ce n'estoit pas là la façon de donner commission aux Presidens d'un Concile, mais que c'estoit plus tost des aduis & memoires à des agens & ministres, pour s'en seruir par voye de negotiation. Toutesfois, ils ne rescriurent autre chose, sinon qu'ils requeroient de sçauoir ce qu'ils auroient à faire, en cas que les Ambassadeurs Imperiaux, fissent instance, que leurs demandes fussent aussi proposées. Et firent dresser à Gabriel Paleot, Auditeur de Rote, vne ample information des difficultés qu'il y auoit, laquelle ils enuoyerent à Rome. Le Cardinal de Mantouë, considerant, que l'Empereur auoit dit à l'Euesque Commendon, qu'il enuoyerait response au Concile par vn sien Ambassadeur expres, ne iugea pas qu'il fust conuenable d'aller là, auant qu'auoir entendu cete resolution. Joint que le Cardinal de Lorraine, estoit desia en la Cour de l'Empereur, & ne sçauoit-on encoir l'effet de la negotiation: dont il estoit fort incertain quelle voye y deuoit estre tenuë. Par ces raisons il s'excusa de ce voyage enuers le Pape, auquel aussi il

dont le
Cardinal
de Man-
rouë se
plaint par
lettres au
Pape,

escriuit de sa propre main; qu'il n'auoit plus le front de comparoître en Congregation, pour ne donner que des paroles, comme il auoit fait par deux ans continuellement. Que tous les ministres des Princes disoient, que Sa Sainteté promettoit bien beaucoup de choses touchant la Reformation: mais que, puis qu'on n'en voyoit aucun effet, ils ne pouuoient croire qu'elle y eust vrayement l'esprit enclin: car, si iceluy correspondoit aux promesses & paroles, les Legats n'auroient pu faillir d'entendre aux instances de tant de Princes. Nul ne doit s'esbahir, que ce Cardinal, Prince versé en maints grands affaires par si longues années, & d'ailleurs tres-accomplis es termes de la conuersation, fist cete demarche, & passast à cete naïue declaration: car, par vne certaine cause secreete, & inconnüe mesmes à ceux en qui elle agit, les hommes, proches de leur trespas, ont accoustumé de se desgouter des choses humaines, & mettre à quartier toutes les ceremonies, & vains respects. Et en cet estat estoit de vray ce bon Cardinal, lequel, dès la date de cete lettre, ne suruecut que six iours.

des Congre-
gations
naïst con-
trariété
sur le fais
des dis-
penses
Papales:

Or, pour retourner aux Congregations, le dernier de ceux qui parlerent en la seconde chambre, fut Frere Adrien Valentic, Venitien, Iacopin: lequel ne fit que toucher fort legerement en la matiere, mais se ietta à corps perdu à parler des dispenses, & à soutenir, par formes & termes Theologiques, les choses touchées par le Docteur Cornille, dont on auoit receu scandale, & parloit-on avec sentiment d'offense. Et dit, qu'es loix humaines, le Pape auoit vne illimitée & absoluë autorité de dispenser, estant superieur à toutes icelles: & partant, que quand ores il dispenserait sans cause aucune, il faudroit tenir la dispense pour valable. Et, qu'es loix diuines, il auoit aussi autorité de dispenser, mais moyennant cause legitime. Et allegua

S. Paul, qui dit, que les ministres de Christ sont dispensateurs des mysteres de Dieu. Et qu'à ce mesme Apostre auoit esté commise la dispensation del'Euangile. Et adiousta, que, combien que la dispense du Pape sur la loy diuine, sans cause, soit inualide; neantmoins, quand le Pape dispense, pour quelque cause que ce soit, chacun doit captiuer sa pensée, & croire que la cause en est legitime, & que c'est temerité de reuoyer cela en doute. De là il discouurit des causes de la dispense, lesquelles il reduisit au bien public, & à la charité enuers les particuliers. Ce discours occasionna les François de parler sur la mesme matiere, au mescontentement des partisans du Pape.

Après que la seconde chambre eut acheué, on rompit l'ordre & sauta-on à la quatrième, pour tenir promesse au Cardinal de Lorraine, de ne point traiter du mariage des Prestres en son absence. Et en ceté quatrième, Jean de Verdun, Docteur del'Ordre de S. Benoist, traitant l'Article septième des degres de consanguinité, & d'affinité, scietra aussi de prinfaict és dispenses: & sembla qu'il n'eust autre but, que de contredire au susdit Frere Adrien: & insista à affaiblir l'autorité Papale. Et premierement exposa les passages, de S. Paul, Que les ministres de Christ sont dispensateurs des mysteres de Dieu: & del'Euangile, touchant le bon & fidele dispensateur: disant, que c'estoit vne Glose contraire au texte, de forger en ces endroits-là aucune dispense, c'est à dire relaxation; ou emancipation d'observer la loy: mais que l'Escripture, par dispensation, n'entendoit autre chose, que la charge d'annoncer, declarer, & publier les mysteres de Dieu, & la parole d'iceluy, laquelle est eternelle, & demeure inuolable à tousiours. Il accorda, qu'és loix humaines il eschet dispense, à cause del'imperfection du legislateur, lequel ne peut preuoir tous les cas: & pourtant, quand il fait vne loy generale, il a besoin, à causes des occurrences qui causent les exceptions, de reserver à celuy qui gouuerne l'estat vne autorité de pouruoir aux cas particuliers. Mais que là où Dieu est Legislateur, auquel rien n'est caché, & nul accident ne peut arriuer qui ne luy ait esté preueu, la loy ne peut souffrir exception. Et pourtant, que la loy diuine naturelle ne doit estre distinguée en escrite, & non escrite: comme si l'escrite, pour sa rigueur, deuoit estre en quelques cas interpretée, & adoucie: attendu qu'elle mesme est l'equité. Qu'és loix humaines; il y a de vray lieu de dispense en certains cas, lesquels, s'ils eussent esté preueus par le Legislateur, n'auroient point esté compris en la loy: non toutesfois, que celuy qui dispense puisse en aucun cas desobliger celuy qui est obligé: ne que, si aucun merite la dispense, & celuy qui en a l'administration la luy refuse, iceluy demeure oblige. Que c'estoit vne peruerse opinion, dont on auoit imbu le monde, que dispenser soit faire vne grace: attendu, que la dispense est autant acte de iustice distributive, qu'aucun autre: & que le Prelat peche ne la baillant à qui elle est due.

Et en somme il dit, quand on demande vne dispense, le cas est ou tel, que, s'il eust esté preueu, quand la loy fut faite, il auroit esté excepté: & lors on est bongré malgré obligé à dispenser: ou bien tel, que, s'il eust esté preueu, il auroit esté compris en la loy, & lors la puissance de dispenser n'a point de lieu. Et adiousta, que l'adulation, l'ambition, & l'auarice, auoient persuadé cete opinion, que dispenser soit faire grace: comme feroit vn maistre à ses valets, ou quelqu'un qui donnast le sien. Le Pape, dit-il, n'est point maistre, & l'Eglise n'est point seruaute: mais luy mesmes est seruiteur de celuy, qui est l'Espoux de l'Eglise, & par luy commis sur la famille Chrestienne, pour donner à chacun, comme dit l'Euangile, sa portion, c'est à dire, ce qui luy est du. Et, pour la fin, il repliqua, que la dispensation n'est autre chose, qu'une declaration, & interpretation de la loy: & que le Pape, par ses dispenses, ne peut desobliger aucun qui soit obligé, mais seulement declarer à celuy qui ne l'est pas, qu'il est exempt de la loy.

Levingt-septième Feurier, le Cardinal de Lorraine retourna à Trente, ^{retour du} ne s'estant arresté que cinq iours à Inspruck, esquels il fut en continuelle negociation avec l'Empereur, & le Roy des Romains, & les ministres Impe- ^{Cardinal} de Lorraine.

riaux. Estant de retour, il trouua des lettres du Pape, par lesquelles il luy disoit, Qu'il vouloit la reformation, & qu'on ne différast plus: & que pour y vaquer, on ostant les parolés des Decrets sur les Saints Ordres, lesquels estoient en debat. Le Cardinal publia tout à dessein ces lettres par Trente, là où il estoit notoire à tous, que les Légats auoient commission contraire du Pape. Et tout soudain, apres son arriuee, les Partisans du Pape à Trente firent toute diligence pour halener des Prelats, & d'autres, qui auoient esté en sa compagnie, ce que le Cardinal auoit negocié; & sur tout taschoient d'apprendre quelle resolution ils auoient prise sur les dix-sept Articles: d'autant que le Conté Fridetich Máffée, arriué d'Inspruck le iour precedent, auoit rapporté, que le Cardinal auoit esté tous les iours, deux heures au moins, retiré en conference secreete seul à seul avec l'Empereur, & le Roy des Romains. Mais les François monstrent, que ce fait des Articles leur estoit nouveau, & qu'ils n'en sçauoient rien. Et dirent qu'aucun des Theologiens Allemands n'auoit traité avec le Cardinal, sauf Staphylus, lequel luy auoit présenté vn liure, composé par luy mesme, sur la matiere de la Residencia: & le Iesuite Canise, lors que le Cardinal alla visiter le College des Iesuites: & que les Theologiens François n'auoient parlé à l'Empereur, sinon vne fois, qu'estans allés voir la Bibliotheque, l'Empereur y estant reuenu avec son fils, le Roy des Romains, il leur auoit demandé ce qu'ils sentoient de l'octroy du Calice: & que l'Abbé de Cleruaux, premier d'entr'eux, luy auoit respondu, Que, pour luy, il n'estoit pas d'auis qu'on le pust octroyer. Et que là dessus l'Empereur, se tournant vers le Roy des Romains, auoit dit en Latin, ce verset du Psalme, *Quadragesima annis offensus fui generationi illi; et dixi, Semper bi errant corde.* l'ay esté ennuyé de cete race de gens par quarante ans, & ay dit, Ils sont tousiours en erreur de leur cœur & volonté.

de laquel. Mais le Cardinal de Lorraine, en visitant les Légats, ne dit autre chose, le luy mes. sinon, que l'Empereur auoit montré d'auoir bonne intention, & zele ardent mes donne aux affaires du Concile, & de desirer qu'il en prouinst quelque bon fruit, & quelques que, si besoin estoit, il y entrecuiendroit en personne, voire mesmes iroit iusqu'à Rome, pour prier le Pape d'auoir compassion de la Chrestienté, & de trouuer bon, que la Reformation fust establie, sans diminution toutesfois de son autorité, à laquelle il portoit vne singuliere reuerence, ne voulant permiettre qu'on dist chose quelconque, qui touchast Sa Sainteté, ne la Cour de Rome. Mais le mesme Cardinal, en ses deuis priués avec autres, adioustoit, que, si le Concile estoit gouuerné avec la prudence qu'il apparrenoit, l'issuë en seroit brieue & heureuse. Que l'Empereur entendoit que totalement on fust vne bonne & exacte reformation: laquelle si le Pape continuoit à traueser, comme il auoit fait iusques alors, il en arriueroit quelque grand scandale. Que Sa Maiesté auoit dessein, si le Pape fust venu à Bologne, de l'y aller trouuer, avec intention de receuoir de luy la couronne. Et d'autres telles choses.

et les ends en est re. Il ne faut point douter, que le Cardinal ne parlât avec l'Empereur des presentes, affaires du Concile, & ne l'informast des desordres, qui y regnoient, & ne luy communiquast ses aduis, sur les expedients pour s'opposer à la Cour de Rome, & aux Prelats Italiens de Trente, pour obtenir la Communion du Calice, le Mariage des Prestres, & l'usage de la langue vulgaire en l'Eglise, & la relaxation d'autres commandemens de droit positif, & la reformation au Chef, & es membres: & pour trouuer moyen de faire que les Decrets du Concile fussent inuiolables mesmes par dispense Papale: & quelque bon expedient, pour donner honneste couleur à leurs actions, & les iustifier, si en cas qu'ils ne pussent obtenir icelle reformation, ils pretendoient cause de pouruoir par eux-mesmes aux necessités de leurs peuples, par quelque Concile national, essayant mesmes aussi d'vnr les Allemands & les François au fait de la Religion. Mais ce ne fut pas là seulement sa negociation, car il traita aussi du mariage entre la Roine d'Escoffe, & l'Archiduc Ferdinand, fils de l'Empereur: & de celuy d'une des filles de Sa Maiesté avec le Duc de Fer-

— rare : & du moyen de compofer les differens de preſeance entre la France & l'Eſpagne, leſquelles choſes, comme domeſtiques, touchent les Princes plus au viſ, que les publiques. 1563.

Or, apres le retour du Cardinal de Lorraine, les Congregations ſuiuans ſuite des touſiours, Iacques Alain, Theologien François, domeſtic del'Eueſque de Vannes, entra ſemblablement au fait des diſpenſes : & dit, Que l'authorité de diſpenſer auoit eſté baillée à l'Egliſe immediatement par Ieſus-Chriſt : & que l'Egliſe la diſtribuoit aux Prelats, & autant qu'il eſtoit de beſoin, ſelon les temps, les lieux, & les occaſions. Et rehauffa ſouuerainement l'authorité du Concile general, qui repreſente l'Egliſe ; & raualla celle du Pape, adiouſtant qu'il appartient au Concile general del'eſlargir, & de la reſtreindre. Congregations, & de la diſpenſe des diſpenſes;

— Le deuxième de Mars le Cardinal de Mantouë deceda, apres vne maladie de peu de iours : ce qui fut cauſe de pluſieurs changemens au Concile. Les autres Legats en donnerent promptement aduis au Pape, auquel le Cardinal Seripande, qui demouroit premier Legat, outre la lettre commune, eſcriuit en particulier, qu'il auroit grandement à gré que Sa Sainteté y enuoyast vn autre Legat ſuperieur à luy, qui euſt la charge du Concile : ou bien, qu'il l'en oſtaſt. Que ſi tant eſtoit qu'il le vouluſt laiſſer premier Legat, il iugeoit neceſſaire qu'il ſe fiaſt en luy, qu'il y procederoit ſelon que Dieu l'inſpireroit : qu'autrement, il yalloit beaucoup mieux del'oſter de là. Le Cardinal de Vvarmie eſcriuit auſſi à part, Que ſon Eglife auoit grand beſoin de la preſence de ſon Paſteur : qu'on y introduiſoit la Communion du Calice, & autres notables abus : & partant requeroit congé d'y aller, pour y pouruiſſoir : & que generalement en toute la Pologne il y auoit beſoin de perſonne, laquelle contiſt le demeurant de ces peuples en obeïſſance : & qu'il rendroit plus de ſeruite au S. Siege en ces lieux-là, qu'en demeurant au Concile. Mais Simonete, deſirant que la charge totale de conduire le Concile luy demeurast, & ayant eſperance d'en venir à bout, au contentement du Pape, & à ſon propre honneur : & d'ailleurs, conſiderant que Seripande eſtoit las & receu de la beſongne, & peu enclin à en prendre le gouuernail en main : & que celui de Vvarmie eſtoit homme ſimple, & porte à ſe laiſſer mener par autrui : il mit en conſideration au Pape, que les affaires du Concile ſe trouuans en aſſez mauuais eſtat, toute nouueauté le pourroit eſbranſler d'auantage : & pourtant, qu'il eſtimoit qu'il falloir ſuiure, ſans enuoyer autres Legats : & en promettoit bonne iſſuë. decès du Cardinal de Mantouë, & intention des autres Legats:

— En ce meſme temps vint aduis de Rome, qu'une cauſe del'Eueſque de Se-
gouie eſtant ſur le point d'eſtre introduite, on refuſa de la recevoir, & l'un
des Auditeurs dit au procureur del'Eueſque, que ſon principal eſtoit ſuſpect
d'heréſie. Ce qui alarma bien, non ſeulement les Eſpagnols, mais auſſi tons
les Vltramontains, qui ſe plaignoient qu'à Rome on forgeoit des calomnies,
& leuoit des faux bruits & ſiniſtres, contre ceux, qui n'adhéroient en tout &
par tout à leurs volontés. bruit & Trete, pour vne ſupercherie de Rome:

Le quatrième de Mars, la troiſième Chambrée des Theologiens com-
mença à parler, & ſur le cinquième Article ; de la comparaïſon du Mariage,
& du Celibat, tous furent d'accord, qu'il eſtoit heretique, & condanna-
ble. Semblablement, ſur le ſixième il n'y eut aucune difficulté que tous vna-
nimement ne paſſaſſent pour heréſie. Il n'y eut que cete diuerſité, que
les vns diſoient, que, combien qu'il y euſt différence entre l'Egliſe Orienta-
le, & l'Occidentale, en ce, que l'Occidentale n'admet à la Preſtriſe, ny aux Celibats,
Saints Ordres, autres perſonnes que continentes ; en lieu que l'Orientale
y reçoit auſſi les mariées : toutesſois nulle Eglife n'a iamais permis que les
Preſtres ſe mariaſſent : & que cela eſt tenu par tradition Apoſtolique, & n'eſt
point par raiſon de vœu, ne par aucune conſtitution Eccleſiaſtique. Et
pourtant qu'il falloir abſolument condamner pour heretiques tous ceux, qui
diſent qu'il eſt loiſible aux Preſtres de ſe marier, ſans autrement ſe reſtrein-
dre aux Occidentaux, & ſans faire aucune mention de vœu ne de loy del'E-
 exami & condanna- tion des cinquième & ſixième articles, touchant le Celibat, qui porte des exceptions aux diſpenſes,

1563. *Eglise.* Ceux-cy ne concedoient point, que pour cause quelconque on püst dispenser les Prestres de se marier. Autres disoient, que le mariage est defendu à deux sortes de personnes, & pour deux diuerſes causes: aux Clercs ſeculiers, à cause del'Ordre ſacré, par loy Ecclesiastique: & aux Reguliers, à cause du vœu ſolennel, par loy diuine. Que la deſenſe du mariage, faite par conſtitution Ecclesiastique, peut eſtre tout à fait oſtée par le Pape: & que meſmes icelle demeurant en vigueur; & ſur pied, le Pape en peut dispenser. Ils allegoient les exemples de ceux, qui en auoient eſté dispensés: & l'vſage de l'Ancienneté, laquelle quand vn Prestre ſe marioit, ne rompoit pas le mariage, mais ſeulement le demettoit du Miniſtre: ce qui auoit touſiours eſté obſerué, iuſques au temps d'Innocent deuxieme, qui fut le premier de tous les Papes, qui ordonna que tel mariage fuſt tenu pour nul. Mais, pour ce qui concerne ceux, qui ſont obligés à continence par vœu ſolennel attendu qu'iceluy eſt de droit diuin, ils diſoient que le Pape n'en peut dispenser. Et ſur cela, allegoient le paſſage d'Innocent troiſieme, lequel auoit aſſermé, que l'oſberuation de la Chasteé, & le renoncement à la propriété des biens, ſont choſes tellement attachées aux os des Moines, que non pas meſmes le Pape n'en peut dispenser. A quoy ils adiouſtoient l'opinion de S. Thomas d'Aquin, & d'autres Docteurs, lesquels maintiennent que le vœu ſolennel eſt vne conſecration de la perſonne à Dieu: or, vœu que nul ne peut faire que la choſe conſacrée puiſſe retourner aux vſages humains, auſſi peu peut-on faire que le Moine retourne à l'vſage du mariage. Et tous les Docteurs Catholiques conſidannoient Luther, & ſes ſectateurs, d'heresie, pource qu'ils diſent, que la Moinerie eſt vne inuention humaine: en lieu, que ſelon l'opinion des Catholiques, c'eſt vne tradition Apoſtolique, à quoy repugne diametralement de dire, Que le Pape en peut dispenser.

Autres maintenoient, que le Pape auoit pouuoir de dispenser meſmes les Moines: & monſtroient de ſ'ebahir de ceux, lesquels accordoient la diſpenſe és vœux ſimples, & la nioient és ſolennels: comme ſi, par le dire meſme de Boniface huitieme, il n'eſtoit pas tout euident, que toute ſolennité eſt de droit poſitif. Et ſe ſeruoient, pour preuue de leur opinion, du meſme exemple, allegué par les autres, des choſes conſacrées. Car, comme il ne ſe peut faire, qu'une choſe conſacrée, demeurant conſacrée, ſoit employée à vſages humains: mais bien peut-on oſter la conſecration, & rendre la choſe profane & commune, & lors peut-elle retourner à tout vſage commun & indifferrent: ainſi l'homme, conſacré à Dieu par le vœu de Moinerie, pendant qu'il demeure conſacré, ne peut ſ'appliquer au mariage: mais, ſi on luy oſte la qualité de Moine, & la Conſecration, qui naiſt de la ſolennité du vœu, laquelle eſt de droit poſitif, il n'y a rien qui empêche, qu'il ne puiſſe vſer de la vie commune des autres hommes. Ils allegoient des paſſages de S. Auguſtin, deſquels il paroît manifeſtement, que de ſon temps il y auoit des Moines, qui ſe marioient. Et, combien qu'on eſtimait qu'en le faiſant, ils pechoient, le mariage ne laiſſoit pas pourtant d'eſtre legitime: & S. Auguſtin reprend ceux, qui le ſeparoient.

On vint de là à parler, ſ'il eſtoit expedient en ces temps, de dispenser les Prestres du commandement du Celibar: ou bien meſmes, d'abolir iceluy tout à fait. Et ce, d'autant que le Duc de Bauieres, ayant enuoyé à Rome requérir au Pape la communion du Calice, auoit auſſi enſemblement recherché qu'il fuſt permis aux mariés de pouuoir preſcher: ſous quoy, ſ'entendoit tout le miniſtere del'Egliſe, exercé par les Curés en la charge des ames. Plusieurs raiſons furent employées pour perſuader, qu'il le falloit permettre: lesquelles ſe reduiſoient à deux: au ſcandale, que bailloient les Prestres incontinens: & à la diſette de perſonnes continentes propres à exercer le miniſtere. Et plusieurs auoient en bouche le dire fameux du Pape Pie deuxieme, Que pour bonnes causes l'Egliſe auoit defendu le mariage aux Prestres Occidentaux: mais, que pour des autres meilleures & plus fortes, il le leur falloit

à delibérer ſeul les eſtoient à preſent expedientes auſſi d'un mariage pour les gens d'Egliſe:

fallait derechef permettre. Ceux du party contraire disoient, Que ce n'estoit pas fait en sage Medecin. de penser vne maladie, en causant vne pire. Si les Prestres, disoient-ils, sont incontinens, & ignorans, il ne faut pas pour-
 tant prostituer la Prestre aux mariez. Et là dessus estoient alleguez infinis
 passages des Papes, qui portent. Qu'il est impossible d'entendre à l'esprit, &
 à la chair: & partant que la Prestre, estat spirituel, estoit incompatible avec
 le mariage, qui est vn estat charnel. Dont aussi ces mesmes Papes ne l'auoient
 iamais permis. Que le vray remede estoit en l'education, & nourriture: &
 en la diligence à pouruoir de personnes continentes, & lettres pour le mini-
 stere: lesquelles aussi il falloit inciter & obliger par prix & par peines: & ce-
 pendant pour remede d'incontinence, n'ordonner sinon personnes esprou-
 uées & reconnues de bonne vie: & que pour la doctrine, il falloit faire imprimer
 des Homiliaires, & Catechismes en langue Allemande, & Françoisse,
 composez par personages sçauans & religieux, lesquels les Prestres igno-
 rans lussent le liure en main au peuple: au moyen dequoy les Curés, quoy
 qu'ignorans, pourroient satisfaire au peuple.

Les Legats furent blasmez d'auoir permis qu'on disputast de cét Article,
 lequel estoit iugé grandement dangereux: attendu que c'est chose euiden-
 te, que si le mariage estoit permis aux Prestres, il aduendroit, que tous tour-
 neroient leur affection & amour à leurs femmes, & enfans: & par conse-
 quent, à leurs maisons & patrie: & par là cesseroit l'estroite dependance
 quel'Ordre Clerical a avec le Siege Apostolic: & que d'odroyer le maria-
 ge aux Prestres, estoit autant que de destruire d'un tour de bras la Hiera-
 chie Ecclesiastique, & reduire le Pape à n'estre plus que Euesque de Rome.
 Mais les Legats s'excusoient, sur ce que force leur auoit esté de le faire,
 pour complaire à l'Euesque des Cinq Eglises, Ambassadeur de l'Empereur,
 lequel l'auoit requis non seulement au nom du Duc de Bauieres, mais de
 l'Empereur aussi: & quant & quant pour rendre les Imperiaux plus faciles
 à se deporter de la grande instance qu'ils faisoient de la Reformation, la-
 quelle importoit beaucoup plus.

Les François voyans que la plus commune opinion portoit qu'un Prestre
 peut estre dispensé de se marier, s'assemblerent pour consulter s'il estoit à
 propos de requerir la dispense pour le Cardinal de Bourbon, selon la com-
 mission qu'en auoient le Cardinal de Lorraine, & les Ambassadeurs. Le
 Cardinal de Lorraine fut d'avis que non: disant, que sans doute il y auroit
 de la difficulté au Concile, à persuader que la cause en fust legitime, & vr-
 gente: attendu que pour l'elgard d'auoir lignée, cela n'estoit point neces-
 saire, le Roy étant ieune, ayant deux freres & autres Princes de son sang,
 Catholiques: & aussi pour l'elgard de pouuoir auoir part au gouvernement
 de l'Estat, iusques à ce que le Roy paruint à maiorité, il estoit superflu: & vr-
 rendu que l'Ordre Ecclesiastique ne luy portoit aucun empeschement
 cela. Et remonstra, qu'à cause des differends, qui estoient entre les François,
 & les Italiens, tant pour cause de la Reformation, que pour l'autorité du
 Pape, & des Euesques, ceux qui tenoient opinions contraires aux leurs, s'y op-
 poseroient à dessein. Et qu'il valoit mieux s'en adresser au Pape, ou bien at-
 tendre occasion plus propre: & que pour l'heure il suffisoit de faire en sorte
 qu'aucune doctrine ne fust arrestée, qui pust preiudicier à cete demande.
 Aucuns estimerent, que le Cardinal de Lorraine, en son interieur, n'agreat
 point, que celui de Bourbon se mariast: d'autant que par ce moyen il
 pourroit aduenir quelque concurrence, & abbaisement de sa maison.
 Mais cela ne sembloit nullement vray semblable à d'autres: parce que par
 ce mariage, toute esperance estoit ostée au Prince de Condé, dont ledit
 Cardinal de Lorraine auoit bien plus grande ialousie & desiance. Et mes-
 mes ils iugeoient, que plus tost il desiroit extremement, que ledit Cardinal
 de Bourbon se rendist seculier: d'autant qu'iceluy, quittant l'Eglise, celui
 de Lorraine demeureroit premier Prelat. Et en cas de la creation d'un Pa-
 triarche, ce qu'il ambitionnoit grandement, elle ne pouoit faillir de tóber

sur luy: ce qu'il ne pouuoit esperer, pendant que celui de Bourbon estoit Prestre, attendu que pour la preeminence du sang Royal, il ne pouuoit estre postposé.

le Pape
erte inopi-
nemen-
deux nou-
veaux Le-
gats.

Or le Pape, ayant receu la nouuelle de la mort du Cardinal de Mantouë, apres auoir aduisé en soy mesmes, & avec ses plus intimes, qu'il estoit necessaire d'enuoyer au Concile d'autres Legats, lesquels, comme tout neufs, & non interessez en promesses, & en traitez, pussent plus aisement suiure ses instructions; le matin du septième Mars, deuxième Dimanche de Careme sans autrement intimiser Congregation, comme c'est tousiours la coustume de faire; mais ayant seulement assemblé les Cardinaux en la Chambre des paremens, comme pour aller à la Chapelle, à l'accoustumée, s'arresta là tout à despourueu, & ayant fait sortir les Courtisans, & fait fermer les portes, tout à l'instant crea Legats, les Cardinaux Iean Moron & Bernard Nauagier: pour n'estre contraint, par brigues de Princes, ou de Cardinaux, de nommer personnes, qui ne fussent du tout à son goust. Le Pape croyoit bien cette action si secretement, qu'aucun n'en fust rien: mais toutesfois il ne put empelcher, que les François n'en eussent le vent. Et le Cardinal de Bourdaisiere fit tant, qu'il parla au Pape, auant qu'il fust descendu de la Chambre: & par plusieurs raisons luy remōstra, que, puis qu'il vouloit creer des Legats nouueaux, il ne pouuoit bailler cette charge à personnage plus digne, qu'à un Cardinal de Lorraine. Mais le Pape, qui en auoit pris la resolution arreستée, & qui eut à desplaisir, que la chose n'auoit peu estre tenue secreete, comme il desiroit, luy respondit librement, Que le Cardinal de Lorraine estoit allé au Concile, comme chef d'un des partis pretendans: mais que pour luy, il y vouloit deputer personnes neutrales, & sans interets. Comme le Cardinal se mettoit en deuoir de rabattre cela, & luy respondre, le Pape hasty le pas, & descendit si promptement, que le Cardinal n'eut temps de repartir. La Congregation finie, le Pape laissa aller les Cardinaux à la Chapelle, & retourna en sa chambre, pour ne se trouuer en ceremonie, estant tout alteré & bouffi pour les paroles du Cardinal.

à laquelle
dignité
luy de
raine pre-
tendait:

Le neuuiesme du mois de Mars il arriua à Trente la nouuelle, que le Duc de Guise, frere du Cardinal de Lorraine, en retournant de la tranchée de deuant Orleans, auoit esté bleffé d'un coup de piltoler, par Iean Poltrot, ieune Gentilhomme Angoumois, de la Religion reformée: dont six iours apres il estoit mort, au grand desplaisir de toute la Cour: & qu'apres sa bleffure il auoit exhorté la Reyne à faire la paix, disant tout ouuertement, que ceux qui y contrediroient, estoient ennemis du Royaume. Le meurtrier enquis des complices, nomma l'Admiral de Colligni, & Theodore de Beze: puis apres, il deschargea de Beze, persistant à encoupler l'Admiral. Mais il varia tellement du depuis, qu'il laissa les esprits en grande incertitude de ce qu'il en falloit croire. Mais le Cardinal, ayant eu cette nouuelle, se pourueut de plus forte garde pour sa personne, qu'auparauant. Et apres auoir rassisy & calmé son esprit de la douleur conceue d'un frere, si estroitement conioint avec luy; auant toute autre chose, il escriuit vne lettre de consolation à la mere commune d'eux d'eux, qui estoit Anthoistete de Bourbon, remplie de conceptions & de termes exquis, dignes d'estre conferez, ou comme disoient les siens, preferez à ceux de Senecque: & au bout d'icelle, il disoit, qu'il estoit tout resolu de se retirer en son Eglise à Rheims, & là passer le reste de ses iours à prescher la parole de Dieu, instruire son peuple, & esleuer les enfans de son feu frere en la religion & pieté Chrestienne: sans se departir iamais de ces bons offices, sinon lors que le Royaume, pour les affaires & necessitez publiques, auroit besoin de luy. Cette lettre ne fut pas si tost partie, que toute la ville de Trente fut remplie de copies, lesquelles les domestiques du Cardinal n'attendoient pas qu'on leur demandast, ains les offroyent presques importunement à toutes sortes de gens: tant est il malaisé de couurir sa vanité & reprimer l'amour de soy mesme, ores qu'en occasion de grand ducil.

consolation
ambitieuse
du Cardi-
nal son
frere, à sa
mere,

Mais apres cela, ce Cardinal semit à penser aux affaires, & pour cét accident inopiné, changea tous ses desseins: ce qui fut aussi cause de faire changer de route aux affaires du Concile: d'autant qu'iceluy, qui estoit le moyen, par lequel iusques alors l'Empereur, & la Reyne de France, auoient operé, leur manquant, ils furent des lors contraints de proceder avec plus de retenuë, & plus lentement. Mais il aduient és affaires humaines, ce qu'on voit és tourmentes de la mer, qu'encor que les vents soient abbatuz, & cefsez, les vagues ne laissent pas pas d'estre enléées, & esmues pour quelques heures: de mesmes aussi la grand machine du Concile, ayant pris son bransle, ne put aisément estre raslé & posée: bien est-il certain, que du repos qui aduint quelques mois apres, la mort du Duc de Guise en fut vn grand commencement: & sur tout apres que de surcoist fut aussi arriuée la mort de l'autre frere, qui estoit le Grand Prieur de France; joint la nouuelle de la paix faicte avec les Huguenots: & finalement les instances de la Reyne au Cardinal, qu'il se mist és bonnes graces du Pape, & qu'il s'en retournast en France: laquelle il sera parlé en son lieu. Dont le Cardinal vid bien, que les affaires qu'il auoit entamez, & où il s'estoit embarqué, ne seroient viles ne pour soy, ne pour ses amis.

La mort du Duc de Guise causa de grands regrets, tant à Rome, qu'à Trente: car chacun estimoit, qu'il estoit l'unique soutien du party Catholique au Royaume de France: & ne voyoit-on aucun qui luy pult succeder à porter ce grand fardeau, sur tout, que tous estoient effrayez de l'exemple de sa mort. Et les Prelats François au Concile se trouuoient en peine, entendans qu'on traictoit d'accord avec les Huguenots, lesquels, entre autres choses, pretendoient que le tiers des reuenus Ecclesiastiques fust conuertty en l'entretenement de leurs Ministres.

Pendant cette varieté d'affaires, l'Euesque des Cinq Eglises retourna de deuers l'Empereur: & avec les Ambassadeurs Imperiaux, alla à l'audience des Legats, auxquels il presenta vne lettre de l'Empereur, ensemble vne copie d'une autre, qu'il escriuoit au Pape. Tous firent instance que la matiere de la Reformation fust proposée, mais ce ne fut qu'en termes generaux, & assez froidement. La lettre de l'Empereur aux Legats portoit le desir qu'il auoit de voir quelque progres & fruit du Concile: & que pour l'obtenir, il falloit de necessité oster quelques empeschemens, desquels il auoit escrit au Pape: mais qu'il auoit bien voulu prier eux aussi, de s'employer, par leurs bons deuoirs, au Concile; & par leurs prieres, enuers le Pape, qu'on passast outre, pour l'honneur & seruice de Dieu, & pour le bien de la Chrestienté. Celle qui estoit adressée au Pape, contenoit, Que, eomme Aduocat de l'Eglise, apres auoir despesché des affaires tres-importantes avec les Electeurs & autres Princes, il n'auoit eu chose quelconque tant à cœur, que d'auancer les affaires du Concile: qui estoit aussi la cause, pour laquelle ils s'estoit transporté à Inspruk, là où il auoit, à son grand regret, appris que les affaires n'alloient pas selon son esperance, ne selon que requeroit le repos public: & craignoit, que si on n'y remedioit: le Concile ne se terminast avec scandale du monde, à la rifce de ceux qui ont renoncé à l'obeissance de l'Eglise Romaine, & induction à se rendre tant plus tenans & obstinez en leurs opinions. Qu'il y auoit ia long temps, qu'aucune Session n'auoit esté tenueë. Que, pendant que les Princes se peinoient à venir les Aduersaires differens en opinions, les Peres s'estoient laissez emporter à des debats indignes d'eux. Que mesmes le bruit couroit, que sa Sainteté traictoit de dissoudre, ou de suspendre le Concile, portée, peut estre, à cela par les brouilleries qu'on y voyoit. Mais que, pour luy il sentoit tout autrement. Car il auroit beaucoup mieus valu de ne l'auoir iamais commencé, que de le laisser imparfait; au grand scandale du monde, au mespris de sa Sainteté, & de tout l'Ordre Ecclesiastic, & au preiudice tant de cetuy-cy mesmes, que des autres Conciles generaux à venir: avec perte du peu de residu du peuple Catholique: laissant vne opinion ancrée au monde que le seul but de la suspension, ou rupture,

estoit d'empescher la Reformation. Que quand il fut intimé, sa Sainteté auoit requis le consentement de luy Empereur, & des autres Rois & Princes: & ce, à l'imitation des Papes, ses predecesseurs, lesquels auoient iugé cela nécessaire pour plusieurs esgards. Qu'il y auoit la mesme raison, pour conclurre qu'il ne pouuoit estre dissout ne suspendu, sans le mesme consentement. Et exhortoit le Pape à ne prester l'oreille à ce conseil, honteux & domageable: lequel sans doute, tireroit en consequence des Conciles nationaux, tousiours tant abhorrez par sa Sainteté, comme contraires à l'vnité de l'Eglise: lesquels auoient par le passé esté empeschez par les Princes pour maintenir l'autorité Papale: mais qu'à l'aduenir ils ne pourroient estre ne deniez, ne differez plus longuement. Et en outre il requeroit le Pape de vouloir aider à la liberté du Concile, laquelle estoit trauersée principalement par trois causes: l'une, d'autant que toutes choses estoient premièrement consultées à Rome: l'autre, pource qu'il n'estoit pas libre de proposer, attendu que les seuls Legats auoient pris à eux ce droit, lequel deuoit estre commun: la troisième à cause des pratiques & brigues, que faisoient quelques Prelats, interressez en la grandeur de la Cour de Rome. Que puis qu'une bonne reformation de l'Eglise estoit tant nécessaire, & que d'ailleurs la commune opinion estoit, que les abus ont leur source, & sont fomentez à Rome, il falloit de nécessité, pour donner vn commun contentement à tous, que la reformation fust faite au Concile, & non à Rome. Et pour tant, prioit sa Sainteté de trouuer bon, que les demandes presentées par ses Ambassadeurs, & celles des autres Princes, fussent proposées. Pour la fin, il exposoit sa Sainteté à s'y trouuer aussi.

Le Pape
s'offense

Cette lettre, despeschée en date du troisième Mars, offensa grandement le Pape, auquel il sembloit que l'Empereur empietoit par dessus son autorité & passoit mesmes les termes des autres Empereurs, les predecesseurs, plus puisans que luy. Mais l'offense se redoubla, par l'aduis que luy donna Ion Nonce, que la copie de cette lettre auoit esté enuoyée aux Princes, & mesmes aussi au Cardinal de Lorraine: ce qu'il ne iugeoit pouuoir auoir esté fait à autre fin, que pour les esbranler, & pour iustifier les actions de l'Empereur: Ioint à cela que le Docteur Scheld, Chancelier de l'Empereur, auoit persuadé au Nonce Dauphin, résident en la Cour d'iceluy, de moyener que ces paroles, *Vniuersalem Ecclesiam*, fussent rayées: pour ne fomentier l'opinion de la superiorté du Pape par dessus le Concile, disant, Que les temps ne portoient pas qu'on traitast telle question: & que l'Empereur, & luy Chancelier mesmes, fauoient tresbien, que Charles cinquième, d'heureuse mémoire, auoit tenu opinion contraire sur cét Article: & qu'il falloit euitier de donner à sa Majesté, & aux autres Princes, de declarer l'opinion, qu'ils tenoient en ce point. Il conjoignoit ces choses avec ce que le Cardinal de Lorraine mesme luy auoit escrit, qu'il n'estoit temps ny heure, de mettre en auant cette difficulté des mots, *Vniuersalem Ecclesiam*, &c. & avec l'aduis, qu'il auoit eu de Trente, que le Cardinal de Lorraine disoit, que ny luy, ny les Prelats François ne les pouuoient supporter, pour ne canoniser vne opinion contraire à toute la France: & que ceux là se trompoient bien fort, qui croyoient que, quand on viendrait à parler clairement, & à requerrir declaration, que le Pape n'est point par dessus le Concile, cette autre opinion seroit fauorisée, & portée plus qu'on ne cuidoit. Ce qui monstroient bien, que de ce point, il auoit esté traité bien à la Cour de l'Empereur. Toutes ces choses considérées, le Pape aduisa de faire vne bonne réponse, & de la

Orferli à
l'Empe-
reur vint
mis, main
tenant soy
les sien
& taxant
les autres

à faire aussi courir de sa part, pour sa iustification. Le Pape doncques recriuit à l'Empereur, Que de vray il auoit conuocqué le Concile, du seu & consentement de luy, & des autres Rois & Princes: non toutesfois que le S. Siege ait besoin, au gouvernement de l'Eglise, d'attendre le consentement d'autorité quelconque, veu qu'il en a le plein pouuoir de Christ. Que tous les anciens Conciles auoient esté conuocquez par l'autorité du Pape de Rome, sans que jamais aucun Princes y fust ingeré, si-

non en qualité de pur & simple executeur. Que pour luy, il n'auoit eu aucune pensée de dissoudre, de ne suspendre le Concile: mais auoit tousiours iugé, que pour le seruice de Dieu, il y falloit mettre vne entiere fin. Que la liberté du Concile n'estoit point empeschée, ains aydee & fauorisee par les consultations, qui se faisoient à Rome sur les mesmes matieres. Que iamais n'auoit esté celebré Concile, auquel le Pape n'y estant present, le S. Siege n'eust enuoyé instructions, lesquelles aussi auoient esté suiuiues par les Peres. Qu'on auoit encor les instructions, que le Pape Celestin enuoya au Concile d'Ephefe, & le Pape Leon à celuy de Chalcedoine, & le Pape Agathe à celuy de Constantinople *in Trull*, & le Pape Adrien premier au second de Nicee, & Adrien deuxiesme au huitiesme general de Constantinople. Et quant à proposer au Concile, lors que le Pape de Rome a esté present és Conciles, luy seul a tousiours proposé les matieres, voire luy seul les a resolués, le Concile n'y ayant appolé que son approbation: mais, qu'en l'absence du Pape, les Legats, ou autres deputez par le Pape, ont tousiours proposé: en conformité dequoy, le Concile de Trente auoit deliberé, que les Legats proposassent: ce qui aussi est necessaire, pour garder quelque ordre: attendu que ce seroit vne horrible confusion, se chacun tumultuairement, & l'un à l'encontre de l'autre, pouuoit mettre sur le bureau choses sedicieuses, & mal conuenables. Que toutes fois iamais n'auoit esté refusé de proposer toutes les choses viles. Qu'il auoit appris avec desplaisir les pratiques, faites par plusieurs contrel'authorité que Christ a baillée au S. Siege. Que tous les liures des Peres, & des Conciles, sont remplis de cette doctrine. Que le Pape est Successeur de S. Pierre & Vicaire de Christ & Pasteur del'Eglise vniuersele. Et neantmoins, contre cette verité, auoient esté faits à Trente plusieurs conuenticules, & monopoles: nonobstant que l'Eglise ait en tout temps vsé de ces façons de parler, ainsi que sa Maiesté pouuoit voir ez passages, qu'il luy enuoyoit cotez au feuillet enclos. Et adiousta que tous les maux presens estoient procedez de ce, que les Legats, par trop d'esgard à oster les mauuaises langues tout suit de calomnie, & mesdisance contre la liberté du Concile auoient vsé de conniuece, auoient laissé vilipender leur autorité: dont on pouuoit dire avec verité, que le Concile estoit plustost licentieux que libre. Et quant à la Reformation, qu'il la desiroit luy-mesmes complecte, & rigoureuse: & qu'il auoit continuellement sollicité les Legats à la conclurre. Et qu'à l'esgard de sa Cour, tout le monde sçauoit les diuers & grands reiglemens qu'il y auoit faits, voire mesmes avec perte, & diminution de ses reuenus: & s'il y auoit encor quelque chose à adiouster, il promettoit qu'il ne l'omettroit pas: mais que cela ne se pouuoit pas bien faire à Trente: d'autant que ces Prelats, qui y estoient, n'estans pas bien informez en lieu de la reformer, la difformeroient beaucoup d'auantage. Que cependant il desiroit aussi de voir quelque reformation ez autres Cours, qui n'en auoient point moins de besoin, & parloient tousiours seulement des affaires de l'Eglise: en lieu que, peut estre, le mal naissoit principalement des abus d'icelles. Et, pour ce qui concernoit les demandes proposees, par les Ambassadeurs de sa Maiesté, & par les autres, il auoit tousiours escrit, qu'elles fussent examinées, & debatues chacune en son temps, & lieu: attendu que cet ordre auant desia esté ordonné & suiuy au Concile, de tout ensemblement determiner les matieres de foy, & reformer les abus concernans chacune d'icelles, on ne pourroit l'alterer sans confusion & indignité. Que sa Maiesté auoit bien couché diuers desordres du Concile, mais en auoit omis le principal, & la source de tous les autres: qui estoit, que ceux qui deuoient receuoir loy des Conciles. la leur vouloient donner. Que si on imitoit la pieté de Constantin, & les deux Theodoses, & ensuiuiot leurs exemples, le Concile seroit sans diuision entre les Peres, & de souueraine reputation & creance enuers tout le monde. Que pour luy son plus grand desir seroit bien d'assister en personne au Concile, pour remedier au peu d'ordre, qu'on y gardoit: mais que pour son aage, & pour autres affaires non moins impor-

tans, il luy estoit impossible d'aller à Trente : & que de le transférer en lieu où il püst aller, il s'en vouloit parler, de peur d'engendrer des soupçons.

Le Pape se douta bien, qu'il ne pourroit jamais joindre ses intérêts à ceux de l'Empereur & de la France ; & pourtant s'imagina, qu'il se pouvoit promettre peu de chose de ces Princes-là : attendu qu'ils ne pensoient au Concile, sinon en tant que les propres intérêts de leurs estats les presseroient, & que pourtant ils ne vouloient autre chose du Concile, que ce, qui pouvoit contenter leurs peuples : & en cas qu'ils ne le pussent obtenir, qu'ils prétendoient empêcher la closture du Concile, pour les entretenir toujours en esperance. Mais il consideroit que ces intérêts-là ne pouvoient agir sur le Roy d'Espagne, duquel les peuples sont Catholics : au moyen de quoy iceluy se peut conformer au vouloir du Pape, sans prejudice de ses estats : voir mesmes son aduantage est d'estre estreitement vny avec luy, pour obtenir des graces du Pape. Et partant il iugea nécessaire de le solliciter par continuel offices, & de luy donner esperance de tout contentement. Sur ces entrefaites arriva à Rome tout à point Louys d'Auila, enuoyé expressément par le Roy Catholic : auquel le Pape fit excessiues demonstrations d'honneur & de caresses : & le logea en son propre logis, és chambres d'habitation d'autrefois du Comte Frederich Borromee son neveu. Le suiet de son enuoy estoit, pour obtenir du Pape prolongation pour autres cinq années du subside qui luy auoit esté accordé sur le Clergé : & grace de pouuoir vendre à vingt-cinq mil escus de reuenue des vassalages des Eglises. Il auoit aussi charge de procurer dispense de mariage entre la Princesse, sœur du Roy, & Charles fils d'iceluy, sur laquelle on ne faisoit point de difficulté en Espagne : attendu que plusieurs, mesmes entre les personnes priuées, estoient dispensés de contracter mariage avec la fille du frere, ou de la sœur : lesquels mariages sont en pareil degré que celuy d'avec la sœur du pere : joint que, d'un mariage en ce degré estoient anciennement nez Moysé, & Aaron. A ces propositions le Pape respondit, Que quant au mariage, il s'offroit à tout ce, à quoy son autorité s'estendoit : & dit, qu'il en feroit consulter. Mais cette negotiation ne passa point plus outre, à cause d'une indisposition qui aduint à la Princesse, laquelle osta toute esperance de mariage. Quant au subside, & à l'alienation, le Pape monstra bien d'estre tout porté de volonté, mais qu'il y auoit de la difficulté en l'exécution, pendant que les Peres estoient à grands frais au Concile : mais il luy promit, que s'il luy aydoit à le terminer, & à l'en deliurer, il le gratifieroit. Quant aux choses du Concile, Don Louïs ez premieres audiences ne passa guerres auant : seulement il offrit de procurer la maintenance de l'autorité Papale : & exhorta le Pape à ne traicter de ligue aucune entre les Catholics, de peur que les heretiques n'en fissent une autre entr'eux : & que la France ne le portast à corps perdu à tout traicté avec les Huguenots.

En cet entre-temps plusieurs Assemblées se faisoient à Trente : & les Ambassadeurs Imperiaux assemblerent les Prelats Espagnols chez l'Archeuesque de Grenade, pour les induire à trouuer bon, que le Concile oüroyast l'vsage du Calice, ayans dessein de proposer de nouveau cette matiere. Mais ils les en trouuerent tant esloignez, qu'ils furent contraincts de mettre la chose sous silence. Le Cardinal de Lorraine tint aussi plusieurs Congregations avec les Prelats & Theologiens, pour verifier & examiner les passages enuoyés par le Pape à l'Empereur, au fucillet susmentionné, & reciproquement par l'Empereur au Pape, sur les paroles, *Vniuersalem Eccl. sicut*, pour voir, si ces passages estoient fidelement cortez, & si le droit sens leur estoit donné : afin d'en former puis apres un autre escript, en refutation de ce qu'il y a de faulx en ceuy-là. L'Empereur aussi de son costé ordonna, que les mesmes passages fussent communiquez aux Espagnols, pour enouyr leurs aduis : ce que l'Euesque des Cinq Eglises fit, tous les Prelats Espagnols ayans esté assemblez à cet effet. Mais l'Archeuesque de Grenade respondit, Qu'il n'estoit ia besoin que sa Maiesté fist ce deuoir enuers eux, qui receuoient le Concile de

Florence; mais qu'il le falloit faire enuers les François, qui receuoient ce-
 luy de Basse. Ce fait porta aucuns d'entr'eux, apres le depart de l'Euesque 1562
 des Cinq Eglises à traiter ensemble, d'escrire vne Lettre au Pape, pour ef-
 facer la finistre opinion qu'il pouuoit auoir conceue contr'eux sur ce sujet.
 Mais l'Archeueque de Grenades y opposa, disant, qu'il suffisoit que le Pa-
 pe conuist par leurs suffrages, qu'en cela ils n'estoient point contraires:
 mais que toutesfois il n'estoit pas raisonnable, qu'ils secondassent les adula-
 tions des Italiens. Et adiousta ces paroles formelles. Que le Pape nous ren-
 de ce qui nous appartient: car nous laissons bien à luy beaucoup plus qu'il ne
 luy appartient: & n'est de raison, que d'Euesques nous deuenions ses Vicai- *Residence*
 res. Vn autre iour les mesmes Imperiaux se trouuerent avec les François, *remise sus*
 pour auiser à faire coniointement instance, que le Decret de la Residence,
 ainsi qu'il auoit esté formé par le Cardinal de Lorraine, fust proposé. Mais ny
 eux, ny le Card. de Lorraine, ne le purent obtenir des Legats de Vvarmie, &
 Simonete: car Seripande, à cause de son indisposition, ne s'y trouuoit pas.

Il aduint, en la Congregation du dix-septième Mars, qu'un des Theolo-
 giens François, ayant trouué occasion de s'eschaper de la Contenance des
 Prestres à la Residence, s'estendit bien au long, & consuma tout son discours
 sur icelle. Il produisit autoritez, & exemples, pour prouuer qu'elle est de
 droit diuin: & pour respondre à cette obiection, qu'on trouue tant de Ca-
 nons, & de Decrets, qui la commandent; ce qui ne seroit point, si Dieu l'a-
 uoit commandée. Et se seruit de cette conception, Que le droit diuin est le
 fondement, ou la colonne de la Residence: & que le droit Canonique en est
 le bastiment, ou la voute: disant que comme le fondement estant ruyné, le
 bastiment tombe & comme quand la colonne est ostée, la voute tresbuche:
 de mesmes aussi, il est impossible de conseruer & maintenir inuiolable la Re-
 sidence, par le seul droit Canonique: & ceux, qui la veulent attribuer à ice-
 luy seul, n'ont autre vüee que de la destruire. Et allegua les exemples des
 temps passez, remarquant qu'auant qu'aucuns Canons & Decrets humains
 eussent esté faits, la Residence estoit exactement & religieusement obseruée
 de tous: d'autant que chacun s'y tenoit obligé de par Dieu. Mais dès qu'au-
 cuns se sont figurez de n'y auoir autre obligation, que par loy humaine, on a
 eu beau les renoueller de temps en temps, & les renforcer par peines, le
 tout eut reüssi en pis.

En ce mesme iour mourut le Cardinal Seripande, au grand regret de tous *mort du*
 les Prelats, & de toute la ville de Trente. Il auoit le matin receu le Saint *Cardinal*
 Sacrement de l'Eucharistie: lequel il vouloit prendre de genoux, & hors du *Seripande*
 lit: auquel depuis s'estant fait remettre, il fit, en la presence de cinq Prelats,
 des Secretaires de Venize, & de Florence, & de tous ses domestiques; vn dis-
 cours Latin, qui dura autant que luy dura le souffle, par lequel il fit confes-
 sion de foy, conforme en tout à la Catholique de l'Eglise Romaine, & parla
 des ceuures del'homme Chrestien, de la resurrection des morts, des affaires
 du Concile: le progresz & suite duquel, il recommanda aux Legats, & au
 Cardinal de Lorraine: & comme il entroit es particularitez des moyens, &
 procedures à tenir, il se sentit defaillir: & dit, que Dieu luy defendoit de
 passer plus outre, mais que luy mesmes parleroit en temps & lieu. Et tref-
 passa, sans dire plus vn seul mor.

Le Conte de Lune escriuit, de la Cour de l'Empereur, au Secrétaire *lettre du*
 Martin Gazdallun, & luy enuoya aussi copie d'une lettre, qui luy auoit es- *Roy d'Es-*
 crit le Roy, par laquelle il luy signifioit, que le Pape s'estoit plaint à luy des *paigne pour*
 Prelats Espagnols. Qu'il vouloit croire, que cela estoit aduenü, par défaut *induire*
 d'information au vray de sa Sainteté: & se persuadoit aussi que lesdits *ses Prelats*
 Prelats ne failloient point à se demonstrier de bonne deuotion enuers *à sauoiriser*
 le Saint Siege. Qu'en tout cas toutesfois il ordonnoit audit Conte, qu'estant
 arriué à Trente, il y tint la main, afin qu'iceux Prelats favorisassent les af-
 faires du Pape, leur conscience neantmoins sauue: & fût en sorte que Sa
 Sainteté n'eust suiet de plainte contre luy. Et ledit Conte escriuit en ce

mesme sens à l'Archeuesques de Grenade, & aux Euesques de Segouie, & de Leon.

2563

Le dix-huictième Mars, auquel à cause des funerailles du Card. Seripande, ne fut tenuë Congregation, les Ambassadeurs de France comparurent sollemnellement deuant les deux Legats, & firent plainte, Qu'en l'espace d'onze mois, d'onze mois, dès leur arriuée à Trente, ils auoient continuellement fait entendre les desolations de la France, & les dangers de la Chrestienté causés par les differends de Religion : & monstré, que le plus necessaire, & principal remede estoit vne bonne & entiere Reformation des mœurs, & quelque moderation des loix positives : sur quoy on leur auoit tousiours donné bonne esperance, & gratuites paroles, sans que pourtant ils en eussent iamais veu aucun effet. Qu'on fuyoit la Reformation, tant qu'on pouuoit. Que les Peres, pour la plus part, estoient plus que iamais durs & rigoureux, a ne relascher chose quelconque à la necessité du temps.

les Amb.
de France
se plaignent
aux Legats
& requie-
rent resur-
rection.

+ mouraient auant, puis
ils aient peu uenir à
une chose concludre
pour se bien porter

Et pour conclusion, les prioyent de considerer, combien de gens de bien publics, allegans pour exemple les Cardinaux de Mantouë, & Seripande. Et partant les exhortoient, qu'eux, qui auoient suruescu, exploitaient quelque chose pour l'acquit de leurs consciences, pendant qu'ils en auoient le temps. Les Legats respondirent, Que c'estoit bien à leur grand regret, que les choses alloient en longueur : mais que les accidens suruenus de la mort des Cardinaux de Mantouë, & Seripande, en estoient la cause. Qu'eux seuls ne pouuoient porter vn si grand fardeau : qu'ils les prioyent d'attendre les Cardinaux Moron, & Nauager, qui deuoient arriuer en bref. Ils acquiescerent à cette response, d'autans qu'aussi les Ambassadeurs Imperiaux firent instance, qu'on procedast lentement, attendant ce qu'auoient negocié les autres Ambassadeurs de l'Empereur à Rome, coniointement avec D. Louis d'Auila ; lesquels tous ensemble auoient fait instance au Pape, qu'au Concile, & non à Rome, fust faite vne vniuerselle Reformation de tout l'Eglise, en son Chef, & en ses membres : & que le Decret fust reuocqué, par lequel le droit de proposer au Concile estoit attribué aux seuls Legats : comme estant contraire à la liberté que doiuent auoir les Ambassadeurs & les Prelats, de pouuoir rechercher ce qu'ils iugent vtile, ceux-cy pour leurs Eglises, & ceux-là pour leurs estats : laquelle instance l'Empereur auoit trouué bon estre premierement faite au Pape, & puis au Concile.

les Legats
s'excusent
& les reu-
iennent à la
venue de
leurs Col-
legues :

Ambass.
de l'Em-
pereur &
de l'Espa-
gnol sont
des deman-
des au Pa-
pe, sur le
fait du
Concile,

Ces Princes n'estoient pastoutesfois d'accord en tout. Car quoy que D. Louys fist les mesmes demandes à part, il requit aussi puis apres le Pape, de persuader l'Empereur à se deporter de la demande du Calice, & du mariage des Prestres : disant, que le Roy, son Maistre, auoit baillé commission à son Ambassadeur, qui deuoit aller à Trente, de faire tout deuoir, afin qu'il ne s'en parlât point : & en cas qu'il en fust parlé, que les Prelats Espagnols s'y opposassent. Bien exhorta-il le Pape de procureur de gagner les heretiques par douceur, non par enuoy de Nonces, mais par le moyen de l'Empereur, & d'autres Princes d'autorité : & d'admettre les demandes des François, & de laisser le Concile en liberté, tellement que tous y pussent proposer & qu'ès resolutions ne fussent faites aucunes brigues ne pratiques. Le Pape respondit aux Ambassadeurs, que les termes du Decret, *Proponentibus legatis*,

le Pape
leur don-
ne des pa-
roles, en
commun,

seroit interpreté, en sorte, que chacun pouroit proposer ce qu'il voudroit : & qu'il auoit laissé en la liberté des Legats, qui estoient nouuellement allez au Concile, d'y resoudre tout ce qui escheroit, sans luy en escrire chose quelconque. Que la Reformation estoit par luy désirée, & qu'il en auoit souuent fait instance : & que, si le monde la vouloit prendre de Rome, elle auroit pieça esté faite, & mesmes executée : mais, puis qu'ils la vouloient de Trente, si elle ne s'exécutoit point, la cause n'en deuoit estre imputée qu'aux difficultez, qui se rencontroient entre les Peres. Qu'il desiroit la fin du Concile, & la procuroit & sollicitoit : sans auoir aucune pensée de le suspendre. Et que conformément à cecy, il escriroit aux Legats.

Comme

Comme de fait aussi, il leur escriuit, que cete clause du Decret, *proponenda* Legatis, auoit esté adioustée pour obuier à la confusion : mais pourtant, qu'il entendoit qu'ils n'empeschassent aucun des Prelats de proposer ce qui luy plairoit : & qu'ils expediasent les matieres selon les suffrages & voix des Peres, sans attendre autre instruction de Rome. Mais cete lettre ne fut que pour contenter, & non pour produire effects. Car le Cardinal Moron, qui estoit Chef des Legats, auoit les instructions à part, pour regler mesmes les commissions, qui viendroient de Rome.

Le Pape respondit en particulier à D. Louis d'Anila, qu'il auoit ouuert le Concile, sous la promesse que luy auoit faite Sa Maieité, qu'elle en prendroit la protection, & maintiendrait l'autorité du S. Siege : mais qu'il se trouuoit bien abusé ; car le plus grand heurt, & opposition luy venoit du costé des Prelats du Roy, lesquels, ensemble tout le Clergé d'Espagne, s'estoient rendus ennemis du Pape, pour l'oëroy du subside fait au Roy. *mais en priné ca- priné le Roy d'Espagne* Que il ne doutoit pourrant point de la bonne volonté du Roy : mais tout le mal venoit de ce que ny à Rome ; ny au Concile, il n'auoit enuoyé Ministres bien confidens, Qu'il estoit bien raisonnable, de laisser le Concile en liberté, & que nul ne le desiroit plus que luy : mais qu'aussi, il n'y pouuoit agreer la licence, ne qu'il fust asseruy à ces Princes, qui preschoient tant la liberté, & cependant vouloient commander. Que chacun luy faisoit instance de liberté au Concile : mais qu'il ne scauoit pas, si tous ceux-là auoient bien pensé de quelle consequence il seroit, de mettre la bride sur le col aux Prelats. Qu'il aduouoit bien qu'entr'eux il y en auoit aucuns excellens en prud'homme & prudence : mais qu'il y en auoit bien aussi, qui defailloient de l'une, ou de l'autre, ou de toutes deux, lesquels seroient tous grandement dangereux, s'ils n'estoient tenus en bride. Que, peut-estre, il y auoit moins d'interest, qu'à aucun autre : d'autant, qu'ayant fondement de son autorité sur les promesses de Dieu, il se fioit en icelles. Mais qu'il importoit beaucoup plus aux Princes d'y aduiser, pour les preiudices qui en pourroient naistre : & que, si les Prelats estoient mis en cete excessiue liberté, Sa Maieité Catholique s'en repentiroit, peut-estre, la premiere, & s'en trouueroit grandement marrie. Quant à la Reformation, que les empeschemens ne venoient point de luy : que, pour luy, il differeroit volontiers les demandes des Princes sur la Communion du Calice, & autres telles nouueautés, selon le desir de Sa Maieité : mais qu'il la prioit de considerer, que, comme elle ne s'accordoit pas aux Intentions des autres ; es points du Calice, & du mariage des Prestres ; de mesmes aussi il y en auoit qui faisoient instance, & s'opposoient aux siennes en toutes autres choses. Et pour conclusion, dit, qu'il estoit au pouuoir de Sa Maieité de voir vne brefue & vile fin du Concile, duquel si luy Pape estoit vne fois deliuré, le Roy se pouuoit promettre de luy toute faueur.

Le vingtième Mars, tous les Theologiens au Concile eurent acheué de parler sur tous les Articles du Mariage. Apres quoy, les Legats se reduisirent entr'eux, pour deliberer, s'ils deuoient proposer es Congregations des Peres la Doctrine & les Canons du Mariage. Mais, considerans que les François, & les Espagnols, s'y opposeroient, & qu'il en pourroit soudre de plus grandes controuerfes encor, que celles qui auoient esté iusques alors : & d'ailleurs aussi, que, s'ils vouloient proposer les abus tant seulement, ils donneroient tout à point occasion & prise aux Imperiaux, & aux François, d'entrer en la matiere de la Reformation ; ils estoient grandement perplexes. Il auroit esté bien expedient de tascher d'appointer quelcune des difficultés : & à cela enclinoit le Cardinal de Vvarmie. Mais Simoneze, tout au contraire, redoutoit, que, pour la foiblesse de son Colleague, il n'arriuaist quelque grand inconuenient, & preiudice : & attribuant la faueur de tous les desordres, aduenus au Concile, aux deux Legats decedés, lesquels, pour auoir procedé au fait de la Residence, plus selon leur propre sentiment, que selon le besoin de l'Eglise, auoient par le trop de bonté, causé vn si

M m m m

1563. grand mal ; il n'estoit pas d'aduis de se mettre en hazard d'en voir quelque plus grand encor ; & pourtant ne pouuoit condescendre, qu'on parlât d'aucune de ces difficultés. Finalement, ils conclurent entr'eux de surseoir tout traité, iusques à la venue des autres Legats. Et, apres cete resolution, le Cardinal de Lorraine delibera d'aller iusqu'à Venise pour se recréer, & alléger son esprit de la tristesse, qu'il auoit conceüe de la mort du grand Prieur son frere, qui auoit rafraischy la playe de la mort de l'autre.

sp. cistes: Les difficultés susdites estoient en nombre de six : l'une, sur le Decretia autresfois fait, Que les seuls Legats eussent le droit de proposer au Concile : la deuxième, sur la Residence, à sçauoir, si elle est de droit diuin : la troisième, sur l'institution des Euesques, à sçauoir, s'ils ont leur autorité immédiatement de Christ : la quatrième, sur l'autorité du Pape : la cinquième, sur la proposition d'adiouster vn Secrétaire au Concile, & de tenir conte fidèlement, & par le menu, des suffrages & opinions : la sixième, & la plus importante, sur la demande de la Reformation generale. Ie les ay bien voulu recapituler en cet endroit, tant pour représenter en bloc ce sur quoy on auoit tant ahanné iusques alors, que pour faire vne introduction au narré des travaux suiuaux.

les instances des Ambassadeurs & le propos du Cardinal de Lorraine, L'aduis, de l'instance faite à Rome au Pape, ne fut point nouveau à Trente. d'autant que les Ambassadeurs de l'Empereur, & de France, auoient auparavant publié, qu'il se feroit ainsi : afin d'auoir suiet puis apres de se tourner au Concile, pour luy faire coniointement les mesmes demandes. Et le Cardinal de Lorraine, coustumier de parler variablement, disoit, Que si on donnoit contentement à ces Princes, en proposant leurs demandes au fait de la Reformation, & faisant sur icelle vn bon establissement, sans toutesfois déroger en rien à l'autorité Papale, iceux seroient tout à l'instant cesser ces instances. Et adiuustoit à cela, que le Pape se pouoit aisément desmesurer de la Reformation, & venir à l'expedition du Concile ; s'il se laissoit clairement entendre, quels estoient les points, lesquels il ne vouloit qu'on traitast afin qu'on pust vacquer à l'expedition des autres. Qu'ainsi on assoupiroit les debats, qui estoient la cause des delais. D'autant, que quelques vns, qui se vouloient monstrier bien affectionnés partisans de Sa Sainteté, pre-supposans qu'une partie de ces demandes estoit preiudiciable au S. Siege, s'opposoient à toutes : & d'autres, à l'opposite, nioient qu'aucune d'icelles luy fust dommageable : dont par l'opposition des vns & des autres, l'affaire estoit porté en longueur : en lieu que, si Sa Sainteté se declaroit, les difficultés cesseroient. Les Ambassadeurs Imperiaux baillèrent copie de la lettre de l'Empereur, escripte au Pape, à plusieurs à Trente : dont les Legats aduiserent aussi de leur part, de faire courir la copie de celle, qu'ils auoient enuoyée pour réponse à l'Empereur, lors qu'il leur enuoya celle qu'il auoit escripte au Pape : laquelle estant conceüe & couchée selon les instructions de Rome, contenoit les mesmes sentimens, & conceptions que la lettre du Pape.

son responce le Pape à resoudre la Reformation des François : Le Pape, confrontant les propositions, qui luy estoient faites par tous les Ambassadeurs, avec les propos du Cardinal de Lorraine, qui luy estoient rapportés ; s'affermir de plus fort en son esprit, de ne condescendre aux propositions de Reformation, faites par les François. Et de vray aussi, tout homme de moyen entendement, non que le Pape, personnage de sens exquis, & fort versé en affaires, auroit aisément descouuert l'artifice, ourdy pour le tirer dans le filé, s'il n'y eust pris garde. Il consideroit, que de dire, qu'il se declarast, quelles estoient les demandes qu'il n'agreoit point, & qu'il laissast deliberer sur les autres, ne signifioit autre chose, sinon qu'il laissast faire la planche par les vnes, pour donner passage puis apres aux autres, qui seroient à son preiudice. Et qui estoit celuy, qui pust douter, que l'impenetration des premieres, ne fust, ie ne dit pas vn bout & terme, mais vn degré pour passer là où on butoit ? Et que la relaxation des ordonnances Ecclesiastiques touchant les ceremonies, comme de la Communion du Calice,

du Celibat des Prêtres, de l'usage de la langue Latine, quoy que de prime face elle ne semblaist deroger en rien à l'autorité Papale; ne causast la prompte & totale destruction & renuersement des fondemens de l'Eglise Romaine: Il consideroit qu'il y a des choses, qui d'abord semblent pouuoir estre admises sans diminution del'autorité, lesquelles l'homme prudent, qui doit prendre garde, non tant aux commencemens, qu'aux issus des choses, doit rabatre de bonne heure, pour leurs consequences inuitables. Pour ces causes donc, il se resolut de ne ceder à ces premieres demarches: & pensant & repensant quels remedes il pourroit employer, il retourna à ses premieres erres, que le Roy d'Espagne n'auoit ny interest, ny affection particuliere, en la poursuite des instances, qui auoient esté faites: mais que l'Empereur, & les François, y estoient fort bandés, esperans de contenter leurs peuples, & d'appaiser leurs discordes ciuiles par ce moyen: mais que, si on leur pouuoit faire comprendre, que les heretiques inculquoient la Reformation, pour auoir vn pretexte de se tenir separees de l'Eglise, mais qu'ores qu'elle fust faite en toute perfection, ils ne se reduiroient iamais; ils se deporteroient de leurs instances, & laisseroient terminer paisiblement le Concile. Partant il se tourna tout entier à essayer de surmonter les difficultés par cete voye: & ayant bien diligemment consideré toutes choses, il crut, qu'il estoit plus aisé de persuader l'Empereur, lequel auoit le pouuoir de deliberer de soy-mesme tout seul; & estoit de plus aisé, & meilleur naturel, esloigné des artifices, & non gésné par aucune necessité de guerre: en lieu qu'en France, le Roy estant enfant, & ceux qui gouernoient l'estat en grand nombre, pleins d'artifices & d'interests, il estoit bien mal-aisé de pouuoir faire aucun fruit. Il prit donc ce party, & ordonna que le Cardinal Moron, auant que donner commencement aux affaires du Concile, allast vers l'Empereur pour cet effect. Et se ressouenant de ce, que le Cardinal de Lorraine auoit dit de quelque pensée del'Empereur d'aller à Bologne, pour receuoir la couronne, il delibera de sonder là dessus ledit Cardinal, pour voir s'il le pouuoit induire à en estre le moyenneur, pour transferer par mesme moyen le Concile en icelle ville. Et bailla charge à l'Euesque de Ventimile, de s'insinuer à luy, & de tascher del'induire à moyenner cet affaire. Et, pour luy donner quelque entrée, il fit que le Cardinal Borromée luy bailla la charge de se condouloir avec luy de la mort du grand Prieur, son frere. Mais, cete commission estant arriüee apres le depart du Cardinal, qui alloit à Padouë, l'Euesque communiqua le fait au Cardinal Simonete, & conclurent entr'eux, que l'importance de l'affaire ne permettoit aucun delay, ne d'en traiter autrement que bouche à bouche. Et partant ledit Euesque se resolut d'aller apres le Cardinal, sous couleur de visiter à Padouë vn sien neueu grieuement malade. Estant arriüé, il visita le Cardinal, & luy presenta les lettres du Cardinal Borromée, & fit l'office de la condoléance: ne faisant point de semblant d'auoir à traiter vn si grand affaire, avec luy. Mais, estans entrés en discours, le Cardinal luy demanda ce qu'il y auoit de nouueau à Trente, dés son depart: & s'il estoit vray, que le Cardinal Moron düst aller trouuer l'Empereur, comme le bruit en estoit. Apres plusieurs deuis del'un & del'autre, l'Euesque luy ramentut, que Sa Seigneurie Illustrissime luy auoit autresfois dit à Trente, que si le Pape se vouloit transporter à Bologne l'Empereur y iroit, ce qui porteroit occasion de faire le couronnement, en la possession duquel Sa Sainteté auoit grand interest de se maintenir, attendu que l'Allemagne le luy quereloit. Le Cardinal asscura cela mesmes de nouueau: & là dessus l'Euesque luy dit, Qu'en ce temps-là il en auoit donné aduis au Pape, & qu'à present il en auoit receu response: de laquelle il recueilleoit, qu'il se presentoit à Sa Seigneurie Illustrissime vne tres-belle occasion de porter vn grand benefice à l'Eglise de Dieu, en s'employant à l'execution d'un si beau & vile dessein. Car, en cas qu'il disposast l'Empereur à aller à Bologne, & quant & quant à y appeller le Concile, il pouuoit tenir pour tout assuré, que Sa Sainteté se resoudroit

1563. aussi d'y aller: au moyen dequoy, avec l'assistance du Pape, & de l'Empereur; les affaires du Concile pourroient auoir prompte & heureuse issue. Et sur ce, que le Cardinal de Lorraine monstra de desirer de voir ce qui luy estoit escript, l'Euesque, feignant de proceder avec luy en toute franchise, luy monstra les lettres du Cardinal Borromee, & vn billet de Ptolemee Gallo, Secrétaire du Pape, sur le mesme sujet:

*mais il le
trouue si
conueni-
variable,
qu'il n'y
peut assés
aucun es-
sein,*

Le Cardinal, ayant tout lu, respondit, que, quand il seroit de retour à Trente, il esclaireiroit de plus pres quelle estoit la pensée de l'Empereur, & ce que le Pape luy auoit respondu: dont il pourroit prendre resolution, & ne faudroit à s'y employer, si besoin estoit. L'Euesque luy repliqua, qu'il pou- uoit clairement comprendre l'intention de Sa Sainteté, par les lettres qu'il luy auoit monstrees, & n'estoit besoin d'en attendre aucun plus grand esclairecissement. Mais le Cardinal se glissa en d'autres propos, & ne fut iamais possible à l'Euesque, quoy que souuent il retournaît à la mesme touche, de tirer de luy autre response en substance. Bien luy dit-il, qu'il auoit parlé du voyage de l'Empereur à Bologne, à cause de la bonne intention, que le Pape donnoit à l'Empereur touchant la Reformation. Mais puis que par vn si long espace de temps on auoit veu, que, quoy que Sa Sainteté promist beaucoup, & mesmes plus qu'on ne requeroit, rien n'en estoit pourtant effectué au Concile; l'Empereur, & les autres Princes auoient pris cete creance, que veritablement Sa Sainteté n'auoit iamais affecté la Reformation: car autrement, les Legats n'auroient point failly d'exécuter sa volonté. Et de plus il dit, que l'Empereur estoit malcontent: d'autant que le Pape, ayant au mois de Ianuier prochainement passé, monstté quelque intention de vouloir aller à Bologne, il s'en estoit tout aussi-tost refroidy. Et que quand l'Empereur auoit touché de vouloir entreuenir au Concile, le Pape auoit fait tout deuoir pour le diuertir de cete pensée. Et, vsant de son ordinaire variété de langage, il dit de plus, que l'Empereur ne se resoudroit iamais d'aller à Bologne, pour ne faire chose desagreable aux Princes, lesquels pourroient douter, que, quand il seroit là, Sa Sainteté voudroit gouverner toutes choses à sa discretion, & terminer le Concile à son bon plaisir, sans faire la Reformation. Il declara aussi, qu'il auoit aduis de l'instance de la reformation faite par D. Louïs d'Auila, au nom du Roy Catholique: monstrant grand contentement de ces nouuelles: & passant aux particularités, il adiouta, qu'il estoit necessaire de faire la reformation des l'Alpha iusques à l'Omega: & que ce seroit tres-bien fait d'oster du Concile iusques à cinquante Euesques, lesquels tousiours s'opposioient à toutes bonnes resolutions. Il dit aussi, que par le passé il auoit cru qu'il y eust plus d'abus en France. qu'en autres lieux: mais que depuis il auoit reconu, qu'en Italie il y auoit aussi beaucoup à redire. Qu'on y voyoit des Eglises, possédées par des Cardinaux, lesquels n'ayans autre but, que d'en tirer les reuenus, les laissoient à l'abandon; remettans le soin & la charge d'icelles à quelque pauvre Prestre: dont naissoient les ruines des Eglises, les Simonies, & autres infinis desordres: au remede desquels les Princes, & leurs Officiers, s'estoient tousiours portés avec beaucoup de retenue, croyans qu'vne fois en fin on feroit la tant desirée Reformation. Et que luy mesme auoit precedé avec toute sorte de respect: mais que, voyant, qu'il estoit mesuy temps de proceder en liberté, pour l'honneur & le seruice de Dieu, il ne vouloit plus garder sa conscience chargée: mais estoit resolu de parler de cela, la premiere fois qu'il luy escheiroit d'opiner. Que sa maison auoit beaucoup souffert, comme chacun pouuoit scauoir, pour la maintenance de la Religion, & pour le seruice de Dieu; y ayant perdu deux siens freres. Que, pour luy, il vouloit se perdre en la mesme cause, quoy que non par la voye des armes, comme eux. Que Sa Sainteté ne deuoit presier l'oreille à ceux, qui taschoient de la diuertir de ses saintes intentions, & mouuemens: ains se resoudre à acquerir merite enuers Dieu, en ostant les abus de l'Eglise. Il dit d'auantage, qu'à la venue des nouueaux Legats, bien informés des intentions de Sa Sainteté, on pourroit clairement reconoistre

le fonds de la pensée du Pape touchant la Reformation: & que lors que toute excuse se rois ostée de la plus retarder. Et nonobstant que l'Euesque de Ventimile le remist souvent sur le propos du voyage de Bologne, il s'en eschappa tousiours, & diuertit le discours ailleurs. L'Euesque de Ventimile donna aduis de tout à Rome, y adionstant aussi son iugement, qui estoit, Que, nonobstant toutes les intentions qu'eust autresfois donné le Cardinal de ce voyage de Bologne, il en auoit le cœur fort esloigné: & l'auoit dit à dessein, pour desrouvrir l'intention de Sa Sainteté, & de la Cour de Rome: & qu'il estoit bon del'auoir descouuert en ce temps: car, s'il eust dit de s'y vouloir employer, il eust pu porter l'affaire en longueur, & faire naistre diuers accidens prejudiciables.

Il vint en ce temps nouvelle à Rome, que le Roy de France auoit fait *nouvelle* paix avec les Huguenots, sans qu'on en fust encor les particularités. L'opinion fut, que cete paix auoit esté brassée par quelques Prelats, qui ne s'estoient point de vray déclarés Protestans, mais ne laissoient pas pourtant d'en suivre le party, dont le Pape delibera de les descouvrir: ayant accoustumé de dire, Qu'il receuoit plus de dommage des heretiques masqués, que des manifestes. Et pour ce faire tint Consistoire le trente-vnième Mars, auquel il fit premierement lire la lettre, que luy auoit escript l'Empereur, ensemble la response qu'il luy auoit rendue. Et de là il passa à reciter les confusions de France: sur quoy il dit, Que le Cardinal de Chastillon, ayant quitte le nom d'Euesque de Beauuais, pour prendre celuy de Conte de Beauuais, s'estoit déclaré soy-mesmes priué & decheu du Chapeau de Cardinal. Qu'à luy, & à l'Archeuesque d'Aix, & à l'Euesque de Valence, & à quelques autres, deuoient estre attribués & imputés tous les desordres de France. Que ces choses estoient bien notoires, & n'auoient besoin de plus grande clairté, pour en venir à vne sentence definitive. Que toutesfois il ordonnoit que les Cardinaux, commis sur l'Inquisition, procedassent par enquestes, informations, & autres fornies ordinaires, contr'eux. Le Cardinal de Pise respondit, Qu'il y auoit besoin en cela d'un special pouuoir. Partant, le Pape commanda qu'il en fust fait vne Bulle, laquelle fut datée du septième Avril, & contenoit en substance, Que le Pape de Rome est Vicaire de Christ, auquel iceluy à recommandé de paistre ses brebis, de surueiller à la reduction des desuoyés, & de reprimer, par la crainte des peines temporelles, ceux qui sont incorrigibles par admonitions: laquelle charge dès le commencement de son assomption, il auoit tousiours accomplie de son pouuoir. Mais, nonobstant toutes ses diligences, il y auoit quelques Euesques, qui estoient tombés en erreurs d'heresie, & mesmes fauorisoient les autres heretiques, en impugnant la foy. A quoy voulant pouruoir, il commandoit aux Inquisiteurs generaux de Rome, auxquels autresfois il auoit donné la mesme commission, de proceder contre ceux qui estoient tels, quoy qu'Euesques, & Cardinaux, habitans es lieux, esquels la Secte Luthérienne est puissante: & leur donnoit pouuoir de les citer par Edit à Rome, ou es confins des terres de l'Eglise, à comparoir personnellement: & à défaut de ce; de passer outre iusques à sentence, laquelle il prononceroit en Consistoire secret. Les Cardinaux, en execution du commandement du Pape, citerent par Edit à comparoir personnellement à Rome, pour se purger du crime d'heresie, & de fauteurs d'heretiques, Odet Cardinal de Chastillon; Saint Romain, Archeuesque d'Aix; Jean de Monluc, Euesque de Valence; Jean Antoine Caracciolo, Neapolitain, Euesque de Troyes; Jean de Brabançon, Euesque de Pamiers; & Charles Gilar, Euesque de Chartres.

Pour retourner à Trente, l'absence du Cardinal de Lorraine, & l'attente de la venue des nouveaux Legats, & l'opinion qu'on auoit de quelque changement de style & procedure au Concile, ensemble les iours de la Passion, & de Pasques prochain, donnerent vn peu de respit des negotiations. Le grand Vendredy, le Cardinal Madruce fut de retour, pour faire honneur

au Legat Moron, lequel on attendoit de iour à autre: comme de faict arriua le Samedy Saint, sur le tard, & fit son entrée Pontificalement, sous le poile, les Legats, Ambassadeurs, & Peres du Concile, ensemble le Clergé de la ville luy estant allé au deuant: & fut en cete sorte conduit en l'Eglise Cathedrale, là où furent faites les ceremonies accoustumées en la reception des Legats. Le lendemain, qui fut le iour de Pasques, il chanta Messe solennelle en la Chapelle. Et ce mesme iour arriua le Conte de Lune, plusieurs Prelats, & les Ambassadeurs luy estans allés au deuant. Et entra dans la ville au milieu des Ambassadeurs de l'Empereur, & de France, avec beaucoup de signes & demonstrations d'amitié. Ceux de France le visiterent, & luy dirent, Qu'ils auoient commission du Roy & de la Roine, de luy communiquer tous leurs affaires: & s'offrirent de s'employer avec luy en tout ce qui escheroit pour le seruice du Roy Catholic, son Maistre. Il leur respondit, Qu'il auoit aussi la mesme charge de leur communiquer sa negotiation, & qu'il entretiendroit bonne correspondance avec eux. De là il visita les Legats, auxquels il usa de paroles fort amiables, & leur fit de grands offres en general.

Le treizieme Auil fut tenue Congregation, pour receuoir le Cardinal Moron: & en icelle, apres que le Bref de la Legation eust esté lu, il fit vne harangue belle, & fort à propos: & dit en icelle, Que les guerres, les seditions, & autres calamités presentes, & pendantes sur l'Eglise, cause de ses pechés cesseroient, quand on auroit trouué le moyen d'appaiser l'ire de Dieu, & de reestablir l'ancienne pureté. Qu'à cet effet le Pape, par vn tres-sage conseil, auoit conuqué le Concile, auquel estoient presens deux Cardinaux; Princes illustres en noblesse, & vertu: les Ambassadeurs de l'Empereur, & de tant de grands Rois, Villes libres, Princes & Nations: & Prelats excellens en sçauoir, & prud'homme; & Theologiens tres-sçauans. Qu'en la poursuite d'iceulx estans morts les Cardinaux de Mantoué, & Seripande, le Pape l'auoit substitué en leur place luy adioignant le Cardinal Nauagier. Qu'il auoit instamment refusé cete charge, reconnoissant bien la pesanteur du fardeau, & la foiblesse de ses forces. Mais, que la necessité de l'obeissance auoit vaincu la crainte. Qu'il auoit commandement, dès aussi-tost qu'il seroit arriué, d'aller vers l'Empereur, là où il ne deuoit faire long sejour; ains s'en retourner promptement, pour traiter, en compagnie des autres Legats, avec les Peres, ce qui estoit pour le salut des peuples, pour la splendeur de l'Eglise, & pour la gloire de Christ. Qu'il portoit avec soy deux choses: la premiere, Vne tres-bonne & droite volonté du Pape, à faire, que la Doctrine de la foy fust affermie, que les mœurs fussent amendés & reformés, qu'il fust pourueu aux necessités des provinces & estars; & que la paix & l'union fust establie, voire mesmes avec les Aduersaires: entant que faire le pourroit, la pieté, & la dignité du S. Siege sauue: l'autre, Sa propre inclination & promptitude à exercer les commandemens de Sa Sainteté. Et prioit les Peres, de quitter les debats, & les discordes, dont la Chrestienté prenoit grande matiere d'offense, & de scandale, & de se deporter des questions inutiles, pour traiter serieusement des choses necessaires.

Le Conte de Lune alloit faisant office avec tous les Prelats, Vassaux de son propos du Roy, Espagnols & Italiens, ou beneficiés en ses Estats: les exhortant, au nom de Sa Maiesté, à estre bien vnis ensemble au seruice de Dieu, & à porter reuerence au Siege Apostolic, & à ne s'outrager point: Disant, qu'il auoit commission d'informer le Roy particulierement de la procedure d'vn chacun: & promettant que Sa Maiesté agreeroit singulierement ceux, qui en cela fuiuroient son desir: lequel n'estoit point pourtant, qu'ils dissent chose quelconque contre leur conscience. Et parloit en sorte, que chacun comprenoit bien, que ces dernières paroles estoient dites serieusement, & que les premieres n'estoient que termes de ceremonie.

Le Cardinal Moron auoit bien desiré, auant son depart vers l'Empereur, de voir le Cardinal de Lorraine: lequel, de son costé, differoit son re-

tour, pour n'auoir occasion de s'aboucher avec luy. Car, ayant parlé à Vn-
 hie avec le Cardinal Nauagier, & descouuert vne bonne partie des instru-
 ctions du Pape, il falloit fuir l'occasion, que Moron, en luy communiquant, 1563.
vatiouuer
l'Empe-
reur pour
le ployer
aux inti-
tions du
Pape sur
le fait du
Concile:
 ou tout, ou partie, de ce qu'il deuoit traiter avec l'Empereur, ne l'engageast
 en quelque obligation. Partant Moron partit le seizième Aueil : disant, de
 n'auoir autre charge, que de iustifier la bonne intention du Pape, à faire que
 le Concile fust continué, & qu'on vint à vne entière reformation de l'Eglise,
 sans aucune exception. Mais on sçauoit trop mieux les autres commissions
 qu'il auoit, tendantes à distraire l'Empereur de la pensée d'aller à Trente,
 & à le rendre capable, que sa présence y porteroit plusieurs empeschemens
 à la Reformation : & à exécuter le Pape, de ce qu'il ne pouuoit aller en per-
 sonne au Concile : & à prier l'Empereur, qu'il en acceleraist l'expédition &
 la fin : & à luy proposer, pour vnique moyen, la translation d'iceluy à Bolo-
 gne, là où Sa Maesté se pourroit trouuer avec le Pape ; & par vn mesme
 moyen, receuoir, en vne si celebre assemblée, la couronne de l'Empire :
 faueur telle, qu'il n'est memoire qu'aucun Empereur en ait onc receu de
 pareille. Il auoit aussi charge, de le prier de maintenir l'autorité du Siege
 Apostolic, contre tant de machinations, qui se faisoient pour la raualer,
 voire meismes aueantir tout à fait : & de faire en sorte que la Reformation
 de la Cour de Rome ne se fist point à Trente, ains par le Pape mesmes : &
 qu'on ne traitast nullement d'entrer en reuision des choses déterminées sous
 les Papes Paul, & Iules, au mesme Concile : & que Sa Maesté trouuast bon
 que les Decrets du Concile fussent faits à la proposition des seuls Legats : à
 tel si toutesfois, qu'ils feroient premierement part de tout aux Ambassa-
 deurs de Sa Maesté, & des autres Princes, & au roient leur consentement. Il
 auoit aussi charge, de donner esperance à l'Empereur, que le Pape luy accor-
 deroit à part tout ce qu'il sçauoit demander pour ses peuples : & de le dis-
 traire de toute intelligence avec le Roy de France au fait du Concile : luy
 remonstrant que, comme l'estat des affaires au Royaume de France, & en
 Allemagne, n'estoit point le mesme : aussi le but, & les conseils de l'vn & de
 l'autre deuoient estre diuers & differents. Les Legats, qui demeurèrent à
 Trente, donnoient fort aisément congé de departir aux Prelats :
 & sur tout, à ceux qui tenoient l'Institution des Euesques, & la Residence,
 estre de droit diuin.

Le vingtième Aueil, le Cardinal de Lorraine retourna : & les Ambassadeurs le Cardi-
nal de Lor-
raine re-
tourne à
Trente à
uecla nou-
uelle de la
paix d'Or-
léans, dont
les causes,
& les con-
ditions sont
descries :
 del'Empereur, de Pologne, & de Sauoye, luy allerent au deuant. Et le mes-
 me iour arriua la nouuelle de la paix faite en France avec les Huguenots, la
 quelle de vray fut aduantageuse aux Catholics. Car, apres la bataille de
 Dreux, dont il a esté parlé cy-dessus, les affaires des deux partis furent fort
 balancées, iusques à la mort du Duc de Guise : apres laquelle, l'Admiral as-
 saillit, & prit le chasteau de Caen, avec tant de perte du costé des Catholics, paix d'Or-
léans, dont
les causes,
& les con-
ditions sont
descries :
 & tant de reputation pour l'Admiral, qu'il fut résolu, au Conseil du Roy, de
 conclurre le traité de paix, lequel depuis, la bataille auoit tousiours esté en-
 tretenu. Le septième Mars fut fait vn pour parler sur ee suiet, auquel furent
 amenés le Prince de Condé, & le Connétable prisonniers, lesquels mesmes
 furent relaschés sur leur foy, pour conclurre les conditions. Septante-deux
 Ministres des Eglises reformées se trouuerent ensemble, & résolurent de
 ne consentir à aucun accord, sauf sous le benefice de l'Edit de Ianuier, sans
 exception, ne condition : & meismes avec ce surcroist, que leur Religion ne
 fust plus appelée nouvelle : & que les enfans, baptisés par eux, ne fussent
 point rebaptisés : & que leurs mariages, & les enfans qui en naistroient, fus-
 sent tenus pour legitimes. Iceux demeurans fermes sans en rien vouloir
 relascher, le Prince de Condé, & la Noblesse, lassés de la guerre, conclu-
 rent l'accord, sans y appeller plus les Ministres. Les Articles, pour le fait
 de la Religion, furent, Qu'es lieux, esquels les Gentils-hommes Hugue-
 nots auoient haute iustice, appellés siefs de haubert, ils pussent viure en leurs
 maisons en liberté de conscience, & avec l'exercice de la Religion reformée

ensemble leurs domestiques, & suiets. Qu'és autres siefs, mouuans, non d'autres Seigneurs de haute iustice, mais du Roy immédiatement, les Gentilshommes pussent iouir du mesme droit en leurs maisons, pour eux, & pour leurs domestiques tant seulement. Qu'en chaque ville de Bailliage és faubourgs il y eust quelque lieu assigné pour l'exercice de ladite Religion, pour tous ceux du ressort. Que chacun en sa maison pust viure en liberté sans estre recherché, ne moleste pour la conscience. Qu'en toutes les villes, esquelles il y auoit eu exercice de ladite Religion iusques au septième Mars, iceluy fust continué en vn ou deux lieux de chaque ville: mais qu'il ne leur fust permis d'occuper les Eglises Catholiques: ains que les Ecclesiastiques fussent remis en toutes celles, qui auoient esté occupées, sans toutesfois pretendre chose quelconque pour les demolitions faites. Qu'en la ville, & Preuosté de Paris, il n'y eust aucun exercice de ladite Religion: mais bien, que ceux, qui y auoient maisons & biens, y pussent retourner, & iouir de leurs biens sans estre molestés ne recherchés du passé, ny à l'aduenir pour leur conscience. Que tous retournaissent à leurs biens, honneurs, & charges, nonobstant toutes sentences au contraire, & executions d'icelles, depuis la mort de Henry deuxième iusques alors. Qu'il fust dit & déclaré, que tout ce que le Prince de Condé, & ceux qui l'auoient suiuy, auoient fait, auoit esté fait à bonne fin, & pour le seruice du Roy. Que tous prisonniers de guerre, ou de iustice pour cause de Religion, fussent ellargis, sans payer. Qu'une amnestie & oubliance de toutes choses passées fust publiée, & fust defendu à tous de s'outrager, & prouoquer l'un l'autre: & de debatre & quereler ensemble pour cause de Religion: mais que tous eussent à viure en freres, amis, & bons compatriotes. Cet accord fut fait & passé le douzième Mars, au mescontentement de l'Admiral, lequel disoit, Que leurs affaires n'estoient point en estat de composer sous conditions tant des-auantageuses. Que dès le beau commencement de la guerre, il leur auoit esté offert de faire la paix sous le benefice de l'Edit de Iauuier: & alors, qu'il falloit obtenir plus grands aduantages, on les diminuoit. Que d'ordonner qu'en chaque ville de Bailliage il n'y eust qu'un seul lieu pour l'exercice de la Religion, n'estoit autre qu'oster à Dieu le total, pour le faire contenter d'une partie. Mais la commune inclination de toute l'aroblesse le contraignit d'acquiescer. Le Roy despescha ses lettres Royaux sur ces conditions, en date du dix-neufuiesme du mesme mois: par lesquelles il disoit, Que, dès quelques années, il auoit plu à Dieu de permettre que le Royaume fust affligé de troubles pour cause de Religion, & de scrupules de consciences, dont en fin on estoit venu aux armes, avec infinis meurtres, saccagemens de villes, & ruines d'Eglises: mais que, le mal continuant, il auoit trouué par experience, que la guerre n'estoit pas le vray remede à cete maladie: & pourtant, qu'il auoit aduisé de reünir ses suiets en vne bonne paix: avec esperance, que le temps, & l'effet d'un saint, & libre, General, ou National Concile, apporteroient quelque bon & ferme ordre & establissement aux affaires. Que cependant il vouloit que ces conditions du traité, fait avec ses suiets de la Religion pretendue reformée, fussent inuiolablement gardées. Et en cet endroit estoient inserés les Articles concernant les affaires de la Religion, outre les autres, regardans les affaires d'Estat. Ces lettres furent lues, publiées, & enregistrees en la Cour de Parlement: & puis proclamées à cri public en la ville de Paris, le vingt-septième du mesme mois.

*Et icelle
est syndi-
quée par
les Prelats*

Ce traité fut blasmé au Concile par la plus grande partie des Prelats, qui disoient, Que c'estoit preferer les choses mondaines à celles de Dieu: ains, que c'estoit ruiner les vnes & les autres tout ensemble: car le fondement de la Religion estant sappé en un estat, il faut de necessité, que le temporel tresbuche en confusion & desolation. Qu'on en auoit veu l'exemple, en l'Edit de pacification precedent, lequel n'auoit point porté de paix ne de tranquillité à l'Estat, comme on esperoit: ains vne guerre pire qu'auparuant. Et y auoit mesmes entre les Prelats de ceux qui disoient, Que le Roy, &

son

son Conseil, estoient encourus en l'excommunication, & interdit, porté par tant de Decretales, & Bulles, pour auoir donné la paix aux heretiques. Et que pour cete cause, il ne falloit point esperer, que les affaires de ce Royaume pussent iamais prosperer, veu qu'il y auoit vne si manifeste rebellion contre le Siege Apostolic, iusques à tant, que le Roy, & son Conseil, ne se fussent faits absoudre des Censures, & ne vinsent à persecuter les heretiques à outrance, & de toutes leurs forces. Quelques François maintenoient bien au contraire, Que les calamités, ia par si long-temps continuellement supportées par la France, & le danger eminent de la ruine du Royaume, iustificoyent assez ce traité, contre les obiections de ceux, qui ne regardoyent qu'à leurs interets, & ne consideroyent point la necessité, à laquelle le Roi se trouuoit reduit, & laquelle rompt toutes loix: lesquelles doiuent toutes ceder à celle de Romulus, Que le salut de la Republique est la souueraine loi par dessus toutes. Ces raisons estoient de peu de poids, & l'Edit du Roi estoit blasmé, sur tout pour la preface, qui portoit, Qu'il y auoit esperance, que le temps, & l'effet d'un libre & saint, ou General ou National Concile, apporteroient l'establissement du repos public: ce qu'ils prenoient à iniure contre le Concile General, Comme estant mis en alternatiue avec vn National. Ioint que les Cardinaux de Bourbon, & de Guise, y estoient nommés entre les auteurs & chefs de ce conseil de faire la paix: ce qu'aussi ils disoyent estre avec grand outrage contre le Siege Apostolic.

Il y eut aussi vn peu d'esmotions interieure au dedans du Concile, qui donna beaucoup à parler, quoi que la cause en fust legere. Frere Pierre de Soto, Iacopin Espagnol, mourut en ce temps-là à Trente: & trois iours auant sa mort, il dicta & signa vne lettre, laquelle il vouloit estre enuoyée au Pape, en laquelle, en forme de confession, il declaroit sa pensee sur les points qui estoient contentieux au Concile: & particulièrement exhortoit le Pape à condescendre, que la Residence, & l'Institution des Euesques, fussent dites & declaree estre de droit diuin. La lettre fut enuoyee au Pape: mais copie en fut gardee par vn autre Moine Louis Soto, qui demouroit avec ledit Pierre. Icelui cuidant honorer la memoire de son compagnon, se mit à en semer des copies: dont diuers iugemens estoient faits car les vns estoient esmus de l'action d'un Docteur de tresbonne vie, & proche de la mort: autres disoyent, que cela n'auoit point esté fait du propre mouuement du Pere Soto, mais à la suscitation de l'Archeuesque de Bragance. Le Cardinal Simonete fit tout deuoir de ramasser toutes ces copies, qui en courroyent: mais cela ne fit que redoubler la curiosité, & les fit publier d'autant plus, en sorte qu'elles coururent par les mains de tous. Et est chose certaine, que par cete accident les defenseurs de ses opinions prirent beaucoup plus de courage. Les Espagnols s'assembloient souuent chez le Comte de Lune: & là l'Archeuesque de Grenade l'informant des choses passées, & presentes du Concile, tout à point les Euesques de Liria, & de Patti, Espagnols, s'estans retirés, dit. Ceux-cy sont des perdus, lesquels comme bestes, se laissent mettre la charge sur le dos, & mener au bon plaisir & gré d'autrui, ne seruans que de nombre. Et là dessus adiousta, Que si es resolutions des affaires, il falloit se tenir au nombre des voix, comme il auoit esté fait iusques alors; on ne pouuoit esperer grand fruit: & pourtant, qu'il estoit necessaire que les affaires fussent traitées par Nations. A quoy le Comte respondit, Qu'il falloit pouruoir à cela, & à plusieurs autres choses: commençant par la reuocation du Decret, que les seuls Legats pussent proposer; & par l'establissement de la liberté du Concile: desquelles choses aussi il auoit speciale commission du Roy. D'autant que ces choses-là estoient bien ordonnées, il seroit bien aisé de pouruoir au demeurant. Les Legats, & les autres partisans du Pape, auoient du desplaisir, de voir, que les Prelats Espagnols, leurs contraires n'abandonnoient iamais le Comte. Et comme il aduint ordinairement, que là: où il y a factions contraires, si quel-

1563.

cun y arrive de nouveau, chacun espere de le gaigner, & de le retenir à son parti ; iceux aussi procurerent de luy mettre aux costés des prelatz, suiets du Roy, lesquels ils appelloient bien affectionnés, à cause qu'ils s'entendoyent avec eux, pour faire de bons offices : & comme ils disoyent, pour le desabufer, & lui faire conoistre la verité. A cela mesmes ils employerent aussi l'Ambassadeur de Portugal, lequel auoit beaucoup d'occasions de parler souuent avec lui, pource que les interets de ces deux Rois, es choses Ecclesiastiques, estoient quasi les mesmes & lui, pour les obligations, qu'il auoit au Pape, faisoit, avec vne singuliere d'exterité couler es oreilles du Comte ce qui lui estoit suggeré par les Ministres du Pape, en faueur de la Cour de Rome.

*declaratio
de prolonger le iour
de la session
contredite par le
Cardinal
de Lorraine.*

Le vintdeuxième Aueil, iour destiné à la Session, approchant, le iour precedent fut tenue Congregation, pour deliberer de la prolonger : & les deux Legats proposerent la prolongation iusques au troisieme iour. Mais le Cardinal de Lorraine fut de contraire aduis : & dit, Que c'estoit vn grand scandale à toute la Chrestienté, d'auoir tant de fois proionge cete Session, sans l'auoir iamais tenuë : qu'icelui s'accroistroit encor d'auantage, si on l'assignoit derechef à vn certain iour, au delà duquel il la falust encor dilayer. Et pourtant, voyant que, de tant de choses qui auoyent esté proposees, & traitees, tant sur la matiere de la Residence, que sur celle du Sacrement de l'Ordre, & du Mariage, rien n'auoit encor esté resolu ; il n'estoit pas à propos de prefiger vn certain iour mais qu'il valoit mieux attendre à deliberer du iour de la Session iusques au vintieme Mai, auquel on pourroit plus à clair voir le progrès des affaires, & là dessus assigner vn iour certain. Et qu'en cet entretemps, pour faire tousiours quelque chose, on pourroit opiner sur les Articles des abus du Sacrement de l'Ordre : & cependant le Cardinal Moron pourroit estre de retour de deuers l'Empereur, avec ample resolution, par laquelle les controuerses pourroyent estre composees, & avec quelque bonne diligence le Concile pourroit estre terminé dans deux ou trois mois. Le Cardinal Madruce suiuit cete opinion, & apres lui tant de Peres, qu'elle l'emporta : tellement qu'il fust arresté, qu'au vintieme Mai seroit assigné iour prefix pour celebrer la prochaine Session.

*prediction
d'un Euef-
que, sur le
suerement
du Concile.*

Après la Congregation, il aduint que Anthoine Ciurelia, Euefque de Budua en Esclaunie, lequel par le passé auoit accoustumé d'entretenir en opinant les Peres de quelque raillerie, à laquelle souuent il adioustoit quelques propheties ridicules, lesquelles aussi on enuoyoit hors en diuers endroits, en proposant vne sur la ville de Trente imitant celles qu'on trouue en grand nombre au Prophete Isaie, lors que sont descrites les charges, & calamités de diuerses villes. Et disoit en substance. Que Trente auoit esté fauorisee, & eluë, pour estre la ville, laquelle deuoit estre establie vne generale concorde de la Chrestienté : mais, que s'estant, à cause de son inhospitalité, rendue digne de grand honneur, elle encourroit en bref la haine vniuerselle de tous, comme seminaire de plus grandes dissensions. Ce sens estoit bien desguisé sous la couuerture de diuers enigmes, en forme prophetique poetique : non toutesfois en telle sorte, qu'il ne fust fort aisément compris.

*ialousie
de: parti-
sans du Pa-
pe sur le
Cardinal
de Lorraine.*

Les partisans du Pape prirent grande ialousie de ce que le Cardinal de Lorraine auoit emporté le consentement de tous, avec tant de reputation : & considerant l'honneur, qui lui auoit esté fait le iour precedent, par ceux qui lui estoient allés au deuant ; & comment son opinion auoit esté receüe par vn si grand nombre, ils estimoyent que non seulement il y alloit de l'honneur des Legats, mais que mesmes c'estoit vne breche faite au Decret que les seuls Legats pussent proposer. Et alloient disant quasi publiquement, que c'estoit à bon droit, que le Pape disoit, que ce Cardinal estoit Chef de parti, & qu'il prolongeoit l'expedition du Concile, & empeschoit la translation à Bologne. Mais le Cardinal, sans se foucher beaucoup de ce qu'on disoit à Trête, estoit entêté à la negociatiõ avec l'Empereur, auquel il despeschava

*lequel en-
uoye ani-
me l'Em-
pereur pour
le bien du
Concile.*

Gentil-homme, avec l'aduis de ses Docteurs sur les Articles mis en consultation par sa Maïesté: luy remontrant par le mesme, qu'il estoit necessaire, pour le bon progrès du Concile, qu'il parlaist viuement au Cardinal Moron, & luy montrait le grand desir qu'il auoit de voir de bonnes resolutions, à la gloire de Dieu: & luy faïssant entendre le desir de tous les bons Peres: & le priant qu'il nes'esloignast point du Concile, à cause du bon fruit, que les Peres esperantoient que son voisinage porteroit aux affaires, retenans chacun dans les bornes de son deuoir, & empeschant les efforts de quelques vns, qui auoient dessein de le transferer en vn autre lieu, comme on en auoit aduis de bonne part: & qu'auant que de partir d'Inspruck, Sa Maïeste se fist donner de bonnes assurances, que la liberté du Concile, duquel il estoit protecteur, seroit maintenue. Il luy enuoya aussi copie de l'Edit de pacification du Roy de France, & d'vne lettre de la Reine d'Ecosse, par laquelle elle luy donnoit aduis d'auoir esté deliurée d'vne grande coniuration, & qu'elle continuoït en la resolution de viure & de mourir en la Religion Catholique.

Et pour la fin, le Cardinal prioit sa Maïesté de trouuer quelque forme d'accommodement, qui empeschast qu'il ne fust disputé au Concile de la preface entre France & Espagne, afin de ne donner aucun destourbier à iceluy.

Cependant, que les deux Legats attendoient le retour du Cardinal Moron, pour n'estre là sans rien faire, le vingtquatrième Auril ils communiquent aux Ambassadeurs les Degres, formés sur les abus du Sacrement de l'Ordre, afin qu'ils les pussent considerer: & le vingneuïeme du mesme mois ils les baillerent aux Prelats. Sur le premier, qui estoit de l'election des Eueques, esquels estoient par iceluy requises les qualitez conformes aux anciens Canons, les Ambassadeurs des Roys ne s'en contenterent point, leur estant aduis qu'il restreignoit par trop l'autorité de leurs Princes en la presentation, ou nomination d'iceux: & en tous ces iours d'entre deux ils firent tout deuoir, & su tout le Comte de Lune, afin que cet Article fust r'habillé, ou plustost omist tout à fait: disant, Qu'il ne pouuoit voir à quoy il pouuoit seruir: lequel aduis les Legats ne trouuoient point mauuais. Les Imperiaux aussi de leur party mettoient de la difficulté, à cause du dessein qu'il auoient de faire naître occasion de traiter de l'election des Cardinaux, & en suite du Pape.

Ce iour mesme arriva de nuict le Cardinal Nauagier, ayant fait courir le bruit qu'il n'entreroit que le iour d'Après, & ce, pour fuir les rencontres, & les ceremonies. Iceluy porta, qu'à leur depart de Rome, le Pape leur auoit dit, Qu'ils fissent vne bonne & rigoureuse Reformation, sans toucher toutes-foïes à l'autorité du S. Siege, qui est le point le plus necessaire, pour entretenir l'Eglise en bonne forme & reiglement.

Nonobstant tout cela, le Pape, es deuis qu'il auoit avec les Ambassadeurs des Princes residens aupres de soy, les requeroit de faire entendre à luy mesme la Reformation, que leurs Princes desiroient: en quoy son vray but estoit de faire, que luy donnant leurs demandes, ils se deportassent de les bailler au Concile: au moyen dequoy il eust occasion, en monstrant des difficultez insurmontables sur chaque particularité, d'appaïser cestor & humeur esmeue de Reformation. Et à cete mesme fin il disoit souuent, en parlant avec les Ambassadeurs

Que les Princes se trompoient croyant que la reformation fust pour ramener les heretiques: d'autant qu'iceux auoient tout premier apostaté, & puis auoient pris les abus & les deprauiations, pour pretexte. Que les vrayes causes, qui auoient mu les heretiques à fuir les faux Docteurs, n'estoient pas les desordres de l'Eglise, mais bien ceux de l'Estat: & pourtant, que quand ores les defauts des Ecclesiastiques seroient entierement corrigés, ils ne retourneroient point: ains inuenteroient d'autres couleurs, pour persister en leur obstination. Que ces abus pretendus n'estoient point en la primitive Eglise, & au temps des Apostres, & cependant alors il ne laissoit pas d'y auoir des heretiques, & bien en aussi grand nombre qu'à present, à pre-

portion du nombre des bons fideles. Que pour luy en bonne conscience, il desireroit de voir l'Eglise amendée, & les abus ostés: mais qu'il voyoit bien clairement que ceux, qui pourchassoient tant cete Reformation, ne visioient point à ce bon & saint but, ains à leurs profits particuliers, lesquels s'ils venoient à obtenir, les abus presens ne seroient point ostés, & en seroient encor introduits des pires. Que l'empeschement de la reformation ne venoit point de luy, ains des Princes, & des Prelats du Concile. Qu'il la feroit, voire mesmes bien rigoureuse: mais qu'il voyoit bien, que quand on viendroit à l'effet, les dissensions entre les Princes, dont les vns la voudroient d'une sorte, & les autres d'une autre; & celles d'entre les Prelats, non moins repugnans entr'eux, empescheroient le tout. Que pour luy il le preuvoit, & reconnoissoit fort bien qu'il estoit innocent & peu honorable d'essayer une chose, qui descouviroit beaucoup d'avantage les defauts communs & generaux. Qu'il adouoit bien que ceux, qui requeroient la Reformation, y estoient portés de bon zele: mais comme dit Sainct Paul, sans prudence Chrestienne: & que par cete Reformation on ne feroit autre chose, sinon que, comme ja on connoissoit les maux de l'Eglise, on reconnoistroit encor de plus, qu'ils sont incurables: & qui pis est, on entreprendroit de les defendre & justifier, comme bons & legitimes vsages.

*tasche de
gagner le
Cardinal
de Lorrain
ne.*

Il attendoit avec impatience la conclusion de la negotiation du Cardinal Morton, duquel il avoit aduis, que l'Empereur avoit pris temps pour luy respondre: & que tousiours on continuoit à consulter sur les Articles: en quoy il doutoit que le Cardinal de Lorraine n'eust grand part: & mesme tenoit pour asséuré, que toutes les commissions, qui venoient de France à Rome, & au Concile, dependoient de l'aduis & conseil d'iceluy. Dont il se resolut d'essayer toutes voyes de le gagner à quoy se presenta une belle occasion: c'est, que le Cardinal de Ferrare devoit bien tost estre en Italie: & le Cardinal de Lorraine devoit s'aboucher avec luy, pour plusieurs causes, concernant leurs neveux communs: sur quoy le Pape elcrivit à celuy de Ferrare, qu'il fist tout devoir envers celuy de Lorraine, pour luy faire trouver bon que le Concile fust transféré à Bologne. Et afin qu'il fust bien instruit des choses qui se passoient au Concile; il ordonna que l'Evesque de Venimile l'allast trouver, avant que l'abouchement fust fait: & qu'outre ce que luy mesme en faisoit, il prist instruction des Legats.

*lettres du
roy de Fra
nce, pour in
sister la
paix, &
pour re
querir Re
formation
au Concile.*

Le mois de May se commença par nouveaux discours sur la paix de la France, de laquelle estoient arrivées lettres du Roy au Cardinal de Lorraine, & aux Ambassadeurs Francois, avec charge de faire entendre le tout aux Peres du Concile, ou en general, ou en particulier, comme ils trouveroient plus à propos. La despesche estoit du quinziesme du mois precedent: & le sujet principal estoit de demonstrier, qu'en cete paix il n'avoit eu nulle intention de favoriser l'introduction ou l'establissement d'une nouvelle Religion en son Royaume: ains au contraire, de pouvoir, avec moins de difficulté & de contradiction, ramener tous les peuples à une mesme sainte & Catholique Religion, apres que les armes & les calamités seroient cessées, & que les dissensions civiles seroient esteintes. Mais adioustoit, qu'il n'y avoit rien qui le pust tant aider à cet œuvre, qu'une sainte & serieuse Reformation, telle qu'elle avoit esté tousiours esperée & attendue d'un general & libre Concile. Et pourtant, qu'il avoit deliberé d'envoyer le President Birague à Trente, pour la solliciter. Mais que cependant il ne vouloit differer d'enjoindre à ses Ambassadeurs, qui estoient à Trente, qu'ils eussent à toute bonne occasion, à faire savoir aux Peres, que se ressentant encor bien fort des ruines, & afflictions, que la diversité des opinions en la Religion avoit causée en son Royaume, avec eminent danger de la ruine & subversion totale de l'Estat, il estoit resolu, avant que plus retourner à ces extremités, en cas que le Concile general ne fist son devoir, & ce qu'on esperoit de luy, pour une sainte & nécessaire Reformation, d'en tenir un National en son Royaume: apres s'estre acquité de son devoir devant Dieu, & les hommes, par tant d'instances continuées envers les Peres du Concile, & le Pape, pour obtenir le Concile general remede aux maux communs. Et que, pour parvenir tant plus aisément à ce bon but tant désiré, il avoit despesché le Sieur d'Oisel au Roy

Catholic, & le Sieu d'Allegre au Pape : & auoit commandé à Birague, qu'après qu'il auroit accompli sa charge enuers les Peres du Concile, il passast ius-
ques à l'Empereur, pour essayer, si par le moyen de ces Princes, on pouuoit par-
uenir à vn si grand bien. 1563.

Il est certain, que le Pape eut fort à desplaisir la pais, qui auoit esté faite en France, tant pour le preiudice de son autorité, que pource qu'elle auoit esté conclud sans luy, qui auoit cōtribué tant d'argent à la guerre. Le mécontentement de l'Espagnol fust bien encor plus grand : car il luy estoit aduis d'auoir perdu l'argent & la peine : ayant tant frayé, & ayant eu part à la guerre & à la victoire par ses gens : dont il ne luy sembloit pas raisonnable que l'accord fust conclud sans luy, au preiudice de la Religion, dont ils l'estoit déclaré défenseur & protecteur : & sur tout, veu qu'il y auoit vn si notable interest, pour le preiudice qu'il en receuoit au gouuernement des Paisbas, ausquels toute prosperité des Huguenots en France releuoit le courage pour persister, voire mesmes le fortifier dauantage en leur bouillonnante rebellion. Ces raisons, employées par l'Ambassadeur Catholic en France, avec beaucoup de bruit, firent resoudre à despescher ces Ambassades extraordinaires à Rome, & en Espagne, pour declarer que le Roy & son Conseil, n'auoient pas esté portés à cet accord de leur propre mouvement & volonté, mais de la pure & simple necessité, & de la crainte, que l'Allemagne ne vinsent de grands & puissans secours en faueur des Huguenots : comme ia on entendoit qu'ils s'apprestoient és enuiron de Strasbourg, & autres endroits : parce que les Allemans, qui auoient porté les armes en France, estans retournés en leurs maisons chargés de butin, conuioient les autres à y aller de mesme pour s'enrichir. Et n'estoit aussi sans crainte, qu'à cete occasion les Princes de l'Empire n'essayassent de recouurer Metz, Toul, Verdun, & autres villes & terres d'Empire : & qu'aussi la Roine d'Angleterre ne secourust les Huguenots encor plus puissamment, que par le passé, pour s'emparer de quelque autre place, comme elle auoit desia fait du Haure de Grace. Mais outre ce but principal de ses Ambassades, celle du Sieur d'Oisel portoit aussi commission, de proposer au Roy d'Espagne, que le Concile fust osté de Trente, & fust conuocé à Constance, Vvormes, ou Augbourg : ou en quelque autre lieu d'Allemagne : & de luy remonstrer, que puis qu'on le celebreroit pour les Allemans, Anglois, Escossois, & partie des François, & d'autres nations leuelles estoient toutes résolues de n'adherer iamais à celuy de Trente, ne de l'accepter, c'estoit en vain qu'on demeueroit en ce lieu-là. Le Prince de Condé auoit esté auteur de cete negociation, esperant, par cete voye d'agrandir bien fort son party, l'vnissant aux interets de tant de Royaumes, & Princes : ou du moins, d'affoiblir le party Catholic, trauerfant le Concile de Trente, mais ce dessein ne reussit point : d'autant que le Roy d'Espagne, ayant ouy la proposition (ce que ie dy par anticipation, pour ne retourner plus à cet affaire) flaira incontinent où elle visoit : & respondit tout nettement, Que le Concile auoit esté assemblé à Trente, avec toutes les soleannités requises, du consentement de tous les Roys & Princes ; & à l'instance de François, Roy de France. Que l'Empereur estoit souuerain autant à Trente, comme és autres villes nommées par le Roy, pour donner pleine seureté à tous, en cas que les jacobins ne semblaissent suffisantes. Et partant, qu'il ne se pouuoit faire autre chose, que de le pourfuiure, & trouuer bon tout ce qui y seroit dererminé. Il donna aussi aduis au Pape de tout l'affaire, & le certiffa, qu'il ne se departiroit iamais de cete resolution.

A Trente, les François tinrent pour superflu de faire aucune instance aux Peres, conformément au commandement du Roy, auant la venue du Cardinal Moron : ayant vn concert entre tous, que les actions du Concile fussent toutes différées iusques alors. Mais l'Empereur n'auoit encores despesché ledit Cardinal, ains en ce mesme temps il fit entendre à celuy de Lorraine, que par diuers accidens, & d'autant que les matieres estoient de tels poids & consequence, qu'elles meritoient meure deliberation, & consultation, il ne luy auoit pu rendre aucune responce resoluë : mais qu'il esperoit bien en temps & lieu de la luy

1563.

rendre telle, que chacun pourroit reconnoître ses actions correspondre au desir qu'il auoit de voir les affaires du Concile adressées au bien public & commun de tous. Et pourtant, que nonobstant ses autres occupations, & urgentes necessitez de les autres provinces, il deliberoit de s'arrester à Inspruck, pour fauoriser par sa presence, la liberté du Concile, tant qu'il y auoit esperance d'en voir quelque fruit. Le Cardinal Moron n'agreoit point cete longue demeure, & que l'Empereur remist ainsi toutes ses negotiations aux Theologiens & Conseillers : & tant luy que le Pape doutoient, que l'Empereur differast de luy donner resolution, iusques à ce qu'il eust ouy Birague, qu'on auoit desia entendu deuoit proposer la translation du Concile en Allemagne, pour contenter les Huguenots : à quoy le Pape estoit tout resolu de ne consentir point, tant par sa propre inclination, qu'à l'instance de tout le College des Cardinaux, & de toute la Cour de Rome. Et s'embahissoit de l'humeur des François, lesquels d'un costé requeroient Reformation, & de l'autre demandoient la translation du Concile : & traitoient d'auoir subuention des Eglises, pour acquit des debtes du Royaume, & cependant se monstroient si grands fauteurs d'icelles, & de leurs libertés, & aduantages, auxquels rien n'est plus contraire que ces leuées & impositions de deniers.

*les François se las-
sent du
Concile,
et les Do-
cteurs se
retirent.*

Mais la verité estoit, que les François, estans bien acertenés en eux mesmes de ne pouuoir obtenir du Concile chose aucune qui fust à leur aduantage, pendant que les Italiens faisoient le plus grand nombre, perdirent toute esperance d'iceluy, & commencerent à n'en tenir plus aucun contre, tant qu'il demeureroit à Trente, & offerent l'entretenement aux Theologiens enuoyés par le Roy, & donnerent congé de partir à quiconque vouloit, remettant toutesfois à leur choix de demeurer. A raison dequoy ils partirent quasi tous l'un apres l'autre. Les deux de Saint Benoist, Jean de Cartougne, & Jean de Verdun, demurerent là iusques à la fin, d'autant que leurs Couuents leurs fournissoient leur entretien : le Cordelier Hugonis y demeura aussi, à cause de la commodité, que les partisans du Pape luy donnoient de s'entretenir luy ayant fait auoir place, & bouche au Couuent des Cordeliers à Trente, outre l'appoinement de cinquante escus qu'ils luy auoient assigné par quartier.

*Examen
du Cardinal de Lor-
raine sur
l'escrit du
Pape.*

Le Cardinal de Lorraine, ayant examiné & fait examiner les allegations & passages d'auteurs, enuoyés par le Pape à l'Empereur, & y ayant fait vne Censure, l'envoya à l'Empereur. Il croyoit bien d'auoir fait le tout fort secrettement : mais le susdit Hugonis non seulement le descouurit, mais mesmes en fit sa copie, pour la bailler aux Legats, lesquels attendans du iour à autre le Cardinal Moron, escriuirent, par commission du Pape aux Euesques qui s'estoient retirés de Trente, qu'ils eussent à retourner, pour commencer les actions Synodales. Cependant le dixième May fut tenuë Congregation, pour lire les lettres de la Reine d'Escoffe, présentées par le Cardinal de Lorraine, par lesquelles elle declaroit, qu'elle se soumettoit au Concile : & representant l'esperance qu'elle auoit de la succession au Royaume d'Angleterre, elle promettoit, qu'icelle auenant, elle reduiroit, l'un & l'autre Royaume à l'obeyssance du S. Siege. Apres la lecture de ces lettres, le Cardinal, par vne belle harangue fit les excuses d'icelle Reine, qu'elle ne pouoit enuoyer ny Prelats ny Ambassadeurs au Concile, d'autant que tous ceux de son Royaume estoient heretiques : mais qu'elle promettoit, que pour elle, iamais elle ne se desuoyeroit de la vraye Religion. La response luy fut faite au nom du Concile, par remerciemens. Quelques vns disoient par rîsee, que l'office de cete Reine estoit de personne priuée, & non de Princeesse, puis qu'elle ne se trouuoit pas vn seul iuriet Catholique, qu'elle pust enuoyer. Mais les plus entendus iugerent que cet office auoit esté mendie, & extorqué, attendu que, si elle eut voulu : elle le pouoit bien faire vrayement en Princeesse, ayant tousiours eu assez bon nombre de Catholiques aupres de soy.

*nouveau
scrit d'Es-*

En ces entrefaictes le Secretaire du Cardinal de Lorraine retourna de Rome, ou il auoit esté enuoyé par son Maistre, pour la purger des charges qui luy

estoyent mises sus, de faire le Chef de party. Le Pape l'auoit recueilly avec de grandes demontrations de bienueillance, & auoit monstré d'adiouiter foy à son rapport, & auoit respondu au Cardinal par vne lettre, qui portoit, Qu'il estoit content, qu'on laissast les choses contentieuses, & qu'on ne parlait des Dogmes de l'ordre: ne de la Residence, ains qu'on vaquist à la reformation. Le Cardinal de Lorraine communiqua cete lettre au Legat Simonete, pour mettre ordre à donner quelque commencement à ladite Reformation: mais Simonette se remit au retour de Cardinal Moron: dequoy le Cardinal de Lorraine s'offensa, croyant que le Pape se mocquoit de luy: & joignant cela à vn aduis, qu'il auoit receu, que le Cardinal Moron, parlant avec l'Empereur touchant la liberté du Concile, auoit dit, Que le Cardinal de Lorraine & les Ambassadeurs François, estoient ceux qui la trauersoient plus que les autres; se plaignoit, à toutes occasions, à quiconque il luy escheoit de parler, que le Concile n'auoit aucune liberté, & que non seulement il falloit attendre de Rome les resolutions de toutes les moindres particularités: mais mesmes les peres, ne le Cardinal Madruce, ne Luy, n'estoient pas réputés dignes de scouir ce qui auoit esté commandé à Rome, pour pouuoir au moins se conformer à la volonté de Sa Sainteté: & que c'estoit vn grand cas, de voir que les Legats despelchassent si souvent Courriers à Rome, voire mesmes plusieurs fois vn vn mesme suiet, pour toute Moindre occurrences; sans toutes-foies qu'on püst iamais sauoir quelle resolution ou responce fust venuë de là: ny mesmes, qu'on dist en general, qu'aucune responce fust venuë. Les partisans du Pape rougissoient de ces plaintes: d'autant qu'elles estoient si euidentes & publiques, qu'on ne les pouuoit ny detdire ny excuser. Le Cardinal de Lorraine, estant tout plein & bouffi de ces mescontentemens, fut le iour suiuant appelé en consultation, pour traiter de donner quelque commencement aux congregations: d'autant que le Cardinal Moron auoit escrit, qu'il seroit de retour dans huit iours les vns & les autres se tinrent long temps sans dire mot: & puis, estans entrés és complimens, ils se partirent en fin, sans auoir parlé de la matiere.

Les Procureurs des Prelats François demeurés au royaume, estans arriués à Trente, Les Ambassadeurs requierent qu'ils fussent admis en Congregation: mais le Cardinal Simonette le refusant, Lansac repliqua, Qu'il auoit requis cela par termes de respect, non pour vouloir en cela reconnoître les Legats pour iuges: mais, qu'il estoit resolu de proposer l'affaire au Concile. Cete occasion fit changer la resolution des trois Legats, d'attendre le Cardinal Moron, & assignerent vne Congregation au quatorzième Mai, pour traiter des abus sur le Sacrement de l'Ordre. Et en icelle le Cardinal de Lorraine, en opinant sur le premier Article del' election des Euesques, lequel fut depuis retranché, pour les raisons qui seront dites en leur lieu, s'estendit bien auant à parler des abus, qui entreuiennent en cete matiere-là: & pour pouuoir plus librement inuectiuer contre les abus de Rome, il commença par la France, sans espargner même le Roi: & condanna tout librement le Concordat, disant, que le Pape Leon, & le Roi François auoyent fait entr'eux le partage de la collation des benefices, qui deuoit appartenir aux Chapitres: & à peu qu'il ne s'eschappa de dire, de mesmes que les chasseurs parrent la proye, Il condanna la coustume, que les Rois, & les Princes eussent aucune nomination de Prelatures, & que les Cardinaux tinssent Eueschés. Il censura aussi l'accord qu'auoit nouuellement fait le Roi avec les Huguenots. Et puis, estant sorti de France, il dit, Que la Cour de Rome estoit la source, de laquelle decouloit le ruisseau de tous abus. Que nul Cardinal n'estoit sans Euesché, voire mesmes sans plusieurs Euesches: & toutesfoies que ces charges estoient incompatibles. Que les intentions des commandes, des vnions viagères, & des administrations: moyenant l'esquelles, contre toute loy, plusieurs Benefices en effet estoient conferés à vne mesme personne, sous vn faux masque, & semblant qu'elle n'entint qu'un seul, estoient pures mocqueries de Dieu. Et reiterra plusieurs fois le dire

difficulté
sur les Pro-
cureurs des
Prelats
François:
Congrega-
tion, en la-
quelle le
Cardinal
de Lorrain
ne haran-
ne contre
les abus de
l'Ordre,

1563.

avec offen-
se des par-
tisans du
Pape.

le Cardi-
nal Moran
est expé-
dié par l'Em-
pereur.

dont le
bruit estoit
qu'il l'a-
voit dispo-
sé à remi-
ner le
Concile.

de saint Paul au Galates, Ne vous trompez point: car Dieu ne peut estre moc-
qué, & l'homme ne recueillera autre chose que ce qu'il aura semé. Il
s'estendit aussi à parler contre les dispenses, comme celles qui encreuent toutes
les loix. Et parla avec tant d'éloquence, & sur tant d'abus, qu'il occupa toute la
Congregation. Les partisans du Pape interpreterent finistrement le dire du
Cardinal: & mesmes le Legat Simonete pratiqua tout ouvertement diuers Pre-
lats, afin qu'ils s'opposassent à son opinion. Et alloit disant, Qu'il parloit comme
les Lutheriens: & que plust à Dieu qu'il n'eust mesme aussi les sentimens. Ce qui
offensa grièvement le Cardinal, lequel s'en plaignit aussi au Pape. Es Congre-
gations suivantes, il ne fut dit choses quelconque digne de memoire, ne qui fust
autre qu'ordinaire: sinon qu'on voulust rapporter les flateries, lesquelles obli-
vement estoient entierement par ceux qui avoient pris charge de justifier les
coustumes & vsages repris par le Cardinal de Lorraine.

En ce mesme temps le Cardinal Moran eut del'Empereur son expedition par
escriit, en termes assez generaux, Qu'il defendroit l'autorité du Pape contre les
heretiques, si besoin estoit. Qu'il s'arresteroit à Inspruck, sans passer plus avant.
Qu'il ne faisoit point penser à la translation du Concile à Bologne, sans le con-
sentement des Rois de France & d'Espagne. Que quant à son couronnement,
ce n'estoit chose qui se pult resoudre, sans avoir esté premierement proposée en
Diete: d'autant que se faisant ainsi au despourueu, il donneroit grand ombrage
à l'Allemagne. Et quant à proceder à Trente, qu'il se contenteroit à ces deux
conditions, Que la Reformation se fust à Trente, & que chacun y pult propo-
ser: & Qu'on commençast à traiter sur les Articles presentés par luy, & par la
France. l'ay rapporté en cet endroict ce que j'ay veu enregistré es documens
publics: touchant la negociation du Cardinal, à la responce qui luy fut renduë:
Mais ne puis obmettre de rapporter vne voix, qui courut lors à Trente, & fut
tenuë pour certaine par les plus senez Que le Cardinal Moran avoit traite avec
l'Empereur, & avec le Roy des Romains, ion fils, de choses plus secretes: & leur
avoit montré, que pour les diuers desseins des Princes, & des Prelats, & pour les
interests tant contraires & repugnans des vns & des autres, il estoit impossible de
conduire le Concile à la fin: qu'aucun d'eux desiroit: & leur avoit fait toucher
au doigt, qu'en la matiere du Calice, du Mariage des Prestres, & de la langue vul-
gaire en l'Eglise, cholestant desirées par sa Maïesté, & par le Roy de France, ja-
mais le Roy d'Espagne, ny aucun Prince d'Italie, n'y condescendroient. Qu'en
matiere de Reformation, toutes sortes de personnes se veulent maintenant en
l'estat où ils se treuvent, & cependant pretendent reformer les autres: dont il
aduient que chacun requiert la Reformation: & cepédant quelque Article qui
en soit proposé, il y a tousiours plus d'opposans que de fauteurs. Que chacun
pensoit tant seulement à soy, sans regarder aux interests d'autrui. Et qu'on vou-
loit que le Pape, à qui tous se rapportoient, fust le ministre des desseins particu-
liers d'un chacun, sans avoir elgard si aucun autre en seroit offensé, quoy qu'il
ne luy fust ny honneste, ny utile de favoriser l'un au desservice de l'autre. Que
chacun appetoit la gloire de procurer la Reformation, & cependant tous vou-
loient perleuerer es abus, chargeant le Pape de route l'enuie. Il discourut
aussy, que là où il s'agit de reformer le Pape, il ne vouloit point dire, qu'elle estoit
la pensée de Sa Sainteté: mais qu'en ce qui ne touchoit point le Pape, ny ne le
pouvoit toucher, qu'elle raison y avoit-il, qu'il n'y dult condescendre, n'estoit
qu'il conoïssoit ce qui estoit inconnu à d'autres, d'autant qu'à luy estoient rappor-
tées les elgards & interests de tous: Il leur remonstra d'abondant, que par l'ex-
perience de quinze mois des l'ouverture du Concile, on avoit veu, que les pre-
tentions estoient augmentées, & les differends accrus, & s'engregeoient
tous les iours encor à l'extremité. Qu'en cas qu'iceluy continuast longue-
ment, de necessité il arriueroit quelque notable scandale. Et leur mit en
consideration la jalousie qu'en prenoient les Princes d'Allemagne & les
Huguenots de France. Et pour conclusion, dit, que puis qu'on voyoit clai-
rement, que le Concile ne pouvoit faire aucun bon fruit, il estoit expé-
dient de le terminer en la meilleure façon qu'il seroit possible. Là dessus on
disoit

disoit, que ces Princes ayans esté persuadés de ne pouuoir obtenir rien de bon par la voye du Concile, auoyent iugé qu'il valoit mieux l'enfeuclir avec honneur, & qu'ils donnerent parole au Cardinal d'vsr de conuiuece à l'aduenir, & de ne prendre en mauuaise part, si le Concile estoit terminé. Qui regardera à l'issue qu'eut le Concile, sans que ces Princes fussent aucunement contentés de leurs demandes, aisément se portera à croire que cete voix publique fust vraye : mais d'ailleurs, qui aduifera que, mesmes apres cete Legation, les instances des Ministres Imperiaux ne cessèrent point, pourra tenir ce bruit-là pour faux. Mais, pour tenir vne route de iugement, qui esquivé toutes les deux absurdités, on peut croire, qu'en ce temps ces Princes perdirent toute esperance du Concile, & delibererent de ne plus résister à la closture d'iceluy : mais qu'ils ne iugerent pas honorable de faire vne soudaine retraite, ains qu'il valoit mieux relascher les instances peu à peu, pour ne publier leur defaut de iugement à auoir conceu par ce moyen esperance de bien, & n'auoir creu à la remarque de Saint Gregoire Nazianzene, qui disoit, d'auoir tousiours veu empirer les contentions par les assemblées des Euesques. Ce qui est de la verité de ce fait, ie le remets au nombre des choses, où ma connoissance n'est paruenüe. Bien est il certain, que la Catastrophe du maniemment du Concile, lequel menaçoit d'une issue turbulente, commença en ce temps.



HISTOIRE DV CONCILE DE TRENTE;

LIVRE HUITIEME.

SOMMAIRE.

Le Cardinal Legat Moron arrive au Concile, comme aussi le Comte de Lune, Ambassadeur d'Espagne. En la reception duquel il n'aist difficulté de presence entre France & Espagne. Le Cardinal de Lorraine, qui iusques alors auoit soutenu le bon parti dans le Concile, se relasche en fin pour ses propres interests, & par desespoir de tirer du Concile aucun fruit pour la France: de laquelle le Pape reçoit nouvelles offenses: nonobstant lesqueles on iuge à Rome, touchant ladite presence, en faueur de la

O o o o

France. Contre quoi l'Espagne fait protester. Le President Birague porte lettres du Roi de France au Concile, & harangue en iceluy, requerant Reformation. En Baviere naist du tumulte, pour le Calice, & pour le Mariage des Prestres. Es Congregations de Trente, on traite des Annates, des Ordinations faites à Rome, des Euesques Titulaires, des Dispenses, de l'Instruction des Euesques, & de la Reformation des Cardinaux. L'Ambassadeur d'Espagne fait de grandes & fortes instances, que le Decret, donnant aux seuls Legats le pouuoir de proposer au Concile, soit renoué: mais elles sont toutes eludées à Rome, & à Trente. L'Empereur se retire d'Inspruck, desesperé de voir aucun bon fruit du Concile. L'estrif de la preface entre la France, & l'Espagne est remis sus en la Session publique: sans que le Pape par l'accommodement de l'egalité puisse l'appaier. Les grands debats au Concile, sont resoudre à remettre au Pape plusieurs Chefs. Enfin les Decrets sont formés, au contentement de tous, & est celebrée la septieme Session, touchant le Sacrement de l'Ordre, & la Reformation escheant sur cet Article. Puis apres, par commandement du Pape, precipitamment à la closture du Concile, à quoi les Espagnols s'opposent, & y à diuersité d'aduis là dessus au Concile. En congregation on traite du Mariage. Et les Legats proposent des Articles à examiner touchant la Reformation generale: & les communique aux Ambassadeurs, lesquels y font tous leurs considerations & oppositions. Mouuement à Trente, à cause d'un effort fait à Milan, pour y introduire l'Inquisition Espagnole. A Trente on tasche de donner contentement aux Euesques, en trois demandes principales. L'Ambassadeur de Malte arriue. Plusieurs Articles de reformation sont debatus. Le Cardinal de Lorraine est attiré à Rome par le Pape, qui confere avec lui du moyen de terminer le Concile. Les Legats proposent la Reformation des Princes: contre laquelle les Ambassadeurs de France protestent, avec beaucoup d'aigreur, & offences reciproques à Rome, & à Trente: en suite se retirent du Concile. Le Pape procede à sentence contre quelques Euesques François, & à citation contre la Roine de Nauarre, laquelle toutesfois il est contraint de renouer. Le Cardinal de Lorraine retourne à Trente, & fait tout deuoir de rompre le Concile. Dont est celebrée la huitieme Session, touchant le Mariage, & sa reformation, à laquelle aussi est adiointe vne Generale: & on travaille à oster tous les empeschemens de la closture du Concile. Et sont formés des Decrets fort sommaires des Indulgences, du Purgatoire, des Images, & des Saints. Et le fait de l'Indice des liures interdits, des Messels, des Breuiaries, & des Catechismes, est renuoyé au Pape, pour plus prompt expédition. La nouuele de la dangereuse maladie du Pape fait acclereler la fin du Concile, à laquelle on vient par la derniere Session touchant les matieres susdites. Puis on procede aux acclamations, lecture, & signatures. Le Pape confirme le Concile, lequel à l'opposite est censuré en France, & reieté par les Protestans d'Allemagne. Les Prelats, qui à Trente auoyent bien merité de Rome, y sont recompensés du degré de Cardinalat.



E Cardinal Moron arriua à Trente de sa legation d'Inspruck le dixseptieme May, & tout soudain apres on commença entre les Legats à traiter du iour de la Session le vintieme du mesme mois approchant, auquel on deuoit arrester. Et n'ayant point encor, ny ne sachant quid on pourroit auoir les matieres prestes, le dix-neufuiesme du mois, en la Congregation, fust differé le terme iusques au dixieme iuin, pour assigner alors vn iour prefix. Deux choses notables arriuerent en cete Congregation: dont l'une fut le debat, s'il appartenoit aux Legats, ou bien au Concile de deliberer, si les Procureurs des Euesques deuoient estre admis en Congregation, comme nous auons dit cy-dessus, que l'Ambassadeur Lanfac auoit requis. Sur quoy les Prelats François maintenoient, que les Legats n'auoyent autre prerogatiue, que d'estre les premiers: mais, que, separément des Peres du Concile, il n'auoyent aucune autorité: pour preuue dequoy, ils allegoyent le Concile de Basle, & autres documens de l'Antiquité. De l'autre on disoit, qu'il n'y peut auoir de legitime Concile; que celuy qui est conuqué par le Pape: & que c'est à luy seul de determiner qui y doit entreuenir, & auoir voix: & que de bailler ce mesme pouoir au Concile, seroit luy bailler autorité de s'engendrer soy-mesmes. Apres quelque estrif, la matiere demeura indecise. L'autre fut, que, comme on vint à opiner sur la matiere ventillante des abus sur le sacrement de l'Ordre, l'Euesque de Philadelphie fit de grandes exclamations, que les Cardinaux vouloyent les Euesques, & cependant n'y entretenoyent pas mesmes vn suffragant. Mais cela fut receu par la pluspart d'une huce, & risée, comme si ce bon Euesque, qui estoit Allemand de nation, & n'estoit que titulaire, parlait pour son propre interest, & de ses semblables.

En la Congregation du vintvintieme May, fut receu le Conte de Lune, lequel auoit differé de s'y presenter par l'espace de quarente iours des son arriuee, à cause de la difficulté de la presenace avec les Ambassadeurs de France. Et en cet entretiens furent faites diuerfes consultations pour trouuer quel-que expedient de l'accommoder: & iamais ne fut possible de faire que les François se voulussent contenter, qu'iceluy eust autre lieu & rang, qu'apres & au dessous d'eux. Dont il aduinsa de se tenir debout au milieu de la seance, parmi les Ambassadeurs Imperiaux, qui auoyent charge de leur Maistre de l'accompagner; & demeurer là, iusques à tant que la harangue fust faite, & tout soudain apres, s'en retourner à la maison. Mais il sembla que l'honneur du Roy y estoit engagé. Et pourtant, il se mit à faire instance, que les François se contentassent de n'aller point en Congregation, le iour qu'il deuoit estre receu. Mais ils le refuserent tout à trac: & luy s'aduinsa d'une autre inuention pour les y contraindre: assauoir, faisant que quelque Prelat Espagnol requist, que les Ambassadeurs seculiers n'entreuinsent point en Congregations, attendu que c'estoit contre l'usage des anciens Conciles. Mais encor à cecy se representa cete difficulté, qu'il sembloit que tous les Princes ensemble en seroyent offensés: dont en fin il s'arresta à cete deliberation, de moyener que quelques proposassent de traiter de choses, esquelles il n'estoit raisonnable que les Ambassadeurs de France fussent presens: comme seroit, des preiudices, qui pouoient auenir à la Chrestienté par le traité de paix fait avec les Huguenots: ou quelque autre telle matiere. Cela fut porté aux oreilles du Cardinal de Lorraine, & le mit en perplexité: si bien, qu'ayant consulté avec les siens, ils se resolurent de ne plus quereler, en cas qu'on donnast au Conte vn lieu à part, hors du rang des Ambassadeurs. Ainsi donques le vintvintieme iour susdit du mois le Conte de Lune entra en Congregation, & alla au lieu qui luy auoit esté assigné, qui estoit au milieu de la seance, vis à vis des Legats: & là presenta ses lettres & le mandement de son Roy. Lequel ayant esté lu par le Secretaire, & protesté le Conte protesta tout sur le champ, Que, combien que, & en cete seantion recitee-là, & en toute autre, il luy appartint de suivre immédiatement apres

Oooo ij

1563.

le Cardinal
Moron arri-
ue à Trente,
& tient Co-
gregation,
où il y a des
difficultés:

le Conte de
Lune Am-
bassé, d'iceluy
il est receu
apres grand
estiff pour la
presenace
avec les
Francois,

& protesta-
tion recitee
apres.

1563

les Ambassadeurs de l'Empereur: toutesfois, d'autant que le lieu, & la cause dont il s'agissoit, & le temps ne portoyent pas, que, pour querelles humaines le cours des choses diuines: & du bien public, fut retardé, il acceptoit & receuoit le lieu qui luy estoit donné: protestant neantmoins, que la modestie, & l'esgard qu'il auoit à n'empescher le progrès du Concile, n'eust à porter aucun prejudice aux droits, dignités, & eminences de Philippe, Roy Catholique, son Maistre, ne de ses successeurs: ains qu'iceles demeurassent en leur entier, en forte qu'iceux s'en pussent tousiours seruir, de mesmes comme si en cete seance luy eust esté baillé le lieu qui luy estoit du. Et fit instance que cete protestation fust enregistree és Actes, & qu'iceux ne pussent estre publiés sans icelle: & que Copie luy en fust baillée. Apres cela, les Ambassadeurs François protesterent aussi, Que s'ils estoient assis en autre lieu, que les premiers apres l'Empereur, & au dessus des Ambassadeurs des autres Rois, là où auoyent tousiours esté assis leurs ancestres, & encor de fraische date és Conciles de Constance, & de Latran: & si le nouveau lieu, auquel à present seoit l'Ambassadeur de Sa Majesté Catholique hors le rang des autres Ambassadeurs, pouuoit porter quelque prejudice à eux, ou aux autres Ambassadeurs: les peres du Concile, qui representoyent l'Eglise vniuerselle, par le du de leur charge, eussent à les reduire à l'ordre ancien: où bien, employer contre les contreuenans les admonitions Euangeliques. Mais, veu que les Peres se taisoyent, & que les Ambassadeurs de l'Empereur, qui ont l'interest commun en cela avec les François, ne disoyent aussi mot: & qu'ils seyoient aupres d'eux, & conseruoient l'ancienne possession au Roy, leur Maistre: d'ailleurs s'assurant sur la bonne & loyale intelligence, & parentage qu'auoit le Roy Catholique avec le Roy Trèschrétien, ils ne requeroient autre chose, sinon que les Peres declarassent, que le fait du Concile ne pouuoit faire aucun prejudice à la tresancienne prerogative, & perpetuelle possession de Sa Majesté Trèschrétienne: & que tout cela fust enregistré és Actes.

harangue au
nom de Co
te portant
le Concile à
sonie vi
guir co
tre le. Pro
testant.

La harangue, au nom du Conte, fut faite par Pierre Fontidonio, Theologien Espagnol: le quel dit en substance, Que la fin du Concile approchant, le Roy Catholique auoit enuoyé le present Ambassadeur, pour offrir de sa part de faire pour le Concile ce qu'auoit anciennement fait l'Empereur Martinien celuy de Calcedoine: auoir, de maintenir, & defendre la verité, qui seroit définie par le Concile, & de reprimer les troubles, & de conduire à heureuse fin ce Concile, le quel Empereur Charles cinquiéme auoit protégé en sa naissance, & progrès; & pour lequel il auoit fait de tresdangereuses & difficiles guerres: & le quel aussi son oncle Ferdinand soustenoit iusques alors. Que le Roy, son Maistre, n'auoit laissé en arriere aucun deuoir de Prince Catholique, pour faire qu'iceluy fust conuqué, & célébré, qu'il y auoit enuoyé les Prelats d'Espagne, & en outre des Docteurs tresexcellens. Qu'il auoit conserué la Religion en Espagne: & empesché l'entree à l'heresie, luy bouchans toutes les aduenuës des monts Pyrenees: & mesmes auoit obuié, qu'icelle ne nauigeast és Indes, là où elle s'estoit efforcee de percer, pour infecter les racines du Christianisme, naissantes en ce nouveau monde. Que, par la diligence & bondeuoir du Roy, la foy & la pureté de la Doctrine fleurissoit en Espagne: si bien, que Sainte Mere Eglise, voyant les autres provinces pleines d'erreurs, se consolait, voyant l'Espagne estre comme vne ancre sacrée: pour ressource de ses calamités. Et adiousta, Plust à à Dieu, que les Princes Catholiques, & Republiques Chrétiennes, eussent imité la fenerité du Roy à reprimer les heretiques: l'Eglise seroit deliurée de tant de maux, & les Peres de Trente releués du foyeu de tenir Concile. Et dit de plus, Que le Roy, son Maistre, auoit autresfois épousé Marie Royne d'Angleterre, à ce seul but, de reduire cete Isle-là à la Religion. Il ramenuit les secours tout nouuellement enuoyés par luy au Roy de France: & dit, que par la valeur de ses soldats: quoy qu'en petit nombre, les Catholiques auoyent emporté la victoire. Delà il dit, Que le Roy requeroit du

Concile l'establiſſement de la Doctrine de la Religion, & la Reformation des mœurs. Il loua les Peres, de ce que iamais, pour instance qui leur en eust esté faite, ils n'auoyent voulu laisser la doctrine à quartier, pour vaquer ſeulement aux mœurs: ains auoyent tousiours traité coniointement l'vne & l'autre partie. Il adiouta, que le Roy, son Maistre, desiroit, qu'ils pesassent & examinassent meurement la demande, plus pieuſe que prudente, de ceux qui requeroient qu'on donnast quelque chose aux ennemis de la Religion, pour les ramener à l'Eglise. Et fit vne inuectiue contre ceux qui diſoient, Qu'il ſaloit accorder quelque chose aux Proteſtans; afin, qu'estant ſeſchis par là benigence & debonnaireté, ils se diſpoſaſſent à retourner au giron de l'Eglise: diſant, Qu'on auoit à faire à perſonnes, qui ne pouuoient eſtre ployées ne par benice, ne par misericorde. Et, au nom de son Roy, exhorta les Peres à proceder en ſorte, qu'ils fiſſent veritablement paroïr, qu'ils auoyent plus de ſoin de la Maieſté de l'Eglise, que des cupiditeés des deuoyés: ſelon le ſtile perpetuel de l'Eglise, qui auoit tousiours vſé de cete grauité & conſtance, pour reprimer l'audace des ennemis, de ne leur accorder pas meſme ce qui honneſtement ſe pourroit. Il leur dit auſſi, que le Roy desiroit, qu'ils quittassent les queſtions ſuperflues. Et, pour conſclusion, dit, Que, puis que les Peres eſtoient aſſemblés pour vn ſon œuure, de remedier à tant de maux, qui travailloyent la Chreſtienté, en cas qu'il n'en arriuaſt aucun eſfet, la poſterité n'en attribuerait la faute à autre qu'à eux: & s'eſtonneroit qu'ayant pu, ils n'eusſent voulu y apporter le remede. Il loua auſſi les vertus de l'Ambaſſadeur, & la gloire de ſa maiſon: & finit par là.

Il luy fut reſpondu, au nom du Concile, Qu'en la douleur, qu'iceluy ſen-
toit à cauſe de miſeres communes, il auoit receu conſolation, par la repre-
ſentation & commemoration de la pieté du Roy Catholic: & que ſur tout, *reſponſe du
ſeu ſauora-
blement.*
il auoit eu commandement à gré la proneſſe du Roy, & de vouloir defendre & maintenir les Decrets du Concile. Et que l'Empereur, & les autres Roys, & Princes Chreſtiens, ayans là meſme intention, le Concile en eſtoit incité à faire en ſorte, que ſes actions correſpondiſſent au deſir de tant de Princes: ce qu'auſſi il auoit deſia fait iuſques alors, tant par ſa propre inclination, que par les exhortations du Pape, vaquant inceſſamment à la correction des murs, & à l'explication de la Doctrine. Et qu'il rendoit grâces infinies au Roy, tant de ſa ſinguliere affection à la Religion, & de ſa bonne volonté enuers le Concile; que de l'enuoy d'un tel Ambaſſadeur, duquel il ſe promettoit honneur; & ayde.

La harangue fuſſit deſplut à tous les Ambaſſadeurs, comme eſtant vne
couuerte cenſure de tous les Princes, de n'auoir imité la diligence du Roy
Catholic: & ils ſ'en plainquirent au Conte: lequel reſpondit; que ces paroles
ne luy auoyent paſſé moins deſplaiſantes qu'à eux: & qu'il auoit commandé
au Docteur de les retrancher, & de ne les proferer en ſaçon quelconque: &
qu'il ſe reſſentiroit de ce qu'il n'auoit eſté obeï. Les François, qui eſtoient à
Rome, blaſmerent grandement ceux qui eſtoient à Trente, d'auoir acquieſ-
cé au lieu, qui auoit eſté donné à l'Ambaſſadeur d'Eſpagne. Et diſoient, que
le Cardinal de Lorraine auoit fait ce grand preiudice à la Coronie de Fran-
ce, pour ſes propres intereſts, & pour gratifier le Roy d'Eſpagne: & d'au-
tant qu'il deſconſeilloit auſſi le Pape de n'accorder au Roy la demande qu'il
 faiſoit de l'alienation de cent mil eſcus de reuenu des biens Eccleſiaſtiques; ils
 diſoient qu'en toutes choſes il n'auoit autre viſée, qu'à ſon particulier: &
 pourtant, puis que l'adminiſtration des finances eſtoit hors des mains de luy,
 de ſon frere, il n'auoit point voulu que le Roy en puſt auoir d'aucun lieu.
 Mais le diſſend de la preſeance n'eſtoit pas encoir bien terminé, car,
 quoy qu'on eust trouué place à l'Ambaſſadeur d'Eſpagne es Congrega-
 tions, on ne luy pouoit pas donner la meſme es ſeſſions: dont les Le-
 gats eſcriuirent au Pape, pour auoir de luy ordre, comment ils auoyent
 à ſe gouverner.

Après la reception de l'Ambaſſadeur d'Eſpagne, le Cardinal de Lorraine

1563.
*abouchés
 ces Cardinaux de Lorraine, & de Ferrare, où celui de Lorraine se moult se forme pour le Concile:*

partit, pour s'aboucher avec celui de Ferrare : lequel, estant arriué en Piedmont, ne trouua pas les affaires de ce pais-là en meilleur estat, qu'en France, à l'égard de la Religion : car, en diuers endroits du Marquisat de Saluces tous les prestres auoyent esté dechassés : & à Quiers, & à Coni, places du Duc de Sauoye, & en plusieurs autres villes voisines, il y auoit plusieurs, qui auoyent les mesmes sentimens que les Huguenots, & mesmes à la Cour du Duc plusieurs en faisoient ouuerte profession, & s'en descouuroit tous les iours plus grand nombre. Et, quoy que le Duc de Sauoye, vn mois auparauant, eust fait vn ban, que tous les sectateurs de ces opinions dussent se retirer du pais dans huit iours ; & que mesmes quelques vns là dessus fussent partis, le Duc toutesfois du depuis auoit commandé qu'on ne procedast plus contre eux : & mesmes auoit fait grace à diuers, qui auoyent esté condamnés par l'Inquisition, & auoit fait abolir & supprimer toutes les procédures faites contre eux, & contre autres estans en l'Inquisition, mais non encor condamnés : voire mesmes auoit donné permission de retourner à quelques vns qui s'estoyent retirés. Mais le Cardinal de Ferrare, ayant entendu les raisons du Duc, fut contraint d'aduouer le mesme, qu'il alloit preschant par tout des affaires de France, assauoir, que c'estoit pour le bien des Catholiques d'en faire ainsi.

En ce mesme lieu ledit Cardinal receut les informations de l'Euesque de Ventimile, lequel, comme il a esté touché cy-dessus, estoit allé pour l'instruire des affaires du Concile, & du moyen qu'il falloit garder à traiter avec le Cardinal de Lorraine : lequel s'aboucha avec celui de Ferrare Hostie, sur le Veronois, le vintquatrième May : lequel luy ayant exposé l'estat des affaires, & de sa maison, apres la mort du Duc de Guise, & de son frere le Prieur ; l'exhorta de s'en retourner promptement en France, luy monstrant la necessité qu'auoit sa maison de sa presence. Il luy representa aussi, que des que la paix auoit esté faite avec les Huguenots, la Reformation ne produiroit plus les bons effects qu'on eust pu penser. Mais il le trouua, contre toute siene creance, imprimé de cete opinion que son honneur ne luy permettoit point d'abandonner cete entreprise. Le Cardinal de Lorraine se plaignoit que Moron, estant de retour de deuers l'Empereur, ne luy auoit fait aucune part de la negotiation : mais neantmoins dit, que l'Empereur mesmes luy auoit donné aduis de tout. Et luy dit, que le Roy Catholique estoit bien vny avec l'Empereur, & qu'entre le Conte de Lune, & luy, il y auoit fort bonne intelligence. Et sur le fait de la Residence, il dit, qu'il estoit necessaire de la declarer de droit diuin : car l'Empereur l'entendoit ainsi, & que de ce mesme aduis estoient presque tous les Prelats, horsmis quelque petit nombre d'Italiens : & que cete declaration estoit requise, pour oster au Pape le pouuoir d'en dispenser. Par ainsi le Cardinal de Ferrare n'auança gueres avec toutes ses persuasions. Le Cardinal de Lorraine, estant de retour à Trente, publia par tout, que le Cardinal de Ferrare auoit fait de grands offices enuers luy, au nom du Pape, & des Legats, que la question de la Residence fust terminée par vn Decret portant peines, sans declarer qu'elle est de droit diuin. Mais qu'il n'y consentiroit iamais.

*Et pour ce
 estamadoit
 par les gens
 du Pape,*

*mais se
 rend point:*

Mais le Cardinal Moron, pour reblandir celui de Lorraine, auant qu'on vint à joindre sur les affaires du Concile, & connoissant combien il estoit necessaire de luy deferrer tout, alla le visiter pontificalement, la croix deuant, & accompagné de plusieurs Prelats. Et, apres les complimens, il luy dit, qu'il desiroit qu'il conseillast, commandast, & operast ne plus ne moins que s'il estoit l'un des Legats. Que le Pape vouloit de la Reformation, & en auoit enuoyé quarante deux Articles bien rigoureux : & auoit escrit, que ceux qui auoyent esté présentés par les Ambassadeurs de l'Empereur, & de France, fussent aussi proposés, en ostant seulement ceux qui touchoyent la Cour de Rome, laquelle Sa Sainteté vouloit reformer de pais soy-mesmes, pour maintenir l'autorité du Siege Apostolic. Mais le Cardinal de Lorraine, soupçonast que Moron ne desirast de se descharger sur luy d'une partie du far-

deau, ou de le mettre en desfiance avec les Espagnols; respondit: Que le fait de la charge de Legat passoit ses forces, lesquelles ne s'estendoient pas plus auant, que de dire son opinion en qualité d'Archeuesque. Qu'il louoit grandement le zele de Sa Sainteté en la reformation des autres Eglises: mais qu'il pourroit bien trouuer bon, s'il luy plaisoit, que les Euesques aussi proposassent autant d'Articles pour le moins, pour les Cardinaux, & Cour de Rome. Que de vray le Siege Apostolic estoit digne de toute reuerence, & respect; mais que de ce manteau on ne pouuoit couurir les abus. La response de ce Cardinal fit resoudre les Legats à proceder avec de la retenue, iusques à tant que les affaires fussent vn peu mieux appriouisees: mais cependant fut faite forte brigue avec les Prelats Italiens, afin que le Decret de declarer la Residence estre de droit diuin, ne fut receu.

Il arriua vn accident, qui faillit à confondre & à diuiser les partisans du Pape entr'eux. C'est qu'il vint nouuele à Trénte; qu'au prochain quatre-temps le Pape creeroit des Cardinaux: & même le roole de ceux, qui estoient pour lors à Rome, fut enuoyé à Trénte. Les Pretendants, qui estoient en grand nombre au Concile, furent fort mal contents; & comme il aduient aux passionnés; ils ne se contenoient point, qu'ils ne lassassent tousiours quelque mot, qui demonstroir vn courage tout porté au ressentiment. Mais particulièrement furent remarqués Marc Antoine Colonné, Archeuesque de Tarante, & Alexandre Sforce, Euesque de Parme (lesquels, pour la puissance & grandeur de leurs maisons à la Cour de Rome, estoient plus auant que les autres), comme ayans dit qu'ils s'entendroyent avec le Cardinal de Lorraine. Ce que le Legat Simonette croyant; il en donna aduis à Rome: dont tous se tinrent pour offensés, & en parloyent avec beaucoup de ressentiment. Les mescontentemens durerent quelques iours: mais: dès qu'on vid qu'il ne se faisoit point de promotion de Cardinaux; & qu'on eut donné quelque satisfaction à ces Euesques, le tout fut appointé.

Mais apres ce temps, le Cardinal de Lorraine se rallentit grandement de sa roideur passée: d'autant qu'en France on s'estoit esclaircy, par la remarque des choses aduenues iusques alors; qu'il n'estoit possible d'obtenir de Trénte chose quelconque qui fust pour le bien de la France: & d'ailleurs aussi le traité de paix s'aloit establisant & affermissant, avec beaucoup de facilité: doht il y auoit esperance de ramener tous à l'obeyssance entiere du Roy, laissant là les autres pensees touchant la Religion: & peut estre aussi, que l'Empereur leur auoit communiqué le traité du Cardinal Moron: ausquels choses s'adioignirent les bons offices; que le Pape auoit fait enuers la Roynie; par le moyen de son Nonce. Au moyen de quoy on aduisa en France de ne le porter plus avec tant d'ardeur au fait du Concile: ains plustost de gagner le Pape: receuant de Trénte ce qui en viendroit de bon; & taschant d'empescher qu'il n'en arriast rien de preiudiciable. Sur quoy la Roynie escriuiit à Rome, offrant au Pape de s'employer pour la briue closture du Concile; & pour brider le Cardinal de Lorraine, & les Prelats François, à ce qu'ils n'impugnant l'autorité du Pape; & pour faire sortir d'Auignon, & du Constat, toutes les gens Huguénottes. Elle escriuiit semblablement au Cardinal de Lorraine, que la paix en France s'acheminoit fort bien, & que pour luy donner la dernière main & façon, rien n'estoit plus requis, que la presence de luy Cardinal en France: là où il pourroit faire beaucoup plus de bien, qu'à Trénte; où il auoit expérimenté de ne pouuoir rien auancer. Et pourtant, qu'il procurast de se despescher pour retourner au plus tost; & qu'il taschast de donner contentement au Pape, & d'acquiescer sa bienueillance, sans penser aux choses du Concile plus auant, que iusques où à sa conscience, & son honneur l'obligeroyent. Et l'assura qu'il auroit la même autorité en France, qu'il y auoit eu autres fois: & pourtant qu'il acceleraist son retour.

Les susdites lettres de la Roynie arriuerent à Trénte, & à Rome, à la fin de May: & furent fort agreables au Pape, & luy donnerent esperance de

le Cardinal de Lorraine se relasche, & pourquoy

1563.
displaisir
du Pape
contre la
France:

pouuoir bien tost voir vne bonne issue du Concile. Mais à l'opposite il eut vn grand desplaisir de ce qu'on auoit fait en France : car, pour desgager la Couronne de ses detes, par Edit du Roy, verifié en Parlement, il fut ordonné, qu'on alieneroit pour cent mil escus de reuenus des biens d'Eglise, dont sourdit vn grand trouble entre les Prestres, qui crioyent qu'on leur violoit leurs priuileges, & immunités, que les choses sacrees ne pouuoient estre alienees pour chose quelconque, sans l'autorité & le decret du Pape. Pour appaiser ces bruits, l'Ambassadeur de France fit instance au Pape, qu'il y prestast son consentement: allegant que le Roy estoit espuisé par les guerres passees, & qu'il faisoit dessein de mettre vn bon ordre à ses affaires, pour pouuoir s'employer à ce, qui auoit tousiours esté son but apres la conclusion de la paix : assauoir de reünir tout son Royaume en la Religion Catholique, pour pouuoir puis apres forcer quiconque s'opposeroit à luy : & pourtant, qu'il auoit pensé d'imposer vne subvention, dont il entendoit tirer aussi du Clergé sa part & portion : à quoy l'Eglise estoit de tant plus obligee, qu'il s'agissoit des interets d'icelle, plus que de tous autres. Et, que tout bien aduisé, on ne trouuoit expedient plus aisé que d'aliener partie des reuenus Ecclesiastiques: dont il requeroit l'adueu & consentement de Sa Sainteté. Mais le Pape disoit au contraire, que la demande estoit bien coloree d'vn beau & specieux pretexte de defendre l'Eglise, mais que de vray elle ne tendoit qu'à la ruiner: & que, pour euitier le mal, le plus asseuré estoit, de n'y consentir point. Et, combien qu'on eust pu presumer que les François viendroient à l'execution, mesmes sans son adueu, il estimoit neantmoins qu'on auroit pas demandé la permission, si on eust trouué acheteur sans icelle: & que nul n'oseroit hazarder ses deniers, de peur que, comme les choses du monde sont variables, il n'arriuaît que les Ecclesiastiques rentraissent en leurs biens, sans rembourser les acheteurs de leur argent. Et pourtant, ayant proposé l'affaire en Consistoire, de l'aduis des Cardinaux, il se resolut de n'y consentir point: mais de montrer aux François, par diuerses desfaites & excuses, qu'ils ne pouuoient obtenir de luy cete demande. Le Cardinal de Lorraine, qui portoit haine irreconciliable aux Huguenots; non tant pour cause de Religion, que pour la faction, avec laquelle luy & sa maison auoyent tousiours esté en querelle, laquelle aussi il s'asseuroit bien ne pouuoir iamais estre composee; eut grand regret d'entendre que la paix s'acheminait bien. Et, pour son retour en France, il se resolut qu'il falloit bien penser quand & comment il le deuoit entreprendre. Bien iugea-il, qu'il estoit necessaire de s'entendre bien avec le Pape, & la Cour de Rome, & les ministres d'Espagne, plus qu'il n'auoit fait au temps passé. Et pourtant, dès ce iour-là il commença à lascher de la feuerité qu'il auoit monstree au pourchas de la Reformation, & à rendre plus de reuerence au Pape, & à tenir meilleure intelligence avec les Legats.

dispute de
presence
entre la
France &
l'Espagne à
Rome, & a
gnee par les
François:

Le Pape, outre la demande de l'alienation susdite des biens d'Eglise, eut encor vne autre fascherie non moindre: c'est, qu'il se trouuoit engagé de promesse faite à diuerses & reiterées fois à l'Ambassadeur de France de luy donner sa place à la feste de Pentecoste: pour l'execution de laquelle il assembla quelques Cardinaux, pour trouuer quelque expedient, pour ne mescontenter l'Ambassadeur d'Espagne. Deux moyens furent proposés: l'vn, de luy assigner lieu au dessous du Diacre, qui estoit à gauche: l'autre, de le faire seoir sur vn escabeau au bout du banc des Diacres. Mais, nel'vn nel'autre n'estoit les difficultés: d'autant qu'il y demouroit tousiours matiere de concurrence à porter la queue trainante de Sa Sainteté, & à luy presenter l'eau aux mains, quand il celebrait: & à receuoir l'encens, & la paix. La difficulté de la queue, & de l'eau, ne pressoit point pour lors, d'autant que le Pape n'officioit point, & l'Ambassadeur de l'Empereur estoit present. Quant à l'encens, & à la paix, on trouua ce temperamēt, de les donner à tous ceux du costé droit, mesmes à l'Ambassadeur de Florence, qui estoit le dernier: & de passer de là au costé gauche. Mais l'Ambassadeur de France ne s'en contenta point:

disant,

disant, que le Pape luy auoit promis sa place: & que celuy d'Espagne ou nes'y trouueroit point, ou seroit au dessous de luy: & vouloit qu'aussi fust fait, ou qu'autrement il partiroit. L'Ambassadeur d'Espagne l'agrea aussi peu. Dont le Pape se resolut de luy mander, Qu'il auoit delibere de donner la premiere place à l'Ambassadeur de France. Sur quoy celuy d'Espagne respondit, Que si le Pape estoit resolu de luy faire ce tort, il luy vouloit lire vn eferit. Les Cardinaux, qui traitoyent avec luy, de la part du Pape, luy remontrereint qu'il n'estoit pas bon de ce faire, que tout premier l'eferit n'eust esté veu par Sa Sainteté: afin qu'au despourueu ne nasquist quelque inconuenient. L'Ambassadeur restiua à le deliurer: mais en fin il atquiesça. Le Pape, en le lisant, s'esmut de la forme des paroles impertinentes, comme il disoit. Apres fut introduit cet Ambassadeur en la chambre du Pape, avec quatre tesmoins. Et là, s'estant mis de genoux, il lut sa protestation: laquelle contenoit en substance, Que le Roy d'Espagne doit aller deuant celuy de France, pour l'ancieneté, puissance, & grandeur d'Espagne; & pour le grand nombre d'autres Royaumes qui luy sont suiets: pour lesquels, il est le plus grand & le plus puissant Monarque du monde: mais principalement; d'autant qu'en ses estats a esté defendue & conseruee la foy Catholique, & l'Eglise Romaine. Dont, si Sa Sainteté vouloit prononcer, ou auoit prononcé de parole, ou par eferit; en faueur de France, il faisoit vne notable iniustice. Et partant, au nom du Roy, son Maistre, il s'opposoit à toute declaration de presence, ou egalité, en faueur de France, la maintenant nulle & inualide, comme contraire au droit euidet de Sa Maiesté Catholique. Et que si elle auoit esté faite, elle estoit nulle, ayans esté faite sans connoissance de cause, & sans appel & citation de partie, & que Sa Sainteté, en ce faisant, seroit cause de grands inconueniens en toute la Chrestienté. Le Pape respondit, admettant la protestation entant que de droit & de raison: & s'excusant de la citation obmise: parce qu'il ne donnoit rien de nouueau aux François: mais leur conseruoit seulement le lieu, auquel il les auoit tousiours veus apres les Ambassadeurs de l'Empereur. Offrant toutesfoies de remettre la cause au College des Cardinaux, où à toute la Rote: & adioustant, qu'il aymoit le Roy, & luy seroit tousiours tout plaisir. A quoy l'Ambassadeur repartit, Que Sa Sainteté s'estoit priuee de la liberté de faire plaisir au Roy, en luy faisant vn tort sinotable. Le Pape repliqua, La cause n'en vient point de nous, mais de vous: & les bienfaits que le Roy à receus de nous, ne meritent pas les termes portés en la protestation, que vous nous auez faite.

En ce mesme temps arriua à Trente le President Birague, lequel, comme il a esté dit cy-dessus, auoit esté enuoyé par le Roy de France au Concile, & l'Empereur. Il fut receu le douzième Iuin, en la Congregation, en laquelle n'entreuinent aucuns Ambassadeurs au dessous des François, pour ne luy ceder: attendu, qu'és lettres du Roy, il n'estoit point qualifié Ambassadeur. Il presenta ses lettres, en date du quinziesme Aueil, qui portoyent en substance; Que chacun sauoit assez les troubles, & guerres ciuiles, qui adoyent esté excitees en son royaume, pour cause de Religion: & comment il s'y estoit employé, mesmes avec l'ayde & secours d'autres Princes, & Potentats, ses amis, pour y remedier par les armes. Mais qu'il auoit plu à Dieu, selon ses iugemens incomprehensibles, de ne faire naistre de cete voye d'armes autre chose, que meurtres; cruautés; saccagemens de villes; ruines d'Eglises, perte de Princes, Seigneurs, & Cheualiers, & autres calamités & desolations. Si bien qu'il estoit aysé à reconoistre, que le remede des armes n'estoit pas celuy, qu'il falloit suiure pour guerir vne maladie d'esprits: lesquels ne se laissent veindre que par raisons & persuasions: ce qu'il auoit contraint de faire vn Edit de pacification, comme cela estoit contenu en ses lettres expediees sur ce suiet: non, afin de permettre l'establissement d'une nouuele Religion en son Royaume: mais afin que, les armes estant mises bas, il pust, avec moins de contradiction, paruenir à vne

Pppp

réunion de tous ses suiets en vne sainte & Catholique Religion. Lequel benedice il attendoit de là misericorde de Dieu, moyenant vne bonne & serieuse Reformation, laquelle il se promettoit de ce saint Concile. Et, d'autant qu'il auoit beaucoup de choses à leur représenter, & à requérir d'eux, il s'estoit resolu de leur enuoyer Maistre René Birague, qui leur feroit entendre le tout de vive voix : & pourtant, qu'il les prioit de le recevoir & escouter benignement.

*Suiuis de
Sabrangue
requerant
R. so. m. stio.*

Après la lecture de ces lettres, ce President parla, exposant fort par le menu les discordes, les guerres, & les calamités de la France : & la necessité, à laquelle le Roy, & son Royaume, estoient reduits : la prison du Connestable, & la mort du Duc de Guise, qui le rendoyent sans bras. Il s'estendit bien au long à iustifier le traité de paix, comme fait par pure & simple necessité : demonstrent que le party Catholique y auoit plus d'auantage que le contraire. Que l'intention du Roy, & de son Conseil, n'estoit pas de laisser introduire ou establir vne nouuelle Religion : ains, au contraire, de faire, que les armes, & les desobeysances, estans cessées, les desuoyés fussent ramenés à l'obeyssance de l'Eglise, avec moins de contradiction, & par les voyes gardees par ses Ancêtres : & que tous fussent réunis en vne mesme sainte Catholique Religion : sachant fort bien, que deux exercices diuers de Religion ne peuuent longuement subsister ne continuer en vn Royaume. Et dit en suite, que le Roy esperoit de venir à ce saint but, par vne singuliere grace de Dieu, & moyennant le Concile : qui estoit le remede, lequel auoit esté de tout temps pratiqué par les anciens contre semblables maux, qu'estoyent ceux qui à present, affligeoyent la Chrestienté. Et pria les Peres d'ayder à la bonne intention du Roy par vne serieuse Reformation, & reduction des mœurs à l'integrité & pureté de l'Eglise ancienne : & en coïmposant les differends de la Religion. Et promit, que le Roy seroit tousiours bon Catholique, & affectionné à l'Eglise Romaine, suiuant l'exemple de ses Ancêtres. Et, pour conclusion, dit, Que le Roy se fioit en la prud'homie & prudence des Peres, qu'ils compatiroyent aux maux de la France, & s'employeroient pour y apporter les vrais remedes. Ce President auoit commission de requérir que le Concile fust transferé en lieu, où les Protestans eussent libre acces : d'autant que, nonobstant la seurété baillée par le Pape, & par le Concile, ils auoyent le lieu pour suspect : & le vouloyent en vautre, auquel l'Empereur les pust asseurer. Mais il ne toucha point cet Article, conseillé à cela par le Cardinal de Lorraine, & les Ambassadeurs du Roy, lesquels ne trouuerent pas qu'il fust à propos d'en faire mention : & mesmes tenoyent, que du depuis il auoit esté reuôqué : attendu les lettres escriptes au Pape, & au Cardinal de Lorraine, dont il a esté fait mention.

*La response
à Birague
est differée.*

On auoit desia, par aduis commun des Legats, donné ordre, que le Promoteur, au nom du Concile, respondit à Birague, par vne condoléance des malheurs & aduersités du Royaume de France : & par vne exhortation au Roy, qu'ayant esté porté par la necessité à faire la paix, & accorder quelque chose aux Huguenots, afin de reestabliir entierement la Religion, dès qu'il auroit mis le Royaume en paix, il luy plust de s'employer sans delay à obtenir ce but tant excellent. Cete response ainsi conceüe, fut, après la Messe, auant qu'entrer en Congregation, monstree au Cardinal de Lorraine : lequel respondit, Qu'il ne trouuoit pas bon, que le Concile approuuast le fait du Roy : duquel il luy sembloit qu'ils auoyent suiet : pourtant, qu'il valoit mieux prendre temps à respondre, comme c'est la coustume es affaires d'importance. Ils changerent donc d'auis, & ordonnerent que la response seroit faite à Birague en ce sens, Que, d'autant que les choses, par luy exposees, & representees, estoient de tres-grand poids, & auoyent besoin de beaucoup de consideration, le Concile prendroit temps conuenable pour respondre. Cet acte du Cardinal de Lorraine, desplut grâdemment aux Ambassadeurs de France : car il leur sembloit que si les Legats n'euf-

sent esté disposés à approuver les actions du Roy, il les y deuoit inciter, voire contraindre de tout son pouuoir: en lieu que, tout au contraire, eux ayans, comme de droit & raison, iugé, qu'une louange & recommandation du fait estoit conuenable, il les en auoit dissuadés. Toutesfois, en ayant consulté entr'eux, ils resolurent qu'il n'estoit pas bon escrire en France, pour plusieurs esgards: mais que Lansac, qui y deuoit retourner bien tost, pourroit en faire le rapport necessaire.

Le mois precedent estoit arriué en Baviere vn grand tumulte, & soulleuement des peuples, pource que l'usage du Calice ne leur auoit esté accordé, ne permis que les mariés pussent prescher. Ce desordre passa si auant, que, pour les appaiser, le Duc leur promit en l'Assemblée de ses Estats, que, si dedans le mois de Iuin la resolution n'estoit prise à Trente, où par le Pape, de leur donner contentement, luy mesmes leur permettoit l'un & l'autre. Cela ayant esté entendu au Concile, les Legats despescherent en diligence Nicolas Ormanet, pour exhorter ce Prince à ne venir à vne telle permission; luy promettant que le Concile ne defaudoit point à son besoin. Le Duc luy respondit, Que, pour monstrier son obeysance & deuotion enuers le S. Siege, il seroit tout deuoir d'entretenir ses peuples le plus qu'il seroit possible: attendant & esperant, que le Concile se porteroit à resoudre ce qu'il voyoit estre necessaire, nonobstant la determination faite auparauant.

*trouble en
Baviere
pour le Ca-
lice, & Ma-
riage des
Presbres*

Or, les Congregations continuans, pour traiter les matieres du Concile, l'Euesque de Nismes, en vne d'icelles, parlant sur les Articles des abus au Sacrement de l'Ordre, vint à traiter des Annates: & dit, Qu'il ne nioit pas que de vray toutes les Eglises ne dussent contribuer au Pape, pour le soutien de la Cour de Rome: mais qu'il ne pouuoit approuver ce payement par voye d'Annates: tant pour la maniere, que pour la quantité: car, quant à la quantité, il suffiroit bien qu'on luy payast la vintieme: en lieu qu'on par l'Annate on luy paye, peut estre, plus de la disme: & quant à la maniere, qu'au moins ne deuoit-on estre contraint à les payer, qu'apres l'an reuolu. Et, puis qu'il faisoit que la Cour de Rome fust maintenue par les contributions de toutes les Eglises, il seroit bien aussi raisonnable qu'elles receussent quelque vtilité & commodité d'icelle au reciproque: en lieu que presque tous les abus de Chrestienté naissent à cause de ses officiers: & qu'il seroit expedient que le Concile aduertist Sa Sainteté, qu'elle y pourueust. Il particularisa les ordinations des Prestres, qu'il font à Rome, esquelles il dit qu'on ne gardoit ne Canons, ne Decrets: & qu'il seroit necessaire de faire vn Decret, que, cas aduenant que les prestres ordonnés à Rome, ne fussent trouués capables, il fust au pouuoir des Euesques de les suspendre, nonobstant ladite ordination: & que les suspendus ne pussent, par voye d'appel, ou d'autre relief, empêcher le iugement du Prelat. Le dernier, qui parla en cete mesme Congregation, fut l'Euesque d'Osimo, en la Marche d'Ancone; lequel dit, Que comme on auoit recueilly les abus sur le Sacrement de l'Ordre; de mesmes aussi seroit-il bon de traiter des penitences, qui sont eniointes, & mesmes aussi des Indulgences tout ensemblement: attendu que toutes trois ces matieres sont connexes, & se tiennent par la main l'une & l'autre.

*des Congre-
gations on
traite des
Annates:*

*des ordina-
tions des
Presbres qui
se font à
Rome,*

*des Eues-
ques question-
naires*

En vne autre Congregation l'Euesque de Guadix, Espagnol, fit vn long discours: &, entre autres choses, fit vne maniere d'inectiue contre l'ordination des Euesques titulaires: sur l'occasion d'un Article des abus, qui estoit le quatrieme entre ceux, qui auoyent esté proposés: lequel portoit, que, pour remedier aux grands scandales, qui naissent continuellement à raison de cete sorte d'Euesques, il n'en fust plus crée aucun, sans vrgente necessité: & qu'en tel cas, auant qu'ils fussent ordonnés, le Pape leur pourueust d'entretien conuenable à la dignité Episcopale. Mais cet Euesque dit, Qu'à la dignité Episcopale estoit annexé d'auoir vn certain lieu, & diocese, comme chose essentielle: & que, Euesque, & Eglise, estoient termes relatifs, comme mary & femme, dont l'un ne peut estre sans l'autre: & pourtant qu'il y auoit contradiction, à dire qu'il y pouuoit eschoir cause legitime de faire

1563.

Euesquestitulaires : & maintint que leur ordination n'estoit autre chose, qu'une inuention de la Cour de Rome : & vfa mesmes de ces termes Latins, que ce n'estoient que, *figmenta humana* : & qu'on n'en voyoit aucune trace en l'Antiquité : & que si vn Euesque iadis estoit démis, ou renonçoit, il s'entendoit n'estre plus Euesque : ainsi que n'est plus mary celuy qui a perdu sa femme. Et partant aussi, que les plus anciens Canonistes escriuent, que les ordinations, faites par ceux qui ont renoncé leurs Eueschés, sont nulles & inualides. Que les Simonies, & les sordides pratiques, qui naissent à l'occasion de cete sorte d'Euesques, & les autres deprauations de la discipline, ne sont rien au pris de ce notable abus de donner le nom d'Euesques, à ceux qui ne le sont point : & d'alterer l'institution de Christ, & des Apostres.

Simon Negri, Geneuois, Euesque de Serrezane, en Toscane, en opinant à son tour, entra en la mesme matiere & dit, Qu'en l'Euesque il faut considerer l'Ordre, & la Iurisdiction. Que, quant à l'Ordre, il n'a autre chose, sinon, qu'il est ministre des Sacremens de la Confirmation, & de l'Ordre ; & par ordonnance Ecclesiastique, a l'autorité de plusieurs consecrations, & benedictions, qui sont defendues aux simples Prestres. Mais que, quant à la Iurisdiction, il a autorité au gouuernement de l'Eglise. Or les Euesques titulaires n'ont que la puissance de l'Ordre, & non celle de la Iurisdiction : & pourtant il n'est pas necessaire, qu'il ayent Eglise. Et, si anciennement nul Euesque n'estoit consacré, sans qu'on luy donnast Eglise, cela aduenoit d'autant que, non pas mesmes les Diacres, & simples Prestres, n'estoyent ordonnés sans titre. Mais que depuis, ayant esté reconu, que c'estoit à l'accroissement du seruice de Dieu, & de la grandeur de l'Eglise, qu'il y eust des Prestres sans titre, le mesme deuoit estre tiré en consequence pour les Euesques. Et partant, que pour pouruoir aux abus, il estoit bien conuenable de ne les point ordonner sans leur donner moyen de viure, afin qu'ils ne fussent contrains de se porter à choses indignes. Mais qu'au demeurant il estoit necessaire d'en creer, pour suppleer au defaut des Euesques impotens, ou qui ont cause legitime d'absenter leurs Eglises : ou mesmes aussi des grands Prelats, occupés en plus grands affaires. Et pourtant, que : quant à luy, il approuuoit l'Article, en la maniere qu'il estoit couché.

des dispen-
ses :

L'Euesque de Lugo, en Gallice, discourut des dispenses : disant, Qu'il y auoit plusieurs matieres, lesquelles il seroit fort expedient pour le seruice de Dieu, & benefice de l'Eglise, que le Concile par Decret declarast indispensables. Ce qu'il ne disoit point, afin que le Concile donnast loy à Sa Sainteté : mais seulement, d'autant que ce sont choses qui ne souffrent point dispenses de Papes : & quand ores en tout vn siecle, en quelque castre fratre, il pourroit arriuer quelque cause raisonnable pour en dispenser, si est-ce, que non pas mesmes en tel cas la dispense ne seroit iuste : d'autant qu'il est conuenable, qu'une personne priue souffre quelque soule, lors qu'il y va du grand benefice public : & mesmes encorés choses, esquelles peuuent arriuer cas frequens mericans dispense, il vaut beaucoup mieux en estre chiche que liberal, pour oster les occasions d'obtenir requestes : & graces subreptices, qui tournent au preiudice des ames.

de la res-
ponse à ren-
dre à Birag-
ue, coucher
par vn com-
missionaire
saire.

En ce temps cessa de soy-mesmes vne des difficultés susmentionnées, à l'égard de Ange Massarel, Euesque de Telesse, en l'Abruzze, Secrétaire du Concile, duquel la fidelité estant fort suspecte, diuerses instances auoyent esté faites, que les Actes fussent recueillis par deux : car, ne pouuant plus supporter les douleurs du calcul, qui le trauailloyent, il se resolut de se faire tailler pres son depart, sa charge fut baillée à l'Euesque de Campagne, au Royaume de Naples : & la premiere action qu'il fit, fut en la Congregation du septieme iour de Iuin, par la lecture de la response, que les Legats auoyent formee pour la rendre au President Birague. Icelle estoit longue, & fut proposée au despourueu, & sans estre aydee de bouche par aucuns des Legats : & d'ailleurs aussi estoit assez ambigue, & couchée en termes qui se pouuoient également tirer en louange, & en blâme de l'accord fait par le Roy

avec les Huguenots: dont il aduint qu'elle ne fut entendue de tous en vn mesmes sens, & les opinions des Prelats en furent fort differentes. Le Cardinal de Lorraine parla le premier sur icelle fort au long, sans se déclarer, si elle luy agreoit, ou non. Mais apres qu'il eut acheué de parler, le Cardinal de Vvarmie, poullé par Moron, le pria dedire nettement ce qu'il en sentoient. Et lors il respondit, Qu'elle ne luy plaisoit point: dont Moron fut grandement offensé: d'autant qu'il la luy auoit fait voir auparauant, & il auoit monstred'en estre content. Le Cardinal Madruce, qui suivit apres, s'en remit aux P^{res}. Des autres, les vns l'approuuerent; les autres dirent, qu'ils ne la trouuoient pas bonne. Les Prelats François se plainquirent, que cete response fust differée & debatue, contre la coustume gardée au Concile en semblables occasions. L'Euesque d'Oste, Ambassadeur pour le Duc de Sauioye, quand se vint à son tour de parler, dit, Qu'il falloit remettre l'affaire absolument aux Legats, & aux deux Cardinaux: Quand tous entrent opiné, l'Archeuesque de Lancian se leua, & dit, Que, quoy qu'il eust autrement conclu en opinant, neantmoins apres auoir ouy ledit Ambassadeur, il s'estoit rangé à son aduis. Dont à voix presque commune de tous le mesme fut aprouué.

L'onzième de Iuin, fut faite vne consultation des Legats, des Cardinaux, & de vingt Prelats, pour trouuer moyen de determiner la Doctrine de l'Institution des Euesques. Sur quoy le Cardinal de Lorraine opinant, toucha l'opinion des François, que le Concile est par dessus le Pape: allegant, qu'ainsi auoit esté desiny par les Conciles de Constance, & de Basle. Et, pour conclusion, dit, qu'il ne requeroit pas que le Concile en fist vn autre telle declaration: mais bien, que, s'il vouloit estre d'accord avec les François, il falloit euer d'inferer es Decrets des paroles; & termes, lesquels pussent preiudicier à cete opinion. Quand ce vint à l'Archeuesque d'Orrante à dire son aduis, il s'estendit en beaucoup de paroles à redarguer le Cardinal: releuant, & refusant tout ce qu'il auoit dit en faueur de la supériorité du Concile: & adiousta ces mots, qu'il y en auoit, qui tenoyent cete opinion de la supériorité du Concile pour aussi vraye que, *Verbum caro factum est*: mais que pour luy, il ne sauoit comment ils en pouuoient estre acerrénés en leurs consciences: designant aisiblement le Cardinal de Lorraine, duquel lebrnit commun estoit, qu'il auoit vsé de cete comparaison. Et de là venant à parler de l'Institution des Euesques; il signifiâ qu'il n'y auoit aucun differend en cete matiere, sans l'occasion qu'en auoit donné la minute proposee par le Cardinal de Lorraine: Le Cardinal là dessus respondit, Que, quand il estoit arriué à Trente, il auoit ia trouuées difficultés suscitées: qu'il auoit dressé la minute, dont on parloit, en ayant esté requis, en intention de porter paix & concorde, & de composer les differends: ce qui ne luy estant reuili selon son desir, il se contioit avec l'Archeuesque s'il en pouoit auoir l'honneur, que luy n'auoit pu remporter: le remerciant au reste, que, comme maistre, il aduertit là ou il faillait. Et, quant à la question de la supériorité du Concile par dessus le Pape, il dit, Qu'estant né en France; ou cete opinion est commune, il ne pouoit, ne luy, ne les autres François, la quitter, & qu'il ne croyoit pas, que pour la tenir, ils dussent estre contraincts à faire vne aburiation Canonique. L'Archeuesque repliqua, qu'il reprenoit cete minute, parce qu'elle estoit defectueuse, & que les difficultés, estoient nees de cela: mais qu'au demeurant, ce n'estoit pas là le lieu de luy respondre: & qu'il faisoit peu d'estat des iniures qui luy estoient faites: mais bien se plaignoit d'aucuns, qui faisoient profession d'accuser les actions des Legats, en quoy ils ne monstroyent point de bonne intention. Le Cardinal se tut, sans monstrier en apparence d'estre offensé. Le Conte de Lune, ou de son propre instinct, ou à la sollicitation des François, censura l'Archeuesque, disant, Que si le fait venoit aux oreilles de Sa Maiesté Catholique, il luy desplairoit. Et vn Prelat François, soit par commission du Cardinal, soit spontanément, aduertit le Cardinal Moron, que cet Archeuesque passoit

*pigne du
Cardinal
de Lorraine
et de l'Ar-
cheuesque
d'Orrante;*

1563.

Or avec le
Legat Mo-
ron,

bien fort les bornes: qu'autresfois desia il auoit vsé de mauuais termes contre le Cardinal de Lorraine, lors qu'il s'agissoit de la Residence. Et que le Cardinal estoit bien informé, qu'en la maison dudit Archeuesque il estoit continuellement desohiré: & que le plus honnesté titre, qu'on luy donnaist, estoit de l'appeler, homme plein de venin: & pourtant, que de ce dernier accident estant suruenu, il seroit bon de ne les appeler plus ensemble à aucun consultation; d'autant que le Cardinal de Lorraine s'en offenserait. Mais le Cardinal Moron respondit tout précisément, Qu'il auoit commandement de Rome d'appeler cet Archeuesque à toutes les consultations: & qu'il falloit en faire estime, d'autant qu'il auoit environ quarante voix qui le suiuiroient. Cela estant rapporté au Cardinal de Lorraine, l'irrita grandement contre Moron: ioint à cela, que peu de jours auparauant, les Legats & les Cardinaux consultants entr'eux, sur la réponse qu'il falloit donner à Birague, laquelle leur auoit esté remise de la premiere réponse, qui auoit esté formée; & neantmoins puis apres auoir dit le contraire en Congregation generale. Le Cardinal de Lorraine tournoit par son esprit, comment il pourroit se ressentir du peu d'estime qu'il voyoit qu'on faisoit de luy: sur tout, estant aussi aduerty de Rome, que le Pape le raxoit d'estre scandaleux, & de desirer l'vniõ des Catholiques avec les Protestans. Neantmoins puis apres, iettant les yeux sur ses propres intereits, qui luy commandoyent de tascher à se reünir avec Rome, & non à se separer d'auantage; la raison de l'utilité gagna par dessus le despit: au moyen dequoy il persista en la resolution d'auancer la closture du Concile, & de donner contentement au Pape.

Birague va
trouuer
l'Empereur:

Le President Birague, ayant attendu la réponse, autant de temps qu'il iugea estre de la bienseance, le treizième Iuin partit de Trente, pour aller à Inspruk, pour negotier l'autre chef de ses instructions avec l'Empereur: qui estoit de se conioir avec luy, pour l'election du Roy des Romains: & de l'informer des causes qui auoyent mu le Roy à faire paix avec les Huguenots, & de luy respondre sur la restitution de Mets, & des autres Villes Imperiales. Son instruction portoit aussi, de traiter avec l'Empereur, que coniointement avec le Roy d'Espagne, ils fissent tous ensemble instance que le Concile fust transféré en Allemagne: apres auoir conféré du fait avec le Cardinal de Lorraine, pour apprendre de luy les moyens les plus propres pour ce traité; ou pour s'en deporter tout à fait, comme on auoit fait à Trente. Mais le Cardinal, pour les mesmes causes, conclut, qu'il exposast ce point à l'Empereur, comme chose plustost à desirer qu'à esperer, ny à essayer.

concert d'o-
ser le pou-
voir aux Le-
gats de pro-
poser seuls
aneantis:

Le Conte de Lune auoit en son instruction vn article expresse de faire instance, que le Decret, qui donnoit aux seuls Legats le pouuoir de proposer au Concile, fust reuoké. Et apres son arriuee, en ce mesme temps il luy suruint vne autre lettre du Roy, par laquelle il l'aduertissoit, qu'il auoit esté recherché de la Roynie de France, de moyener que le Concile fust transféré en Allemagne afin qu'il fust en lieu libre: & qu'il auoit respondu, que cela ne luy sembloit point necessaire: attendu qu'il y auoit bien moyen de faire qu'il fust en pleine liberté, demeurant à Trente. Et pourtant, il luy commandoit de s'employer à ce, qu'il y eust toute liberté, commençant par la reuocation du Decret susdit: veu que, iceluy subsistant, il ne pouuoit en aucune façon estre appelé libre. Cete recharge fut cause que l'Ambassadeur iugea, qu'il ne falloit plus differer, & exposa sa commission aux Legats, suivant laquelle il fit forte instance, que cete clause fust ostée, ou bien expliquée: disant, que cela estoit conuenable, d'autant que les Allemans auoyent refusé de venir au Concile pour cete cause. Là entre autres: & pource aussi, que l'Empereur iugeoit que cela estoit necessaire, pour les induire à receuoir le Concile. Les Legats respondirent, Que ce Decret estoit passé du commun consentement de tous les Peres, mais que pour cela ils ne laisseroyent pas d'y faire consideration, pour resoudre ce qui seroit de la raison: & pour cela demandoyent d'auoir son nom par escrit. L'Ambassadeur la

leur donna, & eux l'enuoyerent au Pape: quoy que le Cardinal Moron remonstra que c'estoit chose superflue, & qu'il falloit porter la response à longs iours, sans donner autre fâcherie à Sa Sainteté. Es negotiations des Princes, sur tout en celles, qui ne touchent point le substantiel de leur estat, il auient souuent, que, changeant d'opinion par le changement des euenemens, les offices qu'ils ont faits auant le changement, produisent des effets contraires à leurs nouuelles volontés. Comme il auient en ce fait, que les offices faits par la Roynie avec le Roy d'Espagne, auant qu'elle eüst resolu de donner plein contentement au Pape sur le fait du Concile, produisirent l'effet de la lettre du Roy d'Espagne. Et pourtant, le Cardinal Moron, qui en descouurit le fonds, n'en fist point tant d'estat, comme autres.

En la Congregation du quinzième Iuin: le Cardinal Moron proposa, que le iour prefix pour la tenue de la Session, fust assigné au quinzième Iuillet. L'Euesque de Segouie, avec quelque petit nombre d'autres, dit, Qu'il ne voyoit point comment on püst, en si peu de temps, resoudre les difficultés; qu'on auoit entre mains, de la Hierarchie, de l'Ordre, de l'Institution des Euesques, de la Superiorité du Pape, & de la Residence. Et qu'il valoit mieux, auant toutes choses, decider les difficultés: apres quoy on pourroit assigner vn brief terme pour le iour de la Session; que non pas de le constituer; pour l'allonger puis apres honteusement. Mais, d'autant que le nombre des contredisans ne fut pas grand, la proposition fut arrestee quasi sans difficulté. Et le iour suiuant, Lainez, General des Iesuites, en opinant à son tour, se porta à respondre à toutes les choses, qu'auoyent esté dites par les autres; non assez conformes à la Doctrine de la Cour de Rome: & ce, d'vne ardeur & vehemence aussi grande, que s'il se fust agy de son propre salut. Il se disputa grandement en la matiere des dispenses: & dit, que contre raison il auoit esté dit, qu'il n'y a point d'autre puissance de dispenser, que interpretatiue, & declaratiue. Car, à ce conte, l'autorité d'un bon Docteur seroit plus grande, que celle d'un grand Prelat. Et que de dire, que le Pape, par sa dispense, ne peut desobliger celuy qui est obligé enuers Dieu, n'est autre chose, qu'apprehendre aux hommes à preferer leur propre conscience à l'autorité de l'Eglise: & que, puis que la conscience peut errer, & le plus souuent erre de fait, de se remettre à icelle, n'est autre chose, que plonger tout Chretien en vn abyssin de dangers. Qu'on ne pouuoit iamais nier, que Christ n'ayt l'autorité de dispenser de toutes loix, ne que le Pape ne soit Vicaire de Christ, lesquelles deux choses posees; il faut aduouer, que le Pape à la mesme autorité: attendu que le Souuerain, & principal, & son Lieutenant; sont vn mesme tribunal, & vn mesme Consistoire. Que c'est là vn priuilege de l'Eglise Romaine: & que chacun doit prendre garde, que c'est heresie d'oster à cete Eglise-là ses priuileges: ce qui n'est autre chose que nier l'autorité que Christ luy a donnee. Il passa aussi à parler de la Reformation de la Cour de Rome: & dit, Que celuy, qui est par dessus toutes les Eglises particulieres, est bien aussi par dessus plusieurs d'icelles, assemblees en vn. Et que, s'il appartient à la Cour de Rome de reformer chacune des Eglises; qui ont leurs Euesques au Concile, & nulles d'icelles ne peut reformer celles de Rome, attendu qu'il n'y a point de disciple, qui soit par dessus son Maistre; ne de seruiteur qui soit par dessus son Seigneur; il s'ensuit de necessaire consequence, que le Concile n'a point autorité de mettre la main en cete besongne-là. Que plusieurs parloient, & attribuoient les abus des choses lesquelles estans bien examinees, & sondées iusques au fonds, se trouuoient necessaires, ou bien certes viles. Qu'aucuns pretendoient de reduire l'Eglise Romaine à l'estat du temps des Apostres, ou de la primitive Eglise: mais ces gens-là ne sauoient pas distinguer les temps, pour voir ce qui conuenoit à ceux-là, ce qui conuient à present à ceux-cy. Qu'il estoit tout euident, que par la prouidence & bonté de Dieu, l'Eglise estoit deuenue riche: & qu'il n'y auoit rien de plus impertinant, que de dire, que Dieu ayt donné les richesses; & n'en ayt pas permis l'usage. Et touchant les Annates, il dit, Qu'il est

*dispute sur
le iour de la
Session*

*se descomi
de Lainez
en faueur
de Rome*

1563.

de droit diuin, que les dismes, & les premiers soyent payées par les peuples au Clergé: comme elles l'estoyent par le peuple Hebreu aux Leuites: & semblablement que la disme de la disme soit payée par le Clergé au Pape, comme elle l'estoit anciennement par les Leuites ou souverain Sacrificateur, que les reuenus Ecclesiastiques estoient les dismes; & les Annates les dismes des dismes, Ce discours desagea à plusieurs, & particulièrement aux François. Et y eut des Prelats, qui en remarquerent & recueillirent diuers points, avec intention d'en parler à leur tour, si l'occasion se presentoit.

*offense les
François,*

Les Espagnols, & les François eurent, que Lainez eust ainsi parlé par commandement expres, ou, du moins du contentement des Legats: & allegoyét pour preuue, les grandes faueurs, qui luy estoient faites par eux à toutes occasions: & specialement, par ce, qu'en lieu que les autres Generaux d'ordre, disans leurs aduis, auoyent accoustumé de se tenir debout: & en leur propre lieu; Lainez estoit tousiours appellé au milieu, & le faisoit-on seoir: & que plusieurs fois auoit esté tenue Congregation pour luy seul, pour luy donner loisir de discourir à son plaisir, & nonobstant que nul ne fust iamais arriué à la moitié de sa prolixité, il ne laissoit pas d'estre loué: en lieu que ceux, contre lesquels il parloit, ne furent iamais si brieufs, qu'ils ne fussent repris de longueur. Mais iceluy, ayant appris l'offense, que les François pre-tendoient auoir receuë de luy, enuoya Torres, & Cauillon, ses Compagnons, à s'en excuser entiers le Cardinal de Lorraine; & à luy dire, que ses redargutions n'auoyent point esté adressées à Sa Seigneurie Illustissime, ny à aucun des Prelats François: mais bien contre les Theologiens de la Sorbonne, les opinions desquels estoient peu conformes à la doctrine de l'Eglise.

*qui le con-
sultent en y
ne Congre-
gation p
sionliere de
leur nation:*

Ce qui estant rapporté au Cardinal, en vne Congregation des François tenue en sa maison, l'excuse fut receuë des Prelats avec du mescontentement; & par aucuns d'eux fut mesmes tenue pour petulante, & par quelques autres pour pure moquerie: mais ce peu de Theologiens, qui estoit demeuré à Trente, apres le depart susdit des autres, la prirent bien plus aigrement, en sorte que Hugonis mesme, qui estoit vendu, & pensionnaire, la iugeoit intolerable. Il sembla au Docteur Iean de Verdun, de l'Ordre de Saint Benoist, d'auoir esté nommément taxé, & d'estre obligé à repliquer: ce qu'il pria le Cardinal luy vouloir permettre, & luy en donner occasion: promettant de parler modestement, & de montrer que la Doctrine de la Sorbonne estoit Orthodoxe, & que celle du Iesuiste estoit nouuelle & inouïe: & que iamais n'auoit esté entendu en l'Eglise, que la clef d'autorité eust esté baillée par Christ, sans la clef de science: que le Saint Esprit, qui auoit esté donné pour la conduite de l'Eglise, estoit, par la Sainte Esriture, appelé Esprit de verité: & que son operation és conducteurs d'icelle, & és ministres de Christ, estoit de les guider & conduire en toute verité. Que Christ a communiqué à ses ministres son autorité, pour ce que tout ensemblement il leur a departy la lumiere de la Doctrine. Que Saint Paul à Timothee, disant d'auoir esté constitué Apostre, se declare soy-mesmes, en adiuoiant, Docteur des Gentils en foy & verité. Qu'en deux endroits, prescriuant les conditions & qualitez del'Euesque, il dir, qu'il faut qu'il soit propre à enseigner. Que si on regarde à l'usage de l'Eglise primitive, on trouuera, que les fideles recouroient aux Euesques pour les dispenses, & les declarations, d'autant qu'à cete charge estoient promus les plus versés & instruits en la Doctrine Chrestienne qui se trouuaient. Et que, sans remonter si haut à l'Antiquité, les Scholastics, & la plus part des Canonistes, auoyent constamment dit & déclaré, que les dispenses des Prelats estoient valables, *clane non errant*, & non autrement. Hugonis aussi s'offrit de disputer sur cete assertion, que le Tribunal du Pape est le mesme que celui de Christ, pour prouuer que c'est vne proposition impie & scandaleuse, qui egale l'homme mortel avec l'immortel, & le iugement corruptible avec celuy de Dieu: & que cela naissoit d'ignorance, pour ne reconoitre pas que le Pape est eseruiteur commis sur la famille de Christ, non pour faire la charge de Pere

Pere de famille, mais seulement pour distribuer à chacun, non arbitrairement, mais selon l'ordonnance du Pere de famille, la portion assignée à chacun. Qu'il estoit rayé d'esbahissement, qu'oreilles Chrestiennes pussent supporter, qu'on dist, Que toute la puissance de Christ ait esté communiquée à vne autre personne. Tous discoururent, les vns censurans l'vne, les autres l'autre partie du propos du Iesuite. Mais le Cardinal leur remonstra, que cene seroit pas peu fait, d'empescher qu'ès Decrets publics du Concile, on n'ouurist la porte à cette Doctrine: & que c'estoit là le but, auquel il falloit que tous vissassent, & auquel aussi ils paruiendroient plus aisément, passant les choses sous-silence: & par ce moyen les laissant choir en oubly: en lieu qu'y contredisant, ils seroient quelque preiudice à la verité. Ils acquiescerent, mais non tellement, qu'ils n'en tinssent de grands propos és compagnies priuées.

Or les Legats accommoderent les deux Chapitres de l'Institution des Euesques & de la Residence, par des termes si generaux, qu'ils donnoient contentement aux deux parties, & en telle sorte, qu'ils agreeerent aussi au Cardinal de Lorraine. Mais les ayans du depuis consultez avec les Theologiens partisans du Pape & quelques Prelats Canonistes, iceux y formerent opposition, disans qu'ils souffroient interpretation preiudiciable à l'autorité du Siege Apostolic, & aux vs & coustumes de la Cour de Rome. L'Euesque de Nicaistre, lequel à diuerses fois auoit debat de cette matiere és Congregations, en faueur de Rome, disoit ouuertement, que par cette forme de parler, on inferoit, que toute la Iurisdiction des Euesques ne prouient du Pape: mais qu'une partie d'icelle deriue immediatement de Christ: ce qui ne se peut tolerer en aucune façon. Le mesmes estoit soustenu par les autres partisans du Pape, lesquels donnoient sens sinistre à toute parole, qui ne portast à declarer que les Euesques ont toute leur Iurisdiction du Pape. Ce qui fut cause, que les Legats enuoyerent ces Chapitres ainsi reformez au Pape, non tant, afin qu'ils fussent examinez à Rome, que pour ne proposer matiere de si grande importance au desseu du Pape. Mais dez que les Cardinaux commis sur ces affaires du Concile les eurent veus, & examinez ils iugerent que cette minute estoit assez suffisante pour faire tous les Euesques egaux au Pape, en leur propre diocese: & le Pape reprenoit les Legats de ce qu'ils lui auoient enuoyée: veu qu'il scauoit tresbien, que la plus grande partie au Concile estoit de bons Catholics. & deuotieux à l'Eglise Romaine. Et que se fiant de ceux-là, il estoit bien contents, que les propositions, & resolutions fussent deliberées à Trente, sans son seu. Mais qu'il ne deuoit pourtant consentir à aucune chose preiudiciable, pour ne leur donner mauuais exemple, & n'estre cause, qu'eux aussi y consentissent, contre leur conscience.

Le Pape eut en ce mesme temps vne negotiation assez fascheuse: c'est que le Roy des Romains, deuant enuoyer Ambassadeur au Pape, pour luy signifier son election, ne le voulut point faire comme les autres Empereurs & Rois, lesquels auoient promis & iuré tout ce qui auoit pleu au Pape, d'autant que lors il n'y auoit point de difficulté: mais à present Maximilien, ayant esgard à ne offenser point les Princes, & autres Protestans d'Allemagne, voulut que tout premier il fust déclaré de quelles paroles il deuoit vser. L'affaire estant mis en consultation entre les Cardinaux, ils delibererent, qu'il falloit qu'il demandast la confirmation de l'election, & iurast obeissance, suiuant l'exemple de tous les autres Empereurs. Mais il respondit à cela, Que ceux-là auoient esté abusez, & qu'il ne consentoit iamais à chose quelconque, qui düst porter preiudice à ses successeurs, ainsi qu'on employoit au sien les actions de ses predecesseurs: & que ces termes qu'on luy proposoit, estoient pour le faire declarer Vassal. Et proposa que son Ambassadeur vsast de ces paroles, Que sa Maiesté presteroit toute reuerence, deuotion & complaisance à sa sainteté, & au Siege Apostolic: avec promesse, non seulement de conseruer, mais mesmes d'amplifier, de tout son pouuoir

1563.

la saincte foy Catholique. Mais il ne purent s'accorder : dont cette negotiation dura toute cette année : & à la fin ils crurent à Rome d'y auoir trouué vn bon temperament, propofant qu'il iurast obeiffance, non comme Empereur, mais comme Roy de Hongrie, & de Bohême : d'autant qu'ils difoient qu'on ne pouuoit defdire, que le Roy Estienne n'eust donné ce Royaume au S. Siege, en l'an de grace mil, le reconnoiffant d'iceluy, ensemble le titre Royal, & se faifant fon Vaffal : & que Vladiflaus, Duc de Bohême, n'eust receu du Pape Alexandre deuxième le pouuoir de porter la Mitre, s'obligeant de payer tous les ans cent marcs d'argent à la Chambre Apostolique. Mais ces choses ayans esté mises en consultation en Allemagne, on trouua qu'il n'y en auoit point d'autre document, que l'affirmation du Pape Gregoire septieme : dont on ne fit que s'en rire, & fut respondu au Pape, qu'on desiroit auoir des exemples plus recents, & certains ; & des titres plus legitimes. Il alla haut & bas beaucoup de messages, avec diuerfes propositions, responses & reponses : desquelles pour n'y retourner plus, il sera bon de rapporter en cet endroit l'issüe, qui fut, que vingt mois apres arriua à Rome le Conte de Helfenſtein, Ambassadeur dudit Roy des Romains, avec lequel on renouela les meſmes traitez de demander la Confirmation, & de iurer l'obeiffance. Mais iceluy respondit, Qu'il auoit par escrit pondeuellement la harangue qu'il deuoit prononcer, avec charge de n'y alterer vn seul iota. Surquoy le Pape tint Congregation generale, & proposa l'affaire aux Cardinaux : lesquels apres vne longue consultation, conclurent, que combien que la confirmation ne fust point requise, ne l'obeiffance promise ; toutesfois, en la response à l'Ambassadeur, il seroit dit, Que ſa Sainteté confermoit l'election ſuplant les defauts, de fait, ou de droit, entreuenus en icelle : & qu'il receuoit l'obeiffance du Roy : ſans dire, ſi l'vne eſtoit demandée, & l'autre promise, ou non. Et le fait alla en ſorte, que cette ceremonie agreea fort peu au Pape, & encor moins au College des Cardinaux.

Or, pour retourner au temps, dont i'efcry, le Pape eſtoit encor chargé de pouruoir aux frequens instances faites par les Ambassadeurs, residens aupres de luy ; & par le Conte de Lune, à Trente ; que le Decret, qui donnoit tout le droit de propoſer aux ſeuls Legats, fust reuocqué. Et eſtant tout las & recreu de cet ennuy, il eſcriuit aux Legats, qu'ils propoſaſſent en Congregation de le ſuſpendre. Mais le Cardinal Moron respondit aux Ambassadeurs qu'iluy en firent instance, ſelon la commiſſion du Pape, Qu'il n'y conſentiroit iamais : & qu'auant que condeſcendre à vne ſemblable declaration, il prieroit ſa Sainteté de le rappeler. Certe response rendüe ſans communication avec les autres Legats, ioint d'autres choses, leſquelles ce Cardinal auoit reſoluës tout ſeul, mit les autres en ialouſie, comme ſ'il ſ'eſleuoit par trop au deſſus des autres : & leur ſembloit, que quoy qu'il euſt vne inſtruction à part, il ne deuoit paſſer l'executer, ſans ſeſen aduertir au prealable & leur communiquer le tout, au moins en l'execution.

En la Congregation du vingt-vnième Iuin, fut luë la response, qu'il falloit rendre au Preſident Birague, formee par les Legats, & par le Cardinal de Lorraine : laquelle paſſa ſans aucune contradiction : & d'autant qu'il n'eſtoit pas preſent pour la luy intimer de bouche, on la luy enuoya apres par eſcrit. En la meſme fut deputé Adam Fuman, pour Secretaire, adioint à l'Eueſque de Teleſe, lequel continuoit touſiours en ſon indiſpoſition. Or les differends ſur les Articles de l'Inſtitution des Eueſques, & de l'autorité du Pape, durans ains ſ'engregeans touſiours d'auantage : & tous voyans que d'en parler en Congregation, ne faiſoit qu'accroître les difficultez : les Prelats ſe mirent preſque d'vn commun accord à en traiter particulierement, & à propoſer des expedients, pour accommoder en quelque facon les differens : Quelques-vns, deſireux d'aſſoupir les controuuerſes, & de faire quelque progrez ; voyans qu'il n'y auoit aucune voye d'accord, conſeilloient que l'vne & l'autre matiere fust entierement omiſe, & quoy que cet aduis enſin fuſt receu, il ne laiſſa pas d'auoir de la contradiction au

le Pape re-
laſche le
Decret
droit de
propoſer
des Legats

mais n'eſt
obey par
Moron,

response à
Birague
luë

vn Secretaire ad-
ioint,

difficultez
ſur l'ar-
ticle de l'in-
ſtitution
des Eueſ-
ques,

commencement. Les Eſpagnols s'y oppoſoient, d'autant qu'ils vouloient totalement, qu'il fuſt dit & arreſté, que la Iuriſdiction Epiſcopale vient de Chriſt: ſurquoy le Cardinal de Lorrain reſpondoit, Que leur vocation & l'aſſignation meſme du lieu, eſtoit immédiatement de Dieu. Et les François, pource qu'ils vouloient qu'on fiſt vne telle declaration del'authorité du Pape, qu'iceluy ne puſt contreuenir aux Decrets du Concile, ny en diſpenſer. Autres auſſi diſoient, que cet expedient de les omettre ne ſeruoit qu'à différer, ſans aucune certitude que la dilation puſt eſtre vtile. Car, lors qu'on viendrait à la fin du Concile, il faudroit de neceſſité traiter de décider toutes les matieres examinées: dont les difficultez ſeroient plus que iamais remiſes ſus. Et, cas aduenant que les François partiſſent auant la deciſion, comme le bruit eſtoit qu'ils eſtoient deliberez de faire, il y auoit danger de Schiſme à traiter aucune choſe contentieufe apres depart. Joint que ceux, qui ne fauoient pas les nouuelles penſées au Cardinal de Lorraine, & de l'Empereur, ſur l'intelligence qu'ils auoient enſemble, eſtimoient que ſi les François ſe retiroient, l'Empereur rappelleroit ſes Ambaſſadeurs: auquel cas, il y auroit peu de reputation à continuer le Concile: & meſmes ſeroit iugé par pluſieurs, que de déterminer choſe aucune, ſe feroit ſans authorité.

Il y auoit vne autre difficulté en l'Article del'election des Eueſques: c'eſt, qu'une grande partie des Prelats vouloient qu'il fuſt dit, Qu'on eſtoit obligé d'elire les plus dignes: pour preuue de quoy, ils allegoient grand nombre de Canons, & d'authoritez des ſaincts Docteurs. Mais les partiſans du Pape s'y oppoſoient: diſans que c'eſtoit reſtreindre l'authorité du Pape, en ſorte qu'il ne pourroit iamais gratifier aucun: & que l'vſage pratiqué à la Cour de Rome, de temps immémorial, portoit, qu'il ſuffiſoit d'elire perſonnes dignes. Les Ambaſſadeurs de France & d'Eſpagne y repugnoient auſſi, diſans, Que c'eſtoit par trop raccourcir l'authorité des Rois es nominations, ſ'il falloit qu'ils fuſſent obligez d'aller cherchant les plus dignes. Pluſieurs Prelats faiſoient des brigues, à ce que cet Article ne fuſt point receu, voire meſmes ſans cette clause, d'elire les plus dignes, & ſpecialement l'Eueſque de Bretinoré, & Lainez, General des Ieſuites, ſeſans quelques annotations & animaduérſions faites par eux, alloient monſtrant que de ce Decret naiſtroient de grands inconueniens. Car iceluy portoit, qu'une Eglife Cathedrale venant à uacquer le Metropolitan eut à écrire au Chapitre le nō de celuy qui deuoit eſtre promu, & qu'iceluy fuſt puis apres publié par les chaires, en chaque Eglife parochiale de la ville, en iour de Dimanche: & meſmes aſſiché aux portes de l'Eglife: & que puis apres le Metropolitan ſe transportaſt à la ville vacante, & là examinait teſmoins ſur les qualitez de la perſonne: & qu'apres que toutes ſes parentes, & atteſtations, auroient eſté lues en preſence du Chapitre, on ouïſt auſſi chacun qui voudroit obiecter quelque choſe contre ſa perſonne: & que de tout cela fuſt fait Acte, lequel fuſt enuoyé au Pape, pour eſtre leu en Conſiſtoire. Ils diſcouroient, que cette ordonnance ſeroit cauſe de ſeditions, & de calomnies: & que par ce moyen on donnoit vne certaine authorité au peuple, par laquelle il vſurperoit l'election des Eueſques, comme iadis il la ſouloit auoir. D'autres eſmus par ces raiſons, faiſoient les meſmes oppoſitions à l'Article, touchant ceux qui doiuent eſtre promus aux grands ordres: qui portoit, Que leurs noms euſſent à eſtre publiés au peuple par trois diuers Dimanches, & meſmes aſſichés aux portes de l'Eglife: & que leurs lettres teſtimoniales euſſent à eſtre ſignées par quatre Preſtres, & quatre Lais de la Paroiſſe: allegans, qu'en ces affaires, qui ſont purement Eccleſiaſtiques, il n'eſtoit à propos de donner aucune authorité aux Lais. En ces perplexitez, les Legats ne fauoient que faire autre choſe, ſinon iour du benefice du temps, & attendre qu'il ſe fiſt quelque ouuerture pour venir à la fin du Concile, à quoy on ne voyoit encor point de iour.

Il ſe commença vn autre traité, touchant la Reformation des Cardi-

1563.

sur la
Reforma-
tion des
Cardin.

nauux : car le Pape, entendant qu'on en parloit par toutes les Cours des Princes ; & qu'à Trente les Ambassadeurs de France, Espagne, & Portugal auoient concerté de la requérir au Concile : escriuiit aux Legats, leur demandant aduis : où il valoit mieux le traiter, à Rome, ou à Trente : & proposa le mesme en Consistoire, & ordonna quant & quant vne Congregation sur cela : & particulièrement, pour trouuer moyen d'obuiuer, que les Princes ne s'entremissent au Conclau, en l'election du Pape : & pour proceder avec toute circonspection en affaire de si grande consequence, il enuoya à Trente plusieurs chefs de Reformation, tirez des Conciles ; avec charge aux Legats d'en communiquer avec les principaux Prelats, & de luy en escrire leur aduis. Les Cardinaux de Lorraine, & Madruce, respondirent, Qu'ils ne vouloient dire leurs aduis, que tout premier ils ne seussent la pennee du Pape : apres quoy encor seroit-il necessaire d'y penser bien meurement. Mais le Cardinal de Lorraine, dit en son particulier, Qu'il y auoit plusieurs choses, qu'on estimoit dignes de correction, lesquelles toutesfois il ne iugeoit pas siuettes à reprehension : & aussi, qu'il y en auoit d'autres, lesquelles pouuoient bien estre blasmees en partie, mais non absolument. Et vint à la particularité de tenir des Eueschez, disant, Qu'il n'y auoit point d'inconuenient, qu'un Cardinal Diacre fust Euesque : & que pour cette cause, il auoit conseillé au Cardinal de Guise, son frere, de quitter l'Archeuesché de Sens. Mais cette matiere de la Reformation des Cardinaux, fut bien tost mise sous silence. Car tous ceux qui estoient à Trente, enclinoient plustost qu'elle fust traitée par le Pape, & par le College des Cardinaux : d'ailleurs aussi, ceux qui pretendoient au Chapeau, doutoient que traitant de cela au Concile, il ne nasquist plusieurs destourbiers à leurs desirs. Ce qui fut cause, que fort aisement on le deporta d'en parler. Le Pape eut aussi quelque pensee de faire vne ordonnance, que les Euesques ne pussent auoir, ny à Rome, ny en tout l'Estat de l'Eglise, aucuns offices de gouuernement temporel. Mais il fut aduertuy par le Cardinal Simonete, & par autres bons Prelats, que cela seroit au grand preiudice des Ecclesiastiques en France, Pologne & autres Royaumes : là où les Euesques sont Cōseillers des Roys, & ont autres charges principales : car il pourroit aisement aduenir, que les Princes se preuandroient de l'exemple de sa Sainteté : & que la noblesse seculiere se porteroit à procurer cela mesmes pour ses propres interets : dont ils pourroient estre priuez de ce droit. Et pourtant ils luy conseilloyent, s'il vouloit mettre sa deliberation en execution, qu'il le fist par effets, & sans escrit : afin de ne causer vn si grand dommage aux Ecclesiastiques, & autres Royaumes.

l'Emper.
depuis
d'Insruck
abandon-
nant toute
esperance
au Conci-
le.

Le vingt-cinquième du mois de Iuin, l'Empereur se partit d'Insruck : apres auoir este acertené par l'experience, soit en ce mesme temps, soit deux mois auparauant, lors que le Cardinal Moron fut avec luy, que son voisinage pres du Concile, non seulement ne produisoit point le bon effect qu'il auoit estimé, ains plustost tout le contraire : d'autant que les Prelats partisans du Pape, soupçonnans que sa Maiesté eust quelque dessein contre l'autorité de la Cour de Rome, s'ombrageoient de toutes choses, dont il estoit à craindre que les difficultez & desiances ne s'accrussent en aigreur ; & ne multipliasent en nombre : d'ailleurs ayant autres affaires, esquelles plus vtilement il se pouuoit employer. Et auant son depart, il escriuiit au Cardinal de Lorraine, Qu'ayant touché au doigt l'impossibilité de faire aucune chose de bon au Concile, il iugeoit estre du deuoir d'un Prince Chretien & prudent, de se contenter plustost de supporter le mal present, que non pas d'en causer vn pire, en essayant d'y remedier. Et bailla charge au Conte de Lune, lequel trois iours auparauant l'estoit allé trouuer en poste, d'escrire au Roy Catholic, sur le fait du Decret, que les seuls Legats eussent le pouuoir de proposer au Concile : l'exhortant, en son nom, de trouuer bon qu'aucune reuocation, ne declaration n'en fust faite. Et que si sa Maiesté auoit quelque scrupule, que sans icelle, le Decret ne portast preiudice aux Conciles à venir ; on pourroit faire la declaration à la fin de cettuy-cy, si

besoin estoit. En outre, ayant eu nouuelles qu'à Rome & à Trente, on traitoit de proceder contre la Roynie d'Angleterre, il escriuit au Pape & aux Legats, que veu qu'on ne pouuoit recueillir du Concile le bon fruit qu'on en desiroit, assauoir, d'vnr tous les Catholiques à reformer l'Eglise; il falloit au moins se garder de ne donner occasion aux heretiques de se ioindre plus estroitement entr'eux, comme il sembloit qu'on fist, parlant de proceder contre la Roynie d'Angleterre: d'autant que delà sans doute naistroit vne ligue generale d'eux tous contre les Catholiques, laquelle produiroit de grâds inconueniens. Cette remonstrance eut tant de vertu, que le Pape fit cesser toutes procedures à Rome, & reuoqua la commission qu'il en auoit baillée aux Legats à Trente. Apres que le Pape eut desgousté les Espagnols, n'ayant donné le premier lieu à leur Ambassadeur Vargas, lequel par plusieurs iours l'auoit continuellement molesté, faisant instance, que comme on auoit trou- *le Pape d'auoir ne suiter d'une grande dispute de preference entre les François & les Espagnols.* ué moyen que le Conte de Lune Ambassadeur de son Roy à Trente, pust assister es Congregations; sa Sainteté aussi trouuaist quelque expedient à ce qu'il pust entreuenir en la Session, le temps de la tenuë de laquelle approchoit. Le Pape apres y auoir bien pensé, & en auoir consulté avec les Cardinaux, se resolut finalement, qu'en la Session aussi fust donné au Conte de Lune vn lieu à part des autres Ambassadeurs: & pour obuier à la competence, qu'il pourroit y auoir à presenter l'encens, & la Paix, qu'on employast deux encensoirs: & que les François & les Espagnols, fussent encenzéz tous à la fois: & que semblablement deux Paix fussent presentées à baiser aux vns & aux autres, en mesme temps. Et escriuirent aux Legats, qu'ils le fissent ainsi: leur commandant de tenir la chose fort secreete, iusques au temps de l'execution: afin qu'on n'y preparast auant main quelque destourbier.

Le Cardinal Moron, suiuant le commandement du Pape, tint la commission secreete, en sorte que les François ne le balenerent point. Et le vingt-neufiesme Iuin, iour de S. Pierre, les Cardinaux, Ambassadeurs, & Peres, estans assemblez en la Chapelle du Dome, & la Messe estant ia commencée, l'Euesque d'Olte officiant, tout au despourueu sortit du Reuestiaire vne chaire de veloux violet, laquelle fut mise entre le dernier Cardinal, & le premier des Patriarches: & presque en mesme instant comparut le Conte de Lune, Ambassadeur d'Espagne, lequel s'assit sur ladite chaire: dont s'esmut vn grand murmure entre les Peres, parlans à l'oreille l'vn à l'autre. Le Cardinal de Lorraine se plaignit aux Legats de cet acte fait à despourueu, & à son insçu. Et les Ambassadeurs de France enuoyerent le Maistre des ceremonies à faire les mesmes doléances, mettans en consideration l'indiuidu des ceremonies de la Paix, & de l'encens. Mais les Legats leur responderent, Qu'on y remedieroit par deux Paix. Dequoy les François ne se voulurent point contenter: ains dirent ouuertement, Qu'ils vouloient estre conseruez, non en egalité, mais en preference: & qu'ils protesteroient de toute nouueauté, & partiroient du Concile. On continua es ces allées & venues, iusques à la fin del'Euangile, de sorte que pour le grand bourdonnement qui se fit, il ne fut possible d'ouïr l'Epistre, ne l'Euangile. Mais, comme le Theologien fut monté en chaire, pour faire le Sermon, les Legats avec les Cardinaux, les Ambassadeurs de l'Empereur, & du Ferrier, l'vn des Ambassadeurs de France, se retirerent au Reuestiaire, là où cette matiere fut debatüe: & le Sermon fut acheué, auant que chose aucune fust concludé. Comme on chantoit le Credo, à la moitié d'iceluy, on fit faire silence: & le Cardinal Madruce, avec l'Euesque des Cinq Eglises, & l'Ambassadeur de Pologne, sortirent pour parler au Conte de Lune, pour le prier, au nom des Legats, qu'il fust content, que pour lors ne fust presenté n'encens ne Paix à aucun: afin d'empescher l'inopiné tumulte, qui pourroit causer quelque grand mal: luy promettant qu'à toute autre siene requeste ils executeroient la commission de sa Sainteté, touchant les deux encensoirs, & les deux Paix en vn mesme temps: & qu'alors avec meure deliberation, & luy, & eux & tous pourroient aduiser comment ils auroient à se gouuerner.

1563.

avec prudence. Enfin, apres beaucoup de propos, ils retournerent dedans, avec la resolution du Conte, Qu'il estoit content. Cette deliberation prise, il sortirent tous du Reuestiaire, & retournerent en leurs places, & la Messe fut celebrée sans encens, & sans Paix : & dès aussi tost, que *l'Ite, Missa est*, eut esté dit, le Conte de Lune, lequel és Congregations auoit accoustumé de sortir le dernier apres tous, alors partit auant la Croix, suiuy d'une grande partie des Prelats Espagnols & Italiens, suiets du Roy, son Maistre. Apres sortirent les Legats, les Ambassadeurs, & les autres Prelats, à la maniere accoustumée.

Les Legats pour se descharger de ce qu'on leur imputoit d'auoir procedé en vne affaire de si grande importance, clandestinement, & quasi par fraude, furent necessitez de publier les commissions expressees, qu'ils auoient receuës de Rome, de proceder ainsi, en ce temps, en cette maniere, en ce lieu, & sans en rien communiquer. Du Ferrier disoit publiquement, que, n'eust esté le respect au seruice de Dieu, il auroit fait la protestation dont il auoit la charge du Roy, son Maistre : mais qu'à l'auenir il la feroit, en cas que les ceremonies accoustumées del'encens & de la Paix ne fussent restables, leur donnant en icelles le lieu qui leur estoit deu. Le Cardinal de Lorraine escriuit aussi au Pape vne lettre assez viue, luy representant le tort qu'on traictoit de faire à son Roy : & se plaignant modestement, que sa Sainteté luy eust fait dire, qu'il auoit telle confiance en luy, qu'il vouloit que tous les affaires du Concile luy fussent communiqués : dequoy il ne voyoit certes aucun effet : mais que toutesfois il ne s'en plaignoit point : bien se sentoit-il greué, que le Pape eust ainsi commandé aux Legats de luy celer iusques à ses propres affaires ; voire à luy qui mieux qu'aucun autre y pouuoit contribuer du bien : adioustant qu'il n'en estoit pas arriué tout le mal, qui eust bien pû, s'il ne s'y fust entremis : & declarant, que la coulpe de tout estoit imputée à sa Sainteté, laquelle il prioit ne vouloir estre auteur, & cause de tant de maux. Outre cette lettre, il luy despescha encor Musot, pour luy exposer plus particulierement la resolution des Ambassadeurs de France, & le danger eminent qu'il y auoit. Le Conte de Lune se plaignoit de la dureté des François, & magnifioit la grand patience & modestie, dont il auoit vûé : & fit instance aux Legats, que le Dimanche suiuant il fust admis à place & és ceremonies egales avec les François, selon la commission du Pape. Il y en auoit bien aussi qui disoient, que le tout estoit vn stratageme du Pape, pour rompre le Concile. Et les partisans du Pape, qu'on nommoit les bien affectionnez, disoient, Que si tant estoit qu'il falust venir à la dissolution d'ice-luy, ils eussent desiré, que cela fust plustost aduenu sur le suiet de la controuerse sur les paroles du Concile de Florence, Que le Pape est le Recteur de l'Eglise vniuerselle : car ils estimoient qu'il auroit esté plus aisé d'en iustifier sa Sainteté, & d'en reietter toute la coulpe sur les François.

Le lendemain matin, qui estoit le dernier de Iuin, le Conte de Lune assembla les Prelats Espagnols, & plusieurs Italiens, & leur dit, Que le iour precedent, il estoit allé à la chapelle, non pour donner aucune occasion de bruit, ou de destourbier ; mais pour maintenir le droit du Roy, son Maistre : & pour se feruir de la commission baillée par sa Sainteté. Mais que depuis il auoit entendu, que s'il y retournoit plus, les François vouloient protester : auquel acte s'ils venoient, il ne pourroit manquer de leur respondre conuenablement à la maniere & aux termes, dont ils vseroient ; tant pour ce qui concernoit sa Sainteté, que pour ce qui touchoit la Maiesté du Roy, son Maistre. Ces Prelats responderent, Que, si on venoit à cela, chacun d'eux feroit prest & appareillé au seruice de sa Sainteté, & mesmes ne faudroit point d'auoir tout l'esgard conuenable à sa Maiesté Catholique, entant qu'à eux appartenoit. Le Conte les pria derechef d'auoir l'œil ouuert à tout ce qui pourroit arriuer en tel cas : disant, que de sa part aussi il y viendrait préparé : sachant bien que les François ne pouuoient prendre que trois voyes, ou contre les Legats, ou contre le Roy, ou contre luy Ambassadeur,

& qu'il y prepareroit response conuenable à chacune. Les Ambassadeurs des autres Princes firent tout office enuers les Legats, qu'ils trouuaissent quelque expedient, pour empescher que tel desordre n'auinst plus. Mais ils responderent, Qu'ils ne pouuoient manquer d'executer le commandement de sa Sainteté, lequel estoit precis, & sans reserue, & qu'ils auoient promis au Conte de Lune de l'executer à toute sienne requeste. Surquoy le Cardinal de Lorraine protesta aux Legats, que s'ils l'entreprenoient, il monteroit en chaire, & montreroit de combien grande importance estoit cet affaire, & la grande ruyne qu'il apporteroit à toute la Chrestienté, & qu'auec le Crucifix en main, il crierait Misericorde : & persuaderoit aux Peres, & au peuple de sortir de l'Eglise, pour ne voir vn si horrible Schisme : & crierait, Qui desire le salut del'Eglise, ait à mesuivre, & qu'ainsi il fortiroit del'Eglise, esperant qu'il seroit suiuy d'vn chacun. Les Legats, esmus de ces propos, delibererent de faire office avec le Conte, qu'il trouuast bon, que le Dimanche suiuant ne se tint point Chapelle, ny ne se fist procession, à l'accoustumée. Et donnerent promptement aduis de tout au Pape.

On tenoit continuelles assemblees chez les Ambassadeurs de France, & chez celuy d'Espagne : lequel ores donnoit esperance de se vouloir contenter, ores faisoit instance, qu'on allast à l'Eglise, pour executer la commission du Pape, touchant l'encens, & la Paix. Les Ambassadeurs de France, d'autre part, estoient resolu de faire la protestation, & de se retirer : & disoient ouuertement, qu'ils ne protesteroient point contre les Legats, qui n'estoient que simples executeurs : ne contre le Roy d'Espagne, ou le Contre son Ambassadeur, qui pour suiuoient leur cause, & pretensions : ne contre le Siege Apostolic, lequel ils estoient disposez d'honorer tousiours, suiuant les traces de leurs Aneestres : mais contre la personne du Pape, comme celuy, duquel venoit le preiudice, & l'innouation & lequel s'estoit rendu partie en ceste cause, & donnoit cause de Schisme : & pour autres raisons : avec appel au Pape futur, legitiment eleu, & à vn vray & legitime Concile : menaçant de partir, & de celebrer vn Concile National. Les Prelats François, & autres de la mesme nation, disoient à part communement à chacun, Que les Ambassadeurs auoient des protestations à faire contre la personne de Pie, soy disant Pape, quoy qu'il ne fust legitime, pour cause d'election inualide & nulle, pour vice de Simonie : designant particulièrement la cedule, que le Cardinal Caraffe auoit eue du Duc de Florence, portant promesse d'vne certaine somme de deniers pour fauoriser l'election du Cardinal de Medicis, depuis Pape Pie : laquelle ledit Caraffe auoit du depuis enuoyée au Roy Tres-Chrestien, pretendunt, qu'elle ne pouuoit auoir esté faite, sinon du consentement du Pape auant son assomption : outre l'autre cedule, faite au Cardinal de Naples, de la main propre du Pape, estant Cardinal en Conclau, de laquelle il a esté parlé cy dessus. Le President du Ferrier prepara aussi outre la protestation, vne harangue Latine, assez poignante, laquelle ne fut pas prononcée, mais ne laissa pas pourtant d'estre imprimée, & est encor à present produite par les François, comme si elle auoit esté recitée. Et n'est hors de nostre propos d'en rapporter en cét endroit la substance, afin qu'on voye, non ce que les François dirent, mais ce qu'ils sentirent touchant le Concile.

Il dit donc, Que ce Concile ayant esté conuocé par l'entremise de François, & Charles, Rois de France, frere, eux Ambassadeurs du Roy auoient grand desplaisir de voir d'estre contrains, où à partir, ou à consentir à la diminution de la dignité du Roy, leur Maistre. Qu'il estoit notoire à tout homme, qui auoit leu le Droit Pontifical, & les histoires de l'Eglise Romaine, quelle estoit la prerogatiue du Roy de France : & à ceux, qui auoient leu les Volumes des Conciles, quel estoit le rang, que les Rois de France y auoient tousiours tenu. Que les Ambassadeurs du Roy Catholic auoient, es Conciles passez, tousiours esté au dessous de ceux du Roy Tres-chrestien. Mais qu'en ce temps y auoit esté fait du changement, non par

1563.

eux Peres, lesquels, s'ils estoient en liberté, ne troubleroit aucun Prince en sa possession : ne par le Roy Catholic, tresconioint d'amitié, & de parentage avec le Roy, leur Maistre : mais par le Pere de tous les Chrestiens : lequel, en lieu de pain, auoit baillé à son fils aîné vne pierre & vn serpent en lieu d'un poisson, pour blesser d'une mesme piqueure le Roy en l'Eglise Gallicane tout ensemble. Que Pie quatrième iettoit semences de discord, pour troubler la paix entre les Rois amis : changeant, par force, & iniustice, l'ordre des seances des Ambassadeurs, garde en tout temps : & mesmes encor de fraische memoire des Conciles de Constance, & de Latran, pour monstrier d'estre par dessus les Conciles. Mais qu'il n'estoit pas en son pouuoir, ne de rompre l'amitié des Rois, ne d'annuler la doctrine des Conciles de Constance, & de Basle, qui porte, Que le Concile est par dessus le Pape. Que S. Pierre auoit appris des s'abstenir des iugemens des choses mondaines : en lieu que ce sien successeur, mais non imitateur, pretendoit donner & oster leurs honneurs aux Rois. Que par toutes loix diuines, des gents, & ciuiles, l'aîné auoit tousiours esté reconu & du viuant & apres la mort du pere : mais que Pie quatrième refusoit de preferer le Roy premier né aux autres nés long temps apres luy. Que Dieu pour l'amour de Dauid, ne voulut point oster ne diminuer la dignité Royale à Salomon : mais que Pie quatrième, nonobstant les merites de Pepin, Charles, Louys, & autres Rois de France, pretendoit par son arrest, oster ses prerogatiues au successeur de ces Rois. Que contre toutes loix, diuines & humaines, sans connoissance de cause, il auoit condamné le Roy, le priuant de sa tres-ancienne possession : & auoit prononcé en la cause d'un orphelin, & d'une vefue, à desfaueur. Que les anciens Papes, lors que le Concile general estoit sus pied, n'auoient iamais fait chose quelconque, sans l'approbation & adueu d'iceluy : mais que Pie quatrième, sans ce Concile qui represente l'Eglise vniuerselle, auoit entrepris de depousseder les Ambassadeurs d'un Roy pupille non cité, ny appellé : lesquels n'estoient point enuoyez à luy, mais au Concile. Et afin qu'on n'y puit pouruoir, auoit fait diligence, que son arrest ne fust seu, commandant aux Legats sous peine d'excommunication, de le tenir secret, Que les Peres considerassent, si c'estoit là des actes de Pierre, & d'autres souverains Pontifes. Et si eux Ambassadeurs n'estoient pas obligez de partir de là, ou Pie n'auoit laissé aucun lieu aux loix, ne trace de liberté au Concile : attendu que chose quelconque n'estoit proposée aux Peres, ne public, qui n'eust esté enuoyée de Rome. Qu'ils ne protestoient que contre ledit Pie quatrième, ayans au reste en veneration le Siege Apostolic, le souverain Pontife, & la sainte Eglise Romaine : mais refusans seulement d'obeyr audit Pie, lequel ils ne reconnoissoient point pour Vicair de Christ. Que quant aux Peres assemblez là, ils les auoient tousiours en singuliere reuerence ; mais puis que tout ce qui se faisoit, estoit fait, non à Trente, mais à Rome : & que les Decrets, qu'on publioit, estoient plustost de Pie quatrième, que du Concile de Trente : ils ne les receuroient point pour Decrets d'un Concile general. Pour la fin, il commandoit, au nom du Roy, aux Prelats & Theologiens François, qu'ils eussent à partir, pour retourner, quand il plairoit à Dieu que la forme legitime, & la liberté fust rendue aux Conciles generaux ; & quand le Roy auroit recouuré le lieu & la place qui luy estoit due.

Il se fait
quelque
composition.

Il n'y eut pas occasion de faire la protestation : car le Conte de Lune se rangea finalement à entendre à quelque composition ; considerant que, quoy que le party d'Espagne surpassait de nombre celuy des François, neantmoins les dependans du Pape, lesquels au premier rencontre, scachans la volonté de leur Maistre, seroient à sa faueur, pourroient puis apres panacher à surseoir iusques à la responce & nouvelle commission d'iceluy, auquel ils fauoient qu'on auoit depesché pour cette cause : dont il aduiendrait, qu'iceux estans joints aux François, son party demeureroit le plus foible. Et pourtant par l'entremise de tous les autres Ambassadeurs, & du Cardinal

dinal Madruce, apres plusieurs difficultés, ils conuinrent qu'és ceremonies publiques ne seroit plus presenté encens, ne Paix, iusques à la response du Roy d'Espagne. Cet accord desplut à plusieurs, partie dependants du Pape, & qui auoient fort à gré cete occasion pour interrompre le progrès du Concile : partie aussi, las de demeurer à Trente : & lesquels ne scachans voir, en quelle maniere le Concile pust auoir ny progrès, ny issué, desiroient, pour moins de mal, qu'il fust interrompu ; afin que les discordes nes'acorsissent. Il est bien certain que le Pape mesmes, ayant eu aduis de l'accord fait entre les Ambassadeurs, le prit à desplaisir, pour la mesme apprehension que les discordes ne s'engregeassent, & qu'il n'arriuaist quelque mal. Et les ministres Espagnols, qui estoient en Italie, blasmoient tous le Comte de Lune, d'auoir laissé eschaper vne occasion si fauorable pour le seruice du Roy.

Ce differēt estant appointé, les Legats tous ententifs à tenir la Session, dont le temps approchoit, consulterent ce qu'on pourroit faire pour oster les differents. Le Cardinal de Lorraine proposa vn expedient, de ne traiter point pour tout del' Institution des Euefques, & del'authorité du Pape, comme estans choses, esquelles les parties estoient portées de trop de passion ; & pour ce qui conceruoit les Euefques, de n'endire autre chose, que ce qui touche à la puissance del' Ordre : ce qui a aucuns des partisans du Pape sembloit yn bon remede : mais n'estoit approuué par les autres, disans, que cela seroit attribué au Pape, comme si la minute dernièrement dressée ne luy eust agréé : & que les Princes pourroient s'esbahir, pourquoy Sa Sainteté ne s'en estoit contentée, attendu que par icelle la mesme puissance luy estoit attribuée qu'auoit eu S. Pierre : ce qui donneroit aussi beaucoup à parler aux heretiques : ioint que les Espagnols, & les François prendroient de là occasion de peu esperer, qu'à l'aduenir on pust s'accorder en chose aucune : dont naistroient infinies difficultés aussi és autres inatieres : outre ce qu'il demeureroit encor en doute, si cet expedient pourroit estre effectué, attendu que bon nombre de Prelats pouuoit requierir que ces Articles ne fussent obmis, ains qu'ils fussent declarés. Le Cardinal de Lorraine promit que les François ne recherchoient autre chose : & s'offrit de moyenner que les Espagnols aussi s'en contentassent : adioutant, que, si les Legats faisoient le mesme enuers les Italiens, lesquels, de gayeté de cœur, s'opposoient aux autres, le tout seroit composé.

Tout à point arriva commission de l'Empereur à ses Ambassadeurs, qu'ils fissent tout deuoir, à ce qu'au Concile ne fust parlé de l'authorité du Pape. Ce qui par luy fut fait, voyant que la disposition de la plus grande partie estoit portée à l'amplifier : & craignant qu'il ne fust determine quelque chose, qui rendist la concorde avec les Protestans plus malaisée. Cet office fait par lesdits Ambassadeurs avec les Legats, & avec le Cardinal de Lorraine, & autres principaux Prelats, fut cause qu'on resolut d'obmettre tout à fait cet Article-là, & celuy del' Institution des Euefques. Apres plusieurs consultations sur ce suiet, auxquelles estoient introduits les principaux Prelats, & de plus grand suite ; or en plus grand, or en plus petit nombre, pour disposer les affaires en sorte, que tous demeurassent contents, les Decrets des remedes & prouisions aux abus furent baillés aux Peres. Et au premier Article, qui estoit del' Election des Euefques, sur la particularité, que les Metropolitains eussent à faire l'examen des personnes qui deuoient estre promus aux Euefchés, dont il a esté parlé cy-dessus, les Ambassadeurs d'Espagne, & de Portugal, s'y opposerent roidement : disans, Que c'estoit soufmettre les Rois aux Prelats leurs suiets : attendu qu'indirectement on donnoit aux Prelats le pouuoir de reproüuer les nominations Royales. Les Ambassadeurs de France, recherchés de cela, monstrenterent de ne se soucier point qu'il en fust fait Decret, ou que l'Article fust obmis. Dont les partisans du Pape, qui iugeoient, que cela tendoit à la diminution de l'authorité Papale, disoient que tout cet Article se pouuoit obmettre : sur tout, qu'il sembloit

R r r

1563.

qui des-
plait à
plusieurs,

pour reme-
dier aux
differens
on se sou-
d'obmet-
tre quel-
ques de-
crets con-
tentieux,

1563. qu'en la Session cinquième il auoit esté suffisamment pourueu à cete matiere. Mais d'autres s'opposans à cela de grande ardeur, finalement d'un commun consentement il fut conclu, que cet Article seroit différé à la suiuantc Session, pour auoir loisir de l'agencer en sorte, qu'il pult agréer à tous : afin que pour cela ne fust trauersée la publication des choses accordées.

Et de rem-
mettre au
Pape ce-
luy de la
confession
de foy à
faire par
les Euef-
ques, &
Magi-
strats

La mesme difficulté naquit sur le dernier Article, d'entre ceux qui auoient esté proposés : auquel estoit prescrit vn formulaire de confession de foy, laquelle deuoient iurer ceux, qui estoient destinés aux Euefches, & Abhayes ; & autres benefices ayans cures d'ames, auant qu'on vinst à leur examen : lequel formulaire deuoit estre conioint avec celuy de l'election, en sorte qu'on ne les pult separer l'un de l'autre. Et fut arresté de différer aussi cet Article. Mais, d'autant qu'il fut si longuement différé, qu'on ne vint iamais à vne resolution d'en passer le Decret : & qu'en fin il fut tumultuairement remis au Pape, comme il sera dit en son lieu : il ne sera hors de propos d'en presenter en cet endroit la substance, qui estoit, Qu'y non seulement cete confession fust requise de ceux, qui estoient destinés aux Euefches, & autres cures d'ames : mais aussi, qu'il fust ordonné, par vne admonition, & commandement en vertu d'obeissance, à tous Princes de quelque Maieité, & Excellence qu'ils pussent estre, de n'admettre à aucune dignité, magistrat, ou charge, aucune personne, sans auoir tout premier fait enquette de la foy & religion d'icelle : & sans que ladite personne eust spontanement & de son bon gré aduoués & iurés les Articles contenus en cedit formulaire, lequel, pour cet effet aussi le Concile commandoit estre traduit en langue vulgaire, & lu publiquement au presne par chascun Dimanche, en toutes les Eglises, afin qu'il pult estre entendu de tous. Les Articles d'iceluy estoient, De receuoir les saintes Escriptures de l'un & de l'autre Testament, lesquelles l'Eglise tient pour Canoniques, comme inspirées de Dieu. De reconnoistre vne sainte Catholique & Apostolique Eglise, sous vn Pape de Rome Vicair de Christ : tenant tres-constamment la foy, & la doctrine d'icelle : veu que, estant reglé par le S. Esprit, elle ne peut faillir. D'auoir en veneration, comme certaine, & indubitable, l'autorité des Conciles generaux ; & de ne reuoyer en doute les choses vne fois ordonnées par iceux. De croire de ferme foy aux traditions receuës de main en main. De suiure le consentement & le sentiment des Peres Orthodoxes. D'obeir entierement aux constitutions & commandemens de sainte Mere Eglise. De croire & confesser les Sept Sacremens, & leur vsage, vertu, & fruit : selon que l'Eglise a enseigné iusques à ce temps : mais sur tout, qu'au Sacrement de l'Autel est le vray Corps & Sang de Christ, reellement & substantiellement, sous les especes du pain, & du vin, par la vertu & puissance de la parole de Dieu, proferée par le Prestre, qui seul est le ministre, ordonné par Christ à cet effet : & que ce Corps & ce Sang est offert en la Messe à Dieu pour les viuans & pour les morts, en remission des pechés. Et finalement, de receuoir & retenir tres-fermement toutes les choses pieusement, saintement & religieusement obseruées par les Peres & ancestres, iusques à ce temps : & de ne se laisser aucunement demouoir d'icelles : ains de fuir toute nouveauté de dogmes, comme poison mortel : euitant tout Schisme, detestant toute heresie, & promettant d'assister promptement & fidellement à l'Eglise contre tous les heretiques.

Et de mo-
difier ce-
luy de la
Residence

Après qu'on eut resolu de laisser aussi cet Article à quartier, comme il a esté dit, on trouua à accommoder l'Article de la Residence, en ostant tout ce qui pouuoit desplaire, tant à ceux qui la tenoient estre de droit diuin, qu'à ceux qui la disoient estre de droit positif. Le Cardinal de Lorraine s'employa avec beaucoup de diligence, & force, à appointer les parties : estant resolu que totalement la Session se tint au temps assigné : d'autant qu'il auoit, en ces mesmes iours, receu du Pape lettres tres-amiables, par lesquelles il le conuoit d'aller à Rome, & de s'aboucher avec luy : & de soy-mesmes il auoit desia deliberé de donner tout contentement au Pape, de quoy il luy

vouloit bailler pour gage ce point tant desiré, de terminer les estrifs; & com-
 poser les differends entre les Peres. Mais, sur le fait du voyage de Rome, ¹⁵⁶³ il
 ne respondit que paroles ambiguës, voulant tout premier attendre responce
 de France. Il y auoit vn autre empeschement, quoy que cause de chose le-
 gere, qui empeschoit le progrès du Concile, qui estoit, de traicter des fon-
 ctions des Ordres, dont estoit proposé vn grand & long Chapitre, auquel
 elles estoient toutes exposées par ordre, depuis celle de Diacre iusques à
 celle d'Ostiaire: Iceluy auoit esté, dès le commencement qu'on forma les
 Decrets, composé comme necessaire, pour s'opposer aux Protestans, qui di-
 sent, que ces Ordres n'ont point esté institués par Christ, mais seulement par
 constitution & vsage de l'Eglise: & que de vray iceux sont bien commodés &
 necessaires, comme offices d'un bon & bien reglé gouuernement, mais tou-
 tesfois ne sont point Sacremens. Ce Chapitre du Decret estoit extrait du
 Pontifical, prescriuant à chacun sa fonction: ce qui seroit trop long, & mes-
 mes superflu à rapporter, veu qu'on le peut lire au liure mesmes. Et en outre
 le Decret declaroit qu'icelles fonctions ne peuuent estre exercées par au-
 tres que par ceux, qui, ayans esté promus par l'Euesque, ont receu de Dieu
 la grace, & esquels le Caractere a esté empraint pour les pouuoir exercer.
 Mais, quant ce vint au point de l'arrester, il se presenta vne grande difficul-
 té à reloudre vne vieille & vulgaire opposition. Quel besoin il y auoit de
 Caractere, & de puissance spirituelle, pour exercer actes corporels, com-
 me de lire, d'allumer chandelles, sonner cloches: lesquelles peuuent aussi
 bien, voire mieux, estre faits par personnes non ordonnées, que par ordon-
 nées: sur tout; dès qu'il estoit passé en des-accoustumance, que personnes
 ordonnées exerçassent ces fonctions. Et estoit mis en consideration, qu'on
 venoit par ce moyen à condamner l'Eglise, laquelle, des tant d'années, auoit
 intermis l'usage d'y employer personnes ordonnées. Et mesmes en le vou-
 lant remettre sus, il y auoit de la difficulté à venir à la pratique: car, aux
 petits Ordres, il falloit ordonner non des enfans, ains des hommes faits,
 pour fermer l'Eglise, sonner les cloches, & coniuurer les possédés: en quoy
 faisant il sembloit qu'on contrariait à l'autre Decret, qui portoit, Que les
 petits Ordres sont de grés necessaires pour paruenir aux grands. Auili ne
 voyoit-on point le moyen, comment on pult restituer au Diaconat ses trois
 charges de seruir à l'autel, de baptiser, & de prescher: ne, pour l'ordre des
 Exorcistes, comment cete charge pouuoit estre par eux exercée; attendu
 l'usage introduit des pieça, que les possédés soient coniuérés par les seuls
 Prestres: Antoine Augustin, Euesque de Leride en Espagne, estoit d'aduis,
 qu'on laissast totalement ce traitté: disant, Que c'est bien chose certaine, que
 ces charges sont Ordres, & Sacremens: mais que toutesfois malaisément
 pourroit on persuader qu'ils eussent esté introduits en l'Eglise primitive;
 lors qu'il y auoit fort peu de Chrestiens. Et que ce n'estoit pas de l'honneur
 du Concile de s'abaisser à tant de particularités. Qu'il suffisoit de dire, Que
 les petits Ordres estoient quatre, sans descendre à plus grandes singularités
 de doctrine, mais aussi sans innoüer en la pratique. A cela on obiectoit, que
 par ce moyen la Doctrine des Protestans, qui appellent ces ordinations, Ce-
 remonies oiseuses, ne seroit point condamnée. Mais le Cardinal de Lorraine
 fut auteur d'une voye du milieu, proposant qu'on obmist cet Article: & qu'il
 suffisoit d'en dire quatre mots, remettant l'execution aux Euesques, lesquels
 eussent à tenir la main à les faire obseruer, autant qu'il leur seroit possible.
 Ces choses ainsi arrestées, il fut resolu de lire le tout en la consultation de
 ces principaux, afin qu'en la Congregation generale les affaires passassent
 paisiblement, sans aucun contredit. Les deux parties se contenterent de
 tout, sauf que du sixieme Anathematisme, qui portoit, que la Hierarchie a
 esté instituée par ordonnance diuine: desquelles paroles l'Archeuesque
 d'Ortrante, & autres Prelats partisans du Pape, prirent ombrage, que, parlant
 ainsi generally, que tous les Ordres sacrés indifferemment sont d'or-
 donnés de Christ, on n'en pult inferer, que les Euesques sont donc égaux au Pape;

1563.

souverain Pontife. Mais les Theologiens, & Canonistes du Pape, les exhorterent à ne mouuoir point de difficulté: d'autant que, par les Canons precedens, & suivans, il estoit evident, qu'il ne s'agissoit que de ce qui concerne l'Ordre, en quoy le Pape ne surpasse point les autres Eueques: & qu'il n'estoit fait aucune mention de la Jurisdiction. Les mesmes eurent aussi pour suspectes les paroles de la preface du Chapitre de la Residence, par lesquelles il estoit dit, que tous ceux, qui ont charge d'ames, sont obligés par commandement de Dieu, de conoître leurs brebis, &c. recueillant de là, que la Residence estoit par ce moyen obliquement declarée estre de droit diuin. Mais la plupart des mesmes partisans du Pape sentoient au contraire: disant, que tous ces particuliers commandemens de Dieu, faits à quiconque a charge d'ames, & qui estoient portés par le Decret, peuuent bien aussi estre gardés en absence: combien que de vray on ne puisse desaduouer qu'on les accomplisse plus entierement en presence. Mais que sur tout les paroles suivantes pouruoient en sorte, qu'il n'y pouuoit auoir aucun preiudice pour Sa Sainteté. Joint que ce Decret ayant esté accommodé en cete forme par le Cardinal de Mantouë, il auoit maintes & maintes fois esté mis en consultation, sans que jamais on y eust fait ce scrupule: & à Rome mesmes on ne l'auoit point trouué preiudiciable. Mais ny pour cela, il ne fut possible de demouuoir son opinion l'Archeuesque d'Otrante, & autres qui le suiuoient.

Quelques vns d'entre les Espagnols firent forte instance, que l'Institution des Eueques, & la Residence, fussent declarées estre de droit diuin. Mais ils furent contraincts de desister de leur poursuite, d'autant que la plupart de leurs Collegues auoit esté persuadée par le Cardinal de Lorraine à s'en deporter, par termes de conscience; leur remonstrant qu'il n'estoit ny affermé, ny agreable à Dieu, de vouloir, par vne superflue & vaine instance, causer quelque grand mal, puis qu'on voyoit de ne pouuoir faire le bien qu'on desiroit. Qu'il suffisoit d'auoir empesché le preiudice, que d'autres pensoient faire à la verité, establisant opinions contraires à icelle: & que, si on ne pouuoit à present obtenir tout ce qu'on desiroit, il y auoit lieu d'esperer quelque chose de plus au temps à venir, avec l'aide de Dieu. Mais, nonobstant tout cela, l'Archeuesque de Grenade, & l'Eueque de Segouie, & quelques autres, ne purent estre feschis: comme aussi de l'autre part demurerent entiers en leur aduis le Patriarche de Ierusalem, & l'Archeuesque d'Otrante, & autres leurs adherants; lesquels auoient concerté ensemble de contredire à tout ce qui seroit proposé en cet affaire, comme estans choses, qui ne seruoient point à oster les differends, mais seulement à les assoupir: se persuadans pour tout certain, que, passant outre, on les produiroit avec plus de violence, & impetuosité: & que, s'il falloit venir à rompre, il valloit mieux le faire auant la tenuë de la Session, qu'apres. Et ne fut jamais possible aux Legats de les persuader. Mais toutesfois, nonobstant ces deux contradictions, les choses auans ainsi esté establies avec les autres principaux, le neufuiesme du mois de Iuillet commencerent les Congregations generales: esquelles d'entrée ayant esté lu ce qui appartient à la Doctrine & aux Canons de l'Ordre, le Cardinal de Lorraine donna bon exemple aux autres, parlant briuelement & n'opposant aucune difficulté. Il fut suivi par les autres, iusques à l'Archeuesque de Grenade, lequel dit, Que c'estoit vne grande indignité, de s'estre si long-temps mocqué des Peres, traitant du fondement de l'Institution des Eueques, & l'obmettant à present au dernier point d'en faire la decision: & requit quelle fust declarée estre de droit diuin: disant, Qu'il s'esbahissoit grandement pourquoy on ne declaroit ce point tres-veritable & infailible. Et adiousta, qu'il falloit interdire, comme heretiques, tous les liures qui portent le contraire. A cet aduis adhera aussi l'Eueque de Segouie, affirmant que c'estoit vne expresse & formelle verité, & que nul ne la pouuoit nier, & qu'il estoit necessaire de la declarer, pour condamner l'opinion des heretiques, qui tiennent le contraire. L'Eueque de Guadix, d'Aliphe, & de Mont-

maran, & les autres Prelats Espagnols; suivirent aussi le mesme advis: d'au-
ques-là, que quelques vns d'entr'eux dirent, Que leur opinion estoit aussi
vraye comme les commandemens du Decalogue. L'Euesque de Coimbre, se
plaignoit publiquement, que cautelement on preiudicioit à la verité, per-
mettant qu'Euesques titulaires pussent estre ordonnés: attendu, que c'estoit
autant que declarer, que la Iurisdiction n'est point essentielle à l'Episcopat,
& qu'elle n'est point immediatement receüe de Christ: & fit instance, à ce
que le contraire fust arresté: repliquant le terme tant de fois proposé,
Qu'autant est-il essentiel à l'Euesque d'avoir Euesque, & suiets fideles, com-
me au mary d'avoir femme. Puis apres fut proposé le Decret de la Residen-
ce, lequel le Cardinal de Lorraine approuva avec la mesme brieveeté: seule-
ment aduertit-il, qu'en l'endroit, où estoient recitées les causes de l'absen-
ce, entre lesquelles estoit mise l'evidente vtilité de l'Eglise, on adiousta ce
mot, Et de la Republique, ou Estat: & ce, pour oster tout l'empeschement,
que ce Decret pourroit apporter aux Prelats, d'estre admis aux charges &
conseils politiques & publics: ce qui fut receu avec vn applaudissement uni-
uersel. Le Cardinal Madruce suivit apres, parlant en mesme sens. Maiste
Patriarche de Jerusalem, & Paul Emile Veralle, iadis Archeuesque de Ro-
san, & à present Euesque de Capuce, & l'Archeuesque d'Otrante, ne vdu-
lurent dire leur advis sur ce Decret: sur quoy l'Archeuesque de Bragance,
quand ce vint à son tour d'opiner, se tourna deuers les Legats, disant, quasi
par maniere de censure, Qu'ils vsassent de leur autorité, & contraignissent
ces Prelats à dire leur advis: Et que c'estoit vne pernicieuse introduction au
Concile: comme s'ils estoient contraints de se taire, ou qu'ils eussent l'ambi-
tion de ne point parler, qu'avec suite. Cela fut cause, qu'autres, qui auoient
deliberé de les imiter; changerent de resolution, & consentirent au Decret.
De main en main que les autres Decrets estoient lus, les Peres en suite les
approuverent vnaniment: sauf que l'Archeuesque de Grenade fit instan-
ce que la Residence fust declarée estre de droit diuin en termes clairs, &
expres: attendu, disoit-il; que les paroles ambigues de la preface estoient
indignes d'un Concile, conuocé pour oster, & non pour accroistre les diffi-
cultés: & que les liures, qui portoit le contraire, fussent defendus: & qu'au
Decret fussent expressement & nommément compris les Cardinaux. On
s'apperceut que cete dernière instance, touchant les Cardinaux, agredoit à
plusieurs: dont le Cardinal Moron respondit, Qu'on y feroit consideration,
pour en parler vne autrefois. On passa outre au demeurant, & en fin le Pa-
triarche, & les deux Archeuesques susdits, consentirent aussi au Decret:
ce qui commença à donner bonne esperance que la Session pourroit estre ce-
lebrée en son temps: ce qui auoit tousiours par le passé esté iugé impossible,
mais estoit à present reduit à bon point par la dexterité du Cardinal de Lor-
raine.

Les iours suiuans, les Peres opinerent sur les autres Articles de Reforma-
tion: & ne fut par eux proposée aucune varieté de consequence, sinon, qu'à
la grande instance de Pompée Zambeccari, Euesque de Sulmone, fut ostée
vne clause de l'Article de la premiere censure, laquelle portoit, Que si quel-
qu'un, six mois apres auoir esté ordonné, commettoit aucune fornicature, il
fust presumé auoir esté promu par surprise & par fraude, & ne püst iouir du
priuilege de l'exemption de la Cour seculiere. Pareillement, au Decret, que
nul ne soit ordonné sans estre affecté à quelque Eglise particuliere: auquel
estoit adiouste le rafraischissement des Decrets du Concile de Latran, Que
mesmes ceux, qui estoient ordonnés à titre de patrimoine, dussent estre ap-
pliqués au seruice de quelque Eglise, auquel ils s'exercassent actuellement:
à defaut dequoy, ils ne pussent participer aux priuileges: cete clause fut
ostée: & au demeurant, avec vn leger changement de paroles, peu apparte-
nantes à la substance, tous les Peres furent contentés.

Les Espagnols, lesquels n'auoient pu obtenir en Congregation la declara-
tion par eux desirée de l'Institution des Euesques, s'assemblerent le soir du

1565.
flexis pa-
leur Am-
bassadeur

treizième du fustdit mois de Juillet, chez le Conte de Lune, là où l'Archeuef-
que de Grenade, avec ses adherants, tascha de luy persuader de faire vne
protestation aux Legats, en tās qu'on obmist de determiner cet Article:
mais d'autres l'en dissuaderent, comme estant chose qui pouuoit causer
quelque grand trouble: Toute cete assemblée se consuma en disputes, & se
termina en debat: & la resolution fut différée au lendemain matin. Et lors
le Conte, apres auoir derechef ouï les diuers aduis, & considéré que la chose
desplairoit grandement au Pape, à tous les Euesques Italiens, & mesmes
aussi aux François, qui s'estoient accommodés; pria l'Archeuefque de Gré-
nade, & ses adherants, de vouloir estre de mesme aduis que les autres: veu
qu'en cecy ne se mettoit point en ieu la conscience, ne s'agissant point de de-
terminer plus en vne façon qu'en vne autre: mais seulement, de determiner
ou d'obmettre. Mais l'Archeuefque ne voulut iamais y acquiescer; ains dit,
Qu'en conscience il iugeoit que cete determination estoit necessaire. Dont
le Conte; pour dernière ressource, le requit, qu'il dît donc son opinion li-
brement, mais paisiblement, prenant patience si elle n'estoit embrassée par
les autres, & s'abstenant des contentions. Et ainsi promirent de faire luy, &
les autres.

dont se-
tient Co-
gregation
generale
auec quel-
que diffé-
rend pour
les Car-
dinaux,

Le lendemain, qui estoit le iour de deuant la Session; fut tenue Congrega-
tion generale: en laquelle le Cardinal Moron proposa, Si il plaïsoit aux Pé-
res; qu'en l'Article de la Residence, & en celuy qui parloit de l'age de ceux
qui doiuent estre ordonnés, mention fust faite des Cardinaux: & particulie-
rement en celuy de l'age. Il y en eut peu, qui y consentirent: la plupart ré-
monstrant, qu'il n'escher pas aisément occasion de faire Cardinaux ieunes,
sinon Princes, lesquels, il ne faut point regarder à l'age: attendu, qu'en quel-
que façon que ce soit, ils honorent l'Ordre Ecclesiastique: & pour tant, qu'il
estoit hors de propos de faire Decret, là où il n'y auoit point d'abus. Mais au
fait de la Residence, la plupart fut d'aduis, qu'ils fussent nommément spe-
cifiés: quoy que d'autres y contredissent, disans, Que ce seroit approuuer
que les Cardinaux tinssent Eueschés, & par consequent adouër les com-
mendes: ce qu'il n'estoit pas raisonnable de faire: ains valoit mieux, que leur
conscience reconust de soy-mesme qu'ils ne sont exempts du commande-
ment general; que non pas, d'approuuer, en les nommant, deux abus tout
ensemble, à sçauoir, la pluralité des benefices, & les commendes. Puis apres
on traita de quelques particularités de peu de consequence: lesquelles ayans
esté concluds, fut derechef lu tout ce qu'il falloit publier en la Session: sur-
quoy les Peres dirent leur aduis par la seule parole, *Placet*. Aucuns Espä-
gnols, & quelques Italiens respondirent, *Non placer*: mais, n'estans en tout que
vingt-huit, & les autres cent quatre-vingts douze, le Cardinal Moron con-
clut en fin, que la Session se tiendroir. Il remercia les Peres de ce qu'ils au-
oient accepté les Decrets; & exhorta les autres à s'unir avec eux: & pria le
Conte de Lune de faire office avec les Prelats Espagnols, que, voyans l'uni-
uersel consentement de tout le Concile en vn mesme aduis, il leur plut de le
suiure. Et apres la Congregation, parlant avec luy plus particulièrement, il
luy promit, que toutes fois & quantes, que la puissance du Pape seroit definie
selon la teneur du Concile de Florence, on ne seroit point tant de difficulté
de declarer l'Institution des Euesques estre de droit diuin. Les Prelats Es-
pagnols, assemblés le mesme iour au logis du Conte, apres plusieurs discours,
se fondans sur la promesse que le Cardinal auoit faite au Conte, se resolu-
rent d'accepter tout.

& finale-
ment la
septieme
Session, en
mon, auquel
il offensa les
François, nom-
mant le Roy d'
Espagne, auant
celle de la
France: & les
Polonois, nom-
mant celuy de
Portugal, auant
le leur: &
les Venitiens,
faisant mention
du Duc de Sa-
uoye auant,
& de leur Re-
publique apres:
outre quelques
paroles, par les-
quelles il mon-
stroir, que cete
tenue

Donques le quinziesme Iuillet, le matin de bonne heure ils allerent tous,
en l'ordre accoustumé, à l'Eglise: là où les ceremonies furent faites à l'ordi-
naire: & l'Euesque de Paris celebra la Messe & l'Euesque d'Aliphe fit le Ser-
mon, auquel il offensa les François, nommant le Roy d'Espagne, auant ce-
luy de France: & les Polonois, nommant celuy de Portugal, auant le leur: &
les Venitiens, faisant mention du Duc de Sauoye auant, & de leur Republi-
que apres: outre quelques paroles, par lesquelles il monstroir, que cete tenue

le Concile estoit vne continuation des precedens; celebrés sous Paul & Jules: de quoy les Imperiaux, & les François aussi, furent mal-contens. Il entra aussi à parler de la foy, & des mœurs des heretiques, & des Catholiques. Et dit, que la foy des Catholiques estoit meilleure, mais que les mœurs des heretiques estoient beaucoup plus loüables, que ceux des Catholiques. En quoy il offensa grandement: sur tout, ceux qui se souvenoient du dire de Christ, Vous les conoistrez par leurs œuures: & de S. Iacques, Demonstre-moy ta foy par tes œuures. Toutesfois rien ne fut dit à l'encontre sur l'heure: tous ayans esgard à ne troubler point les ceremonies publiques. Mais le lendemain, les Ambassadeurs François, Polonois, & Venitiens, firent instance aux Legats, qu'ils ne laissent imprimer ledit Sermon, ny inserer es Actes du Concile: La Messe, & les autres prieres, acheuées, furent lus les Brefs de la Legation des Cardinaux Moron & Nauagier, les mandemens du Roy de Pologne & du Duc de Sauoye; la lettre de la Roine d'Escoſſe, & le mandement du Roy Catholique. Puis apres furent lus les Decrets de la Doctrine de la foy, esquels il n'y eut aucune contradiction, sauf que la plupart des Espagnols dir, Qu'ils y consentoient, à condition, que Messieurs les Legats tintent la promesse, qu'ils auoient faite à l'Ambassadeur de leur Roy.

Le Decret de la foy contenoit en substance: Premièrement, Qu'en toute loy, le Sacrifice & la Sacrificature estoient inseparablement conioints: & foy tout-pourtant, veu qu'au nouueau Testament il y a vn sacrifice visible, à ſçauoir, l'Eucharistie, il faut aussi de necessité aduouer qu'il y a vne visible & externe Sacrificature, à laquelle, par ordonnance diuine, est donné pouuoir de consacrer, offrir, & administrer l'Eucharistie; & de remettre & retenir les pechés. En second lieu, Que cete Sacrificature estant chose diuine, il est conuenable qu'elle ait plusieurs ordres de ministres qui luy seruent, & qu'iceux montent aux plus grands ministeres par les moindres: attendu que la Sainte Eſcriture fait mention du nom des Diares: & que dès le commencement de l'Eglise ont esté en vſage les ministeres des Soudiacres, des Acolytes, des Exorcistes, des Lecteurs, & des Ostiaires: quoy qu'en diuers degrés: car le Soudiaconat auoit esté conté entre les grands ordres. En troisieme lieu, Que, pource qu'en la sacrée ordination est conferée la grace, l'Ordre est vraiment & promptement vn des sept Sacremens de l'Eglise. En quatrieme lieu, Pource qu'audit Ordre est imprimé vn caractère ineffaçable, le Concile cōdanne ceux, qui disent que les Prestres n'ont pouuoir, qu'à temps: & que ceux, qui ont esté ordonnés, peuuent derechef deuenir Laïcs, en cas qu'ils n'exercent le ministère de la parole de Dieu. Et semblablement cōdanne ceux, qui disent que tous les Chrestiens sont Sacrificateurs: ou, qu'ils ont tous egale puissance spirituelle: ce qui n'est autre chose sinon confondre & pestle-mêler la Hierarchie Ecclesiastique, qui est semblable à vn champ d'armée rangée en bataille. Qu'à cet ordre Hierarchie appartiennent principalement les Euesques, qui sont superieurs aux Prestres, & auxquels appartient d'administrer le Sacrement de la Confirmation, d'ordonner les ministres de l'Eglise, & de faire plusieurs autres fonctions, esquelles les ordres inferieurs n'ont aucun pouuoir. En outre le Concile enseigne, qu'en l'ordination des Euesques, des Prestres, & autres degrés, le consentement, vocation, ou autorité du Magistrat, ou d'autre puissance ſeculiere, n'est point necessaire: ains, que ceux, qui sont appellés ou institués seulement par le peuple, ou par la puissance ſeculiere, ou magistrat: ou mesmes, qui montent & s'ingerent aux ministeres Ecclesiastiques de leur propre mouuement & temerité, sont non ministres, mais larrons & brigans, qui n'entrent point par la porte.

Après cete doctrine, ſuiuoient huit Anathematismes. Le premier, Contre & les A- qui dira, qu'au nouueau Testament il n'y a point de Sacrificature visible: ou n'arbitra- qu'il n'y a point de puissance de consacrer, & d'offrir, & de remettre les pe- tismes, chés: ains seulement vne charge, ou simple & nud ministère, de prescher

1563.

l'Euangile: & que ceux, qui ne preschent point, ne sont point Sacrificateurs, ou Prestres. Le deuxième, Contre qui dira, qu'outre la Prestise, il n'y a point d'autres ordres grands & petits, par lesquels, comme par degres, on monte à la Prestise. Le troisième, Contre qui dira, que la sacrée ordination n'est point proprement Sacrement: ou bien, que c'est vne inuention humaine: ou seulement, vne certaine ceremonie d'eslire les ministres de la parole de Dieu & des Sacremens. Le quatrième, Contre qui dira, que par la sacrée ordination n'est point conféré le S. Esprit, ou que nul Caractere n'est par icelle imprimé, ou que le Prestre peut deuenir Lai. Le cinquième, Contre qui dira, que la sainte Onction, & les autres ceremonies, dont v'se l'Eglise, ne sont point requises: ains qu'elles peuuent estre obmises, & que mesmes elles sont pernicieuses. Le sixième, Contre qui dira, qu'en l'Eglise Catholique il n'y a point de Hierarchie, instituée par ordonnance diuine, laquelle est composée d'Euesques; de Prestres, & de Ministres. Le septième, Contre qui dira, que les Euesques ne sont point par dessus les Prestres: ou, qu'ils n'ont puissance de confermer, & d'ordonner: ou, que les Prestres aussi ont la mesme puissance: ou, que les ordres, conferés sans le consentement ou vocation du peuple, ou de la puissance seculiere, sont nuls: ou, que ceux qui ne sont legitiment ordonnés par la puissance Ecclesiastique, sont legitimes ministres de la parole de Dieu, & des Sacremens. Le huitieme, Contre qui dira, que les Euesques, promus par autorité du Pape de Rome, ne sont point legitimes, ne vrais: ains ne sont qu'une inuention humaine.

*Decret de
Reforma-
tion sur le
Sacremen-
t de l'ordre.
Et sur tout
au fait de
la Resi-
dence:*

Après fut lu le Decret de la Reformation, lequel contenoit dix-huit Chapitres. Le premier, touchant la tant debatue matiere de la Residence: lequel portoit, Que, par commandement de Dieu, tout homme, à qui est commise charge d'ames, est obligé de conoistre ses brebis, offrir sacrifice pour elles; les paistre par la predication, par les Sacremens, & par bon exemple: & auoir soin des pauvres, & vaquer à autres offices de pasteur: lesquels ne pouuans estre accomplis par ceux qui ne surveillent & n'assistent à leur troupeau, le Concile les admoneste de le paistre en iugement & verité. Et afin que les arrefts, faits en cete matiere, sous Paul troisième, ne soient sinistrement interpretés; & que par là nul ne se persuade qu'une absence de cinq mois luy soit licite; le Concile declare, que toutes personnes tenans Euesché; à quelque titre que ce soit; voire mesmes les Cardinaux, sont obligés à résider personnellement: & qu'il ne leur est permis d'absenter leurs Eglises, sauf lors & quand la charité Chrestienne, l'vrgente necessité, la due obeïssance, & l'vtilité de l'Eglise, ou de la Republique, le requierent: ordonnant aussi que ces causes d'absence soient conuës & approuuées pour legitimes par le Pape, ou par le Metropolitain: sauf quand elles seroient toutes notoires, ou soudaines: & que les Conciles prouinciaux conoissent & iugent des licences octroyées. afin qu'il ne s'y commette abus: & que les Prelats absens ayent à pouruoir, que, pour leur absence, le peuple ne souffre aucun dommage. Et, d'autant qu'une brieue absence ne merite pas d'estre comprise sous ce nom, le Concile ordonne, que, hors les causes susdites, ladite brieue absence ne excède nullement deux ou trois mois de l'année, soit continuels, soit interrompus; & que mesmes il y ait cause raisonnable, & que le troupeau n'en souffre aucun detrimant: ce qu'il remet à la conscience des Prelats: admonestant vn chacun de n'estre absent es Dimanches de l'Aduent, & de Quarême: ny es festes de Noel, de Pasques, & de Pentecoste, & du Corpus Domini, ou Feste-Dieu. Et que, qui contreuiendra à ce Decret, outre les peines imposées aux non residens sous Paul troisième, & le peché mortel qu'il encourt, ne puisse, en bonne conscience, iouir des fruits, pendant le temps de son absence. Et declare & ordonne les mesmes choses, pour tous les autres qui ont cures d'ames: auxquels, lors que par permission de l'Euesque ils s'absenteront, il enioint qu'ils ayent à substituer Vicaires idoinés & capables, approuués par l'Euesque, avec conuenable salaire & loyer: avec les autres clauses, plus amplement deduites au Decret: lequel le Concile commande

commande d'estre leu, & publié, ensemble celuy, qui auoit esté sous Paul troisième, és Conciles Prouinciaux & Diocesains.

1563.

Le second Chapitre du Decret de Reformation, contenant la matière des saints ordres: portoit, Que quiconque tient Euesché, à quelque titre que ce soit, mesme Cardinal, ne receuant la consecration dans le temps & terme de trois mois, ait à perdre les fruits: & en cas qu'il differe encor autres trois mois, qu'il perde le Benefice: & que la Consecration, lors qu'elle se fera hors de la Cour de Rome, se face solennellement en face d'Eglise, ou certes en la Prouince, si la commodité le permet. Le troisième, Que les Euesques conferent les saints ordres en propre personne: & cas estant qu'ils ayent empeschement de maladie, qu'ils n'enuoyent leurs suiets à recevoir les Ordres d'autres Euesques, que tout premier ils ne les ayent examinez & approuuez. Le quatrième, Que la premiere tonsure ne soit baillée, sinon à ceux qui auront receu le Sacrement de la Confirmation, & auront appris les rudimens de la foy, & scauront lire & escrire: desquels aussi il y ait vray semblable coniecture, qu'ils prennent la vie Clericale pour le seruice de Dieu, & non pour s'emanciper de la iurisdiction seculiere. Le cinquième, Que ceux qui deuront estre promus aux petits ordres, ayent tesmoignage des Curez & des Maistres d'Escole: & que l'Euesque ordonne que leurs noms soient publiez en l'Eglise, & qu'enqueste soit prise de leur naissance, parenté, aage, mœurs, & vie. Le sixième, Que nul ne puisse tenir Benefice Ecclesiastic, auant l'aage de quatorze ans: ne iouyr de l'exemption de la Cour seculiere, sinon qu'il ait quelque Benefice Ecclesiastic: ou que, par commission de l'Euesque, il serue à quelque Eglise, portant l'habit, & la tonsure: ou qu'il habite en quelque Seminaire de Clercs, ou en quelque Escole, ou Vniuersité, avec permission de l'Euesque. Et quant aux Clercs mariez, que la constitution de Boniface huitième soit obseruée: à condition qu'ils eussent semblablement seruent à l'Eglise, en habit & tonsure, par commission & deputation de l'Euesque. Le septième, Que lors, que les saints ordres deuront estre solennellement conferez, tous ceux qui les deuoient recevoir soient appelez en la ville le Mercredy precedent, ou autre tel iour qu'il semblera à l'Euesque: & que lors l'Euesque face diligente enqueste de leur extraction, personne, aage, nourriture, mœurs, doctrine & foy: avec l'assistance de personnes notables, tant Ecclesiastiques, que Seculieres. Le huitième, Que les promotions aux saints ordres se facent solennellement és temps ordonnez de droit, és Eglises Cathedrales, en presence des Chanoines: & lors qu'on les fera en autre lieu du Diocèse, que cela se face en la plus honorable Eglise, & en presence du Clergé: & que chacun soit ordonné par son propre Euesque, sans qu'il soit permis à aucun, de se faire ordonner par autre, sinon avec lettres testimoniales de son Euesque propre. Le neuvième, Que l'Euesque ne puisse ordonner vn sien domestique, non suiet, si ce n'est qu'il ait demeuré avec luy trois ans entiers, auquel cas encor il ait à luy conférer promptement vn Benefice. Le dixième, Que nul Abbé, ny autre Prelat exempt, ne puisse conférer la premiere tonsure, ou les petis ordres, sauf à leurs suiets Reguliers: & que ny Abbez, ny autres Prelats exempts, ne Chapitres, ne Colleges, ne puissent donner lettres dimissoires à aucuns Clercs seculiers, pour recevoir les ordres. L'onzième, Que les petits ordres soient conferez à personnes qui entendent la langue Latine: & avec quelque entretien de temps entre vn ordre & l'autre. Et veu, que ces ordres sont degrez aux autres, que nul ne soit ordonné, sinon qu'il y ait esperance qu'il puisse deuenir digne des grands ordres: & que du dernier degre des petis soit interposé l'espace d'un an au premier des grands, qui est le Souf diaconat: sinon que l'Euesque pour le bien de l'Eglise, en iuge autrement. Le douzième, Que nul ne soit ordonné au Souf diaconat auant l'aage de vingt-deux ans, ny au Diaconat auant l'aage de vingt-trois, ny à la Prestreise auant l'aage de vingt-cinq: sans que les Reguliers mesmes en puissent estre exempts. Le treizième, que ceux là soient ordonnez Souf diacon & Diares, lesquels auront esté

ssff

esprouuez és petis ordres, & seront suffisamment instruits és bonnes lettres, & doüez d'autres qualitez requises à l'exercice de l'Ordre: & auront esperance de pouoir viure en continence. Et qu'iceux estans promus, seruent à l'Eglise, à laquelle ils seront assignez: & qu'ils sachent, qu'il leur est grandement feant, de receuoit la sainte Communion, les iours de Dimanche, & des festes solemnelles, lors qu'ils seruent à l'Autel. Et que les Sousdiacres ne puissent monter à plus haut degré, sinon que premierement ils aient esté exercez par l'espace d'un an entier en leur propre. Et que, pour priuilege quelconque, ne soient conferez deux ordres, en vn meisme iour. Le quatorzième, Que nul ne soit ordonné Prestre, qui n'ait esté Diacre, exercé au ministère au moins vn an durant, & trouué idoine à instruire le peuple, & à administrer les Sacremens. Et que l'Euesque ait soin de faire que les Prestres promus celebrent la Messe, au moins les iours de Dimanche, & des festes solemnelles: & s'ils ont cure d'ames, qu'ils le facent si frequemment, qu'ils satisfacent pleinement à leur charge. Et que si quelqu'un de prinfaut est ordonné Prestre, sans auoir premierement seruy és Ordres inferieurs, l'Euesque le puisse dispenser, s'il y a cause legitime. Le quinzième, Que, combien que les Prestres recoiuent par l'ordre de Prestre, puissance d'absoudre des pechez, nul toutesfois ne puisse ouyr les confessions, s'il n'a Benefice avec charge d'ames, ou s'il n'est approuué par l'Euesque. Le seizième; Que nul ne soit ordonné, sans estre assigné & affecté à quelque Eglise, ou lieu de deuotion, pour exercer le ministère de cet ordre-là: & si quelqu'un abandonne son lieu, sans le seu & permission de l'Euesque, qu'il soit interdit de l'exercice des saints ordres: & que nul Clerc estranger ne soit admis à faire le seruice, sans lettres de son Ordinaire. Le dix-septième, Que pour remettre sus les fondions des ordres dès le Diaconat, iusques à celui d'Ostiaire, vistes des le temps des Apostres, mais intermises en plusieurs endroits: afin qu'elles ne soient en derision aux heretiques, comme oiseuses & inutiles, ces ministeres ne soient exercez, sinon par personnes promus ausdits Ordres, & que les Prelats remettent sus lesdites fondions: & qu'en cas qu'ils n'ayent Clercs continens & non mariez, pour l'exercice des quatre petis ordres, ils y puissent receuoir des mariez de bonne vie, non bigames, idoines à ces charges, & portans habit & tonsure de Clercs. Le dernier chapitre estoit de l'institution des Seminaires: & en iceluy estoit ordonné, que chaque Eglise Episcopale ait vn certain nombre d'enfans, qui soient nourris en vn College, près de l'Eglise, ou en autre lieu conuenable: & qu'iceux soient de l'âge au moins de douze ans, procrez de legitime mariage, & soient par l'Euesque distribués par classes, selon leur nombre, âge, & auancement en la discipline Ecclesiastique: & qu'ils portent l'habit, & la tonsure: & qu'ils soient instruits en la Grammaire, Chant & Compot: & apprenent l'Escripture sainte, les homelies des Peres, & les formes des obseruances & ceremonies des Sacremens: & sur tout, ce qui appartient à ouir les confessions. Et que pour fournir aux frais à ce necessaires, là où il y a des reuenus destinez à l'education d'enfans, iceux soient appliquez à ce Seminaire: & que pour le demeurant, qui y sera necessaire, l'Euesque avec quatre autres du Clergé, ayée à distraire vne portion de tous les Benefices du diocese, & à l'appliquer à cet usage, ensemble quelques Benefices simples: & à contraindre ceux qui ont office d'Escholastre, ou autres charges, de lire & enseigner és escholes du Seminaire, soit par eux mesmes, soit par idoines subtituts: & qu'à l'aduenir les offices d'Escholastre ne soient conferez qu'à Docteurs ou Maistres en Theologie, ou en Droit Canon. Et si en quelque Prouince les Eglises estoient si pauures, qu'en quelque vne d'icelles ne pust estre erigé College, le Synode Prouincial, ou Metropolitain, pouruoye qu'il en soit fondé, vn ou plusieurs en l'Eglise Metropolitaine, ou en quelque autre Eglise plus commode de la Prouince, selon qu'il semblera à propos, des reuenus de deux ou de plusieurs Eglises, lesquelles n'y pourront suffire toutes seules. Et, qu'es Eglises de grand diocese, l'Euesque puisse, selon qu'il iugera à faire,

eriger vn ou plusieurs seminaires, outre celuy de la ville : lesquelz toutesfoi

dependent en tout & par tout d'iceluy.
Enfin fut leu le Decret de l'intimation de la prochaine Session au seizieme de Septembre : avec expresse declaration, qu'en icelle seroit traité du Sacrement du Mariage, d'autres choses appartenantes à la doctrine de la foy. Item des prouisions des Eueschez, dignitez, & autres Benefices Ecclesiasticks : & de diuers autres chefs de Reformation.

Cette Session dura depuis les trois heures du matin, iusques à dix auant Midy : au grand contentement des Legats, & d'autres Prelats partisans du Pape, que les choses fussent passées paisiblement, & vnanimement : & louoyent sur tout le Cardinal de Lorraine, aduoians qu'il auoit esté cause principale de ce bien.

Nul acte de ce Concile ne fut veu plus auidement par le monde, que celuy ^{ingement} de la presente Session, lors qu'il sortit en lumiere, pour la curiosité que cha- ^{sur cette} cun auoit de voir vne fois, ce qui auoit tenu en debat vn si grand nombre de ^{Session.} Prelats à Trente ; & de quoy toutes les Cours des Princes auoient esté empeschées, par l'espace de dix mois entiers. Mais, selon le proverbe on y trouua l'enfantement des montagnes, & la naissance d'une souris. Et n'y eut aucun qui y pust reconnoistre chose aucune, qui meritaist, ie ne dy pas le travail de tant de temps, mais seulement vn bien petit d'occupation de tant de personages. Et les hommes aucunement versez en Theologie, eurent occasion de desirer, qu'il fust vne fois déclaré, que c'est que le Concile entendoit par la puissance de retenir les pechez, laquelle il faisoit partie de l'autorité sacerdotale, veu qu'il auoit bien déclaré comment il entendoit l'autre de les remettre. Autres aussi s'esbahirent, en lisant la declaration, que les Ordres inferieurs n'estoient que degrez aux superieurs, & tous ensemble à celuy de Prestre : veu qu'il paroïsoit clairement par la lecture de l'histoire Ecclesiastique, que ceux, qui anciennement estoient ordonnez à vne charge, ou ministère, estoient d'ordinaire entretenus perpetuellement en iceluy : & estoit cette translation, ou promotion à degré plus haut, chose accidentele, & qui escheoit rarement, & pratiquée par seule necessité, ou grande vtilité. Qui des sept Diares, intituez par les Apostres, on ne lisoit point qu'aucun fust monté à degré plus haut. Et mesmes en l'Eglise Romaine anciennement les Diares ne faisoient que vaquer aux Confessions des Martyrs, sans qu'on les voye estre montez à titres de Prestre. Qu'on trouuoit encor le recit, comment S. Ambroise auoit esté ordonné Eueque : & S. Jerome, S. Augustin, & S. Paulin, Prestres : & S. Gregoire le Grand, Diacre : sans qu'ils fussent passez par autres degrez. Qu'on ne vouloit point blâmer la coustume introduite es temps d'apres : mais seulement s'esbahissoient-on que la chose fust représentée, comme ayant esté de tout temps en vſage, attendant qu'il paroïsoit du contraire.

Le Decret qui portoit, Que les ministres des Ordres, dés le Diaconat, iusques à celuy d'Ostiaire, ne fussent exercez, sinon par personnes promües aux propres ordres d'iceux, paroïsoit de prime face fort specieux : mais il sembloit fort malaisé à obseruer, qu'en nulle Eglise ne fussent sonnées les cloches, ny ouuertes & fermées les portes que par Ostiaires ordinaires : & que les lampes, & cierges ne fussent allumés, que par Acolythes : & qu'iceux exerçassent ces charges manuelles afin de paruenir à la Prestreſe. Et sembloit qu'il y eust quelque espece de contradiction, d'auoir absolument determine, que ces ministres ne fussent exercez par autres, que par personnes ordonnées : & cependant, commander aux Prelats qu'ils les remissent sus tant qu'il seroit possible, & que la commodité le permettroit. Attendu que, pour garder le Decret precis & absolu, il falloit de necessité, là on ne pouroit auoir des personnes Ordonnées pour l'exercice de ces fonctions, demeurer sans les exercer. Que si elles pouoient estre exercees sans les saints ordres, là où la commodité defaillloit, il sembloit qu'on pouoit plus honnestement se passer d'en faire la definition & reglement absolu. Au Decret de

SSS ij

1563.

l'ordination des Prestres, on iugea fort conuenable d'y auoir apposé cette condition, qu'iceux fussent propres à instruire le peuple: mais cela ne sembloit bien rapportant avec cette autre doctrine & vsage, que d'auoir cure d'ames ne soit chose essentielle à la Prestre. Dont il n'est pas nécessaire, que les Prestres, qui reçoient les saints ordres avec intention de ne se charger jamais de cure d'ames, soient propres à instruire le peuple. Aussi disoient quelques vns, que d'assigner, pour condition nécessaire, aux petit ordres, de sauoir la langue Latine, estoit se declarer, que le Concile n'estoit point general de toutes les nations Chrestiennes, & que ce Decret ne pouuoit estre vniuersel, ny n'obliger les nations d'Afrique, d'Asie & d'une grande partie del'Europe, là où la langue Latine n'a iamais esté en v'sage.

En Allemagne on pesa grandement le sixième Anathematisme, qui fait vn Article de foy de la Hierarchie: terme, & signification estrangere à la Sainte Escriture, & à l'vsage del'Eglise ancienne; pour ne dire contraire: & inuenté par vn certain Denis, nommé l'Arcopagite, lequel de vray est de quelque ancienneté, mais n'est pas bien assurément reconu qui il est: & quand mesmes il le seroit, il est tant hyperbolique en tout le demeurant de ses propos, qu'on n'y peut asoir aucun fondement assuré: ioint que ny en ce terme, ny en autres de son inuention, il n'est suiuy par aucun Ancien: & que, pour se tenir au style de parler & d'œurer de Nostre Seigneur Iesus-Christ, & des Saints Apostres, & del'Eglise ancienne, il falloit establiir, non Hierarchie, mais vne Hierodiaconie, ou Hierodulie. Et Pierre Paul Verge, en la Valceline, faisoit le suiir de ses predications, de ces objections & autres semblables contre la doctrine du Concile: recitant mesmes les debats qui estoient entre les Euesques, & eschafaudant tout ce qu'il pouuoit non seulement de parole, mais aussi par lettres, lesquelles il escriuoit aux autres Ministres Protestans, & Euangeliques, & lesquelles estoient mesmes luës aux peuples en leurs Eglises. Et combien que l'Euesque de Come, par commission du Pape & du Cardinal Moron, fit tout deuoir, voire iusques à des attentats & embusches sur sa vie, pour le faire sortir de ce pays-là, il n'en put iamais venir à bout.

Mais on fut encor plus esbahy du Decret de la Residence, de laquelle on auoit tant parlé, & escrit, & dont aussi on attendoit quelque belle & notable resolution; dès qu'on vid, que pour decision d'une controuerse, qui auoit esté pourmenée generalement par la bouche quasi de tous, on n'auoit dit autre chose, que ce que chacun pouuoit assez scauoir de foy-mesme: asauoir, Que c'est peché de ne resider, sinon qu'il y ait cause legitime: comme si, par lumiere naturelle, chacun ne sauoit pas que de droit commun, tout homme peche, si sans cause legitime, il s'absente de sa charge, de quelque genre qu'elle soit.

*les Prelats
Espagnols
malcontents
du Card.
de Lorrain-
ne.*

L'issuë de cette Session rompit la bonne intelligence, qui auoit iusques alors esté entre le Cardinal de Lorraine, & les Espagnols: lesquels se plaignoient d'auoir esté par luy abandonnez en la matiere de l'Institution des Euesques & de la Residence, esuelles il auoit infinies fois protesté de sentir avec eux, & promis de s'y employer vigoureusement, pour faire passer cette opinion en Decret, sans se relascher pour cause quelconque. Et adioustoient, qu'ils n'auoient plus d'esperance de le voir ferme & constant en autres choses qu'il auoit promises: & qu'il auoit esté gagné par le Pape par la promesse de la Legation de France, & autres choses semblables, peu honorables pour luy. Mais luy à l'opposite se iustifioit, disant, Que cet offre luy auoit esté fait pour le mettre en desfiance avec ses amis: mais qu'il auoit respondu au Pape, Qu'il n'y entendroit iamais, que tout premier n'eust esté faite la Reformation au Concile. Mais nonobstant toutes ses protestations, il n'estoit point cru, qu'en cette matiere, il dult persister en vn mesme aduis non plus qu'es autres.

Or la Session ne fut pas si tost acheuée que les Legats, desireux de venir bien tost à la fin du Concile, proposerent de faciliter le demeurant, qui en

matiere de foy, estoit des Indulgences, del'Inuocation des Saints; & de Purgatoire. Et à ceteffect elurent dix Theologiens: assauoir, deux Generaux d'Ordre, & deux de chaque Prince: assauoir, deux du Pape; deux de France, dont il n'en demouroit gueres d'auantage, tous les autres estans pieça partis; deux d'Espagne, & deux de Portugal: & leur baillerent la charge de considerer entr'eux, en qu'elle façon on pourroit briuement refuter l'opinion des Protestans sur ces matieres. Et quand ils s'en seroient refuls, que leurs aduis fussent proposez en Congregation generale, & que sur iceux fussent formez les Canons au mesme temps qu'on traiteroit du Mariage, pour venir bien tost à bout des matieres, sans prendre l'ennuy & perdre le temps à ouyr les disputes des Theologiens, comme on auoit fait par le passé.

Sur le point de la Reformation, ils traiterent avec le Cardinal de Lorraine, & avec les Ambassadeurs del'Empereur, & d'Espagne, s'ils estoient contents qu'on proposast aussi ce qui appartenoit à la Reformation des Princes. Et eurent d'eux parole, qu'il estoit raisonnable d'oster les abus par tout où ils estoient. Dont ils firent recueillir tous les Articles, appartenans à icelle, en intention de decider en vne seule Session tout ce qui demouroit encor à vider. Mais cette grande hastiueté n'agreoit point à l'Ambassadeur d'Espagne, pour les interets de son Maistre: dont il commença à y ietter à la trauerse plusieurs difficultez. Premièrement il proposa, qu'auant la fin du Concile, il estoit necessaire de faire tout deuoir que les Protestans y entreuissent: allegant qu'en vain auroit-on pris tant de peine, si les Decrets n'estoient receus par eux: & qu'il n'y auoit point d'esperance qu'ils les acceptassent jamais, s'ils n'y entreuenoient. Les Legats luy respondirent, Que le Pape y auoit fait de son costé tout deuoir, leur ayant escrit lettres, & mesmes enuoyé Nonces expres à tous: & qu'on ne pouuoit rien faire de plus pour mettre en euidence leur rebellion obstinée. Mais le Conte repliqua, Qu'il ne requeroit pas que cela se fist au nom de sa Sainteté: veu qu'il estoit tout noiroire, que cela seruiroit; non à les faire venir, ains à les esloigner d'auantage: mais qu'ils fussent semons au nom du Concile, avec les promesses, qui seroient conuenables, y employant l'entremise de l'Empereur. Pour conclusion, les Legats respondirent, Qu'ils y aduiseroient: Et tout soudain en donnerent aduis au Pape, afin qu'il moyennast en Espagne que semblables propos fussent diuertis, & qu'il persuadast d'auancer & fauoriser la fin du Concile. Le Conte de Lune requit aussi, que les Theologiens discourussent publiquement à l'accoustumee, sur le point des Indulgences, & sur les autres matieres: & fit office avec les Prelats, qu'on ne changeast point de procedure & qu'on ne derogeaist à la reputation du Concile, en laissant d'examiner ces choses, qui en auoient plus de besoin que toutes les autres.

Le Pape ayant eu cet aduis, s'en troubla bien fort, ayant eu parole de D. dequy le Louys d'Avila & de Vargas, Ambassadeurs, l'un extraordinaire, & l'autre ordinaire, Que le Roy d'Espagne estoit content qu'on vinst à vne fin du Concile. Et les ayant appelez, il leur fit vn grand plaintif de la proposition du Conte. Et premièrement, pour le fait de conuier les Protestans, il dit, Que nul ne desiroit plus leur reduction à l'Eglise, que luy, de quoy pouuoit seruir de preuue ce que ses predecesseurs, & luy y auoient fait par l'espace de quarante ans, enuoyant Nonces exprez à chacun d'eux, sans auoir esgard aux indignitez, auxquelles on soumettoit le Pape, & le Siege Apostolic: qu'il y auoit employé l'entremise de l'Empereur, & les offices & instances de tous les Princes Catholics: qu'il estoit bien acertené, que leur endurcissement estoit volontaire, deliberé & obstiné: & pourtant qu'il falloit aduier aux moyens, non de les reduire, ce qui estoit impossible, mais de conseruer les obeyssans. Que, pendant qu'il y auoit eu vne estincelle d'esperance de racquerir les perdus, le temps auoit porté qu'on fist tout deuoir pour les a Jouir, & reblendir. Mais puis que toute esperance estoit fenée, il falloit de necessité, pour conseruer les bons, bien contrebander & roidir la diuision, & rendre les parties irreconciliables l'un avec l'autre. Que les interets

1563.

*Et en écrit
au Roy,
pour le
saisir :*

du Roy, leur Maître, requeroient qu'on en fît ainsi. Et que s'il tempore-
soit au Pays bas, & vîoit de moderation, il s'apperceuoit bien à tard qu'il est
nécessaire de proceder en cette sorte. Que le Roy regardast aux bons effets
qu'auoient produit les seueres executions, qu'il auoit faites en son entree
en Espagne: en lieu que, s'il y eust procedé lentement & eust pensé à acquerir
la grace des Protestans par douces procedures, il sentiroit à present les
douloureux effets & euénements, qu'on voyoit en France. Il se plaignit en
outre, que le Comte de Lune vouloit prescrire la maniere d'examiner les
matieres de Theologie, & determiner luy mesmes quand il luy sembleroit
qu'elles fussent bien digerées. En fin il se doult, qu'eux luy ayans donné pa-
role, que le Roy estoit content, que le Concile fust terminé, les offices du
Comte ne laissoient pas de buter tout au contraire. Les Ambassadeurs excu-
serent le Comte, & rassurerent au Pape de plus fort, que tout ce, qu'ils luy
auoient dit de la volonté du Roy touchant la fin du Concile, estoit tres-veri-
table. Le Pape monstra d'estre satisfait; pourueu qu'eux fussent contents
qu'il le dist, là où il iugeroit necessaire. N'y ayans point fait de difficulté,
le Pape escriuit à son Nonce en Espagne, qu'il eust à faire plainte au Roy,
& à luy dire de sa part, Qu'il ne pouuoit descourir la cause, pour laquelle
les Ambassadeurs de sa Maiesté, à Trente & à Rome, parloient diuersé-
ment: & ce qui importoit le plus, pourquoy faisant tout ce qu'il pouuoit
pour luy complaire, on faisoit d'ailleurs tout le contrepied: attendu que
le Concile estant sus pied, il estoit empesché de faire plusieurs graces & fa-
ueurs à sa Maiesté. Que si pour ses affaires des Pays bas, ou mesmes pour
les intersts de l'Empereur en Allemagne, il desiroit quelque chose du Cô-
ncile; il pouuoit auoir appris par l'experience, combien il estoit malaisé de
mener à chef chose aucune à Trente: & que de luy il se pouuoit promettre
toutes choses: & qu'il auoit desia deliberé, dès que le Concile seroit ache-
ué, d'enuoyer par toutes les Prouinces, pour pouruoir aux necessitez parti-
culieres de chacune: en lieu qu'à Trente ne pouuoient estre faites que pro-
uisions generales, lesquelles il y auoit infinies difficultés d'accommoder à
chaque lieu.

*diuision à
Trente sur
cette pro-
cedure
precipitée,*

Or pour retourner à Trente, les offices, que le Comte de Lune faisoit avec
les Prelats, engendrerent de la diuision, les vns desirans que ces matieres fus-
sent exactement disputees, sur tout à cause que les auteurs Scholastiques en
auoient ou peu, ou point du tout parlé: & que des autres choses, traictées au
Concile, il y en auoit decisions d'autres Conciles, ou de Papes; ou bien, con-
sentement des docteurs: mais que celles-cy estoient encor toutes enuelo-
pées d'obscurité: & que si on ne les mettoit en plein iour & euidence, on di-
roit, que le Concile auoit defaillý és choses les plus necessaires. Autres di-
soient Que, si és choses ia decidées s'estoient presentées à la trauerse tant
de difficultez & débats; il en falloit bien craindre encor d'auantage en cel-
les-cy pleines d'obscurité, esquelles les Docteurs n'auoient point encor por-
té le flambeau, pour les desmeller: sur tout qu'en ces matieres il y auoit vn
grand champ ouuert de disputes: d'un costé, à cause d'infinis abus, qui s'y
estoient fourrez pour attraper deniers: & de l'autre, à cause des difficultez
qui naistroient en l'interpretation des Bulles, & principalement pour les pa-
roles, employées en aucunes d'icelles, de peine & de coulpe: & en l'explica-
tion de la maniere, en laquelle les Indulgences peuuent estre prises pour les
morts. Et pourtant, qu'on pouuoit se contenter de traiter seulement de l'v-
sage, laissant là le demeurant, & quant au Purgatoire, condamner simplement
l'opinion des heretiques: car autrement on ne verroit iamais la fin, ny ne
viendrait-on à aucune conclusion des difficultez. Pendant que ces diuers ad-
uis couroient sur ces matieres, reseruées pour les dernieres, les Legats deli-
bererent d'expedier celle du Mariage, avec dessein d'abreger le temps de
la Session, & pour le plus long terme la tenir le 19. Aoust: ce qui aussi agréoit
grandement au Card. de Lorraine: lequel ayant eu reponse de France, qu'il
côtentast le Pape allant à Rome, auoit resolu de le faire à la fin du mois pour-

ueu toutesfois que la Session eust esté celebree. Et de vray il estoit contraint à le ioindre estroitement au Pape, & aux partisans d'iceluy, non seulement pour l'ordre qu'il en auoit receu de France; mais aussi, pour ce que les Imperiaux, & Espagnols estoient entrez en quelque desfiance de luy, pour les choses qui s'estoient passees au traité de la matiere de la precedente Session.

Le vingt-deuxième Iuillet furent produits les Anathematismes, peu differents de la forme, en laquelle ils furent du depuis arrestez. La plus grande diuersité fut, que iusques alors on n'auoit point pensé à celuy, qui est le cinquième en rang, auquel sont condamnés les diuorces permis au Code Iustinien, & lequel auoit esté adiousté à l'instance du Cardinal de Lorraine, pour l'opposer aux Caluinistes, & condamner leur opinion. Il ne laissa pas pourtant d'estre aisément receu, estant conforme à la doctrine Scholastique, & aux Decrets des Papes. Mais en celuy, qui traite du diuorce pour cause d'adultere, les compositions des Canons s'estoient abstenus d'vler du mot, *Ad hunc*: ayans esgard à ne condamner l'opinion qu'auoit tenu S. Ambroise, & plusieurs Peres del'Eglise Grecque. Nonobstant cela autres ayans opinion, que c'estoit là vn Article de foy, & la plupart des Peres y cōsentans par leurs suffrages, le Canō fut reformé, par l'addition del'Anatheme, condamnant quiconque diroit, Que par l'adultere, est solu le lien du mariage: & que l'vn des mariez peut contracter nouveau mariage du viuant del'autre. Mais ce Canon receut encor vn autre changement, comme il sera dit en son lieu.

Es Congregations suiuiantes, les Peres s'expedierent aisément sur les choses proposées: mais quasi tous passoient d'icelles aux Mariages clandestins, quoy qu'il n'en fust encor ne le temps, ne le lieu: & ia commençoit à se decouurer la diuersité d'opinions sur cette matiere. En la Congregation du vingt-quatrième Iuillet, au matin fut receu Ierome de Gaddi, Euesque de Cortone, Ambassadeur du Duc de Florence, enuoyé en la place de Iean Strozzi. Iceluy fit vne bricue harangue de la deuotion du Duc son Maistre, enuers le S. Siege, & offrit obeysance & faueur au Concile. Et luy fut respondu par action de graces. Au mesme iour, en la Congregation du soir, les Ambassadeurs François firent lire vne requeste, au nom de leur Roy: Qu'il ne fust permis aux fils de famille de contracter mariage, ou espousailles, sans l'adueu & consentement de leurs peres & meres: & s'ils l'entreprenoient, qu'il fust au pouuoir de leurs pere & mere, & tuteurs, d'autoriser ou de casser ledit contract, à leur bon plaisir. Et ce mesme iour les Peres furent aduertis de bailler par escrit aux deputez les abus, qu'ils pouuoient auoir remarquez en cette matiere du Mariage.

Après que tous eurent opiné sur les Anathematismes, on proposa deux Articles: l'vn, S'il estoit expedient de promouoir personnes mariées aux Saints Ordres: l'autre, S'il falloit casser les Mariages clandestins. Tous les Peres opinerent sur le premier Article vnanimement pour la negatiue, sans faire aucune difficulté: & à grand peine furent ouys l'Archeuesque de Prague, & l'Euesque des Cinq Eglises, Ambassadeurs de l'Empereur, qui procuroient qu'on en traitast vn peu plus à fonds, & meurement. Mais la matiere des Mariages clandestins ne passa pas ainsi de plain pied: ains il y eut cent trente-six voix, qui approuuerent qu'ils fussent rescindéz: & cinquante-sept, qui y contredirent: & dix, qui ne voulurent s'en déclarer. Le Decret en fin fut formé suiuant l'opinion du plus grand nombre: Que, combien que les Mariages clandestins ayent esté vrais mariages, pendant que l'Eglise ne les a annullez: dont le Concile condamne d'anatheme ceux qui sentent autrement: l'Eglise toutesfois les auoit tousiours detestez. Et maintenant, voyant les inconueniens qui en arriuent, elle determine, que toutes les personnes, qui à l'aduenir contracteront mariage, ou espousailles, sans l'assistance au moins de trois personnes, soient tenus pour inhabiles à contracter, & que pourtant leur action soit nulle & frustratoire. Après cela suiuit vn autre Decret, qui commandoit les Bans en l'Eglise: avec cette conclusion, que s'il eschoit nécessité de les omettre, le mariage se pouroit

*exame des
Canons du
Mariages*

*reception
d'un nou-
veau Am-
bassad. de
Florence;*

*requeste du
Roy de
France
pour la
cassation
des mariages
clandestins.*

*consente-
ment au
Celibat
des cleres.*

1563

celebrer, mais en presence du Curé, & au moins de cinq tesmoins, publiant les bans puis apres : sous peine d'excommunication à qui contracteroit autrement. Mais ce grand nombre qui vouloit rescinder les mariages clandestins, estoit diuisé en deux parts, dont l'une suiuoit l'opinion de ces Theologiens, lesquels donnent à l'Eglise le pouuoir d'inhabiliter les personnes : l'autre s'arrestoit à la cassation du contract. Les Legats mesmes entr'eux n'estoient pas d'un mesme sentiment. Moron se contentoit de toute deliberation pourueu seulement qu'on expediait. Celuy de Vvarmie estoit d'opinion, que l'Eglise n'a aucun pouuoir sur cela, & qu'il falloit tenir tous les mariages, celebrez, en quelque façon que ce fust, du consentement des contractans, pour valides. Simonete disoit, Que cette distinction de contract & de mariage, pour bailler à l'Eglise pouuoir sur cetuy-là, & non sur cetuy-cy luy sembloit sophistique, & vne pure chimere : & panchoit grandement à ne faire aucune nouveauté.

Et sur les
empesche-
mens des
mariages,

Sur les abus du mariage, plusieurs Prelats mirent en consideration que les causes des empeschemens, & des cassations des mariages, mesmes ia contractez, estoient en si grand nombre, & arriuoient si souuent, qu'il y auoit peu de mariages, qui ne fussent fuiets à quelqu'un de ces defauts : & ce qui encor importoit le plus, plusieurs personnes, par ignorance, ou par oubliance du droit, ou du fait, contractoient mariage ; lesquels puis apres, eussans informez de la verité, se trouuoient embarassés en infinis troubles de conscience, & scrupules : & mesmes aussi procez, & debats, sur la legitimité de la lignée, & sur les dots. On allegoit particulièrement, pour vn notable abus, l'empeschement du parentage spirituel, qui se contracte au Baptisme : attendu qu'en quelques endroits estoient conuiés pour comperes vingt ou trente hommes : & autant de femmes pour commeres, entre lesquels tous, par cōstitution de l'Eglise, naissoit vn parentage spirituel : & cependant, ne se connoissans point bien souuent l'un l'autre, il aduenoit qu'ils se conioignoient en mariage. Plusieurs estoient d'aduis, que cet empeschement fust entierement osté : non pas, qu'il n'y eust eu de bonnes raisons au commencement pour l'ordonner : mais d'autant que les causes de l'ordonnance estans entierement cessées, il sembloit que l'effet en deuoit aussi cesser. Et consideroient qu'ancienement, quand ceux, qui presentoient au Baptisme les petis enfans, & les receuoient des fonds, estoient pleiges enuers l'Eglise de la foy à venir d'iceux enfans ; & partant obligez à les instruire : il falloit que, pour les catechiser, à mesure qu'ils se rendoient capables, ils conuersassent frequemment & familièrement avec leurs filleuls, & leurs peres, & meres, & mesmes avec les autres parrains : dont naissoit entr'eux vne certaine habitude & rapport, lequel il estoit raisonnable de tenir en reuerence, & premun de danger, & de soupçon de deshonesteté : pour laquelle il fut aussi necessaïre d'interdire tout pretexte, ou intention de mariage. Mais qu'es temps suiuaus, depuis que l'usage eut aboli tout ce qui estoit de reel en cela : & que le parrain, peut estre, ne voyoit iamais son filleul, & n'auoit aucun soin de l'instruction d'iceluy ; puis que la cause de la reuerence estoit cessée, cette habitude, ou rapport, ou conioction, ne deuoit plus auoir lieu.

par les de-
grez trop
estoi-
gnez
de pa-
rens

Il fut aussi representé, que l'empeschement d'affinité, pour cause de fornication, par lequel estoient annullez les mariages iusques au quatrième degré, estoit cause d'enlacer plusieurs : attendu qu'estant souuent inconnu à l'une des parties, il auenoit qu'apres le contract, l'autre, qui auoit esté en coulpe, declaroit & pretexoit cet empeschement : dont les personnes se remplissoient de troubles & scrupules. On obiectoit aussi contre l'empeschement du parentage, tant de consanguinité que d'affinité iusques au quatrième degré, que les personnes ne tenoient pas memoires ne registres exats de leur genealogie, ou arbre, comme on faisoit anciennement : dont il auenoit à present, qu'à grand peine, mesmes les grands auoient documens ou memoires de leur race iusques au quatrième degré, & pourtant il sembloit que cet empeschement

empeschement pouoit estre obmis. Il y eut là dessus plusieurs disputes: aucuns estans d'opinion, que comme par plusieurs centaines d'années, ces empeschemens auoient esté gardés iusques au septieme degré, & puis Innocent troisieme en auoit retranché trois tout d'un coup, limitant l'empeschement au quatrieme: sur deux raisons assez friuoles, Qu'il y a quatre elements, & quatre humeurs au corps: ainsi à present, voyant que les quatre degres ne se peuuent obseruer sans plusieurs inconueniens, on les peut, à plus forte raison, restreindre au troisieme. Mais d'autres contredisoient à cela: disans, que de là on passeroit aisément à plus grande restriction, & qu'enfin on viendroît à celle du Leuitique, ce qui seroit fomenter l'opinion des Lutheriens: & pourtant concludoient qu'il y auoit du danger à innouer. Apres vn long examen, cete opinion l'emporta. Il y en auoit bien aussi d'autres, qui estoient d'aduis, que l'empeschement de fornication, lors qu'il seroit secret, & inconnu aux parties, fust totalement osté. Mais iceluy aussi ne put preualoir: attendu l'inconuenient qu'on y remarquoit à la premiere veüe, que plusieurs choses, qui d'entrée sont secretes, se manifestent puis apres. Plusieurs aussi estimoient, qu'il ne falloit faire aucune nouveauté en ces prohibitions; ains donner aux Euesques le pouuoir d'en dispenser: & maintenoient que ledit pouuoir seroit mieux commis à eux, qu'à la Cour de Rome: attendu, qu'ayant plus claire connoissance du merite du fait, & des causes, ils pouuoient aussi mieux administrer la iustice distributive: en lieu, que la Cour de Rome donnoit des dispenses inconnues, & qui souuent les obtenoient par surprise: & pour la distance des lieux, ne pouuoit y faire les diligences requises: ioint que le monde estant imbu & preuenu de cete opinion, qu'on ne les donne à Rome pour argent, cete infamie seroit vne fois lauée, en remettant icelles aux Euesques. Les François, & les Espagnols, faisoient tout effort pour cela: mais les Italiens disoient, qu'ils le pourchassoient pour se faire tous Papes, & pour ne reconnoistre le saint Siege: & que la difficulté d'enuoyer à Rome, & le trauail & la dispenſe à negotier l'expedition, estoient vtils en ce cas: d'autant, qu'ainsi peu de mariages estoient contractés en degres defendus. En lieu que si on facilitoit l'affaire, en donnant ce pouuoir aux Euesques, toutes prohibitions iroient à neant en bien peu de temps, & les Lutheriens auroient gain de cause en leur opinion. Cete raison fut de si grand poids, que presque tous generalement enclinerent à faire vn Decret, Que mesmes nul ne fust dispensé de ces degres, sinon pour cause tres-vrgente: & à cet aduis se rangerent ceux-là mesmes, qui n'auoient pu obtenir ce pouuoir pour les Euesques: d'autant qu'il leur sembloit qu'il y auoit plus d'honneur pour les Euesques, si ce, qui leur estoit interdit, n'estoit permis à d'autres. En fin, apres plusieurs discours tenus & Congregations, il fut resolu de restreindre le parentage spirituel, & l'affinité pour les espousailles, & pour la fornication, & mesme de reigler les dispenses dans les bornes, dont il sera parlé, lors que nous représenterons les Decrets.

Il y eut vn peu de differend sur le neuſieme Chapitre, qui portoit defense aux superieurs, de contraindre leurs sujets, par menaces, & peines, à contracter mariages: & comprenoit nommement l'Empereur & les Rois. Surquoy Guillaume Cassador, Euesque de Barcelone, fit vne opposition, *Qu'il par les su- & par les contraintes faites au mariage, & par les peines.* In'estoit pas eroyable, que grands Princes s'entremissent en mariage, sans que pour causes tres-importantes, & pour le bien public. Et dit que les menaces, & les peines sont à blâmer, lors qu'elles sont employées contre l'ordre de la Loy: mais que les commandemens portans peine, s'ils sont conformes à la loy, sont iustes, & ne peuuent estre repris, s'il y a aucun cas, disoit-il, auquel le superieur puisse iustement commander vn mariage à son suiet, il le peut aussi contraindre par denoncement de peine à le celebrer: & mesme c'est chose toute decidee entre les Theologiens, Que la iuste crainte ne cause point action inuolontaire, & forcée. Et vouloit, que les causes legitimes fussent exceptées: & que le Decret fust conçu en forme, qu'il ne com-

t363.

prist. que ceux qui contraignent contre droit & raison, & contre l'ordonnance de la loi: & qu'il pouvoit aduehir plusieurs cas, où la necessité publique requiert, qu'un mariage soit contracté, esquels ce seroit contreuenir aux loix diuines, & humaines, de dire, Que le Prince ne püst le commander, & aneimes contraindre à le contracter. Et allega pour exemple le fait du Pape Paul quatrième, lequel, en l'année mil cinq cens cinquantesix, le deuxième Ianuier, auoit fait intimer vn Monitoire à Dame Ieanne d'Arragon, femme (d'Ascan Colonnes, qu'elle n'eust à marier aucune de ses filles sans son congé: qu'autrement, le mariage, quoy que consommé, seroit nul. Ce qui n'auroit esté fait par ce Pape, de haut sens, & de probité approuuée, si les Princes n'auoient le pouuoir de marier leurs suiets, pour l'esgard du bien public. Il fut bien suivi de plusieurs au point, de ne faire point de mention des Princes: tellement qu'on osta du Decret les noms d'Empereur, Rois, & Princes. Mais au demeurant il eut bien de l'opposition, par cete seule raison, que le mariage est chose sacrée, & que la puissance seculiere n'y peut auoir aucune autorité: & que quand mesmes il y auroit cause legitime, pour laquelle quelcun pourroit estre cōtraint au mariage, cela ne se peut faire par autre puissance, que par l'Ecclesiastique. Mais le crit du Monitoire de Paul quatrième excita vn grand bruit sourd en la Cōgregation, & du depuis donna beaucoup à parler. Quelques-vns disoyent, que cela auoit esté fait par Paul, non en qualité de Prince, mais de Pape: & qu'il auoit eu raison de ce faire, d'autant qu'Ascan Colonnes estoit son rebelle: & qu'il ne luy vouloit permettre d'acquiescer, par le mariage de ses filles, de nouueaux partisans, à la faueur desquels il se fortifiait en la desobeissance. Autres disoient, que le Pape, en qualité de Vicair de Christ, n'a point de rebelles pour causes temporeles: & que cetui-là seroit mal fondé en son opinion, qui pëseroit, que le Pape puisse, par autorité Apostolique, casser & annuler mariages, autrement que par la voye des loix, & Canons vniuersels: & non par edicts, ou ordonnances faites sur personnes particulieres: de quoy aussi de vray on ne sauroit alleguer raison, ne trouuer exemple. Il y en auoit aussi de ceux, qui nioient qu'on püst faire fondement sur semblables actions des Papes, lesquels montrent plustost, iusques où s'estend de droit l'usage legitime d'icelle.

Et par les
domestiques:

Il n'y eut pas moins de difficulté, sur ce que le mesme Decret s'estendoit aussi aux peres, & meres & autres superieurs domestiques, qui entreprendroyent de contraindre leurs enfans, & leurs autres inferieurs & nourrissons, sur tout filles, à contracter mariage. Et fut mis en consideration, que de venir à excommunication en cas de cete nature, estoit chose bien dure, & violente. Mais les autres, qui auoyent auparauant soustenu, que les enfans sont obligés à suivre la volonté des peres en ce faire ne laissoyent pas de roidir à l'encontre. Sur quoy fut proposé pour temperament, qu'apres auoir commandé au Decret aux superieurs politiques, sous peine d'excommunication; on ordonnast par voye d'admonition aux superieurs domestiques de ne contraindre leurs fils & filles, à se marier contre leur vouloir. Mais les mesmes repugnoient tousiours, & disoyent, qu'il n'estoit pas raisonnable d'oster aux peres le pouuoir que Dieu leur a donné. Dont en fin on prit deliberation d'oster cete clause tout à fait. A l'occasion de quoy l'Euesque de Barcelone, & quelques autres en petit nombre, qui estoient de la mesme opinion repliquerent. Que comme tenant pour toute euidente, ou ne voulant mettre en doute, l'autorité paternelle, & des superieurs domestiques, sur les mariages des enfans; on auoit arresté de n'en parler point pour tout; ou eust la mesme consideration à l'auterité des superieurs politiques.

Les Congregations sur ce fait estans acheuees, dont la dernière fut le trentième Iuillet, on commença à parler des mariages clandestins en assemblees priues: & l'vne & l'autre partie persistoit en son opinion: dont fut auancé vn nouuel aduis, qui portoit, que cete difficulté presupposoit dogme de foy, & pourrant ne pouuoit estre determinée, attendu la contradiction d'un

nombre notable. Cerauis mit bien en peine ceux qui vouloient la cassation de tels mariages, car il leur sembloit que la porte estoit totalement fermée à l'obtenir.

En ces mesmes iours naquit vne difficulté assez contentieuse, quoy que pour affaire particulier. C'est, que les Peres, deputés sur l'Indice des liures de defendus, auoient baillé charge à quelques Theologiens de voir l'œuvre de Barthelemy Carranza, Archeuesque de Toledé: & iceux, en leur rapport, auoient tesmoigné de n'auoir trouué audit liure chose quelconque digne de Censure: dont la Congregation l'auoit aprouue, & à la requisition de l'Agent & negociateur du dit Archeuesque, en auoit fait vne publique attestation. Mais, d'autant que le liure & l'auteur estoient sous la Censure de l'Inquisition d'Espagne; le Secrétaire Gazdellun en donna aduis, & s'en plaignit au Conte de Lune: lequel en fit ses doléances aux Peres d'icelle Congregation, & requit retraction du Decret: mais eux n'enclinans point à le reuoker, comme estant iuste à leur aduis, l'Euesque de Leride, soit par induction du Conte, soit pour autre cause, entreprit de parler contre iceluy, & de le blâmer: allegant des passages du liure, lesquels deslors par sinistre interpretation, sembloient meriter censure: & qui plus est, touchant mesmes le iugement, & la conscience de ces Euesques. L'Archeuesque de Prague, comme chef de ladite Congregation, pour la defense de soy, & de ses Collegues, se plaignit aux Legats, requerant qu'ils fissent quelque sentiment de ceste iniure, & protestant, qu'il n'entendiendroit plus en aucun Acte publict, iusques à ce que la Congregation n'eust eu la due satisfaction. Le Cardinal Moron s'y entremist, & fit la paix, à ces conditions: qu'on ne donneroit aucune autre copie de l'attestation susdite: que l'Euesque de Leride feroit satisfaction de paroles à la Congregation, & particulièrement à l'Archeuesque de Prague: & que d'un costé & d'autre le fait seroit mis sous silence. Et le Conte de Lune, par prieres, qui portoient commandement, retira la susdite attestation d'entre les mains de l'Agent de l'Archeuesque de Toledé. Et ainsi fut apaisé le bruit.

Les Legats presenterent aux Ambassadeurs les Articles de Reformation, qui estoient treize en nombre, (lesquels du depuis furent diuisez, vne partie en la Session prochainement suiuaue, & le demeurant en l'autre, pour les raisons, qui seront touchées cy apres) afin qu'ils missent en consideration ce qui leur sembleroit, auant qu'on les baillast aux Peres, pour en dire leurs aduis. Le Conte de Lune alla pratiquant les autres Ambassadeurs, pour demander, qu'on eust des deputés par chaque nation, lesquels considerassent ce qu'on deuoit reformer: d'autant que le plan, & projet fait par les Legats, estant tout dressé selon les interets de la Cour de Rome, ne se pouuoit accommoder aux autres pays. Mais le Cardinal de Lorraine, & les Ambassadeurs de France, & de Portugal, s'y opposerent, disans, Que chacun pouuoit dire son aduis sur ces Articles, & mesmes, si besoyn estoit, en proposer d'autres: dont il n'y auoit point de necessité, de donner ce mescontentement au Pape, & aux Legats, lesquels portoient impatiemment n'ouïr parler de proceder par nations au Concile. Les Imperiaux s'adjoignans aussi à cet aduis, le Conte le reporta: disant toutesfois, que sur ces propositions il auoit à faire diuerses considerations.

Le Cardinal de Lorraine conseilla aux Legats de faciliter l'affaire, & d'oster toutes les Articles, qu'on verroit ne pouoir passer sans beaucoup de contradiction: disant, que moins de choses on traiteroit, mieux il seroit. Dequoy le Cardinal de Vvarmie monstra d'estre esbahy. Et le Cardinal de Lorraine s'en estant aperceu, luy demanda, S'ils s'esbahissoient de voir plus en luy l'ardeur, & le zele à la reformation, qu'il auoit démontré autresfois? Et adiousta en suite, Que neantmoins le desir estoit tousiours le mesme, comme aussi la disposition de courage à s'y employer vigoureusement: mais que l'experience luy auoit enseigné, non seulement, qu'on ne pouuoit faire chose quelconque, ne par faire, ne mediocre au Concile: mais mesmes, que tout essay en semblable maniere, renoient en pis. Le Cardinal de Lorraine s'entremist aussi enuers le Conte de Lune, pour le dissuader de mettre aucune dilacion au total de la Refor-

1563. mation; & si au particulier il y avoit chose, qui ne luy agréast entièrement, il le prioit des'en faire entendre, promettant de s'employer à luy faire avoir tout contentement.

*Les Impériaux bail-
lent leurs
additions,
& obser-
vations sur
scena.* Les Ambassadeurs de l'Empereur les premiers de tous presenterent le trentième uillet leur réponse par escrit : en laquelle d'entrée ils disoient, Que desirans vne vniuerselle Reformation, au chef & es membres; & ayans lu les Articles, qui auoient esté presentés; ils auoient adiousté, & remarqué quelques points, selon lesquels ils requeroient qu'iceux fussent corrigés, & proposés à l'examen des Peres. Et d'autant que l'Empereur avec les Ambassadeurs de plusieurs Princes d'Allemagne, tenoit vne Diete à Vienne, pour traiter aussi de plusieurs choses, qui concernoient le Concile, ils prioient les Légats de prendre en bonne part; si en cas qu'ils eussent nouvelles commissions de sa Maiesté, ils leur propoisoient à l'aduenir encor d'autres considerations. Pour lors ils adioustoient huit articles à ceux qui par eux auoient esté proposés. Le premier, qu'il se face vne serieuse & stable reformation du Conclaué. Le deuxième, Que l'alienation des biens Ecclesiastiques, sans le libre & ferme consentement du Chapitre soit defendue; & ce principalement, en l'Eglise Romaine. Le troisième, Que les Contindes, & les Coadiutoris aient succession à venir, loient ostées. Le quatrième, Que les Escholes, & vniuersités, soient reformées. Le cinquieme, Qu'il soit ordonné aux Synodes provinciaux de corriger les statuts de tous les Chapitres; & semblablement, qu'autorité leur soit baillée de reformer les Messels, les Breuiers les Ceremoniaux, & les Graduels: requérant reformation, non seulement de ceux de Rome, mais aussi de ceux de toutes les Eglises. Le sixieme, Que les Lai, ne soient cités à Rome en premiere instance. Le septieme, Que les causes ne soient euoquees de la Cour Seculiere à l'Ecclesiastique, sous pretexte de deni de iustice: sinon que tout premier la verité de la requeste ait esté reconuë. Le huitieme, Qu'es causes profanes ne soient baillés Conseruateurs.

Les observations sur les Articles proposés par les Legats, estoient en grand nombre, mais d'autant qu'il y en auoit plusieurs de peu de consequence, ie n'en toucheray que les plus importantes: qui estoient, Que les Cardinaux soient élus d'entre toute les nations: afin que le Pontife vniuersel soit créé par électeurs de tous peuples. Que les prouisions, & reiglemens, sur les pensions, reserues, & regrés, comprennent non seulement les futures, mais s'estendent aussi aux passées. Que le baier de l'Euangile en la Messe ne soit osté à l'Empereur, & aux Roys, à qui la defense en appartient. Qu'il soit déclaré quels sont les affaires seculiers, qui sont interdits aux Ecclesiastiques, pour ne contredire à ce, qui de sia a esté arresté au decret de la Residence. Qu'en l'Article de ne charger les Ecclesiastiques d'impositions, & subsides, soit exceptee la cause du subsidie contre les Turcs, & autres infideles. Cete proposition quoy quelle contint des choses de dure digestion, ne fut pas tant ennuieuse aux Legats, comme le doute mis en auant, Que de la part de la Diete de Vienne leur seroit faite quelque extraordinaire instance pour le changement des ceremonies receues par l'Eglise Romaine, & pour la relaxation des commandemens de droit positif.

*puis des
François.*

Le troisième Aoust les François donnerent leurs observations: dont les essentielles estoient, Que le nombre des Cardinaux n'excede celuy de vingt quatre: & qu'il n'en soit créé de nouveaux, iusques à ce que le nombre ne soit réduit à cete limitation. Qu'ils soient choisis de tous les Royaumes & provinces. Qu'il n'y en puisse auoir plus de deux d'un mesme diocese, ne plus de huit d'une nation. Qu'ils ne soient créés au dessous de trente ans. Que nul frere, ou neveu du Pape ou de Cardinal viuant, ne puisse estre créé Cardinal. Qu'ils ne puissent tenir Eueché, afin qu'ils puissent continuellement assister au Pape: & veu que la dignité est egale en tous, que tous aussi ayent egaux reuenus. Et quant à la pluralité des Benefices, que nul n'en puisse tenir plus d'un: & que la distinction inconnue aux bons siecles, de Benefices simples; & ayans cures d'ames; de compatibles & incompatibles, soit ostée: & que qu'à present en tient plusieurs, en face choix d'un seul, & ce dans un brief terme. Que les resignations en faueur

soient tout à fait ostées. Qu'il ne soit point defendu de conferer Benefices seulement à ceux qui n'ont la conoissance de la langue de l'Eglise, dont il s'agit: attendu que les loix de France defendent à tous estrangers, sans exception, de tenir offices ou benefices au Royaume. Que les criminels des Euesques ne puissent en aucune façon estre jugés hors du Royaume: veul l'ancien priuilege de la France, que nul, ne de volonté, ne par force, ne peut estre jugé hors du Royaume. Que le pauuoir soit restitué aux Euesques d'absoudre tous cas, sans reserve. Que pour ostes les procès beneficiels, soient abolies les preuentions, les resignations en faueur, les mandats, les expectatives: & autres manieres illegitimes d'obtenir Benefices. Que la desente aux Cleres, de ne l'entremettre es affaires seculiers, soit expliquée en cette sorte, Qu'à tousiours ils ayent à soustenir de toutes fonctions ny Ecclesiastiques, & propres à leurs Ordre. Que les pensions soient ostées, & que celles qui sont imposées soient reuocquées. Qu'es causes de droit de patronage, on ne se de par point en France de l'ancien usage, de iuger au possesseur en faueur de celui qui est en la dernière & prochaine possession: & au peritoire, en faueur de celui qui a titre legitime, ou longue possession. Et qu'en toutes causes Ecclesiastiques, ne soit fait aucun preiudice aux loix de France, qui portent, que le possesseur soit jugé par les iuges Royaux, & le petitoire par les ecclesiastiques: non toutesfois hors du Royaume. Qu'es Eglises Cathedrales, nyl Chanoine ne soit élu auant l'age de trente cinq ans. Et quant à l'Article contenant la Reformation des Princes, que tout premier on vake en cete Session à la reformation entiere de l'Ordre Ecclesiastic: & que ce qui appartient à la diuinite & auctorité des Rois, & des Princes, soit remis à vne autre suiuite Session: & qu'alors rien ne soit arresté, sans auoir premierement ouy eux Ambassadeurs, qui auoient desia donné aduis au Roy de ces choses là, & d'autres, qu'ils auoient à proposer. Mais, quoy qu'ils missent en auant choses tant difficiles, ils ne faisoient pas de dire indifferemment, & quasi de gayerie de cœur à tous, afin que le bruit en courust, qu'ils ne seroient point de ferme instance, sinon pource qu'ils concernoient les droits, & les matieres seculieres de leur Royaume. Les Ambassadeurs de Venise proposerent, que l'Article du droit de patronage fust accommodé en sorte, qu'il ne causast aucune nouveauté es droits, dont leur Roy, public & Prince est en possession. Les Ambassadeurs de Sauoye, & de Toscane firent aussi les mesmes instances.

*puis ceux
de Venise
Sauoye, &
Florence,*

En ce mesme temps, les Ambassadeurs de l'Empereur eurent commission de leur Maistre de faire office enuers les Legats, qu'en la reuision de l'indice des liures defendus, ne fust faite mention des Recés & Arrests des Dietes d'Allemagne, lesquels autres-fois auoient esté defendus par Paul quatrième. Et cete commission de l'Empereur estoit avec quelque pointe d'aigreur, qu'en lieu de traiter affaires Ecclesiastiques, on voulust au Concile donner reglement à la police d'Allemagne: & bailler occasion à ces peuples, qui se gouuernent par telles loix, de s'aliener, malgré eux, de l'Eglise Romaine. Les Legats responderent aux Ambassadeurs, qui leur firent cete remonstrance, Que l'Archeuesque mesme de Prague, l'un d'entr'eux, & qui estoit Chef de la Congregation, pouoit sçauoir s'il en auoit iamais esté parlé: & que pour tant Sa Maiesté pouoit se reposer sur son propre Ambassadeur; auquel aussi tant eux, que le Pape, presteroient toute faueur, en tout ce qui concernoit les interets de sa Maiesté.

Le septieme Aoust, l'Ambassadeur d'Espagne presenta son escript: auquel il dit, Qu'il estoit trescontent & satisfait de tous les Articles, & ne pretendoit chose quelconque: seulement vouloit-il aduertir de changer quelques termes; soit afin qu'ils fussent mieux expliqués; soit pource qu'il les tenoit pour superflus, non necessaires, Et toucha presques toutes les choses, qui accroissoient l'auctorité aux Euesques: attendant ses paroles en sorte, que le changement ne paroist point essentiel, ains sembloit qu'il restreignist icelle plustost que de l'augmenter. Il fit aussi instance, qu'on traitast du Conclau: disant, que le Roy Catholice desiroit grandement. Et en outre requit par la partie, qui touchoit les

*l'Ambass.
d'Espagne
se presente
& aussi les
remonstrances
sur les
Articles.*

1563

Et a quel-
que est
avec les
Legats.

Princes seculiers, fust differée à vne autre Session. Et apres auoir baillé son es-
crit, il requit, qu'apres qu'on auroit acheué d'opiner sur les Articles proposés
par les Legats, ils deputassent des Peres par nations, qui recueillissent ce qui
leur sembleroit necessaire pour la Reformation de leur pays, afin qu'on en pust
faire vne determination qui fust au contentement general de tous. Le Cardinal
Moron respondit au nom de tous. Qu'ils ne pouuoient consentir qu'on procé-
dast en cela autrement, qu'on n'auoit fait iusques alors es autres matieres. Sur-
quoy diuerses choses ayans esté dites d'une part & d'autre; de celle du Comte,
signifiant que le Concile estoit en seruitude: & celle du Cardinal, demonstrent
la liberté d'iceluy: le Cardinal Moron dit, Qu'aucun ne pouuoit se plaindre
d'eux: qu'ils luy eussent empesché la liberté de dire son aduis: & le Comte re-
pliqua, Que de vray il ne pouuoit croire qu'ils eussent fait chose aucune indigne:
mais cependant qu'il ne se pouuoit tenir de leur dire, qu'on auoit beaucoup
murmuré au Concile des Congregations faites les iours auparavant: & qu'on a-
uoit presuppôsé, qu'on les faisoit pour capter les suffrages. Mais les Legats se
defendoient, disans, Qu'es diuersités d'opinions, leur deuoir estoit, d'enten-
dre la verité, & de composer les differens: afin que les mariées traitées pussent
estre arrestées avec vnion. A quoy le Comte respondit, Que cela estoit bien
bon: mais qu'on trouuoit mauuais qu'on n'y eust appelé autres qu'Italiens, sauf
deux ou trois Espagnols, & autant de François. lesquels n'auoient pas les me-
mes sentimens que les autres compatriotes. Et les Legats se defendirent, di-
sant, Qu'ils estoient appelés à proportion: d'autant qu'au Concile il y auoit cent
cinquante Italiens, & entre toutes les autres nations ils n'estoient pas plus de
soixante. Le Comte monstra d'estre content: & s'estant retiré, dit à ses Pre-
lats, que les Legats auoient commencé vn propos, pour monstrier qu'il ne fa-
loit tenir conte de nations au Concile, & puis l'auoient conclu, monstrant d'en
auoir tousiours tenu conte.

Consulta-
tion parti-
culiere sur
les Arti-
cles.

Le iour suiuant, les Legats, & les deux Cardinaux, se trouverent ensemble
en consultation, pour considerer les remonstrances des Ambassadeurs: & pour
agencer les Articles de Reformation en la maniere, qu'ils deuoient estre pro-
posés aux Peres; & pour ordonner du moyen, qu'il falloit garder, à parler sur
iceux. Le Cardinal de Lorraine ayant receu nouuelles lettres de France, avec
charge à luy & aux Prelats François, de favoriser les affaires du Pape, & pour ce
estant tout porté à donner contentement aux Legats, conseilla qu'on ne laissât
point opiner sur tant d'Articles tout à vn coup: mais qu'ils fussent partagés en
plusieurs fois, selonc les matieres: & qu'apres qu'une partie seroit acheuée, on
viut à parler sur l'autre: & qu'ainsi on acceleraist la Session, laissant à quartier
les choses, esquelles on trouueroit quelque difficulté: concluant celles-là tant
seulement, esquelles tous, ou la pluspart, contiendroient: & que particuliere-
ment on laissast de proposer d'entre celles, esquelles les Ambassadeurs ne con-
uenoient point.

Congre-
gation pu-
blique sur
l'Article
de la cas-
sation des
mariages
clâdestins

L'onzieme Aoust commencerent à se tenir les Congregations, pour conclur-
re & arrester les Anathematismes, & Decrets au fait du Mariage. Et fut trai-
té de la proposition des François, de declarer nuls les mariages contractés par les
fils de famille, sans le consentement de leurs maieurs. Et entre les premiers opi-
nans il y eut quelque difference d'avis. Le Cardinal de Lorraine se portoit à
l'affirmatiue, allegant les passages de l'escriure, esquels Je pouuoir de marier les
enfans est attribué aux peres: & rapportant les exemples des mariages des Pa-
triarches Isaac, & Jacob: & adioustant à cela les loix Imperiales des Institutes,
& du Code, faites par des Princes Chrestiens, & de treslouable memoire: pro-
duisant aussi vn Canon sous le nom d'Euariste Pape, & vn autre du Concile de
Carthage, rapportés par Gratien. Il recita aussi plusieurs inconueniens, qui nais-
sent pour cete cause. L'Archeuesque d'Otrante soustint l'opinion contraire,
opposant que c'estoit donner autorité aux Lais sur les Sacrements: & leur faire
croire, que cete autorité, d'annuller les mariages, depend de la paternelle, &
non de l'Ecclesiastique. Joint que ce seroit vn Decret directement contraire à
l'escriure sainte, laquelle dit expressement, Que l'hème de l'illustre pere & me-

re, & se conioindra à sa femme. Et que quant aux inconuenient, par ce Decret on en feroit naistre de beaucoup plus grands: remettant les enfans, en ce qui touche à la conscience, à l'arbitrage & discretion des Peres. Et si vn pere ne consentoit iamais au mariage de son enfant, & cependant iceluy n'auoit don de continence, l'enfant, par ce Decret, se trouueroit en des extremes perplexités. Vingtneuf opinerent en cete Congregation, desquels vingt furent d'aduis qu'on ne parlast point pour tout de cete matiere: des autres, les vns approuuerent le Decret ainsi vniuersellement: les autres le limitoient, és fils de l'aage de vint ans, & és filles à l'aage de dixhuit.

A la fin de la Congregation, les Ambassadeurs de Venise firent lire vne demande, qu'ils faisoient sur l'Anathematisme des diuorces, laquelle contenoit en substance, Que leur Republique tenoit les Isles & Royaumes de Chipre, de Candie, de Corfou, de Zante, de Cephalonie, habitées de Grecs: lesquels de toute ancienneté ont la coustume de repudier la femme adulteresse, & d'en prendre vne autre: le quel usage, quoy que notoire à toute l'Eglise, n'auoit iamais esté condamné ne repris par aucun Concile: & aussi n'estoit-il pas raisonnable de les condamner en absence, attendu qu'ils n'auoient pas esté appellés à ce Concile. Et pourtant, qu'il plust aux peres d'accommoder le Canon, qui parloit de cela, en sorte, qu'il ne leur fust aucun preiudice. Les Legats, auans receu cete requeste, la firent proposer, sans l'examiner plus particulierement: dont ils s'esleua quelque bruit entre les Peres; & en la suiuite Congregation aucuns d'eux toucherent le mesme point, repliquans ce qui estoit porté par la requeste, Qu'il n'estoit pas raisonnable de condamner les Grecs, non ouys, & non cités. Mais l'Archeuesque de Prague s'esleua à l'encontre, disant, que cela ne se pouuoit dire: & que, par la citation generale de tous les Chrestiens, eux aussi s'entendoient appellés & conuies par le Pape. Et le Cardinal de Vvarmie adiouta encor de plus, Que le Pape auoit aussi specialement enuoyé au Duc de Moscovie, pour le conuier au Concile: & combien qu'il ne fust point qu'il eust appelé autres Grecs en particulier, il falloit toutesfois presupposer que toute la nation auoit esté conuiee, par sermonee particuliere: outre que, comme l'Archeuesque de Prague auoit dit, l'intimation generale suffisoit. Et partant les Legats ordonnerent au Secretaire, qu'il rayast de la demande desdits Ambassadeurs cete clause, Que les Grecs n'auoient point esté appellés. Mais tant à cause de leur remontrance, que pource que derechef le mirent en champ ceux qui ayans esgard à l'opinion de S. Ambroise, ne vouloient qu'on appoast l'Anatheme à ce Canon; on y trouua vn temperament, qui fut, non pas de condamner ceux, qui disent que par l'adultere le mariage peut estre desfait, & qu'il en peut estre contracté vn autre: comme saint Ambroise, & autres Peres Grecs ont dit; & comme les Orientaux le pratiquent: mais d'anathematiser ceux qui disent, que l'Eglise erre, enseignant que par l'adultere, le lien du mariage n'est point dissout, & qu'il n'est loisible d'en contracter vn autre: comme disent les Lutheriens. Et la minute en fut vniuersellement approuuee, & mesmes louée par plusieurs, qui disoient, que le Concile n'estoit conuqué, que pour condâner les opinions des protestans, & non pour traiter de celle des autres nations. Quoy que de vray ce scrupule demeura en plusieurs, comment on pouoit condamner ceux qui disent, Que l'Eglise erre enseignant vn Article: sans condamner tout d'vne main le contraire d'iceluy. Mais neantmoins, voyant que tant de personnes l'entendoient ainsi, ils y acquiescerent.

Et pource que la proposition des fils de famille donnoit entrée à la question generale, auauoir si l'Eglise peut casser les mariages: tous les suffrages tournerent à parler de cela tout à neuf: combien qu'on en eust desia parlé, & que les voix en eussent esté recueillies, & que le Decret formé d'icelle eust esté lu, comme il a esté dit ci-dessus. Le Cardinal Madruce opina, qu'ils ne pouuoient estre annullés: & allega plusieurs raisons, & argumens, pour soutenir son aduis: se laissant entendre, qu'il l'opposeroit mesmes en la Session à la contraire opinion. Ce que les Cardinaux Legats de Vvarmie, & Simonete,

requeste des Venetien sur le diuorce des Grecs pour adultere.

apointie par l'accommodement du Decret.

disputes sur le pouuoir de l'Eglise de casser les mariages.

disoyent aussi. Mais, ce qui engendra encor plus de confusion, fut que Lainez, General des Iesuites, fit courir vn escrit, par lequel il improuuoit la cassation des mariages clandestins : ce qui donna occasion à plusieurs de se roidir plus courageusement à cete opinion : & es Congregations on commenca à respondre aux raisons les vns des autres, avec tant de longueur, que les Legats furent presque d'opinion d'obmettre cet Article, pour n'empescher la tenue de la Session : & sur tout d'autant que l'Euesque de Sulmone, premier de tous, mit cete question sur le bureau en Congregation publique, assauoir, Si la matiere de la cassation de ces mariages appartenoit à Dogme, ou à Reformation. Et l'Euesque de Segouie apres luy fit vn tres-long discours, pour monstre qu'elle ne pouuoit estre reduite à Dogme : & pourtant, veu que le plus grand nombre des voix auoit approuué la cassation, le Decret pouuoit estre tenu pour arresté & conclu. L'Euesque de Modene suiuit le mesme aduis : adioustant, que de traiter de cete matiere par voye de Dogme, ne seroit autre chose, que clorre la porte à toute reformation : d'autant qu'en tous Articles on pourroit susciter la mesme difficulté, assauoir, si l'Eglise a, ou n'a point autorité sur le fait, dont il s'agiroit : ce qui seroit mettre les armes en main aux heretiques, & oster à l'Eglise toute son autorité : attendu, qu'il n'est pas raisonnable de mettre la main en ce, dont on est en doute, si nostre pouuoir s'y estend. Et se plaignoit dece que cete question estoit mise sur les rangs, par ceux qui la deuoient auoir pour toute claire, & decidée. Cet aduis agrea à plusieurs, qui disoient, Qu'il ne faut iamais mettre en dispute, si l'Eglise peut, ou ne peut quelque chose : mais qu'il faut tenir pour tout decidé, que comme Christ a toute puissance au Ciel, & en la terre, tout autant en a le Pape de Rome, son Vicaire : & que cete autorité estant par le Pape communiquee au Concile General, il faut tenir pour asseuré, qu'iceluy ne defaut de pouuoir, pour faire tout ce qui est utile & expedient, sans mettre en dispute, si cela presuppse Dogme, ou non. Cet aduis agrea aussi à ceux, qui desiroient l'expedition du Concile, voyant que la difficulté auancee portoit grand empeschement à la fin d'iceluy, & caufoit scandale. Dont les Legats, & les principaux Italiens, firent office à part, qu'il ne s'en parlast point, veu qu'il n'eschoit pas d'en traiter ny avec les François, ny avec les Espagnols, qui estoient tous d'opinion, que les mariages clandestins fussent annullés. Et pour cet effet furent tenues plusieurs assemblées de Prelats, tant entr'eux, qu'avec Legats, & fut deliberé, que non seulement ce Decret ne seroit point mis avec la Doctrine, afin qu'il ne semblast Dogme de foy : mais mesmes qu'il n'en seroit point fait vn Chapitre à part, en sorte qu'il pust iamais naistre difficulté, s'il auoit esté tenu pour Dogme : ains seroit inseré dedans les autres Chapitres de Reformation. Et pour oster encor de plus fort tout achoppement, il fut arresté de former le Decret en sorte, qu'il ne semblast traiter de la cassation des mariages de propos deliberé : & pour cet effet, de le mesler avec le premier Chapitre des abus, qui portoit reiglement de reestablis les Bans, ordonnés par Innocent troisieme, & depuis intermis & negligés : & en couchant le Decret touchant cete condition, & autres conuenables pour donner forme publique au mariage, adiouter en deux mots, quasi par incident, que les contractz, faits autrement, sont annullés : & s'en passer ainsi, sans autre expression. En ce sens fut ce Chapitre formé & reformé à plusieurs & diuerses fois, & tousiours fort intriquement, & avec plus de difficulté es dernieres qu'es premieres. Entre autres alterations, fut changée la clause ia arrestee, comme il a esté dit, que la presence de trois tesmoins fust suffisante pour entiere validité : & en lieu de tesmoins, fut mis, que sans la presence du Prestre tout mariage fust nul. Chose tendant à grandement releuer l'Ordre Ecclesiastic : attendu qu'une action tant principale au gouuernement Politic, & Oeconomic, laquelle iusques alors auoit esté en main tant seulement de ceux à qui elle touchoit, estoit par cete ordonnance soumise au Clergé : tellement, qu'il n'y a plus ne voye ne moyen de faire aucun mariage, en cas que deux Prestres,

(Prestres, à sçauoir, le Curé & l'Euesque, interessés pour quelque esgard, recusent de prester leur assistance. Ien n'ay point trouué es memoires, qui fut l'autheur d'une si aduantageuse inuention pour le Clergé: car i'en ferois mention, comme aussi de plusieurs autres particularités, qui me sont demeurées inconnues. Mais aussi ne dois-je frustrer François de Beaucaire, Euesque de Mets, de l'honneur qui luy est du: car ce fut luy, qui fut autheur de la forme du Decret, comme on le voit couché au corps du Concile: laquelle de vray semble bien suiette à diuerfes interpretations, mais aussi s'accommode à diferentes opinions: ce qu'il fit, croyant qu'il estoit impossible de ioinre des pensées tant discordantes en vne mesme forme qui agreast à tous; & aussi de les presenter toutes par des reserues & esgards subtils. Cete minute estant proposée en Congregation, il y eut cent trente-trois voix, qui l'approuuerent: & cinquante-six, qui y contredirent formellement.

Les Legats donnerent aduis de tout cecy au Pape, demandans instruction comment ils auroient à se gouverner: & si, avec vne contradiction numero-^{les Legats} se, en cas qu'ils ne la pussent vaincre par offices, ils deuoient arrester & con-^{informent} clurre le Decret, ou non: ^{le Pape:}

En ce temps, il y eut vn peu de peur entre les Peres: à cause d'un bruit, qui se leua, que la peste estoit à Inspruck: sur quoy plusieurs se dispoioient à partir: n'eust esté que le Cardinal Moron, ténant d'auoir reduit les affaires à point, pour terminer le Concile, fit venir attestation & certificat public, qui portoit, Qu'à Sborry, lieu à vint mil près d'Inspruck, estoit mort de mal contagieux grand nombre de ces pauures gens, qui trauaillent es mines, d'infection prise es mines mesmes sous terre: mais que ceux d'Inspruck y auoient mis si bon ordre, qu'il n'y auoit point de danger que le mal s'espandist iusques-là: & que mesmes au lieu de Sborry le mal commençoit à fort à s'allentir.

Il arriua aussi vn grand trouble & esmotion entre les Prelats Italiens, & particulièrement du Royaume de Naples, & de l'Estat de Milan: dont l'origine fut, que ia dès le mois precedent le Roy Catholic auoit proposé au Pape d'establi-^{Concile} en l'Estat de Milan l'Inquisition à la maniere d'Espagne, & d'y mettre pour Chef vn Prelat Espagnol: alleguant, qu'attendu le voisinage des lieux infects d'heresie, il estoit necessaire d'en faire ainsi, pour le seruice de Dieu, & pour la manutention de la pureté de la Religion. Dont les villes dudit Estat, ayant appris que le Pape auoit proposé l'affaire en Consistoire; & que, nonobstant la contradiction de quelques Cardinaux, il monstroir d'y encliner, persuadé par le Cardinal Carpy, lequel en cela preteuxoit que ce seroit vn vtile moyen pour tenir la ville de Milan en bonne deuotion enuers le Siege Apostolic: mais de vray y estoit pouillé par l'esperance fomentée par l'Ambassadeur d'Espagne, que le Roy, pour ce bon seruice, le favoriseroit pour paruenir au Papat; deputerent au Pape, Sforce Moronj & au Roy d'Espagne Cesar Tauerne, & Princeaux Bisolte: & au Concile, Sforce Briue: ce dernier nommiement, pour prier tous les Prelats & Cardinaux de cet Estat-là, d'auoir pitié & compassion de leur commune patrie, laquelle estoit ia reduite en grande misere pour les excessiues charges qu'elle portoit: mais se destruiroit & desoleroit tout à fait par cete derniere, qui surpassoit toutes les autres: que ia plusieurs bons citadins se preparoient à abandonner le païs, sçachans tres-bien, que l'Inquisition en Espagne n'auoit pas tousiours buté à guerir les consciences, mais bien souuent aussi à vuidier les bourses, & à autres telles fins mondaines. Que si là, deuant les yeux du Roy, ceux qui estoient commis à cet office, maistrisoient ainsi violemment leurs propres compatriotes; combien plus le feroient-ils à Milan, estans esloignés du remede, & recours, & enuers personnes moins cheries par eux? Briue exposa à Trente la grande peine & trauail, où tous les citadins estoient pour vne si mauuaise nouuelle: & requeroit la faueur des Prelats: Mais ce recit causoit bié encor plus de desplaisir es Prelats mesmes, qui apprehendoient la chose plus que les Seculiers. Et ceux du Royaume de Naples

1563.

redoutoient, qu'après que Milan auroit receu le ioug, ils ne s'en pourroient desdire, comme ils auoient fait quelques années auparavant. Sur cela les Prelats Lombards s'assemblerent, & delibererent d'escire au Pape, & au Cardinal Borromée, lettres signées par eux tous. Au Cardinal, pour luy remon-
 strer le preiudice qu'il y auoit pour luy, auquel, comme Archeuesque, il appartenoit d'estre le principal & le chef en cet office de l'Inquisition. Au Pape, pour luy représenter, qu'à Milan il n'y auoit point des mesmes causes, ny esgards, qui sont en Espagne, pour y establir vne si rigoureuse Inquisition : laquelle, outre la ruine qu'elle apporteroit à ce Duché, seroit aussi de grand preiudice au S. Siege, lequel ne pourroit denier qu'elle ne fust aussi establie à Naples: dont les autres Princes Italiens prendroient occasion de rechercher d'en faire autant: & de là aduindroit, que cete Inquisition ayant pouoir sur les Prelats, le S. Siege auroit peu d'obeissance d'eux d'autant qu'ils seroient contraints de pourchasser les bonnes graces des Princes seculiers, & de s'accommoder à estre bien avec eux, auxquels par ce moyen ils seroient assuiettis: & le Pape, en occasion de nouveau Concile, auroit peu de Prelats: auxquels il se pust fier, & à qui il pust librement commander. Et qu'il ne falloist point adiouster foy à ce que les Espagnols pourroient dire, Que l'Inquisition de Milan seroit suiuite à celle de Rome: veu qu'on voyoit, par exemple comment ils procedoient en la cause de l'Archeuesque de Tolède, & comment ils auoient tousiours refusé d'enuoyer à Rome les procès, qui leur auoient esté demandés: comme aussi faisoient les Inquisiteurs de Sicile, dependans d'Espagne. Ces Prelats non contents de cet office, & d'autres faits par eux, de plus encores sollicitèrent les Cardinaux, & autres de Rome, enuers lesquels ils auoient quelque pouoir, qu'és Decrets du Concile fust inferée quelque parole, qu'ils exemptast, ou asseurast contre l'Inquisition: & mesmes que par Decret expres fust réglée la maniere de faire les procès en cete matiere. Et que si cela ne se pouoit faire à la prochaine Session, on en deliberast pour la suivante. Le Cardinal Moron leur donna esperance de les rendre contents. Et cet accident tint tellement en alarme le Concile, pour le grand nombre des interesses, qu'il en eust pu arriuer quelque notable inconuenient, n'eust esté que peu de iours après vint nouuelle, que le Duc de Sessa, Gouverneur de Milan, ayant entendu les mescontentemens vniuersels, & redoutant, pour quelque vent qu'il en auoit eu, que les Milanois ne prissent exemple des Flamands, qui estoient deuenus Gueux, (c'est le nom de ceux de la Religion reformée en ces pais-là,) iustement pour la mesme cause de l'essay qu'on auoit fait d'y planter l'Inquisition; auoit bien recognu combien il estoit hors de saison de traiter de cet affaire, & auoit fait arrester les Ambassadeurs deputés en Espagne: promettant de faire luy-mesme tel office, que l'Estat auroit contentement.

le Pape
sollicite la
fin du Con-
cile,

Le Pape, ayant veu les responses données par les Ambassadeurs aux Articles proposés par les Legats, se conferma de plus fort en son opinion, qu'il falloist terminer le Concile: autrement, qu'il en naistroit quelque grand scandale: & tenoit pour legers les inconueniens preueus, & en redoutoit quelque plus grand non preueu. Mais, voyant bien la difficulté, qu'il y auoit de le terminer, sans conclure les choses, pour lesquelles il estoit conuocué, si les Princes n'en estoient contents; il delibera de faire office sur cela enuers tous. Et en escriuit à ses Nonces en Allemagne, en France, & en Espagne: & en parla avec tous les Ambassadeurs, residans aupres de foy: & mesmes avec ceux des Princes d'Italie: & vsoit de ce terme, Qu'il seroit plus obligé à qui luy aideroit à finir le Concile, que s'il luy auoit assisté de ses armes à quelque grand besoin. Aux Legats il respondit, qu'ils eussent la visée principalement à finir le Concile: & qu'à cete fin, ils accordassent tout ce qui ne se pouoit bonnement refuser; & admissent le moins de choses preiudiciables qu'il leur seroit possible. Qu'il remettoit le tout à la prudence & bonne foy d'eux, qui estoient sur les lieux, & voyoient de pres le fonds des affaires: seulement, qu'au plustost le Concile fust terminé.

Mais les Legats, avec quelques Prelats, ayans consideré les propositions des Ambassadeurs sur le fait de la Reformation; & ayans, à leur instance, retranché six des Articles par eux proposés, & reduit le nombre d'iceux à trente-deux, le vingt-vnième Aoust les presenterent aux Prelats pour en traiter. Le Cardinal de Lorraine tint des Congregations particulieres des François, pour les examiner: dequoy les Legats estoient bien contents: non seulement, pource qu'ils estoient asseürés, qu'il cheminoit de mesme pied qu'eux en l'intention d'acheuer le Concile: mais aussi, d'autant qu'ils auoient desir qu'on en conuinst au commun consentement de tous, auant qu'en parler en Congregation generale. Et pour ce mesme effect, donnerent charge aux Archeuesques d'Otrante, & de Tarente; & à l'Euesque de Parme; que chacun d'eux à part soy, en compagnie de leurs adherants, les examinaissent en leurs maisons, & entendissent ce qu'on pourroit faire pour donner vn commun contentement à tous. Ces assemblees particulieres continuans par plusieurs iours, les Espagnols, & les Italiens, qui n'y estoient point appellés, prirent à en murmurer bien fort, & se mutinerent pour s'y opposer.

Il aduint aussi, que l'Archeuesque d'Otrante, estant allé chez l'Ambassadeur d'Espagne, fut aduertiy par luy de cela mesmes: & luy disant, Qu'il ne feroit pas volontiers enuers le Roy aucun office qui fust desagreable à luy Archeuesque: mais luy vouloit bien dire, que ces Congregations particulieres estoient si mal prises par les bons Prelats, qu'il ne pourroit faillir d'en aduertir Sa Maiesté. L'Archeuesque s'excusa, disant, Que le tout se faisoit à bonne fin, pour faciliter la matiere, & pour applanir les difficultés auant la Congregation generale. A ce mesme instant, estant suruenu l'Euesque d'Isichie, pour parler au Conte de la part du Cardinal Moron, il entra avec luy au mesme propos, & luy monstra que ces Congregations priuées luy desplaisoient, & qu'il estimoit, qu'on ne les faisoit à autre intention que pour susciter des difficultés, & obmettre partie des Articles, afin de tenir plusloist la Session. Nonobstant cela, les Legats, ayans plus d'esgard à contenter les Prelats, que ledit Ambassadeur, apres auoir veu les considerations faites esdites Congregations, les receurent pour bonnes, & r'habillerent les Decrets selon icelles, y changeans, & adioustant diuerles choses.

Mais, estans sur le point de les proposer ainsi corrigés, il arriua vn Courier de la part de l'Empereur, portant nouuelle instruction aux Ambassadeurs; pour laquelle l'Archeuesque de Prague requit instantment aux Legats, de ne proposer la Reformation des Princes, iusques à ce qu'ils eussent eu response de Sa Maiesté Imperiale. Et apres eux, le Conte de Lune en fit vne recharge. Cela mit les Legats en grâde perplexité: voyans que desia la France, & maintenant encor l'Empereur, & l'Espagne, n'estoient pas contents: & de l'autre costé, que le commun desir des Peres estoit, que la Reformation se fist tout ensemble. Et pourtant ils s'assemblerent chez le Cardinal Nauagier, qui estoit indisposé: & voyans qu'il falloit de necessité donner contentement aux Ambassadeurs; ils proposerent, si on deuoit differer toute la Reformation, ou seulement l'Article concernant les Princes. Le Cardinal de Lorraine estoit d'avis, qu'on differast seulement cet Article; & qu'on proposast tout le demeurant. Cet aduis auroit bien agréé, n'eust esté qu'il sembloit qu'on donnoit par là ombre aux Prelats, que la Reformation des Secliers seroit entierement obmise: ce qui les occasionneroit à s'opposer; & en priué, & es Congregations publiques. Et partant il fut arresté, de differer la Reformation des Princes, pour donner contentement aux Ambassadeurs: & afin que les Prelats ne s'escarmouchassent sur vne sinistre interpretation du fait, de remettre aussi la moitié des autres Articles, & les plus importants: proposant les autres, en la forme qu'ils les auoient corrigés, pour en faire opiner, & tenir la Session: quoy qu'ils ne fussent sans quelque doute, pour la difficulté qu'ils preuoioient au fait des mariages clandestins. Ainsi donc le sixième Septembre furent proposés vingt-vn Articles de Reformation, & fut ordonné que le iour suiuant commenceroient les Congregations.

1563.

En la confection d'iceux, le Cardinal Simonete. & autres siens adherants, employèrent tous leurs sens, & industrie, pour les balancer & attremper en forte, que la Cour de Rome en receust peu de prejudice; & que cependant le monde, qui requeroit Reformation; & les Ambassadeurs, qui la sollicitoient, fussent satisfaits: & ce qui importoit le plus, les Euesques fussent contents: attendu que, pour terminer le Concile, il estoit necessaire, qu'ils y concourussent de bonne volonté.

qui, pour
leurs in-
terests,
pouuoient
s'opposer
points:

Les Euesques n'auoient qu'une seule visée; d'acquiescer plus de liberté en leur gouvernement: ce qu'ils esperoient d'obtenir, en cas que trois reglemens fussent faits. Le premier, Que les Curés dependissent d'eux: ce qui aduendroit, si on leur donnoit la collation des Benefices ayans cures d'ames. Mais, outre les autres difficultés, cela mettoit la main es Reserues, & es Regles de la Chancellerie: ce qui estoit faire vne grande breche es mysteres d'estat de la Cour de Rome: à laquelle on voyoit clairement que de là on alloit oster toutes les collations: & par consequent tout pouuoir, & la vie mesme. Et pourtant on prit vn temperament, de tenir fermes les reserues: mais de bailler pouuoir aux Euesques de donner les Cures à qui il leur plairoit, sous pretexte d'examen: & à cete fin fut formé le dix-huitième Chapitre, de cet artifice tant exquis & exact, que chacun peut voir: lequel, par vn specieux semblant, donne tout pouuoir à l'Euesque de conferer le Benefice à qui il luy plaist, & cependant n'oste rien des profits de la Cour de Rome. Le second estoit des exemptions: sur lesquelles on auoit ia par le passé baillé beaucoup de contentement aux Euesques: mais encor l'onzième Chapitre y fut adiousté, pour total accomplissement. Et ne restoit que les exemptions des Reguliers, lesquelles les Euesques auoient conceu esperance de pouuoir abolir tout à fait: ou certes, les moderer en forte, qu'iceux leur demeurassent suiets en grande partie.

Dès le commencement de l'année, auoit esté erigée à Trente vne Congregation sur la Reformation des Reguliers: laquelle, avec l'affistance des Generaux d'Ordre, & le conseil d'autres personnes Religieuses, qui se trouuoient au Concile, auoit beaucoup auancé, & auoit fait de bons Decrets, sans aucune contradiction, d'autant que, quant aux apparences, & au dehors, les mesmes Reguliers ne l'abhorroient point, ains la desiroient. Sçachans bien que, quant à ce qui se fait au dedans des Monasteres, ils l'interpreteroient, & le pratiqueroient ainsi qu'il leur plairoit: voire mesmes tenoient à profit & auantage, d'auoir vne reformation tres-estroite en escripture; comme toutes leurs Regles sont autres en escripture, qu'elles ne sont en la pratique. Mais, quand on commença à parler de moderer les exemptions, & d'assuiettir les Moines, au moins en partie aux Euesques, tous les Generaux d'Ordre, avec les Theologiens Reguliers, se mutinerent, & s'armèrent par troupes chez les Ambassadeurs des Princes, leur monstrans le grand seruice qu'ils rendoient aux peuples, aux villes, & au gouvernement public: s'offrans au reste, en cas qu'il y eust en eux abus de quelque sorte que ce fust, de recevoir toute la reformation qu'on leur voudroit imposer: laquelle, dès aussi-tost qu'ils seroient retournés en leurs Couuens, ils mettroient en execution, encor plus feuerement qu'elle n'auroit esté ordonnée: mais que d'assuiettir les Monasteres aux Ordinaires, c'estoit le difformier: attendu qu'iceux, par faute de conoissance de la vie Reguliere, & de la discipline, par laquelle elle se maintient, desordonneroient tout. A l'opposite, les Euesques disoient, Que tout priuilege est au detriment & desreglement de la loy: & que la reuocation d'iceux est chose fauorable: attendu que par icelle on reestablit les affaires en leur premiere nature: que de les abolir, n'estoit point faire nouveauté, ains remettre les choses en leur ancien estat. Mais de l'autre costé, on repliquoit, Qu'il y auoit prescription de temps es exemptions des Reguliers, qui faisoit qu'elles ne pouuoient plus estre appellées priuileges, ains droit commun. Qu'au temps, que les Monasteres estoient suiets aux Euesques, la discipline Ecclesiastique estoit si bien

reglée, & si seueré es Euesques, & en leurs Chanoines; qu'ils meritoient bien d'auoir la surintendance sur tous: que si on vouloit restablir l'ancieneté, il le falloit faire en toutes ses parties: & que quand les Euesques retourneroient à l'estat & à la forme de ces temps-là, on leur pourroit bien assuiettir les Monasteres, comme alors: mais qu'il n'estoit pas raisonnable, qu'ils demandassent d'auoir la surintendance des Monasteres, auant qu'eux-mesmes se fussent formés à estre tels, que de necessité il faut que soit vn Recteur de vie Reguliere. Les Reguliers en cecy estoient fauorisés par les Ambassadeurs, & par les Legats, pour les interets de la Cour de Rome, laquelle auroit perdu vn grand instrument, en cas que les Moines n'eussent dependu d'elle seule. Et y auoit bien mesmes quelques Prelats, qui les portoient, aduoüans, que leurs raisons estoient bonnes. Ce mouuement dura par quelques iours, mais peu à peu alla se calmer: d'autant que les Euesques, qui l'auoient excité, y reconnoissoient tous les iours plus de difficulté.

Le troisieme point estoit des empeschemens & traüerles, que les Euesques receuoient des Magistrats Seculiers, lesquels, pour conseruer l'autorité temporelle, ne laissoient point empieter aux Euesques l'absolu empire, & domination qu'ils eussent bien desiré, non seulement sur le Clergé, mais mesmes aussi sur le peuple. A cet effet auoit esté dressé l'Article de la Reformation des Princes, dont a esté fait mention, & dont aussi il sera parlé plus à plein en son lieu. Cete partie, ensemble autres, qui luy estoient connexés, auoit esté différée à vn autre Session, à cause de la difficulté, & de crainte qu'on auoit qu'elle ne causast du prolongement: mais les Euesques interpreterent cete dilation, pour vne intention de la faire esuanouir. Et se plaignoient, que, s'agissant de reformer toute l'Eglise, on ne reformast cependant que le Clergé tout seul. Les Legats faisoient toute diligence pour les appaiser: monstrans qu'on ne differoit pas seulement ce point-là, mais aussi plusieurs autres, desquels inuitablement il falloit traiter: & assureans, que cete dilation n'estoit à autre fin, sinon pour faire les choses plus meurement: mais que sans faute elles se feroient. Qu'il estoit necessaire de faciliter l'expedition de cete Session, laquelle seroit vn achemenement à l'autre, en laquelle, sans plus, on traiteroit tout le demeurant. Les Legats estoient tous bandés à tenir la Session au temps assigné, iugeans que cela estoit necessaire pour terminer bien tost le Concile, à quoy le Pape ne faillait iamais, par Courriers ordinaires, & bien souuent par extraordinaires, à les solliciter, disant, Qu'ils le deliurassent vne fois du Concile.

En la Congregation du septieme Septembre, fut receu frere Martin Roais ^{reception} Portalrouge, Ambassadeur du Grand Maistre; & des Cheualiers de Malte: <sup>de l'Am-
bassadeur</sup> ce qui fut différé iusques à ce temps, pour la grande opposition, que firent <sup>du Grand
Maistre
de Malte,</sup> les Euesques principaux, que lieu ne luy fust donné au dessus d'eux: disans, Qu'il n'estoit pas raisonnable, qu'une Religion de Freres alast dedant tout le corps de tant de Prelats: mais en fin ils s'accorderent, & fut publié en la Congregation, Qu'on luy donnoit rang, & place entre les autres Ambassadeurs, sans preiudice toutesfois des Prelats, lesquels pretendent preéance. Ledit Ambassadeur fit vne harangue, en laquelle il excusa le Grand Maistre, d'auoir tant différé d'enuoyer à Trente, sur les bruits de la flotte des Turcs, & sur les grandes incommodités, qu'ils receuoient iournellement du Corsaire Dragut Rais. Et en suite exhorta les Peres à apporter remede aux maux presens, desquels les Freres de son Ordre, qui n'estoient point membres oisifs de la Chrestienté, sentoient de grands contrée-coups. Il requit aussi le Concile de trauailler à l'extirpation des heresies: luy offrant la protection & la defense du Grand Maistre, & de tout leur Ordre, qui y employeroient de bon cœur, non seulement les moyens & facultés; mais mesme la vie, & le sang. Il recita l'origine de leur Religion, fondée quarante ans auant le passage de Geoffroy de Buillon à la conqueste de Terre-sainte: & les actes & exploits heroïques, faits par leurs Ancestres; lesquels ils ne pou-

1563.

uient à present egalier ; pour auoir esté despoüllés d'une grande partie de leurs terres, & possessions. Qu'ils sont l'auantmur & rempar de la Sicile, & de l'Italie, contre les Barbares. Et pourtant, prioit les Peres de se souuenir de l'ancienneté, noblesse merites, & dangers de leur Ordre : & de moyenner que les possessions, & commendes, qui leur auoient esté usurpées, leur fussent restituées : & que le Concile fist vn Decret qu'à l'auenir elles ne pussent estre conférées à autres, qu'à ceux de leur Ordre, auquel aussi il requeroit que fussent confirmées ses immunités, & priuileges. Le Promoteur luy respondit, au nom du Concile ; admettant l'excuse, & promettant d'auoir tout esgard raisonnable à la demande qu'il auoit faite sur la conseruation des Commendes, & des priuileges de son Ordre. Il fit plusieurs recharges de la mesme chose aux Legats esuiuans : & eux le firent sçauoir au Pape : mais il respondit, Que c'estoit à luy, à qui il appartenoit d'en faire la provision & reglement : & qu'il le feroit en temps & lieu.

remont-
strées &
disputes
et corre-
ction de
plusieurs
articles de
reforma-
tion, d'elir
des Euef-
ques les
plus ai-
gnés,

En cete mesme Congregation, & es suivantes, on opina sur les vingt Articles de Reformation, qui auoient esté proposées. Il est bien vray qu'il n'y eut pas chose de grande consequence toutesfoi il ne sera que bon d'en toucher les principaux points, tant pour la suite de l'histoire, que pour la declaration de plusieurs choses qui arriuerent apres. Sur le premier Article, touchant l'elction des Euefques, lequel portoit, Qu'on fust obligé de pour- uoir du plus digne : la difficulté agitée autrésfoi retourna sur les rangs, Que c'estoit lier trop estroitement les mains au Pape es collations des Benefices : & aux Rois, & Princes, es nominations : s'il falloit qu'ils fussent astreints à nommer vne seule personne. La pluspart vouloit, qu'on ostant ce terme comparatif, & qu'il fust simplement dit, Qu'on estoit tenu à pouruoir de personne digne. Mais à l'opposite, d'autres consideroient, Que les Peres auoient tousiours vsé de cete façon de parler, que le plus digne fust preferé : à quoy aussi ils adioustoient la raison, Que celuy n'est exempt de faute, lequel prefere le moins digne, quoy que lussant, à celuy qui est de plus de merite. Il y eut là dessus beaucoup à disputer : mais on trouua en fin vn expedient pour accommoder le tout : obmettant en apparence le mot de plus digne : & parlant d'entrée en termes simples, & positifs ; & de là passant aux comparatifs : en sorte que la provision s'entendist libre, & sans astriction. Et ainsi fut le Decret conceu en la forme, qu'on void imprimée au Corps du Concile, qui porte, Qu'on est obligé de pouruoir de bons & lussans pasteurs : & que qui ne prefere les plus dignes, & les plus viles à l'Eglise, peche mortellement. Lesquelles paroles, en leur sens pur & naturel, ne posent autre chose, sinon qu'il y en a plusieurs, qui sont plus dignes, & plus viles, à comparaison de plusieurs autres, qui le sont moins. En laquelle amplitude, ceux qui ont à pouruoir, ont vn grand champ ouuert, pour y proceder à leur arbitrage à coudees franches.

des visites
des Arche-
uesques,

Au troisieme Article il y eut quelque difficulté sur les visites des Archeuesques. Les Archeuesques allegoient les Canons, & les coustumes anciennes, par lesquelles les Suffragans juroient obeissance aux Metropolitains, & estoient absolument suiets à la visitation, correction, & gouvernement d'eux : & ne vouloient consentir qu'aucun prejudice fust fait à cete autorité : & entre iceux le Patriarche de Venise, Iean Treuisan, s'y monstroir le plus eschauffé. Mais à l'opposite, les Euefques, sur tout ceux du Royaume de Naples, trouuaient à conseruer la coustume introduire, par laquelle les Euefques ne sont differens des Archeuesques, que de nom, ayans au reste mesme autorité. Mais, pource que le nombre des Euefques estoit grand, & celuy des Archeuesques petit : & pour la faueur & port des Legats, & des partisans du Pape enuers les Euefques, afin que les Archeuesques, par la suietion des Suffragans, n'acquiescent autorité, & reputation, dont ils se pussent armer, pour n'estre tant suiets à la Cour de Rome, comme ils sont : les Archeuesques ne purent obtenir qu'une seule parole de contentement, en disant, Qu'il ne leur estoit point defendu de faire les visites : pourueu que ce fust avec

cause, approuvée par le Concile provincial. De quoy ils se plaignoient : disans, Qu'on avoit fait vn beau neant : attendu qu'au Concile provincial n'y ayant qu'un Archevesque, mais plusieurs Euesques, on pouvoit bien presupposer, que l'occasion de visite ne se presenteroit iamais.

Le sixième Article estoit des exemptions des Chapitres des Eglises Cathedralales, hors de l'autorité Episcopale. En quoy les Euesques Espagnols, & à leur contemplation, le Conte de Lune, ayans grand interest ; on y fit plusieurs restrictions, & ampliatiions : non toutesfois telles, que ces Prelats demeurassent satisfaits : nonobstant que cet Article fust souvent changé & r'habillé, & mesmes en fin obmis, & remis à la prochaine Session, comme il sera dit en son lieu.

Le treizième Article, en ce qui touche les pensions, parloit generalement, Que nul Benefice ne puisse estre chargé de plus haute pension que du tiers des fruits, ou de sa valeur : conformément à la coustume qui estoit lors que les pensions furent introduites. Mais le Cardinal de Lorraine ne le trouvoit pas bon : veu qu'il y a des Benefices fort riches & opulens, lesquels ne se pourroient dire greués, quand mesmes ils payeroient les deux tiers : & d'autres si pauvres, qu'ils ne peuvent porter aucune pension quelle qu'elle soit. Et pourtant il disoit, Que cete distribution-là n'estoit pas iuste : mais qu'il valloit mieux defendre absolument, que les Eglises Cathedralales, qui ne passoient mil ducats de reuenu, & les Parochiales, qui n'en passoient cent, ne pussent estre chargées. Et s'arrester là, sans passer plus outre. Cete opinion l'emporta, au grand contentement des Legats, & des partisans du Pape, à cause de la libere, & absolue disposition, qu'on laissoit au Pape es bons & gras Benefices. Il y eut beaucoup de discours, & bien longs, de ceux qui demandoient moderation des pensions, & reserues de fruits, ia imposées : & des accés, & regrés. Mais la difficulté contraignit vn chacun de mettre le tout sous silence, à cause de la confusion, & des desordres, qu'on preuvoit qui pourroient s'en ensuiure : d'autant que tous se plaindroient, alleguans pour excuse, Qu'ils n'auroient point resigné les Benefices, sans ces conditions. Et beaucoup plus encor auroient suiet de se doloir ceux, lesquels, pour obtenir telles graces, auroient composé à deniers avec la Chambre Apostolique, si on leur ostoit & reueroit ces graces, sans leur restituer leurs deniers : au remboursement desquels il s'agissoit de l'impossible. Finalement, il sembla encor beaucoup à tous, que on pourueust à l'aduenir, sans penser au passé.

Le quatorzième Article, qui detestoit, & defendoit tout payement de toute partie des fruits, pour la collation, prouision, ou possession du Benefice, agreoit grandement aux François : lesquels disoient, que par ces paroles estoit aboly le payement des Annates. Et de vray, qui les considere, & examine, ne leur peut donner autre sens. Mais toutesfois, l'euement a monstré, qu'à Rome la chose n'a pas esté ainsi entendue.

Sur le dix-septième, auquel la pluralité des Benefices estoit defendue, & permise la dualité, en cas qu'un ne fust : quelques vns requierent cete addition, Que ces deux Benefices ne fussent distans l'un de l'autre de plus d'une journée de chemin : afin que celui, qui en seroit pourueu, pust faire partie de la Residence en chacun d'eux. Mais ils ne purent l'obtenir : & aussi les auteurs de cet aduis n'y travaillerent pas beaucoup : preuoians que ny ce Decret, ny tout le Chapitre, ne seroient mis en execution, que contre quelques pauvres.

Le dix-huitième agrea bien, entant qu'en effet il restituoit la prouision des Benefices ayans cure d'ames, aux Euesques. Mais toutesfois les François contredirent à la forme de l'examen : d'autant qu'il leur sembloit, qu'en apparence il lioit trop estroitement les mains à l'Euesque : & alleguoient pour raison, que ce concours de personnes qui voudroient estre examinées, appellées par Edit, ou proclamation publique, donnoit trop ouuerte & publique entrée à l'ambition. Que l'Ancienneté auoit tousiours fait profession de

1563. conferer les Eglises à ceux qui les refusoient: en lieu, que par cete nouuelle façon, on introduisoit, non seulement de les rechercher ouuertement, mais mesmes de s'en vanter digne, & de les briguer.

des expectatiues, comme faisant desirer, & peut estre quelquesfois aussi procurer & auancer la mort d'autrui. Et, quant aux reseruations mentales, il dit tout outre, Que c'estoient des fraudes, & des vrais brigandages. Et, quand tout est dit, qu'il valloit mieux laisser au Pape l'entiere collation de tous les Benefices, que non pas d'vser d'artifices, & pratiques tant indignes, comme estoit, de vouloir donner vertu & force à vne pensée, non communiquée, ny publiée: & dont mesmes il y auoit soupçon qu'elle n'eust pas seulement esté conceüe en l'esprit, ains eust esté & forgée après le fait. Mais le Cardinal Simonete luy rompit le fil de son discours, disant, Que c'estoit bien chose raisonnable de reprendre les abus, lors que la promission & remede contre iceux n'estoit encor resolu & arresté, afin d'en procurer l'amendement: mais que, dès qu'on voyoit la commune disposition de tous au remede, & que desia le Decret en estoit formé, il suffisoit de l'establir par son assentiment, & suffrage: sans multiplier par ambition en paroles de censure, là où il n'y en auoit point de besoin.

lettres du Roy de France. L'onzième Septembre les Ambassadeurs de France reçurent lettres du Roy, en date du vingthuitième Aoust: par lesquelles il leur mandoit, Qu'il auoit receu les Articles, qui leur auoient esté communiqués par les Legats: & qu'il voyoit les affaires fort esloignés de l'esperance qu'il auoit conceüe: car l'establissement d'iceux n'estoit autre que roigner les ongles aux Rois, & les allonger aux Ecclesiastiques: ce qu'il estoit resolu de ne vouloir supporter. Et pourtant il leur commandoit de représenter dextrement, & prudemment, mais aussi vigoureusement, aux Peres, que, comme tout Prince est obligé de fauoriser le Concile, avec tout zele & ferueur, toutesfois & quantes qu'iceluy procede comme il appartient: aussi de pallier la playe, qui cause les maux presens, ains d'en faire vne plus grande encor, au preiudice des Rois, & Princes, est chose bien esloignée de ce qu'on auoit attendu. Qu'il auoit veu, comment ils se passioient deleger en la Reformation des personnes Ecclesiastiques, lesquelles toutesfois ont causé les scandales à ceux, qui se sont separés del'Eglise Romaine: & comment ils s'ingeroient à oster les droits, & prerogatiues aux Rois, & à casser les ordonnances royaux, & les coustumes & vs prescripts & immemoriaux: & à excommunier & anathématiser les Rois, & les Princes: toutes choses, qui tendent à ietter les semences de desobeissance, sedition, & rebellion desuiets contre leurs Princes: attendu qu'il est tout euident, que l'autorité des Peres, & du Concile, ne s'estend point plus outre, qu'à la reformation du Clergé, & n'a nul pouuoir de mettre la main es affaires d'estat, ny à la puissance & iurisdiction seculiere, laquelle est totalement distinguée de l'Ecclesiastique. Et que, toutesfois & quantes que les Peres, ou Conciles, ont entrepris de traiter de telles matieres, les Rois & les Princes s'y sont opposés: d'où sont procedées maintes seditions & guerres tres-pernicieuses à la Chrestienté. Et pourtant, qu'ils les exhortassent de vaquer seulement à ce qui estoit de leur charge, & necessaire pour l'exigence des temps presens: & de se deporter de ces entreprises, lesquelles n'auoient iamais produit aucun bon effet, & en causeroient encor de beaucoup pires au temps present. Et en suite il leur mandoit, que, si les Peres ne desistoient à ces raisons & remonstrances; eux Ambassadeurs eussent à s'y opposer virilement: & que subit, l'opposition faite, sans attendre leur iugement, ou se remettre à leur discretion, ils eussent à partir, & à se retirer à Venise: faisans entendre aux Prelats François, qu'ils continuassent à demeurer au Concile, & à s'y employer à l'honneur & seruice de Dieu: estant persuadé, que, là où ils verroient qu'aucune chose contraire aux droits, prerogatiues, & priuileges du Roy, seroient mise en deliberation, ils ne faudroient point

point de se retirer : comme aussi le Roy vouloit & entendoit qu'ils fissent. Il escriuit aussi au Cardinal de Lorraine, en la mesme teneur, qu'ils vouloit qu'on parlât aux Prelats : assavoir, *Que par la presence il n'eust à approuver chose quelconque, qui se pourroit traiter au Concile à l'encontre des droits royaux : mais qu'il s'absentast, en cas que les Peres fortissent hors des bornes de leur charge : se remettant au surplus à l'instruction qu'il enuoyoit à ses Ambassadeurs.*

Les Ambassadeurs de France, ayans receu ces lettres, & conféré le tout avec le Cardinal de Lorraine ; de son aduis & conseil, en firent part aux Legats : & mesmes en firent courir le bruit par le Concile : afin que les Euesques, entendant cela, se deportassent de demander reformation des Princes : & qu'ainsi eux n'eussent occasion de faire l'opposition, ne de venir à protestation. Mais cela produisit effet contraire : car les Euesques, lesquels estoient aucunement paisibles, attendans, qu'apres la Session, on proposeroit la Reformation des Princes, dès qu'ils entendirent cete nouuele, & qu'ils virent qu'on visoit à la mettre sous silence, ladite reformation des Princes : se mirent à concerter entr'eux de ne passer outre es actions Synodales, si l'Article, concernant les Princes, n'estoit produit, & mis en deliberation ensemblement avec les autres. Les pratiques passerent si auant, qu'à cent d'entr'eux touchèrent à la main de demeurer fermes en cete deliberation : & en formerent vn escrit, signé de la main de tous : & avec iceluy allerent aux Legats, requerans que les Articles de la Reformation des Princes fussent proposés, & baillés aux Peres, declarans, quasi par maniere de protestation, qu'ils ne continueroient point de parler, & ne conclurroient rien sur les autres, sinon conjointement avec ceux-là. Les Legats leur donnerent de bonnes paroles, avec dessein & esperance de faire efflorer cete humeur. Pendant cete esmotion, le Conte de Lune comparut derechef, avec son instance accoustumee, que le Decret, qui donnoit tout le droit de proposer aux Legats, fust reuocqué : afin que chaque Prelat püst proposer les choses, qu'il iugeroit dignes de reformation : & requit que le sixieme Chapitre fust reuocqué au goust des Prelats Espagnols, ostant tout à fait les exceptions aux Chapitres des Chanoines des Eglises Cathedrales, & les assuetuant aux Euesques. Et, s'estant presente à Trente vn Procureur au nom desdits Chapitres, lequel faisoit offices au contraire, ledit Conte luy commanda qu'il n'en parlât point.

Les affaires estans en ces termes, les Legats pensoient de tenir la Session avec la seule matiere du Mariage : mais il y auoit vn empeschement ; que les difficultes des mariages clandestins n'estoient pas encor bien digerées : & d'ailleurs les Ambassadeurs apprehendoient, que si vne Session eust esté faite sans parler de Reformation, l'esperance estoit perdue d'en traiter iamais plus. Dont les Legats, voyans qu'il n'y auoit nulle apparence de pouuoir auoir aucune matiere de Reformation prestee pour le iour assigné de la Session, tinrent Congregation generale le quinzieme Septembre, en laquelle ils proposerent de prolonger la Session iusques à l'onzieme Nouembre : & ainsi fut arresté. La cause de ce long delay, fut, que le Pape, voyant les difficultes qu'il y auoit à terminer le Concile ; partie pour les differends entre les Prelats, partie pour les oppositions de l'Ambassadeur d'Espagne, assit toute l'esperance de surmonter ces trauerses sur le Cardinal de Lorraine. Dont il escriuit aux Legats, que, cas estant que la Session ne se püst tenir au terme prefix, ils la prolongeassent de deux mois. Ce qu'il fit, afin que le Cardinal en ce temps püst se transporter à Rome, & que là il eust la commodité de traiter avec luy, ce qu'il ne se pouuoit par lettres, ne par messages : & aussi, afin que toute la disposition, requise pour venir à l'exécution, püst estre toute preparee. Iusques à ce temps-là, le Pape n'auoit eu autre resolution, que de terminer le Concile : mais alors, il prit ferme deliberation, s'il n'en pouuoit venir à chef, de le dissoudre & rompre en quelque façon que ce fust : le trouuant totalement forcé de necessité à s'en desfaire. Il enuoya pour cet

X x x x

*communi-
quees**irritent les
Euesques**l'Ambassa-
deur d'Es-
pagne pour
auoir la li-
beré du
Concile**la Session est
prolongee**par vouloir
du Pape, qui
attire ce pre-
lat à la Car-
dinal de
Lorraine à
Rome*

1563.

effet pouuoir aux Legats, de faire suspension, ou translation, comme ils iugeroient estre mieux, par aduis & conseil des Peres: & leur escriuit, Qu'en toutes fortes il s'en vouloit vne fois deliurer, ou en le terminant, s'il estoit possible, ce qu'aussi il desiroit le plus: ou, en cas que cela ne se pust, vñant de l'vn des deux autres remedes, de translation, ou de despenſion. Et pourtant, qu'ils fissent deuoir de faire naistre occasion d'en estre requis, pour ne monſtrer qu'il en fuſt l'auteur: & qu'ils ſollicitaſſent le voyage du Cardinal de Lorraine. Ce qu'ils firent: de ſorte, que le iour d'apres la conſeſſion priſe de prolonger la Seſſion, il partit.

*Fascherieſ
du Pape de
la part de
la France:*

Tous les deſgouſtemens, qu'auoit autresfois eu le Pape de la part de la France au ſait du Concile, eſtoient bien ceſſes: mais il ne laiſſoit pas de recevoir de continueles faſcherieſ de ce Royaume. La quotidieñe inſtance, qui luy eſtoit faite de conſentir à l'alienation de biens Eccleſiaſtiques, iuſques à la ſomme de cent mil eſcus de reuenu, luy donnoit grand ennuy, comme auſſi les meſdiſances & detractions, dont il entendoit que les Huguenots calengeoyent & luy, & le Siege Apoſtolic. Mais particulièrement il fut outré d'un ſait du Cardinal de Chatiſſon, lequel, comme il a eſté dit cy deſſus, auoit quitté l'habit Clerical, & ſe faiſoit appeler, Conte de Beauuais: mais, dès qu'il entendit que le Pape en plein Conſiſtoire, le dernier iour de May, l'auoit priué du Chapeau, il reprit l'habit de Cardinal, & en iceluy, ſe maria. Et en la grande ſolennité, qui ſe fit à Roñan le treizième Aouſt, lors que le Roy ſe declara maieur en Parlement, en preſence de toute la Nobleſſe Françoisſe, il comparut en pleine ſeance en ce meſme habit. Ce qui fut iugé de tous vn grand meſpris du Pape: lequel ſ'en piqua ſi fort, qu'en meſme temps il fit imprimer ſa priuation, & en ſema pluſieurs copiez par la France.

*deputation
de Nonces
pour vn
grand abra-
chement de
Princes:*

Peu de iours auant la venuë du Cardinal de Lorraine, eſtoit arriué le Nonce du Pape, reſident en France, deſpeſché par la Royne Mere, pour propoſer au Pape vn abouchement entre Sa Sainteté, l'Empereur, le Roy d'Eſpagne, & le Roy de France, ſon ſils, en la compagnie duquel elle ſe trouueroit auſſi. Le Pape quoy qu'il en trouuaſt l'exécution impoſſible, agrea la propoſition, comme pouuant beaucoup ſeruir à terminer le Concile: & pourtant donna parole d'enuoyer pour cet effet des Nonces à l'Empereur, & au Roy d'Eſpagne: & deputa en Eſpagnol'Eueſque de Ventimile, lequel auſſi pour cela il rapella de Trente; & celuy d'Iſchie, à l'Empereur.

*negotiation
conſiderée
Pape avec
le Cardinal
de Lorraine*

Il fit des exceſſiues demonſtrations d'honneur au Cardinal de Lorraine, & le logea en ſon palais: & meſme, ce qui eſt choſe inuſitée, il l'alla publiquement viſiter en ſon logement. Leurs propos furent en partie ſur ledit abouchement, lequel toutesfois le Cardinal auſſi ne iugeoit point faiſable. Ils traiterent en outre de la ſuſdite vente pour cent mil eſcus de reuenu de biens Eccleſiaſtiques, en quoy on n'a pu ſauoir, ſi les offices faiſts par le Cardinal furent pour en auancer, ou en trauerſer l'exécution. Bien eſt vray, que le Pape, en ces meſmes iours, ayant reſpondu à l'Ambaſſadeur de France, qui luy en faiſoit nouuele inſtance, Qu'il remettoit l'affaire au Concile: pluſieurs iugerent que c'eſtoit vne deſaite ſuggeree par le Cardinal. Mais leur principale negotiation fut ſur la cloſture du Concile: ce que le Pape eſtimoit tres-important, & reconoiſſoit tres-difficile: & en cela ils ſe deſcourirent le ſonds du cœur l'vn à l'autre, & prirent vne entiere conſiance entr'eux: le Cardinal ayant deſcouuert au Pape, que ſes intereſts eſtoient engagés au meſme deſſein: & qu'apres la mort de ſon frere, il voyoit claièrement qu'il n'y auoit autre moyen de ſouſtenir en France la Religion Catholique, ne ſa maiſon, que par vne tres-eſtroite vnion & conionction avec le S. Siege. Le Pape de ſon coſte luy promit de faire des Cardinaux à ſa nomination: & luy tint des paroles, par leſquelles il luy donna intention de le faire ſon ſucceſſeur au Papat. Et afin qu'elles euſſent plus de creance, il monſtroit que la grandeur du Cardinal eſtoit vile pour quelque grand deſſein, qu'il braſſoit en ſon eſprit: duquel auſſi il donnoit des impreſſions à toutes ſortes de

personnes, auxquelles il parloit, concluant tousiours ses propos par ces mots, Il faut clorre le Concile, & faire prouision d'argent: & puis il adiuendra ce qui plaira à Dieu.

Le Pape communiqua au Cardinal, qu'à toutes les nouueles qu'il apprenoit des discordes, & des prolongemens qu'on machinoit au Concile, la pensee luy reuenoit tousiours de le suspendre, mais qu'il en estoit diuertý par l'apprehension du scandale, qu'en prendroit le monde; auquel la verité des affaires est inconue: & que d'un costé cela luy sembloit bien le plus grand mal qui püst aduenir: mais que de l'autre aussi, il l'estimoit moindre, que le danger que couroit son autorité, laquelle estoit la bute, contre laquelle & Princes & Euesques, & toutes autres sortes de personnes, deschoyent leurs traits: mais qu'en fin, il faudroit quitter tous ces respects, & venir à cete resolution. Le Cardinal le diuertit de ce conseil, luy remonstrant, que ce remede n'estoit pas pour guerir le mal, ains seulement pour le differer avec plus grand peril, & danger: d'autant que dans peu de temps, il auroit nouueles instances de le remettre sus, & quiconque ne le trouueroit satisfait de luy, recommenceroit d'autres menees, & machinations. Ioint qu'il estoit encor plus malaisé de le suspendre, que de le terminer: d'autant que, pour la closture, il n'y auoit point de besoin d'alleguer causes & motifs: mais suffisoit de mettre les choses à point, & se bien entendre, & exploiter: en lieu que la suspension requeroit de necessité allegation de causes, sur lesquelles chacun diroit sa ratelee, outre ce qu'il estimoit bien plus honorable de le terminer, que de le suspendre. Il employa plusieurs autres raisons, par lesquelles il fit comprendre au Pape, que ce conseil estoit bon & loyal: & apres cela, il luy conseilla de parler ouuertement avec le Roy d'Espagne.

Suiuant quoy, le Pape appela à soy les Ambassadeurs d'Espagne, & se plaignit à eux en termes graues & forts, disant, Qu'il auoit conuqué le Concile, sous l'esperance, & la promesse du Roy, qu'il fauoriseroit les affaires du Papat: qu'il luy auoit baillé toutes satisfactions & contentemens imaginables, & estoit prest à luy en donner encor d'autres; à toute siene requeste, pourueu que les enuieuschemens, qu'y apportoit le Concile ouuert, fussent ostés: Qu'il n'auoit demandé autre grace à Sa Maiesté, ny à ses Ministres, sinon la closture d'iceluy, pour le seruice de Dieu, & le bien public: & qu'en cela il estoit fort mal traité: sans qu'il yeust aucun benefice, ains beaucoup de preiudice, pour le Roy. Et pourtant qu'il seroit contraint de faire estat de ceux qui faisoient estime de luy, & de se ietter entre les bras de ceux qui le vouloyent ayder. Il despescha aussi vn Courier au Roy d'Espagne, avec vn Lettre de main propre, par laquelle il se plaignoit des offices, que faisoient son Ambassadeur, & autres siens Agens à Trente, contraires à ceux de ses Ministres à Rome: les vns & les autres disans de suiure la commission de Sa Maiesté. Et luy remonstroit, que, pour le seruice de Dieu, & du Saint Siege, & de Sa Maiesté mesme, il estoit expedient, que le Concile fust terminé. Et pour la fin, le prioit de se declarer, s'il estoit disposé à fauoriser ladite closture, ou non. Le Cardinal de Lorraine luy conseilla aussi de ne se monstrier point tant esloigné d'accorder à l'Empereur l'usage du Calice en la Communion, & le Mariage des Prestres: car, par ce moyen, il acquerroit & l'Empereur: & le Roy des Romains, non seulement pour consentans; mais aussi pour fauteurs & promoteurs de la fin du Concile. Il luy mit semblablement en consideration, Que de necessité il faloit laisser à Reformation des Princes; comme estant chose, laquelle, plus que tout autre, pouuoit porter la negotiation en longueur.

Or, apres le depart du Cardinal de Lorraine, neuf Euesques François partirent encor de Trente, pour s'en retourner en leurs maisons, outre les six, qui estoient allés à Rome avec le Cardinal: tellement qu'il n'en demeura que 8. au Concile. Le depart de ceux-là fit courir vn bruit, qu'ils auoyent esté rappelés de France, & que mesmes on auoit intention de rappeler aussi les autres:

X x x x ij

qui luy dis-
sade la sur-
spension du
Concile, &c.

sur quoy le
Pape parle
aux Ambas-
sadeurs d'Es-
pagne,

escriit au
Roy:

plusieurs
Preliers
Francois
partirent du
Concile:

1563.
diffinites
sur les Ma-
riages can-
oniques.

& ce, à la sollicitation & par les pratiques des Huguenots, afin que, la fin du Concile approchant, il n'y eust aucuns François presens, lors qu'ils seroyent anathematisés. Les Legats, pour faciliter les difficultés sur les mariages clandestins, firent faire aux Theologiens vne publique forme de dispute, par opposition, & responses: ce qui n'auoit encor iamais esté fait au Concile: mais elle ne produisit aucun bon effet, non plus que tous les moyens employés auparavant: ains tous s'en departoyent plus affermis en leur opinion. Et apres cela, pour reprendre les Congregations, & traiter de la Reformation, ils publierent le demeurant des Articles, desquels le dernier estoit touchant la reformation des Princes: à quoy ils se voyoyent forcés par la mutinerie des Prelats.

Chapitre de
la Reformati-
on des Prin-
ces, sur les
immunités
de l'Eglise:

Or, d'autant que ia à diuerses fois mention a esté faite de ce Chapitre concernant les Princes, il sera à propos, pour l'intelligence des choses suivantes, de l'insérer en cet endroit. Iceuluy donques contenoit vne preface avec treize Decrets, & vn epilogue fort preignant. La preface portoit en substance: Que le Concile, outre les choses ordonnées touchant les personnes Ecclesiastiques, a iugé estre de son deuoir, de corriger autres abus, introduits par les Seculiers contre l'immunité de l'Eglise: esperant que les Princes en seront contents, & feront rendre au Clergé l'obeyssance qui luy est due. Et pourtant il les admoneste, auant toute autre chose, qu'ils facent rendre par leurs Magistrats, Officiers, & autres Seigneurs temporels, la mesme obeyssance au Clergé, qu'eux mesmes sont tenus de prester au souverain Pontife, & aux Constitutions Synodales. Et pour faciliter cela, le Concile renouuele, & renouuelant ordonne partie des Decrets des saints Canons, & des loix Imperiales, en faueur de l'immunité Ecclesiastique: lesquels elle entend deuoir estre obserués par tous, sous peine d'anatheme. Apres, suiuiuent les treize Decrets: dont le premier estoit, Que les personnes Ecclesiastiques ne puissent estre iugees en Cour Seculiere: non pas mesmes, quand il y auroit doute du titre de Clerc, ou quand bien elles mesmes y consentiroient, ou auroient renoncé à leurs otrois: ne pour cause quelconque, voire mesmes sous pretexte de bien public, ou de seruice du Roy: & que les Cours seculieres ne puissent proceder contre aucun Ecclesiastic en cause de meurtre de guet à pens, & assassinat, sinon qu'il conste notoirement que c'est vn vray & propre guet à pens: & que semblablement ils ne le puissent faire es autres cas permis de droit, sinon qu'au preallable ayt esté faite la declaration de l'Ordinaire. Le deuxieme, Qu'es causes spiritueles, matrimoniales, d'heresie, de dismes, de droit de patronage, beneficeles, ciuiles, crimineles & mixtes, appartenantes en quelque maniere que ce soit à la Cour Ecclesiastique, tant personeles, que reeles pour les biens, dismes, quarties, ou autres portions affectées à l'Eglise, & pour les Benefices patrimoniels, siefs Ecclesiastiques, & iurisdiction temporele d'Eglises: les Iuges temporels n'ayent à s'y ingerer, ny au petitoire, ny au possessoire: tout appel, & pretexte de deny de iustice, & comme d'abus, ou de renoncement aux otrois & priuileges, osté: & que ceux, qui es dites causes recourent au Iuge seculier, soyent excommunies, & priués des droits qu'ils peuent auoir es dites causes. Et que cela mesmes soit obserué es causes pendantes en quelque instance que ce soit. Le troisieme, Que les Seculiers ne puissent, non pas mesmes par autorité Apostolique, ne par coustume immemorale, establir Iuges en affaires Ecclesiastiques: & que les Clercs, qui recourent tels offices des Lais, mesmes en vertu de priuilege quelconque, soyent suspendus des saints Ordres, priués des Benefices, & offices, & rendus inhabiles à iceux. Le quatrieme, Que le Seculier ne puisse commander au Iuge Ecclesiastic, de ne proceder à excommunication sans permission: ou de reuoker, ou suspendre l'excommunication desia lancée: & ne luy puisse interdire de faire enquestes, adiourner, & condanner: & de n'auoir sergents, & executeurs propres. Le cinquieme, Que ny Empereur, ne Roys, ne Princes, ne puissent faire Edits ou ordonnances quelconques, concernant

affaires ou personnes Ecclesiastiques, ne s'ingerer es personnes, causes, iurisdiccions, Cours Ecclesiastiques, non pas mesmes en l'Inquisition: mais soyent obliges à prester main forte aux Iuges Ecclesiastiques. Le sixième, Que la Iurisdiction temporelle des Ecclesiastiques, voire mesme avec haute moyene & basse iustice, ne soit troublee: & que les suiets des Ecclesiastiques ne soyent, es causes temporelles, tirés aux Cours seculieres. Le septième, Que nul Prince, ne Magistrat, n'ayt à promettre par breuet, ou autre escripture: ny à donner esperance d'obtenir aucun Benefice assis en ses terres & seigneuries: ny à le procurer de Prelats, ou des Chapitres des Reguliers: & que quiconque en obtiendra par cete voye-là, en soit priué: & rendu inhabile à les tenir. Le huitième, Qu'ils ne puissent mettre la main es fruits des Benefices vacans, sous pretexte de garde, ou de droit de patronage, ou de protection, ou d'obuiar à queeles, & debats, ny mettre en iceux Oeconomies, ou Vicaires: & que les seculiers, qui accepteront tels offices, & gardes, soyent excommuniés, & les Clercs suspendus des saints Ordres, & priués de Benefices. Le neuuiesme, Que les Ecclesiastiques ne soyent alstreints à payer tailles, gabelles, decimes, peages, subsides: non pas mesmes sous nom de don gratuit, ou d'emprunt: & ce, tant pour les biens d'Eglise, que pour les patrimoniels: sauf es prouinces, esquelles, par ancienne coustume, les Ecclesiastiques mesmes entretiennent es Estats du pais, pour imposer subsides tant aux Lais, qu'aux Ecclesiastiques, contre les infideles, ou pour autres tres-vrgentes necessités. Le dixième, Que les Lais ne puissent mettre la main es biens d'Eglises, tant meubles, qu'immeubles, ny es vasselages, dismes, & autres droits: ny es biens des communautés, ou des particuliers, sur lesquels l'Eglise a quelque droit: ny arrester pasturages, ou herbages, naissans es fonds & possessions de l'Eglise. L'onzième, Que lettres, sentences, & adiournemens des Iuges Ecclesiastiques, & sur tout de la Cour de Rome, dès aussi tost qu'elles seront presentées, soyent, sans exception ne contredit, intimes, publiques, & exécutées: & que ne pour cela, ne pour apprehender la possession des Benefices, nul ne soit tenu de rechercher l'adueu, ou la permission, qui s'appelle, *Exequatur*, ou, *placet*: ou de quelque autre nom que ce soit: non pas mesme, sous pretexte d'obuiar aux faussetés & violences: sauf es forteresses, & es Benefices, esquels les Princes sont reclus, pour l'esgard du temporel. Et s'il y a quelque doute de fausseté de lettres, ou danger de quelque grand scandale, & tumulte; que l'Euesque, en qualité de delegué Apostolic, puisse ordonner ce qui sera de besoin. Le douzième, Que les Princes, ne Magistrats, ne puissent loger es maisons des Ecclesiastiques, ny es Monasteres, leurs officiers, gens, soldats, chéaux, ne chiens, ny exiger d'eux chose quelconque, ne pour le viure, ne pour le passage. Le treizième, Que si aucun Royaume, prouince, ou lieu, pretend, en vertu de priuileges du Saint Siege, actuellement pratiqués, de n'estre tenu à quelcune des susdites choses, lesdits priuileges ayent à estre produits deuant le Pape dans le terme d'un an apres la fin du Concile, afin que, selon le merite de chaque Royaume, & Prouince, il les confirme: & qu'apres ledit terme d'un an, s'ils n'ont esté produits & presentés, ils soyent tenus de nulle force & valeur. L'Epilogue contenoit vne admonition à tous les Princes, d'auoir en veneration les choses, qui sont de droit Ecclesiastic, comme propres & particulieres de Dieu: & de ne les laisser offenser ny leser par autrui: renouvelant toutes les Constitutions des Souuerains Pontifes, & les saints Canons en faueur de l'immunité Ecclesiastique: & descendant, sous peine d'anatheme, que, ny directement, sous quelque couleur & pretexte que ce soit, chose quelconque ne soit ordonnée, ny executer contre les personnes & les biens Ecclesiastiques, ne contre leurs droits & libertés: nonobstant priuileges, & exemptions quelconques, voire mesmes de temps immemorial.

C'estoit la piece, qui auoit esté premierement communiquee aux Ambassadeurs, & qui fut par eux enuoyee à leurs Princes: & pour laquelle le Roy de France donna aux siens la commission mentionnee cy dessus. Et l'Empereur

alaquelle, le
Roi de France
le & l'Empe

1563. aussi, l'ayant veüe, escriuit au Cardinal Moron, *Que*, ny en qualité d'Empereur, ny en celle d'Archeduc, il ne permettroit iamais, qu'on parlast au Concile de reformer les iurisdiccions des Princes, ne de leur oster le pouuoir de tirer aydes & contributions du Clergé : luy representant, que tous les maux passés estoient procedés des oppressions & usurpations attentees par les Ecclesiastiques contre les peuples, & les Princes: qu'ils prissent garde de ne les irriter d'auantage, & de ne faire naistre de plus grands inconueniens.

Et les Ambass. de France protestent vnement à l'encontre, par vne suite harangue de du Ferrier,
 Les Ambassadeurs de France, apres le depart du Cardinal de Lorraine ap-
 presterent, leur protestation, pour s'enferuir, si besoin estoit. Partant en la
 Congregation du vintdeuxième Septembre, apres qu'un des Peres, par vne
 longue harangue, eut discoursu, que la cause de toute la deprauiation pro-
 cedeoit des Princes, lesquels auoyent le plus de besoin de Reformation : &
 que les Articles en estoient tout dressés, & qu'il estoit meshui temps de les
 proposer, & qu'il ne se faisoit point se persuader de les faire esuanouir par delais
 & remises : l'Ambassadeur du Ferrier se leua, & fit vne longue harangue,
 & complainte, le contenu de laquelle, en ses points principaux, estoit, *Qu'ils*
pouuoient dire aux Peres ce que les messagers des Iuifs dirent aux Sacrifi-
cateurs, Zach. 7. Continuerons-nous encor à pleurer, & à iusner ? Qu'il y
auoit cent cinquante ans, & plus, que les Roys Treschrestiens auoyent de-
mandé aux Papes reformation de la discipline Ecclesiastique : & que pour ce
seul effet, sans plus, ils auoyent enuoyé Ambassadeurs aux Conciles de Con-
stance, de Basse, & de Latran, & au premier de Trente : & qu'en fin on estoit
venu à ce dernier. Et qu'il pouuoit apparoir de lean Gerson, Ambassadeur au
Concile de Constance, & par la harangue de Pierre Danés, Ambassadeur au
premier de Trente : & par celles de Gui Faure, & du Cardinal de Lorraine,
en ce dernier, quelles estoient leurs demandes, par lesquelles ils n'ont re-
quis autre chose, que la reformation des Ministres de l'Eglise : & nonobstant
encor, leur faisoit-il iusner, & pleurer, non septante, mais deux cens ans
continuellement : & plust à Dieu, dit-il, que ce ne soyent trois cens, & plus.
Que si aucun disoit, Qu'on leur auoit donné contentement par Decrets &
Anathemes, ils respondoient, Qu'ils n'estimoient pas que ce fust satisfaire,
de donner vne chose pour vne autre en payement. Que si aussi on vouloit dire,
qu'on estoit prest de satisfaire, par ce grand tas d'Articles de Reformation,
proposés lemois precedents, ils en auoyent desia dit leur aduis : & auoyent
enuoyé tous ces Articles au Roy, lequel auoit respondu, Qu'il y voyoit peu
de choses rapportantes à la discipline ancienne : ains, grand nombre de con-
traires. Que ce n'estoit pas là l'emplastre d'Isaïe, pour guerir, ains plustost
l'enduit d'Ezechiel, pour vlcérer les playes ia foudées. Et quant aux clauses
adioustees aux Articles, d'excommunier, & anathematiser les Princes, que
cela estoit sans exemple de l'Eglise ancienne, & ouuroit vne grande porte aux
rebellions. Et en somme, que tout ce Chapitre de la Reformation des Roys,
& Princes ne visoit à autre but, qu'à abolir les libertés de l'Eglise Gallicane,
& offenser la Majesté des Roys Treschrestiens ; lesquels à l'imitation de Con-
stantin, de Iustinien & d'autres Empereurs, auoyent fait plusieurs loix Eccle-
siaistiques, lesquelles bien loin qu'elles eussent desagree aux Papes, que mes-
mes ils en auoyent inferé quelques vnes en leurs Decrets, & auoyent iugé
digne du nom de Saints Charles Magne, & Louis neuuième, principaux au-
theurs d'icelles. Et adiouta, que par lescdites loix les Euesques auoyent
gouuerné l'Eglise en France, non seulement depuis le temps de la Pragmati-
que Sanction, ou du Concordat ; mais quatre cens & plus, auant la compila-
tion des Decretales : & que lescdites loix auoyent esté maintenues & resta-
blies par les Roys venus apres, dès qu'es temps suiuians elles auoyent esté e-
neruees par les Decretales, fourrees en leur place. Que le Roy, apres sa
majorité vouloit ramener lescdites loix en vsage, & restablir la liberté
de l'Eglise Gallicane : attendu qu'en icelles il n'y auoit rien de contraire aux
dogmes de l'Eglise Catholique, ny aux anciens Decrets des Papes, ny aux
Conciles de l'Eglise vniuerselle. De là il passa à dire, que ces loix-là ne de-

fendoyent point aux Euesques de resider en leurs Eglises toute l'annee, & non neuf moissant seulement; de ne prescher tous les iours, & non simplement es iours de feste: ny n'interdisoyent point aux Euesques de viure sobrement, & pieusement: & de se contenter de l'usage des reuenus Ecclesiastiques, sans en pretendre tout l'vsufruit: ains, de les distribuer, ou plustost de les restituer aux pauvres, qui en sont les vrayz maistres. Et suiuit à denommer les autres choses establies au Concile par la mesme maniere d'ironie, par laquelle il donnoit à voir qu'il s'en mocquoit. Puis adiousta, Que le Roy, par le pouuoir qu'il auoit receu de Dieu, & les anciennes loix de France, & les libertés de l'Eglise Gallicane, auoyent tousiours defendu & empesche les pensions, les renonciations en faueur ou avec regres, la pluralité des Benefices, les preuentions, les Annates, les plaids du possesseur par deuant autres que les Iuges royaux; & de la propriété, ou autre cause ciuile, ou criminele, hors de France: & mesmes auoyent defendu de mettre aucun empeschement aux appellations comme d'abus: ou au droit qu'à le Roy, comme fondateur & patron de presque toutes les Eglises de France, de se seruir librement des biens & reuenus, mesmes Ecclesiastiques, de ses suiets, pour instante & vrgente necessité de l'Estat. Il dit ensuite, Que le Roy s'esbahissoit grandement de deux choses: premierement, qu'eux Peres, qui auoyent vn si grand pouuoir au ministère de l'Eglise de Dieu, & estoient conuqués seulement pour reestabli la discipline Ecclesiastique, ne vaquaissent point à cela: ains se tournassent à reformer ceux, ausquels, quoy que durs & iniques, on estoit tenu d'obeyr, & prier pour eux. En apres, comment on pouuoit, ou deuoit entreprendre d'excommunier & anathematiser les Roys & Princes, donnés de Dieu aux hommes, voire sans admonition precedente: ce qui ne se pratiqueroit pas mesmes contre vne personne du vulgaire, perfeuerant en grief & enorme delit. Que l'Archange Michel n'auoit point osé maudire le Diable; ne Michée, ne Daniel, des Roys tresmechans: & qu'eux, au contraire, avec toutes sortes d'execrations, & imprecations, mettoient à l'interdit les Roys & les Princes, & sur tout, le Roy Treschrestien, pour la seule cause de la defense & tuition des loix de ses Ancestres, & de la liberté de l'Eglise Gallicane. Et, pour conclusion, dit, que le Roy requeroit d'eux qu'ils n'eussent à faire aucuns Decrets contraires ausdites loix: autrement, qu'il commandoit à eux Ambassadeurs de s'y opposer, comme dès lors ils s'opposoyent. Mais que, si, laissant à part les Princes, ils vouloyent serieusement vaquer à ce, que tout le monde attendoit, le Roy l'auoit pour tresagreable, & auoit commandé à ses Ambassadeurs de fauoriser & ayder à ce bon ceuvre & dessein. Iusques icy il parla au nom du Roy. Puis il coniura ciel, & terre, & les Peres mesmes de considerer, si la demande du Roy estoit equitable, & s'il ne seroit pas raisonnable d'ordonner & defendre, par tout le monde, les mesmes, choses qui est yent ordonnees & defendues en France, & s'il ne touchoit pas à eux mesmes d'auoir pitié, non pas, disoit-il, de l'Eglise, pour laquelle prie & intercede incessamment celuy qui est tousiours exaucé, assauoir, Iesus-Christ: ne de la France, en laquelle tous les troubles seroyent bien tost apaisés, veu qu'il n'y auoit que debat des François entr'eux pour le fait de la Religion, & non aucune rebellion contre le Roy: mais de leur propre dignité, autorité, reputation, & reuenus: lesquelles choses ne pouoyent estre gardees & conseruees par autres moyens, que par les mesmes, par lesquels elles auoyent esté acquises du commencement. Et qu'en si grande confusion d'affaires, il falloit se rauiser & repentir, & ne dire point, lors que Christ arriuoit, Enuoye nous dans le troupeau des pourceaux. Que, s'ils vouloyent remettre l'Eglise en son ancienne dignité, & splendeur; gagner les Aduersaires, & les contraindre à repentance, & mesmes reformer les Princes; ils imitassent l'exemple du Roy Ezechias, lequel ne prit point patron de son pere Achaz, Roy meschant, ne de ce qu'auoyent fait ses aveuls iusques au quatrieme qui estoit Ioas, lesquels n'auoyent procedé qu'imparfaitement en la repurgation du seruice de Dieu: ains re-

monta plus haut , & se proposa à imiter l'exemple de Iosaphat , qui auoit aboly les hauts lieux , & autels. Que semblablement en ce temps , il ne fa-
loit points'arrester aux predecesseurs plus prochains, quoy que d'ailleurs
tres.sauans; mais remonter iusques aux vrais Peres, Ambroise, Augustin,
Chrysostome, lesquels veinquirent les heretiques de leur siecle, non point
en armant les Princes à la guerre , & cependant s'amusant de leur costé à
des bagatelles, & choses de neant: mais par oraisons, par l'exemple d'une
bonne vie, & par vne assiduele & pure predication de la parole de Dieu. Car
ces bons Peres-là s'estans premierement formés eux mesmes à estre des Am-
broises, des Augustins, & des Chrysostomes , auoyent repurgé l'Eglise , &
auoyent fait estre les Princes, des Theodoses, des Honores , des Arcades,
des Valentinien, & des Gratiens. Ce qu'ils esperoyent qu'eux aussi feroient
semblablement: de quoy ils prioient Dieu le Pere de nostre Seigneur Iesus-
Christ. Et là dessus il finit.

*qui offense
les Prelats,* Cete harangue , à mesme qu'elle fut prononcée ; irrita extremement
non seulement les partisans du Pape, mais aussi les autres Prelats, & mesmes
les François. Et apres qu'elle fut finie , il salut de necessité mettre fin à
la Congregation, pour le grand bruit qui s'y faisoit. Quelques vns la
taxoyent d'heresie: autres disoyent, qu'aux moins elle en estoit bien suspe-
cté: autres qu'elle estoit offensue des pieuses oreilles: que l'Ambassadeur
auoit espié l'occasion de la faire en l'absence du Cardinal de Lorraine, qui
n'auroit iamais supporté qu'il eust vsé de ces termes: & qu'en fin elle ne bu-
toit à autre chose, qu'à rompre le Concile: qu'il attribuoit au Roy, ce qui
ne luy appartenoit point: & qu'il pretendoit que l'autorité du Pape n'estoit
point nécessaire pour se seruir des biens Ecclesiastiques: qu'il faisoit le Roy de
France semblable à vn Roy d'Angleterre. Mais il n'y eut rien, qui offensast
tant, que ce qu'on auoit entendu qu'il auoit dit, Que l'autorité des Roys
de France, sur les personnes & sur les biens Ecclesiastiques, n'estoit point
fondée sur la Pragmatique Sanction, Concordats, & priuilege du Pape: ains
sur la loy mesme de nature, sur l'Escripture sainte, sur les anciens Conciles;
& sur les loix des Empereurs Chrestiens.

*ce luy se
insubste,*

Il y en auoit aussi, qui blasmoient les Ambassadeurs de France, disant,
Qu'ils deuoyent prendre exemple de ceux de l'Empereur, & d'Espagne,
lesquels auoyent bien les mesmes interests qu'eux, mais nonobstant n'a-
uoyent bougé, ne dit mot: reconnoissans de n'auoir point de droit. Du Fer-
rier se defendoit, disant, Que les Legats auoyent promis au Cardinal de
Lorraine de ne parler plus de ce Chapitre des Princes, sinon qu'avec telle
moderation, qui ne touchast les affaires de France: mais que du depuis on
auoit fait autrement: qu'ils auoyent communiqué l'instruction du Roy au
Cardinal de Lorraine: & que s'il eust esté present, il eust non seulement pre-
sté son consentement, mais mesmes poussé & conseillé à la protestation:
Que ceux-là estoient bien de grands ignorans, lesquels; n'ayans iamais,
lu autre que les Decretales, loix de quatre cens ans en ça tant seulement,
cuidoient qu'auant icelles il n'y eust aucunes autres loix Ecclesiastiques:
Que s'ils pensoient de vouloir reformer le Roy par les Decretales, il adui-
seroit luy mesmes à les reformer par le Decret, & mesmes à les ramener
au temps plus anciens, non seulement de Saint Augustin mais mesmes des
Apostres. Que le Roy de France ne faisoit point le Roy d'Angleterre: mais
bien s'opposoit il à ceux, qui dès long-temps ont commencé à accroistre
leur dignité, la diminution de celle des Roys. Que si ses Articles portoyent
autant de dommage à l'Empereur, ou au Roy Catholique, comme à la Fran-
ce, ils n'auroient iamais esté proposés, & qu'il ne falloit point prendre exem-
ple de ceux qui n'auoyent point interests pareils. Entre les Prelats Fran-
çois, Nicolas de Peluë, Archeuesque de Sens; & Ierome de la Souchierre,
Abbé de Cleruaux, furent les plus offensés de cete harangue: & alloient
disant, Que les Ambassadeurs auoyent mal fait de protester: & qu'ils au-
oyent eu pour but de mettre confusion, & de donner occasion de tenir en
France

France vn Concile National: que c'estoyent gens de mauuaise volonte, & creatures du Roy de Nauarre, enuoyes par luy au Concile pour des des-
seins particuliers: & qu'ils auoyent protesté sans commission du Roy, & qu'il
les faisoit contraindre à monstrier leurs instructions: & mesmes former inqui-
sition contr'eux, comme mal sentans de la foy. Dont ils vinrent à gran-
des alteres avec les Ambassadeurs: lesquels le iour ensuiuant rendirent conte
au Roy des raisons, pour lesquelles ils auoyent différé iusques alors, &
pourquoy en ce temps ils auoyent esté contraincts de venir à la protestation.
Adioustant, qu'ils attendroyent de la faire eurenregistrer les Actes du Concile,
iufques à tant que Sa Maieité l'eust veüe, & leur eust fait entendre ses in-
tentions, & commandemens sur icelle.

Les Legats, n'ayans point de copie de ladite harangue, en firent faire vn
Recueilourny de la memoire de ceux, qui auoyent esté les plus attentifs
pour l'enuoyer au Pape. Mais du Ferrier, ayant eu copie de ce Recueil, se
plaignit, que plusieurs choses y estoient exprimees contre son intention: &
notamment que, là où il auoit nomme les loix Ecclesiastiques, on auoit mis
en eschange loix spirituelles: & qu'on luy faisoit dire, que les Roys peuuent
prendre les biens Ecclesiastiques, à leur bon plaisir: en lieu, qu'il auoit dit
seulement, pour cause necessaire. Et pourtant il se vid oblige de publier luy
mesme la harangue, & en enuoya vne copie au Cardinal de Lorraine à Rome,
s'exculant de n auoir vsé de termes si aygres, comme il luy estoit comman-
dé en ses dernieres instructions, confirmatiues des premieres de mesme sens
& teneur: & adioustant, qu'il ne pouuoit se dispenser d'obeyr au Roy: & ne
vouloit souffrir le reproche que les compagnons Conseillers du Parlement
de Paris luy feroient, si en vn Concile general, il eust permis qu'en la pre-
sence eussent esté deliberees & arrestees choses de si grande importance, con-
tre des si beaux Arrests donnés par le Parlement au temps passé. Ioint que
l'autorite Royale, laquelle il iustenoit, ayant esté defendue par le Roy-
aume de France, par quatre cens ans continuels, contre la guerre que luy
faisoit la Cour de Rome; il n'estoit pas raisonnable que les Peres du Con-
cile, pour la plupart Courtisans de Rome, fussent iuges des vieux differends
que le Royaume a avec icelle Cour.

Il bailla aussi copie de ladite harangue aux Ambassadeurs, & à quicon-
que en demandoit. Mais il y en auoit, qui disoyent, qu'il auoit pronon-
cée diuersement de ce qu'il auoit du depuis couché par escrit. A quoy il
repliquoit, Que nul homme, mediocrement entendu en la langue La-
tine ne le diroit pas: & nonobstant que la prononcee & l'escrite fussent vne
mesme, si toutesfois ils croyoyent qu'il y eust de la diuersité, ils de-
uoyent se souuenir du style du Concile: par lequel iamais iugement n'es-
toit rendu sur les choses ainsi qu'elles estoient proferees de bouche, mais
sur les escrits qui en estoient présentés. Et pourtant, qu'ils s'arrestassent à
l'escrit sans quereler d'vne chose, en laquelle il estoit plus croyable que nul
autre.

Dés que cete harangue fut sortie en lumiere, vne réponse fut faite à
l'encontre de la part du Concile, sans nom d'auteur: laquelle portoit,
Qu'à bonne raison les Ambassadeurs François s'estoyent accomparés eux
mesmes aux messagers des Iuifs: attendu que les vns & les autres auoyent
formé vne plainte indue contre Dieu: & qu'aussi leur estoit bien adue-
nante la réponse, que le Prophete rendit au nom de Dieu au peuple: Que
si partant d'annees ils auoyent pleuré & iuiné; ou mangé & bu; le tout
auoit esté pour leurs propres interets. Que les Roys de France auoyent esté
cause de tous les abus de ce Royaume-là, par les nominations aux Eueschés
de personnes sans lettres, ignorantes de la discipline Ecclesiastique; & plus
enclines à la vie lasciuie, & mondaine, qu'à la Religieuse. Que les François
ne vouloyent point de decision ou resolution des dogmes contentieux, afin
que la doctrine Chrestienne flotast tousiours en incertitude, & que par ce

1563.

moyen entree & place fust donnee aux nouueaux docteurs, pour pouuoir grater la demangeaison d'oreilles de cete nation, peu portee au repos. Qu'en temps si turbulent, ils n'auoyent point de respect de dire, qu'au Roy, qui n'estoit presque qu'un enfant, appartenoit de disposer de tout le gouuernement de l'Eglise. Qu'ils auoyent dit tout à certes, que les benefices n'estoyent qu'vniuers des reuenus: nonobstant que de temps immemorial ils se soyent tousiours portés en France pour vsufruituaires: ayans droit de tester, & disposer par derniere volonte: & en cas d'intestat leurs heritages estans apprehendés par leurs plus proches. Que de dire, que les pauvres sont les vrayz maistres & possesseurs de droit des reuenus de l'Eglise, estoit bien contraire à cet autre dire de la mesme harangue, Que le Roy est le Seigneur & maistre de tous les biens Ecclesiastiques, & qu'il en peut disposer à sa volonte.

Que c'estoit vne grande absurdité de ne vouloir admettre, que le Roy puisse estre repris par un Concile general: puis que Dauid fut bien censuré par le Prophete Nathan, & receut paisiblement la censure. Que de taxer les Euesques des siecles prochainement passés, pouoit aucunement à l'heresie: comme s'ils n'eussent esté vrayz Euesques. Pour la fin, cet escrit s'estendoit fort au long à refuter le dire de l'Ambassadeur, Que les Roys sont donnés de Dieu: comme proposition heretique, & condannee par l'Extravagante de Boniface huitieme, *Vnam sanctam*: sinon qu'on la distinguast, disant, qu'ils sont de Dieu: mais moyennant son Vicaire, le Pape de Rome.

contre la-
quelle Fer-
rier publie
vne apolo-
gie,

Du Ferrier, se sentant piqué de cet escrit, publia vne Apologie à l'encontre, adressee au Concile: par laquelle il disoit, Que les Peres ne pouuoient pas luy respondre, comme auoit fait le Prophete aux Iuifs: attendu que luy, & ses Collegues, requeroient la reformation de l'Ordre Ecclesiastique, & sur tout en France: aduouant franchement leur depravation: en lieu que les Iuifs nela reconnoissans point en eux mesmes, c'estoit à bon droit que la cause du iusne & du pleur leur estoit imputee. Et exhortoit les Peres, qu'en reiettant la cause des depravations de l'Eglise sur les Roys de France, ils se gardassent de ne faire comme Adam, quand il versa sa faute sur la femme, que Dieu luy auoit baillee pour compagne: attendu qu'ils confessoient bien que les Roys pechoyent grieuement, en presentant des Euesques indignes: mais que les Papes pechoyent au double, en ratifiant ladite presentation. Qu'ils auoyent requis la reformation, & non les dogmes, non point afin que les principaux chefs de la Doctrinne Chrestienne, tant debarus auourd'huy demeuraissent tousiours incertains & flotans: mais d'autant que tous Catholiques conuenient en iceux, ils auoyent iugé necessaire de commencer par les mœurs corrompues, qui estoient la fontaine & la source de toutes heresies. Que de vray, ils auoyent dit que ny les Catholiques n'estoyent confirmés, ny les heretiques gagnés par les Articles proposés: attendu que par iceux il n'estoit rien dit de la correction des mœurs de ceux, qui à present sont ministres de l'Eglise: car, pour exemple, y auoit-il vn seul mot touchant les Euesques qui n'ont iamais estudié les saintes Escritures idelsquels toutes fois le monde est tout plein: & que de remettre ainsi toutes choses au lendemain, estoit mal auoir pris garde au dire du Seigneur, Qu'à chaque iour fust son propre mal. Qu'il ne se repentait point d'auoir dit, qu'es diés Articles il y auoit maintes choses repugnantes aux anciens Decrets: ains vouloit renuier par dessus, que mesmes elles derogoyent aux Constitutions des Papes des temps prochainement passés. Qu'il auoit dit, que Charlesmagne, & Saint Louïs, auoyent fait des loix Ecclesiastiques, par lesquelles l'Eglise auoit esté regie en France par ses Prelats: mais qu'il n'auoit point dit, que le Roy entendist d'en faire alors des nouueles, car cela n'estoit point porté par leurs instructions: mais quand ores il l'auoit dit, il auoit parlé conformément à la Sainte Escriture, au droit Canon, Ciuil & Romain,

& à ce, que les auteurs Ecclesiastiques Grecs & Latins ont laissé par escrit long-temps auant la confection du liure du Decret, Qu'il demandoit pardon, d'auoir dit, que les benefices n'ont autre, que le seul vsage des reuenus: car il deuoit dire, qu'ils n'en estoient qu'administrateurs: & que ceux qui prenoient mal ce qu'il auoit dit, s'en deuoient prendre à Saint Ierome, à Saint Augustin, & à d'autres Peres, lesquels non seulement auoient dit, que les biens Ecclesiastiques appartiennent aux pauvres: mais que les Clercs, à guise de serfs, faisoient tous leurs acquests, non pour leurs parents, mais pour l'Eglise.

Qu'il n'auoit iamais dit, que le Roy eust absolu & plein pouuoir sur les biens de l'Eglise: mais bien, que tout appartenoit au Prince, en temps d'instance & vrgence necessité publique: & que ceux, qui sauoient la langue Latine, pouuoient assez comprendre la force, & le propre sens de ces mots: & qu'en tel temps la recherche de l'autorité du Pape ne peut auoir lieu. Qu'il auoit dit, que c'estoit chose sans exemple de l'Ancienne Eglise Catholique, d'anathématiser les Roys en la maniere, qui estoit contenue esdits Articles: attendu que nul ne peut estre excommunié, sans estre precedemment admonesté, ne condanné sans estre appelé. Et qu'il accordoit bien, que les Princes & Magistrats pouuoient estre repris en la maniere que Nathan reprit David: mais, qu'il ne falloit point les prouoquer & irriter par maledictions, & iniures. Que quand il auoit dit, que les Princes porteroient aisément la Reformation, si elle estoit faite en son temps, & comme parle nostre Paul, ciuilement: il entendoit parler du Iurifconsulte Paul, & non de l'Apôstre: & que ceux, qui l'auoient pris autrement, monstroient d'estre peu versés au droit Civil, & peut estre aussi peu dans S. Paul, es escrits duquel ils deuoient faire perpetuelle estude.

Que ceux-là auoient esté de mauuais sourds, qui asseuroient, qu'en rapportant l'exemple d'Ezechias, il auoit dit, que les Euesques des siecles prochains eussent passés n'estoient point vrais Euesques: car c'estoit vne vraye fiction: attendu qu'il n'ignoroit pas, que les Scribes & Pharisiens seoyent sur la chaire de Moysse. Qu'il auoit seulement voulu dire, qu'il falloit se proposer l'exemple des plus anciens Peres, lesquels auoient veu des temps semblables en miseres aux nostres, voire pires. Que quand il auoit dit, que la puissance des Roys'est de Dieu, il auoit dit cela simplement & absolument, ainsi que Daniel & S. Paul auoient escrit, ne s'estant aduisé de la distinction de mediatement & immediatement: ne de la Constitution de Boniface huitieme, *uani sanctam*: à quoy s'il eust eue la pensee, il eust premierement exprimé la chose en autres termes bien plus clairs & expres: & puis, estant François, & croyant vne seule sainte & Catholique Eglise, & tous les dogmes d'icelle, eust apporté ce qu'il auoit appris par les histoires, & par les Actes authentiques de leur parlement, touchant la cause, & origine de ladite Excommunication de Boniface.

Cete Apologie ne rabbatit rien de la mauuaise opinion, conceüe contre les Ambassadeurs, ains l'accrut d'auantage: d'autant que, comme on dit ^{qui en aigrit d'auantage} soit, ce n'estoit pas vne excuse de faute commise, ains plustost vne ^{les par-} opinion niastretée à la soutenir. Et se tenoient diuers discours, non tant contre les Ambassadeurs, que contre le Royaume en general. Et disoit-on que de là ^{l'au du Pa-} on voyoit clairement, qu'elle estoit la pensee de ceux qui auoient le gouvernement des affaires en France. La Royne Mere estoit nommément marquée, comme ayant trop de créance aux Chastillons, & sur tout au Cardinal iadis: que le Chancelier de l'Hospital, & l'Euesque de Valence auoient trop de pouuoir enuers elle: que c'estoit à leur instance, que le Parlement de Paris auoit esté si rudement rabrouié, au detrimēt de la Religion. Qu'elle auoit vne intime priuauté avec le Sieur de Crussol, & sa femme, lesquels, estans de la Religion pretendue reformee, elle ne deuroit pas mesmes admettre à sa presence. Que la Cour du Roy estoit toute pleine d'Huguenots grandement fauorisés. Que continuellement elle faisoit solliciter

1563.

*l'Ambass.
d'Espagne
rel ne ses
anciennes
querelles du
droit de pro-
poser des
Legats*

la permission de pouoir aliener les biens Ecclesiastiques, au si grand preiudice de l'Eglise. Et autres choses semblables.

Or, pendant que le Concile estoit tenu en rumeur pour ces debars, le Conte de Lune, suiuant sa façon accoustumée d'adiouster tousiours des nouueles difficultés à celles qui estoient suscitées par autres, fit instance que le Decret, qui donnoit pouoir aux seuls Legats de proposer, fust reuocqué. Cete demande estoit fort ennuyeuse aux Legats: d'autant qu'ils ne sauoient comment le contenter, sans faire notable preiudice aux precedentes Sessions: car, non seulement la reuocation, mais mesmes toute modification, ou suspension, sembloit vne déclaration, que les procedures precedentes n'auoyent point esté legitimes. Mais le Conte, ne voyant point de resolution sur sa demander tant de fois reïteree, disoit, Que iusques alors il auoit negocié modestement: mais qu'il seroit contraint de changer de style à l'auenir: & parloit de tant plus hardiment, qu'il sauoit tresbien, que le Pape, à ses instances & sollicitations passées, auoit escrit aux Legats, qu'ils fissent ce qu'ils verroyent à faire de raison, & qu'il s'en remettoit en tout & par tout à eux. Mais les Legats, pour se deliurer des poursuites de l'Ambassadeur, responderent, Qu'ils l'alloient au Concile la liberté de faire cete declaration, s'il le trouuoit bon. Et ainsi seruoit le nom & masque de liberté de Concile, pour couvrir ce qui procedoit d'autres: car les Legats, au mesme temps qu'ils parloyent ainsi au Conte, faisoient des fortes brigues & pratiques avec les Prelats plus conioints, pour interposer delay, tant afin de porter cet affaire toute à la fin du Concile; que pour iouir du benefice du temps, pour voir si cependant ne se faisoit point quelque ouuerture de moyen moins preiudiciable. Mais le Conte, ayant esclaire ces brigues, appresta vne protestation, laquelle il requit les Ambassadeurs de l'Empereur, de France, & de Portugal, de signer: mais eux l'exhorterent de ne presser pas si fort l'affaire pour lors: d'autant que le Cardinal Moron ayant conuenu avec l'Empereur, qu'il y seroit pourueu auant la fin du Concile; ils ne voyoyent point comment on pouoit protester de cela, iusques à ce qu'on ne venoit à traiter de terminer le Concile. Et le Cardinal Moron, pour appaiser le Conte enuoya plusieurs fois Gabriel Paleot, Auditeur de Rote, à negotier avec luy sur le moyen, qu'on pourroit prendre pour venir vne fois à l'exécution de son instance: ce que le Conte mesmes n'entendoit pas bien: car il n'auroit pas desiré, qu'aucun preiudice fust fait aux Decrets passés: & cependant, avec cete condition qu'il pretendoit, il estoit bien malaisé d'y trouuer temperament. En fin les Legats donnerent parole au Conte, qu'à la prochaine Session la declaration se feroit: moyennant qu'on trouuaist quelque moyen de donner contentement aux Peres.

*l'instigation à
Rome pour
l'opposition
des Ambass.
de France,*

*de laquelle
le Cardinal
de Lorraine
se pouer,*

La nouuele de la protestation de l'Ambassadeur de France estant venue à Rome, & toute la Cour de Rome, s'en esmurent bien fort: croyant qu'elle auoit esté faite tout à dessein pour trouuer occasion de rompre le Concile, & d'en imputer la coulpe au Pape, & à la Cour. Mais le Pape se plaignoit sur tout, qu'au mesme temps, que le Roy luy demandoit grace & permission d'alienier à cent mil escus de reuenue du Clergé de France, ses Ambassadeurs, en face de tout le Concile, dissent, qu'il les pouoit prendre sans luy. Le Cardinal de Lorraine en eut encor plus de fâcherie, comme d'une grande trauerse à la negotiation, qu'il auoit avec le Pape. Et pourtant il trauailla viuement à monstrier au Pape, que cet accident estoit aduenu à son dessein, & regret; & que, s'il eust esté à Trente, indubitablement il l'eust aduertey. Que cete instruction enuoyee aux Ambassadeurs, estoit vne reste des conseils, pris du viuant du Roy de Nauarre, & que l'exécution en auoit esté procuree par les dependans d'icelle faction, du nombre desquels estoit le President du Ferrier: que cete faction là, combien qu'en l'exterieur elle fist profession de la Religion Catholique, auoit neantmoins estroites intelligences avec les Huguenots, lesquels desiroient vne rupture du Concile en deslourdre, afin qu'on ne vinst à les anathematifer.

Que toutesfois ceux aussi, qui auoyent la direction des affaires à Trente, n'estoyent point sans faute: attendu que, auant son depart, les choses sur cete maniere estoient accommodees, & reduites à vn tresbon point: par la promesse, que les Legats auoyent fait de deux choses: dont les Ambassadeurs estoient demeurez satisfaits: l'une, qu'on ne parleroit point des Roys; & Princes souverains: mais seulement de certains petis Seigneurs, lesquels ne permettent aux Euesques aucun exercice de la Iurisdiction Ecclesiastique: l'autre, qu'on excepteroit toutes les choses dependantes des graces faites par les Papes, comme Indults, privileges & concessions du Siege Apostolic: & nonobstant, apres son depart, on auoit propose aux Peres la premiere minute, sans en oster les choses qu'on auoit promis. Il asseura neantmoins, que, nonobstant tout cela, rien n'empescheroit la paisible fin & issue du Concile: & promit d'escrire au Roy, pour se plaindre de ce qui auoit este fait, & procurer que les Ambassadeurs retournassent à Trente: ce qu'il esperoit d'obtenir.

*Or en promet
reparation;*

Suiuant ce concert, il escriuit en France, & aux Ambassadeurs à Trente: à ceux-cy, disant, que leur action n'auoit que cete excuse, que c'estoit chose faite: & pourtant, qu'à l'auenir ils continuassent à faire le deuoir de leur charge, sans innouer chose aucune de plus, & au Roy, luy signifiant, que l'opposition, faite par les Ambassadeurs, luy auoit semble fort estrange: & principalement, l'ayans faite sans la luy communiquer: & qu'il n'y auoit eu ny cause, ny occasion de la faire: que tout le mal estoit aduenu par son absence de Trente: & que les Ambassadeurs de Sa Maiesté auoyent applique vn remede violent à vn petit mal & bien leger, auquel: à son retour, il remedieroit avec beaucoup de facilité. Mais, puis qu'il estoit impossible, que les choses faites fussent à faire; il prioit Sa Maiesté d'escrire à ses Ambassadeurs; de continuer, à faire leur charge, & de s'abstenir des conseils violens. Et adiousta, qu'il auoit trouue le Pape enclin & bien dispose à vne sainte & serieuse Reformation de l'Eglise: & que la Chrestienté estoit de vray heureuse d'auoir vn si digne Pasteur. Que le Pape l'enuoyoit à Trente si bien informé & instruit de ses saintes intentions, pour terminer & clore le Concile; qu'on en pouuoit attendre vn heureux succès. Et, d'autant qu'à la fin du Concile il faudroit que les Decrets fussent signés par les Peres, & par les Ambassadeurs, qui auroyent assisté à iceluy au nom de leurs Princes, il prioit Sa Maiesté de faire retourner ses Ambassadeurs, afin qu'il fussent presens; & rendissent ce dernier deuoir, qui estoit le comble des faueurs, que le Roy auoit faites; & de la protection qu'il auoit eue du Concile, en suite de celle de son frere, son pere, & de son ayeul.

*Or à ces
effets escri
aux Ambas
sadeurs, &
au Roy:*

Le Cardinal eut beaucoup d'attaques, non seulement de la part du Pape, mais aussi du College des Cardinaux, en Consistoire; disans, que les Princes vouloyent la liberte du Concile, non toutesfois en chose quelconque; quoy que trespetite, & cependant tresiuste & raisonnable, qui touchast à leur particulier: mais seulement à la ruine des Ecclesiastiques. Le Pape ordonna qu'on adiuftast encor mieux à ce; qu'on deuoit escrire à Trente sur cete reformation des Princes: disant toutesfois, qu'il ne le faisoit point, pour mettre la main es affaires du Concile: car il vouloit laisser faire aux Peres: mais seulement pour instruction aux Legats, par maniere de conseil. Mais cependant, il ne laissa pas de respondre aux Legats, que si les François vouloyent partir, qu'ils partissent: mais qu'ils se gardassent de leur en donner occasion, & trouuassent en diligence à tenir la Session au temps assigné, auquel le Cardinal de Lorraine seroit de retour: & puis apres à mettre fin au Concile, par vn autre Session, qui se pourroit tenir au bout de quinze iours ou trois semaines de là: mais qu'ils tinssent secreete cete commission, & ne la communiquassent à aucun autre, qu'au Cardinal de Lorraine: & que si les Ambassadeurs de l'Empereur leur parloyent, ils respondissent, Qu'à l'arriuee dudit Cardinal ils resoudroyent ce qu'ils auroyent à faire. Et leur donna courage, leur signifiant, qu'il auoit reduit l'Allemagne & la

*à Rome en
le so malin
des Prin
ces:*

*le Pape ob
licite la fin
du Concile,
dont il auoit
de grandes
esperances:*

1563.

France au point de son dessein : & qu'il n'y restoit plus que le Roy d'Espagne, lequel auoit respondu, qu'il n'estoit pas bon de finir le Concile, attendu qu'il restoit encor plusieurs choses, voire mesmes des plus principales, à traiter. Et nonobstant encor, auoit-il bonne esperance de le reduire, & ainsi mettre fin au Concile au contentement de tous. Et de vray, il estoit asseuré de la France, & de l'Allemagne : car, outre le traité qu'il auoit eu avec le Cardinal de Lorraine sur ce fait, lequel luy donnoit pleine assurance de la France, il auoit aussi en ce mesme temps eu resolution de l'Empereur, qu'il estoit content, & ayderoit à terminer le Concile. Il est bien vray, que le Nonce, qui estoit près de l'Empereur, donna auidis, qu'il auoit branlé à se resoudre, & qu'il y auoit danger qu'il ne changeast d'opinion : mais le Pape, ayant entendu que le Roy des Romains auoit esté l'autheur de ce conseil, luy representant que le Concile ne produiroit, ny ne donnoit aucune esperance à l'aduenir de produire aucun bon fruit, s'assura que ce Roy là, tant de son propre instinct, que mu d'une si forte raison, persisteroit en son propos, & par consequent entretiendroit son pere en mesme opinion.

Les Ambassadeurs de France ne comparoient plus,

Or, pour retouner à Trente, les Ambassadeurs de France, apres la susdite harangue, ne comparurent plus en public : & firent entendre à ce peu de Prelats, qui restoyent là, que l'intention du Roy estoit qu'ils s'opposassent au deuxieme & cinquieme Articles, par lesquels les causes & les personnes pouuoient estre tirées à plaider hors du Royaume : & au dixneuuieme, par lequel les preuencions estoient canonisées, & les Parlemens priués de leurs prerogatiues es causes beneficeles.

Et tous les autres s'opposent à la reformation des Princes,

Les Legats, apres que tous eurent opiné sur les viat vn Articles, proposèrent les autres, afin qu'on en parlaist : mais tous les Ambassadeurs s'opposèrent au Chapitre concernant les Princes, au grand grief des Peres, qui se plaignoyent, que s'agissant de reformer, selon qu'on auoit tousiours pretendu, & donné à entendre, tout l'Eglise, tant au Chef, qu'es membres ; les Princes à la fin ne vouloyent aucune reformation, sinon pour le Clergé : lequel mesmes ne pouuoit estre reformé, si les Prelats estoient empeschés en l'exercice de leurs charges, & si la liberté Ecclesiastique n'estoit conseruee & maintenue : & toutesfoi les Princes, qui monstroyent d'estre tant zelateurs de reformation, s'opposassent à ce Decret, qui restituoit aux Ecclesiastiques la liberté, & la iurisdiction necessaire à la reformation. Les Legats s'excusoyent, qu'ils ne pouuoient manquer de donner quelque contentement aux Prelats : & disoyent, que les Ambassadeurs auoyent eu de temps assez pour alleguer leurs griefs, & pour traiter de la chose par raison : mais que c'estoit trop de violence de s'opposer seulement par voye de fait, & de vouloir faire paroistre, que le Concile estoit seulement pour l'Ordre Ecclesiastique ; & non pour la reformation de toute Eglise.

Donc icelle est dissuadee,

En ce mesme temps vinrent nouuelles, que l'Empereur estoit grieuement malade : sur quoy les Ambassadeurs remonstrerent, que, s'il venoit à mourir, le Concile ne seroit point asseuré, d'autant que le Sausconduit seroit expiré. Pour cete cause, les Legats despescherent en diligence au Pape, requerans instruction, comment ils auroient à le conduire : mais les Prelats se disposerent à penser plus au depart de Trente, qu'à la reformation des Princes. A raison de quoy le septieme Octobre fut tenue vne Congregation, pour resoudre ce qui estoit à faire, touchant les autres chefs de reformation, outre les ving vn susdits, & sur tout sur celuy, qui concernoit les Princes : & apres longues deliberation, il fut conclu, que la Session se tiendrait avec la matiere du Mariage, & les susdits ving vn Articles de reformation : & que celuy, qui concernoit les Princes, seroit diferé. Et le iour ensuiuant, les Ambassadeurs de France partirent de Trente : pour aller à Venise, selon le commandement qu'ils auoyent du Roy.

Le Pape s'en voye s'envenimee

Le Pape, quoy que bien content du Cardinal de Lorraine : & des François dependans de luy, irrité neantmoins contre la faction, de laquelle il croyoit que fust procedé le mouuement de la protestation, faite au Concile,

Après la deliberation faite dès le temps de l'Edit de pacification avec les Huguenots, qu'à Trente il fust procédé contre la Royne de Nauarre, laquelle il auoit intermise, preuoyant bien que les Ambassadeurs de l'Empereur y feroient opposition, comme ils auoyent fait lors qu'on auoit traité de procéder contre la Royne d'Angleterre: & resolut d'exécuter sa pensée à Rome: au moyen de quoy, le treizieme Octobre, il fit publier la sentence contre les cinq Euesques François, & autresfois cités & adiournés, comme il a esté dit, & en outre fit afficher aux portes de Saint Pierre, & en autres lieux publics, vn adiournement personnel contre Ieanne, Royne de Nauarre, veufue d'Anthoine de Bourbon: qu'en terme de six mois elle eust à comparoir, pour se defendre; & produire ses raisons; pourquoy elle ne deuoit estre declarée priuée & decheute de toutes dignités, estats & seigneuries: & le mariage d'elle avec Anthoine de Vandome, prononcé nul, & la lignée procédée d'iceluy illegitime, & elle encouruë en autres peines portées par les Canons contre les heretiques. Le Cardinal de Lorraine, auant que le Pape passast à ce proces, & sentences; fit office avec luy, luy remonstrant, que les maximes, tenues en France, estoient fort differentes de celles de Rome: & que pourtant, on prendroit fort mal en France, que les causes des Euesques fussent iugees en premiere instance à Rome: comme aussi l'adiournement de la Royne de Nauarre, tant pour la mesme cause, que pour la clause apposee des peines temporeles. Mais ces Remonstrances du Cardinal furent prises par le Pape au mesme sens, qu'elles estoient faites, pour vn acquiescement: & pour tant ne produisirent aucun autre effet, que celui que le mesme Cardinal desiroit en son secret. La Royne Mere ne cessoit de faire tousiours instance au Pape par nouueaux Courriers & messages, que l'abouchement des Princes, qu'elle desiroit si ardemment, se fist: & quoy, qu'on eust eu aduisi de la Cour Imperiale, que l'Empereur n'y vouloit point entendre: & d'Espagne, que les temps & coniointures ne le portoyent point, combien que le Roy en monstrast de paroles vn tres-grand desir; le Cardinal de Lorraine, ores qu'il n'y vist nulle esperance, ne laissa pas de conseiller au Pape, d'envoyer en ces lieux là les Nonces, exprés, qu'il y auoit designés pour faire cet office, duquel dependroyent plusieurs autres negociations pour le seruice du Saint Siege, & notamment, pour oster les empeschemens, qui pourtoient suruenir pour trauerfer la closture du Concile. Le Pape donc despeschâ l'Euesque de Ventimile en Espagne; & celui d'Ischie en Allemagne, avec charge en apparence de traiter dudit abouchement, mais en effet, avec d'autres particulieres instructions.

A Trente, les Legats attendant le temps de la Session, & cependant ne voulans donner occasion à aucune difficulté; proposerent de traiter des Indulgences, du Purgatoire, de la Veneration des Saints; & des Images: non pour en publier les Decrets de la Session prochaine, mais en l'autre d'après: prescriuans aux Theologiens la maniere, qu'il deuoient tenir en l'examen de ces matieres: assauoir, de donner par écrit leur aduis sur l'usage d'icelles tant seulement, sans s'estendre à discourir sur les autres chefs: & ordonnant aux Peres, d'en opiner briuement: avec protestation, que quiconque extrauaguerait hors de la matiere proposee, seroit interrompu. Mais non obstant, les Theologiens ne laisserent pas de faire de tres-loings écrits, & si differends entr'eux, que les Peres ne sauoient à quoy se resoudre sur cete doctrine.

Sur la matiere de la Reformation; combien que les vingt Articles en fussent conclus & arrestés, & que du vintunieme on en traitast avec le Conte de Luene: les Prelats Espagnols ne laisserent pas de former plaintif, que celui des exemptions des Chapitres, & le dernier, touchant les premieres instances, & les appellations, auoyent esté alterés, & n'estoyent conformes à ce que les Prelats auoyent remarqué. Dont les Legats, & les deputés à la confection des Decrets, indignés, responderent, ou qu'ils verifiassent leur dire, ou qu'ils se tussent. Et là dessus s'estant passé quelques paroles facheuses, le Conte de

1563.

cinq Euesques de France;

adiourné à la Royne de Nauarre;

pour suite de l'abouchement des Princes;

plusieurs matieres proposees à traiter à Trente;

difficultés des Espagnols sur quelques Articles;

actes
d'ici.

Lune comparut en faueur desdits Prelats Espagnols, requerrant que les oppositions, faites par ses Prelats sur ces deux Articles fussent mises en consideration. Il demanda en apres, qu'au cinquieme Article, auquel les causes criminelles des Euesques estoient reseruees au Pape, fust faite declaration, que c'estoit sans preiudice del'Inquisition d'Espagne: laquelle instance l'Ambassadeur de Portugal auoit ia fait auparauant pour son Royaume. Les Legats responderent, Que ces matieres estoient ia decidées. Mais le Conte repliqua, Que si ces Articles estoient propoſés en cete sorte, il n'iroit plus en Session, & mesme ny laisseroit entreuenir aucun des ses Prelats. A quoy le Cardinal Moron respondit, Que s'ils n'y alloient point, on ne laisseroit pas de faire & passer outre sans eux. Le Conte impu- tant la durezza, qu'il auoit trouuée es Legats, à offices faits par le procureur des Chapitres d'Espagne, luy commanda que tout promptement il eust à partir de Trente. Ce qui desplust aux Legats. Mais, afin qu'il n'y eust aucun empeschement à la tenuë de la Session, dont le temps approchoit, ils firent excepter les Royaumes, où il y a Inquisition, pour complaire à l'Ambassadeur, en l'Article des causes des Euesques: Mais quant à celuy des premieres instances, pource que les Prelats Espagnols pretendoient d'os- ter tout à fait au Pape l'autorité d'en commettre aucunes à Rome, la cho- se sembloit trop dure aux Legats: lesquels aussi iugeoyent le sixieme Arti- cle de grande importance; d'autant que les Chapitres en Espagne sont vn membre principal du Clergé; & plus dependant du S. Siege, que les Eues- ques, lesquels sont quasi tous de nomination Royale: en lieu que plus de la moitié des Chanoineries sont de pure collation Papale. Et pourtant ils reso- lurent; auant que faire aucun preiudice aux Chanoines, de differer cet Article à la suiuite Session: & employèrent les Ambassadeurs de l'Empe- reur, pour moyenner que le Conte de Lune se contentast de cela. Au moyen dequoy cete difficulté aussi fut assopie.

Il ne restoit plus, que la declaration touchant le droit donné par Decret aux seuls Legats de proposer au Concile. Et d'autant qu'ils n'y trouuoient aucun temperament, ils dirent au Conte, qu'il proposast luy-mesme vne mi- nute, telle qu'il la desiroit. Mais il s'en excusa. Et eux deputerent trois Canonistes pour traiter avec luy, & trouuer quelque moyen qui luy agreast: moyennant qu'il n'alterast en rien celuy, qu'auoit baillé le Pape. Mais tout à point arriua le Cardinal de Lorraine: lequel estoit party de Rome avec in- structions, & resolution de toutes choses: & estoit passé par Venise, pour induire les Ambassadeurs à retourner à Trente, auant la fin du Concile. Estant arriué à Trente, il fit par sa dexterité, receuoir doucement au Con- te vne certaine forme, & minute, par laquelle fut mis fin à cete difficulté tant agitée, au contentement de tous: & fut inserée entre les Articles de reformation, pour vingtiuesme, lequel fut proposé en la Congregation, tenuë le neuuesme Nouembre expressement pour cela, & fut approuué avec peu de contradiction, apres que le sixieme eust esté osté. Ainsi donc cet Article ayant esté conclu, tous les autres Articles furent derechef lus, & sur iceux fut briueuement opiné: & le Cardinal de Lorraine, pour sauuer son honneur, dit, Que, combien qu'il desirast bien plus grande reformation, il sauoit bien neantmoins, que d'entrée on ne peut venir aux extremes re- medes: & pourtant qu'il consentoit aux Decrets, quoy qu'il ne les iugeast suffisans: mais esperoit que le Pape les accompliroit, soit en remettant sus l'usage des anciens Canons, soit en celebrant autres Conciles generaux.

& tous les
autres ac-
ceptés avec
cuse du Car-
dinal de
Lorraine,

& plaine
de l'Ar-
cheuesque
de Grenade

C'est chose aussi digne de memoire, qu'en la mesme Congregation, ledit Cardinal fit vne longue digression, par forme de panegyrique, en louange de la bonne volonte du Pape, & du desir qu'il auoit de voir l'Eglise reformée, & le degré Episcopal restably en son ancienne dignité, & le Concile terminé avec fruit de toute la Chrestienté. Mais l'Archeuesque de Grenade, quand ce vint à son tour de parler, seietta aussi es louanges du Pape, & luy attri- bua tout de bonne volonte, qu'auoit fait le Cardinal: mais adiousta, que,

ou

ou le Pape iugeoit de ne pouuoir ordonner comme il sentoit , ou bien n'auoit point autorité de se faire obeyr à ses ministres & dependans.

En cet endroit il me faut faire vn grand changement de style : & en lieu , qu'és narrés precedens i'ay tousiours suiuy celuy , qui est propre pour descrire varietés de pensees & aduis , & trauerfes aux desseins l'vn de l'autre , & delais entreietés aux resolutions : m'arrestant souuant en chemin , pour exposer les conseils de diuerses personnes , souuent repugnans les vns aux autres : dès maintenant ie n'ay , à représenter qu'une seule visée , & operations consentantes , lesquellessembleront plutoist voler que courir à vne mesme fin : dont vne fois pour toutes ie suis tenu de marquer la cause , qui estoit , l'vnanime resolution de precipiter le Concile.

Pourtant , pour suiure le simple fil de mon narré , i'ay encor à dire , que les Legats receurent lettres du Pape , avec dernière resolution , qu'ils missent fin au Concile , ores que le Roy d'Espagne en receust du mescontentement : car il auoit bon moyen de s'appointer avec luy : qu'ils conclussent & arrestassent le Decret des Mariages clandestins avec le plus d'vniõ & de concorde qu'ils pourroyent : mais , quand bien la mesme opposition continueroit , qu'ils ne laissent pas de passer outre. Et quant à la reformation des Princes , & reestablishement de la Iurisdiction & liberté Ecclesiastique , qu'on ne particularisast chose aucune , mais seulement renouuellast les anciens Canons , & sans Anathemes. Que si sur autres Articles il naissoit quelque difficulté , il les luy reseruaissent , & qu'il y pouruoirait. Que pour le demeurant , il s'en remettait au Cardinal de Lorraine , tresbien informé de toute sa volonté , auquel il vouloit qu'ils adioussent foy. Il leur enuoya aussi vn formulaire , selon lequel il entendoit que le Concile fust terminé : lequel contenoit , Que toutes les choses faités & gérées sous les Papes Paul , & Iules , fussent confirmées & ratifiées , & qu'il fust dit & déclaré : que celles-là , & celles de cete dernière tenue , n'estoyent qu'un seul & mesme Concile : & qu'en toutes choses fust sauue l'autorité du Saint Siege : & que de toutes choses la confirmation fust demandée au Pape , que tous les Peres signassent , & qu'après eux , suivant l'exemple des anciens Empereurs , les Ambassadeurs signassent aussi : afin que les Princes fussent obligés à l'observation des Decrets , & à poursuivre par armes ceux de contraire Religion : remettant toutes fois au pouuoir d'eux Legats , qu'en compagnie du Cardinal de Lorraine , ils adioussent , ostassent , & changeassent audit formulaire , selon qu'ils trouueroyent expedient. Toutes lesquelles choses furent toutes fort secretes , iusques après la Session , pour les manier , selon qu'il seroit dit.

L'onzième Nouembre venu , la Session fut tenue avec les ceremonies accoustumées. Et , d'autant qu'en icelle escheoit d'opiner sur la matiere des Mariages clandestins , le Cardinal de V Varmie , qui la iugeoit dogme de foy , & ne tenoit pas que l'Eglise y eust aucune autorité ; n'y voulut assister disant pour excuse , que s'il s'agissoit de quelque point de droit positif , il n'estimerait point mal conuenable de dire son opinion en liberté , ores que le Concile dult decreter au contraire : mais , qu'en cecuy-cy , il y auroit esté contraint , pour satisfaire à sa conscience , de dire que le Concile ne pouuoit faire ce Decret : ce qui auroit pu causer quelque mescontentement , dont il estoit fort esloigné. Le sermon fut fait par François Richardot , Euesque d'Arras , lequel en iceluy , admonnesta les Peres , qui y ayant meschuy deux ans , que le Concile estoit après à enfanter , & tous estans en attente de voir quel seroit son fruit , ils deuoient pouruoir qu'iceluy ne fortist en lumiere mutilé , ou estropié : en lieu que le monde en attendoit vn solide , & accompli : & que pour ce faire , ils deuoient regarder aux Apostres , & aux Martyrs , & à l'Eglise ancienne : & en faire le patré , sur lequel ils tirassent & prissent les traits & lineamēt du fruit qu'ils deuoient enfanter : que ces traits n'estoyent autres , que la Doctrine , la Religio , & la Discipline : lesquelles choses , estans toutes abastardies & degenerées en cetez , il les falloit ramener à la forme de l'Antiquité. Que c'estoit cela , dont on auoit esté par vn si long temps , & estoit encor en attente. Les ceremonies

1563.

lecture de la
Doctrine &
de la Refor-
mation, sur
laquelle il y
a diuerses
oppositions
ou protesta-
tions:

acheuees, furent luës les lettres de Madame Marguerite, Gouvernante des pais bas, sur l'enuoy de trois Prelats au Concile, & le mandement du Duc de Florence, & celuy du Grand Maistre de Malte. Apres cela, l'Euesque officiant lut la Doctrine, & les Anathematismes touchant le Mariage, lesquels furent approuués de tous. Mais quand les Chapitres de Reformation eurent esté lus, sur le premier de la cassation des mariages clandestins, le Cardinal Moron dit, Qu'il luy agreeoit, pourueu qu'il agreeast au Pape. Le Cardinal Simonete dit, Qu'il ne luy agreeoit point: mais qu'il s'en rapportoit au Pape. Des autres, il y eut cinquante six voix, qui dirent absolument, qu'il ne leur plaisoit point: les autres l'approuuerent.

Après furent lus les Decrets de Reformation: & quand ce vint au cinquième, touchant les causes criminelles des Euesques, & qu'on ouït, que les Royaumes, où est l'Inquisition, estoient exceptés, il s'eleua vne tres-grand rumeur entre les Peres: les Lombards, & les Neapolitains, difans tumultuairement, que cete condition n'auoit point esté proposée en Congregation, & qu'on l'ostast: ce que de necessité aussi il falut faire sur l'heure. Et apres cela, le Cardinal de Lorraine dit sur le mesme Decret, Qu'il l'approuuoit, sous la condition, que, par iceluy, ne fust fait aucun preiudice aux priuileges, droits, & constitutions des Roys de France, comme cela auoit esté arresté en la Congregation du iour precedent, declarant qu'iceux droits & priuileges, ne portoient aucun interest à l'autorité d'aucun Prince. Et à la fin des Decrets, tant en son nom, que des autres Euesques François, il fit vne protestation, en tout & par tout conforme à celle, qu'il auoit deux iours auparauant faite en Congregation: assauoir, Que leur nation receuoit ces Decrets, non comme vne Reformation parfaite, mais seulement comme vn acheminement & preparation à icelle: sous esperance, que le Pape suppleroit aux defauts en temps & lieu: soit en remettant sus l'usage & la pratique des anciens Canons, soit en celebrant autres Conciles generaux, pour parfaire les choses commencees. Et requit, au nom de tous les Euesques François, que cela fust inferé es actes du Concile, & qu'il en fust fait vn public instrument. D'autres adiouterent plusieurs autres choses, & firent des oppositions sur aucuns des autres Chapitres, mais non de grande consequence: sur lesquelles il nasquit quelque differend: Mais, d'autant qu'il estoit ia huit heures du soir, il fut dit, que le tout seroit accommodé en Congregation generale. Et, pour fin de la Session, fut lu, le Decret de l'intimation de la suivante, au neuuiesme Decembre, avec pouuoir d'en abreger le terme: decarant qu'en icelle seroit traité du sixieme Chapitre, differé pour lors, & des autres Articles de Reformation, ia presentés à examiner, & d'autres choses concernant icelle. Adioutant, que sion le trouuoit à propos, & le temps le portoit, on pourroit traiter d'aucuns Dogmes, qui seroyent, en son temps, proposés es Congregations.

tenue de la
doctrine du
Mariage:

La teneur de la Doctrine du Sacrement du Mariage, estoit, Que nostre premier pere Adam auoit prononcé par inspiration diuine, que le lien du Mariage est perpetuel & indissoluble: & que Christ auoit en suite déclaré, que deux personnes, sans plus, pouuoient estre accouplees & coniointes par iceluy. & que luy-mesmes, par sa passion, auoit merité la Grace, par laquelle le mariage estoit confirmé, & les mariés sanctifiés. Ce qui auoit esté signifié par S. Paul, lors qu'il dit, Ce Sacrement est grand: or ie dy, en Christ, & en son Eglise. Erpuis, qu'à l'esgard de ladite grace, le Mariage, en la loy Euangelique, excelle par dessus les Mariages des Anciens: c'est à tresbon droit que les saints Peres, les Conciles, & l'vniuerselle tradition de l'Eglise, ont tousiours enseigné, qu'il doit estre mis au nombre des Sacremens de la nouuelle loy. Et pourtant le Concile, condannant les heresies sur cete matiere, decreta, contre les heretiques sentans autrement, les Anathematismes sui-uans. Premierement, Contre qui dira, que le Mariage n'est pas vn des sept Sacremens, institué par Christ, & ne confere point la Grace. En second lieu, Contre qui dira, Qu'il est loisible aux Chrestiens, d'auoir plusieurs

& les ana-
thematismes
sont sur
icelle:

femmes en mesme temps, & que cela n'est defendu par aucune loy diuine. En troisieme lieu, Contre qui dira, que les seuls degrés de consanguinité, ou d'affinité, exprimeés aux Leuitique, peuuent annuler le mariage: & que l'Eglise n'y en peut adiouster aucuns autres, ne dispenser d'aucuns d'iceux. En quatrieme lieu, Contre qui dira, que l'Eglise n'a le pouuoir de constituer aucuns empeschemens, qui dissoluent le mariage: ou, qu'en les ordonnant elle a erré. En cinquieme lieu, Contre qui dira, Que le lien de mariage peut estre dissout, pour cause d'heresie, ou de cohabitation fascheuse, ou de volontaire absence de l'une des parties. En sixieme lieu, Contre qui dira, qu'un legitime mariage, non consommé, ne peut estre desfait par la solennelle profession de Religion de l'une des deux parties. En septieme lieu, Contre qui dira, Que l'Eglise a failly, enseignant, que par l'adultere de l'une des parties, le lien du mariage ne peut estre dissout: & que la partie innocente, & qui n'a donné aucune occasion à l'adultere, ne peut, sans adultere, contracter autre mariage, du viuant de la partie coupable. En huitieme lieu, Contre qui dira, que l'Eglise erre, lors que pour plusieurs causes elle ordonne, que les mariés soyent séparés de couche, ou de cohabitation, pour vn temps certain, ou incertain. En neuuieme lieu, Contre qui dira, que les Clercs, ayans les saints ordres, ou les Reguliers profés, peuuent contracter mariage: & que tous ceux, qui ne sentent d'auoir le don de continence, se peuuent marier: attendu que Dieu ne refuse ce don à ceux qui le demandent droitement, & ne souffre que l'homme soit tenté par dessus ses forces. En dixieme lieu, Contre qui dira, que l'estat de mariage doit estre preferé à l'estat de virginité, ou de celibat. En onzieme lieu, Contre qui dira, que les inhibitions des solennités nuptiales à certains temps de l'annee, sont vne superstition tyrannique, procedee, des faux seruices des Payens: ou condannera les benedictions, ou les autres ceremonies de l'Eglise. En douzieme lieu, Contre qui dira, que les causes matrimoniales n'appartiennent point aux Iuges Ecclesiastiques.

Les Decrets de Reformation, touchant le mariage, contenoient: Premierement, que combien qu'il soit certain, que les mariages clandestins ont esté vrayz, & legitimes mariages, pendant le temps que l'Eglise ne les a point annullés: & que pourtant aussi le Concile condanne & anathematise ceux, qui ne les tiennent pour tels: ensemble ceux, qui maintiennent, que les mariages contractés par les enfans de famille, sans le consentement des peres, sont nuls: & qu'il est au pouuoir des peres de les approuuer ou reprouuer: si est-ce toutesfois, que l'Eglise les a tousiours defendus, & detestés: & d'autant que le Concile void, que par là desobeyssance des hommes, ces defences ne seruent pas, il commande que tout mariage, auant qu'estre contracté, soit publié en l'Eglise, par trois diuers jours consecutifs de dimanche, ou de feste: & que lors qu'il n'y aura aucun legitime empeschement, il soit celebré en face d'Eglise: & que là le Curé enquiere l'homme & la femme, pour sauoir leur consentement: & l'ayant appris, die, le vous conioin en mariage, au Nom du Pere, du Fils, & du Saint Esprit: ou bien, vse d'autres paroles, selon l'usage de chaque Prouince, Que s'il y auoit quelque vraysemblable soupçon, que le mariage püst estre malicieusement empesché, en cas que les trois bans fussent obserués rigoureusement, en tel cas il soit loisible de n'en faire qu'un: ou bien, que le mariage püsse estre celebré en presence du Curé, & de deux ou trois tesmoins, pour le moindre nombre: mais, qu'auant la consommation, les bans se facent en l'Eglise pour descouurir les empeschemens, qu'il y pourroit auoir: sinon que l'Ordinaire iuge expedient d'en dispenser: ce que le Concile remet à son iugement & prudence: mais declare inhabiles à contracter mariage ceux, qui entreprendront de le contracter sans la presence du Curé, ou d'autre Prestre autorisé à cela, par iceluy, ou par l'Ordinaire: & de deux, ou trois tesmoins: & casse & annulle tous les contrats, avec peines aux contreuenans, tant Prestre, que parties. En outre, le Concile exhorte les parties, à n'habiter

*Les Decrets
de reformation
sur la
meisme matiere des
mariages
clandestins:*

ensemble en mesme maison, auant la benediction du Prestre : & commande aux Curés, d'auoir chacun vn liure : auquel les noms des mariés, & des reſmoins, & le temps & le lieu des mariages enregistrés. Et exhorte les parties à se communier & confesser, auant le contract, ou conſommation du mariage : Reſeruant les autres louables couſtumes & ceremonies de chaque Prouince : & ordonnant que ce Decret ait ſa force & vigueur : trente iours apres la publication, qui en ſera faite en chaque Paroiſſe.

de l'empeschement par parentage ſpirituel,

pour l'bon neſteé publicque & fiançailles rompus, pour affinité par fornication, des diſpenſes de degré deſendus,

des rauiffeurs,

des vagabonds,

des Concubinaires,

de ne forcer les volentiers à mariages,

Secondement ſur les empeschemens matrimoniaux, le Concile reconoit que, pour la multitude des deſenſes, il aduiet ſouuent que inſciemment mariages ſont contractés en cas deſendus : eſquels ou on perſeuer non ſans grief peché, ou bien iceux ſont deſfaits avec grand ſcandale. Et pourtant, pour y pouruoir, commençant par l'empeschement de parentage ſpirituel, il ordonne que d'ores en auant il n'y ait plus d'un parrain, ou marraine : ou, au plus vn parrain, & vne marraine, & que le parentage ſpirituel ne s'eſtende point plus outre, qu'entre les parrains, & le filleul, & les pere & mere d'ice-luy : & le baptizant : & le baptisé, & ſes pere & mere. Ordonnant auſſi le meſme pour le parentage, qui naist du Sacrement de la Confirmation. En troiſième lieu, pour l'empeschement de l'honneſteté publique, fondé ſur les fiançailles, qui viennent à eſtre rompus ; il ordonne, qu'en cas qu'icelles n'ayent eſté valides pour quelque choſe que ce ſoit, tout tel empeschement ſoit oſté : mais, en cas qu'elles ſoyent valides, il reſtreint cet empeschement au premier degré ſans plus. En quatrième lieu, touchant l'empeschement pour raiſon d'affinité contractée par fornication, il le limite au premier & ſecond degré. En cinquième lieu, ſur les diſpenſes du mariage ja contracté, il en oſte toute l'eſperance à ceux, qui ſciemment contractent, & conſomme le mariage en degrés deſendus : & de meſmes à ceux, qui l'auront fait inſciemment, mais auront negligé les ceremonies requiſes à contracter le mariage. Mais permet la diſpenſe, en cas de vray ſemblable & apparente ignorance, & ordonne qu'elle ſoit donnée gratuitement, & ſans frais. Et quant aux mariages à faire en degrés deſendus, il ordonne, que nulle diſpenſe n'en ſoit iamais donnée, ou certes rarement, & avec cauſe, & ſans couſt : & que meſmes la diſpenſe ne ſoit iamais au ſecond degré, ſinon entre Princes, & pour cauſe du bien public. En ſixième lieu, qu'il n'y puiſſe auoir aucun mariage entre le rauiſſeur & la rauie, pendant qu'elle eſt en la puiſſance du rauiſſeur : mais que le mariage ſe puiſſe faire, lors qu'elle ſera ſeparée de luy, & ſera rendue en lieu libre & aſſuré : & que neantmoins le rauiſſeur, avec tous ceux, qui luy auront preſté conſeil, ayde & faueur, s'entendent de droit excommuniés, infames à perpetuité, & incapables de toutes dignités & honneurs : & s'ils ſont Clercs, qu'ils ſoyent priués & dechus de leur degré. Et que, quiconque aura rauy vne femme, ſoit qu'il l'eſpouſe, ſoit qu'il ne l'eſpouſe point, ſoit tenu de la doter conuenablement à l'arbitrage du Iuge.

En ſeptième lieu, il ordonne, que les vagabonds ne ſoyent admis à mariage, ſinon apres diligente enqueſte de leur condition, s'ils ſont libres ou mariés : & avec permiſſion de l'Ordinaire : exhortant les Magiſtrats ſeculiers à les punir ſeulement. En huitième lieu, il ordonne que les Concubinaires, mariés ou non mariés : de quelque eſtat, dignité & condition qu'ils ſoyent ; ſi, apres trois admonitions faites par l'Ordinaire, ils ne renuoyent leurs concubines, ſoyent excommuniés : & en cas, qu'ils continuent encor vn an, apres la cenſure, en leur mauuaife vie, l'Ordinaire procede contr'eux en toute ſeuérité, ſelon la qualité du crime. Et que les concubines, ou non mariées, qui vivent publiquement avec leurs adulteres, ou concubinaires, apres trois admonitions ſoyent punies : & meſmes, s'il ſemble bon aux Ordinaires, ſoyent dechassées hors de la ville, ou diocèſe ; implorant meſmes, ſi beſoin eſt, le bras ſeculier. En neuſième lieu, il commande, ſous peine d'excommunication, & d'anatheme, à tous Seigneurs, & Magiſtrats, qu'ils n'ayent à contraindre leurs ſuiets, ny autres quelconques, ny directement,

ny indirectement, à contracter mariage contre leur gré. En dixième lieu, il ordonne que les anciennes inhibitions des solennités des nopces soyent gardées, dés l'Aduent iusques à l'Epiphanie : & dés le Mercredi des Cendres iusques à l'Octave de Pasques inclusiuement : commandant qu'ès autres temps les Euesques ayent soin & donnent ordre, que les mariages soyent celebrés avec la modestie & honnesteté qu'il appartient.

1563:
de garder les
nopces les
temps des
sennis

Le contenu des Decrets de reformation, non comme ils furent lus en la Session ; mais ain si que de concert ils furent corrigés le iour d'après la Session en la Congregation, estoit : Premièrement, que, dés aussi tost qu'une Eglise sera vacante, soyent faites prieres publiques & particulieres : indiées par le Chapitre au diocèse & à la ville : & que tous ceux, qui ont quelque droit & raison du Siege Apostolic à la promotion de ceux qui doivent gouverner l'Eglise ; soyent admonestés, sous lien de peché mortel, qu'ils ayent à faire toute diligence, à ce que ceux-là soyent promus, lesquels iugent plus dignes & utiles à l'Eglise ; lesquels soyent nés de legitime mariage : & de vie, d'aage, d'oclrine, & de toutes autres qualités requises par les Saints Canons, & par les Decrets de ce mesme Concile. Et qu'en chaque Synode provincial avec approbation du Pape, soit prescrit vn particulier formulaire d'examen, conuenable à chacun lieu : & qu'après que cet examen de la personne promue anra esté fait, il en soit dresse vn instrument public ; lequel, ensemble tous les tesmoignages, & confession de foy, soit tout aussi tost enuoyé au Pape, pour estre examiné par les Cardinaux, & proposé en Consistoire : & que toutes les qualités requises par le Decret du Concile, en la promotion des Euesques à l'esgard de la vie, de l'aage ; de la doctrine, & des autres qualités, s'entendent aussi requises en la creation des Cardinaux, quoy que Diacrestant seulement : lesquels aussi le Pape, entant qu'il se pourra faire commodément, prendra de toutes nations, selon qu'il les trouuera propres & idoines. En fin il adioust, que le Concile, à ce le mouuans les grandes incommodités de l'Eglise, ne peut qu'il ne ramentoie & remonstre, combien il est necessaire, que le Pape, par le du de sa charge, s'employe à choisir Cardinaux tres-excellens, & à pouruoir aux Eglises de Pasteurs idoines & capables : de tant plus, que, si les brebis viennent à perir par la negligence des pasteurs, Christ en redemandera Contre à Sa Sainteté. En second lieu ; que les Conciles provinciaux soyent conuqués par les Metropolitains, ou par le plus ancien Euesque de la Prouince de chacun d'iceux, pour le plus tard dans vn an apres la fin de ce Concile : & après, de deux en deux ans, pour le moins. Que les Euesques comprouvinciaux à l'auenir ne soyent contraincts d'aller contre leur gré à l'Eglise Metropolitaine. Que les Euesques ; qui ne sont suiets à aucun Archeuesque, elisent vne fois quelque Metropolitain voisin, au Synode Prouincial, auquel ils se trouuent avec les autres, & reçoivent & facent receuoir les choses qui en iceluy auront esté ordonnées : leurs priuileges & exemptions sauues en tout le demeurant. Et que les Synodes Diocesains soyent celebrés tous les ans, & qu'à iceux soyent tenus de se trouver mesmes les exempts, sauf ceux, qui sont suiets aux Chapitres generaux : lesquels toutesfois, ayans Eglises seculieres annexes, soyent obligés d'y entreuenir à raison d'icelles. Que si, tant les Metropolitains, que les Euesques, & autres susnommés, sont negligens en ces choses, ils encourent les peines portées par les saints Canons. En troisième lieu, Que les Euesques soyent tenus, ou en propre personne, ou en cas de legitime empeschement, par leurs Vicaires generaux, ou visiteurs, de visiter tout leur diocèse : tous les ans, s'ils peuuent : ou, s'il est de grande estendue, au moins de deux en deux ans. Que les Metropolitains ne puissent visiter le diocèse des Suffragans, sinon pour cause approuuée au Synode prouincial. Que les Archidiares, Doyens, & autres interieurs, ayent à faire les visites en propre personne, prenant avec eux vn Notaire du consentement de l'Euesque. Et que semblablement les Visiteurs, que doit deputer le Chapitre, soyent approuués par l'Euesque. Et que les Visiteurs aillent à nombre modicore de che-

decrets de
reformation
generales

uaux, & de seruiteurs, & expedient la visite le plus tost que faire se pourra, & qu'il ne leur soit loisible de recevoir chose quelconque, fors leur viure frugalement: & moderément; dont toutesfois ils puissent prendre la valeur en deniers: mais que là où la coustume est, que les Visiteurs prennent chose quelconque, ny viures, ny deniers, que cete coustume y soit gardee. Que ceux, qui ont droit de patronage ne s'ingerent en chose quelconque qui concerne l'administration de Sacremens, ou la visite des ornemens des Eglises, ou des fonds des reuenus des fabriques: sinon que cela leur appartienne par droit d'institution, ou de fondation. En quatrièm lieu, Que les Euesques soyent obligés de prescher en leur Eglise en propre personne, & en cas de legitime empeschement, par autrui: & es autres Eglises, par des Curés: ou, si iceux ont empeschement raisonnable, par autres deputés par l'Euesque; aux despens de ceux, à qui cela appartient de droit, ou par coustume. Et ce, du moins tous les iours de Dimanche, & de festes solennelles: & autemps des iusnes, des Aduents, & de Quaresme, tous les iours ou du moins trois iours de la semaine. Que l'Euesque admoneste chacun de se rendre à sa propre paroisse; pour ouïr la predication. Que nul n'entreprene de prescher maigre l'Euesque: lequel aussi ait le soin, que la doctrine Chrestienne soit enseignée en toutes les paroisses. En cinquièm lieu, Que les causes criminelles plus importantes contre les Euesques soyent iugees par le Pape: & si elles sont telles, que de necessité il les faille commettre hors de la Cour de Rome, qu'elles ne soyent commises à aucun autre, qu'à Metro-politain, ou à des Euesques élus par le Pape: ausquels toutesfois cete commission ne donne aucun pouuoir plus outre que d'informer & faire enqueste: referuant la sentence definitive au Pape: mais, que les causes plus legeres soyent iugees en vn Concile Prouincial, ou par des deputés d'iceluy. En sixièm lieu, Que l'Euesque puisse dispenser ses suiets & iustifiables au tribunal de la conscience, en toutes les irregularités, & suspensions prouenant de delit occulte: sauf en crime de meurtre de guet à pens: & aboudre de tous les cas referués au Saint Siege, ou par soy-mesmes, ou par vicaire: voire mesmes en crime d'heresie, à condition qu'en ce dernier cas il le face par soy-mesmes, & n'en puisse donner la commission à ses vicaires. En septièm lieu, Que l'Euesque ait soin, de faire qu'auant l'administration des Sacremens, leur force, vertu, & vsage; soit exposé au peuple en langue vulgaire, selon le formulaire que le Concile prescra sur chaque Sacrement: lequel les Euesques feront fidelement traduire en langue vulgaire, & exposer au peuple par tous les Curés: ausquels aussi ils enioindront d'expliquer, pendant le seruice, en la mesme langue vulgaire, la parole de Dieu, & les saintes enseignemens de salut; & ce tous les iours de feste, & solennels: laissant toutes questiōs friuoles & inutiles, pour instruire le peuple en la Loy du Seigneur. En huitièm lieu, Qu'à ceux, qui pechent publiquement, soit imposee penitence publique, laquelle toutesfois l'Euesque pourra changer en secreete. Qu'en chaque Eglise Cathedrale: là où la commodité le permettra, l'Euesque ait à establir vn penitencier; qui soit Maistre, Docteur, ou Licencié en Theologie, ou Droit Canon, & aagé de quarante ans. En neuuièm lieu, Que les Decrets faits en la tenue du Concile sous Paul troisièm, & sous Pie quatrièm, touchant la visite des Benefices exempts, soyent gardés & obserués es Eglises, quise disent estre de nul diocese: & qu'icelles soyent visitées par le plus proche Euesque, en qualité de delegué du Saint Siege. En dixièm lieu, Que là, où il s'agit de visite, ou de correction de mœurs; nulle exemption, ou appellation entreiette, voire mesmes au Saint Siege, n'empesche, ny ne suspende l'execution des choses arrestees ou iugees par les Euesques. En onzièm lieu, Que par les titres d'honneur, donnés aux Protonotaires, Acolytes, Contes Palatins, Chapelains de Roy: ou bien, aux seruans aux Ordres de Cheualerie, aux Monasteres ou Hospitaux; ces personnes là ne soyent exemptes de l'autorité des Ordinaires, agissans en qualité de delegués du Saint Siege: ains soyent suiets pleinement en toutes choses: sauf à

elles de fait seruent aux lieux dessusdits, ou Cheualeries, & demeurent es maisons & enclos d'iceux, & viuent sous leur obediencce : & quant aux Chapelains du Roy, qu'ils soyent sniets selon la teneur de la Constitution d'Innocent troisieme, qui commence *Cum Capella*. Et que les exemptions, ottroyee aux domestics des Cardinaux, ne s'estendent point à ce qui concerne les Benefices. En douzieme lieu, Qu'aux dignités, qui ont cures d'ames, ne soit promu aucun au dessous de l'aage de vintcinq ans : & que les Archidiares, par tout où faire se pourra, soyent Maistres en Theologie, ou Docteurs ou Licentiés en Droit Canon : & qu'aux autres dignités, qui n'ont cure d'ames, nul ne soit promu au dessous de l'aage de vintdeux ans : & que ceux, qui seront pourueus de Benefices ayans cure d'ames, soyent tenus & obliges de faire profession de la foy Catholique entre les mains de l'Euesque : ou, en cas d'empeschement, de son Vicaire general : & de mesmes les Chanoines, non seulement deuant l'Euesque, mais aussi au Chapitre : & que nul ne soit receu à aucune dignité, Chanoinerie, ou portion, que tout premier il n'ayt pris les saints ordres, que cete prebende, dignité, ou portion requiert : ou, qu'il ne soit en aage capable pour les recevoir. Qu'és Eglises Cathedrales, toutes Chanoineries, ou portions, ayent l'ordre de Prestre, ou de Diaire, ou de Soudiaire, annexé, & que l'Euesque, par aduis & conseil de son Chapitre, designe & distribue, selon qu'il verra estre à faire, les ordres sacrés, qui d'ores en auant doiuent estre annexés à icelles : en forte toutesfois, qu'au moins la moitié soyent Prestres. Le Concile exhorte en outre, que toutes les dignités, & la moitié des Chanoineries és Eglises Cathedrales, & Collegiales plus notables, soyent conferees à Maistres, Docteurs ou licenciés en Theologie, ou Droit Canon : & que nul d'eux ne puisse absenter plus de trois mois de l'annee. Que les distributions quotidiennes, sous quelque pretexte que ce soit, ne soyent donnees à qui n'assistera au seruice : & que chacun soit obligé à faire son deuoir en propre personné, & non par substitués. En treizieme lieu, D'autant que plusieurs Eglises Cathedrales sont pauures, & ne peuuent suffire ny à la dignité Episcopale, ny à la necessité des Eglises, que le Concile Prouincial aduise au remede, & en escriue au Pape, lequel y pouruoye selon sa prudence. Pareillement, à l'égard des Eglises Parochiales, dont les fruits sont si petits, qu'elles ne peuuent suffire aux charges & deuoirs, l'Euesque fera chargé d'y pouruoir, ou par l'vniõ de quelque Benefice non regulier, ou par assignation de prebendes, ou de dîmes : ou par contributions & cueilletés des paroissiens. Que nulles Eglises Parochiales, ne puissent estre vnies à Monasteres, Chanoineries, Benefices simples, Hospitaux, ne Cheualeries : & que celles, qui sont vnies, soyent receuës par les Ordinaires, suiuant le Decret, autresfois fait en ce mesme Concile, sous le Pape Paul troisieme : & qu'à l'auenir les Eglises Cathedrales, qui ne passent mil ducats de reuenit, & les Parochiales qui n'en passent cent, ne puissent estre chargees d'aucunes pensions, ou reserues de fruits. Et qu'és Eglises parochiales, qui n'ont point de certaines bornes & limites, ains esquelles les saints Sacremens sont indifferemment administrés à ceux qui les demandent, l'Euesque face, que le peuple soit diuisé en certaines paroisses, qui ayans chacune leur Curé, duquel ils recoiuent les Sacremens : ou y pouroye par quelque autre vtile maniere, selon la qualite du lieu le requerra, & qu'és villes, où il n'y a point de paroisses, elles y soyent promptement erigees. En quatorzieme lieu, Le Concile deteste, & defend toutes constitutions, ou coustumes, de payer chose quelque que, pour l'acquisition de titres, ou possessions de benefices : sauf si ces payemens sont conuertis à vsages pieux : declarant Simoniaques tous contreuenans. En quinzieme lieu, Qu'és Eglises Cathedrales, & Collegiales, esquelles les prebendes & distributions sont trop petites, l'Euesque puisse vnir à icelles quelques Benefices simples : ou bien les reduire à moindre nombre. En seizieme lieu, Quand vn Siege Episcopal viendra à vaquer, que le Chapitre elise vn, ou plusieurs Oeconomus, ou vn Vicaire, dans le temps & terme de huit iours : à

defaut dequoy, cete charge soit deuoluë au Metropolitain, & quand l'Euefque aura esté creë, qu'il le face rendre conte à iceux de leur administration: & qu'il les puiſſe punir, en cas qu'ils ayent forfait. En dixſeptième lieu, Que nulle perſonne Eccleſiaſtique, non pas meſmes vn Cardinal, ne puiſſe tenir plus d'un Benefice: & ſi iceluy n'eſt ſuffiſant pour viure honneſtement, qu'on y puiſſe adiouſter vn autre Benefice ſimple: moyennant que tous deux ne requierent reſidence perſonnele: ce qui ſ'entende de tous les Benefices, tant ſeculiers; que Reguliers, de quelque titre & qualité qu'ils ſoyent, voire meſmes de ceux qui ſont baillës à commende: & que ceux, qui à preſent ont pluſieurs Benefices ayans cure d'ames; ſoyent obligés dans ſix mois d'en choiſir vn, qu'ils retiennent, & laiſſer les autres: à deſaut dequoy, tous ſ'entendent vacans de droit, & de fait ſoyent conferés à d'autres. Le Concile deſire toutesfois qu'il ſoit pourueu aux neceſſités des reſignans par quelque bonne voye, ſelon qu'il ſemblera au Pape. En dixhuitième lieu, Aduenant que quelque Eglise Parochiale viene à vaquer, en quelque forte que ce ſoit, que tous ceux quiſeront propoſés par autres, ou ſ'auanceront eux meſmes, ſoyent enroolés: & que tous ſoyent examinés par l'Eueſque, en compagnie de trois examinateurs au moins: & que de tous ceux, qui ſeront par eux jugés propres & idoines, l'Eueſque en liſe le plus ſuffiſant, & qu'à iceluy ſoit conferee l'Eglise: & qu'és droits de patronage Eccleſiaſtiques, le patron preſente le plus digne à l'Eueſque: mais és droits de patronage Laïcs, que celui, qui ſera preſenté par les patrons, ſoit examiné par les meſmes examinateurs, & ne ſoit point admis, ſi non qu'il ſoit trouué idoine. Que tous les ans, au Synode dioceſain, ſoyent propoſés ſix examinateurs, deſquels l'Eueſque ait à en elire trois, & qu'iceux ſoyent tous ou Maîtres, ou Docteurs, ſeculiers ou Reguliers: & qu'ils iurent de faire bien & fidellement leur deuoir: & qu'il ne leur ſoit permis de prendre choſe aucune, ne deuant ny apres l'examen. En dixneufuſième lieu, Que les graces expectatiues, ny aucunes autres, qui ſ'entendent aux Benefices qui vaqueront à l'aduenir, ne puiſſent plus d'ores en là eſtre octroyées: & que les reſerues mentales ſoyent auſſi interdites.

En vintième lieu, Que les cauſes Eccleſiaſtiques, meſmes les beneficielles, ſoyent en premiere inſtance jugées par l'Ordinaire: & ſoyent, au pluſ tard, terminées dans deux ans: & que nul appel ne ſoit receu, ſi non de la ſentence deſinitive, ou, qui ait force & vertu de deſinitive: exceptant celles, que le Pape, pour cauſes vrgentes & raiſonnables, trouuera bon d'euoquer à ſoy. Que les cauſes matrimoniales, & crimineles, ſoyent reſeruées au ſeul Eueſque. Qu'és matrimoniales, ceux qui veriſeront leur pauvreté, ne ſoyent contraints de plaider hors de la Prouince, ny en ſeconde ny en tierce inſtance: ſi ce n'eſt que partie aduerſe leur vueille fournir les alimens, & les frais du Procès. Que les Legats, voire meſme à latere, Nonces, & gouuerneurs Eccleſiaſtiques, n'ayent à empescher ou troubler les Eueſques és ſuſdites cauſes, ny en aucune autre partie ou fondion de leur Iuriſdiction: & n'ayent à proceder contre les perſonnes Eccleſiaſtiques, ſi non en cas de nonchalance de l'Eueſque. Que l'appellant ſoit tenu de porter à ſes deſpens au luge d'appel, les actes faits deuant l'Eueſque, leſquels le Notaire ſoit tenu de luy deliurer au pluſ tard dans vn mois, moyennant raiſonnable payement. Le vintvnième, Le Concile declare, que par les paroles, couchées au Decret de la premiere Seſſion, tenue ſous Pie quatrieme, Pape moderne, aſſauoir, *Proponentibus Legatis*, ſon intention n'auoit point eſté de changer, ou alterer, en ſorte ne maniere quelconque, la façon accouſtumée de traiter les affaires és Conciles generaux: ne d'oſter ou adiouſter à aucun choſe quelconque de nouveau, outre ce, qui a eſté eſtably juſques à preſent par les ſaints Canons, ou par la forme des Conciles generaux. Pour la fin, la Seſſion ſuiuante fut intimée pour le neuſième Decembre, avec pouuoir d'abreger le terme: & fut dit, qu'en icelle ſeroit traité du ſixième Chapitre; enſemble des autres, ia publics, & differés.

& meſmes

& mesmes de quelques dogmes, si le temps le portoit, selon les propositions qui en seroient faites es Congregations.

1563.

L'issuë de cette Session ne fut point attendue avec la mesme auidité, que celle de la precedente: tant, pource que la curiosité vniuerselle auoit desia esté comme assouuie, & esmoussée: que pource qu'il sembloit generalement que la matiere du Mariage ne pouuoit porter choses grandement remarquables. Mais le monde estoit bien attentif à voir qu'elle issuë auroit la protestation des Ambassadeurs de France: laquelle fut luë avec diuersité d'affections. Ceux, qui estoient mal ententez enuers la Cour de Rome, la louoient comme veritable & necessaire: mais les interessez avec icelle, la iugeoient non moins abominable, que les protestations faites au temps passé par Luther.

Plusieurs furent esbahis qu'au sixième Anathematisme, fut couché pour Article de foy, que le mariage non consommé peut estre dissout par la profession solemnelle de religion: attendu que la conionction matrimoniale, quoy que non consommée par cohabitation charnelle, est vn vray lien institué par la Loy diuine: comme l'Escripture sainte afferme, qu'entre Marie & Ioseph, y auoit vray mariage: en lieu que la solemnité de la profession n'est que de droit positif, selon que Boniface huitième en a decreté: dont il sembloit bien estrange qu'un lien humain en desface un diuin: & plus encor, qu'il faille tenir pour heretique qui ne sentira, qu'une inuention humaine, produite plusieurs centaines d'annees apres le temps des Apostres, doieue preualoir à l'ordonnance diuine, faite dès la creation du monde.

Mais sur le septieme, on iugeoit que c'estoit vne façon de parler captieuse, de condamner pour heretique qui dira, Que l'Eglise a erré, enseignant que par l'adultere le mariage n'est point desfait. Car d'un costé, si quelqu'un disoit absolument, que par l'adultere le mariage est dissout sans dire ne penser qu'aucun ait erré ou non, en enseignant le contraire; il sembleroit n'estre point compris en cet anathematisme, & de l'autre, il n'appert point comment aucun peut auoir ce sentiment, sans tenir le contraire pour erreur. Et pourtant on disoit, qu'il falloit parler nettement, & dire tout rondement, que par l'adultere le mariage n'est point desfait, ou bien que toutes les deux opinions sont probables, sans en faire vn Article conceu en terme expres & precis. Mais ceux, qui discouroient ainsi n'auroient peut estre, fait ces difficultez, s'ils eussent seu les causes, pour lesquelles on parla en cette sorte; dont mention a esté faite cy dessus.

Le neuvième Canon fut contreroulé en ce qu'il dit. Que Dieu ne refuse le don de Contenance à ceux qui le luy demandent droitement. Car cela sembloit contraire à l'Euangile, qui dit, Que tous n'en sont pas capables, mais seulement ceux à qui il est donné de l'estre: & à S. Paul, qui n'exhorte pas ceux, qui ne se contiennent point, de demander le don de continence, mais leur permet de se marier.

Les Politiques s'ombragerent bien fort du douzième Anathematisme, que ce soit heresie de croire, que les causes matrimoniales n'appartiennent point aux Iuges Ecclesiastiques: attendu qu'il est certain, que toutes les loix des mariages ont esté faites par les Empereurs, & que les iugemens de ces causes-là ont esté administrés par les Magistrats seculiers; tout le temps que les loix Romaines ont esté en vigueur: ce qui appert euidentement par la seule lecture du Code Theodosien & Iustinien, & des Nouelles. Et encor auour d'huy restent des memoires. es formulaires de Cassiodore, des termes vusitez par les Rots Goths es dispenses des degrés defendus, lesquelles alors estoient reputees appartenir au gouvernement politique, & non estre affaire de Religion. Et quiconque a connoissance de l'histoire fait assez, que les Ecclesiastiques sont entrez à iuger des causes de cette nature, en partie par commission, en partie aussi par negligence des Princes & Magistrats.

Au Decret de Reformation sur le Mariage, plusieurs se trouuerent empeschez sur ce qui y est dit d'entrée; Que les mariages elandestins sont

AAAA

1563.

vrais Sacrements, & que cependant l'Eglise les a tousiours detestez : attendu que c'est chose fort contradictoire, d'estre Sacrement & d'estre detestable. Aussi sembloit-il aux Critiques chose ridicule, que le Curé demande aux mariez leur consentement : & qu'apres l'auoir entendu, il dit, Le vous conioint au Nom du Pere, du Fils, & du S. Esprit, car ils disoient, Ou ils sont conioints sans ces paroles, ou ils ne le sont point. S'ils ne le sont point, donc ce que le Concile de Florence a determiné n'est pas vray, assauoir, Que le mariage est accompli & parfait, par le seul consentement des parties ; s'ils le sont, qu'elle conioction est celle, que fait le Prestre de personnes ia coniointes : Que si aussi le Verbe, Le conioint, estoit interpreté, par, ie declare conioints, on viendroit à ouurir vne porte, pour conclurre, que les paroles de l'absolution en la Penitence, ne sont aussi que declaratoires. Et en quelque façon qu'on les prist, ils disoient, que ce Decret n'auoit esté fait à autre fin, sinon pour faire, dans peu de temps, Article de foy, que ces paroles prononcées par le Curé, sont la forme du Sacrement.

Quant à la cassation des mariages clandestins, il n'y eut pas moins à dire, de ce qu'il y auoit eu au Concile mesmes, car les vns lioient le Decret iusques au Ciel ; les autres disoient, que si les mariages de cette sorte estoient Sacrements, & par consequent instituez de Christ, & cependant l'Eglise les auoit en tout temps detestez, & enfin annullez ; on ne pouuoit voir, comment cela pouuoit estre sans taxer de faute, ou du moins, de negligence ceux qui n'y auoient pas pourueu dès le commencement. Et quand le bruit s'espandit de la distinction entre contract de mariage, & mariage, sur laquelle estoit fondé de Decret, qui portoit, Que le contract, qui est la matiere du Sacrement, est annulé : il y eut bien de la difficulté à faire comprendre qu'il y ait aucune distinction entre le contract de mariage : & entre le mariage, & le Sacrement, & principalement, attendu que le mariage a esté indissoluble auant qu'il y eust le Sacrement, car Nostre Seigneur Iesus Christ ne le prononça point indissoluble, comme estant institué de luy, ains de Dieu au Paradis terrestre ; & mesmes, quand ores on admettoit que le contract matrimonial est vne chose humaine, & ciuile, separée du Sacrement, laquelle peut estre annulé ; d'autant disoient que la cassation n'en appartiendroit point au iuge Ecclesiastic, mais au Seculier, à qui il touche de reigler tous contracts ciuils, & d'en connoistre.

La raison alleguée pour moderer les empeschemens matrimoniaux, estoit bien iugée raisonnable ; mais aussi remarquoit-on, qu'elle inferoit de necessité des plus grandes restrictions, que celles qui auoient esté arrestees ; attendu qu'il n'arriuoit pas de moindres inconueniens par les empeschemens confirmez par les abolis. La fin del'Article des dispenses matrimoniales, esmut entre les curieux vne vaine question : assauoir, Si le Pape, les prenant toutes à foy, auoit causé plus de profit que de dommage à son autorité. Ceux qui maintenoient qu'il y auoit del'auantage pour luy, allegoient l'immense quantité d'or, qui par ce canal de dispenses, découle en la Cour de Rome : & les obligations, que le Pape, par le moyen d'icelles, acquiert sur les Princes, lesquels par ce moyen il contente en leurs appetis, ou interests : & quant & quant oblige à maintenir son autorité, de laquelle seule depend la legitimite de leurs enfans & successeurs. Mais à l'opposite on mettoit en contrepoids la perte des reuenus d'Angleterre, & de l'obeyssance de cette Couronne, qui egaloit bien, ains surpassoit tous les profits & les amitez acquises par les dispenses.

Les François censuroient le Decret, qui porte, que le rauisseur soit tenu de doter la femme rauie, à l'arbitrage du iuge : disant, Que les ordonnances sur les dors ne peuuent estre faites par autorité Ecclesiastique, & que cette clause n'estoit qu'un artifice pour oster souplement la connoissance de ce delit au iuge seculier. Car, s'il appartient à l'Ecclesiastic de faire la loy, il touche à luy aussi de iuger la cause. Et combien que le Decret portast absolument à l'arbitrage du iuge, il ne falloit point douter, disoient-ils,

que si le Concile se declaroit, il n'entendist du seul Iuge Ecclesiastic. Aussi tenoient-ils estre vne vsurpation de l'autorité temporelle, de punir les seculiers d'infamie, & d'incapacité des honneurs & dignitez. Semblablement, ils n'approuuoient point l'ordonnance contre les concubinaires, qui porte que perleurans vn an en excommunication, ils soient punis par le Iuge Ecclesiastic, attendu que l'extreme, dernière & souveraine entre les peines Ecclesiastiques, est l'excommunication, selon la doctrine de tous les Peres, dont de vouloir passer outre icelle, est empieier sur la puissance temporelle, de tant plus, que le Concile donne puissance au Iuge Ecclesiastic, de chasser les concubines des Villes & Dioceses, aussi de dire, qu'il implore le bras seculier, si besoin est, est vne pure moquerie de la puissance seculiere, & par là est inferé, que d'ordinaire, l'Ecclesiastic peut venir à l'execution de ce bannissement.

Quant au Decret de la reformation generale, le premier Chapitre estoit marqué ou de default, ou de presumption: car si l'autorité du Concile s'estend iusques à imposer loix au Pape, sur tout en choses si iustes, il n'estoit pas raisonnable de le faire en forme narratiue, & par obliquité & destours de paroles, que si aussi le Concile doit recevoir ses loix du Pape, il ne pouvoit desdire qu'il n'eust passé ses bornes, attendu qu'obliquement, mais aussi aigrement, il reprenoit les actions passées du Pape present, & des autres. Les hommes verbez en l'histoire Ecclesiastique, disoient que de tirer à Rome toutes les causes des Eueques, estoit vne police nouuelle, pour aggrandir tousiours d'auantage la Cour de Rome: veu que par tous les exemples de l'Antiquité, & par les Canons des Conciles de ce temps-là, il appert que les causes des Eueques, voire mesmes des depositions, estoient traitees au propre pays de chacun. Ceux qui attendoient quelque reglement sur l'abus des pensions, apres qu'ils eurent veu ce qui en estoit decreté au treizieme Chapitre de cette Session, iugerent qu'il escheoit bien de passer à plus forte correction sur cette matiere; comme aussi l'euement l'a bien demonstré. Le quatorzieme estoit loué de tous, d'autant qu'il sembloit que par iceluy estoient abolies les Annates, & le payement des Bulles, qui s'expedient à Rome, pour la collation des Benefices. Mais, dès qu'en progrez de temps on a veu que ces payemens continuoient, & que iamais on n'a pensé ny à les oster, ny à les moderer, on s'est apperceu qu'on ne retranchoit que les menus abus des autres Eglises, & s'est verifié le dire de l'Euangile, Qu'on a trauaillé à oster les festus des yeux d'autrui, sans se soucier de tirer les gros cheurons des siens propres.

Quant à l'ordonnance touchant l'vnité; ou, au plus, dualité des Benefices, tout homme sage iugea incontinent, que nostre siecle n'estoit pas digne d'vn si beau reglement: & qu'il ne seroit obserué, sinon enuers quelques miserables. Semblablement chacun pronostiqua que l'examen en concurrence, en la collation des Eglises parrochiales, seroit eludé par quelque fausse & mauuaise interpretation: & la prophetie en fut bien tost verifiée, quand subit apres il fut dit & déclaré à Rome, qu'en cas de resignations, la concurrence ne deuoit point estre obseruée: mais qu'il suffisoit que le Resignataire fust examiné: ce qui n'a esté autre chose qu'abolir le Decret en grande partie: d'autant que, par la resignation, les meilleurs, & plus dignes, sont exclus: & est preferé celuy, qui plus agréé au Resignant, & cependant les Benefices communément ne vaquent pour autre cause, si ce n'est casuellement. On remarquoit aussi que le Decret de la conoissance des causes en premiere instance, estoit tout à fait renuersé par l'expection & reserve annexée, assauoir des causes qu'il plaira au Pape de commettre ou d'euoquer à soy: car iamais les causes n'auoient esté ostées aux tribunaux legitimes, sinon par commissions & euocations Papales: & maintenant, fomentant la cause du mal, on pense seulement le symptome. Et, combien que cette addition, de cause vrgente & raisonnable, semblast reigler le fait, les entendus toutesfoiſ sauoient fort bien que cecy

1563. paroles ne vouloient dire autre chose, que pour cause quelconque arbitraire.

Mais sur le dernier Chapitre, dont on auoit esté en attente ia par tant de mois, & qui touchoit au visla liberté du Concile, quand on vid la declaration faite par iceluy, que son intention n'auoit point esté de rien alterer, en la façon ordinaire de traiter, gardée és Conciles: ne d'adiouster ou d'oster chose quelconque à aucun, hors des anciennes constitutions, les sages dirent, qu'à l'esgard du present Concile, la declaration estoit contraire au fait: & qu'elle estoit publiée hors de saison, alors qu'elle ne seruoit plus de rien, & qu'on ne s'en pouuoit plus preualoir, comme vne medecine appliquée à vn corps mort. Autres aussi se raillans, disoient que c'estoit la consolation donnée au bon homme, par sa femme, laquelle se faisoit engrosser par vn autre, disant que ce n'estoit point faire tort à son mary. Mais à l'esgard de l'exemple donné à la posterité, ils disoient que par là ce Concile auoit enseigné le moyen, par lequel on pouuoit és Conciles, dès le commencement iusques à la fin vser de toute violence & excez: & cependant, par vne telle declaration, excuser, voire iustificier toutes les fautes commises, & mesmes les soutenir comme legitimes.

En ce mesme temps, trois nouuelles arriuerent en France, qui furent receuës avec desplaisir: outre la tenuë de la Session du Concile. La premiere, la response du Pape sur l'alienation des biens d'Eglise à cent mil escus de reuenue: la deuxieme, la protestation qui auoit esté faite au Concile, & ensemble l'alteration qui en estoit auenue à Trente, & à Rome: la troisieme, la sentence contre les Euesques & l'adiournement de la Roynie de Nauarre. Sur lesquelles choses les François firent grande consideration: & se resolerent de ne traiter plus avec le Pape, pour obtenir de luy la grace de cette alienation: ains de proceder à l'execution de l'Edit du Roy, verifié en Parlement, sans autre adieu du Pape. Ce qui fut fait tout promptement. Mais il se trouua peu d'acheteurs: tant pource que le monde ne se porte pas hastiuement à desbourser argent, que pour les offices que faisoient les Ecclesiastiques à l'encontre, remonstrans que tels contrats au temps à venir ne seroient tenus pour valides, par default de la confirmation du Pape. Et en fin le tout reüssit à peu de Benefice du Roy, & aussi à peu d'auantage du Clergé: mais en aduint seulement, que la vente en fut faite à bas prix: & ne s'en tira que deux millions & demy de liures: somme bien petite à proportion des fonds qui furent alienez, dont la vente fut faite à raison de douze pour cent, en lieu que s'auroit esté encor à bon marché de la faire à raison de quatre. Et est chose digne de memoire, qu'entre les biens alienez, fut aussi la Iurisdiction, que l'Archeuesque de Lyon auoit iusques alors eue sur la ville, laquelle fut vendue au plus offrant & dernier encherisseur, & acquise au Roy pour trente mil liures tournois. Mais sur les grandes plaintes, qu'en fit l'Archeuesque on luy adiousta, pour supplément de prix, quatre cens escus de reuenue.

aduoué ses
Ambass.
en la pro-
testation
faite,

& en écrit
au Card.
de Lorrain.
ne.

Quant à la protestation, faite au Concile, le Roy escriuit à ses Ambassadeurs, en date du neuſieme Nouembre, qu'ayant veu ce, que le Cardinal de Lorraine luy auoit escrit à l'encontre de leur protestation; & ouy le raport del'Euesque d'Orleans de tout ce qui s'estoit passé au Concile; il aduouoit la protestation, & leur retraire à Venise: & commandoit que du Ferrier ne se partist de là, iusques à nouveau commandement, lequel il leur enuoyeroit, lors qu'il auoit aduis, que les Articles seroient reformez en sorte, que ses droits Royaux & ceux de l'Eglise Gallicane, ne seroient plus mis en debat. Il escriuit aussi au Cardinal de Lorraine, Que luy ensemble son conseil, auoient reconu, que ses Ambassadeurs estoient venus à faire ladite protestation avec grande & iuste cause. Car, comme il entendoit de perſeuerer en l'vniõ & en l'obeyſſance de l'Eglise, aussi vouloit-il conseruer inuiolablement les droits de sa Couronne: sans permettre qu'ils fussent reuocquez en doute, ou mis en dispute, ne s'estreindre à les produire. Qu'on ne penſast

point de le contenter, en disant enfin, sauf & réservez les droits: voulant, sous cette couleur, l'obliger à en faire apparoir: car il estoit resolu de s'y opposer. Et quand luy Cardinal verroit les Articles, en la maniere qu'ils auoient esté proposez, il iugeroit luy-mesmes, que les Ambassadeurs ne pouuoient faire autrement, que former opposition. Qu'il auroit bien désiré, que les Ambassadeurs la luy eussent auparavant monstrée: mais qu'ils estoient à excuser, pour l'occasion née soudainement, & pour les circonstances qu'il auoient produite, & pour les soupçons qu'il y auoit qu'il n'y eust quelque artifice pour precipiter la decision. Que si le Pape n'auoit intention qu'on touchast aux droits de l'Empereur, & Roys, ne qu'ils fussent mis en dispute, comme luy Cardinal luy faisoit entendre, il estoit donc raisonnable, que sa Sainteté adressast son offense contre les Legats, qui auoient proposez les Articles, en nommant Empereur, Roys & Republiques: & non contre les Ambassadeurs. Qu'il iugeoit que la protestation seroit iustificiee par toute la Chrestienté, dès que les Articles auroient esté veus. Et puis que les Legats auoient proposé ces Articles contre l'intention de sa Sainteté, il n'estoit pas expedient de se remettre plus à leur discretion, ny de faire retourner les Ambassadeurs à Trente, tant qu'on eust pleine assurance, que d'iceux ne seroit plus parlé: promettant qu'alors il les y feroit retourner.

Sur le fait de la citation de la Roynie de Nauarre, & de la sentence contre les Euesques, le Roy donna charge à Henry Clutin, sieur d'Oysel, son Ambassadeur à Rome, qui auoit succédé à de l'Isle, de parler au Pape, & luy dire, Que le Roy auoit entendu avec grand desplaisir, ce qu'il n'auoit pu croire par le bruit courant: mais seulement, dès qu'il auoit eu copie des monitoires affichez à Rome; qu'on eust entrepris de proceder en cette sorte, contre vne Roynie, laquelle il estoit obligé de proteger, premierement, pource que la cause & peril d'icelle estoit commun à tous les Roys, lesquels aussi pour cela estoient tenus de luy aider, comme en vne cause appartenante à tous: & de tant plus, qu'il s'agissoit d'une vesue, mais que l'obligation de luy Roy de France estoit encor plus grande, à l'égard du parentage, qu'il auoit avec elle, des deux costez, paternel & maternel, & de la consanguinité qu'il auoit avec son feu mary, decédé peu de temps auparavant en guerre contre les Huguenots, laissant ses enfans pupilles, & pourtant qu'il ne pouuoit abandonner la cause d'icelle, imitant en celal'exemple de ses Ancestres, & principalement aussi, d'autant qu'il ne deuoit souffrir, que sous pretexte de Religion, aucun fust guerre à ses voisins: adioustant que ce n'estoit pas vn ceure de pieté de ietter, pour cette cause, les Royaumes de France & d'Espagne, nouuellement conioints ensemble en amitié, en danger d'une cruelle guerre. En suite il remonstra, que ladite Roynie ayant plusieurs siefs en France, elle ne pouuoit, par les droits, & priuileges du Royaume, estre contrainte à comparoir, ou estre en droit, hors d'iceluy, ny en personne, ny par Procureurs. Et là dessus allegua plusieurs exemples de Princes, & de Papes, qui auoient procedé avec la moderation requise & legitime. Il toucha en outre la forme de la citation par Edit, comme chose inouïe à l'Antiquité, & inuentée par Boniface huitième: laquelle aussi, comme trop dure, & injuste, Clement V. auoit moderée au Concile de Vienne: adioustant, qu'en tous cas telles citations ne peuuent auoir lieu, que contre ceux, qui habitent en lieux, ausquels n'y a libre accès: & que ladite Roynie demeurant en France, c'estoit vn grand tort fait à luy, & au Royaume, d'vser de telle procedure: comme aussi il prenoit à grand tort & outrage, que les siefs qu'icelle Roynie tenoit en France, fussent ainsi exposez en proye, & abandonnez au premier faillissant: attendu qu'en tout cas le droit luy en appartenoit. Et adiousté que tout le monde prenoit grande matiere d'esbahissement que sa Sainteté, laquelle auoit tant affectueusement fauorisé la cause du feu Roy Anthoine enuers le Roy d'Espagne, voulust à present opprimer les enfans & la femme d'iceluy. Mais il se plaignit par sus tout, que tant de Roys, Princes, & Villes, estans départis de l'Eglise Romaine des quarante ans, il n'eust

Anathematismes contre aucuns heretiques particuliers, ains s'en passant en termes generaux. Tous consentirent bien en quelque façon à clore le Concile, fors l'Archeuesque de Grenade, lequel dit, Qu'il s'en rapportoit à l'Ambassadeur de son Roy. Mais quelqu'un proposa, qu'il n'estoit possible de le terminer absolument: attendu qu'il demouroit encor tant de matieres à traiter: mais qu'on le pouuoit faire, en intimant vn autre Concile dedans dix ans: ce qui serueroit, pour empescher, que les Prouinces ne tinssent Conciles Nationaux, & quant & quant pour remettre à ce temps-là la determination du demeurant des matieres & les Anathematizations. L'Euuesque de Bresse proposa, qu'on trouuaist quelque expedient moitoyen, entre closture totale, & suspension: car, par la closture on desespereroit les heretiques, & par la suspension on ne satisferoit point aux Catholiques. Mais ces aduis n'eurent point de suite: car les autres adhererent tous à celuy qu'auoit proposé le Cardinal Moron.

1563.

Quant au moyen, l'Archeuesque d'Otrante dit, Que c'estoit chose necessaire & pratiquee par tous les Conciles, d'anathematiser les heretiques: ains, qu'en cela gisoit le propre effet requis des Conciles: d'autant que plusieurs ne sont point capables d'entendre la verité ou fausseté des opinions: & les suiuent, ou abhorrent par le seul credit ou desery des auteurs. Que le Concile de Calcedoine, remply de personages fort sauaus, pour s'esclaircir, si Theodoret, Euuesque de Cyre, homme tresauant, estoit Catholique ou non, ne le voulut point ouyr, s'offrant à rendre conte de sa foy: mais requit seulement, qu'il prononçast Anatheme contre Nestorius. Que si en ce Concile ils n'anathematisoient Luther & Zuingle & autres chefs amorts, & d'entre les viuans ceux qui suiuiuent leur doctrine, on pourroit dire, que le Concile auroit travaillé en vain. Le Cardinal de Lorraine repliqua, qu'à temps diuers conuenoient aussi diuers aduis & conseils, qu'alors les differends en la Religion estoient entre les Euuesques & les Prestres: & que les peuples n'y estoient que par accessoire, & les Grands, ou ne s'en entremettoient pour tout point; ou, s'ils adheroient à quelque heresie, ne se rendoient pas Chefs. Mais à present, il en est tout autrement, car on ne peut appeller les Ministres & Prescheurs des heretiques Chefs de secte; ains ce sont les Princes, aux interets desquels les Docteurs & Prescheurs se composent & accommodent. Que si on vouloit nommer les vrais chefs des heretiques, il faudroit specifier la Royne d'Angleterre, la Royne de Navarre, le Prince de Condé l'Electeur Palatin, l'Electeur de Saxe, & plusieurs autres Ducs & Princes d'Allemagne: ce qui pourroit causer qu'ils s'vnissent entre'eux, & s'en ressentiroient, dont pourroit aduenir du scandale: & quand mesmes on ne proposeroit que la condamnation de Luther & de Zuingle, ils s'en irriteroient en sorte, qu'il en haïroit quelque grande confusion. Et pourtant, qu'il falloit s'accommoder, non à ce qu'on desiroit, mais à ce qu'on pouuoit: & tenir pour meilleure la resolution, laquelle sortiroit moins des termes de la generalité.

*En moyz
à faire en
cela, par
termes ge-
neraux,
sans ana-
themes
particuliers.*

Le Cardinal Moron enuoya appeller les Ambassadeurs Ecclesiastiques; auxquels il communiqua la proportion, & les aduis de l'Assemblée: & eux aussi de leur part consentirent à la closture & au moyen, conformément à l'opinion du Cardinal de Lorraine. Par aduis de tous, la resolution fut enuoyée à communiquer aux Ambassadeurs seculiers, lesquels y consentirent tous, fors celuy d'Espagne, lequel respondit, Qu'il ne scavoit point encor l'expressé volonte du Roy, son Maistre, sur cela: mais, qu'il requeroit qu'on interposast aiant de temps, qu'il estoit necessaire pour en estre aduertý. Ce nonobstant, les Legats, resolus de mettre en execution la deliberation prise, produisirent le Chapitre touchant les Princes, pour en faire opiner: ayant retranché les Anathemes & tous les Articles particuliers: & renouelant seulement les anciens Canons, de la liberte & iurisdiction Ecclesiastique & parlant des Princes avec beaucoup de reuerence: les exhortant simplement à faire que leurs ministres ne les violassent point. Le mesme iour au soir,

*tous les
Ambass.
consentent.*

*fort celuy
d'Espagne
auquel on
n'a regardé.*

*ains on s'a-
cilité tous
les empe-
chemens.*

quelque diuersité d'auis au moyen: car vne grãde partie ne trouuoit pas bon, que le Concile demandast la confirmation, & cependant se separast sans attendre la responce: alleguant, qu'il y alloit del'honneur, & du Siege Apostolic, & du Concile: & qu'il sembleroit qu'il y eust eu collusion entre l'un & l'autre: car autrement, en cas que, quelque chose ne fust point confirmée, il faudroit-il que la prouision & reglement se fust par le meisme Concile. Pour satisfaire à ceux-cy, le Cardinal Moron eust voulu, qu'en la Session prochaine, intimée au neuuiesme Decembre; laquelle ils estimoient deuoir durer trois iours consecutifs, pour la multiplicité des matières, qui escheoient à publier en icelle; au premier iour fust despesché vn Courrier au Pape, pour requérir la confirmation: & qu'au retour d'iceluy, on tint vne autre Session, sans faire en icelle autre action, que de congédier le Concile. Mais cet aduis auoit aussi beaucoup de contradiction. Car on disoit, Si on veut que le Pape vienne à confirmer les Decrets tout à piéd leué, sans les voir & examiner, la difficulté sultide de la collusion retourne sur les rangs, que si aussi on y requiert l'examen, il y va l'espace de quelques mois. En fin le Cardinal de Lorraine remontra aux Peres, que ces difficultés allongeroient le Concile: & que luy, & les François estoient obligés, par le commandement du Roy, de s'en retourner, achene ou non achueue que fust le Concile: & que quand ils seroient tous partis, le Concile ne se pourroit plus appeller General, y manquant vne nation: & qu'ainsi, non seulement il y auroit grãd dechet del'honneur & dignité d'iceluy, mais mesmes, cela pourroit produire des Conciles nationaux, & autres difficultés. Cete demie protestation, ensemble les offices des gens de l'Empereur, fut cause, qu'apres auoir mis le fait en deliberation par plusieurs fois, la resolution fut prise, de demander la confirmation, & de congédier le Concile tout en vne meisme Session.

Le Cardinal de Lorraine escriuit en diligence à l'Ambassadeur du Ferrier ^{lequel} à Venise, que, puis que le Chapitre des Princes estoit accommodé, il retour- ^{pourtant} nait à Trente. Mais il luy respondit, Qu'il ne le pouuoit faire, sans expresse ^{ne peut} commission du Roy: lequel, par ses lettres du neuuiesme Novembre ^{luy} auoit ^{faire reue} escrit, comme aussi au Cardinal, Que, quand le Decret seroit reformé, & qu'il en auroit eu aduis, il renuoyeroit à Trente son Ambassadeur. Et ^{nir l'Am-} ^{bassé du} ^{Ferrier,} pourtant, qu'il estoit obligé d'attendre le commandement du Roy. Mais, il ne laissa pas d'escrire au Roy, qu'il n'auoit pas iugé expedient pour le bien de son seruice, d'y retourner: d'autant que les droits Royaux, & les libertés de l'Eglise Gallicane, estoient violées aussi en autres Decrets publiés en icelle Session.

La matiere de la Reformation pour la Session, estant reduite à bon point, ^{depuis à} chargée fut baillée au Cardinal de Vvarmie, en compagnie de huit autres ^{former les} Prelats, de foriner le Decret du Purgatoire, de l'Inuocation & Veneration des Saints, & des Reliques & Images. Et, nonobstant qu'ils eussent tous vn meisme but general, de ne mettre en champ choses qui pussent achopper la conclusion, ils n'estoient pas toutesfois bien d'accord es particularités. Car aucun d'eux vouloient qu'en la matiere du Purgatoire on fist mention du feu & du lieu, comme il auoit esté fait au Concile de Florence. Autres ^{autres sont} disoient, que cela n'estoit point sans controuerser: & veu qu'il estoit impossible, pour estude & diligence qu'on y mist, de trouuer paroles & termes, qui pussent exprimer la chose au gre de tous, il valloit mieux ne dire autre, sinon, que les bonnes ceuures des fideles seruent & profitent aux morts, pour la remission & relaschement des peines. L'Archeueque de Lancian ramentut, qu'en la doctrine de la Messe il auoit esté dit, Que ce Sacrifice-là est offert pour ceux qui sont decedés en Christ, & ne sont encor parfaitement purifiés. Et que, par ces paroles-là, la doctrine du Purgatoire estoit suffisamment definie: dont, il n'escheoit de faire autre chose, sinon, d'ordonner aux Euesques, qu'ils la fissent soigneusement croire, enseigner, & prescher, en ostant & retranchant les abus: & qu'aussi ils eussent soin qu'on ne defaillist au deuoir des suffrages des Messes, oraisons, & aumosnes, que

Bbbbb

les fideles ont accoustumé de faire pour les morts. Et en ce sens fut formé le Decret.

En la matiere des Saints, tous s'accorderent fort facilement à condamner particulièrement, & en detail, toutes les opinions contraires aux vs & coustumes de l'Eglise Romaine. Mais sur le fait des Images, il y eut vn peu de differend. Car le susdit Archeuesque de Lancian ne vouloit point qu'aucun honneur leur fust du, que par rapport à la chose signifiée par icelles. Mais Lainez, General des Iesuites, qui estoit aussi des deputés à former le Decret adioustoit, qu'outre cet honneur là, qui leur est deféré par l'adoration rendue au Saint, religieusement honoré en icelles, il y a vne autre veneration, laquelle leur appartient proprement, lors qu'elles sont dediées & posées en lieu sacré, & en place d'adoration: & nommoit la veneration propre del'Image, Obiectiue; & celle, qui n'est que par rapport, Relative.

On deputa aussi quelques Prelats, pour reuoir la Reformation de Religieux, & Religieuses: outre ceux, qui l'auoient dressée: ausquels aussi furent adioustés les Generaux des Ordres. Et en cete Congregation rien ne fut changé, sauf que là, ou au troisieme Canon il estoit permis à tous les Monastères des Reguliers mendians de pouuoir posseder biens immeubles, nonobstant la defense de leur institution, Frere François Zamorra, Espagnol, General des Freres Mineurs de l'Obsèruance, fit instance que son Ordre fust excepté de cete permission: alleguant qu'iceluy entendoit de viure selon la regle de S. François, de laquelle il n'estoit pas raisonnable d'exempter ceux, qui ne le requeroient point. Il fut donc contenté, exceptant son Ordre: comme aussi celuy des Capuchins, à l'instance de Frere Thomas du Chastel, leur General. Le General des Iesuites fit bien aussi la mesme demande: disant,

Que pour leurs Collèges, establis pour l'entretienement des Escholiers, non encor Religieux, ils pouuoient de vray tenir & posseder biens immeubles: mais, qu'aux maisons professes, esquelles essentiellement consiste la Societé, il n'est nullement permis de viure autrement que de mendicité, & d'aumônes, sans profession d'aucun fonds; ou biens immeubles. Ce qu'il obtint fort aisément. Mais le iour d'apres il retourna, & requit que cete exception fust rayée: disant, Que la Societé estoit bien en volonté de se conseruer perpetuellement en la pure mendicité es maisons professes: mais, qu'elles ne se soucioient point d'en auoir l'honneur deuant le monde, & se contentoient d'en auoir le merite deuant Dieu: lequel seroit de tant plus grand, que, pouuant se preualoir del'octroy du Concile, elle ne s'en seruiroit pourtant iamais. Cete deliberation fut prise par commun aduis des quatre Iesuites, qui estoient presens au Concile à la remonstrance du Iesuite Torres, lequel dit, qu'ainsi faisant, il seroit en leur liberté de se seruir del'octroy du Concile, ou de ne s'en seruir point, selon les occasions.

Le quinziesme Canon portoit, Que la profession ne püst estre faite auant l'age de dix-huit ans accomplis: & que le nouiciat durast au moins deux ans, en quelque aage que le Nouice fust entré en la Religion. Mais tous les Generaux d'Ordre s'y opposerent, disans, Qu'il n'estoit pas raisonnable d'empescher l'entrée à la Religion à aucun capable de cognoistre ce qu'importent les vœux Reguliers: & que cete capacité auoit esté declarée par iugement de l'Eglise à l'age de seize ans, lors que le monde n'estoit point tant raffiné, & desgrossi, comme il est au temps à present: auquel pour cete raison il est conuenable d'abaisser l'age plustost que de le hausser: & employerent ce mesme argument contre les deux ans ordonnés au Nouiciat. En fin, d'autant qu'ils tendoient à donner vn contentement general à tous, ils prirent deliberation de complaire aussi aux Generaux d'Ordre, & de ne rien innouer en cet endroit.

Outre les vingt-deux Canons, qui furent puis apres publiés, il y en auoit vn autre, par lequel il estoit permis aux Prouinciaux, Generaux, & Chefs d'ordre, de pouuoir dechasser les incorrigibles hors de l'Ordre, & les priver de l'habit. A quoy Iean Antoine Facekinet, Euesque de Nicaistre, s'opposa avec

deputés
pour la re-
formation
des Mo-
nastères,
exceptant
de la per-
mission de
tenir im-
meubles,
les Obser-
uans, &
les Capu-
chins:

mais non
les Iesui-
tes, qui se
rauisent
de l'auoir
requis:

laissent
l'age des
profes,
le rès du
Nouiciat
en son an-
cien estat:

obtiennent
le Canon
du dechaf-
sement des
Mendians in-
corrigibles:

beaucoup de vehemence : disant, que la profession, & l'acte d'admettre à icelle, sont vn contract reciproque, & comme vn mariage, par lequel le Monastere est obligé au profès, & le profès au Monastere : & comme le profès ne peut se departir, aussi le Monastere ne le peut chasser : & que ce Decret feroit, que toutes les villes seroient pleines de Moines dechassés, au grand scandale des seculiers: Mais l'Archeuesque de Rosan disoit à l'opposite, Qu'il n'y auoit point en ce fait la mesme relation que entre mary & femme, ains telle qu'entre pere & fils: en laquelle il n'est pas Toisible au fils de desaduoir le pere, mais bien au pere d'emanciper le fils; & de le debouter, s'il est de l'obeissance. Et qu'il y auoit moins de mal, de voir des Moines dechassés par les villes, que de les auoir incorrigibles dans les Monasteres. Les Generaux n'estoient tous d'un mesme aduis en ce fait : les perpetuels approuuoient ce dechassement : & ceux qui ne sont qu'à temps, vouloient qu'il fust defendu. Mais, selon la coustume de la multitude, lors qu'elle delibere de quelque chose, la pluspart enclina à laisser les affaires en l'estat qu'elles estoient, & à ne faire aucun Decret ne pour l'une ne pour l'autre partie. Or il y eut en cete consultation vne chose, qui fut maintesfois, & par plusieurs repliquée, Que le peuple receuoit grand scandale, voyant des personnes se faire seculiers, apres auoir porté l'habit Religieux par plusieurs années. Ce qui mit en champ la question de la profession secrete & raisible : & fit debatre, s'il falloit la declarer valide, comme elle auoit esté jusques alors : ou bien dire, Que nulle profession n'oblige, saul l'expresse. Cecy eut aussi ses difficultés, & contradictions : pour le temperament desquelles fut trouué cet expedient, de refoudre, Que le Prelat Religieux, l'an de sa probation reuolu, fust obligé, ou de licentier le Nouice, ou de l'admettre à la profession. Et cecy fut adiousté au Canon sixième, comme en sa droite place, & endroit conuenable.

Le General Lainez loia souverainement le Decret : comme necessaire: mais requit que la Societé des Iesuites en fust exceptée: alleguant, que la condition d'icelle estoit differente de celle des autres Ordres Regulars: lesquels, par ancienne coustume & approbation du S. Siege, auoit lieu la profession mentale & raisible, en lieu qu'elle estoit interdite en leur Ordre. Qu'en leur Compagnie ne pouuoit auoir lieu le scandale, que le peuple peut prendre des autres Ordres, lors qu'il les voit en habit de Seculier, apres auoir par vn long-temps porté celuy de Religieux : attendu que l'habit des Iesuites n'estoit point diuers de celuy des Seculiers. Et qu'en outre, la Societé a vne ordonnance confirmée par le Siege Apostolic, que le Superieur peut admettre à la profession, par vn long terme de temps: ce qui n'a iamais esté permis à aucun Ordre Regular. Tous enclinerent à fauoriser Lainez en sa demande, en faisant cete exception. Mais en la couchant par escrit, Lainez opiniastra, que les regles de la langue Latine portoient, qu'on dist, Que par ces choses le Concile n'entendoit point d'alterer l'institution des Iesuites: & ne fut point consideré, que cete generalité, contenuë en ces mots; *par ces choses*, se pouuoit rapporter, non seulement à ce point, d'admettre ou licentier les Nouices au bout de l'an, mais aussi à tout le contenu au seizieme Canon, voire à tous les seize Canons ensemble. Et le Pere Lainez se sceut bien seruir de cete inconsideration des autres, pour ietter vn fondement, sur lequel les Iesuites suiuaus pussent bastir la singularité, laquelle se void en leur Societé: sans attridion à aucune des ordonnances prescrites par les Conciles aux autres Ordres.

La Congregation du vingt-deuxieme Nouembre trouailla sur la matiere des Indulgenes. La difficulté & longueur de laquelle induisoit la pluspart à cet aduis, Qu'il ne s'en parlaist point: attendu que l'opinion estoit desia ancree en tous, qu'il falloit euitier les achoppemens & difficultés. Neantmoins il y en auoit quelques autres, qui vouloient qu'on en traitast : disans, qu'en faisant autrement, on donneroit occasion aux heretiques de dire, qu'on auoit esquivé de parler des Indulgenes, pource qu'on n'auoit point de raisons

1563.

pour les soutenir. Autres estimoient, qu'il fuffisoient de traiter seulement del'vsage d'icelles: & d'en retrancher les abus, que la corruption des temps a introduits. L'Ambassadeur de Portugal disoit aussi, qu'il ne pouuoit agréer qu'on ne fist aucun reglement sur les Croisades: mais toutesfois, qu'il vouloit se taire, de peur que de là aucun ne prist occasion d'allonger le Concile. Les Ambassadeurs mesmes de l'Empereur, quoy que tous vniss à solliciter l'expedition du Concile, selon la commission qu'ils en auoient eue de l'Empereur, & du Roy des Romains, son fils, leurs Maistres, n'estoient pas pourtant d'accord en ce point. L'Archeuesque de Prague vouloit, qu'on laissast de parler des dogmes. Mais l'Euesque des Cinq Eglises à l'opposite, disoit, que si on n'en traitoit point, & si on ne pouuoit aux abus des Reliques, & des Images, & du Purgatoire, le Concile seroit honny.

*resolu d'en
traiter
sommaire-
ment,*

L'Euesque de Modene remonstra aux Peres, que, si on vouloit traiter des Indulgences à fonds, ainsi qu'on auoit fait de la Iustificacion, considerant & pesant toutes les causes, & resoluant toutes les questions; la chose seroit de longue haleine, & malaisée, & emporteroit vne infinité de temps: attendu qu'il estoit impossible de mettre cete matiere en pleine euidence, sans resoudre tout premier, si les Indulgences sont absolutions, ou bien compensations & suffrages: & si par icelles sont remises seulement les peines imposées par le Confesseur, ou bien aussi toutes les autres, qui sont dues. Et semblablement, si le thresor; qu'on pose pour fondement d'icelles, consiste es seuls merites de Christ, ou bien, s'il y a en outre besoin de ceux des Saints: & si elles peuvent estre données, sans que celuy, qui les reçoit, face de son costé aucun ceuvre: & si elles s'estendent aussi aux morts: & autres choses, de non moindre difficulté. Mais, que, pour determiner que l'Eglise a puissance de les donner, & pour dire, qu'en tout temps elle les a données, & qu'elles sont fort utiles aux fideles, en cas qu'ils les recoiuent dignement; il n'y escheoit point tant de dispute. Que l'autorité de les donner se pouuoit verifier par l'Ecriture sainte; & l'usage continuel d'icelles par tradition Apostolique, & par autorité des Conciles: & que l'esclaircissement de toute la matiere pouuoit estre tiré de l'vniforme doctrine des Theologiens Scholastiques: & que de tout cela se pouuoit former vn Decret, qui n'auroit point de difficulté. Cet aduis fut suiuy par plusieurs: dont le mesme Euesque fut deputé, en compagnie d'autres Euesques Moines, pour former le Decret, selon ce sens: y adioustant la prouision contre les abus.

*sur quel-
ques points
y ayant de
la liquer
à crain-
dre,*

Es suiuiantes Congregacions fut traité de l'Indice des liures defendus, du Catechisme, Breuiere, Messel, Ceremonial: & furent luës les choses deliberées es Congregacions particulieres des Prelats, deputés sur ces matieres dès le commencement du Concile. Sur quoy se preparoient ia des disputes & debats: comme sur la censure des liures, les vns iugeoient que certains liures & auteurs estoient censurés à tort: les autres, qu'on en auoit obmis de ceux, qui meritoient beaucoup plus la censure: sur le Catechisme aussi, les vns disoient, que l'ceuvre qu'on auoit préparé n'estoit point propre pour vn Catechisme commun de l'Eglise, en laquelle la plus part est des simples & idiots: les autres desiroient qu'on y adioustast plus de choses, & plus hautes: & sur les liures Ceremoniaux, plusieurs requeroient vne vniformité en l'Eglise, autres maintenoient chacun les ceremonies de son Eglise. Dont les Legats, voyans que ces matieres ne pouuoient estre acheuées de decider en vn an tout entier, propolerent que le tout fust remis au Pape. Mais il y eut quelques Prelats, qui n'y consentirent point: & nommément l'Euesque de Leride, Espagnol, fit vne longue harangue, pour demonstrier, que, si chose quelconque appartenoit proprement à vn Concile, c'estoit la confession du Catechisme: attendu que c'est vn liure, qui doit tenir le premier rang apres le Symbole de la foy, en l'Eglise: & celle des Ceremoniaux, qui tiennent le second rang: en la correction desquels il y auoit besoin d'vne exacte cognoissance de l'Antiquité, & des coustumes & vsages de tous les païs, laquelle ne se trouueroit point en la Cour de Rome: en laquelle il aduoioit

*les Legats
les ren-
uoient au
Pape:*

bien qu'il y auoit des personnaiges d'excellent esprit, & de grande & meslée
litterature: mais aussi scauoit-il bien qu'ils ne vauoient point à cete forte
d'estude qui estoit necessaire, pour faire chose qui meritaist loüange: & que
cela appartenoit plus proprement à vn Concile. Mais la resolution d'ache-
uer, & de partir de Trente, fist qu'il eut peu d'audience du general.

Le vingt-cinquième Nouembre, le Conte de Lune se presenta aux Le-
gats, avec vne remonstrence par escrit, par laquelle il se plaignoit, que les
matieres plus importantes, pour lesquelles le Concile auoit esté conuocqué,
estoyent obmises: & que le peu, qu'on en traitoit, estoit precipité: qu'on pre-
tendoit terminer le Concile, sans le sçeu du Roy, son maistre. Et, pour con-
clusion, requeroit; qu'on ouist les raisons des Theologiens sur les matieres
des dogmes, & que pour la closture du Concile, on en attendist responce
d'Espagne. Les Legats respondirent là dessus; Que les choses estoient si a-
uant, qu'il n'y auoit plus moyen d'attendre, & qu'il ne seroit pas possible de
retenir tant d'Euesques, qui estoient ia en ordre pour partir. Le Conte re-
pliqua, que, si le Concile se terminoit sans en auoir l'aduis du Roy, son Mai-
stre, il ne s'arresteroit pas à cete instance, ains passeroit plus outre, selon
qu'il verroit estre à faire. Sur quoy, les Legats despescherent en diligence
au Pape: & le Conte escriui à l'Ambassadeur Vargas, qu'il s'employast en-
uers le Pape pour cela. Mais Vargas ne iugea point, qu'il fust necessaire de
faire cete instance: tant à cause que, à l'arriuee du Courrier, le Pape estoit
tombé en vne grieue maladie; que, pource que quelques iours auparauant,
luy ayant fait la mesme instance, le Pape, pour toute responce, luy auoit
respondu, Qu'il s'en remettoit au Concile, auquel il ne vouloit oster sa li-
berté, tant requise par le Roy mesme, son Maistre. C'est chose bien auérée;
que cet Ambassadeur disant vn iour au Pape, Qu'il falloit tenir ouuert le
Concile, d'autant que tout le monde le requeroit, le Pape respondit, Qui
est ce monde, qui le requiert? Et là dessus l'Ambassadeur repartit, L'Espa-
gne le desire, tout le monde le desire. Et le Pape repliqua, Ecrivez en Espa-
gne, qu'ils achètent vn Ptolemée, & qu'ils y estudient: & ils trouueront que
l'Espagne n'est pas tout le monde. Les Legats firent grands offices avec le
Conte de Lune: à quoy aussi s'employèrent viuement le Cardinal de Lorrain-
ne, & les Ambassadeurs de l'Empereur: mais, ne le pouuans fieschir, ils fi-
rent toutes instances tout au contraire de luy; les Imperiaux au nom de l'Em-
pereur, & du Roy des Romains, & de toute l'Allemagne: & le Cardinal de
Lorraine, au nom du Roy, & du Royaume de France. Et les Legats, resolu
de terminer le Concile, nonobstant toute la resistance de l'Ambassadeur
d'Espagne, selon le commandement qu'ils en auoient du Pape, trauailloient
en toute diligence à l'expedition des matieres.

Sur ces entrefaictes, le premier Decembre, sur le tard, arriua en grande
haste à Trente, vn Courrier de Rome, portant nouvelles, que le Pape auoit
esté surpris d'une grieue maladie, dont il estoit en danger de la vie. Le mes-
me porta aussi lettres du Cardinal Borromée aux Legats, & au Cardinal de
Lorraine, qu'ils accelerassent l'expedition du Concile, autant qu'il seroit
possible, & qu'ils le terminassent sans auoir esgard à aucun: & ce, pour ob-
uier aux inconueniens, qui pourroient naistre sur l'election du Pape, en cas
que le Concile fust sus pied, le Siege Papal vacant. Es mesmes lettres il y
auoit peu de paroles de la propre main du Pape, par lesquelles il comman-
doit le mesme absolument: & disoit au Cardinal de Lorraine, Qu'il se souue-
noit de la promesse qu'il luy auoit faite. Et c'est chose certaine, (pour tou-
cher icy cete particularité, quoy que hors de son propre endroit) que le
Pape auoit resolu, en cas qu'il ne reconualust dans peu de temps, de créer
huit Cardinaux, & mettre ordre à ce, qu'en l'election de son successeur n'ar-
riuaist point de confusion. Les Legats, & le Cardinal de Lorraine, ayans ar-
resté là dessus d'anticiper le temps de la Session, & d'acheuer le Concile, out
avec les propositions, ou sans icelles, dans deux iours; afin qu'on ne pust a-
uoir auant icelle nouvelles de la mort du Pape; enuoyerent communiquer

Bbbbb iij

1563.

l'aduis qu'ils auoient eu; & la resolution qu'ils auoient prise, aux Ambassadeurs: & en traierent mesmes avec les principaux Prelats: lesquels y consentirent tous, sauf l'Ambassadeur d'Espagne, lequel dit, Qu'il auoit commandement de son Roy, que, cas aduenant que le Siege Papal vinst à vaquer pendant le Concile, il ne laissast faire le Pape au Concile, ains fist que l'election demeurast aux Cardinaux. Et pourtant, qu'il n'estoit point besoin de precipiter les affaires. Mais le Cardinal Moron dit par contre, Qu'il scauoit pour asseuré, que l'Ambassadeur de France, lequel estoit encores à Venise, auoit charge de protester, que la France n'obeiroit en tel cas à autre Pape, qu'à celuy qui seroit élu par le Concile. Partant, que totalement il le falloit terminer, pour euitier tout danger. Le Conte de Lune fit vne Congregation de Prelats Espagnols en son logis, & fit courir le bruit, qu'il estoit resolu de protester, & de former opposition à la deliberation des Legats.

Congregation generale reçoit tous les Decrets, & établit le ce qui n'agroit pas, pour expedier.

Nonobstant cela, les Legats ne laisserent pas de tenir le iour d'apres Congregation: en laquelle furent lus les Decrets du Purgatoire, & des Saints, ainsi qu'ils auoient esté formés par le Cardinal de Vvarmie, & par les autres deputés. Apres quoy, fut luë la Reformation des Moines. Et le tout fut approuué avec grande brieueté d'opinions, & fort peu de contradiction. Puis furent lus les Canons de Reformation generale: sur lesquels il y eut quelque petite difficulté: comme au premier, qui traite des mœurs des Euesques, en l'endroit, où il est dit, Qu'ils n'ayent à enrichir leurs parens, ou domestics, des reuenus de l'Eglise: il estoit adiousté, desquels ils sont constitués fidelles dispensateurs au benefice des pauvres. Sur quoy l'Euesque de Sulmone, Pompée Zambeccare, nommé par plusieurs fois cy-deuant, s'opposa, disant, Que, veu que, par vn ancien Canon, les portions des pauvres, des fabriques sacrées, & de la table Episcopale, estoient distinctes, il ne falloit point dire, que les Euesques, & autres beneficiés, ne fussent que dispensateurs: mais que de leur part & portion, ils estoient vraiment maistres: non pas, qu'en cas qu'ils la despendissent mal, ils n'encourussent peché, & le courroux de Dieu; de mesmes que toute autre personne du commun, qui despend mal son bien: mais, que, s'ils n'estoient que dispensateurs au benefice des pauvres, ils seroient tenus à la restitution: ce qui n'estoit nullement à dire. Il y eut plusieurs discours là dessus, la plupart tenant que les beneficiés sont vraiment maistres des reuenus & fruits, ou bien certains usufructuaires: en lieu de quoy autres disoient, Vsuaires simplement, qui estoit le terme de du Ferrier, Ambassadeur de France, en sa harangue. Aucuns soustenoient les paroles du Decret, qu'ils estoient dispensateurs: alleguans le passage del'Euangile touchant le seruiteur fidele, commis pour dispensateur: & la doctrine de tous les Saints Peres. Mais l'ardent desir qu'on auoit de mettre fin au Concile, fit que ces paroles, à scauoir, *desquels ils sont constitués fidelles dispensateurs au benefice des pauvres*, furent omises, & que, par ce silence, toutes les difficultés sur cete matiere furent coupées.

Sur le Canon des droits de patronage, les Ambassadeurs de Sauoye & de Florence, firent instance, que ceux de leurs Princes fussent exceptés: ou bien, qu'il n'en fust excepté autres que ceux de l'Empereur, & des Rois. On leur donna contentement, exceptant, outrel'Empereur, les Rois, ou possesseurs de Royaumes, & les autres grands & puissans Princes souverains, lesquels ont droit d'Empire en leurs Estats. Au demeurant, il fut proposé de lire en Session tous les Decrets, faits sous Paul, & Jules, pour les approuuer. Mais l'Euesque de Modene y contredit: disant, que ce seroit déroger à l'autorité du Concile de ces temps-là, de dire, que les choses faites alors, eussent besoin de nouuelle confirmation des Peres: & que on donneroit à voir par là, que le Concile present n'estoit point vn mesme avec celuy là: attendu que nul ne confirme ses actes propres. Mais à l'opposite autres disoient, que iustement pour cela il les falloit confirmer, pour leur conseruer leur autorité, contre tous ceux qui pourroient dire, Que ce n'estoient

point Decrets d'un mesme Concile. Et les François mesmes, lesquels autres-fois auoient si instamment requis, qu'il fust dit & declare, que cete derniere tenue & reprise du Concile estoit vn Concile nouveau & non continuation du precedent tenu sous Paul & Iules, maintenant trauailloient plus que tous les autres, à faire, que toute cause de douter, que tous les Actes, des l'année mil cinq cens quarante-cinq iusques à la fin, ne fussent d'un mesme Concile, fust ostée. Ainsi aduient-il souuent, non seulement es affaires du monde, mais aussi en ceux de la Religion, que les interets estans changés, la creance des hommes aussi varie. Tous doncques ayans vn mesme but, il fut arresté de les lire tous simplement, sans dire autre chose : car, par là on declaroit tres-euidemment l'vnité du Concile, & estoit ostée la difficulté, qu'auroit pu causer la parole de confirmation, si on en eust vû : laissant au libre iugement d'vn chacun, si cete lecture inferoit confirmation, ou declaration de les tenir pour valides : ou, arguoit vnité de Concile, entre celuy qui les auoit faits, & celuy qui en faisoit la lecture.

Finalement fut proposé d'anticiper la Session, & de la celebrer le iour suivant : & en cas qu'on ne pust en icelle expedier toutes les actions, de la continuer encor le iour d'après ; comme vne seule, & d'un tenant : & de congédier lors les Peres : & le Dimanche suivant signer tous les Actes du Concile. Mais à cela s'opposèrent quatorze Euesques Espagnols : disans, Qu'il n'y auoit de necessité d'abreger le temps. Mais nonobstant le Cardinal Moron dit, Que la Session se tiendroit le iour suivant. Et le Cardinal de Lorraine, ensemble les Ambassadeurs de l'Empereur, renouellerent leurs offices & instances enuers l'Ambassadeur d'Espagne, pour faire qu'il se contentast de ce qui auoit esté delibéré avec tant d'vniõ & consentement. Apres plusieurs repliques, il se contenta, moyennant deux conditions : la premiere, Qu'il fust decreté, que le Pape pouruiroit aux choses qui restoient encor : la deuxieme, Qu'au traité des Indulgences, il ne fust point dit, qu'elles soient données gratuitement : ny aucune autre chose qui pust préiudicier aux Croisades d'Espagne.

Ainsi donc le Vendredy, troisieme Decembre venu, on alla à l'Eglise avec les ceremonies accoustumées, & la Messe fut chantée, & en icelle fite Sermon Ierome Ragazon, Venitien, Euesque titulaire de Nazianze en Cap-padoce : & Coadiuteur de Famagouste en Chipre : auquel il conuia tout le monde à admirer cete heureuse iournée, en laquelle le Temple de Dieu s'en alloit restauré, & la Nef renduë au port, après de grands orages & flots. Et dit, qu'il auroit encor plus grande matiere de ioye, si les Protestans y eussent voulu entrer, & participer à la construction de cet edifice. Mais que la faute n'en estoit pas aux Peres. Que le Concile auoit choisi, pour sa celebration, la ville de Trente, assise à l'embouchure de l'Allemagne, au suel de leur porte, sans garde, pour ne leur donner aucun soupçon qu'il marquast chose quelconque à la liberté du lieu. Qu'ils auoient esté conuiés, attendus & priés, sous la foy publique. Que, pour le salut de leurs ames, la foy Catholique auoit esté expliquée, & la discipline Ecclesiastique restablie. Et là dessus recapitula toutes les choses, qui auoient esté traitées au Concile en matiere de foy. Et représenta les abus, qui auoient esté retranchés es ceremonies sacrées. Et dit, que quand il n'y auroit eu autre cause de conuoker le Concile, il eust esté necessaire de le faire pour la seule defense & prohibition des mariages clandestins. De là passant aux choses arrestées pour la Reformation, il monstre point par point le bien & vtilité publique, quel'Eglise receuroit de ces Decrets. Et dit de plus, qu'és Conciles passés auoit esté traitée l'explication des dogmes de la foy, ensemble la reformation des mœurs, mais que cela ne s'estoit iamais fait plus exactement qu'en certui-cy. Que les arguments & raisons des heretiques auoient esté examinés, & ventilés à plusieurs & diuerses fois, & bien souuent avec beaucoup de contention : non, qu'il y eust discord entre les Peres, laquelle aussi ne peut estre en ceux, qui ont tous vn mesme sentiment : mais, pour traiter avec sincerité, & esclaireir la ma-

1563. tierre : en telle sorte, que, combien que les heretiques eussent esté absens, on auoit toutesfois fait, ne plus ne moins que s'ils eussent esté presens. Il exhorta tous en suite, qu'estans de retour en leurs dioceses, ils missent les Decrets du Concile en execution. Et admonesta tous de rendre graces à Dieu : & puis au Pape : duquel il recita les œuvres & diligences pour sauoiriser le Concile : ayant enuoyé Nonces aux pais Protestans, & Legats à Trente; & incité les Princes à y enuoyer Ambassadeurs : & n'ayant espargné ne travaux ne despens, pour faire que le Concile fust en liberte. Il loua aussi les Legats, d'auoir esté les directeurs & modérateurs de cete tres-grande action, & nommément le Cardinal Moron. Et finalement il conclut par la louange des Peres.

Decrets
d'icelle
du Purga-
toire,

Les ceremonies acheuées, les Decrets furent lus. En la matière du Purgatoire il estoit dit, Quel'Eglise Catholique a tousiours, es Saints Conciles, & encor en ce dernier vniuersel, enseigné par la parole de Dieu, & par l'ancienne tradition des Peres, qu'il y a vn Purgatoire : & que les âmes, detenues en iceluy, sont aidées par les suffrages des fideles, & par le Sacrifice de la Messe. Et pourtant, le Concile commande aux Euesques, qu'ils ayent à enseigner, & à faire prescher la sainte doctrine du Purgatoire : sans traiter deuant le simple populaire questions subtiles : ny laisser publier choses incertaines, & improbables : & defendent les curiosités, les superstitions, & les gains des-honnestes : & procurant que pieusement & deuotement se facent les suffrages des fideles viens, à sçauoir, Messes, Oraisons, Aumosnes, & autres œuvres de pieté & deuotion, qu'on a accoustumé de faire pour les fideles trespassés. Et qu'aussi les choses ordonnées par testament, ou en autre façon, au benefice des trespassés, soient diligemment executées par les Prestres, & Ministres de l'Eglise, & non par acquit.

des Saints
& de leur
interces-
sion & in-
uocation,

Le second Decret estoit des Saints, & portoit, Que le Concile commande aux Euesques, & à tous autres, qui ont charge d'enseigner, qu'ils ayent à instruire le peuple touchant l'intercession & inuocation des Saints, & l'honneur qui est du aux Reliques, & le legitime vsage des Images : selon l'ancienne doctrine de l'Eglise, le consentement des Peres, & les Decrets des Conciles : enseignant, que les Saints prient pour les hommes : qu'il est vtile de les inuoyer, & recourir à leurs oraisons, & aide. Et tout d'un tenant & haleine, le mesme Decret condannoit ces assertions sur cete matiere : Que les Saints, qui sont au Ciel, ne doiuent estre inuoyés : Qu'iceux ne prient point pour les hommes : Que c'est idolatrie de les inuoyer, afin qu'ils prient pour nous, voire mesme pour chacun en particulier : Que de les prier, ou de bouche, ou de cœur, repugne à la parole de Dieu, à l'honneur de Iesus-Christ, & est vne pure folie : Que nulle veneration n'est due au corps des Saints par lesquels Dieu eslargit plusieurs benefices aux hommes : Que leurs Reliques, & Sepultures, ne doiuent estre honorées : & Qu'en vain on frequente les monumens des Saints, appellés Memoires, pour obtenir quelque aide & secours.

des Images,
& de leur
culte,
veneration
& vsage,

Le troisieme Decret estoit des Images, & contenoit, Qu'il faut auoir & reuerer les Images de Christ, de la Bien-heureuse Vierge, & des Saints, principalement es temples : & qu'il leur faut rendre l'honneur & la veneration qui leur appartient : non pas qu'en elles il y ait aucune deité, ou vertu, pour laquelle il faille les honorer, ou inuoyer, ou y mettre sa confiance, comme faisoient les Gentils : mais, d'autant que l'honneur qu'on leur fait, se rapporte aux premiers archetypes & patrons qu'elles representent : comme cela a esté définy par les Conciles, & sur tout par le deuxième de Nicée. D'auantage, que par les histoires des mysteres de nostre redemption, exprimées par les images & peintures, le peuple est enseigné : & confirmées Articles de la foy, pour les rememorer & mediter continuellement : & que non seulement par icelles luy sont suggerés les benefices de Christ, mais aussi les miracles & les salutaires exemples des Saints luy sont figurés deuant les yeux pour en rendre graces à Dieu, & pour se disposer à les imiter. Anathematizet quiconque

quiconque en seignera ou tiendra opinion contraire à ces Decrets.

Le quatrième Decret estoit touchant les abus en cette matiere: & portoit, Que le Concile desirant de retrancher les abus, & les occasions de per-
reiglement
contre les
abus d'icelles;
 vicieuses erreurs, ordonne que quand pour l'vtilité du peuple ignorant, il
 aduiendra que les histoires, ou narrations de l'Escripture sainte, deuront
 estre figurées, ou exprimées, & qu'il escherra que la diuinité y soit aussi re-
 presentée par image corporelle; le peuple soit instruit, que cela ne se fait
 point, pource qu'elle puisse estre venue des yeux du corps. Et de plus, que
 toute superstition soit ostée en l'iuocation des Saints, en la veneration des
 Reliques & en l'vsage des Images: & que tout gain deshoneste en soit abo-
 ly, & toute lasciuete euitée: tellement que les Images ne soient peintes ny
 ornées d'une beauté au parement attrayant & lubrique: & que les hommes
 n'abusent des festes des Saints, ne des visitations des Reliques, à banquets
 dissolus, & yuogneries, Et enfin, que les Euesques ayent le soin, qu'en ces
 choses rien ne paroisse de mesfiant, & de deshoneste, ou fait tumultuaire-
 ment & en desordre: & que nulle image nouuelle & non accoustumée ne
 puisse estre colloquée en Eglise, ou en aucun autre lieu, sans l'appro-
 bation de l'Euesque, avec le conseil de Theologiens, & de gens de bien: &
 qu'aussi soient interdits tous nouueaux miracles & nouuelles Reliques, si-
 non que l'Euesque les ait tout premier verifiées & approuuées. Et que, s'il
 eschet d'extirper quelque abus douteux, & difficile; ou de resoudre quel-
 que importante question sur ce fait, l'Euesque n'y procede point de son
 sens, mais attendre l'aduis de son Metropolitain, & des Euesques comprou-
 uinciaux en vn Synode prouincial: en sorte toutes fois, que rien de nouueau
 ou inuité, ne soit ordonné en l'Eglise, sans en auoir tout premier consulté
 le Pape.

Le Decret de la reformation des Reguliers contenoit vingt-deux Canons
Decret de
la Refor-
mation des
Moines, &
Monastere
res:
 dont le sommaire estoit, Premièrement, Que tous ayent à obseruer les rei-
 gles de la profession, & spécialement ce qui appartient à la perfection d'icel-
 le, (comme sont les vœux generaux d'obeyssances, de pauvreté, & de cha-
 steré, & les particuliers de chaque ordre ou reigle) & à la communauté de
 vie, de nourriture & de vestement. En second lieu, Que nul Regulier,
 homme ny femme, ne puisse posseder des biens meubles ny immeubles, com-
 me siens propres: & que d'ores en auant il ne soit loisible à aucun Superieur
 de donner à vn Regulier biens immeubles, non pas mesmes à vsage, vsufruit
 administration, ou commende: & quant aux meubles, que les Superieurs en
 permettent l'vsage aux Reguliers, en sorte, que leurs vtensiles soient con-
 uenables à la possession de pauvreté, qu'ils ont faite, sans qu'il y ait rien de
 superflu, & qu'aussi rien de nécessaire ne leur soit dénié. En troisième lieu,
 Le Concile permet à tous les Monasteres, mesmes des Mendians, fors aux
 Capuchins, & aux freres Mineurs de l'Obseruance, de posseder fonds &
 biens immeubles: & ordonne qu'à ceux qui en peuuent tenir par authori-
 té Apostolique, & en ont esté spoliez, ils soient tous entierement restituez:
 & qu'ez Monasteres, tant d'hommes que de femmes, soit qu'ils possèdent
 immeubles, soit qu'ils n'en possèdent point: soit limité, & garde vn cer-
 tain nombre de Religieux, proportionné au moyen de les commodément
 nourrir & entretenir, soit des reuenus, soit des aumosnes ordinaires: &
 qu'à l'aduenir tels lieux ne soient construits, sans permission des Euesques.
 En quatrième lieu, Que nul Religieux, sans congé de son Superieur, ne
 puisse aller au seruice d'aucun Prelat, Prince, Vniuersité, Communauté,
 lieu ou personne quelconque, sous pretexte de predication, lecture,
 ou autre œuvre pieuse: & mesmes, qu'il ne soit loisible aux Reguliers
 de se departir de leurs Couuens, non pas mesmes sous couleur d'aller trou-
 uer leurs Superieurs, si ce n'est qu'ils soient appelez ou enuoyez par eux:
 sous peine aux contrevenans d'estre punis au bon plaisir des Superieurs, ou
 des Ordinaires, là où ils seront trouuez hors du Couuent. En cinquième
 lieu, Que les Euesques soient chargez de restablir & conferuer la cloustre.

Ccces

des Religieuses: implorant, si besoïn est, l'aide du bras seculier, laquelle le
 1563. Concile exhorte les Princes, & enjoint aux Magistrats, sous peine d'excom-
 munication, de leur prester. Que les Religieuses ne puissent sortir hors du
 Monastere, sauf que pour cause legitime, approuvée par l'Euesque: & que,
 sous peine d'excommunication, nul indifferemment de quelque condition,
 sexe, ou aage, qu'il soit, n'y puisse entrer sans permission. Et que les Mona-
 steres des Religieuses, qui sont hors les murs des Citez, ou Villes, soient re-
 duits au dedans d'icelles, es Monasteres vieux ou nouveaux. En sixième lieu,
 Que l'election de tous Superieurs de Reguliers se face par voix & suffrages
 secret: & qu'il ne soit d'ores en auant loisible de creer aucuns Superieurs
 titulaires, pour l'effet des elections, ne de suppleer les voix & suffrages des
 absens. Et qu'en cas de contrauention, non seulement l'election soit nulle,
 mais aussi quiconque aura permis d'estre creé Superieur à cet effet, soit in-
 habile d'obtenir à l'auenir aucunes charges en la Religion. En septieme lieu
 Qu'es Monasteres des Religieuses, l'Abbesse, ou la Prieure, ou toute autre
 Superieure soit aagée du moins de quarante ans, & ait vescu louablement
 huit ans apres la profession expresse: & là où cela ne se pourra faire, qu'au
 moins elle passe trente ans, & ait honnestement vescu cinq ans apres la
 profession. Et que nulle ne puisse auoir la Superioté de deux Monaste-
 res. Et que l'Euesque, ou celuy qui est surintendant à l'election, n'ait point
 à entrer dans l'enclos du Monastere, mais oye recueille les voix de chacune
 au deuant du tour, ou fenestre treillissee. En huitième lieu, Que les Mona-
 steres, qui immediatement releuent du Saint Siege, se reduient en Cong-
 regations & pouuoient à la forme de leur gouuernement, & que leurs Su-
 perieurs ayent la mesme autorité, que ceux des autres Ordres, qui ont
 desia esté reduits en Congregation. En neuzième lieu, Que les Monaste-
 res des Religieuses immediatement suiets au Saint Siege, soient gouuernez
 par les Euesques en qualité de deleguez dudit Siege. En dixième lieu, Que
 les Religieuses se confessent, & communient au moins tous les mois: &
 qu'outre le Confesseur ordinaire, leur en soit baillé vn extraordinaire
 deux ou trois fois l'année: & qu'elles ne puissent tenir le Sacrement dans
 le Chœur, ou enclos du Monastere. En onzième lieu, Qu'es Monaste-
 res, qui ont charge d'ames seculieres, ceux qui exerceint ladite cure
 ou charge, soient suiets à l'Euesque en ce, qui concerne l'administra-
 tion des Sacremens; excepté le Monastere de Clugny, avec ses limites &
 sinages; & les autres Monasteres ou lieux, où resident Abbez generaux,
 ou Chefs d'Ordre: ou bien, où les Abbez ont iurisdiction Episcopale, ou
 temporelle. En douzième lieu, Que les Reguliers ayent à publier, & à gar-
 der les Censures, & Interdits du Pape, & des Euesques: & de mesmes les
 festes, enjointes par l'Euesque. En treizième lieu, Que l'Euesque soit
 iuge sans appel de tous les differens de prefaceance entre personnes Ecclesia-
 stiques, tant Seculieres que Regulieres: & que tous soient obligez d'aller
 aux processions: exceptez ceux qui vivent en closture estroite & perpe-
 tuelle. En quatorzième lieu, Que le Regulier, qui vit dans le Cloistre, &
 hors d'iceluy commet excez, au scandale du peuple, soit puny par son Supe-
 rieur, dedans le temps que l'Euesque ordonnera: & qu'iceluy ait à acertener
 l'Euesque de la punition à defaut de quoy le delinquant puisse estre puni par
 l'Euesque. En quinzième lieu, Que la profession, faite auant seize ans ac-
 complis, & vn an entier de probation, soit nulle. En seizième lieu, Que nulle
 renonciation, ou obligation ne soit valable, sinon qu'elle ait esté faite dans le
 terme de deux mois auant la profession, & mesmes avec licence de l'Or-
 dinaire: & que le temps de la probation acheué, les Superieurs admet-
 tent les Nouices à la profession, ou qu'ils les renuoyent hors du Mona-
 stere: exceptez toutesfois les Iesuites. Et que le Monastere ne puisse re-
 ceuoir chose quelconque du Nouice, auant la profession, sauf pour le viure
 & la vesture pendant le temps, qu'il est en probation: & que s'il s'en va auant
 la profession, on luy rende tout ce qui luy appartient. En dix-septième lieu,

Que nulle Vierge ne reçoive l'habit & ne face la profession, qu'elle n'ait premierement esté examinée par l'Euesque, lequel ait bien compris & reconu la volonté d'icelle : & qu'elle n'ait les qualitez & conditions requises par la reigle du Monastere, où elle veut entrer. En dix-huitième lieu, Le Concile anathematise toutes personnes, de quelque condition & qualité qu'elles soient, qui contraindront aucune vierge, ou veufue, ou autre femme, d'entrer en Monastere maugré elle : excepté es cas exprimez par le droit : ou de prendre l'abit, ou de faire la profession : & semblablement tous ceux, qui y presteront leur cōsentement, autorité, aide & conseil : comme aussi à l'opposite, ceux qui empeschent, sans iuste cause, le saint vouloir des Vierges, ou d'autres femmes, de prendre voile, ou de faire la profession. Et que toutes les choses à faire avant la profession, & en la professiō mesmes, soient gardées en tous Monasteres : exceptant toutesfois les Penitentes, ou Conuerties, à l'esgard desquelles les constitutions, qui ont esté faites pour elles, ayent à estre obseruees. En dix-neufième lieu, Qui pretendra nullité de la profession, ne soit ouy ny receu, sinon dans le terme de cinq ans des le iour d'icelle : & encor non autrement, sinon, apres qu'il aura deduit, deuant son Supérieur & Ordinaire, les causes qu'il pretend : que si de son mouuement il quittel'abit auant ce terme, il ne soit plus receu à aucune allegation de cause, ains soit contraint de retourner au Monastere, & soit puny comme Apostat. D'auantage, que nul Regulier ne puisse passer à Religion plus libre, & large, & permission ne soit plus baillée à aucun de porter l'habit de sa Religion en secret. En vingt-vnième lieu, Que les Abbez, Chefs d'Ordre, & autres Superieurs, visitent les Monasteres, & Prieurez, qui leur sont suiues, ores que bailliez à commende, & que les Commendataires soient tenus de recevoir lesdits Visiteurs, & mettre en execution leurs ordonnances : & qu'en iceux soient creés les Prieurs, ou Superieurs, qui ont le gouuernement spirituel, par les Chapitres, ou par les Visiteurs des Ordres. En vingt-vnième lieu, Le Concile tesmoigne son desir de pouuoir reestabli la discipline Monastique en tous les Monasteres : aduouant que la pluspart des Monasteres, Abbayes, Prieurez, & Preuostez, ont receu de grands domimages, tant au spirituel, qu'au temporel, par l'indue administration de leurs Superieurs. Mais la dure & difficile condition des temps presens ne permettant point qu'on remedie promptement à tous, ny aussi que le remede puisse estre commun par tout : il ne veut pas pourtant laisser en arriere chose quelconque, au moyen de laquelle vn iour on y puisse salutairement pouuoir. Et premierement il s'assure, que le Pape, autant qu'il verra que le temps le peut permettre, pouuoir à qu'aux Monasteres & autres lieux bailliez en Commende, soient establis pour les gouverner, personnes Regulieres professes : & que ceux, qui vaqueront à l'aduenir, ne soient conferez à autres, qu'à Reguliers. Et quant aux Monasteres, qui sont Chefs & Primats d'Ordre, soit que leurs filles s'appellent Abbayes ou Prieurez, que ceux, qui les tiennent en Commende, soient tenus, sinon que dans le terme de six mois il leur ait esté pouruey d'un successeur Regulier, de faire la profession, ou de quitter & ceder lesdits Monasteres. Autrement, que les susdites Commendes soient iugees vauantes. Et, qu'és prouisions des Monasteres, la qualité d'un chacun soit nommément exprimee : & qu'à defaut de ce, la prouision soit tenuë pour subreptice. En vingt-deuxième lieu, Que tous Reguliers, sans exception, s'entendent suiues aux susdits Decrets, nonobstant tous priuileges, voir mesmes de fondation. Le Concile commandant aux Euesques, & mesmes aux Abbez, de les vouloir mettre en execution tout promptement : & exhortant, & enjoignant, en vertu de sainte obediēce, à tous Princes, & Magistrats, qu'ils ayent à leur prester leur ayde & autorité, en l'execution d'iceux, toutes les fois & quantes qu'ils en seront requis.

Après suiuit tout d'un tenant la lecture de Reformation generale : dont les Canons estoient : Le premier, Que les Euesques se composent à rale,

CCCC ij

Canons de
Reforma-
tion gene-
rale.

1563.

vne vie exemplaire, & à modestie, continence, humilité, & frugalité, tant en leurs meubles, qu'en leurs tables & traitement : & leur est defendu expressément, & par sur tout, d'enrichir leurs parens, ou domestics, des reuenus de l'Eglise : ausquels il leur est seulement permis d'en distribuer quelque portion en qualité de pauvres, en cas que de vray ils soient tels. Et ce qui est dit des Euesques, est estendu à tous les beneficez Seculiers, & Reguliers, & mesmes aux Cardinaux. Le deuxieme, Que les Euesques, au premier Concile prouincial, ayent à receuoir les Decrets du Concile de Trente, & promettent obeyssance au Pape, & anathematizent les heresies condamnées : & que le mesme soit fait & gardé par tous ceus qui à l'aduenir seront promus Patriarches, Primats, Archeuesques, Euesques, au premier Synode prouincial auquel ils assisteront : & que tous les beneficez, & ceux qui sont tenus d'interuenir es Synodes diocesains, facent le mesme. Et que ceux qui ont charge des Vniuersitez & grandes Escholes, s'employent à ce, qu'elles Vniuersitez & Escholes, lesdits Decrets soient receus : & que les Docteurs enseignent la foy Catholique conformément à iceux : & que de ce, ils prestent serment solemnel tous les ans au commencement de l'annee. Mais quant à celles, qui sont immediatement suiuetes au Pape, luy mesmes prendra le soin qu'elles soient reformees par ses delegués en la maniere susdite, & comme mieux il verra à faire. Le troisieme, Combien que le glauiue de l'excommunication soit le nerf & force de la discipline Ecclesiastique, fort salutaire pour contenir les hommes en deuoir ; il doit toutesfois estre employé moderelement, & avec circonspection : attendu que l'experience a monstré, qu'il est plustost mesprisé, que redouté, lors qu'il est lancé temerairement, & pour cause legerce. Et pourtant le Concile ordonne, que les excommunications, qui se font pour reueler choses cachees, ou pour trouuer choses perdues, ou desrobees, ne puissent estre decretees par aucun autre, que par l'Euesque : & ce, pour affaire non vulgaire, & apres diligente perquisition de la cause, par luy mesmes : lequel aussi n'ait à se laisser porter à les accorder par l'autorité d'aucun Seculier, quel qu'il soit, non pas mesme Magistrat. Et qu'ez causes iudicielles, il soit enjoint à tous les Iuges Ecclesiastiques, que lors que l'exécution, reele, ou personelle, le peut faire par eux mesmes de leur propre autorité, ils ayent à s'abstenir des Censures Ecclesiastiques. Et, qu'ez ciuiles, qui appartiennent en quelque sorte à la Cour Ecclesiastique, il leur soit loisible de proceder, mesmes contre les Laïcs, par amendes & peines pécuniaires, applicables aux lieux pieux, soit par saisies, de gages, ou prise de corps, par leurs propres executeurs, ou bien par ministres & sergents d'autres Cours à ce requis : soit par priuation de Benefices, & autres voyes de droit. Mais, si l'exécution reele, ou personelle, ne se pourra faire contre les defendeurs en cette sorte, & qu'il y ait rebellion contre le Iuge Ecclesiastique, qu'en tel cas il luy soit loisible de les fraper d'anatheme à son arbitrage, outre les autres peines. Et que le mesme soit gardé es causes criminelles. En outre, qu'il soit interdit à tout Magistrat seculier de defendre au Iuge Ecclesiastique d'excommunier, & de commander de reuoker l'excommunication ia lancée : non pas mesmes sous pretexte de contrauention aux choses portées par ce present Decret. Et que l'excommunié, s'il ne se rauifie & repent apres des legitimes & duës admonitions, non seulement ne soit point receu aux Sacremens, & sainte communion des fideles : mais s'il s'endurcit & perseuerer es Censures vn an entier, qu'on puisse proceder contre luy, comme suspect d'heresie. Le quatrieme, Qu'il soit permis aux Euesques au Synode diocésain, & aux Chefs d'Ordre en leur Chapitres generaux, d'ordonner en leurs Eglises ce qu'ils trouueront expedient pour le service de Dieu, & pour le bien des Eglises, lors qu'icelles par laïcs testamentaires sont chargees de celebrer si grand nombre de Messes, qu'elles n'y peuuent suffire : ou quel aumosne, assignée pour la celebration d'icelles, est si petite, qu'il ne se trouue aisément aucun, qui vueille en prendre la charge, pourueu qu'en tout cas tousiours soit faite memoire des trespassez, qui ont fait

les legs. Le cinquième, Qu'és collations, hy en aucunes autres dispositions de Benefices, ne soit derogé aux qualitez, conditions, & charges requises, & imposées par l'erection, ou fondation d'iceux Benefices; ou par autres constitutions quelconques: & qu'à defaut de ce, la collation soit tenue subreptice. Le sixième, Que lors que l'Euesque agit hors de visite, contre les Chanoines; il ait à proceder en tous Actes, par aduis & conseil de deux, choisis au commencement de chaque année, par le Chapitre, lesquels toutesfois les deux voix ne vaillent que pour vne: & s'ils sont tous deux de diuers aduis del'Euesque, qu'ils puissent choisir vn tiers, qui destable, & decide le differend: & en cas que ces deux ne s'accordent en la nomination de cet tiers qu'iceluy soit choisi par l'Euesque plus proche. Mais, qu'és causes de concubinage, & autres delits atroces, l'Euesque puisse proceder à l'information, & faise de corps necessaire: gardant au demeurant l'ordonnance susdite. Quel'Euesque au Chœur, & au Chapitre, & és processions; & és autres actes publics, ait le premier Siege, & place, que luy mesmes choisira: & la principale autorité en toutes affaires. Quel'Euesque preside au Chapitre sauf lors qu'il s'agira de ses propres intereits, ou de ceux des siens: Et que cette autorité ne puisse estre communiquee au Vicaire. Et que ceux, qui ne sont point de Chapitre, soient és causes Ecclesiastiques suiets à l'Euesque. Reseruant toutesfois les Eglises, esquelles les Euesques; ou leurs Vicaires, ont plus grande autorité & iurisdiction: lesquelles ne s'entendent comprises en ce Decret. Le septième, Qu'à l'auenir ne soient octroyez aucuns accez, ne regrez à aucun Benefice Ecclesiastic: & que ceux qui par le passé ont esté octroyés, ne puissent estre suspendus, estendus, ne transferez; & que de cette ordonnance ne soient pas mesmes exceptez les Cardinaux. En outre, qu'en nuls Benefices Ecclesiastiques ne soient faits Coadiuteurs avec succession future. Et s'il est necessaire, ou vtile de faire Coadjuteur en quelque Eglise Cathedrale, ou Monastere, que la cause en soit tout premierement diligemment conneu par le Pape; & que les qualitez, requises de droit és Prelats & Euesques, se trouuent en celuy, qui doit estre créé. A defaut dequoy tous octrois obtenus en semblables cas, soient tenus pour subreptices. Le huitième, Le Concile admoneste tous les beneficiez d'exercer l'hospitalité; autant que leur reueu le permet; mais à tous ceux, qui ont en charge les Hospitaux, à quelque titre que ce soit, il commande expressement; qu'ils aient à exercer ladite hospitalité, selon qu'ils sont tenus & obliges, des reueus assignez à cela, & si en cel lieu-là ne se trouue point ou peu de pauures, de la sorte & qualité que la fondation & l'institution requiert; que les reueus soient conuertis à vsage pieux, le plus approchant de celuy de l'institution, selon qu'il semblera à l'Euesque, par aduis de deux du Chapitre. Et que ceux qui ne satisferont au deuoir d'hospitalité, ores qu'ils soient Lais, puissent estre contraincts par censures, & autres remedes de droit, & soient tenus à la restitution des fruits en Cour de conscience. Et qu'à l'auenir telles charges & administrations ne soient conferees à vne mesme personne, pour plus de trois ans. Le neuvième, Que le titre de droit de patronage soit pproduit & authentiquement verifié, ou par fondation, ou par donation, ou par multiplicité de presentations de temps immemorial, ou par autres voyes & documens legitimes. Mais qu'és personnes, & Communautez, esquelles communément il y a lieu de presomption qu'elles aient vsurpé ce droit, les preuues s'en prennent plus pleines & exactes, pour verifier le titre, & qu'en icelle le temps immemorial ne soit suffisant, sinon qu'ils facent auentureusement apparoir des presentations, au moins de cinquante ans, lesquelles aient toutes eu effect. Que tous autres patronages s'entendent cassez & annullez, sauf toutesfois ceux de l'Empereur, des Rois, ou tenans Royaumes; & des autres Princes souuerains; & des Vniuersitez. Et outre, qu'il soit loisible à l'Euesque, de n'admettre ceux qui seront presentez par les Patrons; s'ils ne sont trouuez idoines & capables; & que les Patrons ne puissent aucunement s'ingerer en la perception des fruits, reueus, ou obuenions; &

1563.

que les droits de patronage ne puissent estre transferez à autres personnes, contre les constitutions & ordonnances Canoniques : & que les vnions des Benefices libres, avec ceux qui sont de droit de patronage cessent tout à fait, en cas qu'elles n'ayent sorty leur plein & entier effet, & incorporation ; & que tels Benefices soient reduits à liberté : & que les vnions faites des quarante ans, quoy qu'elles ayent eu leur perfection, soyent reueus & examinées par les Eueques en qualité de deleguez du Saint Siege : & que s'ils y trouuent quelques défaut d'obreption, ou subreption, elles soient annullées & que semblablement soient reueus & examinez tous les patronages acquis des quarante ans en ça, és Eglises, ou autres Benefices quelconques, pour supplement & accroissement de dotation, ou pour nouvelle construction & fabrique : & là où ils ne trouueront estre à l'euident auantage du Benefice, qu'ils soient reuocquez, restituant au patron, ce qu'il aura desbourfé pour cela. Le dixième, Qu'és Conciles Prouinciaux, & Diocesains, soit fait choix de quatre personnes au moins, ayans les qualitez requises & conuenables, ausquelles soient commises les causes Ecclesiastiques, qu'il escherra aux Legats, aux Nonces, ou mesmes au Saint Siege, de deleguer : & que les delegations adreesées à autres, s'entendent subreptices. L'onzième, Que les biens Ecclesiastiques ne puissent estre arrentez, prenant le payement par auance, au preiudice des successeurs. Et que les Iurisdicctions Ecclesiastiques ne puissent estre baillées à ferme, & que les fermiers ne les puissent exercer. Et que les baux à ferme des biens d'Eglise, quoy que ratifiés par le S. Siege, soient de nul effet, & cassez, lesquels ayans esté faits des trente ans en ça, pour longs termes, comme pour vingt-neuf, ou deux fois vingt-neuf ans, seront iugez par le Synode prouincial, ou par ceux qu'il deputera, auoir esté faits au preiudice de l'Eglise. Le douzième. Que ceux, qui sont obligez à payer dîmes, ou decimes, les ayant à payer completement : & que qui les retient, ou en soustrait partie, soit excommunié, & ne puisse estre absous, sinon apres la restitution faite. En outre le Concile exhorte vn chacun de faire part des biens, qu'il a receus de Dieu, aux Eueques & Curez, qui ont des pauvres Eglises. Le treizième, Qu'en tous lieux, esquels, auant quarante ans, la quarte, appelée des funerailles, auoit accoustumé d'estre payee à l'Eglise Cathedrale, ou Parochiale : & puis auoit esté appliquée à Monasteres, Hospitaux, ou autres lieux pitoyables ; icelle soit entièrement restituée ausdites Eglises, nonobstant toutes graces, & priuileges. Le quatorzième, Le Concile defend à tous les Clercs de tenir, dedans ou dehors leurs maisons, Concubines, ou autres femmes suspectes, & mal famees : & en cas, qu'apres la premiere admonition, ils ne s'en deportent, qu'ils soient priues du tiers des reuenus Ecclesiastiques : & si apres la seconde, ils perseuerent encor en leur mauuais train, qu'ils en soyent priuez de tous, & mesmes suspendus de l'administration des Benefices ; & si pour cela, ils ne se chastient point, ains persistent en leur delit, qu'ils soient priuez de tout Benefice, & inhabiles à en tenir aucun, iusques à ce qu'ils soient dispensez par leurs superieurs, apres vn manifeste amendement de vie. Mais, si apres les auoir quittées, ils retournent à semblable deshonneste accointance, ou avec les mesmes, ou avec autres, qu'ils soient en outre excommuniés, & que la connoissance de ces causes appartienne à l'Eueque sommairement. Mais que les Clercs non beneficiés, en tel cas, soient punis par l'Eueque, de prison, suspension ou inhabilité, ou par autres voyes portees par les Canons, selon la qualité du delit, & endurcissement en iceluy. Et que les Eueques mesmes, tombans en semblable faute, en cas qu'ils ne s'amendent, apres auoir esté admonnestez par le Synode Prouincial, soient suspendus, & si apres cela, ils continuent encor, qu'ils soient deferez au Pape. Le quinzième, Que les fils de Prestres, non procréés de legitime mariage, ne puissent auoir Benefice, ou ministration és Eglises, esquelles leurs peres ont eu, ou ont Benefice : & semblablement ne puissent auoir pensions assignées sur les Benefices, que leurs peres tiennent, ou ont tenus. Et si à present il se trouue que

le pere & le fils ayent vn Benefice en vne mesme Eglise, que le fils soit tenu de resigner le sien dans trois mois. Et que les resignations reciproques, faites par les peres à d'autres Clercs en faueur de leurs enfans, c'est à dire, afin que ceux là resignent à leurs enfans, soient interdites, comme faites en fraude de ce Decret. Le seizième, Que les Benefices ayans cure d'ames ne soient conuertis en simples: & qu'en ceux, qui desja par le passé y ont esté conuertis, en cas, que le Vicaire perpetuel n'ait reuenu suffisant, il y soit pourueu, à l'arbitrage del'Euesque. Le dix-septieme Le Concile blasme les Euesques, qui se deportent enuers les ministres des Rois, les Seigneurs & Barons, tant hors que dedans l'Eglise, avec vne vile & abiecte submission, non seulement leur cedant le premier rang, mais mesmes leur seruant en personne. Ce que le Concile detestant, renouelle tous les Canons & constitutions, concernant la bienfiance & grauité de la dignité Episcopale: & commande aux Euesques de s'abstenir de telles procedures, & actions, & d'auoir esgard à leur degré, tant dans l'Eglise que dehors; & se souuenir que par tout ils sont Peres & Pasteurs. Enjoignant suiuamment aux Princes, & à tous autres, qu'ils ayent à leur rendre l'honneur & reuerence due à Peres. Le dix-huitième, Que les sainct Canons soient indifferemment gardez de tous, & que nul n'en soit dispensé, sans meure connoissance de cause: & qu'en tel cas la dispense soit donnée gratuitement. Le dix-neufième, Que l'Empereur, Roy, ou autre Prince & Seigneur quelconque, lequel prestera place de combat pour aucun duel entre Chrestiens, soit excommunié, & priué de la seigneurie de la place, en laquelle se fera fait le duel, si icelle releue de l'Eglise: & si ces places sont feodales, qu'elles soient acquises aux Seigneurs directs: & que tant les combatans, que leurs parrains, soient excommuniéz, & leurs biens confisquez & eux infames à perpetuir: & en cas, qu'ils meurent en duel, qu'ils soient à jamais priuez de la sepulture Ecclesiastique. Que semblablement ceux, qui leur auront presté conseil, tant en droit, qu'en fait ou qui y auront induit aucun en quelque maniere que ce soit; & mesmes les regardans, & spectateurs, soyent excommuniéz, & enlancez des liens de perpetuelle malediction. Le vingtième Canon, qui fut leu, fut celui de la liberte Ecclesiastique, ou de la Reformation des Princes, tant & tant ventilé & examiné. En iceluy le Concile fait vne admonition aux Princes de leur deuoirs: assurant que comme Chrestiens & protecteurs de l'Eglise, non seulement ils permettront que les droits de l'Eglise luy soient restituez: mais aussi rameneront leurs suiets à la due reuerence enuers le Clergé, Curez, & Ordres superieurs: & ne souffriront que leurs Officiers, ou Magistrats inferieurs, violent l'immunité del'Eglise, & des personnes Ecclesiastiques: ains feront qu'ils soient, à leur exemple, obeyssans aux constitutions du Pape, & des Conciles. Et partant le Concile arreste, & commande, que tous les Canons des Conciles generaux, & Constitutions Apostoliques, faites en faueur des personnes Ecclesiastiques, & de la liberte del'Eglise, & contre les violateurs d'icelle, soient exactement obseruees de tous. Et admonesté l'Empereur, les Rois, les Republiques, & les Princes, & tous & vn chacun, de quelque condition & qualité qu'il soit, qu'ils ayent à venerer religieusement les choses, qui sont du droit de l'Eglise: sans souffrir qu'elles soient leseez ne violees par aucuns Barons. Gentils hommes, Gouverneurs ou autres Seigneurs temporels, ou Magistrats: & sur tout, par les ministres des Princes: ains procedent à rigoureuses punitions, contre quiconque empeschera la liberte, immunité & Iurisdiction de l'Eglise: & qu'à cela eux mesmes donnent bon exemple: afin, que chacun faisant ainsi diligemment son deuoir, le seruice de Dieu se puisse faire avec deuotion; & les Prelats, & autres Clercs, puissent sans empeschement, avec fruit & edification du peuple, demeurer paisiblement en leurs residences, & aupres de leurs charges. Apres cela fut leu vn Decret, dont il n'auoit esté parlé en aucune Congregation: par lequel le Concile declaroit, Qu'en tous les Decrets de Reformation, faits sous les Papes Paul, Jules, & Pie, sous quel-

ques clauses & termes que ce püst estre, s'entendoit tousiours sauue l'autorité du S. Siege.

A cause, qu'il estoit ia tard, le demeurant en put estre expedie en cette Session : dont, suiuant la deliberation prise en la Congregation generale, il fut differé au iour suiuant : auquel, quoy que la nouuelle fut ia arriuee, que le Pape se portoit mieux, & estoit hors de danger de la vie, la Congregation ne laissa pas de se tenir auant iour : & en icelle furent lus les Decrets touchant les Indulgences, la closture du Concile, & la demande de la confirmation d'iceluy au Pape ; lesquels furent approuuez de tous. Apres midy, fut tenuë la Session, en laquelle fut leu le Decret des Indulgences : lequel contenoit en substance, *Que* Christ a baillé pouuoir de les donner à l'Eglise : & qu'elle en a vſé de toute ancienneté. Et pourtant le Concile enseigne & commande, que l'vſage d'icelles soit continué, comme estant salutaire au peuple Chrestien, & approuué par les Conciles : & anathematizé quiconque dira, qu'icelles sont inutiles : ou, que l'Eglise n'a pouuoir de les donner. Et, pour garder les anciennes coustumes, & remediier aux abus ; le Concile commande, que toutes les deshonestes & induës marchandises pour les obtenir soient abolies. Et, quant aux autres abus, il enjoint aux Euesques, que chacun d'eux recueille tous ceux de son Eglise, & qu'il les propose au Synode Prouincial, pour les rapporter puis apres au Pape, lequel par son autorité & prudence, ordonne ce qui sera expedient pour l'Eglise vniuerselle. Et quant aux lufnes & distinctions des viandes, & à l'observation des festes, le Concile exhorte les Euesques de garder les ordonnances & commandemens de l'Eglise Romaine. Et quant à l'Indice des liures defendus : quoy que l'ouurage fust acheué, toutesfois, d'autant que le Concile ne pouuoit en iuger commodément & distinctement, il ordonne que tout ce que les deputés y ont fait & travaillé, soit porté & présenté au Pape, afin que, de son iugement & autorité, il soit terminé & publié. Et que le mesme soit fait du Catechisme, du Messel, & du Breuiare. Puis fut publié vn autre Decret que par les lieux & places assignees au Concile au Ambassadeurs, tant Ecclesiastiques, que Seculiers, ne s'entendist fait preiudice à aucun : ains que les droits, & prerogatiues de l'Empereur, des Rois, Princes, & Republicques, demeurassent en leur entier, & au mesme estat qu'elle estoient auant le Concile. Enfin fut leu encor vn Decret, par lequel, apres auoir inueſtiué contre Heretiques, & déclaré les diligences du Concile contre-eux, & la necessité de le clore, il exhorte, & admoneste les Princes à faire tout deuoir, à ce que les Decrets du Concile ne soient violez, ne depraués par les heretiques : ains que par eux, & par tous, ils soient religieusement receus, & fidelement gardez. *Que* si en la reception d'iceux, naist quelque difficulté, ou s'il se presente quelque chose, qui requiere declaration ou definition, le Concile, outre les remedes ordonnés par luy mesme. s'assure, que le Pape de Rome y pouruoirra, soit en appellant ceux qu'il iugera à propos pour traiter de ces matieres, des lieux mesmes, d'où les difficultez procederont : soit aussi en conuoquant Conciles generaux : ou par quelques autre plus conuenable voye.

Apres furent lus tous les Decrets, faits sous Paul, & Iules en ce Concile : tant en matiere de foy, que de Reformation. Et pour dernier Acte, le Secretaire du Concile, alla au milieu de la seance, & demanda aux Peres, s'il leur plaisoit *Que* le Concile fust clos & terminé : & qu'au nom d'iceluy, les Legats, & le President, demandassent au Pape Pie quatrième la confirmation de toutes les choses, arrestées sous Paul & Iules, & sous Sa Sainteté mesme ? A quoy fut respondu, non par suffrages vn à vn, mais d'une voix commune & generale acclamation, *Placet*, Le Cardinal Moron, comme premier President, octroya Indulgence pleniere à tous ceux qui s'estoient trouués au Concile, & à tous ceux qui estoient presens en cette Session : & benit le Concile, & les congedia tous, leur disant, *Qu'* apres auoir rendu graces à Dieu, ils s'en allassent en paix.

Les

Les Eglises Orientales auoient anciennement vne coustume de traiter les affaires du Concile en l'assemblée publique, en presence de tous : & selon que l'occasion s'en presentoit, il aduenoit souuent, qu'il s'y faisoit des acclamations populaires, & mesmes par fois tumultueuses, lesquelles puis apres se terminoient en bonne & sainte concorde. Et à la fin, les Euesques transportés de ioye, pour les vnanimes deliberations, qui auoient esté prises, s'escrioient en louange des Empereurs qui auoient conuoké & fauorisé le Concile ; & en recommandation de la doctrine qui y auoit esté declarée ; & en prières à Dieu pour la continuelle assistance de sa grace enuers l'Eglise, pour le salut des Empereurs, & pour la santé & prosperité des Euesques : & ces acclamations n'estoient point meditées ; ains, selon que l'Esprit pouuoit quelqu'un des bons Euesques à esclater en quelqu'une de ces conceptions à propos, la commune voix le suiuoit. Cecy fut aussi imité à Trente, non toutesfoi pour donner lieu à subit mouuement d'esprit d'aucun : mais ayant tout premier digéré, ce qui deuoit estre proposé & respondu, & lisant le tout couché par escrit. Le Cardinal de Lorraine prit la charge, non seulement d'estre le principal à composer les acclamations, mais mesmes de les entonner. Ce qui generalement fut pris pour vne legereté, & vanité, peu seante à vn si grand Prelat & Prince : attendu que cela appartenoit plustost aux Diacres du Concile, que non pas à vn Archeuesque, & Cardinal des principaux, tel qu'il estoit. En icelles donc, le Cardinal entonnant, & les Peres respondans, fut priée longue vie au Pape Pie ; &ernelle felicité à Paul, & à Iules. Apres, fut benite la memoire de Charles cinquième Empereur, & des autres Rois, qui auoient fauorisé & protégé ce Concile. Suiuamment fut prié longue vie à l'Empereur Ferdinand, Orthodoxe, & Pacifique : & à tous Rois, Republiques, & Princes de Chrestienté. Et aux Legats & Presidens, longue vie, avec action de graces. Semblablement aux Cardinaux & Ambassadeurs, longueur de iours avec grandes actions de graces. Et aux Euesques vie, & heureux retour à leurs Eglises. Et à tous prescheurs de verité, memoire perpetuelle : & au Senat Orthodoxe, longues années. Puis apres, par les mesmes acclamations, fut recommandée la foy du Saint & General Concile de Trente, comme estant la foy de Saint Pierre, & des Apostres, & des Peres & des Orthodoxes. Et pour closture, en vn seul mot fut prononcé Anatheme à tous les heretiques en general, sans specifier ny anciens, ny modernes. Apres ces acclamations, & Antiphones, il fut commandé, sous peine d'excommunication, à tous les peres, qu'auant que partir de Trente, ils eussent à signer de main propre les Decrets du Concile, ou à les approuuer par instrument public. A cela fut employé le jour ensuiuant, qui estoit le Dimanche : & pour le faire par bon ordre, fut tenue vne maniere de Congregation : & les signatures furent de quatre Legats, & deux Cardinaux, de trois Patriarches, de vingt-cinq Archeuesques, de deux cens soixante-huit Euesques, de sept Abbés, de trente-neuf Procureurs d'absens, de sept Generaux d'Ordres Reguliers. Et nonobstant qu'il eust esté arresté, que les Ambassadeurs signeroient apres les Peres, il fut lors pris vne resolution contraire, pour diuers esgard : dont l'un estoit, d'autant qu'en y ayant aucun Ambassadeur de France, quand on verroit les signatures des autres, & non celuy de France ; on croiroit que ce fust vne declaration, que les François ne receuoient point le Concile : l'autre estoit, pource que le Conte de Lune se faisoit entendre, qu'il ne signeroit point absolument, ains avec reserue : d'autant que le Roy, son Maistre, n'auoit point consenty à la closture du Concile. Les Legats publierent que la coustume ne portant pas, qu'aucun signent les Arrests, sauf ceux qui ont voix deliberatiue, ce seroit chose nouuelle & inusitée, que les Ambassadeurs signassent.

La Cour de Rome auoit esté en grand esmoy & confusion, lors que le Pape tomba malade, chacun apprehendant grandement sa mort : d'autant que n'ayant encoir iamais veu mort de Pape, pendant vn Concile ouuert, on redoutoit les euénemens : dont on auoit quelque exemple & eschantillon au ioy,

D d d d d

1563.
acclamations à la fin du Concile.

signature des Decrets.

de laquelle les Ambassadeurs de France, ne receuoient point.

trouble & deuil de Rome en 1563.

1563. Concile de Constance, lequel en l'élection d'un nouveau Pape, en lieu du déposé, adjoignit autres Prelats aux Cardinaux : & craignoit-on le semblable, & encor quelque chose de pis, à Trente. Et, combien que l'Ambassadeur Vargas, asseuraist quel'Ambassadeur & les Prelats Espagnols à Trente, auoient commission du Roy, que l'élection du Pape demeurast en tel cas aux Cardinaux : si est-ce, qu'attendu le petit nombre des Espagnols, ces paroles ne donnoient point de pleine confiance. Mais la ioye fut grande, quand on sceut l'amendement de la santé du Pape : car il sembloit à tous d'estre deliurés d'un grand danger : & cete ioye fut bien redoublée, lors qu'on entendit la fin & closture du Concile : pour laquelle le Pape ordonna vne solennelle procession, pour remercier Dieu d'un si grand bien-fait. Et en Consistoire il monstra le grand contentement qu'il en auoit : & dit, qu'il le vouloit confirmer, & y adiouster encor d'autres reformatiōs : & enuoyer trois Legats, l'un en Allemagne, l'autre en France, & le troisieme en Espagne, pour exhorter à mettre en execution les Decrets, & pour permettre les choses raisonnables, & relascher celles qui sont de droit positif.

pour la
closture du
Concile,

duquel le
Pape est
si ioyeux
par ses
Legats :
la Cour de
Rome est
triste de
cause de
la réfor-
mation,

deu le Pa-
pe depuis
des Car-
dinaux
pour adu-
ser s'il la
doit con-
firmer, en
quoy il y a
diuersité
d'avis,

Auant la feste de Noël, les Legats Moron & Simonete arriuerent à Rome : & le Pape voulut, en plusieurs audiences, entendre d'eux les particularités des choses qui s'estoient passées à Trente : & prit par memoire les noms des Prelats, qui auoient pris le plus de peine pour le Concile, afin de les faire Cardinaux. La Cour, entendant la resolution du Pape, porté à la confirmation du Concile, changea sa ioye en plaintes : tous les officiers faisans de grandes doleances, pour l'intérest & dommage qu'ils souffriroient en leurs offices, en cas que la Reformation du Concile fust effectuée. Et consideroient de plus, que les Decrets d'icelle estans conceus en termes generaux, & sans clauses de subtile explication ; toutesfois & quantes qu'il naistroit quelque difficulté, le monde, ia tout accoustumé à aboyer contre icelle Cour, leur donneroit tousiours interpretation contraire à leurs interests, laquelle seroit embrassée comme chose specieuse, & couuerte du beau manteau & titre de reformation. Ceux, qui auoient achetés les offices, & qui preuoient cete perte, presentent requeste & memoires au Pape, demandans desdammagement : ce que le Pape reputoit estre d'importance, & digne d'un bon remede & prouision, afin qu'il ne causast la desolation de Rome. Et, apres y auoir bien & meurement pensé, il deputa des Cardinaux à consulter sur la Confirmation, & à aduiler aux remedes, qu'on pourroit apporter aux doleances de la Cour. Aucuns Cardinaux conseilloyent de confirmer tout promptement les Decrets concernans la foy : mais de proceder lentement & meurement es autres : d'autant qu'il y en auoit, qui meritoient grande consideration pour le peu de fruit, & à l'opposite, pour la grande confusion qu'ils apporteroient : & d'autre aussi, desquels, pour l'impossibilité, ou grande difficulté à les mettre en pratique, on seroit souuent necessité de dispenser : ce qui, apres la confirmation, ne seroit point sans mesfiance, & sans donner à parler. Et qu'en outre, il estoit necessaire de bien considerer & peser la maniere qu'il faudroit suivre pour les mettre en execution, pour faire qu'ils ne portassent dommage ne preiudice à aucun : attendu que les reiglemens, qui sont avec le detrimēt d'autrui, ne meritent pas le nom de reformation : & que par un peu de delay, moyennant lequel on pourroit entendre les aduis de plusieurs autres, on pourroit apprendre ce qui se pouuoit faire, au commun contentement de tous : sans lequel, toutes les Reformatiōs se tornoient en difformations. Sur ces remonstrances, le Pape choisit huit Cardinaux, pour les reuoir : lesquels, apres un long examen, furent pour la pluspart d'avis, qu'il falloit les moderer tous, auant que les confirmer : & considerer que, puis qu'ils estoient suiets à recevoir de l'opposition, il valoit mieux la faire au commencement, que non pas de leur donner credit & reputation par la confirmation, & puis les vouloit moderer. Qu'il estoit tout certain, que ceux, qui auoient procuré le Concile, n'auoient visé à autre but, qu'à l'abaisement du S. Siege : & que,

pendant que le Concile auoit esté sus pied, tous auoient parlé, toime si le Concile auoit puissance d'imposer loy au Pape. Et pourtant, qu'à present il falloit demonstrier, en moderant & annullant aucuns des Decrets d'iceluy, qu'il appartient au Pape de donner loy aux Conciles, & non la recevoir d'eux.

Le Pape de soy-mesmes estoit enclin à la confirmation, & y estoit encor *mais en fit de plus fort induit par les persuasions des Cardinaux Moron, & Simonete: à la per-* mais estoit perplex, à cause des plaintes de la Cour, & de la generale opinion *suasion des deux Legats* de presque tous les Cardinaux. Et pourtant, pour venir à vne resolution finale, il appella, outre les dessusdits, les Cardinaux de la Bourdaisiere, François, & Amule, Venitien: ensemble les principaux officiers de la Chambre, de la Chancellerie, & de la Rote: & là, ayant mis l'affaire en deliberation, les quatre Cardinaux conseillerent vnanimement; que le Pape confirmast le Concile absolument. Le Cardinal Amule, es memoires duquel i'ay veu cete negotiation, dit, Que Sa Sainteté, par sa patience, prudence & vertu; avec despens immenses de luy; & traual, & coust tres-grand de tant de Prelats, auoit veu la fin d'vne grande & difficile entreprise, de conuoker, conduire, & clorre le Concile. Et qu'il y en auoit encor vne, mais sans difficulté, à sauoir, de garentir & soy, & le Siege Apostolic, & tout l'Ordre Ecclesiastic, du danger de retomber es mesmes difficultés, dangers, incommodités, & despens. Qu'il y auoit quarante ans, que le monde ne parloit d'autre, que du Concile: & que iamais il n'auoit esté au pouuoir des Papes de le diuertir; pour l'ancrée persuasion qu'auoit le monde de la necessité d'iceluy, & qu'il dult porter fruit. Si donc maintenant disoit-il, il n'est pas si tost acheué, qu'on parle desia de le corriger, ou moderer: ou, il est laissé en suspens par faute de confirmation Papale; ce sera autant que declarer tout ouuertement, qu'à Trente, il n'a point esté pourueu à ce qui estoit necessaire, & à ce qu'on attendoit: dont tout subit sera mise enieu quelque autre prouision, soit par le moyen de Conciles Nationaux, soit par vn autre General: ce qui relancera l'Eglise dans les mesmes angoisses, d'où elle a esté vne fois deliurée avec tant de peine & d'ahan. En lieu, qu'approuuant les Decrets du Concile, comme vne Reformation parfaite & accomplie, & les mettant en credit & reputations; & mesmes en execution en ce qui sera possible, vne grande partie sera persuadée, qu'il n'y defaut rien du tout. Et dit en suite, qu'il n'y auoit chose aucune plus vile pour les temps courans, que de semer & fomentier le bruit, que le Concile auoit fait vne sainte, necessaire & parfaite Reformation, sans laisser esuener qu'aucun Cardinal fist nul doute, que le Concile n'eust exploité ce, pourquoy il auoit esté conuoké: car ainsi faisant, disoit-il, l'humeur du monde se rassera & appaisera peu à peu, & Sa Sainteté pourra, par le moyen des dispenses, pouruoir à ses Ministres, & seruiteurs. sans violer les Decrets du Concile: veu qu'en iceux mesmes est reseruee l'autorité du Siege Apostolic. Et les mesmes Decrets luy seruiron de bouclier pour rabatre les demandes importunes de ceux, qu'il ne iugera dignes de grace. Et par ainsi, avec le temps, tout doucement & insensiblement, les affaires retourneront en leur premiere assiete, sans que le monde s'en apperçoie. Qu'autresfois on auoit tenu ce mesme style & procedure, lors que la necessité auoit contraint de ceder à ces humeurs, lesquelles ont accoustumé de naistre es luyers contre ceux qui gouvernent. Et que quand autres seroient quelque opposition à ces Decrets, si falloit-il que Sa Sainteté, pour la reputation d'vn si grand nombre de ses creatures, & de ses Legats, & la sienne propre, les soustinst: bien loin, que tous les autres se taisassent, elle mesme les dult totalement esgorger: attendu que toute moderation, correction, ou mesmes dilation à les confirmer, pour petite qu'elle fust, estoit vn coup mortel à tous. Joint que le vulgaire, qui prend tousiours les choses à contresens, ne sçaura que dire autre chose, sinon que la Cour de Rome, & le Pape ne veulent point de Reformation.

Les Officiers de la Cour, quasi tous, parlerent au contraire: representant

D d d d d ij

1563.

leurs dommages & preiudices : & montrans que le tout redonderoit à la leſion de Sa Sainteté, & du S. Siege, & à la diminution des reuenus d'iceluy. Il & de l'E. n'y eut que Hugues Boncompagne, Eueſque de Veſtice en la Pouille, lequel neſque de du depuis le Pape crea Cardinal, homme fort verſé au maniemēt des affaires de la Cour de Rome, qui dit, Qu'il s'esbahifſoit grandement de ces vaines apprehenſions. Qu'il falloir conſiderer, que, par cete confirmation du Concile, ne luy eſtoit baillée aucune autorité plus grande, que celle qu'auoit les autres Conciles generaux, & que celle qu'on auoit attribué au Decret, & Decretales : du grand nombre deſquels, & deſquelles, enſemble de leur expreſſe & formelle façon de parler contre les mœurs & couſtumes du temps preſent, on receuroit ſans ſin plus de preiudices, & de leſions, que de ce peu de Decrets de Trente, qui ſont conceus en termes fort reſeruez : n'eſtoit, que nulle loy ne giſt en paroles, mais en intelligence : & encores non en celle, que luy baille le vulgaire, ou les Grammairiens, ains en celle, que l'vſage & l'autorité confirme. Et que les loix n'ont autre vigueur, que celles qu'elles empruntent de ceux qui ont le gouuernement & administration d'icelles en main, & qui en ſont les executeurs : leſquels leur donnent vn ſens plus ample, ou plus reſtreſſé, voire meſme contraire quelques fois à ce que les paroles portent. Dont toutes les modifications & reſtriſtions, qu'on ſcaturroit à preſent faire és Decrets du Concile de Trente, ne feroient point d'autre effet, que celles que, nonobſtant l'abſoluë confirmation, ſe feront cy-apres par l'vſage, ou par expreſſe declaration és occasions. Et pour conſclusion, dit, qu'il ne pouuoit voir aucune difficulté à la confirmation. Mais bien aduertifſoit-il, que tout preſentement on obuiaſt aux inconueniens, qui pouuoient naiſtre par la temerité des Docteurs, leſquels, plus ils ſont ignorans de la maniere de gouuerner, & des neceſſités publiques, plus ils s'attribuent de pouuoir de donner interpretation aux loix ; ce qui ne fait que confondre le gouuernement public. Qu'on voyoit par experience, que les loix ne faiſoient point de mal, & ne cauſoient aucun procès, ſinon par les diuers ſens qui leur eſtoient donnés. Que, par la conſtitution du Pape Nicolas troiſième ſur la Reigle de S. François, aucun deſordre ne naiſt iamais ſur icelle, quoy que la matiere ſoit pleine d'ambiguités : mercy la deſenſe, que ce Pape a faite aux Gloſeurs & Commentateurs, de l'interpreter. Queſi, diſoit-il, on pouroit en la meſme façon aux Decrets de Trente, & qu'on deſende d'eſcrire ſur iceux, on aura obuie à vne grande partie du mal, qu'on apprehende. Mais, ſi encor outre cela, Sa Sainteté interdit toute interpretation, meſmes aux Iuges, & ordonne qu'en toutes perplexités & doutes, on recoure au S. Siege, pour en auoir l'interpretation, nul certes ne ſe pourra ſeruir du Concile au preiudice de la Cour de Rome : & on le pourra, par l'vſage, & par les declarations, accommoder à ce qui ſera au benefice & aduantage de l'Egliſe. Et Sa Sainteté, comme elle a vne Congregation, laquelle vaque aux affaires de l'Inquiſition avec beaucoup de fruit, pourra de meſmes en eſtablir vne autre ſur ce fait particulier, d'interpreter le Concile : à laquelle elle commandera que ſoient rapportés les doutes & difficultés de tous les endroits du monde. Ainſi faiſant, diſoit-il, ie preuoy, que non ſeulement par les Decrets du Concile ne ſera nullement amoindrie l'autorité du Saint Siege, ains les droits & prerogatiues de l'Egliſe Romaine en ſeront grandement accruës, & amplifiées, moyennant qu'on ſe ſçache bien ſeruir de ces moyens. Tous les aſſiſtans furent eſmus par la force de ces raiſons, & le Pape meſme ſentit bien la neceſſité, qu'il y auoit de venir à l'abſoluë confirmation, ſans aucune modification. Dont, eſtant tout perſuadé, qu'il en arriueroit ſelon que cet Eueſque repreſentoit, il ſe reſolut de n'ouir choſe aucune au contraire : ains de confirmer le Concile, s'en reſeruant l'interpretation, & deliberant d'eſtablir la Congregation portée par l'aduiſ de l'Eueſque de Veſtice : eſtant plein d'eſperances de recueillir de bons fruits des travaux qu'il auoit pris pour mener à fin le Concile. Et, ayant conſeré de cete ſienne penſée aux Cardinaux à part, il arreſta d'en venir à l'effet.

En suite de quoy, le vingt-sixième Decembre, les Cardinaux Moron & Simonete, en Consistoire, apres auoir exposé la teneur du Decret de la dernière Session, Qu'ils eussent à demander la confirmation au Pape; dirent, Qu'ils prioient Sa Sainteté, qu'il luy plust de confirmer tout ce, qui auoit esté decreté & desnyé en ce Concile-là, sous Paul, Iules, & Sa Sainteté mesmes. Sur quoy le Pape fit premierement lire le susdit Decret, & puis fit cou-^{1563.}rir les voix des Cardinaux. Tous furent conformes à dire, Que le Concile^{il se porte à la confirmation de vne Bulle ex-} fust confirmé: fauf les Cardinaux Saint Clement, & Alexandrin: lesquels^{presses} dirent, Que ce Concile auoit donné trop d'autorité aux Euesques, & qu'il estoit necessaire de le moderer, & faire tout presentement les exceptions des Articles, qui l'estendoient & amplifioient par trop, lesquels auoient desia esté remarqués. Mais le Pape conclut en fin, Qu'il estoit expedient de les confirmer tous, sans exception: ce qu'aussi il fit de paroles en Consistoire, en les confirmant, & commandant à tous fidelles, qu'ils eussent à les receuoir, & obseruer inuiolablement. Et puis le mesme iour il publia vne Bulle, signée de tous les Cardinaux, en laquelle d'entrée il exposoit les causes de la conuocation du Concile, & puis deduisoit le progrès d'iceluy, & les empeschemens & difficultés: lesquelles de temps en temps estoient venues à la trauerser: puis representoit ses diligences pour fauoriser la liberté du Concile, permettant mesmes, que des choses reseruees au Siege Apostolic, le Concile en ordonnast à sa volonté. Et rendoit graces à Dieu, qu'il eust esté terminé avec l'entier consentement de tous. Et pourtant dit, qu'ayant esté requis, au nom du Concile, d'en confermer les Decrets, & les reconnoissant tous Catholies, & utiles au peuple Chrestien; il les auoit confirmés en Consistoire: & les confirmoit encor de plus fort par le present Escrit: commandant à tous les Prelats de les faire obseruer: & exhortant l'Empereur, les Rois, Republicques, & Princes, d'assister de leur faueur les Prelats, en l'observation & execution d'iceux. Et de ne permettre, ains totalement defendre à leurs peuples de receuoir opinions contraires à la doctrine de ce Concile. Et, pour euitier confusion, il faisoit inhibitions & defenses expressees à tous de quelque qualité & condition qu'ils fussent, tant Cleres que Lais, qu'ils n'eussent à y faire aucuns commentaires, gloses, annotations, ny interpretations de quelque sorte que ce fust: ne faire sur iceux aucune ordonnance, ou statut, non pas mesmes sous pretexte de plus grande corroboration, ou execution des Decrets. Mais commandoit, que là, où il eſcherroit d'expliquer quelque passage obscur, ou de decider quelque difficulté, tous eussent à recourir au S. Siege: d'autant que luy mesmes se reseruoit de declarer les difficultés, & controuerſes: selon que le Concile mesme en auoit arresté.

L'Acte Consistorial de la confirmation, & cete Bulle, furent imprimés^{iugemens} ensemblement avec les Decrets: Ce qui donna suiet de discours: attendu^{sur cete} que par le contenu de l'Acte & de la Bulle, il paroissoit clairement, que les^{action au} Decrets n'auoient point leur force & vigueur, comme ordonnés par le Concile, mais seulement en vertu de la confirmation. Dont on disoit, Qu'un auoit veu & examiné la cause, & qu'un autre auoit donné la sentence. Et qu'on ne pouuoit point dire, que le Pape eust premier veu les Decrets, que de les auoir confirmés: attendu que, par l'Acte Consistorial, il apparoiſſoit qu'il n'auoit veu autre Decret, que celuy qui portoit de demander la confirmation. Qu'au moins à Trente on auoit fait lire les Decrets, faits sous Paul, & Iules: & qu'il appartenoit plustost de les confirmer à ceux qui les auoient ouïs, que non à celuy qui n'en auoit rien entendu. Mais autres respondoient, Qu'il n'estoit à besoin que le Pape les vist: attendu que chose quelconque n'auoit esté faite à Trente, qui n'eust premierement esté deliberée par le Pape. En plusieurs Consistoires suiuaus, le Pape parla du moyen de faire obseruer les Decrets du Concile, & dit, que luy mesmes les vouloit garder, ores qu'il n'y fust obligé: & donna parole de n'y derogier iamais, si non pour euidente & vrgente necessité, & avec le consentement des Cardi-

1563. naux. Et donna charge aux Cardinaux Moron, & Simonete, de prendre attentivement garde, si d'adventure il se proposoit ou traitoit en Concil提高 chose aucune contraire à iceux, & de l'en aduertir. Mais, c'estoit vn bien leger remede, pour obuier aux contrauentions: attendu que des concessions, qui se font à Rome, il n'y en a pas la centième partie, qui s'expedient en Concil提高. Il enuoya les Euesques à leurs residences, & arresta de se seruir au gouuernement de la ville de Rome, & del'Etat del'Eglise, des Protonotaires, & des Referendaires. Mais, quoy que le Pape, par la closture du Concil提高, se trouuaist deliuré de la grande fâcherie qu'il en auoit, il demeura pourtant en tous les Royaumes des restes & semences, dont pullulerent nouuelles difficultés.

mesconten- On eut aduis d'Espagne, que le Roy, auoit eu du desplaisir & ressentiment de la closture du Concile: & qu'il auoit deliberé d'assembler en sa presence les Euesques & Agens du Clergé d'Espagne, pour aduiser comment iceluy deuoit estre mis en execution. Et la nouuelle n'en fut pas fausse. Car, non seulement tout ce qui se fit en Espagne cette année-là, au Printemps & en l'Autonne, pour receuoir & executer les Decrets du Concile, fut fait par commission, & par deliberation prise au Conseil du Roy: mais mesmes aussi, le Roy enuoya ses Presidens aux Synodes qui se tinrent, y faisant proposer ce qui luy plaisoit, & qui venoit bien à ses affaires. De quoy le Pape auoit vn grand mescontentement, indigné que le Roy s'attribuast tant de pouuoir sur les choses Ecclesiastiques. Mais il n'en fit aucune demonstration avec les Ministres d'iceluy, à cause du dessein qu'il auoit de se seruir de cela en autre occasion.

mais sur- Et quant à la France, il faut sçauoir, que le President du Ferrier, pendant tout en France, pour plusieurs chefs, preiudicia- ble: Et quant à la France, il faut sçauoir, que le President du Ferrier, pendant son sejour à Venise, auoit fait plusieurs observations sur les Decrets des deux dernieres Sessions, tenuës apres son depart, lesquelles il auoit enuoyées à la Cour: dont le Cardinal de Lorraine, à son arriuée, eut beaucoup d'attaques & de reproches, d'auoir consenty à choses preiudiciables à la Couronne. On luy obiectoit, que, par les paroles du premier Canon de la Reformation generale, qui donnent au Pape, *solicitudinem Vniuersæ Ecclesiæ*, il auoit cédé le point, que luy mesmes, & tous les Euesques François, auoient par vn si long espace de temps debatue, & emporté, afin qu'aucun preiudice ne fust fait à la commune opinion tenuë en France, Que le Concile est par dessus le Pape. Qu'il auroit pu remedier à cela par vne seule parole, faisant qu'il fust dit, selon la phrase de Saint Paul, *solicitude de toutes les Eglises*: ce que nul n'auroit nié ne debatue, comme estant vn dire d'Apostre. Et en outre, qu'il auoit esté fait preiudice à la mesme opinion par le vingt-vnième Canon de la dernière Session, reseruant en tous les Decrets l'autorité du Siege Apostolic: & mesmes aussi par le dernier Decret, de demander la confirmation au Pape. On luy reprochoit aussi, que le Roy, & toute l'Eglise Gallicane, ayant fait grandes instances, à ce qu'il fust dit & déclaré, que cete tenuë du Concile estoit Indiction d'un nouueau Concile, & non Continuation, il auoit toutesfois esté dit au susdit vingt-vnième Canon, & au Decret de relire les choses arrestées sous les Papes Paul, & Iules, que ce n'estoit que continuation, & vn mesme Concile avec celuy, qui auoit esté tenu sous ces Papes. Et que, par son consentement, on auoit honteusement cédé tout ce que le Roy auoit debatue par l'espace de deux ans. On disoit aussi, que d'auoir approuué les choses faites & gerées sous Iules, estoit au des-honneur & preiudice de la protestation faite en ce temps-là, par le Roy Henry second. Mais sur tout on blasmait, que, veu que sous Paul & Iules, on auoit tousiours fait honorable mention en special du Roy François premier, & de Henry second, conjointement avec l'Empereur Charles cinquième; le Cardinal n'auoit moyené, qu'il fust fait mention des mesmes Rois es acclamations, esquelles on auoit bien nommé Charles cinquième: & semblablement que le Roy de France moderne auoit esté obmis, veu qu'on nommoit bien l'Empereur Ferdinand. Le Cardinal s'excusoit de tout le reste, disant, Qu'il n'auoit pu,

avec six Prelats, qui seuls estoient demeurés en sa compagnie, résister au consentement de plus de deux cens. Mais il ne se pouvoit iustificier de la dernière imputation : qu'on luy donnoit : quoy qu'il dist, qu'il l'auoit fait pour conseruer la paix entre les deux Royaumes : car on luy repliquoit, *Que* donc il pouvoit bien laisser la charge d'entonner ces acclamations à d'autres, sans estre luy mesme l'auteur de ce preiudice. Ainsi aduient-il souuent que les hommes vains, en lieu qu'ils croyent d'acquérir de la reputation en detail, la perdent en gros.

Mais les Conseillers au Parlement trouuerent bien plusieurs autres choses à redire és Canons de reformation, publiés en ces deux dernières Sessions. Car ils disoient, que l'autorité Ecclesiastique auoit esté eslargie hors de ses limites, avec breche & diminution de la temporelle : attendu qu'aux Euesques estoit donné pouuoir de proceder à peines pecuniaires, & à prises de corps contre les Lais. *Que* Christ n'auoit donné autre autorité à ses ministres, que purement & simplement spirituelle. *Que* du depuis, le Clergé estant deuenu membre & partie de l'Estat, les Princes auoient de grace permis aux Euesques de punir les Clercs inferieurs, de peines temporelles, pour faire que la discipline fust obseruée entr'eux. Mais que d'vsur de mesmes peines contre les Lais, ils n'en auoient le pouuoir, ne par loy diuine, ne par humaine : ains par pure vsurpation. Aussi trouuoient-ils à redire en ce qu'au Canon du Duel, le Concile pretendoit de commander à l'Empereur, aux Rois, & aux autres souuerains, qui le permettent en leurs terres : & ce, sous peine d'excommunication. Car ils tenoient, qu'en quelque cas ce n'est pas mal fait de permettre le Duel : comme à Rome, & ailleurs, sont bien tolerés les bordeaux, & autres delits ; lesquels, quoy que mauuais en soy, sont neantmoins permis pour euitier plus grands maux. Et que ce pouuoir, qui est naturel & propre aux Princes, comme leur estant donné de Dieu, ne leur pouuoit estre osté, ne limité, par aucune puissance humaine. Aussi estimoient-ils estre chose intolerable d'excommunier Rois, & Princes souuerains : selon la ferme maxime qu'on tient en France, que le Roy ne peut estre excommunié, ny mesmes les officiers Royaux, pour chose qui regarde l'exécution de leur charge. De plus ils disoient aussi, que de pruer les Princes de leurs estats, & les Seigneurs de leurs siefs, & de confisquer les biens aux particuliers, estoient toutes vsurpations de l'autorité temporelle : attendu que la puissance, que Christ a donnée à l'Eglise, ne s'estend point à choses de cete nature. Et sur le Canon des droits de patronage, ils disoient, *Qu'on* faisoit grand tort aux seculiers, de leur quereler ainsi leurs preuues & documens : & que tout ce Canon-là estoit fondé sur vne fausse Maxime, *Que* tous les Benefices sont libres, sinon qu'on verifie & face apparoir le Patronage. Car, à l'opposite, il est certain, que les Eglises n'ont aucuns biens temporels, sinon donnés par les Seculiers : lesquels il n'est à presumer, qu'ils les ayent voulu donner en forte, qu'ils pussent estre maniés & dissipés au gré des Ecclesiastiques : ains, qu'au commencement tous Benefices estoient Patronages, & faudroit les presupposer tous tels, faulx là, où on pourroit faire apparoir de donation pure & simple, avec totale cession du Patronage. Et comme la Communauté, ou le Prince, succedent aux espaués & biens vacans sans heritier ; ainsi tous les Benefices, qui ne sont de droit de patronage d'aucun particulier, deuroient estre sous le patronage public. Quelques vns aussi se mocquoient de cete façon de parler, que les Benefices sous patronage sont serfs, & les autres libres : comme s'il n'estoit pas tout euident, que la seruitude est bien plus grande à estre sous la disposition de la Cour de Rome, qui les manie contre leur institution, & fondation ; que non pas, sous le patronage des seculiers, qui les conseruent. Outre la Censure d'aucuns Decrets pour la susdite cause, ils adiuoistoient, qu'il y en auoit d'autres, qui estoient contre les coustumes & immunités de l'Eglise Gallicane : & disoient, que la reserue à la conoissance du Pape seul, es cause criminelles importantes contre les Euesques, estoit le pouuoir

1563.

qui appartient aux Conciles prouinciaux, & nationaux, qui auoient tousiours iugé en tous les cas de telles causes : & que de greuer lesdits Euesques, les tirant à plaider hors du Royaume, estoit contraire, non seulement aux vs & coustumes de France, mais mesmes aussi aux anciens Canons des Conciles, lesquels ont tousiours voulu, que les causes fussent iugées & terminées es propres lieux. Ils adioustoient aussi, que c'estoit contre le droit, & contre les coustumes de France, que les Benefices fussent chargés de pensions, ou de reserues de fruits, ainsi qu'obliquement il auoit esté déterminé. Et semblablement, qu'il n'estoit pas tolerable que les causes de premiere instance fussent tirées hors du Royaume, au preiudice & totale abolition d'une coustume tres-ancienne, confirmée par plusieurs ordonnances royales : & que l'exception, d'vrgente & raisonnable cause, ny remedioit point : attendu que l'experience de tout temps auoit monstré, que par ce pretexte, toutes les causes estoient attirées à Rome : & quiconque veut debatre si la cause est vrgente, ou raisonnable, s'engage en double despense & difficulté : veu qu'il est contraint de plaider à Rome mesmes, non seulement la cause principale, mais aussi cet Article, & accessoire. Aussi n'approuuoient-ils point en façon quelconque, qu'il fust permis aux Mendians de posseder fonds & biens immeubles : & disoient, Qu'ayans esté receus en France sous cete institution, il n'estoit pas raisonnable d'alterer leur condition : que c'estoit là vn artifice perpetuel de la Cour de Rome, pour embler aux seculiers leurs biens, & les tirer au Clergé, & de là à Rome : faisant d'entrée que les Moines acquerissent credit sous pretexte de vœu de pauvreté, comme n'ayans aucun but temporel, ains faisans tout par charité, au bien & seruice du peuple : & puis, apres qu'ils sont establis en la creance, les dispensant de leur vœu dont promptement & aisément leurs Monasteres deuiennent riches, & opulens, & delà sont baillés à commende : & en fin tout coule à la Cour de Rome. On contrerouloit aussi l'exhortation faite au douzième Canon à tous fidelles, de subuenir largement de leurs biens aux Euesques, & Curés : laquelle on aduoit bien estre bonne, en cas qu'iceux seruissent au peuple en ce qui est de leur deuoir, & qu'ils en eussent besoin. Que l'exhortation de Saint Paul porroit bien, Que celui qui est instruit, face part de ses biens à celui qui l'instruit : mais qu'elle n'a point de lieu, lors que celui, qui porte le nom de pasteur, vaque à toute autre chose, qu'à instruire le peuple. Et de tant plus qu'au temps passé les biens Ecclesiastiques estoient employés à la nourriture des pauures, & au rachat des esclaves Chrestiens : pour lesquelles causes on vendoit, non seulement les fonds, mais mesmes aussi les paremens de l'Eglise, & les vaisseaux sacrés : ce qui en ces derniers temps auoit esté interdit, sinon avec l'approbation du Pape : dont le Clergé s'estoit infiniment enrichy. Que iadis, en la Loy Mosaique, Dieu auoit donné les dixmes aux Leuites, qui estoient la treizième partie du peuple, avec inhibitions d'acquerir autre chose de plus. Mais le Clergé, qui n'estoit pas la cinquième partie, auoit meshui acquis, non la dixme, mais le quart, & tousiours continuoit à acquerir, y employant outre ce plusieurs artifices, & pratiques induës. Et que Moyse, ayant conuié le peuple à offrir pour la fabrique du Tabernacle, lors qu'il vid qu'on auoit offert suffisamment, defendit de la part de Dieu, que rien ne fust offert d'auantage : mais icy il n'y a point de borne, sinon lors qu'ils auront tiré tout sous leurs mains, si tant est que le monde continuë en sa lechergie, & brutale stupidité. Qu'il est bien vray, qu'il y a des Prestres, & des Religieux, pauures : mais que cela aduient, d'autant qu'il y en a, qui sont excessiuelement riches : & qu'un departement egal les rendroit tous abondamment aisés & opulens. Mais encor, laissant toutes ces considerations tant euidentés à part, si le Concile exhortoit simplement le peuple à subuenir aux Euesques & Curés pauures, en leurs necessités, la chose sembleroit tolerable : mais, de dire, de les subuenir, afin qu'ils puissent soustenir leur dignité, c'est à dire, leur fast, & luxe, c'est auoir perdu toute honneste. Bien est vray, qu'en eschange il y a vn Decret au dix-huitième Canon,

en

en faueur du peuple, que les dispenses soient données gratuitement: mais puis que le formel & precis commandement de Christ n'en auoit peu exprimer l'obseruation, il n'estoit pas à esperer, que ce Decret püst faire plus grand œuvre.

Toutes ces choses estoient reprochées au Cardinal de Lorraine, auquel on imputoit de les auoir autorisées par sa presence, contre l'expres commandement, que luy en auoit fait le Roy, par ses lettres du vingt-huitième Aoust, desquelles a esté parlé cy-dessus. À quoy le Cardinal ne rendoit aucune response, sinon qu'en la Congregation du dixième Nouembre, lors que furent lus les Decrets, qui deuoient estre publiez en la Session de l'onzième du mesme mois, on auoit reserué les droits & l'autorité du Roy de France, & les priuileges de l'Eglise Gallicane. Mais Pibrac repliquoit, Que son Colleague, & luy, auoient fait toute diligence, pour auoir copie de ce Decret, & ne l'auoient iamais pu auoir: & qu'es affaires humains autant estoit, n'apparoir point, que n'estre point. Ioint que cette reserue ne pouuoit seruir aux choses, publiees en la dernière Session. Mais ce n'estoit rien de ce qu'on disoit au Conseil du Roy, & au Parlement, sur le Concile au prix de ce que les Euesques, & les Theologiens, & mesmes leurs seruiteurs, & domestics, recitoient par vne liberté Françoisse, à toute occasion: representans, par derisions & manieres de raillerie, les dissensions, & les debats entre les Peres; & les brigues & interets, par lesquels fut traité l'affaire de la Reformation, quoy que les plus familiers du Card. de Lorraine encherissoient par dessus tous les autres. Et mesmes il couroit vn bruit par la France, que le Concile de Trente estoit bien de plus grande autorité, que celuy des Apostres: car en lieu que les Apostres auoient dit, Il a semblé au Saint Esprit, & à nous les Peres de Trente auoient simplement dit, Il a semblé à nous, sans que le S. Esprit y eust aucune part.

En Allemagne, les Decrets de Reformation n'estoient en aucune consideration ny enuers les Catholics, ny enuers les Protestans, lesquels, examinoient seulement la matiere de la foy, & disoient, Que de faire d'une seule parole, dite incidemment, en parlant de la Messe, Qu'icelle sert aux trespassez, laquelle peut mesmes receuoir diuers sens; vne definition d'un Article formé, & en ce sens la rapporter au Decret du Purgatoire, n'estoit pas de l'usage des Conciles; & sur tout de celuy-cy, aussi les matieres estoient espluchées par le menu: & auquel, de toute question, qui pouuoit estre agitée en quelque maniere, estoit fait Article de foy. Mais, que d'auoir enjoint aux Euesques de faire enseigner la saine doctrine du Purgatoire, sans declarer quelle elle est, monstroient bien la grande haste qu'auoient eu les Peres de partir de Trente, laquelle apparoissoit encor plus grande au Decret, touchant les Saints, ayant condamné onze Articles, tout d'une haleine, & en vne seule periode, sans specifier le specce de condamnation, si c'estoit d'heresie, ou d'autre qualite: & en celuy des Images, auquel, apres vn long discours d'icelle, estoit anathematisé quiconque parle au contraire de ces Decrets, sans marquer expressément, ausquels se rapporte ledit Anatheme, aux prochainement precedans qui parlent des Images, ou bien à tous les autres. Mais on parla bien des Indulgences, plus que de nulle autre chose, disant, Qu'elles auoient occasionné la presente diuision entre les Chrestiens, & que pour icelles principalement auoit esté conuocé le Concile, & qu'en cette matiere il n'y a aucune partie, qui ne soit contentieuse & incertaine, mesmes entre les Scholastics: & cependant le Concile auoit passé le tout sous silence, sans declarer chose aucune des points doureux & contentieux: & mesmes en ce qui concerne le remede aux abus, auoit parlé en termes ambigus, par lesquels on ne peut bonnement discerner ce qui est approuué, & ce qui est reprouué: disant seulement, qu'il y desire vne moderation conformement à l'ancienne coustume, approuuée en l'Eglise. Car c'est chose certaine, & tellement notoire qu'on ne la peut dissimuler, ne celer que en toute l'Eglise Orientale, de quelque nation

Eccc

du le Cardinal de Lorraine est fort en coulpe.

et tout le Concile maqué en France,

en Allemagne la Reformation du Concile est mesprisee, & la doctrine censurée en diuers points,

1563.

que ce soit, il n'y a iamais eu, ny és premiers temps, ny en ceux d'apres, aucun vſage des Indulgences de ſorte quelconque. Et en l'Egliſe Occidentale, ſi par ancienne couſtume doit eſtre entendu la pratique de l'Egliſe auant Vrbain deuxième, aſſauoir, iuſques à l'an de Grace mil quatre vingts quinze, on ne peut ne dire, n'auerer qu'aucunes Indulgences ayent eſté en vſage. Que ſi auſſi on entend par cette couſtume l'vſage d'icelles, introduit dès ce temps-là, iuſques à l'an de Grace mil trois cens, on trouuera qu'iceluy eſtoit fort retenu, & qu'elles n'eſtoient données que pour la liberation des peines impoſées par le Confeſſeur. Et apres ce temps-là, on peut voir, par le Concile de Vienne, les abus, qui ſe gliſſoient en cette matiere, leſquels iuſques au temps de Leon dixieme s'accrurent à l'infini. Et partant, que ſi le Concile deſiroit de voir eſtablir l'ancienne couſtume approuuée en l'Egliſe, il deuoit ſpecifier en quelle Egliſe, & en quel temps. Et ſur ces paroles, que le trop de facilité en l'oſtrois des Indulgences, enruoit la diſcipline Eccleſiaſtique, ils diſoient qu'elles portoient vn maniſte aduieu & conſeſſion, qu'elles n'appartiennent donc point à la conſcience, ny ne deliurent aucunement enuers Dieu, ains regardent ſeulement l'exterieur, qui eſt la diſcipline Eccleſiaſtique. Quant à la diſtinction des viandes, & aux Iuſnes, ils diſoient, Que c'eſtoit bien fait de les commander: mais que le Concile n'auoit pas décidé ce, dont le monde s'eſtoit tant plaint, aſſauoir, qu'on pretendoit en faire vne obligation de conſcience. Pour ces cauſes & autres, les Princes Proteſtans d'Allemagne ne firent aucun eſtat de ce Concile. Il n'y eut que quelques Miniſtres de la Conſeſſion d'Augsbourg, & meſmes en petit nombre, qui publierent vne proteſtation à l'encontre, de laquelle on ne fit point grande eſtime. Mais les Catholiques d'Allemagne ne penſoient point aux dogmes du Purgatoire, & des Indulgences: & tandoient ſeulement à obtenir la Communion du Calice, le Mariage des Preſtres, & la relaxation de la multiplicité des commandemens de droit poſſitif, és iuſnes, feſtes, & autres telles choſes.

L'Empereur & le Duc de Bauiere demandent au Pape le calice & le mariage des Preſtres.

L'Empereur, & le Duc de Bauieres, deſiroient qu'ils fuſſent contentez, & en firent inſtance enuers le Pape, par leurs lettres. Celles de l'Empereur eſtoient en date du quatorzieme Feurier de l'an mil cinq cens ſoixante quatre: & portoient, Que, pendant que le Concile auoit eſté ſur pied, il s'eſtoit employé de tout ſon pouuoir, pour obtenir la Conceſſion du Calice, non pour ſes intereſts particuliers, ne pour aucun ſcrupule de conſcience qu'il en euſt: mais d'autant qu'il auoit cru, & croyoit encores, qu'elle eſtoit neceſſaire, pour ramener à l'Egliſe les deſuoyez. Qu'il auoit alors patiemment porté les empeschemens, qui auoient eſté entreiettez, & s'eſtoit contenté d'en traiter avec les principaux Prelats & Princes de l'Empire: avec leſquels en ayant conſéré, pour ſcauoir ſ'il eſtoit expedient d'en faire nouuelle poursuite, ils auoient trouué bon, qu'il en traitaſt de nouueau avec ſa Sainteté. Et pourtant, que ſe ſouenant de ce que les Cardinaux Moron, & de Lorraine, luy auoient fait dire, dont le Nonce Eueſque de Leſine l'auoit raſſeuré de plus fort au nom de ſa Sainteté, il n'auoit voulu differer d'auantage à luy demander cette grace, ſans entrer derechef à la deduction des grandes & vrgentes cauſes qui le mouuoient: & prioit inſtamment le Pape de vouloir preſter ce bon ſecours à la nation Allemande, à laquelle tous les Catholiques prudens iugeoient ladite conceſſion deuoir eſtre de grande vtilité & benefice. Adiouſtant auſſi que pour conſeruer les reſidus de la Religion Catholique en l'Empire, & pour en extirper les heresies, il importerait beaucoup de permettre que les Preſtres, leſquels, pour ſe pouoir marier, ſe ſont ſeparez de l'Egliſe, puſſent eſtre receus à la paix d'icelle, en retenant leurs femmes: & qu'à l'aduenir, les endroits eſquels n'y a Preſtres à ſuffiſance, fuſſent admis au miniſtere de l'Egliſe hommes mariez de bonne vie, & renommée. De quoy il le prioit, tant en ſon nom, qu'en celui du Duc de Bauieres ſon gendre: l'affeurant qu'il feroit en cela vn œuure digne de ſa pieté, & à luy tresagréable.

Le contenu des lettres du Duc de Bauieres estoit, Que desia par plusieurs fois il auoit escript à sa Sainteté, & luy auoit représenté le miserable estat de l'Allemagne au fait de la Religion: & qu'il auoit tousiours esperé qu'il ne feroit pas tenu longuement en attente du remede. Mais que, ne le voyant encores appliqué iusques alors, il s'estoit ioint à la Maiesté Imperiale, & aux Electeurs Ecclesiastiques, pour le supplier tous ensemblément d'oïroyer à l'Archeuesque de Saltsbourg de pouuoir dispenser les Prestres Catholiques d'administrer le Calice aux consez, & contrits, croyans les autres Articles de la Religion: laquelle concession satisferoit à ses suiets demeurans en ses Estats & aussi à ceux qui sortent hors de ses terres, pour chercher qui le leur administre. Que pour luy il se contentera tousiours d'une espee, & ne forcera iamais à l'usage du Calice ceux, qui comme luy, se contenteront de la seule espee du pain, pour lesquels aussi il ne demande rien: mais bien luy semble-il conuenable au Vicaire de Christ, d'auoir pitié aussi des autres. Il pria aussi sa Sainteté de permettre au moins pour quelque temps, que les Prestres mariez pussent estre receus à la paix de l'Eglise, en retenant leurs femmes: & mesmes qu'on en pust ordonner & consacrer des mariez.

A ces lettres estoit adioustée vne Remonstrance, ou Consideration com-
posée par les Theologiens Catholiques d'Allemagne, qui portoit, Que c'est
chose euidente que la Sainte Escriure du Viel & du Nouveau Testament
permet le mariage aux Prestres: attendu que les Apostres, fors peut estre,
quelque peu, auoient esté mariés: & ne se trouue point que Christ, apres la
vocation, les ait fait separer d'avec leurs femmes. Qu'en l'Eglise primitive,
tant Orientale qu'Occidentale, les mariages des Prestres auoient esté libres
& licites, iusques au Pape Calixte. Que les loix ciuiles ne condamnent nul-
lement le mariage des Clercs. Qu'il eût bien vray, que le Celibat au Clergé
est meilleur & plus desirable. Mais qu'à cause de la fragilité de la nature, &
de la difficulté de garder continence, il s'en trouue fort peu, qui ne sentent
les aiguillons de la chair. Et pourtant Eusebe raconte, que Denis le Co-
rinthien admonnesta Quintus Euesque, d'auoir esgard à la foiblesse de la
plus grand part, & à ne mettre le ioug du Celibat sur les freres. Et
que conformément à cela, Paphnuce auoit persuadé aux Peres du Con-
cile de Nicée de n'imposer aucun loy du Celibat, disant, Que l'usage de la
femme propre est chasteté. Et que semblablement le sixieme Concile de
Constantinople n'auoit defendu l'accointance des femmes aux Prestres; si-
non au temps qu'ils deuoient offrir. Que, si iamais il y eut cause de per-
mettre le mariage aux Prestres, c'estoit en ce siecle. Que de cinquante Prestres
Catholiques, à peine s'en trouue-il vn seul, qui ne soit notoire paillard. Que
ce ne sont pas tant les Prestres, qui desirent le mariage que les Seculiers,
pour ne voir plus cette infameté de vie: & que mesmes les patrons des Egli-
ses ne vouloient plus bailler les Benefices à autres qu'à hommes mariez. Que
la seule defense du mariage estoit cause de la grande disette des Ministres.
Que pour cette mesme raison l'Eglise auoit autres fois relasché la feuerité
des Canons. Que le Pape auoit bien iadis confirmé vn Euesque en Sarago-
ce ayant femme & enfans: & vn Diacre bigame: & auoit commis le Sacre-
ment de la Confirmation à de simples Prestres par faute d'Euesque. Que
pour ces causes, & pieça, & maintenant encor, plusieurs Catholiques trouuoient
meilleur de dispenser de la loy de continence, & laisser en liberté le mariage
que non pas, en retenant cette loy, donner entree à vn infame Celibat. Sur
tout, que le Cardinal Panormitain tient, que le Celibat n'est point de la sub-
stance des saincts Ordres, ne de droit diuin. Que ce seroit pour le salut des
ames d'oïroyer le mariage: & qu'il y en auoit des exemples de l'Eglise an-
cien au Concile d'Ancyre; & en Adam, & Eupsyche de Cesarée, Prestres
mariez. Qu'il est hors de doute, que le Pape en peut dispenser les Prestres
seculiers: ce que quelques vns estendent aux Reguliers. Qu'il semble bien
absurde de n'admettre Clercs mariés, & cependant tolerer les paillards. Et
que de vouloir debouter les vns & les autres estoit vouloir demeurer sans

Ecccc ij

ministres. Et au fort, si on vouloit roidir au vœu de la chasteté, il ne faudroit ordonner que des vieillards. Que la raison n'estoit pas bonne de s'amordre au Celibat, pour conseruer les biens Ecclesiastiques: veu qu'il n'est pas raisonnable de faire si grande perte d'ames pour sauuer biens temporels, loint qu'on y pourroit pouruoir par autre voye. Et que si cela se faisoit, le Concubinage seroit banny de l'Eglise, & le scandale qui en offense plusieurs seroit osté.

Le Pape, sur ces remonstrances, estoit d'aduis de conuoyer à Rome des personages de pieté & de scauoir, de toutes les nations, pour traiter de ce point meurement: & en auoit ia parlé avec les Ambassadeurs residens aupres de soy, quand le Cardinal Simonete l'en dissuada: luy remonstrant, que ce seroit vne espee de Concile: & que s'il en venoit de France, d'Espagne, d'Allemagne & d'ailleurs, ils porteroient intelligences & instructions des Princes, & se gouverneroient & parleroient selon les interets d'iceux: & quand sa Sainteté se voudroit desfaire d'eux, & les congédier, elle ne le pourroit point faire à son bon plaisir: & aussi, si elle ne suiuoit leurs aduis, les Princes en receuroient du mescontentement. Qu'il se souuinst des faibleries qu'il auoit souffert pour le Concile, & ne se mist plus en semblables hazards. Le Pape approuua ce conseil, comme sincere, & vtile: & quittant la pensee d'amasser d'ailleurs des personages pour cet effet, il depute sur cét affaire dix-neuf Cardinaux, auxquels il bailla charge d'examiner diligemment l'Ecrit venu d'Allemagne.

Le douzième Mars de l'an mil cinq cens soixante-quatre, le Pape fit la promotion de dix-neuf Cardinaux, principalement afin de recompenser ceux qui s'estoient vertueusement employez au Concile, & sur tout au benefice du Saint Siege: & en icelle fut résolu de n'admettre aucun de ceux, qui auoient tenu la Residence des Euesques, & leur Iurisdiction, estre de droit diuin: nonobstant qu'ils eussent les qualitez, lesquelles, à l'ordinaire, eussent bien merité cet honneur. Et ne se retint point de descourir cette siene pensee à toutes sortes de personnes, & à toutes occasions. Entre les créés furent Marc Anthoine Colonne, Archeuesque de Trente: Louys Pisani, Euesque de Padoue: Marc Anthoine Bode, Euesque d'Osse: Hugues Boncompagne, Euesque de Vestice: Alexandre Sforce, Euesque de Parme: Simon Pasque, Euesque de Serrezane: Charles Visconte, Euesque de Ventimile: François Abonde, Euesque de Bobio: Guy Ferrier, Euesque de Vercel: Iean François Commendon, Euesque de Zante: & Gabriel Paleot, Auditeur de Rote: lesquels auoient tous fait grand deuoir au Concile pour le seruice de sa Sainteté. Il adiusta à ceux-là Zacharie Dauphin, Venitien, Euesque de Lesme: lequel, estant Nonce aupres de l'Empereur, n'auoit pas moins trauaillé à mettre fin au Concile, que les autres à Trente.

TABLE DES MATIERES PRINCIPALES.

A			
Age des Clercs	693.	Anathematizations requises es Conciles	747
Abdissi Patriarche d'Orient	573	pourquoy omises à Trente	ibid.
Acclamations du Concile	765	Angleterre se separe du Pape, & pourquoy, 61	
Adrien élu Pape	17 & 18	Angleterre sous Edouard prend la Religion	
ses desseins sur le fait de Luther & des In-		reformee 273. retourne au Pape sous Ma-	
dulgentes & autres abus	19	rie 356. reformee par Elizabeth	384.
fait grandes instances contre Luther à la Diete		Annates octroyees par l'Allemagne pour la	
de Noremberg 23 meurt	27	guerre contre le Turc, & les abus commis en	
Albigois ou Vaudois	5	cela 25 examinées à Trente	671. 675
Ambass. de l'Empereur au Concile Diego de		Anne du Bourg executé pour Religion	388
Mendoza & François de Toledé	100. 137	Apologie de Charles contre le Pape Clem. 36	
Ambassadeur de France Pierre Danes	166	Apologie de Du Ferrier,	726
Ambass. de l'Empereur au second Concile de		Appel au Concile defendu par deux Papes	9
Trente	293	Appel au Concile par les Colonois	38
Ambass. du Roy des Romains au mesme	294	Appellations examinées	309
Ambass. de France Jacques Amiot	ibid.	Archevesque de Cologne reforme son diocèse	
Ambass. de Brandenbourg	317	& est adiourné par l'Empereur	111
Ambass. de Wirtemberg	329	& cité par compétence par le Pape	112
Ambass. de Strasbourg & d'autres villes, 334		excommunie & deporté par le Pape.	147
Ambass. de Saxe 336. & leur graue harangue,		demeure encor en son Estat par aduen de	
341		l'Empereur 147 de possédé par l'Empereur	
Ambass. de Portugal	348	238	
Ambass. de l'Empereur en la troisieme conuo-		Archevesque de Toledé Barthelemi Carranza	
cation	442. 443	prisonnier en l'Inquisition	387. 703
Ambass. de Portugal	443	Archevesques ne sont qu'un nom vain	714
Ambass. du Roy d'Espagne	454	Articles qui se font au Conclaué auant l'ele-	
Ambass. du Duc de Florence	454	ction du Pape,	64
Ambass. des Suisses	ibid.	Articles iurez au Concile par celuy qui doit	
Ambass. du Clergé de Hongrie	455	estre Pape	276
Ambass. de Venise	467	Articles de l'Empereur pour le Concile	630
Ambass. de France	475	Anignon courtié par les François	425
Ambass. de Bavières	494	Autriche requiert la Reformation	368
Ambass. de Pologne	579		
Ambass. de Sauoye	619	B	
Ambass. d'Espagne Conte de Lune	663.	An de Charles V. contre l'Electeur de Saxe	
Ambass. de France Birague	669	& le Landgraue	181
Ambass. du Duc de Florence		Baptême & son examen	212. 221
Ambass. de Malte	713.	Baruc son liure disputé au Concile	137
Ambass. au Concile ne peuvent traiter qu'avec		Basle introduit la Reformation	41
les Legats	518	Bataille de S. Quentin	377
Ambassade du Roy des Romains à Rome, & sa		Bataille de Dreux	606
difficulté sur la confirmation & obeysance		Baviere requiert reformation	369
du Roy	677	Berne reçoit la Reformation	41
Ambassadeurs de France se retirent du Con-		Benefices, leur origine, abus & pluralité	157
cile	730.	230. 715.	
Anabaptisme interdit sur peines capitales en		Benefices de Residence, & de non residence	196
Allemagne	43	compatibles & incompatibles;	229
		Union des Benefices	230
		Detret sur la pluralité des Benefices	739

T A B L E

Biens d'Eglise & leur consideration	543
Alienation de Biens d'Eglise refusée par le Pape aux François 668. faite par autorité Royale	744
Biens d'Eglise ne doiuent estre donnés aux parens	759
Biens d'Eglise excessifs	772
Brauade de l'Ambassadeur de l'Empereur contre vn Legat du Pape	182
Bref secret de suspension du Concile	100
Brigues des Legats au Concile	578
Brigues des Tapaux du Concile	617
Bulle de conuocation du Concile par Paul 3.	70
Bulle de Legation & sa forme 99. corrigée, & donné plein pouuoir aux Legats	100
C Achet du Concile disputé	130
Caietan Cardinal effarouche Luther	7
Canonistes & leurs blasphemés du Pape	168
Carasses despossez par leur oncle le Pape	379
Cardinaux quand estoient	551
Cardinaux, & leur reformation examinée	140
Cardinaux & leur reformation	480. 690
decret sur icelle	737
Cardinal de Rochester decapité en Anglet.	66
Cardinal Contarin Legat à la Diete de Regensbourg 84. suspect de Lutheranisme	89
Cardinaux cretés, ne peuvent entreuenir au lieu public auant qu'auoir eue le chapeau de Rome	125
Cardinal Simia crée par Jules III.	277
Cardinal de Lorraine se veut faire Patriarche en France, 566. ialousie contre luy 654. arrive à Trente 586. procede ambiguement, 593. 602. laisse les pensées du Concile, pour les politiques 601. change ses desseins par la mort de son frere 638. mesprise au Concile 674. va à Rome 717. compose & entonne les acclamations du Concile 765. chargé en France de ses conuincences au preiudice du Roy & de l'Eglise	770. 773
Cardinal de Bourbonse veut marier	637
Cardinal de Chastillon cité à Rome par l'Inquisition 649. se marie au mespris du Pape, 718. est depose par le Pape	718
Cardinal Legat de Mantouë meurt	635
Cardinal Legat Seripande meurt	643
Cardinaux cretés en recompense du Concile	776
Carres/esuez	322
Catechisme du Concile de Trente	732
Cent griefs des Allemans contre la Cour de Rome	26
Ceremonies de la Messe diuerses en diuers lieux	514
Ceremoniaux au Concile remis au Pape	752
764	
Seritute de la Grace examinée	185

Chancelier de l'Hospital taxé d'heresie	423
Chapitres & Eueques d'Espagne en differend	748
Charactere & Sacrements examiné,	218. 556
Charles V. couronné à Bologne	47
pourchasse de faire l'Empire hereditaire, & en est empesché	355
quatre le gouvernement	375
Dessein d'ambition en Charles V. sur les affaires de la Religion	270
Clement VII. élu Pape & ses desseins sur les affaires de la Religion 28 se ligue avec le Roy François contre l'Empereur Charles	34
se reuint avec l'Empereur,	42
Clement VII. bastard, monte au Pape par Simonie 38 se ioint au Roy de France	60
meurt	64
Colloque de Poissi	420
Colonnaire en armes contre le Pape Clement, excommunié par luy, appelle au Concile	38
Commendés de Benefices & leur origine & abus	229. 470
Commende prodigieuse de Clement VII.	330
Communion sous vne espèce, & ses fondemens 300. Calice demandé en France 425. consulté à Rome & contredit	426
Communion du Calice requise par les François, par l'Empereur & par Banieres	497. 774
abhorree par le Roy d'Espagne	517
commune en l'Antiquité 499. contredite par les Espagnols 524. Decret sur icelle	503
Communion du Calice debatue à Trente	480
486. 524. remise au Pape	534
Conception de la Vierge Marie en dispute entre Cordeliers & Iacopins	157. 162
origine de cette controuerse	ibid.
Communions des petis enfans examinés, 492. 505	
Concile de Trente, & ses effets en general p. 1.	
Introduction & usages des Conciles	3
Conciles generaux premiers 4. posterieurs 4	
Concile desiré pour diuers esgards	16
ses causes vraies	354
Concile reiecté par le Pape Clement	32. 38
pourquoy	45
Concile desiré par Paul III.	64
Le but de Charles V. au Concile	70
Concile conuocqué à Vicence	76
Concile intimé à Trente par Paul	89
Premiere assemblee de Concile à Trente	92
rompue	93
Competence de la Conuocation du Concile entre l'Empereur & le Pape	98
Seconde assemblee à Trente	99
Concile conuocqué pour trois causes,	116
Reglement des singularitez du Concile, requis du Pape	133
Conciles anciens de deux sortes, conuocquez	

T A B L E

par consentement des Euesques, ou par l'autorité du Magistrat, & leur maniere de proceder	121. 222
Conciles nouveaux, & qu'elle autorité le Pape y a prise	122
Concile transféré à Bologne, comment & pourquoy	237. 244.
remis à Trente par Jules III. 320. & suspendu pour la guerre de Maurice de Saxe	349
surfus par l'espace de dix ans	354
lieu d'iceluy grandement considerable pour le Pape	395.
remis sus par Pie IV. & pourquoy	395. 401. 419.
& le signifie aux Ambassadeurs	386
Concile différé par Pie IV. pourquoy	402
conuogué en fin par luy	404
Concile secret dans le Concile	617
Conditions du Concile requises par les Allemands	601
Corruptions du Pape au Concile	617
Concile National demandé par les Protestans, & reieté par les Romanistes	87
164	
Conciles nationaux reprouuez par le Pape, toutesfois grandement utiles	374
Concile de Baste accusé & defendu	531
Conclauistes & l'abus de leurs priuileges	520
Concubinaires & decrets sur iceux	736
Concubinaires Clercs	762
Concubines des Prestres suiettes à la Cour Ecclesiastique	74
Conference d'Augsbouurg 50 de Haguenau	82
transférée à Wormes	83
rompue & pourquoy	44
Conference à Regensbourg	84
Conference de Wormes rompue	378
Confessions d'Augsbouurg	42
Confession de foy representée à inter aux Ecclesiastiques & Magistrats à elire	686
Confirmation, Sacrements examiné	22. ibid.
Confirmation du Concile par le Pape debatue,	748
disputée & conclue à Rome	766
Congregations distinguées des Sessions pourquoy ordonnées	123. 451
establie à Trente	123
Congregations de trois sortes	149
Coniuration pour Religion en France	321
Conseruateurs & leurs abus	327
Conspiration à Genes	202
Conté d'Anignon troublé pour la Religion	399.
Conuoitise, si elle est peché apres le Baptisme	159. 165
Conuoitise double	159
Costume du Cierge porté par les Communiens à Rome	305

D. Danemarck reçoit la reformation	76
Decrets de Doctine, & Canons distinguez	193. 194.
Decrets de foy, & decret de reformation differens au nombre de voix	590
Degradations, leur origine & abus	311
Denier de S. Pierre en Angleterre	364
Diete de Noremberg celebre, & les negotiations du Pape en icelle	22
Diete celebre de Regensbourg	84
Differend entre Luther & Zuingle, surquoy fondé, & comment accru	44
Conference de Marpourg sur iceluy sans fruit	45
Difficultez principales du Concile	645
Dispenses Papales examinees	233
Dispenses & leur consideration	544. 675
Divorces & leur examen	628. 699. 771
Dispenses du Pape iusques où s'estendent	619
631. contredites	633 668
Dispenses aux Moines & à leurs vaux	637
Duc d'Albre fait la guerre au Pape	375
Duc de Guise tué	638
Duc de Mantoue refuse sa ville pour le Concile	73
Duels & leur Decret	763
E.	
Ecclesiastiques si capables de tenir charges seculieres	458
Ecclesiastiques seulement vsuaires & dispensateurs des biens d'Eglise	726. 727. 754
Ecolampade meurt	54
Edit de Charles V. contre la Religion protestante 51. mesprisé & inutile	53
Edit du Roy François contre la Religion reformée	21
Edit en France en faueur des Reformez	417
Edit de Iuillet	ibid.
Edit de Ianuier & son occasion	437. 438
Edition de la Bible, voyez Translation.	
Edouard VI. Roy d'Angleterre reforme son Royaume	238
meurt	ibid.
Eglise & son autorité mise pour fondement de la foy	135
Elections Ecclesiastiques, avec le suffrage du peuple & des Laiz	551
Elections des Euesques examinees	650
Election des plus dignes disputée & terminée	714
Electeur de Saxe protestant assiste à la Messe de l'Empereur	
Elizabeth Roynie d'Angleterre reforme l'Angleterre	381
ibid.	
Empereur Aduocat de l'Eglise	103. 110
Entreneue du Pape Clement 7 & de l'Empereur Charles à Bologne	45

T A B L E.

Entreeue du Pape & du Roy François à Mar-	Exemptions, mystere d'estat de Rome	151
seille	Exemptions des Abbez & autres d'où procé-	200.
Entreeue du Pape, de l'Empereur & du Roy	dees	
de France à Nice de Prouence	Excellatiues condamnées	716
Entreeue de Charles V. & du Pape, à Lu-	Extrême-Ocasion examinée	373
ques	F.	
Entreeue de Charles V. & de Paul III. à Bu-	Ferdinand Empereur querelle en son ele-	
set	ction par Paul IV.	380
Entreeue des Guisars & des Protestans	reconcilié par Tiel.	380
Entreeue des Cardinaux de Lorraine & de	Fils de Prestres & leur decret	763
Ferrare	Foy & son examen	175
Entreeue de l'Empereur & du Cardinal de	Foy priuee & Catholique	186
Lorraine	Franc Arbitre examiné	187
Entreeue du Pape & du Cardinal de Lorraine	François I. meurt	247
719	François II. meurt	406
Escripture sainte, & examen sur icelle	François & Espagnols au Concile en quoy s'ac-	
sens de l'Escripture, & son interpretation, com-	cordent, en quoy discordent	599
ment reiglé	François moquer au Concile, 600 se desgou-	
abus de l'Escripture	stent & se partent du Concile	658. 710
Ecosse prend la Religion reformée	perdent toute esperance du Concile	668
chasse la Romaine	G	
420	Geneue reçoit la Reformation	41
Estats d'Orleans	Geneue proposée par le Roy François	
406	pour tenir le Concile	61
leurs ordonnances	Geneue, guerre contre icelle sollicitée par le	
Ecclesiastiques	Pape	323
411	Grace examinée	172
Euesques titulaires & portatifs & leur abus	Grace suffisante & efficace	189
326. 461. 671.	Groper Allemand refuse le Cardinalai	368
Euesques & leur institution diuine, fondement	Guerre de Religion suscitée par le Pape, pour	
de toute bonne Reformation	rompre le propos du Concile	103
552. 561	sollicitée avec promesse de secours	107
Episcopat, institution Ecclesiastique	acceptée par l'Empereur	107
les deux propres actions	declaire	
557	contre les Protestans	165. 169
Episcopat de droit diuin, opinion abhorree à	Guerre ouuerte	183
Rome	Guerre contre l'Empereur & le Roy Henry	
166. 571. 606. soustenue par les Es-	pour Oclau Farnese	288
pagnols	Guerre du Duc de Sauoye contre les Vallées	
567	391 pacifiée	415
Episcopat & son autorité limitée par arrest du	H.	
Pape	Henry VIII. Roy d'Angleterre escrit contre	
603	Luther, & obtient du Pape le titre	
Euesques pretendent de haussier leur autorité	de Defenseur de la foy	19
151. 198. 211. 712. contredits en cela par	se separe du Pape 61. public vn manifeste	
les gens du Pape.	contre l'intimation du Concile faite par le	
311	Pape Paul III.	74. 76
Euesques deleguez du Siege Romain	est excommunié par luy	77. maintient la do-
311. 469	ctrine Romaine en son Royaume	81
Euesques & leurs qualitez examinees	meurt	21
239	Henry II. Roy de France persecute les Prote-	
Euesques en grand nombre, qui n'ont iamais	stants	275.
estudié les saintes Escriptures	rompt avec le Pape pour le fais	
726	de Parme 200. defend transport d'argent	
Euesques nouveaux establis es pais bas	à Rome pour causer beneficieles	297
384	meurt	386
Euesques Italiens en grand nombre au Concile	Hierarchie & son examen	553. 560
pour contrebuter ceux des autres nations	en quoy consiste	555.
432. 437. 473. 589.	Hospitalaux & leur decret	761
Euesques François citez par l'inquisition à		
Rome		
649. condamnés		
731 protegez par		
le Roy		
746		
Eucharistie examinée		
292		
Examen des matieres à Trente, & son ordre		
134		
Executions à mort de cinquante mil hommes		
pour religion es pays bas		
383		
Executions pour religion en Espagne		
387		
Excommunication & son decret		
760		
Excommunication de Princes souverains re-		
ietée en France		
771		

TABLE

Anglois & Papistes, deus factions contraires en France

417

I.

Iean Friderich Eleſteur le Saxe, deſait & pris par Charles V. 250 refuse le Concile & l'Interim 30. 272 est deliuré de prison 351

Iefuite Eſpagnol, & ſon outrecuidance au Colloque de Poiſſy 423

Iefuite Lainez ſauoriſt es Concile 676

Iefuites s' emancipent caſteleuſement 752

Iefuites petulans au Concile 509

Images condamnées en France 442 leur decret au Concile 756

Immunité Eccleſiaſtique 729 765

Impoſition des mains 557

Imprimeurs & impreſſons reiglez 144

Imputation de la Iuſſite de Chriſt examinee 180

Indice des livres deſendus 752. 764

Indulgences employées par Leon X. pour auoir argent 15. originede cetyſage 16 diuerſes opinions des Indulgences 7. Leon X. les autorise par vne Bulle 8. elles eſmeuents auſſi Zuingle en Suisse 9. decretees au Concile 751. 764. inconnues à l'Eglise ancienne 774

Intention des Sacremens examinee 219

Interim, ſes cauſes & contenu 267 reieté par les Proteſtans 240. reſuſt par commandement du Pape 273. aboly 332

Inquiſition porte aēs troubles à Naples au pays bas 277. à Milan 709

Irlande erigee en royaume par le Pape 364

Iubilé pour la guerre contre les Proteſtans 180

Iubilé ſous le Pape Iules III. 276

Iules II. Pape & ſes procedures 4

Iules III. elu Pape 276. ſon naturel, ibid. conſulte & arreſte le reſtaſſement du Concile à Trente 277. meurt 362

Iuriſdiction Epiſcopale, ſon origine & abus 305. Eccleſiaſtique toute attribuee au Pape de Rome 573. 580

Iuſtification examinee 172. 179

L.

Langue vulgaire au ſernice, & ſa conſideration 542

Leçons de la parole de Dieu debatues entre les Moines & les Eueſques 149. 153. 165

Legats au I. Concile de Trente & leurs naturels 100. ont vne communication ſecrete avec Rome, 101

Legats & Nonces au Concile du Iules III. 287

Legats au Concile de Pie IV. 413. 415. 420. 430

Legats en diſcorde 451. appointez 506

Legats nouveaux au Concile 618

Legat de Ferrare en France, & ſa negociation & traouerſes 423

Leon X. fait Tapes, & ſon naturel meurt 17

Lettres appellees Formees 464

Liberté de Religion baillée par Charles V. 56

Liberté au Concile toute bridee 150

Liberté du Concile empeſchee par trois cauſes 641

Ligue du Tape & de l'Empeur contre les Proteſtans 169

Liure de Concorde fait à Regensbourg 85

Liures Canoniques & Apocryphes, & leur roole 336

Liures deſendus & diſcours là deſſus 438

Decrets ſur cela 450

Luther s'oppose aux queſteurs & preſcheurs d'Indulgences 6. à l'autorité abſolue du Pape 7. eſt cité à Rome, & traite avec Caietan 7. appelle du Pape 9. paſſe à impugner autres Articles 10. luy & ſa doctrine condamnée par vne Bulle du Pape, Leon 10. fait bruler la Bulle & les Decretales 12 comparoit en Diete à Vornes 12 eſt proſcrit par l'Empeur Charles 13

meurt 132

M.

Magdebourg reſuſe l'Interim & eſt miſe au ban de l'Empire, 272

Mariage examine 346. 621

Mariages ſecrets & leur examen 615. 699

Mariages clandestins & leur Decret 735

Mariage des ſils de famille 616. 706

empeſchemens des mariages examinez & corrigez 700

Mariages forcez deſendus 701

Mariage, ſi peut eſtre annulé par l'Egliſe 707

Decret du mariage 714

Mariage des Preſtres examine 616. 699

ſes conſequences dangereuſes à la Cour de Rome 636

Mariage des Preſtres requis au Pape par l'Empeur & le Duc de Bauieres 774

fondé ſur raiſons 775

Mariage inceſtueux traité en Eſpagne 642

Marie Reyne d'Angleterre 356 change la Religion, & eſpoſe Philippe Prince d'Eſpagne 357

meurt 381

Marie Royne de Hongrie, ſœur de Charles V. ſuſpecte au Pape 82

Matteau II. elu Pape 362 meurt 363

Martinuſe Eueſque de Varadin, & puis Cardinal aſſaſſiné par les Autrichiens 346

Maximilien, Roy de Bobeme panche à la Reformation 396. 399: elu Roy des Romains 601

Medicis chaffe de Florente 40

f. iij.

TABLE.

Melanthon à la Conférence de Wörmes	83	Tasquinades de Rome pour/uiries au Concile	
à celle de Regensbourg	85	143	
Mercuriale de Paris	384	Tattonage & son acret	762. contrerolé
Merite de congruité condamné	178	en France	771
Messe examinée	433. 508. 510. 520	Paul 3. fait Pape	54. desire d'attirer la Du- ché de Milan en /ma/ison 77. 92. escon- duit par l'Empereur 95. se joint au Roy de France 93. e/strit un Bref bien aspre à l'Em- pereur 95. traiteuet l'Empereur de don- ner à son fils Taine & Plaisance 107 infeode Parme & Plaisance à son fils bastard 114. ombrige du Concile & pour- quoy 116. meurt 125
Messiers honnestes anciennement permis aux Ecclesiastiques	460	Paul 4. cret Pape	53. son naturel 364 365. le ligue avec le Roy Henry 11. veut un Concile à Rome 391. meurt 368
Ministres de l'Eglise, & leurs diuers degrez en l'Eglise ancienne	196	Pecché origintel & son examen	114
Ministre secret & affidé du Pape à Trente	484	Penitence examinée	120
Moines, soüillen du Papat	152	Pensions sur les Eueschez censurées	137
Moines ennemis de l'autorité Episcopale	577	Pensions sur les benefices	715
Moines ne veulent estre suiets aux Euesques	712	Pensionnaires du Pape au Concile	476
Moines & leur reformation	750. 757	Persecution de Merindol & Cabrières	167
Moines, & leurs abusives procedures, pour attraper biens	750	Philippe Landgrau de Hesse, Chef des pro- testans, se rend à Charles V. & est fait pri- sonnier 250. est deluré 352	
Moines employez par le Pape au travail des fortifications	772	Pie 4. élu Pape	388
Mombryn en armes au Contat	375	Pierre Louys. Duc de plaisance, meurtry	628
Mozarabe quoy	322	Polygamie & son examen	98
	514	Pragmatique sanction demandée en France	129
N.		Pratique pour desunir & miner les protestans.	464
Noms des Papes changez, & pourquoy	362	Prebendes & leur origine & abus	120
Notaires & leurs recompenses	463	Predestination examinée	149. 151. 153. 166
O.		Predications debattues entre les Moines & les Euesques	149. 151. 153. 166
Oeuvres & leur examen	174. 177	Prelats Allemans portent le papat & pour- quoy	267
Ordre, Sacrement, & son examen	356.	Preparations à la Grace examinées	172
550 son Decret	691	Preseance entre l'Ambass. de l'Empereur & le Cardinal Madruce	442. & par dessus tous autres /aus/ les Legats 105
P.		Preseance des Euesques d'Allemagne Primées sur les autres Prelats 106 de Ferrate & Florence 413. des Cardinaux & des Princes du sang en France 418. des Tre- lats, selon leurs promotions, disputée 434	
Pays bas, la Religion reformee y fait pro- grez	414	Preseance de Bavières & de Venise	470
Pays de Cresp entre l'Empereur & le Roy de France	97	de Hongrie & de Portugal 410 des Iesuites & des autres ordres 519 de l'Amb. d'Es- pagne & de ceux de France 195	
Paix de Religion faite à Tassan	351	Preseance entre les Prelats François & Es- pagnols	621
confirmée en Diete	365. 381	Preseance de France & d'Espagne disputée avec protestations reciproques 663. 681	
Paix de Paul IV. avec le Duc d'Alme	377	debatue à Rome, & comment vuidée par le Pape 668. de l'Ambassadeur de Mal- te & des Euesques 714	
Paix d'Orleans en France domageable aux Huguenots, & desagreable au Pape	651		
657			
Paillardise des/bordee du Clergé	495		
Palatinat reformé	332. 362		
Pape ne peut s'obliger ny estre obligé	368		
Pape ne veut que son election soit reiglee au Concile	367		
Pape comment veut estre qualifié & reconnu au Concile	613		
Parme & Plaisance infeodees au fils du Pape	114		
Parentage spirituel & son examen & abus	700. son decret 716. degrez de paren- tage pour les mariages examinez 701.		
Paroisses leur origine & diuisions	467		

TABLE.

Preséance entre Ecclesiastiques doit estre ingée par l'Euesque	759
Procurer's interdits en Concile par le Pape 104. 116. 623. 650.	
Procurer's de l'Archeuesque de Mayence reueurs avec difficulté	109
Procurer's de Pologne refusés	432
Proposer au Concile, droit réservé aux seuls Legats, & pourquoy 436. 437. debattu par les Espagnols 436. 675. 678. improuué par le Roy d'Espagne 470. 717. 728. appointé	733
Protestans ainsi appelez dès leur protestation en la Diete de Spire 44. refusent tous le Concile de Pie IV.	409
Protestation de l'Empereur contre la translation du Concile à Bologne, faite à Bologne, 258. 259. puis à Rome	260.
Protestation de Henry II. contre le Concile II. de Trente,	295.
Protestation conserue le lieu aux Protestans & empesche l'action	297
Protestation contre le Pape Pie IV.	683
Protestation de du Ferrier, Ambassadeur de France, contre la reformation des Princes 722. aduouée par le Roy	744
Purgatoire examiné sommairement decreté	749

Q

Questeurs, & leur meschant train interdits de prescher	19
leur origine, abus, & abolition 471. 505.	

R

Reformation du Clergé d'Allemagne, faite par le Legat Campegge, acceptée par quelques Princes 30 de la Cour de Rome par Paul III.	75
Reformation prestée par les Imperialistes au Concile 127. trauessee par les Legats 128. en fin est coniointe aux dogmes 130.	
Reformation enuoyée par le Pape	200
Reformation du Clergé faite par l'Emp.	273
Reformation ingée vile au Papat par le Pape Marceau 362. entreprise par Paul IV. 369. par Pie IV.	473.
Reformation des Princes & Lays, secretes de Paul IV. 372. & de Pie IV.	473
478. 580 proposée par l'Imper.	481
Reformation friuole de Pie IV.	329
Reformation proposée par les François	610
Reformations des Reguliers à Trente	712
Reformation des Princes 720 protestée par les Ambass. de France 722. contreditée par tous les autres 730. modifiée	763
deux grands preiugez contre la Reformation 50 doctrine Reformée preschée en Italie	42
Reformation du Concile odieuse à Rome	766

deux Articles de Reformation	473
Reiglement des Congregations des Theologiens 299. 324. 507.	
Reiglement donné par le Pape à ses Legats	146
Reserues mentales condamnées	716
Residence des Prelats premierement proposée 111. discours de l'auteur sur icelle	196
Residence de droit diuin 198. 211. 467. selon la doctrine du Card. Caietan	457
Residence decretée 205. maux prouenant de l'omission d'icelle 226. traitée au III. Concile 455. 467. alarme la Cour de Rome 471. consultée à Rome	413
traitee de rechef 583. 603. prouuée estre de droit diuin 643. decretée & comment	692
Residence de droit diuin ruine du Papat	237
Conséquences de la Residence de droit diuin 605. 666.	
Reuenus de l'Eglise ont quatre sources	22
Remission des sermons & harangues à faire au Concile	277
Roy de France patron & fondateur de presque toutes les Eglises de son Royaume	723
Roy de Nauarre favorise la religion reformée 406. abus de esperances	408
Roy de Nauarre meurt	600
Roine de Nauarre citée par le Pape	731
protégée par le Roy de France	745
Rome surprise par les Colonnais, qui sont repoussez 38. prise & saccagée par Bourbon	40
Royaumes de Hongrie & de Bobeme, pretendus siests de Rome	678

S

Sacremens : disputé à Paris sur la verité	99
Sacremens & leur examen	212
leur nombre 213. leur verité	214
Sacremens administrez gratuitement, & disputé là dessus	224
Sauf conduit du Concile aux Protestans	316
reconnu captieux 319. refusé par les protestans 319. une autre forme est debatue & accordée	330. 340
Sauf conduit aux Protestans en la troisieme conuocation	451
Saints & leur seruice examiné briement 750. decret là dessus	756
Secretaire du Concile infidèle	619. 672
Sedition à Naples pour l'Inquisition	251
Sermon de l'Euesque de Bitonte à l'ouverture du Concile, scandaleux	118
Seruet bruslé à Geneue	360
Seruitude du Concile par les commandemens de Rome	468. 471. 476. 650.

TABLE.

<i>Sessions distingüees des Congregations sont</i>		<i>apres sa mort en Angleterre,</i>	80
<i>Une pure ceremonie</i>	123. 620	<i>Thomas d' Aquin pourquoy exalté & canonisé</i>	
<i>Session premiere & ses ceremonies</i>	116		165
<i>Session deuxiesme</i>	125	<i>Treſor des merites en l' Eglise</i>	6
<i>Session troisieme</i>	131	<i>Titre du Concile, sur la representation de l' E-</i>	
<i>Session quatriesme</i>	144	<i>glise debatue</i>	124. 126. 450.
<i>Session cinquieme</i>	163	<i>Titre de promotion, & de patrimoine exami-</i>	
<i>Session sixiesme</i>	241	<i>né</i>	459
<i>Session premiere de Bologne</i>	248	<i>Titre, quoy anciennement</i>	ibid.
<i>Session seconde de Bologne</i>	251	<i>Traistres Espagnols & François au Concile,</i>	
<i>Session premiere de la seconde venue du Con-</i>		<i>593. 650</i>	
<i>cile à Trente</i>	289	<i>Traditions examinées</i>	134
<i>Session deuxiesme</i>	293	<i>Translation Latine de la Bible disputee</i>	176
<i>Session troisieme</i>	314	<i>Translations de la Bible diverses en l' Eglise</i>	
<i>Session quatriesme</i>	331	<i>ancienne</i>	138
<i>Session cinquieme</i>	343	<i>Translation de S. Ierosme & la vieille Latine</i>	
<i>Session sixiesme</i>	349	<i>ensemble en l' usage de l' Eglise</i>	138
<i>Session premiere de la troisieme reprise du</i>		<i>Translation vulgaire compoſee de ces deux</i>	
<i>Concile</i>	436	<i>140. authentique 141. corrigee</i>	142
<i>Session deuxiesme</i>	450	<i>sa correction surſiſe par le Pape</i>	150
<i>Session troisieme</i>	415	<i>Translation vulgaire reconnue vitiueſe</i>	186
<i>Session quatriesme</i>	479	<i>Transubſtantiation debatue</i>	303
<i>Session cinquieme</i>	503	<i>Trente nommé pour le Concile</i>	90
<i>Session sixiesme</i>	536	<i>Tumulte des Eueſques à Trente</i>	580
<i>Session septiesme</i>	690	<i>Tumulte en Bauiere pour la Religion</i>	671
<i>Session huitiesme</i>	733		
<i>Session neuſiesme</i>	755	V <i>Enitlens reſuſens Vicence pour la tenue du</i>	
<i>ſiége Apoſtolique, que c' eſt ſelon le ſens ancien</i>		<i>Concile</i>	89
<i>& ſelon le moderne</i>	298	<i>Vergere Nonce en Allemagne 66 traite avec</i>	
<i>Signature d' Ambaſſadeurs omiſe, & pour-</i>		<i>Luther. 67 qui le rembarre puiſſamment</i>	
<i>quoy</i>	765		68
<i>Simon Sultatan Patriarche d' Orient vient à</i>		<i>Vergere en la Conference de Fromes, Agenci</i>	
<i>Rome</i>		<i>de France</i>	84
<i>Simonie debatue à Rome</i>	370	<i>Vergere n' eſt receu au Concile, & embrasse la</i>	
<i>Simonie examinee</i>	461	<i>Religion proteſtante</i>	138
<i>Straſbourg reſçoit la Reformation</i>	41	<i>Veste mens des Prelats reiglez, pour n' eſtre</i>	
<i>Suffrages par nations & leur origine</i>	112	<i>changez en ſeculiers hors des ceremonies</i>	119
<i>Suffrages par nations repreneuz par le Pape</i>		<i>Veste mens des gens d' Eglises reiglez</i>	312
<i>119. 120. 430. 704.</i>		<i>Viſtoire de Charles V. ſur les Proteſtans</i>	250
<i>Suiſſes reſuſent d' aller au Concile</i>	319	<i>Viſites des Archeueſques</i>	707
<i>Suiſſes captez par le Pape</i>	147. 169. 290	<i>Vnion d' Eglises deſendue</i>	319
<i>Synodes diocelains & prouinciaux tenus en</i>		<i>Vſurpation & artifice notable de Rome</i>	317
<i>Allemagne</i>	273		
<i>Synode des reformez à Paris</i>	385		
	T.		
T <i>Anquerel condamné à Paris pour des The-</i>		Z <i>ingele s' oppoſe aux Indulgentes à Zurich</i>	
<i>ſes contre l' authorité des Rois</i>	431	<i>9 inuocline conſte le Celibaz & concu-</i>	
<i>Testament, ſi l' Eglise y a pouuoir</i>	465	<i>binage des Preſtres, & condamne autres</i>	
<i>Thomas de Cantimberi condamné & execute</i>		<i>abus & points de doctrine</i>	15
		<i>Zuingle meurt en bataille</i>	54
		<i>Zurich reſçoit la reformation</i>	16

F I N.

Chez HENRY DE COURBET, à saint Jean
Chrysostome, sur le Quay des Augustins,
proche le Pont Saint Michel.

M. DCCXII.

Avec Approbation, & Privilège du Roy.

3 #

